



*Arnoldi Vinnii ... In quatuor libros
Institutionum Imperialium ...*

Arnoldus Vinnius, Tournes





2-V



UNIVERSIDAD COMPLUTENSE



5324691996



34 (37)

2-V



UNIVERSIDAD COMPLUTENSE



5324691996



34(37)

2-V



UNIVERSIDAD COMPLUTENSE



5324691996



D53245



ARNOLDI VINNII J

A
292

IN QUATUOR LIBROS.

INSTITUTIONUM IMPERIALIUM COMMENTARIUS

ACADEMICUS, ET FORENSIS,

JO. GOTTL. HEINECCIUS JC.

Recensuit, & Præfationem Notulasque adjecit.

EDITIO NOVISSIMA

Correcta secundum Indicem Expurgatorium Hisp. an. 1747.

cui accedunt ejusdem VINNII

QUÆSTIONES JURIS SELECTÆ:

Cum Indicibus locupletissimis.

TOMUS PRIMUS



CUM LICENTIA REGII ET SUPREMI CONSILII.

VALENTIÆ:

Apud Benedictum Monfort, anno M. DCC. LXVII.

619399269



May 1911

37


16

3

~~34(37)~~

34(37) (no 97)

Y 65 a



MANUEL MONTORI, F.

EXCELLENTISSIMO
AC NOBILISSIMO DOMINO
D. PETRO PAULO
DE ABARCA ET BOLEA,
XIMENIO DE URREA,
ALAGONI, PONCIO MENDOZIO,
BOURNONVILIO, ET ERILIO,
BERMUDEZIO CASTRIO, BARDAXIO, OTOORNIO,
PEREZIO ALMAZANIO,
FERNANDEZIO DE HEREDIA ET HIIAR,
CASTRIO, ARAGONIO,
ZAPATAE, XIMENIO GALLOZIO,
PORTUGALIO, NAVARI / FO,
COMITI ARANDE,
ET CASTELLI-FLORIDI; MAR-
chioni Turrium, Villanti & Rupiti; Vice-
comiti Ruedae, Viotae & Iochi; Baroni
Gavini, Sietami, Clamofae, Eripolii, Traf-
mozii, Matae Castelli-Veteris, Antillonii,
Almoldae, Cortefii, Iorbac, S.Genifii, Re-
bouilleti, Orcavi, ac S. Columbae Farne-
fii; Alcalateni Dynastae, Vallis Rodella-
ris,

ris , Castrorum ac oppidorum Maëllae
 Mesonum, Tiuranae & Villae-Planæ; Ti-
 radelli, & Viladravi, cet. Viro ab origine ul-
 tima Aragoniorum progenerato; Hispa-
 niæ Magnati Summi Ordinis; Equiti Vel-
 leris aurei torque insignito; Regis Cubicu-
 lario, Magno Exercituum Duci; Castellæ
 Praetori, & Supremi Consilii & Camerae
 Praefecto meritissimo.



*Ec gloriosius mihi quidquam , nec ho-
 norificentius accidere unquam poterat,
 EXCELLENTISSIME DOMI-*

*NÆ, quam ut praestantissimi Arnoldi Vinnii in Iusti-
 niani Imperatoris Institutiones Commentarii typis meis , qua
 fieri potuit accuratione , & characterum nitore atque ele-
 gantia excusi , immortalis TVO NOMINI dicati lu-
 cem adspicerent publicam. Equidem ex quo tempore opus hoc
 Supremi Castellæ Senatus iussu in me recudendum recepi,
 ex eo solo scilicet tempore (quo Valentina nostra urbs scien-
 tiarum omnium arx ac domicilium TVO adpectu, aquisi-*

moque gubernatu fruebatur) nihil magis in votis mihi fuit,
quam ut hic Auctor tanti Maecenatis patrocinio suffultus
in manus studiosorum veniret. Quum vero **TIBI, VIR
EXCELLENTISSIME**, propositum meum minime
displicuisse intelligerem (quae **TVA** humanitas est) occasio-
nem hanc velut e caelo delapsam avidissime adripui. Nam,
ut verum fatear, nemo unus est, cui hoc opus potiori jure
debeatur, quam **TIBI**. Si enim operis praestantia spectetur,
nemo tam rerum omnium ignarus reperietur, qui non
Vinnio palmam prae reliquis Iustiniani interpretibus con-
cedendam ultro fateatur, cum ob ingenii acumen & in
extricandis legum nodis dexteritatem; tum ob Latini ser-
monis munditiem & antiquitatis cognitionem, quis faciem
praefert addiscentibus. Si vero utilitas, quam inde in
republicam litterariam & emanasse iam pridem, & in
posterum redundaturam speramus, ponderetur; infinitum
esset; tot recensere viros Hispaniae nostrae lumina (ut de
exteris nihil nunc dicam) qui huius Commentarii subsidio
in Iure peritissimi evasere. Cuius rei luculentissimum est
testimonium, quod nulla fortassis in Hispania Academia
est, in quam Vinnius summò omnium plausu non sit ad-
missus, studiosorumque diurna nocturnaue manu versetur.
Atque ex hac Iurisprudentiae aurifodina, tamquam ex equo
Troiano, tot prodeunt in dies caussarum patroni, tot Iuris-
prudentiae Sacerdotes, quos reipublicae gubernaculis admo-
veri magno eius commodo videmus. Quod quum animadver-
tissent Regii Castellae Dicasterii Senatores, viri gravissi-
mi, & Regni utilitati rerumque nostrarum incremento pro

virili consulentes, huius editionis provinciam mihi demandarunt, ut ne Auctorem Iuris curriculo in Scholis conficiendo destinatum multo aere adolescentes sibi comparare cogerentur. Quare nemo mihi iam aut temeritatis, aut impudentiae notam inuret, si Auctorem sapientissimi Senatus iussu editum, auctoritate munitum, TIBI, EXC. ac Illustrissime DOMINE, dicandum censuerim, qui merito caput eius a Rege nostro CAROLO III. numquam satis pro merito laudando, es constitutus. Quod si tantis his doctissimorum Patrum sententiis TVVM etiam accederet patrocinium, non dubitabam, quin maiori esset in pretio Arnoldus Vinnius apud omnes sacratioris Iurisprudentiae professores, quibus ad hanc Spartam studiosius in posterum ornandam acriores stimulos iniecasti. Omnes vero quicquid litterarum studia complectuntur, TVO isto ad fovendas Musas animo devinxisti, & veluti signum aliquod ad bene de republica sperandum sustulisti. Equidem princeps ille ingenii & doctrinae Plato tum fore beatas respublicas putavit, si aut docti & sapientes homines eas regere coepissent, aut ii qui regunt, omne suum studium in doctrina ac sapientia collocassent. Hanc communionem scilicet potestatis ac sapientiae saluti censuit civitatibus esse posse. Nunc quidem reipublicae nostrae contigit, ut is in ea magnam haberet potestatem, cui in doctrina, cui in virtute atque humanitate percipienda plurimum a pueritia studii fuisset & temporis. Nam in Parmensi illo orbis terrarum celeberrimo Athenaeo sciunt omnes, quae ingenii lumina ostenderis, quum quinquenni spatio eos in litteris feceris progressu, ut

brevi omnibus disciplinis, quibus puerilis aetas impertiri solet, eruditus evaseris. Inde digressus, maiora animo agitando, nihil non rerum satagisti, ut eas artes, quae tum in bello, tum in pace plurimum adferunt & decoris & adiuventi, Politicen, Matthesin, ac disciplinam Militarem TIBI comparares. Et, ut nihil eorum, quae homine liberaliter educato digna sunt, desiderari posset, Achillem illum Homericum imitatus,

Qui mores hominum multorum vidit & urbes. Galliam, Italiam, Prussiam, Germaniam, maximam partem peragrasti, copiosamque ex illis itineribus scientiae quae civilis, quae militaris, suppellectilem ad bene de republica sperandum domum attulisti. Non enim alia fini tot labores exantlandos suscepisti, quam ut cum civibus TVIS communicares, quidquid in via elegantius occurreret, aut fando tuam ad notitiam perveniret. Quare dignus TV fuisti existimatus, quo potissimum ad Lusitanicam & Polonicam Legationes obeundas sapientissimus Rex noster uteretur. In quibus ita te gessisti, ut & Principis commodis inservires, & Nationis nostrae gloriam apud illas gentes tuendam amplificandamque susciperes. Huiusmodi theatra TVIS virtutibus nactus celebritate refertissima, magnitudine amplissima, id effecisti, non modo ut his rebus dignus fuisses, sed etiam ut illa omnia tuis artibus superasse viderere.

Quid vero nunc memorem TVA in rebus bellicis praeclara facinora iam per omnium ora volitantia, quae cum vetustis saeculis & cum omni audeant fortiter antiquitate contendere? Latissimus mihi patebat campus excurrendi per

*TVAS laudes, nisi eas vereretur culpa deterere ingenii. Vel-
lem ea mihi esset dicendi copia, ut ostendere tentarem, nul-
lius umquam veterum nec laureas, nec auratos currus cum
TVIS posse rebus factisque prorsus immortalibus compara-
ri. Equidem dissimulari sine piaculo non potest, qua alacritate,
quo ardore animi nondum sextum & decimum egres-
sus annum militari sacramento te adstrinxeris. Illud vero ad-
mirationem omnibus incutiebat, quod iam in illa iuvenili
aetate magnam rei militaris peritiam non minori tempera-
tam prudentia prae TE ferres: adeo ut non solum aetatis
TVAE cum primis comparare, sed ne de maioribus natu
quidem quisquam anteferreretur. Nulla res maior sine TE
gerebatur, quippe cuius neque consilium, neque incoceptum
allum frustra erat. Celeriter quae opus erant, reperiabas:
neque minus in rebus gerendis promptus, quam excogitandis
eras: quo factum est, ut novis semper muneribus dignus pu-
tareris. Quod enim tantum ac tam singulare honoris genus
reperiri aut excogitari potest, quod non TVAE virtuti re-
busque gestis deberetur? Nonne in illa ad campum Sanctum
pugna strenuam operam navasti, quum in ipso pugnandi ar-
dore, vincendique libidine, tametsi vulnere accepto, minime
animo concidisti, sed in medios hostes irruens, alios truncan-
do, alios fundendo, immensas edidisti strages? Inde digres-
sus cum delecta Castellae manu, cui imperabas, Bononia ac
Neapoli perlustrata, castra fecisti ad Velitras (CARO-
LI tropaeis insignes) ubi hostes saepius lacesisti, qui ditio-
nem illam crebris incursionibus ac rapinis devastabant.
Nihil nunc referam, quae Romae, quae Mutinae, quae*

Genuae, quae Mediolani praeclara gessisti. Alio me vocat
TVA gloria, nempe ad Terdonensis arcis expugnationem,
in qua singularem illam TVAM animi virtutem satis osten-
disti, quemadmodum & Placentiae. Quum enim in urbem
admotis scalis irrumpere necesse esset, TV primus, aut in-
ter primos, timore omni abiecto, caput periculo obiectare non
recusasti. Itaque victa est urbs tertium post diem, quo obsi-
deri coepta fuerat. Ticini expugnationi etiam interfuisti.
Placentino bello, quamquam glande humero traiecto, dimi-
candi ardorem haud intermisisti. Denique in celebri illa ad
Padum pugna D. Laurentio sacra die commissa omnem de
TE vicisti expectationem. Sed quid singula confector &
colligo, quasi vero aut oratione complecti, aut memoria con-
sequi possim, quae posteris TVIS si non imitanda, at sal-
tim admiranda reliquisti? Nullius est tantum flumen inge-
nii, nulli tanta dicendi facultas, quae non dicam laudare, sed
ne enarrare res TVAS gestas possit. Qui si Fabriciorum,
Scipionum & Camillorum temperibus florisses, cum illis
certares de palma. Certe non minorem adeptus es gloriam,
quum paucos ante annos bello Lusitanico praefectus es a
Rege nostro. Disciplinae militaris, quae maxima in TE
est, specimen superioribus diebus exhibuisti ad Manzan-
arem fluvium, qui Carpetanos agros adluit, magna Regis o-
mniumque, qui spectaculo illi interfuere, approbatione atque
plausu. Nam quum octo hominum millia & eo amplius il-
luc deducta fuissent, ut belli species adumbraretur, ea ani-
mi praesentia exercitui imperabas, ut qui disciplinae mili-
taris peritiam habebant, non fictam rem, sed veram oculis

subiici crederent. Nam nihil fere eorum, quae in huiusmodi re accidere solent, praetermisisti. Nunc milites in acie dispositos ordines servare, opportuna loca occupare, fugientium terga comprehendere, fossam transilire, docebas: nunc aciem subito duplicare, quadratam repente constituere, in cuneum mutari, orbis instruere, & alia id genus multa. Quod praeterquam quod TVVM illum animum pugnandi avidum satis ostendit; maximo indicio est, te haud ignorare in omni praelio non tam multitudinem & virtutem indotam, quam artem & exercitium solere praestare victoriam. Nulla alia re videmus, populum Romanum Orbem subegisse terrarum, nisi armorum exercitio, disciplina castrorum, usuque militiae. Hispanos quidem non tantum numero, sed etiam viribus corporum Romanis praestitisse, manifestum est. Quid ergo non iam sperare poterimus his temporibus, quum Exercitibus a Rege CAROLO Augusto semperque invicto sis praefectus

Ἀμφότερον βασιλεὺς τ' ἀγαθὸς, πατερός τ' ἀρχηγός,

ut de Agamemnone Achilles praedicabat apud Homerum.

Res postulare videbatur, ut de maiorum TVORVM rebus bello paceque praeclare gestis, deque natalium nobilitate, qui a SANCTIO illo ABARCA Vasconum Rege, multis nominibus claro, longe repetito stemmate derivantur, aliquid dicerem. Sed quamquam haec fortunae dona magni apud homines aestimari scio, praetermittenda censui. Nam (ut elegantissime cecinit Ovidius) genus & proavos, & quae non fecimus ipsi, vix ea nostra voco. TIBI vero nihil opus est, aliena merita aucupari, quum tot tan-

tisque rerum maximarum insignibus abundes, quae vel obscurissimam familiam possint illustrare.

Nonne his meritis novos aliquos honores, novos titulos merebare? Igitur CAROLVS III. de quo, ut de Carthagine Sallustius dicebat, satius est tacere, quam pauca loqui, TE exercitus Imperatorem, Regiique Castellae Senatus Praesidem incredibili omnium laetitia delegit, ac publicae salutis gubernaculis admovit. Quae quidem omnia qua benignitate, qua diligentia exerces! Hoc tantum ceteris maior, quo melior. Ad hoc tam assiduus in publica utilitate dies noctesque procuranda, ut labore ipso refici ac recreari videare. Videmus, ut populorum desideriis, singulorumque etiam hominum precibus occurras. Nulla in audiendo difficultas, nulla in respondendo mora: adeunt statim, dimittuntur statim. Ipse autem ut excipis omnes! ut expectas! ut magnam partem dierum inter tot reipublicae curas quasi per otium transgis! Denique Nullum remittis tempus, neque TE respicis. Unde minime mirandum est, ad conspectum TVI, tamquam ad salutem sanitatemque prorere alacrem hinc atque inde populum fausta TIBI omnia acclamantem: cuius suavissima facies & amabilis vultus in omnium civium ore, oculis, animo sedet. Omnes redundantem & foras erumpere gestientem laetitiam ostendere concupiscunt. Nemoque reperietur aequus rerum aestimator, qui non CAROLO nostro bene precetur, quod difficillimo tempore TIBI reip. summam tradiderit, ut ferocientes animos ac freni impatientes compesceres. Id quod facillime es adsequutus humanitate TVA ac prudentia sin-

gulari. Omnia reip. vulnera sanasti, quibus praeter TE mederi nemo poterat. Quare omnes TE, qui haec omnia salva esse volumus, & hortamur & obsecramus, ut vitae, ut incolumitati TVAE consulas. Et si in promerendo, ut TIBI tanti honores haberentur, quanti haud scio an nemini, fuisti omnium diligentissimus, multo maiorem in his honoribus tuendis adhibeas diligentiam. Id autem est huiusmodi, ut consulas omnibus, ut medeare incommodis hominum, provideas saluti, ut TE Parentem & dici & haberi velis.

Accipe igitur, VIR EXCELL. benigna fronte hos Arnoldi Vinnii Commentarios meae in TE observantiae & in repub. litterariam benevolentiae testes: atque effice, ut reliquis TVIS insignibus ornamentis TVVM etiam in omnes, qui de Musis quoquo modo bene mereri student, patrocinium adnumeretur.

Deum Opt. Max. veneror, ut TE diutissime servet incolumem. Valentiae Edetanorum. III. Kalend. Sextiles. Anno Domini M. DCC. LXVII.

EXCELLENTISSIMO NOMINI TVO

Devotissimus,
BENEDICTVS MONFORTIVS,
Typographus.

TYPOGRAPHVS AD LECTOREM.

ARNOLDI VINNI Commentariorum editionem pulcherrimam ab omnibus in regione nostra litterarum, ac Iuris civilis praecipuis cultoribus iam diu equidem exoptatam, offero tibi, Lector erudite. Notum tibi est, quantam in hoc descriptionis genere laudem meruerit, & quot ad Iurisprudentiam attulerit praesidia eximius iste Iureconsultus; at non minori laudè dignos esse puto cunctos Regii Castellae Dicasterii Senatores integerrimos, quorum singulari beneficio & auctoritate factum est, ut in lucem haec prodiret editio. characteribus & chartae nitore ceteris longe praestantior & emendatior. Ab hoc praeterea supremo ac prudentissimo Senatu, non modo mihi concessa est facultas quosdam libros edendi, ex quibus non nihil emolumenti ad officinae onera sustinenda obvenire posset: sed magno omnium commo sancitum est, ut ne aliunde in Hispaniam libri exportarentur, quorum recens in ea facta esset editio. Quare numquam satis pro merito gratias agere poterimus, quotquot hanc artem profite-mur, tam prudentissimis & in nos beneficentissimis viris. Equidem nihil excogitari potest aptius, nihil praestantius ad Typographicam artem nitore suo restituendam, quam si exteris librorum nundinatoribus aditus praeccludatur, qui mercimoniis suis emundis vendundisque laeti lucris facti, hinc discedunt magno nostratium detrimento. Nam non modo crumenas emungunt; sed (quod gravius est) libros adeo mendis deformant & constuprant, ut vi-

deantur nobis velle repraesentare Deiphobum illum Virgilianum,

..... *Lacera crudeliter ora*

Ora manusque ambas.

Ceu facile apparebit, si Iuris nostri antesignani in Hispania recusati cum exemplaribus & Lugduni & Venetiis recensitis vel obiter conferantur. Has ergo ob causas praefens opus in adolescentum gratiam, qui in hac Valentina Academia omnium longe praestantissima Caesareo Iuri strenuam navant operam, VINNII *Commentarios* Typis nitidissimis impressos & quam castigatissimos damus, in quo nec sumtui, nec labori pepercimus. De auctore nostro supervacaneum esset ulla verba facere, quod nemo unus profecto sit vel mediocriter eruditus, quem lateat, VINNIUM in hoc scriptio- nis genere omnes Iustiniani Institutionum interpretes longo post se intervallo reliquisse, ut fatentur omnes cultiores Academiae, in quibus VINNIUS studioforum manibus dies noctesque teritur: illeque se profecisse scit, cui VINNIUS valde placet. Accipite igitur adole- scentes Themidis alumni munus hocce. Quod si vobis meam in- dustriam probari intellexero, dabo operam, ut brevi lucem adspi- ciant Iustiniani Institutiones cum ipsius VINNII aureis *Notis*, & quantivis pretii. Nunc fidem liberamus, qua sumus obstricti, dias in luminis horas edendi CARLEVALII libros de *Iudiciis*, opus mira con- cinnitate ac ordine elaboratum. Quae ornamenta eo sunt admi- randa magis, quod raro inveniuntur in id genus lucubrationibus. Postea, favente Deo, alia minime vulgaria minimeque iniucunda, Lector crudite, animo agitabimus. Nunc fave atque VALE.

LECTORI

S. P. D.

JO. GOTTL. HEINECCIUS.

CUM multa à viris etiam doctissimis reprehendi solent in operosa illa ac præclara Justiniani legislatione ; tum sæpenumero quibusdam mirari contingit, atque etiam stomachari, quod Imperator, illa perfecta, Jureconsultis leges interpretandi illustrandique facultate, tanquam aqua & igni, interdixerit, eosque ad conficienda admonitoria, παράκλησες atque Indices improvido consilio damnarit (a). Legum enim interpretationem tam credunt plerique necessariam, ut ea civitatem non facilius, quam ipsis legibus, carituram, officiumque Jurisconsultorum sine illa præclara facultate inane atque infructuosum Reipublicæ futurum, arbitrentur. Qua fronte inquirunt, Jcti sustinebit nomen, qui leges nescit? Leges autem quo pacto scire se dixerit, qui verba earum tenet, non vim ac potestatem? (b) Vim denique ac potestatem legum an quisquam, quantacumque sit ingenii perspicacia, adsequetur, si non modo interpretationes nullæ existent, verum etiam iis, qui hanc Reipublicæ operam navare cupiunt, grave ex lege Cornelia judicium immineat? (c) Accedit, quod quum nulla lex, nullumque Sctum, teste Juliano, (d) ita scribi possit, ut omnes, qui quandoque inciderint, casus comprehendant, imperfectam admodum ac veluti macilentam esse oporteret jurisprudentiam, nisi illi succus ac sanguis ex interpretatione prudentum accederet. Denique & experientiam, rerum omnium Magistrum, Romanos docuisse existimant, hac Jureconsultorum opera rempublicam carere non posse. Sane enim quid artificiosius unquam scriptum fuisse dicamus, quam illum XII. Tabularum libellum, cujus ῥημασμοὶ βαρύνται καὶ ἀπείρητος εὐχρησμός & posterius, teste Diodoro Siculo (e) unice sunt admirati; quem Crassus apud Ciceronem (f) omnibus omnium Philosophorum bibliothecis anteposuit, quem denique Livius (g) fontem universi publici privatiq; juris; & Tacitus, (h) scriptor πολιτικαὶ τέχνης, finem aq; juris vocare non dubitavit? Et tamen his legibus latis, statim cœpit necessaria videri interpretatio prudentum disputatioque fori, (i) eique unice acceptum ferimus, quod Jurisprudentia Romana in tam augustam atque admirabilem disciplinam effluerit. Quod si autem ea Jctorum diligentia carere non potuit civitas, quum exiguum illud legum Decemviralium corpus, tam elegante atque absoluta brevitate verborum compositum, (k) in foro regnaret: qui fieri, quæso, possit, ut opus Justinianicum diffusissimum, atque ex innumeris variorum auctorum fragmentis confutum sine in-

(a) Constit. De auctore. §. 12. de concept. Dig.

(b) L. 17. ff. de legib.

(c) Constit. Tanta, §. 12. de conf. Digest.

(d) L. 10. l. 11. §. 12. ff. de legib.

(e) Diodor. Sicul. lib. 12. cap. 26.

(f) Cic. de Oratore, lib. 2. cap. 44.

(g) Liv. lib. 111. cap. 34.

(h) Tacit. Annal. lib. 111. cap. 27.

(i) L. 2. §. 5. ff. de orig. jur.

(k) Gell. Noct. Att. lib. 20. cap. 1.

interpretum commentariis ab ullo mortalium intelligatur? Quam multa enim in eo sunt subtilia? quam multa abstrusa? Quantum ubique veteris Philosophiæ, quantum antiquitatis, quantum juris publici latet? Quam sæpe etiam contingit, ut leges quædam sive vere, sive in speciem pugnantes crucem figant viris doctissimis? Si autem & ii, qui mediocri doctrinæ ac litterarum præsidio instructi ad sacra illa accedunt, aliquando hæsitant, ac in tanta interpretationum copia Delio sibi natatore opus esse fatentur; quid illis contingeret, qui omni interpretationis lumine destituti veluti illuni nocte per vastam legum silvam ire, ibique investigare juberentur artem æqui & boni, non minus occultam ac repertu difficilem, quam fatalem illam vitgam fuisse fingunt, de qua Sibylla apud Virgilium: (a)

Latet arbore opaca

Aureus & foliis & lento vimine ramus,

Junoni inferna dictus sacer: hunc tegit omnis

Læcus, & obscuris claudunt convallibus umbra.

Ita illam Justiniani providentiam nonnulli exagitant; nihilque rectius factum esse arbitrantur, quàm quod iniquissimam istam sanctionem, quam Accursius (b) absorta interpretatione emollire cupiebat, tacitis suffragiis abrogavit æquior rerum æstimatrix posteritas.

Enimvero quamvis hæc sint dictu speciosa, tamen consideranti rem paulo accuratius, non adeo absurdum mihi videtur Justiniani consilium, quod illi quam maxime vituperandum existimant. Fuit sane illa non modo Justiniani, sed sapientissimorum quorumvis legislatorum sententia, non expedire reipublicæ subtiliores de legibus disputationes, hæcque potius memoriæ mandandas, factisque exprimendas, quam explicandas esse commentariis. Nulli olim Spartæ erant Jurisconsulti, nulli Labeones, Sabini, Juliani; qui Licurgi leges interpretarentur: & nullus tamen populus Spartanos justitia ac disciplina severitate superabat: quum contra Romæ, atque apud ipsos Hebræos, ubi viri doctissimi in interpretandis legibus omnem operam industriadque collocabant, eo minus jus diceretur secundum leges, quo magis ferveret jurisprudentiæ atque eloquentiæ forensis studium. Nimirum ita comparata est legum ratio, ut quo simplices sunt ac pauciores, eo certius plerumque ac promptius ex iis jus dicatur, (c) quantoque magis cives videas τὰς αἰὲς ἀπικταίνων γραμμάτων, porticus implere litteris, tanto facilius eveniat, ut quemadmodum vis morborum pretia medentibus, sic fori tabes pecuniam causidici ferat. (d) Et hoc ipsum profecto veritus Justinianus conticescere jussit Jurisconsultorum oracula, calamisque scripturentium commentarios ferias indixit, ne, quod in antiquioribus factum est, per contrarias interpretantium sententias totum jus conturbaretur, (e) vel, ut alibi (f) consilii rationem reddit, ne verborum interpretum aliquod legibus adferret ex confusione dedecus, quod & in antiquis edicti perpetui commentatoribus factum, qui opus moderate confectum hæc atque illuc in diversas sententias perducunt in infinitum distraxerint, ut pane omnis Romana sanctio fuerit confusa. Itaque experientia docuerat Justinianum, quantum detrimenti jus Romanum

pat-

(a) Virgil. *Æneid.* lib. 6. v. 136. seq.

(b) Gloss. ad l. 1. §. 11. C. de vet. jur. enuel. Commentarios illi adplicare. Scilicet faciendo & addendo novas leges, nam non prohibet exponi illas. Sed verius est, quod reprobet, ut statim patet.

(c) Strabo *Geogr.* lib. 6. p. 179.

(d) Tacit. *Annal.* lib. 11. c. 16.

(e) Const. Deo auctore. §. 12.

(f) Const. Tanta. d. §. 21.

passum fit non modo à fori tintinabulis, verum etiam ab antecessoribus, qui se gryphorum jurisprudentiæ interpretes profitebantur. Quæ enim fuerit horum hominum ante Justinianum conditio, non sine sale docet scriptor ejus ætatis gravissimus, Ammianus Marcellinus, (a) qui postquam eorum temporum caustidicos & jurisperitos in certas classes descripsit, de secunda ita judicat: *Secundum est genus eorum, qui juris professi scientiam, quam repugnantium sibi legum abolere dissidia, velut vinculis ori impositis reticentes, jugi silentio umbrarum sunt similes propriarum. Hi velut fata natalitia præmostrantes, aut Sibylla oraculorum interpretes, vultus gravitate ad habitum composita tristiores, ipsum quoque venditant, quod oscitantur. Hi ut altius videantur jura callere, Trebatium loquuntur, & Cascellium, & Alfenum, & Auruncorum Sicanorumque jamdiu leges ignotas, cum Euandri matre abhinc sæculis obrutas multis. Et si voluntate matrem tuam sinxeris occidisse, multas tibi suffragari absolutionem lectiones recenditas pollicentur, si te senserint esse nummatum.* Quum itaque animadvertisset Imperator, ista interpretationum multitudine ac varietate ita jus omne turbatum esse, ut omnia vera falsa, justa injusta, æqua iniqua æque facile in foro deferentur: an frænos iterum laxaret forensi illi atque academicæ licentiæ? An pateretur juri, à se in ordinem qualemcumque redactò, novis argutiis novas offundi tenebras? Nonne consultius erat, omnes Jureconsultorum commentarios ad Garamantas relegare, quam eisdem, quo paulo ante defuncta erat, periculo de novo exponere rempublicam?

Quamvis autem ita consilii ratio constiterit Justiniano, nolim tamen ego, quemquam existimare, omnem, quæ nostris temporibus in interpretando illustrandoque jure collocatur, operam atque industriam inanem atque infructuosam mihi videri. Neque ego profecto ita censeo, neque illis Justiniani sanctionibus viris jurisprudentiæ gnaris calamos hodie è manibus extorqueri arbitror. Hanc modo summam jam facio cogitationum mearum, cum periculo haud levi conjunctam esse promiscuam illa jura interpretandi licentiam, adeoque nec æquitati nec prudentiæ refragari gravissimas illas Justiniani sanctiones. Sane quod cum periculo aliquo conjunctum esse arbitramur, id non statim proscribendum aut ab usu removendum dicimus: & quo facile caruerunt Justiniani tempora, quibus, uti ait Cujacius, (b) jus omne clarius & in usu quotidiano erat positum, eo & nos non illico æque facile carebimus hac ætate, quæ jus peregrinum, variis locis corruptum, & diuturna desuetudine obscuratum in Fora & Academiis penetravit. At quam caute ea interpretandi facultate utendum sit, quamque facile jus in tanta Interpretum multitudine in summam ambiguitatem prolabatur, ipsi, qui jam inde ab Irnerii temporibus prodierunt, commentarii, mille plaustrorum onus, unumquemque docebunt. Sane quo plures evolveris, quantoque elegeris majores, tanto magis apparebit, id, quod generatim dixit Callimachus, (c) *μῆλα βιβλίῳ ἴσσι ὅτις τῷ μυῖνός τε καὶ*, de plerisque istis commentariis esse verisimum. Habebis Sardos venales, alios aliis nequiores: sed ut quisque erit amplior ac diffusior, ira peior videbitur indoctiorque reliquis, ut fatendum sit omnino, beatam futuram fuisse jurisprudentiam, si numquam in manus tam illotas incidisset, ratumque vel istis tantum temporibus fuisset edictum Justiniani, quod legis Cornelie pœnam

(a) Ammian. Marcell. lib. 10. cap. 4.

(b) Cujac. præfat. paratist. Digest.

(c) Callimach. apud Athen. Dipnos. lib. 111.

p. 72.

nam irrogati jubet tam ineptis commentariis confarinatoribus. Quod ne cui gravius ac liberius dictum videatur, qualem esse oporteat bonum interpretem, & quales sint plerique, quos illi indoctræ doctorum turbæ debemus, commentarii, paucis ostendere juvabit. Multis profecto partibus pulcherrimum istud atque utilissimum interpretum officium absolvitur. Primum enim iis in id elaborandum est, ut ipsi iis instructi sint præditiis, quibus lucem obscuris fœnerare possint: deinde ut genuinam cujusque orationis sententiam eruant, ac demonstrent: tum porro, ut nec falsa doceant, nec ab arte sua aliena: postremo, ut ne rem minus obscuram confusa tractandi ratione & horrido, incomito, agrestique dicendi genere reddant obscuriorem. Has vero dotes in bono interprete admirantur omnes, sine his interpretem nec proficere quidquam, nec opere pretium facere censent. At interpretes ipsos, in quibus illæ præclaræ virtutes enituerint, non dicam illo Bartolistarum ævo, sed & post felicem illam temporum reparationem, reperies paucissimos, &

Vix totidem, quot

Thebarum portas, vel divitis officia Nili.

Primo enim, quod ad litterarum præditiis attinet, à quibus instructum esse oportere diximus interpretem, quis, quæso, tam est stolidus, ut ad intelligendum jus Romanum multum adjumenti nobis attulisse existimet eos, qui nec Græcas nec Latinas docti litteras, ubi in Græcum vocabulum incidunt, quasi oblata quadam gemma magica exclamant: *Græcum est, non potest legi*; qui *jurisdictio* an *jurisdictio* dicendum sit, addubitant: quibus denique *vis & potestas* est potestas violenta, violenta autem potestas, quæ invito etiam tutori deferatur? Quid deinde lucis speres ab illis tenebrionibus, qui rudes historiæ ac antiquitatis, credere nos jubent, Augustum voluisse adoptare Germanicum, eoque refragante callide persuasisse cuidam Tiberio, ut ipse Germanicum adoptaret, seque ipsum sibi daret arrogandum; qui serio nobis narrant, ad bestias datos olim homines, *ut bestias deducerent, vel cum iis comederent, vel alia bestialia facerent*: patres conscriptos dictos, *quod nomina eorum scripta fuerint in aliquo loco, vel in corona capitis eorum*: ædituos fuisse præfectos vigilum, quique cum iis noctu urbem circumierint: stadia urbium esse *octavam partem milliarii, quam Hercules cucurrerit uno anhelitu*: testamenta in prociñctu facta dici, *quod succincti fierent*: libripendem esse *astimatorem*, & libram æneam rem *astimatam, vel hereditatem, quia hæc tanquam libra dividatur in duodecim uncias*: actionem Servianam esse *à servando dictam*, & innumera hujus generis alia, quæ ipse

Non sani esse hominis, non sanus juret Orslest

Me autem talia ex barbaro illo ævo & ex Accursii tantum ingenio profecta existimes, etiam post felicem litterarum *καλυστήριον* haud pauca non multo meliora reperies in scriptis eorum, qui incredibilem sibi famam jurisprudentiæ studio pepererunt. Vix itaque est, quod Accursio succenseamus, quum & in melioris ævi commentariis, quorum auctorum nominibus nunc parco, legamus, Justinianum parte superioris Germaniæ subacta, Alemanici nomen adoptasse: leges Romanorum dividendas esse in consulares & decemvirales; *Ædiles* quosdam vocatos *curules*, quod *curam* sacrarum ædium gesserint: legem *Fusiam Caniniam* perlatam esse à quodam Fusio Caninio: filicesfamilias dici *in sacris paternis esse*, quia iis sancta esse debeat patris persona: *Deportare* esse, quasi extra *portam* civitatis dare: Claudium Imp. sanxisse, ut *Coss. pupillis* tutores

extra ordinem, id est, non servato agnatorum proximum ordine, darent: Imperatores dictos esse *Pios*, quod clericis admodum faverint: à consulibus nomina consequutas esse leges *Hortensiam* & *Artiliam*: Augustum triplicem libertinorum conditionem introduxisse: & quæ sunt hujus generis alia. Sexcenta enim his similia in commentariis Jcutorum non proletariorum vel capite censorum, sed classicorum quoque animadvertes, si te eorum lectioni dederis. Hos vero an satis instructos ad hoc interpretandi munus accessisse credibile est? An non jure potius istis occlames:

Non tali auxilio, nec defensoribus istis

Tempus eget.

Quod deinde ad genuinam orationis sententiam attinet, eam non modo ex ipsis verbis, eorumque significatione, verum etiam ex conjunctis loco & tempore eruendam esse, ii omnes censent, qui sunt artis illius *ἐμπειρίαις* paulo peritiores. Eo consilio olim Anrystius Labeo, Jureconsultorum suæ ætatis facile princeps, teste Gellio (a) in *Grammaticam sese & Dialecticam*, litterasque antiquas altioresque penetraverat, & *Latinarum vocum origines percullens ea præcipuè scientia ad enodandos plerosque juris laqueos utebatur*. Quumque hodie libri nostri ex variis variorum fragmentis tanquam centones conuti sint, recte suspicati sunt viri quidam doctissimi, genuinam legum singularum speciem adsequi posse neminem, nisi qui comparatis inter se conjunctisque fragmentis, quæ ex eodem libro supersunt, omnibus, de quo juris capite ibi actum sit, in numero habeat. Sane hujus mysterii indicium jam pridem fecerunt viri quidam doctissimi, ejusque usum post Ant. Augustinum, Jac. Cujacium, P. Fabrum singulari diatriba Jac. Labritus; exemplis autem illustrissimis Jo. Gœddeus & Jac. Gothofredus ostenderunt, viri sane in arte nostra summi,

Quos eget penna, mevente solvi,

Fama superstes.

Sed quotusquisque vel olim vel hodie in tanta litterarum luce non infra Jciti dignita em esse putat, litteras illas attingere, quibus se plane immergit Labeo? Quotusquisque se tantis exemplis excitari passus est, ad illud fragmenta inter se comparandi artificium? Tantum sane abest, ut istud adhibuerint interpretes, ut plerique illud hodiernum alto supercilio despiciant, & per contemptum adnumerent revelationibus. (b) Permultum porro ad libros nostros intelligendos utilitatis adferre Græcos interpretes, res ipsa docet, & præclare demonstrat Car. Hannib. Fabrotus. (c) *Equidem*, inquit Vir Doctissimus, *non inficior, naves esse quosdam & παρρημῆματα in Græcorum commentariis, sed hæc fere leviuscula sunt præ iis, quæ verissime & diligentissime Græci nobis explanata reliquerunt. Et ut de cæteris taceam, qui nobis titulum de fideicommissariis hereditatibus fidelius & doctius explicavit quam Theophilus nostrer? Quis titulum de litterarum obligatione & titulum XII. Institutionis tertie feliciter enarravit, quam idem auctor gravissimus, ut adpellat Cujacius, interpretum facile præcipuus? Quis Latinorum, queso te, Lector, Institutiones, hoc est, libellum aureum accuratius interpretatus est? Et paucis interjectis: Quantum profecerit Jac. Cujacius, oculus jurisprudentie, legendis & enucleandis Græcorum commentariis, ignorare non potest, nisi qui peregrinus est in ejus scriptis. Quam multa præclara, neque in scholis juris decantata, neque in doctorum*

com-

(a) Gell. Noct. Attic. lib. 12. cap. 10.

(b) Jac. Gothofred. Pref. Comm. ad Reg. jur.

(c) Fabrot. Apol. pro Græcis, edita cum Exercitationibus 12. Paris. 1639.

commentarii propterea, hinc hauserit, sciunt aequi & periti harum rerum iudices, iniqui vero & Græca lingua nescii dissimulant, aut, quod verius est, non vident: oculique eorum ad hunc solem suffunduntur. Sed quotusquisque Jctorum hodiernum Græca hæc attingit? Quotusquisque ejusmodi libris vel locum in bibliotheca concedit, vel quidquam inde in usus suos depromit? Existat commentarius in Institutiones, satis tritus doctorum manibus, in quo ubi ΒΑΣΙΛΙΚΩΣ incidit mentio, auctor de iis non aliter loquitur, ac de opere sibi ignoto, ac jam pridem deperdito, & de quo nihil habeat, quod pro certo adfermet, quam quod Basilica vocati sint libri, qui contineant leges ab Imperatoribus promulgatas & compositas. Alii, qui nihil ignorare videri volunt, Ottonis Taboris exemplum sequuntur, & Græculos illos nugivendulos nihil ad nos pertinere, fabulique meis indulgere clamant. Quam multa itaque fugisse oportet plerosque interpretes, qui hoc insigne prævidium nullo loco habuerunt, famæque suæ metuerunt, si tam magnam ac memorabile facinus ausi, ad illa Græcorum oracula profiscerentur? Quid porro de veritatis dicam studio, quo nihil prius, nihilque antiquius esse debebat interpreti? An tu illam feliciter repertam fuisse dicas veteribus, qui illam veritatem investigandi ratiocinandique artem sciebant cum ignarissimis? An à novis plus speres, qui Petri Rami dialecticæ innutriti, unum didicerant τὸ διχρημαῖς id est, artem egregiam, quinque digitos in duos ordines distinguendi? An tu porro veritatem quæras in eorum commentariis, qui id sibi negotii datum credebant, ut omnia superiorum placita labefactarent ac subverterent, & quasi clavum clavo, sic opinionem opinionem trahentes eodem rem perducerent, ut jam non difficile videatur sententias, etiam abfutidissimas mille Jctorum testimoniis stabilire? Observavit Franc. Hotomanus, (a) celebrem illum, Andreæ Tiraquellum sæpe in libris suis, quos citationibus auctorum instructissimos edidit, postquam consentientia centum aut plurium doctorum suffragia accumularit, hanc aut similem orationem subungere: *Ut videas, amice Lector, nihil esse in jure nostro non ambiguum, & disputationibus ac controversiis involutum, volo tibi totidem, aut plures, recensere, qui sunt in opinione prorsus contraria, & sub hæc ingentem aliorum doctorum indicem pertexere, qui in alia omnia eant. Quid vero veritatis studioso utilitatis adferat illa discrepantium opinionum farrago, nisi ut perfecta illa idem sibi contingere videat, quod tribus consultis advocatis contigisse sibi queritur Demipho apud Terentium: (b)*

Pecissis probe:

Incertior sum multo, quam dudum.

Accedit, quod quum inter omnes constet, veritatem non auctoritate doctorum, sed legum rationumque fundamentis niti; plerisque interpretantibus cura potior semper fuerit glossæ, quam recta ratio legum & auctoritas. Hinc ubique in libellis hujusmodi doctorum turmæ in aciem educuntur, manatque hoc exemplum in fora, in quibus certam præsumunt victoriam, seque jactant magnifice, qui pro se Sandium, Christinæum, Wesembecium, Schneidwinum, Carpzovium, Mevium vades dederunt. Quasi vero verissimum sit, quod plurimis videtur, & non æque facile sit, alium glossatorum exercitum conscribere, qui priori opponatur. Jam quod proximum inter virtutes interpretis posui, ut ne in rebus ab arte sua alienissimis occupetur, quanti momenti sit, nemini dubium

(a) Hotom. Antitribonian, cap. 14.

(b) Terent. Phorm. Act. 11. scen. 4. v. 18.

bium esse potest. Quis enim philosophum ferret, qui de virtute disputaretur, quædam de primis mundi elementis præmitteret, deinde accurate explicaret, quid sit glacies, hinc porro, quot sint conjugationes, quotquot partes orationis, subtiliter disquireret, ac demum in rem præsentem veniens, an sit virtus, quid sit, & quotuplex, brevissimis verbis attingeret potius, quam explicaret? Mirarer sane, si qui hunc philosophum audiunt, non ut olim abderitani, Hippocratem quandam arcesserent, qui homini nimis inepte stulto, primum cerebram ambulationem, ad hoc betæ malvæque esum, postremo vomitum per æscribat, & ita perpuratum mittat Anticyras. At ita tamen disputare solent quidam non infimi sublellii juris interpretes, qui explicaturi titulos Justiniani, primum quærent an instrumentis notariorum præmittenda sit invocatio nominis divini? Num & Imperatoris nomen & titulus universus? An eligi possit Imperator, nisi origine Germanus? Talisne fuerit Carolus M.? An & Episcopum è gremio Ecclesiæ eligi oporteat? Hinc ad rem ipsam se accingentes disputant, fuerine Justinianus orthodoxus? An litteras norit? An & Latinam linguam percalluerit? Unde triumphus nomen acceperit? An Imperator sit mundi dominus, provinciamque Romani imperii alienare possit? Valeatne ac rata sit donatio Constantini Magni? En egregiarum quæstionum farraginem, quibus enodatis, tunc demum intelligi à nobis existimant horribile istorum verborum secretum: *Imperator, Caesar, Flavius Justinianus, Alemannicus, Gothicus, Franciscus, Germanicus, Anticus, Alanicus, Vandalicus, Africanus, Pius, Felix, inclytus, victor ac triumphator semper augustus, cupida legum juventuti S.* Idem in explicanda justitia definitione occupari, anxie quærent, unde juris nomen descendat? Cur titulus inscribatur de justitia & jure, ac non potius de jure ac justitia? Quæ justitia à Justiniano definiatur? Divina, an humana? Universalis, an particularis? Commutativa, an distributiva? Quare JCri sint sacerdotes justitiæ? An dentur casus pro amico? Cur rectius dicatur voluntas suum cuique tribuendi, quam suum cuique tribuens? An Jctorum auctoritati cedere debeat auctoritas philosophorum? Tam egregia scilicet doctrinæ ubertas latet in definitione illa Justinianeæ, tantæque molis est, explicare decem illa verba: *Justitia est constans & perpétua voluntas jus suum cuique tribuendi.* Ludere quibusdam videbor, & quæstiunculas nihil ad rem pertinentes fingere, quæ nemini interpretum in mentem venerint. Sed venisse illas in mentem non illi Bartoli & Baldi soboli, sed JCris, qui patrum nostræque memoria floruerunt, celeberrimis, ex ipsorum commentariis demonstrare in proclivi esset, nisi vel suspicione aliis insultandi carere mallet. Ita vero leges interpretantibus, non difficile erit conjicere, quam nulla iis cura fuerit ordinis, quem semper sapientissimus quisque plurimi fecit. In tali enim quæstiuncularum sibi admodum dissimilium farragine non magis ordini locus est, quam in rudi indigestaque mole, ex qua hoc universum efformavit Deus. Unde vir elegantis ingenii, M. Antonius Muretus (a) de Glossatoribus disserens: *Qualem, inquit, nobis illi cuiusque generis præceptorum farraginem reliquerunt? Ut si quis rusticus bordeum, triticum, viciam, legumina, in unum acervum conferat, non illius acervum h. rum commentariis existimem perturbatiorem fore. Mibi quidem, quum in eos inspicio, sapissime Ovidiana illa de Cbao in mentem veniunt:*

Quæque erat & tellus, illuc & pontus & aer.

*** 2

(a) Muret. lib. 11. Orat. 17.

Non

Non aliter enim apud bos, ubi verbi causa de auctoritate magistratum agitur; dicitur etiam aliquid de testamentis: ubi de emptione & venditione differitur, aliquid de pœnis, aut de auctoritate tutorum inferetur. Nihil est denique quod certam sedem aut domicilium habeat, nihil, quod non ali. nissimo aque ac suo loco pertractatum reperitur. Inde illa crebra ex uno in alium locum rejections, quum te, quod hic agendum ac tractandum erat, id iubent ex alio petere, in quo tale quidquam agi, nunquam, nisi admonitus, divinare potuisses. Prorsus, ut si quis paterfamilias vestem non in vestuario, sed in arca pœnaria cederet, panem ex puteo bauriret, pisces in nemore, lepores in piscina inclusos haberet. Apud Aristotelem primò Physicorum recensetur opinio veterum quorumdam, in quibus fuit & Anaxagoras, qui quidlibet in quolibet inesse dicebant, idque exprimebant hēmisticlio quodam, ut opinor Empedoclis: πᾶσι ἢ παντὶ κίμενται. Hoc an in Physicis vere dicatur, viderint, qui illa tractant: de talium certe interpretum commentariis verissime dici potest. Hæc de glossatorum libris Muretus, quæ & in melioris ævi commentariis juridicis plerisque cadere re ipsa deprehendunt, qui istos inspexerint. Denique ultimam interpretis virtutem in sermonis puritate ac perspicuitate positam esse diximus. At nescio an & hanc extra Cujacii scholam adeo multi interpretes sint adsequuti. Quamvis enim depulsa vetere illa barbarie, purius scribere cœpissent viri docti; Jctorum tamen libros adeo infecit illud Accurtii ablinthium, ut si Papinianus in vitam rediret, nova ei addiscenda esset lingua, illos commentarios legere cupienti. Jctorum enim laudem se sustinere posse plerique dubitant, nisi lingua Jureconsultorum, id est, barbara utantur. Hinc ubique sumunt, ampliunt, subampliunt, limitant, sublimitant, casuant: ubique resolutiones legum & similes elegantias pollicentur, ubique practicas practicas, & præjudicia in terminis terminantibus & clausulam illam utilissimam rebus sic stantibus & sexcenta hujus generis alia tanquam mellitos verborum globulos spargunt, quibus condimentis si aliquid salis adspergas, elegantissima nimirum illa Brocardica quæ vocant, veluti: casus noluntatis comprehendit sub se casum impotentie: ab actionibus ad interesse libera nos Domine; solus cum sola non presumitur orare Pater noster, & similia: tunc sane habebis verum venenum aqua Stygia dilutum, cujus habitu ipso bonæ mentes exanimantur. Tales sunt plerique, qui tabernas rumpunt, Jctorum commentarii. Iis itaque an magna utilitas per tot sæcula allata sit reipublicæ, & an non melius eorum auctores operam in conficiendis indicibus Justiniani consilio collocassent, illi viderint, quorum non amant similes labra lactucas.

Quæ quum ita sint, singulari profecto ac præcipua laude digni videntur pauci illi, sed boni, quibus meliorem mentem indidit Deus, ut quæ in jure nostro sunt obscura atque ambigua feliciter illustrare ac distinguere conarentur. Quo in numero (quod ad Institutionum interpretationem attinet,) præter Cujacium, Giphanium, Janum à Costa, & quosdam alios, & ARNOLDUM VINNIUM Jureconsultorum eximium, haud postremo loco ponendum arbitror. Sane ex quo me jurisprudentiæ dare cæpi, mihi ejus commentarius præ aliis placuit, & ad solidiorem doctrinam connitenti maximo fuit adjumento, ut postquam aliis jura interpretari jussus eram, nullum fere librum auditoribus meis obnixius commendandum judicarem, quam commentarium Vinnii, ex quo ipse fructum ceperam uberrimum. Vix enim ulla est boni interpretis virtus, quæ non in Vinnio nostro eluxerit. Attulerat ad jurisprudentiam ea præ-

præsidia, quæ paulo rariora sunt in nostri ordinis hominibus, puta, hanc vulgarem Latinarum Græcarumque litterarum facultatem, diffusam omnis ævi scriptorum lectionem, notitiam antiquitatum haud mediocrem, tantum denique ingenii ac iudicii acumen, ut nec vulgaribus pragmaticorum sententiis ipsique Triboniano esset addictus, nec Cujacium, Ant. Fabrum, Rein. Bachovium, aliosque, ubi novi quid inferunt in artem, cæco impetu sequeretur, sed legum rationumque pendera ubique cum cura expenderet, nulliusque auctoritate se pateretur in transversum agi. Deinde id quoque habet Vinnius noster, ut genuinam Justiniani sententiam ubique cum cura invelliger, neque eum pudeat ex philologiæ latifundiis petere, quibus jurisprudentiam locupletaret. Et quamvis mysterium istud atque artificium leges ex eodem libro depromtas comparandi conjungendique facilius in pandectis & codice, quam in Institutionibus, usum suum exlerat; nihil tamen reliqui fecit, ut, ex quibus auctoribus vel fragmentis singuli paragraphi descripti sint, & quomodo illi à suis auctoritatibus discrepent, quantum fieri potest, ostenderet, non ut haberet, ob quod insultaret Triboniano, (in quo mustaceo multi hodie quærunt laureolam,) sed ut rationem ejus mutationis redderet candide. Laudanda quoque est Vinnii nostri opera, quam in conferenda Theophili paraphrasi posuit, sane quam utilissima. Quamvis enim plerisque vapulet hic Theophilus, & aliquando ab iis quoque, qui eum nunquam evoluerunt, exagitetur; permultum tamen lucis eum fœnerare Institutionibus, Car. Hannibal Fabrotius, cujus verba quædam supra dedimus, pridem evicit. Et sane non hic nobis res est cum Theophilite quodam, quem aliqui verbis quibusdam Cujacii (a) decepti Accursio faciunt juniorem, sed cum Theophilo, viro illustri, & Antecessore, cujus opera ipse Justinianus in conficiendis Institutionibus usus est. Hunc ipsum enim esse illum paraphrasten, multis argumentis constat. Primò Theophilum Tribonianum *εὐμαρλιν*, Antecessoris munere Constantinopoli functum novimus. (b) Antecessorem aurem etiam paraphrasten fuisse, inde adparet, quod in codicibus vetustis singulis libris illa subnectuntur: *ἐκλεξάμεθα ἡ δὲ (β' γ' δ') Γενετήριον Θεοφίλου Ἀντικειμένου feliciter*. Eundem deinde Constantinopoli vixisse, inde patet, quod ubicumque ejus facit mentionem, eam vocat *ταύτην τὴν πόλιν*, vel *ταύτην τὴν βασιλεύσαν πόλιν*, hanc urbem vel hanc regiam urbem, (c) uti solent, qui urbis, in qua vivunt, meminerunt: Deinde, quem Theophilus Antecessor Justiniani temporibus floruerit: ejusdem ætatis esse paraphrasten nostrum, res ipsa docet. Quemadmodum enim omnes qui Justinianum antecesserunt, Imperatores Christianos ita describit, ut eos inter homines non amplius fuisse, statim adpareat, veluti ubi meminit *Ζωῆτος τῆς βίης λιχῆος*, (d) itemque *τῆς λείας λιχῆος Γυνῆριν*, (e) ita Justinianus ipsi semper est *θειότατος ἡμῶν δεσπότης, ῥητοῦτος Καίσαρος το σβεβίστατος ἡμῶν βασιλεὺς, ἡ μὲν τῶς ἡμῶν βασιλεὺς, sacratissimus Dominus noster, Imperator noster piissimus, clementissimus noster Imperator*, (f) quemadmodum & Theodoram *ῥητοβίστατος ἡμῶν δεσπότην, πρῆσσιμάν dominam nostram*, (g) & constitutionem Justinianeam *ἐκτάξις ἢ ἡσυχὴς ἐξέφωρνε*, constitutionem nuper promulgatam (h) adpellat. Quæ sane omnia non sunt verba de

(a) Cujac. *Recitat. ad tit. Inst. de adion.*

(b) Const. *Tanta*, §. 9. *de conf. Digest.*

(c) Theop. h. §. 7. *In 2. de satisfact.*

(d) Theo. h. §. 34. *Inst. de ad.*

(e) Theop. h. §. 3. *de donat.*

(f) Theop. §. 1. *de usuc.* §. 3. *de don.* §. 7. quib. al. licet, §. 7. *proæn.*

(g) Theop. §. ult. *Inst. de usuc.*

(h) Ibidem.

de principe addum satis functo differentis. Accedit, quod Theophilus sæpe paraphrasi suæ intexit formulas antiquas & ritus veteris jurisprudentiæ proprios, quos quum iudice Fabrotto (a) non aliunde, quam ex Cuij, Ulpiani, aliisque veterum Jctorum libris, depromere potuerit, satis profecto manifestum est, eum ante commune istud illorum librorum naufragium vixisse, versatissimumque fuisse in illorum operum lectione. Quod denuo non in Theophilzen quemdam Græcum novum, sed in celeberrimum illum Scholæ Constantinopolitanæ Antecessorem, Theophilum cadit. Denique quod palmarium esse, vir eruditissimus, & collega olim conjunctissimus, Nicolaus Hieronymus Gundlingius (b) observavit, Theophili nostri paraphrasin jam Thalelaeus laudavit, & ille quidem quem cum Triboniano, Theophilo aliisque pandectas composuisse, easque postea *κατα πίδα* vertisse novimus. Quod cum & Fabrottus (c) viderit, mirum sane est, virum ipsum doctissimum Theophilum Justiniano non quidem multo juniorem, à Theophilo tamen pandectarum & Institutionum architecto diversum credidisse, quasi ipse paraphrastes ætatem suam non multis illique luculentissimis prodiderit indiciiis. Quod si itaque Theophilus noster fuit Justiniano *σύγχρονος*, ceu hætenus mihi videor demonstrasse; gratissimum procul dubio cupidæ legum juventuti fecit Vinnius, quod eum diligenter consuluerit, & inde textum Institutionum vel stabiliverit, vel explicarit. Nec minus laudandum videtur singulare veritatis studium, quod idem ubique præ se tulit, dum manum ad scribendum adpulit. Rationibus enim solidis legumque auctoritate munivit omnia quæ docuit, nec in ullius juravit verba magistri. Tantum etiam abest, ut more glossatorum quævis convellere ac in dubium vocare studuerit vir doctissimus, ut plerasque istas lites erudite finiverit, & plerumque optimam maximeque legibus consentaneam elegerit opinionem, eamque ita firmit, ut aliquando & invitos in sententiam suam pertrahere videatur. Ordo porro, quo utitur, ipsi rei quam maxime convenit. Textum explicat accurate, scrupulos, quos injici lectori posse prævidet, cum cura eximit: ipsam doctrinam, quæ quovis loco proponitur, egregie illustrat, nec dissimulat, quæ vel novis Justiniani constitutionibus vel desuetudine & moribus patriis mutata aliter in foro observantur. Nullos hic videbis excessus, ad rem nihil pertinentes, nullas quæstiones otiosas & irrempestivas deprehendes; nec hic observabis à Vinnio, tanquam à coquo Plautino, diversa jura confundi. Nam ubique jus Romanum à moribus patriis accurate sejungit, & nihil facit reliqui, ut utriusque principia à lectore suo intelligantur. Denique & oratione utitur, non quidem calamistris intorta, sed pura tamen, & satis plerumque Latina, ut saltem non adfectasse videatur illam barbariem, qua plerosque Jurisconsultos commentarios suos inquinasse diximus. Quo gravior mihi fuit opera, quam à me vir integerrimus, novam hanc editionem meditatus, flagitavit. Quum enim intelligeret, me quædam margini exemplaris mei, ut fieri solet, adnotasse; non dubitavit à me petere, darem operam, ut Vinnii hic commentarius & nitidior & emendatior prodiret. Et sane nihil, quod mearum erat partium, prætermissem, si paulo plus temporis ad eam rem fuisset concessum. Quantum tamen à me præstitum putem, paucis accipe. Primo totum commentarium & relegi & recensui, & quidem ita, ut non modo aliquot millena spha-

ma-

(a) Fabrot. *Præfat. ad Theoph. Infl.*

(b) Gundlingian. *Part. 11. Obs. 11.*

(f) Fabrott. *ibid.*

mata quæ in priorem editionem irrepserant, sed & interpunctiones, antea vitiosissimas, vel plane omissas, restituerim diligenter. Deinde Auctores quos laudat Vinnius, plerosque evolvi, & ubi ipse solum librum expresserat, ego capita etiam & aliquando paginas adjeci, ne Lectori loca illa evoluturo istud quærendi tædium esset devorandum. Præterea notulas quasdam seu additiones, quas à VINNIANIS primis nominis mei litteris; HEIN. distinxî, passim insertas animadvertes. Eas quum jam olim exemplaris mei margini allevissem, ideo edi passus sum, quia quarundam me ne nunc quidem pœnitet. Sunt eæ non unius generis. Quædam illa, quæ à Vinnio non adeo plene traduntur, supplet: aliæ non satis accurate posita emendant: sunt etiam, quæ quasdam conjecturas de legibus à Vinnio vel emendatis vel explicatis proponunt Lectorisque judicio submitunt. Non existimo futurum, ut mihi id aulo quicquam succenseat. Quæ enim injuria est, alieno libro adspargere notulas? Et quid facilius erit Lectori, cui mea haud placebunt, quam breves illas stricturas prætermittere, maxime quum & paucæ sint, nec adeo multis paginis librum reddant auctiorem? Si qua in re stilus lapsus sit, id in meliorem partem interpretabuntur; quibus aliquis candor inest, quam festinantibus operis pagellæ inter alias occupationes & in medio luctu domestico, descriptæ & sæpe vix relectæ Lugdunum transmittendæ fuerint. Emendationi præfuit ipse, qui sumtus fecit, vir integerrimus. Quumque is & ob solertiam & ob linguæ intelligentiam par omnino fit huic operi, & jam plura ejus dexteritatis dederit documenta; res ipsa jam quoque ostendet, verissimum esse, quod scripsit Poeta: (a)

Dominum videre plurimum in rebus suis.

Tu, Lector, fruire editione, omnibus anterioribus, si quid video, meliore, mihi que, Tua causa omnia volenti, fave, & ex voto Vale. Franequeræ Frisiorum x. Kal. Mart. c12. 11. ccxxvi.

(a) Phædr. lib. 11. fab. 8. v. 29.

Rubricarum secundum Librorum & Titulorum ordinem.

Prooemium de Confirmatione Institutionum.

LIBER I.

D E Iustitia & Jure.	
De Jure Naturali, gentium & Civili.	
De Jure personarum continuatio.	
De Ingeniis.	
De Libertinis.	
Qui & ex quibus causis manumittere non possunt.	
De Lege Faja Caninia tollenda.	
De his qui sui vel alieni juris sunt.	
De Patria Potestate.	
De Nuptiis.	
De Adiprionibus.	
Quibus modis Jus Patria potestatis solvitur.	
De Tutelis.	
Qui Testamento tueretur dari possunt.	
De Legitima Auctoritatem Tutela.	
De Capitis Deminutione.	
De Legitimam Patrimonii Tutela.	
De Legitima Parentum Tutela.	
De Fiduciaria Tutela.	
De Attiliano Tutela, & eo qui ex Lege Julia & Titina dabatur.	
De Auctoritate Tutorum.	
Quibus modis Tutela finitur.	
De Curatoribus.	
De satisfactione Tutorum vel Curatorum.	
De excusationibus Tutorum vel Curatorum.	
De suspensis Tutoribus vel Curatoribus.	

Titulus	
1	
2	
3	
4	
5	
6	
7	
8	
9	
10	
11	
12	
13	
14	
15	
16	
17	
18	
19	
20	
21	
22	
23	
24	
25	
26	

LIBER III.

D E Hereditatione, qua ab intestato deferuntur.	Titulus
De Legitima Adgnatorum Successione.	1
De Senatusconsulto Trebelliano.	2
De Senatusconsulto O ficiano.	3
De Successione Cognatorum.	4
De Gradibus Cognationum.	5
De Servili Cognatione.	6
De Successione Libertorum.	7
De Affignatione Libertorum.	8
De Bonorum Possessionibus.	9
De Acquisitione per advectionem.	10
De eo, cui Liberalitatis causa Boni addicuntur.	11
De Successionibus sublati, qua sibi per bonorum Venditionem, & ex Senatusconsulto Claudiano.	12
De Obligationibus.	13
Quibus modis re contrahitur Obligatio.	14
De verborum Obligationibus.	15
De duobus Rebus stipulandi & promittendi.	16
De Stipulatione Servorum.	17
De Divisione Stipulationum.	18
De Inutilis Stipulationibus.	19
De Fideiussoribus.	20
De Litterarum Obligationibus.	21
De Obligationibus ex Consensu.	22
De Emptione & Venditione.	23
De Locatione & Conductione.	24
De Societate.	25
De Mandate.	26
De Obligationibus, qua quasi ex contractu nascuntur.	27
Per quas Personarum Obligatio acquiritur.	28
Quibus modis tollatur Obligatio.	29

LIBER II.

D E Rerum Divisione, & acquirende ipsarum Dominiis.	Titulus
De rebus Corporalibus & Incorporalibus.	1
De Servitutibus rusticorum & urbanorum praediorum.	2
De Usufructu.	3
De Usu & Habitatione.	4
De Usucapionibus, & longi temporis Prescriptionibus.	5
De Donationibus.	6
Quibus alienare licet, vel non licet.	7
Per quas Personae cuique acquiritur.	8
De Testamentis ordinandis.	9
De Militari Testamento.	10
Quibus non est permittum facere Testamentum.	11
De Exheredatione Liberatorum.	12
De Heredibus instituendis.	13
De Vulgari Substitutione.	14
De Pupillari Substitutione.	15
Quibus modis Testamentum infirmantur.	16
De Inofficioso Testamento.	17
De Harum Qualitate & Differentia.	18
De Legatis.	19
De Ademptione Legatorum, & Transfatione.	20
De Lege Falcidia.	21
De Fideicommissariis Hereditatibus.	22
De singulis rebus per Fideicommissum relictis.	23
De Codicillis.	24

Titulus	
1	
2	
3	
4	
5	
6	
7	
8	
9	
10	
11	
12	
13	
14	
15	
16	
17	
18	
19	
20	
21	
22	
23	
24	
25	

LIBER IV.

D E Obligationibus, qua ex Delictis nascuntur.	Titulus
De Vi Bonorum raptorum.	1
De Lege Aquilia.	2
De iniuriis.	3
De Obligationibus, qua quasi ex delicto nascuntur.	4
De Admonitionibus.	5
Quod cum eo, qui in aliena potestate est, negotium gestum esse dicitur.	6
De Noxalibus Admonitionibus.	7
Si quadrupes pauperiem fecisse dicatur.	8
De his per quos agere possumus.	9
De Satisfactionibus.	10
De Perpetuis & Temporalibus Admonitionibus, & qua ad heredes, & in heredes transiunt.	11
De Exceptionibus.	12
De Repletionibus.	13
De Interdictis.	14
De Paupere temere litigantium.	15
De Officio Iudicis.	16
De Publicis Iudiciis.	17

ARNOLDI
VINNII, J. C.
IN LIBRUM PRIMUM
INSTITUTIONUM
IMPERIALIUM
COMMENTARIUS
ACADEMICUS ET FORENSIS.
CUM NOTIS AD TEXTUM.

PROOEMIUM.

De Confirmatione Institutionum.

IN NOMINE DOMINI NOSTRI
JESU-CHRISTI.

IMPERATOR CÆsar FLAVIUS JUSTINIANUS, ALEMATICUS, GOTTHICUS, FRANCICUS, GERMANICUS, ANTICUS, ALANICUS, VANDALICUS, AFRICANUS, PIUS, FELIX, INCLYTUS, VICTOR AC TRIUMPHATOR, SEMPER AUGUSTUS cupidæ legum juventuti S.

IMPERATOR) Hoc nomine etſi appellarentur omnes exercitus ductores *στρατηγοί*, ἢ *πολίμους ηγεμῖνες*, propriè tamen id tribui solebat iis, qui re bene gesta hoc honoris titulo acclamatione milicum vel decreto Senatus decorati essent. Post occupatam Rempublicam perpetuum Principis prænomen esse cœpit ex S. C. Ho-

tomannus ex Cic. Tacit. Sueton. Dion. Appian. VINN. Sed tamen Byzantini Imperatores plerique hoc cognomen dimiserant ante Justinianum nostrum, qui illud primus revocavit in usum, primus postliminio veluti renunciatus *ἰουανιανὸς αὐτοκρατορ*, uti testatur Agathias lib. 6. p. 157. Ez. Sphanhem. de Usu & præst. num. Tom. 2. Diff. 12. p. 403. HEIN.

CÆsar) cognomen familiz in gente Julia, quod post C. Julium factum est hæreditarium Imperatorum. Procedente tempore, eodem nomine appellati & qui vivo Imperatore designati augustæ majestatis hæredes, l. 7. Cod. de malef. & matrem. Spartian. in *Ælio Vero*, ubi & hunc ipsum primum Cæsarem ea ratione appellatum testatur. Hodie *Reges Romanorum* Vocantur. VINN. Ita quidem Spartianus in *Æl. Ver. cap. 2.* contra Aurel. Vict. *cap. 12. in Trajano* ab Adriani demum adoptione divisa esse ait Cæsarum & Augusti nomina. Neuter accuratè. Omnes Principum liberi dicti sunt

sunt Cæsares, jam à Neronis temporibus. Domitianus, statim interfecto Vitellio, hoc nomen obtinuit, Tacit. *Hist. Lib. 3. cap. 86.* Hinc numi Titi & Domitiani Cæsarium apud Spanhem. T. 2. p. 351. Ita & Trajanus Cæsar consalutatus statim post adoptionem. Conf. Pagi *Crit. Bar. ad ann. 69. & 97.* Postea destinati Imperio Candidati dicti sunt *nobilissimi Cæsares*, quod nomen in numis Philippi junioris primum occurrit, at ante eum idem legitur in marmore Maximo Maximini filio dicato apud Gruter. p. CLII. §. vid. Ez. Spanh. *de usu & præstant. num. Diss. 12. §. 2. p. 357. seq.* HEIN.

FLAVIUS) A Vespasiano Imperatore hoc nomen manavit, quem è Flavia gente nova & ignobili fluxisse, Suetonius auctor est.

JUSTINIANUS) Nomen hoc Imperatoris nostri proprium fuit; idque etiam habuit ante adoptionem: ex quo apparet, non esse productum à nomine Justinii avunculi & patris adoptivi, ut quidam putant.

ALEMÄNICUS, GOTTHICUS, &c.) Agnomina à devictis, aut bello laceffitis gentibus ducta: Seneca l. 1. *de Clement. 14.* scribit, asserentem populum ambitiosæ majestatis tribuisse, quidquid potuit congerere titulorum. VINN. Hunc morem devictarum gentium vocabula nominibus adscribendi jam pridem ante Justinianum servarant Imperatores. Solius Judaici cognomen ob religionis odium & gentis contemptum adspersum est uterque Vespasianus. Cæterum hæ gentes omnes notæ sunt præter Anticam. Et hic plerisque interpretibus aqua hæsit. Verum non Anticum sed Ponticum legendum esse, rectè monuit i καὶ, Spanhem. *ibid. Diss. 12. §. 14. pag. 504. T. 2.* Latæ enim Abasgos & Txanos ad Pontum Euxinum subegerat. Unde & alibi dicitur *Laxicus*. Nov. XLIII. HEIN.

FRANCICUS) Theodibertum Francorum regem gravissimè tulisse refert Agathias, quod Justinianus, velut devicta gente Francorum, Francici titulum sibi sumpserat. Postea etiam Gepidicum & Longobardicum se dixit, quod eas quoque gentes irritavit, Cujac. & Grot. ex Agathia.

PIVS) Primus hoc cognomen obtinuit Antoninus Hadriani successor. Capitol. in *Antonin. c. 2.* Inde ad alios descendit. Justin. *Nov. 78. c. 5.* Ἀγαθίας ἡ τὴν οὐδεὶς αἰώνιος ἐξ ἑ καὶ οὐκ ἔστιν αὐτὸς τὰ τῆς προτέρου αἰῶνος κατὰ τὴν. VINN. Conferendus omnino Ezech. Spanhem. *Diss. 12. §. 6. pag. 434. seq. T. 2.* HEIN.

FELIX) Usurpavit hoc cognomen Commodus, ut historix testantur, quem plerique successores imitati appellationem hanc Justinia-

no tradiderunt. VINN. Ast hujus cognominis, jam suo tempore Imperatoribus dati, meminit Seneca *Lib. 11. de Clem. c. 14.* HEIN.

TRIUMPHATOR) Triumphasse legitur de Persis & Vandalis. Varro l. 7. *de ling.* scribit triumphare sic appellatum esse, quod cum Imperatore milites redeuntes clamant per urbem in Capitolium eunti, Jo triumphæ, io.

AUGUSTUS) Nomen hoc primum Octavio à Senato tributum: ductum ab eo, quod loca, in quibus augurato quis consecrator, augusta nominantur. Suet. in *August. c. 7.* Alii ab augendo imperio dictum putant: unde illud hodieque Zu allen Zeiten Mebrer des Reichs. Wesemb. VINN. Eodem sensu Manasses in *Politicis* Ἀγγυστες, inquit, αἱ κοινότητες. Contra in *Novell. 17. αἱ εὐχαρίαι*, redditur semper adorandus. HEIN.

Ut Plato legislationis tres vult esse partes, Proœmium, Legem, & Sanctionem; ita hujus Constitutionis eadem deprehenduntur membra. I. Proœmium, quo suum legislationis studium commendat, usque ad §. 3. II. Legislatio, usque ad §. pen. III. Sanctio. Wesemb. hic.

De usu Armorum & Legum.

Imperatoriam majestatem non solum armis decoratam, sed etiam legibus oportet esse armatam, ut utrumque tempus & bellorum & pacis rectè possit gubernari: & Princeps Romanus non solum in hostilibus præliis victor existat, sed etiam per legitimos tramites calumniantium iniquitates expellat, & fiat tam juris religiosissimus, quam victis hostibus triumphator (magnificus.)

Armis decoratam) Imperator utrumque Reipub. tempus sine armorum ac legum præsidio rectè administrare non potest: inquam sententiam præclara quædam hic adpersa ab Hotom. & Grot. ex Arist. Plat. Liban.

Legibus armatam) Munitam & instructam M. Tullius l. 1. *de Off.* scribit, Lacedæmoniorum imperium multo plus Lycurgi legibus & disciplinæ debere, quam aut Pausaniæ, aut Lylandri rebus gestis. Parvi enim, inquit, c. 22. sunt foris arma, nisi sit consilium domi, &c. Est autem hic χλαμὶς κατὰ τὴν ἑσπερίαν τύπον, tribuit armis decorari, legibus armari. Theophrastus pro verbo reddidit, ἵππαις κοσμεῖσθαι. ἵππαις ἱππίζεσθαι.

Victor existat) Sensus est apertus, Impera-

torem non ex armis tantum, sed etiam ex legibus gloriosam sibi victoriam comparare.

Legitimus tramiter) Ea ratione, quam leges præscribunt. Theophilus convertit, *ἐπιμνηστικῶς*, legitimis inventis. Imperator non tantum hostibus debellandis, verum etiam calumniatoribus coercendis, victoris nomen adipiscitur.

Calumniantium) Pars pro toto, improbitas, quæ in judiciis versatur, de quo propriè verbum calumniandi intelligitur, pro omni, quæ in pacata civitate admittitur. Cicero 2. de Repub. Ut Carneadi respondeatis, qui sæpe optimas causas ingenti calumnia ludificari solet.

Juris religiosissimus) Juris ad summam religionem observantissimus. Dion. Halicar. lib. 5. *Κράτιστος ἢ βασιλεύς ἡ δικαιοσύνη τε καὶ νομιμότης.*

Magnificus) Absit hæc vox à veteribus libris, testibus Cujac. & Hotom. nec Theophil. agnoscit.

De bellis & legibus Justiniani.

1. *Quorum utramque viam cum summis virgiliis, summaque providentia, annuente Deo, perfecimus. Et bellicos quidem sudores nostros Barbarica gentes sub jugo nostra redacta cognoscunt, & tam Africa, quam alie innumera provincia post tanta temporum spatia, nostris victoriis à cælesti Numine præstitis, iterum ditioni Romanae nostræque addita Imperio, protestantur. Omnes vero populi legibus tam à nobis promulgatis, quam compositis reguntur.*

1. *Utramque viam*) Justinianus & gloriam sibi peperit victis hostibus, & juris æquabilitatem inter cives suos retinuit.

Barbarica gentes) Significat Persas in Syria, Vandalos in Africa & Italia, Gotthos in Italia, & Sicilia.

Redacta) Vet. *deducta*, & ita Cujac. & Hotom. *Innumera*) Vet. *numerosa*, id est, multe; sic enim locuti sunt Cassiod. Oros. Eutrop. & alii Scriptores *ἐὺχρηστοί*, Theoph. tamen *ἀνὰ πᾶσιν*.

Post tanta temporum spatia) Post annos 95. quibus Vandali Africam tenuerunt, l. 1. Cod. de offic. præf. Afric. adimplatur Procop.

Ditioni Romana) Postquam sedes imperii Constantinopolim, (quæ antea Byzantium, postea etiam nova Roma,) translata fuit, Imperium Romanum à Constantino & Gallieno in duas partes divisum, orientalem & occidentalem & utrique parti suæ provincie attributæ. VINN. Non à Gallieno, sed à Galerio:

nec in duas, sed in tres partes. Galerius enim Orientem, Constantinus transalpinas Provincias, Maxentius Italiam accepit Eutrop. Lib. 10. c. 1. HEIN.

Promulgatis) Promulgatas suas, compositas alienas intelligit, id est, ex veteri jure in unum collectas & dispositas.

De Compositione Codicis & Pandectarum.

2. *Et cum sacratissimas constitutiones antea confusas in luculentam creximus consonantiam, tunc nostram extendimus curam ad immensa veteris prudentia volumina, & opus desperatum, quasi per medium profundum euntes, caelesti favore jam adimplevimus.*

2. *In luculentam creximus consonantiam*) Intelligit Codicem priorem, quem altero Imperii sui anno componi jussit 528. & anno insequenti edidit. In hunc, Principum Constitutiones vagæ per tres codices, Gregorianum, Hermogenianum, Theodosianum, dispersas collegit, *const. de nov. Cod. fac. & de just. Cod. confirm.* Sed eum non habemus. Post idem Codex iterum emendatus est, & multis locis recognitus, additis 50. decisionibus, quo hodie utimur. VINN. Prior ille codex promulgatus VII. Id. April. anni DXXIX. dictus est Justinianæus. Nov. 66. c. 1. §. 1. Paul. Diac. Lib. 1. c. 25. Posterior, quo hodie utimur, dicitur Codex repetitæ prælectionis, *Const. de codic. emend.* §. 3. publicatus XVI. Kal. Dec. anni DXXXIV. HEIN.

Ad immensa veterum volumina) Quarto Imperii anno, Lampadio & Oreste Coss. 530. Pandectas componi jussit, ediditque, & confirmavit anno Imperii sexto, ipso 531. Cos. eodemque anno composuit Institutiones & promulgatæ uno mense ante Pandectas: ut Pandectæ compositione priores sint Institutionibus, confirmatione posteriores. Codicem repetitæ prælectionis promulgavit anno proximo, ipso IV. & Paulino Coss. 534. Hæc perspicua sunt ex constitutionibus ad juris compositionem pertinentibus. Novellarum liber diem non habet.

Immensa volumina) Innumera veterum scripta, quæ in bis mille libris & aliquot centena millia versuum excreverant; l. omnem, §. 1. de concept. Dig.

Per medium profundum) Per medias difficultates. Liv. 31. c. 1. *Provideo animo in vastiorem me altitudinem ac velut profundum invehi.*

De tempore, auctoritatibus, fine & utilitate compositionis institutionum.

1. Cūque hoc, Deo propitio, peractum est, Tribonianus Viro magnifico, Magistro, & Exquestore sacri palatii nostri, & Exconsule; nec non Theophilus & Dorotheo, Viris illustribus & antecessoribus, (quorum omnium solertiam, & legum scientiam, & circa nostras iustiones fidem, jam ex multis rerum argumentis accepimus,) convocatis, mandavimus specialiter, ut ipsi nostra auctoritate, nostrisque suasionibus Institutiones componerent: ut liceat vobis prima legum cunabula non ab antiquis fabulis discere, sed ab Imperiali splendore appetere: & tam aures quā animi vestri nihil inutile, nihilque perperam positum, sed quod in ipsis rerum obtineat argumentis, accipiant. Et quod priori tempore vix post quadriennium prioribus continebat, ut tunc constitutiones Imperatorias legerent, hoc vos à primordio ingrediamini, digni tanto honore, tantaque reperti felicitate, ut & initium vobis & finis legum eruditionis à voce Principali procedat.

3. Magistro) Scilicet officiorum, penes quem cura est totius pene aulæ & palatii. Gallicus Prevost de P. Hostell. Cujac. in l. 3. C. de prepos. sacr. cubic. lib. 12. VINN. Immo non tam aulæ, quā consistorio Principis præerat, dictus ideo gubernare officia palatina, L. 2. C. Theod. de judeis. Hinc in comitatu Principis erat, ad eumque referere ex libellis Magistratum; vid. Gothofr. Notit. dignitat. ad C. Theod. p. 326. Tomo 6. HEIN.

Ex questore) Quæstor ætate Justiniani is erat, quem nostra ætas Cancellarium vocat, ut pass. in Cod. hoc est, ad quem cura legum & juris pertinet. Custos legum & famæ publicæ appellatur in Nov. Valentiani de homic. cast. & à Calsiod. aliquot locis. Exquestores & Exconsules à Justiniano dicuntur, qui à Latinis, Quæstorii & Consulares. VINN. Vid. omnino Calsiod. Var. 1. 12. v. 14. HEIN.

Antecessoribus) Juris Interpretibus, ac Doctoribus, ἑρμηνεύταις, ut pass. in præf. Pand. τῶν παλαιῶν διδασκάλων, l. 6. §. 12. D. excusat. ius. Qui forum sequebantur, Togati Qui scholas, Antecessores, & Professores dicebantur.

Prima legum cunabula) Prima legum fundamenta, στοιχεῖα, seu elementa, primam legum audientiam appellat in l. un. C. de nud. jur. Quirit. tollend.

Antiquis fabulis) Jus antiquum & obsoletum intelligit, quo repleti erant veterum Juriconsult. libri.

Rerum obtineat argumentis) Huc pertinet illud Aristippi apud Laërtium, qui percontanti cuidam, quæ potissimum adolescentibus essent discenda, respondit, quæ viris usui futura sunt.

Post quadriennium) Theophil. μετὰ τεσσάρων ἔτην. Sed aut erravit ipse, aut corrupti sunt Codices, ut patet ex præfat. ad antecess. Fabrot. in not. ad Theop.

Digni tanto honore, tantaque reperti felicitate) Digni reperti tanto honore tantaque felicitate. Theop. τισαντες ἀξιωδωτας τιμῆς, καὶ τισαντας ἀπὸ λαοφάνειας ἰουτυχίας, dignati & affectui.

Divisio Institutionum.

4. Igitur post libros quinquaginta Digestorum, seu Pandectarum, in quibus omne jus antiquum collectum est, quod per eundem virum excelsum Tribonianum, nec non ceteros viros illustres & sacundissimos confecimus; in quatuor libros eadem Institutiones partiiri jussimus, ut sint totius legitima scientiæ prima elementa.

4. Pandectarum) Pandectæ κατὰ τὴν πᾶν διχνοῦσαι, quod omnis generis leges complectantur, Harmenop. l. 1. tit. 1. §. 6. VINN. Eandem vocabuli rationem ipse Justinianus reddidit, quod omnes disputationes & decisiones in se habeant legitimas, & quod undique fuit collectum, hoc in sinus suos receperint, l. 1. §. 12. Cod. de ver. jur. enucl. Sed non Justinianus hujus tituli auctor. Pandectas enim & Digesta jam scripserunt Ulpianus, Modestinus, immo & Sabinus, Julianus, Alfensius Varus, Celsus, Marcellus, & alii. HEIN.

Collectum est) Libri veteres, teste Hotom. collatum est. Et ita Theoph. ὁ οἷς ἐστὶν παλαιὰ τῶν ἀρχαίων νομοθεσία.

Ceteros) Præter Tribonianum, Theophilum, Dorotheum, tredecim aliis usus est Justinianus, quos enumerat & nominat in præfat. Digest.

In quatuor libros) Apud Theophil. abundant verba, τὰς ἑρμηνείας Διγίγισιν. Fabrot.

Quid in Institutionibus contineatur.

5. In quibus breviter expositum est, & quod antea obtinebat, & quod postea defuetudine inembratum, Imperiali remedio illuminatum est.

5. Defuetudine) Theophil. ἀνορεθία, quasi dicat infuetudine. Significat autem jura antiqua & antiquata, qualia multa in argumentis usucapionum, exheredationis liberorum, legatorum, successionum ab intestato, bonorum possessionum, satisfactionum, &c.

Illu-

Illuminatum est) Theoph. *ἐφωτισμένον*. Intelligit autem & desuetorum quorundam in usum revocationem, & aliorum vel interpolationem vel abolitionem.

His verbis indicatur Institutionum confirmatio. Unde hæc præfatio Theophilo, *διτάξις βιβλῶν τὰ ἐπιστῆτα*.

Ex quibus Libris compositæ sunt Institutiones, atque earum recognitio, & confirmatio.

6. *Quas ex omnibus antiquiorum Institutionibus, & præcipue ex Commentariis Caji nostri, sã Institutionum, quàm rerum quotidianarum, aliisque multis Commentariis compositas, cum res viri prudentes prædixi nobis obtulerint, & legimus, & recognovimus, & plenissimum nostrarum Constitutionum robur eis accommodavimus.*

6. *Præcipue ex commentariis Caji*) Hoc ita esse vel ex reliquis scriptorum Caji, quæ in Pandectis supersunt, cuius animadvertere licet; sæpius enim hujus unius, quàm cæterorum omnium verba in his libris proferuntur. *Nostri*) Benevolentis significatio, ac sic plerumque predecessores, qui nostræ fuerunt professionis, appellamus. *Scævola noster* apud Paulum & Triphonium sæpe: apud Pomponium Caji noster l. pen. D. de stip. serv. Floruit sub Hadriano & Marco l. 7. D. de reb. dupl. l. pen. D. ad SC. Tertyll.

Recognovimus) Id est, corrigendi causa diligenter & attentè legimus: Cic. pro Balb. cap. 5. *Nos Cn. Pompeji iudicium de consilii sententia pronuntiatum recognoscimus.*

Constitutionum robur eis accommodavimus.)

Adhortatio ad studium juris.

7. *Summa itaque ope, & alacri studio has leges nostras accipite: & vosmetipsos sic eruditos ostendite, ut spes vos pulcherrima foveat, toto legitimo opere perfecto, posse etiam nostram Rempublicam in partibus ejus vobis credendis gubernari; D. CP. XI. Kalend. Decemb. D. JUSTINIANO PP. A. III. COS.*

7. *Summa ope & alacri studio*) Epilogus exhortatorius, ut in suasoriis usitatum, à spe & expectatione præmiorum, Cic. 1. de orat. c. 8. *Pergite, ut facitis, adolescentes, atque in id studium, in quo essis, incumbite, ut vobis bonori, & amicis utilitati, & Reipub. emolumento esse possitis.*

D. CP. XI. KAL. DECEMB.) Id est. *Data Constantinopoli XI. Kalendas Decembris, Domino Justiniano perpetuo Augusto tertium Consule. In quibusdam libris, PP. quasi Patre Patria, quod ejus temporis consuetudo repudiat. Hottom. VINN.* Quamvis ex hac subscriptione pateat, Institutiones prius, quam Pandectas confirmatas, auctoritas tamen utriusque libri ab eodem die 3. Kal. Jan. dependet. l. 2. §. penult. C. de Vet. jur. enucl. Unde non semper Pandectæ derogant Institutionibus: sed observandæ sunt regulæ B. Huber. in præf. ad b. l. §. 10. HEIN.

TITULUS PRIMUS.

DE JUSTITIA ET JURE.

Concord. Lib. 1. Tit. 1. Dig.

1. *Partitio & series totius operis.*
2. *Justitia vulgata distributio explicata.*
3. *Etiam universalem justitiam disciplina civilis propositam.*
4. *Utrum justitia in universalem & particularem distributio necessaria? sceptice.*
5. *Varia juris significata, & qua in significatione hoc verbum hic accipitur?*
6. *Summa eorum, quæ hoc titulo traduntur.*

Duo hæc in omni jure constituto insunt: jus ipsum seu lex, quæ jubet & constituit: tum res, quæ eo jure jubetur constituiturque: ac proinde universi juris tractatio duabus partibus conti-

netur; quarum una est de jure constitutive, sive de legibus quæ naturalibus, quæ civilibus: altera de jure constituto, sive de eo, quod legibus sancitum cautumque est. Et quia prima natura quæstio est de jure constitutive, de eo etiam primo loco veteres tractaverunt: quod non modò in his Institutionum libris, sed etiam in Pandectis animadvertere licet. Nam prima quæstio proponitur atque absolvitur quatuor titulis in vestibulo sive ingressu Pandectarum; reliquo opere agitur de jure constituto. Idem & in Institutionibus nostris observatum est: liquidem duo priores tituli hujus libri primam quæstionem continent: reliqua parte operis altera quæstio, quæ multo latius

patet, tractatur, atque idē *διαμετρικῇ* absolvitur, initio factō a discretionē materiæ sive subiecti hujus scientiæ: quæ divisio in hæc quæstione omnium prima est generalissima. 1. Inscríbuitur hic titulus *de justitia & jure*. Aristoteli & plerisque moralis Philosophiæ professoribus justitia duplex est, universalis, & particularis. Ad universalem pertinet tritum illud Poetæ gnomologi:

Εἰς δὲ δικαιοσύνην ἡ συνῆκεν πᾶς ἀνθρώπος ἑαυτὸν.

Comprehendit scilicet in se hæc justitia etiam aliarum virtutum omnium officia, peculiari tamen cum respectu, quatenus nimirum illa necessaria sunt, aut conducunt ad perfectionem & conservationem civilis societatis, ut ne quid admittatur contra rationem aut honestatem, quod non admitti vel publice vel privatim interfit. Hæc eadem justitia & legalis dicitur, propterea quod non minus latè pateat quàm ipsæ leges, quæ etiam sunt regula & norma hujus justitiæ; unde à Cicerone *l. 1. de legib. c. 15.* definitur: *Obtemperatio scriptis legibus & institutis populorum*: ab Aristotele *lib. 5. Eth. 1.* *Obedientia erga omnes leges*. In summa hæc justitia à virtute in genere non differt essentia, sed hæcenus tantum, quod quando consideratur ut habitus animi, dicatur virtus simpliciter; quando ut civilis societatis conservatrix, justitia, auctore Michaële Ephesio ad *d. loc.* Arist. Vitium huic legali justitiæ oppositum dicitur *κατανομία*. Particularis justitiæ duas species constituit, quarum alteram *διαμετρικῇ* Aristoteles vocat, id est, *distributivam*; alteram *συναμμετρικῇ*, id est, *commutativam*. Distributiva respicit *ἀξίας*, quod quisque meretur, quod cuique convenit, sive id premium sit, sive pœna, sive honor, sive onus. Commutativa suum cuiusque propriè sumptum spectat, & alio nomine melius *διοριστικῇ* à Philosopho appellatur: nam ut possessor rei meæ eam mihi reddat, non est *ἐκ συναμμετρίας*, & tamen ad eandem hanc justitiam pertinet. Illud quoque perpetuum non est, quod plerique tradiderunt, à justitia commutativa respici proportionem simplicem, quam arithmetica vocant, à distributiva comparatam, quam appellant geometricam, quæ mathematicis & revera sola proportio est: neque enim per se justitia commutativa à distributiva differt tali proportionum usu, sed objecto & materia circa quam versatur. Nam & contractus societatis expletur proportionē comparata, si unus tantum apud inveniat ad munus publicum obeundum, non alia quàm simplici commensione attributio sit: & contra, si quis de suo legare velit,

distributiva justitia uti solet, & merita considerare, *l. 9. ff. pro soc.* Sed & in delictis coercendis pœnarumque irrogatione modò arithmetica, modò geometrica proportio servatur: quod tamen totum est justitiæ distributivis, D. Grot. *1. de jure bell. & pac. c. 1. num. 8.* Vitium particulari justitiæ oppositum *κατανομία* dicitur, cujus verbi vim Latini per vocem *injuria* ferè expriment. Disciplina civilis non dirigit internas animi functiones, & potissime versatur circa justitiam particularem in ejus juris obedientiam animos formans, cujus executio in judiciis urgetur. Negari tamen non potest, quin interim quoque spectet justitiam universalem, quæ omnium virtutum officia complectitur. Docet enim justè vivendum esse secundum omnes leges; ipsaque adeo juris præcepta omnem speciem virtutis & honestatis continent, certè quatenus eò spectant, ut justè vivatur, & civium inter se honesta sit societas, quod hic querimus. Et verò si legibus & legum latoribus proposita est universa virtus, ut sanè est, cùm beatitudo civilis sit universarum legum summa, teste Platone *5. de legib.* etiam legum scientiæ & consulti eadem proposita erit: neque enim minus latè patet officium Jurisconsulti in legibus interpretandis, quàm legislatoris in faciendis: totoque falluntur judicio, qui officium Jurisconsulti cancellis forensium causarum circumscribunt. Utique illa: *Hominem mortuum in urbe ne sepelito, neve urito: rogum ascia ne polito; mulieres genas ne radunto, neve lectum funeris ergo habento*, & similia lege duodecim tab. cautā, nullo modo ad justitiam particularem referri possunt. Quod si quid in hujusmodi quæstione valere debet auctoritas Principis, ipse Justinianus *Nov. 69. in pr.* differtè ait: *Justitiam illam, quæ singulis virtutibus ascripta, easque ad debitum finem perducit, etiam finem esse legum prudentiæ. Temperare mihi non possum, quin illud hic subjungam, esse qui vulgatam illam justitiæ distinctionem negant esse necessariam; & simplicius esse contendunt, si unum tantum justitiæ genus esse dicamus. Quod si verum est, sublata erit hæc dispositio. Hi ita differunt. Ut singularum virtutum omnium, ita & justitiæ unum genus esse, διοριστικῇ κατὰ ἀριστοτέλιν, ἢ ἀδικίας, sicut ex contrario nec duo justitiæ genera sunt, sed unum tantum, sive τὴ ἀσπίδι dicas, sive κατὰ νόμον utrumque enim omnem comprehendere injustitiam, etiam ipsam Aristotelem doceret: neque κατὰ νόμον & κατὰ ἀξίας genera esse opposita, sed hanc illius speciem, hoc item & Aristotelem fateri. Ad hæc non simpliciter*

verum esse, quòd reliqua injustitiæ genera non tantum pugnent cum justitia, verum etiam cum alia virtute: *παιδεία* autem cum sola justitia: quo maxime Argumento ad distinctionem suam probandam utitur Aristoteles. Possè quidem in una actione cum alio vitio injustitiam concurrere: cæterum nullas actiones injustas, quatenus injuste sunt, cum alia virtute directo pugnare, sed cum justitia dumtaxat: sicut nec ex contrario alia vitia cum justitia, sed cum oppositis sibi virtutibus. Ut ecce: Qui adulterium committit, eum & injustum esse, quòd alienum violat thorum, & intemperantem propter expletionem libidinis. Jam verò violare thorum alienum, quod est injustitiæ, non pugnare cum temperantia (quid enim, si quis quæstus sui causa id fecerit) nec explere libidinem cum justitia non magis, quàm si quis libidinis explendæ causa cum scorto congressus sit. Denique ex hoc etiam exemplo patere, posse & *παιδείας* eodem modo cum alia virtute committi: nam adulterium & *παιδείας* esse sive injurium, & intemperantem. Innumera verò afferri posse, quæ cum sint *εἶδη*, & in speciem *παιδείας* non cadant: cum nulla tamen alia virtute pugnent, quàm cum justitia. Nam si quis è decem, quos habebat, sex servos testamento manumiserit: aut si minor viginti annis servum manumiserit, non dicta apud Consilium causa; utrumque injustè facere, illum contra legem Fufiam Caninianam, hunc contra legem Æliam Sentiam: neutrum tamen injurium esse, neutrum ignavè aut intemperanter facere. Si vir uxori quippiam donaverit: si fundum dotalem cum consensu uxoris alienaverit aut obligaverit: si fœmina intercesserit: si filiosam pecunia mutuo data sit: si frater sororem adoptivam uxorem duxerit; hæc actiones omnes & similes injustas esse, & legibus aut senatusconsultis improbari: nec tamen qui istas faciunt, injurios dici posse, aut intemperantes, vel ignavos. Cæterum nihil in præsentia definitio.

¶ *Juris* vocabulum *πλοῦς* est: propria significatio una, minùs propriæ plures. Propriè jus dicitur naturæ aut populi ejusve, qui vicem populi sustinet, iustum. Arguit id etymon ipsius vocabuli, quod à jubendo dictum esse vel ex eo liquet, quòd veteres, auctore Festo, jura dixerunt *jussa*. In hac autem significatione passim usurpatur: veluti cum dicimus, Jure quid fieri; Juris rationem non pati; Contra jus esse; sic dicitur jus naturale, civile, prætorium. Cæteræ significationes minus propriæ; ut primò cum jus accipitur pro eo, quod jure continetur, & cuique tribuitur. Id-

que vel generatim, & indefinitè, ut in hisce formulis aut id genus aliis, cum dicimus: Jus suum cuique tribuere. Neque mortalium jus suum detrahi oportere: eodemque modo haud dubiè accipi debet, cum dicimus, Jura sanguinis, agnationis, naturalia & adoptionis jura, nempe pro beneficiis sanguini, agnationi, naturæ adoptionis jure tributis. Vel specialiter pro facultate & potestate jure tributa, quod fit quoties verbis faciendi jus adjungitur; ut in definitionibus itineris, actus, viæ, usufructus, actionis, in quibus omnibus metonymia est continentis pro contento. Secundo cum jus accipitur pro juris arte per eandem figuram converso modo, ut in *l. 1. pr. hoc tit.* Tertiò cum accipitur pro loco, in quo jus redditur, ut cum dicimus: In *quo vocare*, in *jure confesso* pro *judicatis haberi*: in quo idem ferè tropus est, *μετανομία* adjuncti pro subiecto; *l. pen. eod.* Quòd si nunc quærat: Qua in significatione jus hoc loco accipi debeat, propriæ, an figuratæ? Constanter respondebimus: in propria. Arguit hoc ipsa materia, quæ & in hoc & in seq. titulo tractatur. Argunt definitiones & divisiones, quæ utroque titulo & in *x* eod. traduntur: ut mirum sit inveniri qui seriò contendunt, jus hic pro juris arte accipiendum. Summa eorum, quæ hoc titulo tractantur, hæc est. Primum traditur definitio justitiæ & jurisprudentiæ, quæque ratione ac via tyronibus hæc disciplina proponenda sit, judicator. Hinc jam ea pars, quæ est de jure constituyente, inchoatur, tradunturque juris præcepta, juris civilis divisio, & subdivisio privati. Singula nunc videamus.

T E X T U S.

Definitio justitiæ.

Justitia est constans & perpetua voluntas jus suum cuique tribuendi.

N O T A.

Auctor hujus definitionis est Ulpian. *l. 10. D. hoc tit.*

Voluntas Metonym. pro habitu voluntatis sive *ἔξω*, *αφ' ἧς ἐκλύμεθα* *1a* *δικαιο.* ut Paraphrast. ad *γ. Nicom. c. 1.*

Jus suum cuique Objectum justitiæ est jus cuiusque suum: finis, ut id quisque obtineat, id est, ut cuique quod ei debetur tribuatur. Delictis etiam debetur poena. Athanas. in syn. *8. ser. ἀποδίδωμι ἑκάστῳ τὸ ἴδιον.* Plato *1. de Rep.* hunc finem exprimit his verbis, *1a* *ἑκάστῳ ἀποδίδωμι.*

Tribuendi) Aliàs *tribuens*, Theop. hil. *νῆμω*
Cic. 5. *de fin.* c. 27. *Affectio animi suum cuique*
tribuens, quæ justitia dicitur : & ita etiam alibi,
lib. 1. de off. c. 4. & 2. ad Hercen. c. 52. seq.

COMMENTARIUS.

Voluntas) Scimus voluntatem esse poten-
tiam naturalem, justitiam autem vir-
tutem esse & habitum animi *προαίρεσιν*,
ac proinde qualitate adventitiam. Falsum
igitur, dicat aliquis, genus. Si respondemus,
genus esse metonymicum, effectumque pro
causa positum, voluntatem scilicet pro habi-
tu, qui eam efficit; jam contra omnem Phi-
losophiam omnemque rationem videbimur
qualitatem acquisitam causam statuere qualita-
tis & potentiz naturalis. Verum observandum
est, non simpliciter pro genere voluntatem
poni, sed *ειδικῶς* voluntatem constantem &
perpetuam. Ut velimus, à natura est; ut con-
stanter, ab habitu. Potentia naturalis, quate-
nus promovet habitum, ejus ex parte causa
est: quatenus autem ipsa politur ac perficitur
ab habitu, effectum.

Constanti & perpetua *σταθῆρά, καὶ διηνεκῆς*,
quæ verba justitiz habitum ibi demum esse in-
dicant, ubi perpetuè & constanter quis agit,
acque ut Aristoteles loquitur *ἡθαιῶν καὶ ἀνθρω-
πινῶν ἔργων* 2. *Eth.* 4. Ne quis autem putet, vi-
tiosum esse, quod justitia definiatur per ejus-
modi habitum, cujus homo non sit capax; res
definiri solet non ad conditionem subjecti,
sed qualis est essentia sua: sicut ab Aristotele
felicitas, à Platone Respublica, à Xenophon-
te Princeps, à Cicerone & Quintiliano Ora-
tor describitur. Eodem modo & justitia hic de-
finitur, non ut inest huic vel illi subjecto, sed
prout inesse debet justitiam proficenti: in ab-
stracto, inquam, non in concreto. VINN. Hæc
definitio Stoam redolet, quam pleraque Ju-
reconsultorum scripta. Omnis autem virtus,
adeoque & justitia Stoicis in constante & per-
petua voluntate posita videbatur. Cic. *Parad.* 3.
1. *Sen. Epist.* 66. & 121. HEIN.

Jus suum cuique tribuendi) *ἵνα ἑκάστῳ τὸ αὐτοῦ ἀπο-
νέμωται δίκαιον*. Quod dialecti docent, habi-
tus definiri assumpto ad genus objecto & fine,
id etiam in hac definitione observatum. Objectum
justitiz est jus cuiusque suum; finis; ut
id quisque obtineat, hoc est, ut cuique quod
ei debetur, tribuatur: Delictis etiam debetur
pœna. Atque hunc finem simpliciter Plato ex-
pressit his verbis, *τὰ ἑκάστω αὐτοῦ ἀποδίδε-
ναι* 1. *de republ.* Auctor propositæ definitionis
est Ulpian. 1. *justitia.* 10. *hoc cod. tit.* plenior

& planior hæc est: Justitia est habitus animi,
per quem ita affecti sumus, ut suum cuique,
quantum in nobis est, tribuere velimus.

TEXTUS.

Definitio Jurisprudentiæ.

1. *Jurisprudentia est divinarum atque huma-
narum rerum notitia, justæ atque injustæ scientia.*

NOTÆ.

Jurisprudentia) Quæ & scientia & ars juris,
& intelligentia, & civilis sapientia. His enim
nominibus promiscuè uti solent qui popula-
riter loquuntur.

Divinarum atque humanarum rerum) Subjec-
tum: modus autem considerandi, quatenus de
jure earum queritur; quem modum indicant
verba sequentia, *justæ atque injustæ* M. VV.

Scientia) Jurisprudentia est habitus intel-
lectus: Justitia ut virtus moralis est habitus vo-
luntatis. Hæc etiam definitio Ulpiani est 1.
10. §. 2. D. *hoc tit.*

COMMENTARIUS.

Jurisprudentia) Disciplina nostra nunc scien-
tia, nunc ars juris, nunc intelligentia,
nunc civilis sapientia, hic prudentia ap-
pellatur: hisce enim nominibus promiscuè
utuntur non Jurisconsulti tantum, sed etiam
ceteri auctores, qui populariter loquuntur:
At enim cum hæc disciplina sit habitus practi-
cus: (est enim sine controversia pars Philo-
sophiz practicz) si strictè loqui volumus, &
ad certas habitus intellectualis species singula
illa nomina cum Aristot. 9. *Eth.* 3. accommo-
dare; solum nomen prudentiz huic disciplinz
tum convenit.

Divinarum atque humanarum rerum notitia)
Hæc item descriptio Ulpianum auctorem ha-
bet 1. *justitia* 10. §. 2. *hoc tit.* Genus in hac de-
scriptione est notitia aut scientia; idem enim
hæc duo significant. Differentia petitur à sub-
jecto ejusque considerandi modo: unde & fi-
nis sponte sua intelligitur. Subjectum juris-
prudentiz sunt res divinz & humanæ: modus
considerandi, quatenus de jure earum queri-
tur; scilicet ut norimus, an in iis, aut ad eas,
& quatenus jus aliquod habeamus. Nam in
hunc finem res dividuntur in eas, quæ divini,
quæque humani juris sunt: quæ in commer-
ciis atque extra commercia: queritur in re-
bus humanis, quæ publicæ, quæ privatæ &
in

in his earum acquisitio, conservatio, alienatio, & id genus alia, quorum omnium tractatio ad Jurisconsultum pertinet. Hunc verò considerandi modum sequentia definitionis, verba indicant, *justi, atque injusti scientia*: nempe hæcenus res divinas & humanas esse objectum hujus scientiæ, quatenus ea cum de jure harum rerum quaeritur, quid justum aut injustum sit doceat. Quod si cui hæc explicatio subtiliori videtur: ecce aliam magis popularem. Certum est, disciplinam civilem non tantum in privati, sed etiam in publici juris cognitione versari: publici autem juris cum pars sit divinum, l. 1. §. 2. *hoc tir.* merito ea rerum divinarum atque humanarum, hoc est, divini & humani juris notitia dicitur. *Justi, atque injusti, id est, ejus, quod fas & jura sinunt, aut non sinunt, scientia.* Sanè veteres juris Interpretes etiam sacris caeremoniisque Deorum præfuisse testis est historia. A Celso hæc disciplina ab officio eam proficientis elegantissimè & brevissimè describitur. *Arts aequi & boni d. l. 1. in pr.* Siquidem officium Jurisconsulti & prudentia illius tota in eo consistit, ut quid in re quaque æquum, quid iniquum sit, videre, tum discernere, & de eo respondere possit consilium sibi expectantibus. VINN. Hæc quoque definitio Stoica est. Stoici enim ita describere solebant Philosophiam, Sen. *Epist.* 89. Quum verò inter Juriconsultos & Philosophos ἀπρίκτους magna esset æmulatio, Merill. *Observ.* 11. & illi sibi veræ & non simulatæ Philosophiæ studium tribuere solent: l. 1. §. 1. ff. b. i. non dubitarunt definitionem Philosophiæ jurisprudentiæ tribuere, addita tamen differentia specifica: *justi atque injusti scientia.* HEIN.

T E X T U S.

De juris methodo.

2. *His igitur generaliter cognitis, & incipientibus nobis exponere jura populi Romani, ita videntur posse tradi commodissimè, si primò levi, ac simplici via, post deinde diligentissima atque exactissima interpretatione singula tradantur: alioqui si statim ab initio rudem adhuc & infirmum animum studiosi multitudine ac varietate rerum oneraverimus; duorum alterum, aut desertorem studiorum efficiamus, aut cum magno labore, sepe etiam cum diffidentia (que plerumque juvenes avertit) serius ad id perducemus, ad quod leviori via ducti, sine magno labore & sine ulla diffidentia maturius perducere potuisset.*

Generaliter) Cursum, obiter, summam, & περιεργ.

Levi ac simplici via) Τυπιδὸς, crassa ac pingui Minerva. Præclare Aristot. *Δω γὰρ, inquit, ἡμετέρας πρώτοι ἱρὸς ἔργου ἀναγίγνωσκον, Πρὶν lineamentis prima ducenda sunt & opus informandum, post utendum veris coloribus.* Nec minus scite Quintil. 1. *Inst. orat.* 1. *Ut Vascula, inquit oris angustis superfusam humoris copiam respiciunt, sensum autem insipientibus complentur, sic animi puerorum.*

Diligentissima atque exactissima) Hoc ad summam scientiæ est necessarium, ut prius illud incipientibus magis convenit.

Duorum alterum) Δωὶς δὲ τῶν. Quintilian. *Proœm. lib. 8.* Incipientibus brevius & simplicius tradi convenit: aut enim difficultate institutionis tam numerosa atque perplexa detererri solent, aut eo tempore, quo præcipuè alenda ingenia, ac indulgentia quadam enutrienda sunt, asperiorum tractatu rerum atteruntur.

Cum diffidentia) Cic. in *orat.* c. 1. *Vereor, ne tandem studia multorum, qui desperatione debilitati experiri id noluunt, quod assequi se posse diffident.*

C O M M E N T A R I U S.

Quod pictores facere solent, qui prius lineamenta prima ducunt & opus informant, post veris coloribus utuntur: id etiam in quavis arte docenda faciendum est. Primò enim τυπιδὸς crassè & simpliciter, postea ἀκριβέστερον, diligentius & subtilius unumquodque tradendum. Illud incipientibus magis convenit; hoc ad summam scientiæ est necessarium.

Duorum alterum) Duplicem hujus rei rationem assert. Prima est. Ne difficultate initio proposita deterreantur animi adolescentum; voluntatemque discendi unà cum spe perdiscendi abiciant. Altera, ut maturius ab cognitionem hujus scientiæ ab hoc auditu patefacto perveniant; ad quam aut serius aut nunquam pervenirent (certè non suis magno labore aut diffidentia) si eo tempore, quo præcipuè alenda ingenia, ac indulgentia quadam enutrienda sunt, asperiorum tractatu rerum atterantur; ut disputat Fabius in *proœm. lib. 8. Inst. orat.* Commentariorum, quod ad incipientes attinet, eadem ratio. Cæterum qui jam aliquandiu hoc simplici cibo pasti sunt; iis nihil prohibet eundem paulò doctius conditum iterum apponere, novoque & piperato jure deficientem excitare appetentiam. Mihi ani-

mus est, uno promiscuo apparatu & frugaliter incipientes & opipare provectos nitide omnes excipere.

TEXTUS.

Juris præcepta.

3. *Juris præcepta sunt: Honestè vivere, alterum non ledere, suum cuique tribuere.*

NOTÆ.

3. *Juris præcepta*) Non regulæ artis Juris, ut Hopper. & Cont. sed dictata juris naturæ αἰτιαὶ καὶ φυσικαὶ ἰσχύες, insitæ & quasi consignatæ in animis nostris notiones; ex l. 10. §. 1. *D. eod.*

Honestè vivere) Hoc præcepto vetantur omnia, quæ pugnant cum bonis moribus & publica honestate, etiam si non expressè prohibita. *Est aliquid* inquit Cic. *pro Balbo*, c. 3. *quod non oporteat, etiam si licet.* Fac. l. 144. *de reg. jur.*

Alterum non ledere, suum cuique tribuere) Horum alterum ad personam alterius referri videtur: alterum ad res externas. Cic. 1. *de offic. c. 5.* *Justitiæ primum munus est, ut ne cui quis noceat: deinde ut communibus utatur pro communibus, privatis ut suis.* Sen. 3. *de benef. c. 14.* *Æquissima vox est, & jus gentium præ se ferens, Redde quod debes.*

COMMENTARIUS.

NON assentior Hoppero lib. 1. *de art. jur.* nec Contio ad hunc §. qui præcepta hoc loco & apud Ulp. l. 10. §. 1. *eod.* pro regulis hujus artis posita putant. Siquidem præcepta artium principia sunt cognoscendi; ut definitiones & divisiones: atque ita non tres regulæ; sed una tantum proponeretur præceptorum juris distributio. Rectius præcepta hic accipiemus generalia quædam dictata ac præscripta juris illius communis, quod semper æquum & bonum est, sive notiones quasdam à natura insitas & quasi consignatas in animis nostris αἰτιαὶ καὶ φυσικαὶ ἰσχύες. Et primò quidem, quo vitæ honestas præcipitur, intelligi oportet vetari facta omnia, quæ lædunt pietatem, verecundiam, existimationem nostram, & generaliter quæcumque pugnant cum legibus, bonis moribus, & publica honestate: in tantum ut etiam ab iis nonnumquam abstinendum sit propter honestatem, quæ legibus civilibus permessa, aut non expressè prohibita sunt; juxta tritum illud, *Non omne, quod li-*

cet, honestum est. De quo multa præclare Pet. Faber ad l. *non omne*, 144. *de reg. jur.* Nimirum est aliquid, quod non oportet, etiam si liceat, ut bene Cicero *pro Balbo* c. 3. Neque vero simplex hæc admonitio est, ut quibusdam videtur, sed verum atque efficax juris naturalis præceptum: licet hic aliquando claudicet & conniveat lex civilis; errantque adeo, qui cum hoc præcepto committunt lupanaris, quæ passim tolerari constat. Εἰς αὐτὴν est legis civilis, cujus latorem officii sui admovent, ne vel boni causa mala fieri permittat. Hoc enim prætextu hujusmodi conniventia excusari solet, quod propter redundantem in humana natura perversitatem quadam etiam non decora ac salutaria, adeoque decreto Spiritus damnata toleranda sint, ne majoris mali prabeatur occasio. Verba ferè sunt & ratio Imp. Leonis, qui usum usurarum, quas pater sustulerat, hoc obtentu non dubitat restituere. Nov. Leon. 83. Duo reliqua præcepta duo distincta numerata justitiæ evidenter continent. Sic enim crasse ea accipio; ut secundum (*alterum non ledere*) ad personam alterius referatur, ne alicujus vitam, incolumitatem, libertatem, existimationem lædamus, aut violemus: tertium (*suum cuique tribuere*) ad res externas, ut ab alieno manus abstinemus, hoc est, res alterius non atrectemus aut minuamus; ut patiamur unumquemque rebus suis uti; ut reddamus quod alienum apud uos est. Cui explicationi consentaneum est quod scribit M. Tullius lib. 1. *Offic. c. 5.* *Justitiæ primum munus esse, ut ne cui quis noceat: deinde ut communibus utatur pro communibus, privatis ut suis.* Plus justo religiosi sunt, qui nec plura esse juris præcepta contendunt, nec pauciora. Nam & uno ex his tribus generaliter universum justitiæ munus comprehendit potest, ut in definitione justitiæ tertio præcepto duo priora comprehensa sunt: possunt & quædam justitiæ munera aliis præceptis aut verbis specialius aut evidenter exprimi; ut *Deum colere, Parentes revereri, Patria servare*, &c. Nemo melius hæc explicavit, quàm Claudius Cantinula in doctissima sua paraphasi. VINN. Sed & hæc Juris præcepta Stoica sunt. Honestum iis ex quatuor virtutibus cardinalibus existere videbatur, prudentia, temperantia, fortitudine, & justitia. Honestè ergo vivere ad temperantiam pertinet; neminem ledere ad fortitudinem: suum cuique tribuere ad justitiam; Prudentiæ tamquam virtutis intellectualis, rationem non habuerunt jureconsulti. Est hæc observatio viri eximii, Thomasi in *Not. ad Instit. b. t. HEIN.*

TEXTUS.

De jure publico & privato.

4. *Hujus studii duæ sunt positiones; publicum, & privatum. Publicum jus est, quod ad statum rei Romanæ spectat. Privatum est, quod ad singulorum utilitatem pertinet. Dicendum est igitur de jure privato, quod tripartitum est: collectum enim est ex naturalibus præceptis, aut gentium, aut civilibus.*

NOTÆ.

4. *Duæ positiones*) Id est, duo themata, partes, species, *ἑξ ἑκδ.* Ex Ulp. l. 1. §. 2. *cod.* Alii tres fecere species; sacrum, publicum, privatum. Aufon. in *Idyll.* 15. Sed Ulp. d. loc. sub publico etiam sacrum comprehendit. Bud. VINN. Frequenter Jureconsulti veteres eas species, quæ habent mixtam causam, negligunt, quasi confusas cum simplicibus, æque inde ejusdem rei modo tripartita, modo bipartita distributio est. Rem omnem concessit V. C. Ger. Noodt. *Probab.* 1. 12. qui & hoc ipsum exemplum huc refert. *Obs.* 11. 21. HEIN.

Quod ad statum rei Romanæ) Quod utilitate publicum est, non quod sola auctoritate; est enim hæc divisio à fine sumpta, non à causa efficiente.

Ad singulorum utilitatem) Quod privatim ad cujusque civis rem pertinet familiarem. Quamquam & hoc per consequentiam publicæ, & illud privatim utile.

Collectum ex naturalibus præceptis, &c.) Jus quo privati in civitate utuntur, tribus quasi ex fontibus in Remp. defluxit, natura, gentium institutis, & inventis cujusque civitatis.

COMMENTARIUS.

1. *Quot modis dicatur jus publicum.*

2. Antonius Orator notatus.

3. Aristotelica juris civilis distributio explicata.

4. Justinianus immerito reprehensus à Rod. Agricola.

5. Ulpianus cum Gajo, &c. conciliatus.

6. Appellatione juris positivi quale jus significetur?

7. Optima juris privati divisio.

Hujus studii duæ positiones) Studium figuratè pro jure, cui studetur: nam studium nullum publicum est, sed cujuslibet proprium & privatum. Positiones, id est,

ἑξ ἑκδ. partes, species, *ἑξ ἑκδ.* Est autem hæc divisio sumpta ab objecto ac fine principali: & fortasse rectius tres species ponentur, ut à Cicerone 1. de legib. & Aufonio in *Idyll.* Divinum publicum, & privatum: aut si *διχόνοια* magis arridet, dividi commodè potest in divinum & humanum; humanum deinde subdividi in publicum & privatum. Enimvero Ulpianus hujus divisionis auctorem sub publico etiam divinum comprehendisse sub publico est: ait enim, *Jus publicum in sacris, Sacerdotibus & Magistratibus consistere*, l. 1. §. 2. *hoc tit.* Cæterum juris illius sacri, ut ethnici, & impii, tractationem in *π'* omiserunt Compositores Christiani. Quæ autem de hoc jure extant in Codice Christianorum Imp. constitutiones eatenus recipiendæ sunt, quatenus verbo Dei non repugnant. VINN. Studium pro arte itidem *ἐπιστήμη* dicitur, uti ostendit Merill. *Observ.* Lib. 1. c. 2. Jus divinum humano oppositum, alioquin non est jus de rebus sacris, sed jus à Deo profectum: nec admodum concinna videtur illa *διχόνοια*, immo nec necessaria quidem, cum jus sacrum sine dubio sit pars nobilissima jurispublici. HEIN.

Publicum jus est) Juris publici nomen non uno modo accipitur. Id, ne quem turbet, sciendum est, jus publicum sæpe dici non à materia & fine, ut hoc loco, sed à forma aut causa efficiente; non quod utilitate publicum est, sed auctoritate. Ita accipitur in l. 8. de *tut. l. ex sententia* 29. de *test. tut.* multisque aliis in locis. Item apud Terent. in *Phorm.* 11. 11. 65. *An ne id quidem adipiscar ego, quod jus publicum est?* In l. quod 15. §. 1. ad leg. *Falc.* dicitur retentio Falcidiæ jure publico competere, in l. *damni* 18. §. 1. de *dam. inf.* Usucapio jure publico contingere, hoc est eo jure, quod publicè sive publica auctoritate constitutum est. Eodem sensu & testamenti factio juris publici esse dicitur, l. 3. *qui testam. fac.* nimirum quia à lege est, seu publica legis auctoritate concessa, l. 1. *pr. vers. secundo ad leg. Fal.* l. *verbis legis* 120. de *verb. sign.* Atque hæc omnia ad differentiam ejus juris; quod cuique privatim acquiritur ex conventionibus, quippe quæ parem cum legibus auctoritatem non habent; quod Papinianus sic expressit, l. ult. de *suis & legit. Privatorum cautiones legum auctoritate non censentur.* Et quod passim legimus jus publicum privatorum patris mutari aut infringi non posse, l. *jus publicum* 38. de *pat. l. Neratius* 20. de *releg.* l. 15. §. 1. ad leg. *Falc.* l. *neque pignus* 46. §. 1. de *reg. jur.* nihil aliud significat, quàm ex eo jure aut forma ejus juris, quod quacumque de re publicè con-

stitutum est, privatorum passionibus nihil posse immutari, *d. leg. nec ex 27. de reg. jur.* Insuperdum & jus publicum accipitur pro jure, quod civium omnium ejusdem civitatis commune est. Nam quod Papinian. in *l. inter 51. §. pen. de fidejuss.* & Zeno in *l. ult. C. de res. in integ.* commune appellant, id eodem sensu publicum appellat Ulpian. *l. nihil consensui 16. §. 1. de reg. jur.* Itemque Imp. *l. 2. C. ne ux. pro mar.* ad distinctionem, ut videtur, juris singularis sive privilegii, quod certarum dumtaxat personarum proprium est. Hoc autem loco ab objecto & fine id solum jus publicum dicitur, quod ad utilitatem publicam, hoc est totius populi universam & conjunctam pertinet; non item ad singulos, nisi secundario & per consequentiam. Nam quod publice utile est, id non potest non utile esse privatis; quemadmodum ex privatorum utilitate publicam quoque per consequentias aestimamus, veluti cum dicimus, *Publicè expedire, suprema hominum judicia exitum habere: Interesse Reip. ne quis re sua male utatur*, aliaque id genus.

Rei Romana) Id est, *Reipub. Romana*. Virg. *6. Aeneid. v. 857. Hic rem Romanam magno turbante tumultu sisset eques*, de Marcello loquitur Ennius; *Moribus antiquis res stat Romana virisque*. Si vocem *Romana* detrahas; definitio erit generalis: sed hic adjecta ad differentiam aliarum civitatum, quæ cum Romana collatz, privatorum loco erant, *l. 15. §. seq. de verb. sign.* Vel potius, quia Justiniano tantum propositum est, jus Romanæ civitatis tractare, uti & Ulpiano, unde hæc sumpta sunt. Juris publici sunt, quæ pertinent ad religionis cultusque divini curam; ad pacis bellique ordinationem; ad fines & magnitudinem imperii; ad jus legum ferendarum, privilegiorum irrogandorum; tributorum imperandorum; monetarum cudendarum; ad exercenda judicia; delicta coercentia; Magistratusque creandos, per quos hæc expendantur.

Quod ad singularum) Jus privatum in hac divisione est, quod singulorum civium causa recte & principaliter comparatum est: Itaque & testamenti factio, & retentio Falcidiz, & usucapio, &c. hoc sensu sunt juris privati.

Dicendum est de jure privato) Juris publici tractatio difficilior atque sublimior Justiniano visa est, quam ut tyronibus proponi debeat; ideoque nec nos *plus de eo* dicemus. Cæterum ut illud obiter moneam, quod locus postulare videtur, apparet ex hac juris divisione, itemque ex definitione jurisprudentiz, Antonium apud Ciceronem *l. 1. de orat. c. 48.*

non Jurisconsultum, sed leguleium describere, *Qui legum & consuetudinis ejus, qua privati in civitate utuntur, & ad respondendum & ad agendum & ad cavendum peritus sit.* Præstantissimam scilicet hujus artis partem, juris publici scientiam, consulti præterit homo Jurisconsultorum gloriæ subinvidens, & iniquè de hac scientia judicans. Vinn. Immo *Leguleius* non videtur, solius jurisprivati peritus, sed qui legum tantum gnarus, earum & rationem ignorat & applicationem; quemadmodum, qui de sola applicatione & praxi, quam vocant, sollicitus, nullam accuratorem juris notitiam præmittit, *rabula* vocari solet. Ita Cicero hæc vocabula accipit *Lib. 1. de Orat. cap. 46. & 55. HEIN.*

Tripartitum est) Divisio est causis efficientibus, id est, auctoribus juris, natura, naturali ratione, & civitate. Quanquam hic non tam dividitur jus civile, quam principia ejus & origo indicatur, atque fecerunt; ut verba *Collectum est* ostendunt, & notat D. Wesemb. Cæterum non est adeo absurdum, ut multi existimant, jus civile tamquam genus constituere, cujus species sint, naturale, gentium, & civile in specie: dummodò jus civile, quatenus in ea distributione ut genus consideratur, accipitur pro eo jure, quo quæque civitas in universum utitur; civile autem in specie, pro eo quod legislator à se constituit, & positum passim appellatur. Eodem namque sensu Philosophus *5. Eth. 7.* dividit jus *πολιτικόν* in *φυσικόν καὶ νομικόν*. Jus enim naturæ sive gentium communis omnium populorum fons est, unde hauriunt singuli, quod ad suæ civitatis mores accommodant; quamvis id non uno omnes modo faciant. Atque huc pertinet quod Gajus scribit in *l. omnes populi 9. hoc tit.* *Omnes populos partim communi omnium hominum jure uti, partim proprio*: quod Arist. *d. loc.* appellat *κοινόν*, & speciem facit *ἰδιωτικόν*. Notat Justinianum Rod. Agricola *lib. 2. de invent. dial.* quòd dumtaxat jus privatum ex triplici illo jure collectum dicat, quasi hoc ipso negaret, jus publicum ex iisdem præceptis collectum esse. Sed hoc minimè sequitur. Nam satis Justiniano visum est, causam & originem indicare ejus juris, de quo dicturus erat, nimirum privati; insuper habito, an ex iisdem præceptis etiam originem traheret jus publicum. Sed nec rectè dixeris naturam, sive jus naturale, ut id in specie accipiunt Justinian. & Ulpian. pro jure cum brutis communi, causam esse juris publici; quod & Baro rectè observavit. Nec tamen assentiendum Mynsingero, qui cum Alciato *1. parerg. §. 1.* contendit,

jus publicum tantum esse ex præceptis civilibus. Nam præterquam quod manifestum est, religionem erga Deum, *l. 2. hoc tit. & imperia Magistratum per ea*, quæ Aristot. *1. polit. 2.* esse ex jure gentium, constat ipsos Romanos sacra, caeremoniasque suas, atque omnia ferè, quæ ad Magistratus aliaque jura publica pertinent, à plerisque Italix populis ac præsertim Hetrurix acceperisse. De communi notitia de Deo locus est omni exceptione major apud Paulum ad *Rom. 2. 1.* sunt & apud Cic. *1. Tusc. c. 16. & 2. de nat. Deor. c. 2. & 15.*

5 Ex naturalibus præceptis aut gentium, aut civilibus) De numero generum juris dissensisse Veteres videri possunt. Nam Ulpianus in *l. 1. §. 2. hoc tit.* quem hic sequitur Justinianus, tria genera ponit, naturale, gentium, & civile. Cajus in *l. omnes populi 9. eod.* duo tantum, commune, & proprium; neque Philosophi plura genera agnoscunt quam naturale & positivum. Sed tantum in tractandi modo, non in re dissensio est: revera enim duo tantum sunt summa juris genera, naturale & civile seu positivum: sed in hac bimestri divisione primum genus duas priores species tripartitè illic complectitur, in quas etiam deinde subdividi potest. Ulpianus enim brevitatè causa species unius generis cum altero genere unica divisione complexus est; quod ci familiare esse apparet ex *l. 4. hoc tit. l. 5. de pact.* Nomina quoque generis docendi causa, cum propria deficerent, speciebus indidit, jus naturale vocans, quod similitudine quadam homini cum cæteris animantibus commune est;

Gentium, quod humani generis proprium. Ob-
servandum autem est, non omnes, qui jus dividunt in naturale & positivum, hæc species eodem sensu opponere. Nam sunt, qui appellatione juris naturalis intelligunt quidem tum jus, quod hominibus cum brutis commune est, tum etiam jus gentium, quod primum vulgo appellant; sed jus gentium secundarium, speciem faciunt juris positivi, sicut & civilis; idque rationi magis consentaneum putant Weseleb. *par. hoc tit. n. 15.* Greg. Lopez *animad. c. 3. D. Grot. 1. manducati. ad jurispr. Bat. c. 2. item lib. 1. de jur. bel. & pac. c. 1. n. 9. & seqq.* Alii verò appellatione juris naturalis positivo oppositi complectuntur jus omne, quod non est à potestate civili, nec tantum jus gentium primum, sed etiam secundarium: quod & Veteres interdum faciunt; ut videre est in *l. 1. de acq. rer. dom. §. singulorum, infra de rer. div.* Sed sæpius tamen & hi jus naturale ex adverso juri gentium secundario opponunt: ut in *§. 2. tit. proxima sequenti inf. de libertin. in pr. l. 4. hoc tit.* In divisione proposita etiam primario opponitur; quæ tamen oppositio vix ullum usum habet, ut demonstrabitur tit. seq. Optima divisio erit, si dicamus: Jus quoddam esse commune omnium gentium, aliud esse proprium cujusque civitatis. Quod commune est omnium gentium, partim nobis commune esse cum bestiis, partim proprium generis humani. Proprium generis humani, partim homini innatum, partim communi hominum consensu introductum.

TITULUS SECUNDUS.

DE JURE NATURALI, GENTIUM, ET CIVILI.

Summa eorum, quæ hic explicantur.

Hoc titulo species juris privati, in quas supra *§. ult. præc. tit.* divisum est, Imperator singulatim persequitur & explicat. Quo peracto, juris civilis Romanorum, quod solum suscepit, tractationem adgreditur. Ac primum illud dividit ex adjuncto in scriptum & non scriptum: scriptum deinde subdividit in suas species, quas ordine item explicat. Postea jus civile à naturali distinguit ratione diversè effectus. Ad extremum viam sternit ad rectam perceptionem juris constituti, proposita discretionè materiæ, circa quam jus omne, quo utimur, versatur.

T E X T U S.

De jure naturali.

Jus naturale est, quod natura omnia animalia docuit. Nam jus istud non humani generis proprium est, sed omnium animalium, quæ in celo, quæ in terra, quæ in mari nascuntur. Hinc descendit maris atque fœminæ conjunctio, quam nos matrimonium appellamus: hinc liberorum procreatio, hinc educatio. Videmus enim cetera quoque animalia istius juris peritia censerè.

N O T A.

Omnia animalia docuit) *l. 1. §. 3. D. de just.*

¶ *jur.* Dicuntur verum hæc καταχρηστικῶς, eo quod quæ hujus juris sunt, etiam bruta faciant solo quidem impetu naturæ, cæterum cum similitudine sensus ac desiderii humani. Cic. in *Lat.* c. 8. Unde tales brutorum actus Arist. 9. de *bist. anim.* cap. 7. appellat μιμήματα τῶν ἀνθρώπων ζωῶν. Proprie autem juris capax non est, nisi natura utens præceptis generalibus. Grot. 1. de *jur. bell.* 1. Νίμω καὶ δικαίῳ πρὸς ἀνθρώπους μίμω χρῆσθαι πεφύκαμεν. Plutarch. *Cat. maj.* In bestiis tantum apparet juris aliqua imago. Salmas. de *usur.* cap. 9.

Maris atque fœmina conjunctio) Laëtant. 1. 6. c. 23. Cum excogitasset Deus duorum sexuum rationem, attribuit ipsis, ut se invicem appetere, & conjunctione gauderent, eaque ratione propagari & multiplicari genera possunt.

Educatio) Cic. 1. de *off. c.* 3. Quemadmodum communis est animantium conjunctionis appetitus, ita cura quoque eorum, quæ procreata sunt. Nam ut idem lib. 3. de *fin. c.* 19. Hæc inter se congruere non possunt, ut procreari quidem natura vellet, diligere autem procreata non curaret. Huc vel maximè pertinet studium tuendi sui adversus vim illatam. Cic. 1. de *off. c.* 7.

Peritia censei) Id est, haberi pro peritis hujus juris, eorum numero adscribi. Theoph. id τῶς τιμῆς τῆς τοῦ ἰσμοῦ ἀπαγορεύουμένης; id est, his qui hanc legem observant, adscriptis; quidam malunt, *perita*.

COMMENTARIUS.

1. *Animantia bruta propriè juris capacia non esse, & num. 4.*
2. *Parentes alere quo jure liberi teneantur.*
3. *Defensionem adversus vim illatam esse juris naturæ, & quatenus ea permissa remissive.*

¶ **A** Nimalia bruta tam certum esse juris expertia, quam certum est esse ἀλογα, sive expertia rationis. Nam inter quos jus est, inter eos & ratio, & æquum, & bonum, & justitia, & lex, & societas sit necesse est. Arist. 5. *Eth.* 10. In equis, in leonibus justitiam non dicimus, inquit Cicero lib. 1. de *offic.* Plutarchus in Catone Majore ait, Νίμω καὶ δικαίῳ πρὸς ἀνθρώπους μίμω χρῆσθαι πεφύκαμεν, & aliàs etiam beatiudo caderet in bruta. Bene igitur D. Grot. 1. de *jur. bell. & pac.* c. 1. num. 11. *Proprie juris capax non est nisi natura præceptis utens generalibus.* Neque quisquam Philosophorum, quod sciam, aut Jurisconsultorum jus aliquod in bruta cadere tradidit, præter unum Ulpianum, ex cujus Institutionibus hæc descripsit Tribonianus, ut apparet ex l.

1. §. 3. de *just. & jur.* Quomodo ergo Ulpianum cum cæteris conciliamus? Simplicissima eorum sententia est, qui per quamdam auresin & figurate hæc à Jurisconsulto dici scribunt, propterea quod quæ hujus juris esse dicuntur, ea etiam bruta faciant, idque cum similitudine quadam sensus ac desiderii humani. Unde Aristoteles lib. 9. de *bist. animal.* c. 7. tales brutorum actus appellat μιμήματα τῶν ἀνθρώπων ζωῶν, vitæ humanæ imitamenta. Cicero 2. de *finibus*, *virtutum simulacra*. Nam ut in brutis apparent simulacra quædam rationis, ita etiam juris; ut idem Cicero testatur, & pluribus ostendit Plutarchus in libello, περὶ τῶν ζῴων φρονήματα. Platonis quoque doctrina est, naturam rem unamquamque perfectissimam facere voluisse: ac proinde in plantis sensus, in brutis rationis, in hominibus divinæ mentis vestigia expressisse. Neque aliud sensisse videri debet Plutarchus in libello cui titulus est, τὰ ἀλογα λόγῳ χρῆσθαι, quod alioqui non careret contradictione. Eadem effectus est aliorum responsio, qui ajunt Jus naturale formaliter, id est, quoad rationem, non nisi in hominem cadere: materialiter autem, hoc est, quoad appetitum & instinctum naturæ, etiam in bruta: nempe, ut hoc explicant Covarr. in c. *peccatum*, de *reg. jur.* in 6. par. 2. rel. §. 1. num. 4. & Ant. Fab. *jurisp. Papin. tit.* 2. pr. 1. jus naturale dici, quod circa ea versatur, quæ bruta solo instinctu & impetu naturæ faciunt; homines verò etiam cum ratione. Nam cum homo hæc facit, rationem in consilium adhibet, quam veluti ducem lucemque sequitur, cum bestia in iisdem agendis sola vi naturæ, & cæco impetu sine judicio ac ratione ducatur. Ad quem etiam modum disputat doctissimus Salmas. lib. de *usur.* cap. 9. eoque pertinet quod scribit Seneca lib. 2. de *Ira*, c. 16. animalibus pro ratione impetum, hominibus pro impetu rationem esse. VINN. Solum Ulpianum jus naturæ homini cum reliquis animalibus commune fingere putat Vinnius. Sed perperam. Fuit ea communis fere veterum Philosophorum doctrina. Jus naturæ exigere dicebant, ut secundum naturam vivamus. Natura est vel communis, vel homini propria. Ex illa jus naturale, ex hac jus Gentium derivabant. Præclare eam in rem ex mente Stoicorum differit Cicero de *finib.* 1. 4. c. 9. Eleganter quoque Euripides: *Communis hæc lex stirpis est mortalium, trahens & ipsos in sui assensum Deos, Ferasque, amare, quidquid est ex se satum.* τὰ δὲ ἅλλα χάρις χρεῖμα δ' ἀλλήλων ἰσμοῖς. In rebus aliis jure non utimur. HINN.

Maris & fœmina conjunctio) Huc pertinet quod

quod in Lelio scribit Tullius: *Hoc apparet, inquit, in bestiis, volucris, agrestibus, natantibus, cicuribus, feris, primum ut se ipsa diligant;* (id enim pariter cum omni animante nascitur,) deinde ut requirant atque appetant ad quas se applicent ejusdem generis animantes: idque faciant cum desiderio & cum quadam similitudine amoris humani.

Procreatio, educatio) Quomodo communitas animantium conjunctionis appetitus, ita cura quoque eorum, qua procreata sunt, ait idem Tullius 1. de offic. cap. 3. Justinianus in l. un. §. taceat. C. de rei ux. act. Ipse, inquit, naturalis stimulus, id est, *πυρρὴ*, parentes ad liberorum suorum educationem hortatur. Et alibi. *Filium vel filiam alere pati necesse est propter ipsam naturam* l. ult. §. ipsum C. de bon. qua lib. Et verò, *Hac inter se congruere non possent, ut procreari quidem natura vellet, diligere autem procreata non curaret*, ut scribit Cic. 3. de finib. cap. 19. Referunt huc quidam & alitum parentum: sed malè. Debentur quidem & parentibus alimenta, quod etiam proditum est vulgari proverbio *καταπλάσσει*; sed parentum alimonia non ex eo jure est, de quo hic agitur, quod natura cætera quoque animalia docuit, inter quæ genitum gignenti alimenta non præbet. Verum ex alia naturæ lege, quæ humani generis propria est, & in propostione partitione jus gentium dicitur; nimirum ut causa gignens erga genitum afficiatur, ex communi naturæ instinctu est: ut genitum erga gignentem à naturali ratione, quæ pietatem & gratitudinem commendat, fac. l. 2. de just. & jur. l. nam & 15. de inoff. test. l. 7. §. 1. unde liberi. Ita cape locum Ciceronis in orat. de resp. arusp. cap. 27. ubi ait: Parentibus nos primum naturam conciliare, quos non alere nefarium sit. Et Valerii, qui lib. 5. c. 4. scribit, primam naturæ legem esse, diligere parentes. Quod autem de ciconia narratur; id ut singulare negligendum est. De quaestione quatenus parentes liberos, aut hi vicissim illos alere teneantur: & porro an frater fratrem, quæ hinc aliena, consulantur Schneid. hic num. 10. & seqq. D. Tulden. Perez. ad tit. C. de alend. liber. Christin. vol. 1. dec. 141. adde D. Grot. 2. de jur. Bell. & Pac. c. 7. num. 4. & seqq. 3 Pet. Fab. 2. Serm. 1. Nullius autem rei studium altius instum est, à natura omnibus animalibus, quàm studium tuendi sui adversus vim illatam. Hoc enim omni generi animantium à natura ante omnia tributum esse scribit M. Tullius 1. de Offic. cap. 4. ut se, vitam, corpusque tueatur, declinetque ea, quæ nocitura esse videantur. Unde liquet, fragmentum auctoris l. 3.

de just. & jur. temere à Triboniano subjectum esse l. 2. eod. consulaque exempla juris naturalis & gentium, contra quam propositum erat. Quamquam quidam in defensione duo extrema ipectanda ajunt, tuitionem, & propulsationem injuriæ, quarum illam ad jus naturæ, hanc ad jus gentium referunt. Credo ego, Florentinum jus omne finibus humani generis circumscriptisse. Quatenus & quibus conditionibus vim personis vel rebus nostris illatam propulsare permisum sit; ex recepta DD. sententia tradit Schneid. hic num. 12. & seqq. Gail. 2. obs. 110. num. 23. & seqq. D. Tulden. ad tit. C. ad leg. Corn. de scar. num. 5. Summa huc redit, ut ne vim propulsando ulcisci magis quam tueri nos studeamus: deinde ut ne excedamus moderationem inculpatæ tutelæ. Tunc autem non excessisse intelligimur, cum aliter periculum evitare non potuimus, l. scientiam 45. §. pen. ad leg. Aqu. l. 1. C. unde vi. & ibi Don Add. D. Grot. lib. 2. de jur. bell. cap. 1. ubi num. 3. rectè docet, jus defensionis per se ac primario nasci ex eo, quod natura quemque sibi commendat, non ex injustitia aut peccato alterius, unde periculum est; & ideo si corpus vi impetatur cum presente periculo vitæ non aliter evitabili, licitum esse inferentem periculum interficere, etiam si ille peccato careat, puta infania aut insomniis agitur, ut evenisse quibusdam legimus. Neque enim eo tolli jus se tuendi, cum sufficiat; quod ego non teneor id, quod ille intendat, pati, non magis quàm si bestia aliena periculum intentaret. Sed hæc & similia fortassis alibi latius. Illud repeto, quod superius dixi: si quando brutis animantibus justitia tribuitur; id fieri improprie ex quadam in ipsis umbra rationis atque vestigio; ac propterea plerosque disputationem juris naturalis finibus humani generis circumscribere. Vid. Pet. Fab. 2. sem. 1. Salmat. de usurp. cap. 2. Joan. Selden. lib. 1. de jur. nat. & gent. juxta discipl. Hebraeor. cap. 4. & §. ubi etiam Hebræos laudat, qui & ipsi non ex jure aliquo, (quod totum versari volunt circa licitum atque illicitum) sed è propensione atque inclinatione tantum ajunt animantium cæterorum actus evenire. Sanè discrimen, quod Ulpianus facit inter jus, quod animantibus cæteris cum homine commune est, quod archiori significatur appellat naturale, & illud quod hominum proprium est, quod sæpè jus gentium nuncupatur, vix ullum usum habet. Quoniam utrum actus ipse, de quo jus naturæ constituit, sit nobis communis cum aliis animantibus, ut prolis educatio: an nobis proprius, ut cultus Dei;

Dei; ad juris ipsam naturam nihil refert, §. pen. inf. eod.

TEXTUS.

Distinctio juris gentium & civilis à definitione & etymologia.

1. *Jus autem civile à jure gentium distinguitur, quod omnes populi, qui legibus & moribus reguntur, partim suo proprio, partim communi omnium hominum jure utuntur. Nam quod quisque populus sibi jus constituit; id ipsius proprium civitatis est, vocaturque jus civile, quasi jus proprium ipsius civitatis. Quod verò naturalis ratio inter omnes homines constituit; id apud omnes gentes peraeque custoditur, vocaturque jus gentium, quasi quo jure omnes gentes utantur. Et populus itaque Romanus partim suo proprio, partim communi omnium hominum jure utitur. Quae singula qualia sint, suis locis proponemus.*

NOTÆ.

1. *Quisque populus*) Ex l. 9. de just. & jur. populus scilicet alieno imperio non subjectus, alias juris condendi potestatem non habet, nisi quatenus ille cui pareat, concessit, l. 9. ætioris. D. de leg. Rhod.

Vocaturque jus civile) Nempe in specie, quod a se civitas constituit: qualia multa in duodecim tabulis. Nam jus civile sumptum pro universo jure civitatis etiam jus naturale & gentium complectitur; quo sensu Aristotel. 5. Ethic. 7. dividit jus πολιτικὸν in φυσικὸν & νομικόν.

Naturalis Ratio) Jus gentium non ex institutis populorum æstimandum est, sed ex eo quod justum esse ipsa naturalis dicitur ratio, id est, insita animis hominum notitia honesti & turpis, justi & injusti. V. G. Incesta, adulteria, furta, natura turpia & illicita sunt; etiam si gentes repertæ, in quibus hæc permissa aut non punita. Gell. 11. nox. Attic. 18. Alex. ab Alex. Gen. dior. 24. Plato 1. de legib. Cic. 1. de legib. c. 16.

Apud omnes populos) Aut certe moratior. Nam quid naturale sit, spectandum in his, qui bene secundum naturam se habent, non in depravatis, teste Arist. 1. Polit. 5. Videtur autem hic tantum definiri species juris gentium excellentior, quæ vulgo jus gentium primævum.

COMMENTARIUS.

1. *Populum alterius imperio subiectum leges con-*

dere non posse: & quatenus statuta.

2. *Divisio juris civilis in merum & mixtum explicata & illustrata exemplis.*

3. *Jus gentium quod hic definitur, & ipsum vera naturale esse.*

4. *Vulgaris distinctio juris gentium in primum & secundarium descripta & explicata.*

Quod quisque populus) Suis scilicet legibus & moribus vivens: nam si quæ civitas alterius imperio subiecta est; ea non plus juris habet in jure constituendo quam ille, cujus imperio subiecta est, concessit, l. ætioris 9. de leg. Rhod. Hinc est, quod municipia meliore hac in re conditione erant quam coloniz: quia municipiis concessum erat, ut jus legibus & moribus uti possent coloniz autem jura institutaque omnia populi Rom. non sui arbitrii habebant. Gel. l. 16. c. 15. Cæterum statutorum condendorum quemlibet Magistratum in suo territorio habere tradunt DD. in l. omnes populi 9. hoc tit. unde hic locus descriptus est. Quæ tamen statuta non aliter valeant, quam si non derogent juri communi: & ut valeant, sciendum tamen est, non valere jure legis, sed salvum semper manere jus Superioris, ut pro auctoritate sua ea abrogare possit, l. 3. §. Divus 5. de sepulch. viol. Ulu quoque servari tradit Schneid. in §. constat. 3. inf. eod. ut statutorum confirmatio à Superiori petatur; quod & juri consentaneum cum Hieronym. de Cævallos censet D. Christin. volum. 2. decis. 55. num. 5. quamvis id necessarium non esse plerique tradiderunt. Apud nos sanè Magistratus inferiores jura statuta condendi non habent, nisi quatenus id à Principe, aut qui vicem ejus gerit, impetrarunt: alioqui necessaria est Superioris approbatio, D. Merul. lib. 1. tit. 4. cap. 5. D. Grot. 1. mand. cap. 2. De statutis, præter alios, videri possunt D. Nic. Burgund. ad consuet. Fland. tract. 1. Christin. vol. 2. dec. 2. §. 54. 56. 57. & 59.

Vocaturque jus civile) In specie nimirum. Nam jus civile sumptum pro eo jure, quo in universum civitas utitur, etiam jus naturale & gentium, quatenus receptum est, comprehendit: eoque sensu obligationes, quæ ex contractibus juris gentium descendunt, dicuntur civiles; licet à legislatore civili nihil habeant præter approbationem, §. 1. inf. de oblig. Hoc igitur jus dicitur civile à causa efficiente, quæ est voluntas alicujus civitatis, aut ejus, qui juri legis ferendæ in ea habet, non communis gentium aut naturalis ratio. Ab Aristotele legitimum dicitur; vulgo positivum.

² Potest verò hoc jus amplioris doctrinæ gratia sic distinguere, ut aliud dicatur merum & simpliciter civile, quod pertinent leges omnes, quæ ideo tantum iustæ sunt & obligant, quia à civili potestate sancitæ; cuiusmodi sunt jura adoptionum, usufructuum, donationum inter conjuges; senatusconsulta Macedonianum, Vellejanum, Trebellianum; leges Ælia Sentia, Junia Narbana, Fufia Caninia, Voconia, Furia, Falcidia, & in multis capitibus lex duodecim tabularum: aliud κατὰ τὴν, quod mixtum rectè dixeris, cum scilicet juri communi lex civilis aliquid addit aut detrahatur, aut quod illo jure indeterminatum est, determinat. Quo sensu, matrimonia, patria potestas, tutelæ, testamenta, successiones, actiones & id genus alia, juris civilis esse dicuntur: nempe quia certa & propria quadam forma à jure civili donata sunt, atque ita determinata, ut certus eorum usus sit, atque eorum cives tantum, exclusi ab eorum communione extraneis & peregrinis. Atque de hoc jure civili mixto accipiendum est quod scribit Ulpianus l. 6. de just. & jur. Cum additur aliquid aut detrahatur juri communi, jus civile efficitur: alioqui omnia ferè, quæ constituta sunt, juris mere civilis & positivi dicenda forent. Illud in universum verum est, juris civilis nomen non mereri, quod directè pugnat cum ratione juris naturæ, d. l. 6. in pr.

Naturalis ratio) Ait Imperator jus gentium esse, quod naturalis ratio inter omnes homines constituit. Unde sequitur, jus hoc non ex legibus aut institutis populorum æstimandum esse; sed ex eo quod iustum esse dicat ipsa ratio naturalis, id est insita animis hominum noticia de honesto & turpi, iusto & injusto.

³ Quam ob causam & ipsum quoque jus naturæ passim appellatur, & æquum & bonum, & naturalis æquitas, & natura. Id quod notandum est adversus eos, qui negant quicquam naturæ iustum esse, sed tantum lege & consuetudine: contra quos disputat Cic. 1. de legib. cap. 16. & Aristot. 5. Eth. 7. add. Platon. 1. de legib. Laert. in Pyrrh. & Aristip. Exempli gratia, dicitur naturalis ratio, delicta, puta furta, adulteria, natura turpia esse & puniendi, l. profrum 42. de verb. sign. l. 1. §. 1. de furt. Reperiti tamen sunt, apud quos hæc flagitia permixta atque impunita fuerunt, vide Gell. lib. 11. c. 18. Arnob. adv. gent. lib. 8. Alex. ab Alex. lib. 1. cap. 24. Alber. Gentil. 5. de nupt. c. 7. Jure gentium incestum committit, teste Paulo in l. ult. de rit. nupt. qui ex gradu ascendendum aut descendendum uxorem ducit: quod etiam saniores omnes Philosophi agnos-

cunt: nihilominus, ut Ovidius lib. 10. Metam. v. 332.

*Gentes tamen esse feruntur,
In quibus & nato genitrix & nata parentis
Jungitur.*

Harum, inquam, gentium barbari mores & prævum judicium efficere non possunt, ut id quod natura iustum aut iniustum, turpe aut honestum est, tale esse definat: quomodo & Socrates disputat apud Xenoph. lib. 4. memorab.

Omnes gentes) Aut certè moratiores. Nam naturale rectè dicitur, interprete Michæle Epheio ad Nicomachiam, quod apud plerisque non corruptos aut prævos, sed naturæ convenienter se habentes, obtinet. Et Arist. 1. polit. §. quid naturale sit; spectandum ait in his, *Quæ bene secundum naturam se habent, non in depravatis.* Bellè Salmas. de usur. pag. 243. & seqq. Videtur autem Imperator hic tantum definire voluisse speciem juris gentium excellentiorem, nempe jus gentium primævum, ut id DD. appellant. Neque enim hæc definitio æquè accommodari potest juri gentium secundario, quod in §. seq. vers. nam usu. ita describitur, ut respectu juris primævi quodammodo postivum dici possit: quanquam cum etiam secundarium naturali ratione ἐξ ὑποθέσεως nitatur, neque id aperit constitutum, aut sanctione aliqua introductum sit, sed tacita tantum, communi tamen consensione gentium receptum; naturale quodammodo est, & à positivo secerni potest. Atque hoc etiam puto sentire Aristotelem d. l. 1. c. 4. ubi ait, esse quoddam jus gentium κατὰ φύσιν ὁμοιότητι. Ut autem paucis explicem, qua ratione Doctorum illa juris gentium distinctio in primævum & secundarium nitatur, quod hic locus quodammodo flagitat; nata est ea distinctio ex duplici consideratione rationis, seu potius intellectus judicantis. Ut enim ratio, sicut Physici docent, vel simplex est & pura, quæ sine discursu judicat, & Græcis πῶς sive νόσος dicitur: vel composita & comparata, quæ per discursum munus suum exequitur, ex collatione diversarum rerum aliquid colligens, Græcis διάνοια & λογισμός; ita & duplex est jus Gentium. Unum, quod à simplici illa ratione fluit, seu intellectu νοητικῷ; cuius juris sunt cultus Deis reverentia parentum, neminem lædere; suum cuique tribuere; ab alieno manibus abstinere, aliaque ejusmodi principia practica, quibus ultero sine argumentatione aut demonstratione assentimur, & iusta esse sine agitatione mentis intelligimus. Alterum, quod à composita, seu intellectu διανοητικῷ, quod discursum & ratiocinationem habet, atque ex causa denum ali-

qua aut hypothesi & comparatione alterius rei iustum esse intelligitur; cuius generis sunt ea omnia, quæ ad vitæ communis commoda coniungendæque inter se Respublicas & gentes à viris sapientibus excogitata in usum omnium gentium, aut plerumque pervenerunt. Exemplum habemus in §. seq. vers. nam usu. & elegans in l. 1. ff. de contr. empt. Quod ius à simpliciter illo intellectu est, primum DD. appellarunt: quod à composito, secundarium; primum immutabile; secundum mutabile.

TEXTUS.

Ab appellatione & effectibus.

2. Sed ius quidem civile ex unaquaque civitate appellatur; veluti Atheniensium. Nam si quis velis Solonis vel Draconis leges appellare ius civile Atheniensium; non erraverit. Sic enim & ius, quo Romanus populus utitur, ius civile Romanorum appellamus, vel ius Quirinum, quo Quirites utuntur. Romani enim à Remulo, Quirites à Quirino appellantur. Sed quoties non addimus nomen, cuius sit civitatis; nostrum ius significamus: sicuti quum Poetam dicimus, nec addimus nomen, subauditur apud Græcos egregius Homerus, apud nos Virgilius. Ius autem gentium omni humano generi commune est. Nam usu exigente & humanis necessitatibus gentes humanæ iura quadam sibi constituerunt. Bella etenim orta sunt, & captivitates secuta, & servitutes, quæ sunt naturalis juri contrarie. Iure enim naturali omnes homines ab initio liberi nascebantur. Et ex hoc iure gentium omnes pene contractus introducti sunt, ut emptio & venditio, locatio & conductio, societas, depositum, mutuum, & alii innumera-biles.

NOTÆ.

Usu exigente) Hujus igitur ex parte causa est usus & indigentia. Aristot. 1. polit. Unde Div. Chrysof. orat. 76. hoc ius appellat *ὑπομνήσις*, καὶ *χρηὺς*, Inventum usus & temporis. Exemplo potest esse inventio nummi, cui causam præbuit difficultas permutationum, l. 1. D. de cont. empt.

Necessitatibus humanis) Hic locus confirmat receptam juris gentium distinctionem in primum & secundarium. Illud enim, de quo §. 1. non est cogitatum aut inventum usu exigente, sed nobiscum natum: qualia sunt: Deum colere, parentes revereri, neminem lædere, &c.

Naturali juri contrarie) Ex hypothesi tamen & hæc naturalem rationem habent, puta si

vim nobis illatam armis repellamus.

Omnes pene contractus) Ti pene additum est *ἢ ὡς ἂν ἑστὶν φιλοσοφία*. Sunt enim quidam iure civili introducti, l. 5. D. de iust. & iur. veluti stipulatio, obligatio litterarum, donatio propter nuptias.

COMMENTARIUS.

1. Ius Romanum quasi gentium quoddam ius apud omnes coli.
2. Confirmatio distinctionis juris gentium in primum & secundarium.
3. Etiam inter ea, quæ juris secundarii, distinctione opus videri.
4. Bella & belli effecta quo ad speciem juri naturali contraria.

EX unaquaque civitate) Ius civile non retinet unum idemque nomen, sed à nomine ejus civitatis appellatur, quæ id constituit: ut in hoc quoque discrepet à jure gentium.

Solonis vel Draconis) Prior Draco leges Atheniensibus dedit, in quibus Aristot. 2. Pol. 10. scribit: nihil memorabile præter panarum acerbiterum fuisse. Pœna namque capitum fraudes prope omnes multabat. Unde Demadis illud laudatur; *ἔτι δὲ αἰματος, ἔτι δὲ μύλωνος τῶς ἐκ μὲν ἰ Δράκωνος ὄντα*. Draconis leges non atramento, sed sanguine scriptas fuisse. Plutarch. in Solone. Solon deinde magna earum parte abrogata alias descripsit, quibus Atheniensibus felicissimè sunt usi: vid. Aul. Gell. lib. 11. c. 18. VINN. Ante Draconem Atheniensibus leges scripsit Triptolemus, de quibus Porphyri. 4. de abst. & animal. p. 431. Postea circa Olympiad. 39. Draco, & Olymp. 46. anno 1. Solon leges tulerunt, de quibus Pandulph. Prætejus, Jo. Meursius, Del. Heraldus. HEIN.

A Quirino Quirites) Plerique tradunt, pacta facta inter Sabinos & Romanos placuisse, ut Romani etiam Quirites à Curibus, Tati Sabinorum Regis patria vocarentur Varr. 4. de ling. Dionys. Halicarn. lib. 2. Plutarch. in Romul. In aliis est; Romani enim à Quirino Quirites appellantur, Horom. Cujac. Wesemb. Cur Romulus dictus sit Quirinus triplicem causam affert Ovid. 2. Fastor.

Nostrum ius) *Κατ' ἑξῆς*. De Romani juris excellentia differit M. Tullius in persona Crassii lib. 1. de orat. c. 43. seq. Hodie ius civile Romanorum quasi gentium quoddam ius commune apud totam fere Europam observatur, utique in quibus causis propriæ leges aut consuetudines deficiunt.

Sed & ad hujus juris normam dirigitur interpretatio quarumcumque constitutionum ac consuetudinum, quæ illi manifestè non repugnant: ac tametsi repugnent, tamen in ambigua facti specie ejusdem æquitatis mitigantur & ita coercentur, ut commune hoc jus quàm minimum lædant, de quo doctè & acutè D. Diod. Tulden. in *comm. hic cap. 3.* plenè D. And. Gail. 2. *obf. 33.*

2. *Ufu exigente*) Hic locus confirmat receptam juris gentium distinctionem in primarium & secundarium; quamquam vitio non caret, quod Tribonianus non apertius distinctionem proponit. Primarium enim non ab hominibus excogitatum aut introductum est, sed nobis ingenitum, quemadmodum & notitiæ illæ simplices, unde illud promanat, mentibus nostris divinitus insitæ, & in cordibus nostris insculpæ sunt, etiam Apostolo teste *cap. 2. ad Roman.* Secundarium autem, (quod Grotio 1. *de jur. bell. cap. 2. num. 4.* est voluntarium) ab hominibus inventum est, & mentis quadam agitatione, comparatis inter se aliis atque aliis rebus, excogitatum ad communem vitæ usum retinendamque gentium inter se societatem; ut hujus juris ex parte causa fit usus & indigentia, teste Aristot. 1. *polit.* Quamobrem rectè Div. Chrysostomus *oration. 76.* hoc jus ait esse *ἐν φύσει βίον, καὶ χρεῖον.* Inventum temporis & usus; & hinc Dioni Prusænsi *ἀρχαῖα νόμιμα* appellatur, multumque ad probationem hujus juris utimur auctoritate illustrium Historicorum. Hoc igitur jus non tam rationis luce exortum, quam ratiocinationis ductu collectum est, & usu exigente accommodatum non tam naturæ integræ bonitati, quam corruptæ necessitatibus; conjungiturque Respub. & gentes inter se, quarum tacito quasi frudere & conspiratione censetur. VINN. Rectius omnia coherant, si dicas, jus naturæ esse *jus Divinum per rectam rationem promulgatum.* Ab eo tunc non differt *jus Gentium*, nisi applicatione. Eadem enim rectæ rationis dictamina prout vel negotiis hominum, vel integrarum gentium applicantur, modò jus naturæ, modò jus gentium adpellantur. Quemadmodum verò jus naturæ vel absolutum est; vel hypotheticum: ita & gentium negotiis applicatum absolutum à Doctores *primarium*; hypotheticum *secundarium* dicitur. HEIN.

Gentes humana) Non quòd legis faciendæ causa gentes omnes in unum convenierint: sed quia illud jus propter communem utilitatem tacito consensu approbatum & ab omnibus receptum est.

Bella orta sunt) Etiam inter ea, quæ sunt

juris gentium secundarii, aliqua distinctio facienda videtur. Nam initio simul atque societates humanæ constitutæ sunt, simul necesse fuit dominia distinguere, jura commerciorum introducere: bella autem postea orta sunt, utpote quæ malicia hominum & habendi libido introduxit, & consequenter etiam bellorum jura. Scitè Portius §. *præc. num. 3.* *Bella*; inquit, *sunt ex jure gentium non dispositivè sed occasione, distinctis dominii.*

Juri naturali contrarie) Bella, & hinc secutæ captivitates & servitutes, si per se spectentur, à ratione naturali prorsus aliena sunt: neque enim, quod utilitas omnium gentium exigat, societatem humanam bella tuerentur, sed oppugnant atque evertere. Ex hypothesi tamen & hæc rationem naturalem habent. Etenim si vim & injuriam nobis aut sociis nostris illatam vi & armis defendamus, aut etiam vindicemus, captos hostes etiam in servitutem nostram redigamus, ut metu talis præx improbi ab injuria in posterum abstineant, nemo opinor est, qui negabit hoc summa cum ratione fieri; de quo iterum & latius titulus seq.

Omnes pœnè contractus) *Ti pœnè* additum διευκρίναι φιλικῶς, & est temperamentum Jurisconsulti familiare, qui passim hujusmodi particulari adjectione sibi cavere solent, quando quid generaliter enuntiant, aut definiunt; propterea quod in jure generalis definitio plerumque periculosa est, l. *omnis definitio. 202. de reg. jur.* quod & Justinianus hic facit, respiciens haud dubiè ad l. 5. *de just. & jur.* ubi Hermogenianus scribit, quosdam contractus à jure civili introductos esse: quinam autem isti sint, non definit. Vulgò quidem putant esse hos quatuor, stipulationem, obligationem litterarum, contractum emphyteuticum, & sponsalium largitatem: sed quàm rectè, suis locis videbimus. Illud interim hic affirmare ausim, nullam obligationem dici posse simpliciter & absolute esse juris civilis; sed κατὰ τὴν dumtaxat, quatenus nimirum nonnisi sub certo modo & formâ ex consensu obligatio jure civili producitur.

Emptio & venditio, &c.) Hæc certâ auctoritate juris Auctorum probantur. Quamvis in questionibus, ubi rei veritas exquiritur (qualis hæc est; An aliquid sit juris gentium, nec ne) non tam Auctores, quàm rationum momenta in disputando querenda sunt; ut scribit Cicero 1. *de natur. Deor. c. 5.* & postea hæc sunt extra potestatem legislatoris.

TEXTUS.

Divisio Juris in scriptum, & non scriptum, & subdivisio Juris scripti.

3. *Constat autem jus nostrum, quo utimur, aut scripto, aut sine scripto: ut apud Græcos τῷ νόμῳ ἢ μὴ ὑγραφοῖ, ἢ δὲ ἄγραφῳ. Scriptum autem jus est lex, plebiscitum, senatusconsultum, principum placita, magistratuum edicta, responsa prudentum.*

NOTÆ.

1. *Quo utimur*) Abest à l. 6. §. 1. D. de just. & jur. unde hæc sumpta, nec Cujac. Hotom. Welsch. agnoscunt.

Scripto aut sine scripto) Distributio juris civilis à forma & modo constituendi ex d. l. 6. §. 1. alterum enim expressè sancitur & scripto promulgatur, alterum tacito consensu utentium introducitur, l. 32. pr. D. de leg.

Apud Græcos) Plat. lib. 7. de legib. & apud Laert. Arist. 1. Rebor. qui & 3. Eib. meminit legum κατὰ τὰ γραμματα, & κατὰ τὰ νόμιμα.

Scriptum) Subdivisio juris in sex species. Papinianus l. 7. D. de just. & jur. quinque tantum enumerat: sed ille archiùs jus civile accipit, eique prætorium ut speciem diversam opponit. Mox tamen Marcianus jus honorarium vivam appellat vocem juris civilis, l. 8. Dig. cod.

COMMENTARIUS.

1 *Scripturam non pertinere ad legis essentiam.*

2 *A quo tempore lex obligare incipit.*

Jus scriptum in divisione proposita non opponitur omni juri non scripto: nam & jus naturale ac gentium est ἄγραφον; sed tantum ei juri, quod moribus & longa consuetudine introductum est: eodem enim sensu jus dividitur in legem & consuetudinem, legis voce latius accepta pro quavis parte juris scripti. Desumptus hic locus est ex l. 6. §. 1. & l. seq. de just. & jur.

1 *Scripto aut sine scripto*) Distributio juris civilis ex accidenti & causa instrumentali. Nam formalis differentia legis sive ejus juris, quod opponitur juri non scripto aut consuetudini, non est scriptura, sed expressa voluntas & sanctio civilis potestatis: sicut è contrario consuetudo aut jus non scriptum formam & essentiam suam habet à tacita voluntate & consen-

su utentis populi, §. sine scripto 9. inf. cod. l. de quibus. 32. de legib. Hujus rei evidentissimum argumentum est, quòd nec consuetudo in scripturam redacta lex sit, nec lex non scripta consuetudo. Lacedæmonii scriptis legibus usi non sunt, legibus tamen usi sunt, atque una τῶν καλῶν νόμων ἡμετέρων hæc erat, μὴ χρῆσθαι νόμῳ ὑγραφοῖς, scriptis legibus non uti. Plutarch. in Lycurg. p. 47. Atque ut è Romana Republica exemplum petamus, numquid lex erat, cum rogante Magistratu, Velitii, Jubeatis Quirites, &c. populus in tabellis respondisset, *Uti rogas*? Quod autem rei jam in esse suo constitutæ ex accidenti supervenit, id de illius rei essentia non est. Ad enim, inquires, sine quo lex non obligat, id utique est ei essentiale: sine Scriptura autem non obligat, cum sine ea in notitiam populi pervenire non possit, arg. l. leges sacratissima 9. C. de legib. Ut de propositione nihil in præsentia dicam, falsam esse assumptionem evincit, tum exemplum prolatum, tum leges, quas diximus Lacedæmoniorum. Ratio quoque assumptionis falsa est. Quid enim? An non voce præconis quoque lex promulgari potest? & proinde certum est in l. humanum 8. Cod. de legib. facilitatem tantum promulgandi rationem proponi. Cur igitur legem appellamus jus scriptum? Quia nimirum postquam lata esset, scribi solebat, & scripto promulgari, aut in tabulis incisæ publicè proponi, quo & cognoscere facilius, & minore negotio probaretur. Moris quoque erat apud Romanos, ut qui legem ferre vellet, eam trinundino promulgaret, id est, de sua lege ad populum diceret, eamque scriptam publicè propositam haberet, quo potestas fieret populo cognoscendi otiose, & ut inde liceret librariis describere, si qui vellet Legem apud se habere, ut liquet ex 2. Agraria. Planè si non alio modo promulgandi civitas utatur, quam per scripturam; potest dici, scripturam ad vim legis necessariam esse: neque enim ante lex vix vi sua constat, civis que ad observationem vel poenam obligat, quam populo innotescere potuerit; quod sine promulgatione, sive publicatione aliqua fieri non potest, l. 7. cum 2. seqq. C. de legib. Perez ad Cod. de legib. num. 18. An igitur lex statim ut publicata est, obligat? Maxime: eoque jure utimur, extra quam si certum tempus nominatim lege comprehensum sit, ex quo vim capiat, ut sit interdictum, Nov. 57. in fin. Nov. 116. c. 1. Extat sanè constitutio quædam τῆς τῶν νόμων, quæ indulget spatium duorum mensium à die publicationis observandum in omnibus novis legibus, Nov. 66. c. 1.

Verum ea constitutio recte sic à plerisque accepta est, ut proposit hoc spatium ad allegationem ignorantiae, atque hac interim praesumatur, non quia lex promulgata citius obstringat eum, in cuius notitiam ante pervenit. Quod si quis post lapsum ipsius temporis ignorantiam alleget; esse quidem adhuc audiendum, sed hac conditione, ut causam ignorantiae, quam allegat, probet, per l. ult. de decr. ob. fac. Gudelin. §. de jur. nov. c. 2. add. Christ. vol. 2. dec. § 2. n. 2. & seqq. VINN. Scriptum jus re vera idem est, ac promulgatum: non scriptum ac non promulgatum. Loquutio à Græcis desumpta, quibus νόμος νόμος non est leges scribere, sed publicare. Hinc & Lycurgum νόμος νόμος ait Liban. p. 476. Tom. 1. quum tamen Lycurgi leges scripturae vulgatas non esse, satis constat. Plutarch. in Lycurg. p. 47. Hinc & jus civile à prudentibus invecum fine scripto venire & consistere dicitur, l. 5. §. 5. & 12. ff. de O. I. non, quod litteris consignatum non fuerit, sed quod non solummodo publicatum. Eodem modo Plato, apud Laert. lib. 3. νόμος νόμος, dividit in γυμνασιας καὶ ἀγῶνας, & hunc esse ait τις κατὰ τὴν γυμνασίαν, qui in more vel consuetudine positus est. HEIN.

Scriptum autem jus) Subdivisio juris scripti, qui quidem ad juris praesentis auctoritatem non multum pertinet: omnia enim, quae in libris nostris continentur, auctoritate Justiniani nituntur, l. 1. & 2. C. de vet. jur. enucl. Sed quoniam hæc confirmavit Justinianus, quia in veteri jure erant: ideo & hic & in π' extate voluit testimonia ex jure priorum temporum, ut juris constituti historia intelligeretur.

TEXTUS.

De lege & plebiscito.

4. Lex est, quod populus Romanus senatorii Magistratu interrogante (veluti Consule) constituitur: Plebiscitum est, quod plebi plebeo Magistratu (veluti Tribuno) constituitur. Plebs autem à populo eo differt, quo species à genere. Nam appellatione populi universi cives significantur, communeratis etiam Patriciis & Senatoribus. Plebis autem appellatione sine Patriciis & Senatoribus: ceteri cives significantur. Sed & plebiscita lege Hortensia lata non minus valere quam leges cœperunt.

NOTÆ.

4. Lex est) Legis nomen hic strictissime accipitur, alias jus omne scriptum significat,

opponiturque consuetudini, ut passim in libris nostris, & apud Cic. 1. de legib. c. 6. Sæpe etiam non minus latè extenditur, quàm vocabulum juris; ut & νόμος apud Græcos.

Interrogante) Mallem rogante, ut quidam. Rogabat Magistratus populum his verbis, *Vestris, jubetis Quirites, &c.* Populus respondebat in tabella vel A. id est, *Antique*, vel V. R. id est, *Uti rogas*.

Veluti Consule) Item Dictatore & Praetore, non etiam Censore. Addit Hotomannus & Interrege; sed perperam. Nam interregibus comitia habere ferendis legibus non licuit; ut patet ex 3. in Rullum. vid. Nic. Gruch. 1. de comit. Rom. 3.

Plebiscitum) Α' πὶ τῷ σκίσσιν, ἢ πᾶσι τοῖς, quod est decernere & constituere, non ἀπὶ τῷ σκίρει. Fabrot.

Veluti Tribuno) Alium Magistratum plebium rogationem ad plebem tulisse nemo prodidit.

Quo species à genere) Rectius dixisset, quod pars à toto. Populus enim est *εὐνοίας τε*, quod ex partibus suis plebe & Patriciis constat. Interdum tamen populum pro plebe dixerunt. Gloss. gr. lat. *Νόμος*, populus, vulgus.

Legis Hortensia) Primum lege Horatia secessione in Aventinum: deinde lege Hortensia, secessione in Janiculum. Cajacius ex Liv. & Plin. add. Gell. 15. cap. 27. VINN. Immo tres ordine leges eam in rem latae sunt. *Horatia* Anno U.C. 406. *Lev. III.* 55. *Publilia* A.U.C. 416. *Liv. VIII.* 12. Et denique *Hortensia* A.U.C. 466. *Epit. Liv. lib. 11.* Gell. XV. 27. HEIN.

COMMENTARIUS.

1. Legis varia significationes.
2. Non omnibus Magistratibus senatoriis legibus ferendis comitia habendi jus fuisse.
3. Patricios: genere semper, non ordine à plebeis distinctos.

Sequitur singularum juris scripti partium explicatio: cui nos lumen aliquod ex antiquitatis memoria asseremus, cujus ignorantio crassos errores peperit.

Lex est) Legem à legendo dictam, scribit Cicer. lib. 1. de legib. c. 6. Quoniam in lege inest vis delectus: jubet enim quæ honesta sunt, prohibetque contraria. Unde vocabulum legis non minus latè patet quam vocis: tam enim dicimus, lege naturæ quid concessum aut vetitum esse, quàm jure, ut apud Ciceronem passim: frequentissimè autem legem appellamus, quæ scripto sancit, quod vult; et quæ.

popularis est hujus vocis significato, teste eodem Cicerone *d. lib. 1. de legib. c. 6.* Neque tamen omnis scripta sanctio arcto significato lex est, sed ea tantum, qua universus populus obstringitur: nec alia de causa plebiscita iniurio leges dictæ non sunt, quam quod partem tantum civium obligabant. At post legem Hortensiam plebiscita non minus proprie leges appellata, quam quæ populus centuriatim jussisset.

2. *Senatorio Magistratu*) Lex ferebatur comitiis centuriatis à Magistratibus, penes quos erant majora Reipublicæ auspicia, puta à Consule, Dictatore, vel Prætorè; non autem ab omnibus Magistratibus senatoriis aut curulibus: non à Censore, Interrege, aut Ædilibus curulibus. Interreges quidem Magistratibus creatis centuriata comitia habere poterant: sed legibus ferendis habere iis non licebat: ut apparet ex 1. in *Rullum*, nimirum quia in interregno nihil prius cum populo agi licebat, quam subrogati essent ordinarii Magistratus. Sed neque Censores centuriatis comitiis legem tulisse usquam legimus: cumque leges censorias apud Auctores reperimus, pro Censorum subscriptionibus, ut Cicero *pro Cluentio* appellat, aut locationibus censoribus factis, ut 7. in *Verrem*, accipi debent. Populi tamen vocandi jus habuisse, ex iis, quæ de lustris condendi ratione Livius commemorat, ostendi potest. Postremò nec Ædiles curules ulla comitia habuisse usquam invenias, qui nec aliàs jus ageodi cum populo habuerunt, præterquam in multæ certatione; de quo vide Nic. Gruch. *lib. 1. de comitiis Rom. c. 3. & lib. 2. c. 3.* VINN. Præter Consules, Dictatores & Prætores leges etiam tulerunt Magistratus majores extraordinarii reliqui, veluti *Tribuni militum consulari potestate, & decemviri*. De Censoribus subsistit, ob legem Cæciliam de fustionibus, à censore quippe latam, si credendum Plin. *Hist. N. XXXV. 17.* HEIN.

Interrogante) Rogabat Magistratus his verbis; *Velitis, Jubeatis Quirites, &c.* Populus, respondebat in rabella vel litteram A, id est, *Antiquo*; vel per *V. R.* id est, *Uri rogas*, quod ex antiquorum plerisque locis intelligitur, vide *Agell. lib. 10. c. 20.*

Veluti Tribuno) Tribuni & Ædiles plebei proprii plebis Magistratus erant: sed Ædiles rogationes ad plebem tulisse nemo prodidit. Plebiscita comitiis tributis; leges centuriatis aut curiatis ferebantur; qua de re antiquitatis studiosi consulant Car. Sigonius, & Nic. Gruchium, qui ex professo de comitiis Romanorum, & quæ res, quibus comitiis tractari

solitz, scripserunt; quædam & nos notavimus sub §. 1. *inf. de testam. ord.* VINN. Sæpe tamen & leges tributim latas esse exempla docent quam plurima. Nam & majores Magistratus senatorii tribus in suffragia mittebant. Exemplum est in lege Quintia apud Frontin. *de aqueduct. & Reines. Inscript. class. 7. §. 10.* HEIN.

Quo species à genere) Rectius dixisset, quo pars à toto. Et quidem & genus quoddam totum, sed universale, & species pars generi subjecta: sed tale totum non est populus, sed *URBANI* TI, quod ex partibus suis, plebe & Patriciis constituitur.

Sine Patriciis & Senatoribus) Hæc ad rationem priorum temporum proponi videntur, quibus honores & dignitates omnes soli Patricii sibi vindicabant. Nam ex quo etiam plebi aditus ad Magistratus populi & in Senatum esse coepit, Senatores plebeiis opponi defuerunt. Sanè Patricii gente sive genere à plebeiis semper distincti fuerunt. Dico genere: nam quod ad ordinem pro censu cuiusque distinctionem attinet, certum est, multos à Patriciis familiis, puta qui equestrem aut senatorium censum non habebant, in ordine plebeio, & contra plurimos ex plebeiis gentibus in ordine equestri aut senatorio fuisse. Quin olim etiam antequam ex censu maximo Senatores esse coeperunt, quod postremis temporibus factum esse scribit Plinius in *proem. lib. 14.* ipsi senatores, qui minimi census erant, inter pedites numerabantur, & suffragium si ferre velent, in quinta classe suffragium dicere debebant, vide Gruch. *lib. 1. de comit. Rom. cap. 4.*

Legis Hortensia) Tribunitiis rogationibus initio pars tantum civium, non omnes adstrigebantur. Primi L. Valerius & M. Horatius Consules, cum velut in controverso jure esset, tenerentur patres plebiscitis, legem centuriatis comitiis tulerunt, ut quod tributim plebs jussisset, populum teneret. Id factum anno ab urbe condita 304. secessione secunda in Aventinum, Liv. *lib. 3.* Idem postea confirmatum lege Hortensia lata à Q. Hortensio Dictatore secessione tertia in Janiculum, anno ab U. C. 367. Et iterum à Dictatore Q. Publilio anno ab U. C. 415. vid. Liv. *lib. 8. Flor. in epit. 11. Gell. lib. 15. c. 27.* VINN. Ordo temporum hic planè perturbatus. Diximus supra ad Notas h. §. HEIN.

Non minus valere quam leges) Ita factum est, ait Pomponius l. 2. §. deinde 8. de orig. jur. ut inter legem & plebiscitum species interesset constituendi: potestas autem eadem esset. In summa ut plebiscita etiam leges revera & essent & appellarentur.

TEXTUS.

De Senatusconsulto.

5. *Senatusconsultum est, quod Senatus jubet atque constituit. Nam cum auctus esset populus Romanus in eum modum, ut difficile esset in unum eum convocari legis faciendi causa; equum visum est, Senatum vice populi consuli.*

NOTÆ.

5. *Auctus esset populus*) Ita & in l. 2. §. deinde 9. D. de orig. jur. An autem hæc causa fuerit, an potius ambitio & astutia Cæsarum, melius ex Tacit. 1. annal. c. 15. & Sueton. in Tiber. cap. 30. discas. Quibus modis Senatusconsultum fieret, vide Varronem apud Gellium lib. 14. c. 7. In notis S.C.D. *Senatusconsultum decrevit*, Grot.

COMMENTARIUS.

1. *Quando & unde Senatus juris condendi auctoritatem accepit.*

CONSTAT, jus legis ferendæ stante adhuc Republ. solius populi, non Senatus fuisse: cui quidem, ut consilio publico, permiffum erat de iis rebus, quæ ad constituendam Rempub. pertinebant, cognoscere atque decernere; sed ita, ut quæ majoris momenti viderentur, non aliter rata essent, quàm si ea aut populus aut plebs confirmasset. Polyb. lib. 6. c. 12. Dion. Halic. lib. 4. & 7. nec ullo senatusconsulto aut novum introductum aut vetus sublatum legitimus: ac ne Julio quidem & Augusto imperantibus ulla hujusmodi senatusconsultorum mentio, sed legum tantum aut plebiscitorum. Ac proinde verissimum est, quod Bodinus lib. 1. de republ. c. 10. scribit, Senatui Romano ab exactis urbe Regibus usque ad Tiberii Cæsaris dominatum leges jubere non licuisse, sed decreta tantum annua; quæ tamen nec populum, nec plebem tenerent: & manifestè fallitur D. Connan, l. 2. c. de senat. Senatui Romano tribuens perpetuam legis condendæ potestatem. Nam Dionys. Halic. d. lib. 4. expressè scribit, senatusconsulta nullam vim legis habuisse, nisi plebs ea probaret: & quæ populus probaverat, annua tantum fuisse, nisi rogatione ad populum vel ad plebem vim legis adipiscerentur. Quid igitur est, quod Jurisconsultus scribit in l. non ambigitur 9. de leg. Non ambigi Senatum jus facere posse? Non

potuit integra adhuc Republ. sed tum demum posse cœpisse, cum comitia è campo ad Patres translata sunt; quod à Tiberio primum factum esse testatur Tacit. l. 2. annal. c. 10. Quippe Cæsar Dictator, auctore Suetonio, in Jul. c. 41. jus comitorium non in totum populo ademerat, sed cum eo partitus erat. Atque idem jus bellis civilibus diu intermissum reduxerat Augustus; sic enim accipio quod idem Suetonius c. 40. in Aug. scribit; *Augustum jus pristinum comitorium reduxisse*; eumque Suetonii sensum ex Dione adstruit Just. Lipsius, ego etiam ex verbis Taciti, quæ mox subjicit: *Nam ad eam diem, inquit, etsi potissima arbitrio Principis, quadam tamen studiis tribuum fiebant.* Ex eo igitur tempore legibus & plebiscitis quiescentibus senatus jus facere cœpisse quamquam non tam propria auctoritate, quàm conniventia quadam & indulgentia Principum; quod vel unus Tacitus nos docere potest, & arguunt orationes Principum in Senatu haberi solitæ, in quas Senatusconsulta fiebant. Tandem translato in Orientem imperio, mutataque penitus reipub. forma, hæc potestas Senatus exolevit, atque à Leone Philosopho etiam nominatim Senatui adempta est. Nov. Leon. 78.

Nam cum auctus) Αἰτιολογία; at τὸ ἀναγινώσκοντες. Nam ex Livio lib. 1. cap. 17. Dionys. Halicarn. lib. 2. & 6. p. 392. discimus, senatusconsultorum primordia vetustissima esse: legemque jam inde ab urbe condita fuisse, quæ omnia in Senatus potestate ponebat, præter Magistratum creationem, legum lationem, & belli inferendi deponendique arbitrium. Sed fortassim hoc dicere Justinianus voluit, quod & Pompon. in l. 2. §. deinde 9. de orig. jur. aucto populo in eum modum ut difficulter jam omnes convenire possent, necessitatem eò rem deduxisse, ut æquum visum fuerit etiam de iis rebus Senatum consuli, de quibus antea ad populum ferri solebat. Sed & hoc ipsum falsum esse, ex iis, quæ paulo ante diximus, manifestè liquet, potestatemque populi ad Senatum translata auctoria Cæsarum, qui, ut Tranquillus in Tiberio scribit c. 29. & seqq. *Senatus potentiam augendo, sua servabant.*

TEXTUS.

De Constitutione.

6. *Sed & quod Principi placuit, legis habet vigorem: quum lege regia, qua de ejus imperio lata est, populus ei & in eum omne imperium suum & potestatem concedat. Quodcumque ergo*

Imperator per Epistolam constituit, vel cognoscens decrevit, vel edicto precepit, legem esse constitat. Hæc sunt, quæ constitutiones appellantur. Planè ex his quædam sunt personales, quæ nec ad exemplum trahuntur, quoniam non hoc Princeps vult: nam quod alicui ob meritum indulget, vel si quam pœnam irrogavit, vel si cui sine exemplo subvenit, personam non transgreditur. Aliæ autem cum generales sint, omnes procuidubio tenent.

NOTÆ.

6. *Lege Regia*) Ex l. 1. d. *De constit. princ.* Lex Imperii dicitur l. 3. c. *De test.* De lege regia cognosce ex indice *leg. Rom. Notomanni.*

Per Epistolam) Epistola est rescriptum Principis, quo de jure consulentibus respondet. *palsim in Cod.*

Decrevit) Decretum Principis dicitur, cum ipse de causa cognoscit, & partibus auditis pronuntiat; ut in l. 3. d. *De his quæ in test. del.* ἀποφάσεις βασιλικῆς in Gloss. Basilic.

Edicto precepit) Edictum est, cum Princeps motu proprio, *ἐξ δικίας φέρων κινήσεως*, aliquid constituit ad honestatem & utilitatem subditorum. Theophil. *l. 3. c. De legib.* & ferè ad præfectos prætorios hujusmodi constitutiones diriguntur: ut in l. 6. c. *De secund. nupt.* & similib. VINN. Immo & ad Præfides dirigebantur edicta, ut L. un. c. *Theodos. de Strator lib. 6. tit. 31.* quin & ad provinciales, veluti l. 27. c. *Tb. de tiron. l. 7. tit. 13.* HEIN.

Personales) Hæc sunt, quæ privilegia Latinis dicuntur, eo quòd veteres prius dixerunt, quæ nos singula dicimus. Cell. 10. c. 20. Fest. in voce *privus*, & ibi Jos. Scal. in annot. aliàs jus singulare; l. 16. d. *De legib.* Hujusmodi sunt privilegia militum, doctorum, studiosorum, &c.

Pœnam irrogavit) Nempe graviorem ordinaria propter exemplum. Obiter hic nota, privilegia non solum pro aliquo, sed etiam in aliquem ferri posse, ut in Milonem à Pompejo, à Clodio in Ciceronem lata sunt.

Personam non transgreditur) Non producit hoc jus ad consequentias, l. 24. d. *De legib.* Non transit ad successores, l. 68. l. 196. *de reg. jur.*

COMMENTARIUS.

1 *Lege regia jus omne populi privatè in Principem translatum.*

2 *Genera constitutionum exposita.*

3 *Quid & quæduplices sint, tum in quam vim habeant constitutiones personales & privilegia, & num. 5.*

4 *Privilegiarum rariorem usum esse in statu de-*

moeratico, quàm in monarchico.

5 *De rescriptis contra jus elictis & de precibus sub & obreptitiis, nec non de moratoria præscriptione.*

Lege Regia) Hæc eadem habet Ulp. l. 1. d. *const. princ.* Latam autem fuisse legem, idque sub Augusto, eamque secutum in eamdem sententiam seuatusconsultum, quæ lege populi omnis potestas Principibus concessa, ipsique legibus soluti sunt, probatur testimonio Dionis, qui lib. 53. de Principibus loquens, ἀλλοτρίαι, inquit, τοῖς νόμοις ἢ ἀπὸ τὰ λατρεῖα ῥήματα λαίω, ut ipsa verba latina sonant. Quod non nisi de verbis alicujus legis accipi potest. Eadem est, quæ lex imperii dicitur; l. ex imperfecto, 3. c. *De testam.*

Et, & in eum) Hæc verba in eum Theophil. Notom. Wesemb. interpretantur in se, quod nimis argutum. Probabile est, populum his verbis in formula legis usum ad ostendam enixam suam voluntatem omne imperium suum παταλῶς transferendi Fabrot. VINN. Alia exempla ubi omnia & in omnibus simili pleonasmò junguntur, & collegit Ger. Noodt, Obs. 1. 3. qui rectè docet, *ei & in eum* unum valere, probante hanc observationem V. C. Car. Andr. Dukero de *Latin. lci. Vet. p. 324.* HEIN.

Omne imperium & potestatem) Ergò populum non retinuit veterem potestatem, eamque cum Principe communicavit dumtaxat, sicuti illi sentiant, qui populum non privatè, sed cumulative potestatem suam in Principem contulisse contendunt: qui error in notissima Politices principia impingit, & manifestior est quàm ut refutari debeat. Non equidem nego jura majestatis ita dividi posse, ut non omnia in unum, quem Principem constituit populus, transferantur; sed quædam apud Optimates aut populum remaneant, atque ita temperatum ac mixtum fiat imperium: sed eadem jura majestatis & transferri & retineri nullo modo possunt. Nihil ad rem facit, quòd Principes ab invisis populo nominibus Regis aut Domini abstinuerint, cum alio fide nomine regiam potestatem exercerent, auctore Dione d. lib. 53. quod non satis examinavit D. Gudelinius lib. 5. de *jur. noviss. c. 2.* multo autem minus jus illud imaginarium populi in suffragiis ferendis, aut illa in jure condendo precaria Senatus auctoritas. Manebant enim tunc temporis adhuc, ut inquit Tacitus *Vestigia morientis libertatis.* Et verisimè de populo Romano Juvenalis *Satyr. 10.*

Qui dabit olim

*Imperium, fasces, legiones, omnia, nunc se
Continet, atque duas tantum res anxius optat,
Panem & Circenses.*

2 *Quodcumque ergo Imperator*) Constitutiones Principum non sunt unius generis. Distinctio à causa finali, hoc est, à scopo & intentione Principis sumenda. Etenim vel hoc aperte & directe Princeps agit, ut legem condat, & jus præscribat, quod fit non tantum, cum generaliter & motu proprio quid constituit ad usum subditorum, quæ species constitutionis edictum dicitur, & lex edictalis; l. 6. C. de sec. nupt. cum simil. sed etiam cum respondet Magistratibus de jure dubio consulentibus. Quamquam Theophilus hoc genus constitutionis epistolæ speciem facit: vel non agit id principaliter, ut jus aliquod in commune constituat, sed ut specie litem aliquam inter partes componat; & tamen propter excellentiam & dignitatem personæ constitutæ id quod constituit, legis vigorem habet; l. 1. §. 1. de consp. Princ. l. ult. C. de legib. cum à iudicibus res judicatæ aliis non nocent; sit. C. res int. al. aff. vel jud. al. non noc. ac ne sententia quidem late in consistorio Principis, aut ab ipso quidem Principe, sed ad relationem & consultationem iudicum; l. 2. l. 3. C. de legib. Vid. tamen Christin. vol. 2. decis. 63. num. 3. & seqq. & vol. 3. decis. 111. n. 8. & 9. Posteriores hujus generis dux sunt species, epistola & decretum. Epistola proprie dicitur, cum privatis de jure suo consulentibus Princeps rescribit. Decretum à iudicibus CASUALI cum ipse de causa cognoscit, & partibus auditis sententiam pronuntiat: quem veterum Principum morem fuisse testantur historici AA. scriptores. Elegans exemplum habemus in l. 3. de his quæ in test. del. VINN. Alia exempla exstant in l. 13. ff. quod met. caus. l. 47. ff. de inst. her. Conf. Jac. Gothofr. ad l. ult. C. Tb. de offic. jud. omn. ubi plenissime de modo, quem principes in decernendo observant. HEIN.

3 *Quædam sunt personæ*) Cum dixisset, non ea tantum, quæ Princeps edicto præcepit, sed etiam quæ per epistolam constituit, cognoscens decrevit, vim etiam in aliis causis & personis habere: id nunc ex Ulpiano in d. l. 1. §. 2. de consp. Princ. sic temperat, nisi aliam esse voluntatem & sententiam Principis appareat: esse enim constitutiones quasdam personales, quibus jus singulare in certæ alicujus personæ gratiam constituitur. Hæ sunt, quæ privilegia Latinis dicuntur, eo quod Veteres

privi dixerunt, quæ nos singula dicimus auctore A. Gellio lib. 10. c. 10. & Festo in voce privus, ubi Jos. Scal. in annot. Offendit me, inquit, quod apud Cicero pro hac voce privatum substituerint, ut in ea pro dom. c. 17. Vtant leges sacratæ, vetant 12. Tabule leges privis hominibus irrogari. At hodie legunt privatis c. 19. Idem 3. de leg. Tantum majores in posterum providisse, in privatis homines leges ferri noluerant. Cum Cicero scripserit, in privos homines. Subjicit enim: Id enim est privilegium. Postea interpretatur, ferri de singulis nisi centuriatis comitiis noluerunt. Ait autem Justinianus, hujusmodi constitutiones personales sive privilegia aut jura singularia in exemplum non trahi, nec personam egredi: quoniam non ea mens fit Principis, qui solius puta Titii aut Semproni causa aliquid constituit, ut id, quod ita constituit, in universum pro jure observetur, aut ad alios transferatur. Apparet verò ex ipsis verbis non agi hoc loco de privilegiis causæ aut rei, sed personæ, quibus sola personæ conditio locum facit: qualia sunt privilegia militum, doctorum, studiosorum, &c. Item immunitas certæ personæ tributa, l. 1. de jur. immun. jus tacite hypothecæ, quod in exigenda dote mulieri indultum est in bonis mariti, & nominatim à Justiniano cum hoc privilegio, ut aliis creditoribus hypothecariis etiam tempore prioribus præferatur, l. assiduis 12. C. qui pot. in pig. Tale item beneficium est, quod parenti, patrono, marito, donatori, &c. concessum, ut in id tantum, quod facere possunt, condemnentur; l. sunt qui, 16. & seqq. de re jud. l. 111. & seqq. fol. matr. Hæc & similia personarum privilegia, deficienti persona, cui data sunt, statim simul deficient, ut extinguuntur, neque ad successores transiunt; dd. ll. l. in omnibus 68. l. privilegia 196. de reg. jur. nisi id quoque nominatim privilegio cautum sit; l. 4. de jur. immun. At quæ privilegia magis causæ quam personæ præstantur, ea hæredibus quoque & ceteris successoribus tribuuntur; dd. l. in omnibus 68. & d. l. privilegia 196. de reg. jur. Cujus generis beneficia sunt immunitates generaliter locis aut civitatibus aut familiis datæ; l. 4. §. 3. de censu. induciæ temporis quæ judicatis indulgentur; l. tempus 29. de re jud. jus ante omne creditum deducendi impensas funeris; l. pen. junct. l. filiusfam. 11. §. ult. de rel. & sumpt. fun. &c. de quo adi D. Pet. Fab. ad d. l. in omnibus 68. & d. l. privilegia 196. de reg. jur. Christin. vol. 5. dec. 47. n. 30. seqq. Ufus privilegiorum, ut hoc obiter addam, frequenter est, ubi singuli regunt, quàm ubi uni-

verſi, propterea quòd in ſtatu populari major eſſe debet æqualitatis obſervatio. Quam ob cauſam etiam lege 12. tab. cautum fuit, *Ne privilegia irrogarentur*, teſte *Cic. pro dom. ſua*, quod Decem viros à Græcis accepiſſe ex oratione *Demofthenis contra Ariſtocratem* liquere poteſt. Cæterum hoc juris erat ordinarii: nam extra ordinem jure ſupremæ poteſtatis privilegia etiam à populo aliquando ſerebantur; ſed nonniſi centuriatis comitiis; *Cic. 1. de legib. c. 19.* Quale illud apud Romanos fuit, ut quis ante Magiſtratum capere poſſet, quàm per leges licebat. Sic Athenienſes cùm injuriati nullius teſtimonium admitteretur, ſoli Xenocrati remiſerint juſjurandum; *Diog. Laer. in Xenocr.*

5 *Ob meritum indulſit*) Tres perſonalium conſtitutionum ſpecies hoc loco proponuntur. Si quid Princeps alicui ob meritum indulſit; puta immunitatem ab oneribus publicis. Si quam pœnam irrogavit; puta graviorem ordinaria propter exemplum. Si cui ſine exemplo ſubvenit; puta gratiam delicti fecit. Ubi obiter notandum, privilegia non ſolum pro aliquo, verùm etiam in aliquem ferri poſſe, ut in Milonem à Pompejo, in Ciceronem à Clodio lata ſunt; *Cic. pro dom. ſua, c. 17.* Illud hic prætereundum non eſt, non ut quiſque privilegium à Principe impetravit, ita & continuo id valere. Nam primum reſcripta Principum contra jus vel utilitatem publicam elicità à judicibus improbari etiam ipſorum Imperatorum conſtitutionibus jubentur, extra quam ſi proſint petenti, & alium non lædant, vel crimine ſupplicantiſus indulgeant; *l. 3. & 7. C. de prec. imp. off. l. ult. C. ſi cont. jus vel util. pub. aut licet cum læſione alterius, moratoria dumtaxat præſcriptio debitori permittatur; ut eſt in l. 2. C. de prec. imp. offer. id eſt, exceptio dilatoria: exceptio, non qua perimatur actio, ſed petitio & actio in tempus certum diſſeratur, ſpatio ad ſolvendum debitori dato; *Brieven van reſpiit.* Quo tamen caſu placet non aliter reſcriptum valere, quàm ſi fidejuſſio idonea ſuper debiti ſolutione præbeatur; *l. 4. C. d. tit. quod & cautum Caroli V. edito 19. Maji 1544. art. 32.* Secundò ſi Principi obreptum ſit, celata ſcilicet veritate; vel ſubreptum expreſſo mendacio, reſcripti fructu privari jubetur, qui id impetravit; *l. 2. C. de legib. l. pen. C. ſi cont. jus vel util. pub. Utrumque ex voluntate & mente Principis ſumptum eſt, qui non creditur aliquid velle contra utilitatem publicam concedere: aut aliter, quàm ſi preces veritate nitantur; l. 7. C. de div. reſp. l. pen. & ult. C. ſi cont.**

juſ. & lib. Groœneuv. traſſ. de ll. abr. Gail. 1. obſ. 14. Tuld. & Perez poſt DD. comm. ad tit. C. ſi cont. jus vel ut pub. Ant. Fab. C. ſuo ibid. defin. 1. Chriſtin. vol. 2. decif. 74. & 76. exemplum in l. 1. ff. de natal. reſtit. Hinc eſt, quod à Curiiſ reſcripta ejuſmodi aut iſeici aut admitti, ſive ut nunc loquuntur, interinari ſolent.

TEXTUS.

De Jure Honorario.

7. *Prætorum quoque ediſta non modicam continent juris auctoritatem.* Hoc etiam jus honorarium ſolemus appellare: quòd qui honores gerunt, id eſt, Magiſtratus, auctoritatem huius juri dederunt. Proponebant & Aediles curules ediſtum de quibusdam cauſis; quod & ipſum juris honorarii portio eſt.

NOTÆ.

7. *Prætorum ediſta*) Jus prætorium introductum eſt adjuvandi vel ſupplendi & corrigendi juris civilis gratia: *l. 7. §. 1. D. de juſſ. & jur. exempla in pr. & §. 1. infr. de bon. poſſ. §. 3. infr. de exb. lib. §. 9. infr. de her. que ab inteſt. §. 3. infr. de leg. agn. ſucc.*

Non modicam auctoritatem) Minorem tamen, quàm ſpecies ſuperiores. Nam ediſta Prætorum non valebant auctoritate populi aut Principis, ſed tantum ob honorem Magiſtratus, qui non tam conditor eſt juris novi, quàm cuſtos & interpres conditi, *d. l. 7. §. 1. & ſeq. D. de juſſ. & jur. l. 2. §. 10. de orig. jur. l. 12. §. 1. D. de bon. poſſ. l. 1. in fin. D. ex quib. cauſ. maj.*

Aediles curules) Ad diſtinctionem Aedilium plebis. Curabant ædes ſartas tectas eſſe, aquas mundas, integros aquæductus, vias expediri; *Cic. 1. in Verr. cap. 14. add. Liv. lib. 6. in ſu. & 7. in pr. Varr. 4. de ling.*

Juris honorarii portio) Jus honorarium genus eſt, cujus ſpecies prætorium & ædilitium VINN. Immo & proconſulare. Nam & edictum provinciis propoſuiſſe nemo ignorat. HAIN.

COMMENTARIUS.

1 Unde Prætori, & qualis condendi juris poteſtas.

2 Aediles Curules qui & unde diſti.

3 Jus ædilitium quo ſenſu dicatur ſub prætorii contineri.

INTER ſpecies juris civilis numeratur hoc loco & jus prætorium; quod tamen non ratio ut ſpecies diverſa juri civili opponitur. Sed

non

non est novum in jure nostro, ut idem nomen nunc latius, nunc angustius accipiat; & quod per se positum nomen generis est, contrahatur ad certam speciem oppositam speciei ejusdem generis. Itaque cum jus civile à Prætorio distinguitur; per jus civile intelligitur, quod ex legibus, plebiscitis, senatusconsultis, decretis Principum, auctoritate prudentum venit: per Prætorium, quod illius juris adjuvandi, supplendi, corrigendi causa Magistratus introduxerunt. Papinian. *l. 7. de just. & jur.* Unde autem Prætori juris condendi potestas?

1 Neque enim Prætor aliud quam Magistratus fuit, juri dicendo, non condendo, quod majestatis est, præpositus; custos juris civilis, non arbiter; neque ulla lege talem potestatem Prætori datam usquam legimus. Sic existimo, Prætores ab initio jure Magistratus edicta tantum proposuisse, de quibus rebus, & quomodo jus dicendi essent, *l. 2. §. eodem tempore. 10. de orig. jur.* Progressu autem temporis, non obtinente populo, hoc simul usurpasse, ut edicendo etiam jus constituerent: ut tamen edicta eorum minorem longè vim, quam leges haberent, nec abrogare jus constitutum aut receptum possent, *l. cum sponsus 12. §. 4. de publ. in rem act. l. 12. §. 1. de bon. poss. sed tantum adjuvare, supplere, corrigere, l. 7. §. 1. de just. & jur.* hoc est, rigorem juris civilis mitigare, & de iis, quæ legibus nec sancita nominatim, nec vetita essent, ex bono & æquo aliquid statuere, etiam præter rationem juris civilis. Nam certè plus hic licuisse Prætori, quam vel Jurisconsultis vel Judicibus privatis, agunt tunc exceptiones & actiones, tot bonorum possessiones præter manifestam rationem juris civilis à Præatore introducunt, in quibus ante jus à Prætoribus constitutum nihil sibi sumere quisquam privatus potuit: atque hinc est, quod edictum Prætoris nonnumquam lex appellatur, uti ab Ulpiano *l. 1. §. 2. unde cog. & Cic. 1. Verin. Vinn.* Vera hæc omnia, si de jure quæras. Neque enim quisquam dixerit, jus fuisse Prætoribus, jura constituta abrogare. Sed ipso facto tamen abrogantur, & fictionibus, novis inventis vocabulis, restitutionibus in integrum Jus antiquum mutant; uti docuimus in *Antiquit. Rom. §. 24. b. 1. Agnoscit hoc Dio Cass. Lib. 16. p. 21. referens, quod Prætores uti τα γραμμένα ἱερῆς, ἀλλὰ πάλαιος νότος μεταφράσει. Ne quidem jura scripta servavit; sed ea mutaverint sæpenumero. HEIN.*

Qui honores gerunt) Jus honorarium ad honorem Prætorum nominatum esse, ait Papinian. *l. 1. §. 1. quod, qui honores gerunt, id est, magistratus, auctoritatem huic juri dede-*

runt, ut hic Justinian. Proposuerunt quidem & alii Magistratus Censores, Consules, Tribuni, edicta, ut ex Cic. Gell. & aliis notum est: nec dubium, quin secundum ea jus dictum fuerit: at tamen quia soli Prætores juris dicendi causa creati sunt, totaque ferè jurisdictioni penes Prætores erat, hinc factum arbitror, ut jus omne, quod à jurisdictione venerat, non minus prætorium quam honorarium appellaretur, atque appellatione prætorii etiam aliæ partes juris honorarii continerentur.

Ædiles curules) Curules, ad distinctionem 2 Ædiliæ plebis; nam ædilitatem curulem patricium Magistratum fuisse constat ex Liv. *init. lib. 7. dec. 1.* Ædiles autem dicti à potissima parte procuratoris eorum, quod ædes sacras & privatas sacras testas esse curarent. Auctores Festus & Varro *lib. 4. de ling. Lat.* nam & alia ad munus eorum pertinebant, quæ recenset Cic. *l. 5. in Verr. c. 14. & Gruch. l. 1. de comit. Rom.* De verberio vocis Curules, non magnopere laborandum: siue enim à curia, siue à curru, quo vehantur, siue à Sella curuli, in qua sedebant, eam deducas, parum refert.

De quibusdam causis) De rebus, maximè que mancipiis & jumentis venalibus; item de animalibus feris continendis, qua vulgo iter fit, edictum satis celebre & explicatum *lib. 21. π. tit. 1.*

Juris honorarii portio) Jus ædilitium appellatione juris honorarii propriè continetur, ut species appellatione generis. Sed & prætorii appellatio jus ædilitium continet: *l. 5. in pr. de verb. oblig.* Non quidem verbi significatione, (neque enim Ædiles Prætores erant) sed sententia scribentis. Et hoc est, quod Pomponius scribit in *d. l. 5. prætorias stipulationes sic exaudiri oportere, ut in his etiam contineantur ædilitiæ; Nam & he, inquit, à jurisdictione veniunt; innuens id, quod de prætoriiis tanquam principali earum specie dictum est, etiam dictum intelligi de reliquis, quarum interponendarum eadem fit causa & origo, jurisdictioni nimirum magistratus.*

TEXTUS.

De responsis Prudentum.

2. Responsa prudentum sunt sententiæ & opinionis eorum, quibus permixtum erat de jure respondere: nam antiquitus constitutum erat, ut essent, qui jura publicè interpretarentur, quibus à Cæsare jus respondendi datum est, qui Jurisconsulti appellabantur: quorum omnium sen-

sententia & opiniones eam auctoritatem tenebant, ut judici recedere à responsis eorum non liceret, ut est constitutum.

NOTÆ.

8. De jure respondere) Cujac. Hotom. Welf. ex libris veteribus, jura condere. Theoph. *νομίδεται*, sed ut rectè idem *κατὰ πῶτον καὶ ἀπικρίσιν*, per consultationem & responsonem.

Antiquitus constitutum) Malo institutum, nulla enim lege id constitutum, sed more majorum institutum fuit: dictaque hæc pars in specie jus civile, l. 2. §. 5. De orig. jur.

A Cæsare) Primus D. Augustus constituit, ut ex auctoritate Principis responderetur, d. l. 2. circa fin.

Quorum omnium) Aut utique plurium, l. un. C. Theod. de Respons. prudent.

COMMENTARIUS.

Origo auctoritatis prudentum à capite accersita.

Postrema juris scripti pars sunt responsa prudentum. Cujus juris originem operæ est à capite accersere. Latis legibus 12. tab. quæ perbreves erant & obscuræ, cœpit (ut naturaliter evenire solet) ut interpretatio desideraret prudentum auctoritatem, necessariaque esset disputatio fori. Hæc disputatio atque hoc jus, quod sine scripto venit, compositum à prudentibus communi nomine appellabatur jus civile, hoc est, nomine generis ad speciem contracto. Hæc Pompon. l. 2. §. bis legibus, 5. de orig. jur. Unde primò intelligimus, interpretationem juris dumtaxat prudentibus permissam fuisse, non juris propriè condendi potestatem: ac neque hanc eorum interpretationem statim pro jure acceptam; sed ubi ea in foro agitata & recepta esset; quo respectu jus illud sine scripto introductum Pomponius ait: quod tamen pars est juris scripti, quatenus est ex interpretatione illius juris & legum sententia, *argum. l. 6. §. 1. de verb. sign.* ad quod declarandum habemus accommo latissimum exemplum, *inf. tit. de leg. patr. tut.* atque hoc sensu rectè opponitur consuetudini. Item jus illud sive receptas interpretum sententias compositas, hoc est, descriptas, atque in certum volumen collectas fuisse, neque ab iis judicem in judicando potuisse recedere; utpote quæ partem constituerent juris civilis, eoque nomine in specie etiam appellarentur. Atque ut obiter sciamus, ante tempora Augusti, quicumque su-

diorum suorum fiduciam habebat, de jure consulentibus publicè respondere poterat. Divus autem Augustus, quo major esset juris auctoritas, primus constituit, ut ex sua auctoritate responderetur. Post quod tempus peti pro beneficio, & à Principe jus respondendi dari cœpit, ut in d. l. 2. circa fin. idem Pompon. scribit; quam ob causam nonnulli existimant ex eo demum tempore responsa auctoritatèque Jurisconsultorum inter partes juris scripti numerari cœpisse. Nunc verba hujus §. inspiciamus.

Permissum erat de jure respondere) Hoc ad tempora liberæ Reipub. referri non posse, ex jam dictis liquidò apparet: sed ad posteriora referendum, postquam nimirum D. Augustus hoc jus à Principe peti voluit. Fallitur Theophilus, dum putat, hoc jus à populo aut Senatu concessum fuisse.

De jure respondere) Veteres codices, (auctore D. Pacio) habent *jura condere*, id est, *νομίδεται*, non male: nam & consulti quodammodo jus condabant: nempe, ut rectè Theophilus, *κατὰ πῶτον, καὶ ἀπικρίσιν*, per consultationem & responsonem; quo sensu etiam juris conditores nonnumquam appellantur, l. nulla 23. C. de proc. l. si furiosi 25. C. de nupt. Ceterum, ut dixi, quod ira respondentes interpretando condabant, non ex propria eorum auctoritate statim valuit, aut vim legis habuit: sed tum demum habere cœpit, cum usu forensi receptum esset: errantque adeo toto judicio qui tantam Jurisconsultis auctoritatem tributam fuisse existimant, ut novum etiam jus condere docuerint, per l. ult. C. de legib. ubi tamen nihil eis conceditur, quod antea non habuerint: sed tantum relinquunt pristinam legum interpretandarum facultas, add. D. Gudelin. 5. de jur. nov. 2.

Constitutum erat) Malo institutum, ut nonnulli codices habent: nulla enim constitutione tale quid sancitum fuit.

Jurisconsulti) Item Jurisperiti & prudentes, & auctores juris, modestiæ quoque causa juris studiosi appellari amabant: fortassis ad exemplum Pythagoræ, qui se non *σοφίς*, sed *φιλοσοφίς* dici voluit. Itaque hæc appellatio communis est tam præceptorum, quam discipulorum & auditorum juris, l. 1. de off. assessor. l. 9. §. 4. de pen. l. 4. de extr. cog. quibus in locis constat juris studiosos pro juris professoribus & assessoribus comitibusve judicium accipi, add. Cujac. 7. observ. 25. Razard. 2. conject. 10.

Quorum omnium) Aut utique plurimorum nam singulorum sententiis eam vim tribuere per-

perquam absurdum, & videtur Justinianus, ut verba postrema hujus §. arguunt, respicere ad constitutionem Theodosii, quæ extat in l. un. C. Theod. de resp. prud. VINN. Immo omnino omnium, quibus jus respondendi à Principe datum, opiniones & sententiæ judicem obligabant, eo modo, uti hodie in Germania sententiæ à collegiis juridicis conceptæ. Theodosii constitutio non ad responsa & sententias JCtorum, sed ad scripta veterum inter se dissentientia, in iudicis allegata pertinet. HEIN.

T E X T U S.

De Jure non scripto.

9. *Sine scripto jus venit, quod usus approbavit; nam diuturni mores consensu utentium comprobati legem imitantur.*

N O T Æ.

9. *Diuturni*) Propria hæc sunt epitheta consuetudinis, ut dicatur diuturna, longa, inveterata: quanto autem tempore inducatur, jure nostro definitum non est.

Legem imitantur) Id est, legis vim & effectum habent, l. 32. & seq. D. de legib. Quin etiam plus valere, & in rebus majoris momenti versari leges, quæ moribus comprobatae sunt, quàm quæ scripto constant, testatur Aristot. 3. Polit. c. ult.

C O M M E N T A R I U S.

1 *Juris non scripti seu longa consuetudine introducti quanta, & unde auctoritas, & num. 2. & 5.*

3 *Ad jus consuetudine introducendum opus esse probabili Superioris scientia.*

4 *Quantum tempus, quot actus & quales ad inducendam consuetudinem necessarii.*

6 *Applicatio superioris divisionis ad jus civile Bystavorum.*

7 *An plures species juris, quàm quæ memoratae; & de aequitate, & communi opinione.*

S*(In scripto)* De quibus causis scriptis legibus non utimur: id custodiri oportet, quod moribus & consuetudine inductum est, l. de quibus 32. de legib. Immo magnæ auctoritatis hoc jus habetur; quod in tantum probatum est, ut non fuerit necesse scripto id comprehendere; l. immo magna 16. eod. Usus est, inquit alicubi Livius gravissimus juris censor, & explorator, ut non possit non

aquum esse & utile, quod is probavit, sapius facto periculo. Cui simile est, quod Aristot. 3. Pol. ult. scribit, plus valere, & in rebus majoris momenti versari leges, quæ moribus comprobatae sunt, quàm quæ scripto constant. Dicitur autem hoc jus non scriptum, non quòd scribi necesse non sit d. l. 36. Utique tamen utile est scripto id comprehendere ad lites & sumptus probationum minuendos, & videmus multarum regionum consuetudines non modò scriptas; sed etiam commentariis illustratas circumferri. Neque tamen idcirco consuetudo sit jus scriptum, quod legem appellamus: quia non ex scriptura, sed ex usu æstimatur; & facilioris tantum probationis causa scripta intelligitur. VINN. Non sit jus scriptum per scripturam, quia non per modum legis publicatur. γράφειν enim est Leges publicare. Vid. supra ad §. 1. h. t. HEIN.

Consensu utentium) Nimirum tacito. Nam quemadmodum expressa sanctio legem facit, ita tacita populi voluntas consuetudinem; unde quoad vim & effectum inter hæc duo nihil interest. Quid enim refert, ait Julianus in d. l. de quibus 32. *suffragio populus voluntatem suam declares, an rebus ipsis & factis?* Populum autem etiam hic intelligere debemus nullius imperio subiectum: nam quæ civitates alterius imperio parent, non magis tacito consensu consuetudinem introducere possunt, quàm expresso legem. Hinc quia ejusdem est legem tollere, cujus est condere, rectè rescriptum est in l. 2. C. quæ sit long. cons. legi à Principe latæ contraria consuetudine derogari non posse. Quamobrem etiam existimandum est, Julian. in d. l. de quibus 32. respexisse ad anteriora tempora, quibus populo adhuc jus suffragii erat, aut ad ea jura, quæ nondum sublato jure suffragii moribus introducta sunt, quale est pupillaris substitutio, l. 2. de unig. & pub. subst. item quærela inofficiosi testamenti, l. 8. in pr. de bon. poss. contr. 126. donationis inter virum & uxorem improbatio, l. 1. de don. int. vir. & ux. & si quæ sunt generis ejusdem. Fortassis etiam jura municipiorum consideravit, quæ suis legibus & moribus utebantur etiam sub Imperatoribus, ut notavi sup. §. 1. Evincit hoc ipsa Jurisconsulti disputatio, qui argumentatur à jure suffragii ad jus introducendi consuetudinem. Proinde in statu populari jus consuetudinis introducendæ, quæ instar legis sit, solus populus habere potest; in Monarchico, aut Optimatum non item: sed in ea introducenda probabilis Principis aut Superioris scientia & patientia requiretur; ut rectè D. Wesemb. part. de le-

legib. num. 9. & D. Gudelin. *l. 5. de jur. noviss. c. 2. per d. l. de quib. 32. & d. l. 2. C. quæ sit long. conf.* etsi quod non requiritur scientia Superioris, communior opinio est, quam post Schneid. *bic num. 2.* probat D. Tolden. *ad d. tit. C. num. 1.* & in judicando secuta est suprema Curia Mechlin. teste D. Christin. *vol. 2. dec. 55. num. 5. & 6.* neque D. And. Gail. *2. observ. 31.* aut Myns. *6. obs. 41. & seq.* hoc inter requisita consuetudinis numerant. Planè quatenus civitates statuta condere possunt, nec consuetudines statutis similes introducere prohibentur, aut ante statuta tacite abrogare.

Diuturni mores) Propria hæc epitheta sunt consuetudinis, ut dicatur diuturna, longa, inveterata. Nam cum sensim tacito consensu populus inducatur, necesse est is consensus ex factis & tractu temporis arguatur. Et quia hoc respectu consuetudo facti est, probari quoque debet, atqui ad eam probandam multum confert; si ea iudicio contradictorio aliquando firmata sit; *l. cum de consuetudine 34. de legib.* Quantum autem tempus & quor actus ad introducendam consuetudinem requirantur; inter interpretes non satis convenit. D. Connanus *1. comm. 10.* & Horom. *bic*, tantum tempus requirunt, quantum superstitum hominum nec ætas nec memoria comprehendit; per *l. 1. §. ult. junct. l. 2. §. idem Labeo 7. de aq. pluv. arc.* Vulgo, testibus D. Gail. *2. obs. 31.* Myns. *6. obs. 41.* Schneid. *bic num. 5.* Wessemb. *par. de legib. num. 9.* arbitrantur, consuetudinem induci decennio, aut tanto tempore, quanto jus aliquando præscribi potest. Verum, ut rectè D. Ant. Fab. *1. jurispr. 2. pr. 11.* notat, in hoc hi omnes errant, quod consuetudinem cum præscriptione juris confundunt. Præscriptio enim nullum jus acquirit nisi præscribendi, & in eos dumtaxat, contra quos præscriptum est, & in tantum, in quantum præscribens possedit vel quasi. Consuetudo verò acquirit jus in universum omnibus & contra omnes in suo casu, quia cum sit lex quædam tacita, legem imitatur; *l. ult. C. quæ sit long. conf.* Quam ob causam cum D. Cujac. *20. obs. 1.* & Menoch. *consil. 543. n. 20.* potius iudicis arbitrio hoc definendum censeo, qui pro negotii qualitate modò longius, modò brevis tempus statuere possit, & quantumcumque tempus sufficere, modò adit actuum frequentia, & uniformitas, ut Ant. Fab. *ad l. nam Imperator 38. de legib.* Et quoniam in consuetudine introducenda non hujus aut illius hominis vel etiam ordinis morem inspicere debemus, sed totius populi usum, eumque colligere ex iis, quæ non se-

mel aut bis, sed frequenter circa eandem rem & controversiam observata sunt, *l. 1. C. quæ sit long. conf.* & observata tenaciter, hoc est, perpetuo similiter, *l. ult. C. eod.* non putarem ad inducendam consuetudinem duos actus sufficere, quantumvis iudiciales & notorios, quæ communis est opinio probata item à Gail. & Myns. *dd. loc.* sed hoc etiam arbitrio iudicis relinquendum, ut cætera, quæ certo jure definita non sunt, *arg. l. 1. §. ult. de jur. delib. l. 9. C. de bon. auct. jud. poss.* Cujac. Menoch. Fab. *ubi sup.* eleganter D. Diod. Tolden. *in comm. ad hunc tit. c. 4.* Illud majoris partis consensu & rectè receptum est, cum de consuetudine probanda quæritur, necesse non esse probare, eam aliquando firmatam fuisse iudicio contradictorio. Nam cum ea populi consensu inducatur, quid refert, quod non etiam intervenerit res iudicata? Quod si tam certum jus fuerit, ut de eo nunquam apud iudicem dubitatum sit: an non majoris auctoritatis id videri debet, quam quod in iudicio contradictorio approbatum? *l. immo magna 36. de legib.* Consilii igitur est, non necessitatis quod scribit Ulpianus in *l. 34. d. tit.* cum de consuetudine quæritur: primum explorandum esse, an etiam contradictorio aliquando iudicio confirmata sit. Consilium dat, ut id fiat, quia illa exploratio utilis est probaturo consuetudinem, scilicet ut paratas habeat easdem illas probationes, quibus consuetudo tum probata est. Et secundum hanc opinionem in Camera iudicatum testatur Gail. *2. obs. 31. n. 8.* add. Myns. *6. obs. 41. num. 15.* Schneid. *bic num. 6.* Christ. *vol. 4. dec. 187. n. 7. & seqq.* ubi plures citat, qui hanc sententiam defendunt, & communem asserunt. Ita quoque iudicatum refert Radelant. *Traject. decis. 1. num. 4.*

Legem imitantur) Id est, vim & effectum legis habent. Itaque non hic solus consuetudinis effectus est, quod jus novum, de quo nihil ante cavebatur, inducat; sed etiam quod latam antea legem abroget; *§. pen. inf. eod.* Est & alius item consuetudinis effectus, in iure scripto nimirum interpretando. Nam si de interpretatione dubix alicujus legis quærat, monetur in primis inspicendum esse, quo jure civitas retro in hujusmodi casibus usa sit; optimam enim legum interpretem esse consuetudinem, *l. si de interpretatione 57. & l. seq. de leg.* minimeque mutanda, quæ interpretationem certam semper habuerunt, *l. minime 23. eod.*

Nos item in his regionibus aut scriptis legibus utimur, aut non scriptis. Leges scriptæ aut

aut generales sunt, quæ ad omnes pertinent, & ubique locorum in hac provincia vim habent; aut speciales, quæ sunt propriæ alicujus loci, aut privilegia certis Corporibus, Collegiis, Civitatibus, aut Regionibus: itemque certæ alicui personæ aut pluribus unius generis, ut viduis; pupillis, pauperibus, &c. concessa. Generales leges soli faciunt Ordines, aut Præfecti, quibus ea potestas sub nomine Comitum aut summorum magistratum legitimè delata est. Sed & sine hac delatione, Præfecto Provinciæ unà cum Præfide aliisque Curiz Provincialis Senatoribus jus est, de quibuscumque causis leges ferre, nempe de iis quæ ad usum fori, morem judiciorum, ad lites tractandas atque expediendas; ad frustrationes & captiones scribarum, advocatorum, procuratorum, viatorum, &c. corrigendas pertinent, quippe quibus in hac parte cura reip. jam ab initio mandata fuit, Merul. lib. 1. tit. 4. c. 3. add. Christin. vol. 2. decis. 51. n. 8. & decis. 65. num. 3. & 4. nisi hæc Curiz decreta speciales potius leges dicendæ cum D. Grot. 1. manual. 2. Speciales leges non tantum Ordines conduunt, aut Præfecti, quos diximus, privilegiis ferendis, aut condendis statutis particularibus; verum etiam Prætores & Baillivi de sententia Magistratum urbanorum legitimè congregatorum in sua quique civitate leges locales quas *Keuren* appellamus, condere possunt: item Baillivi cum potissimis agros collentium, (*Welgeboren Mannen*) Prætores pagani cum Scabinis in agris, & pagis de rebus ad jurisdictionem suam pertinentibus quatenus nimirum sum condendorum statutorum ab iis, qui summæ Reip. præstant, acciperunt. Leges non scriptæ sive mores aut inveteratæ consuetudines, & ipsæ partim generales, qualis est communio bonorum inter conjuges: partim speciales, quale est jus retractus, quod in Rihlandia, Delflandia, Kennemerlandia, & agro Voornano observatur, D. Merul. d. lib. tit. 4. c. 1. & seqq. Grot. d. loc. Quod si de re, de qua quæritur, nihil legimus aut moribus nostris definitum est, jus commune, hoc est, Romanorum sequendum est: auctore D. Grot. d. loc. ad Christin. vol. 2. decis. 343. Gudelin. lib. 1. de jur. v. c. 13. & lib. 3. cap. 13.

7 Et hæcenus quidem explicatæ sunt partes juris civilis à Justiniano propositæ. Sed an non plures poni debuerint, dubitari potest. Video enim, à nonnullis inter partes juris non scripti præter consuetudinem quæ sola à Justiniano posita est, numerari etiam res judicatas, sive præjudicia, & æquitatem. Sed

utrumque perperam. Nam etsi rerum, præsertim sæpius judicatarum, non vilis est auctoritas: vim tamen legis minime habent, nec jus inducunt, quod inter alios, simili aut ejusdem generis controversia mota sequi necesse sit; tit. C. res int. al. act. aut jud. al. non noc. eoque pertinet, quod Imp. in l. nemo 13. C. de sent. & interl. rescribit; & vulgo dici solet; *Non exemplis, sed legibus judicandum esse*. Christin. vol. 2. decis. 51. num. 5. & seq. Sed nec æquitas propriè dicta hujus juris pars est. Et quidem ἀρχαίως, quia scripta non est; sed non eo sensu ita appellari potest, quo jus illud constituit speciem juris civilis. Quod ut planius intelligatur, observandum est, nomen æquitatis dupliciter accipi; vel in genere pro æquo, quod cum omni jure conjunctum est; vel in specie pro eo, quod est à jure civili diversum. Generalis appellatio etiam juri civili convenit; nam omnibus legibus & juri civili æquitas aliqua inesse creditur, nomenque juris non meretur, quod ab omni æquitate destitutum est. Atque hoc sensu Cic. in Topic. c. 2. jus civile definit *æquitatem constitutam iis, qui sunt ejusdem civitatis*. In specie autem & propriè accepta æquitas juri opponitur non scripto, ut male nonnulli, sed stricto. Hæc Græcis ἐκείνη dicitur, nostris etiam æquum & bonum, humanitas, benignitas: ab Aristotele 5. Eth. 10. definitur ἐκείνη δὲ τῇ ἰσότητι δικαίου, juris legitimi correctio. Cujus usus elucet cum in verbis legis ex sententia extendendis & ad casus similes producendis, ubi lex minus scripsit, plus voluit; cum in verbis restringendis, ubi ex sententia constat plus scripsisse legislatores, minus voluisse: maxime verò in benigna legum interpretatione, earumque ad singulas facti species accommodatone; tali tamen, quæ ab expressa & manifesta legislatoris voluntate non recedat. Huc pertinet l. 10. & seqq. de leg. item l. 17. & multa seqq. eod. Atque hinc etiam peti potest conciliatio l. placuit, C. de judic. cum l. 1. de leg. & l. prospexit 12. §. 1. qui & à quib. man. Gudelin. 5. de jur. Nov. c. 2. Christin. vol. 2. decis. 61. n. 1. & seqq. Non est ergo æquitas hæc species juris civilis, sed quid à jure civili diversum, consistens magis in arbitrio boni viri & judicis; unde & nonnumquam boni viri arbitratu & religio judicis appellatur. Quamobrem rectè Aristoteles d. loc. æquum & bonum comparat regulæ Lesbiz, quippe cum indefinitum rerum & norma indefinita esse debeat, æquo & bono ita utendum esse ait, ut fabri cæmentarii & structores utuntur norma Lesbiz, quæ cum plumbea sit & flexibilis, eam struc-

structuræ, cùm usus est, accommodant, nec semper ad normam exigunt structuram: quod Guil. Budzûs initio *annot. prior.* opulentiùs explicat. Ea quæ de auctoritate communium opinionum hic disputari solent, in medio relinquo. Unum dico, etsi non vile esse debet, quod plures sentiunt, & id iudicium integrius haberi, quod plurimum sententiis comprobatur: Clem. 1. *vers. quod etiam de sent. excum. l. 1. in pr. de off. quest.* non tamen usque adeo valere debere, ut in manifesto errore jus faciat, *arg. leg. 2. C. quæ sit long. cons. vid. Menoch. 2. præsumpt. 71. num. 24. & ibi citatos D. Diod. Tulden. bic. 7. latè Olfw. Hill. notat. in Don. lib. 26. c. 1.*

TEXTUS.

Ratio superioris divisionis.

10. *Et non ineleganter in duas species jus civile distributum esse videtur. Nam origo ejus ab institutis duarum civitatum, Athenarum scilicet & Lacedæmoniorum, fluxisse videtur. In his enim civitatibus ita agi solitum erat, ut Lacedæmonii quidem ea, quæ legibus observabant, memoria mandarent: Athenienses verò ea, quæ in legibus scripta comprehendissent, custodirent.*

NOTÆ.

10. *Non eleganter*) Nec admodum tamen eleganter, ut apparet ex iis, quæ Hotom. & Bachov.

Lacedæmonii) Lacedæmonii scriptis legibus usi non sunt, atque una τῶν καλῶνται πρῶτον hæc erat, μὴ χρῆσθαι νόμοις ὑγραφοῖς; scriptis legibus non uti. Plutarch. in *Lycurg.* pag. 47.

COMMENTARIUS.

1. *Error Tribonianus notatus.*

EXactis Regibus cœpit populus Rom. in certo magis jure & consuetudine uti quam lege lata; donec placeret publica auctoritate decem constitui viros, per quos peterentur leges à Græcis civitatibus. Itaque legati Athenas missi, qui incluytas Solonis leges describerent, & aliarum civitatum Græcarum instituta, mores, juraque cognoscerent, Pomp. l. 2. §. *exactis* 2. *de orig. jur.* Liv. l. 3. c. 31. seq. Hæ leges in 12. tabulis postea descriptæ leges decemvirales, & 12. tab. sunt appellatæ; fons omnis publici privatique juris, auctore eod. Livio. Ex quibus perspicuum est,

jus scriptum sive leges Romanorum originem suam habere partim ex legibus, partim ex moribus Græcarum civitatum, & insigniter erroribus Tribonianum, qui jus scriptum Romanorum ab Atheniensibus, non scriptum à Lacedæmoniis arcescit. Nam primum malè confert leges non scriptas Lacedæmoniorum cum jure non scripto Romanorum: Neque enim Lacedæmoniorum leges fuere jus aliquod moribus introductum, quo sensu jus non scriptum hic accipi constat, & scripto, hoc est, legibus latis opponi: sed leges propriè dictæ & expressim sancitæ; quamvis eas non scribi, sed in memoria conservari voluerit legislator eorum Lycurgus. Secundo nec mores Lacedæmoniorum dici possunt originem dedisse juri non scripto Romanorum, non magis quam mores Atheniensium aut aliarum Græcæ civitatum, unde legati Roma missi leges petierunt. Nam non minus mores quam leges horum populorum, descripti in illis, quas dixi, duodecim tabulis lege decemvirali perlata, partem juris scripti Romanorum constituerunt. VIEN. Sed vereor, ne perperam dicta scribatur Triboniano, ac si Romanos jus non scriptum à Lacedæmoniis; scriptum ab Atheniensibus accepisse statuat. Distinctionis potius vim in ὑγράφοις & ἀγράφοις originem ab his civitatibus derivat. Et sanè Lacedæmonii jure non scripto usi sunt, teste Plutarcho in *Lyc. p. 47.* quamvis alio sensu, ac Romani. *Ejus* ergo in hoc §. usurpatur pro *ejus rei*, nec ad τὸ jus civile referendum. HEIN.

TEXTUS.

Divisio Juris in immutabile & mutabile.

11. *Sed naturalia quidem jura, quæ apud omnes gentes peræquè observantur, divina quadam providentia constituta, semper firma atque immutabilia permanent. Ea verò, quæ ipsa sibi quæque civitas constituit, sæpe mutari solent vel tacito consensu populi, vel alia postea lege lata.*

NOTÆ.

11. *Divina providentia*) Quorum Deus inventor, disceptorator, lator, ut loquitur Cic. Intelligit ergo jus gentium primævum, quod nobis ingentium; non secundarium, quod usu exigente inventum.

Immutabilia) Jus naturale semper & ubique justum est, & fuit: unde nec quod hoc jure prohibetur, juberi potest; nec quod jubetur, vetari. Grot. 1. *manuduct.* 2. addi tamen ei aliquid

quid potest, aut detrahi, l. 6. D. de just. & jur.

Tacito consensu) Non tantum novum jus longo usu introduci potest; sed id etiam, quod ante lege aliqua constitutum erat, contrario usu abrogari, l. 32. D. de legib.

Alia postea lege lata) Nam posteriores leges semper potiores sunt prioribus; l. ult. D. de constitut. Princ. Harm. lib. 1. tit. 1. Varro lib. 2. de lingua; an non saepe veteres leges abrogatae novis cedunt?

COMMENTARIUS.

- 1 Jus naturale seu jus gentium primum immutabile esse, non item jus gentium secundarium, nisi proportionaliter.
- 2 Immutabilitatem illam principè apparere in notionibus divinitus animis hominum impressis; quod exemplis declaratur.
- 3 Leges civiles etiam consuetudine contraria abrogari posse.
- 3 Expediat ne leges aliquando mutari?

EXposito jure tum naturali, cum civili, observataque utriusque differentia in causis efficientibus, non incommode hoc loco subjiciatur alia quædam differentia, quæ in effectu cernitur.

Quasi divina providentia constituta) Hoc est, quæ ab incorrupta ratione, à simplici illa notitia mentibus nostris divinitus impressa promanant. Jus quod nobiscum natum est, non ab hominibus excogitatum, cujus Deus est inventor, disceptator, lator, ut loquitur M. Tullius lib. 1. de repub. Apud Xenophontem lib. 4. memorab. hujusmodi jura *θεῶν νόμοι* dicuntur. De jure igitur gentium primario, id est, eo quod simpliciter naturale est, hæc accipienda sunt; non de secundario, quod usu exigente inventum. Nam diligenter distinguenda naturalia præcepta ab his, quæ pro certo statu dumtaxat naturalia sunt: jura multis populis seorsim communia ab his, quæ societatibus humanæ vinculum continent. Sic vetera gentium jura circa bella & res bello capras, circa incrementa fluminum, &c. multum mutata hodie videmus. Sed & multa, quæ jus naturæ non jubet, sed permittit tantum, communi consensu prohiberi possunt; uti factum circa omnia ferè *ἀνεπίστα*, de quo suo loco differemus uberius. Sanè etiam jus gentium secundarium *ἀναλλογόν* immutabile dici potest, utique multo difficilius tollitur, quàm jus civile.

Immutabilia) Jus naturale semper & ubique
Tom. I.

justum est & fuit: nec aliud hic, aliud Romæ, aliud Athenis, aliud nunc est, aliud posthac erit. Nam ut recta ratio insita à natura & diffusa in omnes constans est & sempiterna, ita & quod ea præscribit, semper atque ex se justum est atque immortale. Quamobrem nec quod hoc jure prohibetur juberi potest, nec quod jubetur, vetari; ut rectè Grot. 1. manud. 2. & convenienter ei, quod scribit Jurisconsult. in l. 6. de just. & jur. jus civile in totum à jure natura recedere non debere. Nec est contrarium, quod Jurisconsult. addit; jus civile non per omnia juri naturali servire, sed plerumque ei addere aliquid, aut detrabere. Nam illa additio aut detractio nihil aliud est, quàm generalium juris naturæ præceptorum ad usum moresque civium & formam Reip. specialis cum delectu accommodatio. Quod quamvis variis in locis diversimodè fiat, atque etiam in applicando naturæ jura inflecti quodammodo videantur; immutabile tamen pertinet *τὸ ἀντρέχαι* quod per se atque ex sui natura justum est, vimque suam perpetuò retinent in obligandis conscientiis anticipatæ in animis nostris communes illæ, quas diximus, notionēs, in quibus hæc constantia atque immutabilitas præcipue elucet. Covarr. de matr. p. 2. c. 6. §. 9. num. 7. bellè Michael. Ephes. ad §. Erbic. Albert. Holong. c. 16. de lege jure & acquit. §. 16. Exemplis res fiet illustrior. Lex naturæ ita præscribit; Deum colito; Liberi potestati patris subjei sunt; pacta conventa servato. Hæc sunt æternæ legis perpetua decreta, & quæ nullo jure civili abrogari possunt. Tantum in modo applicandi, de quo lex naturæ nihil definit, varietas aliqua apparet propter varietatem constitutionum civilium; ut scilicet hoc vel illo ritu externo adhibito Deus colatur: ut patribus in liberos vel eadem, quæ dominis in servos, potestas sit, & quodcumque per filium acquiritur, id acquiratur patri: vel ut jus tantum pater habeat filium modicè & suæ acerbitate castigandi, & contumacem expellendi domo; ut pacta etiam nuda efficaciter obligent, aut eam vim tantum habeant vestita, ut vulgo loquuntur. Ait Justinianus, nihil tam conveniens esse æquitati naturali, quàm voluntatem domini rem suam in alium transferre volentis ratam haberi, §. per traditionem, 40. inf. de rer. divo. At lex civilis occurrentes temerariæ hominum liberalitati, cujus eos mox pœnitere posset, modum huic rei in donatione præscripsit, eamque donationem, quæ quingentos solidos excederet, non aliter ratam esse voluit, quàm si actus sit insinuata §. 2. inf. de donat. Hoc, inquam, factio non mutatur
jus

ius naturale, sed adjuvatur, dum propter utilitatem civium (quò legiflatores omnes spectant, tametsi non idem semper constituent) aliquid ei adijcitur: aut si mavis, detrahatur, respectu scilicet præcepti generalis. Atque hoc est, quod DD. nostri ajunt, jus naturale *modificari, declarari, & provisionibus adjuvari posse*: sic enim loqui amant Jo. Fab. Aug. & alij *ad hunc* §. Sexcenta ejusdem generis exempla asserri possent (occurrunt enim in omnibus ferè partibus juris civilis) sed hæc pauca è multis retulisse, puto rei declarandæ sufficere. Illud etiam sciendum est, esse quosdam quasi gradus principiorum practicorum & præceptorum naturæ, ac nonnumquam ulufenire, ut inter se hæc currant, & invicem obstant, verbi causa: Lex naturalis est: *Non occides*, est & altera ejusdem generis sed momentosior, quæ sui defendendi causa permittit aggressorem occidere. In hoc consensu lex inferior superiori cedat necesse est. Welsch. *par. de just. & jur. n. 15.*

3. *Tacito consensu*) Quamobrem non tantum jus novum longo usu introduci potest, sed etiam id, quod ante lege aliqua constitutum erat, contrario usu abrogari. Atque hoc omnino consequens est rationi Juliani, qui in *l. de quibus 32. de legib.* nihil interesse scribit, suffragio populus voluntatem suam declaret, an rebus ipsis & factis. Ex eodem loco etiam hoc colligitur, quod supra diximus, cessante jure suffragii non tantum cessare jus populi in lege palam ferenda, verum etiam in consuetudine contra jus à Superiore constitutum introducenda: quoniam ejus solius est legem tollere, cujus est condere, ita cape *l. 2. Cod. quæ sit long. cons.* aut de consuetudine alicujus municipii, *fac. l. 3. §. Divus 5. ff. de sepulch. viol.*

4. *Alia lege iata*) Expediatne leges mutare, aut quando expediat; politicæ disquisitionis est; cujus tamen quæstionis decisionem suggerit Ulp. in *l. 2. de const. princ.* In rebus, inquit, novis constituendis evidens esse utilitas debet, ut recedatur ab eo jure, quod diu aquum visum est. Eaque consentiens est politicorum omnium sententia, Plato *lib. 7. de legib.* Aristot. *2. pol. 6. in fine.* Bodin. *4. de rep. 3.* Lipf. *4. pol. 9.* Conan. *1. comm. 2.*

TEXTUS.

De objectis juris.

12. *Omne autem jus, quo utimur, vel ad personas pertinet, vel ad res, vel ad actiones. Et prius de personis videamus: nam parum est jus*

nolle, si persona, quarum causa constitutum est, ignorentur.

NOTÆ.

12. *Vel ad personas, &c.*) Distributio ex objectis ad finem juris obtinendum accommodata, ex *l. 1. D. de stat. hom.* Omne jus redditur personis de rebus per actiones & judicia M. VV.

COMMENTARIUS.

Hoc §. transitus fit à jure constituente ad jus constitutum, & methodica quædam via pro materiæ diversitate, circa quam illud versatur, ad hujus cognitionem sternitur, præeunte Cajo in *l. 1. de stat. hom.*

Vel ad personas, &c.) Distributio ex objectis, ut apparet, ad finem juris obtinendum accommodata. Finis juris, quod jam sæpe diximus, est suum cuique tribuere. Ut autem hunc finem consequamur, necesse est primum scire, quid sit suum cujusque; deinde qua ratione, si id ultro non præstetur, ab invito obtineamus. Cognitio ejus quod cujusque est, vel ex persona luminum, vel ex rebus; sed ex jure, quod quisque vel conditione & statu personæ suæ habet, vel ratione rerum externarum. Conditione personæ multum inter se homines differunt: alij enim liberi sunt, alij servi; liberorum alij ingenui, alij libertini; alij patresfamilias, alij filiifamilias: patrumfamilias, alij in tutela, alij in curatione, alij in neutro eorum. Ac pro diversis hujusmodi qualitatibus diverso quoque jure in civitate censentur; quod quia statum ac conditionem personæ sequitur, jus personarum appellatur: deque eo deinceps hoc primo libro disputabitur. In rebus externis quod cujusque est, id aut est jus reale, nempe dominium aliudve in rem aliquam jus; aut personale dumtaxat, uno nomine obligatio sive creditum. Illud D. Grotio est *Bebeering*, hoc *Inschuldt*. *1. manuduct. c. 1. & 2. c. 1. circa fin.* Nimirum ergo hæc pertinent non tantum modi acquirendi dominii aut juris alicujus in rem dominio proximi, modi acquirendi res singulas aut per Universalitatem: sed etiam modi contrahendarum & acquirendarum obligationum, & contra etiam horum omnium admittendorum aut infirmendorum ac distrahendorum rationes, agiturque de hoc jure *lib. 2. 3.* & parte *quartæ* usque *ad tit. de actionib.* Obtinendi utriusque juris ratio est in actionibus, hoc est, juris nostri persecutionibus, sive id fiat in judicio, sive extra judicium auctoritate Magistratus, quod argumento ultimo tractatur loco.

TITULUS TERTIUS.

DE JURE PERSONARUM.

Conc. Tit. 5. Lib. 1. Dig.

Continuatio. Quid hęc persona, quid status, & jus personæ.

In calce præcedentis tit. proposita fuit series & dispositio summarum partium, quæ deinceps hoc libro, & sequentibus singulariter tractantur. Initium fit à personis, quarum causa cætera constituta sunt. Is titulus ejusdem planè argumenti inscribitur *de statu hominum*. Unde intelligimus personam hic, non qualitatem civis, sed hominem designare, aut potius hominem simpliciter: eamque appellationem tam servo competere, quàm homini libero: sicut & in jure passim etiam servo tribuitur, l. 3. *pr. ne qui cum qui in jus voc. l. potestatis 21 §. de verb. signif. l. 22. de reg. jur.* Item jus personæ hic esse, quod statum & conditionem personæ sequitur: nam status ipse est personæ conditio, aut qualitas, quæ efficit, ut hoc vel illo jure utatur: ut esse liberum, esse servum, esse ingenuum, esse liberticum; esse alieni, esse sui juris. Itaque status rationem causæ, jus effectui habet. VINN. Jure veteri discrimen erat inter hominem & personam. *Homo* dicitur, cuicumque contingit in corpore humano mens humana. Et sic sola monstra negantur esse homines, l. 14. ff. *de stat. hom.* *Altera persona* est homo, statu quodam veluti indurus. *Status* vel *naturalis* est, vel *civilis*. Quoad naturalem, servus persona dicebatur; (uti in legibus ab auctore allegatis, & *princ. b. 1.*) non quoad civilem. Quia enim nec libertatis, nec civitatis, nec familiæ particeps erat servus, hinc *res mancipi*, Ulp. *fragm. tit. 19. §. 1. ἀνθρώπος* Harmenop. *Lib. 7. tit. 6.* immo nullus *L. 32. ff. de R. j. sine capite, §. 4. Infit.* de cap. dem. denique *mortuus L. 209. ff. de R. j.* habebatur. HEIN.

est ipsa personæ conditio, jus, quod hanc conditionem sequitur.

Summa divisio) Id est, prima & principalis, vel generalissima, πρώτη καὶ ἀκροτάτη. 46. *Basil. tit. 1.*

Liberi aut servi) Ex l. 3. D. eod. Adscriptitios, de quibus lib. rr. Cod. alii in liberorum, alii in servorum numero ponunt.

COMMENTARIUS.

2. *Servi diverso respectu ad primum et secundum juris obiectum pertinent.*

Summa) Id est prima & principalis, vel etiam generalissima; nam reliquæ sunt secundariæ aut speciales. De agricolis & adscriptitiis quæri solet, quibus comparandi. Et quod in re non dissimili respondet *Ulp. l. 10. hoc tit.* etiam hic responderi potest: Ejus conditionis æstimandos esse, quæ in eis prævalent. Non enim nna agriculturalum coloniis adscriptorum conditio fuit. Quidam eorum censiti erant, quidam non censiti: hi coloni, illi ferè adscriptitii dicebantur. Adscriptitii quasi servi erant, peculiumque eorum ad dominum pertinebat: coloni liberi, ut coloni Palæstini, Thracenses, Illyricani, de quibus proprii *sic lib. 11. C.* Adscriptitii tributarii erant, id est, capitis census sive capitationem præstabant: coloni non erant tributarii, reditus tamen certos pro solo domino terræ solvebant. Confule Cujac. *ad tit. de C. de agric. & cens.* Greg. Tholof. *14. synt. 10.* & omnino Christin. *vol. 5. decis. 85. & seq.*

Servi) Videmus igitur & hic in *l. 3. cod.* unde hæc sumpta, non solum liberos, sed etiam servos ad primum juris objectum referri, videlicet ad personas. Atqui servi non minus in dominio nostro & in commercio sunt quam reliqua, quæ in bonis habemus, adeoque quadrupedibus eos exæquat *Cajus in l. 2. §. 2. ad leg. Aquil.* Unde effici videtur, ut servi non ad personas, sed ad res referri debeant, non ad primum, sed ad secundum juris objectum. Sed nimirum duplex est servi consideratio, qua res,

T E X T U S.

Prima divisio personarum.

Summa itaque divisio de jure personarum hac est, quid omnes homines aut liberi sunt, aut servi.

NOTE.

Jure personarum) In π de statu hominum.
Status rationem causæ, jus effecti habet; status

quæ in commercio est, ut & reliquæ res nostræ; & quæ persona, quatenus puta cognatus dicitur, l. 14. §. 2. *U seq. de rit. nupt.* quatenus liber fieri, hæres institui, &c. contrahere, & dominum de peculio obligare, ipse iterum naturaliter obligari, & alios sibi obligari potest, l. 14. ff. de oblig. *U ad.* Prout igitur consideratur, ita vel ad primum, vel ad secundum objectum pertinet. VINN. Recte. Prout servo, tanquam homini, status vel naturalis tribuitur, vel civilis: & potest, & non potest persona vocari, & vel ad primum, vel secundum juris objectum referri, vid. supra Not. ad rubr. b. t. & conf. L. 32. ff. de R. J. HEIN.

3. In hisce & plerisque aliis Christiani orbis provinciis quamvis nulli amplius servi sint; reperiuntur tamen adhuc homines conditionis adscriptitiæ, sive rustici glebæ addicti & quasi proprii illius loci, cui adscripti sunt; ut in Hannonia, teste D. Gudelino 1. de jur. nov. §. in Burgundia & multis Partibus Galliz. Hi enim sunt quos vocant, *Gens de main morte*, *Homines manus mortuæ*, de quibus Chass. ad cons. Burg. rubr. 9. §. 17. Germania quoque ejusdem conditionis homines habet, quos appellant *proprios*, & libertis magis similes esse quam mancipis, scribit D. Viglius ad §. sed cum aliquis inf. de test. ord. Christin. Latinis colonis eos comparat d. dec. 86. n. 18. Sed vide Zaf. lib. 1. sing. resp. c. 3. n. 75. *U seqq. U l. 2. c. 7. n. 8.* Gail. de pignorat. cap. 8. VINN. Immo homines proprii Germanorum sunt verè servi, quamvis non conditionis Romanæ, sed Germanicæ, id est tales, quales jam olim in Germania deprehendit Tacitus de Mor. Germ. cap. 25. Glebæ vel prædio adscripti cum posteris, debent censum, operas, maritagium, mortuarium, vel præcipuum ex hæreditate. Coerceri possunt à Dominis: sed non occidi. Nec omnia Dominis acquirunt, sed ea quæ diximus. Cetera liberi, & jure connubi, & commerciorum & ipsius testamenti factionis gaudent. Vid. Porgiess. de stat. *U condit. serv.* in Germ. Cels. Thomaf. & Hert. de homin. propr. HEIN.

TEXTUS.

Definitio libertatis.

1. Et libertas quidem (ex qua etiam liberi vocantur) est naturalis facultas ejus, quod cuique facere libet, nisi si quid vi aut jure prohibetur.

NOTÆ.

1. Facere libet) Effectus libertatis est, fa-

cere quodlibet, est enim potestas vivendi, ut velis. Cic. in Paradox. Aristot. 1. polit. 9. Zenon apud Laert. breviter, εἰς τὴν αὐτοκρατίαν, potestas pro jure suo agendi.

Nisi si quid vi) Finge nos vinciri, usum rerum nostrarum vi prohiberi, &c. hæc facultatem quidem faciendi impediunt, libertatem autem non minuunt.

Jure) Οὐ γὰρ ἐστὶ δούλος τὸ ζῆναι πρὸς τὴν πολιτείαν. Aristot. 1. pol. 9. Legum idcirco omnes servi sumus, ut liberi esse possimus. Cic. pro Cluent. c. 53. Indicat hanc exceptionem illud Persianum: Sat. 5. Excepto si quid Masuri rubrica notavit.

COMMENTARIUS.

EX qua etiam liberi) Non ex vocabulo, sed ex re ipsa, quæ vocabulo designatur. Effectum à causa, concretum ab abstracto. Auctor hujus definitionis est Florent. in lib. 4. hoc tit.

Cuique facere libet) Differentia ab effectu sumpta. Effectus libertatis est facere quod libet: est enim potestas vivendi, ut velis, teste Cicerone in Paradox. *U 1. off. c. 21. num. 3.* Zenone apud Laert. breviter definitur εἰς τὴν αὐτοκρατίαν, potestas pro jure suo agendi. Ceterum quia hæc potestas partim vi impediti potest, partim legibus circumscripta est, additur exceptio: Nisi quid vi aut jure, &c. quæ exceptione significatur, duabus rebus, quominus faciamus quod lubet, nos impediti, vi & jure: neque tamen eo minus liberos esse. Finge igitur nos usu rerum nostrarum vi prohiberi, finge vinciri, & facultatem faciendi hæc impediunt, libertatem non minuunt. Sed neque eo minus sua cuique constat libertas, quod quædam facere legibus prohibemur: nam quæ cum legibus & bonis moribus pugnant, ea ne facere quidem nos posse credendum est; ut præclare noster Papinian. l. filius 15. de cond. inst. Et divinè M. Tullius in Cluentiana, cap. 53. Legum, inquit idcirco omnes servi sumus, ut liberi esse possimus. Cui simile illud Arist. 1. pol. 9. Οὐ γὰρ ἐστὶ δούλος τὸ ζῆναι πρὸς τὴν πολιτείαν, Nimirum legis imperium non est διαποτικόν sed πολιτικόν. Quapropter obedientia, quæ legibus ultro præstanda, ut omnibus libertas sit inco-lumis, non pugnat cum libertate, sed eam tuetur; quamvis coerceat atque in gyrum rationis actiones cohibeat, ne licentius evagentur; ut bene D. Wesemb. hic, & D. Tulden. c. 7. VINN. Est & hæc definitio verè Stoica. Vid. Per. sat. 5. v. 88. & quæ ibi notavit Casaubonus Arrian. Diff. Epictet. Lib. 11. c. 1. Ita verò explicata, non est cur à quibusdam, Accursium se-quu-

quitis, reprehendatur. Verus enim & proba est, uti ostendit Maran. in *Paratitl. ad Tit. ff. de stat. bom.* HEIN.

tè differit Clariss. Heinius in *epist. ad Georg. Richterum.*

TEXTUS.

TEXTUS.

Definitio servitutis.

1. *Servitus autem est constitutio juris gentium, qua quis dominio alieno contra naturam subijcitur.*

NOTÆ.

2. *Constitutio*) Id est, res gentium constituta, causa pro effectu: sic thesaurus dicitur depositio pecuniarum: *lege 31. §. 1. D. de acq. rer. dom. pro pecunia deposita.*

Dominio alieno) Unde Zenoni apud Laert. servitus definitur *εἰς τοῦ ἀλλοτρίου ἀνθρώπου ἰσχύς*.

Contra naturam) Contra communem illam omnium hominum conditionem, quam ab initio habuerunt à natura: *lege 4. D. de just. & jur. lege 32. de reg. jur. φῶς γὰρ ὁδὸς δὴλος συννοεῖται.* Philoſt. Liberos & servos à natura procreari disputat Aristot. 1. pol. 3. & 4. sed alio sensu, nempe ingenio stupidos & corpore robustos à natura productos videri ad servendum iis, qui ingenio valent, ministerio scilicet œconomico. D. Heins. in *Epist. ad Georg. Richt.*

COMMENTARIUS.

Constitutio juris gentium) Causa pro effectu, res jure gentium constituta, non ordinatio, aut pars constituens. Tropus in hujusmodi verbalibus non inusitatus: sic enim & thesaurus dicitur depositio pecuniarum, *leg. 31. §. 1. de acq. rer. dom.* pro pecunia deposita. Apud Laertium à Zenone definitur servitus, *εἰς τοῦ ἀλλοτρίου ἀνθρώπου ἰσχύς*.

Contra naturam) Hoc est, contra communem illam omnium hominum conditionem, quam ab initio habuerunt à natura. Nam servi natura, id est, citra factum humanum, aut primævo naturæ statu nulli sunt; *leg. 4. de just. & jure d. l. quod attinet. 32. de reg. jur.* quamvis justitiæ naturali non repugnat, ex pacificatione aut delicto servum fieri. Quod verò Aristoteles l. 1. pol. cap. 3. & 4. scribit servos quosdam nasci & natura esse; eo nihil aliud significat, quàm quosdam, nempe ingenio tardos ac stupidos, corpore autem robustos, in hunc finem à natura productos videri; ut aliis, qui ingenio & ratione valent, servantur subjectione scilicet œconomia, ad ministeria domestica explicanda: qua de re copiose & ac-

Servi & mancipii etymologia.

3. *Servi autem ex eo appellati sunt, quod Imperatores captivos vendere, ac per hoc servare, nec occidere solent: qui etiam mancipia dicti sunt, eo quod ab hostibus manu capiuntur.*

COMMENTARIUS.

1. *Captos jure belli quovis tempore occidi posse, non tamen salva interna justitia.*

2. *Sigonius & Bachovius notati.*

3. *Jura de captivis agentibus introducta ut captives libentius abstinerent à summo jure, quo captos interficere poterant.*

4. *Captivitatis jura in bello cum Mahumetanis adhuc servari; inter Christianos autem morem esse, ut captos liceat redimere.*

5. *In his regionibus servos adeo nullo agnosci, ut etiam illi, qui aliunde huc cum dominis veniunt, liberi fiant.*

EX eo appellati) Eadem ratio nominis redditur à Florent. l. 4. §. 2. *hoc tit. Pomp. l. pupillus 239. §. 1. de verb. sign. August.*

19. *de civ. Dei 15.* Notat hic Alciat. in *d. l. 239. de verb. sign.* eumque secuti Mynſ. & Schneid.

hic, non licere hostem, postquam captus est, seque deditit, occidere, sed tantum arma adhuc tenentem, neque se volentem dedere. In dedititium autem ævire nefas esse, neque id bonos Imperatores unquam permisisse; quamvis plerique statuunt, etiam postquam captus est, seseque deditit, hostem jure occidi posse, donec intra præsidia nostra deductus sit: quia alioqui multa adhuc accidere possunt, ut iterum evadat, *arg. l. in laqueum 55. de acq. rer. dom.* Accuratus autem hac de re disputat D.

Grot. l. 3. *de jur. bel. c. 4.* ubi multis adductis auctoritatibus ostendit, jure belli licere captos occidere, & quovis tempore licere, & eos, qui se dedere volunt, nec recipiuntur, immo

& deditos sine ulla conditione. Cum autem Scriptores dicunt, id belli jure licitum esse, non intelligunt tale jus, quod actum omni culpa liberet, sed facti impunitatem; ut si forte quis supplicem, aut se ultro dedentem intertrecerit, in alio territorio deprehendatur, tamquam homicida puniri non possit, nec bellum ipsi ab alio talis facti nomine inferri. Cæterum etsi impune id fiat, laudabile tamen natura non esse, actumque hujusmodi carere in-

interna iustitia, quoniam excedit modum lædendi naturaliter concessum: ideoque nec in foro animæ excusatum esse. Hinc Augustinum merito laudare Gothos, quod supplicibus & in templa perfragantibus peperissent: *Illicitum sibi esse judicantes, quod belli jure fieri licuisset*, lib. 1. de civ. Dei cap. 2. De illo inter omnes convenit, eos, qui vitam salvam patriæ, sive in fidem recipiuntur, nec exteriori jure trucidari licere. Porro de temperamento circa jus interficiendi in bello captos ad eund. Grot. d. lib. 3. cap. 11. & 14. nonnulla etiam habet D. Tulden. comm. ad Instit. tit. de his qui sui vel alien. jur. c. 3.

2 Imperatores) Non intelligit Principes Romanos, sed στρατάρχας, Belli duces τῶν πολι-
μοι ἡγέμεις, ut rectè vertit Theoph. Quod hic ex Sigonio notat Bachovius, Imperatores dictos ab imperio militari, hoc est, jure belli gerendi; verum quidam est. Cæterum quod ex eodem Sigonio adjicit; hoc imperium militare Magistratui seorsum lege Curiata dari solitum, falsum est. Nam lex Curiata omnibus omnium annorum patriciis Magistratibus necessaria erat, non ad aliquod adventitium rei militaris imperium obtinendum, sed ad confirmationem sui Magistratus: ut religio auspici-
orum, quæ propriè & præcipuè in Curiarum suffragiis inerat, retineretur: quod vel ex una
orat. 2. in Rull. intelligi potest, vid. Gruch. lib. 3. de comit. & in refut. post disp. Car. Sigon. ubi multis testimoniis ex antiquitate petitis ostendit, Consules & Prætores potestatem administrandæ rei militaris jure sui Magistratus habuisse. VINN. Ita Vinnius noster Gruchium sequitur, secundum quem contra Sigonium à frequente eruditorum Senatu datum est. Legi de hac Sigonii & Gruchii lite meretur V. C. GRÆV. præfat. Thesauri Antiqu. Rom. Tom. I. HEIN.

3 Vendere ac per hoc servare solent) Non quòd hoc facere quasi ex pactione captos cogentur; sed quia hoc suadebant commoda, quæ captivos servantem gentium item jure sequebantur; nempe διὰ τὴν ἰακίδα τῆς κερσεως, ut est in Basilic. quod pertinet illud Horatii, lib. 1. Ep. 16.

Vendere enim possis captivum, occidere noli. Cæterum, ut ait Seneca in Troad. v. 333.

Lex nulla capto parcis, aut pœnam impedit. Et Centurio Cæsaritanus Scipionem alloquens apud Hirtium de bell. Afric. Tibi, inquit, c. 45. gratias ago, quòd mihi vitam incolumitatemque belli jure capto polliceris. Similiter Cæsar Hædus significat, suo beneficio servatos, quos jure belli interficere potuisset: l. 7. comm. c. 41. Plura ejusmodi reperis apud D. Grot. d.

lib. 1. cap. 4. vid. tamen eundem d. l. 3. c. 11. & 14. ubi docet, quid hic victori liceat secundum iustitiam internam. Non frustra autem jura ista in captivos servatos à gentibus introducta exemplo bellorum civilium intelligi potest; in quibus plerumque videmus captos interfectos, quia in servitutum redigi non poterant; l. si quis 21. §. 1. de capt. & postlim. quod & Plutarchus notavit in vita Orben. & Tacitus lib. 2. hist. cap. 44.

Manu capiantur) Hæc notatio si vera est, dicendum erit, hoc nomen ad res cæteras translatum esse. Nam Mancipium teste Isidoro 3. Orig. 4. Veteribus dicebatur quicquid manu capi, subdique potest; ut homo, equus, ovis adeoque omne, quod per æs & libram fiebat, in quo erant res mancipi, teste Varrone in fin. lib. 6. de ling. Postea receptum, ut & prælia inter res mancipi referrentur, Ulp. tit. 19. VINN. Mancipari veteri jure rerum mobilium non plus poterat, quàm manu capi posset, Ulpian. fragm. Tit. 19. §. 6. Revera ergo & Mancipium & res mancipi & Mancipatio nomen inde acceperunt, quod dominium acquirerent earum rerum, quæ manu capiebantur. HEIN.

In Lusitania aliisque Hispaniæ partibus, & nonnullis aliis regionibus, quæ Turcis aut Scythiis vicina sunt, vetera captivitatis & belli jura adversus Mahumetistas adhuc exercentur qui eadem acerbitate & Christianos tractant, quos bello capiunt. Ac mos est captos servos permanere, etiam si religionem Mahumetis ejuraverint, eo quòd servum esse non adversetur legi Divinæ; 1. ad Corinth. 7. 21. Deuter. cap. 5. Exod. c. 21. Lev. c. 25. ubi de formis servitutis apud Hebræos, add. Bodin. 1. de republ. c. 5. Connan. 2. comm. 1. circa fin. Inter Christianos autem jus istud gentium de captivis non observatur, apud quos licet res aliæ ex hostibus capte capientibus acquiruntur, homines tamen capti servi capientium non fiunt, nec vendi possunt, aut ad operas urgeri, aliave patienda, quæ servorum sunt. Quippe Christianos lex charitatis rectius instituere debuit, quàm ut à miseris hominibus interficiendis abduci nequirent, nisi minoribus sævitæ concessione. Atque hoc à majoribus ad posterum pridem transisse scripsit Gregoras, nec eorum fuisse proprium, qui sub Romano Imperio viverent, sed commune cum Thessalis, Illyriis, & Triballis, & Bulgaris. Et quod hac in parte Christiani, idem à Mahumetistæ inter se servant. Mansit tamen etiam inter Christianos mos captos custodiendi, donec pretio redimantur, cujus æstimatio in arbitrio victoris est, nisi certi aliquid convenerit: nam pat-
ctum

lūm semel pro redemptione pretium victor augere non potest, Guid. Pap. *quæst.* 113. Humanitas etiam docet, non ultra intendi debere, quā deducto, ne egeat capris rebus necessariis: quandoque pactis hoc definitur, ut nunc inter milites menstruū stipendio. Jus autem captos servandi solet concedi singulis, qui ceperunt, extra personas eximie dignitatis: in has enim Reipub. aut ejus capiti jus dant plebiscitūque gentium mores, testib. Bart. & Bald.

1. in l. nam & Servius 21. de neg. gest. Boer. decis. 173. Groc. l. 2. de jur. bell. c. 7. n. 9. Porro in hisce regionibus servos planē nullos habemus aut agnoscimus, adeo ut judicatum sit à summo Concilio, quod est Mechliniæ, etiam eos servos, qui in Hispaniam empti cum dominis suis in has partes veniunt, in libertatem proclamari posse, liberosque fieri, sive libertatem iis, quandiu hic sunt, jurisdictione defendi. In Gallia quoque servos, licet peregrinos, ut primū regni fines penetravint, eodem momento liberos fieri, exempla rerum judicatarum ostendunt. Vid. Bodin. 1. de r. p. 5. Louis Charond. et Pandell. du Droit Franç. l. 2. c. 2. Gudel. 1. de jur. nov. 4. Franciscum Zypxum lib. 3. c. 2. n. 11. & seqq. Christ. vol. 4. decis. 80. num. 2. & seqq. Groenev. de ll. abr. ad h. t. VINN. Itaque in Belgio & Gallia & servi ipso jure liberi sunt, eò adventantes. Ast in Germania non solum Dominis conceditur, ut possint homines proprios vindicare, etsi eò profugerint, ubi illa servitus non sit recepta: (vid. Dan. Mevii *Consil. jurid. de statu & vindicatione hominum propr.*) verum etiam quibusdam locis ipso jure sunt servi, quicumque peregrini eò adveniunt, commorandi & habitandi causa, veluti in Algonia, ubi ideo sæpe auditur parœmia: *Die Lust macht eigen*, id est, *ipse aer homines proprios facit*. Hert. de homin. propr. *Sect.* 3. §. 3. Tale & olim fuit jus Wildfangiatus in Palatinatu Electorali, & provinciis vicinis, de quo Londorp. *Ab. publ. continuat. lib. 10. p. 126.* HEIN.

TEXTUS.

Quibus modis servi constituuntur.

4. *Servi autem aut nascuntur, aut fiunt: nascuntur ex ancillis nostris: fiunt aut jure gentium, id est, ex captivitate, aut jure civili, cum liber homo major viginti annis ad pretium participandum sese venundari passus est.*

NOTÆ.

4. *Nascuntur ex ancillis*) Ex Marcian. lege

§. 5. *ead.* Hi vernæ prudentibus dicuntur, de quo nomine vid. Fest. & Nonium. Eodem autem jure ex ancillis nati servi sunt: quo satacedunt solo: mater enim solo comparatur, vis patris sato, Cujac.

Jure civili) Etsi servitus ex jure gentium originem habeat, sunt tamen modi quidam constituendæ servitutis etiam jure civili inventi: unus hic exprimitur: alios reperies apud Accurs. & Hotom.

COMMENTARIUS.

1. *Cur ad natos ex servo ventre dominium porrectum.*

2. *Quibus modis jure civili servi fiebant.*

3. *Si quis spontanea subjectione se in servitutem det.*

EX ancillis nostris) Non ipsi tantum, qui capiuntur, servi sunt; sed & posterius perpetuum: nempe qui ex matre serva nascuntur. Et hoc est, quod Martianus dicit, jure gentium servos nostros fieri, qui ex ancillis nostris nascuntur: l. 5. §. 1. *hoc tit.* Placuit autem ad natos dominium ideo porrigi, quia alioqui si summo jure captos uterentur, illi ipsi nascituri non erant. Cui consequens est, ut nati ante calamitatem, nisi & ipsi capiantur, servi non fiant. Ideo autem natos maternæ esse conditionis gentibus placuit, quia siles concubitus nec lege nec certa custodia erant constricti, ita ut nulla sufficiens præsumptio patrem indicaret. Atque ita capiendum Ulpianus illud: *Lex natura hac est, ut qui nascitur sine legitimo matrimonio, matrem sequatur*: l. *lex natura* 24. *hoc tit.* id est, lex consuetudinis generalis ab aliqua ratione naturali ducta: quo modo juris naturalis vox abusione quadam interdum summitur. VINN. Sed proprius servitutem vernarum deduxeris: jure accessionis. Servi ex personis fiebant res mancipi, vide supr. ad rubr. Cujus est res, ejus & accessio. Et quidem partus sequebatur ventrem, uti in fœtura animalium. HEIN.

Jure civili) Etsi servitus est ex jure gentium: sunt tamen nonnulli modi servitutis constituti ex jure civili. Unus hic exprimitur: sed plures fuisse constat: huc enim pertinent, qui servi pœnæ efficiebantur atrocitate sententiæ, quorum crebra in libris nostris mentio. Item qui liberi ob ingratitude dam-nati patrono in servitutem traduntur: §. 1. *inf. de cap. domin.* haud secus ac ingrati liberi vocantur in potestatem parentum, l. *un. C. de ingratis lib.* Erat ex Senatufc. Claudiano alius li-

libertatis amittendæ modus, si libera mulier, domino denuntiante, se servo alieno junxisset, de quo *inf. l. 3. tit. 13. Ulp. in fragm. tit. 11.* ubi & alium modum indicat: cum incensus aliquis venisset, quod explicat Cicero *pro Cæcin.* in extremo orationis, Dionys. Halic. *lib. 4.* Sigon. *lib. 1. de antiq. jur. civ. Rom. c. 4.* Denique etiam in nexos magna fuit creditorum potestas, nec herili admodum absumilis, ad *Liv. lib. 2. & 8. Gell. lib. 20. c. 1. Mercer. 1. opin. 9. D. Salmat. lib. de mod. us. c. 18. & seq.* Cur igitur servi jure civili dicuntur incogniti? Nimirum quia in iis, quæ sunt juris civilis pro nullis habentur, nullam eorum communionem habent.

Liber homo) Ingenuus scilicet & sui juris, ut rectè monet Cujac. Neque enim patróni aut patris jus hoc pacto libertus aut filius intervertere possit, quod & Aug. & Fab. hic notant.

Pretii participandi causa) Modò & partem pretii verè acceperit; *l. 1. quib. ad lib. proc. non lic.* Et gnarus conditionis suæ; *l. 2. si lib. ing. esse dic. venditus sit ignoranti conditionem venditi; l. 7. §. 2. de lib. caus. vid. Gloss. & Accurs.*

Vendundari passus sit) Venditorem subornabant hominem improbum & has partes fabulæ lucri alicujus gratia peragentem: simulabat is se suum servum vendere. Apud nonnullos usitata fuit voluntaria in servitutem datio, ut apud Germanos, qui novissimo alex. jactu de servitute contendebant; *Vistius voluntariam servitutem adibat*, ait Tacitus *de Morib. Germ. c. 24.* Porsidonium autem Stoicus in historiis narrat, multos olim fuisse, qui suæ imbecillitatis conscii sponte se aliis in servitutem darent, ut domini quidem ipsi providerent de necessariis, ipsi verò operam vicissim, quam possunt, præstarent. Quæ si res ita accipitur in terminis naturalibus, nihil habet in se eximie acerbatis, quoniam perpetua ista obligatio compensatur perpetua alimentorum certitudine, quam sæpe non habent qui diuturnas operas locant: unde sæpe accidit quod dixit Eubulus:

Εἴθελα δ' αὖτε μὲν παρ' αὐτὸς καταμύει
Ε'κιστίτισι.

Quærent autem hic DD. possitne quis apud nos perpetuo se obligare ad serviendum, aut operas suas locare, quæ servitutis quædam species videtur: nos autem servos non agnoscimus. Respondent omnes, posse: sed cum facti hæc promissio sit, solvendo id quod interest, promissorem liberari; *l. 13. §. 1. de re jud. Ad de tota re D. Grot. lib. 2. de jur. bell. c. 5.*

T E X T U S.

De libertinorum & servorum divisione.

5. *La servorum conditione nulla est differentia: in liberis autem multa; aut enim sunt ingenui, aut libertini.*

N O T Æ.

5. *Nulla differentia*) Servorum varia quidem ministeria, una tamen conditio est; *l. 5. de cod. id est, omnes æquè servi sunt, παῖς τῆς αὐτῆς δούλης δούλος οὗτος; nihilque interest natus quis an factus servus sit, et si alius alio præstat, juxta vetus proverbium, δούλος πρὸ δούλου, διακρίτης πρὸ διακρίτου, 1. polit. 4.*

C O M M E N T A R I U S.

- 1 *Libertorum nullum amplius discrimen esse.*
- 2 *Civium apud nos quæ distinctio.*

NULLA differentia) Servorum una conditio est, *l. 5. in pr. hoc tit. u. δούλου ἐν δούλῳ οὗτος.* Mich. Attaliata, id est, omnes æquè servi sunt, nihilque interest, utrum quis natus an factus sit servus. Planè opere & ministeriis etiam servi inter se differunt; aliis enim honestior, ut attriensibus, dispensatoribus, amanuensibus, aliis minus honesta provincia mandatur: ut mediastinis, focariis, fornicatoribus; *l. 15. §. itaque prætor. 44. de in jur. l. 1. §. caupones 5. naut. cap. flab. sed hoc cum torum sit arbitrii herilis, conditionem eorum non mutat. De variis servorum ministeriis & officiis scripsit Pct. Fab. *semestr. pag. 155. VINN.* Et ex instituto Laur. Pignori de servis eorumque apud veteres ministeriis, & Tit. Popma *de operis servorum.* HEIN.*

In liberis multa) Nam primum interest, utrum quis natus, an factus sit liber, hoc est, utrum quis ingenuus sit, an libertinus: deinde utrum qui liber factus est, civis Romanus sit, an Latinus Junianus, aut dediticius: & porro qui civis Romanus, suæ juris sit, an alieno juri subjectus: deinde qui sui juris est, siene in tutela vel curatione, an neutro eorum teneatur: quæ summa est eorum, quæ deinceps hoc primo libro tractantur. Prima autem & secunda distinctio vix ullum amplius usum habent. Nam cum libertinorum differentia à Justiniano sublata sit, & novissimo jure liberti etiam ingenuis per omnia (salvo licet jure patronatus) exæquati; Nov. 78. c. 1.

§ 1. nullum hodie superesse videtur ne inter liberos quidem discrimen; utique respectu conditionis liberæ, nam quoad civitatis & familiaris jura adhuc differunt. Et sic temperandum existimo, quod scribit D. Bachovius ad hunc locum. Hodie de liberis rectè dici videtur, nulla in eorum conditione & statu differentiam esse. Apud nos sanè cum nulli sint servi, omnes ingenui dici possunt. Cæterum est generis nonnulla distinctio: alii enim nobiles sunt, qui certis privilegiis atque immunitatibus gaudent, alii ignobiles sive plebei. Ex nobili patre nati & matre ignobili patrem sequuntur, convenienter l. cum legitima 19. hoc tit. Christin. vol. 5. decis. 88. num. 12. Sed & Comitum ac Baronum liberi ex concubinis suscepti pro nobilibus habentur. Distinctio autem inter ecclesiasticos & sæculares sive lai-

cos post receptam apud nos religionem reformatam pæne tota sublata est, D. Grot. l. 1. manud. c. 14. § 15. Sicubi adscripticii sunt, ad eos manumissos jus d. Nov. 78. applicari posse, censet D. Gudelin. l. 1. de jur. noviss. c. 6. in fin. De variis hominum generibus ad Franc. Zypæum in Jud. lib. 3. c. 2. VINN. Sed uti in Germania homines proprii ejusdem conditionis sunt, ac servi olim, quorum meminit Tacit. de more Germ. cap. 25. ita & hodie nunc in manumissis observatur, quod idem Tacitus de liberis veterum Germanorum ait: *Liberti non multum supra servos sunt.* Eadem enim fere præstant, ac homines proprii & in eo tantum melioris conditionis habentur, quod non amplius sunt glebæ adscripti, vid. Potgiess. de stat. & condit. serv. in Germ. lib. 3. HEIN.

TITULUS QUARTUS.

DE INGENUIS.

Conc. Tit. 14. Cod. Lib. 7.

Sequitur subdivisionis suprà positæ per definitionem partium explicatio; & primò ingenuorum hoc tit.

TEXTUS:

De ingenui definitione.

Ingenuus est is, qui statim ut natus est, liber est; sive ex duobus ingenuis matrimonio editus; sive ex libertinis duobus; sive ex altero libertino & altero ingenuo. Sed & si quis ex matre nascitur libera, patre vero servo, ingenuus nihilominus nascitur, quemadmodum qui ex matre libera & incerto patre natus est; quoniam vulgo conceptus est. Sufficit autem liberam fuisse matrem eo tempore quo nascitur, licet ancilla conceperit. Et de contrario si libera conceperit, deinde ancilla facta pariat, placuit, eum qui nascitur liberum nasci: quia non debet calamitas matris ei nocere, qui in ventre est. Ex his illud quaesitum est, si ancilla prægnans manumissa sit, deinde ancilla postea facta pepererit, liberum an servum pariat? Et Martianus probat liberum nasci; sufficit enim ei, qui in utero est, liberam matrem vel medio tempore habuisse, ut liber nascatur, quod & verum est.

NOTÆ.

Ingenuus) Antiqui ingenuos spuris opponere.
Tom. I.

bant, & patricios initio appellabant, eo quoddam patrem ciere possunt. Liv. lib. 10. cap. 8. Cincius apud Fest. in voce *Patricios*. Cæterum etiam jam olim qui liberi nati erant, ingenuos dictos fuisse, ex Plauto in *Milit. ast.* 4. *scen.* 1. v. 15. & *Pænul. ast.* 5. *se.* 6. v. 8. constat, & aliàs quoque Latini ingenuum vocant quod nativum est, quomodo Lucretius *Ingenuos fontes*, Juvenalis, *Ingenuum topium* appellat. VINN. At neque ex Livii, neque ex Festi loco adparet, ingenuos olim oppositos fuisse spuris. Cincius apud Festum tantum observat, patricios olim dictos etiam *ingenuos*, fortassis, quia genus suum ab urbis primordiis recensere poterant. Apud Livium autem Decius ait, *patricium esse qui patrem ciere possit*, id verò & plebeios ingenuos posse, adeoque & patricios nihil esse, nihil ingenuus, nec jure obniti, plebeiis sacerdotio ambientibus. HEIN.

Statim ut natus) Ingenuus propriè est, qui nativum habet libertatem: cum tamen etiam, qui ingenuus pronuntiatus est, pro ingenuo accipere debemus; quia res judicata pro veritate habetur; l. 25. D. de stat. hom.

Matre libera) Quia qui nascitur sine legitimo matrimonio, conditionem matris sequitur; leg. 19. lege 24. D. de stat. hom.

Quoniam vulgo conceptus) His verbis indicatur ratio, cur dicatur ex incerto patre natus.

Hotom. pro quoniam legendum putat, id est, qui Theoph. rursus dicitur in notis rursus.

Martianus probat) Ex Mariano l. 5. §. 2. & 3. D. de stat. bom. totus hic locus sumptus est. Is itaque liber nascitur, qui ex matre aut conceptionis, aut partus, aut medio tempore libera nascitur, quod favor libertatis extorsit Paul. lib. 2. sent. 24. adde l. 18. D. de stat. bom. l. 4. C. de pan.

COMMENTARIUS.

Ingenuus est is) Prima semper quaestio esse debet de verbis, licet de rebus potior sit, auctore Platone in Cratilo; & Quintilianus in proem. lib. 8. curam verborum, rerum vult esse sollicitudinem. Antiqui ingenuos spurii opponebant & patricios initio appellabant: quod patrem ciere possent; ut constat ex oratione P. Decii Muris apud Liv. lib. 6. cap. 8. & confirmat Cincius apud Festum in voce patricios. Ceterum etiam eos, qui liberi nati essent, jam olim ingenuos appellatos fuisse distinctos ab iis, qui facti erant liberi, ostendit locus Plauti in Milit. act. 4. sc. 1. v. 15.

Quid? ea ingenua, an festuca facta è serva libera est?

Et quod respondet Paestrio;

Vab, egone ut ad te ab libertina est auferem internocius,

Qui ingenuis satis respondere nequeas cupidus tui?

Eodemque sensu in Pænulo, act. 5. sc. 6. v. 8. Adelphasium non semen ingenua dicitur. Atque hic hujus vocis apud Latinos usus est etiam in aliis rebus, quæ à natura sunt, & factitiis opponuntur. Sic enim Lucretius ingenuos fontes, Juvenalis ingenuum tophum appellat, verba Juvenalis satyra 3. v. 18. sunt;

Quanto prastantius esset

Nunnen aque, viridi si margine clauderes undas

Herba, nec ingenuum violarent marmora tophum?

Quo loco tophum nativum disertè ingenuum vocat; nec illa est translatio, contra quam existimat Britannicus. Ingenuus igitur proprie est, qui nativam habet libertatem. Ceterum quia res judicata pro veritate habetur, etiam ingenuum accipere debemus eum, qui ingenuus pronuntiat; ut l. antepen. de stat. bom. Sed & jura ingenuitatis habent, salvo jure patronatus, qui jus aurocorum annuorum à Principe impetraverunt; tit. de jur. aur. annul. & plenissimam ingenuitatem, qui à Principe natalibus restituti sunt, tit. de nat. rest. Hodie

omnes liberi ex constitutione Justiniani Nov. 78. ingenui sunt, ut hæc quaestio, quæ olim propter prerogativas ingenuorum magni momenti erat, hodie nullius usus sit.

Matre libera) Partus extra nuptias conceptus matris conditionem sequitur; l. lex natura 24. de stat. bom. l. 3. C. sol. matr. Patrem sequi non potest, quia nullum habere intelligitur, cum is dumtaxat pater sit jure civili, quem nuptiæ demonstrant; l. 6. de his qui sui vel al. jur. l. 5. de in jus voc. Quid si natus sit ex ventre adscriptio? Placet adscriptitium nasci; l. de dimisus 21. C. de agric. & cens. lib. 21. In comitatu tamen Burgundie hoc non observatur, sed natus ex manumortua & patre libero, aut manumortuo & matre ingenua, patris conditionem, non ventris sequitur, Christin. vol. 5. dec. 88.

Quoniam vulgo conceptus) Ratio cur dicatur ex incerto patre natus, nimirum quia mater cum pluribus consuevit. Hoc quidem de natis ex concubina dici non potest: sed tamen nec hi patrem habere intelliguntur, quoad ea, quæ sunt juris civilis, & effecta justis matrimoniis; puta patriam potestatem, familiam, jura sacrorum; §. si adversus 22. inf. de nupt. VINN. Immo ex concubina nati patrem, sed naturalem quidem habere intelliguntur, quia vulgo concepti. Unde S. P. in vetustis monumentis Plutarchus significare putat sine patre filium. Quæst. Rom. p. 316. HEIN.

Librum nasci) l. 5. §. 2. de stat. bom. Is itaque liber nascitur, qui ex matre aut conceptionis, aut partus, aut medio tempore libera nascitur: quod partim ex ratione juris, partim propter favorem libertatis receptum est; Paul. lib. 2. sent. 24. Potest & in universum hæc ratio dari, quod is, qui in utero est, quoties commodò ejus agitur, pro jam nato habetur; l. 7. l. pen. d. tit.

TEXTUS.

De servitute ac manumissione facti.

1. Quum autem ingenuus aliquis natus sit, non officit ei in servitute fuisse, & postea manumissum esse: sepiissime enim constitutum est, natalibus non officere manumissionem.

NOTÆ.

Constitutum est) Plures extant hæc de re constitutiones sub tit. C. de ingenuis manumissa, & eo pertinet l. 21. §. 1. D. de capt. & poss. m.

Natalibus) Theophil. τὰ ἀρχαία, ingenui-

tati, veritati, & origini ingenuitatis. Paul. lib. 5. sent. 1.

Non officere) Non inurere notam libertinæ conditionis.

COMMENTARIUS.

In servitute) Aliud est in servitute esse, aliud servum esse: illud facti, hoc juris est. Sic aliud est in libertate esse, aliud liberum esse: aliud in possessione esse, aliud possidere; l. 10. §. 1. de acq. poss. Servus est, qui iustam servitutem servit: in servitute esse dicitur, qui cum servus non sit, pro servo habetur, ut *Pamphila in Andria* Terentii.

Natalibus) Id est, τὴ φύσιν, ingenuitati si-

ve nativæ conditioni, quam non vitiavit falsa servitutis opinio. Plures extant hac de re constitutiones *sub tit. Cod. de ingen. manum.* Atque huc pertinet quod Ulp. in l. si quis 21. §. 1. de capt. & poss. scribit, bello civili captos & venumdatos, posteaque manumissos, supervacue à Principe repetere ingenuitatem, utpote quam captivitate illa non amiserunt. *Vinn.* Quæ ratio etiam valuit in filiis venumdati vel noxæ & postea manumissis. *Cic. pro Cæcin. c. 33. lib. 1. de orat. cap. 40. Paul. Rec. sent. 11. nec non in obzatis, additis creditori, qui libertatem recuperaverant. Quinstil. Inst. lib. 8. cap. 3. & Decl. 311. Nam & hi non libertini censebantur, sed ingenui. Hein.*

TITULUS QUINTUS.

DE LIBERTINIS.

Summa Tituli.

Pars altera subdivisionis, quæ ad libertinos pertinet: qui quales sint, unde originem ducant, quibus modis ad hanc conditionem perveniant, & de diversæ eorum qualitate, hoc tit. disputatur.

TEXTUS.

Definitio & origo libertinorum & manumissionis.

Libertini sunt, qui ex iusta servitute manumissi sunt. Manumissio autem est, de manu datio: nam quandiu aliquis in servitute est, manui & potestati suppositus est: & manumissus liberatur à domini potestate. Quæ res à jure gentium originem sumpsit: utpote cum jure naturali omnes liberi nasserentur, nec esset nota manumissio; cum servitus esset incognita. Sed postquam jure gentium servitus ingenuitatem invasi, secutum est beneficium manumissionis: & cum uno communi nomine omnes homines appellarentur, jure gentium tria hominum genera esse ceperunt: liberi; & hi contrarium servi; & tertium genus libertini, qui desierant esse servi.

NOTÆ.

Libertini) Ex l. 6. D. de stat. hom. Appii Cæci temporibus & deinceps aliquamdiu libertini dicti non ipsi, qui manumittebantur, sed ingenui ex his procreati, ut scribit Sueton.

in Claud. c. 24. postea ipsi manumissi libertini diei cæperunt, & ex his procreati, ingenui. Liberti & Libertini nomina sic differunt. Liberti nomen ad jus patronatus respicit, libertini ad personæ conditionem; l. 1. & ult. D. si ingen. esse dic. Libertus & patronus relativa sunt: libertinus & ingenuus contraria. Hotom.

Iusta servitute) Id est, quæ revera servitus sit, non opinione & errore tantum, addit Theoph. καὶ ἰσχυρ, & legitima, quod non placet.

De manu datio) Reponendum ex Florent. *De manu missio*, id est, *Datio libertatis*; leg. 4. D. de just. & jur. ut brevi sermonis compendio notetur & nominis definitio & rei.

Communi nomine) Apud Ulp. in d. l. 4. legitur: *Uno naturali nomine*; sensus est, eum omnes homines natura liberi essent, ut nomen rei conveniat.

Liberti) Id est ingenui. Partem subdivisionis in divisione collocat, quod Ulpiano, à quo hæc sumpta, familiare; l. 5. D. de pass. l. 1. §. 2. D. de just. & jur.

COMMENTARIUS.

Libertini sunt) Ex Cajo in l. 6. de stat. hom. antiquitus libertinos dictos scribit esse *Tranquillus in Claud. c. 24.* non ipsos, qui manumitterentur, sed ingenuos ex his procreatos. Ex quo loco duo præterea colligas nem-

nempe postea eos ipsos, qui manumitterentur libertinos dici cœpisse; & qui ex his procreati essent, ingenuos. Notant hic plerique ex Laur. Valla lib. 4. c. 1. differentiam esse inter *Libertinus* & *Liberti*; illud esse relativum ingenui; hoc patroni; id est, voce *Libertinus* designari conditionem hominis ingenuitati ex adverso oppositam; per *Liberti* autem significari privatum quemdam respectum ad patronum, cujus libertus, non libertinus dicitur, qui manumissus est. Illud leviusculum est, quod ibidem Valla notat, *Libertinus* esse adjectivum, *Liberti* substantivum. VINN. Nec tamen id discrimen semper observaverunt veteres, veluti in L. 4. de *just. & jure*, L. 20. §. 4. de *bon. lib. l. 28. cod.* si rectè se habet textus, vid. Ducker. de *Latina. jct. vet. p. 578. seq.* HEIN.

Ex *justa servitutis manumissio*) *Justa*, id est, quæ revera servitus sit, non opinione & errore tantum. Aliquando & sine manumissione dominorum servi libertatem recipiunt ex senatusconsulto aut constitutione aliqua; exempla suppeditat *tit. ff. qui fin. man. ad lib. perv. & tit. C. pro quib. c. serv. pro præm. lib. ac.* Generalius itaque definiri potuisset: libertinos esse, qui deserunt esse servi; ut in calce hujus text. ex Ulp. l. 4. de *just. & jure*. unde reliqua hujus loci descripta sunt.

De manu datio) Reponendum ex textu Florentino, De *manumissio*, id est, *Datio libertatis*, d. l. 4. de *just. & jure*. ut brevi sermonis compendio notetur definitio & nominis & rei. De manu enim est, de potestate domini, Lucan. lib. 1.

In manibus vestris, quantus sit *Cæsar*, habetis. Ingenuitatem) Vox hæc delenda est, censco cum Bachov. ut quæ nec in vulgatis editionibus reperitur, nec est apud Ulpian. d. l. 4. unde hæc sumpta; & neque eam agnoscunt Hottom. Cujac. Cont. Theophil.

Communî nomine) Aliàs, naturali nomine. Id est, cum omnes homines liberi essent; ut nomen rei conveniat. Plura quæ huc pertinent, notavimus sup. ad *tit. de jur. nat. gent. & civ.*

TEXTUS.

Quibus modis manumittatur.

1. Multis autem modis manumissio procedit: aut enim ex sacris constitutionibus in sacrosanctis Ecclesiis; aut vindicta; aut inter amicos; aut per epistolam; aut per testamentum; aut per aliam quamlibet ultimam voluntatem. Sed & aliis multis modis libertas servo competere potest, qui tam ex veteribus, quam ex nostris constitutionibus introducti sunt.

Sacrosanctis Ecclesiis) Hic modus tribuendæ libertatis à Constantino introductus est; l. 1. & 2. Cod. de *his qui in Eccles. man.* & successit in locum ejus, qui olim fiebat iustrali censu. Vid. Sigon. leg. 1. de *antiqu. jur. civ. Rom.* c. 14. add. tripert. hist. l. 1. c. 7. & Niceph. 7. c. 16.

Vindicta) Virgulam esse scribit Boet. in *Top. Cic.* quam licitor jussu Magistratus manumittendi capiti imponebat. *Festus* Plauto dicitur in *Mil. Glor. act. 4. scen. 1. v. 15. xaxqs* Plutarcho de *sera num. vind.* Nomen ductum à Vindicio creditur Vitelliorum servo, qui cum nobilium adolescentium conjurationem de Tarquinis reducendis detexisset, primus hoc modo manumissus traditur. Liv. lib. 2. c. 5.

COMMENTARIUS.

Multis autem modis) Olim tres tantum modos manumittendi fuisse, censu, vindicta, testamento, ostendit argumentatio Ciceronis in *Topic.* c. 2. ab enumeratione partium: *Si neque censu, inquit, neque vindicta, neque testamento liber factus est, non est liber.* Accesserunt quidem postea & alii modi; veluti per epistolam, in convivio, inter amicos; sed his modis manumissis plena libertas non conferebatur; Ulp. & Cajus in *insit.*

In sacrosanctis Ecclesiis) A Constantino constitutum est, ut in Ecclesiis, hoc est in cœtu Christianorum, veluti in comitiis Ecclesiasticis teste populo & signatore Episcopo, manumissis justam libertatem consequerentur: *tit. C. de his qui in Eccles. man.* Quod genus manumissionis successum esse apparet in locum ejus, quæ olim per censum fiebat; cum servi iustrali censu in campo jussu dominorum inter cives Romanos censum profitebantur. Vid. Sigon. lib. 1. de *ant. jur. civ. Rom.* cap. 14.

Vindicta) Virgulam esse scribit Boetius in *Top. Ciceronis*, quam licitor jussu Magistratus manumittendi capiti imponebat; atque ab hac virgula hunc manumittendi modum appellatum *Festus* Plauto dicitur in *mil. glorios. act. 4. sc. 1. v. 15.* Alii hunc modum sic dictum malunt à vindicio Vitelliorum servo, qui primus dicitur vindicta liberatus, eo quod conjurationem nobilium adolescentium de Tarquinis reducendis detexisset; auctore Livio lib. 2. c. 5. Tenebat dominus modò caput, modò aliud membrum servi, dicebatque; hunc hominem liberum esse volo. *Fest.* in verb. *manumitti*; & cum dicto cum circumagebat significans, se ei potestatem facere abeundi quo vellet.

let. Eò pertinent hæc Persii *satyr.* 5. v. 75.

— *Hæc stultici veri, quibus una Quiritem, Vertigo facit.*

Et paulò post; v. 78.

Vertit huic dominus, momento turbinis exit Marcus Dama.

Pluribus hæc explicant Marcel. *ad d. satyræ.* Brissionius *lib. 5. antiq. c. 11.* Sigonius *lib. 1. de antiq. jur. civ. Rom. c. 6. fac.* Gallus Neapol. *in apoc. leg.*

Inter amicos, per epistolam) Inter amicos, adhibitis quinque testibus: per epistolam, à domino & quinque testibus subscriptam; *l. un. §. 1. & 2. C. de Lat. lib. toll.*

Aliam ultimam voluntatem) Puta codicillos. Consulto tamen miscere videtur iustos manumittendi modos cum cæteris, quia ipse differentiam sustulit.

Aliis multis modis) Quorum plerique enumerantur in *d. l. un. §. 3. & seqq. C. de Lat. lib. toll.* Addant curiosiores *tit. C. pro quib. c. sora pro præm. lib. acc. ff. qui sine man. ad lib. pro. C. si manc. ita ven. ne proffit. & si manc. in su. alien. l. meunini 24. C. de episc. aud.*

TEXTUS.

Ubi & quando manumitti potest.

1. *Servi verò à dominis semper manumitti solent, adeo ut vel in transitu manumittantur, veluti cum Prætor, aut Præses, aut Proconsul in balneum vel theatrum eunt.*

NOTÆ.

2. *Semper*) Id est, omni die, sive festo, sive profesto, sive fasto, sive nefasto, καὶ ἐν παντί ἡμέρας. Fabrot. in not. ad Theophil. l. 2. l. 8. *C. de Feriis.*

COMMENTARIUS.

In transitu) Cum aut lavandi, aut gestandi, aut ludorum gratia prodeunt, prætor, proconsul, legatusve Cæsaris, *l. 7. de man. vind.* Neque enim necesse est pro tribunali manumittere, cum hic actus sit voluntariæ jurisdictionis, *l. 2. de offic. procons.* & præter approbationem & auctoritatem magistratus nihil desiderat.

TEXTUS.

De libertinorum divisione sublata.

3. *Libertinorum autem status tripartitus an-*

tea fuerat: nam qui manumittebantur, modò majorem & justam libertatem consequerantur, & fiebant cives Romani: modò minorem, & Latini ex lege Junia Norbana fiebant: modò inferiorem, & fiebant ex lege Asia Sentia dedititii. Sed quoniam dedititiorum quidem pessima conditio jam ex multis temporibus in desuetudinem abierat: Latintorum verò nomen non frequentatur; ideoque nostra pietas omnia augere, & in meliorem statum reducere desiderari, duabus constitutionibus hoc emendavit, & in pristinum statum reduxit. Quia & à primis urbis Romæ cunabulis una atque simplex libertas competebat, id est, eadem, quam habebat manumissor; nisi quòd scilicet, libertinus sit qui manumittitur, licet manumissor ingenuus sit. Et dedititios quidem per constitutionem nostram expulimus, quam promulgavimus inter nostras decisiones; per quas suggerente nobis Triboniano viro excelso, Quaestore nostro antiqui juris altercationes placavimus. Latinos autem Julianos, & omnem, quæ circa eos fuerat, observantiam, alia constitutione per eundem Quaestorem suggestionem correximus, quæ inter Imperiales radiat sanctiones: Et omnes libertinos (nullo nec atatis manumissii, nec domini manumittentis nec in manumissionis modo discrimine habito, sicuti antea observabatur) civitate Rom. decoravimus, multis modis additis, per quos posuit libertas servis cum civitate Romana, quæ sola est in præsentem, præstari.

NOTÆ.

3. *Status tripartitus*) Ulpian. in *fragm. tit. 1. & 3. C. de i. Instit. tit. 1.*

Cives Romani) Nempe qui vindicta, censu, testamento manumissi erant. Ulp. & Caj. ubi sup. Hos modos civiles & legitimos vocat Theoph.

Legè Junia Norbana) Qua cautum, ut ii servi, qui per epistolam aut inter amicos non convitiis adhibitione manumitterentur, non cives Romani, sed eodem jure essent, quo ante bellum sociale Latini coloni, *l. un. in pr. C. de Lat. lib. toll.* ut neque connubii, neque testamenti, neque mancipii aut nexus, neque patris potestatis, &c. jura habuerint. Ulp. in *fragm.* variis locis. Poterant autem multis modis jure Quiritium augeri. Ulp. *d. tit. 3. VINN.* Quædam hic non satis accuratè traduntur. Nam primò non ante bellum tantum sociale erant coloni Latini, sed & postea, quum jam civitas Romana cum Italis esset communicata. Spanh. *Orb. Rom. l. 9.* Deinde omnino Latinis erat jus commercii & mancipationis cum civibus, Ulp. *tit. 19. §. 4.* Unde & familiarum emp-

emptores, & testes, & libripendes esse poterant, id *tir.* 20. §. 8. Denique testari quidem non poterant, nec ex testamento capere, Ulp. *tir.* 17. §. 1. licebat tamen eis fideicommissum capere, id *tir.* 25. §. 6. HEIN.

Dedititii) Hi quoque Latini liberti fuere, sed conditione Latinorum dedititiorum, quos scil. populus Romanus post defectionem victos in deditionem acceperat. Scribit Suetonius Augustum cavisse, ne victus unquam tortusve ullo libertatis genere civitatem adipisceretur, c. 40. Add. Ulp. & Caj. *ubi sup.* VINN. Dedititios etiam Latinos liberos fuisse, legere me non memini. Eiusdem potius erant conditionis ac omnes populi dedititii cuiuscunque nationis. Vid. Caj. *Lib. 1. Inst. Tir. 1. §. 4.* Jam id moneo, non ex lege demum Junia Norbana primum libertinos quosdam Latine conditionis fuisse, sed ex lege etiam Ælia Sentia, eos nimirum, qui minores 30. annis testamento fuerant manumissi. Ulp. *tir. 1. §. 3.* HEIN.

Pessima conditio) Non multum distans à servitientium specie, §. ult. *inf. de success. liber.*

In meliorem statum) Aliud iudicium Augusto fuit, qui magni æstimabat sincerum atque ab omni colluvione peregrini ac servilis sanguinis incorruptum servare populum. Suet. c. 40.

Simplex libertas) Cic. *pro Balb. c. 24.* Dionys. *Halic. lib. 4. p. 126.* ubi servium Tullium hujus instituti auctorem fuisse refert.

Ætatis manumissi) Vid. Ulpian. *tir. 1. §. 7.* Theophil. *hic.*

Decoravimus) Alii *donavimus.* Antoninus antea civitate data exæquaverat omnes ingenuos, *l. 17. D. de stat. hom.* Justinianus omnes libertinos, novissimè & libertinorum conditionem fustulit, data manumissis ingenuitate. *Nov. 78. cap. 5.*

COMMENTARIUS.

1 *Latini liberti quo jure fuerint.*

2 *Quo jure dedititii.*

3 *Antoninum exæquasse omnes ingenuos, Justinianum omnes libertinos.*

Antea fuerat) Hoc non est referendum ad tempora liberæ Reip. sed sequentia.

Nam, ut auctor est Suetonius, primus Augustus, cum servorum manumissione contaminari civitatem Romanam videret (quod & Dionys. *Halicarn. lib. 4.* conqueritur) eos multis difficultatibus à libertate justa removir: deque numero & conditione & differentia eorum, qui manumittebantur, curiosè cavir. Hinc nata lex Ælia Sentia, hinc Fusia Caninia,

de quibus postea. Hinc Junia Norbana, Silano & L. Norbano Coss.

Cives Romani) Scilicet, qui censu, vindicta, testamento, non qui per epistolam, aut inter amicos manumissi erant. Ulp. & Cajus *in Inst.*

Latini in lege Norbana) Qua cautum fuit, ut ii servi, qui per epistolam, aut inter amicos, aut convivii adhibitionem manumitterentur, non cives Romani, sed eodem jure essent, quo ante bellum sociale Latini coloni: quod significari voluit Justinianus *l. un. in pr. C. de Lat. lib. toll.* cum ait, *Latinos liberos ad similitudinem antiquæ Latinitatis, quæ in colonias deducta est, introductos esse.* Dilectum autem ex Cicerone *pro Cecinn. cap. 34.* & *pro domo sua, cap. 30.* eos qui in latinam coloniam nomina dedissent, aut deducti, inque eam civitatem recepti essent, Romanam civitatem amisisse; & hoc quoque est, quod Boet. *in Top. Cic. cap. 2.* scribit: *Ista in Latinis Colonias profectio ne mediæ capitis diminutionem contingere.* Quæ cum ita sint, apparet eos neque connubii, neque testamenti, neque mancipii aut nexus, neque patriæ potestatis, neque tutelæ recipiendæ jura habuisse, ac proinde eadem quoque conditio Latinorum libertinorum fuit: quod etiam disertè variis in locis testatur Ulpian. *in fragm.* De Latinis libertis ira scribit Justinianus §. ult. *inf. de success. liber.* *Eos quidem ut liberos vitam peregrisse; attamen ipso ultimo spiritu simul animam atque libertatem amisisse; & quasi servorum, ita bona eorum jure quodammodo peculii patronos occupasse, congruit l. 1. C. Theod. de petit. hered.* Quemadmodum autem Latini coloni multis rationibus ad civitatem Rom. pervenire poterant, quas ex Liv. Appian. Cic. *pro Cæc. pro Balb. pro dom. sua,* collegit Gruch. *lib. 2. de comit.* ita & Latini liberti multis modis jure Quiritium augeri, quos recenset Ulpian. *in fragm. tir. 3.*

Ex lege Ælia Sentia dedititii) Auctor hujus legis Augustus, latores Sext. Ælius & C. Sentius coss. Scribit etenim Suetonius *Aug. cap. 40.* Augustum cavisse, ne victus unquam tortusve ullo libertatis genere civitatem adipisceretur. Et existimare licet, libertos hosce dedititios eandem habuisse libertatem, quam populus Romanus illis reliquerat, quos post defectionem victos & in deditionem acceptos vita quidem & imagine aliqua libertatis ex humanitate donaverat, sed ut jure connubiorum & commerciorum multati ad jus civitatis nunquam pervenire possent: ut sint hi quoque Latini liberti, sed conditione Latinorum dedititiorum; add. Ulp. Caj. *in Instin.* Formulam deditionis descriptam

scripsit Livius in deditione Collatinorum & Campanorum, l. 1. c. 38. & 7. c. 31. VINN. Sed vide, quæ supra ad notas diximus. HEIN.

In meliorem statum reduxit) Non deest, quod contradicere posset. Certè aliud iudicium Augusto fuit, qui magni existimabat sincerum atque ab omni colluvione peregrini ac servilis sanguinis incorruptum servare populum: civitatemque tam parèe dabat, ut Liviz pro tributario Gallo roganti civitatem negaverit, immunitatem obtulerit: affirmans se facilius passurum filco detrachi aliquid, quàm civitatis Romanæ vulgari honorem. Sueton. in August. c. 40.

Primi, cunabulis) Hoc non ita dictum accipiemus quasi jam inde ab urbe condita manumissi jus civium habuerint: sed ex quo manumissis jus civitatis communicatum est (quod factum est infante adhuc populo sub rege Servio Tullio) id diu postea observatum fuisse, manifestum usque ad tempora Augusti, arguorū quæ tradit Dionys. Halic. lib. 4. p. 126. Et ergo ex illo tempore, quamdiu respub. stetit, una libertinorum omnium conditio fuit: nam omnes pari jure cives Rom. erant, & plena ac justa libertate fruebantur.

Libertinus sit) Jure novissimo & hoc sustulit, data ingenuitate, salvo tamen manente jure patronatus. Nov. 78.

Ætatis manumissi) Nam lege Ælia Sentia cavebatur, ut servus minor triginta annis testamento manumissus non civis fieret, sed Latinus esset; vindicta manumissus, non aliter civis fieret; quàm si causa apud consilium probata fuisset, teste Ulpiano in fragm. tit. 1. §. 12. De censu quid hic dicam non habeo: necesse tamen est, aut hunc actum nullum fuisse, aut cum, qui inter cives census esset, civem factum. Itaque dubito, an verum sit, quod generaliter definit Theophilus, servum minorem 30. annis, quoquo modo manumissum, Latium fieri. VINN. De censu nihil Ulpianus, quia ejus tempore, census lustralis ab usu recesserat. Nec dubium tamen, quin & censu manumissus, minor XXX. annis Latinus manserit. Eum enim non nisi triginta annorum civitate Romana potitum esse, docet Fragmentum regularem ex veteri Titulo, quod Variator legum Mos. & Rom. subijci solet §. 17. Conf. V. C. Schulting. ad Ulp. tit. 1. §. 12. HEIN.

Domini manumittentis) Augustinus 3. emend. legendum censet dominii; ut hoc non ad ætatem domini referatur, sed ad qualitatem domini, quod & Grot. h. in flor. spars. probat, & Theophilus ita legiisse arguunt verba παρὰ τοῦ κυρίου τοῦ δόμου & ἡλικίας αὐτοῦ. Dominorum enim alius in bonis, alius ex ju-

re Quiritium habebat: ille Latinum faciebat, hic civem. Ulp. in fragm. tit. 1. §. 11. Theoph. hic. Quæ differentia à Justiniano sublata est l. un. C. de nud. jur. Quir. toll.

Civitate Romana decoravimus) Atqui jam multo ante omnes, qui in urbe Romana essent, ex constitutione Antonini cives Romanos effectos Ulp. prodidit l. in orbe 17. de stat. hom. Sed illa constitutio non pertinet ad eos, qui conditione personæ, sed natali loco & patria impediabantur, quominus essent cives Romani. Quæ res ut planissime intelligatur, Jus civitatis Romanæ olim raro, & non nisi bene meritis civitatibus dari solitum erat. Postea lege Julia datum est sociis & Latinis omnibus, qui arma deposuerant. Id factum initio belli socialis. Sigon. lib. 3. de antiq. jur. Ital. c. 1. & 2. Gruch. lib. 2. de com. Rom. Hoc autem beneficium intra terminos Italiz continebatur, ut docet Cic. pro Balb. cap. 21. Progressu temporis quibusdam etiam provincialibus data: & ad extremum omnibus, qui sub imperio Romano essent, constitutione Antonini. Antoninus ergo civitate data exquavit omnes ingenuos: Justinianus sublata differentia manumissionis omnes libertinos: qui novissimi & libertinos exquavit ingenuos, salvo jure patronatus. Nov. 78. quod positum est in obsequiis, overis, dono, munere & successione libertorum, tit. ff. de jur. patron. & aliquot seqq. lib. seq. Sunt & tacite quædam manumissionis species; veluti si dominus servum suum tutorem vel heredem scripserit, aut adoptaverit, §. 2. inf. tit. prox. §. 1. inf. qui test. su. dar. §. ult. inf. de adopt. alique complures, quas operæ pretium non est aut recensere, aut explicare; concessit eas Gude- lin. lib. 1. de jur. noviss. c. 4. VINN. Addo (1.) Initio omnibus promiscuè civitatem datam, qui Romam migrabant, etiam devictis gentibus; Liv. lib. 3. cap. 8. Cic. pro Balbo, cap. 12. Dionys. Halicarnas. lib. 4. p. 226. (2.) Deinde & civitatibus quibusdam jus civitatis datum, easque vocatas esse municipia, Fz. Spanh. orb. Rom. Ex. 1. 8. (3.) Legem Juliam non sub initium, sed sub finem belli socialis latam anno U. C. 664. eaque non omnibus Italici civitatem datam, sed iis, qui flagrante bello sociali in fide manserant. Appian. de B. C. lib. 1. p. 379. Cic. pro Balb. c. 21. Vellej. Pat. lib. 2. c. 16. Reliqui enim paulo post lege Plautia jura civitatis acceperunt. Cicero pro Archia c. 4. Præter Lucanos & Samnites, qui anno 670. civitate donati. Epit. Liv. lib. 84. (4.) Reliqua omnia accurate exsequutum esse Spanh. in orbe Rom. HEIN.

QUI, ET EX QUIBUS CAUSIS MANUMITTERE NON POSSUNT.

D. lib. 40. Tit. 9. C. lib. 7. Tit. 11.

Argumentum Tituli.

Igitur quod ex superiore tit. intelligi potuit, cum varii sint manumittendi modi, eadem tamen omnium vis atque effectus est, ut omnes manumissi liberi fiant & cives Romani. At enim hac manumissorum omnium exæquatione nihil derogatum est legi Æliæ Sentiaë, quæ quibusdam ex causis libertatem impediēbat; sed quibus ex causis illam impediēbat ante hanc exæquationem, ex iisdem etiam nunc obstat, quominus manumissi liberi fiant. Causæ duæ duobus hujus legis capitibus, quæ hic proponuntur & explicantur, comprehensæ; quorum primo cavetur: *Ne quis in fraudem creditorum manumittat, nisi forte servum unicum heredis habendi gratia*; altero: *Ne minoribus 20. annis aliter jus sit manumittere, quam iusta causa apud consilium approbata*. Et totidem ergo erunt superioris regulæ exceptiones.

T E X T U S.

Prius caput Legis Æliæ Sentiaë, de manumittente in fraudem creditorum.

Non tamen cuicumque volenti manumittere licet: nam is, qui in fraudem creditorum manumittit, nihil agit: quia lex Ælia Sentia impedit libertatem.

N O T A E.

Nihil agit) Igitur ita manumissi liberi non fiunt, & additur ratio, quia lex Ælia Sentia impedit libertatem, id est, liberos fieri prohibet, sicut in universum quod lege prohibente fit, ipso jure nullum est, l. 5. C. de legib. Quod sicut legas libertatem revocari aut rescindi, id minus propriè dictum accipe: vid. respectu actus manumissionis, qui in suspensio est, donec constet de fraude, & an creditores suo jure uti velint. Legem hanc latam esse Augusti temporibus indicat Dio. lib. 55. p. 557. consule Indic. leg. Rom. Horom. Conn. lib. 2. comm. c. 5. VINN. Bonæ frugis pleniora sunt, quæ de historia hujus Legis scripsit Henr. Noris. ad Censor. Pif. Diff. 3. cap. 9. Observandum, æque hac Lege impeditam esse manumissio-

nem in fraudem patronorum Caj. Instit. lib. 1. Tit. 1. §. 6. Ulpian. Tit. 1. §. 15. Quod perperam è Legibus XII. Tab. derivat Oisellius HEIN.

C O M M E N T A R I U S.

N*ihil agit*) Nempe ergo ita manumissi liberi non fiunt; & ratio additur, quia lex Ælia Sentia impedit libertatem, hoc est, liberos fieri prohibet, l. in fraudem 27. qui & à quib. man. sicut in universum quicquid lege prohibente fit, ipso jure nullum est, l. non dubium §. C. de legib. Quamobrem cum legimus libertates per legem Æliam Sentiam rescindi aut revocari, ut in l. §. 2. d. tit. l. 1. C. qui man. non poss. hoc minus propriè dictum accipimus, & respectu actus manumissionis, qui non continuo & ab initio ipso jure nullus est, sed suspenditur, donec constet, fraudati sint creditores, necne; & si fraudati sunt, utrum jure suo uti velint: nam si non sint fraudati, aut fraudati jure suo non utantur, actus validus est, & manumissi retro liberi facti intelliguntur: si fraudati sunt & jure suo utantur, perinde habetur ac si nulla manumissio intervenisset. Quamdiu autem hæc incerta sunt, scribit Paulus manumissos, vi ipsa statu liberos esse, l. 1. de statu lib. Ipse autem manumissor & hæredes ejus nullo colore libertatem revocare possunt, l. §. C. de serv. pig. dat. man. fac. l. 3. qui & à quib. man. His addi potest & peculiatibus ratio: quod libertas, quæ semel competit; non revocatur, §. semel 6. hoc tit. leg. 9. §. 1. de man. vind. Ex quibus omnibus manifestum est, errare D. Pacium, qui in notis marginalibus scribit, libertatem ipso jure non competere, sed retrahari. Alia longè ratio est edicti, quæ in fraud. cred.

T E X T U S.

De servo instituto cum libertate.

1. *Licet autem domino, qui solvendo non est, in testamento servum suum cum libertate heredem instituire, ut liber fiat, hæresque ei solus & necessarius, si modo ei nemo alius ex eo testa-*

men-

Contracta Vagantur

mento bares extiterit : aut quia nemo bares scriptus sit, aut quia is, qui scriptus est, qualibet ex causa bares ei non extiterit. Idque eadem lege Ælia Sentia provisum, & restat. Valde enim prospiciendum erat, ut egeres homines, quibus alius bares extiturus non esset, vel servum suum necessarium heredem haberent, qui satisfactorius esset creditoribus; aut hoc eo non faciente creditoris hereditarius servi nomine vendant, ne iniuria defunctus afficiatur.

NOTÆ.

1. *Hæresque ei solus*) Non tamen necesse est, solum heredem scriptum esse, sed neminem alium heredem existere, ne ex substitutione quidem, leg. 57. d. de hered. instiit.

Iniuria) Positum pro Ignominia, nam ignominiosum bona cuiusquam propter res alienas vendendi : cuius rei testis locuples Cicer. pro Quint. cap. 15. Igitur ratio exceptionis hæc est, ut auctionis ignominia, qua aliqui defunctus oneraretur, potius derivetur in heredem servum.

COMMENTARIUS.

IN capite legis Æliæ Sentia: Ne quis in fraudem creditorum manumittat, nominatim additur hæc exceptio: Nisi quis unum ex servis suis testamento liberum & heredem esse iusserit, quod quamobrem à lege provisum sit, mox dicitur.

Hæresque ei solus) Non quòd necesse sit, solum cum heredem scriptum esse: sed si plures scripti sunt, ceteros deficere, & neminem alium heredem existere, ne ex secundo quidem gradu: utique libero homine substituto, l. si is qui 57. de bar. insti. nam si & alter servus secundo loco scriptus sit, solus primo loco scriptus hereditatem capiet: l. qui solvendo 60. d. tit. Quid si duo servi eodem gradu instituti? Invicem sibi obstant. Cæterum altero ante apertas tabulas mortuo, is qui superest, liber & hæres erit, l. 42. & seq. eod.

Necessarius) Ita dicitur, non quia hereditatem adire cogitur: sed quia sive velit, sive nolit, omnino post mortem testatoris protinus liber & hæres fit, §. 1. inf. de bar. qual. & diff. ac proinde ipso jure, sicuti sui & necessarii heredes, arg. l. furiosus 63. de acq. bar. Hoc tantum interest, quòd Prætor suis heredibus potestatem facit abstinendi ab hereditate, necessariis non item, leg. necessariis 57. d. tit. de acq. hered.

Valde enim prospiciendum erat) Ratio excep-

Tom. I.

tionis facis iusta, videlicet ut famæ defuncti parcat, & auctionis ignominia, qua aliqui defunctus oneraretur, in heredem servum potius derivetur, qui duplici de causa hoc æquo animo ferre debet: Primum quia rem pretiosissimam & inestimabilem libertatem consequitur: deinde quia quicquid post mortem patroni sui acquirit, non est obnoxium creditoribus, si bonorum separationem petierit, quam impetrare potest, si bona defuncti non attigerit, d. §. 1. Insti. de bar. qual. & diff. junct. l. 1. §. ult. de separ. Falluntur ergo qui scribunt, servum heredem necessarium conveniri posse, si is postea ad meliorem fortunam pervenerit, exemplo eorum, qui bonis cesserunt: §. ult. inf. de act.

Iniuria) Hoc est, ignominia, quamvis enim edicto Prætoris de infamibus non uotetur: oneratur tamen existimatio ejus, & facti infamiam non effugit is, cuius bona auctioni & hæstæ publicè subjiciantur: cuius rei locupletem testem habemus Ciceronem pro Quinto c. 15.

TEXTUS.

De servo instituto sine libertate.

2. *Idemque juris est, etsi sine libertate servus bares institutus est. Quod nostra constitutio non solum in domino, qui solvendo non est, sed generaliter constituit, nova humanitatis ratione, ut ex scriptura institutionis etiam libertas ei competere videatur: quum non sit verisimile, eum quem heredem sibi elegit, si pratermissis libertatis dationem, servum remanere voluisse, & neminem sibi heredem fore.*

NOTÆ.

2. *Sine libertate*) Non libertate nominatim prohibita, sed omiſſa, nulla facta mentione libertatis.

Nostra constitutio) Lege pen. C. de necess. serv. bar. insti. junct. pr. infr. de bar. insti.

Nova humanitatis ratione) Quia etsi ex Veteribus quoque juris auctoribus quidam hoc ipsum probaverant, numquam tamen obtinuerant; ut d. pr. inf. de bar. insti. Cujac.

COMMENTARIUS.

NOVA humanitatis ratione) Primus Justinianus generaliter constituit, ut servus à domino simpliciter hæres institutus, & liber & hæres fiat: Veterum quidem, sed eorum paucorum sententiam secutus, quæ

id-

idcirco antea non obtinebat, l. pen. C. de nec. serv. her. instit. junct. pr. infr. de her. instit.

Quum non sit verisimile) Nam qui vult consequens, ut DD. hic notant, & in leg. 2. de jurisd. etiam antecedens velle intelligitur, sine quo ad illud consequens perveniri non potest: eademque ratione haud dubiè & Paulus & Arlicinus; quibus jam ante hæc sententia placuit, uti sunt. Verùm hæc ratio aliis non satis idonea visa fuit, fortassis ideo, quia cum libertas sit aliquid majus & pretiosius ipsa hæreditate, absurdum videatur per consequentiam hæreditatis datæ libertatem servo defendere, rem longè majoris momenti. Rationem enim juris non pati, ut id, quod dignius est & magis principale, à re minus digna minusque principali vires capiat, per l. quod per manus 10. ff. de jure Codicill. Constitutio Justiniani ad adscriptitios, sicuti sunt, trahi potest; & sic etiam si quis homini proprio, ut vocant, feudum dederit, eo ipso & libertatem ei dedisse censet D. Tulden. in comm. hic cap. 3. VINN. Fuere etiam, qui & libertatem datam præsumi oportere ajunt, si quis Turcam vel Paganum baptizari jubeat. Sed doctè hanc sententiam singulari disertatione de manumissione per baptismum refellit celeb. Thomæus. HEIN.

TEXTUS.

Quid sit in fraudem creditorum manumittere.

3. In fraudem autem creditorum manumittere videtur, qui vel jam eo tempore quo manumittit, solvendo non est; vel qui datis libertatibus desiturus est solvendo esse. Prævaluisse tamen videtur, nisi animum quoque fraudandi manumissor habuerit, non impediri libertatem, quamvis bona ejus creditoribus non sufficiant: sæpe enim de facultatibus suis amplius, quam in his est, sperant homines. Itaque tunc intelligimus impediri libertatem, cum utroque modo fraudantur creditores, id est, & consilio manumittentis, & ipsa re, eo quod bona ejus non sunt sufficere creditoribus.

NOTÆ.

3. In fraudem) Descriptus hic locus est ex l. 10. D. qui & à quib. man.

Desiturus est solvendo esse) Species hæc sit: Sempronius, qui mille in bonis habebat, ac rotidem debebat, servum in fraudem creditoris manumisit: quo facto 50. de bonis ejus decesserunt, ut jam creditores solidum con-

sequi nequeant. Q. an impediatur libertas. R. Impediri cum Cajo in d. leg. 10.

Prævaluisse) Libertas non revocatur, nisi & fraudandi consilium manumissor habuerit, & creditores reipsa fraudentur: d. l. 10. leg. 1. C. qui man. non poss. In fideicommissaria tamen libertate solus rei eventus spectatur; l. 4. §. 19. in fin. D. de fideicom. lib. l. ult. C. cod.

COMMENTARIUS.

Desiturus est solvendo esse) Descriptus hic locus est ex l. in fraudem 10. qui & à quib. man. Nimirum quia lex Ælia Sentia simpliciter loquitur de debitore, qui solvendo non est, quæsitum est, an lex etiam ad eum pertineat; qui datis demum libertatibus desiturus est solvendo esse, & placuit pertinere, d. l. 10. Ratio in promptu est, quia solvendo esse nemo intelligitur, qui solidum, quod debet,olvere non potest; l. solvendo 114. ff. de verb. sign. non potest autem, qui posse desit.

Prævaluisse) Nisi hæc duo concurrant, ut & fraudandi consilium manumissor habuerit, & creditores eventu atque re ipsa fraudentur, libertas non revocatur; d. l. 10. l. 1. C. qui man. non poss. Quod & ipsum proculdubio ex sententia legis simpliciter loquentis acceptum est, non ratione aliqua speciali & favore libertatis, ut putat D. Wesemb. sed communi, & ad revocationem ex edito: Quæ in fraudem creditorum, etiam pertinet; de quo dicemus ad §. item si 6. infra de alt. Creditorebus igitur agentibus incumbet probare, se & eventu fraudatos esse, & manumissorem animum fraudandi habuisse. Atque hic locus erit præsumptionibus, quibus fraud aut arguitur, aut abfuisse docetur, qua de re consulantur DD. hic & in d. §. 6. Cæterum hæc, quæ diximus, locum habent in libertate directo testamento data: in fideicommissaria autem solus rei eventus spectatur, l. 4. §. si in fraudem 19. in fin. de fideic. lib. l. ult. C. qui man. non poss. An quia ubi res adhuc integra est, & ab alio servus manumittendus, facilius visum est impediri libertatem? VINN. Probat plerique hanc rationem, vid. B. Hub. Disp. Jur. Fundam. 9. §. 10. HEIN.

De facultatibus suis amplius sperant) Plerumque homo humani ingenii vitio rei modicus, spei immodicus est: quod accidit frequenter his, qui transmarinas negotiationes & in aliis regionibus, quam ubi ipsi morantur, per inuitores exercent, d. l. 10. qui & à quib. man. ex quo loco apparet, quod hic traditur, etiam

etiam ad libertates inter vivos datas pertinere, non ad testamentarias dumtaxat, ut male post alios Schneid.

TEXTUS.

Alterum caput Legis Æliæ Sentia de minore viginti annis.

4. Eadem lege Ælia Sentia domino minori viginti annis non aliter manumittere permittitur, quam si vindicta apud consilium, iusta causa manumissionis approbata, fuerint manumissii.

NOTÆ.

4. Domino) L. 4. §. ult. & passim D. De manum. vind. Provide lex voluit, ne temere & sine certo animi iudicio servi libertate & civitate donarentur.

Apud Consilium) Adhibebantur in consilium Romæ §. Senatores, & §. Equites, in provinciis 20. recuperatores cives Rom. Ulp. tit. 1. §. 8. Theoph. ibt. In notis D. S. C. de consilii sententia, Grot. in spars. Flor. Exercere consilium non potest, cui mandata est iurisdicção; l. 2. D. de off. ejus cui mand. iurisd. unde apparet Magistratum non habuisse. jus exercendi consilium vi suæ iurisdicçãois, arg. l. 1. pr. d. tit. VINN. Consilium ergo Romæ constituerunt Decemviri stilitibus iudicandis; V. C. Ger. Nood. de iurisd. lib. 2. cap. 12. In provinciis frequens mentio τὸ συμβούλιον, cujus & in sacris mentio fit Act. 25. 12. HEIN.

COMMENTARIUS.

Alterum caput legis Æliæ Sentia fuit; Minoribus 20. annis non aliter manumittere prius esse, quam causa iusta apud consilium approbata; l. 1. de manum. l. 11. §. seqq. de man. vind. Provide lex voluit, ne temere & sine certo animi iudicio servi libertate & civitate donarentur.

Quam si vindicta) Legendum cum D. Honor. ex auctoritate librorum veterum. Quam si dicta apud consilium iusta causa manumissionis, approbata fuerit manumissio; & ita Theoph.

TEXTUS.

Quæ sunt iustæ causæ manumissionis.

5. Iusta autem causa manumissionis sunt; veluti si quis patrem aut matrem, filiumve, filiamve, aut fratres sororesve naturales, aut pa-

dagogum, aut nutricem, aut educatorem, aut alumnus, alumnæve, aut collectaneum manumittat, aut servum procuratoris habendi gratia, aut ancillam matrimonii habendi causa: dum tamen intra sex menses in uxorem ducatur, nisi iusta causa impediatur; & servus, & qui manumittitur procuratoris habendi gratia, non minor decem & septem annis manumittatur.

NOTÆ.

5. Si quis patrem, &c.) Finge filium, cum esset una cum parentibus naturalibus in ejusdem domini potestate, hæredem à domino institutum esse; hic filius, ut cæterarum rerum defuncti, ita & parentum suorum dominus efficitur. Iustissimam autem eos manumittendi causam habet, & ita porro.

Alumnus) Quod fere in mulieribus usu venit, sed tamen in viris etiam receptum; l. 14. D. de man. vind.

Procuratoris) Plerique de procuratore ad negotia hunc locum accipiunt; Cujac. de procuratore ad judicia, ut & Fabrot. Bachovius de utroque, cui assentior.

Intra sex menses) Et exigitur prius iurjurandum; d. l. 11.

Iusta causa impediatur) Veluti si patronus Senator fiat in l. 23. D. de rit. nupt.

Decem & septem) In d. l. 13. est decem & octo. Sed illic qui attingit annum XVIII. non minor XVIII. dicitur, hoc loco non minor XVII. qui implevit XVII. Cujac.

COMMENTARIUS.

Hæc desumpta sunt ex l. iusta 9. l. si minor. 11. & aliquot seqq. de man. vind. l. matrimonii 11. qui & à quibus man.

Procuratoris) Arbitror in genere hanc manumissionis causam iustam fuisse, etiam si minori 20. annis speciatim opus non esset procuratore ad iudicium, scilicet ut liber factus servus, tanto commodius officium procuratoris exercere tam in iudicio, quam extra iudicium posset. Itaque neque Cujacio assentior, qui lib. 22. obf. 16. locum hunc accipit de procuratore ad iudicium tantum, (neque enim satis iusta causa videtur, ut quis ob unam forte litem persequendam servum suum manumittat) nec DD. vulgo, qui de procuratore ad negotia dumtaxat; quasi minor 25. annis alienæ litis procurator esse nequitam possit: quod falsum est, l. cum mandato 23. de minorib. Sanè ad defendendum minor 25. annis procurator idoneus non est; l. minor § 1. de pro-

procur. VINN. Sed quum ad id, ut quis alterius negotia extra Judicium procuraret, nec libertate XVII. annorum ætate opus sit, arg. l. 7. §. 1. 2. & l. 8. ff. instit. ad. magis est, ut de judiciali tantum Procuratore loqui Imperatorem, cum Cl. Voetio existimemus. HEIN.

Matrimonii habendi) Verbum habendi delendum esse nemo, qui modò latinè sciat, negare poterit: nec in aliis reperitur, ut neque in l. 20. §. 2. hoc tit. nec in leg. 13. de man. vind. nec Theoph. agnoscit.

TEXTUS.

De causa semel probata.

6. Semel autem causa approbata, siue vera sit, siue falsa, non retractatur.

COMMENTARIUS.

EX l. 9. §. 1. de mand. vind. Ratio est, quia lex Ælia Sentia non causam exigat nominatim, sed causæ dictionem; & hoc est, quod Marcian. ait in l. 9. §. 1. causæ probationi contradicendum esse, non etiam causam approbatam retractandam.

TEXTUS.

Abrogatio posterioris capitis Legis Æliæ Sentia.

7. Quum ergo certus modus manumittendi minoribus 20. annis dominis per legem Æliam Sentiam constitutus esset, eveniebat, ut qui 14. annos expleverat, licet testamentum facere, & in eo sibi heredem instituere, legataque relinquere posset, tamen, si adhuc minor esset 20. annis, libertatem servo dare non posset. Quod non erat ferendum, nam qui totorum suorum bonorum in testamento dispositio data erat; quare non similiter ei, quemadmodum alias res, ita & de servis suis in ultima voluntate disponere, quemadmodum voluerit, permittimus, ut & libertatem eis possit præstare? Sed quum libertas inæstimabilis res sit, & propter hoc ante 20. atatis annum antiquitas libertatem servo dare prohibebat; ideo nos mediam quodammodo viam eligentes, non aliter minori 20. annis libertatem in testamento dare servo suo concedimus; nisi 17. annum impleverit, & 18. attigerit. Quum enim antiquitas huiusmodi atatis & pro aliis postulare concesserit; cur non etiam sui iudicii stabilitas ita eos adjuvare credatur, ut ad libertatem dandam servis suis possint pervenire?

7. *Libertas inæstimabilis res*) Servum tamen libertate donare non est inæstimabile domino, & alia hæud dubiè ratio legis Æliæ Sentia fuit, & hæc nimirum, quòd servi minoribus dominis facillè blandis verbis aut aliis artibus persuadere possunt, ut se manumittant, vel pro turpis alicujus obsequii remuneratione: l. 2. C. si adv. lib. leg. 16. C. de lib. cons.

Mediam viam) Hinc inferunt posse quandoque iudicem in ambiguitate juris vel facti rem dividere; utique hoc facere solent prudentes, ubicumque est τὰραξίς, id est, perplexa quaestio, l. 9. D. ut leg. nom. cau. l. 40. D. de her. instit. videndum tamen semper, quid suadeat ratio juris.

Pro aliis postulare) Leg. 1. D. de postul. Collectio tamen hæc minus bona est; adolescens ingressus annum XVIII. postulare potest, ergo & servum suum manumittere; sunt enim hæc planè diversa.

COMMENTARIUS.

Nam cui totorum) Argumentatur à majori ad minus καταναγκάζουσ, cui quod plus est, licet, ei non debet quod minus est non licere, l. 21. de reg. jur.

Quum libertas inæstimabilis res sit) Aliam rationem legis Æliæ Sentia fuisse existimo, nempe quòd servi junioribus dominis facillè blandis verbis aut aliis artibus persuadere possunt, ut se manumittant, arg. §. 4. sup. eod. vel pro turpis alicujus obsequii compensatione. Est quidem libertas res inæstimabilis, & ipsi vero ὁδὸς τιμωτάτοις ἰλασθῆναι; ac servum libertate donare non est inæstimabile domino, cui longè plus est, posse aliquem hæredem instituire, prædium legare, quàm servo vilissimi pretii dare libertatem; licet ipsi servo majus sit libertatem accepisse, quàm hæreditatem aut prædium.

Ideo nos mediam viam eligentes) Hinc inferunt, posse quandoque iudicem in ambiguitate juris vel facti rem dividere, Cujac. 17. obs. 21. Thesaur. decis. 19. Boer. decis. 239. Et lanè causa anceps per mediocritatem optimè dividitur, etiam Paulo teste in l. filio 7. ut legat. nom. cau. Sic: cum de dominio speciei ex aliena materia factæ dissensio inter Sabinum & Proculum esset, Casus id est 71. §. cum quis 7. de acq. rer. dom. mediam sententiam secutus est, eamque probavit Justinianus, §. cum ex aliena 21. infr. de rer. div. Et Tiberius Cæsar, cum servus ejus Parthenius tamquam

ingenuus hæres scriptus esset, cum substituto Parthenii hæreditatem divisit, l. 1. & hoc 41. de her. inst. §. ult. inf. de vulg. subst. Videndum tamen semper est, quid suadeat ratio juris.

Nisi 17. annum) Jure novissimum permittitur non minus libertares, quam res alias testamento relinquere ea ætate, qua testamentum facere permittum est; masculis nimirum anno ætatis quarto decimo, fœminis duodecimo, Nov. 119. c. 2.

Pro aliis postulare) Veteres ætatem 17. annorum idoneam rati sunt ad procedendum in publicum & causas agendas: atque hac ætate & paulo majore fertur Nerva filius publicè de jure responsisse, l. 1. §. 3. de postul. Est autem, si liberè philosophandum est, vitiosa hæc collectio; Adolescens annum ingressus 18. pro alio postulare potest, ergo & servum suum testamento manumittere; sunt enim hæc planè diversa. Ne pigeat in transitu discere,

pueros ingenuos usque ad annum ætatis decimum sextum prætexta puerili toga usos fuisse, ingressosque annum decimum sextum puram, quæ & virilis dicitur, sumpsisse: quo ferè anno ad Oratorem aliquem deducebantur, quicum in forum descendentes annum unum patronos audiebant; quo assiduis auscultationibus confecto, causas ipsi agere, tamquam jam informati & non omnino rudes instituebant; funebres autem orationes etiam minore multo ætate habebantur: nam Augustus annum agens duodecimum pro concione aviam Juliam defunctam laudasse traditur. Sueton. in Aug. cap. 8. add. Car. Sigon. l. 3. de judic. c. 18. Horom. hic. VINN. Immo anno ætatis XV. expleto, rogam virilem sumpsisse adolescentes, eleganter & cum adparatu demonstravit Henr. Noris, Cenotaph. Pisani. Diss. 2. c. 4. HEIN.

TITULUS SEPTIMUS.

DE LEGE FUSIA CANINIA TOLLENDÆ.

Conc. Lib. 7. Cod. Tit. 3.

TEXTUS.

Lege Fusia Caninia certus modus constitutus erat in servis testamento manumittendis, quam quasi libertates impediens, & quodammodo invidiam, tollendam esse censuimus: quum satis fuerat inhumanum, vivos quidem licentiam habere totam suam familiam libertate donare, nisi alia causa impediatur libertatem; morientibus autem hujusmodi licentiam adimere.

NOTÆ.

Lege Fusia Caninia) Lata hæc lex Augusti temporibus, ut ex Suetonio intelligimus c. 40. ubi & ratio legis indicatur, ne sc. concessa libera testamento manumittendi potestate, libertis & sordidis hominibus civitas Rom. contaminaretur: sustulit eam Just. l. un. C. hoc tit.

Certus modus) Certus numerus, quem in manumittendo excedere non liceret: Ulp. tit. 1. Caji. lib. 1. tit. 2. Paul. 4. sent. 14. Apud Vopiscum Taciti. cap. 10. legimus; Tacitum Imperatorem in testamento suo intra Caniniam mansisse. VINN. Nihil de testamento Vopiscus. Videtur potius Tacitus servos urbanos inter vivos manumississe, & quum ultra centum non

liberasset, existimasse Vopiscus, cum Lege Fusia Caninia impeditum fuisse, quasi ea lex ad manumissos inter vivos pertineret. Qua in re tamen magis forsan erravit Vopiscus quam Tacitus Imperat. HEIN.

COMMENTARIUS.

Certus modus) Id est, certus numerus definitus erat, quem in manumittendo excedere non licebat; vid. Ulp. tit. 1. Caji. lib. 2. tit. 1. Paul. 4. sent. 14. Ratio legis hæc fuit, ut ex Suetonio in Aug. cap. 40. intelligimus, ne concessa libera testamento manumittendi potestate, libertis & sordidis hominibus civitas Rom. contaminaretur. VINN. Conferendos locus Dionysii Halic. lib. 4. p. 228. de libertis pilleatis patroni defuncti testamentum comitantibus. Ubi vera causa legis ea de re laxæ. HEIN.

Testamento) Cur non etiam inter vivos? Nimirum quia & sine eo scopum suum lex assequitur. Nam merendum non est, ut vivi & valentes tam profusè liberales simus, ut ea faciãmas, quæ mox morituri cum rebus nostris jam non amplius uti nos posse credimus, liberalitatis laudem tum maximè venantes. Per-

tinet huc insignis locus apud Dionys. Halicar. lib. 4. p. 228. ubi scribit: *Multos se vidisse, qui profusa honoris ambitione omnes servos suos testamento vel flagitiosissimos manumitterent, ut pileati funus sequerentur. Atque hic fere mos est legillatorum, ut ea sola prohibeant, quæ facile fieri posse existimant, non quæ difficulter; l. 4. in fin. ad sen. Vell.* ubi eadem ratio redditur, cur Senatus intercessionem mulieris prohibuerit, non donationem, & videmus, quo facilius quid fieri potest, quod lex fieri non vult, eo strictius id vetari: ideo enim lex Julia fundum dotalem alienari vetat invita muliere, obligari etiam ea consentiente; *inf. quib. al. non lic. in pr.*

Totam familiam.) Id est, ut Theophil. vertit, *πᾶντας τῆς οἰκίας omnes servos.* Servos enim unius domini familiam Veteres frequenter appellant, ut in *tit. si fam. furt. fec. l. 9. de ju-*

risd. l. illud 32. in pr. ad leg. Aq. l. optio 13. de opt. leg. l. pronuntiatio 195. §. servitutum 3. de verb. sign. atque in urbanam & rusticam dividunt, l. Urbana 166. eod. Alias pleraque hujus vocis significationes habes in *d. l. pronuntiatio.*

Alia causa impediatur.) Puta si manumissor solvendo non sit, vel minor decem & septem annis.

Morientibus adimere.) Argumentatio ab actu inter vivos ad ultimam voluntatem, atque *κατασκευάζειν.* Quatenus hæc argumentatio procedat, & contra, bene docet D. Præses Everhard. Claud. Cant. in *topic.* & Myns. *hic,* certe non procedit, si legis Fulvæ spectemus rationem. Quæ hæc est, quod facilius in testamento manumittimus, quam inter vivos, *l. 4. in fin. ad Senat. Vell.*

TITULUS OCTAVUS.

DE HIS QUI SUI VEL ALIENI JURIS SUNT.

Conc. D. lib. 1. Tit. 6.

TEXTUS.

Altera divisio personarum.

Sequitur de jure personarum alia divisio. Nam quedam persone sui juris sunt, quedam alieno juri subiectæ. Rursus earum, quæ alieno juri subiectæ sunt, aliæ sunt in potestate parentum, aliæ in potestate dominorum. Videamus itaque de his, quæ alieno juri subiectæ sunt. Nam si cognoverimus, quanam istæ persone sunt, simul intelligemus, quæ sui juris sunt; ac prius inspicimus de his, quæ in potestate dominorum sunt.

NOTÆ.

Alia divisio.) Ex Cajo *l. 1. D. hoc tit.* hac divisione personarum superiore divisione secretæ iterum in unum coguntur, quia de vi & effectu dominicæ potestatis adhuc erat cognoscendum.

In potestate.) Varia est hujus vocis significatio, *l. 215. D. de verb. sign.* hic summam significat, *ἀρχὴν ἐξουσίας*, ut definit Theoph.

COMMENTARIUS.

Proponitur hic ex Cajo *l. 1. hoc tit.* alia personarum divisio: sed non sine vicio. Primum quia hæc ex summa illa, quæ *sup. tit.*

3. tradita est, non deducitur: deinde quia de servis jam ante intellectum est, eos omnes esse juris alieni, ut nihil necesse fuerit rem eandem inculcare. Rectius fecissent Compositores, si hic omisissis servis, quorum omnium eadem conditio est, liberorum hominum differentias, sicuti instituerant, §. *ult. dist. tit. 3.* porro persecuti essent, eosque subdivisissent in eos, qui sui, & qui alieni juris sunt, aut potius in patresfam. & filiosfam. ut Ulpian. *l. 4. hoc tit.* Excusantur tamen: quod cum de vi & effectu dominicæ potestatis adhuc cognoscendum erat, cæteras superiore divisione personas in unum iterum coegerint.

Simul intelligimus.) Ratio ex hoc principio logico petenda: *Contrariorum cognitio uno, cognoscitur & alterum.* Arist. *1. Top. 14. & 2. cap. 2. Cicer. in Top. & 2. de orat.* Non quod explicata & cognita una specie generis divisi, statim accuratè cognoscamus naturam speciei oppositæ: sed quod illa cognita, intelligimus cætera, quæ sub genere comprehensa sunt; ad species oppositas pertinere. Nam illud tantum in universum verum est, unum oppositum alterius cognitionem juvare in eo, quatenus oppositum est: quod pertinet illud Arist. *2. Rhet. cap. 12.*

τὰ ἰαντία παρὰλληλα μάλιστα φαίνεται.

TEX-

T E X T U S .

De jure gentium in servos.

1. *In potestate itaque dominorum sunt servi, quæ quidem potestas juris gentium est, nam apud omnes peræque gentes animadvertere possumus, dominis in servos vitæ, necisque potestatem fuisse: & quodcumque per servum acquiratur, id domino acquiri.*

C O M M E N T A R I U S .

1 *Jus vitæ & necis neque omnes gentes usurpasse, neque justitia interna licere servum occidere.*

1 **E**X quo jure servitus est, ex eodem & dominorum in servos potestatem esse, nemo est qui ambigat. Cæterum quod hic ex Cajo l. 1. §. 1. hoc sit. Justinianus refert; apud omnes gentes summum illud jus vitæ & necis in servos usurpatum fuisse; de majore parte accipiendum est, deque eo, quod impune in servos fit ex rigore juris gentium. Nam apud multos populos jus hoc usurpatum non fuisse, sed servos humaniter tractatos, ut apud Parthos, Germanos, Hispanos, ipsosque adeo Græcos, testes sunt Justin. lib. 41. 2. Tacit. de morib. Germ. cap. 26. Athenæus lib. 6. Bodin. 1. de repub. 5. Grot. 3. de jure bell. & pac. 14. Et agnoscunt omnes, multum distare id, quod impune in servum fit ex gentium jure, & id quod naturalis ratio fieri sinat. Cum in servum, inquit Seneca 1. de Clem. 18. omnia liceant, est aliquid, quod in hominem licere commune jus veter. Et paulo ante In mancipio, ait, cogitandum, non quantum illud impune pati possit, sed quantum sibi permittat æqui bonique naturæ, quæ parcere etiam captivis & pretio paratis jubet. Et verò si natura inter homines omnes cognationem quandam constituit; l. 3. de Just. & jur. consequens est, hominem in hominem servare, nefas esse: ac proinde alienum ab omni humanitate, quamvis servum, hominem tamen occidere, aut crudeliter tractare. Apostoli dictum est: Domini jus & quod æquum est, servis præstare, gnari vobis quoque dominum esse in cælo, ad Gloss. 4. vers. 1. VINN. Hæc quidem omnino rectè se habent. Sed nunquam tamen veteres Dominis permisisse puto promiscuam, servos occidendi licentiam. Ea Dominis ob jus vitæ & necis non magis competebat, quam summo imperanti, cui jus vitæ & necis est, non tamen occidendi vel læ-

viendi licentia. Nec plus periculi erat ne Dominus servos suos sine ratione occidere vellet, quam ne quis equos occidat. Servi enim erant nobilissima pars patrimonii. HEIN.

Quodcumque per servum acquiratur Hoc ut rationi juris gentium convenit; (nam qui in aliena non tantum potestate, sed etiam dominio est, nihil proprium habere potest; de quo plenius in §. item vobis 3. inf. per quas pers. cuiq. acq.) ita nihil admodum iniquitatis habet; quoniam dominus vicissim ad alimenta servo præstanda obligatus est.

T E X T U S .

De jure Civium Romanorum in servos.

2. *Sed hoc tempore nullis hominibus, qui sub imperio nostro sunt, licet sine causa legibus cognita in servos suos supra modum servare. Nam ex constitutione Divi Antonini, qui sine causa servum suum occiderit, non minus puniri jubetur, quam si alienum servum occiderit. Sed & major asperitas dominorum ejusdem Principis constitutione coercetur. Nam Antoninus consultus à quibusdam Præfidebus provinciarum de his servis, qui ad ædem sacram, vel statuum Principum confugiunt, præcepit, ut si intolerabilis videatur sævitia dominorum, cogantur servos suos bonis conditionibus vendere, ut pretium dominis daretur; & rectè expedit enim Reipublicæ, ne sua re quis male utatur. Cujus rescripti ad Aelium Martianum misi verba sunt hæc: Domino, rum quidem potestatem in servo illibatam, esse oportet, nec cuiquam hominum jus, suum detrahi, sed & dominorum interest, ne auxilium contra sævitiam, vel famem, vel intolerabilem injuriam denegetur iis, qui justè deprecantur. Ideoque cognosce de querelis eorum, qui ex familia Junii Sabini ad sacram statuam confugerunt, & si vel durius habitos, quam æquum est, vel infami injuria affectos esse cognoveris, venire jube, ita ut in potestatem domini non revertantur. Quod si meæ constitutioni fraudem fecerit, sciat me hoc admissum adversus se severius executurum.*

N O T A .

2. *Sine causa*) Descripta hæc partim ex l. 1. §. 2. partim ex l. 2. D. hoc sit.

Non minus puniri) Hoc significat, qui servum suum sine causa occidit, tam reum esse homicidii, quam si alienum occidisset, & teneri publico judicio legis Cornelie de sicariis:

neque enim privato judicio legis Aquiliz locus est, ubi sibi quis damnum infert.

Major asperitas) Modica tantum castigatio dominis permittitur; l. un. C. de emend. serv. adhibenda tamen etiam circa minores pœnas clementia; juxta illud in constitutionibus Clementis Romani, *ὡς πατράκης δάμα οὐ ἡ παιδικὸν ἐς πικρία ψυχῆς*. Grot. ubi sup.

Adem sacram) Fana ethnicis pro asylius erant; Plaut. Rudens. *At. 2. sc. 7. Virgines duæ Veneris sano sese adversus lenonis vim tuerunt*. Tac. 1. annal. cap. 60. *Complebantur templa pœnis servitorum, &c.* Sublato Paganismo idem jus *ἀσυλίας* templis Christianorum tributum; tit. C. de his qui ad Eccles. confug. Nov. 17. Hæc verba, ad *adem sacram*, non sunt apud Ulp. Rufini tit. 3. nec in d. l. 2. hoc tit. nec Theophilus habet. VINN. Rufini Ulpianus, quod semel monendum, Vinnio est fragmentum Ulpiani apud pariatorem legum Mos. & Rom. tit. 3. §. 3. Sed Licinium Rufinum hujus collationis auctorem esse nondum constat. HEIN.

Statuum Principum) Statuæ quoque Principum his, qui ad eas confugissent, asylius fuerunt; l. un. C. de his qui ad stat. princ. Judæorum populo sex civitates constitutæ erant, quod tuto confugerent, qui *ἰαυελίς* sanguinem effudissent; num. 35. 11. Deut. 19. Jos. 20. 2. & 3.

Bonis conditionibus) Justo pretio, ut in l. 12. D. de relig. Et ne dominus insensus duriores conditiones adjiciat; veluti ut ne manumittantur, ut tamquam fugitivi in vinoulis habeantur. Th. & l. 25. de stat. lib.

Expedit Reip.) Hæc sententia est apud Sosipatrum. Potest quis etiam abuti re sua, l. 25. §. 11. D. de bar. pet. Sed tamen providendum ne privati fortunis suis abutendo noceant publico.

Dominorum interest) Alia ratio decidendi. Ne, si servi nullum sibi contra dominum sævitiam auxilium paratum esse sciant, aut magis sibi inferant, aut in perniciem domini aliquid moliantur.

Severius executurum) Pro qualitate scil. delicti extra ordinem in ipsum animadversurum. Nam certa pœna hic definita non est, Wesf.

COMMENTARIUS.

- 1 Etiam circa minores pœnas in servos oportere adhiberi aequitatem.
- 2 Sicariis, adulteris, raptoribus, & similibus criminum reis, jus asyli dandum non esse.
- 3 Potestatem, quam dominus in re sua habet,

lege civili posse restringi.

Refert hic Justinianus ex Cajo & Ulpiano l. 1. & l. 2. hoc tit. Antoninum Pium modum posuisse potestati dominicæ, qua plerique immoderate utebantur, quæ hujus potestatis moderato ad jus naturæ, sive internam justitiam jus illud exterius retraxit.

Sine causa) Nam ex causa licet; puta si servum in facinore deprehenderit, in quo repperit etiam liberum occidere jus sit. VINN. Veluti si Dominus servum sibi insidiantem, vel in adulterio deprehenderit L. 53. §. 3. ff. de Leg. 1. l. 96. ff. de V. S. juncto §. 2. Instit. de Lege Aquil. & l. 24. ff. ad L. Jul. de adulteriis. HEIN.

Non minus puniri jubetur) Hoc est, publico judicio legis Corneliz de sicariis non minus obnoxius est & reus homicidii, quam si alienum servum occidisset: nam lex Cornelia non distinguit, quis homo occisus sit; l. 1. §. 2. ad l. Corn. de sic. Utique privatum Aquiliz judicium locum habere non potest, cum quis sibi damnum non alii infert.

Major asperitas) Modica autem castigatio dominis permittitur; l. un. Cod. de emend. serv. & tamen etiam circa pœnas minores, puta verbera; in servos adhibenda est æquitas, immo & clementia. In constitutionibus, quæ Clementi Romano adscribuntur, legitur, *ὡς πατράκης δάμα οὐ, ἡ παιδικὸν ἐς πικρία ψυχῆς*. Non opprimes servum, non dominaveris ei dure, ait lex divina de servo Hebræo, Deuter. 15. quod nunc prolata vi proximitatis ad omnes servos debet extendi. Et Apostolus ad Eph. 6. dominis imperat, ne cum servis minaciter agant, eo argumento, quod & ipsi dominum in cælis habeant, qui ad talia qualitatuum discrimina non attendat. Sed & operæ cum modo exigendæ sunt, & valetudinis servorum humane habenda ratio, quod ipsum præter alia spectat lex divina in Sabbati institutione: nimirum ut laboribus aliquod daretur spiramentum. C. Plin. l. 5. epist. 19. sic ad Paulinum scribit: Video quam molliter tuos habeas, quo simplicius confitebor tibi, qua indulgentia meos trahes. Est mihi semper in animo Homericum illud, *πατὴρ δ' ὡς παῖς οὖν*, & hoc nostrum paterfamilias. In qua voce & Seneca veterum humanitatem observat: Ne illud quidem videtis, inquit, quam omnem invidiam majores nostri dominis, omnem contumeliam servis detraxerint. Dominum patremfamilia appellaverunt; servos familiares, epist. 47. plura hujusmodi habet Grot. lib. 3. de jur. bel. & pac. cap. 14.

Ad adem sacram) Ad fana seu templa Deorum,

rum, quò confugientes aras & signa Deorum amplecti solebant, Plaut. *Mosell. Act. 5. scen. 1. & Rudim. Act. 2. scen. 7.* Virg. 2. *Æneid.* eodemque & obærat adversus creditores, suspectique criminum capitalium receptabantur. Tacit. 3. *annal. c. 60.* & quia ab his locis neminem eripere fas erat; ideo ἀστυλα, dicta sunt. Sublato paganismo Imp. Christiani idem jus etiam templis Christianorum tribuerunt; ut. *C. de his qui ad Eccl. conf. sed levioris tantum delicti suspectos recipi voluerunt, non fideles, adulteros, raptores, aut similia criminum reos: neque τοῖς ἀδικήσιν, ἀλλὰ τοῖς ἀεικαίσις, jus asyli dari, Nov. 17. c. 7. Nov. 37.* convenienter legi Divinæ, quæ jubet homicidam ab alteri abstrahi, atque iis solum ἀστυλα dari, qui ἀνευρίσιν sanguinem effuderint. *Encl. c. 21. v. 13. & seq. Num. 35. v. 6. & 11. 35. c. 20. v. 2. & 3.* Cui etiam convenit, quod Tucydides, *lib. 4.* scribit, τῶν ἀνευρίσιν ἀναρτοῦντων κατὰ φύσιν τοῖς τοῖς θανάτοις. Jure autem canonico, remotis solis nocturnis populacionibus agrorum, & publicis latronibus, cæteri cujuscumque facinoris rei, immunitate ecclesiarum gaudent; *c. inter alia, 6. & c. fin. de immuni. eccles.*

Ad statuum Principum) Statuæ etiam Principum his, qui ad eas confugissent, asyla fuerunt; *leg. 1. §. 1. de offic. pref. urb. l. un. cod. de his qui ad stat. princ. conf. quæ statuarum venerunt sanè antiqua est.* Meminit Livius *lib. 23. c. 10.* statuæ Ptolomæi Regis apud Cyrenas, ad quam cum quidam Decius Magius Campanus, qui à Pœnis victus Carthaginem ducebatur, confugisset, manus hostium evasit. Plura de statu et imaginibus Principum vide apud Brisson. 4. *antiq. 11.*

Cogatur servos suos) Apud Græcos quoque servus duris habitis licebat πρᾶσις ἀπείρι, ad venditionem proclamare; teste Plutarcho καὶ δουλείᾳ, aut certa pecunia se redimere; ut ex Plauti Casina discimus, quæ Comœdia Attica est. Simile exemplum extat in *l. ult. si à pat. qui man. de patre, qui filium, quem contra precatum male afficiebat, manumittere cogitur.*

Boni conditionibus) Justo pretio: item ne gravis conditio venditioni à domino servis injuria apponatur; veluti, ut ne manumittantur; ut Italia exportentur; ut in vinculis semper habeantur. Theophil.

Vendere) Nemo rem suam vendere cogitur *l. invitum 11. Cod. de contr. empti, ac ne justo quidem pretio; l. 9. de aff. rer. am. nisi id exigat utilitas publica, quæ hujus regulæ gene-*

ralis est exceptio. Causæ impulsivæ variz esse possunt; veluti ut tempore famis & annonæ caritatis cogantur divites & maxime negotiatores frumentum atque alia edulia justo pretio vendere; *per l. 1. §. cura 11. de off. pref. urb. l. annonam 6. de extraord. crim.* In servis hic est justa deprecatio auxilii contra seditiam dominorum. Est & favor libertatis; *§. ult. infra de donat.* Sed & favore religionis idem receptum, ut in *specie l. 12. in fin. de religiof.*

Pretium dominis daretur) Observandum etiam tunc, cum quis ex justa causa rem suam alienare cogitur, pretium ei reddendum esse. *Expediit enim Reipub.* Est quidem unusquisque rei suæ moderator & arbiter; *l. in re mandata 21. Cod. mand.* in tantum ut etiam abuti possit; *l. sed etsi 25. §. consuluit 11. de her. pet.* Cæterum interest Reipub. huic arbitrio modum à lege præscribi, ne privati fortunis suis abutendo, publico noceant. Accedit hic conditio personæ, qua licet fortuna servus, homo tamen est, & jure naturæ domino æqualis. Nimirum Reip. institutio id secum fert, ut dominum quoddam habeat superius singulorum dominio ad necessitates, aut utilitates publicas; quod Grotius *lib. 2. de jur. belli, & pac. cap. 2. & in stor. spar. ad leg. Barbarius 3. de off. Præf.* appellat dominium eminens, & in hanc sententiam egregie disputat Plato *lib. 11. de legibus.* Hinc est, quòd Princeps etiam de bonis subditorum disponere potest, dirigendo eorum usum ad publicam seu communem utilitatem. Qua de causa etiam persæpe potestas, quam quisque dominus in re sua habet, lege civili restringitur ac terminatur.

Nec cuiquam hominum jus suum detrabi) Ratio dubitandi in hoc rescripto. Unde intelligimus, ne à Principe quidem posse cuiquam jus suum sine causa detrabi; de quo vid. *Hottom. Illustr. quæst. cap. 1.*

Sed & dominorum interest) Alia decidendi ratio præter eam, quæ supra posita est, ad ipsos dominos pertinens; ne videlicet servi, si nullum sibi contra seditiam auxilium paratum esse sciant, aut aufugiant, aut manus sibi afferant, aut in perniciem dominorum aliquid machinentur. Cæterum ex iis, quæ supra disputavimus, abunde liquet, opus non esse, ut causa coercendæ dominicæ potestatis, summo gentium jure concessæ aliunde petatur quàm ex eo, quod ratio naturalis fieri sinit, à qua longè abit absoluta illa & infinita potestas, quam pleræque gentes & cum his Romani usurparunt.

TITULUS NONUS.

DE PATRIA POTESTATE.

Lib. 8. Cod. Tit. 47.

Continuatio & argumentum Tituli.

Sequitur pars altera divisionis initio superioris tituli tradita, ad eos pertinens, qui sunt in potestate patria. Potestas hæc tribus modis constituitur; iustis nuptiis; legitimatione; adoptione. Nuptiæ naturalem hujus potestatis causam continent; ideoque de hoc modo primo loco quaeritur: doceturque hoc titulo, quid sint nuptiæ; cujus juris sit patria potestas; qui quos in potestate habeant. De effectibus hujus potestatis, quod Justinianus omisit, nonnihil nos dicemus in exegeſi, §. 2. *hoc tit.*

TEXTUS.

Summa Tituli.

In potestate nostra sunt liberi nostri, quos ex iustis nuptiis procreavimus.

NOTÆ.

In potestate nostra) Ex Ulpian. in l. 3. D. de his qui sui vel alieni jur.

Iustis nuptiis) Nam ex injusta conjunctione nati in potestate patris non sunt; l. 23. & seq. D. de stat. hom. §. pen. *infr. tit. seq.* Denique in hoc negotio is solus pater habetur, quem nuptiæ demonstrant; l. 5. D. de in jus voc. In notis L. N. Q. *Iustis nuptiis quaeritur*, Grot.

COMMENTARIUS.

EX *iustis nuptiis*) Nam, ut nuper diximus, liberi ex injusto matrimonio nati in potestate patris non sunt; l. 1. de stat. hom. adeoque nec patrem jure civili habere intelliguntur, sicut nec vulgo concepti; §. pen. *seq. tit.* Lege quidem naturæ matris conditionem sequuntur, ut scribit Jurisconsultus in l. lex natur. 24. d. tit. sed cum feminæ liberos in potestate non habeant; §. *femina* 10. *infr. de adopt.* sequitur; eos nec in potestate avi materni esse.

TEXTUS.

Definitio nuptiarum.

1. *Nuptia autem sive matrimonium est vi-*

ri & mulieris conjunctio, individuum vite consuetudinem continens.

NOTÆ.

1. *Nuptia*) Sic dicta à nubendo, quod olim novæ nuptæ pudoris ergo caput obnubere flammeo solebant. Fest. Non. & alii.

Conjunctio) Consensu suscepta: nuptias enim non concubitus, sed consensus facit; l. 30. de reg. jur. l. 15. D. de cond. & dem.

Individuum, &c.) Modestinus. l. 1. D. de rit. nupt. *consortium omnis vite*, quo significatur non tantum domestica societas, sed etiam indivisus & promiscuus rerum omnium inter conjuges ulus, rerum & corporum communicatio. Duar. c. 1. de nupt. Vera tamen inter conjuges non est bonorum societas.

Continens) Nempe voto & proposito contrahentium: nam eventus non semper respondet proposito.

COMMENTARIUS.

1 *Ad perficiendas nuptias præter legitimum contrahentium consensum nihil desiderari.*

2 *Non licet plures uxores eodem tempore habere.*

3 *Quo sensu nuptia dicantur individuum consuetudo, & quæ gentes in ea perpetuò perpenderit.*

4 *Quid vite consuetudine significetur.*

5 *De sponsalibus quadam notatu digna.*

Nuptia sive matrimonium) Promiscuè fere vocabula (*nuptia & matrimonium*) usurpantur. Sæpe tamen nuptias cum dicimus, intelligimus festivitatem & celebritatem nuptialis diei, ut in l. pen. de donat. int. vir. & ux. l. sancimus 24. C. de nupt. sicut & apud Græcos γάμος accipitur, Joann. c. 2. Illud translatitium est nuptias à nubendo dictas esse, eo quod olim novæ nuptæ pudoris ergo caput obnubere flammeo solebant; idque Festus, Nonius & alii complures notant. Seneca in Ocellia, de Poppæa Neroni nubente v. 701. *Velata summum flammeo tenui caput.*

Conjunctio) Hoc generis loco ponitur: & simul causam efficientem denotat, nempe consen-

fenfum, qui ut rerum, ita & vite societatem efficit. Est quidem principalis matrimonii finis sobolis procreatio, quam sine corporum conjunctione habere non possumus; unde etiam inter eas personas, quae ad eam rem inhabiles sunt, nuptiae non consistunt *l. si servus, 19. §. 1. de jur. dot.* sed ad vinculum matrimonii consensu stabilitum nihil addicit, juxta tritum illud: *Nuptias non concubitus, sed consensu facit*; *l. pen. de don. int. vir. & ux. l. 15. de cond. & dem. l. nuptias 30. de reg. jur.* Sunt qui ad implenda nuptias jure Romano necessariam fuisse existimant solemnem illam deductionem mulieris in domum mariti, quae veteribus usurpata fuit, aut nuptiarum festivitatem, per *l. 5. de rit. nupt. l. 15. de cond. & dem. l. 6. C. de donat. ante nupt. l. sanctissimus 24. C. de nupt.* Sed verius est, neutrum eorum ut necessarium desiderari; ut intelligere licet ex responso Szczvolze *l. pen. de don. int. vir. & ux.* & rescripto Theodosii *l. si donationum 22. C. de nupt.* nec admodum difficile est ad superiores locos respondere. Nam in *l. 5. de rit. nupt.* Jurisconsultus non docet, quomodo nuptiae contrahantur, sed rationem & formam tantum deductionis demonstrat. Quod autem Ulpian. in *l. 15. de cond. & dem. ait*, conditionem nuptiarum tunc impleri esse, cum uxor ducta est: & Justinian. *l. sanctissimus 24. C. de nupt.* conditionem nuptiarum non aliter impleri, quam si ipsa nuptiarum accedat festivitas; ex mente extraneorum sumptum est, qui cum nuptias alicujus futuras nominant, ad solemnitatem & celebratam nuptiarum cogitationem referre solent. Sed & in re ambigua hoc ritu consensus declaratur, & nuptiae ex deductione, aut festivitate intelliguntur perfectae; quod tantum ostendere voluit Imp. in *d. l. 6. C. de donat. ante nupt.* Qui priscorum ritus in nuptiis adhiberi solitos nosse cupit, legat Brisson. *lib. singular. de rit. nupt.* VINN. Consensus faciebat nuptias. Sed in manum non conveniebat Uxor, nisi adhibito solemnium nuptiarum ritu, veluti consarratione, coemptione, usu. Denique & domum deductione opus erat, quod non de voluntate ipsorum contrahentium, sed de explenda voluntate aut legislatoris, aut tertii cuiusquam querebatur, quales casus sunt in *l. 5. ff. de R. N. l. 15. ff. de Condit. & dem. l. 24. C. de nupt.* apud Paul. *Rec. sentent. 11. 19. §. pen.* nec non in *l. 6. C. Theod. de tiron. ubi vide Jac. Gothofr. in Comment. Tom. 11. p. 377. Hinc.*

Viri & mulieris) Nam duorum ejusdem sexus conjunctio detestanda est, & lege Dei, lege

naturae, legibus omnium gentium damnota, Ait, mulieris, *inquit*, ad excludendam polygamiam, id est, nuptias cum pluribus uxoribus eodem tempore contractas: nam successivè plures uxores habere, aut quod idem est, matrimonio per mortem alterius soluto, aliam ducere, prohibitum non est; quod tamen & ipsum species est *παλλαγίας*. Igitur apud Romanos vetitum fuit, plures uxores eodem tempore habere; quod & aliarum quoque gentium moribus improbatum fuisse ostendimus *tit. seq. §. affinitatis 6.* idque divinx simul ac naturali legi convenienter: quia etsi non adverteretur primis principiis, adversatur tamen conclusionibus juris naturalis: quod ego paucis, sed firmis rationibus confirmabo. Legi divinx primaeque institutioni matrimonii contrariam esse polygamiam, evincitur primum ex *loco Mart. 19. 8.* Nam arguuntur, quod ibi Christus dicitur adversus divorcium, & *inquit* *autem ita non sunt, nolite vires habere, nisi hanc majorem praesupponat*: *ita in matrimonio se res habere debet, quemadmodum in principio sunt.* Assumit jam. Atqui inter duo tantum conjuncti fuerant in carnem unam, *Genes. 2. sub fin.* Ergo lege institutionis matrimonii duo tantum, idem, una cum fraterna una conjungi debent. Eadem plant ratione & ex prima conjuncti institutione licentiam polygamiae damna manifestat *cap. 1. de virg. rap. & seq.* ut bene ostendit collega noster *Dr. Joann. Coeque in Jurisprud. Præterea *l. 1. §. 1. polygamia expresse prohibetur*, quod Hebraei singulis permissum fuisse & Tremellius firmis rationibus demonstrat, locum ex phras. Hebraica ita vertentes: *utrumque unum ad alteram ne agamus. Tertio, cum caeremonialia praecepta in novo Testamento abrogata fuerint, quaecumque Apostoli praecepta tradidere, moralia esse constat, cum in politica, tum in oeconomia, & à singulis observanda: Atqui 1. Cor. 7. 2. monogamia praecipitur iis, qui matrimonium expetunt: non potest enim, quod vult Apostolus, unaquaque mulier suum proprium virum habere, si communem cum aliis in polygamia habeat. Quod autem morale est, id à singulis observandum, & perpetui juris est; adeoque & in veteri Testamento obtinuit. Denique videmus primam institutionem conjugii sic exponi à Christo & Apostolo, ut duo solummodo in unam carnem coalescere censentur, *Mart. 19. 5. & 1. Cor. 6. 16.* nec ante Lamechum Cainici generis hominem quemquam legimus plures simul uxores duxisse: ex quo intelligimus polygamiam sicut & reliquas corruptelas paulatim irrepsisse.**

Quorsum enim aliàs hoc in Lamecho expressè notasset Moses? *Genes. 4. v. 19.* Sed & communis ratio polygamiæ damnat, primum quia mutuum conjugum amorem, quem singulates nuptiæ fovēt, dividit: deinde quia fidem violat, quæ alter alteri sese perpetua consuetudinis vitæ obligatione tradit, & corpus suum mancipat: unde merito Christus pronuntiat eum mœchari, qui vinculo prioris matrimonii non soluto, aliam uxorem ducit, *Matt. 19. 9.* Cui convenit illud Tertull. 4. *advers. Marc. manente matrimonio nubere adulterium est.* Postremò & ratio societatis exigit, ut quæ madmodum uxor uni viro, ita vicissim vir uni uxori obstringatur & adhæreat, ut disputat Grot. 1. *manud. 3. quamquam aliò abit l. 2. de jure bell. cap. 5.*

[Redacted text block]

Individuum Verbum hoc, individuum, duobus modis accipitur: uno modo pro eo, quod commune adhuc est atque indivisum, quo sensu individua hæreditas dicitur à Modestino l. *fine 32. §. Lucius 6. de adm. tut. & à Paulo in individuum curæ officium; l. Lucius 46. §. 1. eod.* Altero modo pro eo, quod dividi non potest, ut cùm servitutes, obligationes, stipulationes individuas dicimus. Atque utraq; significatio huic loco convenit: prima quidem simpliciter, ut ex iis, quæ mox dicemus, patebit; altera secundùm quid, videlicet respectu aliarum conjunctionum & societatum, quæ faciliè dividi, hoc est, separari, & pro arbitrio unius dissolvi possunt. Neque enim nuptiis passim renunciare licet; adeoque Imp. Christiani non nisi ex gravissimis causis divortia admittunt l. 8. *C. de Repud. Nov. 117. c. 8. & 9.*

Dici etiam potest, conjugale vinculum ex proposito & voto contrahentium perpetuum atque individuum esse, licet ex accidenti aliquando contingat separatio, quod in definitione considerandum non fuit. Quòd si hæc res ad primam matrimonii institutionem, & ad eam, quam hic Deus sibi partem vindicat, exigatur, multo justius hæc conjunctio dicitur individua. Nam, ut Christus nos docet, initio conjugium sic à Deo institutum non est, ut indissolubile esset. Et Deus interveniens personas conjungit. Quod autem Deus conjungit, homo separare non debet, *Matt. 19.* quo etiam loco, & *Matt. 5.* prohibentur omnia divortia, præterquam quæ ex causa aut æqualis atrocitatis aut adulterii sunt. In illa autem, quam dixi, perpetua atque individua vitæ consuetudine Germanos præstitisse scribit Tacitus *de morib. Germ. c. 18.* Apud Romanos quoque à condita urbe usque ad annum 510. nullum inter virum & uxorem divortium intercessisse, testes sunt Dionys. *Halic. lib. 2. Val. Max. lib. 2. cap. 1. Gell. lib. 4. c. 3. Primus Sp. Carvilius Romæ uxorem sterilitatis causa dimisit, ut iidem testantur.* Procedente tempore divortia passim & sine ulla causæ redditione permixta, sed viris dumtaxat; ut arguit locus Plauti in *Mercat. est. 4. sen. 6.* Tandem etiam uxoribus, ut constat ex *tit. de divort. & repud. Juvenalis satyr. 6.* notat mulierem, quæ crebro divertendo, intra quinquennium octies viros permutaverat. VINN. Sed hæc ipsa divortiorum licentia apud Romanos argumentum est, in definitione hac individuum vitæ consuetudinem non opponi divortii, sed separatæ œconomiz conjugum. Eorum enim erat communes habere penates, communem thalamum; & hinc Uxor domum ducenda. Eodem ergo sensu individua dicitur vitæ consuetudo inter Conjuges, quo amici dicuntur esse comites individui. Vid. Tacit. *Ann. lib. 6. cap. 10.* Et sic egregiè hæc definitio congruit alteri Modestini in *lib. 1. ff. de ritu nuptiarum. Hein.*

Individuum vitæ consuetudinem continens Ad junctum proprium, atque ex parte finis. His autem verbis existimo Justinianum significare non tantum domesticam societatem & conversationem, sed etiam rerum quandam communionem & indivisum rerum omnium inter conjuges usum, in summa rerum & corporum communicatione, *εὐκρίσιας & κοινῆς χρήσεως.* Atque hanc interpretationem adjuvat Modestinus l. 1. *de rit. nupt.* cùm ait. *Nuptia sunt conjunctio maris & feminae, consortium omnis vitæ, divini & humani juris communicatio.* Nulla enim

res est, five divini, five humani juris, quam conjux cum conjugē non communicet, cuiusque inter eos salva honestate jurgii promissus usus esse non debeat. Unde Gordianus Imp. uxorem dicit suscipi sociam divine & humane domus; l. 4. Cod. de crim. exp. bar. Quamquam fortasse Modestianus & Gordianus, cum ita loquuntur, aliō respiciunt, nempe ad sacra Paganorum, quod sibi quisque & familiarē suā habebat, quorum uxor fiebat socia. Meminit horum satorum Cic. 2. de legib. Plaut. in Captiv. Plin. in Paneg. add. Duar. int. solut. matrim. de nupt. Male nonnulli hæc definitionis verba referunt ad communionem bonorum: nam vera bonorum societas, qualis in his regionibus, inter virum & uxorem nulla est, neque jure civili, neque jure canonico. Peck. de testam. conj. 2. cap. 1. Covaruv. de matr. p. 2. c. 7. §. 1. Craffan ad consuetud. Burgund. rubr. 4. n. 4. & 16. novissimē D. Lambert. Goris advers. jur. tract. 1. cap. 1.

1 Nuptias honestatis causa præcedere solent sponsalia, ita dicta à spondendo, quia moris fuit veteribus referenti & spondere sibi uxores futuras; l. 2. de sponsal. Gell. lib. 4. c. 4. unde etiam sponsi sponsæque appellatio nata est; l. 3. eod. Sunt autem sponsalia, ut Florentinus definit, mentio & promissio futurarum nuptiarum; l. 1. eod. At, futurarum nuptiarum, siquidem unum tantum genus est sponsaliorum, mutua scilicet promissio de futuris nuptiis: quamvis enim jus canonicum duo genera constituat, unum eorum, quæ de futuro appellant, alterum, quæ de præsentī, c. pen. & ult. 2. eod. hanc tamen distinctionem Auctores juris civilis non agnoscunt, quibus sponsalia de præsentī sunt ipsum matrimonium jam mutuo consensu contractum; l. nuptias 30. de reg. jur. Sed neque juris canonici interp. per sponsalia de præsentī, quæ vocant, negant contrahi matrimonium: sed tantum respectu matrimonii per conjunctionem corporum consummati, hæc etiam sponsalia ab iis dicuntur; Panor. d. c. pen. n. 2. Covar. de spons. p. 1. c. 1. n. 6. & in c. omnis res 4. c. cum initiatum 5. c. conjuges 6. c. conjunx. 9. c. 27. q. 2. Sponsus & sponsa de præsentī vocantur vir & uxor, ita tamen ut post copulam hæc sponsalia de præsentī indissolubilia sint quacumque potestate quoad vinculum: si verò conjunctio corporum nondum intervenerit, dissolvi possint Religionis monasticæ professione c. 2. & 7. de convers. conjug. Nostrates quoque uxorem ab sponsa hoc solo distinguunt, quod uxor post nuptiale benedictionem & conjunctionem thori dicatur, antea appelletur sponsa.

Sponsaliorum de futuro hic effectus erat jure canonum, quod in matrimonium transirent per subsequentem corporum commixtionem inter sponsum & sponsam, c. conveniens 15. cap. is qui fidem 30. 2. de sponsal. quamvis canones isti decreto Concilli Tridentini abrogati sunt; sess. 24. c. 1. §. qui aliter de reform. matr.

TEXTUS.

Qui habent in potestate.

2. Jus autem potestatis, quod in liberos habemus, proprium est civium Romanorum; nulli enim alii sunt homines, qui talem in liberos habeant potestatem, qualem nos habemus.

NOTÆ.

2. Proprium civium Rom. Lege Romuli primū introductum, repetitum postea & confirmatum à Decemviris. Dionys. Halic. lib. 2. p. 96. sequ.

Talem potestatem) Significat etiam alias gentes habere in liberos potestatem, sed dissimilem, nempe patria potestas indefinitè considerata originem ex jure naturæ trahit. Plin. in panegyr. Vis & lex natura semper in ditiana parentum esse liberos jussit, ut etiam Arist. 1. polit. 8.

Qualem nos) Immensam & planè dominatorem, quæ continebat jus vitæ & necis, vid. Halic. ubi sup. l. 11. D. lib. & postum. l. ult. C. b. 1. Sigon. lib. 1. de jur. ant. civ. Rom. 10. quam alii ut tyrannicam repudiant, teste Simpli. ad Epictet. Enchirid. c. 37. Simile patrum jus apud Persas ut tyrannicum accusat Aristot. 8. Nichomac. c. 12. Et procedente tempore etiam apud Romanos jura patris potestatis multum imminuta. VINN. Vel ideo rectè negat Justinianus ullos alios homines talem in liberos habere potestatem, qualem habebant Romani, quia patria potestas revera erat Quiritarium dominium. Unde liberi ratione patris non erant personæ, sed res mancipi, quæ venumdari, mancipari, vindicari, immo & ob justam causam occidi poterat. Vid. celeb. Bynkershoek de jur. occ. lib. c. 1. HEIN.

COMMENTARIUS.

- 1 Quo sensu patria potestas dicatur propria civium Rom.
- 2 Jus patriæ potestatis par berili initio fuisse, sed sensim multis modis imminutum.
- 3 In his regionibus vetera patriæ potestatis jura ignorari.

Certum, est, Justinianum hoc loco distinguere voluisse patriam potestatem à domi-

minica, idque à causa efficiente. Nam §. 1. *præced. tit.* dominicam dixit esse juris gentium: hic patriam dicit esse propriam civium Rom. five juris civilis. Videamus, quam rectè Juris civilis esse dicuntur non solum quæ sunt juris merè positivi, sed etiam ea, quæ mixti juris sunt, & secundum quid tantum civilis: quatenus scilicet cum alioqui originem ex jure naturæ aut gentium habeant; lex civilis certam eis formam dedit, novisque qualitatibus induta civium ea propria fecit, exclusis ab eorum communione peregrinis: quod pluribus docemus, & exemplis declaramus, §. 1. *sup. de jure nat. gen.* Inter ea, quæ mixti juris sunt, numeranda est patria potestas, nam origo ejus non ex alio jure, quam ex quo matrimonium, quæ prima & antiquissima paterni imperii causa est; nimirum marito ut capiti familiæ naturæ lege atque ordine competit imperium in omnem familiam, in uxorem, in liberos, in servos; quamvis non eod. imperii genere omnibus imperet. Nam, ut rectè & naturali ratione convenienter docet Arist. 1. *pol. c. 1. & 8. Ethic.* 12. neque maritus uxorem, neque pater liberos servili imperio regere debet; sed uxorem *παλιτρώς*, ut in Optimum Repub. Magistratus cives suos: liberos autem *βασιλικώς*, ut Rex subditos; quos ut Rex amat, & ut ad eorum utilitatem omnia dirigit, ita & liberos ex se genitos amat pater, curam eorum gerit, iisque prodesse omnibus modis studet. Itaque patria potestas simpliciter & in genere considerata juris gentium est, adeoque dominica antiquior, & tanto antiquior, quanto matrimonium antiquius est bellis, & servitutibus. Vis & lex naturæ semper in ditione parentum esse liberos jussit, ait Plinius in *Paneg. Trajan.* At considerata in specie & definitè secundum leges & mores Romanorum, civilis est: & hoc sensu rectè opponitur potestati dominicæ, quæ meri est juris gentium; §. 1. *supr. præc. tit.* Ac tamen Antoninus modum dominicæ potestati posuit, non ideo tamen ea facta est juris civilis five civium Rom. propria, ut falsò existimant Myns. Schneid. Wesl. ad §. 2. *præc. tit.* quippe cum & peregrini idem semper jus habuerint: sed res tantum revocata est ad rationem juris gentium primævi. Vid. quæ notamus sub d. §. 1. & 2. Esse autem hanc etiam mentem Justiniani, verba hujus §. non obscurè ostendunt. Nam hoc ipso quod ait, nullos alios homines talem potestatem in liberos habere, qualem cives Romani habent; satis significat, etiam alios homines habere potestatem in liberos, quamvis talem fortassis nulli habeant. Utique qui for-

mas vivendi Græciæ civitatibus condiderunt, certum voluerunt esse modum patris potestatis ac finem; ut nimirum patribus tantummodo liceret liberos modicè castigare: qua via si nihil proficerent; ultimum erat, ut eos abdicarent, id est, nudos re omni domo expellerent: quæ abdicatio *ἀποκρίσις* dicebatur, lib. 6. C. *hoc tit.* Eam autem potestatem alii annis terminabant, alii matrimonio, nonnulli publica in viros adscriptione; teste Dionys. Halicarn. lib. 2. p. 69. At Romanorum in liberos potestas neque finem habuit, neque modum. Non finem, quia in omne vitæ filii tempus producta fuit, etiam si summos honores gessisset, & laudem singularis erga Rempublic. studii consecutus esset. Non modum, quia immensa fuit & planè *διοκρινή*. Nam primum ex lege Romuli, repetita, postea & confirmata à Decem viris filiusfam. in patris sui manu, potestate, mancipioque erat, habebatque pater jus in eum vitæ & necis, terque venumdandi potestatem, in quo majus etiam jus patris, quam domini fuit; auctore eodem Dionys. d. lib. 2. *fac. l. in suis 11. de lib. & posthum. l. ult. C. de pat. pot.* Quo tamen loco lapsus est in eo Constantinus, quod scribit; non licuisse patri filio eripere libertatem; nisi hic eum excusari placeat, quòd jus vendendi citius exolverit quam vitæ & necis. Equidem plus hac in re tribuendum existimo testimonio accuratissimi antiquitatum Romanarum Scriptoris, qui Augusti temporibus floruit, quam Byzantini. Quod verò Ulp. in l. 8. *de his qui sui vel allen. jur.* scribit, jus potestatis moribus receptum esse: id tantum, ut ego existimo, verum est respectu quorundam effectuum, qui moribus vel introducti sunt, ut substitutio pupillaris; l. 2. *de vul. & pup.* aut in imaginarios conversi, ut venumdandi potestas. Præterea quemadmodum servus domino, ita filius omnia acquirebat patri; ut scribit idem auctor lib. 8. Sed jus illud vitæ & necis, vendendi, alienandi, mancipandi potestas, utpote à ratione juris naturæ, atque à pietate, in qua patris imperium consistere debet, l. 5. *de leg. Pomp. de parricid.* nimis longè recedens, merito postea displicuit, permiffumque dumtaxat patri privatim filium castigare & corrigere: si verò quid tale filius admisset, quocumque graviores animadversionem desideraret, ac Magistratum rem deferri leges voluerunt; l. 3. C. *de pat. pot. l. un. C. de emend. prop. l. 2. ad leg. Corn. de fidej.* Ita paulatim asperi & dur Romanorum mores mitigari cœperunt Græcorum conditis, ut videtur; à quibus cum bonarum literarum disciplinas accepissent, au-

hanc

hanc sunt mansuetudinem morum facilitatemque revocati. Sed & jus acquirendi per filium multis modis imminutum est, de quo dicemus *inf. tit. per quas pers. cuiq. acq.* Alia quoque pleraque patriæ potestatis effecta procedente tempore multum imminuta sunt, ut suis locis indicabimus. Nobis verò vetusta potestatis patriæ jura planè incognita sunt, ac propterea apud nos effecta ejus omnia cessant, testibus D. Grot. 1. *manud.* 6. D. Gudelin. *lib.* 1. *de jure nativ.* cap. 14. Et sanè non difficile est id per inductionem demonstrare. Singula singulis notabimus locis. VINN. Non lapsus videtur Constantinus M. l. ult. C. de patr. pot. dum negat licuisse patri filio eripere libertatem. Libertatem enim pro ingenuitate accipit: sensusque est, quamvis parentes in servitutem vendiderunt liberos, non tamen iis ereptam esse ingenuitatem, si quidem manumissi non libertini fuerint facti, sed ingenui. Vide, quæ supra notavimus ad §. 1. *Inst. de ingen.* Libertatem autem veteres sæpè pro ingenuitate dixisse vel ex l. 4. ff. de just. & jur. adparet, ubi tria genera hominum referunt, LIBERI, & bis contrarium SERVI, & tertium genus LIBERTI. HEIN.

T E X T U S .

Qui sunt in potestate.

3. Qui igitur ex te & uxore tua nascitur, in tua potestate est. Item qui ex filio tuo & uxore ejus nascitur, id est, nepos tuus & neptis, æquè in tua sunt potestate & pronepos & proneptis, & deinceps ceteri. Qui autem ex filia tua nascuntur, in potestate tua non sunt; sed in patriæ eorum.

C O M M E N T A R I U S .

Qui ex filio tuo) L. 4. de bis qui sui vel al. jur. Ratio perspicua est. Quia in familia avi paterni nascitur: omnes autem, qui sunt ejusdem familiæ, subjecti sunt fami-

liæ principi, qui hic est filii pater: & qui est in potestate alterius, alium in sua potestate habere non potest; l. sic eveniet 21. ad l. Jul. de adult. & ita deinceps l. 5. D. de bis q. sui v. alien. jur.

Qui autem ex filia tua) Nati ex filia mea, non in mea, sed in patris sui potestate & familia sunt, l. cum legitima 19. de stat. bom. l. familia 196. §. 1. de verb. sign. Unde quia mulier familiam suam non propagat, familiæ suæ finis dicitur; l. pronuntiatio 195. §. ult. d. tit. At, inquis, cum nuptiis filiafam. non solvatur jus patriæ potestatis, §. 2. inf. de senat. Tertyll. l. 2. §. 1. l. quoties 29. solut. matr. l. 1. §. ult. de injur. cum similib. Cur non etiam is, qui ex filia mea nascitur, æquè est in potestate mea, sed in potestate patris sui? Respondeo, id fieri & civili ratione, d. l. cum legitime 19. & naturali, five potius juris gentium, argumento eorum, quæ ante diximus de jure ejus, qui caput est familiæ. Adeoque pater elocando filiam, hæcenus juri suo cedere intelligitur, sicut & plerisque aliis in rebus, de quibus alibi dicendi dabitur locus. Jure antiquo uxor, quæ in manum viri convenerat usu aut coemptione, in familiam & potestatem viri transibat: eratque ei filia loco, & jura suorum hæredum in familia nanciscébatur; matremque familias appellabant, cum alie uxores tantum essent, & matronæ dicerentur. Hoc igitur modo atque ritu, si filiafamilias nupta in manum viri convenisset, in totum solvebatur jure & potestate patris. Si quis est antiquitatis studiosior, is Hotoman. adeat, qui quicquid ad accuratam hujus rei cognitionem pertinet, ex Cic. in Topic. cap. 3. & Boet. ibid. Dionys. Halicarn. lib. ant. 2. p. 95. Gell. lib. 18. cap. 6. Ulp. in fragm. tit. 9. diligenter collegit.

TITULUS DECIMUS.

DE NUPTIIS.

D. Lib. 23. Tit. 2. C. Lib. 5. Tit. 4. Novell. 74.

Ratio ordinis & Argumentum Tituli.

ET si superiore Titulo de Nuptiis dici ceptum est, ut primo & præcipuo modo constituendæ patriæ potestatis: tamen cum ex iis, quæ ibi dicta sunt, nondum in-

telligamus, quæ sint justæ nuptiæ, ex quibus nati demum sunt in potestate patris; ideo ejus rei tractatio hoc loco subjicitur, doceturque; ad justas nuptias quæ res exigantur, quæ per-

fo-

sonz quibus matrimonio jungi non possint, qua pœna afficiantur qui adversus præcepta legum coeunt. Ad extremum & alius constituendæ patris potestatis modus explicatur, quem *Legitimationem* nunc vulgo appellamus.

TEXTUS.

Qui possunt nuptias contrahere.

Iustas autem nuptias inter se cives Romani contrahunt, qui secundum præcepta legum coeunt, masculi quidem puberes, femina autem viri potentes; sive patres familiarum sint, sive filii familiarum; dum tamen, si filii familiarum sint, consensum habeant parentum, quorum in potestate sunt: nam hoc fieri debere, & civilis & naturalis ratio suadet in tantum, ut iussus parentis præcedere debeat. Unde quæsitum est: an furiosi filia nubere, aut furiosus filius uxorem ducere possit. Quumque super filio variabatur, nostra præcessit decisio, qua permixtum est ad exemplum filia furiosi, filium quoque furiosus posse & sine patris interventu matrimonium sibi copulare secundum datum ex nostra constitutione modum.

NOTÆ.

Femina viri potenter.) Matura viro ἀπαύ, Theophilus ἀδελφὸς δυνάμει. Femina post annos duodecim virum pati posse creduntur; l. 4. D. de cond. & dem. l. pen. D. quand. dies leg. quippe qua ætate sceminarum incipit purgatio, teste Macrob. d. loco. Cur in scemina citius vis generationis incipiat, quàm in maribus, vid. Arist. 4. de gen. anim. cap. 6. Macrob. 7. Saturn. 7.

Consensum parentum.) Nuptiæ consistere non possunt de hoc jure, nisi consentiant omnes, id est, qui coeunt, quorumque in potestate sunt; l. 2. D. hoc tit. l. 12. C. eod. consensum tamen non impedit obsequium-reverentiæ paternæ debitum, l. 22. D. eod. Apud nos verò parentum consensus, etsi honestatis, non tamen necessitatis est.

Et civilis.) Scil. patria potestas, in filiofamilias accedit & hæc, ne cui invito suus hæres agnoscatur, §. 7. inf. tit. seq.

Et naturalis.) Reverentia & obsequium naturæ lege parentibus omnibus debitum, l. 2. D. de iust. & jur. quo tamen contempto nuptiæ non essent irritæ, nisi lex civilis adderet δυνάμει ἀπαιχταίον, l. 11. D. de stat. hom. l. 22. C. hoc tit. quam tamen non attendunt Authores Juris Canonici.

Præcedere.) Iussus, id est, voluntas sive con-

sensus parentis præcedere debet, l. 25. §. 4. de acq. hered. ideoque non sufficit hic ratiabacitio. Per l. 13. §. 6. ad leg. jul. de adult. l. 11. D. de stat. hom. l. 6. C. hoc tit. sufficit autem vel tacitus consensus præcedens, aut concommitans; l. 5. C. eod. l. 7. §. 2. D. de sponsal. non enim velle debet pater, sed non nolle, id est, ovisque. Sed vid. inf. in comment. n. 4. & seqq.

Ex nostra constitutione.) Modus hic est, ut ex sententia curatoris ipsius furiosi, & nobiliorum totius familiæ, itemque magistratus aut Episcopi ipsius Civitatis, de nuptiis statuatur, l. 28. de Episc. aud. l. 25. C. hoc tit.

COMMENTARIUS.

- 1 Quid in hoc argumento vocabulum iustas significet?
- 2 De ætate coeuntium.
- 3 De eorum consensu.
- 4 De consensu parentum adhibendo.
- 5 Et quid de Jure Canonico.
- 6 Ratiabacitio patris an efficiat, ut retro nuptia absque consensu ejus contracta legitima fiant.

Iustas.) Justi variz sunt pro adjuncto significationes. Hoc loco justum idem significat, quod τὸ ῥιμμεν, legitimum: & iustæ dicuntur nuptiæ, quæ secundum jura civitatis Romanæ inter puberes cives contrahuntur; eodem sensu, quo justum matrimonium in l. un. unde vir & uxor. l. 13. de his quib. ut indign. Sic iusti liberi dicuntur legitimi, ad differentiam naturalium dumtaxat & vulgo quæsitorum; l. 5. §. pen. l. 11. l. 12. de stat. hom. justus pater ad differentiam naturalis; l. lege Julia 44. §. 3. hoc tit. iusta uxor; l. si fenatori 31. eod. quæ legitima in l. 4. eod. In genere autem iustæ nuptiæ habendæ, quæ secundum cuiusque populi instituta contrahuntur.

Cives Romani.) Igitur cum servis, Latinis, peregrinis, deportatis connubium non est, Ulpian. fragm. tit. 5. §. 4. l. 3. C. de inc. nupt. Cic. in Top. Atque hinc responsum est, si quis rogatus hæreditatem restituere sine liberis decessisset, isque deportatus in insula liberos sustulisset, conditionem non defecisse; l. ex facto 17. §. ex facto §. ad sen. Treb.

Masculi quidem puberes.) Romani ea demum ætate civibus suis matrimonia permiserunt, quæ natura apta esse creditur ad generandum, maribus post annum decimum quartum, quo tempore ipsam ætatem necessitate pubescere, & vim generationis moveri incipere, scribit Macrob. in somn. Scipion. l. 1. c. 6. & Arist.

7. *pol. 16. exurgere nō avaritas ipsius, scdm
mārem licentiam matris, quia post annum
duodecimū virum pati posse creduntur, l. 4.
de iur. l. 10. de cond. & dem. ff. l. 1. de iur. iur.* cuius diver-
sitas si quis rationem querat, adcat Arist.
4. de genanim. c. 6. Macrob. 7. Saturn. 7. Ab
hac autem determinatione legitimæ & matri-
monio contrahendo idoneæ ætatis longè rece-
dit Plato, qui 4. & 6. de legib. triagesimum an-
num masculis præscribit; longius etiam Ari-
stot. 7. *polit. 16. qui eos demum conjugii vult
circa annum 36. scdmās autem anno 28. Juris
Pontifici Auctores pūbertatem metiuntur
ex potestate coeundi, non ex numero anno-
rum; cap. 3. §. fin. de despons. impub. qui ta-
men hodie generalis consuetudine sequuntur
definitionem juris civilis, quæ et si non in om-
ni, in plerisque tamen quadrat, & Medico-
rum etiam & Physicorum auctoritate fulcitur.*
Raro tamen hac ætate apud nos præsertim
masculi matrimonio junguntur. In sponsali-
bus definita non est: quapropter & à pri-
mordio ætatis sponsalia effici possunt, modò
utraq; persona sit infans maior; l. in spon-
sal. 14. de sponsal. à quibus tamen facti pube-
res liberè recedere possunt; c. 7. & 8. de spon-
s. in v. vinn. Solebant & impuberes Romani
vires ducere nondum viri potentes. Exem-
plum apud Gruter. *inscr. p. 783. 8. p. 815.*
Tunc verò Nuptiæ huiusmodi non
rescindebantur, sed tamen non prius iustæ
erant, quam conjuges justam ætatem attigis-
sent. Hinc nec antea dos peti poterat, l. 65.
ff. de iure dot. nec repudiata dabatur actio rei
uxoris l. 27. §. 1. ff. de reb. auct. jud. poss. l.
74. ff. de iur. dot. nec ea poterat legatum sub
conditione nuptiarum exigere l. 10. §. ff. de
cond. & dem. Sponsæ ergo loco erat immatu-
ra, domum ducta, modò Sponsalia præcessis-
sent, l. 12. §. 2. ff. de don. in v. vinn. & ur. junct.
l. 2. ff. de sponsal. Legitima verò uxor tunc fie-
bat, quum apud virum explectet duodecim an-
nos, l. 14. ff. de iur. Nupt. Hinc

3. *Consensus habetur parentum, quorum in po-
testate iure civili in nuptiis requiritur con-
sensus eorum qui coeunt, tum parentum,
si quos habent, quorum sunt in potestate; l.
2. de iur. quod etiam in sponsalibus præva-
let, l. 1. c. 1. cum seqq. de sponsalib. Primum
nuptiæ sine consensu coeuntium non consi-
derantur, nec alius usus contractus sine con-
sensu intelligi potest; l. 1. §. 1. de pati. Quid
ergo si pater intervenit? Distinguendum est:
nam si talis sit error, qui consensum impedit,
puta si quis erret in persona, putans Titiam
esse, cum qua contrahit, cum sit Sempronias;*

hic error matrimonium vitiat, arg. l. si per
errorem 15. de iurisd. l. 9. de contr. empt. Nam
quod Jacobus Liam pro Rachele suppositam
retinuit; in eo non est usus summo iure; c.
quod autem c. 29. qu. 1. Lombard. 4. dist. 30.
Idem dicendum est, si erretur circa qualitatem
essentialem, veluti potentiam generandi, aut
necessitudinem, puta si ignorabatur esse aui-
ta aut soror, cum qua contrahi esset. At si
circa accidentalialia tantum erratum sit, verbi
causa, si pauper esset, quæ dives dicebatur, si
capitosa, quæ morigera, si plebeja, quæ uo-
bilis credebatur, &c. quoniam hac vel adesse,
vel abesse possunt salvo matrimonio, & hic
in re ipsa iustus consensus est, ratum erit ma-
trimonium, d. c. quod autem in fin. Covarruv.
de matrim. p. 2. c. 3. §. 6. num. 2. Illud autem,
quod Innocentius tertius respondit, c. tua nos
26. de sponsal. si quis ut honestam mulierem ad
turpia pelliceret, fallum nomen ementitis
eam his verbis desponset, *Joannes te sponsat:*
& mulier hoc dolo imprudens illecta cum in
illum tamquam sponsum consensisset, ei co-
piam sui fecit, si ille testetur nunquam sibi ani-
mum fuisse illam ducendi, ista verò petat si-
dem sibi datam præstari; non debere ex eo fa-
cto conjugium judicari, &c. non procedit in
foro externo, in quo responderetur pro matri-
monio: quia Ecclesia non iudicat de occultis.
Covar. de matr. p. 2. c. 2. n. 5. Sanchez tract.
de matrim. lib. 1. disp. 9. & seqq.

Consensus in hoc contractu etiam planè li-
ber esse debet; l. non cogitur 21. hoc tit. l. Titia
134. de verb. oblig. l. nec filium 12. l. neque 14.
C. hoc tit. Ideoque matrimonium per vim aut
justum metum initum ipso quoque iure nullum
est; d. l. 14. cap. significavit 2. x. de eo qui
dux. in matr. cap. 14. & seq. x. de sponsal. Co-
varr. d. part. 2. cap. 3. num. 5. Alb. Gentil.
3. de nupt. Christin. vol. 1. decis. 335. Planè
metus reverentialis sive obsequium reverentæ
paternæ debitum, à quo absunt verbera, vin-
cula, minæ, matrimonium non impedit, uti
nec consensus; l. si pater 22. hoc tit. l. 7. l.
12. de sponsal. Covarr. d. cap. 3. §. 6. num. 3.
Albert. Gentil. d. lib. 3. cap. 11. quod tamen 4
alii examinant. Qui in potestate parentis est,
etiam illius consensum adhibere debet; hoc
textu, & lege 2. eodem. Sed & nepos quamvis
in avi tantum potestate sit, patris tamen con-
sensum adhibere debet; l. 16. §. 1. eod. eadem
scilicet ratione, quia consensus filii requiritur,
si pater quasi ex eo nepotem adoptare velit,
nempe ne invito filio suus hæres nascatur;
§. sed si quis 7. tit. seqq. quæ ratio etiam in nepo-
te nubente cesset, cessat etiam decilio; d. l. 16.

tractæ sint, inter quas nuptiæ consistere possunt. Nam etiam quædam personæ jure prohibentur inter se nuptias contrahere. Ut autem prohibeantur, fere fit ob turpitudinem conjunctionis, quæ turpitudine vel est à cognatione contrahentium, vel ab affinitate. Cognatio triplex est; merè naturalis; merè civilis; & mixta. Naturalis tantum est, quæ illegitimo coitu contrahitur: civilis dumtaxat, quæ per adoptionem constituitur: mixta est inter eos, qui ex justo matrimonio procreati sunt, utroque videlicet jure concurrente, l. 4. §. 2. de grad. & affin. Speciem cognationis, quam Auctores juris Pontificii spirituales vocant, & esse volunt inter susceptorem & susceptam ex sacro Baptismate, cap. de cognat. spirit. Covar. de matrim. p. 2. c. 6. §. 4. quam etiam probat Justinianus l. si quis 26. circa fin. C. hoc tit. Pontifices Romani in sua, & Græci in Orientali Ecclesia extenderunt usque ad septimum gradum, quasi major esset cognatio spiritualis necessitudine carnali, juxta dictum Synodi in Tryllo. Extat de ea re lib. 4. decretal. tit. 11. & lib. 3. jur. orient. item caus. 30. per aliquot quæstiones. In Concilio autem Tridentino, cum variè de hac prohibitionem esset disceptatum, & multi eam penitus tollendam censerent; placuit, impedimentum spiritualis necessitudinis restringi ad eam cognationem, quæ est inter susceptorem & susceptam, ejusque patrem & matrem; decret. de reform. cap. 2. sess. 24. VINN. Spiritualis illa cognatio ex mente canonistarum non modo ex baptismo nascitur, verum etiam ex confirmatione cap. 1. fin. de Cogn. spirit. in 6. immo & ex catechismo, quamvis eam cognationem non tam contractam quàm contrahendum matrimonium impedire existiment, c. 2. cod. num. 6. Porro hanc cognationem spirituales in paternitatem, quæ inter baptizantem, & baptizatum, susceptorem & parinum est, compaternitatem, quæ inter parentes baptizati & baptizantem vel susceptorem intercedit, & denique in fraternitatem, qualem inter baptizatum & liberos baptizantis, nec non susceptorem contractam, dividere solent. Azpilcue. Tom. 3. c. 22. num. 36. & Vir summus Cujac. ad rubr. X. de consang. & affin. HEIN. Parentum liberorumve locum) L. nemini 17. C. hoc tit. Commodius diffisset, inter parentes & liberos: nam & patrum & avunculi etiam parentum locum obtinent, l. sororis 29. hoc tit. Theophil. Εἰς τὴν τοῦ ἀδελφοῦ καὶ κουνιάτου.

1 Nefarias atque incestas) In summo scilicet gradu. Nam in his tanta est turpitudine & fœditas, ut natura omnes à tali conjunctione ab-

horreant, & sua ipsorum conscientia redarguantur necesse sit, qui hæc naturæ jura violant: adeoque execrabiles habeantur, qui vel per ignorantiam hæc committunt. Hinc illæ Oedipodarum calamitares, quibus plene tragœdiæ, & illæ fœtæ apud inferos pœnæ; Homer. 11. Odyss.

Μερίκα δ' Οιδίπιδας ἴδεν καλὸν Επικάδην.

Hinc Nero magis ob incestum quàm ob reliqua facinora detestabilis. De Parthis sic Lucanus.

— Cui fas implere parentem,

Quid rear esse nefas?

Adde Philonem Jud. in decal. lib. 1. Cæterum & aliæ nuptiæ, quæ ratione cognationis aut affinitatis prohibentur, incestæ, hoc est, incestæ & pollutæ (si Isidoro lib. 5. cap. 26. credimus) dicuntur: d. l. sororis 29. §. 1. etiam si § 6. cod. tit. C. de incest. nup. An autem & illæ naturæ legi & honestati similiter repugnent, postea disputabimus. Earum certè, de quibus nunc agimus, naturalis prohibitio est. Quippe insita est in ipsis affectibus fuga quædam commixtionis cum parentibus & ex se natis; à qua etiam quædam animantia muta naturaliter abhorre, à nonnullis proditum est. Seneca Hippol. act. 3. v. 913.

Fera quoque ipsæ Veneris cuitant nefas,

Generisque leges inscius servat pudor.

Afferitur & alia prohibitionis, eaque non parvi ponderis ratio, consensio communis cognationum normæ: quæ & ipsa naturæ legi atque ordini vehementer repugnat, & necessario consequitur istam sanguinis inter parentes & liberos commixtionem. Horresco ad illud Oedipi apud Senecam Thebaid. act. 1. v. 134.

Avi gener; patrisque rivalis sui,

Frater suorum liberum, & fratrum parens

Uno avia partu liberos peperit viro

Ac sibi nepotes. Monstra quis tanta explicet?

Item ad illa Thyestis in Agamem. act. 1. 34.

Versa natura est retro,

Avo parentem, (prob nefas) patri virum,

Natis nepotes miscui, nostri diem.

Quamvis per adoptionem) Respectu quoque cognationis merè civilis inter parentes & liberos nuptiæ prohibentur, nefasque esse existimatur, eam uxorem ducere, quæ per adoptionem filia neptivæ esse coeperit: in tantum, ut etsi per emancipationem adoptio dissoluta sit, idem juris maneat; l. quin etiam § 5. hoc tit. Nec id mirum videri debet, quamvis omnia

nia adoptionis jura per emancipationem solvantur; *l. in omni 13. de adopt.* Nam in nuptiis semper etiam pudoris & reverentiae ratio habetur; *l. adoptivus 14. §. 2. hoc tit.* Patris autem persona tam sancta & reverenda filiae esse debet, ut ad impediendas nuptias sufficiat aliquando patrem fuisse. Eadem fere ratione nec matrem patris adoptivi uxorem ducere possum: nempe non propter civilem aliquam necessitudinem, quae nulla inter nos; *l. qui in adoptionem 23. de adoption.* sed propter reverentiam, quam matri patris adoptivi propter patrem debeo, quamdiu in familia ejus sum; & tetrum esset, me patris mei licet adoptivi fieri vitricum. Planè si per emancipationem soluta fuerit adoptio, nihil impedimento est, quominus eam uxorem ducere liceat; quoniam illa nunquam mihi avix loco fuit, sed extranea semper, *d. l. 23. de adopt. §. 2. d. l. 55. hoc tit.* At enim, inquit, nec patris adoptivi uxor matris loco est *d. l. 23.* nam tamen ducere non licet, ne quidem post emancipationem *d. l. 14. pr. hoc tit.* Sed nimirum sufficit eam aliquando novercae loco fuisse, *d. l. 14.*

TEXTUS.

De fratribus, & sororibus.

1. Inter eas quoque personas, quae ex transverso gradu cognationis junguntur, est quaedam similitudo servatio, sed non tanta. Sane enim inter fratrem sororemque nuptia prohibita sunt, siue ab eodem patre eademque matre nati fuerint, siue ab aliis eorum. Sed si qua per adoptionem soror tibi esse coeperit, quamdiu quidem constat adoptio; satis inter te & eam nuptia consistere non possunt; quoniam verò per emancipationem adoptio fit dissoluta, poteris eam uxorem ducere: sed & si tu emancipatus fueris, nihil est impedimento nuptiis. Et ideo constat, si quis generum adoptare velit, debeat eum antea filiam suam emancipare; & si quis uxor suam adoptare, debere eam antea filium suum emancipare.

NOTAE.

2. Siue ab altero eorum) Convenit *d. cap. 18. Lev. 9. 11.* Athenis tamen consanguineam ducere licebat, id est, sororem *ἐμπτέρη*, non autem *ἐμπτέρη*. Fabrot. ex *Philen.* Sed nec vulgo quaesitam sororem ducere licet, lege *§. 4. D. hoc tit.*

Quamdiu constat adoptio) Ex *Cajo l. 17. D. hoc tit.* Paulus apud *Ruffin.* Adoptiva cognatio impedit nuptias inter parentes & liberos omnino-

do, inter fratres eatenus, quatenus capitis minutio non intervenit.

COMMENTARIUS.

1. Ostenditur firmis rationibus, legem divinam de non ducendis sororibus moralem esse & perpetui juris.

EX transverso gradu) Linea, in qua gradus cognationis ponuntur, vel directa est & perpendicularis, vel transversa. Directa est; vel ascendens, in qua sunt parentes, vel descendens, in qua sunt liberi. Transversa eos complectitur, qui ex latere veniunt: estque vel aequalis; eorum videlicet, qui pari gradu distant à communi parente, ut fratres & sorores, consobrini, patruelis: vel inaequalis, cum alter altero à communi parente est remotior; ut patruus, avunculus, & fratris & sororis filii, & filiae. In linea directa, ut jam dictum est, prohibitio est infinita: in transversa non item, quod nunc se confert Imperator.

Inter fratrem & sororem) In linea transversa aequali unus tantum gradus jure civili prohibitionem habet, nimirum fratrum & sororum nuptia; *l. nemini 17. C. hoc tit.* quas etiam à Deo interdictas non uno loco reperimus; *Levit. 18. 9. & 20. 17. Deut. 27. 20.* Quid ergo? an hæc interdictio siue lex de non ducendis sororibus & ipsa moralis est, perpetuamque & naturalem causam prohibitionis continet? Moralem esse & naturalem non dubito. Moveor, quod Deus ita per Moysen pronuntiat: Qui acceperit sororem suam, nefariam rem operatus est, & in conspectu populi occidetur, *Levit. 20. 17. & Deut. 27. 20.* Male dictus, inquit, omnis, qui dormit cum sorore sua. Adeoque ex abominationibus, propter quas Cananos Dominus extirpavit, hæc una fuit, *Levit. 18. circa fin.* qui tamen non aliam legem quam naturæ habuerunt. Plaro quoque *lib. 8. de legib.* fratrum & sororum conjugia ait esse *μὴ ἀμύνειν τῆς καὶ θυγατρὸς καὶ ἀδελφῆς ἀρχῆς*. Hinc esse, quod in tragœdiis Macarei, cognito se cum sororibus rem habuisse, continuo mortem sibi conciscant, sceleris pœnas à se ipsis repetentes. Et *Cicero lib. 1. de divin. comixtionem fratris & sororis Nefarium stuprum* appellat. *Lucianus in Philop. ἀσελγῆσαι μὲν*. Quis verò hoc nos docuit? sola natura, quippe quæ omnes docet, sorori suæ misceri nefas esse, dum appetitum conjunctionis inter fratrem & sororem cadere non sinit. Quis est enim, qui sororis suæ quantumvis formosæ nup-

nuptias aut stuprum appetat? Non Platonem modò, sed experientiam provocho. *Tam à me*, inquit ille apud Plaut. *Curcul. act. 1. sc. 1. v. 51. pudica est, quàm si soror mea sit*. Neque aliam ob causam Abrahamus credidit se pro marito Saræ habitum non iri, quàm si eam sororem suam esse diceret, *Genes. 12. 12. & 20. 12.* Denique non tantum Romani, sed etiam alii populi, & omnis pene Græcia, auctore Alex. ab Alex. 1. *genial. diæ. 24.* nefandum putaverunt, iisdem parentibus genitos invicem incestus nuptiis detineri. Neque verò ideo minus hoc nefas est, quia Ægyptii & nonnulli alii populi id dicere voluerunt, suorum nimirum Numinum exemplo, cum Saturnus Opem, Jupiter Junonem, Osiris Isin duxerit: & quid ni hoc faceret, apud quos non solum philadelphi, verum etiam philometores fuerunt? Obijci solet dictum Thamaræ ad Amnonem fratrem consanguineum, *Alloquere Regem; non enim denegabit me tibi. 2. Samuel. 13.* Resp. Sive hoc Thamaræ sciens commenta est, ut se præsentis periculo eriperet, sive revera credidit hoc quoque patri Regi licere; inde colligi non debet, aut Davidem id concessurum fuisse, aut rectè facturum, si concessisset. Illud alicujus momenti est, quòd hic nobis obijci potest, & verum esse constat ex sacra historia: oportuisse nimium à primis illis hominibus sorores duci, cum alix mulieres non extarent. Respondent Theologi, id fuisse necessitatis & tacite divinæ dispensationis. Nam cum juberet Dominus propagari genus humanum, nec plures simul feminas condidisset; satis intelligitur, hanc fuisse ipsius voluntatem, ut fratri ex sorore sobolem tollere fas esset; quod postea ipsa natura docuit non licere. Hoc ergo factum, ut Augustinus ait lib. 15. *de civitate Dei, cap. 16. Quanto est antiquius, compellente necessitate* (intelligit necessitate ex illius temporis circumstantia) *tanto postea factum est damnabilius religione* (id est, naturali averfatione) *prohibente*. Afferit ibidem Augustinus etiam nonnullas alias causas, ob quas fratres & sorores conjungi non debeant, ut necessitudo inter plures diffundatur, serpatque & propagetur civium inter se charitas, quam sic extendi etiam Cicero docet, 5. *de finib.* item ut evitetur illa cognationis & affinitatis confusio, quæ fratrum & sororum nuptias necessariò sequitur. Sed hæ rationes tanti ponderis non sunt, ut quod contra sit, natura illicitum censi debeat. Consentit etiam in hac quæstione Covarr. *de matrim. p. 2. cap. 6. §. 10. num. 15. D. Tulden. ad hunc titulum, cap. 6.*

Sive ab altero eorum) In nuptiis utrum frater sit germanus, an consanguineus, vel uterinus dumtaxat; nihil interest. *Levit. 18. 9. 11.* immo nec vulgo quæsitam sororem ducere licet, 1. 54. ff. b. 1. In successionebus autem inter utrinque conjunctos arctior necessitudo habetur; *auth. itaque C. comm. de suc. ut & olim in eadem causa consanguineorum major ratio quàm uterinorum habebatur*: vulgo autem quæsitum extra successione matris vix jus ullum.

Quamdiu constat adoptio) Per adoptionem quæsitæ fraternitas eò usque impedit nuptias, donec manet adoptio, aut naturalis filius in potestate. At si pater, vel me in potestate retento, filiam quam adoptaverat emanciparit, vel me emancipavit, illam in potestate retinuerit, possumus matrimonio jungi, 1. *per adoptionem 17. b. 1.* quippe vinculo agnationis, quæ sola hæc nuptias impedit, soluto. Nam reverentix & honestatis respectus, qui dissoluta adoptione adhuc manet inter patrem quondam & filiam, hic nullus est.

Antea filiam suam emancipare) Alioqui dicimur matrimonium, quod inter fratrem & sororem licet adoptivos non consistit; ut ex Theophilo, Hotom. & Wesemb. hic notant, & indicat Triphon. in 1. *non solum 67. §. 3. hoc tit.* Nam ut dicamus matrimonium manere, & adoptionem potius nullam esse, quod D. Bachovius magis probat; nescio an ex ratione juris civilis defendi possit; quòd cum nuptias inter sororem & fratrem adoptivum prohibet, generum tamen adoptari permittit ex consequenti genero adoptato, nuptias perimi voluisse exultandum est, non adoptionem nullam esse. Vid. *tom. 1. juris Græco Rom. l. 8. c. de adopt. γάμος λύται, ὡς καὶ τὸ τοῦ ἰδίου γαμβροῦ υἱοθεύεται.* Theod. Balsam. *ad d. l. 67 ff. hoc tit.*

TEXTUS.

De fratris & sororis filia vel nepte.

3. *Fratris verò, vel sororis filiam uxore ducere non licet: sed nec neptem fratris vel sororis quis ducere potest, quamvis quarto gradus: cujus enim filiam ducere non licet, neque ejus neptem permittitur. Ejus verò mulieris, quæ pater tuus adoptavit filiam, non videris prohibere uxorem ducere: quia neque naturali, neque civiliter tibi conjungitur.*

NOTÆ.

3. *Fratris vel sororis filiam*) Ex 1. 17. hoc tit. l. 17. C. eod. l. ult. C. de incest. *ut*

Ulpian. apud *Ruffin.* & in *fragm. tit. 5.* scribit permissum esse ducere filiam fratris, non etiam sororis. Hoc Claudius inxeverat. *Sueton. in Claud. cap. 26.* Tacit. 12. *ann. c. 5. seq.* Sed postea sublata est hæc differentia d. l. 17. Lege quoque divina non obscurè hæc nuptiæ vetantur hoc ipso, quod prohibemur ducere amitam & materteram; *Levit. 18. vers. 12. & 13.* eadem enim ratio est.

COMMENTARIUS.

1 Nuptias cum fratris aut sororis filia, & in universum inter personas transverse lineæ, quæ parentum, & liberorum loco inter se sunt, etiam divina lege prohibitas, atque banc quoque legem moralem esse.

Jure civili nuptiæ in linea transversa inæquali prohibitz sunt inter eas personas, quæ parentum liberorumve numero sunt; l. per adoptionem 17. §. 2. l. sororis 39. *boc tit. l. nemini 17. C. eod. l. ult. C. de incest. nup. §. item amitam §. inf. eod.* & quidem in infinitum: l. nuptiæ 53. *boc tit.* nam graduum numerus hic non magis consideratur, quàm in linea recta inter ipsos parentes & liberos. Sed an huic prohibitioni per omnia consentanea sit lex divina veteris Testamenti, quæritur. Ego equidem sic sentio; quamvis enim singula apud Moysen non sint expressa; tamen quibusdam positis, quæ paria sunt, pro expressis habenda, cum hoc flagitet ipsa ratio, ut de similibus similiter statuat, nec in hac prohibitionem tam ad numerum graduum respiciatur, quàm ad venerationem personarum. Cum igitur Dominus expressè vetat amitam & materteræ nuptias; *Lev. 18. vers. 12. & 13.* intelligitur etiam vetare nuptias amitz magnæ, & materteræ magnæ, & deinceps ascendentium; item ἀδελφῶν nuptias fratris & sororis filiz & deinceps ex his descendentium cum patruo & avunculo, & qui supra hos sunt. Atque hanc etiam prohibitionem perpetuam esse & partem legis moralis, ex iisdem fere argumentis evincitur, quibus fratris & sororis nuptias naturæ atque honestati repugnare antea demonstravimus, in ea tamen dispensari potest, ex *Trid. sess. 24. can. 3.* Unum addam: Apud Romanos cum nulla adhuc lege nuptiæ cum fratris filia prohibitz essent; moribus incestu habebantur; l. sororis 39. §. 1. l. etiam si 56. *boc tit.* Adeo ut ipse Claudius Imperator ausus non fuerit Agrippinam fratris sui Germanici filiam uxorem ducere, nisi extorto prius senatusconsulto, quo venia daretur talium conjugiorum; neque tamen reperti sunt, quod mirum est, in libidiniosissima civitate,

qui sequerentur exemplum, excepto uno atque altero pessimo adulate; *Sueton. in Claud. c. 26.* Tacit. 12. *annal. cap. 5. seq.* ac postea senatusconsultum illud à Nerva sublatum est, teste Xiphilino. Sanè brevis hæc lex Nervæ fuit, ut & imperium ejus, & nuptiæ cum fratris filia ex edicto Claudii pro licitis iterum haberi cœperunt; nam auctore Capitolino, Antoninus Pius filiam suam fratri uxorem dedit; quod antea nondum sublato senatusconsulto & Titium secisse Suetonius memorat. *Domitian. c. 22.* Cæterum quia Senatusconsultum illud sive edictum Claudii cum naturæ honestate pugnare videbatur, strictissimè acceptum de sola fratris filia, non autem de filia sororis, teste *Ulp. tit. §. 6.* aut quod magis puto, jam tempore mediæ jurisprudentiæ vim amiserat; argumento id, quod Caus scribit, l. quin etiam 55. §. 1. *boc tit.* fas non esse ducere neptem patris adoptivi ex filio; quanto igitur minus neptem veri patris & naturalis, seu veri fratris filiam ducere licuit? Ut ut est, tandem expressè edictum illud abrogatum est, & quidem à Principibus ethnicis Diocletiano & Maximiniano; l. nemini 17. *C. boc tit.* adeo altè à natura leges istæ cordibus humanis inscriptæ sunt; l. ult. *C. de incest. nup. art. 7. Ordin. pol. VINN. Lex 17. C. de nupt. desumpta ex ed. Codice Greg. lib. 5. tit. 1. §. 9.* ubi ea multo integrior exstat. Ibi vero nihil de fratris, sed de sororis filia, quam distinctionem etiam admittit *Ulp. tit. §. 6.* Ex quibus colligimus (1) l. 17. *C. de nupt.* à Triboniano, locum autem Caji lib. 1. *Instit. tit. 4. §. 3.* ubi & cum fratris filia matrimonium prohibetur, ab Aniano esse interpolatum. (2) Nervæ legem non hoc matrimonium cum fratris, sed alterum cum sororis filia, οὐδὲ ἀδελφῶν inhibuisse. (3) Primos Nuptias cum fratris filia prohibuisse Constantinum & Constantem, l. 1. *C. de incest. Nup. HEIN.*

Quamvis quarto gradu) Hinc apparet, jure civili licitum fuisse ex quarto gradu lineæ transversæ uxorem accersere, excepta ea quæ parentis aut filiz loco esset.

Cujus filiam, &c. Neque ejus neptem) Hæc regula ad hypothesein revocanda est, cujus videlicet fratris aut sororis, de quibus agitur. Vera autem ratio est; quoniam parentum liberorumque invicem numero sunt: ut hic aliud spectandum sit, quàm numerus graduum; §. item amitam §. inf. l. nuptiæ 53. *eod.*

Neque naturalis, neque civili) Non naturalis, quia cognata mea non est, cùm adoptio non tribuat jus sanguinis: non civili, quia avunculus nemo fit per adoptionem; l. 12. in *fin. eod.*

Quip-

Quippe per adoptionem cum iis tantum personis necessitudo contrahitur, quæ si sanguine nos contingerent, nobis agnatæ essent *l. per adoptionem 23. de adopt.*

TEXTUS.

De Consobrinis.

4. *Duorum autem fratrum, vel sororum liberi, vel fratris, & sororis, conjungi possunt.*

COMMENTARIUS.

1. *Patruelium & consobrinorum nuptias neque civilis, neque divino jure prohibitas, quamquam Canones longius progressi.*

2. *Discrimen dinumerationis graduum inter jus civile & canonicum explicatum.*

1. **R**edit ad lineam transversam æqualem, in qua dicit, eos, qui in quarto gradu sunt, facta computatione civili, conjungi posse nimirum fratris & sororis liberos: idemque traditur in *l. 3. b. t. l. celebrandis 19. C. eod.* scilicet quia hic cessat ratio, ob quam prohibeor neptem fratris ducere, quod ego illi parentis, illa mihi filii loco sit. Lege quoque divina patruelium aut consobrinorum nuptiæ interdixit non sunt; adeoque si exempla jus faciunt, tantum non expresse conceduntur; *num. 36. 11. Augustinus lib. 15. de civ. Dei*, de connubiis consobrinorum agens ait, ea nec divinam legem prohibuisse, neque ad sua usque tempora, humanam. Prohibuerat has nuptias Theodosius Major, ut scribit Anrel. Victor: sed legem patris filii Arcadius & Honorius sustulerunt, revocata præci juris, ut inquirunt, auctoritate; *d. l. celebrandis 19. C. hoc tit.* Pontifices autem Romani longius progressi sunt, & conjungi vetuerunt non solum consobrinos, sed etiam sobrinos & eorum liberos, quos quarto gradu numerant, cum octo inter se dissent; *cap. non debet, de cons. & affin. Concil. Lateran. c. 50.* cujus Concilii auctoritate Innocentius abrogavit priorum Pontificum decreta, qui usque ad septimum gradum nuptias inhibebant: hoc est, eorum, qui jure civili decimoquarto gradu invicem contingunt; *c. progeniem, & seq. c. nulli, & seq. 35. q. 2. & 1.*

2. Manet hic locus, ut discrimen dinumerationis graduum, quod est inter jus civile & canonicum, obiter explicemus; quippe quod ad causas matrimoniales solum pertinet: nam in successione civilibus computationem sequuntur etiam in terris Ecclesiæ, teste Schneid. hic; & D. Tulden. *ad tit. Inst. de grad. cogn.*

Jus civili generata persona gradum adjicit, ut tot eo jure sint gradus, quot sunt generationes; *§. balenus 7. inf. d. iir.* In linea recta aut ascenditur, quæ idcirco ascendendum appellatur, ordinemque parentum complectitur: aut descenditur: quæ dicitur descendendum, & ordinem deprehendit liberorum. In linea transversa seu collateralis primum ascenditur deinde descenditur. Exempli gr. ego genitus sum à patre meo: ecce unum gradum. Idem pater meus genuit Titium fratrem meum: ecce alterum; unde consequitur, fratres duobus gradibus inter se distare de jure civili. Pari ratio ne si quæras, quot gradibus à te distet patruus tuus, ascende primum ad avum vestræ cognitionis communem auctorem, deinde iterum descende ad ejus filium, qui est patruus tuus: comperies eum tribus gradibus à te distare: ita deinceps. Latius hæc declarantur *inf. d. gradu cognat.* Jus autem Pontificium aliter gradus dinumerat; *cap. ad sedem, 35. quæst.* Cujus juris regulæ sunt. 1. In linea ascendendum & descendendum quot sunt personæ, ut dempta, tot sunt gradus: quæ computatione hac linea à computatione juris civilis in tantum differt, quod Canones personas numerant, jus civile generationes. 2. In linea transversa æquali, quot gradibus alter distat à comuni stipite, totidem utrique inter se distat. Exempli gr. Frater & soror distant inter se h jure uno tantum gradu, quia uno gradu distat à communi parente: & consobrinus ista computatione mihi est secundus, quia ab avo, communis utriusque nostrum fons est & origo secundus numeror. 3. In linea transversa æquali, quo gradu distat remotior à capite, gradu distat inter se. Igitur fratris mei filius secundo gradu à me abest, quia ille à patre meo suo duobus gradibus dissidet: & nepos fratris mei tertio, quia à patre meo tertius est.

Conjungi possunt) Theoph. negativè recedit à *δύναμις συνάπτειν*, quia sic in Oriente obtinebat. Nam post Justinianum sub Imperatoribus Græcis hæc matrimonia iterum improbatæ. Harmenop. *l. 4. tit. 9. Attat. tit. 26. Monach. tit. de grad. sept. consang.* VINN. tota hujus juris historia conferendus Jac. Gothofr. *ad l. un. C. Tb. si nupt. ex rescript. lib. 3. tit. 10. Tom. 1. p. 288. HEIN.*

TEXTUS.

De amita, matertera, amita magri matertera magna.

5. *Item amitam, licet adoptivam, ducere*

rem non licet. Item nec materteram: quia parentum loco habentur. Qua ratione verum est, magnam quoque amitam, & materteram magnam prohiberi uxorem ducere.

COMMENTARIUS.

HUJUS §. explicatio petatur ex iis, quæ ad §. 1. sup. diximus.

Licet adoptivam) Hoc consulo hic additum, in matertera omissum: nam matertera per adoptionem non magis fieri potest, quam avunculus; l. 12. §. ult. hoc tit. Eadem verba quoque repetenda sunt in amitam magnam; l. per adoptionem 17. in fin. cod. VINN. Sed turbat Cajus in l. 55. §. 1. ff. de ritu nupt. Ubi ne patris quidem adoptivi materteram duci uxorem posse statuit. Enimvero matertera patris adoptivi, huic loco parentis, & hinc filio quoque adoptivo veneranda est, adeoque non magis duci potest, quam adoptivi vidua l. 14. pr. ff. b. tit. Qualis respectus non est inter sororem patris adoptivi & filium ab eo adoptatum. HEIN.

TEXTUS.

De affinibus, & primùm de privigna, vel nuru.

6. Affinitatis quoque veneratione à quarundam nuptiis abstinere necesse est; ut ecce, privignam aut nurum ducere non licet, quia utraque filia loco sunt. Quod ita scilicet accipi debet, si fuit nurus aut privigna tua. Nam si adhuc nurus tua est, id est, si adhuc nupta est filio tuo, alia ratione uxorem eam ducere non poteris: quia eadem duobus nupta esse non potest. Item si adhuc privigna tua est, id est, si mater ejus tibi nupta est; ideo eam uxorem ducere non poteris, quia duas uxores eodem tempore habere non licet.

NOTÆ.

6. Privignam) Quæ sic dicta, quòd genita, antequam mater secundò nuberet. Fest. Qui duas uxores) L. 2. C. de inc. nupt. l. 18. C. ad leg. Jul. de adult. Multæ quoque aliz gentes virum unicz mulieri copularunt. Dionys. Halic. lib. 2. Raræ binz in Occidente nuptiz. De Germanis testatur Tac. de moribus Germ. c. 18. Valentinianus permittere voluit, Niceph. Calist. lib. 11. cap. 33. Jul. Poll. in ebron. In Rep. Christiana tolerari non oportere evincunt, quæ apud Matth. c. 5. & 19. Marc. 10. Luc. 16. Paul. 1. Cor. 7. VINN. Valentiniani Tom. I.

Consilium non feliciorum habuit exitum, quam Julii Cæsaris, qui per Helium Cæcinam simile quid tentaverit. Suet. Jul. c. 52. Quin sunt qui illam narrationem de Valentiniano, cujus auctor Socr. H. E. lib. 4. c. 31. falsam judicant, in primis Tillemont dans l' Histoire des Empereurs, tom. 5. part. 1. not. 28. p. 345. HEIN.

COMMENTARIUS.

- 1 Licet affinitatis nulli propriè sint gradus; tamen quasi quosdam gradus affinitatis numerari posse, & num. 1.
- 2 Genera affinitatis à veteribus canonibus statuta, posteriorum Pontificum decretis moderari.
- 3 In linea recta affinitum eandem esse prohibitionem, quæ in eadem linea cognationis.
- 4 In linea affinitatis transversa quatenus se extendat prohibitio.
- 5 Interdista Levit. 18. quæ affines spectant moralia esse.
- 6 Jure civili antiquo non videri inter affines transversa linea prohibitionem fuisse.
- 7 Polygamiam in Rep. Christiana non esse tolerandam.

HÆTENUS de nuptiis, quæ propter cognationem prohibentur. Cognationis simulacrum quoddam est affinitas: cujus ea etiam vis est, ut quovis affines quibuscvis jungi naturæ honestas non patiar. Sunt autem affines viri & mulieris cognati, dicti ab eo, quòd duæ cognationes, quæ inter se diverz sunt, per nuptias copulantur, & altera ad alterius cognationis finem accedit, *ει κατ' ἐκινυαται, συγγενος*, leg. 4. §. 3. de grad. & affin. ubi nomina quoque affinitum peculiariter recensentur. Gradus affinitatis propriè nulli sunt, quia affines ab affinibus non generantur; d. l. 4. §. 5. nihil tamen prohibet, quominus quasi quosdam gradus affinitum numeremus; sic enim & Paulus loquitur l. 10. pr. d. tit. dicamufque, quo gradu quispiam est cognatus marito, eo gradu esse affinem uxori & quasi cognatum, & contra. Veteres canones etiam genera affinitatis numerant, eaque tria: ut ecce: Uxoris meæ filius mihi est in primo genere affinitatis, illius uxor in secundo genere: mortuo privigno meo, si illa nubat Titio, hic mihi erit in tertio genere affinitatis: sic uxoris meæ frater mihi est in primo genere affinitatis; uxor illius in secundo: quæ si mortuo marito alteri nubat, is mihi erit affinis in tertio genere. Non obstat quod Papinianus respondet in l. 15. hoc tit. uxorem quondam privig-

vigni conjungi matrimonio vitrici non oportere. Hoc enim non eam rationem habet, quòd affines sunt; sed quòd honestas & pudor naturalis non patiatur, necum matrimonio jungi uxorem ejus, qui mihi aliquando filius seu loco filii fuit propter matrem, quam in matrimonio habui. Similis quædam prohibitio est in *leg. 14. pr. cod.* Nascitur affinitas ex unione viri & uxoris, qui cum matrimonio juncti unum fiant, necesse est vinculo isto etiam utrinque cum iis connecti ipsorum cognatos, eodemque gradu, quo quis cognatus est marito, fieri uxori affinem & quasi cognatum: & ex contrario, quo gradu quis uxori cognatus est, eodem fieri affinem & quasi consanguineum marito; exempli gratia: in linea recta quia uxor mea uno gradu distat à patre suo, ab avo duobus, ego quoque à socero uno gradu, à profocero duobus distabo: idemque de cæteris tum ascendentibus tum descendentibus statuendum. In linea transversa, quia maritus à fratre suo duobus gradibus distat, totidem distabit uxor à leviro. Quod ipsum quoque dicendum est de glorie, sororio, fratria. Item quia uxor mea à patruo suo vel avunculo tribus gradibus dissidet, ego quoque à soceri fratre vel sorore totidem gradibus abero; & sic deinceps. Videamus nunc quidnam gradus affinitatis prohibiti, & anne idem omnes, qui & cognationis.

4. In linea recta eadem jure civili prohibitio in affinitate, quæ in cognatione. Itaque nec socer nurum, nec socrum gener, nec vitricus privignam, nec privignus novercam ducere potest; *l. 14. §. ult. hoc tit. l. nemini 17. C. cod.* quod & Justinianus *hoc §. seq.* docet prohibitionis hanc rationem asserens, quòd invicem parentum & liberorum loco sunt; cui proinde consequens est, nec inter profocerum & pronorum, nec inter vitrici patrem & privignam, & sic porro, nuptias licitas esse; *d. l. 14. §. ult. Levit. 18. vers. 8. 15. & 17.* Atque hanc etiam prohibitionem perpetuam esse & morealem, evincit locus Apostoli *1. ad Cor. 5.* ubi tale stuprum ne inter gentes quidem nominari ait, ut quis uxorem patris habeat. Et M. Tullius in *orat. pro Cluent. c. 6.* cum socrum genero nupsisse narrasset, subdit; *O mulieris scelus incredibile, & præter hanc unam, in omni vita insuditum!* atque in hoc quoque nobis assentiuntur plerique Pontificiorum, *Covar. de matrim. p. 2. cap. 6. §. 10. num. 19.* In linea transversa æquali, neque frater uxorem defuncti fratris ducere, nec vicissim soror marito sororis nubere potest, nec maritus cum sorore uxoris, aut uxor cum fratre mariti

conjungi, quoniam affinitate inter se sunt facti fratres & sorores; *l. 5. l. pen. & ult. Cod. de inc. nupt. facit d. cap. Levit. 18. vers. 16.* Quo loco cum fratris cum uxore fratris defuncti nuptiæ prohibeantur, prohibita quoque censeri debet sororis cum marito sororis suæ conjunctio, ex ratione, quam affert Moyses, quia inquit, fratris tui pendenda sunt: quod nihil aliud declarat, quam quia uxor fratris tui est, ut jam affinitate tu illi frater, illa tibi soror facta sit, quos conjungi naturæ honestas non patitur. In transversa affinitatis linea inæqual Dominus expressè apud Moysen, *d. cap. vers. 14.* vetat conjungi fratris filium cum uxore defuncti patris; cui consequens est: 1. nec sororis filium cum uxore defuncti avunculi conjungi posse. 2. nec patruum aut avunculum cum uxore filii fratris sororis. 3. nec amitam aut materteram cum marito filio fratris aut sororis. Sed an æquè ex consequenti prohibita intelligi debeant nuptiæ mariti cum amita aut matertera uxoris suæ, aut cum fratris vel sororis suæ, sive leviri aut gloris filia; non nulli dubitant, propterea quòd hæc conjunctio non videtur tam longè recedere ab honestate & verecundia, quàm præcedentes illæ. Minus enim, ajunt, verecundum est patrum meorum cum ea, quæ mihi aliquando uxor fuit, consuescere, & duos consanguineos cum eadem misceri, quàm illum, qui amitam meam in matrimonio habuit, jungi cum sorore mea: & unum successive cum duobus consanguineis. Atque ut putet aliquis, ordini naturæ minime convenire ut quis ducat & maritali imperi subiciat amitam aut materteram uxoris suæ, quòd istæ illi loco parentum sunt, hanc tamen rationem cessare in filia leviri aut gloriæ. At enim verò si in universum spectamus causam, ob quam nuptiæ in prædictis omnibus affinitatis gradibus prohibentur, videlicet quia vir & uxor in unum corpus coalescent non amplius duo sunt, sed una caro; in universum etiam dicendum videtur, eosdem gradus affinitatis prohibitos censeri debere, & prohibiti sunt in cognatione: & propositio nempe illam *Levit. 18. 6.* *Ad proximam sanguinis sui nemo accedat;* etiam ad affines, & pro consanguineis sunt, pertinere, & tametè patere, quàm latè patet prohibitio in sanguine junctos. *Basilii in epist. ad Dioscorum.*

Planè ut non æquè graviter omnes peccati nec puniendi sunt, qui prohibitam in ore cognatorum ducunt, sed levius qui ex transversa, gravius qui ex recta linea uxorem munt: ita etiam gravius delictum est, ex r

affinitatis linea, quàm ex transversa uxorem
 6 sumere. Sunt verò etiam hæc interdicta, quæ
 affines transversæ lineæ spectant, moralia &
 perpetua juris. Neque enim Deus gentes ob
 singula facta cum singulis interdictis pugnan-
 tia punivissent, nisi in singulis peccassent con-
 tra jus naturæ. Notentur particulæ universales,
 quibus singulos casus designat legislator, cum
 idcirco gentes punitas subjicit. At enim, in-
 quies: si lex de non ducenda fratria *Levit. 18.*
 6. perpetuum & naturalem causam prohibi-
 tionis habet, qui sit, quod fratria certo casu
 duci jubetur? *Deut. 25. 5.* Jus enim naturale
 est immutabile. Respondent doctiores Theo-
 logi: Jus naturale duplex esse; unum tale; ut
 absolutè in se ac essentia sua æquum & justum
 sit, quicquid eo continetur, ac proinde prorsus
 immutabile, alterum, quod æquitatem &
 justitiam continet in rerum natura sola Dei
 voluntate impressam, ut à creatura naturæ
 ductu approbaretur: ac posterius hoc jus uti
 à legislatoris voluntate dependet, ita & per
 eam aliquando ex causâ peculiari mutari; sic
 quamvis jus naturæ vetet suum cuiquam au-
 ferre, Deum tamen de isto jure dispensasse,
Exod. 12. 35. 36. quum Israelitis mandaret,
 ut Ægyptiis sua auferrent. Atque ita etiam for-
 te Deus in Sanctis olim quædam matrimonia
 concessit propter sancti generis paucitatem.
 Eademque ratio est legis de fratria certo ca-
 su ducenda, excitandoque fratri sine sobole
 defuncto semine; videlicet ut in nomen pri-
 mogeniti conservaretur familia, & primoge-
 nita Christi numquam intermoritura signifi-
 cetur. Augustin. *q. 61. in Levit.* Quare juris
 Pontificii Interpretes asserunt, impedimenta
 hujusmodi non ita constringere in lege Evan-
 gelica, sicut in Mosaica, atque inde monet
 Sanchez de matr. lib. 8. disp. 6. num. 11. &
 7 *seqq. & lib. 7. disput. 52. num. 6. & seqq.* nul-
 los gradus consanguinitatis & affinitatis *Le-
 vit. 18.* hodie esse prohibitos jure divino, nisi
 qui aliàs prohibiti sunt jure naturæ primævo;
 & consequenter Pontificem in omnibus illis
 7 dispensare posse. Apud veteres Romanos, ut
 hoc quoque obiter dicam, non videtur, trans-
 versæ affinitatis linea prohibitionem habuisse:
 idque exemplo doceri potest, quod asserunt M.
 Tullius lib. 1. de divin. cap. 46. & Valer. Ma-
 ximus lib. 1. cap. 5. de Metelo, qui mortua
 uxore Cæcilia, filiam sororis Cæcilii in matri-
 monium duxit: quod tamen neuter eorum ut
 novum refert. Quamvis autem aliquis dubitet,
 an hoc locum habuerit in hac linea in uni-
 versum, puta si frater viduam fratris, vel pa-
 truius aut avunculus uxorem filii fratris aut

sororis, vel contra filius fratris aut fororis
 uxorem patris aut avunculi ducere voluisset,
 tamen ego crediderim, apud Romanos jura
 affinitatis morte unius è conjugibus pro extin-
 gita habita fuisse: utique si liberi ex eo matri-
 monio non superessent. Nam apud Plutar-
 chum legitur, Marcum illum Crassum cog-
 nomento Divitem defuncti fratris viduam du-
 xisse: neque hoc tamquam novum aut præ-
 ter morem factum auctor commemorat. Ni-
 mirum ut nuptiis eam dissolvi voluerunt; sal-
 va tamen reverentia eam affinitate nata inter
 eas personas, quæ parentum & liberorum lo-
 co fuerant, *arg. hujus & seq. §.* adeoque ead-
 em fere ratio affinitatis fuit, quæ adoptio-
 nis, qua & ipsa soluta, nuptiæ non impe-
 diuntur, nisi ob solam reverentiam inter eos,
 qui parentes & liberi fuerunt. Neque enim
 dubito quin patruius adoptivam filiam fratris,
 aut fratris amitam adoptivam, soluta per
 emancipationem adoptione, ducere poterit,
 cum nuptiæ etiam cum sorore adoptiva disso-
 luta adoptione consistenter, *§. 2. sup.* Sed pro-
 fectò magnum discrimen est inter conjunctio-
 nem, quæ ex adoptione oritur, & eam quam
 parit affinitas. Adoptio merum juris civilis
 commentum est; affinitas verò etiam causam
 naturalem habet, quæ ex commixtione cor-
 porum nata nuptiis solutis adhuc permanet,
 quò pertinet illud Pontificis in *c. 1. cap. 35.*
q. 1. Uno defuncto, in superstitibus affinitatem non
deleri. VINN. Conjectura Vinnii quod Jura af-
 finitatis morte unius conjugis extincta sint,
 nihil est verius. Confirmant illam non solum
 exempla à Vinnio & postea à V. C. Bern. Henr.
 Reinoldo *Var. cap. 24. p. 196. seqq.* adducta,
 verum etiam edictum Constantini, Constantis
 & Juliani *l. 2. C. Tb. de incest. nupt.* quo pri-
 mum id mutatum. Ubi adde Gothofr. *Tom. 1.*
pag. 296. HEIN.

Quia utraque filia loco) Regula juris civi-
 lis est, eos, qui in numero parentum aut li-
 berorum sunt, conjungi matrimonio non pos-
 se; *l. nuptia §. 3. hbc tit.* cui regulæ locus est
 non tantum in cognatione, sed etiam in af-
 finitate: *l. 14. §. ult. eod.* Et quamvis jure ci-
 villi, ut supra diximus, id tantum obtinuisse
 videatur in recta affinitatis linea ob reveren-
 tiæ cujusdam & honestatis respectum; qui ces-
 sat in iis, qui ex transverso gradu invicem af-
 fines sunt; tamen & alias esse hujus prohibi-
 tionis causas, de quibus paulo ante diximus.

Si fuit nuptus sua) Ergo dissoluta demum
 affinitate huic prohibitioni locus est; quod
 & disertè exprimitur in *§. seq. ibi; dissoluta*
demum affinitate. Qui locus conjecturam no-

stram adjuvat, mortem unius à conjugibus affinitatem diremissè; sed ob personarum venerationem & pudorem naturalem nuptias nihilominus interdictas fuisse inter eos, qui affinitate parentes & liberi fuerant. Utique causam prohibitioni dedit ante contracta affinitas.

Eadem duobus nupta) Unam apud plures nuptam esse, diametro pugnat cum recta ratione; quia (ut alia omittam, quæ dictæ fœda) officit procreationi liberorum, qui principalis matrimonii finis est. Neque apud ullam gentem licitum unquam fuisse legimus, ut una mulier duobus aut pluribus viris nubere. Tertull. *adversus Marc. Manente matrimonio nubere adulterium est*.

Duas uxores eodem tempore) Duas aut plures uxores apud unum nuptas esse multi putant non pugnare cum naturali ratione, cum apud plerasque gentes id licitum fuisse legamus; adeoque ipsè Deus hanc polygamiz speciem populo suo permiserit. Sed non deest quod reponatur. Vide quæ dixi sub §. 1. *sup. de patria pot.* Ut est; constat ex iis, quæ à Christo dicuntur apud *Matth. 5. 32. & 19. 9. Marc. 10. 4. Luc. 16. 18.* & quæ scribit Paulus *1. Cor. 7. polygamiam in Republica Christiana non esse tolerandam*; quæ etiam multis gentibus improbata fuit. Rarè binæ simul in Occidente nuptiæ. Neque enim apud Romanos tantum constitutum fuit, ne quis binas eodem tempore uxores haberet, sed etiam apud Græcos, & jam tempore Cecropis Atheniensium Regis, vide *Pet. Fabr. 2. semest. 1. Germanos quoque nostros singulis uxoris contentos fuisse*, scribit Tacitus de morib. *German. cap. 18.* Sed & plures alias gentes virum unicæ mulieri copulasse testatur *Dion. Halicarn. lib. 2.*

TEXTUS.

De focu & noverca.

7. *Socrum quoque & novercam prohibitum est uxorem ducere: quia matris loco sunt. Quod & ipsum dissoluta demum affinitate procedit: alioquin si adhuc noverca est, id est, si adhuc patri tuo nupta est, communis jure impeditur tibi nubere: quia eadem duobus nupta esse non potest. Item si adhuc socrus est, id est, si adhuc filia ejus tibi nupta est, ideo impediuntur tibi nuptiæ, quia duas uxores habere non potes.*

NOTÆ.

7. *Duas uxores*) Bigami pœna capitalis est,

Theophil. *ἡγορεύεται τοῖς τοῖς ποικίλως ἰσχυρισμένοις* 60. *Basil. 37. cap. pen. & rectè, nam ut ait Tertull. adv. Marc. Manente matrimonio nubere adulterium est*, fac *l. 18. C. ad leg. Jul. de adul.*

COMMENTARIUS.

HUjus §. & superioris eadem planè est sententia, ut nova explicatione non indigeat.

TEXTUS.

De comprivignis.

8. *Mariti tamen filius ex alia uxore, & uxoris filia ex alio marito, vel contra, matrimonium rectè contrahunt: licet habeant fratrem sororemve ex matrimonio postea contracto natos.*

8. *Mariti filius ex alia uxore*) Titius cum haberet filium ex conjugè defuncta, Semproniam uxorem duxit, quæ ex priore matrimonio filiam habebat. Quæ. An inter filium Titii & filiam Semproniz nuptiæ consistent? R. Consistere. Ratio est. Quia nulla est inter comprivignos affinitas, utpote quæ ultra personam matrimonio junctas non extenditur. Wesf.

Rectè contrahunt) *l. 14. §. pen. D. hoc tit. l. 134. pr. de verb. oblig. neque Levit. 18. vers. 11. prohibentur nuptiæ ἀλλοτρίων, sed fratris, & sororis ἑμπατριῶν sive consanguineæ.*

COMMENTARIUS.

COgnati personarum, quarum intervenit & copula contracta est affinitas, inter nuptias contrahere non prohibentur. Et ratio est perspicua. Quia inter eos nulla est affinitas, utpote quæ ultra personas conjunctas non extenditur: hoc est, cognati quidem uxori marito sunt affines, & contra cognati maritum uxori; sed ipsi cognati utriusque non sunt inter se affines: alioqui simulacrum consanguinitatis latius pateret quam ipsa cognatio. *l. 14. §. pen. hoc tit. l. 134. pr. de verb. oblig.* Hinc igitur est, quod inter comprivignos contrahi nuptiæ possunt, quod pater & filius, frater & filiam, duo fratres duas sorores dire non prohibentur. Quamquam hic rectè auro arbitror, qui magis id quod honestum est, quam quod licet, inspicit, ne consanguinitatis, cujus imago est affinitas, nimis perturbetur: quod fit si verbi causa, pater, filiam, filius matrem uxorem ducat. Putave quidam nuptias comprivignorum veteri *l. 18. 11. Ant. Matth. in not. hic, & D. C.*

Regu. in cons. Belg. Sed perspicuus error est. Illic enim non comprivignorum, ἀλλὰ κειμήλιον, sed fratris & sororis consanguineæ, id est, ab eodem patre ex alia & secunda uxore susceptæ prohibentur nuptiæ: de qua conjunctione nihil dictum erat *vers. 9.* ubi prohibentur nuptiæ sororis germanæ, & uterinæ dumtaxat. Verba Moysi sunt: *Turpitudinem filia uxoris patris tui, quam peperit patri tuo, & esset soror tua, non revelabis.* In versione LXX. est, ἡ μοκασία ἀδελφῆς. VINN. Sed error tamen non adeo perspicuus videtur. Quum enim in fontibus legatur מילה participium activum non passivum מילה vix potest textus aliter verti quam hoc modo: *Non deteges turpitudinem filia uxoris patris tui, qua peperit patri tuo, tanquam sororem tuam.* HEIN.

Licet habeant fratrem, (sororemve) Communi fratre aut sorore ex novo parentum matrimonio postea susceptis videri poterant archius privigni conjungi; attamen ne id quidem nuptias eorum impedire, Papin. respondit *lege generali 34. §. 2. hoc titulo.*

T E X T U S .

De quasi privigna, quasi nuru, & quasi noverca.

9. *Si uxor tua post divortium ex alio filiam procreavit; hæc non est quidem privigna tua: sed Julianus ab hujusmodi nuptiis abstinere debere ait. Nam constat, nec sponsam filii nurum esse, nec patris sponsam novercam esse: restius tamen & jure facturos eos, qui ab hujusmodi nuptiis abstinerint.*

N O T Æ .

7. *Uxor tua post divortium*) *Ex l. 12. §. 1. 2. & 3. D. hoc tit.* Vix est, ut hujusmodi casus non existeret. Sed & pridem apud Romanos defuerunt bona gratia matrimonia dissolvi. De jure, quod antea obtinebat, Augustin. 1. ad Valer. de nupt. & concup. 10. & de bon. conjug. 8. *Non est privigna*) Ratio ex notatione verbi. Privignus enim dictus, quod prius quam mater secundo nuberet, genitus est. Fest. Græcis κειμήλιον.

Abstineri debere) Propter honestatem, que in conjunctionibus spectatur; l. 41. D. hoc tit. ἡ τοῖς γάμοις ὁ μὲν τὴν ἐπιταγὴν μὲν ζητῶνται, ἀλλὰ καὶ τὸ ἐν πενήσι, ut. ajunt Interpretes canonum. Quod non vetat lex, hoc vetat fieri pudor. Fabrot.

Nec sponsam filii nurum) Propria sponsa non

est uxor; leg. 12. §. 1. & 2. hoc tit. Impropriè tamen appellatione uxoris sponsam quonque accipimus; l. 6. l. 8. D. de grad. & affin. Est enim sponsa quasi uxor, & sponsus quasi maritus. Tertull. de vel. virgin. Desponsata enim quodammodo nupta.

C O M M E N T A R I U S .

- 1 *Sponsalibus propriè non contrahi affinitatem.*
- 2 *Ex illegitima etiam conjunctione affinitatem nasci.*

Superius dictum est, privignam tibi loco filia esse, eo quod mater tibi nupta est, nec posse te eam uxorem ducere, licet morte matris aut alio modo rite solutum sit matrimonium. Quæritur igitur. Si uxor tua post divortium alteri nupserit, & ex eo filiam procreaverit; an ne eam quidem uxorem ducere possis? Ratio dubitandi, quia non est privigna tua, utpote genita postquam mater secundo nupsit. Nam ut Festus scribit; *Privignus enim dictus est, quod prius genitus sit, quam uxor secundo nuberet, (Græcis κειμήλιον,)* aut si rema mavis quam notationem inspicere, nulla tibi affinitate conjuncta unquam fuit; quoniam nondum nata erat, cum matrem in matrimonio haberes. Sed tamen ab hujusmodi nuptiis abstinendum esse rectè placuit; l. 12. §. 3. hoc tit. ob consuetudinem, quæ mihi cum matre fuit.

Nam constat, nec sponsam filii) Nudis sponsalibus propriè non contrahitur affinitas, sed nuptiis dumtaxat. Sponsalia enim nihil aliud sunt, quam mutua futurarum nuptiarum repromissio; l. 1. de sponsalib. quam libere liceat infringere; l. 6. d. tit. l. 1. C. eodem, ac proinde, verbi causa, sponsa filii mei nurus mea non est, nec patris sponsa propriè noverca; l. 12. hoc tit. Quid est igitur, quod Jurisconsulti respondent, nomine affinium etiam futuros conjuges comprehendi; l. 6. l. 8. de grad. & affn. l. 3. l. 4. de leg. Pomp. de parr. l. 13. §. 3. ad leg. Jul. de adulter. Nempe id minus propriè dici constat, & locum habere cum sponsalia adhuc durant, & spes est fore, ut matrimonium prope diem sequatur: soluti autem sponsalibus, & spe nuptiarum penitus sublata, nulla amplius intelligitur affinitas, de qua specie agitur hoc nostrum §. & d. l. 12. ac solum honestatis causa nuptiæ inter personas enumeratas prohibentur, eoque pertinent; l. semper 42. hoc tit. l. semper 197. de regul. jur. Igitur quod non vetat lex, hoc vetat fieri pudor. Argumentatur autem Justinianus

nus à comparatione minorum. Et ita profecto est, ut mihi multo minor sit cum sponsa filii mei necessitudo, quàm cum illa quasi privigna: quippe cujus matrem in matrimonio habui: ex qua forte & liberos, qui illi fratres sunt, suscepì: At sponfam filius meus numquam attigit, ac fortassis ne vidit quidem: ut hic sola honestas causam prohibitioni præbeat, illic etiam corporum commixtio, quæ præcipuè in hoc negotio respicitur, & à Mose detectionis nomine honestè significatur. De eo ambigitur, an etiam ex illegitima conjunctione contrahatur affinitas? Sed dicendum est contrahi. Nam si ex quovis coitu, quantumvis illegitimo, nascatur cognatio, cur non etiam affinitas intelligatur? Sic certè à cognitione, quæ ex contubernio servorum descendit, affinitatem servilem Paulus arguit: l. 4. C. cod. aut in concubinato habere; leg. 1. §. 3. de concubin. Quod autem Modestinus respondit, l. 4. §. sciendum 8. de grad. & affin. affinitatem nonnisi ex iustis nuptiis oriri, de plena & perfecta affinitate intelligendum esse, vel ex eo liquet, quod eodem loco scribit, nec cognitionem extra nuptias conjungi, contra quem ipse definit §. 2. ejusdem l. 4. Atque ita sentiunt Juris Canonici Interpretes, dum ex sponsalibus validis de futuro & ex concubitu illegitimo inducunt impedimenta dirimentia, quæ vocant justitiæ publicæ honestatis.

TEXTUS.

De servili cognitione.

10. Illud certum est, serviles quoque cognationes impedimento nuptiis esse, si forte pater & filia, aut frater & soror manumissii fuerint.

NOTÆ.

10. Serviles cognationes) Ex l. 14. §. 1. D. hoc tit. idemque observatur & in servilibus affinitatibus; d. leg. 14. §. 2. Nam in nuptiis naturale jus, & pudor inspicitur d. l. 14. §. 2. aliàs non faciliè ulla servilis videtur esse cognatio: l. 1. §. 1. D. unde cogn.

Manumissii) Nam servorum inter se nullum matrimonium est. Utique tamen nec servile contubernium inter has personas permixtum. Wesf.

COMMENTARIUS.

SI ex quavis etiam illegitima consuetudine nascitur cognatio, quæ nuptiis impedimento sit; l. nuptiis 57. & seq. hoc tit. conse-

quens est, etiam ex servorum conjunctione cognitionem hujusmodi nasci; l. 14. §. 2. et dem. Semper enim in contrahendis matrimoniis naturale jus & pudor inspicitur. Naturæ autem omnes homines æquales sunt: adeoque quod in cognationibus servilibus constitutum est, etiam id servilibus affinitatibus observatur; d. l. 14. §. 3.

Manumissii fuerint) Hoc non ita accipies dum est, quasi ante manumissionem pariter filiam aut fratri sororem in contubernio habere liceat; sed ideò additum, quia de nuptiis hic quæritur, quas constat, inter persônas serviles non consistere de hoc jure. Plurimè quia servi ob conditionis vilitatem digni non habebantur, quos lex observaret, ideò ut leges, quibus poena incestus aut adulterii constituta est, ad servos pertinere existimantur ut proinde nec eadem severitate ob incestus aut violatum contubernium coercendi sint quæ cives Romani & legum nexu juncti; l. 1. ad leg. Jul. de adul. l. servi 25. l. quæ adulterium 29. C. cod. Atque hoc est, quod Paulus scribit l. 10. §. 5. de grad. serviles cognationes ad leges non pertinere. Jure pontificum etiam inter servos matrimonium est, cap. 1. x. de conjug. serv.

TEXTUS.

De reliquis prohibitionibus.

11. Sunt & alia persona, quæ propter diversas rationes nuptias contrahere prohibentur, quæ in libris Digestorum seu Pandectarum ex jure citare collectarum enumerari permixtum.

COMMENTARIUS.

SUNT & alia persona) Quales sunt tutor, curator, liberive eorum, qui cum pupilla vel adulta nuptias contrahere vitantur, ne videlicet eo pacto rationum redemptio intervertatur; l. tutor 36. & seqq. l. sententia consulto 59. & seq. hoc tit. l. 1. & passim C. de interd. matr. inter pup. & tut. Item pater, vel qui officium in provincia administrat, provincialem uxorem ducere prohibetur; l. si quis 38. l. qui in provincia 57. hoc l. un. C. si qua. præd. pot. Lege quoque juvenator senator ducere libertinam, aut cetera ipsa, cujusve pater artem ludicram fecerit lege Julia 44. hoc tit. Quæ cum hodie non teneant, non est operæ pretium plenius perscrutari; vid. Rittersh. lib. 1. diff. 20. numm. Zipz, not. jur. Belg. de sponsal. pr. Groenew. de ll. abrog. C. si quac. præd. pot.

TEX-

TEXTUS.

De pœnis injustarum nuptiarum.

12. Si adversus ea, quæ diximus, aliqui coierint; nec vir, nec uxor, nec nuptiæ, nec matrimonium, nec dos intelligitur. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinent) quales sunt ii, quos mater vulgo concepit. Nam nec hi patrem habere intelliguntur: quum & iis pater incertus sit, inde solent Spurii appellari παρὰ τὴν σπυρίαν, & ἀπάτριν, quasi sine patre filii. Sequitur ergo, ut dissoluto tali coitu, nec dotis, nec donationis exactioni locus sit. Qui autem prohibitas nuptias contrahunt, & alias pœnas patiuntur, quæ sacris constitutionibus continentur.

NOTÆ.

12. Nec vir nec uxor. Sunt enim hæc ἄνθρωποι, iusti conjugii nomina. Pœna igitur communis omnium injustarum conjunctionum est, quod ipso iure tales nuptiæ nullæ sunt: sicut nec cætera consistunt, quæ contra leges fiunt; l. 5. C. de legib. VINN. Sanctionem hanc ex lege Papia Poppæa esse, pridem observavit Merill. *Observ. lib. 5. cap. 11.* & Jac. Gothofr. ad leg. Pap. Popp. cap. 4. Attamen hæc lex quamvis injustas pronuntiaret nuptias contra leges contractas, easdem tamen non rescindebat. Hinc nec vir nec uxor quidem intelligebatur, sed tamen non dissolvebantur. Dos non intelligebatur, sed ea tamen non nisi mortua muliere caduca fiebat. Ulpian. *Fragm. tit. 16. §. ult.* Primum ergo Oratione D. Marci cautum, ut inter huiusmodi personas nec nuptiæ essent, l. 16. pr. ff. de R. N. l. 3. §. 1. de donat. int. vir. & ux. l. 42. §. 11. ff. de R. N. Ex eo ergo tempore huiusmodi uxor ne retineri quidem poterat. HEIN.

Nec dos) Matrimonium quidem sine dote esse potest, at dos esse non potest sine matrimonio; l. 3. D. de jur. dot.

Quantum ad patriam potestatem) Comparatio natorum ex illegitimo matrimonio cum vulgo conceptis, quantum attinet ad patriam potestatem. In hoc spuriorum & injustorum liberorum par est conditio, quod sicut spurii pater incertus est; ita qui nascuntur ex injusto coitu, patrem non habere credantur, quoniam licet patrem demonstrare possint, eum tamen habent, quem habere non licet; l. 23. D. de stat. hom.

Cum & iis) Cujac. legit. Cum & is pater incertus sit.

Quasi sine patre) Non quod sine patre sint; αὐτοὶ δὲ πατρὸς τινὸς ἔχουσιν κατ' αἶμα, ait Euri-

pid. sed quoniam vulgivaga Venere natis pater incertus est. *Spurius* apud Romanos est proprium & primum nomen, sicut *Sextus*, *Decius*, &c. iisdemque notis & prænomen *Spurius*, & vulgo quæstus designabant, nisi quod illud ita notabant SP. hos S. P. interposito puncto. Hinc ex joco natum, ut vulgo concepti *Spurii* dicerentur; Plutarch. *quæst. Rom. cap. 11.* VINN. Nescio an hoc referenda sit elegans Inscriptio apud Grut. p. CCCCXXXIV. 4. ubi C. MAMERCII FILII IANVARIUS dicitur SP. F. Non possunt hæc litteræ legi *SPURII FILII*, uti visum est Scaligero in Indice, quia non erat vulgo quæstus, sed P. PACCI JANUARI FILII NATURALIS, ut ex ipsa inscriptione patet. E concubinis verò nati *Spurii* non dicebantur, nec parentes hoc vocabulum adscripsissent filio, in dignitate constituto, *Ædili*, *Prætori*, *Dumviro*, & *Quæstari iterum*. Neque hæc litteræ legi possunt *Spurii filii*. Pater enim naturalis dicebatur *Publius*, non *Spurius*. Consequens ergo est, ut veteri more à Plutarcho observato vocetur S. P. FIL. id est, sine Patre filius. HEIN.

COMMENTARIUS.

NOTA.

Quæ huic desunt Commentario, Sanctæ Fidei Tribunalis auctoritate, omittuntur.

1. Extra nuptias quæstos omnes quoad patriam potestatem pro vulgo conceptis & spurii haberi.
2. Dotis aut donationis nomine ob injustas nuptias data, caduca fieri.
3. Prohibitarum nuptiarum pro varietate negotii & circumstantiarum varias esse pœnas.

Quantum ad patriam potestatem) Comparatio eorum, qui ex injusto matrimonio nati sunt, cum iis, quos mater vulgo concepit, quoad patriam potestatem, cujus solius rei gratia hic de nuptiis quæritur, & neutri de hoc jure quoad hunc effectum patrem habere intelliguntur: quoniam nemo, respectu eorum, qui sunt juris civilis, filius intelligitur, nisi qui ex viro & uxore natus est; l. 6. de his qui sui vel alien. jur.

Quum & iis pater incertus sit) Hæc verba non obscure innuunt, non tantum vulgo quæstos incertum habere patrem, sed etiam eos, qui sunt ex injustis nuptiis procreati. Et vulgo quidem conceptos patrem demonstrare non posse certum est. Unde Diogenes conspicatus meretricis filium lapidem in turbam hominum conjicientem; Cave, inquit, ne patrem ferias. At nati ex ea, quæ cum uno tantum licet illicite rcm habuit, non videntur dici posse habere

bere incertum patrem; quod & verum est. Sed tamen, quantum ad patriam potestatem attinet (quod ideo etiam nominatim expressit Justinianus hic) non modò vulgariva Venere concepti patrem habere non intelliguntur; verum etiam omnes, qui extra nuptias quæsitii sunt, licet patrem demonstrare possint, ex incerto tamen patri nati dicuntur, & pro vulgo quæsitii spurisique habentur; l. vulgo 23. de stat. homin. l. 3. Cod. solut. matrimonio.

Πατὴρ τῶν ἐκτὸς) Apud Theophilum est, quasi ἐκτὸς, id est, sparsim, vulgo, promiscuè concepti, quod magis probo cum Wesemb. & Hotom. Aliam hujus nominis rationem affert Plutarch. in quæst. Rom. 11. Scribit enim, hanc appellationem inde natam esse, quòd Romani iisdem notis & prænomen Spurius & vulgo quæsitos designabant, nisi quòd illud ita notabant SP. hos S. P. interposito puncto tamquam *sine patre*. Atque hinc est quod Hotom. & Wesemb. pro eo, quod vulgo legitur ἀπατρὺς, quasi *sine patre filii*, substituerunt quasi S. P. i. e. *sine patre filii*, quomodo & Theophilus legisse videtur.

2 Nec dotis, nec donationis) Quod dotis aut donationis propter nuptias ob injustum conjugium datum est, caducum sit, id est, fisco vindicatur; lib. 4. autb. incestas, Cod. de inc. nupt. l. necesse § 2. l. dote 61. hoc tit. l. cum hic status 32. §. ult. de donat. inter vir. & uxor. Præterquam si qui aut errore acerrimo, non affectato, neque ex levi causa decepti sunt, aut ætatis lubrico lapsi; d. leg. 4. C. de inc. nupt. In foeminis etiam error juris excusatur, sed positivi dumtaxat; eoque referimus l. 1. Cod. de cond. ob caus. dat. l. 7. C. de donat. inter virum & uxor. l. 2. §. 2. de his quibus ut indign. add. Sich. in d. l. 4. Christin. volum. 1. decis. 337. & volum. 3. decis. 129. num. 6.

3 Et alias pœnas) In magna delicti varietate varix quoque pœnz constitui debuerunt. Plurimum enim refert, an quis prohibitas juris gentium nuptias contraxerit, an jure civili dumtaxat; sciverit, an ignoraverit; in facto erraverit, an minor. Vid. l. ult. hoc tit. l. 4. l. 6. cum autb. seq. C. de inc. nupt. Nov. 12. l. unic. C. si quac. præd. pot. quæ multam irrogat pecuniariam; infamiam l. pen. C. de interd. matrim. cum infamia pœnam stupri; l. 18. C. de adult. si adulterium 38. pr. §. 1. & seqq. cod. & ibi Bart. & DD. add. Gloss. & DD. ad hunc locum Covarr. de matrim. p. 2. c. 6. §. 8. Christin. volum. 3. decis. 129. Damhoud. prax. crimin. cap. 94.

TEXTUS.

De legitimatione.

13. Aliquando autem evenit, ut liberi, qui statim, ut nati sunt, in potestate parentum non sunt, postea redigantur in potestatem patris: qualis est is, qui dum naturalis fuerat, postea curia datus, potestati patris subicitur: nec non is, qui à muliere libera procreatus, cujus matrimonium minimè legibus interdictum fuerat, sed ad quam pater consuetudinem habuerat, postea ex nostra constitutione dotalibus instrumentis compositis in potestatem patris efficitur. Quod & aliis liberis, qui ex eodem matrimonio fuerint procreati, similiter nostra constitutio præbuit.

NOTÆ.

13. Qui dum naturalis) Natus ex concubina, non ex stupro, scorto, aut conjunctione legibus vetita; l. 44. C. de Episc. & Cler. Nov. 74. cap. 6. Balsam. ad synod. Laodic. in qua errat Theophil. Nam concubina legibus cognita non est meretrix.

Postea curia datus) In curiam cooptatus, curialis factus; l. 9. C. de nat. lib. Modus hi legitimandi manet ex constitutione Theodosii; l. 3. C. cod. & Leonis: l. 4. cod. deque oblatius agit Justinian. Nov. 89. cap. 2. & sequent. Causam præbere opera curialium Theophylact. in Marc. cap. 15. Sozom. l. cap. 8.

A muliere libera) Id est, ingenua; l. 10. C. d. rit. Idem tamen est, si est libertina vel ancilla; Nov. 18. c. ult. Nov. 89. c. 8. Cujac.

Dotalibus instrumentis) Id est, nuptialibus, ut in d. l. 10. & alibi sæpe. Tabulas autem necessarias esse arguunt quotquot sunt loci, in quibus de hac specie legitimationis agitur. In constitutionibus Græcis appellatur, ἀπὸ τῆς κῆρας πρὸς τὸν πατέρα.

Quod & aliis liberis, qui postea) Cujac. legit; Quod, si alii liberi ex eodem matrimonio fuerint procreati, &c. ut sit sensus; Libera antea susceptos à Justiniano æquari postea natis, ut posteriores in hæreditate patris potiores non sint, sed una eademque lance trutinentur; ut est in d. l. 10. Malim tamen legere cum Hotom. Quod, & si alii liberi nulli eodem matrimonio fuerint procreati, &c. §. inf. de her. que ab intest. de quo dubitatum fuit propter d. l. 10. constat ex l. 11. C. de ubi hæc quæstio deciditur. Ut ut est, beneficio Principali non indigent, qui ex justis natiis procreati sunt. Introduxit postea Justinus

mus & tertium legitimisationis genus per rescriptum Principis; Nov. 74. cap. 2. Nov. 89. cap. 9. & 10. VINN. Nec Cujacii nec Hotomoni conjectura rem extricat. Eam expedivit amplissimus Corn. Vanbynkshers. Obs. 2. 11. rescribi jubens: Quod ut aliis liberis, qui ex eodem matrimonio fuerint procreati, similiter nostra constitutio praebeat. Et ita hic §. plane congruit legi 10. Cod. de naturalibus lib. ad quam Justinianus hic respicit. HEIN.

COMMENTARIUS.

- 1 Objectum legitimisationis esse liberos naturales, nec tamen omnes, qui ita appellantur, aut appellari possunt.
- 2 Speciem legitimisationis per oblationem curia ab usu recepsisse.
- 3 An nepos ex filio naturali per subsequens matrimonium avi, defuncto patre, avo fiat legitimus.
- 4 Legitimationem jure civili non procedere, nisi intervenientibus instrumentis nuptialibus; secus jure Canonico, quod mores hodierni sequuntur.
- 5 Matrimonium in articulo mortis contractum apud nos justum non haberi sine dispensatione.
- 6 De legitimisatione per rescriptum Principis.

TRansit hic Imp. ad alterum modum constituendae patris potestatis: quae legitimatio dicitur, eo quod liberi extra nuptias suscepti hoc modo efficiuntur legitimi, & patris potestati subjiuntur. Species legitimisationis tres sunt; nam aut per curiae oblationem fit; aut per subsequens matrimonium; aut denique per rescriptum Principis: quorum duae priores hic tantum proponuntur: tertius enim modus est ex legibus novellis. Sunt qui quartam speciem adjiciunt, Gudel. lib. 1. de jur. noviss. cap. 16. Perez ad tit. Cod. de nat. lib. num. 16. Nominationem filii in testamento aliove instrumento habente subscriptionem testium a patre factam; Nov. 117. cap. 1. unde auct. si quis, C. de nat. lib. Sed ea probatio potius est matrimonii, & praesumptio pro liberis, non quod facti, sed quod nati sint legitimi; quam proprius modus legitimandi.

Qui dum naturalis) Objectum legitimisationis sunt liberi naturales: non omnes tamen qui ita appellantur, aut appellari possunt. Nam primum huc non pertinent liberi ex iusto matrimonio nati, qui & ipsi nobis naturales sunt, & ita appellari solent, quando

adoptivis opponuntur; pr. §. sed si 7. tit. seq. §. 2. inf. de her. quae ab int. l. si pater. 29. l. non potest 31. de adopt. Plerumque autem naturales liberi dicuntur, qui non sunt nati ex legitimo matrimonio; tot. tit. C. de nat. lib. Ceterum nonnulla hic inter patrem & matrem differentia est. Matri omnes sunt naturales, etiam ex illicitis & incestis nuptiis procreati; etiam vulgo quæriti, qui & matri succedunt ex S. C. Orficiano, §. pen. infr. de sen. Orf. Patri illi dumtaxat, qui ex concubina suscepti; arg. hujus §. DD. in l. pen. de concub. post Gloss. ibid. Quod autem iidem DD. requirunt, ut mulier specie uxoris habeatur in domo, negantque in hoc argumento patri naturales esse qui foris suscepti sunt, aut etiam domi ex famula, usus non observat; adeoque apud nos meliore conditione non est concubina, quam quævis alia, quæ corporis sui potestatem alicui facit, teste D. Grotio 1. manduct. 12. Igitur qui ex stupro, aut alia conjunctione, quam leges improbant, nascuntur, patri hi naturales non sunt, sed similes illis, quos mater vulgo concepit; quos constat non esse objectum legitimisationis, cum nec patrem demonstrare possint; §. præc. Quamvis inspecta rei veritate, omnes qui ex nobis nati sunt, licet vulgo quæriti, nobis sunt liberi naturales: atque in iis, in quibus jus naturale inspicitur, ut in contrahendis nuptiis pro talibus habeantur; l. 14. §. 2. hoc tit. De natis ex contubernio servili nihil attinet dicere, cum eorum nulla mentio fiat in hac materia. Melior tamen eorum conditio fuisse videtur quam natorum ex concubina: quia etiam jus succedendi iis datum est unâ cum liberis legitimis; infr. de serv. cogn. in fin. pr. Jure Can. ut supra dictum est, etiam inter servos matrimonium est. Nobis ut servitus-incognita, ita & servile consortium. Objectum igitur legitimisationis sunt liberi ex concubina nati: quod & legibus concubinatus permittitur, & ex eo nati certum patrem habent.

Potest curia datus) Primus legitimandi modus est oblatio Curiae. Curia in municipiis & coloniis idem erat quod Romæ Senatus, & Decuriones, qui Senatores; inde dicti, quod ex iis, qui in coloniam deducebantur, decima pars Consilio publico sive Curiae adscribebatur, auctore Pompon. l. pupillus 239. §. decuriones 5. de verb. sign. In Imp. constitutionibus vulgo Curiales appellantur. Causam hujus legitimisationis impulsivam fuisse Hotom. scribit inopiam Decurionum, eaque onera, quæ huic ordini alioquin honorifico satis gra-

via incumbabant, quibusque mancipabantur: ita ut nec ipsi, nec eorum liberi inde eximi potuerint, nisi certis modis: vid. l. 3. l. 4. l. 9. C. de natur. l. Naturalis quoque filia si curiali uxor à patre data esset, jus filixfam. adipisceretur, d. l. 3. De hoc legitimandi modo latius agit Justinianus Nov. 89. cap. 2. & seqq. nobis incognitus est; atque ab usu cum recessisse testantur Mich. Grassi. §. successio quæst. 19. num. 19. Gudelin. 1. de jur. nov. 16. in fin. D. Kinschot. de refer. g. tr. 6. cap. num. 1. Christin. vol. 3. decis. 145. num. 18. VINN. Ita vulgo curiæ dationem interpretantur, ac si decuriones facti, essent illi liberi naturales, quos pater curiæ obtulisset. Sed alii sunt curiales, alii decuriones. Hi in dignitate vivebant: illi curiæ erant obnoxii. l. 55. C. de decurion. adeoque curiæ serviebant l. 50. C. eod. & hinc nec alienare poterant paternas facultates. l. 4. C. de nat. liberis, nec militiæ adscribi l. 7. C. de decur. nec conditionem propriam relinquere tot. tit. C. Th. de his qui condit. propr. reliqu. lib. 12. tit. 18. quæ conditio curialis etiam filios sequatur l. 7. C. Th. de decur. lib. 12. tit. 1. quin & qui curiales filiam duxerat, & hæres, non exstantibus liberis fuerat factus, curiæ mancipabatur, l. 124. C. Th. eod. Curix itaque obnoxii fiebant illegitimi, à patre oblatis, non statim decuriones, quos à curialibus ipse Jac. Gothofredus in paratilis ad C. Th. tit. de decur. non satis distinguit vid. Merill. Obs. lib. 7. cap. 26. p. 109. HEIN.

Nec non is, qui ex muliere libera) Secundus legitimationis modus est, cum pater concubinam, ex qua liberos naturales habet, uxorem ducit. Nuptiarum quidem per se hæc vis est, ut liberi ex iis nati legitimi sint & in potestate patris: sed ut ante nati nuptiis subsecutis legitimi fiant, extrinsecus nuptiis accedit, & à beneficio legis est, cuius solius potestate legitimi censentur. Vid. de hoc originis paternæ confirmandæ modo, l. 10. C. de natur. lib. Nov. 89. cap. 8.

Cujus matrimonium minime interdictum) Hoc ex eo necessario efficitur, quod concubina uxor ducenda est. Satis est autem, ut uxor esse possit, licet ad tempus impediatur: veluti si Præses provinciale in concubinatu habuerit, & finita administratione provincie eam uxorem ducat; l. ult. de concub. Nepotem etiam per subsequens avi matrimonium defuncto jam patre legitimum avo fieri censent Covar. de matrim. p. 2. c. 8. §. 2. n. 22. & seq. Chafan. ad consuet. Burgund. tit. de success. rubr. 8. §. 5. n. 42. & seq. Fachin. 3. contr. § 6. D. Thulden,

comm. hic c. 4. & ad tit. C. de natur. l. n. 4. Quod ego non video, quomodo procedere possit. Nam aut nepos & ipse naturalis est, & legitimus effici non potest ne patre quidem vivente, nisi pater ipse suam concubinam uxorem duxerit: inauditum autem est, filium naturalem succedere in locum patris sui, & perinde legitimum fieri, avo concubinam unde pater natus est, uxorem ducente, ut ipse filius fieret, si viveret: aut natus est nepos ex iusta filii uxore; & legitima planè persona est, incognitaque jure nostro legitimatio ejus, qui jam legitimus est, ad solum effectum succedendi. Sed & filio defuncto sublatum est medium, per quod matrimonii ab avo contracti effectus ad nepotem pertingat: falsum enim est, quod præsupponunt, legitimationis hujus hanc esse vim, ut retrotrahatur tempus nuptiarum ad tempus nativitat. Nam si hoc verum esset; necessario sequeretur, filium ex concubina natum in jure primogenituræ præferri filio postea suscepto ex legitima uxore mortua ante nuptias cum concubina contractas; de quo Tiraque. de jur. primogen. qu. 34. Jo. Christen. diff. 3. de matr. quæst. 23. Item liberos etiam non consentientes legitimos fieri, contra Nov. 89. cap. 11. Nihil in contrarium facit, quod quis nepotem adoptare possit, etiam si filium non habeat, §. licet §. tit. seq. Nam à diversis nulla illatio est: & omnino matrimonium cum concubina non potest legitimare liberos nisi ex ipsa concubina natos, quæ & communior sententia est. Vid. Gail. 2. obs. 141. n. 9. Val. Fost. tr. de jure ab int. lib. 1. quib. caus. hi off. cess. Bachov. in Treutl. vol. 1. disp. 2. thes. 7. VINN. Sequitur Vinnius Bachovium, sed utriusque argumentis jam satisfactum à B. Hubero in Prat. ad ff. lib. 1. tit. 7. §. 10. HEIN.

Dotalibus instrumentis) Dotalia instrumenta hic accipere debemus instrumenta quævis nuptialia, etiam si de dote danda nihil in iis cautum sit: alioqui sequeretur, natos ex pauper concubina, quæ dotem dare non possit, hō modo legitimari non posse, quod perquam durum est. Et Justinianus l. 10. C. de nat. lib. promiscuè hisce vocibus utitur, & alibi sipe hæc instrumenta nuptialia γαμικὰ εὐμυλὰ λαία vocat dumtaxat, §. 2. infr. de bared. q. 1. ab int. Nov. 74. pr. Quod autem in omnibus iis locis, in quibus de hac legitimatione agitur, horum instrumentorum perpetuo mentitur, satis firmum argumentum est, iis si intervenientibus liberos ante natos non si legitimos. Verum quidem est, matrimonium solo consensu perfici: sed hic non tam qu

ritur de matrimonio contrahendo, ejusve contracti propria vi & potestate, quàm de effectu speciali legitimatōis, quem matrimonium non ex se, sed legis auctoritate habet, quæ sollemnitem instrumentorum ad id desiderat: haud dubiè, ut liquido & perpetuo constare possit, non tantum an ea quæ concubina, maritali postea affectu & pro uxore habita sit; verum etiam an liberi & quinquam legitimati sint, quod instrumentum omnino infirmum, cum non alii, quàm qui volunt legitimantur; Nov. 89. c. 11. Malè igitur argumentatur Ant. Matth. Coll. Inst. 2. disp. 1. obs. 25. Jure autem Can. instrumenta nuptialia intervenire necesse non est; c. tanta. 6. si qui fil. sunt legit. sicuti nec moribus, D. Tuld. comm. hic c. 11. Perez. ad tit. C. de natur. lib. n. 8. Christin. vol. 1. decis. 310. n. 11. & seq. quod tamen cum dicimus, non excludimus publicas futurarum nuptiarum denuntiationes, quæ in Ecclesiis ex scripto recitandæ; art. 3. ord. pol. Matrimonium etiam in articulo mortis cum concubina contractum liberis ex ea susceptis retro legitimos facit: Gail. 2. obs. 141. n. 8. D. Thuld. ad tit. C. de nat. lib. quod tamen apud nos non procedit sine dispensatione propter d. arg. 3. ordin. pol. Quod & aliis liberis, qui postea) Vitiosa proculdubio hæc lectio est. Quis enim dubitet, eos liberos, qui ex justis nuptiis procreati sunt, legitimos esse? Quamobrem cum Hotom. lego: Quod, etsi nulli alii liberi ex eodem matrimonio nati fuerint, &c. de quo dubitari poterat propter constitutionem Justiniani in l. 10. Cod. de nat. lib. & dubitatum fuisse constat ex l. 11. Cod. eod. ubi hæc controversia deciditur, add. §. 2. inf. de bar. quæ ab intest. Tertium genus legitimatōis postea accessit, nempe quæ fit per rescriptum Principis. Per rescriptum Principis legitimantur li-

beri naturales ad supplicationem patris, qui legitimam prolem non habet, & concubinam uxorem vel non potest ducere, puta quia mortua sit, aut se subducatur, vel non honestè potest, ob vitæ scilicet turpitudinem; aurb. præterea, Cod. de nat. lib. Nov. 74. cap. 2. Nov. 89. c. 9. & 10. vel ad supplicationem filii, si pater cum hæredem instituit, vel testamento dixerit, desiderare se, ut natalibus rescriatur; d. cap. 10. Potest sane Princeps ex plenitudine potestatis filium naturalem legitimum facere, etiamsi pater legitimos liberos habeat, aut matrimonium cum matre inire possit. Cæterum non intelligitur Princeps id velle facere, nisi rescripto id nominatim comprehensum fuerit; Myns. 1. obs. 31. Gail. 2. obs. 142. n. 8. Perez ubi sup. n. 12. Planè non rescinditur legitimatio semel concessa, quamvis postea ex justo matrimonio soboles patri agnascatur; D. Tuld. ubi sup. nu. 5. Hæc legitimatio tantum in bonis legitimatis tribuit legitimitatem, quantum liberis legitimis jus naturæ; dec. sup. Cur. Holl. 10. Cognatos autem non tangere, exceptis iis, qui in eam consentiunt; neque ad feudum pertinere, nisi id quoque nominatim cautum sit, notat D. Grot. 1. manud. 12. add. Myns. 5. obs. 42. D. Kinschot. d. tract. 6. cap. 5. n. 2. Paulo plenius de hac specie legitimatōis, deque clausulis, quæ rescriptis inseri non solent, tractat D. Gudelin. de jur. noviss. lib. 1. cap. 15. add. D. Christ. vol. 1. decis. 199. num. 18. & volum. 3. decis. 145. D. And. Gail. d. obser. 142. VINN. Quæ de effectu, quod ad feuda, addidit Vinnius, ea non obtinent, nisi Princeps legitimans simul sit feudi dominus. Immo ne tunc quidem admittuntur legitimati, nisi deficientibus agnatis, quibus jus semel quæsitum sine injuria adimi nequit 2. Feud. 26. Schrad. Part. 7. cap. 5. num. 23.

TITULUS UNDECIMUS.

DE ADOPTIONIBUS.

D. Lib. 1. Tit. 7. C. Lib. 8. Tit. 48.

1 Continuatō, & summa tituli; tum quid sit adoptio, & quàm antiqua ejus origo.

2 Hæc adoptiōnem ab usu recessisse; sed in Germania aliisque nonnullis provinciis receptam viventem prolium, adoptiōis quoddam simulacrum.

3 Expositi sunt in superiori titulo duo priores modi constituendæ patris potestatis; nuptiæ, & legitimatio: sequitur nunc tertius,

adoptio. Adoptio est actus legitimus, quo in jus & locum filiorumfamil. adiciſcimus, qui nobis extranei sunt in solatium eorum, qui liberos non habent, πῆσι τῶν παρὰ τοὺς ἀπαίδου, inventus. Græcis vocabulo significantiore dicitur ὑιοθεσία. Genus est actus legitimus, sive legis actio, l. 3. l. 4. hoc tit. l. 1. C. eod. quæ quid sit, dicemus inferius §. 2. hujus tit. Sequentia, differentiam continent,

quæ hic actus à reliquis legis actionibus discernitur; quales sunt emancipatio, & manumissio, & si quæ sunt similes. Postrema verba suum indicant, quem etiam Theophilus expressit, & indicat Ulpian. l. 15. §. 2. *hoc tit.* itemque Cicero *orat. pro dom. sua*. Tria autem fere sunt, quæ *hoc tit.* tractantur. Primum dividitur adoptio in duas species, quæ suis definitionibus explicantur; tum docetur, qui adoptare adoptarivè possint; postremò, quæ sit vis utriusque adoptionis ostenditur. Origo adoptionis antiquissima est. Non enim Romani solum, verum etiam Græci in solatium orbitatis filios sibi adsciscere solebant; ut ex *Æginetico* Socratis, & *Plutarcho in Theopoli* liquet. Apud Hebræos quoque, & Assyrios, atque *Ægyptios* in usu fuisse adoptionem, testes sunt *Joseph. 1. antiq. 15. Berol. lib. 5. de florat. Diocl. Siculus 4. Biblioth. Moses à filia Pharaonis adoptatus traditur Exod. cap. 2.* Nec Franci olim, nec Longobardi usum adoptionis ignorarunt; ut ex *Paulo Diacono & Trithemio* observavit *Gregor. Tholosanus lib. 10. synagm. cap. 6.* Cæterum hodie in hisce regionibus jure veteri adoptionis non utimur; nam adsciti à nobis non pro liberis, sed pro alumni sunt; hoc est eo loco, quo sunt liberi alieni, quos in nostros enutrimus: quos quidem nihil prohibet etiam hæredes instituere, ut quemlibet extraneum; liberorum autem jure non censentur, nec agnationis. Apparet hoc ex effectis: nam & nuptiæ inter has personas consistunt, sicut cum alumna jure civili; *leg. si quis 26. C. de nupt.* Quo tamen jure neque filia patri adoptivo, neque soror adoptiva fratri, qui in ejusdem patris potestate sit, nubere potest; §. 1. & 2. *tit. præced.* Et necesse non est eas hæredes instituere aut exheredare, ut jure Romano liberos adoptivos; §. *adoptivi 4. inf. de exher. lib.* Nec ad successiones ab intestato vocantur, vel ut liberi, vel ut agnati, aut cognati. De moribus harum regionum testantur *Grot. 1. manud. 6. Gudelin. 1. de jur. nov. 15. Christin. vol. decif. 185.* De consuetudine Galliz Mansuer. *de probat. n. 34. Tiraq. tract. de retract. glos. 8. §. 1.* ubi tradit, nec jus gentilitii retractus adoptatis competere, & *Gregor. Tolos. ubi supra.* Fallitur ergo *D. Eguin. Baro*, dum ea, quæ de adoptionibus jure Romano constituta sunt, adhuc valere debere ideo contendit, quod nihil de iis comprehensum sit legibus Gallorum propriis, consuetque inter Pragmaticos, quod jure proprio definitum non est, jure communi, hoc est Romanorum dirimi, quo etiam constitutiones Principum nos eandem remittunt.

Etenim non minus de eo inter omnes Pragmaticos convenit, si quando Principes jubent, jus Roman. sequi ubi propriæ leges debuerint, id ita accipiendum esse, ut locum dumeat habeat, si jus Romanum generali & manifesta desuetudine abrogatum non sit. Nam neque de servis quicquam cautum propriis plebiscitis regionum legibus reperimus; an ergo idcirco dicemus servitutem ibi tacite approbatam censi? Quod ideo monere visum est, ne quis in hujusmodi controversiis hoc argumento sibi imponi patiat. In Germania passim, & nonnullis aliis provinciis consuetudine recepta æstimatio quædam adoptionis, conjunctio sive unio prolium quas conjuges ex diversis matrimonii susceperunt. In hoc tractu & Magistratus auctoritas intervenire debet: & exacta cognitio adhiberi, præsentibus & consentientibus consanguineis, tutoribus & curatoribus, qui provideant, ne res ad concordiz vinculum comparata discordiam inter liberos excitet in nimia facultatum inæqualitate; *D. Andreas Gail. 2. obs. 125. VINN.* Multa hic accumulatur Vinnius, quæ vix admittenda sine Examine. Nam 1. quæ de Usu pragmatico adoptionis dicit, non dixerim, si quæ hodie extraneum arrogaverit solemniter, illum hunc non filium, sed alumnum habiturum. In Germania saltem eo casu omnes effectus adoptionis & arrogationis obtinere & ipse observavi, & jam pridem exemplis docuit *B. Strykius in Usu ff. ad tit. de adopt. & de Cap. minut.* Idem de Frisia nostra affirmat *B. Huber. in Prælect. ad Inst. hoc tit. §. 14.* Ubi itidem exemplum illustre. II. Vix puto in provinciis his, ubi postremis demum sæculis jus Romanum receptum est, querendum esse, an jus Rom. abrogatum? Sed an & quantum in hac vel illa materia receptum sit? sic sane Jura de servis, quæ exempli loco addit Vinnius, non desuetudine apud nos abrogata sed nunquam recepta sunt, quippe quæ non congruebant statui rerum publicarum septentrionalium III. Unio prolium & in ipsa Germania rarissima, vix quidnam commune habet cum adoptione, quia non est modus constituendi patriam potestatem, sed pactum successorium, qualia inter Germanos plurima cepta sunt. HEIN.

TEXTUS.

Continuatio.

Non solum autem naturales liberi secundum ea, quæ diximus, in potestate nostra sunt, rùm etiam ii, quos adoptamus.

NOTÆ.

Quos adoptamus) Leg. 1. D. *hoc tit.* Ulpian. tit. 8. Est autem adoptio actus legitimus; leg. 77. de regul. juris, quo in locum filii adsciscimus eum, qui nobis extraneus est, ad eorum, qui liberos uon habent, solatium inventus. Theoph. Græcis verbo significantiore dicitur *ὑποθεσία*. Origo ejus antiquissima. Vid. Gregor. Tholof. 10. *synagm. cap. 6.*

COMMENTARIUS.

Filiosfamil. non solum natura, verum etiam adoptiones faciunt; l. 1. *hoc tit.* Per naturales liberos hoc loco intelligi oportet eos, qui sunt ex justis nuptiis procreatis ea enim perpetua est naturalium liberorum significatio, cum opponuntur adoptivis, utpote legitimis tantum, & diversæ ejusdem generis speciei; §. *sed si 7. infr. eodem*, §. *adoptivi 4. infr. de exhered. lib. §. 2. infr. de inoffic. test. l. non potest 31. hoc tit. l. 2. §. liberi 6. ad Senatusc. Tert.* At cum naturales opponuntur legitimis in genere, qui legitimi non sunt, significantur, & naturales dumtaxat, §. *ult. superioris, tot. C. de natur. lib. quod & in voce parentis naturalis similiter observandum.*

TEXTUS.

Divisio adoptionis.

1. *Adoptio autem duobus modis fit: aut Principali rescripto, aut imperio Magistratus. Imperatoris auctoritate adoptare quis potest eos, easve, qui, quæve sui juris sunt, quæ species adoptionis dicitur adrogatio. Imperio Magistratus adoptamus eos, easve, qui, quæve in potestate parentum sunt: sive primum gradum liberorum obtineant, qualis est nepos, neptis, pronepos, proneptis.*

NOTÆ.

1. *Duobus modis*) Ex Cajo leg. 2. D. *hoc tit. Principali rescripto*) Hoc stante Republica auctore populo fiebat comitiis curiatis. Gell. lib. 5. c. 19. Gruch. 3. de comit. Rom. 3.

Imperio Magistratus) Apud quem est legis actio; leg. 4. eod. leg. 1. Cod. eod. leg. 3. D. de officio procons. Hæc species generis nomen deest. Boetius ad topic. Cic. lib. 2. *Fit verò id sæpe, ut species iisdem nominibus nuncupentur, quibus & genera.*

COMMENTARIUS.

1 *Adrogationes olim non nisi auctore populo co-*

mitti curiatis fieri solitas: & ideo mutato statu Reip. Principis auctoritatem in hoc actu necessariam fuisse.

2 *Adoptio in specie apud quos, quo ritu olim fieret, & quomodo nunc fiat.*

Dux sunt species adoptionis, quarum altera Adrogatio dicitur, altera, quia proprio caret generis nomine, adoptio appellatur; quod in jure nostro frequenter usuvenit. Nam cum plura sint negotia, quam vocabula; leg. 4. de præfer. verb. sæpe fit, ut verba, quæ vi sua generalem significationem habent, ex instituto loquentis certam speciem indicentes eam nimirum, quæ proprio nomine destituitur, & cui fere tum species generis, quæ proprium nomen habet, opponi aut apponi solet, ut observare licet in vocibus cognationis, servitutis, contractus, actionis, & sexcentis aliis. Adrogatio est adoptio eorum, qui sunt sui juris, facta auctoritate Principis. Duo igitur sunt hujus adoptionis propria: primum, quod eorum tantum est, qui sui sunt juris; alterum, quod fieri debet auctoritate Principis. Cur verò Principis auctoritas in hoc actu necessaria? Nimirum quia antea populi fuit. Nam jure à majoribus prodito, nemo qui sui juris erat, in alienam potestatem transire poterat, nisi populus auctor fieret. Comitia præbebantur curiata; arbitri erant Pontifices; formula hæc: *Velitis, jubeatis, Quirites, uti L. Valerius L. Titio tam jure legeque filius fiet, quam si ex eo patre matreque familias ejus natus esset: utique ei vira necisque in eo potestas fiet, uti patri endo filio esset.* Gell. 5. cap. 19. Gruch. 3. de comit. Rom. 3. Porro rogabatur & qui adoptabat, & qui adoptabatur: ille, an vellet eum quem adoptaret sibi justum filium esse: hic, an id fieri pateretur: unde & adrogationem dictam esse scribit Cajus l. 2. *hoc tit.* Et haud dubiè inde est, quod adrogari non potuit nisi jam vesticeps: nam impubes, quem investem dicebant, auctor in eam rem propter ætatem fieri non poterat, neque tutoribus tanta erat potestas, ut caput liberum fidei suæ commissum alienæ ditioni subjicerent. Et quia cum feminis nulla comitorum communio erat, nec mulier adrogari poterat; Gell. d. loc. Cic. pro dom. Hæc, inquam, stante adhuc Repub. Cujus statu mutato, quod jus populi fuit, Principes usurparunt, ex quorum rescriptis & feminæ & impubes etiam adrogari cœperunt; l. nec ei 16. *eum seqq. hoc tit. Ulp. tit. 8. §. 4.* Adoptio in specie eorum 2 est, qui sunt in potestate, sitque auctore patre, qui in potestate habet, apud Magistratum;

tum, apud quem est legis actio; l. 4. *boc tit. l. 1. C. eod. l. 3. de off. procons.* Legis actio est id, quod fit ex præscripto & forma legis cum solemnibus ad rem aliquam peragendam constitutis; quibus solemnibus peragendis, si lex Magistratum designaret; penes eum dicebatur esse legis actio. Cæterum etiam apud Principem recte lege agi ostendit l. ult. C. de his qui à non dom. man. Et quemadmodum huiusmodi actus, cum sint voluntariæ jurisdictionis, quivis alius Magistratus apud se expedire potest, l. 4. *boc tit. l. 2. de off. præst.* ita & Principem tamquam summum Magistratus. Quod pertinet, quod de Augusto refert Suetonius, c. 64. & Lucium, inquit, adoptavit domi per assem & libram emptos à patri Agrippa. De hac specie adoptionis ita scribit Gell. *diff. loc.* Adoptantur, cum à parente, in cuius potestate sunt, tertia mancipatione in jure ceduntur, atque ab eo qui adoptat, apud quem legis actio est, vindicantur. Interveniebant tres mancipationes, sed duæ tantum manumissiones, l. ultim. C. *boc tit.* Nam si filius ter venditus, tertio quoque manumissus fuisset, ut in liberorum emancipatione sui juris tertia manumissione factus esset. Itaque tertio ita vendebatur ac mancipabatur adoptatori, ut ei in jure cederetur; isque illum tamquam filium suum assereret: & jure Quiritium ad instar quodammodo servi vindicaret: quod jus patrem ex lege Quiritium habuisse testatur Ulpian. l. 1. §. 2. *de rei vind.* Cæterum tres hæc mancipationes & duæ manumissiones in filiorum dumtaxat adoptionibus necessariæ erant: filix autem & cæteri liberi una tantum mancipatione è potestate patris sui exibant, & potestati patris adoptivi subiciebantur, d. leg. ultim. Cod. *boc tit.* Quæ omnia procedente tempore per imaginariam mancipationis solemninitatem expediri cœperunt, §. 6. *tit. seq.* Quæ & ipsa postea à Justiniano sublata, constitutumque, ut pater, qui liberos suos in adoptionem dare desiderat, hoc ipsum actis intervenientibus solummodo apud competentem judicem manifestet præsentem eo; qui adoptatur, & non contradicente: nec non eo præsentem, qui adoptat, d. l. ult. & §. antepen. inf. cod. De mancipationibus solemnibus studiosi antiquitatis consulant Boet. in Top. Cic. Rævard. cap. 16. ad leg. 12. Tab. Briffon. lib. 1. antiq. cap. 7. de legis actionibus, & lib. 4. antiq. cap. 20. VINN. Rectè quidem Vinnius rationem reddit, cur arrogationes fieri oportuerit auctoritate Principis, quia nimirum antea auctoritate populi opus fuerit: sed cur populus olim jussit arrogationes, & cur Pontificum

quoque adhibita fuerit auctoritas, paucis addendum. Homo sui juris erat civis; adeoque caput de civitate non poterat eximi, nisi auctore populo. Deinde arrogatus fiebat hæres. Leges vero de hæreditate intestatorum non poterant nisi alia lege mutari, uti acute docuit à *parv.* Bynkershoek *Observ. lib. 2. cap. 2. p. 113.* Pontifices verò adhibebantur, non ob jurisjurandi religionem, uti existimavit Jan. Vinc. Gravina de lege XII. tab. §. 85. p. 452. sed quia arrogatus particeps fiebat sacrorum gentilium: quæ notio Pontificum erat. Cic. pro domo cap. 13. Omnia hæc non erant necessaria, postquam Imperatores munia legum, magistratum, immo & Pontificum ad se traxerant, nullo adversante. HEIN.

TEXTUS.

Qui possunt adoptare filiumfamilias vel non.

2. Sed hodie ex nostra constitutione, cum filiusfamilias à patre naturali extranea persona in adoptionem datur, jura patris naturalis minime dissolvuntur; nec quicquam ad patrem adoptivum transit, nec in potestate ejus est: licet ab intestato jura successionis ei à nobis tributa sint. Si verò pater naturalis non extraneo, sed avo filii sui materno, vel si ipse Pater naturalis fuerit emancipatus, etiam avo vel proavo simili modo paterno vel materno filium suum dederit in adoptionem; in hoc casu quia concurrunt in unam personam & naturalia & adoptionis jura, manet stabile jus patris adoptivi, & naturali vinculo copulatum, & legitimo adoptionis modo constitutum, ut & in familia & in potestate huiusmodi patris adoptivi fit.

COMMENTARIUS.

OLim quavis adoptione jus patris naturalis exinguebatur: isque, qui in adoptionem etiam extraneæ personæ dabatur, in patris adoptivi familiam & potestatem transibat. Ex quo jure cum non levia incommoda consequi Justiniano viderentur, propterea quod fieri poterat, ut filius & patris naturalis successionem amitteret propter adoptionem, & patris quoque adoptivi, adoptione per emancipationem soluta, §. sed ea omnia 14. *infr. de her. quæ ab intest. l. pen. Cod. boc tit.* (ego unum tantum casum invenio, nimirum si filius post mortem patris naturalis emancipatus esset, §. at hi 10. *inf. d. tit.*) His incommodis sic occurrì posse credidit, si ju-

ra patris naturalis integra servarentur, quando filius extraneæ personæ in adoptionem daretur: quod & efficit constitutione sua d. l. pen. Extraneam autem personam intelligit omnem, quæ extra lineam parentum sit: unde qui à patruo aut avunculo sunt, perinde haberi debent ac si à quovis extraneo adoptati forent.

Licet ab intestato jura success.) Hoc ei à Justiniano specialiter tribuitur. Cæterum impune à patre hujusmodi adoptivo præteriri potest, alio hærede instituto, d. l. pen. §. sed ne, 1. d. §. sed ea omnia 14. inf. de bar. qua ab intest.

Etiā avo vel proavo simili modo paterno vel materno) Legendum: *Etiā avo paterno, vel proavo simili modo paterno vel materno*; non tam quia ita legitur in d. l. pen. unde hæc transumpta sunt, quā quod hanc lēctionem flagitat manifesta ratio juris.

Legitimo adoptionis modo constitutum) In d. l. pen. legitur: *Legitimo adoptionis modo constitutum*. Notant hic Interpp. duo vincula fortius ligare, quā unum. Sed aliud significare voluit Justinianus, nempe, concurrente hujusmodi naturali vinculo cum civili adoptionis, cessare metum suæ prioris incommodi.

T E X T U S.

De adrogatione impuberis.

3. *Quum autem impubes per principale rescriptum adrogatur, causa cognita adrogatio fieri permittitur: & exquiritur causa adrogationis, an honesta sit, expeditaque pupillo, & cum quibusdam conditionibus adrogatio fit: id est; ut caveat adrogator persona publica (si intra pubertatem pupillus decesserit) restitutum se bona illis, qui si adoptio facta non esset, ad successionem ejus venturi essent. Item non aliter emancipare eum potest adrogator, nisi, causa cognita, dignus emancipatione juerit: & tunc sua bona ei reddat. Sed & si decedens pater eum exheredaverit, vel vivus sine justa causa emancipaverit; jubetur quartam partem ei bonorum suorum relinquere, videlicet præter bona, quæ ad patrem adoptivum transtulit, & quorum commodum ei postea acquisivit.*

N O T Æ.

3. *Causa agnita*) Causæ cognitio olim à collegio Pontificum, Cic. pro dom. c. 17. hodie à Magistratu exercetur, adhibito consilio propinquorum & tutoris auctoritate, l. 2. C.

cod. l. ult. C. de auct. præs. in adrogatione puberum, etiam curatoris, l. 8. D. hoc tit. Quibus in rebus versetur, docet Ulp. l. 15. §. pen. & ult. l. 17. per tot. cod.

1. *Persona publica*) Manuscriptis, Testibus Cujac. Hot. Pac. *Persona publica, id est, Tabulario*, Theophil. ἡ δημοτικὴ περιεσπυ τὴν ἐν τῇ ταβυλλοφύλῃ. Tabulario autem, non agnatis: quoniam incertum est, quis tempore mortis pupilli proximior futurus sit, eique ab intestato successurus. Schol. Theophil. VINN. Addendus hic omnino Franc. Amaya. ad l. 3. C. de tab. scrib. topograph. lib. X. ubi quid sit tabulario satisfare egregie explicat. HEIN.

Dignus emancipatione) Et hoc casu quartam, de qua mox, perdit, l. ult. D. si quid in fraud. patron.

Et tunc sua bona) Abusè, ut sæpe alibi, pro *Bona ejus*; impuberis scil. adrogati. Pac.

Quartam partem) Ex constitutione D. Pii, l. 8. §. 15. D. de inoff. test. l. 1. §. 2. D. de coll. d. l. ult. si quid in fraud. patron. Est autem hæc secundum Gloss. & DD. non omnium bonorum adrogatoris quartā, sed debet ab intestato portionis, arg. l. 8. de inoff. test. Quod & Græcos sensisse argumento debet, quod quadrantem in trientem mutaverunt ex novo jure Fabrot.

Relinquere) Rectè Relinquere, ut intelligamus non prius eam deberi, quā adrogator decesserit, d. l. 1. §. 21. de collat.

C O M M E N T A R I U S.

1. *In adrogatione impuberum qua cognoscenda excutienda.*
2. *Quid; cui caveat adrogator; tum ad quos ea res pertineat.*
3. *Utrum quarta, quæ vulgo D. Pii, sit quarta pars totorum bonorum adrogatoris, an portionis ab intestato impuberi debita, & si hoc, num etiam illa aucta censeri debeat.*

Impuberes antea adrogari non potuerunt, ut supra indicavimus; nunc autem possunt ex constitutione D. Antonini, auctore Ulp. in fragm. tit. 8. sed non aliter, quā causa apud Magistratum cognita, l. si interfam. 15. §. 2. b. t. l. 2. C. cod. Causæ cognitio in multis vertitur. Primum excutiendum, quæ sint facultates pupilli; quæ ejus qui eum adoptare volet; deinde cujus vitæ sit, & quibus modis adrogator; tertio cujus ætatis; an non melius sit, eum de liberis procreandis cogitare, quā ex aliena familia sibi filium accerere; ad hæc num liberos habeat justis nuptiis procreatos, quo-

quorum spem sine magna causa diminui non oportet; postremo etiam conjunctio spectatur, nec facile cuiquam pupillum adrogare permittitur, nisi quem vel naturali cognitione, vel aliqui sanctissima affectione duci appareat, *d. l. 15. §. 2. l. 17. eod.* Pleraque tamen hæc capita communia videntur fuisse cum puberum adrogationibus: ut illa de ætate, liberis, moribus & facultatibus adrogatoris. Certè olim apud Pontifices hæc etiam in adrogationibus excussa fuisse arguit locus Ciceronis in oratione pro dom. c. 13. *Quid, inquit, est jus adoptionis, Pontifices? Nempe ut is adoptet, qui nec jam procreare liberos possit: & cum possit, sit expertum; tum ne qua calumnia, fraus, aut dolus adhibeatur.* Causa autem nunc cognoscitur à Magistratu, adhibito consensu propinquorum pupilli, *l. 2. C. eod.* & tutorum quoque auctoritate, *l. ult. C. de auct. præst.* In minorum quoque adrogatione post constitutionem Claudii, curatoris auctoritas intercedere debet, *l. 8. eod.*

Ut caveat adrogator persona publica) Hoc propriè servatur in adrogatione impuberis. Caveat nimirum satisfactio, id est, fidejussoribus datis, *l. non aliter 18. cum 2. seqq. eod.* Caveat autem non ipsis, ad quos ea res perventura est; sive quòd incerti sint; sive quòd non omnes sunt ii, qui sibi stipulari possunt: sed personæ publicæ, hoc est, Tabulario sive Scribæ Curiarum aut Magistratuum municipalium, qui aliis stipulando acquirere possunt. Servos olim publicos fuisse, constat *d. l. 18. l. 2. rempub. salv. for. l. ult. C. de serv. reip. man.* Primi Arcadius & Honorius caverunt, ne servi Tabulario præficiantur, *l. 3. C. de tabul. lib. 10.* ubi Cujac. Sed etsi ommissa fuerit satisfactio utilis nihilominus actioem in adrogatorem dari responsum est *l. 19. §. 1. hoc tit.*

Ad successionem ejus venturi essent) Pars hæc cautionis in *d. l. 18.* ita concepta est, *ad quos ea res perventura est, & in l. 19. seqq.* Ad quos ea res pertinet: quibus verbis significantur non ii tantum, qui ad successionem impuberis venturi sunt, quales sunt hæredes impuberis, sive illi ab intestato veniant, sive secundis tabulis à patre pupillo dati: sed etiam legatarii & servi, quibus secundis tabulis legata aut libertates datæ: in summa omnes, ad quos aliquid perventurum fuisset, si adrogatus mansisset in suo statu, *dd. ll.* Habet autem hæc cautio locum, si adrogatus impubes decesserit, *l. hoc autem 20. eod.* adveniente verò pubertate evanescit, perindeque habetur, ac si jam pubes adrogatus esset: quo casu cautio non est necessaria, cum quivis pubes sui adhuc juris

ipse testamentum facere, cognatosque excludere possit, *l. 5. qui test. fac.*

Dignus emancipatione) Puta si quid commiserit adversus patrem adoptivum, propter quod merito è domo ejici aut exheredari possit. At quæ causa est, quòd nihilominus tam impio filio bona sua restituuntur? Hoc manuscipulus existimat, id constitutum esse ad vitandam omnem improbitatis suspensionem, quæ alie qui pater adoptivus facile onerari possit.

Decedens exheredaverit) Intelligerem, si justa causa: nam si justa exheredationis causa sit: non video, cur præter bona sua aliqui recipere debeat, aut plus, quàm cum ex justa causa emancipatur. Sed obstare videtur responsum Ulp. in *l. 8. §. si quis 15. de inoff. test.* & obijci potest, quòd cum justam causam haberet adrogator, eum vivus non emancipaverit.

Quartam partem) Hæc quarta vulgo D. I appellatur: eamque Interpretes arbitrant non esse quartam omnium bonorum adrogatoris, sed tantum portionis ab intestato impuberi debite, nimirum eam ipsam ejusdemque quantitatē, quæ debetur aliis liberis, *dd. l. 8. §. quoniam 8. de inoff. test.* Et cet nulla dari ratio potest, quamobrem D. Pii meliorem esse conditionem voluerit adoptivorum, quàm naturalium: aut emancipatos exheredativè, quàm ejus qui sine nota in familia mansit; & hæredis, quem videlicet pater vel instituit, vel ab intestato hæredem aliquis datis fideicommissis, cui præter quartam partem debet ab intestato portionis nihil deberi in confesso est. Plerique tamen recentiorum secus sentiunt, propterea quòd etas simpliciter loquuntur de quarta bonorum *l. ult. §. qui in fraud. patro. l. 2. C. hoc tit.* responderi potest; etiam quartam portionis ab intestato debite aializos quartam bonorum dici posse, sicut legitima liberorum, & ipsa quarta pars illius portionis est, quæ ta bonorum dicitur, *l. 6. C. de inoff. test.* potius quia ferè unus tantum adrogari solet & nemo adrogare, nisi qui liberos non habet, *l. 15. in fin. l. nec ei 17. §. pen. hoc tit.* De illo non convenit inter Interpretes, quartam hanc faciunt partem portionis ab intestato debite, an hæc quarta etiam auct. Nov. 18. Negat Mynsing. sed argumentis eorum solidis. Ait: quartam eorum duntaxat d. Nov. auctam dici, quibus antea querela officio testamenti competeat; adrogato tunc non conventio, *d. l. 8. §. si quis 15.* quo fallitur. Nam certè ante D. Pii constitutionem non minus adrogato impuberi, qui

ceteris querela competit: Divus autem Pius non minuit jus adrogati, sed auxit, ut ei querela jam non sit necessaria, sed proprio & meliori jure quartam sibi debitam obtinere possit, d. l. 8. §. si quis 15. Hoc & Græcos sensisse argumento est, quod illi τὴν τέταρτον μέρος, quod Theophilus, aut paraphrastes, hic retinuit, ex novo jure mutaverunt in τὴν τρίτον. Mich. Psel. *Synops.* Quod adjicit Mynsing. in tutoris nullam extensionem admittendam esse, quamvis par ratio subit, aut etiam major: verum non est præterquam in iis constitutionibus, quæ à ratione juris & æquicatis recedunt; qua de re, qui vult, consulat D. Præf. Everh. in *topic. loc.* 79. Itaque verior mihi videtur eorum sententia, qui hanc etiam quartam auctam esse censent, ne pupillo nocere, quod in favorem & commodum ejus constitutum est; D. Bachov. post Porc. & alios hic. VINN. Quamvis non iniqua sit hæc Barthol. vii, quam Auctor sequitur, sententia, probabilis tamen est D. Pium quartam omnium bonorum intellexisse, partim quod semper in legibus quartæ bonorum sit mentio, partim quod ea non petebatur querela inofficiosi, sed adione familiaris eriscundæ. Vid. V. C. Schulz. *πρώτη tit. de adopt. & emancip.* Quæ cunctane hic conjicit Vinnius, eos quibus liberi essent, adoptare non potuisse, refellit Reinold. *Var. cap.* 41. p. 105. Et sunt sanè exempla, quæ Vinnio possunt opponi, qualia & ante Reinoldum collegit Cl. Perizon. *Animadv. Hist. cap.* 3. p. 125. seq. Sed idem tamen rectè observat, id non nisi difficulter concessum & non caruisse reprehensione. Ego id numquam sine privatis concessum putaverim impuberes arrogaturis: adeoque vix incidere potuisse questionem, quartane omnium bonorum, an portionis legitimæ intelligenda sit in constitutione D. Pii? HEIN.

TEXTUS.

De ætate adoptantis & adoptati.

4. Minorem natu majorem non posse adoptare placet: adoptio enim naturam imitatur, & proinde est, ut major sit filius, quam pater. Debet itaque is, qui sibi filium per adoptionem aut adrogationem facit, plena pubertate, id est, decem & octo annis præcedere.

NOTÆ.

4. Minorem natu) Ex l. 15. §. ult. cum l. seq. l. 40. §. 1. D. cod.
Tom. I.

A Doptio naturæ imago & similitudo quædam est, l. si in 23. de lib. & post. unde cum alia multa, tum hoc quoque provenit, quod majorem natu minor adoptare non possit, cum per naturam filius non possit esse major patre. Qua de causa Clodii adoptionem jure exagitat Cic. *pro dom. cap.* 13. Factus es, inquit, filius ejus. (Fontei) contra fati, ejus per ætatem pater esse potuisti; & similia mox sequuntur.

Plena pubertate, id est, decem & octo annis) L. abrogato 40. §. 1. hoc titulo. Cur autem octodecim annis? Nam si nuptiæ post annum decimum quartum contrahi possunt; potest & quis filium habere ante hanc ætatem. Sed nimirum quia rarissime accidit, ut masculi ante annum octavum decimum ad plenam pubertatem perveniant, & liberos suscipiant; minor ætas in adoptione insuper habita est, juxta l. 3. 4. & 5. de legib. Mynsingeri ratio nulla est: Id ideo placere, quia in adoptionibus, in quibus res per electionem agitur, firmitate opus sit judicii, quasi non nisi anniculi aut bimuli adoptarent. Nimirum etsi pubertatis initium est anno 14. *inf. quib. mod. tut. fin.* maturitas tamen demum anno 18. l. abrogato 40. §. 1. hoc titul. Paul. 3. sen. 4. atque hac ætate pubescunt etiam si apud idios. 15. Theoph. In specie l. 14. pr. de alim. leg. est favor alimentorum.

TEXTUS.

De adoptione in locum nepotis, vel neptis, vel deinceps.

5. Licet autem & in locum nepotis, vel neptis, pronepotis, vel proneptis, vel deinceps, adoptare, quamvis filium quis non habeat.

NOTÆ.

5. In locum nepotis) Ex Paulo l. 37. hoc tit. Ulp. tit. 8. §. 6.

Quamvis filium non habeat) Sufficit enim habere filium posse, & per ætatem ex eo nepotem. Non enim actus, sed naturalis potestas inspicitur.

COMMENTARIUS.

Quamvis filium quis non habeat) L. adoptare 37. l. adoptiones 43. h. t. Dixeris, hoc pugnare cum eo, quod antedictum est, adoptionem imitari naturam: Na-

tura enim fieri non posse, ut quis nepotem habet, qui filium non habet. At inquam, sufficit habere posse; hoc est ejus mō xatatis esse, ut & filium & ex filio nepotem ea xatate habere potuerim, qua est is, quem filium adoptare volo. Nam & qui uxorem non habet, filium adoptare potest, quamvis sine uxore pater esse non possit, *l. 1. & qui 10. cod.* Duplex igitur hic fictio est. De duplici fictione circa idem vid. Vaud. 2. *quæst.* 4.

TEXTUS.

De adoptione filii alieni in locum nepotis & contra.

6. *Et tam filium alienum quis in locum nepotis adoptare potest, quam nepotem in locum filii.*

COMMENTARIUS.

Qui filius est patri naturali, potest per adoptionem nepos fieri patri adoptivo, & contra. Nam, ut bene Theophilus, necesse non est, ut qui adoptatur, eundem ordinem gradumque, quem apud patrem naturalem habet, servet apud patrem adoptivum.

TEXTUS.

De adoptione in locum nepotis.

7. *Sed si quis nepotis loco adoptet, vel quasi ex filio, quem habet jam adoptatum; vel quasi ex illo, quem naturalem in potestate habet; eo casu & filius consentire debet, ne ei invito suus heres agnascatur. Sed ex contrario, si avus ex filio nepotem det in adoptionem, non est necesse filium consentire.*

NOTÆ.

7. *Si quis nepotis loco*) Ex Paulo *l. 6. & l. 11. cod.*

Ne ei invito suus heres) Eadem ratione & nepoti uxorem ducenti etiam filius consentire debet, *l. 16. §. 1. D. de rit. nupt.*

COMMENTARIUS.

Filius consentire debet) Nimirum si nepos adoptetur quasi ex Lucio filio, verbi causa, natus. Nam si simpliciter adoptetur, & tamquam ex incerto filio, nullius consensus desideratur: quia tunc cessat ratio juris, quæ consensum requirit; de qua mox, *l. adop-*

tiones 43. & seq. hoc tit. Quid ergo, si nepotem adoptem tamquam ex Lucio filio meo natum, isque filius meus auctor non fuerit; an hæc adoptio plane nulla erit? an perinde habendum, ac si simpliciter facta fuisset? quod magis probatum cum D. Concio 1. *subtest. test. in fin. arg. l. 11. hoc tit.* Nam cum Jurisconsultus ibi de proposita specie hoc saltem respondeat, me mortuo, non fore nepotem in potestate filii, satis indicat adoptionem quoad cetera valere.

Ne ei invito) *L. 6. cod.* Non videbatur consensus filii exquirendus propter jus potestatis, quod summum pater in filium habet. Sed nimirum vis adoptionis seu agnatio sui heredis in id tempus confertur, quo patre mortuo filius jam sui juris & paterfamilias factus est.

Non necesse est filium) Quia nimirum nepos non in patris sui, sed in avi potestate est. Potestatis autem tanta vis fuit apud Romanos, ut avus nepotem, inconsulto filio (tamen id durum est) alii in adoptionem dare potuerit.

TEXTUS.

Qui dari possunt in adoptionem.

8. *In plurimis autem causis assimilatur hi, qui adoptatus vel adrogatus est, ei, qui ex legitimo matrimonio natus est; & ideo si quis per Imperatorem, vel apud Praetorem, vel Praefidem provinciae, non extraneum adoptaverit, potest eundem in adoptionem alii dare.*

NOTÆ.

8. *In adoptionem alii dare*) Eodem jure, quo id permissum patri naturali.

COMMENTARIUS.

In principio hujus tituli dixi, non solum naturales liberos in potestate nostra esse sed etiam eos, quos adoptavimus: unde si quis, quemadmodum illi in adoptione alii dari possunt: ita & hos posse. In adrogatione nihil mutatum; ac ne in adoptione quidem in specie sic dicta, quando non adoptatur extraneus. At cum extraneus adoptatur est; is alii rursus in adoptionem dari non potest: cum ex constitutione Justiniani nil juris in hunc pater adoptivus habeat, *l. per C. hoc tit. §. 2. sup. cod.* eamque ob causa verba hæc à Tribonianò hic addita sunt, *extraneum.*

TEXTUS.

Si is, qui generare non potest, adoptet.

9. Sed & illud utriusque adoptionis commune est, quod & ii, qui generare non possunt, quales sunt spadones, adoptare possunt, castrati autem non possunt.

NOTÆ.

9. *Quales sunt spadones*) Quia hi sublato vitio corporis, liberis procreandis operam dare possunt, d. l. 2. §. 1. l. 40. §. 1. cod. & ideo uxorem quoque possunt ducere, l. 39. §. 1. D. de jur. dot. natura enim magis in homine generandi, & consuetudo spectanda est, quam temporale vitium: l. 9. D. de lib. & post. Spadones, si ὁ ἄνθρωπος ἦ γυναικὸς μὴ οὐκ ἔστιν ἀδύνατος. *Interdum spadonum appellatione etiam castrati comprehenduntur*, d. l. 39. §. 1. l. 128. de verb. sign. & ibi Alciat. *Castrati non possunt*) Neque enim in testes vim genitalem asfunderere queunt; neque remedium in his locus. Leo tamen permisit. *Novell. 26.*

COMMENTARIUS.

Qui generare non possunt) Id est, qui propter vitium aliquod, quod tamen sanabile sit, procreare non possunt; quales hic perhibentur esse spadones: quod quidem appellatione nonnumquam & castrati continentur, id est, testes, aliique, quibus vis generandi in totum adempta, ut in l. si foris 39. §. 1. de jur. dot. l. 4. §. 2. ad leg. Corn. de sic. l. spadonum 128. de verb. sign. ubi Alciat. Ceterum non raro & in specie accipitur, atque ad eos coangustatur, qui ob impedimentum temporale, & quod tolli queat, generare non possunt. Ita usurpatur a Pomponio l. 6. §. 2. de adil. edict. a Marciano l. 14. §. ult. de man. vind. itemque a Cajo l. 2. 8. l. hoc tit. *Quibus iuris: Spadones, si ὁ ἄνθρωπος ἦ γυναικὸς μὴ οὐκ ἔστιν ἀδύνατος.* Imperator Leo etiam castratis adoptare permisit, ut injuriis illis illatam hoc solatio compensaret, Nov. 26. & seq.

TEXTUS.

Si foemina adoptet.

10. Foemina quoque adrogare non possunt, quia nec naturales liberos in sua potestate habent: sed et indulgentia Principis ad solatium liberorum amissionum adoptare possunt.

COMMENTARIUS.

Adrogatio & adoptio jure veteri in eo discrepabant, quod foemina adrogari non poterant: quia, ut supra diximus, adrogatio auctore populo in comitiis fiebat, quorum nulla cum foemina communio. Adoptari autem non vetabantur. Nunc verò ex rescripto Principis etiam adrogari possunt, l. 21. hoc tit. Adrogare autem vel adoptare nec olim poterant, nec nunc possunt. Ratio redditur à Justiniano: quia nec naturales liberos in potestate habent; quasi diceret; absurdum esse, ut majorem vim habeat fictio quam rei veritas; adoptio quam natura. Claudicare tamen videtur hæc ratio in extraneo adoptante, in cuius potestate licet adoptatus non sit; tamen constat adoptio ex constitutione Justiniani §. 2. sup. cod.

Ex indulgentia Principis) L. si suspecta 29. §. quoniam 1. de inoff. test. non tamen ut filium habeant in potestate, sed ut solatium orbitatis & hæredem. Duobus igitur casibus filios tantum facit adoptio; si foemina jussu Principis adoptaverit; item si extraneus à patre naturali filium in adoptionem acceperit. Ceteri fiunt filifamilias.

Ad solatium liberorum amissionum) Transscriptum hoc ex l. 5. C. cod. & de viduis haud dubie intelligendum: neque enim nuptiis concedendum existimo, ut seorsum sibi liberos adoptent. Imp. Leo & sine hac conditione foeminis adoptare permisit etiam virginibus. Nov. Leon. 27. quæ in Oriente recepta; Harמענופ. lib. 2. tit. 8. §. 4.

TEXTUS.

De liberis arrogatis.

11. Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestati adrogatoris subjicitur, sed etiam liberi ejus sunt in ejusdem potestate tamquam nepotes. Sic enim D. Augustus non ante Tiberium adoptavit, quam is Germanicum adoptasset, ut protinus adrogatione facta inciperet Germanicus Augusti nepos esse.

NOTÆ.

11. *Per sacrum oraculum*) Per Principem; l. 2. cod. Per Principis rescriptum, l. 6. C. cod. Periphrasis est adrogationis.

M 2

Sed

Sed etiam liberi ejus) L. 15. l. 40. *cod. nimirum tamquam sequela*, & unà cum patre adrogato capite minuuntur; l. 3. *D. de cap. min.* quod in adoptione non similiter contingit; l. 28. *hoc it.*

COMMENTARIUS.

QUOD hoc §. proponitur, proprium effectum est adrogationis; nempe non solum cum qui adrogatur, transire in potestatem patris adoptivi; sed etiam liberos, qui in ejus potestate erant, tamquam nepotes, l. *adrogato* 40. *cod.* In adoptione autem hoc non similiter contingit, in qua is tantum transit, qui adoptatur, non etiam liberi ejus. Ratio differentie in promptu est. Nam in adoptionem dantur filii familias, quorum liberi sunt in potestate alterius, nempe ejus qui in adoptionem dat: ideoque etiam in illius potestate remanent: l. *liberum* 28. *cod.* Adrogantur autem patres familias, qui cum ipsis liberos suos in potestate habeant; nihil mirum, si secum etiam illos in familiam & potestatem alienam transferant; l. *pen.* §. 2. *de bon. poss. sec. tab.*

Quam is Germanicum adoptasset) Dubitaverat Augustus, Germanicum sororis nepotem & cunctis laudatum rei Romanæ imponere, sed precibus uxoris evictus Tiberio Germanicum, sibi Tiberium adscivit, auctor Tacit. 4. *annal. cap. 57.* & Suetonius in *Tib. c. 15.* scribit; Tiberium prius coactum fuisse Germanicum adoptare, quam ipse ab Augusto adoptaretur. Simile exemplum habemus apud Capitolin. in *Antonin.*

TEXTUS.

De servo adoptato vel filio nominato
à Domino.

12. *Apud Catonem bene scriptum refert antiquitas, Servos, si à domino adoptati sint, ex hoc*

ipso posse liberari. Unde & nos eruditi in nostra constitutione etiam cum servum, quem dominus actis intervenientibus filium suum nominaverat, liberum esse constitimus: licet hoc ad jus filii accipiendum non sufficiat.

COMMENTARIUS.

APUD Catonem) Parum refert, apud Marcumne Catonem principem familiarum Porciz hoc scriptum fuerit, an apud filium ejus. Ambo sanè & Jurisconsulti fuere, & libros de jure civili reliquerunt; filius etiam plurimos, teste Pomp. l. 2. §. *post hoc* 38. *de orig. jur.* VINN. De Catonis filii scriptis ad jus pertinentibus conferendus Gellius lib. 13. c. 18. Ejus & alias fit mentio in jure nostro l. 20. §. 1. *ff. de Edil. edit. l. 44. ff. sol. matr. Grot. de vir. flor. lib. 1. c. 5. HEIN.*

Ex hoc ipso liberari) Satis apparet, his verbis Justinianum significare velle, servos à domino adoptatos, non jus filiorum, sed libertatem dumtaxat consequi: atque inutilem quidem esse hanc adoptionem, sed vim tamen manumissionis habere. Nec dissimile admodum est quod Ulpian. scribit: Inutilem adoptionem habere vim pacti sive utile pactum: l. 8. *de accept. VINN.* Immo servum auctore Prætoris adoptatum, non solum libertatem, verum etiam jura filii consequutum esse, disertè scribit Gell. lib. 5. c. 19. Unde Justinianus non loqui videtur de adoptione servi, sed de casu, si dominus servum adacta sorte filium vocarit. HEIN.

Nostra constitutione) L. un. §. 10. *C. de Lat. l. toll.*

Actis intervenientibus) Id est, apud acta, coram Magistratu in jure l. 2. *ff. de appell. l. 3. C. de fid. instrum.* D. Hotomanus putat, necesse esse, ut dominus servum ad Magistratum deducat, & testato denunciet, se velle eum pro filio habere, utque acta super eo conscribantur.

TITULUS DUODECIMUS.

QUIBUS MODIS JUS PATRIÆ POTESTATIS SOLVITUR.

D. Lib. 1. Tit. 7. *Novell. 81.*

Ratio ordinis, & summa Tituli.

MOS hic est perpetuus Jurisconsulorum, ut expositis iis, quæ ad constitutionem alicujus rei valent, subjiciant contraria, sive

ea, quæ ad ejus imminutionem aut dissolutionem pertinent. Itaque cum hætenus visum sit, quibus modis jus patriæ potestatis constitui-

tuitur, rectè nunc subjiciuntur modi, quibus suis illud solvitur. Ejusmodi autem septem fere hoc titulo proponuntur, mors patris aut avi, deportatio, servitus pœnæ, dignitas Patriciatus, captivitas, emancipatio, adoptio.

TEXTUS.

Scopus & nexus. De Morte.

Videamus nunc, quibus modis ii, qui alieno juri sunt subiecti, eo jure liberentur. Et quidem quemadmodum liberantur servi à potestate dominorum, ex iis intelligere possumus, quæ de servis manumittendis superius exposuimus. Hi verò, qui in potestate parentis sunt, mortuo eo, sui juris fiunt. Sed hoc distinctionem recipit; nam mortuo patre, sanè omnimodo filii filiaque sui juris efficiuntur: mortuo vero avo, non omnimodo nepotes neptisque sui juris fiunt; sed ita, si post mortem avi in potestatem patris sui recasuri non sunt. Itaque si moriente avo pater eorum vivit, & in potestate patris sui est; tunc post obitum avi in potestate patris sui fiunt. Si verò is, quo tempore avus moritur, aut jam mortuus est, aut per emancipationem exiit de potestate patris; tunc ii, qui in potestatem ejus cadere non possunt, sui juris fiunt.

NOTÆ.

Jus patriæ potestatis) Abest Patriæ à vet. cod. teste Fabrot, & Theophil simpliciter non recipiunt.

Recasuri non sunt) Nepotes ex filio, mortuo avo, solent in potestatem patris sui recidere, L. 5. D. de his qui sui vel alien. jur. sed hoc ita, nisi ipse pater aut mortuus sit jam ante, aut emancipatus à patre suo, L. 41. D. de adopt. tit. 10. §. 1. Cajus 1. instit. tit. 6.

Per emancipationem exiit) Hoc Glossema esse ex lib. vet. notant Cujac. Hot. Fabrot. nam & aliis modis exire de potestate potest, nec Theoph. agnoscit.

COMMENTARIUS.

Mortuo eo sui juris fiunt) Quum paterfamil. moritur, quotquot capita ei subiecta fuerunt, singulas familias incipiunt habere: singuli enim patrumfamil. nomen subeunt, etiam si pupilli sint & infantes, l. pronuntiatio 195. §. 2. de verb. sign. quod notandum.

Mortuo patre, sanè omnimodo) Mortuo nimirum patre, in cujus potestate filii erant.

Nam qui in avi sui, non in patris potestate sunt, mortuo patre non efficiuntur sui juris, sed in potestate avi sui remanent: adeoque quasi agnascendo avo suo fiunt sui hæredes, §. 2. inf. de exb. lib. l. 13. de injust. rupt. testam.

In potestatem patris sui recasuri non sunt) Nepotes ex filio, mortuo avo, recidere solent in potestatem filii, hoc est patris sui, l. 5. de his qui sui vel alien. jur. Sed hoc non est perpetuum. Nam si quo tempore avus moritur, & pater eorum quo jam mortuus sit, aut per emancipationem exierit de potestate patris sui; nepotes in potestatem patris sui non recidunt, sed sui juris fiunt. Quin etiam sufficit semel exiisse. Finge, filium, quem pater adoptaverat, in potestatem patris sui revertisse, puta à patre adoptatum esse; nepos retentus post mortem avi non recidit in potestatem patris sui, sed omnimodo sui juris efficitur, l. si pater 41. de adopt. Hi quos dignitas suæ potestatis facit, jura legitima intacta retinent, eorumque filii post mortem avorum in eorum potestatem revertuntur, Nov. 81. c. 1.

TEXTUS.

De deportatione.

1. Cum autem is, qui ob aliquod maleficium in Insulam deportatur, civitatem amittit; sequitur, ut qui eo modo ex numero civium Romanorum tollitur, perinde quasi eo mortuo, definant liberi in potestate ejus esse. Pari ratione & si is, qui in potestate parentis sit, in insulam deportatus fuerit, definit esse in potestate parentis. Sed si ex indulgentia Principis restituti fuerint per omnia, pristinum statum recipiunt.

NOTÆ.

1. In Insulam deportatur) Deportatio in Insulam, in locum aquæ & ignis interditionis successit, l. 2. §. 1. D. de pan. l. 3. D. ad leg. Jul. pecul. l. pen. in fin. de extraord. cogn. Briss. lib. 3. sel. antiq. cap. 5. VINN. Propriè dici non potest, deportationem successisse in locum interditionis aquæ & ignis, sed eidem superadditam esse, quamvis priore loquutione utantur veteres locis à Vinnio allegatis. Nam & deportatis aqua & igni esse interdictionem patet ex Tacito Annal. lib. 6. cap. 30. l. 1. §. 2. ff. de legat. 3. Rem accuratè explicavit V. C. Schulting. ad Cajum, lib. 1. tit. 6. §. 1. p. 47. seq. HEIN.

Civitatem amittit) Unde deportati dicuntur peregrini, l. 6. §. 1. D. de bar. instit. l. 1. Cod.

Cod. eod. & ἀπίλιδες, l. 1. §. 3. de legat. 3. l. 17. D. de pœn.

COMMENTARIUS.

In Insulam deportati) Etiam. deportatione patria potestas solvitur: nam cum hæc potestas propria sit civium Romanorum, §. 2. *sup. de patr. pot.* fieri non potest, ut qui civis Rom. non sit, filium habeat in potestate. Deportatio autem est capitis minutio, qua qui afficitur, in numero civium esse desinit, §. 2. *inf. de cap. dem.* ubi plura dicemus.

Perinde quasi eo mortuo) Nam intereunt homines non solum morte, verum etiam maxima & media capitis diminutione, l. *verum* 63. §. *ult. pro soc. l. 1. §. filium* 8. de bon. poss. cont. tab. quæ ob id vulgo mors civilis dicitur. Vitiolam autem apparet esse huius loci constructionem: quæ constabit, si cum D. Horom. legamus: Ut eo, qui eo inodo ex numero civium solvitur, perinde quasi mortuo, &c. transposito videlicet posteriore eo. VINN. Possit etiam una adjecta littera pro qui rescribi quia. Ita enim & Theophilus legisse videtur. HEIN.

Pari ratione) Nihil hic interest, filius deportatus sit, an pater; neque enim magis civis Romanus peregrinum in potestate habere potest, quam peregrinus civem Romanum. Ulp. tit. 10. §. 2. Theophil. hic.

Ex indulgentia Principis restituti) Nempe plenissime & in integrum, l. 1. C. de sent. pass. Nam simplex & generalis restitutio pœnæ tantum gratiam facit, reditumque in patriam concedit, add. l. 2. 6. 9. C. d. tit. & D. Tul. C. *ibid.* Christ. vol. 4. decis. 208.

TEXTUS.

De relegatione.

2. Relegati autem patres in Insulam in potestate liberos retinent, & liberi relegati in potestate parentum remanent.

COMMENTARIUS.

1. Cui deportati cives esse desinant, relegati non item.
2. Quo numero apud nos habendi banniti, seu quibus provincia interdictum est, & damnati ad triremes.

Relegati, sive in Insulam, sive simpliciter certis provinciis interdicti, omnia sua jura retinent, nec refert, in perpetuum an

ad tempus relegentur, l. 4. l. 7. §. 3. de interd. & rel. Sed & bona sua omnia retinent, nisi parte bonorum nominatim adempta in perpetuum relegentur, d. l. 4. d. l. 7. §. ad tempus 4. Quæ autem ratio est, quod deportati hæc omnia cum civitate amittant, relegati non item? Diversitas intelligi poterit ex verbis sententiæ & forma executionis. Nam deportati, perpetuo exilio multati, jubebantur compedibus vincti & navigio impositi à servis publicis constitutam in solitudinem vehi: quæ condemnatio eos manifestè ad peregrinitatem redigit, & ἀπίλιδας facit, l. sunt quidam 17. §. 1. de pœn. Relegatis autem dies præstuebatur, intra quem excederent. Moris enim erat ita pronuntiari: Illum provincia illa Insulisque relego: excedereque debet intra illum diem, d. l. 7. §. bis qui 17. de int. & rel. Quæ sententia existimationem quidem civis minuit, sed non consumit, aut caput eximit de civitate, l. 5. §. 2. de extr. cogn. Nomen exilii commune est, exulesque non deportati solum, sed relegati atque interdicti appellantur, l. 4. l. 5. de interd. & rel. l. 4. de pœn. l. tutor 28. §. 2. & l. seq. de excus. quippe omnes extra solum missi, sive solo patris expulsi; unde exulem dici, auctores sunt Festus, Nonius & Quintil. declam. 336. Plurimumque tamen & quasi propriè exilium de deportatione dicitur, quasi relegatio exilium propriè non sit, cum jus civitatis retineatur, l. 2. de publ. jud. Hinc & Ovidius se non exulem esse scribit, sed relegatum, lib. 2. & §. de tristib. Quod ad jus harum regionum attinet, plerique existimant, eos, quorum bona apud nos publicantur adjuncta provinciæ interdictione perpetua, similes deportatis habendos esse. Quibus autem ad tempus provinciæ vel civitatis alicujus finibus interdicitur, relegatis comparandos. Idemque statuendum simili distinctione adhibita de damnatis ad triremes, Christin. vol. 5. decis. 52. in fin. Gudelin. 5. de jur. noviss. cap. 15.

TEXTUS.

De servitute pœnæ.

3. Pœna servus effectus filios in potestate habere desinit. Servi autem pœna efficiuntur, qui in metallum damnantur, & qui bestiiis subjiciuntur.

COMMENTARIUS.

Si is, qui civitatem retenta libertate amittit, liberos in potestate habere desinit, & mortui loco habetur; quanto magis, qui cum civi-

civitate simul & libertatem? Servitutem enim vel maximè mortalitati Veteres comparabant, *l. quod ætates* 32. *l. servitutem* 209. *de reg. jur.*

Pœna servus) Pœnæ servus dicitur, qui non alium dominum habet, quàm ipsam quodammodo pœnam, cui addictus est. Ideoque si quid tali servo legatum sit, pro non scripto est, quasi non Cæsaris servo datum, sed pœnæ, Marcian. respondit, *l. sunt quidam* 17. *de pec.* Cæterum non solum servitutem pœnæ, cujus solius hic fit mentio, verùm etiam quovis alio genere servitutis patria potestas solvitur; puta si liber homo major 20. annis ad pretium participandum se venundari passus sit; aut si libertus ingratitudinis convictus redigatur in potestatem domini, §. 1. *inf. de cap. dem.* Quominus qui ab hostibus capiuntur huc pertineant, facit jus postliminii, & lex Cornelia testamentaria, §. *si ab hostibus* 5. *inf. hoc tit.*

Qui in metallum damnantur) In metallum vel in opus metalli damnari dicuntur, qui ad effodiendum metallum, cujus varia sunt genera, damnantur: quamquam inter eos, qui in metallum, & eos qui in opus metalli damnantur, differentia est in vinculis, quod huc non pertinet, *l. 8. §. 4. & 6. de pœn.* Diversa pœna fuit eorum, qui in opus publicum damnari dicuntur, *l. ult. de effraçt.* Hi enim civitatem dumtaxat amittebant libertate salva, *l. 17. §. 1. d. rit.* quibus hodie nonnulli comparant, qui ad triremes damnantur.

Qui bestiis subjiçuntur) Hi sunt, qui passim ad bestias damnati & ad bestias dati dicuntur (*Dio l. 58. τὸς τοῖς θηρίοις ἐκ καταδίκης. idemque* appellat) & statim consumuntur, hoc est, statim post damnationem feris obijciuntur. Sunt & qui damnati non statim consumuntur, sed populi voluptatibus reservantur, qui tamen & ipsi servi pœnæ fiunt; quales sunt, qui damnantur in ludum sive venariorum sive gladiatorum, *d. l. 8. §. qui* *consequi* 11. *de pœn. l. un. C. Theod. ad leg. Fab. de quo vid. Budæ. in annot. postler. Cujac. 13. de quo vid. Pet. Fab. 2. semest. 11. Postremò omnes, qui ultimo supplicio damnantur, consumuntur pœnæ servos fieri existimo: hoc nimirum effectum, ut statim libertatem & civitatem perdant, *arg. l. 12. l. qui ult. 29. de pœn. l. 6. §. sed etsi* 6. *de injuss. rupt. test.* Jure novissimo servitus pœnæ sublata est, *Nov. 22. cap. 8. antient. sed hodie, C. de don. int. vir. & uxor.* Cujus rei effecta ibidem notant DD. VINN. Rectè Vinnius existimat, omnes ultimo supplicio damnatos, factos esse servos pœnæ. Quam enim civis extremo supplicio adfici*

non posset, per legem Porciam, *Liv. lib. 10. cap. 9.* fingendum erat, cum, qui hujusmodi delictum commiserit, quod sanguine videretur expiandum, non esse civem, sed servum pœnæ. Et hæc observatio viri eximii, Ger. Nood. *Probab. lib. 3. cap. 12.* HEIN.

TEXTUS.

De dignitate.

4. *Filiusfamilias si militaverit, vel si Senator, vel Consul factus fuerit, remanet in potestate patris: militia enim vel consularis dignitas de patris potestate filium non liberat. Sed ex constitutione nostra summa Patricius dignitas illico imperialibus codicillis præstatis filium à patria potestate liberat. Quis enim patitur, patrem quidem posse per emancipationis modum potestatis suæ nexibus filium liberare: Imperatoriam autem celsitudinem non valere, cum, quem patrem sibi elegit, ab aliena eximere potestate?*

NOTÆ.

4. *Si militaverit*) *L. 35. de rit. nupt. l. 5. & 6. de castr. pec. l. 7. C. de patr. pot. Senator*) *L. 18. in fin. D. de judic. l. ult. de bar. pet. Quint. declam. 286. Consularis dignitas*) *lib. 1. §. ult. de sen. Mac. Dion. Halic. lib. 2. pag. 96.* sed hodie liberat, *Nov. 81.* ubi & aliz dignitates excipiuntur, *in pr. c. 1. & 3.*

Summa patriciatus dignitas) Summa non quidem gradu, nam Consulatus major est, sed quia ad magnitudinem accedit dignitatis perpetuitas; Baro, & Cont. Extat constitutio in *l. ultim. Cod. de consul. lib. 12. add. l. 3. Cod. eodem.*

Codicillis præstatis) Vide Synes. *epist. 127.*

COMMENTARIUS.

1 *Patricii sub Imp. Constantinopolitanis qui dicti.*

SI militaverit) Milites multis privilegiis & prærogativis à Principibus donati sunt: nexu tamen patris potestatis jure sacramento eos solvi noluerunt, *l. 3. C. de castr. pec. l. 7. Cod. de patr. pot.* Observandum obiter, militiam speciem quamdam fuisse dignitatis, atque inde factum, ut omnia fere officia etiam civilia, militiæ postmodum dictæ sint.

Vel si Senator, vel Consul) Non obstat huic loco, quod dicitur in *l. antepen. de bis, qui sui vel al. jur.* in publicis causis filiumfamilias ha-

haberi, veluti ut Magistratum gerat, &c. Hoc enim non significat; filium Consulatu aliove munere publico liberari patria potestate: sed patriam potestatem non obstat, quominus Consul puta, aut Prator creetur, omniaque munia Magistratus sui obeat etiam repugnante patre, atque adeo etiam adversus patrem, l. 13. in fin. & l. seq. ad sen. Treb. Nonnihil huc faciunt quæ scribit G. l. 2. noſt. Attic. 2.

Ex nostra constitutione) L. ult. C. de consul. lib. 12. Non tamen à Justiniano hoc primum constitutum videri potest, cum & apud Cassiodorum, qui ante Justinianum sub Theodorico Gothorum rege vixit, in form. Patriciatu, lib. 6. Var. cap. 3. hoc scriptum sit: *Leges, inquit, tantam Patriciis dignitatem detulerunt, ut in sacris positus, cum hoc fuerit honore præcinctus, paternæ potestatis nexibus exuatur.* Quod autem Justinianus in d. constit. Patriciis tribuit; id postea produxit etiam ad alias dignitates, & ad eas omnes quæ à Curia liberant; nominatimque idem jus concessit Consulari, Præfecturæ prætorianæ, Præfecturæ urbiæ, Præturæ, Magisterio militum, & denique Episcopatu, Nov. 81. in pr. cap. 1. & 3. VINN. Dum negat Auctor, Justinianum id privilegium patriciis primum tribuisse, Bachovium, ut solet, sequitur. Sed ejus argumentum parum stringit. Cassiodorus enim non solum sub Theodorico, sed & sub Athalarico, immo & Theodahado & Vitige vixit, & negotia publica tractavit, adeoque Justiniani constitutionem, ann. circ. 530. scriptam, videre potuit; Prælarè id demonstravit V. C. Reinoldus var. cap. 19. HEIN.

Summa Patriciatus dignitas) Stante Rep. Patricii dicebantur, qui eorum Senatorum progenies erant, quos Romulus creaverat. Antiquissimæ quoque cujusque Senatoris familiæ liberi ætate Livii Patricii appellabantur. Verum longè aliter Patricii in constitutionibus recentiorum Imp. accipiendi sunt. Nam translato Constantinopolim Imperio, cœpere Principes ex Senatoribus, qui curulibus Magistratibus functi erant, sibi consiliarios, & quasi patres legere, quos Patricios dici placuit, quasi patres communes Reip. auctore Suida. Atque ex eo tempore Patriciatus nomen esse cœpit supremi consilii.

Codicillis præstitis) Codicilli apud Latinos inter alia significant diplomata, sive litteras Principales, quibus honores mandantur; ut apud Sueton. in Claud. cap. 29. & in l. administrantes 41. pr. de excus. tut. leg. 12. C. de dign. uti & hoc loco.

Quam sibi patrem elegit) Patricii Imp. Con-

stantinopolitanis parentum loco erant: quæ parentis appellatio Claudiano lepidi joci materiam tribuit. Is enim in Eutropium Patricium, cujus bona publicata, & in fiscum coacta erant, sic ludit, lib. 2. in Eutrop. v. 49.

Direptas quid plangis opes, quas natus habebit?

Non aliter poterat Principis esse pater.

Quorum versum hic sensus est. Eutropium æquo animo adversum fortunæ casum, bonorumque suorum publicationem ferre debere, cum eo modo ad Principem, qui ei filii loco fuerit, & cujus ipse parens appellatus sit, ea pervenerint. Extat constitutio Imp. Arcadii & Honorii in C. Theod. tit. de pæn. qua hic Eutropius in Insulam Cyprum, quò bonis publicatis & adempta dignitate relegatus erat, deportari jubetur.

TEXTUS.

De captivitate & postliminio.

§. Si ab hostibus captus fuerit parens, quamvis servus hostium fiat; tamen pendet jus liberorum propter jus postliminii: quia hi, qui ab hostibus capti sunt, si reversi fuerint; omnia pristina jura recipiunt: idcirco reversus etiam liberi habebit in potestate; quia postliminium fingit, eum qui captus est, in civitate semper fuisse. Si vero ibi decesserit, exinde ex quo captus est pater, filium sui juris fuisse videtur. Ipse quoque filius, nequeve, si ab hostibus captus fuerit; similiter dicimus propter jus postliminii jus quoque potestatis parentis in suspensio esse. Dictum autem est postliminium à limine & post. Unde eum, qui ab hostibus captus est, & in fines nostros postea pervenit, postliminio reversum recte diximus. Nam limina sicut in domo finem quemdam faciunt; sic & Imperii finem esse limen Veteres voluerunt. Hinc & limen dictum est quasi finis quidam & terminus. Ab eo postliminium dictum est, quia ad idem limen revertebatur, quod amiserat. Sed & qui captus, videtur hostibus, recuperatur, postliminio rediisse existimatur.

NOTÆ.

§. Pendet jus liberorum) In pendenti, in incerto est, l. ult. D. de sen. Mac. l. 12. §. 1. de capt. & postl. Non igitur tam captivitate patri potestas amissa restituitur, quam liberi finguntur in potestate cum tempore captivitatis mansisse. Ulp. tit. 10. §. sen. Boet. in top. Cic.

In civitate semper fuisse) Alia effecta vid. in l. 1. §. ult. D. de sen. Mac. l. 6. §. ult. D. de tutel. l. 22. §. 1. de capt. & postl. l. 13. eod.

Ipse

Ipse quoque filius) l. 9. l. 10. l. 12. *Cod. de post. rev.*

COMMENTARIUS.

- 1 Quando quis postliminio reversus intelligatur, non quibus in locis postliminium fit.
- 2 Quæ res postliminio recipiantur, aut redeant.
- 3 Jura patris ab hostibus capti non extinguuntur, sed in suspensio est.
- 4 De origine juris postliminii.

Quamvis servus hostium fiat) Constat, eos, qui ab hostibus capiuntur, jure belli servos hostium fieri, & consequenter desinere liberos habere in potestate. Verum Romani, quicumque ex suis capti essent, servorum numero apud se haberi non debere censuerunt; nihil eorum cum effectu amittere, quæ aliàs per servitutem amitti solent. Cùmque fieri possit, ut capti ad suos reverterentur; fieri item, ut apud hostes decederent; in utrumque eventum captis prospexerunt: in illum fitione juris postliminii; in hanc fitione legis Cornelix.

1 *Qui si reversi fuerint*) Pomponius reversum postliminio ait, qui intra præsidia nostra esse caperetur, l. 5. §. 1. de capt. Paulus, cùm in finibus nostris intraverit, l. postliminium 19. §. 3. *mod.* Sed ex paritate rationis consensus gentium rem eo perduxit, ut postliminium locum haberet, etiamsi quis homo aut res, cui postliminium esse placuerat, pervenisset ad amicos nostros; ut loquitur d. loco Pompon. aut, ut Paulus exempli causa explicat, ad Regem socium vel amicum. Quibus in locis amici, aut socii intelligendi sunt non simpliciter, quibuscumque pacem habemus, sed qui partes in bello eandem sequuntur, ad quos qui venerunt, ut Paulus loquitur, nomine publico tuti esse incipiunt; qua de re plausula D. Grot. l. 1. de jure bell. §. pac. 9. n. 2.

2 *Omnia pristina jura*) Puta civitatem, familiam, bona sive eorum dominium. Rectè autem jura, l. 5. §. 1. l. in bello 12. §. 1. de capt. & post. rev. nam ea, quæ facta sunt, postliminio non continentur: qualis est verbi causa possessio: quæ ideoque interrupta captivitate non restituitur, l. denique 19. ex quib. ca. maj. l. cum heredes 23. §. 1. de acq. post. Sicut autem postliminio reversus jura recipit, ita & in ipsam jura restituitur, l. 6. d. l. in bello 12. §. cetera 4. de capt. Neque homines solum, sed etiam agri, leg. si captivus 20. §. 1. *cod.* adeoque quodvis jus solo adhærens postliminium habet per l. 6. de rer. div. uti & loca sacra ac religiosa, l. cum loca 36. de rel. At

Tom. I.

rebus mobilibus postliminium non est: exceptæ tamen naves longæ atque onerariæ; mulicellarii; equi & equæ frenum patientes, Cic. in Top. Gall. Æl. apud Fest. Marcell. l. 2. *prin. ff. de capt.* Quamquam hodie, ut passim tradunt morum periti, nullæ res mobiles postliminio redeant, ne naves quidem; vid. Grot. d. cap. 9. num. 13. & seqq. D. Tulden. comment. ad tit. de rer. div. c. 10.

In civitate semper fuisse) Non igitur tam captivitate patria potestas amissa reverso patre restituitur, liberæ captivitate patris sui juris facti, eo reverso, iterum in potestate ejus esse incipiunt, quod velle videtur D. Myns. quàm pater fingitur retro in civitate fuisse, liberisque in potestate etiam tempore captivitatis retinuisse, d. l. in bello 12. §. 1. l. retro 16. l. bona 22. §. 2. *cod.* l. 6. §. ult. de tutel. Nec alioqui rectè diceretur, statim liberorum pendere, aut in incerto esse; ut hic & d. l. in bello 12. & l. bona 22. nec acta à filio esse in pendenti, l. 1. §. 1. de senat. Mac. sed jus patris & liberorum captivitate patris extinctum postliminio restitui: acta à filio tantisper rata esse; at reverso patre infirmari. Non est autem levis momenti hæc fictio: nam inde est, quod, quæ filius medio tempore quæsitæ occupare possit jure peculii, etiam defuncto pridem filio, l. pen. de suis & leg. her. inde quoque est, quod patre reverso denegatur actio creditori, à quo filius, dum pater apud hostes est, mutuam pecuniam accepit, quasi contra SC. credita sit, l. 1. §. 1. de SC. Mac. Denique hinc est, quod Ulp. respondit: Non posse ei, cujus pater in potestate hostium est, tutorem dari, l. 6. §. ult. de tutel. qui rectè utique daretur, si filii interim pro iis, qui sui juris sunt haberentur. Deportati & restituti patris alia ratio, l. ult. §. 1. C. de sent. pass.

Exinde ex quo captus est) Hæc actio est legis Cornelix, l. 12. qui testam. fac. §. ult. *infr.* quib. non est perm. fac. testam. eaque in omnibus partibus juris servatur, l. in omnibus 18. de capt.

Ipse quoque filius) Quapropter si verbi gratia in potestate fuit filius eo tempore, quo capiebatur; medio tempore patre mortuo, reversus suus hæres patri erit, l. 9. *Cod. de post. rev.*

A limine & post) De notatione nominis postliminii controversia olim fuit inter Scævola & Servium, teste Cic. in Top. Scævola junctum dicebat esse verbum à post, quod redditum notat, & limine. Servius in eo nihil spectandum præter propositionem post, reliquum

N

pro-

productionis esse caudam, *liminium*. Sed rectè Scævola, cui & Festus assentitur. Nam limen & limes exitu tantum & flexionis modo differunt; origine autem (venit enim ab antiqua voce *limus*, quæ transversum significat) & primitiva notione idem sunt, sicut materia & materies, contagio, & contagies, &c. quamquam usu seriore factum est, ut limen magis ad privata, limes ad publica referretur. Sic Veteres *eliminare* dicebatur è finibus ejicere, & exilium nominabant *eliminium*. Grot. d. cap. 9. in pr. Jos. Scal. annot. in Fest.

Ab hostibus recuperatur) Ad jus postliminii nihil interest, quomodo captus revertatur, utrum dimissus, an vi vel fallacia aut victis postea hostibus; sive ut Homerus *Odyss.* 14. ἢ δέλας, ἢ βία, ἢ ἀμφαδί, ἢ ἀποφάδι; ita tamen, si ea mente fuerit, ut illo novo reverteretur, l. nihil interest 26. ff. de capt. Et ideo Attilius Regulum, responsum est, non esse postliminio reversum, quia juraverat, Carthaginem se reverfurum, leg. 5. §. 3. d. tit. Grot. d. lib. 3. cap. 9. VINN. Immo & ad redemptos hoc jus pertinet, dummodo ei, qui redemit, lytrum fuerit redditum, l. 12. §. 7. l. 15. & l. 20. ff. de captiv. HEIN.

TEXTUS.

De emancipatione: item de modis & effectibus ejusdem.

6. Præterea emancipatione quoque desinunt liberi in potestate parentum esse. Sed emancipatio antea quidem vel per antiquam legis observationem procedebat, quæ per imaginarias venditiones & intercedentes manumissiones celebrabatur, vel ex imperiali rescripto. Nostra autem providentia etiam hoc in melius per constitutionem reformavit: ut sitione pristina exposta, recta via ad competentes Judices, vel Magistratus parentes intrent, & filios suos, vel filias, vel nepotes, vel neptes, ac deinceps à sua manu dimittant. Et tunc ex edicto Prætoris in bonis ejusmodi filii, vel filia, vel nepotis, vel neptis, qui quæve à parente manumissus vel manumissa fuerit, eadem jura præstantur parenti, quæ tribuuntur patrono in bonis liberti. Et præterea si impubes sit filius, vel filia, vel ceteri; ipse parens ex manumissione tutelam ejus nanciscitur.

NOTÆ.

6. *Emancipatione*) Emancipatio hodie definiri potest actus legitimus, quo liberi è manu patris apud competentem judicem dimittuntur.

Judices vel Magistratus) ἱεργουκῆς, ne quis puter, judices hic intelligi pedaneos. apud quos lege agi non potuisset constat. Extat constitutio Justiniani in l. ult. C. de emanc. lib.

A Parente manumissus) id est, emancipatus, tit. si à par. quis man. redigebantur enim liberi prius in servilem causam, licet postea in imaginariam duntaxat, l. 3. §. 1. D. de cap. min.

Quæ tribuuntur patrono) Emancipatus à parente liberti exitum patitur, l. 1. l. si à par. quis man. puta in contra tabulas bonorum possessione, d. l. 1. & successione legitima: §. ult. inf. de leg. agn. succ. sed hoc mutatum, Nov. 118. cap. 2.

COMMENTARIUS.

- 1 Vetus emancipandi ratio exposta.
- 2 Patroni & parentis emancipatoris comparatio.

Alius modus solvendæ patriæ potestatis hoc §. proponitur, nempe emancipatio: eaque dicitur olim celebrata fuisse per imaginarias venditiones, & intercedentes manumissiones. Hoc autem, ut penitus intelligatur, sciendum est lege Romuli cautum fuisse, atque à Decemviris postea in quartam tabulam relatum, ut si pater filium ter, filiam autem & cæteros liberos semel mancipasset, hoc est, vendidisset; manumissi postea ab emptore sui juris efficerentur: ille trina manumissione, hi unica. Ad cujus emancipationis imaginem atque usurpationem vetustatis postea institutum est, ut pater, simulato, & dicis causa, accepto uno nummo, filium ter, cæteros liberos semel apud Magistratum venderet, contracta cum emptore fiducia, qui ob id pater fiduciarius appellabatur, ut is acceptos manumitteret: filium ter, cæteros semel, atque ita liberi sui juris ac potestatis fierent. Solebat autem pater naturalis sibi cavere de filio post tertiam mancipationem sibi remancipando, itemque de cæteris liberis sibi remancipandis, quo ipse potius eos manumitteret, & jura patroni consequeretur, quam extraneus manumissor sive emptor ille imaginarius. Atque hac cautione interposita in specie dicitur emancipatio fieri contracta fiducia, §. ult. inf. de leg. agn. success. Hæc ex Dionys. Halicarn. lib. 6. 2. Boer. in Top. Cic. Cajo lib. 1. t. 6. Ulpian. tit. 10. l. ult. & pen. Cod. de emanc. lib. VINN. Ordinem aliquantulum turbasse videtur Vinnius. Pater filium primò vendebat, & mancipabat per æs & libram. Emptor eundem manumittebat. Quum verò Manumissus ex lege Romuli

li in patriam potestatem recideret, pater eum iterum vendebat, emptor iterum manumittebat. Quum & ita recideret in potestatem patris, hic eum tertium mancipabat, addito contractu fiduciæ, ut Emptor eum remanciparet patri. Quo facto hic eum manumittebat, adeoque tanquam manumissor jura patronatus retinebat in filio. Vid. *antiq. nostr. Rom. b. i. HEIN.*

Ex imperiali rescripto) Hic modus emancipandi ab Imperatore Anastasio introductus est, qui etiam neglecta antiquæ emancipationis fabula, potestate ab Imperatore impetrata, ejusque rescripto apud Magistratum exhibito, liberos emancipari permittit, modò filius infante major consentiret: *l. pen. C. de emanc. lib.*

Etiā hoc in melius reformavit) Nimirum quòd Anastasius de precibus super emancipatione Principi offerendis ejusque rescripto prius impetrando constituerat; ut jam ex continuatione Justiniani emancipatio etiam fiat sola professione patris apud competentem judicem denuntiantis, se filium suo juri permittere. Extat constitutio: *l. ult. C. de emanc. lib.*

Ad competentes judices vel Magistratus) Explicative. Nam & Magistratus, qui tribunali aut jurisdictioni præsent, Judices appellantur, *l. 1. de judic. tit. de reb. auct. jud. poss. & passim in constitutionibus posteriorum Imperatorum.* Quod moneo, ne quis putet Judices hic intelligi pedaneos, sive qui à magistratibus causis privatis cognoscendis & judicandis dabantur: apud quos lege agi non potuisse, pliusquam manifestum est. Sed nec apud eum, cui mandata est jurisdictio, legis actionem fuisse. Marcian. & Vulp. testantur *l. 2. §. 1. l. seq. de offic. procons. de quo plura ad §. 8. inf. eod.*

A manu sua dimittant) Manumitti non tantum servi à domino, sed etiam filii & filiarum familias à patre dicuntur, pro emancipari. *tit. si à par. quis man.* propterea quòd jure antiquo in patris sui manu mancipoque erant, & venditi ac mancipati in servilem causam redigebantur, licet postea in imaginariam duntaxat, *l. 3. §. 1. de cap. min.* Hinc emancipatus à parente liberti exitum pati dicitur, & parens patroni personam sustinere, *l. 1. d. tit. si à par. quis man.*

Ex edicto Prætoris eadem jura) Nimirum ut parens exemplo patroni ad contra tabulas bonorum possessionem admittatur, si testamentum factum ab emancipato præteritus sit, *d. tit. si à par. quis man.* Sed & jus legitimæ successionis huic patri à Justiniano datum est, perinde quasi contracta fiducia eum emancipaf-

set: hoc est, ex lege fiduciæ sibi remancipatum manumisisset, *§. ult. inf. de leg. agn. suc.* Et hoc ad similitudinem patroni, quem ad hæreditatem liberti intestato sine liberis mortui jam olim lex 12. tabularum vocabat, *infr. de success. libert.* Non tamen usque adeo exæquatur patrono parens, ut etiam liberi ejus ad successionem aut contra tabulas bonorum possessionem veniant, *l. 1. §. liberos 1. si à par. quis man.* aut ut etiam actio Calvisiana parenti detur, *l. 2. eod. tit.* aut denique ut relictæ stipuleretur à filio opera s, *l. 4. eod.* Jure authentico plenissimè de ratione succedendi cautum est, ex quo parens manumissor jure patroni quoad emolumentum successionis uti desit, *Nov. 128. cap. 2. Nov. 115. cap. 4.*

Tutela ejus nanciscitur) Consequens erat eum onus tutelæ subire, qui speraret successionem, *l. 1. de legit. tut.* Agitur de hac tutela *infr. tit. 18.*

TEXTUS.

Si alii emancipentur, alii retineantur in potestate.

7. Admonendi autem sumus, liberum arbitrium esse ei, qui filium, & ex eo nepotem vel neptem in potestate habet, filium quidem in potestate dimittere, nepotem vero vel neptem retinere, & de converso filium quidem in potestate retinere, nepotem vero vel neptem manumittere: vel omnes sui juris efficere. Eadem & de pronepote & pronepte dicta esse intelliguntur.

NOTÆ.

7. Nepotem manumittere) Notandum est, in filiofamilias idem esse manumittere, ac ex potestate dimittere, sui juris efficere, emancipare.

COMMENTARIUS.

Totus hic locus descriptus est ex Cajo *l. liberum 28. de adopt.* Illud hic queritur, an ejus quoque, qui à parente manumittitur, voluntas spectanda sit: an verò etiam invitus emancipari possit? Et puto idem hic dicendum quod de eo dicitur, qui patri in adoptionem datur, *§. seq. l. neque absens 24. de adopt. l. 5. C. eod.* nimirum necesse non esse: ut expressè consentiat. Caterum non oportere eum dissentire, aut contradicere, *arg. l. pen. in fin. C. de emanc. lib. Nov. 89. cap. 11. Paulus quoque lib. 2. sent. 25. in fin.* scribit: Invitum filiumfamilias non emancipari. An

autem & quando qui tacet consentire intelligatur, non est hujus loci disputare. Trañant tamen hanc quæstionem Jo. Fab. & Ang. & Myñf. ad hunc locum.

TEXTUS.

De adoptione.

8. *Sed & si pater filium, quem in potestate habet, avo vel proavo naturali secundum nostras constitutiones super his habitas in adoptionem dederit: id est, si hoc ipsum actis intervenientibus apud competentem judicem manifestaverit; præsentem eo qui adoptatur, & non contradicente, necnon eo præsentem qui adoptat; solvitur quidem jus potestatis patris naturalis: transit autem in hujusmodi parentem adoptivum, in cuius persona & adoptionem esse plenissimam, antea diximus.*

COMMENTARIUS.

- 1 Antiquitus neutiquam alieno nomine lege agi potuisse: exaque naturam actus voluntaria jurisdictionis retinuisse.
- 2 Actus voluntariæ Jurisdictionis expediri non posse apud eum, cui jurisdictionis mandata est.

Avo vel proavo naturali) Nam si extraneo in adoptionem datus sit, jura patris naturalis integra manent, l. pen. C. de adopt. §. 1. sup. eod. ubi dictum est.

Apud competentem judicem) Non apud judicem pedaneum, cujus nulla jurisdictionis est: sed apud ipsum Magistratum, & eum, qui legis actionem habet; ut notavimus ad §. hujus tit. 6.

Et non contradicente) Hoc etiam paulo ante tetigi. Locus autem hic descriptus est ex l. ult. C. de adopt. facit l. §. ff. eod.

Nec non eo præsentem, qui adoptat) Absens adoptare non potest, leg. post mortem 25. §. 1. de adopt. quia, ut ait ibi Jurisconsultus, nemo per alium ejusmodi solemnitatem peragere potest. Atque eo pertinere arbitror, quod regula juris in genere definit: Neminem alieno nomine lege agere posse, leg. nemo 123. de regul. jur. Quod olim quidem commune fuisse verisimile est omnium legis actionum, etiam earum, quibus cives inter se disceptabant, & quæ pertinebant ad contentiosam jurisdictionem, arg. pr. tit. de iis per quos ag. poss. inf. lib. 4. sed postea proprium tantum quorundam esse coepisse, & maxime eorum actuum, qui, quod inter volentes expediuntur, dicuntur esse voluntariæ jurisdictionis;

cujusmodi sunt manumissio, adoptio, emancipatio, quæ veterem naturam retinuerunt, l. 3. C. de vind. lib. l. neque 24. & l. seq. §. 1. de adopt. etiam adoptio nova Justiniani, ut hic, & d. l. ult. C. de adopt. Idem quoque probabile est observatum fuisse in persona Magistratus. Existimo enim, nec hujusmodi actus Magistratibus mandari potuisse, neve mandata jurisdictionis transisse in eum, cui mandata esset, contra quam DD. vulgo sentiunt, arg. l. 1. C. de adopt. l. 2. §. 1. l. 3. de off. proc. Ex quibus locis discimus, ea, quæ sunt voluntariæ jurisdictionis, non nisi apud eum expediri posse, apud quem plena legis actio est: cum autem, cui mandata est jurisdictio, talem jurisdictionem non habere, adeoque omnino non esse apud eum legis actionem. Negotium tamen facit l. 17. §. 1. de man. vind. Cujac. 1. obs. 1. & 15. obs. 19. negationem inserit. Alii pro (apud legatum ejus) legunt (Cæsaris) suspicantes errorem ex notis natum ejus & Cæs. VINN. Posterior emendatio non minus violenta, ac prior. Ego hic antinomial inter l. 17. §. 1. ff. de man. vind. & l. 2. & 3. ff. de off. procos. agnosco, inde forsan ortam, quod Tribonianus de legatis Cæsaris pro consule dixerat. Facilis enim lapsus fuit in vocabulis, legatus pro consulis & legatus pro consule. Ille mandata jurisdictionis gaudebat, hic, tanquam præses provinciarum, propria, adeoque & legis actio apud illum erat, l. 2. & l. 17. ff. de off. præf. HEIN.

Transit autem in parentem adoptivum) Per adoptionem igitur non efficitur filiusfamilias sui juris, sed vel in alienam familiam transit, vel remanet in potestate patris naturalis.

TEXTUS.

De Nepote nato post filium mancipatum.

9: *Illud scire oportet, quod si nurus tua ex filio tuo conceperit, & filium suum emancipaveris, vel in adoptionem dederis prægnante nura tua; nihilominus quod ex ea nascitur, in potestate tua nascitur. Quod si post emancipationem vel adoptionem conceptus fuerit; patris sui emancipati, vel avi adoptivi potestati subijcitur.*

COMMENTARIUS.

NEpos non ex nativitatis, sed ex conceptionis tempore familiam sortitur: quia ex eo tempore jam in rerum natura esse creditur, l. 7. l. pen. de stat. hom. Ulp. tit. 5. §. 9.

Sic

Sic & iis qui conceptus est prius, quàm pater Senatu moveretur, Senatoris filius intelligitur, l. 7. §. 1. de senat. Et responsum est conditionem: Si sine liberis, defecisse, si ante deportationem patris liberi concepti sint, licet postea edantur, l. ex facto 17. §. ex facto 5. ad fm. Treb.

T E X T U S.

An Parentes cogi possint, liberos suos de potestate dimittere?

10. Et quidem neque naturales liberi, neque adoptivi ullo pene modo possunt cogere parentes, de potestate sua eos dimittere.

C O M M E N T A R I U S.

1. Quibus modis more harum regionum parentum potestas solvitur?

Quemadmodum liberi, qui vel ab initio sui juris fuerunt, vel postea facti sunt, inviti in potestatem patris non rediguntur, l. ult. de his qui sui vel al. jur. Nov. lo. cap. 12. ita nec vice versa à liberis in potestate constitutis cogi parentes possunt, ut eos à potestate sua dimittant, l. non potest 31. de adopt. l. nec avus, 4. C. de emanc. lib. ex quo loco etiam ratio hujus juris peti potest.

Pene) Ait, pene, propterea quod aliquando audiuntur; qui emancipari desiderant, ut impubes, qui adoptatus est, pubes factus, l. nonnullumquam 32. de adopt. Sed & alios, si justa causa sit, audiri æquum est; veluti à patre ad turpitudinem adigantur, l. si lenones 12. Cod. de episcop. aud. aut male contra pietatem afficiantur, l. ultim. si à pat. quis man. Sed & is filium emancipare cogitur, qui legatum ea conditione sibi relictum agnovit, l. si cui 92. de condit. & demon. Et jure novissimo etiam de potestate patris exeunt liberi, si pater incestas & nefarias nuptias contraxerit, Nov. 12. cap. 2.

2. Apud nos & in cætero Belgio singularis illa Romanorum in liberos potestas incogni-

ta est, ut jam aliquoties diximus. Sed & jus, quod parentes in liberos habent, propriis quibuscumque modis solvitur: manente tamen semper naturali reverentia & obsequii debito. Primum enim moribus nostris exeunt liberi de potestate parentum, non tantum emancipatione illa expressa sive Justiniane, cum apud Magistratum de manu dimittuntur; sed etiam tacito quodam emancipationis modo, permittente videlicet patre filium seorsum habitare, & mercaturam, aut opificium aliquod exercere: at hac ratione liberi potestate patria soluti hoc consequuntur, ut & bona sua ipsi administrare & in judicio consistere possint. Christin. d. vol. 4. dec. 186. num. 11. Grot. 1. manud. 6. Apud Frisios tamen hic modus receptus non est. D. Joan. à Sande lib. 2. tit. 7. defin. 6. Secundò nuptiis quoque sive matrimonio liberorum patris potestas solvitur: unde apud nos nulli liberorum sunt in potestate avi, Gudel. lib. 1. de jur. nov. cap. 13. Christin. in d. vol. dec. 185. num. 7. Grot. d. loc. quod secus fuisse jure Rom. ostendimus ad §. ultim. sup. de patr. potest. Tertiò desinunt liberi in potestate esse patris, si ei ut prodigo, curatore dato; bonis interdictum sit, Grot. d. loc. quod & ipsum jure Rom. incognitum est. Postremo si quid liberis obvenierit, puta ex hereditatibus legatise aut donationibus propinquorum aut amicorum, earum quidem rerum cura, atque administratio patri competit, sed haud secus ac tutori, aut curatoris ideoque hoc jus etiam solvitur, ubi liberi ad eam ætatem pervenerint, qua curatio finire solet; nempe anno ætatis eorum vigesimo quinto, Gudel. d. cap. 13. in fin. Tulden. com. hic cap. 2. Christin. d. decis. 186. num. 9. add. Guid. Pap. qu. 54. Boer. ad consuet. Bitur. de jure pers. Pet. Greg. 11. syntagm. c. 10. Grocnev. de legib. abrog. ad hunc tit. VINN. Quæ de Frisia ex Sando adpersit Vinnius cum iis jungenda, quæ tradit Huber. Præl. ad tit. Inst. & ff. de emancip. HEIN.

TITULUS DECIMUSTERTIUS.

DE TUTELIS.

D. Tit. 1. Lib. 26. & Novell. 72.

Ratio Ordinis.

T E X T U S.

De Personis sui juris.

Hucusque dictum est de iis, qui sunt juris alieni: quæ prima pars est divisionis supra posite tit. 8. Superest, ut ad eos nos conferamus, qui sui juris sunt; quos pars altera dictæ divisionis complectitur.

Transseamus nunc ad aliam divisionem perso-

narum. Nam ex his personis, quæ in potestate non sunt; quadam vel in tutela sunt, vel in curatione; quadam neutro jure tenentur. Viderimus ergo de his, qui in tutela vel curatione sunt. Ita enim intelligemus ceteras personas, quæ neutro jure tenentur. Ac prius dispiciamus de his, qui in tutela sunt.

COMMENTARIUS.

1 Summa reliquorum hujus libri capitulum.

Nam ex his personis) Eorum, qui sui juris sunt, quidam sunt in tutela; alii in curatione; ceteri neutro jure tenentur: quæ posterioris partis illius, quam dixi, divisionis subdivisio est. In hac autem parte primò exponitur, quid sit tutela; deinde species ejus singulæ ordine explicantur; tum de vi atque effectu tutelæ sine auctoritate tutorum porro agitur; ac mox de contrariis, & quibus modis tutela finitur. Inde ad curationem ac curatores progressio fit. Postremò tractatur de satisfactionibus, excusationibus, & suspicionibus, quæ utriusque muneris communia sunt.

In potestate non sunt) Patria sc. vel dominica, in qua qui sunt, non sui, sed alieni juris sunt: alioqui & tutela species quædam est potestatis, (quod verbum & alia plura significat, l. potestatis 21 §. de verb. signif.) sed quæ ad statum & caput ejus, qui in tutela est, non pertinet, nec ad commodum tutoris comparata est, sicut patria & dominica ad patris & domini. Pupillus enim non in manu aut familia tutoris, sed sui juris est; nec illi acquirit, sed sibi; ut loquitur Spartian. in Aureliano.

TEXTUS.

Tutelæ definitio.

1. Est autem tutela (ut Servius definiuit) vis ac potestas in capite libero ad tuendum eum, qui per aetatem se ipse defendere nequit, jure civili data ac permixta.

NOTÆ.

1 Vis ac potestas) Ita & §. seq. & Servius l. 1. hoc tit. Hæc duo quoque junguntur, §. 3. inf. de interd. l. 17. de legib. l. 7. Cod. de cod. Cicer. 1. de nat. Deor. Gloss. Basil. *δύναμις καὶ ἐξουσία*. Theoph. *δύναμις, καὶ ἐξουσία*. Jus & potestas; significatur autem verbis istis facultas & jus pro auctoritate quid faciendi.

In capite libero) ἀπαυχὺς pro in caput liberum, ut in 12. tab. in eo pecuniæque ejus potestas esset; item in formula abrogationis. Gell. 5. 19. & Cic. pro dom. Caput autem liberum pro pupillo, & persona, quæ sui juris est, d. cap. 19.

Per aetatem) In Florent. est Propter aetatem, leg. 1. cod. Propter aetatis infirmitatem. Ulp. tit. 11.

COMMENTARIUS.

Vis ac potestas) Ita & in l. 1. pr. D. cod. Generis loco ponitur vis ac potestas, quæ duo frequenter conjunguntur; ut in leg. scire 17. de legib. §. adipiscenda 3. inf. de interd. & significat *δύναμις, ἐξουσία*, sive facultatem aut jus pro auctoritate quid faciendi statuendi, tum in persona pupilli, tum in rerum pupillarum administratione, immo in verbo potestatis jam nota est.

In capite libero) Objectum tutelæ, & est vetus locutio, pro In caput liberum, ut in illo 12. tabularum: Si furiosus existat, agnatum gentiliumque in eo pecuniæque ejus potestas est. Item in formula abrogationis apud Agell. §. cap. 19. Utrique ei vite necisque in eo potestas fiet. Caput autem liberum pro homine libero Veteres dicebant. Ciceró 4. Verrin. Hic de capite libero judicabis. Liv. lib. 31. cap. 21. Libera capita sine pretio dimisi. Hinc caput liberum facere apud Plaut. Mercat. act. 7. sc. 2. v. 41. seq. pro manumittere, & eos plerumque, qui etiam sui juris essent, hoc verbo intelligebant: quomodo Agellius d. loco pupillum caput liberum appellat, id est, sui juris. Alii hæc verba ad tutorem referunt, quod etiam per me licet.

Ad tuendum eum) Hæc verba finem tutelæ indicant, & simul officium tutoris: nam ut tutela pupillorum gratia constituta est, ita & ad utilitatem eorum tota referenda. Distingunt itidem tutelam à patria potestate, quæ magis ipsius patris causa comparata est, sicut & dominica domini, cujusque vis non minus in coercendo, quàm in tuendo filio posita est. Innuunt præterea, tutorem principaliter personæ dari, non certæ rei aut causæ, in quo differt à curatore, §. 4. seq. tit. junct. §. 2. inf. de curat.

Qui per aetatem se ipse defendere) His verbis distinguitur tutela à curatione: quippe quæ comparata est eorum omnium causæ, qui rebus suis ipsi superesse non possunt, licet propter aliam causam, quàm ætatem: ut sunt furiosi, prodigi, mente capti, & qui perpetuo morbo laborant, §. 3. & 4. inf. de curat. In Flo-

Florent. est, *propter atatem*. Theoph. διὰ τὴν τῆς ηλικίας ἀταμίαν.

Jure civili) Clausula hæc ad definitionem necessaria non est, sed ideo adjecta, ne quis putet, hanc potestatem temere, & pro arbitrio à quibulvis posse usurpari, aut ad eos, qui non sunt cives Romani pertinere: nam tutela, licet ortum ex jure gentium trahat, ad jus tamen civile refertur eo modo, quo pleraque alia, ut nuptiæ, patria potestas, testamenta, & cætera id genus.

Data ac permessa) Datur legitima, hoc est, legitimi tutores immediatè sine facto testatoris aut Magistratus à lege ad tutelam vocantur, l. 5. in pr. & l. 6. de lege tut. Permittitur, quæ prius data est aut testamento, aut à Magistratu, illa lege 12. tabb. l. 1. de test. tut. hæc aliis legibus & constitutionibus, inf. de Artil. tut. Atque hinc etiam peti potest aliqua tutelæ divisio tamquam à causa efficiente, partim proxima, partim remota, VINN. Ita quidem vulgo hanc definitionem Servii interpretantur. Sed quum Servius tutelam in genere definiat, quæ tempore illo non modo ad impuberes, sed ad foeminas etiam omnes, quæ in manum non convenerant, pertinebat: procul dubio Tribonianus eam aliquantulum mutavit. Puto itaque talem fuisse Servii definitionem: Tutela est vis & potestas, (potestas in foemina; vis & potestas simul in pupillo,) in capite libero, (pupillo vel foemina,) ad tuendum eum eamque, qui quæve per atatem vel sexum infirmitatem se defendere nequit, jure civili (vel expressè) data (uti tutela pupillari,) vel permessa (& tacite moribus inuenta, uti tutela foeminarum.) Rem alibi demonstrabo. Jam id addo & Constant. Harmenopulum l. 5. c. 11. §. 1. ea quæ omitta à Triboniano suspicamus, restituisse dum ait. διὰ τὴν τῆς ηλικίας ἀταμίαν, διὰ τὴν τῆς ἐνστάσεως ἀδυναμίαν κινιτρομυρίαν. Aut ob atatis infirmitatem aut rei gerenda imperitiam permessa. Quis Harmenopulum ea in re auctores suos sequutum esse dubitet? HEIN.

TEXTUS.

Definitio & Etymologia Tutoris.

2. *Tutores autem sunt, qui eam vim ac potestatem habent, exque ipsa re nomen acceperunt. Itaque appellantur tutores, quasi tutores atque defensores, sicuti Aeditui dicuntur, qui ades tuentur.*

COMMENTARIUS.

Qui eam vim ac potestatem) Si tutela est potestas ad tuendum eum, qui in tutela est, qui eam potestatem habet, rectè

tutor dicitur, argumento à conjugatis.

Tutores sive tutores) Ἐπιμελείαι, sive notatio verbi tutoris, l. 1. §. 1. eod. Tutela quoque idem erat Veteribus quòd tuitio; sicut cautela idem erat Veteribus quòd cautio.

Sicuti Aeditui) Aedituus est ædis sacræ tutor, id est curam agens, auctore Festo Veteribus dicebatur Aeditumnus, si Gellio credimus lib. 12. cap. 10. ἱεροφίλακκα vocat Scævola l. 20. §. 1. de ann. legat. VINN. Conferendus omnino V. C. Car. Andr. Dukerus de Latinit. JCr. vet. p. 28. Ubi hanc etymologiam contra L. Vallæ criticam defensam videmus. HEIN.

TEXTUS.

Quibus testamento tutor datur, & primum de liberis in potestate.

3. *Permissum est itaque parentibus, liberis impuberibus, quos in potestate habent, testamento tutores dare. Et hoc in filios filiasque procedit omnimodo: nepotibus verò neptibusque ita dumtaxat parentes possunt testamento tutores dare, si post mortem eorum in potestatem patris sui non sunt recasuri. Itaque si filius tuus mortis tue tempore in potestate tua sit; nepotes ex eo non poterunt ex testamento tuo tutores habere, quamvis in potestate tua fuerint: scilicet quia mortuo te, in potestatem patris sui recasuri sunt.*

NOTÆ.

3. *Liberis impuberibus*) Etiam exheredatis, l. 4. de test. tut. Nec obstat l. 73. §. 1. de reg. jur. Quoniam exheredatio non extinguit jus sui hæredis, aut impuberem facit suæ potestatis, §. 4. inf. de pup. subst.

Quos in potestate habent) Tutela jure patris potestatis mandatur, l. 40. de adm. tut. l. 1. de test. tut. d. l. 73. §. 1. Itaque nec pater filio emancipato, nec mater liberis tutorem jure dare potest, sed opus est confirmatione, tit. de conf. tut.

Testamento) Codicillorum usu recepto, etiam codicillis testamento confirmatis dari tutores coeperunt, l. 3. de test. tut.

In potestate patris) L. 1. §. ult. eod. Quippe tutorem habere non potest, qui est in potestate patris: nec dari, nisi suo hæredi, l. 73. §. 1. de reg. jur. junct. §. 2. infr. de har. qual.

Non poterant ex testamento, &c.) Est tamen casus, ubi tutor utiliter datur nepoti, cujus pater superstes & in potestate, l. 10. §. 2. de test. tut.

COMMENTARIUS.

Species tutelæ tres sunt; testamentaria; legitimæ; & Acilianæ sive dativa, quas nunc ordine persequitur, initio factæ ad testamentaria, quæ reliquis duabus potior est *inf. tit. 15. in pr. l. 9. §. 1. in fin. de tut. & rat. diff.* sicut & in deferenda hæreditate potior causa est hæredum ex testamento, quam ab intestato, *l. quamdiu 39. de acq. hæ. l. 89. de reg. jur.* Ait, permissum esse parentibus, liberis impuberibus, quos in potestate habent, testamento tutores dare, paucis verbis complectens & personam dantis & ejus, cui datur, & formam dandi sive modum. In persona dantis exigit, ut sit parens: in persona eorum, quibus datur, ut sint liberi, ut impuberes, ut sint in potestate dantis: sunt & qui quantum requirunt, ut hæredes instituuntur, contra expressum textum *l. 4. de test. tut. & jus veteris patriæ potestatis, arg. §. 4. inf. de pup. subst.* In modo dandi, ut detur testamento. Testamento autem datus etiam is accipitur, qui codicillis testamento confirmatis scriptus est, *l. 3. de test. tut.*

In filios, filiasque, &c.) Lex duodecim tab. generali vocabulo liberorum usa est sine discrimine sexus aut gradus. Sive igitur fæminæ sint, quibus tutor datus est, sive masculi, sive filii, sive nepotes, quia hi omnes appellati-
one liberorum continentur, §. ult. seq. tit. valet datio. Cæterum in nepotibus non aliter procedit, quam si post mortem avi in potestatem patris sui non recidant: quippe tutorem habere non potest, qui est in potestate patris, hoc tit. in pr. Deinde nepos quamdiu pater eum in familia præcedit, non est suus hæres avo, §. 2. inf. de hæ. qual. & diff. tutor autem dari non potest, nisi suo hæredi, *l. quo tutela 73. §. 1. de reg. jur.*

TEXTUS.

De Posthumis.

4. *Quem autem in compluribus aliis causis posthumum pro jam natis habeantur; & in hac causa placuit non minus posthumis, quam jam natis tutores dari posse, si modo in ea causa sint, ut, si vivis parentibus nascerentur, sui hæredes, & in potestate eorum fierent.*

NOTÆ.

4. Pro jam natis) Quoties de eorum com-
modo quaeritur; ut hic, *l. 7. l. pen. de stat.*

boni. aliis autem non profunt nisi natis, *l. 21. de verb. sign. exemplum in l. 2. §. 6. de exc. tut.*

Sui hæredes, & in potestate) *Leg. 73. §. 1. de regul. jur.* Nec minus tamen utilis est tuto-
ris datio, si nati sint vivo patre, *leg. 16. §. ult. de test. tut.*

COMMENTARIUS.

Quod de tutore liberis jam natis dando dictum est, id hic etiam ad posthumos produci-
tur, hoc est ad eos, qui tem-
pore facti testamenti adhuc in utero sunt. Et ait Imp. etiam his testamento tutores dari pos-
se hac ratione, quia qui in utero sunt, ple-
risque juris articulis pro jam natis habentur:
nempe quoties de commodo eorum quaeritur,
ut in casu proposito, *l. 7. & l. pen. de stat. bon.* Poterat & à jure patriæ potestatis ratio
peti, *arg. §. 1. inf. de exhæred. lib. §. 4. inf. de pup. subst.*

Sui hæredes & in potestate) Nempe quem-
admodum nemo liberis jam natis tutorem dare
potest, nisi quos in potestate & in suis hæ-
redibus, cum moritur habet; ita nec posthu-
mis potest nisi iis, qui, si vivo parente nas-
cerentur, sui hæredes & in potestate ejus fu-
turi essent. Unumque Q. Mucius paucis com-
plectitur. Nemo, inquit, potest tutorem dare cui-
quam nisi ei, quem in suis hæredibus, cum mo-
ritur, habuit, habiturusve esset, si vixisset, *l. quo tutela 73. §. 1. de reg. jur.* Est tamen ca-
sus, ubi tutor utiliter datur nepoti, cujus
pater superstes in potestate est, *l. 10. §. 2. ff. de test. tut.*

TEXTUS.

De Emancipatis.

5. Sed & si emancipato filio tutor à patre
datus fuerit testamento; confirmandus est ex sen-
tentia Præsidis omnimodo, id est, sine inquisitione.

NOTÆ.

5. Emancipato filio) Idem est, si etiam non
emancipato datus sit, codicillis non confirma-
tis, *l. 1. §. 1. de confir. tut.*

Omnimodo) Ita ἐν τῇ πλείονι, ut plurimum
d. l. 1. §. 2. interdum enim à voluntate patris
recedet Prætor, *leg. 9. & 2. seqq. cod. l. 4. de test. tut.*

Sine inquisitione) Et sine satisfactione, *d. l. 1. d. l. 1. §. 2. l. 3. l. 6. cod.* A matre autem
datus filio instituto (nam exhæredato à matre
dari non potest, *d. l. 4.*) non satisfacere qui-
dem,

dem, sed ex inquisitione confirmatur, l. 2. de conf. tut. d. l. 4. Ex l. 4. C. de test. tut. tollenda est negatio in illo loco, *Quando autem eos hæredes (non) instituerit.* Cujac. Fabrot.

COMMENTARIUS.

1. Quibus ex rebus asserendum, an tutor jure datus sit.
2. In quibus differat confirmatio tutoris à patre non rite dati, & dati à matre, vel extraneo.
3. Explicatio l. 4. C. de test. tut.
4. Confirmatos tutores non pro dativis, sed pro testamentariis habendos.
5. In his regionibus fere duo tantum esse genera tutorum, remissivè.

E Mancipato filio) Dicimus tit. prac. §. præterea 6. liberos per emancipationem potestate patris sui liberari; quamobrem pater non jure, neque ex præscripto legis 12. tab. tutorem dat filio emancipato: sed tamen qui ita non jure datus est, confirmatur auctoritate Magistratus, & quidem simpliciter, sive omnimodo, ut hic loquitur Justinianus, id est, sine inquisitione, sitne idoneus, necne. Locus postulat, ut de confirmandis tutoribus paulo quàm hic factum est differamus accuratius. An tutor jure datus sit, ex hisce tribus potissimum æstimatur; ex persona dantis, si parens est; ex persona eorum quibus datur, si sint liberi impuberes & in potestate dantis; ex modo dandi, si detur testamento aut codicillis testamento confirmatis, §. 3. sup. eod. Quapropter si quis alius, quàm parens tutorem dederit: aut parens quidem, sed dederit liberis licet impuberibus, qui in ejus potestate non sunt; aut non dederit testamento sive codicillis testamento confirmatis; datio ipso jure non valet. Cæterum cum reverentiæ, tum affectui eorum, qui impuberibus non legitime tutores dederunt; tributum est, ut quod deficit, à Magistratu repleatur, datique confirmantur, l. 1. §. 1. de conf. tut.

Confirmatio autem hæc non est unius modi. Interest enim, an pater tutorem non jure dederit, an quis alius præter patrem. Judicio patris hoc datum, ut si is aut non jure testamento, aut codicillis non confirmatis, aut quocumque modo filio emancipato tutorem dederit, scriptus tutor simpliciter confirmandus sit, hoc est, sine inquisitione, & satisfactione ei remissa, hoc tex. l. 1. §. 2. l. 3. l. 6. de confirm. tut. nisi quòd ex causa nonnumquam inquisitio fiat, ut in casibus l. 8. & seqq. d. t. l. 4. de test. tut. l. 3. §. 3. de adm. tut. & quod

Tom. I.

in naturalibus liberis distinguitur, utrum pater, qui tutorem dedit, aliquid iis reliquerit, an nihil, l. 7. d. tit. l. ult. C. eod. Quod si alius quàm pater tutorem dederit: sive mater sit, sive patronus, sive extraneus quis; non aliter hic tutor confirmatur, quàm si & hæres impubes institutus sit, l. 4. de test. tut. l. 4. de conf. tut. Quæ etiam ratio est, cur datio sustineatur, d. l. 4. de confirm. tut. & inquisitio præcesserit, l. 2. l. 5. d. tit. l. qui in tutelam 28. §. 2. de test. tut. Hoc interest, quòd à matre datus satisfactione non oneratur, sed ab ipso Prætere ex inquisitione confirmatur, l. 2. de conf. tutor. Cæteri fere remitti solent ad Magistratus municipales confirmandos, præstata satisfactione, l. 5. d. tit. Quod autem diximus, à matre datum tutorem non aliter confirmari, quàm si hæredem filium instituerit; ei obstat l. 4. C. de testam. tut. ubi & liberis non institutis à matre datum confirmari solere rescriptum est. Respondent nonnulli, hoc fieri solitum, non ex juris aliqua constitutione; sed ex usu; quod non placet. Nam retenta lectione negativa, hæc erit rescripta sententia: quod tutor à matre liberis institutis testamento datus, rectè datus intelligatur, nec eget confirmatione, secus si non institutis, id est, præteritis aut exhæredatis dederit; quod apertè falsum est. Tollenda omnino in d. leg. 4. negatio cum Cujacio & Fabroto, ex illis verbis: *Quando autem eos hæredes (non) instituerit*; quomodo detracta scilicet negatione, & in quibusdam codicibus legi testatur Pacius: ita omnia & inter se & cum ratione juris optimè convenient. Ne quis ex eo, quod simpliciter dixerat Imperator, non posse matrem filiis testamento tutorem dare, nisi eos hæredes instituerit, putaret, cum eos hæredes instituerit, dationem sustineri ipso jure; mox quomodo hoc, quod dixerat, intelligendum sit, declarat: nempe et si ne tunc quidem cum liberis institutis mater tutorem dat, ipso jure datio valeat; datum tamen à Præsidibus confirmari solere. Et sic bene quoque se habent illa sequentia, *Nulla verò ex his interveniente, &c.* nempe si aut mater non instituit filio tutorem dederit, aut instituto datus non sit confirmatus. Pater verò etiam filio exhæredato jure tutorem dat, l. 4. l. 26. §. 2. l. 31. de test. tut. quoniam exhæredatio jure patris potestatis sit, quàm delegatur tutela. Porro tutores ita confirmati sub eodem genere cum testamentariis comprehendi possunt. Primum quia perinde confirmati dicuntur, ac si ex testamento tutores essent, l. 3. eodem, nisi quòd à matre aut ab extraneo dati ex in-

O

fi.

sitione confirmetur, quod naturam tutoris non mutat, *argum. l. 8. & seqq. eod.* Deinde quia confirmatio non pendet à voluntate & sola potestate confirmantis, sed magis in necessitate juris posita est: tenetur enim Prætor datum confirmare, & iudicium defuncti, cuius proinde potissima ratio habetur, in confirmando sequi, *l. 1. §. 1. eod. l. Nefennius 32. de excus.* Unde apparet, etiam ante quàm confirmetur, pro testamentariis quadantenus haberi, ut legitimis præferantur: & malè rationari eos, qui ob id, quòd is qui confirmat aliquando dare censetur, per *l. 130. de verb. sign.* tutorem confirmatum pro dativo potiùs quàm testamentario habendum existimant; confundentes confirmationem necessariam cum ea, quæ tota pendet ab arbitrio & voluntate

confirmantis. Denique testamentarius curator diserte appellatur, qui testamento datus confirmatus est, *l. 7. rem pup. salw. fore.* Planè non omnes hujus tutelæ species æquè propè ad testamentariam accedunt; nec repugno, si quis mixtam dici malit. Apud nos ferè duo tantùm sunt tutorum genera, unum eorum, qui testamento; alterum, qui à Magistratu dantur; nec refert, à patre an à matre dentur; testamento, an codicillis. Legitimorum autem tutorum vix apud nos usus est: quamquam ubi testamento de tutela nihil cautum est, solent & tenentur Magistratus audire cognatos pupilli proximos; atque ex iis, qui modò idonei sint, tutores creare, *Vid. quæ notamus infr. in fin. tit. de leg. agn. tut.*

TITULUS DECIMUSQUARTUS.

QUI TESTAMENTO TUTORES DARI POSSUNT.

Conc. Lib. 26. Tit. 2. Cod. Lib. 5. Tit. 28.

Continuatio & Argumentum Tituli.

Superiore Titulo dictum est de iis, qui testamento tutores dare & quibus possunt: quæ quidem sola spectantur, sed tunc tantùm, cum is, qui datus est, & tutor esse possit; de quo nunc deinceps disputatur; & simul de modis testamento tutores dandi; deque intellectu atque interpretatione nonnullorum verborum, quibus testator in dando tutore usus sit.

Verum hoc est, sed de eodem genere potestatis accipiendum.

TEXTUS.

De Servo.

1. *Sed & servus proprius testamento cum libertate rectè tutor dari potest. Sed sciendum est, & sine libertate tutorem datum tacite libertatem directam accepisse videri, & per hoc rectè tutor esse. Planè si per errorem, quasi liber, tutor datus sit, aliud dicendum est. Servus autem alienus purè inutiliter testamento datur tutor: sed ita, Quum liber erit, utiliter datur. Proprius autem servus inutiliter eo modo tutor datur.*

TEXTUS.

Qui tutores dari possunt.

Dari autem tutor potest testamento non solum paterfamilias, sed etiam filiusfamilias.

COMMENTARIUS.

Sed etiam filiusfam.) Idque non testamento solum, sed etiam à Magistratu, *leg. 7. de tutel.* Nec obstat, quòd filiusfam. in potestate patris est: nam tutela, munus est publicum, *inf. de excus. in pr.* In publicis autem causis filiusfam. non sequitur jus patris, sed pro patrefam. habetur, *l. 9. de his qui sui vel al. jur. l. 14. ad Treb.* At enim qui est in aliena potestate, alium in potestate habere non potest, *l. sic evenies 21. ad leg. Jul. de adult.*

NOTÆ.

1. *Libertatem directam*) *Leg. 32. §. 1. de testam. tut. l. penult. Cod. de nec. serv. man.* Immo fideicommissariam, Cujac. Vult. Bach. per *l. 9. C. de fideic. bar. Resp. d. l. 9.* accipiendà de eo casu, quo servus tutor datus est codicillis, vel verbis precariis, veluti, *Peto à te barex, ut Davus sit tutor liberis meis*, ut in *l. 1. §. 2. de conf. tut.*

Per errorem) Eò quòd testator liberum esse putabat, cum esset servus, *l. 22. de secl. tut. l. 24.*

L. 24. §. 3. de fideic. lib. ἡ δὲ ἐκκαλάντο παρὶ τὸν τὴν αὐτὴν ὁ ὀφειλόμενος, ut ibi Græci.

Servus alienus purè inutiliter) Intellige quoad verba & sententiam: nam illa datio *Davus tutor esto*, non est pura quoad sententiam, cum subadiatur conditio, *cum liber erit*. Ita Cont. ne obstat, l. 10. §. ult. eod.

Proprius inutiliter eo modo) Nec hæres eo modo rectè instituitur, leg. 21. de cond. inst. quoniam quod in nostra potestate est, in eam conferri non oportet, l. 22. d. tit.

COMMENTARIUS.

1 *Veterum sententia consentaneum esse quod ait Justinian. servum proprium simpliciter tutorem datum directo liberum fieri.*

NON solum liberi homines testamento tutores dari possunt, sed etiam servi; quia & cum servis testamenti factio est, l. testamentum. de test. tut. §. in extraneis, inf. de bar. paul. & diff. Disputatur autem hoc §. de triplici forma mandandæ servis tutelæ, tum propriis, tum alienis. Prima hæc est: *Davus tutor esto*; & secunda. *Davus tutor esto*; tertia; *Davus tutor esto, cum liber erit*. De prima specie in servo proprio nulla est controversia: in alieno favor pupilli & publicæ utilitatis libertatem fideicommissam servo defendit, ut nimirum hæres eum à domino emat & manumittat, l. 10. in fin. de test. tut. De secunda, quod quidem attinet ad servum proprium, Justinianus hunc directam libertatem tacite accepisse scribit ac per hoc rectè tutorem esse: quod & Paulus non obscurè indicat, l. quæro 32. in fin. d. tit. cum dicit, hoc ipso, quod à domino tutor datus est, libertatem quoque meruisse videri, eamque sibi vindicare posse, & ab adita hæreditate liberum esse. Tertia in alieno servo utilis; in proprio inanis & ludicra judicatur, tamquam si quis diceret, hæc res tibi emptæ sit, si voluero.

Directam) Directa libertas dicitur, quæ rectè ex testamento ad servum transit sine alterius factio aut opera, §. 1. inf. de sing. reb. per fid. Putat Cujacius, cumque secuti Vultejus & Bachov. hoc à Justiniano primum constitutum esse: sed eos refellit tum locus Pauli modo allegatus, tum quod Justinian. scribit, l. pen. C. de nec. serv. bar. inf. jure civili jam ante inductum fuisse, ut si quis servum suum sine libertate tutorem dedisset: ex ipsa tutelæ datione libertatem ei imposuisse præsumatur. Deinde quod idem mox constituit in servo omnia libertate hærede instituto, quod antea

non obtinebat, inf. de bar. inst. in pr. nimirum ut hoc ipso, quod hæres institutus est, etiam libertas ei imposita videatur, ad exemplum servi simpliciter tutoris dati. Atqui servum simpliciter hæredem institutum, nemo est qui negare possit, directo ex testamento liberum fieri ex constitutione Justiniani. Postremo cui datur fideicommissaria libertas, is non nisi volens & petens fit liber. Servus proprius tutor datur necessarîo. Non obstat quod dicitur in l. 10. in fin. de test. tut. nisi interesse, sum servum an alienum quis tutorem dederit. Hoc enim ad voluntatem dandæ libertatis, non ad qualitatem datæ referendum est: siquidem servo alieno non nisi fideicommissaria defendi potest. Magis obstat l. etsi 9. C. de fid. lib. Communis responsio est, eum locum accipiendum esse de eo casu, quo servus tutor datus est codicillis, vel verbis precariis, veluti: *Peto à te baris, ut Stichus sit tutor liberis meis*. Quod etiam verba d. l. per fideicommissum manumississe significant. Per fideicommissum enim nihil aliud est quam verbis fideicommissi, quibus ut tutor esset petierat, arg. l. qui tutelam 28. §. 1. de test. tut. Franc. de Amaya nobilissimus Hispaniæ Jurisconsultus putat, Veteres ipsos hic inter se non convenisse, lib. 1. jur. obs. c. 7.

Per errorem) Quod liber putaretur: quo casu servo tutelam mandare voluisse nemo creditur, l. si quis 22. de test. tut. l. generaliter 24. §. si quis tutorem 9. de fideic. lib.

Purè inutiliter) Hoc est, absque conditione, cum liber erit. Quid igitur est, quod Ulpian. ait d. l. 10. §. ultim. de test. tut. in hac datione semper inesse hanc conditionem, cum liber erit? An dicemus, hoc contra rationem juris benignè receptum esse? An potius sententiam testatoris inspiciendam, ut si hæc non refragetur, valeat: si manifestè repugnet, datio sit inutilis? d. l. 10. in fin. Quid enim si ita verbis purè datus est, ut nec sententia eum liberum esse testator voluerit, veluti si liberum eum esse jam ante existimavit? Et hoc verum est. VINN. Sed dicere malim, veteres hic dissensisse & Justinianum quidem eorum probasse sententiam, qui expressè addendam hanc conditionem existimabant. Tribonianum autem l. 10. §. ult. ff. de test. tut. incautè inseruisse Pandectis, quod & alias aliquando factum est. HEIN.

Proprius autem servus inutiliter) Nam periinde, ac si diceret testator, tutor esto, cum à Domino suo libertatem adeptus erit, quod cum Dominus ipse loquitur, aperte ludificari & nihil agere intelligitur, veluti si quis dicat, O 2 hæc

hæc res tibi emptæ est, cum eam tibi vendero.

TEXTUS.

De furioso & minore 25. annis.

2. *Furiosus vel minor viginti quinque annis tutor testamento datus, tutor tunc erit, quum compos mentis, aut major viginti quinque annis fuerit factus.*

COMMENTARIUS.

Tutores testamento dari possunt, non solum qui tempore facti testamenti jam idonei sunt ad tutelam administrandam, verum etiam qui eo tempore idonei non sunt, modo tales sint, ut natura postea idonei fieri possint, quales sunt furiosi, & minores 25. annis.

Quum compos mentis) Proculo videbatur, furiosum testamento tutorem pure dari non posse, l. 10. §. 3. de test. tut. Et videri potest pater non satis serio agere, qui eum tutorem pure dat, quem scit tutelam gerere non posse. Sed placuit etiam hoc patri licere, quasi tacite sub hac conditione detur, ut tutor sit, cum sapere coeperit, d. l. 10. §. 3. l. 11. de tut. Medio autem tempore tutor aut curator à Magistratu dabitur, inf. de Attil. tut. §. 1. & inf. de curat. §. ult.

Major 25. annis) L. quæro 32. §. ult. de test. tut. Et hic interim usque ad legitimam dati tutoris ætatem alius à Magistratu dabitur, l. 10. §. si libertus 7. de excus. Recte autem hic monet D. Bachovius, ponendos esse terminos habiles, ut minor, qui tutor datus est, ejus sit ætatis, ut ante pubertatem pupilli annum 25. implere possit, alioqui dationem esse luseriam, ac protinus à Magistratu tutorem dandum: quod sic accipie, si legitimum tutorem pupillus non habeat.

TEXTUS.

Quibus modis tutores dantur.

3. *Ad certum tempus, vel ex certo tempore, vel sub conditione, vel ante hæredis institutionem posse dari tutorem non dubitatur.*

COMMENTARIUS.

1 *Servum, furiosum, minorem 25. annis, à Magistratu non recte tutorem dari, neque tutorem tempori aut conditioni adstringi.*

Etiam in modo testamento tutores dandi placet testatoris voluntatem servari. Ita-

que non solum pure, sed ex die etiam & sub conditione tutorem recte dederit, ut qui datus sit, non ante sit tutor, quam dies aut conditio extiterit, & deficiente conditione tutor non sit. Potest & ad certam diem & usque ad certam conditionem tutor dari, ut finito tempore aut conditione existente tutor esse desinat, leg. 8. §. 1. & 3. de test. tut. l. si adrogati. 14. §. 3. & ult. de tutel. §. 2. & §. pen. inf. quib. mod. tut. fin. & deficiente quidem aut finita tutela testamentaria, locus erit legitimo tutori, pendente Attiliano, leg. 11. de test. tut. junct. l. 9. §. 2. de tut. & rat. diss.

Vel ante hæredis institutionem) Apparet, hoc favore pupilli jam olim receptum fuisse. Poterat autem de eo dubitari, propterea quod jure veteri ante hæredis institutionem legata inutiliter relinquebantur. Nunc autem nulla amplius habitanda ratio est. §. 34. inf. de leg. Hic paucis admonendi sumus, ea quæ de servis, furiosis, minoribus 25. annis tutoribus datis, itemque de tutore tempori aut conditioni adstringendo dicta sunt; omnia propria esse tutelæ testamentariæ, atque ex interpretatione verborum legis 12. *Uti quisque legasset, &c. patri* permixta. Non eadem libertas Magistratibus data. Nam hi sub conditione tutorem dare vetantur, l. 6. §. 1. de tutel. Quamobrem nec servus, nec furiosus, nec minor recte ab iis tutor dabitur, si sub conditione expressa, servus cum liber erit, &c. si simpliciter & pure: nam & tunc eadem conditio perinde inesse creditur, atque si expressa esset, l. 10. §. pen. & ult. de test. tut. Cur tam variè? Nimirum quia ab officio Judicis aut Magistratus alienum est actus suos suspendere, atque imperfectos relinquere. Ideo enim aditur, ut in præsentem nobis officium atque auctoritatem suam, quam opus est, impetiat; quod & Jo. Fabro suboluit, qui ad hoc utitur arg. l. non quemadmodum 35. de judic. l. 1. §. biduum. 5. quando app. Aliam insuper rationem asserunt vulgo DD. quod tutore à patre sub conditione dato, Magistratus sit, pendente conditione pupillo prospicere; at si à Magistratu tutor sub conditione daretur, neminem adiri posse, qui pendente conditione pupillo consulat. In eo autem Gloss. & DD. in d. l. 6. §. 1. errate existimo, quod putant, etiam Magistratum sub tanta conditione tutorem dare posse, per l. 11. de test. tutel. quippe quæ de tutela testamentaria omnino accipienda est, ut & Barteam accepit. Planè usque ad conditionem, sub qua tutor testamento datus est, à Magistratu interim alium tutorem tacite dari posse non ambigitur, §. 1. inf. de Attil. tut. d. l. 11. in pr.

TEXTUS.

Cui dantur.

4. *Certa autem rei vel causa tutor dari non potest: quia persona, non causa, vel rei, tutor datur.*

NOTÆ.

4. *Certa rei*) Ex Ulpian. l. 2. & Marcian. l. 14. de test. tut. *Certa rei*, nec deductis rebus, d. l. 12. *ὅτι ἐξαρρητοὶ πρᾶγματα*, ut vertunt Græci. Esi datus fuerit, tota ratio non valebit, l. 13. eod. Aliud juris est, si quis hæres certæ rei scribatur, l. 1. §. 4. de her. inst.

Non potest) Univerſo tamen patrimonio alicujus loci utiliter datur, l. 15. eod.

Personæ) Principaliter scil. nam per consequentiam etiam rebus pupilli dari intelligitur, l. 12. §. pen. de adm. tut.

COMMENTARIUS.

1. *Dispositioni hujus §. apud nos locum non esse.*

C*erta rei vel causa*) Veluti Mævius, quia mercaturæ peritus est, tabernæ pupilli tutor esto: quia juris & consuetudinis forensis lites, & controversias persequatur.

Quia persona) Datur enim tutor ad tuendum pupillum, §. 1. sup. tit. idcirco fit ad certam rem aut causam datus fuerit, tota ratio non valebit, l. 12. cum 2. seq. de test. tut. quoniam tutoris officio non congruit. Non obstat l. 12. §. cum tutor. 3. de adm. tut. Aliud enim est certæ rei tutorem dare, aliud rebus pupilli omnibus tutorem datum præpositum intelligi. Nam cum personæ pupilli tutor datur; per consequentiam etiam rebus ejus dari intelligitur, quæ conditionem personæ sequuntur. Et verò si personæ pupilli consulendum est; necesse est, ut non tantum personæ & moribus pupilli, sed etiam rebus ejus tutor præponatur, d. l. 12. de test. tut. d. l. 12. §. cum tut. 3. de adm. tut. Atque in hoc præcipue differt tutor à curatore, qui rebus minoris principaliter datur; l. 8. C. de nupt. & ad usum certumque negotium rectè decernitur, §. 2. inf. de curat. l. 7. de tut. dar. Planè si tanto locorum intervallo disjunctum sit patrimonium, ut difficulter ab uno administrari queat, pupilli favore receptum est, ut rebus ita disjunctis, puta rei Africanæ, aut Syriacæ, tutor dari possit, l. 15. de test. tut. quo tamen casu singuli tutores in solidum dari intelliguntur, nec tam tutela dividi quam administratio. Una sanè superioris regulæ exceptio videtur: quòd impuberi ad hæredita-

tem adeundam, ut tutor detur ex causa permissum est, l. 9. de tut. dar. l. 10. de test. tut. l. 17. §. 1. de appell. Mater quoque dicitur potius in rem quàm in personam tutorem dare videri, l. 4. de test. tut. quali nec verus tutor sit, qui ab eo datus est, qui jus dandi tutorem ex lege non habet. Apud nos hæc juris Romani subtilitas non observatur: sed potest, auctore Grotio 1. mand. c. 7. tutor vel testamento, vel à Magistratu etiam ad certam rem vel causam dari. Quoniam hodie sublata est tutorum & curatorum differentia, vid. inf. tit. de curat. Potest etiam à Magistratu dari ex die vel ad diem vel sub conditione (quod jure Romano solis parentibus permixtum erat, §. præc.) modo ne pupillus unquam indefensus maneat. Illud etiam nunc manet, quòd tutor incertus nec testamento rectè detur, l. tutor, §. sed nec 27. infr. de leg.

TEXTUS.

De tutore dato filiabus, vel filiis, vel liberis, vel nepotibus.

§. *Si quis filiabus suis, vel filiis tutores dederit; etiam posthuma, vel posthuma dedisse videtur: quia filii vel filia appellatione & posthumus, & posthuma continetur. Quòd si nepotes sint appellatione filiorum & ipsi tutores dati sint? Dicendum est, ut & ipsi quoque dati videantur, si modo liberos dixerit. Caterum si filios; non continebuntur. Aliter enim filii, aliter nepotes appellantur. Planè si posthumis dederit, tam filii posthumi, quam ceteri liberi continebuntur.*

NOTÆ.

§. *Si quis filiabus*) Ex Ulp. l. 5. & l. 6. de test. tut.

Etiā posthuma) In legatis contra, l. 17. de legat. 1. quia legata liberis non ut liberis relinquuntur, sed ex affectione singulari erga hos vel illos: at tutor liberis, ut liberis, datur jure potestatis.

Aliter filii, aliter nepotes) Natura filium à nepote distinguit: & hic naturalem propriamque appellationem sequimur: quia ut ab ea recedamus, nulla justa est ratio; aliàs filii appellatione & nepos continetur, justa scil. interpretatione, l. 84. l. 201. l. 220. de verb. sign. Exempla in l. 59. de rit. nup. l. 2. §. 28. ad Terryt. l. 14. de senat. Mac. Filias tamen appellatione filiorum hic quoque venire placet, l. 16. de test. tut.

Posteris) Leg. posthumis, dist. l. 6. & ita Theophil. & alii.

COMMENTARIUS.

- 1 Appellatione liberorum venire omnes, qui ex nobis descendunt.
- 2 Filiorum appellatione in hoc argumento contineri & posthumos: nepotes non contineri, filias contineri. Et quæ horum omnium ratio.
- 3 Appellatione posthumorum venire liberos omnes nascituros sive primi, sive ulterioris gradus.

Voluntatis questio est, cum queritur, qui liberi appellatione filiorum, liberorum, posthumorum contineantur. Et de liberis, ut inde incipiam, nulla dubitatio est, quin ea appellatione omnes, qui ex nobis descendunt, contineantur; sive filii sint, sive nepotes, aut deinceps, sive jam nati, sive adhuc nascituri, *l. liberorum 220. de verb. sign.* Quamobrem si quis liberis tutores dederit, non solum filiis, sed etiam nepotibus, & qui infra eos sunt, dedisse intelligitur; uti ex *Ulp. l. 6. de test. tut.* Justinianus hoc loco refert; dummodo post mortem dantis in potestatem patris sui recasuri non sint, §. 3. *sup. tit.* De filiis duo hic queruntur; unum est, an eorum appellatione etiam posthumi contineantur: alterum, an & nepotes. De primo ait: *Si quis filiabus suis vel filiis tutores dederit, etiam posthuma vel posthumus dedisse videtur: quia filii vel filia appellatione & posthumus & posthuma continentur;* quod & *Ulpian.* respondet, *l. 5. d. tit.* Cui tamen loco obstat videtur quod idem *Ulp.* scribit *l. qui filiabus 17. in pr. de legat. 1.* cum, qui filiabus legavit, non intelligi posthumæ legasse, nisi & mentionem aliqua parte testamenti posthumæ fecerit. Sed hæc minimè repugnant. Tutor enim datur jure potestatis ut filiis & liberis; posthumi autem æquè filii & liberi sunt ac cæteri. Legata verò liberis non ut liberis relinquuntur, sed ex singulari affectione erga certos: quæ affectio in proposito erga posthumum non præsumitur; ita fere *Angel.* hic post *Gloss.* in *d. l. 17.* Alterum est utrum filiorum appellatione etiam nepotes veniant. Et ait, non venire. Quia aliud sit filius, aliud nepos: filius enim est, qui ex me & uxore mea natus est: nepos, qui ex filio meo & hoc idem & *Ulp. dist. l. 6.* Quid ergo est, quod legimus in *l. filii 84. l.*

liberorum 220. de verb. sign. filiorum appellatione etiam nepotes cæterosque, qui ex nobis descendunt, contineri? Nimirum ubi iusta interpretatio id suadet, *l. iusta 201. eodem tit.* Nam nec à proprietate verborum aliter recedendum est, *l. non aliter 69. de legat. 1.* Exempli suppeditant, *l. senatus 59. de rit. nupt. l. 2. §. filii 28. ad Tertyl. l. 14. de sen. Mac.* Et fingamus in proposito, testatorem filios non habere, sed nepotes tantum: aut finge, nepotes solos esse impuberes; dubitandum non est, quin filiorum nomine nepotes intellexerit, ne nihil egisse videatur: quod & *Jo. Faber.* notat. At si filios testator habeat impuberes, nulla iusta causa est, cur recedamus à proprietate sermonis, dicamusque, filiorum appellatione & nepotes eum complexi voluisse. Nam nepotibus fortasse magis expediat peculiarem tutorem habere, legitimum vel dativum, quam eum, qui à parente datus est, qui filiorum tutela satis sit implicitus atque occupatus. Cui adde, quòd hic agitur de gravando extraneo, cuius interfit, ne nimium oneretur. Illud hic omisum est, an appellatione filiorum etiam filiz contineantur. Respondum est, contineri, *l. 16. in pr. de test. tut.* quippe in toto jure pronuntiatio sermonis in sexu masculino ad utrumque sexum porrigitur, *l. 1. l. pronuntiatio 195. de verb. sign.* De posthumis est in vers. *Planè si posthumus.* Et ait *Imp.* si posthumus tutor datus sit, tam filios posthumos, quam cæteros liberos contineri, id est, ut rectè hoc accepit *Theop.* contineri non tantum posthumos primi gradus, verum etiam secundi & ultiores: si modò in ea causa sint, ut si vivo testatore nascerentur, in potestate ejus futuri sint, neque testamentum rupturi, *l. 1. §. 1. de test. tut.* Quare necesse non est, ut cum *Holoandro* pro posthumis substituamus posteris, maxime cum apud *Ulp.* quoque *l. 6. eod.* unde hæc descripta sunt, posthumis legatur; & ut *Bald.* ibi notat, vox posthumi non distinguat gradus, ut filii, sed colligat, add. *Don. 3. comm. 4. D. Tuld. hic cap. 4. D. Jac. Coren. conf. 14.* ubi disputat, an vox Belgica *Kinde* aut *Kinderen*, tam latè pateat, quam *Latina liberorum*, ut & *Sande lib. 4. rer. jud. tit. 5. defin. 10.*

TITULUS DECIMUSQUINTUS.

DE LEGITIMA AGNATORUM TUTELA.

Lib. 26. Tit. 4. Cod. Lib. 5. Tit. 30.

Ratio ordinis, & argumentum Tituli.

Testamentariam tutelam excipit legitima. Ea est, quæ lege deferitur iis fere, qui ad legitimam hæreditatem impu-

beris vocantur. Species hujus tutelæ quatuor agnatorum; patronorum; parentum; & fiduciaria; quarum duæ priores propriæ sunt legi-

girimæ, l. 1. *hoc tit.* sequentes dux ἀναλίσκω. Singulæ singulis titulis hic explicantur: in π. & C. omnes uno. Hoc autem titulo exponitur species prima, quam agnatorum esse diximus; traditurque unde ea descendat; quinam sint agnati; quando iis tutela deferatur: postremo subiicitur specialis quidam hujus tutelæ finiendæ modus.

TEXTUS.

Summa.

Quibus autem testamento tutor datus non est; his ex lege duodecim tabularum agnati sunt tutores, qui vocantur legitimi.

NOTA.

Ex lege 12. tab.) L. 1. de leg. tut. ubi id summa providentia constitutum dicitur, ut qui sperarent successionem, iidem tuerentur bona, ne dilapidarentur. Lege autem Solonis non deferebatur agnatis, nisi remotioribus. Laert. in Solone contraria vid. ratione, quod fere quisque conetur, cum, quem proximus hæres insequitur, expungere, ut ait Pers.

COMMENTARIUS.

1. Quid intersit inter agnatos & gentiles, gentem & familiam.

Quibus testamento) Semper enim legitimi tutores, ut supra quoque dictum est, cedunt testamentariis, l. 12. de test. tut. l. 9. §. 1. de tut. & rat. dist. sicut & legitimi hæreses iis, qui ex testamento vocantur, l. quamdiu, de acq. her. Et vulgo dici solet, provisio hominis facit cessare provisionem legis, per l. ult. C. de pass.

Ex lege 12. tab. agnati sunt tutores.) Lex 12. tab. & ad hæreditatem legitimam vocavit agnatos, atque iidem etiam tutelam legitimam dedit. Idque summa providentia à lege constitutum esse Ulp. scribit, ut qui sperarent successionem, iidem tuerentur bona, ne dilapidarentur, d. l. 1. *hoc tit.* Hæc autem tutelæ species ea est, quæ à Servio dicitur jure civili data, l. 1. de tutel. Etenim legitimos tutores nemo dat, sed lex eos tutores facit, l. 5. *hoc tit.* Horomannus putat, etiam gentilium mentionem à lege factam. Et sanè in hæreditate facta est; auctore Cornificio ad Heren. lib. 1. qui verba legis sic refert: Si paterfam. intestato moritur; familia pecuniaque ejus agna-

torum gentiliumque esto. Ut omnino verisimile sit, eodem modo post agnatos & tutelam gentilium delatam fuisse. Quid intersit inter gentiles & agnatos, multi ante nos docuerunt. Dicam tamen obiter. Quod discrimen est inter gentem & familiam, hoc idem est inter gentiles & agnatos. Gens ex pluribus constat familiis, quæ singulæ cognominibus distinguuntur: nam ut nomen universæ genti commune est; ita cognomen proprium cujusque familiæ, quæ gente continetur. Qui ejusdem gentis sunt, gentiles: qui ejusdem familiæ, agnati dicuntur. Verbi causa, in gente Valeria sunt Corvini, Maximi, Messalæ, Flaccii; hi omnes unam gentem Valeriarum constituunt: singuli singulas in ea gente familias; omnesque inter se gentiles sunt; singuli inter se etiam agnati. VINN. Rectè tamen Cic. Topic. cap. 6. addit, gentiles esse non omnes, qui ejusdem nominis, sed qui ab ingenuis oriundi, & quorum majorum nemo servitutem servierit. Nam & liberos patronorum nomina adsumpsisse, nemo ignorat. HEIN.

TEXTUS.

Qui sunt agnati.

1. Sunt autem agnati, cognati per virilis sexus cognationem conjuncti, quasi à patre cognati: veluti frater ex eodem patre natus; fratris filius; neposque ex eo; item patruus; & patruus filius; neposque ex eo. At qui per feminini sexus personas cognatione junguntur, agnati non sunt, sed aliis naturali jure cognati. Itaque amita tua filius non est tibi agnatus, sed cognatus; & invicem tu illi eodem jure conjungeris: quia qui ex ea nascuntur, patris non matris familiam sequuntur.

COMMENTARIUS.

Per virilis sexus) Agnati dicuntur, qui per virilis sexus personas cognatione juncti sunt, l. 7. *hoc tit.* §. 1. *inf. de leg. agn. succ.* l. 2. §. 1. *de suis & leg.* modò non sint capite minuti, & sint in familia, §. ult. *inf. eod.* Nihil autem refert, an natura quæ sit agnatio, an adoptione, d. l. 2. §. 3. *de suis & leg.*

Veluti frater ex eodem patre) Masculos tantum ex agnatis hoc loco recenset: quia licet etiam feminæ quædam nobis agnatæ sint, veluti soror ex eodem patre nata, amita, fratris filia; tutela tamen solis maribus jure communi deferatur, l. 1. §. 1. *hoc tit.*

Naturali jure cognati) Cognationis nomen per se generale est: siquidem cognati dicuntur omnes, qui vel jure sanguinis, vel jure adoptionis nos contingunt; proinde & agnati. At idem nomen oppositum agnationi ad eam speciem cognationis contrahitur, quæ per feminas copulatur, l. 4. §. 2. l. ult. §. 1. & 2. de grad. & aff. Idem hic planè accidit, quod in nomine adoptionis notavimus sub §. 1. sup. de adopt. Agnati nostratibus dicuntur vande Smaert xy, cognati van de Spilzxy.

TEXTUS.

Quis dicatur intestatus.

2. Quòd autem lex duodecim tabularum ab intestato vocat ad tutelam agnatos, non hanc habet significationem, si omnino non fecerit testamentum is, qui poterat tutores dare: sed si quantum ad tutelam pertinet; intestatus decesserit; quod tunc quoque accidere intelligitur, quum is, qui datus est tutor, vivo testatore decesserit.

COMMENTARIUS.

Quantum ad tutelam) Diferèdè ait, quantum ad tutelam, ut & Jurisconsultus l. 6. hoc tit. nam ad hæreditatem quod attinet, nemo intestatus decessisse intelligitur, qui testamento facto, unde hæres postea existit, decessit, inf. de her. qui ab int. def. in pr.

Vivo testatore) Exempli causâ positum arbitror. Quid enim si post mortem testatoris anteceptam tutelam decesserit? Sanè non minus hoc quàm illo casu rectè dicitur paterfam. quoad tutelam intestatus decessisse. Sed etsi tutor testamento datus postceptam tutelam decesserit, vel in civitate esse decesserit, nihilominus ad legitimam tutelam redit, l. 6. hoc tit. l. 11. §. pen. & ult. de test. tut. Unde vel magis dicendum est, si ad certam conditionem vel ad certum tempus datus sit, existente conditione aut finito tempore ad legitimam tutelam reverti: quasi qui dedit pro parte intestatus, quod ad tutelam pertinet, decesserit. Planè si tutor testamento datus postea excusatus sit, aut remotus, placet, non legitimam succedere, sed in locum ejus alium à Magistratu dari, d. l. 11. §. 1. & 2. Diversi hujus juris non alia ratio occurrit, quàm quòd illis modis ipso jure tutela finitur, & planè extinguitur: excusatione autem & remotione non item, sed interventu Magistratus, quasi ipso jure perinde quodammodo habeatur, ac si excusati ac remoti adhuc tutores essent.

TEXTUS.

Quibus modis agnatio vel cognatio finitur.

3. Sed agnationis quidem jus omnibus modis capitis diminutione plerumque perimitur: nam agnatio juris civilis nomen est, cognationis verò jus non omnibus modis commutatur, quia civilis ratio civilia quidem jura corrumpere potest, naturalia verò non utique.

COMMENTARIUS.

- 1 Tutelam legitimam minima capitis diminutione non amplius tolli.
- 2 In his regionibus vix usum esse legitimam tutelam: & quid moris cessante testamentaria.

Differt agnatio à cognatione etiam in eo, quòd agnatio quavis capitis diminutione etiam minima, tollatur, & consequenter jura agnationi tributa ut tutelæ & hæreditates intereant, l. 7. de cap. min. l. 5. §. ult. hoc tit. Cognationis autem jus non mutetur, nisi maxima aut media capitis diminutio intervenire. De quo amplius §. pen. seq. tit. qui hujus loci explicationem continet. Hanc autem inter agnationem & cognationem differentiam idcirco hoc loco proposuit Justinianus, ut aditum sibi patefaceret ad tractatum de capitis diminutione.

Plerumque) Aditum propterea, quòd jus agnationis certis personis novis legibus datum interveniente minima capitis diminutione non perimitur: quippe quibus legibus hæreditates & tutelæ sic deferuntur, ut personæ naturali nomine designentur; ut ecce, deferretur hæreditas ex Senatusconsultis matri & filio, d. l. 7. de cap. min. §. 2. inf. de sen. Orfic. l. 1. §. 8. ad sen. Tert. Constitutione quoque Anastasii, frater emancipatus neglecta capitis diminutione ad legitimam fratris vel sororis hæreditatem & tutelam vocatur, l. 4. C. hoc tit. §. 1. inf. de succ. cogn. Justinianus & fratrum emancipatorum filios vocat, l. ult. §. 4. Cod. de legis. her. Novissimo autem jure cum in totum sublata sit agnationis & cognationis hac in parte differentia, pariterque cognati cum agnatis ad legitimam tum hæreditatem tum tutelam vocantur, Nov. 118. cap. 4. & 5. consequens omnino est, legitimam tutelam minima capitis diminutione non amplius tolli.

Quia agnatio juris civilis nomen) Sicut & familiaris

milia, cujus appendix est agnatio. Neque obstat, quod etiam alie gentes familiarum & agnationum rationem habuerunt. Multa enim etiam apud alias gentes observantur, quæ tamen non sunt juris naturalis: quippe non ratione naturali, unde jus gentium æstimandum, l. 9. in fin. de just. & jur. constituta, sed civili dumtaxat argumento est adoptio, de qua sup. tit. 11. item usucapio, de qua lib. 2. tit. 6. tale etiam est jus agnationis.

Civilia jura corrumpere potest) Quod non sic accipiendum est, quasi minima capitis deminutione omnia jura civibus tributa amittantur, sed ea tantum, quæ familiæ illius sunt propria, è qua capite minutus exit.

Naturalia verò non utique) Οὐ πάντως, non omnino. Th. non capitis deminutione minima. Pompon. l. 8. de reg. jur. nullo jure civili, id est, nulla juris civilis vel fictione, vel solemnitate, veluti emancipatione. Vid. §. pen. seq. tit.

Apud nos legitimæ tutelæ vix usus est, ut notavimus sup. tit. de tutel. in fin. præterquam in agro Voornano, juxta art. 74. statutorum illius agri confirmatorum à Carolo Quinto anno 1519. Cæterum cessante tutela testamentaria, Magistratus tutelariorum, sibi ubi, aut qui juri dicendo præfunt, tutores (fere tamen proximos pupilli cognatos) creant. Ac ne pupilli diu indefensi maneant, tenetur parens superstes, aut eo tutelam suscipere recusante, duo è proximis per defunctum pupillo cog-

natis, intra certum tempus statutis, aut consuetudine locorum definitum, tutores à Magistratu petere, qui cum de consilio eorum, atque etiam ex iis quod sine fraude pupillorum fiat, tutores eligit atque constituit. Quamobrem pater & mater, iisque deficientibus, avus & avia in tutela filiorum suorum & nepotum cæteris præferuntur: quibus tamen contutor unus atque alter è cognatis defuncti proximis adjungendus est. Patris & avi tutela perpetua est; matris & aviz transitu ad secundas nuptias finitur: neque ad tutelam admittuntur, nisi prius beneficio Senatusconsulti Vellejani renuntiaverint, juxta dispositionem juris civilis Romanorum, auth. matri & avia & seq. C. quand. mul. tut. Sed nec mater iterum vidua facta tutelam recuperat; uti judicatum refert Myns. 3. obs. 84. ad Jo. Gutierrez de tutel. p. 1. c. 8. & 9. Si ex parentibus nemo constabit, tenentur ad minimum duo ex iis, qui pupillum proximè contingunt; unus per patrem, alter per matrem, simili modo tutores petere: atque hic quoque proximos tunc eligit Magistratus, aut si illi idonei non sint, qui proximè sequuntur, & ita deinceps. Demum si cognatorum nemo sit idoneus, alios ex inquisitione tutores creabit. Consule statuta tutelariorum Rhynlandiæ art. 12. cum aliquot seq. Grot. 1. manuduct. 7. Christin. vol. 3. dec. 147. n. 4. & seqq. dec. 149. ubi refert, moribus Galliz & Mechliniensium matrem & aviam non renuntiare Vellejano.

TITULUS DECIMUS SEXTUS.

DE CAPITIS DEMINUTIONE.

Lib. 4. D. Tit. 5.

Continuatio & summa Tituli.

IN π°. hic locus inter restitutiones in integrum tractatur lib. 4. tit. 5. Justinianus autem cum in §. ult. sup. tit. docuisset, jus agnationis, ac proinde & tutelam legitimam quovis genere capitis deminutionis periri; inde occasionem arripuit de ea re plenius separatim disputandi: quod facit hoc titulo: ubi primum quid sit capitis deminutio definit; deinde diviso genere in suas species, idem quæ sint singulæ, & quam vim habeant exponitur interpretatur quod in d. §. ult. dixerat agnationis jus capitis deminutione non omnibus modis interverti: & tandem pro corollario docet, quo ordine agnatis tutela deferatur.

Tom. I.

TEXTUS.

Definitio & divisio.

Est autem capitis deminutio prioris status mutatio. Eaque tribus modis accidit. Nam aut maxima est capitis deminutio; aut minor, (quam quidam mediam vocant) aut minima.

NOTÆ.

Prioris status mutatio) Græci πρῶτος κατάστασις ἑαλλαγῆς. Apud Paulum in leg. 1. cod. non est prioris. Status hic est, quod à genere,

P

à

à civitate, à rer. natura tribuitur, l. 3. de int. & releg. nempe familia, civitas, libertas, l. ult. hoc tit.

Tribus modis) Aufon, Idyll. 11. Triplex libertas, capitisque minutio triplex, nimirum uno ex tribus illis, quæ dixi, amisso, contingit capitis deminutio, d. l. ult.

COMMENTARIUS.

Capitis deminutio) Verbi capitis varia est & multiplex acceptio, ut videre est apud Hotomannum & alios in Lexic. Hic significat personam locum aliquem ordine civium proprio obtinentem, quæ locum cum amittit, capite minui dicitur. Putatque Hotomannus, ad personam translatum esse, quod de ipso ordine propriè loquendo dici debeat; ut ecce: cum quis deportatur aut emancipatur, ordo civium aut agnatorum capite uno minuitur. VINN. Vocabulum hoc è censibus Rom. profluxisse, ostendimus in Antiqu. Rom. hoc t. Et sanè semper fere veteres ita loquuntur: *Censui sunt capita civium 260000.* Exemplum passim apud Livium. Quoties itaque civis statum mutabat, nomen ejus è tabulis censualibus erat expungendum, adeoque civitas capite minuebatur, vel caput eximebatur de civitate, l. 2. ff. de public. judic. Hinc caput pro statu, & capitis deminutio pro status mutatione dici cœpit. HEIN.

Status mutatio) L. 1. hoc tit. L. 2. de in int. rest. Græci, κατάστασις ἡ ἀλλογία κεφαλῆς ἐλάττωσις. Status quoque vocabulum multa significat: sed in hoc tractatu accipitur dumtaxat pro eo jure, quod singuli in civitate habemus, nimirum libertatem, civitatem, familiam; quæ tria scitè Chremes apud Terentium in Eunuchio, act. 4. scen. 7. v. 35. sequi his verbis complectitur, Dico, eam esse libertatem, civem Atticam, meam soxorem.

Tribus modis) Tot enim necesse est sint genera capitis minutionis, quot sunt quæ in persona cujusque civis considerantur, quorumque uno amisso, status ejus commutatur, l. ult. hoc tit. Qui duo tantum genera faciunt magnam & minorem; appellatione magnæ maximam & mediam, quæ hic etiam minor dicitur, comprehendunt, quod facit Ulpian. l. 1. §. si filius 4. de suis & legit. l. 1. §. capitis minutio 8. ad senat. Tertyll. item Callistratus l. 5. §. ult. de extraord. cogn. VINN. Conf. quæ notavimus supra ad §. 4. de just. & jur. HEIN.

TEXTUS.

De maxima capitis deminutione.

1. Maxima capitis deminutio est, cum aliquis

simul & civitatem & libertatem amittit: quod accidit his, qui servi pœna efficiuntur atrocitate sententia; vel libertis, ut in gratia erga patronos condemnatis: vel his, qui se ad pretium participandum venumdari passii sunt.

NOTÆ.

1. Vel libertis) Libertus ingratus jure libertatis exiit, & patrono in servitutem redigitur, l. 2. C. de libert. & eor. lib. quod & Attico jure obtinuit. Plat. 11. de legib. Plut. in Solon. usurpavit Claudius, Suet. in ejus vit. c. 25.

COMMENTARIUS.

Cum omnia amittamus quæ habemus, libertatem, civitatem, familiam; maximam capitis deminutionem pati dicimur, l. ult. hoc tit. Hoc autem iis semper accidit, qui servi efficiuntur: nam sublata libertate tolluntur quoque reliqua duo. Sic Regulus capitis minor Horatio, id est, servus factus per captivitatem, lib. 3. carm. Ode 5. v. 42. De modis, quibus quis in servitutem redigitur, plenissimè explicatum est §. pen. sup. de jur. pers. & nominatim de servitute pœnæ, in §. pœna servus 3. sup. quib. mod. jus pat. pot.

Ingratia) Ita legit Pacius, alii ingratis. Hotomannus ingrati, ut subaudiuntur crimine vel judicio. Usurpavit hoc jus Imperator Claudius, teste Suetonio in ejus vita c. 5. Estque de eo tit. in C. de libert. & eor. lib.

TEXTUS.

De Media.

2. Minor sive media capitis deminutio est, quum civitas quidem amittitur, libertas verò retinetur: quod accidit ei, cui aqua & igni interdictum fuerit: vel ei, qui in Insulam deportatus est.

COMMENTARIUS.

1. Cur fontibus olim aqua & igni interdicti solitum.

Libertas retinetur) L. 2. §. 1. l. 17. §. 1. de pœn. l. 6. de interd. & releg. Objici solet locus Callistrati in l. pen. §. ult. de extr. cogn. Sed locus iste haud dubiè depravatus est, & pro Velut. legendum Vel: quomodo & in nonnullis codicibus legi testatur Accursius. Alb. Gentilis citra correctionem rem expedit lib. 3. l. 8. ex una particula Veluti duas faciens vel uti. Nimirum Callistratus sub mag-

na capitis deminutione utramque, & qua libertas & qua civitas amittitur, complexus est; quod & aliis familiare esse paulo ante monuimus. Nisi quis malit cum Cujacio, locum illum de libertate ex jure Quiritium accipere, quasi jure Quiritium liber non sit, qui in numero Quiritium non est; ut disputat Cic. in fin. orat. pro Caccinna. VINN. Nihil est hac Cujacii sententia verius, alia erat libertas Juris gentium, alia Juris Quiritium; quam luculenter explicavimus in antiq. Rom. adpend. Lib. 1. §. 25. sequ. illa capitis deminutione maxima: hæc & media eripiebatur. Liv. Lib. 45. c. 5. Præclarè rem omnem confecit V. C. Ger. Noodr. Obs. Lib. 2. cap. 21. HEIN.

Cui aqua & igni) Jure à majoribus tradito non licuisse civem licet noxium, aut supplicio capitis afficere, aut libertatem ei, civitatemve adimere, multi tradiderunt; Cæsar erat. sua apud Sallust. de bell. Catil. Cicero in suis pro Aul. Cacin. pro dom. sua pro Corn. Balb. Laetant. lib. 2. c. 10. Cæterum cum ad disciplinæ publicæ vigorem omnino pertineat, delicta & scelera malorum hominum impunita non relinqui; inventa ratio est, qua civitate, & salvo instituto majorum, expellerentur. Itaque aqua & igni fontibus interdicti coemptum est, ut his duobus tamquam vitæ humanæ præfidiis destituti, si exitium sibi paratum vitare vellent, in exilium proficisci cogerentur, inque aliam civitatem profugere, in quam cum essent recepti, Romanam demum amittebant. Quibus igitur aqua & igni interdicebatur, iis quidem apertè vita non eripiebatur, ac ne civitas quidem, (siquidem nulla exilii facta mentione hæc poena irrogabatur) sed tacitè tamen morte quodammodo multabantur, vique ipsa expellebantur civitates cum solo aere vivere aut regi non possent: nec fas esset eos aut tecto recipere, aut aqua & igni, existerive, quibus vita continetur, juvare; ut ex ead. orat. Ciceronis pro domo sua, cap. 29. & li. liquet.

In insulam deportatus) Deportatio species exitii fuit atrocissima, cum scilicet quis ita damnabatur, ut bonis publicatis, nervo aut compedibus vinctus, & in navim impositus, à servis publicis in certam insulam deportaretur, ibique in perpetuum concluderetur. Qua poena manifesto caput eximitur de civitate, civesque ad peregrinorum conditionem rediguntur, l. 17. §. 1. de poen. l. 6. de int. & relig. Non uno autem loco in libris nostris traditum est, deportationem in insulam in locum aquæ & ignis interdictionis successisse l. 2. §. 1. de poen. l. 3. ad leg. Jul. pecul. l. pen. in

fin. de extr. cogn. Itaque umbra vetusti juris adhuc retenta, aqua & igni interdictos nostri deportatos interpretantur, l. 1. §. bi quibus 2. de legat. 3. l. 2. de publ. jud. eademque & in aliis locis illorum verborum interpretatio facienda est. Consule Brisson. lib. 3. sel. antiq. cap. 5.

TEXTUS.

De Minima.

3. Minima capitis deminutio est, quum civitas retinetur & libertas, sed status hominis commutatur: quod accidit in his, qui quum sui juris fuerint, ceperunt alieno juri subiecti esse, vel contra; veluti si filiusfamilias à patre emancipatus fuerit, est capite deminutus.

NOTÆ.

3. Alieno juri subiecti esse) Puta adrogati, eorumque liberi, l. 3. pr. eod. §. pen. sup. de adopt. Item dati in adoptionem personæ non extraneæ, §. 2. sup. d. 1.

Emancipatus) Emancipatus capite minuitur, l. 8. in fin. cum l. seq. h. t. Quia ut ait Paul. l. 1. §. 1. eod. emancipari nemo potest, nisi in servilem imaginariam causam deductus: alibi tamen rationem petit à familiæ mutatione, l. ult. eod. quod contingit etiam hodie, sublata licet imagine servitutis.

COMMENTARIUS.

1. Quomodo intelligendum quod Ulp. scribit, minimam cap. deminutionem salvo statu contingere.
2. Non solum adrogatos capite minui, sed etiam adoptatos, quamquam cum distinctione.
3. Emancipati cur capite minui dicantur: & numquam poss. imagine servitutis sublata, capite minui deserint.

Sed status hominis) Minima capitis deminutio est, per quam salva civitate & libertate, status dumtaxat hominis mutatur, Ulp. de tutel. §. 12. Idem tamen Ulp. l. 1. §. capitis 8. ad S. C. Tertyll. scribit, hanc capitis deminutionem contingere salvo statu, quæ videri possunt contradictoria. Et utique essent, si vocabulum status utroque loco eodem modo acciperet: nulla autem contradictio est, si eo vocabulo quod est *εἰς ἀλλοτρίαν*, non in eadem significatione utrobique utatur. Ergo rectè dicit, hanc capitis minutionem contingere salvo statu, sed statu publico, quem quis

ut civis habet: rectè item eandem non contingere salvo statu, sed privato, quem quis habet in familia, *l. ult. hoc tit.* In definitione autem *pr. hujus tit.* tradita, appellatione status utrumque contingitur.

Qui quum sui juris) Qui se adrogandum dat, manifestè capite minuitur, quia caput suum in familiam & domum alienam transfert, *l. pen. §. 2. de bon. poss. sec. tab.* Liberos quoque, qui eum sequuntur, de quo dictum *§. pen. sup. de adopt.* capite minui placet, quia & ipsi cum parente familiam mutant, *l. 3. pr. hoc tit.* Sed etsi filiusfamil. à patre in adoptionem decurrit dicendum est eum capite minui, quia in alienam familiam transit, *l. 4. §. pen. de grad. & aff.* quod tamen ex constitutione Justiniani non aliter nunc contingit, quàm si à non extraneo adoptatus sit, de quo *sup. §. 2. de adopt. & §. antepen. sup. quib. mod. jus patr. potest.*

A patre emancipatus) Emancipatos capite minui, jura agnationis & familiarum perdere, patri post emancipationem extraneos intelligis tot locis proditum est, ut de eo dubitari non oporteat. Cur autem emancipati capite minui dicantur, hanc rationem affert Paulus *d. l. 3. §. 1. hoc tit.* quia in imaginariam servilem causam deducuntur. Unde plerique contendunt, hodie sublata in emancipationibus antiqua servitutis imagine, *l. ult. C. de emanc. lib. §. praterea 6. sup. quib. mod. jus patr. pot.* emancipatos capite non amplius minui: non magis quàm illi capite minuuntur, qui morte patris, aut accessione dignitatis sui juris sunt, *l. 3. §. ult. de senat. Mac. Nov. 81. c. 2.* Sed verendum, ne illa Pauli ratio & ipsa aliquid imaginarii habeat: certè adæquata non est. Nam primum constat, in adrogationibus nullas venditiones aut manumissiones intervenisse; & tamen adrogati liberique eorum capite minui dicebantur hoc solo, quòd familiam mutarent. Deinde si sublatis illis venditionibus emancipati capite non minuuntur: quid opus fuit, ut Anastasius liberis, qui sine isto ritu emancipantur, jura tutelarum & successionum nominatim conservaret, si parens manumissor id peteret? *L. 12. C. de leg. bar.* Postremò si jura agnationis & familiarum non amitterentur, nisi intervenitu imaginarii illius contractus; necesse non erat Justinianum specialiter cavere, ut ii, quos dignitas patria potestate eximit, eadem jura integra retinerent, *d. Nov. 81. cap. 2.* Quamobrem potius est, ut à familiarum mutatione rationem petamus, quod & ipse Paulus facit *l. ult. hoc tit.* Sic igitur sentio; etiam post venditiones illas sublatas rectè dici emancipatis contin-

gere capitis deminutionem: propterea quòd non minus nova quàm veteri emancipatione familiam amitterent, & pro extraneis haberentur, ut ex iis, quæ jam dicta sunt, liquet. Cæterum jure novissimo, quo differentia agnationis & cognationis tum in successione, tum in tutelis penitus sublata est, *Nov. 118. c. 4. & 5.* vix est, ut emancipatio inter genera capitis minutionis referri possit. VINN. Pauli ratio solida omnino videtur. Hinc quum Virgines Vestales à Pontifice caperentur: id tamquam singulare privilegium notat Gellius *lib. 1. cap. 12.* quod capte sine emancipatione & sine capitis minutione à patris potestate exierint. Rationes Winnii, quibus Paullam oppugnat, non sunt maximi ponderis. Nam quod ad primam attinet, unius rei plures causæ esse possunt. Duo posteriora ex ipsis Anastasi & Justiniani legibus solvuntur. Nam quamvis ii imaginarias venditiones sustulerint: voluerunt tamen, ut emancipationes Anastasiana & Justinianea ejusdem cum veteri effectus essent: perinde ac si venditiones istæ fuerint adhibitz. HAIN.

TEXTUS.

4. *Servus autem manumissus capite non minuitur: quia nullum caput habuit.*

NOTÆ.

4. *Servus capite non minuitur*) Servile caput nullum jus habet, *d. l. 3. in fin.* nullum jus, id est, nec familiam, nec civitatem, nec libertatem: sed demum post manumissionem hæc consequitur.

COMMENTARIUS.

Servile caput nullum jus habet, & ideo nec minui potest; inquit Paulus, *l. 3. in fin. cod.* Quod igitur hic ait Justinianus, servum nullum caput habere; idem est ac si diceret, servum nullum jus habere aut locum in tribus illis, quæ civium propria esse diximus: libertatem inquam; civitatem; familiam: ad quæ tria in hoc tractatu capitis & status vocabula referuntur, quæ alioquin per se latius patent, & de persona servili etiam prædicantur, *sic. de stat. hom. & sup. de jur. pers.*

TEXTUS.

De mutatione dignitatis.

5. *Quibus autem dignitas magis, quàm statu per-*

permutatur, capite non minuitur, & ideo à Senatu moti capite non minui constat.

COMMENTARIUS.

Dignitas quoque appellatione status generali continetur, ideoque qui Senatu vel alio ordine movetur, rectè dicitur circa statum dignitatis plekti, l. 5. §. 2. de extr. cogn. Sed quia ita moti exikimatio duntaxat minuitur, cætera autem, quæ civem propriè constituunt, salva manent: idcirco in hoc argumento dicitur capite non minui, sed cives manere integri capitis, l. 3. ff. de senator.

TEXTUS.

Interpretatio §. ult. sup. tit. prox.

6. *Quod autem dictum est, manere cognitionis jus etiam post capitis deminutionem; hoc ita est, si minima capitis deminutio interveniat: manet enim cognitio. Nam si maxima capitis deminutio interveniat; jus quoque cognitionis perit: ut puta servitute alienius cognati, & ne quidem si manumissus fuerit, recipit cognitionem. Sed & si in insulam quis deportatus sit, cognitio solvitur.*

NOTÆ.

6. *Si minima capitis deminutio*) Ex gr. Si L. Titius patruelis meus à patre suo emancipatus sit, agnationis jura amittimus, cognitionis retinemus: & ideo ad mutuam successionem ex edicto unde cognati vocamur, §. 1. inf. de succ. cogn.

COMMENTARIUS.

1. *Jus sanguinis seu cognitionis quos modis accipitur.*

2. *Manumissus non recipere cognitionem servitutis amissam, aut beneficio Principis restitutos recipere.*

Redit Imp. ad id, quod §. ult. sup. tit. dixerat, cognitionis jus non omnibus modis capitis deminutionis solvi, sicuti solvitur agnatio. Qua occasione oblata, simul de capitis deminutione, quo res ea planius intelligetur, differendum putavit: docetque nunc, quod de cognitione dixit, eam capitis minutione non perinde ut agnationem perimi, de minimi accipiendum esse: maximam verò & mediam, utpote quæ mortalitati comparantur, l. verum 63. §. societas 10. pro soc. etiam intervertere jus cognitionis.

Jus quoque cognitionis perit) Huic loco obstare videri potest quod dicit Pompon. l. 8. de reg. jur. Jura sanguinis nullo jure civili dirimi posse. Sed sciendum est, jura sanguinis si ve cognitionis bifariam accipi; vel planè naturaliter atque pro eo jure, in quo sola sanguinis conjunctio spectatur; vel pro jure, quod cognatis propter cognitionem jure civili vel honorario defertur. Illo modo si jus sanguinis accipias, nullo jure civili dirimi potest; ut ecce, jus civile efficere non potest, ut qui pater est pater esse desinat; qui frater, desinat esse frater; ut nuptiæ inter patrem & filiam, inter fratrem & sororem consistent. At posteriore modo acceptum certis personis adimi potest; ut puta potest jus civile efficere, ut ne filius patri, frater fratri certo casu succedat, aut ad bonorum possessionem unde liberi aut unde cognati vocetur. Nam hæc jura licet naturalia rectè dicantur propter rem, cui tribuuntur, quæ est naturalis cognitio: tamen quia inter cives tantum instituta sunt, etiam ad jus civile suo modo referuntur, l. 17. §. 1. de pæn. unde fit, ut etiam civili constitutione, hoc est, capitis deminutione, perimantur: excepta tamen ea, quæ salva civitate contingit.

Ne quidem si manumissus) Is qui servus aliqua ratione factus est, cognitionem manumissionem non recipit; ac proinde ad bonorum possessionem unde cognati à Prætoris non vocatur, leg. 1. §. 2. l. 7. unde cogn. & inf. de serv. cogn. in pr. Nam dominus quidem libertatem servo imponere potest, & jus suum remittere: jus autem cognitionis, quod servitute amiserat, ei restituere non potest. Planè qui servi pœnæ effecti beneficio Principis restituuntur, etiam jus cognitionis recipiunt, l. 1. §. 4. ad Tertyll. l. 1. §. ult. l. 2. de bon. poss. cont. tab. Atque hoc quidem jure veteri obtinebat. Justinianus autem postea etiam libertinos ad similitudinem ingenuorum succedere voluit, §. 2. inf. de serv. cogn. & novissimè libertinos ingenuis per omnia exæquavit, excepto jure patronatus, Nov. 78.

Cognitionem) Hoc est jus, quod propter cognitionem, cum adhuc liber & in civitate esset, habebat. Cæterum ipsa cognitio aut sanguinis conjunctio servitute non extinguitur: quæ idcirco etiam nuptiis post manumissionem impedimento est, §. illud 10. sup. de nupt.

In insulam deportatus) Deportati quoque jura cognitionis amittunt; sed à Principe restituti, per omnia pristinum statum recipiunt, §. 1. sup. quib. mod. ju. pat. pot. solv.

TEXTUS.

Ad quos Agnatos tutela pertinet.

7. Quum autem ad agnatos tutela pertineat, non simul ad omnes pertinet, sed ad eos tantum, qui proximior gradu sunt: vel si plures ejusdem gradus sunt, ad omnes pertinet, veluti si plures fratres sunt, qui unum gradum obtinent, pariter ad tutelam vocantur.

NOTÆ.

7. Cum autem ad agnatos) Ex Cajo l. 9. D. de leg. tut.

COMMENTARIUS.

Qui proximior gradu) Æquum enim est, ut illi onus tutelæ subeant, qui & ad successionem vocantur: vocantur autem soli agnati proximi, *inf. de leg. agn. succ. Ad omnes pertinet*) Si plures sint agnati eodem gradu, pariter omnibus tutela defertur, l. 8. & l. 9. de leg. tut. nempe quia & ad hæreditatem omnes simul admittuntur, §. 5. *inf.*

de leg. agn. succ. Quid ergo si aliqui ex proximioribus, vel etiam omnes mortui sint, vel capite minuti? Et quidem quamdiu unus adhuc superest, & in familia est, tutela penes eum remanet, per l. 3. §. 5. de l. tut. Ceterum si omnes decesserint, vel capite minuti sint, sequentes in tutelæ administrationem succedunt, d. l. 3. §. pen. Qua in re tutela legitima olim differebat à legitima agnatorum hæreditate, in qua placebat successionem non esse; hoc est: si proximi defecissent, in sequentium gradum non admitti, §. placebat. 7. *inf. d. l.* Enimverò nec in tutela semper admittitur successio: nam si proximus vel exsatus sit, vel remotus, sequentes non succedunt, sed in locum abeuntis alius à Magistratu datur, *arg. d. l. 3. §. queri*. 8. Idem dicendum viderur & si proximus, idoneus non sit ad tutelam gerendam, *arg. §. pen. inf. de curat. l. non solum* 10. §. si libertus 7. de exc. quasi hic proximus gradus adhuc superfir. Novissima Justiniani constitutione legitima tutela cognatis juxta defertur ac agnatis, Nov. 118. c. 5. ut Platonis quoque lege cautum, *ἡμετέρας τῆς ὑγιῆρας γυναικὸς πατρὸς καὶ μητρὸς*. lib. 11. de legib.

TITULUS DECIMUSSEPTIMUS.

DE LEGITIMA PATRONORUM TUTELA.

Lib. 26. D. Tit. 4. C. Lib. 5. Tit. 30.

Continuatio.

EX quatuor generibus, in quæ tutelam legitimam distribuimus, primum explicatum est; tutela agnatorum: alterum nunc sequitur, patronorum, qui & ipsi propriè legitimii tutores sunt ex ratione & mente legis 12. tab. leg. 1. l. 3. de leg. tut. junct. l. 6. §. 1. de vert. sign.

TEXTUS.

Ex ratione Leg. 12. Tab. quæ tutelam agnatis idcirco defert, quia hæredes ab intestato sunt, inductum est, ut patroni liberorum suorum tutelam fusciperent, quæ ideo legitima dicitur, l. 3. D. de legit. tut.

Ex eadem lege duodecim tabularum, libertorum & libertarum tutela ad patronos liberoque

eorum pertinet, quæ & ipsa legitima tutela vocatur: non quia nominatim in ea lege de hac tutela caveatur; sed quia perinde accepta est per interpretationem, ac si verbis legis introducta esset. Eo enim ipso quòd hæreditatè libertorum libertarumque, si intestatè decessissent, jussisset lex ad patronos liberoque eorum pertinere; crediderunt veteres, voluisse legem etiam tutelam ad eos pertinere: quum & agnatos, quos ad hæreditatem lex vocat, eisdem & tutores esse jussisset; quia plerumque ubi successionis est emolumentum, ibi & tutela onus esse debet. Ideo autem diximus plerumque: quia si fœmina impubes manumittatur, ipsa ad hæreditatem vocatur, quum alius sit tutor.

COMMENTARIUS.

Non quia nominatim) Lege 12. tab. patronis tutela defertur, non propalam aut nominatim & disertis verbis, quemad-

admodum agnatos lex vocat, sed per consequentias hæreditatum, quæ ex ipsa lege patronis datur sunt, l. 3. pr. de leg. tut. Ulp. de tutel. §. 2.

Per interpretationem) Prudentum scilicet, quibus permissum erat leges publicè interpretari, & consulentibus de jure respondere, §. *responsa prudentum* 8. sup. de jur. nat. gent. & civ. l. 2. §. bis leg. 5. de orig. jur.

Perinde accepta est) Verbum ex legibus, ait Ulp. sic accipiendum est, tam ex legum sententia, quam ex verbis, l. 6. §. 1. de verb. sign. Et Celsus; Scire leges, inquit, non est verbarum tenere, sed vim ac potestatem, l. scire 17. de legib.

Ubi successione est emolumentum) Prudentum collectio fuit, patronos ideo ad tutelam liberorum à lege vocari, quia vocantur ad eorum intestatorum hæreditatem, hoc argumentum, quod non aliam ob causam tutela agnatis

delata fuit, quàm quod & ipsos ad hæreditatem lex vocasset, l. 1. de l. tut. Rectè & naturæ juris convenienter, quo comparatum est, ut incommoda cujusque rei cum sequantur, quem sequuntur commoda, l. 10. de reg. jur. leg. un. §. pro secundo. 4. Cod. de cad. toll.

A femina manumittatur) Interdum alibi est hæreditas, alibi tutela: quod fit, cum illi, qui ad hæreditatem vocantur, non sunt idonei ad tutelam administrandam; ut puta si femina manumiserit, aut consanguinea sit pupillo, d. l. 1. §. 1. quippe tutela virile munus est, l. 16. l. alt. de tutel. l. 2. de reg. jur. Excipiuntur mater & avia, quibus liberorum suorum tutelam gerere tamdiu permittitur, donec ad secundas nuptias transcant: ea tamen conditione, ut inter gesta Senatusconsulti Vellejani auxilio renuntient, *auth. matri & avia cum auth. seq. C. quand. muli. off. tut.*

TITULUS DECIMUS OCTAVUS.

DE LEGITIMA PARENTUM TUTELA.

TEXTUS.

Exemplo patronorum recepta est & alia tutela, quæ & ipsa legitima vocatur: nam si quis filium aut filiam, nepotem aut neptem ex filio, & deinceps impuberes emancipaverit, legitimus eorum tutor erit.

COMMENTARIUS.

Tertia species tutelæ legitimæ parentum est, qui liberos impuberes contracta fiducia emanciparunt: id quod ex constitutione Justiniani semper fieri intelligitur, §. ult. de leg. agn. succ. l. ult. C. de emanc. lib. repete quæ notavimus ad §. præterea 6. sup. quib. mod. jur. pat. pos. Hæc autem tutela non eodem modo per interpretationem legis 12. tab. intro-

ducta est, quo præcedens illa patronorum: neque enim ut lex patronos ad successionem liberorum vocat, ita & vocat parentes ad successionem liberorum emancipatorum; unde Ulpianus hanc tutelam non legitimam, sed fiduciariam appellat, tit. de tutel. §. 4. Ceterum quia ad similitudinem tutelæ patronorum jure civili introducta est, eo quod parens, qui filium manumittit, patroni personam induit, atque ob hoc ad legitimam filii, qui liberti patitur exitum, l. 1. si à par. quis man. hæreditatem vocatur, l. 10. de suis & legit. l. 2. C. ad sen. Tert. §. ult. inf. de leg. agn. succ. obtinuit, ut etiam hæc tutela legitima potius diceretur quam fiduciaria: quasi & ipsa ad rationem legis duodecim tab. pertineret; quam etiam ob causam parens manumissor vicem dicitur legitimo tutoris sustinere, l. 3. in fin. de leg. tut.

TITULUS DECIMUS NONUS.

DE FIDUCIARIA TUTELA.

TEXTUS.

Filiisfam. à patre manumissi pater tutor est legitimus: eo verò defuncto, frater tutor fiduciarius existit.

Est & alia tutela, quæ fiduciaria appellatur;

nam si parens filium, vel filiam, nepotem, vel neptem, vel deinceps impuberes manumiserit, legitimam nanciscitur eorum tutelam. Quo defuncto, si liberi ejus virilis sexus existant, fiduciarium tutorem filiorum suorum, vel fratris, vel sororis, vel ceterorum efficiuntur. Atqui patrono legitimo tutore mortuo, liberi quoque ejus legiti-

timis sunt tutores, quoniam filius quidem defuncti, si non esset à vivo patre emancipatus, post obitum ejus sui juris efficeretur, nec in fratrum potestatem recideret, ideoque nec in tutelam. Libertus autem, si servus mansisset, utique eodem jure apud liberos domini post mortem ejus futurus esset. Ita tamen bi ad tutelam vocantur, si perfecta sint aetatis: quod nostra constitutio in omnibus tutelis & curationibus observari generaliter præcepit.

NOTÆ.

Filiorum suorum) Igitur & pater filii sui ab avo emancipati, contra quam existimant Cujac. Hotom. & Fabrot. Nam cum ad patrem quantumvis hæredem jus patronatus, quod avus in nepote habuit, non transeat, l. 1. §. 1. si à par. man. nec tutela, cui jus illud causam dedit, transire potest; consule Baech. & nostra hic in Comm.

Si perfecta sint aetatis) Vid. Baech. ad §. 13. infr. de excusat. tut.

COMMENTARIUS.

Generalis tutelæ legitimæ appellatione etiam fiduciariam complexi sumus sup. de leg. agn. tut. quia & ipsa vicem quadantenus legitimæ sustinet: ut enim tutores legitimi, ita & fiduciarii ipso jure tutores sunt, & excludunt Artilianos; unde & permixtè iisdem locis, quibus de legitimis tutoribus disputatur, etiam de fiduciariis quæritur; ut hic & in Pand. l. 4. Cæterum quia hæc tutela nulla interpretatione referri potest ad legem duodecim tabularum; ideo non legitima, sed peculiari nomine fiduciaria appellata est: haud dubie per abusionem vocabuli, quod cum in patre, cui aliqui soli id propriè convenit, non valuisset, ad liberos ejus, quasi hæreditarium translatum est, inopia alterius nominis; ut rectè conjicit D. Hotom. VINN. Propriè fiduciaria tutela fuit, quam per similitudinem patroni suscipiebat pater naturalis, qui remanipatum sibi ab emptore filium manumiserat. Ulp. tit. XI. §. 5. Adeoque hoc nomen ei tutelæ competebat, quam superiore titulo legitimam parentum tutelam vocat Justinianus. Et sanè quum contractus fiduciæ inter patrem naturalem, & fiduciarium intercederet; vix excogitari potest ratio, cui fratrum potius tutela, quam parentum, vocanda sit fiduciaria. Cæterum hæc tutela non minus ex interpretatione Legis XII. tabularum fuit, quam illa. Pater enim emancipans veluti patronus est, ergo frater emancipati patroni filius. Ergo ad

eundem, mortuo patre, tutela pertinet. HEIN. *Filiorum suorum, vel fratris, vel sororis, vel cæterorum*) Observandum hic est, tres fiduciariæ tutelæ quasi gradus à Justiniano poni, quorum primus est filiorum, alter fratris vel sororis; tertius cæterorum. Non igitur frater tantum fratris emancipati, aut patruus fratris filii, defuncto patre suo emancipatore & tutore legitimo, fiduciarii tutores sunt: sed etiam ipse pater filii sui ab avo emancipati, eo mortuo, non legitimus ut avus, sed fiduciarius tutor erit, contra quam Hotom. & Mynerxistimant. Cur autem ne hic quidem legitimus sit, mox intelligitur.

Atqui patrono) *Præfatus*. Videri enim poterat dicendum esse, hosce omnes esse tutores legitimos exemplo liberorum patroni, qui patrono legitimo tutore mortuo, legitimi sunt tutores liberti. Sed exemplum hoc dissimile est. Nam lex duodecim tab. non modò patronos, verum etiam liberos eorum ad legitimam successionem liberorum vocat, & consequenter etiam ad tutelam; eadem videlicet ratione, qua vocantur patroni. Pater autem aut frater filii sui aut fratris ab avo vel pater emancipati legitimi hæredes non sunt: nec igitur legitimi tutores, l. 1. unde legit. l. 5. unde cogn. Atque hæc ratio generalis est pertinet ad omnes personas, quas enumeravimus. Aliam etiam mox reddit Justinianus.

Quoniam filius quidem) His verbis occurritur propositæ objectioni. Ratio autem diversi juris, quam hic Justinianus assert, particularis est, & elaudicare videtur in nepote ab avo emancipato. Enim nepos, si emancipatus non fuisset, post mortem avi in potestatem patris sui in potestate retenti recidisset; ideoque ex ratione Justiniani etiam in legitimam patris sui tutelam post mortem avi recidere debet. Nisi dicamus, in eo adhuc differentiam esse, quòd ad liberos patroni jus patronatus jure hæreditario redit, ac proinde & tutela legitima, quæ jus illud sequitur; prorsus ut libertus, si servus mansisset, post mortem domini in potestatem liberorum ejus hæreditate pervenisset. Ad liberi non jure successionis, sed proprio patris jure in potestatem ejus recidunt: quippe qui & ex hæredibus eandem potestatem retineat: neque ad patrem quantumvis hæredem jus patronatus, quod avus in nepote habuit, transit per l. 1. §. pen. si à par. qui man. ut mirum non sit, cum non succedere in tutelam; qui non succedit in jus patroni, aut in potestatem, quæ tutelæ causam dedit. Rectè autem hic notant Interpp. fiduciarios tutores esse desisse, ex quo fratres emancipati

emancipati ad legitimam fratrum tutelam ab Anastasio vocati sunt, l. 4. C. de legit. tut. Maximè verò jure novissimo, quo juris agnatici & cognatici discrimen hac in parte penitus sublatum est. Nov. 118. cap. 4. & 5.

Nec in tutelam) Subaudi, legitimam emancipatus recedit. Alioqui perspicue falsum esset: nam ex fratribus in potestate retentis, patre mortuo, qui eorum ætatis perfectæ est, alterius fratris legitimus fit tutor. D. Hotomannus putat, totum hoc adventitium esse, atque

à Glossatore annotatum.

Perfectæ ætatis) L. ult. §. 4. C. de leg. bar. Ætatem autem perfectam appellat, qua completur virilis vigor, nempe annorum quinque & viginti, l. 1. §. 2. de min. l. 4. l. 8. de leg. tut. l. ult. C. eod. l. ult. C. de his qui ven. ætat. Quæ notat Cujacius, & Pacius exscripsit, olim ita jus fuisse, ut minores 25. annis legitimi & dativi tutores fierent, &c. falsa esse ostendimus *infr. de excus. §. item major. 13.*

TITULUS VIGESIMUS.

DE ATILIANO TUTORE, ET EO, QUI EX LEGE JULIA ET TITIA DABATUR.

D. Lib. 26. Tit. 5. C. Lib. 5. Tit. 34. & 36.

Continuatio & summa Tituli.

Progreditur nunc Imp. ad tertiam tutelæ speciem, nempe dativam sive Atilianam, cujus postrema ratio est; docetque, quibus ex legibus; à quo Magistratu; & quando tutores dentur. Postremò nonnihil attexit, quod tutores omnes & officium eorum in universum pertinet.

monstravimus in *Aniqu. Rem. b. 1. §. 9. HEIN.*

COMMENTARIUS.

Nullus omnino) Neque testamentarius, neque legitimus, aut qui sub illis continetur, à Magistratu confirmandus & fiduciarius. Atque hæc species ex duabus summis, quæ locum Atiliano tutori faciunt, prima est. Altera est in §. 1. *hujus ejusdem tituli.* Duæ autem causæ in hoc principio indicantur, quas ad constitutionem hujus tutelæ concurrere oportet: una est remotior; nimirum leges Atilia, Julia & Titia, quæ quando aut à quibus latæ, parum constat; altera propinqua est, videlicet factum Magistratus, cui ex istis legibus jus dandi tutores competit; ut in urbe Prætori cum Tribunis plebis, in provinciis Præsidibus earum. Unde dicimus, eos solos jus dandi tutores habere, quibus id nominatim lege aliqua concessum est, l. 6. §. 2. de tut.

Majore parte Tribunorum) Id est, sex: erant enim decem, l. 2. §. 34. de orig. jur. Liv. lib. 3. c. 30. *Halicar. lib. 6.* Hoc autem non sic accipiendum est, quasi Prætor unâ cum sex tribunis, quem vellet tutorem dederit; sed quòd cum omnes Tribuni adhiberentur, ex sententia tamen majoris partis tutor creandus esset, sublato in hac causa jure intercedendi collegarum: cum alioqui vel unius è collegiis intercessione impediri potuisset quod cæteri decrevisset, ut rectè hic monet D. Hotom. & passim testatur Livius.

Q

Tex-

TEXTUS.

Jus antiquum, si nullus sit tutor.

Si cui nullus omnino tutor fuerat, ei dabatur in urbe quidam à Prætoribus urbano, & majore parte Tribunorum plebis tutor ex lege Atilia; in Provinciis verò à Præsidibus provinciarum ex lege Julia & Titia.

NOTÆ.

Ex lege Atilia) Duo hic notanda. 1. jus dandi tutores, non competere Magistratui vi suæ jurisdictionis, sed ex speciali legis concessione, l. 6. §. 2. D. de tut. 2. lege Atilia sublato in hac causa fuisse jus intercedendi collegarum. Hotom.

Leges Julia & Titia) Unica hæc lex fuit, ut lex Julia & Papia; & quando aut à quibus lata sit, parum constat. VINN. Immo constat satis, eam legem latam esse anno U.C. 722. Cæsare Aug. III. & M. Titio Coss. Vid. H. Vales. ad *Excerpta Peiresc. p. 61.* Atilianam contra anno 413. à L. Atilio Regulo, Tribuno plebis, (vid. Liv. l. 9. cap. 30.) latam esse, de Tom. I.

T E X T U S.

Si spes sit futuri tutoris Testamentarii.

1. *Sed est in testamento tutor sub conditione; aut ex die certo datus fuerat; quamdiu conditio, aut dies pendebat, ex iisdem legibus tutor alius interim dari poterat. Item si purè datus fuerat; quamdiu ex testamento nemo hæres existeret, tamdiu ex eisdem legibus tutor petendus erat: qui desinebat esse tutor, si conditio extiterat, aut dies venerat, aut hæres extiterat.*

C O M M E N T A R I U S.

- 1 Tutor ex certo die testamento datus cur statim non fiat tutor.
- 2 Cur placeat testamentariam tutelam in suspensio esse, quamdiu nemo hæres ex testamento existit.
- 3 Quibus casibus accadat, ut inter mortem testatoris & aditionem hæreditatis plusculum temporis intercedat.
- 4 Aliquando etiam ad adeundam hæreditatem impuberi tutorem à Magistratu dandum.

Hic alter casus proponitur, quo tutor à Magistratu datur; nempe si is, qui testamento datus est, impediatur, quominus in præsentia tutelam capessat. Sic enim in universum jus est, ut quamdiu speratur tutela testamentaria, legitima cesset, l. 11. de test. tut. Impedimenta hæc quatuor ex causis potissimum oriuntur; vel quòd tutor testamento datus sit sub conditione; vel quòd ex certo dies vel quòd hæres institutus aditionem hæreditatis protrahat; vel denique quòd qui testamento datus est, ab hostibus captus sit, de quo §. seq.

Sub conditione, aut ex certo die) Ex d. l. 11. de test. tut. De conditione res certa est: quippe quæ actus omnes suspendit, §. 4. inf. de verb. obl. Dies quoque incertus pro conditione est, l. 1. §. 2. l. diei 75. de cond. & dem. De certo die iusta esse poterat dubitandi ratio. Nam sicut obligationi dies certus adjectus non impedit; quominus quod promissum est, præsentis die debeat, §. 2. inf. de verb. oblig. ita & tutor ex die datus videri poterat statim tutor esse, ut jam alius tutor dari non posset propter regulam traditam §. pen. inf. de curat. Sed claudicat comparatio. Quippe ratio non patitur ut dicamus, eum tutorem esse, in quem nihil juris ante diem testator collatum voluit.

2. *Nemo hæres existeret*) Hoc idem traditur in l. 10. pr. de test. tut. & ratio est, quia quam-

diu pendet aditio hæreditatis, tamdiu quoque in suspensio sunt omnia, quæ in testamento scripta sunt; atque ut adita demum hæreditate confirmantur; ita ea non adita una cum testamento corruunt, l. 9. d. tit. Potest autem fieri, ut inter mortem testatoris & aditionem hæreditatis plusculum temporis intercedat, vel quòd hæres sub conditione institutus sit, vel quòd diebus cretionum aut jure deliberandi utatur. Cæterum hæc ad eum dumtaxat casum referri posse videntur, quo confirmatio testamenti pendet ab aditione hæredis instituti. Nam si filium impuberem, quem in potestate pater habet, tutore dato, simul hæredem instituit, is ut suus hæres & necessarius ipso jure hæreditatem capit, §. 2. inf. de her. qual. Atque ut statim post mortem patris & ipso jure hæres existit, ita & tutela hoc ipso statim confirmatur, cum, ut Jo. Faber. loquitur, sinitas pro aditione sit, l. 14. de suis & leg. quod latius persequitur Ant. Fab. jurispr. tit. qui test. tut. pr. 1. ill. 18. At finge, patrem filio impuberi cui tutorem dedit, exheredato, extraneum hæredem instituisse; dum hæres de adeunda hæreditate deliberat; alius interim tutor à Magistratu petendus erit. Idem dicendum est, si pater filio emancipato, sive exheredato, sive præterito tutorem dederit: nam & confirmandus pro testamentario est. Necessè est autem prius testamentum confirmari aditione hæreditatis, quàm à Prætorè confirmetur, qui tutor datus est. Sed & si pater filio emancipato hæredi instituto, aut mater liberis, aut extranei extraneis item hæredibus institutis tutorem dederit; adhuc à Magistratu tutor dandus est ad adeundam hæreditatem, quoniam curatoris auctoritas ad hoc inutilis est, l. 9. de tut. dat. l. 19. de auct. tut. l. 17. §. 1. de appell. Verùm hujusmodi species non videtur ad propositum pertinere, propterea quòd Justinianus hic agit de tutore non ad unum aliquem actum, sed simpliciter dando.

Qui desinebat esse tutor) Pertinebat hoc ad modos, quibus finitur tutela Atiliana; de quibus agitur in §. 2. & pen. inf. quib. modis tut. finitur.

T E X T U S.

Si tutor ab hostibus sit captus.

2. *Ab hostibus quoque tutore capto, ex his legibus tutor petebatur, qui desinebat esse tutor, si is, qui captus erat, in civitatem reversus fuerat. Nam reversus recipiebat tutelam jure postliminii.*

COMMENTARIUS.

A hostibus capto) Idemque erat, si tutor legitimus apud hostes esset, l. 1. §. 2. de legit. tut. Nam propter incertum eventum tutoris reddituri, quo plenius pupillo prospiceretur, tutorem potius quam curatorem dari placuit, arg. l. 17. §. 1. de appel.

Recipiebat tutelam) At quid si tutor captus apud hostes decesserit? Legitimus nimirum, hoc est, agnatus proximus tutelam in prætorio tutore finitam excipiet, arg. l. 9. §. 2. de tut. & rat. distr. l. 11. §. 3. de test. tut. Qua ratione dicendum est, etiam legitimo tutore capto, atque apud hostes mortuo, eum, qui interim à Magistratu datus erat, tutorem esse definire, atque ad insequentis gradus agnatos tutelam reverti.

TEXTUS.

Quando & cur desierint ex dictis legibus tutores dari.

ATQ.

3. Sed ex his legibus tutores pupillis deferunt dari, posteaquam primo Consules pupillis utriusque sexus tutores ex inquisitione dare cœperunt; deinde Prætores ex constitutionibus. Nam supradictis legibus, neque de cautione à tutoribus exigenda, rem pupillis salvam fore; neque de compellendis tutoribus ad tutelam administrationem quicquam cavebatur.

NOTÆ.

1. Primo Consul) Quod à Claudio Cæsare institutum tradit Suet. cap. 23. Plin. 9. ep. 11. datum se à Consulibus tutorem Helvidii filiz.

Ex inquisitione) Apud Theoph. vulgo legitur κατά jurisdictionem, ad quem modum etiam Hotom. locum emendat: sed perperam, & in Mss. Th. est κατά iuxta, teste Fabrot.

Prætores) Scil. soli absque Tribunis. Prætorum tutelarem primus fecit M. Antonius Philos. Capitolinus in ejus vit. cap. 10.

Neque de cautione) Vid. inf. de satisfd. tut. & §. 3.

COMMENTARIUS.

1. Quæ sit ratio cogendi tutores ad tutelam capeendam.

Primo Consul) Primus Imperator Claudius, auctore Tranquillo, sanxit, ut pupillis extra ordinem à Consulibus tutores

darentur. Quod jus videntur Consules aliquando etiam usurpasse, cum jam tutorum creatio ad curam Prætoris potissimè pertineret: arguit certè id locus Modestini in l. 1. §. 1. de conf. tut. in verbis, ex τῆς ὑποτακτικῆς ἐξουσίας.

Ex inquisitione) D. Hotom. reponit, ex jurisdictione; quomodo etiam legisse videtur Theophilus, qui vertit κατά jurisdictionem. Et sanè probabile non est, antea temere & sine ulla inquisitione tutores dari potuisse: quamquam necesse non est, textum ob id mutare; nam fortassis constitutionibus demum ratio inquirendi certo definita est. Discimus autem ex Modestino, quatuor potissimum in rebus eam consistere, ut inquiretur tutor creandus sitne vitæ frugi, & honestis moribus; Situe locuples? Num se ingerere voluerit, ut crearetur? Denique num pecunia data tutelam ambierit? L. scire oportet. 23. §. ult. de tut. & cur. dat.

Prætores ex constitutionibus) Jul. Capitolinus cap. 10. hoc tribuit M. Antonio Philosopho: Prætorum, inquit, tutelarem primus fecit, cum ante tutores à Consulibus poscerentur, ut de tutoribus diligentius tractaretur. Atque hic iterum observandum, neque Consules, neque Prætores vi imperii aut Magistratus sui jus dandi tutores habuisse; sed tum demum habere cœpisse, postquam id iis specialiter datum est constitutionibus Principum.

Nam supradictis legibus) Duplicem causam affert, cur tandem ex legibus Attilia, Julia, & Titia tutores amplius dari non placerit: una est, quia istis legibus nihil cavebatur de satisfactione à tutoribus exigenda, rem pupilli salvam fore; altera, quia nihil definebant de compellendis tutoribus ad tutelæ administrationem: quod utrumque factum est constitutionibus. Neutrum autem proprium est hujus generis tutorum: nam cautio vel maxime ad legitimos pertinet, ut videbimus inf. de satisfd. tut. Coactio verò omnium tutorum communis est. Coguntur autem extra ordinem remediis prætoris, videlicet multæ ditione, aut captis pignoribus, l. 1. de adm. tut. l. 3. C. de susp. tut. l. 9. de mun. & bon. §. pen. inf. de satisfd. tut. Nostri moribus certo loco addici solent cautionæ, sive divorsoria, quæ forma compellendi & exequendi Esfelingæ vocatur, & apud nos usitata est in præstatione facti, vid. art. 31. ord. just. & art. 14. cum 2. seqq. amp. Inst. cur. Compelli tamen & alias paratæ sive præsentaneæ executionis via possunt, si hoc consultius videbitur, art. 11. stat. Rhiinland.

TEXTUS.

Jus Novum.

4. Sed hoc jure utimur: ut Roma quidem Præfectus urbi, vel Prætor secundum suam jurisdictionem; in provinciis autem Præsides ex inquisitione tutores crearent, vel Magistratus jussu Præsidentum, si non sint magna pupilli facultates.

NOTÆ.

4. Secundum suam jurisdictionem) Prætoris imperium mutis urbibus desinebatur, Præfecti urbis usque ad centesimum lapidem, l. 1. §. 1. de offic. præf. urb.

Præsides) Hoc nomine hic videntur intelligi omnes, qui provincias regunt, non soli legati Cæsaris, l. 1. D. de offic. præf. junct. l. 1. D. de tut. dat.

Ex inquisitione) Quæ quibus in rebus consistat, docet Mod. l. 21. §. pen. & ult. de tut. dat.

Magistratus) Intellige municipales, l. 3. d. tit. l. 2. §. 23. D. ad sen. Tertyll. Græci ὑπαρχοὶ appellant. Theoph. & Basil.

COMMENTARIUS.

- 1 Jure Magistratus quæ competere dicantur, & quæ specialiter tributa.
- 2 Ea quæ jure Magistratus competunt, mandata jurisdictione transire; specialiter concessa non item.
- 3 Vocabulo jurisdictionis latè sumpto; etiam ea, quæ specialiter tribuuntur, non obscurè eo referri.

Præfectus urbi) Qua primùm lege tutoris dandi potestas Præfecto urbis data sit, non memini legisse: datam tamen constat, l. Titius 45. §. Roma 3. de exclus. l. 1. C. de tut. illust. Olim hic Magistratus juri dicendo constituebatur ad tempus, Regibus aut Magistratibus utribus profectis. Post coepit constitui ad paucos dies tantum; quoad solemne sacrum feriarum Latinarum peractum esset. Primus Augustus præfecturam urbanam perpetuam fecit, teste Tacito 6. annal. cap. 10. 11. Auxit deinde potestatem Præfecti Divus Severus, dataque ei cognitio de omnibus criminibus, non tantum in urbe, sed etiam in Italia, usque ad centesimum ab urbe lapidem, l. 1. de offic. præf. urb. Consulatur Gruch. 2. de comit. 2. VINN. Immo jam ab Augusti temporibus cognitio aliqua de criminibus penes Præfectum præto-

rio fuisse videtur. Id enim velle puto Tacitum l. c. verbis: qui coereret servitia, & quod civium audacia turbidum, nisi vim metuat. Mox pleraque crimina à Præfecto urbi vindicata. Idem enim Tacitus lib. 14. Annal. c. 41. auctor est, Valerium Ponticum ignominia relegationis adfectum, quod reos ne apud præfectum urbis arguerentur, ad Prætores detulisset conf. Tacit. Hist. lib. 2. c. 63. sequ. Dosithe. Epist. Hadr. cap. 7. Unde Severus territorium tantum hujus jurisdictionis ad centesimum ab urbe lapidem protulisse videtur. HEIN.

Secundum jurisdictionem) Quod semel atque iterum in transitu diximus, tutoris dationem Magistratui non competere jure sui Magistratus, aut vi jurisdictionis, quam habet, sed ex speciali concessione vel legis vel Principis, id operæ pretium est explicatius considerari: ita enim planè intelligimus, quid his verbis, secundum jurisdictionem suam, Justinianus significet; & simul utrum mandata jurisdictione, jus dandi tutores transeat, nec ne? Jure Magistratus competere propriè dicuntur, quæ quisque Magistratus ex natura officii sui habet, sive ob id, quod propterea initio creatus est. Igitur quæ Prætor habet ut Prætor, Præses ut Præses, &c. jure sui Magistratus habere dicuntur. Verbi causa, Prætor initio constitutus est ad hoc, ut in urbe juri dicendo præset, l. 2. §. cumque consules 27. de orig. jur. Prætori igitur jure Magistratus sui competit jurisdictionis & imperium, quod jurisdictioni cohæret, in causis, de quibus, & inter personas, quibus jus reddere jussus est. His opponuntur quæ specialiter lege aliqua vel constitutione Magistratus postea tributa sunt, l. 1. de offic. ejus cui mand. cujusmodi est imperium, quod dicitur merum, d. l. 1. item actiones legis, quæ in specie sic appellantur, ut adoptio, emancipatio, manumissio, arg. l. 2. & 3. de offic. procons. l. 1. de offic. jur. d. l. 1. C. de adopt. Paul. 2. sent. 25. atque hujus quoque generis est tutoris datio, l. 6. §. 2. de tutel. Ex quo loco apparet, lege concedi non tantum ea dici, quæ in causis singulis specialiter singulis conceduntur, puta Titio aut Mævio: sed etiam quæ in universum tribuuntur, & sub nomine officii, puta Prætori, Præsidi, &c. Quæ jure Magistratus competunt, natura sua insunt jurisdictioni, & ideo mandata jurisdictione transeunt; quæ autem specialiter Magistratui concessa sunt, non transeunt, quia ea non ex natura officii sui habet, sed ex nova & adventitia auctoritate, quæ ad officium & jurisdictionem Magistratus, cui tributa sunt necessario non pertinet, l. 1. de offic. ejus cui mand.

mond. l. 8. de tut. & cur. dat. d. l. 2. & 3. de off. procenf. Cæterum fi latius verbum iurisdictionis, aut hæc verba, jure Magiftratus, accipias, etiam ea, quæ ita, uti diximus Magiftratus fpecialiter concessa funt, ad officium ejus aut iurisdictionem pertinere haud absurdè dixeris, arg. l. 1. de iurisd. l. 3. pr. de post. l. 3. §. 1. jud. solv. d. l. 2. §. 1. de off. proconf. utique accessione novæ auctoritatis plenius atque auctius officium ejus factum est. In latiori autem hac fignificatione accipiendum, quod hic dicitur, secundum iurisdictionem: quamquam hæc verba & aliam interpretationem satis commodam admittunt; nimirum ut intelligamus Prætozem non alio in loco tutorem dare posse, quam in quo iurisdictionem habet, neque aliis personis, quam quæ iurisdictioni ejus fubjectæ funt, per l. 1. in fin. l. 3. de tut. dat. l. ult. de iurisd. ut secundum territorium iurisdictionis suæ: puta Romæ dumtaxat, aut in vicinis urbi municipiis, arg. l. 5. de confirm. tut. D. Tulden. hic cap. 3. post Mynf. & alios.

Præfides) Generali nomine Præfidis Proconfulis & præfectus Egypti, omnesque, qui provincias regunt, appellantur, l. 1. de off. pref. quibus item omnibus tutores dare permiffum est, l. 1. de tut. & cur. dat. Specialiter autem Præfides dicuntur, qui aliàs legati Cæfaris, l. pen. ff. de off. pref. nimirum qui mittebantur in provincias Principis, seu eas, quas Principes fibi reservaverant. De quo vid. Dion. lib. 53. Sueton. in Aug. c. 47.

Magiftratus juffu præfidum) Hoc non ita accipiendum est, quasi vi hujus juffus aut mandati Magiftratus municipales tutores dare poterint: (nam iis quoque hoc jus fpecialiter datum est, l. 3. de tut. dat.) sed ideo dicitur, quia non ante hoc jus usurpare poterant, quam rem ad Præfidem, cujus primæ partes erant, detuliffent, ifque eam, quod forte aliis negotiis advocaretur, nec magnæ effent pupilli facultates, ad eos remiffiffet, l. 1. §. fi præf. 3. & §. fi curatores §. de mag. conv. Nec admodum difsimile est exemplum Legati Proconfulis, qui mandata demum à Proconfule iurisdictione tutorem dare potest, l. 13. junct. l. pen. de off. proconf. nec tamen propter mandatam iurisdictionem, sed quia id ei fpecialiter datum est oratione Divi Marci, l. 1. §. 1. de tut. dat. ea nempe lege, ut id demum exercere poffit, postquam ei mandata est iurisdictione, ut illa iurisdictionis delegatio tantum fit neceffarium antecedens & caufa sine qua non. VINX. Mandari non poterat tutoris datio. Difertè enim Ulpianus l. 8. ff. de tut. &

cur. dat. Nec mandante præfide alius tutorem dare potest. Unde rectè Vinnius ait, fuo proprio jure Magiftratus municipales tutores dediffe, quia id illis concessum oratione D. Marci l. 3. ff. cod. at non fimpliciter, sed fi à Præfide tutorem dare juffi funt. Rem omnem præclare exposuit V. C. Ger. Nood. de iurisd. lib. 2. cap. 8. p. 127. HEIN.

T E X T U S.

Jus Noviffimum.

5. Nos autem per constitutionem nostram hujusmodi difficultates hominum refecantes, nec expectata juffione Præfidum, difpofuimus, fi facultates pupilli, vel adulti ufque ad quingentos solidos valeant, defensores civitatum unâ cum ejusdem civitatis religiofiffimo Antifite; vel alias personas publicas, id est, Magiftratus, vel iuridicum Alexandrina civitatis, tutores vel curatores creare: legitima cautela secundum ejusdem constitutionis normam præftanda; videlicet eorum periculo, qui eam accipiunt.

N O T A.

5. Constitutionem) Intelligit l. 30. Cod. de Episc. aud.

Quingentos solidos) Quod fi pupilli majores funt quingentenariis; à Præfidibus dabitur tutor.

Defensores civitatum) De defensoribus civitatum vid. lib. 1. Cod. tit. 55. Nov. 15. περί τῶν ἐκδίκων, Alc. 3. disp. 5.

Religiofiffimo Antifite) Εὐλαβεὶς τῶν ἐκδικῶν. Th. in constitutione, Θεοφιλοτάτῳ, Deo chariffimo.

Juridicum) Cui etiam olim data est legis actio, & jus tutores dandi, l. 1. §. 2. de off. iurid. διακονεὶς exponitur in Basil.

C O M M E N T A R I U S.

Quod jure veteri obtinebat, ut Magiftratus municipales non aliter rectè tutores crearent, quam fi id facere à præfide juffi aut moniti effent; id ex parte à Justiniano mutatum est, constitutumque, ut fi pupilli facultates non excedant summam 500. solidorum, liceat Magiftratribus cum civitatis Epifcopo tutores creare, Præfidis juffu non expectato, l. sancimus 10. C. de episc. aud. Ergo fi majores funt pupilli facultates, juffus Præfidis, ut ante, expectandus erit.

Quingentos solidos) Solidum idem effe quod au-

aureum, ex innumeris locis patet. Aureus centum continet valetque sestertius. Ergo quingenti aurei, sive solidi efficiunt quinquaginta HS. millia; nostræ monetæ Caroleos bis mille quingentos. Vid. Brisson. & Hotom. in *comm. de verb. sign.* Ex professio autem hanc rem tractant Budæus de *asse*, & item Hotom. de *re nummaria*.

Vel alias publicas personas) Id est, Magistratus; quos singulæ civitates more suo, atque instituto habent. Cujacius scribit, constitutionem Justiniani exigere, ut legamus, *vel aliis publicis personis, vel Magistratus*.

Juridicum Alexandrinæ civitatis) Cur etiam jam ante jus tutores dandi constitutione D. Marci darum fuit, l. 2. de *off. jurid.* & generaliter legis actio, l. 1. *ead. tit.*

Eorum periculo) Magistratum nimirum minorum, quorum jam facta est mentio. Hi enim ut satisfactionem exigebant, ita & pupillis in subsidium tenebantur, *tit. de mag. conv. §. 2. & ult. inf. de satisf. tut.* quod nunc ferè abiit in desuetudinem, ut illic notamus.

TEXTUS.

Ratio Tutelæ.

6. *Impuberes autem in tutela esse naturali juri conveniens est: ut is, qui perfecta ætatis non sit, alterius tutela regatur.*

NOTÆ.

6. *Juri natura*) Tutela ortum à jure naturali sumpsit: quippe cui juri omnino consentaneum ut alterius prudentia regatur, qui ipse se defendere non potest. Cic. 1. de *off. cap. 34.* Incrementum autem & formam à jure civili.

COMMENTARIUS.

Tutela ex eorum numero est, quæ in genere & quasi in abstracto considerata sunt juris gentium in specie & concreto juris civilis. Nam ut ineuntis ætatis infirmitas atque imbecillitas alterius provectionis prudentia atque arbitrio constituitur ac gubernetur, juri naturali conveniens est; Cic. 1. de *off. c. 34.* Arist. 1. *pol.* quod & apud omnes gentes procul dubio observatur. At forma regendi, qualitas personæ tutoris, ejusque constituendi modus, potestatis, quam habet, circumscriptiones hæc omnia sunt juris civilis, prout quæque civitas ordinaverit.

Perfecta ætatis non sit) In calce §. *ult. prac.*

tit. notavimus, perfectam ætatem in jure civili eam plerumque dici, quæ est annorum 25. Hic autem pinguius, non esse perfectæ ætatis, accipitur pro, non esse puberem, quamquam etiam ad puberes minores 25. annis, quod hic dicitur, quadrare potest.

TEXTUS.

De tutelæ ratione reddenda.

7. *Quum ergo pupillorum pupillarumque tutores negotia gerant; post pubertatem tutela judicio rationem reddunt.*

NOTÆ.

7. *Post pubertatem*) Vel alio modo tutela finita, *tit. D. de tut. & rat. distr.* nisi autem finita sit tutela, tutelæ agi non potest, l. 4. *pr. l. 9. §. 4. d. tit.*

COMMENTARIUS.

1. *Moribus nostris tutores etiam singulis annis rationem reddere administrationis suæ.*

Hic locus obiter tutores admonet officii sui atque administrationis; quod in *Pand. & C.* copiosè explicatur *tit. de admin. tut. ad. Grot. 1. man. 9. art. 21. & seqq. stat. Rhynland.*

Post pubertatem) Quippe tutelæ agi non potest, nisi tutela finita sit, l. 4. de *tut. & rat. distr.* ejusque rei hanc rationem reddit Ulp. l. 9. §. 5. *generaliter 4. eod. t.* quòd absurdum sit, à tutore rationem administrationis negotiorum pupilli reposci, in qua adhuc perseverat: quam ob causam nec à curatore rationes curæ administratæ durante officio actione utili sive tutelæ sive negotiorum gestorum exigi possunt, l. 2. l. *rationes 14. C. de adm. tut.* Hoc dissimile est, quòd curatores durante adhuc ratione singularum rerum nomine conveniri possunt, l. 16. §. 1. de *tut. & rat. distr. l. cum curatore 26. de adm. tut. l. 1. §. 3. in fin. de cont. tut. att.*

Tutela judicio) In omnibus, quæ fecit tutor, cum facere non deberet, item in his, quæ non fecit, tutelæ judicio rationem reddit, præstando dolum, & culpam & quantum in suis rebus diligentiam, *leg. 1. de tut. & rat. distr.* nec potest hæc rationis reddendæ necessitas à patre testamento remitti, l. 5. §. *Julian. 7. de adm. tut.* quamquam inventarii solemnis confessio prohiberi potest, ne secre-

in patrimonii pandantur, leg. ult. §. 1. Cod. de ar. tut. de quo vid. Montan. de jure tut. c. 17. r. 4. de confect. inv. n. 98. & seqq. Mol. l. 1. fong. 19. Rationem reddere nostratibus est; *Rekening bewijst en reliqua doen*: id est, quod facere nostro jure tutores tenentur non solum finita tutela, sed etiam quotannis; jux-

ta ar. 44. dd. stat. & ea quæ in fin. d. cap. 9. notat Grot. quod etiam per universam Germaniam observatur ex constitutione Caroli V. teste Schneid. hic Wvessemb. par. de adm. tut. n. 3. & jure Canonum jam ante obtinuisse, arguit Clement. 2. de relig. dom. & cap. 1. de celer. agrot. Zypæ not. jur. Belg. de iust. vers. tut.

TITULUS VIGESIMUS PRIMUS.

DE AUCTORITATE TUTORUM.

D. Lib. 26. Tit. 8. C. Lib. 5. Tit. 59.

Ratio dispositionis.

Tria potissimum sunt, in quibus gubernatio tutoris consistit; in persona pupilli tuenda; in rebus ejus gerendis; in auctoritate ei præstanda. Tutio educationem, institutionem, defensionemque pupilli continet. In rerum administratione tutoris officium est, ut omnia ex utilitate pupilli bona fide curet. Auctoritas ad ea pertinet, quæ pupillus ipse gerit; neque aliud est, quam probatio ejus, quod à pupillo vel cum pupillo geritur, l. 3. *hoc tit.* Duo priora hic omissa sunt, & fortasse consulto, quia eorum tractatio prolixior visa est, quam ut operi Isagogico inferi debuerit. In Pand. autem & Cod. diligenter exposita sunt *tit. de adm. tut.* Tantum §. ult. *sup.* l. levis quædam mentio facta est administrationis & reddendarum rationum; unde tamen ordinis ratio petenda videtur & continuatæ tractationis, arg. ordinis Pand. Duo autem hic docet Justinianus; quibus in negotiis necessaria sit tutoris auctoritas, & quomodo interponenda.

gantur: at invicem pupilli non obligantur.

NOTÆ.

Auctoritas tutoris) Tutores vel negotia gerunt ipsi, vel pupillis negotium gerentibus auctoritatem interponunt. Ulp. l. 11. §. 24. id est negotium confirmant: hoc enim est auctoritatem fieri, l. 3. *hoc tit.*

Si quid dari sibi) Pupillus, qui jam aliquem intellectum habet rectè sibi dari, sine tutore stipulatur, l. 9. *pr. eod.* §. 9. *infr. de inut. stip.* l. 1. *C. de act. prest.* aut aliquid sibi remitti, l. 2. *D. de accept.* & in universum quantum ad acquirendum non indiget tutoris auctoritate, l. 11. *D. de acq. rer. dom.*

Si aliis promittant) Aut quid remittant, alienentve, l. 5. l. 9. *hoc t.* §. ult. *inf. quib. al. lic.* aut hæreditatem adeant, §. 1. *inf. eod.*

Meliorum conditionem facere) Neque enim eis invidendum, ut rem suam augeant sine tutore, qui magis custos datum videtur pupillo, ne rem suam perdat. Fabrot.

Obligationes mutua) Qui contractus cum aliis initi ultro citroque obligationem pariunt; initi cum pupillo sine tutoris auctoritate eos solum obligant, qui cum pupillo contraxerunt, l. 13. §. *propen. D. de act. empt.* l. 33. *D. pro soc. l. 1. §. ult. D. commod. à patre autem pupilli claudicant συναλλάγματα.*

TEXTUS.

In quibus causis sit necessaria.

Auctoritas autem tutoris in quibusdam causis necessaria pupillis est, in quibusdam non est necessaria, ut ecce, si quid dari sibi stipulentur, non est necessaria tutoris auctoritas: quod si aliis promittant pupilli, necessaria est tutoris auctoritas. Namque placuit, meliorem quidem conditionem licere iis facere etiam sine tutoris auctoritate, deteriori vero non aliter quam cum tutoris auctoritate; unde in his causis, ex quibus obligationes mutua nascuntur, ut in emptionibus, venditionibus, locationibus, conductionibus, mandatis, depositis, si tuto iis auctoritas non interveniat, ipsi quidem, qui cum his contrahunt, obli-

COMMENTARIUS.

In quibusdam causis necessaria) Ubi tutor ipse negotium gerit, supervacua est auctoritas. At pupillo gerente, quod aliquando necessarium est, puta si de servo manumittendo, aut de adeunda hæreditate agatur, aut constituendo procuratore, §. 1. *inf. eod.* §. ult. *inf. de curat.* locus est auctoritati tutoris: ea-

que

que in quibusdam rebus, quæ à pupillo geruntur, necessaria est; in quibusdam non est. In quo hæc distinctio pro utilitate pupillorum recepta est, ut ipsi contrahendo aut aliud gerendo, meliorem quidem conditionem suam facere possint etiam sine tutoris auctoritate, deteriorem verò non possint, nisi cum tutoris auctoritate, *leg. 9. hoc tit. leg. 28. de pact. l. 11. de acq. rer. dom. Et rectè, nam ubi nullum incommodum metuitur, frustra expectatur tutoris auctoritas, quæ ad hoc solum comparata est, ut in metu periculi pupillo per eam consulatur. Quòd si culpa tutoris in damnum inciderit pupillus, eo nomine tutorem obligatum habet iudicio tutelæ. Notandum autem est, hanc distinctionem pertinere ad pupillum infante majorem: nam infans ne tutore quidem auctore quicquam gerere potest, vid. *inf. §. pupillus. 9. de inut. stip.**

Si quid dari sibi stipulentur) Nullum enim periculum est, stipulari, inquit ille apud Plaut. in *Pseudol. act. 4. scen. 6. v. 14.* Idem est, si paciscantur aut stipulentur, ut id quod debent, eis remittatur aut acceptum feratur, *d. l. 28. de pact. l. 2. de accept.*

Aliis promittant) Aut rem suam alienent; actionem remittant; quod eis debetur, repudient; debitam pecuniam solvant, creditam accipiant, *l. §. l. 9. hoc tit. l. 11. de acq. rer. dom. §. ult. inf. quib. al. lic.*

Ex quibus obligationes mutuas) Ex quibusdam contractibus mutue obligationes, id est, ex utraque parte nascuntur, ut in emptione, locatione, mandato, societate, & aliis id genus: tam enim, verbi causa, obligatur emptor ad pretium solvendum, quàm venditor ad rem præstandam. Ex quibusdam verò nascitur obligatio ex una parte tantum, ut in mutuo solus obligatur, qui accipit; in stipulatione, qui promittit, *l. 19. de verb. sign.*

Qui cum his contrahunt obligantur) Qui contractus cum aliis initi ultro citroque; obligationem pariunt; hi, si cum pupillo contractum sit sine tutoris auctoritate, ab uno tantum latere constant, eoque solum obligant, qui cum pupillo contraxerunt, pupillos non item, *l. Julianus 13. §. antep. de act. empt.* Ratio hujus juris partim est favor pupillorum, partim quòd qui cum pupillo contrahit, cuius ætatem aspectus ipse indicat, suæ temeritati id imputare debeat, per *l. qui cum alio 19. de reg. jur.*

Non obligantur) Nisi in quantum locupletiores facti sunt, *l. 1. l. §. §. 1. hoc tit.* Natura enim æquum est, neminem locupletari cum alterius jactura, *l. 14. de cond. ind. An pupil-*

lus sine tutoris auctoritate ex conventionne saltem naturaliter aliquando obligetur, & quam vim ea obligatio habeat jure civili, disputamus *inf. de inut. stip. sub §. pupillus 9.*

T E X T U S.

Exceptio.

1. *Neque tamen hereditatem adire, neque bonorum possessionem petere, neque hereditatem ex fideicommissio suscipere aliter possunt, nisi tutoris auctoritate, (quamvis illis lucrosa sit) ne ullum damnum habeant.*

N O T A.

1. *Neque hereditatem adire*) Ex Cajo *leg. 9. §. 3. hoc tit.* cujus rei non alia ratio querenda, quàm quòd factio suo sine tutore le obligare non possunt, *d. l. 9. pr. l. 8. D. de acq. her.* Non pertinet quidem hoc ad suos hæredes, beneficio tamen Prætoris abstinentium eadem causa, *§. 2. inf. de her. qual. & diff. §. 1. inf. de her. qua ab int.*

Neque bonorum possessionem, &c.) Bonorum possessionis & fideicommissi hereditatis eadem quæ hereditatis jure civili aut directo delata ratio, *inf. lib. 3. t. 10. & lib. 2. t. 23.*

C O M M E N T A R I U S.

Hereditatem adire) Pupillus hereditatem sibi relictam sine tutoris auctoritate adire non potest, *l. 9. §. 3. hoc tit.* Cuius rei non alia ratio querenda, quàm quòd factio suo sine tutoris auctoritate le obligare non potest, *l. 8. de acq. her. d. l. 9. pr. hoc tit.* At inquis, potest conditionem suam meliorem facere, etiam si tutor auctor non sit. Fateor, modò ne ipse obligetur; ideoque à parte pupilli claudicant τὰ συναλλαγmata. Fieri autem non potest, ut pupillus hereditate quaesita non obligetur ut hæres creditoribus hereditariis & testamentariis; illis ut defuncti personam repræsentans; his ipsa additione hereditatis. Neque enim hic est, quòd creditoribus: aut legatariis imputetur, qui cum pupillo hærede non contrahunt, sed in eum incidunt, quòd & Myns. observavit. Alia vulgo ratio assertur periculum scilicet æris alieni quo emergente incipiat damnosa esse hereditas: multaque insuper in hæredibus esse metuenda, vexationem, negotiorum multitudinem, offensas, invidiam, *l. 4. ad sen. Treb.* Itaque quia iudicio animi hic opus sit, necessaria

riam esse tutoris auctoritatem, l. 189. de reg. jur. Quæ ut vera esse fateamur, illud tamen adhuc relinquatur, cur non saltem favore pupillorum sustineatur hæreditatis acquisitio, quatenus illis lucrosa sit. Loquimur autem de pupillis extraneis hæredibus, quippe quibus ad acquirendam hæreditatem aditione opus sit: nam sui hæredes sine facto suo ipso jure hæredes fiunt etiam ignorantes, l. 8. de acq. her. §. 2. inf. de her. que ab ins. def.

Neque bonorum possessionem) Ob eandem nimirum rationem, quia bonorum possessio vi ipsa nihil aliud est, quam hæreditas, & in omnibus vice hæredum bonorum possessores habentur: de quo inf. lib. 3. tit. de bon. poss.

Hæreditatem ex fideicommissio) Et hoc eandem rationem habet: nam cum restituta hæreditate actiones omnes, quæ hæredi in hæredem competunt, ex S. C. Trebelliano transferantur in fideicommissarium, si pupillus ex fideicommissio hæreditatem susceperit; eo facto perinde obligabitur, ac si quamlibet hæreditatem adisset. De fideicommissariis hæreditatibus tractabitur inf. lib. 2. tit. 23.

Ne ullum damnum habeant) Melius meo iudicio Cujac. Hotom. Wesemb. legunt, *quavis illis lucrosa sit, nec ullum damnum habeat, sine parentesi*: quomodo & apud Cajum legitur in Pand. & legisse etiam videtur Theophil.

TEXTUS.

Quomodo interponi debet.

2. Tutor autem statim in ipso negotio præsens debet auctor fieri, si hoc pupillo prodesse existimaverit. Post tempus verò, vel per epistolam, aut per nuntium interposita auctoritas nihil agit.

COMMENTARIUS.

EXponitur hic modus seu forma interponendæ auctoritatis ex Cajo d. l. 9. §. tutor. §. b. rit. Hic modus, ut legitimus habeatur, duo desiderat; ut tutor in negotio, quod cum pupillo geritur, præsens sit; ut statim atque peractum est, auctor fiat. Præsentia ideo desideratur, ut certo cognoscat tutor, quid negotii, qua fide geratur: ac proinde non sufficit corpore præsentem esse, nisi & animo sit, & intelligat quale sit quod contrahitur, l. 14. cod. junct. l. 1. in fin. & l. 2. cod. Cur autem statim & quasi calente adhuc negotio auctor fieri debeat, hæc ratio est. Quia interpositio auctoritatis integrat quodammodo personam pupilli, qui per se contrahere

non potest: efficitque, ut actus sustineatur, qui alioqui ipso jure invalidus ex intervallo non posset confirmari. Non est autem necesse, ut & is præsens sit, qui cum pupillo contrahit; potest enim ille aliquid vendere aut locare pupillo per epistolam, & tutor auctoritatem pupillo accomodare, d. l. 9. §. ult. Illud quoque sciendum est, auctoritatem semper purè à tutore interponendam esse, non conditionaliter, quamvis conditionaliter cum pupillo contrahatur, l. 8. cod. VINN. Ratio, cur præsens in ipso negotio statim auctoritatem interponere teneatur, hæc reddi potest proprii, quòd illa interpositio auctoritatis fuerit actus legitimus. Quod & inde patet, quòd non admittat conditionem, l. 8. ff. hoc sit. HEIN.

In ipso negotio præsens debet auctor fieri) Tutoris auctoritas perfectò negotio interponitur, ut disertè scribit Ulp. l. si quis 25. §. justum 4. de acq. her. Quamobrem hæc oratio vel sic resolvenda est, tutor in ipso negotio præsens statim debet auctor fieri. Ut intelligamus, & præsentiam tutoris in ipso negotio, dum adhuc geritur, requiri, & statim ut negotium perfectum est, auctorem fieri oportere; quod & arguit mox sequens illatio, *post tempus verò, &c.* Vel si hæc verba, *in ipso negotio*, ad illa auctor fieri, referre malis, in ipso negotio fieri intelligi debet, non quod sit, cum nihil dum gestum; (quid enim tunc probet tutor?) sed quod sit, negotio quidem cum pupillo jam gesto, sive tractatu præsentem tutore habito, sed statim & in continenti subsequitur, & tractatum illud concludit ac firmat. Sic in l. 1. de solut. in solutione sive in re præsentia constituere dicitur, in quam causam solutum velit, qui statim atque solutum est, constituit. Cæterum hæc subtilitas hodie insuper habetur. Autumn. collat. jur. in d. l. 9. §. tut. §. VINN. Vulgo huic §. 2. b. 1. opponunt l. 25. §. 4. ff. b. 1. Ubi & perfectò negotio auctoritatem interponi posse, ait Ulpianus. Conciliationem tentavit Cujac. Obs. lib. 13. cap. 31. Gothofredus in Comment. ad Reg. jur. 29. p. 169. ipsum Ulpiani textum sollicitat, & pro perfectò negotio rescribi jubet *provestto negotio*. Acuta sed minus necessaria correctio. Præsens tutor interponebat auctoritatem, sed perfectò negotio. Perfectum verò erat negotium, quando id peractum, à quo substantiam capiebat negotium, ex. grat. in stipulationibus, ubi congruè à pupillo responsum fuerat, auctoritatem interponebat tutor tanquam perfectò jam negotio. Hinc elegans illa ac subtilis questio in Fragm. Regul. ex veterè JCro §. 15. utrum, si

fœmina absens fœminittat, tutor auctor fieri debeat, dum fœmina scribat Epistolam, an, dum servus cognosset domini voluntatem? Dubium enim erat, quo momento libertas ἀπαρτίζονται, peragatur, id est quo momento perfectum sit negotium? HEIN.

TEXTUS.

Quo casu interponi non potest.

3. Si inter tutorem pupillumque iudicio agendum sit: quia ipse tutor in rem suam auctor esse non potest; non pratorius tutor (ut olim) constituitur, sed curator in locum ejus datur: quo curatore interveniente iudicium peragatur; & eo peracto curator esse definit.

NOTÆ.

3. Non pratorius tutor ut olim) Moribus receptum fuerat, ut hoc casu tutorem habenti tutor daretur. Ulp. t. 11. §. 23, propter solemnitatem iudiciorum, l. 19. hoc tit.

COMMENTARIUS.

Judicio agendum sit) Nec plures sint tutores, alioqui nisi cum omnibus pupillo lis sit, unus ex iis auctor erit, l. si plures 24. de test. tut. Intellige autem, si iudicio agendum sit de aliis rebus quàm de administratione tutelæ: nam tutelæ agi nisi finita tutela non potest, l. 4. de tut. & rat. distr.

In rem suam auctor esse non potest) Regula est, tutorem in rem suam auctoritatem accommodare non posse, l. 1. & 7. hoc tit. quemadmodum nec iudex quisquam, aut testis in sua causa esse potest, l. 10. de jurisd. l. nullus 10. de testib. Et in casu proposito hoc alioqui absurdi eveniret, ut idem in eodem negotio & actor esset & reus. At enim nihil prohibet auctoritas, quominus negotium per consequentias etiam tutori geratur, d. l. 7. quod exemplo declaratur, d. l. 1.

Non pratorius tutor) Prætorianum appellari

scribit Ulpian. & moribus pupillo dari, qui cum tutore suo, legitimo iudicio agere vult, tit. 11. de tutel. §. moribus 24. Hæc igitur exceptio fuit regulæ ejus quæ prohibet, tutorem ad certam rem vel causam dari, §. pen. sup. qui test. tut. item alterius; quæ traditur, §. interdum §. infr. de curat. tutorem habenti tutorem dari non posse. Cur autem necesse fuit hoc casu tutorem dari? Nimirum quia judicia erant solemnia & ordinaria: ad ea autem, quæ solemnitatem juris desiderant explicanda, tutore auctore opus erat, l. curatorum 19. hoc tit. l. cum in una 17. §. 1. de appell. l. ult. G. de in lit. tut. dand.

Curator datur) Postquam judicia extraordinaria esse cœperunt, sublato solemnium veterum formularum ritu, infr. tit. de succ. subl. & in. de interd. §. ult. & Cod. de form. & imp. subl. quæ per quemvis procuratorem expediri poterunt, ad ea tractanda & curatorum dari sufficere visum est. Unde existimo, Tribonianum verbum curatoris, in locum tutoris subjecisse in ll. 3. 4. §. de tutel. l. 24. de test. tut. & simil. loc. Jure novo hæc disputatio penè supervacua est, quo vetuit Justinianus debitorem creditoremve pupilli tutorem creari eique, qui pupillo, aut cui pupillus post cœptam tutelam debere cœpit, perpetuum curatorem adjungi voluit, Nov. 72. c. 1. & 2. Dixi autem penè: quia video plerisque hinc eximere tutores ex certa scientia testamentum datos. DD. in autb. minoris, C. qui dar. tut. Schneid. hic num. 5. Montan. de tut. c. 9. n. 67. & seqq. atque ita iudicatum refert A. Fab. C. tit. 20. lib. 5. def. 1. Sand. lib. 2. tit. 9. def. 1. Mynsingerus item excipit ex inquisitione datos; quod vix est ut probare possim. Illud constat, matrem & aviam non impediri debito aut credito, quominus filiorum suorum aut nepotum tutelam gerant, autb. ad hæc, C. quand. mul. off. tut. & multo igitur magis excipiendum pater & avus, ut curia Frisæ censuit, teste Sand. d. lib. & tit. def. 2.

TITULUS VIGESIMUSSECUNDUS.

QUIBUS MODIS TUTELA FINITUR.

Cod. Lib. 5. Tit. 60.

Continuatio & methodica Tituli explicatio.

Dictum est, quibus modis tutela constituitur; quæ constitutæ vis atque auctoritas: reliquum est, ut videamus, quamdiu perseveret, quibusque modis ea finiatur. Modi finiendæ tutelæ

varii sunt, tum ex persona pupilli, tum ex persona tutoris, tum ex persona utriusque. Item quidam communes sunt omnibus tutelæ speciebus, quidam proprii quarundam; sicut ex progressu apparebit. In summa autem duorum

rum horum modorum altero semper finitur, aut ipso jure, aut interventu Magistratus.

T E X T U S.

De pubertate.

Pupilli pupillaque, cum puberes esse coeperint, à tutela liberantur. Pubertatem autem Veteres quidem non solum ex annis, sed etiam ex habitu corporis in masculis aestimari volebant. Nostra autem majestas, dignum esse castitate nostrorum temporum existimans, bene putavit, quod in feminis etiam antiquis impudicum esse visum est, id est, inspectionem habitudinis corporis, hoc etiam in masculos extendere. Et ideo nostra sancta constitutione promulgata, pubertatem in masculis post decimum quartum annum completum illico initium accipere disposuimus: antiquitatis normam in feminis bene positam in suo ordine relinquentes, ut post duodecim annos completos viri potentes esse credantur.

N O T Æ.

Sed etiam ex habitu corporis) Priscus cum puberem esse dicebat, in quem utrumque concurrat, & habitus corporis, & numerus annorum. Ulp. tit. 11. in fin.

Inspectionem habitudinis corporis) Sunt, qui negent tale quid apud Romanos factitatum, & impudicam illam inspectionem corporum Romanis moribus indignam esse existimant.

Nostra constitutione) Extat in l. ult. Cod. quand. tut. vel cur. esse design.

C O M M E N T A R I U S.

- 1 Longè ante tempora Justiniani receptum fuisse, ut pubertas etiam in masculis ex annis aestimaretur.
- 2 Suspectum auctori esse, quod scribit Tribon. de nudorum corporum inspectione.
- 3 Vim generationis in feminis citius incipere quam in maribus.
- 4 Tutelam muliebrem aliam fuisse ab hac pupillari feminarum.
- 5 Moribus harum regionum tutelam pubertate non finiri.

Cum puberes esse) Primus modus finiendæ in persona pupilli tutelæ est pubertas, l. 1. C. quand. tut. vel cur. Hinc puberes etiam curatore accipiunt, in suam tutelam venisse antiqua locutione dicuntur, inf. de pup. substit. in pr. l. 8. §. 1. de bon. poss. sec. tab.

Sed etiam ex habitu corporis) Fuere olim, qui

pubertatem in masculis ex solo habitu corporis aestimabant. Proculiani cum puberem esse dicebant, qui quatuordecim annos explevisset: alii eum, in quem & habitus corporis & numerus annorum concurreret; teste Ulp. tit. 11. de tutel. in fin. Eam se controversiam sustulisse, abrogataque inspectione corporis pubertatem ex annis tantum aestimari voluisse, scribit Justinianus hic, & in l. ult. C. quand. tut. vel cur. Sed profectò longè ante Justinianum receptam fuisse Proculi sententiam, multis auctoritatibus probari potest. Nam Tertullianus, qui aliquot sæculis ante Justinianum vixit, in lib. de veland. virg. apertè testatur, Romanos pubertatem in annis, non in sponsalibus, aut nuptiis decernere; hoc est, ex annorum numero, non ex habitu corporis puberem judicare. Et Macrobius lib. 7. Saturn. cap. 7. sic scribit; secundum jura publica duodecimus annus in feminis, & quatuordecimus in puero definitur pubertatis ætatem. Idem in somn. Scipion. lib. 1. c. 6. ait, tutelam pueris post bis septem annos absolvi. Idque & Ulp. noster expressis verbis confirmat l. 2. de vulg. & pup. indeque est quod idem Ulpian. scribit, masculis post annum decimum quartum, feminis post duodecimum permitti testamentum facere, l. 5. qui test. fac.

Inspectionem habitudinis corporis) Numquam mihi persuaderi potest, in honestam hanc corporis inspectionem apud Romanos usitatum fuisse: neque est Veterum quisquam, qui tam impudicæ rei meminerit. Quod autem in libris Jurisconsultorum & apud Quintilianum lib. 4. Inst. orat. 2. legimus, dubitatum fuisse, ex habitudine corporis an ex annis pubertas metienda esset; non de turpi aliqua nudorum corporum inspectione accipiendum est; sed de externo corporis aspectu & vigore; ut is ex quorumdam sententia (quæ tamen non obtinuit) pubes haberetur, qui figura ac dispositione totius corporis liberorum procreationi idoneus videretur, fac. l. 4. C. qui test. fac. Etiam habitus sive habitudo Latinis Scripturibus exæta & formam corporis significat. Cic. pro Cal. c. 24. Quintus Metellus, cum floresceret integritate, optimo habitu, maximis viribus. Liv. lib. 4. Fædior corporis habitus, pallore ac macie perempti. Terent. in Eunuch. act. 2. scen. 3. v. 11. Qui color, nitor, vestitus, quæ habitudo est corporis? Sic auctor ad Herenn. bonam corporis habitudinem appellat integram corporis constitutionem. Unde & eos qui obesofo erant corpore, habitiores dicebant, Terent. Eunuch. act. 2. scen. 4. v. 12. Si qua habitior paulo, pugilem esse ajunt. Plaut. Epid. act. 1. scen. 1. v. 8. Corpulentior herale, atque habitior.

R 2

Rr.

Ravardus 4. var. 10. existimat, Triboniano impotentiam ætatis ad matrimonia definiri vult per judicem nudos omnino mares, nudatasque usque ad pubem formasque insipientem; Tribonianumque ea, quæ de pubertate ex habitu corporis æstimanda apud Jurisconsultos leguntur, ex imaginaria illa Platonis lege interpretatum. In contrarium tamen moventur Hotomanus & Ant. Mathæus Coll. Inst. 2. disp. 2. auctoritate Quintiliani, qui *declam.* 219. scribit: nudari corpora puerorum, & ab iudicibus insipisci. Sed consuetum hoc esse non dubito, ut fere sit in scholasticis exercitationibus. VINN. Similia olim mihi in mentem venire lib. 1. *Antiqu. Rom. hoc tit.* §. 2. *sequ.* p. 224. Sed vide tu, sis, Viri amplissimi Corn. Bynkersh. *obs. lib.* 3. *cap.* 24. Deinde ante Justinianum adeo certum non fuisse pubertatis terminum, vel inde patet, quod ipsi patres annum pubertatis liberis testamento præfinitionem, modò decimum quartum, uti in l. 49. ff. de legat. 1. & l. 22. ff. quando dies leg. ced. modò decimum sextum, ut in l. 34. §. 2. ff. de leg. 3. l. 36. §. 1. l. 48. ff. de cond. & demonst. l. 46. ff. ad SC. Trebell. modò decimum octavum, ut in l. 101. §. 3. ff. de cond. & demonst. Et hinc est, quod Paulus Apostolus hæredem pupillum sub tutoribus esse ait ἄνθρωπος ποσειδωνίας τῷ πατρὶς. Gal. IV. 2. Vide Merrill. *Obs. lib.* 5. *cap.* 16. HEIN.

3. *Post duodecim annos*) Pubertatis anni maxime propter nuptias definiti sunt: ideoque cum vis generationis in foeminis citius incipiat quam in maribus, placuit eas etiam citius tutela liberari. Et hoc est, quod Macrobius lib. 3. in form. Scipion. c. 6. scribit, de tutela, inquit, *fœmina propter votorum festinationem maturius biennio, quam pueri, legibus liberantur.* Quod autem generationi citius admoventur id idem Macrobius l. Saturn. 7. infirmiori eorum naturæ adscribit: nam & exilia poma celerius maturefcere, robusta serius. Physici etiam hanc rationem afferunt; quod facilius est pati, quam agere; in generatione autem fœmina passivè se habet. In universum autem, ut scribit Arist. 7. de hist. animal. θᾶττον τὰ θήλια τοῖς ἀρσένιοις καὶ νύκτα, καὶ ἄμεινον λαμβάνει, καὶ γύναι. Alia ab hac pupillari foeminarum tutela fuit muliebri, de qua Ulp. in fragm. tit. 11. Nam & post pubertatem mulieribus tutor dabatur, non ad negotia earum administranda, sed ad auctoritatem præstandam in solemnibus & civilibus, veluti ad iudicia; ad dictionem dotis; ad alienandas res mancipii. Ulp. d. loc. Nisi dicamus, ex jure

veteri hæc referri, quo jure mulieres perpetua tutela continebatur, teste Boëtio in Top. Cic. Nam non temere loca illa omnia, quibus traditur, tutelam in foeminis anno duodecimo finiri, & curatorem succedere, à Triboniano interpolata dixerim: quamvis id asserit Ravard. 2. var. 10. Obstat enim locus Macrobius modò citatus: & Boëtius expressè de jure antiquo loquitur. Moribus harum regionum tutela pubertate non finitur: sed qui semel legitime tutores dati sunt, etiam pubertatem rebus præstant usque ad justam eorum ætatem, hoc est, donec 25. annos impleverunt, D. Gudelius in fin. lib. 1. Christin. volum. 3. decis. 104. num. 14. & 16. & volum. 6. decis. 82. num. 9. Montan. de tutel. c. 37. n. 86. Groenew. de legibus abrog. hic: quod & in Germania generali consuetudine receptum esse testatur Gail. 2. obs. 96. Paul. Badius ad l. 1. n. 7. de tutel. & in pleraque Gallia, Baro hic.

TEXTUS.

De capitis deminutione pupilli.

1. *Item finitur tutela, si adrogati sint abut impuberes, vel deportati: item si in servitutem pupillus redigatur, vel si ab hostibus captus fuerit.*

NOTÆ.

1. *Deportati*) Quia cives esse desinunt, §. 1. *supr.* quibus mod. *jus patr. pot.* Nota, etiam impuberes deportari posse, nempe qui sunt pubertati proximi & doli capaces, l. 111. de reg. jur. l. 14. D. ad sen. Silan.

COMMENTARIUS.

SECUNDò finitur in pupillo tutela quavis capitis deminutione: five enim adrogatus sit, five deportatus, five in servitutem redactus, tutela extinguitur, l. 14. pr. & §. 1. & 2. de tutel. unde hic locus descriptus est. Mifcentur autem hic modi, quibus & ex persona tutoris tutela finitur, §. 4. *infr. eod.*

Adrogati sint) Ratio est, quia desinunt esse sui juris, & in potestatem adoptoris transeunt; nemo autem potest simul esse in tutela & in patria potestate, *sup. de tut. in pr.* Sed hoc moribus fere hodiernis non obtinet.

Vel deportati) Quod ob delictum iis contingere potest, qui sunt pubertati proximi, & doli capaces, l. pupillum 11. de reg. jur. §. pen. inf. de obl. quæ ex del. Constat autem, deportatos peregrinæ conditionis fieri, ideoque

que pro mortuis in iis, quæ juris civilis sunt, qualis est tutela haberi, §. 1. *sup. quib. mod. fut. pat. solv. l. 17. §. 1. de pæn.*

In servitutem redigatur) Puta si pupillus jam doli capax ob ingratitudinem patrono iterum in servitutem tradatur: quo exemplo utitur Theophilus: idque fortiori ratione quam si deportatus sit; quia cum civitate simul & libertatem amittit, §. 1. *sup. de cap. demin.*

Si ab hostibus captus) Cæterum eventus demum offendit, an tutela hic omnimodo finita sit: nam postliminio reversus procul dubio recedit in tutelam.

TEXTUS.

De conditionis eventu.

2. *Sed etsi usque ad certam conditionem datus sit tutor testamento, aequè evenit, ut desinat esse tutor existente conditione.*

NOTÆ.

2. *Testamento*) Additum, quia à Magistratu ita non datur, l. 6. §. 1. *D. de tutor. l. 77. de reg. jur.*

Existente conditione) Veluti si Titius tutor testamento datus sit, usque dum uxorem ducet, & duxerit.

COMMENTARIUS.

U*Sque ad certam conditionem*) Vel usque ad certum tempus: nam ut ad certam conditionem testamento datus, existente conditione tutor esse definit; ita datus ad certum tempus, finito tempore deponit tutelam, l. 14. §. ult. *de tut. l. 8. §. 1. & 2. de test. tut. §. pen. inf. hoc tit.* Hoc autem modo finitur tutela ex persona tutoris, & proprius tutelæ testamentariæ, ut docemus *sup. qui test. tut. dar. §. 3.* Est & modus, qui huc pertinet, quo finitur tutela Atiliana. Nam si ex die aut sub conditione testamento tutor datus sit, is qui interim à Magistratu datus est, veniente die aut existente conditione, tutor esse definit, §. 1. *sup. de Atil. tut. add. quæ ad §. ad certum tempus. §. sup. qui test. tut. dar.*

TEXTUS.

De Morte.

3. *Simili modo finitur tutela morte pupillorum, vel tutorum.*

COMMENTARIUS.

H*ic modus & ad omnem tutelam & ad personam utriusque ex æquo pertinet: eò autem maximè spectat, ut intelligamus, pupillo mortuo, ne ratione quidem bonorum, quæ post mortem superfunt, tutelam perseverare: mortuo tutore, hæredes ejus in tutelam non succedere, l. antepen. de tut. l. ult. §. 1. de mun. & bon. l. 4. D. de tut. & rat. distr.*

TEXTUS.

De capitis deminutione.

4. *Sed & capitis deminutione tutoris, per quam libertas, vel civitas amittitur, omnis tutela perit. Minima autem capitis deminutione tutoris, veluti si se adrogandum dederit, legitima tantum perit: cætera non pereunt, sed pupilli & pupille capitis deminutio, licet minima sit, omnes tutelæ tollit.*

NOTÆ.

4. *Legitima tantum perit*) Agnatorum scilicet hodie id non obtinet: quia jure novissimo in totum sublata est agnationis & cognationis differentia, pariterque cognati cum agnatis ad legitimam tum hæreditatem, tum tutelam vocati, *Nov. 118. cap. 5.*

COMMENTARIUS.

P*er quam libertas vel civitas*) Hic modus solvendæ tutelæ communis est, ut notavi *sup. ad §. 1. eademque in tutore, quam in pupillo, rationem habet*

Legitima tantum tutela perit) Nimirum quia & perit agnatio, ob quam ea deferitur, §. ult. *sup. de leg. agn. tut.* Legitima autem patronorum tutela huc nunquam pertinuit, *Ulp. in fragm. tit. de tutel. §. 8.* Porro jure novissimo nullam amplius legitimam tutelam minima capitis deminutione tolli, notavimus *sub dist. §. ult. de leg. agn. tut.*

Licet minima sit) Is qui in potestate Patris est, si perfectæ ætatis sit, non prohibetur tutore esse, *sup. qui test. tut. dar. in pr. l. filiusfam. §. de his qui sui vel al. jur.* In tutela autem nemo esse potest, nisi qui sit juris. Atque hæc ratio est, cur pupillo adrogato tutela pereat, tutore non item.

TEXTUS.

De Tempore.

5. *Præterea qui ad certum tempus testamento dantur tutores, finito eo deponunt tutelam.*

No-

NOTÆ.

6. *Ad certum tempus*) V. gr. ad biennium, l. 14. §. 3. D. de tutel.

COMMENTARIUS.

Dixi ad §. 2. *hujus tit.* Hoc autem modo quamvis tempore, ipso tamen jure tutela finitur. Etenim tutela non ullo jure propterea quæsito consistit: alioquin tempore ipso jure non finiretur, l. obligationem 44. de oblig. & act. sed in factio personæ & administratione magis posita est. Quæ autem talia sunt, ut facta sunt temporalia, ita & ipsa cum factis incipere & finire possunt: argumento sit usufructus, l. un. §. pen. quand. dies us. leg. ced.

TEXTUS.

De Remotione & Excusatione.

6. *Definunt etiam tutores esse, qui vel remo-*

ventur à tutela ob id, quod suspecti visi sunt: vel qui ex justa causa se excusant, & onus administranda tutela deponunt, secundum ea, quæ inferius proponemus.

NOTÆ.

6. *Se excusant*) In perpetuum, non ad tempus, §. 5. tit. seq. l. 16. D. de tut. dat.

COMMENTARIUS.

Proponuntur hic duo modi, quibus tutela finitur, non ipso jure, ut superioribus, sed interventu Magistratus: excusatio scilicet, & justa suspicio. Excusatio volentem liberat: suspicio invitum removet. Est verò major excusationum usus tutela delata, quam suscepta. Sed & quasi suspectus quis postulari & removeri potest, antequam incipiat tutelam gerere, de quibus suo iterum loco. De excusationibus est tit. pen. de suspectis tutoribus tit. ult. *hujus libri.*

TITULUS VIGESIMUSTERTIUS.

DE CURATORIBUS.

D. Lib. 27. Tit. 10. C. Lib. 5. Tit. 70.

Continuatio & summa Tituli: tum genera curatorum distincta.

TRansit nunc Imp. ad alterum membrum divisionis posita in *pr. sup. de tutel.* quod eos complectitur, qui cum sui juris sint, curatorum tamen auxilio reguntur: exponiturque promiscuè, quibus & à quibus, quando, & quomodo curatori detur. Sciendum autem eorum, qui duo esse genera curatorum; unum eorum, qui nulla personæ habita ratione, si res exigat, bonis constituuntur; puta vel debitoris latitantis, vel hæredis, qui in utero est aut domini, qui ab hostibus captus sit, tit. de cur. bon. dand. quod genus huc non pertinet, alterum eorum, qui certis personis, quæ alieno auxilio indigent, dantur ad res earum administrandas; qui hujus sunt argumenti. Sunt autem & ipsi duorum generum: dantur enim vel propter ætatem ejus qui in curatione sit; vel propter animi aut corporis morbum. In priore genere sunt minores 25. annis: in posteriore furiosi, prodigi, mente capti, muti, & surdi, & qui perpetuo morbo laborant. Quamobrem sic rectè definitur curatio: potestas jure constituta ad curandas res ejus, qui quoquo modo rebus suis superesse ipse non potest. Ex hac definitione

facile intelligere poteris, & quæ communia sunt curæ cum tutela, & quæ discrepantia: maxime si cum ea conferas definitionem tutelæ, eaque, quæ ad illam illustrandam scripsimus sub §. 1. *sup. de tutel.* Caterum & in processu pleraque iterum notanda erunt.

TEXTUS.

De adultis.

Masculi quidem puberes, & feminae viri potentes usque ad vicefimum quintum annum completum curatores accipiunt: quia licet puberes sint, adhuc tamen ejus ætatis sunt, ut sua negotia tueri non possint.

NOTÆ.

Ad vicefimum quintum annum) Leg. 1. in fin. D. de min. post quod tempus completur virilis vigor, quæ Græcis ἀνύ. bellè Cujac. ad diff. l. 1.

Curatores accipiunt) Nisi ætatis veniam à Principe impetraverint, C. de his qui ven. at. imp.

Negotia sua tueri) Et ideo quamvis qui in tutelam suam venit, sui potens est, *κύριος ἑαυτοῦ*. Fabrot. l. 20. D. de rit. nupt. l. 8. Cod. cod.

COMMENTARIUS.

- 1 Cur tutela in foeminis citius quàm in maribus finitur: cura eadem aetate in utrisque.
- 2 Quare foemina biennio maturius quàm masculi aetatis veniam impetrare possint.
- 3 Quid consuetudine harum regionum circa utrumque illud receptum.
- 4 Quando dies captus pro completo habeatur, & contra.
- 5 Cur placeat aetatem 25. annorum finem asserre curationi.
- 6 Cur tam curiosè de curatore adolescentibus dando caveatur, cum nihilominus si capti fuerint, in integrum restituantur.

USque ad vicefimum quintum annum) Tutela in maribus tardius finitur quam in foeminis, quia foemina, ut superius dictum est, citius pubescunt. At cura in utrisque eodem tempore finitur; nimirum post annum vicefimum quintum. Et verò nulla ratio est, cur foemina maturius quàm masculi cura liberari debeant: cum potius diuturniore cura continendæ videantur propter sexus fragilitatem, ob quam & in perpetua cura olim fuere. Et jure quidem ordinario ante hanc aetatem curatio non finitur. Cæterum adolescentes honestate morum præditi post annum vicefimum; foeminae, quas morum honestas mentisque solertia commendat, post annum octavum decimum, ætatis veniam à Principe impetrare possunt, ut ex eo tempore res suas sine curatoribus administrent; ac tum quidem in integrum non restituantur, l. 1. & 2. C. de his qui ven. aet. Sed tamen in eo adhuc simili conditione cum cæteris minoribus sunt, quòd immobilia sine decreto alienare aut obligare non possunt, l. 3. C. d. rit. Cur autem hoc foeminis biennio maturius conceditur? D. Bachovius negat solidam ejus rei rationem dari posse. D. Brederodius in not. ad Schneid. hanc asserit, quòd quamvis judicium mulibre *ἐν τῷ πλεονεξίᾳ* infirmius sit virili; tamen quæ natura solertiores sunt, si ad virtutem pergant, celerius maribus prudentes fieri: propterea quòd vehementiores multo in foeminis affectiones sint, quàm in viris. Moribus patriæ non solùm Princeps aut summus Magistratus, sed etiam Curia provincialis, ætatis veniam concedere solet, alique judi-

ces ordinarii, quibus id facere jure legitimo competit: neque veniæ concessio continet jus prædia alienandi sine cognitione judicis, nisi & hoc ex magna causa, & quidem à supremo Magistratu expressè indultum sit, auctore Grot- 1. man. 10. Vid. Groenevv. de legib. abrog. ad tit. C. de his qui ven. aet. & ibi alleg. Diximus quoque non multo ante, consuetudine harum regionum receptum, ut tutela demum finiatur post perfectam ætatem eorum, qui in tutela sunt; hoc est, postquam egressi sunt annum vicefimum quintum. Apud nos enim ignoratur distinctio, quam jus civile Romanorum facit inter ætatem pupillarem, quæ sub tutela, & minore, quæ in curatione sit. Unde & tutela ac cura uno communi nomine & promiscuè appellatur *Vogdspe*, aut *Momberschap*, & tutores curatoresque *Vogden* aut *Mombors*, pupilli & minores indiscriminatim *Voxen*. Cæterum etiam ante eam ætatem tutela five cura finitur, contra d. scilicet matrimonio: quamquam tunc ex causa à judice ad tempus prorogari potest: quod & tunc locum habet, cum ætate finita est, Grot. d. loc. Statuto Leidenfium nemo suæ curæ esse incipit, nisi qui causa cognita à Magistratu tutelari dimissus, art. 141.

Completo) Curatio non finitur nisi anno vicefimo quinto exacto & completo. Hoc enim utile minori visum est, ut tempus à momento in momentum spectetur: nam si postremo vicefimi quinti anni die cæpto aut nondum completo læsus sit, poterit adhuc in integrum restitui, l. 3. §. minorem 3. D. de minoribus. Ad quem locum Glossa notat diem cæptum pro completo haberi, quoties id alicui utile est, aut alioqui favorabile, ut in usucapionibus, l. 6. de usucap. in testamenti fæctione, l. 5. qui testam. fac. in manumissionibus, l. 1. de manumiss. quòd etiam pertinet l. anniculus 134. de verb. sign. In honoribus quoque favoris gratia constitutum esse, ut annus inchoatus pro pleno habeatur, l. 8. de mun. & ben. Contra autem, ubi favorabile est, non numero dierum, sed momentis temporum annum dividi; diem cæptum pro completo non haberi, ut in temporalium actionum præscriptione, l. 6. de obl. & act. in vacatione tutelæ, l. 2. de excus. & in casu proposito; ita & Costal. ad l. 3. §. 3. de minor. Cur autem placeat ætatem 25. annorum finem asserre curationi; docet nos Ulp. l. r. §. 2. d. si sit. quia, inquit, *post hoc tempus completur virilis vigor*; convenienter sententiæ Physicorum, qui tradunt, anno vicefimoquinto, quo corpus crescere desinit, etiam animam ad sum-

num perfectionis suæ gradum pervenire, eaque demum ætate evidentiæ vigoris animi & constantiæ mentis vestigia emergere; conquiescente scilicet illa humorum ac corporis perpetua agitatione ac perturbatione, cui adolescententes obnoxii. Quamobrem & iusta, perfecta, integra, robusta hæc ætas in libris nostris appellatur, Græcis *αἰών* dicitur. Pulchrè D. Cujac. *de minor. in pr. add. Magir. 6. Physiol. §. 1.* Quamquam igitur naturæ lege certa ex annorum numero perfectæ ætatis definitio non est, nisi κατὰ πλάτος, tamen ex his, quæ diximus, abundè patet arbitror, hanc ætatis iustæ definitionem non esse juris merè positivi, ut existimant Bachovius. VINN. Immo esse videtur juris merè positivi, nec magis naturalis ratio movit Romanos, ut anno ætatis XXV. minorennitatem finirent, quàm Saxones, ut anno XXI. Definitus hic annus videtur lege Lætoria, quæ ideo quinquagennaria dicitur Plauto in *Pseud. act. 1. scen. 3. v. 69.* Annum verò potissimum XXV. electum arbitror à Lætorio, quia vulgo Romani longissimum humanæ vitæ spatium C. annis circumscribebant, l. 56. ff. *de usufr. Plin. lib. 7. Hist. nat. cap. 4. Sen. de brev. vitæ, cap. 3.* Ejus ergo primum quadrantem juventuti tribuebat Lætorius, & hinc eandem anno ætatis XXV. finire existimabat. Observationem hanc collegi olim conjunctissimo Nic. Hieronymo Gundlingio, me debere lubens fateor. HEIN.

Adhuc tamen ejus ætatis sunt) Constat inter omnes, ait Ulp. l. 1. *pr. de min.* fragile esse & infirmum hujusmodi ætate consilium, multorumque captionibus & insidiis expositum; ideoque Prætorum naturalem æquitatem secutum, auxilium adolescentibus adversus captiones polliceri, & in fin. d. l. 1. addit, ideo eos usque ad vicesimum quintum annum curatorum auxilio regi. Sed quid opus fuit de curatore adolescentibus dando tam curiosè cavere, cum si capti fuerint; prætor eos in integrum se restitutum polliceatur, nec minus subveniat qui curatorem habentes eo auctore quid gesserunt? Tot. rit. C. si tut. vel cur. int. Nimirum magis decorum atque honestum visum est, in tempore occurrere & providere, ne minores capiantur, quàm ut assiduus implorationibus tribunalia personent. Deinde quia id etiam minoribus tutius est & utilius, ne post vulneratam causam remedium querentibus impedimentum aliquod obiciatur, l. ult. C. in quib. caus. in int. rest. nec. Curatoris autem consilio & prudentia efficitur, ut non tam facile lædantur, nec ne-

cesse sit restitutionem in integrum toties postulare: quamquam si nihilominus læsi proponantur, auxilium iis prætor non negat. Illud obiter monendi sumus, non tantum ætate curationem finire, sed aliis etiam ex causis, atque ex iisdem fere, ex quibus finitur tutela: denique similiter vel ipso jure, ut adrogatione adolescentis, morte, servitute, deportatione vel adolescentis vel curatoris, vel interventu Magistratus, ut exculpatione, vel motione.

TEXTUS.

A quibus dentur Curatores.

1. Dantur autem curatores ab eisdem Magistratibus, à quibus & tutores. Sed curator testamento non datur: datus tamen confirmatur decreto Prætoris vel Præsidis.

NOTÆ.

1. Testamento non datur) L. 6. D. de confirm. tut. l. 2. C. cod. L. 12. tabb. permittitur parenti non curatorem, sed tutorem testamento dare.

COMMENTARIUS.

Ab eisdem Magistratibus) Igitur Romæ à præfecto urbis vel prætor: in provinciis à præsidibus: in municipiis aut agris municipiorum à magistratibus municipalibus, juxta distinctionem traditam, §. nos autem §. sup. de Atil. tut. l. 3. D. de tut. dat.

Testamento non datur) Idem traditur in l. 7. Cod. de test. tut. At quamobrem? Nimirum quia puberes, quibus solis curator datur, ipsi si velint res suas administrare possunt; de quo mox plura. Eademque ratio est, cur pater liberis sui puberibus substituere non possit: scilicet quia ea ætate ipsi sibi testamentum facere possunt, l. 2. de vulg. & pup.

Datus tamen confirmatur) Sive à patre, sive à matre dato sit: & confirmatur perinde ut tutor testamento non legitimè datus, l. 1. in fin. l. 2. §. 1. l. 6. de conf. tut. l. 2. C. cod. ac proinde naturam sapit testamentarii, l. 7. ff. rem pup. salv. Est autem credibile, hanc curatoris testamento dati confirmationem post constitutionem M. Antonini primùm introductam fuisse, quæ cavet, ut omnes adulti curatores acciperent, secundum ea, quæ mox dicemus.

TEXTUS.

Quibus dentur.

2. Item inviti adolescentes curatores non acci-

ciunt, praterquam in litem: curator enim & ad certam causam dari potest.

NOTÆ.

2. *Inviti adolescenter*) Et ideo ipsi soli sibi curatorem petere poterant, l. 1. §. ult. D. qui pet. tut. Ubi autem petentibus semel curator datus est, hujus curatoris auxilio usque ad annum 25. regi debent: ita cape l. 1. in fin. D. de min.

Praterquam in litem) Sive minor sit actor, sive reus: quia legitimam personam per se standi in judicio non habent, l. 2. C. qui leg. perf. stand. in jud. Vide fufius in comment. infr.

COMMENTARIUS.

1. *Adolescentes olim invitos curatorem non accepisse; neque id mutatum constitutione D. Marci.*

2. *Responsio ad loca, quæ in contrarium afferuntur.*

Hic locus quamquam in foro nullum usum habet, (constat enim, adolescentes etiam invitos hodiernis moribus curatores accipere) tamen ad juris Romani cognitionem multum conferre potest diligens ejus expositio. Ait, *inviti*. In quo primum secum pugnare Justinianus videtur, qui initio hujus tituli dixit, ideo minores 25. annis curatores accipere, quia ejus ætatis sunt ut negotia sua tueri non possint. Deinde cum Justiniano Ulp. qui in l. 1. §. ult. de min. expresse scribit, minoribus 25. annis rei suæ administrationem committi non debere, quamvis rem suam bene gerentibus. Accedit, quod ne Principes quidem, nisi per raro atque extra ordinem, minoribus rerum suarum administrationem indulgere soleant; auctore eodem Ulp. l. 3. pr. d. tit. Rævardus l. var. 17. & Cujac. in l. 1. de excus. socordiam Triboniani accusant, qui ex veteri jure legis Lætoriz hic repetiverit quod jampridem constitutione D. Marci abrogatum erat. Sed enim & ex responsis recentiorum Jurisconsultorum & ex posteriorum Imperatorum rescriptis manifestè evincitur, etiam post D. Marci constitutionem non omnes minores curatores accipere coactos. Veluti ex eo, quod Papinian. scribit, l. 13. in fin. de tut. dat. non nisi minoribus desiderantibus curatores dari solere. Et quod Modestin. l. 2. §. pen. & ult. qui pet. tut. non licere aliis curatores minoribus petere, sed ipsos minores dumtaxat sibi petere posse. Item ex eo,

Tom. I.

quod Imperatores Diocletianus & Maximianus Attiano minori rescribunt, l. 2. C. de in int. res. interesse, utrum is curatorem habeat, an non habeat; si habeat, contractum ab Attiano initum jure non subsistere; si non habeat, subsistere, implorandamque esse restitutionem in integrum. Denique non uno in loco invenias, adolescentes sine curatoribus propósitos, ut in l. 7. §. 2. de min. l. mut. 43. §. 3. de proc. l. 1. l. 7. C. qui & tut. Vix hæc componi poterunt, nisi à capite rem arcessamus. Igitur cum lege 12. tabularum de curatoribus propter ætatem adolescentibus dandis nihil cautum esset, neque certum ullum remedium adversus captiones & circumscriptiones, quibus hæc ætas obnoxia, introductum; lata postea est lex Lætoria, qua & circumscriptioni adolescentum abunde proviſum est, atque insuper permiffum curatores adolescentibus dari; non promiscuè tamen, sed lascivioribus & dissolutius viventibus, aut qui iugenio nimis hebeti essent, mentisve suæ non satis compotes: & fortassis ob alias etiam causas, quas exprimere, & Magistratui probare debebant, qui curatorem iis dari postulerent. Quod quoniam odiosum erat, & pudorem eorum, quibus curator dabatur, sugillabat; tandem M. Antoninus Philosophus de curatoribus ita statuit, ut omnes adulti curatores acciperent non redditis causis auctore Capitolino in Marco, cap. 11. Horum autem verborum hunc esse sensum apparet, ut deinceps ex constitutione Antonini omnes adolescentes discriminatim curatores accipere possent, remissa necessitate allegandi & probandi causas, ob quas peterentur; quod exigebat lex Lætoria: non inquam, ut inviti acciperent, sed ut sine periculo existimationis, si vellent, curatorem habere possent. (Meminit legis Lætoriz etiam Cic. 3. de offic. cap. 15. & 3. de nat. Deor. cap. 20. Plautus in Pseud. act. 1. scen. 3. v. 69. quoniam vicenariam appellat, ut nonnulli existimant.) Nulla igitur ratio est, cur Tribonianus incusemus oscitantiam, cum ne quidem post constitutionem Antonini inviti adolescentes curatores acceperint. Quid ergo respondemus ad ea, quæ huic sententiæ paulo ante objecimus? Nempe quod Imperator initio hujus tituli ait, puberes usque ad vicesimum quintum annum curatores accipere; de volentibus & petentibus accipiendum esse, arg. hujus §. pen. & ult. qui pet. tut. vel cur. civi & subjecta ab Imperatore ratio accommodanda est. Ulpianum autem l. 1. §. ult. de min. de effectu curæ jam constitutæ loqui, cujus ea vis sit

fit, ut minores, quibus petentibus semel curator datus est, hujus curatoris auxilio usque ad annum 25. regi debeant; nec possit Magistratus eum, quem semel curatorem dedit, à munere suo remove, minoribusque ob id, quod jam amplius sub cura vivere non lubeat, rerum suarum administrationem restituere, *arg. l. 2. & 3. in pr. eod. tit.* ubi hujusmodi Magistratum decreta ut ambitiosa Imperatores interpretantur, & improbant: quoniam solius Principis sit ætatis veniam concedere adi & Franc. de Amaya *lib. 1. obser. jur. cap. 9.* VINN. Quum crucem figat hic paragraphus viris doctissimis: rem exemplo Vinnii nostri à capite arcessemus. Legibus XII. tabularum foli furiosi accipiebant curatores. Nam quamvis vulgo & prodigos addunt ob l. 23. *ff. de cur. furios.* §. 3. *Infl. hoc tit.* & Ulpian. *fragm. tit. 12. §. 1.* vix tamen dubitaverim, quin id intelligendum sit eodem modo, quo & legitima patronorum tutela è XII. tabulis repetitur, §. un. *de leg. patr. tut.* Nam in l. 1. *ff. de cur. furios.* moribus id initio introductum esse scribitur, id est, ut ego interpretor interpretatione prudentium, qui furiosis adscribebant prodigos, quia & ipsi furiosum rerum suarum faciebant exitum l. 12. §. 2. *ff. de tut. dat. l. 2. pr. ff. de cur. fur.* Quia ergo curatio quodammodo ignominiosa habebatur, ei non suberant adolescentes, nisi ipsi peterent, idque cautum fuerat lege Lætoria. Vulgo equidem existimant, hac lege tantum adolescentibus dementibus & lascivis datos esse curatores; eamque sententiam ipse sequutus sum in *Antiqu. Rom. l. 1. tit. 23. §. 6.* sed sic vix novi quid sanxisset M. Antoninus, quum jam pridem omnes dementes & prodigi curatores ex lege XII. tabularum earumque interpretationis acceperint. Fefellit ergo plerisque locus Julii Capitolini in *vita Marci*, c. 10. *De Curatoribus verò quum ante non nisi ex lege Lætoria, vel propter lasciviam vel propter dementiam, darentur, ita statuit, ut omnes adulti curatores acciperent, non redditis causis.* Verùm non dicit Capitolinus, ex lege Lætoria tantum dementibus & lascivis curatores datos esse, sed ante Antoninum fuisse trium generum curatores, alios ex lege Lætoria datos esse adolescentibus, alios ob lasciviam ex moribus, alios ob dementiam ex legibus XII. tabularum. Addit deinde, quid novi sanxerit Antoninus, nimirum, ut omnes adulti curatores acciperent, non redditis causis. Ergo ex lege Lætoria curatores accipiebant adolescentes non omnes, sed, qui peterent, & quidem causa probata. Adolescentes ergo non inviti acci-

piebant: sed petentes. Petendi verò plures esse causas poterant, quia nemo temere cum minoribus vellet contrahere, & horum tamen interesset: ut contractus iniretur. Quum verò plerumque curatores peterent si quando contrahere vellent æs alienum: sapienter additum fuerat lex Lætoria, curatores iis datum iri redditis causis. Procul dubio enim inquisivit prator, quod negotium explicaturus esset minor, & an expediret illi curatorem dari. Talis fuit lex Lætoria. At alter Marcus Imperator, qui omnes minores curatores accipere jussit, non redditis causis. Rectè ergo l. 33. §. 1. *ff. de admin. & peric. tut.* dicitur, *officium tutorum, curatoribus constitutis, finem accipere.* Rectè in l. 1. §. 3. *ff. de min. omnes adolescentes in aetatem usque XXV. annorum curatorem auxilio regi, dicuntur.* Ita enim omnino sese res habere cœpit post Marci constitutionem. Quid ergo de verbis Justiniani, qui invitos negat curatores accipere? An cum Ravarado *lib. 1. var. cap. 17.* inscitiz arguimus Tribonianum, jus ex lege Lætoria antiquum pro novo & recepto obtrudentem? Quasi verò verisimile sit, Tribonianum in re dpondiis nota errare potuisse. An cum Vultejo §. *nostrum* de curatore in litem, vel cum Vinnio l. 1. *ff. de min.* de eo qui jam curatorem accepit, interpretabimur? An neutram conciliandi rationem verba admittere videntur? Potius dixerim, etiam post Marci constitutionem non nisi petentes accepisse curatores: eundem tamen imperatorem voluisse ut omnes acciperent. Prius ex l. 13. §. ult. *ff. de tut. & cur. dat. l. 2. §. penult. & ult. ff. qui per. tut.* posterius ex Julio Capitolino patet. Inveniendi ergo erat ratio, qua adolescentes veluti cogerentur curatores petere. Et id eo modo facile fiebat, quod non prius tutela finita crederetur, quam quis curatorem petisset. Quò pertinent l. 33. §. 1. *ff. de admin. & per. tut. & l. 5. §. 5. ff. eod.* Non ergo obtrudebatur curator invitis; sed dabatur petentibus. Petere autem debebant omnes, quia non prius rerum suarum administrationem accipiebant, quam petissent. His ambagibus opus videbatur, quia vulgo curatela minorum ignominiosi quid inesse videbatur, l. 3. *C. de integr. rest.* Atqui multi adolescentes, inquis, olim sine curatoribus res suas administraverunt: idque discimus ex l. 7. §. 2. *ff. de min. & l. 3. C. de in integr. restit.* Respondeo id ad factum, non ad jus pertinere. Nam & impuberes aliquando negligentia eorum, qui tutores petere tenebantur, sine custodibus erant, uti ex toto titulo, qui *petant tut. vel curat.* colligi-

mus: nec tamen inde sequitur, ut existimemus, in arbitrio fuisse impuberum, sine tutoribus agere mallent, an custodi subesse. Hæc paulo prolixius, quia vulgo parum accuratè traduntur. HEIN.

Præterquam in litem) Sive litem minor intendat, sibi excipiat, l. 2. C. qui leg. pers. stand. in jud. Quod ideo comparatum est, ne minoribus agentibus aut judicio conventis adversarius elusorio judicio lædatur, cum sententia adversus minores indefensos lata nullius momenti sit, l. contra § 4. de re jud. Idem & in aliis rebus simili æquitatis ratione receptum, veluti si debitor velit aut cogatur minori solvere, l. 7. §. 2. de min. si is, qui tutor fuit, rationem administrationis suæ redderet, l. 7. C. qui pet. tut.

Ad certam causam) Duplex igitur hic inter tutelam & curam differentia animadvertitur: una est, quòd curator non detur invito, tutor invito detur, l. 6. de tut. & cur. dat. altera, quòd curator ad certam causam dari potest, tutor non potest, §. certa 4. sup. qui test. tut. dar. Neutrum autem horum moribus hodiernis observatur, ut alibi ostendimus.

TEXTUS.

De furiosis & prodigis.

3. Furiosi quoque & prodigi, licet majores vigintiquinque annis sint, tamen in curatione sunt agnatorum ex lege duodecim tabularum. Sed solent Roma Præfectus urbi vel Prætores, & in provinciis Præsides, ex inquisitione eis curatores dare.

NOTÆ.

9 Furiosi quoque) L. 1. D. de cur. fur. Ulp. tit. 12. §. 1. Cic. 2. de invent. c. 50. & 3. Tusc. c. 5.

Prodigi) Quibus dissolutè viventibus bonis interdictum, l. 6. de verbor. oblig. §. 2. inf. quib. non est permiff. fac. testam. Ulp. d. loc.

COMMENTARIUS.

1 *Prodigo ne ipso jure, sive ipso, quòd prodigus est, bonis interdictum intelligi debeat; an verò ad id requiratur sententia Magistratus.*

NON ut tutela quædam impuberum legitima est, ita & cura quædam minorum puberum. Tutela legitima agnatis proximis lege defertur propter spem certam successionis, l. 1. de legit. tut. Cura autem magis ob

zatem lege delata est, quia puberes testamentum facere, & præteritis agnatis quæ velint sibi hæredem instituere possunt. Unde jam intelligitur, cur ob furorem, vel prodigalitatem, à lege curatores dentur: nimirum quia furiosi & prodigi, qui non magis quàm impuberes testamentum facere possunt, certos habent agnatos, quos ideo & curatores esse lex voluit.

Licet majores) Eo magis igitur, si minores sunt. Nam lex omnes furiosos & prodigos, solis pupillis exceptis, in curatione agnatorum esse voluit. Cæterum postquam minores omnes ex oratione D. Marci curatores accipere cœperunt, placuit curatorem minori 25. annis furioso, non ut furioso, sed ut adolescenti dari: non propter furorem, sed propter ætatem, l. 3. §. 1. D. de tutel. Quem locum non videtur infexisse D. Bachov. sed principium duntaxat d. l. 1. ex quo contrarium defendere conatur. Ant. Faber. 1. jurispr. 12. pr. 1. illat. 6. contendit, d. §. 1. Tribonianum esse, & à juris ratione alienum: nam cum curator minoris, non personæ sed rebus detur; furiosi contra personæ, interesse furiosi, quasi furioso potius, quàm quasi adolescenti curatorem dari. Bella ratio. Credo, ne aliqui nuptiæ à furioso sine consensu curatoris contractæ ratæ sint; aut ex negotio gesto saltem cum auctoritate curatoris obligetur. Ex professo cum Fabro congredditur eximius Jurisconsultus Franc. Amaya lib. 1. obs. jur. c. 8.

Ex lege duodecim tabularum) L. 1. l. 12. de cur. fur. Ulp. t. 12. §. 1. Verba legis recitat M. Tullius lib. 2. de invent. c. 50. & 3. Tusc. c. 5. Si furiosus existat; agnatum gentiliūque in eo pecuniaque ejus potestas esto. Unde nonnulli existimant, legem de prodigo nihil nominatim cavisse, sed per interpretationem ita acceptam esse propter successionis emolumentum, quod ut furioso ita & prodigo mortuo, ex lege apud agnatos est, arg. tit. de leg. patr. tut. supra, quamquam apud nostros hujusmodi distinctio non reperitur. Prodigum definit Ulp. d. l. 1. eum, qui neque modum neque finem impensarum habet, sed bona sua dilacerando & dissipando profundit. Unde vulgo quæri solit; an prodigus intelligendus sit qui factio talis est; an verò decretum Magistratus expectandum? hoc est, an ipso jure & lege 12. tabularum dissolutè & luxuriosè viventi bonorum administratio interdicta intelligatur; an verò tum demum, cum talis esse sententia Magistratus declaratus est? Dicendum, eum, qui moribus talis est, qualis in d. l. 1. describitur, revera quidem & ethice prodigum esse:

(nam vitia & virtutes non pendunt ex cognitione & sententia iudicis, sed propriam naturam & formam habent) ceterum quoad rerum suarum administrationem non ante politice & effectu juris prodigum haberi, quam ea administratio causa cognita decreto Magistratus ei adempta sit; cuiusmodi decreti extat vetus formula apud Paul. 3. *sent.* 4. Nimirum bonorum administrationis ademptio sive interdictio non juris est, sed iurisdictionis; hoc est, nemini speciatim bonorum administrationem lex interdicere, ac ne potest quidem interdicere: sed generaliter interdicti iubet omnibus, idque auctoritate Magistratus, quos prodigos esse causa cognita constabit, eumque, cui bonis publice interdictum est, vult esse in curatione agnatorum, Ulp. d. 1. §. 1. *fac.* §. 2. *inf. quib. non est perm. fac. test.* l. 6. *de cur. fur.* qui tamen & lege interdicti bonis dicitur, d. l. 1. *de cur. fur.* l. 18. *qui test. fac. l. 5.* §. 1. *de acq. har.* propterea quod lex id fieri iubet, & quia à lege curatorem & administratorem bonorum accipit. Bene igitur & rationi juris convenienter Horatius 1. *serm.* 3.

— Interdictio huic omne adimat jus

Prætor, & ad sanos abeat tutela propinquos.

Furiosi alia ratio est. Nam cum furor per se emineat, ut furiosus bonis à Magistratu interdicatur, non requiritur: at verò an quis prodigus haberi debeat, ex multis & variis circumstantiis æstimandum est, de quibus Magistratus cognoscere & pronuntiare oportet, ne quis temere in hominem sui juris & liberalem forte magis quam prodigum potestatem aliquam sibi usurpet, aut cuiquam probabilis ignorantia noceat. Atqui, inquis, prodigus receptis sanis moribus, & cum frugalitate in gratiam reversus, definit ipso iure esse in curatione, d. l. 1. *de cur. fur.* Sed ne hoc quidem excludit cognitionem & declarationem Magistratus: utique necesse est, ut publice & aperte de eo constet, uti communiter DD. nostri teste Angelo statuunt. Atque hoc etiam concedo: si quis contraxerit cum manifestè luxurioso, eoque, quem sciebat, pecuniam illico malè consumpturum dici posse, esse quod sibi imputet, arg. l. 8. *pro empt.* Vigl. in §. 2. *inf. quib. non est perm. test. fac. Myns. hic Gail.* 2. *obs.* § 1. Paul. Buf. ad l. 6. *de verb. obl.* Ant. Fab. C. suo *de cur. fur. def.* 7. Decher. 2. *diff.* 8. n. 8. D. Tuld. hic c. 4. & ad tit. C. *de cur. fur.* Christin. volum. 1. dec. 163. Nostri moribus semper requiritur sententia declaratoria ejusque publicatio, teste Grot. 1.

manud. 11. add. Jod. Damhoud. c. 8. *de tur. & cur. mun.* num. 26.

Sed solent Romæ) L. 1. *de cur. fur.* l. 8. §. ult. *de tur. & cur. dat.* Qua tamen in re, quam minimum potest Magistratus à lege duodecim tabularum recedit: nam aliis administrationem dare non solet, nisi agnati, aut nulli sint, aut minus idonei, l. 13. *de cur. fur.* ut non absoluta hæc cura ex legitima facta sit honoraria.

TEXTUS.

De mente captis, furdis, &c.

4. Sed & mente captis, & furdis, & mutis, & qui perpetuo morbo laborant, (quia rebus suis superesse non possunt) curatores dandi sunt.

COMMENTARIUS.

Mente captis) Furiosus utique & mente captus, hoc est, demens, sive amens: nam furor definitore Cicerone 3. *Tuscul.* est mentis ad omnia cecitas. Plerumque tamen separantur, ut in l. diem proferre 27. §. coram §. de recept. arb. l. 2. de inoff. test. l. ult. §. 1. C. de adm. tut. uti & furor & dementia, l. 8. de tut. & cur. dat. l. 6. *de cur. fur.* mente captus dicitur, dicitur, furiosus manens, Cic. in *Pison.* cap. 20. Ego te non recordem, non furiosum, non mente captum, non tragico illo Oreste, aut Athamante dementionem putem? Hoc autem distare furiosum à mente capto interpp. nostri docent, quod ille rabie quadam animi agatur, quales fabulæ memorant Athamantem, Herculem, Ajacem, Orestem; hic magis in quiete sit, nec ulla fere signa ostendat extrinsecus: quod vitium plerumque naturale & perpetuum est. Furiosorum autem duo sunt genera: nam in quibusdam morbus perpetuus est, & continua mentis alienatio, in quibusdam remissionem & intervalla habet, l. 14. de off. præf. l. 12. §. 2. de judic. leg. si cum dotem 22. §. si maritus 7. sol. matrim. leg. 6. C. de cur. fur.

Surdus & mutus) De surdis & mutis est in l. 8. §. 3. de tut. & cur. dat. generatim de omnibus, qui in ea causa sunt, ut superesse rebus suis non possint, l. 12. eod. tit. De cæcis nihil cautum: quippe qui rei suæ familiari, si nihil aliud impediatur, satis bene præesse possint.

TEXTUS.

De Pupillis.

5. Interdum autem & pupilli curatores accipiunt,

pium, ut puta si legitimus tutor non sit idoneus: quoniam habenti tutorem tutor dari non potest. Item si testamentum datus tutor, vel à pratore, aut præsidente, idoneus non sit ad administrationem, nec tamen fraudulenter negotia administret, solet ei curator adjungi. Item loco tutorem, qui non in perpetuum, sed ad tempus à tutela excusantur, solent curatores dari.

NOTÆ.

5. Curator adjungi) L. 10. §. ult. de excus. l. 13. de tut. l. 2. C. in quibus causis Tut. legitimo tutori etiam suspecto, l. 9. de suspect. tut. alibi tamen tutor appellatur l. 12. de tut. l. 14. & seq. de tutor. dat.

COMMENTARIUS.

Habenti tutorem tutor dari non potest) Regula juris civilis passim in hoc argumento tradita, l. idem fiet 27. de test. tut. l. cum jure 9. C. qui pet. tut. l. si fororis 9. C. qui dar. tut. &c. Cujus vera ratio est quæ à Wesembecio redditur, quod cum tutor personæ pupilli & universo ejus patrimonio datus intelligatur, §. datus 17, inf. de excus. hoc jus ei invito, quamdiu tutor manet, sine injuria adimmi aut minui non possit, appositio alio tutore. Curator autem rectè adjungitur juvandi & sublevandi tutoris causa, & volenti ac petenti item tutor. Cæterum nullam usum hæc regula hodiernis moribus habet. Grot. lib. 1. introd. c. 7. & jure Romano non unam patitur exceptionem. Nam primo habenti tutorem tutor dari potest aliarum rerum, l. propter litem 21. §. ult. de excus. nempe patrimonii pupilli, quod in alia provincia habet, l. tut. 39. patrum 8. de adm. tut. Deinde si tutor furere cœperit, aut mutus vel surdus factus sit; complura senatusconsulta facta esse Cajus auctor est, ut in ejus locum alius tutor detur, l. pen. de tutel. Idem denique traditum est, si tutor Reip. causa abesse cœperit, aut ab hostibus receptus sit, aut relegatus, l. 12. & l. 15. eod. l. 1. & l. pen. C. in quib. cas. tut. hab. Quod tamen & ipsum in plerisque causis non est perpetuum: nam alibi legimus, ob morbum, aut insaniam tutoris curatorem interim dare, d. 10. §. ult. de excus. item propter absentiam eorum omnium, qui ad tempus excusantur, l. 15. & l. seq. de tut. & cur. dat. Existimo prætorem pro qualitate morbi, aut diuturnitate absentiae modò tutorem, modò curatorem dedisse, veteresque hisce nominibus promiscuè sæpè usos.

Nec tamen fraudulenter) Nam fraudulenter in re pupilli versanti, non curator adjungi-

tur, sed tutela interdictitur, l. 6. C. de susp. tut. §. ult. inf. eod. Hæc autem clausula in legitimo tutore omissa est, cujus existimationi propter necessitudinem parcitur, etiam si quid forte peccaverit; & curator ei potius adjungi solet, quam ut notata fide à tutela removeatur, l. 9. de susp. tut.

Sed ad tempus) Quòd Reip. causa absint, l. 15. de tut. dat. aut ob aliam necessariam aut justam causam, l. 16. eod. In ejus autem locum, qui in perpetuum excusatur, alius tutor sufficitur, l. 11. §. 1. de test. tut. l. 1. C. in quib. caus. tut. hab.

TEXTUS.

De constituendo auctore.

6. Quòd si tutor vel adversa valetudine, vel alia necessitate impediatur, quominus negotia pupilli administrare possit, & pupillus vel absit, vel insani sit; quem velit auctorem, periculo ipsius tutoris prætor, vel qui provincia præerit, decreto constituat.

NOTÆ.

6. Auctorem) Pomponius adiutorem tutelæ vocat, l. 13. §. 1. de tut.

Constituatur) Id est, decernet editum, & nominatum à Tutore, & ob hanc causam etiam periculo tutoris, l. 24. de administr. tut. & l. 13. §. 1. de tut.

COMMENTARIUS.

Non semper ex causis, quas diximus, tutori curator à Magistratu additur: sed solet decreto Prætoris auctor constitui periculo tutoris, quotiescumque aut diffusa negotia sunt, aut dignitas, vel ætas, aut valetudo tutoris id postulat, l. decreto 24. de adm. tut. quem adiutorem tutelæ appellat Pompon. l. 13. §. 1. de tut. Curator quoque ex iisdem causis similiter auctorem dat, l. unic. C. de auct. à tut. seu cur. dand.

Vel absit, vel insani sit) Nam si præsens sit & sani potens; nihil necesse est prætorem adire auctoris decreto constituendi causa, cum pupillus ut dominus auctore tutore procuratorem constituere possit, d. l. decreto 24. de adm. tut. l. 11. C. de proc.

Periculo ipsius tutoris) Quamvis tutor curatoris sibi adjuncti periculum non præstet, auctor tamen & adiutor tutelæ periculo tutoris constituitur, licet decretum interveniat, d. l. 13. §. 1. de tut. d. l. decreto 24. de adm. tut. Hoc ideo, quia is qui nominat, idoneum esse promittere videtur, arg. leg. 1. de mag. conv. l. 4. §. 3. de fidei. & nominat.

TITULUS VIGESIMUSQUARTUS.

DE SATISDATIONE TUTORUM VEL CURATORUM.

D. Lib. 27. Tit. 7. C. Lib. 5. Tit. 57.

Continuatio & Argumentum Tituli, cum summa plerorumque, quæ tutela & cura communia.

HActenus dictum est de tutoribus & curatoribus distinctè, & separatim, expostumque, quæ tutelæ, quæ etiam curæ sunt propria. Quæ nunc sequuntur, satisfactio, excusatio, suspecti accusatio & remotio, promiscuæ sunt, & utriusque muneri communia. Quamobrem quæ forte de uno genere brebitatis causâ dicemus, ea de altero quoque intelligenda sunt. Hic autem titulus, quamvis simplicem inscriptionem, duo tamen capita habet: unum est de satisfactioe à tutoribus in præparatione ad officium exigenda, cui respondet titulus in *rem pup. salv. for.* alterum de Magistratibus in subsidium conveniendis, de quo *tit. 8. & C. de magn. conv.* Præter satisfactioem, & duæ aliz res sunt, quæ hic omisse à tutoribus omnibus exiguntur, l. 7. de adm. tut. l. ult. C. arb. tut. l. tutores 24. C. de adm. tut. de quo adi Christ. vol. 3. dec. 151. n. 6. & seq. & dec. 163. num. 7. & seq. Grot. 1. manud. 9. deinde ut jurent se rem ex fide atque ad utilitatem curæ suæ commissorum gesturos esse, Nov. 72. c. ult. unde auth. quod generaliter, C. de cur. fur. Ad hæc pro officio administrationis bona tutoris & curatoris pupillo adolescenti tacitè pignori sunt obligata, l. pro officio 20. C. de adm. tut. & ibi DD. Christin. d. decis. 151. Postremò in eo quoque eadem conditio est tutorum & curatorum, quòd bona pupilli minusve immobilia, atque ex mobilibus quæ servari possunt, alienare eis non licet sine cognitione & decreto judicis, l. lex quæ 22. C. de adm. tut. & ibi DD. add. Christin. d. dec. 151. cum seqq.

* T E X T U S.

Qui satisfactare cogantur.

Ne tamen pupillorum pupillarumve, & eorum, qui quæve in curatione sunt, negotia à curatoribus tutoribusve consumantur vel diminuantur, curet Prætor, ut & tutores & curatores eo nomine satisfactent. Sed hoc non est perpetuum; nam tutores testamento dati satisfactare

non coguntur: quia fides eorum & diligentia ab ipso testatore approbata est. Item ex inquisitione tutores vel curatores dati satisfactatione non onerantur: quia idonei electi sunt.

N O T A E.

Eo nomine satisfactent) Id est pupillum vel adultum datis fidejussoribus securum faciant, l. 1. & pass. D. rem pup. salv. for. hoc enim est satisfactare. Græci ἐνός παρῖχου. Prætoriz stipulationes, qualis hæc est, cautionem pignoratitiam regulariter non admittunt, l. 7. de stip. præ.

Testamento dati) Uti ex testamento confirmati l. 3. de conf. tut. paternum testimonium pro satisfactatione sufficit, l. 7. §. 1. D. de cur. fur. neque enim tutor à patre, nisi spectatæ fidei, & diligentiz eligi solet, l. 36. de excus. Excepi casus l. 8. cum 2. seqq. de conf. tut.

Ex inquisitione) L. 4. C. de tut. qui sat. non ded. & regula est, ubi locus est inquisitioni, cessat satisfactio, l. 8. de cur. fur. l. ult. §. 7. de adm. rer. ad civ. pertin. fides enim inquisitionis pro vinculo cedit cautionis, ut ait Pap. l. 13. in fin. de tut. dat.

C O M M E N T A R I U S.

- 1 Quando pignora in vicem satisfactationis admittantur.
- 2 Plures fidejussores unius tutoris beneficium divisionis non habere. At ex persona plurium tutorum actionem inter fidejussores dividi.
- 3 Nullum esse genus tutorum, in quo non aliqui satisfactandi lege soluti.
- 4 Quid circa satisfactationem, & nonnulla alia, apud nos observetur.

EO nomine satisfactent) Satisfactare propriè est, fidejussoribus datis cavere, l. 1. qui satisfact. cog. Atque hoc prætoriz stipulationes regulariter desiderant l. prætoriz 7. de præ. stip. nimirum quia Prætor fere cavere jubet de eo, quod interest, nec certam estimationem habet, ideo pignora dari noluisti cum

cum sciri non possit, quæ & qualia deponenda sint. Sed & pignora multis casibus sunt obnoxia, multa etiam incommoda, & tædiosam habent custodiam; quod notat Castr. ad d. l. 1. qui satisd. cog. Quod si cautio pro re certa aut quantitate præstanda sit, etiam pignora amittit, l. 1. §. jubet. 9. de collat. l. 2. §. 3. quod legat. Itaque satisfacere tutelæ aut curæ nomine est, stipulanti pupillo vel adolescenti, sive alii, cui de ea re stipulandi jus est, promittere, se pupillum vel adolescentem indemnem præstaturum, datis in eam rem fidejussoribus, qui, quod tutorem ex ea causa præstare oportebit, spondeat: unde hæc cautio dicitur satisfactio de indemnitate pupilli vel adolescentis, & passim satisfactio rem pupilli vel adolescentis salvam fore. Si plures fidejussores & tutores dati sunt; singuli in solidum tenentur, & conveniri possunt: neque beneficium divisionis, quod cæteri fidejussores ex epistola D. Adriani habent, ad fidejussores tutores pertinet, l. ult. rem pup. salv. Cæterum ex persona plurium tutorum inter fidejussores dividitur actio, l. 6. de fidei. & nomine l. 1. §. siquidem. 11. de tut. & rat. distr. pertinet verò hæc stipulatio etiam ad curatores furiosorum & prodigorum, l. 4. §. ult. rem pup. salv. for. Et, siquidem tutor fuit, finita demum tutela committitur, atque exinde dies fidejussoribus cedere incipit: in curatoris statim atque quæque res salva non esse cœperit, d. l. 4. §. 4. Porro quicquid in judicium tutelæ venit, id etiam hac stipulatione continetur: ac proinde non tantum damna illata, sed etiam lucra neglecta, l. 9. d. tit. l. 1. de tut. & rat. distr. l. si tutor 15. de adm. tut. Vinn. Rectè Vinnius, stipulationem pro tutore committi demum finita tutela. Ita enim diserte Ulp. l. 4. §. 4. ff. rem pup. salv. fore. Sed turbare videtur l. 11. ff. eod. ubi Neratius: Cum rem salvam fore pupillo caveretur, committitur stipulatio, si quod ex tutela dari fieri oportet, non præstetur. Unde quidam ajunt, stipulationem statim committi, tutore non præstante, quod cum facere oportebat, sed agi demum posse, finita tutela. Verum salva res est. Non agit Neratius de tempore, quo committatur stipulatio, sed de modo, quo committatur, adeoque ea conciliandi ratione non opus videtur. HEIN.

Sed hoc non est perpetuum. Hoc adeo perpetuum non est, ut exceptiones latius patere videantur, quam ipsa regula: nullum enim genus tutorum est, in quo non aliqui satisfaciendi lege soluti sint: testamentarii in universum, l. testamento 17. de test. tut. l. 3. & 4.

C. de tut. vel cur. qui sat. non ded. Ex legitimis eximuntur patroni, eorumque liberi, l. 5. §. 1. de leg. tut. Ex dativis, qui dantur ex inquisitione, hoc text. & l. pen. C. d. tit. At cur hos omnes à satisfactione immunes esse placuit contra utilitatem, ut videtur pupillorum? Respondemus, nihil hic fieri contra utilitatem pupillorum, tantum ubi illi satis bene prospectum esse creditur, incivile visum est, satisfactionem exigi, virisque spectatæ fidei ac diligentie hoc onus imponi. Tales autem habendi sunt, qui vel testamento, vel ex inquisitione dantur, ob causas, quas mox exprimit Justinianus. Patrono autem liberisque ejus est satisfactio remittitur, id tamen non fit nisi causa cognita, d. leg. 5. §. 1. de leg. tut. Parentem autem manifestorem vel maximè hac lege solum esse convenit.

Tutores testamento dati) Extra quam si facultatum dati à patre tutoris facta sit deminutio, vel morum ante celata aut ignorata emergerit improbitas, vel inimicitie cum patre exarserint, l. 4. de test. tut. l. 8. & 2. seq. de conf. tut. Tutores quoque, qui non legitime testamento dati, aut omnimodo, aut ex inquisitione confirmandi sunt, satisfactio non onerantur; cæteri satisfaciunt, l. 1. §. 2. & aliquot lib. seq. d. tit. §. ult. supr. de tutel. & ibi not.

Ab ipso testatore approbata) Quippe parentes nemini tutelam liberorum suorum committere solent, nisi ei, cujus benevolentia, fides ac diligentia eis satis cognita perspectaque sit, l. amicissimus 36. de excus. ut merito paternum testimonium pro satisfactione sufficere debeat, l. de creationibus 27. C. de Episc. aud. l. ult. §. 5. C. de cur. fur.

Quia idonei electi) Quam ob causam fidem inquisitionis pro vinculo cautionis cedere, Papinian. scripsit, leg. si impuberi 13. in fin. de tut. & cur. dat. Olim apud nos nemo tutor idoneus sine satisfactione æstimabatur: verum hodie prudentiæ & religioni eorum, qui rebus pupillaribus præstunt, ea res committitur, qui non solent satisfactionem à tutoribus exigere, contenti eorum jurejurando, præsertim si testamento dati sint, quod & passim alibi observatur. Joan. à Sande lib. 2. tit. 9. defin. 9. Extat formula jurisjurandi in stat. tutel. ar. Rhiinland. art. 22. Quandoque ab uno ex pluribus tutoribus, cui singulariter administratio conceditur, fidejussores aut pignora, prout res postulat de consilio propinquorum pupilli exiguntur. Qui majoris momenti sunt, non nisi sciente & consentiente Magistratu pupillari tutores facere possunt, nisi is Magistratus

testamento exclusus sit : quo tamen casu nihilominus suprema inspectio, re exigente, penes eos est, qui tribuuntali præsunt, vid. Grot. 1. *manud.* 9. ubi etiam tractat : an tutores, & quinam, mercedem administrationis petere possint ? Item, quando tutoribus liceat quaestorem constituere ? & quædam alia ad tutoris administrantis & quaestoris constituti officium pertinentia.

TEXTUS.

Quatenus satisfactio de iis, qui satisfacere non compelluntur, locum habere possit.

1. *Sed etsi ex testamento vel inquisitione duo pluresve dati fuerint, potest unus offerre satisfactionem de indemnitate pupilli vel adolescentis, & contutori suo vel concutori præferri, ut solus administret : vel ut contutor, aut concurator satis offerens proponatur ei, ut & ipse solus administret.* Itaque per se non potest petere satisfactionem a contutore vel concutore : sed offerre debes, ut electionem des concutori vel contutori suo, utrum velit satis accipere, an satisfacere. Quod si nemo eorum satis offerat, siquidem adscriptum fuerit a testatore, quis gerat, ille gerere debet : quod si non fuerit adscriptum, quem maior pars elegerit, ipse gerere debet, ut editio Prætoris cavetur. Sin autem ipsi tutores dissenserint circa eligendum eum, vel eos qui gerere debent, Prætor partes suas interponere debet. Idem & in pluribus ex inquisitione datis comprobandum est ; id est, ut maior pars eligere possit, per quem administratio fiat.

NOTÆ.

1. *Potest unus offerre*) Unius ex pluribus tutoribus satisfactioni non obnoxiiis provocatione fieri potest, ut cæteri satisfactioni subiciantur, aut huic parato satisfacere administratio committatur, l. 17. & 2. *seq. de test. tut.* cujus instituti rationem pete ex lege 3. §. 6. *de admin. tut.*

Si non fuerit adscriptum) Aut adscriptus gerere nolit, d. l. 3. §. 7.

Prætor partes suas interponere) Id est causa cognita statuere, quis tutelam geret, d. l. 3. §. 7. l. 14. §. 1. *D. de solut.* Sorte rem hic dirimi non placet, quia vertitur in præjudicium alterius. Accurrit.

COMMENTARIUS.

1 *Provocatione unius ex pluribus tutoribus satis-*

factioni non obnoxiiis fieri posse, ut cæteri satisfactioni subiciantur.

2 *Tutelam non tam commodè à pluribus, quàm ab uno administrari : ideoque Prætori curæ esse, ut administratio in unum derivetur, & quis in ea re ordo.*

Hic locus exceptionem quamdam continet eorum, quæ de tutoribus testamento aut ex inquisitione datis satisfactione non operandis initio dicta sunt : nam etsi directio ab his satisfactio exigere non potest ; si tamen plures sint hujusmodi tutores, provocatione unius fieri potest, ut cæteri satisfactioni subiciantur, si huic parato satisfacere administrationem committi nolint. Id quod summa ratione à Prætoribus introductum est. Nam cum periculum administratione non divisa commune sit omnium tutorum, & quod culpa unius male gestum est, alios quoque oneret, l. 6. in fin. *C. arb. tut. l. pen. C. de div. tut.* æquissimum est, ut ei, qui hoc incommodum metuit, soli administratio permittatur satisfactio ad securitatem collegarum offerenti : aut ipsi administrare malint, eadem conditione administrent, collegamque suum, qui satis obtulit, præstita cautione itidem securum reddant. Porro quoniam tutela non tam commodè à pluribus quam ab uno administrari solet, (quippe plures ad administrationem admissi sæpe diffensione aut æmulatione se invicem impediunt ; sæpe etiam, ut ait Aristot. 2. *pol.* 2. mutua præsumptione & fiducia operæ alterius omnes cessant ; utique unus facilius & actiones exercet & excipit) curæ Prætori fuit : ut quoad fieri posset, in paucos, vel unum potius ; tutela derivaret, quàm ut ea per multos spargeretur, l. 13. §. *apparere* 6. *de adm. tut.* eleganter D. Tuld. *cap. 3. & 4. hic.* Hujus autem rei causa gradus complures Prætor fecit, quorum ordinem & numerum hic demonstrat Justinianus. Primus est, ut ei, qui ex pluribus satisfactioni non obnoxiiis satisfactionem offert, gestio committatur, l. 17. *de test. tut.* Proximus : si nemo satis offerat, ut ei committatur, quem testator gerere voluit : cui male primum locum defert Hotom. d. l. 3. §. 1. *de adm. tut. l. 14. §. 2. de solut.* Tertius ; si testator neminem designavit ; ut is administret, quem maior pars collegarum elegerit, d. l. 3. §. *si non 7. d. l. 14. §. 1.* Quartus : si collegæ inter se dissentiant, ut tum Prætor partes suas interponat, & causa cognita ipse statuatur, quis tutelam gerere debeat, *dd. ll.* Sorte hic rem dirimi non placuit, quia vertitur præjudicium alterius, Gloff.

Gloss. in verb. partes. Enim verò hæc ita obtinent, ubi de tutelæ administratione uni aut pucis committenda agitur: nam si omnes gerere velint, aut tutelam inter se dividi vel in partes, vel in regiones, audiendi sunt, ne inviti alienum periculum subire cogantur, d. l. 3. §. pen. & ult. cum l. seq. de adm. tut. Idemque est, si omnes parati sunt satisfacere, d. l. 17. de test. tut. ut tamen maximè idoneum Prætor eligere possit, l. quod si 18. d. tit. Porro nec iudicio testatoris semper in hac restatur, nec satis offerens semper præfertur ob causas, quas affert Ulpian. d. l. 3. §. 3. de adm. tut. d. l. 17. §. 1. & 2. de test. tutor.

Per se non potest petere) Dativus vel testamentarius tutor five curator à collega suo satispetere non potest: sed offerre ei debet, verum satis accipere velit, an dare, leg. 7. rem pup. sal. for. Scilicet ita: aut satisda, aut satis accipe.

In pluribus ex inquisitione) Ex interpretatione videlicet edicti & oratione DD. fratrum: siquidem verba edicti ad testamentarios tantum pertinent, l. si nemo 19. §. 1. de test. tut. Illud hic prætereundum non est, etiamsi uni administratio decernatur; non idcirco tamen honorarios tutores id est, eos qui non administrant, per omnia immunes esse à periculo tutelæ; sed excusis prius facultatibus ejus, qui gessit; etiam hos conveniri posse: quippe quorum munus sit observare actus tutoris gerentis, rationes inspicere, & male versantem suspectum facere, d. l. 3. §. 2. de adm. tut. D. Tuld. c. 4.

TEXTUS.

Qui ex administratione tutelæ, vel curationis tenentur.

2. Sciendum autem est, non solum tutores vel curatores pupillii, vel adultis, cæterisque personis ex administratione rerum teneri, sed etiam in eos, qui satisfactionem accipiunt, subsidiariam actionem esse, quæ ultimum eis præsidium possit afferre. Subsidiaria autem actio in eos datur, qui aut omnino à tutoribus vel curatoribus satisfdari non curaverunt, aut non idoneè passi sunt caveri. Quæ quidem tam ex prudentum responsis, quam ex constitutionibus imperialibus etiam in hæredes eorum extenditur.

NOTÆ.

2. Subsidiariam actionem) Qui in subsidium pupilli datur, & adulti, excusis prius ad-
Tom. I.

ministratoribus, eorumque fidejussoribus. Vide, fufius in Commentario infra.

COMMENTARIUS.

1. Qui & quando præter tutores & curatores pupillis & minoribus teneantur, & quo quisque ordine conveniendus?

PArs hujus tituli altera, in qua agitur de actione subsidiaria, quæ pupillis vel adultis cæterisque personis tamquam ultimum præsidium datur adversus Magistratus, qui satisfactionem exigere debent. Unde apparet, huic actioni locum non esse, ubi testamento vel ex inquisitione dati sint tutores: sed usum ejus esse posse in legitimis tantum, aut simpliciter datis, quos solos satisfactioni obnoxios esse diximus.

Subsidiariam actionem) Quæ ex re ipsa hoc nomen accepit, quia in subsidium pupillis datur, si à tutoribus eorumve fidejussoribus suum consequi nequeant: ut hæc actio ultimum eis sit peragium, & tamquam sacra anchora, l. 4. & §. C. de mag. cnu. Quo res melius intelligatur, sciendum est, primo loco conveniendos esse tutores eorumque hæredes: & si plures sint tutores, eum qui gessit, ejusque successores, l. tutores 39. §. in eum 11. de adm. tut. l. ult. C. de div. tut. quod si is solvendo non sit; hoc cæteros onerare. Si omnes gesserint, unum eligi posse, & in solidum conveniri, l. 2. C. d. l. 1. §. 6. arb. tut. sed electo tum triplici beneficio succurri; divisionis & cedendarum actionum, exemplo fidejussorum, l. 1. §. & siquidem 11. de tut. & rat. dist. d. l. 2. C. de div. tut. & insuper utili actione adversus contutores, si quid ex communi gestu non mandatis actionibus præstiterit, d. l. 1. §. & si forte 13. Si nemo gesserit & omnes solvendo sint; electioni itidem locum esse eumque, qui convenitur, excipere posse periculi societatem: cæterum ut actiones sibi præstentur, frustra desiderare, l. si plures 38. de adm. tut. Quod si à Magistratu vel testatore in partes seu regiones divisa sit tutelæ administratio; pro parte attributa quemque conveniendum esse, nisi cujus solus aut culpa arguatur, quod collegam suspectum non fecerit, aut fecerit quidem, sed collusorie, aut evectis jam ejus facultatibus, d. l. 1. C. de div. tut. l. Lucius 46. §. pen. de adm. tut. Conventio autem tutorum mutuum periculum non finitur: verum qui administravit, si solvendo sit, ejusque successores primo loco conveniendi, l. ult. C. d. tit. Porro & bona tutorum

tum propter res gestas, tum propter non gestas pupillis esse obligata, *l. pro offic. 20. C. de adm. tut. Myns. Schneid. hic.* Atque hic pupillo consistendum, si à tutoribus satisfactum non est, quia testamento aut ex inquisitione dati. Si verò tales sint, ut satisfacere debuerint, nec exacta sit satisfactio, post tutores statim ad Magistratus venit, qui officium suum in exigendo neglexerunt; ut *boc text.* Exacta autem cautione, proxime post tutores hæredesque eorum conveniuntur dati fidejussores, iisque deficientibus hæredes eorum, *l. 3. de fidei. & nomin. & hær. tut.* Atque ad extremum excusis omnibus & administratorum & fidejussorum bonis, si solidum pupillus nondum consecutus est; subsidiaria actio est in Magistratus, qui satisfactionem acceperunt, *l. Lucius 46. §. pen. de adm. tut. l. 4. C. de Mag. con.* Nonnumquam tamen prius ad Magistratus venit quam ad contutores: si nimirum his nihil imputari possit, quod vel satis à contutore non exegerint, vel suspectum cum non fecerint, *vid. leg. 1. §. usque adeo 15. de tut. & rat. dist. junct. l. 14. de adm. tut. l. 2. & 3. de Mag. conv. add. Vvelf. par. de adm. tut. num. 5. & de Mag. conv. per tot. Christin. vol. 3. dec. 156. num. 9.*

Non idonei passim sunt caveri) Quoties vitiose cautum est, non videtur cautum, *l. 6. qui satisf. cog.* Atque hic notant, paria esse, utrum quid non fiat, an non debito modo. Sed hoc interest, quòd ubi omnino cautum non est, statim Magistratus conveniri possunt; ubi cautum est, licet non idoneè, fidejussorum bona prius excutienda sunt, quam ad Magistratus veniatur.

In hæredes) Non tamen similiter tenentur hæredes Magistratum, ut ipsi Magistratus. Nam nec hæres tutoris negligentia nomine tenetur. Nam Magistratus quidem in omne periculum succedit; hæres ipsius doli tantum, & dolo proximæ culpæ succedaneus est, *l. 4. de Mag. conv. l. 2. C. eod.* Etenim si Magistratus tanta fuit negligentia, ut aut omnem cautionem omittere, aut eviderentur cum minus idoneis fidejussoribus contraheret; ipsum hoc casu loco fidejussoris habendum placuit, *l. 6. eod.*

TEXTUS.

Si tutor vel curator cavere nolit.

3. *Quibus constitutionibus & illud exprimitur, ut nisi caveant tutores & curatores, pignoribus captis coercantur.*

COMMENTARIUS.

Pignoribus captis) Pignora ideo dicuntur, quia aliquamdiu, & donec aliquid fiat, retinentur: eaque pars fuisse videtur multæ ditionis. Quod si in contumacia perseverent, removendi à tutela ut suspecti, *leg. 3. de susp. tut.*

TEXTUS.

Qui dicta actione non tenentur.

4. *Neque autem Praefectus urbi, neque Praetor, neque praef. provincia, neque quisquam alius, cui tutores dandi jus est, hac actione tenebitur: sed hi tantummodo, qui satisfactionem exigere solent.*

NOTÆ.

Qui satisfactionem exigere) In urbe scriba, in provinciis Duum viri, *l. ult. C. d. tit. l. 3. §. ult. D. de pecul.*

COMMENTARIUS.

1 *In ipso etiam si Magistratus majores cautionem exigere potuerint.*

2 *Moribus bodiænis perexiguum actionis subsidiaria usum esse.*

Cui tutores dandi jus est) Κατ' ἐξουσίαν, vel jus plenum & liberum, quale item habent Proconsules, cæterique, quibus provinciarum regendæ commissæ, *l. 1. de tut. & cur. dat. l. 1. §. 1. D. de Mag. conv.* alioqui & Magistratus municipales jus dandi tutores habent, sed circumscriptum, aut pendens ab arbitrio & jussu majorum Magistratum, *leg. 3. d. tit. junct. §. sed hoc jure 4. sup. de Attil. tut.* Locus hic descriptus ex *l. 1. §. 1. de Mag. conv.*

Qui satisfactionem exigere solent) Ut Magistratus & defensores civitatum οἱ ἐπαγγεῖλοι καὶ ἰατρίκοι τοῦ πάλαιου. Theophil. Item Scriba Præfidis vel Prætoris, *leg. ult. Cod. eodem.* Ait, *exigere solent.* Potuitne ergo & ipse Prætor cautionem exigere? Et potuisse non dubito, *leg. 2. & 3. rem pup. salv.* Igitur & Præfides potuerunt. Nulquam tamen reperimus, in eos actionem subsidiariam dari: sed contra, generaliter non dari: fortassis propter eminentiam dignitatis: eorum vel quia absurdum videtur, eis, qui sine satisfactione tutorem dare poterant, fraudi esse, quòd singulari erga pupillum affectu ducti, quo certius ei cautum esset, fidejussores exegerint. In his regionibus actioni

actioni subsidiaſſimæ vix locus eſt; ut ſupra quoque monuimus; neque in Germania uſum ejus eſſe teſtatur Treutl. vol. 2. diſp. 9. theſ. 7. in Gallia quoque deſuetudine abrogata ex Bugnion. libr. 1. de leg. abrog. ſatyr. 2. reſert Gothofr. ad rubr. de Mag. convo. quod miror à Barone adnotatum non eſſe. Planè ſi quid dolo malo in ſatiffactione exigenda Magiſtratus fe-

ciſſe convincerant, puta quoddam ſcientes & prudentes videjuſſorem minus idoneum admiferint; hoc caſu etiamnum eos teneri, tradunt D. Tuld. ad d. tit. Cod. num. 3. & Perez ibid. num. 4. Chriſtin. vol. 3. deciſ. 181. num. 4. & 7. Groenevv. de ll. abrog. bic. Atque ita judicatum referunt Bugn. præd. loc. Pap. libr. 10. tit. 4. artic. 10.

TITULUS VIGESIMUS QUINTUS.

DE EXCUSATIONIBUS TUTORUM VEL CURATORUM.

D. Lib. 27. Tit. 1. C. Lib. 5. Tit. 62.

Ratio ordinis, & quadam περιτροπαι.

Traſſationem de excuſationibus & ſuſpectis tutoribus in poſtremum hunc locum rejecit Juſtinianus, cum ageret de modis, quibus tutela finitur, §. ult. ſup. quib. mod. tut. fin. Hoc tit. agit de excuſationibus, ſequenti & poſtremo de ſuſpectis. Utrumque autem etiam hoc argumentum promiſcuum eſt, atque ex æquo ad tutores & curatores pertinet. Excuſare ſe nihil aliud eſt, quàm juſtam cauſam apud Magiſtrum allegare ad obtinendam à tutela, ſive delata, ſive ſuſcepta, immunitatem. Ajo, ſive delata, ſive ſuſcepta. Nam excuſationum uſus eſt & ante & poſt ſuſceptam adminiſtrationem, ut ex ſequentibus apparebit. Ajo, juſtam cauſam. Nam ſi excuſatio juſta æque ad eam rem conſtituta cauſa nitatur, non eſt audienda. Etenim tutela munus publicum eſt, cujus ea conditio, ut id, niſi juſta cauſa aſſeratur, neque delatum detrectari, neque ſuſceptum deponi poſſit, l. 1. §. 1. & 4. l. 6. de mun. & bon. l. 1. & paſſim de vac. mun. l. 1. de adm. tut. Cauſæ excuſationum variz ſunt; hic octodecim fere enumerantur, plures in κ. & Cod. hoc tit. Atque harum omnium quædam certæ ſunt & legibus ita definitæ, ut ſimpliciter ſint recipiendæ; cujuſmodi ſunt numerus liberorum, adminiſtratio ſciſci, abſentia Reip. cauſa, &c. aliz arbitrariz: quæ, cauſa cognita, à Magiſtratu vel recipi, vel rejici poſſunt; quales ſunt verbi cauſa paupertas, adverſa valetudo, imperitia litterarum.

ex cauſis: plerumque tamen propter liberor, ſive in poteſtate ſint, ſive emancipati. Si enim tres liberos ſuperſites Roma quis habeat, vel in Italia quatuor, vel in provinciis quinque, à tutela vel cura poteſt excuſari, exemplo cæterorum munerum: nam & tutelam & curam placuit publicum munus eſſe. Sed adoptivi liberi non proſunt: in adoptionem autem dati naturali patri proſunt. Item nepotes ex filio proſunt, ut in locum patris ſui ſuccedant: ex filia non proſunt. Filii autem ſuperſites tantum ad tutela vel cura muneris excuſationem proſunt: defuncti autem non proſunt. Sed & in bello amiſſi ſunt, queſtum eſt, an proſint: ut conſtat, eos ſolos prodeſſe, qui in acie amittuntur. Hi enim, qui pro Republica ceciderunt, in perpetuum per gloriam vivere intelliguntur.

NOTÆ.

Propter liberor) Ex mod. l. 2. §. 2. & ſeq. D. b. l. 1. C. qui num. lib. Vide fuſius in comm. inf.

Publicum munus) L. 1. §. 4. l. ult. §. 1. D. de mun. & bon. l. 9. de his qui ſui vel alien. jur. nempe ratione neceſſitatis: propriè enim Reipub. munus non eſt, l. 6. §. 15. D. b. l. vide Comment.

Adoptivi liberi non proſunt) Olim proderant; quem morem reprehendit P. Scipio apud Gell. 5. cap. 19.

Qui in acie amittuntur) L. 18. b. l. & ita cape Mod. in l. ult. de vac. mun. in bello amiſſus. Gell. 2. c. 15. aut bello amiſſi: non per cauſam belli in obſidione fortes ſed in acie, in prælio: Saluſt. In eo bello trecenti milites deſiderati. Vide Comm.

TEXTUS.

De numero liberorum.

Excusantur autem tutores & curatores variis

COMMENTARIUS.

Propter liberor) Romanis ſtudioſum fuit, ad matrimonia omnibus modis invitare, quod publicè intereſſe credebant juſta ſobole repleſſi civitatem; quam ob cauſam & T 2

pœnis cœlibes, & maritos, quod liberos suscepissent, præmiis affecerunt: quod effectum maximè legibus Juliis de maritandis ordinibus, & lege Papia Poppæa, de quibus Cujac. ad l. 2. *hoc tit.* Lipsius in *comm.* ad 3. *annal.* ad verba Taciti, de moderanda Papia Poppæa. Hotom. in *descriptione legum Rom.* Inter hæc præmia immunitas fuit à muneribus civilibus, l. 1. pr. l. 2. de *vac. mun.* ac proinde etiam à tutela & cura, l. 2. §. 2. *hoc tit.* l. 2. *Cod. qui mun. lib.*

Sive emancipati) L. 2. §. 3. *hoc tit.* l. 2. §. *incolumen* §. de *vac. mun.* quippe hæc immunitas non tam propter onus domesticum educationis liberorum conceditur, ut vulgo existimant, quàm ut præmium, & remuneratio πολιταις. De jure trium liber. vid. Duar. 1. *diff.* 40. VINN. Et multo accuratior M. Vertran. Maurum de *jure liberorum*. HEIN.

Tres liberos Romæ, in Italia quatuor, §. 1. L. 1. C. *quin lib. se exc.* Hic apparet discrimen aliquod loci adhuc relictum fuisse inter Latinos, provinciales, cæterosque cives, qui urbem incolerent, etiam post constitutionem Antonini, in l. in orbe 17. de *stat. hom.* quamvis omnes ex ea constitutione effecti sint cives Romani, quod & alibi observare licet, §. per traditionem 40. *inf. de rer. div. & inf. de usuc. in pr.* itemque in *pr. quib. al. lic.* Quod autem de Roma hic dicitur, Schol. Th. transfert & ad novam Romam τῆς Κωνσταντινουπόλεως, & Thraciam τῆς Θράκης, VINN. Frustra hoc præmium parentum Vinnius refert ad reliquias diversorum jurium civitatis, Latii, & provinciarum. Hic enim non ad diversos status hominum refertur, sed ad locum, ubi quisque habitaret. Hinc civem in provinciis quinque provinciales Romæ tres liberi excusabant. Simile privilegium pro diverso loco habitationis diversum est in l. 2. C. *Theod. de integ. restit.* Hinc nec *prinç. Inst. quib. al. licet*, huc pertinet. Alia enim est Italia, aliud solum *Italicum*. Illa alpihus & utroque mari finitur: hoc, ubicunque coloniz Italici juris occurreret, erat. Vid. V. C. Schulting. *Jurispr. Ant.* p. 619. HEIN.

Exemplo cæterorum munerum) Personalium nimirum: nam à patrimonialibus muneribus, quæ rerum & possessionum propriè onera sunt, numerus liberorum non excusat, l. 2. §. 4. l. 10. & *seq. de vac. mun.* neque ab honoribus, muneribusque his coherentibus, d. l. 2. §. 1. nisi major sit, videlicet sexdecim liberorum, l. 5. §. 2. de *jur. imm.* aut minimi *xii.* l. si quis 24. C. de *decur.* quo tamen loco pro *xii.* substituendum esse *xvi.* existimat Cujac.

Publicum munus) Tutela propriè non est munus publicum: neque enim rem publicam, sed privatam pupilli tutor tractat: nec Reipub. peculiariter interest pupillis tutores dari, l. 2. §. *pen. in fin. ad municip.* sed per consequentias & improprie loquendo: quia ad curam publicam pertinet orbos ac pupillos tueri ac defendere, l. 2. §. 2. *qui per. tut.* Hinc facile intelligitur, cur Modestinus neget, tutelam esse munus Reipub. l. 6. §. *tutela* 15. *hoc tit.* At quid si dicamus, ideo tutelam appellari munus publicum, quia cuiusvis è populo non secus ac cætera munera publicè injungi potest.

Adoptivi liberi non profunt) Quod & generaliter traditum est, d. l. 2. §. 2. de *vac. mun.* Et ratio est, quia hæc beneficia patribus data sunt, qui numero civium Remp. auxerunt. Meminit Tacitus 15. *annal. cap. 19.* Senatusconsulti facti tempore Neronis, quo cautum erat, ne liberi adoptivi ad præmia patrum prodesse.

In adoptionem dati profunt) Ex quo manifestè liquet quod paulo ante diximus, hanc immunitatem magis esse beneficium πολιταις, quàm levamentum oneris domesticæ.

Nepotes ex filio) Scilicet demortuo, l. 2. §. non solum 7. *hoc tit.* nam ex filio emancipato nati, avo ideo non profunt, quia ille ei prodest, & hi patri suo. Quod si plures sint ex uno filio nepotes, non singula capita constituunt, sed unum universi: patremque omnes simul repræsentant, d. loc. quod & in cæteris muneribus obtinet, l. 3. C. de *his qui nunt. lib.* 10.

Ex filia non profunt) Non quia in avi materni potestate non sunt: nam nec emancipati, nec in adoptionem dati in potestate patris manent, quos tamen prodesse constat, sed quia duobus prodesse non debent: profunt autem patri suo aut avo paterno, l. 2. C. *qui n. lib.*

Superfluit) L. 2. §. 4. *hoc tit.* l. 2. §. *incolumen* §. de *vac. mun.* quippe hi soli & Reipub. usui, & parentibus oneri sunt. Defuncti non profunt, præterquam bello amissi, d. *ritul.* Quod Ulp. l. bello 18. *hoc tit.* & Justin. *bis* de iis accipi volunt, qui in acie seu in prælio in τῇ συμμαχῇ amissi sunt, propterea quod hi pro Repub. cecidisse intelligantur, & in perpetuum per gloriam vivere. Unde cum ex statuto secundo genitus in jure primogenituræ præferretur filio primogeniti præmortui: responsum est, hoc locum non habere, si in acie primogenitus occubisset. Ayala lib. 3. de *jur. tell.* c. 7. n. 21. Qui verò per causam belli in obsidione, præsidii, castris abripiuntur, huc non

non pertinent, d. l. bello 18. De iis, qui pro patria mortem oppellunt, prælare M. Tullius pro Plancio. c. 37. & Philip. 9. cap. 2. Liv. lib. 25. cap. 3^o. Diod. Sic. lib. 15. αὐτὶ θανόντες ἐξ αἰτίας ἀσφαλείας μῆμα καταλαμβάνουσι, in Lesbani. boriat.

TEXTUS.

De administratione rei fiscalis.

1. Item divus Marcus in semestribus rescripsit, cum, qui res fisci administrat, à tutela & cura, quamdiu administrat, excusari posse.

COMMENTARIUS.

IN semestribus) Crebra est semestrium D. Marci in libris nostris mentio. Auctor est Suetonius in Aug. c. 35. Augustum semestria Senatorum aliquot consilia sibi instituisse cum quibus de negotiis ad frequentem Senatuum referendum, ante tractaret. Dio. lib. 53. scribit, ex reliquo numero Senatorum quindecim ad hoc sorte lectos esse ἐξ ἑκάστου; quod exemplum Marcus secutus videretur. Vid. Pet. Fab. in præfat. semest.

Res fisci) Vel etiam rem privatam Principis, l. administrantes 41. hoc t. Huc referuntur & exactores tributorum, l. exactores 10. C. eod. colonos patrimoniales, l. ult. C. qui dar. tut. ceterosque, quibus Princeps curam alicujus rei injunxit, l. geometra 22. §. 1. l. jurisperitos 30. eod.

TEXTUS.

De absentia Reipublicæ causa.

2. Item qui Reipublica causa absunt, à tutela, vel cura excusantur. Sed etsi fuerint tutores, vel curatores dati, deinde Reipub. causa abesse experitur, à tutela vel cura excusantur, quatenus Reipub. causa absunt: & interea curator loco eorum datur, qui si revocati fuerint, recipiunt onus tutela, nam nec anni habent vacationem, ut Papinianus libro quinto responsorum scripsit: nam hoc spatium habent ad novas tutelas vocati.

NOTÆ.

2. Reip. causa absunt) L. 1. C. si tut. reip. caus. l. 41. D. h. tit. Quinam reipub. causa abesse dicantur, discit ex l. 32. l. 35. l. 38. D. ex quib. caus. maj. Vide fultius & comment. infra. Ad novas tutelas vocati) Qui cum Reip. causa abessent, ad novas tutelas vocati sunt, re-

versi anni vacationem habent: sed munus ante susceptum statim resumit debet, l. 10. pr. & §. 2. l. 45. D. h. tit. l. 2. C. si tut. reip. caus.

COMMENTARIUS.

Recipub. causa absunt) D. l. admistrantes 41. §. 2. hoc tit. Reip. causa abesse dicuntur qui publici alicujus muneris vel officii causa, cui præsumt, ab urbe profecti sunt, ut ex Modestino, Paulo, & Ulp. discimus, l. abesse 32. l. qui mittuntur 35. l. si cui 38. ex quib. ca. maj. Horum duo sunt peculiariora: nam cum ceteri, qui propter solum officium aut Magistratum exculantur, susceptam tutelam deponere non possint, §. seq. eamque, à qua excusati erant, statim finito officio suscipere cogantur, arg. §. præc. l. geometra 22. §. 1. & d. l. administrantes 41. hoc tit. Utrumque contra est in iis, qui Reip. causa absunt: nam à suscepta, quamdiu Reipub. causa absunt, excusantur: & si interim ad novam tutelam vocati fuerint, reversi anni habent vacationem; hoc text. l. 10. eod. Ubi Modestinus sic scribit: εἰ χρεώας δὲ μὲν εἰσὶν ἄλλοις ῥωμαῖοι ἕνεκα ἀποδυνάστευτος ἐν αὐτῷ ἔχοντος ἀνάγκησιν κατὰ τὸ ἐπαυλίδιον. Ergo abentes municipii causa non videntur hanc anni vacationem habuisse, contra quam sentit Wesemb.

TEXTUS.

De Potestate.

3. Et qui potestatem aliquam habent, se excusare possunt, ut divus Marcus rescripsit: sed susceptam tutelam deferre non possunt.

COMMENTARIUS.

Potestatis vocabulum apud nostros aliquando largè accipitur, ut iis etiam attribuitur, qui cum Magistratus non sint, notionem tamen aut jurisdictionem aliquam habent, ut in edicto Quod quisque juris, &c. l. 1. §. 1. item in l. 3. §. ult. de rec. arb. l. 3. in fin. ad leg. ful. majest. Sæpe item hæc vox significat publicam illam jubendi ac coercendi auctoritatem, quæ Magistratuum est, sed omnium communis: ut idem sit Magistratus potestas & imperium. Et hoc est quod Paulus scribit, l. potestatis 215. de verb. sign. potestatis vocabulo imperium in persona Magistratum significari: ac proinde in hac significatione verum est, etiam minores Magistratus imperium potestatemque habuisse. Nonnumquam etiam

κατ' ἐξουσίαν soli Magistratus majores imperium & potestatem habere dicuntur; minores sine imperio & potestate esse, *l. nec magistratibus* 32. *de injur. l. 2. de in jus voc.* Atque in excellentiori hoc significata verbum potestatis hic accipiendum esse, ex eo perspicuum est, quod Aedilitas à tutela non excusat, *l. non tantum* 17. §. *si qui* 4. *boc tit.* Magistratus tamen civitatum, τὸς στρατιῶν τῶν πόλεων, remissionem à tutela habuisse aperte testatur Modestinus. *l. 6. §. remittuntur* 16. *cod. add. Cujac. ad l. 4. in fin. cod. Ant. Fab. l. jurispr. boc tit. pr. boc tit. pr. l. ill. 3.* Sed vix est, ut id hodie observetur, Bern. Autumn. *coll. jur. ad d. l. 6. §. 16.* VINN. Quamvis magistratus municipales à tutela excusari posse tradat Modestinus *l. 6. §. 16. ff. de excus. obstat tamen videntur l. 3. ff. qui pet. tut. & l. 23. pr. de excus.* Ubi idem negari videmus; nisi Modestinum per τὸς στρατιῶν duumviros; Paulum & Ulpianum reliquos minores magistratus municipales intelligere dicas. Sanè & Romæ, cuius instituta fere imitabantur municipia, inter magistratus majores & minores distinguebatur, quoties de hoc privilegio erat questio *l. 17. §. 4. ff. b. t. HEIN.*

Susceptam deservere non possunt) Magistratibus, qui ante se miscuerunt administrationi, vacatio à tutelis non conceditur, *d. l. non tantum* 17. §. *sanè* 5. in quo differunt ab iis, qui Reip. causa abesse coguntur; ut paulo ante dictum.

TEXTUS.

De lite cum pupillo vel adulto.

4. *Item propter item, quam cum pupillo, vel adulto tutor vel curator habet, excusari non potest, nisi forte de omnibus bonis, vel hereditate controversia sit.*

NOTÆ.

4. *Nisi forte de omnibus bonis*) Aut maxima eorum parte, *l. 20. l. 21. cod.* quo casu etiam utile pupillo nolentem se excusare à tutela removeri, *d. l. 20.* Vide in Comment.

COMMENTARIUS.

Iusta causa excusationis non est, quod litem aliquam cum pupillo tutor habet: sed si judicium agendum sit, quia tutor in rem suam auctor fieri non potest, curator interim ad hoc pupillo datur, qui judicio peracto curatore esse definit, §. *ult. de auct. tut.* At si de omnibus bonis, plurimave eorum parte, aut

de hereditate lis sit, æquum est excusationem tutoris recipi, *l. si pupillum* 20. §. *1. seq. boc tit.* Immo utile pupillo, etiam nolentem se excusare à tutela removeri, *d. l. si pupillum.* Non tamen in quavis disceptatione hereditatis simpliciter & sine cognitione causæ recepta fuisse videtur tutoris excusatio, *ar. l. si ut allegas* 16. *C. cod.* Hodie tota hæc questio inutilis: nam *Novella Justiniani constitutione* 72. c. 1. veratur quilibet creditor aut debitor pupilli tutor ejus esse. Dixi supra ad *d. §. ult. de auct. tut.*

TEXTUS.

De tribus tutelæ & curæ oneribus.

5. *Item tria onera tutela non affectata, vel cura, præstant vacationem, quamdiu administrantur; ut tamen plurium pupillorum tutela, vel cura eorum bonorum, veluti fratrum, pro una computetur.*

COMMENTARIUS.

Nemo ita onerandus est alienis negotiis, ut sua ipsius negligere cogatur: adeoque & pupillorum interest, tutorem non nimis multis negotiis implicari. Quamobrem placuit tria onera tutelarum, vel tria onera curationum, vel tria onera permistarum tutelarum & curationum, quartæ tutelæ curationisve excusationem præbere, *l. 2. §. ult. §. 1. seq. boc tit. l. un. C. qui num. tut.* Sufficere item visum est, tria ejusmodi onera esse in una domo; hoc est, unam familiam tria onera tutelarum aut curationum sustinere: ac proinde & tutelarum numerum, quas pater gerit, filio, & quas filius gerit, patri, & quas frater, fratri, qui in ejusdem patris potestate est, ad excusationem prodesse, *l. 4. §. ult. cod.* modò tutelæ, quas filii administrant, spectent ad periculum patris, *l. 5. cod.*

Non affectata) Tutelæ affectatæ in numerum tutelarum non cedunt, *l. spadonem* 15. §. *est autem* 15. *cod. l. 1. un. C. qui nu. tut.* Itaque si quis lucrum captans ultro se tutelæ obtulit, siue tunc *ἐπιμνησας* suscepit, ut numerum trium expleret, à quarta non excusabitur, *d. §. est autem*, sic enim verba Modestini, *ὁ πατὴρ τοῦ εὐνοῦτος ἐκτετακός*, interpretor, *πατὴρ*, scilicet, *ἐπικαθ' ὅτι* vel ut non tutor pauper, quemadmodum Holoander vertit, sed pauperis tutor iis verbis significetur; quam interpretationem & Theophilus juvat: nam Curtius verba Theophili, *ἐκτετακός* *ὡφελισαμένη*, perperam interpretatus est, *tute-*

tela opulentam, cum tenuissimam vertere debuerit; quod mirum est D. Gothofredum non animadvertisse.

Quandiu administrantur) Id enim maxime consideratur in tantum, ut, si aut priorum pupillorum ætas prope pubertatem sit, aut eorum, quorum ad tutelam nunc primum tutor vocatur, excusatio non detur, *l. non tantum 17. hoc tit.* Hinc quoque est, quod in numerum tutelarum non placet cedere, si quis sit fideiussor tutoris, vel si Magistratus municipalis tutorem dedit, licet periculum eos spectet, & Magistratus in subsidium conveniri possit. Sed nec honorarius tutor periculum in numerum tutelarum imputat, *l. spadonem 15. §. si civitatis 9. eod.* ad quem tamen quasi pars quædam administrationis pertinet: tenetur enim actus gerentis sollicitè observare, eamque si male versetur, suspectum facere, *l. 1. §. 2. de adm. tut.* Enimvero tutor, qui cessat in administratione tutelæ, eam ratione periculi in numerum trium computat, *l. si in qui 31. in fin. pr. hoc tit. l. si quis 60. de rit. nupt.* nimirum quia qui cessat, principaliter tenetur, & suo nomine, perinde ac si gefisset.

Pro una computetur) Tria onera non ex numero pupillorum aut adolescentium computantur, sed ex diversitate patrimoniorum, rationumque & conficiendarum & reddendarum difficultate: nam si tres sint fratres consortes, hoc est, qui indivisum patrimonium habent, pro una tutela est: si tres dissortes, tres sunt tutelæ, *l. 3. d. l. si in qui 31. §. ult. hoc tit.* Idemque est & in aliis five cognatis five extraneis consortibus aut dissortibus, *d. §. ult.* Sed & contra aliquando unius pupilli tutela ob eandem causam ad excusationem sufficere debet: si nimirum tam diffusa, negotiosa, & molesta sit, ut pro pluribus cedat, *d. §. ult.* cuius rei difficultas fere est in arbitrio Prætoris tutelariis ut ex eodem loco intelligitur: & hic notat Bachov. add. Cujac. ad *l. 2. eod.*

TEXTUS.

De paupertate.

6. Sed & propter paupertatem excusationem tribui, tam divi Fratres, quam per se Divus Marcus rescriptis, si quis imparem se oneri iniuncto possit docere.

COMMENTARIUS.

DESumptus hic locus est *l. 7. & l. post susceptam 40. §. 1. hoc tit.* Est autem hæc excusatio ex iis quoque, quarum receptio aut

repudiatio pendet à Magistratu, cuius de ea re cognitio est. Nam qui hac excusatione utitur, docere debet, se imparem esse onere iniuncto, hoc est, tam tenuis & nullius fortunæ, ut vix sibi quærere possit vix necessaria: quod iudicem æstimare oportet, Myn. Schneid. Vvesemb. hic.

TEXTUS.

De adversa valetudine.

7. Item propter adversam valetudinem, propter quam ne suis quidem negotiis interesse possit, excusatio locum habet.

COMMENTARIUS.

ET hæc causa ex earum genere est, quæ cognitionem Magistratus desiderant: neque enim quæcumque valetudo excusat, sed ea, quæ impedimento est, quominus quis suis rebus superesse possit, *l. 10. in fin. l. pen. §. ult. hoc tit. l. un. C. qui morbo.*

TEXTUS.

De imperitia litterarum.

8. Similiter eos, qui litteras nesciunt, esse excusandos; Divus Pius rescriptis: quamvis & imperiti litterarum possint ad administrationem negotiorum sufficere.

COMMENTARIUS.

Litteras pro πᾶσι aut humanitate sæpe accipi notum est. Propriè tamen litteræ elementa significant, *l. 11. §. 3. de inst. act. l. 6. §. ult. de bon. poss. l. 1. §. sed ceterarum 7. de var. & ext. cogn. Cic. pro Sylla c. 16. Littera posteritatis causa reperta sunt.* Hinc nescire litteras dicuntur qui ne elementarii quidem sunt, hoc est, qui nec legere nec scribere didicerunt, *l. 3. §. 2. de accus. l. hac consultissima 21. l. nostram 30. C. de testam. ut & è contrario scire litteras, qui scribere sciunt, l. pater 93. §. 1. de acq. her. l. discreti 10. C. qui test. fac. Suet. in Claud. cap. 10. idque ex usu etiam aliorum auctorum, ut multis docet Duar. 1. dispnt. 3. & vel unum illud Neronis aphothegma ostendit, Velim nescire litteras; de quo Senec. 2. de Clem. c. 1. Eandemque loquendi formam etiam Græcis familiarem fuisse, argumento est vetus illud proverbium, quo Plato usus est 3. de legib. *μὴ οὐκ οἶσιν γραμ-**

γραμματα οδίσιν. Nec dubito, quin Just. hic & Paul. l. 6. §. ult. eod. eodem modo hac locutione utantur, ut nescire litteras iis sit, neque legere scire, neque pingere; & imperiti litterarum Justiniano ἀγράμματοι, Modestino in d. §. idem quod αἱ ἀσφάβτοι. Nam dicere se studiis litterarum imbutum non esse, & ἀσφάβτος hic causari, sanè quàm ineptum est.

Quamvis & imperiti litterarum) Axioma discretum, quamvis imperiti litterarum non sint negotiorum expertes; tamen à tutela sunt excludendi. Cui per connexum contradicere videtur Paul. d. l. 6. §. ult. Si imperiti litterarum non sint negotiorum expertes, à tutela non sunt excusandi. Sunt qui particulam quamvis hoc loco notam esse volunt exceptionis, contra perpetuum & certum Latini sermonis usum. Alii nescire litteras, Paulo esse, non didicisse humaniores litteras, in studiis litterarum non esse verfatum, quasi litterarum, hoc est politiores humanitatis expertes ad tutelam administrandam minus idonei videri debeant. Fabulæ. Puto etiam litterarum ignorantiam ad classem earum excusationum referendam esse, quæ arbitrio Magistratus nunc admittantur, nunc rejiciunt. Itaque quod Just. ait, imperitos litterarum esse excusandos; non ita accipi velim, quasi simpliciter & semper excusari debeant, sed causâ cognita, si forte tutela diffusior atque negotiosior, ut propter rationum conficiendarum difficultatem ab imperito litterarum commodè administrari non possit, quamvis is ad res alias gerendas sit idoneus: nam ut memorizari omnia credat, ab eo exigi non oportet; nec satis tutum, vicaria aliorum opera in commentariis, & ephemeridibus conscribendis uti. Quod si tutela non sit magni patrimonii sùταλις, aut aliàs satis expedita, cui gerendæ sufficiat quivis non hebeti ingenio, neque expert negotiorum; nulla ratio est, cur quis ob solam imperitiam litterarum ab ea excusetur. Atque ita Paulum semper in d. l. 6. §. ult.

TEXTUS.

De inimicitia Patris.

9. Item si propter inimicitias aliquem testamentum tutorem pater dederit; hoc ipsum præstat ei excusationem; sicut per contrarium non excusantur, qui se tutelam administraturos patri pupillorum promiserant.

COMMENTARIUS.

Propter inimicitias) Quo molestiam exhibeat inimico, ἢ αἰκαλεσθῆναι ὅσως καὶ πρᾶγμα; ut subjiciatur libris & negotiis, d. l.

6. §. διδωται. 17. Nam si testator bona mente eum tutorem dedit, cui inimicus antea, infensusque fuit; hoc ipso videtur facta gratiz reconciliatio. Dicam plura inf. §. 11.

Non excusantur) Qui patri pupillorum tutorem se futurum promissit, nulla excusatione gaudet, quamvis aliàs excusare se jure possit, quasi excusationibus renuntiassè videatur, qui ita fidem suam obligavit, l. spadonem 15. §. 1. hoc tit. l. ex sententia 29. de test. tut. VINN. Sunt, qui inde novum fingunt tutelæ passivæ genus. Sed frustra. Ejusmodi enim tutor verè est testamentarius, quamvis promissio occasionem patri dederit, hunc tutorem dandi, & ita etiam intelligenda l. 29. fin. ff. de test. tut. In Germania tamen & illustria & privata exstant tutelæ passivæ exempla; de quibus B. Strykius in Usu ff. lib. 26. tit. 1. §. 14. & collega conjunctissimus olim Petr. à Ludewig. in Differ. jur. Rom. & Germ. in tutel. differ. 4. HEIN.

TEXTUS.

De ignorantia Testatoris.

10. Non esse autem admittendam excusationem ejus, qui hoc solo utitur, quod ignotus patri pupillorum sit, Divi fratres rescripserunt.

COMMENTARIUS.

Ignotus patri) D. l. spadonem 15. §. qui dixit 14. Excipiunt DD. post Glossam hic, nisi quis dicat, se ibi domicilium non habere, ubi ad tutelam vocatus est, l. ult. §. ult. eod. Sed hoc genus est excusationis omnium commune.

Divi fratres) Marcus Antonius Philosophus, & Ælius Verus, T. Antonini Pii filii, Adriani nepotes, qui primi duo Augusti appellati, & fastis consularibus sic inscripti sunt auctore Spartiano in Alio vero, c. 1. Appellantur & fratres Imperatores, l. fratres 31. de pan. l. si adulterium 38. §. fratres 4. ad leg. jul. de adul. vid. Ant. Augustin. lib. sign. de excus. ad §. ἢ ἀπειλούται. 18. l. 6. hoc tit. & Cujac. ibid. Obiter addo, Divos à Jurisconsultis appellari Imperatores, quia post obitum in Deos relati erant ea ἀπειλούμενος solemnitate, quam scribit Herodian. lib. 3. postquam & templa iis constitui, ac sacerdotes & sodales creari, & ludi fieri, omnesque divini honores decerni solebant; ut ex Tacito, Tranquillo, Spartiano, Capitolino, aliisque id genus auctoribus discimus.

TEXTUS.

De inimicitia cum patre pupilli vel adulti.

11. *Inimicitia, quas quis cum patre pupillorum vel adultorum exercuit, si capitales fuerunt, nec reconciliatio intervenierit, à tutela vel cura solent excusare.*

NOTÆ.

11. *Cum patre pupillorum*) D. l. 6. §. 17. Paul. 2. sent. 27. Idem est, si cum pupillis vel adultis, l. 3. §. 12. D. de sup. tut. ubi Ulp. ait, etiam ob hanc causam removeri.

COMMENTARIUS.

1 An homini Christiana conveniat ad excusationem tutela obtinere inimicitias.

Nunc de inimicitia paulo pluribus & distinctius agamus. Ait, *inimicitias capitales, quas quis cum patre pupillorum exercuit, nisi intervenierit reconciliatio, solent excusare.* Inimicitias capitales intelligo quascunque graves, quæ vel vitam, vel libertatem, vel existimationem petunt, a.g. l. licet capitales 101. de verb. sign. Sunt qui existimant, huiusmodi excusationem, minus convenire homini Christiano: neque enim rectè videri tutorem dicturum, non debere se cogi bene facere homini inimico & de se male merito, aut liberis ejus; quæ sententia ethnicis fortassis conveniat, aut veteribus illis, quorum meminit Christus Matth. c. 5. qui legem Domini sic accipiebant, *Diliges proximum tuum, & odio habebis inimicum tuum.* Christianis & piis non convenit. Et sanè ita est, nisi ratio afferatur, cur inimicitiæ excusare debeant: qualis hic occurrat, videlicet, ut liceat sinistræ suspicionem hoc obtentu vitare, & antevenire remotionem. Ait, *cum patre pupillorum.* Idem est si pupillis ipsis vel adultis inimicus sit, l. 1. §. si tutor. 12. de sup. tut. Ait, *nec reconciliatio intervenierit.* Reconciliatio aut apertè intervenit, ut si post ortas inimicitias in gratiam redierint, aut tacitè, si eum, cui pater justè infensus antea erat, postea testamento suo tutorem scripserit: nam si hoc bono animo fecerit, non ut litibus eum implicaret, injuriam ei hoc ipso remissè videretur, l. 6. §. dat remissionem 17. hoc tit. Planè si ipse pater causam inimicitia dedit: puta quod eum, quem tutorem dedit, aliquando capitis accusaverit,

Tom. I.

aut insigni contumelia affecerit, ad excludendam excusationem necessaria est aperta reconciliatio, arg. §. seq. Nam illius est remittere injuriam, cui illata est. Ait, *solent excusare & merito: nisi enim huiusmodi tutores & curatores ultro se excusent, inviti remonentur, d. l. 3. §. si tutor. 12. de sup. tut.*

TEXTUS.

De status controversia à Patre pupilli illata.

12. *Item is, qui status controversiam à pupillorum patre passus est, excusatur à tutela.*

COMMENTARIUS.

Si tutor status controversiam à patre pupilli passus sit, id est, si eum pater in servitutem petierit, hoc par interdum, ac si capitis accusasset, l. 14. ff. de bon. libert. & hic tutor omnimodo excusandus, etiam si pater eum postea testamento tutorem dederit, ut jam diximus. Is etiam excusatur à tutela, qui talem controversiam movet pupillo serio & bona fide, non dedita opera ne tutelam subeat, & calumniæ causa, quod ex rescripto Marci & Veri (ita legendum esse textus Græcus ostendit) proponitur in l. 6. §. amplius 18. hoc titulo. VINN. Sed non solum ad statum libertatis restringendus videtur hic §. verum etiam si quis alterum civem, vel filium familias negasset, huic tutela liberorum actoris obtrudi haud potuisse videtur. HEIN.

TEXTUS.

De ætate.

13. *Item major septuaginta annis à tutela & cura se potest excusare. Minores autem viginti quinque annis olim quidem excusabantur: nostra autem constitutione prohibentur ad tutelam, vel curam aspirare: adeo ut nec excusatione opus sit. Quæ constitutione cavetur, ut nec pupillus ad legitimam tutelam vocetur, nec adultus: quoniam sit incivile, eos, qui alieno auxilio in rebus suis administrandis egere noscuntur, & ab aliis reguntur, aliorum tutelam vel curam subire.*

COMMENTARIUS.

1 Duplex Triboniani error in explicatione juris veteris animadvertitur.

Senes æquè ac Magistratus veteres reveriti sunt, leg. 5. de jur. immun. quæ reverentia consistebat in assurgendo, in loco dādo,

V

ac

ac cedendo, domo deducendo, ac reducendo. Juvenalis *satyr.* 13. v. 54.

*Credebant hoc grande nefas & morte piandum,
Si juvenis vetulo non assurrexerat.*

add. Valer. l. 2. c. 1. Cic. 1. off. c. 34. Gell. lib. 2. c. 15. Fuit etiam venerabilis senectus excusatione honorum & vacatione munerum personalium. Ab honoribus excusabant anni 60. in urbe. Senec. de brev. vit. c. 20. *Lex à quinquagesimo anno militum non cogit; à sexagesimo senatorem non citat.* Idem tamen 2. Centrov. 65. annos exigit. A decurionatu excusabant anni 55. l. non tantum 11. de decur. à tutelis cæterisque muneribus personalibus anni 70. l. 3. de jur. immun. l. 2. hoc tit. l. un. C. qui at. In l. ult. C. qui at. vel profess. l. 10. pro l. v. legendum lxx. ut contextus ostendit, & monet Cujac. Cæterum hæc ita procedebant, nisi aliter consuetudo vel lex municipalis definiret, d. l. non tantum 11. l. 2. de vac. mun.

Major septuaginta annis) In immunitatibus cœptus annus pro completo non habetur; quamobrem ad vacationem tutelæ non sufficiens ingressum esse, aut agere annum septuagesimum, sed egressum esse oportet, leg. 2. hoc tit. l. 3. de jur. immun.

Minores olim quidem excusabantur) Hic locus & constitutio Justiniani in l. ult. C. de leg. tut. multis imposuic. Constat minorem 25. annis testamento tutorem rectè dari: sed ita datum perinde haberi, ac si sub conditione aut ex die datus esset, cum major 25. annis factus fuerit: ut interim nec tutelam administret, nec ullo effectu pro tutore habeatur, §. 2. sup. qui test. tut. l. quæro 32. in fin. de test. tut. sed alius tutor, aut curator interim à Magistratu datur, qui tutor, aut curator esse definit, existente conditione, hoc est, post legitimam tutoris testamenti dati ætatem, l. 10. §. pen. b. t. §. 1. sup. de Attil. tut. Legitimos tutores nemo dat, sed lex eos facit tutores, l. 5. de leg. tut. Atque uti quique proximus est agnatus; ita ipso jure ex lege tutor est: quamvis potestas administrandi demum post perfectam ætatem ei deferatur, l. 16. §. 1. de tut. l. 4. l. 8. de leg. tut. Quare si agnatus pupilli proximus minor erit 25. annis, jure agnationis & successionis ex lege tutor est: sed quia jus administrandæ tutelæ ante justam ætatem non habet; curator interim ad hoc à Magistratu dabitur, §. ult. sup. de curat. d. l. 10. §. pen. Qui locus simul confirmat quod dixi, cum ipso jure pro tutore esse; alioqui non à Magistratu alius interim daretur, sed insequentis gradus agnati prorsus in tutelæ administratione succederent, arg. l. 3. §. pen. deleg. tut.

Revisè quæ scripsi ad §. ult. sup. de cap. dem. A Magistratu tutor sub conditione aut ex die dari non potuit, l. 6. §. 1. de tut. Ergo nec minor 25. annis: quippe cui dationi instat dies aut conditio, cum major erit, §. 2. sup. qui test. tut. l. 10. §. pen. & ult. de test. tut. Quapropter si tota datio non consiluit, nec in 25. instat pro tutore ullo effectu habebitur; ac ne quidem post 25. annos tutor erit: ideoque consulto de testamentario & legitimo duntaxat Modestinum d. l. 10. §. pen. de excus. locum esse existimandum est. Nunc videamus, quid hic novi consiluerit Justinianus. At minores 25. annis olim quidem excusatos fuisse: se autem de constitutione sua cavisse, ne omnino minor aut detur tutor, aut ad legitimam tutelam vocetur, d. l. ult. C. de leg. tut. De legitimis & dativis loquitur constitutio: liberam patris voluntatem testamento de tutela caventis non coarctat. In ea autem constitutione atque hoc loco duplex Tribonianus error in explicatione juris veteris animadvertitur. Unus est, quod putaverit jure veteri periculo minoris, cui legitima tutela delata erat, curatorem interim datum tutelam administrasse, ut patet ex ratione, quæ assertur in pr. constitutionis: alter, quod minorem à Magistratu tutorem dari posse crediderit, sed excusandum fuisse; quasi vel omissa excusatione ipse minor tutelam gerere poterit, aut alius simul à Magistratu dandus fuerit, qui interim periculo minoris gereret. Quæ omnia tam absurda & à ratione juris veteris aliena sunt, ut mirum sit, Cujacum, Horom. Wesemb. ipsumque adeo custodem Tribonianus Ant. Fabrum hic dormitasse. Quod si quid novi hic constitutum videri possit; erit illud unum, quod Bachovius existimat, ut jam non amplius agnato proximo, si minor sit, tutela legitimam ullo modo deferatur; sed ea ætate insuper habita, soli ex agnatis proximis tutores fiant, qui sunt perfectæ ætatis; at si proximi omnes minores sint, ut sequentes vocentur quo olim exclusos fuisse, ac ne durante quidem ætate proximi ad administrationem tutelæ admissos jam offendimus. VIN. Ego verò non ausim Justinianum tam supinæ ignorantie arguere. Certissimum est, veteres non solum minores, sed & impuberes admisisse non solum ad tutelam testamentariam, verum etiam legitimam. Clarissimè id liquet ex Ulpian. tit. 11. §. 20. & 22. quamvis interea dum adolescerent, pætor alium tutorem daret, nisi se excusaret. Impubem à magistratu dari non potuisse facile concefferim: at de minore vix dubito, quum sumpta toga virili pubere ad officia virilia admitt-

mitti Solerent. Postquam verò hæc mutavit Justinianus, leges antiquiores Tribonianus juri novo more suo accommodavit, veluti l. 16. §. 1. ff. de tut. l. 4. l. 8. ff. de legit. tut. l. 1. ff. de fidejuss. & nominat. idque & Cujacius ad tit. Inst. de fiduc. tut. & V. C. Ant. Schulting. Jurispr. Antejustin. p. 601. fatentur. Aliis argumentis Tribonianum contra Vinnium defendit B. Huber. Digress. 1. 3. cap. 24. HEIN.

Nec pupillus) Si verum est quod diximus, agnatum proximum, quamdiu minor est, tutelam gerere non posse, ineptè atque inutiliter videtur queri, an pupillus ad legitimam tutelam pupilli sit vocandus. Nam & si fingamus, alterum infantem esse, alterum pubertati proximum, exiguum tamen tempus superfuturum est administrationi. Et l. 10. §. pen. b. t. non de impubere queritur, sed de adolescente, sive minore 25. annis: nam ἀπαιχ, qui & αἰσχ, Græcis non est αἰσχ, sed νεε, hoc est, Adolescens, τὸν ἔτι μετὰ ἡλικίαν ἔχοντα διττὴν ἰσχύος κίρτην οἱ αὐτοῦ, ut passim apud Theoph. & Harmenop.

Quam incivile sit) Hæc ratio nihil aliud efficere videtur, quàm ut ne minori tutelæ administratio permittatur. Atqui nec jure veteri ea minori permissa fuit. Sed ut dixi, falso credidit Justinianus, periculo minoris interim tutelam ab alio administrari solitam: nam ideo se jus vetus mutasse scribit, ut cuique immineret pro sua tantummodo administratione periculum, ne alieno onere alius prægravetur. Itaque tutelam vel curam subire hoc loco dixisse existimari potest, pro eo, nempe periculum tutelæ ab alio administrandæ, suscinere.

TEXTUS.

De Militia.

14. Idem & in milite observandum est, ut nec volens ad tutelam onus admittatur.

COMMENTARIUS.

Milites armatæ militiæ ad instar minorum, ne volentes quidem ad tutelam aut curam gerendam admittuntur, l. 4. C. qui dar. tut. l. 8. C. de legat. ne videlicet propter privata negotia à numeris & signis avocentur: quam ob causam nec procuratores esse possunt, l. 8. §. 2. de procur. nec aliena prædia conducere, l. milites 31. C. de loc. & cond. Quatenus veterani, hoc est, qui militia honestè dimissi & sacramento soluti sunt, vacationem tutelarum habeant, copiosè disputatur, l. 8. §. 2. seqq. hoc tit.

TEXTUS.

De Grammaticis, Rhetoribus, & Medicis.

15. Item Romæ Grammatici, Rhetores, & Medici, & qui in patria sua has artes exercent, & intra numerum sunt, à tutela & cura habent vacationem.

COMMENTARIUS.

Studiorum liberalium professores, Grammatici, Sophistæ, Rhetores, qui publicè juventuti profunt item Medici, quemadmodum à reliquis muneribus, ita & à tutela & cura vacationem habent, l. 6. §. 1. hoc tit. & tit. C. de profess. & med. lib. 10. Habent & Philosophi, d. l. 6. §. 1. Musicos, quamvis eorum ars ingenua sit & liberalis, non habere tradit Cujac. in d. l. 6. §. 1. allegans l. 4. C. de excus. mun. lib. 10. quo loco pro Hydraulæ videtur legisse Musici. Nec poætæ habent, l. 3. C. de profess. & med. licèt divini spiritus increantur. Legum quoque Doctores non habent, exceptis iis, qui Romæ docent, d. l. 6. §. legum 12. Ceterum ex Constitutione Constantini omnes habent, l. 6. C. de profess. & med.

Qui in patria sua) Professores & Medici ita demum hac immunitate gaudent, si in patria sua doceant, aut medcantur, non in aliena. Est autem duplex patria: una propria sive originalis: altera communis, quæ est Roma, l. Roma 33. ad municip. Quamobrem qui Romæ docent, etiam si Romani non sint, immunitatem habent, l. 9. de vac. mun. sive salariati sint, sive non sint, l. 6. §. Roma 11. hoc tit. Atque hæc ex tribus una est conditio ad obtinendam immunitatem necessaria, d. l. 6. §. amplius 9.

Intra numerum sunt) Conditio altera, non aliter enim hac immunitate fruuntur magistri studiorum, quàm si probati decreto ordinis & numero constituto adscripti sint, d. l. 6. §. 4. l. 5. 7. & 8. C. de profess. Certus enim numerus eorum, qui vacationem habent, in unaquaque civitate lege definitus erat, d. l. 6. §. 2. præterquam philosophorum, διὰ τὴν σπανίαν οὐκ ἔτι φιλοσοφίας, d. l. 6. §. de philosophi, quem numerum excedere non licebat, d. l. 6. §. 3. nisi quod propter excellentiam præstantiamque doctrinæ, ἰσχυρὰ ἰκισμῶν, immunitate supra numerum donaretur, d. l. 6. §. valde 10. Est & tertia conditio hic omissa, ut bene & sedulo suo munere fungan-

gantur: sequē adolescentibus utiles præbeant: alioqui denuo ab ordine reprobari possunt, d. l. 6. §. 6. leg. 2. l. 8. C. de profess. l. 11. §. 3. de mun. & bon. Colligunt hinc DD. studiosos, qui graviter litteris non incumbunt, etiam si in catalogum relati sint, privilegiis scholarum gaudere non oportere; cessante scilicet ratione inductiva privilegiorum, secundum Aldobrand. n. 19. Schneid. n. 6. hic, quamquam vix est, ut hoc obtineat: consule Wamef. cent. 1. cens. 40. Christin. vol. 5. decis. 36. & 49. n. 14. & seqq. Add. Gronov. de ll. abrogat. ad l. 6. Vand. b. t. ubi & de usu hodierno.

TEXTUS.

De tempore & modo proponendi excusationes.

16. Qui autem se vult excusare, si plures habeat excusationes, & de quibusdam non probaverit; aliis uti intra tempora constituta non prohibetur. Qui autem excusare se volunt, non appellant; sed intra quinquaginta dies continuos, ex quo cognoverint se tutores vel curatores datos, se excusare debent, cujuscumque generis sint, id est qualitercumque dati fuerint tutoris, si intra centesimum lapidem sint ab eo loco; ubi tutores dati sunt. Si verò ultra centesimum lapidem habitant, diminutione facta viginti millium diurnorum, & amplius triginta dierum; qui tamen, ut Scawola dicebat, sic debent computari, ne minus sint quam quinquaginta dies.

NOTÆ.

16. Qualitercumque dati) Sive à Magistratu, sive testamento, sive lege; nam & legitimos tutores se excusare posse constat, l. 3. §. 8. D. de leg. tut. l. 1. C. cod. l. 9. C. qui dari tut. & prius dixerat, cujuscumque generis.

COMMENTARIUS.

- 1 Virum post constitutionem D. Marci adhuc immediate à dilatione tutelæ appellari potuerit?
- 2 Ex quo tempore 50. dies, excusationi alleganda constituti, currere incipiant?
- 3 An causa excusationis per procuratorem agi possit?
- 4 Etiam tutores legitimos excusari.
- 5 Proponenda & disceptanda excusationis quæ forma apud nos observetur.

Aliis uti non prohibetur) Ex Marciano l. propter litem 21. §. 1. eodem. Est enim excusatio species quædam exceptionis:

nemo autem prohibetur pluribus exceptionibus uti, l. 8. de exc. l. nemo 43. de reg. jur. Sed an qui plures excusationes habet, eas omnes simul proponere & contestari debeat, quæritur, & putat Gloss. hoc necesse non esse. Sed verius est, omnes initio contestari oportere, ne alioqui tutor negotiis trahendi causas novas poscæ excogitet: & est textus in l. scire oportet 13. §. scire autem 8. hoc titulo. Omnibus autem propositis, vel unam probare sufficit ad victoriam.

Nō appellant) Hoc enim D. Marcus efficit. Nam cum antea non minus à delatione tutelæ quam alterius muneris appellaretur, Marcus Antoninus tutelam à cæteris muneribus ita secrevit, ut tutor datus non amplius recta à datione provocaret; sed si quas se habere putaret iustas excusationis causas, eas intra præstituta tempora proponeret, quas si iudex rejecisset, tum demum licentiam appellandi haberet: qui verò ad alia munera vocarentur, illi non aliter quam olim, hoc est, quam appellatione interposita, allegare possint causas immunitatis suæ, l. 1. §. 1. & 2. quand. appell. Igitur si qui sunt loci, in quibus tutores dati provocasse proponuntur, ut in l. 4. hoc tit. l. tutor. 39. §. tutor. 6. de adm. tut. l. 2. & pen. de tut. & cur. dat. l. 17. §. 1. de appell. illi non sic accipiendi sunt, quasi ab ipsa creatione àmicos appellassent, sed à rejectione excusationis intra præstitutum tempus allegatæ. Neque obstat quod Modestinus scribit in l. 16. hoc tit. tutores etiam citra appellationem se excusare posse: aut quod idem Modest. l. 13. eod. & Impm. l. tutores 18. C. eod. tutores datos non necesse habere appellationem interponere, quasi, si velint, adhuc provocare possint. Nam huiusmodi collectiones ut semper necessariæ non sunt, ita hæc minime hoc loco admittenda. Tutores necesse non habent appellare: ergo, si velint, possunt. Necesse enim non habent, ut olim ante constitutionem D. Marci: nunc ne possunt quidem, & frustra ante propositam & repulsam excusationis causam appellant, d. l. 1. §. 1. quand. appell. Qui locus tam clarus est, distinguens hac in parte tutelam ab aliis muneribus publicis, ad quæ vocatus contra privilegium illico appellat, ut ex eo alii loci omnes sint declarandi. Atque hoc jure utimur, D. Tulden. hic l. 11. & ad tit. C. cod. Christin. vol. 3. decis. 171. n. 12. Perez. in Cod. hoc tit. nu. 16. Groc. 1. manud. c. 7. Est verò hoc argumentum, nihil hic tutorum causa constitutum esse. Conventius fortasse visum est, atque æquius, ut qui tutorem dedissent, ipsi prius de causa excusatio-

tionis summam cognoscerent, eamque vel acciperent, vel repudiarent: cum nihil eorum interesset, tutor ne ille sit, an alius, quam ut statim quasi rejecta causa excusationis, quam nunquam audiverunt, superior provocaretur. In moribus testamentariis & legitimis etiam hoc absurdum videtur. At in delatione alius muneris; puta si ab ordine aut duumviris aliquis decurio aut Scriba nominatus sit, quia eorum qui nominaverunt, interest nominatum munus delatum suscipere; ipsi quodammodo pars sunt, & in sua causa iudices constituerent, si excusationes apud eos allegandæ & probandæ forent; quod hic notat Jo. Fab.

Intra quinquaginta dies continuos) Proponenda & contestanda excusationis 50. dies continui constituti sunt, l. 13. §. 1. & seqq. hoc tit. peragendo negotio continui quatuor menses, l. quinquaginta 38. eod. Dicuntur dies continui, qui continuo, id est, *επὶ συνεχῶς*, continenter, & sine interruptione nullique exemptis currunt; ad discrimen utilium, à quibus subducuntur omnes dies quibus experiundi juris sui potestas non est, l. 2. de divi. & temp. pres. de quo fortassis alibi plura.

Ex quo cognoverint) Quinquaginta dies excusationibus profitendis constituti tutoribus & curatoribus non cedunt, ex quo dati sunt, sed ex quo cognoverint se tutores aut curatores datos esse, d. leg. 13. §. quinquaginta 9. leg. 6. C. eod. l. 3. de verbor. signif. Atque ex eo tempore si cessent, suo periculo cessant, l. 1. §. 1. de adm. tut. ut tamen iis ignoscatur, qui valitudine aut vi tempestatis, aliave simili causa impediti constituto tempore non venerint, d. l. 13. §. si enim 7. Porro nec antea quam à die cognitionis cedere existimo quatuor illos menses disceptando & finiando excusationis negotio constitutos; ne alioqui contingat, ut prius finiatur tempus excusationis, quam incipiat; quod perquam esset absurdum. Nec est contrarium, quod Paulus in d. l. 18. menses illos ex die nominationis numerat. Nam Paulo eo loco idem dies est nominationis & cognitionis: quippe qui solum excludere vult tempus, quo allegata sit excusatio; quasi dicat, quatuor illos menses non currere à die propositæ excusationis, quod videri poterat, sed à die nominationis, cognitæ scilicet, non factæ. Ant. Fab. 1. jurispr. hoc tit. pr. 1. illat. 7.

Se excusare debent) Non solum venire tutor, & adire iudicem intra 50. dies debet, sed necesse est, ut intra id tempus se excuset; id est causam excusationis speciatim alleget & contestetur: quam etsi forte mox non perfequat; nihil tamen magis ei obstat præscrip-

tio 50. dierum, cum ad negotium peragendum ei adhuc supersint 70. dies: nisi *ἀφ' αὐτοῦ* hoc est, defensoriæ, perfunctoriæ, aut ut Contius vertit, dicis causa, adierit, ut desisteret statim, & adversarium traheret, d. l. 13. §. ἀπὸ χρι. 6. Contestanda autem excusatio, vel in iure ad tribunal Prætoris, vel apud acta, vel *καὶ ἐν πλάνῳ*, id est, de plano, per libellum, d. l. 13. §. καὶ ἐν πλάνῳ. 10. Nam etsi tutor per libelli oblationem & subscriptionem non excusatur, l. excusare 25. eod. eo quod excusatio pro tribunali disceptanda & excutenda est; quia opus est decreto, per leg. 9. §. 1. de off. proc. l. omnia 71. de reg. jur. tamen ad submovendam præscriptionem contestatio vel per libellum facta sufficit. Illud non satis expeditum est, an & absens tutor excusari possit. Negat Accurs. quem sequuntur Pet. Fab. ad l. nemo 70. de reg. jur. & Ant. Fab. d. illat. 7. itemque Bachov. in Treutl. vol. 2. disp. 9. tb. 1. lit. B. Mihi contraria, quæ Cujacii est, verior videtur, per textum l. tut. 19. C. de adm. tut. Neque video quid obstat, quominus causa excusationis per procuratorem agatur. Opposita sunt per libellum & pro tribunali: non per libellum & in præsentia; nam præsens libellum offerre potest.

Cujuscumque generis sint, vel qualitercumque dati) Sive igitur testamento dati sint, sive à Magistratu, sive à lege ad tutelam vocati; nam & legitimos tutores excusari verius est, l. 3. §. quæri. 8. de leg. tut. l. si pupillum 20. b. l. 1. C. de leg. tut. l. si sororis 9. C. qui dar. tut. arg. l. 2. §. 5. hoc tit. Quibus locis eorum sententia manifeste resellitur, qui putant, legitimos tutores se excusare non posse, nisi & removeri possint, aut ad tempus dumtaxat, quo in numero sunt Hotom. & Giphani. hic. Cujac. ad d. l. 13. VINN. Unde rectè Theophilus *παρὰ φράσιν ἡ τὴν τὴν ἀποκρίσιν καὶ ἀποκρίσιν* Theophilum contra Cujacium & Giphanium accuratè defendit B. Huber. Præl. ad Inst. h. t. §. 20. HEIN.

Intra centesimum lapidem) Ad professionem excusationis 50. dies dantur, si is, qui tutor datus est, sit in eadem civitate, vel intra centesimum lapidem: si ultra sit, ad veniendum dantur singuli dies in singula 20. millia, præterea 30. dies; ita ut computatis itineris diebus & illis triginta, tutor non pauciores habeat quam quinquaginta; quod latius profecit Modestini. d. l. 13. §. 1. & seqq. Obiter addo, lapidem pro millario hie mille passibus accipi: quæ appellatio inde manavit, quod singula milliaria positæ singulis lapidibus, sive columnis lapideis spatiorum signa inscripra ha-

habentibus Tib. Gracchus, auctore Plutarcho in *Graccho* p. 838. distinxerat. Initium autem & finem omnes viz Italix capiebant ab aurtata illa columna, quæ Romæ in capite fori ad ædem Saturni posita erat, nimirum ab aureo illo urbis milliario monumentis veterum tantopere nobilitato. VINN. Ad ea de re debet Bergerius de *viris militaribus*, ubi hæc & alia plena minu seruntur. HEIN. In hisce regionibus proponendæ & disceptandæ excusationis hæc fere forma servatur, ut si quis tutelam sibi delatam suscipere detrectet, is intra tres septimanas, ex quo cognoverit se tutorem datum esse, competens Magistratus solito sessionum die adeat, ibique causas excusationis allegat probetque: quibus auditis & cognitis, sine mora negotiorum peragitur: & si iustæ ac solidæ videantur, excusato recusante, alius in locum ejus sufficitur: sin minus, rejecta excusatione tutori nominato oaus tutelæ sententia Magistratus imponitur, à qua sententia, si iniqua tutori videbitur, provocare ei licet: sed interim alius ei & periculo ejus, si tandem succumbat, substituitur, vid. *art. 19. & 20. statut. Rheimland. Grot. 1. manud. 7. De forma compellendi tutores ad tutelam capeffendam dictum est sub §. 1. sup. de Atil. tut.*

TEXTUS.

De excusatione, pro parte Patrimonii.

17. *Datur autem tutor ad universum patrimonium datus esse creditur.*

COMMENTARIUS.

A Rbitror cum D. Hotomanno & Vvesemb. §. hunc mutilum esse, & decerptum ex Marciano l. *propter litem* 21. §. 2. *hoc tit.* Hoc autem indicare velle Justinianum, tutorem, qui pro parte bonorum se excusat, audiendum non esse: quippe qui non parti bonorum, sed universo patrimonio datus intelligatur: cujus regulæ exceptio traditur d. l. 21. nisi se excuset, ne ultra centesimum lapidem in aliena provincia tutelam gerat.

TEXTUS.

De excusationibus propriis Curatorum. De Tutelæ gestione.

18. *Qui tutelam alicujus gessit, inuitus curator ejusdem fieri non compellitur: in tantum, ut licet paterfamilias, qui testamento tutorem dedit,*

adjecerit se eundem curatorem dare; tamen invitum eum curam suscipere non cogendum; Divi Severus & Antoninus rescripserunt.

COMMENTARIUS.

Q Uæ præcedunt causæ excusationum, tutelæ cum curatione communes sunt: sequuntur duz propriæ curationis; quarum una proponitur hoc §. altera §. seq.

Curator ejusdem fieri non compellitur) Romanis ad excusationem curationis adulti satis visum est ejusdem pupilli tutelam gessisses l. *curator. 20. C. eod.* Quasi nimis durum sit, gemino unius personæ onere premi; quod tamen jus apud nos & in aliis plerisque locis desuetudine abrogatum esse monuimus supra sub tit. quib. *mod. tut. fin. & de curat.*

Adjecerit se eundem curatorem dare) Licet aliàs curator testamento datus à Prætorè confirmari solet, *sup. de Curat. §. 1.* Excipiunt Veteres ob beneficium libertatis acceptæ libertum, quem patronus liberis suis tutorem, & curatorem dedit, l. 5. *C. eod.* nisi de sua pecunia emptus & manumissus sit, aut ex fideicommissio libertatem acceperit: nam in hujusmodi libertos nihil juris patronus consequitur, excepto quòd sine venia in jus ab iis vocari non debeat, l. 14. §. 3. l. *nequaquam 24. hoc tit.*

TEXTUS.

De Marito.

19. *Idem rescripserunt: maritum uxori suæ curatorem datum excusare se posse, licet se immisceat.*

COMMENTARIUS.

- 1 *Quarum rerum uxoris maritus curator esse prohibeatur?*
- 2 *Jurisconsultos verbo excusandi sæpe abuti.*
- 3 *Quæ hodiernis moribus mariti in bona uxoris potestas.*

A Ltera causa excusationis propria curationis in marito uxori suæ, puta minori 25. annis, aut mente capte curatore dato. Ait *curatorem datum.* At quorum bonorum? nam dotis etiam dominus jure civili maritus est, *infr. quib. alien. lic. l. dote 9. Cod. de rei vind.* Si de jure veteri quaeritur; non est dubitandum, quin omnium quæ extra dotem mulier habet, quæ Græcis *παράδοξα*, dicuntur, licet expressè usum earum sibi non receperit, ac reservavit. Hoc enim causæ prohiben-

bendi convenit, quam mox afferemus, & sententia veterum constitutionum indistincte loquentium, l. 2. *Cod. qui dar. tut. l. 4. l. licet 17. Cod. hoc t. l. 3. Cod. de interd. matr.* Potuit sane mulier, quæ perfectæ ætatis esset, marito rerum omnium, quas extra dotem haberet, administrationem committere, arg. l. 8. C. de *pass. conv. l. maritus 21. Cod. de procur. l. pen. ad leg. Falcid.* Sed quaeritur de uxore minore 25. annis, aut mente capta, quæ parapherna habeat: Huic, inquam, maritus eorum bonorum curator dari indistincte jure veteri prohibetur, non receptionum dumtaxat, ut male Myns. Horom. Wesemb. Nam ex novis demum constitutionibus est, quod marito paraphernorum, quæ uxor specialiter non exceptit, administratio permittitur, l. 8. l. ult. C. de *pass. conv.* quod hic annotare neglexit Tribonianus.

Excusare se posse) Sæpe nostri verbo excusandi abutuntur, eosque etiam excusari ajunt, qui tutores aut curatores esse non possunt; ut cum dicunt, inimicitias capitales præstare excusationem, *didici æque iniquitatis*, §. *inimicitia 11. sup. l. 6. §. didici. 17. cod. patrui cum pupillo de hæreditate contententis excusationem recipiendam, l. si pupillum 20. cod. luminibus caprum, mutum, surdum, furiosum excusationem habere, l. un. C. de morb.* Quos omnes tamen certum est, tutelam gerere non posse, l. 3. §. *si tutor 12. de sup. tut. l. licet 17. C. hoc tit.* cujus eadem effectus species est cum ea, quæ hic proponitur: nihil enim refert, uxori maritus, an socer nurui curator detur. Hoc autem loco Justinianum verbo excusandi abusum esse constat ex l. 2. *Cod. qui dar. tut. item ex l. 14. de cur. fur.* quæ aperte negant, maritum uxori curatorem creati posse. Quæ ideo moneo, ne quis putet in arbitrio mariti positum esse, aut se excusare, aut omissa excusatione curam uxoris suscipere: & in universum ne quis credat, certum esse argumentum tutoris jure dati, quod excusationem habere dicatur. In tantum autem maritus prohibetur uxori suæ curator constitui, ut si constitutus prudens se immisceat, infamia labem contrahat; sicut & illi infames fiunt, qui contra Senatusconsultum pupillam vel adultam sibi matrimonio jungunt; eadem enim utriusque prohibitionis ratio est, ne scilicet fraus administrationis tegatur, dum uxor vel propter blanditias mariti nolet, vel propter metum ejus non audebit ab eo exigere rationes, l. 4. l. licet 17. C. hoc tit. junct. l. 5. l. 7. C. de interd. matr. l. *libertum 64. §. 1. de rit.*

nupt. Dubito autem cum Bachovio, an hæc posterioribus constitutionibus consentanea sint.

Licet se immisceat) Qui excusare se potest, is si neglecta excusatione se miscuerit administrationi, postea se excusare volens non auditur, quasi juri suo tacite renuntiaverit, l. *non tantum 17. §. 5. sane. hoc t. l. 2. Cod. si tut. fals. alleg.* Sed hoc locum habet in iis, qui tutores aut curatores recte dati sunt, quorum etiam propria est excusatio: nam qui tutores aut curatores esse non possunt, etiam si se immisceuerint, excusantur aut remouentur, l. *si pupillum 20. hoc t. §. item major. 13. sup. cod.* Atque hæc quidem jure Romanorum ita se habent. Cæterum moribus nostris uxor est in curatione & potestate mariti: potestque maritus bona uxoris etiam ea, quæ extra communionem retinuit, non solum administrare, sed alienare quoque, aut obligare etiam sine uxoris consensu, nisi pactis antenuptialibus expressè aliter cautum fuerit, D. Neostad. *obj. rer. jud. 9. in not. Grot. 1. manu. §. Eademque fere & apud cæteros Europæ populos mariti in uxore hodie potestas est, ut ex Wesemb. Chafsan. & Covar. refert Gudelin. lib. 1. de jur. nov. c. 8. & D. Tulden. ad rit. de curat. §. 1. sup.* Apud Frisos administratio marito permittitur, alienatio sine consensu mulieris non item, Sande. *lib. 2. tit. 4. def. 2.*

TEXTUS.

De falsis allegationibus.

20. *Si quis autem falsis allegationibus excusationem tutela meruerit, non est liberatus onere tutela.*

NOTÆ.

20. *Falsis allegationibus*) Ubi adde, ex eo tempore, quo datus est, tutelæ obligatum esse.

COMMENTARIUS.

DEcretum, quo tutor, falsis allegationibus usus, absolutus est, ipso jure nullum est, neque cum periculo tutelæ eximit, l. 1. l. ult. *Cod. si tut. fals. alleg.* quod favore pupillorum ita consilium esse credendum est. Nam regulariter sententia ex falsis allegationibus lata ipso jure non est nulla: sed adversus eam, si provocatum non sit, petenda est restitutio, arg. *leg. Divus 13. de re judic. & tot. tit. C. si ex fals. instrument.*

TITULUS VIGESIMUSSEXTUS.

DE SUSPECTIS TUTORIBUS VEL CURATORIBUS.

D. Lib. 26. Tit. 10. C. Lib. 5. Tit. 43.

Continuatio & summa Tituli.

EX tribus, quæ ad tutores & curatores communiter attinentia Justinianus tractanda suscepit, duo exposita sunt, satisfactio, & excusatio. Superest tertium & ultimum, suspecti tutoris vel curatoris accusatio & remotio: quod hoc postremo hujus libri titulo nunc explicat. Ostendit autem strictim, unde ea accusatio descendat; qui, apud quos, & à quibus accusari possint; inde, qui sint suspecti, & quibus ex factis tales arguantur, & removeri debeant, docet; ac promiscuè, quæ hujus accusationis, remotionisque sit vis, atque potestas.

TEXTUS.

Unde suspecti crimen descendat.

Sciendum est, suspecti crimen ex lege duodecim tabularum descendere.

COMMENTARIUS.

Suspecti crimen ex lege duodecim tab. Ex Ulpian. l. 1. §. 2. hoc tit. Eoque pertinere creditur quod Cicero scribit 3. de offic. exp. 15. Dolum malum etiam legibus fuisse vindictatum ut tutelam duodecim tabb. Crimen autem hoc loco, & apud Ulpian. pro criminatione sive accusatione poni certum est. neque infolens accepta est hujus verbi significatio; sic enim accipitur in l. 7. de accus. l. 5. de calum. l. propter 21. de Senat. Silan. & apud Cic. pro Rosc. Amerin. Tria sunt, inquit, quantum existimare possum, quæ obstant hoc tempore Sexto Roscio; crimen adversariorum & audacia & potentia. Quamobrem licet Theop. rectè verterit *καταρσιαι*; causa tamen non erat, cur interpretem ejus Curium, novumque utriusque *καταρσιαι* editorem Gothofredum carperet Bachov. quòd in Latina versione crimen retinuerint.

TEXTUS.

Qui de hoc crimine cognoscunt.

1. Datum autem est jus removendi tutores suspectos Romæ Prætori; & in provinciis Præsidibus earum, & Legato Proconsulis.

NOTÆ.

1. *Legato Proconsulis*) Jus removendi suspectos tutores Magistratibus competit vi sive jurisdictionis: & ideo ea mandata, sive in specie, sive in genere, transit in eum, cui mandata est, l. 1. §. 3. & 4. hoc t. ergo et si Præses mandaverit, quod male negat Cujac. l. 1. §. 11. D. ad sen. Turp. Nam ibi non excluditur qui mandatam jurisdictionem habet, sed Magistratus municipiorum.

COMMENTARIUS.

Etiam apud eum, cui mandata est jurisdictio, suspectum postulari posse.

Datum est) Hoc non ita accipiendum est, quasi jus de suspectis tutoribus cognoscendi, eosque removendi, speciali aliqua lege aut senatusconsulto Prætoribus aut Præsidibus datum sit: quemadmodum cum dicimus, jus dandi tutores alicui datum esse, hoc sic accipimus, datum esse nominatim vel à Principe, vel lege, vel Senatu, l. 1. l. 3. de tut. & cur. dat. l. 6. §. 2. de tut. fed jus hoc removendi tutores Prætoribus & Præsidibus more concedi propter vim imperii, hoc est, iis competere vi & potestate Magistratus sui, sive jurisdictionis, ut de judicis dandi licentia quam iidem Magistratus habent, scriptum est in l. cum prætor. 12. §. 1. de judic. Etenim longè alia ratio est tutoris dandi, alia removendi. Datio tutoris jurisdictionis non est; quæ de causa nec mandari potest, diff. l. 6. §. 2. l. nec mandante 8. de tut. & cur. dat. Cognitio de suspectis & remotio jurisdictionis est, eaque sive in specie sive in genere mandata, in eum, cui mandata est, transit, l. 4. in pr. de off. ejus cui mand. l. 1. §. 4. hoc tit. Rursus jus dandi tutores etiam Magistratibus municipalibus certa lege concessum est, l. 3. de tut. & cur. dat. §. 4. & 5. sup. de Attil. tut. At de suspecto cognoscere soli possunt Magistratus majores, l. 1. §. suspecti 11. ad senat. Turpil.

Legato Proconsulis) Legato quoque Proconsulis de suspecto cognoscendi jus est, non ut specialiter ei concessum, sicut tutoris datio

oratione D. Marci, l. 1. §. 1. de int. dat. Sed tamquam consequens jurisdictionis à proconsule mandat l. 1. §. 4. hoc tit. l. 4. de off. ejus cui mand. est jurisd. in qua lege quod Macer adjicit, propter utilitatem pupillorum, non sic accipiendum est, quasi utilitas pupillorum contra juris rationem hanc sententiam extorserit: sed quòd hic cùm ratione illa generali, ex qua mandata jurisdictione totum officium juris dicendi transit, etiam concurrat ex accidenti pupillorum utilitas; quorum scilicet interest, ut plures de suspecto cognoscere possint: ne diutius perditus tutor in patrimonio pupilli grassetur. Pari ratione & si Prætor mandaverit jurisdictionem, poterit apud eum, cui mandata est, suspectus postulari; d. l. 1. §. 4. vers. ergo. Idemque omnino dicendum, si Prætor mandaverit. Nec est contrarium quod apud Marcianum l. 1. §. suspecti 11. ad senat. Turp. legitimus, suspecti tutoris accusationem pro tribunali tantum examiniari posse, & nullum alium de hujusmodi questione quam Præsidem posse pronuntiare. Nam cognoscens & pronuntians eo, cui mandata est jurisdictione, ipse cui mandavit, cognoscere & pronuntiare intelligitur: & ille hujus vice, non sua, fungi, l. 1. §. 1. l. 3. de off. ejus cui mand. l. solet 16. de jurisd. l. 1. §. 1. qui à quo app. Solum excludere voluit Marcianus Magistratus inferiores in municipiis & civitatibus: qui pro tribunali, ubi hæc questio disceptanda, non cognoscunt, licet jurisdictionem aliquam habeant. Sic in l. ubicumque 105. de reg. jur. quæ etiam ad propositam speciem pertinent, cùm Prætor desiderari dicitur, ubicumque causæ cognitio necessaria est, non excluditur is, cui à Prætor jurisdictione mandata est: sed Dammviri, sive Magistratus municipales, quibus ea, quæ majoris cujusdam potestatis sunt, facere non licet, l. ea, quæ 26. ad munic. junct. l. 1. & 4. de dam. inf. Hodie etiam nostri Magistratus municipales, quos Scabinos appellamus; de suspectis tutoribus cognoscendi, eoique removendi jus habent.

TEXTUS.

Qui suspecti fieri possunt.

2. Offendimus, qui possint de suspecto cognoscere; nunc videamus, qui suspecti fieri possint. Et possunt quidem omnes tutores fieri suspecti, sive sint testamentarii, sive non sint, sed alterius generis tutores. Quare est legitimus fuerit tutor, accusari poterit. Quid si patronus? Adhuc idem erit dicendum: dummodo meminerimus, fama patroni parcendum esse, licet suspectus remotus fuerit.

Tom. I.

COMMENTARIUS.

POSSUNT quidem omnes tutores) Item omnes curatores, sive adolescentis, sive furiosi aut prodigi curam gerant, l. 3. §. 2. cod. sed & curator ventri datus suspectus postulari potest, dist. l. 3. §. 1. Locus hic descriptus est ex l. 1. §. offendimus 5. cod. m.

Quare est legitimus) Indicare videtur, facilius tutores testamentarios & dativos ut suspectos accusari & removeri posse quam legitimus, eoive, qui vinculo necessitudinis aut affinitatis pupillo conjuncti sunt: quibus potius curator adjungendus est, quam ut notata fide acque existimatione removeantur, l. si tutor. 9. cod.

Fama patroni parcendum) Quod de patrono hic dicitur, idem vel magis ad parentem pertinet & fortassis vel postulari quidem suspectus parens potuit, sed simpliciter curator ei adjungendus fuit. Illud constat, liberto & filio semper honestam & sanctam personam patris, & patroni videri debere, l. liberto 9. de obs. par. & patron. Atque hinc esse, quòd nullæ actiones famolæ, ac ne illæ quidem, quæ fraudis vel doli ullam mentionem habent, adversus parentes patronosve institui possint: sed ex quibus causis actio in alios famosa datur, ex iisdem adversus illos in factum datur, omiſsa doli mentione, l. non debet 11. de dol. l. 2. l. 5. §. 1. d. tit. l. 1. §. interdictionum 41. de vi & vi armata. quod in proposito proclive est, eo quòd hæc actio natura sua famosa non sit, vid. l. 3. §. ultim. cum l. seq. & l. 9. hoc tit.

TEXTUS.

Qui possunt suspectos postulare.

3. Consequens est ut videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimo mulieres admittuntur ex rescripto Divorum Severi & Antonini: sed hæc sola, quæ pietatis necessitudine ducta ad hoc procedunt; ut puta mater, nutrix quoque & avia; potest & soror. Sed & si qua alia mulier fuerit, quam Prætor propensa pietate intellexerit, sexus verecundiam non egredientem, sed pietate productam non sustinere injuriam pupillorum; admittet eam ad accusationem.

NOTÆ.

3. Quinimo mulieres) In tantum pupillorum gratia à consuetudine judiciorum recessum est.

X

Pie-

Pietatis necessitudo) Apud Ulpian. l. 1. §. 7. unde hæc sumpta, legitur pietate necessitudinis.

COMMENTARIUS.

Descripta hæc sunt ex Ulpiano, l. 1. §. consequens 6. hoc tit. Ait, quasi publicam, quæ nota est improprietas. Revera enim hæc accusatio publica non est. Nam siue finem ejus spectes, non persequitur injuriam Reipublic. illatam, sed pupillo; siue formam & executionem, non extra ordinem à Præfecto urbis aut Præsidibus de hoc crimine queritur, ut de criminibus publicis, l. ordo. 8. de publ. jud. l. 1. §. ult. de pæn. sed ut de re pecuniaria in privatis judiciis à Prætorè vel Præsidibus, iisve, quibus ab his mandata est jurisdictio, arg. l. ult. de privil. del. Ad hæc qui publico iudicio aliquem reum facit, is subscribere in crimen, quod intendit, debet, l. 3. §. 1. de accus. & desistens ab accusatione incidit in senatusconsultum Turpilianum: quorum neutrum est in postulatione suspecti, d. l. ult. de priv. d. l. 1. §. suspecti 11. ad Turpil. Cur igitur hæc accusatio dicitur publica? Nimirum quia publicæ similis est in eo, quòd omnibus patet: quòd publicarium proprium est, §. 1. inf. de pup. jud. Cui addi & alterum potest, quia & nullo accusante ipse Magistratus ex officio manifestè suspectum repellere potest, d. l. 3. §. præterea 4. hoc 1. junct. l. 15. de off. præf. l. 1. in pr. C. de cass. reor. Christin. volum. 3. decis. 157. num. 1.

Mulieres admittuntur) Contra morem judiciorum. Et notandum est, quòd ad hanc accusationem admittantur non ex tantum mulieres, quæ pupillo necessitudinis aliquo vinculo junguntur: verum etiam quævis alix, quas modò commendet pietas & verecundia: ut intelligamus, majorem esse suspecti tutoris accusandi licentiam, quam criminis publici iudicii intentandi: quippe cùm mulieri permisum non sit publico iudicio quemquam reum facere, præterquam si suam aut suorum injuriam persequatur, l. 1. & l. 2. de accus. l. de crim. 22. C. qui accusar. non poss. In tantum pupillorum gratia à consuetudine judiciorum de flexum est. Athenis quoque publica erat hæc actio, Jul. Poll. 8. cap. 6. quod ex Platonis lege descendit, l. 11. de legib. Usus autem non servat, vid. Groenev. de ll. abrog. ad tit. ff. de pop. aff.

TEXTUS.

An Pubes vel Impubes.

4. Impubes: non possunt tutores suos suspectos

postulare: puberes autem curatores suos ex consilio necessariorum suspectos possunt arguere; & ita Divi Severus & Antoninus rescripserunt.

COMMENTARIUS.

Hæc eadem traduntur in l. 7. hoc tit. l. 6. C. eod. Ait, impuberes non possunt, &c. In postulandis suspectis tutoribus principaliter perpendendum est, an quid segniter aut fraudulenter gerant, l. 5. C. eod. in quo cùm animi iudicio opus sit, mirum non est, impuberes ad hanc accusationem non admitti, ut culpent mores tutoris sui, à quo ipsi regi debent. Sufficit, hanc accusationem omnibus patere, ipsumque adeo Prætorèm per se tutorem repellere posse, l. 3. §. 1. in fin. & §. præterea 4. eod.

Puberes autem curatores suos) In rebus, quæ privati iudicii quæstionem habent, sicut pupillus auctore tutore, ita & adultus curatore consentiente litem & intendere & excipere debet, l. 2. C. qui leg. pers. Publica accusatio pupillis omnino non patet, l. 8. de accus. nisi quod eis speciatim concessum est, ut de consilio tutorum mortem patris exequantur, l. 1. §. 1. d. tit. Puberes verò etsi & ipsi regulariter publico iudicio accusare non possunt, l. 4. C. de auct. præf. possunt tamen curatore auctore, si suam suorumve injuriam persequantur, l. si maritus 15. §. lex Julia 6. ad leg. Jul. de adult. l. 7. C. eod. l. 11. de accus. Gloss. in d. l. 4. C. de auct. præf. Quapropter si in hoc quoque accusationem suspecti similem esse volumus accusationi publicæ: videri poterit, nihil esse in proposito speciale: quia suam injuriam minor persequitur, qui curatorem suum suspectum facit.

Ex consilio necessariorum) Quorum in ea res præscriptum minor sequitur: quòd si illi nolint in accusationem consentire, iudicis à minore aditi officium erit videre, ne quid detrimenti minor capiat, arg. l. si cum dote 22. §. nec non 7. & ibi Bart. solut. matrimon. Can. tiuncula & Mynf. hic.

TEXTUS.

Qui dicatur suspectus.

5. Suspectus autem est, qui non ex fide tutelæ geris, licet solvendo sit, ut Julianus quoque scripsit. Sed & antequam incipiat tutelam gerere tutor, posse eum quasi suspectum removeri, idem Julianus scripsit, & secundum eum constitutum est.

Com-

COMMENTARIUS.

HOC §. in genere docet Imp. quis sit suspectus, & unde talis esse deprehendatur. Ait, suspectum esse, qui non ex fide tutelam gerit: quod sic accipiemus; non tantum si fraudulenter & callide in rebus pupilli versetur, siue quaestus aut commodi causa res administret; sed etiam si negligenter aut segnititer, neque ea integritate ac sollicitudine, qua oportet, l. 3. §. ult. *boc tit. l. 5. Cod. eodem.* Nec tutori quicquam prodest quod solvendo sit, quod satisfecerit, vel nunc offerat: non enim ex patrimonio principaliter, sed ex moribus suspectus æstimandus est, l. 5. l. 6. *cod. d. l. 5. C. eod. §. ult. inf. eod.* & pupillo semper utilis est sic ei prospici, ut ab initio nullum damnum sentiat, quàm ut postea laboret de consequenda indemnitate, arg. l. ult. C. in quib. ca. in int. res. non est nec, quod Papinianus noster sic expressit: *Expedi pupillo rem suam salvam habere, quàm tabulas rem salvam fere cautionis, d. l. 5. eod.*

Anteaquam tutelam gerere incipiat) Puta si vel satisfacere nolit, l. 1. l. 3. C. de tut. qui sat. non ded. vel contumax sit, l. 3. C. *boc tit.* vel si ob ignaviam aut negligentiam non gesserit, aut dolo fecerit, quominus gereret, l. 4. §. ult. *cod.* & generaliter si qua iusta causa sit, ob quam videatur rejiciendus, arg. l. 3. §. si tutor 12. *cod.* VINN. Inprimis huc pertinet casus in §. 9. & 10. b. t. item mores, qui suspicionem negligentiae vel doli injiciunt §. ult. b. t. HEIN.

TEXTUS.

De effectu remotionis.

6. Suspectus autem remotus, siquidem ob dolum, famosus est: si ob culpam non aequè.

NOTÆ.

6. Ob dolum famosus) L. 1. D. de his qui not. infam. Debet autem decreto causa significari: aliàs integra existimatione tutela abibit, l. 4. §. 1. & 2. D. *boc tit.*

Ob culpam non aequè) Hoc est, segnitiam, inertiam, negligentiam, ineptiam, rusticitatem, l. 3. §. ult. *cod.* Th. *ὀλιγοψυχία*. Quid si tutoris lata negligentia arguatur? Non videtur salva existimatione abire: quia ista prope fraudem accedit, l. 1. §. 5. D. de obl. & act. l. 32. D. *depos.* VINN. Eleganter hanc l. 7. §. 1. ff. b. t. explicat B. Huberus ex l. 32. ff. de-

posui, quæ similiter distinguit, sit ne depositarius in suis rebus diligens, an supinæ & enormis socordiae. Vid. *Prælect. ad Inst. boc tit. §. 7. HEIN.*

COMMENTARIUS.

- 1 Culpa nomen & generale esse & speciale.
- 2 Genera culpa obiter distincta atque exposita.
- 3 Ob latam culpam remotus an famosus fiat, & quid moribus nostris?

A Ccusationis finis est remotio. Ceterum pro qualitate causæ & admissi, alii simpliciter removeantur, alii cum nota infamiz, alii etiam aliter & nonnumquam gravius puniuntur. Qui salva aut notata existimatione removeantur, ostenditur hoc §. propriæ pœnæ adversus quos constitutæ sint, §. si quis tutor. 9. & 2. *seqq. inf. eod.*

Si quidem ob dolum) Ait, remotum ob dolum famosum esse, ob culpam non aequè. Dolus est quævis calliditas, & machinatio ad alium circumveniendum adhibita l. 1. §. 2. de dol. Culpa est omne factum, quo nocetur alteri injuria, sed *ἀποπροσώτως*, id est, sine animo & proposito fraudandi. Etsi enim culpa generali significatione etiam dolum continet, Cic. lib. 1. de offic. ca. 16. *Cavendum ne major pœnis sit, quàm culpa:* & in l. Aquila constat, culpæ nomine etiam dolum venire, l. 5. §. 1. junct. l. 30. §. pen. ad l. Aquil. in specie tamen accepta distinguitur, ut factum inconsultum à consulto & malitioso. Genera culpæ tria in jure nostro memorantur, lata, levis, levissima. Lata culpa est, non pro videre, cavere, quod omnes, qui modò sensu communi præditi sunt, provident & intelligunt se curare debere, l. cedere diem 113. §. ult. l. lata 213. de verb. sign. l. quod Nervæ 32. *depos.* l. p. §. 2. de jur. & fact. ign. Atque hæc plerumque *περιφροσύνης* dicitur culpæ dolo proxima, l. 8. §. 1. de precar. l. 8. de eand. l. 1. §. 2. si quis test. lib. Levis est omisio diligentiz quam vulgo homines frugi in suis rebus adhibere solent, l. habere 25. §. non tantum 16. *fam. ercisc.* l. 1. de tut. & rat. *disfr.* l. 8. §. 4. de obl. & act. Levissima est omisio ejus diligentiz, quam in suis rebus præstare solet diligentissimus paterfamilias, & fere per oppositum indicatur, cum diligentia præstari dicitur simpliciter, l. 5. §. 2. *commod.* l. 23. de reg. jur. quod loco magis opportuno latius explicabitur. Culpæ autem nomine non intelligit hic Imperator culpam latam, sed leviozem: siquidem lata culpa, præterquam in crimine corporalem pœnam ingerente, l. 7. ad leg. Corn. de *ficar.* semper do-

lum interpretatione juris repræsentat, *leg. magna 226. de verb. signif. d. l. quod Nerva 32. dep. l. 1. §. 1. si mens. fals. mod. l. 8. §. 3. de prec. l. 1. §. 1. is quoque §. de obl. & aff. etiam in famosis, leg. 11. §. ult. de his qui notant. infam. leg. probum 42. in fin. de verb. signif. adeoque etiam in actione pœnali, l. 1. §. 2. si is qui test. li. Unde et si dolus tantum præstari dicitur, tamen ea appellatio etiam culpa lata intelligitur, l. contractus 23. de reg. jur. l. 1. §. 2. commod. §. pen. infr. quib. mod. re cont. ob. Nec movere debet, quod verbum culpæ hic simpliciter & sine distinctione dolo opponitur. Quotiescumque enim hoc fit, aut quoties culpæ verbum absolute ponitur, toties in usu juris significatur levis duntaxat, d. l. 1. §. 2. commod. l. 23. de reg. jur. l. 11. de neg. gest. l. 1. §. 3. de in lit. jur. l. 1. §. sape 35. de possum similib. Frustra igitur objicitur quod in dubiis benigniora præferenda, l. semper 56. de reg. jur. quod pœnæ legum interpretatione molliendæ, l. pen. de pan. odia restringenda, Cod. odia Pand. de reg. jur. in 6. Nam cum de sententia auctorum juris quaeritur, usus præcipue spectandus est, l. 7. §. 2. de sup. leg. De usu autem verbi hic quaeritur, non de eo producendum per interpretationem. Quod verò famæ & existimationis periculum exquant cum periculo vitæ, ineptum esse apparet ex l. capitalium 28. de pan. Sanè causa famosa aliquando confertur cum capitali, ut in leg. 9. de man. vind. l. 8. §. 2. quod met. ca sed satis constat id fieri respectu certæ alicujus rei, in d. l. 9. intuitu causæ manumissionis apud consilium allegandæ & probandæ, in d. l. 8. §. 2. ratione metus vel electionis; quod huc non pertinet, non enim quid metuat aut eligat, sed quid mereatur tutor, quaerimus. Concludimus igitur, tutorem remotum infamem fieri, non solum si ob fraudem remotus sit, quod in tutela grassatus fuerit, aut fordide egerit vel perniciosè pupillo, aut aliquid interceperit ex rebus pupillaribus, l. 3. §. nunc videamus §. hoc tit. verum etiam si ob latam negligentiam; puta quod in suis diligens, in rebus pupillaribus supinè & dissolutè negligens sit: quia talis negligentia prope fraudem accedit, l. 7. §. 1. cod. & interpretatione atque effectu juris dolus est, d. l. quod Nerva 32. de possum. l. magna 226. de verb. signif. Eos autem, qui ob levio rem culpam, segnitie, rusticitatem, inertiæ; simplicitatem, vel ineptiam removen- tur, in ea causa esse, ut integra existimatione tutela abeat, d. l. 3. §. ultimus, hoc t. Quod & jam olim docuit Claud. Canticula contra plerosque interpretes, qui negant, latam*

culpam infamare: quo in numero etiam sunt Schneid. & Vvesemb. Planè mitior hæc sententia moribus nostris accommodatio est, qui à veteris disciplinæ severitate multum descivimus: de quo queritur D. Tuldin. in comm. hic cap. ult. Illud constat, causam remotionis decreto exprimendam esse, ut appareat de existimatione; nam si causam remotionis non signaverit decreto suo Prætor, fama remoti non læditur, l. 4. §. 1. & 2. cod.

TEXTUS.

De effectu accusationis.

7. Si quis autem suspectus postuletur, quod cognitio finiat, interdicitur ei administratio, ut Papiniano visum est.

COMMENTARIUS.

Pendente causa cognitionis, interdicitur tutori administratio, atque alius interea in locum ejus in administratione rerum ordinatur, l. cum quem 7. C. hoc tit. ipsaque adeo postulatione suspecti etiam citra decretum id effici videtur, l. quod si 14. §. 1. in fin. de solut. Et rectè: nam ut suspectum non convictum in totum removere iniquum est, ita cum, qui in suspicionem lite instituta vocatus est, perseverare in administratione non expedit. Ajo, lite instituta: neque enim protinus allegata causa suspicionis tutori interim auferenda administratio; sed ita demum, si concurrant aliqua indicia, super quibus tutor auditus sit & litem contestatus: quod & DD. plerique tradiderunt: & probat Anton. Fab. C. suo de fin. 2. de susp. tut.

TEXTUS.

Quibus modis cognitio finitur.

8. Sed si suspecti cognitio suscepta fuerit, posteaque tutor vel curator decesserit, extinguitur suspecti cognitio.

NOTÆ.

8. Extinguitur susp. cogn. Sed & si alio modo tutela finita sit, cognitio suspecti solvitur; l. pen. D. cod. l. 1. C. cod. Si quid damni pupillus seufferit, id sarciri potest actione tutelæ, l. 4. D. de tut. & rat. dist. VINN. Ast quia hæc ratio cessat, si ob atrocis factum, & quod animadversionem acriorem mereatur, suspectus sit tutor: non abs re colligere mihi video, hoc casu suspecti cognitionem, finita interim tutela, non extinguui. HEIN.

COMMENTARIUS.

In hac postulatione nihil petitur, quod pupillo ex bonis tutoris adjudicetur, sed hoc tantum, ut tutor removeatur à tutela: quo remoto, si quid damni ex mala ejus administratione pupillus senserit, id sarciri potest actione tutelæ, cui ut locus fiat, actio suspecti instituitur: quoniam durante tutela agi non potest, l. 4. de tut. & rat. distr. Quibus consequens est, finita quomodocumque tutela, solvi cognitionem suspecti, quamvis pridem receptam, l. pen. C. hoc tit. l. 1. C. cod. In quo item similis hæc accusatio videtur criminali, quæ ipsa cæpro licet judicio regulariter morte rei extinguitur, l. ult. ad jul. maj. l. 1. l. 2. Cod. si reus vel accus. mort. Nam in causa civili, licet poena quoque petatur, actio judicio semel inclusa salva semper permanet, atque in solidum transit in hæredem, l. omnes 26. de obl. & act. l. omnes 139. de reg. jur. §. 1. inf. de pop. & temp. act.

TEXTUS.

Si tutor copiam sui non faciat.

9. Si quis tutor copiam sui non faciat, ut alimenta pupillo decernantur, cavetur epistola Divorum Severi & Antonini, ut in possessionem bonorum ejus pupillus mittatur: & quæ mora deteriora futura sunt, dato curatore distrabii jumentur. Ergo suspectus removeri poterit, qui non præstat alimenta.

NOTÆ.

9. Copiam sui non faciat) Latitans, dolo absens, non justa de causa. Ex l. 3. l. 7. §. 2. l. 2. D. hoc tit.

Ergo ut suspectus) Bene ergo. Nam si non potest removeri, non est cur pupillus mittatur in possessionem, aut bonis tutoris curator detur. Cujac.

COMMENTARIUS.

Quia alimenta pupillo non temere decernenda sunt, sed causa cognita, quam rem Prætor pro modo facultatum pupilli, quas tutor ex vero profiteri jubetur, moderari & expedire debet, l. 3. ubi pup. educ. ideo adversus tutorem, qui, ne alimenta pupillo decernantur, sui copiam non facit, propria poena constituta est: eadem nimirum, quæ adversus debitores latitantes; ut pupillus rei servandæ causa in possessionem bonorum tutoris

mittatur, quomodo mitteretur creditor in possessionem bonorum debitoris, qui absens non defenditur; ex edicto quib. ex caus. in poss. bon. eat. Quin & plus hic tribuitur pupillo, quàm aliis creditoribus: quippe quibus in possessionem missis, nuda tantum rerum debitoris custodia & observatio interim conceditur, l. 12. quib. ex caus. in poss. donec ob contumaciam perseverantis sui copiam non facere Prætor de consensu creditorum, curatore constituto, bona distrahi permittat, tot. tit. de cur. bon. dand. Pupillo autem in possessionem misso, simul quæ mora deteriora futura sunt ex bonis tutoris, dato curatore, distrahi jubentur: atque, ut arbitror, ut ex pecunia ex earum rerum venditione redacta pupillo interim alimenta constituantur. Quod si hoc remedio & edictis evocatus tutor vinci & adigi non possit, ut veniat, sui que copiam faciat; tum non tantum quasi contumacem, sed etiam ut suspectum removeri eum oportet; quod tamen & perraro & diligenti habita inquisitione faciendum esse monet Ulp. l. 7. §. pen. & ult. hoc tit. Atque hic quoque sensus est hujus loci, & l. 3. §. tut. 14. cod.

TEXTUS.

Si neget alimenta decerni posse, vel tutelam redemerit.

10. Sed si quis præfens negat propter inopiam alimenta posse decerni, si hoc per mendacium dicat, remittendum eum esse ad præfectum urbi puniendum placuit: sicut ille remittitur, qui data pecunia ministerium tutela acquisierit, vel redemerit.

NOTÆ.

10. Alimenta posse decerni) A Prætoris scilicet, cujus alimentorum decernendorum pro modo facultatum pupilli competit, l. 3. D. ubi pup. educ.

Ad præfectum urbi) L. 3. §. 15. D. b. t. puniendum scil. extra ordinem & poena corporali, ut ri eūpa quod est meri imperii; qualem potestatem Prætor non habet, sed Præfectus urbi: unde & ad hunc remissio fit, ut & alias l. 9. §. 7. D. de off. præf. urb. l. 2. D. de suspect. tut.

Data pecunia ministerium tutela) Cujac. restituit, Data pecunia ministerii, tutelam redemerit, ex d. l. 3. §. 15. ministerii, id est, officialibus & ministerii Prætoris. VINN. Scriptum fuisse videtur, qui data pecunia ministerii m. (id est, Magistratuum,) tutelam adquisierit in l. 3. enim §. 15.

§. 15. *boc tit.* est: qui tutelam corruptis ministeriis, prætoris redemerunt. Tribonianum ergo pro prætoris substituisse arbitror *magistratum*, ex cujus vocis prima litera antecedenti vocabulo juncta natum videtur vocabulum *ministerium*. HEIN.

TEXTUS.

De liberto fraudulentè administrante.

11. *Libertus quoque si fraudulentè tutelam filiorum vel nepotum patroni gessisse probetur; ad Præfectum urbi remittitur puniendus.*

NOTÆ.

11. *Libertus quoque*) Ex Ulpiano l. 2. *D. boc tit.* l. 10. *C. de adm. tut.*

COMMENTARIUS.

Diximus non multo ante, tutores pro qualitate facti vel simpliciter removeri, vel cum familiâ, nonnumquam etiam gravius simul coerceri: quod fit in his delictis, si quis præfens negaverit, pupillo quasi inopi alimenta decerni posse, & datis pupillo advocatis mendacii convincatur; si quis tutelam corruptis ministeriis Prætoris redemerit; si libertus fraudulentè tutelam filiorum patroni gesserit; quæ tria his §§. proponuntur ex l. 2. & l. 3. §. *sed si non* §. *boc tit.* Sunt autem plura; ut si quis pretio accepto operam dederit, ut non idoneus tutor pupillo daretur; si consulto circa patrimonium edendum quantitatem minuerit; si evidenti fraude pupilli bona alienasse probetur, l. 1. §. *solent* 7. *de off. præf. urb.* l. 9. *de tutel.* Hos omnes traditum est severiore animadversione indigere, quam ut sufficiat eis suspectorum infamia; ideòque ad Præfectum urbi solitos remitti extra ordinem puniendos, *dd. loc.* & pœna scilicet corporalis; nam multæ dicendæ jus etiam Prætori ceterisque, qui jurisdictionem habent, competit, l. 2. §. *ultim. de judic.* l. *aliud est fraus* 131. §. 1. *de verb. sign.* Graviorem autem omnem animadversionem, sive imperium, quod dicitur merum, Præfectura urbis sibi vindicavit, *d. l. 1. de off. præf. urb.* Apud nos quemadmodum criminum judicia exercentur, & puniantur extra ordinem, qui delinquant; dicemus sub

tit. ult. lib. 4.

TEXTUS.

Si suspectus satis offerat: & quis dicatur suspectus.

12. *Novissimè autem sciendum est, eos qui fraudulentè tutelam administrant, etiam si satis offerant, removendos esse à tutela: quia satisfactio tutoris propositum malevolum non mutat, sed diutius grassandi in re familiari facultatem præstat. Suspectum etiam cum putamus, qui moribus talis est, ut suspectus sit. Enimverò tutor vel curator, quamvis pauper sit, fidelis tamen & diligens, removendus non est quasi suspectus.*

NOTÆ.

12. *Etiam si satis offerant*) Expedi enim pupillo rem suam salvam tenere, quam habere cautionem, l. 5. *D. boc tit. fac. l. ult. C. in quib. ca. in int. res.*

Diutius grassandi) Ex Callistrato, l. 5. *D. boc tit.*

Etiam cum) L. 8. *D. eod. Vet. suspectum enim eum.* Theoph. 747. Suspectum mores faciunt, non tenues facultates.

Quamvis pauper) Numquam paupertatis occasione suspectus postulari, aut ut suspectus removeri debet vir alioqui fidelis & diligens, l. 5. *C. eod.* Sed potest curator ei adjungi, si substantia pupilli periclitetur, l. 6. *C. eod.* aut removeri ex eo capite, quod non satisfact, l. 2. *C. de tut. qui sat. non ded.*

COMMENTARIUS.

Etiam si satis offerat) De eo dictum sub §. *suspectus* §. *sup. eod.* Ut autem neque divitiæ neque satisfactio tutorem à suspicionem liberant; ita nec ex adverso eum onerant paupertas. Nam etsi pauperi, qui se imparem oneri imposito docere possint, vacatio tribui solet: §. *sed & propter paupertatem* 6. *titul. præced.* aut qui propter inopiam assidue non potest, removendus est, l. 3. *C. de tut. qui sat. non det.* numquam tamen paupertatis occasione suspectus postulari, cove nomine removeri debet vir alioqui fidelis & diligens. Ex moribus enim, non ex facultatibus suspectum argui convenit, l. 8. *boc tit. l. 5. Cod. eod.* l. *si creditores* 31. §. 2. *reb. aut. jud. poss.*

Finis Libri Primi.

AR-

A R N O L D I
 V I N N I I , J . C .
 I N L I B R U M S E C U N D U M
 I N S T I T U T I O N U M
 I M P E R I A L I U M
 C O M M E N T A R I U S
 A C A D E M I C U S E T F O R E N S I S .
 C U M N O T I S A D T E X T U M .

T I T U L U S P R I M U S .

D E R E R U M D I V I S I O N E , E T A C Q U I R E N D O I P S A R U M D O M I N I O .

D. Lib. 1. Tit. 8. C. Lib. 41. Tit. 1.

Ratio ordinis, & summa tractationis de jure rerum.



Ognita hominum qualitate & differentia, expositoque eo jure, quod cuique pro conditione personæ suæ competit, quod ex tribus, circa quæ jus omne versatur, primum est, transit Im-

perator ad alterum, atque huic proximum, res externas; ut quod lex methodi exigit, ex ordine singula explicet, quo ea proposita sunt, §. ult. sup. de jur. nat. gent. Habet autem hic titulus duplicem inscriptionem. De rerum divisione, & De acquirendo ipsarum dominio. Nimirum quæ duobus distinctis titulis in Pand. tractata sunt, ea in unum huc retulit Justinianus. Et quia in rebus, tantum cuiusque est, quantum natura earum & conditio patitur; primò variè eas dividit, ut differentia earum cognita, jus quod in iis habemus, (qua consideratione rerum tractatio propria est Juris-

consulti) melius intelligatur. Deinde proponit & persequitur modos, quibus res, quæ singulis acquiri possunt, singulis acquirantur, initio factò à rebus domini nostri aut similis in rem juris. Postremò tractat de obligationibus; idque demum tit. 14. lib. 3.

T E X T U S .

Continuatio & duplex rerum divisio.

Superiore libro de jure personarum exposuimus modò videamus de rebus, quæ vel in nostro patrimonio, vel extra patrimonium nostrum habentur. Quædam enim naturali jure communia sunt omnium, quædam publica, quædam universitatibus, quædam nullius, pleræque singulorum; quæ ex variis causis cuique acquiruntur, sicut ex subiectis apparebit.

In patrimonio) Id est, in bonis. In bonis autem nostris, non tantum sunt res corporales, verum etiam incorporales & jura, l. 49. de verb. sign. l. 5. 2. de acq. rer. dom. Igitur & servitutes, l. 5. §. 9. D. de ap. nov. nunt. tit. si us. pet. & si serv. vind. & de itin. act. priv. l. 3. & 4. quæ in fraud. cred. Nec obstat l. 1. D. de usufr. leg. Quia ibi Paul. non disputat de jure aliquo constituto, sed demum constituendo: quod ait, in bonis non esse, quia dominus hujusmodi jus formale non habet; nec tamen extra bona, quia habet saltem causativè, ut loquuntur.

Quædam nullius) Intelligit res divini juris, quibus per excellentiam hoc tribuitur, ut dicantur nullius esse.

Peraque singulorum) Nimirum res omnes, quæ in dominio nostro sunt, aut quasi dominio, aliaque in rem vel ad rem jura.

COMMENTARIUS.

1. *An detur tertium genus rerum, quæ neque in bonis nostris, neque extra bona sint.*

DE rebus) Quid rei appellatione, quæ aliqui generatis est, hic significetur, docet nos objectorum juris distinctio, nonne quicquid est extra personam & actiones, quod hominis usui aut commodo esse possit, sive id divini juris sit, sive humani, sive publici, sive privati, sive corporale, sive incorporale, sive dominium, aut jus aliquid in rem à dominio diversum aut separatum, sive obligatio: nam & ea, ut res in bonis nostris, huc pertinet: s quod pluribus ostendemus sub tit. de oblig. lib. 3.

Vel in nostro patrimonio, vel extra) Patrimonio nomine propriè significari videtur ea pecunia, quam liberi ex hereditate paterna accipiunt; cæterum consuetudine loquendi obtinuit, ut eo verbo intelligantur omnia, quæ quicquid paterfamilias habet. Igitur in patrimonio esse & in bonis esse idem valent. Sunt quibus hæc divisio manca videtur, quasi constitui debeat & tertium genus rerum, quæ neque in bonis nostris, neque extra bona sint; cujus generis res, auctore Paulo l. 1. de usufr. leg. sint servitutes. Quo quidem ego numquam quicquam audiivi subtilius. Non erit in bonis nostris ea res, quæ bona nostra & patrimonium augeat, l. 5. §. 9. de op. nov. nunt. quæ pro debito pignori mihi obligata est; juxta l. 12. de pign. quæ domino prædii dominantis magni sæpe constitit, & quam prædii servientis do-

minus magno velit redimere? cujus denique persequendæ & tuendæ causa actio, aliaque remedia jure prodita sunt, l. rem in bonis §. 2. de acq. rer. dom. l. bonorum 40. de verb. sign. junct. §. 2. inf. de act. leg. 6. §. 1. & ult. si serv. vind. d. l. 5. §. 9. de op. nov. nunt. tit. de itin. act. priv. & aq. cot. & asst. Cur igitur actione Pauliana revocantur servitutes per fraudem non utendo amissæ, l. 3. & 4. quæ in fraud. cred. cum id edictum ad eos tantum pertineat, qui patrimonium suum in fraudem creditorum diminuunt, leg. 6. cod. Aut cur magis res cæteras incorporales in bonis esse dicimus quam servitutes? Veterum sanè nemo est, cui hoc in mentem venerit, ut diceret, servitutem aliquam constitutam & quæsitam non esse in bonis ejus, cui constituta & quærita sit: neque etiam Paulo, qui in d. l. 1. non disputat de jure aliquo alicui constituto, sed demum constituendo; cujus tamen disputatio posita est in mera subtilitate. Legavit aliquis usum aut usufructum itineris per fundum iuum. Negat Paulus id legatum subsistere: quia ratio juris non patitur, ut servitus servitutis constitutur; nec esse utile ex Senatusconsulto, quo cavetur, ut omnium, quæ in bonis sint, usufructus legari possit: quia id jus formaliter & separatim non habuerit: nam utique ut dominus jus habebat eundi in suo, poteratque jus à dominio separare, alterique sub alia qualitate concedere, alium denique eo jure, servitutem non constituta, uti volentem prohibere: unde fortassis addit, nec esse extra bona, tantum quia dominus, ut dixit, hujusmodi jus formale non habet, hoc est, separatim à jure dominio titulo servitutis, cum nemini res sua serviat, l. 5. si usufr. per. usus autem itineris tanquam juris separati & formalis legatus proponitur. Negat, legatum esse usum rei, quæ erat in bonis testatoris: quippe quæ nec erat quidem eo quo dixi modo, sed causativè tantum. Esse autem hanc disputationem de apicibus juris; Paulus ipse fatetur, cum legatum aut hujusmodi usus constitutionem admittendam censet beneficio cautionis à legatario præstanda, de restituenda post mortem suam aut capitis deminutionem servitute. VINN. Immo ita nonnumquam loquebantur veteres de rebus corporalibus, quas & esse & in dominio & in bonis esse negabant. Quia tamen animo intelliguntur & utilitatem præstant, hinc nec extra bona sunt. Vid. V. C. Ger. Noodt. Probab. Lib. II. cap. 3. HEIN.

Quædam enim naturali jure communia) Non est nova hæc divisio, sed prioris illius explicatio: quæ eò pertinet ut intelligamus, ea, quæ

quæ singulorum sunt, in patrimonio haberi, quæ communia, publica, Universitatis, & maxime quæ divini juris sunt, extra patrimonium esse. Aptior ad docendum nonnullis videtur divisio Caji l. 1. b. t. qui sic distinguit, ut dicat, rerum alias esse divini juris, alias humani. Divini juris quæ sunt, nullius in bonis esse; veluti res sacras, religiosas, sanctas. Res humani juris, aut publicas esse, quæ & ipsæ nullius in bonis sunt: aut privatas, quæ singulorum; una generali appellatione rerum publicarum complectens, quæ hic in communes, publicas & Universitatis distinguuntur. Huic autem divisioni mox aliam subjicit, quod quedam res corporales sint, quedam incorporeales: quæ à Justiniano deum traditur atque exponitur *tit. seq.* Apud Marcianum l. 2. *hoc tit.* divisio proposita uno membro mutilata traditur; ut liquet ex l. 4. §. 1. *cod. VINN.* Martianus in divisione sua non tam omisit res publicas, quàm eandem communium nomine complexus est. Communes enim & publicæ sæpe pro iisdem habentur, l. 24. ff. de damn. inf. Unde non mutilata videtur l. 2. ff. b. t. sed à Triboniano in hoc §. paulo fufius explicata. Vid. Ger. Noodt. *Prob. Lib. 1. c. 7. HEIN.*

Pleraque singulorum) Hæc sunt, quæ privata dicuntur; nimirum res omnes quæ vel in dominio nostro sunt, aut quasi dominio, aliæque in rem jura à dominio separata, vel quæ adhuc nobis præstanda sunt ex obligatione. Unde non male nonnulli totius hujus argumenti tractationem ad duo potissimum capita referunt, quorum unum est de dominio, alterum de obligatione: domini appellatione jus omne, quod in rem habemus, complectentes.

TEXTUS.

De Aere, aqua profluente, mari, littore, &c.

1. *Et quidem naturali jure communia sunt omnium hæc; aer, aqua profluens mare, & per hoc littora maris. Nemo igitur ad littus maris accedere prohibetur: dum tamen à villis, & monumentis, & ædificiis abstineat, quia non sunt juris gentium, sicut est mare.*

NOTÆ.

1. *Naturali jure communia*) Vocabulo generali hæc etiam publica dicuntur, definiunturque à Nerat. l. 14. de acq. rer. dom. Quæ à natura ad omnium usum prodita, in nullius adhuc dominium pervenerunt. Sumpta hæc ex l. 2. §. 1. & l. 4. D. eod.

Tom. I.

Aer, aqua profluens, &c.) Aer & mare jure gentium divisa non sunt, sed relicta in suo jure & esse primævo; Jo. Fabr. Immo nec dividi potuerunt; Grot. de mar. lib. c. 5.

Littora maris) Sicut maris usus omnibus patet, l. 13. D. comm. præd. ita propter mare & littorum maris, l. 4. §. 1. b. t.

Dum tamen à villis) Quia sunt singulorum, qui ædificando occupant, d. l. 4. §. 1. b. t. l. 14. de acq. rer. dom. l. 4. ne quid in loc. publ.

COMMENTARIUS.

1. *Rerum communium usum omnibus competere, barbarumque semper habitum, quemquam mortalium eo usu prohibere.*
2. *Mulum hæc res differre ab iis, quæ nullius sunt, communi usui non attributæ.*
3. *Quatenus quid harum rerum occupari possit: tum quantum hæc occupatio occupanti tribuat.*
4. *De dominio maris, quod nunc sibi plerique ad aliquod spatium & per vicinos sinus vindicant remissivè.*
5. *Quid vestigal navigantibus jure imponant?*

Quæ humani juris sunt, non privata aut singulorum propria, ea aut sunt omnium hominum communia; aut alicujus gentis sive populi, quæ in specie publicæ; aut certæ alicujus civitatis vel corporis, quæ dicuntur, universitatis. Communia sunt, quæ à natura ad omnium usum prodita, in nullius adhuc ditionem aut dominium pervenerunt; ita generali vocabulo definiuntur à Neratio l. 14. b. t. de acq. rer. dom. Huc pertinet præcipuè aer & mare, quæ cum propter immensitatem, tum propter usum, quem in commune omnibus debent, jure gentium divisa non sunt, sed relicta in suo jure & esse primævo; ut ait Jo. Fabr. adeoque nec dividi potuerunt. Atque hoc est quod DD. nostri ajunt, ærem & mare, cum sint incomprehensibilia, nullius populi bonis potuisse applicari; Jo. Fabr. §. littorum §. inf. eod. Grot. de mar. lib. c. 5. Item aqua profluens, hoc est, aqua jugis, quæ vel ab imbris collecta, vel è ventis terræ scaturiens perpetuum fluxum agit, flumenque aut rivum perennem facit. Postremo propter mare etiam littora maris, l. 2. §. 1. l. 4. b. t. In hisce rebus duo sunt, quæ jure naturali omnibus competunt. Primum communis omnium est harum rerum usus, ad quem natura comparatæ sunt, tum si quid earum rerum per naturam occupari potest, id eatenus occupantis fit, quatenus ea occupatione usus

ille promiscuus non lœdatur. De usu aeris constat, quippe sine quo ne vivere quidem aut respirare quisquam potest. Aqua profluens ad lavandum, & potandum unicuique jure naturali concessa. Maris usus jure gentium liber est, atque ad navigandum, & piscandum ex æquo omnibus pater, l. 3. §. 1. *ne quid in loc. pub.* Unde si quis prohibeatur in mari piscari aut navigare, injuriarum actione prohibentem convenire potest, l. 2. §. *si quis 9. d. tit. l. 13. §. ult. de injur.* Maris naturam littora sequuntur: ac proinde ad littus maris cuivis accedere licet, navem eò appellere, ac reficere, ejecta in tempestate, naufragiove amissa ibi excipere, retia siccare, & casam, in quam tantisper se recipiat, ponere, l. 4. *hoc tit. l. littora § 1. de contr. emp. l. 1. C. de nauf. lib. 11.* Dum tamen à villis, ædificiis & monumentis in littore extructis abstineat: quia non sunt juris gentium, d. l. 4. *hoc tit.* Est verò harum rerum usus adeò liber & promiscuus, ut barbarum semper, atque immane habitum sit, vel exterarum gentes ab eo arcere. Quamobrem merito de Pœnorum injuria sic queritur Orator Illioneus apud Virgilium l. 1. *divini operis, v. 543. seqq.*

Quod genus hoc hominum, quæve hæc tam barbara morem

Permittit patria? Hospitio prohibemur arena. Bella cient, primaque vetant consistere terra.

Idemque apud eundem lib. 7. v. 239. his vocibus affatur Regem Latinum:

Littusque rogamus

Innocuum, & cunctis undamque auramque patentem.

Denique Latona apud Nasonem 6. *metam. v. 349.* sic alloquitur pueros Lyceos:

Quid prohibetis aquas? usus communis aquarum est.

Nec solem proprium natura, nec aëra fecit,

Nec tenues undas; ad publica munera veni.

Dicit, hæc non esse natura propria: sicut Ulp. l. 13. *comm. præd.* natura omnibus patere, quia à natura ad communem usum genita sunt; nec in ullius adhuc dominium pervenerunt; Cic. 1. *de Offic. cap. 6.* Nerat. l. 14. *hoc tit.* Hæc igitur sunt illa, quæ veteres vocant communia omnium jure naturali, aut quod idem est, publica juris gentium, sicut & usum eorum modò communem, modò publicum vocant, l. *pen. hoc tit. l. 2. §. 1. l. 4. ne quid in loc. pub. §. littorum §. infra. hoc tit. cum similib.* Quamquam verò etiam nullius esse, quod ad proprietatem attinet, rectè dicimus; multum tamen differunt ab his, quæ nullius sunt, communi usui non attributa, ut feræ, pisces, aves: nam istæ

si quis occupet, in jus proprium transire possunt; illa verò totius humanitatis consensu proprietati in perpetuum excepta sunt propter usum, qui cum sit omnium, non magis omnibus ab uno eripi potest, quàm à te mihi quod meum est. Et hoc est quod Cicero dicit, inter prima esse justitiæ munera rebus communibus pro communibus uti. Scholastici dicent, alia positive esse communia, alia negative; Thom. 1. 2. q. 94. *art. 5. Cajetan. trakt. 17. quest. cap. 12.* Covar. *in cap. peccatum, de reg. jur. in 6. part. 2. §. 8.* Intellexit hoc convivator apud Athenzum, cum mare commune esse dicit, pisces autem capientium fieri. Et in Plautina Rudente *act. 4. sc. 3. v. 36.* servo dicenti, *Mare quidem commune certo est omnibus, assentit piscator: addenti verò, In mari inventum est, commune est; rectè occurrit: Meum quod rete, atque hami nacti sumi, meum potissimum est.* Cæterum illa hic addenda interpretatio est, ut si quid harum rerum natura occupari possit; id eatenus occupantis fiat, quatenus ea occupatione usus publicus sive communis non impeditur. Quod merito receptum est: nam cum ita se res habet, cessat exceptio, per quam fit, ut in jus proprium non transcant. Aër occupari non potest, nisi simul terra occupetur: sed neque mare, nisi forte exigua sui portione, quæ in fundum privatum admittitur; quomodo accipienda l. 14. *de injur.* aut ædificando jactis id in pilis, aut mollibus; quod cum sit, locus, & ædificium ejus sunt, qui ædificavit, l. 2. §. *adversus 8. l. 3. §. 1. ne quid in loc. pub. l. ergo 30. §. ult. hoc tit.* In littore vacuum quisque locum occupare per naturam potest, eumque occupando etiam suum facit, ut & id, quod in eo extruxerit, l. 6. *pr. hoc tit. de rer. div. l. 14. l. quamvis 50. cod. de acq. rer. dom. l. 1. §. si quod si 18. de op. nov. nunt.* Etenim qui locus ita in mari aut littore occupatur, non simpliciter & absolute occupantis fit: sed dumtaxat interea dum occupat, dum ædificium manet: nam ædificio sublato, locus in pristinum causam quasi jure postliminii revertitur, d. l. 6. & d. l. 14. §. 1. *l. præscriptio 45. de usucap.* Sed neque simpliciter hæc occupatio & ædificatio concessa; verum, quod exigebat ipsa ratio juris gentium, cum hac conditione, si per eam publicus littoris aut maris usus non fiat deterior, d. l. 2. §. *adversus 8. l. 3. l. 4. ne quid in loc. pub.* Neque jus gentium violari existimo, si hic arceant peregrini in littoribus, quæ populus aliquis imperiò sibi vindicat. Natura enim non ad hoc propriè littora produxit, ut cuilibet semper & promiscuè jus esset partem

eorum occupare, sed ut necessario maris usui interservirent, qui est navigatio; idque significari opinor verbis & per hoc, quod non frustra hic expressa sunt, & in l. 2. §. 1. hoc tit. ideoque etiam hic usus jure gentium semper communis manet & indivisus, sicut ipsius maris: jus tamen, quod dixi, in littore edificandi, divisum jure gentium intelligi debet, quatenus littora imperio divisa, & publica, facta sunt alicujus populi, arg. d. l. 3. ne quid in loc. pub. Ita ferme Baro ad hunc §. & d. leg. 2. Don. 4. comm. 2. & 9. Grot. 2. de jur. bell. & pac. cap. 3. n. 9. Idem fuse & eleganter cap. 5. mar. lib. add. Ant. Fabr. in ration. ad leg. 9. de leg. Rhod.

Hodie Veneti maris Adriatici, Baltici Rex Daniz, magnæ Britanniz Rex mari circumflui dominium sibi vindicant. Cæterum hoc latè plerique damnant, imperium quidem in maris partem sinusve vicinos usurpare posse concedentes, sed sine jure proprietatis aut domini; tum quia natura mare commune esse jubet, non permittit tantum; tum quia ne domini quidem capax est, resistens occupationi & possessioni, unde dominia rerum cœperunt, l. 1. §. 1. de acq. poss. D. Grot. d. c. 5. mar. lib. & d. c. 3. n. 13. de jur. bell. M. Anton. Peregrin. 8. de jur. fisc. n. 10. Alb. Gentil. de acq. mar. D. Tuld. hic c. 7. Existimat tamen idem Grotius, d. c. 3. num. 10. non ob stare jus naturæ, quominus portio maris inclusa littoribus ejus populi propria fiat, cujus sunt littora, dum ea pars maris ad territorium comparati non major sit, quam diverticulum maris comparatum ad magnitudinem fundi privati. Nuper verò Joannes Seldenus, vir sævè non vulgari eruditione præditus, tractatum edidit inscriptum *Mare clausum*, sive *De Dominio maris*, in quo summa ope ostendere conatur, mare ex jure naturæ seu gentium omnium hominum non esse commune, sed pariter domini privati seu proprietatis esse capax, ac tellurem: cui paradoxo vix occurrì poterit ex Grot. d. c. 5. mar. lib. & 2. de jur. bell. cap. 2. num. 3. Illud constat; non facere contra jus naturæ aut gentium, qui recepto in se onere tenendæ navigationis adversus piraticas excursions, juvandeque per ignes nocturnos & brevium signa, vestigal æquum imposuerit: quale fuit Romanum vestigal Erythræum, de quo Strabo l. 17. & quod in ponto Byzantini exigebant *δραχμῶν*, quodque jam olim Athenienses exegerant in ponto eodem, memorante utrumque Polybio, Grot. d. c. 3. num. 14. add. Cæpoll. de serv. præd. russ. c. 26. (Unde verè dicendum est, jure Venetos, aliosque præfatos Principes Marium dictorum dominium habere.)

TEXTUS.

De fluminibus & portubus.

2. Flumina autem omnia, & portus publica sunt: ideoque jus piscandi omnibus commune est in portu, fluminibusque.

COMMENTARIUS.

1. Quo sensu dicatur jus piscandi in flumine omnibus commune?
2. Non idem esse aquam profluentem, quod flumen.
3. Quo jure hodie flumina & portus, itemque piscatio censeantur.

SECUNDUM genus rerum, quæ privati juris non sunt, publicæ in specie dicuntur, quæ quamvis & ipsæ in nullius dominium pervenerunt, imperio tamen diviæ sunt, & ditione ac potestate factæ alicujus populi. Ajo ditione ac potestate: nam quæ populi sunt patri-monio, ut metalla, salinæ, silvæ, agri vectigales: &c. ea quidem etiam publica dicuntur propter personam possidentis, l. 17. de verb. sign. l. 14. hoc tit. de acq. rer. dom. sed quia usu & jure, quo habentur, privata sunt, l. 2. §. hoc interdictum 4. ne quid in loc. pub. ad institutam disputationem non pertinent. Hujus generis sunt flumina, portus, alveus fluminis, quamdiu à flumine occupatur, & ex parte ripæ.

Flumina omnia) Scilicet perennia, nam torrentia, quæ hieme tantum fluunt, æstate solibus exsiccantur, publica non sunt: l. 1. §. 3. de flum. ac ne flumina quidem propriè, ut rectè D. Don. 4. com. 3. contra Hotom. 8. obs. 4. Marcianus l. 3. hoc tit. cautè addidit voculam *perennè*; nempe *ὡς τὸς χειμῶνι*. Et quidem quæ flumina per eandem regionem tantum labuntur, unde originem ducunt, tota sunt illius regionis; quæ verò diversa imperia alluunt, per partes earum gentium sunt, per quarum ditiones profluunt in mare. VINN. Hinc si limites duarum provinciarum constituunt, communia habentur, adeoque & novæ insulæ, in hujusmodi flumine natæ, vel communes sunt vel alterutrius provincie propriæ, prout vel in medio flumine natæ, vel alterutri ripæ proprios sunt. Ziegl. de jure Majest. Lib. 2. cap. 15. HEIN.

Et portus) Portus est locus in mari, aut flumine conclusus a munitionibus, quò importantur, & unde exportantur merces: qua appellatio-ne tamen continetur & statio, quæ est locus accommodatus ad naves recipiendas, ut tuto

illic stare possint adversus injuriam prædonum ac tempestatum, *l. portus 59. de verb. sign. l. 1. §. stationem 13. de sum. nostratibus cen. Hee.* Veteribus proprie portus insulam notat, sive ædificium legitimo spatio atque ambitu à contiguis divisum, mercium impendendarum & conservandarum causa, & per synecdochen quamvis insulam sive domum, quæ proprio ambitu constat; ut in illo duodecim tab. *Cui testimonium defuerit, is tertiis diebus ob portum obvagatum iro.* Vid. Fest. in vocabis *portus & insula.* Cujac. Brechz. Goed. ad d. *l. portus.*

Jus piscandi omnibus commune) Usus fluminis publicus est jure gentium, *§. riparum 4. inf. eod. l. 4. eod.* ac proinde unicuique licet in flumine publico navigare & piscari, *l. 1. ut in sum. pub.* Idem usus est & portuum, ut hoc loco & *l. 4. Ait, omnibus commune est, nem-*

pe omnibus iis: qui sunt ex populo, cujus fines flumen alluit, & quatenus alluit; ut in hoc distet hic usus ab earum rerum usus, quæ omnium hominum communes sunt; id quod ex præcedentibus satis colligi potest. Neque est quisquam, qui dubitet, quin usu navigandi aut piscandi in flumine exteri prohiberi possint. Notandum autem est discrimen fluminis & aquæ fluentis, unde usus utriusque nascitur diversitas. Flumen est totum quid, unumque & idem corpus, quod mille abhinc annis fuit,

arg. l. propendatur 76. de judic. denique sub imperio eorum, quorum finibus continetur. At aqua fluminis numero eadem non est, sed alia atque alia: & cum in perpetuo cursu sit, non magis loco contineri, aut cujusquam potestati subijci potest, quam aer & mare, quamdiu de medio cursu nihil de ea sumptis. Hinc de usu judicandum. Flumine integro utimur ad navigandum & piscandum; qui usus jure gentium divisus est, quatenus flumina ipsa imperio divisa sunt, ac proinde non communis est omnium hominum, sed publicus eorum dumtaxat, quorum finibus continetur. Aqua verò fluminis utimur ad lavandum, potandum,

aquanda pecora; qui usus communis est jure naturali omnibus concessus; add. Jo. Fab. Baron. ad hunc loc. Don. 4. comm. 1. De jure ædificandi in portu aut flumine nulla hic mentio. Et in portu quidem vix est, ut sine incommodo navigantium ædificari possit. In flumine autem publice cuilibet licet ædificare & destruere: dum tamen hoc sine incommodo cujusquam fiat, *l. fluminum 24. de damn. inf. l. 1. §. non autem 12. & §. deinde 19. de sum.*

Quo argumento adducor, ut credam etiam ædificari fieri ædificantis, perinde ut ædificata in littore aut vicino littoribus mari ædificantium sunt. Cæterum quia hoc jure jam non amplius utimur, non est operæ pretium pluribus de his disputare. Etenim flumina omnia navigabilia, & ex quibus sunt navigabilia; jam pridem à Frederico Imp. inter regalia relata sunt, *c. unic. qua sunt regal. in usf. feud. eorumque proprietates facta Principis, vel populi, cujus ditione continentur; Bart. Jas. & alii, l. quominus 2. de sum.* Quod tamen non obstat, quominus usus fluminis adhuc publicus manserit: nam & riparum, quarum proprietates privata est, usum esse publicum constat. Cæterum consuetudine locorum fere jam obtinuit, ut nemini liceat in flumine piscari, nisi qui jus illud vel emerit, vel conduxerit, vel alio titulo à Principe acceperit, vid. Cæpoll. de serv. russ. præd. c. 42. Schneid. hic. In hisce regionibus flumina omnia, quatenus finibus nostris continentur, lacus item, alique aquæ navigabiles, eorumque omnium alvei, hoc est, spatia, per quæ fluunt, aut quæ occupant, ripa quoque, quatenus majore parte anni aquis tegitur, populi est. Ac proinde Hollandi & Westfrisi jus habent pro custodia fluminum vesticalia ac tributa imperandi, quippe usu eorum etiam exteris concessio. Jus piscandi quoque initio penes populum fuit, inde ad Principes translatum: ut nemo jam id juris habeat, nisi concessu Principis, & certis limitibus ac legibus circumscriptum. Planè in Vvaterlandia, & quibusdam fluentis Kenemerlandia piscatio semper libera fuit; & singulis civibus etiamnum jus est in flumine aut lacu navigabili hamo piscari; Grot. lib. 2. *manud. cap. 1. & 4. Groenevv. de ll. abrog. hic & ibi alleg.*

TEXTUS.

Definitio littoris.

§. Est autem littus maris, quatenus hibernus fluitus maximus excurrit.

NOTÆ.

3. Est autem littus maris) Quæ fluitus eludit.
Definitio κατά μεταφωρίαν.

COMMENTARIUS.

HOC §. 1. & seqq. quædam diligentius explicat, quorum usus vel communis est, vel publicus. Atque ut intelligamus, quatenus littore uti omnibus liceat, quid sit littus primò definiendum putavit. Ait littus esse, quatenus hibernus fluitus maximus excurrit; quo-

modo & Celsus definit, *l. littus 29. & Javolen. l. 112. de verb. sign.* & jam olim ante eos definitiverat Aquilius; teste Cic. in *Top. c. 7.* Quam definitionem & ipse Cicero post aliquando fortassis arbiter sumptus, securus est: non enim primus hoc constituit, ut plerosque credidisse Celsus refert. Ait, *bibernus*, quia hieme maxime mare exstuat. Igitur littus est, quatenus fluctus maris eludit; atque hoc commune est omnium, sicut & mare: siccum verò littus sive ora terræ, quæ æstium marinorum accessu non occupatur, populi regionis est.

TEXTUS.

De usu & proprietate riparum.

4. *Riparum quoque usus publicus est jure gentium, sicut ipsius fluminis. Itaque naves ad eas appellere, funes arboribus ibi natis religare, onus aliqui d in his reponere, cultibus liberum est, sicut per ipsum flumen navigare: sed proprietates earum illorum est, quorum pradiis barent: qua de causa arbores quoque in eisdem nata eorumdem sunt.*

COMMENTARIUS.

Y Non ut littora maris, ita ripas conditionem fluminis sequi.

Ripa est id, quod flumen continet, naturalem cursus sui rigorem tenens: ita definitur ab Ulp. *l. 1. §. ripa §. de flum.* Ait, *cursum naturalem*, ne quis putet, si quando flumen imbribus vel nivibus auctum excreverit, ripas idcirco mutare. Paulus ait, ripam esse, quæ plenissimum flumen continet, *leg. 3. §. 1. d. tit.* ut significet, partem ripæ non esse spatium illud ripæ proximum, quod aliquando flumine caloribus minuo æstivo tempore non occupatur. Apparet autem ex sequentibus, ripam non tam angustæ, ut nonnulli faciunt, accipiendam esse pro crepidine, aut labro amnis, sive pro sola extremitate alvei & terræ, quæ flumen continet, cujus extremitatis vix est ut ullus sit usus: sed aliquanto laxius pro spatio inter flumen & vicina prædia interjecto, ut ripa incipere intelligatur, ex quo à plano ad flumen vergit, *d. l. 3. §. 2. de flum.* quod & Pacius observavit in analysi sua,

Usus publicus est jure gentium) Usus riparum ita publicus est, ut fluminis: quinimo ripæ usus nihil aliud est, quam ipsius fluminis, cum per ripam flumine utamur. Ideoque quæcumque sunt interdicta ad tuendum usum publicum fluminis, eadem sunt & conjunctum ad tuen-

dum usum riparum, *l. 1. & passim tit. de flum. & tit. ne quid in flum. pub.* Ait, *jure gentium*: quasi dicat: hunc usum atque hanc servitutem ripis à natura impostam esse, ut omnibus, quibus flumine uti jure gentium licet, etiam ripis ad eum usum uti liceat, cum nec flumine aliter uti commodè possint.

Proprietates illorum est, quorum prædiis barent) Hoc etiam diserte ait Cajus *l. 5. hoc tit.* itemque Pomponius ex sententia Celsi, *l. ergo 30. §. 1. de acq. rer. dom.* Unde Neratius scribit, eum, qui in ripa fluminis ædificat, sum non facere, *l. 15. cod.* Quapropter quod Paulus ait, ripas fluminum publicas esse, *l. 3. de flum.* de usu, non de proprietate accipi debet. Nec enim audiendum est D. Horum. qui Paulum à cæteris, & rectè dissensisse putat. Nam quod ait, eodem jure partes fluminis singulas censerì debere, quo totum flumen, quod ita publicum esse constat, ut nec proprietate cuiusquam sit, error est *κατὰ τὴν ἀρχαίαν τὴν ἐλπίχον*, siquidem ripa pars fluminis non est, non magis quàm continens contenti. Neque verò idem est ripa in flumine, quod littus in mari. Ripa flumini non subjicitur, ut littora subjiciuntur mari, & quotidianis accessibus ab eo occupantur. At inquit, cujus juris est alveus, ejusdem & ripas esse necesse est: certum autem est alveum proprietate nullius esse, *l. 1. §. simili modo 7. de flum. l. 7. §. quod si §. de acq. rer. dom.* At, inquam, ut diversa sit alvei & riparum conditio, flumen facit, quod alveum occupat, ripas non item. Quid quod nec alveus simpliciter publicus est, ne tunc quidem, cum adhuc a flumine tenetur: sed quatenus flumen non obstat, adhuc pars censetur vicinorum agrorum: alioqui quo jure insula, manente adhuc alveo, in flumine nata vicinorum fieret? quod utique & ripæ proprietatem arguit vicinorum esse: quæ de re amplius sub §. *insula 22. & seq. inf. cod.* Rectè igitur Græci, *Basil. 46. tit. 3. τῶν ἐκ τῶν τῶν ἐν τοῖς ποταμοῖς ἢ λίγῳ θύοικοντα, ἀλλὰ ἐκ τῶν publica ἐστὶν &c.*

TEXTUS.

De usu & proprietate littorum.

5. *Littorum quoque usus publicus est & juris gentium, sicuti & ipsius maris: & ob id cultibus liberum est, casam ibi ponere, in quam se recipiat, sicut retia ficcare, & ex mari deducere. Proprietates autem eorum potest intelligi nullius esse: sed ejusdem juris esse, cujus & mare, & quæ subjacet mari, terra vel arena.*

5. *Littorum quoque usus*) L. 4. l. 5. §. 1. l. 6. b. r. atque omnibus patet, sicut & maris; Virg. 7. *Æneid. v. 229. Littusque rogamus Innoceum*, & 1. v. 544. *Hospitio prohibemur arena. Ubi Serv. Proprietat eorum nullius*) A populo tamen aliquo occupata illius populi esse videntur, l. 3. ne quid in loc. publ.

Ejusdem juris, ejus mare) Littora mari subjiuntur, & ab eo quotidianis accessibus occupantur, & ideo naturam ejus sequuntur, l. pen. hoc tit. Ripa autem, ut flumini non subjiuntur, nec ejus pars est; ita nec per omnia conditionem ejus sequitur.

COMMENTARIUS.

DE littorum usu & proprietate jam intellectum est. Ceterum unum adhuc notandum, quod usum littorum dicit esse publicum, & juris gentium; ut intelligas, usum littorum publicum esse eo jure: quo scilicet significatione mare juris gentium esse dicit Cajus, l. 4. hoc tit. & Justin. §. 1. *supr. eod.* atque in hoc differre ab usu riparum, qui publicus quidem est jure gentium, sed non juris gentium, hoc est, non communis omnium hominum, sed eorum dumtaxat, quibus eo flumine uti jure gentium licet: cujus usus exteros communione non habere antea demonstratum est. Eadem fere & Eguinarii Baronis, & Julii Pacii sententia est.

Ejusdem juris, ejus & mare) Mare littora aliis ubique eripiendo sua fecit. Nam, ut ante quoque dictum est, littora mari subjiuntur, & quotidie ab eo occupantur. Occupatum autem jus & conditionem occupantis sequi necesse est, l. pen. hoc titui. VINN. Adeo communia Romanis videbantur littora, ut fere cuiusvis liceret, non solum casus ibi ponere, in quas fe reciperet, uti est in hoc §. 5. sed & palatia voluptatis causa existuere. Et eo pertinent illa Horatii lib. 1. ode 11. *Qua* (hiems) *nunc oppositis debilitat pumicibus mare.* Quæ verba egregie illustrantur dans l'histoire de l'Académie Royale des Inscriptions & Belles Lettres. Tom. 2. p. 333. HEIN.

TEXTUS.

De rebus Universitatis.

6. *Universitatis sunt, non singulorum, quæ in civitatibus sunt, theatra, studia, & his similia, & si qua alia sunt communia civitatum.*

QUæ hic & apud Cajum l. 6. §. 1. *cod.* dicuntur universitatis, alibi etiam publica generali nomine appellantur; ut in l. 6. *de contr. empr. §. 2. inf. de inut. stip. §. ult. inf. de empr. & vend.* nimirum quia in publico civium usu habentur. Ea igitur, quæ in pecunia aut patrimonio civitatis sunt, quorum usus singulorum non est, huc non pertinent: quamvis & ipsa collata cum iis, quæ propria sunt singulorum, publica quoque dicantur, l. 7. §. 1. *quod cujusque un. nom. l. 15. & seq. de verb. sign.* Universitatis autem appellatio latior est, quam civitatis: nam & collegia & societates, aliaque hujusmodi corpora continet, quibus permixtum est ad exemplum Reipub. habere res communes, arcam communem, &c. l. 1. *quod cujusque un. VINN.* Rectè distinguuntur res universitatis & patrimonii civitatis. Horum enim usus non est singulorum, adeoque nec obligationes circa illa, tum activæ tum passivæ. Eo pertinet l. 7. §. 1. *ff. quod cujusque univ. nom. HEIN.*

Si qua alia communia civitatum) Ut basilicæ, porticus, balnea, fora, prætoria & pascua publica, in quæ sc. pecudes immittere singulis civibus jus est: item si quæ collegii alicujus aut societatis communia sunt, veluti pergula, ambulacra, exedra, peristylia, insulae, stabula, &c. Communis autem harum rerum usus non latius patet, quam ut publicus sit eorum, qui sunt ejusdem civitatis aut corporis. Hoc enim & superioribus omnino consequens est, & cum instituto convenit ejus, qui ea publicavit; si alii utantur, id permissu civitatis fit. Nemo sanè dixerit, usum pascuorum publicorum adeo liberum esse, ut etiam non cives jus pascendi habeant. Ad hunc autem usum tuendum prodita est contra prohibentes actio injuriarum, l. 13. *in fin. de injur.* Pertinet huc illud M. Tullii 3. *de finib. cap. 20. Theatrum commune cum sit, rectè tamen dici posse, ejus esse eum locum, quem quisque occupavit, & 1. offic. cap. 17.* Vix autem per quas omnibus iter debetur, publicæ sunt, non Universitatis. Cujac.

TEXTUS.

De rebus nullius.

7. *Nullius autem sunt res sacræ, & religiosæ, & sanctæ: quod enim divini juris est, id nullius in bonis est.*

NOTÆ.

7. *Nullius in bonis*) L. 6. §. 2. *cod.* & ideo hæc

hec quasi nostra vindicare non possumus, l. 21. §. 1. D. de rei vind. nullius, nec proprietate, nec usu profano.

COMMENTARIUS.

COMMENTARIUS.

- 1 Personam consecrantis qualem esse oporteat.
- 2 Donaria qua Latinis dicta.
- 3 Sacra privata à publicis non forma consecrandi, sed fine distincta.
- 4 Profanum veteribus quid, & unde dictum.

QUæ res divini juris sunt, per excellentiam dicuntur nullius esse, scilicet ex comparatione earum rerum, quæ cum & ipsæ nullius sint, usu tamen sunt singulorum, aut ita affectæ; ut in dominium singulis cedere possint. Etenim & quæ humani juris sunt publica omnia, quæ non in pecunia populi, sed in usu publico habentur, comparata cum iis, quæ singulorum sunt, nullius in bonis esse dicuntur, l. 1. hoc tit. l. 6. de contr. empt. At in rebus divini juris hoc amplius est, quod ne usus quidem earum singulorum est. Ferè quoque, bestię, volucres, pisces, &c. nullius sunt, si comparentur cum iis, quæ quisque jam actu habet ac possidet: ut ea conditione sunt & natura, ut acquiri possint, & cedant occupanti, §. fera l. 2. inf. eod. quod secus est in rebus divini juris. Etiam inter ea, quæ nullius sunt. Cajus d. l. 1. numerat res hæreditarias nondum adita hæreditate: quæ tamen effectus juris omni ex parte privatæ sunt, & hæreditatis esse finguntur, quæ tantisper personæ vicem sustinet, l. hæreditas 34. l. hæreditas 61. de acq. rer. dom. Res igitur divini juris sunt, quæ hominum potestati & promiscuo usui exemptæ, quodammodo in solius Dei jure ac potestate habentur; quarum tres species hic proponuntur, sacræ, religiøsæ, sanctæ; quas singulas §§. deinceps expoliturus est.

TEXTUS.

De rebus sacris.

8. Sacra res sunt, quæ rite per Pontifices Deo consecrata sunt; veluti ades sacra, & donaria, quæ rite ad ministerium Dei dedicata sunt: quæ etiam per nostram constitutionem alienari, & obligari prohibemus, excepta causa redemptionis captivorum. Si quis autem auctoritate sua quasi sacrum sibi constituerit, sacrum non est, sed profanum. Locus autem, in quo ades sacra sunt adificata, etiam diruto adificio sacer adhuc manet, ut & Papinianus scripsit.

NOTÆ.

7. Donaria) ἱερὰ ἀνιδιώματα, χρισμὰ ἱερά; ornamenta, Hesych. Macrobius. 1. Sat. 11. ἱερὰ ἄνδρῳ, vasa sacra, Nov. 120. c. 10.

RERUM divini juris diximus esse tria genera: eaque, ut re, ita etiam nominibus apud nostros distincta sunt: quæ distinctio etiam in schedis Festi reperitur. Alia est apud Macrobius 3. Saturn. 3. Plerique autem his nominibus indiscretè utuntur. Ait, res sacras esse, quæ rite per Pontifices Deo consecrata sunt. Quæ definitio duo maximè complectitur, formam consecrandi, & personam consecrantis. Formam indicat particula rite, id est, solemniter, more & instituto majorem, publicè, non privatim, l. 6. §. sacra 3. l. 9. pr. eod. Gall. Alius apud Fest. in voce Sacer. Ovid. 1. fastor. v. 610. Tempia sacerdotum rite dicata manu. De ritu veteri consecrandi vid. Alex. ab Alex. 6. gen. dier. 14. Connan. 3. comm. 1. Personam consecrantis oportet rebus sacris præesse: quales apud Romanos erant Pontifices, ita dicti à ponte publicio, quem, quod sacer æstimaretur, in aliqua parte labantem solis Pontificibus reficere licebat, cæsa vidima & sacrificio perfectio. Reliquorum quoque sacrorum omnium curam à qua potestatem penes collegium Pontificum fuisse constat: de quorum officio accuratè scribit Alex. ab Alex. 2. genial. 8. Quid Principes? Etiam eos curam sacrorum & religionum sibi sumpsisse, cum apud alios Auctores, tum apud nostros legimus, ut in leg. 8. de rel. & sumpt. fun. l. ult. ut in poss. leg. & nominatim jus dedicandi, seu consecrandi; in d. l. 9. hoc tit. An quia & ipsi plerumque Pontifices? Id sunt testatur historia, & Dio. lib. 53. expressè scribit, Principes inter alios titulos etiam Pontificis maximi dignitatem assumpsisse, ut omnes religiones & sacrificia in sua haberent manu. An verò hoc ideo dicitur, quia ut nonnulli volunt, sic ut olim per legem Papiriam non licebat rem ullam injussu plebis consecrare, teste Cic. pro dom. ita postea non licuit injussu Principis: ut Pontifex quidem consecraret, & solemniam perageret, sed jussu & auctoritate Principis præcedente: maximè si locus publicus consecrandus foret, argum. d. l. 9. Principes Christiani curam sacrorum Episcopis reliquerunt, aliosque ritus atque cærimonias sublati gentilibus substituerunt, quæ in dedicandis

dis monasteriis, ecclesiis, domibus orationum observarent, vid. Nov. 67. & Nov. 132. cap. 7. Luculentum dedicationis templi extat exemplum 1. Reg. 8.

Donaria) Non solum ædes aut locus consecrari possunt, sed res etiam mobiles, ut ex memorato Galli Ælii apud Festum loco apparet, & hic significat Justinianus verbo *donaria*: quo eum mobilia intelligere, puta vestes *ispâ exsâ*, vasa, aliaque utensilia divinis usibus dicata, atque consecrata, ostendit l. *sancimus* 21. Cod. de sacros. eccles. Neque hoc contra usum Latinorum scriptorum. Nam quæ Græci *ἀναθήματα* appellant ab *ἀνὰ θεῷ*, quod dicata Diis suspendebantur è tholis, columnis aut parietibus templi, ea Latini *donaria* dixerunt. Apud Macrobius 1. 11. legitur: *Ornamenta sunt clypei, corona, & bujusmodi donaria*. Virgilius pro locis accepit, in quibus dona oblata reponuntur, lib. 3. Georg. v. 533.

..... Et uris

Imparibus ductos alia ad donaria currunt Eamque propriam esse hujus verbi significationem notat Servius; cui suffragatur Cornelius Eronto: *Donum*, inquit, *quod Diis datur, inde ubi dona ponuntur, donarium appellatur*.

Excepta causa redemptionis captivorum) Item pauperum alendorum tempore famis, si ita premarum, ut vitæ eorum succurrendum sit, dist. l. *sancimus* 21. Debitorum quoque Ecclesiæ causa, si creditores urgeant, nec aliunde debitum exsolvi possit, auct. præterea Cod. de sacros. eccles. Nov. 110. cap. 10. c. aurum 12. *quasi*. 2. Bona Ecclesiastica huc non pertinent: quippe quæ humanis usibus serviunt, alendis scilicet Ministris verbi, aut pauperibus; quamvis & ipsa causis quibusdam exceptis, prohibeantur alienari, Nov. 7. add. Schned. bic. Guad. delin. lib. 6. de jur. nov. cap. 13. & 14. Gloss. in c. semel. pand. de reg. jur. in 6.

Si quis auctoritate sua) Id est, non publicè sed privatim, l. 6. §. *sacra* 3. hoc tit. Quæsierit aliquis, cum Romanis nihil sacrum fuerit, nisi quod publicè consecratum; qui fiat, quod nihilominus eos sacra habuisse privata legitur? Cic. 3. de legib. l. 1. de rit. nupt. l. 9. §. 1. ad leg. jul. pec. l. 4. C. de crim. exp. bar. Resp. Distinctio illa non à forma dedicandi, aut personis dedicantium, sed à fine sumpta est: quod privata pro salute familiæ, publica pro populo consecrabantur, vid. Robin. 8. antiq. tit. 6. Potuit sanè quique privatim suæ religionis causa aliquid Deo dedicare, quod pro sacro ipse haberet: verum id Pontifices Romani non æstimabant sacrum, ac proinde nul-

la obstringebat religione successores: quod ex eodem Gallo Ælio apud Festum discere possumus, & M. Tullio lib. 11. *epist. ad Attic. epist.* 19. 34. & 35. VINN. Accuratè distinguenda *sacra privata* Larium & Penatum, quæ & gentilia: & *sacra privata auctoritate constituta*. Illa legitima erant, ob legem XII. tab. *sacra privata perpetuo manento*: Fest. voce *sacra*. Hæc illegitima, ob periculum ne sacra peregrina invehentur. Ill. Bynkersh. de relog. peregr. diff. 2. Illa erant juris pontificum: exinde est quod pontificum auctoritas intercederet in arrogationibus, confarreationibus &c. Hæc sacra non æstimabant pontifices. Si ergo privata auctoritate sibi quis sacrum conficuerat, quasi consecratum censebatur, dum ad religionem patriam pertineret. Et eò referenda loca. Cicéronis, lib. 12. ad Att. *Epist.* 19. 35. Sin religionem peregrinam sciret, profanum censebatur. Bynkersh. *ibid.* HEIN.

Profanum) Varro 5. de ling. fana ait nominata esse, quod Pontifices in sacando sati sunt finem: inde profanum, quod est ante sanum, id est, conjunctum sano. Trebatius profanum id propriè dici existimat, quod ex sacro vel religio in promiscuum hominum usum conversum est. Macrobius autem lib. 3. Saturn. scribit, profanum omnes pæne consentire id esse, quod extra sanctam causam sit, quasi porro à sano & religione secretum. Ut ut est, constat, nostros res profanas sacris & religiosis opponere solere.

Adhuc sacer manet) D. l. 6. §. 3. Ideoque venire non potest, l. *ad sacra* 73. de contr. empt. Trajanus ad Plin. lib. 10. *epist.* 76. Si adis sacra Claudii collapsa sit, religio ejus occupavit locum. Planè quæ loca ab hostibus capta sunt, sacra esse desinunt: at ea calamitate liberata, quasi postliminio pristinum statum recipiunt, l. cum loca 36. de religiof. Cic. phil. 9.

T E X T U S .

De Religiosis.

9. Religiosum locum unusquisque sua voluntate facit, dum mortuum in locum suum. In communem autem locum purum invito socio inferre non licet: in commune verò sepulchrum etiam invitis ceteris licet inferre. Item si alienus usufructus est, proprietarium placet, nisi consentiente usufructuario, locum religiosum non facere. In alienum locum consentiente domino licet inferre: & licet postea ratum non habuerit, quam illatus est mortuus, tamen locus religiosus fit.

COMMENTARIUS.

- 1 Antiquos privata sepulchra habuisse extra urbem in agris; hodie autem fere in urbe mortuos sepeliri in locis publicis ad eam rem destinatis.
- 2 Cenotaphium, seu tumulum inanem, religiosum non esse.
- 3 Ut locus religiosus fiat, necesse esse, ut is, qui mortuum infert, sit pleno jure dominus loci, & quadam consecratoria inde deducta.
- 4 Verba hujus §. postrema tam commodum sensum habere, quam lectionem Codicis Flor. in Pand.

Religiosum) Generali hujus verbi appellatione etiam sacra contineri arguit notatio vocis religio, sive à relegendo eam deducas cum Cic. 2. de natur. Deor. sive cum S. Sulpitio, ut auctor est Macrobi. 3. Satur. 3. à relinquendo, sive à religando cum Lactantio 4. Instit. 28. At hic & passim in libris nostris strictius accipitur, & locum notat, ubi mortuus aut sepultus humatus est: quæ significatio & Festum Pompejum auctorem habet.

Unusquisque sua voluntate) Ad differentiam sacri. Locus sacer non fit, nisi publice per Pontificem sacretur: religiosus fit propria cuiusque voluntate cadaver aut ossa inferentis in locum suum. Notandum hic in transcursu antiquos privata sepulchra habuisse extra urbem in agris, nam in urbe mortuos sepelire lege vetitum erat; Cic. 2. de leg. cap. 23. l. 3. §. divus §. de sepulch. viol. idque aliis etiam populis in more positum fuit: qua de re consule Petr. Greg. lib. 33. Syntagm. cap. 33. Quæ quisque sibi & familiæ suæ sepulchra constituebat, familiaria dicebantur; quæ sibi & hæredibus suis, vel quæ paterf. jure hæreditario acquisierat, hæreditaria, l. 5. l. 6. in pr. de rel. & sumpt. sunt. Hodie autem, ut notum est, locis publicis ad sepulturam utimur à Magistratu sepeliendis mortuis destinatis: cœmeteriis fere, aut ipsis etiam Ecclesiis, in quibus tamen privatum sepulchrum habere, nihil vetat, quod & hæredibus relinquit, & ad usum sepulchræ etiam aliis vendi possit, Grot. 2. introduct. c. 1. Monac. in l. 4. C. de religiof.

Dum mortuum infert in locum suum) His verbis docemur, duo esse necessaria, ut locus fiat religiosus; ut in eum mortuus inferatur; ut inferatur à domino loci. Primò non consecratione, aut verbis solemnibus locus religiosus efficitur, sed illatione mortui: unde sepulchrum ab Ulp. definitur, ubi corpus, os-

sive hominis condita sunt, l. 2. §. sepulchrum §. de relig. Ac ne totus quidem locus, qui sepulchræ destinatus est, corpore condito religiosus sit, sed quatenus conditum, aut humatum est, d. §. sepulchrum §. Ex quo efficitur, quod Divi fratres rescripserunt. Mausoleum inane sive monumentum purum memoriæ tantum causa factum, quòd Græci κενὸν μῆμα, & uno verbo κεντάφιον appellant. Suetonius, cap. 1. in Claud. Tumulum honorarium, religiosum non esse, l. 7. hoc tit. l. 6. in fin. l. monumentum 42. de relig. licet contra senserit Marcianus, motus auctoritate Virgillii, ut ipse ait, l. 6. in fin. hoc tit. Nec dubium, quin iis Poetæ verbis, quos ex lib. 3. Æneid. v. 303. citat D. Gothof. ubi de Andromache hæc ait Æneas:

..... Manesque vocabat

Hellorcum ad tumulum, viridi quem cespitem inanem,

Et geminas, causam lacrymis sacraverat aras.

Similis locus est ejusdem Poetæ lib. 6. v. 150. ubi sic ad Deiphobum idem heros;

Tunc egomet tumulum Rhetæ in littore inanem

Constitui, & magno Maneis ter voce vocavi.

Denique si ossa hominis aut corpus conditum dumtaxat loco religionem affertunt, consequens est, ossibus, aut reliquiis effosis & translatis, locum religione solvi, l. cum in diversis 44. §. 1. de relig. quamquam effodere vel eruere non licet sine decreto Pontificum, aut jussu Principis, l. 8. eod. Alterum, quod ad locum religione obstringendum necessarium esse diximus, est, ut is mortuum inferat, qui est loci dominus: neque sufficit pro parte indivisa dominum esse; aut nudam loci proprietatem habere, sed necesse est, ut is qui infert, dominus sit in solidum & pleno jure. Hinc deducuntur hæc consecratoria 1. Nemini jus esse inferre in locum, qui in totum alienus sit; utique invito loci domino: nam consentiente eo inferre licet, & locus hac illatione religiosus fit, hoc §. in fin. l. 6. §. religiosum 4. eod. 2. Non licere inferre in locum communem purum invito socio; hoc item text. l. 6. §. si quis 6. comm. div. l. 2. §. 1. in fin. de rel. quod tamen sic computat Callistratus, ut aliquis ex sociis in communi loco etiam sine consensu cæterorum sepeliri possit, si non sit alius locus, ubi commodè sepeliatur, l. si plures 41. d. tit. De loco puro Jurisconsultos loqui apparet; nam in communi sepulchro quin unus ex sociis etiam obtinentibus cæteris, sepeliri possit, nulla dubitatio est: quippe cum

ad hunc ipsum usum is locus comparatus sit, d. l. 6. §. si quis 6. comm. & hoc text. 3. Non posse proprietarium invito fructuario inferre, aut locum religiosum facere, ut hoc item §. l. 2. §. si usufructum 7. de relig. l. locum 17. de usufr. Quorum omnium hæc ratio est, ne domini, socii, fructuarii conditio sine facto eorum deterior fiat, re commercio exempta. Planè si proprietatis dominus testatorum intulerit, qui usufructum legavit, cum in alium locum inferri tam opportune non posset; placet locum religiosum fieri, d. l. 17. de usufr. d. l. 2. §. 7. de relig. 4. Postremo quod proprietario non licet invito eo, qui usufructum habet, id multo minus huic licere debere, non concedente proprietario, d. l. 2. §. 1. & 7. VINN. Paucis noto, non semper verum esse quod n. 1. ad hunc §. notat Vinnius, locum factum religiosum non nisi quatenus corpus conditum aut humatum est. Plerumque enim religio occupabat certum spatium in frontem, & in agrum porrectum. Unde sæpe in marmoribus legimus: IN. FR. P. X. IN. AGA. P. XX. Conf. Horat. Serm. lib. 1. Satyr. 8. v. 12. Unde & illud spatium maceris includi consueverat, Barn. Brisson. Antiqu. Lib. 3. cap. 15. & 16. Sensus ergo l. 2. §. 5. ff. de relig. est, non totum agrum, ubi conditum cadaver, religiosum fieri, sed locum tantum, qui sepulchro destinatus, & certo spatio finitus sit. Interpretationem hanc ipsa necessitas defendit. Aliis enim apud Romanos, qui fere corpora cremabant, urna vix minimam agri partem religiosam reddidisset. HEIN.

Locus purum) Id est, qui humani juris est, *πῦρ*, profanum, d. l. 2. §. purus 4. & passim eod. tit. Aliquando opponitur ædificato, ut in l. ult. in pr. de pign. act. Varro quoque lib. 4. de ling. scribit, pura loca appellari areas in urbe.

Licet postea ratum non habuerit) Ita vulgo hic legitur & apud Marcianum d. l. 6. §. religiosum 4. hoc tit. unde hæc transcripta sunt. 4. Neque incommodum sensum habet hæc lectio: sufficit enim ab initio consensisse, cum quod semel placuit, postea displicere non possit, cap. quod semel de reg. jur. in 6. l. nemo potest 75. eod. l. 5. c. de obl. & act. In π. aut Florentinis affirmativè hic locus legitur, Licet postea ratum habuerit, nec minus rectè: ut sit sensus: Licet locus alienus, in quem sine consensu domini mortuus illatus est, ab initio religiosus non sit, tamen si is postea consenserit, locum religiosum fieri; quod hæc sit natura rati habitationis, ut mandato comparatur, l. semper 60. de reg. jur. c. rati habitationem π. eod. in

6. Cæterum ut hoc quoque obiter addam, et si illatione mortui in alienum locum locus non efficitur religiosus, non licet tamen domino propria auctoritate ossa illata, aut corpus tollere; l. 8. de relig. sed actio ei in factum datur, per quam is qui intulit, aut tollere id quod intulit, aut loci pretium præstare cogitur, l. 7. dist. sit. Pretio autem præstito non est dubitandum, quin locus religiosus fiat. VINN. Lectio Florentina nihil sanius esse potest. Qui enim dici possit, dominum factum non ratum habere, id quod initio consensit? Unde & in hoc §. legendum: licet postea ratum habuerit. Nam ita & Theophilus legit, dum scripsit: Sed & si quis in scio vel invito domino intulerit, & id ille cum rescisset, ratum habuerit, fiet & ita locus religiosus. HEIN.

TEXTUS.

De rebus sacris.

10. Sanctæ quoque res, veluti muri, & porta civitatis, quodammodo divini juris sunt; & ideo nullius in bonis sunt. Ideo autem muros sanctos dicimus, quia pena capitis constituta est in eos, qui aliquid in muros deliquerint. Ideo & legum eas partes, quibus pœnas constitutus adversus eos, qui contra leges fecerint, sanctiones vocamus.

NOTÆ.

10. Sanctiones vocamus) Leg. 41. D. de pœn. Fest. in voc. Sanctum. Cic. Verr. 6. Nisi legis sanctionem pœnamque recitassent.

COMMENTARIUS.

- 1 Sancti appellatio quàm latè pateat?
- 2 Rectè ne nostri etiam portas inter sancta numerent?
- 3 An capite plebendi, & qui muros municipiorum violant?

Certum est, longè latius patere appellationem sancti, quàm hic accipitur; idque vel ex Trebatio discere possumus, qui apud Macrobius 3. Saturn. 3. sanctum, ait, interdum idem esse, quod sacrum, idemque quod religiosum, interdum aliud, nimirum quod venerabile, incorruptum, inviolatum est: quod & Macrobius confirmat adductis aliquot locis Virgillii. Propriè autem sanctum dicitur, quod vel ab injuria hominum defensum, æque munitionem est l. 8. hoc tit. Hinc Legati jure gentium sancti habentur, l. ult. de legation. item Reges, teste Cicero. pro reg. Dejot. Jure Roma-

norum tribuni plebis *sacrofancti*. Liv. lib. 2. c. 33. *Fest. in verb. sacrosanctum*. Aut quod sanctione quadam confirmatum atque subnixum est. Hinc leges & rogationes dicuntur *sanctæ*, quod eas impune transgredi non licet. Hinc denique muri quoque *sancti*, quia speciali sanctione contra violentium audaciam muniti atque confirmati sunt.

Veluti muri & porta civitatis) L. 1. *hoc tit. l. 2. ne quid in loc. sacr.* Et muros quidem consentiunt omnes esse sanctos. Cæterum de portis dissentire videtur Plutarchus, qui in *tuus P'auanias* muros *ipsos*, id est, *sanctos esse* scribit, portas non item, eo quod per eas cadavera efferantur, alique immunda per eas importentur, atque exportentur. Sed hoc ille longe alio sensu quam nostri; nimirum jus Pontificum ex libris ritualibus secutus. Quippe Romani in designanda urbe, adhibitis more Hetrusco certis sacris, muros aratro circumducebant, atque ambiebant: ubi verò portæ futuræ erant, id loci non sulcabant, ne quid religionis contraheret: sed aratrum suspentes, portarum spacia relinquebant intacta. Consulatur Varro 4. *de ling.* c. 32. Lat. Alex. ab Alex. 6. gen. 14. Alciat. l. *pupillus* 239. §. *urb. s. C. de verb. sign.* Coel. Rhodig. lib. 14. c. 5. Hinc moenia jure Pontificio sancta habebantur, portæ non item. At nostri portas ideo inter sancta numerant, quia eas non magis quam muros violare fas est, aut aliquid in eas delinquere.

Quodammodo) Rectè quodammodo τινός τινα. Neque enim propriè hæ res divini juris sunt, ut res sacræ & religiosæ, sed propter similitudinem, quam cum rebus sacris & religiosis habent, divini juris esse dicuntur, quia scilicet nec ipsæ cuiusquam sunt aut proprietate aut usu promiscuo. Fortassis tamen muri, quod auspiciato & solemnî sacrificio signabantur, etiam propriè in rebus divini juris habiti sunt. Vid. Alciat. d. loc. Riccium vindictiar. *jur. promiss.* c. 7. qui ob id hunc locum ita distinguendum putat, *veluti muri & porta civitatis quodammodo divini juris sunt*.

Ideo autem muros sanctos) Notatio verbi *sancti* Marcianus, l. 8. §. 1. *hoc tit.* à sagminibus Legatorum deducit, id est, verbenis, seu herbis puris, quas Legati populi Romani ferre solebant, ne quis eos violaret. Sed quæ hic traduntur, & Festum auctorem habent in voce *sagmina*, & Aggenum Urbic. in *comm. ad Frontin.* qui utrumque & *sanctum* & *sagmina* à sanctiando, id est, confirmando, deducit. A sanguine tamen confectum esse hoc vocabulum, vel ex consuetudine sacrorum solemnium, quam Sallust. in *Catilin.* commemorat, putat D. Hotomannus.

Quia poena capitis) Violare muros capitale est: sicuti si quis scalis admotis, aut qualibet alia ratione transgesserit. Nam cives Romanos alia quàm per portas egredi non licet: cum illud hostile & abominandum sit; nam & Romuli frater occisus traditur, quod murum transgredere voluerit. Hoc Pomp. l. ult. *hoc tit.* Marcus autem Tullius 3. *de offe.* c. 10. scribit, speciem utilitatis eò animum impulisse Romuli, cui visum erat utilius, solum se, quàm cum altero regnare: *Omisit hiè*, inquit, & pietatem & humanitatem; & tamen *muri causam opposuit, speciem bonæ fatis neque probabilem neque idoneam*. De muris municipiorum dubitatum, an & qui eas violent, poena capitis puniendi sint. Vulgo placet non esse; sed hujusmodi homines pro qualitate delicti arbitrio judicis extra ordinem plectendos, Bart. in d. l. ult. Ang. Myns. Schneid. & alii *hiè*. Quæ sententia sanè benignior est. Nec obstat, quod etiam muri municipiorum sancti sunt, l. 8. §. 2. *hoc tit.* Neque enim quicquid sanctum est, ejus violatio continuo capite plectitur: aut quod capite non plectitur, sanctum non est. Satis enim est ad hoc ut sanctum sit, ut ab injuriis hominum defensum, aut sanctione aliqua subnixum sit, d. l. 8. in pr. l. 9. §. 3. *eod.* Sanè in bello si quis vallum transcendat, aut per muros castra ingrediatur, capite punitur, l. 3. *nec non* 17. *de re milit.* vid. Gorhoff. Buf. ad d. l. ult. & Autumn. *ibid.* in *confer. jur. Franc.*

Ideo & legum, & c. sanctiones vocantur) L. *sanctio* 41. *de poen.* Cic. in *Verr.* 6. Nisi legis sanctionem poenamque recitassent. Inconcinna autem est illatio. Fortassis ab effectu ea pars legis, qua poena constituitur ποινὰς ἀρχὴ & τίμω, speciatim sanctio dicitur, quia efficit, ut legi sua auctoritas & sanctitas constet, arg. d. l. 9. §. 3. *hoc tit.* nam generaliter leges ipsas sanctiones vocari, satis notum est. Scholiastes ad illud Horatii: *Sanctarum inscitia legum*: Aut participium est à *Sanctio*; id est, firmatarum, aut *sanctarum*, id est, sacrarum, ut sædus sanctum dicitur & sacrum.

T E X T U S.

De rebus singulorum.

11. Singulorum autem hominum multis modis res sunt. Quarundam enim rerum dominium nascimur jure naturali, quod, sicut dicimus, appellatur *jus gentium*: quarundam verò jure civili. Commodius est itaque à vetustiori jure incipere. Palam est autem, vetustius esse jus naturale, quod cum ipso genere humano rerum natura

prodidit. *Civilia autem jura tunc esse cæperunt, quæm & civitates condi, & magistratus creati, & leges scribi cæperunt.*

COMMENTARIUS.

- 1 *Quæ in hac secunda parte hujus tituli potissimum spectanda?*
- 2 *Perperam in hac disputatione dominio opponi commercium.*
- 3 *Quid sit dominium, & quàm largè nonnumquam ea vox usurpetur?*
- 4 *Modos acquirendi jure gentium dominii ad duos commodè revocari.*

Secunda pars hujus tituli, cui respondet titulus π. *De acquirendo rerum dominio.* Huc usque disputarum de differentia & jure earum rerum, quæ extra patrimonium sunt. Sequitur nunc alterum rerum genus, earum videlicet, quæ sunt in patrimonio: quæ ob id etiam privatæ dicuntur & singulorum propriæ. Hæ res variè item distinguuntur possunt. Nam primò quædam sunt universales, quæ vel ratione totius habent ut hæreditas, universum alicujus patrimonium, vel generis ut fundus, homo, vestis: quædam singulares; ut hic fundus, hic homo, hæc vestis. Quædam item corporales sunt, quædam incorporeales; de quibus *tit. seq.* Corporalium iterum quædam mobiles aut se moventes, quædam immobiles, *l. moventium §. 1. de verb. sign. l. 15. §. 2. de re jud.* Duo verò præcipuè hic nobis spectanda, id quod in hisce rebus singulorum est, ejusque acquisitio. Quod singuli in his rebus habent, id vel est jus in rem: vel jus ad rem. Jura in rem sunt hæc, dominium, (tum plenum, tum minus plenum, quod quasi dominium & utile vocant; qualia sunt jus emphyteuticum & superficiarium) usus, usufructus, jura prædiorum, jus possessionis, pignus sive hypotheca. Jus ad rem est, quod uno nomine dicitur obligatio sive creditum. Jus in rem D. Grotio est *beheering.* jus ad rem sive in personam, *infeebuit.* Idem jus in rem distinguit in jus possessionis: *besit rech;* & jus dominii, vel quasi, quod *eggendom* vocat: eaque voce reliqua in re jura comprehendit, *lib. 2. mand. c. 1.* Doctissimus Diod. Tuldenus dominio non obligationem, sed commercium opponit.

2 Non rectè, ut mihi videtur, in disputatione proposita. Nam commercium non est res externa, quæ in bonis nostris computatur, quam acquirere, alienare, legare, hæreditibus nostris relinquere possumus, qualis est obligatio; sed jus personæ, quod non omnes, qui in ci-

vitare sunt, habent. Est enim jus emendi, vendendique, aut potius jux contrahendi cum aliquo, *l. 5. de just. & jur. l. quod si minor 24. §. 1. de minorib. Ulp. tit. 19. §. 4.* Unde quæ res vendi, in stipulationem aut conventionem deduci non possunt, commercio dicuntur exemptæ. Denique obligatio, quæ ex maleficio oritur, etiam huc pertinet: at eam nolim dicere esse ex commercio. Nam commercii significatio apud Latinos tam latè non patet, quàm apud Græcos *εὐαιλλάγματος*, ut tam *εὐαιλλάγματος ἀντίστοιχα*, quàm *ἰκνύστω*, complectatur. Quod ad acquisitionem attinet, ea quoque non est unius modi: aliter enim dominium & jura illa in re à dominio separata acquiruntur, aliter obligatio sive creditum, sicut ex progressu apparebit: in quo si forte methodi leges non satis accuratè Compositores observarint, id non tam in iis reprehendendum, quàm sæculo condonandum est. De modis acquirendi dominii ut præcipui & summi in rebus juris initium faciunt. Dominium est plena in rem potestas, *§. ult. inf. de usufr.* sive jus de re pro arbitratu statuendi, *l. in re 21. C. mand.* Hoc idem jus à re quæ sita proprietas dicitur, *leg. 7. §. ex diverso 12. l. 23. hoc tit. de acq. rer. dom. l. 12. §. 1. de acq. poss.* quamquam proprietatis vocabulo sæpe in jure nostro nuda proprietatis significatur, à qua scilicet usufructus separatus est, ut passim in *tit. de usufr.* quod & in voce dominii contingit, *l. 6. §. ult. C. de bon. qua lib.* & videntur Vereres dominium propriè de re corporali dixisse, *arg. tit. Pand. de acq. rer. dom. & tit. Pand. & C. de rei vind.* ut tamen interdum largius eandem vocem acceperint de omni jure, quo res aliqua nostra est, ut in *l. 17. quib. mod. us. am. l. 10. §. 3. hoc tit. l. 3. si usufr. pet.* quo loco & possessio de re incorporali simpliciter prædicatur, quam tamen propriam esse constat rerum corporalium. *Vixit.* Quæ hic de speciebus juris in re disputat auctor doctissimus, altioris sunt indaginis. Non erat, quod seorsum inter jura in rem recenseret, usum, usumfructum, jura prædiorum, quum sufficiat, nominasse *servitutem.* Deinde nescio, qui omititi potuerit jux hæreditarium, quod jus in re esse patet ex *l. 9. l. 19. ff. de hæred. petis. l. 1. §. fin. ff. si quadr. paup. l. 6. ff. de religiof.* Denique jus possessionis non esse jus in re, vel inde patet, quod amissa possessione locum non habet actio realis adversus quemcumque possessorem, sed remedium personale unde *vil. l. 7. ff. de vi.* Vide B. Huber. *Prat. ad Instit. lib. 4. tit. 15. §. 2. Zach. Hub. lib. 111. diff. 5. cap. 11. §. 17. sequi.*

HEIN.

Mul-

Modis modis) Privata nulla sunt natura, ait M. Cicero lib. 1. de offic. c. 6. sed aut veteri occupatione, ut qui quondam in vacua venerunt, aut victoria, ut qui bello potiti sunt.

Nam propria telluris rerum natura nec illum, Nec me, nec quemquam statuit;

rerum acquirendarum præcipuas, quæ ex illo jure antiquo originem habent. Cæterum & de jure gentium secundario, eoque quod præ certo rerum statu naturale est, hæc accipienda παρατηριζέσθαι.

TEXTUS.

De occupatione ferarum.

ut Horatius lib. 2. sat. 2. v. 129. sequi. Modi acquirendi multi sunt & varii, tum jure gentium, tum jure civili; qui tamen ad paucos memoriz causa commodè revocari possunt; & mea quidem sententia, qui ex jure gentium sunt commodissimè ad duos. Quicquid enim jure gentium nobis acquiritur, id vel factò nostro seu occupatione acquirimus, vel vi & potestate rei nostræ. Occupationes enim species sunt non tantum venatio, aucupium, piscatio; sed etiam specificatio, inventio, & apprehensio rerum, quæ nullius sunt, quæve dominum habere desierunt, quæ ex hostibus capiuntur, postremò etiam, quæ transferuntur voluntate domini; quæ omnia suis locis demonstrabimus. Vis ac potestas rei nostræ duplex est; ut quicquid ex re nostra nascitur, nostrum sit, ut quæcumque rei nostræ accedunt, rem nostram ejusque conditionem sequantur: quorum alterum generali nomine *fortura* appellari potest, alterum *accessio*. VINN. Sed parum concinna hæc partitio est. Rectius dixeris, modos acquirendi vel *originarios esse*, vel *derivativos*. *Originarie* adquiri res, quæ in nullius sint dominio & quidem simpliciter substantiam rei adquiri per OCCUPATIONEM secundum quid, quæ rei nostræ accedunt, per ACCESSIONEM. *Derivativum*, quo dominium ab uno ad alium transfertur, esse unicum, TRADITIONEM. Ad hos modos reliqui omnes commodè referuntur. HEN.

Quod appellatur jus gentium) Hoc idè additum, ne quis puer, hic intelligi jus naturale, quod omnium animantium inter se commune est, sed quod proprium est generis humani, sive, ut Cajus l. 1. hoc tit. explicat, id, quod ratione naturali inter omnes homines peræque observatur. Et perpetuum hoc esse scribit Castrensis. in l. 1. de pact. ut jus naturale, cum ad actus refertur, qui hominum proprii sunt, pro jure gentium seu humano accipiantur. Proprium autem hominis est habere in dominio. Quod autem ait Justinianus, hoc jus cum ipso genere humano proditum esse; id de jure gentium primivo rectè dicitur, de secundario non item: ex quo tamen sunt nonnulli acquirendi modi, de quibus hoc titulo agitur. Reipexit fortassis Imperator formas

12. Fera igitur bestia, & volucres, & pisces, & omnia animalia, quæ mari, cælo, & terra nascuntur, simul atque ab aliquo capta fuerint, jure gentium statim aliis esse incipiunt. Quod enim ante nullius est, id naturali ratione occupanti conceditur: nec interest feras bestias, & volucres utrum in suo fundo quis capiat, an in alieno. Planè qui alienum fundum ingreditur venandi aut occupandi gratia; potest à domino, si is prævideris, prohiberi, ne ingreditur. Quicquid autem eorum ceperis, eo usque tuum esse intelligitur, donec tua custodia coarctetur. Cum verò tuam evaseris custodiam, & in libertatem naturale se receperis; suum esse desinit, & rursus occupantis fit. Naturalem autem libertatem recipere intelligitur, cum vel oculos tuos effugeris; vel ita fit in conspectu tuo, ut difficilis sit ejus persequutio.

NOTA.

2. In suo fundo, an alieno) Quocumque enim loco fera sunt, dummodo sint in libertate naturali, nullius sunt. Hæc mirisacè conveniunt cum traditionibus Hebræorum; de quibus Selden. de jur. nat. juxt. disc. Hebr. c. 4.

Prohiberi, ne ingreditur) Nam in prædio alieno invito domino venari non licet, l. 16. D. de serv. pr. russ. & si quis id fecerit, tenetur actione injuriarum, l. 15. §. ult. de injur. Cæterum caprum nihilominus capientis sit; quia prohibitio conditionem animalis non mutat.

Difficilis) Non tantum ergo, si impossibilis, ut malè Accurs. l. 5. pr. l. 44. cod.

COMMENTARIUS.

- 1 Unde asserendum, utrum animal ferum sit, an mansuetum?
- 2 Feras etiam in fundo alieno captas fieri capientium, & quid de piscibus captis in alieno stagno?
- 3 Quid si quis fundum alienum contra prohibitionem domini ingressus feram ceperit?
- 4 Venando capta non diutius nostra manere, quam quamdiu in potestate nostra sunt.

EX modis rerum jure gentium acquirendarum primus & præcipuus est occupatio; quæ quam latè pateat ex iis, quæ paulo ante

ante dicta sunt, intelligi potest. Hoc loco, & quatuor §. seq. descriptis ex l. 3. & l. 5. eod. agitur de ea occupatione, quæ ferarum est, & venatio in genere appellatur: cuius species sunt, venatio quadrupedum, aucupium, piscatio. Igitur feræ bestię, quadrupedes, volucres, pisces, simul atque ab aliquo capte, hoc est, apprehense & in manum ac potestatem alicujus redactę sunt, jure gentium statim illius esse incipiunt. Et quæ hoc genus acquisitionis longè antiquissimum, ipsaque adeo lege creationis concessum, cap. 1. Genes. & Psal. 8. Quæ & Stoicorum sententia, teste Cicerone 1. offic. c. 6. & Aristotele 1. pol. 4. cum ajunt omnia, quæ in terris gignuntur, ad usum hominum naturam creasse.

Fera) Ferum est, quidquid à cicure discre- rum est: nam feras generali nomine appella- mus omnia animalia, quibus à natura vis in- finita insita est liberè vagandi in terra, mari, aëre; unde feras à ferendo dictas volunt, quod naturali suo impetu ferantur, vel quod à conspectu hominum se auferant in solitudi- nes. Neque excludimus, quæ hominum com- mercio mansueta sunt. Nam utrum ferum sit animal, an mansuetum, ex natura æstima- dum est, non ex assuetudine, §. pavonum 15. infr. eod. Cæterum quæ hoc §. traduntur, ad occupationem earum ferarum pertinent dum- taxat, quæ vel à nullo adhuc occupatę sunt, vel occupatę naturalis suę libertatis iterum factę sunt compotes.

Cælo) Coelum pro aëre, ὅρατις αἰθέρις κατὰ τὴν τοῦ ἰδιωτῶν ἔδωκε τὴν ἰκρίν ἡμᾶς ἄερα μέχρι τῆς χθόρος ἐμφυλῶν. Galen. comm. 2. in 2. Hipp. de morb. atque ita etiam sacri scriptores acci- piunt, Matth. c. 6. vers. 26. ἡμβλεῖσθε ἵνα τὰ περὶ ὑμᾶς ὄραται.

Quod ante nullius est) Modo ita affectum sit, ut alicujus esse possit: nam res, quæ commer- cio hominum exemptę sunt, ut res divini ju- ris & publicę, satis constat, ad hanc regu- lam non pertinere, quamvis & ipsę nullius sint: nec item res hæreditarias, quas quamdiu hæreditas adita non est, inter res nullius num- merat Cajus, l. 1. de rer. div. nam hæreditas interim pro domino est, l. non minus 31. §. 1. de hered. inst. Simile axiomati proposito est illud Quintiliani declam. 11. Quod omnibus nas- citur, industria præmium est. Plaut. in Rudent. act. 4. scen. 3. Meum, quod rete atque hami na- ti sunt.

Nec interest, utrum in suo fundo) Amplifi- catio regulę posita; nimirum etiam in fundo alieno capta capientium fieri; cuius amplifi- cationis ratio non est obscura. Nam quocum-

que loco ferę sunt, dummodo sint in liber- tate naturali, nullius sunt, & consequenter transeunt in jus occupantis. Igitur & pisces qui in alieno stagno sunt, & ferę, quæ in sylvis circumseptis vagantur: quoniam relictę sunt in naturali libertate, l. 3. §. item feras 14. de acq. poss. Scio, hoc displicere Hoto- manno & Welembcio. Sed profecto si pisces isti aut ferę à nobis non possidentur, quod diserte scribit Paul. d. loc. consequens est, nec eorum nos dominos esse; cum hæc sit natura omnium ferarum, ut dominium earum nec acquiri sine possessione possit, nec retineri, quod vel unicus hic §. eos docere debuerat. Concedo tamen, spectandam hic esse loco- rum consuetudinem, ut & in aliis plerisque, quæ hujus argumenti sunt. Er nostro sæculo contraria opinio prævaluit, ut & ferę sylvis privatis, & pisces stagnis inclusi, ut posside- ri, ita & in dominio esse credantur. Grot. 2. de jur. bell. & pac. 8. n. 2. D. Tulden. hic cap. 17. quod veteres tum demum admittebant, si ferę vivariis, pisces piscinis inclusi forent, d. l. 3. §. item feras 14.

Potest à domino prohiberi) Quid si nihilomi- nus ingressus sit, & feram ceperit? Vulgo pla- cet, adhuc eam occupantis fieri, & rectè. Nam id regulę superiori omnino consequens est. Non obstat, quod in prædio alieno domi- no invito venari non licet, l. 16. de serv. russ. præd. nam prohibitio ista conditionem ani- malis mutare non potest, neque efficere, ut id quod captum est, fiat prohibentis: alioqui non nuda prohibenti actio injuriarum pare- ret, l. 13. §. ult. de injur. sed rei vindictio & conditio furtiva, vid. Christ. vol. 5. dec. 84. n. 17. & seq. Excipit Angel. & post eum Can- tiuncula, nisi fructus fundi in venatione, au- cupio, & piscatione consistat, arg. l. venatio- nem 26. de usur. l. 9. §. aucupiorum §. de usur. Sed enim si illa verè in fructu sunt, ne incio quidem domino aut ingressum non prohiben- te capta capientis fient. A communi senten- tia recedunt Cujac. 4. obs. 2. Welsleb. ad Schneid. D. Tuld. hic cap. 16.

Eousque tuum esse intelligitur, &c.) Alia su- perioris propositionis amplificatio, videlicet eam etiam procedere, etsi fera jam ante cap- ta sit ab aliquo, si ea in naturalem liberta- tem postea se receperit. Nam quod venando per occupationem acquisitum est, id non diu- tius nostrum manere, quam quamdiu in pote- state nostra & custodia sit: ubi verò evaserit custodiam nostram, & in laxitatem natura- lem se receperit, desinere nostrum esse, & rursum fieri occupantis, l. 3. §. 2. eod. Chri- stia.

fin. d. dec. 84. n. 20. Quod ut singulare notandum est in dominio ferarum: nam aliarum rerum dominium etiam amissa possessione retinetur. Ceterum ne quis hic iudicii æquitatem desideret, placuit, ita demum custodiam prioris domini animal semel captum effugisse; & libertatem naturalem recepisse videri, si sic evaserit, ut vel oculos domini effugerit, vel sit quidem adhuc in conspectu ejus, sed ita, ut sine summa difficultate id persequi non videatur, d. leg. 5. in pr. l. Pomponius 44. hoc tit. Quia in re quod bonus iudex arbitrabitur sequendum erit. Gloss. Porc. Cantiancula hic.

TEXTUS.

De vulneratione.

11. *Illud quaesitum est, an si fera bestia ita vulnerata sit, ut capi possit, statim tua esse intelligatur. Et quibusdam placuit, statim esse tuam, & unque tuam videri, donec eam persequaris: quid si desieris persequi, desinere tuam esse, & rursus fieri occupantis. Alii verò putaverunt, non aliter tuam esse, quam si eam ceperis. Sed posteriori sententiam nos confirmamus, quod multa accidere solent, ut eam non capias.*

NOTÆ.

11. *Non aliter quam si ceperis* D. l. 5. §. 1. Non enim spe & animo feræ nostræ sunt, sed manu & occupatione, l. 55. eod.

Multa accidere solent Sicut est in adagio Græco, πῦλᾱ μεταξὺ πῦλᾱ κύλικος καὶ καλὸς ἄκρον. Inter os & offam multo intervenire possunt. Cell. 13. cap. 16.

COMMENTARIUS.

- 1 Non vulneranti, sed capienti feram concedi.
- 2 Cur cum fera statim ut capta est, nostra fiat, non statim quoque ut elapsa est, nostra esse desinat.
- 3 Quid moribus hominibus circa capturam ferarum juris sit, ejusque defensio & interpretatio, n. 4. & 5.

FUERE ex prudentibus, interque eos Trebatius, qui existimabant, feram bestiam, si ita à venatore vulnerata sit, ut capi posse videatur, statim venatoris esse, ejusque tamdiu manere, donec illam persequatur. Verùm hæc sententia ideo displicuit, quia ex superiore regula, non vulneranti & persequenti, sed occupanti & capienti fera conceditur.

Non potest autem dici, feram cepisse, qui spem tantum capiendi habet, cum multa accidere possint, quæ spem istam frustrentur, & ut fera evadat, l. 5. §. 1. eod. Πῦλᾱ μεταξὺ πῦλᾱ κύλικος καὶ καλὸς ἄκρον, ut in adagio Græco. Atque ita judicatum refert Christin. vol. 5. decis. 84. n. 23. Grotius lib. 2. man. cap. 4. notat, eum qui feram ab alio excitatam capit, quamvis dominus feræ fiat, tamen ut inciviler venantem eo nomine à ministris Salutaris multari posse. Cur verò, inquis, cum fera statim ut capta est, nostra fiat, non & ex contrario semel capta, si postea elapsa sit, statim nostra esse desinit, sed tamdiu nostra manet, quamdiu eam cum spe recuperandi persequimur? Nimirum quia possessio, ex qua dominia rerum jure gentium cœperunt, facilius retinetur, quam acquiritur. Ad acquisitionem non sufficit rem esse in conspectu nostro, ejusque apprehendendæ animus & spem aliquam habere: sed manu occupanda & corporaliter apprehendenda est, l. 1. §. 1. l. 3. §. 1. de acq. vel amit. poss. Ad retinendam autem possessionem semel quaesitam solus animus sufficit, d. l. 5. salutaris l. 1. §. 1. quod vulgo 25. unde vi: eumque animum tamdiu retinere intelligimus, quamdiu non vana spes est fore, ut mox rem recuperemus; at spe recuperandi sublata, jam animum quoque possidendi nos desinere habere, fac. d. l. 44. hoc tit. l. 6. §. ult. de acq. poss. Nostro jure sunt quidem feræ etiam occupantium; sed non promiscuè omnibus venari permissum est: nam Principes sibi fere hoc jus vendicant, saltem quoad certa genera animantium, certosque capiendi modos. Feras minores, puta lepores, cuniculos, nobilibus etiam capere licet certis anni temporibus, dum ne capiant in locis Principi specialiter reservatis: quod jus & nonnullis aliis ratione officii concessum, qui legibus saltuariis continentur. Aucupii laxior libertas, excepto quod longo amite aucupari solius Principis jus est. De jure piscandi alibi à me dictum Ad Grot lib. 2. manud. c. 4. ubi latius hæc persequitur. Non solum autem legibus nostris, sed propè omnium Rerumpub. & Regnorum constitutionibus modus venationis præscriptus est. Constitutione Frederici Imperatoris vetantur rusticis retia, laqueos, aut alia instrumenta ad capiendas feras tendere, nisi ad urfos, apros vel lupos capiendos: quas bestias credibile est ideo exceptas esse quia tanta earum diritas est atque immanitas, ut publicè interset eas ab omnibus necari, lib. 2. Feud. tit. de pace tenend. 27. §. si quis. Jure Canonico

venatione interdictum Clericis, ne hac voluptate capti cultum divinum deserant, c. 1. & 2. de Cler. venat. lib. 5. decretal. Sunt qui existimant, non posse citra injuriam lege civili aliquos impediri, ne feras capiant, captasque suas faciant, quoniam jure naturæ, quod immutabile est, hoc omnibus licet, Tiraq. de Nobil. c. 37. n. 144. Menoch. conf. 298. n. 18. lib. 3. & alii relati apud Fachin. lib. 1. contr. c. 4. Sed verius est posse. Est enim hoc jus ex jure naturæ permitte, non præcipiente ut semper liceat. Jam vero etsi lex civilis nihil potest præcipere quod jus naturæ prohibet, aut prohibere quod præcipit; potest tamen libertatem naturalem circumscribere, & vetare quod naturaliter licebat, atque etiam ipsum dominium naturaliter acquirendum vi sua antevertere, D. Grot. 2. de jur. bel. c. 2. n. 5. & c. 3. n. 5. Quæ etiam est sententia Covarr. in relect. c. peccatum de reg. jur. in 6. p. 2. §. 8. cum ait, feras, volucres, & cetera animalia jure naturæ non esse communia positivè & affirmativè, quia omnium propria sunt; sed negativè, quia nullius sunt, & jure naturali nulli sunt applicata: ac proinde posse lege humana uno potius quam alteri ex justa causa concedi. Non obstat igitur, quod sæpè in libris nostris legimus, jure naturæ liberum esse talia animalia venari. Hoc enim verum est, quamdiu nulla lex civilis intercedit, sicut leges Romanæ res multas reliquerunt in suo primævo statu, de quibus aliz gentes aliud constituerunt. Cum autem lex civilis aliud constituit, eam observari debere jus ipsum naturæ dicat. Unde autem nata est tanta juris quondam communis mutatio? Opinor partim ex consensu populorum, qui jus venandi in compensationem curatum & gubernationis Principibus ultro reliquerunt: partim ex ipsorum principum potestate, quibus visum sit publice expedire, ut communi licentiz frænum injiceretur, tum ne tota tandem species multitudine venatorum vastaretur, tum ne rustici & plebei homines studio venationis ab agricultura, aut officijs avocarentur: & fortassis ob alias etiam causas, quas videre est apud Wesemb. parat. de acqu. rer. dom. Covarr. præd. loc. Fachin. 1. contr. 1. Card. Tusc. præd. concl. jur. vol. 8. lit. V. concl. 41. Christin. vol. 5. decif. 84. num. 37. & seqq.

Illud scire operæ pretium est, non acquisitioni animalis capti, sed juri venandi derogatum esse. Unde si homo plebejus, aut quis alius, cui jus venandi non est, feram venando cepcrit, licet incidat in pœnam legis constitutam, fera tamen nihilominus illius sit: &

quamvis capta jubeatur capienti auferri, id non tam ideo fit, quia capientis facta non est, sed quasi ab indigno & pœnæ causa. Eadem planè ratione qua laquei, jaculi, aliaque id genus instrumenta venatoria hujusmodi hominibus adimuntur. Quod si verò id, quod ita captum est, alteri bona fide accipienti ex justa causa traditum sit, adimi hoc ei non poterit: neque enim furtivum, aut alienum possidet, ut ab eo vindicari queat. Neque dici potest pœnam legis mereri, qui nihil deliquit, nihil contra legem fecit, l. aliud est fraus 131. de verb. sign. Huic non absumile est, quod de fera in alieno fundo capta diximus, eam capientis fieri, quamvis in alieno venari invito domino non liceat. Ita Covarr. d. §. 8. n. 5. & seq. Christin. ubi sup. n. 17. Gudelin. 2. de jur. nov. c. 2. Zypzi notab. jur. Belg. de jur. fise. & tit. de venat. ferar.

TEXTUS.

De apibus.

14. Apium quoque fera natura est. Itaque apes, quæ in arbore tua confederint, antequam à te alveo includantur, non magis tua intelliguntur esse, quam volucres, quæ in arbore suavidum fecerint: ideoque si alius eas incluserit, is earum dominus erit. Favos quoque si quos effecerint, eximere quilibet potest. Planè integra res, si prævideris ingredientem fundum tuum, poteris eum jure prohibere, ne ingrediatur. Examen quoque, quod ex alveo tuo evolaverit, eo usque intelligitur esse tuum, donec in conspectu tuo esset, alioquin occupantis fit.

COMMENTARIUS.

1 Omnes apes natura feras esse, non eas solas, quas rei rustica scriptores sylvestres appellant.

Quia de quibusdam animantibus dubitari poterat, sintne natura fera, an mansueta, & maxime de apibus, pavonibus, columbis, gallinis & anseribus, non abs re est, quod hoc loco nos Imp. docet, quo numero hæc animantia habenda sint. Ambigui primò potest de apibus, quippe quas Plinius trahit, nec mansueti generis esse, nec feri, lib. 11. nat. hist. c. 5. Varro lib. 3. de re rust. c. 16. in feras & cicures distinguit, uti & Columel. lib. 9. Plinius d. lib. c. 18. in rusticas sive sylvestres, & urbanas Ulpianus nosset l. 8. §. 1. fam. ere. videri potest hæc animalcula in genere manufactorum habuisse, cum ex sententia

etia Pomponii respondet, apes venire in iudicium familiæ eriscunde, quia in patrimonio nostro sunt, eumque, qui eas amovet, furtum committere. Paulus verò in eadem re ferat à cicuribus manifeste separat, *l. si apes 26. de furt.*

1. Sed dubitandum non est, quin ut diversa sint apum genera, una tamen omnium fit natura, eaque fera & sylvestris; ut hic ex Cajo *l. 5. §. 2. hoc tit.* refert Justinianus. Liberè enim omnes feruntur & vagantur, nec raro locum & alvearia mutant, etiam quæ aliquamdiu inclusæ fuerant. Quamobrem licet Plinio videantur mixti esse generis, fortasse quòd in iis quid observarit, quod naturam animalis mansueti sapiat; tamen in hoc quod tractamus argumento, pro feris omnino habendæ sunt. Nec obstat distinctio illa Varronis. Nam cum feras à cicuribus non natura, sed loco separet, feras appellans, quæ pascunt in sylvestribus, cicures, quæ in locis cultis habentur; satis apparet cicures, eum vocare, non quæ natura tales sunt, sed cura hominum, cicuresque dixisse pro cicuratis, vel potius pro iis, quæ minus feræ sunt, & occupatæ facilius mansuescunt quàm sylvestres. Ulpianus autem *d. l. 8. §. 1. fam. etc.* aperè loquitur de apibus, quæ alveariis jam inclusæ ita assuefactæ sunt, ut ubi evolaverint, eundem locum sponte repetant: neque aliis apibus feras opponit Paul. *d. l. si apes 26. de furt.* Constat autem, animalia, quæ ex feris mansuefacta, atque ita condocescentia sunt, ut ex consuetudine abeant & redeant, cum de occupatione eorum quæritur, quamdiu illam consuetudinem retinent, eodem jure quo mansueta haberi. Unde rectè argumentatur Quintilianus *declam. 13.* apes, quæ ex alveariis nostris mane evolvant, & vespere domum suam sponte revolvant, finemque laboris sui sole metiuntur nostras esse VINN. Rectè dicuntur apes feræ naturæ esse, si bipartita est divisio in bestias feras & mansuetas. At si easdem dividis in feras, mansuetas, & mansuefactas (uti sæpe unius ejusdemque rei modò bipartita, modò tripartita divisio est Vid. Celeb Noodt *Probab. l. 1. cap. 12.*) tum apes non sunt feræ naturæ, quæ alveariis inclusæ evolvant, & revolvant. Et ita intelligendus videtur Ulpianus in *l. 8. §. 1. fam. etcise.* Manifestum autem inter animalia fera & mansuefacta discriminem est. Illa sunt nullius, & hinc sunt occupantis, hæc sunt in dominio, & intercepta furtiva fiunt, quamdiu animum redeundi non deposuerunt, *l. 5. §. 6. & l. 44. ff. de acqu. rer. dom.* Hinc facile patet cur *§. 16. infra b. t.* negetur anserum & gallinarum feram naturam esse, quum tamen den-

Tom. I.

tur & anseres, gallinæque feræ naturæ. HEIN.

Antequam à te alveo includantur) Nam inclusio hæc occupatio est. Quæ autem animalia semel nostra facta sunt occupatione; ea tamdiu nostra manent, neque ab alio occupari possunt, quamdiu possessionem eorum retinemus, *fac. l. 3. §. quidam 16. de acq. poss.* Alveus autem est *xupiciatus*, puta ex vimine, aut inani cortice: favum ipsæ sibi apes faciunt. Varr. *de re rust. cap. 16.*

Volucres quæ in arbore tua nidum fecerint) Quemadmodum volucrum in arbore tua nidificatio non efficit, ut aut ipsæ, aut pulli earum tui censi debeant; ita nec apium in arbore tua confessio facit, ut aut ipsæ, aut uova earum soboles tua efficiatur: sed ex regula superiore primo occupanti aut includenti cedunt. Quæ apium, eadem & favorum ratio est, si quos forte in arbore tua fecerint, antequam à te alveis includerentur, *d. l. si apes 26. de furt.*

Poteris eum jure prohibere) Et eodem jure, quo prohibere potes, si prævideris, eum, qui venandi causa tuum fundum velit ingredi, adversus quem, si te invito ingressus fuerit, prodicta tibi est actio injuriarum, ut non multo ante dicimus ex *leg. 13. §. ult. de injur.*

Examen) Non solum vetus, sed & novum apum recens naturam, quæ ex alveariis ad novas sedes quærendas à parentibus extrusæ sunt: nam si parentum fera natura est, necesse est & feram naturam esse prolis.

TEXTUS.

De pavonibus & columbis & cæteris animalibus mansuefactis.

15. Pavonum quoque & columbarum fera natura est: nec ad rem pertinet, quod ex consuetudine evolare & revolare solent: nam & apes idem faciunt, quarum constat feram esse naturam. Cervos quoque quidam ita mansuetos habent, ut in ipsam ire & redire soleant, quorum & ipsorum feram esse naturam nemo negat. In iis autem animalibus, quæ ex consuetudine abire & redire solent, talis regula comprobata est, ut consueque tua esse intelligantur, donec animum revertendi habeant. Nam si revertendi animum habere desierint, etiam tua esse desinunt, & fiunt occupantium. Revertendi autem animum videntur definire habere tunc, cum revertendi consuetudinem deseruerint.

NOTÆ.

15. Pavonum & columbarum) *D. l. 5. §. 5.*

Aa

Sed

Sed hæ volucres facile cicurantur, & domibus adfueſcunt; utique quæ natura minus feræ ſunt, minusque abhorrent à conſuetudine hominum. Vid. Var. 3. de re ruſt. 7. Colum. l. 8. c. 15.

Revertendi conſuetudinem deſeruerint) Ultro, non ſi ab alio detenta, l. 8. §. t. D. ſam. etc. Hoc autem totum ex circumſtantiis iudex æſtimabit. Weſemb.

COMMENTARIUS.

1 Pavones & columbas pro ſeris haberi, eſſi non omnes æquè ſeram naturam habeant.

2 Moribus Gallorum & noſtris aninalia, quæ revertendi conſuetudinem deſeruerunt, non ſeri occupantium.

Secundò eadem dubitandi ratio eſſe poterat de pavonibus & columbis, ſaltem quoad quædam genera. Nam pavones quod attinet, diſtinguunt rei ruſticæ Scriptores pavones agreſtes, qui inſulas & nemoroſa loca capitant, ab iis, qui in prædiis gregatim paſcuntur. Varro lib. 3. de re ruſt. & Columel. lib. 8. c. 11. Idem Varro d. lib. cap. 7. Duo itidem eſſe genera columbarum tradit: unum agreſte, quod habetur in turribus & columinibus villæ, unde & columbæ appellatæ ſint; alterum clementius, quod cibo domeſtico contentum intra limina januæ paſci ſolet. Porro ex domeſticarum & agreſtium conjunctione naſci, & miſcellum tertium genus. Sed idem hic reſponderi poteſt quod de apibus, eſſe quædam genera pavonum, itemque columbarum, quæ natura minus feræ ſunt, minusque ab hominum conſuetudine abhorrent; pro ſeris tamen omnes haberi, quia facile avolant, & cum agreſtibus ſeſe conjungunt. Certè Cajus l. 5. §. pavonum §. hoc ſit. & Juſtinianus hic ſimpliciter hæc aves earum numero adſcribunt, quæ ſunt generis ſeri, quod & D. Grot. facit lib. 2. man. c. 4. Meminit quidem & pavonis manuſueti Pompon. l. ſi pavonem 37. de ſurt. ſed opinor manuſuetum diſſiſſe pro manuſuefacto. Illud nullum argumentum eſt manuſuetudinis, quod hæ aves ex conſuetudine evolare & revolare ſolent. Nam & apes idem faciunt & cervos, quorum utique ſera natura eſt, ita adſueſcieri poſſe conſtat, ut aliquæ abeant, & ſponte ſua redeant domum. Exemplum cervi ita inſtituti à Tyrrehi liberis & præſertim Sylvia filia habemus apud Virgilium lib. 7. Aeneid. & alterum cervæ Sertorianæ apud Plutarch. in Sertor. Fatendum tamen eſt, pavonibus & columbis hoc propemodum natu-

ræ eſſe, & placidis in eo ſimiliores quàm ſeris.

In iis autem animalibus) Natura videlicet ſeris, ſed ἡμεγεῖται, καὶ ὡς τὸ πρῶτον ἐκ τῶ θυμῶν μεταβαλλομένων, de quibus hic ſermo eſt: nam in placidis, quæ hominum conſuetudine natura gaudet, obtinet quod ex Cajo traditur §. ſeq.

Cum revertendi conſuetudinem deſeruerint) Quod ex circumſtantiis iudex æſtimabit. Neque enim placet eorum ſententia, qui deſuetudinem revertendi ex una & altera intermiſſione metiuntur, quamvis id plerique faciunt, teſte D. Weſemb. hic. Enimvero ſi quis, ver. gr. columbas, quæ ex columbariis noſtris avolant & revolant, vetitis rationibus averterit, ita ut animum revertendi abjiciant, dubium non eſt, quin in ſactum actione teneatur, & captarum nomine etiam furti, l. 8. §. t. ſam. etc. Gallorum moribus animalia, quæ ex conſuetudine abire & redire ſolent, dominorum eſſe non deſinunt, nec ſunt occupantium, quamvis cuſtodiam noſtram evaſerint, & deſeruerint animum revertendi, quod maxime in falconibus & accipitribus obſervatur. Jo. Fab. hic. Autumn. coll. jur. Gall. ad l. 6. cod. Idemque de moribus noſtris teſtatur Groenev. de ll. abrog. hic. VINN. Jure germanico veteri, pavones, columbæ, immo & picæ & cornices manuſuefactæ manuſuetis animalibus accenſentur. Weichb. art. 118. Et tamen ſunt occupantium, ſi citra domum intra quadriædum domum non redierint. Weichb. ibid. & jus prov. Suev. hic cap. 356. §. 1. Quæ juri Juſtiniano planè repugnant. De uſu hodierno conf. Schilter. Exerc. 45. §. 19. HEIN.

TEXTUS.

De gallinis & anſeribus.

16. Gallinarum autem & anſerum non eſſe ſera natura, idque ex eo poſſumus intelligere, quod alia ſunt gallina, quas ſeras vocamus, item alii ſunt anſeres, quos ſeros appellamus. Ideoque ſi anſeres tui, aut gallina tua, aliquo modo turbati turbatave evolaverint, licet conſpectum tuum effugerint, quæcumque tamen loco ſint, tui tuave eſſe intelliguntur; & qui lucrandi animo ea animalia detinet, furtum committere intelligitur.

COMMENTARIUS.

1 Etiam ob gallinam vel anſerem ſubreptum dari actionem furti.

POſtremo dubitatum de gallinis & anſeribus; & harum avium naturam initio ſeram eſſe negat Juſtinianus, quod Cajus faci-

cit. l. 5. §. *gallinarum* 6. *hoc tit.* Mox tamen & ille & hic earum duo genera faciunt: quorum alterum natura sit ferum & agreste, alterum mansuetum & placidum: eamque naturarum differentiam in omni fere genere animalium animadverti posse, testatur Plinius lib. 8. c. 53. De generibus anserum & gallinarum & natura cujusque scripsere idem Plin. lib. 10. c. 21. Varr. lib. 3. *de re rust.* c. 9. Columel. lib. 8. c. 2. Pallad. lib. 1. c. 30.

Quocumque loco sunt, tui tuave) Regula generalis est, ad omne genus animalium mansuetorum pertinens, ea nostra manere, quamvis ita aufugerint, ut neque sint in conspectu nostro, & ubi ea sint ignoremus, vel quocumque modo hoc acciderit: neque enim in his occupationi locus est. Quapropter et si lupus ovem meam, exempli causa, rapuerit, ea mea esse non desinit, quamdiu recipi potest; & si forte eam alius lupum canibus suis persecutus eripuerit, suam non facit; sed resposcenti mihi restituenda est, l. *Pomponius* 44. *hoc tit.* Tres igitur regulæ pro triplici animalium differentia ex his, quæ hæcenus diximus, observentur. 1. Feras, quarum libertas vel numquam adempta est, vel quæ captæ in eam se receperunt, occupantis fieri. 2. Animalia mansueta, quocumque loco sint, nostra manere, neque occupatione cuiquam acquiri posse. 3. Mansueta ita ut abire & redire soleant, quamdiu eam consuetudinem retinent, jure mansuetorum censi; deposito revertendi animo; ut cæteras feras secundum regulam concedi occupanti,

Furtum committere intelligitur) L. 5. §. *gallinarum* 6. d. l. *Pomponius* 44. *hoc t.* quod & in mansueta sit obinet, si quis ea animalia, cum ex consuetudine abire & redire solita essent, interceptit, l. 8. §. 1. *fam. erc. l. si pavonem* 37. *de furt.* Acque his omnibus locis traditum est, etiam actionem furti nomine competere: nempe quia hoc exigit ratio iustitiæ, quæ non ex quantitate, sed ex suis regulis debet æstimari. Cui contrarium non est quod legimus, actionem de dolo ob rem, vel summam minimam, veluti ob duos aureos, non dari, l. 9. *in fin. cum* 2. *ll. seqq. de dol.* Si quidem actio de dolo, præterquam quod æquæ ac furti famosa est, remedium est extraordinarium, atque in subsidium dumtaxat si alia actio non sit, & res alicujus momenti esse videatur, comparatur, l. 1. §. *ait Prator* 4. *de dol.* VINN. Conferri tamen hic merentur quæ de furto rei minimæ eleganter disserit Illustris Bynkersh. *Observat. lib. 1. cap. 3.* HEIN.

T E X T U S.

De occupatione in bello.

17. *Item ea, quæ ex hostibus capimus, jure gentium statim nostra sunt: adeo quidem, ut & liberi homines in servitutem nostram deducantur: qui tamen si evaserint nostram potestatem, & ad suos reversi fuerint, pristinum statum recipiunt.*

N O T A E.

17. *Ex hostibus capimus*) L. 5. §. ult. l. 7. *pr. eod.* Aristot. 1. *pol. 4.* & 5.

Nostra sunt.) Jure gentium res hostium eodem loco sunt, quo res nullius, ac proinde eorum sunt, qui primi earum possessionem nacti sunt, l. 1. §. 1. *D. de acq. poss.* & tam res immobiles quàm mobiles. Capientes, intelligendi non tantum qui per se capiunt, sed etiam qui per alios. In actu belli publico & imperato singuli ut ministri operam navant, & Principi aut populo, qui ministerio eorum utitur, acquirunt: hinc præda & ager ex hostibus captus publicantur, l. *pen. D. ad leg. Jul. pecul.* l. 20. §. 1. *D. de capt.* Extra actum publicum singuli sibi capiunt; quia non capiunt ut ministri. Grot. 3. *de jur. bell.* c. 6.

C O M M E N T A R I U S.

1. *Res hostium veteribus eodem loco fuisse, quo res nullius, & ideo iis concessas, qui primi earum possessionem adepti essent, vel per se, vel per alios.*
2. *Agrum publicum, non nisi actu publico capi posse; ac proinde captum fieri publicum populi.*
3. *Moventia & mobilia, quæ in ministerio publico capiuntur, & ipsa fieri populi: aliàs eorum, qui manu capiunt; & quid bodie.*

Q Uod hic & apud Cajum l. 5. §. ult. *eod.* traditur, ea, quæ ex hostibus capimus, jure gentium statim nostra fieri, difficultate non caret. Nam alibi legimus, agrum ex hostibus captum publicari, l. 20. §. 1. *de capt.* & *possim.* Bona captivorum in fiscum cogenda, l. *divus* 31. *de jur. fise.* Captivos ab Imperatoribus vendi solere, l. 4. §. 2. *de stat. bom.* Qui prædam ab hostibus captam surripuit, lege peculatus teneri, l. *pen. ad leg. Jul. pec.* In corpore Canonum, distribui prædam publico arbitrio, c. *dicat aliquis*, c. 23. q. 5. Apud alios, manubias, id est, pecuniam ex venditione prædæ redactam per quæstores in-

ferri in ærarium, Gell. lib. 13. c. 23. Vellej. lib. 2. Cic. 3. *epist.* 7. Quæ omnia arguunt, ipsi populo, non singulis qui capiunt, res hostium acquiri. Et de agro ex hostibus capto omnes consentiunt, eum fieri publicum, sive populi. Sed quod attinet ad res mobiles, & se moventes, plerique putant, has primò ac jure ipso fieri singulorum, qui manu capiunt: cæterum Duci assignandas, qui inter milites distribuat, Bart. in l. 28. de capt. Alex. & Jaf. in l. 1. de acquir. poss. Covar. in c. peccatum, p. 1. §. 2. n. 6. de reg. jur. in 6. Alii censent, hæc simpliciter acquiri singulis capientibus, Vacan. à Vacun. lib. 2. cap. 25. Cujac. 19. obs. 7. Merenda simpliciter populo aut Principi, cui bellum geritur, lib. 2. contr. 22. Sed nulla harum sententiarum probanda. Potuit sanè consensu gentium utrumvis constitui, ut aut capta populo bellum gerenti, aut cuivis, qui manu caperet, in dominium cederent: sed quid voluerint quærimus. Id verò nos docet Paulus ex Nerva filio, l. 1. §. 1. de acq. poss. nimirum, jure gentium res hostium hostibus esse non alio loco, quam quo sunt res nullius, ac proinde eorum fieri, qui primi earum possessionem nacti sunt. Non distinguunt in hoc negotio inter res mobiles & soli; neque distinguere debuerunt. Nam quæ nullius sunt, sive immobilia sunt, sive mobilia, semper sunt capientium; sed tam eorum qui per alios, quam qui per se capiunt: neque enim servi tantum aut filifamil. sed & liberi homines, qui venando, aucupando, piscando, margaritas legendo, operam suam addiderunt, statim ejus quod ceperunt, possessionem & dominium aliis acquirunt, iis scilicet, quibus operam navant: quippe quæ naturaliter acquiruntur, non modò per nosmetipsos, sed etiam per quemlibet alium, cujus ministerio utimur, acquirere possumus; locumque hic habet, quod dicitur, nihil interesse, utrum per se quis faciat, an per alium, l. ea quæ 53. hoc t. l. 1. §. per procuratorem 20. leg. 3. §. 2. de acq. poss. Sic apud Græcos, qui in Olympiis certabant, præmia acquirebant iis, à quibus mittebantur. Igitur res expedienda est cum D. Grotio 3. de jur. bell. 6. n. 10. & D. Tuld. in comm. hic c. 29. distinctione facta inter actus verè publicos belli, & inter actus privatos, qui sunt occasione belli publici; ut dicamus, per illos actus res acquiri populo, per hos primò ac directè privatis. Res soli, nisi publico actu, inducto exercitu, impossitis prædiis, capi non solent: & ideo, ut Pomponius respondit, publicatur ager, sive publicus sit populi, qui ex hostibus captus sit, l. si captivus

20. §. 1. de capt. Solebant autem Romani, ut hoc obiter addam, agros ex hostibus captos aut totos publicare, aut partiri in victorem populum, aut per censores locare; interdu modico veteri possessori honoris gratia relicto, aut distrahere, aut assignare veteranis, aut certum iis vestigal imponere; quarum rerum passim in legibus, historiis, & agrimenforum commentariis testimonia evitant, vid. l. 15. §. 2. de rei vind. l. 11. de extat. consule porro Brisson. 4. sect. 8. ant. 1. Pet. Fabr. 2. sem. 3. & 4. Connan. 3. com. 5. Mobilia verò & se moventia aut in ministerio publico capiuntur, aut extra illud. Priore casu etiam illa populi sunt, cui hic singuli ut ministri operam navant, nam ut Ducibus exercitus prædæ dispensandæ aliquod arbitrium concessum fuerit, tamen actus sui rationem debebant populo: de quo latè Grot. ubi sup. n. 15. Posteriore autem sunt singulorum capientium, quia quod extra actum publicum capiunt, non intelliguntur capere ut ministri. Atque huc referendum est illud Cel. l. transfugam 51. §. 1. hoc tit. Quæ res hostiles apud nos sunt, non publica, sed occupantium sunt. Quæ apud nos sunt, hoc est, bello exorto, apud nos deprehenduntur. Nam idem & in heminibus observabatur. Quam in rem insignis est locus Triphonini l. in bello 12. pr. de capt. Verùm in pace, inquit, qui pervenerunt ad alteros, si bellum subito exarsisset, eorum servi efficiuntur, apud quos jam hostes suo fato (ita legendam, non suo facto, ut habent libri) deprehenduntur. Fato hoc ascribit Jurisconsultus, quia nullo suo merito in servitutem deveniunt: nam fato hujusmodi adscribere translativum est. Tale illud Nævii: Fato sunt Roma Metelli Consules Hinc etiam est, quòd si quid milites capiunt non in prociutu, aut in eo quod facere jubentur, sed in eo quod promiscuo jure, aut solo permisso faciunt, id sibi statim acquirunt: capiunt enim non ut ministri. Talia sunt spolia quæ detrahuntur hosti in dimicatione singulari. Talia quoque, quæ procul ab exercitu in liberis & injusis excursibus capiunt. Nunc verò passim usurpatur, ut in direptionibus oppidorum & præliis suum quisque facit, quod cepit: in excursibus verò capta omnia fiant eorum, qui in comitatu sunt, inter ipsos pro dignitatis ratione partienda. VINN. Magnum hic discrimen inter militiam lectam & mercenariam, itemque eam quæ stipendia meretur, & quæ suo sumptu militat spe prædæ. Sed de his alii. Id quæritur, an occupatio bellica verè sit modus adquirendi? Sanè enim, quod meum sit, ab alio non potest sine injuria eripi, quum ta-

men hosti semper jus sit, rem suam à me occupatam recuperandi. Dicendum itaque videtur, occupationem bellicam modum adquirendi esse ratione tertii; non ratione ipsius hostis; nisi acceperit hujus renunciatio in conditionibus pacis. HEIN.

Ut liberi homines in servitutem) Hoc etiamnum in Lusitania aliisque locis Turcorum imperio vicinis observatur. Ceterum Christianarum fane omnium gentium velut mutuo consensu comparatum est, ut capti etiam in bello iustissimo libertatem retineant, eosque tamdiu duntaxat retinere liceat, donec pretium redemptionis exsolverint; quod lib. 1. memini me fusius explicasse.

Prislinum statum recipiunt) Igitur & ingenuitatem, quamvis apud hostes manumissi sint; nam ratio postliminii efficit, ut hic quoque locum habeat, quod sæpissimè constitutum est, natalibus non officere manumissionem, §. ult. sup. de ingen.

TEXTUS.

De occupatione eorum, quæ in littore inveniuntur.

18. Item lapilli, & gemmae, & cætera, quæ in littore maris inveniuntur, jure naturalistatim inventoris sunt.

COMMENTARIUS.

Acquisitionis naturalis & quidem occupationis species est & inventio. Ea pro duplici objecto distingui potest in duo genera; nam aut earum rerum est, quæ nunquam nullius fuerunt, aut earum, quæ deserunt habere dominum, quales sunt thesaurus, & res pro derelictis habitæ. De priorè genere hic agitur; de altero in §. thesaurus 19. & §. pen. inf. cod.

Lapilli & gemmae) Margaritæ, conchylia, corallia, cæteraque, quæ in mari aut littore maris nata, nec ab alio ante occupata inveniuntur, l. 1. de rer. div. l. 1. §. 1. de acq. poss. Quod autem à mari productum non est, sed à navigantibus in tempestate ejectum, vel quod naufragio fluctibus in litus expulsum est, eorum permanet, qui ejecerunt, vel naufragium fecerunt, §. ult. inf. cod. Inter lapillos & gemmas hoc interesse ex Servio Ulpianus refert, l. cum aurum 19. §. gemma 17. de aur. arg. leg. quod gemmæ propriè dicantur lapides pretiosi, qui natura perlucidi sunt; lapilli, qui sunt contrariæ naturæ: quod discrimen etiam non usquequaque ab aliis Scripitori-

bus observetur, nulla tamen ratio est, cur ob id Jurisconsultos reprehendat Valla. Vid. Alciat. lib. 4. de verb. sign. VINN. Nimirum gemmas lapillosque variè discernunt veteres. Modò gemmæ ipsis sunt uniones, lapilli alii lapides pretiosi: V. C. Broukhus. ad Tibull. l. 1. Eleg. 9. modò gemmæ vocantur lapides pretiosi: lapilli minus pretiosi. Apnl. in Florid. p. 146. modò gemmæ & lapilli accipiuntur promiscuè. Brod. Miscell. lib. 10. cap. 17. Sed hic non quæritur, quid alias significant hæc vocabula, sed quomodo interpretanda sint in materia de legatis. Hic JCris aliquid permitendum fuit. Vid. omnino V. C. Carol. And. Dukerus de Latin. JCI. p. 199. seq. HEIN.

Statim inventoris sunt) Inventio species est, ut diximus, occupationis. Non igitur ut quisque hæc videre cœperit, & notare oculis, ita statim ejus sent, quod quidam putant, sed necesse est, ut possessionem eorum nanciscatur, si mobilia sint, manu apprehendat, si immobilia, ea ingrediatur, l. 1. §. 1. & ibi Coras. n. 12. l. 3. §. 3. de acq. poss. Connan. 3. comm. c. 3. Grot. mar. lib. cap. 2. Ceterum si quis non in totum præoccupaverit, sed inventorem jam apprehensionem operam datam adjuverit; judicatum fuit, inventorem esse præferendum, Horat. Roat. dec. Lucen. 23. D. Tuldén. hic c. 13. Harum autem rerum dominium semel inventori quæsitum etiam amissa possessione retinetur, ut juris est in rebus omnibus, quæ dominio nostro subjæctæ sunt: exceptis feris bestiis, quæ ubi custodiam nostram evaserint, unà cum possessione dominium nobis auferunt, quasi jure quodam postliminii in pristinam libertatem reversæ.

TEXTUS.

De fœctu animalium.

19. Item ea, quæ ex animalibus dominio tuo subjæctis nata sunt, eodem jure tibi acquiruntur.

COMMENTARIUS.

Quæcumque jure gentium acquiruntur, ea diximus in summa nobis acquiri duabus rationibus: factò, & occupatione nostra; rei nostræ potestate, ac beneficio. Rei nostræ hæc vis est, ut dno nobis tribuat: fœcturam, hoc est, quicquid ex ea nascitur, aut provenit; & accessionem, sive quicquid ei accedit, ita ut unitum ab ea trahatur: quæ distinctio docendi causa à nobis retinebitur. DD. vulgò utramque illam rei nostræ vim uno

accessionis nomine comprehendunt, cujus deinde duo genera faciunt: discretam, puta foetus animantium; & continuam, veluti alluvionem. Nonnulli, inter quos Cantiancula & Bachovius, etiam ea, quæ rebus nostris accedunt, aut ex iis nascuntur, genere quoddam occupationis nobis queri volunt, non equidem verè, sed fictæ & commentitiæ; quasi illa quodammodo à re nostra, & per eam à nobis occupentur. Sed nihil opus est commentis, ubi sine illis res æquè intelligi potest. Mitto, quod hæc res etiam ignorantibus nobis acquiruntur, atque adeo invitis. Præsens hic §. ad foeturam pertinet; sequentes aliquot ad accessionem.

Ex animalibus nostris) *Leg. 2. l. 6. hoc tit.*
Item partus editi ab ancillis nostris, §. *pen. sup. de jur. pers.* In summa quicquid res nostra ex se edit, sive ea mobilis sit, sive solida, id nobis hoc jure acquiritur: quamvis de solo foetu animalium hic sermo. Et placet hæc statim ipso ortu nobis acquiri, etiam ignorantibus, & tantum non invitis: nimirum vi & potestate rei nostræ, sicut diximus. Planè autem eadem ratione foetus animalium nostrorum nostri sunt, quæ nostra sunt, quæ in solo nostro nata sunt; nimirum, ut solum ipsum hæc nostra facit, non satis ulla aut plantatio undecumque profecta, *l. qui scit. 25. de usur. l. 11. C. de rei vind.* ita & animalia & ancillæ nostræ, quia instar soli sunt, ea, quæ conceperunt, nobis pariunt: nec vis maris inspicitur, quæ similis est fato, *l. 5. §. 2. de rei vind. l. 7. C. eod.* Atque ut fructus à solo nostro separati ideo nostri sunt, & manent, quia cum adhuc solo cohærebant, pars soli intelligebantur, *l. 44. de rei vind.* ita & foetus ab animalibus nostris, & partus ab ancillis editi nostri manent, quia antequam edantur, portio sunt viscerum matris, *l. 1. §. 2. de ventr. inspic.* Adde, quod foemina in alendo foetu omnia confert de suo, quæ & ipsa interim à domino alenda sit. Et si igitur doctiss. Grot. 2. *de jur. bell. c. 8. n. 18.* juri naturæ magis convenire putat, ut foetus communicetur cum domino maris, si non ignoretur: ego tamen in veterum sententiam concedo ob rationes, quas jam memoravi. VINN. Genuina hujus juris ratio fuit, quod Jcti, sequuti Stoicos, foetum dicerent non animal, sed partem viscerum. Merill. *Observ. Lib. 1. cap. 16.* Quod principium, quamvis hodie deferamus, vel ideo tamen non sequimur sententiam Grocii, quod foetus nullo modo concipi potest, tamquam pars patris. Conf. Pufendorff. *Lib. 4. de l. N. & G. cap. 7. §. 4.* HEIN.

TEXTUS.

De alluvione.

20. Præterea quod per alluvionem agro tuo flumen adjecit, jure gentium tibi acquiritur. Est autem alluvio incrementum latens. Per alluvionem autem id videtur addici, quod ita paulatim adjicitur, ut intelligi non possit, quantum quoque temporis momento adjiciatur.

COMMENTARIUS.

1 Juri alluvionis locum esse in agri arcifiniis, non in agris limitatis, aut certa mensura comprehensis.

2 Quid de alluvionibus juris sit in his regionibus.

Potestate rei nostræ etiam ea jure gentium acquirimus, quæ rebus nostris ita accedunt, ut iis cohæreant, atque ab iis trahantur: unde hoc genus acquisitionis accessio appellatur. Accessio hæc contingit, vel facto & opera hominis, de quo genere *inf. §. si tamen 26.* & multis *seqq. eod.* vel citra eam, naturali operatione & beneficio fluminis. Atque hoc modo quatuor rerum genera nobis acquiruntur; quæ latenter per alluvionem à flumine agris nostris adjiciuntur; quæ aperta vi fluminis de alieno avulsæ cum prædio nostro unitæ sunt, insula in flumine nata; alveus à flumine relictus; quæ & totidem §. 5. ordine explicantur ex Cajo *l. 7. §. præterea 1. & seqq. eod.* & primum quidem genus in textu proposito. In Cod. etiam tit. est de alluvionibus.

Agro tuo) Arcifinio, scilicet, qui non alium finem ea parte habet quam naturalem, id est, ipsum flumen: nam agros limitatos alluvionem non habere, disertè traditum est *l. in agris 16. eod. & fac. leg. 1. §. si insula 6. de flum.* Quantum autem ex *d. l. 16.* colligere licet, ager limitatus dictus fuit ager ex hostibus captus, & deinde à populo vel Principe privatis ita possidendus datus, ut certis limitibus sive finibus jus possessoris circumscriberetur: ut sciretur, quod extra hosce fines esset, id publicum manere: sive quod accrevisset postea, id populo accrescere, vid. Don. 4. *comment. 27.* Giphani. *ad d. l. 16.* Connan. 3. *comm. 5.* qui hunc locum præ cæteris illustrat ex Aggen. & Jul. Frontino *de qualitat. agror. & controversia limit.* Limitatis agris similes sunt, qui certa mensura comprehenduntur; parique in hac re juris cum limitatis esse debent, ut jus alluvionis non habeant, cum possessores eorum ultra assignatum modum nihil possidere possint,

sint, Connan. d. loc. Grot. 2. de jur. bell. c. 8. n. 12.

Flumen adjecit) Ad differentiam lacuum & stagnorum, in quibus jus alluvionis non agnoscitur. Etenim ut sola flumina fluxum & motum naturalem habent, quo fit, ut ripas suas & terminos sæpe mutant; ita & sola alluvionem admittunt. Lacus autem & stagna licet interdum crescant & decrescant; tamen quia terminos suos retinent, alluvionem natura non recipiunt, leg. lacus 12. eod.

Incrementum latens) Alluvionem dicit esse incrementum latens, cum quid ita paulatim & obscure prædio nostro adjicitur, ut sensu percipi non possit, quantum quoque temporis momento alterius prædio detraharum & adjiciatur nostro, *adversus dominum prædii*. Ex quo crescit hujus acquisitionis æquitas: nimirum quod quæ alluvione accedunt, ita lentè & obscure detraharum, ut intelligi non possit, si forte de his restituendus queratur, quorum prius fuerit, aut quibus detracta. De alluvionibus ex professo scripserunt Hart. p. 1. tractat. Tyberiad. & Baptista Aymus tribus libris. In hac regione quid de alluvionibus juris sit, certa aut generali definitione comprehendere non potest. Principis nomine contenditur, alluviones ut sequelas & appendices fluminum jura esse solius fisci. Alii contra id negant, estque hæc res admodum dubia propter diversitatem consuetudinum & rerum judicatarum. Planè in meridionali parte Hollandiæ nemo pridem repertus est, qui jus alluvionis sibi vindicaret, nisi qui diceret, id à Principe sibi esse concessum, ut agrum assignatum eo jure, quo Princeps eum habebat, id est ad flumen usque: uti olim judicatum est de agris ad Mosam & Isalam sitis, quia & in litteris mancipationum & in libris censualibus semper dicti erant ad flumen pertingere. Illud constat, agros, qui à Principe alicui conceduntur, certa mensura definiti, jus alluvionis non habere, & quod extra eam mensuram alluvione accedit, id acquiri fisco. In Zelandia vassalis de alluvionibus non movetur controversia, ne iis quidem, qui de civilibus tantum judices dant: propterea quod cum jurisdictione simul acceperunt agrorum universitatem, salvo eo, quod privatis competit. Nam quoniam hi agri olim populi aut Principis fuerunt, aut à Principe siccati, vassalli idem juris consequuntur, quod populus aut Princeps habuit, vid. Grot. 2. manus. 9. & lib. 2. de jur. bell. c. 8. n. 12. & 15. add. Groenew. de legib. abrog. hic.

TEXTUS.

De vi fluminis.

21. *Quod si vis fluminis de tuo prædio partem aliquam detraxerit, & vicini prædio attulerit, palam est, eam tuam permanere. Planè, si longiore tempore fundo vicini tui hæserit, arbore, quæ secum traxit, in cum fundum radices egerit, ex eo tempore videntur vicini fundo acquisita esse.*

NOTÆ.

21. *Tuam permanere*) Leg. 7. §. 2. D. hoc tit. Ratio est, quia manet eadem species, nec tua culpa aut negligentia, sed violentia fluminis avulsa est.

Radices egerint) Quod est argumentum coalitionis. Ceterum etsi nulla arbor in parte detracta fuerit; tamen postquam ea coaluit, & unitatem cum terra nostra fecit, nostra esse incipit, l. 9. §. 2. D. de damn. inf.

COMMENTARIUS.

1. *In calce hujus §. pro videntur acquisita, &c. omnino legendum esse numero singulari, videtur acquisita, &c.*

2. *An postquam pars detracta coaluit, adhuc priori domino supersit actio ad pretium consequendum.*

Reproponitur hic altera accessionis species, quæ à flumine est, & earum rerum, quæ non latenter, sed vi fluminis aperta alieno prædio detractæ & in vicinum invectæ sunt. Hæc à superiore illa multum differt. Nam si pars terræ integra à vicino agro vi fluminis avulsa sit, & nostro prædio adjecta; ea non statim nobis acquiritur, ut acquiruntur quæ latenter flumen adjicit per alluvionem, sed quamdiu nondum coaluit, & unitatem cum terra mea fecit, manet ejus, cujus ante fuit: quia manet eadem species seu idem individuum, ut loquuntur, aut ut clarius loquar & nostro more, quia cum nondum coaluit, partem prædii mei non facit, ut ei cedere debeat. Ubi verò coaluit, & tamquam trabali clavo agro meo affixa est; jam ut pars fundo meo cedat necesse est, & mihi jure accessionis acquiritur. Hujus igitur acquisitionis flumen ex parte tandem causa est, & remotior: proxima & potissima coalitio.

Videntur vicini fundo acquisita) Locus mendosus est, & restituendus ex Pand. Florcentis, in

in quibus legitur numero singulari, videtur vicini fundo acquisita, l. 7. §. 2. hoc tit. quam lectionem flagitat ipse contextus, cum si numero pluralivo legas, mutetur subjectum questionis. Non enim de arboribus cum parte fundi avulsis & translatis quæsitum fuit, sed de parte avulsâ dumtaxat, & prædio alieno adjecta; cumque hac avulsione Justinianus & Caus initio negent, partem illam statim amitti aut acquiri quis non videt, quod mox subijciunt de acquisitione, ubi pars detracta cum prædio, cui adjecta est, coaluit, de partis ipsius, non de arborum, si quæ forte simul avulsæ & translatae fuerint, (quamquam & ipsæ jus partis adjectæ sequuntur) acquisitione esse intelligendum? Et quid si nulla arbor in parte detracta fuerit? An dicemus, partem detractam sine arboribus coalescere & uniri cum prædio, cui adjecta est, non posse? An verò coalitionem hanc non mutare causam dominii? Quorum alterum manifestè falsum est: alterum falsum esse ex Alseuo uos docet Ulp. l. 9. §. 2. de damn. inf. Quæ, mirum est, Cujacium, Horomannum, Pacium, aliosque, qui hunc locum *παραφύτικας*, ut vulgo legitur, legendum etiam contendunt, non considerasse. Igitur ut rem in pauca conferam, portio fundi, ita uti diximus detracta & nostro fundo adjecta, si tamdiu fundo nostro adhæserit, ut coaluerit cum eo, & quod argumentum est coalitionis evidentiissimum, arbores, quas forte secum traxit, in fundum nostrum radices egerint; ex eo tempore nobis quæsitæ intelligitur. Alia quæstio est, an post coalitionem adhuc aliqua actio supersit priori domino saltem pretii consequendi gratia, cum iniquum videatur, quemquam locupletari cum alterius damno, quod sine culpa ejus contigerit: ut in proposito, in quo quæritur de parte agri non negligentia possessoris amissa, sed abrepta violentia fluminis, hoc est, vi majoris, ne quis possessori objicere possit, quod ripam suam tueri debuit. In contrarium tamen dici potest, partem abreptam, non statim ut abrepta est, & in fundum meum licet munere quodam fortunæ appulsâ, meam fieri: sed post longum demum tempus, postquam tamdiu hæserit, ut jam cum terra mea unita sit; ac proinde ut prior possessor causetur violentia amnis, objici tamen ei posse, quod partem avulsam, cum posset, non vindicaverit, sed tamdiu passus sit eam hære fundo alieno, ut tandem cum eo coaluerit, & unum facta sit, ut ipse quoddammodo eam alienasse videatur, sicut de eo responsum est, qui rem suam patitur ufucapi, l. alienationis 28. de

verb. sign. ita ferme & D. Tulden. hic cap. 26. Planè qui facto alieno rem suam hoc jure invicti amiserunt, iis succurri solet, vel utili actione in rem, l. 5. §. 3. de rei vind. l. qua ratione 9. §. 2. hoc t. vel, quæ actioni in rem subsidiaria est, actione in factum, l. in rem 23. §. item quæcumque §. de rei vind. pretii nimirum consequendi causa. Atque ita prope modum hæc quoque, explicaverunt antiqui, teste Jo. Fabrot. Glossa in d. l. 5. §. 3. de rei vind. parum sibi constat.

TEXTUS.

De Insula.

22. *Insula, qua in mari nata est (quod raro accidit) occupantis fit: nullius enim esse creditur. At insula in flumine nata, (quod frequenter accidit) si quidem mediam partem fluminis tenet, communis est eorum, qui ab utraque parte fluminis prope ripam prædia possident, pro modo scilicet latitudinis cujusque prædii, quæ prope ripam sit. Quod si alteri proximior sit parti, eorum est tantum, qui ab ea parte prope ripam prædia possident. Quod si qua parte divisum sit flumen, deinde infra unitum, agrum alicujus in formam Insulae redegerit; ejusdem permanens is ager, cujus & fuerat.*

NOTÆ.

22. *Occupantis fit) D. l. 7. §. 3. hoc tit. juxta regulam. Quod ante nullius est, &c.*

Siquidem mediam partem, &c.) Insula in flumine nata communis est eorum, qui utrinque finitima prædia possident pro cujusque prædii fronte ac modo, d. l. 7. §. 3. dum ne agri sint limitati, l. 1. §. 6. de flum.

Alteri parti proximior) Si insula cis aut ultra medium amnem evata sit, si quidem contra frontem unius prædii, cui propior est, toto acquiritur hujus fundi domino; si ita ut fronti plurium agrorum sit opposita, communis fit omnium, qui secundum eam ripam, in quantum insula porrigitur, habent, d. l. 7. §. 3. l. 29. l. 30. l. 56. eod.

In formam insulae) Παράνυ νήσος περιήρτηται. Igitur ager non mutat causam proprietatis circumfluvione, d. l. 7. §. 4. l. 30. §. 3. eod. Sed & insula, quæ alveo non cohæret, huc non pertinet l. 65. §. 2. eod. ubi in §. ult. pro si id, lege non si id, ut præcedentia evincunt. V. Accurs. ibid.

COMMENTARIUS.

1. *Cur raro accidat, ut in mari insula nascatur.*

2. *Cur*

2 *Cur frequenter in flumine.*

3 *Insula in flumine nata non publicam esse, sed privatam vicinorum possessorum.*

4 *Nec tantum proprietate, sed etiam usu.*

5 *Pro qua parte cuique vicinorum acquiratur.*

6 *Non occupationis, sed accessionis jure acquisitionem defendi.*

7 *Mores hodiernos hic variare.*

Tertium rerum genus, quod jure accessionis acquirimus, est insula in flumine nata vado cohærens: de qua specie acquisitionis ex professo tractatur hoc §. Adspergitur initio aliquid de acquisitione insulæ in mari natæ, uti & apud Cajum l. 7. §. 1. eod. unde hic locus sumptus est, sed per occasionem dumtaxat; nec huc pertinet, sed ad primum genus acquisitionis juris gentium, occupationem.

1 *Quod raro accidit*) Partim, ut credibile est, propter nimiam maris altitudinem, partim propter perpetuam æstuum reciprocationem; unde fit, ut nec locus alvei marini facile siccus relinquatur, nec pars alvei extra mare attolli possit: nam si quid accessu attollatur, id recessu iterum dejicitur & complanatur, efficitque jugis ista reciprocatio, ut eandem faciem fundus maris semper retineat. Terræ tamen motus interdum insulas in mari repente emergere testatur Plinius, veluti paria secum faciente natura, quæque hauserit hiatus, alio loco reddente: interdum eodem motu recedente maris novas terras in continente nasci, cum idem ille spiritus attollendo potens solo non valet erumpere; lib. 2. nat. hist. cap. 85. & seqq. Grot. flor. spar. hic Fabrot. ad Theophr.

2 *Quod frequenter accidit*) Plinius d. cap. 85. scribit, fluminum invectione id fieri: nimirum quia flumina fere limosa sunt, & multis plerumque locis vadosa, sæpe accidit, ut limus, quem secum trahunt, & alia limo illita vado hærescant & adglutinentur, quibus paulatim accitis, locus ille alvei tandem supra flumen eminere incipiat. Livius lib. 2. c. 5. refert, cum Romani mediis caloribus campi Martii segetem mæsi maturam & cum stramento defectam (quia religiosum erat consumere) in Tiberim tenui tum aqua fluentem effudissent, insulam inde enatam esse firmam templis quoque & porticibus sustinendis. Sed neque constans est fluminis cursus, sicut est maris; neque ut mare fluxum & refluxum habet. Quæ omnia consideravit Pomponius l. ergo 30. §. 2. hoc tit. cum scribit insulam in flumine fieri tribus modis; uno, cum agrum, qui alvei non fuit, amnis circumfluit, altero, cum locum aliquem, qui alvei esset, siccum relinquit, &

Tom. I.

circumfluere cœpit; tertio, cum paulatim colluendo locum eminentem supra alveum fecit, eumque alluendo auxit. Ad hæc aliquando evenit quod Paulus notat l. pen. §. 2. eod. ut ex virgultis aliave qualibet levi materia in superficie fluminis concrefcente insula existat, quæ ita sustineatur in flumine, ut solum ejus non tangat.

Si quidem mediam partem, & qua sequuntur)

Tria sere sunt, quæ de acquisitione insulæ in flumine nascentis querri possunt; cui, quatenus, & quo jure, seu qua juris ratione acquiratur. Cæterum sciendum est, non de omni insula, quæ in flumine nata aut à flumine facta sit, hæc querri: sed de ea dumtaxat, quæ nata aut facta sit in alveo aut ex alveo fluminis. Nam primò causam proprietatis non mutat is ager, qui cum alvei non esset, ab amne circumfluo, Πταμὴ καὶ ἀπὸ περιήκοντος, in formam insulæ redactus est, l. 7. §. 4. d. l. ergo 30. §. 2. hoc tit. & hoc §. in fin. Deinde, quæ in flumine nata est forte ex virgultis aliave materia, quam temere flumina ferunt, ita ut alveo non cohæreat, ea publica est, & ejusdem fere juris, cujus est ipsum flumen, d. l. pen. §. 2. eod. In Artea non procul à sano S. Audomari lacus est, in quo insulæ aliquot fluitantes funiculo arboribus alligato, aut contis, quo libeat, impelluntur, attrahunturque, in quibus etiam boves alique pecudes pasci possunt. Quales & in Lydia, quas Calaminas vocabant, fuisse Plin. lib. 1. cap. 95. nat. hist. memorat. De sola igitur ea insula, quæ alveo fluminis cohæret, sive lenta colluvione in eo enata sit, sive circumluvione partis, quæ alvei esset, facta, queritur primum, cui ea jure gentium acquiratur. Et ait Justinianus hic post Cajum, d. l. 7. §. 1. eod. eam fieri privatam eorum, qui prope flumen, in quo nata est, prædia possident; quod & Pompon. affirmat, d. l. ergo 30. §. 2. eod. & Ulp. l. 1. §. insula 6. de flum. Satisque intelligitur ex iis, quæ disputantur à Paulo l. inter. 29. & Proculo l. insula 56. hoc tit. Cui tamen sententia contrarium est, quod apud Labeonem, l. pen. §. ult. eod. vulgo sic legitur: Si id, quod in publico innatum aut inadvicatum est, publicum est; insula quoque quæ in flumine publico nata est, publica esse debet. Sed cum hoc à diametro pugnet cum superioribus locis, adeoque cum iis quoque, quæ ipse Labeo de proprietate insulæ disserit in §§. præced. d. l. pen. quid dubitamus cum Hotomanno lib. 1. obs. 20. asserere, locum istum depravatum esse, & legendum: Non si id, quod in publico innatum, &c. ut hic sit sensus; quamvis id, quod in publi-

Bb

co

co nascitur aut edificatur, publicum fiat; (de edificio in publico posito id testatur Ulpian. l. 2. §. si quis 17. ne quid in loc. publ. nam ideo solarium ei imponitur) tamen insulam in flumine publico natam publicam non fieri, sed privatam; quod ipse Labeo jam aliquoties ante dixerat. Hotomannum temeritatis arguit Cujac. l. 4. obs. 11. Sed ego Accursium etiam invenio testantem, eodem ferme modo legi & in veteribus nonnullis exemplaribus; atque ut hac auctoritate destituamur, non aliam lectionem admittit ratio juris, à qua toto cœlo aberrat Cujac. d. loc. eumque secutus Pac. cent. 6. q. 91. quamquam uterque de usu tantum Labeonem intelligit; de quo mox. Sunt qui hunc Labeonis locum accipiunt de eo casu, quo prædia prope ripam publica, puta si insula nascatur in Tyberi, eo alvei loco, quo Romam interfuit. Sed argumentatio Labeonis hujusmodi restrictionem non videtur vati. Planè in agris limitatis huic acquisitioni locus non est, quia nec alluvioni, sed occupantis insula fit, leg. 1. §. si insula 6. de fium. Videamus nunc, insula in flumine nata quatenus vicinis possessoribus acquiratur. Et de eo duplex questio est; una, utrum proprietate dumtaxat, aut vero etiam usu; altera, pro qua parte cuique vicinorum acquiratur, quæ pluribus communiter acquiritur. Ad primam quod attinet, sic omnino habendum, insulam in flumine publico natam, si vicina prædia alluvionis jus habent, non proprietate tantum, verum usu etiam dominis vicinorum prædiorum acquiri, ideoque eos solos sementem in ea facere, arbores plantare, fructus ibi natos percipere posse: nec si quid aliud in ea faciant, aut quid in eam immittant, id in publico ut in ripa fieri intelligi, d. l. 6. leg. 1. §. si insula de fium. Et verò si usum Insularum publicum esse volumus, inutilis prorsus futura est eorum proprietas, d. l. pen. §. 1. neque quisquam est veterum, cui aliud in mentem venerit. Nam quod Paulus Labeonem reprehendit, quod scripserit, in insula fluminis, quæ propria nostra est, nihil esse publici, id non videtur satis bona fide facere: ut alibi nonnunquam, l. ult. de leg. Rhod. l. ult. de usuc. l. pen. de furt. Pet. Fab. ad l. 145. de reg. jur. Neque enim Labeo ignoravit, partes insulæ extremas, quæ vicem riparum circumcirca obtinent, usu publicas esse, ut juris est in continente: sed de insula respondit, non considerata insulæ ora extrema. Quid quod Paulus hac ipsa reprehensione tacite fatetur, verum esse quod Labeo dixerat cum crepidinem dumtaxat excipit, cujus usum ut riparum pu-

blicum esse dicit, videlicet ut naves eò appellere, retia ibi ficcare, funes arboribus ibi natis religare, aliaque id genus facere sicut in ora continentis, cuique liceat? quod Labeo non negaverat. Alterum, quod hic quaeritur, est, pro qua parte insula vicinorum fiat. Et siquidem in medio fluminis alveo enata sit, communis sit eorum, qui prope utramque ripam possident: sin cis, aut ultra medium amnem, siquidem contra frontem unius prædii, cui proprius est, tota acquiritur hujus prædii domino; sin ita ut fronti plurium agrorum sit opposita, communis sit omnium, qui secundum eam ripam, in quantum insula porrigitur, habent, hoc §. 7. d. l. 7. §. 1. cod. Communem autem fieri insulam cum dicimus, non intelligimus, eam communem fieri pro indiviso uti solemus, cum proprie loquimur, l. 5. de stip. ser. l. 5. §. ult. de reb. cor. qui sub tur. sed regionibus divisim pro fronte, hoc est, latitudine cuiusque fundi, quæ prope ripam sit; ut tantum quisque in ea habeat certis regionibus, quantum ante cuiusque eorum ripam esse, linea id directum per insulam transducta apparebit, l. inter eos 29. hoc tit. Et quia frontem, non anteriorem latitudinem, hic spectari placet, rectè respondit Pompon. d. l. ergo 30. pr. hoc tit. Si anteriorem partem fundi, ad cujus frontem insula, quæ accrevit, non respicit, vendidero, nihil ex ea insula pertinere ad emptorem: nimirum quia nec ab initio quicquam ejus futurum fuerat, si jam tum, cum insula nasceretur, partis venditæ dominus fuisset. Enim verò, quod insulæ mez postea accedit, id incrementi, etiam si faciem insulæ mutet, meum tamen est, quia rei mez accedit; ut ecce, insula contra frontem agri mei enata est, cujus latitudo non excedit regionem prædii mei, postea alluvione paulatim aucta processit contra frontem superioris & inferioris vicini, vel etiam proprius esse cœpit adversæ ripæ: quod alluvione postea accessit, id meum est, & ita Proculus respondit, l. insula 56. cod. Similem rationem habent quæ Paulus disputat, l. pen. §. pen. cod. & idem Proculus d. l. insula 56. §. 1. Hoc igitur constituto, insulam in flumine natam dominis vicinorum acquiri; restat ut videamus, quæ juris ratione iis acquiratur. Nam video esse, qui jure quodam occupationis hoc fieri existimant; quod primi eam occupaturi videantur. Sed hoc nullo modo admitti debet, alioqui eadem ratione dicendum esset, etiam insulam in mari natam eorum fieri, qui prope litus prædia possident, & in flumine natam etiam eorum, qui ad ripam possident agros

agros limitatos; quod utrumque falsum esse constat. Ergo non aliam hujus acquisitionis rationem esse arbitror, quam quod insula alvei pars sit, alveus pars censetur vicinorum prædiorum; ac proinde ut alveus totus nudatus vicinis acquiritur, ita & partem ejus nudatam, id est, insulam in eo natam iisdem acquiri, jure scilicet accessionis. Et insulam quidem partem alvei esse constat. At absonum videri potest, quod alveum partem esse dicimus vicinorum prædiorum, cum alveus publicus sit eodem jure, quo ipsum flumen, l. 1. §. simile 7. de flum. §. seq. inf. hoc tit. ut contra potius dicendum videatur, insulam quoque, quæ alvei pars est, publicam fieri oportere. Sed sciendum est, alveum non simpliciter publicum esse, sed quatenus à flumine tenetur, eoque per flumen populus utitur, nudatum flumine privatum fieri vicinorum: nihil autem interesse, ut Pomponius huic objectioni occurrens respondet, utrum de alvei solo mutato, an de eo, quod superfluum solo & terræ sit, queratur, hoc est, utrum queratur de toto alveo mutato & à flumine relicto, an de insula in alveo nata; quippe sufficere, ea parte, qua insula exiit, alveum à flumine non teneri, d. l. ergo 30. §. 1. & 2. Neque verò flumen interfluvius impedit, quominus insula vicinis ripæ agris per alveum jungatur atque accedat, non magis quam via publica inter alveum & vicina prædia interjecta impedit, quominus alveus siccatus acquiratur his, qui secundum eam viam possident, l. Attius 138. eod. Etenim ut via publica pars prædii vicini existimatur, d. l. Attius 138. in fin. ita & alveus intermedius flumini subiectus. Atque hoc manifestissimum argumentum est, alveum etiam tum, cum adhuc à flumine occupatur, partem quadamtenus censeri vicinorum prædiorum. Æquitatem porro hujus acquisitionis augment incommoda vicinorum: nam quantum loci insula occupat; tantum de locis finitimis flumen decerpit, iisque solis detrimento est, in quorum agros cursus ejus depellitur. De insula extra tractatus Bartoli, cujus in dimetionto errores notarunt Mathematici. Butco in lib. de fluvo. insul. & Magius 4. miscel. 2. add. Cæpoll. de serv. rust. præd. c. 33. Apud

7 nos, quamquam videri poterat, insularum in flumine natarum eadem propemodum ratio esse, quæ est ejus, quod per alluvionem adjicitur, certius tamen hic est juri fisci quàm in alluvione, teste D. Grot. 2. manuduc. c. 9. Nec mirum, cum & alvei exsiccati eadem fere quæ alluvionis ratio sit; quem tamen constat Principi olim, assignatum fuisse; ut pleraque

alia ἀλλοιωτά, idemque in Gallia quoque observari, ex Bern. Autom. refert Christ. vol. 4. dec. 86. n. 7. In agro tamen Putteno ex veteri consuetudine prædio alluvionem habenti accedit id, quo possessor pedes gladium exsertum tenens pertingere potest. In Geldria moris est, ut vicinis possessoribus acquiratur id, quod plauistro onerato adiri potest; addita tamen occupatione; alioqui fiscus prævertere potest, D. Grot. d. loc. VINN. Rationem juris Romani rectissimè explicavit Vinnius. Si enim totus alveus derelictus privatorum sit, ut est in §. 23. non poterant non inferre Jcti, & partem alvei flumine nudatam, id est insulam vicinorum fieri. At si de jure naturali questio est: aliter videtur statuendum. Partes enim ex vicinis agris vulsæ, ex quibus insula facta est, sunt nullius, non amplius vicinorum. Quum itaque accedant rei publicæ, id est flumini, insula quoque erat publica. Et ita pronuntiarī solet in Germania. Si flumen duo territoria separat: servatur definitio juris Romani. Conf. Schilt. Exerc. 4 §. 19. HEIN.

TEXTUS.

De Alveo.

23. Quod si naturali alveo in universum derelicto, ad aliam partem fluere cæperit; prior quidem alveus eorum est, qui prope ripam ejus prædia possident, pro modo scilicet latitudinis cujusque agri, quæ prope ripam sit: novus autem alveus ejus juris esse incipit, cujus & ipsum flumen est, id est, publicus. Quod si post aliquod tempus ad priorem alveum reversum fuerit flumen, rursus novus alveus eorum esse incipit, qui prope ripam ejus prædia possident.

NOTÆ.

23. Quod si naturali alveo) Ex dist. l. 7. §. 5. eod. in agris limitatis nec hoc obtinet, l. 1. §. 7. de flum.
Rursus novus alveus) Postulat hoc stricta ratio: sed æquitas sæpe aliud suggerit; & hoc significat Caj. d. l. 7. §. 5. cum ait vix esse, ut hoc obtineat. Obtinet tamen aliquando, quod ex circumstantiis judicandum. V. d. l. 30. §. 3. leg. 38. b. t. l. 23. quib. mod. us. am.

COMMENTARIUS.

1 Alveum fluminis extra usum publicum existimari partem vicinorum prædiorum; & ideo siccatus prædii cedere.

- 2 Si vicini agri limitati sint, primi occupantis alveum desertum fieri.
- 3 Pars alvei siccati quando apud nos privatorum fiat.
- 4 An aliquando priori domino alveus flumine iterum recedente restituendus?

Quartò & postremò eodem jure & ratione proximis possessoribus pro modo latitudinis cujusque prædii, quæ prope ripam sit, adjicitur alveus à flumine relictus: nempe vi & potestate prædiorum, quibus ipsæ hæc acquisitio tributa propter vicinitatem & propter prædia, prædiorum dominis. Atque ut hic quoque paucis rationem hujus juris & acquisitionis tibi explicem, dixi paulo ante, alveum fluminis extra usum publicum à veteribus existimatum fuisse partem prædiorum vicinorum, quasi olim iis detractum; argumento esse, quod placet, insulam manente adhuc alveo in flumine natam vicinorum esse: quod profecto non fieret, nisi alveus, cui insula cohæret, & ipse vicinorum prædiorum pars intelligeretur: nam prior est alvei ratio quam insulæ, quæ conditionem alvei ut pars ejus sequitur. Ad hanc sententiam confirmandam Don. 4. *comm.* 28. & Bachov. hic asserunt locum Pomponii l. ergo 30. §. 1. *hoc t.* Et sanè quidem rectè; sed non video comparationem illam similem, quæ, quod illi fingunt, Pomponius utatur, conferens alveum cum ripa, aut solum alvei cum ripæ solo. Simplex est Pomponii sententia, ripæ solum privatum esse; eorum scilicet, qui prope ripam habent proprium: usum autem ejus publicum intelligi: & ideo cum exsiccatum est alveus, proximorum fieri, hoc est, solum ripæ etiam usu proximorum tum esse incipere, quia jam populus eo non utatur, nempe solo ripæ, de quo sermo institutus erat. Cæterum ratio hujus consolidationis non magis ad ripam quam ad alveum pertinet. Nam ut usus ripæ, licet ea privata & vicini prædii pars sit, publicus est, propterea quod populus flumine uti sine ripa commode non potest; ita & usus alvei, licet solum ejus privatum intelligatur, & pars prædiorum, quæ ad ripam jacent, publicus est, quia sine alveo populus flumine uti non potest. Rursus uti ripæ usus exsiccatò alveo ad proprietatem redit, quia jam populus ripa amplius non utitur: ita & usus alvei, quem flumen abstrulit, recedente flumine ad proprietatem, quæ penitus ablata non fuit, revertitur, quia jam alveo populus amplius non utitur. Hoc interest, quod proprietatis ripæ aliqua potest esse utilitas, alvei, quamdiu à

flumine tenetur, planè nulla: quæ causa est, quòd alveus non secus ac flumen ipsum publicus dicatur, l. 7. §. quod si §. *hoc tit.* l. 1. §. simili. 7. *de flum.* & *hoc tex.* Juvant jus de hac acquisitione constitutum incommoda fluminum, quæ multa & magna accolæ pati coguntur, inundationes, avulsiones, agrorum, &c. quæ si vitare volent, ripas suas magno sumptu muniant necesse est. Ferant igitur & commoda fluminum, si quæ sint, juxta regulam naturalis æquitatis, l. 10. *de reg. jur.* Cæterum quod in præcedentibus diximus, agros limitatos juxta alluvionis non habere, ac proinde nec insulam prope ripam eorum natam possessoribus jure vicinitatis acquiri, sed fieri occupantis; idem etiam obtinet in alveo relictò, si vicini agri limitati sunt, l. 1. §. simili. 7. *de flum.* Apud nos, ut jam intelleximus, alveus in totum derelictus fisco acquiritur: ac pars alvei siccata, interdum privatis, si videlicet à populo, aut jus populi habente, agrum ad flumen excurrentem qua talem acceperint.

Novus alveus ejus juris esse incipit, cujus est ipsum flumen) Sicut alveus à flumine destitutus privatus fit, ita novus, quem sibi flumen fecit, sit publicus: nam impossibile est, ut alveus fluminis publici non sit publicus, ait Ulp. l. 1. §. simili. 7. *de flumin.* & l. 7. §. 5. Pertinet huc illud Pomponii in d. l. ergo 30. §. 3. *hoc tit.* Flumina, inquit, censitorum vice funguntur, ut ex privato in publicum addicant, & ex publico in privatum. Qui simile est, quod apud Cassiodorum legimus lib. 3. *variar.* Agrimenfor, inquit, more vastissimi fluminis alii spatia tollit, aliiis rura concedit. Ita plerumque evenit, ut alios flumen ditet, alios pauperet. Lucanus.

*Illos terra fugit dominos, his rura colonis
Accedunt donante Pado.*

Rursus novus alveus) Nam ager ille, qui fuerat, desit esse, amissa propria forma: & cum prædiis, non personis hæc acquisitio tribuitur; non potest esse, qui vicinum prædium nulum habet, ratione vicinitatis quicquam in eo alveo sibi vindicare, d. l. 7. §. quod si toto. §. eod. Atque hoc quidem usque efficit stricta juris gentium ratio: sed vis est, ut id obtineat, inquit Cajus d. loco. Et utique non semper obtinere debet. Sæpè enim æqui & boni ratio suadet, ut priori potius domino alveus restituatur, quam adjudicetur vicinis possessoribus. Scholiastes Theoph. κατὰ ἀρχαίους ἀπλάταις τῆς τοῦ καὶ δε φιλανθρωπίας ἀγορίαις ἐδοσπότης καταλαμβάνει. De quo haud facile quid certi definiri potest, sed ex circumstantiis judi-

dicandum est. Finge, flumen relicto naturali alveo agrum alicujus occupasse (sive paulatim, sive non paulatim, nihil interest) ita ut novum hic sibi alveum quævisse videatur; deinde nec ita multo post tempore in veterem locum subito atque eodem impetu, quo pertraxerat, se recepisse; æquissimum est, agrum recessu fluminis restitutum ad pristinum dominum reverti, licet formam agri impetns fluminis abstulerit, *d. l. 7. §. quod si §. in fin. d. l. ergo 30. §. 3. hoc t. l. si ager 23. quibus mod. ususfruct. am.* quia hujusmodi occupatio non longè abest ab inundatione. At si flumen non eodem impetu, quo venit, discedat, sed lentè & minutatim recedendo, alluvione in pristinum locum redeat, spatium illud alvei, quod siccum post se sensim reliquit, non videtur priori domino restituum, sed alluvione accrescere proximorum prædiorum possessoribus, *leg. Attius 38. hoc tit. fac. l. 1. C. de alluv.* Atque ob hanc causam arbitror Pomponium in *d. l. ergo 30. §. 3. & d. l. si ager 23. consulo* expressisse hæc verba; *eodem impetu.* Bart. *tract. de alv. Bald. in rubr. de rer. div. col. 9. Peregrin. 8. de jur. fife. num. 59. D. Tuld. hic c. 25.*

TEXTUS.

De Inundatione.

24. *Alia sanè causa est, si cujus totus ager inundatus fuerit; neque enim inundatio fundi speciem commutat, & ob id si recesserit aqua, palam est cum fundum ejus manere, cujus & fuit.*

COMMENTARIUS.

- 1 *Inundatio quid propriè sit, & qua ejus vis?*
- 2 *Quid circa inundationes apud nos receptum?*

1 **I**nundatio propriè est, cum flumen imbris, vel nivibus, vel qua alia ratione auctum in vicinos campos ita se effundit, ut nec ripas nec alveum suum mutet, *l. 1. §. ripa §. de flum.* Hoc cum fit, ait Justinianus post Cajum, *l. 7. §. aliud sanè 6. hoc tit.* fundi proprietatem non amitti: & ideo recedente aqua, fundum, qui occupatus fuerat, non adjici vicinis possessoribus, sed ejus manere, cujus ante inundationem fuerat. Et addit hanc rationem, quia inundatio fundi speciem non commutat, quasi dicat, non ut alveo facto propriam formam ager amittit, ita & inundatione: quippe alveum fieri diuturno lapsu fluminis & lenta excavatione agri, ut jam plura ejus facies amplius non appareat: inundatio-

ne autem uno subitaneo impetu prædia invadit, atque aqua cooperiri dumtaxat, non commui, dissolvi aut excavari, aut formam amisisse dici possunt, *d. l. 1. §. aliter 9. de flum.* Atque ut maximè summa pars agri in arenam dissolvatur, manet tamen solida pars fundi interior: & ut de qualitate aliquid mutet, substantiam non mutat non magis quàm pars agri, quæ à lacu hauritur, cujus jus non mutari certum est. Igitur ad inundationes præsertim temporales & anniverfarias non pertinet, quod vulgo dici solet. *Occupatum sequitur conditionem occupantis.* Gloss. *l. pen. de rer. divif.* Non obstat *l. si agere 23. quib. mod. uf. am.* quia non loquitur de simplici inundatione, cum flumen retento alveo extra ripas se effundit: sed cum deserto alveo toto impetu in agrum alicujus perumpit, quasi novum alveum quærens, hoc casu placet proprietatem agri ita amitti, ut restitatur, si non facto novo alveo flumen se receperit, uti in *fin. sup. §. demonstratum est.* Obiter addo, quamvis inundatio causam dominii non mutet, possessionem tamen nobis auferre, *l. 3. §. Labeo 27. l. qui universas 30. §. 1. de acq. poss.* itemque ea jura, quæ in facto personæ posita sunt, ut usum & usumfructum, *l. ususfructus 24. quib. mod. uf. amit.* sed recedente aqua hæc omnia nobis restitui, *d. l. 24. l. 1. §. si quis 9. de itin. act. priv.* De inundationibus, quæ crebræ apud nos sunt, hoc jure in hac regione utimur, ut derelictus habeatur is ager, qui per decem continuos annosmersus fuerit, si non aliqua extent signa continuæ possessionis; quo in genere receptum apud nos non immerito est quod Romani rejiciunt; *d. l. 23. quib. mod. uf. am.* Ut si aliter nequeat, vel piscando retineri possessio censeatur. Sed solebant Principes tempus præfigere, intra quod veteres agrorum possessorès siccare agros & novo aggere munire deberent: quibus cessantibus, monebantur qui in eos agros jus pignoris habebant, deinde & hi, qui jurisdictionem aut imperium: qui si omnes in mora essent, eorum jus omne ad Principem deferrebat, atque is aut ipse agros siccabat, sui que patrimonii faciebat, aut aliis siccandos muniendosque dabat retenta parte *D. Grot. 2. manud. c. 9. & 2. de jur. bell. 8. n. 10. consult. JC. Bat. part. 2. consil. 26.*

TEXTUS.

De Specificatione.

25. *Quum ex aliena materia species aliqua facta sit ab aliquo, quæri solet, quis eorum na-*

turali ratione dominus fit; utrum is, qui fecerit, an potius ille, qui materia dominus fuerit; ut ecce, si quis ex alienis uvis, aut olivis, aut spicis, vinum, aut oleum, aut frumentum fecerit; aut ex alieno auro, vel argento, vel are, vas aliquod fecerit; vel ex alieno vino & melle mulsum miscuerit; vel ex medicamentis alienis emplastrum aut collyrium composuerit; vel ex aliena lana vestimentum fecerit; vel ex alienis tabulis navem, vel armarium, vel subsellia fabricaverit. Et post multam Sabinianorum & Proculianorum ambiguitatem placuit media sententia existimantium: si ea species ad priorem & rudem materiam reduci possit; eum videri dominum esse, qui materia dominus fuerit; si non possit reduci eum: potius intelligi dominum, qui fecerit: ut ecce, vas conflatum potest ad rudem materiam aeri, vel argenti, vel auri reduci: vinum autem, vel oleum, aut frumentum ad uvas, vel olivas, vel spicas reverti non potest: ac ne mulsum quidem ad vinum & mel resolvi potest. Quod si partim ex sua materia, partim ex aliena speciem aliquam fecerit quis, veluti ex suo vino & alieno melle mulsum miscuerit; aut ex suis & alienis medicamentis emplastrum aut collyrium; aut ex sua lana & aliena vestimentum fecerit; dubitandum non est, hoc casu eum esse dominum, qui fecerit: quum non solum operam suam dederit, sed & partem ejusdem materia praestiterit.

NOTÆ.

25. Media sententia) Caji d. l. 7. §. 7. hoc tit. Callistrati, l. 12. §. 1. Pauli l. 24. & 26. eod. Ulpian. l. 5. §. 1. D. de rei vind. sic & alias Auctores nostri medium sequuntur, l. 3. §. pars har. l. 25. D. de pign. act. §. ult. infr. de vul. subst. imitatione Stoicorum, qui ob id Servio eriscundi *μὴν ἰδίῳ τιμωρτες*. VINN. Vide hic omnino Merril. Obs. lib. 1. cap. 6. ex quo posteriore hanc observationem petiit noster HEIN.

Ad priorem materiam reduci) Quia tum materia non interit, sed potenter manet, l. 24. hoc tit. l. 78. §. 4. de legat. 3.

Si non possit reduci) Quia hic materia consumitur atque extinguitur; & locum habet illud, *Dum incipit quod non erat, desinit esse quod fuerat*, l. 9. §. 3. D. ad exhib. l. 26. l. 27. §. 1. hoc tit. Interim & domino materiz consultum actione in factum, qua consequatur æstimationem, l. 23. §. 5. de rei vind.

Vinum vel oleum) Vinum & oleum sunt novæ species, quæ proprio nomine censentur, nec ad id quod esse desierunt, reduci possunt.

- 1 Etiam hunc acquirendi modum ad occupationem referendum.
- 2 Speciem novam non acquiri facienti, nisi eam fecerit suo nomine & bona fide.
- 3 Quibus rationibus moti Proculus & Sabinus diversum sentierint.
- 4 Media sententia auctororum distinctionem optima ratione nisi.
- 5 Vinum & oleum non ita se habere ad uvas & olivas, ut frumentum ad spicas.
- 6 Etiam in specie facta partim ex materia aliena, partim ex materia facientis; inspicendum, utrum ea ad priorem materiam reduci possit, necne.

EXponitur hic alius modus acquirendi jure gentium domini speciei novæ ex aliena materia formatio, quæ nunc vulgo uno nomine specificatio dicitur. Sunt qui hunc acquirendi modum ad accessionem referunt; sed perperam. Non enim nova illa species vi & potestate rei nostræ nobis acquiritur, cum ex aliena materia fiat; non ignorantibus nobis aut invitis: sed nostro ipsorum facto, qui rem alienam in aliam speciem transformavimus; adeoque inconcinnum est dicere, materiam accedere formæ, quoniam hæc illam, non illa hanc præsupponit. Quapropter hic modus potius occupationis quædam species videri debet; cum id quod factum est, ideo facienti concedatur, quia ante nullus erat, & tanquam occupanti, qui suo id nomine fecit. Utique quatenus obtinet sententia Nervæ & Proculi, l. 7. §. cum quis 7. in pr. hoc tit. l. 3. §. genera 21. de acq. poss. Nam quatenus Sabinus sententia approbata est, aut ad accessionem res referri potest, aut potius dicendum, nullam tunc fieri novam acquisitionem, cum D. Ant. Contio 1. disp. 12. VINN. Omnino specificatio pertinere Romanis videbatur ad accessiones, quia forma nova accederet ad materiam; vel contra materia ad formam; saltem quærebatur, forma an materia habenda sit pro principali? Proculus id affirmabat de forma, quæ ut philosophi ajunt, dat esse rei; Sabinus materiz plus deferrebat, ex quo formam educi existimabant. Proculiani itaque Stoicos sequebantur, uti ex Sen. Epist. 88. acute probat Merril. Obs. Lib. 1. cap. 21. HEIN.

Species aliqua facta sit) Nimirum nova & diversa à priore, ex qua ut ex materia facta sit posterior: nam verbi causa, lana aliena purpura tincta, non est nova species, l. sed si 26. §. ult. hoc tit. neque etiam nova species

existit ex duarum ejusdem generis materia-
rum confusione, §. *si duorum* 27. *inf. cod.* Duo
autem hic à Justiniano omiffa sunt, quæ, quo
quæstio proposita melius intelligatur, adden-
da duximus: unum est, si, qui speciem fecit,
eam fecerit suo nomine; alterum, si eam fecerit
bona fide. Primum diserte expresfit Cajus
d. l. 7. §. *cum quis* 7. & rationem manifestam
hanc habet, quod possessio non acquiritur ni-
si volentibus; eorum autem, quæ facta & ope-
ra nostra acquiruntur, nihil jure gentium ac-
quiri possit, cujus acquisitio non coeperit à
naturali possessione, l. 1. §. 1. *de acq. poss.*
Proinde si alieno nomine species facta pro-
ponatur: si ejus non erit, qui materiz domi-
nus fuerat; ejus erit, cujus nomine facta est,
l. *nisi* 25. l. *quicquid* 27. §. 1. *hoc tit.* De bona
fide, quod item hic omiffum dixi, nihil qui-
dem diserte Cajus: sed id ex eo non obscure
colligitur, quod addit hæc verba *suo nomine*.
Num qui scit materiam alienam esse, in ead-
em causa haberi debet, ac si nomine domini
materiz speciem fecisset, l. *de eo* 12. §. 3. *ad*
exhib. cui etiam operam suam donasse intelli-
gendus est exemplo ejus, qui sciens in alieno
solo ædificavit, §. *ex diverso* 30. *inf. cod. fac.*
l. 4. §. *si ex lana* 20. *de usuc. l. 14. §. ult. cod.*
de cond. furti. Atque hæc est communis quoque
DD. sententia, à qua hæc D. Weimb. & Ba-
chovius recesserint, causam non video.

Mulsim) Οἰσμήλι, sive μικράτι, fit ex vi-
no vetere, addito pauco melle. Hoc genè-
re potionis usum se Pollio olim jactavit annum
centesimum excessisse. Nam cum à D. Augu-
sto hospite interrogaretur, quam maxime
ratione vigorem illum animi corporisque cu-
stodisset; respondisse fertur, *Intus mulso, foris*
oleo. Plin. l. 22. *nat. hist. cap. 24.*

Emplastrum) Medicamentum est in massam
coactum, quod igni præmolitum vulneri im-
ponitur: ab ἐμπλάττω, subigo, versando mol-
lio, in massam formo. Vid. Corn. Cellum
lib. 5. c. 17. vulgo nunc unguentum vocant.

Collyrium) Genus medicamenti, potissimum
oculorum, παρὰ τὴν καλοῦσι τὴν ῥίαν, quod fluxum
impediat, & sistat. *Apolysyf. cap. 3. vers. 18.*
Καλλύρια ἰσχυροὶ τὴν ὀφθαλμὸν ἐν, ἵνα ἑλπίσας.
Collyria illine oculis. Horat. l. 1. *serm. satyr. 5.*
Hinc oculis ego nigra meis collyria lippus
Illinere.

Sabinianorum & Proculianorum) Fuere etiam
olim diversæ & dissidentes Jurisconsultorum
familiz, auctores Artejus Capito & Anustius
Labeo: qui primi cum velut diversas sectas
fecissent, ille in iis, quæ à majoribus accepe-
rat, persteverando; hic ingenii & doctrinæ fi-

ducia plurima innovando, dissensionem suc-
cessores eorum auxerunt, dum sui quisque ma-
gistris sententiz tanquam oraculo religiose ad-
hæret. Capitoni successit Massurius Sabinus,
Sabino Calsius: à Labeoni successit Nerva,
Nervæ Proculus. Atque inde appellari postea Sa-
biniani vel Calsiani, & Proculiani, l. 2. §.
post hunc 47. *de orig. jur. VINN.* Adde: Procu-
li successor Pegasus, vir consularis, unde *Pe-
gassiani*. Opponentur itaque *Proculiani & Sa-
biniani*: Pegassiani & Calsiani. Conf. Gotho-
fred. *Manual. jur. cap. 6. p. 27.* qui tamen Sa-
binianos non à Massurio Sabino, sed à Cœ-
lio Sabino, qui sub Vespasianis vixit, nomen
accepisse statuit, adeoque sibi invicem oppo-
nit *Cassianos & Proculianos, Sabinianos & Pe-
gassianos.* HEIN.

Ambiguitatem) Quædam, ut rectè hic notat
Baro, leviter tracta sunt à natura, quorum ra-
tio non cuivis perspicua est. Nerva & Procu-
lus existimabant, speciem ex aliena materia
factam naturali ratione ejus esse, qui eam suo
nomine fecisset: nam materiz, quæ extincta
sit, nullam porro rationem haberi posse, sed
causæ efficientis dumtaxat & potissimum for-
mæ, cujus susceptione materia in aliam spe-
ciem transisset: quæ species cum antea nullius
esset, ac ne esset quidem, rationem natura-
lem efficere, ut concedenda sit ei, qui ut ea
in rerum natura sit, fecit, eamque occupa-
vit, d. l. 1. §. *cum quis* 7. *hoc tit. l. 1. §. genera*
21. de acq. poss. Diversæ autem scholæ aucto-
res Sabinus & Calsius contra naturali rationi
convenientius esse putabant, ut qui materiz
dominus fuisset, idem ejus quoque, quod ex
materia factum esset, dominus heret: quippe
sine materia speciem nullam effici posse, no-
strum autem esse id, quod ex re nostra factum
est. Postremò nihil tam ab æquitate naturali
alienum videri, quàm ut id quod nostrum est,
sine facto nostro ad alium transferatur, d. l. 7.
§. *cum quis* 7. juncto l. 12. §. 3. *ad exhib. l. id*
quod nostrum 11. *de reg. jur.*

Media sententia) Inter duas extremas Procu-
li & Sabini. Nam Sabini sententiam veriore
esse putabant, si species facta ad priorem ma-
teriam reduci posset; si non posset, Proculi,
d. l. 7. §. *cum quis* 7. Et perquam elegans est
hujus distinctionis ratio, quam & idem mediæ
sententiæ Auctores afferunt: nempe cum ma-
nente materia forma rei externa tantum mu-
tatur, idque quod factum est, in sua initia
sive ad rudem materiam reduci potest; ratio-
nem naturalem non pati, ut cum Proculo di-
camus, rem eam nunc primum existere, ac
propterea fieri occupantis: sed necesse esse,

ut sequatur vires & conditionem materiz, quæ potenter manet, *l. in omnibus 24. hoc tit. l. quasitum 78. §. illud fortasse 4. de legat. 3.* At ubi materia consumitur atque extinguitur, quod nostri semper fieri intelligunt, cum species facta ad pristinam materiam reverti non potest, nullam materiz, quæ esse desit, aut prioris domini, cujus in hac specie nihil est; *l. quicquid 27. §. 1. hoc tit.* cum Sabino rationem haberi posse: sed novæ dumtaxat speciei, ejusque, cujus factio ea in rerum natura esse coepit, *d. l. 3. §. genera 21. de acq. poss.* Scio equidem, D. Connanum *lib. 3. comm. 6.* auctores hujus sententiz reprehendere, atque hoc solum hic spectari velle, plussè pretii sit in opere, ac in materia: Dominum quoque Grotium censere, speciem communicandam, sicut confusus materis communio inducitur pro rata ejus, quod quisque habuit, *lib. 2. de jur. bell. cap. 8. n. 19.* Ego tamen à veterum illa distinctione non recedo, magisque naturale esse arbitror, ut in quaestione proposita inspiciatur, utrum res, quæ prius fuerat, extincta sit, necne; quam ut vel ex pretio rei operative de jure domini statuatur, aut citra necessitatem inducatur discordiosa communio: eoque jure etiam nunc utimur, teste eodem Grotio *l. 2. manuduct. c. 8. VINN.* Ast non ubique utimur. Quin quum materia plerumque sit res fungibilis, in qua non cadit pretium affectionis: vix potest ratio excogitari, cur dominus materiz domini quaestionem movere velit specificanti, & non potius agere ad id, quod interest, nisi ponas materiam esse admodum ratam. Vid. Thomas. *de prat. affect. in res fungibiles non cadente, cap. 3. §. 41. & seq. HEIN.*

Frustrum ad spicas reverti non potest) Inter exempla specierum, quæ ad id quod prius fuerat, reverti non possunt, frumentum excussum etiam Cajus refert, *d. l. 7. §. cum quis 7.* sed ille, quod hic omissum est, mox subjicit, se eorum sententiam probare, qui frumentum alienis spicis excussum, ejus esse non dubitabant, cujus spicæ essent: propterea quod cum grana, quæ spicis continentur, perfectam habent suam speciem, qui excutit spicæ, non novam speciem faciat, sed eam quæ est detegat. Quod idem eadem ratione dicendum est de leguminibus, lupino, lente, cicere, fabis, spicis, aliisque id genus frugibus, quæ siliqua continentur. Exemplo frumenti idem de vino ex uvis, & oleo ex olivis alicui expresso statuit D. Bachovius; quod non probat. Non enim ut frumentum se habet ad spicæ, ita se habet vinum & oleum ad uvas vel

olivis. Spicæ non sunt materia, ex qua fit frumentum, sed frumentum excussum idem manet, quod ante fuit: unde ficit eandem speciem, ita & idem retinet nomen. Vinum autem & oleum sunt ex uvis & olivis: atque ut in aliud nomen, ita & in aliam speciem uvis & oleis preceptis transunt. Theodoret. *1. Dial. 4. Καὶ τὴν ἀπὸ τῶν τῶν καρπῶν σαφῶς ἐκμαζόμεναι, ἵται ἀπὸ σαφῶς, ὅς σαφῶς, ἀλλὰ οἷον προσαγορεύονται.* Utique dum hæc incipiunt esse, quod non erant, desinunt esse quod fuerant: & poterant quoque in alium usum converti; uvæ siccari; olivæ servari ad condituram, &c. Et alioquin dicendum esset, nec calcem aut butyrum ex lacte alieno factum, nec siceram ex pomis alienis expressam facientis fieri. Quod si in his omnibus Sabini sententiam probandam existimat Bachovius; cur mediz sententiz Auctores solum excipiunt frumentum? Paulum temere adducit in *l. de eo 12. §. 3. ad exhib.* quippe qui eo loco quaerit respondere de eo, qui speciem fecit, cum sciret materiam alienam esse; aliud nimirum responsurus, si quis idem bona fide fecisset, ut facit in *l. sed si meis 26. hoc tit.* Et igitur ratio, quam in d. responso subjicit, ad hypothesein revocanda est, ut quaestioni & responso serviat. De navi ex alienis tabulis facta non satis convenit propter obscurum veteris, ut videtur, dissensionis vestigium, quod extat in *l. Minucius 61. de rei vind.* Etenim cum mediz sententiz Auctores generaliter desinant speciem, quæ ad id corpus, quod prius fuerat: reduci non potest, facientis fieri, navemque ex alienis tabulis factam nominatim inter hujusmodi species, uti revera est, numerent; quid cunctamur cum Paulo respondere, navem ejus esse, qui fecit? *d. l. sed si meis 26. hoc tit.* Putat etiam D. Connan. *3. comm. 6.* partem alteram responsi Miniciani reprehendi à Juliano, rationemque reprehensionis esse in postremis verbis, nam proprietas totius navis carina causam sequitur, id est, eum, ait Connanus, qui navem carinam formavit. Nam carina non semper infirmum navis alveum significare; sed interdum poni pro ipso navis corpore, quod totum carinatum est: hoc est, pro totius navis forma, ut in *l. 24. §. ult. de l. 1. arg. l. proponebatur 76. de judic.*

Dubitandum non est hoc casu &c.) A comparatione majorum; in scholis dicerent, à minori probabilitate ad probabilitatem majorem; quasi dicat: si species, quam fecimus ex materia, quæ tota aliena est, nostra sit; multo magis nostra fieri debet, si facta sit pro parte etiam ex materia nostra. Est tamen & hic

hic adhibenda superior cautio, si ea res ad priorem materiam reverti non potest: quippe generalis definitio est, ea quæ in sua initia redigi possunt, vires materiz numquam effugere, *l. in omnibus 24. hoc tit. l. quasitum 78. §. 4. de leg. 3.* Atque hanc quoque esse mentem Justiniani, exempla proposita declarant. Cujus igitur erit hujusmodi species, si reduci possit? Nimirum suum quisque retinebit, & pro parte sua materiam vindicare poterit, *arg. l. §. 1. de rei vind. l. 11. §. 1. l. quicquid 27. §. ult. b. 1. quæ & communis interpretum sententia est, à qua sine causa recedere mihi videntur Bachov. Borcholt. & D. Tulden. hic c. 41.* Hoc autem jure constituto, ne aut dominus materiz, aut is qui materiam mutavit, quæri possint; ille ubi materia extincta est, eam alieno sibi factò perisse: hic ubi ea mansit, se perdere operam bona fide impensam: uterque, contra naturam esse, ut quis ex re aliena locupletetur cum alterius detrimento; utrique consultum est illi actione in factum, qua consequatur æstimationem materiz suæ; huic exceptione doli mali, qua opposita ei, qui speciem suam vindicabit, servet impensas à se factis, *arg. l. in rem 23. §. si id quod 4. §. seq. de rei vind.*

TEXTUS.

De accessione.

26. Si tamen alienam purpuram vestimento suo intexuerit, licet pretiosior sit purpura, tamen accessionis vice cedit vestimento; & qui dominus fuit purpura, adversus eum, qui surripuit, habet furti actionem & conditionem; siue ipse sit, qui vestimentum fecit, siue alius. Nam extincta res licet vindicari non possint; condici tamen à furibus & quibusque aliis possessoribus possunt.

NOTÆ.

26. Si alienam purpuram) Similis locus est apud Paul. *l. 26. §. 1. hoc tit. Ulp. l. 7. §. 2. D. ad exhib.*

COMMENTARIUS.

- 1 Accessionis quæ factò hominis contingit, quot sint genera, & quo proposita pertineat.
- 2 Explicatæ definitionibus aliquot, qui, cui & quando accessionis vice cedat.
- 3 Quibus rebus differat hoc genus acquisitionis à specificatione.
- 4 Quomodo domino purpura & generaliter par-tis, qua cedit, consulatur.

Tom. I.

L Ocum hunc video à plerisque in transitu dumtaxat tractatum esse, dignus tamen est, qui propius consideretur & otiosè. Et quia ad accessiones pertinet, repetenda animo est memoria eorum, quæ nuper diximus, videlicet quædam rebus nostris accedere beneficio fluminum velut à natura, quædam factò & opera humana. De iis, quæ à fluminibus accedunt, copiosè jam tum disputavimus. Accessionis quæ ab hominibus est, docendi gratia, quo res tota perfectius cognoscatur, duo genera nunc facimus; confusionem & conjunctionem. Confusio est, cum duæ materiz liquidæ inter se & in unum corpus permiscuntur, veluti cum vinum cum vino miscetur, argentum cum argento conflatur, de quo *§. seq.* Conjunctio est, cum res ita junguntur, ut cohæreant, discreta manente earum substantia: siue ita res alienæ rebus nostris junctæ cohæreant, ut iis quasi basibus innitantur, veluti quæ in solo nostro ædificantur, plantantur, seruntur, in chartis nostris aut tabulis scribuntur aut pinguntur, de quibus omnibus item postea: siue ita, ut sint tamquam additamenta aut ornamenta rei nostræ; ut si pes aut manus jungatur statui, ansa scypho, gemma includatur auro, emblemata phialis jungantur, *l. in rem 23. §. 2. & §. de vind. l. sed si 26. §. 1. hoc tit. l. 7. §. 2. ad exhib. l. cum auro 19. §. perveniamus 11. de aur. arg. leg. eodemque etiam pertinet, quod hic traditur de purpura vestimento intexta, *d. leg. 7. §. 2. ad exhib.**

Si tamen) Quò conjunctio illa segregativa respiciat non vidèò, nisi eò referas, quòd cum in calce præcedentis §. dixisset, vestimentum quod quis partim ex sua, partim ex aliena materia fecit, facientis esse, hoc loco aliquid addere Justinianus voluerit de vestimento, quòd quis fecit ex sua quidem materia, eaquæ sola, sed cui ornando alieni aliquid adjunctum, attextum, aut intertextum est: licet id ad superiores rationes non pertineat. Neque enim purpura (quo exemplo hic Imp. utitur) vestimento intexta pars est materiz, ex qua vestimentum factum proponitur: sed aliquid, quòd vestimento jam actò aut præparatò ornatus causa additur atque accedit. Purpuram autem hic accipiemus, aut clavum purpuræ, aut prætextum, id est, segmentum, fimbriam, laciniam, limbum.

Licet pretiosior sit) Cum enim quærimus, quid cui cedat, non prætium spectamus, sed quid

Cc

quid cuius rei ornandæ causa adhibeatur, ut accessio cedat principali, *l. cum aurum 19. §. perveniamus 11. de aur. argent. leg.* In universum autem sic de hac questione habeto.

2 Quando duæ res, quarum unaquæque per se subsistere potest, ita junctæ sunt, ut coheræcant, & unum corpus efficiant propriæ speciei ejusdemque nominis; semper pars inferior cedit præstantiori, ut is naturalis ratione totius illius corporis dominus esse intelligatur, cuius & præstantior pars est. Si diversa rerum junctarum magnitudo est, ex magnitudine unius partis præstantia æstimatur; ut si statux pes aut manus, scypho fundus aut ansa, lecto fulcrum jungatur, *l. sed si 26. §. 1. hoc titul. l. 7. §. 2. ad exhib. l. in rem 23. §. 2. 4. & §. de rei vind.* adeoque etsi pars minor pretiosior sit, ei tamen cedit, cuius major est species, ut gemmæ & margaritæ inclusæ auro, *diff. l. 19. §. 11. de aur. argent. leg.* purpura vestimento intexta; ut hic *§. diff. leg. 7. §. 2. ad exhib.* Si eadem magnitudo est; ex pretio: si pretium quoque idem; placet neutrum alteri cedere, sed suam cuiusque rem manere, *l. quicquid 27. §. 2. hoc tit.*

Accessionis vice. Ut pars minor & inferior majori & præstantiori, sicut jam dictum est. Etenim jure speciei totum hoc corpus suum esse dicere non potest dominus majoris partis sive vestimenti, cum is neutram partem nunc primùm fecerit, sed factas univerit dumtaxat. Ex quo apparet, errare D. Goed. in *l. 14. de verbor. signification.* qui putat, hæc etiam jure specificationis acquiri, & si, quod Goedeco placet, nova hic species facta intelligi debeat, ea non acquireretur facienti; quoniam partes junctæ separari, & ad id, quod prius fuerant, reverti possunt.

3 *Adversus eum, qui surripuit.* In hoc quoque ab acquisitione speciei factæ differt hæc acquisitio, quod species facta tantum volenti acquiratur, eique, qui eam suo nomine & bona fide fecit: jure accessionis pars juncta etiam ignoranti, etiam ei, qui alieno nomine aut mala fide junxit. Nulla enim in hac acquisitione ratio habetur personæ facientis aut jungentis, sed rerum junctarum dumtaxat, quod notandum est contra Wesembecium & Bachov. qui utriusque acquisitionis eandem esse rationem arbitrantur.

Sive ipse sit, qui vestimentum fecit, sive alius. Geminus à Justiniano casus proponitur; unus est; quo is, qui purpuram surripuit, ipse vestimentum fecit; alter, quo alius fecit, ad quem purpura surrepta postea pervenit. Et ait, dominum purpuræ adversus eum, qui

surripuit, habere actionem furti & conditionem: ubi conditionem proculdubio intelligit furtivam, ut rectè Glossa notat: nam quod hæc conditio soli dicitur domino dari, *l. 1. de cond. furt. l. 14. §. qualis 16. de furt. §. ultim. infr. de oblig. que ex del.* hoc non eò pertinet, ut is, cui semel quaesita est, eam re perempta sine facto suo amittat: sed ut hinc excludantur ii, quorum periculo res alienæ sunt, quibus etsi furti actio, conditio tamen non competit, *diff. l. 14. §. 16.* Ut autem in universum intelligas, quomodo domino purpuræ, & generaliter parti quæ cessit, consulatur, sic mecum distinguo. Aut alienam purpuram vestimento suo quis intexit, aut suam vestimento alieno. Item aut bona fide id fecit, aut mala. Si alienam & bona fide, est adversus eum actio ad exhibendum, ut purpura separaretur, & tunc vindicaretur, *l. 7. §. 2. ad exhib. l. in rem 23. §. 1. de rei vind.* Videndum tamen, an non audiri debeat bonæ fidei possessor pretium purpuræ offerens; maxime si ea sine manifesto ejus damno separari non possit. Illud quaesitum est, an etiam bonæ fidei possessori purpura condici possit. Et putoposse, cum Barone & Wesembecio, argens, quod in fine hujus §. dicitur, res extinctas à quibuscvis possessoribus condici posse, & §. nunc admonendi, 2. *infr. quib. al. lic.* & nimirum conditione sine causa; nam etsi jure gentium propter accessionem dominus purpuræ factus sit, nulla tamen causa est, cur pretium lucretur, & cum aliena jactura locupletior fiat. Si mala fide intexit, datur adversus eum actio furti & conditio furtiva, *hoc text.* datur & ad exhibendum actio & vindictio; tamquam adversus eum, qui dolo malo possidere desiit, *arg. l. 1. in fin. l. 2. de tign. junct. l. fin autem 27. §. 3. l. qui petitorio 36. in pr. de rei vind. l. qui dolo 131. de reg. jur.* Si quis autem suam purpuram intexit vestimento alieno, siquidem in bona fide, potest & possidens vestimentum retinere, donec de purpura & sumptibus ei satisfiat, & amissa possessione ad exhibendum agere, ut purpura separaretur & vindicaretur, *d. leg. 23. §. 4. & seq. de rei vind.* Si mala fide, videndum, num dici possit, voluntate sua proprietatem rei amisisse, *arg. §. ex diverso 30. infr. hoc tit.* Quæ de purpura diximus, eadem ferè & in cæteris, quæ rebus nostris explendis aut ornandis similiter junguntur, locum habent, *l. 6. l. 7. §. 2. ad exhib.* excertis quæ junctæ sunt ferruminatione, quæ ne separara quidem vindicari possunt: ideoque eo casu in quodam actio domino partis quæ accessit, necessaria,

d. leg. 2. §. item quacumque s. de rei vind. VINN. Subtiliter distinguit Paulus in d. l. 23. inter ad ferruminationem & ad plumbaturam. Sed hanc distinctionem admisisse haud videtur Ulpianus, l. 7. §. 2. ff. ad exhib. Quin Pomponius in l. 27. pr. ff. de acqu. rer. dom. nec in adplumbatura, nec in adferruminatione concedere videtur vindicationem materis. Sic diversa principia sequuti videntur veteres, pro sua quisque secta, cui hærebant. Quodnam momentum hujus quæstionis sit in praxi, diximus jam ad §. antecedentem, verb. media sententia. HEIN.

Nam extincta rei) Licet purpura attexta vestimento integromaneat, pro extincta tamen, quia vestimento cedit, habetur: sicut gemma inclusa auro, aliaque, quæ res nostræ ad se per prævalentiam trahunt, salva eorum substantia, dist. l. 6. ad exhib. d. l. 35. §. 2. & §. de rei vind. Unde Theophilus, Δικαί, inquit, ἡ περιφορά τῆς πύρης τὴν ἀπορροήσας, τῇ μὴ αὐτῇ αὐτῇ τῇ κατὰ ἑαυτὴν ἀλλὰ ἰδίᾳ ἰσχυρῇ συνιστάται.

Licet vindicari non possint) Directo; amissa videlicet earum proprietate, & nimirum quamdiu cohærent: nam quod de gemma inclusa annulo alieno responsum est, eam vindicari non posse, sed posse agi ad exhibendum, ut excludatur, & exclusa vindicetur, l. 6. ad exhib. id locum habet in omnibus, quæ similibus rebus nostris juncta accessionis loco cedunt, d. l. 23. §. 5. de rei vind. Tentari etiam potest, quod modo diximus, adversus eum, qui mala fide junxit, utilem quoque in rem actionem esse, non tamquam adversus eum, qui possideat, sed qui dolo malo possidere desierit.

Et quibusque aliis possessoribus) A furibus etiam conditione furtiva; ab aliis conditione sine causa, aut generali illa triticaria, l. 1. de condit. tritic. Semper enim, ut diximus, bonum & æquum est, pretium mihi restitui ejus rei, quæ hoc jure ad alium sine facto meo pervenit, & est arg. in leg. 11. §. ult. l. si & me & Titium. §. 2. de reb. cred. Ant. Contius ex manu scriptis restituit: Et quibusdam aliis possessoribus; ut sit sensus: non tantum furibus res consumptas condici posse, sed aliis etiam possessoribus, qui furibus sunt similes, nimirum iis etiam, qui rem mala fide possidebant cum eam consumerent. At hi revera etiam fures sunt, §. furtiva 2. inf. de usuc. Quamobrem de lectione vulgata, quæ etiam Theophili est, nihil mutandum censeo, quamvis Contium sequatur Pacius in analysi sua putans, conditionem contra eos, qui bona fide rem consumerunt, non dari. Obiter & Theophili

error notandus, qui scribit, conditionem furti etiam in eos dari, qui fures non sunt, quod est absurdum, & miror à Fabrot. non animadversum.

TEXTUS.

De Confusione.

27. Si duorum materia voluntate dominorum confusa sit, totum id corpus, quod ex confusione sit, utriusque commune est: veluti si qui vina sua confuderint, aut massas argenti vel auri confaverint. Sed & si diversa materia sit, & ob id propria species facta sit, forte ex vino & melle mulsum, aut ex auro & argento electrum, idem juris est. Nam & hoc casu communem esse speciem non dubitatur. Quod si fortuito & non voluntate dominorum confusa fuerint vel ejusdem generis materia vel diversa, idem juris esse placuit.

COMMENTARIUS.

- 1 Inter confundere, & miscere, qua sit differentia, cum signatè loquimur?
- 2 De effectu confusione, & quarum rerum quomodo facta confusio communionem pariat?
- 3 Confusionem factam voluntate dominorum, proprie huc non pertinere.
- 4 In confusione fortuitas materias confusas communicari, si ejusdem generis sint, siue diversa, extra quam si deduci possint, & n. 6.
- 5 Quid juris, si unus è dominis confuderit altero ignorante, aut tertius aliquis?

DUobus modis hominum facto per accessionem rei alienæ ad res nostras nobis acquiritur, conjunctione, & confusione. Conjunctionis species est purpura vestimento attexta, ut diximus §. præc. De confusione disputatur hoc loco: quæ quid sit primò videndum; deinde quam vim ad acquirendum, & unde habeat. Verba hæc confundere & miscere aut commiscere vi sua generalia sunt, de quæ omnibus in παραλλήλῳ dicuntur quæ quovis modo permiscantur: ut videre est etiam apud nostros, l. 7. §. voluntas 8. hoc tit. l. 3. §. ult. l. 5. pr. de rei vind. Cæterum cum signatè & distinctè loqui volumus, confusionem appellamus μίξις ὑγρῶν, cum corpora liquida aut liquefacta invicem miscantur; commixtionem, μίξις ξερῶν, cum sicca & solida, quæ & discreta maneat: quum nominum distinctionem peperit diversi juris, quod in his obtinet, ratio. Confundi igitur propriè res dicuntur, quæ ita permiscantur, ut una ingrediatur alteram, & vicissim alterius partem in se recipiat: veluti

cum vinum cum vino miscetur, aurum cum auro confatur. Effectus confusionis hic est, ut utrique domino pars alienæ rei vice mutua acquiratur, idque vi & potestate rei cuiusque, cogente natura rem unam mutuo trahere alteram; unde existit totius corporis, quod ex confusione fit, communio. Cæterum neque quarumvis rerum confusio communionem parit, neque facta quovis modo. Summam tibi ecce. Omnis confusio fit aut voluntate dominorum, aut citra eam; & citra eam aut casu, (quæ tamen & ipsa non sine factu hominum contingit, eorum scilicet qui res in propinquo posuerunt) aut voluntate unius tantum, sive etiam tertii alicujus, puta Titii. Res, quæ confunduntur, aut sunt unius generis, aut diversorum: Item aut tales sunt, quæ confusæ separari non possunt, aut quæ possunt separari. Nunc sic habe. Voluntate dominorum facta confusio sine ulla rerum distinctione communionem facit. Casu facta non aliter, quam si res deduci non possint. Facta unius voluntate tantum, aut à Titio, si materiæ unius generis confusæ sint; quoniam nec deduci possunt, nec novam speciem constituunt. Jam videamus quid Imperator dicat, & singula consideremus accuratius.

Voluntate dominorum) Hæc species propriè huc non pertinet. Neque enim communionem hic inducit rerum confusio, sed mutua dominorum voluntas res suas confundendo tacitè communicantium, argumento est, quòd etsi duo frumenta sua miscuissent, idem tamen juris, licet in dissimili genere mixtionis foret, §. seq.

Utriusque commune est) Pro rata scilicet ejus materiæ, quæ cuiusque ante confusionem fuit, l. 3. §. ultim. de rei vind. Res autem communis propriè dicitur, quæ duorum aut plurium est, non quasi tota singulorum, (neque enim duorum in solidum res una esse potest, l. 5. §. ultim. commod.) sed singulorum pro partibus, iisque indivisis, l. 5. de stip. serv. l. 5. §. ultim. de reb. cor. qui sub tut. Itaque quæ partes ante confusionem singulorum esse incipiunt conjunctim, ut jëm intellectu magis quam corpore partes habeant, dist. l. 5. de stip. serv. nec possit amplius unus, quod suum fuit, ante confusionem separatim vindicare, sed partem dumtaxat pro indiviso, puta dimidiam aut tertiam: sive, quod eodem recidit: agere communi dividundo, ut res dividatur, & pars rei divisæ dimidia aut tertia pro rata ponderis, quod contulit, restituatur: in quo & pretii rationem judex habebit, si unius pars pretiosior fuit, dist. l. 3. §. ultim. l. 4. l. 5. de

rei vind. Et si forte res dividi commodò non possint, uni totam adjudicabit, eumque vicissim alteri condemnabit in certam summam pecuniæ, §. eodem §. infr. de offic. judic.

Sed etsi diversæ materiæ sint, &c.) Nihil refert, ejusdem generis materiæ voluntate dominorum confusæ sint, an diversi. Nam & nova species, quæ naturaliter ex confusione diversarum materiarum existit, veluti ex vino & melle confuso mulsum, ex mātis auri & argenti conflatis electrum; eorum communis sit necesse est, quorum consensu & voluntate materiæ confusæ sunt, & vice mutua quod inde existit communicatum. Ex quo etiam efficitur, ut nihil intersit materiæ separari, & species facta in sua initia reduci possit, an non possit: quæ differentia spectatur, cum jure specificationis aliquid alicui acquiri volumus.

Electrum) Plinio est aurum, cujus quinta portio argentum est. Secundas post aurum ei tribuit Homerus 4. *Odyss.* ubi regiam Menelai laudantem introducit Telemachum à splendore primum auri, deinde electri: vers. 73.

Χρυσὸν τ' ἐλεῖπτον τε, καὶ ἀργύρον, ἰδ' ἐλεῖπτον.

Vid. Plin. lib. 33. nat. hist. cap. 4. Strabon. lib. 3.

Quod si fortuito) Hæc confusionis species propria est hujus loci. Ait, in fortuita confusione idem juris esse, quod foret, si materiæ dominorum voluntate confusæ essent: nimirum etiam totum id corpus, quod ex duorum materiis casu confusis existit, commune esse eorum, quorum materiæ confusæ sunt; nec referre, ejusdem generis materiæ sint, an diversi, & ob id propria species facta sit: nam quod casu factum est, neminem sibi vindicare posse jure specificationis. Hoc item & Cæjus d. l. 7. §. sed etsi 9. hoc tit. Observandum autem est, & hic, & apud Cæjum exempla proponi earum dumtaxat rerum, quæ confusæ deduci & separari non possunt, quippe quas communes facit ipsa necessitas & vis naturæ superior: nam confusio hæc eo rem deducit, ut unaquæque materia alteram in sese per omnia consumat & indiscretam habeat: unde evenit, ut vel minima pars unius partem alterius sibi habeat adjunctam, quam & necessario ad se trahat: atque hinc communiō. Quòd si materiæ, quæ forte confusæ, separari possint, veluti si plumbum cum argento mixtum sit; nulla necessitas intervenit, ob quam fiat, ut una res alteram mutuo ad se trahat, sed cum ab artificibus separari possint, separabun-

buntur: etque in eam rem non ut superiore casu, actio communis dividendo, sed ad exhibendum & in rem, l. 5. §. 1. de rei vind. & arg. l. lacus 12. §. 1. hoc tit. Sed quid si non casu, nec tamen voluntate dominorum confusio facta sit, puta à Titio, vel ab uno ex dominis altero ignorante? quæ species hic omiffa. Et siquidem, verbi causa, Titius vinum Mævii cum suo confuderit, aut cum vino Sempronii, aliæque ejusdem generis materias miscuerit; adhuc probandum est, corpus, quod ex ea confusione sit, Titii & Mævii, aut Mævii & Sempronii commune esse; quia pristinam speciem continet, & res alium exitum naturaliter reperire non potest. Quod si diversæ generis sint, quia hinc novi corporis species existit; ea tota Titii erit jure specificationis, si ad initia sua reduci non potest: si potest, suum cuiusque manebit, diff. l. 5. §. 1. de rei vind. diff. l. lacus 12. §. 1. hoc tit. vid. sup. §. cum ex aliena 25. cod.

Idem juris esse placuit) Paraphrastes vertit negativè; ὅτι ἀντὶ γινέσται. Et sanè non est, idem juris per omnia: nam si materiæ casu confusæ separari possunt, nulla earum communio est, sicut jam diximus. Arbitror tamen contra Horomannum, eodem modo hic legendum, quo legitur apud Cajum diff. l. 7. §. sed & si 9. unde hæc descripta sunt: nimirum affirmativè, & utrumque locum ex aliis cum Accursio sic temperandum, si tales materiæ fortuito confusæ sint, quæ deduci non possint: cuius etiam generis exempla, nec alia à Justiniano & Cajo proposita sunt. Sed & Hermenopolus lib. 2. tit. 1. περί τῆς ἐξ ἀλλοτρίων ἑλθὲς γινόμενης συνύλης, affirmativè legit, ὅτι ἀντὶ γινέσται. VINUM. Sed tamen, si facta confusione, species emerferit nullius usus v. gr. si vinum & cervisia confusa sint, vix dubitandum, quin in foro confundens solus damnum sentire, alterique non partem novi istius liquoris, sed pretium rei suæ reddere teneatur. HIEN.

T E X T U S.

De commixtione.

28. Quod si frumentum Titii frumento tuo mixtum fuerit, si quidem voluntate vestra, commune est: quia singula corpora, id est, singula grana, quæ cuiusque propria fuerunt, consensu vestro communicata sunt. Quod si casu id mixtum fuerit, vel Titius id miscuerit sine tua voluntate, non videtur commune esse: quia singula corpora in sua substantia durant. Sed nec magis istis casibus commune sit frumentum, quam grex intelligitur

esse communis, si pecora Titii tuis pecoribus mixta fuerint. Sed si ab alterutro vestrum totum id frumentum retineatur, in rem quidem alio pro modo frumenti cuiusque competit: arbitrio autem iudicis continetur, ut ipse aestimet, quale cuiusque frumentum fuerit.

NOTÆ.

28. Non magis istis casibus) A simili, ubi tamen illud dissimile, quod pecora mixta facilius discerni possunt, quam grana, & ob id etiam singula vindicari, l. 23. §. 5. vers. at in his, D. de rei vind.

Quale cuiusque frumentum) Vi igitur ipsa non alia hic sententia & restitutio, quam si frumentum verè commune esset, l. 3. §. ult. l. 4. de rei vind.

COMMENTARIUS.

- 1 Commixtionem propriè dictam ad disputationem propositam non pertinere.
- 2 Responsum Favoleni in l. 78. de solut. cum hoc textu conciliatum.
- 3 Comparatio mixtionis pecorum & frumentorum explicata.

Nihil est in hoc §. quod ad institutam de accessione disputationem pertineat. Agitur de commixtione. Commixtio propriè est, cum corpora quæ miscentur, discreta manent, & suam singula speciem retinent, velut si frumentum cum frumento, nummi cum nummis, pecora cum pecoribus inter se miscantur. Hujus, inquam, commixtionis numquam ea vis est, ut per eam potestate rei nostræ aliena nobis acquirantur, sive difficilis sit corporum mixtorum separatio, sive non sit: cum neutro modo fiat, ut aliquid sit in meo aut alieno, quod alterum ad se naturæ necessitate trahat.

Consensu vestro communicata) Quando duorum res voluntate dominorum miscentur, communicantur illæ quidem sic, ut utrique domino pars alienæ rei vice mutua acquiratur: cæterum hoc non efficit commixtio aut accessio, sed tacita voluntas dominorum mutua traditione species suas communicantium, hoc text. d. l. 7. §. voluntas 8. cod. l. 5. de rei vind. l. 4. pro soc.

Quia singula corpora in sua substantia durant) Hoc est, natura & essentia sua separata & discreta manent: ut proinde dici non possit, esse quicquam in hoc acervo Titii, quod tuum ad se trahere debeat, aut in totum ad pro par-

parte; aut quicquam esse tuum, quod debeat ad se trahere, quod Titii est. At sine horum alterutro nihil vestrum commune fieri potest in acervo frumenti casu aut sine voluntate unius vestrum commixti. Objici huic loco solet, quod Javolenus ex Cajo refert, nummos alienos in solum datos creditoris accipientis fieri, si is eos ita miscuerit suis, ut discerni non possint, *l. si alieni* 78. *de solut.* An dicemus idem esse in frumento, quod quis ex simili causa acceptum bona fide cum suo miscuit? At refragatur generalis definitio hujus loci, tum etiam ratio subjecta, & comparatio frumenti mixti & pecorum. Plerique putant, inter nummos & frumentum hoc interesse, quod nummi ita commixti, ut discerni non possint, pro consumptis habendi sint, frumentum non ante quam farina ex eo confecta sit: quippe rerum, quæ usu consumuntur, consumptionem æstimari ex consumptione ipsorum corporum: pecuniam autem numeratam intelligi consumi plerumque falsis nummorum corporibus, *§. constituitur* 2. *inf. de usus.* Notum verò esse, consumptione nummorum in creditum vel in solum datorum causam dominii mutari, *l. 13. l. non omnis* 19. *§. 1. in fin. de reb. cred.* Ita propemodum Accurf. quem sequitur communis DD. scholia ad *D. Cujac. 13. observ. 28.*

Quam grex intelligitur esse communis) Exemplo pecorum alienorum gregi meo mixtorum docet, frumenta quoque sine voluntate dominorum mixta sua cujusque manere, neque in acervo facti quicquam esse commune: quippe eandem rationem esse singulorum granorum in acervo, quæ est singulorum pecorum in grege: utrumque esse corpus, non *in unum*, aut *in unum*, sed *in unum*, cujus partes non cohereant, aut uno spiritu contineantur, sed quæ singulæ essentia sua maneant distinctæ, propriamque suam speciem retineant, ac proinde rationem juris non pati, ut hic magis quam illic dominia confundantur, *arg. l. verum mixtura* 30. *de usus. junct. l. in rem* 23. *§. 5. vers. at in his de rei vind.* Cæterum comparatio hæc illud habet dissimile, quod pecora aliena meis pecoribus mixta facile decerni possunt, & ob id singula vindicari, *d. vers. at in his*, grana autem commixta non item. Qua ratione putarem, ne voluntaria quidem pecorum mixtione gregem communem fieri, nisi id expressè actum proponatur.

In rem actio pro modo frumenti) Ubi res communis non est, cessat communi dividendo judicium, *l. 1. com. div. sicut in proposito.* Cæterum nec grana ipsa, quæ cujusque ante com-

mixtionem fuerunt, vindicari poterunt, quia discerni & designari nequeunt: nec pars accipi; quod non licet nisi in acervo communi, sed quantum in acervo cujusque fuit, atque etiam nunc est, *l. 5. pr. de rei vind.* Nec refragatur actionis in rem natura, quæ exigit, ut res, quæ petitur, designetur, *l. 6. d. tit.* Satis enim designari videntur grana petita hoc ipso, quod designantur certo loco atque acervo contenta & circumscripta. Tantum laborabit in exitu iudicii & restitutionis.

Quale cujusque frumentum) Igitur si unius frumentum fuerit pretiosius, officio iudicis continebitur, ut ejus quoque ratio habeatur, & hoc amplius ferat is, cujus frumentum pretiosius fuit, vel ex acervo, vel certæ pecuniæ adjudicatione; ut sic omni ex parte utrique satisfiat, *arg. l. 4. de rei vind. §. eadem* 5. *inf. de off. jud. in summa*, vi & effectu hic non alia iudicis sententia est & restituito, quam si acervus verè communis esset, *l. 3. §. ult. d. tit. de rei vind.* Quæ de confusione & commixtione diximus, ea hodieque omnia observantur.

TEXTUS.

De his quæ solo cedunt. De ædificatione in suo solo ex aliena materia.

29. Cum in suo solo aliquis ex aliena materia ædificaverit, ipse intelligitur dominus ædificii: quia omne quod solo inædificatur, solo cedit. Nec tamen ideo is, qui materia dominus fuerat, definit dominus ejus esse: sed tantisper neque vindicare eam potest, neque ad exhibendum de ea re agere propter legem duodecim tabularum, quæ cavetur, ne quis tignum alienum ædibus suis junctum eximere cogatur, sed duplum pro eo præstet per actionem, quæ vocatur De tigno juncto. Appellatione autem tigni omnis materia significatur, ex qua ædificia fiunt. Quod ideo provisum est, ne ædificia rescindi necesse sit. Quod si aliqua ex causa dirutum sit ædificium, poterit materia dominus, si non fuerit duplum jam consequutus, tunc eam vindicare, & ad exhibendum de ea re agere.

NOTÆ.

29. Nec tamen, &c. definit dominus esse) Ergo hoc casu qui ædificavit, dominus est ædificii, alius dominus materiæ, ex qua constat, *l. 7. §. 2. D. de re jud. fac. l. 23. §. ult. de rei vind. l. 13. de usus.*

Neque ad exhibendum) *d. l. 23. §. pen. l. 6. D. ad exhib. l. 1. de tigno juncto.* nisi adversus ma-

læ fidei ædificatorem, d. l. 23. §. pen. tanquam qui dolo malo fecerit quo minus possideat, l. 1. §. l. 2. de tign. junct.

Eximere cogatur Ne sc. ædificia rescindi necesse sit, ut mox sequitur. Potest igitur dupli præstatio evitari, si quis tignum eximere malit, & domino restituerit; neque enim id facere prohibetur, dum ne ruina ædium deformetur publicis urbis aspectus, l. 2. C. de adif. priv. Eadem lege prohibetur solutio tigni alienius vineis juncti, ne sc. turbetur cultura vinearum, d. l. 1. de tign. junct.

Si non fuerit duplum consecutus In casu malæ fidei etsi consecutus fuerit. Nam si sciens junxit, non liberatur præstatione dupli, sed est adversus eum extrinsecus adhuc rei vindicatio, l. 2. de tign. junct. Pœnalis enim eo casu hæc actio est.

COMMENTARIUS.

- 1 Non continuo eum, qui adium dominus sit, dominum esse & singulorum tignorum.
- 2 Actionem de tigno juncto dari etiam in duplum adversus eum, qui bona fide junxit.
- 3 Præstationem dupli evitari posse tigni exemptione & restitutione.
- 4 Actionem de tigno juncto, apud nos exolevisse.

Diximus non ita pridem, duobus modis contingere, ut res alienæ rebus nostris factis hominum accedentes nobis adiciantur, confusione, de quo proximè loquuti sumus, & conjunctione. Conjunctionem appellamus, cum duæ res ita junguntur, ut cohæreant, & unum corpus constituent, integra manente rerum substantia. Duo quoque genera hujus conjunctionis fecimus: unum earum rerum, quæ junctæ nihil amplius habent, quàm additamentum & expletionem ejusdem corporis, de quo genere dictum sub §. si tamen 26. sup. alterum earum, quæ sic aliis junguntur, ut in his tanquam in subiecto consistant, ac sine his esse non possint, cujusmodi sunt hæc quinque, quæ nunc porro singula exequemur, in solo ædificata, plantata, facta, scripta in chartis aut membranis, picta in tabulis.

Quia omne quod solo inædificatur, solo cedit In conjunctione rerum, de qua agimus, uti naturali ratione præstantior existimanda est ea res, quæ per se consistere potest; inferior, quæ imponitur, & sine illa consistere non potest, ita & eadem ratione sit, ut hæc ab illa per prævalentiam trahatur, illique ut præstantior cedat: ac proinde utriusque dominus efficiatur, qui dominus fuerat præstantioris, l. in rem. 21. §. 1. & 4. de rei vind. Hæc ratio generalis est ad omnes

species hujus conjunctionis pertinens. Ait, *enim, quod solo inædificatur*. Hæc prima species est hujus accessionis, atque de ea ita jus est. Omne ædificum, quamvis ex aliena materia, solo impositum, solo cedit, d. l. 7. §. cum in suo. 10. hoc tit. d. l. in rem 23. §. pen. & ult. de rei vind. l. 2. de superfl. l. qui dæmum. 50. ad leg. Aquil. l. 2. C. de rei vind. Idque sive dominus soli ex aliena materia ædificaverit in suo, sive & converso dominus materiz ædificaverit in solo alieno, d. l. 7. §. ex diverso. 12. hoc tit. & §. seq. cod. Solo autem impositum accipi oportet etiam id, quod verbi causa supra parietem meum ædificatum est, l. si supra 28. hoc tit. Ceterum ut rationi hujus juris locus sit, necesse est, ut id quod ædificatum est, solo cohæreat. Nam si Titius exempli gratia horreum frumentarium ex tabulis ligneis factum mobile in prædio Seji posuerit; id non Seji erit, sed Titii, qui posuit, l. Titius. 60. cod.

Nec tamen it, qui materia dominus fuerat, desinit, &c. Diximus, eum, qui ex aliena materia in suo ædificavit, dominum fieri ædificii: cui consequens videri poterat, eum, qui materiz dominus erat, dominum ejus esse desinere; cum duo ejusdem rei in solidum domini esse non possunt. Contra tamen & hic & apud Cajum scriptum est, materiz dominum dominum idcirco non amittere, & quamvis stante ædificio dominum adhuc intelligi. Hoc ne quem offendar, sciendum est, pro diversa materiz consideratione utrumque dici posse, & dominum ædificii materiz quoque dominum effici, & materiam prioris domini manere. Etenim si tigna vel cæmenta consideremus, ut juncta & connexa ædificio, hæc consideratione quamdiu juncta manent, ipsius ædificii sunt, & domini totius: unde & dempta dicuntur in pristinam causam reverti, l. habitator 59. de rei vind. facit l. sed si 26. §. 1. hoc tit. At si animum à conjunctione avertas, & ædificio quasi insuper habito tigna consideres in se & ut seorsum substantiam suam habentia, non potest videri materiz dominus jus suum amisisse: & ideo ea tigna, licet juncta, adhuc aliena ubique appellantur. Adeoque rectè nunc dicemus, aliud esse materiam, aliud ædificium: ædium quamdam universitatem intelligi; materiam, cæmenta, tigna, lapides, res esse singulas, quæ ob id jure universi non utique censentur. Hinc enim est quod placet eum, qui universas ædes possidet, non videri singula cæmenta possidere, eaque nec usufructu capere, l. in rem 23. §. ult. de rei vind. l. cum qui 23. de usuc. & quod Ulpianus respondet, eum, qui insulam petiit, si victus postea cæ-

108
11.
11.
mentia vel tigna petat, non videri idem pe-
tere, l. 7. §. de exc. rei jud. nimirum quòd ne-
cesse non sit, eum, qui ædium dominus est,
materiz quoque dominum esse: quam ratio-
nem & ipse mox subijcit. Cæterum dubitan-
dum non est, quin verum sit, quòd D. Ho-
tomannus hic notat, si ex aliena materia nova
primum species facta fuerit, deinde novum id
corpus ædificio inclusum; ejus id manere, cui
jure specificationis quæsitum erat: verbi cau-
sas, tigna aut tabulæ ex aliena arbore fabrica-
tas & mox junctas ædificio, ejus esse & ma-
nere, qui tabulas fecit, arg. l. sed si meis. 26.
in pr. hoc tit.

Neque ad exhibendum) Tignum alienum ædi-
bus junctum lex duodecim tabularum non
tantum vindicari prohibet, sed etiam solvi,
ut proinde nec ad exhibendum de eo agi pos-
sit, l. 1. in rem. 23. §. pen. de rei vind. l. 6. ad
exb. l. 1. de tign. junct. in quo diversum jus
tigni injuncti, & verbi causa gemmæ injunc-
tæ annulo alieno: ea enim licet quamdiu co-
hæret, vindicari nequeat; ad exhibendum tam-
en eo nomine agi potest, ut eximatur, &
tunc vindicetur, d. l. 1. in rem. 23. §. item qua-
cumque §. de rei vind. d. l. 6. ad exhib. Vide lis
quæ notavimus supra §. si tamen 16. hoc tit.

Ne quis tignum eximere cogatur.) Duplicem
ego causam reperi, eur lege duodecim ve-
rita sit tigni alieni ædibus juncti vindicatio.
Una est, ne ob id ædificia rescindi necesse sit,
l. 1. de tign. junct. l. 7. §. cum in suo. 10. b.
rit. & hoc text. altera, ne per hoc ruinis urbs
deformetur; l. 2. §. si quis 17. l. ult. ne quid in
loc. publ. l. 2. C. de adif. priv. quarum illa prin-
cipalis esse videtur, & rationem finis unicui-
que legi propositi habere, hæc viciarias & illius
adminiculum, de quo mox plura. Eadem le-
ge & solutio tigni alieni vineis juncti prohi-
betur, ne scilicet turbetur vinearum cultura,
l. 1. de tign. junct.

Sed duplum pro eo præstet) Ne dominus ma-
teriz quæti posset, injuriam sibi fieri, quòd
res sua quamdiu ædificio manet, carere co-
gatur; data est in eum; qui junxit, actio de
tigno juncto ad tigni æstimationem, & qui-
dem in duplum, l. 1. de tign. junct. l. in rem
25. §. pen. de rei vind. l. 6. ad exhib. Nec du-
bito, quin ea actio in duplum etiam adversus
eum danda sit, qui bona fide junxit: id enim
textus fere omnes arguunt, qui de hæc ac-
tione loquuntur. Nam primò, ut bene ob-
servavit D. Tuldenus c. 42. in eum hæc ac-
tio dari dicitur & hoc loco & apud Cajum
d. l. 7. §. cum in suo 10. adversus quem nec
in rem nec ad exhibendum agi potest; quo-

111.
rum utrumque contra est in eo, qui sciens
rem alienam junxit, d. l. 7. §. cum in suo 10.
adversus quem nec in rem nec ad exhibendum
agi potest, quorum utrumque contra est in
eo, qui sciens rem alienam junxit, d. l. 23.
§. pen. de rei vind. non quòd sic conveniatur
quasi possidens ut tignum restituar, sed ita
quasi dolo malo fecerit, quominus possideat,
aut restituere possit, ut pretium æstimetur ju-
rejurando in litem, l. 1. in fin. de tign. junct.
eoque pertinet locus Pauli in leg. qui res 98. in
fin. de solut. ubi ait, legem 12. tabularum scilicet
cercere, tignum ædibus junctum vindicari posse,
sed solvi id prohibuisse, pretiumque ejus vo-
luisse dari. Deinde nec hoc ad eum pertinet,
qui mala fide junxit; quòd negatur domi-
no materiz vindicatio, non solum stante, sed
etiam diruto ædificio, si jam ante per actio-
nem de tigno juncto duplum sit consecutus:
nam adversus eum, qui sciens junxit, ut fu-
rem, præter actionem dupli, extrinsecus ad-
huc est rei vindicatio, l. ult. de tign. junct. §.
ult. inf. de oblig. qua ex del. Huc item facit l.
de eo. 63. de don. int. vir. & ux. nam cum ibi
solus ille casus excipitur, quo tignum vo-
lente & sciente domino junctum est, satis sig-
nificatur, in cæteris actioni de tigno juncto in
duplum esse locum. Denique cur actionem
de tigno juncto etiam adversus eum, qui bona
fide junxit, lex duodecim dedisset, si dominus
tigni nihil amplius per eam consequeretur,
quam consecutus esset actione in factum,
quæ sublata vindicatione adhuc supererat? d.
l. 23. §. item quacumque §. de rei vind. Hæc
autem sententiæ duo obflare videntur. Pri-
mum est, quòd lex de tigno furtivo locuta
est, d. l. 1. de eo. 63. de don. int. vir. & ux. d. l. 1.
1. de tign. junct. alterum, quòd iniquum vi-
detur, eum, qui bona fide junxit, in duplum
teneri. Quibus hæc reponimus. Primò etiam
tignum, quòd ab alio surreptum, ab alio bona
fide junctum est, furtivum esse, vicio furti
rem comitante. Ad hæc, legem 12. tabula-
rum furtivi non ideo mentionem fecisse, quòd
nomine non furtivi agi in duplum noluerit,
sed quia raro accidit, ut res alienæ mobiles,
quæ insciis dominis ad alios perveniunt, in
furti vitium non cadant, §. 2. inf. de usuc. unde
nec Cajus, nec Justinianus, nec Paulus in
d. l. 23. §. pen. de rei vind. furtivi mentionem
faciunt, sed alieni dumtaxat, cum tamen id
omnes proponant ex eadem lege. Postremò,
nullam hic esse iniquitatem: nam & injuria,
quæ domino materiz fit, quòd res sua carere
cogitur, commodò aliquo pecuniario com-
pensanda fuit, & pro duplo quòd ille acci-
pit,

pit, majus vicissim commodum consequitur, qui junxit; ne videlicet cogatur tignum eximere cum metu ruinae ædium suarum. Sed & potest dupli præstationem effugere, si tignum eximere malit, & domino restituere: neque enim id facere prohibetur lege 12. tabularum, quippe qua cautum est, non ut ne domino tignum eximere liceat, sed ne quis id eximere cogatur, ne ædificia rescindere aut demoliri cum summo damno ædificantis necesse sit, hoc *text.* & apud Cajum d. l. 7. §. cum in suo 10. hoc tit. l. 2. §. si quis 17. l. ult. ne quid in loc. pub. Unde alii loci explicandi sunt, quibus traditur, legem prohibere, vetare, non permittere tignum solvi, l. 6. ad exhib. l. 1. de tign. junct. l. qui res 98. in fin. de solut. nimirum non tantum vindicationem, verum etiam actionem ad exhibendum his verbis legem tollere voluisse, argum. hujus §. & dist. l. 23. §. pen. de rei vind. l. 1. de tign. junct. Equidem fateor etiam publici decoris & ornamentis rationem hac in re habitam fuisse, ne scilicet ædium demolitione & ruinis aspectus deformaretur; cæterum ut hæc consideratio extrinsecus legem moverit, non fuisse tamen rō tū iura, sive causam, cujus gratia tignum eximi vetuerit, non obscurè ex eo colligitur, quòd alioqui dicendum esset, numquam licere civibus ædificia sua demoliri, aut tignum inde eximere, quod falsum est, l. fin autem 27. §. ultim. l. Julianus 27. de rei vind. l. 5. in fin. C. eod. l. pro voluptariis 9. de imp. in res dot. Sed nec quævis tigni exemptio secum trahit ruinam ædificii: unde fortassis non improbabili- ter defendi possit, eundem fuisse scopum legis 12. tabularum, qui fuit senatusconsulti, quo cautum est, ne ea, quæ ædibus juncta sunt, legare liceat, neve negotiandi causa ædificia demoliri, aut marmora, columnas, aliave tigna detrudere, l. cætera 41. §. 1. l. senatus 43. de legat. 1. l. senatus 52. de cont. empt. l. ult. de damn. inf. non alia de causa, quàm ut ne integris ædificiis depositis publicis deformetur aspectus, l. 2. C. de adif. priv. ac proinde quemadmodum in senatusconsultum non incidit, qui aliquid detrahit citra metum ruinae; ita nec offendere legem antiquam, qui ut condemnationem dupli evitet, tignum eximere malit, modò id faciat sine periculo ruinae. Ad hunc ferme modum disputat Bachovius hic. Mihi, ut verum fatear, frustra videtur lege prohiberi, quod sponte sua nemo nisi insanus facturus sit. Moribus harum regionum actio in duplum de tigno juncto exolevi, consultiturque domino materiz actione in factum ad pretium consequendum, Grot. 2.

Tom. I.

introd. c. 10. Ziþæ notit. jur. Belg. de rei vind. uti & jure antiquo ei consulebatur adversus dominum soli, qui ipse tignum non junxerat, sed ab alio forte junctum possidebat; nam in eum demum, qui convicius erat junxisse, in duplum dabatur actio: l. 1. in fin. pr. de tign. junct. VINN. Multæ hic nascuntur quæstiones non parum dubiæ, nos binas videbimus. Queritur an actio de tigno juncto detur adversus bonæ fidei possessorem? Quamvis enim id adfirmet Justinianus; ob stare tamen videtur (1) quod lex XII. tabularum tantum egerit de tigno furtivo, l. 1. §. 2. l. 2. ff. de tign. junct. l. 63. ff. de donat. inter vir. & ux. (2) quia hæc actio de tigno juncto sit pœnalis, adeoque locum non habeat adversus eum, qui nihil deliquit, (3) quod Paulus, l. 98. §. ult. ff. de solut. disertè dicit adversus b. f. jungentem actionem dari in simplum. Sed resp. (1) XII. tabb. non abscisse meminisse tigni furtivi. Verba enim hæc servavit Festus: Tignum junctum adibus vineæque ne concapET ne solvite. Addidit Gothofredus. Ast qui junxit, duplione damnator. Tigna quandoque sarpta, donec dempta erunt, vindicatio. Unde exempli tantum causa JCTi meminerunt tigni furtivi, (2) Quod hæc actio, quamvis pœnalis, etiam adversus b. f. jungentem cadere potest. Ita rectè B. Pagenstecher. in Irner. inj. vapul. coit. 34. §. 7. (3) In lege 98. de solut. non negatur duplum peti posse, sed prærium refundendum esse, censetur. Queritur II. an jungens exempto tigno liberetur? Adfirmat noster: adfirmant alii. Sed legem XII. tab. prohibitivam fuisse, patet ex l. 6. ad exhib. l. 1. de tign. junct. & l. 98. fin. de solut. Et ratio, ne urbs ruinis deformetur, vel ne ædificia dissolvantur, non admittit, ut dicamus in arbitrio esse jungentis, tignum eximere, an duplum solvere malit, l. 63. de don. int. vir. & ux. loquitur de eo qui sciente & patiente domino junxit. HEIN.

Omnis materia, ex qua ædificia fiunt) Traditur hoc idem & in l. tigni 7. ad exhib. l. tign. 62. de verb. sign. unde quidam ajunt regulam quoque & lapidem & testam, hoc amplius & calcem & arenam tignorum appellatione contineri: in vineis perticas & pedamenta, cæteraque vineis necessaria, d. l. 1. §. 1. de tign. junct.

Tunc tam vindicare) Etiam si post tempus usucapionis dissolutum sit ædificium: nam qui ædes possidet, non intelligitur singula tigna possidere, ut notatum sup. n. 1. l. 23. §. ultim. de rei vind. l. 33. de acquir. poss. l. 23. de usuc.

Dd

TEX-

TEXTUS.

De ædificatione ex sua materia
in solo alieno.

30. *Ex diverso, si quis in alieno solo ex sua materia domum ædificaverit, illius sit domus, cuius & solum est. Sed hoc casu materia dominus proprietatem ejus amittit, quia voluntate ejus intelligitur esse alienata, utique si non ignorabat, se in alieno solo ædificare: & ideo licet diruta sit domus, materiam tamen vindicare non potest. Certè illud constat, si in possessione constituto ædificatore soli dominus petat, domum suam esse, nec solvat pretium materiae & mercedes fabricorum, possit eum per exceptionem doli mali repelli, utique si bona fidei possessor fuerit qui ædificavit. Nam scienti solum alienum esse, potest objici culpa, quod ædificaverit temere in eo solo, quod intelligebat alienum esse.*

NOTÆ.

30. *Ex diverso*) Ex Cajo l. 7. §. 12. *D. hoc tit.*

Si non ignorabat) Nam si ignoravit, quamvis ædificum sequatur soli dominum, materię proprietatem non amittit, & eam diruto ædificio vindicare poterit, l. 2. *D. de rei vind.*

In possessione constituto) Nam si non possidet, nulla ei actio in re prodita; qua pretium materię aut sumptus consequatur, l. 33. *D. cond. ind. l. 14. D. de exc. dol. leg. 48. de rei vind.* Cujus tamen incerti conditionem dat, id est, possessionis.

Potest objici culpa) L. 37. *D. de rei vind.* Hoc tamen ei concedendum, ut sine læsione prioris status rei tollat quod posuit, d. l. 37. l. 5. *Cod. eod.*

COMMENTARIUS.

1 *Quantum ad materiam attinet, jus variare pro conditione personarum ex sua materia in alieno ædificantium.*

2 *Non semper eum, qui in alieno sciens ædificat, donandi animo ædificare intelligi.*

3 *Ædificatorem in possessione constitutum pretium materiae & impensas servare posse opposita doli mali exceptione.*

4 *Non possidenti nullam eo nomine actionem jure proditam.*

5 *An mala fidei possessor pretium materiae & impensas eadem ratione servare possit.*

Explicatur hic species superiori contraria. Illic quæsitum fuit de eo, qui ex aliena materia ædificavit in solo suo, hic queritur de

eo, qui ex sua materia ædificavit in solo alieno. De quo ex personis ædificantium & tempore variè constituitur, quantum quidem attinet ad materiam & impensas in ædificando factas: nam ad ædificii acquisitionem quod attinet, inter personas ædificantium nihil interest, sed illius semper sit domus, cuius est solum, juxta regulam jam traditam & expostitam, §. *præced.*

Utique si non ignorabat) Quum non de ædificio ipso, sed aut de materia, aut de pretio materię, aliisve impensis consequendis queritur, non eadem omnium ædificantium in proposito ratio est: sed alia ejus, qui bona fide, dum suum putat, alia ejus, qui sciens prudens in alieno ædificavit. De materia ita jus est. Qui ex sua materia in alieno solo ædificavit bona fide; is quamvis ædificum quod posuit, solum sequatur, ac per hoc dominum soli, materię tamen proprietatem non amittit, *arg. hujus* §. in verbis à me notatis. Et ideo licet manente ædificio nullam de materia neque actionem neque exceptionem habeat, quibus consequi possit, ut materia separaretur, & sibi reddatur propter legem 12. tab. de æstimatione tamen ei consultum est, de quo mox; & ædificio diruto poterit ipsam materiam vindicare, l. 2. *C. de rei vind.* Qui autem ex sua materia in alieno ædificavit mala fide, placet, eum proprietatem materię amittere in tantum, ut ne diruto quidem ædificio eam vindicare possit. Cujus rei rationem hanc affert hic Justinianus post Cajum in l. 7. §. *ex diverso* 12. *hoc tit.* quod sua voluntate materiam intelligatur alienasse, id est, donasse domino soli. Nimirum hæc juris adversus eum, qui non ignorat se in alieno ædificare, præsumptio est, *arg. l. 14. de donat. l. cuius per errorem* §. 3. *de reg. jur.* Cæterum si qua probabilis conjectura sit, ob quam videri possit, licet sciens, non tamen animo donandi ædificasse; dissoluto ædificio materiam vindicare non prohibetur, l. 2. *C. de rei vind.* Finge, aliquem in aliena area ædificasse, cujus bonæ fidei emptor fuit: verum ædificasse quo tempore jam sciebat alienam: negabo id eum animo donandi fecisse. Quippe cum spem haberet fore, ut aream usucaperet, *arg. l. Julianus* 37. *de rei vind.* Finge, ædificasse in solo litigioso: dicam id sui juris possessionisque tuendæ causa fecisse, non animo donandi, per d. l. 2. *C. cod. tit.* Finge denique, colonum, aut inquilinum ædificasse in area conductâ: dicam id factum esse, quo commodius re conductâ uterentur, aut in ea habitarent, non quod materiam domino donare voluerint, *leg. domi-*

minus § 5. §. 1. *locat.* Sed etsi quis mala fide in alieno edificavit, dum ex materia item non sua, æquum est soluto edificio materiam ad pristinum redire, *arg. d. leg. 2.* Atque hæc etiam communis Interp. sententia est. Vid. Welsch. Myñf. Schneid. Cantiunc. hic Bald. Sall. Sichard. ad *d. leg. 2.* Fachin. 1. *controv. 55.*

Si in possessione constituto edificatore, &c.)

Cum igitur stante edificio edificator, cuiusque generis sit, nullam, ut dictum est, actionem aut exceptionem habeat, qua materiam ipsam consequatur, quæritur est de materię æstimatione ceterisque impensis, quæ in edificando factæ sunt, anne eas saltem edificator remedio aliquo consequi possit? Atque hic iterum aliud atque aliud pro circumstantia temporis & conditione ædificantium

3 servatur. Primum refert, possideat ædes edificator, an non possideat. Si possideat, placeat, cum impensas servare posse per retentionem, opposita doli mali exceptione, si dominus edificium vindicat non oblata restitutione impensarum. Et hoc est, quod Iurisperiti in *d. l. 7. §. ex diverso 12.* & Imp. hic ajunt, *Si in possessione constituto edificatore soli dominus petat domum suam esse, nec solvat pretium materia, posse eum per exceptionem doli mali repelli;* nimirum quia dolo malo facit & contra æquitatem naturalem, qui postulat cum alieno damno & injuria fieri locupletior; *l. nam hoc natura 14. de cond. ind. junct. l. 1. de dol. mal. exc.* Unde etiam placuit, hanc exceptionem eo usque dumtaxat dandam, quo res facta est pretiosior, *l. in fundo 38. de rei vind.* & ita demum si fructuum ante litem contestatam perceptorum modum excedant, *l. sumptus 48. eod.* Nam qui suum tantum recipere vult, nihil dolo facit, *l. nihil dolo 129. de reg. jur.* nec studet cum aliena jactura locupletari, qui hoc tantum agit, ut pro quantitate fructuum perceptorum impensæ minuantur.

4 Si non possidet, nulla ei actio jure prodita est, qua pretium materię aut sumptus à se factos consequatur. Id adeo ita esse, remotio actionum, quæ hic esse possint, declarabit. Vindicationem & actionem ad exhibendum sustulit lex 12. tab. Actio de tigno juncto adversus eum solum comparata est, qui ipse tignum junxit, *leg. 1. de tign. junct.* In factum actio, de qua in *l. in rem 23. §. item quæcumque 5. de rei vind.* non datur adversus eum, cujus nullum factum intervenit. Sed nec actio esse potest negotiorum gestorum: quia qui in rem tamquam suam aliquid impendit, suum negotium, non alienum gerit; qua ratione etiam ei denegatur repetitio, *l. 5. C. de*

rei vind. Et generaliter omnibus, qui non sunt hoc animo, ut quid ab alio repetant, aut alium sibi obligent, *l. 4. C. de neg. gest. l. in hoc 14. §. 1. vers. diversum, comm. divid.* quippe actus agentium non operantur ultra eorum intentionem, *l. non omnis 19. de reb. cred.* postremo nec conditionem indebiti habere potest: nam ut differit Jul. *l. si in area 31. de cond. ind.* qui possessionem ultro domo non tradit, nullum cum eo negotium gerit, nihil in eum confert: tantum quod suum est, dominus suo jure recipit. In quam rem extat & generalis definitio Pomponii, ex quibus causis retentionem quidem habemus, petitionem autem non habemus, ea si solverimus, repeti non posse, *leg. ex quibus 51. d. tit.* Sed non opus est hac inductione: de singulis si quis dubitet, constanter veteres omnes scribunt, nullo alio modo impensas in rem alienam factas servari posse quam per retentionem, opposita doli mali exceptione, si res à domino vindicetur, Papinian. *l. sumptus 48. de rei vind. Julian. d. l. si in area 31. de cond. ind. Paul. l. 14. de dol. mal. exc.* Pompon. *l. hæres 21. ad sen. Treb.* Quamobrem cum hoc remedium nulli alii competere possit quam possidenti, nobis non licet contra manifestam rationem juris & textus expressos aliud excogitare, quo subveniatur etiam non possidenti, data scilicet ei ultro pro consequendis impensis actione, idque solo æquitatis obtentu, deficiente causa & fundamento, in quo actio radicetur, per *l. 1. C. de legib.* scilicet facilius alicui actione instituta per officium judicis succurritur in eodem judicio, quam ut inducatur actio, quæ nonnisi ex certis principiis juris nascitur: ac proinde etsi hic sit aliqua obligatio naturalis, quam inducit æquitas, tamen sola naturalis obligatio actionem non producit, nisi jure civili aut prætorio adjuvetur. Ant. Fab. 26. *err. 9. & seq. Tim. Fab. annivers. disp. 13. tb. 3.* Existimat quidem D. Cajacius 10. *obs. 4.* posse non possidentem conditione incerti possessionem repetere, atque ita adhuc contra agentem opposita doli mali exceptione sumptus servare, *arg. l. indebiti 15. §. 1. l. qui exceptionem 40. §. 1. de cond. ind.* Sed multum interest, utrum quis in rem alienam qua talem, & quam scit se restituere debere, ac proinde animo alium sibi obligandi impensas faciat, de quo casu dd. textus loquuntur; an suo nomine tanquam in rem propriam, qui casus hic proponitur, per text. in *d. l. 14. §. 1. comm. div. l. 5. C. de rei vind.* Fallitur quoque Martinus Glossator, eumque secutus Gœd. in *leg. impensa 79. de verb.*

verb. *fig.* dum non possidenti utilem actionem negotiorum gestorum dant, arg. l. 9. §. 3. de neg. gest. l. 8. de pign. act. l. 7. §. ult. fol. matr. Nam in d. l. 6. §. 3. agitur de eo, qui ad res alienas tanquam alienas gerendas accersit, licet eo animo, ut inde lucrum faceret, aut quasdam interverteret. In reliquis duabus de iis agitur, qui impensas fecerint in rem, quam ex contractu & à domino acceperunt, quos certum est, vel actione contraria vel negotiorum gestorum sumptus in eam factos consequi posse; quod & vulgo hic notant DD. Non obstat nobis l. 5. C. de rei vind. ubi etiam malæ fidei possessor dicitur habere repetitionem necessariarum impensarum. Primum quia hic non de necessariis impensis queritur, sed de utilibus. Deinde quia ex eo, quod dicitur impensarum esse repetitio, non sequitur, illico eo nomine etiam esse actionem; sufficit enim repetitionem esse suo modo, per retentionem videlicet & exceptionem: quippe verbum repetitionis uti petitionis, etiam ad eum pertinet, qui exceptione utitur, l. 1. de except. l. 15. rat. rem. hab. neque aliter in d. l. 5. accipi potest, ubi agitur de ædificatore constituto in possessione, D. Don. 20. comm. 7. post Cyn. Castr. Salic. in d. l. 5. Martini tamen sententiam æquitatis commendatione nunc in iudiciis prævalere, saltem quatenus dominus locupletior factus est, scribit D. Carol. Molin. ad consuet. Paris. tit. 1. §. 1. gloss. 5. num. 82. & seqq. quod promptius admitendum in eo, qui bona fide in alieno ædificavit, per l. si me & Titium 32. de reb. cred. Paul. Buf. ad l. 33. de cond. indeb. Diod. Tulden. hic cap. 58. nam & hic diruto ædificio materiam ipsam vendicare non prohibetur, add. Garz. de expens. & meliorat. c. 1. n. 24. & c. 7. Zypæ. not. jur. Belg. de rei vind.

Utique si bona fidei possessor fuerit, &c.) Non satis est ad servandas impensas, ædificatorem in possessione constitutum esse, nisi factæ sint bona fide: malæ fidei possessori hæc impensarum deductio denegata est, l. Julianus 37. de rei vind. l. idque 45. l. in fin. de ag. empt. l. 5. C. de adif. priv. Quibus consentaneum est quod scribit Papinianus, l. sumptus 48. de rei vind. sumptus in prædium alienum factos peti quidem non posse, sed exceptione doli opposita per officium iudicis, æquitatis ratione servari, si à bonæ fidei possessore facti sint; ut intelligamus in malæ fidei possessore, ne æquitatis quidem ratione eo pacto servari debere. Etenim si is item simili se exceptione tueri velit adversus dominum vindicantem, culpam ei obijci posse, & à domino replica-

ri, quod temere & sciens ædificaverit in alieno solo, hoc text. & l. 7. §. ex diverso 12. cod. l. Julianus 37. de rei vind. Denique sumptus per errorem factos hac ratione servari posse, l. fin. autem 27. §. ult. d. tit. qui improbe facti sunt, restituendos non esse, l. 5. C. de adif. priv. Quid igitur est, quod Paulus scribit l. plane 38. de her. pet. etiam in prædonis persona haberi rationem impensarum, ne petitor ex aliena iactura locupletetur? Non distinguam, ut vulgo, inter petitionem hæreditatis & specialem actionem in rem; neque enim adhuc ulla ratio mihi probabilis visa, cur in proposito hæc iudicia separentur: sed animadvertendum est, Paulum non simpliciter dicere, etiam prædonem impensas deducere, aut imputare, sive per retentionem opposita doli mali exceptione servare; verum in huius quoque persona haberi rationem impensarum necessariarum & utilium. Quod sic omnino accipi debet, ut necessarias quidem deducat; (nam necessariarum impensarum deductio tributa est omnibus possessoribus, etiam qui mala fide possident, l. 5. C. de rei vind.) utiles verò, de quibus solis hic queritur, sine læsione rei tollat, d. l. Julianus 37. de rei vind. l. 5. C. cod. Nam ita quoque in prædonis persona utilium impensarum ratio habetur, quarum tollendarum stricto jure nulla ei potestas. Quid ergo, si nolit petitor pati, ut utiles impensas tollat? Potest sane id pro suo jure facere, l. in fundo 38. de rei vind. sed hoc casu utiles quoque impensæ deducuntur, ne quod ait Paulus, ex aliena iactura petitor lucrum sentiat: quæ ratio in utilibus impensis hoc demum casu locum habet, non autem si paratus sit petitor pati, ut tollantur. Ita D. Ant. Fab. conf. 1. & dec. 26. err. 8. & seqq. cui in hoc assentior, licet D. Bachovius vulgaram inter petitionem hæreditatis & singularum rerum distinctionem magis probet, not. ad Treutl. 1. disp. 14. thes. 19. & p. 2. disp. 20. thes. 6. Alii, d. l. 38. restringunt ad impensas utiles & necessarias simul. Sed tunc nihil definitur Jurisconsultus, de utilibus tantum: & tam utiles simpliciter, quam quæ simul necessariæ sunt, intellexisse Jurisconsultum, ostendunt exempla, quæ in l. 19. cod. tit. mox proferuntur: inter quæ & litis æstimatio servorum gratia soluta; quæ utique utilis tantum impensa est, non etiam necessaria. Quæstio universa de retentione rei ob sumptus in eam à possessore factos multas & magnas recipit varietates, tum ex personis possessorum & petitorum, tum ex causis & generibus sumptuum, quæ omnia sigillatim per-

sequi non est hujus loci. Vid. D. Donell. 20. comm. 7. Costal. in l. in fundo 38. de rei vind. & l. si in area 33. de cond. ind. Menoch. rec. poss. rem. 15. num. 500. & seqq. Charond. lib. 10. resp. 16. Gatz. de expens. & meliorat. & alios allegatos à D. Christin. vol. 2. decis. 174.

TEXTUS.

De Plantatione.

31. Si Titius alienam plantam in solo suo posuerit, ipse erit. Et ex diverso, si Titius suam plantam in Mavii solo posuerit, Mavii planta erit, si modo utroque casu radices egerit: ante enim quam radices egerit, ejus permanet, cujus fuerat. Adeo autem ex eo tempore, quo radices egerit planta, proprietat ejus commutatur, ut si vicini arbor ita terram Titii preffert, ut in ejus fundum radices egerit, Titii effici arborem dicimus: ratio enim non patitur, ut alterius arbor esse intelligatur, quam cujus in fundum radices egerit. Et ideo circa confinium arbor posita, si etiam in vicini fundum radices egerit, communis fit.

NOTÆ.

31. Si modo utroque casu radices) Quia ex eo tempore, non solum ut superficies solo adhærescit, & cum solo unum corpus constituit, l. 40. D. de act. empt. sed etiam ex solo alimentum trahit: unde nec eadem arbor, quæ in alieno solo coaluit, manere intelligitur, nec denuo eruta ad priorem dominum revertitur, d. l. 26. §. 2. hoc tit. Cæterum Nerva, & Varus priori domino utilem in rem actionem dabant, l. 5. §. 3. de rei vind.

Communis fit) Non pro indiviso, sed pro regione cujusque prædii, l. 8. b. tit. eruta autem pro indiviso communis esse incipit, l. 19. comm. div. l. pen. pro soc. Iraque in d. l. 8. §. 1. pro sunt pro indiviso communia prædia, legendum est, pro diviso. Cujac.

COMMENTARIUS.

- 1 Proprietatem arboris transplantata post coalitionem ita immutari, ut ne eruta quidem ad priorem dominum revertatur.
- 2 Quomodo priori domino consular de pretio planta, primum ei, qui alienam posuit in solo suo, deinde & qui suam posuit in alieno.
- 3 Pomponius cum Cajo & Justiniano conciliatus.

Secunda species cessionis propositæ est plantarum positarum in alieno solo: de qua ita post Cajum in l. 7. §. ult. hoc tit. scribit

Justinianus; Si Titius alienam plantam in solo suo posuerit, ipse erit. Et ex diverso, si Titius suam plantam in Mavii solo posuerit, Mavii planta erit: si modo utroque casu radices egerit, ante enim quam radices egerit, ejus permanet, cujus fuerat. Tria sunt, quæ his verbis docemur. Primum est, plantas in alieno solo positas ejus manere, cujus fuerant, usque dum radices egerint. Alterum, ex quo radices egerint, solo cedere, & incipere ejus esse cujus est solum. Tertium, nihil in proposita specie interesse, utrum quis in suo solo plantam alienam posuerit, an in solo alieno plantam suam. Ratio cessionis supra est exposita, cui etiam hæc accedit, quod plantæ non tantum in solo consistant, sed ubi radices egerint, etiam ex eo solo alimento capiant, & succum, citra quem vivere ac vegetari non possunt, l. sed si meis 26. §. 2. hoc tit.

Si modo utroque casu radices egerit) Idem vallet, si coaluerit, §. seq. & d. l. sed si meis 26. §. 2. eod. l. hoc amplius §. 5. Alfenus 2. de damn. inf. Nam radicem immisione fit, ut plantæ cum terra coalescant & uniantur, ut jam earum non sit separatim à fundo corpus, l. 2. Mucius 40. de act. emp. Coaluisse autem & radices immisse certum indicium est, si vivit adhuc & vegetatur arbor post id tempus, quo emori & exarefcere poterat, & certius etiam, si quid ex se emitat, aut fructum ferat. Et sciendum est, proprietatem arboris transplantatæ, ubi semel radices egerit, ita commutari, ut nec eruta postea ad priorem dominum revertatur, d. l. sed si meis 26. §. 2. Quamobrem nec ei sic consultum est ut domino materiæ, quæ juncta est alieno ædificio: quippe quam dominus, cum eadem maneat, & suo sensu ejusdem diruto ædificio vindicare potest, l. 2. C. de rei vind. arbor autem, quæ in aliena terra coaluit, non manet eadem, sed fit alia & nova alieno novi soli alimento, d. l. sed si meis 26. §. 2. Hinc eriam est, quod qui plantam suam in alieno posuit, nec possidens retentionem habeat in hoc, ut positam sibi tollere liceat, cum nec separata ejus sit: quod contra est in eo, qui ex sua materia in alieno ædificavit, l. fin autem 27. §. ultim. l. Julianus 37. de rei vind. l. 5. C. eod. vid. §. prac. Cæterum æquum est, adversus eum, qui alienam arborem in suum transtulit, de pretio saltem priori domino arboris consulti, ne sic res ei pereat alieno facto, ut nec æstimationem consequatur. Dabitur ergo ei actionem in factum ex definitione, l. in rem 21. §. idem quacumque 5. de rei vind. Varus & Nerva utilem in rem dabant, l. 5. de arbore 3. d. tit.

nimirum pretii consequendi gratia : nam directam in rem non habet, l. 9. §. *Aifenus* 2. de *damn. infest.* Adversus eum, qui mala fide transfudit, est etiam actio furti, & condictio furtiva, ut adversus furem, §. ult. *inf. de obl. qua ex del.* Est & vindictio, & ad exhibendum, non quasi adversus possidentem, sed quasi qui desierit possidere, l. 1. in *fin.* & l. 2. de *sign. junct.* At si quis suam plantam posuerit in alieno, hic eadem obtinebunt, quæ diximus de eo, qui ex sua materia in alieno edificavit. Igitur si possessione excidit, nullam de pretio arboris aut sumptibus à se factis actionem habet : nam nec in factum dari potest ; quia hæc est de damno alii dato, solum hoc ei relinquitur, ut si bona fide posuit, & adhuc in possessione est, æstimationem & sumptus servet per doli mali exceptionem, l. si quis sciens 1. C. de rei vind. l. qua ratione 9. in *pr.* hoc tit. Malæ autem fidei possessori culpa obijci potest, quod temere plantam posuerit in solo, quod sciebat alienum esse, arg. §. *prac.*

Ut in ejus fundum radices egerit) Sic nimirum, ut tota jam ex terra Titii alatur : quod aliquando contingere potest ; veluti si veteribus radicibus exarescentibus aut putrescentibus, novas arbor in vicini fundum projiciat, ita ut jam omne alimentum ex terra vicini dumtaxat trahat. Consulendi hic rei rusticæ studiosi. Illud à mente & verbis Justiniani plane alienum est, quod quidam scribunt, non veterem arborem, quæ in vicino fundo posita in Titii fundum radices egerit, Titii heris quasi impossibile sit, ut ea omnes radices in Titii fundum agat, sive ut tota inde alatur ; sed novam, quæ forte ex ramis in terram Titii depressis exurgat. Ait enim Justinianus, proprietatem arboris commutari ; quod omnino de vetere arbore, quæ ante vicini erat, accipiendum est. Et quod sequitur de arbore prope confinium posita, eam communem fieri, si in vicini quoque fundum radices egerit ; non de alia accipi potest, quàm quæ antea fuerat tota unius.

Si etiam in vicini fundum radices egerit, communis fit) Efficit hoc eadem ratio : sed hoc sic temperandum, si ea arbor in vicini fundum etiam integras aliquot radices egerit ; nam si extremas tantum radicum partes in vicini fundum porrexerit, quamvis inde nonnihil alimenti capiat, ejus tamen manet, cujus in fundo origo ejus fuit ; eo quod radices magis juxta arboris truncum spectandæ quàm partes earum extimæ. Et ita Pomponius in l. 6. §. ult. *arb. furt. cels.* cum Cajo & Justiniano concu-

liandus. D. Pac. in *analys. hic.* VINN. Immo diversas fuisse adparet Caji & Pomponii sententias : Caji nec trunci, nec ramorum rationem habet : Pomponius solius trunci. Germani fere ad ramos respiciunt ; ut fructus in tantum sint communes, in quantum in utriusque fundum propendent rami. Jus Prov. Sax. Lib. 2. art. 52. Simile quid ex statuto Ultrajectino & moribus observari in provinciis Belgicis, notavit B. Huber. *Prel. hoc t.* §. 41. HEIN.

Communis fit) Abusivè. Non enim pro indiviso communis fit, sed pro regione cujusque prædii, l. pro regione 8. hoc tit. Cæterum eadem arbor eruta communis esse incipit pro indiviso tamquam partibus quæ prius certis locis distinguebantur, jam invicem confusis. Eademque ratio est lapidis in confinio nati, & inde postea exempti, l. arbor. 19. *comm. div. l. pen. pro soc.* rectèque monet D. Cujac. *hic in d. l. pro regione 8. hoc tit.* legendum esse, & sunt pro diviso communia prædialia ; non ut in codice Pisano legitur, pro indiviso. Et verò confinium non est nisi in fundis vicinis, qui finibus discreti sunt.

TEXTUS.

De Satione.

32. *Qua ratione autem planta, qua terra coalescunt, solo cedunt, eadem ratione frumenta quoque, qua sata sunt, solo cedere intelliguntur. Cæterum sicut is, qui in alieno solo edificavit, si ab eo dominus petat ædificium, defendi potest per exceptionem doli mali, secundum ea quæ diximus, ita ejusdem exceptionis auxilio tutus esse potest is, qui alienum fundum sua impensa bona fide construxit.*

NOTÆ.

32. *Bona fide construxit*) Addendum hoc Cajo d. l. 9. *pr.* Nam bonæ fidei possessori tantum hæc exceptio competit, d. l. 11.

COMMENTARIUS.

Tertia species accessionis superiori planè similis est frumentorum, quæ in alieno fundo sata sunt : nemo enim unquam dubitavit, quin si in meo fundo tuum frumentum severim, segetes meæ fiant ; & ex diverso, si tuum fundum meo frumento conseverim, tuæ fiant : non enim semen, quod injectum solo est, amplius inspicui placuit, sed solum, in quod injectum est, & corpus unde segetes nascun-

cuntur, *l. qui scit* 25. *in princ.* & §. 1. *de usur.* Quibus autem modis domino plantæ, quæ in aliena terra coaliuit, consulitur, iisdem & domino injecti seminis. Igitur si quis suum fundum alieno semine bona fide conseverit, non poterit dominus seminis alia actione quam in factum æstimationem consequi: adversus eum autem, qui idem fecerit mala fide, est actio furti & conditio furtiva; est & in rem & ad exhibendum, ut adversus eum, qui dolo malo desit possidere. Quod si quis alienum fundum suis impensis conseverit, siquidem bona fide, is, si in possessione sit, poterit per retentionem impensas à se factas servare, opposita doli mali exceptione, si res vindicabitur, *l. 9. hoc tit.* possessione verò amissa, nullam impensarum nomine actionem habet, si mala fide, nec possidens quidem, vel per retentionem quicquam servare potest, *leg. si quis* 11. *C. de rei vind. fac. l. qui alienum* 14. *de donat.*

TEXTUS.

De Scriptura

33. *Littera quæque licet aurea sint, perinde chartis membranisque cedunt, ac solo cedere solent et, quæ inadificantur, aut inseruntur. Ideoque si in chartis membranisque tuis carmen vel historiam vel orationem Titius scripserit, hujus corporis non Titius, sed tu dominus esse videris. Sed si Titio petas tuos libros, tuasve membranas, nec impensas scriptura solvere paratus sis, poteris se Titius defendere per exceptionem doli mali, utique si earum chartarum membranarumve possessionem bona fide nactus es.*

COMMENTARIUS.

HÆC quarta species est hujus generis accessionis. Ait, litteras licet aureas, chartis membranisque cedere, perinde ac solo cedunt quæ inadificantur, aut inseruntur, ut nimirum totius corporis idem sit dominus, qui & chartæ aut membranarum fuit, eadem ratione, quæ superiora, quod scilicet velut in alieno solo positæ habeantur, ac necesse sit ei rei eas cedere, sine qua esse non possunt: quæ Pauli ratio est hujus generis accessionum omnium communis, *l. in rem* 23. §. *de rei vind.* Qui etiam alibi disertè affirmat, id quod in charta mea scriptum est, meum esse, *l. 3. §. pen. ad exhib.* Et si igitur litteræ aureæ sint, ut hic dicitur, & in *l. 9. §. 1. eod.* chartisque longè pretiosiores, tamen accessionis vice chartæ cedant necesse est: ut & purpura, licet pretiosior sit, vestimento cedit, & superficies,

quæ & ipsa plerumque pretiosior est solo. Contra hanc tamen acquirendi rationem disputat hoc loco D. Hotomannus. Ait, absurdum esse chartæ & soli, ædificii & scripturæ comparisonem: non enim sicut aëra ædium, ita & chartam carminis vel historię in ea scriptæ partem esse. Chartam ex earum rerum numero censendam, quæ usu delentur; nam eam scriptura imposita quodammodo interire & consumi, atque ob id sufficere debere, si domino æquè bona reddatur, aut solvatur ejus æstimatio. Sanè perquam iniquum & absurdum videri, eum, qui forte rationes suas ac mediationes in aliena charta scripserit, quas plurium ejus intersit cum aliis non communicari, scripturam amittere, easque chartas à domino vindicari posse. Et quid si inventarius sit aliudve instrumentum, in quo fortunæ alicujus positæ? Sed verum non est quod Hotomannus ait, chartam accessione litterarum perire aut consumi: totaque sua disputatione nihil aliud efficit, quam quod in proposito, si forte tales species, qualium ille meminit, inciderint, ratio hujus juris non præcisè servanda sit. Quis autem hoc negat? Hodie etiam totum hoc jus mutatum creditur, ut jam non amplius scriptura chartæ, sed charta scripturæ cedat, chartamque ad se per prævalentiam scriptura trahat, testis post alios Mynsing. hic ex nostris Grotius lib. 2. *manuduct.* c. 8. add. Diod. Tuld. hic c. 38.

Poterit se Titius defendere per except.) Scribentis, nisi chartam possideat, scriptura sua perit: nam neque vindicare eam potest, quia totum vindicaret, quod illius non est; nec ad exhibendum agere, ut scriptura separaretur, quod fieri non potest. In factum quoque actionem non habet magis quam ceteri, qui in alieno quod posuerunt, quod solo cesserit; adeoque ipse suo sibi pacto scripturam adimit, dum chartæ adjicit, cujus dominus eam à re sua accipit, ut dominus soli à solo accipit ædificata & fata, *l. si in aëra* 33. *de cond. ind. l. 11. C. de rei vind.* Tantum exceptio doli bona fide possidentem relinquitur, ut per retentionem rei impensam scripturæ consequatur, *d. l. 9. §. 1. hoc tit.* nec aliter tamen, quam si & scriptura utilis sit domino chartæ, ut ea recepta locupletior fiat propter scripturam, *arg. l. in fundo* 38. *de rei vind.* Ceterum non ut qui soli dominus est, alienam materiam aut plantam solo suo jungere potest; ita & qui dominus est chartæ; alienam scripturam chartæ suæ imponere. Quamobrem nec omnia, de quibus in superioribus, ad hanc speciem applicari possunt.

TEXTUS.

De pictura.

34. Si quis in aliena tabula pinxerit, quidam putant tabulam picturæ cedere, aliis videtur, picturam (qualiscumque sit) tabulæ cedere: sed nobis videtur melius esse, tabulam picturæ cedere. Ridiculum est enim, picturam Apellis vel Parrhasii in accessionem vilissimæ tabulæ cedere. Unde si à domino tabula imaginem possidente is qui pinxit, eam petat, nec solvat pretium tabulæ: poterit per exceptionem doli mali subtrahi. At si is, qui pinxit, eam possideat, consequens est, ut utilis actio domino tabulæ adversus eum detur: quo casu si non solvat impensam picturæ, poterit per exceptionem doli mali repelli: utique si bona fidei possessor fuerit ille, qui picturam imposuit. Illud enim palam est, quod si is qui pinxit, surripuit tabulas, sive alias, competit domino tabularum furti actio.

NOTÆ.

34. Nobis videtur melius) Amplectitur sententiam Caji in l. 9. §. 2. b. r. propter pretium picturæ, id est, propter dignitatem & præstantiam artis. Igitur ζωγραφία efficacior est pictura litterarum.

Qui pinxit eam petat) Recta sive directa vindicatio, quæ pictori ut domino competit, d. §. 2. l. 9.

Utilis actio) Quæ etiam non domino quibusdam casibus datur, l. 5. §. 3. D. de rei vind.

COMMENTARIUS.

- 1 Cur in pictura à communi ratione acquirendi recessum?
- 2 Quid si non Apelles aliquis, sed inferioris nota Pictor in aliena tabula pinxerit?
- 3 Quomodo succurratur domino tabula adversus Pictorem?
- 4 Quid si Pictor imaginem retinere malit, pretio tabulæ contra oblator?
- 5 In concursu adversus tertium possessorem uter preferendus?
- 6 Eam qui sciens in aliena tabula pinxit, ejusdem conditionis videt, cujus qui sciens in alieno solo adificavit.

Quinta & postrema hujus generis species est pictura, quæ & ipsa ex eadem ratione tabulæ, cui imposita est, cedit. Neque quicquam de jure cessionis mutat pretium picturæ: alioqui dicendum esset, nec ædificium ætæ, nec purpuram vestimento,

nec litteras aureas chartis cedere debere: naturale enim est, ut adjunctum cedat subjecto, hoc est, ei rei, sine qua illud esse non potest, licet majoris sit pretii, ut disputat Paulus contra nonnullos veterum, qui de pictura contra sentiebant, l. in rem 23. §. 3. de rei vind. Cæterum Justinianus hic insuper habita & auctoritate & ratione Pauli, veterum illorum, inter quos & Cajus noster fuit, l. 9. §. 2. hoc tit. sententiam amplectitur, vultque nominatim quod iis placebat, in specie proposita subiectum cedere adjuncto, tabulam picturæ. Rationem si queras, scribit Paulus d. loc. eos, qui in pictura à communi acquirendi ratione recedendum putabant, ita sensisse propter pretium picturæ: quamvis ei hæc ratio tanti visæ non sit, ut ob id diversum jus in pictura statui debuerit. Et sane non est, si ea de solo pretio rei pictæ accipiat: verum arbitror, veteres maximè pretium ipsius artis spectasse, cujus scilicet tanta sit dignitas, præstantia atque nobilitas, ut quæ ab ea profecta sunt, etiam prærogativam aliquam in re, de qua agimus, mereantur. Sanè vocis picturæ significatio id non impedit quippe quæ non minus ars ipsa pingendi, quam res aut tabula picta denotatur, veluti cum dicimus, certare picturam, docere, exercere picturam &c. Plin. lib. 35. c. 9. Certamen picturæ institutum est Corinthi ac Delphis, & ejusdem lib. c. 10. Hujus (Pamphili Macedonis) auctoritate effectum est Sicione, ut pueri ingenui picturam in buxo docerentur. Quanto autem hæc ars in pretio atque honore fuerit, vel ex eo æstimare licet, quod dignatione liberalium conferretur, & quidem in primo gradu: eamque solos ingenuos & honestos exercere fas esset, interdicto perpetuo, ne servitia docerentur, teste Plin. d. loc.

Aliis videtur, picturam, qualiscumque sit, tabula cedere) Hoc est, picturam, etiam quæ maximi pretii sit, & nobilissimam, cedere tabulæ cui imposita est, licet longè viliori. Inter hos autem & Paulus noster est, d. l. in rem 23. §. 3. de rei vind. Cujus sententia cum aliis locis, à quibus commodè separari non potuit, in contextum forte irrepsit. Qui negant: Paulum ab aliis dissensisse, eos oportet esse egregios dissidentium opinionum conciliatores.

Picturam Apellis vel Parrhasii) Quid ergo, si non Apelles aliquis, aut Parrhasius, Zeuxisve aut Phidias, sed alius longè inferioris notæ pictor imaginem, in aliena tabula posuerit? An dicemus, imaginem, quam ille pinxit, tabulæ cedere, quia Justinianus insignium tantum Pictorum mentionem facit? Mihi quidem non videtur ea mens esse Imperatoris, cum Cajus, cnjus

cujus sententiam hic sequitur & approbat, simpliciter pronuntiat, placere tabulas picturæ cedere, d. l. 9. §. 2. *hoc sit.* Et sanè non satis rationi convenit, ob excellentiam alicujus artificis jus in universum mutari, quod hic factum est. Quamobrem existimo, Justinianum exempli tantum causa insignium horum pictorum meminisse, in universum autem non artificis, sed artis præstantiam cum cæteris spectasse, ita propemodum & D. Tulden. *hic c. 38.* & Fabrot. *ad Theoph.* De Apelle, Parrhasio, aliisque primæ notæ pictoribus antiquis vid. Plin. *ad. loc.* VINN. Immo veram rationem attigisse videtur Em. Merillius. *Obs. Lib. 8. cap. 28.* quod per picturam fiat quædam specificatio. Eam rationem probare etiam video V. C. Schultingio ad Caj. *Inst. 1. 1. 4. p. 82.* HEIN.

Is qui pinxit eam petat, nec solvat pretium tabulæ. Ex sententia Justiniani & Caji competit ei qui pinxit adversus dominum tabulæ recta vindicatio. Hinc quia domino tabulæ etiam vice mutua cavendum, ne cum sua re pretium quoque alieno facto amittat; placuit, eum, qui pinxit, non aliter in rem efficaciter experiri, quam si pretium tabulæ inferat, alioqui nocituram ei doli mali exceptionem, d. l. 9. §. 2.

Consequens est, ut utilis actio domino tabulæ At cui consequens? Nihil enim hætenus dictum, unde hoc consequatur. Immo ex eo, quod tabulam picturæ cedere dictum est, cumque qui pinxit dominum tabulæ fieri; contra potius colligas, priori tabulæ domino omnem omnino vindicationem negari. Verùm arbitrator, Justinianum hoc significare velle cum omnibus, qui rem suam sine facto suo hoc jure amittunt, actione aliqua succurratur, qua si non rem, saltem pretium consequantur; æquissimum esse, ut (subveniatur & domino tabulæ, qui rem suam similiter amisit; cumque eo nomine varæ comparatæ sint actiones pro conditione rerum juncturæ, veluti ad exhibendum, si separari possunt, l. 6. *ad exh.* si non possunt, actio in factum, d. l. in rem 23. §. item quæcumque 5. *de rei vind.* nonnumquam etiam ex æquo & bono contra severitatem juris detur utilis in rem, ut in specie, leg. 5. §. *de arbore 3. cod. rir.* quæ prope abest à nostra; placere etiam hæc eandem æquitatis rationem domino tabulæ accommodari. Et fortassis hoc eo facilius, quia tabula eadem & integra manet, & hoc respectu etiam quodammodo ejusdem; nam & materia, quæ ædificio juncta est, simili ratione ejusdem manere dicitur; nec dubito, quin deleta pictura

aut inducta, in pristinam causam tabula redeat, & rectè possit à domino vindicari, arg. l. si habitator 36. *de rei vind. l. 2. C. cod.* contra quam existimat Cantiuncula.

Nec solvat impensam picturæ Quid ergo, si pictor imaginem retinere malit, pretio tabulæ contra oblatum? Uter audiendus? Haud dubiè pictor: quippe qui juris auctoritate verus dominus factus etiam directam in rem adversus possessorem dominum tabulæ actionem habet, qua scilicet efficaciter experitur, etiam si possessor retinere malit, paratus solvere impensam picturæ, ut rectè post Glossam communiter Interpretes censent; quibus proinde etiam in eo assentior, quod in concursu adversus tertium possessorem, eum qui pinxit domino tabulæ præferunt; licèt D. Donellus *lib. 4. comm. c. 36.* contra disputet, neutrumque alteri velit præferri, sed occupantis meliorem esse conditionem, in eo errans, quod existimat, utilem in rem actionem in specie proposita ejusdem esse efficaciz, cujus est directæ, contra mentem Imperatoris & Jurisconsulti, quos manifestum est, sicut tabulam picturæ cedere volunt, ita etiam Pictorem quàm dominum tabulæ, actionem directam quàm utilem potiorē esse voluisse. Disputatio autem Fabri, quando actio utilis directæ præferatur, huc non pertinet: sed locum habet in actionibus in personam, aut ubi quis à domino jus aliquod dominio proximum habet, ut emphyteuta & superficiary.

Utrique si bonæ fidei possessor fuerit, &c. Num igitur ei, qui mala fide pinxit, hac parte juris, nullo modo consultum est? Et doli quidem mali exceptio apertè hic possidenti denegatur; licèt dominus tabulæ tabulam ab eo petat non oblato pretio picturæ. Cæterum omiſsa exceptione doli, poteritne saltem (quod Wesembecio & Bachovio placere video) excipere de dominio tabulæ, atque ita vincere oblata tabulæ æstimatione, cum mala fides non impediatur, quominus hîcæ modis per accessionem dominium quærat? §. si tamen 26. *sup. cod.* Mihi videtur Justinianus non obsecrè ei, qui sciens in aliena tabula pinxit, eadem ratione exceptionem denegare, qua supra denegavit ei, qui sciens ædificavit in alieno solo; nimirum quod hic pictor operam suam & rem, quam contulit, sua voluntate amisisse intelligatur, sicut ille operam & materiam. Quod si possidenti nullam damus exceptionem, multo minus amissa possessione erit ei in rem actio adversus dominum tabulæ, quamvis pretium offerat.

TEXTUS.

De fructibus bona fide perceptis.

35. Si quis à non domino, quem dominum esse crediderit, bona fide fundum emerit, vel ex donatione aliave qualibet iusta causa aequè bona fide acceperit, naturali ratione placuit, fructus quos percepit, ejus esse pro cultura & cura: & ideo si postea dominus supervenerit, & fundum vindicat, de fructibus ab eo consumptis agere non potest. Ei verò qui alienum fundum sciens possederit, non idem concessum est, itaque cum fundo etiam fructus, licet consumpti sint, cogitur restituere.

NOTÆ.

35. Vel ex donatione.) Igitur male distinguit Pac. inter possessorem ex causa onerosa & lucrativa.

Alia iusta causa.) Idonea ad transferendum dominium, ut venditio, permutatio, donatio, &c.

Placuit fructus.) Non industriales tantum, sed etiam naturales, ἀσκήτως καὶ ἀσπίρως, l. 48. D. h. t. l. 78. D. de rei vind. l. 1. 1. quib. mod. us. am. Nam b. f. possessor fructus jure soli percipit, atque eo jure, quod dominis prædiorum tributum, eive, qui agrum vectigalem habet, l. 25. §. 1. D. de usur. Ol. fl. l. 45. D. d. t. Resp. intelligenda est de possessoribus, qui iustum titulum non habent.

Fructibus consumptis) §. 2. inf. de off. jud. l. 4. §. 2. D. fin. reg. Ex contrario igitur extantes omnes restituere tenetur: quod & traditam l. 22. C. de rei vind.

Qui alienum fundum sciens.) Malæ fidei possessor cum ipsa re etiam fructus, licet consumpti sint, restituere cogitur, d. l. 22. teneturque de extantibus rei vindicatione, de consumptis conditione, l. 3. C. de cond. ex leg.

COMMENTARIUS.

- 1 Quid sit fructus & quatuorplex.
- 2 In persona acquirentis quæ spectanda.
- 3 Quando fructus percepti intelligantur.
- 4 Principium & adequatam hujus acquisitionis causam esse possessoris bonam fidem.
- 5 Denegari possessori fructuum acquisitionem, ex quo cognovit rem alienam esse.
- 6 Nihil in proposito interesse, titulo oneroso possident quis, an lucrativo.
- 7 Offenditur multis cum rationibus, tum exemplis, qualitatem fructuum nihil de hac acquisitione mutare.
- 8 Pomponius cum aliis conciliatur.

9 Bona fidei possessorem fructus omnes consumptos lucrari, non consumptos restituere.

10. An bon. fid. possessor consumptorum fructuum nomine teneatur, quatenus ex iis locupletior factus est?

11 Quid circa præsentem disputationem in praxi obtineat.

12 Mala fidei possessorem, nullos fructus aut percipiendos suos facere, aut consumendo lucrari.

M dioris doctrinæ gratia ita supra distinximus, quòd quædam eo jure nobis acquirantur factio nostro & occupatione, quædam solius rei nostræ beneficio ac potestate: in quibus tamen explicandis ordinem à Compositioribus servatum hic sequi necesse fuit: & fere jam hi modi etiam speciatim à nobis expositi sunt, omnes quidem omnino & singuli, quibus sine factio nostro sola rei nostræ vi acquirimus: quibus verò factio nostro, paucis exceptis, scilicet inventione thesauri, & apprehensione rerum, quæ à dominis vel traduntur, vel pro derelicto habentur: de quibus adhuc postea dicendum. Ad neutrum autem horum modorum videtur referri posse acquisitionis fructuum ex re aliena bona fide possessa perceptorum. Neque enim fiunt bonæ fidei possessoris jure & potestate rei suæ, unde non nascuntur neque solo ipsius factio, puta cultura, cura, perceptione: nam eadem ratione fierent & malæ fidei possessoris, atque ab aliis percepti, agrove ab alio confito, bonæ fidei possessoris non fierent, licet perceptio bonæ fidei possessori sit causa sine qua non. Denique ulla alia ratione videtur hæc forma acquisitioni defendi posse: nam cum inter cætera, quæ potestate rei nostræ jure gentium acquirimus, vel maxime sint fructus, qui ex ea nascuntur, l. qui scit 25. in pr. & §. 1. de usur. l. 1. & l. 6. hoc tit. l. 11. C. de rei vind. §. item ea 19. sup. cod. ejusdem quoque juris ratione convenire videtur, ut iidem fructus nostri maneant, etiam cum à re, unde extiterunt, separati sunt. Nam si fructus pendentes pars sunt fundi & ejus, qui fundi dominus est, l. fructus pendentes 44. de rei vind. necesse est etiam separatos ejusdem manere: id enim est quod dicitur: meum esse, quod ex re mea superest, l. solum 49. §. 1. d. tit. Et res ita habet. Cæterum hæc acquisitio istius regulæ quædam exceptio est, placuitque hic rem ipsam potius, quæ acquiratur, & personas acquirentium quàm modum formæ acquisitionis communem spectari. Tres igitur causæ sunt, quæ huic acquisitioni locum faciunt, res, quæ acquiritur, persona acquirentis, acquirendi ratio & modus. Res,

quæ

quæ acquiritur, sunt fructus. Fructus teste Varro-
ne, *d. de ling.* à ferendo dictus est, ut sit omne
id, quod res ferat. VINN. Hæc non reperio apud
Varronem, qui *lib. 4. cap. 4. fruges & fructus*
derivare videtur à *fruendo*, spicas à *spe*, cul-
mum à *culmine*. Cæterum fructus propriè di-
cuntur, ex ipso corpore obvenientes. Qui rei
tantum occasione ad nos redeunt; propriè fru-
ctus non sunt, *l. 123. ff. de V. S.* Interpreta-
tione tamen & hæc pro fructibus habentur. Et
ita intelligenda quæ apud auctorem sequun-
tur. HEIN. Nostri, cum generaliùs loquun-
tur; appellatione fructus omnem redditum,
omnem obventionem, omneque commodum,
quod vel ex re nascitur, vel per causam rei
percipitur, complectuntur. Hinc nata fruc-
tum divisio in civiles & naturales. Civiles
dicuntur, qui non ex corpore rei nascuntur,
sed extrinsecus per occasionem rei jure per-
cipiuntur, ejus generis sunt usuræ, merce-
des, pensiones, redditus annui: unde nec pro-
priè fructus sunt, *l. usura 121. de verb. sign. l. si
navis 62. de rei vind.* sed in fructu numeran-
tur, qui vicem fructuum obtinent, *l. videamur
19. l. usura 34. l. pradiorum 36. de usur.
l. mercedes 29. de her. pet. eorumque etiam ra-
tio habetur in judiciis petitoriis, l. ancillarum
27. §. 1. & 3. seqq. d. tit. d. l. si navis 62. de
rei vind.* Cæterum de isto genere hic non quæ-
ritur. Naturales fructus sunt, quos natura ex
re ipsa producit: eorumque duplex item po-
test esse consideratio; aut enim natura sola &
autumnus, sponte magis quam diligentia ho-
minis proveniunt, ut poma, oleæ, nuces,
lignam, fœnum, aut natura quidem adjutri-
ce, cæterum factio magis & industria homi-
num: quos quia natura non producit, nisi ac-
cedat labor & industria hominis, industriales
vulgos Interp. appellavit, ejusmodi sunt se-
getes, legumina, aliaque in agris sata, *l. fru-
ctus 45. de usur.* unde hæc distinctio petita.
Hæc item nonnulli referunt fœtus pecudum,
lac, pilum, lanam, *arg. l. 7. §. non solum 9.
sol. matr. Wesemb. hic Don. 4. comment. 25.
Menoch. de arb. esp. 120. n. 25.* Et sane hæc
absque cura & sumptu possessoris non prove-
niunt, sed tamen non ideo minus fructus na-
turales censeri oportere contendit Pinell. in
*leg. 2. C. de res. vend. p. 2. c. 4. num. 52. & D.
Tulden. cap. 45. post Curtium 2. conjest. ad
frat. c. 44.* Ego cum Bartolo in *4. & ex diver-
so 35. de rei vind.* Covar. 1. *resol. 3. n. 6.* exi-
stimarem, nonnihil hic tribuendum esse arbi-
trio judicis: quamvis id ad questionem pro-
positam parum faciat. Ut ut sit, de utroque
hoc genere, sed solo disputatur hoc §. In

persona acquirentis duo exiguntur, ut possi-
deat, hoc est, animo & affectu dominantis
rem teneat, *l. 123. §. 1. de publ. in rem act.* ut
possideat bona fide, id est, iustam causam ha-
beat, ob quam existimet rem ad se pertinere,
*l. qui à qualibet 27. de cond. empt. l. bona fidei
109. de verb. sign.* Modus horum fructuum ac-
quirendorum est perceptio: nec interest, an
ipse possessor eos percipiat, an alius suo no-
mine, non possessoris, *l. si fructuarius 13. quib.
mod. usufr. amittit. l. qui scit 25. §. 1. de usufr.*
Percepti autem fructus intelliguntur, simul
atque à re qua tenebantur separati sunt. In
fundo, cum se terra continere desierunt, ve-
luti spicas aut fœno casso, uva adempta, ex-
cussa olea, nucibus & pomis dejectis aut de-
cerptis, licet nondum collecti aut evecti sint,
frumentum nondum tritum, vinum aut oleum
nondum factum, *d. l. si fructuarius 13. & d. l.
qui scit 25. §. 1. l. si ejus 78. de rei vind.* In
animalibus, cum fœtus editus; lac expres-
sum, lana detonsa est, *l. in pecudum 28. de
usur. l. bona 48. in fin. hoc tit.* Nonnumquam
tamen verbo percipiendi aliquid amplius de-
signatur quam simplex illa, quam dixi, fruc-
tum à re separatim; quomodo accipiendum
quod Paulus scribit in *d. l. bona 48.* fructus bonæ
fidei possessoris fieri: etiam prius quam
eos perceperit, nimirum prius quam per-
ceperit plenè & perfectè, prius quam eos
collegerit, avexerit, quam spicam trive-
rit, uvas, olivas expresserit, *d. leg. si ejus 78.
de rei vind.* Tribuitur igitur hæc acquisitio per-
ceptioni. At quo jure, quave ratione? Na-
turali, ut ait Justinianus hic, nimirum propter
culturam & curam possessoris percipien-
tis. Sed enim neque sola hæc acquisitionis
hujus ratio est, neque præcipua, ut patet ex
iis, quæ jam disputata sunt: & si culturæ tan-
tum aut curæ ratio hic haberetur, hoc solum
possessori concedendum esset, ut impensam &
operam in colendo & curando præstitam im-
putet, atque ad eum dumtaxat modum fruc-
tus deducere vel retinere possit, si aliter ei
restitutio non fiat. Principalis verò ratio in
persona possessoris quærenda, ea est bona fi-
des, quippe quæ facit, ut possessor pene pro
domino haberi debeat, *d. l. qui scit 25. §. 1.
de usur. d. l. bona fidei 48. hoc tit.* hinc non tan-
tum fructus, sed & cætera fere omnia, quæ
dominis tribuuntur, eadem tribuuntur & bonæ
fidei possessoribus: veluti amissa possessio-
ne actio in rem Publiciana, in his rebus quæ
usucapi possunt, *§. namque si cui 4. inf. de act.
tot. tit. de Publ. in rem act.* item quæ servi alic-
ni & liberi homines bona fide possessi ex ope-

ris suis aut re possessoria acquirunt, §. 4. *vers. idem placet infr. per quas pers. cuiq. acq.* In summa, bona fides tantumdem præstat possidentem, quantum rei veritas, quoties lex impedimento non est, ut ait Jurisconf. in *l. bona fides* 136. *de reg. jur.* VINN. Non ignotus hic Jctorum dissensus. Alii culturam & curam statuunt esse hujus acquisitionis causam: alii cum auctore nostro bonam fidem. Hinc illi industriales tantum, hi & naturales fructus b. f. possessori acquiri putant. Res clara videtur. Causa proxima est cultura & cura, id est qualiscumque cura rei impensa. Culturam enim & curam synonyma hic esse, pridem docuit V. C. Ger. Noodt *Prob.* 11. 7. At causa remota est bonæ fides. Hinc tametsi bonæ & malæ fidei possessor eandem curam rei impendant: tamen hic fructus non acquirunt, quia ipsi nec color nec jus colendi fuit. Rem eleganti loco ex Terentii Adelphi. *act. v. scen.* 3. v. 27. illustrat laudatus Noodt *Comm. ad ff. tit. de re vind. p. 167 Tom. II. Op.* An ergo & naturales fructus acquirunt b. f. possessor? Omnino, quia nulla res est, quæ si non culturam, saltem curam aliquam exigit. HEIN.

Quem dominum esse crediderit) In hoc potissimum versatur bona fides. Nihil autem interest, putaverintne cum dominum esse, qui non erat; an sciverit dominum non esse, & putaverit eum jus alienandi à domino aut lege habere, puta procuratorem aut tutorem esse, *l. bone fidei* 109. *de verb. sign. l. ult. pro empr. l. 13. §. 1. & l. seq. de Publ. in rem act. l. qui à quolibet* 27. *de cont. empr.* At enim si dominum esse existimet, necesse est, ut simul credat esse eum, cui rerum suarum alienatio non sit interdicta: nam si verbi causa à pupillo, quem dominum putet, rem emerit sine tutoris auctoritate, non videtur bona fide emissæ, *d. l. 13. §. 2. de Public. d. l. quia quolibet* 27. *de cont. empr.* Si tutorem putet, ut credat etiam se ab eo emere lege non prohibente, *d. l. 13. §. 2. l. lex qua* 22. *C. de adm. tut.* Si existimet procuratorem, ut putet, aut esse eum, cui nominatim de re tradenda mandatum sit; aut eum, cui libera negotiorum omnium administratio à domino permissa, *l. iurjurandum* 17. *in fin. de jurejur. l. 9. §. nihil autem* 4. *boc tit.*

Aliæ iusta causa) Nam cum nunquam nuda traditio dominum transferat, non aliter existimare potest rem in se transferri, quam si iusta causa præcedat, propterquam traditio sequatur. *l. nunquam* 11. *boc tit. d. l. 13. §. 2. de Public. in rem act.* Iustam autem causam appellat iustum titulum, ex quo si res à domino;

cove, qui jus transferendi habet, tradetur, dominum statim in accipientem transibit, cuiusmodi causæ sunt emptio, donatio, dos, permutatio, legatum, iudicatum, noxx editio, transactio, adjudicatio, *l. 1. & seqq. de Public. in rem act.* Nec sufficit putare; titulum intervenisse, si non intervenit: nam ut falsæ existimatio nostra usucapionem non præterit, ita nec ad fructuum acquisitionem prodesset debet: nisi forte huic nostræ opinioni causam dederit iusta & probabilis facti ignorantia, *vid. inf. de usuc. §. error. 6.*

Æquæ bona fide acceperit) Neque sufficit, possessor rem ab initio bona fide accepisse, si postea cognoverit rem alienam esse: nam ex eo tempore, ut bonæ fidei possessor esse definit, ita quoque denegatur fructuum acquisitio *l. qui bona* 23. *§. 1. boc tit.* licet usucapio ipsius rei adhuc procedat, *l. pen. pro empr. l. un. C. de usuc. transf.* quippe in usucapione tantum una acquisitio, & ideo in ea sufficit, vel initium possessionis iustum esse; in fructibus autem acquirendis, ut multæ sunt acquisitiones, ita & in singulis bona fides spectanda, nec unum initium, ut in usucapione, sed singula momenta, *d. l. qui bona* 23. *§. 1. l. bona fidei* 48. *§. 1. boc tit.* Contrarium tamen videri potest, quod scribit Julian. *l. qui scit* 25. *§. 2. de usuc. bonæ fidei possessor* etiam eum in percipiendis fructibus intelligi, qui postea cognovit rem alienam esse, quamdiu ea evicta non fuerit, nisi dicamus cum Glossa & Bart. Julianum nihil aliud significare voluisse, quam huiusmodi possessor, manere interim in possessione percipiendi fructus, nec in ea perceptione ab eo, qui se dominum esse intendit, pendente lite, quamdiu de scientia nondum verè constat, turbari posse: at re evicta, & legitimo iudicio ablata, si de restitutione & effectu acquisitionis quærat, retroversus malæ fidei possessor intelligi, ex quo res ab eo petita est, atque exinde fructuum nomine teneri, ut quemvis malæ fidei possessor: & sanè hoc probabilius est, quam quod Baroni in hanc §. *Copo lib. 2. de fruct. tit. 4. c. 5. D. Tuldeno bicc.* 48. videtur, Iurisconf. inter se dissensisse. Ait *acceperit*: etenim aliter nec possidet, nec putare potest rem suam esse, licet conventio præcesserit, non enim nudis pactis, sed traditionibus dominia rerum jure gentium transferuntur, *l. traditionibus* 10. *C. de pact.* Obiter addo bonam fidem benigna juris interpretatione in possessore præsumi; atque inde esse, quòd non ipse possessor de bona sua fide docere cogatur, sed

adversarius contrarium ostendere debeat, l. quories 18. §. 1. de probat. l. pen. C. de civil. D. Wefemb. n. 4.

Fructus, quos percepit, ejus esse pro cultura & cura) Cum in persona possessoris concurrunt ea, quæ diximus, placet, sola perceptione, adeoque sola separatione à re, qua tenebantur; fructus possessoris fieri. Non interest, quo titulo possideat, oneroso, an lucrativo: nam & eum, qui ex causa donationis rem accepit, disicere cum emptore in hac questione 7 exæquat Justinianus. Sed neque fructuum conditio quicquam de hac acquisitione mutare videtur, & non tantum fructus industriales, sed naturales etiam ad hanc acquisitionis speciem pertinere. Nam generaliter atque indistinctè loquitur hic Imperator, & Jurisconsulti in l. bonæ fidei 48. hoc tit. l. si ejus 78. de rei vind. l. 11. quib. mod. us. am. Caji quoque ratio generalis est in l. in pecudum 28. de usur. ideo nempe factum pecudum fieri bonæ fidei possessoris, quia in fructu est. Atque quidem Justinianus hic, fructus bonæ fidei possessoris fieri pro cultura & cura; at vix ulla res est, quæ sine cultura aut cura aliqua fructum ferat: coluntur enim agri, curantur pecora, putantur arbores, plantæ, oleæ arboribus & interradi gaudent, Plin. lib. 15. c. 1. Sed & si qui fructus sine cultura aut cura proveniant, ut sylvæ cædæ, poma, nuces, alique fructus sylvestres, nihilo tamen minus huc pertinent. Nam ut non multo ante diximus, præcipua & adæquata acquisitionis fructuum ratio est bona fides possessoris, quæ efficit ut tamquam dominus jure soli fructus percipiat: & consequenter etiam eos percipiendos suos facit, in quos neque culturam, neque curam ipse impendit, l. qui scit. 25. §. 1. de usur. tantum quia *ἐκ τοῦ κατὰ* accidit, ut fructus sine cultura aut cura non proveniat: ratio hæc à Justiniano expressa est. Evincitur hoc quod dico etiam ex eo, quod mox subjicit de fructibus consumptis; ait enim, quos fructus possessor percipiendos suos fecit, de iis consumptis dominum supervenientem & rem suam vindicantem agere non posse, hoc est, possessorem eos consumptos lucrari: at lucratur consumptos omnes, l. 4. §. 2. fin. reg. l. circum 22. C. de rei vind. §. 2. inf. de off. jud. ergo & perceptos interim suos omnes facit. Exemplis quoque demonstrari potest, non industriales tantum, sed etiam naturales fructus fieri bonæ fidei possessoris, simul atque à solo aut re, qua tenebantur, separati sunt. Non asseram quod de factu pecudum, lacte, lana scribit Caji in d. l. in pecudum 28. de us.

& Paulus, in l. bonæ fidei 48. §. ult. hoc tit. hos fructus statim fieri bonæ fidei possessoris: quia video esse, qui fructus pecudum pro industrialibus in hoc argumento habendos existimant, propterea quod, ut modò dicebam ex iis rebus producuntur, in quas possessori sumptus facere necesse sit: quamvis Caji non aliam harum rerum acquisitionis rationem reddat, quam quòd in fructu sint. Fortassis & uvæ idem ob eandem causam inter fructus industriales numerabunt, ideoque quòd uvam adeptam legimus, statim bonæ fidei possessoris fieri, negabunt huc pertinere. At certè oleam negare non poterunt esse vel maximè fructum naturalem, quippe quæ, teste Plinio, lib. 15. cap. 1. nullam omnino culturam aut curam desideret, & Virgilius lib. 2. Georg. v. 420. seqq. de oleis sic scribit:

Contra, non ulla est oleis cultura, neque illa Procurvam expectant salcem, rufrosque tenaces, Cum semel baserunt arvis.

Duobus autem locis manifestè proditum est, etiam oleam, mox cum percepta sive excussa aut lecta est, bonæ fidei possessoris acquiri, l. si fructuarius 13. quib. mod. usus. am. l. si ejus 78. de rei vind. Fœnum quoque opinor nemo negabit fructum esse naturalem: at non minus fœnum quàm spicam simul atque à solo separatum est, bonæ fidei possessoris fieri, traditum est in d. l. 13. quib. mod. us. am. Postremò omnem dubitationem tollit locus Pauli in d. l. bonæ fidei 48. hoc tit. in pr. ubi sic scribit: *Bonæ fidei emptor non dubiè percipiendo fructus etiam ex aliena re suos interim facit non tantum eos, qui diligentia & opera ejus proveniunt, sed omnes: quia quod ad fructus attinet; loco domini pene est.* Nam Glossæ ad hunc locum interpretatio & DD. qui eam sequuntur inter quos ex recentioribus etiam est D. Bachovius, inconcinna & violenta est. Hi illa Pauli verba *sed omnes*, ad fructus industriales coarctant, qui alterius quàm bonæ fidei possessoris opera proveniunt. Sed quis non videt, verbum *omnes* à Paulo non adoperantes, sed ad fructus ipsos referri, eoque denotari fructus diversæ speciei & qualitatis ab iis, quos dixerat opera possessoris provenire? Evincit hoc ipsum etiam ratio, quam mox subjicit, quia quod ad fructus attinet, bonæ fidei possessor loco domini pene sit. Ejusmodi item est, quod Julian. scribit, bonæ fidei possessor fructus jure soli percipere atque eo jure, quod dominis prædiorum, eive qui agrum vestigalem habet, tributum est, d. l. qui scit 25. §. 1. de usur. unde satis manifestè appa-

ret, præcipuum hujus acquisitionis causam non esse operam aut industriam possessoris, sed fructus omnes, qui ex solo nascuntur, etiam *acquiruntur* & *augentur* eo pertinere. Et verò si percipiendi sibi acquirit etiam ab alio factus, in quos neque culturam, neque curam ullam impendit, cur non etiam naturales, quos plerumque cura illius facit, si non ut nascantur, saltem ut conserventur? Unus juris locus est, qui Interpp. adiecit, ut in hac acquisitione fructus naturales ab industrialibus distinguerent, is est Pomponii, l. *fructus* 45. de *usur.* Quærit eo loco de conjugæ possessore rei à conjugæ donatæ: & ait, conjugem fructus ex ea re perceptos illos tantum suos facere, qui ex operis ejus proveniunt: cæterum si pomum decerpserit, vel sylvam ceciderit, ejus eum fructum non fieri, sicuti nec cujuslibet bonæ fidei possessoris: quia non ex facto ejus is fructus nascitur. Hic Jurisconsultum facis aperte sic loqui arbitrantur, ut fructus naturales ad bonæ fidei possessorem non pertinere existimet; quod tamen non ita est. Non enim ait, nullius bonæ fidei possessoris eum fructum fieri, sed non cujuslibet: quæ enuntiatio non est generalis, sed particularis, ut ostendit nota particularis attributionis, quæ hic est negatio universalis. Igitur in hac enuntiatione; *Non omnis aut non quilibet bonæ fidei possessor fructus naturales suos facit*, cum consequens non omni antecedenti attribuitur, sed solummodo ejus parti alicui, satis appareret, Pomponium non eodem jure in proposito omnes fidei possessores censere; & tacite duo genera talium possessorum facere, unum eorum, qui fructus naturales suos non faciunt, alterum, qui faciunt. Atque ita est. Non enim omnis bonæ fidei possessor fructus naturales percipiendi suos facit, sed is solum, ut ante dictum est, qui iusto titulo possidet, causamque justam habet, cur existimet rem ad se pertinere: qui autem iusto titulo destituitur, quamvis in jure errans de dominum factum putet, naturales fructus suos non facit, ne cui juris ignorantia in compendiis prosit, l. 4. l. 7. & 8. de *jur. & facti. ign.* licet aliqui non male, sed bonæ fidei possessor existimari debeat, quicumque dolo caret, et si in jure errat, *arg. leg. ubi lex* 24. l. si *fur.* 32. §. 1. de *usuc. leg.* sed *et si* 25. §. *scire* 6. de *bar. pet. add. Gœdd.* ad l. *bona fidei* 109. de *verb. sign.* Nec sequitur in iusto seu titulo invalido possidet, ergo mala fide. Possessor prædii minoris sine decreto alienati possidet iniuste, bona tamen fide possidet, si ignorans rem minoris esse, aut in jure errans rem emit, fru-

ctusque industriales propter bonam fidem suos facit, l. 2. C. si quis *ign. rem. min.* Talis etiam est possessor fundi dotalis à marito alienatis item rei litigiosæ, & qui a falso tutore emit, l. 13. §. ult. de *pub. in rem. act.* Nam ubi lex impedimento est, bona fides in compendiis possessori non prodest, d. l. 14. de *usucap.* Toties autem impedimento est, quoties possessor rem vult tenere, in quantum locupletior factus est, ut possorem hereditatis, l. 25. §. *consultus* 11. de *bar. pet.* item in casu l. 8. C. de *don. int. vir. & ux.* & denique qui ex ea causa possidet, quæ postea ad non causam redacta est, l. 3. de *cond. indeb.* Atque de hoc genere bonæ fidei possessorum locus Pomponii accipiendus est: quippe qui & soli similes sunt iis, de quibus illic quæritur, & in lucris cæterorum bonæ fidei possessorum jure non censentur: ita ferme & Wesemb. *bic* Pinel. ad l. 2. C. de *resc. vend. part. 2. c. 4. n. 59.* Fachin. 1. *contr.* 57. Paul. *Bul.* d. l. 45. Timæus *Tab. disp. annivers.* 14. *thes.* 5. Tuld. c. 50. *bic.* VINN. Hunc locum alii aliter interpretantur. Ego ita censo. Bonæ fidei possessor est, vel qui credit se dominum esse, vel qui & iustum id credendi causam habet, puta iustum titulum. De posterioris generis possessore bonæ fidei loquitur Imperator in hoc paragrafo, ut docent verba: *Bona fide fundum emeris, vel ex donatione aliave. JUSTA CAUSA* aequè *bona fide acceperis.* Et hujusmodi b. f. possessor omnes fructus suos facit. At in hac l. 45. ff. de *usur.* Pomponius loquitur de marito, cui uxor feudum donaverat. Erat ergo maritus in bona fide sentiu prior: putabat enim se dominum. At non sentiu posteriore; quia nulla præcesserat iusta causa. Nam donationes inter virum & uxorem manifesto ex legibus irritæ sunt. An itaque & hic omnes fructus suos facit: Minime, sed industriales tantum, non naturales. Illos enim donare potuit uxor, quia non sit pauperior, dum vir fructus suis operis & impensis adquirit. Hos donare non potuit. Jam verba Pomponii ita interpretor: *Si pomum decerpserit, vel ex silva cadit: non sit ejus, sicut nec cujuslibet (id est ullius) bona fidei possessoris, (sive iusta causa possidentis, & tamen se putantis dominum, qualis hic maritus est,) quia non ex facto ejus fructus nascitur, (adeoque cum uxoris damno locupletior sit,) HEIN.*

De fructibus ab eo consumptis agere non potest) Hoc idem traditur §. 2. *inf. de off. jud.* & Paul. in l. 4. §. 2. *fin. reg.* ait, bonæ fidei possessor fructus consumptos lucrari. Unde sequitur ex contrario, de non consumptis, hoc est, extantibus adhuc, licet à solo separatis, do-

dominum agere posse, eosque bonæ fidei possessorem non lucrari: quod & expressè traditum est *l. certum* 22. *C. de rei vind.* quam ob causam Africanus consumptos demum suos facere bonæ fidei possessorem scribit, *l. quantum* 40. *hoc tit.* & Paul. *l. 4. §. lana* 19. *de usucap.* consumptos vel usucaptos: quia hi soli re evicta non restituantur. Dubitandum autem non est, quin ut omnes tam naturales quàm industriales consumptos bonæ fidei possessor lucratur, ita vice versa omnes tam industriales quàm naturales non consumptos teneatur restituere, *arg. hujus §. & dd. loc.* Nam quod maritus non restituit fructus industriales, licet adhuc extent in specie, *l. fructus* 45. *de usur.* hanc rationem habet, quod maritus eos permittente jure sibi acquisivit ex voluntate uxoris donatricis. Ergo, inquires, falsum est, quod hactenus probare conati sumus, sola perceptione fieri fructus bonæ fidei possessoris. Et verò falsum esset, si hæc eidem rei attribuerentur *accidit*, & eadem ratione. Sed sciendum est, duplicem esse dominii acquisitionem, unam perpetuam & citra voluntatem aut factum domini irrevocabilem, alteram temporalem, & revocabilem ex causa superveniente, quæ dominii causam tollat; quale jus est maritis in re dotali, quod soluto matrimonio ab eo recedit, & hæredis fiducia-rii, quod cedente die fideicommissi in fideicommissarium transit, item hæredis in re sub conditione legata, *l. non ideo* 66. *de rei vind. l. generaliter* 29. *§. 1. qui & à quib. man.* & tale quoque in proposito jus est bonæ fidei possessoris in perceptis necdum consumptis fructibus usque ad evictionem. Nimirum causa hujus acquisitionis præcipua est bona fides: quippe quæ efficit, ut possessor perinde quasi dominus jure soli fructus suos faciat, quamdiu de vero domino non constat: at eo superveniente ac rem suam vindicante, jam causa illa, & simul jus, quod dixi, cessare incipit, cogiturque possessor fructus omnes, qui modò tempore evictionis extant, officio judicis restituere: neque enim sublato jure, quod in solo habebat, possessorem defendere potest, ut fructus retineat, sola ratio culturæ & curæ: sed ad id solùm prodesse, ut opposita doli mali exceptione sumptus servet, consequaturque ut dominus aut pretium ejus, quod impensum est, solvat, aut si id noit, patiar sumptus cum fructibus pro rata pensari, proque illis partem fructuum possessorem retinere, *arg. d. l. si à domino* 56. *§. ult. de her. per.* Ipse Paulus non obscurè hoc innuit *d. l. bona fidei* 48. *hoc tit.* illis verbis, *suos interim*

faci; ne quis credat, sola perceptione fructus sic fieri possessoris, ut numquam postea sint restituenti. Neque verò existimandum est, frustra constitutum esse, ut interim bonæ fidei possessor fructus sola perceptione suos faciat: nam & ratio bonæ fidei hoc exigit: nec sine effectu est; prodest enim bonæ fidei possessori ad hoc, ut si fructus ab alio percepti sint & possideantur, eos tamquam suos vindicare possit; tribuitque ei jus fructibus pro arbitrio suo utendi, eos pro utilitate aut necessitate familiaris distrahendi aut consumendi: cujus rei hic iterum effectus, ut domino rem suam evincenti consumptorum nomine non teneatur, quorum alioqui æstimationem restituere deberet. Nonnihil tamen hac in re nobis negotii facit, quod Cajus respondet *l. in pecudum* 28. *de usur.* Ea quæ in fructu sunt, statim pleno jure fieri bonæ fidei possessoris & fructuarii: nam quod statim pleno jure acquiritur, id non potest dici consumptione demum irrevocabili-ter acquiri. Ad hoc igitur quid respondemus? Nimirum cum; qui cum de acquirendo agitur, dicit, bonæ fidei possessorem fructuum, simul ac percepti sunt, statim dominum fieri pleno jure aut in solidum, non continuo negare jus illud ex causa esse revocabile: neque de eo laborare debuit Cajus in comparatione fœtæ pecudum cum partu ancillæ, qui in fructu non est, ideo usucapione demum acquiritur. Sic idem Cajus *l. generaliter* 29. *§. 1. qui & à quib. man.* scribit, servum sub conditione legatum pendente conditione pleno jure hæredis esse: quem tamen constat deficiente demum conditione fieri hæredis irrevocabili-ter. Illud non magni momenti est, quod bonæ fidei possessor dicitur idem jus habere, quod dominis prædiorum tribuuntur est, & plus etiam juris quàm habet fructuarius, *l. qui scit* 25. *§. de usur.* Nam si hoc simpliciter verum esset, ne naturales quidem fructus extantes restitueret; & loquitur expressè Jurisconsultus de jure fructus ab initio acquirendi. De consumptis porro quæritur est, an non saltem bonæ fidei possessor ad restitutionem eorum teneatur, quatenus ex iis factus est locupletior. Et verius est cum non teneri. Nam primò textus omnes, qui de consumptis fructibus loquuntur, generaliter & sine ulla distinctione negant, eorum nomine bonæ fidei possessorem teneri, & Imp. in *l. certum* 22. *C. de rei vind.* ajunt, cum teneri nomine extantium duntaxat, quasi de consumptis inquirendum non sit. Ad hæc tantum tribuit bon. fid. possessori consumptio, quantum usucapio, *l. 4. §. lana* 19. *de usuc.* at usucaptorum nihil restituitur.

Et postremò, quod bene notandum est, dicitur bonæ fidei possessor fructus consumptos lucrari, l. 4. §. 2. *fin. reg.* quod utique falsum esset, si eos, quatenus locupletatus esset, teneretur restituere: nemo enim sine lucro locupletatur. Non obstat, quòd in iudicio petitionis hæreditatis bonæ fidei possessor teneatur in quantum locupletior factus est, l. *sed & si* 25. §. *consultu* 11. l. *illud* 40. §. 1. *de her. pet.* l. 1. C. *ead.* Non enim eadem in proposito iudicii universalis & rerum singularum petitionis ratio est. Nam petitio hæreditatis non tantum in rem est, sed etiam præstationes personales habet, l. 7. C. *de pet. her.* l. 25. §. 18. *ead.* atque ut mitius cum possessore agitur in petitione hæreditatis, quam in rei singularis vindicatione, (quippe Senatus ita possessori pro hærede consuluit, ut si quid dilapidaverit aut perdiderit, dum sua se re abuti putat, non teneatur, ita vicissim æquum est, ut præstet, si quid lucri ex hæreditate consecutus sit: eique sufficere debet, si damno non afficiatur, d. l. 25. §. *consultu*. Ad hæc nec titulum habet possessor hæreditatis, & fructus ab eo percepti statim in numerum rerum hæreditarium recipiuntur, ipsamque augment hæreditatem, ut nec ab initio quicquam hic suum faciat, aut consumptum postea lucratur; unde fit, ut eodem jure quo ipsa corpora hæreditaria & fructus, petantur, atque in restitutionem hæreditatis veniant, l. *item veniunt* 20. §. 3. l. *post senatusconsultu* 28. l. *illud* 40. §. 1. *de her. pet.* l. 1. & l. 2. C. *ead.* In particularibus autem iudiciis non solet res in locum pretii aut contra succedere, l. 7. *in fin. qui pot. in pign.* Nec multum abfimilis est ratio conditionis indebiti soluti, in quam fructus veniunt jure obligationis: & hoc quatenus is, qui accepit, ex his locupletior factus est, l. *indebiti* 15. l. *si non sortem* 26. l. *libertus* 12. l. *in summa* 65. §. *pen. l. pen. de cond. ind.* ita fere & Ant. Fab. 4. *conj.* 17. Diod. Tulden. *bic* c. 44. & *seq.* Perez *ad tit. C. de rei vind. n.* 17. & *1. seq.* Quod ad proximam attinet testis est Pinel. in l. 2. C. *de refe. vend. p.* 2. c. 4. n. 60. ita nunc ubique in iudiciis usu servari, ut possessor bonæ fidei in universum à fructibus ante inchoatum iudicium perceptis absolvatur, neque de consumptis unquam queratur, locupletior ex iis factus sit, necne. Sed & numquam inquiri de iis qui similiter ante rem in iudicium deductam percepti sunt, utrum bonæ fidei possessor eos consumpserit, an verò adhuc extente, tantumque servari formam l. *certum* 22. C. *de rei vind.* in fructibus perceptis post litis contestationem: quod & rationem habet, sci-

licet ut litium ambages vitentur; & placet D. Nic. Tuldno in *annot. ad prax. rer. civ.* Damhoud. c. 104. num. 13. Idem quoque sentire videtur D. Grot. 2. *manuduct.* 6. cum scribit, bonæ fidei possessorem in perceptione fructuum similem esse fructuario, add. Groenew. *de ll. abrog. ad leg.* 22. C. *de rei vind.*

El verò qui alienum fundum sciens) Fructuumque jure soli acquisitioni non tribuitur cuivis possessori, sed possessori bonæ fidei dumtaxat: nam malæ fidei possessor, ut nullum in solo habet, ita nec ullos fructus aut percipiendo interim suos facit, aut consumendo lucratur; sed cogitur cum ipsa re etiam fructus, licet consumpti sint, restituere, ut *bic* & d. l. 22. C. *de rei vind.* Sed neque per retentionem, opposita doli mali exceptione sumptus à se factos servare poterit, si res vindicabitur, arg. eorum, quæ tradimus *sup.* ad §. *ex diverso* 30. & *aliquot seq. eod.* exceptis sumptibus factis fructuum querendorum gratia, l. 36. *in fin. & l. seq. de her. pet.* Nec illud refert, ab initio quis mala fide possederit, an postea possidere cœperit: Nam & hic ex eo tempore, quo cognovit rem alienam esse, fructus suos facere desinit, l. *qui bona* 23. §. 1. l. *bonæ fidei* 48. §. 1. *boc tit.* Postremò huc pertinent possessores omnes post litem contestatam, §. 2. *in f. de off. jud. d. l. certum* 22. C. *de rei vind. l. 2. C. de fruct. & lit. exp. l. 4. §. 2. fin. reg.* quoniam post motam controversiam possessores omnes in causa fructuum pares sunt, & quasi prædones tenentur, l. *sed & si* 25. §. *si ante* 7. *de her. pet. l. nemo* 10. C. *de long. temp. præsc.* ac proinde & si fructus à bonæ fidei possessore ante iudicium percepti sunt, sed post litem demum contestatam consumpti, nihilominus eo nomine condemnabitur: quia id omne restituendum est, quod habiturus esset petitor, si tempore iudicii accepti restitutio facta fuisset, l. *præterea* 20. *de rei vind. l. 2. de usur. l. adiles* 25. §. *ante pen. de adil. edict.* In summa possessores malæ fidei, quales item habentur post litem inchoatam omnes, fructus omnes cum ipsa restituere debent, d. l. *certum* 22. C. *de rei vind.* tenenturque eo nomine de extantibus rei vindicatione, de consumptis conditione, scilicet ad æstimationem, quæ vice rei fungitur, l. 3. C. *de cond. ex leg. l. 4. §. 2. fin. reg. l. 4. C. de crim. expil. bar.* Tenentur verò non tantum de perceptis, verum de iis quoque, qui non percepti honestè percipi potuerunt: in quo persona non possessoris, sed petitoris spectatur; neque hic possessori patrocinari debet, quod titulo possideat: quippe titulus à dolo non excusat; negligentia au-

rem possessoris dolosi domino nocere non debet, quominus consequatur, quod consequi potuisset, si ipsi licuisset rem possidere, vid. l. fructus 33. l. si navis 62. §. 1. de rei vind. l. 5. C. cod. §. 2. inf. de off. iud. l. ait prator 10. §. & fructus 20. quæ in fraud. cred. l. 4. C. unde vi. l. sed etsi 25. §. 4. de bar. pet. l. 1. C. cod. Cop. lib. 2. de fructib. tit. 4. c. 2. Bus. ad l. 20. de bar. pet. Tulden. hic cap. 53.

T E X T U S.

A fructuario & colono perceptis.

36. *Is verò, ad quem ususfructus fundi pertinet, non aliter fructuum dominus efficitur, quàm si ipse eos perceperit. Et ideo licet maturis fructibus, nondum tamen perceptis decesserit, ad heredem ejus non pertinent, sed domino proprietatis acquiruntur. Eadem fere & de colono dicuntur.*

N O T Æ.

36. *Si ipse perceperit* Vel alius ejus nomine, l. 13. quib. mod. uf. am. l. 25. §. 1. de usur. Quod si sponte deciderint, aut alius eos suo nomine separaverit, non ante ejus sunt quam possessionem eorum nactus sit, l. 12. §. ult. de usur.

Ad heredem ejus non pertinent Hoc consequens est superiori, & aperte traditum in l. 13. quib. mod. uf. am. l. 8. de ann. legat. erratque Cujac. heredi fructus tribuens pro rata temporis, quo ususfructus stetit.

Eadem fere de colono Fere non παρίσταται, ut putat Th. Nam heres coloni in conditionem succedit, §. ult. inf. de locat. l. 10. C. cod. At in eo conveniunt, quod colonus quoque non aliter fructus suos faciat, quàm si ipse eos perceperit, l. 60. §. 5. D. de locat. l. 61. §. 8. D. de furt. Non obstat, quod furti actionem habet, l. 26. §. 1. d. 1. Nam & fructuarius habet, l. 12. §. ult. de usufr. & omnes, quorum interest furtum factum non esse, licet domino non sint, §. 11. inf. de obl. quæ ex del. Igitur male Accurs. Myns. Pac. plus hic colono tribuunt, quàm fructuario.

C O M M E N T A R I U S.

- 1 *Fructus, qui sponte deciderunt, aut quos alius suo nomine à re separavit, fructuarii demum fieri, cum possessionem eorum nactus est.*
- 2 *Jus percipiendi fructus ad heredem fructuarii non transire, licet majore parte anni ususfructus steterit, & fructuarius maturis jam*

Tom. I.

fructibus decesserit: & cur non idem in fructibus rei dotalis.

- 3 *Quid juris circa pensiones, si rei fructuaria locata sit?*
- 4 *In quo colonus & fructuarius discrepent, aut conveniant?*

Disputatio de fructibus à bonæ fidei possessore perceptis occasione Justiniano dedit, ut de jure, quod hic fructuarius & colonus habent, obiter aliquid subiceret. Hi in eo à bonæ fidei possessore differunt, quod fructus percipiunt ex voluntate domini, fructuarius jure servitutis sibi constitutæ, colonus ex conventionem: unde nec perceptorum fructuum quicquam restitunt. Quia autem jus in solo non habent, nec possident, sed alieno tantum nomine rem tenent, §. de iis autem 4. vers. fructuarius per quas pers. cuique ac. §. possidere §. inf. de interd. l. 10. l. 12. de acq. poss. non ut bonæ fidei possessores fructus acquirunt jure quasi domini aut soli, sed suo ipsorum dumtaxat factio & perceptione: quamquam hæc distinctio nostrorum morum simplicitati non convenit, ut notat D. Cyprian. Regn. cens. Belg.

Quàm si ipse eos perceperit Fiunt quidem fructuarii etiam sola perceptione, hoc est, statim atque à solo, aut re qua tenebantur, separati sunt, puta spica aut feno cæso, uva adepta, excussa olea, lana detonsa, lacte mulso. Cæterum non aliter quàm si ipse eos, vel alius ejus nomine separavit, l. si fructuarius 13. quib. mod. uf. am. l. qui scit 25. §. 1. de usur. Quod si sponte deciderit, aut alius eos suo nomine separaverit, non prius fructuarii sunt, quàm eorum possessionem nactus sit: unde si fur maturos fructus decerpserit, aut descuerit, domino fundi conditione tenetur, non fructuario, licet è actionem furti habeat, l. arborib. 12. §. ult. de usufr. quæ aliter se habent in bonæ fidei possessore, ut docuimus §. præc. Planè in sortu animalium eadem fructuarii & bonæ fidei possessoris hic ratio est, statimque ut editus est, fructuarii fit, l. in pecudum 28. de usur. quippe frustra expectes, ut separatur, quod invita natura separari non potest: jubente ea satis separatur sine cujusquam factio.

Licet maturis fructibus, &c.) Hoc item consequens est ei, quod dixit. Nam si fructuarii non aliter fructus sunt, quàm si eos perceperit ipse vel alius ejus nomine, heredi suo, quos non perceperit, relinquere non potest: nec jus percipiendi fructus ad heredem transire, quia morte fructuarii, ut omnia quæ personæ

E f

co.

coherens, extinguatur, §. pen. inf. usufr. l. 3. §. ult. quib. mod. usufr. am. l. 8. §. 3. de lib. leg. quod iterum contra est in bonæ fidei possessore, qui jus, quod in solo habet, ad hæredem transmittit, d. l. qui scit 25. §. 1. de usufr. At ex contrario percepti omnes etiam immaturi pleno jure fructuarii sunt, & ad hæredem ejus transeunt, l. si absente 48. §. 1. de usufr. l. pen. de usufr. leg. Ait, maturis fructibus, nondum tamen perceptis. Eadem sententia est d. l. si fructuarii 13. quib. mod. usufr. am. l. 8. de ann. leg. Quamvis igitur maxima parte anni usufructus steterit, & fructuarius suis impensis fundum fructuarium conferverit; si is mense nondum facta, licet segete messi jam matura decesserit; nihil in eo, quod terra tenetur, hæres ejus juris habet, d. l. si fructuarii 13. sed tantum deducet impensas fructuum quærendorum gratia factas; quia fructus non intelligitur, nisi quod deductis impensis superest, l. 7. solut. matr. Peck. lib. 5. de testam. conjug. c. 24. n. ult. Nec inquit videri debet, quod dominus fundi ad lucrum fructuarii labore & sumptu partum vocetur: quippe cum contra fructuario, quamvis minima parte primi aut postremi anni steterit usufructus, in solidum tribuantur fructus percepti, etiam pro ea parte, quas usufructus non cœperat, aut postea finitus est, l. si pendentes 27. de usufr. nec aliud usus horum temporum servat, contra quam censet D. Cyprian. ubi supra. Non obstat exemplum mariti in fructibus rei dotalis, quos placet soluto matrimonio dividi inter maritum aut ejus hæredes, & uxorem pro rata temporis, quo matrimonium stetit, sive fructus à marito sint percepti, sive non sint, l. 7. §. 1. & seq. sol. matr. l. un. §. cumque 9. C. de rei ux. act. Etenim fructus dotis non ideo marito cedunt, quia eos percepit, sed propter onera matrimonii, quæ sustinere cogitur, l. 7. in pr. de jur. dot. l. pro oneribus 20. C. eod. Et igitur licet non perceperit, pro modo tamen temporis, quo matrimonium stetit, fructus dotis maritum sequi debent: quoniam tamdiu sustinuit onera matrimonii. Contra verò pro reliquo tempore, cujus onera non sustinuit, nihil ferre debet, licet fructus percepit D. Paul. Buf. ad d. l. 7. §. 1. & seq. sol. matr. De pensione rei fructuarie locata quaesitum, an si forte usufructus aliqua tantum parte anni steterit, eam nihilominus integram fructuarius hæres ejus percipere debeat; an pro rata temporis dividi cum proprietario. Et refert, utrum res fructuario locata talis sit, unde singulis annis semel fructus nascitur, & percipitur, puta fundus; an talis, cujus fru-

ctus non in alio consistit, quàm in ejus rei usu, sive commoditate, quæ ex eo usu quotidie percipitur, cujusmodi res sunt ædes, quarum fructus in eo est, ut in habitentur; item servi, quorum fructus in operis. Fundo locato, si colonus fructus perceperit, merces totius anni debetur fructuario ejusque hæredi, etiam si usufructus finitus sit multo ante tempore, quam ea merces ex locatione pendere debebat, l. defuncta 58. de usufr. In aliis verò rebus à fructuario locatis, quarum fructus in solo earum usu consistit, si intra tempora locationis usufructus interierit; non majore ex parte pensio ad fructuarium hæredemve ejus pertinet quàm pro ratâ temporis, quo usufructus mansit: quod superest, pertinet ad proprietarium; ut responsum est locatis operis servi, l. si operas 26. d. tit. Cur tam variè? Nimirum quia fructuarius nec minus nec plus per conductorem consequi debet, quam si ipse res fructuaria usus esset. Igitur sicut fructuarius si fundum non locasset, ipse fructus percepisset, suosque omnes fecisset; ita pro fructibus, quos colonus qui causam percipiendi ab eo habet, integros percepit, integra pensio ei debetur, quam & integram ad hæredem transmittit, etiam si nondum finito tempore locationis decesserit. Et convenienter si fructuarius decesserit, fructibus per colonum nondum perceptis, hæredi ejus nihil ex pensione debebitur. Quòd si decesserit parte fructuum percepta, parte nondum collecta, solutio pensionis fieri debet hæredibus fructuarii pro rata perceptorum: proprietario pro rata eorum, qui percepti non erant. Ubi verò pensio pro quotidiano rei usu debetur, non potest deberi longius, quàm si usus præcesserit, nec longius si usus præcessisse dici, quàm steterit usufructus: & alioqui plus consequeretur fructuarius per inquilinum, quàm si ipse res usus esset; quod est absurdum: eleganter D. Don. 10. eodem. 9. estque hæc communis & usu recepta sententia. Vid. Joan. de Castillo tr. de usufr. 77. & seqq. Diod. Tuld. ad tit. de usufr. inf. c. 7. Paul. Buf. ad d. l. 58. de usufr. Christin. vol. 2. decis. 176. n. 16. & ibi citat. Grot. lib. 2. introd. c. 39. diff. Cujac. 7. Feud. 30. & lib. 24. obs. 21. Eadem fere & de colono dicuntur) Duo de fructuario dicta sunt, cum non aliter dominum fructuum fieri, quàm si ipse eos percepit, non alius, item mortuo fructuario fructus pendentes quantumvis maturos non ad hæredem fructuarii pertinere, sed acquiri domino proprietatis. Nunc ait, quæ de fructuario dicta sunt, ea fere & de colono dicenda esse. Tò fere non παρίσταται, ut putat Theophilus, sed cau-

cautè adjectum est, ne quis putet, eandem utriusque per omnia in proposito rationem esse. Nam certè longè alia causa est hæredis coloni, atque fructuarii. Non enim sicut morte fructuarii finitur ususfructus, ita morte coloni finitur conductio; sed mortuo intra tempora conductionis colono, hæres ejus in eam succedit, §. ult. inf. de locat. 10. C. cod. Et cum fundus conducatur mercede annua constituta pro modo fructuum, qui singulis in eo annis nasci solent, insignis injuria colono ejusve hæredi fieret, si locator pensionem simul & fructus perciperet: atque hinc etiam est, quòd in prædiis rusticis, si tempore non expresso locatio facta sit, in annum facta intelligatur, per l. 13. §. ult. locat. Si quid igitur hic est, quod tam de colono quàm de fructuario dici possit, illud sit necesse est, quòd colonus similiter ut fructuarius non aliter fructus suos faciat, quàm si ipse eos perceperit: sin autem alius eos suo nomine à terra separaverit, non colono, sed domino fundi acquiruntur, cui etiam ob id soli conditio competit: quod & verum est, apertèque traditum l. cum plures 60. §. messim §. locat. nec obscure colligitur ex l. si servus 61. §. locati 8. de furt. Non est contrarium quod Paulus respondet, l. si apes 16. §. 1. d. tit. de furt. colonum cum eo, qui fructus stantes surripuit, furti agere posse. Nam & fructuarius potest, l. 2. §. ult. de usufr. quippe furti actio omnibus competit, quorum interest furtum factum non esse, licet rei surreptæ domini non sint, §. furti 13. inf. de obl. qua ex del. l. cum qui 14. §. qualis 14. de furt. Nec aliò pertinet ratio Pauli, quàm his verbis exprimit, quia ut primum decerptus esset, ejus esse cœpisset, quàm ut ostendat, ideo actionem furti colono dari, quia ejus interit fructum ab alio decerptum non esse, eo quòd coloni esse cœpisset, ut primum ab ipso esset decerptus. Fallitur igitur Accursius, qui etiam hoc casu plus juris tribuit colono, quàm fructuario, colonique fructus fieri existimat, quocumque modo à solo separati sint; traxitque in eumdem errorem Myns. Scheneid. & Pacium in not. marg. sed hic se corrigit in Analyti. Aliud sane ex parte dicendum videtur de colono partiario, qui instar socii est, l. si merces 25. §. vis major. 6. locat. & proinde pro parte sua instar domini: idque innuere videtur Paulus d. l. 26. §. 1. cum dicit colonum, qui nummis colat; quòd scilicet colonus partiaris fructibus à fure defectis aut decerptis nou modò actionem furti, ut is qui nummis colit, sed furti etiam conditionem pro parte sua habeat.

T E X T U S.

Quæ sunt in fructu.

37. In pecudum fructu etiam factus est, sicuti lac, pilus, & lana; itaque agni, hedæ, & vituli, & equuli & surculi, statim naturali jure domini fructuarii sunt. Partus verò ancilla in fructu non est; itaque ad dominum proprietatis pertinet. Absurdum enim videbatur, hominem in fructu esse: quum omnes fructus rerum natura gratia hominis comparaverit.

N O T Æ.

37. Statim naturali jure) Cajus, Statim pleno jure sunt bona fidei possessoris & fructuarii. pleno jure, id est, plena & solida proprietate.

Partus in fructu non est) D. l. 28. §. 1. d. l. 68. de usufr. sed in fructu hominis operæ sunt, l. 3. & 4. de op. serv.

Absurdum videbatur) D. l. 28. §. 1. d. l. 68. eadem quoque Stoicorum sententia fuit, à quibus Auctores nostri fere imbuti. Lucret. Aliam rationem assert Ulp. l. 27. D. har. pet. quia ancillæ non ad hoc comparantur, ut pariant, sed ut servant. Meminit hujus questionis Cic. 1. de fin. cap. 6.

C O M M E N T A R I U S.

1 Ratio Caji, cur non placeat partum ancillæ in fructu esse, examinata, & concinnior prolata ex Ulpiano.

Qua ratione & modo fructus suos faciat tum bonæ fidei possessor, tum fructuarius, ostensum est §§. proximi præcedentib. exemplo fructuum, qui in fundis aut agris nascuntur. Quoniam verò etiam hominum & pecudum suus fructus est, quem & ipsum bonæ fidei possessor & fructuario eadem ratione acquiri jure naturali conveniens est, ideo nequid hic dubii relinqueretur, si prædictum ostendere voluit, quænam in hominum & pecudum fructu habenda sint, quæ non sint, & ait, in pecudum fructu non tantum esse lac, pilum & lanam, sed factum etiam: atque ob id agnos, hædos, vitulos, equulos & succulos statim ut editi sunt, naturali jure fructuarii fieri, addit Cajus, & bonæ fidei possessoris, l. in pecudum 28. de usufr. est enim utriusque hic eadem ratio. In hominum autem fructu quæ sint, non definit: sed partum ancillæ negat in fructu esse; & ideo, inquit, ad do-

minum proprietatis pertinet, sicut & Cajus d. l. 28. §. 1. Nimirum uterque hoc significare voluit, non ut fortis in fructu pecudum esset, ita & partum ancillæ in hominis fructu ponendum; in hominum fructu ea dumtaxat esse, quæ ex operis eorum percipiuntur, l. 4. de op. serv. aut si quid acquirant ex re fructuarii, ejusve qui eos bona fide possidet, §. 4. & seq. *infr. per quas pers. cuicq. acq. ac proinde etiam hæc sola ut fructus fructuario & bon. fid. possessori acquiri: partum non acquiri, fructuario nunquam, bonæ fidei possessori non aliter, quam si eum usufruperit, d. §. 4. & seq. l. 4. §. si ante 18. de usurp. & usucap.*

Absurdum etiam videbatur) Vetus fuit questio an partus ad fructuarium pertineret: cujus meminit Cic. 1. de finib. c. 6. ubi ait, principes civitatis P. Scævola & M. Manilius existimasse, hominem in fructu esse, Brutum discessisse: cujus sententia obtinuit, teste Ulp. in l. vetus 68. de usufr. Cur autem non placuerit, partum in fructu esse, ejus rei hanc rationem reddit Cajus d. l. 28. §. 1. de usufr. & Imp. hoc loco, quod absurdum visum sit, hominem in fructu esse, cum omnes fructus rerum natura gratia hominis comparaveris: quæ ratio ducta est ex contrariis: quasi dicant, natura non potest eadem res & fructus esse, & id quod fruitur: relata hæc sunt; relatorum unum nunquam potest esse alterum. Etenim ut verum fatear, nunquam hæc mihi ratio satis solida visa fuit. Cur enim magis absurdum, hominem in fructu hominis esse, quam hominem homini servire? Aut cum servos pecudibus Romanæ leges exæquent, l. 2. §. 2. ad leg. Aquil. cur cum in fructu pecudum fortis sit, absurdum est in fructu ancillarum partum esse? Nec est in his ulla æquitas, *Fructus hominis causa comparati sunt, & homo est in fructu hominis.* Non enim hic idem eidem subiecto attribuitur, sed diversis. Quamobrem melior est, certè huic loco magis convenit, illa Ulpiani ratio sumpta à fine & usu, quia ancillæ non ad hoc comparantur, ut pariant, sed ut servant, l. ancillarum 27. de har. pet. Id autem solum in fructu alicujus rei esse intelligitur, & ad fructuarium pertinere, quod percipitur ex eo usu, ad quem res parata est, vel natura, vel patrisfam. instituto, l. 9. §. 5. & seq. l. 10. l. 11. l. 12. in pr. l. 13. §. 4. & seq. l. 15. de usufr. Quapropter, et si nihil interesset, partus in fructu sit, necne; ad proprietarium pertineat an ad fructuarium; uti neque ancillæ, quæ utique servire cogitur: ratio tamen habenda fuit honesti ac decori, cavendumque, ne supris visilicetur dignitas hu-

mana, arg. l. iustificimè 44. de adil. editi. Jam verò ancillæ fortæ gratia habere, quin turpe & probrosum sit, nemo negare potest. Cæterum nihil amplius efficit hæc ratio, quam ut ne partus fructuario aut bonæ fidei possessori acquiri debeat: in cæteris enim partibus juris, in fructu sive redditu aut causa etiam partus computatur, l. 8. l. 14. de usufr. l. Falcidia 24. §. 1. ad l. Falc. l. quasitum 91. §. ult. de leg. 1.

TEXTUS.

De Officio fructuarii.

38. Sed si gregis usumfructum quis habeat, in locum de mortuorum capitum ex factu fructuarium submittere debet (ut & Julianus visum est) & in vinearum demortuarum vel arborum locum alias debet substituere. Rectè enim colere & quasi bonas paterfamilias uti debet.

NOTÆ.

38. Ex factu submittere) Ex foetura gregem supplere, & sufficere prolem, d. l. 68. §. ult. cum 2. li. seq. de usufr. suntque capita substituta domini, ea quibus substituuntur, fructuarii, d. l. 69. Basil. 16. tit. 1. in fin.

COMMENTARIUS.

1 Inter onera, quæ fructuario incumbunt, unum esse, ut rem fructuariam teneatur, & quid ea tutio desideret.

Longius à via degreditur Imperator; sequendum tamen, quocumque trahit. Cum fructus omnes, sive ex re nascantur, sive per causam rei jure percipiantur, fructuarii lucro cedant, æquum est, ut is vicissim onera rei fructuariæ adjuncta agnoscat, juxta regulam naturæ, l. 10. de reg. jur. Inter onera autem, quæ fructuario incumbunt, hoc unum est, ut rem fructuariam teneatur, l. usufructuarii 44. de usufr. Hæc autem tutio cum exigit, ut rem quam accepit, integram & in suo statu conservet, quantum cura & reparatione fieri potest: ideo & curam ac diligentiam rei servandæ adversus imminentes pericula adhibere debet; & quidem talem, qualem diligens paterfam. suis rebus adhibere solet, l. sed cum 65. eod. l. 1. in fin. l. sequi usufructum cav. & suo sumptu sarcire ac reparare, quæ vitii aliquid contraxerunt, aut discesserunt à priori integritate: puta si quid rescindendum est, facta recta præstare, animalia ægrota

agrotā curare, gregem, ex fœtu supplere, in locum arborum demortuatum alias ita substituere: in summa rectē colere, atque ut l. omnis paternam. uti, l. 7. §. 2. & l. 123. §. 2. l. agri 18. l. ficut 45. l. sed cum 65. l. vetus 68. in fin. & l. 2. l. seqq. de usufr. l. 7. C. eod.

Gregis ususfructum) Ait gregis nam si non gregis aut universitatis ususfructus nomine collectivo legatus sit, sed singulorum capitum, veluti centum ovium, nihil supplere cogitur fructuarius, l. quid ergo 70. §. 3. de usufr. quippe in his quæ numero certa sunt & designata, non est augmento locus: & tot sunt nunc ususfructus, quot sunt capita fructuaria, quorum uno mortuo ususfructus ille extinguitur.

Demortuorum capitum) Ait demortuorum. Ulpian. d. l. vetus 68. in fin. de usufr. hoc ideo, quia si vi externa capita aliqua ex grege perierint, incendio puta, aut ruina stabuli, aut prædonum impetu, hos casus fructuarius præstare non debet, nec in locum amissorum alia substituere, arg. l. arbores 59. de usufr.

Ex fœtu submittere) Ait ex fœtu. Neque enim de suo gregem supplere fructuarius cogitur, sed ex agnatis capitibus hoc est, natis ex eodem grege, d. l. 68. in fin. de usufr. Proinde si ex grege nondum ulla nata sint prioribus demortuis, aut si oves abortierint, aut fœtus perierint, priusquam submitti possent; nihil supplere debet fructuarius. In locum quoque eorum capitum, quæ vel senio, vel vitio corporis inutilia facta sunt, alia ex fœtu submittere, l. vel inutilium 69. eod.

Submittere debet) Submissionis effectus hic, ut substituta capita statim domini fiant, sicuti post substitutionem priora sive demortua vel inutilia & vitiosa, sunt fructuarii. Hæc enim ex natura fructus desinunt esse proprietarii, d. l. vel inutilium 69. de usufr.

Vinearum demortuorum vel arborum) Ait hic item demortuorum, sicut Paulus l. agri 18. eod. nimirum ideo, quia in locum arborum vi tempestatis everfarum alias substituere non tenetur, l. arbores 59. eod. ita, quippe ususfructuarius omnia quidem, etiam quæ sine culpa ejus contingunt, sed sola rei & interna incommoda ac detrimenta sustinet: quæ autem vi contingunt externa, nec à re ipsa proficiuntur, placet ad onus fructuarii non pertinere, ex regula & jure communi de casibus fortuitis, l. contractus 21. de reg. jur. l. quæ fortuitis 6. C. de pign. act. Ulpianus in l. 7. ult. de usufr. scribit, fructuarius cogi adferere arbores: quod Græcis est κρηρῆσι, id est, forare medullam arboris sterilis, & in eam fœ-

cundæ calammum immittere; infectionis speciei pro genere. Qua forma Papinianus dixit adferere prolem pro adoptate, sicut scilicet infestatione furculus truncum adoptat, Cujac. 11. obs. 36. VINN. Elegans est hæc conjectura Cujacii: sed ex mea sententia non admodum solida. Adferere enim prolem, Papinianus est adoptare, non quia sic adoptans filium quasi inserat familiæ, sed quod adoptans veteri ritu filium adoptivum adfererat, id est, vindicabat formula illa nota: HUNC EGO HOMINEM EX JURE QUIRITUM MEUM ESSE AJO. EST ENIM MIHI EMTUS HOC AERE HAC ÆNEAQUE LIBRA. HEIN.

Rectē enim colere) Non satis officio suo fungi videri debet ususfructuarius, si fundum utrumque colat, nisi eum ita colat, utne deterior fiat causa ususfructus, omniaque faciat, quæ faceret in re sua, sicut cautione usufructuaria continetur, l. 1. §. cavere. 3. usufr. qui cav.

TEXTUS.

De inventione thesauri.

39. *Thesaurus, quos quis in loco suo invennerit, Divus Adrianus naturalem aequitatem sequutus ei concessit, qui eos invennerit. Idemque statuit, si quis in sacro aut religioso loco fortuito casu invennerit. Aut si quis in alieno loco, non data ad hoc opera, sed fortuito invennerit, dimidium domino soli concessit, & dimidium inventori. Et convenienter, si quis in Caesaris loco invennerit, dimidium inventoris, & dimidium esse Caesaris statuit. Cui convenienter est, ut si quis in fiscali loco, vel publico, vel civitatis invennerit, dimidium ipsius esse debeat, & dimidium fisci, vel civitatis.*

NOTÆ.

39. *In sacro aut religioso*) Utrouque scilicet privato; nam & sacra quædam privata, l. 6. §. 1. D. ad leg. Jul. pecul. Aliud, si in hujusmodi locis publicis; ita cape l. 3. §. pen. D. de jur. fisci.

Sed fortuito) Ut puta si quis colendi agri causa fodiens humum, aurum desoffum inveniat, nullo adhibito perscrutandi studio, quod sine permisso domini merito veterum, de leg. un. C. de thesaur. add. leg. 63. §. penult. & ultim. hoc ita.

Dimidium fisci) De variis moribus legibusque circa thesauros, vide eruditissimum Groc. 2. de jur. bel. 8. Peregrin. 4. de jur. fisci. c. 2.

1. *Thesauri* appellatione significari quasvis opes repositas: cum etiam ipsum locum, in quo asseruntur, & ratio nominis.
2. In quaestione proposita quid eo verbo nostri intelligant, & quo referenda hac acquisitio.
3. Locum proprium hic intelligi etiam eum, in quo alius usumfructum habet: secus si jus emphytheutis aut feudi.
4. A Divis fratribus nihil mutatum esse ex eo iure, quod de thesauro in loco sacro aut religioso reperto Divus Adrianus constituit.
5. Cur cetera res hujus generis etiam in alieno quaesita occupantium fiant; thesaurus non item, & n. 9.
6. Cur thesaurus non totus cedat inventori ut res cetera, qua nullius sunt.
7. Distinctio rerum Caesaris, fisci, publicarum & civitatis.
8. Summa juris de thesauro constituti, & quid moribus hodiernis obtineat.

PArtes propositae tractationis, quae à Justiniano paucim sparitae sunt, commodioris doctrinae causa ad duo summa capita revocari posse; ad occupationem scilicet, & rei nostrae possessionem, supra diximus in explicatione, §. *fructus*. 11. eod. & progressi ostendimus, singula, in quae indidimus, ad alterutrum horum capitum pertinere. Nihil quod nobis potestate rei nostrae quaeratur superest: ad factum & occupationem nostram pertinent inventio thesauri, apprehensio rerum, quae à dominis vel traduntur, vel pro derelicto habentur: in quibus porro explicandis hic titulus consumitur.

Thesaurus Graecis & Latinis idem est, quod Persis *Gaza*, nimirum quaelibet divitiarum, quas in ulum futurum asseravimus.

1. Nam & pecunia nuper deposita, & cujus dominus non ignoratur, passim thesauro appellatur etiam apud nostros, ut in *l. item Labeo* 22. *fam. erc. l. thesaurus* 15. *exhib. l. peregre*.
44. *de acq. poss.* ac de tali quoque thesauro accipiendo *l. 1. §. Neratius* 3. *d. tit. de acq. poss.* ut recte existimat Gothofredus, injuria notatus à Bachov. vid. Duar. ad *d. §. Neratius* 3. Locus quoque, in quo opes observantur τὸ θησαυρὸν, thesaurus appellatur. Plutarch. in *Solen.* Εὐχόμενοι αὐτῷ τὸν θησαυρὸν αὐτοῦ τῶν χρημάτων. Hinc per translationem Cic. 1. *de orat. c. 5.* memoriam dicere rerum omnium thesaurum. Atque haec significatio etiam rationi nominis convenit. Quamvis enim Con. 3. *comm. 4.* & Don. 4. *comm. 14.* thesaurum

inde dici putant, quod ὁ θησαυρὸς, in *crastinum*, sit repositus, ut sit *thesaurus* ὁ θησαυρὸς, proprius tamen vero est, vocem esse conjunctam ἐκ τῆς θησαυρὸς καὶ ἀντι, ut sit Conditiorum pecuniarum. Hoc enim nomine veteres Graeci pecuniam vocabant, qua qui abundabat, ἀντὶς dicebatur, teste Helychio. Ceterum in quaestione de acquirendo rerum dominio, cum agitur de thesauro occupatione acciendō, Jurisconsulti thesaurum appellant eam dumtaxat pecuniam, quae olim condita, nunc cum reperitur à quo condita aut cujus sit, ignoratur, *l. numquam* 31. §. 1. *hoc t. l. un. C. de thes. lib. 10. l. 1. de re vind.* Convenienter nimirum argumento, quod tractant: cum non alius thesaurus sit idoneus, qui hoc modo acquiratur, quam qui dominum non habeat: nec repugnat communis & popularis loquendi consuetudo. Igitur in quaestione proposita thesaurus definitore Paulo in *d. l. 31.* est vetus quaedam depositio pecuniarum, cujus non extat memoria, ut jam dominum non habeat. Cujus descriptioni similis est illa Leonis in *d. l. un. thesaurum* interpretantis, condita ab ignotis dominis tempore vetustiore mobilia: & Casiodori *lib. 6. var. c. 8.* definitis depositivam pecuniam, quae longa vetustate competentes dominos amisit. Atque hinc jam etiam liquet, thesaurum quoque pertinere ad regulam juris gentium de rebus nullius: quamquam non per omnia in thesauro occupando & nostro faciendo idem servatur, quod in ceteris rebus, quae nullius sunt. Nam ceterae hujus generis res quovis loco occupatae totae sunt occupantis, thesaurus autem extra locum proprium repertus pro parte tantum dimidia: Sed & res ceterae, quae nullius sunt, sunt occupantis, etiam si data opera quaesita sint in alieno; thesaurus in alieno quaesitus nullo modo. Quod quomobrem tam varie placitum, intelligetur non ita multo post.

Quos quis in suo loco invenerit Sive data opera quaesitos, sive forte fortuna: tantum magicae artes ad thesaurum in suo inveniendum prohibentur, quas & ubique excipi oportet, *d. l. un. C. de thes.* Ait in loco suo. Proprium locum accipere debemus etiam eum, in quo alius usumfructum habet, *arg. pr. infr. de her. inst.* Proinde si in eo loco proprietarius thesaurum invenerit, in suo invenisse intelligi debet & totum sibi quaesisse. Si alius, pars dimidia inventoris, pars altera proprietarii erit. Idemque dicendum est, si usufructuarius invenerit: quoniam thesaurus in fructu non computatur, *l. si in qui* 63. §. 3. *hoc tit.* Unde etiam est, quod thesaurus à marito in praedio do-

dotali inventus, pro parte dimidia tantum mariti lucro cedat, pro altera dimidia sit restituendus, quasi in alieno inventus, l. 7. §. si fundum 12. sol. matr. Moller. 4. sem. 27. Ager autem vestigialis sive emphyteuticus magis est, ut emphyteuta proprius existimetur, ejusque, qui dominium utile, quam qui directum habet. Nam ad emphyteutam pertinet plenissima rei utilitas, & pari jure quo dominus rem tenet ac possidet; adeoque adversus ipsum etiam directum dominum utilem in rem actionem habet, leg. sciendum 15. §. 1. qui satisf. l. 12. §. 1. si ag. vel. l. qui sit 25. §. 1. in fin. de usur. Longè igitur distat emphyteuta a fructuario: emphyteuta jus habet in corpore & substantia rei; fructuarius non item. Hinc est, quod fructuarius in edicto: Qui satisfacere cog. pro possessore non habetur: emphyteuta contra, d. l. 15. §. 1. qui satisf. cog. quod arbores vi ventorum dejectæ ad emphyteutam pertinent, non ad fructuarium, l. 12. de usufr. Si quid servo, in quo quis usufructus, legatum aut donatum sit, id non fructuario, sed domino proprietatis acquiritur, §. 4. infra. per quas pers. cuicque acq. si servo emphyteuta, ipsi emphyteuta. Quam ob causam dubitandum non est, quin si ipse quoque emphyteuta in prædio in emphyteutis sibi concessio thesaurum similiter invenerit, totum cum sibi soli rectè vindicet: eademque planè ratio est Vzfalli, qui thesaurum reperit in loco feudali, arg. c. un. de invest. de re al. fac. lib. 2. feud. Myñ. Schneid. Wesf. post Gloss. & DD. comm. hic. Nic. Burgun. ad conf. Fland. tr. 12. Christ. vol. 6. dec. 21. n. 19. & seq.

Adrianus naturalem aequitatem secutus) Hoc est, secutus regulam juris naturæ sive gentium de rebus, quæ nullius sunt, occupanti concedendis, §. fere 12. sup. eod. Nimirum cum etiam thesaurus numeretur inter ea, quæ nullius sunt, æquum esse censuit Adrianus, etiam in thesauro occupato regulam istam servari, & quidem per omnia, si quis invenisset amico Hercule in suo: quippe qui & alia ratione ita repertum vindicare posse videatur, vel tamquam beneficium & commodum rei suæ, vel quod simile vero sit, cum à majoribus suis conditum esse: hæc enim ratio facit, ut in alieno reperti dimidium concedatur domino soli.

Idemque statuit, si quis in sacro aut religioso) Quod hic Adrianum constituisse refert Justinianus, id à fratribus Principibus civili ratione mutatum esse existimant Accurf. Ang. Porc. Fab. Schneid. hic Duar. de acq. rer. dom. c. 4. Don. 4. com. 14. Sic enim scripsit Callistrat.

l. 3. §. pen. de jur. fisci. Si in locis fiscalibus, vel publicis, religiosive, aut monumentis thesauri reperti fuerint, Divi fratres constituerunt, ut dimidia pars fisco vindicaretur. Quam sententiam veram quidem esse fateretur Covar. in c. peccatum de reg. jur. in 6. p. 3. relist. §. 2. n. 3. sed ille constitutionem divorum fratrum à Justiniano iterum abrogatam contendit, quæ parte illa derogaverat edicto divi Adriani. Neutrū probabilè mihi videtur. Nam si edictum Adriani rescripto Antonini & Veri sublatum fuisset, utique non quid ille, sed quid hi de thesauris in loco sacro religioso inventis constituerent, Justinianus commemorasset: & cum simpliciter referat edictum Adriani, non facta mentione rescripti fratrum Imperatorum, vix est, ut dici possit, hic aliquid novi juris ab eo constitutum esse. Arbitror, commoda explicatione d. l. 3. §. pen. cum hoc nostro §. conciliari posse: quamvis id neget Ant. Marth. Constituit Adrianus, thesaurum ejus esse, qui cum invenisset in loco suo: addit, idem esse, etiam si in loco sacro aut religioso repertus sit; nimirum ejus itidem esse, cujus est fundus, in quo loca ista sunt, perinde quasi in suo adhuc reperisset. Nam etsi loca sacra & religiosa nullius verè in bonis sint: ejus tamen aliquatenus sunt, cujus in usu & fundo sunt, & quodammodo juris privati, arg. l. 5. & seq. de relig. l. sacrilegi §. 5. r. ad l. Jul. pec. l. in medicis 24. de contr. empt. Neque potest sine injuria vel in Deos ipsos Deorum beneficium privari, qui vel ipsi, vel quorum majores partem fundi sui divinis usibus dicaverunt. Quid Divi fratres in d. l. 3. §. pen. de jur. fisci? Constituerunt, inquit Callistratus, ut thesauri in locis fiscalibus vel publicis religiosive aut monumentis reperti, pro parte dimidia fisco vindicaretur. Titulus ipse & rerum conjunctio ostendunt, loqui Imp. de locis religiosis similiter publicis, in quibus scilicet fiscus jus habet, aut qui fisci quodammodo sunt, puta quod ad fiscum sorte pervenerunt, juxta leg. 6. eod. tit. vel quæ publicè civium funeribus destinata sunt, cujusmodi tenuiorum tumulos in suburbanis fuisse auctor est Aggen. Urbicus. In his locis eodem jure uti fiscus volunt, quo utitur in rebus publicis juris profani, aut quo utuntur privati in loco suo, sive profano, sive religioso. Et verò ob loci religionem aut sanctitatem nihil novi juris hic constitutum fuisse argumento est, quod Leo Imp. in d. l. un. C. de Thef. simpliciter distinguit, an quis in suo loco repererit, an in non suo, nulla facta mentione sacri aut profani, quasi hoc nihil ad rem faciat.

ciat. Idque ex *Ælio Spartiano* in *Hadr. cap. 18.* etiam certius colligas, qui eisdem sine ulla rerum distinctione refert, *Adrianum de The-sauris ita cavisse, ut si quis in suo reperisset, ipse potiretur: si quis in alieno, dimidium domino daret: si quis in publico, cum fisco aqualiter partiretur.* Nulla igitur est pugna inter *d. l. 3. §. pen.* & hunc *§. nostrum*, quem de loco religioso privato accipi oportet, suadente id ipsum quoque rerum in eo conjunctione & discre-tione: manifestèque labitur *Bachovius*, qui ob conjunctionem loci religiosi & sacri negat hanc interpretationem admitti posse, eo quod nulla loca aut ædes sacræ privatæ dici possint: hoc enim falsum esse, & facillæ pri-vatæ propriasque suas ædificas veteres habuisse, vel unus *Paulus* eum docere poterat in *l. sacrilegi §. 1. ad leg. Jul. pec. ita propemodum & Conn. 3. Com. 4. Charond. 1. verisim. 21. Robert. rec. l. 5. Cantuanc. & Wesemb. hic. VINN.* Addendus hic omnino *Jac. Gothofred. ad l. 1. C. Theod. de thesaur.* Ubi tota hujus legislationis historia eruditè exponitur. *HEIN.*

Fortuito casu) *The-saurus*, quem inveni in loco meo, sive fortuitum sive quæsitum, meus est: sine ille locus meus facit est vel religiosus, non aliàs meus erit, quàm si fortunæ quasi munere mihi oblatum fuerit, nullo adhibito perscrutandi studio: quod proculdubio ideo placuit, ne detur occasio violandorum sepulchrorum & aperiendi urnas defunctorum, sicutiam studiosè quæsitum inventumque suum quisque faciat, sibi que habeat.

At si quis in alieno) Ceteræ res, quæ nullius sunt, occupantium fiunt, etiam si data opera in alieno quæsitæ sint, ut de feris bestiis in fundo alieno investigatis & captis diximus: the-saurus in alieno quæsitus & inventus ne pro parte quidem sit inventoris, sed totus domino reddi jubetur, *d. l. un. C. de thesaur.* Ratio diversijuris hæc est: quòd qui feram in alieno capit, aut rem puta pro derelicto habitam tollit, nihil fundo aut fundi domino nocet: ad thesaurum verò perveniri non potest sine effo-sionibus & manifesto damno fundi, in cujus visceribus thesaurus abditus jacet. Aliena au-tem effodere sine permisso domini, inque iis latentes rimari opes merito vetitum, & pœ-na, non præmio dignum, *d. l. un. l. 2. C. Theod. de thesaur.*

Dimidium domino soli) *The-saurus* in alieno loco casu inventus, dum quis arat, aut quid aliud in eo operis facit, pro dimidio inven-toris fit, pars altera dimidia conceditur do-mino soli, *l. si is 63. §. pen. & ult. hoc tit. d.*

l. un. C. de thes. Cur verò, inquis, non to-tus cedit inventori, sicuti ceteræ ejusdem ge-neris res occupantis totæ fiunt loco quocum-que occupatæ, ut feræ bestię, res pro dere-licto habitæ, gemmæ & lapilli inventi in lit-toribus? Nimirum quia illæ feræ nullius sunt, thesaurus non est: quippe quem nemo eo ani-mo abscondit, ut eum in numero rerum suarum esse nolit, sed ut tutiore loco custodiat: tantum ideo nullius esse dicitur, quia cujus sit non apparet: nam etsi dominum per rerum naturam habeat, hæredem scilicet ejus, qui eum defodit, quamvis per longissimam suc-cessionem primo domino succedentem apud nos tamen non habet, quia à nobis dominus ignoratur: ob quam incertitudinem itum est ad hanc partitionem, ut pars una inventori, pars altera domino loci adjudicaretur. Tamen enim pro inventore dici poterat, thesaurum ut rem nullius totum ei, qui invenit, tribui oportere, propterea quod de his, quæ non apparent, perinde judicandum sit, quasi non essent, *l. in leg. 77. de contr. empt.* dominum tamen loci & sua & par ratio defendit, qui contra sibi thesaurum vindicans dicere potest, nihil esse verisimilius, quam quòd à majori-bus suis profectus sit: in proprio enim, quia tutius, non in alieno thesauro condi. Ad hæc fundi, in quo tanto tempore asservatus est, quodammodo beneficium esse: quam ob causam cum *Imp. Gratianus*, *Valentinian.* & *Theod.* partem quartam duxerant domino loci assignassent, *l. 2. C. Theod. de thes.* merito *Imp. Leo*, abrogata eorum constitutione, ad æqualitatem partitionis & veterum constitu-tionum normam rem revocavit. *VINN.* Vide-tur ratio hujus divisionis inde repetenda, quòd veteres disputarent, accessionisne jure an in-ventionis vel occupationis adquiratur thesau-rus. Prius placuit illis, quos hic sequitur *Im-perator*: posterius *Paulo l. 31. §. 1. ff. de acq. rer. dom.* Qui prius admitterant principium, totum thesaurum vindicabant domino fundi: qui posterius, inventori. *Hadrianus* utrum-que conjunxit, & dimidium domino addixit, jure accessionis, dimidium inventori, jure oc-cupationis rei pro derelicti habitæ. *HEIN.*

In Cæsaris loco, &c.) Distinguit *Imp. loca* 7 *Cæsaris* à locis fiscalibus, & hæc à publicis, publica à locis civitatis. Res *Cæsaris* dicuntur bona Principis patrimonialia. Res sibi sunt, veluti bona proscriptorum, vestigalia, com-missa, bona caduca, quæ quidem & ipsa qua-si propria & privata sunt Principis, *l. 2. §. 4. ne quid in loc. publ.* sed ut Principis & ratio-ne imperii. Publica loca appellat, quæ in usu pu-

publico sunt populi Romani, vel uti aræz, insulæ, agri, viz itineraque publica, d. l. 2. §. 3. Loca civitatis, quæ usibus civium in municipiis & singulis civitatibus deserviunt, §. *universitatis* 6. *sup. eod.* Quæ à publicis eodem sensu hic separat, quo Ulp. bona civitatis ab iis, quæ populi Romani sunt, l. 15. *de verb. sign.* Spartianus in *Hadr.* c. 18. omnia ista loca designavit uno verbo Publici. Hæc obiter in præsentia, subtilius rerum Cæsaris, ficalium, & publicarum discrimen exquiremus, §. ult. *inf. de usuc.*

Dimidium fisci vel civitatis) Sive in loco alieno privati alicujus, sive in loco Cæsaris, aut publico fisci vel civitatis thesaurus repertus sit, medietatem dumtaxat inventor consequitur, pars altera reperiendorum ad eum pertinet, qui loci dominus est, aut jus imperiumve in eo habet. Et quod diximus de loco privato, non aliter partem in eo reperti inventoris fieri, quàm si fortuito & aliud agens invenerit, aliqui totum restituendum esse ei, cujus est locus; hoc non minus obtinere debet in locis publicis, ut in his etiam consultæ opera quæsitus & inventus similiter totus pertinet ad Principem vel civitatem. Non enim magis fas esse credendum est, publica loca effodere & scrutari, quàm privata aliena, facit constitutio Frederici lib. 2. *Feud.* l. 56. *quæ sint regal. in fin.* Quod si inventor partem thesauri ad fiscum pertinentem suppresserit, totum cum altero tanto cogiturolvere. Deferre autem se nemo cogitur, si pars fisco non debeat, l. 3. §. ult. *de jur. fise.*

Summa juris de thesauris editio D. Adriani constitui hæc est, ut si quis thesaurum in suo reperisset, sive quæsitum, sive nihil tale cogitans, totum sibi haberet: si quis in alieno, non data ad hoc opera, dimidium domino daret, partem alteram dumtaxat ipse consequeretur: si quis in loco publico, itidem non data opera, cum Principe aut civitate æqualiter partiretur. Si quis autem scrutatus in alieno sive privato sive publico thesaurum invenisset; is totum hunc domino loci, sive ad cujus curam vel imperium locus pertinet, reddere cogeretur. Ab hoc jure cum procedente tempore recessum esset, ut constet ex *tit. Cod. Th. ad. de thesau.* reductum illud est à Leone Nepore, l. un. *C. Justin. eod.* iterumque vigore suo privatum, restitutum à Leone Philosopho Nov. Leon. 51. à Frederico nihil mutatum, *tit. quæ sint reg.* Ad nunc in plerisque locis thesauros, et à alia pleraque adiacentia, Principes sibi vindicant, & quidem in solidum, quocumque in loco reperti fuerint: est

Tom. I.

que id nunc jus commune & quasi gentium. Nam & in Germania, & Gallia, & Anglia, & Hispania, & Dania id observatur, teste D. Grot. 2. *de jur. bell.* c. 8. n. 7. add. Peregr. lib. 4. *de jur. fise.* c. 2. Covar. in rel. c. *peccatum, de reg. jur.* in 6. part. 3. §. 2. Lebrez, lib. 3. *de la souveraineté,* c. 6. Christina. vol. 1. *decis.* 16. Theodoricus quoque Rex thesauros quocumque loco repertos publico vindicari jussit: Sine damno enim, inquit, inventi perdit qui propria non amittit: Calsiodorus 4. *var.* 34. & 68. Apud nos tamen jus hoc incertum esse dicitur: nam patronos quidem fisci contendere, thesauros quocumque in loco inventos ad fiscum pertinere, ut in plerisque aliis regionibus nunc obtinere diximus; cæterum alios contra putare, sequendam nobis esse in hoc negotio constitutionem juris Romani: propterea quod neque quicquam de eo cautum reperitur legibus propriis; neque doceri possit, Romani juris vigorem apud nos desuetudine ususque contrario enervatum, Grot. 2. *manud. ad Jurisp. Bat.* c. 4. Itaque in hoc dubio contra fiscum faciliè responderim, arg. l. non puto 10. *de jur. fise.* add. Groenew. de ill. *abrog. bic.*

T E X T U S.

De traditione. 1. Regula ejusque Ratio.

40. *Per traditionem quoque jure naturali res nobis acquiruntur: nihil enim tam conveniens est naturali æquitati, quam voluntatem domini voluntis rem suam in alium transferre, ratam haberi; & ideo cujuscumque generis sit corporalis res, tradi potest, & à domino tradita alienatur. Itaque stipendiaria quoque & tributaria prædia eodem modo alienantur. Vocantur autem stipendiaria & tributaria prædia, quæ in Provinciis sunt; inter quæ, nec non & Italica prædia ex nostra constitutione nulla est differentia: sed siquid ex causa donationis, aut dotis, aut qualibet alia ex causa tradantur, sine dubio transferuntur.*

N O T Æ.

40. *Per traditionem*) Ex Cajo l. 9. §. 3. *b. t.* Sola autem conventionione dominium non transfertur, veluti si inter nos convenerit, ut mea res esset tua, licet ex justa causa, puta, quia eam tibi vendidi, l. 20. *C. de pass.*

Nostri constitutione) D. l. un. *C. de usucap. transf.* ubi tollitur vetus rerum & dominiorum distinctio. Etsi autem Provinciales pleno jure domini non erant, habebant tamen jus aliud dominio proximum, prædiaque sua alien-

Gg

na-

nare poterat, & hæredibus relinquire, & servitutem his imponere, l. 3. C. de servit.

Ex causa) Numquam enim nuda traditio dominium transfert: sed ita, si venditio aut alia iusta causa, id est, titulus ad dominium transferendum habilis præcesserit, l. 31. b. s. saltem opinione tradentis.

COMMENTARIUS.

- 1 *Citra traditionem dominia rerum jure gentium non transferri; & quam rationem hoc habeat?*
- 2 *An ad transferendum dominium requiratur vacua possessio traditio?*
- 3 *Responsum Tripbonini sub tit. de fund. dot. expositum.*
- 4 *Traditione non transferri dominium, nisi iusta causa (saltem opinione tradentis) præcesserit, propter quam traditio sequatur.*
- 5 *An & quando dissentio in causis tradendi & accipiendi impediat dominii translationem?*
- 6 *De veteri discrimine dominiorum nonnulla.*
- 7 *Quale jus olim possessores pradiorum provincialium habuerint?*
- 8 *Stipendium & tributum univoce dici.*
- 9 *Provincialium qui vestigales, qui stipendiarii sive tributarii appellati?*

Hæc quoque acquisitionis species ad generalem occupationem referri debet: nam cum traditione rem acquiri dicimus, non intelligimus solum factum tradentis, sed ex effectu magis etiam rei traditæ acceptionem atque apprehensionem: quippe sine qua traditio non perficitur, hoc est, dominium non transfertur aut acquiritur, l. in omnibus 55. de obl. & act. Differt autem hic modus acquirendi à superioribus ejusdem generis, quod earum rerum, quæ nullius sunt, acquirendarum ratio præter apprehensionem nihil desiderat, quia occupantur sine cuiusquam injuria, quæ ex hostibus capiuntur, invidiis dominis ad nos transeunt jure belli: in specie autem propo- sita non satis est nanciscendi dominii causa rem apprehendisse, nisi & voluntate domini in hoc tradita sit; quod omnino hic exigit ratio juris gentium, d. l. in omnibus 55. l. 2. de his qui sui vel al. jur. l. id quod nostrum 12. de reg. jur. Et quia nemo eo animo est, ut velit rem suam in alium transferre sine causa, inde est, quod cum in cæteris omnibus juris gentium acquisitionibus modus acquirendi idem sit & causa sive titulus, (verbi causa occupatio feræ bestię est & modus acquirendi & titulus) ea in hac specie perpetuo distinguantur. Modus acquirendi est traditio vel potius rei

traditæ acceptio & apprehensio: titulus, veluti emptio, permutatio, donatio, cæteræque causæ, ex quibus re à domino tradita dominium in accipientem transit, sin minus jus usucapiendi, l. nunquam 31. hoc tit. l. 2. & seqq. de publ. in rem act.

Per traditionem) Traditio vel vera est, quæ naturalis datio appellatur, l. non statim 8. de pecul. & in re mobili est de manu in manum translatio, in re soli in possessionem inductio: vel ficta, quæ commodatis causa fit, vel brevi manu, vel actu aliquo corporis, aut nota sive symbolo, quod veram traditionem repræsentet. Non minus verò ficta & symbolica traditio dominium in accipientem transit quàm vera & naturali, §. interdum 43. & seq. infr. eod. At citra ullam traditionem nudis & solis pactis dominium transfertur, etiam si id agatur in negotio gerendo, ut transeat: verbi causa, placuit inter nos, ut mea res esset tua: licet id placuerit ex iusta causa, puta quia eam tibi vendidi, non ante tamen tua erit, quàm à me tibi tradita sit. Vid. l. traditionibus 20. C. de pact. l. si ager 50. de rei vind. l. quoties l. pen. C. eod. l. 6. C. de bar. vel act. vend. Cur verò ad dominium transferendum non placet sufficere nudam convenientium voluntatem? Nimirum quia nemo ex ratione juris gentium facto suo rem, sive ea nullius sit, sive alterius, acquirit, nisi cujus potestati & manui subjecta sit: quod ita quisque consequitur, si eam apprehenderit, si possessionem ejus nanciscatur, arg. l. 1. de acq. poss. Non aliter autem possessio rei alienæ apprehendi, & per eam potestati nostræ res subijci potest, quàm si dominus eam tradiderit, in cujus tamdiu potestate est & manet. Diss. tamen D. Grot. 2. de jur. bell. c. 6. & 8. contendens, ex ratione juris naturæ seu gentium nihil amplius ad translationem dominii requiri, quàm solam voluntatem domini rem suam alteri in hoc addicentis: jure autem & ratione civili infinitum esse, securitatis dominiorum causa, & occurrendi temerariis alienationibus, ut tunc demum dominium à priore domino abeat, cum si alteri rem tenendam & possidendam tradiderit; quod quia à multis gentibus receptum, jus gentium improprie dicatur. Sed posito eo, quod diximus, & quæ veterum sanè omnium sententia fuit; traditione non nuda conventionem dominium jure naturali sive gentium acquiri, quæsitum porro ab Interpp. est, an in proposito ad dominium transferendum sufficiat rem qualiter qualiter tradidisse, dum ea tradita sit vacua ab omni detentore, qui apprehensionem impediat; an verò ad

eam

eam rem necesse sit tradere rei vacuum & plenam possessionem? Breviter: An res ab alio possessa ita alicui tradi possit, ut dominium in eum transeat. Finge ita: Fundum tibi vendidi, qui ab alio bona fide possidebatur: & dum forte possessor peregre abest, eum tibi tradidi dominii transferendi causa; tu in eum ingressus es eo animo, ut capias quod traditur, & dominus fias. Queritur, an quia vacua possessio tradita non est, ac ne possessio quidem, nihilominus tibi fundus jure gentium acquiratur? Et putavi aliquando cum DD. Longobardis. Placent Joan. Azon. Accursi. Odofred. Bart. Bald. quos sequitur D. Don. 4. *Comment.* 19. acquiri: neque alienam absentis possessionem obtinere domino, quominus ille rem suam transferat in eum, cui ejus rei corpus prehendum & tenendum dat sine cujusquam impedimento. Cæterum nunc in contrarium moveo, & quidem maximè illa ipsa ratione, qua illi utuntur ad probandum necessitatem traditionis. Ajunt enim, ideo ad acquisitionem & translationem dominii necessariam esse traditionem, quia ratio juris gentium exigit, ut quod factio nostro acquiratur, prius potestati nostræ subijciatur. Ac verò res potestati nostræ subiecta dici non potest, cujus plenam possessionem, eamque quæ avelsi non possit, nacti non sumus, *l. non videtur* 22. *de acq. poss.* l. 4. §. *tunc in potestatem* 12. *de usu.* l. 13. §. 2. *de verb. sign.* Neque potest in nos transferri possessio iusta ejus rei, quam alius possidet, quamdiu possidet, & vel animo retinet possessionem, *l. 3. §. ex contrario* 5. & §. 7. l. 6. §. *ult. de acq. poss.* Sunt verò & alia hujus rei argumenta non pauca. Nam cum unum idemque genus sit, & actus idem traditionis qua transfertur dominium & præstatur causa usucapionis, *arg. l. 11. §. 1. de act. empt. l. fundum* 46. §. 1. *de revest. §. pen. inf. per quas pers.* non magis convenit, re à domino tradita dominium transferri sine translatione possessionis, quam re tradita a non domino jus usucapiendi. Ad hæc si dominium nobis acquiri potest directo sine possessione, poterit & per procuratorem eodem modo. Quid enim interest, mihi res tradatur an mea voluntate alteri meo nomine accipiant? Plane nihil, *l. restituta* 37. *ad sen. Trebel.* Ac certum est, per procuratorem dominium nobis non acquiri nisi per consequentiam possessionis per eum nobis adeptæ, *l. traditio* 20. §. *ult. hoc t. d. §. pen. inf. per quas pers. l. 1. & l. 8. C. de acq. poss.* Quin etiam ipsa traditio non propter se, sed propter possessionem videtur requiri, cum ubi sine traditione possessio ob-

tineri potest, traditio non desideretur, *l. 9. §. interdictum* 5. *inf. eod.* His accedit & veterum manifesta auctoritas, quibus tradere (cum de transferendo dominio queritur) nihil aliud est, quam potestatem facere rei habendæ & possidendæ: traditio nihil aliud est, quam possessionis datio atque translatio, *leg. 3. §. 1. de act. empt.* Hinc illa re tradita, possessionem amitti, *l. si ager* 50. *de rei vind.* retenta possessione, nihil traditum intelligi, *l. servi* 16. *de pec. & comm. rei vind.* Huc denique pertinent textus, *l. cum res* 12. *C. de probat. l. qui pradium* 13. *C. de distr. pign.* & maxime *l. 8. C. de act. empt.* item *l. hac* 47. *de rei vind.* quo loco disertè scribit Paulus, non aliter dominium rei absentis, nobis acquiri, quam si possessionem ejus nacti simus ex voluntate domini, etenim, inquit, nihil commune habet possessio cum dominio, *l. 12. §. 1. de acq. poss.* Quid tum postea? nam nec titulus sine causa, nec nuda apprehensio & detentio habet: quæ tamen illi ipsi in proposito requirunt, qui hoc obijciunt. Separata quoque est causa possessionis & usucapionis, *l. 2. §. 1. pro empt.* nemo tamen inde colligit, usucapionem sine possessione procedere. Nihil ad rem facit, quod dominium retineri potest sine possessione. Non enim tam facile quid acquiritur, quam quæritum semel retinetur. Possessio non acquiritur nisi animo & corpore; animo retinetur solo, *l. 3. §. 1. & §. salutus* 12. *l. 6. in fin. de acq. poss.* Feræ bestię non aliter nostræ sunt, quam si eas ceperimus: manent nostræ semel capte, quamvis effugerint, quamdiu cum spe recuperandi eas persequimur, §. *feræ* 12. *sup. eod.* Unus locus est, quo præcipue moventur qui dominium etiam sine possessione acquiri posse contendunt, *l. si fundum* 16. *de fund. dot.* Ajunt in eo responso mulierem à Triphoniano proponi, quæ fundum, quem Titius possidebat, & prope jam usuceperat, marito in dotem dedit eo effectu, ut fundus dotalis fieret, atque ex eo tempore ad prohibitionem legis Julię pertinere inciperet, maritoque acquireretur vindicatio: quæ omnia arguant, dominium istius fundi marito quæritum fuisse, per *l. in rem* 23. *de rei vind.* junct. *l. dot.* 13. §. 2. *de fund. dot.* cui tamen possessio acquiri non potuit, cum alius fundum possideret. Unde porro effici putatur, fundi istius dominium simplici traditione ac nudo, brutoque corporis contactu in maritum translatum fuisse. Sed eorum, quæ colligunt, nihil ex isto responso necessarium sequitur. Etenim in datam quoque data dicuntur quæ non protinus tradita sunt, sed dari tan-

tum destinata, *l. si rem 14. & l. seq. de jur. dot.* & cur prædium dotale constituit minus rectè dicatur, quòd mulier instrumento dotali proficitur se in dotem dare, quàm ususfructus & jura prædiorum constitui dicuntur pactionibus & stipulationibus, §. 1. *infr. de usufr. §. ult. inf. de servit. præd.* Sed & jus vindicandi marito competere potest, nondum translato rei in dotem datæ dominio, cessione videlicet actionis, *arg. l. ult. C. bar. vend.* quam in specie à Tryphonino proposita intervenisse sine actione in ipsam rem datam omnino credibile est, cum ipsam in dotem tradere, quàm alter possidebat & tenebat, mulier non potuerit. Lex Julia vetat alienari vel usucapi fundum dotalem. Hæc prohibitio legis Juliæ pertinet quidem maxime ad fundum jam traditum & marito acquisitum; quippe qui propriè dotalis est, *d. l. dotalis 13. §. 2. de fund. dot.* & dotalis constituitur, non quali quali traditione, sed ea, quæ & possessionem transferat, *l. 5. in fin. sol. matrim.* Cæterum, ut Tryphoninus significat, pertinet ea lex etiam ad fundum nondum traditum, sed doti tantum destinatum, aut instrumento promissum, translata actione ad dominium vindicandum: propterea credo, quòd qui actionem ad rem vindicandam habet, prope abest ab eo, qui habet rem ipsam, *l. qui actionem de reg. jur.* Juvat hanc interpretationem locus ipse, in quo cum nulla fiat mentio traditionis, tum quòd maritus dicitur fundum à Titio petere debuisset; argumento est Titium ipsum fuisse & mansisse in possessione, nihilque marito ne corporaliter quidem traditum & tenendum datum. Planè sufficit tradentem verè possidere, licet alius in possessione sit, hoc est, rem detineat; nam jus detentionis non impedire, quominus simplici traditione possessio & per eam dominium transferatur, ostendit *l. 14. & tot. tit. quæ in fraud. cred.* Nec obstat quòd dicitur in *l. 2. §. 1. de act. empt.* vacuum possessionem emptori traditam non intelligi, si creditores bona possideant. Hoc enim ad obligationem venditoris pertinet, quæ hoc exigit, non tantum, ut res præstetur vacua ab omni vero possessore, sed etiam ab alio omni, qui sui aliud vel detentionem habeat, cuiusmodi habent creditores, qui morante porro debitor, etiam secundum decretum petere & impetrare possunt. Illud meminisse oportet, disputare nos de acquirendo rerum dominio jure gentium: nam quin jure civili multis ex causis sine possessione acquiratur, veluti additione hæreditatis, agnitione bonorum possessionis, legati, fideicommissi, du-

bium non est. Utilitatis quoque causa jure singulari in quibusdam causis receptum, ut cui possessio non acquiritur, aut acquiri non potest, ei simplici apprehensione acquiratur dominium, eo qui tradit amittente possessionem, vid. *l. acquiruntur 10. §. 4. l. liber 19. junct. l. homo 53. b. t. l. etiam inuiti 32. eod. junct. l. peregre 44. §. 1. de acq. poss. l. 13. de donat. add. Cont. lib. 1. disput. 8. Hotom. illustr. qu. 11. Bronch. 3. aff. 81.*

Voluntatem domini) Est enim suæ quisque rei moderator & arbiter, *l. in rem mand. 21. C. mand.* Cæterum ut quis velle rem suam transferre intelligatur, duo hæc concurrere debent, ut sciat rem suam esse, quam transferre cogitat; ut justam causam habeat, cur velit, puta quia vendit, dare promisit, &c. Illud, quia nemo, qui errans in dominio rei suæ, suam esse ignorans eam pro aliena tradit, hoc animo est, ut eam transferat, *l. si procurator 35. b. t. arg. l. 15. de jurisd. Ajo, in dominio rei suæ: nam si quis non erret in re sua, non in ea, de qua transferenda agitur; sed in re alia, puta in causa debendi; hic error alienationi non obstat: & ideo indebiti per errorem soluti nulla vindictio est.* Hoc, quia nemo rem suam alicui tradit transferendi gratia, nisi causam habeat, cur id faciat. Hinc illud Pauli: *Nunquam nuda traditio transfert dominium, sed ita si venditio aut alia iusta causa præcesserit, propter quam traditio secuta sit* *l. numquam 32. hoc tit.* Nec dicat quisquam, id requiri superfluum, cum si nulla causa adsit, præsumi debeat donatio, *arg. l. campanus 47. de oper. lib.* Quoniam hoc tunc solum locum habet, cum res consulto data est, *l. cuius per errorem 53. de reg. jur.* Illud non refert, an revera præcesserit causa, an opinione tradentis, ut patet in solutione indebiti. Sed questio est, si ego ex una causa tibi tradam, tu ex alia accipias: an hæc in causis tradendi & accipiendi dissenso impediatur dominii translationem. Et siquidem in tradente nulla sit causa dominii transferendi, vel in capiente nulla nanciscendi; ut si ego deponam apud te pecuniam, tu quasi mutuam aut donatam accipias, aut ex converso, si ego tibi dem pecuniam quasi mutuam, tu quasi commodatam accipias ostendendi causa, certum est, dominium non transferri, *l. si ergo 18. §. 1. de reb. cred.* Non enim hic concurrat affectus ex utraque parte contrahentium, quem ad translationem dominii requirimus, *l. in omnibus 55. de obl. & act.* At si utrinque subesse existimeretur causa idonea, ex qua dominium transferatur, veluti si tibi dem fundum tamquam à

me debitum ex testamento, tu quasi ex stipulatu debitum accipias, vel si ego tibi tradam pecuniam donandi animo, tu accipias quasi creditam; hic quia ex utraque causa id pariter agitur ut dominium transferatur, puto traditionem efficacem esse: idque & Julianus generaliter probat, *l. cum in corpus 36. hactit.* Videtur autem à Juliano dissentire Ulpianus in specie posteriore, cum pecuniam tibi dedi quasi donaturus, tu quasi mutuum accipis, *d. l. si ego 18. pr. de reb. cred.* Primum negat hic esse donationem, sed hoc etiam ex sententia Juliani. Deinde ait, nec mutuam esse. Nec hoc quidem negaverit Julianus, quia mutuo data non est. Sed quod addit postea, *magisque nummos accipientis non fieri*; in eo dixeris eum dissidere à Juliano, qui generaliter definit, dissensum in causis transferendi non obstat translationi, cum in corpus quod traditur, consentimus, & hanc regulam etiam eodem exemplo declarat, *d. l. cum in corpus 36.* quod proponitur ab Ulpiano. *d. l. si ego 18. de reb. cred.* D. Contius, 1. *disp. 9.* & Bachov. in *Trentl. disput. de mutuo, thes. 4.* negant hoc dissidium componi posse: & sanè ferri non potest, quod Alciatus *5. pererg. 15. Pac. 3. q. 67.* Gilb. Reg. 2. *enant. ult.* putant, diversas esse horum locorum species, pecuniam creditam apud Julianum interpretantes debitam, contra usum verborum & manifestum sensum Jurisconsulti. Si qua est componendi ratio, ea est, quam assertit Connan. *3. comm. 7. & Don. 4. comm. 18.* & ad *d. l. si ego 18. de reb. cred.* nimirum verba hæc Ulpiani, *magisque nummos accipientis non fieri*, duplicem posse pati interpretationem. Possè sic accipi, ut nummi omnino non fiant accipientis. Possè etiam sic, ut non fiant perfectè, non irrevocabiliter, ex comparatione scilicet acquisitionis rei donatæ, *arg. l. aliud est capere 71. de verb. sign. leg. cum quis 38. §. 1. de solut.* fiant tamen eo effectu, ut etiamsi adhuc extent, vindicari nequeant consumpti, nec efficaciter condici. Atque hoc posteriore modo verba Ulpiani accipienda esse propter generalem Juliani definitionem. Et videtur aliquo modo suadere hanc interpretationem etiam ratio ab Ulpiano subiecta, *cum alia opinione acceperis*; quippe qui donatum sibi tamquam mutuum accipit, non eo animo est, ut dominus non fiat, sed ut non fiat simpliciter & sine obligatione restituendi tantumdem, tamquam ex causa donationis. Fufius hæc ex quoq. lib. 2. *sel. qu. c. 35.*

Cujuscunque generis sit) Modò ne talis, cuius alienatio prohibita, ut fundi dotalis: aut

ne causa ex qua traditur jure improbata, ut donatio inter virum & uxorem. Ait autem, *cujuscunque generis*, ut significet, non solas nunc res nec mancipi, ut olim, simplici traditione & nudo naturali actu pleno jure transferri: sed etiam res mancipi, cujusmodi erant prædia & prædiorum jura in Italico solo, servi, & quadrupedes, quæ dorso colloque domantur, & olim non abalienabantur ex jure Quiritium sine actu civili, sine nexu aut cessionis in jure solemnitate, vid. Ulpian. *tit. 19. in fragm. Razv. ad leg. 12. tab. cap. 16.*

Corporales res) Nam res incorporeales propriè traditionem non recipiunt, *l. 3. §. si iter 2. de act. empt. l. servus 43. §. 1. hoc tit.* uti nec possessionem, *l. 4. §. si viam 27. de usurp. & usuc.* Sed est in his, quod vice traditionis fungatur, patientia domini, & vice apprehensionis possessionisque sit usus illius, cui dominus hujusmodi jus quæsitum vult, *l. ult. de serv. l. 3. in pr. de usufr. d. l. 3. §. si iter. de act. empt. l. 2. §. ult. de prec.*

A domino) Qui scilicet liberam rerum suarum administrationem habeat. Nihil autem interest, utrum ipse dominus rem suam alicui transferendi causa tradat, an voluntate ejus alius, procurator puta, aut creditor, *§. nihil autem 42. inf. cod. §. 1. inf. quib. al. lit. aut etiam alii qui jure pro dominis habentur, ut tutores & curatores, l. bona fidei 106. de verb. sign. l. non omni 16. & l. lex 22. C. de adm. tut.*

Tradita alienatur) Non minus videlicet pleno jure, quam si mancipata aut jure cessa esset, sublato antiquo discrimine domini, *l. non C. de nud. jur. Quir. toll.* Etenim duo antiquitus fuere dominorum genera, naturale unum, quod in bonis; alterum civile fide legitimum, quod ex jure Quiritium appellabatur, & vel nudum erat, vel plenum. Si, verbi causa, civis Romanus à cive Romano servum emisset, isque ei traditus esset, neque tamen mancipatus aut cessus in jure, neque ab eo possessus, is servus in bonis quidem emptoris erat; ex jure verò Quiritium non erat, sed eo jure manebat venditoris, quamdiu mancipatus, in jure cessus, aut ulscaptus non esset. Jus hoc Quiritium sibi asserbat, qui vindicabat hæc vulgata formula, *Hunc ego hominem ex jure Quiritium meum esse ajo*, *l. 1. de rei vind.* Hinc & illa judicis dati formula apud Cic. 4. in *Verr. Cap. 12.* Si paret fundum Capenatem, quo de agitur, ex jure Quiritium P. Servilii esse, vide si Theoph. *t. 1. de libert. Ulp. d. tit. 19. Brisson. 4. antiq. 22. Razv. d. cap. 16.* Erat autem ejus, qui in bonis habebat causa potior, quam domini ex jure Quiritii: nam si servus al-

terius in bonis, aliterius ex jure Quiritium esset, ex omnibus causis acquirebat ei, cujus in bonis erat, Ulp. d. tit. 19. §. penult. Qua de causa Justinianus nudum hoc & inane Quiritium jus sustulit, d. leg. un. C. de nud. jur. Quir. toll.

Tributaria pradia eodem modo alienantur) Dixit, res omnes, cujuscumque generis sint, traditione alienari, hoc est, ut omnes exponunt, non minus res mancipi quam nec mancipi. Hinc infert etiam, eodem modo alienari pradia provincialia. Atqui hæc pradia fuisse res nec mancipi: res autem nec mancipi etiam veteri jure nuda traditione abalienabantur, Ulp. d. tit. §. 6. Unde videtur ex contrario sic inferendum fuisse, Itaque Italica quoque pradia eodem modo alienantur. Verum alio respicere Imperatorem, ex sequentibus apparet, ad exequationem videlicet juris prædiorum provincialium & Italicorum, cujus ipse primus auctor est, l. un. C. de usuc. Olim agri & pradia in Provinciis non erant pleno jure possessorum, sed usu & fructu dumtaxat: summo autem jure propria erant populi Romani, quippe quæ prædia cum primum jure belli unâ cum possessoribus in jus & ditionem populi victoris venissent, hoc est, publica facta essent populi Romani, sæpe provincialibus seu veteribus dominis denuo utenda & fruenda concedebantur, imposito annuo vectigali aut tributo in argumentum retentionis proprietatis aut summi juris. Unde est, quod prædia ista à possessoribus mancipio dari non poterant, nec ab alio usucapi, sed longi dumtaxat temporis possessione illud quod dixi jus in iis acquiri: de quo uberius tit. 16. Poterat & nuda traditione jus idem in quovis alios transferri, salva scilicet semper manente proprietate populo aut Principi. Igitur quod de hisce prædiis ait, eodem illa modo alienari, sic accipiendum est, alienari plenè & perfectè, simpliciterque traditione transferri in accipientem verum & justum dominum: idem nimirum, quod nunc quisque dominus in re sua qualibet habet, sublatâ rerum & dominiorum distinctione, d. l. un. C. de nud. jur. Quir. toll. d. l. un. C. de usuc. transf. Atque hinc pater constitutione Antonini, qui provincialibus omnibus jus civitatis dedit, l. in orb. 17. de stat. hom. effectum non esse ut solum provinciale ejusdem juris esset cum solo Italico. Primus enim Justinianus differentiam sustulit, voluitque, eodem jure prædia omnia censi, d. l. un. C. de usuc. transf. & hoc text. Obiter addo jus illud vetus provincialium possessorum non fuisse jus peronale, quale est usufructus: sed reale & proximum

dominio, & usufructus est emphyteuticum, & quod vulgo appellatur dominum utile. Nam & possessiones suas hæredibus relinquere, & cuivis extraneo in jure cedere, Ulp. d. tit. 19. §. 8. Theoph. hic, & servitum his imponere poterant, l. 3. C. de servo.

Sunt autem stipendiaria & tributaria pradia, quæ in Provinciis) Nemo hinc colligat, prædia omnia, quæ in provinciis erant, vectigalia fuisse. Certum enim est, multas civitates beneficio populi aut Principum jus habuisse Latii sive Italiz & sine eo jure colonias nonnullas provinciales & civitates immunes fuisse, l. 1. l. pen. l. ult. de censib. Cic. 3. in Verr. Plin. l. 3. nat. hist. c. 3. & 11. Sed hic sensus est, prædia, quæ in Provinciis sunt, quæ stipendium aut tributum pendunt, stipendiaria dici & tributaria, uti possessores eorum dicuntur stipendiarii & tributarii. Tributum, si Theophilo credimus, inferebatur Principi, stipendium populo. Hinc Provinciz Cæsaris tributariæ, populi stipendiariæ. De quo tamen dubito, magisque puto verba ista dici eorumque. Nam constat, Principes sensim sibi Provincias omnes seposuisse, neque diu ratam mansisse partitionem illam Provincialium quam cum populo Augustum fecisse refert Suet. c. 7. Certe tempore Justiniani, ut fisci & ærarii, ita & stipendii & tributii nulla fuit differentia. In libris Pand. aliquando separantur, ut in l. 7. §. 2. de usus. leg. neque 13. de imp. in res dot. l. aufertur 46. §. qui compensationem de jur. fisc. Sed tamen eorumque esse ex auctoritate Pomponii refert Ulpian. l. si ager 27. §. 1. de verb. sign. Stipendium, inquit, à stipè appellatum est, quod per stipes, id est, modica ara colligatur. Idem hoc etiam tributum appellari Pomponius ait. Et sanè, inquit, appellatur à contributione tributum, vel ex eo, quod militibus tribuatur, ita & Festus in voce Tributum. Varro autem l. 4. de ling. sic dictum scribit, quod tributum à singulis pro portione census exigatur. Neque solum initio, ut ex Cic. Cæf. Liv. Plin. Gellio discimus, stipendium & tributum promiscuè appellata est ea pecunia, quæ populo imperabatur & colligebatur in publicum, ut ex ea milites sustentaretur: sed etiam apud posteriores, Sueton. Eutrop. Sextum Rustum, promiscuum eorumdem verborum usum reperias, ut observavit D. Cujac. 7. obs. 3. In eo sanè aliqua differentia est, quod plerumque stipendium, non tributum, appellamus æs, quod ex tributo militibus solvitur; unde stipendia facere &c. Petilius Cerealis apud Tacit. lib. 4. hist. cap. 74. Neque quies, inquit, gentium sine armis, neque arma sine stipendiis, neque

que stipendia sine tributis haberi queunt. Verum hoc ad præsentem disputationem non pertinet. Illud verum esse ostendit antiquitas, quod D. Hotomannus hic notat, provincialium alios vectigales fuisse, alios stipendiarios, si-ve tributarios. Vectigales, qui incertum vectigal solvebant, ut decimam partem frugum: unde Decumani dicti, & eorum ager decumanus; de quibus multa Cicero 3. in Verr. Stipendiarios, qui certum vectigal in pecunia vel etiam in frumento pendebant. Quod & tributum seu stipendium, teste Cicero 5. in Verr. stipendiatum, dicebatur. Quamquam vectigalis appellatio latius patuit, easque etiam pecunias comprehendit, quæ vel portorii, vel scripturæ, vel salis, aut vicesimæ nomine exigebantur, de quo in præsentia non queritur, l. ult. §. species 8. de publican. consule Sigon. 1. de jur. civ. Rom. 16. Freig. in lib. 3. Cic. in Verr. Gœd. ad l. inter publica 17. §. 1. & l. si ager 27. de verb. sign. VINN. Accuratus hæc omnia exponit V. C. Petr. Burmannus de vectigalibus Populi Rom. qui hic omnino conferendus. HEIN.

TEXTUS.

2. Limitatio.

41. Vendita vero res & tradita non aliter emptori acquiruntur, quam si is venditori pretium solverit, vel alio modo ei satisfecerit, veluti expromissore aut pignore dato: quod quamquam cavetur lege duodecim tabularum, tamen recte dicitur & jure gentium, id est jure naturali, id effici. Sed si is qui vendidit, fidem emptoris sequutus fuerit, dicendum est, statim rem emptoris fieri.

COMMENTARIUS.

- 1 Cur ex cæteris causis dominium traditione statim transeat, ex causa emptionis non aliter quam si pretium solutum sit, &c.
- 2 Satisfacere & solvere, item fidejhabere, & expromittere, quomodo differant?
- 3 An præsumatur venditor fidem emptoris secutus ex eo, quod simpliciter rem tradiderit?
- 4 Ad translationem rerum immobilium quæ jure civili Batavorum desiderantur?

Quod hic traditur, proprium est emptio-nis. Ex alia causa si quis rem suam sciens tradiderit, statim eam facit accipientis, neque amplius quicquam ad translationem domini requirimus: in emptione verò & tertium exigitur, ut pretium solutum

sit, aut necessitas ejus solvendi in præsentia remissa. Cur verò tam variè? Nimirum quia in cæteris, qui rem suam scientes ex justa causa tradunt, veluti ex causa donationis, dotis, legati, &c. voluntas transferendi manifesta est, in venditore non est, si nihil amplius de voluntate ejus constet; quippe qui ex communi hominum sensu hac lege & conditione potius rem, quam vendidit & tradidit, transferre voluisset censi debet, si pecunia sibi soluta sit, (hanc enim spectat, & protinus sibi numerari velle videtur, qui rem vendit) quam animum habuisse rem suam purè & simpliciter in emptorem transferendi. Constat autem, ejus, quod sub conditione datur aut traditur, dominium in accipientem non statim transferre, l. 8. de reb. cred.

Vel alio modo ei satisfecerit) Traditur hoc idem l. quod vendidi 19. de cont. empt. l. 5. §. pen. de trib. act. fac. l. ut res 53. de cont. empt. Satisfaciendi verbum generalius est, quam solvendi. Qui solvit, utique & satisfacit: at non omnis satisfactio solutio est. Satisfacit & qui non liberatur, veluti si quis fidejussorem vel pignora det: solutione verò obligatio tollitur. Aut, ei satisfecerit; nimirum venditor volenti & fidejussorem vel pignus loco solutionis accipienti: neque enim cogitur creditor admittere satisfactionem vice solutionis, leg. 6. §. 1. quib. mod. pign. l. 10. de pign. act. non magis quam solutionem alterius rei, quam quæ debetur, leg. 2. §. de reb. cred. l. 16. & sequ. C. de solut.

Expromissore) Hoc nomine etiam fidejussor hic intelligi videtur, ut in l. 4. §. 3. de re jud. Certum enim est, tam fidejussorem quam expromissorem dato, rem emptoris fieri, d. l. ut res 53. de cont. empt. Enimverò cum propriè loquuntur Jurisconsulti, fidejussorem, quem alio nomine adpromissorem vocant, l. si verò 64. §. 4. sol. matr. l. in omnibus 43. de solut. separant ab expromissore, ut in d. l. 53. de contr. empt. l. qui libertinus 37. §. ult. de op. libert. Expromissor is propriè dicitur, qui alienam obligationem novandi animo in se suscipit, leg. ult. de sen. Mac. d. l. qui libertinus 37. §. 4. de op. lib. & simpliciter reus appellatur, l. 7. §. servus 8. de dol. mal. l. si vero 64. §. 4. sol. matr. nempe quia promissor debitorem liberat, & vice ejus, se solum debitorem constituit. Fidejussione autem nulla sit novatio, aut primi debitoris liberatio: sed fidejussoris obligatio, ut pignus, accessio est principalis obligationis, §. fidejussores 5. inf. de fidejuss. l. in omnibus 43. de solut.

Quamquam cavetur lege 12. tab.) Pleraque quæ

quæ lege 12. tabularum cautæ sunt, rationem civilem habent, formulæque & solemnia spectant, ut liquet ex fragmentis, quæ à viris doctis collecta in manibus studiosiorum versantur: non tamen omnia. Nam quod placet, rem venditam non aliter emptoris fieri, quàm si pretium venditori solutum sit, aut satis eo nomine factum, id jure & ratione naturali, ea quam dixi efficitur: & tamen id ipsum quoque lege duodecim tab. cautum. Non rectè igitur sic collegeris, id cautum est lege civili, ergo est juris merè positivi; aut, ergo id non efficitur jure gentium sive naturali. VINN. Inde verò est, quòd in traditionibus, quæ nexu & principio hæbant, adhibenda esset ænea libra, & emptor eam ære percuteret, indeque æs daret ei, à quo mancipio acciperet. Vid. Caji fragmentum apud Boethium in *Comment. ad Cic. Top. lib. 3.* Non enim translatum credebatur dominium, nisi satisfactum esset mancipanti. HEIN.

Fidem emptoris secutus fuerit Id est, fidem emptori de pretio habuerit sine ulla satisfactione, d. l. 19. de const. empt. *ἐκ τῆς ἀντιλήψεως καὶ τῆς ψιλλῆ ἐμπλαγίας αὐτῶν*, quod ex circumstantiis æstimandum, veluti si dies solutioni dicta sit, leg. 3. Cod. de pact. int. empt. & vend. aut si, cum emptor pecuniam ad manum non haberet, venditor dixerit, I, licet: nunc non requiro: postea dabis. Planè si nulla mentio facta sit de pretio postea solvendo, ex eo solo quòd venditor rem tradidit, censeri non debet fidem emptori habuisse, ut hic locus & d. l. 19. apertissimè ostendunt. Adeoque regula illa, quam hic ex communis opinionione Schneid. tradit; *In dubio qui rem venditam simpliciter emptori tradit, sequi videtur fidem emptoris, nisi contrarium appareat*; convertenda est, & sic concipienda: *In dubio qui rem emptori tradit, non videtur sequi fidem emptoris, nisi emptor contrarium doceat.* Atque ita communiter DD. suo tempore tenuisse refert Jo. Fab. & probant Weseimb. & Bachov. Jure civili Batavorum ad translationem sive alienationem prædiorum, censuum, decimarum, aliarumque rerum immobilium non sufficit eam privatim traditam esse, licèt à domino, qui plenam rerum suarum administrationem habet; sed necesse est, ut earum rerum traditio fiat publicè & coram judice ejus loci, in quo fixæ sunt. Privatim aut apud alium judicem facta, nullius momenti habetur: exceptis bonis feudalibus, quorum traditio faciendam coram domino feudi, ejusve Vicario, & paribus curiæ. Hoc enim cum antea quibusdam dumtaxat in locis ex consuetudine obser-

varetur, generali lege sancitum est à Carolo Quinto anno 1529. Ab Ordinibus additum, ut hujusmodi traditiones actis insinuarentur, hoc est, referrentur in litteras publicas: & si ex causa venditionis aut permutationis fierent, quadragesima pretii aut justæ rei estimationis in ulum publicum fisco poneretur, fac. art. 7. Ord. pol. D. Grot. lib. 2. man. cap. 5. & ibi Groenevv.

TEXTUS:

3. Ampliatio.

42. *Nihil autem interest, utrum ipse dominus tradat alicui rem suam, aut voluntate ejus alius, cui ejus rei possessio permessa sit. Quæ ratione si cui libera universorum negotiorum administratio permessa fuerit à domino, isque ex iis negotiis rem vendiderit, & tradiderit, facit tam accipientis.*

COMMENTARIUS.

1. *Distinctio, quæ vulgo fit inter procuratorem, cui simpliciter rerum omnium administratio commissa est; & procuratorem cum libera, ut loquuntur, latè improbat.*

CUM ad dominium traditione transferendum necesse sit, ut dictum est, ut res tradatur à domino, hoc nunc ex Cajo leg. 9. §. nihil autem 4. hoc it. declarat Imp. atque sic esse accipientem ait, ut nihil intersit, utrum dominus ipse per se rem alicui tradat, an alius voluntate ejus: quippe quod quis per alium facit, dum ei mandat aut jubet, ut faciat, id ipsum eum facere videri, leg. 5. §. 3. de adm. tut. l. 1. §. deiecit 12. de vi & de vi arm.

Cui ejus rei possessio permessa est Hoc om restituit, cui ejus rei potestas permessa est, quod quidem sensum habet commodiorem: sed tota hæc adjectio abest à Cajo, & paraphrasi. Græco. Unde suspicor, glossam esse, quod in textum reptavit: ob eamque causam etiam à Cujacio hoc omissum.

Si cui libera universorum negotiorum Si nominatim alicui mandatum sit, ut rem tradat, nemo ambigit, quin si mandato perieverante id faciat, dominium ejus rei transferatur in accipientem, l. solutum 11. §. ult. de pign. act. leg. restituta 37. in fin. pr. ad sen. Treb. l. fundi 31. de acq. poss. nec ulla hic exceptio est: quoniam in speciali mandato non potest dubitari de voluntate domini. An autem & mandati generalis hæc vis sit, ut procurator cui universorum bonorum administratio per-

missa est, possit rem ad administrationem suam pertinentem sine exceptione alienare, aut in alium transferre, quæri solet, DD. comm. duo genera ejusmodi procuratorum faciunt, unum eorum, quibus simpliciter rerum omnium administratio commissa est; alterum, quibus commissa est libera, nominatim scilicet hoc adjecto, & procuratorem cum libera (sic loquuntur) etiam jus rem alienandi habere contendunt, modo ne id fiat animo donandi: cum autem, cui simpliciter administratio mandata est, nihil alienare posse præter fructus, aut res alias, quæ facile corrupti possunt. Verùm hæc distinctio ut commentitia & Veteribus incognita, à Duar. ad leg. 1. §. per procuratorem 20. de acq. poss. Don. 4. com. 15. Vaud. 1. quæst. 47. & aliis nonnullis doctis viris rejicitur. Et verò si ex mandato æstimandum, quid cuique liceat in re aliena, dicendum omnino videtur, parem esse debere horum procuratorum potestatem; nec quod alteri non licet, id alteri in re dominica licere. Quid enim interest, simpliciter alicui bonorum universorum administratio mandata sit, an mandata adjecto verbo, libera? Non magis hæc differunt, quàm hæres simpliciter institutus, & institutus ex affe. Administratio quantumvis simpliciter tradita, nihilominus libera tradita intelligitur: quippe quam liberè exercere liceat in rebus omnibus, nec minùs liberè, quàm si specialiter de singulis mandatum esset, excepto si quid generali cuiusmodicumque mandato non continetur: quæ sunt donatio, leg. 7. de donat. manumissio, leg. servus 13. de manumiss. rei dominicæ pro alio obligatio, leg. 1. §. quæ res pign. dat. liberatio pignoris aut hypothecæ, leg. 7. §. 1. quib. mod. pign. solvo. item quævis alia juris domini remissio, leg. mandato 60. de procur. l. præf. 12. C. de transact. alienatio quoque rerum domini, quam non exigit ratio administrationis, leg. procurator tutorum 63. de procur. junct. leg. 12. & ult. de cur. fur. l. procuratorem 16. Cod. de proc. l. 1. §. 1. de off. proc. Caf. Hinc cui simpliciter rerum gerendarum provincia demandata est, rem domini in iudicium deducit, leg. 12. de pact. quod illis tantum licet, qui domini loco habentur, leg. tutor. 22. & leg. 27. de adm. tut. potest exigere & accipere, leg. 11. de pact. l. qui hominum 34. §. 3. de solut. creditoribus solvere, leg. quolibet 87. eod. sit. novare, l. 20. §. 1. de novat. potest transigere, pacisci, jurjurandum deferre, d. l. præf. 12. C. de transact. d. l. 12. de pact. l. jurjurandum 17. §. ult. de iurejur. modo ea faciat in re dubia & probationibus deficientibus, arg.

Tom. I.

l. tutor 35. d. tit. de iurejur. Potest rem domini pignori dare, si mandatum accepit ab eo, qui sub pignoribus solebat mutuas pecunias accipere, l. 12. de pign. act. Potest vendere ea, quæ servando servari non possunt, leg. procurator 63. de procur. & quatenus negotiorum exigit administratio, etiam alia quædam ob magnam utilitatem alienare, arg. l. 12. & l. ult. de cur. fur. Non debet plus licere ei, cui libera administratio permissa est; ut enim maximè libera sit administratio, tamen est nihil amplius. Quod igitur de huiusmodi procuratore traditur, posse eum aliud pro alio permutare, l. 1. procurator 58. de proc. hoc & in superiore verum est: in utroque autem sic accipiendum, si conditio & ratio administrationis id flagitet. Eodemque modo etiam accipi debet, quod hoc loco & apud Cajum, d. l. 9. §. 4. eod. relatum est, procuratorem cum libera rem ex negotiis sibi commissis vendendo & tradendo facere accipientis. Planè potest mandatum ita concipi, ut post generalem clausulam quædam etiam specialiter exprimantur: quæ alioqui aut non concessa, aut non tam planè concessa intelliguntur, ut in specie, leg. creditor 60. §. Lucius 4. mand. Argumentum, quod ab administratione peculii sumptum, ad distinctionem suam probandum DD. afferunt, nullum est, & distinctio administrationis peculii in simplicem & liberam, ex leg. 10. Cod. quod cum eo qui in al. pot. ipsa quoque suspecta, confer. leg. si convenerit 18. §. ult. de pign. act. leg. si quis 41. §. ult. de rei vind. l. pen. §. 3. de div. & temp. præsc. l. 13. in fin. de cond. ind. l. libera 48. pr. & §. 1. de pecul. l. ult. de novat. l. contra 28. §. 3. de pact. leg. 8. §. an pacisci §. quib. mod. pign. Atque hoc etiam Vaudius animadvertit d. loc. qui etiam contendit, plus licere filiosam aut servo liberam peculii administrationem habentibus in administratione rei peculiaris; quàm procuratori universorum bonorum in rebus mandatis: propterea quòd peculium est quasi proprium patrimonium servi filiive familias à substantia & rationibus domini patrisve separatum atque abstractum, leg. 5. l. peculium 39. de pecul. quod longè diversum sit in procuratore. Ad hæc unam eandemque servi & domini, unam patris & filii personam videri, leg. 10. de opt. leg. l. ult. in fin. Cod. de impub. subst. §. 4. & §. post mortem 12. inf. de inut. stip. Utcumque sit, certè alienationem ut donent, aut jus aliquando gratuito remittant, vi generalis mandati non habent, l. 1. §. si servum 8. de don. int. vir. & uxor. l. 1. §. 1. quæ res pign. dat. l. 7. de donat. l. 3. §. 2. vers. si

Hh

fi-

filiusfam. de Sen. Mac. l. contra juris 28. §. 2. de pact.

TEXTUS.

De quasi traditione. Si traditio ex alia causa præcesserit.

41. *Interdum etiam sine traditione nuda voluntas domini sufficit ad rem transferendam, veluti si rem, quam tibi aliquis commodaverit, aut locaverit, aut apud te deposuerit, postea aut vendiderit tibi, aut donaverit, aut dotis nomine dederit. Quamvis enim ex ea causa tibi eam non tradiderit; eo tamen ipso, quod patitur tuam esse, statim tibi acquiritur proprietatis, perinde ac si eo nomine tibi tradita fuisset.*

NOTÆ.

43. *Perinde ac si eo nomine*) Fictioe scilicet brevis manus, ut una actio hic occultetur, leg. 3. §. pen. D. de don. int. vir. & ux. Fingitur res ex priorè causa restituta, & ex posteriore denuo tradita.

COMMENTARIUS.

DICTUM est in explicatione §. *per traditionem*. 40. *sup. eod.* dominia rerum transferri non nudis pactis, sed traditione. Nihil autem interesse, an verè traditio fiat & naturaliter, an fictè & per representationem. Fictæ traditionis usus in rebus incorporalibus necessarius est; utpote quæ natura traditionem non recipiunt; l. *servus* 43. §. 1. *boc tit.* pro traditione autem in his est utendi concessio, l. *ult. de serv.* l. 3. *de usufr.* in aliis rebus propter commoditatem recepta, quo expeditior esset ratio commerciorum. Et in his rebus fingitur traditio intervenire, si ea vel nota sive symbolo aut alia re quapiam representetur, vel res geratur brevi manu. De ea, quæ symbolo fit, dicitur §. proximo. Fictioe brevis manus traditio fit, cum vel rem meam, quæ apud te sit, ex alia causa tibi vendo aut dono, ad quam speciem pertinent exempla hoc §. proposita ex Cajo l. 9. §. *interdum* §. *eod.* vel cum eum, qui mihi dare volebat, aut debebat, jussero tibi dare, l. 3. §. *pen.* & *ult. de don. int. vir. & ux.*

Nuda voluntas) Non quæ planè & per se nuda sit, aut præter consensum nihil habeat, quemadmodum cum dicimus, ex pacto nudo actionem non nasci, nudum intelligimus, quod simpliciter nudum est, hoc est, tale, quod præter conventionem nihil causæ habeat ad obligandum eum, qui pactus est; l. 7. §. 4. *de*

pact. l. 10. C. *eod.* Nam cum ne actio quidem ex hoc genere pacti competat ad dominium adipiscendum, plusquam manifestum est, dominium ex eo transferri non posse. Non etiam quæ nuda sit ab omni traditione: quomodo nuda pacta accipimus, cum traditionibus in genere opponuntur, l. *traditionibus* 20. C. *de pact.* & pignus nuda conventione contrahi dicitur, qua convenit: ut res pignori sit sine ulla traditione, l. 1. *de pign. act.* Sed nuda ex comparatione ejus rei, cui hoc loco opponitur, id est, nuda à vera & naturali traditione, quæ causam transferendi sequatur. Nam si nuda sit ab omni non tantum reali, sed etiam ficta & symbolica traditione, sola voluntas dominium transferre non potest. Eodem sensu quarumdam rerum possessio animo apprehendi dicitur, l. *anteq. de acq. poss.* vimurum oppositivè ad actualem & naturalem apprehensionem.

Commodaverit, locaverit, aut apud te deposuerit) Vel etiam pignori tibi dederit, leg. 9. §. 1. *de pub. in rem act.* Nec videberis causam possessionis tibi mutare, qui ne possidebas quidem, l. 3. §. *sed si* 20. *de acq. poss.* Sed & si rem meam possideas, & eam tibi vendam, aut tibi habere jubeam, fiet tua, quamvis possessio apud me non fuerit, l. *si servus* 21. §. 1. *boc tit.* l. 10. *de donat.* l. *si rem* 62. *de evict.* Ad hoc genus fictæ traditionis etiam pertinent species, l. 3. §. *pen.* & *ult. de don. int. vir. & ux.* si id quod alius mihi dare volebat, jussim Titio dari: quamvis fictio nonnihil dissimilis, & inter tres personas.

Perinde ac si eo nomine tibi tradita esset) Apparet, hic actum aliquem adficti sive fingi, qui pro traditione sit; cum causam transferendi nulla sequatur traditio secundum ordinem naturæ: & ideo in proposito dicitur res pro tradita haberi, d. l. *si rem* 62. *de evict.* & *boc* §. dominium transferri nuda voluntate. Fictio sive cogitatio talis est: creditur res tibi commodata aut apud te deposita, domino, qui eam postea tibi vendidit aut donavit, restituta, atque ab eo mox ex ea causa tibi tradita. Quod à Consultis ideo excogitatum est, quia hoc modo celerius & sine inutili circuitu ad finem propositum pervenitur, d. l. 3. §. *pen. de don. int. vir. & ux.* Unde in simili; si debitorem meum jussim tibi dare, fingitur brevi manu acceptum à me, & tibi datum, ut una actio hic occultetur, d. l. 3. §. *pen.* & *ult.* l. *licet* 43. §. 1. *de jur. dot.* Eadem fictio intervenit & in iis, quæ singulariter circa pecuniam creditam recepta esse scribit Ulp. l. *singularia* 15. *de reb. cred.* sive res geratur inter

tres

tres personas, veluti si Titium pecuniam, quam mihi debebat, jusserim Sejo mutuo dare; sive inter quas, puta si convenerit, ut pecuniam, quam tu mihi ex mandati causa debes, crediti nomine retineas. In utraque enim hac specie fingitur mihi data pecunia, & à me ad te aut ad Sejum profecta: quamquam Africanus stricti juris retinentior fictionem istam non videret admittere in specie posteriore, vid. l. qui negotia. 34. mand. ejusque Interpretem Cujac. 8. ad Africanum. Sunt tamen, qui putant, absentiam debitoris impedire fictionem brevis manus, quasi factum fingi non possit jure, nisi & per rerum naturam fieri potuerit, per l. falsus 43. §. 2. de furt. & ideo Ulp. sententiam admittendam censeat, si debitor præsens sit & paratus pecuniam numerare: Africanus, in debitore absente, aut qui pecuniam ad manum non habeat: quippe discretè Africanum loqui de eo, qui epistolam misit ad creditorem, ac proinde de eo, qui absit. D. Don. in d. l. singularia. 15. de reb. cred. num. 22. & seq. Utut sit, hoc jure non utimur, ut absentia hujusmodi fictiones non impediat. Plura diximus lib. 1. sect. 4. quæst. c. 40.

T E X T U S.

De traditione clavium.

44. Item si quis merces in horreo depositas vendiderit, simul atque claves horrei tradiderit emptori, transfert proprietatem mercium ad emptorem.

N O T A E.

44. Tradiderit emptori) Apud horem, dist. l. 74. in re præsenti, l. 1. §. penult. D. de acquir. possess.

C O M M E N T A R I U S.

HOc §. agitur de eo genere fidei traditionis, quæ nota aliqua aut symbolo veram repræsenter, cujus una species proponitur, si mercibus certo loco conclusis, quas dominus mihi traditas velit, claves ejus loci mihi tradantur, ex dist. l. qua ratione 9. §. item si 6. hoc tit. Sunt autem hujus generis & alie species, veluti traditio instrumenti, quo tradito res ipsa, de qua alienanda in eo agitur, tradita & translata intelligitur, l. 1. C. de don. Trabium & tignorum obligatio pro eorum traditione valet, leg. quod si 14. §. 1. de per. & com. rei vind. Item custodis appositio, si res non facile loco moveri possint propter magnitudinem ponderis, l. antepen. de acquir. possess.

Potest & sine nota actus aliquis traditionem repræsenter: nam si in re præsenti & aperta dominus eam se mihi tradere dicat, ego sim hoc animo, ut velim possidere: hic placuit me possessionem nascisci oculis & affectu, perindeque hoc haberi, ac si pedem finibus intulissem, corpore ac manu rem apprehendissem, l. 1. §. pen. leg. quod meo. 18. §. 2. de acquir. possess.

Simul atque claves horrei tradiderit) Clavibus horrei aut cellæ traditis, etiam merces inclusæ (frumentum, vinum) oculis & sensibus non subjiciantur, earum tamen rerum possessio & dominium nobis acquiritur, haud secus ac si res ipsæ conditæ nobis traditæ essent, dist. leg. qua ratione. 9. §. item si 6. d. l. 1. §. penult. l. clavisibus. 74. de contr. empt. Cæterum hoc ita, si claves traditæ sint apud ipsum locum, in quo res conditæ sunt, dist. l. clavisibus. 74. Nam & symbolica traditio esse debet, ut per eam res potestati nostræ statim subjiciatur: quod non fit, si alibi claves tradantur: & ideo rectè hoc expressit Theoph. ius παρὰ τὸ τὸ ἀπορρ

T E X T U S.

De Missilibus.

45. Hoc amplius interdum & in incertam personam collata voluntas domini transfert rei proprietatem: ut ecce, prætores & consules, cum missilia jactant in vulgus, ignorant quid eorum quisque sit excepturus: & tamen quia volunt, quod quisque acceperit, ejus esse, statim eum dominum efficiunt.

C O M M E N T A R I U S.

ET si regulariter in translatione domini non minus persona accipientis quam tradentis certa esse debet, ut affectus ab utraque parte contrahentium concurrat, l. in omnibus. 55. de obl. & ad. evenit tamen interdum, ut dominium per traditionem transeat in personam accipientis incertam, veluti cum missilia jactantur ut sparguntur in vulgus: quod exemplum hoc loco proponitur, & l. 9. §. pen. cod. etenim qui pecunias suas ita spargit aut projicit, in nullius certæ personæ destinationem fertur, & planè ignorat, quis quid earum rerum sit accepturus. Utique tamen quia palam est, velle cum quod quisque ex spatio apprehenderit id sibi habere: æquissimum est & naturali rationi consensancum, ratam haberi domini voluntatem, arg. §. per traditionem 40. supr. cod. Poterat videri, quod

ita sparsum est pro derelicto habitum, & ideo apprehendenti cedere jure occupationis rerum nullius. Sed magis est, ut ex voluntate domini traditum sibi accepisse dicamus: cum in eum finem pecunia sparsa sit, ut statim apprehenderetur, & quantum apprehensum esset, fieret apprehendentis, quo animo non est is, qui rem pro derelicto habet. VINN. Immo certissimum est missilia nostra fieri non per traditionem, sed per occupationem; quia qui illa spargit, eorum dominio vero sese abdicat, antequam quis ea apprehenderit. Quorum dominio nos abdicavimus, ea sunt derelicta. Res pro derelictis habitæ cedunt occupanti. Nec ratio Vinnii aliud suadet. Omnes enim res pro derelictis habitæ eo fine abijciuntur, ut apprehendantur, & quantum quisque apprehenderit, fiat apprehendentis. Quo animo esse derelinquentem, cur neget auctor noster, equidem non video. HEINE.

Prætores & Consules) Desunt hæc apud Cæjum: & vix est, ut reperias, Magistratus populi Romani, Consules, aut Prætores missilia sparsisse. Principes id fecisse legimus apud Sueton. in *August.* c. 98. in *Caligul.* c. 18. in *Neron.* cap. 11. Ut Consules sparserint, & Græcorum consuetudine fluxisse videtur: quam Marcianus non sine causa sustulit, l. 2. C. de *consul.* & non *sparg.* pec. l. 12. revocavit ad certum modum Justinianus. Nov. 105. cap. 2. §. 1. qua constitutione permittitur volentibus Consulibus missilia spargere, & muneribus honorare populum, dum ne id sæpius faciant, quam septies in anno, & in septem processionibus; nec aurum populo spargant, quod soli datur imperio. Hæc constitutio iterum abrogatur à Leone, usque missilium Consulibus in totum interdicitur, Nov. Leo. 94.

TEXTUS.

De habitis pro derelicto.

46. *Qua ratione verius esse videtur, si rem pro derelicto à domino habitam occupaverit quis, statim eum dominum effici. Pro derelicto autem habetur, quod dominus ea mente abjecerit; ut id in numero rerum suarum esse velit: ideoque statim dominus ejus esse definis.*

COMMENTARIUS.

1. *Quæ requirantur, ut res pro derelicto habitæ censeatur?*
2. *Pro derelicto habitæ statim nostra esse definere:*

alterius autem non fieri, nisi possessio eorum apprehensa fuerit.

Res pro derelicto habitæ statim nostra esse definit, & nullius fit, ideoque secundum jus de rebus nullius occupanti conceditur. Pertinet igitur hic modus acquirendi ad inventionem, ut supra quoque monuimus §. item lapilli. 18. eod. Ad traditionem referri non potest ut species superior: quia qui rem pro derelicto habet, quamvis intelligatur voluisse eam ejus fieri, qui primus eam sustulerit aut occupaverit, leg. §. §. 1. pro derel. non tamen ea mente eam abijcit aut deserit, non laborat ut alius eam accipiat, quod facit is, qui pecuniam spargit. Sparsio species donationis est & liberalitas, qua, qui spargit, populum demereri studet: abiectione autem aut desertione hoc saltem agitur, ut ne res amplius in bonis sit.

Quod dominus ea mente abjecerit) Duo exigit hæc definitio ut res pro derelicto habitæ censeatur: primum ut quis rem suam amplius suam esse nolit: tum ut quam non vult amplius suam esse, eam abijciat aut deserat; alterutrum si desit, dominum non amittitur. Fac ergo rem à domino abijci, aut deserri, non ea tamen mente, ut eam à se amoveat, aut amplius suam esse nolit; nihil hic amittitur, §. sequens. Fac è converso nolle amplius suam esse; nisi eam abijciat, aut si immobilis est, ab ea discedat hoc animo, ut eam amplius habere nolit, dominus esse non definit: in quo dominium differt à possessione, quæ solo animo amittitur, leg. si quis. 17. §. 1. de acquir. possess.

Ideoque statim dominus esse definit) Res pro derelicto habitæ statim ut abjecta aut deserta est, nostra esse definit: quia iisdem modis res definunt esse nostræ, quibus nostræ fiunt, l. 2. pro derel. Unde rectè à Juliano notatur Proculus, qui putabat dominium rei pro derelicto habitæ tunc demum à nobis abire, cum ab alio occupata esset, l. 2. §. 1. dist. 111. Sic enim fieret, ut si quis eam rem furandæ animo abstulisset, furtum commississe intelligeretur, quod est absurdum, leg. falsur. 43. §. §. de furt. Quod si dominus non sit, à quo res derelicta est, non fit statim occupantis, sed poterit qui occupavit eam usucapere, l. 4. pro derel. Illud constat, pro derelicto habitæ, ut extra quæ nullius sunt, non acquiri ei, qui primus ea videre cœpit & notare oculis, sed qui primus possessionem eorum nactus sit. Sic Acanthos Insula deserta adjudicata fuit Chalcedensibus, qui priores intraverant, non Andriis.

dris, qui priores jactum immiserant, Plutarch. *questiō. Grac.* 29. Quoniam possessio-
nis initium est corporis ad corpus adjunctio:
qualis circa res mobiles maximè sit manibus:
circa res soli, pedibus, D. Grot. *mar. lib.*
cap. 2. Sunt qui pro derelicto habita fisco
nunc adscribenda tradunt, D. Cyprian. *Regn.*
cons. Belg. hic post Zypx. *notis. jur.* Belg. *tit.*
de jur. fisc. quibus non assentior per ea, quæ
nos ad §. 39. *sup. eodem* & Groenevv. *de ll.*
abrog. ibid.

TEXTUS.

De jactis in mare levandæ navis causa.

Item de his, quæ de rheda currente
cadunt.

47. *Alia sanè causa est earum rerum, quæ in
tempestate levanda navis causa ejiciuntur: hæc
enim dominorum permanent: quia palam est, eas
non eo animo ejici, quod quis ea habere nolit, sed
quo magis cum ipsa navi maris periculum effugiat.
Quæ de causa, si quis eas stultitibus expulsi, vel
etiam in ipso mari nactus lucrandi animo abstule-
rit, furtum committit. Nec longè videntur dis-
cedere ab his, quæ de rheda currente non intelli-
gentibus dominis cadunt.*

NOTÆ.

47. *Furtum committit*) Hujus loci interpre-
tem habes Ulp. d. l. 43. §. pen. & §. 4. cum
aliquot seqq. D. de furt.

COMMENTARIUS.

1. *Quæ levanda navis gratia ejiciuntur, non eo ani-
mo abjici videri, quod quis ea habere nolit.*
2. *Eum qui alienum quid in via jacens, lucri
faciendi causa tollit: furti obstringi: licet
ignoret cujus sit.*
3. *Quid si nemo rem inventam post proclamatio-
nem repetat.*
4. *An præmium indicii bonestè peti possit.*
5. *Quid circa res ejectas aut naufragio perditas
bodiensis moribus obtineat.*

EX iis, quæ præcedenti §. dicta sunt, in-
telligi potuit, pro derelicto habendum
non esse, quod dominus non ideo adjecit,
quia amplius suum esse non vult, sed alia
mente: ac prout id ejus, qui abjecit, ma-
nere, nec fieri apprehendentis. Id hoc §. de-
claratur exemplo rerum in tempestate levandæ
navis causa ejectarum.

Non eo animo ejici, quod quis ea habere nolit)
Qui oborta tempestate levandæ navis gratia
res aliquas projiciunt, non hanc mentem ha-
bent, ut eas pro derelicto habeant: quippe
si invenerint, ablaturus, & si suspicatus fue-
rint, in quem locum ejecit sint, requiruntur:
sed ut levata nave maris periculum effugiant.
Perinde igitur hoc est, ac si quis onere pres-
sus in via rem abjecerit, mox cum aliis re-
versurus ut eam auferat, leg. 8. ad leg. Rhod.
quam ob causam res ita jactas dominorum
permanere, rectè hic concludit Justinianus
cum Cajo in l. 9. §. ult. hoc tit & Paulo leg. 2.
in fin. ad leg. Rhod. fac. l. si quis merces. 7. pro
derel. l. interdum. 21. §. de acq. poss. l. qua-
cumque. §. 8. hoc. tit. Cum his tamen Ulpianum
committit Hotomannus, existimans, cum à
cæteris omnibus dissensisse, ac putasse, jactum
fieri animo derelinquendi: aut saltem creden-
dum esse, plerumque eo animo fieri, & qua-
si perituum sit, quod jactatur: sic enim scri-
bit in l. falsus creditor. 43. §. pen. de furt. Res-
pondet Wesembecius, Ulpianum eo loco de
jactu spontaneo loqui, de eo videlicet qui
simpliciter nec urgente ulla necessitate res ali-
quas in mare projicit: hunc in hac actione me-
rè voluntaria credibile esse pro derelicto vel-
le habere id, quod videtur ut perituum jacta-
re. Quam responsum, licet eam ut inep-
tam explodit Bachovius, locus ipse non pa-
rum juvat: nam ex fine d. §. pen. manifestum
est, Ulpianum distinxisse inter id, quod sim-
pliciter & non simpliciter jactatum sit.

Cum ipsa navis maris periculum effugiat) Mer-
cator nunquam mercium suarum jacturam fa-
ceret, nisi speraret majus se malum hoc pacto
declinaturum, mortem nimirum. Facit igitur
hoc iuris auctoritas ut hæc actio mixta
sit ex spontaneo & invito. Invita est, si cau-
sam spectes, quæ extrinsecus impellit, ut jac-
tura fiat: spontanea, si causam proximam
& principium internum, consilium mortis
evitandæ. Quin etiam plus voluntarii quàm in-
viti hujusmodi actiones habent: nisi enim vo-
luntate consentiente fierent, in exequendo
ministerium non præberent membra corporis.
Consulte Aristot. 3. eth. 1.

Lucrandi animo) Secus est, si hoc animo, ut
rem salvam saceret & restitueret domino, aut
si putans, simpliciter sive sponte jactatam pro
derelicto habitam, d. l. falsus creditor. 43. §.
pen. & §. sed si. 6. de furt. Bene hoc intelle-
xit Dæmones in Rudente Plutina, qui vidu-
lum à servo suo in mari repertum alienum es-
se judicat, non suum est. 4. scen. 2.

Quæ de rheda currente cadunt) Comparantur 2

res in tempestate ejectis cum his, quæ iter facientibus decidunt de curru, aut quæ imprudentibus excidunt in vias, quas certum est dominorum permanere, eumque qui alienum quid jacens in via luc. i. faciendi causa tollit, furti obstringi in tantum, ut nihil interfit, sciverit, aut ignoraverit, cujus essent: nihil enim ad furtum minuendum facit, quod cujus sit ignoret, d. l. falsus 3. §. qui alienum. 4. quippe cum omnes licere debeant, quod suum non est, hoc ad alios modis omnibus pertinere, l. ult. Cod. unde vi. At si non ut lucretius sustulit, sed redditurus ei, cujus id esse postea apparuerit, furti non tenetur. Proinde si nescit cujus sit, rectè probeque faciet, si libellum proponat continentem, invenisse se, & redditurum ei, qui suum id esse demonstraverit; hoc enim factò palam ostendet, se non tulisse eam rem animo furandi; d. l. falsum. 43. §. sed si. 7. & seqq. Quid ergo, si post hujusmodi libellum propositum, aut (si ubi consueverit) post insinuationem præconis voce factam, nemo sese offerat, qui rem invenitam ut suam repetat. Poterit inventor, si pauper est, eam sibi ceu munere Dei collatam retinere: si dives est, bene & piè fecerit, si in usus & alimoniam pauperum eam converterat, ita Bart. ad d. l. falsus 43. qui alienum 4. Fab. Cautiunc. Schneid. bic. (Canonistæ cum Theologis dicerent, non tantum bene & piè, sed ex justitiæ & conscientiæ debito faciendum.) Qui hoc obiter etiam tractant, an is, qui rem alienam invenit & indicavit, si nihil impensæ ejus gratia fecit, præmium indicii honestè petere possit. Et ajunt, non posse, quamvis ultro oblatum honestè accipiat, quod etiam satis aperte significat Ulp. d. l. falsus 43. §. quid ergo 9. ubi pro eo, quod in vulgatis editionibus omnibus, atque in ipso etiam Pisano codice legitur: Quid ergo si, invenit, quæ dicunt, petat, &c. Budeus ex vestigiis exilibus antiqui exemplaris, ut ipse ait, restituit, Quid ergo, si ea quæ dicunt Græci μινυτρα, petat, sed nulla necessitate: nam μινυτρα, non minus Græcum est, quam μινυτρί, atque ut hoc præmium indicinæ, ita illud præmium inventionis significat. Illud non ambigitur, posse, si res nondum reperta est, ejus perquirendæ nomine & peti honestè indicium & accipi, fac. leg. 5. §. si tibi 4. de cond. ob turp. ca. Hac eadem in causa sunt etiam bona naufragorum, & peculiaris etiam poena in eos, qui quid eorum in litus expulsum surripuerunt, nova lege constituta est publicatio omnium bonorum, auct. navigia C. de furt. quæ deïumpta est ex constitutionibus Frederici Secundi de statutis & consuetudinibus contra Ecclesiam libertatem editis tollendis, coll. 10. De rebus in tempestate ejectis, aut naufragio perditis, inque littore inventis, aut extractis è mari, idem in hac regione antiquitus jus fuit, quod nunc Principum sæcularium fere omnium maris accollarum commune est, fisco statim ut vindicarentur; adeoque ipsa etiam fragmenta & tabulas quassatarum scopulisque illaiarum navium. Cæterum aucta navigatione, inque dies magis magisque incrementis visum est, placitumque Ordinibus hujus Provinciæ, ut suas cuique res ruptas deperditasque repetere liceat; modò id faciat intra annum & sex septimanas, impensæque refundantur, quæ forte factæ sunt ab harum rerum susceptioribus. Hoc tempore alapsò publicantur, & fisco acquisitæ esse intelliguntur, Placit. Van de zeedriften, Phil. 2. qui tamen facile patitur eas redimi, Grot. 2. manduct. 4. Gravius in præcipitem illam publicationem rerum ad litus ejectarum, lib. 1. de repub. c. 10. invenitur Bodinus: Barbarum id quidem, inquit, & antiquis iniustum; ut cujus opus ac fortuna naufragio misere perierint, & quem nostris opibus sublevari debeamus, ejus reliquias, quas ad litus ejectas bona fide restitui oportebat turpe diripi patiamur. Sic tamen, inquit, vivitur, ut qui portus habent, eam crudelitatem tum in civis tum in peregrinos exaquantur. Jus quærus? Error jus facit; at si non peccatur errore, sed scientias scelus est, quod erroris specie prætenditur. Mera fauè injuria est, nulla probabili causa præcedente suum alicui auferre: atque ob id antiquis semper religiosum fuit, bona naufragorum fisco addicere. Extat constitutio Constantiniani in C. Justin. tit. de naufrag. lib. 11. in hæc verba: Si quando naufragio navis expulsa fuerit ad litus, vel si quando aliquam terram attigerit, ad dominos pertineat, fisci meus sese non interponat. Quod enim jus habet fiscus in aliena calamitate, ut de re tam luctuosa compendium sectetur? Bene Enripides in Helena.

Ναυαγίς ἵνα εἴσιν ἀνέλτοι γίνεσθαι.

Dion. Præsenfis erat. 7. de naufragio locutus:

Μὴ γὰρ εἰς κοτὴν, ᾧ Ζεὺς, λαβὼν μὲν κερδαὶ αἰ κερδὸς ταῦτος ἀπὶ ἀνδρῶνκεν δυσχερίας. Potest etiam hoc accommodari locus Cæsiodori lib. 4. var. 7. ubi sic scribit: Crudelitatis genus est, ultra naufragium velle deservire, & illos ad dispendia cogere, quibus inopem terram probantur immania elementa dedisse. add. auct. navigia. C. de furt. Gail. 1. obs. 28. Gudelin. lib. 5. de jur. nov. cap. 10. Christin. vol. 5. decif. 64. Grot. de jur. bell. & pac. lib. 2. cap. 7. in pr. Groe-

nev. de legib. abrog. ad l. 1. c. de naufrag. & ibi alleg. Mornac. ad l. 2. in fin. l. 4. §. 1. l. 9. & ibid. not. nostras ad Pet. Peck. de l. Rhod. Doctiss. Salmasius cap. 5. de mod. usur. putat, non Constantinum, sed Antoninum auctorem esse memoratæ constitutionis sub tit. C. Inst. de naufrag. id stylum ostendere, & veteres libros testari: nec relatam esse sub eod. tit. in Cod. Theodosianum, quod & D. Contius antea observavit. Ea autem constitutio Antoninum abrogasse legem Rhodiam, qua parte naufragia fisci esse, & ad publicanos pertinere sanxerat, τὰ ναυάρια τῷ τριτοῦν εἶναι.

atque esse hanc constitutionem posteriorem scripto ejusdem Antonini, quod extat in leg. ἀξίως 9. de leg. Rhod. quo naufragos ad legem Rhodiam remisit. Ostendit etiam, scriptum istud multis modis corruptum esse, & in d. constitutione pro *Vel si quando reliquam terram attigerint*, ut omnes libri scripti habent, legendum, *Vel si quando reliquam terram attigerint*. Nec dubium, quin in d. leg. ἀξίως 9. de leg. Rhod. pro ὅτι τῷ δημοσίῳ, ex ejusdem Salmasii sententia, quam & Grotius probat, reponendum sit, ὅτι τῷ δημοσίῳ, id est, τριτοῦν, a publicanis.

TITULUS SECUNDUS.

DE REBUS CORPORALIBUS ET INCORPORALIBUS.

Continuatio.

QUæ de acquirendo jure gentium dominio dicta sunt titulo præcedenti, ea pertinent dumtaxat ad acquisitionem rerum corporalium. Sunt autem & res quædam incorporales, quæ & ipse in patrimonio sunt, & suis quoque modis, prout earum fert natura, tum jure gentium, tum civili singulis acquiruntur. Non est igitur principalis divisio quæ hoc titulo proponitur, sed subdivisio quædam rerum privatarum, sive earum quæ in bonis aut patrimonio sunt. Cajus hanc principali continenter subjecit, l. 1. §. 1. de rer. div. unde huc transtulit Justinianus.

TEXTUS.

Secunda rerum divisio.

Quædam præterea res corporales sunt, quædam incorporales. Corporales hæ sunt, quæ sui naturæ tangi possunt, veluti fundus, homo, vestis, aurum, argentum, & denique aliæ res innumerabiles. Incorporales autem sunt, quæ tangi non possunt, qualia sunt ea, quæ in jure consistunt, sicut hæreditas, ususfructus, usus, & obligationes quoquomodo contractæ. Nec ad rem pertinet, quod in hæreditate res corporales continentur: nam & fructus, qui ex fundo præcipiuntur, corporales sunt: & id quod ex aliqua obligatione nobis debetur, plerumque corporale est, veluti fundus, homo, pecunia: nam ipsum jus hæreditatis, & ipsum jus utendi fruendi, & ipsum jus obligationis incorporale est. Eodem numero sunt & jura prædiorum urbanorum & rusticorum, quæ etiam servitutes vocantur.

NOTÆ.

Quædam præterea) Totus hic titulus descriptus est ex Cajo l. 1. §. 1. D. de rer. div.

Pecunia) Hic aperte pecunia inter res corporales numeratur, ut & apud Cajum d. l. 1. & nihil notius est, quam nummos quæ ac cætera corpora vindicari posse, l. 14. de reb. cred. §. ult. infr. quibus al. lic. Opponuntur interdum corpori, l. 46. D. de cond. ind. l. 5. pr. de imp. in rem dot. l. ult. de adm. leg. at tunc non omne corpus simpliciter, sed certum intelligi debet, l. 68. D. ad sen. Treb. l. 10. D. accepti. & in quo præter corpus nihil consideratur.

Ipsam jus hæreditatis) Cajus ipsam jus successionis, à quo & hæreditas definitur successio in universum jus, quod defunctus habuit, l. 24. de verb. sign. sed hæc improprie. Nam succedere non hæreditatis est, sed hæredis. Hæreditas autem est res acquisitioni subiecta, & quæ hæredi per successionem acquiritur. Jus verò dicitur, quia universalitatem denotat, patrimonium defuncti cum oneribus; non res singulas seorsum, l. 119. l. 208. d. tit. Hæc plena præ iis, quæ alii.

COMMENTARIUS.

- 1 Inter res corporales etiam nummos rectè numerari.
- 2 Ea, quæ in jure consistere dicuntur, non esse mera entia rationis.
- 3 Quo sensu hæreditas, ususfructus, obligatio, jura dicantur, & rebus ipsis opponantur.
- 4 Hæreditatem proprie neque successionem esse.

neque jus succedendi, neque rem, qua succedat, sed jus, quod per successionem acquiritur.

§ Jura praeiorum quo respectu servitutes dicantur?

Sil natura tangi possunt) Hoc est, quae sub tactum cadunt, quas, si praesentes sint, corpore & manu apprehendere ceterisque sensibus percipere possumus. Ait autem, hujusmodi res esse fundum, hominem, &c. fundum, puta Tusculanum; hominem, &c. Scimus; res; nimirum singulares & substantias primas. Nam secundae substantiae sive universalia à sensibus remota sunt Arist. 1. analyt. cap. 11. Utrum autem universalis sit merum opus intellectus & figmenta phantasiae; an quid reale essentiam habens, & revera subsistens in rebus singulis; Philosophorum disputatio est. VINN. Sunt haec verò stoica. Quum enim hi philosophi sensus omnes reducerent ad tactum; corpus designabant, quod tangi possit: Sen. Epist. 106. *Idem corpora sola esse, asseruimus: corporales res non esse, sed intelligi* Cic. Top. cap. 5. *Illae res vocabantur, has jura.* Quintilian. Inst. V. 10. Et inde facile patet, cur Paulus servitutes nec in bonis, nec extra bona esse dicat. HENR.

Aurum, argentum) Non tantum rudè, sed etiam signatum, nummi aurei aut argentei, licet contra disputet D. Hotomannus *illust. quaest.* 15. Nam oppositum est in opposito, sive contradictio in adjecto, si quis dicat argentum signatum corpus non esse. Spectatur quidem in pecunia maximè valor publicus, l. de contr. empt. & respectu hujus valoris nummus nonnumquam opponitur iis rebus, in quibus praeter corpus nihil consideratur, ut in l. quis baredis. 46. de condict. ind. Ceterum qui nummos & pecuniam negant aliud esse aut significare quam valorem & quantitatem ipsius, illi vehementer falluntur. Utique enim & materialiter pecunia considerari potest, cum materia pecuniae, argentum, aurum, fundamentum sit valoris; de quo bellè & doctè Salmasius lib. de usur. pag. 455. Et corpora etiam in pecunia cogitari posse, non quantitatem dumtaxat, testis est Papinian. l. si is 64. §. 1. de solut. Quin Justinianus hoc ipso tit. & Cujus l. 1. §. 1. de rer. div. expressè pecuniam inter res corporales numerat. Denique quid notius est, quam nummos quæ ac cetera corpora vindicari posse? Nihil me movet, quod apud Pomponium, l. si poena 16. §. 2. de cond. ind. legitur: Si falso existimans me debere nummos solvere, qui par-

tim alieni, partim mei fuerint, ejus summæ partem dimidiam, non corporum, me condicere. Nam & si frumentum meum cum alieno commixtum, cui non debebam, per errorem solvissem, responderet Jurisconsultus, non dimidiam partem corporum, sed quantitatatis condicendum: neque tamen ex eo quicquam colligeret, frumentum rem esse incorporalem, sed habet hoc hanc rationem, quia confusum corpora mea & aliena solvi, non ut certa species, sed existimans me debere certam quantitatem. Quid quòd eo ipso quod ait, *me non condicere partem corporum*, fatetur corpora esse? Nihil etiam quod Ulpian. leg. 5. in pr. de imp. in rer. dot. scribit, diminutionem dotis per impensas necessarias fieri ipso jure, ubi non sunt corpora, sed pecunia. Neque enim corpora pecuniae opponit ut non corpori, sed eadem ratione, qua eodem loco corpora opponit corpori æstimato; quod utique nemo dixerit rem esse incorporalem: & nimirum, ut res quæ in specie restituendæ sunt, iis rebus opponuntur, quæ in genere functionem recipiunt. Constat enim, pecuniam esse rem fungibilem, cujusmodi res eodem jure ac obligatione in dotem dantur, qualis est in mutuo, ut scilicet soluto quandoque matrimonio, maritus non eadem corpora quæ accepit reddat, sed tantumdem, l. res in dotem 42. de jur. dot. Idem respondendum ad l. ult. de adm. leg. Alibi cautius summa aut numerata pecunia non simpliciter corpori sed certo corpori opponitur, l. si bares 68. pr. ad sen. Treb. l. 10. de acceptis.

Qualia sunt, quæ in jure consistunt) Res omnes, quæ tangi aut demonstrari non possunt, sed animo tantum cerni atque intelligi, incorporales quidem sunt: verum non omnium earum rerum consideratio Jurisconsulti propria est. Nam & Angeli, & spiritus, & Animæ res sunt incorporeæ. Illa quoque quæ à Cicerone in Topic. enumerantur, usufructus, tutela, gens, agnatio: quamvis harum rerum tractatio ad Jurisconsultum pertinet, non sunt tamen hujus loci, in quo de iis rebus agitur, quæ acquiri possunt, & patrimonium nostrum augent. Usufructus autem non est res, quæ acquiritur, sed causa & modus acquirendi, uti & gens & agnatio: gente enim & agnatione hæreditas obvenit. Tutela onus est & munus publicum. Quid est ergo, quod ait, *quæ in jure consistunt*? Jus est, inquit Wesemb. *intellectus seu recta ratio. Quæ igitur in jure consistunt, ut alia omnia, quæ sunt rationis, ea tantum intelliguntur, inquit, non sunt.* Ita loquitur Wesembec. quasi existimet, ea, quæ in jure con-

littere dicuntur, esse mera entia rationis & intentionalia dumtaxat; quomodo & D. Tuningius, qui ea dicit esse notiones & intelligentias, quas Platonicis *Ideas* vocant; neque aliud iudicium Donelli fuit *lib. 1. com. 1.* Sed quæso, quid tam absurdum est quam dicere, hæreditatem, bonorum possessionem, usumfructum, servitutes prædiorum, pignus, obligationes, actiones, fignenta esse intellectus, natura nihil esse? Amabo te, si tibi luculentæ hæreditas relicta sit, aut opulenti patrimonii usufructus, somniumne esse putabis phantasiae, aut ideam Platonice? quamquam sunt *ἐφελκυστα καὶ ἀμυταχυρίσκα*. Sic autem habendum est, res huiusmodi in jure consistere dici, & his corpora opponi: non quia revera & natura non sint, aut extra considerationem juris non subsistant, sed quia à jure quodammodo existentiam suam, hoc est certam ac definitam formam acceperunt: quippe jus civile harum rerum naturam quasi pro arbitrio formare potest; cuiusmodi potestatem in rebus corporalibus non habet. Atque hoc sensu accipiendum quod Fab. & Ang. tradunt, ea dici in jure consistere, quæ à jure substantiantur, creantur, & nominantur. Habent enim utique & veram suam essentiam, suntque omnino entia realia, sicut & quævis alia accidentia: ita propemodum & D. Bachovius.

3. *Sicut hæreditas, usufructus, usus, & obligationes*) Hæc omnia hæcenus quidem rectè conjunguntur, quatenus jura sunt, sive re incorporales. Cæterum dissimilis harum rerum ratio est quatenus rebus ipsis opponuntur; ut mox offendemus. Hæreditas universitatem bonorum significat, in quæ hæres succedit, & quia appellatione sua universum bona omnia & jura defuncti, etiam quibus iste aliis tenebatur, comprehendit, hac consideratione non inepte jus dicitur, *l. hæredit. 119. l. pecunie 178. §. 1. l. bonorum 208. de verb. sign.* Unde Papinian. *l. hæreditas 50. de her. pet. hæreditas*, inquit, *etiam sine ullo corpore juris intellectum habet*, add. *l. 3. de bon. poss.* Obligatio quatenus à parte debitoris consideratur, jus non est, sed vinculum juris, quo ille adstringitur ad dandum aliquid aut faciendum, *infr. de obl. in pr.* A parte autem creditoris, qui debitorem ita adstrictum habet, non male jus dicitur, quod ex contractu acquiratur, & numeretur in bonis. Etenim jus illud non est jus in re, sed tantum ad rem, tribuens creditori actionem in personam dumtaxat, non rei vindicationem, & ideo tractatio de obligationibus, earumque acquirendarum modis, non est hujus loci, in quo Justinianum proposi-

tum est docere, quibus modis acquirantur jura in rem dominio non absimilia; sicut ipse aperte significat in *§. ult. de us. & hab.* & de obligationibus demum tractare incipit *tit. 14. l. 3.* In usu & usufructu, quatenus uterque ut jam constitutus & acquisitus consideratur, plus est. Sunt enim hæc jura in re, quæ usufruario & fructuario pariunt actionem confessoriam, quæ in rem est, *§. 2. infr. de act.* De horum constitutione & acquisitione agitur *tit. 4. & 5. hujus libri.*

Nam ipsum jus hereditatis, &c.) Nemo est, qui non intelligat, usumfructum non esse idem, quod sunt ipsi fructus, cum sit jus fruendi, id est, percipiendi fructum rei. Obligationes quoque nemo tam fungus est, qui non videatur aliud esse quam res in obligationem deductas. Quis enim putet, rem, quæ venit, obligationem esse? At quo pacto hæreditas a rebus singulis hæreditariis secernatur, non usque adeo obvium. Quod Justinianus ait, ipsum jus hereditatis incorporale esse, Cajus *l. 2. §. 1. de rer. div.* dixit, ipsum jus successionis tale esse, & Africanus *l. bonorum 208. de verb. sign.* hereditatis appellatione jus successionis, non singulares res demonstrari. Quid ergo? estne hæreditas jus successionis? Si figuratè id accipias pro eo jure, quod per successionem acquiritur, aut acquiri potest; concedo esse. Si propriè; nego. Quid enim aliud est jus successionis, quam jus succedendi? At jus succedendi ex testamento, aut lege est, idque hæres habet priusquam hæreditatem adeat: hæreditatem autem non ante habet, quam eam adierit, *l. delat. 151. de verb. sign. §. ult. de her. qual. tot. tit. de acq. her.* Jus succedendi decedens intra annum transmittit ad hæredes suos; hæreditatem verò non transmittit, *l. cum in antiquioribus 19. de jur. del.* Aliud igitur est jus successionis, aliud hæreditas. Sed estne hæreditas ipsa successio? Sanè à nostris desinitur successio in universum jus, quod defunctus habuit, *l. nihil 24. de verb. sign. leg. hæreditas 62. de reg. jur.* Verùm & hoc improprie dici de hæreditate fatendum est: non enim ipsa hæreditas, sed susceptio hereditatis successio est; quippe succedere non hæreditatis, sed hæredis est; unde hæres passim universi juris successor appellatur. Ad eundem modum bonorum possessio definitur jus persequendi patrimonii, *l. 3. §. 2. de bon. poss.* nec tamen ipsa id jus est, sed agnita id tribuit bonorum possessori. Hoc ita esse, cum per se liquidum est, tum confirmatur ex eo, quod de bonorum possessione, quæ effectu nihil aliud est, quam hæreditas, Ulpian. *d. l. 3. in pr.* scribit,

bona accipienda, esse universitatis cujusque successione, qua succeditur in jus demortui, suscipiturque ejus rei commodum & incommodum. In jus demortui succedit & commodum, atque incommodum suscipit non hæreditas, aut bonorum possessio, sed hæres, aut bonorum possessor. Atque, ut verbo dicam, hæreditas ut res ceteræ obiectum est acquisitionis, & res, de qua acquirenda agitur; successio modus, per quem illa acquiritur: jus succedendi, jus, quo delata acquiri, & obtineri potest. Quamobrem nec Theophilus rectè hæreditatem definit esse jus, quod alieni patrimonii me universalem dominum efficit; non enim hæreditas id efficit, sed successio, sive hæreditatis agnitio. Immo alienum istud patrimonium nihil aliud est simul sumptum, quam ipsa hæreditas. Nec Hotomannus jure caput M. Tullium Ciceronem, quasi non satis intelligenter, nec ad subtilitatem juris civilis accommodatè hæreditatem definierit, *pecuniam, qua morte alicujus ad aliquem pervenit jure, nec ea aut legata testamento, ut possessio retenta sit, cum hæreditas, ut ait Hotomannus, non pecunia sit, sed jus acquirenda pecunie, sive jus succedendi*. Quanto enim intelligentius & subtilius Cicero quam Hotomannus, liquet ex iis, quæ jam dicta sunt. Neque pecuniæ verbum, quod pro genere Cicero posuit, quemdam offendere debet, cum etiam nostri testentur, pecuniæ appellatione res omnes & tam jura, quam corpora contineri, *l. pecuniæ 222. de verb. sign. de discip. Christi c. 6*. Totum quicquid homines possident, in terra pecunia vocatur, servus sit, vel ager, arbor, pecus, quicquid horum est, pecunia dicitur, ut apud Græcos χρέματα. Olympiodor. in *Phædon*. Πλάτων πάντα χρέματα. Displicet etiam nunc mihi D. Donelli opinio, quam aliquando secutus sum, qui *l. 6. comm. 2.* hæreditatem esse contendit rem ipsam, quæ succedit in univer-

sus jus defuncti; propterea quod hæreditas jacens in quibusdam fingitur vicem personæ defuncti & domini sustinere, *l. hæreditas 34. & l. hæreditas 61. de acq. rer. dom.* Nam illa consideratione hæreditas non magis res dici potest, quæ quidem subiecta sit acquisitioni, quam defunctus ipse, cujus personam repræsentare fingitur. Res ipsa loquitur, hæreditatem nihil aliud esse quam patrimonium cujusque defuncti cum oneribus, *Eens Overledens boedel*, ut tribus verbis definit D. Grot. *2. manud. 11.* ita tamen, ut appellatione sua universitatem demonstret, omniaque defuncti bona, jura, & onera simul comprehendat, non res singulas seorsum, *l. bonorum 208. de verb. sign.* Atque hoc sensu jus dici, corporibusque, quæ in hæreditate sunt, opponi arbitror.

Eodem numero sunt & jura prædiorum Servitutes prædiorum etiam corporibus accedant, incorporeales tamen sunt: quippe jus prædii non pars prædii est, sed qualitas, *leg. 24. de serv. l. 1. in pr. si serv. vind. l. quid aliud. 86. de verb. signific.* Quod autem ait, jura prædiorum etiam servitutes vocari, non sic intelligi oportet, quasi eadem prorsus sint jura, & servitutes: nam servitus propriè non jus, sed juris privatio, & imminutio est, *l. §. 5. & belle. 9. de op. nov. numt.* verum quod relata inter se sint, & illa vim habeant agendi, hæ patienti significationem. In eo igitur, cui debetur, eundi puta facultas, jus dicitur; in eo, qui debet, servitus est, & juris imminutio. In illo servitus activè, in hoc passivè. VINN. Sunt itaque servitutes omnino jura prædiorum, puta dominantium, quia prædium prædio servit. Sed non omnia jura prædiorum sunt servitutes, quia & plura alia sunt prædiorum jura, ut bonitas, salubritas, amplitudo. *l. 86. de V. S.* Item jus venandi, coquendi cerevisiam, aliaque quæ nullam vicino prædio patienti vel non faciendi necessitatem imponunt. HEIN.

TITULUS TERTIUS.

DE SERVITUTIBUS RUSTICORUM ET URBANORUM PRÆDIORUM.

Dig. Lib. 8. Tit. 1. & 2. C. Lib. 3. Tit. 34.

- 1 *Servitutis, qualem hic intelligimus, definitio ejusque explicatio.*
- 2 *Species servitutis. Quid sit servitus prædii; quid ea requirat, de quo tamen latius, num. 4.*
- 3 *Omnes servitutes prædiorum perpetuam causam habere debere, & quid veteres per cau-*

sam perpetuam intelligant.

Servitutis & libertatis nomina etiam rebus inanimatis & brutis tribuuntur, sed per translationem, & longè alio significato, quam cum personæ servire di-

dicuntur in disputatione de statu hominum. Illic suo quaque domino persona servit: libera est, quæ dominum non habet: at res servire dicuntur, non quæ domino suo servantur, sed quæ domino suo non omnia officia præstare possunt, verum quædam præstare coguntur alteri, non domino: liberæ esse, quæ uni & soli domino omnia præstant, quo *fac. leg. qui uti. 90. de verb. sign.* Etenim quod ex re sua percipit dominus, id ei res ipsa ultra præstare videtur, libereque id facere, & cum quadam velut propensione voluntatis, quasi natura ita facta, ut id velit. Cùm autem pati cogitur, ut quædam commoda alius percipiat, jam servire videtur, quasi amissa priorē facultate, quæ ei pro liberatē affingebatur. Viciosa igitur planè est divisio, quæ servitus distribuitur in tres species; in merè personalem, merè realem, & mixtam. Nam merè personalis, quæ hominem est & sola propriè servitus una cum reliquis, quæ tantum *an-lytus* id sunt quod dicuntur, eidem generi ut species ejusdem subijci non potest. Igitur servitus, qualem hic intelligimus, est jus in re aliena alteri constitutum, quo dominus, quod huic alteri commodum sit aliquid aut pati in suo, aut in suo non facere cogitur. Dicimus, servitutem esse jus, habita scilicet relatione ad eum, cui constituta est: & video in omnibus suis speciebus ita eam à nostris definiri, in itinere, actu, via, aqueductu, *hoc tit. in pr. & l. 1. de serv. prad. rust.* in servitutibus prædiorum urbanorum, *§. seq. & l. 2. de serv. prad. urb. in usufructu, pr. tit. seq. & l. 1. de usufr.* Per se autem servitus, & respectu ejus, à quo debetur, non jus est, sed juris privatio aut imminutio, *l. 5. §. 1. & belle. 9. de op. nov. nunt.* Ajo, esse jus, quo dominus aliquid pati in suo; aut in suo non facere cogitur, ex natura omnium servitutum, *l. quotiens. 15. §. 1. de serv.* Pati in suo, puta re sua utentem, fruentem, per fundum suum euntem, agentem, aquamve ducentem, tignum in ædes suas immittentem. Non facere, veluti altius non ædificare, in suo non ponere, quod luminibus ædium nostrarum, aut prospectui officiat, &c. Planè enim ita servitus constitui non potest, ut quis aliquid cogatur facere in suo, puta viridia aut arbores prospectus nostri causa tollere, aut in suo pingere, quo amœniorem nobis prospectum præbet, *d. l. 15. §. 1. obligatio hæc erit, non servitus constituta, & ideo prædio alienato, non sequetur actio novum possessorem, ut sit ubi servitus constituta est, l. cum fundo 36. de serv. prad. rust. l. neque 19. quib. mod. usi. am. sed*

in eum, qui id facere promisit, hæredemque ejus actio in personam dabitur, *l. actionem 25. de obl. & ast. in id scilicet, quod interest, si non fiat quod promissum est: ut accidit in omni obligatione faciendi, l. 13. in fin. de re jud. l. stipulationes 72. de verb. obl. §. ult. infr. eod.* Una servitus oueris ferendi à natura reliquarum nonnihil degenerat, de qua diceamus *§. 1. inf. hoc tit.* Quod adjecti de commodo, id finem servitutis respicit; neque enim ulla est servitus, quæ non commodi nostri causa constituitur, aut certè alicujus amœnitatis, *d. l. 15. in pr. de serv. l. 3. de acq. cott. & ast.* Non autem præcisè requiritur, ut præsens sit utilitas, sed sufficit, natura tale jus esse, ut aliquando ului esse possit: quo modo cum D. Duareno accipienda *l. pen. de serv.* Porro species harum servitutum dux sunt: quædam enim sunt rerum, sive prædiorum, quibus in usu juris generis fere nomen simpliciter tribuitur; quædam personarum. Sic autem distinguuntur non à re, quæ servitutem debet, sed ab ea re cui debetur. Prædiorum igitur sunt, quæ debentur prædiis; personarum, quæ personis, *l. 1. de serv. l. si mihi 20. §. ult. de serv. prad. rust. l. si quis 32. de usufr.* De servitutibus prædiorum agitur hoc tit. de personalibus tit. proximo, & seq. Servitus prædii est, quæ prædio alieno imponitur ad vicini prædii utilitatem. Duo igitur hic prædia sint necesse est, quorum unius causa servitus constituitur, alteri imponatur; unum dominetur, alterum serviat, *l. 1. §. 1. com. prad. §. 3. inf. hoc tit.* Requiritur in his prædiis vicinitatem; neque in rusticis tantum, quod D. Vultejus facit, & Joan. Superior. ad *l. 3. de serv.* verum etiam in urbanis, *l. 5. §. 1. de serv. prad. rust. l. 1. ad 38. & l. seq. de serv. prad. urb.* Etenim vicinitatem non ex prædiorum conjunctione aut confinio, sed ex commoditate utendi metimur, ut intermedium prædium aut locus non officiat, si non impediat liberum usum servitutis, *l. 7. §. ultim. l. ult. de serv. rust. prad. l. 7. §. 1. com. prad. l. 1. de serv. prad. urb. l. 4. §. ult. si serv. vind. l. servitutis 14. §. ult. de serv. l. si prius 17. §. 1. de aq. pluvi. arc. Duar. & ad d. l. 14. §. ult. Don. 11. comm. 2. Cæpoll. 18. de serv. urb. prad. num. 2.* Omnes verò servitutis prædiorum, ut veteres definiunt, perpetuam causam habere debent, *l. foramen 28. de serv. prad. urb.* Perpetuum illis est, quodcumque ex naturali causa oritur, etsi non sit æsiduum, ut hæc aqua pluvia ex naturali causa oritur, etsi non æsiduè pluit, *d. l. 28.* quod enim naturaliter sit, perpetuum videtur, licet non fiat æsiduè, ut defectio Lunæ Arist. 1.

post. 8. Sed & quod ex facto nostro oritur perpetuum habetur, si ex causa prædium aut pars prædii parata est, ut sumi immisio, l. 8. §. Arist. §. si serv. vind. Causam servitutis vocant id, cuius aut arcendi à nostro, aut in nostro habendi gratia servitus constituta est, verbi gratia, in stillicidio & aquæductu causa, ob quam hæ servitutes comparatæ sunt, est aqua: illic, ut ab ædibus nostris avertatur, hic, ut aqua ducatur, & in nostro habeatur, d. l. 28. l. 1. §. 4. de font. Interpretes vulgo dum distinguunt inter servitutes continuas & discontinuas, causam confundunt cum possessione. Facile autem ex superiore definitione colligere est, servitutem prædii non intelligi, quæ constituta est in prædio quidem alieno, sed ei qui prædium non habet, aut qui non habet vicinum, l. §. §. 1. de serv. præd. rust. l. Mela 14. §. ultim. de alim. leg. ut etiam ei, qui habet vicinum, si non sit constituta illius prædii causa, & revera prædio utilis, l. si ades 38. de serv. præd. urb. l. 6. in pr. & §. 1. de serv. præd. rust. eoque pertinet quod scribit Paul. l. 8. de serv. Ut pomum decerpere liceat, ut spatium, & cœnare in alieno possimus, servitutem imponi non posse: nimirum quia hoc jus prædii nostri causa non constituitur, nec prædii nostri causam meliorem facit. Si quis igitur in suo tale quid faciendi jus alteri concesserit, id personarum servitutibus adscribendum. Inde quoque est, quod servitus prædii non intelligatur, si in constituendo persona demonstrata sit, cui soli ea præstetur, licet ad utilitatem quoque prædii constituta sit, l. 4. de serv. præd. rust. Ita nonnumquam ex accidenti sit, ut natura servitutis alteretur, add. Coras. ad d. l. 8. Don. §. comm. 21. Welf. parat. de serv. præd. rust. num. 3. Porro autem ut prædia, vel rustica sunt, vel urbana, ita quoque & servitutes, quæ iis inhærent, vel rusticæ sunt, vel urbana. Prædia rustica sunt loca edificii vacua, in urbe area, ruri ager, l. fundi 211. de verb. sign. non enim loco, sed materia & genere distinguuntur, ut postea plenius intelligatur.

TEXTUS.

De servitutibus rusticis.

Rusticorum prædiorum jura sunt hæc: iter, actus, via, aqueductus. Iter est jus eundi, ambulandi, hominis, non etiam jumentum agendi, vel vehiculum. Actus est jus agendi jumentum, vel vehiculum. Itaque qui habet iter, actum non habet: sed qui actum habet, & iter habet, eoque uti potest etiam sine jumento. Via, est jus eundi

& agendi & ambulandi, hominis; nam iter & actum via in se continet. Aqueductus est jus aqua ducenda per fundum alienum.

NOTÆ.

Ambulandi) Ire & transire, sive per alienum prædium in suum recta pergere: ambulare, animi gratia spatium in secessibus, eademque viam ire & redire; quod tamen hic non ut jus aliquod principale consideratur, sed ut illius juris accessio, & ita non obstat l. 8. de serv.

Non etiam jumentum) Jumento vehi potest, jumentum, ἐξ ὧν οὐκ ἔστιν, agere non potest.

Etiam sine jumento) Ex tacita voluntate & sententia constitutis, arg. l. 21. de reg. jur. secus, si contra expressè convenerit, l. 4. §. 1. si serv. vind.

Via in se continet) ut totum partes; arg. l. 13. §. 1. D. de accep. Itaque via per se intelligi non potest sine jure eundi, &c. l. 13. D. de servit. nihilque mutandum in definitione viz, qua una præcedens utraque rectè comprehensa est. De differentiis actus & viz, v. Cujac. 22. obs. 35. l. 7. l. 8. l. 12. §. 1. de S. P. R.

COMMENTARIUS.

- 1 Eum, qui iter habet, rēda vebī non possē, contra Capellum.
- 2 An spatium voluptatis aut valetudinis causa, vel equum manu ducere gessandi gratia paratum.
- 3 Ei, qui actum habet, licere & armenta agere, nec tamen ideo pro jumentum reponendum armentum.
- 4 In definitione actus male D. Hotomannum pro vel vehiculum reponere non etiam vehiculum.
- 5 An actui infir & iter sine jumento.
- 6 In definitione viae nihil mutandum; & quid inter viam & actum intersit.
- 7 De aqueductu quadam observatu digna.

Servitutes rusticorum prædiorum sunt, quæ prædiis rusticis inhærent. Sunt autem longè plures, quàm hic numerantur. D. Donellus 11. com. 6. doctrinæ causâ ad tria genera eas revocat, nam ut eleganter & eruditè ostendit, aut eo pertinent, ut per alienum fundum ad nostrum perveniatur, eove quid accedat; aut ut quid ex vicino sumere liceat, quod ad usum prædii nostri aut pecorum, quæ prædii causa habentur, transferatur; aut ut prædium nostrum onere, quo intus premitur, cxoneretur. Ad primum genus pertinent quatuor

tuor illæ, quas hic explicat Justinianus post Ulp. l. 1. de serv. prad. rust. secundum generis exempla sunt in §. 2. infr. & d. l. 1. §. 1. eod. tertii, l. 3. §. 1. & 2. eod. item exemplum, quod proponitur l. 1. in quib. 29. eod. ut aquam aperto sulco educere in fundum vicini liceat. Singula fusius explicat Don. d. cap. 6. & 2. seq.

Iter est jus eundi, ambulandi) Jure eundi continetur & qui lætica aut sella, item qui equo vehitur, l. 7. l. 12. eod. parum enim referre visum est, suis pedibus quis utatur in eundo, an alienis. Quod autem Capolla de serv. rust. prad. cap. 1. n. 4. & §. putat, eum qui iter habet, etiam rheda aut curru per duos equos vehi posse, modò rebus aliis rheda non oneretur, vereor ut defendi possit. Non enim par ratio est lætica, quæ à læticariis gestatur, & currus, quem jumenta trahunt. Jumenta cum curru agere non est ire, nec ejus, qui iter habet, actum aut viam. Moribus nostris tres diversæ servitutes sunt, *voetpads, ry-pads, dreef*, id est, actus.

Ambulandi) Id est commeandi ultro citroque, eundi ad fundum nostrum & inde redeundi, quoties lubet. An igitur & spatiandi voluptatis aut valetudinis causa? Ita quidem D. Cujac. 22. obs. 35. Baro. hic Don. 11. comm. 6. Atqui ut spatiari liceat in alieno animi causa, prædii servitus imponi non potest: hoc enim personæ voluntatem respicit, non utilitatem prædii, l. 8. de serv. unde D. Hotomanus verbo ambulandi nihil aliud hic significari existimat, quàm commectionem ob res prædii, iisve quibus licet morari necesse est, utiles aut necessarias. Puto tamen dici posse, ambulationem istam hic non considerari, ut jus aliquod principale & per se, sed ut illius juris accessione. Glossa verbum *Iter* refert ad eum, qui vadit solus, *Ambulare* ad eum, qui it cum socio, quod & Capolla facit d. cap. 1. num. 2. & sequitur Schneid. hic n. 11. Sed si, quod uni concessum est, ad plures porrigimus, gravior fiet servitus: qua ratione Glossam improbat Porcius hic, quamquam sanè is, qui iter habet, cum alio ire prohibendus non est, si comitatus alterius spectat ad utilitatem solius prædii, cui iter debetur, ut bene D. Buius ad l. 1. de serv. prad. rust. VINUM. Eodem modo hic junguntur, *ire, ambulare*, quo alias uti frui, do lego, *nexus mancipium, facta testis, veta cæsa, usus auctoritas*. Non hæc synonyma, sed plerumque jungitur minori majus, uti exemplo *usus fructus* præclare docuit V. C. Ger. Noodt. de Usufr. l. 1. *Ire* est porro & ulterius pergere, & tere ad negotia persequenda, *ambulare* & animi, & nullius negotii cau-

sa spatiis factis in eadum vestigia reflectere. Aufon. Popma de Differ. verb. lib. 1. p. m. 10. Sensus itaque est, non necessitate finiri servitutem itineris, sed semper ire posse dominum prædii dominantis, sive id negotii causa faciat, sive voluptatis. Solius tamen voluptatis causa sibi stipulari jus ambulandi, omnino non repugnaret fini servitutum, l. 8. de serv. HEIN.

Hominij) Atqui diximus, eum qui iter habet, etiam jumento ire posse. Nimirum etiam in eo spectamus hominem, qui ministerio jumentum in eundo utitur, ut causam principalem, non ipsum jumentum per se. Quod si quæras, cur hominis hic mentio fiat, cum iter prædii servitus sit, non personæ: respondimus, ut hinc removeantur pecora, quæ & ipsa cum aguntur, ire dicuntur: deinde non designari hic quamlibet personam, sed qui prædium habeat, cujus nomine erat. Nam hæc servitutes non ideo prædiorum dicuntur, quia personæ non competunt, sed comparatione facta ad jura merè personalia, quia non alii competunt, quàm qui prædium habet.

Non etiam jumentum agendi) Ita & Ulp. l. 1. hoc tit. & Paul. l. 7. eod. Hoc autem haud dubiè accipiendum est de jumentis, quæ sarcinas portantes aguntur, aut ducuntur. Nam si quis pedes ire malens, in itinere descendat de equo, eumque manu ducat, cur id ei non liceat? aut cur per famulum non possit equus deduci ad dominum, ut rediturus eum conscendat, & eques remeet? arg. l. 12. eod.

Alius est jus agendi jumentum vel vehiculum) D. l. 1. eod. Jumenti appellatione non contineri boves, identidem relatum & responsum 3 est, l. adiles 18. §. jumentorum 4. & 2. seqq. de ad. edit. l. legatis 65. §. antepen. de legat. 3. l. boves 89. de verb. sign. Paul. 3. sent. 6. Columella quoque boves à jumentis, equis, asinis, mulis, passim segregat, ut lib. 1. c. 6. lib. 6. c. 19. An igitur ei, qui actum habet, non licebit boves agere, & generaliter armenta? Sanè verò. Disertè enim à Modestino scriptum est, actum esse, ubi armenta trajicere liceat, l. 12. de serv. prad. rust. Armentorum autem appellatione vel maximè boves continentur, d. l. boves 89. de verb. sign. l. servus legatis 81. §. armento 3. de leg. 3. Nec tamen ideo necesse est, ut cum Hotomanno pro jumentum reponamus armentum contra fidem omnium exemplarium. Nam vel in πλάτος jumentum vox hic accipi potest, ut & boves complectatur, cum & Isidorus boves inter jumenta refert, lib. 12. c. 1. & ipse Columella etiam his ex ratione originis nomen jumentum tribue-

re videatur, sic enim scribit l. 6. cap. 3. *jumentum nomen à re traxerunt, quod nostrum laborem vel onera subveclando vel arando juvant.* Jumentum igitur ἀνθρώπων ἔκτῃς ἡ ὑπερβόρην. Quid si dicamus, exempli dumtaxat causa jumentum mentionem factam? Ut enim repouas *armentum*, aut retineas *jumentum*, non continebitur verbis definitionis actus ovium, caprarum, & reliquorum minorum pecorum, quibus propriè gregis non armenti aut jumenti appellatio convenit, d. l. 81. §. *armento* 4. de legat. 3. d. l. 38. §. 4. de ad. edit. l. 1. §. ult. de rei vind.

4 *Vel vehiculum*) Hic iterum Hotomannus contendit legendum esse, non etiam *vehiculum*. Sed profecto nimis confidenter: non enim hoc tantum loco, verum etiam infinitis aliis jus agendi vehiculum actu contineri à veteribus traditum est, d. l. 1. l. 7. l. 12. cod. l. 11. *quemad. serv. am.* idemque manifestè colligitur ex leg. 13. §. 1. de accept. Nam si non actus, sed viz proprium esset vehiculum agere; non debuit Jureconsultus liberare eum, qui viam promissit, si stipulator viz iter & actum tantum accepto tulerit. At quo argumento convellere conatur, quod tam constanter traditur? Nimirum quia aliqui nulla futura sit inter actum & viam differentia. Sed hoc falsum esse ostendimus in explicatione definitionis viz. Nihil Hotomannum juvat, quod scribit Pompon. l. 13. de serv. Si via concessa sit tam angusti loci demonstratione facta, ut jumentum dumtaxat duci possit, non etiam vehiculum, actum magis, quam viam, acquisitum videri. Non enim ut via semper & natura sua utrumque jus continet, & jumentum agendi & ducendi vehiculum, ita & actus, sed aliquando illud dumtaxat, non hoc, puta si vel expresse convenerit, ut actus esset sine jure agendi vehiculum, vel tacite idem actum est, ut in specie, d. l. 13. de serv. Atque hoc satis ostendunt verba ipsa hujus definitionis, quibus actui non utrumque conjunctum, sed hoc vel illud disjunctum tribuitur. Itaque & Græci minus plene actum vertunt ἀναξίον ἰδίῳ. VINN. Rem expeditivisse videtur Illustris Corn. van. Bynkershoek Obs. IV. 7. ubi docet, intelligi vehiculum quod agi solet, vel propelli, vel manu trahi, id est, currum tractilem. Quod & spatium quatuor pedum postulat, quibus circumscriptum fuisse actum docet Varro de L. L. IV. 4. HEIN.

Uti potest etiam sine jumento) Traditur hoc idem & in d. l. 1. cod. l. 2. *quemad. serv. am.* & verissimum esse docet l. qui usufructum § 8. de verborum oblig. Ubi Julianus refert, eum,

qui actum stipulator postea iter stipulator, posteriore stipulatione nihil agere, sicuti qui decem, deinde quinque stipulatur. Quod & apud Ulpianum relatum est l. 9. §. ult. de novat. Falso, si actus tacite non contineret etiam jus eundi sine jumento sive iter separatim. Neque tamen hoc ita accipimus, quasi iter separatim sit de essentia ipsius actus, & sine eo actus consistere aut constitui non possit, sed hoc dicimus, & actu constituto regulariter, & ex tacita voluntate & sententia constituentis, etiam iter sine jumento concessum intelligi, arg. l. non debet 21. l. in eo 110. de reg. jur. c. cui licet eod. in 6. Atque ideo jus agendi dumtaxat, non etiam eundi, ambulandi, in definitione actus exprimitur. Ad hæc, si actus essentialiter etiam iter contineret, quo utimur sine jumento, nullius momenti esset conventio, ut actus sit sine itinere, contra l. 4. §. 1. si serv. vind. Non obstat, quod apud Paulum legimus, actu legato iter frustra adimi, l. 1. de adim. leg. Nam ratio subiecta non obscure arguit loqui Jurisconsultum de itinere, quo necessario utimur in ipso actu, cum jumentum aut vehiculum agimus. Ait enim, ideo iter frustra adimi, quia nunquam actus sine itinere esse potest. Sed nec iter videri poterit ea ademptione detractum, quod sine jumento est, quia per se non est legato; acque ita actus potius in natura sua, & qualis regulariter est, relictus. Planè si testator nominatim hoc iter ademerit, hoc est, expresse vetuerit ire sine jumento; nullus dubitat, quin utilis sit ademptio, arg. d. l. 4. §. 1. si serv. vind. Et est in proposito eadem fere ratio itineris & actus, quæ usus & usufructus: nam et si fructui usus inest, & ideo legato usufructui, usus ademptio nulla, l. 14. §. 1. de uf. & hab. nihil tamen vetat usum à fructu expresse separari, l. 5. §. 1. usufr. quem cav. Hinc jam liquet, quid de judicio & usu Ant. Fabri sentiendum, qui l. 1. conj. c. ult. verba hæc, eoque uti potest etiam sine jumento, tot locis expressa, damnare non veretur, ut emblema imperiti interpretis, consult. Don. 11. com. 6. Duar. 1. disput. 31. Bachov. bic & in Treut. vol. 1. disp. 17. tbes. 4.

Via est jus eundi, agendi, ambulandi) Via, ut mox subicitur, iter & actum in se continet, hoc est, ex itinere & actu essentialiter via constituitur arg. l. 13. §. 1. de accept. l. 9. si serv. vind. ac proinde quicquid est in definitionibus itineris & actus, id una definitione viz debuit comprehendi, quod & curiosè ab Ulp. l. 1. de serv. præd. rust. & Justinian. hic observatum est. Mirorque adeo viros doctissi-

mos, Connan. 4. *comm.* 11. & Don. 11. *comm.* 6. pro verbo *eundi* reponentes *vebundi*, motos tantum vocis definitæ etymologia, quam Varro 4. *de ling.* à *vebendo* deducit, & analogia præcedentium definitionum: nam sic bis idem diceretur, cum verbum agendi etiam vectionem contineat, l. 4. §. 1. *de serv.* Quid igitur amplius est in via quam in actu? Primum hoc, quòd via etiam iter in se *vebundi* contineat, ita ut sine jure eundi per se via intelligi aut constitui non possit; in quo specificè differt ab actu, qui potest esse sine itinere separato. Deinde etiam hoc, quòd via nunquam esse potest sine jure ducendi vehiculum, actus potest, l. 13. *de servit.* Item quòd qui viam habet, vel iter & actum separatim, vel utrumque simul iter & actum, vel uno verbo viam vindicare potest: qui verò actum habet, non potest neque iter separatim, neque iter & actum conjunctim, sed solummodo actum vindicare. Cujac. 22. *obs.* 35. *fac.* l. 11. §. 6. *de exc. rei jud.* Sunt & alix quædam differentix, sed minus principales: nam qui viam habet, etiam lapides & tigna trahere, & rectam hastam ferre, modò ne fructus lædat, potest; quod ei, qui actum habet, non licet plerique existimaverunt, l. 7. *de serv. præd. russ.* & potest etiam sine his via constitui. Illud omnino ex accidenti est, quòd actus & via aliquando differant latitudine, vid. l. 8. l. 13. §. 2. *ead.* add. D. Bul. ad l. 1. *ead.* Tuld. *comm.* hic 11. VINN. Nihil verius, quam in definitione *sic* pro *eundi* legendum esse *vebundi*. Alias nullum esset inter viam & actum discrimen. Vide sis Viri Summi, Cornel. à Bykersh. *Obs.* 47. HEIN.

Aqua ductus est jus aqua ducenda per fundum alienum d. l. 1. *ead.* Id fieri solet vel canalibus, sive tubis, aut ducto rivo per longitudinem depresso, quo aqua decurrat, l. 1. §. 2. *de riv.* Ducitur autem aqua aut publica aut privata. Publicam ducere, puta ex flumine publico, cuique licet: nisi Imperator aut Senatus vetent, aut aqua sit in usu publico, puta si flumen sit navigabile, vel ex eo aliud navigabile fiat, l. 2. *de flum.* l. 10 §. ult. *de acq. plu. arc.* aut si periculum sit, ne exarescat, quamvis navigabile non sit, d. l. 1. §. non autem. 12. *de flum.* Sed neque ex castello, vel ex rivo, vel ex quo alio loco, qui aquam publicam suscipit, ducere fas est sine permisso Principis, l. 1. §. *permittitur.* 41. & 2. *seq. de acq. quodid.* In concedendo autem jure ducendi aquam privatam, sive fontis, sive fluminis, sive putealem, non tantum eorum, quorum in loco aqua oritur, verum eorum etiam, ad

quos ejus aquæ usus pertinet, voluntas exquirenda est, id est, eorum quibus servitus aquæ debetur: quippe cum hic agatur de jure eorum minuendo, quod omnes tangit, ab omnibus debet approbari, l. 8. *de acq. plu. arc.* junct. l. ult. C. *de auct. præf.* Illud hic generaliter tenendum, neminem posse aquam aut publicam aut privatam per fundum alienum in suum ducere, cui non sit hæc servitus constituta à domino illius fundi, l. *quemadmodum.* 29. §. 1. *ad leg. Aquil.* l. 2. *Cod. de serv.* neminem quoque posse ex suo aquæ ductu alteri commodare, nisi id nominatim convenerit, *leg. ex meo* 24. l. cum essent. 33. §. 1. *de serv. præd. russ.* Item jus hoc ad certum usum prædii concedi oportere: nam si concessum sit ita, ut aqua quocumque duci possit; non fundi, sed personæ jus erit, l. pen. *ead.* l. 1. §. *præterea* 12. *de acq. quot.* Denique concedi posse ductum aquæ non tantum præsentis & fluentis, sed etiam quærendæ & nondum inventæ, l. *Labeo* 10. *ead.* hoc t. l. ult. *si serv. vind.* add. Velf. *par. hoc tit. n. 2.* Pet. Greg. 4. *synagm.* 15. Tulden. *commen. sup. de rer. div. c. 11.* fusc. Capoll. *de serv. russ.* cap. 4. Christin. vol. 5. *decis.* 83.

TEXTUS.

De servitutibus urbanis.

1. *Prædiorum urbanorum servitutes sunt hæc, quæ edificiis inbarent, ideo urbanorum prædiorum dictæ, quoniam ædificia omnia urbana prædia appellamus, etsi in villa edificata sunt. Item urbanorum prædiorum servitutes sunt hæc, ut vicini onera vicini sustineat, ut in parietem ejus liceat vicino signum immittere; ut stillicidium, vel flumen recipiat quis in ades suas, vel in aream, vel in cloacam, vel non recipiat; & ne altius quis tollat ades suas: ne luminibus vicini officiat.*

NOTÆ.

1. *Item urbanorum*) Ex Cajo l. 3. P. V. ubi & alix add. l. 1. l. 3. 4. 15. 16. *ead.*

Onera vicini) Veluti si columna ædium tuarum onus ædium mearum ferat; & hic tu, cuius ædes serviunt, columnam reficere debes, l. 33. d. *tit. l. 6.* §. 2. *si serv. vind.* qua parte servitus hæc spuria, l. 15. §. 1. *de servit.*

Vel non recipiat) Aut meo jure stillicidium non recipio, aut jure servitutis: meo jure, si non lege civitatis cuique permisum obversâ in alienum stillicidia habere: jure servitutis, si jure publico cuique permisum stillicidia sua in alienum avertere. Ita melius quam Cujac.

& Pac. Quid different stillicidium & flumen, disce ex l. 20. §. 1. & seq. de serv. urb. Varr. lib. 4. de lingua, cap. 5.

COMMENTARIUS.

- 1 Verum non esse, quod quidam tradunt, sola ædificia habitandi causa parata urbanorum prædiorum numero censeri.
- 2 Prædia eorumque jura, si non simpliciter, sed cum effectu juris considerentur, nunquam loco distinguui, sed genere, usu, fine.
- 3 Quid intersit inter servitutem tigni immittendi & oneris ferendi; item inter jus projiciendi, & protegendi?
- 4 Quid stillicidium, quid flumen.
- 5 De servitutibus stillicidiorum & fluminum, tum avertendorum, tum non avertendorum.
- 6 An jus altius tollendi sit aliquando servitus per se.
- 7 Consuetudo latè sententia Bachovii contententis, jus altius tollendi & non tollendi esse unam eandemque servitutem.
- 8 Plus esse in servitute ne luminibus officiat, quàm vel in altius non tollendi, vel luminum.
- 9 Cujacii & Duarenii opinio de servitute luminum refellitur.

HOc 5. agit de servitutibus prædialium specie altera, prædiorum scilicet urbanorum: & ait Imp. eas esse, quæ ædificiis inhærent, atque inde sic dictas, quæ omnia ædificia urbana prædia appellamus, etiam in villa ædificata sunt: quod & alibi sæpe traditum, l. 1. com. præd. l. urbana familia 165. l. urbana prædia 198. de verb. sign. Nimirum, ut superius obiter monuimus, distinctio hæc prædiorum non à loco sumitur, sed à materia vel genere prædij, d. l. Sunt qui à fine sumptam putant, & ea sola ædificia prædiorum urbanorum numero esse, quæ parata sunt habitandi causa; horrea autem, quæ ruri ædificantur ad fructus reponendos & custodiendos, magis esse ut prædia rustica censeantur, Capoll. de serv. urb. cap. 11. n. 2. Myns. Wes. Vult. bic Broch. 1. aff. 95. Sed hoc rectè, meo iudicio, quod ad propositam tractationem attinet, improbat Bachovius. Fac enim, alterum ex dominis, qui vicina aut contigua horrea habeant, alteri, cui forte ad grana à palcis repurganda statum venti opus sit, ut fieri potest, l. ult. §. 1. C. de serv. cessisse servitutem altius non tollendi, aut jus alteri constituisse tigni immittendi in parietem horrei sui. Hæ servitutis utique urbanæ dicendæ sunt, non rusticæ. Quid enim interest, horreum an aliud

ædificium altius non extollatur? In constituendo; in amittendo omnia eadem, idem juris effectus in oppignerando, novo opere nuntiando. Ratio autem non patitur, ut eadem specie servitus nunc urbana, nunc rustica dicatur. Non est contrarium, quod scribit Neratius l. 2. de serv. præd. rust. rustici prædij servitutem esse, licere altius tollere & officere prætorio vicini. Nam prætorium significat id ædificium, in quo dominus, si quando ruri est, habitat, separatim ab habitatione villici, ut constat ex Columella de re rust. lib. 1. c. 6. & Palladio lib. 1. cap. 8. At tale prædium omnes urbanum esse faciunt. Atque ut demus, appellatione prætorii non tantum villam urbanam, sed aliquando etiam rusticam & fructuariam quoque significari, ut putat D. Gord. eo quod Ulp. d. l. 198. de verb. sign. distinctionis causa, cum prætoria urbanis prædiis adnumerat, videtur addidisse, voluptati tantum deservientia, nemo tamen tam ineptus est, ut putet, Neratium d. l. 2. de serv. præd. rust. prætorij appellatione intellexisse villam fructuariam aut horreum, quod utique non est subiectum servituti protegendi, cuius ille ibidem etiam mentionem facit. Cur igitur, inquis, Neratius servitutem prætorio impositam rusticam appellat? Nimirum quia ille arbitrio suo loquitur, non considerato juris effectu. Hoc ut perfectius intelligatur, sciendum, prædia eorumque jura dupliciter considerari posse, vel simpliciter, quæ consideratione nihil prohibet ea loco distinguere, quod fecit Neratius; vel cum effectu juris, quæ consideratione loco nunquam distinguuntur. Cum quæritur de jure taciti pignoris, quod domio tribuitur in investitis & illatis ab inquilino in prædium urbanum, non item in investitis à colonis in prædium rusticum, l. 4. l. 7. §. 1. in quib. cap. pign. tac. urbana prædia accipimus etiam tabernas, stabula, quæ non sunt in continentibus ædificiis, vel ipso Neratio teste, d. l. 4. §. 1. aliaque meritoria in villis & vicis. Villa autem fructuaria & habitatio villici in hac causa prædia rustica habentur, arg. d. leg. 198. de verb. sign. Item cum quæritur de alienatione prædiorum pupillariorum aut minorum 25. annis, quæ si rustica sint aut suburbana, oratione Severi sine decreto prohibentur alienari, l. 1. de reb. cor. qui sub tut. (quod constitutione Constantini ad urbana quoque prædia postea extensum est, l. 22. de adm. tut.) prædia à fine & usu distinguimus, & rustica quoque intelligimus hortos olitorios, & vinearios, qui in urbe sunt, & villas fundi causa & propter opus rusticum ædificatas: reliqua

qua ædificia, stabula, meritoria, et si ruri sunt, pro urbanis habentur, ut & horti ædificiorum, unde nihil aut parum redditus, & multo magis area, d. l. 198. *de verb. sign.* quo loco orationem illam Severi Ulpianus interpretatus est, Cujac. 7. *obs.* 24. Simili modo de servitutibus, cum simpliciter queritur, quorum prædiorum sint, loco itidem ut prædia distingui possunt, at cum queritur de vi & effectu juris in iis constituendis, acquirendis, amittendis, pignoratibus, novo opere eorum nomine nunciando, (vide obiter l. 1. l. 6. *de serv. præd. urb.* l. 6. *leg.* 7. §. 1. *comm. præd.* l. 11. §. ult. & l. *seq. de pign.* l. 5. §. 5. & *belli* 9. *leg.* 14. *de op. nov. nunc.*) loci ratio nulla habetur: sed quæ ædificiis inhaerent, urbanæ: quæ locis puris, rusticæ dicuntur. Et quia hac consideratione neque ulla ædificia possunt esse subiectum servitutum rusticarum, nec loca ædificiis vacua subiectum urbanarum; hinc factum est, ut in proposito ædificia omnia, etiam quæ in vilis & vicis sunt sive ad usum urbanum, puta ad habitandum, ad viatores recipiendos, aliumve quæstum faciendum comparata sint, sive ad usum rusticum, ad fruges condendas & custodiendas; ad stabulanda pecora, prædia urbana habeantur: contra loca omnia ædificiis vacua, etiam area in urbe, & horti ad voluptatem comparati, prædia rustica, distinctione subiecti ad naturam servitutum accommodata. Hæc nescio an quisquam tam distinctè & lucidè. VINN. Ita facile intelligitur quod scribit Paulus l. 3. *ff. de serv. Servitutis prædiorum alia in solo, alia in superficie consistunt.* In fundo servitutes prædiorum rusticorum l. 13. *ff. de serv. præd. rust.* In superficie servitutes prædiorum urbanorum, l. 20. *ff. de serv. præd. urb.* Nulla enim servitus prædii rustici utilitatem præstat: ædificiis, sed fundo: nulla urbana fundo, sed soli ædificio. Interim & ædificia quædam rustica dici posse, si soli usui œconomico destinata sunt, certum, puta, est ex l. 198. *ff. de V. S. & locis Columellæ & Palladii*, ab ipso auctore allegatis. HEIN.

Prædiorum urbanorum servitutis sunt hæc) Et longè etiam plures: sed harum commemoratio sufficit ad declarandum id quod dixerat, prædiorum urbanorum servitutes esse, quæ ædificiis inhaerent. Donellus 11. *comm.* 4. etiam quæ hujus sunt generis, in tres classes partitus est ex triplici earum fine: quædam enim comparatæ sunt ad ædes vicinas dilatandas, ut tigni immittendi, oneris ferendi, projiciendi, protegendi: quædam ad ædium anteriorem commoditatem, veluti altius non

tollendi, ne luminibus, ne prospectui officiat: quædam denique ad ædes exonerandas, cujusmodi sunt juss cloacæ immittendæ, fumi immittendi, fluminis & stillicidii avertendi in aream alienam. Pretium fuit, digito saltem hoc indicasse.

Ut vicinus onera vicini sustineat, ut in parietem ejus liceat tignum immittere) Proponuntur hæc servitutes, ut species diversæ: & sanè differunt gradu: In imponenda servitute tigni immittendi quæ agitur, ut ex nostro pariete liceat tignum, *Ευλιν* & *Δικς*, trabem immittere in parietem vicini, ita ut ibi requiescat, & vicini paries sustineat onus immisiss, nihil amplius, l. *malum*. 242. §. 1. *de verb. sign.* In servitute autem operis ferendi hoc amplius est, quod vicinus columnam, aut parietem, cui oneri ferendo est, reficere tenetur, & idoneum oneri sustinendo præstare, l. *eum*. 33. *de serv. præd. urb.* qua parte servitus hæc degenerat & spuria esse agnoscitur: quippe cum contra naturam servitutum hoc sit, ut quis cogatur aliquid facere in suo l. 15. §. 1. *de servit.* Qua ratione quoque jam olim Gallus putabat, non posse ita servitutem imponi, ut quis & onus ferret, & parietem reficeret. Sed obtinuit Servii sententia contentis posse, l. 6. §. 2. *si serv. vind.* id quod in specie proposita visum est, per consequentiam recipiendum esse jus, quod principaliter agitur. Agitur autem hoc, ut jus sit ædium mearum, onus in parietem vicini immittere: quæ servitus vix consistere potest, nisi paries reficiatur, & idoneus habeatur oneri ferendo. VINN. Ita fere omnes hanc servitutem vocant *spuriam*, *anomalam*, *irregularem*: nescio an satis bene. Non videtur veteribus dubium fuisse, dominum prædii dominantis ordinariè debere parietem reficere: sed de eo disputarunt, an ejusmodi pactum iniri posset, & dominus prædii servientis reficeret? Negabat Aquilius Gallus, quia esset contra naturam servitutis: sed adfirmabat Servius, cujus sententia prævaluit, ita explicata à Labæone, ut quia non homo, sed res serviat, liceret domino parietem derelinquere, l. 6. §. 2. *ff. si serv. vindic.* Servii itaque sententiam non in univèrsum statuit, parietem reficiendum esse à domino: sed tunc reficiendum esse, si hujusmodi pactum intercesserit, quale est illud: paries oneri ferendo, uti nunc est, ita sit l. 33. *ff. de serv. præd. urb.* HEIN. Hujus ejusdem generis est jus projiciendi, l. 1. & l. 2. *de serv. præd. urb.* videlicet ut liceat ex nostro tignum projicere in aream alienam, hoc est, ita provehere supra solum vicini, ut

nusquam requiescat præterquam in pariete nostro; siue id fiat ædificii supra id projectum ponendi causa, siue tegendi parietis, ut plurimum autem aliquid iustruendi causa, puta meniani aut suggrundæ, d. l. malum. 242. §. 1. de verb. sign. nam quod tegendi parietis causa ad umbram faciendam emittitur, aut arrendos imbres à pariete, protectum in specie appellatur, d. l. 1. & 2. hoc tit. ita protectum à suggrunda distinguitur in edicto de his qui dei. vel effud. l. 5. §. prator ait. 6. Crassus error est eorum, qui servitutem projicienti interpretantur jus abjiciendi vel effundendi quid in aream alienam, aquam puta, vel quicquillas, Cæpoll. c. 32. de serv. urb. Nulla enim talis servitus constitui potest, quæ quidem prædii sit, l. foramen. 28. hoc tit. Atque hunc errorem quoque notat Coras. 3. misc. ult. num. 8. & 9. Cæterum alium ille enarrat n. ult. ubi ne subordinatam quidem differentiam inter projectum & protectum agnoscit.

Ut stillicidium vel flumen quis recipiat, vel non recipiat) Hæ eadem servitutes sunt, quæ dicuntur stillicidiorum & fluminum, l. 1. de 4 serv. præd. urb. Inter stillicidium & flumen hoc interest, quod stillicidium est, cum aqua pluvia ex tecto stillatim & guttatim cadit, Drop; flumen, cum fluxu & per imam ædium partem more fluminis effunditur, Vaterloog. Varo. 4. de ling. c. 5. Paul. l. servitutes 20. §. 3. & seq. de serv. præd. urb. Itaque stillicidii recipiendi servitus dicitur, qua vicinus ferre cogitur, ut aqua pluvia ex tecto meo in suas ædes casit; fluminis verò, qua pati cogitur, ut aqua eadem in alveum aut canalem recepta in suas ædes cum impetu feratur; unde hæc quàm illa gravior, & proinde Paul. d. l. servitus 20. §. stillicidium, §. ait stillicidium inferius demitti non posse, ne gravior fiat servitus, & pro stillicidio flumen: altius tolli posse, quia levior eo modo fiat, cum quod ex alto, lenius cadat & interdum vi venti directum non perveniat ad locum servientem. Duplex autem est stillicidii & fluminis servitus, ut ostendit hic locus & l. 2. eod. una avertendi, altera non avertendi stillicidii aut fluminis: quarum illa comparata est ad ædes exonerandas, hæc ad interiorum ædium commoditatem pertinet. Avertendi stillicidii est jus stillicidia nostra derivandi in ædes aut aream vicini, ut vicinus stillicidium nostrum recipere cogatur in ædes suas, vel in aream aut in cloacam, d. l. 2. & hoc text. Stillicidia non avertendi jus est, quo vicinus stillicidium ædium suarum in aream vel cloacam vicini avertere prohibetur, aut non tenetur vicinus stillicidium vicini in

suum recipere. Sanè quidem jure communi nemo cogitur stillicidia vicini recipere, licetque nobis jure libertatis rei nostræ vicinum prohibere, ne stillicidia sua in nostrum immittat. Cæterum scubi constructio ædificiorum talis est, ut lege aut consuetudine civitatis unicuique permisum sit stillicidia sua obversa habere in alienum, vicinique jure publico ea recipere cogantur; hic si velimus nobis jus esse prohibendi vicinum stillicidia sua in nostrum avertere, necesse est, ut id jus vicinus nobis constituat, suæque rei hanc servitutem imponat: quod quamobrem & quàm rectè dicatur, mox certius intelligitur, cum de servitutibus altius tollendi & non tollendi disputavimus. Similiter servitus fluminis avertendi est jus fluminis immittendi in alienum: non avertendi servitus, qua vicinus flumen, quod aliquovilege vel consuetudine civitatis liceret, avertere in alienum prohibetur. Ita rectè Don. 11. c. 5. Bocer. & Tuning. hic. Aliis verò servitus stillicidii aut fluminis non avertendi est, quia vicinus avertere cogitur stillicidium, aut flumen ædium suarum in aream vicini, ut aqua in cisternam ejus recipiatur, vel hortum irriget: qua constituta, agi possit cum domino ædium servientium, jus ei non esse stillicidia avertere, atque ut regulas, canalesque aut tubulos, per quos aqua labitur, suis expensis reficiat. Cæpoll. ca. 28. & seq. de serv. urb. Pet. Greg. 4. synagm. 9. n. 7. Sed hoc minus placet: quia non pro commodo, sed pro onere passim habetur, stillicidium aut flumen alienum recipere: & præter naturam servitutum est, ut quis aliquid facere cogatur in suo.

Et ne altius quis tollat ades suas) Hæc servitus ob eum maximè finem constituitur, ne luminibus vicini altius ædificando officiat. Nam cum unicuique jure naturæ in suo quidvis facere liceat, in alienum nihil immittat, l. 8. §. Aristo 5. si serv. vind. eique consequens sit, posse unumquemque in area suæ ædificare in infinitum, ædesve antea positas altius tollere, etiamsi vicino incommodet, lumina ejus obscurando, quod & traditum est leg. 9. l. 14. l. cuius 24. de serv. præd. l. 8. C. de serv. hoc incommodum non aliter vitari potest, quàm si à vicino impetremus, ut hanc suis ædibus servitutem imponat, ne altius tollantur: qua imposita, si nihilominus altius ædificet, jam rectè cum eo agam, jus ei non esse ædes suas altius tollere; quæ intentio est actionis confessoris, qua servitus hæc, quæ dicitur altius non tollendi, vindicatur, licet verborum figura videatur negatoria, l. 4. §. ult. si serv. vind. Crebra est hujus servitutis men-

tio, ut in *l. 2. l. 12. de serv. prad. urb. d. 1. 4. §. ult. l. 7. §. 1. com. prad.* Hic autem magna oritur difficultas. Nam si cuius liceat ædes suas extollere, idque naturaliter & jure libertatis rei suæ, ut nulla in eam rem opus sit constitutione servitutis, qui sit, quòd inter servitutes prædiorum numeretur etiam jus altius tollendi? Hoc enim nullam videtur habere rationem: contraria quippe sunt libertas & servitus. Et si non licere altius tollere, servitutis est; licere altius tollere libertatis erit. Et tamen negari non potest, quin Veteres non minus jus altius tollendi quam non tollendi inter servitutes retulerint. Factum id compluribus locis à Paulo *l. 1. de serv. prad. urb. l. 7. §. 2. comm. prad. Cajo l. 2. de serv. prad. urb. Neratio, l. 2. de serv. prad. rust. Justiniano §. 2. inf. de act.* Tota verò difficultas in eo est, ut exempla proferantur quibus ostendatur, jus altius tollendi quandoque inter servitutes recte numerari. Etenim huic rei demonstrandæ minimè idonea sunt quæ afferuntur à Glossa, Bart. & DD. in *l. 2. de serv. prad. urb.* quæ ipsis prima est: nec item quæ à Gloss. Dyn. Jaf. & aliis ad §. 2. *inf. de act.* ut videre est in nostra illius loci interpretatione. Neque verum esse puto quod Cujac. Wesl. in *d. §. 2. & Vult. l. disc. §. 1.* contendunt, jure servitutis constitutæ ædes altius tolli, cum antea concessio aut longa quasi possessione quæsitio contra vicinum jure altius non tollendi, rursus ei altius tollendi potestas conceditur. Hoc enim casu perinde res in pristinam libertatem redit, ac si pacto servitus remissa esset, ut eodem loco abunde ostendimus. Primus veterum interpp. Jo. Faber in *d. §. 2. rem vidit, & digito monstravit, præeunte tamen Glossa, in l. qui luminibus 11. de serv. urb. prad.* ut observavit Capolla & explicuit c. 26. n. 2. *de serv. urb.* sed ille longius excurrit, & multa aliena miscet. Rectius & apertius recentiores Zaf. Baro. Myns. Donel Fabri vestigiis insistentes, sic rem proponunt, & declarant. Si de potestate ædificandi in suo nihil jure publico cautum sit, jus ædificandi ajunt esse libertatis nostræ, & licere cuius civi, suo & publico jure quam altissimè ædes suas tollere, etiamsi obscurer vicinas. Si verò alicubi lege civitatis certa ædificiorum forma atque altitudo præscripta est, quam excedere ædificando invito vicino non liceat, hic jus ædificandi hæcenus quidem adhuc liberum esse & juris publici, ut si intra definitum altitudinis modum consistatur, adhuc liceat ædificare cum incommodo vicini, *l. qui luminibus 11.* Cæterum si supra eam

altitudinem ædes extollere, v. c. ad §. vel 6. pedes, velimus, quod jam jure publico invito vicino facere non licet, ut id nobis liceat à vicino impetrandum esse *l. pen. §. 1. Cod. de adif. priv.* eoque concessio, jus altius tollendi vicino servitutum esse, utpote qui jam incipiat pati in suo, quod antea pati jure publico non cogebatur; nobis jus, sed imposititum & constitutum à vicino, quod vindicetur hac formula confessoria, *Ajo, mihi jus esse ædes meas altius tollendi invito te d. §. 2. inf. de act.* ubi plenius hoc exposui, atque ex Tacito aliisque Auctoribus, & textibus juris nostri demonstravi, etiam in ipsis urbibus in quibus sedes imperii fuit, Romæ scilicet & Constantinopoli, jam olim certum fuisse ædificiorum altitudini præscriptum modum, ut mirum non sit, Jureconsultos ad statum illum respicientes jus altius tollendi inter species servitutum numerare. Adde, quòd certo statu ædificiorum constituto, hæc servitus etiam querri potest præscriptione, si videlicet quis contra veterem formam longo tempore ædificatum habuerit, & nec vi, nec clam, precario possederit, *l. 1. C. de serv.* Poterat hic consisti, nisi nobis negotium facesseret Bachovius, qui in *nor. ad. Treutl. vol. 1. dispur. 17. thes. 2. & in comm. ad hunc §. 1. & §. 2. inf. de act.* hanc etiam Neotericorum sententiam penitus explodit contendens, jus altius tollendi & altius non tollendi, non duas, sed unam eandemque servitutum esse, quæ aut diversâ consideratione diversis nominibus appelletur, atque ex parte servitutum sibi afferentis dicatur jus altius non tollendi, ex parte negantis altius tollendi, aut potius jus altius tollendi improprie servitutum numero adscribi, atque ita appellari tantum respectu vicini, qui me altius ædificante ipse contra ædificare & luminibus meis officere, jure constituta servitute, non potest. In summa, jus altius tollendi ex catalogo servitutum expungendum esse; & quoties ejus mentio fit, jus contrarium significari, videlicet altius non tollendi. Satis hercule confidenter: videamus quàm verè Cajus *l. 2. de serv. prad. urb.* ex professo species urbanarum servitutum enumerans sic orditur: *Jura prædiorum urbanorum sunt, altius tollendi & offendi luminibus vicini;* deinde subjungit, *aut non extollendi.* Hic, si Bachovio credimus, Jureconsultus non duo inter se distincta jura significat, sed unum dumtaxat, altius non extollendi, quod solum sit servitus. Pauli *l. 7. §. 1. comm. prad.* hæc verba sunt; *Servitus alienis adibus imponi potest, ut altius tollere vel non tollere liceat.* Hoc Bachovius sic accipit, *qua-*

quasi alterum tantum Paulus expressisset, ut ne liceat altius tollere. Sed profecto si hoc Bachovio concedimus, summæ inscitia insimulamus Jureconsultos, qui ex uno jure duo faciunt, atque inter se ut servitutes diversæ speciei tam aperte opponunt. Itaque, ut evidentius demonstramus errores Bachovii, putat ille, jus altius tollendi per se servitutem nunquam esse, sed hoc nomine appellari relatione facta ad vicinum, cujus ædibus imposita sit servitus altius non tollendi; propterea quod hac servitute mihi constituta jus altius tollendi, quod per se quidem semper sit libertatis, sed inutile mihi aliàs reddi vicino contra ædificante poterat, nunc pleniore jure, & effectu consequor. Hoc verò falsum esse ostendunt quotquot sunt loci, in quibus jus altius tollendi inter servitutes numeratur, ut in l. 2. de serv. prad. rust. d. leg. 2. de serv. prad. urb. d. l. 7. §. 1. comm. prad. §. 2. inf. de alt. l. 1. Cod. de serv. & aqua. Quibus omnibus locis palam est, jus altius tollendi non ea ratione servitutem dici, aut ex eo æstimari, quòd alter facere non potest in suo: sed ex eo simpliciter, quòd alterum facientem jure impositio pati cogitur. Hoc enim ipsum, licere altius tollere, & officere luminibus vicini, jus prædii & servitus appellatur: jus respectu ejus, cui id facere liceat, servitus respectu vicini, qui id pati cogitur. Ac proinde si cui hujus juris controversia fiat, licebit ei hoc vindicare hac formula, *Ajo mihi licere aedes meas altius tollere*. Quæ & vi & verbis confessoria est, d. §. 2. inf. de alt. Idque evidentissimè confirmatur d. l. 1. C. de servit. quo loco cum quæsitum esset, an in eum, qui contra veterem formam ædificasset, ut luminibus vicini officeret, competeret vicino actio negatoria, qua intenderet, jus non esse adversario ædes ita sublatas habere; respondet Imp. competere: sed addit hanc exceptionem, *nisi quis longo tempore ita ædificatum habuerit*. Quippe longi temporis consuetudinem vicem obtinere servitutis. Quòd si igitur jus altius ædificandi contra formam ædificiorum præscriptione quæsitum servitus est, nobisque defendi & actione confessoria vindicari potest; idem quoque jus pactionibus eodem modo constitutum servitus erit, non jus libertatis; eoque nomine confessoria, non negatoria agendum. Miror autem judicium Bachovii, qui his argumentis probari existimat, jus altius tollendi pro jure impositio aut servitute censi non posse. Primum quia servitutem non ea natura est, ut aliquis faciat quid in suo, sed ut aut non faciat, aut alium facientem patia-

tur. Secundò quia omnis servitus efficit, ut prædium serviat: at ædes, quas ex pactione contra usitatum modum tollere licet, nullo modo dici posse servire. Postremò quia servitus omnis onus prædii est, jus dominantis augens, servientis minuens. At concessione juris altius tollendi etiam servienti prædio restitui libertatem. Manifestus enim in his omnibus error est παρά τῇ ἀγνοίᾳ τῷ ἰατρῷ. Nam non quæritur, an jus altius tollendi contra præscriptum modum sit servitus in eo, cui id jus concessum est; hujus enim respectu jus est, quod servitutem facit; nihil minus quam servitus; & omnis servitus est in alieno: sed hoc, an non in eo, qui jus hoc alteri constituit, servitus sit: an non ille pati aliquid cogatur in suo, videlicet luminibus suis offici, quod antea pati jure publico non cogeatur: an non ille eo pacto suum prædium servire faciat, jus sui prædii minuat, alterius augeat. Hoc verò est, quod nos asserimus & abunde probasse existimamus. Stet igitur hæc sententia, jus altius tollendi nonnumquam esse jus libertatis nostræ, nonnumquam imposititium seu servitutem: activè respectu ejus cui debetur passivè in eo quæ debet. Utrum autem horum sit, ejus rei adjudicationem pendere ex eo, quod cuique jure publico in suo facere ædificando liceat, aut non liceat.

Ne luminibus vicini officiat) His verbis non videtur hoc loco nova demonstrari servitus, sed finis proposita: est enim hic præcipuus finis servitutis altius non tollendi, ne luminibus nostris officiat, qui ob id etiam plerumque simul exprimi solet, l. 2. de serv. urb. l. 2. de serv. rust. quamquam & alius dari potest, ne scilicet in ædes aut aream nostram profectus pateat. Porro quod ait, ne luminibus officiat; sic accipiendum est; ne officiat altius ædificando; non etiam ne alio modo, veluti arbore posita, ut quàm minimum recedatur à libertate naturali. Quamobrem hoc plus erit in servitute, ne luminibus officiat, quàm in illa, ne ædes altius tollantur, l. 12. l. inter. 15. & 2. seqq. de serv. prad. urb. A servitute ne luminibus officiat, parum differre videtur servitus, quæ luminum dicitur: atque ut hæc magis respicit novam luminum constitutionem, ita illa conservationem eorum, quæ jam sunt l. 4. eod. Nisi forte dicendum sit in servitute luminum hoc minus esse quàm in altera: quod qui hanc debet, altius ædificare non prohibeatur, aliaque facere, modò tantum luminis vicino relinquat, quantum ad usum diurnum sufficiat: qui autem servitutem debet ne luminibus officiat, ni-

hil

hil omnino facere possit, quo lumen minuat, etiam si vicini ædes luminibus abundant: quæ sententia est Pauli Castr. in *dist. l. 4. probata à Cæpoll. cap. 35. de serv. urb. arg. d. l. inter 15. & eodem teste communiter recepta. Aliter Cujac. 1. obs. 13. & Duar. 1. disp. 33. servitutem luminum accipitur, nimirum jus luminum nostrorum in alienum immittendorum, quo efficiatur, ut liceat nobis aperto pariete nostro fenestras in eo positas habere luminis excipiendi gratia. Sic enim illi interpretantur, quod Paulus scribit d. l. 4. *Luminum servitutem constituta, id acquisitum videtur, ut vicinus lumina nostra accipiat. Verùm hæc sententia impingit in notissimum illud juris principium, Unumquemque in suo quidvis facere posse, vel cum incommodo alterius, modò in alienum nihil immittat, l. 8. §. Arist. §. si serv. vind. l. 9. de serv. præd. urb. l. 8. C. de serv. & acq. Neque enim in alienum quicquam immittit, qui suum parietem aperit, & in eo fenestram ponit: proinde suo quisque jure facere potest: licet id vicino molestum sit, nec ad eam rem indiget constitutione servitutis. Verborum autem Pauli, ut vicinus lumina nostra excipiat, non hic sensus est, qui à Cujacio & Duareno his affingitur, sed hic, ut ita excipiat, ne quid contra erigat in suo, quo lumina præcludantur: quod alioqui servitutem non constituta suo jure facere posset, l. 9. de serv. præd. urb. Immo verò, inquit, qui fenestram in suo ponit, aliquid immittit in alienum, quod non licet citra constitutionem servitutis; immittit enim oculos. At testimonio Xenocratis, *ἡ δὲ διαφύρα ἢ τὸς πιδας, ἢ τὸς ἰσθαμὺς ἢ ἀλλοτρίας ἰκίας τιδίνας*, auctor Plutarch. lib. *περὶ πολυπραγμ.* Ego verò judico, hanc objectionem indignam esse tantis viris, nec debuisse eos, quod à Xenocrate figurate dictum est in homines curiosos, qui se ubique contra rationem officii ingerunt: abuti ad demonstranda dogmata disciplinæ juris civilis. Nihil autem in contrarium facit l. pen. eod. quia apertè loquitur de pariete communi; in quo constat nihil licere facere invito socio, l. 8. l. quidam 13. l. in re 26. eod. l. Sabinus 28. com. div. Illud constat, diversam esse à superioribus servitutem prospectu, seu ne prospectui officiat: nam servitutis prospectus hoc continetur, ne quid nobis officiat ad gratiorem prospectum ac liberum, & cum lumen tantum sit ex loco superiore, prospectus ex locis inferioribus esse potest, l. 3. l. 12. l. 15. & seg. de serv. præd. urb. Sunt qui putant, etiam servitutem prospectus ac diversam gradu à servitute**

ne prospectui officiat, distinguendam esse, eadem scilicet ratione & proportionem, quæ præcedentes luminum, & ne luminibus officiat. Moribus fere harum regionum auct legibus municipalibus vetatur fenestram facere, unde directò proximè & de plano prospectui in aream vicini, præscripto certo spatio, quo distare hujusmodi fenestræ à pavimento sive tabulato debeant.

T E X T U S.

De reliquis servitutibus rusticis.

2. *Inter rusticorum prædiorum servitutes quidam computari rectè putant aqua haustum, pecoris ad aquam appulsum, jus pascendi, calcis coquenda, arena fodienda.*

N O T A.

2. *Pecoris ad aquam appulsum*) Jus ad aquam di & appellendi pecora, quæ fundi causa habentur, ad aquam alienam.

C O M M E N T A R I U S.

1 *Explicatur & emendatur locus Ulpiani in l. Metla 14. §. ult. de alim. legat.*

D O cendi ratio postulabat ut huic §. protinus subjeceretur principio hujus tit. dilata tantisper tractatione servitutum urbanarum, cum à rusticis cœptum esset. Sed hoc tanti non est, ut ob id maledictis impetendus sit Tribonianus, quasi temetum, cum hæc scriberet, bibisset: nollemque eò protervix processisse etiam viros cætera incomparabiles. Verùm age. Ait Imper. inter servitutes rusticorum prædiorum rectè computari aquæ haustum, pecoris ad aquam appulsum, &c. Aquæ haustus est jus aquæ hauriendæ ex puteo, vel fonte vicini, ad prædii nostri vel familiæ rusticæ usum & commoditatem. Qui haustum habet, iter quoque ad hauriendum habere videtur, sive ei jus hauriendi & simul adeundi cessum sit, sive hauriendi tantum. Sed etsi tantum adeundi ad fontem, placuit inesse & haustum. Cæterum ex flumine publico cum sine servitute cuius haurire liceat, haustus frustra conceditur, iter cedi debet, l. 3. §. ult. de serv. præd. rust. Cæpoll. c. 7. Pecoris ad aquam appulsum est jus adaquandi & appellendi pecora, quæ fructuum fundi causa habentur, ad aquam alienam. Utrumque autem hoc jus passim refertur inter servitutes prædiorum rusti-

corum, l. 1. §. 1. leg. 2. §. 1. l. 3. §. ult. l. 4. l. 6. in fin. de serv. prad. rust. Cæterum obijci solet responsum Ulpiani l. Mela 14. §. ult. de alim. legat. quo loco aquæ haustus & pecorum ad aquam appulsus dicuntur esse servitutes personarum: sic enim in omnibus codicibus locus iste legitur: *Nam & haustus aquæ & pecoris ad aquam appulsus est servitus personæ: tamen ei, qui vicinus non est, inutiliter relinquitur.* Verum hic locus, si ullus in libris nostris manifeste corruptus est, idque cuiusvis modo proprius eum consideret, facile erit deprehendere. Laborat autem duplici vitio. Primum quia mendose interpositus est; deinde quia omissa est negatio in postremis verbis; omninoque ita restituendus est: *Nam & haustus aquæ & pecoris ad aquam appulsus est servitus: personæ tamen ejus, qui vicinus non est, non inutiliter relinquitur, vel detracta privata, utiliter.* Nisi etiam ita legamus, *ut & vicinis.* Nec sententia loci, nec ratio juris de his servitutibus constabit, nec quicquam in eo loco erit, quod cohæreat. Consultebatur Jureconsultus de fideicommissio, quo aqua relicta erat ei, qui vicinum prædium non habebat; respondet, utile esse fidei commissum, nec ob stare, quod aqua hæc relicta proponebatur non possessori vicini prædij; nam quod personæ relinquitur, ut in proposito aqua, id non vicino quoque recte relinqui, quantumvis tale sit quod regulariter jus prædij censetur. Argumento esse aquæ haustum & pecoris ad aquam appulsus, quæ cum natura sua servitutes prædiorum sint, tamen ei, qui vicinus non sit, utiliter constituentur: non ut jura prædij, sed personæ, quod etiam toties actum intelligitur, quoties res gesta est inter duos, qui vicina prædia non habent; qua de re monuimus in explicatione rubricæ sub fine. VINN. Hæ servitutes modò sunt personales, modò prædiales. Personales, si non in usum vicini prædij, sed personæ constituentur: prædiales, si vicino prædio inserviunt. Id liquidum ex l. 4. ff. de serv. prad. rust. Hinc tolerari possunt verba Ulpiani in l. 10. ff. de alim. legatis: *Nam & haustus aquæ & pecoris ad aquam est servitus personæ: pro tamen autem legendum videtur nam nec. Nam nec ei, qui vicinus non est, inutiliter relinquitur.* Ita verba præclare quadrant speciei, quæ ibi tractat Ulpianus. HEIN.

Pecoris pascendi D. l. 1. §. 1. l. 3. pr. l. 4. eod. servitus pascui dicitur, l. 6. in fin. eod. Est autem jus pascendi pecora in fundo alieno. Si plurius commune est, jus compascui appellatur, l. pen. §. 1. si serv. vind. Hinc ager compascuus, in quo vicinis jus est communi-

ter pascendi. Fest. in voce *Compascuus*. Cic. in *Top. cap. 3. si compascuus est ager, licet compascere.* Cæterum ita pecoris pascendi jus servitus prædij videtur, si fructuum fundi causa pecora habeantur, d. l. 4. eod. quod ita sit, si sint boves aut jumenta, per quæ fundus colitur, dist. l. 3. in pr. Semper enim hoc tenendum est, servitutem prædij non posse constitui ultra quàm ad prædium ipsum opus est, l. 5. eod. Idem tamen dicendum erit, si oves sint, aut vacæ ad lac præbendum, butyrum, caseum conficiendum, quibus ad vicium familiaris rusticæ utamur. Qui servitutem pascui habet, aut pecoris appellendi, ei etiam talis constitui potest, ut tugurium ibi habere liceat, ut si hiems ingruerit, habeat, quod se recipiat, d. l. 6. in fin. eod. De jure pascendi, latè Cæpoll. ca. 9. de servit. prad. rust. Schneid. hic num. 28. & seqq.

Calcis coquenda, arena fodienda D. l. 1. §. 1. item lapidis cædendi, cretæ eximendæ, pedamenta ad vineam ex vicini prædio sumendi, d. l. 3. §. 1. & 2. l. 5. l. 6. eod. Omnes autem, quæ hujus generis sunt servitutes, eod pertinet, ut quid ex alieno sumere liceat, quod transferatur ad usum prædij nostri. Eo autem etiam illud contineri intelligitur, quod consertur in familiam rusticam & pecora, quæ fundi colendi causa habentur, d. l. 3. in pr. l. 4. l. 5. & 6. eod. Sed & si quid in alieno facere nobis commodum sit, quod pertineat ad fructus prædij nostri exprimendos inelusive habendos, placet, etiam ejus rei servitutem prædialem rectè constitui; quasi ad prædij utilitatem & hoc pertineat, quod pertinet ad fructus commodè ad usum habendos, quippe quorum causa prædium ipsum habetur. Hujus generis sunt jus præli sive torcularis, ut mihi liceat uvæ vineæ meæ aut olivæ oliveti exprimere in tuo; jus area tua utendi ad exprimenda frumenta aut legumina; item ut fructus in vicini villa cogantur, coactique habeantur, l. 14. §. ult. de alim. leg. l. 3. §. 1. de serv. prad. rust.

TEXTUS.

Qui servitutem debere vel acquirere possunt.

3. Ideo autem hæc servitutes prædiorum appellantur, quoniam sine prædij consistere non possunt. Nemo enim potest servitutem acquirere urbani vel rustici prædij, nisi qui habet prædium, nec quisquam debere, nisi qui prædium habet.

NOTÆ.

3. *Ideo hæc servitutes*) Ex Ulp. l. 1. §. 1. l. 6. *comm. prad.*

Nisi qui prædium habet) Nam & à prædiis debentur hæc servitutes, & debentur prædiis. Sed & vicina esse prædia oportet, l. 5. §. 1. P. R. l. 25. & seq. P. V. ut tamen inter medium prædium non officiat, si non impediatur ulum servitutis, l. 7. §. ult. l. ult. P. R. l. 1. P. V. leg. 7. §. 1. *comm. prad.*

COMMENTARIUS.

Agitur hic de subiecto sive materia servitutum prædialium, id est, de rebus, in quibus consistunt, & à quibus ob eam causam nomen quoque acceperunt. Sunt autem hæc res non omnes, sed immobiles tantum, sive res soli, quæ uno nomine prædia appellantur. Sive enim rem ipsas, quæ servitutem debet, sive id, cui debetur; utrinque prædia esse necesse est: hinc ut sit, cui imponatur servitus, illinc ut sit, cui acquiratur: unum ut serviat, alterum ut dominetur. Quamobrem nomen potest prædio servitutem vel imponere, vel acquirere, nisi qui habeat prædium, hoc est, qui prædii dominus sit, leg. 1. §. 1. l. 6. *comm. prad.* & hoc text. Domini autem appellatione etiam emphyteutam & superficiarium comprehendimus, tam in persona constituentis quam acquirentis, l. 1. §. ult. de superfic. l. 1. §. 1. si ag. vect. Caterum his obitare videtur quod traditur l. 10. de serv. prad. rust. l. si servitus 23. §. 1. de serv. prad. urb. futuro quoque ædificio, seu nondum edificato servitutem vel imponi vel acquiri posse, siquidem ejus ædificii, quod nondum est, nemo potest dici dominus. Sed facilis responsio est, nimirum hic quoque constitutionem servitutis referri ad prædium, sed servitutis jus esse in suspensum, donec ædificium extruatur, in quo consistat, quasi sub tacita conditione constitutum. Eadem ratione & fidejussor dicitur futuræ obligationi accedere posse, l. 6. §. ult. de fidejuss. §. 3. inf. eod. non quidem hoc effectu, ut antequam reus debeat, fidejussor conveniri possit: sed ut demum fidejussio vim suam exerceat, cum principalis obligatio, cujus illa accessio est, fuerit subsecuta, l. fidejussor. 67. eod. tit. De vicinitate prædiorum & utilitate dominantis actum est sub rubricis.

TEXTUS.

Quibus modis servitus constituitur.

4. *Si quis velit vicino aliquod jus constituere,*

passionibus atque stipulationibus id efficere debet. Potest etiam quis testamento hæredem suum damnare, ne alius tollat aedes suas, ne luminibus vicini officiat: vel ut patiaturs cum tignum in parietem suum immittere, fillicidiumve adversus eum habere; vel ut patiaturs eum per fundum ire, agere, aquamve ex eo ducere.

NOTÆ.

4. *Passionibus*) Idoneis ad dominium transferendum. Non solis autem passionibus servitutes nostræ sunt, l. 3. D. de obl. & act. sed tunc cum secuta est traditio naturæ harum rerum conveniens, l. ult. D. de serv. l. 1. in fin. P. R. l. 11. §. 1. de publ. in rem act. Passiones tituli sunt & causæ acquirendi remotiores: modus acquirendi & causa proxima traditio, §. 40. *supr. de rer. divis. l. 20. C. de pass.*

COMMENTARIUS.

- 1 *Communi prædio ab uno ex dominis neque constitui neque acquiri servitutem posse.*
- 2 *Non nudis passionibus, quantumvis ad transferendum comparatis, servitutem acquiri, sed facto aliquo, quod traditionem representet.*
- 3 *Supreme voluntate servitutem constitui ipso jure.*
- 4 *Quemadmodum usu & possessione nostra servitus capiaturs.*
- 5 *Explicatur latius, quod de constitutione & acquisitione servitutis dictum est n. 2. & refutatur singularis Bacrovii opinio.*
- 6 *Quibus modis servitutes amittanturs.*

Falso Myns. & Pac. existimant, hoc loci materiam tradi, ex qua servitutes prædiorum constituantur: conventio enim & ultima voluntas, non mater ex qua, sed causæ efficientis rationem habent, cum sint servitutum constituendarum modi. Est autem insignis hic locus dignusque, in quo explicando plusculum operæ ponatur. Servitus prædii à lege non constituitur: sed potest re exigente à iudice constitui in iudiciis familiarum circumscribatur, & communi dividendo, in pluribus prædiis dividendis, unum uni, alterum alteri adjudicante, & unum alteri servum faciente, l. item Labeo 22. §. 3. fam. ere. l. ut fundus 18. *comm. div.* Extra hunc casum à solo prædii domino constituitur. Caterum & longa quasi possessione nostra acquiritur. De domino jam aliquid dictum §. præc. addo nunc, hoc etiam exigi in constituto, ut sit dominus prædii totius, non pro parte indivisa; communi prædio unum ex dominis ne pro parte quidem sua

sua servitutem imponere posse, l. 2. de serv. l. unus 34. de serv. prad. russ. nisi forte pariter omnes cedant: tunc enim omnes non alienæ, sed suæ parti servitutem imponunt. Quod si diverso tempore id fiat, novissima cessione superiores confirmantur, l. 6. §. 1. l. ult. comm. prad. l. 11. de serv. prad. russ. Benignè quoque propter conventionem receptum est, ut qui ante celsit, vetare me uti jure cello non possit, d. l. 11. Quæ omnia etiam in persona acquirentis servantur: nam nec acquirere quisquam prædium servitutem potest, nisi qui ejus prædij solus sit dominus, l. 1. §. 1. l. 5. l. 6. in fin. l. 8. comm. prad. & in pluribus acquirentibus eadem distinctio est, quæ in pluribus constituentibus, d. l. 6. §. 1. l. ult. eod. Constituitur à domino servitus duobus modis, conventionem, & ultima voluntate, l. 5. de serv. l. postest 15. comm. prad. & hoc text. In conventionali constitutione duo ad acquirendum servitutem requiruntur: pactio ad transferendum comparata, cujusmodi est stipulatio, emptio, donatio, permutatio, l. numquam 31. de acquir. rer. dom. & traditio, seu id, quod traditionis vicem in re incorporali obtinet, puta inductio in prædium servum, aut usus acquirentis, & domini constituentis patientia, l. ult. de serv. l. 1. in fin. de serv. prad. russ. l. 11. §. 1. de Publ. in rem act. per l. 3. in pr. de usufr. Nam quemadmodum pactionis nudæ non ea vis est, ut rem corporalem nostram faciat, l. traditionibus 20. C. de pact. ita nec per se sufficit ad acquirendam servitutem, l. 3. de obl. & act. d. leg. 11. de Publ. in rem act. Olim hic frequens erat celsio, l. nemo 39. de serv. prad. urb. l. 3. §. 2. & 3. l. 11. per quem 14. de serv. prad. russ. l. ult. com. prad. & videtur ea necessaria fuisse in constitutione servitutum; quæ in eo consistunt, ut dominus aliquid non faciat in suo; puta ne ædes altius tollat; ne luminibus vicini aut prospectui officiat. Nam ejusmodi jura quomodo per usum & patientiam constitui possint, non video: aut sanè inductio in prædium hic etiam fuit. Suprema voluntate servitus constituitur, cum ea alicui testamento legatur, tit. de serv. leg. in qua constitutione nihil præter voluntatem defuncti consideratur ad acquirendam servitutem, sed statim ei, cui legata est, absque ulla cessione aut traditione hæredis acquiritur, l. ult. d. l. 1. si partem 19. §. 1. quem. serv. am. Neque distinguimus amplius inter servitutem legatam per vindicationem, & legatam per damnationem, vid. notata §. 1. tit. seq. Modus per usum ac possessionem nostram servitutem capiendi duplex. Unus communis cum usucapione rerum

corporalium, si quis eam à non domino, quem dominum existimabat, constitutam per tempus legitimum continenter possederit, l. ult. in fin. C. de præscr. long. temp. Alter servitutum proprius, si nullo quidem titulo præcedente, cæterum nec vi, nec clam, nec precario, id est domino prædij servientis sciente & patiente, per continuum definiti temporis spatium servitute usi sumus l. 10. si serv. vind. l. 1. in fin. de acq. pluv. arc. l. 1. & l. 2. C. hoc tit. ut hic scientia & patientia domini loco tituli aut boni initij & traditionis sint possidenti, & longi temporis consuetudo vicem servitutis obtineat. In priore specie titulus necessarius est, uti semper cum initium possessionis est à non domino, infr. de usuc. in pr. sed tunc dominum nihil juvat ignorantia, d. l. ult. C. de præscr. long. temp. In posteriore scientiam exigimus, titulum non item, alioqui tradita statim sine usucapione acquireretur. Sententia communis, à qua frustra recedit D. Duar. 1. disp. 34. add. D. Chrstin. vol. 3. decis. 177. n. 4. & §. 5. de nostra lib. 1. select. quasi. cap. 31.

Pactionibus & stipulationibus) His verbis putandum non est, à constitutione servitutum excludi traditionem: sed eodem modo ac sensu hic accipienda sunt, quo accipi constat, cum usufructus similiter dicitur pactionibus & stipulationibus constitui, §. 1. tit. seq. nimirum non ut significetur id quod in constituendo extremum est, & excludatur traditio: sed ut monstratur media & viz, per quas hæc jura inducuntur. Extremum est, quo constituta servitus acquiritur. Id verò non est pactio aut stipulatio, sed traditio servitutis ex pactione præcedente. Pactiones tituli sunt, non modi acquirendi, §. per traditionem 40. sup. de rev. div. Cæterum quia traditio nihil transfert, nisi præcedat idonea conventio, sive causa propter quam traditio secuta sit, l. numquam 31. de acq. rer. dom. ideo pactionum & stipulationum meminit ut causarum acquirendi, & in constitutione servitutis traditionem necessario præcedentium, non ut traditionem removeat. Quemadmodum ex contrario cum dominia rerum traditionibus acquiri dicuntur, l. traditionibus 20. l. de pact. non propterea removen- tur tituli sive causæ acquirendi remotiores, sed extremum in acquirendo significatur, id est, modus acquirendi & causa proxima, uti & cum usufructus & servitutes dicuntur constitui per traditionem vel patientiam, l. 11. §. 1. de Publ. in rem act. l. 1. in fin. de serv. prad. russ. l. 3. de usufr. Hoc ideo diligenter monendum fuit, quia video, Dr. Balthovium in ea esse hæresi ut existimet, nudis pactionibus & pro-

promissionibus solis servitutes prædiales plenè perfectèque constitui, atque acquiri citra ullam traditionem aut cessionem: ac proinde etiam statim ut in conventionem deductæ sunt, actionem in rem competere. Quo quidem ergo nihil unquam audiui, quod à ratione & auctoritate juris magis abhorreat. In toto enim jure modi acquirendarum obligationum distinguuntur à modis acquirendi res in obligationem deductas, sive corpora sint, sive servitutes. Modi, quibus obligatio queritur, sunt contractus & conventiones; quibus dominium rei in obligationem deductæ, traditiones, & in rebus incorporalibus ea facta, quæ traditionem diximus repræsentare. Si igitur stipulanti mihi viam aut iter promissis, ex hac conventionem non acquiritur mihi jus eundi aut agendi, quod actione in rem confessoria vindicare possim, sed obligatio dumtaxat & actio personalis ex stipulatu, qua intendam, *te mihi viam aut iter dare oportere*, l. 2. §. 1. & 2. de verb. obl. l. si unus 19. de serv. præd. rust. Tunc demum dominium servitutis nascitur & actionem in rem, cum conventionem secuta est traditio naturæ rerum incorporalium conveniens, l. ult. de serv. l. 1. in fin. de serv. præd. rust. l. 11. §. 1. de Publ. in rem act. l. 3. de usufr. Denique definitio tradita, leg. 20. C. de pact. traditionibus non nudis pactis dominia rerum transferri, generalis est, nec minus ad servitutum, quam rerum corporalium acquisitionem pertinet, l. 3. de obl. & ad. quo loco disertè de servitute idem quod de corpore Jurisconsultus definit, eam quaerita nobis ex contractu obligatione nostram non fieri, sed tantum debitorem obstringi ad eam nobis dandam aut præstandam. Quid ergo est, quod Bachovium moverit in contrarium? Primum, quod hic ait Justinianus, pactationibus & stipulationibus servitutes constitui. At idem de usufructu quoque dicitur, §. 1. tit. seq. ad eujus tamen constitutionem faceret Bachovius traditionem aut patientiam esse necessariam. Deinde quia Papinian. l. 4. de serv. scribit, servitutes ipso jure, neque ex tempore, neque sub conditione constitui posse: cæterum si hæc adjiciantur, vindicantem contra placita servitutem pacti vel doli exceptione repelli. Quasi ex eo necessario sequeretur, servitutem per solam promissionem constitui, & perinde sit, ac si Jurisconsultus dixisset, servitutem neque ex tempore, neque sub conditione promitti posse. Vitiola planè collectio, & falsa quæ sequitur propositio. Aliud enim est promittere, aliud constituere servitutem. Qui promittit, actu nihil juris in rem

alteri constituit, nihil dat, sed obligat se, ut det. Nec potest ulla excogitari ratio, cur minus servitutes quam res cæteræ ex die aut sub conditione rectè promittantur, ut neque ante diem peti possint, neque antequam conditio extiterit, debeantur. Quæ vis est harum adjunctionum, §. 2. inf. de verb. obligat. l. cedere diem 113. de verb. signif. l. existimo 98. de verb. obligat. At constituere servitutem est actu eam imponere, & efficere, ut jam sit quaerita prædio, §. præc. l. 1. §. 1. comin. præd. Quid verò Papinianus? Non ait, servitutem ex die aut sub conditione promitti non posse, sed non posse ipso jure constitui ex die aut sub conditione; id est, ut rectè Joan. apud Accurs. sic constitui, ut statim sit constituta & prædio acquisita, sed adjecta die aut conditione, in quæ usus servitutis, & vindictio differatur. Quod certa ratione juris efficitur; nam cum servitus semel prædio acquisita est, fieri non potest, quin à domino prædij jure vindicetur, l. 1. §. serv. vind. Cæterum ex æquitate juris prætorii est, quod placitum ope exceptionis fervetur. Fefellit Bachovium, quod putavit, si quid præter pactationem aut promissionem ad constituendam servitutem desiderari possit, id esse solum usum ejus, cui constituitur, & patientiam constituentis: quibus sanè in specie à Papiniano proposita locus esse non potest, cum sine contradictoria, usu servitutem constitui, & usum servitutis differri. Sed nos jam ante ostendimus, etiam aliis modis ad conventionem accedentibus servitutem posse constitui & prædio acquiri, per inductionem scilicet in fundum servum, & cessionem: qua cum Veteres fere semper usi sint in constituendis servitutibus, hoc ipsum satis argumenti est, sola conventionem constitui & imponi non potuisse, add. Connan. 4. com. 8. Don. 11. com. 10. Paul. Buf. ad d. l. 4.

Heredem suum damnare, ne altius tollat, &c. vel ut patiatur, &c. Hæc descripta sunt ex Cajo, l. potest 16. com. præd. Legati damnationis munit, non quod servitus per vindicationem legari nequeat; contrarium enim docet tit. de serv. leg. sed ut exempli causa, aut quia servitutes omnes per damnationem legari possunt, per vindicationem non item: neque enim quæ in non faciendū positæ sint, per vindicationem legari posse videntur, veluti ne hæres altius ædes tollat, ne luminibus vicini officiat. His autem verbis, *ne tollat, ut patiatur*, expressit naturam & substantiam servitutem, quæ duarum harum rerum consistit in altera, vel ut dominus aliquid in suo non faciat, vel ut aliquid in suo fieri patiatur, l.

quoties 15. §. 1. de serv. de quo dictum sub rub. VINN. Rectè suspicatus est Vinnius nos-
 trum, servitus omnes legari potuisse per dam-
 nationem: non omnes per vindicationem;
 sed fallitur: dum hanc differentiam quærit in
 distinctione servitutum adfirmatarum & ne-
 gatarum, quum eam facilius reperire po-
 tuisset in servitutum prædiorum rusticorum &
 urbanorum discrimine. Per damnationem
 omnes res legari poterant, etiam quæ non
 erant testatoris: per vindicationem non nisi
 eæ, quæ ex jure Quiritium testatoris fuerant.
 Ulpian. *Fragm. tit. 24. §. 7. 8.* Jure Quiri-
 tium habebantur res mancipi. Et tales erant
 solæ servitutes prædiorum rusticorum, non
 item urbanorum. Ulp. *Fragm. tit. 19. §. 1.* po-
 terant ergo hæc solæ per vindicationem legari.
 HEIN. Rectè fecisset Tribonianus, si hic ali-
 quid subjecisset de amissione servitutum, jux-
 ta præscriptum l. ult. de legib. quod observa-
 vit in usufructu tit. seq. & passim in hoc li-
 bello. Suppleamus ergo quod hic deest. Ami-
 ttitur servitus primùm, soluto jure auctoris,
 verbi gratia, si rei sub conditione legatæ im-
 posita sit, & conditio extiterit, l. 11. §. 1.
quemad. serv. am. l. si fundus 105. de cond. &
dem. Item si prædio emphyteutico aut benefi-
 ciario imposita sit ab emphyteuta aut vasallo,
 & quo casu hæc prædia ad dominum redeant,
 c. 1. §. quid ergo de invest. de re al. fact. in usib.
 Feud. quippe resolutio jure dantis resolvitur
 jus accipientis, ut notatur in l. lege 31. de pign.
 Amittitur secundò remissione, tum aperta l.
 14. §. 1. de serv. tum tacita, puta si permilero do-
 mino fundi servientis in loco serviente id fa-
 cere, quo servitus impediatur, l. 8. *quem serv. am.*
 Tertio amittitur confusione, cum prædia con-
 fusa sunt, five cum idem utriusque prædii do-
 minus esse coeperit, l. si quis 30. de serv. præd.
 urb. Quod si partem tantum prædii nactus sim,
 quod mihi aut cui ego serviam, placet servi-
 tutem non confundi l. una 18. l. 1. *per. via.* l.
 23. §. ult. de serv. præd. rust. Vvcl. *par. de serv.*
n. 9. Cautiunc. hic. Sed & si cum mihi per
 plurium fundos servitus deberetur, unum tan-

tum atque alterum, non omnes acquisiero,
 servitus præ cæteros retinetur, l. si cum 15.
quem serv. am. Postremò finitur etiam non
 utendo; si videlicet nemo servitute usus sit,
 neque is cui debetur, neque possessor prædii
 dominantis, amicusve aut hospes, &c. l. usu 20.
ead. aut si quis loco quidem usus sit, sed non
 jure servitutis; aut jure quidem servitutis, sed
 non servitute constituta, l. 10. & seq. l. si quis
 18. l. ult. *ead.* cæterum ita, si nemo usus sit
 per constitutum continuum tempus, l. 7. *ead.*
 l. 6. de serv. præd. urb. quod tempus est decem
 vel viginti annorum, l. 13. C. de serv. Enim-
 verò si servitutis usus continuum aut quoridia-
 num tempus non habeat, forte quia alternis
 annis aut mensibus constituta est, duplicato
 constituto tempore non utendo amittitur, d.
 l. 7. id est, adversus præsentem 20. annis, ad-
 versus absentes 40. Idemque & in longioribus
 intervallis pro ratione & facultate utendi sta-
 tuendum. Quicumque verò aut nostro aut præ-
 dii nomine usus sit, possessor mercenarius, hos-
 pes, amicus, colonus, usufructuarius, retinebi-
 mus servitutem, d. l. usu 20. & a. seq. *quem*
serv. am. Ad urbanarum servitutum amissi-
 onem etiam aliud præterea requiritur: has enim
 placet non aliter perire non utendo, quam
 si vicinus simul libertatem ædium suarum usu-
 ceperit, veluti in servitute altius non tollen-
 di, si per statum tempus altius sublatum ha-
 buerit ædificium, & insuper ipse per idem
 tempus ædes possederit, d. l. 6. de serv. præd.
 urb. Hoc ita tam variè, quia cum rusticarum
 usus positus sit in solo exercitio & facto ejus,
 cui debentur; solum quoque ejus non usum
 placet sufficere ad amittendam tempore servi-
 tutem. Contra urbanæ quia nihil exercitii ha-
 bent, sed in sola ejus, cui debet, patientia
 consistunt, non utendo amitti nequeunt; ideo-
 que non sufficit, sublatum esse opus, quod
 servitutis retinendæ causa habebatur, nisi si-
 mul is qui servit, hac occasione utens ad li-
 bertatem rei suæ usurpandam, aliquid con-
 tra servitutem molitur in suo ut eleganter D.
 Connan. 4. *comm. 12.*

TITULUS QUARTUS. DE USUFRUCTU.

D. Lib. 7. Tit. 1. C. Lib. 3. Tit. 33.

Continuatio. Varia servitutum personalium species: summa eorum, quæ hoc tit. tractantur.

HActenus de servitutibus rerum five præ-
 diorum: sequuntur servitutes persona-
 rum sic dictæ, quia sunt jura personæ in alie-

na re constituta: siquidem ex re, cui servitus
 debetur, distinctio ista servitutum petita est,
 ut ostendimus initio tit. præc. Species servi-
 tu-

tutum personalium multæ sunt & variz. Etenim sciendum est, etiam jura, quæ natura sua realia sunt, ita constitui possit, ut ex ea constitutione personæ tantum acquisita esse intelligantur, veluti si in constituenda persona demonstrata sit cui soli ea præstentur, l. 4. de serv. præd. rust. l. Mela 14. §. ult. de alim. leg. vel si constituta sint ei, qui prædium non habet, aut non habet vicinum. Sed & servitus personæ constitui potest, ut pomum decerpere, ut spatium, ut cœnare in alieno liceat: quamquam prædii non prodest, per l. quoties 15. in fin. de serv. l. 5. §. & beile 9. de op. nov. nunt. l. 1. §. præterea 12. & l. 3. pr. de aqua quodid. d. l. Mela 14. in fin. de alim. leg. Coraf. Duar. Costal. ad l. 8. de serv. Hotom. 8. obs. 20. Cyn. ad rubr. C. de usufr. post Pet. & Hugolin. Glossatores, utur D. Cujac. 24. obs. 22. id neget, & ejusmodi pactionibus non servitutem aliquam constitui & acquiri, accedente licet patientia constituentis, sed nudam ac simplicem obligationem, ut patiaris me in tuo ea facere, asserat, secutus Gloss. Bart. Castr. in d. l. 8. de serv. Cæterum hæc & similes servitutes personales innominatæ sunt & irregulares: nisi eas ad usum referas ad certum modum constitutam, cum D. Donell. 11. comm. 1. Nominatarum autem & vulgarium tres dumtaxat species sunt, ususfructus, usus & habitatio. Operæ enim servorum vix est, ut servitutibus adnumerari possint: tum quia non ex persona ejus, cui debentur, sed ex persona operarii æstimantur, hoc est, ex persona ejus, qui eas præstat, aut stant, aut intereunt, l. 2. de oper. serv. l. 2. de usufr. leg. quod & nomen operarum satis ostendit: tum quia non juris sunt, ut vindicari possint, sed totæ in actu & ministerio hominis consistunt, l. 1. d. 1. de op. serv. Hotom. illustr. qu. 41. Cujac. 7. ad African. ad l. quæsitum 37. hoc tit. de usufr. Cæterum in plerisque usum vel usumfructum imitantur, l. 3. 4. 5. de op. serv. l. 2. de usufr. leg. l. 5. §. ult. usufr. quem. cav. Ex tribus autem istis, quas dixi, princeps species est ususfructus: deque eo solo hoc titulo agitur: de usu & habitatione tit. seq. Quatuor autem hic ordine exequitur Imp. Primum docet, quid sit ususfructus, deinde quibus modis constituatur: tum quibus in rebus consistat; postremò quibus modis finiatur.

TEXTUS.

Definitio ususfructus.

Ususfructus est jus alienis rebus utendi fruendi,

salva rerum substantia. Est autem jus in corpore, quo sublato & ipsum tolli necesse est.

NOTÆ.

Alienis rebus) Hoc commune est omnium servitutum; nemini enim res sua servit, l. 5. pr. si usufr. pet. l. 26. P. V. Habet quidem & dominus jus utendi re sua, sed non separatim à jure dominico.

Quo sublato) Vel ita mutato, ut in alienam speciem & nomen transierit, leg. 5. §. 2. 3. & ll. seqq. quib. mod. usufr. am. Sumpta hæc ex l. 1. & 2. cod.

COMMENTARIUS.

- 1 *Quid in definitione proposita verbo juris significetur?*
- 2 *Quid fructuario tribuat tum jus utendi, tum jus fruendi?*
- 3 *Quid juris sit, si fructuarius nondum perceptis fructibus, aut mercede locationis nondum soluta, decesserit, remissivus?*
- 4 *Colonum, creditorem à uxore divita, legatarium proventus annui jus ad rem tantum, non in re habere.*
- 5 *Ususfructum formalem semper esse in re aliena, & quo sensu dicatur in multis pari esse dominii.*
- 6 *Neque maritum, neque heredem fiduciarium, neque emphyteutam definitione contineri.*
- 7 *Quid his verbis definitionis, salva rerum substantia, indicetur?*
- 8 *In fructu non esse, quod non percipitur ex eo usu, ad quem res parata est.*
- 9 *Cautionem fructuariam à testatore remitti non posse, ab herede posse: & quid si fructuarius propter inopiam fidejussorem invenire non possit.*
- 10 *Quid sibi velit, quod dicitur, sublato corpore usumfructum tolli?*

JUs alienis rebus utendi fruendi, &c.) Ex Paulo l. 1. hoc tit. Ait, est jus. Hoc sic nonnulli accipiunt, quasi dixisset, est servitus personalis, ut definitio contineat genus proximum definiti. Sed parum consideratè. Etenim inconcinna & inepta est ista locutio si dixerò, usumfructum esse servitutem utendi fruendi re aliena: quippe cum servitus sit in serviente, uti autem & frui ejus sit, cui servitus debetur, & actio servituti contraria. Jus vim agendi, servitus patiendi significationem habet. Animadvertere debuerant, servitutes omnes jura dici & definiti solere respectu ejus, cui

cui constitutæ sunt tanquam personæ primariæ in hoc jure; æque eodem respectu etiam usufructum definitur, habitum scilicet relatione ad fructuarium. Verbum quoque juris adungi verbo faciendi, quod cum sit in usu perpetuo juris & omnium Latine loquentium facultatem & potestatem eo vocabulo significari. Nec metuendum est, ne hac significatione admissa, definitio non reciprocetur cum re definita; nam potestatem hanc, sive jus, sequentia definitionis verba sic temperant, ut jura affinia satis hinc removeantur, & porro ex locis, ubi hæc definitio traditur, serieque tractationis, sponte intelligitur, subaudiri oportere, jus hoc ex constituta servitute competere, & personæ fructuarii coherere.

Utendi fruendi) Forma & finis. Duo autem hæc fere conjungi solent, *ut frui*, licet fructui usus insit, ner interit, fructus an usufructus legetur, *l. per servum 14. §. 1. de usu & hab. l. antepen. de usufr. leg. nisi corpus, non jus demonstrare volumus, l. vacca 43. de evict.* His autem verbis à fructuario removetur jus omne in rem, præter usum & fructiorem, rei fructuariæ alienatio, mancipiorum munusmissio, proprietatis oppignaratio, *l. 6. l. 9. C. hoc tit.* Jus utendi hoc tribuit fructuario, ut rem fructuariam tractare & exercere possit ad usum & commoditatem suam, ut tamen id faciat secundum rei conditionem, eamque exerceat ad eum usum, ad quem natura aut patrisfamilias instituto parata est. Etenim ædibus aut ædibus utendum ad inhabitandum, fundo ad fructum capiendum, servis ad operas, vestimentis ad induendum, cæteris rebus secundum suam naturam, extra quam qui utitur, abutitur: quod latius explicatur *l. 13. §. ult. l. 15. §. 1. & seq. cod.* Jus fruendi ei hoc tribuit, ut fructus omnes percipere possit, & percipiendi sibi acquirat, non naturales tantum, qui ex re fructuaria proveniunt, sive sponte, sive opera fructuarii; verum etiam civiles, qui per causam rei obveniunt, puta pretium venditionis, vecturas, mercedes locationis, &c. In summa, omnis redditus, omnis obventio, omnis utilitas, commodum omne, quod vel ex ipso corpore sive re fructuaria, vel occasione ejus percipitur, fructuarium sequitur, *l. 7. l. 9. l. arbores 59. §. 7. hoc tit. l. 14. quib. mod. us. am. l. qui fecit 25. l. in pecudum 28. de usufr.* Atque hinc rectè colligunt DD. usufructu castri sive jurisdictionis concessio, posse usufructuarium antiquas investituras renovare: Menoch. lib. 1. conf. 66. ad eum pertinere multas & penas pecuniarias, emolumenta sigilli officialium:

Sneid. ad §. 2. hoc tit. Joan. del Castill. *tratt. de usufr. cap. 46. num. 29.* post Bart. Jas. & alios antiquos, legato usufructu universitatis bonorum, cui jus patronatus annexum sit, jus presentandi fructuario competere, Menoch. d. conf. Castill. d. cap. 26. num. 35. ad fructuarium proprietatis pertinere non tantum canonem annuum, sed etiam, si stante usufructu res emphyteutica alienata sit, laudemium, Clar. §. *emphyteusis qu. 23. num. 5.* Chass. ad consuet. Burg. rubr. 4. §. 6. n. 1. Castill. d. cap. num. 45. Et secundum hos ipse aliquando ex facto consultus respondi, miratus Bachovium, qui hoc axioma damnat ut impossibile, ut dictum & auditu absurdum, *not. ad Treutl. vol. 1. disp. 16. thes. 11.* Sed & apud nos à supremo Senatu judicatum est, bonorum omnium usufructu legato, etiam redditus vitalitios tamquam fructus lucro fructuarii cedere debere, teste D. Jacobo Coreno. *observ. ver. à supr. Sen. jud. 7.* Cæterum quod alibi dictum, hoc loco repetendum est, fructuarii non aliter fructus fieri, quam ipse eos perceperit aut alius ejus nomine: & ideo si maturis fructibus nondum tamen perceptis decesserit, hæredem ejus in iis, qui terra tenentur, nihil juris habere, §. *is verò 26. sup. de rer. div. l. 13. quib. mod. us. am. l. 8. de ann. l.* An verò idem & in civilibus fructibus, puta usuris; mercedibus locationis, obtinere debeat, ut scil. fructuario ante diem quo solvi debeant mortuo, nihil ad hæredem ejus pertineat; an pro rata temporis, quo usufructus stetit, inter hæredem ejus & proprietarium dividi debeant, dixi sub d. §. *is verò 26.* De commodis que fructuarium sequuntur, qui plura nosse desiderat, adeat Don. 19. comm. 7. & 8. Castill. cap. 36. & 37. *tratt. de usufr.* Habet & colonus, & creditus *ἀντιστοιχῶντες*, facultatem utendi fruendi re aliena: cæterum illi jus tantum habent ad rem & in personam locatoris aut debitoris, hoc est, locatorem & debitorem ex contractu tantum sibi obligatos habent ad hoc, ut præstent uti frui licere; unde & iis actio eo nomine in personam dumtaxat competit, colonos, ex conducto, *l. 15. locat. creditori in factum, l. 11. §. 1. de pign.* jus autem in rem, & quod proprium eorum dici possit, de quo hic quæri constat; nullum habent: quippe quod non acquiritur, nisi traditum ex justa causa, ex qua dominium transferretur, cujusque tuendi & obtinendi causa ad exemplum domini vindicatio seu confessoria in rem actio prodica est, §. 2. *infr. de act.* Eadem & de legatario proventus annui dici possunt. Sed & hic ipse non fruitur, sed per manus hæredis redditum acci-

pit, l. fundi 38. de usufr. leg. l. liberto 21. pr. de ann. leg. Hotom. 1. illustr. 24. Castill. detr. cap. 4. & 5.

Rebus alienis Materia. Estque hoc commune omnium servitutum, ut sint in alieno: neque enim res sua ulli servit, l. in re. 26. de serv. prad. urb. l. 5. si usufr. pet. Recte, inquis: at non ideo recta definitio, cum non omnis usufructus servitus sit, & in re aliena. Dao enim, inquires, sunt genera usufructus. Est quidam separatus à proprietate, quem quod per se consistat, & formam propriam habeat separatam à proprietate, formalem Glossa & DD. vocant: est & alius conjunctus cum proprietate, qui, quia competit ex causa proprietatis, causalis vulgo appellatur. Quæ genera indicantur in l. si cum argumentum. 21. §. de exc. rei jud. l. 5. si usufr. pet. l. qui usufr. §. 8. l. si ita. 126. §. 1. de verb. obl. Illum quidem dicces habere eum, qui dominus non est, in re aliena: hunc autem habere dominum in re sua; ac proinde non posse non vitiosam esse definitionem, quæ minus contineat, quam definitum, videlicet alterum genus dumtaxat, usufructum formalem. Hæc obiectio ne quem moveat, observandum est, verbo usufructus simpliciter aut absolute enunciatio, in toto fere jure, & maxime in quæstione & tractatione de servitutibus, eum solum intelligi, qui à proprietate separatus est, non eum, qui alicujus est jure proprietatis; formalem, non causalem; eum, qui servitus est, non qui pars est juris dominici; quemadmodum appellationibus itineris, actus, viz, aquæductus, tunc solum in jure utimur, cum ista per se habentur sine jure proprietatis: atque ex hoc usu definitionem ita conceptam esse, ut formali tantum conveniat, qui ut solus servitus est, ita & in aliena solus habetur. Neque vetus ista & magistralis distinctio usufructus in formalem & causalem vera est & genuina generis in species divisio, neque pro ea à DD. vendicatur: sed potius distinctio nominis περιουσιας in sua significata. vid. Wes. par. hoc tit. n. 4. Castill. d. tract. cap. 1. num. 26. Pinel. in l. 1. C. de bon. mat. part. 1. nu. 10. Gomef. 2. ref. 15. nu. 2. & 3. Quod si porro quis urgeat, & usufructum etiam separatum in re fructuarii esse contendat, quia pars dominii dicitur, l. 4. hoc tit. in promptu responsio est; partem dici, non quod revera pars sit, cum sit servitus, l. recte. 25. de verb. sign. sed quia in multis casibus, quos exprimit l'aul. d. l. 4. vice partis fungitur, eodemque jure, quod dominium censetur, propter emolumentum, quod continet, l. Marvius. 66. §. fundo.

6. de legat. 2. & nimirum dictum hoc accipimus per comparisonem cæterarum servitutum, quæ cum dominio tantam affinitatem non habent. Eò pertinet; quod venditione bonorum etiam usufructum venire Ulp. scribit, qui appellacione domini fructuarius quoque contineatur, sententia scilicet edicti, l. 8. pr. de reb. auct. jud. poss. quod fructuario de damno infecto caveatur, l. 13. §. superficies-rum. 8. de damn. inf. quod ad eum pertineat interdictum unde vi, l. 3. §. unde vi interdictum. 13. de vi & vi arm. quod usufructus pro parte divisa vel indivisa constitui potest, l. 5. hoc tit. Sensit hoc Gloss. in d. l. 4. Latius explicuit D. Connan. 4. comm. 6. Postremò ut demus, usufructuarium respectu juris, quod habet, verè dominum dici posse, semper tamen in re aliena jus suum exercet. Quamobrem neque maritus, neque hæres fiduciarius, neque emphyteuta definitione continentur: quippe quorum omnium res ipsa propria est; quaque illi utuntur jure dominii, quod habent, non jure usufructus à dominio separati. Maritum verum esse dotis dominum quoadiu constar matrimonium, infinitis locis traditum est, infr. quib. alien. lic. in pr. l. si pradium. 13. §. 2. de fundo. dot. l. 7. si rei. 3. de jur. dot. l. si pradium. 23. C. eod. Hinc & rei dotalis vindicatio marito tributa, l. docet. 9. C. de rei vind. & mobilium quoque alienatio, l. 3. §. 2. de suis & legit. l. 3. C. de jur. dot. auct. sive à me §. 1. C. ad sen. Vell. Hæres quoque, qui rogatus est aliquid ex die aut post mortem suam restituere, interim ejus rei dominus est, non fructuarius, l. species. 15. de aur. arg. l. tantum, quia cedente fideicommissi restituenda est, ideo de ea tamquam aliena nonnunquam juris conditores loquuntur, ut Justinian. l. ult. §. sed quia 2. C. comm. de legat. sicut & de re dotali, quia & maritus temporale dominium habet, soluto matrimonio ad mulierem reversionem, l. 7. §. si fundum. 12. in fin. sol. matr. l. in rebus. 10. C. de jur. dot. De emphyteuta major potest esse dubitatio propter dominium directum, quod alius habet. Sed hoc non obstat, quominus & proprietatis quedam in re emphyteutica ratione emphyteutæ considerari possit, ut & potest in re feudali respectu vasalli, 2. feud. titul. 43. & argumento est, quod emphyteuta potest uni seorsum usufructum rei emphyteuticæ legare, alteri deducto eo proprietatem, l. 1. pr. quib. mod. uf. an. Joan. de Castill. tract. de usufr. cap. 39. nu. 10. & 11. Quid quod emphyteuta etiam ipsum fundum emphyteuticum alteri vendere, donare, & obligare potest, ser-

servitutes ei imponere, & quidvis in eo extruere: contra ipsum quoque directum dominum in rem agere, non dico de jure separato, ut fructuarius in re confessoria, sed de re ipsa? l. 1. §. 2. ag. ved. ut plus etiam juris emphyteutæ quam domini in ipsa re habeant: quam ob causam etiam domini prædiorum emphyteuticorum appellantur; l. possessor. 12. C. de fund. patrimon. lib. 11. Emphyteutæ similissimus est superficiarius l. 1. de superfi. d. l. 1. quib. mod. us. am.

Salva rerum substantia) Id est, si Theophilus & Giphano credimus, quamdiu res salvamanserit. Ego verò hoc amplius hæc adjectione proprium seu modum indicari arbitror, ut intelligamus, fructuarium ita uti & frui debere, ut rem salvam servet domino; ac proinde hac clausula fructuarium prohiberi, tum rem consumere, causamve proprietatis deteriorem facere, tum in aliam usum rem transmutare. Fingeigitur, ovium usumfructum relictum esse, non debet fructuarius eas occidere, ut carne vescatur: hoc enim pugnat cum nato a ususfructus. Cui fundi ususfructus legatus est, non debet arbores frugiferas excidere, neque villam diruere, nec quicquam facere in pernecium proprietatis, l. 13. §. fructuarius. 4. hoc tit. Sed & si agrum non prociadat, vites non subserat, aqueductis corrumpi patiar, ut intelligitur salva substantia re uti, d. l. 13. §. 1. Adium ususfructu legato non mutabit dîxas, vel atria non diruet, & edificabit nova, d. l. 13. §. sed si adium 7. nec si meliorem domini causam faciat, l. 7. in fin. l. 8. leg. usufructuarii. 44. eod. Nam quod traditum est, posse fructuarium causam proprietatis meliorem facere, d. l. 13. §. 4. hoc sic temperandum est, dum id faciat excolendo quod invenit, qualitate rei non immutata, d. l. 13. §. sed si adium. 7. D. Diod. Tuld. c. 4. hic. Illud quoque, quod superius leviter attigimus, explicatius considerandum est. Diximus, semper in usufructu usum inesse, l. 14. §. 1. de usu & hab. eumque, qui non secundum rei conditionem re utitur, non uti, sed abuti, l. sed si quid. 15. §. 1. hoc tit. Hoc autem eò pertinet, ut intelligamus, eum, qui sic utitur, nec rectè quidem frui, nec in fructu esse, quod non percipitur ex eo usu, ad quem res parata est. Hinc igitur fructuarii non erunt partus ancillarum, l. vetus. 68. eod. §. in pecudum. 17. sup. de rer. div. l. in pecudum. 28. de usur. non enim ancillæ ad hoc habentur, ut pariant, sed ut serviant, l. ancillarum. 27. de ber. pet. Non pertinebunt ad fructuarium arbores grandes & frugifera, l. 11.

l. 13. §. 4. hoc tit. nimirum quia non habentur, ut succidantur sed vel ad fructum ferendum, vel ad ornatum umbramve præstandam. Hinc denique est, quòd sylvam non cædum, aut, quæ ut cædua a domino habita non est, fructuarius cædere non potest, l. 9. §. ult. eod. quamvis materiam ex ea succidere ad villæ refectionem & pedamenta in vineam sumere non prohibeatur l. 10. l. 12. in pr. eod. ubi latè D. Paul. Bui. Ut igitur dominus securus esse possit de proprietate, desiderante eo, fructuarius cavere cogitur, & usum fructus boni viri arbitrat, & cum ususfructus ad eum pertinere desinet, restitutum quod inde extrahit, d. l. 13. in pr. l. 1. §. tot. tit. usufr. quem cav. quæ cautio satisdatis est, d. l. 13. l. 4. Cod. eod. l. 7. §. ult. usufr. quem caveat. l. 7. §. tutor 4. qui satisd. cog. & ad omnem usumfructum omnemque fructuarium (excepto patre fructuarii adventitiorum, l. 6. §. non. a. 2. l. ult. §. fin. a. 4. Cod. de bon. que l. item fisco per l. 1. §. si ad fiscum. 18. ut l. nom. cav. & casu, l. 9. §. 2. usufr. quem cav. & donatore omnium, aut partis bonorum reento usufr. per l. 19. §. 1. de re jud. cum simil. pertinet, d. l. 13. hoc tit. d. l. 1. §. 1. & l. 1. §. 1. usufr. quem caveat. In tantum, ut nec à testatore remitti possit, l. 7. C. ut in poss. l. dec. Cur. Holl. 20. Christ. vol. 2. dec. 175. num. 7. & seqq. ne scilicet amore cautionis metu fructuarii invitetur ad delinquendum, & pro libidine lux in re fructuaria grassandum: sententia ac ratio communis. Vide Clar. §. testam. qu. 64. Gail. 2. obs. 144. Joan. del Castill. tract. de usufr. cap. 15. Qui etiam aliam rationem affert, quòd remissio illa quodammodo cum natura, ac sine ususfructus legati pugnare videatur. Illud eodem loco idem rectè notat, remissione cautionis facta à testatore non vitari ipsum legatum ususfructus, sed eam pro non scripta habendam esse per l. 6. ut in poss. leg. Quòd si cautio à testatore remitti non potest, nec poterit confessio inventarii, quæ est necessarium cautionis antecedens, Castill. d. loc. poss. DD. com. Planè ut cautio ab hærede remitti possit, rationis est, Accurs. Cyn. Bart. Salic. Sîchard. ad l. 1. C. hoc tit. Plin. in l. 1. C. de bon. matern. p. 2. n. 76. Gail. de obs. 145. Castill. d. loc. nu. 16. Christin. d. decis. 175. Putarem tamen, remissionem non ob stare hæredi, quominus cautionem postea ex causa exigat, ut hæc remissio tacitam in se habeat conditionem, si rectè utatur fructuarius; eoque jure utimur. Quòd si fructuarius cavere non possit, eo quòd propter inopiam fideiussorem idoneum non inveniatur, an non hu-

manum est, eum admitti oblata cautione juratoria? aut si eo modo non satis prospectum videbitur proprietario, an non res fructuaria apud virum bonum sequestranda est, ut eam retinere proprietarius poterit, qui contra fructuario rectè caveat, ne pereat ultima voluntas defuncti. Placet in magna varietate eorum sententia, qui totam hanc rem boni iudicis arbitrio permittendam censent, qui ex personis & re, de qua agitur, tum ex facultatibus fructuarii dispiciat & constituat, quid in proposito debeat fieri, utrum cautio juratoria à proprietario recipienda, (ad quod tamen non facile eum compellet) an verò apud virum honestum res deponi, vel apud ipsum proprietarium remanere debeat, ut in omnem eventum & proprietario satis consultum sit, & fructuarius commodum percipiat; quod eum percipere omnimodo testator voluit. Libebit hic usurpare illud Ulpiani in l. 2. §. item Varus §. in fin. de aq. plur. arc. Hoc aequitas suggerit: etsi jure deficiantur, add. Castill. d. tr. c. 18. n. ult. Gail. 2. obs. 47. Myns. 6. obs. 48. Fach. 8. contr. 40. Wetsemb. par. usufr. qu. ca. num. ult. Merend. §. contr. 47. Christ. d. decis. n. 13. & seqq. Sunt & alia onera, quæ fructuario incumbunt, puta si quid rescindendum sit, ut facta rectè præstet, cum distinctione tamen, quæ est in l. 7. §. 2. hoc tit. ut animalia ægrota curet, gregem ex agnatis capitibus suppleat, in locum arborum demortuorum alias substituat; rectè enim colere quasi bonus paterfamilias debet: quod & ipsum cautione fructuaria continetur, vid. §. sed si gregis 38. sup. de rer. div. Hoc amplius etiam onera prædiorum agnoscere cogitur, ut tributa, vectigalia, pensiones, quæ prædiis imponuntur, l. 7. §. 2. l. si pendentes 17. §. 3. hoc tit. vid. Castill. d. tract. c. 56. & seq. Christ. vol. 2. decis. 176. n. 1. & 2.

10. Est autem jus in corpore, quo sublato) Sublatum hic accipimus non omnino quod penitus & totum perit, sed quod desit id, quod ante fuit; cujus pristina facies mutata, quod ita vel ampliatus vel minus est, ut in aliam speciem & nomen transierit, leg. §. 5. pen. & deinceps, usque ad l. 13. quib. mod. us. am. Quod si totum corpus tollatur, ne dominium quidem proprietate remanet. De mutatione rei fructuariæ plenius disputamus ad §. 3. hoc tit. in calce.

TEXTUS.

Quibus modis constituitur.

1. Ususfructus à proprietate separationem, re-

capit., idque pluribus modis accidit; ut ecce, si quis ususfructum alicui legaverit; nam bares nudam habet proprietatem, legatarius verò ususfructum. E contra, si fundum legaverit deducto ususfructu, legatarius nudam habet proprietatem, bares verò ususfructum. Item alii ususfructum, alii deducto eo, fundum legare potest. Sine testamento verò si quis velit ususfructum alii constituere; pactionibus & stipulationibus id efficere debet. Ne tamen in universum inutilis essent proprietates, semper abscedente ususfructu, placuit certis modis extinguere ususfructum, & ad proprietatem reverti.

COMMENTARIUS.

1. Quot & quibus modis ususfructus constituitur, & à proprietate separatur.
2. ad constitutionem & acquisitionem ususfructus solam pactionem non sufficere, sed requiri etiam traditionem, seu factum aliquod traditionem representans; testamento autem constituit ipso jure.

Pluribus modis.) Ususfructus non uno modo à proprietate separatur, & alteri acquiritur. Nam & à lege quibusdam personis constituitur, ut patri in bonis filii adventitiis, leg. 6. l. ult. C. de bon. qua lib. §. 1. inf. per quas pers. item patri emancipatori in parte dimidia bonorum adventitiorum filii emancipati, d. l. 6. §. 3. Cod. & §. 2. infr. d. t. & à iudice in iudiciis familiarum exciscundæ, & communi dividundo, per adjudicationes scilicet & condemnationes, si res divisionem commodè non recipiant, leg. 6. §. officio 10. comm. div. l. & puto 16. §. 1. fam. exc. l. 6. §. 1. hoc tit. junct. §. 4. & §. inf. de off. jud. usu quoque nostro & longa quasi possessione, sicut reliquæ servitutes, & ususfructus nobis acquiritur; veluti si quis non dominus ususfructum nobis videret, nos eum per legitimum tempus possederimus, l. ult. in fin. C. de præscript. long. temp. Hic duos tantum modos recenset Imp. eosque ipsos, quibus servitutes prædiorum constitui dixit in calce præc. tit. ultimam voluntatem, & stipulationes pactionesve.

Ut ecce) Formas legendi, quibus ususfructus constituitur, & à proprietate separatur, tres perspicue explicat; in quibus notandum, verba illa deducto ususfructu non esse otiosa, sed expressa consulto, ut & in d. l. 6. hoc tit. l. 4. si usufr. pet. Nam si uni ususfructus, alteri fundus simpliciter legeretur, nominatim, non expresse, detracto ususfructu, ambo in ususfructum concurrent, l. si alii 19. de usufr. leg. l. 6.

6. *de usufr. ear. rer.* Neque obstat, quod traditur d. l. 1. & *pato* 16. §. 1. *fam. ere.* si iudex alii fundum, alii usufructum adjudicaverit, non communicari usufructum. Nam in iudiciis divitoriis hoc agitur, ut à communione diiccedatur, l. 1. *cod. tit.* Sed etsi uni usufructus, alteri nuda proprietas legata sit, nemo, opinor, dixerit, usufructum communicari. Ac ne illud quidem morum nostrorum simplicitati convenit, quod in d. l. 19. *de usufr. leg.* traditur: si testator alii fundum, alii usufructum ejusdem fundi legaverit, usufructum contra mentem testatoris communicari, Groenevv. add. l. 19. *tratt. de ll. abrog.* Aut. *conf. jur. ad d. l. 19. Cyprian. cens. Belg. bic.*

2. *Pactionibus & stipulationibus* L. 3. *pr. cod.* Vide *sup. §. ult. tit. prac.* Pactionibus autem non nudis, sed vestitis, ut magistri loquuntur, iisque, quæ idoneæ sunt ad dominium ipsum transferendum, cujusmodi sunt emptio, permutatio, donatio. Potest ergo quilibet dominus usufructum rei suæ alteri vendere, aut donare, cedere nuda proprietate retenta, aut rei nudam proprietatem retento usufructu, l. *quod nostrum* 63. *cod. l. quisquis* 28. *C. de donat.* potest & uni vendere vel donare usufructum, deinde alteri proprietatem, quam retinuit. Cæterum etiam nuda pactione usufructus rectè constituitur, si ea contractui vel conventioni legitimæ, aut traditioni divisionive in continentem adjiciatur, *diff. leg.* 28. *Cod. de don. l. Seja* 42. *de mort. caus. don. cod. arg. l. cum essent* 33. *de serv. præd. rust. l. vend. 13. comp. præd. l. in traditionibus* 48. *de pact.* Quod autem de servitutibus prædialibus diximus, eas non acquiri pactionibus solis sine facto aliquo, quod traditionem repræsentet, hoc non minus ad acquisitionem usufructus pertinet, l. 5. *de serv. l. 3. hoc tit. l. 3. de obl. & act. arg. l. traditionibus* 20. *C. de pact.* Nam in universum tenendum est, quibus in causis ad rem corporalem acquirendam requiritur traditio, in iisdem & ad res incorporeales acquirendas requiri, quatenus fert earum rerum natura: ut in proposito traditus usufructus intelligitur, si dominus, à quo est, usufructuarius inducat in fundum, eumve patiat uti frui, d. l. 3. *hoc tit.* Testamento autem constituitur usufructus ipso jure, ut hic ad acquirendum jus in re & vindicationem, non desideretur traditio hæredis, sed nuda voluntas sufficiat testatoris. Quod jure quidem veteri obtinebat dumtaxat, cum usufructus legatus erat per vindicationem: nam per damnationem legatus facto hæ-

redis præstatur, teste Paulo 3. *sent. 6. At* hodie idem utriusque legati effectus post exactionem juris omnium legatorum, §. 2. *inf. de legat. l. 1. C. comm. de leg.* Ex quo apparet, Tribonianum incuria quadam actionem personalem cum confessoria confudisse, l. *pen. C. hoc tit.* quod & locus ipse palam arguit. De legato per damnationem usufructu accipe *leg. 3. hoc tit. l. 2. si usufr. pet. de legato per vindicationem, leg. 34. §. pen. de legat. l. 1. l. 10. l. si quis* 29. *de us. leg. l. sed & qui* 25. §. *ult. hoc tit. l. un. §. 2. qu. de us. leg. add. Pinel. part. 2. leg. 1. C. de bon. mat. num. 62. Caillat. tratt. de usufr. c. 9. VINN.* Quod Vinnius hic contendit, Tribonianum iu l. *pen. C. de usufr.* incuria quadam actionem personalem cum reali confudisse, temere dictum, nec in Tribonianum cadere videtur tam supina incuria. Quæstio erat inter veteres, non an usufructus jam traditus & acquisitus non usu amittatur, id enim dubio carebat, sed an usufructus promissus vel legatus, neglectus à stipulante vel legatario, ita non usu perimitur, ut ne actio quidem personalis remaneat. Finge Titio legatum esse usufructum fundi Cornelianiani. Potuisset sane uti actione confessoria reali, ad usufructum illum consequendum: sed Titius id non fecerat per tempus legitimum biennii, quo olim usufructus rei immobilis non utendo amittebatur. Tunc sane post hæc non poterat uti actione reali confessoria, quia usufructus non utendo fuerat amissus. At quærebatur, an non ei superesset actio personalis ex testamento. Nihil ergo hic reperias, ex quo Tribonianum eluceat incuria. HEIN.

Placuit certis modis extingu Negligit hic iterum à Triboniano lex methodi, nisi *extingu* est: eo quod separato ita usufructu inutilis & ridicula videri poterat proprietas, cum paria sint, non habere dominium, & habere inutile. Transcriptus autem hic locus est ex Cajo l. 3. §. 2. *hoc tit.*

TEXTUS.

Quibus in rebus constituitur.

2. *Constituitur autem usufructus non tantum in fundo & adibus, verum etiam in servis, & jumentis, & cæteris rebus: exceptis iis, quæ in ipso usu consumuntur. Nam hæc neque naturali ratione, neque civiliter recipiunt usufructum: quo in numero sunt vinum, oleum, frumentum, vestimenta: quibus proxima est pecunia numerata: namque ipso usu assidua permutatione quodam-*

modo extinguitur. Sed utilitatis causa Senatus censuit, posse etiam earum rerum usumfructum constitui, ut tamen eo nomine bareddi utiliter caveatur. Itaque si pecunia usufructus legatus sit, ita datur legatario, ut ejus fiat, & legatarius satisfaci bareddi de tanta pecunia restituenda, si moriatur aut capite minuat. Cetera quoque res ita traduntur legatario, ut ejus fiant: sed aestimatis his satisfaciatur, ut si moriatur, aut capite minuat, tanta pecunia restituatur, quanti ha fuerint aestimata. Ergo Senatus non fecit quidem earum rerum usumfructum, (nec enim poterat) sed per cautionem quasi usumfructum constituit.

NOTA.

2. Vinum, oleum) Harum rerum non usus, sed abusus est. Boet. in top. lib. 2. Utimur his, quae nobis utentibus permanent: his vero abutimur, quae nobis utentibus pereunt.

Quodammodo) Expendendo & alienando: ita pecunia interire dicitur apud Corn. Nep. in Themist. cap. 2.

De tanta pecunia restituenda) Clausula cautionis fructuariz de utendo boni viri arbitratu, l. 1. us. quem casu. ad quasi usumfructum non pertinet, & absurdum esset rei dominum talem cautionem praestare.

Si moriatur, aut capite min.) Non aliis modis quasi usufructus extingui potest, l. 7. l. 10. d. tit.

Sed aestimatis) Aut cavebitur de rebus ejusdem qualitatis restituendis; quamquam illud certius & tutius, l. 7. de us. ear. rer.

Nec enim poterat) Naturalis enim ratio auctoritate Senatus mutari non potuit, l. 2. §. 1. eod.

COMMENTARIUS.

1. Cur rerum fungibilium usufructus constitui non possit.

2. In hoc numero rerum non esse vestimenta, contra plerisque, & ipsum adeo Tribonianum firmis rationibus ostenditur.

3. Quae consideratione pecunia & quadam alia in hoc genere numerentur.

4. An cautio quasi fructuaria sit de substantia quasi usufructus.

5. Partes cautionis quasi fructuariae expositae, & notatus insignis error Mynsingeri.

HOC §. agitur de rebus, in quibus usufructus constitui potest. Et sciendum est, in rebus omnibus, unde aliqua utilitas aut commoditas quascumque percipi potest, usumfructum constitui posse, siue immobiles sint, ut domus, fundus siue mobiles, ut man-

cipia, jumenta, supellex &c. in quo differt usufructus à servitutibus realibus, quae tantum in praediis consistunt. Sed & rerum incorporearum usufructus constitui potest, veluti nominum, l. 3. de usufr. ear. rer. ut fructuarius rem consecutus ea utatur. Potest & jurisdictionis, quam patrimoniale vocant, ut fructuarius & multas & poenas pecuniarias tamquam fructus jurisdictionis percipiat. Schneid. hic post alios, quos supra citavi. Neque hic quasi usufructus est, ut putat D. Bachovius: certe non eo sensu sic appellari potest, quo earum rerum, quae usu consumuntur, quasi usumfructum esse dicimus; nam jurisdictionis non datur fructuario, ut ejus fiat propria, ideoque & eam ipsam finito usufructu restituere debet, eodemque modo cavere, quo fructuarius rei corporalis, quae fructum recipit, fac. l. 1. de usufr. leg. Solz excipiuntur res, quas utendo consumi necesse est, ejusmodi sunt, vinum, oleum, frumentum, ceteraque res, quae pondere, numero, mensura constare, & in genere suo functionem recipere dicuntur, inf. quib. mod. re cont. obl. l. 2. de reb. cred. Has res, ait Imperator, neque naturali ratione, neque civili usumfructum recipere: scilicet haec est natura usufructus, jussuque de eo constitutum, ut sit in re aliena, siue penes eum, qui dominus rei fructuariz non sit, isque qui habeat ea re utendi, usufructus ab ea separandi, aut commoda ob causam rei obvenientia percipiendi, ita ut interim res ipsa, cujus proprietates apud alium est, salva & integra maneat, caveatque fructuarius se eam finito usufructu restitutum: quorum nihil in res consumptibiles, hoc est, eas, quae usu ipso consumuntur & pereunt, cadere posse manifestum est: quippe cum ex iis nulla utilitas percipi queat, nisi consumantur, nec consumi res possit, nisi ab eo, cujus propria sit.

Vestimenta) Temere atque inconsiderate Tribonianus inter res, quae usu consumuntur, refert vestimenta. Non enim quae longiore usu atteruntur, & detritu deteriora sunt, usu consumi dicuntur: sed quae utendo protinus tolluntur & delentur, quarumque non nisi in abusu usus est. Alioqui eadem ratione dicendum esset, mobilia fere omnia atque utensilia praeter lintea, ut mappas, mantilia, toralia, eodem numero habenda atque ut vestimentorum, ita & harum rerum non verum, sed quasi usumfructum esse: quod nemo dixerit: neque Ulp. l. 1. hoc tit. de usufr. ear. rer. quae us. const. cum ait, earum rerum quasi usumfructum esse, quae usu tolluntur vel mi-

nuuntur, intelligit res, quæ usu deteriores sunt, sed quæ per partes consumuntur, veluti si cui usufructus aliquot modiorum frumenti legatus sit. Illud utique certum est, vestes non esse ex earum rerum numero, quæ in genere suo functionem recipiunt, quarumvocatione in creditum ire possumus. Atqui non magis potest extra eas res esse quasi usufructus quam mutuum. Denique vestimenta in rebus, quæ usu delentur, mandanda non esse, verumque eorum usum arguit, quod alteri commodari, & locari possunt, quod secus est in iis, quæ ipso usu tolluntur, §. *pen. inf. de loc. junct. l. 1. commod. in fin.* Dicendum igitur omnino est, ut Mancipiorum, jumentorum, suppellectilis, aliarumque rerum mobilium, licet usu atterantur, verus est & naturalis usufructus; ita & vestimentorum esse. Eapropter usufructu vestimentorum legato, non dabuntur ea legatario ut ejus fiant, ut pro libitu ea consumere, si sive abuti possit, ut fit legato usufructu rerum fungibilium: sed ut iis utatur, quomodo vir bonus uteretur, leg. 15. §. *¶ si 4. hoc tit.* quod veri usufructus proprium esse ostendit prima clausula cautionis, quæ in vero usufructu desideratur, l. 1. *usuf. quem cav.* neque satisfabit legatarius, se ejusdem generis vestes finito usufructu restitutum, aut earum æstimationem, ut sit in usufructu earum rerum, quæ usu consumuntur, l. 7. *hoc tit.* sed rem ipsam & speciem, quam accepit, l. 9. §. *pen. usuf. qu. cav.* juxta alteram clausulam cautionis in vero usufructu receptæ. Neque enim hac parte cautionis continetur, ut promissor rem restituat non deteriorem, quam erat tempore constituti usufructus: satis enim est, si dolo aut culpa ejus deterior facta non sit; nulla verò culpa in eo est, qui utitur quod accepit in eam rem, in quam accipit, ut responsum est de re accommodata deteriore reddita sine culpa commodatarii, l. 10. *in pr. commod.* ideoque liberatur restituendo corpus, quod superest, aut post usum extat, unde & in proposito formula cautionis non de re ipsa restituenda, sed de eo, quod inde extabit, fere concipi solet, l. 1. *in pr. ¶ §. ult. usuf. quem cav.* Sed etsi cautum sit de re ipsa restituenda, idem tamen juris est, ut in hac ipsa specie, quam tractamus, Ulpianus ex Pomponio refert, d. l. 9. §. *pen. usuf. quem cav.* quod cum animadverteret Cantuincula, putavit, id nescio qua speciali ratione receptum esse in quasi usufructu vestimentorum. Accursius errorem Tribonianum duplici commento tegere conatur, uno in d. l. 15. §. 4. *hoc tit.* altero ad hunc. §.

Illic, ut ex verbis ejus colligitur, interesse existimat, utrum vestimentorum usufructus legatus sit tamquam quantitatis, hoc est, æstimatorum; an verò simpliciter, ut cujusvis alterius corporis. Hoc casu fatetur verum usufructum relictum esse, & restitutione ejus quod finito usu superest, legatarium liberari, per d. l. 9. §. *pen. usuf. quem cav.* Illo autem casu quasi usufructum vestium legatum videri, finitoque usufructu reddendam esse æstimationem: quod & Aretin. & Fab. sequuntur, eoque referunt hunc §. At hoc posito, jam non tam vestium quam ipsius pretii quasi usufructus erit, quod idcirco & solum restituendum, non vestes ejusdem generis: potest que hoc usuvenire & in aliis rebus æstimato utendis fruendis datis, haud absimili ratione, species æstimari & in causam mutui converti possunt, l. 11. *si cert. pet. l. 8. C. pro cod. l. pro auro. 25. C. de usuf.* Hoc igitur parum pro Triboniano facit. Locus ipse, unde distinctionem istam collegit Accursius, mendosus videtur, nempe d. l. 15. §. 4. *hoc tit.* Neque enim dubito, quin verba illa, *non sicut quantitatis usufructus legatur*, irrepticia sint, & ab imperito aliquo glossatore profecta, volente gratificari Triboniano: nam & constructionem turbat, & perplexum efficiunt sensum. Quod miror ante Bachovium neminem observasse. Alterum, quod Accursius ad defensionem Triboniani comminiscitur, est in explicatione hujus §. ubi duo genera vestium facit, unum temporalium; alterum perpetuarum: atque inter hæc genera hoc discrimen ponit, quod temporalibus fictus, in perpetuis verus usufructus consistat. Temporalium (de quibus solis hic Tribonianus loquatur) appellatione intelligit quotidianas: perpetuarum, funebres & scenicas; quarum rarior usus. Verum huic distinctioni palam repugnat d. l. 15. §. 4. & inter quotidianæ & scenicæ vestis usufructum hoc tantum interesse eo loco & §. seq. docet Jurisconsultus, quod scenica à fructuario locari possit, quotidiana non item. Quamvis secundum Accursii distinctionem judicatur tradat Tessaure. dec. 80. n. 1. vestium quotidianarum usufructu legato, cavendum esse de restitutione vestium in eadem bonitate, vel pretii illarum facta æstimatione. Si quid ad excusandum Tribonianum vel quæsito colore afferri potest, illud unum est, quod Don. 10. *comm. 4.* existimat, cum materiatum posuisse pro materia *μεταμύμης*, vestimenta pro lana, unde vestimenta conficiuntur, vid. leg. *pen. de usuf. ear. rer. VINN.* Sed hoc durissimum. Quis enim vestimenta dixerit pro lanat Paullo

Paulo probabilius conjiciunt, qui inter vestimenta per modum quantitatē, & per modum corporum legata, & in illis quasi usumfructum, in his verum esse arbitrantur, sed tamen nec id facile concipitur, velle aliquem vestimenta legare tanquam quantitatem. Erraverit itaque per nos Tribonianus. HEIN.

Quibus proxima est pecunia numerata) Generaliter pecunie appellatione continentur omnia, quæ in patrimonio sunt, l. 5. l. pecunia 222. de verb. sign. & ideo ait, pecunia numerata. Quæ voce tantum designantur nummi, hoc est, æs, aurum aut argentum signatum, sive publica forma percussum, ut jam non tam usum dominiumque ex substantia præbeat, quam ex quantitate seu valore impositio, l. 1. de contr. empt. Auri autem vel argenti non signati quin usus esse sine abusu possit, veluti valorum aureorum, vel argenteorum, non est dubitandum, l. ult. usuf. quem. cav. Quin & numismatum veterum aureorum vel argenteorum, quibus pro gemmis ad ornatum uti solet, usufructus rectè legatur, l. numismatum 28. hoc tit. VINN. Plura de his numismatibus dixit V. C. Ger. Noodt. Obs. 1. 5. Videntur veteres aliquando numismatibus pro gemmis usos in ornandis pueris & puellis infantibus: quale quid etiamnum in Germania fieri novimus. HEIN.

Quodammodo extinguitur) Rectè, quodammodo; non enim ut vinum, oleum, frumentum utendo, ita pecunia permutando absumitur, & revera ac naturaliter perit. Ut enim pecuniam maximè cum re permutemus, solvamus, donemus alii; semper tamen manent ipsa corpora nummorum, nec usu delentur. At si spectamus eum, qui pecunia utitur alienando & expendendo, vi ipsa illi eo usu consumitur & perit. Tam enim eo casu dominus ac possessor esse definit, quam si consumpsisset. Inter res quæ usu consumuntur, numerandæ etiam quibus utimur ad medicamenta ut pharmaca & odores, l. pen. de us. ear. rer. Item quarum ita usus est ad res alias conficiendas, ut nisi mutatz ad eas res conferantur, ipse per se prope sint inutiles: qualis est lana, quæ ad vestimenta & stragula conficienda utimur, d. l. pen. ad quas res si confertur, ipso usu eam perire necesse est: quippe quæ prius nenda & in filium transformanda, deinde ex filo texendum id corpus, quod inde extat volumus, l. sed si meis 26. de acq. rer. dom.

Utilitatis causa Senatus censuit.) L. 1. & 2. de us. ear. rer. Quo latior esset morientium voluntas, effectum est Senatusconsulto, ut eorum quoque rerum, quæ usu consumuntur,

quasi quidam usufructus constitui possit, utque illi, qui nollent hujusmodi res pleno & perpetuo jure esse legatarii, usufructu earum legato id consequerentur. In quo constituendo cum Senatus favorem ultimæ voluntatis respexerit, ut apparet ex eo, quod tantum legati harum rerum usufructus sit mentio, tum hoc loco, tum tot. tit. eod. l. usufructu. 69. ad leg. Falc. item apud Ulp. tit. de legat. 5. Senatus 25. nusquam aliter constitui, non sine causa Hotom. & Wes. cum Conan. 4. comm. 3. existimant, conventionem inter vivos non idem effecti posse. Quamquam semel admissio & recepto in legatis harum rerum usufructu, nihil admodum video, quod obstat, quominus id jus produci possit ad conventiones. Planè publica auctoritate opus fuit, ut ab initio introduceretur. VINN. Ignota est hujus SC. ætas & historia. Quum verò libera adhuc republica id jus ignoraretur: Cic. Topie. cap. 3. & tamen à Mafurio Sabino ejus fiat mentio, l. 5. §. 1. ff. de usufr. ear. rerum, quæ usu conf. SC. hoc tempore Augusti vel Tiberii conditum esse, haud abs re coniecit doctissimus Schulting. ad Ulp. tit. 24. §. 27. p. 658. seqq. HEIN.

Hæredi utiliter caveatur) Datis scilicet fidejussoribus: nam & hæc cautio satisfactio est, ut in vero usufructu, l. 8. l. 9. & 10. eod. l. 7. §. 1. usuf. quem. caveat. & his hoc eodem in loco fit mentio satisfactionis. Remedio igitur cautionis introducto, coepit hic quasi usufructus haberi, l. 2. §. 1. hoc tit. sive ut ait Justinian. in calce hujus §. Senatus per cautionem quasi usufructum constituit, imaginem scilicet veri, ut hic quoque apud alium proprietatis esse, apud alium usufructus quodammodo videri possit. Nam licet hæ res ita dentur legatario, ut ejus fiant consumendi causa; tamen propter cautionem, quæ in locum proprietatis rerum apud hæredem succedit, videntur adhuc alienæ, & legatarius usufructum dumtaxat earum habere: propterea quod finito usu eamdem quantitatem, quam accepit, restituere debet. Est autem hæ cautio non minus necessaria in hoc usufructu, quam alia illa in vero: neque magis quam illa testamento remitti potest, l. 1. C. de usufr. l. 6. ut in poss. leg. Illud quæsitum, an cautio hæc sit de substantia hujus usufructus. Et si quidem hoc quærat; an necessario præstanda sit, antequam res utendæ dentur, aut rebus traditis nihilominus exigì possit, res expedita est. Nam & in vero usufructu non ante res ipsæ aut fructus transferuntur, quam præstita cautio illius usufructus propria, l. 1. de usufr.

usufr. l. 4. C. cod. alioqui & res tradita vindicari, & omnia stipulatio condici potest, *l. 7. usufr. quem. cav.* Sin vero hoc, an forma quasi usufructus in cautione consistat, absurda est & inepta questio: cum non magis cautio, quæ in hoc quasi usufructu loco proprietatis est, forma hujus usufructus dici possit, quam proprietatis veri & naturalis. Sed illud fortasse quaeritur, an non quemadmodum verus usufructus nullus est sine proprietate, quæ ei ex adverso opponatur, ita nec quasi usufructus intelligi possit sine cautione, quæ vicem proprietatis subeat. Et certum est, nec quasi usufructum intelligi posse, nisi sit aliquid, quod repræsentet proprietatem: quod etiam facit cautio, ubi ea præstita est: cæterum ea ab hærede omnia, nihilominus usufructus intelligitur, atque interim jus exigendi cautionem, & finito usufructu condicendi quantitatem loco proprietatis potestatem Senatusconsulti habebitur, *l. 5. §. 1. hoc tit.* ut ne eo quidem sensu cautio omnimodo necessaria sit, aut de substantia quasi usufructus. Hoc posito nemo dubitabit, quin cautio hæc ab hærede remitti possit, & fructuarium sine vicio possidentem etiam ante cautionem præstitam commodum rei sequi debeat, ut juris est in vero usufructu: accurate Pinel. *ad l. 1. C. de bon. matern. part. 1. num. 77. & seqq. Castill. tract. de usufruct. cap. 15. & 16.* Planè eatenus, de substantia quasi usufructus cautio esse dici potest: quantum consideratur ut per eam primum à Senatu introductus & constitutus. Obiter addo, generaliter cautum Senatusconsulto fuisse, ut omnium rerum, quæ in bonis sunt usufructus legari possit, *l. 1. l. 3. hoc tit. l. 1. de usufr. leg. l. usufr. 69. ad leg. Falc.* atque ex eo tempore, usufructu bonorum omnium legato, etiam earum rerum quæ usu consumuntur, usufructum legato contineri intelligi coepisse, argum. *l. uxori mea 37. de usufr. leg. l. 1. Cod. de usufr.* cum ante id Senatusconsultum alio jure Romani uterentur, ut constat ex loco M. Ciceronis in *Top. cap. 1.* ubi scribit: *Non debet ea mulier, cui vir bonorum suorum usufructum legaverit, cellis vinariis & oleariis plenis relictis, putare, id ad se pertinere. Usus enim, inquit, non abusus relictus est.* Add. *Alciat. lib. 7. parerg. cap. 2. Mant. de conj. ultim. volum. lib. 9. tit. 6. in pr. Castill. dist. tract. cap. 38. num. 10. & 11. Menoch. lib. 4. de præsumpt. 142. num. 14.* Planè si rerum mobilium dumtaxat usufructus relictus sit, res fungibiles legato non contineri verius est, *Castill. dist. loc.*

De tanta pecunia restituenda, si morietur, aut

capite minuetur) Cautio quasi fructuaria duas partes habet, quarum una est de restitutione, altera de restitutionis modo. Quippe clausula cautionis fructuariæ de utendo boni viri arbitrato ad quasi usufructum non pertinet, ut rectè *Castill. d. tr. de usufr. cap. 15. num. 13. & 31. contra communem.* Ad restitutionem quod attinet, promittit fructuarius, se restitutionem non eadem corpora, quæ accepit, quod consumptis iis fieri non potest: sed tantumdem, sive pecuniæ usufructus relictus sit, sive vini, olei, frumenti, aut similibus rerum. Cæterum ut obviam eatur contentioni, quæ de rei qualitate incidere posset, commodius est in vino & rebus similibus eas res dari fructuario æstimatas, eumque certæ pecuniæ nomine cavere, *l. 7. hoc tit.* atque ita moderandum quod ait Justinianus, *his rebus æstimatis satisfdari.* Pars hæc cautionis vel maxime facit, ut in his rebus velut quidam usufructus haberi incipiat. Nam quod res restitui debet, videtur aliena: & quod tantumdem videtur restitui res ipsa. Sunt enim hæ res ejus naturæ, ut in genere suo functionem recipiant, hoc est, idem inter se mutuo præstent, dum id genus redditur, *leg. 2. §. 1. de reb. cred.* Apparet autem ex hac parte cautionis & obligationis fructuarii, errare Myns. qui putat, casus fortuitos & rei periculum, tam in quasi usufructu, quam in vero ad proprietarium pertinere: in quo errore & Bald. fuit. Quomodo enim liberabitur fructuarius peremptis rebus, quas non debuit? Promisit alias ejusdem generis aut æstimationem: promissit incertas: res incertæ perire non possunt. Sed & ipsa rerum proprietates in quasi usufructu revera transferuntur in fructuarium. Ut omnino non videam, cur non idem hic obtinere debeat, quod in rebus mutuo datis, quarum periculum præstat qui accepit, *§. 2. inf. quib. mod. re const. obligat.* Pars altera hujus cautionis est conditio restitutionis, quæ hunc usufructum etiam à mutuo separat. Ea hæc est, Si usufructuarius morietur, aut capite minuetur. Soli enim hi duo casus interponuntur, mortis & capitis diminutionis: quoniam rerum, quæ usu consumuntur, usus aliter amitti non potest, *l. 9. hoc tit. l. 7. §. 1. usufr. quem. cav.* Nam cum harum rerum proprietates in fructuarium transeat, & hoc agatur, ut pro arbitrato suo iis utatur, & non easdem, quas accepit, sed alias ejusdem qualitatis restituat, non potest hic non utendo interitu aut mutatio rerum usufructus extinguere. Capitis autem diminutionem accipimus maximam & mediam dumtaxat: nam jus vetus, quo usufructus

omnis

omnis etiam minima capitis deminutione peribat, in hac quoque specie mutatum esse à Justiniano, non est ambigendum, l. pen. §. ult. C. hoc tit. de usufr.

T E X T U S.

Quibus modis finitur.

3. Finitur autem usufructus morte usufructuarii, & duabus capitis deminutionibus, maxima, & media, & non utendo per modum & tempus; quæ omnia nostra statuit constitutio. Item finitur usufructus si domino proprietatis ab usufructuario cedatur, (nam cedendo extraneo nihil agitur) vel ex contrario, si usufructuarius proprietatem rei acquisierit; quæ rei consolidatio appellatur. Eo amplius constat, si ad rei incendio consumpta fuerint, vel etiam terra motu: vel vitio suo corruerint: extinguí usufructum, & ne arca quidem usufructum deberi.

N O T Æ.

3. Cedendo extraneo nihil agitur) Scil. in persona extranei & respectu intentionis cedentis. Cæterum nihilominus usufructus ad proprietatem recurrit, l. 66. D. de jur. dot. quod plenius probamus in comm.

Consolidatio) L. 3. §. ult. l. 6. de usufr. acc. à solido jure, solida proprietate. l. 9. §. ult. de ag. pl. arc. l. 26. sub fin. de uf. leg. dicitur etiam confusio, l. 4. uf. quem. cav.

Ne arca quidem) Leg. 5. §. 2. quibus modis uf. am. quia res amplius non sunt, aut nominantur: & ex contrario si aræ fructuarie domus imposita sit, usufructus interit, d. l. 5. §. 3. Similia habes l. 10. §. ult. l. ult. cod. Aliud juris est in legato ipsius rei: quippe legata proprietate nihil est in re legata, aut ex ea, quod legato non contineatur, l. 22. de leg. 1. §. 18. inf. de leg. eademque ratio rei nec pignori, leg. 21. D. de pign. act.

C O M M E N T A R I U S.

1 An quemadmodum adrogatione, ita & adoptione & emancipatione jure veteri usufructus periret?

2 Amitti posse usufructum non utendo per modum utendi constitutum, & quis non uti intelligatur?

3 Quanto tempore non utendo usufructus amittitur?

4 Usufructum extraneo cessum ad proprietatem statim reverti, contra Vues. Pinel. & alios.

5 Quando mutatione rei fructuaria interior species mutata aut non mutata intelligatur?

6 Cur placeat, usufructum aliquando mutatione rei extinguí etiam in partibus, quæ mutato toto supersunt, in cætero autem jure qualiscumque mutatio inciderit, si quid adhuc restet? in eo idem jus, quod in toto fuerat, remanere?

Quid sit usufructus, quibus modis constitutatur, quæ res usufructum recipiant, intellectum est: restat ultimum ut videamus, quibus modis finitur. De vero usufructu hoc nunc quaeritur. Et in univertum finitur tribus ex causis. Aut soluto jure auctoris, veluti si in usufructum sub conditione legatum hæres interim alteri constituerit, & conditio extiterit, l. si sub conditione 16. quib. mod. uf. am. quod & in reliquo jure à domino constituto similiter accidit, l. lex vestigali; 31. de pign. Aut lege constitutionis, veluti si usufructu ad conditionem vel ad diem constituto, conditio extiterit, aut dies venerit, leg. 4. de usufruct. leg. un. §. ult. quand. dies uf. leg. cod. l. 5. l. 12. Cod. de usufruct. Aut natura sua, idque vel ex persona fructuarii, vel ex conjunctione usufructus cum proprietate, vel ex re ipsa, ut ex subjectis apparebit. VI. Si accuratius loqui velis dicendum erit, aliud esse usufructum FINIRI, aliud, eundem AMITTI. Finitur enim ita, ut repeti non possit: amittitur, ut repeti possit. Paull. Recept. Sent. lib. 3. tit. 6. §. 28. sequ. Finitur itaque morte & tempore. Amittitur capitis mutatione, rei mutatione, non usu, in jure cessione, domini comparatione. Sed hoc discrimen negligunt Pandectæ. HEIN.

Morte fructuarii) Ex persona fructuarii triplici modo usufructus finitur. Primum morte ejus, sicut jura omnia, quæ persona coherrent, cum persona extinguuntur, l. 3. in fin. hoc tit. l. 3. Cod. de usufruct. l. 8. §. 3. lib. leg. l. quia tale 13. sol. matr. in sermo mors domini: in filio superstite post obitum patris, ipsius filii; ante mortuo, ipsius patris spectatur, quasi duplici usufructu constituto, l. ult. Cod. de usufruct. Civitati aut municipibus usufructum relictum placet centum annos duraret: quia is finis vitæ est hominis longævi; l. an usufructus 56. de usufr. l. 8. de usufr. leg. Enimvero si interim civitas eversa sit, aut aratrum passa, quasi morte usufructum habere desinit, l. si usufructus. 21. hoc tit. Adeo autem morte finitur usufructus, ut licet qualicumque alia ratione amissus repeti possit, morte tamen non possit, nisi forte hæredibus legere-tur,

tur, *l. 5. in pr. eod.* quo factio non tam repetitur, quam novus constituitur in persona hæredum. Nec tamen si ita legatus sit, ad secundos successores pertinebit, sed primis defunctis finietur. Nam in re sui natura non transitoria ad hæredes, hæredis appellatio solum primum hæredem non ulteriores continet, ut notant *Interpp. ad l. hæredis 65. de verb. sign.* Cæterum male Cantuinc. Myns. Schneid. & Gerd. ad d. *l. 65. num. 7.* putant, eandem hanc speciem tractari in *leg. cum antiquitas 16. C. de usufr.* Cum nulla ibi questio sit de hærede legatarii, sed testatoris: legatario enim non usufructus, sed proprietas legata proponitur, sicut Glossa & D. Gothofr. casum formant: quamvis ratio decidendi eadem sit, & in utraque specie tam manifesta, ut Justinianus haud facile mihi persuaserit, veterum quemquam hic hæsitasse. VINN. Omnino hic hæsitant veteres: nec probabile est, Justinianum doctrinas liquidas voluisse decidere, id est, cum larvis pugnari. Erant enim, qui utile putabant legatum fundi, cuius usumfructum vellet testator apud hæredem manere. Ita sanè sensisse videtur Caus *l. 6. ff. de usufr.* & Julianus *l. 4. ff. si usufr. pot.* Qui quum fuerint Sabiniani, probabile est, in alia omnia itum esse à Proculianis. Rem ita decia Justinianus, ut legatum huiusmodi sit utile, & usufructus morte hæredis finietur. Conf. Meril. ad decis. *Justin. 16. p. 308. HEIN.*

Capitis diminutione maxima & media) Hic alter modus est, quo finitur usufructus ex persona fructuarii, & finitimus præcedenti: siquidem & maxima mediaque capitis diminutione mors quædam contingit, nimirum civilis, dum illa libertatem, hæc civitatem adimit, *l. verum 63. §. ult. pro soc. l. 1. §. pen. de bon. poss. cont. tab. l. antepen. de reg. jur. §. 1. & 3. sup. quib. mod. jus pat. pot. solv. cui consequens est, non magis usumfructum his modis amissum repeti posse, quam amissum morte naturali. Olim etiam amittebatur usufructus capitis diminutione minima, adrogatione scilicet, vel adoptione, aut emancipatione, teste Paulo, *1. sent. 6. §. capitis, & Justiniano l. pen. §. ult. C. de usufr.* Atque ad hanc speciem tantum referri potest, quod de repetitione usufructus capitis diminutione amissi legimus cum alibi, tum præsertim *l. 3. hoc tit.* in quo fallitur D. Connan. 4. *comm. 6.* Cur autem veteribus placuerit etiam ea capitis diminutione, quæ salva civitate contingit, usumfructum amitti, ratio non tam obscura est, ut plerisque videtur: utique in adrogatione obvia. Nam cum omnia, quæ sunt adrogati,*

facta adrogatione, ex ratione juris veteris acquirantur adrogatori, *l. si paterfam. 15. de adopt. l. pen. §. 2. de bon. poss. sec. tab.* necesse est, ut usufructus, qui in persona adrogati amplius consistere nequit, vel simul in adrogatorem transferatur, vel ad proprietatem redeat. Illud ratio juris non patitur: superest ergo, ut redeat ad proprietatem: quod & Justinianus indicat, *§. 1. infr. de acq. per adrog.* De adoptione & emancipatione idem dici non potest. Unde Bachovius existimat, jus illud vetus pertinuisse dumtaxat ad adrogationem. Sed tamen Paulus *d. loc.* expresse testatur etiam de adoptione, & de ea quidem in specie, quæ adrogationi opponitur. Ait enim, *Si ex adrogatione vel adoptione statum mutaveris.* Et Justinianus *d. l. pen.* etiam de emancipatione, & alioqui frustra dubitatum fuisset, an emancipatione filii usufructus per eum patri quæritus exstingeretur, *l. ult. C. eod.* Verùm enim verò cum ex constitutione juris antiqui filiusfam. nihil proprium haberet præter castrense peculium, non potuit extra causam illius peculii de usufructu, quem filius ipse haberet, amittendo disputari. Solum potuit tunc, cum ex peculio castrensis usumfructum sibi comparasset: nam emptæ ex peculio castrensis conditionem illius peculii sequuntur, *l. 1. C. de cast. pec. lib. 12.* cuiusmodi etiam speciem proponit Justinianus, *d. l. pen. & ait,* usufructum ex ea causa filio quæsitum per emancipationem, ex definitione juris veteris petiisse: quod haud dubiè in adoptione quoque obtinuit, cum planè eadem sit utriusque in proposito ratio. Non enim alia de causa usufructus his modis interdicte, quàm quia fructuarius, mutata familia & priore statu personæ, alius esse credebatur ab eo qui ante fuerat, redactus etiam antea in imaginariam servilem causam, *l. 3. §. 1. de cap. min. l. ult. C. de emanc. lib.* An verò usufructus, sic juris subtilitate extinctus, ex edito de capite minutis restituendis fuerit, sicut pleræque obligationes eodem modo amissæ restituebantur, non definio. Affirmat id quidem D. Bachovius: etenim neque jura omnia capitis diminutione amissa restituebantur, veluti tutelæ, hæreditates legitimæ: & obligationes ideo Prætor restituebat, ne contra naturalem æquitatem alteri per alterum iniqua conditio inferretur. Emancipatus verò aut datus in adoptionem de facto alieno queri non possunt: est enim quid sibi imputent, quod scilicet passi sint se emancipari aut in adoptionem dari, cum id pati non cogerentur, *l. 5. de adopt. l. pen. C. de emanc. lib. Paul. 2. sent. 25. Quocum-*

cumque modo res habet, constat, Justinianum jus vetus, quo ususfructus capitis minutione amittebatur, abolevisse, quantum attinet ad eam, quæ salva civitate contingit, *d. l. pen. §. ult.* & voluisse usufructum etiam simpliciter filio relicto, mortuo patre, etiam post emancipationem filii, in persona filii durare, *l. ult. C. eod.* Enimverò ita demum amittebatur capitis deminutione ususfructus, si jam constitutus erat: cæterum si ante aditam hæreditatem aut ante diem usufructus cedentem quis capite minutus fuerat non amittebatur, *l. 1. §. 1. hoc tit.* Item si unus usufructus relictus erat, non si plures, veluti si usufructus legatus fuisset in singulos annos, vel menses, vel dies. Hic enim quia commemoratio temporum repetitionis potestatem habet, *l. 2. §. 1. eod.* placebat, per singula tempora adjectam diem cedere, & illius anni, mensis, diei usufructum amitti, qui jam processerat, *d. l. 1. §. ult.* quarum rerum evidens jure veteri effectus fuit. Ex his, quæ dicta sunt, manifestum est, Tribonianum interpolasse, *l. 1. de usufr. leg.* & verba illa, *ex magna causa*, quæ in calce sunt, responso Juriconsulti assuisse. Ruffard. in not. ad *d. l. 1. Cujac.* hic Castill. *trattat. de usufructu. cap. 66. num. 16.*

- 2 Non utendo per modum) Postremò finitur usufructus ex persona fructuarii non utendo: & siquidem omnino non usus est, nullum dubium est, quin pereat usufructus: sed queritur, an & non utendo per modum rectè dicatur amitti, vel potius, an talis aliquis modus utendi in constituendo usufructu præstui possit, ad quem si non utatur fructuarius, usufructum amittat. Negat id Bachovius, erroris Tribonianum insinulans. At ego non video, cur non possit. Nam si verbi causa Titio legaverim usufructum ædium eo modo præscripto, ut æstate habitaret, isque habitaverit hieme; vel si silvæ usufructum alicui legaverim, ut certo tempore & modo silvam cæderet, & cæderet alio tempore & modo, per *l. 2. de acq. col. l. 10. §. 1. & seq. l. 18. quem serv. am.* non videbitur usus, qui ad suum modum, τὸ πρὸς αὐτοῦ, usus non est. Non uti autem intelligitur, qui neque per se utitur, neque per alios, qui negotia ejus gerunt, aut quibus usufructum vendidit, locavit, gratis concessit, *l. non utitur 18. de usufr.* Quid verò si nec isti utantur? Et interest, donatarius non utatur, an emptor conductorve: nam illo casu usufructus perit, hoc retinetur propter fructum pretii aut mercedis. Nam qui pretio fruitur, non minus habere intelligitur, quàm qui utitur fruitur principali re; *d. l. non*

utitur 18. & 2. seqq. Potest verò usufructus & pro parte non utendo amitti, *l. 5. d. tit. l. excepta 14. l. placet 25. hoc tit. quib. mod. uf. am.* & cum quoque, qui usufructum habet, si usus tantum sit, non etiam fructus, placet usufructum amittere. Cæterum hoc ita, si ignorabat se usufructum habere, non si sciebat, *l. si qui 20. eodem.* VINN. Nec Bachovius fuisse videtur, erroris hic insinulare Tribonianum, nec auctori nostro ratio tradendi, usufructum non utendo ad certum modum amitti. Id enim nusquam docent jura nostra, nec hic docere videtur Tribonianus. Nam sanè (1) uti per modum Latinis non est uti ad certum modum, secundum legem usufructuarii præscriptam. Et (2) Imperator hic se refert ad constitutionem suam, puta ad *l. 16. C. de usufr.* ubi tamen nihil de hoc modo amittendi usufructum Accedit (1) quod non opus sit usufructu privari eos, qui jure suo abutuntur, quum cautio usufructuaria tunc committatur, eoque ipso satis consultum sit proprietario. Vidit hoc Vir eximius Ger. Nood. *de usufr. lib. 18. cap. 9.* ubi verba non utendo per modum & tempus explicat per figuram in *dia 100*, ut sensus sit, amitti usufructum, si quis non usus sit per modum temporis à Justiniano constituti. At existimo claram rem esse, ex *d. l. 16. C. de usufr.* ubi Justinianus sanxit, ut usufructus expiraret præscriptione X. vel XX. annorum. En tempus! Quia autem præscriptio nulla est, nisi adsit continua possessio; facile patet, usufructuarius non utendo non amittere jus suum, nisi alter rem continuo & quiete possederit. Ergo non usus possidentis non nocet, sed talem esse oportet in usum, qui cum possessione non sit conjunctus. En modum! Ita nos: quàm rectè, alii viderint. HEIN.

Et tempus) Quod diximus, non utendo finiri usufructum, id ita est, si fructuarius usus non sit per tempus constitutum, intra quod si quis usus non sit, placeat usufructum amitti. Id tempus; cum olim brevis esset, Justinianus revocavit ad ea spatia, quæ ipsæ præstinavit usucapionibus, *l. corruptionem 16. pen. §. 1. C. hoc tit. de usufr.* Igitur rei mobilis usufructus amitteretur non utendo per triennium: rei immobilis per decem annos inter præsentem, per viginti inter absentes, *arg. l. un. C. de usuc. transform. & inf. de usuc. in pr.* Atque hæc sanè temporum distinctio optimè convenit tum rationi juris, tum sententiæ quoque ipsius Justiniani in *d. l. pen. §. 1.* Ceterum seque ipse pugnare videtur, dum in *l. pen. C. de servit.* constituit, ut eodem tempore & rei mobilis & immobilis usufructus non utendo amittatur.

amittatur; & tamen quod subicit de servituti-
bus prædiorum similiter non utendo amitten-
dis; quia tantummodò solis rebus annexæ sint,
hoc iis tantum commune est cum usufructu re-
rum immobilium, & ita dicitur, quasi in amit-
tendo usufructu pro diversitate rerum tempora
ante distinxisset.

Si domino proprietatis cedatur) Cum vel pro-
prietarius voluntate aut factò fructuarii usus-
fructum, vel fructuarii voluntate proprietarii
proprietatem adipiscitur; ea res in specie à
Justiniano consolidatio dicitur. In genere au-
tem quævis usufructus cum proprietate con-
iunctio sive confusio consolidatio est. Nam
& morte fructuarii, & capitis deminutione,
& non utendo consolidatur usufructus cum
proprietate, l. 3. in fin. de usufr. accresce. §. seq.
eod. Est autem hæc species amissionis & ipsa
ex natura usufructus. Nam cum in una & ea-
dem persona proprietatis & usufructus concu-
runt, solidam unam proprietatem nascitur,
neque amplius jus utendi fruendi separatim
intelligi potest, hoc est usufructus formalis,
de quo hic queritur, perit.

Cedendo extraneo nihil agitur) Cedendo sci-
licet in iure: nam extra jus, etsi verbum ce-
dere accipimus pro quovis modo concedere,
atque ius aliquod alteri constituere, etiam fru-
ctuarium legimus posse ita jus suum cedere
extraneo, ut patiarum eum uti frui, l. usufructus
57. sol. matrim. & cum, cui habitatio le-
gata est, posse eam alteri cedere, hoc est, lo-
care, aut vendere, l. cum antiquitas 13. C. de
usufr. Diversi juris ratio mox indicabitur. Ver-
ba autem hæc, nihil agitur, Welsch. par. hoc
sit. Pincl. 1. de bonis matern. p. 3. num. 39. Jo-
del Castill. tract. de usufr. cap. 69. num. 20. &
seq. Bronch. 1. aff. 91. sic accipitur, quasi
dixisset Imp. cedendo extraneo usufructus non
finitur, non reddit ad dominum proprietatis,
nec ad extraneum transit, nulli ea cessio aut
damnum affert aut lucrum: quibus accedit &
Ant. Matthæus. Verùm ego existimo, quod
& frequentius placuit, id quod hic dicitur,
nihil agi, referendum esse ad intentionem ce-
dentis & diversum exitum cessionis, quia usu-
fructus in extraneum, qui cessus est, non tran-
sit, sive quia per cessionem extraneo factam
non finitur transeundo, ut fit cum ceditur do-
mino proprietatis: nihilominus tamen ex ac-
cidenti & præter mentem cedentis contingere,
ut & hic finiatur, atque ad proprietatem
redeat, cum à persona discedere sine interitu
suo non possit, l. vel si 15. fam. etc. Atque ita
in terminis disertè responsum est à Pomponio,
si usufructus 66. de jur. dot. Queritur eo lo-

co, qua ratione usufructus in dotem marito
datus à domino proprietatis, soluto matri-
monio, mulieri sine fraude ipsius reddi pos-
sit, & ait Jureconsultus, à fructuario cedi
non posse nisi domino proprietatis, & si ex-
traneo cedatur, nihil ad eum transire, sed ad
dominum proprietatis reversurum usufruc-
tum. Quia igitur in proposito cessio mulieri
damnosa foret recurrente usufructu ad pro-
prietatem, hoc consilii Jureconsultus dat, ut
usufructus mulieri locetur, vel vendatur uno
nummo; ita fore, ut ipso jure penes maritum
remanente, facultatem fructuum percipien-
dorum mulier consequatur. Hoc responsum
non satis pensulatè examinasse videntur au-
ctores paulò ante memorati, dum negant, ex
eo effici (quod nos dicimus) usufructum sta-
tim ut cessus est extraneo, ad proprietatem
redire: sed hoc saltem, rediturum suo tem-
pore, scilicet morte fructuarii aut aliis mo-
dis finitum. Nam hoc etiam futurum est, re-
medio, quod Jureconsultus suggerit, adhibi-
to. Sed & quod ait, eo demum adhibito jus
ipsum penes maritum remanere, certum ar-
gumentum est eo omisso non remanere. Pos-
tremo si non statim post cessionem cum pro-
prietate usufructus conjungitur, nullum mu-
lieri præjudicium maritus cedendo faciet, con-
sequeturque mulier id ipsum, quod quæreba-
tur, & quo nihil amplius desiderare potest,
perceptionem fructuum, usque dum morte ma-
riti usufructus finiatur. Quorsum igitur con-
siliu Jureconsulti? Aut cur negat in propo-
sito quicquam transire? Non est contrarium,
quòd fructuarius jus suum cuius extraneo
vendere, aut gratis etiam concedere potest; §.
1. inf. tit. prox. l. 12. §. 2. l. non utitur 39.
de usufr. Nam qui vendit usufructum, aut
alteri concedit, non hoc agere intelligitur, ut
jus omne totum, quod habet, à se dimittat, &
transferat in alium, sed ut retento jure, quod
ex constitutione personæ ejus inhæret, facul-
tatem tantum fructuum percipiendorum ad alium
pertineat, quamdiu jus illud in persona sua
durabit. Quod & ipsum etiam tunc obtinet,
cum usufructus venditus est domino proprie-
tatis, l. Pomponius 29. §. 1. hoc tit. quib. mod.
us. am. indeque est, quod finiri dicitur usufruc-
tus, non si vendatur proprietario, sed si
cedatur. Quod nescio an quis alius animad-
verit. Cessio autem vetus est & proprium alie-
nationis genus, quæ fiebat in jure apud præ-
torem, quaque id agebatur, ut à cedente jus
omne, quod habebat, penitus abiret, & trans-
ferretur in eum, cui cedebatur. Cujus memi-
nit Cic. in Top. & Boet. ibid. item Ulp. in frag.
tit.

tit. 11. & 19. Paul. 5. *sentent.* 6. Igitur in proposito, discedente per cessionem à persona cedentis fructuarius omni jure, quod ante habebat, duorum alterum evenire necesse est, ut aut in eum, cui cessus est, ususfructus transeat, & novus constitutur fructuarius aut revertatur ad dominum proprietatis: illud ut fiat, ratio juris non finit: relinquitur ergo alterum, ut ususfructus ad proprietatem recurrat, & consolidatione finiatur. Similia sunt, quæ de tutela & hereditate cessa, notat Ulpian. *d. tit. 11. §. 6. & d. tit. 19. §. 13.* Non adeo magni momenti sunt, quæ porro huic sententiz obijciuntur, veluti quod ea, quæ personæ cohærent, factio ejus mutari non possunt; *l. ea quidem, §. Cod. si man. ita fuerit alien.* Nihil enim minus hic verum est; alioqui ne ipsi quidem dominus ususfructus cedi posset. Item quod non præstent impedimentum, quæ de jure non sortiuntur effectum, *cap. non præstat. de reg. jur. in 6.* Siquidem novum non est, ut quæ de jure non sortiuntur effectum, quod aliis noceat, noceat tamen ei, qui fecit, *l. 3. qui & à quibus man. pr. sup. quibus ex ea man. junct. l. §. C. de ser. pign. dat. man. §. ult. infr. de donat. l. heres. 28. qui & à quibus man. junct. l. si quis inquilinos. 112. §. 1. de legat. 1. l. actione. 63. §. 3. pro soc. sufficitque ad hoc, peccatum esse ignorantia juris, licet delictum propriè non versetur, *arg. leg. reg. 9. in pr. & §. si quis. §. de jur. & fact. ign. l. cum quis. 10. C. de jur. & fact. ign. l. error. 6. Cod. ad leg. Falc. & passim alias.* Quæ non valent, ut sunt, puniuntur, quia non sunt uti oportet, *tit. de his qua ut indign. aus. tit. de jur. fisci. & similib.* In summa non est novum, ut quod de jure non sortitur effectum ratione unius, ut ei proffit, sortitur tamen respectu alterius, ut ei noceat. Exempla in *leg. planè 34. pr. de legat. 1. l. licet 20. l. legatum. 24. §. 1. de adm. leg.* sicut nec illud, ut qui male agit, nihil agere dicatur, *pr. Inst. quibus ex caus. man. junct. l. §. de ser. pign. dat. man. l. 23. de donat. junct. l. 37. §. ult. de acq. rer. dom.**

Ne area quidem ususfructum debere) Supervacuum foret monere, sublata re fructuaria ususfructum extingui, si nihil aliud eo significaretur, quam finiri ususfructum interitu totius rei. Sed sciendum est, hoc etiam pertinere ad eas res, quarum species interior & forma mutatur, licet post mutationem plerique partes maneant, quæ erant ejusdem corporis, in quo ususfructus consistebat: nam & hic definit esse quod prius fuerat, perinde ususfructus extinguitur, ac si ea in totum sublata esset, nullaque ejus pars amplius in re-

rum natura existeret. Quod multis rerum exemplis declaratur, *l. §. §. pen. & ult. & porro usque ad l. 13. item l. pen. & ult. hoc tit. 1. qui ususfructum, 36. de ususfruct.* Cæterum et si magna mutatio in re facta sit, si tamen ea priorem rei speciem non prorsus tollat, placeat ususfructum manere, *l. 8. & 2. seq. hoc tit. l. si cui §. 3. de usufr.* Hoc igitur videndum, quando mutatione rei facta, forma seu species prior mutata intelligi debeat. Et de eo statuendum ex mutatione nominis, tenendaque generalis hæc notio, si talis mutatio inciderit, ut res propterea in aliud nomen transeat, prius amittat, formam etiam rei mutatam censi, & ususfructum interire; sin post mutationem vetus nomen maneat, non videri speciem mutatam, atque ususfructum retineri. Non sanè quia nomen quidquam pertineat ad substantiam rei, sed quia ex nomine, ut ex posteriori, quale quid sit, intelligitur: à forma enim res nomen accipit, atque mutata iterum amittit, indeque est, quod per nomina dicimur cognoscere & dignoscere rerum naturas, auctore Platone in *Cratyl.* Ad priorem mutationis speciem pertinet exemplum, quod hic & in *d. l. §. pen.* affertur de ædibus, quarum ususfructus legatus erat, sublatis: nam sublata superficiei, quia ædes amplius non sunt, aut nominantur, forma rei mutata intelligitur: ideoque nec area, quæ adhuc superest, licet pars ædium fuerit, *l. domo 21. de pign. act. l. qui rei 98. sub fin. de solut.* ususfructus debetur. Ex contrario quoque si in area, cujus ususfructus legatus est, domus posita sit, ex mutato nomine rem mutatam intelligimus, & ususfructum interire, *d. l. §. §. ult.* Similiter si quadrigæ usufructu legato, vel unus ex equis decesserit, vel gregis usufructu legato numerus ovium ad eam paucitatem reductus sit, ut gregem non constituat, una cum nomine quadrigæ aut gregis ususfructus extinguitur, *l. quid tamen 10. §. ult. l. ult. cod.* Eademque rationem habet, quod pecorum usufructu relicto, si quæ pecora moriantur, adeo pereat usufructus, ut nec carnis, aut corii superfit, *l. pen. quib. mod. us. am.* Posterioris generis exemplum est, si fundi usufructus legatus sit, & villa diruta: nam hic cum nomine fundi, cujus villa tantum accessio est, ususfructum manere placet, *l. 8. l. 9. & d. l. 10. in pr. cod.* Item si pars ædium in quibus ususfructus constitutus erat, licet maxima, corruerit, pars tamen homogenea, quæ superest, ut nomen ita & ususfructum retinet etiam totius soli, *l. si cui §. 3. hoc tit. de usufruct.* Quæritur autem 6

hujus juris ratio, & omnino cur placeat, vel aliquando usufructum rei mutatione extingui, & in iis etiam partibus, quæ mutato toto adhuc extant: nam in cætero jure generaliter atque indistinctè receptum est, ut re mutata, quicumque mutatio facta sit, si quid adhuc restet, in eo jus idem, quod prius in toto constitutum erat, remaneat. Ut ecce: Insula legata combusta est, area nihilominus vindicari potest, *l. si grege 22. de legat. 1.* domus pignori obligata est, sublatà superficie area pignori obligata manet, *l. domo 21. de pign. act. l. Paulus 29. §. 2. de pignor.* Grex legatus est: & postea numerus ovium in tantum decrevit, ut grex non intelligatur, tamen capita, quæ supersunt, vindicari possunt, *d. l. 22. de legat. 1.* Pecora legata mortua, etiam τὰ νεκρά ex legati causa debentur, *l. quid ergo 51. §. sed si 5. de legat. 1. junct. l. solum 49. de rei vind. l. 14. §. 2. de cond. furt.* Cur omnia contra in legato usufructu rei? Probabile est, quod D. Bachovius respondet, (dicam autem, si possum, explicatius) ideo in proposito aliud in usufructu, aliud in proprietate legata placuisse, & usufructum amitti, quia incidente ea, quam dixi, mutatione, res amplius eum usum præstare aut pati non potest, qui fuit tempore testamenti facti & quem solum testator legasse censi debet, non alium quem aliquando res mutata præbere posset: atque omnino finito eo usu, quem tunc res habebat, solidam proprietatem ad eum pertinere voluisse, cui eam nudam interitum reliquerat. Constat autem, longè alium usum esse ædium, alium aræ, alium gregis sive universitatis, alium singulorum capitum, alium pecoris, alium corii, *l. quid ergo 70. §. 3. de usufruct.* Cum verò res ipsa aut proprietates rei legatur, nihil est in re legata, aut ex eo, quod dici possit legato non contineri. Proprietas uniusmodi est, eadem totius & singulorum partium: unde & toto dissoluto aut mutato, partium, quæ supersunt, proprietates manent. Eademque ratio est rei nexæ seu pignori obligatæ. Planè si universorum bonorum usufructus legeretur, quæcumque in toto aliquo mutatio contingit, semper partis, quæ post mutationem manet, usufructus debetur, & talem qualem pati potest, præstabit, scilicet quia sub appellatione bonorum etiam separatim partis illius usufructus legatus est, *l. quotiens 34. §. ult. de usufr.*

TEXTUS.

Si finitus sit.

4. Cum autem finitus fuerit totus usufructus,

revertitur scilicet ad proprietatem, & ex eo tempore nuda proprietatis dominus incipit plenam in re habere potestatem.

NOTÆ.

4. *Finitus fuerit totus*) Diserte totus. Quispe qui inter se jus habent accrescendi, *l. 1. & tot. iiii. de usufr. accresc.* Vide fufius in comment.

COMMENTARIUS.

1 *Propria juris accrescendi inter plures in eundem usufructum conjunctos.*

TOTUS usufructus) Cum usufructus in totum finitus est, ad proprietatem, unde discesserat, revertitur: atque ex eo tempore, qui ante formalis erat, causalis incipit esse, ut vulgus Interpp. loqui amat. Ait autem discrete, si finitus fuerit totus: nam si pro parte tantum, ita demum pro parte amissa ad proprietatem redit, si non plures in eundem usufructum conjuncti sunt, aut conjuncti omnes eum amiserunt, *l. 1. pr. & §. 3. l. 3. de usufr. accresc.* Conjuncti inter se jus accrescendi habent: de quo jure ex professio dicendum sub §. si eadem 8. *inf. de legat.* tantum quæ propria hujus juris sunt in usufructu hic obiter notabimus. Sunt autem maxime duot: unum est in parte deficiente, & accrescente, in quo hoc singulare, quod & quæ sita & deinde amissa jus accrescendi admittat, sive conjunctio accrescat, *d. l. 1. §. 3.* alterum in persona ejus, qui accrescit, ut & jus accrescendi habeat, qui suam partem vel non agnovit, vel agnitam amisit, *l. 10. eod.* quorum neutrum obtinet in proprietate pluribus legata, aut in pluribus hæreditibus ad eandem hæreditatem vocatis. In his enim sic jus est, primum ut nunquam unius portio, quam semel agnovit, alteri collegatario vel cohæredi accrescat: deinde ut ita demum deficientis seu legatarii seu hæredis portio accrescat alteri, si is portionem suam agnovit, & agnitam habet, *d. §. si ead. 8. l. qui ex duobus 53. §. 1. de acquir. her. l. 3. §. ultim. & 2. ll. seqq. de bon. posses. l. si ex pluribus 9. de suis & leg. her. l. un. §. bis ita 10. & seq. C. de ead. toll.* Diversi juris rationem ex Celso & Juliano indicat Ulp. *d. l. 1. §. 3.* quia usufructus quotidie constituitur & legatur, non ut proprietates eo solo tempore, quo vindicari potest, hoc est, quo nondum quæ sita est. Hæc una ratio utrumque hoc, quod proprium in usufructu esse diximus, efficit, ut scilicet & amissus alteri conjuncto, utpote cui

cui is adhuc legari intelligitur, accrescat, & accrescat etiam non intelligenti vel amittenti portionem suam, quippe cui & ipsi ea portio, quam non amisit, adhuc legari intelligitur. Hinc illa veterum, *usufructus non portioni, sed homini accrescit*, l. 14. §. 1. de exc. rei jud. Item,

portio fundi velut alluvio portioni, persona fructus accrescit. Papin. l. si Titio 33. in fin. hoc tit. de usufr. Consul. Don. 10. comm. 23. Joann. Suv. 1. de jur. accresc. 4. & Clarif. J.C. B.M. D. Corn. Svanemburg. in libello suo posthumo de jur. accr. cap. 4.

TITULUS QUINTUS.

DE USU, ET HABITATIONE.

Dig. Lib. 7. Tit. 8. C. Lib. 3. Tit. 33.

Continuatio: quid sit usus, quid uti, quae onera usufruario incumbant?

EX tribus servitutum personalium formis una & praecipua superiore titulo explicata est, usufructus: sequuntur duae reliquae usus & habitatio; ac de utraque conjunctim nunc agitur hoc in titulo. Primum de usu, quibus modis constituitur & amittatur, digito ostenditur; mox quid contineat, accuratè docetur exemplis usus fundi, ædium, servorum, pecorum; postremò tractatur de habitatione. Quo peracto, aperitur aditus ad modos acquirendi jure civili. Usus sic rectè definiemus, jus alienis rebus utendi, salva rerum substantia. Usus est jus, sicut & usufructus, & praediorum quoque servitutes jura sunt, & dicuntur respectu ejus cui debentur. Est jus utendi, non etiam fruendi: nam fructui quidem usus inest, aut usui fructus deest, *leg. 14. §. 1. hoc tit.* Uti, est, rem tractare & exercere ad commoditatem aliquam ex ea percipiendam, quae secundum rei conditionem inde percipi potest. Atque hoc usui commune est cum usufructu, quod uterque in commoditate ex re percipienda versatur: verum hoc interest, quòd nudus usus quotidianae utilitatis sufficientia & consumptione terminatur, usufructus omne rei emolumentum continet. Est igitur usus jus utendi dumtaxat, non etiam fruendi: sed de eo postea magis sermo. Cætera definitionis etiam usufructui conveniunt: nam nec usus rei propriæ separatus intelligitur, & usufruius ita etiam uti debet, ut ne rem consumat aut transformet, causamve proprietatis deteriore faciat, eoque nomine cavere, scilicet adepta fructus causa, usum se boni viri arbitratu, & cum usus finitus erit, restitutum quod inde extabit, l. 5. §. 1. l. pen. us. quest. cav. l. pen. §. 2. hoc tit. quod mirum est negare D. Giphanium. In aliis oneribus hæc distinctio placuit, ut si omnis fructus ad usufrarium redit, etiam onera, puta

tributa, & impensas refectionis culturæque, ferre debeat; si ad proprietarium, hunc onera sequantur; si verò ad utrumque, pro rata dividantur, l. si domus 18. eod.

TEXTUS.

Communia de usufructu & usu.

Iisdem illis modis, quibus usufructus constituitur, etiam nudus usus constitui solet, iisdem illis modis finitur, quibus & usufructus definit.

COMMENTARIUS.

1. *Quid inter usum & usufructum inter sit, tum in constituendo, tum in amittendo?*

ATe, iisdem modis nudum usum constitui solere, iisdemque modis amitti, quibus usufructus constituitur & definit, idemque traditur l. 3. ult. de usufr. & de constitutione, l. 1. §. 1. b. 1. Constituitur igitur & nudus usus pactionibus & stipulationibus; maxime verò testamento, sicut & usufructus, §. 1. r. r. r. l. 3. l. 6. de usufr. tot. s. de usu. & usufr. leg. Et testamento quidem ipso jure, pactionibus autem accedente facto seu traditione constituentis, puta si usufrarium induxerit in fundum aut ædes, aut patiarur eum uti, d. l. 1. de usufr. Sed & longa quasi possessione nostra usus acquiri potest, sicut cæteræ servitutes omnes, l. ult. C. de præsc. long. temp. Amittitur morte usufrarii, maximeque & media capitis deminutione, non utendo, consolidatione, interitu & mutatione rei usufrarii, quib. sc. modis usufructum extinguunt, §. pen. 1. præc. Est tamen quod inter hæc duo & in constituendo & in amittendo interfit. In constituendo, quòd usufructus etiam

etiam pro parte constituitur potest, usus non æquè, l. 5. de usufr. l. usus. 19. hoc tit. Etenim frui pro parte possumus, uti pro parte non possumus; sed usus cujusque semper in solidum est, d. l. 19. junct. l. 5. §. ult. com. Hoc autem est ex eo, quod usus tantum necessitati servit, & solo utentis facto ac consumptione terminatur, nihil relinquens quod dividi possit: in quo similis est servitutibus prædiorum, quæ & ipsæ, quia in solo usu consistunt, & facto terminantur individue, l. via. 17. de serv. l. 1. §. si usufructus. 9. ad leg. Falc. Ususfructus autem dividuus est: quia licet & ipse in facto ab initio consistat, facto tamen solo non terminatur, sed post se relinquit & fructuario adjicit fructus atque omnem rei utilitatem, cujus utrique divisio esse potest, d. l. 1. §. 9. sed usufr. 81. ad l. Falc. Cujac. Don. & DD. vulg. ad l. stipulationes. 72. de verb. obl. Gomef. 2. ref. 10. num. 18. Castill. tr. de usufr. cap. 31. Ad hæc ususfructum quoque constitui legimus in judiciis familiarum exerciscundæ & communi dividundo, si iudex alteri fundum, alteri ususfructum adjudicaverit, leg. 6. §. 1. de usufr. l. 16. §. 1. fam. erc. l. 6. §. 10. comm. div. de usu nihil tale, non magis quam de servitutibus prædiorum. In amittendo hoc interest, quod usus amissus semper ad proprietatem redeat, numquam ad conjunctum, ut aliquando ususfructus. Quinimmo plures in eundem usum conjungi non possunt: nam qua ratione usus divisionem non recipit, eadem nec recipit communionem. Eapropter si duobus ejusdem rei usus legatus sit, nulla intelligitur conjunctio aut usus inter eos communio, nec concursu partes faciunt. Et ideo altero deficiente nihil alteri accrescit, sed quod omisum aut amissum est, statim ad proprietatem redit: ac neque communi dividundo judicio locus est inter duos ejusdem rei usufructuarios, leg. 1. com. div. ut inter plures ejusdem rei fructuarios, l. 7. §. 10. eod. tit. nisi utili, arg. leg. 32. de stip. serv. & tum res ita transigitur, ut uni usus totus adjudicetur, & is alteri vicissim condemnatur in præstationem partis æstimationis, leg. 10. §. 1. comm. div. aut ut utendi necessitas inter eos temporibus dividatur, per l. arbor. 19. §. ult. d. tit.

TEXTUS.

Quid intersit inter ususfructum & usum fundi.

1. Minus autem juris est in usu quam in usufructu: nam is, qui fundi nudum habet usum,

nihil ulterius habere intelligitur quam ut oleribus, pomis, floribus, feno, stramentis & lignis ad usum quotidianum utatur: inque eo fundo hætenus ei morari licet, ut neque domino fundi molestus sit, neque iis, per quos opera rustica sunt, impedimento: nec ulli alii jus, quod habet, aut locare, aut vendere, aut gratis concedere potest: quam is, qui ususfructum habet, possit hæc omnia facere.

NOTÆ.

1. Minus juris) Id est, minus emolumentum: nam vius quotidiana utentis sufficientia & consumptione terminatur, leg. 12. §. 1. b. t. ususfructus omnem rei utilitatem continet, leg. 7. leg. 9. D. de usufr. Denique fructuarii destruitur. De frui est omnem rei fructum percipere. Fest.

Hætenus morari) L. 11. eod. sed explica hæc ex l. 10. §. ult. l. 12. pr. eod.

Hæc omnia facere) L. 12. §. 2. leg. 38. leg. 67. D. de usufr. l. 8. §. ult. D. de per. & com. res vend. retento scil. jure, quod portionis ejus inhæret, l. 66. D. de jur. dot.

COMMENTARIUS.

- 1 Usuarium etiam ex fructibus industrialibus sumere posse, quantum ad victum sibi sufficiat, & qua conditione?
- 2 Modus hujus juris proprius; & quam largè aliquando cum usufructu agatur?
- 3 Quorum partium fundi possessio quodammodo penes usuarium.
- 4 Usuarium rem utendam alii locare aut vendere non posse: nisi forte ex conjeturis appareat, hoc quoque jus ei concessum.
- 5 Fructuarii posse jus, quod in re fructuaria habet, alteri locare, vendere, gratis concedere: retento sc. jure, quod ex constitutione persone ejus inhæret.

Hoc §. & 3. seqq. docet Imperator, quid rei cujusque usus contineat, & quibus in rebus discrepet ab usufructu: idque exemplo veterum declarat propositi ordine quatuor speciebus, usu fundi, ædium, servorum, pecorum: unde reliquarum rerum usus factis intelligi potest. Initio tradit generalem regulam, quæ ad rerum omnium usum ex æquo pertinet. Ait, minus juris esse in usu quam in usufructu, id est, minus emolumentum, ἔτοις κέρδος; siquidem usus cujuscumque rei non plus commoditatis aut utilitatis tribuit, quam quantum usufructuario necessarium est, eique sufficit ad usum & consumptionem quotidianam,

nam, arg. *hujus* §. 1. *plenum* 12. §. 1. *cod.* Ususfructus autem extra hanc sufficientiam & consumptionem progreditur, omnemque utilitatem, commodum omne, quod quavis ratione ex re percipi potest, hinc exceptione continet, vid. *sit. prac.* in *pr.* Denique & usus fructui inest, & ideo si usufructu legato, usus adimatur, placet nullam esse ademptionem: & si tibi usus, mihi usufructus legeretur, concurrere nos in usu, *l. per servum.* 14. §. 1. & 2. *hoc sit.* In summa utimur ad indigentiam, fruimur etiam ad compendium: uno verbo, fructuarius defruitur. Defrui dicebant antiqui, teste Festo, ut deamare, deperire, significantes omnem fructum percipere. Planè in pecunia & cæteris rebus, quæ usu consumuntur, nihil interest, usus legeretur, an usufructus: quia usus in his rebus tantum continet, quantum usufructus, *l. §. ult. l. 10. §. 1. de usufr. ear. rer. quæ us. con.* VINN. Quæ admodum autem minus juris est in usu, quam in usufructu: ita & minus oneris ei inest. In usufructu enim onera ferre usufructuarius, qui emolumentum omne capit, æquum est. In usu, quia communia sunt commoda proprietarii & usufructuarii; onera quoque utriusque communia sint, oportet. *l. 18. ff. b. t.* HEIN.

1. *Oleribus, pomis, floribus, fœno, stramentis & lignis*) De his nulla fuit inter Veteres controversia. Dubitatum de foliis, oleo, frumento, frugibus: sed obtinuit contra Nervæ sententiam, ut etiam ex his usufructus sumere possent, quod ad victum sibi & familiæ suæ sufficiat, & generaliter ex omnibus quæ in fundo nascuntur, *d. l. 12. §. 1. b. tit.* Malim tamen eo loco pro *foliis* legere *oleis*, cum D. Cujac. in *not. ad hunc. loc. & 9. obs.* 37. Don. 10. *comm.* 25. ut oleæ & oleum conjungantur cum cæteris, quæ majus proprietarii onus continent. Nam ineptum videtur atque iniquum, usura foliorum arborum denegare ei, cui pomis, fœno, oleribus, lignis uti conceditur: & quod de usu foliorum ex Catone & Columella refert Rævard. *conf.* 4. pecora illis ali foliata, hoc vel magis ad fœnum pertinet. Stramenta quoque jumentis usui sunt & esui, & poma, & oleribus, familiæ domini rusticæ. Nulli autem colore, quod Jureconulti de foliis indefinitè enunciât, trahi potest ad folia Barbarica aut Indica, aut cum Zaf. *par. hoc. sit. n.* 12. (unde transtulit Cantiuncula in paraphrasim suam) ad folia mori, quam fronde nova pubescente depascuntur bombyces; aut palmæ, ex cujus foliis in quibusdam partibus lanam trahi, & validos funes in Oriente fieri testatur Plin. *lib. 13. cap. 4. & lib. 16. c.*

24. Et cur non addiderunt scopas etiam è palma fieri solitas, quod ostendit Martial. *lib. 14. his versibus:*

In pretio scopas testatur palma fuisse:

Sed pretium scopis nunc analecta dabunt.

Et fortassis hic usus non minus Europæ quam Asiaticæ & exoticæ fuit. Cæterum ita demum existimo, vinum, frumenta, & cæteras fruges in usum venire, si vendemiarum sementisque & arationis pro sua parte usufructus sumptus ferre velit, quod etsi nusquam scriptum est, humanitas tamen suggerit: & usu fundi relicto, si non major sit fructus, quam qui legatario usui sit, æquum est, ipsum solum onera culturæ sustinere, *per l. si domus.* 18. *hoc sit.* Manifestè autem fallitur Welemb. *par. hoc sit. n.* 2. dum simpliciter negat, usufructum uti posse frumento aut cæteris fructibus industrialibus, contra textum expressum in *d. l. 12. §. 1. cod.* & cur, cum impensas sementis præbet, non utatur terræ matris largitione? VINN. Lætionem Florentinam *l. 22. §. 1. ff. b. tit.* acriter defendit Guil. Fornerius, ostendens, ex foliis facta esse unguenta. Sed dubito, de his foliis sensisse Nervam. Jac. Cujacii conjectura ingeniosa est, sed codices MSC. non addicant. In Charondæ quodam codice pro *foliis* lætum *doliis*. Et ita etiam Connanus edidit. Eam emendationem ego haud malam putarem, si commode dolia jungerentur stramentis, oleo, frumento, frugibus. Retineri itaque potest vulgata lectio *foliis*, quibus ruri haud raro utuntur, quæ sæpe substernunt pecoribus. Froendern, adeoque & folia, bobus dabant veteres. Phædr. *Lib. 2. Fab. 8.* HEIN.

Ad usum quotidianum) Modus utendi hujus juris proprius, dum ex his omnibus sumat usufructus, quod ad victum sibi suisque sufficiat, non amplius, *d. l. 12. §. 1.* Quantum autem cuique sufficiat, id æstimandum ex dignitate & conditione utentis: neque enim ita usus restringendus est, ut non etiam pateat & honestati vitæ & dignitati. Quin etiam longius aliquando itur, & tam large cum usufructuario dignitate ejus agitur, ut his rebus non tantum cum familia, sed etiam cum convivis & hospitibus uti ei permittatur, hætenus tamen, ut oleo, frumento, & cæteris frugibus cum convivis & hospitibus utatur in villa: cætera, quorum non admodum grave onus est, si abundant in fundo, etiam in oppidum deferri hujus rei gratia possunt, *d. l. 12. §. 1.* Enimvero necesse non est; sumere singulis diebus, quod in singulos eos sufficiat: sed ex penu, hoc est, ut ego interpretor, id est, quod ad penum pertinet, capere liceat, quod sufficiat in annum, quam-

quamvis eo modo fructus consumuntur, quod facile evenire potest usu mediocriis prædicti relicto; nam usufructu prior semper ratio est, *l. si alii. 42. de usufr.* in usu domus & servi hoc accidit, ut nihil alii fructum nomine superfit, *l. fundi. 15. hoc tit. D. Tuld. comm. hic cap. 2.* eademque causa est navis, vestimentorum, vehiculi, & similium rerum, quarum fructus in usu est. Cæterum, usufructuario intra annum mortuo, quod ex penu superest ad hæredem ejus non pertinebit; desit enim posse uti, neque usufructus fructus, quos decerpit, aut collegit, suos facit, aut perceptione dominium eorum acquirit, quod tribuitur fructuario; sed tantum jus iis modicè utendi habet. Illud constat, non posse ei, qui usum habet, obijci, quòd pecuniis abundet, unde sibi quæ opus sunt aliunde, quam ex re usufructaria comparare possit.

3. *Hactenus ei morari licet, ut neque domino fundi molestus sit*) Possessio earum fundi partium, quæ ad fructum ferendum comparatæ non sunt, quodammodo penes usufructarium est: placet enim, eum solum usum cellis vinariis & oleariis, dominum invito eo non usum, *l. 10. in fin. hoc tit.* Deambulandi quoque & gestandi in locis ad eam rem paratis, solus jus habet, *d. l. 12. §. 1. eod.* Prætorio autem, hoc est, villa urbana, sive domo, non fundi, sed domini causâ parata, non utetur, nisi & nominatim hujus usus relictus sit, & cum quidem utetur solus, *d. l. 12. in pr.* Sed villam suo jure occupabit, & dominum illo venire prohibere poterit: tantum pati cogetur illic habitare colonum & familiam rusticam, quæ agri colendi causâ illic sit, sed nec impedire poterit quominus proprietarius ipse eo veniat ad fructus percipiendos, & per tempora fructuum colligendorum ibi habitet, *d. l. 10. §. ultim. & d. l. 12. in pr.* Hinc explicandum, quod ex Cajo *l. 11. eod.* Justinianus hic tradit, hæcenus usufructarium in fundo morari posse, ut neque domino fundi molestus sit, neque iis, per quos opera rustica fiunt, impedimento.

4. *Nec ulli alii jus, quod habet, locare aut vendere*) Quod hic traditur, etiam aliarum rerum usum pertinet, *l. 8. & d. l. 12. §. 4. & ult. eodem.* Et hanc habet rationem, quòd in usu spectatur persona ejus, cui relictus est, & modus familiæ ejus, ut pro conditione & dignitate sua utatur, quod fieri non potest, si alii venderet; nam emptoris alia potest esse consideratio & multum diversa à conditione usufructuarii. Id tamen cum hoc temperamento accipiendum est, nisi ex conjecturis appareat, testatorem jus quoque locandi aut vendendi usum concedere voluisse. Cujusmodi conjectu-

raz sumi possunt vel ex conditione legatarii, vel ex genere relictæ. Nam si auriæ usus equorum legatus sit, cum testator sciret eum hujus esse instituti & vitæ, placet eum etiam locare equos posse: quia de hoc etiam usu testator videtur sensitse, & retulisse usum ad rationem vitæ legatarii, *d. l. 12. §. 4.* Si silvæ usus legatus sit, Adrianus statuit, fructum quoque legatum videri: quia nisi liceret cædere silvam & vendere, quemadmodum usufructuarii licet, legatarius nihil habiturus esset ex eo legato, *l. pen. eod.* Quod plerique sic accipere, si silva remotior sit ab oppido, ut si cogatur legatarius ipse eam cædere, & quod excidit usus sui causam domum comportare, plus impeniurus sit, quam si in propinquo ab aliis emeret: neque ita intelligendum, quasi legatario liceat cædere & vendere tantum, quantum solebat dominus, aut quantum fructuario licet, sed pro modo & ratione usus sui. In universum autem non esse invendendum usufructum, Connan. 4. *comm. 5. Wefemb. par. hoc tit. num. 3.* existimant, si velit, fructus, quos usus sui causam jam percepit & collegit, alteri vendere aut donare.

Possit hæc omnia facere) Rem utendam fruendam alteri locare, vendere, gratis concedere, *l. 12. §. 2. de usufr.* etiam invito hærede, *l. 67. eod.* Græci καὶ ἀπορίαι τῷ δυνάμει, ἢ καὶ τῷ κατεργασίᾳ αὐτοῦ. Interpretes hoc restringunt ad nudam fruendi commoditatem: cæterum veteres amplius quid intelligere videntur, qui sic loquuntur, ut dicant, usufructuarium, jus, quod habet, *l. 11. hoc tit.* usufructum, *l. non utitur. 38. eod.* jus utendi fruendi, *l. 8. §. ult. de per. & com. rei vend.* posse alteri concedere, locare, vendere. Et illud tamen certum est, non posse fructuarium ullo modo alteri constituere usufructum, hoc est, novum in suum locum fructuarium substituere, nisi volente & seculo accommodante domino proprietatis, *l. usufr. 57. solus. matrim.* Dicendum videtur cum domino Bachovio, duplex quodammodo jus fructuarium habere. Quorum unum merè personale est, ita innoxium personæ ejus, cui usufructus primo constitutus est, ut ab eo avelli nequeat: unde etiam cum de amittendo aut finiando usufructu quæritur, ejus solius persona semper spectatur, *d. l. 8. §. ult. de pur. & com. rei vend.* Alterum reale consistens in usu & fruitione rei fructuariz, quod à fructuario abire & in aliam transferri possit, licet à personali illo jure promanet, inque eo ita radiceatur, ut necesse sit cum illo extinguui. Illustrat hanc distinctionem exemplo hæredis & creditoris, in qui-

quibus similiter jus gentium animadvertimus: unum, quod personale est, atque ofsibus eorum, ut DD. loquuntur, inhæret, hæredi ex additione hæreditatis, creditori ex obligatione quæsitum: alterum reale in re quæsitum aut debita. Illud in eo cernitur, quod qui semel hæres extitit, semper hæres maneat, ac proinde vendita hæreditate nihilominus actiones hæreditarias ipse exerceat & excipiat, l. 2. *Cod. de bar. vel de aſt. vend.* creditor actione vendita jus ipsum agendi adhuc retineat, l. 3. *C. de novat.* Hoc in eo, quod hæres jus omne, quod in re habuit, in emptorem hæreditatis transfert, l. 2. *in pr. & paſſim de bare. vel aſt. vend.* qui ob id vicem hæredis obtinere dicitur, d. l. 2. §. *ante pen.* & utilibus etiam actionibus suo nomine experiri potest, ut & is, cui nomen venditum aut legatum est, l. si cum. 16. *de paſſ. l. 5. 7. 8. C. de bar. vel aſt. vend. l. ex legato.*

18. *C. de legat.* Potest igitur fructuarius, ut eò redeam, etiam jus quod habet in alium transferre: utique tamen non illud, quod ex constitutione personæ ejus inhæret; sed eo retento, quod extra personam ejus consistit, quod habet in re fructuaria. Cumque nullo modo efficere possit, ut totum jus quod habet à se habeat, atque in extraneum transferatur, ne hoc quidem agere voluisse in dubio censeri debet; sed ubi causa five titulus non obstat, sed appellatione ususfructus aut juris utendi fruendi nihil amplius transferre, quam jure suo potest, veluti si locavit ususfructum aut jus utendi fruendi, si vendidit, donavit, d. l. non utitur. 38. *de usufr. l. 11. hoc tit. d. l. 8. §. ult. de per. & comm. rei vend.* De cessione autem in jure idem dici non potest, quia per eam necessario jus omne à cedente abibat, secundum ea, quæ tradita sunt sub §. pen. superioris tituli.

TEXTUS.

Ædium usus.

2. Item is, qui ædium usum habet, hætenus habere intelligitur, ut ipse tantum inhabitet; nec hoc jus ad alium transferre potest: & vix receptum esse videtur, ut hospitem ei recipere liceat, & cum uxore liberisque suis, item libertis, nec non personis aliis liberis, quibus non minus, quam servis utitur, habitandi jus habeat: Et convenienter, si ad mulierem usus ædium pertineat, cum marito ei habitare liceat.

NOTÆ.

2. Item is) Hic locus ex variis prudentum

responsis consultus est, l. 2. l. 3. & aliquot seqq. hoc tit.

Ut hospitem recipere) Ex veteri more hospitii, quod inter privatos contrahebatur. V. Bud. ad Pand. in d. l. 6. §. 3. de off. proconf. Salmaf. ad jus Attic. cap. 26. VINN. Præclara quoque est, quæ de jure hospitii exstat Joh. Schilteri dissertatio addita cum ejus *Manuductione philosophiæ moralis ad juris prudentiam.* Nec tamen soli hic intelliguntur hospites illi gratuiti, uti hic statuisse videtur Vinnius: sed & mercenarii. l. 2. §. 1. l. 4. pr. ff. b. t. Id enim paulo post ipse Vinnius agnoscit in Commentario, ubi Bachovium hæc verba ita interpretantem refellit. HEIN.

Nec non personis aliis) Tandem eò decursum, ut & inquilinum recipere possit, dum ipse quoque inhabitet, d. l. 2. §. ult. & penhorem percipere, l. 4. eod.

COMMENTARIUS.

1. Usuarium non prohiberi, dum ipse inhabitet, partem ædium, quam non occupat, alli locare.

Hoc §. ostenditur, quid contineatur usu ædium: latissimè autem hoc declaratur l. 2. §. 1. cum 6. ll. seqq. & l. pen. §. 1. hoc tit. De eo nemo dubitavit, quin is, cui ædium usus legatus est, eas inhabitare possit: uti & illud quoque semper consistit, non posse usuarium habitationem alteri locare, vendere, aut gratis concedere, hoc text. & l. 8. eod. Circa eum autem, qui ipse inhabitet, quædam quæsitæ sunt. Veluti, si ædes amplæ sint, & tam angustus usuarius ut eas totas simul occupare non possit, an non licet proprietario partibus iis, quæ vocabunt, uti? Sed placuit, non licere, quia cum usuarius jus utendi habeat, etiam si nunc non utatur, potest tamen cum voluerit, uti potest, & alio tempore partes illas occupare, d. l. pen. §. 1. Item, an qui ipse inhabitet, possit in partem habitationis alios admittere? de quo mox in explicatione textus.

Nec hoc jus ad alium transferre) Qui usum ædium habet, neque locare, neque concedere habitationem, neque vendere usum potest, l. 8. hoc tit. quod non est speciale in usu ædium, sed ad aliarum quoque rerum usum pertinet, ut relatum sup. §. præc. Illud speciale est, quod usus hic locari, vendi, alteri concedi potest, ille non potest. Cæterum utentis nihil interest, usum ædium habeat, an ususfructum; idemque clarissimè patet ex locis supra citatis, & hoc §. junct. l. 15. eod.

Quod

1. Quod autem diximus; eum qui usum ædium habet, non posse habitationem locare, aut alteri concedere, hoc ita est, si seorsum locet aut concedat sine se, d. l. 8. nam si ipse inhabitet, non prohibetur partem ædium, quam ipse non occupat, aut quia nimis spatiosa, occupare non potest, alteri locare, ut pensionem percipiat, l. 4. hoc tit. quod Labeo dicebat, posse eum, qui ipse habitat, inquilinum recipere, l. 2. in fin. eod. notatur à Proculo, quod inquilinum non bellè appellavit eum, qui cum alio habitat, d. l. 4. nam inquilinus propriè dicitur, qui in conductis ædibus habitat solus, l. res pignori. 37. de acq. rer. poss. l. 1. §. 1. 2. de migrandi.

Et vix receptum esse videtur) Quod ait, vix receptum esse, ut is, qui ædium usum habet, hospitem recipere possit, accipiendum est, ægrè quidem ab initio id receptum esse propter dubitationes veterum; tandem tamen obtinuisse, d. l. 2. §. 1. Ait ut hospitem recipere liceat. Eum qui ipse inhabitat, placuit etiam hospites recipere posse, d. l. 2. §. 1. sive gratuitum illis hospitium præster, sive mercenarium, d. l. 2. §. 1. & d. l. 4. in pr. Nec audiendus Bachovius, qui verbo hospitis eos solos significari existimat, quibus more veterum ex singulari amicitia jus mutuum idinerviatur, hoc est privati hospitii erat: de quo Bud. ad l. 6. §. 3. de off. procons. Salmas. ad jus Attic. c. 26. Planè etsi quelibet extraneum convictorem recipere potest; tabernam tamen cauponariam ei exercere non licebit; quæ publicè viatoribus omnibus & peregrinis pateat, arg. l. 13. §. ult. de usufr.

Cum uxore liberisque suis, item libertis) Domus usu marito relicto, facile admissum fuit, ut maritus illic habitaret cum uxore liberisque suis, cum servis item, & famulis, id est, cum omni familia, d. l. 2. in pr. Quæstionis autem fuit, an & cum libertis. Sed Labeo & Celsus etiam hoc recipi posse admisserunt, d. l. 2. §. 1. Paulus & clientes l. 3. eod. Ita dicebantur homines liberi, qui se ad potentioris alicujus ductum applicabant, ut ejus patrocinio defenderentur in capite & fortunis, l. 7. §. 1. de capt. & possim. susceptos posterior ætas vocavit. Consule Hotom. in lexie. Nec mirum hoc admittit, cum etiam extraneus qui libet, ut jam dictum est, recipi possit, qui modo honesto cum eo, qui usum habet, habitaturus sit. VINN. De clientibus & susceptis Hotomanno accuratius egerunt Fr. Juretus ad Symmach. lib. 5. Ep. 39. Valerius ad Ammian. lib. 30. cap. 40. Jac. Gothofredus in Glossar. ad C. Theod. & Petr. Pichæus ad Pariat. LL.

Mos. & Rom. tit. 9. §. 3. Si peregrinus se ad civem Romanum tanquam patronum adplicasset: patronus ei intestato succedebat, quod vocabatur JUS ADPLICATIONIS. Cic. de Orat. 1. 49. HEIN.

Cum marito ei habitare) Ne mulieri matrimonio carendum sit, cum uti vult domo, d. l. 4. §. 1. Sed etsi usus ædium mulieri legatus sit ea conditione, si à viro divertisset, placuit tamen, cum viro habitaturam remissa ei conditione legati, d. l. 8. §. 1. Hoc amplius, si virgini, aut viduæ legatus sit, placuit & postea nubentem cum viro habitare posse, d. l. 4. §. 1. nec solum cum marito, sed & cum liberis, parentibusque & libertis, cum focero etiam habitaturam: atque eò uque processum, ut eosdem quos masculi, etiam mulieres recipere possint, d. l. 4. in fin. & l. 6. eod. Possunt ergo & hospitem, sed non aliter, quàm si is sit, qui honestè cum iis sit habitaturus, l. 7. eod.

TEXTUS.

De servi vel jumenti usu.

3. Item is, ad quem servi usus pertinet, ipse tantum opera atque ministerio ejus uti potest: ad alium vero nullo modo jus suum transferre ei concessum est. Idem scilicet juris est & in jumento.

NOTÆ.

3. Ipse tantum opera) Non modò tamen ad ministerium suum, sed etiam liberorum suorum & conjugis, l. 12. §. pen. eod.

In jumento) ἵππος, equo, bove, asino, v. d. l. 12. §. 3. & 4.

COMMENTARIUS.

Servorum usus est in eorum operis: est & in fructibus, hoc est, iis rebus, quæ per servos acquiruntur. Operis uti potest usufructarius in re qualibet, nec tantum ad ministerium suum, sed etiam ad liberorum suorum, & conjugis, l. plenum. 12. §. pen. & ultim. hoc tit. dum tamen secundum conditionem servi: nam & à fructuario hoc agitur, leg. 15. §. 1. de usufr. Cæterum ipsum usufructarium uti oportet, non aliis operas locare, aut utendas concedere: quamquam parum refert, utrum utatur in re plane sua, an in opere alieno, quòd ipse expediendum conduxerit, d. l. 12. §. ult. & l. seq. eod. De his quæ per servum usufructarium acquiruntur, ita placuit, ut si quid acquirat

ex operis suis, id non acquiritur usufruario: quoniam nec locare servi operas potest: fin autem ex re usufructuarii, puta si institor erit, & opera ejus usufructuarius utatur in taberna ad merces emendas & vendendas, aut si iussu usufructuarii per traditionem accipiat, usufructuarius acquiritur, cum hoc opera in re usufructuarius utatur, *l. per servum.*

14. in pr. l. si ita. 16. §. 2. l. servus. 20. eod.

Idem scilicet juris est in jumento) Jumentorum quoque usus, sicut servorum, in operis est, & quidem solis, ut equorum, mulorum, asinorum, item bovum; habetque in his usufructuarius omnem usum ad arandum, ad vehendum sub jugo, ad onera ferenda, & ad cetera, ad quae haec animalia apta sunt: utetur autem secundum conditionem cuiusque jumenti, & morem regionis, *l. 12. §. 3. & 4. hoc tit.* nec locabit, nisi forte de eo etiam usu testatorem sensisse appareat. Quid enim si aurigae equitum usus legatus sit, cum sciret testator eum hujus esse institutum? *d. l. 12. §. 4.* Et si forte unius bovis usus legatus sit homini tam inopi, ut alterum emere non possit, nec cum uno fundum suum arare; non puto ei invidendum, ut cum vicino, qui item bovem habeat, agat, ut per aliquot dies invicem boves ad opus faciendum commodent, nec legatum ei inutile sit, *arg. l. pen. in pr. eod.* Hoc & Canriuncula, ex quo ad verbum, ut fere omnia, descripsit Mynsing.

TEXTUS.

De pecorum usu.

4. *Sed & si pecorum vel ovium usus legatus sit, neque lacte, neque agnis, neque lana utatur usufructuarius; quia ea in fructu sunt. Plane ad stercoreandum agrum suum pecoribus uti potest.*

COMMENTARIUS.

Pecorum vel ovium) Ἀμύρματα Tribonian, nisi legendum veluti ovium οἷς περιβάται, ut vertit Interpres Græcus, & flagitat locus Pauli *d. l. 12. §. 2. hoc tit.* unde hic desumptus est: quippe nemini dubium est, quin appellatorem pecorum etiam oves contineretur: & factum est, quod ex Mynsingero in margine hic adscripsit Pacius, quamvis oves sint species pecorum, non propterea tamen legatum ovium esse speciem legati pecorum: VINN. Sed vix est, cur hic reus postuletur Tribonianus ἀμαρτυματος. Pecus generatim omne animal denotat: & ita accipere vocabulum videbitur Vinnius. Sed speciatim pecu-

Tom. I.

des vel pecora dicuntur capræ & oves, à Græco πῖνος, vellus. Illustr. à Bynkersh. *de rebus manc. cap. 6. p. 119.* Et is sensus hic occurrit. Pecora vel oves hic junguntur tamquam synonyma. HEIN.

Neque lacte, neque agnis, neque lana) Igitur in usu pecoris, puta gregis ovilis, vaccarum, aut caprarum, minimum est: nam nihil ex iis, quæ in fructu harum pecudum sunt, usufructuarius sumere potest: sed tantum ad stercoreandum agrum suum, quo pinguior & fecundior fiat, his uti: & insuper modico etiam lacte; neque enim tam stricte voluntates interpretanda, *d. l. 12. §. 2.* Cumque cæterarum rerum etiam possessionem tradi usufructuario oporteat, ut iis utatur; diversum tamen esse apparet in pecoribus, quæ tantum ad fructum ferendum habentur.

TEXTUS.

De habitatione.

5. *Sed si cui habitatio legata, sive aliquo modo constituta sit, neque usus videtur, neque usufructus, sed quasi proprium aliquod jus, quamquam habitationem habentibus propter rerum utilitatem, secundum Marcelli sententiam nostra decisione promulgata, permixtum, non solum in eo degere, sed etiam alijs locare.*

NOTÆ.

5. *Nostra decisione*) Ex constitutione Justiniani habitatio usufructum ædium imitatur, ut & locari possit; & consequenter etiam vendi, & gratis alteri concedi, jure ipso apud eum, cui constituta est, manente: nihil enim interest. Constitutio extat in *l. 13. C. de usufr.*

COMMENTARIUS.

1 *Falso à nonnullis negari, habitationem esse speciem servitutis personalis.*

2 *Habitationem tam vendi & gratis concedi, quam locari posse.*

Restat ultima species servitutis personalis, habitatio. Ea est jus in ædibus alienis habitandi cum personis quoquo modo ad nos pertinentibus. Etenim effectus idem pene est habitatio quod usus ædium: eisdemque personas, qui habitandi jus habet, recipere potest, quas usufructuarius, *l. 10. hoc tit.* Constituitur quoque habitatio iisdem modis, quibus usus & usufructus, iisdemque modis finitur, excepto quod.

quod non finitur non utendo, *d. l. 10.* quod idem placuit, quia habitatio magis in facto, quam in jure consistit, *l. pen. de cap. min. ex quo est*, quod legata habitationis dies non semel cedat, sed per dies singulos, perinde ut usufructus in singulos dies relictus, *l. 1. pr. quand. dies us. leg. ced. & arg. d. l. pen. de cap. min.* ut plura hic sint legata, & quasi nova singulorum dierum habitatio, ob quam etiam causam nec capitis diminutione (scilicet minima) olim amittebatur, *d. l. pen. & d. l. 10.* Ex constitutione autem Justiniani nec usus nec usufructus ita perit, *l. pen. C. de usufr.* ut jam hac in parte nulla amplius sit differentia: quod vix unus aut alter, quod sciam, admonuit.

Quasi proprium aliquod jus) Hoc est, species quædam servitutis personalis, quæ propriè neque usus est, neque usufructus, licet olim parum distaret ab usu, *d. l. 10.* Hodie per constitutionem Justiniani *l. 13. C. de usufr.* ad usufructum prope accedit. Sunt tamen qui negant, habitationem esse speciem servitutis personalis, & omnino servitutem esse: quoniam dux tantum personarum servitutes memorantur à Marciano, *l. 1. de servit.* Sed ille vel exempli causa duas istas dumtaxat reulit, vel sub usu etiam habitationem comprehendit, quia jure veteri habitatio effectus idem erat quod usus, auctore Ulpiano, *d. l. 10.* Quod autem ajunt, de servitute tam personali, quam reali proditam esse agendi actionem in rem confessoriam, §. 2. *infra. de act.* cum autem, cui habitatio constituta sit, actionem tantum personalem habere, vel ex testamento, vel ex stipulato, vel commodari, aut præscriptis verbis, eo quod habitatio non sit jus aliquod in re, vel ut illi loquantur, non in dominio, sed in obligatione consistat; id quoque perperam dici existimo. Nam esse aliquid jus in re, vel ex hoc ipso loco apparet, & argumento est, quod conjunctum cum usu & usufructu de hoc jure & hic & in Pand. & C. tractetur. Nullum autem certius argumentum est, habitatione servitutem & personæ esse, quam servitutis definitio, tum generalis, tum specialis personarum: est enim jus in re aliena alteri constitutum, quo dominus aliquid pati cogitur in suo, & jus constitutum personæ. Nec obstat, quod habitatio in facto potius quam in jure consistere dicitur, *l. pen. de cap. min.* Nam idem fere & de usufructu prædicatur, *l. un. quand. dies us. leg.* Dicuntur enim ista per extenuationem, non quod sint nuda facta: estque similis habitatio usufructui in dies aut menses singulos legato, *d. l. pen.*

Si igitur is, cui in dies aut annos singulos usufructus legatus est, cum confessoria vindicare non prohibetur; cur non & confessoria pro habitatione competat ei, cui ea legata est? Nec verum est, quod Hottomanus scribit, usum & usufructum servo aut filiofamilias legatum domino aut patri acquiri, habitationem non acquiri: idque liquet vel ex ipsa, quam citat, *l. 9. quand. dies leg. ced. junct. l. 2. & 3. cod.* Agnoscio autem lubens sententiam mei heretudinem, qui videre non possunt, quomodo id, quod de actione commodati aut præscriptis verbis ei, cui habitatio constituta est, danda profertur, probari possit ex *l. 1. in fin. pr. commod. junct. l. si gratuitam. 17. in pr. de præf. verb.* Illud quidem video, tractari illic de actione commodati, aut præscriptis verbis dando domino ædium, qui habitationem commodavit, sive gratis alicui concessit. Sed quid hoc ad rem?

Quamquam habitationem habentibus, &c. etiam aliis locare) Hoc est, quamvis in hoc habitatio ex nostra constitutione usufructum imitetur, quod eam alteri locari permisimus, *l. cum antiquitas. 11. C. de usufr.* Poterit ergo & vendi & gratis alteri concedi, jure ipso apud eum, qui ab initio constituta est, manente, secundum ea, quæ diximus §. 1. *sub. cod. ni.* hil enim interest: & fuerile nimis, quod quidam ajunt, ideo habitationem vendi aut donari non posse, quia est jus personale. Nam eadem ratione nec usufructus vendi aut donari posset: & si nihil aliud obstar, usus quoque locari aut vendi non prohiberetur: sed in usu spectatur conditio personæ usufructuarii & indigentia pro modo familiæ ejus: alius autem alio numeroforem familiam habet, & plurimius indiget, nec una omnium conditio, ut restat D. Connan. 4. *comm. 5.* Putat Hottomanus, etiam jure veteri habitationem commodari potuisse, licet usus non potuerit per *d. l. 1. commod. & d. l. 17. de præf. verb.* Sed fallitur nonnulli ex his: non enim de habitatione jam alicui constituta, & ab eo, cui constituta est alteri accommodata illic agitur, sed de commodata aut gratis alicui concessa demum à domino ædium: quomodoq; locos istos etiam accepit D. Bachovius.

TEXTUS.

Transitio.

6. *Hac de servitutibus, & usufructu, & usu, & habitatione dixisse sufficiat. De hereditatibus autem & obligationibus suis locis proponemus. Ex-*
posui.

posuimus summam, quibus modis jure gentium res acquiruntur: modo videamus, quibus modis legitimo & civili jure acquiruntur.

NOTÆ.

6. *Legitimo, & civili jure*) Antiquitatis studio consulat Budz. in *Pand. ad l. 2. §. & cum placuisset. 24. de orig. jur.*

COMMENTARIUS.

Duplex transitio, & utraque perfecta: in epilogo prioris reipicitur ad *sit. reb. corp. & incorp.* hujus libri secundum; ubi cum non tantum servitus prædiorum usus & usufructus inter res corporales numerentur, verum etiam hereditas & obligationes, ac de servitutibus ut usufructu & usu hæcenus tractatum sit; videri poterat, nunc protinus de hæreditatibus & obligationibus dicendum esse: sed in propositione seu membro sequenti harum rerum tractationem in alium locum rejicit: tractationem de hæreditate, quia adhuc agendum de modis, quibus res acquiruntur singulari: susceptione autem hæreditatis acquiritur bonorum universitas: tractationem de obligationibus, quia obligatio non est jus in rem, de cuiusmodi jure acquirendo nunc queritur, sed ad rem dumtaxat, pariens creditori actionem in personam, non vindicationem rei. In posteriori epilogo ref-

picit ad §. *singulorum 11. sup. tit. 1. de rer. div.* quo loco recepit, se post expositos modos acquirendi jure gentium dicturum esse de iis modis, quibus dominium nanciscimur jure civili, quod est *vi & xxi.* Modi acquirendi jure civili, vel singulares sunt, vel universales. Singulares, quibus acquiruntur res singulæ: universales, quibus una acquisitione, tanquam per averfionem, acquiruntur bona aliqujus universa: de quo genere acquisitionis agere incipit *inf. §. ult. tit. 9.* hujus libri. Modi acquirendi jure civili res singulas duo tantum ab Imperatore exponuntur, usufructus *tit. seq.* & donatio *tit. 7.* Cur de legatis & fideicommissis, quæ huc alioqui pertinent, nunc non simul tractare voluerit, dicitur *d. §. ult.* Pertinent item huc & alii modi: veluti cum possessori attribuitur dominum rei, quam dominus viri eripuit aut invasit, §. *t. inf. vi bon. rap. l. 7. Cod. unde vi.* Cum uno ex duobus, qui à Principe munus acceperunt, moriente absque hærede, pars deficientis consorti accessit, *l. un. Cod. si liberal. imp. soc. fin. hered. decif. lib. 10.* Item cum pupillo, & ecclesiæ acquiruntur res ex pecunia sua emptæ absque ulla traditione, *l. ult. C. de sacros. eccles.* Mancipatio, quam Cicero in *T. pic. traditionem nexu vocat*, & in jure cessio, de quibus Ulpian *tit. 19. Boet. ad l. loc. Ciceronis*, jam tempore Justiniani exoleverant. Antiquitatis studiosi adeant D. Anton. Contium *1. disput. 12. clariss. Salmas. c. 8. de usur.*

TITULUS SEXTUS.

DE USUCAPIONIBUS ET LONGI TEMPORIS PRÆSCRIPTIONIBUS.

D. Lib. 41. Tit. 3. C. Lib. 7. Tit. 31. & 33.

- 1. *Nam satis consideratè à D. Cujacio & aliis præscriptionibus hic reponit possessionibus.*
- 2. *Quibus in rebus olim usucapio & longi temporis præscriptio differabant?*
- 3. *Falli, qui putant usucapionem tantum esse rerum mobilium.*
- 4. *Qua qua serie hoc titulo tractentur?*

INTER acquisitiones juris civilis vel prima & præcipua est usucapio. Nam et si ea Græcis quoque non incognita fuit, eamque etiam Plato *l. 12. de legib. p. 697.* in suam iniecit Rem ubi tamen civili tantum ratione, non etiam purè aliqua naturali ntitur, ab eaque longius etiam, quam cæteræ acquisitiones civiles recedit. Utrum autem

quid juri civili adscribendum sit, an juri naturali, id non ex nudo uû populorum, sed ex eo, quod suggerit ratio naturalis, æstimandum est, §. *1. sup. de jur. nat. gent. & civil.* Usucapio definitur Modestinus, *l. 3. hoc tit.* est adjectio domini per continuationem possessionis temporis lege definiti. Quid singula definitionis sibi velint, dicetur postea in explicatione, §. *diutina 7. inf. cod.*

Longi temporis præscriptionibus) Qui hanc partem inscriptionis mutant, & pro *longi temporis præscriptionibus*, reponendum arbitrantur, *longi temporis possessionibus*, inter quos sunt Cujac. Hotom. Wesemb. Tim. Faber, quod & Pacius probat, illi nec mentem Justiniani, nec quid *hoc sit.* agatur, satis animad-

vertere mihi. videtur. Mens Justiniani intelligitur ex eo, quod in principio commemorat constitutionem suam de usucapione transformanda; qua constitutione, cum duo diversa essent genera acquisitionis, usucapio & longi temporis praescriptio, usucapionem ita transformavit, ut tamen utrumque in illo uno velut permixtum retinuerit: atque hoc etiam ex verbis inscriptionis intelligere nos voluit. Sic alibi quoque hæc duo conjungit, usucapionem aut longi temporis praescriptionem, §. *pen. inf. per quas pers. cuiq. acq.* Conferuntur item, & conjunctim ista duo appellantur à Cajo, l. *qui alienam.* § 4. in *pr. de evict.* Hoc tantum interest, quod Cajus duo diversa acquirendi genera, ut tunc erant, significat, Justinianus unum & idem ex duobus istis à se conflatum: neque enim sustulit ille longi temporis praescriptionem, sed auxit, addita ei usucapione in solo provinciali. Sed neque agitur hoc titulo de possessione, nisi per occasionem, neque magis quam de bona fide, aut justo titulo: sed de horum omnium concurrentium effectu, & acquisitione ipsa, quæ olim duplex erat, usucapio & longi temporis praescriptio, quam utramque, ut diximus, sic retinuit Justinianus, ut ex duabus unam fecerit. Erat verò triplex inter usucapionem & longi temporis praescriptionem discrimen, in rebus, in tempore, in acquisitionis effectu. Usucapio locum habebat in rebus immobilibus Italici soli tantum, in mobilibus omnibus. Praescriptio frequentabatur in prædiis dumtaxat provincialibus. Usucapio rerum mobilium anno terminabatur, immobilium biennio. Praescriptio consummabatur decem annis inter præsentem, viginti inter absentes. Usucapio possessorem dominum efficiebat. Praescriptio possessori non dominium tribuebat, sed jus aliquod dominio simile & proximum, de quo dicam plenius postea. Hæc differentias sustulit Justinianus, servato uno discrimine rerum mobilium & immobilium, l. *unic. C. de usuc. transform.* Eorum error manifestior est, quam ut refelli debeat, qui hæc genera sic distinguuntur ut dicant, usucapionem tantum esse rerum mobilium, longi temporis praescriptionem rerum immobilium, & vel unum hujus tit. principium hoc refellit. Initio docetur, quæ res, quanto tempore, à quibus usucapiantur; deinde de rebus agitur, quæ usucapionem non recipiunt: tum de continuatione possessionis & conjunctione temporum: postremo de fisci traditione & praescriptione quadriennii fiscali.

Præcipua Usucapionis requisita. 1. Bona fides. 2. Possessio per tempus definitum continuata. 3. Justus titulus.

Jure civili constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex donatione, aliave quavis justa causa acceperit, is eam rem si mobilis erat, anno ubique uno & si immobilis, biennio tantum in Italico solo usucaperet: ne rerum dominia in incerto essent. Et cum hoc placito erat, putantibus antiquioribus, dominis sufficere ad inquirendas res suas præfata tempora, nobis melior sententia resedit, ne domini inaturlus suis rebus defraudentur, neque certo loco beneficium hoc concludatur. Et ideo constitutionem super hoc promulgavimus, qua cautum est, ut res quidem mobiles per triennium & immobiles verò per longi temporis possessionem (id est, inter præsentem decennio, inter absentes viginti annis) usucapiantur. Et his modis non solum in Italia, sed etiam in omni terra, qua nostro imperio gubernatur, dominia rerum justa causa possessionis præcedente acquirantur.

NOTÆ.

Bona fide) In quo tempus traditionis inspicitur: at in emptione etiam, quo contrahitur l. 2. *pr. D. pro empt.*

Credere dominum esse) Aut jus vendendi habere, puta procuratorem aut tutorem esse, l. 106. *de verb. sign.*

Biennio) Lex 12. tab. usucapionem fundi jubebat esse biennium; cæterarum rerum annum, Cic. *pro Cæc. cap. 29. & 26. & in Top. cap. 4.* de quo vid. Bud. *ad l. 63. D. de evict. Cont. 1. disp. 10. Salmat. cap. 8. de usur.*

Justa causa) Idem, justo titulo: nam titulus est possessionis causa l. 7. *C. de acquir. possess. l. 24. C. de rei vind.*

Dominia acquirantur) Rectè igitur adhuc definitur usucapio cum Modest. l. 3. *D. hoc tit.* adjectio domini per continuationem possessionis temporis lege definiti.

COMMENTARIUS.

1 *Auctoritatis verbo quid lex 12. tab. intellexerit.*

2 *In persona usucipientis qua necessaria: & de bona fide.*

3 *De justo titulo.*

4 *Cur prædia provincialia usucapi non poterint.*

5 *Juris de usucapione constituti ratio & defensio.*

6 *In incerto esse, an tempora usucapioni à Justina-*

niano præstituta apud nos quoque observanda sint.

Jure civili) Hoc plerique sic interpretantur perinde, ac si dixisset lege 12. tab. & verum est, ex hoc fonte jus usucapionum manere. Sed quod sequitur de distinctione locorum, ex lege 12. tab. esse non potest: quippe cum eo tempore, quo Decemviri legem tulerunt, populus Romanus pedem extra Italiam non haberet, adeoque angustissimis intra ipsum Italix solum finibus Imperium Romanum contineretur. Credibile verò est, propagatis postea Imperii finibus, Jurisconsultorum disputatione prædia Italici soli & provincialia jure auctoritatis distincta fuisse. Apud M. Ciceronem in *Top.* c. 4. hæc leguntur: *Quoniam usus, auctoritas fundi biennium est, sic etiam adium.* At in lege ades non appellantur. Et in orat. pro Cæcinnâ, c. 19. *Lex usum auctoritatem fundi jubet esse biennium.* Unde existimare licet, sic lege sancitum fuisse: *Usus, auctoritas fundi biennium esto. Caterarum rerum annus esto.* Auctoritatis verbo multa & diversa significantur. Vulgata non tangemus. Venulejus l. ult. de evict. auctoritatem interpretatur actionem pro evictione. Quo sensu etiam accipitur apud Paul. 2. sent. 17. l. Seneca lib. 4. natur. qu. Ergo si mihi parum credis, Possidonius tibi auctoritatem promittet, id est, Bibacien. Scævola l. ult. de pign. act. instrumentum auctoritatis appellat, quod primo dixerat instrumentum emptionis, nimirum instrumentum, quo de evictione promissum est, aut omnino instrumentum, quo probatio juris nostri, sive ut vulgo loquuntur, tituli acquisitionis continetur, cujusmodi tabulæ instrumenta ad probationem originis prædiorum appellantur, l. 14. Cod. de fideic. Sic apud M. Senecam lib. 7. contr. 6. quæ emptionis tabulæ primum, eadem post auctoritatis tabellæ nominantur. In lege Atinia, & in illo duodecim, *Adversus hostem æterna auctoritas esto*, verbo auctoritatis jus domini significatur, aut jus vindicandi, Grot. in *spor. stor.* Sensus hic est, ne peregrinus dominum rerum nostrarum usucapione nobis eripere possit. Cicero pro Cæcin. cap. 26. *Aqueductus, haustus, iter actus à patre, sed rata auctoritas harum rerum omnium à jure civili sumitur.* Rata auctoritas, id est, firmum ac fixum harum rerum jus. Eodemque significavi & Scævola hac voce usus est, l. ult. de aq. & aq. pluv. In proposito quoque puto Decemviros nomine auctoritatis intellexisse jus legitimi domini, ut sit sensus, usus, qui auctoritatem, id est, justum dominium fundi afferat, sit spatium biennii: qui caterarum rerum, annus. Quod perinde

est, ac si dixissent, *Fundus biennium possessus usucapitur: cateræ res annum possessæ usucapuntur.* Cicero in ea de *Arusp. resp.* c. 7. *Multa sunt domus jure optimo, sed tamen jure privato, jure hæreditario, jure auctoritatis, jure mancipii, jure nexi. Jure auctoritatis perspicuum est hic significari ipsam usucapionem, sive jus legitimi domini per usucapionem quæsitum, non emptionem, quæ non mancipio facta est, ut vult doctissimus Salmas. lib. de usur. c. 8. Neque enim dici possum jure optimo domum habere, cujus ex jure Juritium dominus non sum; & ideo jura legitima tantum Cicero commemorat. Idem vir doctissimus existimat legem 12. tab. verbo auctoritatis intelligere actionem pro evictione, cui Decemviri voluerint non ultra biennium patere locum in rebus soli, in mobilibus non ultra annum. At plerique omnes qui conditione usucapiendi sunt, re evicta ante impletam usucapionem, actionem pro evictione non habent. Qui pro hærede, pro legato, pro derelicto, pro adjudicato, pro noxa dedito, pro suo possidet, certo jure usucapit; & tamen si res intra tempora usucapionis evincatur, non est locus actioni ob evictionem, cujus hic periculum nemo præstat. Sed neque ipsa evictio, seu jus, quod dominus habet rem à possessore judicio auferendi, intelligi potest: non enim eo principaliter hoc caput legis pertinet, ut sciamus, quid juris domino relinquatur intra annum, aut biennium, sed quid usus sive possessio anni, aut biennii tribuat utenti possidenti, nimirum rei possessæ legitimum dominum, ut patet ex definitione Modestini, l. 3. hoc tit. Vilesis Budæ. ad l. Herennius. 63. de evict. Cont. 1. disp. 10. Don. 5. com. 20. & qui legem 12. tab. commentariis illustrarunt, Balduin. Hotom. Marcil.*

Bona fide) In persona ejus, quem usucapere volumus, hæc sunt necessaria: ut possideat, ut jussit, ut continenter, ut per tempus lege definitum: quorum unumquodque, ut sepe offeret, ita explicabo. Quod hic traditur de bona fide, ad justitiam possessionis pertinet: quemadmodum & illud, quod mox sequitur, de causa. Igitur ad usucapionem non sufficit possidere, nisi & bona fide possideas. Bona fides æstimatur ex eo, quod possessor putavit; eum, à quo rem accepit, dominum esse, aut jus transferendi dominium habere, ut proinde opinetur se quoque statim dominum effectum esse, l. bona fidei. 109. de verb. sign. l. qui à quolibet. 17. de contr. empt. §. si quis 35. sup. de rer. div. Hæc autem opinio necesse est, ut remota sit ab errore juris. Nam juris error

acquirere volentibus numquam prodest, l. 7. l. 8. de jur. & fact. ign. ac proinde nec possessori in uicupationibus, l. numquam. 31. pr. hoc tit. l. 1. §. si à pupillo. 11. pro empt. Ceterum sufficit, ab initio bona fide possessionem nancisci. Jure enim civili bene coëptam uicupationem non impedit scientia rei alienæ postea superveniens, l. un. Cod. de usuc. transform. l. bona. 48. §. 1. de acq. rer. dom. ipectaturque in ea re initium traditionis, non contractus, l. si is. 16. §. ult. l. justo. 44. §. 2. hoc tit. præterquam in emptione, in qua utrumque tempus inipici placet, & quo contrahitur, & quo res traditur, l. 2. pr. pro empt. l. pen. hoc tit. Diverſitatis rationem n. licet Paul. in stipulatione d. l. 15. in fin. quia, inquit, concessum est stipulari rem etiam, quæ promissoris non sit, innuens, salva fide etiam sciens rem alienam stipulari nos posse: at non pati sinceram fidem, ut rem alienam sciens quis emat. Et ideo huic non præstatu evictio, l. si suadum. 27. C. de evict.

Rem Corporalem icm. nam res incorporales, veluti iervitutes, per se uicupationem non recipiunt, l. 14. de serv. l. servus. 43. §. de acq. rer. dom. quippe in quæ non cadit possessio, in ea nec uicupatio cadit. Cæterum est in his rebus locus acquisitioni longæ quali possessionis, & effectu juris quasi uicupantur, l. ult. C. de præsc. long. temp. l. 10. §. serv. vind. Vide quæ scripsi ad §. ult. sup. de serv. Plane per consequentiam etiam veteri jure uicupiebantur, cum id prædium uicupatum esset; cui servitus debetur, l. 10. §. 2. h. tit. quamquam revera nihil hic uicupatur, sed prædium suæ conditiones sequuntur, l. via. 23. §. 2. de serv. præd. rust. de aliis rebus, quæ uicupatio nem non admittunt, dicam §§. seqq.

Aliæve justa causa Id est, iusto titulo, eoque qui idoneus sit ad transferendum dominium: eos enim, qui nullo iusto titulo possident, ratio juris dominium querere non patitur, l. nullo. 24. C. de rei vind. l. 4. C. de præsc. long. temp. eademque prout in proposito ratio est dominii transferendi, & transferendi conditionem uicupationis, l. numquam. 31. de acq. rer. dom. §. pen. inf. per quas pers. cuique acq. Justa causa, aut a privatis est, aut a iudice, aut à Magistrata, aut a nullo, sed ab ipsa rerum conditione. A privatis; si quid ab his dominii transferendi causa traditur, solvitur, datur, derelinquitur, l. 3. §. anteq. de acq. poss. cuius generis proutque proprius tit. comprehendit in Pan. & C. a iudice in adjudicantibus; quæ sunt in iudicis divioris, si videlicet de alienis fundis tamquam communibus

actum sit, l. si per errorem. 17. hoc tit. alioquin statim res ejus sit, cui adjudicata est, §. ult. inf. de off. jud. A Magistratu quibus in causis possessionem transferre potest: siquidem iuste possidet, qui auctore Pratore possidet, d. l. 3. in fin. l. 11. de acq. poss. A nullo, quæ sola occupatione, si nullius essent, statim nostra fierent. Hinc titulus possessionis specialis pro suo, l. 2. pro suo. Generaliter quidem etiam quicquid ex iusta causa possidet, pro suo possidet, l. 1. cod. verum ex speciali titulo certa uicupatio; ex generali nulla, nisi specialis aliqua causa, puta emptio, donatio, &c. præcesserit: nec tota existimatione nostra, sed revera, l. Celsus. 27. hoc tit. de quo plenius postea.

Si mobilis erat, anno ubique uno Ubique, tam in provinciis, quam in Italia. Nam cum res mobilis solo non coherere, loco distingui non potuerit, & conditione sua omnes uicupationem recipiunt. Immobilem autem quædam tales erant, ut uicupatio in iis non haberet locum; qualia erant prædia provincialia, ut mox dicemus. Quod autem brevius tempus uicupationis rerum mobilium præsumitur sit, quam immobilem, id eam rationem habere putant, quod regulariter minus in illatum, quam harum amissione præjudicium vertitur: cum alioqui longius tempus possidere videatur uicupatio rer. mobilium, utpote quæ occultari possunt, quam prædiorum. Sed hoc nihil est: nam occultatio illa vitio furti rem afficit, & uicupationi eximit. Non alia ratio est quam ea, quam hic indicat Justinianus post Cajum, l. 1. hoc tit. quod veteres crediderunt, annum aut biennium domino sufficere ad inquirendas res suas: posse itil. quemlibet patrem familias res mobiles uno semestri receniere, & altero quæ desiderantur querere: prædia uno anno lustrare, & quæ ab alio possessa invenerit, altero anno recuperare: quod & Vairo de re rust. bono patrum. faciendum esse monet.

Immobilis tantum in Italico solo Aut eo, quod jus Italicum soli habebat. Nam & in provinciis fructu quædam prædia juris Italici, videlicet coloniarum, quibus jus Italicum datum erat, l. 1. de censib. in quibus prædiis mancipationi & uicupationi locum fuisse dubitandum non est. His exceptis, prædia provincialia neque à possessoribus mancipio dari, neque ab alio ulcupari olim potuerunt. Numquam quia uterque hic modus acquirendi ex jure Quiritium erat, plenumque jus & dominum Quiritiarum continebat. Possessores autem prædiorum provincialium directi dominii & pleno jure non erant: sed jus summum domini populus Romanus sibi reservare consueverat, cum ea bel-

lo capta veteribus dominis restitueret, inque argumentum retenti juris annum iis vestigal imponeret. Cæterum jus, quod possessoribus relictum erat, ut id à domino juris statim in alios traditione transferri poterat; ita & à bonæ fidei possessore longi temporis possessione acquiri, ne semper inquietaretur: quæ acquisitio præscriptio dicebatur, *l. qui alienum §. 4. in pr. de evict. l. si duo §. 1. de jurejur. l. ei à quo §. 21. hoc tit.* Erat autem jus tale, quod & exceptione defendere, & amissa possessione, utili actione prosequi, *d. l. §. 1. de jurejur. l. §. 8. C. de præscr. 30. ann.* hæredibus denique relinquere, & in alios quovis transferre licebat. Jus nimirum aliquod reale simile emphyteutico, quod proximè ad jus dominicum accedebat, & quod nunc vocarent dominium utile. Repetantur quæ notavimus, *sup. per traditionem 40. de rer. divis.* Postquam autem Justinianus, quod præscriptioni deerat, ex usucapione supplevit, unumque genus acquisitionis ex duobus fecit: certum est, possessione longi temporis justum & directum dominium possessori acquiri.

Ne rerum dominia in incerto essent) Si jus de usucapione constitutum æstimetur ex meris præceptis juris naturæ sive gentium, defendi ab iniquitate non potest, sed quod ex iniquo habet, id contra singulos rependitur utilitate publica. Bono enim publico usucapio introducta est, ne scilicet diu rerum dominia in incerto essent, *l. 1. hoc tit.* quippe incertitudo domini facit, ut res quæque negligentius habeatur, agri minus diligenter colantur: parit lites & controversias, quibus occurri publicè interest: atque ut occurratur, & litum aliquis sit finis, usucapio constituta est, *l. ult. pro suo. l. 2. in pr. de aq. & aqu. pluv.* & ideo Cicero in *orat. pro Cæcin. c. 26.* usucapionem appellat *finem sollicitudinis & litium.* Plato *12. de legib.* Hæc igitur causa legislatores movit, ut usucapionem introducerent: ut verò id fieret cum minima privatorum injuria, certa atque idonea tempora præstituerunt, quæ abunde dominis sufficerent ad inquirendas res suas, easque sibi asserendas, & possessionem alterius interpellandam. Quod si facere negligant, & patiantur usucapi, suamet ipsorum voluntate quodammodo rem alienare videntur: *l. alienationis 28. de verb. sign.* Quamquam etiam contra ignorantem rem suam ab alio possideri usucapio procedit, *l. un. C. de usuc. transfor. l. ult. C. de præscr. long. temp.* Privatum enim damnum, quod ex usucapione est, pensatur egregio publico, in quo vera & solida utilitas continetur, & cujus pro-

inde prima ratio habenda. Atque hæc hujus acquisitionis defensio fit contra eos, quibus ea genere ipso injusta vi datur. Appellat sanè Justinianus præscriptionem *impium præsidium & improbam temporis allegationem.* Nov. 9. verum non simpliciter, sed quatenus eo præsidio homines scienter abutebantur contra constitutionem ipsius, & adversus bona ac subsidia Ecclesiæ. Postea tamen constitutionem istam abrogavit, experimento doctus, eam ex usu Reipub. non esse, *Nov. 111. & 131. cap. 6. VINN.* Nec tamen defendi non potest usucapionis justitia, si respiciamus ad ejus fundamentum. Qui intra tantum temporis spatium, puta intra decem vel viginti annos rerum suarum nullam curam egit; is sane eas videtur pro derelictis habuisse: maxime cum res immobiles, earumque situs latere vix possint. Si dicas, domino desuisse occasionem vindicandi, quidni possessionem saltem denuntiatione interrumpit? Ei quidem, qui rem pro derelicta habet, animus esse debet & consilium derelinquendi, quale hic in domino esse negant, sed justissimè leges hujusmodi consilium præsumunt ex negligentia domini, intra tantum temporis spatium rem non vindicantis. Si enim justa ipsi causa sit, cur vindicare non potuerit, veluti absentia reip. causa, minor ætas &c. leges ipsi haud negant restitutionem in integrum & usucapionem rescindunt. HEIN.

Ne domini maturius rebus suis defraudetur) Id est, ne maturius res suas amittant, ne possessionibus suis citius, quam par est, cadant, ut est in *d. l. un. C. de usuc. transfor.* Usus autem est verbo defraudandi propter durtiem legis antiquæ, quæ nimis angusto temporis spatio usucapionem terminabat, remque alienam excluso domino addicebat possessori. Cæterum quod propriè hoc verbum significat, per fraudem rem alienam intervertere, id neque lege antiqua possessori permillum fuit.

Constitutionem super hoc promulgavimus) Ea est *l. un. C. de usuc. transfor.* qua lege, cum jam antea sustulisset antiquam distinctionem domini in bonitarium & Quiritarium, *l. un. C. de nud. jur. Quir. toll.* hoc insuper constituit, ut prædia provincialia eodem jure cum Italicis censerentur, atque æquè ut Italica, eodemque effectu usucapi possent. Præterea tempora usucapionum tam in rebus mobilibus, quam in rebus soli in tantum prolongavit, ut nulla justa quærimonia superstit, si tam longo tempore continuata possessio possessorem tueatur, eique dominium adjudicet. Summa constitutionis est, ut qui rem à non domino accepit ex justa causa & bona fide, 6

eamque mobilem per triennium, immobilem per decem annos inter præsentēs, per viginti inter absentes continenter possedit; is ejus rei dominus pleno jure efficiatur. Quod jus etiam hodie apud nos obtinere debere multi contendunt. Alii ad rem immobilium præscriptionem sive usucapionem triginta requiri annos, aut tertiam sæculi partem existimant. Apud Zelandos adversus præsentēs aannis vigintis adversus absentes triginta annorum spatium res soli certò jure usucapiuntur, c. 2. *stat. Zeland. art. 2.* In hoc autem nunc fere à jure civili recessum est, quòd in præscriptione quantumvis longissimi temporis non tantum bonum possessionis initium requiritur, verum etiam bonæ fidei perseverantia, juxta scita juris Canonici, c. *fin. x. de præscr. cum jure civili sufficiat possessionem ab initio bona fide nancisci, nec bene cœpta usucapio aut præscriptio interpelletur incidente postea mala fide, d. l. un. de usuc. tr. quin nec bonum initium in præscriptione 30. annorum jura civilia desiderant, d. l. 3. l. 4. C. de præscr. 30. ann.* Clarissimus Grotius lib. 2. *manuduct. ad jurisp. Bat. c. 7.* tradit; duplicem in hac regione usucapionem seu præscriptionem rerum soli in usu antiquius fuisse, unam brevioris, alteram longioris temporis. Brevem fuisse unius anni & dici, eamque jure singulari multarum civitatum & agrorum tunc locum habuisse, cum prædium aliquod venditum esset, interveniente auctoritate & cognitione. Scabinorum aliorumve, qui jurisdictioni præsent, dique prædium per illud tempus ab emptore sine interpellatione possessum esset. Longam fuisse tanti temporis, quantum tertia pars sæculi continet, id est annorum 33. & 4. mensium; cui locus erat in alienatione rei immobilis facta absque cognitione publica. Et hoc sequendum etiamnum putat. De rescriptione tanti temporis juxta consuetudinem Geldrix ex professo disserit doctissimus Lamb. Goris *adv. jur. tract. 3. cap. 9.* Vix autem est, ut aliquod certi secundum mores hodiernos hic definiri possit, vid. Groenevv. *ad rubr. Cod. de præscr. 30. annor. & ibi laudat.*

Decennio inter præsentēs, viginti annis inter absentes) Explicat, quantum tempus intelligat per possessionem longi temporis, nimirum inter præsentēs, id est, qui in eadem provincia sunt, l. *ult. C. de præscr. longi temp. decem annos, inter absentes viginti.* Atque ita sicut ex veteri usucapione effectum sumit & acquisitionem veri domini, ita ex veteri præscriptione sumit spatium temporis, atque id ad usucapionem omnium rerum immobilium

transfert, efficitque ex duabus unam acquisitionis speciem, ut jam nulla amplius differentia inter præscriptionem & rerum immobilium usucapionem superstit; præscriptionem inquam longi temporis, quæ itidem ut usucapio, titulum & bonam requirebat fidem: nam præscriptionis temporis longissimi, sc. 30. vel 40. annorum, alia ratio est, quæ solo temporis lapsus possessionem tuetur.

TEXTVS.

Quæ usucapi possunt, vel non. De his quæ sunt extra commercium; de servo fugitivo.

1 Sed aliquando, etiam si maximè quis bona fide rem possederit, non tamen illi usucapio ullo tempore procedit: veluti si quis liberum hominem, vel rem sacram, vel religiosam, vel servum fugitivum possideat.

NOTÆ.

1. Liberum hominem, &c.) Quia hæc res omnem respuunt acquisitionem, nec in bonis esse possunt, l. 9. *D. hoc tit. §. 2. infr. de inur. stip.* Res quoque incorporales, veluti servitutes, natura sua usucapionem non recipiunt, l. 14. *D. de serv. l. 43. de acq. rer. dom.* Carcerum effectus juris diuturno usu & ipsæ quasi usucapiuntur, l. 10. *si serv. vind. l. ult. C. de præscr. long. temp.*

Servum fugitivum) Defenditur tamen possessor fugitivi 30. annorum præscriptione, per l. 3. & 4. *C. de præscr. 30. ann.*

COMMENTARIUS.

Hoc §. 8. & aliquot sequentibus disputatur de rebus, quæ etsi corporales sunt, usucapionem tamen non recipiunt: sed quia multæ, quæ in hoc numero sunt, hic non commemorantur, ecce tibi in summa omnes exhibebo. Quarumdam rerum ea natura est, ut omnino omnino acquisitionem, qualiscumque ea sit, respuant, & consequenter simul usucapionem: cujusmodi sunt, quæ commercio humano sunt exemptæ, ac proinde in bonis haberi non possunt, ut homo liber, res sacræ, religiosæ, sanctæ, publicæ populi aut civitatum, l. 4. l. 6. *de contr. empt. l. 9. hoc tit.* Quædam etiam res sunt, quæ cum sint in bonis & acquiri possint, usucapi tamen non possunt, lege earum usucapionem prohibente. In hoc genere sunt res fisci, §. 4. *inf. l. quamvis 18. cod. res dominicæ, tit. C. ne rei dom. vel temp. vind. civi-*

etatum, Ecclesiarum, gerontocomiorum & locorum similibus, l. 23. C. de sacrosanct. Eccles. Nov. 9. 111. & 131. c. 6. res furtivæ & vi possessæ, §. seq. prædicii contra legem Juliam datæ, l. bona 48. de acquir. rer. dom. l. pen. de leg. Jul. rep. res pupillorum, dist. l. 48. l. 3. C. quibus non obstat long. temp. præscr. quin nec præscriptio 30. annorum contra pupillos currit, l. 3. C. de præscr. 30. ann. res minorum 25. annis, l. ult. C. in quib. ca. in int. rest. bona adventitia filiiam. l. 1. §. 2. C. de annal. exc. fundus totalis, cujus quoque alienatio lege Julia prohibita est, l. 4. de fund. distal. hoc ipso etiam usucapionem prohibitam esse pro certo statuit Tryphonius in l. si fundum 16. eod. tit. Postremo res testamento alienari prohibitz, l. 2. Cod. pro empt. l. ult. §. fin autem 3. Cod. com. de legat. Jam pergamus.

Liberum hominem Sola temporis longinquitate, etiam si sexaginta annorum curricula excesserit, libertatis jura non mutilari à Constantino rescriptum est, l. ult. Cod. de long. temp. præscr. quæ pro lib. Meminit Imp. 60. annorum, non quia longioris temporis lapsu libertati præscribatur; sed quia raro homines diutius vivunt. Etenim nec centum annorum præscriptio hic suffecerit, ut bene istic Accurs. quoniam nulli omnino hic locus esse titulo potest. Possessores 30. annorum defenduntur exceptione temporis, quæ omnes excludit actiones, etiam si nec titulus probetur, nec bona fides, l. 3. l. 4. C. de præscr. 30. ann. Cæterum res ipsas, quæ possidentur, tales esse oportet, ut iusto titulo acquiri, & dominio nostro subjici possint.

Servum fugitivum Hic servus pertinet ad prohibitionem §. seq. quippe qui sui ipsius furtum facere intelligatur, l. ancil. 60. de fur. l. 1. C. de serv. fug. Accursus putat, dominum ne 30. quidem annorum præscriptione excludi, eo quod possessionem fugientis servi retinet, l. 1. §. per servum 14. l. rem quæ 15. in fin. de acq. poss. Quod ineptum est. Nam cum de usucapione aut præscriptione quaeritur, necesse est ejusmodi casus ponatur, quo alius servi possessionem nactus sit. Hoc verò cum fit: dominus possidere definit.

T E X T U S.

De rebus furtivis & vi possessis.

2. *Furtivæ quoque res, & quæ vi possessæ sunt, nec si prædicto longo tempore bona fide possessæ fuerint, usucapi possunt. Nam furtivarum rerum lex duodecim tabularum & lex Attilia inibent*
Tom. I.

usucapionem: vi possessarum, lex Julia & Plautia: Quod autem dictum est, furtivarum & vi possessarum rerum usucapionem per leges prohibitam esse, non eo pertinet, ut ne ipse fur, quive per vim possidet, usucapere possit, (nam his alia ratione usucapio non competit, quia scilicet mala fide possident) sed ne ullus alius, quamvis ab eis bona fide emerit, vel ex alia causa acceperit, usucapiendi jus habeat. Unde in rebus mobilibus non facile procedit, ut bona fidei possessoribus usucapio competat. Nam qui sciens alienam rem vendiderit, vel ex alia causa tradiderit, furtum ejus committit. Sed tamen id aliquando aliter se habet. Nam si bares rem defuncto commodatam, aut locatam, vel apud eum depositam, existimans hereditariam esse, bona fide accipienti vendiderit, aut donaverit, aut dotis nomine dederit; quin is, qui acceperit, usucapere possit, dubium non est. Quippe quum ea res in furti vitium non ceciderit: quum utique bares, qui bona fide tamquam suam alienaverit, furtum non committat. Item si is, ad quem ancilla ususfructus pertinet, partem suam esse credens vendiderit, aut si donaverit, furtum non committit. Furtum enim sine affectu furandi non committitur. Aliis quoque modis accidere potest, ut quis sine vitio furti rem alienam ad aliquem transferat, & efficiat, ut à possessore usucapiatur. Quod autem ad eas res, quæ solo continentur, expedit, jura ita procedit, ut si quis loci vacantis possessionem propter absentiam aut negligentiam domini, aut quia sine successore decesserit, sine vi nanciscatur; quamvis ipse mala fide possideat, (quia intelligit, se alienum fundum occupasse) tamen si alii bona fide accipienti tradiderit, poterit ei longa possessione res acquiri: quia neque furtivum, neque vi possessum acceperit. Abolita est enim quorundam veterum sententia existimantium, etiam fundi locive furtum fieri. Et eorum utilitatis, qui res soli possident, principalis us constitutionibus prospectitur, ne cui longa & indubitata possessio debeat auferri.

N O T Æ.

2. *Lex Attilia* In Pand. Flor. *Atinia* l. 4. §. 6. l. 33. pr. hoc tit. l. 215. de verb. sign. Auctoritas, aut Grot. in spars. Flor. est jus vindicandi, VINN. Rectè hæc lex dicitur *Atinia*: non *Attilia*, uti apparet ex Gell. lib. 17. cap. 7. Ex quo etiam dicimus, hanc legem antiquiorem esse temporibus Scævole, Bruti, Manilii, P. Nigidii, J. Ctorum. Verosimile itaque est eam latam A. U. C. DLVI. C. Cornelio Cethego, & Q. Minucio Rufo Coss. à C. Atinio, Labcone, Tribuno plebis. Steph. Vin. Pigh. *Annal. Rom. Tom. II. p. 255. HAIN.*

190
Ab eis bon. fid. emerit) Aut ab aliis, qui jam ante à fure aut violento possessore rem acceperunt.

Bon. fid. accipienti.) Species : Cum Titius longo tempore abesset, fundumque suum incultum relinqueret, eum Sejus occupavit, ac mox vendidit, & tradidit Sempronio ignoranti fundum alienum esse. Hic etsi ipsi quidem Sejo non processisset usucapio propter malam fidem; procedet tamen Sempronio bonæ fidei possessori; quia neque furtivum, neque vi possessum accepit. VINN. Sunt hæc ex Theophilii paratylis b. §. descripta. HEIN.

Quorundam sententia) L. 38. b. t. Inter hos, & Sabinum fuisse testatur Gell. l. 11. C. ult.

COMMENTARIUS.

- 1 Aliquo casu qui sciens rem alienam vendit furtum facere non videtur.
- 2 Emendationem Cujacii vers. Quod autem, non esse necessariam,

Furtivarum rerum lex 12. tab. & lex Atinia) Utriusque hujus legis etiam meminit Julian. l. non solum. 33. in pr. hoc tit. Verba legis Atiniae prodit Gell. lib. 17. c. 7. Quod surreptum erit, ejus rei aeterna auctoritas esto. Quorum verborum hic sensus est: ejus rei, quæ surrepta est, dominium à domino numquam recedat: jus & potestatem habeat semper eam vindicandi; nec ullo usu alteri acquiratur. Fabrot. Quam sententiam fuisse legis, ex eo liquet, quòd lex ita accepta est, quasi interdiceret rei furtivæ usucapionem. Eademque sententia est ejus, quod apud Cic. lib. 1. de offic. cap. 12. legimus: Adversus hostem aeterna auctoritas esto. Proculdubio autem lege Atinia quædam addita sunt, de quibus prius lege duodecim nihil cautum fuerat: & Paulus legi Atiniae tribuit hoc caput, quod est de usucapienda re furtiva, cum in potestate domini reddit, l. 4. §. quod autem. 6. hoc tit. l. potestatis. 215. de verb. sign.

Vi possessorum lex Julia & Plautia) Leges hæc non uno tempore latæ: alioqui Julia Plautia diceretur sine copula, aut Plautia Papyria, Pappia Poppæa, Junia Norbana, &c. sed Plautia de vi, item Julia de vi, hoc caput habuerunt. Plautia de vi prior fuit lege Julia, unde & in Pand. præponitur, l. non solum. 33. §. 2. hoc tit. Ait, vi possessorum. Vi possessa res sit oportet, ut usucapi nequeat neque sufficit, vi aliquem de prædio dejectum esse, nisi qui deiecit, possessionem occupavit. Quòd si ille ingressus non fuerit, sed alius in vacuum posses-

sionem intraverit, poterit id prædium, etiam antequam in domini potestatem redeat, à bonæ fidei possessore usucapi. l. 4. §. si tu. 22. l. 33. §. 1. eod. VINN. Rectè notat Vinnius binas has esse leges: & tamen illarum, tanquam unius meminerunt leges nostræ etiam alibi, l. 33. §. 2. ff. de usurp. & usuc. Plautia, vel Ploria de vi lata est à M. Plautio Trib. pl. anno U. C. DCLXIV. Cn. Pompejo Strabone & L. Portione Catone Coss. Julia autem non alia est, quam illa de vi publica & privata à Julio Augusto lata. Vid. Antiq. Rom. nostr. Lib. 2. tit. 6. §. 5. p. 405. HEIN.

Quod autem dictum est) Superfluum hoc monere. Frustra enim prædictæ leges latæ fuissent, si nihil aliud caverent, quàm ut ne fur ipse, aut qui per vim possidet, usucapere possent. Quippe qui nec ante legem Atiniam, aut Plautiam usucapere poterunt certo jure propter malam fidem, quam manifestum est usucapioni semper obstitisse. Hoc tantum prospicere leges voluerunt; ne maleficio alienum causam daret rem alienandæ.

Ne ullus alius, quamvis ab eis bona fide) Aut etiam ab aliis, qui jam ante à fure aut violento possessore rem acceperunt. Nam res cum suo vitio, quo ab initio affecta est, transit, l. 7. C. pro empt. l. vitia. 11. C. de acq. poss. Ut autem à bonæ fidei possessore usucapi possit, talem esse oportet, ut in se non habeat vitium; §. novissimè. 5. inf. eod. Denique ubi lex simpliciter inhibet usucapionem, bona fides possidenti ad usucapionem rei nihil prodest, l. ubi. 24. hoc tit. Planè præscriptio triginta annorum dominum resellet: hic enim constitutum est de actionibus omnibus, sive in rem sint, sive in personam, ut triginta annorum juri silentio præscriptione excludantur: usque adeo, ut in rebus possessis hoc etiam ipsis malæ fidei possessoribus tribuatur, l. 3. l. 4. C. de præsc. 30. ann. quamquam id secta nostrorum temporum non admittit.

Unde in rebus mobilibus non facile procedit) Quia rerum mobilium tantum, non etiam immobilium futurum fieri potest, inde colligit, usucapionem in rebus mobilibus difficilior, & rarius contingere, hoc argumento, quòd res, quæ furto obnoxie sunt, etiam facile in furti vitium cadunt: quisquis enim rem alienam mobilem sciens quacumque ex causa alii tradit, eum furtum committere: quod etiam scriptum est l. 1. C. pro empt. l. 2. C. pro donat.

Qui sciens rem alienam vendidit) Videamus, an non aliquo casu hæc regula vitietur. Finge, hæredem rem defuncto commodatam, quam hereditariam esse putabat, vendidisse, & tradi-

didisse bona fide accipienti : emptorem , dùm esset in conditione usucapiendi , cognovisse rem alienam esse . Constat , non interrumpi usucapionem : sed quæro , an si possessor eam rem , antequam usucapionem impleteret , alteri iterum vendiderit , furtum facere dicendum sit ? Et quidem , quandiu res usucapta non est , aliena est ut si verba regulæ præcisè sequamur , dicendum sit , furtum committi : sed puto , hoc in proposito non debere admitti ; & regulam procedere , cùm quis ab initio scivit rem alienam esse : qui cùm usucapere non possit , intelligitur vendendo rem velle intervertere domino : nam etsi sibi eam retineat intervertendi causa , furtum facit , *l. inficiando. 67. de furt.* At verò qui bonum initium habet , cùm possit ipse continuando possessionem rem usucapere , non potest videri furtum committeri , si alteri eam tradat . Cujac. *ad l. 7. §. procurator. 6. pro empti.*

Sed tamen id aliquando aliter) Dixit modò , rerum mobilium difficilem esse usucapionem , idque probavit hac ratione , quòd res alienæ mobiles difficulter transferantur quin in vitium furti cadant . Id nunc ostendit aliquando aliter se habere , & non uno etiam modo citra furtum accidere posse , ut res aliena alteri vendatur , aut doneatur , ac proinde totidem modis fieri , ut à bonæ fidei possessore usucapi queat . Locus hic descriptus est ex Cajo *l. potest. 36. hoc tit.* non iisdem quidem verbis , sed idem significantis , quæ claris ac percipicis . Quod ideo moneo , quia Hotomannus scribit , Tribonianum hoc loco non satis ad suum negotium attentum fuisse , & verba hujus textus nihil significare . Mihi ipse Hotomannus , dum hæc scriberet , vigilasse non videtur .

Bona fide accipienti vendiderit , aut donaverit) Duos præfert modos , quibus alienatio rei alienæ mobilis fit absque furto : utrumque ex Cajo *d. l. 36.* Unus hic est , si hæres rem defuncto commodatam , locatam , aut apud eum depositam existimans eam hæreditariam esse , tamquam suam alienaverit . De hærede ipso rem talem retinente nihil dicit , quia ad probandum , quod propositum erat sine vitio furti aliquando rem alienam transferri posse , hoc nihil facit . Nos , an hæres ipse hujusmodi rem usucapere possit , videbimus postea sub §. *diutina. 7. inf. eod.*

Partum suum esse credens) Casus hujus generis alter . Partus ancillæ in fructu non est , sed ad dominum proprietatis pertinet §. *in pecudum. 37. sup. de rer. div.* Sed nec fructuarius usucapere partum potest , sive sciat , partum alienum esse , sive ad se pertinere putet ;

quia juris hic error est , qui possessori in usucapione non prodest , *l. nunquam. 31. hoc tit.* Cæterum si partum suum esse credens , forte errori causam præbente , quòd scetus pecudum ad fructuarium pertinet , alteri eum vendiderit , poterit à bonæ fidei possessore usucapi , *d. l. 36. §. 1.* quippe cùm hic nihil sit in persona accipientis , quod usucapioni obstat , neque furti vitio res affecta sit : non enim si fructuarius ignorantia juris partum ut suum vendat , idcirco eum furtivum facit . Quippe cùm furtum non committatur sine animo , & affectu furandi , qui in errante nullus est , *l. furtum. 37. eod. §. placuit. 7. inf. de obl. qua ex del. vulgarumque est* , quamvis vel factum existimationem excusare à dolo , per *l. 1. in fin. de abigeis. l. 14. C. ad l. Tab. de plag.*

Aliis quoque modis accidere potest) Alius modus est apud Cajum *d. l. 36. §. 1.* si quis sc. errore aliquo lapsus crediderit se hæredem esse , cùm non esset , & rem hæreditariam alienaverit . Item alius apud Papinianum . *l. mandatum. 57. mandat.* si hæres defuncti mandatarii quid distinxerit animo exequendi , quod defunctus suæ curæ fecerat . Duo alii sunt apud Pompon. *l. 5. pro derel.* si quis id quod pro derelicto habitum possidebat , vendiderit ; item si quis rem venderit ab uxore sibi donatam : usque adeo , ut hic non obstat usucapioni , quòd emptor sciverit , rem in ea causa esse : quia quasi volente & concedente domino venditur , *d. l. 5. pro derel.*

Quod autem ad eas res , quæ solo continentur , expedit , jus ita procedit , ut si quis) D. Cujacius hunc locum sic restituit : *Quod autem ad eas res , quæ solo continentur , expeditius procedit , ut quis &c.* ut hæc phrasis , *Quod ad eas res , quæ solo continentur* , sit elliptica , & intelligatur verbum *attinet* , & quia tunc nondum totius loci sententia constat , inter colon & conjunctionem discretivam *quamvis* ponit relativum *qui* . Ut sit hæc sententia : Expeditius procedit , ut quis sine vi nanciscatur rei alienæ immobilis possessionem , quàm rei mobilis sine furto ac proinde etiam facilius est , ut res immobiles à bonæ fidei possessore usucapi queant . Quæ sententia quidem vera est ; sed non ideo necessæ est quicquam mutari . Nam & lèctionis vulgaræ recta est , & aperta sententia , atque effectu pene eadem , nimirum hæc : *Quod ad res immobiles attinet* . Proquo Tribonianus dixit , *Expedit , jus ita procedere , ut si quis fundi , aut loci alieni possessionem nactus sit sine vi , licet mala fide de quo dubitari præcipue poterat ; is tunc locum aut fundum in alium bona fide accipientem transferre possit cum conditione usucapiendi , in qua*

300
quia ipse propter malam fidem non erat: quoniam neque vi possumus accipitur, neque furtivum, cum rerum immobilium furtum fieri non intelligatur, lege furtum. 37. §. 1. & leg. seq. hoc tit. unde hæc sumpta sunt. In re autem aliena mobili secus esse, quæ à sciente vendita in vitium furti cadat. Quamobrem causam non video, cur restitutio Cujacii quibusdam tantopere placeat, VINN. At quis vel barbaro ævo ita loquutus est: Quod ad hanc rem expedit: pro attinet? Recte itaque Cujacius vidit hic illipsum esse: quod autem ad eas res qua solo continentur, (scilicet attinet) Recte etiam pro expedit jus, rescriptis expeditis. Sed ego postremas syllabas: expedit JUS ex lege geminationis legendas puto: expeditius jus ita procedere, quo facto sine ulteriore emendatione totius loci sententia constat. HEIN.

Vacantis propter absentiam aut negligentiam) Simplex absentia domini possessionem vacuam non facit: quippe quam constat solo animo retineri l. 3. §. salus. 11. l. 6. §. 1. de acq. poss. §. possidere. §. infr. de interd. Quapropter locus hic intelligendus est de absentia domini diuturna, rem suam penitus negligentis & relinquentis incultam: & Cajus hoc expressit longo tempore, d. leg. furtum 37. §. 1. Illi perspicue errant, qui locum vacantem interpretantur à domino derelictum. Quippe res pro derelicto habita statim sit occupantis, §. pen. sup. de rer. div. qui verò hic vacuus dicitur, negantur etiam usucapi ab occupante posse, uti & in l. quam rem. 38. cod. Errat & Glossa, quod putat, quæ hic scripta sunt, correctæ esse per l. ult. C. unde vi, eoque nomine etiam vulgo reprehenditur. Non enim ideo quia Justinianus interdictum momentaneæ possessionis dedit adversus eum, qui vacantem possessionem occupavit, statim pronuntiandum est, eum in cæteris quoque omnibus pro invasore & violento possessore habendum esse. Et potest aliquo casu etiam, ubi competet interdictum unde vi, locus esse usucapioni, l. 4. §. si tu me. 22. l. non solum n. 33. §. 2. hoc tit. Adde, quod constitutio ita diutius anno Institutiones edita fuit ut ostendit subscriptio.

Sine successore decesserit) Ita etiam Cajus d. l. 37. §. 1. eod. Sine successore autem sic accipiemus, non tantum si quis decesserit sine ullo successore; sed etiam si certum successorem reliquerit, legitimum, aut testamentarium hæredem, quamdiu is rerum hæreditariarum possessionem nondum nactus sit. Et jacente quidem adhuc hæreditate, nec furtum rei hæreditariæ fieri, à Scævola proditum est,

l. 1. §. Scævola 15. si is tantum testam. lib. Adita autem hæreditate, etsi jura omnia ad hæredem transeunt, possessio tamen ei non acquiritur, nisi naturaliter apprehensa fuerit, l. cum hæredes 23. de acq. poss. Quamobrem et si quis vacantis fundi hæreditarii possessionem sine vi occupavit: etiam ubi certus hæres est, eumque bona fide accipienti tradidit, procedet bonæ fidei possessorii usucapio: quia neque furtivum neque vi possumus accepit. Neque obstat quod constitutum est, conceptam usucapionem à defuncto posse & ante aditam hæreditatem impleri, l. captam 40. hoc tit. ut proinde non videatur posse rem interim ab alio possideri, quoniam duo eandem rem simul possidere nequeunt, l. 3. §. ex contrario 5. de acq. poss. Hoc enim, ut alibi traditum est, tunc procedit, quando medio tempore possessio ab alio occupata non est, l. possessio. 20. hoc tit. l. 6. §. ult. pro empt. Deinde de re loquimur, quæ defuncti propria fuit, non quam ille possidebat tantum, & cœperat usucapere.

Abolita est sententia existimantium) In hac opinione etiam Massurium Sabinum fuisse testatur Gell. l. 11. ca. ult. non quòd ille credidit fundum locumve auferri, aut loco moveri posse, sed quia furtum à fraude dici putavit, vel, ut Varro quoque & Labeo, à furvo, quod clam & obscurè, & plerumque nocte fiat: æquè autem clam & per fraudem posse intercipi possessionem fundi, ac rei mobilis, aut se moventis. Sed verius est, furtum à ferendo seu auferendo dictum esse, aut potius à Græco φέρειν, per affinitatem litterarum, quod παρὰ vi φέρειν, Græci dixere, l. 1. de furt. §. 2. inf. de obl. qua ex del. Gell. lib. 2. c. 8. quæ notario non patitur, ut rei immobilis furtum fieri dicamus. Quid nec illud verum est, possessionem domino interveiri, si quis clam fundum ingressus fuerit, l. 6. §. 1. de acq. poss. furtum autem est interversio possessionis. Quòd si revertentem domino non admisit, jam vi intelligitur possidere, d. loc.

Fundi locive) Auctores nostri plerumque fundum à loco separant, l. ex mille. 64. de evict. Cajus l. 38. hoc tit. & hic Justinian. Per fundum fere integrum quod significant, agrum cum villa, ædificium cum area: per locum autem certam fundi portionem, l. locus 26. de acq. poss. & plerumque agrum aut aream, qui loci sunt sine ædificio, in urbe area, ruri ager, l. ager. 27. l. locus. 60. l. quæstio. 115. l. fundi. 211. de verb. sign. Quamquam hæc non sunt perpetua, & loci significatio, sæpe generalior quàm fundi etiam apud nostros, l. 4.

si serv. vind l. 1. §. 4. und. vi. Consulendi Alciar Forn Gædd. in tit. de verb. sign.

Principalibus constitutionibus) Tum quibus possesores rerum soli longi temporis, id est, 10. vel 20. annorum possessione defunduntur, *tit. C. de præsc. long. temp.* quod tempus nunc ad rerum immobilium usucapionem translatum est: tum quibus 30. annor. præscriptione domini omnimodo excluduntur, *l. 3. & 4. de præsc. 30. ann.* Illud hic monendi sumus, Justinian. *Nov. 119. c. 7.* unde sumpta est *autb. mala fidei, C. de præsc. long. temp. hætenus juris ejus*, de quo proximè egimus, constitutioni derogasse, ut si à possessore malæ fidei res alienata sit: non aliter ab eo, qui eam etiam bona fide accepit, usucapi aut longa possessione 10. vel 20. annorum acquiri possit, quam si dominus sciverit, rem suam ab alio possessam esse, & toto eo tempore contestatus non sit: aliqui spectari jubet 30. annorum præscriptionem. Cæterum hoc procedere tunc tantum volunt, si eo ipso tempore, quo res alteri traditur, sciat is qui tradit rem alienam esse, & initium quoque bonum habuerit. Add. quæ notat D. Gothofred. *ad d. autb.*

TEXTUS.

De vitio purgato.

3 *Aliquando etiam furtiva, vel vi possessa res usucapi potest; veluti si in domini potestatem reversa fuerit: tunc enim vitio rei purgato, procedit ejus usucapio.*

NOTÆ.

3. *In potestatem domini*) Non utique ejus, cui surrepta est, *l. 4. §. 6. b. t. l. ult. de vi bon. rapt.* Igitur si creditoris res surrepta sit, in domini potestatem redire debet, *d. l. 4. §. 6.* nisi dominus ipse surripuerit: ita accipe Paul. *l. ult. eod.* in potestatem domini rediisse videtur, cum possessionem ejus nactus est justè, ut avelli non possit, & tamquam suæ rei, *d. l. 4. §. 2.*

COMMENTARIUS.

1 *Si res pignori data surrepta sit, utrius in potestatem redire debeat, ut vitium purgetur: dominine debitoris, ac creditoris?*

Rerum furtivarum vi possessorum contra legem Juliam datarum vitium purgatur, si in potestatem domini, aut prioris possessoris redierit: ex quo fit, ut jam iterum usucapi posse incipiant, *l. 4. §. quod autem. 6. l.*

ubi 24. §. 1. hoc tit. l. pen. de leg. jul. rep. Verbum potestatis in proposito possessionem significat, & potestatem habendi tenendique, *d. l. 4. §. tunc. 12.* Res vi possessa redire debet in potestatem ejus, qui dejectus est, ut maxime dominus non sit: neque enim aliter vitium violentiæ purgatur, quam si dejectus ipse restituitur in possessionem, *fac. l. 6. §. 3. de præcar.* Res contra legem repetundarum data necesse est ut revertatur in potestatem ejus, à quo profecta est, hæreditæ ejus, *d. leg. pen. de leg. jul. rep.* Rei autem furtivæ vitium ut purgetur, in ipsius domini potestatem eam reverti oportet, *d. leg. 4. §. quod autem. 6.* quippe furum in re furtiva solum dominium lædit: cui proinde soli etiam de re furtiva conditio competit, *§. ult. inf. de obl. qua ex del.* Plane nihil interest, utrum in potestatem domini aut possessoris res pervenerit, an quocumque modo his satisfactum sit, *d. l. 4. §. sed & si 13. l. si fur. 32. pr. eod. l. quamvis. 84. de furs.* De re pignori data & surrepta creditori dubitari potest, in domini debitoris, an creditoris potestatem redire debeat, ut vitium purgetur, & usucapi possit: nam Paulus respondit, in domini potestatem redire debere, *d. l. 4. §. quod autem. 6.* Labeonis quoque eadem sententia est, *l. ult. eod.* Idem tamen Paulus *d. l. ult.* notas ad Labeonem scribens contra affirmat, rem pignori datam & surreptam usucapi posse, si in potestatem creditoris redierit. Sed hæc non magno negotio conciliari possunt. Refert enim, utrum debitor ipse, an alius rem creditori surripuerit. Posteriore casu semper necesse est, ut vitium purgetur, in potestatem debitoris rem reverti, *d. l. 4. §. quod autem. 6.* atque hoc etiam Labeo sensit. Priore autem casu purgatur reversa in potestatem creditoris, neque hoc Labeo negaret, fuitque semper extra omnem controversiam, atque à Paulo tantum indicatur, ut ostendat, posse aliquando pignus, quod in potestatem creditoris rediit, usucapi: quod Labeo non expresserat. Fuit autem; ut dixi, illud explorati juris: siquidem ratio aliqua esse debet purgandi vitii per reversionem rei in potestatem alterius quam furis. Enim verò hoc amplius usucapionem admittebat Celsius, etiam si pignus à debitore surreptum & distractum in potestatem creditoris nondum pervenisset: tæque sententia etiam obtinuit, *d. l. 4. §. si rem. 21. l. §. pro empt.* quamvis aliis, nec dubito quin Labeoni etiam & successoribus ejus, displicuerit, & absurdum visum sit, ab eodem & heri furtum, & furtum emendari: quorum.

sententia etiam expressè confirmari videtur l. 6. §. 1. pro empt. Verum Cujac. in d. l. 4. §. 1. rem. 21. ita distinguit. Aut debitor non teneat creditore pignus alii vendidit, & tunc ab emptore usucapi non potest, quia in ipsa venditione furtum committitur, nec post admissionem furtum vitium purgatur in re potestatem non reducente; ac de hoc casu loqui putat d. l. 6. C. pro empt. aut tenenti creditori pignus anferat, & deinde vendit, & tunc ab emptore usucapi posse existimat: quoniam postquam furtum factum est, res in potestate debitoris fuit; aucte hoc ostendere, d. l. 4. §. 1. rem. 21. hoc tit. & d. l. 5. pro empt. Illud constat, tractari in hac questione de re aliena, quæ à bonæ fidei possessore pignori obligata est, ut sit locus usucapioni pro emptore, d. l. 5. pro empt. Quamvis enim res aliena pignori non sit, inter ipsos tamen, qui contraxerunt rata est pignoris conventio, per l. 9. §. pen. l. si pignore 22. §. 2. de pign. act.

TEXTUS.

De re fiscali & bonis vacantibus.

4. Res fisci nostri usucapi non potest sed Papinianus scripsit, bonis vacantibus fisco nondum nuntiatis, bona fidei emptorem traditam sibi rem ex his bonis usucapere posse, & ita divus Pius, & divi Severus & Antoninus rescripserunt.

NOTÆ.

4. Res fisci) L. 18. L. 24. §. 1. hoc tit. Sunt & aliz, ut res dominiæ, C. ne rei dom. vel templ. civitatum, Ecclesiarum, gerontocomiorum, &c. de quibus, l. ult. C. de fund. patrim. l. ult. C. de fund. rei priv. lib. 11. l. 23. C. de SS. eccl. Nov. 9. Nov. 111. Nov. 131. c. 6. Res pupillorum, l. 3. C. quib. non obstat long. temp. præf. minorum, l. ult. C. in quib. ca. in int. præf. præfidi contra leg. Juliani datæ, l. pen. de leg. Jul. rep. l. 48. de acq. rer. dom. bona adventitia filiarum, l. 1. §. 1. C. de ann. exc. denique res prohibitz alienari aut lege aut testamento, l. 2. C. pro empt. l. 16. de fund. dot.

COMMENTARIUS.

Hoc §. tolli videri prescriptione quadriennii, quæ olim bonorum vacantium possessori dabatur adversus fiscum.

Inter res, quæ juris constitutione usucapioni obnoxiz non sunt, quarum summam complexus sum sub §. 1. sup. primum locum obtinent res fisci, l. quamvis 18. l. ubi 24. §. 1. hoc tit. l. 2. C. com. de usuc. Hoc autem privilegium rebus fiscalibus merito datum est, ne negligentia procuratoris fisci Principi noceat,

qui aliis curis implicatur, & tot æ tanta negotia sustinet, ut de suis aut fisci rebus ipsi inquirendi otium non sit. Rerum patrimonialium eadem ratio est, quæ ob id etiam cum fiscalibus comparantur, §. ult. eod. Nullane igitur temporis defensio possessorem adversus fiscum tuetur? De fundis patrimonialibus & rei privatæ rescriptum est, possessores eorum 40 annorum prescriptione defendi, l. ult. C. de fund. patrim. lib. 11. l. ult. C. de fund. rei priv. lib. eod. Tantum hoc cavetur, ut ne adversus fiscum ea præscriptione hoc assequatur, ut in futurum a canone possessio sit immunis, l. 6. C. d. tit. Cæterum Justinianus, l. ut inter 23. C. de sacrosf. eccl. civitatibus hoc privilegium dedit, ut adversus eas nulla procedat temporis præscriptio, præterquam 100. annorum: quo jure vel magis fiscum uti oportet. Idem jus eodem loco concedit etiam Ecclesiis: & confirmat Nov. 9. verum abrogat iterum Nov. 111. & Nov. 131. c. 6. Substitutum pro 100. annorum 40. prescriptione: quibus posterioribus constitutionibus sublatum quoque intelligi debet jus civitatibus darum, l. 23. C. de sacrosf. Eccles. atque ita postmodò in his rebus reditur ad prescriptionem 40. annorum. In causis fisci criminalibus, uti persecutio criminum regulariter exceptione 10. annorum excluditur, l. querela 12. C. ad leg. Corn. de fals. ita etiam persecutio bonorum dammati aut adnotati, quam fiscus habet: eoque retero, l. in omnibus 13. de divers. temp. præf. quamvis D. Cujac. eam accipiat de casibus fisci civilibus, quas omnes scribit 20. annis extingui, excepta causa commissi & bonorum vacantium, l. 2. C. de vest. & comm. l. 1. §. 2. de jur. fise.

Bonis vacantibus) Bona vacantia dicuntur eorum, qui sine hærede decesserunt. Strabo lib. 17. à Geograph. ἀδικοτα vocat Harmenopolus ἀλλοτρίωντα, lib. 3. tit. 1. §. 18. Hæc ex lege Julia caducaria ad fiscum pertinent, l. quidam 96. §. 1. l. filiusfam. 114. §. 2. de legat. 1. l. 1. de jur. fise. l. 1. C. de quadr. præf. lib. 1. C. de bon. vac. &c. Jus occupandi bona vacantia inter regalia numeratur, lib. 2. Fend. tit. quæ sint regal. Erant autem certi delatores, qui hujusmodi bona aliavne rem ad fiscum pertinentem præmii alicujus gratia nuntiabant, sit de jur. fise. passim, similes fere antiquis quadruplatoribus, de qua voce vide Fest. Bonorum vacantium numero habenda etiam bona caduca nondum nuntiata, ita dicta, quod in fiscum certis de causis cadunt. Verum caduca pene à Justiniano sublata sunt, l. un. C. de cad. toll.

Fisco nondum nuntiatis) Nempe à delatori-
bus, qui nuntiabant, aliquid cecidisse in fisco-
m, *passim tit. de jur. fisc. de quo ex profes-*
so Gudelin. lib. 5. de jur. noviss. c. 10.

Ufucapere posse) Opus tamen ad introducen-
dam ufucapionem rerum vacantium fuisse res-
criptis, indicat hic locus, & d. l. 18. *cod.*
quippe bona vacantia ad fisco pertinent ip-
so jure, etsi in patrimonio fisci non videantur
computari, antequam nuntiata sunt, & fisco
ad ea animam adjecit. Videtur autem Jus-
tinianus hic tollere præscriptionem quadri-
ennii, quæ bonorum vacantium possessori da-
batur adversus fisco post quadriennium agen-
tem, l. 1. *cod. de quadrienn. præsc. l. 1. §. 2. de*
jur. fisc. l. 10. de div. temp. præscr. Nam olim
quidem hic sua utilitas & præscriptioni qua-
driennii & ufucapioni anni aut biennii adver-
sus fisco fuit: præscriptioni in eo, quod fisco
ea obstat sine consideratione bonæ aut
malæ fidei possessoris, quippe cum hoc tem-
pus actioni fisci præstitutum esset, uti quin-
quennium vindicandæ rei, quæ in commissum
cecidisset, l. 2. *C. de vell. & comm. ufucapio-*
ni in eo, quod breviori tempore impleatur.
Si verò idem tempus in ufucapione rerum im-
mobiliu vacantium adversus fisco desideramus,
quod aliarum hujus generis rerum ufucapio-
ni Justinianus præstituit, poterit fisco usque
ad 10. annos quæstionem de his rebus
movere, neque amplius finietur nuntiatio qua-
driennii. Et tamen vix dubito, quin hæc mens
Justiniani fuerit: argumentoque est, quod Tri-
bonianus in l. *quamvis* 18. *boc tit. pro eo,*
quod Modestinus scripserat, *ufucapiet, repo-*
suit diutina possessione capiet: uti primæ notæ
Scriptores omnes proficiuntur. Hæc vulgo in-
tacta.

TEXTUS.

Regula generis.

5. *Novissimi sciendum est, rem talem esse de-*
bere, ut in se non habeat vitium, ut à bona fi-
dei emptore ufucapi possit, vel qui ex alia iusta
causa possidet.

COMMENTARIUS.

Conclusio Superiorum. In summa autem
hoc dicit, non sufficere possessori ad
ufucapionem, quod bona fide possideat, quod
rem ex iusta causa seu titulo ad transferendum
dominium idoneo acceperat, nisi res sit integra,
& in se nullum vitium habeat, id est, ta-
lis sit, quæ neque natura, neque lege ufuca-

pioni exempta est, *fac. l. ubi* 24. *boc tit. l. 5.*
C. pro empt. De possessione, quæ fundamen-
tum est ufucapionis & causa proxima, deque
ejus continuatione, dicam ad §. *diutina* 7. *infr.*

TEXTUS.

De errore falsæ causæ.

6. *Error autem falsæ causæ ufucapionem non*
parit; velut si quis, quum non emerit, emisse se
existans, possideat, vel quum ei donatum non
fuerit, quasi ex donato possideat.

COMMENTARIUS.

Jam ante dictum est, nulla iusta causa pos-
sessionis præcedente, ufucapionem aut
longi temporis præscriptionem non procedere,
l. null. 24. *C. de rei vind. l. 4. C. de præsc.*
long. temp. l. 6. C. de acq. poss. Hæ causæ in
usu juris etiam tituli appellantur, l. ult. *C. de*
ufuc. pro bar. d. l. nullo 24. *C. de rei vind. d. l.*
4. C. de præsc. long. temp. Justæ autem causæ
possessionis sunt eadem, quæ & domini ac-
quirendi, l. 3. §. 21. *de acq. poss.* ubi pler-
que hujus generis commemorantur. Error au-
tem falsæ causæ, id est, opinio iusti tituli usu-
capionem non parit, sed oportet titulum re-
vera intervenisse: hoc est, non is, qui putat
se emisse, sibi donatum aut legatum esse, cum
non sit, pro emptore, pro donato aut legato
ufucapere potest; sed is solus, qui verè emit,
cui res verè donata aut legata est, l. *Celsus* 27.
boc tit. l. 1. pro donat. l. 2. & 3. pro legat. l. 7.
pro derel. l. 1. §. ult. pro dot. quippe falsa no-
stra existimatio rei veritatem non mutat, l. 6.
ad munic. Quidam tamen veterum censebant,
in falsa opinione tituli admittendam esse usu-
capionem pro suo: sed errare eos Celsus ostendit,
d. l. 27. Utitur autem hac ratione, quod
ubi nihil emptum, nihil donatum aut legatum
est, ufucapio pro emptore, pro donato aut
legato non valeat. Quæ ratio prima fronte in-
epta videri potest: nam illi, quos errare ait,
non hoc dicunt, bonæ fidei possessorem, qui
modò emptum, donatum aut legatum sibi exi-
stimet, etiam si nihil horum sit, pro emptore,
pro donato aut legato ufucapere posse, sed
pro suo: quod ratio Celsi non videtur remo-
vere, quoniam & titulus pro suo iustus titulus
est. Explicanda igitur est Celsi ratio, ut appa-
reat, ex ea etiam effici, ut in proposito nec
locus sit ufucapioni pro suo. Titulus pro suo
duplex est, unus specialis, qui ex sola condi-
tione rei possessz nascitur, & locum habet in

his, quæ sola usucapione nostra fiunt, ex quo titulo certa usucapio, l. 1. *pro suo*, alter generalis, cohærens cum aliis omnibus causis: ut ecce, qui bona fide pro emptore pro donato; prove legato possidet, is simul ex his causis etiam possidet pro suo: sed hic titulus generalis pro suo, pro iusto titulo possessionis non habetur, nisi concurrat alius specialis; cui ille adhæreat, l. 1. *pro suo*. Jam puro intelligitur, quam vim ratio Celsi habeat; nimirum remoto alio titulo speciali, quem in proposito nulum esse in confesso est, admitti non posse generalem illum pro suo. Cæterum hoc totum sic acceptum est, ut iustus & probabilis error possessoris usucapioni non obstat, veluti, si servus aut procurator rem aliquam se emisse falso domino persuasiverint, quam emendam illis mandaverat: in hoc errore possessor pro emptore usucapit, quia in alieni facti ignorantia tolerabilis error est, *leg. quod vulgo* 11. *pro empt.* l. ult. §. 1. *pro suo*. Potest & in nostro ipsorum facto talis error intervenire, ut usucapio non impediatur, l. 2. §. si à pupillo 35. & §. *pro empt.*

TEXTUS.

De accensione possessionis.

7. *Diutina possessio, qua prodesse cœperat defuncti & heredi & bonorum possessori, continuatur, licet ipse scias, pradium alienum esse. Quod si ille initium iustum non habuit, heredi & bonorum possessori licet ignorantis possessio non prodest. Quod nostra constitutio similiter & in usucapionibus observari constituit, ut tempora continuentur.*

NOTÆ.

7. *Diutina possessio*) Sine possessione usucapio non procedit, l. 1. §. b. t. Non autem præcisè exigitur possessionis continuatio in una eademque persona: sed receptum, ut etiam alienæ possessionis accensione uti liceat, l. 14. b. t. l. 2. §. 19. & *seq. pro empt.* l. 13. §. 1. & *deinceps de acq. poss.* l. 14. *de div. & temp. præsc.* *Heredi continuatur* l. 43. b. t. d. l. 2. §. 19: eadem ratione, qua perseverat usucapere, qui postea cognovit rem alienam esse, l. 48. §. 1. *de A. R. D.* nam hæres defuncti vice fungitur, l. 22. *hoc tit.*

Heredi non procedit) Quia etiam ἀπαρτὺς ἴσθι κληρονομία, hæres non tantum in virtutes, sed etiam in vitia defuncti succedit, l. 11. *de div. & temp. præsc.* l. 11. C. *de acq. poss.*

Et in usucapionibus) Sensus est, se constitu-

tionem suæ cavisse, ut eadem temporis inter hæredem & defunctum continuatio observaretur & in usucapione à se reformata, & etiam quoque mobilium, Cujaciana transpositio non placet.

COMMENTARIUS.

1. *Quid in hoc argumento sit possidere.*
2. *Possessionem legitimi temporis ad usucapionem definiti continuatam requiri.*
3. *Interrumpi possessionem duobus modis: & qui utriusque effectus.*
4. *Ad implendam usucapionem etiam aliena possessionis accensione uti licere.*
5. *Iustam possessionem defuncti prodesse heredi etiam scienti rem alienam esse: injustam defuncti non prodesse licet ignorantis. Es quam rationem utrumque habeat.*
6. *Cujac. Vossemb. Hotomannus confutantur: & quis sit sensus verborum, in calce huius §. ostenditur.*

IN primis eum, quem usucapere volumus, possidere oportet. Sine possessione ait Juriconsultus, usucapio contingere non potest, *leg. 25. hoc tit.* Possidere in hoc argumento is solus intelligitur, qui animo dominantis rem tenet. Quamobrem hinc remouetur primum, qui alieno nomine in possessione sunt, ut fructuarius, creditor, colonus, is cui res commodata, aut apud quem deposita est, *leg. non solum* 33. §. qui pignori 4. *hoc tit.* l. pen. §. 2. qui satisd. cog. §. 4. *infr. per quas pers.* §. possidere 5. *inf. de interd.* deinde etiam sequester, apud quem possessio deposita est: item is, cui possessio tradita est, ut eam postea restituat. Etiam enim hi verè possident, l. licet 17. §. 1. *depos.* l. si quis 17. *in fin. de acq. poss.* tamen quoad effectum usucapionis pro possessoribus haberi non possunt: quia rem non ut suam, non animo domini tenent. Possidere autem oportet totum illud tempus, quod lege definitum est, rem mobilem triennium, immobilem decem aut viginti annos, & possidere continenter sine possessionis interruptione. Hinc rectè usucapio à Modestino definitur, adjectio domini per continuationem possessionis temporis lege definiti; l. 3. *hoc tit.* In computatione temporis hoc observatur, ut non à momento ad momentum computetur, sed dies postremus cœptus pro impleto habeatur, *leg. 6. eod.* Interrumpitur possessio duobus modis: uno naturaliter, veluti cùm quis vi de possessione ejicitur, aut res nobis ripitur, l. 1. *cod. l. 15. de acq. poss.* altero civiliter per litis contestationem: hoc modo civiliter interruptum.

rumpi possessionem dicimus, quia post litis contestationem verè & naturaliter possidere non definimus, & implemus usucapionem, l. 2. *pro donat. l. 2. ult. pro empt.* sed impleta inter moras iudicii usucapio effectu juris victo possessori non prodest, sed rem restituere cogitur, perinde quasi non usucapisset, l. si poss. 18. *de rei vin.* Naturalis interruptionis hanc vim fuisse constat, ut etsi quis amissam semel possessionem deinde recuperasset, ei priori, possessionis tempora ad usucapionem aut præscriptionem non proderent, sed à recuperata possessione tempus denuo inchoaretur: & proinde etiam, quod ad bonam fidem possidentis attinet, initium possessionis recipere spectatum fuisse, l. 15. §. 2. *hoc tit. l. 7. §. qui bona 4. pro empt.* Neque ex hoc jure quicquam mutatum. Litis autem contestatione usucapio non interpellabatur, sed, ut dixi, condemnato possessore erat inefficax: lite omissa erat efficax: At longi temporis præscriptio, quod facti esset, etiam plenè interrumpebatur lite, ut nec lite omissa ullius momenti esset, etiam si post omniam litem ex integro is, cum quo actum erat, longo tempore possedisset, l. 2. l. 3. l. nec bona 10. C. de long. temp. præscr. l. nemo 10. C. de acq. poss. Sed hæc differentia sublata est per l. pen. & ult. C. de anna. exc. l. un. C. de usuc. transfor. An ergo & mala fides simpliciter incidens, quæ usucapionem neutiquam interpellabat, l. bona 48. §. 1. *de acq. rer. dom.* interpellavit præscriptionem longi temporis? Id quidem affirmat Cujacius in d. l. 2. §. ult. *pro empt.* Verùm hoc nusquam scriptum est: nec eadem effecta, quæ litis contestatione tributa sunt, fuisse scientiæ rei alienæ simpliciter incidentis, argumento est tum vetus usucapio, tum etiam Justinianeæ, quæ non interrumptur ex posteriore alienæ rei scientiæ, d. l. un. C. de usuc. transform. plenissimè tamen interrumptur litis contestatione, atque adeo libelli oblatione, ut expresse constitutum est leg. pen. & ult. C. de anna. except. Atque hæcenus igitur minus est in nova usucapione, quàm in veteri fuit, quòd nova dictis modis plenè interpellatur. Continuationem possessionis dum exigimus, non hoc præcisè exigimus, ut una eademque persona per totum legitimum tempus continenter possideat, sed receptum est, ut ad usucapionem & longi temporis præscriptionem implendam alienæ possessionis accessione uti liceat. Atque hoc tributum est, licet dissimiliter, de quo statim, tam successori rerum singularum, puta emptori, donatario, quàm successori universi juris, ut heredi aut bonorum possessori, hoc text. & §. seq. leg. 14.

Tom. I.

ead. leg. 2. §. si defunctus 19. & seq. pro empt. leg. Pomponius 13. §. 1. & seqq. de acquir. poss. l. de accessionibus 14. de div. temp. præscr.

Licet ipse sciat prædium alienum esse. Quid si ille initium justum non habuit? Hæc non ad quemvis successorem, sed ad successorem universi juris, heredem, aut bonorum possessorem tantum pertinent. Duo autem hic traduntur: unum est, justam possessionem defuncti prodesse heredi, & procedere etiam si hæres sciat rem alienam esse, quod & traditur l. hæres 43. *hoc tit. l. 2. §. si defunctus 19. pro empt. alterum, injustam possessionem defuncti heredi non prodesse, licet ignoret rem alienam esse, fac. l. cum hæres 11. de div. temp. præscr. l. vitia 11. C. de acq. poss.* Utrumque eadem rationem habet, quia scilicet hæres personam & conditionem defuncti suscipit, ita ut una persona cum defuncto censeatur. Hoc enim posito, qualitas possessionis ex persona defuncti tantum æstimanda, ut illa vel prosit heredi, vel noceat: profit, si defunctus bonum initium habuerit, etsi hæres non habeat; noceat, si defunctus bonum initium non habuerit, etiam si hæres habeat: & perinde per omnia habetur, ac si defunctus adhuc ipse possideret. Succedit itaque hæres non tantum in virtutes defuncti, sed etiam in vitia, nec ignoratione sua ea excludit, ut ait Papinianus d. l. 11. *de div. temp. præscr. & Imp. d. l. 21. C. de acq. poss.* Vitia possessionum, inquit, à majoribus contracta, perdurant, & successorem auctoris sui culpa comitatur. Ex quo hoc amplius etiam intelligimus, errare eos, qui heredem volentem uti accessione possessionis defuncti à semetipso inchoare possessionem, atque usucapionem præscriptionemve statuto tempore implere posse arbitrantur: quod jus tantum singularis est successoris, ut postea demonstrabitur. Nihil verò eorum opinione juvat, l. pen. *pro hered.* Neque enim negamus, posse aliquando heredem usucapere, quod defunctus non potuit: sed dicimus, non posse, quod defunctus vitiosè possedit. Ut ecce, potest hæres ex sententia plerumque veterum usucapere rem, quam putat hereditariam esse, cum non sit, sed defuncto commodata, aut pignorat, aut apud eum deposita: quomodo explicanda est d. leg. pen. nimirum quia nihil ex persona defuncti hic obstat heredi, quominus ipse eam rem pro herede usucapere possit: quamquam sunt, inter quos etiam Bachovius, qui nec hoc ipso casu usucapionem pro herede admittunt, per l. 2. & ult. C. *pro her. leg. 4. C. de præscr. long. temp.* Sed hoc si sequimur delendi erunt tit. *de usuc. pro herede,*

Qq

de, possuntque *dd. l. 2. §. ult.* commodè accipi de iis, qui falso existimant se hæredes esse: & *d. leg. ult. cum de leg. 4.* etiam de vero hærede, sed qui rem ex titulo ad usucapionem inhabili tenens, possessionis causam sibi mutare conatur, eamque rem obtentu, quasi hæreditaria esset, pro hærede usucapere; cuiusmodi species proponitur *d. l. 2. §. 1. pro hærede.* VINN. Titulus pro hærede qualis sit, adparet ex Pomponii verbis, *l. pen. ff. pro hæred.* Plerique putaverunt, si hæres sim, & putem rem aliquam ex hæreditate esse, qua non sit, posse me usucapere. Pouendus itaque casus, quo hæres sine mala fide vel sua vel defuncti rem alienam possidet. Tale exemplum est B. Pagenstecheri in *Admonitor. ad Pand. Part. 6. §. 160.* si ovis Titii immiscuerit se Mævii defuncti gregi, inficio Mævio. HÆM.

Quod nostra constitutio similiter & in usucapionibus) Hunc versum transposuit Wetsembecius secutus auctoritatem Cujacii, qui putavit, eum non suo loco positum esse, & reponendum post *§. sequentem*; propterea quod Justinianus constitutione sua *l. un. C. de usuc. transf.* nihil novi caverit de continuatione possessionis defuncti & hæredis: sed quod ex rescripto Severi & Antonini tantum obtinebat in præscriptione longi temporis, ut inter emptorem & venditorem tempora conjungerentur, traxisse ad usucapionem, in qua olim successor singularis propter brevitatem temporis accessione possessionis auctoris sui non utebatur, per *leg. §. ad 32. §. 1. de ser. prad. urb.* In quo vix est: ut Cujacio assentiri possum. Nam in *leg. id tempus 14. hoc tit.* expressè etiam emptori & legatario prodesse dicitur tempus, quo venditor & testator possederunt; prodesse scilicet etiam ad usucapionem, de qua ex professo isto titulo agitur. Similiter Ulp. in *l. Pomponius 13. §. 1. & seqq. de acq. poss.* latissimè disputans de accessione temporis, qua posterior possessor utitur ex persona auctoris sui, in tota illa disputatione nullius differentie meminit, quæ hac in parte sit inter usucapionem, & longi temporis præscriptionem. Quin etiam disertissimis verbis scriptum à Paulo est emptori tempus venditoris ad usucapionem procedere, *l. 2. §. pen. pro empt.* Hoc amplius Scævola etiam emptorem servi uti accessione venditoris, *l. in accessionibus 12. §. 2. de div. temp. præscr.* Atqui constat, res mobiles anno ubique usucaptas fuisse. Nec absurdum est, in ea temporis brevitate pari spatium duorum conjuncta possessione rem acquiri, quo unius, immo duorum possessione domini conditio melior: quoniam tam in suc-

cessore volente uti accessione bonum initium exigitur, quàm in auctore ejus, cum unius usucapionem mala fides superveniens non interpellat. Hæc autem omnia Triboniano adscribere magnæ temeritatis est. Neque in *d. l. §. ad 32. §. 1. de ser. prad. urb.* agitur de emptore aliove, in quem ex justa causa possessio ab auctore translata est, quo demum casu locus est conjunctioni temporum; sed de eo, qui interpellata usucapione, propterea quod res simpliciter possideri desita esset, postea eandem rem possidere cœpit. Quomodo igitur defendimus, quod Justinianus ait de conjunctione temporum à se introducta in usucapionibus, similiter ut in diutina possessione? Hotomannus existimat totam hanc disputationem ante Justinianum nihil ad usucapionem pertinuisse, sed ad longi temporis præscriptionem dumtaxat: ac ne hæredi quidem tempora in usucapionibus continuata, sed id primum effectum esse constitutione Justiniani; idque esse, quod hoc loco Justinianus significet. Verùm hanc sententiam falsam esse ostendunt quotquot sunt loci, quos modo citavimus: & de hærede hoc amplius jam ante obtinuit, ut nec scientia continuatio temporum in usucapione impediretur, *l. hæres 43. hoc tit. l. 2. §. si defunctus 19. pro empt.* idque locum haud dubiè etiam habui in usucapione rerum mobilium: neque simplex scientia hæredis rem magis furtivam facit, quàm si defunctus ipse ante impletam usucapionem rescivisset rem alienam esse. Quapropter omnino existimo, Justinianum, nisi forte quid falso sibi attribuerit, his verbis: *Quod nostra constitutio similiter & in usucapionibus, &c.* nihil aliud significare, quàm se in usucapione à se reformata nihil innovasse, quod attinet ad continuationem temporum inter defunctum & hæredem: sed eam observari voluisse etiam in sua usucapione & rerum quoque mobilium, uti ea antea observabatur, & maxime in diutina possessione, in qua frequentior erat propter longioris temporis spatium. Non meminit quidem nominatim defuncti & hæredis, sed tamen generaliter antecessoris & successoris cujusvis; quod satis est ad retinendum hunc versum in suo loco: ita propemodum & Car. Hannib. Fabrot. in *not. ad Theopb.* Hinc simul apparet, abuti hoc textu DD. qui eum adducunt ad probandum, usucapionem tantum esse rerum mobilium.

TEXTUS.

8. Inter venditorem quoque & emptorem conjun-

jungi tempora, Divi Severus & Antoninus rescripserunt.

NOTÆ.

8. *Venditorem & emptorem*) Ceterosque singularis rei successores, l. 15. §. 10. & seq. de acq. poss. l. 1. §. 1. 14. de div. præs.

Conjungi tempora) Modò uterque bona fide acceperit. Vide sup. in comment.

COMMENTARIUS.

1. *Quando successor singularis accessione possessionis auctoris sui uti possit.*

2. *Vitium auctoris successores neque nocere, neque prodesse.*

DE conjunctione temporum inter priorem possessorem, & universi juris successorem dictum §. *præc.* hic de eadem conjunctione agitur inter venditorem & emptorem, quod tamen jus ad ceteros quoque pertinet, quò alio titulo singulari etiam lucrativo rem acceperunt, puta ex causa donationis, aut legati, l. id tempus 14. pr. & §. 1. b. t. l. Pomponius 13. §. sed & 10. & seq. de acq. poss. l. 1. §. 1. in accessionibus 24. §. 1. de div. temp. præsc. Scriptum hic simpliciter est, inter venditorem quoque, & emptorem tempora conjungi: an igitur eodem modo, quod inter defunctum & hæredem? Nequaquam: sed ita, si uterque bona fide rem acceperit. Proinde si emptor iustum possidendi initium non habuerit, etiamsi venditor habuerit, non utetur emptor accessione venditoris, contra quam existimat Hotomannus: nam traditum est, vitiosæ possessioni nullam ne iustam quidem posse accedere, d. l. Pomponius 13. in fin. Quamquam diversum est in successione universi juris: de quo abundè §. *præc.* Ex contrario quoque vitiosa venditoris possessio non prodest iustæ possessioni emptoris, sed qui vult uti adminiculo ex persona auctoris, eo uti debet cum sua causa suisque vitiis, d. l. Pomponius 13. §. 1. id est, eadem conditione eodemque jure, quo auctor uteretur. Denique hoc etiam traditum est, nec vitiosam possessionem accedere posse ei, quæ vitiosa non est, d. l. Pomponius 13. in fin. Planè non nocebit successor, quod auctor ejus bono initio nixus rescivit rem alienam esse, antequam eam alienaret: quia, si non alienasset, ipse eam usucapere potuisset. Quid si successor accessione auctoris uti nolit, sed sua tantum possessione tempora computare, an hic etiam vitium auctoris ultro nocebit successor? Placuit, quemadmodum vitium aucto-

ris successor non prodest, si accessione uti velit, ita neque nocere, si accessione uti nolit: denique successorem per se usucapere posse, quòd auctor usucapere non potuit, d. l. 1. §. de div. temp. præscr. l. 4. §. de auctoris 27. de dol. exc. l. 4. C. de rei vind. quod tamen ex parte emendatum & temperatum est distinctione, quæ extat in *authent. mala fidei*, C. de præscr. long. tempor. In hoc autem dissimilis item causa hæredis est, cui vitiosa defuncti possessio nocet, etiamsi adminiculo ex persona defuncti uti nolit: quippe qui tam in vitia quàm in virtutes defuncti succedit, & eadem cum defuncto persona esse existimatur, l. cum bares 11. de div. temp. præscr. vid. §. præced. Loquimur autem de vitio personæ possessoris: nam quod vitium in re est, puta si res furtiva sit aut vi possessa, id generaliter successoribus omnibus nocet, §. novissimè, sup. l. ubi 24. eod. l. 7. C. pro empt. Illud addo, si medio tempore alius possederit, interruptam esse possessionis continuationem, atque in ea re similes esse emptores universi juris successoribus, d. l. Pomponius 13. §. *quæsitum* 4. de acquir. possess. l. possessio 20. hoc tit.

TEXTUS.

De his qui à fisco, aut Imp. Augustæve domo aliquid acceperunt.

9. *Edictò divi Marci cavetur, eum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ memoria Zenonis bene prospexit iis, qui à fisco per venditionem, aut donationem, vel aliam titulum accipiunt aliquid: ut ipsi quidem securi statim fiant, & victores existant, siue experiantur, siue convenganur: adversus autem sacratissimum ararium usque ad quadriennium liceat illi intendere, qui pro dominio vel hypotheca eorum rerum, qua alienata sunt, putaverint, sibi quædam competere actiones. Nostra autem divina constitutio, quam nuper promulgavimus, etiam de iis, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfata Zenoniana constitutionis continetur.*

NOTÆ.

§. *Constitutio Zenonis*) L. 2. C. de quadr. præscr. Fisco hoc tributum, quo paratiores reperiat in subhastationibus emptores. Wes.

COMMENTARIUS.

1. *Ararium etiam post occupatam Rempub. dim*

*dictam pecuniam publicam, sive imperii; sive
secum pecuniam Principis privatam, postea
utrumque verbum promiscue usurpatum.*

2. *Præscriptionem quadriennii fiscales, & veteri
juri incognitam, & Canonibus improbatam;
neque usu apud plerosque receptam esse.*

SI post venditionem quinquennium) Mentio
fit hujus edicti D. Marci l. ult. C. si adv.
fisc. In hac autem præscriptione quin-
quennii nullam factam fuisse distinctionem inter
bona aut mala fide quid à fisco accipien-
tem apparet ex eo, quod aliqui melior con-
ditio fuisset ejus, qui à privato emisset, quam
qui à fisco: siquidem is, qui à privato bona
fide rem emerat, ad summum biennio jam
usucapiebat.

Constitutio Zenonis) Ea est, l. 2. C. de qua-
dr. præscr. Olim quinquennii præscriptione
tuti erant qui quid alienum emerant à fisco.
Hodie statim tuti sunt ex constitutione Zeno-
nis, sive conveniantur, sive ipsi amissa forte
rei possessione ultro agant. Fisco autem alie-
nanti rem alienam, vel alii pignori obligatam
datur præscriptio quadriennii, si post quadri-
ennium eo nomine conveniatur à domino,
aut creditore pignoratio, d. l. 2. Quod ideo
sic constitutum esse videtur, ut tanto facilius
emptorem fiscus reperiat; tum etiam ne rescin-
datur venditio facta publica auctoritate:
alioqui sanè darum atque iniquum est domi-
no aut creditori, jus vindicandi, aut perse-
quendi rem suam, aut sibi nexam statim au-
ferre, iisque objicere tam potentem adversa-
rium.

Sacratissimum ærarium) Hic disertè fiscus
appellatur ærarium Principis, uti & in l. 2.
& 3. C. de quadr. præscr. Neque causam habet
Hottomanus, cur eo nomine Tribonianum re-
prehendat; & falsum est, quod scribit, æra-
rium esse rerum Principis privatarum, quibus
scilicet ipsius patrimonium constet; fiscum
verò cæterarum omnium, quæ sacræ largitio-
nes, & sacri thesauri passim appellantur:
eamque differentiam in dd. ll. accuratè obser-
vatam. Scimus, locum, ubi pecunia publica
reponebatur, Romanis ærarium appellatum,
eumque locum fuisse in æde Saturni, quod
etiam Senatus consulta deserebantur; testes pas-
sim Livius, aliique Scriptores. Ipsam quoque
pecuniam publicam ærarium dictam κατὰ συ-
νηγορίαν. Cic. 3. Tusc. c. 20. Et quidem C. Grac-
chus cum largitiones maximas fecisset, & effudit-
set ærarium, verbis tamen defendebat ærarium.
Idem ad Attic. l. 6. ep. 1. Ariobarzanes nullum
ærarium, nullum vestigial habebat. Illud quoque

constat, post occupatam Rempub. ærarium
adhuc diu dictum fuisse pecuniam publicam
sive imperii, & à fisco separatam: fiscum
enim dixerunt pecuniam Imp. propriam ac
privatam, cujusmodi erant bona damnatorum,
caduca, vacantia, aliaque ἀδικητὰ quæ Prin-
cipi deferebantur. Plinius in Panegy. Trajano
dict. At fortasse non eadem servitute fiscum, qua
ærarium cobibes? Immo tanto majore, quanto
plus tibi licere de tuo quàm de publico credis. Et
paulo post. Quæ præcipua tua gloria est, sapius
vincitur fiscus: cujus mala causa esse nunquam,
nisi sub bono Principe. Ulpianus in l. 2. §. 4. ne
quid. in loc. publ. Res, inquit, fiscales quas pri-
vate & privata Principis sunt. Hinc ratio ratio
idem quod ratio Principis & ratio privata, l.
pen. C. de edend. l. 2. C. de priv. fis. Proceden-
te tempore, dictinctio illa ærari & fisci eva-
nuat, ac utraque voce promiscue usi sunt,
unaque tantum sub Græcis Principibus distin-
ctio usurpata, fisci & bonorum Principis pa-
trimonialium; quod hic locus aperte offendit,
& unde desumptus est, l. ult. C. de quadr.
præscr. Id autem inter res fiscales & patrimo-
niales intererat, quod etsi utraq; Principis
erant, illæ essent principis qua talis, & ideo
publicæ; ex propriæ Zenonis, Justiniani, &
ideo privatæ: unde & comites rerum priva-
tarum dicti, quibus harum rerum cura de-
mandata, tit. C. de off. com. rer. priv. qui voca-
procuratores patrimonii appellabantur, l.
cum servus. 39. §. ult. de legat. 1. Plane voca-
bulo ærarii aliquando latius usi sunt, ut eo
etiam significarent res Principis privatas, ve-
luti cum in leg. un. C. de qu. & magistr. offi.
lib. 12. comitiva utriusque ærarii dicitur, id
est, sacri sive fiscalis, & privati. Qui fiscali
præerat, in specie comes sacrarum largitio-
num & thesaurorum appellari videtur, l. 3.
C. ubi senat. vel clariss. l. 2. C. ut dign. ord.
fero. lib. 21.

Nostra autem divina constitutio) Intelligit l.
ult. C. de quadr. præscr. qua constitutione
quod Zeno fisco statuerat, producit ad subs-
tantiam Principis privatam, ut scilicet etiam
rerum patrimonialium emptor statim securus
sit, & dominus quadrienni præscriptione ex-
cludatur. Afferque hanc constitutionis suæ
rationem, quod cum omnia Principis esse in-
telligantur, sive res sint fiscales, sive privatæ
Cæsaris; nulla, quod attinet ad harum rerum
alienationem, differentia introducenda sit.
Explodendi autem sunt qui hinc colligunt,
omnia omnino & bona etiam subditorum pro-
pria esse Principis. Eadem constitutione etiam
Serenissimæ Augustæ idem privilegium conce-
di-

ditur. Hoc jus atque hæc præscriptio fiscalis veteribus incognita fuit, uti liquet ex *l. nec ullam. 13. §. item si quis 9. de her. pet.* Jus Canonum eam inprobat *c. placuit. 16. q. 3. nec apud nos recepta Zypx. notit. jur. Belg. tit. de*

præscript. Christin. vol. 4. decis. 82. n. ult. ubi etiam alios allegat, qui tradunt, hunc §. & tit. C. de quadrienn. præscript. in usu non esse. Aliud tamen visum Groenevv. hic tract. de legib. abrog. arg. decis. 15. cur. Holland.

TITULUS SEPTIMUS. DE DONATIONIBUS.

Dig. Lib. 39. Tit. 5. 6. C. Lib. 8. Tit. 54. Nov. 162.

- 1 *Absolutam inter vivos donationem ad acquisitiones juris gentium pertinere.*
- 2 *Sine donatio modus acquirendi, an titulus, si-ve causa.*
- 3 *Series hujus tituli.*

U SUCAPIONEM, de qua proximè egimus, esse modum acquirendi jure civili extra controversiam est: utrum autem donatio quoque eò pertineat, ambigitur. Et quidem absolutam inter vivos donationem, quæ traditione perficitur, & potissima donationis species est, nemo opinor, tam est excors, qui juri civili adscribendam putet. Quid enim habet illa à jure civili, quod ad formam ejus aut perfectionem pertineat? Quid tam naturale est quàm hominem homini bene facere? Ad liberalitatem natura propensum sumus, testibus Cic. in *Læl.* & Sen. in *lib. de benef.* Antiquitas nihil aliud existimavit esse Deum, quàm prodesse mortalibus. De quo Desiderius noster in *Chilias.* Ad hæc, nihil magis rationi naturali convenit, quàm voluntatem domini rem suam in alium transferentis ratam haberi, Demost. *aderf. Leptin.* ex causa liberalitatis id fiat, an ex qua alia, nihil refert, auctore ipso Justiniano §. *per traditionem. 40. sup. de rer. div.* ubi nominatim etiam donationem refert inter causas acquisitionis juris gentium. An vel apud Sinas aut Japonos credimus nullum esse exercitium liberalitatis, nullum donationis usum? At inquis, lex Cincia supra modum donare prohibuit: & nunc donatio excedens summam 500. solidorum insinuanda est. Quid tum postea? Lex Fusia Caninia vetuit ultra præscriptum numerum manumittere, an ideo manumissio ex jure civili est? Quarumdam rerum vetita est distractio, an idcirco emptio, venditio, contractus juris gentium non est, sed juris civilis? Planè cum necessitas insinuandi donationem, quæ excedit supradictam summam, à jure civili sit, concedo, tantæ quantitatis donationem, utpote

quæ jam sola voluntate & traditione donantis non perficitur, posse referri inter modos acquirendi jure civili, *arg. l. 6. de just. & jur.* ut tamen non meri juris civilis habeatur, sed mixti, & maximam adhuc partem naturalis: aliz autem omnes, quæ quantitatem legitimam non excedunt, juris merè naturalis, sive gentium manent. Quomodo ergo defensimus methodum Justiniani? Nimirum si dicamus, Justiniano principaliter propositum esse tractare de donationibus impropriis, mortis causa, & propter nuptias: quæ ad jus civile non ineptè referuntur, ut postea palam fiet. Hoc autem ipsa series tractationis ostendit, cujus initium à mortis causa donatione capitur: cum alioqui converso modo de donatione vera & absoluta primo loco agendum fuisset, uti factum est in *Pand. & Cod.* Occurrit hic & aliud dubium, si ne scil. donatio modus acquirendi domini, an solummodo titulus si-ve causa, ut emptio, dos, permutatio. Nam ratio ordinis exigit ut dicamus, esse acquirendi modum: contra vero causam tantum acquirendi esse, probat *d. §. per traditionem. 40. de rer. div.* Verùm hoc non adeo difficile expeditu est. Etenim donationis verbum duobus modis accipitur. Uno modo propriè pro ipsa donatione, quando scil. liberalitatis exercendæ gratia aliquid alicui tradimus, & actum in accipientem transferimus, ut simul & causam tradendi & traditionem ipsam includat. Nam propriè donare nemo intelligitur, nisi qui & tradat: unde donare & dare promiscuè Jurisconsultus usurpat, *l. 1. hoc tit. & donatio dicta quasi doni datio, l. senatus. 35. §. 1. de mort. caus. don.* unde & Papinianus, *l. 23. de donat. int. vir. & ux.* donationem distinguit à stipulatione donationis causa facta. Altero modo metonymicè pro conventionē de dando, cum quis donationis causa aliquid promittit, *l. 2. l. 12. l. cum qui. 22. cod.* Priore sensu accepta donatio modus est acquirendi domini: posteriore non dominium, sed obligationem parit,

rationemque contractus & tituli habet, *d. l. 22.* Plerique magno molimine magnas hic nugae agunt. VINN. Ast nescio, an ipse Auditor rem confecerit. Ego ita sentio. Tribonianus hic sequutus est proculdubio ordinem Caji. Ejus autem tempore donatio omnino erat modus acquirendi dominium civilis. Nam tunc ex lege Cincia de donis & muneribus non valebat donatio, nisi interveniret mancipatio solemnis & traditio. Fr. Brummer. *ad l. Cinc. cap. 13. Conf. Novell. 162. cap. 1.* Postea Antoninus Pius nudam voluntatem sufficere voluit in donationibus inter parentes & liberos. *l. 3. C. Theod. de don.* Idem de donationibus inter conjuges sanxit Antoninus Caracalla, *l. 32. §. 1. ff. de don. int. vir. & uxor.* Constantinus M. postea literarum fide donationes fieri posse, concessit, modo postea sequeretur corporalis traditio, *l. 1. C. Tb. de don.* Remittere has scripturas Theodol. & Valentinianus AA. sed ita, ut alia idonea documenta adhiberentur. *l. 29. C. de donat.* Denique Justinianus & nudam promissionem valere jussit, *l. 35. §. 37. C. de donat.* Ex brevi hac juris hujus historia patet, rectè Cajum, aut quemcumque sequutus est Tribonianus, donationem retulisse inter modos acquirendi, eoque civiles, ob necessariam in donatione mancipationem, & traditionem. At minus rectè Tribonianus putavit hunc ordinem servari posse, quia saltem quædam donationis species, puta donatio mortis causa hunc referri possit. Conf. Averan. *Interpres. Lib. 1. cap. 29.* HEIN. Initio hujus tituli proponitur donationis divisio: deinde explicantur species, non omnes quidem, sed tres tantummodo, hoc ordine. Primum agitur de donatione mortis causa; deinde de donatione simplici inter vivos; tum de donatione propter nuptias. Ad extremum subjicitur modus antiquus acquisitionis civilis ex causa lucrati-
va per jus accerscendi.

TEXTUS.

De Donatione.

Est & aliud genus acquisitionis, donatio. Donationum autem duo sunt genera mortis causa, & non mortis causa.

NOTÆ.

Rubr. Donationibus) Donatio est, cum quid nullo jure cogente conceditur, *l. 29. hoc tit. Acquisitionis*) Civilis scil. ut ordo arguit. At eo tantum referendæ donationes impro-

priæ, mortis causa & propter nuptias, de quibus hic principaliter tractatur; non illa absoluta inter vivos. Nam res suas quibuscumque donare apud omnes gentes jus potestasque est, *§. 40. sub. de rer. div. Demosth. adv. Leptin.*

Donatio) Donatio propriè est doni datio, *l. 1. D. b. t. l. 35. §. 1. De mort. caus. don.* Etque modus acquirendi, quoniam & causam tradendi includit, & ipsam traditionem. Cum autem accipitur pro conventionione de dando, tituli seu causæ tantum rationem habet, *§. 40. sup. de rer. div.*

Duo genera) Utriusque tamen generis plures sunt species, *leg. 8. D. b. t. l. 2. l. D. de mort. caus. don.*

COMMENTARIUS.

REDIOR fortassis erit divisio, si dicamus, donationem aliam esse propriam, aliam impropiam, *l. 1. hoc. t.* est enim donatio eorum generum numero, quæ *πρὸς τὸν δέχοντα* dicuntur, nec pariter subiectis speciebus omnibus conveniunt. Donatio propria, quæ & vera atque absoluta, *l. senatus. 35. §. 2. de mort. caus. don.* est, cum quis solius liberalitatis gratia sic aliquid dat, ut statim velit accipientis fieri, neque ullo casu ad se reverti, *d. l. 1. & d. l. senatus. 35. §. 2.* Impropiæ donationis varix sunt species. Talis est donatio propter nuptias, de qua *§. 3. inf. cod.* Tales sunt donationes omnes, quæ sub modo, causa, conditione fiunt, *tir. C. de don. qua sub modo.* & in speciem incidunt contractuum innominatorum, do ut des, do ut facias: item remunerationis. In quibus omnibus pro modo & quantitate retributionis propius aut longius à vera donatione receditur. Sic item quod honorarii nomine datur pro officio & opera præstita, & in factis, quæ locari solent, merces diceretur, in speciem merx donationis non cadit. Quia donari non videtur, nisi quod nullo cogente conceditur, *l. donari. 29. hoc tit. τὴν χάριν ἀνεγκύνην ἰδίῳ πωρ.* Harmenop. *lib. 3. tit. 1.* Et hoc est, quod DD. tradunt, donationem remuneratoriam propriè donationem non esse, *per l. hoc juve. 19. §. 1. l. Aquilius. 27. cod.* Talis denique donatio mortis causa, propterea quod ex casu resolvitur, atque adeo ex penitudine revocari potest.

TEXTUS.

De mortis causa donatione.

1. *Mortis causa donatio est, quæ propter mortem*

tis fit suspicionem, quum quis ita donat, ut si quid humanitus ei contigisset, haberet is, qui accipit; sin autem supervivisset, is qui donavit, acciperet; vel si eum donationis penituisse, aut prior decesserit is, cui donatum sit. Hæ mortis causæ donationes ad exemplum legatorum redactæ sunt per omnia. Nam eum prudentibus ambiguum fuerat, utrum donationis an legati inflar eam obtinere oporteret; & utriusque causæ quadam habebat infingia, & alii ad aliud genus eam retraherant; à nobis constitutum est, ut per omnia fere legis connumeretur, & sic procedat, quemadmodum nostra constitutio eam formavit. Et in summa mortis causa donatio est, quum magis se quis velit habere quam eum, cui donat, magisque eum, cui donat, quam heredem suum. Sic & apud Homerum Telemachus donat Piræo:

Πῦραι, ὃ γὰρ τῆς ἰδμῶς ἱπῶς ἔσαι τὰδε ἔργα,
Εἴκοι θμὶ κινεῖσθαι ἀγῶνις ἐκ μεγάρων
Λέξῃς ὑπὸναιεῖς πατρίῳα πάντα δάκρυται
Ἀντὶ ἔχοντα σοὶ βύλομ' ἵππαιρμῶν, ἢ τῖνα τῶνδε,
Εἰ δὲ α' ἔγῳ τῶνδε φίλῳ καὶ εἰς φθορῶν,
Αἰ τὸτ' ὅμοι χαίρειτε φίλῳ πρὶς δῶματα χαίρει

Hoc versus sic vertere licebit.

Cum, Piræe, homines lateant secreta futuri,
Si me forte proci sceleratis ad Styga mittant
Infidus, patriasque velint excipere pradas;
Hæc ego præ reliquis multo tibi cedere maxim.
Sin ego eos iussu prosterneam cladibus ultor,
Hæc mihi tu gaudens media inter gaudia reddas.

NOTÆ.

1. Mortis suspicionem.) Vel solum etiam cogitationem mortalitatis ex sorte humana, l. 2. & aliquot seq. l. 35. §. 4. D. de mort. caus. don.

Cum quis ita donat.) Hoc expresse scilicet in extremis vitæ quis constitutus sit: alioquin non ram mortis causa, quam moriens dedisse videtur, l. 42. in fin. cod.

Si quid humanitus.) Quo verbo mors significatur, l. 26. pr. depof.

Eam formavit.) Ut quinque adhibeantur testes: qui numerus legitimus in omni ultima voluntate, excepto testamento, l. ult. §. ult. C. de codicill.

Quam heredem suum.) D. l. 1. 35. §. 1. D. hoc tit. Apud Homerum.) Odysf. 17. v. 77. Hic locus arguit, etiam mortis causâ donationem rationem facti juris gentium esse.

COMMENTARIUS.

1 Ex verbis donatoris æstimandum an donatio

facta sit ob suspicionem mortis: & citra talem suspicionem mortis quæque causa rectè donari.

2 Quibus in rebus similitudo hujus donationis convenientia cum legatis cernatur.

3 Quibus in rebus dissimilitudo & discrepantia.

Quæ propter mortis sit suspicionem.) Cum quid metu mortis vel ex præsentibus vel ex futuro periculo donatur; puta si donator gravi morbo laboret, si periculosam peregrinationem vel navigationem suscepturus sit, si iturus in militiam, si grassetur pestilentia, &c. l. 2. & aliquot. seq. l. senatur. 35. §. mortis. 4. hoc tit. de mort. caus. don. Cæterum an propter mortis suspicionem donatio facta sit, ex verbis donatoris æstimandum est. Nec enim sufficit ad hanc donationem, à moriente aut in periculo mortis posito quid donatum esse, nisi verbis declaraverit, se ob metum propinque mortis donasse: alioquin non tamen mortis causa, quam moriens donasse censeretur, l. si mortis. 29. l. Seja. 42. in fin. cod. D. Tuld. com. hic cap. 4. Hodie tamen in dubio mortis causa factam præsumi, & in Gallia sic judicatum referunt Autum. conf. jur. ad d. l. 42. & Bugn. lib. 5. d. l. abrog. cent. 16. fac. l. fulcimus. 43. cod. etiam extra suspicionem ullius periculi & à sano atque in bona valetudine constituto mortis causa rectè donatur, sola cogitatione mortalitatis ex sorte humana, d. l. 2. & d. l. 35. §. 4. cod. Sed itidem verbis hoc declarandum, ne alias pura & simplex habeatur donatio. Quod si considerasset Hotomannus, abstinuisset, credo, à reprehensione Jurisconsultorum, Juliani, Ulpiani, & aulicis; neque tam temere pronunciaisset, nullam esse mortis causa donationem, cujus non mortis periculum causa sit. Si Titio centum donavero præstanda post mortem, donatio inter vivos est: nam tempus adjectum differendæ solutionis causâ ad substantiam donationis non pertinet. Unde legi Falcidiæ in ea donatione locus non erit, uti meminisse me ex facto consultum respondisse. Add. Fachin. 5. contr. 22. Non solum autem suæ mortis causa donare quis potest, sed etiam alterius, puta filii, fratris, sororis l. 12. l. mortis. 18. hoc tit. de mort. caus. don. l. 3. C. cod.

Quum quis ita donat.) Dupliciter autem quis sic donat, vel ut statim rem faciat accipientis, vel ut tunc demum, cum mors fuerit intersecuta, d. l. 2. cod. Posteriore casu ad revocandam donationem competit donatori directio in rem actio, sive penitentia ductus donationem infringere velir, sive periculum, quod

quod metuebat, evaserit, *l. si mortis. 29. cod. Priore conditionem habet, l. senatus. 35. §. 3. cod. habet & utilem in rem adversus quosvis possessores leg. qui mortis. 30. cod. sublatoque periculo aut p̄mortuo eo, cui donatum est, fortassis etiam in rem directam, quasi donatio ipso jure resoluta, *d. l. 29. add. Gomez. 2. resol. 4.**

Si quid humanitas) Αἰσχροῦς τι. Si quid humanum *l. 26. per depof.* Veteres omnis causa sic loquebantur: *Si quid mihi accideris, in τὸ ἐμὸν, ἢ τὸ τῆς ψυχῆς, pro, Si moriar. l. 162. §. 1. de verb. sign.* Absinebatur à mortis vocabulo tamquam ominoso.

Sin autem supervixerit, &c.) Tribus casibus mortis causa donatio fit irrita; si donator salvus evaserit; quòd hic dicitur *supervixerit*; si donationis eum p̄œniterit; si donatario supervixerit, *l. mortis. 16. d. l. 29. & seq. cod. l. non omnis. 19. de reb. cred.* Si salvus evaserit, sic accipe, licet donatarius adhuc vivat. Si supervixerit donatario sic, etsi periculum adhuc duret, cujus contemplatione donatio facta. Planè si quis sanus & valeus extra suspicionem alicujus periculi sola cogitatione mortalitatis commotus donaverit; non puto irritam fieri donationem, si forte donator morbum aliudve periculum, in quod postea incidit, evaserit: nam nihilominus causa donandi manet, *Soar. in recept. lit. D. num. 29. D. Tuld. comm. hic c. 5.*

Ad exemplum legatorum redacta sunt per omnia) Fere scilicet: quam particulam mox etiam ipse exprimit, cum constitutionis meminit, qua hæc exæquatio facta est. Intelligit autem, *l. ult. C. hoc tit. de mort. caus. don.* qua quidem hanc donationem ad similitudinem legatorum revocat: cæterum non simpliciter & per omnia, sed κατὰ τι & maxime ratione effectuum. In aliis verò magna adhuc dissimilitudo est: de quo habebimus, quod certo statuamus, si res hæc inductione utriusque generis exemplorum declaratur. Similitudo hujus donationis & convenientia cum legatis in his cernitur. 1. Quòd quemadmodum in omni voluntate, quæ testamentum non sit, quinque testes desiderantur, *l. ult. §. ult. Cod. de codicill. ita & in mortis causa donatione, idque ad solemnitatem actus, l. ult. Cod. hoc tit.* 2. Quòd, sicut legata à vivo testatore revocari possunt, nec quicquam suprema voluntate relictum valet, nisi post mortem relinquentis, ita & hanc donationem pro arbitrio revocare liceat, nec prius rata aut perfecta habeatur, quàm mors donatoris infecuta sit, *l. si mortis 29. & l. seq. l. non videtur 32. hoc tit.* 3. Quòd, sicut domi-

nium rei legatæ statim à morte testatoris transfit in legatarium, ita res mortis causa donatæ nec ante traditæ statim à morte donatoris in donatarium, *l. 2. de Pub. in rem alt.* Hæc sufficientiunt, ut donatio mortis causa numeretur inter acquisitiones civiles. Illud autem falsum est, quod Glossa, Bart. Castr. in *l. qui mortis 30. hoc tit.* tradunt, & sequitur Gomez. *2. ref. 4. n. 20.* Dominium rei mortis causa donatæ statim ut donatio facta est, transire, etiam si traditio nulla secuta sit. Nam sive cum contractibus hanc donationem conferre placet, explorati juris est, ex contractu nullo citra traditionem dominium transferri; sive cum legatis, constat, dominium rei legatæ demum post mortem testatoris in legatarium transire. 4. Quòd sicut legatario substitui potest, ita & nostro donatario, *l. 1. C. cod. §.* Quòd hæc donatio perinde ut legata lege Falcidia imminuatur, *l. Seja 42. §. 1. hoc tit. l. 2. Cod. cod. 6.* Quòd in ea locum habet jus accrescendi inter conjunctos in eandem rem, *l. un. l. hæc autem 14. C. de cad. toll. Gomez. 1. resol. 10. num. 7.* 7. Quòd quemadmodum conjux conjugi legare, ita & mortis causa donare potest, *l. 9. §. ult. & ll. seqq. de donat. int. vir. & ur.* 8. Postremò quòd in hoc genere donationis non opus est insinuatione, *l. ult. C. hoc tit.* Dissimilitudo & discrepantia elucet in his. 1. Quòd mortis causa donatio sic fieri potest, ut nullo casu revocetur, *l. si alienam 13. de mort. caus. don.* quod secus est in legatis, *l. si quis 22. de legat. 3. l. 4. de adim. legat.* Quamquam fatendum est, talem mortis causa donationem naturam mutare, & effectum esse donationem inter vivos, *l. ubi ita 27. cod.* Idque eleganter ostendit D. Joan. Decker *dissert. 1. n. 40. & seq. 2.* Quòd donatio hæc ab additione hæreditatis sicut legatum non pendet, sed sola morte confirmatur donantis, *l. non videtur 32. cod. fac. l. §. §. qui mortis 17. de bis qua ut indig. Clar. lib. 4. §. donatio, qu. 5. n. 2. 3.* Quòd donatio in singulos annos una est, legatum tale multiplex: itaque illa ad hæredes pertinet; at primi anni legatum dumtaxat purum est, reliquorum conditionale, quod ad hæredem legatarii ante diem non transit, *l. senatus 35. §. ult. hoc tit. l. 4. de ann. legat. 4.* Quòd in mortis causa donationibus, an quis capere possit, non donationis, sed mortis tempus inspicitur, *l. in mortis 12. hoc tit.* cùm in legatis etiam tempus facti testamenti spectetur, *§. in extraneis 4. infr. de her. qual. §.* Quòd donatio fit inter duos, legatum autem propter voluntatem unius testatoris nihil desiderat: unde legatum etiam in absentem & ignorantem con-

conferri potest, donatio autem à præfente in præfentem conferenda, l. inter mortis 38. hoc tit. aut utique in abfentem per nuntium aut litteras, ut fciat, & donationem accipiat, l. 10. eod. Mantio. de conjest. ult. vol. l. 8. tit. 1. num. 36. Quòd fi quis abfenti & ignorantì fe donare quid fimpliciter dixerit, defenditur donatio jure fideicommiſſi ex communi interpretum fententia. His de cauſis donatio hæc naturam contractus habere dicitur, d. l. fenatus 35. §. 3. unde etiam illud eſt, quòd filiufam. confenſu patris mortis cauſa donare poteſt, quamvis teſtamentum facere non poſſit, nec permittente patre, l. tamis 25. §. 1. eod. Vulgo DD. fi diſtinguunt, donationem hanc habere naturam contractus, cum in eſſe producta eſt, rationem ultimæ voluntatis. Cæterum hoc per omnia verum non eſſe, tum numerus teſtium & remiſſio inſinuationis liquido oſtendit, tum quòd hæc donatio non pendet ab additione hæreditatis.

Cum prudentibus ambiguum fuerat) Familiare Juſtiniano eſt, cum quid quaſi novum conſtituit, veterum Jurifconſultorum allegare ambiguitatem, in quo tamen ſæpe fallitur & fortaiſis etiam hoc ipſo loco. Sanè in reſponſis veterum nullum hujus ambiguitatis veſtigium apparet. Tradunt illi, quòd hic à ſe factum ait Juſtinianus, donationes mortis cauſa ad exemplum legatorum eſſe revocatas, l. Marcellus 15. l. illud 27. eod. l. 2. de Pub. in rem auſt. Manſit tamen adhuc nonnullum inter hæc diſcrimen, de quo inter omnes convenit, ut ex aliis locis patet: nec hoc diſcrimen à Juſtiniano ſublatum eſt.

Magis ſe quis velit habere, &c.) Ex Marciano, l. 1. eod. Eſtque hæc ratio, cur donationem mortis cauſa revocare liceat. In donatione inter vivos, qui donat, donatarium ſolum cogitat, atque illum quàm ſe habere mavult: in donatione autem mortis cauſa, qui donat ſe primum & principaliter cogitat, atque amore vitæ recepiſſe potius, quàm dediſſe mavult. In ſumma, ſe potius habere vult quàm eum, cui donat: illum deinde potius quàm hæredem ſuum, d. l. fenatus 35. §. 2. eodem.

Sic apud Homerum) Odyſſ. 17. v. 77. ubi Telemachus ex peregrinatione reverſum, quam patris Uliſis conquirendi cauſa ſuſceperat, Pírxus, qui comes illi in peregrinatione fuerat, monet, ut vaſa illa aurea & argentea, quibus Telemachus à Menelao donatus erat, quæque ſecum Pírxus aſportarat, quaſitum mittat; ancillis Telemachi ſe traditurum. Cui

Torn. I.

Telemachus in hac ſententia reſpondet: Pírxæ, quoniam incertum eſt, qualis harum rerum exitus ſit futurus, ſi me feroces proci domi ex inſidiis nocent, paternæque opes diripiunt; malo te vaſa hæc tibi habere quàm illorum quempiam. Sin autem ego illis interitum afferam, tum verò tu lætus & gratulans mihi læto & gratulanti domum illa referes. Eſt & mortis cauſa donatio in Alceſtide Euripidis, ubi ſic Hercules. *ῥωμαῖκα τὴν δὲ μὲν εὖ εἶπας λαβὼς, &c.* Adi de hac donatione Covar. rubr. de teſtam. p. 3.

TEXTUS.

De ſimplici Inter vivos donatione.

2. *Alia autem donationes ſunt, quæ ſine ulla mortis cogitatione ſunt, quas inter vivos appellamus, quæ non omnino comparantur legatis: quæ ſi fuerint perfectæ, temere revocari non poſſunt. Perficiuntur autem, quum donator ſuam voluntatem ſcriptis aut ſine ſcriptis manifeſtaverit. Et ad exemplum venditionis noſtra conſtitutio, eas etiam in ſe habere neceſſitatem traditionis voluit, ut etiamſi non tradantur, habeant pleniffimum & perfectum rebus, & traditionis neceſſitas incumbat donatori. Et quum retro Principum diſpoſitiones inſinuare eas aſſis intervenientibus volebant, ſi majores fuerant ducentorum ſolidorum; conſtitutio noſtra eam quantitatem uſque ad quingentos ſolidos ampliavit, quam ſtare etiam ſine inſinuatione ſtatuit. Sed & quaſdam donationes invenit, quæ penitus inſinuationem fieri minimè deſiderant, ſed in ſe pleniffimam habent firmitatem. Alia inſuper multa ad uberiorem exitum donationum invenimus, quæ omnia ex noſtris conſtitutionibus, quas ſuper his expoſuimus, colligenda ſunt. Sciendum eſt tamen, quòd etſi pleniffimæ ſint donationes, ſi tamen ingrati exiſtant homines, in quos beneficium collatum eſt; donatoribus per noſtram conſtitutionem licentiam præſtitimus veriti ex cauſis eas revocare: ne illi, qui ſuas res in alios conſulerint, ab his quædam patientur injuriam, vel jaſturam, ſecundum enumeratos in conſtitutione noſtra modos.*

NOTÆ.

2. *Perficiuntur autem*) De primo gradu perfectionis intellige, unde obligatio, & actio, non rei dominium, quod demum acquiritur præſtatione promiſſi.

Noſtra conſtitutio) Leg. 35. §. ult. C. eod. ubi pactio donationis cauſa factio verbis in præſens concertis, veluti dono tibi centum aureos, eandem vim tribuit, quam habet ſtitulatio, ut ex eo obligatio & actio naſcatur, contra re-

Rr

77

gulum juris antiqui, leg. 7. §. 4. *D. de pact.* unde tale pactum hodie legitimum pariens conditionem ex lege per l. 6. d. tit.

Ad 500. solidos) Ad 300. primum l. 54. C. eod. novissime ad 500. l. pen. §. ult. C. eod. Sed definitum modum excedens insinuata non est, non in totum irrita, sed quatenus excedit, d. leg. 34. Nov. 162. cap. 1. §. ult. τὸ ὑπερπλεῖς μὴ ἰσχύει. Basil. 47. tit. 1.

Nostris constitutionibus) L. 33. d. l. 34. pr. §. 1. penult. & ult. l. C. eod.

Ex certis causis) Insignis ingratitude, cuius generis causæ enumerantur quinque, leg. ult. C. d. r. Plerique addunt & aliam, supervenientiam scilicet liberorum, ex l. 8. C. eod. quæ tamen constitutio tantum de donatore patrono & liberto donatario loquitur, nec à Græcis extenditur. Basil. 47. tit. 2. Harm. 3. tit. 2. Vide fusius in comment.

COMMENTARIUS.

- 1 Plenius & planius exponitur, quomodo donatio inter vivos perficiatur.
- 2 Non ex quolibet pacto donationis causa factio obligationem ex const. iust. nasci.
- 3 Errare eos, qui putant, simplex pactum donationis vi constitutionis iust. parere actionem, in rem.
- 4 Donationes, quæ insinuationem non desiderant, recensitæ.
- 5 Ad uberiorem exitum donationum à Justiniano quæ inventa?
- 6 Neque hæredem donatoris revocare donationem, neque ab hæredibus donatarii revocari ob ingratitude ejus posse.
- 7 In l. si unquam 8. C. de rev. don. constitui jus singulare, quod non producendum ad consequentias.

Agitur hic de donatione propria. Quæ alias vera, absoluta, & mera, l. senatus 35. §. 2. de mort. ca. don. l. Aquilius 27. hoc tit. alias simplex, l. si filia 20. §. si pater 3. fam. ere. l. sum multa 20. C. de don. ant. nupt. leg. pen. §. 1. C. de collat. alias directæ, l. donatio 25. hoc tit. C. de donat. alias inter vivos, ut hic & leg. ubi ita 27. de mort. ca. don. appellatur. Descripsimus hanc donationem initio hujus tituli.

Quæ non omnino comparantur legatis) Horum. Welschem. Giphani. omnino non; ita enim esse in veteribus libris, ut sit sensus, Donationes inter vivos nullo modo comparantur legatis. Quomodo etiam legisse apparet paraphrastem Græcum; vertit enim μὴ ἀναμίσχεται. Et sunt sanè hæc donationes planè dissimiles legatis neque

natura, neque proprietatibus, neque forma, neque effectu ullam cum legatis societatem habentes. Protruenda tamen vulgata lectione hoc assert P. cius, quod legatum & donatio hæc in eo conveniunt, quod in utroque sit causa lucrativa, & modus acquirendi peculiaris. Quod mihi futile & valde puerile esse videtur; cum nullæ res tam sint dissimiles, quæ non in uno aliquo ut altero comparari queant.

Temere revocari non possunt) Mortis causa donatio temere, hoc est, pro arbitrio, facile & sine causa revocari potest: quippe quæ hæc in se semper conditionem habet, ut revocari liceat. Vera autem donatio natura sua irrevocabilis est, i. dὲ τῇ δόξῃ ἀναπόδευτος ait Aristot. 4. top. 4. nam quod hanc etiam aliquando revocari licet, id ex accidenti est & factio donatarii pro beneficio insignem injuriam rependens, non ex intentione donantis, utpote qui sic donat, ut nullo casu velit ad se reverti, l. 1. hoc tit. l. ubi ita 27. de mort. ca. don. Utique tamen si præcivisset donator ingratum fore donatarium, abstinuisset dubio procul à beneficio: & hinc ortum jus revocandi, de quo sub finem hujus §.

Perficiuntur autem, cum donator voluntatem suam) Poterat hæc res plenius & planius proponi, & poterat æquè paucis verbis. Ait, donationem inter vivos perfici, quum donator voluntatem suam declaravit: addendum fuerat, & donatarius eam voluntatem gratam acceptam habuit. Neque enim donatio est sine acceptione, l. absenti 10. hoc tit. l. hoc jure 19. §. 2. eod. quippe datio acceptione confirmatur: nec potest videri datum, quod non est acceptum. Et rectè in illum locum Comici, dos est decem talenta. Accipio. Vetus interpretes, nisi, inquit, dixisset, accipio, dos non esset. Perficitur donatio ex constitutione Justiniani solo consensu, ut emptio & venditio: non est igitur perfecta habenda, antequam eam gratam habuerit donatarius, excepto casu comprehenso l. 15. C. de sacros. Eccles. favore Ecclesiarum. Denique in omni conventionem consensum mutuum intervenire oportet. VINN. Sed ex his locis vix probari potest acceptionis necessitas. Nam l. 10. & l. 9. §. 3. ff. de don. loquuntur de acceptione reali. Locus Terentii ex Andr. Act. 5. scen. 4. v. 47. non pertinet ad pactum donationis, sed ad contractum verbalem, qui veteribus dicebatur *dos dictio*. Vid. Antig. Rom. nostr. lib. 11. tit. 7. §. 4. Immo nulla lege acceptionem hanc exigi pererudita dissertatio de differentiis juris Rom. & Germanici in donatione & acceptione docuit Vir Perillustis Jo. Petrus à Ludevigg, Acad. Fri-

dricianæ Cancellarius, & olim Collega mihi conjunctissimus. Neque tamen res ipsa ideo neganda, quum ex natura pactorum fluat, quod utrumque consentire oporteat in unum placitum, quod fieri aliter non potest, quam id quod donatur vel verbis, vel factis accipiendum, maximè quum non semper dona grata sint, & sæpe locum habeat illud Severi: *Ὅτι πάντᾳ, ἢ τῇ πάντᾳ, ἢ τῇ κατὰ πάντας*. l. 6. §. 3. ff. de off. procons. Hein. Sed & perfectio, de qua hic agitur, primus tantum gradus perfectionis est, unde donatario acquiritur obligatio & actio, non rei donatæ dominium. Etenim verè & plenè demum perficitur & consummatur donatio, doni & promissi præstatione. Eodem modo emptio perfici dicitur, simul atque de pretio inter emptorem & venditorem convenerit, §. 1. inf. de empt. & vend. Ac constat, eam non ante pro consummata haberi, quàm res tradita & pretium solum sit. Videtur autem Justinianus hoc loco id tantum indicare voluisse, quod ipse constituit, ex nudo pacto, donationis obligationem introducens, l. si quis argentum 35. C. hoc tit. contra regulam generalem juris antiqui, l. jurisgenitum 7. §. sed cum nulla 4. de pact. Sic est; perficitur donatio aut traditione & præstatione rei donatæ, quæ vera perfectio est. Immo non prius propriè dicitur esse donatio, quàm res, quæ donatur, detur ac tradatur. Nam ut ostendimus ad rubr. donatio propriè ipsam translationem rei significat, & potest etiam incipere statim à traditione, & perfici citra conventionem præcedentem. Aut conventionem, qua hæcenus perfici dicitur, quatenus ea donatorem adstringit necessitate traditionis, donatarioque in eam rem comparata est in personam actio. conventio hujus generis una tantum olim fuit stipulatio. Justinianus autem eamdem vim tribuit etiam pactioni nudæ, d. l. si quis 35. §. sed si quidem 5. C. hoc tit. unde pactum donationis hodie pactum est legitimum, arg. l. 6. de pact. & ibi Cujac. Neque tamen ex quovis pacto donationis causa interposito obligationem nasci voluit Justinianus: sed ex eo tantum, quo quis in præsentia se donare dicit, verbis in præsens non in futurum conceptis, veluti si quis dicat: *dono tibi centum aureos*. Hæc enim verba occurrunt in d. l. 35. si donaveris, si donationem faciat feceritve, ut tradat, quod donaverit. Quod si quis donaturum se pacto promittat; manebit etiamnum jus antiquum, nec ex tali nudo pacto obligabitur, per l. precipimus 32. in fin. C. de appell. l. sancimus 27. C. de testam. add. Parlador. 2. rer. quotid. 3. num. 9. D. Tulden. hicc. 2. Perpsi-

cue autem errant Contius lib. 1. disp. 12. Gud. lib. 2. de jur. noviss. c. 3. dum existimant, quod Justinianus constituit, donationem etiam nudo consensu perfici, hoc non tantum eò pertinere, ut donator, qui nondum tradiderit, necesse habeat tradere; sed ut eo nomine etiam donatario competat actio in rem, quasi simplici pacto dominium ei quæsitum sit. Non enim majorem vim Justinianus tribuit, neque tribuere debuit pacto, quàm stipulationi. At si stipulatio intervenierit, veterem actionem ex stipulatu relinquit: quæ utique cum in personam sit, arguit, dominium non esse translatum. Si omnia sit stipulatio, conditionem dat ex lege, d. loco, & apertius Nov. 162. cap. 1. Atqui nulla quoque conditio, quæ non sit actio in personam, §. appellamus 15. inf. de act. Denique ipse supra §. per traditionem 40. de rer. div. nominatim in proposita specie confirmat regulam traditam leg. traditionibus 20. Cod. de pact. Traditionibus, non nudis pactis, dominia rerum transferri.

Ad exemplum venditionis.) Quemadmodum emptio venditio perficitur simul atque de re & pretio convenit, atque ex ea conventionem statim emptori acquiritur actio ex empto, qua venditorem compellere potest ad rem tradendam, infr. de empt. & vend. in pr. & §. 3. ita ex constitutione Justiniani, simul ac donator five scriptura, five verbis quibuscvis idoneis se quid donare declaraverit, etiam si nulla intervenierit stipulatio: acceptante donatario, donatio perfecta & efficax habetur, daturque donatario conditio ex lege, qua conventus donator rem tradere cogatur. Porro an sicut emptio venditio, ita etiam pactum donationis; sit contractus: item an ut donator, ita quoque & venditor rem præcisè tradere teneatur; an liberetur præstatione ejus, quod interest; inquirere non est hujus loci. Illud constat, non eandem esse præstationem donatoris & venditoris; donatorem ad dandum, venditorem simpliciter ad tradendum teneri, donatorem in quantum facere potest, venditorem in solidum condemnari: hunc teneri nomine evictionis, illum non item, l. 18. §. ult. hoc tit. Neque tamen ideo male donatio & venditio inter se, ut similia, comparantur. Nam in omni similitudine inspicendus est principalis scopus atque intentio ejus, qui ea utitur: cui scopo si serviat, cætera similia sint, an dissimilia, parum refert.

Insinuari actis intervenientibus volebant, &c.) Lex civilis neminem donare aut liberalem esse vetat: cæterum prospexit, ne cujuslibet summx aut quantitatis donatio statim rata esset.

Et rectè : expedit enim Reipubl. ne quis temere patrimonium suum effusis largitionibus exhauriat; hoc enim est re sua male uti, eamque perdere. Modum donationibus primum imposuit lex Cincia, qua cautum Ulpianus tit. 1. scribit, ne supra certam quantitatem, quam tamen non exprimit, donare liceat, extra quam si conjunctis personis donaretur. Quod jus usque ad Constantini tempora duravisse videtur, per l. 3. C. Theod. hoc tit. Unde existimare licet, quantitatem lege Cincia definitam fuisse ducentorum aureorum : & donationem, quæ eam quantitatem excederet, actis fuisse insinuandam, hoc est, consignandam litteris publicis, quod Constantinus etiam custodiri voluit inter necessarias conjunctasque personas, l. 5. C. Theod. l. data. 37. C. hoc tit. Justinianus autem quantitatem auxit, primum ad trecentos, l. sancimus. 44. C. cod. deinde ad quingentos solitos l. pen. §. ult. C. cod. atque ad hanc usque quantitatem liberam donandi facultatem unicuique permisit, etiam sine donationis insinuatione. Si verò hanc summam donatio superaret, non aliter ratam eam esse voluit, quam si in acta publica relata esset. Neque tamen in totum irritam esse iussit donationem, quæ summam definitam excedens actis inserta non esset : sed tantummodo quatenus terminos legis excederet, d. l. sancimus. 34. Cod. hoc tit. Nov. 162. cap. 1. §. ult. Atque ita in plerisque locis etiamnum utimur. Gomez 2. resol. cap. 4. Perez. C. b. t. num. 35. Sandoz lib. 5. tit. 1. defin. 3. VINN. Multa hic cumulat auctor, nec certa satis, nec accurata. Incertum modum à lege Cincia donationibus præfinitum fuisse ducentorum aureorum ; siquidem multo majores donationes à Plinio factas novimus ex ejus Lib. 6. Epist. 25. & 32. Lib. 7. Ep. 14. & alibi. Incertum ergo non minus, Constantinum vel potius Constantium Chlorum in l. 1. C. Th. b. t. legem Cinciam sustulisse, quum eam potius magis reddiderit rigidam, imposita insinuationis necessitate. Plura in eam rem præter Jac. Gothofredum, & Fr. Brumerum notavit V. C. Schulting. ad Ulpian. tit. 1. p. 561. Ego id moneo, locum Arnobii adv. gent. lib. 11. p. 91. nec de hoc capite legis Cincie videri intelligendum, nec de altero quod in donatione solemnitatem mancipationis exigebat : sed de donis & muneribus à patrono causarum non accipiendis, quod aliquoties revocatum in usum, jam à Claudii temporibus cœpit obsolescere. HEIN.

Usque ad quingentos solidos) Quæ summa nostra moneta efficere creditur 2500. Caroleos.

Taxatur enim solidus, qui & aureus (ut patet, ex innumeris locis, & collatione sequentium, l. 5. §. prætor ait. 6. de his, qui eff. vel defec. cum §. 1. inf. de obl. qua ex del. item l. pen. & ult. de in jus voc. cum §. ult. in fin. inf. de pæn. lit. item l. 8. in fin. & l. 9. de inoff. cum leg. cum ex falsis. 47. de man. test.) centum sestertiis, sive quinis Caroleis, aut duobus secutatis sive coronatis. Grot. spars. flor. Quamquam non idem perpetuo pondus, nec constans solidi æstimatio fuit. Qua de re consulendi Budæus de ass. l. 3. & 6. Hotom. de re numm. cap. de numm. aur. Covar. de collat. vet. numism. cap. 2. Dicitur verò est solidus, non quia ex puto & solido aureo erat : sed quia nummus erat integer, & ad differentiam semissium & tremissium, qui valebant dimidiam & tertiam solidi sive aurei partem.

Quæ insinuationem minimè desiderant) Harum numero sunt donationes principales, quas scilicet vel Princeps facit, vel quæ Principi sunt, l. sancimus. 34. Cod. hoc tit. item donatio propter nuptias, Nov. 117. ubi in vulgari versione nomen sponsalitiæ largitatis sumptum pro donatione propter nuptias : nam in Græco est, ἀπὸ τοῦ δια τῶν γάμων δαπάνη, &c. Postea distinctio aliqua adhibita, Nov. 127. §. 2. auth. eo decursum, Cod. de don. ant. nupt. Prætereà si quid pro redemptione capivorum, pro restitutione ædium incendio aut ruina consumptarum, aut si quid fortissimis militibus donatum sit à militum magistris, quantumque sit pretii quod donatum est, valet donatio, etiam si auctorum auctoritate non nitatur, l. pen. in pr. §. 1. & 2. Cod. cod. De donationibus, quæ ad pietatem respiciunt, dubitatum est, aliquone privilegio hodie uti debeant, an jure communi cæterarum donationum censerent. Ratio dubitandi, quia cum adhuc cæteræ donationes, quæ trecentos solidos superarent, insinuationem desiderabant, in pias causas collatæ usque ad summam quingentorum solidorum stabant etiam sine insinuatione, dist. l. 34. §. 1. Unde dicendum videtur, postquam constitutum est, ut quævis donatio usque ad 500. solidos etiam sine monumentis valida sit, d. l. pen. in fin. privilegium, quod donationes in pias causas factæ habuerunt, proportionaliter producendum esse, atque hujus generis donationes etiam sine fide monumentorum subsistere debere ad minimum usque ad solidos septingentos. Communis tamen DD. in l. illud. 19. C. de sacros. Eccles. & d. l. 34. hoc tit. sententia est, donationum ad pias causas nullum amplius esse privilegium, sed in his idem, quod in cæteris observandum,

ut si 500. solidos exquod, actis eas insinuare necesse sit, propterea quod Justinianus privilegium piz causæ expresse non auxit, immo porius subtilisse videtur, d. l. pen. cum sancit, ut id, quod antea jus singulare erat piz causæ, jus commune esset omnium donationum, quæ non simpliciter à necessitate insinuationis exemptæ sunt.

5 *Alia insuper multa ad ubiorem exitum donationum*) Huc refero, quod Justinianus constituit, ut majoris summx donationes, quæ actis inscriptæ non sunt, non omnino, sed tantum quatenus legitimam summam excedunt, vitentur, d. l. 34. §. 1. hoc tit. Item ut plurimum donationum eidem, sed diversis temporibus factarum summx non simul æstimentur, sed cujusque donationis separatim & distincte, utque idem fiat, cum annua quantitas donatur ad tempus vitæ donantis aut donatarii, d. l. 34. pen. & ult. Postremò quod rejici jussit verba, quæ in donationibus poni solita erant, *sestertis, nummi unius, asium quatuor*, &c. l. ult. C. eod. nam antea etiam in donationibus adhibenda erat imaginaria venditio, seu mancipatio, quoties scilicet res, quæ donabantur, erant mancipi: alioqui earum rerum dominium ex jure Quiritium in accipientem non transferrebat. Quam ob causam qui volebat donare, cogebatur simulare venditionem, & dicis causâ unum nummum accipere, adi Cont. 1. disp. 16.

Si tamen ingrati) Simplex & mera donatio temere, ut supra dictum est, revocari non potest: non sola pœnitentia, ut donatio mortis causâ, ac ne ob quamlibet quidem ingratitudinem donatarii. Cæterum si insignis sit illius ingratitudo, & talis, quæ scelere affinis sit aut conjuncta, etiam hujusmodi donationem revocare merito & tamquam ab indigno auferre concessum est, l. ult. C. de revoc. don. Poteritque eo nomine vel judicis implorari officium, vel agi conditione ex d. l. ult.

6 *Donatoribus licentiam præstitimus*) Donatoribus solis, non etiam hæredibus eorum, l. bis solis. 7. l. ult. C. de rev. don. quippe actio, quæ adversus ingratos datur ad revocandam donationem, vindictæ cujusdam & ultionis injuriæ effectum habet, & ideo personalis est, atque actioni injuriarum in hoc similis: quam constat hæredi ejus, qui injuriam passus est, non dari, d. l. 7. junct. §. 1. inf. de perp. & temp. act. Nec in hæredes igitur ingrati danda erit, nec si ipsi ingrati, non donatarius, existerint, arg. d. l. Quinimmo nec videtur recte posse obijci ingratitudo successoris ejus, cui donatum est: longèque alia est ratio feudi,

quod non tantum primum investitum, verum etiam successores ejus ad certa officia præstanda obligat.

Ex certis causis) Quæ numero quinque exprimuntur d. l. ult. & nimirum hæ: si donatarius atroces injurias in donatorem effuderit: si illi impias intulerit manus; si vitæ ejus infidietur: si grandem jacturæ molem substantiæ & bonis exhæredationis ingesserit: si conventiones donationi appositas implere nolit. Enim verò licet plures causas non enumeret Justinianus, atque ob eas tantummodo, quas exprimit, revocationem donationis permittat; assentior tamen communi DD. sententiæ, qui negant, similes & majores causas ob id excludi oportere, uti rectè iidem etiam admittunt causas alias exhæredationis præter eas, quæ enumerantur Nov. 115. cap. 1. de quo uberius inf. de inoff. testam. eoque jure utimur, Grot. 3. intro. c. 2. Additur à DD. & alia causa revocandæ donationis, si scilicet donator post factam donationem liberos suscepit, per l. si unquam. 8. Cod. d. tit. Tamen enim ea lex tantum loquatur de patrono & libertis, quorum propria & diversa prorsus in plerisque rebus ratio est, atque aliorum extraneorum; putant tamen, quorumcumque donationes eodem isto jure censendas, ut inferato succedens filiorum soboles irritam faciat donationem. Utuntur autem hoc argumento: quòd donatio facta ab eo, qui liberos non habet, videatur in se continere tacitam conditionem, si liberi ipsi postea nati non fuerint, de quibus si cogitasset donaturus fuisse credi non debeat; cum nemo præsumatur successiones alienas propriis atponere, per l. cum avus. 102. de cond. & dem. l. cum acutissimi. 30. Cod. de fideicom. Ego verò, etsi hæc sententia colorem aliquem humanitatis habere videtur, ausim affirmare, eam mentem Constantini, cuius est d. l. si unquam. 8. minime fuisse. Cur enim de patrono tantum locutus esset? An quia ex facto inciderat, ut de donatione à patrono facta quæreretur? Atqui generalis est constitutio ad Præfectum prætorio, non ad patronum aliquem aut certam facti speciem directâ. Quoties autem lex de certis personis loquitur, quibus aliquid beneficii tributum vult, certum est, legem ad alias personas non pertinere, l. si verò. 64. §. pen. sol. matr. l. quod constitutum. 21. de test. mil. Est verò etiam jus illud novum constitutum contra manifestam rati onem juris communis, l. 5. C. de obl. & act. cum similib. ut interpres non sit, ad alios casus & donatores extraneos id producere, l. quod verò. 14. de le-

legib. ideoque nec Græcis extenditur, *Basil. 47. tit. 2. Armen. 3. tit. 2. nec aliter l. 3. C. Theod. de revoc. donat. quæ eadem est cum d. l. 8. interpretatus est Anianus, qui Alarici Regis tempore floruit, multis annis ante Justinianum. Excuriantur omnes loci juris civilis, nullus invenietur, qui de jure revocandi donationem propter liberos donatori postea natos loquatur: ac ne apud Justinianum quidem, qui cum liberorum jura ubique non servaverit modo verum etiam auxerit, utique hujus revocationis aliqua parte mentionem fecisset: certe ubi ex professo recenset causas revocandæ donationis, si hanc etiam pro causa generali haberi voluisset, omisurus non fuerat. Canones etiam contrarium ostendunt, c. ult. c. 17. q. 4. ubi Augustinus, laudans factum S. Aurelii Episcopi Carthaginensis, quod reddidisset donatori ob liberos ei natos, quæ ille Ecclesiæ donaverat, *In potestate, inquit, habebat Episcopus non reddere, sed jure fori, non jure poli.* Perperam autem ad præsentem casum trahitur species *dist. l. cum avus 120. de cond. & dem. dist. l. cum acutissimi 30. Cod. de fideic.* Nam eadem ratione revocatio rei donatæ etiam concedenda esset ei, qui cum forte unum filium haberet, donavit, & postea plures suscepit: neque quod revocatur, liberis acquiritur, sed pleno jure ad patrem revertitur, ut jam iis iterum liberum de eo disponendi arbitrium habeat. Quid quod amissa ex causa supervenientium liberorum revocatione donationis in quovis etiam extraneos factæ nemo nisi liberis carens plene & pure donare intellexeretur? Nam & ubi partis alicujus bonorum donatio facta est, constitutio locum habet; de quo opulentiùs nos *lib. 2. sel. quest. c. 32.* Proculdubio igitur de jure verior est sententia plerorumque Neotericorum, Connani *lib. 5. comm. 10. Donell. ad dist. l. si unquam.* Ant. Fab. 7. *conject. 14. & 15.* Bachovii in *Treutl. disp. de donat. asserentium, in solis patronis hanc revocandæ donationis speciem a Constantino introducendam atque approbatam esse: quamquam contraria sententia communis est, & in praxi obtinet, ut inter alios testantur Tiraquell. in *dist. l. si unquam.* Mynsing. 5. *obs. 83.* & secundum hanc judicatum à Senatu Parisiensi, Papon. *lib. 11. syntagm. tit. 1. de donat. §. 20. add. Christin. volum. 1. dec. 340. & vol. 4. dec. 192. cum allegat. Grot. lib. 3. introd. cap. 2.***

De donatione ante nuptias vel propter nuptias.

3. *Est & aliud genus inter vivos donationis, quod veteribus quidem prudentibus penitus erat incognitum, postea autem à junioribus Divis Principibus introductum est, quod ante nuptias vocabatur & tacitam in se conditionem habebat, ut tunc ratum esset, cum matrimonium esset infectum. Ideoque ante nuptias vocabatur, quod ante matrimonium efficiebatur: & numquam post nuptias celebratas talis donatio procedebat. Sed primus quidem Divus Justinus pater noster, cum augeri dotes & post nuptias fuerat permissum, si quid tale eveniret, & ante nuptias augeri donationem, & constante matrimonio, sua constitutione permisit: sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias sed propter nuptias vocentur: & dotibus in hoc exaequantur; ut quemadmodum dotes, constante matrimonio, non solum augentur, sed etiam fiunt; ita & istæ donationes, quæ propter nuptias introductæ sunt, non solum antecendant matrimonium, sed eo etiam contracto augeantur, & constituantur.*

NOTÆ.

3. *Et constante matrim.)* Dum ne propter nuptias donatio excedat quantitatè dotis, ne fraus fiat juri publico, quo donatio inter conjuges prohibetur, l. 1. & tot. tit. D. de dor. ut. vir. & ux. & C. cod. Extat Justinii constitutio in l. pen. C. de don. ant. nupt.

Nomen inconveniens Quia poterat constante matrimonio augeri. Nunc ex sententia Justin. & augeri, & constitui potest.

Constituimus L. ult. C. cod. alia extat Nov. 97. ubi etiam præcipit, ut donatio propter nuptias doti omnino respondeat, tum in quantitate, tum in pactis.

COMMENTARIUS.

1. *Donationes, quæ inter sponsum, & sponsam sunt, sensim ita formatas, ut veræ donationes, & juris gentium esse deferens.*

2. *Quid primum circa has donationes à Constantino constitutum?*

3. *Quid procedente tempore ab aliis, & num. 5.*

Rei

- 4 *Rei propter nuptias donata dominium revera in uxorem non transire.*
 5 *Constitutionem Justin. de aequalitate dotis, & donat. propt. nupt. publicâ consuetudine repudiata.*
 6 *In Belgio propriè neque donationum propter nuptias, neque dotis usum esse.*

DOS & donatio propter nuptias genera sunt improprie donationis inter vivos. Dotem ab antiquis inter donationes numeratam, testis est ipse Justin. l. ult. C. de don. ant. nupt. ut mirum sit, nihil de ea hoc loco tradi. Est autem dos donatio nomine uxoris in maritum collata ad onera matrimonii sustinenda, l. pro oneribus 20. C. de jur. dot. Donatio propter nuptias vice versa est, quæ à parte mariti in uxorem, vel sponsi in sponsam confertur in securitatem dotis, & quasi remunerandæ dotis causa: unde quæ ita donantur à Græcis, ἀντίδοτος dicta sunt, hoc est, quæ vice mutua pro dote dantur, d. l. ult. in pr. Est igitur donatio propter nuptias veluti contraria dos mariti, hospitium ἀντίδοτος dotis uxori: Idem in Basilic. Hujus donationis origo & incrementum hic ostenditur.

Quod veteribus prudentibus penitus erat incognitum) Veteribus incognitæ non fuisse donationes ante nuptias, hoc est, quæ inter sponsum & sponsam liberalitatis & amoris gratia fieri solent, & juris gentium sunt: sed talis species donationis ante nuptias, qualis tempore Justiniani frequentabatur, veteribus incognita fuit; utpote quæ demum post translationem Imperii in Orientem excogitata est, sensimque ita formata, ut vera donatio & juris gentium esse desierit, factaque sit species donationis improprie, & quæ omnino sit juris civilis. Sciendum enim est prioribus temporibus donationes sponfalicias, hoc est, quæ à sponso in sponsam conferebantur, vel contra à sponsa in sponsum, (nam & hoc aliquando fiebat, l. 1. §. 1. D. hoc tit. l. 12. leg. 16. C. de don. ant. nupt.) habitas fuisse, non tamquam nuptiarum causa, sed perinde ac si pure atque absolute factæ fuissent, eandemque earum fuisse vim, quam habent donationes ceteræ, quæ ex mera liberalitate fiunt, nullo scilicet ut casu ad donatorem revertentur, d. l. 1. §. 1. l. 8. cum aliquot seqq. C. de tit. Itaque ne eo quidem casu revocare hujusmodi donationem licebat, quo nuptiæ secutæ non essent, d. l. 1. §. 1. l. 2. & l. 12. Cod. d. tit. nisi ea lege nominatim facta esset donatio, aut id actum evidenter appareret, ut nuptiis non secutis res donatæ redderentur. Pos-

tea ex Constitutione Constantini hoc jure uti cœperunt, ut donatio omnis inter sponsum & sponsam facta intelligeretur tacitam in se habere conditionem futurarum nuptiarum, l. cum veterum 15. C. eod. tit. Et optima sanè ratione: nam donatio sponsi in sponsam merito præsumitur proficisci à singulari affectione, qua sponsam ut futuram uxorem complectitur, sine spe nuptiarum haud facile donaturus. Non est autem hac Constantini constitutione effectum, ut donatio interim in si sponso sit, donec nuptiæ secutæ fuerint: ita enim futurum esset, ut in eum casum incideret, à quo non posset incipere, nimirum, in donationem inter virum & uxorem, l. 4. C. eod. quæ jure civili semper prohibita fuit: sed ut non secutis nuptiis resolvatur, ut antea fiebat, cum id expressè cautum fuerit, dist. l. 1. §. 1. hoc tit. Ceterum non in omnem eventum, quo nuptiæ secutæ non fuerant, repetitionem donati Constantinus concessit; sed ita distinxit, ut si per eum eamve, qui quæve donationem accepit, steterit, quo minus nuptiæ sequerentur, donatori aut donatrici conditio daretur ob causam dati causa non secuta: sin verò per donantem factum esset, non solum donati effectus retentio, verum etiam exactio, dist. l. 15. Quod si mors alterutrius spem nuptiarum sustulisset, tunc si quidem sponsa donasset, omnimodo & integri, quod donatum erat, repetitio foret, siue osculum intervenisset, siue non: at si sponsum; tum non aliter ipsi aut hæredibus ejus jus esset repetendi totius, quod donatum esset, quàm si osculum non intercessisset: interveniente verò osculo, partem tantum dimidiam repetere licere, l. si à sponso 16. Cod. eod. quasi osculi jure augeatur jus sponfalium, & qui osculum accepit, quasi maritus sit, aut certe plus quàm sponsum; non enim satis est maritum osculo putari, ut ait Fabius declam. 279. Porro nuptiis secutis nulla donati repetitio: sed res pleno jure atque irrevocabiliter ejus, cui donata erat, facta intelligebatur. Successit tamen donatio ante nuptias, de qua hic agitur, & quam Justinianus propter nuptias vocari voluit. Hæc fit à solo sponso, & vi atque effectû multùm à præcedentibus differt. Nam primum doti, cujus remuneratio quædam censetur, in hoc similis est, quòd quemadmodum uxor soluto matrimonio dotem recipit, l. 2. sol. matr. ita & vir donationem propter nuptias, c. ult. x. de dote, inter vir. & uxor. Deinde nec revera ex hac donatione dominium rei donatæ transit in uxorem: sed alia jura consequitur, veluti juris specialis hypotheca: nam res donatæ prop-

ter nuptias pro securitate dotis mulieri spectatim obligatz esse intelliguntur, *leg. ubi adhuc* 29. *C. de jur. dot. Nov. 61. c. 1.* & hic præcipuus hujus donationis finis, ut dos mulieri sit cautior: unde rectè D. Wefemb. notat, res propter nuptias donatas potius hypothecæ subjici videri, quàm verè alienari. Item hoc, ut viro temere divortium faciente donatio hæc aut tota aut pro parte lucro uxoris cedat, in quo doti quoque respondet: nam mulier sine causa iusta divertens, & ipsa amissione dotis plectitur, *l. consensu* 8. *§. hæc nisi* 4. *C. de repud.* Novissimè etiam hoc constitutum, ut quibus casibus maritus ex pacto dorem vel partem ejus lucratur, iisdem & uxor lucratur donationem propter nuptias partemve ejus, *Nov. 61. c. 1. Nov. 91. c. 2. Nov. 97. c. 1.* Doctores vulgo etiam dominiū rerum propter nuptias donatarum uxori acquiri affirmant, quos sequuntur Schneid. *bic n. 5.* & Gudel. 1. *de jur. novif.* 8. *arg. d. leg. 29. Cod. de jur. dot. d. Nov. 97. c. 1. d. Nov. 61. c. 1. vers. non enim.*

4 Sed si mulier harum rerum domina efficitur, prorsus absurdè facit Justinianus, quòd jus pignoris mulieri in his constituit: item quòd nominatim marito interdicat harum rerum alienationem & oppignorationem, *Nov. 61.* nec pignus quisquam habere potest in re propria, nec rem alienam alienare, aut pignori obligare. Ratio quoque non patitur, ut hic idem de donatione propter nuptias, quod de dote, statuamus: neque enim necesse est, ut quemadmodum res in dotem datæ marito traduntur, ita & possessio rei propter nuptias donatz transferatur in uxorem. Quod vel ex eo liquet, quòd fructus ex re donata constante matrimonio percepti non uxori, sed marito acquirantur, ut rectè tradunt Schneid. *num. 4.* Gomez. in *l. Tauri* 50. *§. 3. seqq. num. 11.* Duar. *tit. sol. matr. C. de don. propt. nupt. arg. in d. l. 29. C. de jur. dot.* Nam si hos fructus mulierem sequi volumus, futurum est, ut maritus, qui solus onera matrimonii sustinet, careat omni commodo dotis, maximè postquam placuit, ut donatio propter nuptias doti & in quantitate & in pactis respondeat, *Nov. 97.* Planè Justinianus non putavit reprehendendos iudices, qui pro his rebus donatis mulieri aliquando accommodaverant actionem in rem post solutum matrimonium, *Nov. 61. §. 1.* sed locus ipse offendit, eos hoc non fecisse ex ratione juris, neque directam in rem dedisse, sed utilem, quæ aliquando etiam non dominis ex æquitate conceditur. Ita ferme & D. Bachov. *bic. VINN.* Immo non opus est postrema responsione. Nam quum ipse fateatur

111.
tur auctor, uxori in rebus propter nuptias donatis competere jus pignoris; quidni eadem habeat actionem in rem, puri quasi Servianam? An si mihi actio in rem competit, in de sequitur ut auctor dominus? Idem dicendum *ad l. 29. C. de jur. dot. ubi vindicare* dicitur uxor donationem propter nuptias. *Vindicationes* enim veteribus dictas esse actiones omnes in rem, vel ex *§. 15. Inst. de action. manifestum* est. HEIN.

A junioribus Divis Principibus) Tempore Constantini hoc genus donationis ante nuptias adhuc incognitum erat; quippe qui hoc tantum introduxit, ut donatio ante nuptias, quæ antea pura habebatur donatio, tacitam haberet conditionem, si nuptiæ sequerentur, *l. 15. C. de don. ante nupt.* Secutis autem nuptiis, adhuc plenissimo jure quod donatum erat, manebat conjugis, qui acceperat: nec à sponso solum, verum etiam à sponsa Constantiniana ante nuptias donatio fiebat, *l. 16. C. eod.* Postea placuit, ut ad donatorem solum matrimonio revertatur, *l. ult. C. eod.* At donatio, de qua hic agitur, à solo sponso fit, nec ita unquam, ut sponsi aut uxori pleno ac perpetuo jure res donata acquiratur: alioqui non rectè Justinus permisisset, ut constante matrimonio augeretur: quoniam tali augmento incidisset in donationem inter virum & uxorem. Intelligit igitur haud dubiè Imperator Principes Constantino juniores, qui pro vetere ante nuptias donatione penitus novam hanc substituerunt, quæ à solo sponso vel viro fit propter dorem & in dotis securitatem, & quæ non solum nuptiis non secutis nullius momenti est, sed nuptiis etiam secutis & postea distractis resolvitur, re donata ad virum redeunte, vel potius apud eum remanente: quia, ut modò probavimus, mulier per hanc donationem nec propriè nec verè domina constituitur. A quibus autem introducta, aut quò tempore primum recepta sit, incertum est. Illud patet, sub Theodosio juniore & Valentiniano III. jam receptam fuisse, *l. consensu* 8. *§. hæc nisi* 4. *de repud.*

Primus Divus Justinus pater noster) Initio donationes ante nuptias post contractum matrimonium nec inchoari nec augeri poterant. Primus Justinus, quem hic patrem suum Justinianus appellat, ut & *infr. §. pen. quib. non est perm. fac. test.* quoniam ab illo avunculo suo adoptatus fuit, permisit, ut aucta postmodum dote tunc etiam augeri posset præcedenter ante nuptias donatio, *l. si constante* 29. *C. de don. ant. nupt.* Justinianus autem etiam inchoari hujusmodi donationes post nuptias permisit, *l. ult. C. eod.* Cæterum hæc ita, ut si post contracta-

tractas nuptias fierent vel auferentur, dotis quantitate minimè excederent, ne fraus fieret Senatufconsulto, quo inter virum & uxorem donatio prohibetur.

5 Sed etiam constante matrimonio initium accipiant) Hoc à Justiniano constitutum, d. l. ult. in pr. vers. simplices. Adhuc donatio ante nuptias arbitraria erat, quamvis dos data esset: poteratque aut nulla constitui, aut dote minor, majorve, etiam si ante nuptias fieret, nec ulla requirebatur aut in partibus lucri, aut in quantitate, quæ utrinque conferebatur, æqualitas. Tantum pacta, quæ inter virum & uxorem fierent de lucranda dote aut rebus propter nuptias donatis ad partium æqualitatem redigi cœperant. Sic enim à Leone constitutum erat: ut quantam partem stipulata fuerat mulier sibi lucro cedere ex ante nuptias donatione post mortem mariti, tantam *6* maritus ex dote sibi stipularetur ab uxore, l. ex morte 9. C. de pact. com. tam. sup. dot. Cui Justinianus addiderat, si pacta lucrorum paria non esse contingeret, ut major lucri pars ad minorem reduceretur, l. 10. d. tit. dist. l. ult. vers. simplices, quæ confirmantur adhuc, Nov. 12. Tandem Justinianus, Nov. 97. unde sumpta auct. aequalitas, C. de pact. conv. tam. sup. dot. statuit, ut non partium solum æqualitas esset, verum etiam quantitas, atque omnimodo & in pactis stipulationibusque, & in ipsa etiam præstatione aut promissione tam dotis quàm donatione ante nuptias æqualitas servaretur, utque dote vel donatione propter nuptias aucta vel deminuta, ad parem quantitatem altera vel auferetur, vel minueretur: ex quo amplius liberum non fuit donare vel non donare, aut minus dote donare. Cæterum hæc constitutio cum sua exæquatione & donandi necessitate jam pridem repudiavit publica consuetudo, ut notant Accur. d. auct. aequalitas. Bald. Salic. in summa, d. l. ex morte. Schneid. hic n. 4. Gail. 1. obs. 36. n. 10. Quin etiam Cujac. 5. obs. 4. refert, donationes propter nuptias penitus ex usu sublatas esse. Sanè in Belgio propriè neque donationum propter nuptias neque dotium usus est, quamquam bona, quæ mulier in matrimonium confert: dotem adhuc appellamus. Doarium autem sive dotalium, quod moribus receptum, mera donatio est, quam mortuo marito uxor percipit & lucratur: & ideo constante matrimonio neque constitui neque augeri potest, sed pactis antenupcialibus dumtaxat. Consulantur super hac re D. Neostad. de pact. ante nupt. Joan. à Sande. lib. 2. tit. 4. fere per tot. Grot. lib. 1. manu duct. ad Bat. jurispr. c. 5. & Tam. I.

lib. 2. c. 11. cum 2. seqq. Pet. Greg. syntagm. 11. c. 4. Gudelín. lib. 1. de jur. novis. c. 8. De jure mariti in nobis uxoris & societate conjugali, idem d. l. 2. r. 7. de jure superstitis conjugis & lucris nuptialibus, idem d. l. 1. c. 11. l. add. D. Lamb. Goris advers. jur. tract. 1. fere per tot. Quibusdam in locis certæ partis bonorum mariti ususfructus pro doario uxori assignatur legibus municipalibus, vid. Christin. vol. 1. decif. 73. 237. 273. & illic citat.

Sed propter nuptias vocentur) Justinianus donationem ante nuptias appellari voluit donationem propter nuptias: quoniam & augeri eam & fieri etiam post nuptias permiffum sit, l. ult. C. de don. ant. nupt. quod non est magni momenti: & vetus nomen Rubrica Codicis retinuit. Rectius appellaretur donatio propter dotem, quod respondet vocabulo, quo Græci utuntur, quibus dicitur ἀρτίφρην. Cæteroquin & dos propter nuptias donatio est, d. l. ult.

TEXTUS.

De jure accrescendi.

4. Erat olim & alius modus civilis acquisitionis, per jus accrescendi, quod est tale: Si communem servum habens aliquis cum Titio, solus libertatem ei imposuerit, vel vindicta, vel testamento, eo casu pars ejus amittebatur, & socio accrescebat. Sed pessimum fuerat exemplo, & libertate servorum defraudari, & ex eo humanioribus quidem dominis damnum inferri, severioribus autem dominis lucrum accedere; hoc quasi invidia plenum, pio remedio per nostram constitutionem mederi necessarium duximus. Et invenimus viam, per quam manumissor, & socius ejus, & qui libertatem accepit, nostro beneficio fruantur, libertate cum effectu procedente, (cujus favore antiquos legum maiores multa etiam contra communes regulas statuiffe manifestum est) & eo, qui eam libertatem imposuit, sua liberalitatis stabilitate gaudente, & socio indemni conservato, pretiumque servi secundum partem domini, quod nos definivimus, accipiente.

COMMENTARIUS.

*A*lius modus civilis acquisitionis) Vel hinc apparet, superiores acquirendi modos inter acquisitiones civiles à Justiniano numerari. Subjicit autem hic pro conclusione alium civilis acquisitionis modum, sed antiquarum, & quem ipse jam antea abrogaverat, quo scilicet pars unius domini communem servum manumittentis socio quærebatur
Ss
jure

jure accrescendi. Quod jus donationi valde affine erat, quoniam & ipsum causa erat merè lucrativa: & quia dominium istius partis circa traditionem transibat ad socium, omnino hic modus pertinebat ad jus civile: estque casus quidam, quo jus accrescendi locum habebat extra causam ultimarum voluntatum. VINN. Sed suppetunt plures, veluti in usufructu, tit. ff. de usufr. accr. & in socio liberalitatis imperialis, l. 1. C. si lib. imp. soc. HEIN.

Vindicta, vel testamento) Meminit dumtaxat manumissi vindicta aut testamento: quia alio modo, puta per epistolam, aut inter amicos manumissus huc non pertinebat. Sic enim jus erat, ut quibus modis servum proprium manumittens civem Romanum faciebat, iisdem modis communem manumittens partem suam amitteret, eaque accresceret socio: quibus autem modis proprium manumittens Latinum faciebat, ut iis modis comunem manumittens nihil ageret, id est, neque Latin. faceret, neque partem suam amitteret, Ulpian. tit. 1. de libert. §. communem. 18. Paul. 4. sent. 12. in pr. VINN. Immo ex Ulpiani loco patet, circa manumissos per epistolam aut inter amicos discessisse veteres, & non omnes, sed plerumque tamen existimasse, manumittentem nihil egisse. Cui sententia & Paullus favet. HEIN.

Eo casu parti amittebatur) Nam cum ea à domino manumissore abiret, nec tamen aut libertas communi servo ab uno è dominis in præjudicium socii sui dari posset, aut quisquam pro parte servus pro parte liber esse, quoniam status hominis individuus est; necessario eveniebat, ut pars manumissoris, quippe quæ nullus esse non poterat, accresceret, accederetque socio: non absurdi ratione, quia placet, usufructum in jure cessum extraneo

extingui, & redire ad proprietatem, quod explicatum §. pen. sub. de usufr.

Per nostram constitutionem mederi) Leg. 1. C. de comm. serv. man. ubi quod in solis militibus antea obtinebat, jus commune facit sancitque generaliter, ut servus communis ab uno ex dominis manumissus liber omnino fiat, si manumissor alteri domino pretium suæ partis persolvere paratus sit. Neque inter modos manumittendi hic distinguendum, cum quævis manumissio nunc civem Romanum faciat, §. 3. sup. de libert. & generaliter loquatur Imp. d. l. 1. §. 1.

Contra communes regulas) Jure communi nemo rem suam vendere aliove modo alienare cogitur, l. invictum. 11. C. de contr. empt. l. nec emere. 16. C. de jur. del. Ab hoc jure in casu proposito recedendum putavit Justinianus propter favorem libertatis: neque hoc, ut novum carpendum esse, cum etiam veteres juris conditores multa pro libertate contra rationem juris constituisse notum sit, l. generaliter. 24. §. si quis. 10. de fideic. libert. Plures casus, quibus quis rem suam vendere cogitur, notavimus ad §. ult. sup. de bis qui sui vel al. jur.

Quod nos definitivimus) Ne de pretio partis domini non manumissoris contentio esset, Justinianus servorum pretia pro ætate atque artificio, cujusque quod exerceret, certa definit; crescuntque à decem solidis, usque ad septuaginta, d. l. 1. §. ne autem. 5. C. de comm. serv. man. l. ult. C. de cond. infer. Quod tamen nonnulli non satis prudenter factum existimant, definitionemque pretii in singulis causis arbitrio Magistratus potius permittendam fuisse. Hujus §. nullum esse hodie usum intelligi potest ex iis, quæ diximus, l. 1. tit. de jur. person.

TITULUS OCTAVUS.

QUIBUS ALIENARE LICET, VEL NON LICET.

Continuatio, atque argumentum tituli.

Explicati hætenus sunt plerique modi, quibus dominium rerum singularium nascimur cum jure gentium tum jure civili. In his præcipuus & modus maximè naturalis est, cum dominus rem suam ita alteri tradit ut eam velit fieri accipientis, §. per traditionem. 40. sup. de rer. div. Ceterum cum hoc non omnes qui domini sunt, jus alienandi rem suam vel etiam administrandi habeant: deinde quia quandoque

etiam contingit, ut is, qui dominus non est, dominium in accipientem transferat, eo quod alienandi potestatem à lege accepit; utrumque hoc Justinianus exemplis sibi declarandum putavit proprio titulo; quem idcirco etiam statim superioribus subijcit. In princ. & §. ult. profert exempla eorum, qui cum domini sint, jus tamen alienandi non habent; in §. 1. exemplum contrarium.

T E X T U S .

Summa tituli, de Marito, qui licet fundi dotalis dominus sit, tamen alienare nequit.

Accidit aliquando, ut qui dominus rei sit, alienare non possit; & contra, qui dominus non sit, alienanda rei potestatem habeat. Nam dotale pradium maritus invita muliere per legem Juliam prohibetur alienare; quamvis ipsius sit, dotis causa ei datum. Quod nos legem Juliam corrigentes, in meliorem statum deduximus. Cum enim lex in solis tantummodo rebus locum habeat, quæ Italice fuerant; & alienationes inibebat, quæ invita muliere fiebant: hypothecas autem earum rerum etiam volente ea: utrique remedium imposuimus, ut etiam in eas res, quæ in provinciali solo posite sunt, interdicta sit alienatio, vel obligatio, ut neutrum eorum neque consentientibus mulieribus procedat: ne sexus muliebri fragilitas in perniciem substantia earum convertatur.

N O T A E .

Dotale pradium) Inæstimatum scilicet: nam æstimato in dotem dari alienatio marito permittitur, l. 10. §. 4. D. de jur. dot. l. 5. l. 10. C. eod. sicut & rei mobilis, l. 1. §. 2. D. de suis & legit. l. 3. C. de jur. dot. auct. sive à me. C. ad Sen. Vell.

Sexus muliebri fragilitas) Ne fragilitate suæ naturæ in repentimam deducatur inopiam, d. l. un. §. 15.

C O M M E N T A R I U S .

- 1 Prohibitionem legis Juliane ad res dotales mobiles non pertinere, neque ad ullas æstimato in dotem datas.
- 2 Solum maritum verum iustumque rei dotalis dominum esse, plenissime probatur, remotis omnibus objectionibus.
- 3 Alienandi verbum quam latè pateat ex sententia legis Juliane.
- 4 Cur lex æstius prohibuerit fundi dotalis oppignorationem quam alienationem?
- 5 Quantum mores nostri dissideant à jure scripto?

Dotale pradium maritus prohibetur alienare) Primum exemplum, quo ostenditur, eum qui dominus est, aliquando alienare non posse, propositum iudicio dianoëtico syllogismi tertie figuræ partibus omnibus explicatis. Est verò partium metathesis, qua sublata apparebit syllogismus integer in Felapton. Maritus pradium dotale alienare non po-

test: Maritus est dominus pradii dotalis; Ergo quidam rei dominus eam alienare non potest. At pradium: ergo rei mobilis alienatio marito prohibita non est, quod etiam probant textus in l. 1. §. 2. de suis & legit. l. 3. C. de jur. dot. l. ult. C. de serv. pign. dat. man. auct. sive à me. §. 1. C. ad Sen. Vell. utique tamen hoc ita, si maritus solvendo est; l. 1. C. de tit. de serv. pign. & c. nam alioqui in fraudem uxoris id facere censetur, quippe cui dos deberi incipit: ex quo constat, mariti facultates ad exactionem dotis non sufficere, etiam si matrimonium necdum solutum sit, l. si constante. 24. sol. matr. l. si servum. 21. de manum. l. ubi. 29. C. de jur. dot. Prædictum autem accipere debemus inæstimatum: nam quæ res æstimato in dotem dantur, eas omnes, sive mobiles sint, sive immobiles, libere à marito alienari posse vel ex eo patet, quòd soluto matrimonio non res ipsæ, sed pretium sive earum æstimatio in restitutionem veniat, iudicio venditi, l. 10. §. si ante. 4. de jur. dot. l. 5. l. 10. C. eod. Uti que si æstimatio facta sit venditionis causa: secus autem si facta sit tantum intertrimenti, & taxationis causa, ut constat, quanti res sit, ut in l. 69. §. 7. de jur. dot. l. 50. sol. matr. l. 20. C. de jur. dot. Errat verò procul dubio Wesembecius contendens, maritum non alias res mobiles alienare posset, quam quæ servando servari nequeant arg. l. lxx qua. 22. C. de adm. tut. Longè enim plus juris maritus habet, quam tutor, & futilis collectio est ex l. rei in dotem. 42. de jur. dot. Rerum, quæ pondere, numero, mensura constant, maritus liberam alienationem habet; ergo ceterarum rerum mobilium non habet. Atque hoc tantum Jurisconsultus ibi docere voluit, quantatam in dotem dari eodem jure & obligatione, qualis est in mutuo.

Per legem Julianam) Quæ vulgo appellatur Julia de fundo dotali, l. 1. l. 4. de fund. dot. Tullit hanc legem Augustus: est enim ea ipsa, quæ de adulteriis & de pudicitia dicitur, ut constat ex Paul. 2. sent. 21. atque ex inscriptione multorum capitum sub d. tit. de fund. dot. quippe lex illa inter alia hoc etiam caput de fundo dotali habuit conceptum in hæc verba: Fundum Italicum dotalem maritus invita uxore ne alienato; neve consentiente ea obligato, l. un. §. & cum lex. 15. C. de rei ux. act. Adi Brisson. lib. fing. ad leg. Jul. de adult. ubi hujus legis capita, quæ quidem in libris nostris continentur, accuratè collegit & exposuit. Causa prohibitionis est favor dotium, quas mulieribus salvas esse etiam publicè expedire creditur, quo facilius iterum virum inveniatur,

l. 2. de jur. dot. Ac tamen si soluto matrimonio maritus, hæredem ejus dotem restituere tenentur: præstat tamen, mulierem rem habere salvam, quàm in personam agere, per l. plus cautionis. 25. de reg. jur. l. 5. de susp. lit. Cæterum non de rebus dotalibus omnibus lex cavet, sed de prædiis dumtaxat; utpote quorum alienatio mulieribus maxime damno-
sa esse potest propter harum rerum pretium. Sed & prohibita rerum mobilium alienatione facile fieri posset; multi ut deciperentur, mag-
naque inde sequerentur incommoda.

Quamvis ipsius sit Maritus esse rei dotalis dominum, innumeris locis & perspicue pro-
ditum est, l. 1. §. 1. l. dot. 13. §. 2. de fund. dot. l. 7. §. 3. de jur. dot. l. si pradium. 23. C. cod. l. quovis. 47. §. ult. de pecul. &c. cau-
samque dotis habilem esse transferendum do-
minium, non secus ac venditionem, permuta-
tionem, donationem, scriptum expressè est,
§. per traditionem. 40. sup. de rer. div. & pro-
bat tit. Pand. pro dote, nam alias mulier rem
alienam marito ex causa dotis tradens non
transferret ufucapiendi facultatem, neque ma-
rito amissa possessione daretur actio in rem
publiciana, l. 3. §. 1. de Pub. in rem act. Idem
quoque arguunt effecta juris dominici pro-
pria, qualia sunt, quòd maritus solus rem
dotalet vindicare, l. dote. 9. C. de rei vind.
quòd servus dotalis hæres ab aliquo institutus
jussu mariti aut adit, aut repudiatur hæredita-
tem, l. servus. 58. sol. matr. quòd dotali servo
libertatem dare potest, l. 3. C. de jur. dot. Qui-
bus etiam hoc argumentum accedit, quòd ne
mortuo quidem marito dominium rei dotali ad
uxorem revertitur, sed una cum universitate
transit in hæredem mariti, d. l. 1. §. 1. de fund.
dot. ut proinde ex ratione juris veteris nec ad
repetendam dotem mulieri competeret actio
in rem, sed tantum personalis rei uxoriæ, aut
ex stipulatu. Postremo si maritus dominus rei
dotalis non esset, quid opus fuit lege, qua
marito interdiceretur fundi dotalis alienatio?
Rectè igitur Græci in Basil. 47. tit. 1. τὴν πρὸς τὸν
ὅν τῷ γαμῶν τὸν ἀνδρὶ κτλ. Nou pauca tamen
huic sententiæ obstat videntur, atque uxori
non marito dominium dotis asserere in l. quam-
vis. 75. de jur. dot. dos dicitur esse ipsius mu-
lieris: alibi proprium mulieris patrimonium,
l. 3. §. ergo. 5. de minor. l. in eum. 16. de al.
& sumpt. fund. l. 4. de collat. in l. 7. §. si fun-
dum. 22. sol. matr. De fundo dotali discessit Ju-
risconsultus, quasi de re aliena res pectus mari-
ti. Maritus in rebus dotalibus dolum & cul-
pam præstat, l. in reb. 17. de jur. dot. Penes
mulierem esse dicitur etiam fundi dotalis pos-

sessio, ut satisfacere ea de causa non teneatur,
l. sciendum. 15. §. 3. qui satisd. cog. Denique
generaliter à Justiniano traditum est, res do-
tales in dominio uxoris permanere, l. in reb.
30. C. de jur. dot. Hæc nostri non uno modo
componunt. Donellus lib. 14. com. 4. putat,
maritum rerum dumtaxat æstimatarum &
quantitatis in dotem datæ dominum esse, cor-
poris inæstimato datæ mulierem. Vult ejus hic
& 1. disc. schol. 19. uxorem esse dominam rei
dotalis, maritum dominum juris in ea re con-
stituti. Vaudus, 2. var. quæst. 3. & Joan. del
Castil. de usufr. c. 4. marito nihil ferme tri-
buunt, præter jus rebus dotalibus utendi fru-
endi. Robertus 3. sent. 18. dominium dotis
marito concedit, proprietatem negat. Non-
nulli dominium bonitarium penes maritum
fuisse contendunt, Quiritiarum penes uxo-
rem, ut Percuot. 2. animad. 2. Alii contra,
illud penes uxorem, hoc penes maritum, ut
Hostem hic. Cæterum nemo horum quicquam
assert, quod mihi probari potest. Donelli dis-
tinctio apertè vitiosa est: nam cum per se do-
tis constitutio sit titulus idoneus transferen-
dum dominium, d. §. per traditionem 40. ne-
cesse est, ut tam rei inæstimatæ in dotem
datæ dominium in maritum transeat, quàm
æstimatæ, aut si aliena res est, usucapiendi
conditio; quod etiam diserte traditur l. 3. §.
1. de Pub. in rem act. Hoc tantum interest,
quòd dominium mariti in re dotali non æsti-
mata minus plenum nec perpetuum est, quip-
pe cuius rei, si immobilis est, nec alienandæ,
nec obligandæ jus habet, & quam ipsam so-
luto matrimonio restituere tenetur; nam quod
dotis causa perpetua esse dicitur l. 1. de jur.
dot. id ad votum dantis referendum est, quod
ea intentione detur, ut perpetuo apud mari-
tum sit. At rei æstimatæ dominium plenissimè
atque irrevocabiler in eum transfert, ita ut
pretii tantum debitor efficiatur, nisi forte ele-
ctionem sibi mulier reservaverit, l. 11. de
fundi. dot. l. 5. C. de jur. dot. aut intertrimenti
dumtaxat causa æstimato facta sit, ut paulo
ante notatum. Idemque est cum res fungibilis
in dotem data est: perinde enim nunc mari-
tus obligatur, ac si mutuum accepisset, l. res
in dotem. 42. de jur. dot. Quid quod amissa
distinctione Donelli fatendum erit, domi-
nium rei dotalis non aliter transferri, quàm
si venditio aut mutuum contractum sit? quod
qui asserit, vi ipsa simpliciter negat, contra ju-
ris auctoritatem, rem ex causa dotis transferri,
aut dotem esse justum titulum transferendi do-
minii. Et vel unum hoc ad refellendum Do-
nellum satis est, quòd maritus dicitur domi-

nus esse illius ipsius prædii, quod lege Julia vetatur alienare, l. dotale. 13. §. 2. de fund. dot. & hoc text. Etenim legis Juliz prohibitio ad fundum dotalem non æstimatum fere solum pertinet: ad æstimatum non pertinet, nisi uno illo & altero casu, quem supra indicavimus. Vultejus quoque distinctio tolerari non potest, & à juris ratione nimium quam abhorret. Res ipsa in dotem data non jus aliquod in ea re mariti effici dicitur, l. 7. §. si res. 3. de jur. dot. prædium ipsum dotale mariti esse, dominium hujus prædii marito quaeri, d. l. 11. §. 2. de fund. dot. & hoc loc. Quibus textibus atque aliis, quos supra adduximus, refutatur etiam opinio Vaudi & del Castill. Pluribus atque ex professo distinctionem Vulte. confutat D. M. Lyclama. 7. membr. 26. Roberti merum commentum est, atque inauditum, alium dominium rei habere, alium proprietatem. Perenotti sententia plus coloris habet; sed tamen & ipsam falsam esse existimo. Moveor, quod distinctio illa domini bonitarii & Quintiarii non pender à titulo, aut causa acquirendi, sed à genere & modo, quo res in accipientem transferrebat. Potuit ergo maritus & ex jure Quiritium habere, puta, si mancipatio aut in jure cessio intervenisset: potuit & in bonis tantum, si simplex modo traditio facta esset, & res nondum usucapta, per ea, quæ Ulpian. tit. 1. de libert. §. qui tantum. 11. Ac dominium quidem bonitarium semper penes maritum fuit, Quiritiarium plenum non semper, nudum numquam, in quo perspicue errat Hotom. fac. l. 7. §. si res. 3. l. quamvis. 75. de jur. dot. l. Lucius. 21. §. 4. ad municip. Una hujus dissidii conciliatio est, eaque simplicissima, ut dicamus, solum maritum esse rei dotalis etiam inæstimatæ verum justumque dominum: cæterum quia hoc dominium mariti perpetuum non est, sed abiturum ab eo, solutoque matrimonio, redditurum ad mulierem, (quippe cui maritus factio divortio, quod apud Romanos frequenter contingebat, dotem restituere cogitur) hujus dissolutionis ac futuræ restitutionis intuitu dotem videri non tam mariti, quam uxoris esse, & adhuc patrimonium uxoris appellari, deque marito considerato eodem eventum. Jurisconsultos nonnunquam ita loqui tamquam de non domino, & quasi rei alienæ administratore, præsertim in tit. sol. matrim. Qua ratio nem etiam defendendum erit, quod Justinianus ait, sola legum subtilitate rei dotalis dominium in maritum transferri, naturaliter autem penes uxorem manere, d. l. 30. C. de jur. dot. Loquitur enim etiam de rebus æstimatis,

quas certo constat in patrimonium mariti transire, idque pleno etiam & perpetuo jure, l. 5. C. eod. Mirum verò non est, Justinianum sic loqui, dum scopo suo serviens colorem aliquem quaerit constitutioni suæ, qua contra rationem juris uxori pro rebus dotalibus tam æstimatis, quam inæstimatis concedit actionem in rem. Quod tamen cum Bachovio de utili in rem accipio, & quæ soluto demum matrimonio uxori detur in subsidium, ubi maritis solvendo non est.

In rebus, quæ Italica fuerant) In prædiis igitur provincialibus legi locus non fuit, sed potuit maritus ea libere alienare. Quod tamen absurdum merito videri potest: & maxime post constitutionem Antonini, qua provinciales omnes civitate donati sunt, l. in urbe. 17. de stat. homin. Nam etsi prædiorum provincialium summum jus, & dominium Quiritiarium penes possessores non erat; proximum tamen pleno dominio jus habebant, quod in quavis alium transferre poterant, omniaque percipiebant prædiorum emolumenta, uno excepto, quod certum vectigal prædiis impositum quotannis solvere tenebantur. Cur igitur magis in Italia, quam in provinciis mulieribus prospectum, cum idem ubique sit, aut esse debeat, dotium favor? Existimo, non defuisse alia remedia, quibus nuptæ sibi in provinciis consulere potuerint. Lepidium verò est, quod Dionys. Gothofred. in notis ad Theoph. scribit, fundum extra Italiam sicut per legem Juliam ne volente quidem uxore alienari potuisse. VINN. Immo: nec opus fuit prohibere alienationem fundi domalis provincialis, quippe ab emptore usucapi non poterat, adeoque soluto matrimonio semper poterat vindicari, quod secus se habebat in fundo Italico. l. 17. ff. de stat. hom. huc planè non pertinet. Communicato enim cum universo orbe Romano jure civitatis Romanæ, non ideo sublatum est diferimen soli Italici & provincialis, quod Justinianus demum abolevit. l. un. C. de nud. jur. Quir. toll. l. un. C. de usucap. transform. HEIN. Alienationes inhibebat.) Alienatio dicitur omnis actus, per quem dominium transfertur, l. 1. C. de fund. dot. Itaque non tantum distrabi fundus dotali prohibetur, sed etiam donari, permuatari, in solutum dari, legari: ac ne quidem si miles legaverit, ratum erit legatum propter legem Juliam, l. dotale. 16. de testam. mil. Sed & usucapio quoque appellatione alienationis continetur, l. alienationis. 18. de verb. sign. & ideo ad hanc quoque speciem lex Julia pertinet, l. si fundum. 16. de fund. dot. fac. l. si ab eo. 12. de usuc. l. 7. §. qui sciens.

sciens. §. pro empti. Alienatum autem proprie non videtur, quod adhuc in dominio nostro manet, quamvis venditum rectè dicatur, *l. alienatum. 67. de verb. sign.* Alienandi autem prohibitionem eos quoque casus comprehendi intelligimus, quibus jus aliquod in re à domino separatum transfertur, *l. ultim. Cod. de reb. al. non alien.* Quare nec servitutem prædio dotali maritus imponere poterit, nec servitutem prædio debitas remittere, vel amittere non utendo, *l. §. de fund. dot.* Cui consequens est, libertatem servitutis urbano prædio dotali debita ex cessione patientie mariti non competituram, ne per hoc prædii conditio deterior fiat, *leg. 6. eod. tit.*

Hypothecas earum etiam volente ea) Lex Julia alienationes prædiorum dotalium prohibuit, quæ invita muliere fiebant; oppignorationem etiam quæ fiebat ea consentiente, *l. unic. §. cum lex. 15. Cod. de rei ux. act.* Hoc ideo, quia facilius mulier adduci potest, ut consentiat obligationi, ubi nullum præsens periculum est, sed spes fore, ut maritus rem luat, quam alienationi consentiat, per quam rei ipsius dominium statim in alium transfertur. Quod igitur facilius mulier concessura erat, arctius lex, immo solum prohibere voluit: ut passim videmus ea sola legibus prohiberi, quæ facile fieri possunt, cum lex ea fieri non vult, non quæ difficultuler. Hac ratione Senatusconsulto Vellejano mulieri pro alio se obliganti succursum est, non donanti, nimirum quia, ut inquit Jurisconsultus, facilius se mulier obligat, quam alicui donat, *l. 4. §. 1. ad senat. Vellejan.* Eadem ratio fuit legis Fufiz Caninix infinitam manumissionem in testamento prohibentis, non inter vivos, *sup. de leg. Fuf. Can.*

Utrique remedium imposuimus) Justinianus legis Julix prohibitionem primum porrexit ad prædia provincialia, *diß. l. un. §. et cum lex. 15. Cod. de rei ux. act.* quippe quorum nondum eadem causa, quæ Italicorum erat, quod effectum constitutione posteriore, *leg. un. Cod. de usucap. transf.* Deinde alienationem eodem modo, quo oppignorationem, prohibuit, ut nec illa vel consentiente muliere fieri posset: quod lex Julia permittebat, *diß. leg. unic. §. et cum lex. 15. vers. cum autem.* Hæc autem prohibitio in quibusdam casibus cessare creditur, quos collegit Christin. volum. 3. dec. 133. num. 20. et 28. cum seqq.

Ne sexus muliebri fragilitas) Ratio cur legi Julix hæcenus derogarit, ut nec alienationem prædii dotalis, quæ cum consensu mulieris fit, valere patiat, quia scilicet succurrendum

putavit facilitati mulierum, quæ vel fragilitate sexus, vel mariti reverentia, aut amore ductæ facile rerum suarum alienationibus consensum accommodant, *τι γὰρ αἱ ἀπ' αὐτῶν ἀπλῆ-
της γυναικίς.* Liban. *Declam. 35.* Pontifices tamen hujusmodi alienationes, si jurato mulier consenserit, firmas manere præcipiunt, *cum contingat x. de jurejur. c. licet mulieres, eod. in 6.* Moribus harum regionum marito dominium rerum, quæ uxor in matrimonio confert; non queritur: sed nullis antenuptialibus instrumentis confectis bona omnia utriusque conjugum communia sunt, ut alibi dictum. Cæterum si facta sit bonorum communio, sive ea pactiōibus exclusa, licet marito pro jure potestatis, quam maximam apud nos in uxorem habet, res ejus alienare, aut obligare, neque in eam rem opus habet uxoris consensu, nisi ea quoque potestas nominatim pactis antenuptialibus restricta sit, aut impetrata bonorum separatio. Neostad. *de pact. antenupt. obs. 10.* Grot. 1. *introd. c. §. 4.* et alii alleg. à Groenevv. *hic, tract. de il. abrog.* Contra verò mulieres nuptæ res suas obligandi, aut alienandi jus non habent: ac neque ex contractu sine consensu maritorum inito obligantur, nisi quatenus ea obligatio spectat victum & cultum familiæ, exceptis palam negotiantibus, quæ institutorum jure utuntur, atque in negotiatione, quam exercent, se virosque suos obligandi potestatem habent, D. Joan. à Sande *lib. 2. tit. 4. defin. 3. et 4.* Non idcirco tamen minus in intercessionibus beneficii Senatusconsulti utuntur, D. Neostad. *obs. rer. jud. 18.*

T E X T U S.

De Creditore, qui licet non sit dominus, tamen alienare pignus potest.

1. *Contra autem creditor pignus ex pactione, quamvis ejus ea res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, qui ab initio contractus pactus est, ut liceret creditori pignus vendere, si pecunia non solvatur. Sed ne creditores jus suum persequi impedirentur, neque debitorum temere suarum rerum dominium amittere viderentur, nostra constitutione consultum est, et certus modus impositus est, per quem pignorum distractio possit procedere: cujus tenore utrique parti creditorum, et debitorum satis abunde provisum est.*

N O T A.

1. *Ex pactione*) Idem est, licet pactio nulla

la interposita, l. 4. *D. de pign. act.* neutrum autem procedit sine prævia denuntiatione, l. 4. *Cod. de distr. pign.* l. 10. *C. de pign.* Sed et si convenerit, ne liceat vendere, adhuc tamen distrahi potest, modò trina præcesserit denuntiatio, d. l. 4. *de pign. act.*

Qui ab initio pactus) Aut etiam ex intervallo, d. l. 4. *D. de pign. act.* Itaque hic casus non magis huc pertinet, quàm cum procurator voluntate domini rem alienat, §. 4. *sup. de rerum div.* Rectius huc referas tutores & curatores.

Nostri constitutione) L. ult. *C. de jur. dom. imp.* ubi nova forma distrahendi pignoris prolixè præscribitur, cui locus sit, cum de vendendo eo nihil nominatim convenit.

COMMENTARIUS.

1. Unam saltem denuntiationem requiri, non tantum cum de pignore distrahendo non convenit, sed etiam cum convenit, ut vendere liceat.
2. Quid si dies solutioni adjecta, & solutio sua die facta non fuerit?
3. Formam vendendi pignoris à Justiniano præscriptam vix ullibi locorum observari.

HIC ex diverso ostenditur, etiam cum aliquando, qui dominus non est, alienandæ rei potestatem habere, exemplo creditoris pignoratitii. Magis autem huc pertinent tutores & curatores, quibus res pupillorum suorum & auctorum alienandi potestas non à domino, sed jure tributa est, l. bona fidei 109. *de verb. sign.* quamvis his non quævis permessa alienatio, nec omnium rerum absque decreto. De quo vid. l. 9. §. sicut 5. l. 12. §. 1. l. tutor 22. l. Lucius 46. §. ult. *de adm. tut.* l. non omni 16. l. lex quæ 22. *C. cod. l. 1. & pass. de reb. cor. qui sub tut.*

Ex passione) Pertinet igitur hic locus ad alienationem pignoris conventionalis. Ait, *ex passione*. Quid ergo si de distrahendo pignore nihil convenerit? Adhuc eo jure utimur, ut distrahere liceat, l. 4. *de pign. act.* Quin hoc ipsi naturæ pignoris inest. Atque hic casus potius ponendus fuerat, quàm cum pignus alienatur ex conventionem atque expressa voluntate debitoris, per ea, quæ statim sequuntur. Immo tantum abest, ut passio ad alienationem pignoris necessaria sit, ut etiamsi nominatim contra convenerit, ne liceret pignus vendere, adhuc tamen liceat, si modo ter (per justa intervalia, quod iudex arbitrabitur, Negul. *de pign.* 1. *membr.* 6. *part. principal.* n. 4. Schneid. *hic num.* 3.) prius debitori denun-

tatum fuerit, ut solvat, & cessaverit, d. l. 4. *de pign. act.* alioqui si nunquam liceret vendere, creditori pignus esset inutile, ut adeo tale pactum sit contra naturam pignoris. Enim vero nec illo casu, quo nihil de distrahendo pignore actum est, absque præcedente denuntiatione pignus vendi potest, sed una tantum denuntiatio sufficere putatur, arg. d. l. 4. *de pign. act.* l. 3. *C. de jur. dom. imp.* l. 4. *C. de distr. pign. l. debitoribus* 18. *C. de adm. tutor.* quamvis etiam hoc casu tres desiderare videatur Paulus 2. *sent.* 13. Hoc amplius putarem cum Castrensi. ad d. l. 4. Negul. 1. *membr.* 6. *part. pr. n.* 1. Schneid. n. 2. contra Gloss. Salic. in l. 1. *C. de distr. pign.* Wesemb. *bic*, etiam tunc unam saltem denuntiationem requiri, cum expressè convenit, ut pignus vendere liceat: cum nec ante debitor constituitur in mora. Estque in eam rem textus apertius in d. l. 3. §. 1. *C. de jur. dom. imp.* & jure quoque veteri sic obtinuisse liquet ex l. debitoribus 10. *C. de pignor.* & d. l. 4. *C. de distr. pign.* Sed illud interest, quòd ubi de distrahendo pignore convenit, biennium post denuntiationem non expeditur, uti fit in duabus speciebus reliquis ex constitutione Justin. d. l. 3. §. 1. *C. de jur. dom. imp.* Schneid. *bic num.* 3. Sed quid dicendum de his casibus, quibus mora contrahitur citra ullam interpellationem, puta si dies solutioni adjecta sit, & sua die solutio facta non fuerit? Hic enim adventu solius diei debitor in mora constituitur secundum communem sententiam, per l. magnam 12. *C. de contr. stip.* Negul. *d. loc.* & Schneid. *bic num.* 1. putant, hoc casu nulla opus esse denuntiatione, sufficereque ad licentiam vendendi pignoris nudam debitoris moram. Cui sententia patrocinari videtur l. 8. §. 3. *de pign. act.* Sed humanius est ut dicamus, etiam hoc casu denuntiationem præcedere debere. Non enim protinus sequitur, ad debitorem constituendum in mora nihil aliud desiderat, quàm ut dies venerit; ergo hoc etiam sufficit ad jus distrahendi pignoris. Quippe pignoris obligatio diversa est à principali: nec si ob moram debentur usuræ, & rei debite periculum in debitorem transfertur, ideo statim etiam nulla præcedente denuntiatione licebit vendere pignus in gravissimum præjudicium debitoris. Nec obstat d. l. 8. §. 1. *de pign. act.* loquitur enim de jure vendendi pignoris, quod ex conventionem competit ob non solutam suam pecuniam. Quo tamen & ipso casu non solum humanius, sed etiam tutius facturus est creditor, si futuram venditionem denuntiet debitori, ut se fraudis suspitione liberet, nec do-

lo malo in ea venditione versatur, quandoque dici possit, l. 7. *C. de distr. pign.* l. 1. *C. si vend. pign. agat.* Bald. in l. 4. *C. de distr. pign.* Castr. in l. 4. *de pign. act.* Ant. Fab. *C. suo. de distr. pign. defin.* 13. add. Joan. à Sande *rer. jud. lib. 3. tit. 12. defin.* 20. Quid quod hoc ipsum, quod DD. pro certis juris regula ponunt, solo diei lapsu citra aliam interpellationem debitorem constitui in mora, non usque adeo certum est, & sunt, qui falsum existimant? Ferret. *trakt. de mora.* Charond. 3. *verosimil.* 10. Bachov. in *Treutl. disput. de usur.* tb. 7. Quamquam horum argumentis solide mihi respondisse videtur D. Guiliel. Masius *sing. opin. lib. 2. cap. 4.*

Quamvis ejus ea res non sit) Pignus in bonis, debitoris manet, l. pignus 9. *C. de pign. act.* non enim hoc contractu pignoris agitur, ut res alienetur, sed ut obligetur creditori in securitatem crediti.

Qui pactus est, ut liceret) Hic igitur casus non magis huc pertinet, quam si procurator, cui id dominus specialiter mandavit, rem alteri venderit & tradiderit. Nihil enim interest, utrum ipse dominus rem alteri tradat dominii transferendi causa, an voluntate ejus, §. nihil 42. *sup. de rer. div.*

Nostra constitutione consultum) Olim jus vendendi pignoris liberius fuit, quod Justinianus ita coercuit, ut nec creditores putaverit habere, quod conquerantur, & debitoribus justum spatium esse ad expediendam solutionem. Summa constitutionis Justinianæ, quæ est l. ult. *C. de jur. dom. imp.* huc redit, ut si de vendendo pignore nihil convenierit (alioqui forma conventionis præscripta in distractione servanda est) jus sit creditori altero demum post denuntiationem anno id vendere. Si emptor non extet, debitorem ut moneat, ut intra certum tempus pignus luat, aut non apparenti tempus, quo id facere possit, per judicem præscribat. Hoc autem frustra tentato, ut possit creditor à Principe petere facultatem pro domino possidenti: qua tamen impetrata, adhuc biennium debitori detur, ut interim debitum cum eo; quanti creditoris interest, quæ sita pecunia perolvere, & pignus luere possit: eo vero tempore sine solutione transacto, creditor justus pignoris dominus efficiatur. Sed hæc forma vendendi pignoris vix ullibi locorum nunc observatur, vid. Bart. d. l. 4. *de pign. act.* & d. l. ult. *C. de jur. dom. imp.* Schneid. hic n. 6. Baron. *comm. part. 2.* Christ. vol. 4. *decif.* 172. n. 3. & ibi citat. Antiqua ratio planior & simplicior hæc fuit, ut annua pignoris proscriptio creditor ejus dominus efficeretur, si

debitor id non luere. Moribus nostris vix convenit, ut creditor privata auctoritate pignus distrahat, sed distractio additione fieri solet auctoritate Magistratus, uti jure Rom. in iis pignoribus, quæ in causa judicati capiuntur, l. 2. *C. si in caus. jud. pign.* c. in quibus quid juris sit, quid item in pignore prætorio, discet ex l. Divus 15. §. 2. & seqq. *de re jud. l. cum proponas* 9. *C. de bon. auct. jud. possess. cap. quoad consultationem* 2. *de sens. & re jud.* Dyn. in l. si finita 15. §. Julianus 16. *de dama. inf. Negul. d. loc. num. 7.* & seqq. Christin. vol. 4. *decif.* 165. vid. Merul. lib. 4. tit. 100. cap. 1. n. 10. Neostad. *decif.* 90. *sup. cur.* Finis venditi pignoris est, ut ex pretio inde redacti creditoris satisfiat: quod ultra consecutus est, id restituere debet, teneturque eo nomine actione pignoratitia: sicut vice versa in id, quod deest, creditori actio competit adversus debitorem vel fidejussorem ejus, l. 6. *de pign. act.* l. 9. §. 1. *de distr. pign.* l. 3. *C. eod.* Illud postremò sciendum est, si creditor ipse pignus non possideat, sed debitor vel alius, actione hypothecaria prius rem evincendam, ac tum distrahendam esse. Wesemb. *parat. de distr. pign.* n. 1. & 10.

TEXTUS.

De pupillo, qui licet dominus, non tamen sine tutoris auctoritate alienare potest.

2. Nunc admonendi sumus, neque pupillum, neque pupillam, ullam rem sine tutoris auctoritate alienare posse. Ideoque si mutuum pecuniam sine tutoris auctoritate alicui dederis, non contrahis obligationem: quia pecuniam non facis accipiente: ideoque vindicari nummi possunt, si tibi extant. Sed si nummi, quos mutuo minor dederis, ab eo qui accepit, bona fide consumpti sunt, condici possunt: si mala fide, ad exhibendum de his agi potest.

NOTÆ.

2. Ideoque si mutuum pecun.) A remotione generis ad remotionem speciei. Nam & mutui datio alienatio est, l. 2. §. 2. l. 16. l. pen. D. de reb. cred. d. l. 9. *princ. de auct. tut.* & in nativo suo significato, l. 2. *C. de fund. det. l. Interpp.* omnes & novissimè Fabrot. & Grot. in *paraf. flor.*

Bona fide consumpti) Consumptio bona fide facta conciliat mutuum & conditionem parit, l. 19. §. 1. D. de reb. cred. Valetque hoc etiam in nummis alienis mutuo datis, l. 11. §. ult. cum 2. ll. *seqq. eod.*

Si mala fide, ad exhibend.) Nam qui dolo malo consumpsit, pro eo est, ac si non consumpsisset. Dolus enim pro possessione est, l. 131. 150. de reg. jur.

COMMENTARIUS.

- 1 Corpora, quæ mutuo dantur, alienari. De quo cum D. Salmasio sermo.
- 2 Nummi quando consumpti intelligantur.
- 3 Mutuum non confirmari consumptione nummorum facta mala fide.
- 4 Cur in casu consumptionis mala fidei tantum actionis ad exhibendum hic mentio fiat, emendato errore Cujacii?

Redit ad eos, qui, cum domini sint, alienare non possunt. Meminit porro unius pupilli, sed sunt in hoc numero plures: nam & puberes minores curatorem habentes huc pertinent, l. 3. C. de rest. in inst. l. lex que 22. C. de adm. tut. item is, cui bonis interdictum est, qui, cum de eo obligando, aut alienando deminuendove ejus patrimonio agitur in eadem causa cum furioso habetur, l. 6. de verb. obl. l. 12. in fin. de tut. dat. tum etiam ceteri, qui ob vitium morbumve corporis in curatione sunt, rerumque suarum administrationem non habent, de quibus in §. 4. sup. de curas. l. 8. §. 3. d. l. 12. in pr. de tut. & cur. dat. Filius quoque familiarum non potest alienare bona adventicia, quorum usumfructum pater habet, l. ult. §. ipsum §. vers. Filiis, C. de bon. que lib. Interdum causa, ex qua res traditur, alienationem impedit, ut donatio inter virum & uxorem, Pand. & Cod. eod. tit.

Sine tutoris auctoritate alienare) Alienatio à pupillo facta sine tutoris auctoritate ipso jure nulla est; quippe cum nec obligare se pupillus sine tutoris auctoritate possit, l. 9. & passim de auct. tut. l. 11. de acq. rer. dom. Ceterum auctore tutore & obligari potest, modò infantiam excefferit, & res suas rectè alienat, d. l. 9. l. 5. de reg. jur. §. pupillus 9. inf. de inut. stip. Res intellige, quantum alienatio sine decreto non est interdicta. Nam prædia pupillorum olim rustica, postea omnia, & res etiam mobiles, quæ sine detrimento servari possunt, absque decreto Magistratus alienari prohibita, l. 1. & tot. tit. de reb. eor. qui sub tut. & lit. C. de præd. & al. reb. min. sine dec. non al. d. l. lex que 22. C. de adm. tut.

Ideoquæ si mutuum pecuniam, &c. non contrahis obligationem) A genere ad speciem. Pupillus nullam rem sine tutoris auctoritate alienare potest: ergo nec mutuum pecuniam dando

eam facit accipientis: quo fit, ut nec mutui obligatio contrahatur, nec conditio pupillo competat: liquidem mutui obligatio, nisi nummi accipientis fiant, non nascitur, l. 2. §. 2. de reb. cred. Supponit igitur Imp. id quod mutuo datur, alienari, seu mutui dationem esse speciem alienationis. Quod & alibi constanter traditum est, l. 9. pr. de auct. tut. l. 16. l. pen. de reb. cred. nec minus perspicuum, quàm verum: quippe cum omnis actus, per quem dominium transfertur, verè & propriè sit alienatio, l. 1. C. de fund. dot. & sine alienatione fieri non possit, ut dominium rei ab uno abeat, & per traditionem transferatur in alium. Constat autem, corpora ipsa, quæ mutuo dantur, desinere esse dantis, & fieri accipientis, seu aliena, ita ut vindicari, aut ab eo advocari nequeant, l. 15. §. 1. de donat. Nec verò ideo minus alienantur, quia accipiens obligatur ad rem ejusdem generis restituendam, puta frumentum pro frumento, vinum pro vino. Quid enim refert ad alienationem ejus, quod datum est, utrum mihi, verbi causa frumentum ea lege datum, ut pro eo vinum aut oleum vicissim dem, uti sit in permutatione; aut frumentum ita datum, ut pro eo reddam aliud frumentum ut sit in mutuo? Est igitur mutui datio alienatio in nativo suo significato: & ita Interpp. omnes, ac novissimè Fabrot. ad Theoph. & Grot. in spars. flor. De quo cum sermonem haberem cum summo atque incomparabili viro D. Claudio Salmasio, hætenus quidem mihi assensus est ut fateretur, corpus rei, quæ datur in mutuo, alienari: sed negabat, ex eo effici, mutuum alienationem esse nisi forte materialiter. Propriè autem & formaliter mutuum non posse dici alienationem, propterea quod in eo nulla contingeret alienatio datæ quantitatis, sive sortis quæ diversum quid esset à data specie apud debitorem pereunte, & in qua propriè substantia mutui consisteret, uti rectè docuisset. Et simul interventu aliorum sermo noster interruptus est. Potest autem admetti D. Salmasii sententia, si appellatione mei & tui etiam obligationem & actionem comprehendas, ut sit interdum, l. 1. quid cert. loc. l. repetitio 44. de cond. ind. l. 6. §. apud Laboneum 6. quæ in fraud. cred. l. 91. de verb. sign. Propriè tamen loquendo nec ipsa fors nostra manet: nec enim quod nobis debetur, quod in credito, propriè nostrum est, l. 27. §. 2. l. 14. princ. de aur. arg. mund. leg. Boët. in Top. lib. 2. pecunia in nominibus debita non est nostra, sed debitorum. E ita in l. 1. de lib. leg. Et ideo creditori non vindicatio sortis, sed tantum conditio datur, quæ intendat, verbi

causa, centum sibi dari oportere, nemo autem rem suam condicit, aut sibi dari oportere intendit, §. 14. *inf. d. act. l. ult. in fin. usufr. quem cav.* Non male igitur mutuum à Cujacio definitur, alienatio pecuniarum sub lege reddendae quantitatis ejusdem, *parat. C. si cert. pet. Vindicari nummi possunt, si ubi extant*) Similis locus est in l. 11. §. ult. de reb. cred. At, inquit, de pupillo responsum est, enim nisi praesente tutore ne possessionem quidem, quae naturalis est, alienare posse, d. l. 11. de acq. rer. dom. rationi autem juris non convenire, ut possidentur detur vindicatio adversus eum, qui nec natura possidet. Resp. ut vindicationi locus sit, satis esse rem ab alio quovis modo detineri & restitui posse, l. 9. de rei vind. adeoque pupillum, etsi animo desinare possidere non potest, corpore tamen posse, atque in alium possessionem, quatenus facti est, sine tutoris auctoritate transferre, l. possessionem. 29. de acq. poss.

Bona fide consumpti) Non est mirum, nullos apud auctores plures & crassiores errores reperiri quam apud scriptores notarum: quippe quibus temporis non est vanto aut cribro utendi. Dion. Gothofredus ad l. 9. §. 2. de auct. tut. scribit, pecuniam in proposito intelligi consumptam, cum is qui accipit eam, alteri reddidit, aut in solum dedit: utiturque argumento, l. non omnis. 19. §. 1. de reb. cred. quo tamen loco hoc ipsum aperte negatur, & recte. Nam datio in solum aut creditum non facit, quo minus pecunia adhuc extet, & certo appareat. Quamdiu autem extat, & certo apparet, non potest dici consumpta; & apud quemcumque, aut ubicumque extat, in eadem causa & ejusdem manet, & à domino vindicari potest, ut proximè Imp. dixit. Quando igitur consummi intelligitur? Nimirum cum quis ea sic utitur, ut eo facto corpora ipsa nummorum, quae data sunt, non appareant. Id verò contingit primum corporibus sublati, veluti si quis ex accepta pecunia vas aliquod confaverit: quo facto pecunia extinguitur. Neque obstat distinctio, §. cum ex aliena 25. sup. de rer. div. Nam vas ex nummis aureis vel argenteis confectum ad rude quidem aurum vel argentum reduci potest; ad priorem speciem sive monetam non potest. Planè possunt auctoritate Principis nummi ejusdem potestatis & eadem figura inde cudi, sed nova hæc moneta & species est, non illa, quae prius fuerat. Deinde etiam corporibus nummorum integris manentibus, veluti si quis nummos acceptos ita aliis miscuerit, ut discerni non possint: nam etiam ea re cum qui

accedit, dominum fieri placet, l. si alieni. 78. de sol. Don. ad l. rogasti. 11. §. ult. d. t. n. 9. Ait, bona fide. Quod ergo in d. l. non omnis. 19. l. 1. de reb. cred. & si qui sunt alii loci similes, dicitur simpliciter, si pupillus sine tutoris auctoritate credendi causa pecuniam dederit, consumpta ea nasci conditionem, id ex hoc loco junct. d. l. rogasti. 11. §. ult. d. tit. l. 9. §. 2. de auct. tut. sic interpretandum erit, si bona fide ab accipiente consumpta sit, ignorante scilicet, pupillum esse, qui credidit. Efficitque hoc etiam ratio juris; quia quæ dolo malo consumpta sunt, non alio loco jure habentur, quam si adhuc extarent, nec consumpta essent, l. qui dolo. 131. l. parem. 150. de reg. jur. ac proinde cum malæ fidei consumptio consumentem dominum non faciat, nec mutuum ea consumptione confirmabitur, Don. d. loc. n. 7. Quod verò D. Bachovius putat non ob stare malam fidem, quominus consumptione dominum quæratur, & tamen bona fide tantum facta consumptione, mutuum, quod ab initio non consistebat propter inutilem numerationem, convalescere, id mihi planè arisæto videtur. Et sententia Bachovii, quod per consumptionem & similes acquirendi modos dominum acquiratur, citra considerationem bonæ aut malæ fidei, etiam extra causam accessionis; supra à me refutata est sub §. cum ex aliena 25. de rer. div.

Condici possunt) Quod valet in nummis alienis mutuo datis, ut iis bona fide consumptis ei, qui dedit, condicio detur tamquam ex mutuo, l. 11. §. ult. cum 2. ll. seqq. de reb. cred. id valet & in ea pecunia, quæ dantis fuit, si is rei suæ alienandæ facultatem non habuit, qualis est pupillus. Quapropter si pupillus sine tutoris auctoritate crediderit, consumptis nummis & illi condicio nascitur, l. non omnis. 19. §. 1. de reb. cred. & omnino quoque translatæ ab initio pecuniarum vis est, eandem esse placet & bona fide consumptæ, quasi translatæ: unde rectè dicitur, quod ab initio non valebat ex numeratione, confirmari pecuniarum consumptione bona fide facta. DD. in d. l. 11. §. ult. & d. 19. §. 1.

Si mala fide, ad exhibendum) Puto tamen & conditionem in proposito dari, non quidem quasi ex mutuo, quia consumptio mala fide facta dominum non facit, ut paulo ante probavimus: sed conditionem sine causa, utpote quam constat etiam adversus prædonem fructuum consumptorum nomine dari, l. 3. C. de condit. ex leg. l. 4. C. de crim. exp. her. Ait, ad exhibendam. Immo & in rem, inquit Cujacius: quoniam mala fides pro possessione est.

est. Sed, inquit in rem utilis est; ad exhibendum directa: quare commodius agi ad exhibendum quam in rem. Quod falsum est & inconsiderate à Cujacio prolatum. Non enim magis fieri potest, ut contra eum, qui possidere desit, detur directa ad exhibendum actio, quam directa in rem: cum ille non magis exhibendi, quam restituendi facultatem habeat.

- 4 Sed ut contra possidentem rem mobilem utraque directa est, ita contra eum, qui dolo malo desit possidere, utraque utilis. Nam quod dolo pro possessione est, id non ex vero, sed ex interpretatione est & fictione juris, quæ utili tantum actioni locum facit. Cur igitur actionis ad exhibendum meminit dumtaxat? Quia utili iudicio ad exhibendum semper consequitur actor id totum, quod suæ interest, §. 1. inf. de off. iud. vel permittitur rei petitæ æstimatio ipsius iurejurando, ut sit in eadem actione directa, si possessor per contumaciam rem non exhibeat: pro casu per iurandum in litem petitoris possessorem damnari certum est, l. 1. §. 2. ad exhib. Cum igitur præparatorio iudicio illud ipsum consequatur actor, quod rem vindicando consecutus esset, nihil superest, quod alia actione persequatur. Ita in simili Jurisconsultus, d. l. 11. §. ult. de reb. cred. Vindicari nummi possunt, si extant, aut, si dolo malo desinant possideri, ad exhibendum agi. Cujus loci lectioem frustra Donellus conatur emendare.

TEXTUS.

3. At ex contrario omnes res pupillo & pupilla sine tutoris auctoritate recte dari possunt. Ideoque si debitor pupillo solvat, necessaria est debitori tutoris auctoritas: alioqui non liberabitur. Sed hoc etiam evidentissima ratione statutum est in constitutione, quam ad Cæsarienses advocatos ex suggestione Triboniani, viri eminentissimi, Quassoris sacri palatii nostri, promulgavimus, quia dispositum est, ita licere tutori vel curatori debitorem pupillarum solvere, ut prius iudicialis sententia sine omni damno celebrata hoc permittat. Quo subsecuto, si & iudex pronuntiaverit, & debitor solverit, sequatur huiusmodi solutionem plenissima securitas. Sin autem aliter quam disposuimus, solutio facta fuerit, pecuniam autem salvam habeat pupillus, aut ex ea locupletior sit, & adhuc eandem pecunia summam petat, per exceptionem doli mali poterit submoveri. Quod si male consumpserit, aut furto aut vi amiserit, nihil proderit debitori doli mali exceptio, sed nihilominus condemnabitur: quia temere sine tutoris auctoritate, & non secundum nostram dispositionem solverit.

Sed ex diverso pupilli vel pupilla solvere sine tutoris auctoritate non possunt, quia id, quod solvant, non sit accipientis: quum scilicet nullius rei alienatio eis sine tutoris auctoritate concessa sit.

NOTÆ.

3. Plenissima securitas) Ita ut nec in integrum restitutioni sit locus: quod beneficium sola tutoris aut curatoris interveniens auctoritas non excludit, tit. C. si tut. vel cur. int.

Salvam habeat, aut locupletior) L. 15. l. 47. l. 66. D. de sol. l. 4. §. 4. de dol. exc. l. 14. D. de cond. ind. l. 57. de reg. jur. Non debet pupillus occasione juris ad iniquum trahere cum detrimento alieno compendium, l. pen. in fin. reb. eor. qui sub tut. Quando locupletior factus intelligatur, & quo tempore id inspicatur, discere ex l. 4. D. de except. d. l. 47. pr. & §. 5. de solut.

Male consumpserit) Th. ἀσώτως ἰδανήσας, per luxum proderit.

Aut vi,) Deest in ver. lib. Cujac. Hotom. nec Th. habet.

Nullius rei alienatio) Argumentum à genere ad speciem, quæ valida vis ἀνεκχώρη. Nota, & solutionem esse speciem alienationis, d. l. 9. §. 2. De auct. tut. l. pen. D. de reb. cred.

COMMENTARIUS.

- 1 Debitorem pupillo sine tutoris auctoritate solventem non liberari; licet dominium rei saluta transferat.
- 2 Pupillo, in quem solutio collata, rectè solvi etiam sine tutoris auctoritate.
- 3 Quid sit sensus verborum huius §. ita licere tutori vel curatori, &c.
- 4 Adversus solutionem factam ex præscripto Justiniani pupillum aut adultum beneficio atatis non restitui.
- 5 Quid si nummos sine tutore aut iudice sibi solutos salvos habeat pupillus?
- 6 Cujus periculo sit pecunia, quem pupillus sine tutoris auctoritate credidit, aut in solum dedit?

Sine tutoris auctoritate dari) Pupillus quantum ad acquirendum non indiget tutoris auctoritate, l. 11. de acq. rer. dom. semper enim conditionem suam meliorem facere potest, sup. de auct. tut. in princ.

Ideoquæ si debitor) Hotom. & Wesemb. pro ideoquæ, legendum censent, quamquam. Quia nulla hic conclusio ex præcedente propositione, sed diversæ causæ propositio, & præcedentis regulæ exceptio: nisi hoc in præceden-

cibus dicamus subintelligi oportere, ut scilicet quidvis pupillo rectè detur sine tutoris auctoritate, cæterum hæcenus, ut ex eo pupillus ipse neque obligari, neque obligationem alienare aut tollere possit. Alii hic illationem fieri ajunt non ex proxima, sed ex superiore sententia §. *præc. in pr.* ubi traditum, pupillum nullam rem sine tutore alienare posse; huic enim esse consequens, ut nec sine tutoris auctoritate pupillo rectè solvatur. Quippe admissa solutione debitorem liberari, pupillumque obligationem & actionem, quam habebat, alienare aut perimere, l. *pupillo 15. de solut.* Quod ut speciosius dicatur, ex duobus hisce §§. unum faciunt. VINN. Forfan scriptum fuerat: *Alioqui si debitor pupillo solvatur*: idque librarii vel qui emendationis curam in se susceperant, mutarunt in *ideoque*, quia alioqui paulo post videbant repeti. Sed pergamus. HEIN.

- 1 Si non *solverit auctoritate tutoris, non liberabitur*) Licet dominium rei solutæ transferat. Nam quemadmodum qui cum pupillo contrahit, pupillo obligatur, quamvis pupillum sibi non obliget, *sup. de auct. tut. in pr. l. Julianus. 13. §. si quis. 29. de auct. empt.* ita qui cum pupillo obligationem vult distrahere solvendo, licet ea solutione dominium in pupillum transferat: se tamen à pupillo, qui per se neque contrahere, neque distrahere obligationem potest, non liberat, d. l. 15. *de solut. l. 5. de reg. jur.* Debet itaque debitor, si liberari velit, pupillo solvere cum auctoritate tutoris, vel ipsi tutori: nam & hoc casu æquè liberatio ipsi jure contingit, l. *Lucius. 46. §. tutela. 5. de adm. tut.* Pupillum autem intelligimus creditorem: nam si pupillus solutionis causa tantum adjectus sit, hoc est solutio sive jus solvendi in eum collatum, puta si quis stipulatus sit tibi, aut
- 2 Titio pupillo dari, promissor & sine tutoris auctoritate solvendo pupillo liberabitur, l. *si stipulatus. 11. de solut.* scilicet quia ex hujusmodi stipulatione nullum jus obligationis pupillo queritur. Et solutio sic accipitur, quasi ipsi creditori solutum esset, qui ita sibi solvi voluit, l. *si ita stipulatus 59. d. tit. de quo ex professo infra §. si quis alii. 4. de inut. stip.*

In constitutione, quam ad Cæsarienses advocatos) Missa est hæc constitutio ad Joannem Præfectum Prætorio: intelligit enim *leg. sancimus. 25. C. de adm. tut.* quod ipsa verba istius constitutionis, quæ huc translata sunt, offendunt. Promulgata tamen hic dicitur ad Cæsarienses advocatos, nimirum quia ad interrogata eorum & consultationem emissæ sunt, ut arguunt multæ aliæ constitutiones, *leg. ult. Cod. de pact.*

leg. si major. 12. C. de legit. hæred leg. si fidejussio. 27. C. de fidejuss. leg. optimam. 14. C. de cont. stipul. junct. §. item. verborum. 12. infr. de inut. stip. quæ omnes ad diversas consultationes & quæstiones à Cæsariensi advocacione propositas scriptæ, & ad eundem Joannem P. P. missæ sunt; quippe cujus auditorio advocati Cæsarienses militabant. Intelligi autem advocatos, qui erant in urbe Cæsarea, non illa Cappadociæ, ut Balduinus, Cujac. & Fabroe. existimant, sed Palæstinæ, perspicuum est ex *dist. leg. si fidejuss. 27. C. de fidejuss.* ubi eadem advocatio, quæ passim Cæsariensis, Palæstina appellatur.

Ita licere tutori vel curatori debitorem pupillarem solvere) Locutio implicata, quæ sic construenda & ordinanda est: Ita licere (id est, permitti, jus esse) debitorem pupillarem solvere tutori vel curatori, &c. Solvere, id est, numerare quod debetur. Theophilus *πρωταρχος τῶν ἀποκρίσεων*, Anton. Fab. 13. *conject. 13. & jurispr. 12. pr. 7. illat. 43.* huic orationi alium sensum affingit, quasi ita scriptum esset; *ita licere tutori vel curatori debitorem pupilli, vel adulti absolvere & liberare* qui scil. antea pupillo, aut adulto solvit sine tutoris aut curatoris auctoritate, vel cùm adhuc tutorem aut curatorem non haberet) *si prius judicialis sententia, &c.* Sed præterquam quod hæc locutio non facile est obvia, solvere debitorem pro liberare obligatione, quamquam unus & alter locus occurrit, in quo debitor solutus pro liberato dicitur, l. *decem. 116. de verb. obl. l. si ex pluribus. 16. de accept. pugnat illa Fabri expositio manifestè & cum sententia & cum verbis Justiniani, quæ ille mirè torquet, ne videantur ob stare iis, quæ ex cerebro suo comminiscitur contra veram & receptam sententiam, quæ hæc est: Quamvis ipsi tutori ejusve auctoritate pupillo facta sit solutio, æquè solutione debitor ipso jure liberetur; nihilominus tamen pecunia male consumpta maleve collata, patere pupillo, si tutor solvendo non sit, restitutionem in integrum, nisi sententia judicis intervenerit, l. 1. *C. si adv. sol. l. 2. C. si tut. vel cur. int.* Vid. Gomez. 2. *resol. 14. n. 4.* Maurit. *de res. in int. cap. 176. & seqq.* Briffon. lib. 1. *de sol. sect. 4.**

Si prius judicialis sententia) Excipiuntur redditus annui & cæterarum rerum pensiones, quæ minoribus tutore aut curatore auctore, aut ipsi tutori curatorive etiam sine judice rato solvuntur, *dist. leg. sancimus. 25. C. de adm. tut.* Siquidem & molestum esset, quotannis adire judicem, & incommodum minori, diu differri solutionem ejus rei, unde fere ali

folet. Quod tamen & ipsum sic. postea Justinianus temperavit, si non excederet metas bienni aut summam centum solidorum, *leg. constitutionem. 27. C. d. tit.*

Sine omni damno) Id est, ut Theophilus interpretatur, *dixit natus datus*, sine ullo scilicet sumptu aut impensis in iudicium, scribarum, viatorumve mercedes. Nam iniquum esset, debitorem sumptu onerari ex persona creditoris.

4 *Sequitur hujusmodi solutionem plenissima securitas*) Ita ut nec adversus solutionem decernente iudice factam beneficio ætatis in integrum restitui postulans audiatur. Cui non obstat quod placet, minorem etiam restitui contra factam ex decreto iudicis venditionem, *l. 11. C. de præd. min.* Nam debitor ex necessitate solvere tenetur: emptor potest non emere. Jure veteri quoque hoc obtinuit, ut solutio decernente ac statuente iudice facta à debitore minoris plenissimam liberationis securitatem pareret: & procedebat hoc ita etiam si minori curatorem non habenti decernente iudice solum esset *l. 7. §. 2. de minor.* Cæterum liberatio nihilominus ipso jure continuabatur, si tutori vel curatori solutio facta esset, quantumvis sine iudice: solum hic supererat adhuc metus aliquis restitutionis in integrum: si forte pecunia male collocata, & tutor vel curator solvendo non esset. Post constitutionem autem Justiniani dicendum videtur, solutionem sine iudice factam, aut ad liberationem ipso jure non prodesse, licet tutor vel curator intervenierit, aut si adhuc debitores ita liberari placet, minus quam olim hoc casu securos esse: quippe olim prius tutores & curatores actione ordinaria conveniendos fuisse, & demum si illi solvendo non essent, patuisse minoribus remedium extraordinarium. Hodie verò esse, quod de se querantur debitores, quod non solverint secundum præscriptum constitutionis Justinianæ.

Pecuniam autem salvam habeat) Et si solutione sine tutore iudice facta eandem pecuniam petere adhuc pupillus potest, aut ipso jure, aut per restitutionem in integrum, si tamen nummi salvi sint, eosque penes se domi pupillus habeat, iterum petentem eum doli mali exceptione iterum removebit, quod iniquum contra bonam fidem lucrum caperet, *leg. pupillo. 15. de solut. l. bona fides. 57. de reg. jur. l. pen. §. de reb. cor. qui sub. tut.* Eodemque modo contra emptis nummis, si ex his locupletior factus iterum petat, exceptione repellatur, ne dicatur cum alieno detrimento, contra quam natura æquum est, *l. 4. §. si quis. 4. de dol. mal.*

exc. l. in pupillo. 47. de solut. l. nam hoc 14. de cond. ind. Qua de causa ex omnibus eum negotiis eatenus teneri receptum est, quatenus patrimonium ejus auctum sit: ut nihil mirum, si solutione locupletatus iterum petens exceptione summoveatur, cum etiam ultro adversus eum factum locupletiorum ex contractu negotiove gesto actio competat, *l. 3. §. pupillus. l. 6. in pr. de neg. gest. l. 5. in pr. §. 1. de auct. tut. leg. naturaliter. 13. §. 1. de cond. ind.*

Aut ex ea locupletior) Locupletior factus intelligitur, si ex pecunia soluta rem aliquam sibi comparavit, quam etiam non habet, *l. 4. de except.* aut si ea quovis modo in rem ejus versa sit, *l. si pupilli. 66. de solut.* Hoc amplius & si rem sibi necessariam ex nummis solutis pupillus emit, quam aliqui de suo emptus fuerat, licet ea ante litem contestatam perierit, quasi locupletior factus intelligitur; quia tantumdem de suo perditurus erat, etiam si nummos solutos non accepisset, *leg. in pupillo. 47. §. 1. de solut.* Utrum autem pupillus locupletior factus sit, necne, in hujusmodi questionibus eo tempore spectatur, quo agitur, seu tempore litis contestatæ, *dist. leg. in pupillo. 47. §. 1. l. 4. de except. litis. 37. de neg. gest.*

Quod si male consumpserit) Si pupillus, cui sine tutore aut iudice solutum est, pecuniam salvam non habeat, neve ex ea locupletior factus sit, sed male, profuse, *avaros* eam consumpserit, non juvabit debitorem doli mali exceptio, sed iterum eandem summam solvere cogere. Planè si pupillus partem adhuc salvam habeat, aut pars in rem ejus versa sit, hæcenus proderit debitori doli mali exceptio, ne ultra condemnatur, quam pupillo abest. Ex his autem quæ disputata sunt intelligimus, quid sibi velit Accursius, qui in *l. 7. §. 2. de minoribus*, scribit, debitorem pupillarem solventem triplicem posse consequi liberationem, aut securitatem; plenam, pleniorum & plenissimam. Plenam, si pupillo sine tutoris aut iudicis auctoritate solverit, & pecunia pupillo iterum petenti salva sit, inve rem ejus versa, ut hic & *suprà dd. ll.* in quo effectum rei spectavit: nam vi ipsa debitor esse definit, qui exceptionem perpetuam sibi quæsit, *l. 10. l. creditor. 55. l. debitor. 180. de verb. sign.* Pleniorum, si solverit tutori ejusve auctoritate pupillo, non inveniende iudicis sententia: quo casu quidem liberato ipso jure procedat, ira tamen, ut relinquatur adhuc metus aliquis restitutionis in integrum, *l. 1. C. si ad vers. sol.* Plenissimam, si solutio facta sit auctoritate & decreto iudicis: quod cum factum est, etiam

etiam restitutionis metus omnis tollatur. Quæ eadem Bartoli in *dist. l. 7. §. 1. cæterorumque* Interpretum distinctio est, ab Antonio Fabio multis quidem verbis, sed nulla probabili ratione improbat *lib. 17. cons. 13.*

Ex diverso, pupilli solvere sine tutoris auctoritate non possunt. Quemadmodum pupillus mutuum dando non contrahit obligationem, quia pecuniam non facit accipientis; ita eadem ratione nec solvendo creditoris suo quod debet liberatur. Cæterum quemadmodum consumptis nummis, quos mutuo dedit, conditio ei nascitur; ita & consumptis, quos dedit in solutum, contingit ei liberatio, *l. non omnis. 19. §. 1. de reb. cred. l. 9. §. 2. de auct. tit. l. 14. §. ult. de solut.* Quid ergo, si nummi, quos pupillus sine auctoritate tutoris credidit, aut in solutum dedit, casu apud eum

qui accepit, perierint? utrius periculum & jactura erit? Donellus in *d. l. 19. §. 1.* Azonem securus pupilli periculum esse putat: quoniam ita jus sit, ut res pereat suo domino, *l. 6. l. 9. C. de pig. act.* Sed rectè cum *Gloss. & DD. comm. Zaf. ibid. nu. 8.* contrarium defendit, ne quod favore pupilli introductum est, ut ne credendo aut solvendo dominium transferat, in perniciem ejus vertatur, contra *l. quod favore. 6. C. de legibus*, & quod dicitur, casus fortuitos spectare dominum; hanc exceptionem habere intelligi debet, nisi quia propter favorem dominus remaneat, aut jure singulari dominium non transferat. Hoc enim non debet conditionem accipientis meliorem facere: sed quod cætera perinde habendum, ac si quis alius credidisset aut solvisset.

TITULUS NONUS.

PER QUAS PERSONAS CUIQUE ACQUIRITUR.

C. Lib. 4. Tit. 27.

Ratio ordinis, & argumentum tituli.

Hic titulus totius superioris disputationis quamdam quasi ampliacionem continet ostendens, non solum nobis acquiri *per nosmetipsos*, verum etiam per alios *imperios*. Personæ, per quas acquirendi facultatem habemus, enumerantur in principio: ex qua enumeratione perspicuum est eos, per quos nobis acquiritur, oportere nobis subiectos esse: vel revera, ut sunt liberi nostri, quos in potestate habemus; item servi; tum nostri, tum aliquatenus etiam alieni, in quibus usufructum habemus: vel juxta nostra opinione, ut sunt servi alieni & liberi homines, quos bona fide possidemus. De quibus singulis cum explicatum est remouetur hinc persona extranea, utpote per quam, excepta causa possessionis nihil acquiri possit: ac postremo ab acquisitione rerum singularum transitur ad modos, quibus acquirimus res universas.

TEXTUS.

Summa.

Acquiritur vobis non solum per vosmetipsos, sed etiam per eos, quos in potestate habetis: item per servos, in quibus usufructum habetis: item

per homines liberos & per servos alienos, quos bona fide possidetis: de quibus singulis diligentius dispicimus.

NOTÆ.

Quos bon. fid. possidetis) Ergo non tantum per eos, qui revera nobis subiecti sunt, acquirimus, sed etiam qui iusta opinione nostra.

COMMENTARIUS.

Acquiritur vobis) In aliis libris hæc & quæ porro sequuntur, leguntur, in prima persona, *acquiritur nobis*, &c. uti apud *Cajum l. 11. de acq. rer. dom.* unde hic titulus per magnam partem descriptus est: eoque modo etiam Theoph. hunc locum reddidit, & legendum censent *Cujac. Baro. Wesemb.* Mihi utro modo legas, parum referri videtur.

In potestate) Non dixit *in dominio*, sed generaliter, *in potestate*. ut uno verbo & filiosfam. & servos comprehenderet. Nam potestatis verbo, in persona liberorum patria potestas, in persona servi dominium significatur, *leg. pot. stat. 215. de verb. sign.* VINN. Attamen & liberos æquè ac servos fuisse in dominio juris Quiritium certissimum est. Liberi enim poterant mancipari, tanquam res mancipi, *Caj.*

Caj. *Inf. l. 6. 3.* poterat videlicet, *l. 1. §. 2. ff. de rei vind.* poterat iis surreptis, actio furti infitui, *l. 38. §. 1. ff. de furt. Conf. Ill. Bynkesh. de jure occidendi, lib. c. 1. p. 145. HEIN.*

TEXTUS.

De liberis in potestate.

1. Igitur liberi vestri utriusque sexus, quos in potestate habetis, olim quidem quicquid ad eos pervenerat (exceptis videlicet castrensis peculii) hoc parentibus suis acquirebant sine ulla distinctione: & hoc ita parentum fiebat, ut etiam esset iis licentia, quod per unum vel unam eorum acquisitionem esset alii filio vel extraneo donare, vel vendere, vel quocumque modo voluerant, applicare. Quod nobis inhumanum visum est: & generali constitutione emissa, & liberis peperimus, & parentibus bonorem debitum reservavimus. Sanctum etenim à nobis est, ut si quid ex re patris ei obveniat, hoc secundum antiquam observationem totum parenti acquiratur. Quæ enim invidia est, quod ex patris occasione profectum est, hoc ad eum reverti? Quod autem ex alia causa sibi filiusfamilias acquisivit, hujus usufructum patri quidem acquiras, dominium autem apud eum remaneat: ne, quod ei suis laboribus vel prospera fortuna accesserit, hoc in alium perveniens, lucuosum ei procedat.

NOTÆ.

1. *Castrensis peculii*) Quæ primùm filiisfamilias militibus concessa: postea etiam veteranis, seu militia dimissis, *pr. inf. quib. non est perm. fac. test. Juven. sat. 16. v. 52.* Postremò ad exemplum castrensis etiam quasi castrense peculium exceptum, quasi militum contemplatione litterarum militum, *§. ult. inf. de mil. test.*

Sine ulla distinctione) Id est, peculium omne pagani pleno jure patri acquirebatur. Non distinguebant inter profectum & adventitium, neque inter usufructum & proprietatem.

Generali constitutione) *L. 6. C. de bon. qua liber.* qua quod circa bona materna & materni generis, item lucra nuptialia jam ante à diversis Principibus statutum erat, *l. 1. & 2. C. de bon. mat. l. 1. 2. 6. & 7. C. Theod. l. 1. & 4. C. de bon. qua lib. ne ævum abiret, produxit ad bona omnia adventitia.*

Honorem debitum) *Th. τὸ ἐκφυλάττειν ἐφ' αὐτῷ, debitum reservavit, & vox bonorem abundare videtur Cujac.* quoniam hic non agitur de honoris debito, sed acquisiti. Deest quoque in emendatissimis editionibus, teste Fabrot.

Usufructum patri) Quidam etiam casus sunt, quibus peculii adventitii plena proprietas filio acquiritur, *l. ult. §. 1. Cod. de bon. qua lib. auth. excipitur, cum 2. seqq. Cod. eod. Peculium adventitium, ἐπίκλησιον, Gloss. lat. gr. quod aliunde, quam à patre obvenit, & quasi τυχρῶς.*

COMMENTARIUS.

1. *Post occupatam demum Remp. filiis fam. primùm militibus, deinde etiam veteranis peculium castrense pleno jure concessum: procedente tempore, & quasi castrense.*
2. *Quid sit peculium filiisfam. quot ejus species, & quid singula.*
3. *Transito in Thraciam Imperio, primùm bonorum maternos, mox etiam materni generis, & lucrorum nuptialium, novissimè omnium adventitorum proprietatem filiisfam. concessam, solo usufructu apud patrem relicto.*
4. *Quid moribus nostris, & Gallorum?*

Exceptis castrensis peculii) Florente Republic. peculium filiisfam. uniusmodi fuit. Nam ut servus domino, ita filius patri cuncta pleno jure acquirebat: idemque planè jus & in corpus & in bona liberorum pater habebat, quod dominus in servos; cujus rei inter alios testis locuples est Dionys. Halicarnassensis *lib. 8. Romani*, inquit, proprium nihil possident, quamdiu patres eorum in vita manent: sed & pecunie & corpora filiorum parentum potestati arbitrioque permixta sunt; omniaque parentibus acquirunt quasi servi, ut ὑποχρίσινται καὶ δύνανται τῶν πατέρων. Verùm Imperatores ut præmio aliquo adolescentes ad militiæ labores invitarent, eorumque sibi conciliarent studia, castrense peculium filiisfamil. pleno jure concesserunt: primùm militibus, postea etiam veteranis seu à militia dimissis, *infra. quib. non est perm. fac. test. in pr.* Ex quo filiisfamil. in hoc peculio jus ac vicem patrumsam. obtinere cœperunt, *l. 2. de senat. Masc.* idque significat Juvenalis *satyr. 16. v. 52.* his verbis:

— Nam que sunt parva labore

Militiæ, placuit non esse in corpore census,

Omne tenet cujus regimen pater. —

Igitur quod ait, olim quidem, &c. excipiens peculia castrensia, id ad tempora Julii aut Augusti & sequentia referendum est, *l. 1. de testam. mij. d. pr. inf. quib. non est perm. fac. test.* Postremò, nec multo post ad exemplum castrensis peculii etiam quasi castrense peculium exceptum & filiisfamil. permissum est, *§. ult. inf. de mil. test.* Planè hæcenus adhuc diu jus

vetus patri conservatum fuit, ut si filius intestatus decessisset, bona castrensis pater jure peculii occuparet, l. 2. de *confr. pec.* de quo plura alibi. VINN. Jus in peculio castrensis eodem tempore concessum videtur filiis familiaribus, quo militibus liberrima illa testamenti factio concessa est, cujus historiam habes in l. 1. pr. ff. de *test. mil.* Nec mutatum videtur quod pater bona filii intestati jure peculii occupet, si liberos vel fratres non reliquit. Nam & bonis publicatis, ea tamquam peculium penes patrem manent, l. 3. C. de *bon. profcr.* Utrouque enim casu cessat favor filii familiaris militis, ob quem illi hujusmodi concessum est privilegium. HEIN.

Sine distinctione) Profectitii scilicet vel adventitii peculii, proprietatis & ususfructus, inter quæ primus Justinianus est, qui differentiam generali lege introduxit. Ex his porro patet, quicquid filiosum habet, siue concessione patris, siue partum suo labore, aut aliena liberalitate collatum, id uno nomine peculium filiosum appellari; atque hoc docendi gratia ex ratione novi juris in duo genera posse dividi, ut dicamus, peculium filiosum esse vel militare, vel paganum; & utriusque iterum duas esse species inferiores, illius castrense & quasi castrense, hujus profectitium & adventitium. Castrense est, quod per occasionem armatæ militiæ filius sibi acquisivit: quod quid contineatur, docent l. castrense. 11. d. *castren. pec.* l. 1. C. *ead.* Quasi castrense est, quod in toga operam Reipub. navans paravit, puta ex profectioe liberalium artium, ex officiorum publicorum emolumentis, ex patrociniis causarum, & urbana illa inermique militia, l. ult. C. de *inoff. testam.* l. 4. l. *advocatio.* 14. C. de *adv. div. jud.* Liberalitatem quoque à Principe in filiumfam. collatam instar castrensis peculii haberi placuit, l. 7. de *bon. qua lib. in pot.* Utrumque hoc genus ita proprium filiosum esse placuit, ut de eo statuere possit non secus, ac si paterfam. esset, d. pr. *inf. quib. non est perm. fac. test.* l. 1. §. nec *Castrense.* 16. de *collat.* l. 2. de *sen. Mac.* Adde quæ notavimus sub §. ult. *infr. de mil. test.* Profectitium peculium est, quod à patre siue contemplatione patris ab aliis ad filium proficiscitur. Adventitium, quod aliunde filio obvenit; siue id laboribus suis acquisivit extra causam armatæ, aut togatæ militiæ, siue prospera fortuna ei accessit, puta ex maternis maternive generis hæreditatibus, lucris nuptialibus, legatis, & hæreditatibus amicorum, l. 6. C. de *bon. qua lib. & hoc text. in fin.* Illud totum patri secundum antiquam observationem adhuc acquiritur; hujus in uni-

versum proprietas filio data est constitutio Justiniani, solo ususfructu patri relicto; de quo mox fusius.

Alii filio vel extraneo donare) Consequens hoc omnino rationi antiqui juris. Nam cum utriusque hujus peculii pleno jure pater dominus esset, licere utique etiam ei debuit pro arbitrio de utroque statuere, & quod labore filii filii acquisitum esset, Mævio donare, vel in proprias rationes convertere. Hinc porro etiam est, quod patre mortuo peculium paganum omne, nisi legatum esset, fratribus conferendum erat, l. certum. 13. C. *fam. ere. l. filia.* 11. C. de *collat.* quod in adventitio mutavit Justinianus, l. ult. C. d. *tit.* convenienter priori suæ constitutioni, l. cum oportet. 6. C. de *bon. qua lib. in potest.*

Generali constitutione emissâ) Cum olim bona omnia adventitia non minus, quam profectitia pleno jure patris essent, Constantinus detraxit bona materna, quorum ususfructum tantum patris, filio proprietatem tribuit, l. 1. C. de *bon. matern.* l. 1. & l. 2. C. *Theod. eod.* Gratianus, Valentinianus, & Theodosius idem statuerunt de bonis materni generis, id est, ex materna cognitione delatis, l. 6. C. *Theod. eod.* eosque leguti Arcadius & Honorius, l. 2. C. d. *tit.* l. 7. C. *Theod. eod.* Theodosius porro & Valentinianus, Leo & Anthemius, hoc etiam ad lucra nuptialia & sponsalitia produxerunt, l. 1. l. 4. C. de *bon. qua lib.* Postremò Justinianus generali constitutione emissâ, quacumque ex causa filio quid acquisitum esset, quod adventitio peculio attribueretur, id omne ejusdem juris esse voluit, d. l. cum oportet. 6. C. *eod. tit.*

Si quid ex re patris, hoc secundum antiquam observationem) In profectitio peculio nihil Justinianus mutavit: sed quicquid ex re patris filio obvenit, id totum vult patri acquiri secundum observationem juris antiqui. Planè potest nihilominus aliquid commodi ex concessione hujus peculii ad liberos redire: nam & emancipatos sequitur, nisi nominatim ademptum sit, l. *donatione.* 31. §. 2. de *don. & bonis patris publicatis, separatur & conservatur liberis,* l. 3. §. *sed utrum.* 4. *in fin. de minor.* Ait, *ex re patris, in d. l. cum oportet.* 6. *ex substantia patris.* Quid igitur dicemus, si quid filio obvenit, non quidem ex re aut substantia patris, sed patris occasione & contemplatione? DD. *hic & in d. l. cum oportet.* 6. id quoque peculii profectitii esse volunt, arg. l. si *serv.* 21. cum l. *seq. de usufr.* ubi quod servo fructuario relinquatur, aut donatur contemplatione fructuarii, id fructuario acqui-

ri dicitur tamquam ex re ejus quaesitum, facit l. sed si plures. 10. §. in arrogato. 6. in fin. de vulg. & pup. sublt.

Ususfructum patri acquirit, dominium apud eum remaneat) Dominium posuit pro nuda proprietate, uti & in d. l. cum potest. 6. Hæc autem proprietatis concessio non tribuit filio jus eam sine patris consensu alienandi, l. ult. §. ipsum autem §. C. eod. Si ususfructus filio relictus sit, hic totus acquireretur patri; at eo mortuo redibit ad filium, l. ult. C. de usus. Nonnumquam & plena proprietates filio acquiruntur: quod Justinianus primò introduxit in hæreditate, quam filius renuente patre adiisset, d. l. ult. §. 1. postea etiam in pluribus casibus; in rebus ea lege filio datis, ne ususfructus ad patrem perveniret: in hæreditate fratris & sororis, ad quam una cum filio pater admittitur; item in iis rebus, quæ filio deferuntur ob delictum patris, qui divortium fecit sine causa, antb. excipitur, & 2. seq. C. de bon. quæ lib. VINN. Immo & alii sunt casus, quibus plena filio proprietates acquiritur veluti si pater dolose versatus sit in bonis filio restituendis, l. 10. ff. ad SC. Treb. si princeps filiosam. donarit, l. 7. C. de bon. quæ lib. HEIN.

4 Moribus nostris & Gallorum adventitia omnia, sicut castrensia & quasi, filii sibi non patri & in solidum acquiruntur: in profectitiis tantum antiquum jus acquirendi per filium patri relictum est, Gudelin. de jur. noviss. lib. 1. c. 14. Chassan. in consuet. Burgund. §. 1. tit. Des enfans de plusieurs lits ad vers. & fait les fruits. Petr. Greg. syntagm. 11. c. 8. n. 12. Enim verò quod provenit ex quaestu, aut opera liberorum, quos parentes enutriunt, id pleno jure parentibus acquirunt, Grot. 1. manud. c. 6. add. Groenevv. de leg. abrog. bic.

TEXTUS.

De emancipatione liberorum.

2. Hoc quoque à nobis dispositum est & in ea specie, ubi parens emancipando liberos suos ex rebus, quæ acquisitionem effugiebant, sibi tertiam partem retinere, (si voluerat,) licentiam ex anterioribus constitutionibus habebat, quasi pro pretio quodammodo emancipationis: & inhumanum quiddam accidebat, ut filius rerum suarum ex hac emancipatione dominio protertia parte defraudaretur: & quod honoris ei ex emancipatione additum erat, quod sui juris effectus esset, hoc per rerum diminutionem decrederet. Ideoque statutum, ut parens pro tertia parte domini, quam retinere poterat, dimidiam nam domini rerum, sed

ususfructus retineat. Ita etenim res intacta apud filium remanebunt, & pater ampliore summa fruetur, pro tertia, dimidia positurus.

NOTÆ.

2. Liberos suos) Th. τὸ παῖδα. Cujac. Hottoman. Fabrot. liberum suum, numero singulari ut inf. de serv. cogn. in pr. & l. 33. C. de inoffic. testam. Aurel. Victor. Cap. 26. Nervæ Trajanum in liberi locum adoptavit.

Anterioribus constitutionibus) Intelligit l. 1. & 2. C. Th. de matern. bon. quæ Constantini sunt, l. 6. §. 3. C. de bon. quæ lib.

Pro pretio emancipationis) Quasi remunerationis gratia, d. l. 1. & 2. d. l. 6. §. 3. pro præmio delatæ emancipationis, l. 3. C. de bon. matern. nam emancipatio beneficium est querendorum bonorum, l. 1. si à par. quis man.

Quod honoris) Honorificum est filio, suæ potestatis & caput familiæ evadere.

COMMENTARIUS.

1 Cur, cum peculium profectitium, si pater id non ademerit, sequatur filium emancipatum, dimidia ususfructus adventitiorum, etiam expressè non reservata patrem?

Emancipando liberos suos) Cujac. Hottoman. Vvesemb. liberum suum, numero singulari: quomodo etiam loquitur Justinianus, leg. si quis. 33. C. de inoffic. testam. & inf. de serv. cogn. in pr. legitur, liberum vel liberos. Veteres autem semper in numero multitudinis ea voce usi sunt, & unum etiam filium filiamve liberos appellarunt, teste Gell. lib. 2. cap. 13. quod & Cajus confirmat, l. non est. 148. de verb. signif. ubi scribit, non esse sine liberis, cui vel unus filius filiae est. Hæc enim, inquit, enunciatio, habet liberos, non habet liberos, semper plurativo numero profertur, sicut & pugillares & codicilli. Glossa Græc. Lat. τῶν, liberi, pluraliter, tantum declinatur. Quod autem Valla, lib. 3. elegant. 8. scribit, liberum pro filio se & apud Paulum & apud Cajum reperire, existimo esse μὴ μόνον ἀπαρτῶν, eumque Paulum & Cajum dixisse pro Modestino, & Ulpiano. Nam apud Modestinum l. j. agnationis. 34. de pact. legit, nolle suum liberum esse, ut vulgatæ editiones habent; sed Florentina nos docuit legendum, nolle suum esse. Apud Ulpianum, l. nemo. 126. §. 1. de regul. jur. qui liberum acquiserit. Sed & hic in Florentino Codice est, qui libertum acquiserit, quomodo procul dubio legendum.

Meminit Valla etiam Quintiliani, sed nec locum, nec verba citat. VINN. Immo locus, ad quem respicit Valla est apud Quintil. in *Declam. II.* Conf. VV. C. Muncker. *Ad Hygin. Fab. 9.* & Ducker de *Latin. ver. JCI. p. 585.* HEIN.

Ex rebus, quæ acquisitionem effugiebant.) Id est, in iis bonis adventitiis, quorum proprietatem filio non patri acquirebatur ex Græcorum Imp. constitutionibus: quo in numero erant bona materna & materni generis, item nuptialia, & sponsalicia lucra, ut notatum §. *præc.* Cave igitur intelligas peculia castrensis, aut quasi: nam eorum nihil apud patrem emancipatorem reliquum fuisse ipse Justinianus aperte testatur, d. l. *cum oportet.* 6. §. *cum autem.* 3. C. de bon. qua lib. unde hic §. descriptus.

Quasi pro pretio emancipationis) Constantinus l. 1. & l. 2. C. *Theod. de bonis matern.* censuit, æquum esse, ut filius patrem emancipatorem remuneraret, offerretque patri tertiam partem bonorum maternorum, quorum proprietatem liberis in potestate manentibus concefferat, aut ut jus esset patri tanta horum bonorum partem sibi retinere; idque pro honore & beneficio emancipationis in filium collato: quippe quo filius consequitur, & ut sui juris ac caput ipse familiæ esse incipiat, quod ei honorificum est; & ut pleno jure deinceps omnia possideat, sibi que acquirat, quod lucrosum. Et hoc est, quod Justinianus hic significat his verbis, *quasi pro pretio emancipationis*: quod in constitutione sua sic expressit, *quasi remunerationis gratia*, d. leg. *cum oportet.* §. 3. Præmium delatæ emancipationis appellant Theod. & Valent l. 3. C. de bon. matern.

Pro tertia parte domini, dimidiam ususfructus) Justiniano duriusculum visum fuit, liberos specie honoris tam gravem jacturam rerum suarum pati, ut tertiam earum partem parens manumissor auferret, sibi que pleno jure haberet. Neque tamen æquum putavit, nihil omnino remunerationis invicem accepti beneficii liberos rependere. Qua de causa ipse sic statuit, ut pater pro tertia parte, quam ex prioribus constitutionibus de bonis filii maternis & lucris nuptialibus pleno & perpetuo jure domini retinebat, partem dimidiam non domini, sed ususfructus consequeretur, idque locum haberet in cæteris quoque adventitiis, postquam hujus generis bona omnia ejusdem juris esse voluit. Ita factum, ut nec liberi quicquam de dominio rerum suarum amitterent, nec causam conquerendi haberent parentes, concessio iis pro præmio emancipationis fructu tantæ partis bonorum. Hoc, autem

ita obtinere Justinianus censuit, etiam si pater in emancipatione sibi hoc præmium non expressè reservavit, d. l. *cum oportet.* 6. §. *cum autem.* 3. cum tamen peculium profectitium, quod totum pleno jure patris est, filium emancipatum sequatur tamquam à patre tacite donatum, si pater id non ademerit, l. *donationes.* 31. §. 2. de donat. arg. leg. si *Stricho.* § 3. de pecul. l. unic. C. de pecul. ejus, qui lib. mer. §. si *peculium.* 20. *infra de legat.* Differentiæ rationem hanc affert Joan. Faber, quod præmium emancipationis est ex provisione legis, quæ patri prospexerit in peculio, cujus ille adimendi potestatem non habebat; in peculio autem profectitio nihil opus fuit provisione legis: quandoquidem ipse pater pro arbitrio suo de eo statuere possit, & qui hoc ipso, quod non adimit, concedere ita tacite intelligatur. Cui addit D. Bachovius, quod peculii profectitii naturalis possessio penes filium est, adventitii penes patrem, utpote usufructuarium: iraque illud, si ademptum non sit, quasi ultro à patre relicto & filio concessum intelligi: in hoc autem, quod pater ipse detinet, atque apud se habet, jus suum sibi servare velle, beneficioque uti, nisi inter emancipandum juri suo renunciaverit, vel donatione facta, hoc ab sese in liberos transtulerit, d. l. *cum oportet.* 6. §. *cum autem.* 3.

TEXTUS.

De servis nostris.

3. Item vobis acquiritur, quod servi vestri ex traditione nanciscuntur, sive quid stipulerentur, sive ex donatione, vel ex legato, vel ex qualibet alia causa acquirant. Hoc enim vobis & ignorantibus & invitis obvenit. Ipse enim servus, qui in potestate alterius est, nihil suum habere potest. Sed si hæres institutus sit, non alias nisi vestro jussu hereditatem adire potest. Et si vobis jubentibus adierit, vobis hereditas acquiritur, perinde ac si vos ipsi hæres instituti essetis. Et convenienter scilicet vobis lepatum per eos acquiritur. Non solum autem proprietas per eos, quos in potestate habetis, vobis acquiritur, sed etiam possessio. Cuiuscumque enim rei possessionem adepti fuerint, id vos possidere videmini. Unde etiam per eos usucapio, vel longi temporis possessio vobis accidit.

NOTÆ.

3. Et convenienter) Nempe regulæ initio posita, quod pater servos nobis ex qualibet causa acquiritur etiam ignorantibus & invitis. Nam & hoc in legato obtinet: quippe quod lu-

lucrum tantum continet, non etiam damnum, ut hæreditas, l. 32. D. mandat.

COMMENTARIUS.

- 1 Cur per servos nobis acquiratur & ignorantibus & invitis?
- 2 Cur hinc excepta hæreditas?
- 3 An possessio per servum domino ignoranti acquiratur quacumque ex causa?

Dictum hæcenus est, quatenus per liberos nostros acquirimus: sequitur de acquisitione per servos, in qua jus vetus per omnia servatur traditum à Cajo, l. 10. §. 1. & deinceps de acquir. rer. dom. Et huc translatum, id tale est, ut quicquid servus acquirit, sive ex causa peculii, (quod in persona servi unius generis est, nempe quod permissu domini separatim à rationibus dominicis habet, l. 5. §. ult. de pecul.) sive extra eam quacumque ex alia causa, id totum acquirit domino.

Sive quid stipulentur) Subobscurè hoc dictum videtur pro, sive quid ab se stipulatum per traditionem nascantur. Nam etiam verum est, servos nostros stipulantes nobis obligationem ex stipulatione acquirere, *infr. per quas per. obl. acq.* §. 1. *infr. de stip. serv.* sub hoc tamen titulo non queritur, per quas personas nobis obligatio acquiratur, sed dominium, sive proprietates, & possessio.

Ignorantibus & invitis) L. etiam invitis. 32. de acq. rerum dom. l. quemadmodum. 46. de jur. dot. Hujus autem necessariz acquisitionis non alia ratio querenda, quàm quæ hic & apud Cajum d. loc. relata est: nimirum, quia ipse servus, qui in alterius potestate est, nihil suum habere potest. Fit ergo hæc acquisitio ipso jure, ratione scilicet potestatis, quæ facit, ut ne momento quidem aliquo res subsistere possit in persona ejus, qui in potestate est, & per quem acquiratur; sed protinus & necessario acquiratur ei, qui in potestate habet, domino vel patri, (nam & filiusfam. qua talis huc pertinet, l. placet. 79. de acq. her.) quorum etiam vicem in acquirendo servus ac filiusfam. sustinent, & quibuscum hæcenus una persona esse videntur. Non obstat, quod dicitur, nolenti & invito beneficium non acquiri, l. hoc jure. 19. §. 2. de dona. l. invito. 69. de reg. jur. Non enim beneficium, sed juris ratio facit, ut sic domino per servum acquiratur. Quod si dominus id, quod sibi ita questum est, habere nolit, licet ei id repudiare aut abjicere. D. Tuningius, ut hanc objectionem effugiat, duos quasi gradus in hac acqui-

sitione considerat, unum in persona acquiescentis, in qua acquisitionis initium; alterum in persona nostra, in qua progressus quidam numeretur. Ad initium quod attinet, ait, invitis nobis acquiri; quod progressum atque absolutionem, non nisi volentibus. Sed non est necesse, ut eò confugiamus, & sit hæc acquisitio in momento, d. l. placet. 79. de acq. her. frustraque alias exciperetur hæreditas

Sed si hæres institutus sit, non alias nisi vestro jussu) Exceptio proximè præcedentis regulæ. Hæreditas quidem & ipsa per servos nostros hæredes institutos nobis acquiritur; cæterum non eodem modo, quo ex cæteris causis per eos acquirimus, ut etiam ignorantibus nobis & invitis acquiratur, sed volentibus dumtaxat & jubentibus eos hæreditatem adire. Quod si jussu nostro non expectato adierint, nihil agunt, l. si quis. 25. §. jussum. 4. de acq. her. Hoc autem cur ita placuerit, minimè obscurum est, ne scilicet in potestate servi esset domini conditionem deteriore facere, ignorantem eum obligando rei alieno hæreditario, quod sæpe excedit vires patrimonii defuncti, l. 6. d. rer. Illud enim motum est, cum, qui hæres efficitur, non tantum acquirere, sed etiam obligari, & implicari oneribus hæreditariis.

Et convenienter vobis legatum) Convenienter non ei, quod proximè præcedit de acquisitione hæreditatis, quæ hoc proprium habere dicta est, ut non acquiratur per servum sine jussu domini; sed regulæ initio positæ. Quod per servos nobis acquiratur ex omnibus causis. Si ex causis omnibus, igitur & ex causa legati. Et hac verò causa procul dubio etiam ignorantem & invito domino per servum acquireretur sicut ex cæteris, excepta hæreditate, l. etiam invitis. 32. de acq. rer. dom. Nam ratio exceptionis, quæ in hæreditate est, cessat in legato, quod purum semper & liquidum lucrum affert, l. si hæreditatem. 32. mandat. Planè jejuna quædam hic repetitio est de legato, quippe cujus jam in *pr. bujur.* §. mentio facta: sed Tribonianus hunc locum ex Cajo d. l. 10. §. 1. de acq. rer. dom. describens, incautè initium illius §. interpolavit: nam Cajo legati non meminit nisi semel, & demum in calce d. §. 1.

Non solum proprietates, sed etiam possessio) An possessio per servum nobis acquiratur, causa est, cur dubites. Hæc enim res non juris, sed facti est, l. 1. §. 3. & 4. de acq. poss. l. denique. 19. ex quib. ca. maj. ea autem quæ facti sunt, non transeunt ad dominum, sed in persona ipsius servi consistunt, l. qui hæredi 44. de cond. & dem. §. 2. in *inf. de stip. serv.* ut proinde di-

dicendum videatur, etiam possessionem in persona servi subsistere debere, nec domino per servum eam acquiri. Verum possessio non corporis tantum & facti est, sed etiam juris, teste Papin. in *l. possessio. 49. §. 1. de acq. poss.* aut potius, ut idem Papin. in *pr. d. l.* hoc exprimit, ita facti est possessio, ut cum de ea acquirenda, retinenda, aut transferenda agitur; plurimum ex jure mutuatur: inter quæ hoc etiam est, ut per eos nobis acquiratur possessio, per quos res cæteræ, utique si nostro nomine possessionem apprehendant. Cum autem generaliter & simpliciter tum hic, tum apud Cajum, *d. l. 10. §. 2. de acq. rer. dom.* scriptum sit, non solum proprietatem, sed etiam possessionem nobis per servos acquiri, & cujusque rei possessionem adepti fuerint, id nos possidere videri; apud Ulp. *l. si me 34. §. ult. de acq. poss.* hoc etiam amplius, servum meum ignoranti mihi possessionem acquirere: hinc Glossa & comm. DD. crediderunt, æquè per servum quacumque ex causa possessionem domino etiam ignoranti acquiri, ac res cæteras, excepta hereditate. Sed verior est eorum sententia, qui in acquirenda per servum possessione putant, causam peculiarem ab aliis separandam, ut si quidem ex causa peculiari possessionem nactus sit, ea etiam ignoranti domino acquiratur; si extra causam peculii, non nisi scienti: quæ distinctio aperte proponitur, *l. 1. §. item acquirimus. §. l. 3. §. cæterum. 12. l. quod servus. 24. l. peregre. 44. §. 1. de acq. poss.* Sed & ratio diversitatis iisdem locis perspicuè indicatur: nimirum cum ea possessionis conditio sit, ut non nisi animo & corpore acquiri possit, *l. 3. pr.* & licet corpore alieno, animo tamen non nisi nostro nobisque volentibus, *d. l. §. cæterum 12. l. ea quæ. §. 3. de acq. rer. dom.* Hunc animum nostrum in earum quidem rerum possessione, quas servi ex causa peculiari adipiscuntur, quodammodo & in genere saltem concurrere, eosque quasi voluntate nostra intelligi possidere; eo quod peculium eos habere permittimus; in rebus autem non peculiaribus nullam omnino voluntatem domini acquisitionem antecedere, ac propterea ad possessionem in his causa acquirendam specialem domini voluntatem certamve scientiam necessariam esse, *d. l. peregre. 44. §. 1.* Sic igitur temperandum erit, si ubi simpliciter, quemadmodum hic, scriptum legamus, per servos nobis acquiri possessionem, aut acquiri nobis ignorantibus, ut in *d. l. 34. ult. eod.*

Unde etiam per eos usucapio) Cajus *d. l. 10. §. 2.* hoc sic expressit; unde etiam per eorum

longam possessionem dominum nobis acquiratur. In peculiaribus rebus uti ignorantibus nobis possessio acquiratur, ita receptum est, ut etiam ignorantes ex eadem causa usucapiamus: cum alioqui possessio ignorantibus nobis quæsitæ veluti per procuratorem ad usucapionem non proficit, nisi postquam scientia nostra intervenierit, *l. si emptam. 47. de usuc. l. 1. C. de acq. pos.* quod plenius explicabimus sub *§. pen. bujus tit.*

TEXTUS.

De fructuariis & bona fide possessis.

4. De iis autem servis, in quibus tantummodo usumfructum habetis, ita placuit, ut quicquid ex re vestra, vel ex operis suis acquirunt, id vobis adjiciatur: quod verò extra eas causas consenti sint, id dominum proprietatis pertineat. Itaque si is servus hæres institutus sit, legatumque ei, aut donatum fuerit, non usufructuario, sed domino proprietatis acquiratur.

NOTÆ.

De iis servis) Ex *l. 10. §. 3. de acq. rer. dom. l. 21. de usufr.*

Ex operis suis) Puta si sutor sit, aut pictor, aut faber, & pro opera hujusmodi mercedem acceperit, *l. 26. de usufr.* Quid si ex superioribus causis, nominatim domino proprietatis stipuletur, aut nomine ejus rem accipiat? acquirat domino proprietatis, leg. *25. §. 3. d. l. 37. §. pen. de acq. rer. dom.* Cæterum placet, fructuarium condicere id posse, *l. pen. de stip. serv.*

Hæres institutus, &c.) *D. l. 10. §. 3. l. 47. l. 49. de acq. rer. dom. l. 25. pr. de acquir. hæred.* Excipe, nisi quid horum factum contemplatione fructuarii, *l. 22. & seq. de usufr.* quo casu servus ex re fructuarii, non opera sua fructuario acquirere intelligitur, *l. 45. d. l. ne obijci possit, quod aditio hereditatis non sit in opera servili, d. l. 45. in pr.*

COMMENTARIUS.

- 1 Cui acquirat servus fructuarius si dicat, se domino proprietatis accipere ex re fructuarii?
- 2 Additionem hereditatis non esse in opera servili, & quare.
- 3 Servum contemplatione fructuarii hæredem institutum fructuario hereditatem acquirere, & jussu ejus, non domini adire.

Quæ de quærendo per servos dominio aut possessione dicta sunt §. *prac.* ea locum habent, cum quis plenam in servo proprie-

prietatem habet. Quod si apud alium usufructus servi sit, apud alium nuda tantum proprietatis, hic ex duabus causis usufructuario per hunc servum acquiritur, ex re scilicet fructuarii, & servi operis; ex cæteris causis proprietario. Itemque juris servatur in eo; qui bona fide servit, ut ex iisdem causis acquirat bonæ fidei possessori, ex cæteris aut sibi, si liber est, aut domino, si servus: de quibus nunc porro sequitur.

Ex re vestra vel ex operis suis L. 10. §. 3. de acq. rer. dom. l. si servi. 21. de usufr. Ex re fructuarii, veluti si servus, cum fructuarius eum dispensatorem fecisset, rem aliquam ex nummis fructuarii comparavit, aut rem fructuarii locavit, pecuniam fœneravit, &c. Hic enim res emptæ, quæz locationis, usuræ, pecuniæ creditæ quærentur fructuario, l. 1. C. de rei vind. l. servus. 43. §. ult. de acq. rer. dom. Ex operis servi, verbi gratia, si sutor sit, aut pictor, aut faber, atque ex huiusmodi aut simili opera alii præstita aliquid paravit, mercedem scilicet operæ, l. si operas. 26. de usufr. Sed quid, si dicat, servus, se domino proprietatis accipere, quod ex re fructuarii ei traditur? Hoc casu totum domino proprietatis acquirit. Nam & nominatim stipulando domino proprietatis ex re fructuarii aut operis suis eidem acquireret, l. per servum. 37. §. pen. de acq. rer. dom. l. sed etsi. 25. §. questionis. 3. de usufr. Et facit hoc quidem ratio summi juris: cæterum quod ita domino proprietatis quæsitum est, placuit fructuarium condicere posse, l. pen. de stip. ser. Cur verò tantum ex duabus istis causis placeat acquiri fructuario, ratio hæc est, quod quæ ex istis causis acquiruntur, fructum vicem obtinent, cæteræ in fructu non sunt.

Extra eas causas) Extra superiores causas habetur, quod servus fructuarius ex re pecuniave alterius consecutus est, puta ex peculio, quod à proprietario habet, aut si quid servo donatum legatumve sit, aut si hæres sit institutus. Idcirco placet, nihil horum per servum fructuario acquiri, sed omnia hæc acquiri domino proprietatis, d. l. 10. §. 3. l. servus. 43. leg. fructuario. 47. l. quod fructuarius. 49. de acquir. rer. dom. l. si quis. 25. de acq. bar. De hæreditate à quibusdam olim dubitatum est, propterea quod in additione factum servi interveniat, l. liber. 19. de acq. rer. dom. & sine huiusmodi facto servi nec domino hæreditas acquiri possit, l. 3. C. de bar. instit. Sed obtinuit, additionem hæreditatis non esse in opera servili, l. aditio. 45. de acq. bar. d. l. fructuario. 47. de acq. rer. dom. & recte.

Nam aditio factum quidem est, sed opera non est: quippe cum opera non sit sine labore, qui in additione nullus est. VINN. Posset & eadem reddi ratio, quam reddit Ulpianus, docens, partum ancillæ non esse in fructu, l. 27. pr. ff. de bar. petit. Quemadmodum enim ancillæ non ideo parantur, ut pariat; ita nec finis primarius est eorum, qui servos sibi comparant, ut hæreditates nobis adquirant. Usufructuarius autem capit tantum fructus ordinarios quoscumque. HEIN.

Si hæres institutus, legatumve quid ei, &c) Hoc etiam generaliter sic traditum est, l. 10. l. 47. l. 49. de acq. rer. dom. l. 25. de acq. bar. Alibi tamen hæc extat exceptio, nisi servus hæres institutus sit, legatumve quid ei, aut donatū fuerit contemplatione fructuarii: quod enim ita relictum datumve servo fructuario est, id per eum fructuario acquiri, non proprietario, l. si servi. 21. §. l. seq. de usufr. Eademque distinctio probata est in specie non dissimili, l. facta. 63. §. si hæres. 4. ad sen. Trebell. & in terminis hominis liberi bona fide possessoris cuius in hac causa & servi fructuarii eadem ratio, l. aditio. 45. §. ult. de acq. bar. Neque tam exceptio hæc est quàm interpretatio & declaratio quædam superioris regulæ, quæ definit, nihil per servum fructuarium fructuario acquiri præterquam ex re fructuarii, aut ex servi operis. Docet nimirum ista distinctio, quod contemplatione fructuarii datum aut relictum est, extra illas duas causas non acquiri; quamvis enim hoc fructuario non acquiratur ex servi opera, intelligi tamen acquiri ex re fructuarii, cui qui donavit aut reliquit rem quæsitam voluit, d. l. aditio. 45. §. ult. de acq. bar. Ex quo etiam perspicuum est, falli Glossam, Jo. Fab. Cantiunc. bic. Bart. in d. l. 25. de acq. bar. & quotquot sunt, qui scribunt, servum fructuarium, ut maxime contemplatione fructuarii hæres institutus sit, non posse hæreditatem jussu fructuarii adire, eamque per additionem directo acquirere fructuario, sed adendum esse jussu proprietarii, cui etiam stricta ratione hæreditas acquiratur, sed restituenda fructuario conditione sine causa, ut in casu l. pen. de stip. serv. Fefellit eos, quod putaverunt, prius est, ut aditio hæreditatis contra expressi juris auctoritatem statuatur esse species operæ servilis, quàm in casu proposito dici possit, servum jussu fructuarii adeuntem hæreditatem fructuario acquirere. Quod non ita est: neque enim ex causa operæ servilis hæc acquisitio defenditur, sed ex capite altero, quia scilicet hoc casu servus ex re fructuarii acquirere intelligitur; ex qua causa

sa vel maximè fructuatio acquiri constat, *diff. leg. aditio. 45. §. ult. de acq. hered.* Ubi ex hoc eodem fundamento Jurisconsultus defendit, liberum hominem bona fide à me possessum, & mei contemplatione hæredem institutum meo jussu adire, & mihi acquirere hæreditatem posse. Bonæ fidei autem possessoris & fructuarii eadem planè in his quæstionibus ratio est, ut mox docebitur: censent Jaf. in d. l. 25. de acq. her. Myns. Bach. hic. Movere autem neminem debet, quòd quibuscumque locis generaliter definitur, servum fructuarium jussu ejus, qui usumfructum in eo habet, adire hæreditatem non posse, ut d. l. 25. in pr. & d. l. aditio. 45. §. pen. Hujusmodi enim loci accipiendi sunt de servo simpliciter instituto, non contemplatione fructuarii: quo casu si per servum fructuario acquireretur hæreditas, acquireretur extra superiores duas causas: quod ratio juris non permittit. Sic cum in hoc nostro §. & *diff. l. 10. §. 3. de acq. rer. dom.* generaliter scriptum sit, quod servo fructuario donatur, aut relinquitur, id acquiri proprietario; nemo tamen est qui negat, admittendum hic esse illam sive exceptionem, sive interpretationem, nisi quod servo donatum relictumve sit contemplatione fructuarii: quod alibi certo jure traditum est. Quod verò Paulus in l. quod fructuar. 49. de acq. rer. dom. scribit, quod extraneus servo fructuario donat, indistinctè soli proprietario acquiri: id non eò pertinet, ut excludat insignem & receptam distinctionem inter id, quod contemplatione fructuarii, aut simpliciter servo donatum est; sed eam, quam ipse in pr. istius legis proponit in fructuario donante. Planè ex generali horum locorum definitione evidenter evincitur, errare eos qui contendunt, quod servo fructuario donatur, aut relinquitur, in dubio præsumendum donatum aut relictum contemplatione fructuarii: quod tamen tamquam certum tradit D. Dionys. Gothofred. in annot. ad Schneid.

TEXTUS.

§. Idem placet & de eo, qui à vobis bona fide possidet, sive is liber sit, sive alienus servus. Quod enim placuit de usufructuario, idem placet & de bona fidei possessore. Itaque quod extra istas duas causas acquiritur, id vel ad ipsum pertinet, si liber est, vel ad dominum, si servus est. Sed bona fidei possessor, quum usufructum servum, (quia eo modo dominus sit) ex omnibus causis per eum sibi acquirere potest. Fructuarius verò usufructu non potest: primum quia non possidet, sed

habes jure utendi fruendi: deinde quia scit, servum alienum esse. Non solum autem proprietarius per eos servos, in quibus usufructum habetis, vel quos bona fide possidetis: aut per liberam personam, qua bona fide vobis servit, vobis acquiritur, sed etiam possessio. Loquimur autem in utriusque persona secundum distinctionem, quam proxime exposuimus, id est, si quam possessionem ex re vestra, vel ex suis operis adepti fuerint,

COMMENTARIUS.

- 1 An bona fidei possessor, quod ex operis servi paratum extat, domino servum vindicanti restituere tenetur?
- 2 Verumne sit simpliciter, quod Justinianus ait, fructuarium non possidere?

DE iis, quos bona fide possidemus, idem jus est quod de servis fructuariis, ut scilicet qui bona fide alicui servit, sive servus alienus est, sive homo liber, quicquid ex re ejus, cui servit, acquirit, quid item ex operis suis, id acquirat ei, cui servit, & à quo bona fide possidetur, d. l. 10. §. idem placet. 4. 1. liber. 19. de acq. rer. dom. Hactenus tamen, quatenus possessor bona fide possidebit, & quamdiu ita possidebit: nam si scire cœperit, eum, qui bona fide servit, hominem liberum, aut alienum servum esse, continuo per eum acquirere posse desinit, l. qui bona. 23. §. 1. l. quasitum. 40. eod. Quod extra duas istas causas acquiratur, placet vel ad ipsum, qui bona fide possidetur pertinere, si liber est, vel ad dominum, si servus est. Extra eas causas maximè est hæreditas, legatum, donatio, d. l. liber. 19. l. homo. 54. eod. Cæterum & in persona ejus, qui bona fide possidetur, recipiendum temperamentum superius, nisi quid donatum relictumve sit contemplatione bonæ fidei possessoris, cui hoc casu etiam ista acquiri placet, l. aditio. 45. §. ult. de acq. her.

Itaque quod extra istas duas causas) Quoniam, ut supra notavimus, istud in fructu non est: ea autem sola, quæ in fructu sunt bonæ fidei possessoris sunt, uti & fructuarii: Quæri potest in persona bonæ fidei possessoris, (in fructuarium enim hujusmodi quæstio non cadit) an, quemadmodum is fructus ex fundo alieno perceptos & extantes adhuc vindicanti rem suam domino restituere tenetur: juxta ea quæ tradita & notata sunt §. siquis 15. sup. de rer. div. eodem modo etiam quod pecuniæ aut rei ex operis servi paratum extat apud eum, cui bona fide servit domino servum evicanti restituendum sit? Quæstionem pro-

pono de rebus ex operis servi possessori quæ-
sitis : vix enim dubitari potest, quin quod ex
re possessoris quæsitum est, perpetuo atque
irrevocabili jure possessoris efficiatur. At quæ
possessori parantur ex operis servilibus, ea
cum fructibus fundi comparari pæssim videas,
*l. qui scit. 25. §. 1. de usur. l. quasitum. 50. in
fin. de acq. rer. dom.* Existimo tamen, etiam
hæc bonæ fidei possessori irrevocabiliter ac-
quiri, etique cedere in compensationem ali-
mentorum, aliarumque impensarum, quæ ne-
cessarium in servum sunt, nec certo estimari
queunt. Neque obstat prædicta comparatio :
nam ex ea minimè sequitur, eadem earum re-
rum & fructuum in omnibus rationem esse, &
in *d. l. quasitum. 40.* conferuntur hæc cum
fructibus consumptis, quos lucrari bonæ fidei
possessorem certum est.

Sed bona fidei possessor quum usuceperit) Bonæ
fidei possessor usucapione perfecta quacumque
ex causa per servum acquirit : quia usucapio
pleno jure dominum eum facit. Hoc ad
hominem liberum bona fide possem non per-
tinet : quippe cujus nulla usucapio est.

Fructuarium usucapere non potest, &c.) Ait
cum Cajo, *d. l. 10. §. ult. de acq. rer. dom.* us-
fructuarium usucapere non posse, idque du-
plici de causa, tum quia non possidet, tum
propter malam fidem, quia scit, servum alie-
num esse. Horum autem vel alterutrum satis
est ad impediendam usucapionem : utpote quæ
nec sine possessione, nec sine bona fide posses-
soris putantis rem suam esse, procedere po-
test, ut demonstratum *sup. tit. de usuc.* Et de
scientia quidem fructuarii res certa est, neque
enim ignorare potest, se earum rerum, qua-
rum usumfructum habet, dominum non es-
se. Quin ipse alium dominum agnoscit, cum
se fructuarium profitetur. Quod verò simpli-
citer negatur possidere, non est sine omni
scrupulo. Nam alibi contra dicitur possessor,
& possidere, *l. uti frui. 5. in fin. pr. & §. ult.
si usus. pet. & naturaliter possidero, l. natura-
liter 12. de acquir. poss.* Sed hæc non sunt con-
traria : nam & colonus & commodatarius, &
depositarius naturaliter dicuntur possidere, *l.
2. §. 1. pro hered. l. 7. §. neque colonus 11. com-
dio.* qui tamen alibi possidere absolute negan-
tur : ullamve habere possessionem, *l. 9. de rei
vind. l. non solum 33. §. 1. circa fin. de usuc. l.
6. §. 2. de precar. §. possidere 5. inf. de interd.*
Nimirum nec hi, nec fructuarii verè possi-
dent, id est, non possident civiliter, & ex
bonæ fidei, animo dominantis, sine qua pos-
sessione non procedit usucapio. Sed in pos-
sessione sunt nomine alieno, apud quem pos-

sessio remanet, & qui per illos possidere in-
telligitur, *d. §. possidere 5. inf. de interd. l. ge-
neraliter 19. l. quod meo. 18. in pr. de acq. poss.
l. 6. §. 2. de precar.* Qui textus etiam in his
terminis de fructuario loquitur : nec alia ra-
tione dicitur, retentio usumfructus species esse
traditionis, quàm quod qui retinet usumfru-
ctum, & desinat sibi, & incipiat alii possidere.
Itaque cum hi naturaliter possidere, aut pos-
sidere simpliciter dicuntur, impropria locu-
tio est, quæ corporalis tantum detentio signi-
ficatur, *l. possessio 49. de acquir. poss. l. 1. C.
com. de usus.* Verum enim verò licet fructua-
rius non possideat, tamen quia firmitus jus ha-
bet insistendi rei, atque omne rei emolumentum
ad eum pertinet, ea res efficit, ut inter-
dicta ei possessoria accomoderentur, quæ cæte-
ris, qui in possessione sunt tantum, denegan-
tur, *l. 3. §. unde vi 13. de vi & de vi arm. l. ult.
uti possid.* De quo pluribus agere hoc loco non
licet.

Non solum proprietas, sed etiam possessio) *L.
1. §. sed & 6 §. per eum. 6. l. possessio. 49. in pr.
de acq. poss.* Nimirum quia etiam possessionem
pleno dominio servus acquirit ex omni causa,
§. 3. sup. eod. Ita vero jus est, ut quæcumque
per servum quacumque ex causa acquiruntur
ei, qui plenum in eo jus habet, eadem
placeat acquiri fructuario per servum fructua-
rium : & bonæ fidei possessori per eos, quos
bona fide possidet ex re illorum aut horum
operis. Nihil ad rem pertinet, quod fructua-
rius servum non possidet : nam nec pater fi-
lium, *d. l. 1. §. per eum. 8. de acq. poss.* Sed nec
procurator à nobis possidetur, nec tutor cu-
ratorve, per quos tamen possessionem nobis
acquiri posse constat, *d. l. 1. §. per procurato-
rem. 10.* Hæc & quæ præcedentibus §§. tra-
dita, quamvis apud nos usum non habent,
qui servos non habemus, tamen diligentius
exposui, quia in multis partibus non parum
conducunt ad cognitionem juris civilis Roma-
norum.

TEXTUS.

De reliquis personis.

6. Ex his itaque apparet, per liberos homines,
quos neque vestro juri subiectos habetis, neque bo-
na fide possidetis : item per alienos servos, in qui-
bus neque usumfructum habetis, neque possessionem
justam, nulla ex causa vobis acquiri posse. Et hoc
est, quod dicitur, per extraneam personam ni-
hil acquiri posse, excepto eo, quod per liberam
personam (veinti per procuratorem) placet non so-
lum scientibus, sed & ignorantibus vobis acquiri
pos-

possessionem, secundum divi Severi constitutionem, & per hanc possessionem etiam dominium, si dominus fuerit, qui tradidit, vel usucapionem, aut longi temporis praescriptionem, si dominus non sit.

NOTÆ.

6. *Sed & ignorantibus*) L. 13. de acquir. rer. dom. l. 34. §. 1. leg. 49. §. ult. de acq. poss. l. 1. C. eod. Utique tamen volentibus, ut ut ignoremus, quo tempore ex voluntate nostra possessio apprehendatur.

Per possessionem etiam dominium) Si tradita ab eo, qui dominus fuit, & dominium in nos transferre voluit, d. l. 13. l. 20. §. ult. de acq. rer. dom. l. 8. C. de acq. poss.

Vel Usucapionem) Id est, usucapiendi occasionem, conditionem. Hoc interest, quod dominium etiam ignoranti mihi per procuratorem, cui nomine meo res tradita est, acquiratur: re autem in non domino tradita usucapiendi facultas demum acquiratur, ex quo scire cœpi rem traditam esse, l. 47. de usuc. l. 1. C. de acq. poss. Nam usucapio bonam fidem possidentis requirit, quam nemo dixerit eum habere, qui se possidere ignorat.

COMMENTARIUS.

1. *Cur placeat, possessionem per extraneam personam acquiri posse, jura aliquod non posse?*
2. *Per consequentiam quaesita possessionis necessario etiam dominium nobis acquiri, aut usucapiendi conditionem: sed tunc demum, postquam scientia intervenit, n. 3.*

Concludit ab enumeratione personarum, per quas acquiri huc usque docuit, quasi ab enumeratione partium, per extraneam personam nihil nobis acquiri posse. Sola causa excipitur possessionis. Personam extraneam vocat hominem liberum, qui neque juri nostro subiectus est, neque bona fide a nobis possidetur: tum servum alienum, in quo neque usufructum habemus, neque justam possessionem. In summa, persona extranea in hoc argumento est, quæ vim instrumenti animati apud nos non obtinet.

Nihil acquiri posse) Neque dominium aliunde in re jus, neque obligationem, aut actionem, l. 1. C. hoc. tit. l. 11. de obl. & act. l. 3. in pr. quod vi aut clam. l. quo tutela. 73. ult. de reg. jur. l. stipulatio. 38. §. alteri. 17. de ver. obl. Cujus rei ratio est, quod jus civile ita comparatum sit, ut sibi quisque quod sua intersit, negotium gerat, non alteri, d. l. 11. de obl. & act. d. l. stipulatio. 38. §. alteri. 17. de verb.

obl. At quas exceptiones hæc regula habeat in obligatione per extraneum acquirenda, & quid juris hodie hæc obtineat, videbimus in §. 4. inf. de inut. stipul. VINN. At regulæ huic obstat videtur l. 15. ff. constit. pecun. ubi particula salutarem NON intrudere non dubitat Fr. Hotoman. *Observ.* IV. 12. Sed perperam: quum ibi exceptio à regula occurrat, puta, quando quis ministerium tantum præbet. HEIN.

Excepto eo, quod per liberam personam placeat acquiri possessionem) Excipit possessionem, quam placuit per quemlibet nobis acquiri, qui eam nostro nomine apprehenderit, id est, hoc animo, ut velit nostro nomine possidere, d. l. 1. C. hoc. tit. l. 1. C. de acq. poss. l. solutum. 11. §. de pign. act. l. traditio. 20. §. ult. l. ca. qua. §. 3. de acq. rer. dom. Qui locus eorum rationem suggerit, cur in possessione acquirenda singulariter hoc receptum sit, nimirum, quia possessio acquiritur actu naturali & corporali rei apprehensione; in quo facilius alteri operam navare & ministerium præstare possumus quàm in iis, quæ civiliter acquiruntur citra istiusmodi actum, puta stipulando aut contrahendo, reliquumque agnoscendo. Et tamen hoc ipsum, ut per liberam personam possessio nobis quærat, propter utilitatem contra stricti juris rationem constitutionibus introductum videtur, d. l. 1. & l. 1. C. de acq. poss. d. l. solutum. 11. §. pen. de pign. act. Veluti per procuratorem) Procuratorem intelligi cum Bart. in leg. qui mihi. 13. de denat. Jas. & Zas. in l. 1. §. per procuratorem. 10. de acq. poss. non tantum qui speciale mandatum habet; sed etiam cui universorum bonorum administratio permixta est. Etenim cum procurator generalis & exigere possit, atque accipere, & emere, ac vendere, utique quatenus ratio administrationis hoc expolice, §. nihil autem. 42. sup. de rerum div. cum ibi notat. hæcenus non video, quid inter hunc & specialem procuratorem intersit. Planè extra causam administrationis ad acquirendam domino possessionem generale mandatum non sufficit: sed aut speciale requiritur, aut domini ratio habitio, l. communis. 24. §. 1. de acq. poss.

Non solum scientibus, sed & ignorantibus) Etiam ignorantibus possessionem per procuratorem nobis acquiri multis locis apertissime scriptum est, l. si procurator. 13. de acq. rer. dom. l. si me. 34. §. 1. l. possessio. 49. §. ult. de acq. poss. l. 1. C. eod. Cui non obstat quod dicitur in l. ca. qua. §. 3. de acq. rer. dom. per quemlibet volentibus nobis possessionem acquiri. Hæc enim non pugnant, ignorantibus posse acquiri possessionem, & non

acquiri nisi volentibus. Ignorare possumus, quo tempore procurator noster possessionem apprehendat: quandocumque autem hoc sit, nostra sit voluntate, qui ut apprehenderet mandavimus.

Et per possessionem dominium) Ut possessio nobis per procuratorem acquiritur, sic & per possessionem dominium, si incipiat ab eo, qui dominus fuit, & dominium in nos transferre voluit, d. l. 13. l. traditio. 20. §. ult. de acq. rer. dom. l. 8. C. de acq. poss. Etenim admissio eo, ut per liberam personam possessio nobis quaeratur, necessarium hoc consequens fuit, ut dominium quaeretur per possessionem prius quaesitam, si ea à rei domino transferendi domini causa tradita esset. Fieri enim non potest, quin is, qui rem ex iusta causa, hoc est, idonea ad transferendum dominium, traditam à domino possidere coepit, dominus ejus rei statim efficiatur. Cum autem dicimus, possessionem & per hanc dominium per procuratorem nobis acquiri: non hoc intelligimus, acquiri hæc primum procuratori, à quo deinde ad nos transeant: sed ministerio procuratoris recta nobis acquiri possessionem, & per consequentiam quaesita possessionis eo casu, quo diximus, etiam dominium. Ex quo apparet, *ἀλλοτρίον* esse & alienum, quod DD. plerique hic asserunt, ideo facilius dominium ministerio alieno quaeri, quam obligationem, quia jura personalia & obligationes magis inhaerent omnibus hominum.

Vel Usucapionem) Id est, usucapiendi occasione. Hoc enim perpetuum est, ut quo casu dominium statim acquiritur, si dominus sit, qui tradit domini transferendis causa, eo casu acquiritur jus usucapionis, si dominus non sit. *Prætermissa* autem hoc loco à Triboniano est insignis inter hos casus differentia. Nam si is, qui procuratori meo rem meo nomine tradidit, dominus fuit, etiam ignoranti mihi dominium acquiritur, d. l. 13. de acq. rer. dom. Si non fuit dominus, usucapiendi conditio mihi non quaeritur, nisi postquam scientia mea intervenerit, l. 1. C. de acq. poss. l. si emptam. 47. de usucap. l. possessio. 49. §. ult. de acq. poss. Hoc ideo, quia eum, quem usucapere volumus, non sufficit possidere, nisi & possideat bona fide, quam nemo dixerit eum habere, qui se possidere ignorat.

Aut longi temporis præscriptionem) Potuerat hoc omitti. Nam postquam ex duobus his generibus acquirendi, quæ prius fuerant, usucapione & præscriptione longi temporis, unum Justinianus fecit, l. un. C. de usuc. transf. factis fuisset, alterutrius tantum memi-

Tom. I.

nisse, aut usucapionis, aut præscriptionis.

TEXTUS.

Transitio.

7. *Hactenus tantisper admonuisse sufficiat, quem admodum singula res vobis acquirantur. Nam legatorum jus, quo & ipso singula res vobis acquiruntur; item fideicommissorum, ubi singula res vobis relinquuntur, opportunius inferiore loco referemus. Videamus itaque nunc, quibus modis per universitatem res vobis acquirantur. Si cui ergo heredes facti sitis, siue cuius bonorum possessionem petieritis, vel si quem adrogaveritis, vel si cuius bona libertatam conservandam causa vobis addicta fuerit, ejus res omnes ad vos transeunt. At prius de hereditatibus dispiciamus. Quarum duplex conditio est. Nam vel ex testamento, vel ab intestato ad vos pertinent. Et prius est, ut de his dispiciamus, quæ ex testamento vobis obveniunt; quæ in re necessarium est, initium de testamentis ordinandis exponere.*

NOTÆ.

7. *Si cui heredes, &c.*) Ex modis acquirendi per universitatem, qui plures olim fuerunt, v. Cont. 1. disp. 12. soli manserunt hi quatuor, susceptio hæreditatis, bonorum possessionis agnitio, inf. tit. 10. lib. 3. adrogatio, & libertatam conservandam causa bonorum addictio, tit. 11. & 12. de lib. 3.

COMMENTARIUS.

- 1 *Verbis, per universitatem, non titulum acquirendi, sed rem quæ acquiritur significari.*
- 2 *Ex veteribus acquirendi per universitatem modis solos superesse quatuor; quos Justinianus commemorat.*
- 3 *Quid sit hereditas?*
- 4 *Quibus modis deferatur?*
- 5 *Species acquisitionis per universitatem apud nos recepta.*

EXpositis modis, quibus jure civili acquiruntur res singulæ, transit Imperator ad eos modos, quibus eodem jure acquiruntur universæ, siue quibus acquirimus per universitatem. Non minus autem hic spectandi modi ipsi & causæ acquirendi, quàm universitas acquisitionis. Nam & legari & donari bonorum universitas potest, l. non amplius. 26. §. 2. de legat. 1. l. si unquam. 8. C. de revocat. donat. potest & vendi, tot. tit. de hered. vend. Sed

X x

ti-

tituli hi nihilominus natura sua singulares sunt, hoc est, comparati dumtaxat ad acquirendum res singulas: & ideo nec idem jus in universum acquirendi tribuunt, quod verbi causa hæreditas, idque cernitur in actionibus directis tam activis, quam passivis. Modi ipsi acquirendi soli universales sunt natura sua, ad quos nunc se Princeps confert.

Legatorum jus, item fideicommissi. opportunius inferiore loco) Occupat, & tacite removet, quod obijci poterat de perturbatione ordinis, quod scilicet in disputatione de acquisitione juris civilis rerum singularum non omnes acquirendi modos, qui eo pertinent, exequatur, quod lex methodi videbatur exigere: sed parte eorum præterita, ad aliud genus intempestivè transeat: nam legata & fideicommissa non minus ad prius istud genus acquisitionis pertinere, quam usucapionem & donationem. Ad ergo se non ignorare significat, & consulto tractationem de legatis & fideicommissis in alium locum rejecisse, eumque, qui longè sit opportunior: nam originem eorum, causam communem, & exitum flagitare omnino, ut de iis demum tractetur cognito jure testamentorum, *infr. de legat. in pr.*

Per universitatem) Hoc est, quibus universum & una acquisitione acquirimus bona alicujus omnia, res omnes & jus universum alterius, non separatim res singulas. Ita enim paulo post. *Si cui ergo hæredes facti sitis, &c. ejus rei omnes ad vos transeat, & Cujus lib. 2. tit. 2. in pr. Per universitatem, ait, hoc est, simul omnia bona acquirimus hæreditate, fac l. hæreditas. 62. de reg. jur. l. nihil aliud. 24. de verb. sign. l. 3. §. 2. de bon. poss. D. Vulcejus putat, his verbis, per universitatem, titulum acquisitionis significari, non res acquirendas: sed oppido quàm ineptè. Quis enim unquam fando audivit, titulo tribui universitatem, aut titulum quosdam dici universos? Multorum ista collectionem arguunt. Quæ affectio cum tantum rerum propria sit, nec tamen omnium, hinc est, quod res quædam dicuntur singulæ, quædam universæ, & rerum sive bonorum quædam universitas, non tituli. Cæterum quemadmodum actiones, quibus bonorum universitatem petimus, ex objecto appellamus universales, qualis est petitio hæreditatis; quibus res singulas, qualis est rei vindicatio, singulares, aut speciales, l. 2. l. in speciali. 73. de rei vind. l. 1. ut responsum. 15. Cod. de transact. ita & titulos, qui pertinent ad acquirendum per universitatem, id est, res alicujus universas, universales; qui ad res singulas, singulares dicimus. In summa univer-*

sitas non est causa sive titulus, neque etiam modus acquirendi, sed illud ipsum quod acquiritur, veluti hæreditas, quam sibi delatam acquiri hæres adeundo, §. ult. inf. de her. qual. *Si cui ergo hæredes facti, &c.*) Olim modis, quibus per universitatem acquiritur, complures erant. Septem enumerat D. Ant. Contius lib. 1. diff. c. 12. Ex quibus antiqui, successio per bonorum debitoris venditionem, & ea, quæ fiebat per redactionem liberæ mulieris in servitutem ex Senatusconsulto Claudiano, inf. tit. de succ. sublat. quæ fieb. per bon. vend. & ex Senatusconsult. Claud. Item in manu conventio, seu coemptio, quæ itidem species erat successionis per universitatem. Nam olim cum mulier viro in manu convenisset, omnia, quæ mulieris erant, viri fiebant dotis nomine, teste M. Tullio in *Topic. cap. 4. in quem locum de ritu coemptionis vid. Boet. Soli manserunt hi quatuor*, quorum idcirco etiam mentionem tantum facit Justinianus, susceptio hæreditatis, bonorum possessionis agnitio, adrogatio, libertatum conservandarum causa bonorum addictio. Ad numeratur tamen his & successio fisci, bona damnatorum, vel eorum, qui sine hærede moriuntur, occupantis, arg. l. deportatus. 15. de interd. & rel. l. 1. & passim. de jur. fisci. item ingressus monasterii. Nam Justin. Nov. 5. c. 5. unde auct. ingressi. C. de sacros. Eccl. constituit, ut universa bona religionem ingressi acquirantur monasterio, extra quam si liberis habeat, inter quos substantiam suam dividere non prohibetur, una saltem parte sibi retenta, in quam monasterium succedat. Cæterum neque fisci, neque monasterii successio simpliciter universalis est, qualis est hæreditas, bonorum possessoris, &c. ut onera quoque agnoscere cogantur: licet enim teneantur respondere creditoribus, damnum tamen nullum sentiant, si bona non sufficient, Nicol. Burg. ad consuet. Flandr. tract. 13. nu. 10. Ex quatuor autem modis per universitatem succedendi hic propositus unus est, per quem succeditur viventi, scilicet adrogatio: per ceteros succeditur defuncto.

Prius de hæreditatibus) In hoc explicando pars reliqua hujus libri & novem priores tituli sequentis consumuntur, nisi quod tractatio de legatis & fideicommissis inseritur propter argumenti conjunctionem. Hæreditas propriè nihil aliud est, quam universum illud jus, quod defuncto vel in defuncto tempore mortis ejus competeat. Hinc illa apud nostros hæreditatis appellatio universitatem quandam ac jus successionis demonstrat, l. bonorum. 208. de

208. *de verb. fig.* Juris nomen est, & ideo dam-
nosam quoque hæreditatem continet, *l. hære-
ditatis. 119. l. pecunie. 178. §. 1. eod.* Item
hæreditas etiam sine ullo corpore juris intel-
lectum habet, ut loquitur Papinianus in *l. hære-
ditas. 50. de her. pet.* Atque ut ostendat,
eum hæredem dici, qui succedit in universum
demortui jus, suscipitque ejus rei commodum
& incommodum, ideo hæreditatem definiunt,
esse successionem in universum jus, quod de-
functus habuit, *l. nihil. 24. de verb. sign. l. hære-
ditas. 62. de reg. jur.* Proprie enim suc-
cessio & succedere hæredis est, non hæredita-
tis: hæreditas verò illud jus, quod per suc-
cessionem hæredi acquiritur, *tot. tit. de acq. her.*
Atque ita ergo definitionem istam explicare
soleo, facem prælucente Ulpiano in *l. 3. in
pr. de bon. poss.* Diligentius hæc excussi *sup.*
tit. de reb. corp. & incorp.

Vel ex testamento, vel ab intestato) Acquisi-
tio hæreditatis duabus hisce rebus constat, de-
latione, & delata susceptione. Ex delatione
est jus & titulus acquirendi, in susceptione
modus. Et ideo non ante acquiri hæreditas
potest, quam cum delata est, *l. si quis. 12. §.
2. de acq. her. & retro delata esse intelligitur,*
quam quis potest adeundo consequi, l. delata.
151. de verb. sign. Desertur autem hæreditas
aut testamento, aut lege ab intestato, *l. 1. &
2. seqq. de her. pet.* unde hæredes alii testa-
mentarii, alii legitimi: item hæreditas testa-
mentaria, & legitima, *l. in plurimum. 70. de
acquir. her. l. 6. §. 2. qua in fraud. cred.* Scien-
dum autem est, primum agi hic de delatione
hæreditatis directa: nam indirecto, hoc est,
per fideicommissum, non testamento tantum,
sed etiam codicillis relinqui hæreditas potest,
*nec solum testamento facto, verum etiam ab
intestato:* & is, cui ex fideicommissio restituta
est hæreditas, ex Senatusconsulto Trebelliano.
hæredis loco habetur, de quo demum *tit. de
fideic.* ber. qui est antepenultimus hujus libri.
Deinde agi de hæreditate, quæ desertur & ac-
quiritur jure civili: cæteroquin jure prætorio
& bonorum possessor effectu hæres est, & bo-
norum possessio, quæ hic ab hæreditate sepa-
ratur, vi ipsa nihil aliud, quam hæreditas *l. 1.
2. 3. de bon. poss. l. hæreditatis. 138. de verb.*
sign. Tantum in tempore & modo acquirendi
nonnulla dissimilitudo, ut videbimus suo lo-
co *inf. de bon. poss.*

Quæ ex testamento eveniunt) Ordinarium

fuit ante de judiciis testamentum, & deinde
de successione ab intestato loqui, ait Ulp. *l.
1. si tab. test. nul. ext.* nimirum quia prior
semper ratio fuit hæreditatis testamentariæ
quàm legitimæ. Nam verbis legis duodecim
tabularum, *ut quisque legasset suæ rei, ita jus
esset,* sic confirmantur judicia testamentum, quam-
diu hæc proferuntur, atque ex testamento adi-
ri potest hæreditas, si ab intestato non defera-
tur, *l. quamdiu. 39. de acqu. her.* Quoniam
autem ad hoc ut testamento deferatur hæredi-
tas & acquiri possit, requiritur, ut testamen-
tum justum sit, hoc est, secundum regulas &
præcepta juris civilis ordinatum, ideo subjecit,
necessarium esse expositionem ejus rei ab ordi-
natione testamentorum inchoare.

Ex omnibus per universitatem acquisitioni-
bus, quæ umquam apud Romanos fuerunt,
sola apud nos in usu est ea, quæ fit per suscep-
tionem hæreditatis: bonorum enim possessio-
res nulli, sed hæredes omnes sunt & appellan-
tur, qui vel ex testamento, vel ab intestato
defuncto succedunt, eodemque modo omni-
bus jure civili Batavorum hæreditas acquiritur.
Acquisitio quoque per adrogationem, &
ea, quam tribuebat pro conservatione liber-
tatum bonorum additio, nullum usum in
hisce regionibus habere possunt, cum nec
adoptionis in totum ulla vis sit, nec servos
agnoscamus, ut alibi relatum. Cæterum dux
aliæ species acquisitionis per universitatem
moribus nostris receptæ, quas ignorat jus ci-
vile Romanorum: una per nuptias; altera per
voluntatem supremam præmorientis conjugis.
Nam ex consuetudine generali Hollandiæ &
West-frisiæ, nuptiis contractis, bona conju-
gum confunduntur & communicantur, nisi
pactis antenuptialibus aliter cautum sit. At-
que hinc stante matrimonio debita unius ex
bonis alterius exsolvi possunt. Habetque lo-
cum hæc confusio etiam in nuptiis repetitis.
Utique tamen bona feudalialia in hanc commu-
nionem non veniunt. Antiquitus quoque mo-
ris fuit, ut vidua liberos minores natu habens
moneret in possessione, & quasi dominio com-
muni familiæ, fructusque sola perciperet, pro
quibus liberos communes aleret, usque dum
filiorum natu maximus perfectæ ætatis factus
esset: sed hodie hoc amplius non obtinet, ni-
si ultima voluntate aut etiam pactationibus id
cautum reperitur, vid. D. Grot. lib. 2. manu-
duct. ad jurispr. Bat. c. 11. & 2. seqq.

DE TESTAMENTIS ORDINANDIS.

D. Lib. 28. Tit. 1. C. Lib. 6. Tit. 23. Nov. 66. 119. c. 9.

Genera testamentorum obiter exposita, & ratio ordinis Justiniani.

IN calce præcedentis tituli dictum est, cum quaeritur de acquirenda hæreditate, quæ dicatur testamento delata, in primis inspicendum esse, an testamentum valeat, & rite ordinatum sit; eamque ob causam etiam initium hujus tractationis à doctrina de testamentis ordinandis, sive de ratione & modo testandi Imperatorem capere. Cæterum cum hæc doctrina ad omnium testamenta non pertineat, sed ad paganorum dumtaxat, & ex his ad ea, quæ fide privata ordinantur, quorum scriptorum alia forma sit, alia non scriptorum; ut omnis confusio vitetur, prius genera testamentorum obiter secernemus, explicaturi deinde, quomodo singula fiant iis in locis, ubi hoc tangit Imperator. Testamentum in genere nihil aliud est, quam ultima voluntas, qua quis hæredem sibi sive bonorum successorem deligit. Et geminæ ejus sunt species: unum commune civium Romanorum, quod paganicum appellatur; alterum proprium militum, quod ideo militare. Utrumque rursus vel scriptum est, vel non scriptum seu nuncupativum, §. ult. inf. cod. & §. 1. tit. seq. Et commune sive paganicum iterum vel publica fide ordinatur, l. omnium. 19. C. hoc tit. vel fide privata. Cum autem sola paganorum testamenta, quæ quidem fide privata fiunt, ad stricta sint legibus, quæ ad solemnitatem ordinationis pertinent, militaria his omnibus soluta, sciendum est nihil eorum, quæ deus in conficiendo testamento observandis hoc loco & passim aliis ejusdem argumenti simpliciter traduntur, ad militaria testamenta pertinere; adeoque in toto jure, cum simpliciter testamentum nominatur, commune sive paganicum intelligit. Paganorum testamenta, ut recte fiant, & jure civili rata sint, in hisce tribus positum est: in persona testantis; in forma testandi & modo; in rebus, quas testamentum necessario complecti debet. Quod Cajus l. 4. hoc tit. sic expressit: Si queramus, inquit, an valeat testamentum; in primis animadvertere debemus, an is, qui fecerit testamentum, habuerit testamenti factionem, deinde si habuerit, requiremus, an secundum regulas juris civilis testatus sit. Regulæ verò istæ pertinent vel ad modum testandi, vel ad res, quas

testamento, ut valeat, complecti necesse est. Atque hæc omnia etiam à Justiniano ordine tractantur: verum orditur ille à testandi modo. De personis testantium agit secundo loco, inf. tit. 12. de rebus quorum insertio ad vim testamenti necessaria, tit. 13. & 14. Recenset hic primum historię causa antiquas atque obsoletas testandi formas; deinde explicat, quo ritu postea testamenta fieri cœperint, primum per scripturam, deinde sine scriptura, voluntate palam nuncupata. Cæterum hæc omnia pertinent ad ea testamenta, quæ fiunt fide privata. Publica autem fide si quis testari velit, (quod hic à Justiniano omnium) poterit id facere vel coram Principe per supplicationem, vel apud acta judicis aut municipium; & tunc neque testes, neque alia solemnitates desiderat, l. omnium. 19. C. hoc tit. & ibi Gloss. & DD. add. Mynsing. 6. obs. 19. Boet. dec. 128. Christin. vol. 4. dec. 7. num. 4.

TEXTUS.

Etymologia.

Testamentum ex eo appellatur, quòd testationis sit.

NOTÆ.

Testatio mentis) Allusio potius quam *ἐννομήναι*, cujusmodi nostris sæpe obrepunt, l. 1. de acq. pos. l. 1. de novat. l. 2. §. 2. de reb. cred. l. 35. §. 1. de mort. caus. don. Definitionem habes apud Modestinum. l. 1. D. hoc. tit. Ulpian. tit. 20. Vide plura in comment.

COMMENTARIUS.

- 1 Non proponi hic veram testamenti notionem, sed allusione quadam etymologica ostendi rei & vocis convenientiam.
- 2 Definitio testamenti, qua Modestinum auctorem habet, examinata, & perfectiores productæ.
- 3 Testamentorum usum generaliter consideratum esse ex jure gentium; specialiter ex jure civili.
- 4 Apud plerosque populos tam liberam non fuisse, neque etiam nunc esse, testandi & legandi potestatem, quam apud Romanos fuit.

Quòd testatio mentis sit) Allusione quadam etymologica offendit rei & vocis convenientiam, imitatus S. Sulpitium, qui

qui quo efficacius vim rei exprimeret, testamentum dixit esse verbum duplex compositum à contestatione mentis. Etsque hujusmodi allusiva derivandi ratio omnibus auctoribus admodum familiaris: in joci venustas delectat, in rebus seriis etiam utilitate sua, quam in re declaranda habet, commendabilis. Qualis est illa Ciceronis, qui lib. 1. de offic. cap. 6. fidem ex eo appellatam, scribit, quia fiat, quod dictum est. Item illa Augustini, quod mentiri inde dictum, quod sit contra mentem ire. Similis est illa apud Priscianum: argumentatio dicta est, quasi arguta mentis oratio. Apud nostros etiam crebro id genus occurrit. Talis est illa Pauli & Labeonis, qui possessionem appellatam scribunt à sedium positione, l. 1. in pr. de acquir. poss. Et Ulp. qui ait, donationem nomen accepisse à nova obligatione, l. 1. de novat. Eiusdem generis inveniuntur & in leg. 3. de damn. inf. l. senatus. 35. §. 1. de mort. caus. don. l. 2. §. 2. de reb. cred. Nec absumilis est illa Celsi dicentis, si iustitia appellatum esse, l. 1. in pr. de just. & jur. Hæc autem & his similia, licet non dicantur ex vero, speciosam tamen veri arguendi vim habent, sicut exempla & comparationes scæz non minus arguunt, quam veræ. Nullamque omnino causam video, cur Servium allusionis propositæ auctorem carpat Aul. Gell. 6. nost. Attic. 12. aut in Justinianum tam inclementer invehatur Valla l. 6. elegant. 36. ut dicat, cum explosam atque derisam etymologiam denuo inculcasse: dignus profecto ipse, qui sibillo explodatur. Quis enim nescit, testamentum esse verbum non compositum, sed simplex? Et si de vera ejus originatione queratur, dictum esse à testando? Quod autem convenit & verbo & simul rei, testatio mentis, fortuitum esse, nec in aliis verbis per hujusmodi formam productis idem exquiri, atque ideo nec per similem allusionem declarari posse? Et irascor Gœdæo, qui in l. nomen. 164. de verb. figa. contendit, eandem hanc derivandi rationem etiam accommodari posse verbis vestimentum, ornamentum, calceamentum, & ejusdem productionis cæteris; lepida scilicet ratione, quia & sartor, sutor, &c. mentis iudicio in opere faciende utuntur, aut quia nemo sine mente se vestit, ornat, calceat. Et igitur si Gœdæo credimus, vestimentum ex eo appellatum rectè dici poterit, quod vestitio mentis sit, calceamentum quod sit calceatio mentis: an igitur & incrementum, quod sit mentis excretio? Mallet dixisset, Cerberum se metuere, quàm hæc tam temere atque inconsideratè effutisset. Apparet autem ex

verbis hujus textus & disputatione Gellii, Justinianum & Servium non definitionem aut descriptionem aliquam testamenti, sive ipsius rei proponere voluisse, sed indicare rationem nominis, *ἡν ἐν ματὶ δὲ, ἢ τὴν ἐν ματὶ δὲ*. Quæ & Theophili mens est, licet aliud videatur doctissimo Salmasio lib. de usur. c. 1. VINN. Rectè omnino auctor noster: cujus observationibus id adde, quod auctores nostri hic stoam huius more imitentur. Iis enim philosophis hujusmodi allusiones erant familiarissimæ. Cic. de offic. l. 1. c. 6. Seneca Epist. 88. Vidit jam hoc Vir eximius Em. Merill. Obs. Lib. 1. cap. 10. & ante eum summus Cujacius. Observ. lib. 11. c. 37. Addenda etiam quæ hanc in rem contra Laur. Vallam disputant viri docti apud Cl. Ducker. de Latin. vet. JCI. p. 23. sequ. & p. 462. Scip. Gentil. Orig. ad ff. & Egid. Menag. Amant. jur. cap. 39. HEIN.

Descriptionem testamenti habemus apud Modestinum l. 1. hoc. tit. Testamentum, inquit, est voluntatis nostra iusta sententia de eo, quod post mortem suam fieri velit. Justam sententiam si accipimus solemnem, aut plenam, hoc est, integram & de omnibus bonis, (utraque enim significatio huic verbo convenit) hæc nota satis removebuntur condicilli. Expressior tamen est illa Ulpian. in fragm. tit. 20. qui sic definit: Testamentum est mentis nostra iusta contestatio, in id solemniter facta, ut post mortem nostram valeat. Quod Modestinus voluntatis sententiam, Ulpianus: contestationem dixit, uti & in l. qui testamento. 20. §. & veteres. 8. hoc tit. contestationem supremam: quoniam non est simplex voluntatis enunciatio aut demonstratio, sed testata, hoc est, declarata & exposita apud eos, qui, ut testes essent, rogati sunt hoc modo: Hæc uti in tabulis scripta sunt, ita vos, Quirites, testor. Itaque testimonium prohibitor. Perfectissima autem erit definitio, si ita dicamus: Testamentum est suprema contestatio in id solemniter facta, ut quem volumus post mortem nostram habeamus heredem. Nam legata ad testamenti substantiam non pertinent, l. 1. §. 3. de hered. instit. Sunt autem hæc definitiones conceptæ de iis testamentis dumtaxat, quæ sunt jure communi omnium Civ. Rom. & ea quæ sunt jure proprio & singulari, qualia sunt militum, de quib. tit. seq. & quorundam etiam paganorum, de quibus nos obiter ad §. 4. n. 2. infr. b. tit. non pertinent. Quæri hoc loco solet, cui juri adscribenda testamenti factio, utrum juri gentium an civili? Dicendum est, si generaliter, simpliciter & indefinitè usus testamentorum consideretur, cum esse ex jure gentium; si

specialiter & definit, ex jure civili. Neque aliter interpp. sentiunt, cum originem testamentorum ad jus gentium referunt, formam ad jus civile: formam nimirum propriam & modum testandi peculiarem cujusque Reip. Nemo enim, opinor, tam ineptus est, ut putet, rem ullam esse sine forma, aut simplicem & secundum jus gentium testandi rationem, qualis in militum testamentis cernitur, forma carere. Breviter, ut liceat morituris disponere de rebus suis, ex jure gentium est; ut non aliter liceat, quam hoc vel illo modo ex jure civili. Hujus rei non leve argumentum est, licet à posteriori concludat, quod apud omnes fere gentes in usu testamenta fuerunt, sive jus cavendi de eo, quod quis post mortem suam fieri vellet. Philosophorum supremas aliquot voluntates refert Diog. Laertius in *vitis Philosoph.* Isaias Propheta annuntiat Ezechiae regi Judæ, ut domui suæ præcipiat, quasi mox morituro, 2. Reg. 20. & Tacitus de Germanis nostris, ut singulare aliquid notat, quod nullum apud eos testamentum esset *lib. de morib. German. cap. 20.* Idem quoque arguit, quod miles, qui secundum jus gentium testari creditur, depositum hæredem instituere potest, *l. 1. §. 2. de testa. mil. junct. l. 17. §. 1. de pæn.* Et secundum hæc ad populum Constantinus: *Nihil est, inquit, quod magis hominibus debeatur, quam ut suprema voluntatis (postquam jam aliud velle non possunt) liber sit stylus, & licitum, quod iterum non reddat, arbitrium l. 1. c. de sacros. Eccles.* Reperiuntur tamen, qui testamenti factionem toto suo genere juris merè civilis esse contendunt, ac ne illud quidem nobis concedunt quod dicimus, rem ipsam simpliciter & per se consideratam esse juris gentium. Negant, rationi & simplicitati juris gentium convenire, ut quis disponat de re non sua: id autem eum facere aiunt, quia disponit in id tempus, quo dominus esse definit. Sed assumptio hæc falsa est. Non enim de re aliena, sed sua, nimirum eo tempore, quod adhuc dominus est, testator disponit, & quid fieri velit, ordinat: licet executionem voluntatis in tempus mortis suæ suspendat. Quod non magis pugnat cum ratione naturali, quam si quis bene sua omnia alicui donaret ea lege, ut ipse, quoad vivat, unam possessionem eorum retineat. Nam, ut rectè docet D. Grotius *lib. 2. de jur. bell. & pac. cap. 6. num. 14.* testamentum vi ipsa nihil aliud est, quam alienatio in mortis eventum ante eam revocabilis, retento interim jure possidendi ac fruendi. Ex eo quoque quod successio, quæ jure sanguinis ab intestato de-

fertur, revera ex jure communi est, malè colligas, alienum esse à ratione ejusdem juris, ultima voluntate de bonis suis cavere. Etenim ne illo quidem jure putandum est, defuncti bona simpliciter addici proximis, sed in defectum supremæ voluntatis ejus, qui dominus fuit, *arg. §. per traditionem. 40. sup. de rer. div. d. l. 1. Cod. de sacros. Eccles.* quem naturæ legis ordine etiam in deferenda hæreditate lex duodecim tabularum secuta est. Reliqua, quæ contra objiciuntur, parvi ponderis sunt, quale est illud quod Papinianus scribit, testamenti factionem non privati, sed publici juris esse, *l. 3. hoc tit.* Nam si jus publicum propriè accipimus, quod utilitate publicum est, ut indivisione juris proposita, *§. ult. sup. de just. & jur. leg. 1. §. 2. cod. testamenti factio juris privati est.* Publici autem juris esse dicitur oppositivè ad contractus & conventiones, quia auctoritate publica est, *l. 1. ad leg. Falc. l. verbis. 120. de verb. sign.* nec ut contractus privati cujusque arbitrio, sed legum potestate regitur, *l. ult. de suis & legit. bar.* quamquam & quæ ad jus publicum propriè pertinent, magnam partem ex moribus & institutis aliorum gentium Romani petierunt. Quod pluribus exposui ad *d. §. ult.* Neque majoris momenti est, quod de deportato profertur, cum nec testamentum facere, nec ex eo capere possit, *l. 8. §. 1. hoc tit. l. 1. Cod. de bar. inf.* qui tamen omnia, quæ sunt juris gentium, retinet, *l. sunt. quidam. 17. §. 1. de pæn.* Nam nec matrimonium contrahere potest, nec patriam potestatem, nec tutelam, nec jus successione cognationi tributum retinet. Nimirum etiam hæc omnia ex jure gentium tamquam ex communi fonte populus Romanus hauscrit, propria tamen sibi fecit, & à communione eorum arcuit peregrinos. Neque enim hoc dicimus, testamentum esse juris gentium, quo modo contractus & commercia juris gentium esse dicuntur, sed ex jure gentium & civili ita confutum, ut, quamvis hic præcipue partes sunt juris civilis, & ob id etiam inter ea, quæ juris civilis sunt, testamentum numerandum; tamen numerandum inter ea, quæ mixti juris sunt, non quæ merè civilis & positivi: quoniam ex ratione juris gentium est, ut quis moriturus de bonis suis possit disponere: quo sensu etiam in Institutionibus Græcis inter exempla juris gentium refertur *τὴ διαθήκη εὐγενήτων. tit. de jur. nat. gent. in pr.* Revise ad ea quæ sub *§. 1. ejusd. tit.* à nobis tradita sunt. Illud plane ridiculum est, quod ex eo, quod Tacitus scribit, apud Germanos suo tempore usum

ref-

testamentorum non fuisse, nonnulli colligunt, testamenti factionem cum jure gentium non consentire. Nam usum quoque emptionis & venditionis Germanos ignorasse idem Tacitus eodem loco prodidit, cum apud eos nummus non esset, & cerebrosi hominis est, ex usu unius populi & rudis adhuc de jure gentium judicare, add. doctiss. Vigl. ad §. 2. *hoc tit.*

VINN. Non adeo expedita res videtur, testamenti factionem esse jure gentium: sive per illud intelligas jus, quod naturalis ratio inter omnes homines constituit, sive quod usu & necessitate exigente homines inter se constituisse dicuntur. Nec rationes Vinnii id evincunt. Nam (1) multæ gentes condiderunt testamenta, sed non omnes. Non Germani, Tac. *de mor. Germ. cap. 20.* non Athenienses ante Solonem, Plutarch. *in Solon. p. 90.* non Hebræi, Seld. *success. in bon. Hebr. cap. 24.* non Indi denique, veluti Siameses, De la Loubere *du Royaume de Siam. T. 1. part. 3. ch. 7. n. 9.* Deinde (2) omnino rationi naturali repugnat, alicui jus esse statuendi de rebus suis ira, ut voluntas post mortem valere incipiat, ubi jam velle desit, & mors omnia solvit, Quod animadvertens vir acutissimus Leibniti-
us in *novo methodo Jurisprud. p. 56. sequ.* ad animarum immortalitatem confugit, ut sic perdurare voluntas mortuorum videatur, quod nimis dilutum est. (3) Nec donationis exemplum à Vinnio adductum quadrat. Nam qui donat inter vivos statim dominium transfert: quamvis sibi usum possessionemque reservet. (4) Grotii definitio non exhaurit naturam testamenti, de quo nobis quaestio est. Quis enim dixerit, testatorem, quoad vivit, tantum jus possidendi & fruendi sibi reservare, quum res suas vendere, donare, quin ipsam ultimam voluntatem mutare possit? Et quis dixerit, eam alienationem esse revocabilem, qua nihil alienatur, & quæ revocari potest, antequam valere cœpit? (5) Denique nec usu & necessitate exigente testamenta inventa sunt, quum nulla necessitas fingi possit, quæ homines adegerit ad testandum, quum jam leges extent de successione, immo hæc testamenti factio sæpe incommodis oneret rempublicam. Vid. Hert. *Elem. Polit. Part. II. sect. 11. §. 53.* HEIN.

Adjicio, *in passim*, multis visum, è Republica aliquando esse: nimiam testandi & legandi libertatem præcidere: præsertim in Optimarum statu, & hæcenus ut ne cui liceat prædia paterna aut avita legare. Quin etiam Bodinus *lib. 5. de repub. cap. 2.* auctor est, solis Atheniensibus usurpata fuisse infinitam

legandi licentiam, eamque Decemviro à Solone acceptam in duodecim tabulas retulisse, & populo Romano proposuisse his verbis: *Uti quisque legasset suæ rei, ita jus esset, l. verbis legis. 120. de verb. signif.* Cæterum autem gentium omnium unam legem fuisse, ne prædicia testamento legare liceret: eoque jure adhuc Polonos, Danos, Suecos, aliosque populos uti. Nos scimus, idem fere etiamnum obtinere in Geldria, & Diocesi Trajectina, locis Bataviæ nostræ proximè adjacentibus. Excepta apud nos sunt bona feudalia, quæ testamento dare, aut legare non licet sine indulgentia Ordinum hujus Provinciæ. At impetrata de his testandi licentia, potest vassallus feudum cui velit testamentum relinquere, modo is cui relinquitur ex justo matrimonio procreatus sit. Et potest hoc facere etiam sine permisso ejus, qui proximus feudi dominus est sine consensu successorum feudi ab intestato. Simplex indulgentia non plus juris Vassallo tribuit, quàm ut semel de bonis feudali-
bus directo disponere possit vel instituendo vel legando: plures autem gradus faciendi potestas aut substituendi sive directo sive per fideicommissum non aliter competit, quàm si hoc quoque specialiter diplomate comprehensum fuerit, Grot. 2. *manduct. c. 42. §. 1b.* Groenev. *in not. notab. feud. §. 24.* Apud Ultrajectenses etiam simplex indulgentia potestatem substituendi tribuit, sed semel dumtaxat.

TEXTUS.

De antiquis modis testandi civilibus.

1. Sed ut nihil antiquitatis penitus ignoretur, sciendum est, olim quidem duo genera testamentorum in usu fuisse; quorum altero in pace & otio utebantur, quod calatis comitiis appellabant: altero, cum in prælium exituri essent, quod provincium dicebatur. Accessit deinde tertium genus testamentorum, quod dicebatur per *as* & libram, scilicet quod per emancipationem, id est, imaginariam quandam venditionem agebatur, quinque testibus & libripende, civibus Romanis puberibus presentibus, & eo, qui familia emptor dicebatur. Sed illa quidem priora duo genera testamentorum ex veteribus temporibus in desertum abierunt: quod verò per *as* & libram fiebat, nec diutius permanferit, attamen partim & hoc in usu esse desit.

NOTÆ.

Calatis comitiis) Calato seu convocato per lictorem curiatum populo, testamentorum confirmandorum causa: curiata enim hæc erant

crant comitia, non centuriata, aut tributa. Gell. lib. 15. c. 27. Gruch. in *praf. lib. de comit.* In Gloſſis, *calata comitia*, ἀρχαιστία τις τῶν γυναικῶν. Vid. inf. in comm.

Per emancipationem) Emancipare & mancipare proprie, est ære & libra vendere, & in dominium alicui tradere. Horat. *Epist.* 2. l. 2. v. 158. Si proprium est, quod quis libra mercatur & ære. Per translationem prædicatur de qualibet alienatione & subjectione. Plaut. *Bacch.* & *Curcul.* Cic. *Phil.* 2. & *Cat. Maj.*

Imaginariam venditionem) Imaginaria dicitur, quia pretium non interveniebat; sed τὸν χρῆμα lesterius nummus, v. Cujac. 10. obf. 37.

Quinque testibus) Aderant præter libripendem testes quinque, cives Rom. puberes, certisque verbis hic actus perficiebatur. V. Ulpian. *tit.* 19. §. 2. & *tit.* 20. §. 1. & 3. & Boet. in *Top.* ubi ex Cajo etiam formulam mancipationis refert, add. Salmast. de *usur.* c. 8.

Familia emptor) Suet. *Neron. cap.* 4. *Familia emptor*, id est, hæreditatis; qui initio erat ipse hæres futurus, §. 10. *inf. eod.* postea autem alius ab hærede, manceps fiduciarius, qui hæredi familiam remanciparet. Theoph. quod Plutarcho *lib.* 2. de *serv. num. vind.* absurdum videtur.

In *deſuetudinem*) Causam te docebit Theoph.*

COMMENTARIUS.

- 1 *Comitiorum genera obiter expoſita, & oſtenſum quibus comitiis teſtamenta fieri ſolebant.*
- 2 *De teſtamento, quod veteribus endo procinctu.*
- 3 *De teſtamento per æs & libram.*
- 4 *Quando ſuperiora genera teſtamentorum in uſu eſſe deſierint.*

Quo ratio juris de forma & modo faciendorum testamentorum postea constituti facilius & perfectius intelligatur, necessarium putavit Justinianus, à primordio rem totam repetere. Et sunt sanè multa in jure novo & posterioribus temporibus constituta, quæ sine veteris notitia perfectè intelligi non possunt: idque non tantum in re hic proposita; sed etiam in plerisque aliis juris Justiniani partibus accidit. Accommodari huc potest illud Senecæ *lib.* 6. de *benef.* c. 1. *Etiam quod discere supervacuum est, prodest cognoscere.* Ait autem, primis temporibus duo genera testamentorum populo Romano in usu fuisse, quorum altero quod calatis comitiis dicebatur utebantur in pace & otio; altero quod

procinctum, cum in prælium procincti educerentur: accessisse autem postea & tertium genus, quod per æs & libram fiebat. Atque hujus rei testem habemus etiam Aulum Gellium, qui *lib.* 15. *noſt. Attic.* c. 27. sic scribit: *Tria genera testamentorum fuisse accipimus, unum, quod calatis comitiis in concione populi fieret; alterum, quod in procinctu, cum viri ad prælium faciendum in aciem vocabantur; tertium per familiam emancipationem, cui æs & libra adhiberetur.* Idem quoque tradit Ulpian. in *fragm. tit.* 20.

Quod calatis comitiis appellabant) Tribonianus non satisfacit studiosis antiquitatis, dum hoc genus indicat, non exponit. Sed & interpretes paucis de eo agunt, nec explent desiderium hominis curiosi. Quamobrem ne quod antiqui moris ignoretur videndum est, quænam ista comitia, quæ Justinianus, Ulpianus & Gellius calata appellant, fuerint; & unde hoc iis solis nomen, quod videtur omnibus communiter convenire. Pater ex scriptis veterum; maxime Ciceronis, Livii & Dionysii Halicarnassensis, tria fuisse eaque diversa comitiorum genera; curiata, centuriata & tributa: quorum antiquissima curiata. Nam ex quo Curix primùm à Romulo instituta sunt, usque ad tempora Servii Tullii sexti Romanorum Regis omnia, quæ suffragiis populi à Regibus mittebantur, curiatis comitiis peracta fuere: ut ex eo intelligi potest, quod necdum centuriæ; nec tribus erant, quæ suffragium dicere possent. Itaque non modo reges, sed cæteros etiam magistratus curiatis comitiis creatos fuisse interpretandum est, cum apud auctores reperimus, à populo eos creatos: & leges omnes, quæ ad illud usque tempus latae sunt, curiatæ fuerunt: & judicium Horatii à populo curiatis comitiis peractum est. At post classes à Servio rege institutas, tum duo cœperunt esse comitiorum genera, curiata, & centuriata: atque illis duobus tantum usus est populus usque ad judicium Coriolani: qui fuit annus ab urbe condita 263. quo primùm instituta sunt tributa comitia; & curiata minus ex eo tempore frequentari cœperunt. Curiata comitia dicebantur, in quibus populus curiatim suffragium dicebat, hoc est, in quibus populus per curias divisus sententiam rogabatur; ut quod plures curiæ statuisent, id jussu populi diceretur: nec auspiciato fieri poterant, nisi intra pomerium, idque in foro, adeoque in comitio. Centuriata erant, quibus populus per classium centurias divisus suffragium ferebat, ita ut suffragia colligerentur centuriatim, &

& quod plures centuriæ jussissent, id jus ratumque esset. Hæc intra pomerium haberi non poterant: locus ei destinatus erat campus Martius. Tributa comitia dicta, cum populus tributum sive per tribus divisus suffragium iniret, in quibus quod plures tribus jussissent aut vetuissent, spectabatur. Hæc autem diversa fuisse à curiatis, argumento est, quod tribus à curiis semper diversæ fuerunt: quodque intra aut extra pomerium haberentur, nulla religio erat. Jus habendi comitia solis Magistratibus fuit, nisi de sacris esset agendum: & quidem solis patriciis & majoribus magistratibus curiata & centuriata; tributa etiam Tribunis plebis. Sacrorum autem causa Pontifices jus habuerunt vocandi comitia tam centuriata, puta creando Regi sacrificio, quam curiata: nam fallitur D. Wessembecius, dum existimat, magistratus coegisse centuriata comitia, calata pontifices. Causæ habendorum comitiorum variz: ad creando magistratus aut confirmandos, ad leges ferendas, judicia exercenda, sacerdotes inaugurandos, detestationis sacrorum, adrogationum, & testamentorum faciendorum causa: nec tamen unæ omnium, nec eadem omnium, omnibus temporibus. Singula exequi ad institutum non opus est: adeundi Nicol. Gruchius, & Carol. Sigonius, qui de comitiis Rom. scripserunt ex professo. Cum igitur præter ea, quæ diximus, nulla alia fuerint comitia, necesse est calata, quorum hic mentio fit, speciem unam ex his fuisse. Non fuere autem centuriata: alioqui sequeretur, nec in urbe testari. Quiritis potuisse, nec omnino primis temporibus testari ante tempora Servii Regis, à quo primum centuriata comitia instituta sunt. Multo minus putandum est, hæc comitia tributa fuisse; quippe quorum usus nullus fuit ante judicium Coriolani. Relinquitur ergo, ut curiata fuerint, quæ sola primis temporibus, cum in concione testamenta fiebant, in urbe haberentur. Idque etiam Gellius non obscure indicat loco superius citato, cum ait, iisdem comitiis calatis sacrorum detestationes & testamenta fieri solita. At ante legem Papyriam, quæ vetuit ædes, terram, aram consecrare injussu plebis, teste Cicerone *pro domo*, consecrationes à Pontificibus factas curiatis comitiis docet Gruch. *lib. 3. de comit. Rom. cap. 2.* Igitur quod in concione calatis comitiis testamenta olim fieri solita dicuntur, calatis comitiis, hoc est, convocato testamentorum confirmandorum causa populo, non centuriatim sive per centurias

classium (ut D. Viglius existimat) neque per tribus, sed per curias, idque à collegio pontificum. Ex eo autem quod veteribus frequens usus erat verbi *calo*, quod Græcum est, unde nomina *calenda*, *curia calabra*, *classis* &c. Macrobi. 1. *Satur. 15.* existimare licet, initio comitia omnia calata fuisse, sed postea cum id verbum in usu esse desit, nomen calatorum comitiorum in his tantum, quæ pro collegio pontificum haberentur, retentum esse, idque religionis & antiquitatis causa. Gellius sanè, *d. lib. 15. c. 27.* refert in Libro Lælii Felicis ad Q. Mucium primo scriptum esse, Labonem scribere, calata comitia esse; quæ pro collegio pontificum haberentur, aut regis sacrorum, aut flaminum inaugurandorum causa. Et paulo post, iisdem comitiis & testamenta condita. Ac credibile est, ideo pontifices testamentorum factionibus præfuisse, quia sacra, quæ ad eos pertinebant, una cum hæreditatibus transferrentur. Vicem horum testamentorum exhibere scribit D. Viglius, quæ precibus Principi oblati inferuntur, juxta *l. omnium. 19. C. hoc tit.* Nam Principem post legem regiam quodammodo universum populum representare. Sed & testamentum, quod in acta magistratus municipumve refertur, ejus, quod calatis comitiis fiebat, quadantenus locum subit, quia & ipsum publica fide fit, & quasi totius civitatis, *d. l. omnium VINN.* Quæ hic Vinnius perspicue refert, ea maximam partem rectè se habent, & plenius exponuntur à Gruchio & Sigonio. In eo tamen falli videtur (1) quod comitia calata testamentorum causa convocata putat. Convocabantur enim legum ferendarum magistratumque creandorum causa, immo & ob alia negotia publica, bellum, pacem, judicia &c. Testamenta autem, nihil aliud tum erat quam leges, rogatæ à magistratu, & curiarum suffragiis confirmatæ. Unde vocabulum *legare*, quasi legem ferre *NUM-DITUM, Nov. 22. cap. 2.* legis modo relinquere. Ulp. *Fragm. tit. 24. §. 1.* Deinde id (2) admittendum videtur, quod testamenta principi oblata, vel in acta magistratus municipumve relata in testamentorum, quæ calatis comitiis facta sint, locum successisse existimat: quum complura ante sæcula obsoleverint comitia calata, testamentaque in iis fieri solita, quum hæc testamenta principi, vel magistratibus oblata invenirentur. HEIN.

(Quod prociñctum dicebatur) Alterum testamenti genus antiquitus usurpatum, cum ad pugnam ituri essent, incerti an essent redituri, prociñctum appellatum esse ait: pro quo

quo malim in *prociñctum* : nam testamentum ineptè *prociñctum* dixeris ; licet Theophilus quoque *prociñctum* legat , ut verisimile sit, ita Tribonianum scripssisse. At enim veteres ita locuti non sunt , ut hoc epitheton ipsi testamento apponerent : sed *prociñctum* militem, *prociñctum* exercitum, *prociñctam* classem dicebant , id est, multitudinem hominum ad prælum instructam & paratam : eo quod togis incincti olim pugnabant , quo expeditiones essent , teste Festo. Hinc *prociñctus* , pro exercitus. Ammian. lib. 18. *prociñctus adventans*. Testamenta autem quæ pugnatori instructa acie nuncupabant , *endo prociñctu* vel in *prociñctu* appellabant Gloss. Lat. Græc. *endo prociñctu* , ἐνδοπρόκινκτος ἰς πάλιν. Lucilius Balbus apud Cic. 2. de nat. Deor. cap. 3. Itaque maxima Reipub. partes in his bella, quibus Reipub. salus continetur , nullis auspiciis administrantur, nulla perennia servantur , nulla ex acuminibus, nulli viri vocantur, ex quo in *prociñctu* testamenta perierunt. Et lib. 1. de Orat. cap. 53. apud eundem Antonius : Qui duos filios suos parvos tutela populi Romani commendasset , ac se, tamquam in *prociñctu* testamentum faceret sine libra atque tabulis , populum Rom. tutorem instituire dixisset illorum arbitari. Ita quoque Festus, Gellius, Ulpianus dē. loc. Plutarchus in Coriolan. p. 198. ita hanc rem explicat : Erat eo tempore , inquit, mos Romanis prælum inituris scutaque sumpturis, περιζώνοντες τιβάρην , praecingere togam , simulque διαδίδας ἀγρῶν τε, testamenta sine scripto facere , & tribus aut quatuor audientibus hæredem nuncupare. VINN. Immo in texto Plutarchi est τοῦτοι καὶ τρεῖς ἄλλοι, qui consuevit septem. Forte καὶ pro ἰ ponitur, particula copulativa pro disjunctiva, quod sæpe & alibi fit. Vid. Jo. Strauch. Lexic. partic. in voce. Et. HEIN.

³ Quod dicebatur per æs & libram) Ἀπαιτιῶν ; ut scribit Theophilus , hoc est inauspicatum veteribus visum fuit , sano & valente corpore testamentum facere velle , extra quam si præsens periculum foret , veluti si in hostem pugnandum esset , aut comitia testamentis faciendis ex professo haberentur : quod bis tantum in anno , si eidem Theophilo credimus , fiebat. Sed cum hinc eveniret , ut ne ægotantibus quidem semper libera esset testamenti factio ; nec foemina , quibus nulla comitorum commuio erat , teste Gellio lib. 5. cap. 19. ulla ratione testari possent ; excogitata postea est tertia testandi ratio , secundum quam & quovis loco ac tempore , & foeminis etiam suprema iudicia ordinare liceret. Hic modus testandi per æs & libram dictus , quia per man-

cipationem , in qua æs & libra adhibebatur , fiebat : unde hæres per æs & libram apud Ciceronem 2. de legib. Et sciendum est , Romanos primis temporibus ære gravi atque argenteo rudi , non signato, usos fuisse pro pecunia , atque hæc appendere , non numerare solitos ; signata pecunia demum post Pyrrum Regem deviduum uti coepisse , camque numerare , auctore Plinio lib. 33. cap. 3. Verba tamen vetera etiam postea retenta sunt , ut pendo , appendo , expendo , nominaque ab his derivata ; & imago quædam vetustis moris in venditione atque alienatione rerum mancipi , quæ uno verbo mancipatio dicitur , (Cicero in Topic. cap. 10. traditionem nexu vocat , propterea quod hæc mancipationem sequebatur) nimirum ut is , in quem hæc res transferebantur , eas emeret à domino ære & libra , appenso ei vixus χάρις , dicis causa , nummo uno. Atque hoc modo plenissimo & optimo jure dominium in accipientem transferebatur , pleno scilicet jure Quiritium : cum alioqui bonitarium dumtaxat transiret. Quo accommodandum illud Horatii Epist. lib. 11. ep. 2. v. 151. Si proprium est , quod quis libra mercatus & an est. Aderant præter libripendem quinque testes , cives Romani , puberes , certique verbis hic actus perficiebatur , vid. Ulp. lib. 1. §. 11. & tit. 19. §. 2. & Boët. in Top. Cic. lib. 1. apud quem etiam extat mancipationis formula. Is , inquit , qui mancipio accipit , æs teneat ita dicit : Hunc ego hominem ex jure Quiritium meum esse ajo , isque mihi emptus est hoc ære antiquæ libra. Deinde ære percutis libram , indeque æs ei dat , à quo mancipium accipit , quasi pretii loco. Ita rectè eum locum emendat vir omni prædicatione dignus , sed omni major. Cl. Salmast. lib. de us. cap. 8. Traductum hoc postea & ad translationem universitatis bonorum , ut futuris successorum familiam , id est , universam substantiam testatoris æs teneat emeret , quo post mortem eius hoc tamquam iusto titulo bona possidere intelligeretur. Eadem quoque solemnitas adhibita fuit in adoptionibus & emancipationibus liberorum , ut alibi vidimus. VINN. Immo vera ratio paulo altius repetenda , cur Romani testamentum condenda purarint per æs & libram. Leges exstabant de successione ab intestato. Leges privata cuiusque voluntate mutari non poterant , l. 18. ff. de pass. sed alia lege opus erat , quæ prior abrogaretur. Hinc testamenta olim habebant in comitiis calatis , per modum legis. Posteaquam autem leges XII. tabularum cuius concessissent libertatem testandi , lege notissima : Paterfam. uti legasset super pecunia

tutelae suæ rei, ita jus esto: opus erat fictione quadam, ne privati hominis voluntate leges viderentur mutari. Itaque fingebant, testatorem hæreditatem, tanquam rem mancipi vendere, addita secreta lege: Hæc uti in his tabulis scripta sunt, ita do, ita lego, ita testor. Facem hic præfero Vir Illustr. Corn. van Bynkersh. *Obs. Lib. 2. cap. 2. HEIN.*

Quod per emancipationem) Ita quoque Theophilus, Aul. Gellius, lib. 5. c. 27. per familia emancipationem. Nec video, cur potius legendum emancipationem: quod vult D. Bachovius. Etenim veteres non minus verbo emancipare, quam mancipare utuntur, pro mancipio dare, tradere, vendere, alienare. Cicero de Senect. cap. 2. Ita senectus honesta est, si nemini emancipata est. Plaut. in Bacch. act. 1. Sc. 2. v. 60. Nunc mulier tibi me emancipavi, tuus sum. Horat. epod. 9. v. 12.

Romanus (ebeu posteri negabitur)

Emancipatum femina

Fert vallum & arma miles.

id est, δαδὲλαυις τῷ γυναικί. Tranquillinus in Orbone c. 4. Cuidam cum vicino de parte finium litiganti adhibitus arbiter totum agrum redemit, emancipavitque. Plinius lib. 7. epist. 18. Agrum ex meis longè pluri exafflori publico emancipavi. Cicero 2. Philipp. cap. 21. Tum iste venditum atque emancipatum tributum consilii vestris opposuit: quo tamen loco non ignoro etiam mancipatum legi.

Imaginariam quamdam venditionem) Duabus de causis venditionem hanc imaginariam fuisse scribit Hotomannus: primum quia revera venditio non erat, sed liberalis bonorum omnium translatio, cum dicis tantum causa nummus unus appenderetur testatori: deinde quia familiæ emptor, in quem tamquam in hæredem ea bona per emancipationem transferbantur, hæres non erat, sed alius ab hærede. At oportebat distinguere tempora: nam quo tempore hæc testandi ratio primum introducta est, ipse hæres futurus familiam emebat: quod bis hoc loco testatur Theophilus, & intelligere licet ex §. sed neque 10. inf. eod. Progressu autem temporis, cum, ut credibile est, quod veterum simplicitas & probitas antea non consideraverat, experimentis compertum esset, eam rem testatori periculosa esse, atque insuper etiam causam odii in testatorem, invidiæ in hæredem, legitimis successoribus præbere; receptum est, ut palam quidem solemnitas adimplendæ causæ familiæ emptor adhiberetur, sed qui, ut manceps fiduciarius, hæredi seorsum in tabulis clausis scripto, mortuo testatore, familiam remanciparet. Cujus

rei causam cum Plutarchus non intelligeret, in libro, cui titulus est, *De fera numinis vindicta*, de Romanis loquens, sic scribit ἵτας διαδικας γράφουσιν, ἰτίους μὲν ἀπαλείψουσι κληρονομίαν, ἰτίους δὲ πάλιν τὰς ἵτας; & δευτέρως παραλαβόντες. Transferantur huc verba Ulpiani ex tit. 20. §. 8. In testamento, inquit, quod fit per æs & libram, duæ res aguntur, familia emancipatio, & nuncupatio testamenti. Nuncupatio testamentum in hunc modum; Tabulas testamenti testator tenens, ita dicit: Hæc uti his tabulis cerisus scripta sunt, ita do, ita lego, ita testor: itaque vos. Quirites testimonium perbibetote, quæ nuncupatio & testatio vocantur.

Priora duo genera in defuetudinem abierunt) 4. Recepto usu testamenti per æs & libram, priora illa duo minus frequentari cœperunt, paulatimque abire in defuetudinem. Et quidem jam ætate Ciceronis perierant testamenta in procinctu, sicut ipse testatur, lib. 2. de nat. Deor. cap. 3. sed nec testamenta calatis comitiis arbitror diu postea mansisse: quod colligere mihi videor ex verbis Labeonis, qui apud Gellium d. l. 15. c. 27. sic scribit, *Isdem comitiis, qua calata appellari & diximus, & sacerorum detestatio & testamenti fieri solebant.* Utiur Labeo verbo temporis præteriti, ut intelligamus, olim ista fieri solita, suo autem tempore duo ista genera calatorum comitorum in usu amplius non fuisse: & perperam Bachovius ex eo, quod Labeo eodem loco scribit, tria genera testamentorum fuisse, in procinctu, calatis comitiis, per æs & libram, colligit, ætate Labeonis atque adeo Gellii testamenta calatis comitiis adhuc in usu fuisse; nam eadem ratione colligas, eodem tempore viguisse adhuc testamenta in procinctu; quod falsum esse constat ex d. loco Ciceronis. Illud utique certum est, tempore mediæ jurisprudentiæ comitiis testari desitum fuisse: testis Ulpian. in fragm. d. tit. 20. §. 1. VINN. Immo latis tabulis XII. desisse testamenta in comitiis calatis fieri, verosimillimum est. Quis enim voluisset voluntatem suam submittere populi, suffragiis quam libere suoque arbitrio testari posset? Et quis maluisset publicè & palam hæredem nuncupare, quam jure uti legibus XII. tab. concessio? HEIN.

Quod verò per æs & libram, &c.) Priora illa duo testamentorum genera jam diu exoleverant, cum per æs & libram adhuc frequentarentur. Ulpianus d. loco scribit, suo tempore id solum in usu fuisse, nimirum ex testamentis, quæ ad jus civile pertinebant, scilicet prioribus illis duobus abolitis. Nam secundum formam à prætoribus introductam, & juris

mixti, eo tempore testamenta quoque fieri solita, multis auctoritatibus doceri potest, l. ad testium 22. §. si quis 4. l. pen. hoc tit. cum similib. & apud Ciceronem quoque non uno in loco mentio fit testamentorum obsignatorum. Ait, *Partim & hoc in usu esse desit*. An hoc ideo dicit, quia familiaris emptor postea alius esse coepit ab hærede? Sed hoc factum jam olim & stante adhuc Repub. Arbitror, Justinianum hoc significare voluisse, cum in testamento, quod per æs & libram fiebat, duæ res antea agerentur, familiaris mancipatio, & nuncupatio testamenti, solemnitate familiaris mancipandæ paulatim exolevisse: solum alterum, nuncupationem scilicet testamenti, sive solemnem voluntatis contestationem & quodammodo numerum testium, usque ad sua tempora mansisse, sicut apparet ex mixta testandi forma, qua posteritas uti coepit, §. 3. inf. eod. quo loco hoc innuit ipse Justinianus. Illa mera somnia sunt, quæ à quibusdam afferuntur, ideo testamenta per æs & libram desisse fieri, quia emptio ista bonorum testatoris visa sit esse contra bonos mores, & pactum de futura successione, quod votum captandæ mortis inducat: neque enim vera emptio erat, ut hic ejus effectus, ut testamentum mutare non liceret, nec idem jam olim hæres, qui familiaris emptor: & Theophilus, quem ajunt eandem hujus desuetudinis rationem reddere, tantum indicat, cur alium emptorem familiaris, alium hæredem esse placuerit: quamquam & ipse fallitur, dum id Justinianum hoc loco sentire existimat.

TEXTUS.

De antiqua testandi ratione Prætoria.

2. *Sed prædicta quidem nomina testamentorum ad jus civile referebantur. Postea vero ex edicto prætoris forma alia faciendorum testamentorum introducta est. Jure etenim honorario nulla mancipatio desiderabatur, sed septem testium signa sufficiebant: cum jure civili signa testium non essent necessaria.*

COMMENTARIUS.

1. *Nimia curiositatis esse velle indagare, cur in omnibus emancipationibus placuerit ad minimum quinque testes adesse, confutatis plerumque rationibus.*

AD jus civile referebantur) Opponitur hoc loco jus civile prætorio: quod cum sit, cæteras partes juris civilis intelligere

debemus, quæ scilicet ex legibus, plebiscitis, Senatufconsultis, decretis principum, auctoritate prudentum veniunt, l. 7. de just. & jur. Sine ulla autem ratione est, quod D. Honorianus cum prætorio jure hic comparari existimat id tantum jus, quod auctoritate prudentum, à quibus & formulæ alique solemnitates profectæ sunt, introductum est: nam testamentorum usus in comitiis & procinctu antiquior est ipsis 12. tabulis, quibus tamen posterius est jus, quod à consultis compositum est, & communi nomine appellatum civile, l. 2. §. his legibus. 5. de orig. jur. Et modi alienandi per nexum & mancipationem ex lege 12. tabularum descendunt. Planè imaginariæ mancipationes inventum sunt Jurisconsultorum; nec dubito, quin etiam testamentum per æs & libram, solemnitate mancipationis rerum singularum inter vivos productum, ad alienationem bonorum omnium per ultimam voluntatem.

Jure honorario nulla mancipatio desiderabatur, sed septem testium signa) Testandi ratio jure prætorio introducta, simplicior est atque expeditior, quàm illa juris civilis per nexum & imaginariam mancipationem, quippe cum Prætor nihil aliud desideraret ad vim testamenti, quàm ut id septem testibus propositum atque ab iis obsignatum esset. Licet enim tale testamentum jure civili non subsisteret propter defectum mancipationis: tamen Prætor secundum illud bonorum possessionem sciteps in eo hæredibus dabat. Ulpian. tit. pen. §. 1. Ait, *septem testium signa*. In eo quod jure civili fiebat per æs & libram, non plures testes necessarii, quàm quinque: qui numerus legitimus erat in omni emancipatione. Sed Prætor, ut solemnitatem juris civilis contempserit, numerum tamen civium, quem adesse in testamentis oportebat, minui noluit: ideoque duos testes in locum libripendis & emptoris familiaris subrogavit. Simile huic est, quod apud Cæjum 1. Instit. tit. 6. §. 3. legimus, *In emancipatione liberorum, cum antea quinque testes cum libripende & antestato intervenerent, postea pro libripende & antestato duos alios testes adhibuit, ut septem testium numerus impleteretur*. Nimis autem curiositatis est, indagare velle, cur placuerit in omnibus mancipationibus minimum quinque testes præsentem esse. D. Giphanius & Bachovius suspicantur, originem hujus quaternarii numeri ductam à numero quinque classium, quas Servius Tullius instituit, atque ad hujusmodi actus confirmandos singulos testes à singulis classibus initio accitos fuisse, ut quoddammodo coram universo populo celebrari

videretur ; perinde quasi singuli testes suam classem ; universi populum universum repræsentassent. Nec obstat ait D. Bachov. quod Dionys. Halicarnassensis scribit, non quinque, sed sex classes à Servio Rege institutas : nam sextam classem , quæ infimi census erat , contemptam & nullo pene loco habitam fuisse. Mihi hæc conjectura doctissimorum virorum nulla probabilis ratione niti videtur. Nam si per quinque istos testes populum repræsentari veteres intellexissent , numerum istum non auxisset in suo testamento Prætor. Deinde voluntas populi non ex numero clasium , sed centuriarum censebatur : nec quod plures classes , sed quod plures centuriæ iussissent , id ratum habebatur , unde si vel primæ classis centuriæ (quæ reliquam multitudinem tribus centuriis superabat) convenissent , secundæ aut inferiorum clasium non vocabantur. Quapropter , si Bachovii rationem sequamur , potuit vel unus testis sufficere , ut actus coram majore parte centuriarum celebratus videretur , civis maximi census , primam classem , hoc est , nonaginta & octo centurias repræsentans , vid. Dionys. Halicarn. lib. 4. Nec Festo classici testes , quos dictos ait , qui testamentis signandis adhibebantur , sunt testes ex singulis classibus collecti , sed cives Romani : eo quod cives omnes in classe aliqua censebantur , & qui classem non habebant , nec cives Romani erant : quomodo & Jos. Scaliger hoc accepit. Errat enim Calepinus , qui putat , per classicos testes Festum intellexisse homines primæ classis , aut primæ dignitatis : nam satis fuisse constat , si viri honesti essent & integræ famæ ; quamquam antiqui etiam ita locuti sunt , ut classicos dicerent , non omnes , qui in classibus erant , sed primæ tantum classis homines : unde per translationem auctores classici appellati , primæ notæ assidui , non proletarii scriptores , vid. Gell. l. 7. c. 13. & l. 19. c. 8. Sunt , qui ideo , quinque testes adhibitos scribunt , quia totidem tribus populus constabat , Timæ. Fab. disp. annivers. 18. Hopper. hic in not. qui magna in antiquitatis ignoratione versantur. Nusquam enim invenias , populum unquam in quinque tribus divisum fuisse : quod quidem Faber etiam fateatur ; sed existimat , à Romulo tres tribus factas , easque duplicatas à Tarquinio Prisco ; itaque vice populi sex testes adhibitos , quorum tamen unus nomen ac munus libripendis assumeret. At enim si Livio credimus , nullis tribus à Romulo factis , quæ quidem universam multitudinem continerent : sed tres modo equitum centuriæ ex omni multitudine se-

lectæ , quarum numerum Tarquinius , quia videbat equitem maximè suis viribus deesse , postea auxit. Et eodem auctore , primum factæ tribus quatuor à Servio Tullio partibus urbibus distinctæ ; quod & Dion. Halicarn. lib. 4. confirmat. quo loco etiam refert , Fabium scriptum reliquisse , agrum præterea universum in viginti & sex partes divisum fuisse : quas tribus rusticas si cum urbanis conjungas , fient tribus triginta. Subjicit tamen , Venonium memoriæ prodidisse , triginta & unam tribus sub Rege Servio fuisse. Libro autem septimo apud eundem de judicio Coriolani sic scriptum reperimus : Cum una & viginti tribus Roma essent , quæ missæ sunt in suffragium , novem habuisse Martium : à quibus absolutus est. Proinde longè majorem testium adhiberi oportet , si per eos tribuum numerum repræsentari volumus , & post expletum triginta quidque tribuum numerum testes quinque & triginta. VINN. Non sanè absurdum est , quod de classibus suspicatur Bachovius. In mancipatione agebatur de dominio juris Quiritium transferendo , & hinc nihil videbatur æquius , quam ut Quiritium arbitrio res generetur. Quirites tempore XII. tab. erant descripti in sex classes. Sed sexta classis ex proletariis & capite censu constabat. Quam verò proletarii testes nullius auctoritatis haberentur , iisque opponerentur testes classici , probabile est , ideo sufficere creditum esse testes quinque , tamquam , qui totidem Quiritium classes repræsentarent. Id addo , mancipationis ritum esse XII. tabulis antiquiorem , cum in iis mentio illius fiat tanquam jam noti & recepti. Putarim à Servio inventum , qui & divisionis populi in classes auctor est. Eum enim leges de contractibus tulisse , docet Dionys. Hal. lib. 5. p. 278. unde & præcipuus sanctorum legum dicitur à Tacito , lib. 3. Annal. cap. 26. HEIN.

Cum jure civili signa testium non essent necessaria) In testamento , quod fiebat per as & libram. In eo enim duæ tantum res necessariae erant , familiæ mancipatio , & nuncupatio testamenti , sive voluntatis testibus exhibitæ solemnibus contestatio , Ulp. iur. 20. §. 8. Quod postremum tamen nunc demum receptum videri potest , postquam coepit alius hæres seorsum in chartis vel tabulis scribi ; alii familia palam mancipari : nisi forte ad ea legata referas , quæ ad familiæ mancipationem non pertinebant. Auctor enim Theophilus est , testatorem post mancipationem mox ordinasse , quid post mortem fieri vellet , & familiæ emptori sive hæredi dicere solisum , Hæc volo dari fun-

TEXTUS.

De conjunctione juris Civilis & Prætorii.

3. Sed cum paulatim, tam ex usu hominum, quam ex constitutionum emendationibus cepit in unam consonantiam jus civile & Prætorium jungi, constitutum est, ut uno eodemque tempore, quod jus civile quodammodo exigebat, septem testibus adhibitis, & subscriptione testium, quod ex constitutionibus inventum est, & ex edicto Prætoris, signacula testamentis imponerentur: ita ut hoc jus tripartitum esse videatur: & testes quidem, eorumque presentia, uno contextu, testamenti celebrandi gratia à jure civili descendant: subscriptiones autem testatoris & testium ex sacrarum constitutionum observatione adhibeantur: signacula autem & testium numerus ex edicto Prætoris.

NOTÆ.

3. Septem testibus adhibitis) Specialiter rogatis, aut certioratis se ad testamentum adhiberi, d. l. 21. §. pen. Ex Nov. Leon. 41. quinque sufficiunt: quod jus in Oriente receptum fuit. Græci ad l. §. D. si tab. test. Harm. lib. 5. tit. 1. §. 47. Basil. 35. tit. 1. & 3. & lib. 45. à διευθύνειν τὴν πάλαι διαδεδωκεν πίστιν μαρτύρων διέταξα.

Quodammodo) Nam jus civile quinque tantum testes exigebat, reliqui duo in vicem ponderatoris & familiaris emptoris à Prætoris substituti. VINN. Immo in civem ponderatoris vel libripendis & antestati. Vid. Caj. Inst. lib. 1. tit. 6. §. 3. HEIN.

Subscriptiones testatoris, &c.) Ita constitutum à Theodos. l. 21. C. eod. additumque, si testator litteras ignoret, vel subscribere nequeat, octavum ut subscriptorem adhibeat. Adeo autem & subscriptio & simul obnatio necessaria, ut alterutro omisso, testamentum vitietur, l. 22. §. 4. D. eod.

COMMENTARIUS.

- 1 Recepto testamento mixto, quale hic describitur, non statim antiquata testamenta per as & libram, neque vim testamenti prætorii enervatam.
- 2 Numerum septem testium requiri ad solemnitatem ordinationis, non cum quod obscurius dictum est, postea testator explanat.
- 3 Subscriptiones testium jam tempore media ju-

- 4 Leze Cornelia testamentaria edictum Prætoris de obsequiandis tabulis confirmatum.
- 5 In testamento scripto non exigi, ut testis intelligat sermonem testatoris.
- 6 Testes rogatos adesse oportere: nec non alia quædam scripto testamenta cum nuncupativo communia.
- 7 Quid sit, uno contextu actus testatori: & num contractus in testamento aut inter testandum celebrari queant.
- 8 An non obstante solemnitate alicujus omisiæ voluntas testatoris obliget in foro conscientia.

Tam ex usu hominum, quam ex constitutionum emendatione) Sensus est, cum duo essent simplicia testamentorum genera, unum civile, alterum prætorium, usu hominum jus civile cum prætorio hac in parte coaluisse, atque inde mixtum extitisse testamenti genus ex utroque illo jure collectum, quod & constitutionibus postea probatum sit; addito, ut testator & testes omnes subscriberent: ut adeo forma sciendi per scripturam testamenti, qua posterior ætas uti cepit, quamque Justinianus hic describit, ex triplici jure constata sit; ex jure civili antiquo, ex novo constitutionum Principum, atque ex jure honorario. Per hoc tamen non statim antiquata fuit civilis ratio testandi per as & libram, Ulpian. tit. 28. §. 8. neque prætorii testamenti vis aut usus sublati: de que sub §. non tamen. 6. infr. quib. mod. test. inf.

Uno eodemque tempore) Hæc subtilitas ex jure civili est, l. qui testam. 20. §. & veteres. h. l. heredes palam. 21. §. ult. hoc tu. l. cum antiquitatis. 28. C. eod. Est enim ex jure civili, quod actus solemnes & legitimi continui esse debent & uno contextu absolvi, l. continui. 137. de verb. obl. l. 12. de duob. rei. Ait autem, quod jus civile quodammodo exigebat. Quodammodo, id est, fere. Additum, quia ante septem testibus adhibitis. Nam jus civile quinque tantum testes exigebat, reliqui duo pro libripende & familiaris emptore à Prætoris substituti: & ideo paulo post juri civili adscribitur dumtaxat actus continuus & testium presentiam; numerum testium juri prætorio. Illud notandum est, numerum istum septem testium requiri ad solemnitatem ordinationis testamenti, sive cum de substantialibus, ut loquuntur, testamenti questio est: non autem ubi quod obscurius in testamento dictum scriptumve: post solemniam testator explanat; veluti si cum Titio centum legasset, & multos Titios amicos haberet, postea declaraverit, de

de quo senserit, *d. l. heredes palam.* 21. §. 1. *boc tit.* Leo quinque testes sufficere voluit, *Nov. Leon.* 41. quod receptum in Oriente, *Græc. lib. 45. Basil. tit. 1.*

Subscriptionem testium) Et testatoris, ut mox. Ira enim constituitur à Theodosio *l. consultiſſima.* 21. *C. cod.* additumque, si testator literas ignoret, vel subscribere nequeat, octavum ut subscriptionem adhibeat. Cæterum ex constitutione Justiniani, si testator propria manu totum testamentum conscripserit, idque se fecisse in tabulis specialiter expresserit, nihil opus est vel ipsum vel alium ejus nomine subscribere, *l. cum antiquitas.* 28. §. 1. *C. cod.*

3. Quo tempore, aut a quo primum Principe testium subscriptio introducta sit, incertum est. Illud constât, jam apud antiquiores ita jus fuisse, atque adeo ætate Jurisconsultorum Pauli & Ulpiani, *l. ad testium.* 22. §. 4. *l. pen. boc tit.* quos Papinianum assessores habuisse, & à Lampridio proditum est.

Ex edicto prætoris signacula) Obſignationem testium esse ex edicto Prætoris indicant, *l. si testamentum.* 23. *cod. §. non tamen.* 6. *infr. quib. mod. test. infirm. Ulpian. tit. 23. §. si 4. septem.* Quamobrem quod M. Tullius, 3. *Verr.* meminit tabularum testamenti obſignatarum è lege, legem intelligens Corneliam testamentariam, rectè D. Weseembecius sic accepit, Syllam, quod jam ante ex edicto erat, lege sua comprehendisse, non ut edictum tolleret, atque ex lege à se lata in posterum signa adhiberi veller, sed potius ut auctoritatem edicti confirmaret. Obſignatio autem argumento certissimo est, scripturam jure prætorio necessariam fuisse, ut obſignationis illius subiectum cum jure civili, quod nec subscriptionem, nec obſignationem desiderabat, scriptura non omnino necessaria fuerit. Quamvis credibile sit, frequentius ob rei memoriam scripturam intervenisse: quod & tutius esse cœpit, postquam hæres emptor familiarum esse desit. Adeo autem & subscriptio & simul obſignatio necessaria est, ut deficiente alterutra testamentum injustum sit, *l. ad testium.* 22. §. *quis.* 4. *boc tit.* teneaturque falsi crimine rabellio, qui non utramque adhibendam curavit, *l. jubemus.* 29. *in fin. C. cod.*

Est testis quidem & eorum præsentiam) Quod testium præsentiam requirit, non videtur esse proprium testium testamentariorum, sed commune omnium, qui ad actum aliquem celebrandum adhibentur. Non est autem satis corpore testes præſentes esse, nisi & animo sint, intelligantque voluntatem testatoris. Neque tamen sermonis intelligentiam requirimus, sed

placet sufficere, si vel sensu quis percipiat, cui rei adhibitus sit. Enim verò durare testes debent, donec suprema contestatio peragatur; invitos tamen retinere non licet: & si retenti sint, testamentum non subsistit. *l. qui testamento.* 20. §. *antepon. & seq. cod.* Ad hæc rogati adesse debent, aut saltem si alterius rei causa collecti sint, ante testimonium certiorari, sed ad testamentum adhiberi, *l. heredes.* 21. §. *pen. cod. l. 21. C. cod.* Neque hæc solemnitas, cum sit extrinseca, præsumitur intervenisse, etsi in testamento scriptum sit, *præſentibus testibus infraſcriptis*: sed juxta communem sententiam probari debet, nisi additum sit, & cætera, aut notarius nominatim rogationis fecerit mentionem. *Viv. comm. opuscul. testes tam in testamento Farinac. lib. 2. de testib. tit. 6. Valsq. lib. 2. de succ. creat. §. 13. req. 8. num. 53. Grass. §. testamentum. qu. 58. Mantica. 2. de conj. ult. vol. tit. 12.* Hoc amplius & in conspectu testatoris, testimonii officio fungi necesse est, *l. 9. C. cod.* Quapropter non est satis, ut quidam tradiderunt, testes oculatos esse, ut testatorem ipsi non videant, forte velo aut cortina interjecta conspectum adimemente, licet vocem ejus audiant: sed necesse est, ut faciem ejus videant, ne qua fraus fiat, alio forte subornato, qui vocem testatoris imitando simularet; ut ille, de quo Cynus restatur in *d. l. 9.* qui obrepserat mulieri simulando vocem mariti. Estque hæc receptor interpres sententia, teste Sichardo in *d. l. 9. n. 2.* ubi tradit, Glossam in *l. 2. §. idem Labeo. 3. de aq. pluv. arc.* contra sententiam communiter reprobari, add. *Clar. §. testamentum. q. 59. Christin. vol. 4. dec. 7. n. 6. Grass. d. §. testamentum. q. 59. n. 4.*

Una contextu) Μία ὕψι, ἀδιαλύτως, uno eodemque die ac tempore, *l. hac consultiſſima.* 21. *C. boc tit.* nulloque actu ab instituto negotio alieno interveniente, *l. heredes palam.* 21. §. *ult. boc tit. d. l. 21. C. cod.* nisi forte talis sit actus, quem ratio morbi testatoris, vel necessitas naturæ efflagret etiam in testibus: quod pluribus explicat Justinianus, *l. cum antiquitas.* 28. *Cod. cod.* ut tamen si quid supervenerit, ob quod aliquis è testibus diutius abesse cogatur, alius testis substitui debeat, *d. l. 28.* Cæterum hæc non eo pertinent, ut testator teneatur eodem tempore & testes adhibere, & testamentum scribere, vel dictare, ac finire: sed ad nuncupationem testamenti sive ipsam testationem & declarationem voluntaris, cum scilicet testamentum subscribendum & obſignandum testibus in eam rem adhibitis offertur: nam quin alio tempo-

te testamentum conscribere ; & scriptionem sæpius interrompere , alio verò testes ad solemniam adhibere possit , non ambigitur , *d. l. 21. C. hoc tit.* Cum igitur nudo actus contextu testari oporteat ; negotioque alieno aut ad testamentum non pertinente interposito actus ille interrumpatur , vitieturque testamentum : hinc facile colligere est , quid iudicandum sit de quæstione , quæ vulgo moveri solet , an contractus celebrari inter testandum possunt . Nam si contractus est actus extraneus & alienus à testamento , uti revera est ; necesse est , actum testandi celebratione contractus interrumpi : veluti si testator , cum jam coepisset ordinare testamentum , & necdum absolvisset , fundum aut rem aliam Titio vendere aut locare instituit . Quod si ita quæstio formetur , ut quæzatur , an possit contractus fieri in ipso testamento ; ne hoc quidem admittendum videtur . Quippe cum contractus , quæ talis , non intelligatur , nisi celebratus sit inter plures : at quæ testamento caventur , ab uno caventur testatore , atque ex unius illius voluntate stant & cadunt . Non obstat igitur , quod testamentum libertum assignare licet , *leg. 1. §. 3. de assign. libert. §. ult. inf. cod. tit.* Si quidem assignatio liberti , licet propriè neque legatum sit , neque fideicommissum , *l. 7. d. tit.* vim tamen legati habet , dum jus patronatus , quod alioqui commune futurum erat , uni in solidum reliquitur . Sic pignoris , *l. non. est mirum. 26. de pign. act. duorum reorum , leg. 9. de duobus reis* , ususfructus , *§. 1. sup. de usus. servitutum , §. ult. sup. de serv. præd.* testamenti constitutio , contractus non est . Neque etiam cum hæc testator constituit , cum alio contrahit , neque etiam ullo modo naturam contractus aut conventionis sapit : sed ut cætera , quæ testamento caventur , legantur , aut relinquuntur , revocari possunt . Gravißima hic moveri solet quæstio , an si legitimus numerus testium adhibitus non fuerit , aliudve quid meræ solemnitatæ in testamento omisum , veluti si testes rogati non sint , aut tantum subsignaverint sive subscripserint , non etiam obligaverint , tale testamentum saltem in foro conscientiz hæredem ab intestato , cui de voluntate testatoris constat , non obliget ad restituendam hæreditatem hæredi scripto , & ad legata præstanda . Obligare negat Domin. Soto *lib. 4. de iust. & jur. quæst. 5. Clar. 3. sent. quæst. 90. Covar. in c. cum effes. x. de test.* Ajunt Ludov. Molin. *de iust. & jur. tract. 2. disp. 81. Mantica. lib. 2. de conj. ult. vol. tit. 14. Vasq. de success. creat. §. 1. n. 23. & seqq. & de success. pro-*

gress. §. 3. n. 3. Diod. Tulden. C. de testam. n. 8. Christin. vol. 4. dec. 34. quibus assentior. Nam cum in foro conscientiz sola veritas spectetur secundum simplicitatem juris naturalis , *c. 1. d. ist.* sufficit ad conscientiam devinciendam , ut subfit aliqua obligatio . Qualis autem ea sit , civilis , ex qua etiam agi possit , an naturalis , quæ ad petendum in foro externo inefficax , nihil interest . At in quæstione proposita , si hæredibus certo constet de voluntate defuncti , nullamque fraudem intervenisse , ad quam averterendam solemnitas omnis juris civilis comparata est , non potest non subesse naturalis obligatio , *fac. leg. 2. C. de fideicom. leg. cum amplius. 84. §. 1. de R. I. leg. 5. §. §. ff. quis. 15. de don. int. vir. & uxor. §. ult. inf. de fideicom. bar. l. ult. C. cod.* Quod etiam bone intellexit Plinius , qui ob id sæpißime scripsit , voluntatem defunctorum , etiam si jure deficiatur , bonis hæredibus pro jure esse , *lib. 2. epist. 16. lib. 4. epist. 10. lib. 5. epist. 7.* Eoque pertinet & illud Seneca : *Angusta innocentia est , secundum leges* (intellige civiles) *bonum esse.* Nimirum lex conscientiz , quæ eadem & naturæ , legibus civilibus non mutatur , sed una & apud omnes eadem est & semper fuit , utpote cordibus omnium hominum divinitus inscripta . Hæc lex cum in corde loquatur , & dicet , voluntatem defuncti quamvis irritam , si juts solemnitatem respicias , servari oportere , utique qui tam non servat , contra conscientiam facit . Non obstat , quod lex civilis , quæ solemnitates introduxit , iusta est , & ad communem Reipublicæ utilitatem condita , ne quid scilicet falsitatis in ordinandis testamentis committatur . Nam in quæstione nostra præsupponimus , testamentum esse verum & sincerum , deque eo hæredi constare , quod solum in foro conscientiz consideratur . Et ex converso igitur salva pietate retineri quoque poterit , saltem quamdiu ei non contradicitur , quod relictum est testamento propter deliquim solemnitatæ alicujus jure civili invalido . Mant. & alii *sup. Grot. lib. 3. de jur. belli & paccap. 7. num. 6.*

TEXTUS.

Solemnitas addita à Justiniano.

4. Sed his omnibus à nostra constitutione propter testamentorum sinceritatem , ut nulla fraudi adhibeatur , hoc additum est , ut per manus testatoris , vel testium , nomen hæredis exprimat , & omnia secundum illius constitutionis tenorem procedant .

NOTÆ.

4 *Nomen hæredis exprimitur*) L. 29. C. cod. quod tamen abrogatum, Nov. 119. c. 9. ut jam summa solemnitas iterum ad ea redeat, quæ comprehensa §. *præced.* In quibusdam paganorum testamentis etiam de illa ipsa solemnitate aliquid remissum, l. 8. l. 21. §. *pen. l. ult. Cod. cod.* & tota fere in testamentis parentum inter liberos, d. l. 21. §. 1. & *autb. quod sine C. cod. Nov. 107.*

COMMENTARIUS.

- 1 *Quod hoc §. constituitur, pugnare cum principali sine testamenti scripti: tollere etiam id, quo hoc testamentum maxime differt à nuncupativo.*
- 2 *Quibus in testamentis paganorum, & quatenus solemnitates remissa.*
- 3 *Jure Canonum ut ratum sit testamentum, satis esse, duos testes cum Parocho adhiberi; quod mores bodièrni fere sequuntur*

A *Nostra constitutione*) Extat in l. jubemus. 26. C. hoc tit. Jubeat autem Justinianus, ut præter cæteras solemnitates, quas supra commemoravimus, etiam hæc adhibeatur, ut testator nomen hæredis vel in sua subscriptione aliæ parte testamenti exprimat, vel coram testibus nuncupet, si litterarum imperitus sit, aut propter morbi acerbicatem scribere nequeat. Quæ Justiniani constitutio prope est ut pugnet cum principali fine, ob quem testamenta per scripturam fieri initio utile visum fuit, scilicet ut testator securitatis suæ causa nomen hæredis celare posset: & tabulas chartasæ, in quibus scriptus esset, clausas vel involutas testibus signandas & subscribendas proponere: unde huic testamento nomen mystici. Tollitque adeo id, quo scriptum testamentum maxime differt à nuncupativo, cujus proprium est, ut præsentibus testibus nomen hæredis nuncupetur, §. *ult. inf. cod. l. hæredes. 21. pr. cod.* Atque ideo etiam, ut opinor, quod & *hic, & in d. l. jubemus.* de suo Justinianum adhibuit, iterum dempsit ac remisit Nov. 119. c. 9. ut jam summa solemnitatis in testamento scripto requisitæ iterum ad ea redeat, quæ comprehensa sunt §. *præced.* & apertius paulo constitutione Theodosii, l. *hac consultißima. 21. C. cod.* Ex hac tamen solemnitate aliquid remissum est in quinque testamentorum generibus. 1. In testamento parentum inter liberos:

liquidem hujusmodi voluntatem etiam ex testamento imperfecto valere placuit, d. l. 21. §. C. hoc tit. & nuncupata quidem parentis voluntas omnimodo rata est, dum ea constet, ut de cæteris rebus, id est, saltem duobus testibus, scripto autem declarata, si & tempus testamenti facti, & nomina liberorum, & uncias, & res, quas inter liberos distributas velit, expresserit; idque clarè & plenè litteris, non notis aut signis, debetque parens aut ipse hæc scribere, aut saltem manu sua subscribere. Nov. 107. unde *autb. quod sine C. cod. & ib. DD. Clar. §. testamentum. quæst. 8. Myns. §. obs. 28. Gail. 2. obs. 112. Christin. vol. 4. dec. 7. & 8. Grot. 2. manuduct. 16. Dekher. dissert. 2. lib. 2. D. Jac. Coren. rer. jud. obs. 39. plenissimè Gudelin. lib. 2. de jur. noviss. cap. 2. add. nostra lib. 2. sel. quæst. cap. 17. & seq. 2.* In testamentis rusticianorum, quibus permissum quinque testes adhibere, si plures non reperiantur, remissæ item subscriptiones si litterarij desint, l. ult. C. cod. 3. In testamento quoque tempore pestis factò de solemnè numero testium quid remittendum censent Interpretes, vid. Myns. 1. obs. 96. Gail. 2. obs. 118. Peck. 3. de testam. conjug. 18. Præf. Everhard. Conf. 61. quod quidem rationem habet, utique si pestis sit vehemens, & testator ipse eo morbo laboret, Clar. §. *testamentum. quæst. § 6. n. 3. Christin. vol. 4. decis. 6. n. 5.* At jure nostro hoc tantum remissum hoc casu videtur, ut non necesse sit testes septem simul jungi, junctoque eodem tempore subscribere & signare, l. 8. C. hoc tit. quamquam contrarium passim usu receptum, teste Sande lib. 4. tit. 1. def. 4. & *ibi cit.* De moribus nostris ambigit Grot. 2. introduct. c. 17. sed vide Groenew. de leg. abrog. ad d. l. 8. In omni testamento ad pias causas quævis voluntas suprema, vel coram duobus testibus testata Canonibus rata habetur, cap. *relatum. 11. x. in tit.* Postremo in testamento posteriore, hoc quo scripti sunt hæredes, qui ab intestato ad hæreditatem vocantur, placuit sufficere quinque testium juratorum depositiones; ac infirmato priori testamento, posteriorem hæc valere voluntatem, non tamquam testamentum, sed tamquam voluntatem ultimam intestati, d. l. 21. §. *pen. & ib. DD. hoc tit.* In universo autem jure Canonico, ut ratum sit quolibet testamentum, sufficit duos testes cum Parocho adhibuisse, cap. *cum esset. 10. x. in cod.* Neque enim potest hic canon restringi ad testamenta ad pias causas, quod quidam faciunt propter d. cap. *relatum cod.* Nam in d. cap. *cum esset.* Alexan-

der tertius id in omni testamento generaliter constituit, nominatim improbatam constitutione juris civilis de septem testibus adhibendis, ut nimis longè recedentem ab eo, quod scriptum est: *In ore duorum vel trium testium stet omne verbum*. Et licet nonnulli existiment, causam nullam fuisse, cur Pontifex id, quod bene, ut ajunt, ad fraudes hominum avertendas, l. ult. C. de fidei. jure civili constitutum fuit, mutaret: tamen constitutionem Pontificiam usus fere probavit: qui & alias ægrè patitur nimis se longè abduci à simplicitate juris naturæ.

TEXTUS.

De annulis quibus testamenta signantur.

5. *Possunt autem omnes testes & uno annulo signare testamentum. Quid enim si septem annuli una sculptura fuerint, secundum quod Papiniano visum est? Sed & alieno quoque annulo licet signare testamentum.*

COMMENTARIUS.

- 1 *Et si tutius est alieno annulo signantem in subscriptione id profiteri; tamen & ea omisso testamentum subsistere.*
- 2 *Quod hic de usu annuli alieni traditur, non pertinere ad personas publicas, quæ ex officio sigilla instrumentis apponunt.*
- 3 *Utrum annulo dumtaxat testamenta signare liceat, an & alio instrumento characterem habent?*

Cum testes omnes testamentum solemne: quod per scripturam ordinatur, signare oporteat; quaeritur est, an necesse sit, singulos testes singulis annulis & unumquemque proprio signare; an verò uno possint omnes, & eo quoque alieno? Et placuit, posse omnes signare & uno annulo, qui scilicet unus ex testibus sit, & item alieno? qui nullius sit eorum, sed vel testatoris, vel alterius cujuscumque, l. ad testium. 22. §. 2. cod. l. 12. C. eod. Quod quamquam interpretes vulgo ex Durandi sententia sic temperant, ut existiment, debere eum, qui non suo, sed alieno annulo signat, id in subscriptione profiteri, ne in crimen falsi incidat; tamen ego Joan. Fabro & Viglio, quos etiam nunc plerique sequuntur, assentior, consentibus quidem tutius esse, si mentio ejus rei in subscriptione fiat: cæterum, & eo omisso, testamentum nihilominus subsistere putant propter

simplicem & generalem definitionem juris civilis hoc loco & supra ad. II. traditam. Poenam verò non metiri, quod sit lege permitte, l. Gracchus. 4. C. de adulter. Sed & jus prætorium, quod præter signa testium nihil requirit, hac in parte non discrepare à jure civili. Igitur etsi facilius agnoscitur signum impressum annulo alieno, cum id in subscriptione annotatum est, cum tamen & sine eo recognosci possit, & vel ex eo etiam facile, quod quisque testis ex constitutionibus subscribere debet, qui & cujus testamentum signaverit, l. pen. hoc tit. non putaverim, vitari testamentum signatum annulo alieno, ob id, quod signator non adjecerit, annulo alieno se signasse. Unde tamen minimè efficitur, quod docuit Bart. in l. 2. test. quem aper. mortuo uno ex testibus ante apertas tabulas, testamentum concidere. Nam cum inspectio sigillorum non pertineat ad formalem aliquam testamenti solemnitatem, sed ad probationem dumtaxat voluntatis, cur si ea aliunde probari queat, non sublineatur defuncti judicium? Et quid si unus de testibus mutus, surdus, cæcus aut furiosus factus fuerit? vid D. Vigl. ad §. sed cum 7. hoc tit. ubi multas contra Bart. allegat auctoritates. Planè quod hic de usu annuli alieni in signando traditur, trahendum non est ad personas publicas, quæ sigilla ex officio instrumentis appendunt, & verbi causa Notarios. Nam ab his præcisè requiritur, ut sigilla sua apponant, idque auctoritatis & fidei publicæ causa, atque ut in dubio ex unius cum altero comparatione cognosci possint. Nov. 73. c. 6. Testium autem in testamento non sigilla; sed obligationem lex requirit, ut cum opus est, signum recognoscentes, se id apposuisse testificentur. Nam ita institutum fuit, ut cum ad aperiendas tabulas testamenti ventum esset, priusquam resignarentur, Prætor signatores convenire cogeret, & sigilla sua recognoscere, l. 4. l. 7. testam. quem. aper.

Quid enim si septem annuli una sculptura fuerint? Quasi dicat, nemini mirum videri debere, quod testibus permixtum sit signare uno eodemque annulo. Fieri enim posse, ut septem annuli, quantumvis singuli singulorum sint, eandem habeant figuram, καὶ τὸ αὐτὸ χαρακτῆρα. Neque tamen ob id minus testamentum consistere. Potest verò id etiam hodie contingere, veluti si plures ex eadem familia ad signandum adhibeantur, cum nunc agnatorum omnium eadem sint insignia, nec amplius nomen in circumferentia annuli signatorii poni solet.

Sed & alieno annullo) Qui scilicet nullius è testibus sit. Ex eo autem quod annuli plerumque mentio fit, non satis rectè colligitur, alio instrumento signatoria testamenta signari non potuisse: dici enim potest, idcirco id fieri; quia frequentius annulis veteres signabant. Et tamen de eo dubitatum fuisse, obtinuisseque, ut tantum annulo signare liceret, constat ex *l. ad testium. 22. §. signum. §. hoc sit.* quod ad scrupulosam testandi subtilitatem Cujac. lib. 4. obs. 11. refert: alii etiam ad facilitatem probationis, quia notior sit character annuli, qui in digitis gestari solet. Sed ista ratio nullius pretii; nam & alieno annulo signare licet. Et quid si idem sit character instrumenti & annuli; tunc enim nullo modo dignosci poterit, utrum annulo, an alio instrumento signatum sit. Et puto, Jurisconsultum in *d. l. 22. §. 5. annuli* appellatione non tam intelligere figuram annuli geometricam, quam sculpturam; nec excludere voluisse instrumentum, quod eadem sculpturam cum annulo habeat, sed aliud signum impressum, diversum à characterè annuli: cuiusmodi forte instrumentis veteres usi ad alia, quam litteras aut tabulas obsignandas. Id quod etiam verba Jurisconsulti indicant: *varie enim*, inquit, *homines signat.* Quod omnino accipiendum est de varietate characteris, non de materia aut forma instrumenti signatorii geometrica. Etenim qui in signando eodem semper characterè utitur, licet diversis instrumentis, quibus insculptus est, non varie signat, sed uniformiter. Et quæso, si idem character est, quid interest, utrum instrumentum rotundum, an triangulum aut quadratum sit? Aut quomodo id dignosci poterit? ac proinde etiam absurdum non est, si annulo signasse dicatur, qui signavit instrumento; quod characterem annuli insculptum habet. Quamobrem prope est, ut assentiar Baroni, Hotom. Wesemb. ad hunc. §. & Donello 6. comm. 8. qui locum Ulpiani in *d. l. 22. §. 5. legendum* putant, interposita negatione, & magis est, ut non tantum annulo. Quod & temperamentum subiectum, dum tamen habeat χαρακτήρα, quodammodo postulat. Et ita quod Bartolus legisse videtur argum. summarii d. §. 5. & Joan. de Platea, qui istum §. citat ad probandum, quod scribit, non annulo tantum, sed alio quoque instrumento signatorio posse signari. Mich. Attaliat. sympos. t. 31. in δακτυλίω, ὅτι βυλλωτήριον. Atque ita & doctiss. Salmas. lib. de mod. usur. cap. 10. pag. 456. Alii malunt, retenta lectione cum D. Counano, 9. comm. 2. Ulpianum intelligere de testibus,

qui plura signa habent, unum in annulo, alterum & diversum in re alia impressum: ut hi potius annulo signare debeant, quam alio ullo instrumento; quia id signum, quod in annulo est, magis cuiuscumque proprium esse putatur, magisque notum & certum est. Hodie hæc quæstio supervacua est, cum testes subscripsisse sufficiat, signa eorum non requirantur, sed solius sigillum Notarii. Jac. Vervey art. testand. c. 9. De more & modo signandi apud veteres usitato adi D. Salmas. lib. de mod. usur. c. 11. VINN. Cave aliquid mutandum, vel particulam salutarem non intrudendam existimes in *l. 22. §. 5. ff. qui test. fac. poss.* Nec enim codices addicunt, nec verba: dum tamen habeat χαρακτήρα id flagitant: dantur enim & annuli, qui non habent χαρακτήρα. Quod autem annulos abscisse exigerentur veteres, ejus rei rationem eadem lex videtur reddere. *Varie enim homines signant*, inquit Ulpianus. Alio typo utebantur domi in signandis celis pecuniariis, lagenis, cujus usus etiam patebat matribusfamilias: alio utebatur paterfamilias in obsignandis litteris & instrumentis, eumque fete annulo insculptum circumferebat. Loca veterum non adscribo. Adi Lips. ad Tacit Ann. II. 2. & adde Suet. Aug. cap. 50. Non itaque annulus in *l. 22. §. 5.* videtur typario alterius formæ, sed alterius usus, veluti, quo domi ad signandas cellas utebantur. HEIN.

T E X T U S.

Qui testes esse possunt.

6. *Testes autem adhiberi possunt ii, cum quibus testamenti factio est. Sed neque mulier, neque impubes, neque servus, neque furiosus, neque mutus, neque surdus, neque is, cui bonis interdictum est, neque ii, quos leges jubent improbos inestabilesque esse, possunt in numerum testium adhiberi.*

N O TÆ.

6. *Neque mulier*) Hoc ex eo, quod in omni mancipatione testes tantum masculi admittuntur. Nam his verbis, *cives Rom. puberes, mares* significantur: add. Schol. Harm. lib. 1. tit. 6. §. 52.

Neque impubes) Livius apud Priscian. lib. 8. *Impubes libripens esse non potest, neque antestari*, id est, *neque testis fieri*, passivè. autem *antestari*, est testem facere, μαρτυρεῖν. v. Salmas. ad juv. Attic. pag. 811.

Neque prodigus) Is, cui bonis interdictum est.

est, l. 11. pr. D. cod. Bene Græci; ἡ παλαιοὶ μαρτυροῦντες εἰς τὴν διαθήκην. Basil. tit. 1.

COMMENTARIUS.

1. Communem testium habilitatis notam esse, si sit cum iis testamenti factio: & quid hoc sit?
2. Cur à testimoniis testamentariis arceantur mulieres?
3. Cur non admittatur surdus, cum adhiberi possit, qui sermonem testatoris non intelligat?
4. Utrum cæcus adhiberi possit?
5. Qui dicantur intestabiles, & an bi quoque testamenti factionem passivam habeant?

Non satis est, septem testes ad testamentum adhibitos esse, etiam conditionem cujusque inspicere, & non nisi idoneos admitti placuit. Et rectè: quippe cum fides testationis non tam firmiter numero testium, quam auctoritate, per l. 3. §. 2. & 3. de testibus. Estque fere tota hæc tractatio de habilitate testium nuncupativo testamento cum scripto & mystico communis.

Cum quibus testamenti factio est) Hæc communis nota est testium habilitatis, si sit cum iis testamenti factio, id est, si hæredes instituti aut ex alieno testamento vel sibi vel alii acquirere possunt. Nam quatenus quis jus habere faciendi testamenti, non rectè dixeris esse tibi cum eo testamenti factionem, ut bene recentiores notant. Et propriè item loquitur Imperator, cum dicit, cum quibus testamenti factio est, non qui testamenti factionem habent: siquidem testamenti factio activæ significationis est, ut propriè dicatur testamenti factionem habere, qui faciendi facultatem habet, l. 3. l. 4. l. 8. in fin l. 1. cui. 18. l. si filius. 19. hoc l. 1. §. exigit. 8. de bon. poss. sec. tab. l. 3. C. de apostat. At qui ipsi testamentum facere non possunt, sed tantum ex testamento capere, cum iis rectius dicitur esse vel haberi testamenti factio, ut in §. 2. inf. de bar. inf. §. legari. 2. inf. de legar. l. non minus. 32. l. si alienum 49. §. 1. de bar. inf. l. 7. pro legat: quàm eos habere testamenti factionem. Quamquam hæc verborum proprietates perpetuo non observatur, ut vedere est in leg. filius fam. l. 26. hoc tit. leg. ult. pro bar. §. in extraneis. 4. inf. de bar. qual. quibus in locis testamenti factionem habere dicuntur etiam illi, qui tantum capere ex testamento possunt. Unde factum, ut docendi gratia interpretes testamenti factionem distinxerint in activam & passivam. VINN. Sed si exempla convenire debent regulæ, dicendum est, cum

iis fuisse testamenti factionem, qui olim in comitiis adesse, & suffragium ferre de aliorum testamentis poterant. Cum iis enim etiam postea erat testamenti factio per æs & libram, non cum aliis. Ex hoc fundamento facile reddes rationem cur testes esse non poterint mulieres, impuberes, servi, furiosi, quum tamen hæredes institui possint. HEIN.

Sed neque mulier, neque impubes, &c.) Enumeratio personarum, quas varias ob causas in testamento testes esse prohibentur, & quidem simpliciter in testamento cujuscvis. Cur mulier hic testis non admittatur, cum alias jus dicendi testimonii habeat, l. qui testamentum. 20. §. mulier. 6. b. tit. l. ex eo. 18. de test. non una ratio reddi potest. 1. Quia cum certum numerum testium ad actum aliquem lex requirit, intelligitur requirere testes graves & omni exceptione majores, in quos iudici non liceat postea inquirere: talis autem non est mulier. 2. Quia sexus muliebris non satis sagax creditur ad odorandas fraudes, quæ in subornandis testamentis strui solent. 3. Quia hic numerus testium non tantum requiritur ad probationem actus, sed etiam ad constitutionem: leges autem veteres, teste Scholiaste ad Harmenopulum, lib. 1. tit. 6. §. 52. in talis συγκατακτὴς μαρτυρίας μὴ μαρτυρίῃ τὰς γυναῖκας ἀπεφασίχθη. Συγκατακτὴς μαρτυρὴς, hoc est, testimonio constitutiva, quæ faciunt, ut negotium consistat, (Mercerus vertit commendatoria) opponit ἀπεικτικαῖς id est, demonstrativis, sive quæ adhibentur dumtaxat probationis causa. 4. Quia testatio supremæ voluntatis non est actus repentinus, aut fortuitus, ut nihil necesse sit, ubi viri honesti haberi possunt, accire foeminas, per Nev. de testib. 90. cap. 1. Quibus rationibus item moveor ut credam, ne in codicillis quidem mulierem testem esse potuisse, contra quam sententiæ Vigil. & comm. DD. Mitto, quod solemnis illa testandi ratio per familiæ emancipationem: unde qualitas testium, masculotantum testes admisisse videtur, uti reliquæ quoque emancipationes & contractus, qui fiebant per æs & libram: & quod Romani turpe & verecundiæ sexus minimè conveniens putaverunt, foeminas cum viris hujusmodi negotiis interesse. Et hoc etiam moribus nostris consentaneum videtur. Groenevv. de ll. abrog. b. & §. ult. inf. de condicill. Cyprian. cens. Bel. Impubes testes non admittitur, propter imperfectum animi iudicium: quam ob causam nec aliis in negotiis testimonium ejus recipitur, leg. 3. §. leg. §. l. invit. 19. §. 1. de testib. In causa autem testamenti hoc special-

le esse existimatur, quod nec pubes factus testimonium pro testamento dicere possit, ad quod impubes adhibitus fuit, cum in aliis causis testimonii dictionem habeat post pubertatem de his, quæ impubes vidit: utique si testetur de iis, quæ verissimiliter ab impuberibus capi possunt, & quæ vidit, cum jam esset pubertati proximus. Joan. Fab. Vigil. hic. Oldend. part. 4. de testib. nu. 12. ex lententia communi. Servum excludit conditio personæ, quia nullam juris civilis communionem habet, d. leg. qui testam. 20. §. servus. 7. quæ ratio etiam peregrinos removet, l. sunt quidam. 17. §. 1. de pæn. & nominatim lex desiderat cives Romanos. Furiosus nihil intelligit: cæterum si remissionem habet, poterit eo tempore adhiberi, d. l. qui testamento. 20. §. ne furiosus. 4. Mutus pro testimonio, quid actum sit, eloqui non potest. Surdus quid dicatur, sensu non percipit: immo nec moneri potest, quid testator acturus sit; plurimumque qui surdus, idem & mutus. Testes autem in dicendo testimonio interrogandi; per l. 1. testamenta quem. aper. nec testimoniis, sed testibus credendum, leg. 3. §. 2. de testib. Hinc etiam intelligitur, cur potius, quam surdus, admittatur qui sermonem testatoris non intelligit: nimirum quia hic alia lingua moneri potest, cui rei adhibetur, & ipse testimonium dicere; singula enim percipere nihil necesse est, d. leg. qui testamento. 20. §. pen. utique cum testamentum per scripturam sit. Nam in nuncupativo hoc locum habere non puto, in quo totum negotium palam explicatur, auribusque & sermoni testium permittitur. De cæco nihil traditum. Sed non posse eum adhiberi, rectè censet Wesemb. & Bachov. quoniam testatorem videre non potest, quod in omni testamento requiritur, l. 9. C. eod. nec signum recognoscere, quod in scripto, l. 4. & 7. testam. quem. aper. fac. l. 1. §. 5. vers. casum. de postul. Prodigis notam inurit administrationis bonorum interdictionis, fidemque testimonii eorum elevat: atque adeo in toto pene jure civili prodigi furiosus, & eadem conditione, qua furiosi, habentur, l. 1. de curat. fur. l. 12. in fin. de ius. dat. l. furiosi. 40. de reg. jur. Congruit l. 1. cui leg. 18. in pr. hoc tit.

Improbos intestabilesque Intestabilis dicitur, cui nec testamentum condere licet, nec testimonium alteri dicere; & cui vicissim nemo testimonium dicere tenetur, uti quisque tenetur civi honesto, si denuntiatur sit, l. 1. cui. 18. §. 2. l. cum lege. 26. hoc tit. Ex Senatusconsulto intestabilis, qui ob crimen famosum

damnatus est, d. l. 18. §. 1. l. 5. §. si quis. 9. de injur. Ex constitutionibus, apostata & hæretici, l. 3. C. de apostat. l. 4. C. de hæret. & Manich. l. hæreticus. 44. C. Theod. de his qui sup. reb. Ex duodecim tabulis, intestatus & libripens, si postea testimonium perhibere detrectassent. Verba legis refert Gellius lib. 15. cap. 13. Quod se fieri testatarius, libripensve fuerit, mei testimonium fariatur, improbus intestabilisque esto. Ita locum istum obscurum & depravatam antea restituit Marcilius, cap. 5. leg. duob. tab. quod male processerat Cujacio. De eo quæsitum, an is, qui intestabilis dicitur, nec hæres institui poterit, aut alias ex testamento alieno capere: nam cæteros omnes, quos hic commemorat Justinianus, constat, testamenti factionem passivam habere. Et quidem hæreticis nominatim hæc tria denegantur, testimonii dictio, testamenti factio, successio tam ex testamento, quam ab intestato, d. l. 3. C. de apostat. De aliis expressè tantum non est, nec hæres instituantur. Ex eo tamen quod Cajus scribit, cum lege quis intestabilis esse jubetur, hoc etiam eo pertinere, ut ne ipsi dicatur testimonium, d. l. cum leg. 26. hoc tit. sequi omnino videtur, ut nec hæres institui possit. Neque enim arbitror defendi posse, testatori dumtaxat, non etiam hæredi, de cujus solius commodum agitur, testimonium perhiberi. Facit hoc l. imperialis. 23. §. 3. C. de nupt. quæ permittitur mulieribus scenicis post impetrationem principalis scripti, & condere testamentum, & aliis succedere. Inde enim duo colligimus, & scenicas foeminas intestabiles habitas fuisse, & qui intestabiles essent, hæres non potuisse institui. Itaque non satis accurati sunt compilatores, qui intestabiles cum superioribus, quos omnes hæres institui posse constat, una exceptione à regula eximunt, quasi & ipsi alioqui ad regulam pertinere videantur.

TEXTUS.

De servo, qui liber existimabatur.

7. Sed quum aliquis ex testibus testamenti quidem faciendi tempore liber existimabatur, postea autem servus apparuit, tam Divus Adrianus Cætoni, quam postea divi Severus & Antoninus rescripserunt, subvenire se ex sua liberalitate testamento, ut sic babeatur firmum, ac si, ut oportebat, factum esset: quum eo tempore, quo testamentum signaretur, omnium consensu bis testis liberi loco fuerit, nec quisquam esset, qui statui ei questionem moveret.

7. *Testamenti faciendi tempore*) Hoc tempore inspicitur testium conditio, non tempore mortis testatoris, l. 22. §. eod. idque ex Principum liberalitate obtinuit etiam in habilitate putativa, ut loquuntur.

Omnium consensu) Totius civitatis, aut majoris partis civium. Quia ita se gerebat, ita agebat, sic muneribus fungebatur, ut publicè liber a plerisque haberetur, arg. leg. 3. pr. de sen. Masc. facit, l. 1. C. b. t.

COMMENTARIUS.

1 *Conditionem testium tempore testamenti facti spectari: non nocere, si quid eis postea contigerit.*

2 *Idem observari in habilitate putativa.*

3 *Consutatur eorum error, qui putant, testamentum corruere, si quis è testibus ante apertas tabulas moriatur, aut inhabilis fiat.*

4 *Quid verba hæc, omnium consensu, hic significant?*

NON tantum numerus testium, sed eorum etiam qualitas & requisita conditio est de forma testamenti substantiali, ut loquuntur, non de forma probatoria dumtaxat: adeo ut si vel in uno è testibus hujusmodi qualitas deficiat, testamentum per se nullum sit. Enimvero conditionem testium inspicere placuit, cum testamentum signarent, non tempore mortis: nam si tempore testamenti facti tales omnes fuerint, ut adhiberi possint, nihil nocet, si quid postea eis contigerit, puta si quis postea servus factus sit aut instabilis, furere cœperit, aut prodigus esse; l. ad testium. 22. §. 1. & ib. Cujac. hoc tit. Quid ergo si quis adhibitus sit, qui quidem adhiberi prohibetur, sed qui communi opinione pro tali testamenti tempore habebatur, qui adhiberi potest, puta si servus adhibitus sit, qui omnium opinione liber existimabatur, & cui nemo eo tempore status controversiam movebat? Testamentum nihilominus sponte sua vitiosum & injustum est, nec communis error formam juris publici mutare potest. Cæterum quod per se momentum nullum habet, Imperatores ex humanitate sustineri voluerint, atque ut Justinianus hic loquitur, ex liberalitate sua hujusmodi testamentis subvenerunt, ut perinde firma sint, ac si omnibus suis numeris ac partibus constarent. Ridiculum verò est, quod vulgo ex hoc loco colligunt, communem errorem jus facere: non enim error, sed in

errore summa Principum auctoritas jus hoc benignè & speciali favore ultimæ voluntatis constituit.

Tam Divus Adrianus Catoni (quidam Cœdici habent Catonio, Theophilus Catonio Vero) quam divi Severus & Antoninus Rescriptum Severi & Antonini non extat. Adriani est in l. 1. C. hoc tit. unde tamen non satis expeditum quid juris esse debeat, si quis consignationis quidem tempore pro libero habitus sit, postea autem ante apertas tabulas in servitutum revocatus status controversiam passus fuerit. Nam Adrianus sua constitutione hoc tantum significat, si quis testis pro libero habitus sit tempore testamenti, cui usque ad tempus apcriendarum tabularum nemo status controversiam moverit, testamentum non obesse debere, quod nunc hæc quæstio ei moveatur. Unde effici videtur, non idem esse, si jam eo tempore servum esse appareat. Sed dicendum est, aut verba Adriani non ita accepta esse, quasi casus iste semper in hisce quæstionibus requiratur, sed expressa, quia id in ea controversia forte acciderat, de qua consultus erat: aut constitutione Severi & Antonini rem plenius postea definitam. Sanè Jurisconsultus simpliciter ait, testium habilitatem tempore testamenti facti spectandam; quod postea accidit, non nocere, d. l. ad testium. 22. §. 1. hoc tit. Hoc autem non tantum pertinet ad habilitatem veram, sed etiam ad putativam: quippe quæ eandem vim ex Principum liberalitate habeat. Atque ut nihil præter hunc locum haberemus, is solum apertissimè ostendit, satis esse, liberum quem existimari tempore faciendi testamenti: nec ex eo, quod postea esse apparuit, testamentum vitiari. At dicat aliquis, cum signatores tempore apcriendarum tabularum sigilla sua apud prætorem recognoscere & pro testamento testimonium dicere debeant, l. 4. & seqq. test. qu. aper. an non ex eonecessario sequitur, testamentum corruere, si quis è testibus, qui, cum conderetur testamentum: pro libero adhibitus fuit, nunc, cum apcriendum est, servus appareat? arg. l. 11. C. de testib. quo loco scriptum est, servos testimonii dictionem in judicio non habere. Non magis, inquam, quam si quis è testibus ante apertas tabulas vita functus sit, aut furiosus, cæcus, mutus, suus, &c. factus. Nam, ut restituit D. Viglius, sigillorum ista inspectio requisita fuit, non ut formalis aliqua testamenti solemnitas, sed ad certiores probationem voluntatis, & tunc, cum testes adhuc viverent, aut tales essent, qui testimonium perhibere signis inspectis &

recognitis possent; testibus autem mortuis, aut inhabilibus ante id tempus factis, non idcirco statim voluntas defuncti concidit, cum adhuc aliis argumentis & conjecturis sigillorum fides confirmari possit, maximè accedente adminiculo subscriptionis testatoris & testium: nam manus cuiusque & subscriptio pluribus nota esse solet; potestque etiam in dubio probari per litterarum comparationem. Fufius hac de re disputat D. Viglius contra veteres juris interpretes, qui putavere, vel uno teste ante aperturam tabularum mortuo, vel inhabili facto testamentum protinus irritum fieri; ostenditque, ex ea persuasione factum, ut vetus testandi forma pæne abolita sit, cœperintque curare homines, ut de testamentis instrumenta publica per Notarios fierent: quod olim fuit incognitum. At usitatum erat testamenta publicari, hoc est, actis insinuari, vel referri in acta publica; quod hæredes scripti fieri procurabant, ne si casu materia, in qua primum testamentum scriptum esset, intercidisset, proximi ab intestato negotium iis facerent. Nam publicatum testamentum priori scriptura casu amissa plenam fidem sine alio adminiculo faciebat, vid. l. 2. *¶* l. testamenta. 18. C. hoc tit. *¶* ibi. D. Donell. Quod autem de servo rescriptum est, id non dubito, quin rectè producatur ad defectus aliarum quoque qualitatum, quæ in testibus testamentariis requirunt, si eadem ratio est; puta si impubes adhibitus sit, qui pubes putabatur; mulier virili habitu virum simulans; prodigus, qui tempore conditi testamenti pro sano à plerisque habebatur. Idem enim favor, eadem benignitatis ratio testamentum, quod summo jure inutile, defendunt. Joseph. Ludovic. commun. opin. 69. in 4. fallent.

Omnium consensu) Donel. in l. 1. C. hoc tit. consensum sive opinionem cæterorum testium intelligit. Quod non placet. Quid enim, si hi nesciant servum esse, aut status controversiam pati, quod alii omnes in civitate sciant? Neque magis verba omnium consensu, ad testes solos restringi possunt, quam illa quæ mox sequuntur, nec quisquam esset, qui statui ei quaestionem moveret, quæ itidem expressa sunt rescripto Adriani. Omnium igitur consensu sic potius accipiemus consensu omnium, qui in civitate sunt, opinione totius populi, aut certè majoris partis, quia publice liber à plerisque habebatur, sic agebat, sic contrahebat, sic muneribusungebatur, arg. l. 3. in pr. de Mac. l. 3. §. 2. de testib. Quam ob causam Jo. Fab. existimat, nec illud testamento no-

citurum, si unus & alter è testibus sciverit conditionem illius, & tacuerit. Putatque hoc amplius, locum esse huic constitutioni, etiam si plures ejusdem generis non idonei per ignorantiam adhibiti sint, arg. d. l. 1. C. hoc tit. quod & Bachovius videtur admittere, dum nè pauciores quam duo habiles sint & idonei. Latius hic spatiantur DD. dum quærun, An gesta ab his, qui se pro scribis aut notariis gerunt, cum non sint, sed communi errore tales habeantur, & instrumenta ab his facta, valeant. Et sic vulgo distinguitur, ut referat, utrum alicui publica auctoritate hujusmodi persona per errorem imposita sit, an quis ipse sibi privatim eam assumpserit: illo casu valere quod gestum est, l. 3. de off. prat. hoc casu acta non valere, & speciale esse, quod in casu hujus §. testamento succurritur, vid. Sichard. ad d. l. 1. C. hoc tit. sub fin. Jafon. ad d. l. 3. qui de eo disputat accuratissimè.

TEXTUS.

De pluribus testibus ex eadem domo.

8. Pater, nec non is, qui in potestate ejus est: item duo fratres, qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

NOTÆ.

8. Pater, nec non is, &c.) Ex l. pater 17. D. de testib. ratio est in textu: add. l. 22. pr. hoc tit. Ulp. tit. 20. §. 5.

COMMENTARIUS.

Hic locus sumptus est ex l. pater 17. de testib. add. l. ad testium 21. pr. hoc tit. Ulp. tit. 20. §. 5. Dubitandi causa, ut mox indicatur, esse potest, quod plurium ex una domo testimonium suspectum videatur, propterea quod hi facile colludere, atque in unam eandemque meditatam sententiam conspirare possunt, & fac. l. 3. §. 1. de testib. Sed subiungitur solutio; nimirum tale nihil hic metuendum, ubi plures ex uno domo testes adhibentur negotio alieno, unde nihil ipsi commodi sperent. Suspicionibus enim non usque adeo indulgendum esse, ut quisquam gratuito malus esse præsumi debeat. Quapropter quod dicitur in l. 6. de testib. testes idoneos non esse, quibus imperari potest, ut testes sint, rectè Glossa sic interpretatur, ut testes sint

sint in causa imperantis, eosque pro se producentis. Ne quis putet, jus potestatis & filio imperandi ob stare, quominus pater simul & filius in alieno negotio testes esse possint. Neque ambigendum est, quin filiusfam. etiam patre invito testimonii dictionem habeat, cum publica auctoritate testimonium denuntietur, ejusmodi in causis jura patris interquiescunt, arg. l. 9. de his qui sui vel al. jur. Illud etiam hic notandum, patrem & filium, item duos fratres qui in ejusdem patris potestate sunt, in alienis negotiis (non enim in testamento dumtaxat hoc obtinet, d. l. 17. de testib.) diversarum personarum numero haberi.

TEXTUS.

De his qui sunt in familia testatoris.

9. In testibus autem non debet esse is, qui in potestate testatoris est. Sed si filiusfamilias de castrensi peculio post missionem faciat testamentum, nec pater ejus recte adhibetur testis, nec is, qui in potestate ejusdem patris est. Reprobaturum est enim in ea re domesticum testimonium.

NOTA.

9. Post missionem, &c. nec pater ejus, &c. Aliud tamen placuisse videtur Ulpiano & Marcello, l. 20. §. 2. hoc tit. ut bene animadvertit Hotom.

In potestate ejusdem patris) Fratre scilicet testatoris οὐκ ἐξ υἱοῦ, non emancipatus.

Domesticum testimonium) Id est eorum, qui ita conjuncti sunt, ut alter sit in familia & potestate alterius, & una cum eo fictione juris persona. Nam ut recte Græci, οἱ αὐτοῦ πατρὸς, ἢ ἐκ τῆς οὐγγυίας, ἀλλ' ἐκ τῆς ἐκείνου τῆς ὑπερσυντάτης λαμβάνεται. Non ex cognatione, sed ex coadunatione, qua per patriam potestatem contingit. Eadem scil. ratione, qua sui hæredes domestici; §. 2. inf. de her. qual. in judiciis autem testes omnes domestici intelliguntur, qui de domo accusati producuntur, l. 3. C. de testib. l. 24. D. cod.

COMMENTARIUS.

1. Quomodo questio formanda in filio teste in testamento patris?
2. Quid obstat, quominus qui in potestate testatoris est, testis in ejus testamento esse possit? Et quid de filio emancipato, &c.
3. Cur in testamento filiusfam. post missionem de castrensi peculio testantis pater testis non ad-

mittatur, qui tamen ad tabulas filii emancipati recte testis adhibetur.

4. Dissentire Justinianum in proposita specie ab Ulpiano & Marcello.

5. Domesticum testimonium hoc loco asseruari ex unione personarum, qua per potestatem contingit; etsi in aliis causis domestica testimonia interpretamur testimonia personarum domesticarum.

Hactenus de personis, quarum ea est inhabilitas, ut nullius in testamento testes adhiberi possint: sunt etiam quædam, quæ cum per se habiles sint, & recte adhibeantur, non tamen recte adhibetur in testamentis omnium, idque ob causam aliquam privatam, quæ eas lata & inhabiles facit. Causa hujus inhabilitatis duplex: conjunctio testis & testatoris per potestatem: item negotium testamenti ad eum, qui testis adhibetur, pertinet. Prima hoc §. altera seq. explicatur.

Qui in potestate testatoris est) Igitur nec filius testatoris, nec nepos ejus ex filio, qui in potestate sit; nec is, quem testator ab hostibus redemerit, l. qui testamento 20. in fin. pr. & §. 1. b. tit. Sed enim cum constet, filium, qui in potestate sit, aut hæredem instituendum esse, aut nominatim exheredandum, silentio eo præterito testamentum ipso jure non consistere, absurda potest videri hæc disputatio. Nam fingamus, esse institutum, jam alia & propria ratione testis esse non poterit, quia hæredes, §. seq. Fingamus, exheredatum, & nihil videtur ob stare, quominus recte testis sit, quia sua se manu exheredem scribere potest, salvo testamento, l. non putaris. 8. §. si quis. 6. de bon. poss. cont. tab. nec ullæ hic metuendæ technæ, cum in suam nemo perniciem ingeniosus sit. Quod si dicas, durum videri, ut filius palam testis adhibetur exheredationis & ingratitudinis suæ; quid hoc testamentum, quo exheredatus est, clausum proponatur, in quo quid scriptum sit, à testibus omnibus ignoretur? ita enim in proposito questio formanda est, ut jam illud obijci non possit. Quid est igitur, quod hic obstat, quominus filius testis sit? Nihil aliud, quam jus potestatis, quod fictionem quamdam unitatis personarum inducit inter eum, qui habet in potestate, & qui in potestate habetur, §. si quis. 4. inf. de inut. stip. l. ult. C. de impub. & al. subst. Quo fit, ut si alteri alter testimonium dicat, sibi quodammodo dicere videatur, quod subtilitas juris non patitur, ut post Viglium hic notant plerique recentiores, & est textus eo pertinet in §. seq. in fin. Ad-

dunt

dunt nonnulli, huc etiam referendum, quod generaliter placuit, idoneos testes non videri, quibus imperari potest, ut testes fiant, *l. de testib.* Ego verò arbitror, definitionem istam valere tantum in testimoniis judicialibus; quamvis verum sit, hic quoque quæri de adhibendo eo, cui imperari potest. Ait, *qui in potestate*. Igitur à contrario, qui in potestate testatoris non est, puta filius emancipatus, rectè testis adhibetur, & pater vicissim in testamento illius; neque enim credendum est, verba illa frustra hic & in *d. l. 20.* expressa est. Præterea cessat in emancipatio ratio prohibitionis, vinculum scilicet unitatis, quod per emancipationem solvitur. Et vel magis igitur poterit quilibet testis esse in testamento matris & avi materni. Non obstat, quod parentes & liberi hoc ipso quod parentes & liberi sunt, invicem testes esse prohibentur, *l. 9. de testib. l. 6. C. cod.* Nam ista prohibitio pertinet tantum ad illa testimonia, ex quibus luri aliquid accedere potest parenti vel filio, cui testimonium dicitur, qualia sunt testimonia judicialia, de quo paulo diligentius postea.

Sed si filiusfamil. post missionem &c. neque pater ejus rectè adhibetur) Filiusfam. testamentum facere non potest, præterquam si testatur de castrensi peculio *inf. tit. 12.* ac proinde eo solo casu quæstio hæc locum habere potest, an pater ad testamentum ejus testis adhiberi possit. Sic autem hoc loco distinguitur, si filiusfam. militans adhuc testamentum faciat de rebus castrensibus, pater rectè testis adhibetur, si post missionem, non æquè. Cæterum quod ad priorem casum, amplius adhuc distinguendum existimo, utrum scilicet militans adhuc testamentum faciat jure militari in castris aut expeditione, an extra castra jure communis: ut illo demum casu pater rectè adhibeatur propter liberrimam, quæ militibus data est, in castris testandi facultatem; hoc autem casu non magis quam si testetur post missionem, *arg. pr. & §. 3. tit. seq.* & verba illa, *post missionem*, non ideo hic adjecta esse, quia ante missionem filius testamentum faciens semper patrem adhibere possit; sed quia post missionem, nunquam. Sed hic nobis occurrit exemplo emancipati, ad cujus tabulas patrem posse testem adhiberi diximus non alia ratione, quam quia emancipatus non est in potestate. Et in eo, de quo quærimus, nec filiusfam. in potestate est, quippe qui in castrensi peculio vice patrifam. fungitur, *l. 2. de Sen. Mac.* Huic objectioni ita fere responderi solet, multum interesse, utrum quis revera & sine exceptione sit paterfam. & patri

suo extraneus, qualis est filius emancipatus; an quis in re aliqua pro paterfam. habeatur, manens revera *ὁ πατρίωνος*, & domesticus patri suo, qualis est, qui peculium castrense habet. Etenim peculii hujus concessionem non eximere filium de domo & potestate patris, §. 4. *sup. quib. mod. jus pat. pot. solv.* & consequenter non efficere, ut una persona cum patre censeri debeat: tantum liberam filiosfam. de iis rebus disponendi facultatem tribuere, & hæredem etiam in iis instituti, in quo patrifam. comparetur. Cæterum ut pater propter vinculum unitatis, quod retinetur, hunc filium ad suum testamentum adhibere non potest, ita nec illius tabulis patrem adhiberi posse. Equidem fateor, hæc ita pro Justiniano, & si qui veterum fuere, quos ille secutus est, speciosè disputari: video tamen, aliud placuisse Marcellum, cujus auctoritatem etiam Ulpianus secutus est in *l. qui testam. 20. §. 2. hoc tit.* Ita enim scribit: *Per contrarium quæri potest, an pater ejus, qui de castrensi peculio potest testari, adhiberi ab eo ad testamentum testis possit.* Et Marcellus *lib. 10. Digestorum* scribit, *posse; & frater ergo poterit.* Contraria omnino sententia & directo pugnans cum eo, quod hoc loco tradit Imperator, ut bene animadvertit D. Hotomannus. Nam quod cæteri interpretes, inter quos etiam Viglius & Bachovium esse video, Marcelli sententiam restringunt ad eum casum, quo filiusfam. de peculio castrensi testatur jure militari sive privilegiato, nullo colore defendi potest. Primum quia tota tractatio illius tituli propria est testamenti solemnis, ut proinde verisimile non sit, Ulpianum eo loco miscuisse quæstionem, quæ ad militaria testamenta pertineret, quod nulla alia in parte ejusdem tit. aut factum est. aut fieri oportuit. 2. Quia Ulpianus hanc quæstionem proponit oppositive ad præcedentem, quæ oppositè in dissimili genere testamenti planè inepta foret. Negaverat in §. 1. ejusdem *l. 20.* filium, qui in potestate est, testem esse posse in testamento patris. Hoc dictum omnes intelligunt de testamento solemnis, nec ad testamentum militare pertinere. Mox per contrariam quærit, an pater ejus, qui de peculio castrensi testari potest, adhiberi ab eo ad testamentum testis possit; & ait, *posse*, ex sententia Marcelli. At hæc quæstio minime præcedenti contraria est, nisi de eodem genere testamenti, ad quod præcedens pertinet, accipiat. 3. Notanda sunt verba Jurisconsulti. Non quærit de testamento filifam. militis aut in castris agentis, sed quæstionem generaliter atque indistinctè proponit de omni

ni filiofam. qui de castrensi peculio testari potest, at potest non solum miles in castris agens jure militari, sed item etiam extra castra jure communi; potest eodem jure & veteranus seu militia missus. 4. De testamento jure militiæ factò ne dubitari quidem jussè potest, quippe cum verba privilegii, quod militibus indultum est, *quomodo velint; quomodo poterunt*, l. 1. de testam. mil. facile hanc in personis testimonium differentiam absorbeant, & reciprocationem testimoniorum patris & filii admittant, immo ne testem quidem desiderent, ubi de militis voluntate conflet: de quo amplius, §. 1. seq. tit. Et fortasse motus fuit Mareellus ea, quam dixi, ratione: quia placuit, filiofam. in peculio castrensi pro patrefam. haberi, quasi ob id etiam diversam à patre personam in causa istius peculii sustinere debeat: id enim receptum est, cum de acquirendo ex causa hujus peculii agitur, in quo fere solo alioqui fictio illa, quod pater & filius pro una persona habeantur, locum habeat.

Ea in re domesticum testimonium) Mysticus horum verborum sensus est, ne quis ex his colligat, in aliis causis domestica testimonia non reprobantur. Quin in causis judicialibus modo magis reprobantur, & tanto, quanto major est reprobationis causa. Sed nimirum hæc Justiniani sententia est, licet in testamentis de lucro, aut commodo ejus, qui testes adhibet, non agatur, ut sit in causis forensibus; ac proinde hic verendum non sit, ne propter affectionem aut reverentiam veritas celeetur, quam ob causam etiam personarum conjunctissimæ & amicissimæ hic invicem jus dicendi testimonii habeant; nihilominus tamen domesticum in hac causa testimonium prohibitum esse, hoc est, eorum, qui ita conjuncti sunt, ut alter sit in familia & potestate alterius, & fictione juris eadem cum altero persona, unde cum alteri testimonium præstat, sibi quodammodo præstare videatur. Hæc sola juris subtilitate testimonia in proposito vetari, non aliqua falsi suspicione propter cognitionem, aut affectum. Atque hanc esse Justiniani sententiam, hic ipse locus satis perspicue indicat, quem idcirco etiam his verbis extendit Theophilus; τὸ δὲ ἰσχυρὸν, inquit, μαρτυρίας ἐκ τῆς συγγενείας, ἰαλλ' ἐκ τῆς ἰσοϋσίας τῆς ἐκ ἐπὶ τῶν ἐκείνων λαμβάνεται. eademque fere ratione Justinianus, *inf. de her. qual.* §. 2. suos hæredes appellatos esse ait, quia domesticæ hæredes sunt, quibus opponit extraneos, id est, omnes qui in potestate morientis non fuerunt. Cum igitur prohibendi hujus testimonii non alia causa sit, quam unio illa per-

sonarum, quæ per potestatem contingit, sequitur, inter eos, qui ita uniti non sunt, testimonia testamentaria licita esse, quamvis aliqui summa sit inter eos conjunctio aut charitas. Itaque & patrem rectè testem adhiberi in testamento filii emancipati, avum in testamento nepotis ex filia, & contra, item virum in testamento uxoris, multoque magis patronum in testamento liberti, & patremfam. in testamento mercenarii, & viceversa liberos & mercenarios in testamentis illorum; ac proinde errare interpretes, & inter hos Ant. Mathæum, qui testimonia testamentaria cum judicialibus confundunt. In judiciis nulli parentes & liberi invicem idonei testes, l. 9. de testib. l. 6. C. eod. suspecti omnes, quibus quovis modo imperari potest, l. 6. eod. qualis est etiam libertus in domo patroni degens; item qui mercede conducuntur, ut famuli & coloni in villis, aut id genus alii, qui domi famulantur. In his enim causis domestica testimonia interpretentur testimonia personarum domesticarum, hoc est, eorum omnium, qui de domo rei, qui in eos imperium habet, producantur, l. pen. de testib. fac. l. 11. §. *furs domestica*. 1. de pen. l. antepen. §. *pen.* C. de his qui ad Eccles. conf. Discriminis ratio jam ante à me indicata hæc est, quod in ceteris causis agitur de commodo pecuniario ejus, cui testimonium dicuntur, ut merito in his testes omnes rejiciantur, quos vel affectione, vel reverentia, aut absequio veritatem celaturos, suspicio est: in testamento autem non de commodo testatoris, sed hæredis agitur, ut non tam illi, quam huic testimonium testes perhibeant.

TEXTUS.

De hærede, & his, qui sunt in ejus familia.

10. Sed neque bares scriptus, neque is, qui in ejus potestate est, neque pater ejus, qui cum habet in potestate; neque fratres, qui in ejusdem patris potestate sunt, testes adhiberi possunt: quia hoc totum negotium quod agitur testamenti ordinandi gratia, creditur bodie inter testatorem & heredem agi. Licet autem totum jus tale contrabatur fuerat, & veteres quidem familia emptorem & eos, qui per potestatem conjuncti fuerant, à testamentariis testimoniis repellebant: heredem autem, & iis, qui per potestatem ei conjuncti fuerant, concedebant testimonia in testamentis præstare: licet ii, qui id permittebant, hoc jure minime abuti eos debere suadebant; tamen nos eandem observationem corrigentes, & quod ab illis sua-

suasum est, in legis necessitate transferentes, ad imitationem pristini familia emptoris, merito nec heredi sibi imaginem vetustissimi familia emptoris obtinet; neque aliis personis, quæ ei (ut dictum est) conjunctæ sunt, licentiam concedimus sibi quodammodo testimonia præstare: ideoque nec ejusmodi veteres constitutiones nostro Codici inseri permisimus.

NOTÆ.

10. *Creditur hodie*) Sublata videlicet familia mancipatione. Expende, quod ait, totum, ut hac ratione testimonium recipiatur legatarum & fideicommissarii. Cujac.

Heredi autem) Non tantum clam scripto; sed palam etiam nuncupato.

Pristini familia emptoris) Cujus testimonium ideo receptum non fuisse certum est, quia negotium testamenti palam & aperte cum eo ipso ut vero hærede agebatur.

COMMENTARIUS.

1. *Cur veteres fiduciarium familia emptorem à testimonio removerint, heredem admitterint?*

2. *An ad testamentum recte adhibeatur pater heredis, cujus in potestate non est, filiiue heredis emancipati? &c.*

CAUSA privata altera, quæ testem inhabilem facit, est negotium testamenti, quod cum teste agitur. Negotium testamenti dicitur id, cujus præcipue causa testamentum ordinatur, nimirum institutio hæredis sive universi juris successoris. Nemo igitur testis adhiberi potest in eo testamento, in quo hæres scriptus est; quod ideo placuit, quia in testamento negotium hæredis recte & principaliter agitur, atque is solus sit juris successor. Hærede autem summo consequens fuit, ut una removeretur qui in potestate ejus est, & pater quoque, qui cum habet in potestate, & denique frater, qui cum eo in ejusdem patris potestate est, propter vinculum illud unitatis, de quo dictum §. *præc.*

Veteres familia emptorem repellebant: heredi autem concedeabant. Certum est; olim, cum primum forma testandi per æs libram inventa est, neque hæredem, neque eos, qui per potestatem ei conjuncti erant, ad testimonium in testamento præstandum admissos fuisse: quippe cum negotium testamenti palam & aperte cum ipso herede ageretur. Nam, ut ostendimus in explicatione §. 1. *huius sit.* initio ipse hæres futurus emebat familiam à testatore, isque eam heredi mancipa-

bat, ut ille hoc tamquam justo titulo bona post mortem testatoris pleno jure Quiritium consequeretur. Procedente autem tempore, ob causas, quas ibidem indicavimus, hoc mutatum fuit, institutumque, ut solemnitatis implendæ causa familiæ quidem emptor palam adhiberetur, sed alius ab herede & fiduciarius, qui heredi forte clam in tabulis scripto familiam remanciparet. Quo recepto, coepit familiæ emptor à dicendo in testamento testimonio summo, & hæres admitti; quasi negotium testamenti jam non tam cum herede, quam cum familiæ emptore gereretur, & absurdum sit, cum, cum quo negotium ali-quod geritur aut contrahitur, licet imaginariæ, testis officio fungi. Atque hoc etiam obtinebat, etsi hæres scriptum se non ignorabat. Cicero in *orat. pro Milon. c. 18. Cyri testamentum palam obsignavi cum Clodio: & illum heredem & me scripserat.* Cæterum ab eo jure postea iterum recessum fuisse, arguit *l. qui testam. 20. pr. hoc tit.* nisi locus ille à Triboniano interpolatus sit, aut de alio genere testamenti intelligendus, quàm quod per æs & libram fuit: accipiendus, arg. §. 2. *tit. 20. sit.*

Ulp. VINN. Immo, quum temporibus Ulpiani testamenta rarius facta videantur per æs & libram faciliore testandi ratione à Prætoris inventa: non opus est, ut interpolatus à Triboniano existimemus *d. l. 20. pr. ff. qui testam. fac. poss.* Commodè enim accipi potest de testamentis tunc frequentioribus, puta de prætoris. HEIN.

Minimè hoc jure abuti eos debere suadebant) Etsi testimonium hæredis apud veteres licitum esse coepit, cum alius familiam emeret; existimabant tamen, minus verècundè hæredem facturum, si sciens se hæredem scriptum esse, jure sibi concessio uteretur: quomobrem etiam suadebant, ut potius se excusare, atque à testimonio, si pudori suo consulere vellet, abstineret. Non enim potuit locus esse huic suasioni, ubi quis hæres institutus esset, ignoraretur. Est autem illud omnino verisimile, sublata ratione testandi per æs & libram (quod factum creditur statim post translatum in Thraciam Imperium, arg. *l. 15. C. hoc tit.*) hæredem amplius testem esse non potuisse in ullo testamento: quippe cum ex eo tempore negotium testamenti non tantum serio, sed rectè etiam cum ipso herede agi coeptum sit, quod antea simulatè agebatur cum emptore familiæ in testamento per æs & libram: quod etiam ratio initio hujus textus prolata, *Quia totum hoc negotium, &c. creditur hodie inter testatorem & heredem agi*, perspicuè ostendit; ut

adeo non admodum necesse fuerit, suasionem istam veterum in legis necessitate à Justiniano transferri: quod tamen hic se fecisse proficetur.

Neque aliis personis, quæ ei, ut dictum est, conjunctæ) Scilicet per potestatem, quod antea expressit: ea enim sola conjunctio efficit, ut omnes ita conjuncti pro una persona habeantur, atque ut sibi quodammodo, quod ait, testimonium præstent. Ex contrario igitur etiam hic rectè, colligas, eos, qui in potestate hæredis non sunt, puta liberos emancipatos, item patrem hæredis, in cujus potestate non est, & fratres ejus, ad testimonium in proposito admitti posse. Nam cum hi omnes diversæ sint ab hærede personæ; non potest dici, negotium testamenti propter hæredem etiam cum his agi, cõse sibi aut in re sua testimonium dicere, licet forte ex eo commodum aliquod hærede mortuo consequi possint; nam nec legatariorum testimonium rejicitur, quamvis & ipsi in consequentiam lucrum ex testamento capiant: Fatendum tamen est, esse aliquid in personis hæredi sanguine sic conjunctis, ob quod videri possint ad testimonium non admittendi, quod non fit in iis, qui testatori naturaliter conjunguntur, propterea quod, ut dictum §. *præc.* non de testatoris, sed hæredis commodum hic agatur, ut quamvis non testatoris, hæredis tamen parentes aut liberi suspicione graventur. Verum in contrarium considerandum est, ignorari plerumque, quis hæres scriptus sit, idque non tantum cum signatur testamentum, sed etiam cum testes jubentur signa sua recognoscere, quod fit ante aperturam tabularum l. 4. *test. quem. aper.* Sed etsi sciatur, quis hæres scriptus sit, aut si palam hæres nuncupatus, non putarem tamen, statim testamento obesse debere, quod dicantur inter testes adhibiti patrens aut filius, aut frater hæredis (dempta conjunctione per potestatem.) Nam primo siquam suspensionem necessitudo inducit, ea facile reliquo testium numero deletur. Deinde etsi negotium hæredis in testamento agitur, is tamen non est onerandus, qui ipse testes initio ad hoc non adhibet, sed testator; neque aliis testibus postea ad probandam testatoris voluntatem uti potest, quam is ipsis, qui adhibiti sunt, cum testamentum ordinaretur. In quam sententiam etiam D. Viglius inclinatur.

TEXTUS.

De legatariis & fideicommissariis, & his qui sunt in eorum familia.

11. Legatariis autem & fideicommissariis, quia

non juris successores sunt, & aliis personis eis conjunctis testimonium non denegamus: immo in quadam nostra constitutione & hoc specialiter ei concessimus. Et multo magis iis, qui eorum potestate sunt, vel qui eos habent in potestate, hujusmodi licentiam damus.

NOTÆ.

11. Quia non juris successores) Non juris universi, sed rerum singularium, l. 9. §. 1. *D. de edend.* quorum gratia testamentum non ordinatur; sed universi successoris, id est, hæredis habendi causa. Itaque negotium testamenti cum solo hærede geritur, non cum legatariis: nisi forte per consequentiam; quod placet hic non attendi, confirmato testibus adhibitis ipso testamento, d. l. 14. *Symmach. lib. 13. epist. 55.* *Nostra constitutione*) Non extat: sed Zenonis hac de re habemus in l. 22. *C. hoc tit.*

COMMENTARIUS.

- 1 Divinatorium esse; quod quidam prodiderunt, legatarios testes esse vetitis *Senatusconsulto Liboniano*, & contrarii juris primum auctorem fuisse *Scævola*.
- 2 Ratio Justiniani, cur legatariis & fideicommissariis jus testimonii non denegetur, *exposita*.
- 3 *Afferuntur complures alia, & certiora.*
- 4 *Dispositionem hujus §. non tantum in testamentis scriptis, sed etiam in nuncupativis Vinicius in Institut.*
obtinere, consultata singulari opinione Anton. Fabri.
- 5 *Fideicommissarios universales huc non pertinere.*

Legatum aut fideicommissum testamento alicui relicum cum testem inhabilem in eo testamento non facit: sed placuit legatarios & fideicommissarios testes in testamento adhiberi posse, l. *qui testam.* 20. in *pr. hoc tit. fac. l. si quis.* 14. de *reb. dub. l. distantibus.* 22. *C. hoc tit.* Quo admissio jam eorum etiam, & quidem multo magis, testimonium recipiendum fuit, qui iis per potestatem conjuncti sunt. Dionys. Gothofredus in d. l. *distantibus*, 22. scribit, olim legatarios testes in testamento esse non potuisse ex *Senatusconsulto Liboniano*: Hotomannus hic, controversum hoc jus fuisse, & primum *Scævola* ejus inducendi auctorem: atque existimat uterque, hoc ipsum esse, quod Plinius, *lib. 2. epist. ult.* ut improbissimum genus falsi notat. Sed quis Gothofredum docuit, tale quid cautum fuisse *Senatusconsulto Liboniano*? Aut quis Hotomannum, fuisse *Scævola* contrarii juris primum auctorem?

auctorem? Non, si Scævola hoc jus comprobavit, ut testantur Arcadius & Honorius, l. 3. C. Theod. de testam. protinus sequitur, cum esse illius juris primum auctorem. Quis verò credat, si verum est, quod Gothofredus scribit, Scævolam respondurum fuisse contra auctoritatem recentis Senatusconsulti? Plinius verò loco citato non illud improbum falsi genus appellat, si quis testimonium dicat in testamento, ex quo legatum capit, sed si quis ejusmodi technis, quibus usum esse scribit Marcum quemdam Regulum nequissimum omnium bipedum, aliisque malis artibus testatorem aggrediatur, & legatum extorqueat; quem eundem Regulum intelligit Juvenalis satyr. 1. v. 67.

*Signato falso, qui se laetum atque beatum
Exiguis tabulis & gemma fecerat uda.*

Cæterum locus ipse evidenter ostendit, jam tum legatarios testes rectè adhibitos, aut testibus legatum rectè datum. Quin etiam diu ante tempora Plinii hoc jus obtinuisse liquet ex d. leg. 14. de reb. dub. ubi auctoritate Trebatii illud defenditur.

Quia non sunt juris successores) Ratio à posteriori, ut videtur: unde intelligamus non ut cum hærede, ita cum legatariis & fideicommissariis negotium testamenti geri; ac proinde non eodem modo hos ut illum à testimonio testamentario repellendos: quod enim dixit §. prac. negotium testamenti inter testatorem & hæredem geri, & ideo hæredem non debere testem adhiberi in eo testamento, in quo hæres instituitur; id hanc rationem habet, quia hæres universi juris successor est; quippe successoris universi juris habendi gratia testamentum ordinatur, ejusque designatio caput est & fundamentum totius testamenti. Uti igitur hæredis testimonium rejicitur ob id, quod negotium testamenti est negotium successoris juris, ita legatarii admittitur, quia hoc negotium ad eum non pertinet, qui successor juris non est: ille removetur ab illius negotii tamquam suæ rei testimonio; hic admittitur in illo negotio testis, tamquam in re aliena. Quod etiam significare videtur Marcianus in d. l. 14. de reb. dub. cum ait, ipsum testamentum confirmari testibus adhibitis, nempe universum illud negotium, quod inter testatorem & hæredem de juris successione agitur, signatorum testimonio confirmari, non attento legato ex illa juris successione pendente. Sed esto: ne sint legatarii juris successores: legata ad constitutionem testamenti non pertinent: & hæcenus dictatur negotium testamenti ad legatarios non pertinere; fa-

tendum tamen utique est saltem aliquo modo etiam de re legatarii in testamento agi; quippe qui emolumentum ex testamento percipiendi spem habet, cujusque propterea peculiariter interest testamentum confirmari, ne relictum concidat l. eam quam. 14. C. de fideic. Hoc ipsum verò satis causæ est ad arcendos à testimonio legatarios. Nam etsi non principaliter & recta in rem suam testimonia ferant, sed hæredis; per consequentiam tamen confirmati testamenti & hæreditatis aditæ hoc etiam ad ipsorum commodum pertinet: ac proinde, quod nemini concessum est; l. nullus. 10. de testib. & C. eod. l. omnibus. 10. in re & causa propria nihilominus testimonium dicunt: siquidem palam est, causam propriam esse eam, cujus emolumentum, aut damnum ad aliquem quoquo modo suo nomine pertineat, l. 1. §. in propria. 11. quand. appell. DD. in d. l. omnibus. 10. & l. seq. C. de testib. Quamobrem etsi ratio Justiniani hoc efficit, ut magis hæres repellendus sit, quàm legatarius: tamen non satis idonea videtur ut propter eam legatarius debeat admitti. Et verò ita est: nec dubitandum, quin certiore aliqua & speciali ratione hoc receptum fuerit: quamvis nulla præter hanc Justiniani in libris nostris apertè tradita invenitur Interpretes complures afferunt. Prima est, quod numerus reliquorum testium & cæterarum diligentissima observatio testimonium legatarii ab omni falsi suspitione tueretur: neque tam ob testimonium legatarii, quàm ob reliquorum, ad quos ea res non pertinet, legatum substatetur. Secunda est, quod in proposito legatarii res sit cum hærede, qui cum hoc debeat testibus, quod testamento eorum testimonio confirmato ipse hæreditatem & bona universa defuncti consequitur, improbè facturus sit, si legatum aliquibus eorum relictum hoc prætextu præstare recuset, quod in re propria testimonium dixerit. Nam si ve tempus facti testamenti sive aperti consideretur; testes de voluntate testatoris dumtaxat & suo facto deponunt: postea verò cum legatum petunt, cum solo hærede iis negotium est; qui non potest non improbè fidem derogare testimonio eorum, quorum fidem in sua causa secutus est. Hanc attulit Bachovius, eaque mihi non minimi ponderis esse videtur. Et fortassis hoc potius est, quàm quod ante dixi, quod Marcianus sensit in d. l. 14. de reb. dub. cum ex Trebatii & Pomponii sententia legatum signatoribus sive testibus) nec enim hi diversi sunt) relictum ideo valere te scribit, quia ipsum testamentum testibus adhibi-

tis confirmatur. His accedit & tertia, quod Veteres Suprema ordinariis amicis fere signatoribus utebantur, quibus amoris testificandi gratia nihil relinqui posse, durum sanè atque inhumanum esset. In quam rem elegans locus est Symmachi lib. 10. *epist. 55. Quis*, inquit, *non familiarissimum quemque signandis adhibet, cum extrema conducuntur? Jam quid mirum est, si in oculis positus mereatur aliquod munusculum religionis, qui meruit advocari?* Porro ita disputat, ut si his legibus viveremus, ut tenuis honor, quo subscriptores ob amicitiam defunctus adpergit, legitimum posset abolere iudicium, inimicis signatoribus tutius uteremur: inanemque appellat calumniam & rem post humanam memoriam inaudita objectionem Balsiani cufusdam, qui hoc jus in dubium vocabat: facit l. *Pampilio*, 39. §. 1. de leg. 3. Atque his ergo rationibus adducor, ut credam, hoc jus non tantum in testamentis scriptis servandum esse, verum etiam in nuncupativis: licet dissentiant Duar. ad tit. qui testam. fac. & Ant. Fab. decad. 66. err. 1. & seqq.

4 Equidem in testamento nuncupativo, quod uti nunc mos est, per Notarium in scripturam redigitur, ea res minorem dubitationem videtur habere: quia privatum legatarii testimonium publicæ personæ juvatur fide, Jo. Fab. Aretin. Imol. Vigl. Zypæ, not. jur. Belg. de testam. utut Groenevv. de ll. abrog. hic subsistat: sed in mera simplicique nuncupatione causa est, cur dubites, cum hic testes recta tam de legato, quam de jure heredis depnant; nullaque alia re testimonium juvetur, ut videti possit, perinde id habendum esse, ac si quis sibi aliquid in testamento adscribat, quod Senatusconsulto prohibitum est, l. 14. in pr. ad leg. Corn. de fals. Et tamen magis est, ut hic quoque testimonium legatarii admittatur, cum cæterorum testium fides suspicionem tollat, legataque ac fideicommissa etiam codicillis relinqui possint, in quibus constat, quinque testes sufficere: utut mutua hic futura sint testimonium, quod notat D. Hottom. add. Diod. Tul. ad hunc tit. c. 9. quamquam haud gravatè admiserim, nonnihil hic tribuendum religioni judicantium. Singularis opinio est Ant. Fabri d. dec. err. 3. qui putat, Nov. 1. c. 1. in totum ab hoc jure recessum esse, ut hodie nec in scripto testamento testimonium legatariorum & fideicommissariorum admittenda sint: quoniam Justinianus eo loco caverit contra veteris juris regulam, ut si scripti hæredes hæreditatem adire recusarent, ipsius legatariis & fideicommissariis potestas adeundi esset: unde colligit, jus testimonii

dicendi nunc iis planè denegandum esse, locumque in iis nunc etiam habere rationem hujus §. Quia juris successores fieri possunt. Ego verò malim dicere, hoc curandum non esse, quia ex accidenti est. *Casus adventitii*, inquit Sævola, *non sunt computandi*, l. 6. qui & à quib. man. & eleganter Græci; Οὐ χη τῆς ἐξωδου συμβαίνει θάνατος προχρησίου ἡμῶν. Planè locus hic accipiendus est de fideicommissariis particularibus: nam universalis fideicommissarius, id est, cui ex fideicommissio restituitur hæreditas, loco hæredis est, & post Senatusconsultum pro successore juris habetur. §. 3. & 4. inf. de fideic. bar. l. 1. l. 3. de fideic. bar. pet. D. Tulden. c. 8. in fin.

Quadam constitutione nostra) Calumniantium iniquitas sæpe flagitat, ut ea quæ certo jure constituta sunt, novis subinde constitutionibus specialiter sint confirmanda; quod etiam in proposito accidit. Constitutio autem Justiniani, quo hic se refert, haud dubiè priori Codici inserta fuit. Cæterum ommissa est in Codice repetitæ prælectionis editio post compositionem Institutionum, quem solum hodie habemus. Et inepti sunt, qui hic intelligi putant aut constitutionem Zenonis, leg. distantiis. 22. C. hoc. tit. aut responsum Jurisconsulti l. qui testam. 20. in pr. D. eod. quando enim ita loquitur Justinianus? At sæpe in his libris constitutionum meminit, quæ in posteriori Codice non habentur, ut in §. sed nec. 27. inf. de leg. §. pen. inf. de leg. agn. succ. §. 3. de succ. libert.

TEXTUS.

De materia, in qua testamenta scribuntur.

12. Nihil autem interest, testamentum in tabulis, an chartis membranisque, vel in alia materia fiat.

NOTÆ.

12. In tabulis) Ligneis dolatis, & cera illitis. Hinc tabulæ testamenti, vel etiam tabulæ pro testamento, & lignum pro tabulis, leg. 19. de bon. poss. cont. tab. Juven. satyr. 11. & 16. denique & cera pro tabulis. Suet. in Jul. c. 81. Horat. 2. sat. 5. Juven. sat. 15.

An in chartis) L. 1. l. 4. de bon. poss. sec. tab. De varia materia, qua veteres in scribendo usi, v. Plin. lib. 13. c. 11. & 12. Alex. Neap. 2. gen. dier. Hot. 4. obs. 1. Salmast. de mod. usur. c. 10. VINN. Addenda omnino Bern. Montfaucon. Palæographia Græca; & quæ eadem de re differuit Jo. Mabillon in æterno opere de Re diplom. l. 1. HEIN.

COMMENTARIUS.

- 1 Unde fit, quod ceram pro tabulis veteres dixerint.
2 Testamenta non notis, sed litteris scribenda esse.

Antiqui fere in tabulis ligneis testamenta & quaslibet cautiones scribere solebant. Ex quo est, quod prætore in edictis suis de testamenti tabulis tantummodo loquuntur: & quod bonorum possessio, quæ liberis præteritis datur, vulgo dicitur dari contra lignum, l. quod vulgo. 19. de bon. poss. cont. tab. & inde Juvenalis satyr. 13. & 16. adulterinas & mendaces cautionum tabulas appellat *vana chirographa ligni*. Tabulæ autem illæ cera illitæ erant, litterasque stylo, primum ferreo, postea osseo, in iis exarabant, unde factum, ut etiam cera pro tabulis diceretur. Sueton. in Jul. c. 83. *Quintum Padium ex quadrante heredem instituit: reliquos in ima cera*. Horat. 2. satyr. 5. v. 53.

Sic tamen, ut limis rapias, quid prima secundo Cera velis versu.

Juvenalis sat. 16. *Accipe ceram, scribe puer, id est, accipe tabellas ceratas, aut ceratos pugillares, eoque nihil apud hunc poetam usitatus*. Cæterum etiam alia materia usos fuisse constat, veluti chartis, membranis, sive pergamenis, foliis & libris quarundam arborum, l. librorum. 52. de leg. 3. add. Plin. lib. 13. c. 11. & 12. Alex. ab Alex. 2. gen. dier. 31. Hotom. 4. obs. 1. Si quis curiosior, is adeat D. Salmæ lib. de mod. usur. c. 10. Quamvis autem prætor in dandis bonorum possessionibus rabularum dumtaxat mentionem faciat, non eo tamen minus bonorum possessionem peti posse placuit, si in alia materia, quæ ad scribendum idonea sit, figura tabularum testamentum scriptum fuerit, l. 1. de bon. poss. sec. tab. Atque adeo etsi in charta deletitia & episthographo, l. 4. eod. Notarii, qui fere in testamentis adhiberi solent, in conficiendis instrumentis pergamenis uti solent: quamquam si in charta papyracea scripserint, non ideo protinus existimandum sit, instrumentum nullum esse, aut partium jura lædi, ut hic D. Viglius notat. Illud quoque non refert, quo genere fermonis, quæ lingua quis testamentum conscribat, l. hac consultiissima. 21. §. ult. l. quoniam. 15. C. de testam. Cæterum litteris, iisque usitatis & legibilibus scribendum esse placuit: non signis obscurisve notis, l. 6. §. ult. de bon. poss. Utique tamen si per notas usitatas, quibus scilicet utimur in

designanda quantitate, portio hæreditaria aut summa legati expressa fuerit, institutio aut legatum non vitiabitur, l. 9. §. 1. de her. inst. VINN. Quam tamen periculosa aliquando sit notarum interpretatio, exemplo Galbæ discimus, de quo Sueton. cap. 5. *Observavit ante omnes Liviam Augustam, cujus testamento pene ditatus est. H.S. namque quingentis quum principum inter legatarios habuisset, quia NOTATA non perscripta erat summa, hærede Tiberio legatum ad quingenta revocante, ne hac quidem accepit*. HEIN.

TEXTUS.

De pluribus Codicibus.

13. Sed & unum testamentum pluribus codicibus conscribere quis potest, secundum obtinentem tamen observationem omnibus factis: quæ interdum etiam necessarium est: velut si quis navigaturus & secumferre & domi relinquere iudiciorum suorum contestationem velit: vel propter alias innumerabiles causas, quæ humanis necessitatibus imminant.

NOTÆ.

13. *Pluribus codicibus*) Pluribus exemplaribus, l. 47. de legat. 2. pluribus tabulis l. 1. §. 6. ult. *qua in testam. del.* ut tamen omnia sint inter se *ισότυχα*, unius tenoris & formæ, ac solemnitatis, d. l. ult. & facta quasi testamentum; non unum quasi testamentum, aliud quasi exemplum seu *ἀντίγραφοις*, d. l. 1. §. 7. de bon. poss. sec. tab. add. Salmæ. ubi sup.

COMMENTARIUS.

1 An ut unius testamentum in plures codices referri: ita & plurium testamenta in unum codicem conferri possint?

Pluribus codicibus) Id est, pluribus exemplaribus, l. unum. 24. hoc t. l. 1. §. 6. si quis. 5. de bon. poss. sec. tab. aut pluribus tabulis, l. ult. *qua in test. del.* Ait, unum testamentum. Nemo enim paganus cum duobus testamentis decedere potest, sed prius semper rumpitur à posteriore. Testamentum verò, quod quis pluribus codicibus consignavit, atque eodem tempore solemniter complevit, unum atque idem testamentum est, l. 1. §. 6. de tab. exhib. l. ult. *qua in test. del.* Sed & si quis in duobus codicibus simul signatis alios atque alios hæredes scripserit, & utrumque extet, ex utroque quasi ex uno competit bo-

norum possessio: quia pro unis tabulis habetur, & utrumque pro supremo, *d. l. 1. §. sed* 417. *U. seq.* ubi & alia minus trita. An autem quemadmodum uni licet testamentum suum in plures codices referre, ita ex contrario pluribus licet sua testamenta conferre in codice unum, sive in unius chartæ volumine suprema ordinare, unis iisdemque testibus septem ad eam rem convocatis, unoque contextu adhibito, quæsitum est. Negant Vigl. & Hotomannus, quibus assentior. Etenim ut uniuscujusque testamenti propria contestatio est, ita & proprium ac separatum instrumentum esse oportet: admissaque illa diversorum testamentorum conjunctione, corruptur necesse est subtilissimum testamenti negotium, quod totum uno perpetuoque contextu ac tempore perfici atque absolvi debet, nec alienos aut extraneos aliorum actus intervenire patitur, *l. hæredes. 21. §. ult. hoc t. l. hac consultißima. 21. l. cum antiquitas. 28. C. eod.* In casu pupillaris substitutionis patris quidem & filii testamentum conjungi potest, unisque septem testium signis obsignari: sed hoc ideo receptum, quia pro uno testamento habetur, *l. patris. 20. de vulg. & pup. subst.* ut vel ex eo intelligere liceat, singula testamenta singulas seorsum desiderare solemnitates. Diff. tamen comm. DD. quorum sententiam ex professo contra Viglium tueretur Peckius lib. 1. *de testam. conjug. c. 19.* & usus probavit: hodieque usitatissimum inter conjuges est, ut simul & unis solemnibus adhibitis testentur, & tam in scriptis, quam per nuncupationem: quod etiam Novella quadam Valentiniani permissum fuit, *tit. de testam. l. 1. add. Gail. 2. obfer. 117.*

Secundum obtinentem observationem) Si unius testamenti plures sint codices, potest ex unoquoque bonorum possessio peti, sed ita, si omnes sint authentici, id est, si facti sint tamquam testamentum, eodemque tempore adhibita omni solemnitate completi, *d. l. ult. de his quæ in test. del.* Aliud namque juris est, si testator unum fecerit, non quasi testamentum, sed quasi si exemplum sive copiam, ut vulgo loquuntur, *d. l. 1. §. sed si. 7. secund. tab.* Quia si ex apographo sive descriptione bonorum possessio daretur, magna aperiretur fenestra improbis hominibus ad testamentum subijcienda, *fac. l. 2. de fid. instrum.* Quid verò juris erit, si ex binis tabulis ejusdem testamenti unam testator deleverit, aut incidere? Responsum est, ex integris hæreditatem

adiri, aut bonorum possessionem peti posse; nisi hi, qui ab intestato venire desiderant, probaverint, hoc animo à testatore incisas, ut intestatus moreretur, *d. l. ult. quæ in test. del.* Quid si eidem diversâ summa legata sit, puta in alteris aurei quinquaginta, in alteris centum? Proculus respondit, hæredi parcendum esse, & tantum quinquaginta deberi, *l. Sempronius. 47. de legat. 2.*

Quod interdum etiam si necessarium) Κατά τι: si videlicet quis veretur, ne si forte unum tantum exemplar fecerit, voluntas exitum non sit habitura: quippe cum unum instrumentum facile amitti, aut alias perire, occultari aut suppressi ab hæredibus venientibus ab intestato possit *l. unum. 24. hoc tit. l. si in duobus. 19. §. ult. test. quem. aper.*

TEXTUS.

De testamento nuncupativo.

14. Sed hac quidem de testamentis, quæ scriptis conscribuntur, sufficiunt. Si quis autem sine scriptis voluerit ordinare jure civili testamentum, septem testibus adhibitis, & sua voluntate coram eis nuncupata, sciat, hoc perfectissimum testamentum jure civili firmumque constitutum.

NOTÆ.

14. Voluntate nuncupata) Palam & clarè pronuntiata, ut à testibus exaudiri & intelligi possit, *dd. ll. l. 25. eod. Suet. in vir. Horat. Deceßit hærede Augusto palam nuncupato.* Scriptum testamentum etiam clausum offerri testibus obsignandum potest, celato nomine hæredis, unde *μυστικός* Græcis dicitur.

COMMENTARIUS.

- 1 Communia testamento scripto cum nuncupativo.
- 2 Quæ in re præcipuè alterum ab altero distet?
- 3 Veteres rarius hæredem nuncupare solitos fuisse quam scribere, quare?
- 4 Modi seu forma testandi, quibus in hisce regionibus fere utimur.
- 5 An testamentum secundum statueretur aut consuetudinem alicujus loci factum etiam vim habeat extra illum locum?

Hoc §. breviter comprehensa est forma testandi sine scriptura, sive per nuncupationem: quæ testandi ratio tota est à jure civili: nam prætorii testamenti præcipua solemnitas consistit in obsignatione testium, cui sine

tabulis locus esse non potest. Ceterum prætor ut cultus juris civilis etiam secundum nuncupationem bonorum possessionem dat, l. 8. §. ult. sec. tab. l. 2. C. eod.

1. *Septem testibus adhibitis*) Testamento nuncupativo quædam communia sunt cum scripto, veluti numerus testium, eorumque conditio, & testationis unus contextus. Oportet quoque hic æque testes rogari, aut certe admoneri, cuius rei gratia collecti sint, l. hæredes 21. §. pen. hoc tit. l. hac consultissima 21. §. per nuncupationem 2. C. eod. Olim etiam necesse fuit, ut is, qui per nuncupationem testatur erat, formalibus verbis testes præmoneret, se ideo eos convocasse, quod sine scriptura testamentum facere constituisset. Sed cum ex ipsa nuncupatione satis appareat, qua forma quis testari cogit, Justinianus id sustulit, l. in testamentis 26. C. eod. Quid verò, si de eo dubitet? Finge, unum aut alterum de testibus adhibitis, cum testator ex scheda, in qua memoriz causa voluntatem exceperat, recitato testamento hæredem pronuntiasset, subsignasse & subscripsisse. Et vulgo rectè placuit propter superfluum solemnitatem non debere vitari testamentum, quod utique omnia ea in vim nuncupationis valitorum erat. Planè si constet, scripturam, quæ profertur ad testamentum faciendum, paratam esse, aliud dicendum erit, l. ex ea 29. hoc tit.

2. *Et sua voluntate nuncupata*) In hoc maxime distat testamentum, quod sine scriptura fit, à testamento scripto: nam scripturam testamenti potest testator, si ita illi videbitur, clausam coram testibus proferre, testarique, suum hoc esse testamentum, celato nomine hæredis; quam ob causam hoc testamentum mysticum dictum. Nuncupare hæredem, est lingua & verbis pronuntiare: unde nuncupare hæredem & hæredem pronuntiare pro eodem usurpantur, l. si is qui 25. hoc tit. Gloss. Basil. nuncupatio. ἐκφώνησις ἡρῶν. Palam autem voluntas hic nuncupanda est: non utique publice aut in propatulo, quod particula palam aliquando significat, veluti cum mulier dicitur palam corpore suo quæstum facere: sed clare & intelligenter sic, ut à testibus exaudiri & intelligi possit, d. l. hæredes 21. in pr. hoc tit. d. l. hac consultissima 21. §. per nuncupationem 2. C. eod. l. ult. de jur. eod. ita Suetonius in vita Horatii. Deceffit hærede Augusto palam nuncupato, cum urgente vi valetudinis non sufficeret ad obfigandas testamenti tabulas. Proinde quod in testamento scripto necessarium non est, l. qui testam. 20. §. pen. hoc tit. in nuncupativo omnino necessarium putamus,

Tom. I.

ut testes intelligentiam habeant sermonis testatoris; quo etiam fac. l. coram 209. de verb. sign. eoque jure hodie utimur. Fuit quidem etiam in scriptis testamenti usurpata nuncupatio: sed in his significat generalem illam testationem voluntatis, cum testator tabulas testamenti tenens apud eos, qui ut testes essent, rogati erant, testabatur, id suum testamentum esse, non nuncupationem hæredis. Ulpian. tit. 20. §. 8.

Pefectissimum) Respectu scilicet effectus, quem non minorem habet, quam testamentum scriptum; quod aliquo ratione solemnitatis perfectius est. Etsi autem ratio testandi per nuncupationem longè expeditior est, quam per scripturam: tamen testamenta nuncupativa minus usitata veteribus fuisse, quam scripta argumento est, quod passim tabularum testamenti & hæredum scriptorum in libris nostris mentio fit; raro nuncupationis. Cujus ergo rei duplicem esse causam reor; tum quod in testamento scripto necesse non est pandere ea, quæ scripta sunt, quæ celari sæpe interest & ipsius testatoris & hæredum, ceterorumque, quibus aliquid relinquitur; quam utilitatem testamentum nuncupativum non habet: tum quia scripti testamenti fides subscriptionibus & signis testium confirmatur; ex quo fit, ut etiam si testes decesserint, ratum nihilominus illud maneat: nuncupativi autem testamenti fides tota pendet à depositione testium, quibus mortuis aut aliquibus eorum, cum non sint aut pauciores sint, quam requiruntur, qui fisci iterum possint, & in judicio testimonium dicere, necesse est irritam fieri defuncti voluntatem. Sed huic incommodo postea occursum est adhibito tabulario, qui voluntatem coram testibus nuncupatam acciperet, ac rem gestam scripturæ suæ auctoritate confirmaret: cujusmodi scripturæ & instrumenta tabellionum sola per se citra novum testium administrum vim probandæ ultimæ voluntatis habent, nec tamen quod ita factum est, ideo mox definit esse testamentum nuncupativum, cum solius probationis gratia scriptura interveniat, non quod sit de substantia testamenti: quamquam non negaverim, habere hoc genus testamenti nonnihil, quod naturam scripti testamenti sapiat. De quo vide Sichard. in l. hac consultissima 21. §. per nuncupationem 2. num. 2. C. hoc tit. In his regionibus etsi nemo vetatur antiquo more ac ritu Romanorum testamentum condere; duobus tamen potissimum modis testamenta confici solent; uno coram duobus decurionibus sive Scabianis & Secretario loci, in quo testamentum fit, sive

Bbb

in

in agro five in oppido, quæ forma testandi respondet publicationi testamentorum apud acta judicum vel municipum, *l. omnium 19. C. hoc tit.* aliter coram Notario & duobus testibus; qui modus fere solus est in usu vulgi. Gudelin. *de jur. nov. l. 2. c. 5. Grot. lib. 2. introd. c. 17.* Exhereditatio liberorum hoc amplius requirit, ut testes sint Scabini: quod arguit formula juramenti à Notariis ingressu muneris præstandi: & cautum edicto quodam Caroli V. Groenev. *de ll. abr. hic.* Notarius testatorem nosse debet: sin minus, ipsi testes, quos id quoque testificari oportet. Voluntas vocè nuncupata à Notario scripto comprehenditur, & in protocollo referri; unde postea petenti testatori solemne instrumentum conficitur. Quin usu etiam receptum est, ut Notarius receptam in scheda voluntatem testatoris ipse recitet, ac testibus prælegat, deinde testatorem interroget, an omnia bene perceperit, ita velit, ita jubeat, eamque supremam suam esse voluntatem agnoscat: atque approbante testatore, testamentum perfectum censetur etiam si neque testatoris neque testium subscriptiones aut signacula habeat. Groenev. *d. loc. D. Jac. Coren. obs. 10.* In quo longè recessum est ab antiqua ratione testandi per nuncupationem, quæ pro forma requirebat, ut ipse testator singula pronuntiaret, nuncuparetque sua voce omnia, quæ post mortem suam fieri veller. Quod sanè eo diligentius observandum erat, quia ad perfectionem hujus testamenti nihil amplius jus civile desiderabat. Nunc autem admissa prælectione aliena, facile testatori imponi potest. Quid enim si Notarius aliquid addiderit de suo, quod testator præsertim ægrotus non animadvertat? Hæc etiam vulgo nota sunt. Quæsitum est, an testamentum juxta alicujus loci consuetudinem aut statutum factum etiam vim habet extra illum locum; exempli gratia, testator ibi testamentum fecit, ubi coram duobus testibus & Notario testari licet, ut in hac nostra Batavia; queritur, an valeat etiam in iis locis, ubi septem testes requiruntur, uti in Frisia, ubi loquuntur jus civile? Affirmant comm. DD. in *l. 1. C. de sum. Trin. Viv. 1. opin. 36. Coraf. de jur. art. p. 3. c. 13. Covar. 2. de spons. 5. 7. num. 8. Costal. ad l. 6. de evict. Anton. Perez in c. de testam. num. 21. & secundum hanc sententiam expresse judicatur. Guid. Pap. *decis. 262. Tellaus. 2. quæst. for. 8. Myns. 5. obs. 19. & 20. Gail. 2. obs. 123. Jo. à Sande lib. 4. tit. 1. de fin. 14.* Sunt tamen, qui in con-*

trarium erant, & in quaestione propoſita hæc distinguendum arbitrantur, ut circa res quidem mobiles & nomina admittenda sit communis interpres. Sententia: at circa res soli spectandum us ejus loci, in quo sitæ sunt. Quippe res mobiles, quoniam ubicumque sunt, ibi sint ex voluntate domini, & pro libitu ejus transferri possint, personam sequi, non leges locorum: immobilia verò, utpote quorum certus perpetuusque situs est, regi secundum constitutiones loci cujusque possessionis, ut *l. 4. C. de jur. fisc. l. ult. de jurisd. Ita constanter Manfuer. in sua prax. tit. de success. Bui. ad l. 6. de evict. Nic. Burg. ad consuet. Flandr. tit. 6. Christ. vol. decis. 3. 4. & 5. & vol. 4. decis. 4. & 10.* Mihi prior sententia probabilior videtur, multumque refert, utrum statutum disponat circa solemnitatem alicujus actus, an circa rem, puta fundum locumve: quæ statuta in rem concipiuntur. Qualia sunt, quæ de successione ab intestato disponunt, rem ipsam haud dubiè afficiunt, ut ubique sit, ejus loci, ubi est, legibus obstringatur. Idemque habendum de statutis, quæ circa habilitatem personarum dispensando aliquid disponunt. Gail. *d. lib. obser. 124. & alii, ubi sup. Coraf. dicit. par. 3. cap. 14. Gomez ad l. 3. Tauri num. 20.* Quæ autem statuta disponunt circa actus solemnitate dumtaxat, cum neque rem afficiant, neque personam actum celebrantis, sed ipsam solummodo dispositionem, quæ fit in loco statuti vel consuetudinis, rationi & juri consentaneum est, ut in ea vim suam exeant etiam ad bona alibi sita; quoniam actuum solemnina ad eorum spectant jurisdictionem, in quorum territorio celebrantur, per *l. 6. de evict. l. 3. in fin. de testibus, l. 2. C. quemadmodum. test. ap. facit l. 9. & ult. C. hoc tit. & alias contra rationem juris testato decedere volenti plura testamentaria essent condenda, aut, quod absurdum est, plurium locorum consuetudines in uno testamento exquirere oporteret, æquumque unum atque individuum, qualis est testamenti, secundum diversa loca adjudicari. Peck. *de test. conjug. lib. 4. c. 28. in fin. D. Joan. à Sande d. de fin. 14.* ubi contraria scire expedit, & prudenter temperat novam quamdam distinctionem Fachinzi. Adde, quæ nos *lib. 2. select. qu. cap. 19.* Planè si lex expressè testatores sequi jubeat jus loci; in quo bona sita sunt, aliud dicendum est. Talis est constitutio Principum Brabantiz emissæ anno 1611. cujus meminerunt Burgund. Christin. Tuld. *C. hoc tit. & Perezius dd. loc.**

TITULUS UNDECIMUS.
DE MILITARI TESTAMENTO.

D. Lib. 29. Tit. 1. C. Lib. 6. Tit. 21.

Ratio ordinis. Militare testamentum quid hic significet?

Diximus sub rubrica præcedentis tituli, duo esse testamentorum genera. Unum commune omnium civium, quod paganicum dicitur: alterum militum proprium, quod ideo appellatur militare: Hactenus quæ tradita sunt de ordinandis testamentis, ea solùm pertinent ad testamenta paganorum: militaria, de quibus porro nunc agitur, legibus istis soluta sunt. Militaria autem testamenta hic non accipimus omnia, quæ facta sunt à militibus, id est, iis, qui in numero relati sacramento tenentur, sed quæ facta sunt jure militari. Possunt enim & milites jure communi testari, *l. 3. hoc tit.* immo debent, cum extra castra versantur: sed cum in expeditionibus occupati sunt, proprio jure & privilegiato testandi facultatem habent, neglectis legibus omnibus, quæ ad solemnitatem condendorum testamentorum pertinent. Itaque testamentum militis sive militare in causa proposita id solùm intelligitur, quod à milite factum est in expeditione, jure militum proprio.

T E X T U S.

In militum testamentis solemnitates remissæ.

Supradicta diligens observatio in ordinandis testamentis militibus propter nimiam imperitiam eorum constitutionibus Principalibus remissa est. Nam quamvis ii neque legitimum numerum testamentum addibuerint, neque aliam testamentorum solemnitatem observaverint, rectè nihilominus testantur, videlicet eum in expeditionibus occupati sunt. Quod merito nostra constitutio introduxit. Quoquo enim modo voluntas ejus suprema invenitur, sive scripta, sive sine scriptura, valet testamentum ex voluntate ejus. Illis autem temporibus, quæ citra expeditionum necessitatem in aliis locis, vel suis adibus degunt, minimè ad vindicandum tale privilegium adjurantur. Sed testari, quidem, etsi filii familiarum sint, propter militiam conceduntur: jure tamen communi eadem observatione & in eorum testamentis addibenda, quam in testamentis paganorum proximè exposuimus.

N O T Æ.

Nostra constitutio) *L. pen. C. b. t.* id tamen & antea obtinuisse videtur, *l. 1. l. 15. C. eod.*

Quoquo modo) Sive in clypeo, sive vagina, sive in pulvere, *ins tñ yñ tñ tñ tñ l. 15. C. eod. Synops. Attal. tit. 34.*

Suis adibus) In nonnullis est sedibus, testibus Vigl. & Giphani. & ita Cont. Wesl. Fabrot. Sedes militum ex adverso opponuntur expeditioni. Veget. *l. 3. cap. 4. & ult. Th. videtur*, id est, ut Schol. *§. 3. inf. προσεδριαν*. in stativis aut hybernis. Sedeta sunt stationes, *l. 18. C. de Episc. aud. loca*, ubi milites otiosè commorantur. Lapfus hic est Cujac. *consult. 49.*

Propter militiam) *Tit. proximè seq.* Significat filios familias militantes idem jus habere, quod patresfamilias stipendia item merentes, ut in expeditionibus jure militari, alias jure communi de peculio castrensi testari possint.

C O M M E N T A R I U S.

- 1 Imperitiam militum non esse causam principalem privilegii militaris, sed periculorum functionem.
- 2 Militibus remissa omnia, quæcumque subtilitatem magis, quàm naturalem rationem habent, sive ea ad constitutionem testamenti pertineant, sive ad infirmationem.
- 3 In hibernis aut prædiis locatos jure privilegiorum testandi potestatem non habere, & num. 5.
- 4 Vaginam, clypeum, pulverem militi chartæ loco esse posse, ensen pro calamo, sanguinem pro atramento, &c.
- 6 Etiam filiosfam. milites jure militari in castris testandi licentiam habere.

Propter imperitiam eorum) Causa beneficii, cujusmodi etiam mandatis inserta est eo capite, quod extat in *l. 1. hoc tit.* & rescripto Antonini, *l. 3. C. eod.* quibus locis hoc beneficium concessum traditur propter eorum simplicitatem: hoc enim est, propter imperitiam. Nam cum simplicitati ut plurimum adjuncta sit rerum imperitia, immo verò cum ex imperitia nascatur simplicitas; hinc factum, ut simplicitas Latinis interdum Bbb 2

fig-

significet imperitiam. Ut in illo Nasonis, *Heroid. ep. 2. v. 63.*

Fallere credentem non est operosa puellam

Gloria simplicitas digna favore fuit.

Idem quoque significatur in *l. ult. in pr. C. de jur. delib.* cum milites dicuntur arma magis, quam jura scire. Atque huc accommodari aliquo modo potest, quod Tacitus scribit in *vita Agricol. c. 9. Castrensis jurisdictio obtusior est, ac plura manu agens, calliditatem fori non exercet.* At enim verò non est hæc ratio adæquata, neque simplicitas militaris aut sola est hujus privilegii causa, aut principalis. Non sola: aliqui enim & fœminis & rusticanis idem privilegium concedi oportuisset, & militibus concedi sine exceptione temporis aut loci, & cum procul dubio multi etiam legum & juris periti stipendia fecerint, hos excipi. Non principalis, quia extra castra, & tempus expeditionis privilegio uti non possunt. Principalis verò causa est, quam Ulp. expressit *l. un. de bon. poss. ex test. mil.* laborum & periculorum functio cum in expeditionibus & castris sunt, quo tempore arduum cogitatio, pericula imminencia, & sese continendi necessitas, omnem aliam de jure cogitationem adimit. Et ideo nec militibus alio loco aut tempore suo jure testari licet, & aliis quibuscumque, quamvis non mereant, in hujusmodi periculis & hostico, aut procinctu deprehensis, si ibi decedant, jure militari quoquo modo velint, quoquo modo possint, testari permixtum, *d. l. un. l. ult. hoc tit. VINN.* Quum id privilegium militibus concessum sit ab eo tempore, quo jam mercenaria militia loco selectæ invaluerat; non ineptè credideris, veram ejus causam esse, ut homines allicerentur ad militiam & eo lubentius nomina darent. *HEIN.*

Constitutionibus Principalibus) Primus Julius Cæsar, ut auctor est Ulpian. *leg. 1. hoc tit.* liberam militibus testamenti factionem concessit, cæterum eam concessionem ait fuisse temporalem: postea verò primum Titum, & post hunc Domitianum eandem libertatem iterum dedisse, ac demum plenissimam indulgentiam in milites collatam à Nerva, & qui eum secutus est, Trajano; exinde hoc perpetuo privilegio milites usos, ut quoquo modo testati essent, rata esset eorum voluntas.

Neque aliam testamentorum solemnitatem observaverint) Pixa in continuatione actus, in rogatione, subscriptione, & signatione testamenti. Itaque quamvis uno contextu actus testati non sint, quamvis testes adhibiti rogati non fuerint, quamvis per scripturam testan-

tes non curaverint tabulas subscribi aut signari, nihilominus tamen rectè testari intelliguntur: placetque, nudam voluntatem militum non minus pro testamento servari, quam aliorum solemnem dispositionem, *l. 1. & passim. hoc tit. & C. eod.* Porro autem non in eo dumtaxat consistit privilegium militum, quod testamenta eorum non sint adstricta legibus, quæ ad externas illas solemnitates, numerum, rogationem, subscriptionem, obsignationem testium pertinent: sed in cæteris etiam partibus, sive illæ ad constitutionem testamentorum pertineant, sive ad infirmationem. Quæcumque subtilitatem magis, quam naturalem rationem habent, ea omnia militibus remissa sunt, ut in universum rectè definit Duar. *c. 4. ad hunc tit.* Proinde etsi miles liberos, quos in potestate habet, sciens præterierit, *l. ficut. 9. & seq. C. hoc tit.* sive hæredem ex die aut ad diem instituerit; sive alias pro parte testato, pro parte intestato decesserit, *l. 6. l. in fraudem. 15. §. miles. 4. l. si duobus. 37. l. miles. 41. eod. l. 8. C. eod.* sive eum, quicum testamenti factio non est, hæredem fecerit, *l. idem. 13. §. 2. eod.* sive filio emancipato aut cuicumque extraneo in secundum casum directo substituerit, *l. 5. d. l. miles. 41. §. 4. eod.* sive hæreditatem condicillis directo dederit, *l. militis. 36. eod.* sive solis libenis, non etiam sibi testamentum fecerit, *d. l. in fraudem. 15. §. pen. d. l. miles. 41. §. ult.* nihilominus rectè testatur, & voluntas ejus prout jacet, custoditur. Lege Falcidia ultra dodrantem jure communi legare non licet, militibus licet, *l. si certarum. 17. in fin. hoc tit. l. 14. C. eod. l. 7. C. ad leg. Falc.* Jure communi numquam per se nuda voluntas testatoris ad infirmandum testamentum valet; invito eo multis modis infirmatur, *inf. quib. mod. test. inf.* Ex contrario sola militis voluntas ad infirmandum sufficit, *d. l. in fraudem. 15. §. 1. invito autem eo, extra casum maximæ aut mediæ capitis deminutionis, l. 6. §. sed si quis. 6. & seq. de injust. rupt. test.* testamentum ejus non infirmatur. Non agnatione, aut quali agnatione, sui hæredis. *leg. 7. & seq. hoc tit.* (quod tamen temperabis ex *leg. 9. & d. l. militis. 36. §. 2. eod.*) non ipsius adoptione aut adrogatione, *l. miles. 22. & seq. eod. §. pen. inf. eod.* non alio denique testamento testæ factio, si modo & prius valere voluerit, *l. quærebatur. 19. eod.* Hæc summa est: quædam diligentius excutientur inferius.

In expeditionibus) Expeditio dicta, quod milites sint expediti ad configendum cum hoste, quandocumque casus ingruat. Itaque

expeditio non est conflictus ipse, neque etiam tempus belli: sed totum illud tempus, quo milites in armis procedunt, aut sunt adversus hostem, sive eum persequantur, sive eum imminenter expectant, intenti ad opportunitatem rei gerendæ, vel ut invadant, vel ut invadentem sustineant ac propulsent. Cæsiodorus l. va. 17. *Hanc merito expeditionem nominare majores, quia mens devota praeliis, non debet aliis cogitationibus occupari.* Præsidia hiberna, cæteraque loca, in quibus militem extra castra commorari necesse est, sedes appellantur. Veget. l. 3. de re mil. c. 4. & ult. Sallust. in Jugurth. cap. 37. *Milites mense Januario ex hibernis in expeditionem evocat.*

- Quod merito nostra constitutio introduxit) L. pen. C. hoc tit. An igitur ante hanc constitutionem Justiniani, quamdiu milites in numeris manebant, quocumque loco & tempore jure proprio testari potuerunt? Id quidem Viglius affirmat: sed ego ambigo. Nam & in l. 1. C. hoc tit. quæ Antonini est & in l. milites. 15. C. eod. quæ est Constantini, expeditionis expressa fit mentio, & ratio privilegii, periculorum functio, quam affert Ulp. l. un. de bon. poss. ex test. mil. cessat, cum in castris & expeditione non sunt. Putarem tamen, olim milites, qui in provinciis habebantur, jure militari illic testari potuisse, quasi in expeditione. In exceptionibus quoque declinandis & petendis in integrum restitutionibus ea tantummodo tempora militibus prodesse Justinianus voluit, quæ in expeditione currunt, l. ult. C. de test. mil. l. ult. Cod. quibus non obijc. long. temp. præscr.

- Quoque enim modo voluntas ejus, sive scripta, sive non scripta) Et scripta quidem valebit etiam nullis testibus adhibitis: nuncupata duobus probari poterit. Quinimmo militi jamjam in hostem pugnato vagina, clypeus, pulvis, humus, chartæ vel tabularum loco esse possunt, & notæ pro litteris, l. Lucius. 40. hoc tit. sanguis pro atramento, censis pro stylo, penna, aut calamo, l. milites. 15. C. eod. Cæterum hoc casu crediderim alio quoque opus esse testimonio, ut de eo constare possit, cum vix sit, ut ex hujusmodi scriptura manus alicujus agnosci queat, aut per comparisonem litterarum probari. Etsi enim voluntas militis quomodocumque declarata rara est; ea tamen legitimis probationibus ostendi debet, d. l. Lucius. 40. quod & Jo. Faber notat.

Vel suis adibus) Ita enim legitur in utraque modo allegata constitutione, l. ult. C. de post. rev. in Basilicis, teste Cujacio, *in suis idibus suis*, Theophilus pro eo habet, *in suis legitimis*

autis edibus. Sed ita autem Horomannus scribit quæ Latini *stativa* appellant. Ant. Augustinus in l. 18. C. de Episc. aud. vertit *stationes*. Suidas *fofata* esse tradit. Et ita *edibus* apud Ruffum de legib. milit. pro *procedat*. Ego existimo, Theophilum intelligere loca omnia, in quibus milites commorandi potius, quam pugnandi causa habentur, pura hibernacula, aut ubi in præsiidiis sunt, *in suis idibus autis edibus*, (sic enim ipse interpretatur) donec expeditio aliqua suscipiatur. Sedes militum dicuntur, & ex adverso opponuntur expeditioni. Veget. lib. 3. c. 4. *Ita exercitati & erudit in sedibus milites, cum ad expeditionem ex diversis convenerint locis, &c.* Idem eod. lib. cap. ult. *Milites pœna & timor in sedibus corrigunt, in expeditionibus spes & præmia faciunt meliores* Atque hoc etiam loco non adibus, sed *præsiidiis* Contius & Wesembecius legunt: quomodo nonnullos etiam codices habere Viglius & Giaphanius testantur. Puto autem, falsum esse Cujacium, qui ex facto consultus consult. 40. respondit, milites etiam in hibernis & præsiidiis locatos ibidem jure privilegii sui testari posse. Nam qui sunt in hibernis aut præsiidiis neutiquam dici possunt esse in expeditione aut castris, quod tamen expressè requiritur & hoc loco & §. sed *bastenus*. 3. inf. eod. Cessante autem causa privilegii & ipsum cessat privilegium, per vulgat. VINN. Cum Cujacio faciunt & alii, veluti Hænon. in Inst. b. t. Gothofr. ad l. pen. C. b. t. Struv. Exerc. ad ff. b. t. §. 4. Sed Vinnii tamen sententia magis consentanea est l. pen. C. hoc tit. juncta l. un. ff. de bon. poss. ex test. mil. Conf. Tim. Fab. Disp. Anniv. 18. §. 16. HEIN.

Et si filiosfam. sint, &c. jure tamen communi) Ex his verbis Porcius colligit, filiosfam. jure militari testari non posse: quo nomine merito reprehenditur à Viglio. Locus planus est & apertus. Restrinxerat ante privilegium militibus datum ad ea tempora, quibus occupati sunt in expeditionibus: ne quis verò ex eo puraret, milites & maxime filiosfam. alio tempore non posse testari, ullo modo, subijcit, posse quidem etiam milites extra castra & expeditionum occupationes testari, & posse etiam filiosfam. de quibus solis, cum à privilegio militari recesseris, jussè dubitari poterat; sed non aliter omnes & filiosfam. de castrensi peculio tunc posse, quam jure communi omnium civium Romanorum. Non igitur negat Imperator, filiosfam. milites in expeditione occupatos jure militari testari posse, sed ait, eos etiam cum in expeditione non sunt, testari posse, verum tunc non aliter, quam

quam jure communi, significant, eos idem
 jus utrobique habere, quod patrestiam. stipen-
 dia merentes habent. Ex præcedentibus autem
 apparet, quàm inepti sint, qui militibus or-
 dinum quorundam, veluti Teutonicis, Rho-
 diis, aut Maltenfisibus, privilegium jure mi-
 litari testandi asserunt, quasi nulla in hac cau-
 sa ratio habita sit nudæ dignitatis, aut militiæ
 honorariæ. Vid. Duar. in hunc tit. cap. 3.

Paganorum) Pagani propriè dicti rustici,
 villani, *κωϊτάς*, seu vicani. Hic autem &
 passim in libris nostris opponuntur militibus,
 eoque nomine significantur omnes *ἀγρόται*.
Peculium paganum & castrense, in paganico
 & in castris *ἀγροίμια*. A Scriptoribus Eccle-
 siasticis, & in constitutionibus Imp. Chris-
 tianorum gentiles etiam pagani appellantur :
 quæ appellatio, ut credibile est, inde nata,
 quod cum urbes fere omnes sub Constantino
 fidem Christianam amplexæ essent, tamen ad-
 huc diu post in agris & pagis hæret religio
 gentilis, & reliquæ ethnicismi. VINN. Alii
 paganos dictos Deorum cultores existimant,
 quod Criso non militent. Sed Vinni ratio
 solida est. Nam & Orosius in *præf. lib. 1. Ex*
locorum, inquit, *agrestium compitis & pagis pa-*
gani vocantur. Et Prudent. in *Roman. v. 296.*
 eos ideo vocat *pago deditos*, itemque pago
 implicitos, *adv. Symmach. lib. 1. v. 620.*
 HEIN.

TEXTUS.

Rescriptum D. Trajanî.

1. *Planè de testamentis militum divus Tra-*
janus Cassio Severo ita rescripsit. Id privilegium,
 quod militantibus datum est, ut quoquo mo-
 do facta ab his testamenta rata sint, sic intel-
 ligi debet, ut utique prius constare debeat,
 testamentum factum esse, quod & sine scrip-
 tura & à non militantibus quoque fieri potest.
 Si ergo miles, de cuius bonis apud te quæ-
 ritur, convocatis ad hoc hominibus, ut vo-
 luntatem suam testaretur, ita locutus est, ut
 declaret quem vellet sibi hæredem esse, & cui
 libertatem tribueret; potest videri sine scripto
 hoc modo esse testatus, & voluncas ejus rata
 habenda esse. Cæterum si (ut plerumque ser-
 monibus fieri solet) dixit alicui; Ego te hæ-
 redem facio, aut: Bona mea tibi relinquo;
 non oportet hoc pro testamento observari.
 Nec ullorum magis interest quàm ipsorum,
 quibus id privilegium datum est, ejusmodi
 exemplum non admitti. Alioqui non difficul-
 ter post mortem alicujus militis testes existe-
 rent, qui affirmarent, se audisse dicentem

aliquem, relinquere se bona, cui visum sit.
 Et per hoc vera judicia subverterentur.

NOTÆ.

1. *Et à non militantibus*) Ita quoque in d. l.
 24. Fabrotus mavult, ut à non militantibus quo-
 que, quomodo legisse videtur vetus instit. In-
 terpres Gallicus, qui est in Biblioth. Reg.
 Verba citat Fabrot. quod valde placet. Ut au-
 tem à non militantibus jure communi, ita à
 militantibus jure etiam privilegiario.

Convocatis hominibus) Saltem duobus, per
 l. 12. D. de testib. etiam sine solemnî illa ro-
 gatione aut præmunitione, quæ jure communi
 necessaria, l. 21. §. pen. b. t. nam utique
 etiam sine ea constare potest de voluntate mi-
 litis, quod solùm requiritur. Et ideo scripta
 militis voluntas, etiam nullis testibus adhibi-
 tis rata est, per l. 1. in fin. per l. 25. §. 1. cod.

COMMENTARIUS.

- 1 In scripto militis testamento testibus opus non
 esse, in nuncupativo contra.
- 2 Quot testes à milite per nuncupationem testante
 adhibendi?
- 3 An rogatio testium testamento militari necessa-
 ria sit.

DIVUS Trajanus ita rescripsit) Recitatur hoc
 idem rescriptum à Florentino in l. Di-
 vus. 24. hoc tit. Sententia rescripti hæc
 est, voluntatem militis qualemcumque, etiam
 eam, quam sine scripto protulit, pro testa-
 mento observari; cæterum prius esse, ut con-
 staret appareatque, serio atque animo testamenti
 faciendi militem verba pronuntiasse. Hoc ut
 doceatur, ipsorum militum maximè interes-
 se, ne vera & seria eorum judicia subver-
 tantur.

Et à non militantibus quoque) Giphanius le-
 gendum putat dempta negatione, à militanti-
 bus, quia, ut ait, alienum sit hic agere de non
 militantibus. Sed ratio ista tanti non est, ut
 propterea à consentiente omnium Codicum
 lectione, quæ & Pandectarum Florentinarum
 auctoritate confirmatur, recedendum sit. Non
 militantium autem ideo mentio fit, ut ex eo,
 quod his concessum est, arguatur, quod mili-
 tantibus licere debeat. Argumentum à pari
 est: Si licet non militantibus sine scriptura testa-
 ri (intellige secundum solemnitatem, quæ ju-
 re communi in testamento non scripto requi-
 ritur) etiam militantibus licere debet eodem modo
 testari, scilicet citra solemnitatem. Nam, ut

ex verbis descripi patet, consultus fuit Trajanus de testamento militis, quod hæredes ad intestato eo prætextu impugnabant, quod id sine scriptura factum esset. Atque ita quoque Theophilus, quem falso Cyprianus alter legisse existimat. Fabrotus in *not. ad Theoph.* mavult legi, ut *ad non militantes quoque*. Quod valde placet. VINN. Sed sensus idem manet, si ET retineas. Nihil ergo opus est emendatione. HEIN.

Convocatis ad hoc humilibus) Ex iis constitutionis verbis triplex orta controversia est; una de necessitate adhibendorum testium in testamento militis; altera de numero; tertia de eorum rogatione. De prima assentior Viglio, Cujacio, Hotom. Bachov. scilicet interesse, utrum miles per nuncupationem & sine scriptura testetur, an per scripturam: in nuncupatione omnino testibus opus esse, quod etiam hic locus expressè exigit: & quomodo aliqui de voluntate militis voce prolata constare poterit? In scripto autem testamento, etsi nulli testes à milite adhibitu sint, ratam tamen esse militis voluntatem, utpote de qua per scripturam & manum ipsius testatoris, quæ legitima probatio est, constare potest. Nihil autem amplius exigitur, quam ut de voluntate militis quocumque modo testata constet. De numero testium adhibendo à milite per nuncupationem testante sic sentio, neque unum testem (quod putat Theophilus) sufficere, neque plures exigi, quam duos. Illud, quia constitutio plurali numero utitur, neque unius testimonium legitimum est, quale tamen omnimodo requiritur, *l. Lucius. 40. hoc tit.* Hoc, quia pluralis elocutio duorum numero contenta est, *l. 12. de testib.* Atque ex ratione juris gentium, quod solum in testamentis militum consideratur, ad probationem alicujus actus duorum testimonium sufficit. De rogatione testium, quod tertium erat, eam non existimo in militari testamento esse necessariam. Primum, quia rogatio illa est pura puta solemnitas: in militaribus autem testamentis solemnitates omnes remissæ: deinde quia hæc omnium solemnitarum scrupulosissima est & subtilissima, longissimèque recedit à simplici ratione juris gentium, quæ sola regula est militarium testamentorum. Denique contraria sunt dicere, nudam & simplicem voluntatem sufficere, & desiderari rogationem. Quamobrem non dubito, quin falsum sit, quod Hotomannus post Jo. de Platea & Angelum scribit, ne militem quidem sine certa testium ad vocatione munitur, ut ei actioni operam dent, testamentum conficere posse. Nihil cer-

tè Hotomannum juvant verba hujus text. *convocatis ad hoc hominibus*. Quippe quæ hic non dispositivè, sed narrativè tantum ponuntur, atque ut exemplo aliquo declararetur, quomodo de militis voluntate, sine scriptura testati, certo constare possit. De eo enim præcipuè hic agitur, atque hoc tantum cavetur, ne quilibet militis sermo temere pro vero ejus iudicio capiatur, cum sæpe soleant homines, præsertim merito alicujus provocari, jactare & dicis causa aliquid proferre, ac civiliter magis, quam ex animo loqui. At ubi certo ex circumstantiis liquet, serium esse quod miles prolatus est, & profectum ab animo testamentum condere volentis, voluntas ejus etiam ex hac ipsa constitutione servanda est. Atque ut certius de eo constare posse concedamus, si testes ad hoc specialiter sint convocati, aut cum alterius rei causa convenissent, præmoniti, cui rei eos adhiberi placeret, constare tamen etiam potest sine formali ista sive rogatione sive præmonitione. Quid enim si miles, forte postridie in aciem educendus, in tentorio præsentibus aliquot commilitonibus suis dixerit; *Ego Titium heredem facio, ejusque rei vos mihi testes esse volo*. Certè hic præter testimonium fidem nihil requiritur, aut requiri ex ratione juris gentium potest. Postremo si pagani rogandi testes necessitas in codicillis remissa est, *l. ult. in fin. G. de codicill.* quanto minus in testamento militis ea requirenda, quod iis ipsis etiam legibus, quibus codicillos constitutio civilis adstringit, solum est?

Plerumque sermonibus fieri solet) Puta in conviviis, circulis, ac congressionibus familiarium, ubi nonnumquam leviter quædam effundimus, & jactamus magis, quam serio agimus aut loquimur. Et male ergo hinc colligit Hotomannus, ut ratum sit & pro testamento servandum, quod miles nuncupavit, non tam pendere ex militis voluntate, quantumvis serio testibus exposita, quam ex convocatione testium & testimonii denuntiatione. Cum hoc tantum hinc rectè colligatur, non quemvis sermonem militis, quocumque loco coram quibuscumque prolatus pro testamento continuo habendum esse; sed inspicendas esse circumstantias, nec aliter, quam si ex his apparet, animum condendi testamenti militem habuisse, ratum esse oportere, quod pronuntiaverit. Atqui de eo etiam constare poterit sine testimonii denuntiatione. Et qui de præsentia sua falso deponunt, eadem opera se vocatos & rogatos esse mentiantur.

Vera judicia subvertentur) Quamobrem merito notatur Domitianus, quod alienissimas hæ-

hæreditates confiscatæ, vel uno exillente, qui diceret audisse se ex defuncto cùm viveret, hæredem sibi esse Cæsarem. Sueton. in *Domitiano*, cap. 12. Boni Principes ex jactatione aut nuda aliusque voce hæreditatem numquam admitterunt, *l. ult. qui test. fac. l. pen. de her. inst. l. rei qua. 22. §. 2. de jur. fisc. §. ult. inf. quib. mod. test. inf.*

TEXTUS.

De surdo & muto.

2. Quinimmo & mutus & surdus miles testamentum facere potest.

COMMENTARIUS.

1. *Natura surdos & mutos in militiam legi non posse.*
2. *Quem natura voce & auditu privavit, eidem denegasse & facultatem testandi.*
3. *Eos quoque qui casu aliquo muti & surdi facti sunt, suprema condere non posse, nisi scribere sciant.*
4. *Notatur oscitantia compositorum.*

Hic §. male à veteribus interpretibus, Jo. Fabro, Porcio, Aretino, acceptus est de eo milite, qui natura surdus & mutus est. Nimirum cùm paganis mutis & surdis, quibus non naturalis calamitas, sed morbus superveniens vocem abstulit, auresque conclusit, permissum sit testari, modo ei, quibus hoc accidit, scribere sciant, *l. discretis. 10. C. qui test. fac.* putaverunt illi, hic militibus aliquid jure singulari concedi, quod jure communi exteris denegatum est: videlicet posse milites etiam mutos & surdos natos ex privilegio testari, ut voluntatem suam per signa offendant; cujusmodi signa ajunt intelligi & explicari posse ab iis, qui cum muto & surdo familiariter vixerunt. Sed primum bene à Viglio cæterisque melioris ævi interpretibus observatum est, natura mutum & surdum in numeros recipi aut in militiam legi non posse; utpote qui nec sacramentum præstare, nec imperium Ducis aut signa audire, tesserasve accipere & reddere queat: ejusque rei etiam argumentum est, quod milites, qui in hanc calamitatem inciderunt, ob eam causam ut bello inutiles dimitti solent, *l. 4. hoc tit. & τὸν γὰρ inquit Theophilus, τὸς αὐτὸς ὑπαρτὶς ἐστὶν*. Deinde non minus absurdum est, quod putat, eum, quem utraque illa facultate natura orbavit, testamentum facere posse: nam de signis quod asserunt, commentum est. Quæ-

so enim, quibus signis is, cui nec audire nec loqui à natura datum est, sententiam suam de eo quod post mortem fieri velit, alteri explicare possit, qui, ut ipse Faber fatetur ignorat quid sit testamentum? Ac proinde etiam παρὰδὲ hoc Fabro videtur, nobis autem ἀδύνατος; cùm, quod natura negavit, beneficio Principis concedi non possit. Quod cùm probè animadverteret Jason in *add. ad Porc.* locum hunc, repudiato exemplo communi, accipiendum credidit de iis militibus, qui ex accidenti, accepto puta vulnere aut morbo aliquo in caltris affecti, facultatem loquendi & audiendi amiserunt. Et quia paganis etiam casu aliquo mutis & surdis factis, si litteras sciant, testari concessum est, *discretis. 10. C. qui test. fac.* privilegium militum isto vitio affectorum in eo consistere putat, quod iis, etiam si scribere nesciant, testari liceat, & hæredem per notas aut signa demonstrare; quod etiam Canticulæ placere video. Verum enimvero qui litteris non potest, quibus ille notis certam dabit (hoc enim omnino necessarium est ex constitutione Trajani) voluntatis suæ supremæ significationem? Signis verò testari quemquam mortaliū posse, uti nusquam traditum est, ita nec admittendum, ut possit. Nam cùm nulla signa idonea sint ad voluntatem ultimam alteri certo significandam, in re tanti momenti fides habenda esset divinationi quorundam ineptorum hominum pro arbitrio suo hujusmodi signa temere interpretantium. Putaverunt igitur alii, nullum hic novum privilegium proponi, sed idem illud, de quo supra dictum, tantum porrigi ad eos milites, qui muti & surdi facti sunt, ut nimirum his etiam liceat ante causariam missionem in numeris manentibus jure militari testamentum facere, contra preceptis solemnitatibus juris communis, *d. l. 4. hoc tit.* ne quis forte putaret, defectum sensus ac loquelæ solemnitate juris supplendum, aut quia ob id vitium mox dimittendi sunt, privilegio uti non posse. Sed nimis evidenter hoc loco novum privilegium profertur, quod ad personas militum & potestatem testandi, non tantum ad formam & remissionem solemnium pertinet. Ego arbitror, peccatum hic aliquid esse oscitantia Compilatorum. Certum est, olim paganum mutum aut surdum testamentum facere non potuisse, nisi ut liceret sibi facere specialiter à Principe impetrasset, *l. 7. qui test. fac.* militem autem mutum & surdum potuisse citra novam concessionem ex privilegio militari, *l. 4. hoc tit.* Nec minus hoc certum habeo, neque paganum mutum simul & surdum

dum natum, aut factum quidem, sed qui scribere nesciret, hoc unquam ex speciali gratia obtinere potuisse, qui nec petere hoc potuit, neque militem in casu simili habuisse ex privilegio. Justinianus primus generali lege surdis & mutis (exceptis iis, quos modò dixi) facultatem testandi dedit, *d. l. discretis. 10. C. qui test. fac.* ex quo cum etiam pagani hoc jus habuerint, id inter privilegia militaria, ut olim, amplius referri non debuit. Cum igitur nihilominus appareat, id hoc loco factum esse à Compositoribus, oportet eos, cum hæc vel ex responso Ulp. *in d. l. 4. vel ex alio veteri Jurisconsulto* describerent, non meminisse constitutionis illius Justinianæ: quæ tamen jam dudum edita erat, ut apparet ex subscriptione. Fallitur autem Bachovius, qui eam etiam priori Codici insertam fuisse opinatur, cum primum edita sit biennio post editionem illius Codicis, anno scilicet primo post consulatum Lampadii & Orestis. VINN. Iusto sapius compilatores vellicat Vinnius noster, & aliquando nihil tale meritos. Possunt surdi & muti pagani testari, si vitium sit discretum: milites etiam si conjunctum, dummodo, quid agant intelligant. Illi non nisi in scriptis: hi & nota. Quidni enim miles vulneratus, amisso linguæ & aurium usu, præsentibus commilitonibus, signis quibusdam evidentissimis ostendere possit, quas res suas cuius relinquare velit, si rationis usus ipsi salvus sit? Denique nec opus est, ut id militibus vulneratis, mortuis ante missionem, concessum dicamus. Nihil enim impedit, ut quæstio hæc oriri non possit, si in eo periculo testatus miles missionem imprætravit, & paulo post ex vulnere decessit. HEIN.

TEXTUS.

De militibus & veteranis.

3. Sed hætenus hoc illis à Principalibus constitutionibus conceditur, quatenus militantes, & in castris degunt. Post missionem verò veterani, vel extra castra alii, si faciant adhuc militantes testamentum, communi omnium civium Romanorum jure id facere debent. Et quod in castris fecerint testamentum non communi jure, sed quomodo voluerint, post missionem intra annum tantum valebit. Quid ergo si intra annum quis decesserit, conditio autem hæredi adscripta post annum extiterit? An quasi militis testamentum valeat? Et placet valere quasi militis.

NOTÆ.

3. Veterani) Οἱ ἀπολυθέντες τῆς στρατίας Suid.
Tom. I.

qui justam missionem legitimis impletis stipendiis consecuti sunt, *l. 2. D. de veteran. l. 1. C. de exc. vet. ἀφίους ὄντων τυχόντες*. Julian. *orat. 1. v. Eipf. ad 1. annual. & 2. Hist. Tac.*

COMMENTARIUS.

- 1 Falli tam eos, qui putant, hunc §. solùm pertinere ad milites surdos & mutos militiæ missos, quam qui negant ad hoc pertinere omnino.
- 2 An & quatenus milites capitis damnati jure militari testandi licentiam retineant?
- 3 An hoc pertineant qui successoribus acceptis militare desinunt?

NULLA ratio est cur dubitemus, utrum hic §. cum superiore connectendus sit, referendusque solùm ad milites mutos & surdos, an generaliter ad omnes militiæ missos. Quippe cum iustior causa dubitandi sit de mutis & surdis propter incertitudinem voluntatis eorum quam de reliquis; & quotquot sunt hæc de re loci in Pand. illi generaliter loquuntur de omnibus, qui honestam vel causariam missionem meruerunt, *l. quod constitutum. 21. l. testamenta. 26. l. quod dicitur. 38. hoc tit.* neque absurdum est aut superfluum repeti, quod semel dictum est, si id fiat alterius rei significandæ gratia, quam quæ præcessit, ut fit hoc loco. Sunt ex contrario qui putant, ea quæ hic traduntur, ad mutos & surdos milites dimissos aut extra castra versantes non pertinere: sed eos etiam post missionem aut alibi degentes retinere facultatem jure militari testandi: quod, ut unus error plerumque plures parere solet, ex eo natum est, quod crediderunt, mutos & surdos milites, sive ita noxos sive factos etiam litterarum ignaros, jure militari testandi licentiam habere: quos si missos dicamus, non aliter testari posse, quam jure communi. Negamus, eos ullo modo posse testari: quia nec possunt jure communi, *l. discretis. 10. C. qui test. fac.* & hoc verissimum est: saltem autem quod pro vero assumunt, posse ejusmodi mutos & surdos jure militari testari, ut abunde probavimus §. præc.

Post missionem verò) Huic rei obstat videtur, quod etiam is miles, qui capite damnatus est, jure militari testandi licentiam habet, *l. ex militari. 11. hoc tit.* qui tamen maxime pro misso & exautorato haberi debet. Non unum est, quod hic respondeatur. Nam primum miles capite damnatus privilegium testandi non retinet, nisi id nominatim sententia comprehensum sit, *l. si quis. 22. §. 1. de*
Ccc le-

legat. 3. aut petierit & impetraverit, ut sibi jure militari testari liceret, l. cum bic. 32. §. si miles. 8. de donat. int. vir. & uxor. l. 6. §. sed et si. 6. de injust. rupt. irr. test. Deinde nec is miles retinet, qui ex delicto communi capite puniri meruit, sed tantum, qui ex militari, dd. ll. & l. 1. de vet. & mil. success. nec eo quovis: non eo, quo fidem sacramenti rumpat, d. l. 1. hoc tit. verum ex leviori aliquo: sunt enim multa malitiz delicta minus atrocia, quæ tamen ut capite puniantur, rigor disciplinæ militaris postulat. Denique testandi jus his tantum conceditur de bonis castrensibus, quæ non vindicantur fisco; sed ab intestato ad proximos cognatos pertinent, d. l. 1. & l. 2. de vet. & mil. succ. quod cum unicuique permissum sit à successione sua excludere factò testamento, id militi etiam in proposito specie permitti placuit.

In annum, &c.) Testamentum in castris jure militiz factum jus suum etiam post missionem intra anni spatium retinet, vel eo usque, dum institutionis conditio extiterit, l. quod constitutum. 21. l. testamenta. 26. l. quod dicitur. 38. hoc tit. De anni spatio hæc causa affertur, quod privilegia absentibus Reip. causa quales etiam sunt milites, concessa post reditum usque ad annum perleverant, §. item 2. sup. de exc. tut. De conditione hac, quia conditio quancumque existens retrahitur, atque exinde perinde habetur, ac si ab initio purè institutio facta fuisset, l. si pupillus. 26. de cond. inst. l. 11. §. 1. qui pot. in pign. l. 8. de per. com. rei vind. Cæterum missionem intelligi oportet, vel honestam, quæ emeritis stipendiis indulgetur; vel causariam, quæ propter valetudinem. Nam eorum testamenta, qui ignominiz causa missi sunt; statim desinunt militari jure valere. d. l. testamenta. 26. hoc tit. Consule de hoc l. 1. §. 2. de his qui not. infam. Lipsium in lib. 1. Annal. Tacit. Quæsitum est, an quod hic traditur etiam ad eos pertineat, qui non missione, sed successoribus acceptis militare desinunt, quales sunt duces exercitus, tribuni cohortium, aut legionum, vel præfeci, nam testari quidem hos omnes jure militari posse, quamdiu exercitui, legionibus, aut cohortibus præsunt, certum est. l. tribunus. 20. l. Titius 25. hoc tit. l. 4. C. cod. Et Africanus respondit, non pertinere, sed statim atque successorem acceperit, horum testamenta jure militari valere desinere, d. l. quod constitutum. 11. hoc tit. Ait autem non pertinere, quantum ad verba constitutionum attingit, quæ de missis loquuntur, non quibus successor da-

tur. Quid si igitur nos cum Cajacio ad d. l. trahit. 4. ad African. tentemus, ex sententia constitutionum etiam ad hos beneficium illud pertinere? Cur enim verba legum captamus? Aut quid in proposito refert, utrum quis dimittatur an successorem accipiat? Certè Ulpianus non dubitat edictum de iis, qui notantur infamia, quod de missis loquimur, ad eos extendere, quibus successores dantur. d. l. 2. §. 2. de his qui not. infam.

TEXTUS.

Si testamentum factum ante militiam

4. Sed & si quis ante militiam non jure fecit testamentum, & miles factus, & in expeditione degen. resignavit illud, & quædam adjecit, sive detraxit, vel alias manifesta est militis voluntas hoc valere volentis, dicendum est, valere hoc testamentum, quasi ex nova militis voluntate.

NOTÆ.

4. Ante militiam) Id est, qui cum adhuc paganus esset, non jure communi testamentum fecit.

Resignavit) Resignare est signatum aperire, ὑπογράφειν, l. 1. §. 36. de pos. leg. 6. testament. quem. ap.

Manifesta militis voluntas) Utiq; igitur semper necesse est, ut miles postea factus tempore expeditionis nova aliqua testatione voluntatem declararet, alias id testamentum ad privilegia militaria non pertinebat, l. 9. §. 1. l. 20. §. 1. l. 25. hoc tit. Nec obstat, l. 15. §. 2. cod. ibi, si militis voluntas contraria non sit. Hoc enim sic accipiendum, quasi JC. dixisset: si militis voluntas, quæ postea secuta est, priori non sit contraria, sed eam confirmet.

COMMENTARIUS.

- 1 Testamentum non rite à pagano factum jure militiæ valere, si is, miles postea factus & in castris degen., recenti aliquo judicio priorem voluntatem comprobaverit.
- 2 Si nulla nova voluntatis declaratio intervenit, testamentum illud ad privilegia militum non pertinere.
- 3 Ulpianus secum & cum aliis conciliatus.

Aliud privilegium militare spectans confirmationem testamenti ante militiam non jure ordinat, quod tale est: Si quis, cum paganus esset, testamentum non jure commu-

ni civium fecit, & postea cum militare cepisset, in castris aut expeditione degens, quovis recenti judicio, & sive voce, sive facto aliquo declaraverit, se id testamentum valere velle, valebit ex nova militis voluntate: atque ita videbitur testatus per relationem. Est verò hoc superiori omnino consequens: nam cum militi nuda voluntate testamentum facere permillum sit, ei etiam permittendum fuit, testamentum, quod ante militiam fecit, nuda voluntate postea comprobare: quoniam hæc militis voluntas testamentum est, l. 1. in fin. pr. l. in fraudem. 25. §. 2. hoc tit.

Resignavit illud, & quadam adjecit sive detraxit, vel alias manifesta, &c.) Ad confirmationem testamenti, quod quis inutiliter ante militiam fecit, uti nihil amplius requiritur, quam ut miles postea factus tempore expeditionis id valere voluerit; ita etiam necesse est, ut hoc nova aliqua testatione voluntatis declaret. Duo enim semper in omni militari testamento exigimus; ut de voluntate militis constet; ut in expeditione testatus sit. At in proposito neque de voluntate militis constare potest, si nulla nova testatio intervenit; quin potius tunc censendum est, priorem inutilem voluntatem, qualem esse sciebat, talem manere voluisse: nec dici potest in expeditione testatus, à quo neque factum quicquam est, neque dictum, quod ad comprobationem prioris voluntatis pertineat. Enim verò non præcisè requiritur, ut miles recentem voluntatem apertè & verbis declaret, sed sufficit, eam realiqua & facto significari, unde commodò intelligi possit: cujusmodi facta sunt, si testament. resignaverit, legeritque, ac rursus suo signo signaverit, si aliquid adjecerit, detraxerit, interleverit, induxerit, emendaverit. Alterutrum autem horum omnino necessarium est, ut hic locus apertè ostendit, & apertius adhuc Jurisconsultus, l. Tribunus. 20. §. 1. eod. disertè scribens, si nihil eorum, quæ diximus intervenerit, testamentum ad privilegia militum non pertinere: quibus similia leguntur in l. quod dicitur. 38. §. 1. in fin. eod. l. 8. §. 4. de jur. eod. Omnium autem apertissimus in hanc sententiam locus est Marcelli in l. Titius. 25. hoc tit. ubi sic scribit: Testamentum, quod (Titius) ante tribunatum fecisset, nihil si postea ab eo factum, dictum esse probaretur, ad jus commune pertinet. Constitutionibus enim Principum non militum testamenta, sed quæ à militibus facta sunt, confirmantur. Cur igitur in re manifesta laboramus? Propter responsum Ulpiani, quod extat in l. fraudem. 24. §. 2. eod. tit. in hæc verba; Testamentum ante militiam

factum à milite, si in militia decesserit, jure militari valere, si militis voluntas contraria non sit, Divus Pius rescripsit. Ecce, non novam hic voluntatis declarationem Jurisconsultus exigat, sed tantum ut nulla contraria voluntas secuta sit; atqui hoc etiam tunc fit, cum nulla omnino secuta est. An dicimus, Jurisconsultum loqui non de eo, qui cum paganus esset, testamentum fecit, sed de milite, qui testatus est ante militiam? Ita quidem Gloss. Jo. Fab. & alii. Sed ego hoc non capio, neque intelligo, quomodo miles dici possit ante militiam testamentum fecisse, nisi militem accipiat *κατ' ἀποφάν* qui nunc miles est, cum tempore facti testamenti esset paganus: nec illa Ulpiani verba, testamentum ante militiam factum à milite, aliter accipi debent aut possunt, quam si dixisset, testamentum à milite factum antequam miles esset, seu cum adhuc esset paganus: quibus etiam verbis ille ipse utitur, idem hoc rescriptum D. pii referens, in l. 1. §. 9. eod. Hoc cum animadverteret Franciscus Hotomannus, *ἀντιπαρί* esse pronuntiavit, quem secutus est Ant. Matthæus. Verum enimverò si hic antinomiam admittimus, ubi non admittimus? Mille loci sunt, in quibus major in speciem cum aliis pugna est, quam in loco Ulpiani cum iis, quos antea allegavimus. Fatetur Hotomannus, Julianum, Marcellum, Paulum, atque adeo ipsum Justinianum hoc loco exigere argumenta recentis iudicii & prioris apertam comprobationem: sed ait, ita jus vetus fuisse; novum autem constitutum esse à D. Pio sola taciturnitate, quasi perseverantia iudicii contentos quod jus proferatur ab Ulpiano: quam ob causam etiam Justinianum reprehendit, quod contra quam in præcio recipit, jus obsoletum hic nobis oberuserit. Si à solo Juliano, qui cæteris antiquior fuit, id proditum esset, poterat videri speciem aliquam veri habere, quod Hotomannus dicit. Sed cum etiam Marcellus, quo consiliario usum esse D. Pium testis est Capitolinus, & post hunc etiam Paulus: qui assessor Papiniani, & Ulpiani in assessorum collega fuit, auctore Lampridio in *Alexand.* idem assument, nullus color relinquitur, qui opinioni Hotomauni prætexi queat. Utique enim nimis putidum est dicere, aut ignorasse eos jus, quod à D. Pio constitutum erat, aut contra expressam constitutionem Principis respondisse. Quin etiam ipse Ulpianus in l. 9. §. 1. hoc tit. disertè in hac eadem specie exigit prioris voluntatis expressam approbationem, idque, ut testatur, secundum D. Pii rescriptum. Ait enim, testamentum factum

Etum à pagano, qui postea militare coepit, jure militari, valere, si miles factus hoc maluit, ut à D. Pio rescriptum est. Quid verò hoc aliud est, quàm si dixisset, si miles factus indicio aliquo novæ voluntatis offenderit; se id velle valere? Significantiore certe sunt verba Jurisconsulti, quàm ut de simplici silentio, aut voluntate in mente retenta intelligi possint. Atqui idem rescriptum est, idemque auctor, qui ejus meminit in *d. l. fraudem* 15. §. 2. *ead.* ut proinde eundem utrobique etiam sensum esse, licet verba diversa sint, oporteat. Quod cum dicimus, hoc dicimus, verborum in *d. l. 15. §. si militis voluntas contraria non sit*; & illorum in *d. l. 9. §. 1. si hoc maluit miles*, eamque esse sententiam, quemadmodum ab uno eodemque prolata esse constat ad rem eandemque significandam. Plus nimirum sensit Jurisconsultus in *d. l. 15. §. 2.* quàm rescripsit; quod cum manifestum sit tum ex aliis locis, tum ex *d. l. 9. §. 1.* quæ est ipsius Ulpiani, cur verba urgemus, quæ & ipsa insuper ambigua sunt, & sic quoque accipi possunt, non ut nulla nova voluntas exigatur, sed ut saltem aliqua, quæ tamen priori contraria non sit, sed eam confirmet? Quamobrem minor, quid Hotomanno & Ant. Matthæo, summis alioqui viris, in mentem venerit, quod eos, qui ajunt: Ulpianum & secum & cum cæteris de re proposita convenire, contentionis quàm veritatis cupidiores esse, tam præcípites pronuntiaverint.

TEXTUS.

Si adrogatus vel emancipatus.

5. Denique & si in adrogationem datus fuerit miles; vel filiusfamilias emancipatus est, testamentum ejus quasi ex nova militis voluntate valet; videtur capitis diminutione irritum fieri.

NOTÆ.

5. Quasi ex nova militis voluntate) *L. 22. eod.* ut capitis minutione secuta, voluntas repetita censeatur: nam jure communi requiritur nova voluntatis declaratio, *l. 11. §. 2. sec. tab.*

TEXTUS.

Jure communi testamentum irritum sit etiam minima capitis diminutione testatoris, puta si se adrogandum dederit, §. 4. *inf. quibus modis test. inf.* militare non item. Sed & si filiusfamil. miles à patre in adoptione datus

fuerit aut emancipatus, placet testamentum ejus valere, nec capitis diminutione irritum fieri, *l. miles 22. §. 1. seq. hoc tit.* Ut autem huic quæstioni locus sit, oportet, testamentum factum statuatur de bonis castrensis: nam filius quidem familias de aliis bonis testari non potest, pater autem familias, etsi potest, si ramen de omnibus bonis testatus sit, necesse est tale testamentum infirmari per adrogationem: quippe cum quicquid extra peculium castrense est, id acquiratur patri adrogatori; qua de causâ etiam Jurisconsultus in *l. 23. hoc tit.* expressè meminit militis de castrensisbus dumtaxat rebus testati. Quamvis autem quod hoc loco & *d. l. 22. §. 1. seq.* proponitur, inter privilegia militaria referatur: idem tamen postea, neglecta subtilitate juris, productum videtur ad veteranos jure communi de bonis castrensisbus testantes, *l. 1. §. exigit 8. de bon. possess. sec. tab. l. 6. §. ult. de injust. rupt. testament.*

TEXTUS.

De peculio quasi castrensis filisfam. testari permissum, sed jure communi.

6. Sciendum tamen est, quod, cum ad exemplum castrensis peculii, tam anteriores leges, quam principales constitutiones, quibusdam quasi castrensis dederant peculia, & eorum quibusdam permissum fuerat etiam in potestate degentibus testari, nostra constitutio id latius extendens permiserit omnibus, in hujuscemodi peculii testari quidem, sed jure communi. Cujus constitutionis tenore perspecto, licentia est, nihil eorum, quæ ad præfatum jus pertinent, ignorare.

NOTÆ.

6. Nostra Constitutio) *D. l. ult. C. de inoff. test. l. ult. C. qui test. fac.*

COMMENTARIUS.

1 Privilegium jure militari testandi etiam nostri temporis militibus competere.

DE differentia & qualitate peculii filiorumfamil. actum *sup. §. 1. per quas pers. cuicq. acq.* hic tantum quædam monentur propter id peculium, quod ad exemplum castrensis filisfam. concessum fuit, olim eorum quibusdam dumtaxat cum potestate de eo testandi, à Justiniano cum eadem potestate omnibus, *l. ult. C. de inoff. test. l. ult. C. qui test. fac.*

Anteriores leges) Pandectas intelligo cum Cujacio. Etenim etiam ea, quæ legibus continentur, de hoc quasi castrensi peculio non esse ex lege aliqua ad populum lata, sed ex constitutionibus, argumento est, quod ipsum peculium castrense, cujus exemplo comparatum est quasi castrense, ex constitutionibus est. In Pandectis autem non semel tantum, aut ad summum iterum, ut falso Mynfingerus existimat, sed sæpius huius quasi castrensis peculii mentio fit, ut in *l. 1. §. in filii. 6. ad senat. Trib. l. 3. §. dari §. de bon. poss. l. 1. §. nec castrense 15. de collat. l. filiusfam. 7. §. ult. de donat.* VINN. Rectè Vinnius negat, peculium quasi castrense esse ex lege libera rep. condita, si de vocabulo quæstio sit. Id enim omnino inventum ad exemplum peculii castrensis. Res ipsa tamen locum habuit in virginibus Vestalibus, Flaminiis, Dialibus, aliisque sacerdotibus, qui veteri ritu capiebantur. Gell. lib. 1. cap. 12. Hi enim licet patris potestati subessent, tamen poterant de peculii suis testamentum condere. Dicuntur quidem patria potestate exiisse: Ulp. *Frag. tit. X. §. 5.* sed Gellius addit: *sine capitis diminutione*, ne eos jura familiarum amississe existimes. Quum itaque hoc privilegium sacerdotum admodum simile fuerit ei, quod postea constitutionibus Principum filiis familias in peculio quasi castrensi datum novimus: non absurde existimari poterit, has anteriores leges hæc scribentes vel Tribonianus, vel Cajo, vel alii cuicumque veteri JCto, antiquitatis gnaro in animo fuisse. HEIN.

Quam principales constitutiones) Constitutiones intelligit recentiorum Imperatorum, quarum quædam etiam extant in posteriore Codice, *l. velut 7. Cod. de affect. l. 4. Cod. de adv. divo. jud. 1. l. un. C. de cast. omni. palat. pec. l. ult. C. de cast. pec. lib. 12.*

Et horum quibusdam) Veluti consulibus, proconsulibus, legatis & præsidibus provinciarum, cæterisque in universum omnibus, qui possent erant in eminentiore aliquo dignitatis aut administrationis gradu: patronis ve-

rò causarum, memorialibus, agentibus in rebus, magistris liberalium artium, archiatris, & id genus aliis in tam ampla dignitate non constitutis, ea quidem, quæ hujusmodi operam Reipub. navantes paraverant, pleua proprietate concessa fuerunt ut hæc etiam patre mortuo quasi peculium quoddam castrense præciperent: cæterum jus de his rebus testandi iis datum non fuit, *l. ult. C. de inoff. test.* Hinc apparet, non satis validum esse argumentum, quo nonnulli filiisfamilias jus testandi defendunt etiam in peculio adventitio iis casibus: quibus plena ejus proprietate illis concessa est: de quo amplius *tit. proxime seq.*

Testari quidem, sed jure communi) *D. l. ult. C. de inoff. test. d. l. ult. C. qui test. fac.* Quare filiisfamil. omnes, qui quasi castrense peculium habent, idem per omnia in eo jus habent ex constitutione Justiniani, quod filiisfam. veterani in peculo castrensi: jure autem militari testari non possunt: hoc enim privilegium illis solis tributum est, qui sub armata militia stipendia merent: neque simpliciter, sed tunc, cum expeditionum laboribus occupantur, ut inepti sint, qui hoc extendunt ad alias militiæ species, togatæ scilicet aut alias imaginariæ, cujus crebra mentio in tribus posterioribus libris Codicis. Illud nihil refert, utrum quis pedes mereat, an eques. In classibus omnes nautæ & remiges milites sunt, *l. un. §. 1. de bon. poss. ex test. mil.* Quidam negaverunt, privilegia jure militari testandi competere militibus nostrorum temporum, eo quod vetus ratio legendi & ritus assumendi militem in consuetudinem abiit. Sed hoc argumentum nullius momenti est: durat enim nihilominus causa privilegii, laborum & periculorum functio, cum in expeditionibus sunt, ubi armorum strepitus vocem juris civilis eos audire non patitur, Vigl. *ad rubr. tit. Gail. 2. obs. 118. Vaud. 1. q. 55. Christin. volum. 4. decis. 3. Scharf. ad rub. C. b. 1. n. 9. Grassi. §. substitutio, quest. 66. Grot. 2. introd. 7. Perez C. de test. mil. in fin.*

TITULUS DUODECIMUS.

QUIBUS NON EST PERMISSUM FACERE TESTAMENTUM.

Dig. Lib. 28. Tit. 1. C. Lib. 6. Tit. 22.

1 Ut testamentum consistat, quamquam in persona testantis requirantur.

2 Damnatos capite olim certo jure testandi facultatem amississe.

De filiofamilias.

3 An novellis legibus ab eo jure recessum.

Reditus ad jus commune. Desseruit tit. 10. de forma & modo testandi: progreditur nunc ad personam testantis; quod est alterum ex tribus illis, quæ in omni testamento considerata esse diximus sub rub. d. tit. In persona testantis duo exiguntur: unum est, ut conditione sit civis Romanus; quod indicat primum & secundum caput legis Falcidix, l. 1. ad leg. Falc. Proinde testamentum facere non possunt peregrini, ad peregrinitatem redacti, ut deportati, l. 8. §. 1. & 2. b. t. qui test. fac. l. 1. §. 2. de legat. 3. nam servi aut capti ab hostibus, d. l. 8. §. ult. l. filiusfamil. 16. hoc tit. §. ult. inf. cod. nec obsides, nisi eis permittatur l. 11. cod. Ac ne is quidem, qui de statu suo & conditione incertus est, testari potest, l. 14. & seq. cod. l. 1. in pr. de legat. 3. Alterum est, ut sit sui juris, uno verbo paterfam. de quo statim in pr. hujus tit. Qui patresfamilias sunt, omnes testamentum facere possunt, exceptis iis, qui voluntatem suam recto certoque judicio significare aut exprimere nequeunt, de quibus in §. 1. & 3. seqq. nec non aliis quibusdam, quos lex ob delictum admissum, aut apostasiam hæresimve nominatim testari vetat, l. is cui 18. §. 1. l. cum lege 26. hoc tit. l. 3. C. de apostat. l. 4. C. de heret. & Manich. l. 6. & auct. seq. C. de incest. nupt. Olim omnes capitali crimine damnati certo jure testamenti factionem amittebant, quoniam statim atque sententiam passi essent, libertatem & civitatem perdebant, d. l. 8. §. ult. l. 6. §. sed & 6. de injust. rupt. test. l. 12. l. qui ultimo 29. de pæn. Ajo damnati: nam si quis indemnatus, quantumvis post accusationem & in custodia decessisset, ejus testamentum valebat, l. 9. hoc tit. uti & damnati appellatione interposita, medioque tempore pendente appellatione testati & defuncti, leg. 13. §. ult. cod. Quæritur autem, an novellis legibus, Nov. 17. c. 12. Nov. 22. cap. 8. item 134. cap. ult. unde auct. sed bodie, C. de don. int. vir. & ux. & auct. bona, C. de bon. proscript. ab eo jure recessum sit? Nam his constitutionibus & servitus pœnæ tollitur, & bona capite damnatorum non publicantur, extantibus liberis & parentibus. Sed tamen quia eis bona adimuntur, & in liberos vel parentes transferuntur, ne hodie quidem eos testari posse dicendum videtur, D. Tulden. hic cap. 6. add. Salicet. in dict. auct. sed bodie. Valq. 3. contr. illustr. 96. Grass. §. testamentum, q. 21. Jac. Vervvey tract. de art. testam. cap. 4. ubi notat, in his regionibus damnatos capite, quorum bona publicata non sunt, testamenti factionem retinere.

Non tamen omnibus licet testamentum facere. Statim enim ei, qui alieno juri subiecti sunt, testamenti faciendi jura non habent: adeo quidem, ut quamvis parentes eis permiserint, nibilo magis jure testari possint: exceptis iis, quos antea enumeravimus, & præcipue militibus, qui in potestate parentum sunt: quibus de eo, quod in castris acquisiverunt, permixtum est ex constitutionibus Principum testamentum facere. Quod quidem jus ab initio tantum militantibus datum est, tam ex auctoritate Divi Augusti, quam Nervæ, nec non optimi Imperatoris Trajani: postea vero subscriptione divi Hadriani etiam dimissis à militia, id est, veteranis concessum est. Itaque siquidem fecerint de castrensi peculio testamentum, pertinebit hoc ad eum, quem heredem reliquerunt. Si vero intestati decesserint, nullis liberis vel fratribus supersitibus, ad parentes eorum jure communi pertinebit. Ex hoc intelligere possumus, quod in castris acquiserit miles, qui in potestate patris est, neque ipsum patrem adimere possit, neque patris creditores id vendere vel aliter inquietare, neque patre mortuo cum fratribus commune esse: sed scilicet proprium esse ejus, qui id in castris acquiserit: quamquam jure civili omnium, qui in potestate parentum sunt, peculia perinde in bonis parentum computentur, ac servorum peculia in bonis dominorum numerantur; exceptis videlicet iis, quæ ex sacris constitutionibus & præcipue nostris propter diversas causas non acquiruntur. Preter hos igitur, qui castrense peculium, vel quasi castrense habent, si quis alius filiusfam. testamentum fecerit, inutile est, licet sua potestatis factus decesserit.

NOTÆ.

Qui in alieno jure subiecti) Filiisfam. testamentum facere non possunt, l. 6. b. t. l. pen. C. cod. & olim quidem vel ideo non poterant, quia nihil suum habebant. Ulp. tit. 20. §. 9. Hodie non possunt, quia ne nunc quidem quicquam pleno jure tamquam patresfam. habent, excepto peculio castrensi & quasi; de quo ob id etiam testati iis permixtum. Testandi autem facultas solis patribusfam. lege concessa: Paterfam. uti legasit, &c. Cic. ad Heren. lib. 1. cap. 13.

Quamvis parentes permiserint) Quia testamenti factio juris publici est, l. 3. hoc t. id est, ei soli competit, cui jure publico permixta. Ex quo efficitur, ut nec consentiente patre codicillos facere, legatumve aut fideicom-

mis-

missum relinquere filiusfam. possit, l. 6. §. 3. de jur. cod. l. 25. §. 1. de mort. caus. don.

Jure communi) Id est, jure hereditario, post liberos & fratres intestato mortui, ut est in textu, l. 3. l. 4. C. de bon. qua lib. jure novissimo à liberis solum; non etiam à fratribus parens excluditur, Nov. 118. c. 2. Explodendum igitur, quod Cujac. Pac. Fabrot. in margine notant, *jure communi*, id est, *jure patrio*, jure peculii, ex veteri & rogato jure in l. 2. de cast. pec.

Proprium ejus esse) Ita ut in eo vice patrisfam. fungatur, l. 2. de SC. Mac. quod jus & quasi in castrensibus ei postea tributum §. ult. tit. sup.

Quamquam jure civili) Oratio perplexa, sententia tamen Justiniani ex iis quæ antecessunt & mox subjiciuntur, satis manifesta. Vide comment.

COMMENTARIUS.

- 1 Cur filiusfamilias testamenti factionem non habeant?
- 2 Cur ne patre quidem consentiente retineantur, cum ita mortis causa retineantur?
- 3 An testamentum à filiofam. factum cum consensu patris propter adscriptam clausulam, ut id valeat cujuscumque ultima voluntatis vi, saltem sustineatur in vim donationis causa mortis?
- 4 Intestato filio mortuo, peculium castrense jure Codicis ad patrem non rediit jure peculii, sed liberis & fratribus non extantibus, jure successionis ad eum devolutum.
- 5 Peculio pagano adventitio cum castrensi communia.
- 6 Plenius ac planius quàm vulgo ostenditur, filiofam. ne de iis quidem adventitiis testari posse, quorum fructus patri non quaritur.
- 7 An de his codicillis facere, aut sine patris consensu mortis causa hac donare possit?
- 8 Quid hic moribus barum regionum receptum?

Qui alieno juri subiecti) Lex duodecim tabularum liberam testandi facultatem civibus concedens præcisè ac definitè de patribusfam. locuta est: Exat integrum legis caput apud auctorem ad Herennium, lib. 1. c. 13. in hæc verba: *Paterfamilias uti legasset super familia pecuniave sua, ita jure esto.* Ex eo, quod Decemviri hoc jus nominatim concesserunt patrifamil. hoc est, civi Romano, qui sui juris est, satis intelligitur, idem eos filiisfam. permittere noluisse. Quinimo non potuerunt nisi ridicule testandi facultatem per-

mittere iis, qui nihil suum habebant, de quo testari possent: quippe notum est, filiofam. olim omnia parentibus, quorum in potestate erant, pleno jure acquisivisse; quæ etiam ratio, cur filiofam. testari non possint, reddita est ab Ulpian. in fragm. tit. 20. §. filiusfam. 9. duratque eadem etiam nunc. Quicquid enim hodie filiusfam. proprium est, in eo non ut filiusfam. sed ut paterfam. consideratur. Et peculium quidem castrense & quasi castrense sub qualitate patrisfam. ei plenissimo jure concessum est: cæterum & in adventitio quadatenus vicem patrisfam. sustinet: cum alioqui ne proprietates quidem hujus peculii penes eum esse posset, pugnatque cum conditione filiofam. aliquid proprium habere. Hoc autem posito, filiofam. jus testamenti faciendi non habere, consequens est, eos nec legatum aut fideicommissum relinquere, aut codicillos facere posse: quippe quæ iis demum permissa sunt, qui & testamentum condere possunt, l. 2. de legat. 1. l. 1. §. 2. de legat. 3. l. 6. §. pen. de jur. cod. Denique in his etiam locum habet ratio Ulpiani, quod filiofam. nihil habent proprium.

Quamvis parentes eis permiserint) L. 6. cod. Atque hoc etiam ut confectarium ex superiori deducitur. Etenim permissio illa patris non efficit ut filiusfam. incipiat esse paterfam. Lex autem duodecim tab. non aliis, quàm patribusfam. testandi potestatem concessit: eoque pertinet quod Papinianus scribit, l. 3. cod. *Testamenti factio non privati sed publici juris est*, hoc est, jus testamenti faciendi non privatorum auctoritate, sed jure publico & legibus cuique tribuitur. Adde, quod ne sic quidem filiofam. quicquam acquiritur, de quo testari, aut in quo hæredem habere possit. Ex quo jam etiam efficitur, ut nec consentiente patre codicillos facere, legare aut fideicommissum relinquere valeat. Eadem enim utrobique ratio est. An igitur filiofam. nec mortis causa donare volente patre permittendum? Ita videri potest, cum mortis causa donationes per omnia fere ultimis voluntatibus comparentur, §. 1. sup. de donat. l. ult. C. de mort. ca. don. Placuit tamen posse filiofam. permittere patre mortis causa donare: nimirum quia donatio mortis causa, etsi in plerisque jure ultimæ voluntatis censetur, in quibusdam tamen naturam negotii inter vivos & contractus habet, l. senatus 35. §. 3. de mort. ca. don. maximèque in eo, quod eam perficiendam traditione aut conventionem opus est, ut pluribus ostendimus in d. §. 1. ac proinde hæcenus etiam eodem jure cum conventionibus ha-

haberi, hoc est, privatorum arbitrio regi debet perindeque habendum, ac si pater ipse per interpositam filii personam donasset, in eoque usus esset filii ministerio, l. 9. §. 2. de donat. Atque hanc ob causam, etsi filii quoque persona in hac donatione spectatur, tum in ea perficienda, tum infirmanda, putarem tamen, etiam patrem eam revocare posse, cum Bart. in l. 2. §. 1. de donat. Ang. & Jo. Fab. hic. Nam quod traditum est de testamentis, ea non debet pendere ex alieno arbitrio, l. illa constitutio 32. de her. inst. protinus ad mortis causa donationes trahendum non est. Non obstat iis, quæ diximus, argumentatio Ulpian. in l. 1. §. 1. de tut. & rat. distr. concludentis, ei, cui testamenti factio permessa non est, nec permittendum esse mortis causa donare. Proce-
dit enim ista argumentatio in patrefamil. qui bona propria habet, sed testari non potest propter ætatem & defectum iudicii, quælis est pupillus, de quo etiam Jurisconsultus loquitur. Hinc jam illud quæsitum est, si filiusfamil. testamentum cum consensu patris condiderit adscripta clausula: *si non valeat iure testamenti, valeat jure codicillorum, aut cujuscumque ultima voluntatis vi*, num in hac specie voluntas filii sustineri debeat saltem in vim donationis causa mortis? Et vulgo placuit, debere: quoniam appellatione ultimæ voluntatis etiam mortis causa donatio continetur, & in proposito clausula illa, *aut cujuscumque ultima voluntatis*, in nulla alia specie ultimæ voluntatis verificari potest, quam in donatione mortis causa: quæ utique patris consensu facta valet, ut jam demonstratum est. Ita D. Vigl. hic n. 10. Clar. §. donatio. quest. 6. n. 8. Thesaur. decis. 150. Fachin. §. contr. 64. VINN. Cæterum in eo, quod ne permittente quidem patre testari potuerunt filii familias, deterior fuisse videtur eorum conditio, quam servorum, quos permittentibus dominis condidisse quasi testamenta, docet exemplum apud Plin. lib. 8. Epist. 16. HEIN.

Exceptis iis, quos antea numeravimus) Qui scilicet castrensē & quasi castrensē peculium habent. In his enim bonis filisfam. beneficio Principum testamenti factionem habuerunt, §. ult. præc. tit. l. ult. C. de inoff. test. l. pen. & ult. C. hoc tit. l. 7. §. ult. de donat. & quoad cætera quoque in hoc peculio plenissimo jure patrumfam. usi sunt, l. 2. de Sen. Mac. l. 4. de judic. excepto quod intestati morientes in eo etiam exitum filiorumfamilias patiebantur, leg. 2. de cast. pecul. de quo mox uberius.

Quod jux ab initio tantum militantibus, &c.) Refert Imperator, quibus gradibus ad sum-

mum ejus juris, quod filisfam. in castrensibus habent, perventum est. Initium ejus Augusto tribuit, (Ulpianus Julio, l. 1. de test. mil.) progressum Nervæ & Trajano, (Ulpian. d. loc. etiam Titi & Domitiani meminuit) patetque ex illo Juvenalis sat. ult. v. 52.

Solis præterea testandi militibus jus Vivo patre datur, &c.

sub Domitiano idem obtinuisse: consummationem Hadriano: quippe illi militantibus tantum, hic etiam veteranis, de eo, quod in castris acquisiverunt, cæteroque peculio, quod militis beneficio adepti sunt, l. 11. de cast. pec. vivis parentibus, quorum in potestate sunt, testandi facultatem dedit, ita ut quod antea solum militum erat, id bonorum privilegium rescripto Hadriani factum sit. Illud interest, quod veteranis non nisi jure communi, militibus etiam suo, id est, militari jure, testamentum facere permissum est. Veterani autem dicebantur, qui vel exauctorati sub vexillo adhuc retinebantur, cæterorum immunes, nisi propulsandi hostis; vel qui confectis legitimis stipendiis protinus dimissi erant, æquius *irrujux toxirtes*. Consule commentaria D. Lipsii in lib. 1. Annal. Taciti, ubi & de annis legitimæ militis.

*Ad parentes eorum jure communi pertinet) Ut pater in peculio castrensī vivente filio nihil juris habuerit, ipsique filio concessum, in eo, quem vellet, hæredem sibi instituire: tamen diu jus vetus hæctenus patri conservatum fuit, ut filio intestato mortuo, jure peculii etiam bona castrensia ad patrem redirent, eademque hoc casu adhuc esset conditio castrensīs peculii & pagani, nec in illo magis, quam in hoc filisfam. hæredem ab intestato haberet, l. 2. l. 9. l. 14. de cast. pec. Cæterum huic juri posteriorum Principum constitutionibus derogatum est; & primum liberis militis aut veterani intestato mortui: deinde fratribus bona castrensī jure hæreditatis delata, & tercio ordine parentibus: id quod hic locus aperte ostendit, atque ex eo etiam perspicuum est, quod filisfam. etiam in bonis adventitiis, maternis & materni generis; lucrisque nuptialibus, eosdem hæredes habere placuit, l. 1. l. 4. C. de bon. quæ lib. l. ult. C. comm. de success. quibus tamen in bonis plus patri relictum, quam in castrensibus. Igitur quod hic Imp. ait, filiorumfam. intestato decedentium bona castrensia, non extantibus liberis aut fratribus, ad parentes pertinere jure communi, non sic accipiendum est, ut Cujac. Hotom. Pacius, Fabrotus, & fere quotquot sunt, fecere, jure peculii secundum jus antiquum, quo
filii*

filii morte etiam peculium castrense, non quasi hæreditas, sed quasi peculium & quasi a patre profectum ad patrem redibat; verum jure successione seu hæreditatis, quæ tertio loco parentibus ab intestatu deferitur ex constitutionibus Principum, novo quidem, sed communi jure. Nam si jure peculii eo bona adhuc ad patrem redire oporteret; nemo in iis patri præponi posset, ac nec cuiquam deferri possent jure hæreditario; sed pater tamquam jam olim sua & se profecta statim occuparet: nisi quis putet cum Viglio dici posse, liberis aut fratribus superstitibus jus patris quiescere; illis autem deficientibus, pristinum jus patri integrum relinqui. Sed hanc interpretationem prædictæ constitutiones non ferunt, quæ omnes loquuntur de jure & ordine successionis; add. quæ scripti ad §. ult. inf. de leg. agn. succ. Plurimum verò interest, utrum dicamus, jure peculii, an hæreditario apud patrem hæc bona pertinere: quippe illo casu, mortuo filio, ipso jure apud patrem remanent, quasi perpetuo ipsius fuerint; hoc casu sine additione nec acquiri, nec transmitti possunt: illo casu, peculio tantum tenus creditoribus filii respondere tenetur; hoc, in solidum, nisi inventarium confecerint, §. 1. inf. de her. qual. illo denique casu matrem excludit, hoc casu non item. Hodie jus liquidum est, atque hæc disputatio penitus sublata. Constat enim ex Nov. 118. bona filiosfam. sive castrensia, sive pagana adventitia non amplius jure peculii, sed hæreditatis patri deferri; nec jam ordine tertio, sed secundo, ita ut cum eo mater simul & fratres defuncti admittantur.

Ex hoc intelligere possumus, &c.) Subjiciuntur hic quædam alia jura, quæ filiosfam. in castrensi peculio habet, nimirum hæc tria; primum, quod hoc peculium ita filii proprium est, ut pater id ei adimere non possit: alterum superioris consequens, quod creditores patris id vendere aliove modo inquietare nequeant: tertium, quod patre mortuo, id filius præcipuum habeat, nec cum fratribus communicare, aut his conferre cogatur. Quæ cuncta, aliaque plura etiam jure veteri obtinuerunt. Nam, ut ante dictum est, filiosfam. in castrensi peculio in omnibus jure patrisfam.ungebatur, tantum intestatus tamquam filiosfam. decedebat, l. 2. de sen. Masc. l. 4. de judic. l. 4. de castren. pec. junct. l. 2. eod. Quæ autem hic traduntur, olim erant castrensis peculii propria: hodie verò castrensi cum pagano adventitio sunt communia: nam nec adventitia bona pater filio nunc adimere potest: & quod

Tom. I.

olim in castrensis juris erat, ut fratribus non conferrentur, l. 1. §. nec castrense 15. de collat. idem hodie obtinet & in adventitiis, l. ult. C. eod. tit. In solo profectio peculio nihil mutatum est, sed quemadmodum id totum patris mansit, ita potest filio id pater adimere: ita patre mortuo cum fratribus communicandum: ita filius pati debet, ut id creditores paterni sibi habeant. Nam quando ab Ulpiano traditum est l. 3. §. sed utrum. 4. in fin. de minorib. si patris bona à fisco propter debitum occupata sunt, peculium profectitum filio ex constitutione Claudii separari, id specialis humanitatis est. Princeps dum jus fisci minuit, suum minuit: at alteri jus quæritum auferre non debet, l. 2. de his qui sui vel al. jur. & fortassis debitum patris hæreditas. Jurisconsultus accepit pro debito ex causa delicti damnato patre. Nullam certè rationem habet, quod D. Viglius putat, ex causa delicti peculium à fisco occupari, ac non ex causa debiti: longè enim major ratio est, ut peculium filii separaretur patre damnato, quam cum fiscus venit ut verus creditor: quippe cum in pœna nec privilegium habeat, sed creditoribus postponatur, l. 21. l. in summa 17. l. quod placuit 37. de jur. fisci. l. un. C. de pœn. fiscal. cred. præf. lib. 10. Ergo, inquis, non fiscus, sed filius damnato patre actione de peculio conveniendus est, contra quam respondet idem Ulpian. l. 1. §. 4. quan. act. de pec. ann. Respondendo, fiscum etiam ea actione teneri, sed tunc cum filius peculium repudiavit: alioqui conventum exceptione se tueri, & creditores ad filium remittere posse.

Quamquam jure civili omnium, qui in potestate) Perplexè & salebrosè hæc traduntur. Jure civili antiquo filiosfam. omnia patri acquirere: haud secus ac servus domino, uti dictum est §. 1. sup. per quas pers. primus Augustus excepit peculium castrense, aut potius milites in causa hujus peculii; Hadrianus etiam veteranos: mox & quasi castrense peculium exceptum: procedente tempore etiam adventitium: & præcipue constitutionibus Justiniani: non tamen ut per omnia eodem jure peculium adventitium apud filium esset, quo castrense & quasi castrense, sed ut ille ejus proprietatem, pater usufructum regulariter haberet, d. §. 1. l. cum pater. 6. C. de bon. que lib.

Præter hos igitur, qui castrense peculium vel quasi) Quamvis non tantum castrense & quasi castrense peculium, sed quædam etiam bona filii adventitia ex constitutionibus patri non acquirantur, atque à Justiniano in universum ad-

adventiciorum omnium proprietates filio concessa sit: in duobus tamen istis generibus dumtaxat jus testamenti faciendi ei permittitur, non item in tertio. Non habet hæc res dubitationem, cum, quod regulare est, filius tantum nudam proprietatem in peculio adventicio habet, pater usufructus: sed cum sint quidam casus, quibus filio plena & solida proprietates acquiritur, anne tunc quidem de his bonis testari possit non satis convenit. Casus unus ius tum erat, cum Institutiones componerentur. Nam in *l. ult. C. de bon. qua lib. sic à Justiniano constitutum est*, ut si filio hæreditas aut legatum fidei commissum delatum sit, & pater filio consentire nolit, ut hæreditatem adeat, aut relicta agnoscat, filius propria auctoritate patre invito id facere possit, & sibi hoc facto, quod relictum est, in totum acquirat. Novellis constitutionibus plures huiusmodi species introducuntur. Idem enim obtinere placuit in rebus filiosam. ea lege datis, ut ne usufructus ad patrem perveniat: item in hæreditate fratris aut sororis, ad quam una cum filio pater admittitur: postremo etiam in iis rebus, quæ filio deferuntur, patre divortium faciente sine causa, *auth. excipitur. cum*

6 *2. seqq. C. de bon. qua lib.* An igitur ne his quidem casibus filio permittitur de peculio adventicio testari? Sunt qui putant, permittitur esse, & Triboniano hæc scribenti in mente non venisse *l. ult. §. ipsum autem. §. vers. filius autem. C. de tit.* ubi Justinianus dumtaxat eo casu, quo apud patrem usufructus est, filium de bonis adventitiis testari non permittit: inde enim à sensu contrario colligunt, in altera specie adventiciorum id ei licere. Probabilis sanè collectio, nisi ipse Justinianus postea mentem suam clare exposuisset. Nam cum hæc ipsa questio jam tum ætate Justiniani, nec multo post emissam *d. l. ult.* exorta esset, ipse nova constitutione edita dubitationi occurrat, quæ est *l. pen. C. qui test. fac.* qua declarat, minimè sibi in constitutione nuper à se promulgata propositum fuisse, filiisam. in bonis adventitiis permittere testamenti factionem, sive cum consensu, sive sine consensu patris bona possideant, ac proinde sive nudam sive plenam eorum proprietatem habeant: sed in hoc antiquam legem per omnia servari jubet. Conferantur inter se constitutiones; perspicuè apparebit, alteram alterius explicandæ, & *d. l. pen.* tollendi erroris gratia, cui verba *§. s. d. l. ult.* causam dederrant, scriptam esse. Non enim alia lex per eam, quam in *d. l. pen.* ait à se promulgatam

esse, intelligi potest, quam in qua extat distinctio illa, cujus meminit, & ad quam se refert in *d. l. pen.* utrum scilicet filius bona possideat cum consensu, an sine consensu patris: illa distinctio extat in una, *d. l. ult.* nusquam alibi. Sed quid querimus amplius? Negat expressè in *d. l. pen.* se ius testandi filio permittere in bonis, quæ possidet sine consensu patris: acqui horum plenam proprietatem filio in *d. l. ult.* concesserat, neque erat tunc alius casus, quo usufructus in hoc genere peculii ad patrem non pertinebat. Ad hæc jubet circa filiosam. testamenta per omnia observari legem antiquam: nulla verò lege antiqua filiosam. testamentum facere permittitur, præterquam de bonis castrensibus & quasi castrensibus: neque concessio plenæ proprietatis mutat qualitatem peculii, quæ ex sola causa acquirere æstimatur. Ridiculi autem sunt, qui per legem antiquam intelligunt ipsius Justiniani aliquam constitutionem, nominatim illam ipsam, quam explicat *lib. ult. C. de bon. qua lib.* Non potuit, nisi absurdissimè, antiquam appellare, quam initio *d. l. pen.* profertur nuper à se promulgatam, nec ullas suas ipsius leges antiquas, cum nulla tunc esset biennio aut triennio vetustior. Novissimo jure est filiosam. quædam alia ejusdem generis bona pleno jure proprietatis concessa sunt; nullibi tamen jus de iis testandi ei datum legitur. *Nov. 117.* permittitur filio de huiusmodi bonis quovis modo disponere: at in Græco est *διουκτις*, quod testamenti factionem non comprehendit: & sine eo etiam apertissimum est eo loco intelligi tantum dispositionem inter vivos & liberam horum bonorum administrationem; quippe cum hæc dispositio ei tantum permittatur, qui perfectæ ætatis est, hoc est, filiosam. majori 25. annis: cæteroquin curatores ei dari jubentur; cum tamen minor 25. annis etiam curatorem habens, post annum decimum quartum testamentum facere possit, *l. §. hoc tit. At.* iniquies, quod conceditur inter vivos, id multo magis licere debet in ultima voluntate, *arg. tit. de leg. Fuf. Can. toll.* Respondeo, hanc propositionem nec perpetuo veram esse, de quo vide Everhard. in *Top.* & procedere tantum in objecto præsupposita habilitate personæ, quæ deficit in filiosamil. Sic etiam non procedit in filiosam. argumentum ductum à jure plenæ proprietatis, quasi eo jure concessa omnia concessa intelligantur, quæ patriam. in re sua, ut ejus liberrimo moderatori & arbitrio, permittitur. Patet hoc ex eo, quod

quod filiosam. patroni causarum, magistri liberalium artium, &c. etsi plenam proprietatem peculii quasi castrensis olim habebant, non tamen de eo testandi ante Justinianum non habuerint, §. ult. *prae. tit.* Nimirum, ut dictum est in *pr. qualitas filiosam.* obstat, quominus testari possit: ut autem possit de castrensi & quasi castrensi peculio, non ex eo est, quod simpliciter plena ejus proprietas filio concessa: sed quia placuit id eum habere sub qualitate patrisfam. ut etiam de eo testari posset. Nihil movet, quod filius in hac specie adventitiorum heredem ab intestato habet: nam & in altera specie, cum nuda ejus est proprietas, habet. Potest ex lege heredem habere, etsi sibi heredem facere non potest; & in casu *Nov. 22. cap. 26.* ponendi sunt termini habiles filii emancipati: alioquin sequeretur, etiam de iis adventitiis filium testari posse, quorum ususfructus ad patrem pertinet. Postremo nullam admodum causam video, cur filiosam. testandi facultas in una specie adventitiorum concedatur, in altera denegetur: nam sola ususfructus à proprietate separatio impedire non potest, quominus jus sit de proprietate testandi, *insf. de her. inst. in pr. l. restit. dicimus. 25. de verb. sign.* Acque hæc etiam communis est interpp. sententia. Porro hoc constituto, filiosam. de bonis adventitiis testamentum facere non posse, tractari tamen adhuc potest, an non saltem de his bonis codicillos facere possit, cum heredem in his bonis ab intestato habeat, quem onerari possit fideicommissio constat, §. *præterea. 10. insf. de fideicomm. her.* Sed magis est, ut nec codicillos facere possit, propter regulam juris: *Qui non potest facere testamentum, nec potest codicillos, l. 6. §. pen. de jur. cod. l. 1. §. 2. de legat. 3.* Quem lex ei heredem dedit, eum, omnino omnia bona, quæ post mortem relinqueret, habere voluit, & quasi addixit: rum vi ipsa non multum interest, heredem sibi quis testamento instituat, an per fideicommissum alicui hereditatem suam restitui jubeat. Planè mortis causa donationem in bonis, de quibus agimus, filio permittendum esse existimarem, & quod alias patris consensu potest, *l. tam in. 25. §. 1. de mort. ca. don. id ei hic licere etiam sine consensu patris, argument. Nov. 117. & eorum, quæ diximus in exegeſi verborum hujus pr. Quamvis parentes eis permiserint.* Diff. Anton. Fab. *decif. 33. er. 6. & seqq.* ubi nec in bonis castrenſibus donationem mortis causa filiosamil. concessam fuisse contendit, contra expressum textum in *l. 7. §. ult. de donat. vid. Div. Guil. Mas.*

lib. 6. sing. opin. cap. 6. & seq. ubi ex professione argumenta omnia Fabri diluit.

Licet sua potestatis decesserit) L. si filiosam. 19. hoc tit. Est autem hoc jus generale, ut si quis tempore testamenti facti non habuerit testamenti factionem, testamentum ab eo factum non valeat, etsi postea testamenti factionem habere cœperit, §. *seq. leg. 4. cod. l. 1. §. exigit. 8. de bon. possess. sec. tab.* obtinetque hic etiam regula *Catoniana, l. 1. de reg. Cat. l. quod initio. 29. de reg. jur.* Interpretes communiter duos casus excipiunt, quibus filiosam. rectè etiam de bonis adventitiis testetur, utique consentiente patre; si quid relinquit in pios usus; si liberos suos heredes faciat: illic voluntatem filii sustineri favore pæ causæ, hic favore liberorum. Tiraquel. *de priv. pæ caus. cap. 78. Clar. §. testamentum. quest. 5. Tulden. hic cap. 11. Jac. Vervey. art. test. cap. 4. fac. cap. 4. de sepul. in 6. Christin vol. 4. decif. 4. num. 6.* ubi in casu posteriore nec consensum patris requirit. Moribus harum regionum libere omnes, qui modo ea ætate sunt, qua testamentum condi potest, de bonis maternis cæterisque adventitiis omnibus rectè testantur, neque consensu patris ad eam rem opus est. D. Elbert. Leonin. *lib. 6. emend. cap. 3. in fin. Perez C. qui test. fac. n. 10. Groenew. de ll. abrog. hic, & ibi laudat.* quod & in Hispania obtinet, *leg. 5. Tauri, & ibi Gomez atque in Germania quoque receptum, utique si liberi scorum à patre habent;* Reusner. *par. 2. c. 23. n. 26. de testam.* De Gallia idem testatur Lud. Charond. *in memorabil.* In Frisia tamen etiam in hac parte obtinet jus civile. D. Joan. à Sande *lib. 4. tit. 1. deſin. 1. VINN.* Quod de Germania ex Reusnero moner, nihil ad rem facit. Per separatam enim cœconomiam, quam hic Reusnerius intelligit, liberi exire intelliguntur patri potestate. Ergo ibi tunc non testantur tamquam filiosamilas de peculio adventitio, sed tamquam patresfamilias de pecunia & re sua. HEIN.

TEXTUS.

De impubere & furioso.

1. *Præterea testamentum facere non possunt impuberes; quia nullum eorum animi judicium est. Item furiosi; quia mente carent. Nec ad rem pertinet, si impubes postea pubes, aut furiosus postea compos mentis factus fuerit, & decesserit. Furiosi autem si per id tempus fecerint testamentum, quo furor eorum intermissus est, jure testati esse videntur: cerè eo, quod ante furorem fecerint, testamentum valente. Nam neque testamentum rectè*

reſtè factum, & neque ullum aliud negotium reſtè geſtum, poſtea furor interveniens perimit.

NOTÆ.

1. *Præterea*) L. 5. hoc tit. l. 19. §. 1. de capt. & poſſ. adde & alios ex l. 8. 9. 10. & 11. D. hoc tit.

Poſtea pubes, &c.) Propter regulam, ut jam diximus, Catonianam.

Aliud negotium) Adeo ut ne matrimonium quidem furore ſuperveniente ſolvatur, l. 8. de his qui fui vel al. jur.

COMMENTARIUS.

- 1 *Impubes nec tutore auctore teſtamentum facere poſſe.*
- 2 *Teſtamentum à furioſo factum tempore dilucidi intervalli ſuſtineri. Et quid ſi de eo dubitetur?*
- 3 *Cur furor poſtea incidenti, &c. teſtamentum antea factum non vitiet, capitiſi minutio vitiet?*
- 4 *Quando locus ſit regula, quæ ab initio reſtè conſtituta ſunt, reſolvi, cum in eum caſum pervenerunt, unde inſipere non poſſunt?*

Quia nullum eorum animi iudicium eſt) Impubes intelliguntur, qui nondum annum ætatis decimum quartum compleverunt, id eſt, qui nondum ad ſupremum anni decimi quarti diem pervenerunt. In feminis annus eſt duodecimſis, l. 5. hoc tit. Horum ait nullum eſſe animi iudicium, nimirum nullum plenum ac ſolidum, nullum tale, quale requiras in eo, qui de omnibus facultatibus ſuis una perpetua diſpoſitione ſtatere cogitat. An igitur non ſaltem tutore auctore impuberi permittendum teſtamentum facere, uti poteſt eo auctore res ſuas alienare, hæreditatem adire, bonorum poſſeſſionem petere, aliaque facere, eſſi perfectum animi iudicium requirant, ut hic etiam quod impuberis iudicio deſt, tutoreſ prudentia ſuppleatur? Nequaquam. Nam aliarum actionum periculum tutores præſtant, & finita tutela earum rationem pupillis eorumve hæredibus reddunt; huius verò reddere non poſſunt. Deinde teſtamenta non arbitrio alieno, non precaria, ſed ipſorum teſtatorum prudentia fieri debent, ne quid temere & inconſulto per aliorum molimina in præiudicium familiarum & agnationis ſtatuatur, & alieni potius, quàm cognati, cognati remotiores potius, quàm proximi, hæreditatem conſequantur. Quin tutores, ſi hanc poteſtatem iis permittimus, ſemper operam dabunt, ut non alii, quàm à quibus lu-

crum ſperant hæredem inſtituantur. Puberſ autem teſtamenti factionem habere placuit ſtatim à decimoquarto aut duodecimo anno completo, nec curatoris in eo conſenſum intervenire, d. l. 5. hoc tit. l. Aurelio 20. §. 1. de lib. leg.

Item furioſi) Furioſi quid à mente captis differant, docui ſup. tit. de curat. §. ſed & 4. Nimirum furioſum quidem omnem & mente captum eſſe ſive dementem; at contra non omnem mente captum eſſe & furioſum, cumque mente captus à furioſo diſtinguitur, ut plerumque ſit, eum intelligi, qui cum ſana mente non ſit, in quiete eſt, nec, ut furioſi ſolent, agitur & fertur præceps. Cæterum nihil reſert in ullo actu aut negotio, demens quis ſit ſimpliciter, an ad dementiam accedat & furorem: conſtatque, quamvis furioſi tantum hic mentio fiat, ad omnes, qui mente carent, hæc pertinere, l. 2. l. Titia 13. in fin. de inoff. teſt.

Quo furor intermiſſus eſt) Furioſus per id tempus, quo furor intermiſſus eſt, teſtamentum jure facere poteſt, l. 9. C. hoc tit. quemadmodum & teſtis tempore intermiſſionis reſtè adhibetur, l. qui teſtamento 20. §. 4. hoc tit. Cæterum ut valeat teſtamentum, neceſſe eſt, ut id uno eodemque tempore remiſſionis perficiat: nam ſi cæpto teſtamento & necdum perfectò, furor eum iterum invaſcrit, nihil actum eſt, etiamſi poſtea remiſſio denuo ſutore, id quod cæpit, perficiat, d. l. 9. Quid ſi proferatur teſtamentum conditum à furioſo, quem certum eſt habuiſſe dilucida intervalla, incertum autem ſit, quo tempore id fecerit? Et ſi quidem id ita ordinatum fuerit, ut quisvis paterfam. ſanæ mentis ſic diſpoſiturus fuiſſe iudicetur: pro teſtamento reſpondendum & credendum intervalli tempore factum D. Viglius cenſet, cui aſſentior. Pertinet huc quod Val. Maximus lib. 7. cap. 8. reſert de Tuditani hominis certæ ac notæ inſanæ teſtamento; quod à centumviris confirmatum ait, magis quid ſcriptum eſſet in tabulis, quàm quis ſcripſiſſet, conſiderandum exiſtitantibus, add. Boer. decif. 23. num. 81. Myſ. 4. obf. cent. 2. Mantie. de conj. ult. vol. lib. 2. cap. 1. num. 7. Chriſtin. vol. 4. dec. 4. num. 8. Diod. Tuld. commen. hic, cap. 3. Graſſi. §. teſtamentum, quaſt. 21.

Eo, quod ante fecerint, teſtamento valente) In d. l. qui teſtamento 20. §. 4. hoc tit. Similiter nec interditiſio bonorum ſuccedens, nec auditus ſermonisve amiſſio teſtamentum ante factum vitiat, §§. ſeqq. l. 6. §. 1. l. iſi cui 18. epd. Palam igitur eſt, his caſibus unum tantum

tem-

tempus inspicit testamenti facti, ac sufficere eo tempore testatorem habuisse testamenti factionem, etsi tempore mortis non habuerit. Proinde cum Jurisconsultus in l. 1. §. exigit 8. de bon. poss. sec. tab. ait, prætorum exigere, ut is, ex cuius testamento bonorum possessio petitur, utroque tempore jus testamenti faciendi habuerit, & cum faceret testamentum, & cum moreretur, intelligere debemus, cum non hoc velle bonorum possessionem ex testamento non dari, si testator tantum tempore testamenti facti jus testandi habuerit, sed non dari, si habuerit tantum tempore mortis, non etiam tempore conditi testamenti, ut exempla illic proposita ostendunt. Sic autem jus est in mutatione, quæ salvo statu & fortunis testatoris contingit, cujusmodi sint superiores. Quod si qua mutatio postea inciderit, per quam capite testator minuatur: puta si servus fiat, in insulam deportetur, si se adrogandum det, testamentum infirmatur, atque irritum fit, §. 4. inf. quib. mod. test. inf. l. 6. §. irritum 5. & seqq. de injust. rupt. test. & ratio manifesta est. Quippe his modis non tantum amittitur testamenti factio, sed etiam conditio personæ testatoris sic mutatur, ut omnino testamentum habere non possit, ac ne hæredem quidem. Furiosus vero & prodigus, etsi testamentum facere non possunt, nihil tamen prohibet, quominus hæredem ex testamento antea facto habeant, & præcedens eorum voluntas exitum sortiatur.

Neque aliud negotium rectè gestum) De matrimonio idem traditur, l. 8. de his qui sui vel al. jur. In cæteris quoque negotiis quin idem juris sit, dubitandum non est, si rem suam ante furorem alienaverint, de quo nemo ambigit; quoniam negotia perfecta & penitus consummata nullo eventu infirmari possunt: si stipulanti aliquid promiserint, aut alias se obligaverint, licet hic aliquid desit ad consummationem negotii: sed hoc à curatore expediti potest. Neque enim in omnibus probata est sententia eorum, qui ea quæ ab initio rectè atque utiliter constituta sunt, resolvi putaverunt, cum in eum casum incidissent, à quo incipere non poterant, l. existimo 98. l. pen. 2. de verb. obl. l. in ambigui 85. §. 1. de reg. jur. §. ex contrario 14. inf. de legat. sed tunc tantum cum casus incidens impedit, quominus quod coëptum esset, perfici atque ad finem suum perducatur, ut evenit incidente capitis diminutione testatoris. Quæ de re fortassis pluscula ad d. §. ex contrario 14.

TEXTUS. De prodigo.

2. Item prodigus, cui bonorum suorum administratio interdicta est, testamentum facere non potest: sed id quod ante fecerit, quàm interdictio bonorum suorum ei fiat, ratum est.

COMMENTARIUS.

Qui bona sua profundunt, nec modum, nec finem impensarum habentes prope à furiosis absunt. Planè enim quod ad bona ipsorum pertinet, furiosum faciunt exitum, ut inquit Jurisconsultus, l. his qui 12. in fin. de tut. dat. ab his, quam ob causam placuit, hujusmodi hominibus bonorum administratione interdicti: qua interdictione & testamenti factio ipsis adempta intelligitur: quippe qui non sano iudicio, quid de rebus suis post mortem fieri velint, statueri creduntur, quàm eas tractarent, si libera earum administratio ipsis permetteretur, l. cui 18. hoc tit. Puberum minorum 25. annis non eadem ratio est: neque enim his bonorum administratio interdicta est, ut malè Don. ad leg. 6. de verb. obl. num. 9. sed si velint, curatores accipiunt; quibus quidem tum administratio permittitur, nec jam amplius ipsis minoribus, sed in hunc maximè finem, ne minores in contrahendo circumveniantur, quod in testamento non metuitur.

Quod ante fecerit) D. l. 12. cui 18. Testamentum enim, quod interdictione vetustus est, eadem ratione valere debet, quæ quod factum est ante furorem. Imperator Leo Nov. 39. prodigo permittit ea *εὐμψίρριτα διακον*, ea facere, quæ ipsi conducunt; & ratum quoque testamentum ejus esse jubet, in quo mortis prodigi non apparent. Quod Viglio videtur naturalem æquitatem habere. Forte id admittendum fuerit, si quædam non levia argumenta saniorum morum præcesserint, per l. 1. de cur. fur. Vide Sande lib. 4. tit. 1. de fin. 3. Groenev. de ll. abr. hic. Hic autem locus confirmat, quod supra §. furiosi 3. de curat. asseruimus, prodigum, quod attinet rerum administrationem & effecta juris civilis, non statim censi eum, qui ipso facto prodigus est, sed tunc demum, cum ei bonorum administratio interdicta est: interdicti autem non ipso jure, sed causa cognita decreto magistratus.

TEXTUS. De furdo & muto.

3. Item surdus & mutus non semper testamen-

tum facere possunt. Usque autem de eo surdo loquimur, qui omnino non exaudit, non qui tardè exaudit. Nam & mutus is intelligitur, qui eloqui nihil potest, non qui tardè loquitur. Sæpe enim etiam litterati homines variis casibus & audiendi & loquendi facultatem amittunt. Unde nostra constitutio etiam his subvenit, ut certis casibus & modis secundum normam ejus possint restari, aliaque facere, quæ eis permissa sunt. Sed si quis post testamentum factum adversa valetudine, aut quolibet alio casu mutus aut surdus esse cæperit, ratum nihilominus manet ejus testamentum.

COMMENTARIUS.

Olim etsi quis mutus tantum erat, aut surdus, testamenti faciendi jus non habebat, nisi specialiter à Principe impetravisset, ut sibi testari liceret, l. 7. hoc tit. junct. l. pen. §. 1. unde cogn. cujus juris ratio significatur à Paulo lib. 3. sent. 4. quia neque mutus testes rogare potest; neque surdus audire testimonium perhibentes. Unde cum nemo quicquam à Principe impetrare possit, nisi qui ei preces suas aut voce aut scripto potest exponere, sequitur, eos mutos, qui scribere nesciebant, omnino testari non potuisse. Justinianus, quod singulare & personale jus erat, ius commune fecit, & generaliter surdis omnibus, vel mutis testamentum facere permittit, (cum aliquo tamen temperamento) ut jam amplius necesse non sit singulis id precibus impetrare, l. discretis 10. C. hoc tit. Sic verò ille constituit, ut si quis mutus & surdus simul sit, siquidem natura, is omnino testamentum facere non possit: sin casu, ut possit; si modo ante litteras didicerit; ut scripto voluntatem supremam exprimere queat. At si quis tantum mutus sit, aut surdus tantum, siue tales sint natura, siue morbo, his iure testari liceat eo modo, quo per rerum naturam voluntatem suam declarare possunt aut scripto aut lingua. Quod ne muto quidem tantum, qui litteras nesciat, testamenti factio hac constitutione permittitur, confirmat id, quod modo dicebamus, eum, qui talis sit, nec à Principe testandi licentiam obtinere posse. Illud in eadem constitutione absurdi est, quod Justinianus credidit, eum, qui surdus natus est, loqui posse; & articulatam vocem edere; cum nihil tam certum sit, quam ei, cui auditus à natura negatus est, & sermonis usum ablatum; nec esse naturaliter surdos, qui non iidem sint & muti. Quod etiam Plinius testatur lib. 10. cap. 59. Alex. Aphrodis. problem. 1. 138.

Qui omnino non exaudit, &c.) Hæc plana

sunt. Notum enim est, eum, qui tardè, aut difficulter exaudit, non surdum, sed surdum dici, ὀπταφον, subsurdum: & eos, qui graviter, aut ἀσαφῶς loquuntur, non mutos, sed blafos, balbos, μυριαλλως appellari; mutos autem dici elingues & fandi impotes, ἀλάλως. Planè muti etiam illi habendi sunt, qui ἀσιμῶς loquuntur, hoc est: sine ulla certa significatione vocis, ἀνὰ ἑβρα Φωνῇ leg. mutum 9. de edil. edict. l. 7. in fin. de supell. leg.

Sed si quis post testamentum factum, &c.) Ob eandem rationem, ob quam placere diximus testamentum furiosi, aut prodigi, quod furore aut interdictione bonorum vetustius est, non infirmari.

TEXTUS.

De cæco.

4. Cæcus autem non potest facere testamentum nisi per observationem, quam lex Divi Justiniani patrii nostri introduxit.

COMMENTARIUS.

IN cæco nihil est, ob quod testamentum facere prohibeatur: nam testes accire ac rogare potest, & audire sibi testimonium perhibentes. Quapropter & olim testamentum facere potuit. Paul. 3. sent. 4. & nunc quoque potest. Cæterum forma nunc accuratior præscripta, & quædam singularia in testamento cæci, ut fraus omnis, cujus hic major metus, evitetur, constituta sunt lege illa Justiniani, quæ hic commemoratur, & extat l. hac consultißima 8. C. hoc tit. Sententia legis est, ut cæcus hæredem nuncupaturus (ineptum putavi monere, cæcum non aliter quam per nuncupationem testari posse) præter numerum testium ordinarium adhibeat & tabularium, aut si tabularii copia non sit, alium octavum testem, qui voluntatem nuncupantis scriptura excipiat, cui deinde testes omnes & tabularii subscribant, eamque obsignent, uti fit in testamentis scriptis, aut si prius testamentum suum scripto comprehendere curavit, ut tabularius coram testibus eam scripturam palam legat, eaque lecta cæcus testetur hanc suam voluntatem esse, deinde omnes subscribant & signent. Ubi hæc singularia notanda. 1. Quod non sufficit voluntatis nuncupatio, nisi & scriptura accedat. 2. Adhibitio octavi testis, qui testamentum scribat, aut antea scriptum recitet. 3. Quod is testis debeat esse tabularius publicus, si ejus copia est. 4. Omnium subscriptio & subsignatio.

T E X T U S .

De eo, qui est apud hostes.

§. Ejus, qui apud hostes est, testamentum, quod ibi fecit, non valet, quamvis redierit. Sed quod, dum in civitate fuerat, fecit, siue redierit, valet jure postliminii, siue illic decesserit, valet ex lege Cornelia.

N O T A E .

§. Quamvis redierit) L. 8. h. t. nam postliminio non vitatur Catonis regula. Codicilli autem scripti in captivitate ab eo, qui in civitate testamentum fecerat, eo reverso convalescunt, quia principium eorum jam in civitate constitutum erat, neque testamentum, quo confirmati sunt, l. 12. §. 5. de capt. & postl. simile est in l. 25. eod.

Ex lege Cornelia) Postliminii & legis Corneliae fictio in omnibus partibus juris servatur, passim D. & C. eod. v. §. 5. sup. quib. mod. jus patr. pot.

C O M M E N T A R I U S .

1. Est testamentum apud hostes factum jure postliminii non convalescat, codicillos tamen ibi factos convalescere.
2. Hodie in orbe Christiano hujus §. usum non esse, praterquam secundum quosdam, si qui à Turcis, &c. capti fuerint.

Qui apud hostes est) L. 8. hoc tit. Ratio manifesta est. Quia captus jure belli servus fit hostium; ut autem testamentum consistat, necesse est testatorem jus testandi habere, cum testamentum facit; nec postliminio vitatur regula Catoniana. Sed nec obstat, nisi eis permittatur, testamentum facere possunt, quia velut pignoris jure tenentur, & fiscus eorum bona occupat, l. 11. hoc tit. l. Divus 31. de jur. fisc. Qui autem à prædonibus capiuntur, quia liberi manent, l. 19. §. 2. de capt. & postl. testamenti factionem retinent, ut & illi, qui apud externos legatione funguntur, l. 11. in pr. & §. 1. hoc tit. & ib. Cujac. add. Grass. §. testam. qu. 25. Vasq. 3. contr. 103. n. 1. VINN. Immo & capti in bellis civilibus, l. 21. §. 1. ff. de capt. & postl. Hi enim non fiebant servi, sed proscribebantur, quod est inventum Sullæ. Vellej. lib. 11. 28. HEIN.

Sed quod, dum in civitate, &c.) Testamentum ante captivitatem rectè factum, est reipfa igri-

tum sit captivitate, fictione tamen juris sustinetur. Est autem duplex in hac re fictio; postliminii, & legis Corneliae, l. 6. §. pen. de injust. rupt. test. illa, si captus redierit, locum habet; hæc si in captivitate decesserit. Illa fingit retro in civitate testatorem fuisse; hæc retro in civitate decessisse. Imperatores in l. 9. C. de postl. rev. inconsideratè tribuunt legi Corneliae, quod est juris postliminii. Quærat autem aliquis, cur cum postliminio reversus fingatur semper in civitate fuisse, & ita habeatur, ac si medio tempore nulla captivitas intercessisset, non convalescat postliminio testamentum, quod quis tempore captivitatis fecit? Resp. quia quod non est ante captivitatem, id nec postliminium habere potest. Non obstat, quod codicilli in captivitate scripti ab eo, qui in civitate testamentum fecerat, eo reverso, jure postliminii convalescant: nam eorum principium & firmamentum jam in civitate constitutum est; nimirum ipsum testamentum, quo confirmati sunt, l. in bello 12. §. codicilli §. de capt. & postl. Eadem ratione placuit, si uxor cum marito capta fuerit, eaque in captivitate ex marito enixa sit, etiam liberos ibi natos jus postliminii habere, & reversos cum parentibus justos liberos esse, l. Divi 25. d. t. nimirum quia nati sunt ex matrimonio in civitate legitime contracto. Illud nullius momenti est, quod Aretinus monet, esse regulam, media tempora non nocere, l. 6. §. 2. l. alien. 49. §. 1. de her. inst. §. in extraneis 4. inf. de her. qual. ac proinde videri supervacuum fictionem juris postliminii ad testamentum conservanda. Quippe illa definitio ad hæredem pertinet, non ad testatorem, cujus testamentum amissa civitate stare non potest. Fallitur autem Aretinus, dum respondet, procedere regulam, si medio tempore status testatoris mutatus non fuerit. Error hic perspicuus est, d. l. 6. §. 2. & statu non mutato, quæ, rogo, potest esse dubitandi ratio? Porro non in hac tantum parte juris, sed etiam in cæteris omnibus & postliminii & legis Corneliae fictio servatur, l. 5. §. 1. d. l. in bello 12. §. 1. l. retro 16. l. in omnibus 18. & passim, de capt. & postlimin. & C. eod. §. si ab hostibus §. sup. quib. mod. jus patr. pot. solv. Postliminio æquiparatur restitutio capite damnati, l. 6. §. pen. de injust. rupt. test.

Ex lege Cornelia) L. lege Cornelia 12. hoc tit. Hæc lex mortis & captivitatis tempora conjungit. Id est, fingit, eum qui apud hostes decessit eo tempore quo captus est decessisse, civem & familiam habentem. Quo tempore, aut quo auctore lata sit, non liquet. Quod D.

Viglius putat latam esse primo bello Punico ab aliquo ex familia Scipionum, conjectura est, nec satis probabilis. VINN. Immo probabilius est, legem hanc Corneliam non aliam esse ac illam Cornelii Sullæ testamentariam, cujus meminit Cic. in Verr. lib. 1. cap. 42. Et ita Horomanno quoque videtur. Potuit ea lex & de postliminio aliquid sanxisse, adeoque fortassis culpa vacant Imperatores in l. 9. C. de postlim. reversi, ubi inconsiderate legi Cornelie tribui ait Vinnius quod sit juris postliminii. Postliminii sanè jus non solum moribus, sed & legis constitutum dicitur, l. 19. ff. de capt. & postlim. HEIN. Hodie in orbe Christiano nullus hujus §. usus est, nisi in iis, qui à Turcis aut id genus aliis Barbaris capti sunt. Nam cum, quod olim tantum obtinebat in bellis civilibus, leg. si quis 21. §. 1. de

capt. & postlim. nunc inter Christianos consuetudine generali invaluerit, ut bello capti servi hostium non fiant, sed liberi & cives mancant, ac jus sit pretio eos redimere, poterunt etiam dum apud hostes sunt restari, arg. l. 13. hoc tit. Alc. ad l. hostes 118. de verb. sign. Duar. ad tit. qui test. fac. pag. 318. Grass. de qu. 25. Zypz. not. jur. Belg. de testam. Sande lib. 4. tit. 1. defin. 2. Nonnulli idem juris habere etiam à Turcis captos existimant. Covar. c. peccat. p. 2. §. 11. num. 6. Cyprian. Conf. Belg. Groen. de ll. abrog. hic. Illud etiamnum observatur, quod transfuga jus testandi non habeat, quoniam jura civium amittit, nam hostium numero habetur, l. postliminium 19. §. transfuga 4. de capt. & postlim. Jac. Vervvye. de test. c. 4. Sande ubi sup.

TITULUS DECIMUSTERTIUS.

DE EXHÆREDATIONE LIBERORUM.

D. Lib. 28. Tit. 2. C. Lib. 6. Tit. 28. & 29. Nov. 115.

Ratio ordinis, & argumentum tituli.

HÆrenas de personis, quibus jure publico potestas testamenti faciendi data aut denegata est; item de modo testandi, sive externi testamenti solemnitate, comparatis ad firmandam testationis fidem. Sequitur tertium, res quas in ipso testamento inferi & caveri oportet, ut justum ratumque habeatur, quàm intrinsicam testamenti solemnitatem appellare possumus. Estque duplex; una communis omnium testatorum, hæredis scilicet institutio; altera quorundam dumtaxat propria, & maxime parentum, qui liberos in potestate habent, videlicet eorum liberorum exhæredatio, si ipsi hæres non instituantur: de quo idcirco etiam inter cætera, quæ ad ordinanda testamenta necessario desiderantur, præcipiendum fuit, l. inter cætera 30. hoc tit. de lib. & post. inst. har. vel exhæ. Existimaverit aliquando Horomannus, inscriptionem hujus tituli corrigendam esse, legendumque, *De institutione vel exhæredatione liberorum*. quod & Wesembecius tacite secutus est. Verum postea idem Horomannus ab hac sua sententia recessit. Mihi quidem nulla mutatio necessaria videtur. Cæterum si secundum priorem sententiam Horomanni inscriptio concipiatur, non eo minus probaverit, quod ostendit *παραφρασις* ejusdem argumenti in π. & d. leg. inter cætera 30.

In præcepto quoque legis disjunctio est: *Pater filium, quem in potestate habet, aut heredem instituto, aut nominatim exhæredato*. Exhæredare est, eum, qui alioqui hæres futurus erat, ab hæreditate repellere. Et de solis suis hæredibus propriè dicitur, qui nisi removerentur, ipso jure hæres existerent, & vivo adhuc patre quodammodo domini existimantur, l. in suis 11. hoc tit. de extraneis per abusionem. Jure civili antiquo non erat in omnibus liberis, etiam iis, qui in potestate erant, & sui hæres, exhæredatio æquè necessaria, nec omisit idem semper effectus, ritu quoque variabat pro sexu, pro gradu, prout nati jam liberi, aut nondum nati essent tempore facti testamenti; quæ omnia diligenter hic Imperator exequitur: deinde subjicit, quid ipse novi juris constituerit. Ad extremum agit de præteritione, quæ vim exhæredationis habet. Continet autem hic titulus principia magnarum & difficillimarum questionum juris, quæ veteris, quæ novi, eoque diligentem atque accuratam desiderat partium omnium interpretationem.

T E X T U S.

Jus vetus de liberis in potestate.

Non tamen, ut omnino valeat testamentum, suff-

ſufficit hac obſervatio, quæ ſupra expoſuimus: ſed qui filium in poteſtate habet, curare debet, ut eum hæredem inſtituat, vel exhæredem eum nominatim faciat. Alioquin ſi eum ſilentio præterierit, inutiliter teſtabitur: adeo quidem, ut ſi vivo patre filius mortuus ſit, nemo hæres ex eo teſtamento exiſtere poſſit: quia ſcilicet ab initio non conſtituerit teſtamentum. Sed non ita de filiabus & aliis per virilem ſexum deſcendantibus liberis utriuſque ſexus antiquiſſimè fuerat obſervatum: ſed ſi non fuerant ſcripti hæredes ſcriptarum, vel exhæredati exhæredatiæ, teſtamentum quidem non infirmabatur, jus tamen accreſcendi eis ad certam portionem præſtabatur. Sed nec nominatim eas perſonas exhæredare parentibus necèſſe erat, ſed licebat inter ceteros hoc facere. Nominatim autem quis exhæredari videtur, ſi ita exhæredetur: Titius filius meus exhæres eſto: ſive ita: Filius meus exhæres eſto, non adjecto proprio nomine, ſcilicet, ſi alius filius non extet.

NOTÆ.

De exhæredatione) Exhæredatio eſt hæreditatis lege datæ ademptio: unde ſolis de ſuis hæredibus propriè dicitur, ſed aliis per abuſionem. Aliis hæreditas deſertur tantùm, ſuis etiam datur. §. 2. *inf. de her. qual.*

Non ſufficit hac obſervatio) In modo ſc. teſtandi & ſolemnitatis comparatis ad firmandam teſtationis fidem, de quo *ſup. tit. 10.*

Vel exhæredem facias) De quo idcirco etiam inter cetera, quæ ad ordinandam teſtamenta pertinent, præcipiendum fuit, l. 30. *ff. de lib. & poſt.*

Inutiliter teſtabitur) D. l. 30. Planè ſi filius patri ſuperſtes bonis paternis ſe abſtineat, voluntas ex bona & æquo ſubſtinebitur, l. 17. *de injuſt. rupt.*

Vivo patre mortuus) L. 7. *boc tit.* propter regulam Catonianam, l. 1. *de reg. Cat. l. 29. l. pen. de reg. jur.*

Non ita de filiabus, &c.) Diverſi juris rationem indicat Ulp. l. 8. §. 1. *de injuſt. rupt.*

Nominatim autem) V. l. 1. l. 2. & 3. *D. b. t.*

COMMENTARIUS.

1 *Filio, qui in poteſtate eſt, præterito, teſtamentum jure civili prorsus inutile & nullius momenti eſſe: ac quatuor conſectaria inde deducta,*

2 *Filia & nepotibus ex filio præteritis, jure antiquo teſtamentum ſubſiſtiſſe, dato bis jure accreſcendi ſcriptis hæredibus.*

3 *Ad quam portionem hæ perſona præterita ſcripta.*

Tom. I.

ptis hæredibus accreverint?

4 *An eas præteritas ad bonorum poſſeſſionem contra tabulas prætor admiferit?*

5 *Filiam & nepotes ex filio exhæredatos, licet non nominatim neque jus accreſcendi habuiſſe, & neque à Prætorè ad contra tab. bon. poſſeſſionem vocatos; modo cætera leges exhæredationis obſervata fuiſſent.*

6 *An teſtamentum, in quo filius præteritus eſt, prorsus inutile ſit & jure Prætoric.*

7 *Filio præterito ſe abſtinentem Prætorèm habere rationem teſtamenti, etiam cum extranei inſtituti ſunt.*

R Efertur hic differentia, quæ in re propoſita olim obſervabatur in ſexu & gradu liberorum jam natorum. Meliore cæteris jure erat filius in poteſtate conſtitutus: ſiquidem hic ſolus à patre neceſſario aut hæres inſtituendus aut exhæredandus erat, ut teſtamentum ſubſiſteret, quod alioquin jure civili prorsus inutile erat & nullius momenti, l. inter cætera.

30. *boc tit. l. filio. 17. de injuſt. rupt. teſt. & boc text.* Huic autem juri conſequens eſt, primum, quod etiam hic expreſſit Juſtinianus, ex tali teſtamento hæredem nou poſſe exiſtere, etiamſi filius præteritus vivo adhuc patre deceſſerit propter regulam Catonianam, quæ ſic deſinit: *Quæ inſtitutio inutilis foret, ſi ſtatim poſt teſtamentum factum deceſſiſſet teſtator, ea non debet ideo valere, quia diutius vixerit, l. 1. de reg. Cat. l. pen. de reg. jur. §. an ſervo. 32. inf. de legat. & generaliter quod initio vitioſum eſt, non poteſt tractatu temporis convalere, l. quod initio. 29. de reg. jur. §. 2. de inut. ſtip. 2.* Per hujusmodi teſtamentum non rumpi id, quod antea à patre legitime factum eſt, l. 7. *b. t. §. 2. & pen. inf. quib. mod. teſt. inf. 3.* Non ſuſtineri hoc teſtamentum ob id, quod pater filio legatum quantumvis amplum reliquerit: nam utrum filius præteritus ſit, nec ne, non ex legati datione, ſed ex inſtitutione aut exhæredatione æſtimatur, præteritique omnes in hac materia habentur, qui neque hæredes inſtituti, neque ut oportet, exhæredati ſunt, §. *eadem. 12. inf. de her. ab int. 4.* Quod etiamſi filius vel ante teſtamentum vel in ipſo teſtamento præteritioni conſenſerit, nihilo tamen magis ſubſiſtere poſſit. Verum enim non eſt, quod Clar. §. *teſtamentum. q. 43. n. 3.* exiſtimat, jus hoc ob ſolum favorem filii conſtitutum eſſe, cui ille renunciare poſſit. Immo forma paterni teſtamenti jure publico præſcripta id modis omnibus exigeat: quod jus privato- rum conſenſu mutari non poteſt, l. 3. *boc tit. junct.*

Ecc

junct. leg. jus publicum. 38. de pass. cum simil. Vid. tamen Ant. Fabr. C. de suo de lib. præt. defin. 6. Christin. vol. 4. dec. 19. n. 4.

Exheredem cum nominatim faciat) Non quævis exheredatio summovebat liberos ab hæreditate patris, sed quæ ritè facta esset: non ritè exheredati pro præteritis habeantur, l. 8. §. 2. cont. tab. In ritu autem discrimen non faciebat sexus, aut gradus, nisi quod hoc propriè in l. observandum erat, ut nominatim exheredaretur, quod in reliquis non erat necessarium, ut statim audiemus. Cic. lib. 1. de Orat. c. 38. Quem pater neque exheredem scripsit nominatim. VINN. Ex hoc loco patet, jam Ciceronis ævo ab usu quodammodo recessisse promiscuam illam exheredandi prætereundi quæ liberos liberatatem, quæ olim ante & post XII. tabulas competebat. Vid. l. 11. ff. de lib. & postum. Liv. lib. 1. cap. 34. Adde. V. C. Schulting. Juriss. vet. antejustin. p. 638. HEIN.

2. Sed non ita in filiabus & aliis per virilem sexum descendentes, c. 38.) Non uti olim filio, ita & filia, aut nepote neptevæ ex filio (ex filia nati huc non pertinent, §. ult. inf. eod.) præteritis testamentum inuile erat: sed firmo manente testamento jus accrescendi ad certam portionem his dabatur, ut, quasi & ipsi scripti scriptæve essent, numerum hæredum augerent, l. ult. C. hoc tit. Ulp. tit. 22. §. 12. 15. & 16. Accrescebant autem hæ personæ hæredibus scriptis cum damno, hoc est, portionem hæreditatis accrescendo iis auferbant; ut longè diversum hoc jus fuerit ab eo jure accrescendi, quo res accrescunt; quod fit cum emolumento, cum scilicet non petentium partes accrescunt petentibus, seu portio omiſsa portioni agnitæ; de quo, volente Deo, tractabimus §. si eadem. 8. inf. de legat. Ad quam partem hæredibus institutis accreverint, docet Ulp. d. l. 22. §. ex suis. 14. Scriptis inquit, hæredibus accrescunt, suis quidem hæredibus in partem virilem, extraneis in partem dimidiam; atque ita quoque Cajus lib. 2. tit. 3. §. 1. Theoph. hic. Et notandum est, ita jus fuisse, non tantum cum soli aut sui aut extraneis scripti essent, sed etiam cum permixtim. Finge, extraneum una cum filio æquis partibus hæredem institutum; hic filia, si præterita erat, singulis accrescebat ad virilem. Quod si plures extranei pluresque sui scripti fuerant, extraneis accrescebat ad dimidiam, suis ad virilem. Item si duo filii, unus extraneus, huic ad semissem, illis ad tridentem: atque ita ex accidente eveniebat, ut plus consequeretur filia præterita quam filius, aut filii instituti;

quod apertè ostendit locus Pauli 3. sent. 4. ubi ita scribit: Filio & extraneo æquis partibus hæredibus institutis si præterita accrescat, tantum suo avocabit, quantum extraneo. Si verò duo sint filii instituti, suis tertiam, extraneis dimidiam tollit. Cum igitur filiabus & nepotibus ex filio præteritis hoc remedium consultum fuerit jure civili, quæritur, an etiam eo omisso bonorum possessionem contra tabulas petentes admiserit prætor? Et D. Bachovius putat, magis esse, ut prætor eos excluderet: quod perspicuè falsum est. Etenim prætorem nihil aliud considerasse legimus, quam an liberi præteriti essent, an exheredati, summotisque exheredatis, præteritos omnes, insuper habito discrimine sexus & gradus, admisisse, l. 1. in pr. & §. 1. de bon. poss. cont. tab. junct. l. 2. sec. tab. Quod & Justinianus significat, §. sed hæc. §. inf. eod. cum ait, prætores in dandis bonorum possessionibus jus successionis ab intestato, quod liberi omnes sine discrimine sexus, aut gradus ex lege duodecim tabularum habent, secutos. Sed quid argumentis opus est? Textus est apertus in l. ult. circa pr. C. hoc tit. verba sunt Ex prætore autem habebat, (filia præterita) contra tabulas bonorum possessionem in totum, & iterum paulo post: Cum enim per contra tabulas bonorum possessionem, vel jus accrescendi, semissem substantia filia præterita accipiebat, &c. Ait autem nunc semissem, quia ante dixerat, constitutione Antonini beneficium prætoris coarctatum fuisse ad quantitatem portionis, quam jure civili filie præteritæ accipiebant, scriptis hæredibus accrescentes. At cur filius præteritus testamentum valere non patiebatur, filia & nati ex filio non rumpebant? Differentiæ rationem subobscurè indicat Ulp. l. 8. §. 1. de injust. rupt. test. Filia vel nepos, inquit, quia, cum emancipantur, una emancipatione exeunt de potestate, testamentum non rumpunt. Quorum verborum hic sensus est, mirandum non esse, si jus civile facilius præteriri filiam nepotemve ex filio patiat, quàm filium: quippe filium arctiore necessitudine eo jure constringi cum patre, quàm filiam aut nepotem cum patre aut avo; id ex eo constare, quod ille tribus demum mancipationibus & manumissionibus, hi una de potestate exeunt: videtur, quæ notavimus ad §. præterea. 6. sup. quib. mod. jus pat. pot. solv.

Licet inter ceteros hoc facere) Græci ἀντίσως hoc est. modo, Titius filius meus hæres esto: ceteri exheredes sunt. Gregor. Naz. in suo testamento, οἱ δὲ λοιποὶ πάντες ἱσσοῦ ἀποκληρονομή. Effectus hic erat, ut ita exheredati exheredat-

etæ scriptis hæredibus non accrescerent, quod præteritis tribuebatur, ne à prætore contra tabulas ab bonorum possessionem vocarentur, *l. 8. cont. tab. in pr.* Tantum supererat, ut testamentum inofficiosum dicerent, si nec quartam debitz portionis accepissent, *l. 8. §. quoniam. 8. de inoff. test. 1. ult. C. hoc tit.* Cæteras leges exheredationis. Ut purè fiat, *l. 3. §. 1. eod. junct. l. sed sub. 18. cont. tab. ut simpliciter*, non ex re certa, *l. cum quidam. 19. hoc tit. ut ab omnibus gradibus, d. l. 3. §. 2. & seqq. eod.* vid. D. Perez in *C. hoc tit. n. 9. & 10.* etiam in filiabus & natis ex filio locum habuisse existimo, illque neglectis, non rite exheredationem factam & pro præteritione habitam fuisse. Illud constat, non eo minus exheredationem rite factam ex ratione juris veteris intelligi, & testamentum subsistere quod causa exheredationis testamento expressa non est, cuiuscumque generis sint liberi exheredati; ac proinde etiam prætoris beneficium hic cessare, solamque relinquere exheredatam querelam inofficiosi. An verò id à Justiniano mutatum sit. *Nov. 115. cap. 3.* alibi disputabimus.

Si alius filius non extet.) Nam si plures sint filii, benigna interpretatione potius à plerisque respondetur, nullum exheredatum esse, *l. 2. hoc tit.* Demonstratio autem ac definitio sufficit, quamvis nomen taceatur, aut etiam filium dicere pater pepercerit, veluti si ex Sejanum dixerit, aliterve eum descriperit, vel cum convicio, *l. 3. pro. eod.* Nam sermo omnis, ut in universum dicam, quo dilucide designatur persona, de qua quis loquitur, exheredationem nominatim facit, *arg. l. nominatim. 34. de cond. & dem.* Summa igitur discriminis, quod inter liberos jam natos fuit, hæc est; quod præteritio filii testamentum infirmabat; quod non nominatim exheredatus pro præterito habebatur: at cæteri præteriti manente testamento scriptis hæredibus accrescebant, & quamvis non nominatim exheredati, tamen si cætera observata essent, pro rite exheredatis habebantur. Nondum me hinc arbitre sinunt interpretes. Illud prius investigandum est, an ut testamentum, in quo filius est præteritus, nullum est jure civili, ita quoque vim nullam habeat jure prætorio? Et video maximam partem censere tale testamentum neutro jure subsistere, atque in totum tam jure prætorio, quàm civili improbari, Cyn. Bald. Castr. in *l. 2. C. de bon. poss. cont. tab. Clar. §. testamentum. qu. 43. n. 1. Gomez. 1. var. ref. c. 11. n. 5.* quam sententiam prolixè tuetur Ant. Fab. *9. conj. 14. & deced. 37. err. 5. & 6.* Argumentum eorum præcipuum est,

quod in casu proposito, etiam prætorio jure succedatur ab intestato, hoc est, filio præterito detur bonorum possessio, unde liberi. *l. ult. hoc tit. l. 1. §. ult. si tab. test. null. ext.* quasi nec prætor hic nullas tabulas agnoscat. Sed verior est sententia Gloss. in *d. l. 2. C. cont. tab. quam & Bart. ibid. probat;* item D. Vigl. bic. Goveant. 1. var. less. §. Vaf. 3. contr. illust. 100. & lib. 2. de succ. creat. §. 28. num. 138. & seqq. tale testamentum jure prætorio nullum non esse. Rationes hæc sunt. 1. Quoniam filius præteritus rectè petit bonorum possessionem contra tabulas, *l. 1. de bon. poss. cont. tab. §. 1. inf. de bon. poss. ut proinde necesse sit tabulas aliquas jure prætorio intelligi. 2.* Quia scriptis in eo testamento hæredibus datur bonorum possessio secundum tabulas, *l. 2. in pr. de bon. poss. sec. tab. ubi prætor dicitur hunc ordinem servare, ut primo velit ad liberos præteritos pertinere bonorum possessionem contra tabulas, mox si inde occupata non sit, judicium defuncti sequatur, & scriptos admittat secundum tabulas. 3.* Quod in danda bonorum possessione secundum tabulas hoc tantum prætor consideret, an testamentum septem testium signis signatum sit, licet solemnia quædam jure civili requisita desint, Ulp. *sit. 28. §. etiam si. 6. 4.* Quia prætor vix majorem suorum quàm emancipatorum rationem habet: quod ex eo patet, quod etiam emancipatos institui aut exheredari jubet, *§. 3. inf. eod.* & tamen si præteriti sint testamentum jure prætorio subsistit. 5. Huc fac. *l. posthumus. 12. in fin. pr. l. filio. 17. de injust. rupt. test. l. 12. §. de bon. poss. cont. tab.* Ad argumentum autem modo propositum commode responderi potest, prætorem ita esse proprii juris auctorem, ut simul etiam sit custos juris civilis, quod etiam sequatur, si quando potentius jus est ejus qui jure civili vocatur. Nec magis absurdum videri debet, eo jure dici testamentum valere, quo etiam succeditur ab intestato, quàm bonorum possessionem secundum & contra tabulas eodem jure dari. Nimirum non uno modo nec simul omnibus prætor consuli, sed successive: & quia prior ac potentior est conditio libero prætorum in petenda bonorum possessione contra tabulas, hos prius admittit: quod si illi decesserint, aut petere neglexerint, nihil absurdi se facturum putavit, si tunc scriptis hæredibus daret secundum tabulas. Quin & suos præteritos, qui jure civili testamentum nullum dicere possunt, admittit ab intestato ex capite unde liberi, ut custos & administrator juris civilis, *l. ult. hoc tit. l. 1. §. ult.*

ult. unde liberi. Planè si filius præteritus ultro se bonis paternis abstinere, hic jam fatentur interpretes, prætorum hujus testamenti rationem habere, & scriptis in eo hæredibus dare bonorum possessionem secundum tabulas, quamvis subtili juris civilis ratione non eo magis consistat, l. filio. 17. de injust. rupt. test. idque procedit ex sententia majoris partis, siue scripti sint, qui remoto filio rem ab intestato auferre possent, siue extranei, teste Claro. d. qu. 43. n. 3. Verissimam sententiam, sed à plerisque aut non intellectam, aut non bene explicatam. Veram esse ostendunt tum cætera, quæ disputavimus tum evidentissime d. l. 2. in pr. sec. tab. quo loco Jurisconsultus scribit, prætorem velle, si bonorum possessio contra tabulas à liberis præteritis occupata non sit, eam secundum tabulas reverti ad hæredes scriptos, sine ulla qualitatis eorum distinctione. Ita verò est, Prætor ut simpliciter scriptis hæredibus bonorum possessionem pollicetur, ita petentibus eam denegare non potest: sed sæpe accidit, ut ea sine re sit & inutilis; tum etiam in modo & effectu haud parum interest, extranei scripti sint, an qui amato filio ab intestato succederent. Etenim sciendum est, bonorum possessionem secundum tabulas aut cum de re dari, hoc est, cum effectu, ut is, qui accepit, bona retineat, aut sine re, cum alius jure civili evincere hæreditatem possit, Ulp. tit. 23. §. si septem. 5. & tit. 28. §. ult. Finge ergo, scriptum hæredem in petenda bonorum possessione præteritis filium, qui præteritus erat, bonorum possessio, quam petens à prætore accepit, efficietur sine re, siue proximus ab intestato, siue extraneus scriptus sit, ubi scilicet filius jure suo uti velit; quippe cujus jus potentius est, quam hæredis scripti, etiam ipsi prætori. Et ideo ne res sit sine effectu, solet fere prætor differre secundum tabulas dare, d. l. 2. sec. tab. Finge, filium præteritum jure suo non uti, sed hæreditate patris abstinere; hic quidem etiam extranei hæredes in tabulis scripti secundum eas bonorum possessionem petere possunt: cæterum & hæc sine re futura est, si agnati proximi hæreditatem jure civili vindicabunt ab intestato, Ulp. d. tit. 23. §. si septem. 5. Verum enim est, eo jure testamento nullum esse. Sed & prætorem existimo proximos hic prælatum ex edictis Unde legitimi, & unde cognati. Quapropter rarissime & uno dumtaxat casu fit, ut extranei bonorum possessionem cum re consequantur, si videlicet proximi ab intestato suo jure uti nolent, quæ causa est, quod in hac disputatione conditio additur in fin.

pr. d. l. posthumus. 12. de injust. rupt. test. si bonorum possessio data fuerit ei, qui rem ab intestato auferre possit. Atque ad hunc ferme modum etiam differit D. Bachov. in §. non tamen. 6. inf. quib. mod. test. inf. Ant. Fab. parum hic sibi constat, ut videre est lib. 1. coniect. 19. & lib. 9. c. 14.

TEXTUS.

De posthumis.

1. Postumi quoque liberi vel hæredes institui debent, vel exheredari. Et in eo par omnium conditio est, quod & filio postumo, & quolibet ex ceteris liberis, siue feminini sexus siue masculini, præterito, valet quidem testamentum, sed postea agnatione postumi siue postuma rumpitur, & ea ratione totum infirmatur, ideoque si mulier, ex qua posthumus aut postuma sperabatur, abortum fecerit, impedimento est scriptis hæredibus ad hæreditatem adeundam. Sed feminini quidem sexus persona vel nominatim vel inter ceteros exheredari solebant: dum tamen, si inter ceteros exheredarentur, aliquid eis legaretur, ne viderentur præterita esse per oblivionem. Masculos verò postumos, id est, filios & deinceps, placuit non aliter recte exheredari, nisi nominatim exheredarentur, hoc scilicet modo, Quicumque mihi filius genitus fuerit, exheres esto.

NOTÆ.

1. Postumi) Postumi, vel potius postumi, ut scribendum docet Grot. spars. flor. sup. ad tit. qui test. ius. dar. dicuntur, qui post mortem patris nascuntur, l. 6. de inoff. test. l. 3. §. 1. de injust. rupt. Plutarch. in Coriol. & Syl. Amm. Marcell. lib. 21. Uxorem pragnantem reliquit, unde edita postuma.

Totum infirmatur.) Nec hoc mutatum Nov. 115. c. 3. ut falso existimat Grad. Igitur posthumus cujuscumque sexus aut gradus præteriti agnascendo rumpunt: filii & nepotes præteriti non rumpunt, sed accrescunt scriptis: filius præteritus testamentum valere non patitur, l. 1. l. 3. l. 8. §. 1. de injust. rupt. l. 30. b. 1. Quod si posthumus præteritus vivo patre natus decesserit: datur scripto hæredi bonorum possessio secundum tabulas. l. 12. de injust. rupt.

COMMENTARIUS.

- 1 Cur in posthumis non distinguatur sexus & gradus quoad necessitatem exheredandi?
- 2 Cur placeat posthumis præteritis testamentum ab initio valere?

3 *Quam rationem habeat, quod filia posthuma inter ceteros non rectè exheredabatur absque legato?*

4 *Quam item, quod nepotes posthumi etiam nominatim exheredandi?*

Dictum est de liberis suis hæredibus, qui tempore testamenti facti jam nati sunt; sequitur de posthumis; quo verbo hic intelliguntur omnes, qui nondum nati sunt eo tempore, quo parens testamentum condidit, quamvis eo adhuc vivo postea nascantur, l. 3. §. 1. l. 12. in pr. de injust. rupt. test. Inter hos & liberos jam natos quadruplex discrimen hic animadvertitur. Primum est, quod posthumis præteritis, cujuscumque gradus aut sexus sint, testamentum ab initio jure consistat, cum præterito filio superstite testamentum injustum sit & nullum, l. 1. & d. l. 3. §. 3. de injust. rupt. Secundum, quod posthumi omnes, sive masculi sive foeminae; si hæredes non instituuntur, exheredandi sunt; præteriti agnascendo testamentum rumpunt, & totum infirmant; filii autem patræ & nepotes ex filio præterito non rumpunt, sed scriptis hæredibus ad certam portionem accrescunt, ut dictum §. præc. Tertium, quod posthumis filiiabus inter ceteros exheredatis, pater aliquid legare cogitur; jam natis non item. Quartum, quod posthumi masculi non tantum primi gradus, sed etiam inferiorum, nominatim exheredandi sunt; quod non est necesse in nepotibus tempore testamenti natis.

Valeat quidem testamentum, sed postea agnatione rumpitur.) In hoc cernitur differentia filii posthumi præteriti & jam nati, quia præteritus testamentum subsistere non patitur: item filiarum, nepotumque posthumorum & superstitem, qui præteriti testamentum non rumpunt, l. 8. §. 1. de inju. test. Cajus lib. 2. §. 3. §. 2. Cur verò sexus & gradus non æquè in posthumis distinguitur; ut in liberis natis, placetque non minus agnatione filiarum posthumarum præteritarum, aut nepotis quam filii, testamentum rumpi? Nimirum cum benignè atque humaniter, quoad fieri potest, de parentum in liberos voluntate sentiendum sit; judicaverunt consulti, testatorem vel ignorasse conceptionem vel conceptum & nondum editum per oblivionem præterivisse. Ad hæc incertum est, filius in utero sit, an filia.

2 *Abortum fecerit.*) Hinc petenda ratio; cur posthumo præterito placet testamentum ab initio valere: nimirum quia fieri potest, ut non nascatur, abortum faciente muliere, ex qua sperabatur, l. 2. C. de post. bar. Atque

hæcenus ergo nec pro nato habetur; frustra-que obijcitur, cum, qui in utero est, quoties de commodo ejus agitur, pro eo qui in rebus humanis sit, haberi, l. 7. l. pen. de stat. hom. Nullum enim hic incommodum sentit, cum statim ut editus est, testamentum rumpat, & regula ista sic temperanda est, si modo postea nascatur: tunc enim fictione juris nativitas tetrastrahitur. Quamdiu verò quis in utero est, propriè nondum homo vel animal est, l. 9. §. 1. ad l. Falc. sed spes tantum animantis, l. 2. de mort. inf. nec in potestate patris antequam nascatur, l. ult. de collat. ac proinde qui mortuus editus est, neque natus, neque procreatus videtur, quia nunquam filius appellari potuit, l. qui mortui. 129. de verb. signif. Sed etsi mulier monstruosum aliquid aut prodigiosum enixa sit, placet testamentum non rumpi, l. 3. C. de post. bar. quia liberi non sunt, qui contra formam humani generis procreantur, l. 14. de stat. hom.

Sed faminini quidem sexus persona, &c. Quamquam ad necessitatem exheredandi quod attinet, par omnium posthumorum conditio erat, nec sexus in posthumis distinguebatur; in forma tamen exheredationis aliqua erat jure antiquo differentia inter mates posthumas & foeminas: nam illi omnes non nisi nominatim rectè exheredabantur, hæ poterant & inter ceteros. At enim si inter ceteros exheredatæ essent, non aliter rite exhereditatio facta intelligebatur, quam si quid eis legatum fuisset, Ulp. tit. 22. §. posthumus. 21. Qua in re etiam elucet insignis differentia inter exheredationem posthumarum & filiarum superstitem: hæ enim & sine legato inter ceteros exheredari poterant, illæ non poterant, ne, ut ait hic Imp. viderentur præteritæ per oblivionem. Quippe pro posthuma dici potest, generalem clausulam ad eam non pertinere, cum potius præsumendum sit patrem ignorasse eam esse in utero, & ideo ignoratione potius præterivisse, quam clausula illa, inter ceteros, voluisse exheredari: uti semper benignè judicandum est de patrum erga liberos voluntate, quod facultas fert. De filia autem superstite, quam natam patet novit, dubitari non potest, quin patet cogitavet, & tacitè eam comprehenderit sub simplici & indeterminata exheredatione; uti & de posthuma, cui inter ceteros exheredatæ legatum relinquit, quod præsumptionem oblivionis penitus tollit. Ex iis autem, quæ modo dicta sunt, manifestum est, rectè judicare D. Cujacium ad l. 4. hoc. tit. de interpolacione principii, l. 3. de injust. rupt. & quod Ulp. scripserat, Posthumi virilis

sexus notatim exheredandi sunt, Tribonianum, ut inferviret constitutioni Justiniani, de qua dicendum infra §. *sed hac*. §. sic immutasse, *Posthumi per virilem sexum descendentes*.

Filios & deinceps) Certum est, verbo deinceps intelligi nepotes posthumos ex filio, & eos quidem solos, qui nati sui hæredes futuri sunt: nam alii testamentum non rumpunt, licet in potestate avi nascantur, puta quorum pater adhuc vivit, & in potestate patris sui est, §. *seq. l. 13. de injust. rupt.* Ait, non aliter rectè exheredari, nisi nominatim. Igitur nec si legatum adscriptum fuerit, valetur ne in nepote quidem exhereditatio, non nominatim, sed inter cæteros facta. Atque hic jam norandum, primo diversum jus hac in parte observatum fuisse in nepotibus nascituris & natis. Etenim natos jam nepotes non tantum nominatim, sed inter cæteros quoque exheredare licebat: quin & salvo testamento præterire: ejusdemque omnino conditionis erant, cujus & superstitis filix, §. *prac. Ulp. d. tit. 22*. Nepotes autem posthumi utrisque meliores: quippe qui non modo non præteriri, sed nec inter cæteros tuto poterant exheredari. Quæ juris varietas non aliam rationem habet, quam eam, quæ modo dicta est, filiam posthumam à nata separari. Deinde notanda etiam differentia inter posthumos nepotes & posthumas filias, quæ inter cæteros rectè exheredabantur, utique legato honoratæ: cum nepotis posthumi exhereditatio nominatim facienda esset, nec sufficeret inter cæteros exhereditatos legatum adscripsisse. At enim iniquis; cum nepotes nati eodem jure cum filiabus natis uterentur, cur non similiter placuit, nascituros eodem jure uti, quo utebantur filix nascituræ? Jason aperte, & cum eo tacite Viglius, fatentur, se hujus rei rationem ignorare: & sanè, quod D. Horomannus putat, ubi legatum adscriptum est, non potest esse locus benignæ præsumptioni de alia voluntate parentis, quasi hunc posthumum nepotem non tam excludere voluisse videri debeat, quam per errorem præterivisse. Una illa ex pluribus, quas affert D. Wesemb. maximè probabilis est, quod etsi legatum avus adjecerit, nisi tamen nominatim posthumum nepotem exheredaverit, videri possit & debeat de posthuma filia potius nascitura (quæ inter cæteros cum adjectione legati exheredari solita erat) quàm de postumo masculo cogitasse, spe propagationis nominis & familiaris suæ: cuiusmodi voluntatis conjecturam non admittunt nepotes nati. Quid ergo est, quod Ulp. d. tit. 22. §. *nepotes*. 22. scribit, nepotes &

pronepotes, cæterosque masculos posthumos præter filium, vel nominatim, vel inter cæteros cum adjectione legati exheredandos: sed tutius tamen esse nominatim eos exheredari, atque id observari magis? Nimirum ex ratione juris, quod nepotes & filias fere eadem vult esse conditione, l. 8. 1. *de injust. rupt.* posse & nepotes posthumos sicut filias posthumas exheredari; cæterum propter benignam illam, quam dixi, in dubio voluntatis interpretationem aliud receptum fuisse; VINN. Acutior est ratio hujus discriminis, quam adfert V. G. Schulting. ad Ulpian. l. 6. p. 641. quod jus circa fæminas constitutum originem debeat rationibus Voconianis. HEIN.

Quicumque mihi filius.) Positum exempli causa: ne quis ex hoc loco colligat, nepotem appellatione filii contineri etiam in re odiosa. Utendum autem necessario generali demonstratione, cum speciali nomine aut signo posthumus demonstrari nequeat. An adhuc hodie posthumi, & præsertim post Nov. 115. cap. 3. exheredari cum aliquo effectu possint, alibi videbimus.

TEXTUS.

De quasi posthumis.

2. *Posthumorum autem loco sunt & hi, qui in sui hæredis locum succedendo quasi agnascendo sunt parentibus sui hæredes: ut ecce, si quis filium, & ex eo nepotem neptemve in potestate habeat, quia filius gradu præcedit, is solus jura sui hæredis habet, quamvis nepos quoque & neptis ex eo in eadem potestate sint. Sed si filius ejus vivo ex moriatur, aut qualibet alia ratione exeat de potestate ejus, incipit nepos neptisve in ejus locum succedere, & eo modo jura suorum hæredum quasi agnatione nanciscitur. Ne ergo eo modo rumpatur ejus testamentum, sicut ipsum filium vel hæredem instituire, vel nominatim exheredare, ne non jure facias testamentum: ita & nepotem neptemve ex filio necesse est ei vel hæredem instituire, vel exheredare, ne forte eo vivo, filio mortuo, succedendo in locum ejus nepos, neptisve, quasi agnascendo rumpat testamentum. Idque lege Julia Velleja provisum est: in qua similis exheredationis modus ad similitudinem posthumorum demonstratur.*

NOTÆ.

2. *Quamvis nepos quoque*) §. 2. *inf. de her. qua ab int.* §. 2. *inf. de her. qual.* & hoc firmiter manet avi testamentum, in quo hic nepos præteritus, si vivo filio nec capite minu-

to, avus decesserit, l. 6. pr. de injust. rupt. l. 7. si tab. test.

In ejus locum succedere.) Successio hæz velut quædam agnatio est, propterea quod successione in locum sui hæzedis sunt.

Legè Julia Velleja.) Cujus legis caput secundum, relatum in d. l. 29. §. 30. interpretati Cajus d. l. 13. & Justinianus hic. In casu d. l. 29. §. pen. qui ad neutrum caput legis seorsum pertinet, Julianus quoque induxit, ne rumpatur testamentum, quasi duobus capitibus legis commisit; bellè Fabrot. ad Theoph.

COMMENTARIUS.

1 Quasi posthumorum varia genera.

2 Qui agnascendo, qui succedendo seu quasi agnascendo rumpant?

3 Cur plus tributum nepoti quasi posthuma, quam filia aut nepoti, qui tempore testamenti avo proximus est?

4 Jus antiquum circa institutionem, & exheredationem posthumorum.

5 Quid Gallus Aquilius circa nepotis posthumi institutionem introduxerit?

6 Quid lex Velleja permiserit non permissum jure antiquiore?

SI cui religio est scribere posthumus, is per se licet sine H. scribat, postumus, cum Cujac. l. 3. obs. 4. & in comment. ad l. Gallus 29. hoc r. Illud tamen tenendum est, postumos à veteribus propriè dici eos, qui post mortem patris nascuntur, testibus Ulp. l. 3. §. 1. de injust. test. Varron. lib. 4. Fest. lib. 15. Plutarchus quoque in Sylla scribit, postumos à Romanis appellatos τὸς ὕστερον τὸς πατρὸς τελευτῆς γινόμενους, uti & in Coriolano. Et ideo Græcis interpretibus dicti κοινωφύμενοι, quod mortis parentum tempore in utero fuerint. At post legem Juliam Vellejam, qua & alii liberi, iiq; nati, vivo adhuc parente testatore, hæzedis instituendi aut exheredandi sunt, ne agnascendo aut succedendo testamentum rumpant instar posthumorum, coeperunt duo quodammodo esse posthumorum genera; unum eorum, qui verè & propriè posthumi sunt & dicuntur, videlicet qui nascuntur post mortem parentum quid; alterum qui impropiè & secundum quid, nempe quoad effectum rumpendi testamentum, si non sint instituti aut exheredati, quos quasi posthumos & posthumos Vellejanos appellare possimus. Sed & in his, qui post factum testamentum adoptantur, quæ in manum conveniunt, in filio, qui ex prima secundave ma-

numissione in potestatem patris revertitur, similitudo quædam agnationis suorum hæzendum est, & præteriti instar posthumorum testamentum rumpunt, Ulp. tit. 23. §. 2. Cajus lib. 2. tit. 3. §. 4. l. filio 23. hoc r. junct. §. 1. inf. quib. mod. test. inf. Est & posthumus Cornelianus, qui capto ab hostibus patre natus est in civitate: de quo in l. 15. de injust. rupt. test. l. qui bona 22. §. ult. de capt. & postlimin. Ant. Fab. 10. conj. 9. & 10. ubi disputat, an hic posthumus & Vellejanus dici possit. Descriptum fere ad verbum hic locus est ex Cajo, l. posthumor. 13. de injust. rupt. test.

In suis hæzedis locum succedendo, quasi agnascendo) Nepotes præteriti, qui demum post factum testamentum nascuntur patre mortuo, avo testatore superstitute, non succedendo in locum patris & sui hæzedis, sed agnascendo testamentum rumpunt. Nascuntur enim sui hæzedes, non sunt successione, & ideo pertinent ad caput primum legis Vellejæ, quod Imp. hic non tangit. At illi, de quibus hoc loco & in d. l. 13. sermo est, & scilicet qui jam nati sunt, quo tempore avus testamentum facit, sed quibus pater & suis hæzres obstat, quominus & ipsi jura sui hæzedis habeant, illi inquam præteriti, si vivo adhuc avo pater eorum suis hæzres esse desierit, testamentum rumpunt succedendo, hoc est, subeundo locum patris prædefuncti aut emancipati; non agnascendo (quoniam agnasci propriè dici non possunt, qui ante testamentum nati sunt,) sed quasi agnascendo, propterea quod successione in locum sui hæzedis sui hæzedes sunt; nimirum quemadmodum velut posthumus aut posthumi loco habetur, quia in jus sui hæzedis succedit, ita & successio ejus velut quædam agnatio. Illi ad primum legis Vellejæ caput pertinent, l. 29. §. 12. b. r. hi secundum d. l. 29. §. 13. l. 13. de injust. rupt.

Quia filius gradu præcedit) Fieri potest non in persona filii, sed in persona nepotis, ut in avi potestate sit, nec tamen inter suos hæzedes numeretur, eo quod pater eum in causa successione præcedat: neque enim ad hoc ut quis jus sui hæzedis habeat, sufficit in potestate esse, nisi simul proximum à defuncto gradum obtineat, hoc est, nemo eum in suo ordine antecedit, §. 2. inf. de her. qual. & diff. §. 2. inf. de her. qua ab int. Et ideo nepos, quem pater præcedit, nec exheredari ab avo debet, sed firmum manet avi testamentum, in quo hic nepos præteritus est, si vivo filio & in eodem statu manente avus decesserit, l. 6. in pr. de injust. rupt. l. 7. unde lib.

Sed si filius vivo eo moriatur) Filio de familia

lia sublato, statim nepos ex eo in locum gradum ejus successit, atque in succedendo in familia avi jus sui hæredis quasi agnatione nanciscitur: quapropter si eo se tempore præteritum deprehendat, exemplo posthumi testamentum rumpit. Unde qui filium atque ex eo nepotem in potestate habet, ei, si omnino securè testari velit, necesse est etiam hunc nepotem similiter ut filium hæredem instituire vel exheredare: alioqui si contingat filium vivente adhuc patre suo mori, aliave ratione de familia exiri, nepos mox patris locum occupans testamentum rumpet.

Ita & nepotem neptemve ex filio) Plus igitur tribuitur huic nepri, quam filiz, quæ præterita jure antiquo testamentum non rumpit, *sup. eod. in pr.* Hoc ne cui mirum videatur, animadvertendum est agi hic de nepte, quam pater tempore facti testamenti præcedebat, & quæ postea in illis sublato locum succedit instar posthumæ. Itaque quod juris erat in filia posthuma, ut præterita testamentum rumpere, id procedendum erat ad hanc neptem, quasi posthumam, simili conjectura pietatis, quippe quam, ut credi par est, hæredem avus fecisset, si tempore testamenti primum ab eo gradum obtrinuisset. Eademque ratio est, cur neptis hæc meliore etiam conditione sit, quam nepos, qui tempore testamenti avo proximus est: quod cum non animadverteret D. Viglius, credidit, *in pr. b. t. jus antiquum* referri, quod postea lex Velleja abrogaverit, insigni & manifesto errore, illud quoque notandum, quod particula *nominatim*, quæ in propositione hujus comparationis exprimitur, non reperitur in redditione, uti nec in *d. l. 13. de injust. rupt.* Id quod consulto factum est, ut intelligamus, neptem quidem cum filio comparari in exheredatione, quod necessitatem; at non in qualitate aut modo exheredandi. Et enim cum neptis ex filio ascendens in locum patris utatur jure posthumæ, sufficere debet indefinitè eam exheredari, utique cum adjectione legati: quandoquidem non plus juris habet filia posthuma. Enim verò nepotem, quem posthumi jure uti placuit, eadem forma, qua filium, exheredandum esse arguunt, quæ Imperator dixit in calce *§. præc.*

Leges Julia Velleja provisum est) Legis hujus duo præcipua capita fuisse docet nos Scævola *l. Gallus. 29. §. nunc de it. & seqq. hoc tit.* quorum uno permissum fuit, institui posthumos etiam alienos dummodo sui nascerentur, licet vivo adhuc testatore: altero cautum, ne nepotes in locum sui hæredis succedentes testamentum rumpere, in quo ipsi instituti es-

sent, vel exheredati, cujus posterioris capituli explicatio à Justiniano hoc loco tradita est verbis Caji in *l. posthumorum. 15. de injust. rupt. test.* Nihil adhuc intelligimus, nisi sciamus, cur in eas res lata fuerit lex Velleja, & quid ea permisit non permissum jure antiquiore. Exponam autem paucis quid in re obscura sentiam. Cum lege duodecim tabb. ita cautum esset: *Uti quisque legasset sua rei, ita jus esto, l. verbis. 120. de verb. sign.* hæc legis verba, *uti legasset*, sic prudentes interpretati sunt, uti quisque certo consilio ac judicio statuerit, decreverit, ac imperaverit, quid de re pecuniaria ~~sem~~ post mortem suam fieri velit. Absurdum enim visum fuit, eam testatoris voluntatem jus facere aut ratam haberi, quæ nec consilio nec judicio certo regeretur. Hinc ex sententia legis persona incerta, hoc est, quam incerta opinione animo suo testator subjecerat, neque hæres institui, neque legatum ex testamento capere poterat, *§. incertis. 25. de legat. inf. Ulp. tit. 22. §. 1.* ubi & eandem hanc ejus rei rationem reddit, quoniam certum esse debet consilium testantis. His porro consequens est, nec eum, qui in utero est, ex ejusdem legis sententia hæredem potuisse institui, utpote qui & ipse persona incerta habeatur, aut ut Theophilus loquitur *§. alienus. 26. inf. de legat. ita rei inaptus propterea*, propterea credo, quod incertum est, an nasciturus aliquando sit necne masculus an femina; unus, an plures nascituri. Et quamquam quod ad legitimas hæreditates posthumus pro jam nato semper habitus est, *l. pen. de stat. hom.* id tamen ob rationem, quam diximus, non obtinebat in hæreditate testamentaria. Cum igitur ea ratione eveniret, ut si institutus, sive exheredatus, sive præteritus esset is posthumus, qui suis hæres testatori nasciturus erat, testamentum agnascendo rumpere, & in totum voluntatem testatoris everteret, paulatim disputatione fori introducum ad conservanda suprema hominum judicia, ut & in testamentaria successione posthumi sui, hoc est, qui si tempore testamenti nascerentur, inter suos hæres futuri & præteriti testamentum omnimodo rupturi essent, pro natis haberentur, instituique atque exheredari possent: quod Cajs quodammodo significat *lib. 2. tit. 1. §. 2.* ubi de institutione & exheredatione posthumorum agens ait, in ea etiam re legitime conceptos pro natis haberi. In alieno posthumus nihil visum, cur à ratione juris veteris recederetur; quippe cujus institutio necessaria non est, cum natus testamentum

num-

numquam rumpat. At enimvero quia fieri potest, ut quo tempore testamenti alienus est, suus tamen nascatur, atque ita rumpat, (nam cum queritur, an testamentum agnatione rumpatur, non conceptionis tempus, sed natiuitatis inspicitur,) Gallus Aquilius induxit, (non legem ferens, ut perperam Viglius, sed quod nemo ante eum observauerat offendens) posse etiam eos posthumos, & nimirum nepotes, qui testamenti quidem tempore alieni sunt, subducto autem patre sui hæredis avo nascerentur hæredes institui sine fraude ejus juris, quo placebat, posthumos alienos hæredes institui non posse. Quam in rem concepit hujuscemodi formulam, *Filius meus hæres esto. Si filius meus vivo me morietur: tunc si quis mihi ex eo nepos post mortem meam in decem mensibus proximis, quibus filius meus moreretur, natus erit, hæres esto, l. Gallus. 29. b. t.* Dices, nepotem hic institutum esse posthumum alienum. Farebor, si simpliciter consideretur ut posthumus, quia si tempore testamenti facti nasceretur, non esset suus hæres avo testatori. Negabo, si ut posthumus Aquilianus, sive, eo modo, quo à Gallo instituitur, qui institutionem hujus nepotis confert in id tempus, quo suus erit: ea vis est articuli tunc, quo temporis extremitatem significat, *l. 4. §. 1. de cond. & dem.* Hoc igitur modo consideratus, non alienus, sed suus est, & salva ratione juris veteris juxta formulam Aquilianam instituitur. Adhuc posthumi vivo testatore nati institutio inutilis erat. Etenim cum ut posthumos hæredes instituere liceret, eatenus dumtaxat receptum esset, quatenus testamentorum favor & necessitas postulabat, eorum, qui vivo testatore nascuntur, institutio non videbatur necessaria: quamvis enim & ipsi non eo minus testamentum rumpant; licebat tamen testatori aliud testamentum condere, & rei suæ de integro prospicere. Porro nec is posthumus, qui tempore testamenti alienus erat, pure poterat institui: hoc enim ut fieri posset, Gallus non induxerat, neque adeo inducere poterat salva ratione juris. Postremo neque nepotis, quem filius præcedebat, nati ante testamentum factum institutio efficiebat, quominus in patris remoti locum postea succedens testamentum rumperet: fortassis quia visum est non sufficere, institutum esse tamquam extraneum eum, qui tempore mortis testatoris reperitur suus. Tandem etiam in istis omnibus testamentorum securitati prospectum est lege Julia Velleja; cujus legis, ut ante quoque diximus, duo capita fuerunt, quorum primo permittitur eorum posthumorum insti-

tutio, qui vivis nobis sui nasciturus sunt, ut etiam pure institui possint; capite altero cavetur, ne nepotes jam nati tempore testamenti facti succedentes vivo testatore in locum sui hæredis testamentum rumpant, in quo ipsi sunt instituti aut exhæredati, *d. l. Gallus. 29. §. nunc de. 11. cum seqq. b. t.* Plura qui nosse desiderat, adeat commentaria, quæ in *d. l.* extant doctissimorum hominum, Salomonii, Goveani, Cujacii, Duareni, Alciati *lib. 3. paradox. 2. & seqq. Ant. Fab. lib. 9. conj. pot. tot. & multis cap. lib. 10. sed nostra hæc ut præluceant. VINN.* Obiter monere visum, hanc legem propriè non dici *Juliam Vellejam*, uti in hoc §. & apud Ulpian. *tit. 22. §. 19.* scriptum reperimus, sed *Juliam Vellejam. l. 10. §. 2. ff. de test. tut. l. 13. ff. de injust. rupt. irr.* Unde auctores sunt Junius Silanus & Vellejus Tutor Coss. quibus & SC. Vellejanum tribuitur. *l. 2. §. 1. ff. ad SC. Vell. Add. laudat. Schulting. ad Ulpian. l. c. p. 640. HEIN.*

TEXTUS.

De emancipatis.

3. *Emancipatos liberos jure civili neque hæredes instituere neque exhæredare necesse est: quia non sunt sui hæredes. Sed prætor omnes tam feminini sexus, quam masculini, si hæredes non instituantur, exhæredari jubet; virilis sexus nominatim; feminini verò inter ceteros: quia si neque hæredes instituti fuerint, neque ita, (ut diximus,) exhæredari, promittit eis prætor contra tabulas testamenti bonorum possessionem.*

COMMENTARIUS.

1. *Emancipatos sub colore quodam suitatis à prætor vocati ad bonorum possessionem.*
2. *Prætorum in modo exhæredandi secutum distinctionem sexus & gradus, quam jus civile fecit.*
3. *Aburdum non esse, quod filia emancipata melioris conditionis jure prætorio fuerint, quam non emancipata jure civili.*

Quia non sunt sui hæredes) Liberi emancipati exeunt à familia & potestate patris, §. *præterea 6. sup. quib. mod. jus pat. pot. solv.* ac sui juris ita effecti propriam familiam habere incipiunt; *l. pronuntiatio. 191. §. 2. de verb. sign.* Itaque jus omne, quod in familia patris antea habebant, amittunt: desunt esse sui hæredes & agnati, quos solos ad successionem ab intestato lex vocat propter
Fff fa-

familiam conservationem : denique pro alienis & extraneis jure civili habentur. l. 6. §. 1. de bon. poss. l. 7. de cap. min. §. inf. de her. qual. §. emancipati. 9. inf. de hered. ab int. Quo posito sequitur. nec ullam eo jure patri necessitatem imponi liberos emancipatos vel instituendi, vel exheredandi, eorumque præteritione testamentum injustum aut nullum non esse.

Prætor si hæredes non instituatur, exheredari jubet) Quamvis jure civili deficient liberi, qui propter capitis diminutionem, hoc est, emancipationem, defuerint esse sui hæredes, tamen prætor naturali æquitate motus, & partim etiam ratione civili, (quippe emancipati non minus natura liberi sunt & masculorum soboles, quod ex patre jus civile considerat, quàm non emancipati,) rescindit eorum capitis diminutionem l. 6. §. 1. de bon. poss. Et si testamentum factum præteriti sunt, pollicetur eis bonorum possessionem contra tabulas, l. 1. & passim de bon. poss. cont. tab. & cum suis quoque hæredibus ab intestato eos vocat ad bonorum possessionem unde liberi. §. emancipati. 9. infr. de her. ab int. d. l. 6. §. 1. Itaque cum effectu juris emancipati beneficio prætoris tantum consequantur quantum sui, (bonorum enim possessio re ipsa & effectu juris ab hereditate nihil differt, l. 1. l. 2. de bon. poss.) ideo ait, jubet prætorem emancipatos quoque liberos hæredes institui aut exheredari. Et notandum, quod Jurisconsultus in d. l. 6. §. 1. eod. tit. ait, prætorem rescindere eorum capitis diminutionem post mortem patris. Ex quo intelligimus emancipatos non simpliciter ut emancipatos, sed sub colore quodam suitatis à prætore admitti quasi de potestate nunquam exiissent. Etenim rescissa capitis diminutione, quodammodo in integrum, & in pristinum statum restituuntur. fac. l. 3. §. si emancipatus. §. cont. tab. & ibi Glossa.

Fæminini sexus inter ceteros) Cujas. Hotom. Welsch. & inter ceteros, quod magis placet, quasi dicat Imperator, vel nominatim, vel inter ceteros; aut, ut Ulp. tit. 22. §. emancipatos. 23. Masculos nominatim, fæminas vel inter ceteros. Voluit nimirum prætor, in modo exheredandi servari differentiam, quam in sexu jus civile faciebat, & haud dubie etiam quam idem jus faciebat in gradu, de quo in pr. hujus tit. Melioris tamen conditionis apparet fuisse filias emancipatas jure prætorio, quàm erant filix non emancipatæ jure civili: quippe cum illæ præteritæ testamentum in totum jure prætorio rescinderent, hæ non rescinderent, sed salvo testamento ad certam

dumtaxat portionem scriptis hæredibus jure civili accrescerent. Quod minime absurdum est, licet id existimet D. Bachovius: siquidem filix, quæ in potestate erant, præteritæ, præter jus illud accrescendi, quod jus civile tribuebat, idem etiam jus habebant jure prætorio, quod emancipatæ, (in quo erravit Bachovius, ut supra ostendimus) & testamentum in totum evehebant. Quamquam post constitutionem Antonini non plus per bonorum possessionem contra tabulas consequetur, quàm quantum jure civili capiebant per jus accrescendi, l. ult. circa pr. C. de lib. præi. & omnino verisimile est, post eam constitutionem nec emancipatas per eandem bonorum possessionem plus accepisse, quàm accepturæ fuissent, si manifest in potestate: quod & Theophilus pro certo tradidit.

Premittit) ita legendum, non permittit. l. 7. C. comm. de succ. in Basil. ἐπιγγιλλται (eis prætor bon. possessionem contra tabul.) Testamentum, in quo emancipatus præteritus est, & civili & prætorio jure subsistit: & ideo emancipatus præterito, prætor non dat bonorum possessionem ab intestato unde liberi; sicut præterito, qui in potestate est: nam tale testamentum jure civili non confistit, sed rescindit testamentum patris data bonorum possessione contra tabulas, l. 1. de legat. præst. cont. tab. neque aliud remedium emancipati præteriti habent. Cur vero suis præteritis, qui vel jure civili, vel ex edicto unde liberi ab intestato succedere possunt, nihilominus hoc etiam remedium à Prætore detur, dicemus suo loco tit. de bon. poss. lib. 3. Quod detur, satis argumenti est, tale testamentum jure prætorio non esse nullum: est enim remedium hoc natura sua rescissorium; quod autem nullum est, rescindi non potest, l. 5. de injust. rupt. test. de quo copiosius differimus in pr. hujus tit.

TEXTUS.

De adoptivis.

4. Adoptivi liberi, quamdiu sunt in potestate patris adoptivi, ejusdem juris habentur, cujus sunt fuisse nuptiis quasi. Itaque hæres instituendi vel exheredandi sunt secundum ea, quæ de naturalibus exposuimus. Emancipati verò à patre adoptivo neque jure civili, neque eo jure, quod ad edictum prætoris attinet, inter liberos connumerantur. Quia ratione accidit, ut ex diverso, quod ad naturalem parentem attinet, quamdiu quidem sunt in adoptiva familia, extraneorum numero habeantur, ut eos neque hæredes instituere, neque exheredare neces-

esse sit: cum verò emancipati fuerint ab adoptivo patre, tunc incipiant in ea causa esse, in qua futuri essent, si à naturali patre emancipati fuerint.

NOTÆ.

4. *Ejusdem juris*) Extra nuptias quæsti huc non pertinent. Legitimati tamen pertinent, §. 9. *inf. de her. ab int. Nov. 89.*

Neque jure civili, &c.) Non jure civili, quia desinunt esse sui hæredes: neque jure prætorio, quia simul nomen quoque liberorum amittunt; l. 4. *fi tab. test. l. 1. §. 6. l. 3. §. 2. cont. tab.*

Extraneorum numero) Tantùm tertio loco ab intestato à Prætorè admittuntur in ordine organorum, §. 13. *inf. de hered. ab intest. l. 1. §. 4. unde cogn.*

Cum verò emancipati, &c.) Scilicet vivo patre naturali, §. 20. *inf. d. l. 1.* Hoc enim casu, ne utriusque parentis exciderent successione, voluit prætor, eos jus naturale liberorum recuperare, l. 4. *fi tab. test.*

COMMENTARIUS.

- 1 *Insignis error Hotomanni notatus.*
- 2 *Jura liberorum adoptivorum emancipatione in totum dissolvi.*
- 3 *Adoptatos, quamdiu sunt in familia adoptiva, jus liberorum in familia patris naturalis non habere.*
- 4 *Emancipatos à patre adoptivo jus familie naturalis, quod emancipati beneficio prætoris habent, recuperare.*

CUM adoptio æquè liberis adoptatis tribuat jus & nomen filiorumfamil. suorumque heredum, ac natura naturalibus, l. 1. *¶ passim, de adopt. §. 2. inf. de her. quæ ab int. l. 5. C. de suis & leg. cum similib.* consequens omnino est, ut ipsi non minus, quàm liberi naturales hæredes institui debeant, aut exhæredari: atque ut præteriti idem jus habeant circa parentum testamentum infirmis, quod naturales habent, l. 2. *in pr. cont. tab.* Naturales autem liberos hic intelligimus eos, qui ex iustis nuptiis procreati sunt: sic enim passim in collatione adoptivorum appellantur, ut notavimus ad *pr. sup. de adopt.* Cæterum legitimati quoque appellatione naturalium continentur: quippe quibus eadem jura per omnia data sunt, quæ habent ii, qui ab initio ex legitimo matrimonio nati sunt, d. §. 2. *inf. de her. ab int. Nov. 89.* De his dictum §. ultim. *sup. de nupt.*

Secundum ea, quæ de naturalibus exposuimus) Et igitur filii adoptivi nominatim exhæredandi, nepotes & filiz vel inter cæteros. Item filio adoptivo præterito, aut non rite exhæredato, testamentum ipso jure nullum est; filia & nepote præteritis, firmum manet, sed præteriti institutis hæredibus accrescit ad eam portionem, ad quam præteritæ filiz & nepotes naturales, secundum ea, quæ tradita sunt initio hujus tituli. Dormitavit ergo Hotomannus, cum putavit, majus jus fuisse filiz adoptivæ, quàm naturalis; quasi illius præterito testamentum rupisset, hujus non rupisset, per l. 2. *in pr. de injust. rupt. test.* Alioqui ceterè vidisset, Ulpianum loqui eo loci, non de præteritione filiz, quæ jam ante à testatore adoptata fuerat, quàm testamentum faceret; verum de adoptata vel adrogata demum post factum testamentum: quæ cum utatur jure posthumæ, & in posthumis sexus non distinguatur, quod ad effectum rumpendi attinet, §. 2. *sup. cod. testamentum rumpit* quasi agnatione sui hæredis.

Emancipati à patre adoptivo neque jure civili, &c.) Jura liberorum adoptivorum non diutius durant, quàm quamdiu constat adoptio; ea per emancipationem dissoluta, nullum amplius jus habent, sed penitus extranei sunt patri quondam adoptivo, sive jus civile species, quia desierunt esse sui hæredes: sive honorarium, quia & nomen liberorum amiserunt, ut cesset ratio naturalis & æquitas edicti, l. 4. *unde liberi, l. 1. §. 1. §. 1. §. 2. cont. tab.* Et igitur nec testamento factò præteriti contra tabulas admittuntur, hoc text. *¶ §. eodem. 12. inf. de her. quæ ab int.* nec ad bonorum possessionem unde liberi ab intestato, l. 1. §. *liberos. 6. d. l. 4. unde lib. §. minus ergo. 11. ¶ d. §. eadem. 12. inf. de her. ab int.*

Quamdiu sunt in adoptiva familia, extraneorum numero) Liberi adoptati, quamdiu sunt in familia adoptiva, jus liberorum non habent in familia patris naturalis; sed huic interim intelliguntur esse extranei, non tantùm jure civili, verùm etiam eo jure, quod pertinet ad edictum prætoris. Etenim prætor abunde eos habere censuit in familia patris adoptivi, cui jure civili succedunt, unde iusturam bonorum patris naturalis faciant; absurdum autem esse, unum atque eundem jus filii cum effectu succedendi obtinere in bonis duorum patrum. Quamobrem qui in adoptiva familia sunt, quo tempore naturalis parens moritur, ii præteriti, neque jure civili testamentum nullum dicere possunt, neque jure prætorio bonorum possessionem contra tabu-

las petere, neque quasi liberi ab intestato, §. *at bi. 10. cum seqq. inf. de her. ab int. fac. l. ult. unde lib. tantum tertio ordine hoc casu admittuntur ut cognati*, §. *admonendi. 13. d. tit.*

4. Cùm emancipati fuerint ab adoptivo patre, tunc incipiunt, &c.) Quoniam emancipati à patre adoptivo nihil in ejus familia juris retinent, uti modo relatum est, ne utriusque parentis successione fraudentur, voluit prætor, eos jus familiaris naturalis recuperare, *d. l. 4. unde lib.* hoc est, eo jure haberi, ac si à vero & naturali patre emancipati essent; inque eo statu semper mansissent, ut nisi hæredes instituti, aut exheredati fuerint, bonorum possessionem contra tabulas petere possint. Nec interest, utrum qui à naturali parente in adoptionem datus sit, an qui emancipatus ab eo ipse se adrogari sciverit, postea iterum à patre adoptivo emancipetur; dum tamen vivo adhuc parente naturali. Quod omnino addendum est *d. §. at bi. 10. infr. de her. qua ab int. def.*

TEXTUS.

Jus novum.

§. Sed hæc quidem vetustas introducebat. Nostra verò constitutio inter masculos & feminas in hoc jure nihil interesse existimans, quia utraque persona in hominum procreationem simili natura officio fungitur, & lege antiqua duodecim tabularum omnes similiter ad successionem ab intestato vocabantur, quod & prætores postea sequuti esse videntur: ideo simplex ac simile jus, & in filiis & in filiabus & in cæteris descendantibus per virilem sexum personis, non solum jam natis sed etiam posthumis, introduxit; ut omnes siue sui siue emancipati sint, vel hæredes instituantur, vel nominatim exheredentur: & eundem habeant effectum circa testamenta parentum suorum inferenda & hereditatem auferendam, quem filii sui vel emancipati habent siue jam nati sint, siue adhuc in utero constituti, postea nati sint. Circa adoptivos autem filios certam induximus divisionem, qua in nostra constitutione, quam super adoptivis tulimus, continetur.

NOTÆ.

§. Nostra constitutio) L. 4. C. b. t. ex qua petenda interpretatio hujus §.

Legge 12. tabularum) L. 14. C. de legit. her. ubi hæc eadem iisdem fere verbis exponuntur.

Per virilem sexum) Quippe matri & avo materno in causa institutionis & exheredatio-

nis liberi extranei sunt tam jure prætorio, quam civili, *inf. §. ult.*

Ut omne) Tam filix & nepotes nepotesque, quam filii, & tam nascituri, quam jam nati. Tollitur igitur hic differentia, quæ oriebatur ex sexu & gradu tam in suis *sup. in pr.* quam emancipatis, *sup. §. 1.* tam in jam natis quam in posthumis, *§. 1. sup.* Differentia autem inter suos & emancipatos non tollitur, hoc est, emancipati liberi non exquantur suis, ut & ipsi præteritis testamentum jure non substat.

In utero constituti) Ut filix posthumæ non nominatim exheredatæ agnoscendo rumpant, licet, legatum acceperint: quod secus erat jure antiquo, §. 1. *sup.*

COMMENTARIUS.

- 1 Sublatio differentia circa effectum præteritionis, & modum exheredationis liberorum, ratione sexus.
- 2 Eorundem circa eadem exaquis ratio graduum.
- 3 Sublatio discriminis, quod circa eadem erat in sexus inter posthumos.
- 4 Falli qui putant hoc §. tolli differentiam suorum & emancipatorum.
- 5 Quid novi circa liberos adoptivos induxit Justinianus?

HUc usque relatio juris antiqui: sequitur novum introductum constitutione Justiniani, quæ extat, *l. ult. C. b. t.* qua ille constitutione suffulcit veterem in re, de qua disputamus, differentiam sexus & gradus liberorum, natorum & posthumorum, jussitque omnes, siue mares sint, siue foeminae, siue filii, siue nepotes, siue jam nati, siue adhuc nascituri, æqualiter vel institui vel exheredari, siue de jure civili quaratur, siue de jure prætorio. Triplicem autem hoc loco causam assert, qua motus, novum hoc jus constituerit: quæ tamen in summa una est, favor sexus foemine.

Quia utraque persona simili natura officio) Prima ratio introducendi novi juris, quod foeminae in procreatione liberorum eodem cum maribus officio naturæ funguntur. Et ideo constitutione sua insurgit in auctores istarum differentiarum, quasi naturæ accusatores existant: quæ cur, inquit, non totos masculos generavit, ut unde generentur, non fiant? Cæterum ut demus hoc verum esse, & utique hoc verum est, naturam utroque sexu ad conversationem humani generis æqualiter indigere: ratio tamen hæc tanti non est, ut propter eam jus vetus tanquam iniquum mutari debueret.

buerit sanè non ideo dicendus est naturam accusare, qui masculos à feminis in successione parentum sive testamentaria sive ab intestato fecerint: alioqui & ipse naturæ auctor accusandus fuerit, qui filio superstare à successione patris excludit filium, Num. 27. v. 8. sunt enim & alia, maximeque jura familiæ & agnationis, ob quæ meliore conditione mares esse in causa successioneis, quàm fœminas; iniquum non est.

Et lege antiqua 12. tab. omnes similiter) Ratio altera, qua argumentando à successione ab intestato ad testamentariam novi vii juris æquiritatem commendat. Notum autem est, leg. 12. tabb. in successione liberorum ab intestato nullum discrimen in sexu agnoscere, filiisque non minus, quàm filios ad hereditatem intestati parentis vocare. Quin & nepotes nepotesque ex filio, qui in potestate sunt, si filius suus hæres esse desit, l. 1. §. 2. & 4. de suis & legit. §. 2. & 6. inf. de her. ab int. & tamen distinctio inter sexum & gradum testamento facta est ex ratione ejusdem legis, arg. l. 8. §. 1. de injust. rupt. test. & certe plus est evertere testamentum, quàm jus succedendi ab intestato habere. Ait, Quod & prætores postea secuti videntur; scilicet in causa bonorum possessione ab intestato. Nam testamento facto filiabus inter ceteros exheredatis contra tabulas bonorum possessionem nec prætor dedit, non magis quàm emancipatis aut filiabus posthumis, quibus inter ceteros exheredatis legatum adscriptum erat, §. 1. & 3. sup. junct. l. 8. in princ. cont. tab.

Et in filiis & in filiabus & in ceteris, non solum jam natis, sed etiam posthumis) His verbis tollitur tota illa veteris juris differentia circa effectum præteritionis & formam exhereditationis, quæ præcedentibus §§. ex eo jure relata est. Et primum exæquantur liberi in sexu, (pertinent autem hæ exæquationes ad utrumque jus, prætorium, & civile) jubenturque tam filix, quàm filii, si hæredes non instituantur, nominatim, exheredari: præteritis, aut non nominatim exheredatis datur idem jus ad infirmandum patris testamentum, quod filii sui vel emancipati præteriti aut non nominatim exheredati, illi jure civili, hi jure prætorio habent. Filiabus igitur, quæ in potestate sunt, præteritis, jus testamentum nullum dicendi, emancipatis everendi per bonorum possessionem contra tabulas. Itaque quod in pr. bujus tit. ex jure veteri traditum est, filiabus, quæ in potestate erant, præteritis testamentum non fuisse nullum, sed præteritis salvo testamento ad cer-

tam portionem accrevisse hæredibus scriptis, hic jam abrogatur, & testamentum jubetur esse inutile. Uti & illud, quod eodem loco refertur, potuisse & inter ceteros filias hæc exheredari, eo scilicet effectu, ut & jus civile eas repelleret à jure accrescendi, & prætor à bonorum possessione contra tabulas, l. 8. cont. tab. Nullumque aliud remedium eis superesse præter unum querelæ inofficiosi, arg. d. l. 8. junct. §. ult. inf. hoc tit. Nunc enim post constitutionem Justiniani, etsi exheredatæ sunt, dum tamen non nominatim, sed inter ceteros, testamentum jure civili non magis subsistit, quàm si filius inter ceteros exheredatus sit: patebitque eis, ut præteritis, etiam prætorium, quod dixi, remedium, cessante querela inofficiosi testamenti, d. l. 8. §. 2. cont. tab. junct. §. 2. inf. de inoff. test. Denique & illud, quod prætori satis erat ad denegandam filiabus emancipatis bonorum possessionem contra tabulas, si inter ceteros essent exheredatæ: nunc enim tanquam præteritæ à prætor admittendæ sunt instæ filiorum emancipatorum, quos non nominatim exheredatos præteritis & olim prætor habuit, §. emancipator, sup. eod. Secundo tollitur differentia graduum, liberique secundi gradus & inferiorum æquantur liberis primi gradus, hoc est, nepotes & deinceps per virilem sexum descendentes filii, quod utriusque juris effectum. Ac proinde quemadmodum filii sui, ita & sui nepotes deinceps vel instituti sunt, vel nominatim exheredandi, iisque præteritis aut non nominatim exheredatis perinde testamentum ipso jure nullum erit, ac si filius, qui in potestate est, præteritis aut non nominatim exheredatus esset: cessatque jus verus accrescendi, quod manente testamento nepotibus quoque suis præteritis dabatur, d. pr. bujus tit. & prætor etiam generali tantum clausula exheredatos tanquam præteritos nunc agnoscit. Deinde ut filio emancipato non instituto, neque nominatim exheredato, prætor dat bonorum possessionem contra tabulas; ita & natis ex eo, qua pater eos non præcedit, per l. 3. in pr. & §. cont. tab. Tertio tollitur differentia inter natos & posthumos, & simul, quæ in sexu quoque erat inter ipsos posthumos, jubenturque & filix posthumæ & nepotes ex filio institui, aut nominatim exheredari, perinde ut liberi jam nati & posthumi masculi: idemque jus datur filiis & nepotibus posthumis præteritis, vel non specialiter exheredatis, quod posthumi masculi habent, scilicet ne agnoscendo testamentum rumpant etiam si legatum acceperint: quod secus erat jure veteri,

ri, §. 1. *sup. eoz.* quo jure cum nec prætor bonorum possessionem contra tabulas daret, d. l. 8. *con. tab.* necessaria hoc casu erat posthumis formius querela inofficiosi testamenti, §. 2. *de inoff. test.* nunc autem & jure civili tamquam præteritæ rumpunt, & à prætore non negliguntur. Atque hanc esse hujus loci sententiam, cum sequentia demonstrant, tum apertissime d. l. ult. *ver. sancimus*, & *seq. C. hoc tit.*

4 *Ut omnes sive sui, sive emancipati sint, &c.*) Hallucinatur Barth. in *auth. ex causa*, C. *hoc tit.* & cum eo fere interpretes veruliores, qui teste Curtio Jun. in d. *auth.* nu. 43. & Jul. Claro §. *testamentum. qu.* 42. nu. 2. tolli quoque hoc loco putant differentiam liberorum suorum & emancipatorum. Palam enim est his verbis, *ut omnes sive sui, sive emancipati, eundem habeant effectum, quem filii sui vel emancipati habent*, non comparari emancipatos cum suis, sed cum filiis suis ceteros suos liberos, cum filiis emancipatis ceteros emancipatos eorumque masculorum liberos, cum sexu virili sexum foemineum, cum gradu primo gradus inferiores: ac proinde non hoc velle Justinianum, ut emancipati sublata necessitate auxilii prætorii redigantur ad conditionem filiorum suorum; verum ut filii, nepotes, neptes, & deinceps per virilem sexum descendentes, redigantur ad conditionem filiorum, sui & suæ ad suorum, & jus, quod illi habent jure civili, alii aliæ ad emancipationem, & jus, quod illi habent jure prætorio; ut sui suæ, præteriti præteritæ, aut nominatim non exheredati exheredatæ, adinstar filii sui testamentum ipso jure everunt, alii aliæ adinstar filii emancipati per contra tabulas bonorum possessionem stare hoc non patiantur. Quibus fere verbis ipse Justinianus utitur in d. *sua constitutione, ver. sancimus*. Thalezeus ad l. 1. §. 1. *comin. de man.* ibi, *in aliis pene omnibus nulla est int. r. liberos discretio. Καλὸς ὁμοί, τὶ σκιδος, ἰκιδος, οἱ μὲν ἐμμενῶν, πρæteriti γυναικῶν ἀφαιρῶντι πατρὸς τὴν διαδοχὴν, οἱ δὲ emancipati, contra tabulas ἐχθροῦ.* Nihil pro Bart. facit, quod Justinianum impulit ad novi juris constitutionem simplex & æquale liberorum jus in successione ab intestato. Immo contra. Nam ut in causa intestati lex duodecim tab. non distinguebat sexum & gradum in suis, prætor non distinguebat in emancipatis; ita nunc similiter in causa testamenti eandem vult servari simplicitatem jure civili in suis, jure honorario in emancipatis: Igitur nec in successione ab intestato par conditio emancipato-

rum & suorum fuit, nec par nec facta est a Justiniano. Et aliqui sequeretur, nepotem ex filio emancipato in potestate retentum post constitutionem Justiniani non potuisse amplius succedere in locum patris sui, & jura suorum heredum nascisci in familia avi: nec ab avo præteritum rumpere testamentum. Quæ omnia perspicue falsa esse constat. Et demum longo tempore post in successione ab intestato Justinianum emancipatos suis exequasse apparet, ex *Nov. 118. c. 1.* quæ tamen exequatio sic rectè accepta est, ut nihil amplius tribuat emancipatis, quàm ut jure civili hereditatem capere possint circa beneficium prætoris; non ut ipso jure, ut sui hæredes existant; sed ne fiant heredes hereditatem adeundo, sicut extranei; nec tamen hoc trahendum esse ad successionem testamentariam, inde colligo, quod testamentum ipso jure evertere majus aliquid sit, quàm ut non suis hæredibus præteritis concedi debeat.

Circa adoptivos certam induximus divisionem) L. *pen. C. de adopt.* Cujus sententia refertur §. 2. *sup. de adopt.* Et iterum plenius §. *sed ea. 14. inf. de her. que ab intest.* Quid, quæ obrem, hic Imperator constituerit, tribus verbis indicabo. Olim qui à patre naturali in adoptionem dabatur, transibat sine ulla distinctione in familiam & potestatem patris adoptivi: unde quamdiu constabat adoptio, pro extraneis erant patri naturali, in tantum ut nec à prætore jure liberorum censerentur, sed agnatorum dumtaxat. Emancipati autem à patre adoptivo recipiebant jus naturale liberorum, quod beneficio prætoris habent emancipati à patre naturali, dum in eo statu manent: ceterum hoc ita, si vivo adhuc patre naturali emancipati erant, non si post mortem ejus, ne legitimis aut scriptis hæredibus semel delata aut quæsitæ hæredibus afferretur, §. *at bi. 10. inf. de her. ab int.* Unde cum fieri posset, ut hic filius utriusque patris hereditate excideret; patris naturalis, quod eo moriente adhuc esset familia adoptiva; & simul etiam patris adoptivi, si postea emanciparetur; huic incommodo à Justiniano occursum est, cautumque, ne liberi à patre naturali in adoptionem dati jus successionis, aliudve jus ullum in familia ejus amittant, neve transcant in potestatem patris adoptivi, extra quam si avus nepotem ex filio emancipato in adoptionem acceperit. Hoc constituto, jam per se intelligitur ei, qui extraneum adoptaverit, nullam necessitatem imponi hunc vel instituendi vel exheredandi, sive jus civile, sive prætorium consideres, sive etiam

extraordinarium remedium querelæ inofficiosi: sed patri naturali, in cujus potestate manet: qui autem nepotem adoptat, eum debere hunc instituere vel nominatim exhæredare, perinde ut antea juris erat in omnibus adoptivis; & denique hunc nepotem patri suo naturali interim pro extraneo esse, §. *præc.* Hæc autem ad nos non pertinere, quibus adoptionum jura incognita, vid. *sup. de adopt.* Sed neque necessitatem exhæredandorum liberorum naturalium, si hæres non instituantur, agnoscimus; quoniam suos hæres non habemus; valetque in his regionibus testamentum ipso jure, etiam si filius in eo præteritus sit: eique dumtaxat succurritur remedio querelæ inofficiosi. Guelin. *lib. 2. de jur. nov. c. 5.* Grot. *lib. 2. manud. c. 18.* de quo plura alibi.

T E X T U S.

De testamento militis.

6. Sed si in expeditione occupatus miles testamentum faciat, & liberos suos jam natos vel postumos nominatim non exhæredaverit, sed silentio præterierit non ignorans an habeat liberos, silentium ejus pro exhæredatione nominatim facta valere, constitutionibus Principum cautum est.

N O T A E.

6. Constitutionibus Principum) Gordiani in d. l. 9. & Philippi in l. 10. C. de test. mil.

C O M M E N T A R I U S.

1. An testamentum militis subiaceat querelæ inofficiosi.

Militibus jure militari testantibus non solum remissa sunt solemnitates illæ externæ, numeri testium, rogationis, obsignationis subscriptionis, contextus, quas cives omnes jure communi testamentum facientes observare tenentur: sed etiam intrinseca hæc, quæ ad parentes testantes pertinent, liberorum scilicet vel institutio vel exhæredatio: placetque, præteritionem militis, dum non ignoret se liberos habere, aut uxorem prægnantem esse, obtinere vim exhæredationis, l. 9. & l. seq. C. de test. mil. ad quem effectum respiciens Ulp. dixit, militem silentio exhæredare, l. 12. de bon. libert. Ait, in expeditione occupatus. Igitur extra & extra expeditionis necessitatem si miles testamentum faciat, quia id juxta regulas juris communis ordinare debet, præteritio

ejus pro exhæredatione non erit, neque civili jure, neque prætorio. Non obstat, quod scriptum est l. 9. C. de inoff. test. filios queri non posse de inofficioso testamento militis vel jure militari, vel civili facto. Nam ut de inofficioso agi possit, necesse est, ut testamentum recte factum sit, & jure subsistat: at testamentum jure communi factum non subsistat, in quo liberi præteriti sunt, aut si de emancipatis quærat, necesse est, ut prætor eos non agnoscat; si de posthumis, ut nati non rumpant, §. 2. inf. de inoff. test.

Non ignorans, an habeat liberos) Quod militis præteritio pro exhæredatione habeatur, voluntati ejus tributum est, quæ sola testamentum iussit, & pro jure servatur, l. 1. de test. mil. l. 1. C. cod. Ut autem voluntas exhæredandi obscura non est, ubi quis scit se habere liberos, illique silentio præteritis alios hæres instituit; ita contra deesse illa voluntas intelligitur, ubi cum id nesciret, forte quod falso rumore perlatum esset, eos in rebus humanis esse decessisse, alios scripsit. Quod ex communi parentum omnium erga liberos affectu sumitur, quasi, quod omnino credendum est, si scivisset se habere liberos, eos ipsos, non alios sibi hæres scripturus fuisset, d. l. 9. & l. seq. C. cod. tit. l. si filiusfam. §. 3. §. 2. cod. Quapropter pro diversitate liberorum per ignorantiam à milite præteritorum, aut testamentum hoc nullum dici poterit, aut rescindetur remedio prætorio, aut rumpetur agnitione, & in tantum, ut nec legata ex eo præstanda sint, l. militis. 36. §. 2. de test. mil.

Pro exhæredatione nominatim facta) Sequitur ergo, nec liberos suos scienter à patre milite præteritos testamentum posse nullum dicere, nec emancipatos admitti ad bonorum possessionem contra tabulas, nec posthumum præteritum agnascendo rumpere. An ne igitur saltem querela inofficiosi dabitur, quod unum est exhæredatis periculum? Nequaquam, l. si instituta. 27. §. 2. de inoff. testam. l. 9. l. testamentum. 24. l. ult. C. cod. Planè legitimam eos petere posse per conditionem ex lege, arg. auth. Presbyteros. C. de Episc. & Cler. Glossa & Cyn. in d. l. 9. tradiderunt. Hoc autem totum jus, cum sit singulare & militum dumtaxat ex privilegio, nulla ratio est, quamobrem cum Clero §. testamentum. q. 40. n. 6. Grass. §. testamentum. q. 7. n. 3. & interp. vulgo dicamus sublatum esse. Nov. 115. c. 3. generalique constitutione etiam milites, & militaria testamenta contineri, hoc est, eos etiam jure militari testantes redigi ad conditionem.

tionem paganorum, quantum pertinet ad necessitatem institutionis & exheredationis liberorum. Quod etiam D. Viglius hic post Lud. Roman. in d. l. 2. observavit, & tandem re diligenter inspecta probat D. Tulden. in c. de test. milit. num. 6. item D. Perez ibid. n. 12. add. Vasq. lib. 3. de succ. creat. §. 24. n. § 1.

TEXTUS.

De Testamento matris, aut avi materni.

7. Mater vel avus maternus necesse non habens liberos suos aut heredes instituire, aut exheredare, sed possunt eos silentio omittere. Nam silentium matris aut avi materni, & ceterorum per matrem ascendentium tantum facit, quantum exheredatio patris. Neque enim matri filium filiamve, neque avo materno nepotem neptemve ex filia, si cum eamve heredem non instituat, exheredare necesse est, siue de jure civili queramus, siue de edicto pratoris, quo prator prateritis liberis contra tabulas bonorum possessionem promittit: sed aliud eis adminiculum servatur, quod paulo post vobis manifestum fiet.

NOTÆ.

7. Silentium matris, &c. tantum facit) Et hoc etiam si mater ignoraverit se liberos habere. Sed hoc casu legata & libertates non intercidunt, quia color dementia hic obtendi nequit, l. 27. §. ult. & l. seq. de inoff. test.

Siue de jure civili.) Quo jure soli sui heredes prateriti, siue quod nunc idem valet, non nominatim exheredati testamentum tollunt aut rumpunt §. 5. sup.

Edicto pratoris) Quo liberi emancipati, siue qui sui esse desierunt, prateriti, vocantur ad contra tabulas bonorum possessionem: non qui nec sui sunt, nec esse desierunt: d. §. 5. l. 1. l. 4. §. 2. cont. tab.

COMMENTARIUS.

- 1 Quod matris prateritio vim exheredationis habeat, id facere conditionem liberorum.
- 2 Propter eandem conditionem prateritis a matre jus antiquum scriptis accrescendi non habuisse
- 3 Explicatus locus Pauli l. 4. §. 2. cont. tab.
- 4 Quodnam sit illud adminiculum, cujus in calce bujus text. fit mentio?

tris & avi materni, facit liberorum conditio, qui matri & avo materno jure civili pro exheredatis sunt, §. 3. inf. de her. qual. Nimirum lex civilis, quæ magis familiarum conservationem spectavit, quam naturam, non eodem modo materna bona liberis addicit, ut paternis; non sic, ut filius maternæ quoque dotis, viva adhuc ea, dominus quodammodo existit, uti bonorum patris est. Quapropter si ea alium heredem instituat filio praterito, nullam, quod ad eam legem attinet, injuriam filio facit, cum suum ei non adimat, & ideo frustra etiam requiratur exheredatio: immo nec propriè dici possit filium exheredare, cum exheredare sit suam filio hereditatem adimere; siquidem ubi non est habitus, ibi non potest esse privatio. Igicur quia mater suos heredes non habet, & nepotes ex filia non sunt sui heredes avo, ideo silentium matris & avi materni tantum facit, quantum exheredatio patris. Ex hoc, etiam si ignoraverint se liberos habere, contra quam in milite praterunte jus est. l. si instituta. 27. §. ult. & l. seq. de inoff. test. facit. buc l. 4. §. 2. de bon poss. cont. tab. l. nulla. 13. de suis & legit. her.

Siue de jure civili) Quia, ut diximus, non sunt sui heredes, hoc est, non tales, qui vivo adhuc parente jus aliquod habeant, quod post mortem illius in iis continetur, nisi expressè exheredes esse jussi sint, l. inf. 11. hoc 1. Quamobrem nec ad jus civile antiquum pertinent, quo solus filius suus prateritis testamentum infirmabat, ceteri liberi, sed filii item dumtaxat, prateriti, portionem scriptis heredibus accrescendo auterebant sup. pr. bujus tit. nec ad jus novum, quo omnes quidem liberi sui, sed soli prateriti, siue quod nunc idem valet, non nominatim exheredati, nullum dicunt aut rumpunt, §. sed hac. 5. sup. cod.

Siue de edicto pratoris) Paulus l. 4. §. 2. cont. tab. scribit, edictum contra tabulas bonorum possessionis non pertinere ad testamenta eximariarum, addita hac ratione, quia feminae suos heredes non habent. Quæ tamen ratio videri potest non esse sufficiens: non enim ad suos tantum heredes, sed etiam ad emancipatos, quos constat suos heredes non esse, & vel maxime, id edictum pertinet; utpote quorum causa principaliter comparatum est, §. 3. sup. cod. Verum amplius quid significare Paulus voluit, nempe edictum istud non pertinere ad eos liberos non suos, qui & numquam sui fuerunt: matrem autem, ut suos heredes non habet, ita nec posse desinere habere: quod idcirco etiam a Cajo expressum videtur l. nulla. 13. de suis & legit. her. Nimirum

Quod militis prateritio vim exheredationis habet, ex privilegio est; quod ma-

rum prætor, quo minimum à ratione juris civilis recederet, cum dumtaxat, qui ex masculis progeniti essent, rationem habuit, & jus sunitatis, quod emancipatis abstulerat capitis diminutio rescissa ea restituit, l. 6. §. 1. de bon. poss. Atque ita jus à se introductum specie quadam sunitatis coloravit, cuiusmodi colore tegere ex sœminis natos non potuit.

4. *Aliud eis adminiculum servatur*) Potuisset totidem verbis adminiculum istud indicare. Intelligit autem querelam inofficiosi testamenti. Quod remedium cum initio tantum compe-teret liberis, qui eo, quod à patre exhæredati essent, neque civili jure, neque prætorio testamentum turbare poterant, l. 8. in pr. const. rab. postquam ex Senatusconsulto Orficiano etiam matris successio liberis delata est, datum quoque est exhæredatis, sive, quod hic eandem vim habet, præteritis à matre, sua-

dente id eadem pietatis ratione. Agitur de hoc remedio *inf. tit. 18.* quo loco simul discemus, id etiam parentibus iniquè exhæredatis, vel præteritis, nonnumquam & fratribus dari. Cætera quoque in eundem locum examinanda rejicimus, quæ ab interpretibus disputari solent; veluti an adhuc post Nov. 115. c. 3. præteritio matris & per matrem ascendentium pro exhæredatione sit: an liberis à patre præteritis testamentum adhuc sit irritum, tum quoad legata & cæteros articulos, quam quoad institutionem: an formæ exhæredationis aliquid adjectum, quo non observato testamen-tum, quod jure veteri substituisset, nunc sit nullum: aliaque ex eodem fonte manantia: & postremo etiam jus harum & vicinarum regionum, quod etiam à novissimo Justinia-neo, quoscumque interpretes sequare multa re ostendemus recedere.

TITULUS DECIMUSQUARTUS.

DE HÆREDIBUS INSTITUENDIS.

Dig. Lib. 28. Tit. 5. C. Lib. 6. Tit. 24.

Ratio dispositionis, & argumentum tituli.

DICTUM hæcenus de iis rebus, quas pa-
rentes cavere debent & testamento
suo complecti, si id justum ratum-
que esse velint: sequitur nunc ipsum
testamenti formale, hæredis scilicet institu-
tio. Et caput & fundamentum testamenti ef-
fe dicitur, §. ante 34. *inf. de legat.* propterea
quod sine ea testamentum consistere non po-
test. Dicitur & testamentum ex ea sola robur
ac firmamentum capere: quia ad vim testa-
menti nihil aliud requiritur, quam ut quis hæ-
res institutus sit: utique extra necessitatem in-
stituendi aut exhæredandi certas personas. In-
de dictum, cum, qui neque legaturus quid est,
neque quemquam exhæredaturus, posse tribus
verbis testamentum facere ut dicat, *Lucius hæ-
res esto*, l. 1. §. 3. *hoc tit.* Hæredem instituere
est scribere vel nuncupare testamento, quem
tibi velis bonorum & universi juris successo-
rem esse. Quibus verbis institutio fiat, parum
refert, modo per ea liqueat voluntatis inten-
tio, l. quoniam 15. *C. de testam.* quo loco Con-
stantinus abrogat differentiam, quam faciebat
antiquitas inter verba directa & inflexa, aucto-
re Ulpian. *tit. 21.* Titulus hic noster tres par-
tes continet, quarum in prima agitur de iis,
qui hæredes institui possunt; in altera de quo-

ta hæreditatis, quam vel unus vel plures in-
stituti habere debeant ex ratione juris, aut vo-
luntate defuncti: in tertia de forma seu mo-
do instituendi atque iis, quæ institutioni be-
ne aut perperam adjiciuntur.

TEXTUS.

Qui possunt hæredes institui.

*Hæredes instituere permissum est tam liberos ho-
mines, quam servos; & tam proprios, quam
alienos. Proprios autem olim quidem secundum
plurimum sententias non aliter, quam cum liberta-
te, recte instituere licebat. Hodie verò etiam sine
libertate ex nostra constitutione eos hæredes in-
stituere permissum est. Quod non per innovacionem
induximus, sed quoniam æquius erat, & Atilici-
no placuisse Paulus suis libris, quos tam ad Ma-
surium Sabinum, quam ad Plautium scripsit, re-
fert. Proprius autem servus etiam is intelligitur,
in quo nudam proprietatem testator habet, alio
usumfructum habente. Est tamen casus, in quo
nec cum libertate utilis servus à domina hæres
instituitur, ut constitutione divorum Severi &
Antonini cavetur. Cujus verba hæc sunt: Servum,
adulterio maculatum, non jure testamento
ma-*

matrimonium ante sententiam ab ea muliere videri, quæ rea fuerat ejusdem criminis postulata, rationis est. Quare sequitur, ut in eundem à domina collata hæres institutio nullius momenti habeatur. *Alienus servus etiam is intelligitur, in quo usumfructum testator habet.*

NOTÆ.

Hæres instituire) Scribere, vel nuncupare, l. 1. §. 1. D. eod. Est autem hæres institutio caput & fundamentum testamenti, §. 34. inf. de legat. neque enim sine ea testamentum potest consistere, §. 2. inf. de fid. bar. Quibus verbis nunc fiat, parum refert, modo per ea liqueat voluntatis intentio, l. 15. C. de testam.

Quam alienus) Si modo eorum servi sint, quos ipsos hæres instituire possumus: nam ex persona dominis cum servis testamenti factio est, d. l. 31. Ulpian. tit. 22. §. 8. l. 12. §. 2. de legat. 1.

Sine libertate) Ita & sup. §. 2. qui & ex quib. caus. man. id est, omiſſa libertatis datione. Constitutio erat in l. pen. C. de serv. nec bar.

Non per innovationem) Quia jam olim idem quibusdam placuerat, ut mox subjicit. Quod autem obtinet, ex nova est Justiniani humanitate. Ita concilia hunc locum cum d. §. 2.

Adulterio maculatum) Apud Marcian. l. 48. hoc tit. unde hic locus descriptus, legitur accusatus. Sed legendum arbitror maculatum, ut hic; nec obstat l. 8. C. ad leg. Jul. de adul. Græci quoque ἡ δὲ τῇ μιχρῇ, non κατὰ τὴν φύσιν. Et ad l. 1. C. qui non poss. ad lib. ὁ πιστεύει τὰ ἐπὶ τῇ μιχρᾷ, suspectum, &c.

COMMENTARIUS.

Qui olim & in quantum hæreditatem capere non potuerint?

Qui & in quantum hodie hæres institui videntur?

Institutionem servi alieni suscipere ex persona domini, proprii ex consequentia libertatis.

4 Quid juris in servo communi ab uno è dominis hærede instituto?

5 Quid in instituto à domino nuda proprietate?

6 Quam rationem habeat casus specialis hic relatus?

7 Quid si servus hæres institutus sit à usufructuario?

Tam liberos homines, quam servos) Τυχερολογία; nam dicendum potius erat, tam servos, quam liberos, hoc est, non minus servos, quam liberos; quomodo hoc expressit Cajus l. non minus 31. hoc tit. quoniam

de liberis res certior. De liberis autem hominibus nihil amplius hic traditur, quam quod heredes institui possunt. Et an ergo possunt omnes promiscue & sine exceptione? nequaquam. Nam primum illi soli ex hominibus liberis institui possunt, qui sunt cives Romani: peregrini non possunt, sive semper tales fuerint, sive per sententiam severitatem ad peregrinitatem redacti sint, l. 6. §. 2. hoc tit. l. 1. C. eod. fac. l. sunt quidam 17. §. 1. de pen. Peregrinorum numero erant & dedititii; erat & Latinus Junianus, nisi quod hic capere hæreditatem poterat, si mortis testatoris tempore civis Romanus factus esset, Ulp. tit. 22. §. 1. & 2. Caterum Justinianus differentias libertinitatis sustulit, data libertinis omnibus civitate, §. ult. sup. de liberr. Sed nec qui cives sunt, omnes institui aut olim poterant, aut nunc possunt. Lege Vaconia cautum erat, ne qui census esset, virginem, neve mulierem supra quadrantem suorum bonorum hæres instituire. Cic. Verrin. 3. de prat. urb. & in orat. pro Balb. Dio. lib. 56. Gell. lib. 21. c. 1. Lege Julia de maritandis ordinibus vetabantur cœlibes, nisi qui genere essent proximi, quicquam ex testamento civis Romani capere. Ulpian. d. tit. §. 2. ita tamen, nisi intra centum dies legi parerent, hoc est, matrimonium contraherent: idem Ulp. tit. 17. Eadem lege vetabantur orbi plus capere ab extraneo, quam dimidiam partem eorum, quæ relicta erant; pars altera fiebat caduca, id est, sisco cedebat. Lege decimarum non amplius conjugum ex conjugis testamento capere licebat, quam reliquorum partem decimam; idem Ulp. tit. 15. & seq. Hinc natæ cautiones illæ de instituendis in tempus capiendæ hæreditatis iis, qui vel omnino quicquam, vel solidum ex testamento capere legibus istis prohibebantur, vid. l. in tempus 62. l. qui non vult 78. §. ult. hoc tit. l. cum ei 42. l. si Titio 55. §. 1. de legat. 2. l. 6. l. 12. de vulg. & pnp. subst. l. 16. §. si qui 16. ad senat. Trib. l. 11. §. ult. de jur. fife. cum similib. quæ nisi hinc lucem accipiant, intelligi non possunt. Postea pœnæ cœlibatus, orbitatis, & legis decimarum sublatæ sunt, l. 1. & l. 2. C. de infirm. pœn. cœlib. Qui autem incestis nuptiis sese polluerunt, illi nec hodie aut se mutuo, aut propudiosam sobolem instituere possunt, l. 6. C. de incest. nupt. nec mulier adulterum suum, aut hic illam, l. 15. l. 14. de bis que ut indign. Add. D. Christin. vol. 1. decis. 200. Liberi naturales ex concubina nati, qui olim non minus quam ceteri cives, non ab extraneis tantum, sed etiam à patre, idque in solidum, hæres institui po-

terant, *l. Lucius 45. de vulg. & pup. l. 16. §. 1. de his qua ut indign. l. ult. de jur. delib. (vid. Palzoth. de nob. spuriisq. fil. cap. 35. & seq. & contra sentientes Alciat. 4. parerg. 5. Anton. Fab. jurispr. tit. 9. pr. 2. ill. 1.)* ex constitutione Justiniani Nov. 89. c. 12. unde auct. licet. C. de nat. liber. unicam tantum unciam ex patris testamento capere possunt, si superstites sint liberi legitimi: octo uncias; si soli superstites testatori parentes. Qua in re mitior Justinianus erga liberos naturales fuit quam Constantinus, *l. 1. C. de natur. lib. aut etiam Arcadius, & Honorius, l. 1. C. eod. vid. Grass. §. institutio 1. quæst. 7. Palzot. 6. loc. Constitutione Leonis & Anthemii vetatur conjux conjugi secundo plus relinquere, quam uni ex liberis prioris matrimonii, & quidem cum minimimum relinquit, l. hac edictali 6. C. de sec. nupt. Porro Principum Christianorum constitutionibus vetantur hæredes institui apostatæ, *l. 3. C. de apostat. item hæretici, l. 4. C. de hæret. & Manich.* quod tamen non de omnibus, qui pro orthodoxis habiti non sunt, accipiendum esse arguit constitutio Justiniani Nov. 115. c. 3. ubi irregulares ponit inter iustas causas exhæredationis & exclusionis à successione ab intestato. Rationis autem est, ut qui ab intestato succedere potest, etiam hæres recte instituat. Hæc non debuerat Tribonianus intacta relinquere, qui de servis tam accuratè disserit.*

³ *Et tam proprios, quam alienos*) Cum servis qua servis non est testamenti factio, sed quatenus per eos hæreditas proventura est ad cives Romanos, aut ipsi cives futuri. Igitur in servo alieno persona domini spectatur, & sustinetur institutio, si dominus civis Romanus sit, & jus capiendæ hæreditatis habeat, perinde quasi ipse per servum institutus esset, *l. non minus 31. l. si paterfam. 40. hoc tit. l. 10. de acq. rer. dom. Quod si mihi cum domino non sit testamenti factio, puta quia peregrinus est, aut capere ex meo testamento vetatur, nec cum servo ejus erit, arg. l. non minus 31. hoc tit. fac. l. 12. §. 2. de legat. 1. l. si Titio 55. §. 1. de legat. 2. Ulpian. tit. 22. §. alienos 8. Vide tamen, quæ notavimus ad §. in extraneis 4. infr. de her. quæst. & diff. In servo autem proprio institutio eadem ratione defendi non potest, ut scilicet dicamus eam sustineri ex persona domini: quippe qui ipse testator est, sed ut nulla erit, aut si eam valere volumus, necesse est, ut simul consequatur libertatem.*

Olim non aliter, quam cum libertate, bodie etiam sine libertate) Plerique veterum in ea

sententia fuerunt, ut putarent servum proprium non aliter rectè hæredem institui, quam cum libertate, non aut per consequentiam datæ hæreditatis libertatem servo defendere ob rationem, quam indicavimus *sup. qui & ex quib. ca. manum. §. 2.* Justinianus verò etiam ommissa libertatis datione institutionem valere voluit, & perinde haberi, ac si simul liber esse jussus esset, *l. pen. C. de nec. serv. bar.* quod cum humanitas & favor libertatis suadet, tum etiam voluntati testatoris consentaneum est, quippe qui hoc ipso quod servum suum hæredem esse vult, non obscurè significat, velle se etiam, ut liber sit; cum abique eo nec hæreditatem obtinere possit. Et cur, quod in servo proprio tutore sine libertate dato veteres admiserunt, ut hoc ipso, quod tutor datus est, libertas quoque ei imposita videatur, *l. quæro 21. §. 2. de test. tut. §. 1. sup. qui test. tut. dar.* non admittatur idem in servo simpliciter hærede scripto eadem voluntatis conjectura? Ita argumentatur Justinianus *d. l. pen.* In tutore dato accedit quidem & favor pupilli, *l. 10. §. ult. de test. tut.* Cæterum quem testator hæredem instituit, eum vicissim majore prosequitur affectu atque honore, quam quem liberis tutorem dat. Enimverò consequentiam legati vel fideicommissi servo proprio sine libertate relictæ libertas servo non defenditur, *d. l. pen. §. illo. 1. quantumvis & legatum sine libertate inutile sit, l. servus 76. hoc tit.* neque enim hic idem favor est, & ex d. constitutione Justiniani voluntas testatoris aliquo modo exitum habere potest.

Quod non per innovationem) Supra tamen §. 2. *qui & ex quib. caus. man. proficitur*, se id nova humanitatis ratione constituisse. Utrumque suo sensu verum est. Nihil innovavit, quatenus spectamus sententiam paucorum, inter quos & Arilicinus fuit, quibus jam olim, quod hic constituitur, placuit. Ad novum jus constituit, quatenus spectamus id, quod receptum erat ex plurium sententia, qui negabant, servum proprium sine libertate hæredem institui posse, *Ulp. tit. 22. §. 7. 12. & sententiæ illius abrogationem. VINN.* Adeo verum videbatur, servum nisi libertatem plenam consequeretur, institui non posse, ut nec servus, qui tantum in bonis erat, institui posset, quamvis cum libertate. Manumissus enim testamento, liber, liber quidem fiebat, sed Latinus, adeoque nec hæres esse poterat, nisi intra centum dies jura Quiritium impetrasset. *Ulpian. tit. 22. §. 8. HEIN.*

Proprius autem servus etiam, &c. in quo nunc demum proprietatem) Servus proprius vel in solidum

dum est, five unius domini proprius, vel pro parte, & pluribus proprietate communis: & iterum vel proprius est pleno jure, vel nudatenus proprietate. Videamus ergo, an quod hic constitutum est de servo proprio hærede instituit, etiam ad servum communem ab uno è dominis institutum, & ad eum quoque, in quo alius usumfructum habet, pertineat? De communi servo ita jus vetus fuisse constat, ut si unus è dominis libertatem ei imposuisset, eo casu pars ejus amitteretur, & socio accresceret, §. ult. sup. de donat. ac proinde socio quoque hæreditas acquisita fuit, si is servus simul hæres ab altero institutus fuisset: Justinianus autem, quod soli milites ex speciali concessione habebant, videlicet ut liceret militi servum communem libertate donare, eo effectu, ut socius hoc casu partem suam vendere teneretur & accipere pretium, voluit jus esse commune omnium civium, l. 1. pr. & §. 1. C. de comm. serv. man. Postquam constitutionem certum est, servum communem, quem unus è dominis & liberum & hæredem esse jussit, & libertatem & hæreditatem consequi, pretio patris, quam alter in eo habet, oblato. At nihil definit constitutio de servo communi simpliciter ab uno hærede instituto, non facta mentione libertatis. An dicemus & hic libertatem perinde pro adscripta haberi, ac si servus in solidum proprium hæres simpliciter institutus sit? atq. hujus loci? Et id quidem D. Viglio placere video. Sed vereor, ut defendi possit. Nam ut omitam tritum illud de non admittenda extensione in correctoriis, verba ipsa constitutionis in fin. §. 1. & hac moriturus dixerit, extensionem istam non ferunt, ut bene observavit D. Bachovius. Et quia ratione patris, quam socius habet, servus alienus est, quidni quod responsum est de legato servo communi relicto, totum id ad socium pertinere? L. rerum 61. §. si servo 9. pro soc. l. Plautus 49. in pr. ad leg. Falc. idem dicimus de servo communi hærede simpliciter instituto, socium nimirum per cum servum videri institutum, & hæredem fieri? VINN. RECTE. Nam dum hæres institutus est servus communis hæreditatem totam acquirit domino socio: dum sine libertate institutus, servus ipse pro parte fit hæredis, qui in jus defuncti succedit. Fr. Balduino, Tribonianismum observanti in l. 63. §. 3. ff. pro soc. jam respondit Vir Clarissimus Schultingius ad Ulpianum pag. 617. HEIN. De servo, in quo testator nudam proprietatem, alius usumfructum habet, ait hoc loco Justinianus, eum etiam proprium intelligi testatoris, idque convenienter rationi ju-

ris, l. recte dicimus 25. de verb. sign. Et ergo etiam hic servus à domino nudæ proprietatis hæres institutus, five cum libertate, five simpliciter, ex constitutione Justiniani & liber & hæres erit, d. l. pen. C. de nec. serv. her. inst. Neque enim quod de servo communi simpliciter instituto diximus, socium per eum hæredem fieri, locum habet in fructuario, cui hæreditas acquiri non solet, §. de iis 4. sup. per quas pers. Quid ergo fiet de fructuario? An liber factus nihilominus operas fructuario interim præstare tenebitur, atque ex re ejus acquirere, quandiu durat ususfructus; an verò pretio ususfructus dato desungetur? Illud, si sequimur constitutionem l. 1. C. comm. de man. Hoc, si putamus, ad hunc servum etiam pertinere, quod paucis tempore post de communi servo constitutum est, l. 1. C. de com. serv. man.

Est tamen casus, &c.) Refertur hic ex l. his verbis 48. §. 2. hoc tit. casus singularis, quo servus proprius hæres institui non potest, ne cum libertate quidem, cui locus est in muliere adulterii postulata. Hæc prohibetur, servum suum suspectum criminis ante finitam cognitionem manumittere: quod inde provolum est, ne mancipium per manumissionem quaestioni subducatur, l. prospexit 12. qui & a quib. man. Cum igitur lex manumissionem & libertatem impedit, nec institutio hæredis hujusmodi servum collata valere potest. At, servum adulterio maculatum, id est, suspectum, fama & opinione vulgi inquinatum: siquidem duos adulterii reos simul marem & feminam ex eadem causa fieri lex Julia vetabat; ordine tantum peragi poterant, l. 8. C. ad leg. Jul. de adult. ac proinde etiam in d. l. 48. §. 2. unde hæc sumpta sunt; eodem modo ut hic legendum esse arbitror; non ut ibi, adulterii causatum. Theophilus vertit, ἡγορησθῆναι τῇ μαίχρᾳ, obnoxium, implicatum, non dixit, κατηγορημένον.

Alienus servus, in quo usumfructum, &c.) Igitur hic servus à fructuario hæres institutus, nec hæres nec liber erit, sed hæreditatem acquireret proprietario, ad instar servi planè alieni, §. seq. vers. alienus quoque. Et verò post mortem fructuarii finitur ususfructus, & consolidatur cum proprietate. Sed etsi liberum simul cum esse jusserit, adhuc idem dicendum est: quoniam alieno servo libertas inutiliter datur: neque huc accommodari potest pars constitutionis Justinianæ, l. 1. vers. fin autem, C. comm. de man. de servo à vivente fructuario manumisso, ne scilicet is cogatur servare proprietario, quamdiu constat ususfructus;

Aut; quia, ut dictum est, morte fructuarii
jus illius omne extinguitur.

TEXTUS.

Si servus hæres institutus in eadem
causa manserit, vel non.

1. Servus autem à domino suo hæres institu-
tus, siquidem in eadem causa manserit, fit ex tes-
tamento liber, hæresque ei necessarius. Si vero à
vivo testatore manumissus fuerit, suo arbitrio ad-
ire hereditatem potest, quia non fit hæres necessa-
rius, cum utrumque ex domini testamento non con-
sequatur. Quod si alienatus fuerit, jussu novi do-
mini adire hereditatem debet, & ea ratione per
eum dominus fit hæres: nam ipse alienatus neque
liber, neque hæres esse potest, etiamsi cum liber-
tate hæres institutus fuerit: destitisse enim à li-
bertatis datione videtur dominus, qui eum alie-
navit. Alienus quoque servus hæres institutus, si
in eadem causa duraverit, jussu ejus domini ad-
ire hereditatem debet. Si vero alienatus fuerit ab
eo, aut vivo testatore, aut post mortem ejus an-
tequam adest, debet jussu novi domini adire. At
si manumissus est vivo testatore, vel mortuo, ante-
quam adest, suo arbitrio adire potest hereditatem.

NOTÆ.

1. Destitisse à libertatis datione) Quod si tes-
tator eum postea redemerit, reviviscit liber-
tas & institutio, l. 9. §. 16. l. 50. cod. Hinc
autem intelligimus regulam juris civilis tra-
ditam l. 23. §. de lib. & postb. solum procedere,
cum servus in eadem causa maneat.

Jussu novi domini) L. 62. §. 1. de acq. her.
l. 2. §. ult. de bon. poss. sec. tab. ubi hereditas
sive bonorum possessionem cum domino
ambulare Ulpian. ait.

COMMENTARIUS.

1 Servo proprio hærede instituto, quis circa ac-
quirendum hereditatem institutionis effectus
& num. 2.

3 Quid circa idem institutio servo alieno

Hoc constituto, non minus servos posse
hæreses institui, quàm homines libe-
ros, porro nunc quaeritur de effectu institutio-
nis servi circa acquisitionem hereditatis, pri-
mum in servo proprio, deinde & in alieno.
In utroque autem ita distinguitur, ut referat,
utrum in eadem conditione servus manserit,
an non manserit, propterea quod vel manu-

missus sit, vel alienatus. De servo proprio hæ-
rede instituto ait: Siquidem in eadem causa man-
serit, fit ex testamento liber hæresque necessarius.
In eadem causa, hoc est, in eadem conditione
servitutis, ut neque à domino post factum tes-
tamentum manumissus, neque alienatus fue-
rit. Hæres necessarius: ideo sic dictus, quia
sive velit, sive nolit, post mortem domini pro-
tinus liber & hæres sit, §. 1. inf. de her. qual.
Quod cum in eorum gratiam initio institu-
tum esset, qui cum solvendo non essent, igno-
miniam bonorum venditionis in hæreses suos
derivare, quàm suæ memoriæ reservare male-
bant, §. 1. sup. qui ex quib. ca. man. postea
generaliter obtinuit, ut offendit hic locus.
Ratio autem hujus rei haud dubiè hæc est,
quod cum honori testatoris nonnihil decedat,
si repudietur ejus hereditas, visum sit, id ser-
vo licere non debere, in quem testator simul
cum hereditate contulit inextimabile benefi-
cium libertatis. Quin etiam ex constitutione
juris civilis libertas & hereditas ita conjunctæ
sunt, ut neutrum separatim servo adimi pos-
sit, neque libertas sola, neque sola hereditas,
l. 13. §. 1. de lib. & postb. l. 6. §. ult. b. r.

Quod si à vivo testatore manumissus, &c.)
Causa contrarius, quo scilicet servus proprius
hæres institutus in eadem conditione non man-
sit, duplex est, vel quia post factum testamen-
tum manumissus est, vel quia alienus. Manu-
missus suo arbitrato hereditatem adibit: quia
non fit hæres necessarius, quia hereditatem
dumtaxat, non etiam libertatem ex testamen-
to domini consequitur, l. antepen. hoc tit. l. 6.
§. 3. cod. Utique tamen probè facturus est, si
pro beneficio libertatis ante adeptæ hæc gra-
tiam patrono referat, ut suspiciat ejus hære-
ditatem. Alienatus nec liber nec hæres fit,
etiãsi cum libertate hæres fuerit institutus:
hoc enim ipso quod alienatus est, mutata vo-
luntas domini & revocata datio libertatis in-
telligitur, ut jam perinde haberi debeat, ac
si jam tempore testamenti facti alienus fuisset:
ac proinde jubente novo domino hereditatem
acquiret, l. 9. §. servus 16. l. servum 50. hoc
tit. l. servo 42. de cond. & dem. l. questum 91.
§. 3. de legat. Enimvero si testator eum postea
redemerit, reviviscit, ut ita dicam, libertas
& institutio, d. l. 9. §. 16. d. l. 50. hoc tit. Hinc
autem intelligimus, regulam juris civilis tra-
ditam l. 13. §. 1. de lib. & postb. tunc so-
lum procedere, cum servus in eadem causa
manet: nam si alienatus fuerit, necesse est fa-
teri, inutilem esse libertatis dationem, quod
& Viglius notat.

Alienus quoque servus) Supra dictum est,
etiãsi

etiam servum alienum hæredem institui posse: cæterum sustineri institutionem non ex persona servi, sed ex persona domini, civis scilicet Romani, quasi ille ipse mediâte per servum institutus videatur. Nimirum ut servi etiam hac in re dominis suis utiles esse possint, receptum est, ut persona dominorum iis ad tempus accommodetur, cum alioqui cum servis non sit testamenti factio, l. non minus 31. b. t. l. debitor. 82. §. 2. de legat. 2. Nunc hic itidem de effectu istiusmodi institutionis queritur, quemadmodum paulo ante questum fuit de effectu institutionis servi proprii.

Si in eadem causa, (C.) In alieno servo hæredem instituto iidem casus distinguuntur, qui in proprio: nam ut mansit in eadem causa, & dominum suum hæredem facit, nempe si jussu ejus adierit, §. 3. sup. per quas pers. aut non mansit, vel quia alienatus est, & jubenti ei domino hæreditatem acquirit, cujus in potestate est tempore additionis, l. Antifistius 62. §. 1. de acq. her. l. 2. §. ult. de bon. poss. sec. tab. quo ioco Jurisconsultus ait, hæreditatem sive bonorum possessionem ambulare cum domino: vel quia manumissus est, quo casu suo arbitrio hæreditatem adire eamque sibi acquirere potest, Ulpian. tit. 22. §. 13. Et igitur licet persona domini in hujusmodi institutionibus inspiciatur, ut sit cum servis testamenti factio; videtur tamen simul & personæ servi ratio haberi, fac. l. debitor 82. §. 2. de legat. 2. l. 5. de serv. legat. l. si paterfam. 4. hoc tit. Illud notandum est, servum alienum cum libertate frustra hæredem institui in tantum, ut etsi is postea testatoris esse cœperit, nihilo magis liber aut hæres fiat, l. si alienum 49. hoc tit.

TEXTUS.

De servo hæreditario.

2. Servus etiam alienus post domini mortem recte hæres instituitur: quia & cum hæreditariis servis testamenti factio est. Nondum enim adita hæreditas persona vicem sustinet, non hæredis futuri, sed defuncti, cum etiam ejus, qui in utero est, servus recte hæres instituitur,

NOTÆ.

2. Post domini mortem) Non ita, Sticbus post mortem Titii domini sui hæres mihi esset, ut male Th. sed ita, Sticbus servus Titii defuncti hæres mihi esset.

Nondum adita hæreditas persona vicem) Ra-

tio dubitandi, quia tempore facti testamenti servus nullus est, l. 64. hoc tit. Ratio decidendi, quia jacens hæreditas personæ defuncti locum interim obtinet, & pro domino habetur, l. 31. §. 1. cod. l. 33. l. 62. de acq. rerum domin. inf. de stip. serv. in pr.

Non hæredis futuri, sed defuncti) Dd. loc. cum simil. Immo non defuncti, sed hæredis futuri, l. 14. de nov. Solve: hæreditas qua jacens considerata defunctum representat, ut actus ex persona ejus vires capiat, l. 52. b. t. l. 33. §. ult. de acq. rer. dom. adita verò videtur retro representasse personam hæredis, cui soli eventu inspecto acquiritur, d. pr. in fin. de stip. serv. fac. l. 73. §. 1. de verb. obl. l. 28. §. ult. l. 35. de stip. serv.

Ejus, qui in utero est, servus) Hoc eandem planè rationem habet, l. 64. hoc tit.

COMMENTARIUS.

1 Diversa consideratione recte dici, jacentem hæreditatem representare & personam defuncti & personam hæredis.

2 Cum servus posthumus alieni hæres institui poterit, ipse posthumus alienus non poterit?

Cum servi alieni institutio, ut dictum est, sustineatur ex persona domini, questum est, an servus alienus recte hæres instituitur etiam post mortem domini, hoc est, servus hæreditarius? Dubitandi causa ex eo, quod in proposito persona domini, qui nullus est tempore facti testamenti, l. ejus servum 64. hoc tit. servo accommodari non possit. Placuit tamen nihilominus, recte hunc servum hæredem institui, quasi per interpositam hæreditatem à defuncto adhuc, ut ita dicam, personetur: quippe hæreditatem jacentem defuncti locum interim obtinere, & pro domino tantisper fictione juris haberi, l. non minus 31. §. 1. hoc tit. l. hæreditas 34. l. hæreditas 61. de acq. rer. dom. l. 13. §. 2. ad l. Aquil. l. 15. de inter. in jur. l. 9. C. de pos. cum simil.

Non hæredis futuri, sed defuncti) Hoc totidem quoque verbis traditur d. l. 34. de acq. rer. dom. alibi simpliciter dicitur, hæreditatem obtinere defuncti locum, d. l. 31. b. t. & inf. de stip. serv. in pr. Apud Pomponium tamen contra scriptum legimus, hæreditatem interim sustinere personam hæredis, l. novus. 24. in fin. de novat. quod & ratio juris efficere videtur. Siquidem qui postea hæres extitit, ex mortis tempore defuncto successisse intelligitur, sive quod idem valet, retro agitur hæreditas, quamvis postea adita, & cum tempo-

re mortis continuatur, *l. heres. § 4. de acq. her. l. omnis. 138. l. omnia. 191. de reg. jur.* Sunt qui putant, non satis inter veteres hac de re convenisse, inter quos & D. Hotomanus est. Nolim ego temere eo decurrere. Videmus, an non utrumque rectè dici possit, hæreditatem repræsentare & personam hæredis & defuncti, diversa consideratione. Etenim si eventum spectamus aditæ hæreditatis, persona hæredis repræsentari rectè dicitur: hac enim consideratione servus hæreditarius rectè stipulatur hæredi futuro, *l. si ex re 28. §. ult. l. servus. 35. de stip. serv.* nullamque vim habere dicitur stipulatio servi hæreditarii, nisi adita sit hæreditas, *l. interdum. 73. §. 1. de verb. obl.* item per servum acquiritur hæreditas, ac per hoc etiam hæredi postea factio, *inf. de stip. serv. in pr.* At si inspicimus tempus illud, quo servus hæreditarius hæres instituitur, nimiram jacentis hæreditatis, si actum valere volumus, necesse est, dicamus, hæreditatem sustinere personam defuncti: neque enim actus in suspensio esse potest: & incertum est, an is, qui scriptus est, unquam hæres exiturus sit: idque Cajus significat *l. in eo. 33. §. ult. de acquir. rer. dom.* cum ait, quoties servus hæreditarius stipulatur, vel per traditionem accipit actum ex persona defuncti vires sumere. Eademque consideratione Paulus in *l. servus. § 2. hoc tit.* servum hæreditarium institui posse ait, si modo testamenti factio cum defuncto fuerit, licet cum hærede instituto non sit. Et igitur hæreditas, quæ jacentis considerata defunctum repræsentat; adita, retro videtur repræsentasse personam hæredis.

Cum etiam ejus, qui in utero est, servus) Confirmat quod de institutione servi alieni post mortem domini dixerat, exemplo servi, cujus dominus in utero est, sive servi posthumi alieni; nam & hunc servum ait rectè hæredem institui. Javolenus contra, hoc ex illo probat, *l. ejus servum. § 4. hoc tit.* Hoc iterum videtur ob stare ratio juris, utique veteris, quo jure posthumus alienus hæres institui non potuit, *inf. de bon. poss. in pr.* Hoc enim posito, consequens omnino esse videtur, nec servum hujus posthumi rectè hæredem institui, cum, ut jam aliquoties dictum, testamenti factio cum servis ex persona domini introducta sit. Sed animadvertendum est, servum hic dici ejus, qui in utero est respectu habito ad casum, quo iis natus & hæres factus erit: institutionem verò vires capere non ex persona ejus, qui in utero est, sed defuncti, cum quo sufficit testamenti factionem fuisse, etiam si cum hærede scripto non sit *l. servus. § 2. hoc*

tit. Ad hæc in universum institutio servi alieni non ita comparata est, ut institutus semper dominum, in cujus potestate est tempore facti testamenti, hæredem faciat; nam alienus eo novus dominus hæres sit: manumissus ipse ad hæreditatem admittitur: quod & tunc obtinet, cum servus ejus, qui capere non potest, institutus est, *l. servus. 82. de acq. her.* atque hinc clarissimè patet, verum esse quod diximus *sub §. præc.* in his servorum institutionibus etiam servorum, qui instituuntur, personam spectari.

T E X T U S.

De servo plurium.

3. Servus autem plurium, cum quibus testamenti factio est, ab extraneo institutus hæres, unicuique dominorum, cujus jussu adierit, proportionem domini acquirat hæreditatem.

NOTA.

3. Ab extraneo.) Ab uno ex dominis institutus acquirat cæteris per *l. 63. §. 8. pro soc. l. 49. ad leg. Falc.*

COMMENTARIUS.

DE servo communi hærede instituto ab uno ex dominis legimus in explicatione principii hujus tit. Sub fine: hic agitur de servo plurium qui hæres institutus est ab extraneo. Ait, hunc servum unicuique dominorum, cujus jussu adierit, hæreditatem acquirere, idque non pro parte virili, sed dominica. Jussu domini præcedere debere constar, ac sine eo servum hæreditatem adeundo nihil ageres de quo *sub §. 3. sup. per quas pers.* Quid ergo, si unius jussu adierit? Ne sic quidem hunc interim pro majore parte, quam dominica, hæredem faciet: cæterum focis postea non jubentibus, adire, tacito jure partes eis accrescent, *l. servus. 67. de acq. her. add. l. ult. de vulg. & pup. l. si servus. 50. de legat. 1. §. ult. inf. de stip. serv.*

Cum quibus testamenti factio) Hoc additum, quia, ut jam sæpe diximus, quos ipsos hæredes instituere non possumus, eorum nec servos possumus, *l. non minus. 31. hoc tit.* Exceptio, quod servi eorum, qui non absolute incapaces sunt, sed *κατά τι* dumtaxat, cujusmodi olim erant foeminae, orbi, cælibes, *vid. sup. pr.* institui ab eo, ex cujus testamento domini capere non possunt, & antequam dominorum jussu hæreditatem adeant, aliena-

ti novum dominum hæredem faciant, manu-
missi ipsi ad hæreditatem admittantur, modo
nihil in fraudem legis factum sit, l. si servus.
82. de acq. har. fac. l. si Titio. § 5. §. 1. de legat. 2.

TEXTUS.

De numero hæredum.

4. Et unum hominem, & plures, usque in
infinitum, quot quis hæredes velit, facere licet.

NOTÆ.

Usque in infinitum) Eis ἀπείριστος. Th. Sen-
tentia est, certum numerum hæredum insti-
tuendorum nemini præscriptum esse, sed to-
tum hoc arbitrio testantis permitti.

COMMENTARIUS.

Usque in infinitum) Eis ἀπείριστος. Infini-
tum autem accipe pro indefinito in-
certoque hæredum numero, non pro
multitudine, quæ extremis careat; quomodo
& alibi sæpe hoc verbum usurpat, l. qui
restituere. 68. §. 1. de rei vind. l. 4. §. 2. de in-
lit. Jur. Sensus igitur hujus §. est, posse tes-
tatores tot hæredes instituere, quod ei pla-
cuerit: nimirum certum numerum hæredum
instituendorum nemini lege præscriptum esse,
sed totum hoc arbitrio testantis permitti. Inep-
ti autem sunt, qui ex hoc loco colligunt,
posse quem instituere omnes homines, qui in
mundo sunt. Talis enim institutio exitum re-
perire non potest, neque est hominis, qui
sux mentis est compos. Vid. Gomez t. var.
resol. 2. n. 2. Planè illud crediderim defendi
posse cum D. Viglio, rempub. institutam vi-
deri, si quis simpliciter cives universos insti-
tuerit, & valere hujusmodi institutionem,
quando permissum est rempub. aut civitatem
hæredem instituere. Non enim idem hic sem-
per jus obtinuit. Legimus, reges aliquot ex-
teros populum Romanum sibi hæredem insti-
tuisse. Idem fecit & Flora meretrix. Plinius
verò lib. 5. epist. 7. ad Calvisium scribit, pa-
lam esse, nec hæredem institui, nec percipere
rempub. posse. Ab eo jure postea iuterdum
Recessum: confer Ulpian. tit. 22. §. 5. &
tit. 24. §. 26. l. 2. l. senatus. 20. de reb. dub.
l. omnibus. 26. ad sen. Treb. l. civitatibus. 123.
de legat. 1. l. 12. C. hoc tit. VINN. Poterat res-
publica institui jure gentium. Et talis hæredi-
tas fuit Attali populo Romano relicta. Ta-
lis & Vocatii Moschi, exulis relicta Malsi-

licensibus. Tac. Ann. l. 7. cap. 43. Pertinuit
itaque hæc prohibitio ad municipia, quæ ju-
re civili tenebantur, non ad civitates æro-
vicius. Præclara sunt quæ in hanc rem differit
amicisissimus olim collega Nic. Hier. Gund.
Diff. de principe hærede cap. 3. §. 2. seq. HEIN.

TEXTUS.

De divisione hæreditatis.

5. Hæreditas plerumque dividitur in duodecim
uncias, quæ assis appellatione continentur. Ha-
bent autem & hæ partes propria nomina ab uncia
usque ad assen, ut puta bac, sextans, quadrans,
triens, quincunx, semis, septenx, bes, dodrans,
dentans, deunx. Non autem utique semper duo-
decim uncias esse oportet: nam tot uncia assen ef-
ficiunt, quot testator voluerit: & si unum tan-
tum qui ex semisse verbi gratia hæredem scripserit,
totus as in semisse erit. Neque enim idem ex parte
testatus, & ex parte intestatus decedere potest,
nisi sit miles, cujus sola voluntas in testamento
spectatur. Et è contrario potest quis in quantas-
cumque voluerit plurimas uncias suam hæredita-
tem dividere.

NOTÆ.

5. In duodecim uncias) Hæc solemnîs est
hæredis distributio, l. 13. §. 1. b. t. quia per-
fectus est numerus duodenarius. Diod. Sic.
eclog. 40. Galen. d. cui an. pec. not. & m. d.
τελειώτης τὸν ἀριθμὸν. Hermias in Pæd. Plat.
τῶ ἀριθμῷ μετὰ τὸν ἀριθμὸν. Aristid. περὶ μου. add.
Cujac. ad d. l. 13. Duar. 2. disp. 36. Fabrot.
ad Theoph.

Non semper duodecim uncias) Non est necesse
ut semper distributio fiat in 12. uncias: sed
potest testator vel in plures vel in pauciores
uncias hæreditatem dividere, d. l. 13. §. 1.
2. 3. & ult. l. 18. eod. l. 13. C. de lib. & post.
Paul. 3. sent. 4. Potest & in partes naturales
dividi, puta in duas dimidias, tres tertias,
&c. l. 2. 2. §. 7. de collat. l. 76. de acq. har.

Unum ex semisse) Vel ex una aliqua alia
parte hæreditatis. Idemque est, si quis insti-
tutus ex re certa, veluti ex fundo: perinde
enim habetur, ac si rei mentio facta non ef-
set, l. 1. §. 4. l. 9. §. 13. b. t. l. 41. in fin. de
vulg. & pup. in cohæredem habeat indefinitè
aut ex parte hæreditatis scriptum, tunc enim
legatarii loco est, l. 13. C. hoc tit.

Ex parte testatus) L. 7. de reg. ju. Ex postfacto
tamen ipsa pro parte qui intestatus fieri
potest, relicto vid. pro parte testamento,
l. 15. in fin. l. 24. de inoff. test.

Nisi sit miles) Miles etiam ab initio pro parte tantum testatus decedere potest, l. pen. §. 2. de *castr. pec.* l. 6. l. 19. de *test. mil.* l. 2. C. *cod.* quippe qui hic duorum velut hominum personam sustineat, l. 17. §. 1. *cod.* Igitur si miles unum tantum v. g. ex semisse hæredem scripserit, quantum ad alterum semissem intestatus decelsisse intelligitur, & locus fiet legitimis hæredibus, l. 19. l. 37. de *test. mil.* & ita etiam in specie, l. 6. *cod.*

COMMENTARIUS.

1. *Asis, ejusque partium usus, quàm frequens & quibus in rebus fuerit?*
2. *Licere testatori in quot voluerit partes hæreditatem distribuere.*
3. *Quod unus tantum, vel ex certa parte hæreditatis, vel ex certa re institutus, omnium bonorum hæres fiat, magis esse ex subtilitate juris, quàm ex desuncti voluntate.*
4. *Quam rationem habeat quod jus civile non patitur eundem testato & intestato decedere?*
5. *An testator possit prohibere jus accrescendi?*
6. *In militaribus testamentis regula superiori non esse locum.*
7. *Quantum mores hodierni dissideant à jure civili Romanorum?*

Sequitur pars altera hujus tit. in qua agitur de eo, quod vel unus vel plures hæredes scripti ex ratione juris & voluntate testatoris consequantur: quæ res ut commodius proponi, & perfectius intelligi possit, ante docere voluit, in quot partes hæreditas plerumque dividatur, civili scilicet, & solemnī distributione, earumque partium nomina indicare, quæ ea in numero habere studiose disciplinæ juris; idque fecit verbis Ulpiani in l. si servum. 50. §. ult. *hoc tit.*

In duodecim uncias, quæ asis appellatione.) As in re numeraria est minimus æris nummus. Hinc illa, ad assem reddere, ad assem omnia perdere. Cum sermo est de ponderibus, de divisione hæreditatis aut fundi; solidum, id est, totum quid siue integrum significat, constans ex duodecim uncias, & nimirum idem, quod in ponderibus libra aut pondo. Unde illa, ex asse possidere, l. pen. qui *sarisa. cogn.* in assem vindicare, l. post *emancipationem.* 40. §. 1. de *legat.* 3. Hæres ex asse, pro quo etiam libella dixit Cicero lib. 7. ad *Attic. epist.* 2. edit. *Vittor.* & alia plura ejusdem generis. Scribit Voluf. Metianus lib. de *ponderib.* in pr. necessariam cognitu esse asis in suis partes distributionem, non solum

propter institutionem plurium hæredum, sed etiam propter innumera alia. Etenim asis æsulque partium & omnino numeri duodenarii frequentissimus apud Romanos usus fuit, non tantum in hæreditatibus, ponderibus aut mensura; verum etiam in divisione corporum, veluti fundi, l. 8. de *rei vind.* l. minor. 39. §. 2. de *evict.* item rerum incorporalium, ut obligationum & actionum, §. si quis una. 9. *inf. de fideic. bar.* Usuras quoque Romani partibus asis distinguebant, easque partiebantur in uncias, sextantes, quadrantes, trientes, quincunces, semisses, beses, &c. ut videre est l. 7. §. quæ autem 10. in *fin.* l. Titium. 47. §. 4. de *adm. tut.* l. liberto. 21. §. 4. de *ann. legat.* l. 3. §. ult. ad *leg. Falc.* l. creditor. 102. §. ult. de *solut.* l. eos 26. §. 1. C. de *usuf.* Sed & astrologi res omnes revocant ad duodecim partes, menses, horas, signa, latitudinem signorum: quod notat Cujac. ad l. 13. *hoc tit.* Causam usus hujus numeri, quæ à Jurisperitis tradita non est, Duarenus lib. 2. *disp.* 36. ex Galeno profert, nimirum quia nullus alius numerus in tot partes tam commodè dividatur; καὶ γὰρ ἡμετέριον, καὶ διμυρίον καὶ τίτάρτην, ἵκνται τε καὶ διδίδονται. Locus Galeni integer refertur à Duareno.

Habent hæ partes propria nomina.) Refert jam propria nomina partium asis, contentus initium fecisse ab uncia, cum Ulpiano d. l. 50. §. ult. *hoc tit.* licet & ipsa uncia in partes minuitores dividi possit, veluti in duas semuncias, in tres duellas siue binas sextulas, in quatuor sicilicos; in sex sextulas: in 24. scriptula; de quibus idem Metian. d. loc. ubi cum vocabulis simul notas partium proponit, Varro lib. 4. de *ling. Lat. sub fin.* nominum rationem reddit, originemque explicat Voluf. Metian. de *ponderib.* sed melius Salmas. de *mod. usuf. pag.* 251. illud sciendum est, hæreditatem etiam dividi in partes naturales, veluti in duas dimidias, l. 2. §. si duo 7. de *collat.* in tres tertias, in quatuor quartas, §. videamus. 8. *inf. cod.* in sex sextas, l. situ. 76. de *acq. bar.*

Quot testator voluerit.) Licet solemnīs & usitata asis distributio in duodecim partes siue uncias, uti dictum est, fiat: potest tamen paterfam. eam distributionem non sequi, atque in tot partes unciasve hæreditatem distribuere, in quot voluerit, siue in plures, siue in pauciores, l. 23. §. 1. 2. 3. & ult. *hoc tit.* Proinde si, verbi causa, tres hæredes scripserit singulos ex quincunce, rata est patrisfam. voluntas, ut substantiam suam partiti in quindecim uncias. Et si duos tantum: unum ex

triente, alterum ex quadrante, hæredes scripserit. Videbitur in-partes septem hæreditatem divisisse, *d. l. 13. §. ult. l. Sabinus. 18. eod. l. 13. in pr. de lib. & postb.* Atque hac eadem ratione defenditur quod rescriptum est in *l. 3. C. de test. mil.* militem, quia filiam ex uncis duabus, uxorem ex una uncia instituisse, nec de residuis portionibus quicquam significasset, in tres partes videri voluisse hæreditatem dividere: non autem pro parte testatum, pro parte intestatum decedere; quamvis id militi concessum sit. Sive autem plures, sive pauciores partes testator fecerit: tacito jure in duodecim semper hæreditas resolvitur, *d. l. 12. §. 2. hoc. tit. VINN.* Non absorta videtur viri doctissimi A. A. Pagenstecheri conjectura in *Aphor. jur. hoc. tit. §. 109.* hanc assis distributionem arcessentis à ritu testandi per æs & libram: saltem as videtur datus pro asse hæreditatis. Eo verò quum notus as hæreditatis emeretur: posses inde & rationem reddere antiqui axiomatis: *nemo potest pro parte testatus, pro parte intestatus decedere.* HEIN.

Si unus ex semisse, totus as in semisse) Quando unus tantum hæres scriptus est, licet ex certa parte hæreditatis, puta triente, semisse, vel etiam minima, is perinde ac si toto asse institutus esset, omnium bonorum hæreditatem consequitur. Cæterum magis, ut opinor, ex subtilitate juris & propter regulam, qua nemini partim testato partim intestato decedere permittitur, quæ etiam mox pro ratione subjicitur, quàm ex voluntate defuncti, quæ non tam facile ejusmodi interpretationem admittit, ubi unus tantum non dato cohærede ex parte aliqua scripturus est, quàm ubi plures ex pluribus. Nam si, verbi gratia, tres singuli ex uncia scripti sunt, commodissimè dicitur, arbitraria distributione testatorem usum, atque in tres partes æquales universam hæreditatem divisisse: quod secus est, si unum tantum institutum proponat in quadrante sive quarta hæreditatis parte. Quamobrem licet illo casu propter libertatem distribuendi & communem voluntatem idem obtineat in testamento militis, quod in testamentis paganorum, *l. 3. C. de test. mil.* hoc tamen casu diversum jus esse propter de regulam, quæ non militum, sed paganorum potestatem coercet, & uno tantum hærede in certa assis parte instituto à pagano, hanc partem reliquas ad se trahere: si à milite, residuum hæredes ab intestato laturos, rectè judicavit D. Viglius: quod & in Græcis Institutionibus diserte expressum est, & tantum non etiam in *l. quarebatur. 19. de test. mil.* Quod si quis solus insti-

tutus fuerit, non ex parte aliqua hæreditatis, sed ex re certa, puta ex fundo: perinde quasi simpliciter ac sine ulla rei mentione scriptus esset, & hic bonorum omnium hæreditatem obtinebit, *l. Cohæredi. 41. in fin. de vulg. & pup.* Nam cum harum rerum quædam inter se pugna sit; successione universi juris, cuiusmodi est hæreditas, & acquisitionis rei singularis, potestate juris detrahitur rei mentio, & hæredi sic, quasi universaliter institutus esset, succurrit, *l. 1. §. 4. l. 9. si duo, 13. hoc. tit.* Sed & hoc secus se habet in testamento militis: quoniam & ipsum est ex subtilitate juris, atque ex vi superioris regulæ, quæ ad militaria testamenta non pertinet, *l. 6. de test. mil.*

Ex parte testatus, ex parte intestatus) Jus nostrum non patitur, inquit Pomponius eundem in paganis testato & intestato decessisse, *l. 7. de reg. jur.* quasi hæc duo, testatus & intestatus, inter se naturaliter pugnent, tamquam agentia & negantia, & ideo eidem inesse, aut de eodem subjecto verè pronuntiari non possint, ex regula logicorum de oppositione. Et quidem sine manifesta & naturali rerum pugna dici non potest, unum atque eundem in totum aut secundum eandem partem & testatum & intestatum decessisse: at nihil prohibet ex oppositionis quominus dicamus, eundem testatum & intestatum decessisse, non secundum idem, sed secundum partes diversas. Verum ut hic quoque pugna sit, efficit subtilitas juris civilis, per quam hæres singitur repræsentare & sustinere personam defuncti: quæ repræsentatio, ut est totius personæ, ita & totalis, atque ut est unius, ita & uniformis esse debet: hoc est, ut defunctus pro parte repræsentari non debet, ita nec debet per hæredes diversi generis partim ex testamento partim ab intestato: sed quisquis hæres est, debet in totum subire locum & vicem demortui, eumque repræsentare uno ac simplici successione genere, vel in totum ex testamento, vel in totum ab intestato. Et hoc est, quod scribit M. Tullius *lib. 2. de invent. cap. 21. unius pecunia plures dissimilibus de causis hæredes esse non posses nec unquam factum esse, ut ejusdem pecunia alius testamento, alius lege hæres esset.* Cujus rei hanc rationem asserit Gomez *1. resol. 3. n. 3. & 10. n. 27.* quod absurdum sit, per qualitates contrarias, quæ in uno & eodem homine natura esse non possunt, unum & eundem per fictionem, quæ naturam imitatur, §. *minorem. 4. sup. de adopt. l. 5. de acceptil.* repræsentari, vid. & D. Hotom. *hic.* Ego autem arbitror, naturaliter in *l. 1. 7. de reg. jur.* positum esse, pro eo quod recepti pas-

palsim moris erat, ut & alibi interdum, *l. 16. §. 4. de minor. l. 22. §. ult. locat.* Et sic quoque capiendum Ulpiani illud, *lex natura hac est, ut, qui nascitur sine legitimo matrimonio, matrem sequatur.* Id est, lex consuetudinis generalis deducta ab aliqua ratione naturali, *l. 24. de stat. bom.* Nam regula ista è solis Romanorum moribus pendet, neque apud alios populos locum habet, ac ne apud ipsos quidem Romanos in testamentis militum. Ex hac porro Regula descendit, quamquam non tamquam ex causa proxima aut adæquata, jus accrescendi inter plures hæredes testamentarios, videlicet ut uno deficiente, pars ejus accrescat cæteris, qui hæredes extiterunt, *l. un. §. bis ita. 10. C. de cad. toll. l. liber homo. 59. §. 3. hoc tit.* Planè illud fieri potest, ut qui ab initio in totum testatus decessit, cujusque hæreditas semel ex testamento adita fuit, ex accidenti & post factò pro parte intestatus vi ipsa efficiatur, hæredique scripto portio emolumentum auferatur, rescisso pro parte testamento per querelam inofficiosi, *l. 13. in fin. l. circa. 24. & l. seq. §. 1. de inoff. test.* Cæterum hoc regulam non subvertit: quippe cui satisfactum est, si ejus, qui testamento jure ab initio factò decessit, hæreditas ex testamento adita fuerit; ad ea, quæ postea sunt, non pertinet, *per l. pen. §. 2. de cast. pec.* Et igitur si quis solus ex certa parte institutus sit, is nihilominus in integrum assensu potestate juris vocatur. Sed quid si testator adscripserit, nolle se, ut hæres scriptis reliquis partes ferat, & jus accrescendi expressè prohibuerit? Et quidem quemadmodum nemo sine observatione legum testamentum condere potest, *l. 4. qui test. fac. l. pen. §. 2. de cast. pec.* ita nemo quoque in suo testamento cavere potest, ne leges in eo locum habeant, *l. nemo. 55. de legat. 1.* ut illud omnino manifestum sit, testatorem nulla cautione efficere posse, ut contra regulam juris civilis dissimiliter ei succedatur, & ex testamento & simul ab intestato. Alterum ergo dicamus necesse est, vel cum Bart. *in l. 9. §. si duo. 13. hoc tit. & in l. si quis. 29. ad SC. Treb.* totum testamentum ob eam prohibitionem collabi: utique tamen hæredes ab intestato teneri quasi ex fideicommissò partem testamento expressam restituere hæredi scripto, vid. Gomez *1. resol. 10. n. 10. & seq.* vel, rato manente testamento, prohibitionem in super habendam, residualque partes, quantumvis vetante testatore, accrescere hæredi instituto. Quæ sententia rationi juris magis consentanea est, ut ex iis, quæ jam dicta sunt, perspicuè patet, & numero etiam

suffragiorum vincit, testibus Vigl. *hic Clar. §. testamentum, q. 74. Christin. vol. 4. decis. 11. n. 6.* Non obstat huic sententiæ, quod Ulpianus *in l. 9. §. si duo. 13. hoc tit.* scribit, & Vasquius *lib. 1. de succ. creat. §. 3. num. 6.* obijcit, institutos ex certis rebus, quasi simpliciter instituti sint, hæreditate potiri, nisi voluntas patrisfam. manifestissimè refragetur: quippe qua clausula non hoc Jurisconsultus significat, si testator prohibuerit reliquam hæreditatem accrescere institutis, ob id aut vitari institutionem, aut partes eas relinquendas legitimis successoribus: sed quod scripti ex inæqualibus partibus certæ rei, qui alioqui ex ratione juris ex æquis partibus hæredes forent, perinde ac si nec res nec partes nominatæ essent, *d. l. 9. §. si duo. 13. & l. seq.* in manifesta testatoris voluntate hæredes ex inæqualibus partibus fiant, atque ex iis proportionaliter, quas in rebus certis expressit, veluti in specie ab Ulpiano proposita, unus ex triente, alter ex besse, quæ partes nominantur in fundo: atque inducitur hæc inæqualitas non tamen ipso jure, quam officio arbitri familiæ erescundæ, *l. ex falso. 35. in proed.* Est tamen & media sententia, quam proponit & tuetur Salicetus *in l. 13. C. de her. inst.* & à qua non abhorret doctissimus Bachovius, nimirum prohibitionem supra dictam non efficere quidem, quominus hæres scriptus ipso jure ex æsse hæres fiat: cæterum hanc ejus vim esse, ut hæres ille partes reliquas, accrescere testator nolit, tamquam ex fideicommissò teneantur restituere iis, qui ab intestato ad hæreditatem ejus venissent, ducto argumento à simili, quale proponitur *l. 7. l. 17. & l. si quis. 29. ad sen. Treb. & §. 3. inf. quib. mod. test. inf.* Et hæc sententia mihi quoque non adeo displicet: quoniam favet voluntati morientium, salva ratione juris: eoque accommodari potest clausula *in d. l. 9. §. si duo. 13.* de qua paulo ante. Mediam sententiam excogitavit & Viglius noster: sed ille dum servare cupit voluntatem testatoris, manifestè facit adversus rationem juris, comminiscendo tacitam legitimorum hæredum in partibus, quas testator scriptum hæredem habere nolit, institutionem: qualis institutio jure nostro penitus incognita est: quòd cum nec ipse dissimulare audeat, mihi argumento est, eum quoque omnino & sine conatatione in Saliceti opinionem transiitum fuisse, si quis modo ea proposuisset.

N' si fit miles, cujus sola voluntas) Quæcumque subtilitatem magis, quam naturalem rationem habent, ea in militaribus testamentis

6 eorumque interpretatione locum non habere ostendimus supra *tit. de mil. test.* Inter hæc autem est & regula proposita, quæ prohibet, eundem ex parte testato & intestato decedere: & ideo de paganis tantum eam concepit Pompon. *l. 7. de reg. jur.* Igitur si miles, verbi causa, unum ex fundo hæredem scripserit, non detrahatur potestatis legis mentio fundi, sed quantum ad residuum patrimonium intestatus decessisse intelligitur, & locus sit legitimis hæredibus, *l. 6. de test. mil. l. 2. C. cod.* Quod & tunc obtinere credimus, quando unum hæredem scripsit ex parte aliqua hæreditatis, per *l. quærebatur. 16. d. tit.* Sed etsi plures hæredes instituerit & unus omiserit hæreditatem, pars omissa ad alios non redebit, sed deferetur hæredibus ab intestato, nisi contraria ostendatur militis voluntas, *l. si duobus. 37. cod.* Et quod juris est in portione bonorum, hoc idem obtinet & in temporis spatio, ut usque ad certum tempus vel ex certo tempore hæredem miles instituere possit, ut quo tempore hæres scriptus non est, intestati hæreditas deferatur, *l. 15. §. 4. l. miles ita 41. in pr. cod.* vid. Duar. *ad tit. de test. mil. cap. 4.* Sich. *ad l. 1. 2. & 3. C. cod.* In Belgio generali consuetudine passim receptum est, ut unicuique liceat partim testato, partim intestato decedere contra dispositionem juris Romani D. Grot. *2. man. cap. 18.* Gudelin. *2. de jur. noviss. cap. 5.* Christin. *vol. 1. decis. 51. num. 48. & seqq. & decis. 312. & vol. 4. decis. 10 num. 3.* Zypæ. *not. jur. Belg. de testam. in pr.* Unde quæsitum est, an per hoc censeri debeat abolitum quoque esse jus accrescendi? Et quidem ubi unus tantum ex re certa vel parte aliqua hæreditatis institutus est, non magis hic moribus nostris residuum accrescet hæredi scripto, quam jure civili Romanorum in eadem specie ex testamento militis, sed ad hæredes ab intestato pertinebit, *arg. l. 6. l. quærebatur. 19. de test. mil. l. 2. C. cod.* idque etiam fatentur Christin. *decis. 312.* & Gudelin. *d. loc.* quoniam, ajunt, in hujusmodi casibus jus accrescendi non conjunctione aut voluntate testatoris, sed ex legis potestate profisciscitur. Idemque haud dubie censuerunt, si plures quidem scripti sint, sed ex partibus inæqualibus; idque propter inæqualitatem partium, quæ etiam jure Rom. accretionem impedit inter collegatarios. De quo sub *§. si eadem. 8. inf. de legat.* Ego idem dixerim, etsi singulis singulæ partes æquales datæ, & pars aliqua vacet, veluti si tres scripti singuli ex quarta bonorum pars e; videlicet partem vacantem hic non accrescere scriptis, sed jure intestati ad

legitimos hæredes pertinere. Sed & si, verbi gratia, plures simpliciter instituti sunt, aut in eadem partem hæreditatis vocati, & unus defecerit, adhuc dicendum videtur, non aliter partem deficientis jure consuetudinario cæteris accrescere debere, quam si ex verisimilibus saltem conjecturis appareat, eam fuisse voluntatem defuncti; cujus rei probatio cohæredibus incumbat, ne contra voluntatem defuncti pro parte omissa intestati, aut exitum intestati passi, plus ad eos redeat, quam eis datum est. Hanc enim interpretationem in eadem specie veteres secuti sunt in testatore milite, *l. si duobus. 37. de test. milit.* cui non obstat *l. 1. C. cod.* quia ibi ex parte hæres institutus proponitur, qui & ipsi militi ab intestato successurus erat; nimirum frater militis: & ideo nisi alii hæredes ab intestato probent, militem noluisse ea bona, de quibus quæritur, ad fratrem institutum pervenire, portio deficiens hac ipsa ratione ad fratrem pertinebit: quia pro ea parte miles intestatus decessit. Cæterum contraria sententia prævaluit hac ratione, quasi jus accrescendi propositum non descendat ex potestate juris, sed ex voluntate testatoris, quæ ex sola conjunctione æstimetur. D. Grot. *2. manuduct. c. 23.* Gudelin. *d. c. 5.* Christin. *d. decis. 51. n. 48.* ac plerisque persuasum fuit, etiam olim in testamento militum, quamvis hi pro parte testati & pro parte intestati decedere poterant, id obtinuisse: nisi hæredes legitimi de contraria voluntate testantis docuissent, *arg. l. 1. C. de test. mil.* in dubio enim hanc præsumptionem fuisse; quod miles uti voluerit jure communi. Qui perspicuus error est: nec veterum hanc sententiam fuisse apparet ex *d. l. 37.* Nam posito, quod jus accrescendi ideo in militis testamento cessat, quia militi concessum, ut possit pro parte testato & pro parte intestato decedere; etiam ubi jure communi id permissum est, idem est dicendum, vid. Ant. Fab. *dec. 72. err. 5. & 6.* Don. *in d. l. 1. C. de test. milit.* Duar. *d. cap. 4.* Valsq. *lib. 2. de succ. prog. §. 15. num. 110. & lib. 3. de succ. creat. §. 24. n. 41. & multis seqq.*

TEXTUS.

De portionibus singulorum hæredum.
Si testator æsem non dividerit, aut partes in quorundam persona non ultra æsem expresserit.

6. Si plures instituantur hæredes, ita demum in hoc casu partium distributio necessaria est, si

nolit testator, eos ex aquis partibus hæredes esse. Satis enim constat, nullis partibus nominatis, ex aquis partibus eos hæredes esse. Partibus autem in quorundam personis expressis, si quis alius sine parte nominatus erit, siquidem aliqua pars asii deierit, ex ea parte hæres fit. Et si plures sine parte scripti sunt, omnes in eandem partem concurrunt. Si verò totus as completus sit, ii, qui nominatis expressas partes habent, in dimidiam partem vocantur, & ille, vel illi omnes, in alteram dimidiam. Nec interest, primus, an medius, an novissimus sine parte hæres scriptus sit: ea enim pars data intelligitur, qua vacat.

NOTÆ.

6. Nullis partibus nominatis, ex aquis) L. 9. §. 12. b. 1. fac. l. 19. §. ult. de leg. 1. Illud tamen tenendum, conjunctos unius tantum personæ potestate fungi, v. g. si testator ita dixerit, Titius hæres esto, Sejus & Mavius hæredes sunt. Aut si, Titius & fratris mei filii hæredes sunt. Hic conjuncti unum semissem, Titius alterum habebit; l. 15. pr. l. 59. §. 2. hoc tit. l. 34. de leg. 1. l. un. §. 10. C. de cad. toll. nisi celeritatis gratia conjunctio facta doceatur, l. 66. b. 1.

Si verò totus as completus) L. 17. pr. §. 3. & 4. eod. Breviter, qui sine parte scriptus est, vacantem portionem vel alium assem occupat, l. ult. sec. tab.

In dimidiam partem) Id est, in semissem reducta ratione ad solemnem assis distributionem: alius in alterum assem; eadem enim proportio est.

COMMENTARIUS.

1 Inter institutos sine partibus pariter hæreditatem dividi, etiamsi testamento non facto inæqualiter fuissent successuri.

2 Quantum, expleto dupondio, qui sine parte scriptus est, habere debeat?

3 Perperam Hotomannum in l. 17. §. ult. hoc tit. pro triente substituere tresssem.

4 Qua in re error Hotomanni maximè conspicuus.

Intelleximus, quid juris sit, si unus tantum hæres scriptus proponatur: nimirum eum & solum hæredem fore, atque ex toto asse, non tantum si simpliciter aut sine parte scriptus sit, verum etiam si ex parte dumtaxat hæreditatis, atque adeo, si ex certa aliqua re. Pergit nunc hoc §. 1. & 2. seqq. docere Imperator, quid fiat pluribus hæredibus institutis, quasque in portiones singuli vocati in-

telligantur? Distinguenti autem, ut ex progressu apparet, tres articuli. Primus est, si plures instituti sint sine definitione partium: alter, si quidam ex certis partibus hæreditatis instituti, si quidam indehnitè seu sine partibus, tertius, si omnes partibus expressis.

Nullis partibus nominatis ex aquis partibus.) Hic primus articulus est, qui omni caret scrupulo propter evidentiam voluntatis testatoris, qui, si institutos voluisset impariter succedere, partes utique expressisset, l. 9. §. hæredes 12. hoc tit. qua de causa idem quoque servatur in re pluribus non expressis partibus legata l. 19. §. ult. de legat. 1. Quin etiam eadem voluntatis interpretationem, æqualemque partitionem sequimur, etsi qui sine partibus instituti sunt, non factò testamento in stirpes aut portionibus inæqualibus, ab intestato fuissent successuri: quia testamento factò, jam non jure proximitatis aut repræsentationis veniunt, sed titulo & jure institutionis ex iudicio & voluntate defuncti, cui legitimæ successioni per testamentum suum derogare voluisse credendus est, nisi ex conjecuris contrarium elici possit. Ita post alios Wesemb. hic, & in parat. eod. n. 6. Mantie. de conjest. ultim. vol. lib. 4. tit. 11. n. 11. Illud in universum tenendum, si conjuncti & disjuncti commixti sint, conjunctos unius personæ potestate fungi, l. planè 34. de legat. 1. l. un. §. bis ita 10. vers. fin verò, C. de cad. toll. veluti in hac institutione: Titius hæres esto: Sejus & Mavius hæres sunt; semissem Titius & tantum solus feret, quantum duo conjuncti Sejus & Mavius, l. liber homo 50. §. 2. hoc tit. Conjuncti etiam, & vel maximè sunt, qui nomine collectivo instituuntur, l. 13. in pr. eod. l. ult. in fin. C. de impub. & al. subst. de cujus conjunctionis potestate Mantie. d. loc. num. 12. & 2. seqq. Valsq. lib. 3. de succ. prog. §. 21. num. 33.

Partibus in quorundam personis expressis.) Hic articulus secundus est, & complectitur tres casus: nam partes adscriptæ aut non exæquant assem, aut exæquant, aut superant: duo priores hic tractantur; tertius §. 8. Primum quod attinet, ait, si partibus in quorundam personis expressis adhuc aliquid assis deierit, id quod superest, cum vel eos, quibus pars apposta non est, habituros, verbi causa, si duo scripti sint ex quadrantibus, tertium sine parte scriptum, quod ex asse reliquum est, & nimirum semissem, ablaturum. Hoc & Ulpian. l. item quod 17. in pr. eod. atque omni dubio hic item casus caret. Secundus est, si partes nominatæ assem exæquent sive expleant; de quo sic breviter hic Imperator: Si totus as comple-

pletus sit, ii qui nominatim expressas partes habent, in dimidiam partem vocantur, & ille vel illi omnes in alteram dimidiam. Nimirum cum asse expleto alius sine parte hæres scriptus est, hic, quia ad nullam residuum assis partem restringi potest indefinitè scripti institutio, verisimile est, testatorem ad novum assem sive ad dupondium transire voluisse, atque in uncias 24. hæreditatem distribuere. Et consequenter ergo qui sine parte scriptus est, in alium illum assem veniet aut si plures omnes in eundem, d. l. 17. §. 3. & 4. vel si dupondius ad assem revocetur, quo respexit Justinianus, venient indefinitè scripti in semissem; eadem enim utrobique proportio est. Similiter si quis dupondium distribuerit, & tertium sine parte hæredem scripserit; ad tripondium tranitus fecisse intelligitur: & ideo qui sine parte institutus est; in tertium assem veniet, sive re ad unum assem revocata in trientem, §. 8. *inf. eod.* eaque mens est Jurisconsulti in d. l. 17. §. ult. cum ait, distributo dupondio sine parte scriptum non in alium assem, sed in trientem venire, non in alium assem oppositum dupondio ad assem prius revocato, sive qui distributione testatoris ad solemnem unius assis rationem redacta efficiat semissem totius hæreditatis, ut ille solus tantum capiat, quantum alii omnes, uti fit, cum quis sine parte scribitur expleto asse, de qua specie tractaverat, §. 3. & 4. sed in eam partem dumtaxat, qua ratione ad unum assem revocata, efficiat illius assis trientem, atque in distributione testatoris sive in tripondio uni assis sive 12. tantum uncias ἀπλῆγως respondeat. Non est igitur ferenda Francisci Hotomanni confidentia, qui locum istum Jurisconsulti mendosum esse contendens pro trientem reponi vult *tresem*, vel *tripondium*; quasi Jurisconsultus ita scripserit: *Qui dupondio distributo sine parte institutus est, non in alium assem, sed in tressem venit.* Quæ oratio manifestè aut in totum falsa est, aut implicat contradictionem. Falsa, si tressem accipimus pro tribus assibus conjunctum sive pro uncias 36. in quas tota hæreditas divisa proponitur: sic enim foret, ut totum ferret solus, qui sine parte scriptus est. Contradictionem habet, si eadem vox accipitur discretim pro asse tertio aut uno ex tribus. Nam huic enumerationi: *Qui dupondio distributo sine parte scribitur, non venit in alium assem*, aperte contraria est illa: *Qui dupondio distributo sine parte scribitur, venit in tressem*, si hoc in tressem venire, in novum, in alium, in tertium assem venire. Quid est verò, quod Hotomannum impulit, ut textum hoc modo mutaret?

Nimirum ut juvaret abnormem quamdam sententiam, cujus junior adhuc auctor fuit, & quam refricuit jam senior, suamque ope defendere conatus est, *sib. 8. obs. c. 2.* Putavit Hotomannus, quemadmodum asse completo, is, qui sine parte nominatus est, in alterum esse venit, reque ad unum assem revocata aufert semissem, simili modo, impleto dupondio, eum, qui sine parte scriptus est, tripondio ad assem revocato semissem ferre debere: nec rationem pati, ut hic tantum trientem, ille semissem ferat. Igitur Hotomannus cum huic opinioni suæ videret obstare d. locum Ulpiani scriptum manifestissimè in contrarium, lectionem loci ex cerebro suo mutavit, ut pro *in trientem venit*, substituerit *in tressem venit.* Quæ verba, si Hotomanno credimus, significabunt, aufert proportionem suam indefinita ex tresse 18. uncias. Sed nihil est, quod cum ratione aut proportionem magis pugnet, quàm hæc Hotomanni opinio: nec nihil proficit mutata lectione: quippe cum in tressem venire duobus tantum modis quis dici possit, & iis, quos paulo ante indicavi miror, virum alias acutissimum non potuisse videre harum rerum minimè obscuram dissimilitudinem. Quo plures in partes res quæque disceperit, eo minus singuli ex tota *ferant* necesse est. Accidit hoc item in distributione hæreditatis: ac proinde si hæreditas distributa fuerit in uncias sive partes 36. ut in questione proposta, cum exhausto dupondio aliquis sine parte hæres scribitur, non potest nec debet, is, cui pars adscripta non est, tantum ex toto, hoc est, ex hæreditate consequi, quantum is, qui asse solùm exhausto similiter sine parte scriptus est, ubi hæreditas divisa est solummodo in uncias 24. Quid enim tam manifestum est, quàm minores esse uncias in tripondio, quàm in dupondio atque in hoc iterum minores, quàm in asse, omninoque ratione ad assem solemnem reducta, unam unciam proportionem respondere duabus in dupondio, tribus in tripondio sive tresse? Sumamus exempla facillima, & prope puerilia cum Hotomanno. *Primus ex 12. uncias barts esto. Secundus bares esto.* Hic secundus sine parte institutus habebit duodecim uncias. *Primus ex duodecim uncias. Secundus item ex 12. uncias bares esto.* Tercius quoque bares esto. Hic tertius itidem habebit 12. uncias, sed quæ in asse juris non tantum efficiant, quantum casu priori: illic enim singulæ semunciam, hic binas solùm sextulas sive tertiam unciam partem valent. Error Hotomanni in reductione & deductionibus faciendis maximè conspicuus est.

est. Is in proposita specie Tertio sine parte scripto initio nihil, Primo & Secundo singulis partis suæ dimidiam detrahit, id est, uncias sex de duodecim, quot singulis adscriptæ, ut efficiat dupondium; in quo cum Tertius 12. Primus & Secundus singuli 6. tantum uncias habere reperiantur, ita dupondium deinde ad assen revocat, ut Primo item & Secundo singulis partis suæ, quam in dupondio iis reliquerat, dimidia, id est, ternæ unciz detrahantur, Tertio senæ, ut unum hic semissem solus; alterum illi duo conjunctim consequantur. Quod minimè ferendum est. Nam cum Tertius interpretatione juris non minus in certam partem vocetur, quàm duo illi, in quorum persona partes expressæ sunt, & vocetur in partem partibus expressis æqualem, æqualem quoque detractionem cum cæteris pati debet: ideoque in proposito si tres asses distributiones ad unum redigere volumus, binæ reductiones, totidemque gradatim & pares in singularum portionibus detractiones fiant. Prima sit tripondii ad dupondium, in qua singulis detrahenda pars tertia, id est, unciz 4. altera dupondii ad assen, in qua singulis, ut as relinquatur, detrahenda est dimidia. Denique eadem ἀνάλογος ratio est, cum dupondio superato, aliquis sine parte scribitur, & cum dupondio non superato, sed expleto tantum: itaque ut illic in id, quod tertio assis deest, sine parte scriptus vocatur, l. *Sabinus* 18. eod. ita hic integrum quidem assen tertium, at nihil amplius capere debet: add. Anton. Fabr. §. *conj.* 20. Bachov. in *Tertul.* vol. 2. *disp.* 11. *thes.* 4.

T E X T U S.

Si pars vacet, aut exuperet.

7. Videamus, si pars aliqua vacet, nec tamen quisquam sine parte sit heres institutus, quid juris sit; veluti si tres ex quartis partibus hæredes scripti sunt. Et constat, vacantem partem singulis tacitè pro hæreditaria parte accedere, & perinde haberi, ac si ex tertiis partibus hæredes scripti essent. Et ex diverso, si plures hæredes scripti portionibus sint, tacitè singulis decrescere; ut si verbi gratia quatuor ex tertiis partibus hæredes scripti sint, perinde babeatur, ac si unusquisque ex quarta parte heres scriptus fuisset.

N O T Æ.

7. Ex quartis partibus) Id est, singuli ex quadrante, seu tribus uncias. Et ita quoque,

quod mox sequitur, ex tertiis partibus) id est, ex trientibus five uncias quatuor.

C O M M E N T A R I U S.

Hic locus pertinet ad articulum tertium, cum hæredes omnes instituti sunt ex æteris partibus. In hoc articulo si testator solemnem assis distributionem fecutus, non pauciores, neque plures partes five uncias fecerit, quàm duodecim: nihil est, de quo dubitari possit. Tantùm si pauciores vel plures fecerit, & juxta rationem juris ad duodecim distributionem revocare volumus, queri potest, quantum cuique adjici vel detrahi oporteat? Placuit autem, adjectionem vel detractionem non æqualiter & in partes viriles fieri, sed pro rata ejus partis, quæ cuique adscripta est. l. 13. §. 2. & seqq. hoc tit.

Si tres ex quartis partibus, &c.) Hoc est, si tres instituti sint singuli ex quadrante five ex tribus uncias. Ait, vacantem partem. Id est, quadrantem reliquum, five tres uncias, quæ assis desunt. Pro hæreditatis parte. Hoc clarius apparet, cum adscriptæ sunt partes inæquales; veluti si testator ita dixerit, *Titius ex quadrante, Mævius ex semisse heres sunt*. Hic enim ex tribus uncias, quæ assis explendo desunt, una Titio, duæ accrescunt Mævio, d. l. 13. §. 3. perinde ac si ille ex triente: hic ex besse scriptus esset. Accrescunt autem partes residuæ singulis necessario & eadem ratione, quæ uni hæredi ex parte scripto reliqua hæreditas accrescit; quia scilicet juris ratio non patitur, ut eidem partim ex testamento, partim ab intestato succedatur.

Si quatuor ex tertiis partibus, &c.) Hoc est, si quatuor instituti sint, singuli ex triente five ex uncias quatuor. Tacitè singulis decrescere. Pro parte item hæreditaria, ut quadrantem singuli in assen ferant. Et igitur si duo scripti sint, Primus ex 12. Secundus ex 6. uncias, Primus ex sententia veterum habebit hæreditatis bessem, Secundus trientem, d. l. 13. §. sed si 4. hoc tit. Et ἀνάλογος, si primus ex 12. Secundus ex 8. aut 9. scripti sint; portio Primi major erit selsquuplo vel epitrito, quàm Secundi: à qua tamen Veterum sententia videtur recessisse Justinianus, l. cum quæstio 23. C. de legat. nisi dicamus cum Donell. lib. 6. comm. c. 22. interesse, utrum assen five duodecim uncias Primo relictiis, mox semis aut sex unciz Secundo relinquantur simpliciter, an sex unciz aut dimidia nominatim ejusdem rei aut totius quod relictum est. Et hoc posteriore casu locum dumtaxat esse constitutioni Justinianæ.

stiniani, qui & initio speciem ita proponit; priore non item. In quo Donello assentior: nam prior casus, de quo nulla inter veteres dissensio, Justiniani decisione non indigebat. Illud addo, posse & aliam rationem in re proposita iniri, ut progressus fiat ad dupondium, & singulis pro portione hæreditaria accrescat, quod dupondio deest. Sed & tot partes, quot a testatore factæ sunt, in divisione servari possunt, ut singuli suas ferant, l. 15. §. ult. l. si ita 47. §. 1. leg. ex unciiis 87. hoc tit. VINN. Constitutio Justiniani binas tractat species: Priore ponitur, Titium fundum Cornelianum uni legasse in solidum, deinde alteri partem ejusdem dimidiam. Hic Sabiniani sequendam putabant proportionem geometricam, l. 80. ff. de leg. 1. l. 13. ff. de lib. & posthum. l. 47. ff. de her. instituend. Proculiani autem præferebant proportionem arithmeticam. Hinc illi priori legatario besslem, alteri trientem; hi utrique partes æquales adjudicabant. Quorum sententiam probat Justinianus. Posterior species ponit, Titium fundum Cornelianum bis legasse uni, deinde semel alteri, vel eundem fundum primum Mævio separatim, deinde Mævio & Sempronio conjunctim legasse; hic denuo quidam priori besslem, posteriori trientem; alii utrique partes æquales adjudicabant, ob easdem rationes. Horum sententiam Justinianus confirmat. Merill. in l. Decis. c. 29. p. 372. Nullo modo ergo hæc constitutio adversatur doctrinæ hujus §. in quo non de legato, sed de asse hæreditario quæritur est. HEIN.

TEXTUS.

Sed plures uncix, quàm duodecim, distributæ sunt.

8. Et si plures uncix, quàm duodecim distributæ sint, is, qui sine parte institutus est, quod dupondio deest, habebit. Idemque erit, si dupondius expletus sit. Quæ omnes partes ad assem postea revocatur, quamvis sint plurium unciarum.

COMMENTARIUS.

1. Casus aliquot hic omisi recensentur.

REGIUS hic §. subiectus foret §. 5. propter convenientiam propositorum in utroque casuum, qui ad eundem articulum, atque ex tribus, in quos præsens dispositio divisa est, ad secundum pertinent, nempe cum quidam definitè, quidam indefinitè scripti

sunt, ut in explicatione nostra illic videre licet.

Quod dupondio deest) Eadem ratio est in secundo asse, quæ in primo: & ideo quemadmodum asse, non expleto, is, qui sine parte scriptus est, vocatur in id, quod deest aisi, ita si testator superato asse, dupondio tamen non expleto, sine parte hæredem scripserit, is quod ex dupondio deest, habebit, ad quem testator assem excedens transire intelligitur, l. 18. hoc tit. Quamobrem si ita scripserit, Primus ex unciiis VIIII. Secundus item ex VIIII. hæredes sunt. Tertius hæres esto. Hic tertius item octo uncias, quot dupondio defunt, feret. Eadem ratione, si ita scripserit, Primus ex sex, secundus ex octo hæredes sunt. Tertius hæres esto. Tertius decem quæ super sunt in dupondio habebit, l. ex unciiis 87. hoc tit. Quod si partes, uti sit, ad unum assem revocamus, in priori specie, singuli trientem, in posteriore Primus quadrantem, Secundus trientem, Tertius sine parte scriptus quicuncem feret.

Idemque erit, si dupondius expletus sit) Expletus videtur dixisse pro superato: neque enim hic de expleto asse aut dupondio quæritur, sed de superato; qui casus ab illo diversus est: quamquam utriusque eadem ratio, l. 17. §. ult. eod. & tam is, qui, asse aut dupondio expleto, alium sine parte hæredem facit, ad dupondium vel tripondium creditur transisse, quam is, qui id fecit asse aut dupondio jam superato; ut quemadmodum hic sine parte scriptus in id, quod dupondio aut tripondio deest, vocatus intelligitur, ita illic in novum, hoc est, secundum aut tertium assem. Sunt & alii casus, qui ad institutam dispositionem pertinent, a Triboniano omissi, & fortassis de industria: velut 1. si quis solus institutus sit, non simpliciter aut ex parte hæreditatis, sed ex re certa, puta ex fundo: quam institutionem valere placet, quasi mentio fundi facta non esset, & institutum bonorum omnium hæreditatem consequi, l. 1. §. 4. hoc tit. l. coheredi 42. in fin. de vulg. & pup. de quo dixi §. 5. sup. eod. 2. Si plures instituti omnes item ex re certa: atque hoc casu similiter mentio rei & partium quoque nominatarum potestate legis detrahatur, etiam tunc cum ex partibus rei inæqualibus instituti sunt, nisi aliud suadeat manifesta voluntas testatoris: tunc eum partium expressio valebit ad rerum divisionem, ut officio judicis familiaris eriscundæ pro rata portionis, quam cuique in rebus assignavit testator, hæreditas singulis adjudicetur, l. 9. §. si duo 15. l. 10. junct. l. ex facto 35. in pr. eod. 3. Si plures instituti, eorum-

rumque quidam ex re certa, quidam simpliciter aut ex parte hæreditatis. Hoc casu placuit, solos hæredes fieri, qui simpliciter aut ex quota, uti loquuntur, scripti sunt, ex re singulari scriptos legatariorum loco esse, l. 13. C. cod. Cur verò tam variè? Nimirum ideo, quia ubi soli sunt instituti ex re certa, hic si testamentum subsistere volumus, atque ex eo, quod utique testator voluit, deferri hæreditatem, necessario detrahenda est rei mentio, cum hæc simul stare non possint, hæredem esse, hoc est, universi juris successorem, & rem tantum obtinere singularem. At verò cum concurrunt cum his alii rectè hæredes scripti vel indefinitè, vel ex certa parte hæreditatis, nulla necessitas cogit, ut mentionem rei, ex qua unus aut plures scripti sunt, detrahamus, cum rem illam habere possint, tamquam ex legato, idque salva ratione juris & defuncti voluntate, quæ per cohæredes simpliciter vel ex parte scriptos sustinetur. Planè si hæredes universitatis defecerint, quod adire hæreditatem noluerint, aut ante mortui sint; tunc ex communi opinione Doctorum in d.l. 13. idem per omnia erit, ac si instituti ex re singulari ab initio soli fuissent: quamvis nonnulli hanc sententiam non aliter admittant, quam si cohæredes defecerint vivo adhuc testatore, quos sequitur Bachovius hic, vid. Gomez 1. resol. 10. num. 13. Grassi. §. institutio q. 22. n. 3.

T E X T U S.

De modis instituendi.

9. *Hæres & purè & sub conditione institui potest: ex certo tempore, aut ad certum tempus non potest; veluti, post quinquennium, quàm moriar; vel, ex Calendis illis, vel usque ad Calendas illas hæres esto. Denique diem adjectum haberi pro supervacuo placet, & perinde esse: ac si purè hæres institutus esset.*

N O T Æ.

9. *Sub conditione*) V. C. Titius hæres esto, si Meviam uxorem duxerit) Hic institutio in pendenti est, & si quidem extiterit conditio, vires capit, ac conditionis eventus retrotrahitur ad tempus mortis, ut perinde habeatur, ac si purè facta esset institutio: si conditio defecerit, institutio evanescit, deferreturque hæreditas ab intestato, l. 26. de cond. inst. fac. l. 8. de per. & com. rei vend. l. 11. §. 1. qui pot. in pign.

Ex certo tempore, &c.) Ratio est, quia re-

gula, quæ vetat, eundem in paganis testato & intestato decedere, etiam in spatio temporis locum habet, l. 41. de test. mil. l. 8. C. cod. ubi quod traditur, est ex prærogativa privilegii militaris. Cessat autem in conditione, cuius eventus retrotrahitur. Conditionem facit etiam dies incertus, l. 75. de cond. & dem.

Usque ad Calendas) Occurrit hic etiam specialis ratio, quia juri nostro non convenit temporalem hæredem habere, l. 7. §. 10. de minor. l. 88. hoc tit.

C O M M E N T A R I U S.

- 1 *Captatoria institutio quæ veteribus dicta?*
- 2 *Suos hæredes omnes sub alia conditione institui non posse, quàm quæ in eorum sit potestate.*
- 3 *Diem certum institutioni appositum, sive ut terminum à quo, sive ut terminum ad quem, pro supervacuo haberi.*
- 4 *Cur dies certus institutioni adjectus ut terminus à quo non suspendat institutionem, similiter ut adjecta conditio.*
- 5 *Moribus hodiernis hujusmodi subtilitates insuper haberi.*
- 6 *In testamentis diem omnem incertum conditionem facere.*
- 7 *An si cui bonorum omnium usufructus legatus sit, & post mortem ejus alius hæres institutus, legatum valeat?*

Hic se nunc offert tituli hujus pars tertia, in qua tractatur de forma & modo hæredes instituendi, deque iis, quæ institutioni utiliter vel inutiliter adjiciuntur: sed non omnia quæ eo pertinent Imp. tangit, contentus, quæ præcipua sunt, de conditione & die adjectis quædam indicasse. Ante quorum explicationem monendi sumus, ad formam institutionis omnino pertinere, ut ea verbis fiat, isque idoneis, ut ex iis liquere possit voluntatis intentio; quamvis quibus verbis fiat, imperativis sive directis, an inflexis, nihil referat, l. 15. C. de test. & ibi DD. Deinde ita fieri debere, ut de persona hæredis certo constare possit, vel ex nomine, vel ex indubitabili signo: alioqui vitiari institutionem, l. 9. in pr. junct. §. si quis. 8. & seq. in tempus. 62. §. 1. hoc tit. l. 4. c. cod. Item inutilem esse institutionem, si testator non certo consilio hæredem scribat, aut quid alienum capere. Unde improbata veteribus tum institutio, quæ in alienam voluntatem confertur, veluti si quis dixerit, *Quos Titius voluerit, hæredes sunt.* l. illa institutio. 42. l. si quis. 63. cod. tum captatoria, quæ sit capandæ alienæ hæreditatis

tis causa, cum testator suam hereditatem tamquam in hamo defert, ut allecitet alienam: puta hoc modo, *Qua ex parte Titius me heredem faciet, ex eadem mihi heres esto, l. captatoria. 70. cum l. seq. eod. l. captatoria. 64. de legat. 1. cujusmodi institutiones etiam in testamentis militum improbantur, l. 11. C. de test. mil.* Hoc autem modo concepta institutio valet, *Qua ex parte Titius me heredem fecit, ex eadem heres esto.* Quoniam in præteritum collata est, neque ad caprandum, sed ad remunerandum comparata, *l. illa autem. 71. l. Clementis. 81. §. 1. hoc tit.* Sed nec institutiones, quæ mutuis affectionibus judicia provocaverunt, pro captatoriis habentur, *l. l. captatoria. 70. eod.* Valent itaque haud dubiè & mutuz conjugum institutiones, D. Tulden. in *c. de test. mil. n. 9.* ubi obiter refellit Jo. Deckerum hanc sententiam oppugnantem *lib. 1. differt. 7.* De captatoria institutione eleganter Menoch. *confil. 408. Ant. Fab. c. suo de her. inst. defin. 11. post Cujac. 16. abs. 11. Duar. c. 3. hoc tit.* Nunc accedamus ad explicationem textus. VINN. Sed reliquorum omnium industriam superavit Vir Illustris, Corn. van Bynkersh. *de captator. instit.* quæ dissertatio inter reliqua ejus opuscula habetur. HEIN.

Sub conditione institui potest.) Conditio est adjectio, qua in futurum eventum, quod dari aut fieri volumus, suspenditur: eaque vel possibilis est, vel impossibilis. Impossibilis inutiliter institutioni adjectitur, & pro non scripta habetur, de qua mox: possibilis utiliter, ut suspendatur interim institutio, atque existente conditione vires capiat, perindeque habeatur ac si purè facta esset: deficiente evanescat; & hereditas deferatur ab intestato. Solius persona filiosam excipitur, qui vetatur sub alia conditione hæres institui, quam quæ in illius potestate sit, nisi sub contraria conditione exhæredetur, ne, si conditio deficiat, reperiatur contra legem præteritus, *l. 4. §. 6. l. jam dubitari. 86. hoc tit. l. 15. l. ult. rim. de cond. inst.* Tantumdem nunc dicendum de cæteris liberis, qui in potestate sunt & sui hæredes, postquam hi omnes filiosam exequati, *§. 5. sup. tit.* Falluntur ergo DD. qui putant, ita nunc jus esse, ut si suus hæres in incertum eventum institutus sit, institutio non vitietur, sed potestate juris detrahatur conditio usque ad portionem legitimam, quæ gravari prohibeatur ulla dispositione moram aliudve onus afferente, *per l. quoniam 42. C. de inoff. test.* Non enim animadvertunt, agi isto loco non de liberis institutis, sed exhæ-

redatis, quibus aliquid pro legitima relictum sit. Nam Justinianus cum in *l. omni modo. 30. §. 1. seq. C. eod.* jussisset cessare querelam infamiciolæ, si quid liberis, omnino relictum esset, supplerique, si minus relictum, quod legitime deest, mutato veteri jure, quo querela non excluderetur; nisi aut tota legitima portio relicta esset, aut si minus, adjecta clausula, ut si quid deesset, id boni viri arbitratu repleretur, in *d. l. quoniam 42.* Quæ mox sequitur, superiores sanctiones temperat, easque sic vult obtinere, ut liberi portionem legitimam plenam consequantur, & sine ullo gravamine aut mora. Novissimè voluit & titulo institutionis legitimam relinquere, *Nov. 115. c. 3. de quo plura tit. 18.*

Ex certo tempore aut ad certum tempus non potest) Hujus rei explicatio plus difficultatis habet. Ait, *Ex certo tempore, &c.* quibus verbis tacitè innuitur differentia temporis sive diei certi atque incerti, & quæ hic traduntur, non ad utrumque, sed ad alterum tantummodo, certum scilicet, pertinere. Ita est. Dies aut est certus, aut incertus. De incerto illico videbimus. Certum dicimus: cum certum est & venturum esse, & quando venturus sit. Hic dies bifariam institutioni forte apponi potest: vel ut terminus à quo, veluti, *Post quinquennium, quam moriar heres esto, vel ut terminus ad quem, veluti, Usque ad quinquennium heres esto.* Neutro autem modo apponitur utiliter. Et hoc est, quod Imp. ait, hæredem ex certo tempore vel ad certum tempus institui non posse, non quod adjectione diei in totum vitietur institutio, sed quod dies ut vitiosè adjectus rejiciatur & habeatur pro non scripto: ita enim se statim explicat, cum ait, diem adjectum pro supervacuo haberi, & perinde esse, ac si pure institutio facta sit. Breviter Jurisconsultus, *l. hereditas. 34. hoc tit.* *Hereditas* inquit, *ex die vel ad diem non rectè datur, sed vitio temporis sublatò, manet institutio.* Quod dies tollitur, benevolentiz est, ne pereat ultima defuncti voluntas. Quod die non sublato subsistere nequeat institutio; ex regula, qua vetatur idem in paganis testato & intestato decedere, proposita & à nobis exposita *§. hereditas. 5. sup. eod.* Neque enim ad portionem bonorum tantum, verum etiam ad temporis spatium ea regula pertinet, *l. miles ita 41. in pr. de test. mil.* Peculiaris quoque ratio est, cum dies adjectitur tamquam terminus ad quem; quia juri nostro non convenit, temporalem hæredem habere, sed is, qui semel hæres extitit, semper hæres maneat necesse est, *l. 7. §. sed quod 10. de minoribus, l. ei qui*

88. *hoc tit.* De altero illo quæsierit aliquis, cur cum hæres ex certo die instituitur, non quæd placeat suspendi institutionem, & antequam dies veniat, nullum interim hæredem esse, ac cum quis instituitur sub conditione, & quid intersit, ita scribam, *Titius post quinquennium hæres esto*, an, *Titius hæres esto, si uxorem duxerit*? Hoc interest. Conditionis ea est vis ac natura, ut actum omnem, cui adijcitur, iurisque effectum suspendat, ea deficiente nihil actum ut intelligatur, existente perinde habetur, ac si ab initio res sine conditione gesta esset, l. 8. de per. & comm. rei vend. l. 11. §. 4. qui pot. in pign. Proinde cum hæres sub conditione institutus est, in pendenti est tota dispositio testatoris, & siquidem defecerit conditio, nulla dispositio facta intelligitur, statimque defertur hæreditas ab intestato; si extiterit, eventus ejus retrahitur ad tempus mortis, ut quod sub conditione dispositum est, purè dispositum intelligatur, l. si pupillus 26. de cond. inst. Dies verò certus diversæ naturæ est, primum in hoc, quod numquam suspendit vim aut effectum juris; tantum ad hoc utiliter rei alicui, veluti legato aut stipulationi adijcitur, ut remoretur executionem, §. 1. inf. de ref. de verb. obi. l. cedere diem. 213. de verb. sign. l. 17. de reg. jur. l. si dies. 21. quand. dies legat. Quod si ergo hæres ex certo tempore instituitur ante id tempus hæres esse impediatur, dies operabitur præter & contra suam naturam suspensio juris effectum, ideoque statim potius admittendus, præsertim cum certum sit, diem exiturum esse, quod secus est in conditione. Ita post Jacob. de Aret. Bart. & Bald. disputat Gomez. 1. resol. 2. n. 8. Deinde & in eo differentia est, quod dies non ita, ut conditio, existens retrahi potest, hoc est, quod aditio post diem existentem facta non potest conjungi & continuari cum tempore mortis testatoris quam ramen continuationem jus requirit, l. hæres. 34. de acq. hæ. l. omnis. 138. de reg. jur. nisi toto inter, medio tempore subducto: nam si id tempus manere volumus, ut adjectum utiliter, jam non suspendimus institutionem, ut nullus interim hæres sit; sed causæ intestati interim locum facimus: quod juris ratio non patitur.

5 Nostri & Gallorum mores hujusmodi subtilitates averfantur: sed ubi receperunt, ut unicuique pro portione bonorum & testato & intestato decedere liceat, ita & ad tempus quisque hæredem facere potest, & ex certo tempore, ut aut post tempus, aut antequam dies veniat, intestati hæreditas deferatur; quod jure civili Romanorum solummodo ex privi-

legio obtinebat in testamentis militum; l. 15. §. 4. l. miles. 41. in pr. de test. mil. vid. notat. sub. §. hæreditas. §. sup. eod. Hæc dicta sunt de die certo. Dies incertus, aut proorsus & simpliciter talis est, cum scilicet neutrum horum apparet, nec an venturus sit, nec quando; veluti si ita testator dixerit, *Titius hæres esto, cum consulatum inierit; cum uxorem duxerit*, aut secundum quid, cum alterutrum incertum est, & vel ignoratur, an venturus sit dumtaxat; veluti si ita scriptum sit, *Titius, cum erit annorum quatuordecim, hæres esto*; vel tantum quando venturus sit, qualis est dies mortis cujusque. Et extat de die incerto generalis definitio Papiniani in hæc verba: *Dies incertus conditionem in testamento facit, l. dies 75. de cond. & dem.* Cujus definitionis hæc sententia est, ut conditio testamento adjecta non detrahitur, sed suspendit dispositionem, ita & dies incertus, atque ut existente demum conditione vires accipit dispositio, ita & existente demum die incerto. Et siquidem vel utrumque ignoretur, an dies venturus sit, & quando; vel etiam unum illud, an sit venturus; dubium non est, quin hujusmodi dies pro conditione sit, l. si dies. 21. & l. §. quand. dies leg. At si certum sit, exiturum esse, ignoretur autem quando; hic referre puto, utrum dies appositus sit extraneo, an ipsi hæredi. Si extraneo, puta hoc modo, *Titius hæres esto, cum Sempronius morietur*, diem pro conditione esse; quia fieri potest, ut hæres scriptus ante Sempronium moriatur; quo argumento tale legatum conditionale esse defenditur, *Hæres meus, cum morietur, Titio decem dato*, l. 1. §. de cond. & dem. l. 4. in pr. quando dies leg. Si verò ipsi hæredi adscriptus sit, veluti, *Titius, cum morietur, hæres esto*, non puto conditionem facere: quia nec si legatario adferbatur, facit d. l. 4. §. 1. l. hæres meus. 79. in pr. de cond. & dem. & ideo institutioni adjectum quasi diem certum, qui vivente adhuc hærede omnimodo exiturus sit, detrahendum esse, institutionemque pro pura habendam: quæ & communis interpp. sententia est in l. 9. c. hoc tit. teste Gomez. 1. resol. 2. n. 11. Illud appertè falsum est, quod hoc loco scribit Bachovius, tale legatum, *Titio, cum morietur, decem do, lego*, conditionale esse, contra textus expressos, in d. l. hæres meus. §. 79. de cond. & dem. & in d. l. 4. §. 1. quan. dies leg. ced. Singularis casus institutionis ex die incerto est, cum quis instituitur in tempus capiendæ hæreditatis, l. in tempus. 62. b. t. qui tamen casus à doctioribus omnibus restringitur ad eos, qui non simpli-

citer incapaces sunt, sed secundum quid; quales sunt orbi, cœlibes; quos proculdubio hæredes institui licet, cum liberos susceperint, cum uxores duxerint. Angelo absurdum non videtur etiam deportatum sic institui, cum restitutus erit. Utrique rectè idem Angelus responsum istud Jurisconsulti in d. l. in tempus.

62. sic temperandum existimat, ut locum habeat cum incapacitas est ex parte instituti damtaxat, non etiam simul ex parte testatoris: nam spurium hoc modo, cum capere poterit, à patre institui non posse. De illo quæsitum est, si, verbi gratia, uxori bonorum omnium usufructus legatus sit, & post mortem ejus Titius hæres institutus, an legatum valeat? multis visum est, tale legatum esse inutile, quoniam dies usufructus legari non prius cedit, quàm hæreditas adita sit, l. un. §. 2. quando dies usufr. leg. ced. l. 2. §. 3. quand. dies legat. l. un. §. libertatib. 6. C. de cad. toll. in proposito autem hæreditas adiri nequit, quamdiu uxor vivit, eo quod dies incertus pro conditione est; potest confirmari legatum usufructus adita post mortem uxoris hæreditate, quia usufructus morte extinguitur. Pluribus tamen visum est valere, quibus assentior. Etenim in casu proposito institutio hæredis conditionalis non est, sed purè in proprietate facta ex mente testatoris intelligi debet; utpote qui legatum purè deberi voluit, nec credendus est elegisse viam, per quam dispositio ejus evertatur, contra l. Gallus 29. §. 1. de lib. & post. l. 3. de test. mil. Poterit itaque hæres institutus statim hæreditatem adire, eamque transmittere, quia mortis tempus adjectum non est ad infringendam institutionem, sed ne hæres interim turbet uxorem in usufructu. Quid si hæres institutus adire vivente uxore nolit? Possè eam in casu proposito de factò uti & frui Baldus respondit in l. extraneum. 9. C. hoc tit. Sed tutius est, ut iudicis officium super hoc imploret, vide Covar. 2. var. res. 2. num. 5. Gail. 2. obs. 143. n. 2. Grass. §. legatum. qu. 23. n. 2. Mantica. de conj. ult. vol. lib. 4. tit. 5. n. 21. Jo. del Castill. tract. de usufr. c. 8. n. 23. & seq. D. Jac. Coren. consil. 15.

TEXTUS.

De conditione impossibili.

10. Impossibilis conditio in institutionibus & legatis, nec non in fideicommissis, & libertatibus, pro non scripta habetur.

NOTÆ.

10. Impossibilis conditio) Cui similis, quæ

quid continet, quod pugnat cum bonis legibus aut moribus, l. 14. & seq. de cond. inst. perplexa tamen, ἀπριος, vitiat institutionem l. 16. eod. VINN. Ast propriè conditio impossibilis conditio non est, quia actum non suspendit ab incerto eventu: immo potius eventus est certissimus. HEIN.

COMMENTARIUS.

1. Conditionem ἀπριος, aut difficilem propter personæ cui apposta est, qualitatem, & C. pro impossibili non haberi.
2. Ultimas voluntates appositione conditionis impossibilis non vitiari; conventiones contra: & cur tam variè.
3. Dispositionem hujus §. auctore Grotio, non convenire moribus nostris.
4. Conditioni impossibili similem esse eam, quæ quid turpe continet, & ideo banc quoque pro non scripta haberi in ultimis voluntatibus.

IMPOSSIBILIS conditio est, definitore Justiniano, cui natura impedimenro est, quo minus existat; veluti, Si digito cælum tetigeris, §. si impossibilis. 11. infr. de inut. stip. Sed & quæ facta natura, & per se possibilia sunt, possunt casu aut adjectione temporis fieri impossibilia; veluti, exigere pecuniam, monumentum facere, Gadibus Romam pervenire, sunt donata, at exigere pecuniam à se, monumentum post mortem testatoris in triduo proximo facere, biduo Gadibus Romam pervenire, aduata. Sive autem per se conditio impossibilis sit, sive propter circumstantiam aliquam, hoc jure utimur, ut sub tali conditione facta institutio non vitietur, sed evanescat conditio & pro non scripta habeatur, l. 1. l. 6. l. mulier. 20. de cond. inst. nisi forte conditio sit ἀπριος sive talis, quæ efficiat, ut ipsa institutio impossibilis, aut potius perplexa, atque inexplicabilis sit, ita ut voluntas defuncti exitum reperire nequeat: cuiusmodi conditio institutionem vitiat, l. si Titius. 16. de cond. inst. Sed & in alia quavis ultima voluntate, puta legato aut fideicommissio, conditio impossibilis pro non scripta est. l. 12. §. 1. l. ab omnibus. 104. §. 1. de legat. 1. l. 5. §. 4. quand. dies leg. generaliter enim quicquid in testamento scriptum impossibilis est, placet nullam vim habere. leg. si Manvia. 45. hoc tit. l. 3. de condit. & dem. Planè conditio difficilis huc non pertinet, quantumvis propter personam, cui apposta est, qualitatem aliamve causam videantur impossibilibus; sed nisi conditioni pareatur, relictum in testamento.

testamento non capitur. Finge libertatem servo relicta hac conditione, *Si hæredi millies dederis*. Hic non detrahetur conditio, sed inutilis erit datio libertatis ut responsum est à Paulo l. 4. §. 1. *de statu lib.* Idem juris est, si in tam longum tempus conditio collata sit, ut eo tempore, is cui libertas datur, vivere vix possit, veluti si servo quatuor annos nato libertas detur, cum erit annorum centum: de quo vid. Franc. Amaya lib. 2. *obs. jur. cap. 11.* Alio autem jure utimur in stipulationibus & conventionibus: quippe quæ nullius momenti sunt, & in totum vitiantur apposta conditione impossibili, §. *si impossibilis* 11. *inf. de inut. stip.* l. 7. *de verb. obl.* l. non solum 31. *de obl. & act.* ubi etiam diversæ juris indicatur ratio: nimirum quia manifestum est, eos, qui in contrahendo apponunt aut apponi patiuntur conditionem, quam sciant esse impossibilem, non esse hoc animo, ut se aut alios sibi obligent, sed joculari, ludere, omnino ea cogitatione esse, ut nihil egi existiment. At testatorem in ordinatione supremæ voluntatis, in re tam seria & cogitatione mortalitatis, serio agere & non ludere voluisse, quod in speciem impietatis cadit, credendum est, sed mendum potius ei excidisse, quod favore ultimæ voluntatis corrigitur, & tollitur à lege, ne id hæredi fraudi sit, cui nihil imputari potest, neve alia bene recteque constituta evertantur, *arg. l. 2. de cond. instit.* D. Grotio videtur, hanc interpretationem minus convenire moribus nostris: nam cum in his regionibus omnem supremam dispositionem interpretamur secundum id, quod proprius vero est sensisse testatorem, nobis hujusmodi institutionem potius pro ridicula & nullam habendam esse, ut etiam ipsi Romani in cæteris causis id intellexerunt, dempta ultima voluntate. Impossibili conditioni similis est conditio turpis, quam interpretes vulgo ut speciem impossibili subijciunt, & appellant impossibilem de jure. Ea est, quæ quid continet, quod pugnat cum pietate, bonis legibus, aut moribus. Nam ut bene & piè Papinianus noster in l. filius 15. *de cond. inst.* *Quæ facta laudant pietatem, existimationem, veretudinem nostram, & generaliter, quæ contra bonos mores sunt, ea nec facere nos posse credendum est.* Et ideo etiam si quid ejusmodi testamento insertum sit, id perinde ac si quid impossibile adscriptum esset, placet pro non scripto haberi, l. *conditiones* 14. *de cond. inst.* veluti, *Si ab hostibus patrem suum non redemeris; Si parentibus patronove suo alimenta non præsiteris.* Paulus scribit hujusmodi conditiones remittendas esse, l. 9. d.

rit. quod effectu juris eodem recidit: rapitur enim semper hæreditas legatarumve perinde, ac si adjunctæ non essent. Plane filius, qui in potestate est, sub tali conditione hæres scriptus, testamentum patris infirmat, ac si conditio non esset in ejus potestate, d. l. 15. *cod.* quod etiam ad cæteros suos hæredes nunc transferendum est per ea, quæ *sup. §. præc.* Pacta quoque & stipulationes turpi conditione appositæ nullius momenti sunt, ut juris esse diximus, cum his apponitur conditio impossibilis de facto, l. *generaliter* 26. l. *stipulatio* 61. *de verb. obl.* l. 4. c. *de inut. stip.*

T E X T U S.

De pluribus conditionibus.

11. *Si plures conditiones in institutionibus adscriptæ sunt, siquidem conjunctim, ut puta, si illud & illud factum fuerit, omnibus parendum est: si separarim, veluti, si illud, aut illud factum erit, cuilibet conditioni obtemperare satis est.*

C O M M E N T A R I U S.

D Ocent nos Dialectici, copulatæ orationis partes omnes veras esse oportere, si ea vera esse ponatur; totam autem falsam esse, si vel una pars falsa sit. Cui conveniens est, quod hic scribit Justinianus, si plures conditiones conjunctim institutioni adscripæ sint, omnibus parendum esse, ut scilicet verificetur tota enuntiatio, & institutio purificetur: quod & Paulus tradidit, l. 5. *de cond. inst.* & Scævola de stipulatione eodem modo concepta, l. *si quis* 129. *de verb. obl.* Ait, omnibus parendum est. Parere, obtemperare dicimur conditioni, quando eam implemus, & propriè hæc enuntiantur de ea conditione, quæ posita est in nostra potestate, quam quorvis volumus & ad earum conditionum impletionem referuntur, quæ positæ sunt in eventu, ut in l. 2. *de cond. & dem.* Et sic quod hic traditur, pluribus conditionibus conjunctim adscripæ, omnibus parendum esse, etiam ad plures conditiones, quæ ex casu pendent, copulatas pertinere, sciendum est, nec sufficere ad delationem hæreditatis, unam existere ad implem, sed omnium impletionem expectandam: quippe cum non minus in hanc speciem, quam in præcedentem illam prædictum axiomæ Logicorum quadret, & utique ex æquo conveniat ratio Pauli in d. l. 5. *de cond. inst.* quod plures conditiones conjunctim scriptæ

unius loco habeantur; ideoque merito à reliquis interpretibus notatus est Accursius, quod putaverit, ex pluribus conditionibus casualibus conjunctim appositis sufficere extitisse unam; arg. l. si plures 17. eod. tit. quæ huc non pertinet, sed loquitur de pluribus institutionibus factis sub diversis conditionibus, repetita scilicet ejusdem institutione in diversa parte testamenti, D. Vigl. hic.

Si separatim, cuilibet, &c.) D. l. 1. de cond. inst. d. l. si quis 129. de verb. obl. & ratio est, quia disjunctiva oratio unius partis veritate contenta est; unde regula juris Pontificii, In alternatis sufficit alterum adimpleri, reg. 70. in 6. Cujacius legit cui libet, voce divulsâ, id est cui placet. Theoph. ἢ ἀλλήλων. Illud addo, ex casu pendentes conditiones omnimodo impleri oportere: quæ autem in potestatem nostram conferuntur; etiam tunc pro impletis haberi, cum per alium stat, quominus impleantur; veluti si quis ita institutus sit: Si Sejam uxorem duxerit, & ea nolit nubere, l. 5. §. item si 5. quand. dies leg. l. jur. 24. de cond. & dem. l. in jure 161. de reg. jur. & ibi doctissimè Pet. Fabr.

TEXTUS.

De his, quos numquam testator vidit.

12. Si, quos numquam testator vidit, hæredes institui possunt; veluti si fratris filios peregrinantes, ignorans, qui essent, hæredes instituerit, ignorantia enim testantis inutilem institutionem non facit.

COMMENTARIUS.

1 Moribus, multorum locorum nunc ad substantiam testamenti hæredis institutionem non desiderari: quibusdam in locis ne locum quidem habere.

ETiam qui nobis ignoti sunt, hæredes à nobis institui possunt, modo ne ex alio capite sint incapaces, puta quia peregrini, l. extraneum 9. C. hoc tit. l. quidem 46. eod. Poterat duplex hic esse dubitandi causa, tum quod certum esse debet consilium testatoris, certa-que persona instituti, Ult. tit. 22. §. 3. tum quod eos fere hæredes instituere solemus, quorum merita affectionem nostram provocaverunt, l. 9. pro soc. Verum enimverò ubi testatoris voluntas in personam aliquam certam

destinata est, incertum ejus consilium incertave instituti persona dici nequit; licet circa accidentia personæ: puta nomen, faciem, incertitudo sit: & potest quis etiam erga ignotum ita affectus esse, ut optime ei velit, vel propter sanguinis necessitudinem, ut in exemplo proposito, vel propter famam virtutis eruditionisve.

Peregrinantes) Peregrini, non peregrinantes, hæredes institui ventantur, l. 1. C. hoc tit. Notissima autem est inter hæc duo differentia, peregrini enim civibus opponuntur. Jam verò Romani privato jure constituerunt, ne quisquam, qui civis non sit, jus capiendæ hereditatis habeat. Qui autem ex civibus peregrinantur, hoc est, peregre degunt, extrapatriciam suam in peregrinis regionibus versantur, studiorum forte aut quæstus gratia, vel ut diversos hominum mores cognoscant, utbesve videant opulentas, cum hi cives esse non definant, nulla ratio est, cur non à suis domi hæredes institui possint, licet de facie testatori noti non sint. Cujacius legit peregrinatos, dictione divisa: quomodo in omnibus quoque libris manuscriptis legi testatur Hotomannus, quos quidem videre illi contigit; atque, cum ista lectione consentire & Theophilum; quo tamen nomine reprehenditur à Bachovio, quasi lectori imponat, cum etiam Theophilus habeat; ἐν τῇ διαγίγῃ. Verum si bona fide agit Bachovius, necesse est, valde ostanter Theophilum ab eo inspectum esse: quippe cum Theophilus non proponat fratrem ipsum ἐν τῇ διαγίγῃ, hæredem institutum, sed liberos ex fratre, cum peregre ageret, procreatos. Multorum locorum legibus aut moribus nunc ita comparatum est, ut hæredis institutio ad substantiam testamenti non videatur necessaria, quo sensu hodie testamenta appellamus: nam & id testamentum dicitur, in quo relictis tantum legatis, nulla hæredis institutio facta est. Joan. del Castillo Sotomayor tract. de usufr. c. 60. Quin etiam secundum quarundam civitatum leges ne locum quidem in testamento habet hæredis institutio. Sic enim dicunt leges Parisiensem, Aurelianensem, Gandavensium, Corracensem, &c. quod tamen ita passim accipitur, ut si hæres institutus sit, pro legatario tantum sit habeatur. D. Gudelin. lib. 2. de jur. Nov. c. 5. D. Christin. vol. decis. 247. num. 8. & decis. 305. num. 17. & seqq.

TITULUS DECIMUSQUINTUS. DE VULGARI SUBSTITUTIONE.

Dig. Lib. 28. Tit. 6. C. Lib. 6. Tit. 25. & 26.

- 1 *Ratio ordinis, simul quam variè verbum substitutionis à nostris usurpatur?*
- 2 *Divisio substitutionis in directam & fideicommissariam; ac utriusque speciei explicatio.*
- 3 *Nomine substitutionis simpliciter posito, intelligi directam: quæ & perfectius definitur.*
- 4 *Vulgatæ divisiones substitutionis notantur: ostenditurque, commodissime eam dividi in duo genera dumtaxat.*
- 5 *Summa eorum, quæ hoc tit. explicantur.*

Postquam ea omnia Princeps tradidit, quæ ad testamenta rectè ordinanda & hæredum institutionem pertinent, reliquum videbatur, ut protinus, disputeret, quibus modis testamenta rectè ab initio ordinata postea infirmarentur. Cæterum cum testatori permissum sit, non tantum hæredem testamento instituere, sed etiam in locum deficientis hæredis institui alios hæredes substituere, ut primo gradu deficientem saltem ex secundo hæredem testamentarium habeat; nonnunquam & cum sibi fecit, simul alii testamentum & hæredem facere, hanc partem, quæ substitutiones continet, prius exsequendam putavit. Quid in genere sit substitutio, vix commodè una generali definitione explicari potest: utuntur enim ea voce juris actores non tantum cum loquuntur de institutione secundi hæredis, verum etiam cum de secunda datione legati, l. 6. C. de legat. item cum agunt de fideicommissis tum hæreditatis tum rerum singularum, ut videre est in l. cohæredi. 41. §. 1. hoc tit. de vulg. & pup. l. cum proponebatur. 64. l. cum pater. 77. §. sec. l. Tit. 1. 87. §. 2. de legat. 2. l. hæredes. §. 7. C. 1. & 2. ad Sen. Trebell. l. 14. C. de fideic. l. 6. C. de intest. & subst. Atque hinc vulgo substitutio dividitur in directam & fideicommissariam. Directa est, quæ fit verbis directis & civilibus; vel hæredem hæredi substituendo, veluti, *Titius hæres esto: Si Titius hæres non erit, Sejus hæres esto*, vel legatarium legatario; veluti, *Titio fundum Cornelianum do, lego: Si Titius fundum, quem ei legavi, non ceperit, eundem fundum Sejo do, lego l. ut hæredibus. 50. de legat. 2.* Nam hæc quoque directæ substitutio est, & ideo legatum agnoscens primo legatario evanescit, l. 6. C. de legat. Fideicommissaria est, quæ fit verbis precariis, cum scilicet testator vel hæredem institutum rogat, ut hæreditatem partemve

hæreditatis aut rem aliquam alteri restituat, vel legatarium, aut fideicommissarium, ut constituent, quod iis relictum est. Fideicommissariæ substitutionis mentio fit cum alibi, tum in locis istis omnibus, quos modo allegavi directæ, directis & civilibus verbis factæ, in l. 7. l. 15. hoc tit. l. 5. l. 7. C. de impub. & al. subst. l. 14. C. de fideicom. §. pen. inf. de codicill. Neque tamen venditare velim hanc divisionem ut perfectam, accipiat saltem ut generis *πῶς*, & eo pertineat, ut varium vocis usum, quem in jure habet, intelligamus. Illud equidem certum est, nomen substitutionis simpliciter positum in usu juris (si ve propriè sive per excellentiam) solam denotare substitutionem directam, atque eam, quæ hæres hæredi substituitur; unde passim videmus, substitutionem opponi fideicommissis, l. 6. §. Titius 5. ad Sen. Treb. l. tutores 39. §. 3. de adm. tut. l. cum pater 77. §. volo 13. de legat. 2. cum similibus, quorum etiam tractat proprium locum atque hinc satis longè remotum occupavit circa finem hujus libri in Pand. lib. 36. cum de substitutionibus agatur lib. 28. Igitur, quod ad propositum attinet, si queratur, quid sit substitutio, ea sic licet definiatur: Substitutio est secundo vel ulteriore gradu facta institutio; vel brevis & simplicius, est secundi hæredis institutio, l. 1. l. ex facto 43. §. Luc. 2. in fin. hoc tit. Nam omnem substitutum veteres secundum hæredem vocant, licet longa serie substitutio facta sit, & quis tertio vel quarto vel ulteriore etiam gradu locove scriptus reperiatur, habito scilicet respectu non ad ordinem scripturæ, sed successionis: & quia omnis substitutus collatus cum eo, cui substituitur, & ex cujus personæ relatione nomen substituti accipit, semper secundus est. Vulgo hæc ratio assertur, quia omnis institutio, quæ fit post primam & in locum primi hæredis deficientis rectè dicatur secunda, quemadmodum secundæ nuptiæ dicuntur, quæcumque contrahuntur post primas. VINN. Non usquequaque vera est hæc Vinnii observatio. Qui enim substituti substitutis, si subinde vocati hæredes tertii, quarti, quinti: non secundi. Hinc *teriorum hæredum* meminit Sueton. in Claud. cap. 6. HEIN. Speciei substitutionis alii plures, alii pauciores faciunt. Doctores communiter quinque, vulgarem, pupillarem, exemplarem, breviloquam,

quam, & compendiosam. Exemplarem vocant substitutionem mente capti: breviloquam, quam alii melius reciprocam, cum hæredes instituti invicem substituuntur: compendiosam, quæ verborum hoc compendio, *Quandocumque decesserit*, comprehendit plures substitutionem species, plures casus & tempora: veluti si pater ad eum modum substituerit filio impuberi, continebitur hic & vulgaris & pupillaris, & si forte filius mente captus sit, etiam exemplaris; postremo militaris quoque privilegiata, si miles sit, qui substituit, Gomez. 1. *resol.* 7. & 8. Grass. §. *substitutio.* q. 3. q. 5. 1. & multis seqq. Sichard. in l. 8. C. *hoc tit.* Ant. Merend. 4. *cont.* 6. Duarenus autem ad hunc l. *cap.* & Soar. ad Gomez. 1. *resol.* 3. ponunt hæcæ quatuor, vulgarem, pupillarem, quasi pupillarem, & militarem, rejectis breviloqua & compendiosa, ut modis substituendi, non speciebus substitutionis. Longè rectius nostro quidem iudicio. Vigl. Myns. Hotom. hic. Donel. 6. *com.* 23. duas dumtaxat species statuunt, vulgarem, & pupillarem, ad quarum alterutram formas omnes substituendi referunt, & species revocant. Etenim si genera substitutionis a casuum differentis distinguenda sunt, plura poni non debent quam duo; sicut nec plures sunt casus, in quos fit substitutio, quam hi duo, unus, si institutus hæres non erit, qui casus primus dicitur, & est conditio vulgaris substitutionis, alter, si hæres erit, qui secundus, & proprius pupillaris, l. 4. l. *Lucius* 25. b. l. 1. 8. C. *cod.* potestque substitutio exemplaris, quam vocant, ἀλλοτρίως referri ad pupillarem, & commodiore nomine appellari quasi pupillaris, de qua agit §. 1. *tit. seq.* Compendiosa & reciproca diversas substituendi formulas denotant conceptas semper in primum vel secundum aut utrumque casum. Quod autem miles filio puberi vel etiam extraneo in secundum quoque casum directo substituere potest, abnorme atque ex privilegio est: neque ob id necesse est separatam speciem constituere. Cæterum nec hæc ipsa bipartita divisio alia est, quam generis homonymi: quippe sola vulgaris substitutio propriè substitutio est; pupillaris non tam substitutio, quam institutio prima, utpote per quam substitutus non testatori succedit & gradu secundo, sed pupillo & gradu primo tamquam ab ipso primo loco institutus. Ant. Merend. 4. *cont.* 6. n. 12. & 13. Obtinuit tamen, ut & hæc diceretur substitutio, quia secundo loco fieri debet post institutum patri hæredem, ut declarat Ulp. l. 2. in *fin.* *hoc tit.* sive quia substitutio impuberis pars est & sequela testa-

menti paterni, §. *liberis* 5. *tit. seq.* Hæc studiosi juris præmonstrare operæ duxi, ne doctorum scripta adeuntes in vestibulo hærent, aut offenderent. Præsentī in titulo agitur de substitutione vulgari, paucis sanè & parcè promateriz amplitudine & subtilitate. Proponuntur primò formulæ sive modi aliquot vulgariter substituendi; post aliquid aspergitur de effectu, ut sciamus quas in partes, nullis substitutioni adscriptis, substituti vocari intelligantur, & quatenus extendenda substitutio. Dicitur vulgaris à vulgari & usitato substituendi modo, vel quia vulgo & promiscuè omnibus hæredibus à quovis testatore fieri potest. Quid ea sit jam pene cognitum habemus, mox autem certius intelligetur exposito casu & vi conditionis hujus substitutionis propriæ.

TEXTUS.

De pluribus gradibus hæredum.

Potest autem quis testamento suo plures gradus hæredum facere; ut puta, si ille hæres non erit, ille hæres esto. Et deinceps in quantum velit testator, substituere potest: ut novissimo loco in subsidium vel servum necessarium hæredem instituit possit.

NOTÆ.

Substitutione) Substitutio est secundi vel ulterioris hæredis institutio, l. 1. *hoc tit.* Est autem duplex, una vulgaris, quæ cuius à quovis testatore fieri potest in hunc casum, si prior gradu institutus hæres non erit: altera pupillaris, quæ à parentibus fit liberis impuberibus, quos in potestate habent, in casum contrarium, si filius institutus hæres erit, & intra pubertatem decesserit: ad quam speciem ἀλλοτρίως referri potest & illa mente capti, de qua §. 1. *tit. seq.* Fideicommissariz substitutiones huc non pertinent; de quibus *inf. tit.* 23.

Novissimo loco in subsidium) Defunctorum interest, ut habeant successores, l. 6. de *inter. in jur. fac.*

COMMENTARIUS.

- 1 Substitutionem in codicillis factam sustineri in vim fideicommissi.
- 2 Gradus hæredum non ex scriptura ordine, sed ex successionis serie, quam testator fecit, estimari.
- 3 Conditionem hanc, si hæres non erit, continere & casum impotentia & voluntatis: & an

an uno horum expresse continetur & alter?

- 4 Conditionem, si hæres non erit, diversimodè accipi pro diversa qualitate hæredum & persona instituti.
- 5 Suum hæredem, accepto vulgariter substituto, ex necessario fieri voluntarium, salva tamen qualitate sui hæredis.
- 6 Substitutionem vulgarem in suo hærede non operari in casum impotentia, sed voluntatis & abfentia.

In testamento) Rectè in testamento, ut & Marcan. l. potest 36. eod. unde hæc descripta: nam in codicillis ut institui hæres non potest, ita nec substitui; siquidem & substitutio institutio est, & utroque modo hæreditas directo datur; quod in codicillis non licet, §. pen. inf. de codicill. l. quod per manus 10. de jur. eod. Sciendum tamen est, etsi substitutio in codicillis facta non valeat jure directo, benigna tamen interpretatione sustineri in vim fideicommissi, quasi hæredes legitimi rogati videantur, hæreditatem substituto restituere. Sententia communis & usu recepta non doctorum tantum auctoritate, verum etiam legum, l. Scavola 86. ad Sen. Trebell. l. illud 13. §. 1. de jur. eod. l. ult. §. 1. C. eod. Atque hanc eandem etiam, cum in contrarium multa disputasset, amplectitur D. Viglius, & pro axiomate quodam esse jubet, multarum questionum arbitro.

Plures gradus hæredum) Hoc est, plures hæredum ordines, ut alii scribantur primo, alii secundo, alii loco tertio, & ita deinceps, l. 2. §. deservit 4. de bon. poss. sec. tab. In qua denominatione non scripturæ ordo, sed successionis spectari debet; ut ecce, in hac formula, Titius hæres esto, si Sejus hæres non erit; Sejus hæres esto. Sejus, qui ordine scripturæ secundus est, gradu & ordine delatæ hæreditatis est primus, Titius secundus, ac proinde substitutus, l. si ita 28. de her. inst. l. 2. §. pen. & ult. hoc tit. Nec verò etiam cohæredis adjectio gradum facit, sed omnes cohæredes uno eodemque gradu habentur, & ideo simul ad successionem ex testamento admittuntur, quem admodum ad successionem ab intestato vocantur omnes, qui eodem gradu cognationis sunt. Ubi autem gradus à testatore facti sunt, tam scripti impediuntur simul hæredes esse, l. cum in testamento 37. de her. inst. nec substituto locus est, quamvis admitti potest prior hæres institutus, l. 3. l. quamdiu 69. de acq. her. idque omnino postulat ordo graduum pro affectu erga hæredes à testatore descriptus, apud quem ut priore amoris gradu institutos esse

Tom. I.

apparet, quàm substitutos, ita dubium non est, quin ad illos malit, quàm ad hos hæreditatem suam pervenire.

Si hæres non erit) Hic casus primus dicitur, & est conditio vulgaris substitutionis propria. Non semper autem hic casus plena oratione exprimitur, ut fit hoc loco; sed sæpe uno verbo substituendi significat, ut si testator ita dicat, Titio Marvium substituo, aut pluribus institutis ita, eosque invicem substituo. Casus autem iste, Si hæres non erit, generalis est, continens in se & casum voluntatis, ut loquuntur, si hæres esse nolit; & impotentia si non potuerit hæres esse, fac. l. si quis 56. solut. matr. Uterque casus speciatim exprimitur l. 3. C. de her. inst. Sub casu impotentia iterum sunt inferiores & veluti species infimæ, veluti, si mortuus sit, si deportatus. Quorum omnium cum sit diversa ratio, non facile admittendum est, quod ex communi DD. sententia Gomez. 1. var. resol. 3. n. 10. refert & probat, uno casu speciali expresse, aut noluntatis dumtaxat, aut impotentia, alterum interpretatione supplendum esse; & perinde habendum, ac si uterque expressus esset: & manifestè obstat huic sententia l. 10. de lib. & post. Sane non dixerim, eum, qui expresse & specialiter substitutus est in casum deportationis hæredis institutus, intelligi debere etiam substitutum in casum mortis. Quod autem in institutione nepotis Aquiliani casus mortis per interpretationem producit ad casum deportationis & similitum, mirum non est; quoniam omnium ex sententia Galli eadem ratio est, l. Gallus 29. §. & quid §. d. tit. Idemque responderi potest de substitutione facta impuberi filio, in qua placet casum primum seu vulgarem expressum extendi etiam ad alterum seu pupillarem non expressum; & contra: nimirum sumpsum hoc ex conjectura voluntatis, ut pluribus docebimus tit. seq. quamquam non tam prudentum interpretatio hoc jus introduxit, quàm specialis constitutio D. Marci l. 4. hoc tit. add. Cujac. ad d. l. 10. de lib. & post. Duar. c. 9. hoc tit. Porro conditio hæc, Si hæres non erit, pro diversa qualitate hæredum personarumque instituti & ipsa diversimodè accipitur. In extraneo hærede, qui sui juris sit, hoc significat si neque sibi hæreditatem acquisierit, neque alium mutata conditione hæredem fecerit. In ejusdem qualitatis hærede, qui alieno juri subiectus est eodem sermone hoc significatur, si neque ipse hæres erit, neque hæreditatem ei, cujus in potestate est, acquisierit, §. ult. inf. eod. ubi hac de re latius atque ex professo. In suo hærede eadem formula hoc significat, si se

Kkk

pa-

paterna hæreditate abstinuerit, si cum effectu hæres non extiterit, eo quod se bonis paternis immiscere noluerit. Nam etsi suus hæres ipso jure hæres existit, & ideo non esse sine hærede dicitur; qui suum hæredem, licet se abstinenter, habet, *l. cum quasi 30. §. sed & si 10. de fideicom. libert.* cuius rei notabilis effectus indicatur in specie *l. ult. de acq. her.* tamen cum de excludendo substituto queritur, & vi atque interpretatione horum verborum. *Si filius mihi hæres non erit; & voluntate substituentis, quam jus civile hic sequitur & approbat, non nuda ista existentia, sed immixtio filii cum additione hæredis extranei comparanda est; alioqui ne substitui quidem filio in istum casum posset: nam si nullo modo efficere filius potest, ut non sit hæres, frustra ei substitutus datur in eum casum, quo hæres non sit, quo proculdubio continetur etiam casus voluntatis. Ac dicendum omnino videtur suum hæredem, qui in vulgarem casum substitutum accepit, ex necessario hærede fieri voluntarium, & id quidem ex ratione ipsius juris civilis, quo scilicet patri permissum necessitatem istam ut in suum solius favorem introductam remittere, & quam etiam tacite remisisse intelligatur, dato filio in vulgarem casum substituto, ut quod alias filius non habuisset nisi jure prætorio, abstinendi nimirum licentiam, id nunc habeat jure proprio acceptum à patre, ac proinde ex jure civili; per *l. 12. de cond. inst. l. jam dubitari 86. de her. inst.* Doctores vulgo contendunt, per vulgarem substitutionem in totum tolli jus suutatis, *arg. d. l. 12. & l. 16. de lib. & post. Grass. §. substitutio. quest. 3. num. 3.* sed hoc nullo modo admitti potest; alioqui nec in pupillari substitutione expressa unquam inesse posset vulgaris, nec in vulgari pupillaris; & transmissio, quæ solius suutatis ante legem Theodosii effectus erat, per vulgarem substitutionem eo tempore fuisset impedita; quæ omnia falsa sunt, priora duo manifeste, tertium *arg. l. un. §. 5. & §. cum autem 13. C. de cad. toll.* ubi Justinianus demum substitutum vult admitti, cum defunctæ personæ, quæ hæreditatem non aditam transmittunt ex lege Theodosii, quæ unica est sub *tit. C. de his qui ante ap. tab. her. trans.* nimirum jus transmittendi, quod soli antea sui hæredes & simpliciter habebant, etiam in casu substituti extendens ad personas d. lege Theodosii comprehensas. Et verò, quod omnino considerandum, in persona sui hæredis dux hæ sunt qualitates diversæ, necessarium esse, & suum esse, quarum hac salva, aut saltem vulnèrata tantum, illa tolli potest,*

uti factum videmus edito prætoris, quo manente fuitate data est abstinendi potestas. Concludendum ergo, substitutionem vulgarem in suo hærede non operari in casum & speciem impotentis, sed in casum voluntatis & abstinentis dumtaxat; utique si filius patri superflus fuerit: nam si is vivo adhuc patre decesserit, nullis liberis relictis, qui quasi agnoscendo testamentum rumpant; dubium non est, quin substitutioni locus sit, *Zaf. tract. sub. cap. 1. in quarto effectu. Gomez. 1. resol. 3. n. 15. 16. & 24. Bachov. in Treutl. vol. disp. 11. thes. 7. Christin. vol. 5. decis. 16. num. 4. D. Jo. à Sande lib. 4. tit. 3.* Illud quoque mihi planè persuadeo, abstinente filio suo hærede, substitutum hæredem fieri jure civili, hoc est, directo ex substitutione venire, & hæreditatem adire posse ex vi formulæ, *Si filius mihi hæres non erit, Semprenius hæres esto*; quamvis hoc non placeat Anton. Fabro, qui substitutum non ipso jure hæredem fieri, sed à prætore tantum ad bona admitti contendit, *decad. 32. err. 7.*

Novissimo loco servum necessarium) Qui omnino legitimas successiones impedire atque in omnem casum sibi vult prospicere, ne intestati exitum faciat; is poterit in dictum priorum servum suum postremo loco instituire hæredem necessarium, quod illi quoque facere solent, quibus facultates suæ subiectæ sunt, ut auctionis infamiam, quam metuent deficientibus voluntariis hæredibus, modis omnibus à se avertant, & quod in alios non poterunt, in servos tandem transferant, *§. 1. infr. de her. qual.* Quid si servus non loco novissimo, sed intermedio substitutus sit, aut ipsi primo instituto substitutus datus? Pararem contra Viglium cum Jo. Fabro, defendi posse, dominum videri servo remissibile ad eundem necessitatem, dando ei substitutum in eum casum, quo hæres non esset, utique si substitutus hæreditatem adire paratus sit, *arg. l. 12. de cond. inst.*

TEXTUS.

De numero hæredum in singulis gradibus.

1. Et plures in unius locum possunt substitui, vel unus in plurium, vel singuli in singulorum, vel invicem ipsi, qui hæredes instituti sunt.

COMMENTARIUS.

Complures sunt formæ substituendi. Substituuntur vel extranei, vel ipsi hæredes instituti. Prior species variatur quatuor modis;

dis; nam & singuli singulis, & plures pluribus, & plures uni, & pluribus unus substitui potest. Secundus modus hoc loco, & apud Marcianum, *l. potest 36. §. 1. eod.* omnis est forte de industria, quia eadem illius quæ primi ratio est. Illud autem in his omnibus tenendum, ut substitutis locus fiat, necesse esse, ut antea primo gradu instituti defecerint, quocumque casu ex superioribus modis substitutio facta proponatur; hoc enim perpetuo exigat natura & ratio substitutionis, adeo ut nulla etiam videatur esse causa dubitandi, ne in postremo quidem casu, ubi unus pluribus substitutus sit. Nam qui ita loquitur, *Octavius & Novius heredes sunt, si non erunt, Decius esto*, is utique aperte significat, se velle, institutos & ambos & singulos substituto præferri, æque hanc non aliter admitti, quam si neuter illorum heres fuerit; quod ipsum diserte quoque traditum est *l. 4. C. de impub. & al. sub. Q. 12.* re vix est, ut credam, apud veteres juris auctores de eo dubitatum fuisse, quamvis id persuasum fuerit Justiniano, *l. pen. C. d. tit. Vel invicem ipsi* *L. cum testamento 37. §. 1. de her. inst.* Hæc est substitutio, quam Modestinus reciprocam vocat, *l. 4. §. 1. hoc tit.* Papinianus mutuum, *l. cum proponatur 64. de legat. 2.* exemplum extat apud Suetonium in Tiberio, c. ult. Doctores vulgo appellant breviloquam vocabulo non satis rei convenientes; neque enim ex verborum brevitate estimatur, sed ex reciprocatione formulæ, quam nihil prohibet longiore oratione concipere, ut fecit Theophilus, & notavit D. Viglius. Modus autem substituendi est, non species substitutionis, ut superius diximus, & pupillari quoque convenit; *d. l. 4. §. 1. hoc tit.*

T E X T U S .

Quam partem singuli substituti accipiant, si partes in substitutione expressæ non sint.

2. *Et si ex disparibus partibus heredes scripti invicem substituerit, & nullam mentionem partium in substitutione habuerit, eas videtur in substitutione partes dedisse, quas in institutione expressit: & ita divus Pius rescripsit.*

N O T A .

2. *Ex disparibus partibus*) Species: *Octavius ex uncia heres esto, Nonius ex besse, Decius ex quadrante* et eosque invicem substituo. Hic repudiante Decio, dividetur quadrans in novem

partes, ex quibus octo feret Nonius, unam Octavius, *l. 24. eod.* Male exemplum posuit Theoph. in duobus hæredibus invicem substitutis: verum tamen est quod dicit, & male carpitur à Pac.

D. Pius rescripsit) *L. 1. Cod. eod. congruunt l. 5. & d. l. 24. D. eod.*

C O M M E N T A R I U S .

1 *Heredes ex imparibus partibus institutos, atque invicem simpliciter substitutos ex substitutis one in partes hereditarias vocatos intelligi: & quomodo hac regula temperanda? num. 2.*

Pluribus hæredibus etiam ex certis partibus institutis, si unus simpliciter substitutus fuerit, hic illis deficientibus totum asem ex substitutione feret: si plures pluribus eodem modo substitutis, singuli ex partibus æqualibus hæredes erunt, licet inæquales adscriptæ sint institutis, quippe cum hic discerni non possit, quis cui substitutus sit. At si singuli singulis, tum eam quisque partem habebit, quæ adscripta primo, cui substitutus est. Dubium quoque non habet, si testator hæredes institutos mutuo substitutis in substitutione easdem partes nominatim servari voluit, quas in institutione expressit, aut si alias partes in substitutione fecit, quin voluntas servanda sit. Sed hoc quæritur est in substitutione reciproca, si testator hæredes ex imparibus partibus institutos invicem simpliciter substituerit, hoc est, nullarum in substitutione partium mentione facta, utrum in partes viriles, an in hereditarias ex substitutione vocati intelligi debeant. Et D. Pius voluntatem testatoris in hac substitutione sic interpretatus est, ut videatur testator eos vocasse in portiones hereditarias, hoc est, ex iisdem partibus substituisse, ex quibus instituti sunt, *l. 5. l. si plures 24. hoc tit. l. 1. C. eod. & hoc text.* Optima sane ratio: neque enim verisimile est, testatorem plures eos fecisse in gradu secundo, quam in primo: cum substitueret, quam cum institueret: ut proinde partes, quæ in institutione expressæ sunt, repetitæ videri debeant in substitutione; quæ eadem ratione etiam legata ab institutis relicta à substitutis repetita esse intelliguntur, *l. licet Imp. 74. de legat. 1.* & clausula quoque sive conditio in institutione apposita in substitutione repetita, utique si eadem sit, aut par utrobique ratio, arg. *l. 14. de legat. 1. l. 1. C. de impub. & al. sub. Ant. Fab. C. suo tit. 7. defin. 3. Christin. vol. 4. decis. 13. n. 7.*

Invicem substitueris) In duobus hæredibus invicem substitutis huic quaestioni locus esse non potest: siquidem uno ex duobus deficiente, alterum semper, quod reliquum est habere oportet, & in solidum hæredem fieri. Sed minimum tres institutos, eosque invicem substitutos ponamus necesse est, verbi causa, uti Ulpianus speciem proponit, d. l. 24. *hoc tit.* si unus ex uncia, secundus ex besse, tertius ex quadrante sit institutus, repudiante tertio in novem partes dividetur quadrans, ferretque octo partes, qui ex besse institutus est, unam partem, qui scriptus ex uncia. Manifestum igitur est, male omnino Theophilum hunc locum interpretatum esse, dum in duobus institutis invicemque substitutis exemplum posuit.

Quas in institutione expressit) Ulp. d. l. 24. hoc sic temperar, nisi alia mens fuerit testatoris.

Quibus verbis interpretes denotari & excipi putant etiam casum quo non simpliciter & tribus verbis omnes invicem substituuntur, aut quidem sub appellatione hæredum alicui ex cohæredibus, puta hoc modo, *Si Titius hæres non erit, quisquis erit; ex parte quoque Titii esto*, aut, *Ceteris, quos primo loco scripsi, sumto*: sed repetitis in substitutione propriis singulorum nominibus, veluti hoc modo, *Titius ex quincunce, Mævius ex triente, Sempronius ex quadrante hæredes sumto*. Si Titius hæres non erit, Mævius & Sempronius ex parte quoque Titii hæredes sumto. Hic secundum communem sententiam Mævius & Sempronius in portione deficientis Titii viriles, hoc est æquales non hæreditarias partes habebunt: idque ex non obscura voluntate testatoris, qui in substitutione propria cujuscumque nomina repetens, jam non ad partes in institutione datas, sed ad personas & numerum substitutorum substitutionem retulisse dicendus sit, arg. l. nonnumquam. 25. ad sen. Treb. l. si hæredes. 124. de legat. 1. l. si communis. 37. de stip. serv. Atque hanc sententiam etiam D. Viglius probat, ac præceptor suo D. Francisco Curtio, cui ea displicebat, propterea quod Jurisconsultus in d. l. 24. *hoc tit.* requirit voluntatem evidenter expressam, respondet, expressionem priorum nominum ex interpretatione prudentium vim expressæ voluntatis in hujusmodi quaestionibus habere. Idem probandum est, si testator æquale onus substitutis imposuit, per l. quotiens 23. ad sen. Treb. Gloss. in l. 1. C. de imp. & al. subst. Gomez. 1. ref. 5. n. 20. D. Tuldén. comm. hic cap. 2. Christin. vol. 4. dec. 13. n. 7.

Si cohæredi substituto alius substituat.

3. Sed si instituto hæredi, cohærede substituto dato, alius ei substitutus fuerit, Divi Severus & Antoninus sine distinctione rescripserunt, ad utramque partem substitutum admitti.

NOTÆ.

3. Sed si instituto hæredi) Species: Primus & Secundus hæredes sumto: Si P. hæres non erit. S. hæres esto: si S. hæres non erit, Tertius hæres esto. Verius est, in utramque partem hic Tertium substitutum esse, l. 27. l. 41. eod. ex quo jure hæc regula fiat: Substitutus substituto intelligatur etiam substitutus instituto.

Sine distinctione) Id est sine distinctione mortis & scripturæ, ut nihil interfit, prior substitutus post institutum, an ante decesserit: nihil quoque utrum ante primam substitutionem secunda facta sit, an postea hoc modo: Primus & Sec. hæredes sumto: si S. hæres non erit, Tertius hæres esto. Si P. hæres non erit, S. hæres esto, l. 41. pr. eod.

COMMENTARIUS.

- 1 An in specie hic proposita utraque pars deficiat jure substitutionis ad sec. substitutum pertineat?
- 2 Scævola cum Papiniano conciliatus.

SI paterfamilias Titio & Mævio hæredibus institutis, Titium Mævio sine reciproca-tione substituerit, & Titio Sempronium, certum est, deficientis Titii partem non accrescere Mævio cohæredi Titii, sed ad Sempronium jure substitutionis pertinere: quippe cum verba illa, *Si Titius hæres non erit*, generalia sint, & utrumque casum complectantur sive hæres non erit ex institutione, sive non erit ex substitutione. Cæterum hæc species hic non pertinet. Et male Hotomannus tali exemplo usus est ad hujus loci declarationem. Hic enim non tantum quaeritur de parte ejus, qui cohæredi suo substitutus alium substitutum accepit, sed etiam de parte cohæredis, cui ille alius expressè substitutus non est, & nimirum si uterque defecerit, an pars utriusque ad illum uni tantum substitutum jure substitutionis pertineat. Quod hic affirmatur, & in l. si Titius. 27. l. cohæredi. 41. in pr. hoc tit. Ex hoc igitur jure hæc regula fiat: Substitutus substituto intelligatur etiam substitutus instituto.

Sine distinctione ad utramque partem) Si scilicet

et neuter hæres extiterit. Videamus primum de partibus : deinde explicabimus, quid illud sit, quod ait, sine distinctione. De partibus dubitari poterat, non an ambæ ad substitutum pertineant, sed an pertineant jure substitutionis tamquam ad substitutum utrique. Nam si, verbi causa, Mævius, cui Titius cohæres & substitutus datus est, ante Titium defecerit, Sempronius Titio substitutus deficiente deinde Titio, ad utramque quidem partem sine dubio admittitur, sed ideo ad partem quoque Mævii dixerit aliquis, non quod huic quoque substitutus intelligatur; sed quia vel deficientis Mævii pars Titio cohæredi, cui Sempronius substitutus jam prius accrevit, vel quia nunc ipsi accrescit Sempronio. Verum prius illud nullo modo dici potest, quia deficientium portiones non accrescunt aliis, quàm qui ex sua parte hæredes extiterunt, *l. un. §. his ita. 10. C. de cad. toll.* unde portio portioni accrescere dicitur instar alluvionis, *l. si Titio. 33. in fin. de usufructu*. Quod si Titium hæredem extitisse ponimus, expiravit substitutio, *l. §. C. de impub. & al. subst.* Posterius teste Viglio visum est nonnullis veterum interpretum, ut Dyno, Jo. Fabro, atque ex recentioribus Lancelloto Polito, qui, etsi dicatur Sempronius in utramque partem in specie proposita substitutus, neutiquam tamen dici posse contendit, revera substitutum esse Mævio. Sed merito DD. communiter, quos & Viglius sequitur, hoc improbant. Quæ enim potest esse dubitandi ratio, si dicamus, partem Mævii accrescere Sempronio, cui etiam accresceret, etsi Titius Mævio substitutus non esset? Et igitur aut frustra & ineptè talis casus proponitur, quo Titius cohæredi substitutus est, aut hoc operabitur substitutio Titii, ut Titio substitutus etiam ei, cui Titius substitutus est, tacitè substitutus esse intelligi debeat. Atque hoc ipsum satis apertè docet hoc loco Justinianus, cum ait, substitutum ad utramque partem admitti; admitti videlicet eodem jure atque ex substitutione, de qua sola hic disputatur, & quia, ut disserè ait Jurisconsultus in *d. l. 27. hoc tit.* in utramque partem substitutus intelligitur. Sed quid refert, ex substitutione an jure accrescendi dicamus portionem etiam Mævii Sempronio deferri? Nihil quidem admodum in casu proposito. Sed singe, præter Titium & Mævium, Cajum quoque hæredem institutum, hic jam Sempronio proderit, jure substitutionis, deferri portionem Mævii, ut excludat Cajum, quem non excluderet in jure accrescendi. Illud non animadverso, quomodo huc appli-

cari possit, quod præterea Bachovius notat, jus accrescendi sequi hæredem ejus, quæ portionem suam agnovit, quantumvis ante decesserit, quàm ipsi quicquam accresceret; substitutionem autem ad hæredem non transmitti *l. 9. de suis & leg. l. totiens. 81. de acq. her.* Quid autem illud est, quod ait Imp. sine distinctione admitti? Nimirum hoc explicandum ex responso Papiani, *l. cohæredi. 41. in pr. hoc tit.* Primum nihil interesse ratione ordinis scripturæ, utrum ante primam substitutionem secunda facta sit, an postea, veluti in hoc exemplo, *Titius & Mævius cohæres sunt: si Titius non erit, Sempronius esto; si Mævius non erit, Titius esto*, Secundo nihil interesse utrum prior substitutus post institutum, an ante decesserit. Sed hic Papinianus objicit Scævola, *l. qui habebat. 47. eod. Species*, quam ibi Scævola proponit, est hujusmodi; qui filium & filiam impuberes habebat, instituto filio hærede filiam exheredavit, & si filius intra pubertatem decessisset, filiam eadem substituit: filia, si antequam nuberet, decessisset, uxorem suam, item sororem. Et respondet, si filia impubes prior decesserit, deinde frater ejus impubes, hæreditatem filii ad uxorem & sororem testatoris jure substitutionis non pertinere. Accursius, quem bona pars DD. sequitur, ait, Scævola sic respondisse, quia in casu illic proposito secunda substitutio jam extincta erat pubertate filiz; sic enim ille locum legit: *cum filia pubes prior decessisset*. Et quia sciebat, apud alios legi *impubes*, (quomodo textus quoque Pisanus & Noricus habent) notat, olim *impubes*, nunc *pubes*. Sed in tali casu non debebat Jurisconsultus distinguere, cùm nec si post institutum substitutus jam pubes & hæres factus decesserit, ex secunda substitutione quisquam admitti possit. Bachovius putat in pupillari substitutione diversum jus esse, aut saltem in specie, *d. l. 47. ubi* pupillo non cohæres substituitur, sed filia exheredata, eandem voluntatis interpretationem non admitti, ut scilicet substituti substitutione videantur etiam substituti instituto. Atque idem adhuc dicendum videtur favore pupilli, ad cuius utilitatem pertinere creditur, ut substitutum habeat, *l. Julianus. 42. de acq. her.* Deinde si in pupillari substitutione alio jure utebantur, cur non simpliciter Jurisconsultus responderet, hæreditatem instituti jure substitutionis ex secunda substitutione non deferri? Nisi compositorum socordia adscribendum, quod responsum Scævola in Pandectas retulerint, cùm rescripto Imp. Severi & Antonini distinctio illa, qua Scævola

la utitur, sublata esset, nillem cum Viglio dicere, Imperatorum rescriptum loqui de duabus partibus unius hereditatis, Scævola respondisse de duabus hereditatibus, ad quas rescriptum istud temere producendum non sit, sed in quibus vetus distinctio adhuc obtineat, utrum prior substitutus ante, an post institutum decefferit.

TEXTUS.

Si quis servo, qui liber existimabatur, instituto substitutus fuerit.

4. Si servum alienum quis patremfamilias arbitratus heredem scripserit, & si heres non esset, Mævium ei substituerit, isque servus jussu domini adierit hereditatem, Mævius substitutus in partem admittitur. Illa enim verba, Si heres non erit, in eo quidem, quem alieno juri subjectum esse testator scit, accipiuntur: Si neque ipse heres erit, neque alium heredem effecerit: in eo verò, quem patremfamilias arbitratur, illud significat, si hereditatem sibi, vel ei, cujus juri postea subjectus esse coeperit, non adquisierit. Idque Tiberius Cæsar in persona Parthenii servi constituit.

NOTÆ.

In partem admittitur) Th. τὸ μίση λαμβάνει, rectè, pars enim ἀπλῶς posita dimidiam significat, l. 43. de usuf. l. 164. §. 1. de verb. sign. In specie d. l. 40. Sempronius cohæres servo substitutus fuit: & ideo unum semissem Sempronius habet ex institutione, alter semis inter eum & dominum servi instituti dividitur: add. quæ ibi not. Gothofr.

Subjectum esse testator scit) Et hoc casu in totum excluderetur substitutus, l. 7. de acq. her. sed in proposito propter falsam opinionem & incertitudinem voluntatis testatoris, media via electa est, ut alias sæpe.

Tiberius Cæsar) Ponpon. l. 41. de her. inst.

COMMENTARIUS.

- 1 Si filius fam. heres institutus sit, eique, si heres non esset, substitutus datus, utrum repudiante filio, pater, an substitutus admittendus?
- 2 Pleraque alia quaestiones, quæ hic tractari solita, obiter excussa & definita.
- 3 Utrum in casu hic proposito inter dominum instituti & substitutum hereditas ex æquo dividenda, an sic, ut ille dodrantem, hic quadrantem dumtaxat ferat?

IN explicatione pr. hujus tit. diximus, hæc verba, Si heres non erit, in persona patris famil. significare, si nec ipse heres erit, nec alium heredem mutata postea conditione fecerit. In eo, qui alieno juri subjectus est, eodem sermone hoc significari, si vel ipse heres non erit, vel ei, cujus juri subjectus est, hereditatem non adquisierit. Et igitur si paterfam. heres institutus in eum casum substitutum acceperit, Si heres non erit, isque vel in eodem statu manens sibi hereditatem adquisierit, vel mutata ante testatoris mortem conditione, servus aut filiusfam. factus, dominum aut patrem heredem fecerit, in solidum excludetur substitutus. Similiter si servus aut filiusfam. heredes instituti & in casum, quo heredes non erunt, substitutum acceperint, & aut ipsi mutata conditione ante mortem testatoris sibi hereditatem adquisierint, aut in eo statu manentes dominum aut patrem heredes fecerint, substitutus itidem in totum repellitur, l. si paterfam. 40. de her. inst. l. 7. de acq. her. l. 5. C. de imp. & al. subst. & hoc text. Cæterum hoc ita, si testator non ignorabat, eum, quem heredem instituit, in aliena esse potestate: nam si patremfam. esse putabat, qui servus alienus erat, hic propter falsam opinionem & incertitudinem voluntatis testatoris media via electa est, ut substitutus cum domino servi in partem admittatur, d. l. 40. & seq. de her. inst. & hoc. §. Nam ex ratione juris dominus solus admittendus videbatur, cum magis sequendum id, quod in veritate est, quam quod in opinione. Pro substituto autem facit præsumpta voluntas testatoris, qui non videtur domino consulere voluisse eum heredem instituens, quem ignorabat dominum habere. Quæsitum est, si filiusfam. heres institutus, eique hac conditione, si heres non foret, substitutus datus sit, utrum repudiante filio, pater, an substitutus admittendus. Duarenus in comm. ad hunc tit. c. 10, pro patre respondet: Viglius ad hunc §. pro substituto. Ego cum Viglio censeo, substitutum patri præferendum, quippe cum ille ex manifesto judicio testatoris veniat, hic non item: tum etiam, quia repudiante filio, existit conditio substitutionis, quæ in extraneo heredem instituto, qui alieno juri subjectus est, hunc sensum habet, si neque ipse heres erit, neque eum, cujus in potestate est, heredem fecerit, quorum neutrum sit in proposito, l. 1. C. de her. inst. Ad hæc si cohæres filio datus repudiante filio patrem excludit, quanto magis substitutus? Constat enim, jus substitutionis potentius esse jure accrescendi, l. 2. §. si duo.

8. de bon. poss. sec. tab. In contrarium movetur Duarenus his rationibus. Primum quia Justinianus, l. ult. §. 2. C. de bon. qua lib. filio repudiante, jus adeundi patri concedit, perinde ac si ipse institutus esset. Sed respondemus, constitutionem istam ut exorbitantem cancellis suis continendam, neque extendendam esse in præjudicium ejus, qui venit ex testatoris expresso judicio, substituti videlicet: quem utique magis testator dilexit, quam patrem, cujus contemplatione institutio facta non præsumitur, sed amore filii dumtaxat. Conservare quodammodo voluntatem defuncti voluit Justinianus, non evertere; & vulgatum est, provisionem hominis facere, ut cesset provisio legis; adeoque non dubito, quin etiam coheres filio pater datus esset, nihilominus tamen, filio repudiante, à substituto excluderetur, d. l. 2. §. si duo. 8. sec. tab. Aliud argumentum ducit Duar. à conditione substitutionis, quam putat non minus repudiante, quam adeunte filio deficere, propterea quod repudiatione sua patrem hæredem faciat, arg. d. l. ult. §. 2. C. de bon. qua lib. junct. d. l. si paterfam. 40. de her. inst. & hoc nostro §. Verum in hoc manifestè errat: nam etiam per occasionem repudiationis filii pater hoc consequitur, ut ipse hæredicatem filio delatam adire possit; non tamen hoc consequitur per filium, sed beneficio legis, quod cessare debet, ubi testator ipse alium hæredem sufficit. Per filium ergo, qui repudiavit, pater hæres non fit, sed sua ipsius additione, ex persona propria vi constitutionis Justinianæ, quæ eum habet pro instituto, ubi scilicet alius à testatore non vocatur: nam voluntatem testatoris modis omnibus sartam ac testam leges omnes conservant. Non aliter autem dominus aut pater per servum aut filium hæredes existere possunt, aut hi illos hæredes facere, quam adeundo: repudiando autem nequaquam, l. 7. de acq. her. l. 3. C. de her. inst. & hoc text. & alioqui etiam quivis hæres institutus hæredicatem recusans adire dici posset eos, qui ab intestato veniunt hæres facere, & coheres coheredem, atque ita fieret, ut fere semper excluderetur substitutus contra manifestam voluntatem testatoris. Nec movere debet quod Ulpian. respondet, filium repudiando patri non nocere, l. 13. §. 3. de acq. her. Hoc enim non eam sententiam habet, filio repudiante patrem nihilominus per eum hæredem fieri; sed repudiationem filii non obflare, quominus filius jubente postea patre adhuc adeat. Postremo hoc modo argumentatur Duarenus. Si pater & filius una eademque persona cen-

sentur, l. ult. C. de imp. & al. subst. nihil referre debet, utrum filius ipse hæres institutus, an pater hæredicatem adeat. Sed non animadvertit, hoc argumentum in se retorqueri posse, hoc modo: Si pater & filius una persona censentur, filio per repudiationem ab hæreditate remoto, etiam pater ejus remotus intelligi debet. Verum hujusmodi fictionibus juris non est abutendum ad evertendas voluntates defunctorum, quæ in testamentis totum faciunt, l. ex facto. 35. §. verum. 3. de her. inst. Ita cum Viglio sentiunt, & Salic. in d. l. ult. C. de bon. qua lib. Polit. de vulg. subst. Fachin. 4. cont. 63. Ant. Fab. decif. 33. err. 7. Don. 6. comm. 24. Bachov. in Treutl. vol. 2. disp. 11. thes. 7. dissentiunt cum Duareno Bart. in l. 1. hoc tit. Glos. Cyn. Cast. in d. l. ult. Merend. 4. cont. 8. Grass. §. substitutio. q. 9. num. 4. Solent & aliz quæstiones hoc loco agitari; quas obiter excutiemus, nam instituti ratio non patitur, ut singula exequamur accurate. Prima est, utrum indigno aliquo hærede instituto, eique substituto dato in casum, quo hæres non erit, fiscus potior sit, an substitutus, hoc est, utrum in proposito fiscus hæredicatem indigno auferat, an locus sit substituto? Ego cum Duar. d. cap. 10. & DD. comm. Grass. d. q. 9. n. 8. pro fisco contra substitutum responderem, per text. in l. cum quidam. 12. & jus regulare l. tit. de his qua ut indign. neque poena instituti hæredis debet esse præmium substituti, ut generaliter definit Papinian. l. si sequens. 15. de Senat. Silan. Non idem juris est in institutione planè incapacis, puta deportati, nam talis institutio cum pro non scripta habeatur. l. 1. C. de her. inst. testamentum à substitutione exordium capiet, arg. l. 3. §. ult. de lib. & poss. Alia quæstio est, uter præferendus, substitutusve, an is, in quem extra causam substitutionis hæreditas nou adita transmittitur. Jure veteri sui hæredes potestate nudæ existentiz hæredicatem transmittabant in hæredes quoscunque, l. 1. C. de jur. del. l. 8. C. de juv. & leg. her. Ex constitutione Theodosii liberi omnes delatam sibi à parentibus hæredicatem transmittunt ad descendentes suos, l. un. C. de his qui ant. apert. tab. Est item & tertium genus transmissariorum, in quos non hæreditas, sed jus deliberandi transfertur ex lege Justiniani l. cum in antiquioribus 19. C. de jur. del. Pro triplici ergo hac transmissariorum differentia primo quæritur, si ius hæres, qui in casum, quo hæres non foret, substitutum accepit, antequam se bonis parentis immiscuisset aut abstinuisset, mortuus sit, utrum vi solius existentiz hæredi-

tate in transmittat ad successores suos, an admittendus potius substitutus. Et communis quidem sententia est, substitutum admittendum excluso transmissario sive hærede instituti, quoniam substitutio vulgaris perimat jus suitatatis. Sed hoc perspicue fallum est, ut offendimus *sup. in not. sub fin. pr. cod.* ubi plenissime probavimus, jus suitatatis in proposito salvum manere, licet necessitas remissa intelligatur, neque substitutionem vulgarem in suo hærede operari in casum impotentiz, sed abstinentiz dumtaxat. Insignis verò error est Jo. Deckheri *lib. 1. Differt. 14. n. 43.* asserentis, ideo pro vulgarem substitutionem tolli transmissionem, quæ ex jure suitatatis est, quia suis hæres institutus non aliter ex testamento hæres sit, quam si se immisceat. Notissimi enim juris est, suos hæredes tam ex testamento, quam ab intestato statim atque ipso jure hæredes existere, §. 1. *inf. de her. qual. l. 1. §. qui sunt 7. si quis omitt. ca. test. l. 3. C. de jur. delib. vid. Ant. Fab. dec. 14. err. 4.* Secundo, utrum substitutio potior, an transmissio ex constitutione Theodosii, d. l. *unic. C. de his qui ant. ap. tab. lib.* item pro transmissario contra substitutum responderem per l. *unic. §. cum autem 13. C. de cad. toll.* ubi jus transmittendi, quod ante sui hæredes soli & simpliciter habebant, etiam in casu substitutionis Justinianus discretè extendit ad personas lege Theodosiana comprehensas. Duar. d. c. 10. Ant. Fab. d. *err. 4.* etque hæc sententia etiam communiter recepta. Grass. d. *quest. 9. num. 3.* neque Jo. Deckerus, ubi *supr.* quicquam assert, quod me in contrarium trahat. Tercio, utrum transmissio juris deliberandi ex lege Justiniani d. l. *cum in antiquioribus 19. C. de jur. del.* excludat substitutionem, an hæc illam. Hic ego pro substituto responderem contra transmissarium Justinianum, cum Salic. in d. *leg. 19. Ant. Rip. in l. 1. hoc tit. Zaf. tract. subst. cap. 1. in tertio effect. ver. tertia species.* Polit. *de vulg. subst. num. 92. & seqq.* Anton. Fab. d. *decis. err. 5.* Deckher. d. *differt. num. 44.* neque enim nova & exorbitans constitutio facile extendi debet cum injuria tertii, qui pro se habet & provisionem hominis & simul voluntatem legis; potestque locus Justiniani d. l. *unic. §. 1. junct. §. cum autem 13. C. de cad. toll.* qui in contrarium adducitur, commodè referri & restringi ad duas priores species transmissionis, ut propriè verba Imperatoris accipiantur, & de his iolis, qui ipsam hæreditatem transmittunt. Diss. *bic. Duar. d. c. 10. & DD. comm. Gomez. 1. ref. 3. num. 25. Grass. d. quest. 9. num. 3. Christin. vol. 4. dec.*

17. num. 2. Fachin. 4. *cont. 62.* Postremo quæritur, quid juris sit, si institutus beneficio suitatatis contra aditionem restitutus sit. Quæstio hæc omnium est difficillima. Sententia communis est, convalescere substitutionem, arg. l. *ex contractu 44. de re jud. l. 1. §. antepen. l. 2. §. si bonorum 10. ad senat. Tertyll. Gloss. Salyc. Cyn. & alii in l. 5. C. de impub. & al. subst. & hanc sequuntur Anton. Fab. 3. *conject. 4. Don. 6. comm. 24.* Sed contraria de jure verior videtur, per d. l. 5. & textus perspicuus in *leg. ult. de success. edit. l. 7. §. sed quod Papinian. 10. & ibi Cujac. & Paul. Buf. de minoribus.* Neque temere beneficium restitutionis extra personam minoris in alterius favorem porrigi debet. Zaf. *tract. subst. cap. 1. vers. secundo similitate.* Duar. d. *cap. 10. Ant. Merend. 4. contro. 9. Bachov. in Treutl. volum. 2. disput. 11. thes. 7. Perez. ad tit. C. de imp. & alii subst. num. 7.* Utrum autem excluso substituto hæreditas ad legitimum successorem pertineat, quod placet Duar. Bachov. & Merendæ an fisco locus fiat, quod Cujacio, Bufio, in medio relinquimus. Nunc ad institutum redeamus.*

Melius in partem admittitur Non exprimitur in quotam: & ita quoque simpliciter scriptum est in l. *& hoc 41. de her. inst.* hæreditatem dividi inter dominum instituti & substitutum. Sed utrum ex æquo, ut dimidiam partem hæreditatis dominus, dimidiam item substitutus ferat, an ut ille dodrantem, hic quadrantem dumtaxat, ut Gloss. & DD. communiter voluerunt? Non ambigo, quin ex æquo. Quo modo hunc locum & Theophilus interpretatus est. Et interpretandum esse vel hoc unum argumentum esse debet, quod partis nomen, nisi quid aliud adjiciatur, semper dimidiam significat, l. *nomen 164. §. 1. de verb. sign. l. etiam 45. de usus.* Et rogo, in re dubia, ubi paria in utramque partem argumenta afferuntur, quam rationem vel in speciem habere potest inæqualis ista distributio? Quinimmo si partes inæquales faciendæ, substituto potius favendum erat, cui & verba & voluntas testatoris suffragantur, quam domino, qui mera tantum ratione juris nititur, & de quo testator cogitare non potuit, cum eum institueret, quem ingenium putabat. Obstat tamen huic sententiæ d. l. *si paterfam. 40. de her. inst.* ubi Julianus in hac ipsa specie aliam partitionem facit, & duos vult semisses fieri, ita ut alter semis inter dominum & substitutum æquis portionibus dividatur; cumque de altero semisse nihil definiat, eum domino plerique assignaverunt. D. Cujacius existimat, pro alter semis, ut in extremo d. l. 40 legitur,

legendum *ai*, mendumque natum ex errore notarum. Alciatus *i. disput. 2.* scribit, se in veteri exemplari ita legisse in *pr. d. l. eique, si hæres non esset, Sempronium coheredem substituerit.* Quam lectionem verba in calce ejusdem responsi posita mirè juvant. Ait enim Julianus: *Igitur in hoc casu duo semisses fient.* Cur, ait, in hoc casu, nisi ut significet, se talem casum proposuisse, cui conveniret hæc divisio? nempe quando servo, qui liber putabatur, coheres substitutus est, in aliis autem non idem juris esse. Igitur in casu à Juliano proposito de uno semisse ambigi non poterat; quippe quem Sempronius ex institutione accipit, non dominus servi: de altero poterat; & hunc, Julianus ait, dividi oportere inter dominum servi & Sempronium. Et merito, quia in hunc tantum semissem erat substitutus. Atque ita nunc cordatior omnes sentiunt, quorum pars emendationem Cujacii, pars Alciati lectionem probant, aut quod ipse addit, intelligunt, in re ipsa consentientes. Planè si manifestè appareat, testatorem per eum, quem opinionis errore liberum esse credens hæredem instituit, ad aliam quemquam hæreditatem pertinere noluisset, conditio substitutionis extitit, & soli defertur hæreditas substituto, *l. 3. C. de her. inst.* VINN. Cui non dicitur Hylas? Me tamen nec cum Cujacio nec cum Alciato facere fateor. Rem paucis dicam. In illa *l. 40. ff. de her. inst.* manifestò

sunt duæ species. Prior hæc est: Paterfamilias instituerat Titium servum, quem ingenuum puraverat, eique substituerat Sempronium. Titio jussu domini adeunte, quærebatur, an Sempronius esset in partem admittendus? & respondit Julianus: *Potest dici, Sempronium in partem hæreditatis (puta dimidiam, quæ quota non expressa ordinariè intelligitur, l. 164. §. 2. ff. de V. S. l. 43. ff. de usufr.) admitti.* Ad-dita ratione, pergit Julianus: *Quæ adjectio ad EOS pertinet? qui patresfamilias hæredes scripti, postea in servitutem deducti fuerint.* Igitur IN HOC CASU semisses fient, ita ut alter SEMIS inter eum, qui dominus instituti hæredis fuerit, & substitutum æquis portionibus dividatur. Et hæc manifestò est altera species. Paterfamilias instituerat Titium, nunc ingenuum, sed postea deductum in servitutem, substituto ei Mævio. Quærebatur, Titio jussu domini adeunte, an & hic substitutus in partem admittendus sit? Respondit, admittendum: sed non in dimidiam, sed in quadrantem. Domini enim Titii ideo hic melior videbatur conditio, quod non, ceu in priore casu, testator circa hæredis statum erraverat. Simile quid in mentem venit Marco Lyklamæ in *Membranis*, & Olv. Hilligero in *Donnel. enucleat.* De Parthenio, & utrum sit Tiberii an Titi servus fuerit, elegans, & erudita est *disquisitio* in Gundlingianis *Tom. 6. part. 30. art. 3. p. 445. sequ.* HEIN.

TITULUS DECIMUSSEXTUS.

DE PUPILLARI SUBSTITUTIONE.

D. Lib. 28. Tit. 6. C. Lib. 6. Tit. 26.

Unde hæc substitutio dicatur pupillaris, & quo adpectu substitutio. Simul argumentum tituli.

Sequitur directæ substitutionis species altera, quæ à subjecto dicitur pupillaris, quia scilicet solis sit pupillis, non ut prior illa promiscuè quibuscvis. Etsi autem is demum pupillus dicitur, qui cùm impubes sit, in potestate patris esse desit, *l. pupillus 139. de verb. sign.* tamen quia vis omnis testamenti, & substitutionis confertur in mortem testatoris, id est, in id tempus, quo filius pupillus futurus est, rectè hoc respectu pupillaris vocatus. Prior illa vulgaris, ut bene observavit D. Viglius, verè substitutio est, sive secunda institutio, qua testator in casum, quo primo gradu institutus hæres futurus non

Tom. I.

est, alium sibi hæredem facit; ac proinde per quam succeditur ipsi testatori. Hæc autem non tam substitutio est, quàm institutio prima: quippe per quam non ei, qui testamentum fecit, & gradu secundo succeditur, sed pupillo, cui testamentum factum est, & gradu primo, perinde ac si ipse pupillus sibi hæredem fecisset. Quod evidentiùs apparet in substitutione exheredati. Quamobrem merito Hotomannus à Bachovio notatur, quod ille inverso modo vulgarem substitutionem magis institutionem, pupillarem autem propriè censet esse substitutionem. Cur verò, cùm pupillaris propriè substitutio non sit, eo tamen nomi-

LII

nc

ne à veteribus appelleretur, dixi præcedente titulo, nempe sic appellatur ex comparatione hæredis paterni, eo quod pater sibi prius, deinde secundo loco filio hæredem instituere debet, & non testamento filii incipere, l. 2. in fin. hoc tit. Perro substitutio pupillaris, ut genus *πῆσις* est, dividi potest in propriam seu veram, & quasi, seu exemplarem. Utraque fit in eum casum, quo institutus hæres erit; propria fit liberis impuberibus, si hæredes extiterint, & intra pubertatem moriantur; quasi, seu exemplaris fit mente capitis, si hæredes extiterint & decesserint in eadem mentis alienatione. Summa eorum quæ hoc tit. traduntur, hæc est. In principio docetur, qui quibus pupillariter, & qua forma substituantur? quis hujus rei effectus? & unde illud manarit? Inde agitur de substitutione quasi pupillari, si-ve mente capiti: & mox effectus pupillaris substitutionis repetitur: dein parentibus formidolosis tutela monstratur substituendi ratio. Hinc jam amplius, quibus pupillariter substitui possit, declaratur: tum proponitur generalis quædam & communis forma: ac postremo sequuntur contraria.

TEXTUS.

Forma, effectus, origo, & ratio pupillaris substitutionis.

Liberis suis impuberibus, quos in potestate quis habet, non solum ita, ut supra diximus, substituere potest, id est, ut si hæredes ei non extiterint, alius sit ei hæres: sed eo amplius, ut si hæredes ei extiterint, & adhuc impuberes mortui fuerint, sit eis aliquis hæres: veluti si quis dicat hoc modo: Titius filius hæres mihi esto. Et si filius mihi hæres non erit, si-ve hæres erit, & prius moriatur, quàm in suam tutelam venerit, id est, antequam pubes factus sit: tunc Sejus hæres esto. Quo casu, siquidem non extiterit hæres filius, tunc substitutus patri sit hæres: si vero extiterit hæres filius, & ante pubertatem decesserit, ipsi filio sit hæres substitutus. Nam moribus institutum est, ut quum ejus ætatis filii sint, in qua ipsi sibi testamentum facere non possunt, parentes eis faciant.

NOTÆ.

Quos in potestate) Et ideo nec mater liberis suis, nec pater filio emancipato pupillariter substituere potest, l. 2. hoc tit. Sed nec avus nepoti ex filio, quem in potestate habet, nisi ex formula legis Vellejæ: Si filius me vivo suus hæres esse desierit, &c. d. l. 2. Oportet autem

& testamenti & mortis tempore impuberem in familia esse, l. 41. §. 2. cod.

Veluti si quis) Formula gemellæ substitutionis. Verum ex D. Marci constitutione substitutio simplex aut vulgaris aut pupillaris, id est, quæ alterutro casu expresso fit, in utrumque casum facta intelligitur, l. 4. hoc tit. fac. l. 2. & l. 4. C. cod. Olim de expressa pupillari, an vulgarem tacite contineret, quæstio in Curiano judicio, de quo Cic. multis locis, & Quintil. 7. c. 7.

Sive hæres erit, &c.) Hæc est conditio substitutionis pupillaris, & casus secundus dicitur.

Si non extiterit) Quod etiam tunc accidere intelligendum est, cum impubes patri superstes hæreditate paterna abstinere nudum nomen hæredis noceat substituto, arg. l. 67. pr. de rit. nupt. l. 68. de l. 1. Non rectè igitur Theoph. hic.

Si extiterit hæres) Hic casus propter utilitatem pupilli extitisse intelligitur, etiam si bonis paternis se abstinere, l. 12. b. t. l. 43. de acq. har. l. 28. de reb. auct. jud. & hoc est, quod vulgo Interpp. dicunt, nudæ sui hæredis existentiz vi confirmari tabulas pupillares, fac. l. 44. de re jud. l. 41. de acq. har.

Ipsi filio sit hæres) Non tantum in bonis, quæ à patre obvennerunt, sed etiam quæ aliunde, l. 10. §. 1. b. t. exclusivè filiis legitimis hæredibus, & ipsa etiam matre, l. 8. §. de inof. test. c. 1. x. de testam. in 6.

Moribus institutum) Ita & Ulp. l. 2. b. t.

COMMENTARIUS.

- 1 Neque patrem liberis emancipatis pupillariter substituere posse, neque matrem liberis omnino.
- 2 Nepoti, licet in potestate constituto, quem pater antecedit, pupillariter substitui non posse, nisi ex formula legis Vellejæ.
- 3 Utrum, ut valeat substitutio pupillaris, necesse sit, liberos in potestate esse, & cum sit substitutio, & cum pater moritur; an satis sit, tales esse tempore mortis?
- 4 Exponitur locus Ulpiani in l. 2. in fin. pr. hoc tit.
- 5 Vulgari casu expresso, etiam pupillarem contineri, nisi voluntas testatoris aperte refragetur.
- 6 An ex converso, expresso casu pupillaris, continetur & vulgaris?
- 7 Responsum Favoleni expositum in l. paterf. 28. de reb. auct. jud.
- 8 Quando accidat, ut pupillus hæres non existat, & substitutus vi formula vulgaris admitatur?

- 9 Quando intelligatur pupillus patri hæres extitisse hoc effectum, ut mortuo intra pubertatem, hæres ei fiat pupillariter substitutus?
- 10 Per substitutionem pupillarem excludi hæredes omnes legitimos, etiam matrem.
- 11 Quoad matrem à substituto pupillari etiam excludi legitimam.
- 12 Offenditur idem juris esse & in pupillari tacita, cum refutatione obsectorum.
- 13 Cui pupillo expedire visum sit, testamentarium à patre hæredem accipere?

Liberis impuberibus) L. 1. in pr. eod. puberibus in tantum non licet, ut etiam ab initio facta impuberi substitutio sit, pubertatis tamen adventu vis ejus extinguatur, §. pen. inf. eod. Cur autem solis liberis impuberibus hoc modo substitui permiffum sit, in fine hujus §. dicitur.

In potestate) Etenim patris hoc datum potestati est: & ideo pater filio emancipato ita substituere non potest, d. l. 2. in pr. multoque minus mater liberis suis. Nam quod in specie l. si mater 33. eod. pupillares tabullæ appellantur, quas mater filio impuberi fecit, ex eo minimè concludendum est, posse & matrem liberis impuberibus pupillariter substituere. Proponitur enim mater filio impuberi substitutionem fecisse non in casum secundum, si hæres erit, sed in primum, si hæres non erit. Vulgaris igitur illa, non pupillaris substitutio est. Pupillares autem tabulas illas Africanus appellavit, primum ratione objecti, quia substitutio facta filio, dum adhuc esset in ætate pupillari: deinde quia substitutio confertur in mortem impuberis, & in ea specie effectum quodammodo substitutionis pupillaris habet, saltem quod attinet ad bona matris, ut rectè monet, atque hoc Africani responsum temperat Cujac. 2. ad African. Consilium hoc prudentum fuit, à quibus excogitata quoque est cautio & velut ratio quædam, qua cum vi & effectum pupillaris substitutionis etiam filio emancipato substituitur. l. cum ex filio 39. hoc tit. add. Duar. ad hunc tit. cap. 14. Non satis autem est, liberos in potestate esse, nisi simul proximum in familia testatoris gradum obtineant, hoc est, sui hæredes sint testatori: nam si, verbi causa, pater nepotem antecedit, non poterit avus hic nepoti pupillariter substituere, quia post mortem avi recasurus est in potestatem patris sui, d. l. 2. in pr. quo fit, ut jam non propter ætatem, aut quia impubes, testamentum facere non possit, aut hæredem ex testamento habere: sed quia filiusfam. cui nec puberi testamen-

ti faciendi jus est, & de cujus successione jure veteri omnino quæri non potuit. Planè ex formula legis Vellejæ etiam nepotibus, quos pater præcedit, substitui potest, d. l. 2. in pr. ut sic avus testetur: *Filius hæres esto. Si filium me vivo suus hæres esse desierit, tunc qui mihi ex eo nepos est, hæres esto. Si nepos hæres erit, & intra pubertatem decedat, Sejus hæres esto.* Quæ nepotis institutio fit ex secundo cap. legis Vellejæ, l. Gallus 29. §. sequenti 13. de lib. & post. De illo queritur, utrum, ut substitutio pupillaris valeat, necesse sit liberos in potestate esse utroque tempore, & quo fit substitutio, & quo pater moritur, an verò tales esse sufficiat saltem tempore mortis? Accurf. Bart. in d. l. 2. & vulgo Interpp. Grass. §. substitutio, quæst. 23. num. 5. sufficere credunt, qualiter illam adesse tempore mortis. Doctissimi Jurisconsulti superioris ævi, Polit. Zaf. Govean. in d. l. 2. Vigl. hic, num. 7. Covar. in cap. Raynut. de testam. §. 5. num. 2. Duar. comm. ad hunc tit. cap. 14. Don. 6. comm. 25. contra, utrumque tempus spectandum contendunt, tam id, quo fit substitutio, quam quo testator moritur; quibus assentior. Nam & verba juris de hac substitutione constitui conferuntur in tempus præsens substitutionis, & cum qualitas aliqua requiritur ad constitutionem alicujus actus, ea inesse debet eo tempore, quo actus geritur, l. si alienum 49. §. 1. de bar. inf. §. in extraneis 4. infr. de bar. qual. tritumque est, quod ab initio non consistit, ex post facto non posse convalescere. Accedit præterea textus satis clarus in l. cohæredi 41. §. hoc tit. Verba sunt: *Si quis ex his mortis quoque tempore non fuit in familia, substitutio pupillaris fit irrita.* Quibus verbis Jurisconsultus apertè significat, præter tempus mortis aliud quoque esse, quo oporteat impuberes esse in familia; hoc autem tempus non aliud intelligi potest aut debet, quam id, quo fit substitutio. Pro contrariæ sententiæ firmamento adducitur d. l. 2. in fin. pr. ubi sic Ulpian. scribit. *Sed si extraneum quis hæredem scripserit, poterit ei substituere, si modo eum in locum nepotis adoptaverit, aut adrogaverit, filio præcedente.* Ex hoc loco Accurf. & Bart. probari putant, satis esse ad pupillarem substitutionem, si vel tempore mortis tantum in potestate reperitur, cui substitutio facta est. Mihi verò contrarium hoc ipso loco non obscurè significare Ulpian. videtur, nempe prius oportere extraneum nepotis loco adoptari, quam substitutio fiat; ait enim, *poterit ei substituere, si eum in locum nepotis adoptaverit.* Ut autem locus planius intelligatur, licebit paulo altius rem

repetere. Docuerat Jurisconsultus, quemadmodum nepotibus, quos patres præcedunt, tuto in primum casum substitui possent, hoc est, ita substitui, ut non evanesceret substitutio: nimirum eos vel institui oportere vel exheredari, ne in locum suorum hæredum succedentes, (quo uno casu effectum habet substitutio,) præteriti rumpant testamentum, & per consequens extingatur pupillaris substitutio. Institui autem oportere ex consilio & formula legis Vellejæ: aliter institutum haberi pro præterito. Mox subjicit, extraneum ex formula legis Vellejæ institui nihil necesse esse, vulgarique saltem modo institutum & succedentem postea in locum sui hæredis non rupturum testamentum. Quæ est sententia l. filio. 23. §. 1. de lib. & post. ac proinde extraneo impuberi hæredi vulgariter substituto, & postea in locum nepotis quasi ex filio adoptato, rectè, (potest enim & ex intervallo hoc fieri, l. si quis. 16. §. 1. hoc tit.) substitui: eam quippe institutionem sufficere, ne successione, quasi præteritus, rumpat, cum si post adoptionem institutio facta sit, non aliter ea valeat, quam si facta fuerit ex formula legis Vellejæ: sive enim nepos, quem pater antecedit, naturalis sit, sive adoptivus, semper ex præscripto legis Vellejæ institui debet, alioqui præteritus censetur. Qua de re abunde dictum in exegeſi §. 2. sup. de exher. lib. Cum igitur hic queratur de eo, qui extraneus sit, non tempore substitutionis, sed institutionis tantum abest ut hic locus confirmet contrariam sententiam, ut eam etiam refellat. Non possunt ergo non mirari Bachovium, qui hanc explicationem, quæ tam aperte & verbis & menti Jurisconsulti ac rationi juris per omnia convenit, divinatoriam appellat. Illa, quæ ipse pro tuenda communi sententia affert, nihil aliud esse, quam meras divinationes, facile quis animadvertere poterit.

Veluti si quis, &c. Formula mixtæ & gemellæ substitutionis, quæ à Modestino duplex dicitur, quia utrumque casum complectitur, & substitutionis vulgaris & pupillaris, l. 1. §. 1. hoc tit. Atque olim quidem, ut credibile est, qui sibi & liberis suis in utrumque casum prospectum vellent, ex consilio Jurisconsultorum disjunctiva hac formula usi fuerunt: vel quia ex plurium sententia substitutio non operabatur ultra casum expressum, vel quia ob diversitatem sententiarum rerumque judicatarum id incerti adhuc juris erat. Postea autem Impp. Marci & Severi constitutione introductum, ut si pater impuberi filio in alterum casum substituisset, in utrumque casum substituisse intel-

ligeretur, l. 4. in pr. eod. Primum igitur, quod positum est extra omnem controversiam, vulgari casu expresso continebitur etiam pupillaris; veluti si pater impuberi filio hæredi instituto ita substituat, *Si filius hæres non erit, Titius esto*. Hic enim placet, Titium etiam in hunc alterum casum & si filius hæres erit, & impubes decesserit, tacite substitutum videri d. l. 4. in pr. nisi voluntas testatoris aperte refragetur, l. 4. C. eod. Et enim quod pupillaris substitutio hic quoque admittitur, id fit ex sola conjectura voluntatis, quæ hinc ducitur, quod credibile sit, eum, qui aliquem sibi hæredem esse voluit, si filius non esset, voluisse quoque eundem esse hæredem filio, si filius hæres esset, & iura pubertatem moreretur: utroque enim casu pariter substitutum dilexisse videtur, nec sibi magis prospexisse, quam impuberi filio: cui etiam utile esse creditur, hæredem à patre accipere, l. Julianus. 42. de acq. her. In voluntate autem testatoris manifeste contraria hujusmodi conjecturis non utimur. Quapropter si ille vel nominatim alium in secundum casum substituit, vel in conditione vulgaris substitutionis personam comprehendit, cui pupillariter substitui nequeat, hic qui in primum casum substitutus est, minime intelligi debet substitutus quoque esse in casum secundum contra manifestam voluntatem testatoris, qui aut expressè in secundum casum substitutum dedit, §. 3. inf. eod. aut in conditione substitutionis eum adjecit, cui in secundum substitui non potest: quod cum sit, palam est, testatorem in eum dumtaxat casum substitutionem fecisse, quo utrique hæredum substitui poterat, d. l. 4. §. 2. l. Lucius. 45. hoc tit. d. l. 4. C. eod. Porro etiam vice versa 6 expresso casu substitutionis pupillaris dicimus contineri & casum vulgaris. Ceterum hic nobis litem movent Polit. de subst. pupill. quæſt. 8. n. 39. Vigl. hic. n. 19. Ant. Fab. dec. 12. err. 9. & 10. pauci (quamquam nonnullos alios Viglius laudat) sed magni viri. Hi multis in contrarium disputant, ac seriò contendunt, in substitutione pupillari expressa vel vulgarem tacite numquam contineri. Nos quidem numero interpp. nobiscum sententiarum longè superiores sumus, sed hoc parum est, nisi legum auctoritate vincimus & ratione. Videamus ergo, an hac quoque parte nobis cedere debeant. Auctoritate defendimur duplici: primum verbis ipsis constitutionis Impp. Marci & Severi relatis à Modestino d. l. 4. in pr. quæ hæc sunt: cum pater impuberi filio in alterum casum substituisset, in utrumque, &c. Non ait Jurisconsultus, cum pater in pri-

num casum, quomodo Impp. loqui debeuerant, si tantum in vulgari casu expresso pupillarem contineri significare voluissent, sed cum in alterum casum, hoc est, unum ex duobus sine ulla distinctione, primus an secundus tantum expressus fuerit. Secundo & evidentiussimè auctoritate ejusdem Modestini in terminis questionem hanc proponentis & decidentis in *d. l. 8. §. 2.* Qui duos habebat filios, unum puberem, alterum impuberem, utroque hæredem instituit, puberem impuberi substituit in eum casum, quo impubes hæres existeret, & intra pubertatem moreretur, ait Jurisconsultus, hoc casum fratrem puberem in utrumque eventum substitutum videri. Quod autem in fine ejusdem responsi monet, ad evitandum omnem questionem cautius faciendum patrem, si in utrumque casum expressè impuberi substituat, hoc apparet eum facere propterea quod in specie mutæ substitutionis, qualem ille proposuerat, nimirum cum uterque alteri substituitur, filius impubes puberi vulgariter, pubes impuberi pupillari, voluntatis quæstio moveri posset, an non quemadmodum pater in unum dumtaxat casum, hoc est, in vulgarem puberi substituit, ita vicissim in unum quoque casum tantum, hoc est, in pupillarem videri debeat impuberi substituisse. At hujusmodi quæstioni post D. Marci constitutionem locus non est, cum non uterque alteri in casus diversos, sed uni dumtaxat, cui in utrumque casum substitui potest, substituitur alter, siue solum in primum, siue solum in secundum casum. Denique à ratione non magis alienum est, hanc inducere voluntatis conjecturam, quod substitutus in secundum casum videatur etiam substitutus in primum, quam quod in primum substitutus intelligitur quoque substitutus esse in secundum, immo fortiori voluntatis conjectura pro illo, quam pro hoc, quod etiam D. Christin. *vol. 4. decis. 15. n. 4.* notat. Nam cum pater filium hæredem instituit, quem etiam sperat sibi hæredem fore, & bona, quæ relicturus est, consecuturum, eum, quem filio hæredi factò substituit, & ad quem consequenter mortuo filio pariter cum bonis filii postea quæstis sua quoque pertinere voluit, magna causa præsumptionis est, patrem voluisse etiam filio hærede non existente, sibi hæredem esse in suis solius bonis: quæ præsumptio tanto major in hoc casu, quam in superiore, quanto magis apparet, testatorem dilexisse eum, quem una cum suis bonis filii quoque bona, si quæ postea obvenirent, habere voluit, quam eum, quem expressè sibi tantum hæredem facit. Ex

quo vel solo nullo negotio refelli possunt rationes eorum, qui contra sentiunt; nam auctoritate quidem illi nulla nituntur, nisi quod Ant. Faber nobis objicit Javolenum in *l. paterfam. 28. de reb. aut. jud. post.* Quo tamen loco longè aliam questionem Jurisconsultus tractat; nimirum an creditoribus paternis in substitutum impuberis, qui patris se hæreditate abstinuit, actio detur, siue an substitutus æ alienum patris agnoscere & creditoribus ejus respondere teneatur; an verò hæreditates, quas nuda existentia potestate juræ civilis conjunxit, possit separare. Quod si inde colligit Faber, substitutum impuberi in casum pupillarem, pupillo abstinente, hæreditatem patris adire non posse vi aliqua tacitæ substitutionis vulgaris, eadem ratione collegeris, nec legitimis hæredes abstinentes pupillo posse patris hæreditatem cernere. Er quidni præsupponendum esse dici possit, in quæstione à Javoleno proposita substitutum quoque repudiassè manifestè damnosam hæreditatem, utcumque virtute tacitæ substitutionis vulgaris sibi delatam? Ac mihi, quod ad istam quæstionem attinet, idem sensisse videtur Javolenus quod successor ejus Julianus, cujus sententia ut pupilli utilitatem impugnans notatur à Marcello & Ulpian. *l. Julianus. 42. de acq. her.* Agitata fuit quæstio nostra jam olim in judicio centum virali inter hæredes legitimos Coponii cujusdam & M. Curium, cujus rei Cicero multis in locis, & Quintilian. *lib. 7. inst. orat. c. 7.* meminerunt. Coponius posthumum hæredem instituerat, eique, si antequam in tutelam suam veniret, decessisset, Curium hæredem substituerat. Cum posthumus natus non esset, exorta de hæreditate controversia est inter hæredes testatoris legitimos & substitutum. Q. Mucius defendit, legitimis hæredibus locum esse factum, quoniam Curius ita substitutus erat posthumo, si posthumus impubes moreretur; jam verò posthumum ne natum quidem esse, ac proinde defecisse conditionem substitutionis. Mucio contradixit L. Crassus, atque iidem argumentis, quibus nos usi sumus, probavit Centumvirum, M. Curium nihilominus ex substitutione hæredem esse oportere. Quod judicium, ut communem sententiam vindicet ab illis, quas Vigl. & Fabr. proferunt, absurditatibus, ira ipsum, cum res adhuc dubia maneret, propter auctoritatem, ut credibile est Q. Mucii constitutione Impp. Marci & Severi confirmatum est. Planè in substitutione exhæredato facta eandem interpretationem non esse admittendam facile concedam.

Quam in suam tutelam venerit.) Antiqua locutio, quæ veteres pupillarem ætatem significabant, hoc est, eam, quæ tutorum potestati subiecta est: nam pubertate tutela finitur; & post eam ætatem adolescens suæ tutelæ esse incipit, quamvis curatorum adhuc auxilio regatur. Utitur hac loquendi formula M. Tullius, cum alibi sæpe, tum lib. 1. de Orat. & lib. 2. de Invent. Nostri passim, Javolen. l. cum ex filio 39. hoc tit. Nerat. l. pater filio. § 4. de her. instit. Julian. l. 8. §. 1. de bon. poss. sec. tab. Paul. l. si filia fam. § 1. de legat. 3. Prætor in edicto suo l. §. 2. quib. ex caus. in posses.

Si quidem non extiterit hæres filius, tunc substitutus patri sit hæres.) Quando ergo accidit, ut pupillus hæres non existat, & substitutus vi vulgaris formulæ patri hæres fiat? An tunc solum, cum pupillum ante patrem defungi contingit, an verò etiam tunc, cum patri supervivente, paterna hereditate abstinet? Et Theophilus quidem scribit, ex verbis formulæ vulgaris tunc solum substitutum venire, & patri hæredem fieri, cum filius, vivo adhuc patre, mortuus est. Ego vero censco, etiam tunc cum impubes patri supervixit, & expressè bonis paternis se abstinuit, posse substitutum defendere ex substitutione patris hereditatem sibi delatam, conditionemque hanc, *Si hæres non erit* ex mente testatoris explicandam, ut ea extitisse intelligatur, non cum quis nudo nomine tenus, sed re ipsa & cum effectu hæres factus est. Sic Jurisconsulti in l. non solum. 67. de rit. nupt. l. si poss. 68. de legat. 1. aperte negant, filium, qui se abstinuit, hæredem extitisse. Nam licet etiam is, qui se abstinuit, jure civili pro adhuc hærede habeatur, unde dicitur non esse sine hærede, qui suum hæredem, licet se abstinentem habet, l. cum quasi. 30. §. sed & si 10. de fideicom. lib. atque hæres etiam sua habeat effecta: l. 12. hoc tit. l. filius. 41. cum l. seq. l. ult. de acq. her. l. paterfam. 28. de reb. auct. jud. poss. tamen in proposito nudum nomen hæredis sive nudam illam existentiam considerare non oportet: alioqui nullo modo vulgariter suo hæredi substitui posset. Et cum, ut docuimus initio sit. præc. conditio ista, *Si hæres non erit*, etiam casum voluntatis contineat, & consequenter tamquam conditio potestativa necessitatem tollens filium hac in re ad instar redigat hæredis voluntarii per l. 4. in pr. l. jam dubitari. 86. de hered. instit. l. 12. de cond. inst. ut jam pro concessa sibi à patre potestate suo arbitrio velle aut nolle possit, & citra beneficium prætoris jure civili se abstinere; sane in casu no-

stro hereditas pro acquisita nequitiam haberi debet. Rep. quæ notavimus ad d. princ. præc. tit.

Si verò extiterit hæres filius) Videamus item quando filius patris hæres extitisse intelligatur cum hoc effectu, ut filio intra pubertatem mortuo, hæres ei fiat pupillariter substitutus. Et certi juris est, si filius decesserit post immixtionem, substitutum admitti, hæredemque fieri filio. Nec dubitatur, quin idem juris sit, si filius mortuus sit non declarata voluntate sua super immixtione aut abstentione. Verum illud bellissimè quaeritur, an etiam filio, qui expressè abstinuit, intra pubertatem mortuo, substituto pupillari locus fiat, & quod dicitur, nuda heredis sui existentia confirmetur tabulæ patris & pupilli? Dixeris enim, nudam existentiam vim istam habere non posse, ac proinde substitutum in proposito excludi: quem si admittimus, nuda existentia tribuimus vim additionis: cui consequens hoc absurdum est, suo hæredi frustra in vulgarem casum substitui, cum vulgaris substitutio adita hereditate expiret. Ad hæc cum dicamus, in substitutione vulgari verba hæc, *Si filius hæres non erit*, ex mente substituentis patris sic accipienda esse, si immiscere se paternæ hereditatis noluerit, etiam ex contrario quæ sunt pupillari substitutionis *Si filius hæres erit*, sic accipi oportebit, si bonis patris se immiscuerit: utrobique immixtio, non nuda existentia cum additione conferatur. Quibus etiam accedit, quod apud Julianum relat. tum est, si duo fuerint à patre instituti cum filio impubere, eidemque substituti, necesse esse ad tabulas patris confirmandas unum ex iis hereditatem patris adire, l. 11. §. 1. ad sen. Treb. Cæterum quominus ita statuamus, impeditur textu expresso l. 12. hoc tit. item his locis, l. Julianus. 42. de acq. hered. l. paterfam. 28. de reb. auct. jud. poss. ubi disputant Jurisconsulti, an pupillo, qui abstinuit bonis patris, mortuo substituto concedi debeat separatio bonorum patris & filii, ut ex substitutione pupilli tantum hereditatem adeat. Scilicet & ineptè, si substitutus abstinente pupillo nullo modo ex substitutione venire potest. Dicendum ergo omnino est, etiam in casu præsentis, cum pupillus abstinuit, ex substitutione pupillari hereditatem deferri substituto, nudæque sui heredis existentia vi confirmari tabulas pupillares: quod etiam perspicue probat l. ex contractu. 44. de re jud. l. filius. 41. de acq. her. Nec verò adeo absurdum videri debet, quod in substitutione pupillari vim additionis tribuimus existentia; in vulgari au-

tem non nudæ existentiz, sed immixtioni: non enim necesse est ut nomen hæredis aut existentiz in utriusque substitutionis conditione eodem modo explicetur aut accipiat: Nam ut concedamus, etiam in pupillari substitutione patrem his verbis, *Si filius mihi bares erit*, de hærede, qui cum effectu hæres futurus sit, cogitasse: ratio tamen juris & favor pupilli postulans, ut sola existentia quoad effectum, de quo quærimus, pro additione habeatur, & sustineantur tabulæ pupillares. Planè si filio datus sit cohæres extraneus, vulneratur suitas, ut loquitur Porc. *ad tit. de Attil. tur.* atque hic quia vires testamenti à cohærede quoque pro parte pendent, ad confirmationem tabularum & substitutionis pupillaris non sufficit, filium sola potestate juris pro parte sua hæredem extitisse, sed si hic se abstinuerit, ut tabulæ valeant, necesse est, ut patris hæreditas ab extraneo adeatur, *d. l. 11. §. 1. ad sen. Treb.* Atque ita quoque explicanda *l. 2. §. 1. hoc tit.* Etenim sui hæredis nuda existentia, quæ sit *in arripu*, & ipso momento mortis paternæ, non potest in solidum confirmare testamentum, ubi eodem tempore adest hæres alius, qui adire potest, vid. Bart. *in l. 12. hoc tit. & d. l. 11. §. 1. ad Treb.* qui meo iudicio felicius hæc expedit, quàm vel Cujac. 26. *obs. 1. vel Ant. Fab. dec. 31. err. 8. add. Bachov. in Treutl. vol. 2. disp. 12. thes. 3.*

Ipsi filio sit bares substitutus) Et in tantum succedit, quantum filii fuit, cum is moreretur, sive à patre obveniret, sive quæsitum aliunde. Testamentum enim pupilli hic est, in quo testator non suis bonis, sed impuberis hæredem substituit *l. sed si 10. §. ad substitutionem 5. hoc tit.* Excipitur substitutus adrogati, ad quem nihil amplius ex substitutione pertinere potest, quàm quod ad impuberem pervenit ex bonis aut beneficio adrogatoris, *d. l. 10. §. in adrogata 6.* Quia verò ex notissima ratione juris quamdiu ex testamento defertur hæreditas, aut saltem spes est fore, ut deferatur, hæredes ab intestato succedere non possunt, certum est, legitimis pupilli hæredes, id est, eos omnes, qui cetera substitutionem pupillo ab intestato successuri fuissent, à substituto hæreditatem admittente excludi, & consequenter etiam matrem pupilli: quamquam de ea ratio est, cur dubitetur. Nam mater præ reliquis legitimis hæredibus hanc prærogativam habet, quod a liberis & xterita testamentum eorum inofficiosum dicere possit, aut *ex Nov. 125.* ipso jure evertere, utique si vera est communis opinio; quod nunc non disputo. Cum igitur mater hoc jus habeat, cum

liberi per se testamentum faciunt, videri potest idem jus etiam tunc matri competere, cum non liberi ipsi sibi, sed pater eis testamentum faciat: nam quod quis ex persona & nomine alieno faciat, majorem vim habere non potest, quàm haberet, si ille ipse id fecisset, cujus nomine factum proponitur, *l. minor. §. 1. de proc. l. 13. §. pen. de damn. inf. l. 10. C. de bar. inf. c. quod per alium de reg. jur. in 6. cum similib.* Contrarium tamen dixerit ab Ulpiano responsum *l. 8. §. 5. de inoffic. test.* est, nempe matrem impuberis non posse testamentum inofficiosum dicere adjecta hac ratione, quia pater hoc ei fecit: quibus verbis hoc significare voluit Jurisconsultus, querelam inofficiosi testamenti hoc colore institutendam, quasi non sanz mentis fuerit, qui testamentum ordinavit: cujus autem rei pupillum argui non posse, quia ipse testamentum non fecit, uxori verò contra mariti testamentum querelam non competere: quæ ratio etiam admissa communi DD. opinione accommodari potest ad jus novum. Quidquid enim novi juris à Justiniano constitutum est, ideo tantum pertinet, sicut ipse testatur ut præteritionis & exheredationis amoveatur injuria, quæ nulla matri à pupillo illata. Neque verò pater, cum liberis suis testamentum facit, testatur ex persona & nudo nomine liberorum, sed jure proprio atque ex persona sua, vi scilicet potestate juris patrii. Hoc ipsum manifestè quoque confirmat *l. 9. C. hoc t.* quo loco Justinianus prohibet admitti querelam contra substitutionem mente capiti, idque ait se constituere ad exemplum substitutionis pupillaris. Negata querela consequens omnino est, matrem à substituto pupillari excludi etiam quoad legitimam: idque constitutione Bonifacii VIII. nominatim expressum est *cap. 1. in fin. de testam. in 6. Licet filius*, inquit Pontifex, *testamento suo matrem portione jure natura debita privare non possit: pater tamen in testamento, quod filio impuberi facit, potest.* Bo-cerus comment. ad hunc §. putat, matrem, etsi per querelam rescindere testamentum non potest, alia tamen via legitimam consequi posse, nimirum conditione ex lege; quoniam generaliter cautum est, ex bonis liberorum matri legitimam esse relinquendam, *l. omnimodo 30. l. quoniam 32. C. de inoff. test. Nov. 1. in pr.* Sed jam probavimus, id verum esse, quando liberi ipsi testantur, non cum pater pro suo jure iis testamentum facit. Neque assentiri possum Menochio, qui *l. b. 4. præsumpt. 18.* existimat excludi quidem matrem à legitima, quantum ad bona patris attinet, non autem quoad

quoad bona filii : siquidem pater in testamento, quod filio impuberi facit, non tam de suis, quam impuberis bonis disponit, & exheredato quoque dat substitutum. Atque illud omnino fixum esse debet, qui suo jure queri de inofficioso non potest, quamvis ex testamento nihil consecutus sit, cum nec petere posse legitimam, ut bene disputat Fachin. lib. 4. contr. 42. & est communis hæc opinio, Gomez 1. ref. 4. n. 7. Valsq. lib. 2. de succ. prog. §. 11. n. 24. Grass. §. substitutio, quæst. 12. n. 5.

12 Porro si hoc obtinemus in substitutione pupillari expressa, nulla ratio est, cur non idem statuamus in tacita, quæ vulgari expressa continetur. Nam cum ex constitutione Impp. Marci & Veri hic non minus testamentum atque ex eo hæredem pupillus habeat, quam si expressè in casum quoque pupillarem substitutum accepisset, ratio juris efficit, ut nemo, siue mater sit, siue quis alius, ad legitimam pupilli successionem venire possit, aut per querelam testamentum evertere. Quæ sententia, etsi à DD. comm. improbata est, tamen apertè satis confirmatur à sensu contrario in l. 2. C. hoc tit. in qua Impp. respondent, ideo in specie illic proposita matrem admitti, quia testator, filio impubere, & aliis quibuldam personis non ejusdem conditionis hæredibus institutis & invicem substitutis, non intelligitur sensisse de alio casu, quam qui in omnium persona locum habere potest, id est, de vulgari tantum : de quo non obscurè significatur, si personis omnium uterque casus conveniret, aliud respondendum esse : quo etiam faciunt l. Lucius 45. hoc tit. l. 4. C. cod. Sed duo loci hic nobis obijciuntur l. precibus 8. C. hoc tit. l. ult. C. de inst. & subst. Ad priorem expedita responsio est, constitutionem D. Marci non pertinere ad testamentum militis, de quo loquitur d. l. 8. quippe militum testamenta non reguntur legibus aut constitutionibus, sed ex nuda, simplici, ac prout verbis expressa est, voluntate æstimantur, l. 6. C. de test. mil. ut proinde in horum testamentis vulgaris expressa non contineat tacitam pupillarem : idemque esset, etsi non mater in specie illic proposita & decissa, sed frater aut alius pupilli legitimus hæres fuisset. In l. ult. C. de inst. & subst. hic casus proponitur : Testator posthumum & uxorem hæredes scripsit, & si posthumus natus non esset, Mævium sibi hæredem esse voluit. Natus est posthumus, & impubes superflite matre decessit. Papinianus & Ulpianus putaverunt, voluntatis esse questionem, & matrem potius quam substitutum ad successionem impuberis admittendam : & se-

cundum eos Justinianus questionem sic decidit, ut nolit substitutionem istam vim tacite pupillaris habere adversus matrem, id est, si posthumus natus impubes viva matre decesserit : sin illa prior mortua sit, valere adversus ceteros. Quis verò non videt, hujus constitutionis speciem & rationem singularem esse, ac proinde non facile ad alios casus porrigendam ? Ostendunt hoc verba, in hac specie, in hujusmodi casu, & quo colore alioqui Pap. & Ulp. post constitutionem D. Marci voluntatis hic esse questionem respondissent ? Credibile autem est, Jurisconsultos & Imp. in casu, ut propositus est, considerasse primum, quod mater ex parte hæreditatis & ipsa instituta fuit, posthumoque cohæres data, etsi posthumum nasci non contingeret. Hinc enim non levis conjectura pro matre oritur, quod scilicet testator uxorem suam, quam ita dilexit, ut eam sibi quoque cum filio hæredem esse voluerit, minime credendus sit voluisse excludere à luctuosa hæreditate filii. Deinde quod substitutio facta proponitur, non in casum illum generalem & germanum substitutionis vulgaris, si filius posthumus hæres non erit, sed in casum specialem, & nominatim in hunc, si posthumus natus non erit. Unde iterum nova conjectura pro matre, nimirum non temere, ubi mater in medio est, & præsertim cohæres posthumus data, hunc casum, si posthumus natus non erit trahendum esse ad oppositum, si posthumus natus fuerit, & impubes decesserit : ne fiat contra voluntatem testatoris, qui non videtur, eum, quem posthumus substituit, & sibi hæredem designat nominatim in eum casum, quo posthumus natus non fuerit, & quo existente nec mater, nec filius, nec hæreditas filii intelligi potest, etiam in contrarium casum, si natus fuerit posthumus, & viva matre decesserit, ipsi posthumus hæredem esse voluisse, exclusâ matre à luctuosa filii hæreditate. Proinde concludimus, pro substituto semper respondendum esse, etiam cum mater in medio est, siue de expressa, siue de tacita pupillari quærazur, quoties ex certis aut probabilibus conjecturis colligi non potest, voluntatem testatoris refragari : ita & Vigl. hic. Don. ad l. 8. C. hoc tit. Vaud. 1. quæst. 44. Ant. Fab. 15. conj. 9. & seq. & dec. 33. err. 5. latè Valsq. de succ. prog. §. 55. & seqq. Diss. Gloss. & DD. comm. in d. l. 9. Gomez. 1. ref. 4. n. 8. Covar. in cap. Raynuitius. x. de test. §. 4. n. 6. Fachin. contr. 40. & 41. D. Tulden. comm. hic cap. 3. & ad C. hoc tit. Perez. ibid. nu. 26. & 27. Christin. vol. 4. decis. 15. n. 5. Ubi etiam refert, Supremum Senatuum Mechliniensem aliquando

quando censuisse, per substitutionem in pupillo factam, ne expressam quidem, matrem hodie legitima privari posse. Sed hoc opinor ex eo est, quia in Belgio utique in plerisque Belgii provinciis, substitutioni pupillari plane non est locus; de quo plurescula sub §. ult. *inf. cod.*

Moribus institutum) Vulgaris substitutio confirmatur lege 12. tabb. his verbis: *Ut quisque legasset super pecunia sua.* Pupillaris ad eam legem non pertinet: quippe in qua pater non de sua pecunia suisve bonis, sed alienis, id est, liberorum, disponit, l. 10. §. *ad substitutiones.* §. *hoc tit.* sed substitutio hæc moribus introducta est, l. 2. in *pr. hoc tit.* & quo patri lege 12. tabb. permittum erat in tutela, ut liberis impuberibus in potestate constitutis testamento tutorem daret, hoc consuetudine paulatim tractum ad pecuniam quoque & fortunas liberorum, ut in his patri liceret liberis in ea ætate, qua ipsi testamentum facere non possint, testamento hæredem dare, continuata vi patris potestatis, etiam quantum ad bona liberorum attinet, post mortem patris usque in eam ætatem, qua jam ipsi liberi sibi testamentum facere possent, id est, usque ad eorum pubertatem, qua adveniente substitutio expiraret. Atque hoc ipsum in gratiam ipsorum impuberum introductum est, quibus non solum honorificum, sed etiam utile visum, hæredem testamentarium, & eum, qui patris iudicio datus esset, habere, l. 42. *de accq. her.* Ob id autem potissimum utile, quod ea ratione fiat, ut agnatorum insidiis minus exposita sit vita pupilli, quamdiu ignoratur, quis ei successore futurus sit, propter quam causam cavere olim patres solebant, ne pupillares tabulæ, vivo adhuc & impubere filio, aperirentur, §. *fin autem.* 3. *inf. cod.* VINN. Vulgo quidem negant pupillarem substitutionem esse ex XII. tabulis propter l. 2. *pr. ff. de vulg. & pupill. substitution.* ubi ejus origo MORIBUS adhibetur, quum contra vulgaris diserte ex XII. Tabulis manasse dicatur in l. 10. §. 1. *ff. cod.* Sed non pugnant illa, moribus aliquid introductum, & tamen ex XII. tabulis esse, quum in illas migrasse patras τὸς πατρικῆς διατάξεως vel ἀπαφῶς διατάξεως, testetur Dionys. Hal. lib. 2. p. 96. & lib. 10. p. 676. Sanxerunt Decemviri; Paterfamilias uti legasset super pecunia tutelæ suæ rei, ita jus esto. RES ratione patris erant & liberi, qui & mancipari poterant Caji *Instit. lib. 1. tit. 6. §. 3.* & vindicari l. 1. §. 1. *ff. de rei vind.* quum iis surreptis locum habeat actio furti. l. 38. §. 1. *ff. de furt.* Quemadmodum itaque tutela testa-

mentaria est ex XII. tabulis quia paterfamilias potest legare de tutela suæ rei ita ejusdem originis erit pupillaris substitutio, quia Decemviri patrisfamilias concesserant legare super pecunia suæ rei. HEIN.

TEXTUS.

De substitutione mente capti.

1. *Qua ratione excitati, etiam constitutionem posuimus in nostro Codice, qua prospectum est, ut si qui mente captos habeant filios, vel nepotes, vel pronepotes, cujuscumque sexus, vel gradus, liceat eis, etsi puberes sint, ad exemplum pupillaris substitutionis certas personas substituere: fin autem respuerint, eandem substitutionem infirmari sancimus: & hoc ad exemplum pupillaris substitutionis; qua, postquam pupillus adoleverit, infirmatur.*

NOTÆ.

1. *Constitutione*) L. 9. *Cod. de impub. & al. subst.* olim opus erat speciali privilegio, l. 43. *hoc tit.*

Ut si qui habeant filios.) Licet non habeant in potestate, d. l. 9. ibi, qui vel qua testatori vel testatrici.

COMMENTARIUS.

1. *Qua ratione & consilio exemplaris substitutio introducta?*
2. *Utroque parente supersite & exemplaris substituente; patris potius quam matris substitutionem ratam esse.*
3. *Substitutionem exemplarem etiam ad furiosos & prodigos, adeoque ad mutos & surdos quoque posse porrigi.*
4. *Etiam impuberibus mente captis & à patre, in cuius potestate sunt, exemplariter recte substitui.*
5. *Eum quoque, qui exemplariter vult substituere, debere sibi prius testamentum facere.*
6. *Si plures sint mente capti liberi vel fratres, posse vel unum ex his substitui.*
7. *An etiam exheredatis exemplariter substitui possit?*
8. *An substitutio exemplaris per respicientiam infirmata vires recipiat redeunte morbo?*

Hoc §. agitur de substitutione mente capti, quæ pupillari substitutioni finitima est, atque ejus speciei quædam imperfecta: unde à nonnullis quasi pupillaris dicitur. Vete-
M m m res

res interpp. exemplarem vocant, et eo quod ad exemplum pupillaris introducta est. Sciendum verò, ante tempora Justiniani neque lege, neque moribus licuisse parentibus liberis suis puberibus testamentum facere sive substituere prætextu vitii alicujus, sive animi sive corporis, ob quod ipsi testamentum facere non poterant, nisi, ut id sibi licere, specialiter à Principe impetrassent, *l. ex falso. 43. hoc tit.* quod quia vel non semper impetrari, aut non sine magna molestia poterat, humanum tamen videbatur. Justinianus jus regulare fecit, arque ex privilegio commune, data parentibus potestate, quantumvis non impetrata à Principe licentia, liberis suis mente captis, licet puberes sint, ad eum modum substituendi, quo jam antea ex more recepto parens filio impuberi substituere poterat, nimirum in eum casum, quo hæredes existerent, & in eadem constitutione mentis decederent, *l. humanitatis. 9. C. hoc tit.* Utriusque hujus substitutionis similitudo & dissimilitudo ostenditur in progressu.

2 *Qua ratione*) Nimirum eadem illa, quam modo dixit causam fuisse comparandæ atque in mores inducendæ substitutionis pupillaris. Hoc enim significat, eadem ratione, qua antea receptum fuit, ut parentes liberis impuberibus testamentum facerent, quia sc. liberi ipsi propter ætatem sibi facere non poterant, se excitatum permisisse parentibus substituere liberis etiam puberibus, qui non sanæ mentis sunt, & ob eam causam ipsi testari non possunt. VINN. At non planè eandem est substitutionis ratio. *Pupillaris* enim *quævis* nicitur patria potestate; *exemplaris* *quævis* illa parentum naturali. Quare illa fit à solo patre; hæc ab utroque parente. HEIN.

Ut si qui) Sine distinctione sexus aut gradus aut potestatis parentum: ne quis ex similitudine substitutionis pupillaris hoc ad eos parentes tantum referat, qui liberos habent in potestate. Etenim substitutio hæc non ex ratione aliqua juris civilis: sed ex sola humanitate, affectione, pietate & cura parentum erga liberos introducta est, quæ eadem est in omnibus parentibus, *d. l. 9.* quod tamen timidius diceremus, nisi ipsis legis verbis parentibus omnibus eadem potestas tribueretur: *parenti, qui vel qua testatur testatori vel testatrici.* Poterit igitur & mater hoc modo substituere, & avia, & pater, filio emancipato. Quod si mente capto uterque parens superstes sit, rationi juris consentaneum est, ut patris portius, quàm matris substitutio rata sit, ut rectè Valf. *lib. 2. de succ. prog. 9. §. 17. n. 39.*

U' seq. Don. 6. comm. 27. Quamvis receptum magis, ut cujusque substitutio valeat in bonis ab eo profectis, teste Sichardo in d. l. 9. n. 8. quod etiam probant D. Perez. in Cod. hoc tit. n. 31 & D. Tuld. in comm. hic c. 10. Sed hoc neque naturæ hujus substitutionis communi cum pupillari videtur convenire; nam utraque fit bonis liberorum omnibus: & insolens est, aliquem cum duobus testamentis decedere; quamquam fortassis subtilitatem istam mores hodierni non usque adeo curent. Atque hæc est prima hujus substitutionis & pupillaris dissimilitudo.

Mente captos) Furiosum quoque mente captum esse, id est, lumine mentis carere, certum est. Sed usu veterum mente captus à furioso distingui solet, & furiosus dici, qui rabie quadam agitur; mente captus, qui in quiete magis est, nulla fere signa ostendens extrinsecus: & dementia plerumque vitium naturale est ac perpetuum; furor sæpe remissionem ac intervalla morbi & sanitatis habet. Hinc dubitatum aliquando, an quæ de mente capto constituta sunt, ad furiosum per interpretationem sint producenda: quæ dubitatio circa hunc quoque §. *U' d. l. 9.* incidit, propterea quod utrobique mente capti tantum Justinianus meminit. Et verò potest aliquando justa esse causa dubitandi, veluti cum D. Marcus permisisset filio mente capto uxorem ducere, exorta apud veteres dubitatio fuit, an id quoque ad furiosum filium porrigendum esset; quoniam in mente captis nullæ sunt morbi indicæ, furiosi autem plerumque intervallis quibusdam sensu saniores sunt, quod tempus expectandum videri poterat: quàm tamen dubitationem subsulit Justinianus, producta D. Marci constitutione ad furiosum quoque filium, *l. si furiosus. 25. C. de nupt.* Cæterum in proposito non video, quæ possit esse dubitandi causa, cum omnino hic eadem ratio sit utriusque; & furore intermisso, liberis ipsis, si in potestate non sint, testari permiffum, ac testamentum patrum ab olere. *Fac. l. ex facto. 43. in pr. vers. nam: U' si hoc tit. l. 2. C. de cur. furios.* ubi furiosus & mente captus pro eodem ponuntur. Et rectè igitur Theoph. vertit *μηνίας ὄντι παραφρονίας*. Quinimmo putem, constitutionem Justiniani ad prodigos, atque adeo ad furiosos & mutos quoque liberos porrigendam: quo casu ipsi testari non possunt: quæ & communis sententia est, fundata in constitutionis humanitate & ratione, quæ his omnibus convenit, nimirum ut qui ipsi sibi testamentum facere non possunt, parentes eis faciant, quodque olim non licebat

bat nisi ex privilegio, nunc liceat jure communi, Gomez. 1. *resol.* 6. n. 3. & 4. Covar. in c. Raynut. §. 6. n. 1. Grass. §. *substitution.* *quest.* 44. n. 4. & 6. quamvis aliud vilum Viglio hic. Govean. in d. l. *ex facto* 43. hoc tit. D. Tuld. in *comm. hic.* c. 10. Perez. in C. *eod.* n. 30. *arg. l. quod vero.* 14. *de legib.* qui occurrunt potest ex D. *Prædix loco* 79. n. 18. & *segg.* Plane ad phræneticos constitutionem non pertinere tradunt comm. DD. & probat Vasq. d. §. 17. num. 108. per verb. constitutionis *perpetuo.* Grass. d. *quest.* 44. n. 3.

Vet nepotes) Eadem autem conditio hic exitur, quæ in substitutione impuberum, ut nepotes, quibus exemplariter substituitur, post mortem testatoris non sint recasuri in potestatem patris sui, l. 2. *hoc tit.* Nam & hæc substitutio testamentum liberorum est. Qui autem sunt in potestate, nec testamentum nec hæredem ex testamento habere possunt, l. *pen. & ult. C. qui test. fac.* Quare & si mater substituit, mortua ea, superstiti patre mente capto, evanescet substitutio secundum plerumque: ego arbitrarer, quamdiu pater vivit, ne concedendum quidem matri esse, ut substituat, de quo latè Vasq. 2. *de success. prog.* §. 17. n. 63. & *segg.*

Et si puberes sint) Secunda differentia, quæ principalis est inter hanc substitutionem & pupillarem. Ait, *Et si puberes.* Licetne ergo etiam impuberibus exemplariter substitui? De patre, qui emancipavit, non quæritur, nec de matre substituere volente, quoniam in his terminis sola exemplaris locum habet: sed de patre, in cujus potestate est impubes mente captus. Ratio dubitandi orta à simili. Quemadmodum enim curatio agnatorum, in qua lex 11. tabb. jubet esse furiosos, ad impuberes non pertinet, qui ex jure ordinario in tutela sunt, l. 3. *de tutel.* ita videri potest, nec pertinere ad eos hæc extraordinaria substitutio, cum pater jure ordinario his substituere possit pupillariter. Sed non sunt hæc similia: nam finita tutela succedit, & administrationem bonorum puberis suscipit curator, quem lex aut Magistratus tutoris subrogat, ut in omnem eventum hic furioso prospectum sit: finita autem substitutione pupillari, & durante adhuc mentis alienatione, non succedit exemplaris substitutio, neque quisquam est, qui hæredem mente capto dare queat. Quamobrem magis est ut dicamus posse patrem etiam exemplariter filio substituere, ut duret ea substitutio etiam post pubertatem, quamdiu manet eadem mentis constitutio, ita & Duar. in *tit. de vulg. & pup.* c. 19. & DD.

comm. Vasq. d. §. 17. n. 68. Grass. d. §. q. 41. Dissent. D. Pacius in *not. marg.*

Ad exemplum pupillaris substit.) His verbis significatur, licere patri filio mente capto substituere in casum secundum, *Si filius hæres erit,* ut receptum est in pupillari. Deinde etiam debere patrem, qui exemplariter substituit, sibi prius testamentum facere, sibi que in eo hæredem instituere, quàm filio substituatur, perinde ut in substitutione pupillari, §. *liberis.* §. *infr. eod.*

Certas personas) Differentia tertia. In substitutione pupillari licet impuberi filio quovis substituere, etiam fratribus ejus præteritis: in substitutione mente capti non licet: sed in hac primum liberi, si quos habet, dein his non extantibus, fratres mente capti substituendi sunt: demum si nec fratres erunt, permixtum substituere quemlibet, d. l. 9. *C. hoc tit.* Et notandum, quod in constitutione adijcitur, non esse necesse, si plures sint mente capto liberi aut fratres, ut substituantur omnes, sed satis esse, vel unum ex iis substitui: ut valeat substitutio, licet reliqui non sint ex hæredatis: nihil enim de cæteris ex hæredandis exprimitur. Sed & impune posse præteritis, ex eo licet intelligere, quod adversus substitutionem denegatur querela inofficiosi: quod tamen in liberis mente captis vix est ut ab iniquitate defendi possit, vid. Vasq. d. §. 17. n. 55. & *segg.* Sed de parentum erga liberos affectione benignius præsumamus, avumque testatorem nepotibus præteritis tantumdem de propriis bonis in compensationem relictorum. Inducitur vulgo ex verbis d. constitutionis & alia dissimilitudo. Nam impuberibus pupillariter substitui potest, etsi nihil eis relinquatur, dummodo ex hæredentur: mente captis non aliter substitui concedit substitutio, quam si legitima eis relicta fuerit: & cum igitur hodie legitima liberis relinquenda sit titulo institutionis, Nov. 115. non aliter testamentum paternum consistere, aut querelam inofficiosi evadere plerique existimant, quàm si liberi in eo hæredes instituti fuerint, saltem in parte aut ex re aliqua: quo casu si minus legitima relicta sit, id quod deest, eos consecuturos conditione, ex l. 30. *C. de inoff. nimb.* enim superstitiosos esse, qui negant subsistere testamentum, nisi tota legitima relicta sit. Concludunt igitur, ex hæredato non rectè exemplariter substitui, neque rationem humanitatis pati, ut affectio addatur affectio. Bart. in l. 43. nu. 18. *hoc tit.* DD. comm. in l. 9. *C. eod.* Grass. d. §. q. 44. n. 5. Quibus assentiri non possum. Nam cum etiam liberi

furioli à patre exheredari possint, l. 27. C. de Episc. aud. l. ult. §. 5. C. de cur. sur. quod sic accipiendum est, ut possint etiam efficaciter, quamvis nihil eis relictum sit, modo exheredentur ex causa ingratitudinis ante furorē commissæ, quod Bart. quoque d. loc. n. 19. & DD. comm. concedunt: Vsq. de succ. creat. §. 21. n. 256. non ideo, cur non & his exheredatis possit exemplariter substitui. Sanè verba constitutionis non refragantur. Nam quod legitima relinquenda adjicit Justin. id non eo pertinet, ut si illa relictæ non sit, testamentum ipso jure sit nullum, sed quod alias per querelam inoff. posset everti: cujus querelæ nō hodie quidem vis ulla, ubi ob justam causam ingratitudinis testamento insertam hæres docere potest, exheredationem factam esse: & quod novissimè Imp. voluit, legitimam relinquit tit. institutionis, id non hunc habet sensum, si ita relictæ non sit, utrumque rite facta sit exheredatio, testamentum ipso jure non subsistere, sed tunc per querelam posse subverti: de quo uberius infr. tit. 18. Duar. ad hunc tit. c. 20. Covar. in c. Raynuius. §. 6. n. 2. & 3. Bocer. hic n. 21.

Si autem respuerint, infirmari) Deficiente nimirum conditione hujus substitutionis: ut enim pupillaris substitutionis hæc propria est, Si filius impubes decesserit: ita exemplaris hæc propria, Si mente captus in eadem constitutione mentis decesserit: ac proinde ut illa pubertate, ita hæc finitur respicientia: quomodo veteres quoque principalia rescripta interpretati sunt, quibus specialiter aliquibus concessum erat, liberis puberibus ob infirmitatem aliquam, propter quam ipsi testari non poterant, testamentum facere: iniquum enim esset, testamenti factionem adimere homini sani sensus & mentis, l. ex factis. 45. hoc tit. ubi indicatur alius quoque modus, quo hæc substitutio infirmatur, sui hæredis agnatio. Quid autem si filius in eadem mentis abalienationem reciderit? Zasius tract. subss. exempl. post Baldum & Salicet. in d. l. 9. C. hoc tit. distinguit inter modicum & longum intervalum, ut illo casu duret, hoc evanescat substitutio, quod & Covar. in d. c. Raynuius. §. 6. n. 11. probat. Perezius ad eund. tit. C. n. 33. indistinctè negat unquam convalescere. Vasquius contra convalescere ait, sed ita, quasi interim non extinctam, idque etiam si filius tempore mortis paternæ adhuc sit sanæ mentis, lib. 2. de success. progress. §. 17. n. 48. & seqq. quæ etiam est communis opinio secundum Jason. & alios à Vasq. & Covar. allegatos. Ratio juris suadet, ut dicamus, cum

Donel. 6. comm. 27. siquidem filius vivo adhuc patre in eundem morbum reciderit, magis esse, ut substitutio duret, arg. l. 6. §. 2. de bar. inst. §. 4. inf. de bar. qual. nisi forte per id tempus, quo sanæ mentis fuit, ipse testamentum fecerit, per §. 1. sup. quib. non est perm. sac. test. Quod si tempore mortis testatoris sanæ mentis fuerit, evanescere substitutionem, arg. l. cohæredi. 41. §. 2. hoc tit. Quæ etiam sententia videtur D. Viglii. hic n. 19. male in contrarium allegati à D. Perezio. Add. Mantie. de conj. ult. vol. lib. 5. c. 16. n. 24. & seqq.

TEXTUS.

Proprium pupillaris substitutionis.

2. Igitur in pupillari substitutione secundum præfatum modum ordinata duo quodammodo sunt testamenta, alterum patris, alterum filii, tamquam si ipse filius sibi hæredem instituisse: aut certe unum testamentum est duarum causarum, id est, duarum hereditatum.

COMMENTARIUS.

Redit Imp. ad institutam initio disputatorem de substitutione pupillari, Ait, in ea substitutione duo quodammodo esse testamenta: quæ verba captanda non sunt. Etenim non hic eorum sensus est, in pupillari substitutione, quatenus sola & per se spectatur, duo esse testamenta: quæ oratio implicaret contradictionem: quippe in pupillari substitutione soli pupillo hæres datur, cujus idcirco etiam testamentum dicitur, licet patrem auctorem habeat, l. 20. hoc tit. & passim. ea verò pars, quæ impubes ipse aut alius hæres instituitur, patris testamentum constituit, nulloque modo appellari potest substitutio pupillaris. Sed ita accipienda sunt, ut simul comprehendatur ipsa impuberis institutio secundum formulam in pr. traditam: quod ostendunt verba secundum præfatum modum ordinata. Hoc sensu rectè dicitur, duo hic quodammodo testamenta esse, alterum patris, alterum filii. Hinc enim est, quod utrique mors expectanda, quod duæ additiones necessariæ, l. 2. §. 1. hoc tit. l. 11. §. 1. ad Trebell. duplex item apertura tabularum, si pupillares seorsum ob signatæ, l. 8. test. quem. aper. quod pater una hora sibi, altera filio hæredem facere potest, l. 16. §. 1. hoc tit. sibi per scripturam, filio per nuncupationem, & contra, d. l. patris. 20. eod. l. 8. in fin. sec. tab. quod filio substitutus, eo abstinente, non cogitur paternis credi-

ditoribus respondere, l. Julianus. 42. de acq. hered. & apparet hoc luculentius in substitutione exheredati.

Unum testamentum duarum causarum) Rectè quoque, sed sensu universo, unum hic esse testamentum dicitur, l. 2. §. prius 4. d. l. patris 20. hœc tit. l. patremfam. 28. de reb. auct. jud. poss. nimirum, tum ratione causæ efficientis, quia unum duntaxat auctorem habet: tum formalis, quia unica solemnitate contentum, veluti unis septem testium signaculis, d. l. 20. tum ratione substantiæ, quia pupillare testamentum per se non subsistit, sed paterni accessio est, quo rupto, rescisso, aut irritato factio, simul concidit, d. l. 2. §. 1. l. 10. §. 3. l. 16. §. 1. cod. l. 11. test. quemad. ap. §. 5. inf. hœc tit. Atque hinc est, quod in tabulis patris & filii una Falcidia servatur, l. 11. §. quod vulgo §. ad leg. Falc. quod juri accrescendi locus est inter re conjunctos, l. planè 34. §. sed si 10. de legat. 1. & si quæ sunt alia generis ejusdem. Consulatur D. Hotomannus, qui singula accuratè persecutus est.

TEXTUS.

Alia forma substituendi pupillariter.

3. Sin autem quis ita formidolosus sit, ut timeat, ne filius suus pupillus adhuc ex eo quod palam substitutum accepit post obitum ejus periculo infidiarum subiaceat, vulgarem quidem substitutionem palam facere, & in primis testamenti partibus ordinare debet; illam autem substitutionem, per quam, si hæres extiterit pupillus, & intra pubertatem decesserit, substitutus vocatur, separatim in inferioribus partibus scribere debet, eamque partem proprio lino, proprioque cera consignare: & in priore parte testamenti cavere, ne inferiores tabula vivo filio & adhuc impubere aperiantur. Illud palam est, non ideo minus valere substitutionem impuberis filii, quod in iisdem tabulis scripta sit, quibus sibi quisque hæredem instituisse: quamvis pupillo hoc periculosum sit.

NOTA.

3. Proprio lino) Vide comment. infra. Exempli substitutionis pupillaris factæ in ima cera, sive ultima parte tab. habes in l. ult. de fideic. libert. l. 8. §. ult. sec. tab.

In priore parte cavere) Et si non cavet, voluisse tamen intelligitur, qui separatim ob signavit tabullas pupilli, l. 8. test. quem ap.

COMMENTARIUS.

Quia substitutio hæc pupillo periculosa videtur, consilium hoc loco parentibus datum, ut eam in ima parte tabularum scribant, linoque proprio trajecto constrictam obsignent, caveantque, ne vivo & adhuc impubere filio aperiantur.

Periculo infidiarum subiaceat) Vulgaris substitutio rarius periculum liberis impuberibus creat, quia adita hereditate spes omnis successione substituto præciditur. Potest tamen & ipsa causam præbere infidiis. Apud Ciceronem in orat. pro Cluent. cap. xi. legimus, mulierem quamdam Mileciam, accepta à secundo hæredibus pecunia partum sibi medicamentis abegisse: cujus rei meminit Triphon. l. Cicero 39. de pan. Citius autem periculum metuatur à substituto pupillariter, si is mortuo patre pueri custode, se esse substitutum cognoscat: hic enim majorem occasionem habet vitæ pupilli fruendi infidias, eumque, antequam pubescat, è medio tollendi. In cujusmodi scelus impulsus hac occasione fuit tutor ille, quem Sergius Galba ob id cruce affecit: nimirum quod pupillum, cui substitutus hæres erat, veneno necasset. Sueton. in Galb. cap. 9. Scilicet ea vulgo est hominum improbitas, ut spe luculentæ hereditatis aut similis lucri, quod post obitum alicujus se percepturos certo sciunt, facile impellantur ad affectandam illius mortem. Notum est illud Persianum satyr. 2. v. 12. de improbo infidiatore pupilli, cui hæres substitutus erat:

—Pupillumve atinam, quem proximus hæres
Impello, expungam.

Eodemque pertinent illa Horatii l. 2. satyr. 5. v. 48.

Arripe officiosus, & ut scribare secundus
Hæres, ut si quis casus puerum egerit Orca,
In vacuum venias.

Primis testamenti partibus) Tabulæ testamenti in plures partes dividi possunt, singulæque partes seorsum obsignari, ita ut priores sine posterioribus commodè aperiri & resignari queant. Primam testamenti partem Horatius d. satyr. 5. v. 53. sequi. primam ceram vocat, sicut Tranquillus in Julio c. 83. partes inferiores, imam ceram. Cicero Varr. 3. extremam ceram codicis. Quod intelligendum est è consuetudine veterum Romanorum, qui in tabulis ceratis scribere solebant. Quamvis interdum etiam chartis & membranis uterentur, §. nihil autem 12. sup. de testam. ord. consule D. Salmas. lib. de mod. usur. c. 11.

Separatim in inferioribus partibus) Exempla substitutionis pupillaris factæ in infima sive novissima parte testamenti habemus apud Marcell. l. ult. de fideic. lib. Paul. l. ult. ad sen. Trib. Ulp. l. 8. test. quem. ap. quo loco etiam hoc scribit Jurisconsultus, prætorum non pari sine causæ cognitione aperiri tabulas pupillares, quæ separatim ignotas testator relinquit, quamvis expressè non caverit, ne aperiantur: quia sc. prætor existimat, id nullo modo è re pupilli futurum esse.

Proprio lino) Significat, testamenti tabulas diverso lino ita ligandas esse & complicandas, ut lino inciso singulæ per se commodè aperiri possint. Lini, quo tabulæ ligantur, mentio fit plerisque locis, l. Aurelius 28. §. 1. de lib. leg. l. 1. §. pen. & ult. de bon. poss. sec. tab. l. pen. C. de testam. apud Lucian. in Timone, Sueton. in Neron. cap. 17. Adversus falsarios tunc primum repertum, ne tabulæ nisi pertusa, ac ter lino per foramina trajecto obfignarentur. Add. Alciat. 4. parad. 6. Cajus 2. inst. 4. §. 3. de hac cautela sic scribit: Sed pupillaris substitutio ita secretæ esse debet, ut ad notitiam substituti pervenire non possit, ne vita pupilli substitutus aliquas insidias molitur. Nam in extrema pagina testamenti fieri debet, ut pars illa, in qua pupillaris substitutio scripta est, quamdiu pupillus annos pubertatis egrediatur, obfignata permaneat, & prior pars testamenti, in qua hæres scriptus est, reverteretur.

Cavere, ne inferiores tabulæ aperiantur) Pupillares tabulæ aperiri plerumque vetabat parens, l. 3. C. quemadmodum. testam. ap. aut vetuisse intelligebatur, si seorsum eas signatas reliquisset, l. 8. ff. eod. Quæris, quid juver, hanc adhibuisse cautionem, cum qui in vulgarem casum impuberi à patre substitutus est, etiam in casum pupillarem substitutus esse intelligatur ex constitutione D. Marci l. 4. hoc tit. Nam facta palam substitutione vulgari, etiam si altera celetur, in idem incommodum incidit: quia substitutus ignorare non potest, mortuo impubere, se ei hæredem fore ex tacita pupillari. Sed facilis est responsio, nimirum ex conjectura voluntatis hoc introductum, ut substitutioni vulgari expressè, pupillaris insit: in voluntate testatoris manifestè contraria secus esse, d. leg. 4. §. 2. & l. 4. C. eod. Neque enim unquam in re manifesta, aut ubi de voluntate constat, præsumptionibus aut conjecturis locus est, l. continuus 137. §. 2. in fin. de verb. obl. Quamobrem cum in casu præsentem ex priore testamenti parte constet, testatorem expressè aliquem filio substituisse in imis tabulis, quas filio vivo & adhuc im-

pubere aperire vetuit, nihil certi sibi promittere substitutus potest de successione pupilli, cum scire non possit, ipsumne an alium testator in secundum casum substituerit.

Non ideo minus valere) Igitur Justinianus hic non imperat, sed suadet. Consilium est, non præceptum, & ut Græci & Romani παρρησιος; neque enim eo minus valet pupillaris substitutio, quod scripta est in iisdem tabulis, quibus testator sibi hæredem instituit. Quin etiam sibi in tabulis testamentum facere pater potest: filio impuberi per nuncupationem substituere, l. 8. in fin. sec. tab. l. patris 20. §. 1. hoc tit.

TEXTUS.

Quibus substituitur.

4. Non solum tamen hæredibus institutis impuberibus liberis ita substituere parentes possunt, ut si hæredes eis existerint, & ante pubertatem mortui fuerint, sit eis hæres is, quem ipsi voluerint: sed etiam exheredatis. Itaque eo casu, si quid exheredato pupillo ex hereditatibus, legatisve aut donationibus propinquorum atque amicorum acquisitum fuerit, id omne ad substitutum pertinet. Quæcumque diximus de substitutione impuberum liberorum, v. l. hæredum institutorum, vel exheredatorum, eadem etiam de posthumis intelligimus.

NOTÆ.

4. Sed etiam exheredatis) L. 2. §. 2. l. 10. §. 1. hoc tit. Ulpian. tit. 21. §. 7. quia pater non suis bonis substituit, sed impuberis, videlicet jure potestatis, d. l. 10. §. 5. quo & tutorem dat, l. 4. de test. tut. Formula: Titius hæres esto: filius exheres. Si filius impubes moriatur, Sempronius ei hæres esto.

Ex hereditatibus legatisve, &c.) D. l. 10. §. 5. Non tamen potest pater ab exheredato legatum relinquere, l. 41. §. 1. hoc tit. neque à substituto exheredati, l. 41. §. 3. de test. milit. Legatum onus est: hæredem habere non est.

Etiam de posthumis) L. 2. eod. exempl. in l. 46. hoc tit. l. ult. C. de instit. & subst.

COMMENTARIUS.

- 1 Formula substitutionis pupillaris exheredato factæ.
- 2 Male in vulgatis codicibus interpungi, l. miles 41. §. 4. de test. milit.
- 3 Patrem ab exheredato filio ejusve substituto legare non posse.

4 *An exheredatio extinguat jus suicitatis? Quaestio subtilissima.*

Sed etiam exheredatis) Non ait, præteritis, quia sic testamentum patris ipso jure nullum esset, l. 1. de injust. rupi. l. inter cetera 30. de lib. & post. Exheredatus autem rectè substituitur, l. 1. §. 2. l. 10. §. ad substitutos 5. hoc tit. nimirum jus hoc substituendi, ut & tutores dandi, non ab institutione hæredis; sed à potestate patris pendet; quippe non suis bonis, sed impuberis substituit; quo argumento utitur Ulp. d. l. 10. §. 5. Quamobrem etsi hodie bonorum adventitiorum proprietas patri non quæritur, non eo tamen minus substituere filio exheredato poterit. Neque in eo injuria fit exheredato, quod pater ei hæredem dat: quin potius ad utilitatem pupilli hoc spectare creditur, l. Julian. 42. de acq. her. fac. l. 6. in pr. de interrog. in jur. Sed quibus verbis hæc substitutio concipienda est? Non enim potest concipi eadem formula, qua utimur in substitutione filii hæredis instituti: Si hæres erit, & intra pubertatem decederet. Nimirum posterior tantum hujus conditionis pars exprimenda. Formula hæc sit: Titius hæres esto; Filius exheres. Si filius impubes moriatur, Sempronius ei hæres esto. Ex quo apparet, veram hic substitutionem nullam esse, ac ne vix quidem coloratam, ut monui initio hujus tit. VINN. Sed hoc ipso confirmatur sententia nostra, quod hæc testamenti factio sit ex XII. tabulis. Quamvis enim substitutio hæc nec vulgaris dici possit, nec pupillaris: eam tamen admittendam putarunt Romani, quia sic quoque paterfamilias testatur de pecunia sua rei. HEIN.

Pupillo ex hereditatibus legatise) Nam uti modo dictum est, non suis, sed impuberis bonis substituit testator. Turbavit hic multos vitiosa lectio l. miles 41. §. 4. de test. mil. Sic enim is locus in vulgatis codicibus legitur: Exheredato miles & emancipato filio substituere potest. Verum hoc jus in his excrebuit, quæ ab ipso ad eum, cui substituitur, pervenerunt, non etiam in his, quæ habuerit, vel postea acquisierit. Quod exheredato filio à milite substitutus ea tantum accipit, quæ à testatore profecta sunt, nihil amplius ei tribuendum, si substitutus sit à pagano. Cæterum alia omnia ratio juris effragitat: nec responsum istud, si ita legas, defendi potest à summa absurditate. Quod cum animadverteret D. Viglius, auius est, quamquam nullius fretus codicis auctoritate, locum aliter interpungere, dictioneque exheredato, in calcem præc. §. trans-

posita, novum sic inchoare, Miles & emancipato filio, &c. quam viri doctissimi & prudentissimi interpunctionem postea comperitum est Pisani codicis auctoritate confirmari.

Ad substitutum pertinebit) Hoc igitur certo constitutum est, licere patri substituere filio impuberi etiam exheredato, atque ex hac substitutione ad substitutum pertinere adventitia exheredati emolumenta. Sed hac occasione duo quæsitæ sunt; primum, an quemadmodum pater exheredato rectè substituit, ita etiam ab eo legatum aut fideicommissum rectè relinquit; alterum, an à substituto exheredati legatum aut fideicommissum dare valeat. Primum quod attinet, placet, patrem à filio, quem exheredavit, legare aut fideicommissum relinquere non posse, l. cohæredi 41. §. 3. hoc tit. Alia enim ratio est substitutionis, alia legatorum sive fideicommissorum. Legata & fideicommissa onera sunt: ac proinde aliis imponi non possunt, quàm iis, quos defunctus honoravit, & tantum pro modo relictæ, d. l. cohæredi, §. 3. l. r. §. sciendum 6. de legat. 3. l. 9. C. de fideic. Substitutio verò onus nullum continet, (neque enim onus est hæredem habere,) sed est provisio pertinet ad commodum ipsius pupilli. Atque hinc quoque judicandum de altero. Nam si ab exheredato legari non potest, nec poterit à substituto ejus. Ratio enim non patitur, ut plus juris habeat testator circa personam substituti, quàm habet in eo, cui substituit, l. qui fundum 87. §. qui filios 7. vers. dicit aliquis, ad leg. Falc. l. ab exheredati 126. de legat. 1. Planè quemadmodum filius exheredatus, si legatum vel fideicommissum à patre accepit, fideicommissum itidem à patre gravari potest, d. l. cohæredi, §. 3. ita & eo casu poterit substitutus, si juris rationem spectes, l. §. 1. de legat. 3. Contrarium tamen in odium exheredationis constituit Justinianus, l. cum quidam 24. C. de legat. ut bene observavit D. Viglius. Ne olim quidem, ut hoc obiter addam, legari à substituto exheredati poterat, quantumvis legatum etiam amplum à patre accepisset, l. miles 41. §. 3. de test. mil. nimirum quia ex ratione juris veteris legata ex legatario ejusve hærede non rectè relinquebantur, à bene fideicommissa. Ins. de sing. reb. per fideic. rel. in pr. d. l. §. 5. r. de legat. 3.

Eadem etiam de posthumis intelligimus) Quæstionem, an hodie post Nov. l. 1. c. 3. posthumus exheredari, & consequenter, an ei exheredato substitui possit, alio loco reservamus. Illud pro coronide hic indagare lubet, verumne sit, quod nonnullis visum est, per

exhæredationem tolli jus sunitatis. Nam si hoc verum est, concidit in totum doctrina hujus §. quandoquidem suis tantum hæredibus substitui potest. *l. 2. in pr. hoc tit.* Verum autem esse, hisce argumentis probari videtur. Primum, si exhæredati ne hæredes quidem sunt, nec sui hæredes dici possunt: cum non entis nulla sit qualitas, atque ut in scholis ratiocinantur, ab est secundi adjecti, ad est tertii adjecti valeat consequentia negando. Hæredes autem non esse, testatur Jurisconsultus *l. 1. §. pen. de suis & legit.* Ratio enim juris manifestata est, quia nec ex testamento nec lege eis defertur hæreditas, ut plenius ostendimus in §. cum autem 7. inf. de her. qua ab int. Secundo inter suos hæredes mutari non potest, qui pro mortuo habetur; at exhæredatus habetur pro mortuo, *l. 1. §. sed & si §. de conjug. cum emanc. lib.* Postremo sui hæredis jus per exhæredationem dicitur abscissum esse, *l. 9. §. 2. de lib. & post.* Ex contrario verò non tolli per exhæredationem jus sunitatis, duobus argumentis perspicue evincitur. Unum petum est à definitione. Nam si sui hæredes sunt liberi omnes defuncti, qui eo tempore, quo moritur, in potestate illius sunt, & primum in familia locum obtinent: non potest non filius exhæredatus eo tempore inter suos hæredes numerari, nisi dicamus, quod inauditum est, exhæredatione solum fuisse jus patris potestatis. Nec mihi objeceris, jus sunitatis non ex eo solum estimari, quod quis in potestate sit, & primum gradum in familia teneat verum etiam, & maxime ex causa successione: exhæredatum autem à successione excludi. Etenim quamdiu pater vivit exhæredationis nulla vis est, eoque etiam numero, adhuc in irritum redigi potest, destituito vel rescisso per querelam inofficiosi patris testamentum, *l. filium 20. in pr. cont. tab.* ut proinde jus filii sui hæredis per exhæredationem sublatum fuisse dici non possit. Alterum argumentum sumitur ab effectis sunitatis propriis. Primum ex eo, quod, ut hoc §. docetur, filio exhæredato recte pater pupillariter substituit. Suum autem hæredem esse oportet, cui ita substituitur, *l. 2. hoc tit.* Secundo, quod cum tutor testamento dari non possit nisi ei, quem quis in suis hæredibus, cum moritur, habuit, *l. quo tutela 73. §. 1. de reg. jur.* recte nihilominus detur exhæredato, *l. 4. de test. tut.* Tercio, quod exhæredati filii persona obstat nepoti, quominus suus hæres fiat avo, & præteritus quasi agnascendo rumpat avi testamentum, *l. 6. pr. de injust. rupt. test. l. 7. unde lib.* Si enim per exhæredationem perimeretur

jus sunitatis, nepos protinus occuparet locum patris, atque in sui hæredis locum succedendo avi testamentum rumperet, non secus ac is rumpit, cujus pater mortuus aut emancipatus est, §. 2. sup. de exher. lib. l. 13. de injust. rupt. Postremo à jure quoque sunitatis procedit, quod filio, qui in potestate est, exhæredato, ad transmittendam querelam nec bonorum possessio, nec aditio hæreditatis necessaria est. Cur enim aliqui contra filius emancipatus nisi ista fecerit, non videtur litem præparare? *l. 7. de inoff. test.* Neque verò adeo difficilis responsio est ad argumenta duo posteriora, quibus diximus probari videri, exhæredatione jus sui hæredis planè extingui. Etenim quod Ulpian. ait *d. l. 1. §. sed & si §. de conjug. cum emanc. lib.* patrem exhæredatum pro mortuo haberi, verum quidem est, non autem simpliciter, sed quod ad illud edictum de quo agitur, attinet; ne scilicet pater emancipatus exheres factus impediat, quominus nepos in potestate retentus & præteritus bonorum possessionem contra tabulas solus petat, aut si concurrat patruus, partem bonorum dimidiam consequatur; cum si pater exhæredatus non fuisset, ex edicto filio jungeretur. Eodem modo responderi potest ad *d. l. 9. §. 2. de lib. & post.* jus filii eo loco abscissum dici comparative, respectu sc. ejus, qui apud hostes est, cujus jura omnia in suspensio retinentur propter spem postliminii. Aut si magis placet emendatio Ant. Fabri *10. conj. 12.* pro illis verbis, filii jus, lege, illius jus: ut hoc referatur ad nepotem, cujus sanè jus per exhæredationem patris penitus abscissum est in tantum, ut nec defuncto ante aditam hæreditatem pater ad successionem avi admittatur, *d. l. 9. §. 2. d. l. 6. de injust. rupt. test. l. 7. unde lib.* quæ emendatio eo probabilior est, quia & sententia Jurisconsulti locus sic restitutus melius convenit, & lectio loci mirè variat, ut videre est apud Accurs. Barr. Alciat. & in editione Robert. Stephani. Majorem difficultatem habet argumentum, quod primo propositum fuit: utique enim cum verum sit, exhæredatum morienti patri hæredem non existere, consequens est, nec suum esse, quo tempore pater moriatur: aliqui necessario potestate juris statim hæres existeret, & obstat hæredi instituto, quominus ipse directo hæres esse & jure civili hæreditatemcernere posset, arg. *l. ait. de acq. her.* quod falsum esse patet ex *d. l. 6. in pr. de injust. rupt. test. l. filium 20. de bon. poss. cont. tab.* Quamobrem esse omnino statumendum arbitror, vivo adhuc patre, cui testamentum mutare licet,

exhæredationem non impedire, quominus filius exhæredatus adhuc inter suos hæredes habeatur: atque ideo nepotibus ex se natis obstat, quominus in locum ipsius & gradum ascendat. Sed & post mortem patris, quamdiu adhuc ab intestato succedere potest, pro suo interim haberi, quoniam rescisso aut deserto patris testamento suus hæres nihilominus patri existit, perinde ac si nulla exhæredatio intervenisset, *d. l. filium 20. cont. tab. l. 8. §. pen. de inoff. testam.* Verum enim verò exhæredatio confirmata fuerit adita ex testamento hæreditate, hac consideratione exhæredatus amplius pro suo haberi non potest, cum verum sit, eum patri suum hæredem non extitisse, nec existere posse, *d. l. 1. §. pen. de suis & legit. add. Gomez 1. ref. 11. n. 9. Hotom. 9. obs. 10. Ant. Fab. 9. conj. ult. Christin. vol. 4. decis. 16. n. 4. Bachov. hic, add. Val. Reimer. decis. 6. disp. 1. thes. 4.*

T E X T U S.

Pupillare testamentum sequela paterni.

§. *Liberis autem suis testamentum necno facere potest, nisi & sibi faciat; nam pupillare testamentum pars & sequela est paterni testamenti: adeo ut si patris testamentum non valeat, nec filii quidem valebit.*

N O T A.

§. *Nisi & sibi faciat*) *D. l. 2. §. 1.* Immo nisi sibi prius faciat, deinde filio, nec converso modo à filii testamento incipiat, *d. l. 2. §. 4. & ult.* utique si ex intervallo diversisque tabulis sibi pater hæredem scribat, & filio substituatur, quod facere potest, *l. 16. §. 1. l. 20. §. 1. eod.* Cæterum si conjunctim, eodem tempore, ac contextu utrumque fiat, licet ordinem convertere, veluti si ita scribat, *Si filius meus intra pubertatem decesserit, Sejus hæres esto: Filius hæres esto*, *d. l. 3. §. 5.*

Nec si ii valebit) *Fac. ratio in l. 129. §. 2. l. 178. de reg. jur. c. accessorium 42. in 6.* Puto tamen hodie tabulas pupillares non infirmari, quamvis exhæredatus querelam novi testamenti obtinuerit per *Nov. 115. c. 3. in fin.*

C O M M E N T A R I U S.

1 *Patrem prius sibi debere testamentum facere, deinde filio, nec converso modo à filii testamento incipere; nisi conjunctim utroque textu utrumque fiat.*

2 *Patris testamento non subsistente & filii nullum esse, aut corrumpere.*

Tom. I.

- 3 *Cur rescisso per querelam testamento patris substitutio pupillari concidat, petita cont. tab. bonorum possessione non item?*
4 *Jure novissimo etiam expugnato per querelam testamento patris, salvam manere substitutionem pupillarem.*

Permissum quidem patri est, suo testamento perfecto, alio tempore filio testamentum facere, *l. 16. §. 1. hoc tit.* aut sibi per scripturam, filio per emancipationem, vel contra, *l. patris 20. eod.* & vel instituto filio vel exhæredato. Cæterum necessarium omnino est, ut sibi quoque hæredem faciat, qui filio vult facere, *l. 2. §. 1. eod.* Incongruens enim visum est, eum, qui ipse intestatus decedere cupit, filio suo hæredem testamento dare: tantumque concessum patri sibi testamentum facienti, simul filio impuberi prospicere. Ex quo efficitur, testamentum patris principale esse, filii accessorium & paterni appendicem, ac proinde hoc sine illo non consistere, ex tritissima juris regula, *l. nihil dolo 129. §. 1. de reg. jur. c. accessorium 42. eod. tit.* Cæterum hoc in paganis obtinet: militi enim ex privilegio indultum, ut soli filio hæredem facere possit, tamen sibi non fecerit, *d. l. 2. §. 1. l. in fraudem 35. §. pen. de test. mil.*

Nisi & sibi faciat) Immo nisi sibi prius faciat, deinde filio: nec converso modo à filii testamento incipiat, *d. l. 2. §. prius 4. & §. ult.* Quippe hic ordo naturæ est, ut sit & præcedat aliquid principale, cui quid accedere volumus, quod per se solum subsistere nequit. Filii autem testamentum sequela est & accessio paterni, ita ex paternis tabulis pendens, ut sine illis non subsistat. Merito itaque Juliani sententia rescripto Imperiali comprobata est, patrem prius sibi debere, deinde filio hæredem scribere, neque hunc ordinem convertendum esse, incipiendumve à testamento filii, *d. l. 2. §. 4.* Minimèque audiendus est Goveanus, qui *lib. 1. var. leſt. 8. in d. §. 4.* pro comprobata reponit improbatam, motus ratione, quia Ulpianus mox utitur, quia constet, unam esse testamentum. Nam ista ratio non evertit Juliani sententiam, ut Goveano videtur, sed confirmat. Objici quippe poterat, duo hic testamenta esse, unum patris, alterum filii, *§. 2. sup. eod.* ac proinde parum referre, ab utro incipiatur. Cui objectioni occurrit Ulpianus tacite significans, si revera duo diversa hic essent testamenta, facile se concessurum, nihil interesse, utrum prius posteriusve factum sit: sed quia unum dumtaxat revera testamentum est, quod duas quidem par-

N a a

tes

tes habebat, sed quarum illa, qua hæres instituitur filio, pendeat ex altera, qua hæres instituitur patri, rationem exigere, ut ea pars præcedat, quæ principalis est, sequatur altera, quæ ex priori dependet, & sine ea consistere non potest. Atque hæc ita obtinent, si ex intervallo diversisque tabulis pater sibi hæredem scribat, & filio substituat. Si verò conjunctim eodem tempore ac contextu utrumque fiat, placet substitutionem valere, licet conversâ scriptura filii testamentum factum fuerit. Veluti si quis ita scripserit, *Si filius meus intra pubertatem decesserit, Sejus hæres esto. Filius hæres est, d. l. 2. §. sed & si §. 5.* & merito, quia in conjunctionibus nullus ordo est, nec quicquam interest, utrum prius, utrùm posterior dicatur scribari, teste Alfeno, *l. cum quidem 14. de pecul. leg. fac. l. si ita 28. de bar. test.* Ad hunc modum hæc explicant *Zaf. ad d. l. 2. §. 4. num. 8.* Duar. *in comm. ad hunc tit. c. 14.* Vigl. *hic*, citans Jafon. & DD. ultramontanos. Angelus etiam communem hanc esse sententiam testatur.

Nec filii quidem valebit) Nam, ut dictum est, cum principalis causa non subsistit, ne ea quidem, quæ sequelæ & accessionis vicem obtinent, consistere possunt, *l. nihil dolo 129. §. 1. l. cum principales 178. de reg. jur. c. accessionum 42. cod. in 6.* Hinc fit, ut non tantum ab initio pupillares tabulæ non subsistant, si patris testamentum ab initio nullum sit; verum etiam corruant, si patris testamentum, quod rectè factum erat, postea infirmetur, puta aut rumpatur agnatione vel quasi agnatione sui hæredis, *l. 2. in pr. hoc tit.* aut inofficiosum in totum pronuntietur, *l. 8. sed nec §. in fin. de inoff. test.* aut irritum fiat testatore capite minuto, aut non adita ex testamento hæreditate, *d. l. 2. §. 1. l. 10. §. 4. cod.* Planè si suus hæres testamento patris sit institutus, puta pupillus ipse, nihil amplius ad confirmationem testamenti desideratur, quam ut is mortuo patri sit superstes, licet se abstinat: nam vel nudæ sui hæredis existentie hæc vis est, ut confirmet tabulas pupillares, *l. 12. hoc tit. de quo plenè scripsimus ad pr. hujus tit.* Illud alicui mirum videatur, quod cum, rescisso per querelam testamento, substitutio pupillararis concidat, eam tamen placet valere, cum præterito filio contra tabulas bonorum possessio petita est, *l. ex duob. 34. in fin. & l. seq. cod.* non enim minus sic testamentum rescinditur, reditque res ad causam intestati, quam ex causa inofficiosi, *l. ut liberis 17. C. de collat.* Ergo hoc ex eo esse puto, quod querelæ inofficiosi hic color prætexitur, quasi testator sanæ men-

tis non fuerit, cum testamentum ordinaret, *l. 2. l. 13. de inoff. test.* ut proinde, eo rescisso perinde omnia haberi debeant, ac si testamentum nullum factum esset, aut ab eo factum, qui testamenti factionem non habuit, nihil ut ex eo testamentum valeat, *l. 8. §. pen. l. cum mater 28. d. tit.* Hoc autem præteritum non petitur aut conceditur contra tabulas bonorum possessio. Occurrit etiam, quod prætoriam remedia non ultra operantur, quam prætor voluit, *l. in conventional. §. 2. de verb. obl.* Cumque prætori hoc curæ sit, ut beneficii sui fines sic regat, ut quam potest minimum detrahat juri civili, & omnino ne cui noceat, credibile est, ob hanc causam noluisse eum vim auxilii sui porrigi ad tabulas pupillares, ne, dum aliis opitulatur, utilitatem impugnet pupilli. Ad hæc nec prætor ipse omnino pro nullo habet testamentum, contra quod bonorum possessionem pollicetur: nam si hoc septem testium signis signatum sit, etiam scriptis in eo hæredibus, dat bonorum possessionem secundum tabulas, scilicet si liberi præteriti, quorum causa potior est, non petant, *l. 2. in pr. secund. tab.* Ut adeo nihil mirum sit, substitutionem pupillarem, quæ edictum prætoris non offendit, salvam manere. Qua de re vide quæ superius disputavimus *sub tit. de exar. lib.* Hodie ex novella Justiniani lege, etiam si per querelam inofficiosi testamentum patris expugnatum fuerit, pupillaris substitutio salva manebit, quemadmodum & legata cæteraque capita firma manent præter institutionem, *Nov. 115. c. 3. in fin. unde auct. ex causa, C. de lib. prat. & ibi comm. DD.* Equidem scio, Dylum & Petrum à Bellapert. contendisse, ea tantum ex novella ista lege rescisso testamento salva manere, quæ institutionem hæredis non desiderant, veluti legata, fideicommissa, libertates, tutorum donationes: secus adhuc esse in iis, quæ hæredis institutionem requirunt, ut pupillaris substitutio; idque & Covarruviz probati *in cap. Raynui. §. 6. num. 3.* Cæterum mihi verba illa Novella, & alia capitula, non ob aliam causam videntur addidisse Justinianus, quam ut omnia capita comprehenderet extra institutionem, ac licet pupillaris substitutio & ipsa sit institutio, palam tamen est, illic per institutionem, quæ irrita esse jubetur, intelligi institutionem primam, qua scilicet pater sibi hæredem scripsit, non qua filio, quæ tantum pars est & sequela paterni testamenti: pertinet denique etiam ad utilitatem pupilli, ut salva maneat substitutio, ob quam causam & olim everso per bonorum possessionem cont. tab. testa-

mento parris conservata fuit, *l. ex duobus 34. in fin. cum l. seq. hoc tit.*

T E X T U S.

Quot liberis substituitur.

6. *Vel singulis autem liberis, vel ei, qui eorum novissimus impubes morietur, substitui potest. Singulis quidem, si neminem eorum intestatum decedere voluerit: novissimo, si jus legitimarum hereditatum integrum inter eos custodiri velit.*

C O M M E N T A R I U S.

1. *An postquam mater una cum fratribus defuncti ad legitimam hereditatem vocata est, adhuc locus sit dispositioni hujus §. ?*

2. *An non saltem, quo mater excludatur, dici possit, fratres per fideicommissum mutuo substitutos esse?*

Qui plures liberos impuberes habet, si neminem eorum intestatum decedere velit, potest singulis, quos voluerit substituire, aut ipsos invicem & reciprocè, eique, qui novissimè impubes mortuus fuerit, substituire alium aliquem, *l. si pater 25. hoc tit.* Quod si uni tantum substituit, hic solus testatus decedit: ceteri intestati. Unde si postremo morituro tantum substituerit, jus legitimarum hereditatum inter fratres conservare voluisse intelligitur: *l. vel singulis 37. eod. unde hic locus sumptus est.*

Intestatum decedere) Nota, impuberes etiam dici intestatos decedere, etsi ipsi testamentum facere non possunt; sicut vice versa testati decessisse dicuntur, cum pater eis testamentum fecit. Porro an propriè vox intestatus impuberibus, furiosis & similibus personis attribuat, ita ut statuta de successione intestatorum loquentia ad eas quoque personas intelligi debeant pertinere, tractamus *inf. tit. 1. lib. 3. in pr.*

Jus legitimarum hereditatum) Nam cum ceteris, nec pater testamentum fecerit, nec ipsi sibi in ætate pupillari facere possint, necessario evenit, ut præmortuum fratrum impuberum hereditates ex lege 12. tabb. ad superstites perveniant: quorum tandem omnium bona in ultimi defuncti hereditate reperta substitutus ejus consequetur. Unde queritur, cum hodie ex Nov. 118. cap. 2. mater defuncti una cum fratribus ad legitimam hereditatem vocetur, adeoque fratres consanguineos tantum, sive *ιμπατριας* excludat, utrum nihilominus

adhuc in casu proposito novissimo morienti substitutus bona etiam cæterorum integra consequatur, an mater partem eorum auferat, easque dumtaxat partes ferat substitutus, quæ morte fratrum ad impubere pervenisset, nulla facta substitutione? Prius illud dicere non possumus, nisi singamus, substitutionem novissimo factam ad omnes pertinere, singulorumque invicem tacitè substitutos, & postremum morientem prædefuncto. At hoc vetat hic ipse locus. Ait enim Imp. cum novissimo tantum substituitur, jus legitimarum hereditatum inter fratres integrum custodiri. Si verò mutua hic fingatur substitutio, priorum morientium superstites non legitimi heredes, sed ex testamento essent, omnesque decederent testati. Proinde dicendum, ut olim in casu proposito inter fratres, quippe qui soli à lege vocabantur, legitimæ hereditates salvæ manebant, ita hodie etiam matri, postquam ea una cum defuncti fratribus admissa est, jus legitimæ successione integrum manere, atque ad substitutum eas dumtaxat partes pertinere, quæ in hereditate ultimi defuncti reperiuntur. Sed dixerit adhuc aliquis, quidni hic fideicommissum inducimus, ut ipsi fratres, si non directo, saltem per fideicommissum invicem substituti videantur? Ita enim Paulum in specie non dissimili respondisse. *l. Titia 87. §. 2. de legat. 2.* Species hujusmodi est, de qua consultitur; Testator certum fundum legavit Titio & Mævio, fideique eorum ita commisit, ut qui ex eis ultimus decessisset, eum fundum, cum moreretur, restitueret Sempronio. Respondet Jurisconsultus, in eo fideicommissio testatorem duos videri gradus substitutionum fecisse, unum, ut is, qui ex duobus prior moreretur, alteri restitueret, quod colligit ex verbis, *qui ultimus decesserit*; alterum, ut novissimus restitueret Sempronio. Sed non est hæc species similis nostræ. Rectè Jurisconsultus in *d. l. Titia 87. §. 2.* ex eo, quod testator proponitur eum, qui ex duobus, quibus fundum legaverat, posterior moreretur, rogasse, ut eum fundum alii restitueret, colligit alterum fideicommissum: non enim rogatus proponitur de restituendæ dumtaxat parte suæ, sed de toto fundo, ac proinde etiam de parte collegatarii præmortui. Jam verò, quia hoc facere non potest, nec implere fideicommissum expressum, nisi collegatarii quoque pars ad eum pervenerit, apparet, eam defuncti fuisse voluntatem, ut qui ex collegatariis prior moreretur, superstiti partem suam restitueret. In casu verò nostro nihil est, quamobrem præter substitutionem novissimi aliam aut fi-

deicommissum inducamus; non enim in universa hæreditate, sed ulcimi morientis tantum bonis substitutio facta proponitur.

TEXTUS.

De substitutione nominatim aut generaliter facta.

7. *Substituitur autem impuberi aut nominatim, veluti, Titius hæres esto: aut generaliter, ut Quisquis mihi hæres erit. Quibus verbis vocantur ex substitutione, impubere mortuo filio, illi, qui & scripti sunt hæredes, & extiterunt, & pro qua parte hæredes facti sunt.*

COMMENTARIUS.

1. *Generali formula substitutionis solos illos vocatos intelligi, qui hæredes nominatim scripti sunt.*
2. *Ex eadem formula solos venire, qui patri hæredes extiterunt.*
3. *Ejusdem formula hunc esse effectum, ut substituti eandem ex institutione partes consequantur, quas in patris hæreditate habuerunt.*

Substitutio pupillaris vel specialiter & nominatim concipitur, puta hoc modo, *Eilius meus hæres esto. Si filius impubes decesserit, Titius hæres esto.* Vel generaliter, veluti, si pluribus hæredibus institutis, testator his verbis filio substituat: *Quisquis mihi hæres erit, idem filio meo impuberi hæres esto.* l. 3. l. 38. l. 10. hoc tit. l. ult. C. eod. Ad quem modum vulgaris substitutio non rectè conciperetur; nam hæc formula, *Quisquis mihi hæres non erit, &c.* in infinitum producit. Non est verò eadem vis generalis & specialis substitutionis, ut in calce exegeteos hujus §. ostendemus, cum cognita nobis erit potestas clausulæ generalis sive horum verborum, *Quisquis mihi hæres erit, &c.* quam solam hic explicat Justinianus.

Qui & scripti sunt hæredes & extiterunt, & pro qua parte Paucissimis verbis triplicem comprehendit effectum horum verborum, *Quisquis mihi hæres erit.* Primus hic est, quod his verbis vocati intelligantur illi soli, qui hæredes nominatim scripti sunt, non alii, qui forte per eos, qui scripti sunt, hæredes extiterunt. Itaque nec dominus, qui per servum, nec pater, qui per filium hæres extitit, ex hac clausula ad hæreditatem impuberis admittitur: quippe quibus non iudicio defuncti, sed vi potestatis vel dominicæ vel patris hæreditas obvenit, l. 3. l. 8. §. 1. eod. Eadem-

que ratione nec hæredis hæres admitteatur, d. l. 8. §. 1. licet alias hæredis appellatione etiam hæres hæredis contineatur, l. hæredis 65. l. sciendum 70. de verb. sign. l. qui per successionem 194. de reg. jur. l. ult. C. de bar. inf. nec is, cui ex fideicommissio hæreditas relictæ est, ut rectè docet D. Vigl. hic. Ceterum quod diximus, dominum non admitti, id intelligendum est, si hoc solo obtentu hæreditatem pupilli ex substitutione ad se pertinere contendat, quod patris bona jam apud se per servum quæsitæ habeat. Non enim inspicitur, apud quem patris hæreditas sit, sed quis à patre expressè & immediatè ad hæredem vocatus. Ideoque, si servus quæsitæ domino ex institutione hæreditate, antequam ex substitutione adiret, à potestate ejus exierit, non poterit dominus ex substitutione impuberi hæres effici: sed servus vel ipse sibi hæreditatem impuberis acquirat, si forte manumissus fuerit; vel sit alienatus, novo domino, ejus jussu adierit. At verò, si existente conditione pupillaris substitutionis adhuc in ejusdem domini potestate sit, nihil prohibet, quominus jussu ejus nunc item ex substitutione pupilli hæreditatem adeat, eamque novo hoc suo fido acquirat domino; ut post Jo. Fab. hic, & DD. comm. in l. filiosfam. x. 1. de legat. 1. docent Vigl. & Bachov. hic, Duar. in comm. ad hunc tit. cap. 15. & fac. l. 3. hoc tit. junct. §. 1. sup. de bar. inf. Simili igitur modo, & filiosfam. emancipatus fuerit, ipse ex substitutione hæres fiet: si in potestate manserit, patrem hæredem faciet. Alter effectus substitutionis generaliter factæ est, quod ex ea soli veniant illi, qui patri hæredes extiterunt: proinde si hæres scriptus paternam hæreditatem repudiaverit, nihil ei proderit ad hæreditatem pupilli consequendam, quod testamentum patris hæres scriptus est: nam alias horum vectorum, *Quisquis mihi hæres erit, &c.* nulla vis esset, cum à testatore jam ante hæredes scripti sint, qui ea conditione substituantur, d. l. 8. in fin. pr. hoc tit. Tertius effectus est, quod generali formula substituti eandem ex substitutione partes consequuntur in bonis pupilli, quas in ipsius patrisfam. hæreditate habuerunt, d. l. 8. §. 1. in fin. Ut hic quoque locus sit regulæ traditæ in §. 2. prae. tit. testatorem eas videri in substitutione partes cuique dedisse, quas in institutione expressit. In substitutione nominatim facta, sive speciali, converso ferè modo hæc se habent. Nam primo necesse non est, ut is, qui nominatim substitutus pupilli hæreditatem vindicat, hæres à patre scriptus sit. Deinde est hæres ex parte scripti-

scriptus est, non eo tamen minus ex substitutione admittitur, quod patris hæreditatem repudiavit, modo utramque nunc amplectatur, nisi sub ea conditione substitutus sit: *Si hæres erit, d. l. 8. in pr. junct. l. 10. §. 3. cod.* Postremo nominatim substituti, non hæreditatis partes, id est, quæ singulis adscripæ sunt in institutione, sed viriles sive æquales habebunt, per ea, quæ tradidimus sub. §. 1. tit. præc.

TEXTUS.

Quomodo substitutio pupillaris finitur?

8. *Masculo igitur usque ad quatuordecim annos substitui potest: femina usque ad duodecim annos. Et si hoc tempus exceperint, substitutio evanescit.*

NOTÆ.

8. *Evanescit substitutio*) Quamvis longius tempus comprehensum fuerit, l. 4. cod. quod autem evanescit, nec ad causam fideicommissi proficit.

COMMENTARIUS.

- x *Pupillarem substitutionem extinguere anno quatuordecimo, aut duodecimo completo, licet non superato.*
1. *Si longius tempus comprehensum fuerit, an post pubertatem substitutio valeat jure fideicommissi?*
2. *An ad causam fideicommissi trahatur, si demum ad pubertatem substitutio incipiat?*

Dictum supra est, pupillarem substitutionem introductam esse ex hac causa, quod cum liberi in ea ætate essent, ut ipsi sibi testamentum facere non possent, utile atque ex re ipso rum visum fuerit, ut parentes eis facerent, Quamobrem cum ad eam ætatem pervenerunt, quæ jam ipsi testari possunt, cessante sine substitutionis, merito placuit, eam extinguere: alias, quod iniquissimum est, civi Romano puberi testamenti factio auferretur, l. ex factis. 43. hoc tit.

Usque ad quatuordecim annos, &c.) Masculi enim anno quatuordecimo, feminae duobus annis maturius puberes fiunt, sup. quib. mod. tut. fin. à qua ætate jam ipsi testamentum facere possunt, l. 5. qui test. fac. Ait, usque ad quatuordecim annos, quibus verbis significat, omne spatium, quod est intra pubertatem, liberum esse patri ad substituendum filio, finem autem hujus arbitrii esse pubertatem. Quapropter si quis verbi causa ita substituit: *Si filius meus*

intra decimum annum decesserit, &c. pupillusque ad eos annos pervenerit, expirat substitutio, licet postea decesserit intra annum decimum quartum, leg. si ita. 21. d. l. ex factis. 43. §. 1. cod. At si in substituendo annos pubertatis egressus sit, finitur nihilominus substitutio pubertate, l. in pupillari. 14. cod.

Si hoc tempus exceperint) Liberi nimirum, quibus facta est substitutio, masculi annos quatuordecim, feminae duodecim: neque enim patitur contextus, ut ad parentes, qui substituerunt, hæc referantur. Quod verò ait *exceperint*, id verbum non puto præcisè hic accipiendum esse, quasi non satis sit annum quatuordecimum aut duodecimum complexisse, eoque non completo, sed superato demum extingui substitutionem: sed potius explicandum ex iis locis, ubi ex professo agitur de ætate, quæ cives testamentum facere possunt. Atqui ex quo quis incipit testamentum facere posse, finem capere debet hæc substitutio, utpote quæ hoc uno fundamento nititur, quod ii, quibus sit, sibi non possint heredem facere. Aliud tamen D. Viglio visum.

Evanescit) Etiam si longius tempus comprehensum fuerit, d. l. 14. hoc tit. Sed longiore tempore comprehenso, an non saltem post pubertatem substitutio valebit jure fideicommissi? Finge ita factam, *Si filius intra annum viceimum decesserit, Titius hæres esto.* Ex hac substitutione constat, filio intra pubertatem defuncto, directo jure succedi, post id tempus non item. Sed quæritur, an non saltem post pubertatem proficiat ad causam fideicommissi, ut perinde ex eo tempore haberi debeat, ac si filius post pubertatem intra annum viceimum moriens rogatus esset hæreditatem patris substituto restitueret? Communis sententia est testibus Zas. c. 5. de substit. compend. Covar. in c. Rayn. de testam. §. 9. n. 29. Jac. in l. precibus. 8. C. hoc tit. n. 11. ejusmodi substitutionem pubertate ita finiri, ut nulla ejus vis amplius supersit. Quæ sententia mihi verissima videtur. Etenim inconveniens omnino est, ut una substitutio diverso jure pro diversitate temporis censeatur, scilicet ut valeat intra pubertatem directo, & bona tam patris quam filii, ex quibus una facta est hæreditas, complectatur, post pubertatem jure fideicommissi, & sola patris bona contineat. Nec Jurisconsultus in d. l. 14. scribit, substitutionem impuberis, in qua longius pubertate tempus comprehensum est, post pubertatem ad fideicommissum trahi: sed pubertate finiri: quod Justinianus hic expressit verbo significantissimo *evanescere*. Quod si ne illa quidem substitutio,

rio, quæ demum à pubertate incipit, jure fideicommissi valet, multo minus ullo jure valere poterit, qua etiam ætas pupillaris comprehenditur: nam ut bene disputant Mantic. 7. de conj. ult. vol. tit. 3. n. 9. Gomez. 1. ref. 7. n. 2. Christin. vol. 4. decif. 16. n. 5. facilius ad fideicommissum trahi potest post pubertatem facta verbis directis in secundum casum substitutio, quam ea, quæ annos pupillares simul complexa pubertatem certis annis excedit. Sed quoniam iidem DD. & cum his comm. interpretes non concedunt, quod nos pro vero & certo assumimus, nimirum, ne illam quidem substitutionem, quæ à pubertate incipit hoc modo, *Si filius meus post quartumdecimum annum decesserit*; ad casum fideicommissi proficere, id nobis prius quam hinc abeamus probandum est. Non valere quasi fideicommissum, argumento sit *l. si servus legat. 108. §. si servus alienus. 9. de legat. 1. 9. C. de test. man.* quibus in locis servo alieno directæ libertas frustra dari dicitur. Quod si favor libertatis verbum directum ad fideicommissum non trahit, nulla res omnino trahet. Et cur testatoris voluntatem, quæ contra leges est, adjuvamus, ut benigna interpretatione inducamus fideicommissum, de quo non apparet testatorem cogitasse? Neque enim, ut quid valeat jure fideicommissi, sufficit, tale esse, quod jure fideicommissi valere posset, si testator voluisset, nisi & voluerit, *l. 1. l. 13. §. 1. de jur. cod. l. ex ea scriptura. 29. qui test. fac. l. quæbatur. 19. de test. mil. l. cobaredi. 41. §. 3. hoc tit.* Sed quid opus est argumentis? Papinianus *l. 17. eod.* omnem dubitationem tollit, cum sic scribit, *Verbis civilibus substitutionem post quartumdecimum annum frustra fieri convenit*, neque enim frustra fieri diceret, aut rectè diceret, si post id tempus quasi fideicommissum valeret, & verba directæ inflecterentur. Non obstat huic sententiæ *l. Scævola. 76. ad Trebel.* quoniam quod Scævola ibi respondet, id in casu illic proposito favore pupilli benignè receptum est, ut ipse significat, & tamen simul ex conjectura voluntatis paternæ. Proponitur enim substitutio facta in codicillis: qui locus est obliquo non directarum dispositionum. Proponitur pupillus, cui ita substitutio facta, in ætate pupillari decessisse: atque in hac specie respondet Jurisconsultus, benigna interpretatione placere, ut quod valere non potest, ut testamentum pupilli, valeat saltem quasi codicillus ab intestato; cumque ratio juris non patiatur, ut ex hac substitutione hæredem habeat directo, ut habeat saltem ex fideicommissio, postquam patri concessum, le-

gitimum filii hæredem fideicommissio obstringere. Cæterum sustinebitur hoc fideicommissum usque ad tempus pubertatis: cum verò pupillus adoleverit, evanescet, ne, quod propter utilitatem impuberis introductum est, puberi jam facto obstat in libertate testandi, arg. *l. si fundum. 92. §. 2. junct. l. quod fideicommissi. 93. de leg. 1. l. cobaredi. 41. §. 1. hoc tit. l. ex factis. 43. §. 1. eod. junct. l. l. Scævola. 76.* ita ferme & plerique recentiores Cujac. 11. obs. 25. Govean. ad. d. l. 7. Poth. Buf. ad *l. centurio. 15. eod. Duar. comm. in hunc tit. c. 16. Vasq. l. 1. de succ. progr. §. 1. n. 118. Ant. Fab. 15. comm. 12. §. 24. Fachin. 4. contr. 44. add. Menoch. de præsumpt. part. 2. lib. 4. tom. 1. præf. 34. §. 55. & quæ nos sub §. seqq. VINN. Nec tamen omnes. Nam sunt, quibus contraria sententia videtur probabilior: quia quicquid in fideicommissum legitime flecti potest, facile flecti solet, §. 1. Inst. quib. mod. test. inf. l. 2. C. comm. de leg. l. 69. pr. ff. de leg. 2. l. 15. C. de testam. Quæ attulit Vinnius, ad jus vetus pertinent, quæ nondum tantum auctoritatis tribueretur fideicommissis tacitis. Vinnii principia in foro vix admittuntur. HEN.*

TEXTUS.

Quibus pupillariter non substituitur.

9. Extraneo verò, vel filio puberi heredi instituto ita substituere nemo potest, ut si heres extiterit, & intra aliquod tempus decesserit, alius ei sit heres: sed hoc solum permixtum est, ut cum per fideicommissum testator obliget alii hereditatem ejus vel totam, vel pro parte restituere: quod juxta quale sit, suo loco trademus.

NOTÆ.

9. Vel filio puberi) *L. 7. eod.* ubi Papinian. scribit, verbis civilibus substitutionem post quartumdecimum annum frustra fieri: ac proinde talis substitutio ne jure quidem fideicommissi valebit nam quod frustra sit, nullo genere valere intelligitur.

Nemo potest) Nemo scilicet paganus: nam militi hæc concessa sunt, *l. 5. l. 42. §. 4. de test. mil. l. 15. b. t. l. 8. C. eod. ut & alia, quæ in paganus non obtinent, l. 2. §. 1. b. t. l. 15. §. pen. de test. mil.*

Suo loco trademus) In fin. buj. lib. tit. 23.

COMMENTARIUS.

1 Militum privilegia circa directam substitutionem

nem in casum pupillarem.

2. Apud Batavos & plerisque alios Belgii populos pupillarem substitutionem locum non habere ; & an locus sit exemplari.

Quæ hoc §. traduntur, omnia consequentia sunt iis, quæ relata sunt initio hujus tit. Nam si parentibus tantum permisum est, liberis impuberibus, & iis dumtaxat, quos in potestate habent, ita substituere, ut si hæredes extiterint, & intra pubertatem moriantur, alius sit eis hæres ; ex eo omnino efficitur, neque parentes posse ita substituere liberis, quos in potestate non habent, nec si in potestate habeant, & puberes sint. Postremo nec omnino quemquam alium posse vel impuberi extraneo, vel puberi hoc modo substituere, ut si hæres extiterit, & intra aliquod tempus vita decesserit, alius ei hæres sit : in tantum, ut nec jure fideicommissi talis substitutio valeat, ut modo probavimus, & hic locus insuper confirmat, cum dicat Justinianus, neminem posse extraneo aut filio puberi, in casum, quo hæredes futuri sunt, substituere: sed tantum permisum esse testatori, ut hæredem institutum per fideicommissum obliget, &c. Cur enim requireret expressum fideicommissum, si ipse directa substitutio in proposito jure fideicommissi defendatur, quod totidem verbis indicare poterat ? ut bene disputat D. Viglius hic, & Ant. Fab. 15. conj. 12. contra DD. vulgo : quos sequuntur Gomez. & Mant. ubi supra. Solis militibus concessum est, ut etiam liberis emancipatis, aliusve extraneis, qui hæredes extiterint, directo substituatur : sed hoc jus in his exercetur, quæ à milite ad eum, cui substituit, pervenerunt, non quæ aliunde, l. 5. l. miles ita. 41. §. 4. de testam. milit. Ejusdem privilegii est, quod miles liberis suis etiam post pubertatem directo substituere potest, si ve compendio si ve expressa certa post pubertatem ætate ; ut utraque substitutio intra pubertatem valeat jure communi si ve directo, l. centurio. 15. b. r. post eam ætatem ex privilegio militis jure fideicommissi, l. precibus. 8. C. eod. & bona dumtaxat patris contineat cum fructibus inventis in hereditate, d. l. 15. id est, ut recte Govean. & Buf. ibid. Perez. ad tit. C. de imp. & al. subst. n. 27. & 28. cum fructibus pendentibus, & maturis tempore mortis ipsius militis. Nam hi fructus augent hereditatem, l. 9. ad l. Falc. ac per consequens in fideicommissariam hereditatis restitutionem venire potest : neque ad hos fructus pertinet l. in fideicommissaria. 18. in pr. ad sen. Treb. idque etiam

crebrius placuit, licet Ant. Fab. d. loc. Duar. d. comm. c. 23. Hotom. 1. amicab. 17. Don. in d. l. precibus. 8. contendant, hujusmodi substitutiones à milite factas etiam post pubertatem valere jure directo. VINN. Nec male hi interpretes, ex mea quidem sententia. Favent enim illis l. 5. ff. de testam. milit. & l. 15. ff. b. r. Ubi substitutus dicitur capere bona patris. Capi autem dicuntur ea, quæ jure directo valent, ut legata per vindicationem. Ulpian. tit. 24. §. 2. seq. Ita fere Merill. Obs. lib. 6. cap. 5. ubi & argumenta ab aliis in contrarium adlata eleganter diluit. HEIN. Porro de fideicommissaria substitutione tradatur in fin. hujus lib. 1. 23. Apud Batavos & Zelendos substituti pupillari locum non esse, utpote quæ originem trahit à singulari illa Romano rum in liberos potestate, quæ nobis incognita, tradit D. Grot. lib. 1. mand. ad Batav. Jur. c. 6. & lib. 2. c. 19. in fin. & secundum eum judicium est. De cætero quoque Belgio (excipienda tamen Frisia) item refert D. Gud. lib. 2. de jur. noviss. c. 5. sub. fin. Nam et si nos quoque potestatem in liberos nostros habemus, non talem tamen habemus, qualem Romani, quæ etiam ad bona liberorum propria se extendat : atque inaudium est, tantam nunc esse patriam potestatem, ut pater filio hæredem dare queat, qui succedit in universa filii bona, non solum quæ à patre ipso, sed etiam quæ alinnde accepit, atque adeo dare etiam exheredato : sed utimur substitutione fideicommissaria. Idem quoque tradunt, pari ratione mores hodiernos nec quasi pupillarem substitutionem agnoscere, inaudium quoque esse, patrem filio mente capto ea substitutione, quam ad exemplum pupillaris Justinianus induxit, testamentum facere ; eique dare hæredem, Grot. & Gudelin. ubi sup. Groenevv. de leg. abr. hic. Cæterum hoc non obstante nuper Curia Hollandiæ hujusmodi testamentum rescindere noluit, eo quod, ut allegabatur, exemplaris substitutio neque libera sit, nec avi patris potestatis, ut superius illa pendeat, sed in sola humanitate fundata sit : idemque matris & avo materno hic concessum, quod patri, nec patri minus circa liberos emancipatos, quàm in potestate constitutos, vid. sup. §. 1. eod. Quamquam mores nostri totum hoc averfari videntur, dare alii, quantumvis filio, hæredem : & admissa exemplari substitutione in liberis mente captis, ex ratione constitutioni Justiniani eadem porrigenda erit etiam ad liberos impuberes, etiam si sanæ mentis sint, per ea, quæ d. §. 1. num. 3. Curiam tamen pro testamento pronuntiasse, pos-

tea intellexi. Sed & gentis nostræ simplicitati conveniens esse multi existimant, ut substitutiones directis verbis in secundum casum factæ, puta si hæredi instituto, & in casum, *si bares erit*, & intra certum tempus decesserit, alijs directo substituat, valeant jure fidei-

commissi, quasi factæ in codicillis, *arg. l. Scævola. 76. ad Sen. Trebell. & exemplo substitutionum militarium, l. centurio. 25. ff. junct. l. precibus. 8. C. hoc tit. Guelin. lib. 2. de jur. noviss. cap. 5. Cyprian. cens. Belg. hic. Groenev. tract. de legib. abrog. cod.*

TITULUS DECIMUSSEPTIMUS. QUIBUS MODIS TESTAMENTA INFIRMANTUR.

Dig. Lib. 28. Tit. 3.

Ratio ordinis.

Exposita sunt ea omnia, quæ ad constitutionem testamenti necessaria diximus initio tractatus de testamentis ordinandis. Sunt autem hæc tria: ut persona testantis talis sit, quæ testamenti factionem habeat; ut testamentum fiat adhibitis solemnitatibus tum communibus, & externis, videlicet præsentibus septem testibus idoneis, &c. tum internis & quorundam testatorum propriis, scilicet ut pater testaturus liberos, quos in potestate habet, hæredes instituat, aut nominatim exhæredet. His rebus aut una earum deficientibus, testamentum ab initio nullum est, *l. 1. de injust. rupt. irr. fact. test.* Ubi autem hæc omnia concurrunt, habemus id, quod hæcenus quæritum est, justum sive jure factum testamentum, *l. 4. qui test. fac.* Quia verò non satis est ad deferendam ex testamento hæreditatem, id ab initio justum esse, nisi & tale ad extremum perfectum, rectè atque ordine Imperator facit, quod prius nobis proponat modos, quibus testamenta rite facta infirmantur, quàm progrediatur ad disputationem de acquirenda vel omittenda hæreditate.

T E X T U S.

Quibus modis Testamenta infirmantur.

Testamentum jure factum usque eo valet, donec rumpatur irritumve fiat.

N O T A.

Donec rumpatur irritumve fiat) Rumpi & irritum fieri privationem significant, & ideo propriè nonnisi de iis, quæ jure subsistunt, prædicantur, *l. 5. hoc tit. de injust. rupto, &c.* Privatio enim, ut in scholis dicitur, præsupponit habitum. Quæ verò testamenta non jure facta

sunt, injusta & nulla dicuntur, veluti ubi solemnitas desunt, aut filius in potestate præteritus est, *l. 1. l. 3. §. 4. l. 6. §. 1. cod.*

C O M M E N T A R I U S.

Donec rumpatur irritumve fiat) Ratio infirmandi testamenti non una est: nam & sententia judicis rescinditur, si querela instituta inofficiosum pronuntiatum fuerit, de quo *tit. seq.* & à prætore data bonorum possessione contra tabulas, *tit. de bon. poss. contr. tab.* & citra factum judicis aut prætoris infirmatur sola potestate juris: idque iterum duobus, iisque discretis modis, quorum altero rumpi dicitur, altero irritum fieri. De testamento rupto disputatur usque ad §. 4. inde de irritato, adjectis in calce aliquot declarationibus. Quia verò Justinianus rem totam non plenè explicat, nos operam dabimus, ut quicquid hujus rei est, penitus percipi possit ex nostra in singulis hujus *tit.* §§. explicatione. De bonorum possessione contra tabulas, quæ & ipsa jure prætorio testamentum rescinditur, demum dicemus in secunda specie acquisitionis per universitatem, *infra lib. 3. tit. 19.*

T E X T U S.

Quando testamentum dicatur rumpi.
Primum de adoptione.

1. Rumpitur autem testamentum, cum in eodem statu manente testatore ipse testamenti jure vitatur. Si quis enim post factum testamentum adoptaverit sibi filium per Imperatorem cum, qui est sui juris aut per prætorem, secundum nostram constitutionem, cum, qui in potestate parentis fuerit, testamentum ejus rumpitur quasi agnatus sui hæredis.

Com.

COMMENTARIUS.

Cum in eodem statu manente testatore) Toties rumpi testamentum dicitur, quoties evenitur manente testatore in eodem statu: cum verò statum mutat, id est capite minuitur, non rumpi, sed irritum fieri testamentum propriè dicitur, §. 4. *inf. cod.* Apparet igitur, in eodem statu hic dici oppositivè respectu ejus modi, quo testamentum infirmatur ob id, quod testator in eodem statu non manet: quare expungenda est à paraphrasi Theophili negatio, & pro *μὴ μεταστῆς*, legendum *μεταστῆς ἐν τῷ αὐτῷ καταστάσει* quomodo & in duobus regis codicibus legi testatur Fabrotus. Porro ut testatoris statu non mutato testamentum infirmetur, uno verbo ut rumpatur, bifariam contingit, agnatione sui hæredis, & mutatione voluntatis: ille modus hoc §. alter sequenti, uno uterque exemplo declaratur.

Adoptav. ris sibi filium per Imperatorem) Id est adrogaverit; est enim periphrasis adrogationis, quæ species adoptionis est, per quam interveniente Principis auctoritate cum in filium adsciscimus, qui sui juris est. Stante repub. populum auctorem fieri necesse erat, ut annotatum est, lib. 1. tit. de adop.

Secundum nostram constitutionem) L. pen. C. de adop. vide sup. §. 2. *cod.* qua disponit, ut si filius extraneæ personæ in adoptionem daretur, jura patris naturalis integra servarentur, si verò persona non extraneæ, puta avus, nepotem ex filia aut filio emancipato in adoptionem acciperet, solvi jus patris naturalis, & transire adoptatum in potestatem & familiam hujus patris adoptivi. Significat igitur, hoc casu per adoptionem testamentum rumpi, quasi agnatione sui hæredis, illo non item: cum olim distinctè quavis adoptione, sicuti adrogatione, rumpebatur; l. 8. de *injust. rupt. test.* Cæterum hi ita rumpunt, si præteriti sint: nam si qui hæres antea institutus erat, postea à testatore adrogetur, vel adoptetur, potest dici, ei satisfactum esse, l. si quis 18. *cod. t. l. filia* 23. §. 1. de lib. & posthum. Quid si ex hæredatus sit? Et Ulpianus Marcelli & Papiniani sententiam probat, ut exheredatio extraneo scripta ei postea adoptato non noceat, noceat autem filio emancipato, qui postea adrogatus sit, l. 8. §. si quis 7. & seq. *cont. tab. d. l. 23. in pr. de lib. & posth.* credo, quia in persona extranei exheredatio inepta & nulla est, de quo consule Vigl.

Quasi agnatione sui hæredis) L. verum 8. de Tom. I.

injust. rupt. multoque certius sui hæredis agnatione vera & naturali, cum scilicet post testamentum factum testatori filius ex uxore nascitur, l. 3. §. 1. de *injust. rupt.* Similiter si nepos, qui tempore testamenti facti suus hæres avo non erat, patre remoto, in locum sui hæredis vivo avo successerit, quasi agnascendo testamentum avi, quo præteritus est, rumpit, l. posthumorum 13. d. tit. quæ species forte hic ideo non repetuntur, quia alibi propositæ sunt, §. 1. & 2. *sup. de exher. lib.* Huc etiam pertinent liberi naturales suscepti ex concubina, & post factum testamentum legitimati, sive in sequenti matrimonio, sive currix oblatione, sive per rescriptum Principis. Nam cum hi etiam jura suorum hæredum consequantur, §. 2. *inf. de her. qua ab int. Nov. 89. c. 8. & 9.* necesse est, ut & ipsi à patre præteriti testamentum rumpant quasi agnatione.

TEXTUS.

De posteriori testamento.

2. *Posteriori quoque testamento, quod jure perfectum est, superius rumpitur: nec interest, existerit aliquis hæres ex eo, an non. Hoc enim solum spectatur, an aliquo casu existere potuerit. Ideoque si quis aut noluerit hæres esse, aut vivo testatore, aut post mortem ejus, antequam hereditatem adiret, decesserit, aut conditione, sub qua hæres institutus est, defectus sit; in his casibus paterfam. intestatus moritur. Nam & prius testamentum non valet ruptum à posteriore; & posterius aequè nullas vires habet, cum ex eo nemo hæres extiterit.*

NOTÆ.

2. *Superius rumpitur*) Etiam si nominatim non revocetur, l. 1. l. 2. *cod. l. 27. C. de testam.* Ea quippe voluntas rata esse debet, quæ novissima, l. 4. de *adim. leg.* sic etiam leges posteriores & pacta novissima derogant prioribus. Rumpitur quoque testamentum corruptis tabulis, puta deletis, incisis, cancellatis, &c. l. ult. b. t. l. 1. §. pen. l. pen. §. 2. *sec. tab.* *Aut conditione defectus*) Ecce tam solemne riteque per omnia factum testamentum habetur, quo hæres institutus est sub conditione, quam quo putè, §. 9. *sup. de her. inst.*

COMMENTARIUS.

1 *Vis & effectus incisionis testamenti, deletionis scriptura, cancellationis, &c.*

Ooo

In-

- 2 *Inciso, deleto, cancellato, &c. testamento, utrum hæreditas fisco applicetur, an deferatur hæreditibus legitimis?*
- 3 *An jura de incisione, induzione, &c. agentia accommodari debeant ad testamenta nuncupativa, de quibus instrumentum conficitur, ut nunc moris est?*
- 4 *Cur prius testamentum etiam tabulis manentibus integris semper rumpatur à posteriore?*
- 5 *Ad infruandum prius testamentum necesse non esse, ut id in posteriore nominatim revocetur.*
- 6 *Error Bachovii notatur & corrigitur.*
- 7 *Quid si prius testamentum contineat clausulam derogatoriam posterioris voluntatis?*
- 8 *Prius testamentum per posterius tolli, etiam si ex posteriore nemo hæres extiterit.*
- 9 *Quibus modis fiat, ut hæres deficiat, & testamentum desituetur?*

SECUNDUS modus, quo testamentum initio rite factum postea rumpitur, est mutatio voluntatis testatoris. Hic modus iterum duplex est; nam & corruptis tabulis ita rumpitur, & integris manentibus. Corruptis, si testator testamentum incidit, laceraverit, scripturam induxerit, deleverit, cancellaverit, signa amoverit, aut turbaverit, *tit. de his que in testam. delent. l. ult. de injuss. rupt. test. l. ad testium 22. §. 3. qui test. fac. l. 1. §. pen. l. pen. §. 2. de bon. poss. sec. tab. l. 12. l. pen. C. de testam. nisi forte non consulto, sed incaute quid horum fecerit, aut ignorante eo contingerit: nam tunc si legi adhuc quod scriptum est utcumque poterit, ratum manebit testamentum, l. 1. de his que in test. del. d. l. pen. C. de test. Planè inductio aut cancellatio non ultra operabitur, quam scriptura inducta aut cancellata est, l. 2. & 3. d. tit. de his que in test. del. Neque ex pluribus testamenti codicibus uno deleto aut inciso, testamentum sublatum esse intelligitur, nisi hi, qui ab intestato venire desiderant, probaverint, id ideo à patrefam. factum esse, ut intestatus moreretur, l. ult. cod. tit. His autem modis testamento rupto, hæreditas non applicabitur fisco, sed deferretur hæreditibus ab intestato, d. l. pen. C. de testam. l. 1. §. pen. unde liberi, l. ult. de his que in test. del. nisi speciali odio hæredum inductio facta probetur, quo in casu tamquam ab indignis hæreditatem fisco aufert, l. 3. d. tit. l. cum tabulis 16. §. 2. de his que ut indign. Clar. §. Testamentum, q. 93. num. 2. Mant. de con-jest. ult. vol. lib. 12. tit. 1. n. 31. Paul. Buf. ad l. 1. & seqq. de his que ut indign. Quæ de incisione aut cancellatione testamenti dicuntur, ea constat ad testamenta nuncupativa, qua ta-*

lia sunt, applicari non posse. Sed an his modis item rumpantur, quæ, uti hodie moris est, per nuncupationem quidem sunt, sed ita ut voluntas suprema jussu testatoris scripto comprehendatur à Notario in scheda, unde mox diligentius excusatur & in formam redigatur instrumenti, quæsum est. Julius Cærus d. loc. existimat, incisionem aut cancellationem instrumenti ad cassationem & annulationem talis testamenti non sufficere, si protocollo Notarii integrum reliquum sit, quod & Viglio placere videtur, in §. pen. hoc tit. cum ait, non minus talia testamenta ex verbis & voce substantiam capere, quam quæ scripta non sunt, & ideo disceptis scripturis nihilominus permanere: cujus auctoritatem Senatus hujus provincie in judicando aliquando secutus est, decif. Cur. Holl. 1. eandemque sententiam & Peckius probat lib. 1. de test. conjug. cap. 4. Sed videamus, an non & hæc testamenta in hoc, de quo quærimus, jure scriptorum censenda sint, cum Paul. Castrenf. in l. pen. C. de testam. n. 7. Vasq. lib. 1. de success. creat. requis. 8. n. 62. & requis. 17. n. 63. Grass. §. testamentum, quæst. 85. num. 2. Bachov. in Treutl. vol. 2. diffut. 10. thes. 7. Utique enim ex incisione aut deletionem certo colligitur, testatorum noluisse testamentum amplius valere: neque ratio patitur, ut destructio deleto instrumento, in quo tota vis probationis consistit, dicamus, testamentum nihilominus retineat suum retinere. Sciendum namque est, postquam ex voluntate testatoris quæ scheda continebantur, in instrumentum collata sunt, simul omnem illius vim in instrumentum collatam censeri: ac proinde, cessante jam officio schedulæ, totam vim depositionis à solo instrumento dependere, adeo ut mortuo testatore nihil amplius ad probationem ultimæ voluntatis desideretur, uti post Gloss. & Bart. in l. hæredes 21. de testam. plerique tradiderunt. Sighard. in l. hac consulisissimam 21. §. per nuncupationem, n. 1. C. cod. Mant. de conj. ult. vol. lib. 1. tit. 6. n. 6. Afflic. decif. 166. n. 2. Neque obstat huic sententia l. ult. de his que in testam. del. quoniam textus ille procedit, quando ex pluribus unius testamenti instrumentis æquè principalibus unum forte testator deleverit aut incidit, non omnia, uti species proponitur, & in terminis respondet Cast. ubi sup. Et si autem protocollo Notarii integrum reliquum sit, ex eo tamen voluntas ultima conservata intelligi non debet: quoniam protocollo nihil ad testatorem, sed Notarius ex officio illud conficere tenetur fidei & collationis gratia, & quia instrumentum amitti potest.

test. Cæterum priorem sententiam & Senatus Sabaudiz probavit. Ant. Fab. *C. suo de testam. decis. ult.* Integris tabulis manentibus testamentum rumpitur ob mutationem voluntatis, si testator aliud testamentum fecerit; qui modus proponitur hoc §. & hanc rationem habet, quod unumquodque testamentum plenam universi juris successionem continet; ac proinde quicumque testamentum facit, censetur de omnibus bonis disponere, ut non magis duo testamentum simul consistere possit, quam duo domini ejusdem rei in solidum constitui. Igitur cum ex pluribus testamentis unum tantum consistere possit, id valere debet ex voluntate ipsius defuncti, quod novissimè factum est, per vulgata. Non obstat, quod sententia judicis prima, non postrema, rata habetur. Non enim ut testantis voluntas ambulatoria est, ita & judicis: sed iudex simul ac sententiam dixit, officio suo functus est; & ideo iterum de eadem re pronuntiandi potestatem non habet, *l. iudex § 5. de re jud.* Planè ut priores tabulæ jure factæ tollantur, oportet sequentes quoque jure ordinatas & perfectas esse, de quo plenius *sub. §. pen. inf. cod.*

Superius rumpitur l. 1. l. 2. de injuss. rupt. test. & quidem ob hoc solum, quod aliud testamentum postea factum est, quod Justinianus significat, *l. sancimus 27. C. de testam.* cum ait, secundo testamentum perfecto, prius tolli ipso jure. Non est igitur necesse, ut posteriore testamentum mentio fiat prioris, nominatimve id revocetur, quod ipsius etiam rei natura satis demonstrat: ac proinde supervacua est notariorum clausula, quam posterioribus tabulis inferere solent, nimirum testatorem revocare, cassare, & annullare testamenta antea à se facta. His autem consequens est, & codicillos, si qui facti fuerint, per posterius testamentum everti, quamvis expressè revocati non sint: cum enim testamento facto codicilli jus ejus sequantur, eo infirmato, simul concidant necesse est, *l. 3. §. ult. l. ab intestat. 16. de jur. eod. l. 1. C. cod. tit. VINN.* Hujus juris elegans ratio reddi potest ex ipsa natura testamenti. Testamentum olim erat lex. Hinc condebatur in comitiis calatis: hinc utendum erat verbis directis & legislatoriis; *hæres esto, damnas esto, capito, finito, &c.* hinc ipsum vocabulum XII. tab. LEGARE, quasi *legem dicere* *mutaverunt*. Quemadmodum itaque lex posterior tollit priorem: *l. ult. ff. de const. princ.* consequens videbatur: ut & testamentum posterius sine nova revocatione rumperet prius. Et id principium, uti alia retinere veteres JCTi, quum jam obsolevisset ritus te-

standi in comitiis, & testamenta jam formam mancipationis per æs & libram induissent. HEIN. Quamobrem non rectè Bachovius scribit, generalem clausulam, qua revocatur omnis præcedens dispositio, supervacuum quidem esse, quod attinet ad infirmationem prioris testamenti: cum id hoc ipso, quod aliud conditum est, evertatur; non autem quoad codicillos antea factos, quippe qui alias cum testamento consisterent. Hoc enim falsum esse, & sublato priore testamento per consequentiam etiam codicillos corrui, etiam si nulla revocatio prioris voluntatis facta sit, ex locis modo allegatis perspicue patet. Planè si nullum testamentum, sed codicilli tantum antea facti proponantur, testamento postea facto, hujuscemodi clausula otiosa non erit, postquam placuit, codicillos, qui testamentum præcedunt, facto postea testamento vim suam non amittere, nisi appareat, testatorem à voluntate, quam in codicillis expresserat, recessisse, §. 1. *inf. de codicill.* Et fortassis hoc etiam sentit Bachovius. Sed quid si prius testamentum contineat clausulam derogatoriam posterioris voluntatis? Interpretes commun. 7 censent, prius testamentum habens talem clausulam per posterius quantumvis numeris omnibus absolutum non tolli; ac ne tunc quidem, quando posterius continet revocationem generalem præcedentium omnium dispositionum: sed omnino ad infirmationem primi testamenti derogatorii necessarium esse, ut illius specialis mentio & expressa revocatio fiat in secundo, per *l. si qui 22. de legat. 3. Gomez ad l. Tauri 3. num. 52. Covar. de test. p. 2. rubr. n. 5. Valq. de success. res. lib. 1. §. 1. num. 29. & seqq. Clar. d. §. testamentum, q. 99. Mantic. de conj. ult. vol. lib. 12. tit. 8. Peck. 1. de testam. conjug. c. 10. Grassi. §. testamentum, q. 86. & seq. Jac. Verwey art. test. cap. 13. Quæ sententia rationi juris parum convenire videtur, arg. *l. 6. §. 2. de jur. Cod. l. ult. in pr. de legat. 2. d. l. 22. de legat. 3. l. 4. de adim. legat. cum simil.* Notatur à Cujac. 14. obs. 7. Anton. Merend. lib. 4. contr. cap. 49. Ant. Faber eam numerat inter gravissimos errores, quos antiqui Glossatores invexerunt, *decis. 37. err. 7. & seqq. & dec. 58. err. 1. & dec. seq.* In foro tamen recepta ac præjudiciis supremorum tribunalium comprobata est, Guid. Pap. *quest. 127. Papon. lib. 2. tit. de testam. arrest. 4. & 5. Ant. Fab. Cod. suo tit. de test. defin. 9. & seq. Joan. à Sande lib. 4. tit. 1. defin. 10. Nec deest color, quo tegi possit Grot. 2. *manud. cap. 24. Nec interst, extiterit aliquis hæres ex eo, &c.*)**

Quæ sequuntur, continent ampliationem 8
Ooo 2
quam-

quamdam regulæ initio positæ, nimirum, prius testamentum tolli per posterius, non tantum cum ex posteriore hæres existerit, sed etiam eo destituto, l. 1. l. 16. de injust. rupt. test. l. 9. de lib. & postb. Quod hanc rationem habet, quod aditio hæreditatis ad substantiam aut perfectionem testamenti, quæ sola hic requiritur, non pertinet; nec prioris testamenti sublatio pendet ab eventu aliquo, aut casu contingente post mortem testatoris, sed illud statim vivo adhuc testatore, ipso jure per posterius rumpitur, ut proinde si posteriores tabulæ jure ordinatæ sint, ut ex iis hæreditas adiri poterit, etiamsi contingat, ex iis hæreditatem non adiri, priores tamen tabulæ utpote semel ruptæ non restituantur. Pari ratione, si posthumus priori testamento institutus, vel ex hæredatus sit, posteriore præteritus, & nato posthumo posterius rumpatur, nihilo magis restituetur prius: quod exemplum hic proferet Bachovius.

Si quis aut noluerit, &c.) Enumeratio modorum, quibus sit, ut hæres deficiat, & testamentum destituatur: Id fit in summa dupliciter, vel quia hæres scriptus non vult hæres esse, repudiatque hæreditatem: vel quia hæres esse non potest; quod contingit, si vel decesserit vivo adhuc testatore, aut post mortem ejus, antequam hæreditatem adiret, (neque enim hæreditas non adita ad instituti hæredes transmittitur, exceptis personis comprehensis, l. un. C. de his qui ant. ap. tab. l. un. §. in novissimo §. C. de cad. toll.) vel quia conditio, sub qua hæres institutus erat, defecit. Hinc autem apparet, prius testamentum non eo minus rumpi per posterius, quod in prioræ hæres purè, in posteriore sub conditione scriptus est, quamvis in uno eodemque testamento subiecta puræ institutioni conditio nihil operetur, l. si te 27. §. 1. de bar. inst. Etenim tam Solemne riteque per omnia factum habetur testamentum, quo hæres institutus est sub conditione, quam quo purè, §. bares 9. sup. de bar. inst. pendetque hoc totum à sola voluntate testatoris. Contractus verò puros per conditionales non resolvì, mirum non est, veluti si id, quod purè emi, rursus emam sub conditione: nam posteriore emptione ideo nihil agitur, quia jam mihi quæsitæ est actio ex emptione prioræ, l. 7. in pr. de resc. vendit.

His casibus paterfam. intestatus moritur) Id est, exitum intestati facit, res redit ad causam intestati: nemine enim hæreditatem adeunte vis omnis testamenti solvitur, adeo ut nihil inter sit, utrum aliquis testatus non sit, an hæ-

rede destituatur, l. si nempe 181. de reg. jur. Sed de hoc ex professo inf. tit. de bar. qua ab int. def. in pr.

TEXTUS.

De posteriore, in quo hæres certæ rei institutus.

3. Sed & si priore testamento jure perfecto posterius aequè jure feceris; etiam si ex certis rebus in eo hæredem institueris; superius testamentum sublatum esse, divi Severus & Antoninus Augusti interpretati sunt: cujus constitutionis verba & hic inferimus, quomodo aliud quoque præterea in ea constitutione expressum sit. Imperatores Severus & Antoninus Augusti Coccejo Campano. Testamentum secundo loco factum, licet in eo certarum rerum hæres scriptus sit, perinde jure valere, ac si rerum mentio facta non esset: sed & teneri hæredem scriptum, ut contentis rebus sibi datis, aut suppleta quarta ex lege Falcidia, hæreditatem restituat his, qui in prioræ testamento scripti fuerant, propter inserta fideicommissi verba, quibus ut valeret prius testamentum expressum est, dubitari non oportet. Et ruptum quidem testamentum hoc modo efficitur.

NOTÆ.

Ex certis rebus) Nam non minus restituitur hæres ex re certa, puta ex fundo, quam ex parte hæreditatis, l. 1. §. 4. l. 9. §. 13. l. 10. de bar. inst.

Ac si rerum mentio facta non esset) Rei enim mentio potestate juris detrahitur, ad. 11. quia contradictionem implicat, hæredem esse rei singularis. Itaque universa bona obtinebit, nisi cohæredem simpliciter aut ex parte scriptum acceperit: tunc enim legatarii loco est, l. 41. in fin. de vulg. & pup. l. 23. C. de bar. inst.

Ut valeret prius testamentum) Hæc classificata cum hoc efficere nequeat, ut prius testamentum in suo robore duret, & ita duo sint unus testatoris testamenta, si accepta est, quæ vim prioris testamenti in causam fideicommissi & codicillorum convertere testator voluerit, l. 18. de testam. milit.

COMMENTARIUS.

- 1 Appellatione quarta Falcidia veteres passim & quartam Senatûsconsulti intelligere.
- 2 Fideicommissa quandoque induci & sine verbis fideicommissorum propriis ex voluntate testatoris.

Destit-

3 *Doctrinam hujus §. ad testamenta militum non pertinere, uti nec superioris.*

E *Triamfi ex certis rebus*) Alia amplatio præcedentis doctrinæ ex Mæciano, l. si quis. 29. ad sen. Treb. descripta, qua docetur, testamentum prius rumpi per id, quod secundo loco factum est, etiam tunc, cum in posterioribus tabulis hæres ex certis rebus, aut una aliqua re singulari, veluti fundo, institutus est: idque efficitur certissima juris ratione. Nam non minus rectè instituitur hæres ex re certa, quàm simpliciter, aut ex parte hæreditatis; placetque hujusmodi institutionem valere perinde ac si rei mentio facta non esset, ut si quis solus ita institutus sit; is omnium bonorum hæreditatem consequatur, l. 1. §. 4. de her. inst. l. cohæredi. 41. in fin. de vulg. & pup. Cum igitur tale testamentum jure consistat, necesse est, ut si secundo testamento hæres certæ rei scriptus fuerit, prius rumpatur juxta regulam.

Ac si rerum mentio facta non esset) Si quis ex re certa hæres institutus sit, valet institutio, non ut ea re hæres fiat; (nam hæredem esse rei singularis contradictionem implicat, cum hæres sine universitate bonorum intelligi non possit:) sed ut rei mentione potestate juris detracta perinde habeatur, quasi simpliciter hæres scriptus esset; l. 1. §. si ex fundo. 4. l. 6. §. si duo. 13. l. 10. de her. inst. & proinde nisi cohæredem habeat, universam hæreditatem obtinebit, l. cohæredi. 41. in fine de vulg. & pup. Vide, quæ scripsimus sub, §. hæreditas. §. 5. & §. si plures. 8. supr. de her. inst.

Suppleta quarta ex lege Falcidia) Id est, ex Senatusconsulto Pegasiano, quo quartæ ex fideicommissis hæreditatis retentio aut suppletio, si minus relictum est, qui casus hic proponitur, permixta est: aut potius juxta mentem Justiniani, ex Senatusconsulto Trebelliano; postquam Pegasianum abolitum, & vis ejus omnis in Trebelliano translata est, §. sed quia. 7. inf. de fideicomm. bar. Familiare autem & perpetuum veteribus est, ut etiam eam quartam, quæ ex Senatusconsulto deducitur, quartam Falcidiæ appellent, uti videre est in l. ratione. 30. §. tamen. 7. l. Titia. 86. l. acceptis. 93. ad leg. Falc. l. mulier. 22. §. 2. l. deducta. 58. §. 3. ad sen. Treb. l. 2. in fin. de jur. cod. l. 10. C. ad l. Falc. cum simil. Quamobrem nescio quid sibi velit Pacius, in margine lectorem monens, ne quartam Falcidiæ hoc loco pro quarta Trebelliani positam somniet. Quin illa potius somniculosi hominis monitio est. In analysi sua cautior fuit. VINN. Ideo autem quarta hæc vocari ali-

quando videtur Falcidia, quia SCta sæpe legum nomine veniunt earum, ad quas facta sunt. SCtum autem Pegasianum videtur factum ad L. Falcidiam, & quartam quam illo à legatariis detracti concesserat, ad fideicommissa protulisse. Rectè Jac. Gothofredus ad l. Pap. Popp. c. 17. p. 332. Quæ SCta ad leges sequuntur, ea JCTi ipsi legibus tribuere solent. Exemplum est in l. 27. C. de nupt. ubi legi Juliae & Papia tribuitur; quod est ex SCtis Persiciano, Claudiano, & Calvisiano, ad illam legem factis, teste Ulpiano Fragm. tit. 16. §. 3. HEIN.

Quibus ut valeret prius testamentum) Propter hanc clausulam potissimum verba constitutionis Severi & Antonini jussu Justiniani hic inserta sunt. Certi juris est, posse testatorem ab eo, quem hæredem instituit, fideicommissum relinquere, eumque rogare, ut hæreditatem alteri restituat; proinde etsi quis in re certa institutus est, quia valet institutio, etiam fideicommissum hæreditatis utiliter ab eo relinquatur. Ut autem fideicommissum utiliter relictum intelligatur, non præcisè requirimus expressionem verborum, quæ fideicommissio propria sunt, ut, *peto, volo, rogo, fidei tue committo*: sed plerumque etiam si sine his verbis, admittitur ex sententia, & voluntate testatoris, l. ubi. 19. §. 1. ad sen. Trebell. Quod etiam accidit in proposito, cum testator posteriore testamento cavet, ut prius quoque testamentum valeat: defuncti enim hic verba fideicommissi, sed optima ratione ex eo, quod cautum est, colligitur. Voluit testator, cum secundum testamentum ordinaret, prius nihilominus valere. Id inutiliter hætenus cavetur, ut ad hæredes priore testamento scriptos directo hæreditas perveniat, ne duo sint testamenta ejusdem testatoris: sed ut manifesta voluntas defuncti, quod per jus licet, conservaretur, verba directæ istius clausulæ ad causam fideicommissi tracta sunt, & benignè sic accepta, quasi hæres posteriore testamento scriptus rogatus esset hæreditatem restituere his, qui scripti sunt in priore. Doctrina hujus & superioris §. ut hoc in transitu moneam, ad testamenta militum non pertinet. Nam militi licet plura testamenta facere, sive simul, sive separatim: nec prius per posterius rumpitur, si hoc animo miles fuerit, ut utrumque valeat. Quamobrem si in posteriore testamento expressè caverit, ut prius quoque valeat; per hoc efficitur, ut duo sint testamenta, & tam prior, quàm posterior voluntas valeat jure directæ institutionis. Sed si posteriore testamento verbis precariis usus fidei hæredis commiserit, ut priores tabulæ valerent; in causam

ſam fideicommiſſi & codicillorum vim prioris teſtamenti intelligitur converſiſſe, l. *quærebatur* 19. *deceſſans. mil.*

TEXTUS.

De teſtamento irrito ; & quibus modis ſit irritum ?

4. *Alio autem modo teſtamenta jure facta inſiſtantur, veluti cum is, qui fecit teſtamentum, capite diminutus ſit : quod quibus modis acci-dat, primo libero reſolvimus.*

COMMENTARIUS.

HAſtenus de primo modo inſiſtendi teſtamenti ipſo jure, quo ſcilicet inſiſtatur ſalvo ſtatu teſtatoris, & *rumpi* in ſpecie dicitur. Sequitur alter, quo inſiſtatur ſtatu teſtatoris mutato : qua mutatione ſuperveniente in uſu juris propriè dicitur *irritum fieri*, l. 6. §. *irritum*, §. l. 12. in fin. pr. de *injuſt. rupt. teſt.*

Capite diminutus) Nec intereſt, qualis capitis diminutio intervenierit : omnibus enim modis, capitis diminutionis ſtatus hominis mutatur, ſup. de *ca. dem. lib. 1.* & teſtamentum non eſt, niſi hominis liberi, civis Romani, & patriſam. quæ tria duobus temporibus in teſtatore requiruntur, teſtamenti facti & mortis, §. *non tamen*. 6. *inf. cod.* Si verò quid poſtea ſupervenerit, quod ſtatum & conditionem perſonæ teſtatoris non mutat, veluti ſi poſt teſtamentum factum in furorem incidere, aut bonis ei interdictum fuerit, aliud juris eſt, & teſtamentum ratum manet. De quo actum ſup. tit. quib. *non eſt perm. fac. teſt.* Et primum igitur irritum ſit teſtamentum capitis diminutione maxima, quia per eam teſtator in ſervitutem redigitur, d. l. 6. §. *irritum*. 5. Excipitur tamen quod factum eſt ab eo, qui ab hoſtibus captus eſt ante captivitatem: quippe quod juris poſſiminii aut legis Corneliæ commento ſuſtinetur, d. l. 6. pen. l. 12. qui *teſt. fac.* §. *ult. ſup. quib. non eſt perm. fac. teſt.* ubi latius hoc explicatur. Secundo capitis diminutione media : puta ſi teſtator in inſulam deportatus ſit: quoniam hoc modo à numero civium Romanorum tollitur, & ea omnia, quæ juris civilis ſunt, amittit, §. 1. *ſup. quib. mod. jus pat. pot. ſolv. l. ſunt. quidam*. 17. §. 1. de *pæn.* Quod autem Juſtiniſultus d. l. 6. §. *ejus*. 7. ait, teſtamentum ejus, qui deportatur, non ſtatim irritum fieri, ſed tunc demum, cum factum princeps comprobavit, id explicandum ex l. 2. §. 1. de *pæn.* l. 6. §. 1. de *interd. & releg.* atque ad præſidium

reſerendum eſt, qui juſ deportandi non habet: proconſul enim & præfectus urbi habent, d. l. 11. Poſtremo & minima capitis diminutione teſtatoris teſtamentum ejus irritum ſit, puta ſi ſe adrogandum dederit, l. *pen.* §. 2. de *hæ. poſſ. ſec. tab.* §. *non tamen*. 6. *inf. hoc tit.* quoniam filiuſam. nec facere teſtamentum, nec cum teſtamento decedere poteſt. An emancipatione filiifiſam. veterani teſtamentum de bonis caſtreſibus factum irritum fiat, quod negat Juſtiniſultus, d. l. 6. §. *ult.* alibi tractatum eſt, §. *denique*. 5. *ſup. de mil. teſt.* hoc hic caſus à teſtatore venit. Eſt & alius, qui venit ab hærede, quo & ipſo ſuperveniens teſtamentum irritum fieri dicitur, ſcilicet ſi ex teſtamento nemo hæres exiſtiterit: defectu enim hæredis etiam irritum dicitur fieri teſtamentum, l. 2. de *injuſt. rupt. irrit. fact. teſt.* l. *filium*. 29. de *bon. poſſ. conſ. tab. & in fragm. Ulp. tit. 23.* §. 3. & rectè quidem: nam ſi hæredis additione atque exiſtentia conſiſtitat omnis atque effectus teſtamenti. Cæterum ſæpius hoc caſu teſtamentum dicitur deſiſti, aut deſeri, §. *cum autem*. 7. & ſeqq. de *hæ. que ab int.* l. 9. §. *de lib. & poſt.* l. *ult. de cond. inſt.* Nonnunquam etiam diſtinguitur hic caſus à teſtamento irritato facto, reſtriſto ſcilicet irriti vocabulo ad ea teſtamenta, quæ inſiſtantur ſtatu teſtatoris mutato l. 1. in pr. de *ſuſt. & legit. hæ. infr. de hæ. que ab int. in p.* Nec videtur hic modus proprius eſſe hujus loci, in quo id ſolùm quæritur, an idoneum ſit teſtamentum ad deſerendam hæreditatem. Raro etiam hodie contingit, ut teſtamentum deſituatur, poſtquam Juſtinianus aliis etiam perſonis poteſtatem adeundi fecit, Nov. 1. ca. 1. de quo D. Grot. lib. 2. *manuduct. cap. 24. verſ. 200.* Voann. er. VINN. Accedit & alia ratio, quod ejus novum invenerit beneficium inventarii. l. *ult.* §. 4. C. de *jur. delib.* Quum enim inventarii rite conſecti ſit effectus ut hæres non teneatur ultra vires hæreditatis §. 11. *Inſt. de hæ. qual. & diſſer.* non temere quis repudiabit hæreditatem, ſine periculo à ſe adeundam. HEIN.

TEXTUS.

Cur dicatur irritum.

5. *Hoc autem caſu irrita fieri teſtamenta dicuntur, quum aliqui & que rumpuntur irrita ſiant, & ea, que ſtatim ab initio non jure ſunt, irrita ſint. Sed & ea, qua jure facta ſunt, & poſtea per capitis diminutionem irrita ſint, poſſumus nihilominus rupta dicere. Sed quia ſane communis*

modus erat, singulas causas singulis appellationibus distinguere; ideo quadam non jure facta ducuntur, quadam jure facta rumpi vel irrita fieri.

NOTÆ.

5. *Hoc casu irrita*) Etiam irritum fieri testamentum dicitur, si ex eo nemo hæres existeret: l. 1. hoc tit. l. 10. cont. tab. Ulp. d. loc.

COMMENTARIUS.

Non est novum in artibus & præsertim in hac nostra disciplina, ut verba, quæ vi sua generalia sunt, doctrinæ & distinctionis causa contrahantur ad significandum certam speciem, quo magis singulæ res singulis verbis ad certam speciem traductis intelligantur; ut hic ostenditur exemplo rupti & irriti facti testamenti. Sic adoptio, cognatio, pactio, contractus, actio, &c. nomina sunt, quæ per se generalem significationem habent; sæpe tamen his certa species ex instituto loquentis denotatur; quod tunc maximè fit, cum junguntur nominibus cognatæ significationis.

Et quæ rumpuntur, irrita fiunt) Rarissimè autem hæc à nostris confunduntur, quamquam tamen aliquando. Ita non attenta hac distinctione usuve speciali horum verborum, irritum testamentum fieri dicitur, cujus tabulæ incisæ aut inductæ sunt, l. 3. circa fin. l. ult. de his quæ in test. del. l. in fraudem. 15. §. 2. de test. mil. quo tamen casu testamentum propriè rumpi dicitur, si specialem verborum significationem spectamus.

Quæ ab initio non jure fiunt, irrita fiunt) Testamentum, quod ab initio non jure factum est, injustum nostri appellant, ut apparet ex inscriptione & l. 1. tit. de injust. rup. irriti facti test. Hoc rectè quidem & irritum dici potest, at ruptum nequaquam. Et notandum quoque quod ait, quæ ab initio non jure fiunt, irrita esse, non irrita fieri: nam irrita esse ea rectè dicimus, quæ numquam constiterunt; irrita fieri, ut & rumpi, ea demum, quæ cum antea constarent, eversa sunt. Privationem enim significant: privatio autem, ut in scholis loquuntur, præsupponit habitum. Allegatur à nostris in eam l. 5. de injust. rupi.

Singulas causas.) Unas et varias singula vitia, ut hæc appellantur juris auctores, l. 1. §. 3. de tab. exhib. l. 2. C. de edict. D. Hadr. toll. l. 11. C. de probat.

TEXTUS.

Quibus modis convalescit.

6. *Non tamen per omnia inutilia sunt ea testa-*

menta, quæ ab initio jure facta, per capitis diminutionem irrita facta sunt. Nam si septem testium signis signata sunt, potest scriptus hæres secundum tabulas testamenti bonorum possessionem agnoscere: si modo defunctus, & civis Romanus, & sua potestatis mortis tempore fuerit. Nam si ideo irritum fit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit, non potest scriptus hæres secundum tabulas bonorum possessionem petere.

NOTÆ.

6. *Irrita facta sunt*) Sed neque in causa testamenti rupti semper obstat vitium, quo minus ex eo bonorum possessio peti possit, veluti si posthumum præteritum vivo testatore decesserit, l. 12. de lib. & post. item si testator supremas tabulas incidit, ut priores supremas relinqueret, l. pen. §. 2. sec. tab. Sed & si filius præteritus ablineat, voluntas ex æquo & bono sustinetur, l. 17. hoc tit. Non idem est, si testamentum non consistat propter inhabilitatem personæ testatoris aut defectum solemnium, l. 1. §. 8. sec. tab. l. 12. C. de testam.

Et sua potestatis) In eo qui testamento facto se adrogandum dedit, non satis est ad obriendam ex eo bonorum possessionem, quod postea sui juris effectus decesserit, sed requiritur etiam nova aliqua voluntatis, à qua in alienam familiam transeundo recessisse videtur, confirmatio, d. l. pen. §. 2. sec. tab.

COMMENTARIUS.

1. *Notatur Triboniani negligentia.*
2. *Testamentum ruptum nativitate posthumi præteriti, eodem ante patrem mortuo, vires recipere.*
3. *Cancellatione, incisioneve posterioris testamenti restitui prius, cujus tabula integra manserint.*
4. *Testamentum irritum factum maxima & media capitis diminutione testatoris, eo restituto convalescere etiam absque nova voluntatis declaratione: seu si testator se adrogandum dederit, & postea, sui juris factus, decesserit.*

Hic locus declarationem continet §. quarti. Meretur autem Tribonianus duplici nomine hic reprehendi: primum quod quæ rupti & irriti facti testamenti communia sunt, ita tradit, quasi unius & nimirum irriti facti essent propria: deinde quia simpliciter scribit, testamenta per capitis diminutionem irrita facta

Et jure prætorio convalescere, si testator civis Rom. & sui juris d:cesserit; cum in quibudam tantum hoc solum sufficiat, in quibusdam nova præterea declaratione voluntatis opus sit, uti mox demonstrabitur.

Per capitis diminutionem irrita facta) Quæ testamenta ab initio propter inhabilitatem personæ testantis non consistunt, ea ex postfacto vires nullo jure capiunt, veluti si impubes, aut furiosus, aut filiusfam. testamentum fecerint, & deinde testamenti factionem habentes decesserint; hoc testamentum ne jure quidem prætorio subsistat, ut ex eo bonorum possessio secundum tabulas peti possit, l. 1. §. *exigit*. 8. *sec. tab.* Idemque est, si testamentum nullum sit ob defectum solemnium juris; puta quia pauciores quam septem testes adhibiti, aut ex septem adhibitis quidam non signaverint, l. 12. C. *de testam.* De testamento autem in quo filius, qui fuit in potestate, præteritus est, non convenit, an quemadmodum id jure civili nullius momenti, ita quoque omnino nullum sit & maneat jure prætorio. Sed verius est, tale testamentum jure prætorio omnino nullum non esse, scriptoque in eo hæredes, si præteritus se bonis paternis abstinuit, posse accipere bonorum possessionem secundum tabulas, arg. l. *posthumus*. 12. in *fin. pr. l. filio*. 17. *de injust. rupt.* l. *si duobus*. 12. §. 1. *cont. tab. l. 2. in pr. sec. tab.* quod prolixè contra communem defendimus *sub. tit. de exher. lib.* Hæc autem non sunt propria hujus loci: quippe in quo agitur de testamentis, quæ ab initio rectè facta deinde infirmata sunt; queriturque, an postea, sublata causa infirmationis, jure aliquo convalescant. Imperator quidem hoc in una tantum specie proponit, quando testamentum irritum factum est, si-ve infirmatum ob id, quod testator capite minutus sit; attamen ad aliam quoque speciem eadem questio pertinet, cum scilicet ruptum est, seu eversum, testatoris statu non mutato. Videamus ergo de rupto, & de eo prius: postea cognituri de altera specie, de qua hic agitur. Didicimus, testamentum rumpi duobus modis, agnatione sui hæredis, & mutatione voluntatis. Fingamus igitur, posthumum præteritum vivo patre decessisse; queritur; an testamentum ruptum nativitate posthumi, eo vita deinde ante patrem functo, vires recipiat? Et responsum est, si testamentum signatum fuerit, posse hæredem scriptum bonorum possessionem secundum tabulas accipere eo effectu, ut rem obtineat, licet scrupulositas juris refragetur, l. *posthumus*. 12. *de injust. rupt.* Unde intelligimus, jure quidem

civili testamentum non restitui, sed tamen prætorem ex bono & æquo voluntatem testatoris tueri. Additur in responso, hoc ipsum etiam confirmatum esse rescriptis Imperatorum: quæ confirmatio ideo fortassis accessit, quia postulat prætoris excedere videri poterat, quod ex testamento intrinsicè vixis defenderet hæredi scripto bonorum possessionem cum re contra eos, qui alioqui rem ab intestato auferrent. Planè si posthumus præteritus nascitur post mortem testatoris, licet illico decedat, testamentum non restituitur, nec omnino deum decessit patre jam mortuo: nam cum suus hæres sit patri, statim patri ipso jure hæres existit, & moriens hæreditatem sub jure questum transmittit ad quovis hæredes legitimus; ad cujusmodi speciem pertinet l. 1. C. *de post. her. test.* Cujac. ad l. 7. *de lib. & postb.* Fingamus rursus, testatorem testamentum, quod secundo loco fecerat, ac proinde quo prius ruptum erat, incidisse aut cancellasse; queritur, an restituitur prius, cujus tabulæ integræ manserunt? Papinianus respondit, si id hoc animo à testatore factum sit, ut priores tabulas supremas relinqueret; voluntatem quæ defecerat recenti judicio restituis, & posse secundum tabulas priores bonorum possessionem peti, l. *pen. §. 2. sec. tab. At inquis, an non sic testamentum circa nullam solemnitate nuda voluntate constituitur? Negat hoc Jurisconsultus d. loc. atque hanc objectionem sic removet, ut dicat, non queri hic de jure testamenti, sed de viribus exceptionis. Quo significat, recenti isto judicio & simplici voluntate testatoris non constitui novum testamentum; sed si scriptus priore testamento hæres agat & hæreditatem vindicet, eique objiciatur exceptio mutæ voluntatis, posse eum hanc exceptionem elidere replicatione voluntatis reversæ, si constet, testatorem hoc animo posteriori testamentum incidisse, ut prius iterum valere vellet. Unique enim hic animus ab hærede scripto omnino probandus est, per codicillos puta, aut alias litteras, quibus testator palam declaraverit, se velle priores tabulas valere, alioqui eum, tamquam quem utriusque voluntatis penituerit, intestatum potius decedere voluisse interpretabimur, d. l. *pen. §. 2.* Unum tamen adhuc obstat, quod prius testamentum dicitur rumpi ipso jure, l. *sanctimus*. 27. C. *de testam.* Quomodo ergo agi poterit ex eo, quod ipso jure ruptum est? Resp. quod ipso jure prius rumpi dicitur, id dici certo respectu, quoniam rumpitur hoc solo quod aliud factum est, etiam si testator prius non revocaverit. Et*

licet quatenus posterius testamentum consideratur ut adhuc consistens & validum, prius ita sublatum intelligatur, ut nihil in eo scriptum valeat, ne quicquam ipso jure agere, aut quid petere ex eo possit; non ideo tamen absurdum videri debet, quod posteriore inciso aut deleta ea mente, ut prius iterum valeat, prius quoque vires recipiat: quippe cujus tabulæ integræ relictæ sunt, & utique jam postremæ: nam quod jus extinctum reviviscere negatur, id non obtinet, cum à re, quæ, ut DD. nostri loquuntur, essentialiam suam formalem & materialem retinuit, removetur impedimentum. D. Menoch. *conf.* 176. lib. 2. Fachin. §. *cont.* 93. D. Talden. *comm. bic, cap.* §. Jo. Decker. 2. *diff.* 3. *num.* 30. Ac proinde putarem, testamentum hoc casu valere etiam jure civili. Jam tempus est, ut ad textum §. nostri accedamus, in quo tractat de convalescentia testamentorum, quæ per capitis diminutionem testatoris infirmata sunt, uno verbo irrita facta.

Si septem testium signis signata) Hoc enim solum, semper tamen in danda bonorum possessione juxta tabulas prætor speçat, an testamentum septem testium civium Romanorum signis signatum sit, l. *postumus* 12. in *pr. de injust. rupt.* Ulp. *tit.* 23. §. 3. & *tit.* 28. §. 5. Ita enim obsignatum esse oportet, ut jure prætorio valeat, seu eo jure, quo obsignatio introducta est, §. 2. *sup. de test. ord.*

Si modo civis Romanus & sua potestatis mortis tempore) Nihil amplius exigit ad petendam bonorum possessionem ex eo testamento, quod per capitis diminutionem irritum factum erat, quam ut testator mortis tempore civis Romanus & sui juris fuerit, ommissa eleganti distinctione, quam nobis suppeditat Papinianus l. *pen.* §. 2. *sec. tab.* Etenim interest, an ei, de cujus integri capitis postea mortui testamento queritur, maxima mediave, an minima contingerit capitis diminutio. Si maxima aut mediæ, verbi gratia si capite damnatus sit, & Princeps damnatum in integrum restituerit, quia nullum hic factum intervenit, ex quo colligi possit mutatio voluntatis testatoris, nihil causæ est, cur ad convalescentiam testamenti plus desideremus, quam ut testator pristinum statum receperit, l. 6. §. *pen. de injust. rupt.* Putarem etiam, testamentum damnati capitis indulgentia Principis postea restituti ita convalescere, ut non solum jure prætorio valeat, sed jure etiam civili propter comparationem horum testamentorum cum eorum testamentis, qui capiti ab hostibus postliminio redeunt, aut ibi decedunt, quorum

testamenta jure civili vires recipere beneficio postliminii aut confirmatione legis Cornelie constat, d. l. 6. §. *pen.* nisi quis putet, comparationem illam pertinere dumtaxat ad ipsam convalescentiam, non ad modum convalescendi. At verò si minima capitis diminutio intervenerit, puta si quis testamento facto se adrogandum dederit, non satis est ad restitutionem testamenti, obtinendamque ex eo bonorum possessionem quod postea sui juris effectus decesserit: sed præterea requiritur, ut recenti aliqua voluntate testamentum confirmatum sit. Et merito: quoniam qui se dat in adrogationem, non obscure à priori voluntate recedit, cum sciat, se una cum capite fortunas quoque suas in alienam familiam transferre, ut disputat Papin. d. l. *pen.* §. 2. *sec. tab.* ex quo hoc explicandum quoque, & supplementum est, quod simpliciter item Paulus scripsit, testamentum valere, l. 8. §. 3. *de jur. cod.* ita ferme & Bart. in d. l. 6. §. *pen.* Myns. & Schneid. *bic.* Connan. 9. *comm.* 7.

Et tempore mortis in adoptivi patris familia) Supple, aut in servitute, aut conditione peregrinantis. Omnino enim prætor exigit, ut is, cujus bonorum possessio datur, utroque tempore jus testamenti faciendi habuerit, & cum facit testamentum, & cum moritur: intermedium autem tempus non curat, l. 1. §. *exgit.* 8. *de bon. poss. sec. tab.* Ulp. in *fragm. tit.* 23. §. 5.

TEXTUS.

De nuda voluntate.

7. *Ex eo autem solo non potest infirmari testamentum, quod postea testator id noluerit valere: usque adeo, ut & si quis post factum prius testamentum, posterius facere cœperit, & aut mortalitate prævenisset, aut quia cum ejus rei ponitur, id non perfecisset, divi Pertinacis oratione cautum sit, ne alias tabula priores jure facta irrita fiant, nisi sequentes jure ordinata & perfecta fuerint: nam imperfectum testamentum sine dubio nullum est.*

NOTÆ.

7. *Id noluerit valere*) Nisi post lapsum decennii à condito testamento voluntatem revocaverit, ad minimum coram tribus testibus, l. 27. *C. de testam.*

Usque adeo) L. 2. *hoc tit.* l. 18. *de leg.* 3. l. 12. §. 2. *c. de testam.* Excipe imperfecta testamenta militum parentum inter liberos item nisi in posteriore testamento imperfecto scripti, qui ab intestato veniunt, d. l. 2. *hoc tit.* d. l. 2. §. 1. *cum auth. sequ.* & §. 2. *C. de testam.*

COMMENTARIUS.

- 1 *Nuda contraria voluntate testamentum rite factum non infirmari, quantumvis coram septem testibus declarata.*
- 2 *Redditur huius juris ratio.*
- 3 *As plus hic operetur revocatio causata, quam simplex?*
- 4 *Cur ne novi, quidem testamenti inceptio vim prioris corrumpendi habeat?*
- 5 *Temperantia superioris doctrina?*

Hic §. rectius in continenti subiectus fuisset §. secundo aut tertio, quorum continer declarationem. Docuit ibi Imp. prius testamentum rumpi per posterius, quod iure perfectum est. Unde etsi per se satis intelligitur, neque nudam revocantis voluntatem ad infirmationem testamenti sufficere, neque adeo prius rumpi, etiamsi secundum fieri coeptum sit, nec absolutum; latius tamen utrumque explicare voluit, & omnino latius adhuc à nobis explicandum est.

Quod testator id noluerit valere Si quem prioris voluntatis poeniteat, malique nunc interest decedere; parata ei est expeditissima ratio, tabulas incidat, deleat, cancellet, signa revellat, l. 1. §. pen. unde lib. maiorem enim vim facta habent, quàm verba, integrisq; tabulis relictis nuda contrariæ voluntatis declaratio testamentum solemniter factum non infirmat, l. militis 36. §. 3. de testam. mil. l. sancimus 27. C. de testam. In tantum, ut etiamsi testator coram septem testibus dixerit, nolle se testamentum, quod fecit, valere, nullo tamen magis illud infirmetur, ut ex recepta sententia tradunt Clar. §. testamentum, quest. 91. Grass. §. testamentum, quest. 84. num. 2. Jac. Vervcey. art. test. cap. 13. Angl. Vigl. Myns. Schneid. hic. Et rectè. Nam si ne tunc quidem testamentum antea factum infirmatur, cum id aliud faciendum testator processit, quod tantum non consummavit; quanto minus infirmabitur sola revocatione verbalis? utique enim factum accedens ad voluntatem potentius operari debet simplici voluntatis declaratione. Hoc ipsum quoque manifestè probat l. sancimus 27. C. de testam. ubi Justinianus sancit, ut demum post lapsum decennii, seu eum à condito testamento decem anni effluerint, revocatione voluntatis testamentum infirmetur. Neque hic mihi quis dixerit pertinere istam constitutionem ad eum casum, quo tribus tantum testibus revocatio munita est: nam ex hoc ipso quod Justinianus exigit, ut

non pauciores, quàm tres testes ad revocationem adhibeantur, ut valida sit ad infirmationem testamenti post fluxum decennii, satis intelligitur, non aliud eum esse voluisse, & forte plures testes intervenerint, sive quinque, sive septem: quo enim plures adhibentur, eo verius est non esse pauciores tribus adhibitis. Et sciendum est, Imperatorem illic abrogare constitutionem Honorii & Theodosii, quæ erat in l. 6. C. Theod. de testam. qua cautum erat, ut solo lapso decennii testamentum revocatum intelligeretur, hoc est, si testator post conditum testamentum integros decem annos supervivisset, quamvis nulla secuta esset contraria voluntas. Hoc enim Justinianus hactenus mutavit, ut noluerit ex solo lapso decennii testamentum evanescere, sed tunc, cum ad lapsum tanti temporis revocata accederet revocatio: quam etiam revocationem non paucioribus, quàm tribus testibus muniti voluit, cum alias ad probationem voluntatis, quæ testamentum non est, ordinarius testium numerus sufficiat. Quotquot igitur testes intervenerint, adhuc cursus decennii necessarius est ad subtrahendam verbalem testamenti solemnem revocationem. Quæritur autem huius juris ratio. Nam iniquum videtur, cum bona defuncti obtinere, quem ea habere voluit ac proinde etiam concedamus, ex summi juris ratione hæredes scriptos bona vindicare posse, cur tamen non dicimus, eos repelli posse exceptione finitæ defuncti voluntatis? Resp. Periculolum est, æquitatem prætexere contra expressam juris auctoritatem; quod haud dubiè hac ratione nititur, quod non videatur satis serio improbare voluntatem solemnem testamento comprehensam, qui nudè eam revocavit, tabulis testamenti integris servatis. Si enim testamentum omnino valere noluisse, poterat tabulas incidere, delere, poterat aliud testamentum condere: quòd cum non fecerit, præsumere licet, eum revocationis parumvisse; ut non sine ratione defendatur, maiorem oportere vim esse testamenti, quod integrum & in suo statu testator reliquit, quàm nuda illius declarationis contrariæ, fac. l. militis 36. §. 3. de test. mil. Ex quo loco simul discimus, ita jus esse, cum quæritur de institutione hæredum, legatariorum autem revocata voluntate exceptione doli mali removeri. De cuius loci sententia vid. Ant. Fab. dec. 19. err. 8. His ci constitutis, videamus, an non fallà sit opinio Bartoli in l. si iure 18. de legat. & DD. quos allegant & sequuntur Clarus §. testamentum. qu. 92. Vigl. Mynsig. Schneid. hic. qui interesse putant, qua formula testator in revocando

do testamento usus est, utrum simpliciter dixerit, *nolo testamentum à me factum valere*: an causam adjecerit & hæc verba, *quia volo decedere intestatus*. Nam etsi simplicem revocationem non sufficere fateatur, causam tamen valere volunt, modo facta sit coram septem testibus. Quo jure etiam nos uti refert Grot. lib. 2. introd. cap. 24. Verum nihil interesse, hæc an illa formula testator utatur, aperte evincit d. l. militis 36. §. 3. de test. mil. Et verò si hoc ipso quod quis testamentum revocat, tacite & per quamdam necessariam consequentiam intelligitur velle decedere intestatus, causæ illa adjectio (quippe quæ non impedit, quoniam aliud testamentum postea condatur) facere non potest, ut majorem vim revocatio habeat, quàm si causæ adjecta non esset. Et rectè Mantic. lib. 2. de conj. ult. vol. tit. 15. n. 19. ex Socino refert, distinctionem istam Bartoli capiosam esse vulgaribus testatoribus, qui causam nesciunt dicere, *quia intestatus decedere volo*, arbitranturque, id necessario ex hoc ipso sequi, quod testamentum revocant. Sed non debebat vir alias incomparabilis hoc argumento moveri, ut statueret cum eod. Socino, Bald. Salic. in d. l. fancimus 27. C. de testam. & aliis, quos allegat, ad revocandum testamentum sufficere quamlibet simplicem voluntatis contrariæ declarationem factam coram septem testibus; quam sententiam abundè jam confutavimus. Unicum supradictæ distinctionis firmamentum assertur i. l. §. pen. si tab. test. null. ext. ex verbis, *Vel quia alia ratione voluntatem testator mutavit, voluitque intestato decedere*. Sed nemo opinor, tam infans est, qui non videat, Jurisconsultum ibi loqui non de simplici mutatione voluntatis, sed quæ declarata sit factio aliquo simili illis, quæ antea expresserant, incisioni, aut cancellationi, puta si testamentum induxerit, laceraverit, resignaverit, &c. Habemus hujus sententiz defensores Ant. Fab. dec. 93. err. 6. Bachov. in Treutl. vol. 2. disp. 10. ibes. 7. Ant. Merend. 3. contr. 45. Planè ad infirmationem testamenti nuncupativi patrem sufficere simplicem voluntatis revocationem factam coram legitimo testium numero, arg. l. nihil 35. de reg. jur. cum Connan. 9. comm. 7. Wesemb. in hunc §. Groenew. de legib. abrog. hic:

Usque adeo) Amplificatio. Dixerat modo, nuda voluntate testamentum infirmari non posse, id nunc usque adeo verum esse pronuntiat, ut nec cum voluntate revocandi concurrens novi testamenti incipio vim corrumpendi prioris habeat: sed ita demum superius testamentum rite factum tollatur, si inferius

æquè jure perfectum fuerit. Hic verò itidem ut in casu præcedenti æquum esse videri potest, ut saltem hæredibus ab intestato detur exceptio adversus priore testamento scriptos hæredes, quos utique voluntate testatoris aliud testamentum facere aggressi mortuique antequam illud perficere, destitui constât, per l. pen. §. 2. sec. tab. Verum obstat hic quoque legum auctoritas, l. 2. l. 11. de injust. rupt. l. si jure 18. de legat. 3. l. hac consultissima 21. §. 3. C. de testam. & hic text. Qui quod in proposito nec voluntatem defuncti ab intestato venientes habent? Ponimus enim in secundo testamento, quod imperfectum est, scriptos esse extraneos. Quamobrem cum illis, quos postremo testator voluit, hæreditatem ex imperfecto testamento obtinere non possint, ne convellantur jura omnia, quæ de ordinandis testamentis tam diligenter constituta sunt, & quævis voluntas vim testamenti habeat, quos aliquando hæredibus ab intestato prætulit, eos etiam adhuc iisdem præferri voluisse existimandus est? atque in hunc eventum tabulas priores integras reliquit, ut si posteriores non consisterent, ex prioribus hæreditas adiri posset. Atque hoc est, quod scribit Pomponius, d. l. si jure 18. de legat. 3. credibile esse, testatorem ita demum à priore testamento velle recedi, si posterius valitum sit.

Mortalitate præventus) Hujusmodi testamentum imperfectum dicitur ratione voluntatis. Quippe duplex est imperfectio testamenti; una ratione solemnium, puta si pauciores quàm septem testes intervenerint, aut si testes non signaverint, subscripserintve, vel quid aliud, quod ad solemnitatem ordinationis pertinet, omisum sit: altera, ratione voluntatis, velut si cum plura ordinare testator vellet, morte interceptus fuerit, aut in ipso actu testandi furore correptus, l. si is qui 25. qui test. fac. l. 9. C. de test. Bald. in l. hac consultissima 21. §. 1. n. 1. 2. 3. C. de testam. Sighard. ibid. n. 2. Quo loco uterque etiam notat, testamentum, quod ratione voluntatis & dispositionis imperfectum est, nec inter liberos valere. Quod & Cujac. in d. l. 1. 25. notavit ex Accursio: estque communis hæc & recepta sententia. Vasq. lib. 3. de succ. creat. §. 2. num. 62.

Divi Prætoris oratione) Solebant olim Principes orationes in Senatu habere, aut scriptas ad Senatum mittere, in quarum sententiam Senatusconsulta concipiebatur; l. oratione 16. de rit. nupt. Tacit. lib. 11. Annal. c. 25. Oratio ne Principis secuto patrum consulto, primi Adui senatorum in urbe jus adepti sunt. Atque hæc Principum orationes etiam Senatusconsulta

nominantur, quandoque etiam leges. Sic oratio Divi Hadriani de petitione hereditatis, *l. si rem. 22. de her. pet. Senatusconsultum falsum appellatur, l. item venias. 20. §. præterea. 6. & multis seqq. eod. tit. Jul. Capitol. hanc ipsam orationem Pertinacis legem, mox etiam Senatusconsultum nominat in Pertinace, cap. 7. Legem sanè tulit, inquit, ut testamenta priora non prius essent irrita, quàm alia perfecta essent, neve ob hoc ffectus aliquando succederet. Et paulo post: Addiditque Senatusconsulto, &c.*

Jure ordinata & perfecta fuerint) Quæ legitimo modo sunt, legitime quoque solvi debent, *l. 35. de reg. jur.* Hac ratione utitur etiam Harm. *§. tit. 5. §. 17.* Ab hac tamen regula excipienda sunt ea testamenta, quæ quamvis imperfecta, jure tamen singulari valent, ut testamenta militum & parentum inter liberos. Testamentum factum jure militiæ inter imperfecta numeratur, *l. 2. de injust. rupt.* atque ideo etiam imperfectum quovis posteriore solvitur, *l. ejus. 34. §. 1. de test. mil.* & tamen per id, quod jure militari secundo loco factum est rumpitur præcedens perfectum, hoc est, factum jure communi, *d. l. 2. & d. l. 34. §. ult.* Sed nimirum hoc ex eo est, quod testamentum militis jure privilegio pro perfecto est, aut vim perfecti testamenti habet: quod autem rumpitur posteriore jure communi non rite factò, mirum videri non debet, quia etiam post missionis annum irritum constituitur. Testamentum imperfectum factum à parente inter liberos & ipsum non minus ex privilegio valet, quàm militis, *l. hac consultissima. 21. §. 1. C. de testam.* Quare si pater, qui testamentum prius jure fecerat, postea aliud fecerit inter liberos, quævis posterius hoc imperfectum fuerit, tamen rumpitur prius. Illud enim favore liberorum Justinianus constituit, ut tale testamentum non aliter rumpatur posteriore, quàm si posterius modis omnibus perfectum fuerit, & prius nominatim revocatum, *Nov. 117. auth. hoc. inter C. de testam.* Præterea si cum in priore testamento perfectò scripti essent extranei, in posteriore autem imperfectò instituti sint, qui ab intestato venire possunt, dummodo non minus quàm quinque testes intervenierint, placet, infirmato priore testamento, posteriorem hanc scripturam valere, non tamen tanquam testamentum, sed tanquam voluntatem ultimam intestati, *d. l. hac consultissima. 21. §. 3.* cujus voluntatis hic erit effectus, ut nulla quarta deducta ab hæredibus, priore testamento, quod infirmatum

est, scriptis, ad hæreditatem admittantur scripti posteriore, easque portiones per arbitrum familiæ erciscundæ singuli consequantur, quæ cuique adscriptæ sunt. Sed quid est, quod Jurisconsultus in *d. l. 2. de injust. rupt.* simpliciter scribit, prius testamentum per posterius imperfectum rumpi, si in eo scriptus est, qui ab intestato venire potest? Nimirum in posteriore imperfecto, in quo scripti, qui ab intestato rem habere possunt, omiſsa sit aliqua solemnitas, quæ tantum jure civili præcisè requiritur, non item jure prætorio, veluti si testes non subscripserint, si filius institutus aut exhæredatus non sit: nam etiam hac ratione testamentum imperfectum rectè dicitur. Atque ita appellatur in *l. 12. §. 1. cont. tab.* quoniam inter cætera, quæ testamentum jure civili perficiunt, etiam hæc requiruntur. Rumpi igitur eo casu testamentum prius dicimus, non jure civili, sed honorario, data secundum tabulas posteriores, quæ modo septem testium signis signatæ sunt, cum re & effectu bonorum possessione, *arg. d. l. 12. §. 1. cont. tab.* quem locum diligenter & accuratè hic interpretatus est D. Bachovius.

T E X T U S.

Si Princeps litis causa, vel in Testamento imperfecto institutus fuerit.

8. Eadem ratione expressit, non admissurum se hæreditatem ejus, qui litis causa Principem reliqueris hæredem: neque tabulas non legitime factas, in quibus ipse ob eam causam hæres institutus erat, probaturum, neque ex nuda voce hæredis nomen admissurum: neque ex nulla scriptura, cui juris auctoritas desit, aliquid adepturum. Sequendum hoc divi Severus & Antoninus sæpissime rescripserunt. Licet enim, inquirunt, legibus soluti sumus, attamen legibus vivimus.

N O T A.

8. Litis causa Principem, &c.) Capitol. ubi sup. hoc enim invidiosum est, *l. pri. de her. inst. Plin. Paneg. cap. 43. Non tu falsis, non tu iniquis tabulis advocaris.*

Ob eam causam) Quod tabulæ non essent legitime factæ, ut rectè Cujac. & Fabrot. quod non percepit Th. nec Accurs. nam Princeps nec legitime factus probat, in quibus ipse litis causa hæres scriptus est.

Legibus soluti) Princeps legibus civilibus solutus est, *l. 31. de legib. l. 3. C. de testam. Dio. lib. 53.*

Attamen legibus vivimus) Imp. l. 2. C. Tb. de cond. & proc. dom. Aug. Scribimus quidem leges, sed sequimur. Plin. Paneg. cap. 65. ipse te legibus subiecit. Vid. & l. 23. de leg. 3. l. 4. C. de legib. d. l. 3. C. de testam.

COMMENTARIUS.

1. An Principes Romani legibus soluti fuerint? & in univ. & quatenus sint Principes, qui absoluta jura majestatis habent?

EAdem oratione expressit) Ipseque, inquit de Pertinace loquens Capitolinus d. loc. cap. 7. professus est, nullius se adituum hereditatem, qua aut adulatione alicujus delata esset, aut lite perplexa, ut legitimi heredes & necessarii privarentur. Addiditque Senatuf-consulto hæc verba. Sanctius est, P. C. inopem remp. obtinere, quam ad divitiarum cumulum per discriminum atque dedecorum vestigia pervenire. Procul dubio hac oratione sanctissimus senex senatui declarare voluit, se longe alia ratione temp. temperaturum, quam antecessor ejus Commodus Princeps flagitiosissimus fecerat: quem credibile est exemplum secutum fuisse sui simillimi Imperatoris Domitiani de quo Sueton. cap. 12. sic scribit: *Consciscabantur alienissima hereditates, vel existente uno, qui diceret, audivisse se ex defuncto, cum viveret, heredem sibi esse Cæsarem.* Extat adversus hujusmodi improbarem edictum Honorii & Theodosii in l. nolumus. 20. C. de test. VINN. Meretur hujus juris historia paulo accuratius tractari. Primus Augustus flagitare solebat ab amicis hoc benevolentie testimonium, & eorum suprema judicia morosissima pensabat, neque dolore dissimulato, si parcius, aut citra honorem verborum, neque gaudio, si gratè pieque quis se prosequutus fuisset. Suet. Aug. cap. 66. Hinc idem Suetonius cap. 101. refert, viginti proximis ante obitum annis eum quatuordecies milies ex testamentis percepisse. Ne tamen captare videretur hereditates, aut parum honesta institutionis causa subesset: nec ab ignotis admittebat hereditates, nec à parentibus, sed eas cum incremento liberis restituebat. Suet. cap. 66. Idem fere exemplum sectatus Tiberius. Tacit. Annal. II. 48. Primus Caligula hereditates avidissimè captavit, testamenta, in quibus nulla sui mentio, rescidit, testatores paulo diutius superstites interemit, & testes, qui se Cæsarem heredem dictum, audivisse adleverarent, subornavit. Suet. cap. 38. Hinc imitati Nero, Tacit. lib. 16. Ann. cap. 43. Vitel-

lius, Suet. cap. 14. Domitianus, Suet. cap. 12. Trajanus exactè Augustum imitabatur, Plin. paneg. cap. 43. nec non Hadrian. Spartian. cap. 18. & Antoninus Prius, Jul. Capit. cap. 8. Postea quum Commodus malum denuo principem egerat, huic malo non tantum exemplo, sed & lege lata repugnavit Pertinax. Jul. Capitol. Pertin. cap. 7. Ad quam legem respicere videtur Alexander. l. 3. C. de test. Immo quum nec id sufficere refrænandæ principum aviditati: Theodosius M. l. 2. C. Tb. de test. & codicill. omnes hereditates planè respuit. Conf. Symmach. lib. 2. Epist. 13. idemque edicto monuit Theodosius junior, l. 5. C. Theod. eod. Rem omnem accuratissima diligentia exposuit V. illustris Nic. Hier. Gundlingius. Diff. de principe herede, cap. 4. HEIN. *Quin litis causa Principem*) Lex est, non debere cujusquam conditionem deteriorè fieri facto alieno, nec cuiquam obijci duriorem aut potentiorè adversarium, tot. titul. de alien. jud. mut. ca. & tit. C. ne lic. patent. Huic legi se submitit Imp. Pertinax, professus hoc amplius, se non admissurum hereditatem, quæ litis causa Principi delata esset, minus hic sibi permittere, quam cuiquam privato, l. 8. §. 3. de alien. jud. mut. ca. Quippe invidiosum esse existimavit, Principem litis causa, hoc est, in re controversa & perplexa heredem institui, quo alii, nomine principis tertiti jus suum indefensum relinquunt, ac nefas esse, calumniæ facultatem ex Principali majestate capere, l. pen. de her. inst. Paul. §. sent. 12. Plin. Panegyrr. cap. 43. Non tu falsis, nem tu iniquis tabulis advocaris.

Neque tabulas non legitime factas) Lex est, heredem justo testamento instituendum esse, neminemque posse ex tabulis non legitime factis hereditatem obtinere. Hanc legem etiam adversus se valere optimus Princeps voluit, atque in sua etiam persona tabulas non legitime factas improbat. Secundum quod sæpissime constitutum est, ex imperfecto testamento nec Imperatorem hereditatem vindicare posse, l. 3. C. de test. Ait, in quibus ipse, ob eam causam. Nempe quod tabulæ non essent legitime factæ, ut rectè Cujac. Quod non percepit Theoph. nec Accurs. nam Princeps nec legitime factas probat, in quibus Ipse litis causa scriptus est. Ait, neque ex nuda voce. Non quasi Princeps hæres nuncupari non possit, aut hæres esse iuris æquum dixeris, ut somniat Theoph. sed ex nuda voce, id est, ex nuda voluntate sine juris solemnibus.

Neque ex nulla scriptura, cui juris auctoritas desit) Clausula generalis, legata quoque & fidei-

deicommissa non legitimo testamento relicta complectens. Ex imperfecto testamento, ait Paulus *l. 23. de legat. 3.* legata vel fideicommissa Imperatorem vindicare inverecundum est. Huc etiam referendum, quod idem Paul. *4. sent. 5. & Ulp. l. 8. §. 2. de inoff. testam.* scribunt, testamentum, in quo Imperator hæres scriptus est, inofficiosum argui posse.

Licet legibus soluti simus (1) Principes Romanos legibus solutos esse, scribit Dio. *lib. 53.* atque id ipse sic interpretatur, ut dicat, eos liberos esse ab omni legum coactione, nec ulla scripta lege teneri. Apparetque ex eodem loco, quem admodum temporibus libertæ reipub. aliquando usurpatum, ut populus aut senatus civem aliquem ob heroicam indolem ac singularem virtutem una aliqua lege solveret, puta, ut ante ætatem legitimam magistratum gerere, aut intra tempora constituta eundem repetere liceret, sicut de Pompejo, Africano, Octavio, aliisque permultis factum legimus, ita Principem postea, cum civibus omnibus excellentior haberetur, legibus omnibus solutum fuisse, lege in eam rem semel expressè lata, quæ lex regia in *l. 1. de const. Princ.* lex imperii in *l. 1. C. de testam.* appellantur. Quod etiam significare arbitror Ulp. in *l. 1. Princips. 31. de legib.* Quamquam necesse non erat, hoc caput legi regis inferere: quando quidem ex hoc ipso quod alio capite ejusdem legis populus jura majestatis omnia abdicativè in Principem transtulit, *d. l. 1. de const. Princ.* necessario sequitur, Principem legibus non obligari. Etenim Princeps, qui absoluta jura majestatis habet, nihil supra se cernere potest, neque hominem neque legem, ut ait Alber. Gentilis in quæstionibus regiis. *Deus*, inquit Justinianus, *leges ipsas Principi subjicit, eumque legem animatam misit hominibus.* Nov. 105. c. 2. in fin. Jam verò qui supra leges est, cui leges subjectæ sunt, is necessario legibus est solutus, id est, legibus non tenetur; alioqui non illi leges, sed ille legibus subjicitur, & qui ipse lex est, in eum lex ferri non potest. Unde Plinius in *panegr. cap. 65.* *Leges*, inquit, *Principi nemo scripsit.* Neque cum hoc dicimus, intelligimus solum cum D. Thoma q. 96. art. 5. par. 1. quem multi sequuntur, Principem legibus solum esse quod vim coactivam, sed etiam quoad vim directivam. Quin ad hanc solam quæstio pertinet: cum si neget, secun-

dum vim dirigentem Principem legibus solutum esse, statuas, Principem legibus obstringi, tamquam quæ ipsi quoque latæ sint. Alia autem quæstio est de modo coercendi & puniendi non obediētes. Cæterum totum hoc pertinet ad leges civiles dumtaxat, non ad leges naturæ aut divinis, quibus cum omnes homines subjiciantur, quatenus homines sunt, omnino efficitur, aut Reges homines non esse, aut illos etiam his legibus teneri. Non pertinet etiam hoc axioma ad leges imperii fundamentales, maxime cum in eas quoque ipsi Principes regnum incuntes jurare soleant. De quibus legibus Bodinus *lib. 1. de repub. c. 8.* sic scribit: *Quantum ad leges imperii attinet, cum sint eum ipsa majestate conjuncta, Princeps nec eas abrogare, nec iis abrogare potest.* Cujusmodi inquit, *lex Salica regni hujus firmissimum fundamentum.*

Attamen legibus vivimus (2) Et si hoc jus Principis est, si digitoatam spectes & imperii potestatem, ut legibus omnibus civilibus sit solutus; tamen officium imperantis est, legibus vivere, iisque parendo suo exemplo præire illis, quibus solis latæ sunt. Quod significat Paulus *l. ex imperfecto. 20. de legat. 3.* his verbis: *Decet enim tanta majestati, eas ferre leges, quibus ipse solutus esse videtur.* Et *Imp. Alexander l. 3. C. de testam.* cum ait, *nihil tam proprium imperii esse, quam legibus vivere:* eodemque modo explicanda, *l. digno vox. 4. C. de legib. & illud Plinii in Panegr. ad Trajan. cap. 65.* *Legibus te subjecisti*, quas nemo Principi scripsit. Item illa, *Non esse Principem supra leges, sed leges supra Principem.* Nimirum Princeps imperio maximus, major est exemplo, ut ait Paternulus *lib. 11. cap. 126.* & Plin. *ibid. cap. 45.* *Vita Principis*, inquit, *perpetuus censor est: ad hanc dirigimus; nec tam imperio nobis opus est, quam exemplo.* Τις γὰρ ἂν ἐδάσσατο ἀκούων, ἰπὸν τῇ βασιλείᾳ καὶ δούλῳ: inquit Xenophon in laudib. Agesilai, *cap. 7. §. 2.* Claudians in *Panegr. v. 307.* de quarto consulatu Honorii, his verbis Principem hujus officii commendat: *In commune jubes si quid, censesque tenendum, Primus jussa subi: tunc observator equi Fit populus, nec ferre negat, cum viderit ipsum Auctorem parere sibi. Companionit orbis Regit ad exemplum: nec sic infestare sensus Humanos edicta valent, ut vita regenti.*

TITULUS DECIMUS OCTAVUS.
DE INOFFICIOSO TESTAMENTO

Dig. Lib. 5. Tit. 2. C. Lib. 3. Tit. 28.

*Continuatio, & argumentum tituli. Unde nomen inofficiosi: tum, quarum
de hac quaestione cognitio.*

EXplicatur hic altera ratio infirmandi testamenti, cum scilicet non ipso iure, sed per sententiam iudicis rescinditur, ex causa de inofficioso contra testamentum pronuntiantis: quod est illud adminiculum, quod superius dixi paulo post nobis manifestum fore, in calce tit. de exhered. lib. Locum hic late patet, quamquam concisus est Justinianus, ut patissim in hoc libello. Initio indicat ille causam introducendam de inofficioso querelæ, & quo colore proponatur: mox quibus ea competat, aut non competat, ostendit; sequuntur postremo nonnulla, quibus intervenientibus testamentum inofficiosum argui; atque ex ea causa rescindi non potest. Nobis, quibus propositum est rem totam planam facere, licebit in explicando esse prolixiores. Memini etiam, nonnulla me recepisse interpretantem, §. ult. d. tit. de exhered. lib. quæ in hoc tempus dilata, nunc exsolvenda sunt. De nomine inofficiosi hoc primum monendi sumus, quamvis omne testamentum inofficiosum recte dicatur, in quo testator contra officium, quod alteri debebat, fecit, quemadmodum scimus, hominem inofficiosum dici, qui officium prætermittit, aut contra officium, quod alter debet facit; & ideo si, verbi causa, testator, cognatis suis, aut personis de se bene merentibus, quibus ob id remunerationem debet, nihil in testamento suo reliquerit, huic etiam testamento appellatio ista conveniat: tamen per excellentiam ea demum testamenta inofficiosa dicta sunt, quibus officium in liberos, parentes, & fratres neglectum est, seu in quibus liberi, aut parentes, aut fratres, vel exheredatati sunt immerito, vel immerito præteriti. Quocirca his etiam solis potestas permessa de inofficioso querendi, postulandique, ut si officium violatum esse constituerit, testamentum rescindatur. Cognitionem huius questionis ad centumviros pertinuisse constat ex Cic. lib. 1. cap. 38. de orat. Val. Max. lib. 7. cap. 7. & 8. l. Titia. 13. l. qui repudiantis. 17. hoc t. ut & simplicis petitionis hereditatis, l. ult. in pr. C. de pet. her. quod tamen non usque adeo perpetuum fuit, quin partes aliquando,

negotio ita ferente, à prætore remissa fuerint ad iudicem pedaneum, ut liquet ex l. 8. §. pen. hoc tit. l. 3. §. si emancip. §. de bon. poss. cont. tab. VINN. Quæ hic de nomine inofficiosi monet Auctor, plenius poterant exponi. Dicitur hæc Actio QUERELA, quia propinqui non accusare & litigare, sed inter se conqueri dicebantur. Voss. Inst. Orat. lib. 1. cap. 6. §. 2. Inofficiosum autem opponitur officioso, quod vocabulum ita accurate exponit Seneca de Benef. lib. 3. c. 18. quod ut beneficia sint alicunorum; ita officia eorum, quos necessitudo susciat, & opem ferre jubeat. HEIN.

T E X T U S.

Ratio hujus querelæ.

Quia plerumque parentes sine causa liberos suos exheredant, vel omittunt, indultum est, ut de inofficioso testamento agere possint liberi, qui queruntur, aut iniquè se exheredatos, aut iniquè præteritos; hoc colore, quasi non sana mentis fuerint, cum testamentum ordinarent. Sed hoc dicitur, non quasi verè furiosus sit, sed rectè quidem testamentum fecerit, non autem ex officio pietatis. Nam si verè furiosus sit, nullum testamentum est.

N O T A E.

Sine causa) Ex iustis causis permessa exheredatio, l. 7. de bon. damn. quas causas ex arbitrariis certas fecit & nominatim ad 14. complexus est Justin. Nov. 115. cap. 3. voluit autem unam saltem ex his inferi testamento, eamque ab hærede probari; secus ac jure veteri, l. 5. 1. hoc tit. l. 28. C. cod.

Exheredant vel omittunt) Illud ad parentes omnes & propriè ad patrem pertinet, hoc ad matrem, cujus silentium pro exheredatione est, §. ult. sup. de ex. lib. & ita intellige l. 3. b. 1. d. Nov. 115. c. 3. Exheredatis igitur omnibus, à matre etiam præteritis hoc remedium necessarium. Ex privilegio autem est, quod de inoff. militis testamentum nemo queri potest, l. 8. §. 4. l. 27. 2. hoc tit. l. 6. l. 24. C. cod.

Quasi non sana mentis) L. 2. l. §. §. 1. cod. ac pro-

proinde quasi testamentum facere non potuerint l. 17. § 1. eod. Hoc colore seu titulo quæsitæ tegitur iniquitas exheredationis : & quidem ob hanc causam olim rescisso per querelam testamento nihil ex eo valebat, l. 8. §. pen. l. 28. eod. hodie autem quantum ad institutionis solummodo evectur : legata & cætera capita salva manent, Nov. 115. cap. 3. in fin. auth. ex causa. C. de lib. præ.

COMMENTARIUS.

- 1 Quibus liberis & quando querela necessaria?
- 2 Etiam ob causas non nominatim expressas, Nov. 115. c. 3. dummodo aquæ graves aut graviore, exheredationem restituerit.
- 3 Quamvis exhereditatio facta sit sine elogio, tamen testamentum adhuc ipso jure hodieque subsistere, atque ad id rescindendum opus esse querelæ, contra comin.
- 4 Præteritionem matris & avi materni etiam jure novissimo vim exheredationis habere.
- 5 Contrario obiter repulsa, addito jure patrio.
- 6 Utrum querela ipsa sit actio sive petitio, an remedium aliquod ab actione separatum?
- 7 An liberis à patre præteritis, legata, cætera capita, præter institutionem, beneficio novæ legis conferantur?
- 8 Cur querela inofficiosi colorem dementia veteres prætexerint : & num idem adhuc hodie?

Quia plerumque) Rectè monet D. Pacius in margine, particulam plerumque non afficere verbum exheredans, sed verbum sine causa; ut hic sit sensus; cum parentes liberos suos exheredant vel omittunt, id eos plerumque facere sine causa: puta falsos instimulatos, novercalibus delinimentis, instigationibusque corruptos, l. 3. & 4. hoc tit.

Sine causa liberos suos exheredans vel omittunt) Ait, sine causa, nam ex iustis & meritis causis exhereditatio semper permissa fuit, l. 7. de bon. damn. Ait, exheredans vel omittunt, illud ad parentes omnes & propriè ad patrem avumque paternum, hoc ad matrem & avum maternum pertinet: nec super acuo hic expressum, ut censet D. Vvesemb. etsi enim matris præteritio vim & effectum exheredationis habet; non est tamen revera exhereditatio. §. ult. sup. de exher. lib. In patre exhereditatio necessaria est, ut querelæ locus sit; si enim pater filium, quem in potestate habet, præterierit, testamentum ipso jure nullum est; si emancipatum, datur præterito bonorum possessio contra tabulas, sup. d. tit. in pr. & §. 3. & 5. Quin nec quævis exhereditatio querelæ locum

facit; sed ea demum, quæ rite facta est: quæ secus facta, id est, non nominatim, non purè, non à tota hæreditate, pro præteritione censetur, l. 8. §. non quævis. 2. de bon. poss. cont. tab. Matre autem sive præterunte live quovis modo exheredante, semper ad infirmum testamentum querela opus est, cum & jure civili firmum sit, nec à præterito infirmatur; quippe qui exheredatione, cujus vicem etiam præteritio matris obinet, notum non putavit ad contra tabulas bonorum possessionem admittendo, d. l. 8. in pr. cont. tab. d. §. ult. sup. de exher. lib. Et igitur exhereditatis omnibus, à matre etiam præteritis, hoc remedium necessarium est. Causæ exheredationis jure antiquo certæ legibus definitæ non erant, sed ab arbitrio pendebant judicium, quæ de inofficioso cognoscantur, quorum etiam merita exheredari pendere, l. 1. §. si emancipatus. §. cont. tab. Val. Max. lib. 7. c. 8. Justinianus ex arbitrariis eas certas fecit, & nominatim Nov. 115. c. 3. complexus est ad quatuordecim: cùmque antea etiam simplici exheredatione facta, permittum esset hæredi instituto allegare & docere ingratitudinem, id idem Imp. primum hætenus mutavit, ut non aliter liceret hæredi ingratitudinis questionem movere, quàm si testator expressè addidisset, & ideo filium exheredare, quia fuerit ingratus, l. omnimodo. 30. in pr. C. hoc tit. Postea ut hoc quidem satis ei visum, sed insuper voluit, testatorem iustam aliquam ingratitudinis causam, & saltem unam ex illis, quas ipse recenset, testamento exprimere, impositum quoque hæredi onere elogium probandi, cùm olim ita jus esset, ut nisi hæres ultro probationem suscepisset, causam aliquam certam allegando, (quo refert l. 22. & d. l. 30. C. eod.) ipsi liberi docere tenerentur, se morigeros atque obsequentes semper fuisse, l. 5. §. 1. eod. l. liberi. 28. C. eod. Hinc duplex exhereditatio 1. An nullas ob causas, quoniamvis pares aut majores, quam quæ d. Nov. 115. c. 3. expressæ sunt, exhereditatio permittenda? 2. Utrum si exhereditatio facta sit sine elogio, id est, sine causæ expressione, testamentum ex d. constitutione ipso jure nullum sit, an jure adhuc subsistat, atque ad illud rescindendum querela etiamnum sit opus? Primam questionem quod attinet, quamvis sententia Connani lib. 9. comm. 10. Viglii ad §. ult. sup. de exher. lib. aliorumque, qui eos sequuntur, negantium, ob alias causas, licet quæ graves aut graviore, exheredationem fieri posse, verbis d. Nov. convenire videatur, tamen mihi persuadere non possum, eam fuisse mentem

rem Justiniani, quam illi esse censent: & summa ratio suadet, ut contra sentiam. Etenim si, verbi gratia, manus parenti filius ipse non intulerit, secundum d. Nov. cap. 3. §. 1. sed inferre passus sit, cum facile prohibere posset; idemque finge de injuria, §. 2. Patrem ipse non accusaverit, juxta §. 3. sed accusacionem intruxerit, juerit pretio, consilio, probationibus. Infidatus ipse patri non sit, §. 4. insidias autem, cum posset, non detexerit. Falsum testimonium ipse non dixerit, sec. §. 8. at qui dicerent, subornarit. Quid si thorum fratris violare ausus sit? Quid si lenocinio palam questum faciat? &c. Quis hæc aut atrociora filium patrarent dignum neget, qui fulmine feriatur exheredationis? At, inquis, odiosa est exheredatio, ac proinde interpretatione non est adjuvanda, l. cum quidam. 19. de lib. & post. cap. odia. 15. de reg. jur. in 6. Immo contra vel magis odiosum patrem cogi, ut impio & indigno filio bona sua relinquat. Equidem concedo, ubi de hypothesi queritur, de scriptura testamenti, de facto exheredati, de voluntate exheredantis, cum similibus, exheredationem adjuvandam non esse: cæterum ubi veritas de legis vi atque interpretatione disputatur, hoc semper legibus inesse ex mente conditorum credi oportet, ut quia omnes casus, qui quandoque incidere possunt, comprehendere nequeunt, ad eas quoque res & causas pertineant, quæ quandoque similes erunt, l. 10. cum 3. seqq. l. ideo. 27. de legib. Neque hinc excipiuntur leges pœnales: nam & illæ utique leges sunt; & obvia passim responsa Jurisconsultorum, etiam leges publicorum judiciorum ad hunc, quem diximus modum, interpretantur, l. 11. de pœn. l. 13. de testib. l. 7. §. 2. de jurisf. l. 7. ad leg. Jul. maj. §. 3. Tuld. 2. jurisf. extemp. cap. 5. pag. 202. ubi distinguit, utrum par & eadem sit ratio, an similis tantum, l. 3. de leg. Pomp. l. 2. §. 28. & seqq. ad Tertull. junct. l. ult. §. ult. qui per. tut. l. 8. de sepulcr. viol. l. 1. de aleat. Dixeris; hoc admissio, Imperatorem non assequi scopum suum, sed causas adhuc incertas manere, nec quatuordecim tantum, sed infinitas esse. Respondeo, ex his constitutionis verbis, ut præter ipsas nulli liceat ex alia lege ingratitude causas opponere, nisi quæ in hujus constitutionis serie continentur, satis patet, quis Justiniano scopus propositus fuerit. Horum enim verborum non alius sensus, quam quod non liceat ex legibus antiquis causas opponere, quæ in d. constitutione non continentur. At tales causæ non sunt, quæ vel majores sunt, vel pares expressis, sed leviores

Tom. I.

dumtaxat, aut dispares: quippe cum de similibus semper ut de expressis habendum: facit huc c. 1. §. 2. vers. sed quia natura. l. 2. feud. tit. 24. quia fuit prim. ca. bon. amitt. Atque hæc sententia etiam communis est, usque apud omnes recepta DD. in auth. non licet. C. de lib. prat. Clar. §. testamentum. quest. 41. n. 2. Gomez. 1. ref. 11. Schneid. hic n. 15. Gudelin. lib. 2. de jur. noviss. cap. 8. Christin. vol. 4. dec. 19. n. 15. Grot. lib. 2. manud. cap. 18. ubi notat, in his regionibus illud quoque semper obtinuisse, ut filia minor 20. annis nubens citra consensum patris aut matris ab eodem patre aut matre ob hanc causam exheredari possit: convenit art. 25. cap. 2. statut. Zeland. In altera questione numero vincunt qui ad validitatem testamenti negant sufficere exheredationem simplicem seu factam sine causæ insertionem, & ad hoc omnino requirunt qualificatam: quod si verum est, nullus usus querelæ relinquatur in linea recta, præterquam unico illo casu, cum exheredationi aut præteritioni additum est elogium: quæ sententia fuit Joannis, relata à Glossa in l. 5. hoc tit. probata plerisque interpp. in auth. ex causa. C. de lib. prat. Clar. d. §. testam. quest. 40. Gomez. d. c. 11. Covar. inc. Raynurius. p. 11. n. 7. c. 16. Wesemb. par. hoc tit. n. 7. & novissimè latè defensa à D. Bachovio hic. Cæterum ut pluribus hæc sententia placeat, non desunt tamen, qui eam taxent, ut constitutioni Justiniani minimè consentaneam: & sane non immerito, meo quidem judicio. Nam qui diligenter eam constitutionem evolet, comperiet ex tenore, Imperatorem non agere de iis, quæ ad internam testamenti solemnitatem ritumque exheredationis pertinent, sed de causis, ob quas facta exhereditatio justè vel injustè facta intelligatur: at injustitia exheredationis non vitiat testamentum ipso jure. Et vide quæso, quæ isti sententiæ sint consequentia. Efficitur ex ea, ut testamentum nullum sit, etiamsi præteriti sint liberi emancipati; etiamsi præteriti sint liberi sine elogio, qui numquam in potestate fuerunt, ut posthumi exheredati natiuitate rumpatur testamentum, & infantium atque adeo impuberum fere omnium exhereditatio nullius momenti sit: denique ut tantum non liberi matribus, parentes liberis sui hæredes fiant. Atque ita deletur bonorum possessio contra tabulas: deletur §. in emancipato. 3. item §. sed hæc quidem. §. 5. & §. ult. sup. de exher. lib. deletur maxima ex patre tit. Pand. C. & Instit. de inoff. test. item l. ult. C. de lib. prat. Quis verò credat, tot capita juris veteris à Justiniano tacitè abrogata, qui

Qq9

num-

numquam solet quicquam ex jure veteri mutare, nisi cum expressa mentione ejus juris, quod abrogare constituit, & commendatione novi? Refragantur enim verba *d. constitutio- nis. c. 3. citra fin. & cap. 4.* ubi cum jussisset Imperator, si exheredatio aut præteritio facta esset cum elogio, idque elogium probassent hæredes, firmum manere testamentum, sive, ut est in authentico, *ἡ τὰ ἰδία ἰχθὺς διαμύσσει, τὰ ἰδία ἰχθὺς ἰχθὺς*, subjicit, si hoc observatum non fuerit, testamentum irritum reddi atque everti: utitur enim verbis *ἀλλοτρίοις & ἀντιστρέφουσιν*, quæ de iis tantum prædicari constat, quæ ab initio constituerunt; & quod notandum, everti non in totum, sed quoad institutionem dumtaxat, cætera capita firma manere. Ergo in totum ab initio subsistit. At quo remedio evertetur? Non alio haud dubiè, quàm querela inofficiosi, quæ una exheredatis supererat. Arguit hoc accurata illa causarum ingratitudinis, de quibus in querelæ judicio agitur, definitio, quæ causam novæ constitutioni dedit. Ad hæc si dicimus, liberis omnibus sine eloquio exheredatis aut præteritis, testamentum potestate d. constitutionis nullum esse, non liberis tantum consulimus, sed extraneis etiam defuncti legitimis hæredibus: quippe apud quos tum, liberis aut repudiantibus, aut ante parentem, aut priusquam hæreditatem adierint, mortuis, hæreditas defuncti ab intestato perventura sit, exclusis scriptis hæredibus, qui alioqui ex testamento iisdem rebus intervenientibus venturi essent. Justinianus autem liberis dumtaxat prospicere voluit, ne his noceret exheredatio, non consulere aliis contra scriptos testamento hæredes. Postremo, ut ex dictis liquet, non fuit ei propositum tollere inofficiosæ querelam, sed prouorem atque expeditiorem ei viam facere: utique potissimum rei asserre remedium, ne scilicet liberi exheredati aut præteriti ob difficultatem probandi semper officiosos fuisse, parentum hæreditate exciderent. Cum ergo duplicem effectum exheredatio jure veteri habeat: unum hunc, ut absolvat internam testamenti paterni solemnitatem, ut nullum sit ob præteritionem, ad quod sufficit ritè factam esse, etiam si injusta sit: alterum ut exheredatam submoveat ab hæreditate, ad quod insuper exigitur, ut facta sit iustis de causis: posterioriorem effectum tantum Justinianus restringere voluit, priori in suo statu relicto. Sive igitur nulla causa à testatore expressa sit, sive aliqua, quæ tamen non sit ex iis, quæ *d. Nov. 115. c. 3.* continentur, aut ex iis quidem, sed in cujus probatione hæres deficiat, utili-

ter & cum effectu exheredatus de inofficioso hodieque ager, & postulat, ut testamentum rescindatur, resque redigatur ad causam intestati. Idemque erit, si liberi præteriti sint ab iis scilicet parentibus, quorum præteritio pro exheredatione est, ut matris & avi maternæ licet causa adjecta non sit: & falsum est, quod plerique pro vero nobis obtrudunt, præteritionem maternam pro exheredatione amplius non haberi, sed ex hac causa æquè nullum esse testamentum, ac si pater præterisset, nisi præteritioni addita sit causa ingratitudinis: necessitatem quodammodo exheredandi confirmationem juris illic introducentes, ubi non est suitas, *l. 11. de lib. & post. l. 4. §. 2. cont. tab.* Ita, concludimus cum Fulgosi & Donati *d. auth. ex causa.* Vigl. ad rubr. hic. Duar. *c. 1. ad hunc tit.* Cujac. ad Nov. 18. Fachin. *4. cont. 6. Valsq. lib. 2. de succ. creat. §. 20. n. 162. & segq.* Perez. ad Cod. de lib. prat. n. 13. Gaudel. *lib. 2. de jur. nov. c. 4.* Atque ita in utraque Curia Hollandiæ judicatum refert Neoslad. *dec. sup. sen. 99.* contra quam Curia Frisæ apud Sand. *lib. 4. tit. 2. def. 2.* Argumentis, quæ pro contraria sententia afferuntur, ex his, quæ dicta sunt, nullo negotio occurrere potest: & sunt pleraque ex eorum genere, quæ Græci *ἀντιστρέφουσιν* vocant, id est, quæ in ipsos auctores retorqueri possunt. Potissimum minimi pretii sunt, quæ illi putant esse maximi, quale est, quod sexto loco adducit Bachovius, frustraneam ajens esse eam actionem: in qua auctor non potest succumbere, &c. Ergo frustra est, quod posthumis aut infamibus exheredatis, *§. 2. inf. l. si quis 31. §. 1. C. de tit.* item ex constitutione Justiniani *l. omnimodo. 30. C. eod.* liberis omnibus exheredatis, non addito, quia ingrati fuerunt, actio de inofficioso datur: quoniam numquam non possunt vincere? Considerare debuerant, non frustra esse, quod leges testamentum consistere volunt, ut saltem iis casibus, quos modo commemoravi, incidentibus, voluntas defuncti exitum habeat. Ejusdem ponderis est argumentum, quod Bachovius producit vice corollarii, nempe legitimam relinquendam esse liberis titulo institutionis. Ne sit relicta isto titulo, an propterea sequitur testamentum ipso jure nullum esse? Sed de eo plura inferius. In hisce regionibus passim necessitatem exheredandorum liberorum, si hæredes non instituantur, non agnoscimus: utpote quæ suorum tantum hæredum propria est, quales hæredes nos non habemus, sed præterito non matris tantum, verum etiam patris pro exheredatione habetur, exemplo militarium testamentorum,

rūm, §. *sed si*. 6. *sup. de exb. lib.* Intelligo, ut ipso jure valeat testamentum, non quia tanquam inofficiosum rescindi possit, & res ad causam intestati pronuntiatione judicis redigi. Nam querelam inofficiosi modis omnibus etiam nos retinemus, si iniquè & contra officium pietatis exhæredatio facta proponatur, vide Gudelin. l. 2. *de jur. noviss. cap. 5.* Grot. l. 2. *manud. ad jurispr. Bat.* c. 18. Christin. vol. 4. dec. 20. n. 8. Groen. de ll. abrog. hic.

Inductum est) Verbum inducere plurimum refertur ad jus non scriptum, aut ad id jus, quod ex interpretatione prudentum profluxit, l. 2. §. 5. *de orig. jur. l. de quibus 32. de legib. l. Gallus 29. de lib. & post. l. 2. de vulg. & pup.* Unde existimare licet, querelam inofficiosi testamenti non lege aliqua scripta introductam esse, sed moribus, aut, quod probabilius est, interpretatione consultorum. D. Cujacius lib. 2. *obs.* 21. ex lege Glicia eam deducit: sed hoc ideo probabile non est, quoniam nullis certis personis nominatim potestas experiundi hoc judicio concessa fuit, l. 1. *hoc tit.* à lege autem si foret, certæ personæ expressæ essent, quibus hæc actio competeret. Ad hæc si lex aliqua de hoc judicio lata esset, nihil opus fuerat, colorem aliunde querere, cujus præteru testamentum quasi ab homine non sanæ mentis factum everteretur: quippe quod tunc vigore, & auctoritate solius legis rescindi oportuerat. Color autem iste dubium non est quin inventus atque excogitatus sit ab iis, à quibus alia id genus commenta & fictiones omnes manarunt, hoc est, à Jurisconsultis. Denique si lege aliqua hoc judicium constitutum esset: procul dubio mentionem illius legis fecisset Valer. Max. lib. 7. *cap. 7.* VINN. Adde, quæ eam in rem disputavimus in *Antiq. Rom. lib. 2. b. 1. §. 5. p. 560. edit. nov.* Nam in priore sequuti eramus sententiam Summi Cujacii. HEIN.

Ut de inofficioso agere possint) Pro eodem Jurisconsulti dicunt, agere, queri de inofficioso, arguere, accusare, dicere inofficiosum; quæ legentibus passim in tit. hujus argumenti occurrunt, ut & nomina querelæ, actionis, accusationis: nullo ramen nomine frequentius hoc judicium designatur, quàm querelæ. Estne ergo querela & ipsa actio, an remedium aliquod ab actione separatum, sive imploratio tantum officii judicis nobilis, ut loquuntur, eo pertinens, ut testamentum rescindatur, quo rescisso demum agi & hæreditas peti possit? Non, quod dubitemus affirmare, quot tot locis manifestè traditum est, querelam ipsam actionem & petitionem, per-

que eam sic impugnari testamentum, ut simul vindicaretur hæreditas. Qui dicit inofficiosum, cum Papinianus ait hæreditatem petere, l. 8. §. *quoniam* 8. *hoc tit.* Scævola petitionem hæreditatis exercere, l. qui de 20. *eod.* Paulus l. cum qui 22. §. *ult. eod.* ait, per querelam inofficiosi evinci hæreditatem. Ulpianus vindicari facultates, l. si instituta 27. §. 3. *eod.* Triphonius l. pen. *in fin. cont. tab.* filium exhæredatum ex causa querelæ inofficioso movendæ admitti ad petitionem hæreditatis. Justinianus, hæreditatis petitionem ex nomine de inofficioso constitui, l. si quis 34. *C. eod.* Unde quod est, quod is, qui querelam moturus est, agnoscere debet bonorum possessionem litis ordinandæ gratia, l. 6. §. *ult. l. 7. l. 8. in pr. eod. l. 2. C. eod.* Hoc enim non alio pertinet, quàm ut is, qui ex causa inofficiosi hæreditatem petit, hæres esse videatur: quamquam in suis hæc possessio non est necessaria, d. l. 7. uti nec aditio, l. 24. *de suis & legit. de quo consule Vigl. in rubr. & §. 2. hoc tit.* Duar. *cap. 8. ad hunc tit.* Govean. 1. *var. lect. c. 5. Valsq. lib. 3. de succ. resol. ad l. 2. C. eod.* Vaud. 2. *quest. 24. Don. 19. com. cap. 3.* Interpretes comm. & cum his Sichard. *in rubr. C. hoc tit. num. 3.* existimant, querelam esse judicium præparatorium, quo aditus patefiat ad judicium universale seu petitionem hæreditatis, sicut actio ad exhibendum præparatoria est rei vindicationis: atque ita duo hic esse judicia, quorum alterum, scilicet querela, præcedebat, alterum, petitio hæreditatis, sequatur: quod falsum est? Nam ipse titulus inofficiosi causa est, ex qua vindicatur hæreditas, l. 3. *C. de pet. her.* neque duo hic judicia sunt, sed unum, quo & testamentum impugnatur, & simul petitur hæreditas; sicut per actionem usucapionis rescissoriam & usucapio rescindi petitur, & simul res vindicatur: de quo sub §. *inf. de actionib.* Planè et si querela quoque petitio hæreditatis est, in multis tamen differt à petitione hæreditatis simplici, de qua post tit. *de inoff. test. in Pand. & C.* generalis titulus datur, quæ hic congerere nimis longum foret. Duo solùm argumenta refellam, quibus effici videtur, querelam inofficiosi hæreditatis petitionem non esse. Primum tale est. Petitio hæreditatis datur solùm adversus eum, qui cum hæres non sit, pro hærede prove possessore possidet, nunquam adversus hæredem, eumve, qui pro hærede sit, bonorum scilicet possessionem aut fideicommissarium, l. 9. *cum seqq. de her.* At querela datur adversus hæredem scriptum contra fideicommissarium, l. 1. *C. hoc tit. contra præteritum*, qui

accipit bonorum possessionem contra tabb. l. pen. const. tab. Respondeo, scriptum testamento inofficioso hæredem non esse, utique cum eo agi, tamquam qui hæres non sit, utpote scriptus ab eo, qui testamenti factionem non habuisse iudicatur, l. qui repudiantis 17. §. 1. hoc tit. & proinde cum teneri, qui pro hærede aut pro possessore possideret, ut diserte rescriptum est de eo, cui ex testamento inofficioso restituta est hæreditas, l. 1. C. eod. Alterum est huiusmodi. Omnis petitio hæreditatis aut ex testamento sit oportet, aut ab intestato, l. 2. §. 3. de her. per. querela autem inofficiosi ex neutra causa est: non ex testamento, quia datur iis, qui testamento exclusi sunt: non ab intestato, quia quamdiu testamentum extat, causæ intestati non est locus, l. quamdiu 39. de acq. her. Sed patet ex responsione ad objectionem præcedentem, querelam inofficiosi esse petitionem quamdam hæreditatis ab intestato, quia prætitur color dementiæ testatoris; uti & revera si iudex contra testamentum pronuntiaverit, res ad causam intestati redit, retroque versus perinde omnia habentur, ac si hæreditas numquam adita fuisset, l. 6. §. 1. l. cum qui 21. §. 2. hoc tit. Stet igitur hæc sententia, querelam etiam ipsam esse actionem, & nimirum speciem quamdam petitionis hæreditatis, qua vindicatur hæreditas tamquam ab intestato deleta ex causa inofficiosi testamenti; cum qua sententia fere vi ipsa convenit, quod Jo. Fab. & alii hic notant, posse querelam cum petitione hæreditatis cumulari. Obiter addo, & per modum contradictionis seu exceptionis querelam induci posse, veluti si exhæredatus sit in possessione hæreditatis, & hæres scriptus hæreditatem petat, l. 8. §. si filius 13. eod. adeoque liberum etiam esse exhæredato, simpliciter petitione hæreditatis experiri, deque titulo excipienti reponere, se queri de inofficioso, atque ita querelam inducere per modum explicationis. Paul. 4. sent. §.

Aut inique se exhæredatos, aut inique præteritos) Rursus hæc duo conjungit, exhæredare & præterire, ut paulo ante & Marcell. l. 3. eod. nimirum quia non exhæredatis solum, sed etiam præteritis de inofficioso agere licet; præteritis scilicet ab iis parentibus, quorum præteritio vim exhæredationis habet. Et igitur horum alterum, *exhæredatos*, nemo est, qui non videar ad patrem referri, alterum, *præteritos*, ad matrem & avum maternum. Quod ideo iterum hic moneo, ut appareat, nullam esse causam, cur interpp. vulgo ex eo, quo auth. *ex causa*, C. de lib. præ. generaliter &

indefinitè ab Irnerio concepta est hoc modo, *Ex causa exhæredationis vel præteritionis irritum est testamentum, quantum ad institutionem; cetera namque firma manent*, collegerint, id jus ad præteritionem quoque paternam pertinere, ut quamvis tale testamentum ab initio nullum sit, etiam jure novo, ramen hoc jure duntaxat nullum esse quoad institutionem, et quoad cetera capita, puta legata, libertas, dationem tutorum: atque hæc tenus etiam in proposito jus vetus mutatum, l. 1. l. filio 17. de injust. rupt. cum finilib. Etenim animadvertere debebant, Justinianum in Nov. 115. c. 1. unde dicta aurb. sumpta est, non aliter loqui, quam hoc ipso loco. Sancit enim, non licere patri vel matri liberos suos exhæredes facere aut præterire, nisi forsitan probabuntur ingrati, &c. quæ prædicata propriis subiecta attribuenda sunt, ut exhæredes facere non liceat patri, matri non liceat præterire; quemadmodum hoc loco alterum propriè ad patrem, alterum ad matrem referri constar. Liqueat hoc ex eo, quod d. Nov. c. 5. apertè profertur, hoc solum sibi propositum esse, ut injuriam exhæredationis & præteritionis à liberis avertat. Jam verò injuria ea propriè est, quæ vel exhæredatione vel ea præteritione insignitur, quæ vim exhæredationis habet, l. 8. in p. h. tit. l. 4. vers. quod si fuisset, circa med. C. de lib. & præ. Præteritis à patre cum effectu non inferebatur injuria; quippe qui testamentum nullum dicebant: exhæredatis & à matre præteritis inferebatur: quæ etsi vindicabatur iudicio de inofficioso, tamen si legitima portio quovis titulo relicta fuerat, quantumvis liberis obsequentissimis, injuria illa manebat. Cui rei occurrere voluit Justinianus, atque ea de causa constituit, ut non sufficeret in posterum ad excludendam querelam, legitimam quolibet titulo relictam esse: sed necesse esset, liberos vel hæredes institui vel exhæredari. Cæterum quia illata per exhæredationem aut præteritionem injuria satis tollitur rescissa institutione, sufficere etiam civisum fuit, institutionem solam rescindi, salvis cæteris capitibus, cum olim querela omnia rescinderet. Nihil hoc pertinet ad præteritionem paternam, ex qua causa testamentum aut ab initio nullum est, aut rumpitur agnatione sui hæredis, aut per bonorum possessionem contra tabulas evertitur; neque ad eam produci sine insigne liberorum latione potest. Atque hanc sententiam Azoni & plebique veterum probatam fuisse, testatur Jafin d. aurb. ex causa, num. 1. sequitur Cujac. in l. filio 17. de injust. rupt. Govean. in l. 1. de vulg.

vulg. & pup. num. 27. Vvelfemb. ad §. 5. sup. de exher. lib. diff. vulgo DD. & ex recentioribus Duar. in tit. de injuss. rupt. cap. 3. Don. in d. auct. num. 6. & 7. Connan. §. comm. 8. Sunt, qui interesse existimant, utrum præteritio ignoranter à patre facta sit, an scilicet: illo casu tamen testamentum corrumpere, nisi adjecta sit clausula codicillaris; hoc autem si ve posteriore casu legata & fideicommissa firma manere: quæ sententia à præjudiciis curiarum supremæ jurisdictionis robur accepit, Ant. Fab. C. suo de lib. & poss. defn. 1. Christian. vol. 4. dec. 9. & probatur D. Tuldeno in comm. hic, c. 1. Cæterum vide, quæ sup. n. 5.

Hoc colore quasi non sana mentis fuerint) L. 2. §. 1. l. Titia 13. cod. ac proinde quasi testamentum factionem non habuerint, l. qui repudiantis 17. §. 1. cod. Unde etiam est, quod cum contra testamentum pronuntiatur esset, nihil ex eo testamentum valebat, l. 8. §. pen. d. l. Titia 13. l. cum mater 28. cod. Quæsitum autem hic color fuit, ne sani hominis testamentum impugnari videretur contra auctoritatem legis duodecim tabb. quæ liberam undequaque potestatem testandi patrifam. concedit, l. verbis 120. de verb. sign. Maximè autem liberis hoc colore iniquitatem exheredationis tegere convenit ob verecundiam. Bartolus in d. l. Titia 13. putat, colorem istum dementiæ jam non amplius prætexi posse, quia demens videri non potest, qui filium ex justa causa exheredat: præsupponit enim, non aliter querelæ locum esse. Sed ut ita sit, quid si falsum sit elogium? quod præsumitur, si ab hærede non probetur. Numquid falsam causam obicere filio immerenti contra officium pietatis prope furiosi hominis esse videtur? Planè dicendum hodie est, colorem istum furoris tantum prætexti ad rescindendam institutionem, quod testamenti principale est, cum cætera capita tamquam à sano homine facta beneficio novæ legis conserventur, d. auct. ex causa. Ita contr. Bart. Viglius & Myns. hic disputant. VINN. Quam ipse Vinnius fateatur, quæsitum fuisse hunc colorem, ne sani hominis testamentum contra auctoritatem legis XII. Tab. impugnari videretur: consequens omnino esse videtur, ut is color hodie esset. Olim licebat parentibus impune liberos & præterire, & exheredes scribere: nullaque prodita erat actio, qua liberi testamenta paterna impugnarent, quamvis iniquissimè essent hereditate exclusi. Id quum durum videretur JCtis, callidè reperere modum juvandi injustè exheredatos. Quum enim furiosorum testamenta non valerent, impugnabant tabulas

tam inhumani parentis, tanquam ab homine emotæ mentis factas: eam autem dementiam colligi posse existimabant ex filii morigeri exheredatione vel præteritione. Si itaque colore illo opus fuit, quia nulla actio legibus prodita erat: hodie sanè eo non erit opus, postquam hæc querela legibus probata est. HEIN.

Non quasi verè furiosus sit) Cujus testamentum inofficiosum arguitur, quasi demens, non verè demens dicitur, l. 2. l. 5. §. 1. hoc tit. nam qui filium immerentem exheredat, patrem qui præterit, prope à furioso abesse fingitur, eo quod non sentiat, sibi se esse injuriam, cum liberis aut parentibus injuriam facit. Quod verò testamentum à verè demente factum est, id inofficiosum accusari non potest, quia nullum est, factum quippe ab eo, qui testamenti factionem non habet: ac proinde hoc non attento, rectè succeditur ab intestato.

Non ex officio pietatis) Kai autēs τῆς φύσεως οὐκ ἐξ ἀνάγκης ἀπώλασεν τοῖς πατρί, τὶ φιλοστοργίᾳ, τοῖς υἱοῖς, &c. Ipsorumque deferens naturam exuit nomen patris, &c. quod prope à furore abest.

TEXTUS.

Qui de inofficioso agunt.

1. Non autem liberis tantum permissum est, testamentum parentum inofficiosum accusare, verum etiam liberorum parentibus. Soror autem & frater turpibus personis scriptis heredibus, ex sacris constitutionibus prælati sunt. Non ergo contra omnes heredes agere possunt. Ultra fratres igitur & sorores cognati nullo modo aut agere possunt, aut agentes vincere.

NOTÆ.

1. Inofficiosum accusare) Pro eodem dicunt nostri, agere, queri de inofficioso, arguere, accusare, dicere inofficiosum. Una autem eademque actione & rescindi testamentum petitur, & vindicatur hæreditas tamquam ab intestato, l. 8. §. 8. l. 20. l. 21. §. ult. l. 27. §. 3. cod. Cujac. par. C. cod.

Etiam parentibus) L. 3. cod. quippe quibus turbato ordine mortalitatis, non minus, quam liberis pietè relinqui debet, l. 25. cod. l. 7. §. 1. si tab. test. Datur autem querela non patri solum, sed etiam matri, d. l. 1. l. 14. & seq. cod. nec interest, exheredati sint, an præteriti, dummodo injustè. Nam ex justa causa, una illarum octo, quæ enumerantur Nov. 115. cap. 4. cum effectu exheredari possunt, modo exheredationi addatur elogium.

Soror & frater) Hebræorum jure uterini pro fratribus non habebantur. Mos. Maimonid.

Aut agentes vincere) Si tamen egerint, & nemine eos repellente obtinuerint, prodest eorum victoria proximis ab intestato, l. 6. §. 1. eod.

COMMENTARIUS.

- 1 *Qui liberi de inofficioso agere possint?*
- 2 *Cur placeat etiam parentibus querelam dari, & quibus quando detur?*
- 3 *Contra rationem juris tam veteris, quam novi, esse videri, quod statim post liberos ad querelam admittantur parentes; quam difficultatem pauci cernant.*
- 4 *An jure novissimo fratres una cum parentibus ad querelam admittendi, aut illis saltem profectum horum victoria?*
- 5 *An fratres uterini hodie cum consanguineis concurrere debeant, aut his vincentibus illi quoque ad successionem ab intestato venire?*
- 6 *An spurii in questione proposita pro turpibus personis habendi?*

Non autem liberis tantum) Querela inofficiosi testamenti primo competit liberis: & merito, quoniam prima eorum causa est in successione ab intestato: utpote quibus ratio naturalis, quasi lex quædam tacita, parentum hæreditatem addicit, velut ad debitam successionem eos vocandos l. 7. de bon. damn. daturque liberis omnibus cujuscumque sexus aut gradus sint, & tam emancipatis, quam in potestate constitutis, l. 7. hoc tit. l. 8. in pr. cont. tab. item qui numquam in potestate fuerunt, §. ult. sup. de exher. lib. tam adoptivis, quam ex nuptiis quæsiis: servata tamen distinctione, l. pen. C. de adopt. In impubere arrogato speciale est, quod queri non potest, quia quartam habet ex constitutione D. Pii l. 8. §. si quis t. 4. hoc tit. Datur & legitimatis per §. 2. inf. de her. qua ab int. Nov. 89. Datur non tantum liberis jam natis, verum etiam posthumis, & tam alienis, quam suis, l. 6. in pr. eod. §. seq. in fin. ubi plura. Illud pene supervacuum mouere, querelam competere iis liberis dumtaxat, qui jus succedendi habent: nam qui non habent, cum iis neque legitima debeat, de inofficioso queri non possunt. Proinde liberi illegitimi, sive vulgo quæsi, sive nati ex concubina patris, testamentum inofficiosum non dicunt: de matris autem agere possunt, l. si suspecta 29. §. 1. eod. vid. Bart. Salic. Castr. in l. pen. C. ad sen. Orfic. Ex privilegio est, quod de inofficioso testamento militis nemo queri po-

test, l. Papinianus §. si quis 4. l. si instituta 17. §. 2. eod. l. 9. l. testamentum 24. C. eod. DD. plerique in d. l. 9. tradunt, hodie etiam militum testamenta querelæ esse obnoxia, & in usu servari. Autumn. ibid.

Liberorum parentibus) Post liberos secundo loco querela datur parentibus. Nam et si parentibus non debetur filiorum hæreditas propter votum parentum & naturalem erga filios charitatem; turbato tamen ordine mortalitatis non minus parentibus, quam liberis prærelinqui debet: ut bene & piè Papinianus in l. nam et si 15. hoc tit. Id autem hanc habet sententiam: etsi naturæ ordo parentumque affectio & votum hoc sit, ut liberi supervivant & succedant parentibus, atque idcirco non sic parentibus, quos sola ratio miserationis admittit, liberorum debeat hæreditas, non liberis parentum, quos admittit naturæ simul & commune parentum votum, ut idem Papinianus scribit in l. 7. §. 1. unde lib. tamen turbato ordine mortalitatis, id est, si contingat liberos prius ex hac vita evocari, & præstera atque immatura morte abripi, vivis adhuc parentibus, rationem pietatis seu miserationis exigere, ut ne parentes à luctuosa liberorum suorum hæreditate excludantur. Ex quo porro intelligimus, contra officium pietatis facere liberos, qui parentes suos in causa exheredant aut prætereunt; atque ob eam causam parentibus quoque actionem, de inofficioso dari. Datur autem parentibus item omnibus sive masculis sive foeminis, l. 1. l. 14. & seq. eod. l. cum filium 17. C. eod. qui modo ad successionem liberorum vel legitimo jure vel honorario venturi fuissent; de quo statuendum ex iis, quæ de liberis dicta sunt. Exheredati sunt parentes, an præteriti, nihil interest: nam hæc in linea adscendentium & collateralium non differunt. Cæterum ut effectum habeat exhereditatio aut præteritio, notandum sit testamentum ab expugnatione, cum elogio hic quoque facienda est, & vel una saltem ex causis, ob quas parentes exheredati aut præteriti permittit Justinianus, testamentum inferenda, Nov. 115. c. 4. Causæ autem hujusmodi admixtæ octo tantum, quæ ordine enumerantur d. c. 4. §. 1. & seqq. Nimirum pauciores hic causæ sunt, quam in liberis, propterea quod parentibus multa conceduntur in liberos, quæ à liberis in parentes commissæ potnam merentur. Illud difficultate non caret quod parentes statim post liberos ad querelam admittimus, sive veteris juris rationem consideramus, sive novi Justiniani. Nam antequam novellam Justiniani legem fratrum prior

atque potior in querela, quàm parentum causa fuisse videtur, *arg. l. 4. C. de bon. qua lib. l. 2. C. ad Tertull. l. ult. C. comm. de succ. pr. sup. quib. non est perm. fac. testam. vers. si vero.* quibus locis ad successionem ab intestato demum post fratres patrem vocari legimus. Jam verò ratio juris postulat omnino, ut quo quisque ordine ad successionem à lege vocatur, eodem ordine admitatur ad querelam, per quam res ad causam intestati redigitur; quo enim quisque potiore jure est in causa successionis, eo majorem exheredatus aut præteritus patitur injuriam. Fac ergo, verbi causa, Titium, cum patrem & fratrem haberet, utroque præterito hæredem instituisse in bonis castrensis: quid tam absurdum est, quàm si dicamus, patrem solum queri de inofficioso posse, exclusioque satre hæreditatem consequi, ad quam testamento non factò solus frater venisset excluso patre? *di. pr. vers. si vero. sup. quib. non est perm. fac. testam.* Ego non dubito, quin à posterioribus Principibus istud constitutum sit, non animadvertendus, quæ inde consecutura esset veteris juris perturbatio. Nam si de jure, quod int. Pand. relatum est, quæzatur, filiustam. hæredem ab intestato habere non poterat, sed pater jure peculii bona, quæ filii fuerant, (alia autem quàm castrensia & quasi castrensia non erant) occupabat, *l. 2. l. 9. de cast. pec. Quod si filius de his bonis, quod ipsi permittum erat, testamentum fecisset, id testamentum querelæ non erat obnoxium; atque id jus etiam Justinianus confirmavit, l. ult. C. hoc tit. Cæterum suffulit Nov. 15. cap. 4. in pr. ut verba illa, in quibus habent testandi licentiam, manifestè ostendunt. In successione autem filii emancipati pater manumissor præferebatur defuncti fratribus, & omnino jure patris potior erat, ut mirum non sit, in querela quoque fratribus prælatum fuisse: quæ omnia à me copiosius tracta sunt sub §. ult. inf. de leg. agn. success. Mater ex Senatusconsulto Tertulliano ad legitimam hæreditatem liberorum vocata fuit, ita tamen, ut fratres consanguinei matrem excluderent, §. 3. inf. de sen. Tertull. Unde sequi videtur, eos etiam ad querelam ante matrem admissos fuisse. Nihil tamen definitio. Novissimo jure, postquam placuit fratres defuncti una cum parentibus admitti ad hæreditatem, Nov. 118. cap. 2. dicendum videtur, etiam simul eos cum parentibus admitti ad querelam: aut si hoc minus placet, dicam, fratres saltem admittendos parente repudiante, utique si turpis persona instituta sit: quippe cum tunc ex sua persona frater querelam movere possit. Utut, illud*

extra controversiam positum esse debet, victoriam parentum fratribus quoque prodesse, cum nulla sit ratio, cur re scisso testamento, & re ad causam intestati deducta, fratres excludantur. Et ita quoque sentium Joan. Fabian. Ang. Baro & Mynsig. hic, licet aliud Viglio & D. Tuldeno ad tit. de hæred. qua ab int. cap. 8. videatur, putantibus, hoc pacto fraudem legi fieri: sed falso, cum maxime sit ex sententia legis ut fratres una cum parentibus ab intestato succedant, *d. Nov. 118. cap. 2.* Neque novum est, ut quis aliquid commodi propter tertium percipiat, quod per se ipse non habuisset, *l. cum hæreditate §. 5. de acqu. hæred. l. 10. §. ult. contr. tab. l. 3. in fin. qua res pign. dar. l. 10. quemadm. serv. am. l. 5. §. 2. ad SC. Tertull.* Apud nos iis demum in locis parentes ad querelam admittuntur, ubi vocantur ad successionem: de quo sub d. tit. de hæred. qua ab int. add. D. Coren. observ. 10. n. 8. & seqq.

Soror autem & frater) L. 1. hoc tit. l. fratris 21. C. eod. Fratres autem & sorores hic intelliguntur germani aut consanguinei sive ἱμακαρῆται; nam uterini ab actione de inofficioso contra testamentum fratris aut sororis penitus arcentur, l. fratres 27. C. eod. Hodie verò cum fratres uterini in successione concurrant cum fratribus consanguineis, consequens est, ut etiam in querela cum iisdem concurrant, aut saltem vincentibus illis, simul ad successionem intestati veniant.

*Turpis personis) D. l. fratres 27. C. hoc tit. l. 3. C. Theod. eod. Itaque fratribus querela datur, non simpliciter ut præteritis, se ut postpositis turpi personæ; atque adeo odio scripti hæredis. Cum autem turpis persona definia-
tur à Constantino, qua vel turpitudinis, vel infamiae, vel levis nota macula aspergitur, d. l. fratres, questum est de spuriis; num & illi talium personarum numero habendi? Spuriorum causam cum DD. comm. defendunt Gabriel Palzor. tract. de nobis spurisq. lib. c. 55. & seqq. Hartm. Pistor. lib. 1. quæst. 30. n. 26. & seq. D. Tulden. hic, c. 3. quia, ajunt, neque jure infames sunt, neque ipsi quicquam admiserunt, quod existimationem eorum lædat apud nos viros: Crimen autem paternum nullam maculam filio instigare posse, l. crimen 26. de pæn. nativitatem, qua vitio aut culpa verti nemini potest, pænâ esse non debere: undecumque homines nascuntur, si parentum vitia non sententur, boneflos esse. Augullin. cap. undecumque, dist. 56. Cæterum ut hæc vera sint, negari tamen non potest, quin labes aliqua & macula spuris adhæreat, non quidem ex facto sic nascen-
tium,*

rium, seu poena iniusta: sed ex vitio ac defectu natalium contracta: unde eos opprobria per omnem vitam comitantur, quz nullo modo elui possunt, ut scribit Plutarch. *lib. de educ. lib.* vixque est, ut defendi possit, eum, qui ex vulgiva Venere & improba gentibus omnibus conjunctione natus est, qui nec gentem, nec familiam, nec patrem habet, pro integra & legali persona, ut loquuntur, habendum esse. Qua de re eleganter diserit vir doctissimus Arnizus *lib. 2. de republ. c. 2. sect. 13.* Illud equidem minimè concedo, quod Covar. 2. *de spons. 8. n. 11.* Card. Tusc. *concl. 454. n. 17.* statuunt, meretricem, quz postea nupsit, pro persona infami habendam non esse, propterea quod præcedens dedecus purgetur matrimonio. Non enim aboletur turpitudine, quz postea intermittitur, *l. 43. §. 4. de rit. nupt.* utique manet adhuc litura prostitutionis quondam pudicitiz: at excluduntur à fratre, qui vel levis notæ macula adsparguntur. Pœnitentia quidem & vitæ emendatio abolent delicti notam coram Deo: at non in hujus sæculi tribunalibus, *l. 65. de furt. l. 5. vi bon. rapt.* Ut autem turpis persona instituta sit; non tamen statim frater ad querelam admittitur. Quid enim si ipse eadem turpitudine, quæ hæres scriptus, laboret? Nihil hic habet frater, quod hæredi obijciat, *arg. l. 11. C. hoc tit. l. cum mulier 47. sol. matr.* Removet præterea fratrem & ingratitudinem ex tribus causis expressis *Nov. 22. c. 47.* easque causas opponi ab hærede & probari sufficit, etiam si à testatore objectæ non fuerint. Nihil enim juri veteri in hoc derogatum est. Gudelin. *de jur. nov. lib. 2. c. 8.* VINN. At spurios tamen haud intelligi in *l. 27. C. hoc tit.* singulari dissertatione de levis notæ macula demonstrari à nobis meminimus. HEIN.

Ultra fratres & sorores, &c.) Cognatos, qui sunt ultra fratrem, Ulpianus in *l. 1. hoc tit.* hortatur, ne se sumptibus inanibus vexent, eo quod in lite de inofficioso obtinere spem non habeant. Ex quo explicandum est, quod Justinianus hic simpliciter ait, eos nullo modo agere posse aut agentes vincere: item quod Dioclet. & Maxim. rescribunt, in *l. fratris 21. C. eod.* neminem eorum qui ex transversa linea veniunt, exceptis fratre & sorore, ad inofficiosi querelam admitti: nimirum non admitti, agere aut agentes vincere, suoque jure testamentum evertere non posse, si exceptio iis obijciatur non competentis querelæ. Planè enim si egerint, & nemine forte eos repellente obtinuerint, testamentum jure rescissum manet, remque proximi ab intestato

auferunt, *l. 6. §. 1. eod.* Similem superioribus questione perperit constitutio Justiniani, *Nov. 118. c. 3.* ubi cum fratris defuncti ad successione admittit fratrum demortuorum filios: de hac autem questione idem quod de præcedentibus judicium esto. VINN. Est hoc ex jure novo, invecio, ut videtur, postquam portio legitima invecio est. Jure enim antiquo & alios agnatos cognatosque remotiores, immo & amicos extraneos inofficiosi querelam instituisse, clarissimè patet ex Valer. *Mat. lib. 7. cap. 6. Conf. Antiqu. nostr. Rom. hoc tit. §. 7.* HEIN.

TEXTUS.

Qui alio jure veniunt, de inofficioso non agunt.

2. Tam autem naturales liberi, quàm secundum nostræ constitutionis divisionem adoptati, ita demum de inofficioso testamento agere possunt, si nullo alio jure ad defuncti bona venire possint. Nam qui ad hereditatem totam vel partem ejus alio jure veniunt, de inofficioso agere non possunt. Posthumi quoque, qui nullo alio jure venire possunt, de inofficioso agere possunt.

NOTÆ.

2. Naturales liberi) Id est, iustis nuptiis concepti: v. *sup. de adopt. in pr.* quibus exæquari & qui postea facti legitimi. *Nov. 89.* Matris autem testamentum etiam spurii inofficiosum dicunt, *l. 29. §. 1. eod.*

Nostræ constitutionis divisionem) Adoptati ab ascendente queri possunt, ab extranea persona non possunt. Constitutio est *l. p. c. de adopt.*

Alio jure veniunt) Igitur impuberes adoptati queri non possunt, quia quartam habent ex constitutione D. Pii, *l. 8. §. 15. hoc tit.* nec sui nec emancipati præteriti à patre, qui aliorum præteritio patrem intestatum facit, hi habent contra tabb. *sup. de ex lib. lib.* quam ob causam querela dicitur ultimum adiutorium. *l. ult. C. de lib. prat. iuxta B. & D. Theoph.*

Posthumi, qui nullo alio jure) Ac proinde non aliter quàm si sint exheredati: nam & posthumi sui & quasi posthumi præteriti, agnascendo aut quasi agnascendo testamentum rumpunt: ex filio concepti post emancipationem bonorum possessores efficiuntur, *l. 1. §. 1. l. 3. pr. cont. tabb. §. 1. 2. & j. sup. de exhib. lib.* Ceteri posthumi alieni aliud remedium non habent, *l. 6. hoc tit.*

COMMENTARIUS.

1. *Quam rationem habeat, quod qui alio jure venire possunt, ad querelam non admittantur?*
2. *Cur parenti manumissori querela datur, cum contra tabulas petere possit?*
3. *Quando posthumis querela necessaria: & num idem adhuc hodie?*

Secundum nostram constitutionis divisionem) Intelligit constitutionem, quæ extat in l. pen. C. de adopt. cujus crebra in hisce libris mentio, §. 2. sup. de adop. §. 5. sup. de exher. lib. §. 1. tit. prac. §. sed ea, 24. inf. de bar. quæ ab int. Significat autem, ei sua constitutione eos dumtaxat liberos à patre naturali in adoptionem datos queri de inofficioso patris testamento posse, qui dati sunt personæ non extraneæ, puta avo aut proavo materno. Illud sæpe monuimus, perpetuum esse in jure nostro, ut cum liberi naturales opponuntur liberis adoptivis, per eos significetur liberi ex iustis nuptiis procreati, l. 1. §. liberos. 6. unde lib. l. 1. §. 2. de suis & legit. sup. de adop. in pr. §. 2. inf. de bar. quæ ab int. quamquam matris testamentum etiam naturales illegitimi, adeoque spurii, inofficiosum dicunt. l. si suspecta. 29. §. 1. hoc tit.

1. *Qui ad hereditatem, &c. alio jure veniunt, de inofficioso agere non possunt*) Hoc, credibile est, introductum esse, ut quoad fieri posset, salvo jure exheredati aut præteriti, existimatione testantium parceretur, quos querela, dum quæsitò colore cæcitatem mentis obtendit, revera nec humanè, nec piè fecisse arguit. Estque querela remedium extraordinarium ac subsidiarium; cujusmodi concedi non solet ei, qui communi & ordinario auxilio munitus est, l. in causa. 16. de minorib. Proinde qui testamentum nullum, ruptum aut irritum dicere potest, inofficiosum non dicit; nisi forte iusta causa sit dubitandi, an alio remedio æquè cautum sit agenti; tunc enim eligere licet, l. 8. §. si quis, 12. hoc tit. fac. l. 7. §. 3. de dolo. & si quis, exempli gratia, nullum dixerit, nec obtinuerit, non prohibetur postea de inofficioso queri, l. contra. 16. & ibi Sîchard. C. eod. Pari ratione liberi emancipati præteriti, quia jure honorario ad bonorum possessionem contra tabulas admittuntur, de inofficioso agere non possunt, l. si ponat. 23. eod. In summa de inofficioso agere non potest, nisi qui omni alio auxilio tum civili tum prætorio destitutus est: quam ob causam querela inofficiosi ultimum dicitur adju-

Tom. I.

torium, l. ult. vers. nam cum ultimum. C. de lib. prat. lex hæc Cetera. Theoph. Sed hic jam quæret aliquis, cur igitur patri à filio emancipato præterito querela datur inofficiosi, cum bonorum filii possessionem contra tabulas petere possit: tit. si à patr. quis man. In promptu responsio est, hanc bonorum possessionem non dari patri tamquam patri, sed tamquam manumissori & patrono: nam emancipatus à parente in ea causa est, ut in contra tabulas bonorum possessione liberti exitum patiatur, l. 1. in pr. d. tit. Ut patronus igitur contra tabulas agit; ut pater, querela inofficiosi. Et longè diversa est ista bonorum contra tabulas possessio ab ea, à qua excluduntur exheredati, & similes exheredati, præteriti, l. 8. in pr. cont. tab. quæ ad parentes non pertinet, sed tantum ad liberos à patre præteritos & maxime emancipatos, l. 1. & pass. d. tit. Considerandum quoque est, bonorum possessionem, quæ ad exemplum patroni patri datur, non esse remedium ejusdem potestatis, nec æquè plenum, ac querela: cum querela totum testamentum rescindat, bonorum autem ista possessio constituit tantum partis plerumque detur, l. 1. si à par. quis man. Nocere autem parenti non debet, quod jura patronatus habeat, cum sit pater, uti disputat Jurisconsultus d. l. 1. §. ult. eod. & translatitium apud nostros est, posse cum ordinario remedio concurrere extraordinarium, quoties hoc plenius est, atque expeditius. Planè qui de inofficioso acturi erant, accipiebant quidem etiam bonorum possessionem, sed eam, quæ litis ordinandæ gratia querentibus erat necessaria, ut iusto titulo niti, & hereditatem petere viderentur, l. 6. §. ult. l. 7. l. 8. in pr. hoc tit. Ceterum ea bonorum possessio sine re & effectu erat: neque enim ideo scriptis hæredibus bonorum possessio auferrebat, l. 2. C. eod. cujus rei etiam supra meminimus ad §. pr. hujus tit.

Posthumi quoque, qui nullo alio jure) Confirmat, jure veteri liberos omnes exheredatos pari hæc in re conditione fuisse, ut nec jure civili, nec prætorio testamenta parentum turbarent, unamque tantum illis superfuisse querelam inofficiosi testamenti, l. 8. in pr. cont. tab. Idque ita erat, sive causæ ingratitudinis testamento adscriptæ essent, sive non essent: sive constaret liberos ingratos non fuisse, sive constaret ne ingratos quidem esse potuisse: ideoque in infante quoque exheredato valebat testamentum, necessariaque erat exheredato inofficiosi querela: quod jus à Justiniano quoque confirmatum, l. si quis. 33. §. 1. C. hoc tit. Posthumus: non tantum exheredato, verum etiam

R r r

etiam præterito valebat ab initio testamentum: sed præteritis alio jure veniebat, quia natiuitate ejus rumpebatur testamentum: exheredatus non rumpebat, sed ad rescidendum testamentum non ei minus quam cæteris liberis exheredatis querela opus erat. Hoc itidem jus confirmavit Justinianus *l. omnimodo. 30. §. 1. C. eod. & hoc nostra §.* Pro exheredatione reputamus etiam eam præteritionem, quæ à matre aut avo materno facta est, *§. ult. sup. de exher. lib.* Cæterum non persistisse in eo jure Imperatorem, totumque hoc abrogasse, *Nov. 125. c. 3.* plerisque interpretum nostrorum visum fuit: qui sic ratiocinantur: si ex *dist. Nov.* testamentum ipso jure nullum est: cum liberi, in quos cadere potest ingratitudo, exheredati sunt sine expressione justæ causæ ingratitudinis, multo magis ubi nulla esse potest exheredationis causa, ut in infante & posthumò, testamentum his exheredatis nullum erit, aut agnatione posthumò rumperetur: ac proinde cum alio jure ex *d. Nov.* veniat, ad querelam, non debent admitti. Mihi verò contra videtur sententia ista constitutioni Justiniani planè adversari. Jubeat quidem Justinianus, liberos exheredari justis de causis, easque adscribi: cæterum non ut testamentum ab initio constet, sed ut si contra factum sit, rescindatur, ne exheredatio noceat: caveatque nominatim, ne noceat solis liberis, non ut aliis ea profr: quod futurum est, si testamentum non rescindi, sed nullum esse dicimus. Quamobrem statimvis etiam post *d. Nov.* dummodo liberi, quicumque erunt, rite sint exheredati secundum formam juris veteris, quantumvis nulla sit causa exheredationis, aut non sit adscripta, jus antiquum manere, & querelam solam exheredatis dari, etiam posthumis & infantibus. Pluribus argumentis, quibus hæc sententia stabilietur, usus sum *ad pr. hujus tit.*

TEXTUS.

De eo, cui testator aliquid reliquit.

3. Sed hæc ita accipienda sunt, si nihil eis penitus à testatoribus testamentò relictum est. Quod nostra constitutio ad verecundiam naturæ introduxit. Sin verò quantacumque pars hereditatis, vel res, eis fuerit relicta, de inofficioso querela quiescente, id quod eis deest usque ad quartam legitimæ partis repletur: si licet non fuerit adjectum, boni viri arbitratu debere eam compleri.

NOTÆ.

3. Nostra constitutio ad verecundiam naturæ)

Ipsum parentum gratia: nam cujus testamentum inofficiosum dicitur ejus opinio laeditur & pudor sugillatur, dum infirmatur dementiæ. *Plin. 5. Epist. 1. constitutio est, l. 30. C. hoc tit.*

Quod deest repletur) Conditione ex *d. l. 10.* quæ actio diversa est ab illa de inofficioso. Conditiō illa perpetua est, atque ad hæredes transmittitur: querela finitur quinquennio, *l. 8. §. ult. & l. seq. eod. l. 34. C. eod.* nec transmittitur, nisi præparata, *l. 6. §. ult. cum 2. ll. seqq. eod.* illam excludit agnitio relicti, hanc non item.

Licet non fuerit adjectum) Quod adici olim ad excludendam querelam necessarium, *l. 15. eod. l. 4. C. Tb. eod.* Alioqui etiam hæres in minore parte institutus queri poterat, *l. 3. C. eod.* excepto quod fratribus cohæredibus adjectis quartæ petebat suppletionem. *Paul. 4. tit. 5.*

COMMENTARIUS.

1. Jus vetus, & quatenus ab eo paulatim recessum constitutionibus Justiniani?
2. Auctio portionis legitima, & an ea quoque ad parentes & fratres pertineat.
3. An ut augeri & minui legitima potest, in & in totum tolli?
4. Si minus legitima relictum, qua actio quod deest, petatur? & quibus rebus ea actio utilis ferat à querela inofficiosi.

IN hoc loco explicando multum operæ Wembecius posuit: alii, ut Vig. Mynd. Hotleviter tantum eum perstrinxerunt. Difficilem sane reddit crebra juris mutatio. Veteres juris auctores putaverunt, testamentum, in quo debita legibus portio iis, qui queri possunt, relicta esset, pro inofficioso aut contra pietatem factio habendum non esse. Cæterum ut id ab expugnatione immune esset, totam legitimam, id est, quartam integram debite portionis ab intestato, ex judicio defuncti, agnatione relicti aut quavis ratione comprobassent, *d. l. 8. §. conditioni. 10. l. si part. 10. §. ult. l. nihil. 12. filius. 22. l. pen. §. 1. & 4. l. ult. eod.* Planè si expressè in hoc aliquid datum fuisset, ut in quartam hæretur, neque id quartam æquaret, boni viri arbitratu repleti poterat, *l. si non mortis. 25. eod.* Paulus quoque *lib. 4. sent. 5.* scribit, filium ex minore parte institutum, cui fratres cohæredes da-

dati sint, jure desiderare, ut portio debita suppleatur citra inofficiosi querelam, unde simul apparet, adjectis extraneis secus fuisse. *fac. l. 3. C. hoc. tit.* Illud omnino cerrum est, quando testator nominatim cavisset, ut si minus relictum esset, suppletio ad modum quartæ fieret, tunc cessante querela id ipsum boni viri arbitratu hæredem supplere debuisset, *l. 4. C. Theod. eod.* Illud igitur hic apprimè notandum, olim ita jus fuisse, ut non tam ipsa exhereditatio aut præteritio querelæ faceret locum, quàm quartæ sive legitimæ portionis per exheredationem aut præteritionem adeptio: atque hinc evenisse, ut & is, cui exhereditatio pars legitima relicta esset, à querela repellere-
retur, & is, qui ex minore parte, quàm quæ legitimam conficeret, hæres institutus esset, datis cohæredibus, admitteretur ad querelam, ut perspicue probat d. locus Pauli & Ulpiani quoque in *d. l. 8. §. quarta.* 9. quod quia in principio omisum est, hic annotare libuit. Videamus nunc, quatenus Justinianus ab hoc jure recesserit ea constitutione, cujus hic memin-
it, & quæ extat in *l. omnimodo.* 30. *C. hoc. tit.* Is verba jura intacta servari expressè voluit, id est, querelam inofficiosi locum habere, cum nihil exhereditatis aut præteritis testamento relictum est, §. 1. *d. l. omnimodo.* & *l. seq.* At si ei, qui queri poterat, aliquid relictum sit, vel in hæreditate, vel in legato aut fideicommissum, id satis Imperatori visum est ad excludendam querelam confirmandumque testamentum; jubetque hoc casu id, quod deest, usque ad portionem legitimam suppleri, licet testamento adjectum non fuerit, ut boni viri arbitratu suppleretur, *d. l. omnimodo.* in *pr.* quod etiam repetit *l. quæ nuper.* 31. & aliquot *seqq. C. eod.* & exprimit hoc §. Loquitur generaliter, profuturque, se hoc constituisse, ut amputaret innumerabiles occasiones subvertendi ultimas hominum dispositiones, atque in eo resposuisse ad verecundiam naturæ. Ac proinde Wesembecio assentiendum non est, qui arbitratu, in una tantum specie, cum scilicet nominatim aliquid in quartam seu pro legitima relictum est, correctioni constitutionis & suppletioni locum esse: sin autem simpliciter quod relictum sit, queri etiamnum exhereditatis licere, nec d. constitutionem refragari. Alia constitutione Imperator sancivit, ut etsi quis relictum aut inter vivos sibi donatum, ut id ei in quartam imputaretur, post obitum defuncti agnoverit, aut retinuerit, non idcirco tamen impediretur actione explectoria id quod legitimæ deest, persequi; nisi agnoscens adjecerit, nullam sibi

supersse de repletionem quæstionem, *l. si quando.* 35. §. 2. & 3. *C. eod.* Novissimò jure non tam debita portionis per exheredationem adeptio, quàm ipsa exhereditatio per se querelam inducit: adeo ut quamvis quartam liberi aut parentes habeant, sitam immerenter reperiantur exhereditati, conquiri non prohibeantur. *Nov. 115. c. 3. 4. & 5.* De quo accuratius sub. §. ult. *inf. eod.*

Ad verecundiam naturæ Ne scilicet temere atque irreverenter liberi prosiliant ad impugnanda ac rescindenda testamenta parentum, quorum ut persona, ita & voluntas sancta iis esse debet: & in universum, ut aliorum quoque pudori consulatur, nec tam crebra sit occasio supremæ hominum judicis evertendi, tamquam impia atque inhumana, quæsito colore ac prætextu futuri, *d. l. omnimodo.* in *pr. C. hoc. tit.* Nam is, cujus testamentum inofficiosum dicitur, dementiæ videtur insimulari: ejus certè opinio læditur, & pudor suggillatur. *Plin. 5. ep. 1.* Igitur post introductam actionem ad supplementum, neque institutis in parte aliqua hæreditatis, neque iis quibus exhereditatis per legatam aut fideicommissum aliquid relictum esset, quantumvis minùs legitima portione, querela amplius competit: sed iis solum, quibus nihil omnino relictum erat neque in hæreditate, neque in re alia, *d. l. omnimodo.* & *l. seq. C. eod.* Nemo verò putet, si testator filio, quem in potestate habet aut habuit, præterito, quartam partem, verbi causa, legaverit, prohiberi constitutione Justiniani testamentum nullum dicere, aut bonorum possessionem contra tabulas accipere: nam ad ea tantum patrum testamenta constitutio pertinet, quibus filii in potestate constituti aut emancipati legitimè exhereditati sunt, ut alio remedio attentari aut infirmari non possint, quàm subsidario querelæ §. 2. *pre.*

Ad quartam legitimæ partis Legitimam partem hic vocat totam illam portionem, quæ jure legitimæ successione ex bonis defuncti liberis, parentibus, fratribus debetur. Plerumque tamen ipsa quarta, ad quam in proposito repletionem fieri vult, legitima dicitur, item debita portio & debitum bonorum subsidium, *l. 8. §. unde.* 11. *hoc. tit. l. 5. C. de inoff. don.* Græcis τὸ ὑμῶν μέρος. Atque adhuc hodie quarta passim appellatur, nimirum quia jure antiquo quarta pars fuit ejus, quam dixi, portionis, scilicet quæ ad eum, qui quæritur, perventura fuisset, si paterfam. intestatus decessisset, *l. 8. §. si quis mortis.* 6. *eod.* Quo primum tempore aut qua lege modus hujus portionis sic definitus sit, non liquet. Jus-

tinianus quantitatē auxit in liberis, proque quarta substituit quartam, in liberis pluribus quatuor etiam semissem, *Nov. 18.* quod augmentum etiam ad parentum legitimam ratione erientis pertinere statuit comm. DD. hic & in *auth. novissima. C. hoc tit. Grass. §. legitima. quest. 9.* & Magister apud Hermen. *lib. 5. tit. 9. §. 14.* Nonnulli etiam ad fratres totum incrementum proportionaliter porrigunt; quos sequitur Fachin. *4. contr. 28.* quamquam neutrum horum aut inscriptioni tituli, aut præfationi constitutionis, aut rationi constituentis mentive convenit; neque temere admittenda videtur extensio, cum utique major sit ratio liberorum. Neque verò verbis generalibus, quibus clauditur *cap. 1. dist. Nov. 18.* comprehenduntur parentes & fratres, sed diversæ liberorum personæ designantur, videlicet filii, nepotes, pronepotes, posthumi omnes, tum in paterna, tum in materna linea, adeoque in hac etiam liberi naturales, uti titulus aperte significat, & bene observavit Vaudus *lib. 1. var. quest. 50.* Usus tamen augmentum admisit in parentibus. Porro hæc constitutio Justiniani occasionem DD. dedit querendi, utrum quemadmodum legitima augeri & minui lege civili potest, ita possit & in totum tolli? Vulgo sic censent, liberorum & parentum legitimam mutari tantum posse, tolli non item; fratrum posse & tolli: utunturque hoc argumento, quod liberis & parentibus legitima debeatur jure naturæ, fratribus ex sola dispositione juris civilis. Myns. *obs. 41. & 6. observ. 44.* Gail. *2. obs. 122.* Covar. in *4. decretal. p. 2. cap. 2. §. 6. num. 5.* Grass. *§. legitima. quest. 2.* Chifflet. *de port. leg. cap. 3.* Schneid. *hic, num. 20.* Sed primum insubtile est, quod quæstionem proponunt de ipsa legitima: siquidem quod legitima propriè & formaliter dicitur, nempe certa illa & definita quantitas, cum sit ex jure civili, eodem jure quoque tolli potest, id est, sanciri, ut nomine legitimæ non amplius talis portio, sed alia veniat: ideoque potius de jure succedendi in universum querendum fuerat. Res etiam ipsos sensisse existimo, siue, quod res ipsa ostendit, cum legitimam ajunt humanis legibus tolli non posse, id sic capiendum est, quatenus in legitima insunt alimentum necessaria. Nam utique quod supra est, tolli potest, non repugnante natura. Deinde male in proposito parentes liberis exæquant, Tota igitur disputatio & quæstio huc rediit, an lege civili effici possit, ut ne liberi parentibus, parentes liberis, fratres fratribus succedant; idque duobus modis intelligi potest:

primo, an effici possit, ut non succedant omnino? id est, et si quis ex his personis intestatus decesserit: secundo, an posito, quod ab intestato succedant, à successione ista excludi possint per exheredationem, aut præteritionem? In utroque autem alia liberorum, alia parentum & fratrum ratio est. Et ad primum quod attinet, perspicuè palam est, liberis naturæ lege parentum deberi hæreditatem. Ratio naturalis, inquit Paulus Jurisconsultus, quæ lex quadam iusticia liberis parentum hæreditatem addicit, velut ad debitam successionem eos vocando, *l. 7. de bon. damnat.* Cui simile est, quod Plutarchus in libello elegantissimo de prolis amore scriptum reliquit, liberos hæreditatem ut sibi debitam, οὐκ ἐφ' ἑαυτοῖς, expectare. Sanguini honorem reliquit, ait Val. Maximus de Q. Hortensio, qui filiam sibi minus probatam hæredem scripserat, *l. 5. c. 9.* Papi-nianus in *l. 7. in fin. unde lib.* scribit, liberis parentum hæreditatem deberi propter naturæ simul & parentum commune votum; id est, liberos sequi hæreditatem partim ob præcium debitum naturale, partim ex conjectura naturale, qua parentes creduntur id velle, ut liberis quam optimè prospectum sit: nimirum creduntur parentes liberis, ut corporis sui partibus, non tantum de necessariis, sed & de his, quæ ad vitam suavius honestèque transigendam pertinent, quam uberrimè voluisse prospectum. Quæ cum ita sint, lex civilis efficere non potest, ut liberi in totum & simpliciter à successione parentum excludantur. Cæterum non est iniquum, ut hic tribuatur aliquid rationi civili & studio familiarum conservandarum, ac propterea alii aliis potiore conditione in successione censentur, & masculi fœminis, agnati liberis emancipatis, & liberis in successione matris anteponantur, dum ne liberi fraudentur necessariis alimentis, quæ præcisè natura debentur. Parentes verò, quos ad bona liberorum non naturæ & liberorum commune votum, sed sola ratio miserationis admittit, *d. l. 7. in fin. unde lib. l. 15. in pr. de inoff. test.* facilius excludi possunt. Nam & ante Senatufconsultum Tertullianum mater non admittebatur, & post id Senatufconsultum eam excludebant fratres consanguinei, & parentibus omnibus aliquando fratres prælati, non consanguinei tantum, verum etiam uterini, *l. 4. C. de bon. qua lib. l. 2. C. ad Senatufc. Tertull.* Et apud nos in parte Hollandiæ australi, altero parente mortuo, parens superflus excluditur à successione liberorum à cognatis per defunctum parentem, juxta illud, quod vulgo dici solet, *Pa-*

terna paternis, materna maternis. Similiter & fratres removeri à successione possunt, admittis aliis, sicut pater olim non tantum ut manumissor, sed etiam ut pater, in successione filii emancipati fratribus praelatus fuit, quod de re uberius agemus *inf. lib. 3. ritul. 1. & 3. seqq.* De altero sic censeo, posse tale jus constitui, ut parentes & fratres, quamvis ad successione ab intestato vocentur, impune prateriri aut summoverti possint, neque necesse esse, his aliquid pro legitima aut in alimenta relinquere, nisi lex aliqua humana id iubeat: quippe cum hæc non sit parentibus, & fratribus uti liberis, debeatur; sed tantum ratione officii & commendatione pietatis. Neque verum est, quod post DD. vulg. *Myns. 6. observ. 44.* asserit, parentum legitimam ita causam habere radicatum in jure naturali, ut lege humana tolli nequeat. Liberos vero legitimam civili lege in totum tolli nequit, hoc est, jus civile efficere non potest, ut liceat parentibus liberos suos sine justa causa à tota sua successione repellere, ad quam lex naturalis quasi debitam, & quidem præcisè ratione alimentorum, eos vocat, *arg. d. l. 7. de bon. damn. junct. l. 6. de injust. & jur. add. Olvvald. Hilfig. in lib. 19. comm. Don. cap. 4. & ibi alleg. Paul. Buf. ad l. 8. §. si quis mortis. num. 11. & seqq. hoc rit. Grot. 2. de jur. bell. & cap. 7. num. 4. & seqq.*

Repletur) Qua verò actione repletio ejus quod deest petetur, utrum actione ex testamento, an qua alia, puta petitione hæreditatis aut judicio familiaris circumsundæ, aut potius conditione ex lege Justiniani? Et siquidem filium ponimus exhæredatum, adscripto legato, certum est actionem familiaris circumsundæ aut petitionem hæreditatis hic competere non posse. Probabiliter autem defendi potest, agi posse ex testamento, & quod deest tamquam legatum peti, maxime si testator id suppleri jussit: quamquam, etsi nihil dixerit, idem probari potest; quasi id potius voluerit, quam testamentum rescindi. At si institutus sit filius, quod ad excludendam querelam hodie necessarium esse docuimus, §. *ultim. inf. eod.* hic si ex parte aliqua hæreditatis institutus sit, poterit & petitione hæreditatis & judicio familiaris circumsundæ nomine supplementi experiri, quia scilicet pro parte hæres est: si institutus sit in re certa, quod eodem loco ostendemus nunc sufficere ad excludendam querelam, hic non videtur locus esse judicio petitionis hæreditatis aut familiaris circumsundæ, sed tantum actioni ex testamento: quoniam qui certæ rei hæres scriptus est, dato cohærede, legatarii

loco habetur, l. 13. *Cod. de bar. inst.* Extremum dubitationis omnis tollendæ causa, tutius fortassis erit admittere conditionem ex lege. Quod etiam crebrius placuit. Vulgo conditionem hanc actionem ad supplementum vocant, notantque triplicem inter eam & querelam de inofficioso differentiam. Prima est, quod querela taciturnitate quinquennii ab adita hæreditate computandi extinguitur, l. 8. §. *ult. & l. seq. hoc rit. l. 16. l. si quis. 34. l. pen. §. 2. C. eod.* Hæc actio sive conditio ex lege, ut favorabilis, perpetua est, id est, durat annos triginta; qui terminus est actionum omnium in personam, l. 3. *C. de presc. 30. ann. dec. 3. Cur. Holland.* Altera quod querela (quippe quæ instat est actionis injuriarum, l. 8. *in princ. hoc rit.*) excepto casu d. l. si quis. 34. *C. eod.* in hæredem non transmittitur nisi præparata; actio hæc etiam non præparata transeat. Tertia, quod qui agnoscit, quod sibi testamentum relictum est, querelæ renuntiassè intelligitur, l. 10. §. 12. l. 1. *in princ. eod.* non autem huic actioni ad supplementum, l. si quando. 35. §. 2. *C. eod.* Primam differentiam non admisit Bartolus, sed reliqui omnes admiserunt, testibus Vigl. *Myns. & Welschb. hic, Gail. lib. 2. obs. 120.*

TEXTUS.

Si tutor, cui nihil à patre relictum pupilli nomine legatum acceperit.

4. Si tutor nomine pupilli, cujus tutelam gerbat, ex testamento patris sui legatum acceperit, cum nihil erat ipsi tutori relictum à patre suo; nihilominus poterit nomine suo de inofficioso patris testamento agere.

NOTÆ.

4. Si tutor, &c. legatum acceperit) Repellitur ab inofficioso querela, qui exhæredatus legatum ex testamento percepit, aut petenti advocacy præbuit. Agnovisse enim judicium defuncti videtur, l. 8. §. 10. l. 10. §. 1. l. 12. l. ult. *cod. l. 8. §. 1. C. eod.* Tutorem autem necessitas officii excusare debet, qui id totum alii administravit, d. l. 10. §. 1. l. 22. *de his qua ut indign.*

TEXTUS.

Si de inofficioso nomine pupilli
agens succubuerit.

5. Sed si è contrario, pupilli nomine, cui nihil relictum fuerat, de inofficioso egerit, & su-

peratus est; ipse tutor, quod sibi in testamento eodem legatum relictum est, non amittit.

NOTÆ.

5. Sed si è contrario) Qui voluntatem defuncti sive suo sive alieno nomine dicit inofficiosam, legatum sibi relictum perdit: impugnavit enim iudicium defuncti, l. 8. §. 14. b. t. Sed necessitas officii & fides tutoris hic etiam excusat l. 30. §. 1. eod. Qui negat testamentum patris jure factum esse, non intelligitur iudicium impugnare, & ideo retinet defuncti voluntatem, l. 24. de his qua ut ind.

COMMENTARIUS.

- 1 Effecta agnationis & oppugnationis iudicii defuncti.
- 2 Hæc effecta ad eos non pertinent, qui ex necessitate officii alieno nomine agnoscunt aut impugnant.
- 3 Collatio juris veteris & novi, atque in hac parte differentia.

Qui iudicium defuncti agnoscit, puta, quod sibi datum est, percipiendo, hoc ipso testamentum comprobare intelligitur, & querelæ renuntiare, l. 8. §. si conditioni 10. l. 10. §. 1. l. 12. l. si ponat 23. §. 1. l. pen. §. 3. & 4. l. ult. hoc tit. l. 8. §. 1. C. eod. l. 5. in princ. de his qua ut indign. Atque ex contrario, qui voluntatem defuncti impugnat ut inofficiosam, is legatum sibi relictum perdit, & id sibi vindicatur, quasi indigno ablatum, d. l. 8. §. meminisse 14. Nec interest, utrum quis nomine proprio iudicium agnovit, inofficiosumve dixerit, an alieno, dummodo id fecerit sponte, nec ulla necessitate officii cogente, veluti si advocacionem præbuerit, d. l. ult. in princ. Cui non obstat, quod filius patroni, qui advocacionem accusatori liberti præstitit, non repellitur à bonorum possessione liberti; l. qui cum 14. §. si patroni 9. de bon. libert. Nam jus bonorum possessionis liberti, quod patrono & liberis ejus ex edicto competit, non aliter patronus aut liberi ejus amittunt, quam si ipsi libertum accusaverint. Quod intelligitur ex ratione, qua Jurisconsultus dicto loco utitur; neque enim, inquit, advocatus accusat. Legatum verò amittit advocatus exheredati, non quia accusare testamentum intelligitur, sed quia accusationem opera juvando intelligitur improbare iudicium defuncti; quod satis esse visum est ad amissionem legati advocato relictæ ab eo quem furoris arguit. Cur verò non

similiter placeat, cum, qui legatum accepit, non admitti ad arguendum testamentum falsum, aut non jure factum, & qui non jure factum contendit, nec obtinuit, non repellatur ab eo quod meruit? l. 5. in pr. & §. 1. de his qua ut indign. Hanc rationem reddit Papin. l. si testamentum 24. eod. tit. quoniam qui testamentum jure factum negat, de jure disputat, non impugnat aut accusat iudicium. VINN. Sed hæc rectè intelligenda. Qui testamentum jure factum negat, de jure disputat, an scilicet ea sint observata solemnia, quæ juxta exigit? non autem impugnat iudicium, eo colore, quod testator fuerit emotæ mentis, adeoque nec ulla injuria adficiat defunctum, quemadmodum ille, qui inofficiosi inficit querelam. HEIN. Quod si quis ex necessitate officii, ea quæ diximus, fecerit nomine alieno, excusatus est. Exemplum hoc §. proponitur in tutore: sed ad omnes hoc pertinet, qui ex officio alios defendere, aut agentes consilio & opera sua juvare tenentur; ac proinde etiam ad advocatum, qui clientis causam agere publicè impositum, arg. d. l. 5. §. advocatum 21. de his qua ut indign. Sive igitur tutor, cum ipse exheredatus esset à patre, legatum petierit aut perceperit ex testamento nomine pupilli, cujus tutelam gerit, sive è contrario pupilli exheredati nomine de inofficioso agens, & victus sit, neque hoc casu, quod ad se non pertinet testamentum improbasse, neque illo probasse intelligitur, sed hæc fecisse ex necessitate officii & fide, quæ excusata esse debet: ac proinde illo casu non prohiberi suo nomine de inofficioso agere hoc casu legatum sibi relictum petere, l. adversus 10. §. 1. b. t. l. tutorem 22. de his qua ut indign. Similis prior casus est in l. quadam 36. C. de adm. tut. Porro autem quod ante diximus, agnationis iudicii defuncti hanc vim esse, ut querela amittatur, hoc etiam pertinet ad petitionem reliqui, sed tenor juris antiqui novis subinde constitutionibus mutatus est. Quod miror neminem interpretum hoc loco annotasse. Olim quæcumque in re iudicio defuncti agnito & querela amittebatur, & jus petendi reliqui, non solum in hæredis institutione, sed etiam in legato, sive id tamquam sibi legatum exheredatus peteret, sive relictum alii, illius nomine, peteret defendere, sibi relictum à legatario acciperet, aut etiam aliquid caperet mortis causa: nec referebatur, per se caperet, an per alium, per textum supra allegat. Constitutionibus Justiniani nihil quidem mutatum in institutione hæredis, sed si is, qui queri potest, hæredem scriptum pro hærede agnoverit,

rit, puta res hæreditarias ab hærede emendo, conducendove, aut solvendo quod defuncto debuit: cujus generis item est, si quid conditionis implendæ causa ab hærede acceptis; (quibus omnibus factis hæres scriptus pro hærede agnoscitur, l. 8. §. si conditioni 10. l. si ponas 13. §. 1. hoc tit.) querelam & jus petendi, quod sibi relictum, aut quod reliquum est, perinde amittit, ut jure antiquo. In legato verò prioribus Justiniani constitutionibus jus vetus hæcenus immutatum, ut quicumque alias queri potuissent, hoc ipso excludantur, quod legatum illis relictum sit, quamvis illud non agnoverint: cæterum accepto eo, quod relictum est, ad supplementum ejus, quod legitimæ deest, agere possunt, l. omnimodo 30. cum seqq. C. eod. Itaque jam non agnitio legati, sed ipsum legatum querelam excluderat. Novissimum autem jure ad excludendos à querela liberos & parentes iterum agnitio legati desiderari cœpit, si nihil iis titulo institutionis relictum esset, salva tamen, si quid debite portioni deesset, actione ad supplementum, Nov. 115. cap. 5. D. Tulden. hic, cap. 5. & 6. Ut igitur semel complectar omnem juris veteris & novi in hac parte differentiam, triplex discrimen observetur. Primum hoc est. Olim si minus legitima relictum esset, licebat repudiato legato agere de inofficio: hodie non licet, sed legato admissio, agitur ad supplementationem. Secundum hoc. Olim agnitio legati etiam rei minimæ excludebat non tantum querelam, sed omnem etiam petitionem reliqui: hodie ita querelam excludit, ut salva maneat ejus, quod legitimæ deest, petitio, nisi agnoscens profiteatur, se relictum contentum, de reliquo questionem remittere, l. si quando 25. §. pen. & ult. C. eod. Positum est. Olim qui rogatus erat legatum alteri restituere, non prohibebatur eo agnito & restituto de inofficio queri: hodie quiescente querela, id onus subducitur, proinde quasi ad modum legitimæ nec restituere jussus sit, l. 10. in fin. hoc tit. junct. l. quoniam 32. C. eod. Quod si quis in eo, quod alteri relictum erat, voluntatem defuncti approbasset, puta advocacy præstandam aut aliis modis, placebat olim cessare querelam, quasi judicio defuncti etiam in institutione comprobato: quippe qua sublata, ut tunc jus erat, cætera quoque corruerant, l. pen. §. 1. l. ult. in pr. & §. 1. hoc tit. junct. l. 9. de test. tut. l. eam quam 14. C. de fideicom. Verum commutata est ratio juris, posteaquam placuit, rescisso quoad institutionem testamento, legata posse consistere. *auth. ex caus. C. de lib. prat.* Hoc enim jure

posito, dicendum omnino videtur, sola legati, quod alii relictum est, agnitione non comprobari institutionem hæredis, arg. l. 10. C. de prob. ac proinde non prohiberi eum, qui in alieno legato judicium agnovit de inofficio suo nomine queri, ut bene disputat Don. 19. comm. 6.

T E X T U S .

De quarta legitimæ partis.

6. *Igitur quartam quis debet habere, ut de inofficio agere non possit, si jure hæreditario, si jure legati vel fideicommissi, vel si mortis causa ei quarta donata fuerit, vel inter vivos in iis tantummodo casibus, quorum mentionem nostra facit constitutio, vel aliis modis, qui in nostris constitutionibus continentur. Quod autem de quarta diximus, ita intelligendum est, ut si ve unus fuerit, si ve plures, quibus agere de inofficio testamento permittitur, una quarta eis dari possit, ut ea pro rata eis distribuatur, id est, pro virili portione quarta.*

N O T A E .

6. *Quartam quis debet habere*) Id est, portionem legitimam, quæ olim erat quarta debite ab intestato portionis, l. 8. §. 8. eod. Justinianus quantitatem auxit, substituto pro quarta triente; in liberis pluribus, quàm quatuor, semisse, Nov. 18. qua constitutione & parentum quoque legitimam ad trientem auctam ceniet Magister apud Harmen. lib. 5. tit. 9. §. 14. Theodorus Diaconus anciam καίτοι ἀδελφῶν, argum. cap. 2. d. Nov. 18.

Sive jure legati, &c.) Novissimum autem jure, ut testamentum ab omni impugnatione tutum sit necesse est, ut boni liberi & parentes honorentur titulo hæredis, Novell. 115. c. 3. 4. 5. Unde vulgo ajunt, legitimam titulo institutionis esse relinquendam, in qua sententia & Græci ad l. 8. b. s. Sufficit autem vel in particula aliqua assens vel etiam in re certa institutos esse, & si quid ad portionem legitimam deerit, id querela cessante condicetur actione suppletoria, d. §. 5.

In tantummodo casibus) Cujac. huc trahit duos casus, l. pen. §. 1. C. de collat. sed ex virosis, ut Bachovio videtur, collectione. Constitutio est l. 30. C. hoc tit.

In nostris constitutionibus) Non extant. Et forte nostris irreptitum est, fac. l. 17. C. de collat. junct. l. 9. C. hoc tit. quarum altera Leonis, altera Zenonis est.

Pro virili portione quarta) Hodie tertia, aut dimidia pro numero liberorum, Nov. 18. Igi-

tur si verbi causa duo sint liberi, singulorum portio legitima erunt duæ uncie: si sex, uncia.

COMMENTARIUS.

- 1 *Refellitur insignis quorundam error.*
- 2 *Jure Digest. & C. querelæ locum non potuisse, legitima quocumque titulo relicta.*
- 3 *Jus novum à veteri discrepare in casu, quo quid inter vivos donatum est ea contemplatione, ut in quartam habeatur.*
- 4 *Jure novissimo legitimam titulo institutionis relinquentem: & quomodo hoc accipiendum?*
- 5 *Quid intersit, titulo institutionis legitima relinquantur, an quo alio?*

Intolerabilis eorum error est, qui ex hoc §. colligunt, filium etiam non legitimè exheredatum, modo ei quocumque titulo legitima relicta esset, jure antiquo queri debuisse de inofficioso, nec alio jure ad bona patris venire potuisse. Quid enim certius, quàm præterito filio, qui erat in potestate, testamentum ipso jure nullum fuisse; emancipato præterito datam bonorum possessionem contra tabulas? Nec eo minus pro præterito habebatur, testamentumve nullum erat, aut per bonorum possessionem everti poterat, quod quartæ debita portionis, aut etiam multo amplius, præterito legatum fuerat. Nam utrum filius præteritus esset, necne, non ex legatione, sed ex institutione aut exheredatione æstimabatur, omnesque præteriti censebantur, qui neque hæredes instituti erant, neque ut oportet, exheredati, §. eadem 12. *inf. de her. qua int.* Itaque quod Ulp. ait, in l. 8. §. si quis 6. hoc tit. securè eum testari, qui mortis causa filio quartam donavit, non sic accipiendum est, posse patrem isto casu securè filium præterire, sed posse securè exheredare, hoc effectu, ut & testamentum jure consistat, nec per querelam rescindatur. Atque ex hoc jure nihil mutavit Justinianus: tota enim hæc disputatio, ut apparet, perinet ad liberos, quibus jure civili & prætorio à patris hæreditate exclusis unicum remedium superest, querela inofficiosi; ac proinde non ad alios, respectu patris, quàm qui legitimè exheredati sunt: matris enim & per matrem ascendentium præteritio pro exheredatione reputatur, ut sæpe dictum est.

Sive jure hæreditario, sive jure legati, &c.)

- In explicatione hujus tituli excusata esse debet ejusdem rei inculcatio. Jure veteri, liberis exheredatis aut præteritis, non tam ideo querela dabatur, quia exheredati aut præteri-

ti erant, quàm quod per præteritionem aut exheredationem privati quarta seu legitima portione. Ea autem relicta, ut nulla amplius censebatur iniquitas, ita cessabat querela, manebat efficax exhereditatio & firmum testamentum. Cui erat consequens, ut querela excluderetur, non tantum si quarta relicta foret titulo hæreditario, sed etiam si titulo legi aut fideicommissi. Et quia mortis causa donationes legatorum instar obtinent, l. & si 17. in fin. de mort. caus. don. *supr. de donat. §. 1.* placebat etiam, si quis ei, qui queri poterat, quartam mortis causa dedisset, cum securè testari, d. l. 8. §. si quis 6. quod jus in codice suo, item Nov. 18. c. 1. unde *auth. novissima, C. hoc tit.* Justinianus integrum reliquit novissimè verò ab eo recessit Nov. 115. c. 1. & 4. Cæterum de eo plura inferius.

Vel inter vivos iis tantummodo casibus, &c.)

Si quid inter vivos simpliciter donatum fuerat, etiam si quartam adæquaret, per hoc non excluderetur querela: contra verò si hac contemplatione datum erat, ut in quartam haberetur, l. si non mortis 25. hoc tit. Hoc abrogavit Justinian. ea constitutione, cujus hic meminit, nimirum l. si quando 35. §. 1. C. *col.* Sanxit enim, ut si quid liberis à patre inter vivos donatum sit, etsi ea lege ut hoc in quartam reputent, atque adeo ut renuntient querelæ, & renuntiaverint, nisi tamen pater iudicium post mortem ejus agnoverint, aut cum scriptis hæredibus transegerint, manere nihilominus jus integrum testamentum patris arguendi, nec pactum cum patre factum nocere liberis, qui ex sententia Papiniani meritis magis ad obsequia paterna provocandi, quàm pactionibus adstringendi sunt. D. Cuiacius putat intelligi, l. pen. §. 1. C. de collat. ubi Justinianus sancit, ut duobus casibus donatio simplex in collationem veniat, si ea lege à patre facta sit, ut conferatur; si facta sit in compensationem dotis aut donationis propter nuptias, quam unus è liberis accepit: ex quo colligit Cuiacius, donationem inter vivos duobus istis casibus in quartam imputari. Sed vitiosa omnino est hæc collectio, atque è diametro pugnat cum d. l. si quando 35. §. 1. C. hoc tit. Ac tamen verum est, omnia, quæ in quartam imputantur, in collationem venire: non ideo tamen è converso quæcumque veniunt in collationem, computantur in quartam: quod perspicuè ostendit d. l. pen. in pr. C. de coll. ut adeo ead. l. quam Cuiacius adducit, refellatur ipsius collectio. Et nimirum collatio facilius admissa est, ut æqualitas inter liberos in successione ab intestato servaretur, quàm

quàm filii exheredati exclusio à querela: quem ob casum Justinianus expresse noluit per donationem inter vivos, licet ea conditione factam ut in quartam computaretur, filium à querela excludi, nisi iudicium patris post obitum ejus agnovisset, *d. l. si quando §. §. 1. & 2. C. hoc tit.*

Vel aliis modis, qui in nostris constitutionibus Hæ constitutiones fortassis priori Codici insertæ fuerunt: in posteriore enim, quem solum habemus, nulla Justiniani reperitur constitutio, quæ huc pertineat: nisi dicimus, verbum *nostris* irreperitum esse & delendum. Sane Cujac. & Hotom. id non agnoscunt, & à plurimis libris abesse testatur Pacius. Fac igitur hic ita scriptum esse, *aliis modis qui constitutionibus continentur*. Quinam ergo isti modi sunt præter legatum, fideicommissum, & donationem mortis causa, quibus liberi quarta à parentibus accepta constitutionibus à querela repelluntur? Dos & donatio propter nuptias, quam utramque cum Leo conferri à liberis jussisset, *l. ut liberis 17. C. de collat.* utramque etiam in quartam imputari præcepit Zeno, *l. quoniam 29. C. hoc tit.* Novissimum jure, ut supra memini, tota hæc ratio mutata est. Nam ex *Nov. 115. c. 3. & 4.* non sufficit ad excludendos à querela liberos & parentes legitimam eis quovis titulo relictam esse; sed ut testamentum ab omni oppugnatione tutum sit, necesse est, ut boni liberi & parentes honorentur titulo hæredis, ut jam non tam queratur, an legitimam habeant, quàm an instituti sint, aut justè à successione summoti. Patet hoc primum ex *d. Nov. c. 3.* ubi Justinianus expressissimis verbis sancit, non licere penitus parentibus liberos suos præterire vel exheredes facere, nec si quovis titulo particulari eis reliquerint legibus debitam portionem. Deinde ex *cap. 5. ejusdem Novell.* ubi testatur, hanc suæ serenitatis intentionem esse, ut à liberis & parentibus injuriam exheredationis & præteritionis auferat. Atqui non auferitur ista injuria, sed manet adhuc, si adhuc liceat immerentes liberos & parentes exheredare aut præterire, etiam si eis legitima titulo aliquo particulari relinquatur. Tunc solum nulla injuria manet, si aut instituantur aut meritis de causis exheredentur: unde DD. vulgo ajunt, legitimam hodie titulo institutionis esse relinquendam, *Clar. §. testamentum, q. 18. Grass. §. legitima, q. 32.* At enim verò necesse non est, ut institutio fiat in universa legitima, sed sufficit vel in particula aliqua aîsis, vel etiam ex rebus certis hæredes nuncupatos esse, aut institutos simpliciter,

jussosque certis rebus esse contentos: quibus casibus, etsi minus relictum portione legitima, cessat tamen querela, & competit actio ad supplementum: quod si quid aliud insuper relictum, id in legitimam imputatur secundum priores Justiniani constitutiones: *d. cap. 5. l. omnimodo 30. cum seqq. C. hoc tit.* cum contra jure veteri etiam institutus queri non prohiberetur, si ex institutione totam legitimam non obtineret, ut sup. notatum ad §. 3. At, inquires, hoc posito aberravit Justinianus à scopo suo. Nam ex vera ratione juris atque ipsius etiam constitutione Justiniani, qui certæ rei hæres institutus est, dat aliis cohæredibus, aut qui simpliciter institutus jussus est, certis rebus deductis, hæreditatem restituere, non hæredis, sed legatarii loco habetur, nullasque actiones hæreditarias aut exercet, aut excipit, *l. 13. C. de her. inst. §. si quis 9. inf. de fideic. her.* Jam verò si nihil refert, legatum alicui detur, an in re certa hæres instituitur addito vero hærede, nec magis hoc, quàm illo modo fiat, ut hæres sit, falsus Justinianus fuit existimans, injuriam præteritionis aut exheredationis tolli, si modo hæres quis nuncupetur vel ex re certa, vel simpliciter & certis rebus deductis, rogetur hæreditatem restituere. Nam si hæres non fit, si nihil amplius ea res efficit, quàm si legatum accepisset, certè pro præterito habendus erit, quomodo rationatur & Glossa in *l. si quis prior 29. ad Trebell.* Ex quo etiam sequitur, inane esse, sine re atque effectu, quod jactatur de honorifico titulo institutionis. Et fatendum est, hoc poscere rationem juris, atque oportuisse, si revera splendidiore ac lautiore titulo officiosos liberos ac parentes decorari volumus, constitui, ut saltem in parte aliqua aîsis hæreditarii licet minima, vel utique in ipsa legitima, quam pro triente, semisse, aut quadrante nihil accipi vetat, hæredes instituantur. Sed tamen Justinianus hoc non exigit, cui visum est, satis tolli injuriam præteritionis per solum hæredis nuncupationem, eumque, qui vel in re certa institutus esset, justam causam non habere conquerendi se esse præteritum: quod ne videatur sine ullo juris effectu constitutum, defendi potest cum Sichard. post Bart. Jaf. & DD. in *l. 13. C. de her. inst.* eum, qui in re certa institutus est, mixtæ cujusdam conditionis & naturæ esse, medizque inter hæredem & legatarium: unde & hæredis nomen retineat, & rem, in qua institutus est, propria auctoritate apprehendere possit; quodque præcipuum est, jus etiam accrescendi habeat, hoc est, deficiente cohærede simpliciter instituto.

tuto: ipse universam hæreditatem solus consequatur, perinde ac si ab initio solus ex certa institutus esset: licet aliud videatur Ant. Fab. dec. 15. err. 5. D. Corn. Syvanemb. *tratt. de jur. accr. c. 8.* Bartolus *d. loc. ait*, in re certa institutum, rei illius respectu, pro legatario censeretur, respectu personæ ipsius, pro hærede; quod satis Justiniano visum ad eum excludendum à querela. Vid. Sichard. *d. loc. n. 3.* Gudel. *lib. 2. de jur. noviss. c. 7. d. dec. 7. cur Holland. Grass. §. hæreditas, q. 8. n. 3.* Decker. *lib. 1. diff. 8. n. 21.* Christ. *vol. 4. dec. 11. n. 5. & vol. 2. dec. 170.* Bachov. *vol. 2. disp. 12. thes. 1.*

Ut ea pro rata distribuatur) Itaque si unus sit filius, is habere debet quætam partem totius

substantiæ, id est, tres uncias: si duo, singuli fescunciam, & sic porro, ut virilis singulorum portio sit quarta ejus partis, quam ab intestato habituri essent, l. 8. §. si quis 6. & §. quoniam 8. *hoc tit.* Jure autem novissimo et Nov. 18. cap. 1. si unus sit filius, is tertiam totorum bonorum partem habere debet, id est, uncias quatuor: si duo, singuli uncias duas: & sic ita deinceps ut virilis singulorum portio sit triens illius partis, quam ab intestato latori fuerant. Si verò plures sint liberi, quim quatuor, semis omnibus relinquendus, id est, dimidia ejus partis, quæ jure legitimæ successione debetur. Quare si verbi causa sex erunt liberi, legitima singulorum erit uncia.

TITULUS DECIMUS NONUS.

DE HÆREDUM QUALITATE ET DIFFERENTIA.

Dig. Lib. 29. Tit. 11. C. Lib. 6. Tit. 31.

Continuatio, & argumentum tituli.

COMMENTARIUS.

SI testamentum ab initio rectè factum fuerit, neque postea infirmatum, secundum ea, quæ superioribus titulis exposita sunt, incipit post mortem testatoris deferri testamentum hæreditas, ut jam ad acquisitionem ejus nihil supersit præter susceptionem; quæ ex duabus partibus, quibus acquisitionem hæreditatis constare diximus, sub §. ultim. *sup. per quas pers. cui acq.* altera est. Quamvis autem eadem sit ratio acquirendæ hæreditatis ab intestato delatæ, atque ex testamento: tamen cum differuisset Imperator de deferenda hæreditate ex testamento, partem alteram, quæ est de delata acquirenda, diuelli non vult, licetque hinc petere, quod illo pertinet. Sunt autem duo hujus tituli capita, quorum alterum inscriptio indicat; alterum est de acquirenda vel omittenda hæreditate. Posterioris cognitio à priori dependet. Nam cum varia sit hæreditatis acquisitio, eam varietatem efficit diversa qualitas & conditio hæredum. Quamobrem rectè primum indicantur genera & differentia hæredum, deinde demum disputatur de acquirenda vel omittenda hæreditate.

TEXTUS.

Divisio hæredum.

Hæredes autem aut necessarij dicuntur, aut sui & necessarij, aut extranei.

1. In his regionibus hæredes omnes esse voluntarios.

Trimembris hæc hæredum divisio ex duabus bimembris constata est, more nostris usitato. Sic autem revocabitur, ut dicamus, hæredum alios esse necessarios, alios voluntarios; & illorum alios necessarios simpliciter, alios necessarios & suos. Rectius verò necessariis hæredibus opponimus voluntarios, quàm extraneos, arg. l. 12. de cond. inst. l. 15. & seq. de acq. her. l. 3. §. 3. de her. inst. quippe extranei ad distinctionem suorum magis dicuntur, non considerata in eis necessitate, l. si alienum. 46. §. 1. de her. inst. l. 6. in pr. de inst. rupt. l. 6. de vent. in poss. mitt. §. cum autem 7. inf. de her. qua ab int. §. posthum. 26. tit. seq. Est autem hæc distributio ex jure civili: nam prætor suos hæredes ex necessariis vi ipsa fecit voluntarios, dato beneficio abstinendi, §. 1. inf. in fin. In hisce regionibus præter voluntarios hæredes alios nullos agnoscimus: non necessarios, quia neque servos habemus, nec habemus filios cum servili illi qualitate: quippe quæ effectus est veteris illius juris patrii dominio similis, apud nos, ut sæpe dictum est, incogniti. Non suos: quia sine fitione dominii rerum paternarum, ejusque post mortem patris continuatio in persona filii, fuit in-

telli-

telligi non potest; cuiusmodi Romani juris subtilitates nostræ gentis simplicitas respuit.

T E X T U S.

De hæredibus necessariis.

1. Necessarius hæres est servus hæres institutus; ideoque sic appellatur, quia sive velit, sive nolit, omnino post mortem testatoris protinus liber & necessarius hæres fit. Unde qui facultates suas suspectas habent, solent servum suum primo aut secundo, aut etiam ulteriore gradu hæredem instituere: ut si creditoribus satis non fiat, potius ejus hæredis bona, quàm ipsius testatoris, à creditoribus possideantur, vel distrabantur, vel inter eos dividantur. Pro hoc tamen incommodo illud ei commodum præstat, ut ea, quæ post mortem patroni sui sibi acquisierit, ipsi reserventur. Et quamvis bona defuncti non sufficiant creditoribus, iterum tamen ex ea causa res ejus, quas sibi acquisierit, non veniunt.

N O T A.

Pro hoc tamen incommodo) Pro aspersione hujus notæ, quod bona ipsius nomine à creditoribus possideant, vel distrahantur.

Illud ei commodum præstat) Μις τις τοῦ αὐτοῦ ὑδίου, merces hujus iuriz. Theoph.

Ex ea causa res ejus) Cujac. Fabroz. *ex alia causa quas sibi res acquisierit*, & ita quoque Theophil. VINN. Sed nihil tamen mutandum, Ostendit enim Justinianus servum factum hæredem necessarium, melioris esse conditionis quàm eum, qui bonis celsit; non posse enim ex ea causa res ejus, quas sibi postea aliunde adquisivit, venire, quod fieri potest, si quis bonis celsit, ad meliorem fortunam pervenerit, salvo licet beneficio competentiz. l. 4. l. 6. l. 7. ff. de cess. bon. HEIN.

C O M M E N T A R I U S.

Necessarius hæres est servus, &c.) Necessitatis hujus causa est dominica potestas.

Cur enim non liceret hæredem necessarium facere, quem licebat occidere? arg. l. in suis. 11. de lib. & posth. Non ait, institutus cum libertate; quod olim ex plurium sententia necessarium erat, ut valeret institutio: sed simpliciter, institutus: quia etiam omiſſa datione libertatis à domino institutum, liberum & hæredem necessarium esse voluit, l. pen. C. de nec. serv. bar. inst. §. 2. sup. qui & ex quib. ca. man. & sup. de bar. inst. in pr. Absolutè igitur necessarius hæres est servus à domino

hæres institutus, sed scilicet, si in eadem causa manserit. Nam si vivo testatore manumissus fuerit, sua voluntate hæres fit, si alienatus, novum dominum adeundo hæredem facit, §. 1. sup. de bar. inst.

Sive velit, sive nolit, omnino post mortem testatoris protinus) Hæc verba textus evidentissimè ostendunt, non idem servum hæredem dici necessarium, quod nolenti imponitur necessitas adeundi: sed quia protinus, id est, statim à morte testatoris, hæres fit, solaque juris potestate citra ullam additionem creditoribus hæreditariis obligatur, perinde ac sui hæredes & necessarii. Unde & si furiosus fit, necessarius domino hæres existit; l. furiosus. 63. de acq. bar. Et vel hoc solum, quod abstinendi facultas ei denegatur, l. necessarii. §. 7. in fin. d. tit. certum argumentum est, ipso jure cum hæredem fieri. Cui jam consequens, statim quoque cum & simul liberum fieri: quod significat Jurisconsultus in l. 6. §. ult. de bar. inst. cùm ait, servum hæredem institutum à semetipso libertatem accipere; idemque traditur in l. ex parte. §. 8. de acq. bar. Perspicuus ergo Giphanii error est, qui scribit, ante additionem neque liberum fieri, neque hæredem. Et verò hoc ita constitui necesse fuit, ut invitus obligaretur creditoribus hæreditariis: siquidem ut quis præcisè adeat hæreditatem, cogi non potest, ne servus quidem à domino, l. 3. C. de bar. inst. Observandum autem est, eum demum servum necessarium hæredem fieri, cui non aliunde debetur libertas. Nam si quis eum, quem ex fideicommissio manumittere debebat, testamento suo liberum & hæredem esse jussit, placet, hunc necessarium hæredem non esse: quia libertatem non tam beneficio testatoris, quàm alieno & debitam sibi accepit, l. si servo. 84. de bar. inst.

Unde qui facultates suas suspectas) Indicat præcipuam utilitatem, eamque secutam consuetudinem instituendorum servorum. Utilitas in eo consistit, ut bona dominorum, qui solvendo non sunt, post eorum mortem, non ipsorum, sed servi hæredis necessarii nomine à creditoribus possideantur vel distrahantur. Hinc orta consuetudo, ut qui facultates suas suspectas habent, infamiam auctoris metuentes, eam hoc pacto in servos deriverent; quos pro honore delatæ sibi hæreditatis conjuncto cum beneficio manumissionis æquo animo asperſionem hujus notæ ferre convenit, uti supra quoque notatum est sub §. 1. qui & ex quibus. ca. man.

Hoc commodum præstat) Μις τις τοῦ αὐτοῦ ὑδίου, Theoh. Duriusculum enim fuisse, SSS 2

ut si quid post mortem testatoris non ex causa hæreditaria, sed vel sua industria, vel ex aliorum liberalitate acquisivisset, ejus quoque distrahendi potestas creditoribus fieret. Cæterum prius quam bonis testatoris se immisceat, cave attingat, petere debet à prætore horum bonorum separationem, quam & hoc casu impetrat, l. 1. §. ult. de separ. bon. Quo loco, quod notandum est, separari etiam id dicitur, quod servo à testatore debetur, quasi hoc etiam dici possit à patrono non perfectum: quæ singularis est humanitas.

TEXTUS.

De suis hæredibus.

2. Similem & necessarii hæredes sunt, veluti filius, filia, nepos neptisve ex filio, & deinceps ceteri liberi, qui in potestate morientis modo fuerint. Sed ut nepos neptisve sui hæredes sint, non sufficit, eum eamve in potestate avi mortis tempore fuisse: sed opus est, ut pater ejus, vivo patre suo, deserit suos hæres esse, aut morte interceptus, aut qualibet alia ratione liberatus à patria potestate: tunc enim nepos neptisve in locum patris sui succedit. Sed sui quidem hæredes ideo appellantur, quia domestici hæredes sunt, & vivo quoque patre quodammodo domini existimantur. Unde etiam si quis intestatus moriatur, prima causa est in successione liberorum. Necessarii verò ideo dicuntur, quia omnino, siue velint, siue nolint, tam ab intestato, quam ex testamento, ex lege duodecim tabularum, hæredes fiunt. Sed his prætor permittit volentibus abstinere hæreditate, ut potius parentis quam ipsorum bona similiter à creditoribus possideantur.

NOTÆ.

2. Qui in potestate morientis) Εἰ τὸ κατὰ τὴν τελευτῆς. Th. atque hoc in liberis primi gradus perpetuum est: nam filius, qui in potestate est, non potest non esse suus hæres: in cæteris non item, ut mox sequitur.

Non sufficit in potestate, &c.) Ex his, qui in familia defuncti sunt, suos hæres proprie est, quem nemo in suo ordine antecedit, l. 33. §. de testam. mil. l. 6. de injust. rupt. §. 2. sup. de exb. lib.

Aut qualibet) Est tamen casus, quo nepos, qui tempus mortis avi suus hæres non erat, propter præcedentem personam patris destituito avi testamento suos hæres avo ab intestato exstitit, v. §. 7. & seq. inf. de bar. qua ab int.

Prima causa liberorum) Satorum scilicet hæredum. §. 2. inf. de bar. qua ab int. Hodie au-

tem liberorum omnium, Nov. 118. c. 1.

Siue velint, siue nolint) Necessitas hæc à jure patris potestatis, l. 4. de cond. & dem. quæ & ipsa est ex lege decemvirali. Dion. Halicarn. l. 2. pag. 96.

Prætor permittit volentibus abstinere) Quo beneficio utentes hoc consequuntur, ut quamvis creditoribus hæreditariis jure civili teneantur, tamen in eos actio non detur, l. 57. de acq. bar. Itaque vi ipsa prætor ex necessariis voluntarios fecit, non tamen extraneos, quia, quod ipsis commodum, sui adhuc maneat, §. 3. inf. de hered. qua ab int.

COMMENTARIUS.

1. Plenius & planius, quam vulgo, sui hæredes describuntur.
2. Verbum hoc suus hæres non esse populari & oratorium, sed forense & disciplina juris proprium: deque eo nonnulla non passim obvia.
3. Exponitur latissimè hujus nominis ratio.
4. Unde altera horum hæredum qualitas, nempe necessitas: & quid ea operetur?
5. Prætorum dato beneficio abstinendi necessitatem sustulisse, sed salvo jure suitatis, & quomodo effectum ea res habeat?

Veluti filius, filia, nepos, &c.) Quæ sint & dicantur sui hæredes, licet non definitione aliqua, sed exemplis hic declararetur, facile tamen ex his, quæ traduntur, quavis per se brevem & explicandæ rei idoneam definitionem extruxerit. Nam si non alii sui hæredes sunt quam liberi defuncti, & à liberis soli illi, qui in potestate morientis fuerunt, atque ex his, qui in potestate fuerunt, soli, quos tempore mortis nemo in familia antecederet, hæc inductio nos quasi manu ducit ad hanc definitionem: Sui hæredes sunt liberi defuncti, qui, quo tempore is moritur, in potestate ejus sunt, primumque ab eo locum in familia obtinent. Non est tamen hæc definitio modis omnibus absoluta. Nihil in ea desideraremus, si idem semper mortis tempus & delatæ hæreditatis esset: ad hæc tempora non semper concurrunt; ex quo aliquando fit, ut qui, moriente eo, de cujus successione queritur, suos hæres non erat, postea tamen ei suos hæres existat. Planè neque ex testamento quisquam suos hæres existere potest, nisi qui tempore mortis in familia testatoris proximus est neque ab intestato, si aut nullum testamentum factum proponatur, aut quod factum erat, vivo testatore ruptum, aut vitiatum; quippe in his

casibus aliud tempus, quo deferatur hæreditas, nullum est, quàm tempus mortis. At si proponas, patremiam. factò jure testamento, quod eo vivo infirmatum non sit, decessisse, hic evenire potest, ut qui tempore mortis suus hæres non erat, postea suus hæres existat, non utique ex isto testamento, sed eo destituto ab intestato; ut ecce; pater filio exheredato extraneum hæredem instituit; deliberante hærede scripto filius moritur; mox scriptus omittit hæreditatem: nepos ex illo filio susceptus avo suus hæres erit ab intestato, & hic tamen tempore mortis avi suus esse non potuit propter præcedentem personam patris, l. 7. unde lib. §. cum autem. 7. & seq. inf. de har. qua ab int. ubi hoc pluribus illustratur. Ut igitur perfecta sit definitio, pro tempore mortis ponatur tempus delatæ hæreditatis, hoc modo suus hæres est, quia in potestate morientis fuit, & tempore delatæ hæreditatis in familia proximus est.

Aut qualibet alia ratione) Puta emancipatione aut deportatione. Nam si quis ex suis hæredibus qualibet ratione suus hæres esse desierit; statim liberi ejus gradum occupant, & succedendo in sui hæredis locum quasi agnascendo sunt avo aut proavo sui hæredes, §. 2. supr. de exher. lib. §. 2. inf. de bar. qua ab int. l. Galus. 29. §. & videtur. 12. cum seq. de lib. & possib. Enim verò hodie occupatio loci paterni atque in sui hæredis locum successio ex causa emancipationis nihil operatur quod effectum succedendi ab intestato, postquam placuit, etiam filios emancipatos jure civili ad successionem ab intestato admitti, atque in ea successione præferri nepotibus ex se natis, licet retentis in potestate avi, Nov. 118. c. 1. Ex quo etiam intelligimus, hodie edictum de conjug. cum emancip. lib. inutile esse.

Sed sui quidem hæredes) Nomen suorum hæredum ex jure civili descendit, l. ult. de bon. damnat. hoc est, ex lege duodecim tabularum, l. liberorum. 220. de verb. sign. Ulp. tit. 26. estque verbum forense ac proprium Jurisconsultorum, non popolare aut oratorum, de quo Horom. 9. obs. 10. Quod ut intelligatur, sciendum est relativum suus non eodem modo ac sensu in proposito apud nostros usurpari, quo apud grammaticos et in sermone populi. Popularis locutio est, cum ea dictione ut relativa & reciproca sic utimur, ut referatur & redeat ad eam personam, quæ præcessit; veluti cum nostri dicunt, *Mulier suus filios in potestate non habet*, l. 5. C. de adopt. *Pater agnovit suum partum*, aut *filium suum*, l. 1. §. Julian. 22. cum seqq. de agn. & al. lib. Cajus,

Sejus testamento uxorem suam barem instituit, l. Titia. 34. §. 3. l. ult. de legat. 2. In his enim locutionibus vox *suus* ad præcedentem personam refertur, scil. ad matrem, ad Cajum Sejum. Atque hic usus hujus vocis, quem pueri docentur in scholis: citato vulgato illo, *Rogat te Casar*, ut *suas partes sequar*. Ex eadem consuetudine & more vulgari nostri quoque loquuntur, cum utramque vocem, *bares* & *suus*, conjungunt: sed ita, ut *suus* sequatur veluti in his: *Testator à Titio barede suo centum legavit*. *Titia ita fidei commissi baredis sui*. *Stipulator est sibi baredique suo*, ire agere licere, l. 2. §. ult. de verb. obl. Si quis uti frui licere sibi baredique suo stipulator sit. l. stipulatio. 38. §. sed si. 12. d. tit. Quintil. lib. 5. cap. 16. *Quem quis baredem suum esse voluit, eorum habuit*. At cum ex usu juris peculiari loquuntur, verbum *suus* refertur ad eum ipsum, qui hæres est, & quod diligenter observandum, tunc perpetuo id verbum præcedit; ut in his, *Mulier suum baredem paritura est*, l. 31. §. 1. de acquir. bared. *Æmina suum baredem non habet*, l. 4. §. 2. contr. tab. *Spei est, suum baredem defuncto existere* l. pen. §. 1. unde legit. *Filius patri suus bares est*, l. 45. §. 1. de neg. gest. *Mortuo filio nepos ex eo fit avo suus bares*, l. 13. de injust. rupt. cum sexcentis similibus. Et igitur cum dico, *Mulier suum baredem non habet*, intelligitur loqui de usu juris peculiari: cum ajo, *Sempernia baredem suum rogavit*, ut partem bareditatis restituat Titio, ex usu communi. Rationem nominis mox audiemus.

Quia domestici baredes sunt) Theoph. i. x. xxi, eadem fere significatione, qua domesticum testimonium §. in testib. 9. sup. de test. ordin. Aut quasi i. x. xxi. και ἀφ' αὐτῶν ἔχοντες, τὴν λαογραφίαν. Οἱ αὐτοὶ, vernæ hæredes, qui non aliunde acciti, sed dominati sunt. Ita & Plin. Paneg. cap. 37. *domestici* hæredes opponit extraneis, eosque ait bona non ut aliena & speranda, sed ut sua semperque possessa capere.

Et vivo patre quodammodo domini) Sui hæredes ideo dicuntur, quia non alienam, sed jam quodammodo suam hæreditatem accipiunt, & non magis alteri, quàm sibi met ipsi; hæredes sunt: unde Græcis dicuntur αὐτοκλή, ἴμν, quod eleganter ad Phœnicem suum Laëtantius accommodat hoc versu:

Ipsa sibi proles, suus est pater, & suus bares.

Atque hoc nomine non magis post mortem patris appellatur, quàm eo adhuc vivo & superflite κατά περιλήψιν, & quod singulariter notandum, etiam vivo adhuc patre, dicuntur desinere sui hæredes esse, puta si caput: minuti

fuerint, l. 1. §. 4. l. 11. de suis, & legit. l. 13. de injust. l. 29. §. 12. & seq. de lib. & possb. nimirum ideo, quia vivente adhuc patre, jam quasi quodammodo domini, patrique socii, participes, & coheredes sunt, testimonio non solum nostrorum, Pauli l. 11. de lib. & possb. Justiniani hoc text. & §. 3. inf. de her. qua ab int. verum aliorum etiam scriptorum. Terent. Heaut. act. 1. sc. 1. Donec salvus redierit meus pater. Aufon. Idyll. 3.

Iusta quidem series patri succedere: verum

Est simul dominos, gratior ordo piis.

Unde passim in comœdiis tervi filios dominorum, heros minores, *ναῖκεις δαίμονας*, vocant. Telemachi subulus dicitur, qui erat Ulyssis. *Odys. l.* Servus Abrahami Isaacum vocat dominum suum, *Gen. 24. num. 65.* Atque hinc est, quod patre mortuo, non tam novam & alienam hæreditatem percipere existimantur, quàm pleniorē & liberiorē veterum bonorum administrationem, statimque à morte parentis quasi continuatur dominium, d. l. 11. de lib. & possb. quo fit, ut ubi suus hæres est, numquam jacere hæreditas dicatur: nimirum quia nullum inter defuncti mortem & existentiam sui hæredis intervallum est, l. 1. §. qui sunt 7. si quis omis. ca. test. Ex eo item est, quod sui hæredes ipso jure hæredes existant, citra ullum vel suum vel alterius factum, sine additione, sine cretione, sine gestione pro hærede, d. §. 3. inf. de her. qua ab int. l. in suis 14. de suis & leg. adeoque ance apertas tabulas, l. 3. C. de jur. del. tametsi ignorent patrem decessisse: ac proinde etiam furiosi sint, aut alias voluntate careant, d. §. 3. l. furiosi 63. de acq. her. Cujus rei hic effectus, ut paternam hæreditatem tamquam jam sibi quesitam ad quoscumque hæredes transmittant, d. l. 3. C. de jur. delib. Hinc denique est, quod cum extranei dicantur *acquirere, adire, repudiare hæreditatem*, sui dicuntur *hæredes existere*, (quod Græci interpretantur *ἀναπαίσιον & αἰ*) *retinere, immiscere, abstinere*: quasi qui rebus jam olim suis, ut domini utantur, easve retineant aut derelinquant. Postremo ex his etiam liquet cur sui hæredes, si non instituantur, exheredandi sint, atque in his solis exheredationem propriè dici, l. quidam 13. v. 1. de verb. obl. add. Hotom. 9. obs. 10. VINN. Similia fere sunt apud Oisef. ad Caj. Inst. lib. 11. tit. 3. §. 6. Sed incommodiorem videtur ratio, filios esse hæredes vivo patre, quum viventis nulla sit hæreditas. Hinc verosimilius videtur, filios dici suos hæredes, quasi proprios, & in patris potestate dominique Quiritario constitutos. Ita Jan. à Co-

sta ad pr. Inst. hoc tit. & V. C. Schulting. ad Caj. l. c. p. 166. HEIN.

Si quis intestatus De hac re agimus inf. §. 2. de her. qua ab int. Disertè autem ait *intestatus*: nam lex duodecim tabularum liberam civibus Romanis testandi facultatem concessit, cujus vi legis patri licuit, filium quem in potestate habebat, exheredare, aliumque sibi liberem facere. Sed & hoc ipsum, quod hic refert, ex jure civili est, & illo antiquo: quippe jure honorario postea etiam liberorum emancipatorum ratio haberi cœpta est, perindeque hi liberi ad bonorum possessionem & vi ipsa ad hæreditatem a prætore admissi, ac si capite minuti non fuissent, l. 6. §. 1. de bon. poss. §. emancipati 9. inf. de her. qua ab int. Hodie autem liberi emancipati non minor, quàm sui, etiam jure civili ab intestato succedunt, Nov. 118. c. 1. quamquam in modo acquirendæ hæreditatis diversitas mansit: de qua alibi.

Necessarii ideo dicuntur, quia sine velint, sui nolint Necessitas hæc à jure patris potestatis est, l. 5. de cond. & dem. quæ similis dominicæ fuit, ut ostendimus in §. 2. sup. de pat. pot. liberosque hac in causa redigebat ad instar servorum: uode & commune iis servis hæredibus à domini institutis nomen necessariorum hæredum, l. 12. de cond. inst. l. necessarii. 17. de acq. her. & passim. Licet autem sicuti coloniarum necessitas, est tamen diversa qualitas à suitate. Ex eo quod qui suus est, ipso jure hæres fit, bonaque paterna penes eum remanent, ex eo quod necessarius, ea retinere cogitur, creditoribusque paternis, velit nolit, respondere, d. l. necessarii. quamquam hic etiam suum confert suitas. In suitate jus liberorum magis, in necessitate solius patris vertitur: cui ob id liberum fuit necessitatem hanc remittere, atque ex necessario hærede facere voluntarium, d. l. 22. de cond. inst. l. jam dubitari. 86. de her. inst. Neque unquam pater dicitur suum heredem facere, sed bene necessarium: & cum impuberi filio fratre necessarium heredem facit, suum tamen heredem non facit, ut rectè Govean. d. l. 2. §. 5. num. 33. & in l. 10. §. 1. num. 2. de vulg. & pupil. contra Bart.

Prætor permittit volentibus abstinere hæreditate Cum quæritur hæreditatis hæc vis sit, ut nos obliget æri alieno, licet solvendo non sit, l. 8. de acq. her. suiisque hæredibus ipso jure acquiratur hæreditas, consequens quidem est, ut creditoribus hæreditariis respondere teneantur, quamvis bona paterna non sufficiant, usque se bonis abstinere parati sint: humanitas tamen hic postulare videbatur, ut eo onere,

re, qui id non sponte suscepissent, liberarentur. Verum tantum abest, ut jus civile iis subvenerit, ut eodem jure etiam necessitas ista comparata sit & annexa suitati. Et quid mirum, si lex, quem occidere patri permittebat eundem necessarium hæredem patri fecerit, aut permisit patrem sibi facere? Cæterum acerbitate juris civilis prætor mitigavit data suis & necessariis hæredibus potestate abstinendi: quo beneficio qui ex his uti volunt, hoc consequuntur, ut necessitate subeundorum onerum hæreditariorum non adstringantur, d. l. *necessarii* § 7. de acq. bar. Ex eo autem quod prætor hic dicitur liberis necessariis hæredibus voluntibus potestatem facere abstinendi hæreditate, & alibi eos liberare oneribus hæreditariis, si velint derelinquere hæreditatem, d. l. *necessarii*, rectè colligitur, prætorem ex necessariis vi ipsa fecisse voluntarios, quamquam non extraneos: necessitatem tantum à prætore sublatam, non suitatem: quippe cuius maxima pars ad utilitatem liberorum pertinet, quibus prodesse, non nocere prætori propositum fuit, l. 12. de vulg. & pup. Quamobrem etiamnum & ipso jure & ignorantes hæredes fiunt, & obligantur creditoribus hæreditariis, §. 3. inf. de bar. qua ab int. l. 22. de cond. furt. dict. l. *necessarii* § 7. quamvis respectu beneficii prætorii, quo fit, ut in eos actio non detur, idem jure habere dicuntur, quod futurum esset, si liberum arbitrium adeundæ hæreditatis haberent, l. nam nec § 9. de legat. 1. Manebit igitur adhuc idem suitatis effectus, quem supra indicavi, ut si filius decesserit, cum vel ignoraret patrem mortuum esse, vel sciret & quidem, sed nondum declarata voluntate de retinenda aut de relinquenda patris hæreditate, eam hæreditatem, utpote ipso jure sibi jam quæsitam, ad hæredes quoslibet transmittat. Rectène dicitur, jus suitatis tolli per exhæredationem; aut vulgarem substitutionem; alibi disputavimus. Clarius verò adhuc apparet, suitatem non esse sublatam à prætore ex eo, quod etiam post abstentionem nudum illud nomen hæredis non est sine effectus: nam & sola sui hæredis existentia confirmat tabulas pupillares, ut docuimus supra sub pr. de pup. subst. & libertates sustinet, l. cum quasi. § 10. sed et si 10. de fid. lib. quo loco diserte pro oratione hoc assert Jurisconsultus, quod non sine hærede, quia suum hæredem, licet se abstinentem, habet: & operatur confirmationem fideicommissi, ut restituta hæreditate ex Senatusconsulto Trebell. transeant actiones, l. ita tamen. 27. §. 3. ad Sen. Treb. Postremo inde est, quod hæredi-

tas pupilli, quantumvis abstinentis, potestate juris civilis cum hæreditate patris confusa censetur, l. *paterfam.* 28. de reb. auct. jud. poss. licet hoc casu substitutus pupilli separationem bonorum patris & filii petere possit ex sententia Marcelli probata ab Ulpiano l. *Julianus.* 42. de acq. bar.

Ut potius parentis, quàm ipsorum bona) Species ignominix est, bona alicujus à creditoribus præter æs alienum possideri aut publicè distrahi. Itaque ne id fiat, etiam mortuorum interest; atque ob eam causam placuit, non minus ignominiam istam, quàm hæreditatem servis relinqui posse: nec causam prætor habuit, cur servo necessario hæredi potestatem daret abstinendi, d. l. *necessarii* § 7. ult. de acq. bar. qui tamen liberorum pudori ac famæ parcendum existimavit, l. *paterfam.* 28. de reb. auct. jud. poss. hoc est, satius putavit, ut ex duobus, qui pari conditione sunt, potius patris defuncti nomine quàm filii viventis non sentientis, quàm sentientis se hac affici injuria, bona possideantur aut divendantur.

T E X T U S.

De Extraneis.

3. Cæteri, qui testatoris juri subiecti non sunt, extranei hæredes appellantur. Itaque liberi nostri, qui in potestate nostra non sunt, hæredes à nobis institui extranei hæredes nobis videntur. Qua de causa & qui hæredes à matre instituantur, eodem numero sunt: quia fœmina in potestate liberis non habent. Servus quoque hæres à domino instituitur, & post factum testamentum ab eo manumissus, eodem numero habetur.

N O T A.

3. Hæredes à matre) Sicut fœmina liberos in potestate non habet, ita nec suos hæredes habere potest, l. 4. §. 2. cont. tab. Multo magis huc pertinent parentes, fratres, &c. Et sic quidem ad discretionem suorum hæredum. Nam alias omnes legitimi & honorarii successores ab extraneis rectè fecernuntur.

Eodem numero) Extraneorum videlicet: quoniam utrumque ex defuncti testamento consecutus non est, libertatem scilicet & hæreditatem, §. 1. sup. de bar. inst.

C O M M E N T A R I U S.

1. Extranei hæredes quotuplici sensu dicuntur.

S Equitur tertium genus hæredum, extranei, qui iidem & voluntarii hæredes dicuntur, propterea quod his hæreditas voluntate acqui-

alienus, testamenti factionem habere dicuntur. Licet enim testamentum facere non possint; attamen ex testamento vel sibi, vel alii acquirere possunt.

NOTÆ.

4. *In extraneis*) Ex Florent. l. 49. §. 1. de *bared. inst.* ait in *extraneis*, quia in suis hæredibus vix est, ut locus sit quæstioni de capacitate.

Qui in potestate eorum) Ratio est, quoniam institutio servorum, qui per se sunt incapaces, substituitur ex persona domini, quocumque testamenti factio est, l. 11. d. 11.

Ut effectum habeat) Id est, ut dies ejus utiliter cedat: quod fit, si quis sit mortis tempore cui hæreditas utiliter deferatur, & qui cum adeundo possit consequi, l. 52. de leg. 2.

Et cum adit hæreditatem) Ita & Flor. d. l. 49. §. 1. Cæterum non sufficit hoc tempore capacem esse, si mutatio juris hæredi contingerit post mortem testatoris aut conditionis eventum.

COMMENTARIUS.

1. *In successione ab intestato de capacitate baredum diversis temporibus spectanda quæri non posses de qualitate posse.*

2. *Quid in successione ex testamento circa suos hæredes.*

3. *Notatur & refellitur insignis error Wesembecii.*

4. *Cum de capacitate inspicienda quaritur, nihil interesse, domini an eorum servi institui sint.*

5. *Non satis subtiliter tempus adeunda hæreditatis in consideranda capacitate baredis consitui terminum distinctum à tempore mortis.*

6. *Probatur invictis rationibus, tempus adeunda hæreditatis neque in pura institutione tertium, neque in conditionali quaritur terminum consistere.*

7. *In pura institutione ut duo sunt extrema, ita unum tantum esse medium tempus, quod non nocet; in conditionali uti extrema tria, ita duo tantum media.*

EXpositis generibus & differentiis hæredum, pergit ad id, cujus cognoscendi causa differentie iste præcipue tradite fuerunt, videlicet ad ipsam hæreditatis jure delatæ acquisitionem: & quid in extraneis hæredibus (in aliis enim, ut mox ostendemus, disputatio proposita inepta est) ad acquirendam hæreditatem necessario requiritur, ut sint hæreditatis capaces; merito primum docet, quibus temporibus capacitas illa inspicienda sit, ut hæreditatem sibi delatam obtinere possint. Quæ de re ut habeamus quod certo statuere li-

ceat, primum distinguendum est inter successionem ab intestato, & successionem ex testamento: deinde inter qualitatem hæredis, & ejusdem capacitatem. In successione ab intestato de capacitate hæredum diversis temporibus spectanda disputari non potest; cum nemo ad successionem ab intestato vocetur, qui non sit capax tempore mortis ejus, de cujus hæreditate agitur. De qualitate autem quæri potest, puta quo tempore spectandum, an quis suus sit, aut proximus agnatus. Placuit autem, in eo inspicere tempus delatæ hæreditatis; quod tempus plerumque quidem idem est cum tempore mortis, sed tamen non semper, §. cum autem. 7. *infr. de bared. qua ab int. §. proximus. 6. infr. de leg. agnat. succ.* quibus locis diligenter hoc à nobis exponitur. In successione ex testamento in suis hæredibus vix est, ut locus sit quæstioni de capacitate, cum non possit non esse cum suo hærede testamenti factio. Cæterum quod ad qualitatem, hoc est, suitatem pertinet, quæri potest, utrum necesse sit eos utroque tempore suos esse & testamenti facti & mortis testatoris; an satis sit, tales fuisse saltem altero, id est, tempore mortis. Sed verius est, sufficere, tales esse tempore mortis, etsi tempore testamenti non fuerint, per l. si quis. 18. de *injust. rupt. l. 23. §. 1. de lib. & postb.* ut tamen & testamenti tempore capaces fuerint, omnino necesse est: alioqui Catoniana regula impeditur institutio. Notandum autem hic est insignis error Wesembecii, qui scribit, non fuisse necesse, ut de suis & necessariis eadem moneremur, propterea quod ex persona testatoris testamenti factionem habeant. Quis enim umquam fando audivit, quemquam habere testamenti factionem ex persona testatoris? cum servo testamenti factio est ex persona domini, & substituitur servi alieni institutio, si cum domino testamenti factio est, quasi ipse dominus mediata per servum institutus esset, l. non minus. 31. de *bared. inst. l. 10. §. 1. de acquir. rer. dom.* Sed hoc ad servum necessarium hæredem qui applicari potest? aut qui potest domini persona accomodari servo, ubi idem dominus est & testator? Sed valet hic institutio ex persona ipsius hæredis, quatenus consideratur ut jam liber & civis Romanus, quo tempore testamento deferri incipit hæreditas. Dicere verò, filiumfamil. hæredem institutum aliunde personam mutuari, sive ab extero hæres institutus sit, sive à patre, intolerabile est. Ut ad rem redeam, tota fere quæstio de inspicienda diversis temporibus capacitate, ad extraneos hæredes, eosque testamentum institutos pertinet; quemad-

modum etiam hic de extraneis hæredibus proposita est ex Florentino, *l. si alienum*, 49. §. 1. de *her. inst.* Quam rectè dicatur, & quam rationem habeat, quod tria tempora hic observentur, tempus facti testamenti, mortis testatoris, & hæreditatis adeundæ, ex progressu liquebit.

Sive ii qui in potestate eorum sunt) Cùm extranei hæredes alias capaces sint, alias incapaces, & eorum qui sunt capaces, non minus servi, quàm illi ipsi hæredes institui possint, quæri poterat, an quibus temporibus capacitas eorum spectatur, cùm ipsi hæredes instituti sunt, iisdem etiam eadem spectetur, cùm instituti sunt eorum servi? Ait autem Imp. hic post Florent, *d. l. si alienum*, 49. §. 1. nihil in proposito interesse, utrum ipsi domini hæredes instituti sint, an servi eorum. Et rectè: nam cùm servorum, qui ipsi per se incapaces sunt, institutio sustineatur ex persona domini, quorum testamenti factio est, *l. non minus*, 31. de *hered. instit.* l. 12. §. 2. de *legat.* 1. consequens omnino est, testamenti factionem iisdem temporibus cum domino esse oportere, servo ejus hærede instituto, quibus oportere, si ipse hæres institutus esset: proinde & facti testamenti tempore & mortis testatoris. Huic tamen patri contradicere videtur Terentius Clemens, *l. servus*, 82. de *acq. her.* Ait enim, servum ejus, qui capere non potest, & hæredem institui posse, & cum ipsum, si, antequam jussu domini valeat, manumissus sit, ad hæreditatem admitti. Verùm ut totus iste locus & loci inscriptio ostendunt, non loquitur Clemens de servo ejus, qui omnino non est capax, aut cum quo simpliciter non est testamenti factio, qualis est peregrinus aut deportatus: (nam & hunc nihil prohibet servum habere, *l. 7. de legat.* 3.) sed de servo ejus, cum quo quidem ut cive Romano testamenti factio est, sed qui capere non potest ex ejus testamento, qui servum instituisse proponebatur. Erant enim inter cives, qui ex quorundam testamentis aut nihil aut partem tantum capere poterant, ut cœlibes, orbi, vid. *supr. pr. de her. inst.* Aliter respondet Cujac. ad *d. l. si alienum*, 49. §. 1. de *her. inst.*

Duobus temporibus, testamenti facti, & mortis testatoris) Mox tamen adjicit & tertium tempus, scilicet quo adeunda hæreditas, uti & Jurisconsultus *d. l. si alienum*, §. 1. De duobus temporibus testamenti & mortis testatoris, res exposita est. Nam testamenti tempus ideo necessarium inspicendum est, ut consistat institutio, nimirum propter regulam Catonianam, qui initium spectari vult, nec patitur, insti-

tutionem, quæ ab initio non valuit, ex postfacto convalescere, *tot. tit. de reg. Caton.* Mortis verò ideo, ut effectum habeat institutio; hoc est, ut dies ejus utiliter cedat. Quod fit, si quis sit eo tempore, cui hæreditas utiliter deferatur, quique eam adeundo sibi acquirere possit, *l. non oportet*, 52. de *legat.* 52. Quod verò duobus istis temporibus Imp. & Jurisconsult. *d. l. si alienum*, §. 1. tertium adjungunt, tempus scilicet adeundæ hæreditatis, eoque tempore non minus quàm superioribus, atque ut distinctio à tempore mortis capacitatem hæredis inspicendam ajunt, idque sive sub conditione institutus sit, satisne subtiliter aut consideratè ab iis dicatur, merito dubitaveris. Mihi enim, ut dicam quod sentio, Jurisconsultus, cujus verba descripsit Tribonianus, non satis cautè eo loco locutus videtur: neque id temere à me dictum mox fateberis.

Hoc amplius & cum adit hæreditatem, &c. fit purè, sive sub conditione institutus sit) Ita quoque Jurisconsultus in *d. l. si alienum*, §. 1. ammirum ergo Imp. & Jurisconsultus hoc ajunt, præter priora duo tempora, testamenti sc. & mortis testatoris, etiam adeundæ hæreditatis tempus circa capacitatem hæredis spectari, *l. 6. ve purè*, sive sub conditione instituti. Mihi verò hoc inconsideratius dictum videtur, & sic pura sit institutio, sive conditionalis, tempus adeundæ hæreditatis in considerata capacitatem hæredis non bene constituit terminum distinctum à tempore mortis aut conditionis existentis. Primum enim ubi pura institutio est, nego plura tempora in proposito spectari, quàm duo illa, testamenti facti, & mortis testatoris: tempus autem adeundæ hæreditatis à tempore mortis ajo distingui non oportere. Quod sic demonstris. Hæres purè institutus aut incapax tempore mortis invenitur, aut capax. Si incapax, frustra queritur de ejus capacitatem tempore aditionis hæreditatis, cum qui capax non est tempore mortis, & postea capax fiat, hæreditatem acquirere non possit: quod ipsum etiam hoc loco & *d. l. si alienum*, 49. §. 1. aperte significatur, cùm ad hoc ut effectum habeat institutio, requiritur, ut institutus capax sit tempore mortis; neque ratio juris aliud patitur, secundum quam constat, tempus aditionis cum tempore mortis conjungi, *l. heres*, 54. de *acq. hered. l. omnia*, 193. de *reg. jur.* Si est capax, & deinde hæreditatem nondum adita incapax factus, post aliquando in pristinam causam restitutus sit, hic quidem temporis adeundæ hæreditatis tamquam tertii extremi ratio aliqua haberi poterat; cæterum non haberi, ac ne sic quidem hæ-

hæreditatem instituta acquiri posse, ex eo evincitur, quod in pura institutione unum tantum tempus intermedium est, quo hæredi mutatio juris non noceat, tempus scilicet, quod intercedit inter factum testamentum & mortem testatoris; ex quo porro hoc sequitur, in pura institutione duo tantum esse extrema, quæ circa capacitatem hæredis considerentur, tempus testamenti conditi, & mortis testatoris: per hunc *text. vers. medio autem, & d. l. si alienum, §. 1. vers. eod.* Denique certum est, non tantum mortuo hærede instituto, sed etiam eo deportato aut servo facto ante aditam hæreditatem, statim locum fieri substitutionis aut hæredibus ab intestato, *l. Gallus, 29. §. & quid. §. de l. & post. l. 3. §. 1. de his quæ pro non script.* Sed nec in conditionalis institutione rectè dicitur, circa capacitatem hæredis inspicere tempus aditionis; sed præter duo priora inspicitur etiam tempus existentis conditionis, ita ut tria quidem hic sint extrema, sed præter tempus testamenti & mortis, cum inspicitur existentia conditionis, non etiam tempus adeundæ hæreditatis; alioqui enim dicendum foret, quod inauditum est, in conditionalis institutione quatuor tempora distinctè consideranda esse, testamenti, mortis, conditionis existentis, & quo aditur hæreditas: si quidem conditio existens hæredem scriptum jure hæredem non facit; sed tantum institutionem purificat, ut ad acquirendam extraneo hæreditatem nihilominus adhuc opus sit aditione. Quid quod nec Imperator ipse aut Jurisconsultus *dist. loc.* plura tempora in conditionalis institutione agnoscunt, quam tria ista, quæ diximus? Ajunt enim, medio tempore inter factum testamentum & mortem testatoris, vel conditionem institutionis existentem, mutationem juris non nocere hæredi. Quod si tempus adeundæ hæreditatis quoque eodem modo spectaretur addere debebant, æquè medio tempore inter conditionem existentem & aditionem hæreditatis mutationem juris hæredi non obesse. Effectum igitur est, tempus aditionis hæreditatis neque in pura institutione constituere terminum tertium, neque in conditionalis quartum; ac proinde parum consideratè tempus illud hoc loco cõfertur cum prioribus. Et omnino existimo, eo quod hic traditur de inspicienda capacitate hæredis etiam quo tempore de adeunda hæreditate agitur, nihil aliud significari, quam cum, qui isto tempore capax non est, licet cæteris temporibus capax fuerit, hæreditatem adeundo acquirere non posse: & quamvis nec monitio pene inepta videatur, cum contradictoria sint, incapax

esse, & posse acquirere hæreditatem, tamen non alium illorum verborum sensum esse patet ex eo, quod cum de extremis agitur & intermediis, quæ non nocent, temporibus, tempus adeundæ hæreditatis inter ea extrema non agnoscitur, utpote quo capax esse hæredi nihil profit, si aliquando aut post mortem testatoris aut post conditionis existentiam incapax fuerit.

Medio tempore inter factum testamentum & mortem testatoris, vel conditionem Hic expressa habemus tempora omnia, & quæ considerantur ut extrema, & quæ insuper habentur ut intermedia. In pura institutione extrema duo sunt, testamenti, & mortis testatoris; medium unum, quod inter duo ista interjectum est. In institutione conditionalis extrema tria; nam tertium in ea facit existentia conditionis: media, quæ non nocent, duo. Quippe secundum medium in ea est, quod intercedit inter mortem testatoris & conditionem institutionis existentem. Præter hæc neque aliud extremum, neque intermedium numeratur. Unde apparet, verba, quæ sequuntur, quia, ut diximus, tria tempora inspicere debent, eadem, quæ supra, inconsiderantia prolata esse, & vel non attento tempore conditionis existentis, vel duobus temporibus, mortis, & existentis conditionis, pro uno computatis, forte quod posterius retrahitur, & conjungitur cum priore. Illud nullam rationem habet, quod Jo. Faber contendit, in conditionalis institutione non esse necesse, ut hæres capax sit tempore mortis testatoris. Nam si tempore testamenti facti id exigitur, fortiori ratione idem exigetur tempore mortis, quod, quoniam morte testamentum confirmatur, magis principale habendum est; & jam dictum est, tempus conditionis existentis retrahitur ad tempus mortis & cum eo conjungi, uti & tempus aditæ hæreditatis; atqui hoc fieri non potest, si tempore mortis cum hærede non fuerit testamenti factio. Itaque nullius momenti est argumentum Fabri, quod tantum facit in conditionalis institutione tempus existentis conditionis, quantum in pura tempus mortis. Nam etsi ex conditionalis institutione non desertur hæreditas tempore mortis, sed demum existente conditione; quam ob causam etiam in capacitate hæredis inspicienda illius temporis ratio habetur: nihilominus tamen & tempus mortis in eodem negotio spectandum est; quia existente conditione ad id tempus statim re-urritur, & perinde habetur, ac si purè institutio facta esset: nec verò ob aliam causam institutio conditionalis sustinetur, Ttt 2

quàm quod, conditione quandoque existente, eventus ejus ad tempus mortis retrahitur, & pro eo res habetur, ac si purè hereditas relicta sit. De quo ex professo *sup. §. hares 9. de her. inst.* Sed & apertè satis hoc ipsum significat Justinianus, cum ait, tria tempora inspicere debere: hoc enim tam de conditionali, quàm pura institutione dici palam est. At ex tribus istis temporibus unum est tempus mortis: refert enim se ad tria illa, quæ antea enumeraverat; ut verò extrema habilia sint necesse est. Hæc plerisque aut ignota, aut intacta, ut Viglio, Myns. Hotoman. Wesembec. &c.

Ex alieno testamento capere) Testamenti factio duplex jus continetur, faciendi testamentum, & ex testamento capiendi. Hinc vulgo DD. testamenti factionem dividunt in activam & passivam. Quamvis enim propriè is solus testamenti factionem habere dicatur, cui testamenti faciendi jus est; videmus tamen nostros aliquando pinguius ita loqui, ut eos quoque dicant testamenti factionem habere, qui tantum capere ex testamento possunt, *l. filiusfam. 16. qui test. fac. l. ult. pro hered.* cum quibus esse testamenti factio rectius dicitur & usitatus, ut alibi offendimus.

Furiosus) Marcellus *d. l. filiusfam. 16. §. 1. qui test. fac.* scribit, furiosum ideo testamenti factionem habere, quia potest sibi acquirere legatum vel fideicommissum. Non addit, hereditatem; quoniam cum hæres scriptus, donec respiciat, nec sibi nec alii acquirere potest, extra quam si patri necessarius hæres existat, *l. furiosus 63. de acq. her. Planè curator furiosi bonorum possessionem ejus nomine agnoscere potest, l. ult. §. si autem 3. C. de cur. fur. l. 1. de bon. poss. fur. infant. &c.*

TEXTUS.

De jure deliberandi, & de beneficio inventarii.

§. Extranei autem heredibus deliberandi potestas est de adeunda hereditate, vel non adeunda. Sed siue is, cui abstinendi potestas est, immiscuerit se bonis hereditatis; siue extraneus, cui de adeunda hereditate deliberare licet, adierit, postea relinquenda hereditatis facultatem non habet, nisi minor sit XXV. annis. Nam hujusmodi ætatis hominibus, sicut in cæteris omnibus causis, deceptis, ita & si temere damnosam hereditatem susceperint, prator succurrit. Sciendum est tamen, divum Hadrianum etiam majori XXV. annis veniam dedisse, cum post aditam hereditatem grande ad

alienum, quod adita hereditatis tempore latebat, emerisset. Sed hoc quidem divus Hadrianus cuidam speciali beneficio præsistit. Divus autem Gordianus postea militibus tantummodo hoc concessit. Sed nostra benevolentia commune omnibus subjectis imperio nostro hoc beneficium præsistit; & constitutionem tam acquisitam, quàm nobilissimam scripsit, cujus tenorem si observaverint homines, licet eis adire hereditatem, & in tantum teneri, quantum valere bona hereditatis contingit: ut in hac causa neque deliberationis auxilium sit eis necessarium, nisi omissa observatione nostra constitutionis & deliberandum existimaverint, & sese veteri gravamini additionis supponere maluerint.

NOTÆ.

§. Extranei heredibus) Ex Florent. l. 49. §. 1. de her. inst. Ait, extraneis, quia deliberatio extraneorum heredum propria est. Cæterum postquam suis heredibus à prætorè concessa facultas abstinendi, etiam deliberandi eis data, *l. 8. & seq. de jur. del. l. 19. C. eod.*

Deliberandi potestas) Si creditores legatarii, &c. non urgeant, potest hæres vel intra 30. annos adire: si insint, aut statim adire debet, aut tempus ad deliberandum petere, *l. 5. C. eod.* ut interim instrumenta hereditaria & rationes defuncti inspiciat, *l. 5. D. eod. l. 1. de acq. her.* à Principe annus conceditur, à iudicibus novem menses, *l. ult. §. 13. C. de tit. olim id fuit arbitrarium, l. 1. §. 2. D. eod.*

Immiscuerit se) Sui non dicuntur adire, prope hæredem gerere, aut repudiare, quæ iis solis conveniunt, quibus hereditas tantum oblata est; sed immiscere, aut abstinere, quæ propriè dicuntur de rebus partis & jam nostris, *l. 14. §. 1. de relig. l. 11. l. 57. l. 71. §. 2. l. 87. de acq. her.* quamquam interdum hæc accurate negligitur, *l. 7. §. 10. de minor. l. 6. C. de leg. bar.*

Nisi minor 25. annis) *L. 7. §. 5. de minor. & generali nimirum illo edicto, propter inconsultam hujus ætatis facilitatem.*

Damnosam hereditatem) Et ex contrario, si lucrosam tempore repudiaverint, *l. 2. C. si ut omn. bar.*

COMMENTARIUS.

1. Heredem tam in onera, quàm in comoda hereditaria succedere.
2. Jus deliberandi quorum causa & cuius rei gratia comparatum; quis ejus effectus, & quid hic de suo contulerit Justinianus.
3. Etiam suis heredibus jure pratorio deliberandi facultatem esse.

4. *Post additionem aut immixtionem hæreditatem derelinqui non posse, nisi à minore 25. annis per restitutionem in integrum.*
 5. *Majoribus ex clausula generali vix esse ut hic succurratur.*
 6. *Beneficium inventarii.*
 7. *Quæ neglecti hujus beneficii pœna.*
 8. *Jus bodiæ circa adeundam sub beneficio inventarii hæreditatem.*

HÆres suscepta hæreditate in jus & locum defuncti succedit, eumque in omnibus, quæ personæ non cohærent, repræsentat, *l. hæres. 37. de acq. bar. l. nihil. 24. de verb. sig. l. hæreditas. 62. de reg. jur. junct. l. 8. §. 3. de lib. leg.* Hoc autem cum dicimus, intelligimus, hæredem succedere non tantum in jus, quod defunctus habuit adversus alios; verum etiam in id jus, quo defunctus aliis tenebatur: in summa, hæredem tam onerum & incommodorum successorem esse, quam commodorum hæreditariorum; ac proinde obligari eum etiam æri alieno defuncti, eoque nomine à creditoribus hæreditariis conveniri posse, conventum iis respondere, eorumque actiones, quæ ex contrahibus defuncti descendunt, suscipere cogi, etiam si hæreditas solvendo non sit, *l. 8. de acq. bar. l. 2. C. de bar. vel all. vend. l. ult. C. de bar. all. §. 1. infr. de perp. & temp. all.* Quæ cum ita sint, periculosum sanè atque anceps est, hæreditatem aut adire statim, aut statim repudiare; illud, ob periculum æris alieni, quod initio latere potest; hoc, ne temere repudiando lucrosam hæreditatem amittamus. Cæterum adversus hujusmodi periculum duo remedia hæreditis cunctantibus comparata sunt, sive ex testamento sive ab intestato ad hæreditatem vocatis; ac proposita non extraneis tantum de adeundo aut repudiando, sed etiam suis hæreditibus de immiscendo aut abstinendo cogitantibus. Unum vetus est, jus deliberandi, de quo in pr. hujus §. alterum novum à Justiniano primum introductum, beneficium scilicet inventarii, quod indicatur vers. *Sed nostra*. Quod attinet ad jus deliberandi, sciendum est, id non tantum hæredis gratia comparatum esse: sed eorum quoque, quorum interest hæreditatem statim aut adiri aut repudiari, puta creditorum, substitutorum, eorumque, qui ab intestato venire possunt. Quin etiam hoc remedium, si nemo istorum sit, qui urgeat, non admodum hæredi opus est: quippe cui liberum, tamdiu hæreditatem amplecti, quamdiu eam non recusaverit, *l. 9. C. de jur. del.* neque enim tempus ul-
 1

est; & si aliquo tempore, solum longissimo, id est, præscriptione 30. annorum, hæredis excluditur, *DD. comm. per l. 3. C. de præscript. 30. ann. Jaf. in l. 8. C. de jur. del. Coraf. 6. misc. 21.* Cæterum si sint qui urgeant, hic prædictum remedium hæredi necessarium est, nisi paratus sit statim aut hæreditatem suscipere, aut possessionem bonorum pati, aut aliorum successionem, *l. si quis 23. §. 2. de bar. inst. l. quamdiu 69. de acq. bar.* Hæc enim tunc ei optio datur, ut aut statim respondeat, hæres necne esse velit, aut tempus ad deliberandum petat, *l. 9. C. de jur. del.* Tempus hoc olim positum erat in potestate juris dicentis, qui pro arbitrio suo deliberationem petenti diem præstitebat, *l. 1. in fin. d. tit.* non utique ex libidine sua id faceret, sed ut pro prudentia sua statueret tempus moderatum, *d. l. 9. C. eod.* quantum scilicet sufficere videretur ad cognoscendas facultates defuncti: nec pauciores daret, quam centum dies, *l. 2. eod. tit.* Justinianus summum tempus, si à Principe deliberatio petatur, annum esse voluit, si à judicibus, novem menses, *l. ult. §. & si quidem 13. C. eod.* Imperato tempore ad deliberandum, licet hæredi interea explorare vires patrimonii defuncti, petere ut rationum defuncti & instrumentorum hæreditariorum inspicendorum sibi copia fiat; ut instruere se possit, atque apud se constituere, expediat nec ne agnoscere hæreditatem, *l. 5. eod. l. Aristot. 28. de acq. bar.* Quod si intra diem præstitutum hæreditatem non agnoverit, respectu substituti aut hæredis legitimi hæreditas pro repudiata habeatur, *l. quamdiu 69. de acq. bar.* Creditoribus autem obligat perinde ac si adiisset, *d. l. ult. §. pen. C. de jur. del.* nimirum prout utile ei est, ad cujus instantiam tempus est præfixum, ita silentio deliberantis pro additione aut repudiatione haberi debuit. A Justiniano hoc etiam hæreditibus tributum, ut intra annum ex quo hæreditatem sibi delatam esse cognoverint, decedentes, cum ipsi eam nec addidissent nec repudiassent, jus deliberandi atque adeundi intra tempus quod ex eo anno reliquum est, in quovis hæredes transmittant, *l. cum in antiquioribus 19. C. d. tit.* eoque jure etiam nunc utimur. *Grot. lib. 2. mandufl. c. 22.*

Extraneis hæreditibus) Jus deliberandi de adeunda vel repudianda hæreditate extraneorum & voluntariorum hæredum proprium est. Nam in suis hæreditibus, si jus civile spectamus, quo etiam sunt necessarii, locus esse deliberationi non potest: quippe cum sine ullo suo sacro, ipso jure statim hæredes existant,

nec potestatem habeant hæreditatem ita quæ-
 3 sitam derelinquendi. Cæterum postquam præ-
 tor suos ad instar voluntariorum redegit da-
 to beneficio abstinendi, consequens fuit, ut
 etiam jus deliberandi eundem exemplo extra-
 neorum hæredum voluntariorum: ut quemad-
 modum extraneis jus est deliberandi, utrum
 adeant, an repudient, ita suis deliberandi jus
 sit, utrum immiscere se paternæ hæreditati,
 an ea abstinere, consultius putent, l. 8. §. 1.
 seq. de jur. delib. l. cum in antiquioribus 19. C.
 eodem.

*Postea relinquenda hæreditatis facultatem non
 habet, nisi minor sit*) Tempus deliberandi ab
 hærede prius petendum est, quam hæredita-
 tem adeat, aut se immisceat. Regula enim
 juris est, neminem posse hæreditatem semel
 sibi quæsitam, sive per aditionem sive per im-
 mixtionem, relinquere aut repudiare, l. 4.
 C. de repud. bar. l. 10. C. de jur. delib. Neque
 4 prætor cuiquam post aditionem aut immixti-
 onem subvenit per in integrum restitutionem,
 nisi minor sit 25. annis, qui temere & incon-
 sulta facilitate lapsus damnosam hæreditatem
 addisse aut appetiisse proponatur: quippe cu-
 jus ætatis hominibus prætor ex generali edic-
 to, quod est de minoribus, succurrit, ut etiam
 post agnitam hæreditatem se possint abstinere,
 l. 7. §. 1. sed & si §. de minoribus, l. necessa-
 riis 57. §. 1. de acq. bar. quemadmodum ex
 contrario quoque, si quis juvenili levitate du-
 ctus omiserit aut repudiaverit hæreditatem aut
 bonorum possessionem, aliquando à prætore
 restituitur, ut eandem agnoscere liceat, vi-
 delicet si omnia sint in integro, l. quod si mi-
 nor 24. §. 2. de minorib. l. 1. §. 2. C. si ut omiff.
 bar. Liberis impuberibus hoc amplius concess-
 sum, ut omnimodo se abstinere possint, id
 est nec adire prætore, sive se immiscuerint
 sive non immiscuerint, l. 11. d. l. necessarii de
 acq. bar.

Veniam dedisse) Quod jus cum singulare fue-
 rit, uni ex singulari gratia à Principe concess-
 sum, ut mox sequitur, ad consequentias pro-
 duci non debuit. Et ideo existimo, contra quam
 5 Wesemb. & Bachov. nec prætorem in propo-
 sito majoribus 25. annis subvenire solitum ex
 clausula generali edicti, Item si qua alia mibi
 justa causa esse videbitur. Merito namque his
 obijcietur, quod cum possent, spatium ad
 deliberandum non petierint. Aut enim con-
 temperunt beneficium juris, & indigni sunt
 auxilio, aut stultè omiserunt, id est, in iure
 errantes, quibus succurri non solere constat,
 l. pen. in pr. §. ult. de jur. §. fact. ign. Pla-
 nè si nihil sit, quod hæredi imputari queat,

non negaverim, causa cognita audiendum:
 veluti si emerferit postea æs alienum, quod
 toto tempore deliberationis latuerat, nec sci-
 ri ab hærede, quamvis omnia diligenter ex-
 plorante, potuit, per d. l. 8. de jur. del. Ne-
 que enim simplex facti ignorantia cuiquam de-
 cere debet.

Gordianus postea militibus) De jure, quo
 Gordianus militibus concessisse dicitur, scribit
 Justinianus l. ult. C. de jur. delib. Sed &
 veterum constitutionem non ignoramus, quam D.
 Gordianus ad Platonem scriptis de militibus, qui
 per ignorantiam hæreditatem adierunt, quatenus
 pro his tantummodo rebus conveniantur, quam
 hæreditate defuncti invenerint, si ipsorum autem
 bona à creditoribus hæreditariis non inquietentur.
 Et hoc jus constitutionemque Gordiani postea
 §. ult. ejusd. l. confirmat, hoc addito, prop-
 terea à se introductum, ut etsi milites inven-
 tarium non fecerint, non ampliore tamen
 summa teneantur, quam in hæreditate inven-
 nerint.

*Sed nostra benevolentia commune omnibus hoc
 beneficium, &c.*) Poterat tam paucis verbis,
 quam quibus benevolentiam suam commen-
 dat, ipsum beneficium explicare. Est autem
 illud, quod vulgo appellatur beneficium inven-
 tarii; propterea quod confectio solenni-
 rerum hæreditariarum inventario habet hoc
 beneficium consequitur. Summa fere conditio-
 tionis Justiniani, quæ extat in l. ult. C. de
 jur. del. hæc est, ut hæres intra 90. dies, ex
 quo sibi delatum esse hæreditatem sciet, si res
 propinquæ sint: intra annum, si longius ab-
 sint, inventarium rerum omnium hæredita-
 riarum, præsentibus tabulariis ac testibus non
 minus tribus, cæterisque, qui ad hujusmodi
 confessionem necessarij sunt, puta credito-
 ribus, legatariis, eorumve procuratoribus,
 Nov. 1. cap. 2. conficiat, ipse sua manu id
 subscribat, aut à tabulario testibus præsen-
 tibus subscribendum curet. Quo ita legitime
 confectio, consequitur beneficium Justiniani,
 ut ne ultra vires hæreditarias teneatur, neve
 adiones, quas ipse contra defunctum habuit,
 aditione confundantur; sed ut possit non mi-
 nus quod sibi debebatur retinere, quam cre-
 ditores extranei suum exigere: quorum neu-
 trum hæredi tribuebatur jure veteri, l. 8. de
 acq. bar. l. sicut 75. de solut. l. 7. de pact. Con-
 fectum ab hærede fiduciario inventarium rectè
 hæredi fideicommissario cedi, cessumque ei
 prodesse, aut si hæres non fecerit, ipsum sibi
 fideicommissarium rectè facere, post Bart. l.
 qua ratione 11. §. quod vulgo §. numer. 9. §. 10.
 ad leg. Falc. tradit Jas. in additione ad Por-
 §. sed

§. sed quia 7. *infr.* de fideicommiss. *bared.*

Nisi ommissa observatione nostra const. deliberandum existimaverint) Etsi Justiniano visum est, post introductum à se beneficium inventarii antiquum jus deliberandi penitus esse supervacuum; tamen, ut ipse testatur, motus plerumque supplicationibus, veteri remedio adhuc uti cupientium, jus illud liberum reliquit, *d. l. ult. §. & hac quidem 13. Cod. de jur. del.* Et verò cur relinqueret, magna causa fuit. Habet enim confessio inventarii hoc incommodum, quod necesse est detegi defuncti facultates; quod plerique omnes, si liceat, minime volunt. Deliberationem autem ita admittit, ut eam petentibus, & intra præfixitum tempus hæreditatem adeuntibus, hæc duo onera imposuerit, tamquam poenam contempti beneficii sui: primum, ut creditoribus in solidum tenerentur, quamvis inventarium cum omni subtilitate, ut ipse loquitur, fecerint; alterum, ut si non fecerint inventarium, etiam beneficio Falcidie privarentur, *d. l. ultim. §. pen.* Novissimè hoc insuper cavet, ut hæres inventarium non conficiens solida legata præstet, etsi vires patrimonii excedant, *Nov. 1. cap. 1.* Plura ad inventarium pertinentia qui nosse desiderat, adeat DD. *in d. l. ult. Clar. §. testamentum, quest. 46. Grass. lib. 2. art. inventarium, per tot.* Apud Burgundiones, & in universa Gallia, item in hisce regionibus invaluit, ut jus pro hærede gerendi cum beneficio inventarii pro speciali gratia habeatur, ac propterea id à Principe impetrandum sit, aut à Curia ultimæ jurisdictionis, quemadmodum apud nos, *art. instr. cur. sup. 23.* Imperato autem beneficio tenetur hæres per apparatus aliosive ad hoc publicè constitutos, præsentibus duobus testibus, intra dies 40. inventarium omnium bonorum hæreditariorum conficere; deinde curare, ut res mobiles æstimentur, ac tunc demum præstita cautione reddendarum rationum, possessio administratioque bonorum ei permittitur, uti cautum uberiori constitutione Caroli Quinti, edita anno 1544. *Sande lib. 4. tit. 12. defin. 1.* Sed & ita demum hoc beneficium conceditur, si non alius de cognatione defuncti purè & simpliciter omissoque beneficio hæreditatem adire paratus sit: quod & diplomati sive mandato inferi solet. Hoc autem procul dubio institutum est, partim propter utilitatem creditorum, ut ab eo, qui simpliciter adit, solidum consequantur, partim ut honori defuncti consulatur; qui si nemo sine cautione inventarii bona ejus suscipere velit, vulgo creditur solvendo non fuisse. Quæ de re adeundi Chass.

ad consuet. Burg. tit. 7. §. 13. Baro ad hunc §. Peck. lib. 1. de test. conjug. cap. 35. Gudelin. de jur. nov. lib. 2. cap. 18. Grot. 2. manud. cap. 21. Christin. vol. 4. decif. 22. Planè extranei idem offerentes non audiuntur, ac ne maritus quidem aut uxor, *dec. supremi apud nos Senatui 7. Peck. d. cap. 35. Zypz not. jur. Belg. C. de jur. delib.*

TEXTUS.

De acquirenda vel omittenda hæreditate.

6. Item extraneus hæres testamento institutus, aut ab intestato ad legitimam hæreditatem vocatus, potest aut pro hærede gerendo, aut etiam nuda voluntate suscipienda hæreditatis, hæres fieri. Pro hærede autem gerere quis videtur, si rebus hæreditariis tamquam hæres utatur, vel vendendo res hæreditarias, vel prædia colendo, locandove: & quoquo modo voluntatem suam declaret, vel re, vel verbo, de adeunda hæreditate: dummodo sciat, cum, in cujus bonis pro hærede gerit, testatum intestatumve obisse, & se ei hæredem esse. Pro hærede enim gerere est pro domino gerere. Veteres enim hæredes pro dominis appellabant. Sicut autem nuda voluntas extraneus hæres sit: ita contraria destinatione statim ab hæreditate repellitur. Eum, qui surdus vel mutus natus, vel postea factus est, nihil prohibet pro hærede gerere, & acquirere sibi hæreditatem; si tamen intelligit quod agit.

NOTÆ.

6. Tamquam hæres utatur) Potest enim quis res attingere hæreditarias, ut tamen id non faciat quasi hæres: puta si quid pietatis aut custodiæ causa fecerit, aut si suum putavit, *l. 20. pr. & §. 1. de acq. bar.*

Vendendo res hæreditarias, &c.) Nisi contra doceat, se nihil horum quasi hæredem fecisse, *d. l. 20. §. 1. l. 1. C. de rep. bar. l. 1. C. de jur. del.* Quædam etiam sunt, quæ citra nomen & jus hæredis nemo facere potest. Exemplum in *d. l. 20. §. 4. l. 42. §. 2. cod.*

Dummodo sciat) Vid. *l. 19. l. 22. l. 32. §. ult. cod.*

In cujus bonis pro hærede gerit) Hic verbum pro hærede gerere latius videtur accipi, quàm in pr. §. Nam horum verborum pro hærede gerere, & adire, etiam generalis significatio est, alterumque pro altero, & unum pro utroque interdum usurpatur, *l. 12. de inter. in jur. l. 88. de acq. bar.*

Contraria destinatione) Sic tamen, ut declaret se hæredem esse nolle vel verbis, vel scrip-

10 nutu, l. 95. eod. aut re aliqua & facto, unde ea voluntas colligatur. Exempl. in l. 17. §. 1. l. 77. eod. l. 25. §. 1. de inoff. test.

COMMENTARIUS.

- 1 Doctrinam hujus §. propriè pertinere ad hæredes extraneos.
- 2 Duo dumtaxat esse, distincta tamen inter se, genera acquirenda hæreditatis, aditionem, & pro hærede geritionem.
- 3 Qui plura genera statunt, eos egregiè imponere studiosis disciplina juris.
- 4 Cretionem nihil aliud fuisse, quàm solemnem quendam aditionem, contra quam Joseph. Scalliger, & cur nulla hic cretionis mentio.
- 5 Quibus ex rebus in eo, quod geritur, avimus pro hærede gerendi deprehendatur.
- 6 Rorci, Angeli, & Bachovii opinio de nuda animi destinatione notata.
- 7 Ut quis adeundo aut pro hærede gerendo bares fiat, quarum rerum eum gnarum esse oporteat.
- 8 Variæ circa etymologiam hæredis opinionones.
- 9 In repudiante hæreditatem eadem ex contrario, quæ in admittente requiritur.
- 10 Etiam surdos & mutos pro hærede gerere posse.
- 11 Quid si hæreditas delata sit furioso, impuberi, infanti.

Hic §. ad suos hæredes non pertinet, sed ad extraneos dumtaxat. Explicatur enim hic rationes proximæ seu modi, quibus hæreditas acquiritur, aut ejus acquirendæ jus amittitur: quorum neutrum in suis hæredibus locum habet, quippe cum in hos dominium rerum paternarum quod jam ante habebant, morte patris continetur, dici non possunt aut acquirere hæreditatem, aut jure acquirendi excludere. Sanè postquam prætor his abstinendi facultatem dedit, deserunt quidem jure honorario esse necessarii; sui tamen hæredes patri esse non deserunt, & ipso momento mortis paternæ hæredes apparere, ut superius demonstravimus, & arguunt nomina, quibus in proposito prætor & prudentes utuntur. Sui enim non dicuntur adire, cernere hæreditatem, aut pro hærede gerere, hæreditatemve repudiare; quæ iis solis conveniunt, quibus res sive hæreditas tantum oblata est: sed hæreditatem retinere, immiscere se, aut abstinere, derelinquere; quæ non dicuntur nisi de rebus partis & jam nostris, l. 14. §. plerique. 8. de relig. l. 7. de jur. del. l. 12. §. ult. de bon. libert. l. 11. l. necessarii. 57. l. si servum. 71. §. si quis. l. cum bonis. 87. de acq. her. & passim eod. tit. Nam cum hæc, quod raro fit, nostri

confundunt, ut in l. ult. de success. dist. l. 4. §. 1. de fideic. lib. l. 21. §. ult. de jur. patron. in fin. l. 1. §. 10. ad Tertul. l. 6. C. de legiti. her. minus accurate loquuntur. Non plures autem modi, quibus extraneis acquiritur hæreditas, hic proponuntur quàm duo, aditio, & pro hærede gestio sive geritio: sic enim appellatur à Jurisconsulto in d. l. 14. §. plerique. 8. de relig. Utrum autem hi modi, ut nominibus, ita & re ipsa inter se distincti sint, necne: item an non plures sint, quàm hi duo, videmus in exegefi textus.

Aut pro hærede gerendo, aut etiam nuda voluntate. Omnis hæreditas, sive testamento delata, sive ab intestato, hæredi extraneo acquiritur sola voluntate & animo, ut quisque hanc voluntatem de suscipienda hæreditate declaraverit. Declaratur autem hæc voluntas vel verbis, vel re aliqua, & facto: quorum prius qui facit, adire, qui posterius, pro hærede gerere in usu juris dicitur. Unde duo genera acquirendæ hæreditatis, aditio & pro hærede gestio, l. si quis mihi. 25. §. sed quid. 7. l. quando. 69. de acq. her. d. l. 14. §. 8. de relig. l. 19. C. de jur. del. Quibus in locis observare licet, genera hæc sic appellationibus distingui, ut neque qui adit dicatur pro hærede gerere: neque qui pro hærede gerit dicatur adire: quomodo etiam hoc loco ut diversæ apertè distinguuntur, pro hærede gerere, & nuda voluntate hæreditatem suscipere: ut provide minimè assentiendum sit Welsembecio assentienti, nihil inter hæc duo interesse. Equidem fautor nihil obstat verborum significationem, quominus qui pro hærede gerit dicatur adire: & qui adit pro hærede se gerere: ut hæc etiam postea confundere videtur Justinianus, & Jurisconsultus in l. 12. de interr. in jur. Sed distinctionis causa usus veterum hæc ita trivis, ut in diverso genere ponerentur, & adire diceretur qui nuda testatione hæredem se probaretur; pro hærede gerere, qui facto aliquo eandem voluntatem declararet. Neque hoc negat Ulp. l. pro hærede. 20. de acq. her. cum ait, pro hærede gerere non tam facti esse, quàm animi. Hoc enim solum significat, ut quis pro hærede gessisse videatur in eo non tam quid factum sit, quàm quo animo factum sit, spectandum esse, ut locus ipse ostendit. Magis Paulus id negare videri potest, l. gerit. 81. de acq. her. ubi definit, eum pro hærede gerere, qui animo agnoscit successionem, licet nihil attingat hæreditarium. Sed apparet Jurisconsultum verbum attingendi strictus eo loco usurpare, negareque eum attingere, qui recipit domum pignori obligatam, ut hæreditariam,

riam; quem tamen revera attingere constet; eoque tamquam factio aliquo, non nudis verbis, voluntatem declarari. Hoc ita constituto, videamus an non plura sint genera acquirendæ hæreditatis quam duo illa, de quibus diximus, & quæ sola hic ab Imperatore proponuntur. Et plura non esse omnino statuendum est, cavendumque ab iis, qui scribunt hæreditatem acquiri quinque modis, cretione, additione, pro hærede geritione, immixtione, & agnitione, egregie studiosis hujus disciplinæ imponentes. Nam primum immixtio tota hinc aliena est: quoniam sui hæredes, quorum propria est, hoc factio nihil novi acquirunt, quod antea non habuerint, sed quæsitum jam ab initio attingentes id se retinere velle declarant, ut supra abunde probatum est. Agnitionem verò statuere modum acquirendæ hæreditatis diversum ab additione, magnæ incertitæ est. Quid enim est aliud agnoscere hæreditatem, quam declarare, se velle hæredem esse? & hoc quid aliud, quam adire? Quod si tot species acquirendæ hæreditatis facere licet, quor diversis verbis in hac re veteres utuntur, jam non modo quinque, sed vel octo aut plures etiam erunt. Non enim tantum agnoscere hæreditatem à veteribus dici legimus, sed etiam hæreditatem amplecti, suscipere, admittere, l. 6. §. 1. *quæsitum*. 40. in fin. l. cum bonis. 87. de acq. hered. Sed plura scilicet hæc verba sunt, res ubique una & eadem. Cretio quoque olim nihil aliud fuit, quam solemnem quædam aditio; idque ostendit formula cretionis relata apud Ulpian. tit. 22. §. cretio. 23. his verbis: *Cum me Lucius Titius heredem instituerit, eam hæreditatem adeo cernoque*. Et Festus, *Crevi*, inquit, modo significat hæreditatem adii, in quem locum quod Josephus Scaliger notat, *crevi non propriè significare hæreditatem adii*, errorem esse convincit prædicta formula, & quod Festus dicit, *crevi, hæreditatem adii*, id Ulpianus d. l. §. 21. & §. 16. sic exprimit, *cernendo fit hæres*. Varro lib. 5. de ling. Lat. *Cernito in testamento, id est, facito videant te esse heredem*. vid. Pet. Fab. 2. *semestr.* 22. Hic autem consulto mentio cretionis ommissa, quia sublata solemnitate, quam olim desiderabat, l. cretionem. 17. C. de jur. del. hæreditas etiam cum cretione delata acquiri posse coepit, aut additione simplici, id est, quavis aperta testatione voluntatis de suscipienda hæreditate, aut etiam pro hærede geritione: quod olim secutus erat, Ulp. d. loc. Atque hoc illud est, quod paulo post Justinianus ait, *Et quoquo modo voluntatem suam declararet, vel re, vel verbo*. Sed quid laboramus? non tantum loci omnes, in qui-

bus ex professo de modis acquirendæ hæreditatis agitur, uti in l. quamdiu. §. 9. de acq. bar. l. 14. §. plerique. 8. de relig. l. cum in antiquioribus. 19. C. de jur. del. ostendunt, pluribus quam duobus distinctis modis hæreditatem non acquiri; sed etiam res ipsa evincit, non posse pluribus modis acquiri. Illud enim palam est, voluntatem suscipiendæ hæreditatis hic totum facere; tantum relinquere, ut illa declaratur. Atqui pluribus modis declarari non potest, quam his duobus, aperta testatione, aut aliquo factio: illud autem veteres aditionem, hoc pro hærede geritionem sive geritionem appellant. De cretionibus antiquitatis amantes plura invenient apud Brisson. l. 7. de formul. Rævard. de auct. prud. c. 8. Gregor. Tholos. 46. *synagm.* 2. n. 6.

Si rebus hæreditariis tamquam hæres utatur) Diximus hæreditatem extraneis hæredibus non acquiri, nisi voluntate & destinatione animi: eum autem animum qui aperta testatione declaratur, dici adire; qui factio aliquo, dici pro hærede gerere. Adire cum sit aperta testationis, nemo dubitare potest, quid hac testatione hæres voluerit. At si quid hæres voluerit, ambigi potest, quod gesserit animo: quoniam factio non loquuntur, & exerceri possunt alio animo, quam pro hærede gerendi. Potest enim quæ attingere res hæreditatis, ut tamen id non faciat quasi hæres, l. pro hærede 20. in pr. & §. 1. de acq. bar. Quibus igitur ex rebus in eo, quod ab hærede geritur, animus pro hærede gerendiprehenditur? Ex multis sanè. Finge, hæredem quid fecisse, quod citra nomen & jus hæredis facere non potuit, veluti si conditionis implendæ causa quid accepserit ex iudicio testatoris, d. l. pro hærede. 20. §. Papinianus. 4. aut gessisse aliquid, quod non nisi hæres utiliter & cum effectu gerere potuit, puta servos hæreditarios manumississe, l. Julianus. 42. §. 2. *cod. tit.* cum qui hæc facit, perspicuum est quasi hæredem facere, eoque & pro hærede gerere videri. Quid si rebus hæreditariis usus sit, ædes inhabitaverit, agros coluerit, aut locaverit, servis cibaria præbuerit, pecora, jumenta paverit, æs alienum solverit, res quasdam hæreditarias distraxerit? Creditur, suo potius nomine, quam alieno hæc fecisse, & in his omnibus gessisse pro hærede, nisi contra doceat, se nihil horum quasi hæredem fecisse; sed vel ut custodiat, aut quia sua putavit, aut quia quid fecit, dum deliberaret, ut res salvæ essent: ideoque in hujusmodi factis consultum est, initio hæredem testari, se quod hæcenus est, non facturum ut hæres esse velit, d. l. pro hærede. §. 1. l. 1. C. Vvv de

da repud. bar. l. 2. C. de jur. del. Plautus si defunctum funeravit, ex eo solo non videbitur pro hærede gessisse : quia id officium humanitatis jure cuivis præstari potest. Majoris tamen cautionis est, si hic quoque protestetur, l. 14. §. plerique. 8. de relig.

Et quoquo modo voluntatem declarat, vel re, vel verbo) Aut pro oratione disjunctiva hæc accipienda sunt, in qua repeti intelligatur quod prius dictum est, hæreditatem acquiri vel pro hærede gerendo, quod nunc dicatur re voluntatem declarando : vel nuda voluntate, quod nunc dicatur verbo voluntatem declarando : aut fatendum est quod supra dixi, Justinianum verbum pro hærede gerere hic latius accipere, quam in pr. §. eoque comprehendere utrumque acquirendi modum, tam verbis, quam re. Utrumque sit voluntas amplectendæ hæreditatis aut factio aliquo, aut aperte verbis declaranda est : siquidem, ut vulgo dicitur, propositum in mente retentum nihil operatur. Ideoque quod Accursius in l. 2. de interr. in jur. ait, hæreditatis aditionem consistere in occulta voluntate, non sic accipiendum est, eum, qui nudò destinaverit & apud se constituit hæreditatem adire, hac destinatione hæreditati obligari : sed ita neminem obligari ut hæredem, nisi qui ea mente quid gessisse aut protulisse probetur, ut hæres fieret. Id autem in occulto positum esse, ac proinde probatu difficillimum. Neque verò etiam Porcio & Angelo assentior, qui existimant, nuda animi destinatione hæredem aliquem fieri & obligari in foro conscientiz, quo etiam inclinare videtur D. Bachovius : nam, ut rectè Bartolus in l. gerit. 88. de acq. bar. nemo velle videri debet, quod non aliquo modo declaraverit : & prudentissimus simul ac doctissimus Viglius hic, *Varia*, inquit, *sunt humana mentis inclinationes, ut nunc ad adeundum, nunc ad repudiandum propendant : & tunc demum velle aliquid videmur, cum animum nostrum exteriore aliquo signo confirmavimus. Alioqui quid est humanis cogitationibus vel inconstantibus vel mutabilibus ? Nec Deum, inquit, velle arbitror, ut huiusmodi indiscreta voluntate illaqueemur. Illud in transitu moneo, purè hæreditatem adeundam esse, non sub conditione : nam si quis, verbi causa, dixerit : Si solvendo hæreditas est, eam adeo, nulla aditio est, l. eum qui. § 1. §. ult. de acq. bar. quo jure etiam hodie utimur.*

Dummodo scias, testatum intestatumve obisse, & se ei hæredem esse) Duo requirit Imp. ut quis adeundo aut pro hærede gerendo hæres fiat : unum est, ut sciat, defunctum aut testatum aut intestatum decessisse. Et prius igitur est,

ut certus sit, tum decessisse : neque enim viventi ulla est hæreditas, l. qui hæreditatem. 19. l. neminem. 27. l. hæres. 32. l. qui superstiti. 94. de acq. bar. Ponamus ergo, agnatum proximum, cum ignoraret, se hæredem scripsum, hæreditatem tanquam lege sibi delatam esse, prove domino bona administrasse, hæres non erit : nam ut pro hærede gerendo se quis obstringat hæreditati, scire debet, quæ ex causâ hæreditas ad eum pertineat, auctore Paulo l. si is. 22. eod. Alterum est, ut sciat, se hæredem esse, id est, hæreditatem aut testamento aut ab intestato sibi delatam : & proinde etiam certus esse debet de conditione testatoris, paterf. aut filiusfam. sit, & generaliter, testamenti factionem habuerit, necne l. hæres. 12. §. ult. eod. Ad hæc et si sciat, se hæredem institutum, sed utrum purè, an sub conditione, ignoret, non poterit adire hæreditatem, d. l. hæres. 12. §. 1.

Veteres hæredes pro dominis appellabant) Sic etiam Festus, *Hæres*, inquit, *apud antiquos pro domino ponebatur*, quod & Plauti confirmat auctoritas, apud quem Menæchmus peregrinus de palla sic loquitur, *Menæch. act. 3. sc. 2. v. 11.*

Prandi, potavi, scortum accubui, abstuli

Hanc, cuius hæres nunquam eris post hoc diem.

Atque hinc est, quod pro hærede gerere & pro domino gerere, hæreditas & dominium à nostris promiscuè usurpetur, l. si is. 22. de acq. bar. l. 1. 2. §. ult. de bon. poss. sc. 1. h. Quæ res eos juvare videtur, qui hæredem à verbo *beris* dictum existimant : licet ratio prioris syllabæ repugnare videatur, quæ in *heres* corripitur, in *beres* producta est : quam ob causam Viglius & Hotomannus potius ab *heres* deduci putant, ut *hæres* dicatur, quasi *herens*, eo quod proximus defuncto in bonorum dominio hæreat. Sed hic obstat, quod *berus* & *hæreditas* sine diphthongo scribi in M. Tullii libris annotavit P. Victor, & in Pandedis Florentinis Cujacius. Atque ideo Hotomannus existimo maluisse derivare hanc vocem ab *hæra*, quod terram significat, unde fit *hæredium*, Varroni agellus, qui hæredem sequebatur. Cæterum non sunt hæc magni momenti : nec quantitas syllabæ semper in derivatis retinetur, quod vel pueri in scholis sciunt, & docet Gellius lib. 12. c. 3. quamquam ille exemplis ad id demonstrandum parum aptis utitur.

Contraria destinatione statim ab hæreditate repellitur) Eadem autem omnia in repudiante requiruntur, quæ in hæreditatem admittentes ut voluntatem declarat aut aperte verbis, puta

ut dicat, se hæredem esse nolles scriptore aut nutu id testetur, *l. recusari. 95. de acq. her. aut re aliqua & facto*, unde ea voluntas colligatur: cuiusmodi est, si hæres institutus idemque legitimus de testamentaria hæreditate nihil aperte statuens legitimam aut adierit aut repudiaverit: creditur enim, qui hoc fecit, eodem momento testamentariam repudiassse, *l. ne is qui. 17. §. 1. l. illud. 77. eod. tit.* Item si præteritus aut exhæredatus ab hærede instituto, cum sciret eum hæredem esse, emit aliquid, aut prædia conduxit, vel ei solvit quod testatori debeat. His enim factis & iudicium defuncti agnoscere intelligitur, & jus suum repudiare, *l. si ponat. 23. §. 1. de inoff. test.* Scire item debet qui repudiat, vivat is, de cuius hæreditate agitur, nec ne; testatus an intestatus decesserit; hæres necne ei sit; pure an sub conditione sit hæres institutus. Postremo de sua quoque & defuncti conditione certus esse debet: alioqui uti adeundo ita repudiando nihil agitur, *l. 13. l. 15. & 4. ll. seqq. l. bares. 32. l. qui superstitis. 94. de acq. her.*

Qui surdus vel mutus natus vel postea factus)

10 Mutus, necnon surdus, etiam ita nati, pro hærede gerere & obligari hæreditati possunt, *l. 5. l. pater. 93. in fin. d. tit.* Diferte autem dicitur, pro hærede gerere; quia hi voluntatem verbis declarare nequeunt. Et pertinet hoc utique etiam ad surdos, qui natura tales sunt, quos loqui non posse constat. Enim verò si quis casu aliquo surdus factus sit, quin, ut loquendo, ita & verbis voluntatem decla-

rando, hæres fieri possit, non est ambigendum. Sed & qui mutus non natus, sed factus est, licet verbis voluntatem declarare non possit, poterit tamen vel scripto, vel alio indicio eam significare, *arg. l. recusari. 95. eod.* Quod si hæreditas delata sit ei, cuius nulla voluntas est, qualis est furiosus, curatori tradenda hæreditas administranda ea lege, ut si furiosus postea ad se redierit, ipse de ea suscipienda aut omittenda statuat: & omissa ad eos revertetur, ad quos remoto furioso perventura fuisset, uti etiam si in furore decesserit, *l. ult. §. 3. & seqq. C. de cur. fur.* Quid si impubes sit, cui delata hæreditas: Quod huius iudicio deest, supplebit tutoris auctoritas, *l. pupillum. 49. de acq. her. l. 9. §. 3. de auct. tut. l. 5. C. de jur. del.* In infante novum jus à Theodosio constitutum est, ut ipse tutor nomine infantis hæreditatem adire possit, *l. si infanti. 18. C. d. tit.* Quod si impubes in potestate sit, hic auctore patre rectè adibit, *l. 8. §. ult. de acq. her.* neque obstat quod impubes, qui in potestate parentis est, ne auctore quidem patre obligatur, *§. pupillus. 9. in fin. inf. de inut. stip. l. ult. §. 2. de verb. oblig.* quia in proposito non obligatur ipse impubes, sed pater, cui hæreditatem acquirit. Cæterum in adventitia hæreditate dicendum est, ab illa regula recessum esse juniorum Principum constitutionibus, *l. d. si infanti. 18. §. ult. C. de jur. del. l. ult. §. ubi autem 6. C. de bon. qua lib. Don. ad d. l. ult. §. 2. n. 7. de verb. oblig.*

TITULUS VIGESIMUS.

DE LEGATIS.

Dig. Lib. 30. 31. 32. C. Lib. 6. 37.

Ratio ordinis cum summa eorum, qua hic explicatur.

Cognita ratione deferendæ hæreditatis ex testamento, recta procedendum videbatur ad partem alteram, quæ docet, quomodo deferatur hæreditas ab intestato, ac sine flexu iter institutum continuandum, donec omnes per universitatem acquisitiones percursæ forent. Eo enim nos ipse rerum ordo & dispositio partium deinceps tractandarum, facta *§. ult. super quas pers. cuiq. acq.* quasi manu ducit. Sed Imp. hic aliquantum à cæpto deflectit propter legata & fideicommissa; neque absque ratione. Nam cum legata & fideicommissa non minus testamento

relinquantur, quàm hæreditas, & vix ullum testamentum condatur, in quo non aliquis legato aut fideicommissio honoretur: hæ causæ communio, simul quod legata sunt partes, hoc est, accessiones & appendices testamenti, exigit, ut hoc loco maximè de his disputetur, atque ob hanc etiam causam in hunc locum collatum est, *d. §. ult.* cum alioqui legata & fideicommissa sint modi, in quibus non universitas, sed res singulæ acquiruntur. Hoc titulo disputatur de legatis; atque ordine hæc docentur, quid sit legatum, quotuplex olim fuerit, & quæ nunc natura atque effectus omnium,

nium; quibus rebus olim legata distabant à fideicommissis, & quæ postea secuta exarctatio; quæ res dari, legari possint, vel non possint, quibus rectè legetur aut contras postremo quædam, quæ ad veterem formam legandi pertinebant, mutantur.

T E X T U S.

Continuatio.

Post hæc videamus de legatis, quæ pars juris extra propositam quidem materiam videtur: nam loquimur de iis juris figuris, quibus per universitatem res nobis acquiruntur: sed cum omnino de testamentis, & de hæreditibus, qui in testamento instituntur, loquuti sumus, non sine causa sequenti loco potest hæc juris materia trahari.

COMMENTARIUS.

DE iis figuris, quibus per universitatem) Figuris, id est, causis, modis, rationibus.

Docemus, quibus modis res universitæ acquiruntur: legatis autem acquiruntur res singulæ; quorum idcirco tractatio hinc aliena videatur. Repetenda verò est memoria ejus, quod notavimus in expositione, §. ult. sup. per quas pers. cuiq. acq. in hac distinctione acquisitionum non solus objecti rationem haberi, verum etiam ipsorum modorum & causarum acquirendi: legatum esse modum & titulum acquirendi singularem, hoc est comparatum ad acquirendum res singulas, non universas: & ideo licet universitas, pars bonorum aut hæreditatis alicui legata sit, quod fieri posse constat, l. si quis. 23. l. non amplius. 26. §. 2. de legat. 1. l. cum pater. 39. de vulg. & pup. Ulp. tit. de legat. §. si quis. 23. tamen hunc legatarium non fieri juris successorem, d. l. non amplius. 26. §. 2. proinde nec ullas actiones hæreditarias aut activè aut passivè in eum transire: ob quam causam olim factum, ut stipulationes partis & pro parte inter hujusmodi legatarium & hæredem interponerentur, §. sed quia. §. inf. de fid. bar. Quod autem parte hæreditatis legata non deducuntur impensæ, puta pretia servorum manumissorum, aut sumptus funeris, l. 8. §. ult. de legat. 2. hoc non tribuit legatario successionem juris; sed tantum dicitur ad differentiam ejus, quod observatur, cum pars bonorum, quæ tempore mortis fuit, legatur, quo casu impensas deduci placet, l. 9. d. tit. Sic cum in specie l. cum filius. 76. §. 1. d. tit. de legat. 2. Lucio Sempronio legata proponitur hæreditas Pu-

blii Mævii, eam Sempronius non suscipit ut hæreditatem, sed ut bona, quæ à Mævio ad testatorem pervenerunt.

T E X T U S.

Definitio.

1. Legatum itaque est donatio quædam à defuncto relicta, ab hærede præstanda.

NOTÆ.

1. Donatio quædam) Quædam εὐχρηστική generi additum, quia legatum proprie donatio non est; in omni enim donatione res inter duos agitur, nec ulla est donatio sine acceptione, v. sup. de don. Florent. delibatio hæreditatis, l. 116. de legat. 1. μὴ τοῖς καθ' ἑαυτοὺς Basil. 44. tit. 1. c. 1.

A defuncto relicta) Modest. l. 36. de leg. 2. testamento relicta. Sed Tribonianus videtur verbo generaliore usus, serviret constitutioni Justiniani de exarctatione legatorum & fideic. l. 2. c. comm. de legat.

Ab hærede præstanda) Desunt hæc apud Modestin. nec Theoph. Cujac. Hot. agnoscunt, neque ad definitionem sunt necessaria. Super tamen nostri definitionibus aliquid adjiciunt, plenioris explicationis gratia.

COMMENTARIUS.

- 1 Legatum unde dictum.
- 2 Cur particula quædam donationi in definitione adjecta?
- 3 Consulito pro testamento relicta, ut est in definitione Modestini, hic positum pro à defuncto relicta.
- 4 Verba ab hærede præstanda, non videri vitiosa, ut quidam censent.

Legatum inquit Ulpianus in fragm. hoc sit. Est quod legis modo, id est, imperativi testamento relinquuntur; quæ notatio quædam est & ratio nominis; cæterum quia hoc longiusculè petitiu videtur, aliis potius legere dictum putant à legendo, quatenus hoc verbum diligere & decerpere significat, quod & Florentium existimasse credibili est, ac proinde legatum definitivè delibationem hæreditatis, l. legatum 116. in pr. de leg. 1. Nam delibare decerpere est. Cic. in orat. pro Sext. cap. 56. omnes undique fosciculos carpere atque delibare. Quæ autem decerpuntur, leguntur. Virg. Eclog. 3. vers. 92.

*Qui legitis flores & humi nascentia fraga. Nec dissimili admodum ratione Varro lib. 4. de ling. Lat. legatos à legendo appellatos tradit, quia scilicet publice lecti sint, ut militantes. Cæterum etymologia Ulpiani convenientior videtur latitudini significationis verbi legare, in qua usurpantur in illo legis duodecim tabularum, *ui quisque legassit*, &c. ubi hoc verbo legassit continentur etiam hæredum institutiones, denique quicquid verbis directis paterfam. in testamento caverit, confirmatur, l. verbis legis 120. de verb. sign. VINN. Immo etymologia Ulpiani nihil est verius. Legare enim prima producta non significat delibare, vel decerpere, sed mandare, jubere, legem dicere. Unde & legare dicitur paterfamilias etiam quando hæredem ex asse instituit. Placuit verò hoc vocabulum veteribus, quia, ut supra monuimus, testamenta legis modo condebantur in comitiis calatis. Quare nec legata aliter relinqui poterant, quam verbis directis & ut ita dicamus, legislatoriis, e. g. habeto, hæres damnas esto, finito, &c. Plura eam in rem diximus in *Antiquit. Rom. hoc tit.**

Donatio quadam) Particulam quadam Modestinus in sua legati definitione non addidit, l. legatum 16. de legat. 2. Non est tamen omnino supervacua, ut quidam putant. Quippe legatum propriè donatio non est: in omni enim donatione res inter duos agitur, nec ulla est donatio sine acceptione, nec mortis quidem causa, ut supra demonstravimus sub §. 1. & 2. de donat. Legatum autem sola testatoris voluntate constat, atque ita tamen, ut suspendatur, & post mortem testatoris adhuc pendeat ab aditione hæreditatis: quod iterum secus in donationibus etiam iis, quæ mortis causa fiunt, l. 5. §. qui mortis 17. de his que ut indign. Quapropter nec inter genera donationum, ubi de his ex professo agitur, legatum numeratur. Est verò nihilominus peculiaris quadam & quasi proprii generis donatio: pronoscitur enim totum à liberalitate testatoris, estque titulus merè lucrativus: quam ob causam etiam separatur ab hæreditate, quæ onera quoque continet, & interdum damnosa est, l. si hæreditatem 12. mandat. l. hæreditatis 119. de verb. sign. Additum igitur generi est *υληκατηγρηκα quadam*, ut sciamus, genus hoc non simpliciter, sed quadantenus & ratione analogica speciei definitæ convenire. Neque quicquam hæcenus contra legem aut modum definiendi. Vid. Goclen. de trop. defin. can. 9. except. 1.

A defuncto relicta) Directo scilicet & proximè à defuncto, non per interpositam mediam

personam; ut excludatur fideicommissum; quod quidem etiam relinquitur à defuncto, sed *iniquus* atque ita, ut relictum prius alteri quæretur, atque in hujus persona consistat. Videtur autem Tribonianus pro eo, quod est in definitione Modestini, *testamento relicta*, consulto usus verbo generaliore, à defuncto relicta, ut serviret constitutioni Justiniani de exæquatione legatorum & fideicommissorum, quæ est l. 2. c. comm. de leg. & fid. Post hanc enim exæquationem non minus legata, quàm fideicommissa, non testamento tantum, sed etiam ab intestato relinqui posse cæperunt, aut codicillis testamento non confirmatis: quod secus fuit jure veteri, quo legata tantum ex testamento valebant, §. *præterea* 10. inf. de fid. bar. Id quod Modestinus indicare voluit, & Florentinus significat, cum legatum sic describit: ut sit *delibatus hæreditatis*, (*μεινός τερπεινίας*, Basil. 44. tit. 1. c. 1.) *qua testator ex eo, quod universum hæredis foret, alicui quid collatum velit, l. legatum 116. in pr. de legat. 1.* Eadem differentia indicatur ab Ulpiano in *fragm. tit. de fideicom. §. 3. & 6.*

Ab hærede præstanda) Hæc verba non agnoscunt Theoph. Cujac. Hotom. Weseimb. Baro à sciolo aliquo adjecta, ac proinde inducenda putat. Et fatendum sanè est, non esse hæc verba ad definitionem legati necessaria; quippe in qua quæritur, quid legatum sit: non à quo relinquatur, aut præstandum sit; quod pertinet ad executionem. Cæterum causam nullam admodum video, cur cum extent in vulgatis codicibus, deleri atque ex iis expungi debeant. Sæpe enim nostri latioris explanationis gratia quadam definitionibus adjiciunt, quæ ad essentiam rei definitæ non pertinent; ut videre est in definitione tutelæ l. 1. de tut. item furti, l. 1. §. 3. de furt. quod & hic factum videtur. Sed dixeris, vel ideo delenda esse, quia post exæquationem legatorum & fideicommissorum non tantum ab hærede, sed etiam à legatario legari potest. Ego verò nego, quod ita relictum est propriè legatum esse, licet concedam jure legati censi: de quo nonnihil iterum infra de fideic. bar. in pr. Illa autem leviuscula sunt, ob quæ nonnulli clausulam hanc inducendam putant, primum quia legatum ab ipso testatore nonnumquam præstetur, l. Lucius 22. de legat. 2. deinde quod quæ legantur, recta dicuntur transire ad legatarium, l. à Titio 64. de furt. Nam ad primum quod attinet, constat, legatum omne sic relinqui, ut præstetur post mortem testatoris, & proinde ab hærede. Quod si testator antevertat, & ipse præstet, dum vivit, mutatur voluntate te-

statoris, quod legatum erat, in donationem inter vivos, per l. *hujusmodi* 84. §. *si Titio* 11. de legat. 1. Quod verò legatum rectè à defuncto transire dicitur in legatarium, id tantummodo pertinet ad rei legatè dominium: nam possessio nihilominus ab hærede petenda & præstanda est. Neque enim potest quisquam sibi jus in rem dicere, aut legatarius privata auctoritate occupare potest: alioqui hæredi potestas est id revocandi interdictio quod legatorum, l. 1. §. 2. quod legat. de quo vid. Clar. §. *testamentum*, quest. 68. Peck. 1. de testam. conjug. 48. Christin. vol. 4. dec. 36. Sed & translatio illa domini sibi potius est, quam vera, & ideo introducta maximè, ut legatarius post diem legatarii cedentem decedens ad hæredem legatum transmittat, l. 3. l. 5. quand. dies leg. Porro notanda obiter triplex legati significatio. Nam & actum ipsum legandi denotat, ut hic & in definitionibus Modestini & Florentini; & nonnumquam titulum seu causam, ut tit. *pro legat.* Frequentissimè autem designat rem ipsam legatam.

T E X T U S.

De antiquis generibus legatorum
sublatis.

2. Sed olim quidem erant legatorum genera quatuor: per vindicationem, per damnationem, sinendi modo, per præceptionem: & certa quadam verba cuique generi legatorum assignata erant, per quæ singula genera legatorum significabantur. Sed ex constitutionibus divorum Principum solemnitas hujusmodi verborum sublata est. Nostra autem constitutio, quam cum magna fecimus incubratione, defunctorum voluntates validiores esse cupientes, & non verbis, sed voluntatibus eorum faventes, disposuit, ut omnibus una sit natura: & quibuscumque verbis aliquid relictum sit, liceat legatariis id persequi, non solum per actiones personales, sed etiam per in rem, & per hypothecariam. Cujus constitutionis perspicuum modum ex ipsius tenore perfectissimè accipere possibile est.

N O T A E.

1. Certa quadam verba) Vid. Ulp. tit. 24. Cajum lib. 2. tit. 1. Notæ juris, D. D. E. *Dare damnas esto.* Per præceptionem solummodo legatur uni ex hæredibus. Cajus d. lib. & tit. §. ult. Th. hic. Formula: *Lucius Titius mihi ex parte hæres rem illam præcipito.* Hæc capiendi figura præcepto dicitur, prælegatum, & præcipuum; Græc. *ἐξαρτὴν δίδωμι.*

- 1 Pro formularum diversitate olim quatuor genera legatorum fuisse, non solum nominibus distincta, sed etiam natura & jure.
- 2 Primum Justinianum effecisse, ut omnium eadem vis esset, salva tamen manifesta voluntate defuncti.
- 3 Explicatur vetus differentia circa potestatem agendi inter legatum vindicationis & damnationis, sublata constitutione Justiniani.
- 4 Hypothecariam beneficio Justiniani accepto ferendam: qua de re, adversus quos ea computat; aliæque nonnulla eodem pertinentia.

PER vindicationem, per damnationem, sinendi modo, per præceptionem) His nominibus: sic genera hæc distincta atque appellata fuerunt à verborum formulis cujusque generis propriis, aut earum una aliqua. Per vindicationem his verbis legebatur, *Do, lego, capito, suinito; tibi habeto, vindicato.* Per damnationem ita, *Hæres meus damnas esto dare, date, scito, hæredem meum dare jubeo.* Sinendi modo sic, *Hæres meus damnas esto sinere* L. Titium sumere illam rem sibi que habere. Per præceptionem uni ex hæredibus legabatur hac formula, L. Titius mihi ex parte hæres illam rem præcipito, aut præcipuum habeto. In formula legandi per vindicationem & præceptionem verba relictoris ad legatarium diriguntur: in legato damnationis ad hæredem & in sinendi modo formula mixta videtur. Non tantum autem hæc genera verborum formulis, sed natura quoque & jure distincta fuerunt. Per vindicationem & præceptionem legari solum poterat res testatoris propria, sinendi modo etiam hæreditis, per damnationem etiam aliena. In duobus prioribus, genere legato, aut duobus rebus disjunctim, electio erat legatarii: idque puto etiam obtinuisse in relicto sinendi modo: quia in hoc quoque genere verba executiva, ut loquuntur, diriguntur ad legatarium. In damnationis autem legato hoc casu electio erat hæredis. Quod per vindicationem relictum erat, petebatur actione in rem: quantum eo nomine & in personam ex testamento agi poterat, quod per damnationem, id actione in personam ex testamento persequendum erat. Nominis quoque ejus quod sinendi modo relictum erat, non aliam actionem quam ex testamento competisse, post Theoph. Bachovius scribit: Cajus etiam vindicari potuisse, lib. 2. hoc tit. §. pen. quod ego locum habuisse puto, cum res testatoris propria hoc genere legati relicta esset. Quod per præceptionem

rem cohæredi datum erat, eo nomine familiaris eriscundæ agebatur in cohæredes. Hæc ferre, & quædam alia hujusmodi reperiuntur apud Ulp. *tit. 24. Cajum lib. 2. l. 5. Paul. 3. Cent. 3. Theophil. bic.* Si cui vacat, etiam per me licet, adeat Ant. Fab. 6. *confess. 1.* cautè tamen. VINN. Rectè Cajum interpretatur Vinarius. Si enim res propria hæredis vel testatoris alicui finendi modo fuerat relicta, & legatarius eam vindicabat; tunc hæres non contra vindicare, nec dicere poterat: *Et ego ajo illam rem meam esse*: quia jussus erat finire, ut legatarius rem sibi haberet. Præclare hoc observavit V. C. Schulting. *ad Cajum lib. 11. tit. 6. §. 6. p. 120.* Cæterum septemdecim horum legatorum differentias ex jure antiquo eruditè erutas habuit Merill. *Obs. lib. 6. cap. 32. p. 175. HEIM.*

Constitutionibus DD. Principum verborum solemnitas sublata) Significatur *l. in legatis 21. C. hoc tit.* qua una quidem constitutio est, sed trium Imp. Constantini, Constantii & Constantis, quos si singulos species, totidem dici possunt Imperatorum constitutiones. Hi iidem Imp. etiam verborum solemnitatem & observantiam sustulerunt in institutionibus hæredum, & in amplectenda bonorum possessione, *l. quoniam 15. C. de testam. l. ult. C. qui admitt. ad bon. poss.*

Nostra autem constitutio) Est *l. 1. C. comm. de legat.* Sublata in legatis verborum solemnitate, etsi licebat aliis verbis, idem quod typica significantibus, in unoquoque genere uti; nec latino tantum, sed etiam Græco, aut Gallico, aut cujuscumque alterius generis sermone legatum relinquere, quod antea non licuisse pacta formularum verba arguunt, & testatur Ulp. *tit. 25. §. 7.* manebat tamen adhuc vetus naturæ & effectuum in singulis generibus diversitas: verbi causa, nihilo magis res aliena per verba vindicationis legari poterat quàm ante: aut legatum per damnationem relicta in rem actione peti. Hanc generum differentiam primus sustulit Justinianus, omniumque legatorum unam voluit esse naturam, hoc est, unam omnium vim atque effectum, *d. l. 1. C. comm. de leg.* Quod si qua adhuc veteris discriminis vestigia in libris nostris tibi occurrent, scito, Tribonianum hæc per incuriam reliquisse, qui dum responsa Jurisconsultorum ad constitutionem Justiniani accommodare studuit, verba quidem hæc, *per vindicationem, aut per damnationem*, ubique sustulit: rem autem ipsam & effectum reliquit. VINN. Id negari vix potest. Nam sic e.g. in legato per vindicationem portio deficiens

conjuncto accrescere dicitur, *l. 16. §. ult. l. 34. ff. de legat. 1. l. 31. §. 1. ff. de statu lib.* Contra in legato per damnationem illa deficiens portio non accrescit conjuncto, *l. 16. pr. ff. de legat. 1. l. 16. de legat. 2.* Non itaque dicendum cum Cujacio in *Paratit. C. ad l. un. de cad. tollend. sub fin.* hanc differentiam non esse sublatam, sed Pandectarum compositores festinantius agentes vestigia omnia juris antiqui, quod Justinianus immutavit, non delevit. Vid. Merill. *Variant. Cujac. lib. 11. cap. 10. p. 241. HEIM.*

Non verbis, sed voluntatibus) Ætymologia hujus exequationis: quæ talis tamen est, ut quivis facile intelligat, Imperatorem noluisse quicquam statuere, aut exequationem istam valere contra manifestam voluntatem testatoris. Quamobrem si testator, verbi causa, generaliter quid legaverit, aut hoc vel illud distinctim, verbis executivis ad hæredem directis, non dubitarem respondere, in hujusmodi legato electionemtribuendam esse hæredi, cum DD. comm. & Zas. in *l. legat. 37. n. 22. de legat. 1.*

Non solum per actiones personales) In *d. l. 1. C. comm. de legat.* Utitur numero singulari. Intelligit autem actionem, quæ veteribus dicitur actio ex testamento, *l. servo 69. §. ult. l. non quocumque 82. in pr. l. quasitum 91. §. ult. de legat. 1. l. qui concubinam 29. §. 3. de legat. 3. l. 6. de in lit. jur. §. si res aliena 6. inf. eod.* Hæc actio in personam est ex obligatione. Nam cui legatum datum est, is de eo præstando obligatum habet hæredem, à quo relicta est. Obligatio est quasi ex contractu: quippe cum hæres adit aut agnoscit hæreditatem, intelligitur eam agnoscere cum sua conditione atque onere; scilicet ut præstet, quod testator injunxit; atque hoc facto quodammodo cum legatariis contrahere videtur, *§. bares 5. inf. de obl. qua quas. ex contr.* Ex quo apparet, tertium possessorem hac actione convenire non posse, hæredem posse, etsi non possideat, *per actionem, 25. de obl. & act.*

Sed etiam per in rem) Etiam olim legati obtinendi causa actio in rem prodita legatariis fuit, sed non omni legato; ut ecce, de eo, quod per vindicationem legatum erat, præter actionem in personam competeat etiam in rem seu rei vindictio: de re per formulam damnandi legata una erat actio in personam, in rem non erat: quæ juris diversitas ex alio diverso inter hæc jure nascebatur; ex eo nimirum, quod rei per vindicationem legatæ dominium recta à testatore in legatarium transibat, *l. legatum 80. de legat. 2. l. à Titio 64.*

de furt. Quod autem per damnationem relinquebatur, ejus rei dominium transibat ad hæredem, & in hoc tale legatum simile erat fideicommissio, quod ipsa formula evidenter ostendit, & quod etiam res aliena per hanc formulam recte legabatur. Jam verò certum est, actionem in rem omni domino competere, & soli, *l. in rem 23. in pr. de rei vind.* hincque consequens ut in qua specie ad obligationem hæredis accedit dominium legatarii, ibi legatario non tantum personalis, sed etiam in rem actio detur: ubi autem sola hæredis obligatio locum actioni facit, ibi non alia quam in personam actio competere possit. Ex constitutione verò Justiniani etiam pro legato damnationis consequendo actio in rem legatario datur: quippe jure legatorum omnium exæquato, tam ex legato damnationis, quam vindicationis dominium rei legatæ recta ad legatarium transit. Illud forte aliquem turbabit, quod eidem ejusdem rei nomine duæ contrariæ actiones conceduntur, quarum altera intendat sibi dari oportere, altera se dominum esse intendat, contra §. *sic itaque 14. inf. de act.* Respondent nonnulli, speciale hoc esse in legatario, propterea quod tantum jure civili dominus factus sit, non etiam jure gentium, quod non placet. Nihil enim retinet, quo jure dominium agentis quæsitum sit, *d. l. in rem 23. de rei vind.* & in promptu alia responsio est, descendere nimirum hæc actiones ex diversis causis; in personam ex obligatione hæredis in rem ex jure domini, quod statim à morte testatoris in legatarium transfertur; quomobrem agentem legatarium actione personali ex testamento, petentemque ut res sibi detur, non considerari ut dominum, sed tantum ut creditorem, qui hæredem quasi ex contractu sibi obligatum habet. Rursus agentem in rem non considerari ut creditorem, sed ut dominum rem suam ab hærede, non ut obligato, sed ut possessore vindicantem: nam & contra alios possessores sic in rem ageret. Concursum autem duarum harum actionum non cumulativus est, sed electivus, hoc est, non ita simul competunt, ut liceat experiri utraque, sed ut una, utra legatarius velit: una autem electa, altera consumitur, *l. cum filius 76. §. variis 8. de legat. 2. l. hujusmodi 84. §. ult. l. si servus 103. §. 2. de legat. 1.* Porro ut legatari nomine etiam in rem actioni locus sit, ponendi sunt termini habiles: primum, ut legata sit certa species aut corpus; neque enim quantitate, aut nomine legato, vindicatio locum habere potest: deinde ut res, quæ legata est, propria testatoris fuerit: nam quod testa-

toris non est, id ab eo non potest recte transire ad legatarium, *l. nemo plus juris 54. de reg. juris.*

Et per hypothecariam) Priores duæ actiones, etiam vereribus, secundum ea quæ diximus, in usu fuerunt. Hypothecaria, de qua hoc loco, tota beneficio Justiniani accepto secessit est. Nam quod legitimus apud Papinianum, legatarius causam pignoris habere, *l. 4. §. 1. l. 1. separ. id. ut locus ipse indicat, junct. l. 1. l. sciendum 3. eod. tit.* accipiendum est de specie pignoris prætorii, quod jure separationis creditores hæreditarii in bonis defuncti habent, & post hoc in eo quod superest legatarii, quæ separationem impetraverunt. Agi potest hæc actio hypothecaria in quascumque res defuncto relictas, adversus quosvis earum rerum possessores. Ajo, à defuncto relictas; siquidem non res hæredis propriæ, sed hæreditariæ ex hac causa pignoris sunt legatariis ex constitutione Justiniani. Neque tamen in hæc res numeranda videtur res testatoris, quæ legata sit: quippe quæ statim sit legatarii; rei autem nostræ pignus non consistit, *l. neque pignus 45. de reg. jur.* Actionem hypothecariam cum personali cumulari posse, receptum est, *Myns. 1. observ. 58. Charond. 4. resp. 52.* cum vindicatione autem adversus eundem cumulari non posse tradit Bald. *in auth. contra, n. 11. C. ad sen. Treb. sed Cyn. in d. l. 1. n. 10. C. comm. de legat.* etiam harum cumulationem admittit: quem sequitur Bucher. *in Treutl. vol. 2. disp. 13. thes. 7.* Urus fit, certi juris est, actiones, quæ se invicem non consumunt, successivè intentari posse, nimirum ut etiam post sententiam in una lætam altera in iudicium deducatur: ratio autem non patitur, ut per hypothecariam aut actio in personam consumatur, aut rei vindicatio: ut proinde simpliciter verum esse non possit, quod nonnulli simpliciter tradunt, res hæc actiones electivè concurrere, non cumulativè: sed nec pignus liberari debitor ad solvendum condemnato responsum est, *l. quamvis 1. C. de pign.* Illud pene supervacuum monere, actionibus hæc locum non esse, nisi adita ex testamento hæreditate. Nam si hæreditas adita non fuerit, nihil eorum, quæ testamento scripta sunt, valet, *l. si nemo. 9. de test. tut. l. com. 14. C. de fideicom.* nisi forte testator voluerit scripturam testamenti etiam pro codicillis valere, sive quod testamento relinquitur etiam ab hæreditibus legitimis præstari, *l. ex ea scriptura. 29. §. 1. qui test. fac. l. ex testamento. 29. de fideic. l. ult. §. 1. C. de codicill. de quo plura Jaf. d. l. 14. & post eum Sichar. n. 6. 7.*

§ 9. Don. num. 9. & seqq. Illud in transitu monere non inutile visum, actionem hypothecariam, quam Justinianus pro legatis aut fideicommissis concessit, ex constitutione ipsius inter plures hæredes ipso jure divisam esse, d. l. 2. in fin. C. comm. de legat. quod speciale est, & contra ordinariam naturam actionis hypothecariæ, quæ alias semper individua est, l. rem hereditariam. 65. de evict. introductum. Ac proinde hoc non obtinebit in hypotheca aut pignore expresso, quod testator legati aut fideicommissi nomine constituit, l. non est mirum. 26. de pign. act. cum in dubio credendum sit, testatorem se conformare voluisse ad jus commune, l. ult. C. de verb. sign. Atque hinc intelligimus, etiam post hanc constitutionem Justinianus adhuc utiliter pignus testamento constitui, add. Christin. vol. 4. de cis. 47. n. 3. & 4. Donellus tamen nihil in hoc putat esse singulare, in d. l. 1. num. 12. VINN. Atqui de cumulatione actionum frustra queritur, si ex principiis juris Romani decidenda sit questio. Nam id jus cumulationem ignorare, & ad ea planè abhorre videtur, l. 6. ff. de except. rer. jud. Nec contrarium liquet ex l. 1. §. 4. de edendo, & l. 1. §. 1. ff. de acqu. vel amit. poss. quarum altera ad primam editionem, altera ad mutationem actionis pertinet. Poterat itaque actor duas edere actiones, protestatus, ex altera se velle consequi, quod se contingat: potest & relicta actione petitoria ad possessionem confugere, sed non duas actiones cumulare. Totum id jus ex jure canonico videtur proficisci, quod praxis sequitur. Cæterum hæc docet, frequenter cumulari actionem personalem ex testamento & hypothecariam, quum alterutra sufficiat. HEIN.

T E X T U S.

Collatio legatorum & fideicommissorum.

3. Sed non usque ad eam constitutionem standum esse existimavimus. Cum enim antiquitatem invenimus legata quidem strictè concludentem, fideicommissis autem, quæ ex voluntate magis descendebant defunctorum, pinguiorem naturam indulgentem: necessarium esse duximus, omnia legata fideicommissis exæquare, ut nulla sit inter ea differentia: sed quod deest legatis, hoc repleatur ex natura fideicommissorum: & si quid amplius est in legatis, per hoc crescat fideicommissorum natura.

Tom. I.

ra. Sed ne in primis legum cunabulis permixtum de his exponendo studiose adolescentibus quamdam introducamus difficultatem, operæ pretium esse duximus, interim separatim prius de legatis, & postea de fideicommissis tractare: ut natura utriusque juris cognita, facile possint permixtionem eorum eruditi subtilioribus auribus accipere.

NOTÆ.

3. Pinguiorem naturam indulgentem) Vid. Ulp. d. tit. 25. Caj. lib. 2. tit. 7. Theoph. hic. Necessarium esse duximus) l. 2. comm. de legat. Nulla sit inter ea differentia) Scil. in ipsa re. Ait enim, se non verbis, sed rebus leges imponere, d. l. 2. Itaque essentialis differentia legati & fideicommissi sublata non est: sed quod verbis directis & imperativis legis modo est relictum, adhuc legatum; & quod precariis, fideicommissum est. Sed neque ea differentia sublata, quam facit manifesta voluntas testatoris: cujus rei exemplum habemus §. pen. inf. de sing. reb. per fid. rel.

COMMENTARIUS.

1. Auctorem exactionis legatorum & fideicommissorum itidem esse Justinianum.
2. Cur stricta legatorum natura, & quibus cancellis circumscripta fuerit?
3. Cur pinguior ac laxior fideicommissorum, & quibus in rebus?
4. Exactione hac non esse sublata utriusque relicti differentiam essentialem.
5. Quando amplius fuerit in legato, quam in fideicommissis?

SUPERIORE §. didicimus, legata omnia inter se exæquata esse, hic docetur ea etiam omnia & in omnibus exæquata esse fideicommissis, hoc est, communicatam ac confusam invicem etiam legatorum omnium & fideicommissorum naturam. Auctor hujus exæquationis itidem Justinianus est, l. 2. C. comm. de legat. quod hoc loco expressè proficitur. Et verum esse vel ex eo liquet, quod veteres inter legata & fideicommissa differentiam, quas Ulpianus in fragm. & Cajus lib. 2. commemorant, certè maxima earum pars usque ad tempora Justiniani permanserunt. Quamobrem dubitandum non est, quin illud, quod apud Ulpianum l. 2. de legat. 1. legimus, per omnia exæquata esse legata fideicommissis, Tribonianus acceptum ferri debeat, qui verba Ulpiani interpolando ea traxerit ad constitutionem Justiniani, jam triennio fere ante editionem Pann. X x x

dec-

de ceterum evulgatam. Etenim concessu Principis hanc potestatem compilatores Pandectarum habuerunt, ut pro arbitratu suo & adjicere quædam & detrachere scriptis veterum possent, l. 1. C. de vet. jur. enuel. Idque in plurimis locis ab iis factum esse animadvertere licet. Vid. Govean. 1. var. l. 29. Duar. 2. disp. 9. Don. 8. comm. 2. Baron. Hotom. Welenb. hic Covar in c. Raynaudus, §. 1. n. 3. 4. de testam. Aliter & diversimodè hoc expediunt Cujac. 8. obs. 4. Rævard. 3. var. 4. Robert. 2. sent. 13. quorum explicationes etsi non probo, confutare tamen nolo, quia res non meretur ullam operam. Illud autem monendi sumus, hanc legatorum & fideicommissorum exæquationem pertinere tantum ad fideicommissa specialia, quibus scilicet res singulæ relinquuntur; ad universalia sive ad hæreditates fideicommissarias non pertinere. Is enim, cui ex fideicommissio restituitur hæreditas, hæredis loco habetur. De quo uberius *infr. de fideic. bar.*

Strictè concludentem) Id est, strictam legis naturam tribuentem, eaque cogentem intra verborum ac formularum angustias, & voluntates testantium juris subtilitati subjiicientem. Quippe in legatis, utpote quæ ex legibus & jure civili ortum ducebant, certis quibusdam & solemnibus ac præscriptis verbis utendum erat, sicut & in hæredis institutione, nec aliis verbis relicta valebant: quæ verba idecirco legitima & civilia dicebantur, l. 7. de vulg. & pup. l. ult. C. de testam. qualia sunt: do, lego, capito, sumito, habeto, hæres meus damnas esto dare, hæredem meum dare jubeo. Atque ad hæc verba, quoniam fere imperativa sunt & legislationis propria, respexit Ulp. in fragm. hoc tit. legatum definiens, quod legis modo relinquitur. Cæterum præcisa illa & præcisa verborum observantia jam ante Justinianum sublata fuit, ut intelleximus in §. præc. Voluntas quoque testantis cancellis quibusdam in legando circumscripta erat. Siquidem legatum relinquere non poterat nisi in testamento aut codicillis testamento confirmatis, §. præterea. 10. *infr. de fideic. bar.* Cajus lib. 2. tit. 7. Præterea legatum relinquere non poterat ante hæredis institutionem, nec post mortem hæredis, nec à legatario aut fideicommissario, sed à solo hærede, §. ante. 34. & seq. *infr. cod. & tit. de sing. reb. per fideic. rel. in pr.* Ulp. hoc tit. §. post mortem. 16. & §. à legatario. 20. Cajus *dist. tit. 7.* Denique verba legatorum strictè accipiebantur, neque in his, si præcipua erant & minimè ambigua, facile admittebantur conjecturæ, aut questio voluntatis, l. ille. 25. §. 1. de legat. 3.

Ex voluntate magis descendunt) Quam ex lege aut certo jure. Quod significat Ulpianus in fragm. tit. de fideic. cum ait, fideicommissum non ex rigore juris civilis proficisci, sed ex voluntate dari relinquentis. Proinde in fideicommissis parum referebat, quibus verbis relicta essent, modo certa esset testatoris voluntas, l. cum virum. 16. C. de fideic. adeo ut fideicommissum non minus Græco, quàm Latino sermone rectè relinqueretur, l. 11. in pr. de legat. 3. Ulp. d. tit. §. item Græce. 9. Hoc amplius etiam nutu fideicommissa posse relinqui placebat, l. nutu. 21. d. tit. Denique in interpretatione verborum fideicommissi, etsi ea minimè obscura essent, magis tamen voluntas quàm verba, spectabatur, & conjecturis nihilominus erat locus, d. l. 16. C. de fideic. l. quisquis. 95. de legat. 3.

Pinguior naturam indulgentem) Non ea adstringentem verborum formulis, nec voluntatem relinquentis coercentem intra rigorem juris civilis, laxiorem longè & benigniorem interpretationem in fideicommissis, quàm in legatis admittentem. Unde nihil eorum quæ legatum vitiasse diximus, oberat fideicommissis. Poterat & ab intestato relinqui, & codicillis testamento non confirmatis. Poterat reliqui & ante hæredis institutionem & post mortem hæredis. Poterat & à legatario & fideicommissario, ut supra allegata simul docent. Erant & aliæ quædam intra legata & fideicommissa differentiz, quarum Ulp. tit. 25. & Caj. lib. 2. tit. 7. meminerunt. Nobis hic omnes referri curæ non fuit. VINN. In his præcipua videtur, quod quibus legari non poterat, iis fideicommissi posset. §. 1. *Inst. de fideic. hered.* Hinc deportatis, orbis, in cælibatu viventibus legari non poterat, quum posset fideicommissum relinqui, immo & Latinis, quum hi legatum non caperent, nisi intra centum dies jura Quiritium impetrent. Ulp. tit. 17. §. 1. & tit. 25. §. 7. Unde omnino apud Ulp. tit. 25. §. 6. legendum videtur: Fideicommissa dari possunt his, quibus legari non potest. Hoc jam enim ante Ulpianum mutatum esse, nondum constat. HEIN.

Ut nulla sit inter ea differentia) Hoc est, ut una sit eorum natura, ut jam non amplius sicut olim diversa eorum vis sit ac potestas. Hoc enim exquare est, alterius vim ac naturam alteri communicare; quemadmodum hoc Imperator ipse mox explicare & in d. l. 2. C. comm. de leg. Itaque nunc legata quæ ac fideicommissa & ab intestato, & nutu, & à legatario, &c. relinqui poterunt, a fideicommissis, & voluntas legantis servatur. Quod idem mo-

monendum putavi, ne quis pueret hac exequatione essentiali harum rerum differentiam sublatam esse, & quod verbis directis ac imperativis relictum est, etiam fideicommissum factum; & contra quod precariis, legatum: quod esset absurdum. Nam voluntas testatoris legatum aut fideicommissum facit & discernit Ac proinde etiam adhuc fieri potest, ut aliquo casu dissimilem hæc necessario effectum habeant, ne quid fiat contra voluntatem defuncti: quam non evertere, sed conservare Justiniano propositum fuit. Cujus rei exemplum habemus in legato & fideicommissio libertatis, §. *pen. inf. de sing. reb. per fideic. rei.* Quinque alias differentias refert Giphanius, quas existimat post exequationem nostram adhuc relictas: sed perspicuo errore, nec digno qui confutetur.

Si quid amplius est in legatis) Mutua igitur est hæc exequatio. In legatis hoc amplius erat, quam in fideicommissis, quod aliquando, & scilicet legata re testatoris propria, dominium recta in legatarium transibat, ex fideicommissio numquam: item quod pro obtinendo legato comparata erat legatario ordinaria actio ex testamento, aut quo casu dominium translatum erat, etiam rei vindicatio: de fideicommissis una tantum competebar extraordinaria persecutio. De quo dicendum amplius *inf. tit. de fideic. bar. §. 1.* Ceterum etiam hanc differentiam sustulit Justinianus & fideicommissa vice mutua in his rebus exequavit legatis, ut jam iisdem quoque actionibus, quibus legata, peti possint, l. 1. & 2. *C. comm. de leg.*

Separasti prius de legatis, & postea de fid.) Hinc est, quod Justinianus in progressu aliquando ita discriet, tamquam inter legata & fideicommissa quædam adhuc differentie obtinerent, quas tamen certum est eum una cum cæteris sublatis voluisse. Veluti in §. *præterea. 10. infr. de fideic. bar.* ubi ait, legata nisi ex testamento non valere. Et in *pr. 1. de sing. reb. per fid. rel.* sic loquitur, quasi à legatario etiamnum legari non liceret.

T E X T U S.

De re legata. Et primum de re Testatoris, hæredis, aliena, cujus non est commercium.

4. Non solum autem testatoris vel hæredis res, sed etiam aliena legari potest, ita, ut hæres cogatur, redimere eam, & præstare; vel si eam non potest redimere, æstimationem ejus dare. Sed si talis sit res, cujus commercium non est, vel adipisci

non potest, non æstimatione ejus debetur; veluti si quis campum Martium, vel basilicas, vel templa, vel quæ publico usui destinata sunt, legaverit. Nam nullius momenti tale legatum est. Quod autem diximus, alienam rem posse legari, ita intelligendum est, si defunctus sciebat, alienam rem esse, non si ignorabat. Forstæ enim si scivisset, alienam rem esse, non legasset, & ita divus Pius rescripsit. Et verius est, ipsum, qui agit, d. est, legatarium, probare oportere, scivisse alienam rem legare defunctum; non hæredem probare oportere ignorasse alienam. Quia semper necessitas probandi incumbit illi, qui agit.

N O T A E.

4. Cujus commercium non est) Ejus rei, quæ absolute commercio exempta, legatum prorsus inutile est: cujusmodi sunt, quæ hic & in l. 39. §. 8. & *seqq. cod. 1. memorantur.* Sed nec earum rerum legatum regulariter consistit, quæ ædibus juncta sunt, l. 41. cum 2. *seqq. cod.* Quid si vel testator, vel hæres commercium rei non habeant? Resp. Si legatarius habeat, utile esse legatum, l. 49. §. 3. *cod. 2. fac. l. 34. de verb. obl. fin minus, non valere, d. l. 49. §. 2. d. l. 34.* Non obstat. l. 114. §. 5. *cod. 1. neque l. 11. §. 16. cod. 3.* illa tibi quod respondeas ipsa subministrat; in hac agitur de legato militis, cujus natura æstimatorio continetur, d. l. 49. §. 1. in l. 40. delenda videtur secunda negatio: alioqui illa abundant, cujus commercium legatarius non habeat. Cujac.

Legatarium probare) Hoc iidem iisdem verbis Marcian. tradit l. 21. *de prob. fac. l. 23. C. cod.*

C O M M E N T A R I U S.

1. Quorum rerum legatum consistat, aut non consistat.
2. Legem 12. Tab. non impedire, quominus res aliena legari possit. Et num jus Canonicum?
3. Quid juris sit in legato rei communis? Quæstio subtilis & elegans.
4. Effectus legati rei aliena.
5. Legatum rei simpliciter exempta commercio, aut usus Principis deservientis, prorsus inutile esse. Ut & regulariter earum rerum, quæ adibus juncta.
6. Rei exempta commercio certa persona legatum valere, si legatarius commercium habeat; fin minus, secus: subiecta plenissima solutione omnium quæ obstat videantur.
7. Quid juris, si frudum legatum sit?
8. Legatum rei aliena, nisi singulari conjectura adju-

adjuvetur, cur demum valere placeat, si testator sciverit, alienam esse? & cur legatorio ejus rei probatio incumbat?

Inchoatur hic tractatio de rebus, quæ legari possunt, aut non possunt: qui locus maximam hujus tit. partem occupat; nec est sine multiplici distinctione præviis. Primum hoc in genere teneamus, non solum res speciatim sic distas, sed etiam facta legari posse, ut qui jussus est facere, parere debeat: nec solum res corporales, sed etiam incorporeales, puta usumfructum, servitutem, nomen. Deinde posse legari non modo res, quæ actu sunt inrerum natura, verum etiam quæ futuræ sperantur: quæ non sunt, nec esse possunt, earum legatum inutile esse. De quibus omnibus accuratius agemus suis locis. Porro interest, utrum res legata sit in commercio, an non sit: & si extra commercium, utrum simpliciter atque in totum, ut sunt res publicæ, sacræ, sanctæ, religiosæ, liber homo; quarum rerum legatum nullius momenti est: an verò res talis sit certo respectu, & vel ob specialem circumstantiam commercio exempta, cum aliqui per se & conditione sua sint in commercio, cujusmodi sunt marmora, columnæ, tigna ædificiis juncta, quæ inutiliter itidem uno atque altero casu excepto legantur: vel exempta commercio, quorumdam, non omnium ut mancipium Christianum, cujus commercium non habent hæreticus, Judæus, paganus, tit. C. ne mancip. Christi. item militia, hoc est, officium alicujus eorum, qui in aliqua schola seu ordine inter statutos relati sunt, ex quo salaria à Principe consequuntur: cujusmodi officiorum constat quoque non omnes jure capaces esse. Vid. Cujac. in l. 3. §. si quid minori. 7. de minorib. Sic prædii provincialis cum aliis commercium est, cum præfide non item. Atque hujus generis res aliquando utiliter, aliquando inutiliter legantur: de quo uberius paulo post. Quæ res legata in commercio est, ea vel est testatoris propria, vel non est: & hæc iterum vel hæredis, vel legatarii, vel terti alicujus, vel in hoc argumento specialiter dici solet res aliena. De re hæredis scriptum hic est, eam non minus quam rem testatoris legari posse: neque ullam hoc dubitationem haberi adeo ut hujusmodi legatum valeat, etiam si testator existimaverit rem suam se legare, l. unum 67. §. si rem 8. de legat. 2. De re legatarii legata distinctè dicitur inf. sub §. sed si rem 10. De re aliena hic itidem traditum est, eam utiliter legari: cum ea tamen distinctione, quam legatum rei testatoris aut

hæredis propriæ non recipit. Postremo illud quoque generaliter tenendum est, nullius esse momenti legatum earum rerum, quæ legatæ nihil emolumenti aut commodi legatario asserunt, quamvis sint in commercio: de quo etiam inferius præcipietur diligentius sub. §. ex contrario. 14.

Sed etiam aliena) Etiam res alienas legari posse, semper constitit, & posse, etiam si difficilis eam paratio sit, ut ait Jurisconsultus l. cum servus. 39. §. constat. 7. de legat. 1. Nec obstat lex duodecim tabularum, quæ tantum de suo legandi potestatem facit, l. verbi. 110. de verb. sign. Nam qui legat rem alienam, de suo legare intelligitur. Onerat enim hæredem, ut rem redimat, & redemptam præstet. Olim hoc proprium fuit legatorum, quæ per damnationem relinquebantur: sicut indicat l. qui quatuor. 30. §. ult. de legat. 3. & expressè testatur Ulpian. in fragm. sub. rit. de legat. Hodie autem licebit in hac re etiam verbis legatæ vindicationis propriis uti, ut puta, de, legatæ, aut similibus. Sed & rem hostium legari posse placuit, si modo in ea causa sit, ut aliquo casu emi possit, & jure commercii comparari, l. ab omnibus. 104. §. 2. de legat. 1. Ejus rei, quæ apud hostes est, bello scilicet capta, legatum omnimodo consistit jure possessori, l. 9. l. si servus. 98. eod. An autem jure quoque Canonico legatum rei alienæ valeat, dubitatur propter cap. filius. x. de testam. ubi videtur ejusmodi dispositio improbari. Covarruvias putat, speciem d. c. esse singularem, quod res alterius Ecclesiæ legata proponeretur sepultura causa: & ideo eam speciem illi propositam etiam jure Pontificio alienæ rei legatum consistere: & ita quoque Mant. 9. de conj. ultimam. vol. 10. Fachin. 5. contr. 38. At enim negari non potest, quin Pontifex in d. c. ostenderit, sibi displicere rei alienæ legatum, cum id magis sæculi legibus quam legi Dei convenire significet. Quamobrem D. Tulecia. dec. 6. §. fatetur quidem, improbari à Pontifice hanc juris civilis dispositionem: cæterum cum eam expressè non abroget, merito eam adhuc obtinere debere contendit: maxime cum probabili nitatur ratione, prolixius indulgendum supremis hominum desideriis, & eo tantum pertineat, ut hæres rem à domino redemptam, ut eo nolente vendere, justam rei æstimationem legatario præstet. Crediderat Pontifex rei alienæ legatum legibus sæculi illi sustineri, ut eam rem velit, nolit, Dominus suo pretio vendere teneatur: nam ut hæres aut redemptione rei alienæ, aut pretii illius præstatione oneretur, constat; legi divinæ minime repugnare.

re. *Quæsitum est, quid juris sit in legato rei communis?* Finge testatorem fundum Sejanum, quem cum Titio communem habebat, legasse Sempronio non adjecta portione. Res dubitationem non habet, si testator sic dixerit *fundum meum*. Hic enim portionem tantum debere, id est, partem, quæ testatoris fuit, non alienam, diserte respondet Paul. l. 5. §. ult. de legat. 1. & addit, hoc constare, ut ostendat, certi juris esse, non controversi. Quippe & verba & mens testatoris hic pro hærede faciunt. Verba, quia *fundum meum* rectè interpretatur, quatenus meus est: nam meum rectè dicitur, quod pro parte meum est, l. in re communi. 26. de serv. prad. urb. l. si quis. 74. de legat. 3. l. 2. de cond. inst. quamvis totum meum esse non rectè dicatur, l. rectè. 25. de verb. sign. Mens testatoris, quia etiam si res dubia esset, non facile crederetur testator onerare hæredem suum voluisse necessitate redimendi, l. unum. 67. §. si rem. 8. de legat. 2. Sed dubitatur, si testator non dixerit *fundum meum*, aut *qui meus est*, sed simpliciter *fundum* sibi cum alio communem legaverit, utrum totus debeatur, an ea tantum portio, quæ testatoris fuit? Accursius existimavit, totum deberi, quoniam legatum rei alienæ, quam testator scivit alienam esse, valet, & in proposito fundus, si in totum esset alienus, totus deberetur. Quod & Donello visum in l. 10. Cod. de legat. num. 2. Sed contrariam sententiam, quam probant Bartol. Bald. Jaf. Ang. Zaf. Duar. in d. l. 5. §. ult. de legat. 1. Mant. 9. de conj. ult. vol. tit. 1. num. 12. veram esse existimo, partem tantum deberi. Quippe longe diversa ratio est in casu proposito rei in totum alienæ & pro parte mez. Si res legata tota aliena est, non potest videri testator revocasse modum legati ad partem aliquam suam, quam nullam in ea re habet; nullaque alia conjectura capi potest, quam voluisse legare totam. At cum pars tantum testatoris fuit, omnino credibile est, eum potius de sua illa parte cogitasse, quam voluisse hæredem suum ita onerare, ut partem alienam redimat; quæ conjectura efficacissima est, l. unum. 67. §. si rem. 8. de legat. 2. l. Stichus. 36. in fin. de usufruct. legat. Eamdem rationem habet, quod in specie fundi vestigialis legati responsum est, non videri proprietatem legatani, sed jus, quod in eo testator habuit, l. si domus. 71. §. ultim. de legat. 1. fac. l. 24. de instrum. vel instr. leg. l. 30. §. 4. de legat. 3. Planè si testator nominatim dixerit, se legare fundum Sejanum totum vel omnem, responderem, utramque partem & tam alienam, quam

testatoris deberi, *argum. l. Juliano. 68. in pr. de legat. 3.* Fusius hanc questionem tractamus lib. 2. select. quest. cap. 28.

Si cum non potest redimere affirmationem ejus dare 4
re) Effectus legati rei alienæ hic est, ut hæres eam rem teneatur redimere & præstare, aut si redimere non possit, quod dominus eam vel nolit vendere, vel non nisi immodico pretio vendere velit, justam æstimationem inferre, l. si domus. 71. §. 3. de legat. 1. l. non dubium. 14. §. ult. l. qui quatuor. 30. §. ult. de legat. 3. & competit legatario eo nomine actio personalis ex testamento. In rem hoc casu competere non potest, quoniam fieri nequit, ut re aliena legata, dominium ejus rei rectè à morte testatoris ad legatarium transeat. Hæc verò ita obtinent, si testator rem alienam legavit sciens; secus est si ignorans, ut paulo post audiemus.

Si talis sit res cujus commercium non est, nec 5
æstimatio debetur) Ejus rei, quæ simpliciter atque absolute extra commercium est, legatum inutile prorsus atque inane est, ut nec æstimatio debeat. Cujus generis sunt res sacræ, sanctæ, religiøsæ, usibus publicis destinatæ, l. cum servus. 39. §. pen. de legat. 1. Idem est, si legata sit res, quæ usibus Principis deservit, velut horti Salustiani, fundus Albauns, aut prædia, quæ in patrimonio Cæsaris sunt: quippe quarum rerum commercium non est sine jussu Principis, & furiosum est, talia legata adscribere, d. l. cum servus, §. antepen. & ultim. Sed neque earum rerum legatum regulariter consistit, quæ ædibus junctæ sunt, ut puta columnæ, marmora, tegulæ, aut alia id genus: quamobrem nec his rebus legatis æstimatio debetur, l. cetera 41. cum 2. ll. seqq. d. tit. Excipiuntur duæ causæ, in quibus harum etiam rerum legatum valere placet: quarum una est in d. l. cetera §. sed si quis, 5. altera in l. 11. §. si quis illicite. 14. de legat. 3. nimirum quia in utraque ea specie cessat ratio, ob quam hæres legari, aut negotiandi causa eximi prohibentur, quæ hæc est, ne ruinis deformetur aspectus publicus; l. 2. C. de adif. priv. Hæc omnia liquida sunt & cunctis probata. Quod si 6
certæ alicujus personæ commercio res exempta est, refert, testator is, aut hæres sit, an legatarius. Si testator, utile nihilominus est legatum, si legatarius commercium habeat: nam & utilis est stipulatio, si rei in stipulatum deductæ commercium habeat stipulator, licet promissor non habeat l. multum 34. de verb. obl. Idemque est, si hæres non habeat, legatarius habeat: neque enim hic persona hæredis, utpote à quo res mox abitura est, consi-

derari debet. Textus est in *l. mortuo bove 49. §. sed Proculus 3. de legat. 2.* Hæc quoque extra dubitationem posita sunt, & usu, uti & superiora, recepta. Grot. 2. *manuduct. 22. vers. pen.* Quod si legatarius commercium non habeat, traditum est, legatum non valere, *diff. l. mortuo bove, §. 2.* cui simile est, quod is, qui rei commercium non habet, eam inutiliter stipulatur, *diff. l. 14. de verb. obl. & quod donari non potest, quod donatario acquiri non potest, l. 9. §. ult. de donat.* ubi *χρησται ἀρδ-εῖσθαι ἀπὸ τῆς πρὸς αὐτὸν*, ut ibi Græci. Cæterum non est hoc æquè expeditum ac præcedentia. Nam primum ob stare videtur, quod responsum est, militia servo alieno legata, domino æstimationem deberi modo testator sciens eam servo legaverit, *l. 11. §. si serv. 16. de legat. 3.* Atqui servus militiæ capax non est. Respondeo, servis ademptam esse totius juris civilis communionem. Sed sciendum, testamenti factionem cum servis ex persona dominorum introductam, ut proinde si domino militia relinqui potuit, & servo possit, atque in persona servi ipsi domino relicta videatur, *l. non minus 11. de her. inst.* Eo fit, ut si testator servo alieno militiam legaverit, legatum utile sit, & æstimatio quæ natura legati militiæ continetur, *d. l. 49. §. 1. de legat. 2.* debeat domino, qui militiæ commercium habuit. Utique si testator non ignoraverit servum esse: nam si liberum putavit, scriptum est in *d. l. 11. §. si serv. 16.* denegari fideicommissi petitionem, addita hac ratione, quia si scisset servum non reliquisset. Itaque nec dominum quicquam isto casu ex legato aut fideicommissio redire voluit, reperiturque res relicta ei solùm, qui commercium ejus non habet. Quod distinctionem nostram confirmat. Secundo refragari putatur *l. si filiusfam. 114. §. si quid alicui. 5. de legat. 1.* Sed hic locus ipse tibi quod respondeas subministrat. Ait Jurisconsultus, si quid alicui licite fuerit relictum, quod ipse quidem propter corporis sui vitium, vel propter qualitatem relicti, aliamve probabilem causam, habere non potest, alius tamen habere potuit æstimationem deberi. Proponitur legatum licite relictum: ergo relictum capaci, non ei, cui commercium rei relicte interdictum est. Nemo enim dicit, prædium provinciale licite legari prædii, aut mancipium Christianum Judæo. Proponitur relictum ei, qui casu aliquo & probabili ex causa rem habere non potest, non ei, qui jure capere prohibetur. Finge, surdo, mutò; aut cæco militiam legatari aut per fideicommissum relictam, hoc casu æstimatio debebitur: at non

deberetur, si ea res relicta erat incapaci, *arg. d. l. 11. §. si serv. 16. de legat. 3.* Postremo hic objicitur *l. sed si res 40. de legat. 1.* qui locus plus difficultatis habet: scriptum enim illic expressè est, utile esse fideicommissum, & æstimationem deberi etiam eo casu, quo fideicommissarius jus possidendi non habet. Donellus in *d. leg. multum. 34. de verb. obl.* distinguit inter impedimentum possidendi & incapacitatem legatarii, vultque, aliud esse non habere jus possidendi, aliud non habere rei commercium. Verùm ista distinctio locum habet, ubi quæstio est de conditione personæ legatarii, non de capacitate ejus aut incapacitate, ut jam intellectum est. Robertus 1. *animadvors. 11. & alii*, interesse putant, sciverit testator legatarium, sive fideicommissarium incapacem esse an ignoraverit: priore casu æstimationem deberi, posteriore non item. Non displicet, quod Cujacius in *d. l. multum. 34* contendit redundare in *d. l. sed si res. 40.* secundam negationem, eamque demendam, ut hic sit sensus, æstimationem deberi, si res, cujus commercium legatarius non habet, ab eo per fideicommissum relinquitur ei, qui commercium ejus rei habet. Quæ sententia verissima est. Nam persona legatarii in hujusmodi specie quasi subducitur, perindeque habetur, ac si fideicommissum rectè ab hærede relictum esset: estque casus hic similissimus ei, qui proponitur in *d. l. mortuo bove. 46. §. pen. de legat. 2.* Secunda autem negatione retenta sit scriptura inepta, & illa abundans, cujus commercium legatarius non habet. Quid enim refert, legatarius, à quo res per fideicommissum relicta est, commercium ejus rei habeat, nec ne, si fideicommissarius non habeat; aut non habeat jus possidendi? Non placet hæc confidentia Cujacii Duareno in *d. l. sed si res 40.* Sed cui placere poterit Duareni explicatio, verba illa, cui jus possidendi non est, referentis ad legatarium, qui Duareno idem est ac ille, cui per fideicommissum relinqui dicitur? Quis non videt, tunc totum illud, cui possidendi jus non est, abundare? Existimat autem Duareno, in quæstione proposita distinguendum esse ex ratione juris veteris inter legatum & fideicommissum. Legatum rei, cujus legatarius commercium non habet, eo jure inutile esse: fideicommissum, in quo benignior admitteretur interpretatio, utile, atque ex eo æstimationem fideicommissario deberi. Argumento esse, quod in iis locis, ubi negatur deberi æstimatio, agatur de legato, ut in *diff. l. mortuo bove. 49. de legat. 2. §. pen.* contra ubi æstimatio dicitur deberi, de fideicom-

commissio, ut in d. l. 11. §. si servo. 16. de legat. 3. & d. l. si filiusfam. 114. si quid alicui. §. de legat. 1. Bachovius etiam, qui idem in hac re quod Duaren. sentit, non ineleganter sibi hujus differentia rationem reddere videtur, nimirum quia legatum recta transit in legatarium, fideicommissum primo consistit in persona ejus, à quo relinquitur. Ego verò non magni hæc æstimo. Nam si tam insignis hoc in casu differentia fuisset inter legata & fideicommissa, utique ejus meminisset Ulpian. & Cajus sub. tit. de fideicommissis, ubi harum rerum differentias, si non omnes, saltem plerasque & præcipuas recensent. Quin contra ex Ulpiano didici, legatum damnationis de quo fere hic queritur, & fideicommissum ejusdem esse hæcenus naturæ, ut eadem res, quæ per unum reliqui possunt, possit & per alterum, d. tit. de fideicommissis. §. 4. Sed nec magis ex legato damnationis dominium recta in legatarium transit, quàm ex fideicommissio: ex quo apparet, rationem illam differentia, quam Bachovius profert, non esse usque adeo elegantem. Quid si feudum legatum sit? Hic æstimationem deberi negant Gail. 2. obs. 154. num. 13. Fachin. 1. contr. 37. Vult. 1. de feud. cap. 9. num. 72. Petr. Greg. 42. synagm. 32. Ajunt Peregrin. de fideic. art. 11. num. 103. & seq. Matheac lib. 2. epit. legat. cap. 19. num. 4. Quorum sententia probabilior videtur Bachov. in Treutl. vol. 2. disput. 13. thes. 5. Sed prior apud nos obtinet, si testator de suo feudo disposuerit non interveniente domini consensu, D. Grot. 2. manuduct. 42. five de alieno, nisi aliunde liquido constet, testatorem & æstimationem præstari voluisse, ubi supremam apud Mechlinienses Curiam censuisse refert D. Christin. vol. 6. dec. 28.

Si sciebat alienam rem esse) Non semper res aliena legata debetur: sed ut superius diximus, interest, utrum quis rem alienam legans sciverit rem alienam esse, an ignoraverit: si scivit, debebitur, si ignoraverit, non item, l. cum alienam. 10. C. b. t. l. unum 67. §. si rem 8. eod. 2. quod etiam nunc docet Imperator, addita hujus rei ratione, forsitan enim, inquit, si scivisset alienam rem esse, non legasset. Sed unde illu colligimus, testatorem legatarum non fuisse? Ex eo nimirum, quod nemo facile credendus sit, hæredem suum onerare voluisse redemptionem rei alienæ, d. l. unum 67. §. si rem 8. l. Stricho 36. in fin. de usufr. leg. Atque hinc intelligere licet, distinctionem illam ad rem hæredis legatam non pertinere, sed eam omnino deberi, etiam si testator eam suam existimans legaverit: nempe qui rei legatæ do-

minium apud hæredem est, tam facile eam hæres præstare potest, quàm rem quæ defuncti fuit, d. l. si unum §. si rem. Planè aliquando conjectura voluntatis efficitur, ut etiam res aliena legata indistinctè debeatur, veluti si relicta sit personæ proximæ, puta parenti, uxori, alicui ex cognatis, aut amico singulari, alii-ve tali personæ, cui verisimile est testatorem quovis modo legatum fuisse, d. l. 10. C. eod. quod ad legata in piam causam relicta traducunt Tiraq. priv. pia caus. 66. Valsq. lib. 3. de succ. progr. §. 27. n. 41.

Legatarium probare oportere) Quia fere in casu legati rei alienæ questio inter hæredem & legatarium nasci solet, dum ille contendit ignorasse defunctum rem alienam esse, hic contra scivisse: quod porro aliud dubium parit, utri scilicet necessitas incumbit probandi, hæredine ignorasse defunctum, an legatario scivisse: ideo Imperator, quid in hac re juris esset simul definire voluit. Ait autem ab hærede nullam in proposito probationem exigi, sed legatarium probare oportere, scivisse defunctum rem alienam esse adjecta hac ratione ex novissima juris regula, l. actor 23. C. de prob. l. 4. C. de edend. quia necessitas probandi incumbit ei, qui agit: qui hic legatarius est, non hæres. Hoc idem iisdem verbis & Marcianus tradidit l. verius 21. de prob. Accedit tamen huc etiam alia ratio, eaque fortior, quod hæres præsumptione juris adjuvatur, quæ, etsi actoris partes hæres sustineret, onus tamen probandi rejiceret in legatarium, l. 8. & 6. eod. tit. Planè potest hoc jus ex circumstantiis variari: nam si apud alium rei legatæ possessio sit, neque in ea defunctus quicquam juris habuit, aut sibi asseruit, magna causa est præsumendi pro legatario, scivisse defunctum rem alienam esse, add. Gomez. 1. ref. 12. num. 13. Christin. vol. 4. dec. 32. n. 5. & seqq.

TEXTUS.

De re pignorat.

§. Sed & si rem obligatam creditori aliquis legaverit, necesse habet hæres eam luere. Et in hoc quoque casu idem placet quod in re aliena, ut ita demum luere necesse habeat hæres, si sciebat defunctus rem obligatam esse: & ita divi Severus & Antoninus rescripserunt. Si tamen defunctus voluerit legatarium luere, & hoc expresserit, non debet hæres eam luere.

NOTÆ.

§. Si rem obligatam) Fac. l. 57. de legat. 1.

l. 15. de dot. præl. l. 6. C. de fideic. Heres eam luere) In *d. leg. 15. liberare*. Luere est pignus solutione vel satisfactione liberare.

Et hoc expresse) In testatoris certa & expressa voluntate conjecturis non est locus, *l. 33. eod.*

COMMENTARIUS.

- Doctrina* bujus §. non obstat quod alibi traditur, si res certa legata sit, talem dari debere, qualis est.
- Interdum etiam tunc cum testator nescivit rem obligatam esse, heredem eam luere debere, & quibus casibus.
- Quid juris sit pignore distracto?

Res pignori obligata quodammodo aliena est, utpote cujus pretium nobis absit, quod pro ea liberanda præstare cogimur, *arg. l. Labeo 14. de verb. sign. unde & pignoris obligatio species quædam alienationis habetur, l. ult. C. de reb. al. non alien.* Atque hinc est, quod in re pignori obligata idem placet quod in re aliena, ut quemadmodum hæres rem alienam legatam cogitur redimere, ita & rem pignori obligatam quæ legata sit, luere, id est, nexu pignoris liberare, soluta liberare pecunia, *hoc text. l. si res 57. de legat. 1. l. licet 15. de dot. præl. l. prædia 6. C. de fideic.* Non obstat, quod alibi traditur, si res certa legata est, talem dari debere, qualis est; verbi causa, si fundus, qui legatus est, servitutem debet, eum cum servitute rectè præstari, *l. servo 69. §. 3. de legat. 1. si servus statu liber legatus est, statu liberum rectè dari, l. servum 44. §. pen. & l. seq. §. ult. eod.* Nam hoc quod de re testatoris legata dicitur, ad rem alienam aut ex parte alienam non pertinet, qualis merito habetur res opposita pignori quoad quantitatem æris alieni. Eadem ratione responsum est fundo legato, cujus ususfructus alienus est, heredem hunc ususfructum redimere debere: quoniam scilicet & in usufructu res aliena legata videtur: nam etsi ususfructus non in parte, sed in jure consistit, emolumentum tamen rei continere, & ideo instar obtinere portionis, *l. Mævius 66. §. pen. l. cum filius 76. §. dominus 2. de legat. 2.* Planè si quis prædium legavit obligatum pro annuo redditu, hoc casu non esse cogendum heredem prædium liberare, post Joan. Fab. D. Tuldensis *bic, cap. 11.* annotavit, & ita observari ait: quoniam ejusmodi opera plerumque perpetua sunt, instar servitutis rei in hærentia, ut proinde non sit præsumendum, testatorem

cogitasse de liberatione. *Decis. Cur. Holland. 11. in fin.*

Ita demum, si sciebat defunctus) Si ignorabat, valet quidem adhuc legatum: cæterum tunc res à legatario luenda est, *dd. loc.* Dos sunt casus, quibus placet, etiam tunc cum ignoravit defunctus rem obligatam esse, heredem pignus luere debere. Unus est, si testator eam rem vel aliam non minoris pretiæ legatarius fuisse, si scisset, obligatam, *d. l. si res 57. de legat. 1. d. l. prædia 6. C. de fideic.* de quo constare poterit, si vel testator id aliquando apertè professus sit, aut si rem conjunctæ personæ legaverit, ut supra in aliena, *arg. l. cum alienam 20. C. de legat.* Alter casus est, cum debitum exæquat aut superat pretium rei pro eo obligatæ: quoniam hoc casu legatarius ipse rem liberans nihil reliqui habiturus esset, atque inani legato, quod verisimile non est defunctum voluisse, ludificaretur, *d. l. si res 57. in pr. ubi ita legendum est, vel nisi non potest aliquid esse superfluum exsoluto ære alieno*: ut editiones Roberti Stephani, Petri Baudoz, & nonnullæ aliz habent, & in sua notat Jul. Pacius: non ut vulgo legitur, *vel potest aliquid esse superfluum, &c.* Nam hac lectione retenta, hic Jurisconsulti sensus fuerit, ut rectè Fachin. *lib. 12. c. 41.* quotiescumque plus est in re legata, quam in debito, pro quo obligata est, heredem eam luere debere, etiam ubi nescivit testator obligatam esse: quod & verum esse existimat Fachin. *d. l. & Tuldens. bic. c. 11.* Atqui tunc regula convertenda erit: quoniam carissime sit, ut creditores pignus accipiant, cujus æstimatione non superet quantitate crediti. Donellus *8. num. 19.* alium sensum vulgare lectioni affingit, nimirum cum debitum excedit pretium rei legatæ, quàm testator obligatam nesciebat, pro ea quidem quantitate, quæ rei pretio respondeat, legatarium luiturum: cæterum quod restat adhuc exsolvendum, ut pignus in totum liberetur, id ab hærede præstandum: quam interpretationem verba ista si potest esse aliquid superfluum exsoluto ære alieno, minime ferunt. Illud hic monendi sumus, tunc solum heredem posse pignus luere, cum id nondum à creditore legitime distractum est. Distractio pignore res in priorem speciem rei alienæ legatæ incidit, utpote dominio pignoris jure in alium translato, *l. non post novum. 46. de acq. rer. dom. l. ult. C. si vend. pign. agat.* Proinde hoc casu id superest, ut hæres aut redimat, aut si redimere non possit, æstimationem ejus præstet; nisi contraria defuncti voluntas ab hærede ostendatur, *d. l. prædia 6. C.*

C. de fideic. VINN. Quum vexatissima sit l. 57. ff. de leg. 1. Stephani autem & Baudozæ lectio etsi violenta videtur, nec præsidium in vetustis Codicis MSS. reperiat; omnino videtur Donelli sententia liquidissima. Ponit primo Ulpianus regulam bimembrem. Si testator scivit, rem obligatam, tum hæres luit, nisi alio animo fuerit. Sin nescivit testator, tunc luit fideicommissarius. Jam sequuntur exceptiones aliquot ad posterius membrum pertinentes: (1) nisi si vel hanc vel aliam rem relicta fuisse, si scisset. (2) vel potest aliquid esse superfluum exsoluto ære alieno, id est, nisi exsoluto ære alieno nihilominus aliquid superfluum manet, quod solvendum, e. g. usuræ diu non solutæ; tunc id quod solvendum superest, ab hærede solvendum. Ad hunc casum etiam pertinent verba sequentia, in quibus frustra Ant. Fab. lib. 11. Conj. cap. 10. & Donell. lib. 8. cap. 19. pro noluerit legunt voluerit. Qua emendatione non opus esse, si versiculus ille ad hunc casum referatur, jam ostendit Osvv. Hillig. Donell. Enucl. ib. lit. Q. HEIN.

Voluerit legatarium luere, & hoc expresserit) Ratio manifesta est, quia in certa voluntate testatoris conjectura non est locus; sed simpliciter standum est voluntati defuncti, l. si pluribus. 33. de legat. 1.

TEXTUS.

De re aliena post testamentum à legatario acquisita.

6. Si res aliena legata fuerit, & ejus rei vivo testatore legatarius dominus factus fuerit, siquidem ex causa emptionis, ex testamento actione pretium consequi potest; si verò ex causa lucrativa, veluti ex donatione, vel ex alia simili causa, agere non potest. Nam traditum est, duas lucrativas causas in eundem hominem & eandem rem concurrere non posse. Hac ratione si ex duobus testamentis eadem res ei debetur, interest, utrum rem an affirmationem ex testamento consequutus sit. Nam si rem habet, agere non potest, quia habet eam ex causa lucrativa: si affirmationem agere potest.

NOTÆ.

6. Traditum est duas lucrativas, &c.) Omnes debitores, qui spem ex causa lucrativa debent, liberantur, cum ea species ex causa lucrativa ad creditores pervenit, l. 17. de obl. & ast. fac. l. 108. §. 4. de legat. 66. §. 1. cod. 2. l. 81. §. 6. de verb. obl. l. 61. de solut. Ratio est, quia cum creditoris jam res esse coeperit, in

Tom. I.

cum casum devenit obligatio, à quo incipere non potuit, §. 10. infr. cod. §. 2. inf. de inur. stip. §. 4. inf. de ast. Diversa ratio est causæ onerosæ: quia cui pretium abest rei, adhuc res ipsa abesse videtur, l. 44. de verb. sign.

COMMENTARIUS.

1. *Distinctionem* hoc §. traditam locum habere etiam cum res legata mortuo testatore ad legatarium pervenerit.
2. *Duarum causarum lucrativarum in eandem rem & personam concursus esse speciem liberationis, & quo ea pertineat?*
3. *Quid si eadem res eidem sapius legata sit eodem testamento?*
4. *Quid si eadem quantitas eidem legata, vel unius testamento vel duorum?*
5. *Si duorum testamentis eadem res relicta sit, eum, qui rem nactus est, posse ex altero adhuc affirmationem petere: non contra, & cur tam variè?*

SI res legata tempore facti testamenti legatarii fuit, legatum inutile est, ut docetur inf. §. sed si rem. 10. Quod si eo tempore aliena est, & legatarius postea ex alia causa dominium ejus nactus sit, placet, inspiciendum esse, quali ex causa nactus sit, ex onerosa, an lucrativa: Si ex causa onerosa, actione ex testamento eum agere posse, & pretium consequi: contra si ex lucrativa, non posse, propter regulam, quæ diffinit, duas causas lucrativas in eandem rem & personam concurrere non posse: quam statim explicabimus. Causa onerosa est, ex qua rem ita accipimus, ut pro ea aliquid vicissim præstemus: quod accidit in emptionibus & permutationibus. Dotis etiam causa onerosa intelligitur, l. ex promissione. 19. de obl. & ast. Lucrativa causa est, propter quam accipientes nihil abest, quales sunt legatum, fideicommissum, donatio, l. 4. §. si quis. 29. de dol. mal. exc. l. inter. 93. §. si rem. 6. de verb. obl. l. in perpetuum. 61. de solut. l. nu. §. lucrativus. C. de imp. lucr. de script.

Si res aliena legata fuerit) Ab eo scilicet, qui sciebat, rem alienam esse: alioqui legatum inutile est, nisi singulari conjectura voluntatis sustineatur, ut ostensum supra in explicatione §. 4.

Vivo testatore) Exempli causa hoc dictum putant Glossæ & DD. Idemque obtinere, quamvis id contingeret testatore mortuo; quibus assentior. Nam etsi hæreditatem aditam ponamus ex quo hæres debitor efficitur; idem tamen dicendum esset, nempe hæredem libera-

Yyy

ri,

ri, si antequam rem redimere & prestare posset, ea ex alia causa lucrativa ad legatarium perveniret, juxta regulam generalem traditam in *l. omnes. 17. de obl. & act.* Proinde frivolum est, quod objicit Bachov. diem legati cedere à morte testatoris. Sed quid si legatarius eandem rem iterum vivo testatore alienaverit, an legatum convalescet? Negant comm. DD. Sed ego subsisto propter *l. non quocumque. 82. in pr. de legat. 1.* qui locus arguere videtur, cum effectu obligationem in proposito non extinguui, nisi die legati cedente, dominium rei adhuc apud legatarium existeret.

Ex causa emptionis &c. pretium consequi potest) *L. planè. 34. §. quod si. 7. de legat. 1. add. l. si à substituto. 45. l. hujusmodi. 84. §. qui servum. 5. eod. tit.* Et quidem si rem totam emat, aliove oneroso titulo acquisivit, pretium totius; si non totam sed partem, pretium partis, quam emit, consequetur, *d. l. non quocumque. 82. §. 3.*

Duas causas lucrativas in eundem hominem & eandem rem) Definitio generalis, cui locus est non tantum, si ex causa legati aut fideicommissi res debeatur, *l. si servus. 108. §. Stichum. 4. de legat. 1. l. Mavium. 66. §. 1. de legat. 2. l. nutu. 21. §. 1. de legat. 3.* sed etiam si ex aliis causis similiter lucrativis, *d. l. omnes. 17. de obl. & act. l. inter stipulantes. 83. §. si rem. 6. de verb. obl. l. in perpetuum. 61. de solut.*

1. Est enim duarum lucrativarum causarum circa eandem rem & personam concursus species liberationis, *d. l. omnes. 17. de obl. & act.* quæ ut ego existimo, referenda est ad eas causas, in quibus res incidit in eum casum, unde incipere non potuit, *§. 2. infr. de inut. stip.* Cum enim res, quæ ex lucrativa causa debetur, ad creditorem pervenit ex alia causa lucrativa, coepit res ejus esse, ut jam amplius ejus fieri non possit, *§. si itaque. 34. inf. de act.* Dices, idem contingere, si res ad creditorem pervenit ex causa onerosa: cur igitur pariter hoc casu non accidit, ut alius liberetur, qui eandem rem ex causa lucrativa debet? Nimirum quia cum ex causa onerosa creditor rem nactus est, licet domini jure non minus quam si ex causa lucrativa nactus esset, rem habeat; emolumento tamen non videtur habere, eoque nec ad eum pervenisse secundum veterum doctrinam, qui sic definiunt, rem abesse videri ei, cui pretium abest, *l. Labeo. 14. de verb. sign.* Porro locus est propositæ regulæ, si certa res sit aut species, quæ debeatur: nam si certa quantitas aut summa bis, verbi causa, legata sit, non potest dici eandem rem deberi, *l. planè. 34. §. 3. de legat. 1.*

l. Titia. 87. de legat. 2. quamvis, si ab eodem, multiplicatio legati non presumatur, d. l. si planè. 34. §. 3. Exigit regula, ut ea species ad creditorem pervenerit, *d. l. omnes. 17. de obl. & act.* quæ verba cum effectu accipienda sunt, si sic pervenerit, ut sit mansura: alioqui si in ea causa sit, ut advocari possit, aut ea lege legata, ut alteri restitatur, definitio locum non habet, *l. non quocumque. 82. in pr. & §. 1. de legat. 1. l. in perpetuum. 61. de solut. fac. l. aliud. 71. de verb. sign.*

Si ex duobus testamentis eadem res) Ait duobus, id est, duorum testamentis. Nam si eadem res eidem sapius legetur eodem testamento, amplius quam semel peti non potest, sufficitque, vel rem consequi vel rei æstimationem, *l. planè. 34. §. 1. de legat. 1.* Quippe sapius idem legando non ampliat testator legatum, *l. si alii. 42. de usufr.* nec tam legasse sapius, quam sapius locutus creditur, *l. Mavium. 66. §. cum. 5. de legat. 2. l. si tibi. 86. §. 1. de legat. 1.* nisi manifestè constet ampliandi legati causa sapius legasse, ut in hac specie: Duos quis scripsit hæredes, & damnavit unumquemque solidum legatario prestare; hic idem esse responsum est, atque si duobus testamentis legatum esset, *l. quid ergo. 53. §. 2. de legat. 1.* Ait eadem res, id est eadem species, idem corpus; nam si eadem quantitas eidem duorum 4 testamentis relicta sit, puta centum aurei, solidum legatum est utriusque testamento peti potest: quamvis si in eodem testamento non aliter placeat legatum sapius præstandum, quam si legatarius doceat testatorem multiplicare summam voluisse; præsumitur enim potius repetisse legatum, quam voluisse multiplicare, *d. l. planè. 34. §. 3.* nisi forte diversis scripturis legaverit, puta testamento & codicillis: tunc enim nisi hæres contrarium ostendat, legatum duplicatum præsumitur, *l. 12. de probat. & ibi Gloss. & comm. DD. Duar. ad d. l. planè,* ubi occurrit argumentis Zafsi hanc distinctionem impugnantis: aut si variaverit testator modum legandi in quantitate vel qualitate, conditione, tempore, loco, vel causa: nam & tunc ampliasset legatum creditur, nisi contrarium doceatur, per *l. cum centum. 9. de adm. leg. Bald. Castr. Raphael. Jaf. in d. l. planè. §. 1. Gomez. 1. resol. 12. n. 38.*

Utrum rem, an æstimationem) Igitur quod 5 scriptum est in *d. l. planè. 34. §. 2.* Si duorum testamentis mihi eadem res legata sit, bis petere me posse, ut ex altero testamento rem consequar, ex altero æstimationem, id cum distinctione accipiendum est, ut si prius æstimationem ex altero consecutus sim, ex altero

rem

rem adhuc petere possim : non autem , ut possim de æstimatione agere , si rem antea consecutus fuero : eoque jure utimur , Grot. 2. *manuduct.* 22. Non obstat huic distinctioni *l. hujusmodi.* 84. §. 2. de *legat.* 1. ubi per exceptionem repelli dicitur , qui pretium rei legatæ accepit. Nam in specie *d. l. hæres Titius* id dumtaxat legasse intelligitur , quod ipse in re legata habuit , videlicet jus per biennium retinendi , ut eo legato nihil præter commodum representationis contineretur. Rationem propositæ distinctionis suppeditat *l. tantum.* 88. de *verb. sign.* ubi docet Jurisconsultus , eum , qui rem habet , & æstimationem habere intelligi : contra qui æstimationem habet , non videri habere rem ipsam : re enim æstimationem contineri , æstimatione rem non contineri : ut proinde si is , qui rem habet , æstimationem petat , id petere intelligatur , quod jam habet : qui æstimationem adeptus est , si rem petat , id petere , quod non habet. Ad hæc etiam affectio ad rem esse potest supra æstimationem , *l. si in emptionem.* 35. de *minorib.*

T E X T U S .

De his quæ non sunt in rerum natura.

7. *Es quoque res , quæ in rerum natura non est , resse legatur , veluti fructus , qui in illo fundo nati erunt , aut quod ex illa ancilla natum erit.*

C O M M E N T A R I U S .

1. *Purumne sit legatum , de quo hic agitur , an conditionale ? & plenius num. 2.*

Q Uæ in rerum natura non sunt nec actu nec potentia , frustra & inutiliter legantur , veluti si hippocentaurus legatur , aut homo , qui mortuus sit ; quemadmodum & stipulatio harum rerum inutilis est ; §. 1. *inf. de inut. stip. fac. l. servus* 108. §. qui *quinque.* 10. de *legat.* 1. Quod verò in rerum natura nunc quidem non est , sed futurum est , aut futurum speratur , legari potest , licet fieri possit , ut actu in rerum natura nunquam existat : veluti si fructus legentur , qui in fundo Tusculano nascuntur , vel quod ex Arefcusa natum erit , aut insula in flumine nascitura , *l. quod in rerum.* 24. in *pr. de legat.* 1. §. *ult. de cond. & dem.* Cujusmodi tamen rerum legatum olim per damnationem tantum relinqui potuisse docet Cajus *lib. 2. inst. de legat.* §. 3. De eo quæritur , purumne sit hujusmodi legatum , an conditionale ? Dicendum

est pro puro haberi , quoad transmissionem ; pro conditionali , quoad obligationem : cum Gloss. & DD. *comm. ad l. cum illud.* 25. §. 1. *quand. dies legat. eod. ced.* Gomez 1. *ref.* 12. n. 24. quoad mox perfectius intelligitur.

Frustrum , qui in illo fundo) Ille casus huc non pertinet , quando quis simpliciter legat certam quantitatem frumentum , vini , aut olei : quæ omnino præstanda est : sed quando legantur fructus aut certa quantitas fructuum , qui nati erunt in hoc vel illo fundo , puta hoc modo , *fructus qui nascuntur in fundo Tusculano , bares dato* , vel sic expressa certa quantitate , *centum amphoras vini ex eo , quod natum erit in fundo Semproniano , barem meum dare jubeo* , *d. l. quod in rerum.* 24. de *legat.* 1. *l. 5. de tritic. vin. leg.* Ex his autem legatis , si nihil natum sit , nihil debetur ; si non tantum , quantum legatum , non amplius debetur , quàm quantum natum est , proinde quasi testator per modum taxationis legasset . *si hoc vel tantum natum fuerit* , *d. l. 5. de tritic. leg.* *l. 8. §. 2. de legat.* 2. Et hoc est , quod Pomponius significat , cum ait inesse hujusmodi legatis conditionem , *l. 1. §. ult. de cond. & dem.* ex natura nimirum ipsius rei , *l. interdum.* 73. in *pr. de verb. obl.* extrinsecus , non ex testamento , veniunt . Hujusmodi autem generis conditiones , cum non impediunt , quominus dies legati à morte testatoris cedat , mortuoque , licet nondum natis fructibus , legatario , spes legati transmittatur ad hæredem , *l. cum illud.* 25. §. *ult. junct. l. 6. §. 1. quand. dies leg.* inde dictum est , tales conditiones non facere legata conditionalia , *l. conditiones.* 99. de *cond. & dem.* quia nimirum præcipuus hic est legatorum conditionalium effectus , ut non transmittantur pendente conditione , *l. 4. l. 5. §. 2. quand. dies leg.* Non obstat *l. cum ita.* 16. *eod. tit.* loquitur enim de legato alternativo & tali specie , in qua duplex est dubium , & quid nasciturum , & quid hæres electurus sit , nondum autem edito partu , electioni locus non est . Utique verò legatum futurorum fructuum , earumque rerum , quæ postea nascuntur , pro conditionali hæcenus habentur , ut nulla eo nomine obligatio aut actio esse intelligatur , antequam res nate sint , & tunc demum actio incipiat , cum per rerum naturam præstari possunt , *d. l. interdum.* 73. de *verb. obl.* Obiter & illud hic monendum est , non pertinere huc legatum certæ quantitatis fructuum , etiam si fundus adjectus sit , non taxationis , sed demonstrationis causa , eoque casu integrum legatum deberi , est ex fundo adjecto tantum percipi non possit , *l. Lucius.* 12.

de alim. leg. 1. l. Paula 27. §. ult. de legat. 3.

TEXTUS.

De eadem re duobus legata.

8. Si eadem res duobus legata sit, siue conjunctim, siue disjunctim, si ambo perveniunt ad legatum, scinditur inter eos legatum, si alter deficiat, quia aut spreverit legatum, aut vivo testatore decesserit, vel alio quoquo modo defecerit, totum ad collegatarium pertinet. Conjunctim autem legatur, veluti si quis dicat, Titio & Sejo hominem Stichum do, lego. Disjunctim ita, Titio hominem Stichum do, lego: Sejo hominem Stichum do, lego. Sed & si expresseris eundem hominem Stichum, aequè disjunctim legatum intelligitur.

NOTÆ.

8. Si alter deficiat, totum ad collegatarium) Si plures sint vel conjuncti vel disjuncti, pars deficientibus omnibus accrescit ex æquo. Si permixti conjuncti & disjuncti, conjuncti in parte conjunctorum cæteris anteferuntur, disjunctorum partes accrescunt omnibus, sic tamen, ut conjuncti unius personæ potestate fungantur, l. 34. cod. 1. l. 89. cod. 3. l. un. §. 10. C. de cad. toll. Conjunctis autem accrescit cum onere, disjunctis sine onere: illis non nisi volentibus, his etiam invitis, d. l. unic. §. 11.

Titio & Sejo hominem Stichum do, lego) Hi re & verbis conjuncti dicuntur, l. 142. de verb. signif. Quod si testator adjecerit, aquis partibus, cum verbis conjuncti erunt dumtaxat, d. l. 142. d. l. 89. inter quos tamen & ipsos juri accrescendi datur locus, ut evincit d. l. 89. nam jus prælationis, quod illic eis tribuitur, necessario præsupponit jus accrescendi.

Disjunctim) Separatim, pluribus orationibus. Sunt tamen & hi conjuncti respectu rei, ad quam vocantur: unde & re conjuncti dicuntur: triplex enim conjunctio est, d. l. 142. d. l. 89.

COMMENTARIUS.

- 1 Quid sit jus accrescendi?
- 2 In hæreditatibus id jus valere ex necessitate: unde ea necessitas, & quis ejus effectus?
- 3 Deficientium hæredum portiones quibus pro qua parte accrescant?
- 4 Valere idem jus & in legatis, sed ex sola præsumpta voluntate testatoris: unde dissimilia effecta, & qua?
- 5 Vetus inter genera legatorum circa jus accrescendi differentia.
- 6 Juri accrescendi locum non esse, nisi inter con-

junctos: & genera conjunctorum exposita.

- 7 Qui hic & passim disjuncti dicuntur, eos & ipsos verè conjunctos esse, & n. 10.
- 8 Quibus pro quarta parte defecta pars collegatarii accrescat?
- 9 Inter legatarios diversarum rerum jus accrescendi non esse.
- 10 Singulos tam conjunctorum, quàm disjunctorum diversa consideratione, restit & totum habere dici & partes.
- 11 Quid sit partes ab initio facere, notato Gothofredo & Goveano?
- 12 Locus Ulpiani in l. planè 14. §. si conjunctim 9. de legat. 1. expositus, rejecta interpretatione Ant. Fabri.
- 13 An partem faciat, qui è conjunctis tempore testamenti mortuus est, aut incapax?
- 14 An conjuncti post obitum testatoris mortui portio conjuncto accrescat?
- 15 An inter verbis conjunctos jus accrescendi locum habeat?
- 16 Quibus argumentis probari videatur, verbis conjunctos re conjunctos non esse: quibus item contra?
- 17 Communis sententia, quod etiam inter verbis conjunctos jus accrescendi valeat, plenissima defensio.
- 18 Quid hic juris apud nos, & quid in legat. alimentorum?

Tangitur hic disputatio de jure accrescendi, qua nulla in toto jure nostro creditur esse, vel subtilior, vel perplexior. Jus accrescendi est, quod deficientium hæredum ejusdem hæreditatis, aut collegatariorum ejusdem rei portiones adjiciuntur iis, qui suam portionem agnovenerunt. Appellatione hæredum & bonorum possessores intelligimus, l. 3. §. ult. de bon. poss. junct. l. hæreditatis 38. de verb. signif. & l. 2. d. tit. de bon. poss. & quoque, quibus ex fideicommissio restituta est hæreditas, l. Papin. 43. cum l. seq. §. 1. l. ansepen. ad Trebell. l. si totam 83. de acq. bar. Gomez 1. resol. 1. num. 19. Appellatione legatariorum etiam fideicommissarios singulares & donatarios mortis causa, l. ult. §. un. C. de cad. toll. Vallet hoc jus in hæreditatibus ex necessitate. Necessitas nascitur ex duobus juris principiis: unum hoc est, Neminem hæreditatis sibi delatæ partem semel quæsitam repudiare posse, l. 4. C. de rep. bar. Alterum, Neminem ejusdem hæreditatis, qua alium hæredem non habet, partem habere posse, partem repudiare, l. 1. & l. 2. de acq. bar. l. quidam 20. C. de jur. del. l. un. §. bis ita 10. C. de cad. toll. Quin nec ipsum testatorem hoc jus in hæreditate prohibere posse, demonstra-

vimus sup. in §. *hereditas* 15. de *bar. inf.* Si verò non prohibuerit, interpretatione juris etiam quasi ex voluntate ejus inducitur tamquam ex tacita substitutione, l. *fi Titio* 61. §. 1. de *legat.* 2. Vid. Olvv. Hill. in not. ad Don. lib. 7. cap. 12. §. 26. Ergo qui ex aliqua parte hæres extitit, siue ex testamento siue ab intestato, ei invito etiam & ignoranti deficientium portiones accrescunt, l. *heredi* 31. l. *qui ex duobus* 53. §. 1. de *acq. heredi.* l. 9. de *juis & legit. bar.* & accrescit semper cum suo onere, æris scilicet alieni & legatorum, d. l. *un.* §. *his ita* 10. C. de *cad. toll.* Si plures sint, qui portionem suam agnoverunt, defectus partes accrescunt omnibus, qui agnoverint, si omnes conjuncti aut disjuncti sint: si promiscuè conjunctim disjunctimque instituti, aut ab intestato vocati, deficientis disjuncti portio omnibus, conjuncti solis conjunctis accrescit ex tacita voluntate testatoris aut legis. Accrescit verò singulis non ex æquo, sed pro portionibus hæreditariis: & in distributione, si permixtim instituti sint disjuncti & conjuncti, placet, conjunctos unius potestate personæ suæ, ut non plus universi auferant, quam singuli disjuncti, l. *plane* 34. in *pr.* de *legat.* 1. d. l. *un.* §. *his ita* 10. Eademque ratio est hæredum legitimorum, cum alii conjunctim seu nomine collectivo, alii separatim vocantur: quod fit, cum quidam in stirpes, alii in capita veniunt, ut filii & nepotes, §. *cum filius* 6. *inf.* de *bar. quæ ab int.* fratres & fratrum filii, Nov. 118. §. 3. Valet idem jus & in legatis inter collegatarios ejusdem rei; verum effectum nonnihil dissimili: namque in legatis locum habet non ex necessitate aliqua aut dispositione juris, sed ex sola præsumpta voluntate testatoris eandem rem pluribus legantibus quippe quos singulos partem quidem habere velle intelligitur, & legatum scindi, si concurrant: si verò non concurrant, solidum, positum hærede. Proinde & inter collegatarios ejusdem rei prohiberi accretio potest, & si singulis res singulæ relicte sunt, uno deficiente, portio ejus non accrescit collegatariis, sed in hæreditate manet, augetque jus hæredis, cui & ab initio relinqui potuisset, l. *huiusmodi* 84. §. *pen.* de *legat.* 1. Deinde cum deficientis hæredis portionem cohæres etiam invitus & cum onere semper accipit, collegatarius ut plurimum nec invitus, nec semper cum onere partem accipit deficientis collegatarii. In quo hæc distinctio Justiniano probata videtur, ut siquidem conjunctim eadem res duobus legata est, portio deficiens volenti tantum, sed cum onere accrescat, si separatim, invito quidem,

sed sine onere, l. *un.* §. *ubi* 11. C. de *cad. toll.* Ratio est, quia cum conjuncto ex persona deficientis portio defecta deservatur, potest eam non admittere, quoniam deficiens potuit: ea autem admissa, etiam onus ei adjunctum subire debet, arg. l. *qui in jus* 117. de *reg. jur.* Utrumque contra in disjuncto, quia ex sua ipsius persona solidum habet, suumque magis non diminutum retinet, quam consequitur alienum, ut huic potius non decrescere, quam portio deficientis accrescere videatur; sic enim Justinianus disputat in d. l. *un.* §. *ubi* 11. *vers. fin. vers.* & facit l. 4. de *legat.* add. Gomez. 1. *resol.* 10. n. 42. Bart. & comm. DD. in d. l. *un.* & in l. *re conjuncti* 89. de *legat.* 3. Duar. de *jur. accresc.* 11. Jure veteri fuit in hac questione nonnulla in legatis ipsius differentia: nam si conjunctim eadem res per vindicationem legata fuerat, pars deficiens accrescebat; si per damnationem, manebat penes hæredem: at utroque casu post legem Juliam Papiam fiebat caduca. Si disjunctim, singulis solidum debebatur, sed in legato vindicationis concursu partes fiebant, & altero non concurrente totum collegatarius auferabat, siue jure accrescendi siue non decrescendi: in legato damnationis unus rem, alter pretium rei ab hærede percipiebat, ut in hoc genere legati nullo casu locus pateret juri accrescendi: testes Ulp. *tir.* 24. Cujas lib. 2. *tir.* 5. atque ex parte Justinianus d. l. *un.* §. *ubi* 11. Hæc differentia etsi novo jure una cum caducis sublata est, & jus accrescendi admissum inter omnes, quibus eadem res quocumque genere legati & quocumque modo relicta: ideo tamen notanda fuit, quia passim vestigia ejus adhuc apparent in responsis veterum, quæ non satis accurate ad normam novi juris à Compilatoribus descripta sunt: quod est maxime, quod hanc questionem tam perplexam facit. VINN. Nec tamen in universum per legem Papiam sublatum jus accrescendi, quod visum Em. Merill. *Var. Cujas lib.* 1. cap. 39. Noluit enim, si post apertas tabulas aliquid deficeret: valuit si collegatarius haberet liberos: valuit in usufructu, aliisque casibus, de quibus Jan. à Costa ad §. *ult.* *Inst.* de *Scoto Orphis* & Jac. Gothofr. ad L. *Jul.* & *Pap. Caduc.* c. 19. HEIN. Porro autem cum non nisi iuter conjunctos (nam & disjuncti qui dicuntur, ratione rei conjuncti sunt) locus sit juri accrescendi, nec olim etiam fuerit, inde nata questio de conjunctis eorumque differentia, quem locum tractat Paul. l. *triplici.* 142. de *verb. sign.* & l. *re conjuncti.* 89. de *legat.* 3. ex cujus disputatione discimus, conjunctos generaliter dici omnes,

nes, qui ad eandem hæreditatem aut rem vocantur, sive uno sermone sive diversis; & in proposito quibus eadem res ab eodem testatore legata est. Cæterum hos solos, non alios, ac proinde nec eos, quibus rei diversæ, quamvis una ratione, *l. hujusmodi. 84. §. pen. de legat. 1.* nec quibus res eadem à diversis testatoribus, *l. si sub conditione. 16. quib. mod. usufr. am.* nec quibus separatim partes ejusdem rei legatæ sunt, *l. 1. in fin. pr. de usufr. accresc.* jus conjunctionis aut accrescendi habere. Cæterum licet conjuncti omnes conjuncti sint in eandem rem, ex verborum tamen forma & conceptione dividuntur, *d. l. triplici. 142. & d. l. re conjuncti. 89.* in tres species, ut alii dicantur re conjuncti tantum, quorum scilicet singuli separatim, seu diversis orationibus ad eandem hæreditatem aut rem vocantur, *Titius hæres esto. Sejus hæres esto. Titio fundum Tusculanum do, lego: Sejo fundum Tusculanum, aut eundem fundum do lego;* alii re & verbis simul, quos scilicet & nominum & rei complexus jungit, ut, *Titius & Sejus hæredes sumto. Titio & Sejo fundum Tusculanum do lego;* alii denique verbis tantum, qui eadem oratione ad eandem successionem aut rem vocantur, additis his verbis, *aquis partibus;* veluti, *Titius & Sejus hæredes sumto aquis partibus. Titio Sejo fundum illum aquis partibus do lego.* Hæc divisio primum eo comparata est, ut intelligamus in omni specie harum conjunctionum jus accrescendi valere: nam ubi jus conjunctionis, ibi jus est accrescendi, & contra, *l. si sub conditione. 16. quib. mod. uf. am.* nec disputatio de conjunctis ob alium finem instituta est, quam ut sciremus, inter eos, qui conjuncti sunt jus accrescendi esse, inter alios non esse; quamvis sint, qui verbis conjunctos excludant, de quo plenius postea. Deinde ex ea quoque discimus, omnes conjunctos non æque conjunctos esse, sed alios alius conjunctiores: & nimirum eos, quos etiam oratio conjungit, magis conjunctos, quam quos conjungit res tantum, oratio separat: unde est, quod hic cum illis comparati disjuncti passim appellantur; illi soli conjuncti, *l. planè. 34. in pr. de legat. 1. l. hæredes. 63. de bar. inst. l. un. §. 10. & seq. C. de cad. toll. & apud Ulp. & Cai.* Estque ærtioris hujus conjunctionis effectus insignis in eo, quod utroque modo conjuncti in portione deficientis potiores habeantur & oratione separatos excludant, *d. l. re conjuncti. 89. de legat. 3. d. l. hæredes. 63. de bar. inst. d. l. un. §. bis ita. 10. vers. fin. verò.* ubi etiam hujus rei ratio affertur. Planè si testator plures una oratione comprehenderit, non eo animo,

ut eos conjungeret, quod plerumque fit, sed brevittatis studio celerius loquens, deque eo constet, tum si quis ex his defecerit, ceteri non plus in hujus portione juris habebunt, quam alii, qui aperte oratione conjuncti sunt, *l. si quis. 66. de bar. inst.* Quicquid autem & hic accrescit, nulli accrescit, nisi qui portionem suam agnovit; si plures agoverint, singulis accrescit pro virilibus & æquis portionibus, quemadmodum & ab initio omnibus in casum concursus æque & viriles partes datur intelliguntur, *d. l. un. §. ubi autem. 11. l. legata. 19. §. ult. l. servum. 67. §. 1. de legat. 1.* Si conjuncti & disjuncti commixti vicem sustinent. nihilo plus ut accipiant omnes, quam unus ex disjunctis, *l. planè. 34. in pr. d. tit. d. l. un. §. bis ita. 10.* Exempla jam sibi quicquid in negotio formare poterit. In accretione ususfructus quædam sunt peculiaria, quæ à nobis notata sunt sub §. ult. sup. de usufr. Attingi strictim pleraque omnia, quæ in hac materia visa sunt cognitu maximè necessaria, quibusque perceptis res tota utcumque intelligi, & de plerisque controversiis judicari poterit, nonnulla etiam latius declarabo inferius.

Eadem rei Quod obiter antea retigimus, hoc prolixius explicandum est, nimirum non esse jus accrescendi, nisi ad eandem rem plures vocati sint, aut, quemadmodum hic dicitur, nisi eadem res pluribus legata sit; inter diversarum rerum legatarios non esse, sive singulis legetur separatim, puta hoc modo, *Titio Scribonio do lego: Marcio Pamphilo do lego,* sive etiam una ratione conjunctim, ut, *Titio, & Marcio singulos servos do lego, l. hujusmodi 84. §. pen. de legat. 1.* Sed et si singulis partes ejusdem rei legatas proponas hoc pacto: *Marcio fundi illius partem dimidiam, Sejo partem dimidiam do lego,* non intelligitur res eadem legata, sed altera atque altera, & diversæ singulis; ac proinde cessat jus accrescendi, unoque deficiente pars ejus non ad collegatarium, sed ad hæredem pertinet, *l. in fin. pr. de usufr. acer.* Non enim quia partes isti indivisæ sunt & inter se confusæ, eo minus sunt divisæ, quarum una sit unius, altera alterius, *l. §. de stip. serv. Neque* obstat, quod ex duobus hæredibus, quorum unus institutus sit ex parte dimidia, alter ex altera dimidia, uno deficiente pars ejus accrescit alteri, qui ex sua parte hæres exstitit: quoniam conditio hæreditatis non patitur, ut qui solus sit hæres, ejusdem hæreditatis partem habere possit, partem non habere, *l. 1. l. 3. de acq. bar. l. un. §. bis ita. 10. C. de cad. sol.* At nihil prohibet, ejusdem fundi partem di-

dimidiam alicui legari, ut altera dimidia remaneat apud hæredem. Illud frustra objicitur, quod nemini concessum est ejusdem rei sibi legatz partem velle, partem nolle, l. 4. de legat. 2. Nam in proposito cum pars tantum singulis legata sit, qui partem suam agnoscit, totum quod sibi legatum est, agnoscit: quod si partem tantum partis suæ amplecti vellet, & reliquum repudiare, hic ei oblatet juris ista ratio. Sed etsi duobus res eadem & solida conjunctim legata sit, potest nihilominus deficienti portio repudiari, d. l. un. §. ubi autem 11. Hoc igitur ratum sit, necesse esse, ut iis, inter quos jus accrescendi esse volumus, una atque eadem res legata sit, & quidem solida singulis; hoc enim est, quod Ulpianus ex Celsi sententia refert, toties jus esse accrescendi, quoties ex duobus, qui in solidum habuerunt, concurrat res diversa est, l. 3. in pr. de usufr. accr.

Sive conjunctim sive disjunctim) Conjunctim legari dicitur, quando una oratione una eademque res pluribus legatur: disjunctim seu separatum, quando singulis orationibus singuli ad eandem rem vocantur: hic sunt plures enuntiationes, illic una copulata, d. l. un. §. bis ita. 10. & §. seq. l. 1. §. 3. de usufr. accr. l. si pluribus. 33. de legat. 2. indeque est, quod alii conjuncti, alii disjuncti passim dicuntur. Cæterum conjunctio hæc & disjunctio ex verbis potius quam ex re æstimatur, cujus respectu omnes conjuncti sunt, quibus res eadem legata, licet disjunctim: & hisque, qui in specie re conjuncti appellantur, l. triplici. 142. de verb. l. re conjuncti. 89. de legat. 3. quod & supra notatum est, & simul observatz nonnullæ inter hæc genera differentiz, cum de onere partis accrescentis quæritur, itemque de prærogativa & partibus faciendis, cum permixti sunt.

Scinditur inter eos legatum) Hoc alibi sic dicitur, concursu partes faciunt, aut concursu partes habent, l. 3. de usufr. accr. l. planti. 34. §. sed §. 10. de legat. 2. l. conjunctim. 80. de legat. 3. l. 7. C. de legat. Etque hoc certissimum argumentum, in utroque hoc genere legati, hoc est, sive conjunctim, sive disjunctim eadem res duobus legata sit, non partes ab initio factas, sed solidum singulis relictum intelligi. Quod tamen cum dicimus, non hoc significamus, singulos simpliciter habere solidum, aut unumquemque solidum petere posse, non expectato casu, quo alter deficiat; aut alterum rem, alterum æstimationem consequi; quod olim in una specie legati per damnationem inter disjunctos obtinebat, hodie non obtinet, nisi manifestissimum sit ex scriptura, testatorem solidum

ad utrumque pervenire voluisse, l. un. §. ubi autem. 11. C. de cad. tol. l. si pluribus. 33. de legat. 2. quo in loco valde conspicua sunt emblemata Tribonianii: sed habere solidum, considerato eventu alterius deficientis: idque ex voluntate testatoris. Omnino enim credibile est, testatorem ad hunc eventum reflexisse, atque ideo re conjunctis singulos, seu singulis eandem rem legasse, ut altero deficiente alter in solidum eam haberet, cum absque eo foret, ut pars deficientis rediret ad hæredem. Contrario autem respectu, si nimirum consideramus casum utriusque concurrentis, partes habere recte dicuntur: easque etiam in hunc eventum habent ex voluntate testatoris, quæ hic manifesta est, cum utroque concurrente, quod utrique futurum speravit testator, totum singuli habere non possint. Licet autem diversa consideratione & totum & partes singuli habere videantur; non totum habere passim dicuntur ad differentiam eorum, qui simpliciter & omnimodo partes habent, nec eas demum concurrû faciunt; quales sunt, quibus partes tantum ab initio assignatz. Cæterum quod tam conjunctos, quam disjunctos solidum ab initio habere dicimus, id non caret omni scrupulo. Nam contra Ulpianus d. l. planti. 34. si conjunctim. 9. de legat. 2. expressè scribit, si conjunctim res legetur, partes ab initio fieri: nec solum partem facere eos, in quorum persona consistit legatum, verum eos quoque, quorum in persona non consistit. Hunc locum oblatre non putant, qui non intelligunt quid sit partem ab initio facere. Quod tamen minime obscurum est. D. Gothofredus in notis ad d. §. si conjunctim. 9. scribit, partem facere, non quorum persona in divisione partem accipiunt, sed cum ejus, qui deficiat, aut incapax est, pars conjuncto accrescit, contra manifestam d. §. sententiam & perpetuum usum juris auctorum, in quibus partem facere est facere, ut quis partem tantum habeat in eo, quod totum habiturus esset; si solus esset, aut impedire, ne totum ad alterum pertineat, ut constat ex l. 8. §. quoniam. 8. l. qui repudiantis. 77. de inoff. test. l. 7. de reb. dub. l. bujismodi. 84. §. si Titio. 8. de legat. 2. cum simil. Et igitur perspicue etiam errat Goveanus, qui lib. de jur. accr. n. 6. & 7. scribit, eos qui partes faciunt ab initio, partes non habere. Ut autem jus accrescendi excludatur, necesse esse partes ab initio habere legatarios. Facere autem ab initio partes eos dici, non quia pro parte ab utroque legatum vindicetur, sed quia utroque solidum vindicante res inter eos scinditur. Tot errores, & errores conspicui, quot

pene dixerim verba. Nam primo qui partes ab initio non habent, in his dici non potest, partes ab initio fieri, sed tantum concursus quæ perpetuo inter se opponuntur. Deinde quid aliud est partes habere ab initio, quam partes ab initio fieri? Utroque enim significatur, alterum hoc casu solidum habere nunquam posse, seu quod idem est, juri accrescendi non esse locum: & quamvis qui partem facere dicitur, non concurrat, aut concurrere non possit, certissimo tamen jure perinde habetur, ac si concurrisset, suamque partem abstulisset. Confundit Goveanus & pro iisdem habet, siue dicas partes ab initio fieri, siue partes fieri concursu: quod in tanto viro vix ferre possum. Postremo illud quoque falsum est, posse in concursu vel singulos conjunctos solidum vindicare, vel unum eorum, quamdiu alter adhuc concurrere potest. Non enim amplius vindicare licet, quam delatum est: at in eventum, quo uterque concurrat singulis non solidum, sed partes relictæ intelliguntur, quod pluribus confirmat Ant. Faber. *decad. 49. err. 9.* Quamobrem miror, D. Syvanemburgium locum hunc Goveani notatu tam dignum existimasse ut eum integrum verbis Goveani descripserit *cap. 8. tract. de jur. accrescend.* Quid ergo respondemus ad d. locum Ulpiani in *l. plani. 34. §. si conjunctim. 9. de legat. 1.* ubi tam discretè Jurisconsultus ait *conjunctis partes ab initio fieri*? Ant Faber id, quod generaliter Jurisconsultus definit de conjunctis, restringit ad verbis conjunctos tantum, qui effectum ne conjuncti quidem, si Fabro credimus, in hac disputatione habeantur. Sed perperam, meo quidem judicio. Rectius autem locus ille refertur ad legata per damnationem, aut potius ad legem Juliam Papiam & jus caducorum: ut adeo dicamus, de iis ibi agi, qui vel ante mortem testatoris vel ante apertas tabulas defecerunt, quibus quod adscriptum erat, caducum fiebat, ut in favorem fisci hi partes facerent, quæ alioqui vel in hæreditate mansissent; vel accrevissent conjuncto; nam ex lege Julia Papia conjunctis nihil accrescebat nisi post diem legati cedente (cedebant autem demum ab apertura tabularum) legatarius decessisset, aut tempore facti testamenti non fuisset in rerum natura, cui quod relictum erat, pro non scripto habebatur, *l. unie. §. 1. & seqq. C. de cad. toll.* Eodem referendum, atque eodem modo explicandum, quod est in *l. hujusmodi. 84. §. si à Titio. 8. de legat. 1.* Planè illud concedo, disjunctis apertius atque expressius solidum ab initio assignari, quam conjunctis, utpote quibus ipsa conjun-

ctione quodammodo partes attribui videantur; quod considera vit Justinianus *d. l. unie. §. ubi autem. 11.* sed tamen nec disjunctis solidum simpliciter datum dici potest; alioqui non concursu res divideretur, sed alter rem, alter asituationem consequi deberet.

Si alter deficiat) Non potest dici deficere, in cuius persona legatum numquam constitit: veluti si quid ei datum sit, qui quo tempore testamentum condebatur, in rebus humanis non erat puta diem suum functus, cum id testator ignoraret: aut ei, quicum testamenti factio non est, siue incapaci, puta deportato aut peregrino. An igitur si alter è conjunctis testamenti tempore jam mortuus sit, aut capere ex testamento nequeat, partem alteri facio, an totum ad alterum pertinebit? Et eum quidem, qui tempore testamenti non fuit in rerum natura, partem nec olim fecisse, testatur Justinianus *d. l. un. §. 3. C. de cad. toll.* Porro autem, & quod ei, qui capere non poterat, conjunctum cum alio relictum erat, in eadem causa fuisse, ut & hoc conjuncto totum cederet, quoniam æquè quam illud pro non scripto habebatur, *arg. l. 1. C. de bar. in ff.* quod tamen non aliter processisse, quam si alter simpliciter & omnino incapax fuerat, evincitur ex verbis *d. l. plani. 34. §. si conjunctim. 9. de legat. 1.* ubi Jurisconsultus ait, etiam servum proprium, cui sine libertate quid legatum est, quamvis id in persona servi non constitit, conjuncto partem facere, innuens, ut paulo ante hoc interpretati sumus, in fisci favorem partem ejus ex lege Julia Papia caducam fieri.

Aut spreverit legatum) Post legem Juliam Papiam si eadem res duobus conjunctim legata erat, etiam partem repudiantis caducam factam colligitur ex loco Ulpiani in *fragm. tit. 24. §. 11. & seq.* ubi scribit, partem non concurrentis conjuncti, quæ in legato viadicationis jure civili accrescebat, in legato damnationis in hæreditate remanebat, ex lege Papia caducam fieri: nunc autem certum est, in utroque genere legati accrescere, atque hætenus etiam conjunctos & disjunctos esse pares.

Vivo testatore decesserit, vel alio quocunque modo) Ad illius quoque partem lex Papia pertinebat, qui è conjunctis vivo testatore decesserat, vel quolibet alio modo defecerat, puta damnatione in metallum, aut deportatione, ut ex d. loco Ulpiani manifestum est: idque quod huic relictum erat, dicebatur esse in causa caduci, *d. l. un. §. 2. C. de cad. toll.* sed nunc certo jure conjunctis in eandem rem accrescit sine discrimine generis legati aut modi legendi, *d. l. un. §. 4. §. 10. & seq.* Verum quid

quid si unus decesserit testatore jam mortuo? Ego existimo, hoc casu nihil conjuncto accrescere; siue legem Papiam spectes, siue jus novum Justiniani. Nam aut ante apertas tabulas decessit, & pars ejus ex lege fit caduca; aut post aperturam tabularum, ex quo legati dies ex lege cedit; & hic quidem, quod ei adscriptum est, non fit caducum; jam enim ei debere coepit: ceterum nec accrescit collegatario, sed ad heredem deficientis transmittitur, qui effectus est cessionis diei in legatis & fideicommissis, l. 5. & poss. quand di. leg. ced. & textus in l. 4. in fin. pr. de alim. leg. Ex constitutione autem Justiniani, qui placuit diem legatorum statim cedere à morte testatoris, effectum est, ut idem juris nunc sit etiam in parte decedentis ante aperturam tabularum, ut scilicet nec ea caduca fiat, nec tamen accrescat collegatario, sed ad heredem similiter transmittatur, quemadmodum, si solus effect, totum transmitteret, per d. l. un. §. in novissimo. §. Non frustra igitur dixit, vivo testatore.

Totum ad collegatarium pertinet) Si plures sint, omnes autem vel conjuncti tantum, vel tantum disjuncti, pars deficientis accrescit omnibus ex æquo: si permixti conjuncti, & disjuncti, conjuncti in parte conjunctorum cæteris anteferuntur; disjunctorum partes accrescunt omnibus sic ut in divisionem omnes conjuncti pro una persona habeantur, d. l. planè 34. in pr. de legat. 1. l. re conjuncti. 89. de legat. 3. d. l. un. §. his ita. 10. G. de cad. toll. Quod autem conjunctis accrescit, accrescit cum onere, quod disjunctis, sine onere, d. l. un. §. ubi autem. 11. sub fin. de quibus etiam dictum superius.

Titio & Sejo hominem Stichum do, lego) Quod in his, quibus quid conjunctim legatur, Justinianus solum utitur exemplo re & verbis conjunctorum, id inter alia multos movet, ut negent verbis tantum conjunctos esse jus accrescendi: quo in numero sunt Govean. n. 29. Hotom. 6. obs. 12. Aut. Fab. 6. conj. 1. & dec. 49. err. 4. D. Syvanemb. de jur. accresc. cap. 8. Sed sanè hoc argumentum perexiguum ad illud probandum pondus habet. Nam ut ræcam, quo nihil certius & notius est, exemplis neminem uti solere ad restringendam regulam, nulla hoc loco est conjunctorum inter se oppositio; sed conjunctorum, id est, eorum omnium, quibus res eadem legatur una oratione, & disjunctorum, quibus quid legatur orationibus diversis, ut licet in exemplo proposito Titius & Sejus sine re & verbis conjuncti, tamen ut tales hic non considerentur, sed ut conjuncti simpliciter: ac proinde

Tom. I.

hic locus potius contrariam sententiam juvat, quæ etiam in sola verbali conjunctione juri accrescendi locum tribuit. Sed tamen utra sententia verior sit, operæ pretium est penitus inquirere. Illud pro confesso habendum, atque omnino retinendum est, nullos esse conjunctos, ad quos quidem jus accrescendi pertineat, nisi qui re sint conjuncti, siue quibus relicta eadem res. Proinde neque ii, quibus res diversæ relicte sunt, quamvis una oratione pro conjunctis hic habentur, veluti si ita dixerit testator, Titio & Mavio singulos hujusmodi, 84. §. pen. de legat. 1. neque ulla, id est, rei quidem conjunctio esse intelligitur, ubi partes tantum ejusdem rei singulis simpliciter datur: ut proinde hoc etiam casu sine dubio jus accrescendi esset, l. 1. in fin. pr. l. pen. de usu accresc. Hinc jam de questione proposita judicandum est. Nam si verbis tantum conjuncti, qui dicuntur in distinctione generum conjunctorum, non sint simul re conjuncti, ex superiore definitione jus accrescendi ad eos non pertinebit: contra pertinebit, si iidem re quoque conjuncti sunt, ut ecce in hoc exemplo, Titio & Sejo fundum Tusculanum æquis partibus do, lego, constat, Titium & Sejum verbis conjunctos esse & appellari: sed jus accrescendi inter eos verborum conjunctio parere non potest, si non etiam accedat conjunctio ipsius rei. Non esse re conjunctos; ipsa appellatio statim à principio indicare videtur. Dicuntur enim verbis tantum conjuncti, l. triplici. 142. de verb. sign. item verbis conjuncti, non etiam re, l. re conjuncti. 89. de legat. 3. Idem videtur ostendere expressio partium singulis attributarum: nam ut hæ partes indivisæ sint; sunt tamen diversæ, ut diei non possint re conjuncti, aut singulis relicta eadem res. Denique non est realis conjunctio, nisi inter eos, qui solidum ex judicio defuncti habent: verbis autem conjuncti non solidum, sed partes habent, easque expressas verbis testatoris, ut proinde & partes ab initio facere, l. planè.

34. §. si conjunctim. 9. §. de legat. 1. & semper partes habere dicantur, l. re conjuncti. 89. de legat. 3. Sed his non obstantibus verius existimo, verbis conjunctos, quos hic vocamus, etiam re conjunctos esse. Etenim qui sic legat, Titio & Sejo fundum Tusculanum do, lego c. æquis partibus, is utique utrumque conjunct in eandem rem, dum simul & semel eundem fundum ambobus legat. Nec mutat hanc conjunctionem partium æqualium expressio: nam etsi hæ partes non exprimuntur, tacite tamen significatur enumeratione personarum,

Zzz

Digitized by Google

rum, *l. cui fundus. § 6. de cond. & dem.* Quæ autem non expressa intelliguntur, tamen si exprimentur, pro supervacuis habentur, *l. Cornelius. § 9. de her. inst.* ut omnino verum sit, quod Baro ait, non aliter differre verbis conjunctos à conjunctis re & verbis, quam quod in illis partes æque exprimentur, in his non item: judicio autem defuncti pari jure censeri, *arg. l. 16. in fin. de legat. 1.* Sed cur igitur dicuntur verbis tantum conjuncti, conjuncti verbis, non re? Non quia verè verbis tantum conjuncti sint, re planè disjuncti: sed quia tales videntur in comparationem re & verbis conjunctorum, inspecta forma & conceptione verborum, quæ sola hæc genera separat, & adscripris æquis partibus in verbis conjunctis, qui dicuntur, res diversas facere videtur; quod ramen non ita est, si rem ipsam spectamus & sententiam testatoris, cujus judicio cum pariter ad eandem rem vocentur, pariter pro re & verbis conjunctis habendi sunt. Ex quo porro sequitur, si re & verbis conjuncti solidum ab initio ex voluntate testatoris habere intelliguntur, & solidum habere eodem modo intelligi singulos verbis conjunctorum: idque adeo verissimum esse ostendit *l. conjunctim. 80. de legat. 1.* ubi Celsus scribit, conjunctim legare, esse *tota legata singulis dare, partes autem concursu fieri.* Quæ definitio, cum generalis sit, dubitandum non est, eam ad verbis quoque conjunctos pertinere, & quod expressè partium in hac conjunctione testator meminit, id ex mente ejus à sic prudentibus acceptum, non quod duobus, verbis gratia, ita conjunctis, simpliciter velit singulas partes adscriptas atque in omnem eventum habere, etiam si non concurrant; sed quòd cum sciret, si concurrerent ambo, quod & futurum speravit, singulos totum habere non posse, istis verbis demonstrare voluerit, quid in hunc eventum singuli habituri essent. At si unus deficiat, etiam in verbali conjunctione sic mentem testatoris acceptam, quasi in hunc casum alterum solidum habere voluerit, nec ob aliam causam ad eandem rem utrumque vocaverit, quàm quod eam rem vel alterum eorum magis habere voluit, quàm hæredem suum. Sed inquis, verbis conjuncti dicuntur semper partes habere, *d. l. re conjuncti. 89.* Ergo omni casu habent, & ab initio & ex postfacto. Respondet, id quoque dici ex comparatione re & verbis conjunctorum. Nimirum Jurisconsultus eo loco docendi gratia, distinguit verbis conjunctos à conjunctis & verbis simul, non ex eo, quod re ipsa est, sed ex eo, quod videtur: quia verbis conjuncti partes habent externa

forma verborum; re & verbis conjuncti non habent. Neque alia ratione hæc genera scerenti possunt. Quod verò apud Ulpianum scriptum est, si conjunctim res legetur, partes ab initio fieri, *d. l. planè. 14. §. si conjunctim. 9. de legat. 1.* id tam ad verbis re simul conjunctos pertinet, quàm ad conjunctis verbis tantum: ac proinde locus iste vel ad legatum damnationis referendum est, vel ad legem Juliam Padriam & jus caducarium; uti & *l. hujusmodi. 84. §. si à Titio. 8. eod. In l. 7. de legat. 2.* aperte Jurisconsultus loquitur de legato damnationis: eodemque pertinere principium *l. 16. de legat. 1.* arguit ejusdem *l. §. ult.* Concludendum igitur est, etiam inter verbis conjunctos jus accrescendi locum habere; quippe cui toties locus est, quoties res eadem duobus in solidum legata est, sic ut partes concursu habent, si eas habeant ex voluntate testatoris expressa, siue ex tacita, *l. 4. de usufr. accr.* Atque hæc communis est sententia, probata quoque Duræno *lib. 1. de jur. accr. c. 10.* Baroni in comm. ad hunc §. Donello. 7. comm. 13. & 8. comm. 11. Gæd. ad *l. triplici. 142. de verb. sign. num. 12.* Confirmatur hæc sententia primum aperto textu *l. 16. §. ult. de legat. 1.* ubi non solum qui re & verbis conjunctus est, sed etiam cui virilis portio data, id est, conjunctis verbis tantum; *arg. d. l. triplici. 142. non concurrente altero, totum vindicare dicitur.* Deinde ex eo, quod verbis conjunctus etiam potius dicitur esse in hoc jure quàm is, qui re tantum conjunctus est, *d. l. re conjuncti. 89. de legat. 1.* siquidem jus prælationis necessario præsupponit jus accrescendi & conjunctionem realem: & præposterum est, quod Anr. Fab. dec. 86. err. 89. respondet verbis conjunctis, licet per se re disjuncti sint, ex accidenti tamen & postfacto etiam re conjunctos fieri, concurrente tertio aliquo, qui illis re conjungatur. Nam conjunctionem non concursus efficit, sed dispositio testatoris ad eandem rem plures vocantis, ut necesse sit, eos, quos in parte deficientem concurrere, aut aliis præferri volumus, considerari ut ab initio sententia testatoris conjunctos. Nihil pro sententia Fabri facit, quod à Javoleno responsum est, in hac specie, si testator Mævio fundi partem dimidiam, & partem dimidiam, & eundem fundum Titio legaverit, Sejo deficiente, partem ejus pro portione legati non Mævio solum, sed etiam Titio accrescere, *l. Mævio. 41. in pr. de legat. 2.* Nam Mævius & Sejus in hac specie verbis conjuncti non sunt, sed conjuncti re tantum, verbis inter se separati: quod ipse Jurisconsultus expressè testatur. Ait enim, separatum

& partes fundi & totum legatum esse: apparetque, legatum hoc sic à Jurisconsulto acceptum ex sententia testatoris, quasi Mævius & Sejus sint in unam dimidiam inter se conjuncti: Titius autem cum his in eandem dimidiam, quia cui totus fundus legatus est, utique & eadem dimidia legata intelligitur, cum verbo totius ambæ dimidiæ ei legatæ sint: similiter ut in usufructu conjunctos esse dicimus, quorum unus fundus, alter usufructus ejusdem fundi legatus, l. si alii 19. de usuf. leg. quod plenius & eleganter explicat Don. in epist. ad Albert. Gent. insertæ opusculis Donelli posthumis. Postremo cum nullus alius conjunctionis in hac quæstione sit effectus, quàm ut jus accrescendi conjunctus habeat, cur si verbis conjuncti ab hoc jure removendi sunt, conjunctos tamen eos, non disjunctos, appellamus? Non obstat communi sententiæ, quod Celsus l. 1. & Proculus 20. de legat. 2. respondit, servo communi quod legatum est, id si alter dominorum omitteret, alteri non accrescere. Nulla enim omnino in tali legato conjunctio est, ut ipsa textus verba evincunt, & ratio est, quia partes dominicæ semper pro inæqualibus habentur, fortuitumque est, quod æquales singuli habeant. At verò non est jus conjunctionis nisi inter eos, quos testator in eandem rem conjunct æqualiter. Magis obstat videtur l. pen. de usuf. accr. ubi minimè obcurè Papinianus pronuntiat, re separatim videri, quibus eadem res æquis portionibus relicta est. Loquitur quidem de usufructu ejusdem rei æquis portionibus legatos; sed vel magis idem obtinere debet in simili casu legata proprietate: utpote quæ difficilior accrescit, quàm usufructus, l. 1. §. 1. d. tit. Sed bene mihi videtur respondere Donellus, id quod in d. l. pen. dicitur de æquis portionibus, accipiendum esse non de portionibus rei, cujus usufructus relictus est, sed de portionibus singulorum hæredum à quibus relictus est: quam interpretationem & initium d. l. pen. juvat, & planè confirmat ratio reddita ab Ulpiano in fragmento sequenti in hæc verba, cum alius ab alio hærede usufructum vindicet. Bene autem Papinian. negat, in hujusmodi specie legatarios in eandem rem conjungi, cum partes hæreditariæ prius divisæ sint. Bachovius d. l. pen. accipit de eo casu, quo dimidia singulis separatim seu diversis orationibus relicta est, sed hoc verbis Papiniani minimè convenit. In hæreditate huic quæstioni non est locus: quippe in qua, ut initio monuimus, jus accrescendi ex dispositione juris proficiscitur, quod neminem ejusdem hæreditatis, quæ alium

hæredem non habeat, partem habere, partem repudiare permittit: & ideo portio occupata necessario vacantem ad se trahit: quamquam illud etiam in hæreditate quærri potest, ex pluribus diversi generis conjunctis quis cui præferatur. Reliqua per se quisque nunc facile expediet: plura tamen qui desiderabit, adire poterit DD. in d. l. re conjuncti 89. Gomez 1. ref. 10. Grass. §. jus accrescendi. Ant. Fab. dec. 49. & 50. Christin. vol. 1. dec. 312. & 2. seq. & qui propriis tractatibus hanc materiam explicarunt, Duar. Govean. Ant. Fumæum, Jo. Suev. Corn. Svanemb. D. Grotius lib. 2. manduct. 23. scribit, apud nos in toto hoc argumento non usque adeo subtilitatem juris civilis attendi, sed ejus præcipuè rationem haberi, quod propriis abesse videtur à sententia & mente testatoris: idque æstimari non ex verbis tantum & rei pretio, verum etiam ex conditione & qualitate personæ tum testatoris, tum legatariorum. In legatis alimentorum, ut hoc obiter addam, juri accrescendi non est locus, l. 57. §. ult. de usuf. l. 16. §. 2. de alim. leg. nimirum quemadmodum in agris limitatis cessat jus alluvionis, l. 16. de acq. rer. dom. quod comparatur cum jure accrescendi, l. 33. in fin. de usuf. ita & in usufructu limitato ad finem alimentorum jus accrescendi cessare placuit, ut rectè Cujac.

T E X T U S.

Si legatarius proprietate fundi alieni sibi legati emerit, & usufructus ad eum pervenerit.

9. Si cui fundus alienus legatus sit, & emerit proprietatem deducto usufructu, & usufructus ad eum pervenerit, & postea ex testamento agat, rectè eum agere & fundum petere, Julianus ait: quia usufructus in petitione servitutis locum obtinet: sed officio judicis continetur, ut deducto usufructu jubeat assimationem præstari.

N O T Æ.

9. Quia usufructus servitutis locum) Poterat obijci, appellatione fundi plenam proprietatem contineri, l. 10. l. 19. de usuf. leg. l. 58. de verb. obl. R. in casu proposito eo verbo nudam dumtaxat proprietatem significari, ut usuf. intellectu à fundo separaretur, & tamquam servitus consideretur: quoniam proprietas, quæ adest ex causa onerosa adhuc abesse intelligitur, l. 14. de verb. sign. fac. l. 25. eod. junct. l. 66. de judic.

Jubeat assimationem præstari) Juxta tanti rem æstimabit, quantum actori aberit, d. l. 82. §.

2. Itaque habemus hîc casum, quo condemnatio fit in rei petitiæ æstimationem: quod interdum necessarium aut humanum.

COMMENTARIUS.

1. Speciem hoc loco propositam pertinere ad doctrinam traditam §. 6. sup.
2. Quæ sit hujus loci sententia, & quo colore defendatur?
3. Interpretum error circa ejus explicationem notatus.
4. Ant. Fabri opinio confutata.
5. Non esse novum, ut interdum condemnatio fiat in rei petitiæ æstimationem.

Hic locus, ut ex argumento intelligitur, subjungeudus potius fuerat §. si res aliena 6. ubi dictum est, si res aliena legata ex alia causa ad legatarium pervenerit, interesse, utrum pervenerit ex causa onerosa, an ex causa itidem lucrativa: illo casu legatum non extinguatur, sed posse legatarium nihilominus actione ex testamento pretium consequi; hoc casu contra, legatum penitus evanescere, eo quod dux causæ lucrativæ in eandem rem & personam concurrere non possunt. Quod autem de toto ibi traditum est, id etiam valet in partibus, ut, si quis rei sibi legati partem unam ex causa onerosa, alteram ex causa lucrativa nactus sit, legatum pro ea parte extingatur, quam adeptus est ex causa lucrosa, pro altera consistat, & pretium ejus consequi possit, l. non quocumque 82. §. 3. de legat. 1. Unde etiam si quis fundi sibi legati proprietatem emir, detracto usufructu, & usufructus possessa ad eum pervenit, puta mortuo fructuario aut capite minuto, atque ita ex causa lucrativa, perinde hoc habendum, ac si pars rei ex causa onerosa, pars sine onere ad eum pervenisset. Nam etsi usufructus non in parte, sed in jure consistit; tamen quia emolumentum rei continet, merito vicem partis obtinere placet, l. Marcius 66. §. pen. l. cum filius 76. §. dominus 2. de leg. 2. l. qui usufructum 58. de verb. oblig. Cæterum in hac specie nihilominus fundum rectè peti, nec plus quam oportet, ea petitione contineri intelligi, tradit hîc Justinianus post Julianum in d. l. non quocumque 82. §. 2. de legat. 1.

Rectè cum agere & fundum petere) Rectè, id est, impune, sine metu cadendi causa; quæ præca est eorum, qui plus petendo perperam agunt, §. si quis agens 33. inf. de act. Scilicet igitur horum verborum est, posse legatarium agentem ex testamento cum hærede simpliciter

intendere, fundum sibi dari oportere, etiam si nudam dumtaxat proprietatem emerit, usufructum adeptus sit gratis; neque hac intentione sua plus cum complexum videri debere, quam oporteat. Fundum, inquam, ipsum, non διατίμωσι, æstimationem, ut male Theophil. & Pac. quod arguunt sequentia.

Quia usufr. in petitione servitutis locum obtinet) Poterat obijci, immo perpetam in casu proposito agere legatarium, ac re ipsa atque apertè plus petere, si simpliciter fundum petat; quippe appellatione fundi plenam proprietatem significari, l. 10. l. si alii 19. de usufr. leg. 1. qui usufructum 58. de verb. obligat. ac proinde tanto plus, quam oportet, eam petitionem complecti, quanto pluries æstimari constat plenam proprietatem, quam nudam, pro qua sola pretium numeravit. Huic objectioni occurrens Justinianus ait, usufructum in proposita petitione servitutis locum obtinere. Quod paulo obscurius dictum hanc sententiam habet, eum qui fundum petie, etsi regulariter plenam proprietatem petere intelligitur, tamen in casu præsentis fundi verbum sic accipi oportere, ut eo nuda tantum proprietates designata intelligatur, seu fundus, quatenus petenti emolumento abest, ut usufructus intellectus ab eo separatur, & ob id tamquam servitus in hac petitione considerari debeat, hoc est, ut nec petitis cessatur; cum & alias, cum usufructus separatus est, appellatione fundi nudam proprietatem significari constat, l. rectè 25. de verb. sign. Hæc interpretatio cum petitori necessaria sit, ne aliqui formula excidat, si eum plus debito intentione sua complexum dicamus, omnino hic recipienda est: quoniam in ambigua intentione id semper accipere jubemur, quod petitori utile est, l. si quis 66. de judic. Scio, longè aliter hunc locum ab aliis explicari: licet enim fere ceteri existimant, quod Justinianus hîc ait, legatarium rectè agere & fundum petere, id hanc habere sententiam, legatarium rectè, id est, strictè rationi juris convenienter, ac proinde sine periculo amissionis causæ, fundum petere, ut ea petitione & proprietatem & usufructum comprehendat, aut posse eum ipso jure petere solidi fundi æstimationem; & quod mox pro ratione Justinianus assert, usufructum in ea petitione locum servitutis obtinere, id sic accipiunt, quasi dixisset, quia usufructus non jure patris, sed servitutis in petitionem deducitur. Sed ego fateor, me hæc capere non posse. Neque enim intelligi, quo colore defendi possit, legatarium in proposito rationi juris con-

venienter agere hoc modo: *Ajo, te mihi fundum Sempronii, legatum mihi à Titio, dare oportere; ut hac fit formulæ illius intentio, Ajo, te mihi dare oportere & proprietatem fundi & usumfructum aut solidi fundi æstimationem. Sive in ea intentione consideretur ususfructus ut consolidatus & conjunctus cum proprietate, sive ut à proprietate separatus & tamquam servitus. Nam si illo modo accipias, manifestum est, petitione id contineri, quod jam habet ex causa lucrativa, & ita obstat regulam juris, quæ non patitur, duas causas lucrativas circa eandem rem & personam concurrere: si hoc modo, adhuc dico, id ipsum eum petere, quod sine onere habet, licet habeat sub alia qualitate: aut si tu neges, fatendum tibi erit, peti quod legatum non est. Immo verò nego, unquam eum, qui fundum petit, posse intelligi usumfructum jure servitutis petere. Quicumque enim fundum petit, eum necesse aut solidam proprietatem intelligere, l. 5. in pr. si usufr. pet. aut nudam, l. rectè dicimus 25. de verb. sign. Denique non rectè in specie proposita solidum fundum aut solidi æstimationem peti, satis apertè, ut mihi videtur, probat, quod apud Julianum in d. l. non quocumque 82. §. 3. de legat. 1. notat Marcellus; ait enim, si partem fundi alieni mihi legati redemero, pars mihi legata sit, aut donata, idem esse, quod in specie proposita à Juliano, & ideo me partem dumtaxat petere debere. Quibus verbis non obscurè innuit, nec in præcedenti specie Juliani solidum rectè peti: alioqui species, quam proponit Marcellus, ut similem Juliani, longè esset dissimilis. Ant. Faber 6. conj. 8. nec hoc quidem concedit, in casu proposito simpliciter fundum rectè peti, utut ea intentione nuda proprietas petita esse intelligatur? quoniam ait, nec apud Julianum, nec alibi hoc traditum, & quod meum est, amplius meum fieri non potest. Sed ut supra in §. 6. ostendimus, quod ex causa onerosa ad creditorem pervenit, interpretatione juris perinde habetur, ac si non pervenisset, propter pretium, quod ei abest, l. 14. de verb. sign. & refellit Fabrum l. ex promissione 19. de obl. & act. ubi diserte Julianus scribit, eum, qui non ex causa lucrativa rem habere cœpit, non prohiberi eandem ex causa lucrativa petere: tum etiam manifestè locus Marcelli modo citatus. Nam si partem fundi, quam ex causa onerosa consecutus sum, rectè peto, cur prohibear proprietatem petere, quæ ex tali itidem causa apud me est? Cætera, quæ eodem loco Faber adversus hanc sententiam & adversus ip-*

sum adeo Tribonianum disputat, assis non æstimo.

Sed officio judicis continetur, &c.) Quamvis ratio judicii hoc exigit, ac proinde regulare sit, ut condemnatio fiat in rem ipsam, quæ petita & in judicium deducta est, l. ut fundus 18. com. div. evenit tamen nonnunquam, ut necesse sit, aut æquum & humanum, condemnationem fieri in rei petite æstimationem: veluti si res petita culpa debitoris aut post moram perempta sit, l. si ex legat. 23. de verb. obl. item si res aliena, quæ petitur, domino venalis non sit, aut venalis quidem, sed immenso pretio, l. 14. §. ult. de legat. 3. vel si ea ex causa onerosa ad creditorem pervenerit, l. ex promissione 19. de obl. & act. l. hujusmodi 84. §. qui servum 5. de legat. 1. §. si res 6. sup. cod. Idemque est, si creditor partem, quam ex simili causa nactus est, petat, l. non quocumque 82. §. 3. de legat. 1. in casu proposito, ubi fundo alieno legato fundi proprietatem, quæ ex causa onerosa apud legatarium est, petitur, d. l. non quocumque 82. §. 2. Hic igitur judicis officio incumbit, ut reum condemnet, non in rem petitam, puta ut fundum præstet deducto usufructu; nam proprietatem fundi jam revera petitor habet: sed ut præstet fundi deducto usufructu æstimationem; hoc est, ut tantam pecuniam legatario det, quantum ille venditori pro fundi nuda proprietate persolvit. Julianus hoc sic expressit, *Judex tanti litem æstimabit, quantum auctori aberit*, d. l. non quocumque 82. §. 2.

TEXTUS.

De re legatarii.

10. *Sed si rem legatarii quis ei legaverit, inutile est legatum; quia quod proprium est ipsius, amplius ejus fieri non potest. Et licet alienaverit eam, non debetur nec ipsa res, nec æstimatio ejus.*

NOTÆ.

10. *Licet alienaverit eam*) Propter definitionem regulæ Catonianæ, d. l. 41. §. 2. cui obstat, l. 1. §. 2. de reg. Cat. nisi dicamus verbis illis, *si cum vivo testare alienaveris*, conditionem significari, ad cujusmodi legatum regula non pertineat, l. 3. & 4. cod. l. 98. de cond. & dem.

COMMENTARIUS.

1. *Celsum videri à cæteris dissenisse circa casum, quo legatarius rem suam sibi legatam vivo*

testatore alienaverit: tentatur tamen conciliatio.

2. *Quomodo temperandum quod dicitur rem suam nemini rectè legari.*

Sed si) Particula hæc videtur arguere, hunc §. esse appendicem dispositionis habitæ in §. *præc.* & §. *si res aliena.* 6. *cod.* Nam ut illic tractatur de re, quæ post testamentum conditum legatarii propria facta est; ita hic de ea, quæ jam ejus est tempore scribendi testamenti. Quid servari placeat, si res, quæ legatarii propria est, non ipsi legatario, sed alteri legata aut potius per fideicommissum relicta sit, docebitur *inf.* §. 1. *de sing. reb. per fideic. relist.* Hic illud quaeritur, an utile sit legatum, si quis legatario ipsi rem, quæ jam ejus est, legaverit. Ait autem Justinianus, tale legatum inutile esse, propterea quod fieri non potest, ut quis duabus ex causis dominum acquirat, l. 3. §. *ex pluribus.* 22. *de acq. poss.* quæ ratione nec stipulatio rei suæ, nec emptio valet, l. *nemo.* 82. *de verb. obl.* l. 16. *de contr. empt.* Idem rescriptum est in l. *propriis.* 13. *C. de legat.* & responsum ab Ulpiano l. *cætera.* 41. §. *de legat.* 1. Quamobrem nec res nec æstimatio rei in proposito peti poterit, ut est in *fin.* hujus §.

Et licet alienaverit eam) Ampliatio superioris definitionis. Et si is, cui res sua legata est, eam post testamentum factum & vivo etiam testatore alienaverit, nihilo tamen magis legatum convalescit. Quod sumpsum ex definitione regulæ Catonianæ, quæ non patitur, legatum ex postfacto convalescere, quod initio vires non habuit, l. 1. in *pr.* *de reg. Caton.* quæ ratio etiam in terminis redditur ab Ulp. d. l. *cætera.* 41. §. 2. Aliud tamen Celsi judicium fuisse, eumque in hac questione dissensisse à cæteris, existimant Cujac. Hotom. Bachov. per d. l. 1. §. 2. ubi sic Celsus scribit: *Item si tibi legatus est fundus, qui scribendi testamenti tempore tuus est, si cum vivo testatore alienaveris, legatum tibi debebitur. Quod non deberetur si testator statim decessisset.* Et sanè locus ita scriptus est, ut parum absit, quin idem sentiam. Sed tamen videamus, quid obstat, quominus verba illa, *Si cum vivo testatore alienaveris*, dicamus esse testatoris, non Jurisconsulti, & posita conditionaliter. An quia tum diverso charactere scribenda fuerant, uti mos est Jurisconsultorum, quoties verba testamenti aut stipulationum recitant? At hoc negligi potuit à librario: nec perpetuo observatur, l. *si stipulatus.* 76. in *pr.* & §. 1. *de verb. obl.* l. 1. §. in *honorariis.* 10. *de extraord. cognit.* Au

quia regula Catoniana ad conditionalia non pertinet? l. 4. *de reg. Cat.* d. l. *cætera.* 41. §. 2. *de legat.* 1. ut propterea non debuerit exemplum conditionalis legati à Celfo propositum tamquam exceptio regulæ, in quo definitio Catonis falsa sit. Acqui etiam præcedens species in §. 1. d. l. 1. *cod.* exemplum continet legati conditionalis, quod tamen & ipsum à eadem regula Celsus excepit. Denique difficultati adduci possum, ut credam, in diversis Jurisconsultorum sententiis aut Ulpianum aut Celsum suam simpliciter promptiores fuisse, quasi in re certa minimèque dubia. Sed tamen inquires, fatendum tunc erit, inepte Celsum facere, quod excipit de regula, quod ad regulam non pertinet. Fatere igitur & tu, æque ineptè & prius exemplum à Celfo excipi. Verùm ego puto, quod nescio, an quisquam alius animadverit, Celsum peculiari quadam ratione duas illas species, quas proponit, quasi hæc etiam verbis regulæ contineantur, excipere: quia cum conditio in utraque specie adscripta talis sit, ut deficiat, si statim testator decedat, si longiusculè vivat, impleri possit, fieri utroque casu potest, ut contra quam regula definit, legatum, quod non valuerit, si statim decessisset testator, valeat, si diutius vixerit. Ad cætera autem legata conditionalia nec verba regulæ pertinent. Cæteram mentemur, quod initio dictum est, rem suam nemini rectè legari, sic accipiendum esse, primum si ea res perfectè legatarii sit; hoc est, ita ut advocari nequeat. Nam si rem ex bonis ejus, qui reipub. causa aberat, usu acquisierim, & ea antequam evinceretur, mihi legata sit, postea evincatur, rectè ex testamento petam, eam mihi dari oportere, l. *non quocumque.* 82. §. 1. *de legat.* 1. Deinde si res legata legatarii sit pleno jure: nam si quid juris in ea re aut testator aut alius habet, placet valere legatum, & utile esse in eo, quod juri legatarii deest. Pone, emphyteusim, superficiem, aut pignus testatori aut alii in re legatarii constitutum; rectè ea legatur, & proficit legatario legatum in eo, quod juris alieni fuit, l. *senatus.* 43. §. *ult.* l. *si domus.* 71. §. *pen.* l. *si tibi.* 86. in *pr.* & §. *ult.* *de legat.* 1. l. 1. §. 1. *de lib. leg.* Nec dubito, quin idem dicendum sit, si alius in ea re usufructum habeat, arg. l. *cum filius.* 76. §. 2. *de legat.* 1. licet dissentiat Accurs. propter textum in l. *Mævius.* 66. §. *pen.* in *fin.* *de legat.* 1. Quo in loco vitiosè legitur *propter istas causas*, cum legendum sit *præter*, ut bene Cujac. lib. 5. *ad Afric.* in l. *est.* 25. *de vulg. & pup. subst.* observavit. Et nonnullis in exemplaribus legi

testis est Donell. 8. *comm.* 11. In quibusdam editionibus præter in margine adscriptum videtur. Postremo si nec ea res testatori debita sit; nam debitori quod debet, rectè legatur, licet dominus ejus rei sit, l. 1. *in. pr. de lib. leg. vid. inf. §. si quis debitori.* 13. VINN. Sed in dubio facile vincit lectio Florentina. Videtur hic sensus esse. Dixerat Papinianus, fundo legato etiam usumfructum rectè peti, itemque tuendum fundum, si oppignoratus sit, præstandam possessionem, si alius possideat. Ne quis autem existmaret, idem etiam locum habere, si res nostra nobis legata sit, addit; *Sin autem res mea legatur mihi, legatum propter istas causas non valebit.* Id est, uti rectè interpretatur Olvv. Hilliger. Donell. *Enucl. Lib. 8. cap. 2.* non licebit ex superioribus argumentum ducere. Et hinc assentiri non dubito Accursio. Inter pignus enim & usumfructum multum interest. Rem meam oppignoratam recipere non possum, nisi soluto ære alieno: ususfructus ad me redit, mortuo usufructuario, vel ex aliis causis. HEIN.

TEXTUS.

Si quis rem suam quasi non suam legaverit.

11. Si quis rem suam quasi alienam legaverit, valet legatum: nam plus valet quod in veritate est, quam quod in opinione. Sed & si legatarii esse putavit, valere constat: quia exitum voluntas defuncti habere potest.

NOTÆ.

11. Plus valet, quod in veritate) Ratio hæc potius ad casum sequentem pertinet: nam hoc priore casu et si verum esset, alienam rem legatum esse, tamen legatum valeret: quoniam si suam esse testator scivit, multo facilius eam legasset, per ea, quæ sup. §. 4. cod.

COMMENTARIUS.

1. Male ad priorem speciem hujus §. accommodari regulam, Plus valere, quod in veritate, &c. & qua ratione isto casu sustineatur legatum.
2. Prædictam regulam pertinere ad casum posterorem, atque eos actu tantum, in quibus error gerenti non obstat, quominus velis & possit, in quo errat. In aliis contrariam regulam probari.

Supra §. 4. audivimus, si testator rem alienam suam eam esse putans, legaverit, le-

gatum non valere, nisi singulari conjectura voluntatis adjuvetur. Quæ exceptio in exegeşi posita & declarata. Quod si quis rem hæredis legaverit, quam existimabat suam esse, Papinianus docet utile esse legatum, l. unum. 67. §. si rem. 8. de legat. 2. Hic ex converso docemur, quid juris sit, si testator rem suam legavit quasi alienam: item quid si legavit suam, cum crederet eam esse legatarii, placere autem, utroque casu valere legatum. Et valebit igitur vel magis, si suam rem legaverit quam hæredis, arg. d. l. unum. 67. §. si rem. 8.

Nam plus valet, quod in veritate, &c.) Puto rationem hanc, quod præter Bachovium nemo animadvertit, male accommodari ad hunc priorem hujus §. casum, & omnino pertinere ad sequentem, cum quis rem suam quasi legatarii legavit. Nam non rectè hic dixeris, ideo valere legatum, quia contra quam opinabuntur, verum est, testatorem rem suam legasse, quoniam et si opinionem attendas; aut quod opinabatur verum esset, rem scilicet alienam esse, legatum tamen valeret. Et verò in promptu alia ratio, ob quam in proposito falsa testatoris opinio non obstat legato; nimirum quoniam, si alienam rem credens, eam nihilominus legavit, hæredem que suam onerare voluit alienæ rei redemptione, multo magis eam legaturus fuisse præsumitur, si scivisset suam esse d. l. unum. 67. §. si rem. 8. de legat. 2.

Sed & si legatarii esse putavit, & alere constat) Ad hunc casum rectè accommodabimus regulam, Plus valere, quod in re & veritate est, quam quod in opinione. Nam si hic opinionem spectari placeret, nullum esset legatum, quia quod legatarii est, inutiliter ei legatur, §. præc. Est autem regula ista ex earum genere, quæ ad certos dumtaxat casus & actus pertinent: locum enim tantum in iis habet, in quibus error gerenti non obstat, quominus velis & possit id, in quo errat. Ut ecce, in casu proposito falsa testatoris opinio non impedit, quominus rem suam legare potuerit: neque etiam quominus velle eam legatam existimari debeat; nisi quis dicat, quotiescumque res sua legatario legatur, ideo legatum non valere, quia animus legandi desit: quod verum non est. Neque enim ideo tale legatum inutile, quia voluntatem legandi testator non habuit: sed quia voluntas ejus effectum sortiri non potest, cum quod alicujus jam est, id ejus amplius fieri non possit, §. præc. Hæc verò ratio cum cesset, si non legatarii, quod testator falso existimabat, sed ipsius testatoris res esse depre-

hendatur, cessare quoque debet ista dispositio. Quod & ipsum Justinianus non obscure significat, cum ita infert, *quia exitum voluntas defuncti habere potest*. Eiusdem generis exempla, atque ad ea eandem hanc regulam applicatam videmus in l. 4. §. 1. de man. vind. l. pen. §. qui ignoravit 4. de jur. & facti ign. In iis vero actibus, qui ab animo aestimantur & pendunt, certumque propositum gerentis requirunt, cuiusmodi sunt aditio & repudiatio hereditatis, contraria regula probata est, placetque, plus valere, quod est in opinione, quam quod in veritate, l. 1. §. qui 15. & l. seq. junct. l. qui hereditatem 19. de acq. her. nimirum quia in his error impedit quominus fiat, quod fieri verè poterat, si quis sciret, quod in re est; ac proinde quod verum est, procedere non sinit. D. Hotomannus sic generaliter definit, *in errore facti prevalere veritatem; in errore juris plus posse opinionem*. Quod ego falsum esse puto. Nam et si testator rem suam tamquam legatarii in iure errans legaverit, valebit haud dubiè legatum: è contra si in facto errans rem legatarii legaverit tamquam suam, non valebit: ut proinde & in errore juris plus interduin valeat veritas, & in errore facti plus opinio.

TEXTUS.

De alienatione & oppignorazione rei legatæ.

12. Si rem suam legaverit testator, posteaque eam alienaverit, Celsus putat, si non adimendi animo vendidit, nihilominus deberi: idemque divi Severus & Antoninus rescripserunt. Idem rescripserunt, cum, qui post testamentum factum prædia, quæ legata erant, pignori dedit, ademisse legatum non videri; & ideo legatarium cum hærede ejus agere posse, ut prædia à creditore luan- tur. Si verò quis partem rei legatæ alienaverit, pars, quæ non est alienata, omnino debetur: pars autem alienata ita debetur, si non adimendi animo alienata sit.

NOTÆ.

12. Si non adimendi animo) Quod colligitur ex causa alienandi: nam si ea necessaria fuit, puta ex causa æris alieni, non creditur animo adimendi facta alienatio, l. 11. §. 12. eod. §. si libera fuit, contra. Quomodo accipiendi textus in l. 8. eod. l. 1. §. 15. de adim. leg. l. 1. & 3. de pecul. leg. &c. aut si donaverit, nam in donationem non cadit istiusmodi dis-

tinctio, l. 18. de adim. leg. l. 34. in fin. de aur. arg. leg.

COMMENTARIUS.

- 1 Quibus ex rebus conficiatur, utrum rei legatæ adimendi legatæ causa alienata sit, necne?
- 2 Responsum quoddam Scævola cum aliis huius conciliatum.
- 3 Oppignorazione rei legatæ non videri legatum ademptum.

Pertinet hic locus ad tit. seq. de ademp. leg. est enim rei legatæ alienatio speciestatæ ademptionis: quoniam hoc ipso quod testator rem in alium transfert, recedere à prior voluntate videtur. Cæterum quia etiam legatum rei alienæ consistit, potest hic oriri voluntatis questio, an res adimendi legatæ animo alienata sit, necne, ut si non sit, legatum adhuc peti possit. Quod hic docet Justinianus.

Si non adimendi animo) Sed unde hunc animum aut contrarium colligimus? Ex causa nimirum alienandi, quæ si libera placet fuit, id est, si testator nulla necessitate compulsus rem alienaverit, puta donaverit, aut cum necesse non erat vendiderit eam, animo adimendi id eum fecisse creditur, l. rem legatam 18. legatum 24. §. 1. de adim. leg. & de hoc casu accipiendi textus in l. 8. pr. de legat. 1. l. cum servus 15. de adim. leg. l. 1. & 3. seq. de pec. legat. §. si quis ancillas 17. inf. item l. 6. de legat. 1. Falluntur enim, qui putant, hac in re quicquam interesse inter legatum purum & conditionale. In quo errore etiam Mynsin-gerus est. Quod si causa alienandi necessaria fuit, id est, si testator rem legatam vendiderit urgente rei familiaris necessitate, hic contra creditur id animo adimendi legatæ ab eo factum non esse: & ideo legatum peti potest, nisi probetur, etiam in hac necessitate adimere ei testatorem voluisse. Probatio autem mutatur voluntatis hic ab hæredibus quamvis reis, exigitur, l. 11. §. si rem. 12. de legat. 1. quoniam præsumptio pro legatario eodemque actore facit, quasi non videatur extinguendi legatæ causa alienare, qui etiam si maxime legatum valere velit, tamen alienare cogitur. Cæterum distinctioni propositæ non parum obstat videtur responsum Scævola in l. prædia. 27. §. liberto. 3. de inst. legat. Patronus liberti, quem ex parte hæredem scripserat, per præceptionem fundum legavit cum instrumentato, & his, quæ in eo fundo repertum, quod vivus testator vendiderat, Juriconsultus sine dif-

distinctione etiam vinum in eo fundo reper-
tum, quod vivus testator venderat, & cujus
pretii partem tertiam acceperat, ad libertum
ex causa præceptionis pertinere, nisi contra-
riam voluntatem hæredes approbant. At vero
si alienatio extra causam necessitatis facta ar-
gumentum est mutatae voluntatis, dicendum
erat, id vinum pertinere ad cohæredes, nisi
de contraria voluntate doceat libertus. Res-
pondent nonnulli, in ea specie scilicet ven-
ditionem vini factam ante factum testamen-
tum. Ego magis Ant. Fabro assentior, qui
lib. 1. conj. 6. respondet, non debere videri
adhuc alienatum vinum, quoad effectum
ademptionis legati, quod nondum traditum
est; & maxime cujus nomine venditori pre-
tium nondum numeratum, aut eo nomine ei
satisfactum est, *arg. l. quod vendidi 19. de cont.
empt. §. vendita 41. sup. de rer. div.* Planè pro
quæ parte pretium testator accepit, difficile
dictu est, eam quoque partem legato præcep-
tionis contineri: & ego dixerim, petentem
pro ea parte exceptione summovendum esse.

Divi Severus & Antoninus rescripserunt) Ne-
que responsum Celsi extat, neque hoc Imp-
perii Severi & Antonini rescriptum. Fuisse tamen
quod hic traditur, recepti juris, patet ex *l. rem
legatam 18. de adm. leg. junct. l. fideicommissa
11. §. si rem 12. de legat. 3.*

*Qui prædia pignori dedit, ademisse legatum non
videri*) Pignoris datio etsi propriè alienatio
non est, quippe cum res pignori data in do-
minio debitoris manet, eique soluto debito
restituenda sit, tamen pro specie alienationis
habetur, *l. ult. C. de reb. al. non al.* Cæterum
ipsum nomen pignoris satis indicat alienatio-
nis necessitatem: neque enim pignus dari so-
let nisi ab eo, qui necessitate adductus est. Ut
proinde rectè & superiori sententiæ con-
veniant Imp- perii Severi & Antoninus rescrip-
serint eum, qui rem legatam oppignorat,
adimendi animo hoc facere non videri; sive
ut ipsi loquuntur, *non videri voluntatem suam
circa legatarii personam mutare.* Extat rescrip-
tum in *l. 1. C. de legat.* Enimverò audiendum
nihilominus hæredem existimem, si paratus
sit ostendere, animo adimendi rem à testato-
re pignori datam.

Cum hærede agere, ut prædia luantur) Hoc
est, ut hæres de suo tantam pecuniam credi-
tori solvat, in quantam prædia obligata sunt,
atque itea prædia obligatione liberata ac re-
dempta legatario præstet, *d. l. 1. C. hoc tit.*
quod tamen accipiendum est secundum distin-
ctionem traditam sub §. *sed & si §. cod.*

Si verò quis partem rei alienaverit, &c.) Hoc
Tom. I.

omnino præcedentibus est consequens: nam
quod juris est in toto quoad totum, idem etiam
valere debet in parte quoad partem, *l. quæ de
tota 76. de rei vind. l. 82. §. 1. cod.* Et ideo si
pars tantum rei legata alienata sit, pars, quæ
non est alienata, semper debetur, *l. 6. l.
8. in pr. de legat. 1.* quæ alienata est, debe-
tur, aut non debetur, prout eam animo ad-
dimendi aut non adimendi alienatam esse con-
stabit.

T E X T U S.

De liberatione legati.

11. Si quis debitori suo liberationem legaverit,
legatum utile est: & neque ab ipso debitore, neque
ab hærede ejus potest hæres petere, neque ab alio,
qui hæredis loco sit. Sed & potest à debitore con-
veniri, ut liberet eum. Potest etiam quis vel ad
tempus jubere, ut hæres petat.

N O T A E.

11. Neque ab hærede) Nisi legatum personæ
debitoris cohæreat, *l. 8. §. 1. de lib. leg.*

Petere) Cum effectu scilicet quia petens excep-
tione doli repelli potest: ipso enim jure le-
gato liberationis non dissolvitur obligatio, *d. l. 8.
l. 1. §. 1.*

Ut liberet eum) Nempe per acceptilationem,
d. l. 1. §. 1. l. 22. cod.

Ad tempus) Cujus legati quæ sit vis, disce
ex Pomp. *l. 8. §. 1. cod.*

C O M M E N T A R I U S.

1 Liberationem debitori jam certo jure rectè le-
gari.

2 Quis liberationis legate effectus?

3 Quis ejus legati, quo damnatur hæres ad tem-
pus non petere?

Q Uod Titius mihi debet, id & Sempronio
rectè lego, & ipsi Titio debitori meo.

Illud legatum est, quod dicitur nomi-
nis, de quo plura *inf. sub §. tam autem 21. cod.*
hoc, quod apponitur liberationis, deque hu-
jus legati effectu agitur in præfati §. Respon-
det *l. 1. Pand. de lib. leg.* ubi variaz hujus lega-
ti formulæ occurrunt: & quoque qui chiro-
graphum debitori legat, liberationem legare
videtur, *l. 1. §. 1. d. si. fact. 7. qui chirogra-
phum 50. de legat. 3. l. si servum 44. §. eum 5.
de legat. 1.*

Legatum utile est) Liberationem debitori
posse legari, jam certum est, ait Jurisconsul-
A 2 2

tus in l. 3. *pr. de lib. leg.* quæ verba arguunt, id aliquando controversum fuisse. Cur verò fuerit, significare videtur idem Jurisconsultus l. 1. *pr. cod.* ubi ait, debitoribus ea quæ debent, rectè legari, licet domini eorum sint. Quippe nostrum propriè non est, quod est in credito, l. 27. §. 3. l. 34. *de aur. arg. leg.* Bohet. in *Top. Pecunia*, quæ est in nominibus, non est nostra. Ex eo enim suspicari licet, fuisse antea, qui negarent ipsi debitori, quod debet, rectè legari: quia scilicet nemini res suas legari potest. Sed eorum opinio merito explosa est: nihil enim quod debitoris sit, hoc legato contineri intelligitur, sed jus tantum quod creditor habet, seu obligationem debitumve remissum.

2. *Neque ab ipso debitore*) Legato liberationis non dissolvitur ipso jure obligatio, aut protinus ipso jure debitori liberatur: sed potest liberationis sibi legatæ fructum duplici ratione consequi, excipiendo, si debitum hæres petat; si non petat, ultro ex testamento agendo, ut liberetur, l. 3. §. nunc 3. l. quod mihi 22. *de l. legavi* 25. *in pr. cod.* Quamobrem quod alibi dicitur, hæredem petere non posse, l. 2. §. 1. l. si quis 15. *cod.* & hoc ipso in textu, id se accipiendum est, non posse eum petere efficaciter: nam petentem exceptione doli mali repelli.

Neque ab hærede ejus, neque ab alio, qui hæredis loco) Qualis est bonorum possessor, & is, cui ex fideicommissio hæreditas restituta est. Interdum tamen effectus hujus legati intra personam solius debitoris consistit, veluti si quis ita dixerit, *Hæres meus à solo Lucio Titio ne petito*: vel, *A Lucio Titio, quamdiu vivit, hæredem meum petere nolo*. Quoties enim legatum cohæret personæ legatarii, ad hæredem ejus non transit; sicut nec ullum aliud jus personale ad hæredem transmittitur, l. 8. §. 3. l. Aurelius 20. *cod. tit.*

3. *Ad tempus jubere, ne hæres petat*) Potest hæres damnari, ut ad certum tempus non petat. Cujus legati hic effectus est, ut hæres intra id tempus petens à debitore hæredeve ejus exceptione summoveatur. Cæterum debitor agere non potest, ut liberetur, d. l. 8. §. 1. nec per acceptilationem, quoniam acceptilatio in perpetuum obligationem tollit; nec pacto quod exceptionem perpetuam parit, cum temporalem tantum ex testamento habeat. Ut autem hæres paciscatur cum debitore, ne intra id tempus petat, intra quod testator peti vetuit, ut hoc quidem requirendum est, quia debitori inutile, nihil amplius in eum confrens, quam jam habet, exceptionem scilicet

temporalem. VINN. Quin & is præcipuus hujus legati effectus est, quod interea usuræ promissæ non debentur, l. 88. ff. *de R. j.* l. 117. ff. *de V. O.* HEIN.

TEXTUS.

De debito legato creditori.

14. *Ex contrario si debitor creditori suo quod debet, legaverit, inutile est legatum: si nihil plus est in legato, quam in debito: quia nihil amplius per legatum habet. Quod si in diem, vel sub conditione debitum ei purè legaverit, utile est legatum propter representationem. Quod si vivo testatore dies venerit, vel conditio extiterit, Papinianus scripsit, utile esse nihilominus legatum, quia semel constitit quod & verum est. Non enim placuit sententia existimantium, extinctum esse legatum, quia in eam causam pervenerit, à qua incipere non potest.*

NOTÆ.

14. *Si nihil plus in legato*) Nam ut legatum consistat, necesse est in eo aliquid utilitatis ab initio versari, l. 29. *de leg. 1.* l. 1. §. 10. *ad leg. Falc.* Alias non ex testamento agitur, sed ex pristina obligatione, *ὡς ἡπίος ἀπαράται*, Schol. Theophil.

In diem, &c.) Vel si alio quocunque modo accidat, ut plus sit in legato, quam in debito, v. l. 28. ff. *seq. de leg. 1.* aut creditoris interfit, ex testamento potius agere, quam ex pristina obligatione, l. 11. *de lib. leg.*

Quia in eam causam pervenerit) In hac sententia videtur & Paulus fuisse, l. 85. *cod. 2.* qui tamen alibi fatetur, novum non esse, ut quod semel utiliter gestum est, duret, licet ille casus extiterit, à quo initium capere non potuisset, l. 85. §. 1. *de reg. jur.*

COMMENTARIUS.

1. *Quot modis accidat, ut plus sit in legato, quam in debito?*
2. *Taxatur Ant. Fabri nimia confidentia.*
3. *Quando locus sit regula. Quod semel utiliter constitutum est, durare, licet ille casus extiterit unde incipere non potuisset? & quando locus regula contraria?*
4. *Pauli à Papiniano dissentientis sententiam à Justiniano improbari.*
5. *Jure C. & Inst. vix esse, ut non sit plus in legato, quam in debito.*

UT consistat legatum, necesse est in eo aliquid utilitatis aut commodi ab initio versari, quemadmodum sub §. 4. generaliter de-

definitivum, ex quo judicandum de legato, quod hic proponitur, si quis creditori suo quod debet legaverit; ut scilicet, si nihil utilitatis aut commodi ex eo legatarius capere possit, uti non potest; si nihil amplius est in legato, quàm in debito; legatum non valeat: sin verò emolumenti quid contineat, aut quantumque ratione plus in legato sit, quàm in debito, utile sit legatum, *l. si creditori. 28. cum l. seq. de legat. 1. l. Marcus. 66. de legat. 2. l. legat. vi. 2. §. sub fin. de lib. leg. l. 1. §. si quis. 10. ad leg. Falcid.*

In diem vel sub conditione debitum purè legetur)

Hæc exempli tantum causa proferuntur: nam longè pluribus modis, quàm his duobus accidit, ut plus sit in legato rei debita, quàm in debito; & totidem modis fit, ut legatum sit utile. Videamus ergo, quor modis id fiat.

1. Ut plus in legato sit, quàm in debito, primum efficitur debiti representatione, puta si id quod sub conditione aut in diem debetur, purè legetur: sic enim fit ut in legato plus sit tempore, *l. fin autem. 29. de legat. 1. & hoc text.* Secundo si quod loco longinquiore aut minus commodi debebatur, legetur loco citiore aut commodiore: hoc enim loco plus est in legato, quàm in debito, *d. l. 29.* Tertio ut plus sit in legato; sæpe efficit nova actio ex testamento; nempe si ea vel efficacia sit veteri, vel plenior. Efficacia est, si vetus removeri poterat, exceptione: quæ exceptio legato debito remissa creditori intelligitur, *d. l. 28. de legat. 1.* Plenior est, si vel diuturnior, ut si vetus actio est honoraria; ubi ideo legatum valet, quia honoraria actio sæpe temporaria, ex testamento civilis est & perpetua, *d. l. 28.* vel alias uberior; ut est actio ex testamento, quamvis alia actione stricti juris, propter incrementum usurarum & fructuum, *l. 3. l. usura. 34. junct. l. videmus. 38. §. si actionem. 7. de usur. l. 3. C. cod. proinde si id, quod ex stipulatu debebatur, legatum fuerit creditori, legatum utile est, *d. l. 28. §. 1.* Et generaliter toties valet hoc legatum, quoties creditoris interest, ex testamento potius agere, quàm ex pristina obligatione. *l. 11. de lib. leg.* Erratque adeo perspicuè Vvesemb. cum negat, ex eo solo videri plus esse in legato quàm in credito, quod nomine legati pinguior actio sit. Sed & in eo nonnihil commodi est, quod specie à debitor eodemque domino legatæ dominum statim in creditorem transeat, & pro sola actione personali etiam in rem habere incipiat, *l. 3. §. 2. de legat. 3.* Cæterum etsi hæc legata ob commoditatem novæ actionis sustineantur; quia tamen hære-*

ditatem non minuunt, neque ipsa minuuntur lege Falcidia, nec in his creditoris legatarii fideicommitteri potest, *d. l. 28. §. 1. d. l. 3. §. 2.* Ubi verò commodum est representationis, pro modo istius commodi Falcidia inducitur, & fideicommissum valet, *l. 1. §. si quis. 10. ad leg. Falcid. l. 2. de dot. præg.* Si exceptio metuebatur creditoris, fideicommitteri potest, *l. 7. §. ult. de legat. 3.* VINN. Potest & eatenus pinguius videri legatum, quàm debitum quod quum ex hoc actio dumtaxat personalis competat, ex legato etiam nascitur actio hypothecaria, ob hypothecam legatario competentem in rebus defuncti, *l. 1. C. comm. de legat. HEIN.*

Propter representationem) Id est, quia ex testamento præstati die debetur. Representare est ante diem aliud præstare aut solvere, vel antequam aliquid debeatur solvere. Sueton. August. c. ult. l. 1. §. 2. de dot. præg. l. Publius. 36. §. 1. de cond. & dem. Cicero epist. ad fam. lib. 16. ep. 14. Dies promissorum adest quem etiam representabo, si adveneris. Seneca epist. ad Lucil. 95. Petis à me, ut id, quod in diem suum dixeram debere referri, representem. Gloss. ver. *representare* is παρυσια πινυς representatio, *ιπαρυσιας*. Theoph. omnemque accelerationem significat; ut in illis Ciceronis: *representare improbitatem*, lib. 16. ad Attic. epist. 2. *representare libertatem*, 2. Philipp. cap. 46. Sic Curtius lib. 6. cap. 11. *representare consilium* dixit pro ante diem exequi.

Papinianus scripsit, ultilte esse nihilominus legatum) Scilicet ut nihilominus id totum, quod debetur, jure legati peti possit: non ut in eo Falcidix adhuc locus sit, aut fideicommissum creditori impositum exigere liceat; utpote sublata jam utilitate representationis, quæ sola legi & oneri locum facit. *l. 1. §. si quis. 10. ad l. Falcid. l. 7. §. ult. de legat. 3. l. 2. de dot. præg.* Quod visum monere propter confidentiam Anton. Fabri, qui lib. 4. conj. 12. contra manifestam & auctoritatem juris & rationem affirmare ausus est, etiam in hoc nostro casu, cum dies venit, aut conditio exitit, & Falcidix locum dari, & fideicommissum deberi. Falso nimirum ille contendit, cum dies aut conditio legatum facit. Falcidiam non in commodum representationis dumtaxat, sed in toto legato locum habere, legatariumque ratione totius legati fideicommissio gravari posse, temere id colligens ex verbis Papiniani in *l. 5. ad leg. Falcid.* cumque cum Paulo in *d. l. 1. §. si quis. 10. cod. & Ulp. in d. l. 7. §. ult. de legat. 3. l. 2. de dot. præg.* qui id disertè negant, nulla necessitate committens. Utique

nec rationi convenit, ut Falcidiam patiatur legatarius creditor, aut fideicommissum prætet, qui ex legato præter commoditatem novæ actionis nihil consequitur, nullumque omnino commodum in re sentit, *fac. l. si creditori 28. §. 1. de legat. 1. l. 3. §. 2. de legat. 3.* Extat responsum Papiniani *l. 5. ad leg. Falc.*

Existimantium extinctum esse legatum, quia in eam causam &c. Hic iterum, ut *sup. §. 11.* occurrit duz regulæ contrariæ, quarum una definit, *Quod semel utiliter gestum est, durare, etiam si ille casus extiterit, à quo initium capere non potuisset.* Altera contra, *Negotium extinguere, cum is casus postea incipit, unde incipere non poterat.* Hæ duz propositiones, ut constât, non possunt simul esse veræ simpliciter & in universum. Immo neutra earum perpetua est, aut vera in omnibus causis, *l. in ambiguit. 85. §. 1. de reg. jur. l. pen. §. ult. de verb. obl.* In negotiis omni ex parte perfectis, id est, quæ nihil futuri ad consummationem desiderant, sine exceptione valet prior definitio, nunquam ea, quæ utiliter sic gesta & consummata sunt, infirmari ob eam causam, quod ille casus evenierit, à quo consistere non poterant. Idque & apud omnes nunc in consensu est, & semper constitit; exempla suppetunt *l. 8. de his qui sui vel al. jur. l. oratione. 16. §. ult. de rit. nupt. l. donationes. 31. in pr. de don. l. pen. §. ult. de verb. obl.* Quod si negotii gesti jus adhuc pendeat, & ad plenam perfectionem ejus adhuc aliquid amplius desideretur, hic aliud atque aliud pro conditione casus postea incidentis placet. Nam si quod postea intervenit, tale sit, ut impediat, quominus negotium rectè cœptum ad finem perducatur, placet, quod ante gestum est, resolvi: si non impedit, durare quod bene gestum est, exitumque suum sortiri. Ut ecce, testamentum, legata, fideicommissa, etiam si ab initio utiliter constituta sint, non statim tamen ita plenè perficiuntur, ut nihil amplius ad consummationem voluntatis desideretur: reliquum enim adhuc est, ut hæres ex testamento existat, ut legatarius legatum consequatur. Finge nunc, cum, qui testamentum jure fecerat, capite postea minutum esse, servum scilicet factum, aut deportatum, aut ademptum. Dicimus, irritum fieri testamentum: nempe quia superveniente servitute, deportatione, adrogatione, conditio personæ testatoris sic mutatur, ut testamentum habere non possit, ac ne hæredem quidem omnino, *§. 4. sup. quib. mod. test. inf. l. 6. §. irritum. §. 1. & seqq. de injust. rupt. l. 8. §. 1. & seqq. qui test. fac. l. pen. §. 2. de bon. poss. sec. tab.* Finge, servo alieno quid legatum esse, cum-

que servum postea à testatore redemptum; dicimus similiter, legatum extinguere, quia id quod accidit, impedit ne legatum exitum habere possit, *l. 3. §. ult. de his qui pro non scripti.* Eiusdem generis exempla occurrunt, *l. inter. 83. §. sacram. §. de verb. obl. §. 2. inf. de inut. stip. §. pen. inf. de noxal. ad. l. falsus. 47. §. ult. de furt. l. pro parte. 11. de servit. l. si me. 11. de judic. l. huius scripturæ. 15. in junct. l. seq. ad leg. Aquil.* Sed finge, testatorem post testamentum factum incidisse in furorem aliamve mentis abalienationem, aut amisisse facultatem audiendi, loquendive, aut bonis ei interdictum. Hic contra dicimus, testamentum, quod antea rectè factum erat, nullo horum casuum infirmari; quippe quia nec furor interveniens, nec auditus semoniæ amissio, nec bonorum adempta administratio impedit, quominus testamentum exitum habeat, atque ex eo hæreditas cæteraque relicta obtineantur, utpote statum & fortunas suas testatore retinente, *§. 1. & 2. seqq. sup. quib. non est perm. fac. test. l. 6. §. 1. l. si cui. 18. qui test. fac. fusc. Don. post. DD. vulg. in d. l. pen. §. ult. de verb. obl.* Cæterum non idem omnes in omni ejusmodi specie sensibile apparere ex *l. existimo. 98. de verb. obl.* Atque in casu hic proposito, cum quis quod in diem aut sub conditione debebat, creditori suo parè legavit, & vivente testatore dies supervenit, aut conditio extitit. Paulus in *l. debitor. 21. de legat. 2.* apertè dissentit à Papiniano in *l. 1. ad leg. Falc.* Si demum jam mortuo testatore dies venerit, aut impleta sit conditio, concedit Paulus durate petitionem legati; si vivo adhuc eo, ait legatum inutile effici, quamvis ab initio consisterit. Contra Papinianum etiam si vivo testatore dies venerit, &c. utile esse hujusmodi legatum scribit, quia semel constitit. Paulus igitur ad jus hujus legati requirit, ut etiam antequam dies aut conditio existeret, testator mortuus sit: Papinianus unum tantum hic tempus testamenti spectandum, atque ex eo de vi & jure relicti statumendum, enunciat, quod consentaneum videtur regulæ Cætonianæ. Papiniani sententiam rejecta Pauli Justinianus hic amplexus est. Tota disputatio hujus §. 1. quod Compositores ipsi non animadvertenter, hodie inutilis pæne & superflua videtur: vix enim est, ut legatum debiti jam non sit utile creditori, postquam Justinianus etiam actionem hypothecariam legatariis dedit, & jus taciti pignoris in bonis defuncti, *l. 1. C. comm. de legat. ut proinde uno tantum casu nunc accidere possit, ut legatum rei debitz nihil utilitatis contineat, videlicet quando lega-*

gatus creditor etiam extra causam legati jus pignoris habet, constitutum sibi jam ante vel à debitore, vel à lege, ut in specie §. proxime sequentis. VINN. Nemo hanc rem accuratius tractasse videtur Viro eximio, Jac. Gothofredo in *Comment. ad l. 85. §. 1. ff. de R. J. p. 391.* ubi regulas has ita conciliat: 1. *Qua ex presenti vires capiunt, quaque non tantum ab initio semel confiterunt, verum etiam utiliter constituta sunt, quorumque DIES utiliter ante casum existentem CESSIT, ea durant, etsi casus extiterit, à quo initium capere non possent, nisi rei aut personæ statu essentialiter ita mutatus fuerit, ut jam adimpleri res nequeat.* 2. *Qua ex presenti vires non coeperunt, vel quamvis consistant, non tamen CONSTITUTA sunt ante casum existentem, denique quorum DIES nondum CESSIT, ea evanescent, emergente casu, à quo initium capere non potuerint.* Ex his duabus regulis egregie solvi quæstiones singulares, idem Gothofredus per iudicium ostendit, simulque docuit, dissensum veterum, quem jam Cujacius observavit, inde esse, quod non satis distinxerint illa, *negotium confisit & negotium utiliter constitutum est*: quæ diversa admodum esse, nemo non videt. HEIN.

TEXTUS.

De dote uxori legata.

15. *Sed si uxori maritus dotem legaverit, valet legatum: quia plenius est legatum, quam de dote actio. Sed si, quam non accepit, dotem legaverit, divi Severus & Antoninus rescipserunt, si quidem simpliciter legaverit, inutile esse legatum: si vero certa pecunia, vel certum corpus, aut instrumenta dotis in prælegando demonstrata sunt, valere legatum.*

NOTÆ.

15. *Plenius est legatum*) Propter representationem in dote pecuniaria, quæ annua, bima, trima die, *in aut, durat, tertia*, id est, tribus annuis pensionibus reddebatur. Ulp. tit. 6. §. 5. Hodie autem dos rerum mobilium annua die præstatur, l. un. §. 7. C. de rei ux. act. In legato immobilium est non est representatio, Ulp. d. loc. & d. l. un. valet tamen legatum propter commoditatem novæ actionis. vid. in comment.

COMMENTARIUS.

1. *Jure antiquo in relegatione dotis semper plus fuisse, quam in obligatione.*

2. *An novo jure adhuc aliquid in ejusmodi legato coimmodi?*
3. *Quid juris, si, quæ non accepta est, dos, aut simpliciter legata sit, aut demonstrata certa quantitate vel corpore?*

Si uxori maritus dotem legaverit) Exemplum legati rei debet; proinde quid hic statuendum sit, dicamus ex superiore regula, ut si plus sit in legato, quam in debito, legatum valeat; si nihil amplius, legatum sit inutile.

Quia plenius est legatum, quam de dote actio) Hæc verba arguunt, veteres semper existimavisse, plus esse in legato quam in obligatione dotis, ut proinde relegatio dotis non potuerit non jure veteri valere, *fac. tit. de dot. præleg.* Ut autem legatum plenius esset, faciebat aut utilitas representationis in dote pecuniaria, cujus repetitio dilationem habebat, ut annua, bima, trima die, *in aut, durat, tertia*, id est, tribus annuis pensionibus redderetur, legatum autem statim peti poterat, l. 1. §. 2. l. 2. d. tit. Ulpian. tit. 6. §. 5. aut commoditas novæ actionis: nam etsi ceteræ dotes statim reddebantur, teste Ulpian. d. loc. tamen dote prælegata hoc commodum sentiebat uxor, quod dominum rei dotalis statim ad eam redibat, actionemque in rem consequeretur, cum pro dote repetenda personalem tantum actionem rei uxoris haberet, *arg. l. 3. §. 2. de leg. 3.* aut si dotem sibi reddi stipulata fuerat, quod pro actione ex stipulatu consequeretur actionem ex testamento, imitantem in plerisque naturam actionum bonæ fidei: per l. si creditori. 28. §. 1. de legat. 1. Ad hæc variz olim actioni de dote objiciebantur exceptiones & retentiones; sæpe etiam dos lucro mariti cedebat, vid. Ulp. d. l. 6. l. 15. §. 1. sol. matr. l. un. §. taceat. 5. & seq. C. de rei ux. act. quibus locus non erat dote relegata. Justinianus vero jus & petitionem mulieris sic auxit d. l. un. & l. in rebus. 20. C. de jur. dot. ut non videam, quid commodi nunc ex relegatione dotis capi possit; nisi quod jure legati etiam res dotalis mobiles statim reddendæ sunt, quarum alioqui præstatio animi dilationem ex constitutione Justiniani habet, *dist. leg. unic. §. cum autem. 7. vers. ex actio.* Tentari tamen potest cum plerisque interpretibus, etiam post constitutiones Justiniani relegationem in universum utilem censi debere, propterea quod agenti ex testamento non potest objici exceptio, quam vocant competentiz. Tamen enim non omnibus hæreditibus mariti conventis actione de dote hoc beneficium competit, l. sciens-

sciendum. 25. *de re jud.* sufficit tamen, communi filio, qui patri hæres extitit, competere, *l. etiam filius. 167. solut. matr.* atque ita aliquando legatum utile esse posse, & solidum obtineri, ubi alias in id tantum fieret condemnatio, quod reus facere posset. VINN. Sed hæc commoda legati non adeo magni momenti sunt. Actionem enim realem uxor soluto matrimonio habet tamquam domina dotis. Actio ex stipulatu de dote æquè bonæ fidei & pinguis est, ac actio ex testamento, excepta representatione. Denique merito dubites an liberi beneficium competentis ob legatum hoc amittant. *vid. l. 12. l. 13. l. 18. ff. sol. matr. l. 25. de re jud. junct. l. 67. §. 8. de legat. 2.* observavit id contra Lauterbachium celeberrimus Pagenstech. in *Admonit. ad ff. Part. §. 116. HEIN.*

Si quidem simpliciter, inutile est legatum) Si dos uxori prælegata sit non designata certa quantitate aut certo corpore demonstrato, & dos nulla data sit, legatum inutile est: quia apparere non potest, quid aut quantum fuerit legatum. Neque hoc tantum in dote non accepta & simpliciter legata obtinet; sed etiam in omni simili legato incertæ rei aut quantitatis, *l. si sic legatum. 75. §. 1. de legat. 1. l. legavi. 25. sub. fin. de lib. legat. fac. l. cum post. 69. §. gener. 4. de jur. dot.*

Si verò certa pecunia, vel certum corpus, aut instrumenta) Veluti, *Centum quæ in dotem accepi*: aut, *Fundum Tusculanum, mihi in dotem datum, uxori do lego*, aut, *Centum, quæ instrumento dotali scripta sunt*, *l. 3. l. ult. C. de fals. ca. adi. leg.*

Valere legatum) *D. l. legativi. 25. in fin. de lib. leg. d. l. 3. & ult. C. de fals. ca. adi. leg. d. l. si sic legatum. 75. §. 1. in fin. de legat. 1.* Ratio aperta est, & expressa dictis locis; quia falsa demonstratio legatum non vitiatur de quo plura inf. §. huic proxima. 30. eod. Eadem ratione si major quantitas legato comprehensa sit, quàm in dotem accepta, valebit legatum etiam in id, quod acceptum excedit, *l. 6. de dot. præl.* Obstat tamen his, quæ diximus, videtur, quod Ulpianus scribit, *l. 1. §. sed & fi. 7. eod. tit.* si quis ita legaverit, *Centum, quæ in arca habeo*, aut, *quæ ille apud me deposuit*, & nihil in arca sit, aut depositum fuerit, nihil deberi; accommodans hoc ipsum ad casum dotis non acceptæ & prælegatæ. Sed rectè respondet Jo. Faber, referre, utrum legetur certa quantitas ut quantitas, an ut certum corpus aut species, veluti *Centum, quæ in arca habeo*, *l. planè. 34. §. sed hoc 4. l. sed fi. 51. de legat. 1.* Priore casu falsam demon-

strationem non nocere legato: posteriore idem juris esse, quod certo corpore, quod non extat, demonstrato, ut si quidem extet quantitas sic designata, legatum valeat, si non extet, inutile sit, *l. si servus. 108. §. qui quinque 10. de legat. 1. l. omnia. 32. §. specie. 5. de legat. 2.*

TEXTUS.

De interitu & mutatione rei legatæ.

16. *Si res legata sine facto hæredis perierit, legatario decedit. Et si servus alienus legatus sine facto hæredis manumissus fuerit, non tenetur heres. Si verò hæredis servus legatus sit, & ipse cum manumiserit, teneri eum, Julianus scripsit: non interest sciverit, an ignoraverit, à se eum legatum esse. Sed & si alii donaverit servum, & in cui donatus est, eum manumiserit, tenetur heres: quamvis ignoraverit, à se eum legatum esse.*

NOTÆ.

16. *Sine facto hæredis*) Sive naturali interitu, v. c. si servus legatus idem servus, sine morte, ut Suet. in *Jul. c. ult.* defunctus sit, sive facto alieno, nisi mora hæredis interveniens, *l. 36. §. ult. l. 47. §. ult. de legat. 1. l. 17. de verb. obl.* Vide in comment.

Legatario decedit) Et hæres liberatus, ut & cæteri debitorum, qui certam speciem debent, *d. l. 23.*

Sine facto hæredis manumissus) *L. 35. de leg. 1.* hæc enim manumissio morti proxima est, *l. 92. de solut.*

Nec interest sciverit, &c.) *l. 112. §. 1. eod. l. 128. qui & à quib. man. l. 91. §. 2. de verb. obl.* Ratio est in *l. 25. §. 2. in fin. ad Treb.*

COMMENTARIUS.

- 1 *Servi alieni qui legatus sit, manumissio heredem ita liberari, ut nec assimationem debeat, & quid si res legata evicta sit?*
- 2 *Heredem, qui servum proprium à se legatum vel ignorans manumissit, obligatum à se remanere: & cur nominatim hoc prænuñtiatur de servo hæredis proprio?*

Hujus §. doctrina pertinet ad locum communem de liberatione debitorum, quæ contingit interitu rei debitæ. Sic enim in universum jus est, ut rei debitæ interitu, qui sine facto aut culpa debitoris contingit, obligatio extinguatur ita ut nec ulla assimationis petitio superstit, *l. si ex legati. 23. de verb. obl. l. in*

ratione. 30. §. res tamen. 6. ad leg. Falc. l. cum res. 47. §. ult. de legat. 1.

Si res) Id est, res certa, species, seu certum corpus, *l. non amplius. 26. §. 1. de legat. 1. d. l. si ex legat. 23. de verb. obl. d. l. in ratione. 30. §. certis. 4. ad leg. Falc. idque ex prædicto, perierit*, satis intelligitur, quod in res certas seu species solum cadit. Nam cum res incerta, puta homo generatim, aut centum aurei, legata aut in obligationem deducta est, numquam dici potest res legata aut alias debita periisse: quoniam omnes homines vocabulo hominis, & quicumque aurei generaliter & infinite centum legato aut obligatione continentur: eoque fit, ut in his nullo rerum casu sive hæres sive quis alius debitor liberetur, *d. l. in ratione. 30. §. incerta. §. ad leg. Falc. l. incendium. 11. C. si cert. pet.* Utrum autem certa species legata sit, an quantitas instar certæ speciei, veluti centum aurei, qui in arca sunt, nihil interest *d. l. in ratione. 30. §. certis. 4. l. si certos. 37. de verb. obl.*

Sine facto hæredis perierit) Sive naturalis interitu, sive facto alieno, puta si servum legatum alius occiderit, *l. arbitrio. 18. §. ult. de dol.* Nam si ipse hæredis facto res perit, non magis id legatario nocere debet, quam cæteris creditoribus, quæ facto debitorum contingunt. Sed & si res naturali facto perierit, cæterum post moram ab hærede factam, hæredis id detrimentum erit, *l. cum servus. 39. §. 1. de legat. 1.* Certa enim est juris regula, mora interveniente, perpetuari obligationem, ut post moram re perempta nihilo secius teneatur debitor, quam si res adhuc extaret, *d. l. si ex legat. 23. de verb. obl. l. nemo. 82. §. 1. l. si servum. 39. §. sequitur. 3. cod. l. 5. de reb. cred. de quo commodius infra in materia obligationum. Ait, perierit.* Periisse non tantum res intelligitur, cum in rerum natura esse desit: verum etiam cum commercio exempta est, *§. 1. & 2. inf. de inut. stip. l. inter. 83. §. sacram. §. de verb. obl. l. si mihi. 92. de solut.*

Legatario decedit) Hoc locis compluribus traditum, *l. non amplius. 26. §. 1. l. Titia. 36. §. ult. l. cum res. 47. §. ult. l. si quis inquilinos. 112. §. 1. de legat. 1. d. l. si ex legat. 23. de verb. obl.* atque, ut superius diximus, jus est commune omnium debitorum, qui certam speciem debent.

Sine facto hæredis manumissus) Etiam servi alieni legati manumissione hæres liberatur, si nulla ejus culpa argui potest, *l. si hæres. 35. de legat. 1. l. si servum 91. §. 1. vers. fin. autem de verb. obl. l. si mihi. 92. de solut.* ubi Paulus hanc manumissionem ait morti similem esse: scilicet quia manumissione servus commercio

eximitur. Quare nec æstimationem præstare hæres tenetur, quam præstare cogitur, cum res adhuc extat, eamque dominus non vult vendere, *§. 4. sup.* Quid si res legata non perempta, sed legatario evicta sit? Et si quidem ex causa pignoris evicta sit à creditore, hæres obligatus manet: nec interest, generaliter res legata sit, an una aliqua specialiter & certa; nam nec illo casu sufficit rem talem dare qualis est; sed ita dare oportet; ut eam habere liceat, *l. qui concubinam. 29. §. pen. de legat. 3. l. si à substituto. 45. §. 1. cod. 1. & hoc casu tenetur hæres rem obligatam nexu pignoris liberare, §. 5. sup.* Sin autem evicta fuerit à domino ut res aliena, hic interest, in genere res legata sit, an in specie; nam si in genere, & hæres rem unam aliquam ex eo genere dederit, quæ postea à domino evincatur, non liberabitur, ob eandem scilicet causam, quam modo dixi: si verò in specie, puta Stichus aut Pamphilus, sic distinguendum est; ut si testator eam rem tamquam alienam legaverit, teneatur hæres eam redimere, aut æstimationem ejus dare; *§. 4. sup.* si tamquam suam, placet hæredem liberari, modo præstet rem talem, qualis apud testatorem fuit, *l. cum pater. 77. §. evicti. 8. de legat. 2.*

Hæredis servus legatus, & ipse cum manumiserit) Si hæres servum proprium à se legatum manumiserit, obligatus remanet, & tenetur in ejus æstimationem, perinde quasi occidisset; nec refert, sciverit, an ignoraverit à se legatum esse, *l. si quis inquilinos. 112. §. 1. de legat. 1. l. hæres. 28. qui & à quib. man.* quippe etiam manumissione res interire intelligitur, quia definit esse in commercio, & nemo suo se facto obligatione liberare, alterique damnum afferre potest, *l. quidam. 25. §. 2. in fin. ad sen. Trebell. l. si servum 91. de verb. obl.* Quod ergo dicitur in *d. l. hæres. 28. qui & à quib. man.* hæredem servum proprium quem testator legaverat, manumittendo nihil agere, ad effectum liberationis, non ad effectum libertatis referendum: ut nihil agere dicatur, quia manumittendo non efficit, quominus obligatus maneat, quod etiam Accurs. observavit. Non obstat hujus sententiæ, quod excusatur ignorantis ejus, qui servum indebitum sibi datum manumisit, *l. in summa. 65. §. pen. de cond. ind.* Nam indebiti conditio, utpote quæ ex bono & æquo introducta est, nihil revocare consuevit, præter iniquum lucrum, *l. pen. cod. tit.* Cur verò Justinianus hoc loco, & Jurisconsulti *d. l. si quis inquilinos. 112. §. 1. & d. l. hæres. 28.* nominatim loquuntur de servo hæredis proprio? Nimirum quia hæres servum

testatoris à se legatum aut per fideicommissum alteri relictum ne manumittere quidem potest, sicut nec quamvis aliam rem, quam restituere iussus est, alienandi potestatem habet, l. ult. §. 2. C. comm. de legat. Quin et si sub conditione servus testatoris legatus fuerit, licet pendente conditione pleno jure hæredis sit, placet tamen, libertatem ab hærede consequi non posse, l. generaliter. 19. §. 1. qui & à quib. man. Sed quid est igitur, quod Paulus sit, l. si servum. 91. §. 2. de verb. obl. scribit, Julianum putasse, teneri hæredem, qui, cum nesciret, à se peritum codicillis ut restitueret, manumissit? Nam libertate non procedente, non potest dici manumississe. Respondum ipsum Juliani, quod extat in l. quidam. 25. §. 2. ad sen. Treb. rem expedit. Non ait Julianus servum hæreditarium ab hærede legatum, aut quem nominatim hæres restituere rogatus est, posse manumissione hæredis liberum fieri: sed posse hæredem, qui hæreditatem restituere iussus est, servum, qui ex ea hæreditate sit, manumittere, ut tamen obligatus maneat, pretiumque servi fideicommissario præster. Inter quæ multum interest. Nam cum servus hæreditarius certus specialiter legatus est, manifestum est, testatorem velle hanc ipsam servum præstari, non æstimationem ejus. At in fideicommissio hæreditatis potest favore alicujus rei, quæ in ea hæreditate sit, alia interpretatio voluntatis recipi, quasi ad sensum testatoris nihil intersit, utrum res ipsa, an æstimation præstetur.

Sed & si alii donaverit, & is cum manumiserit, &c.) Hæres, qui servum proprium à se legatum alteri donavit, quamvis cum à se legatum ignoret, tamen si is, cui donatus est, eum manumiserit, tenetur in servi æstimationem, d. l. si quis inquilinos. 112. §. 1. de legat. 1. Ratio eadem, quæ in specie præcedente; qui factio hæredis accidit, ut servus commercio sit exemptus; quod alteri damnum afferre non debet. Tantum hic non proxima, sed remota causa hæres est.

TEXTUS.

De interitu quarumdam ex pluribus rebus legatis.

17. Si quis ancillas cum suis natis legaverit, etiamsi ancilla mortua fuerint, partus legato cedunt. Idem est & si ordinarii servi cum vicariis legati fuerint: quia licet mortui sint ordinarii, tamen vicarii legato cedunt. Sed si servus fuerit cum peculio legatus, mortuo servo, vel manumisso,

vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

NOTÆ.

17. Idem est, si ordinarii cum vicariis) Nam vicarii hic non considerantur, ut pars peculii ordinariorum, sed ut eorum conservi, ut & revera sunt, l. 9. d. tit. itaque etiam in hac specie duo sunt legata separata, l. 4. d. tit. Sed si servus cum peculio, &c.) L. 1. d. tit. Ratio est, quia peculium accessionis locum obtinet, cujusmodi, perempta re principali, & ipsa extingui solent, l. 2. d. t. l. 178. de reg. jur.

Idem est, si fundus instructus) Quia nec hic duo sunt separata & principalia legata, sed unum rei principalis, alterum accessionis: spectanda tamen mens testatoris, l. 1. §. 1. l. 5. de instr. vel instrum. leg.

COMMENTARIUS.

- 1 Si ancilla cum suis natis legata sit, duo intelligi legata separata & aequè principalia.
- 2 Idem esse, si servus cum vicariis suis legatus sit.
- 3 Secus, si servus cum peculio, aut penus cum vasis.
- 4 Aut si fundus instructus, vel cum instrumento.
- 5 Paulus cum Justiniano conciliatus.

Hoc. §. & 3. seqq. docetur, quid juris sit, si rei legatæ vivo testatore vel decesserit aliquid vel accesserit. Si aliquid decesserit, ita jus est, ut neque legatum extinguatur, nisi quod decesserit, sit principale, reliquum accessorium; neque hæres teneatur supplere, quod decessit, sed præstatione ejus quod superest, liberetur. Hæc res quatuor exemplis declaratur; legati ancillæ cum suis natis; servorum ordinariorum cum vicariis, hoc §. legati gregis, §. seq. legati peculii, §. 20. Ceterum, ut dixi, ita quod superest, legato cedit, si id quoque principaliter legatum sit, non si ut accessio ejus, quod decessit: nam perempta re principali etiam legatum accessionis extinguitur; quod ostenditur hoc §. exemplo legati servi cum peculio; item fundi cum instrumento legati. Si quid accesserit, placet etiam illud legato cedere: cujus rei tria exempla proferuntur, legati gregis, qui postea adjecta plura capita §. seq. legati ædium, quibus adjectæ columnæ & marmora, §. 19. legati peculii, cui deinde aliquid accessit, d. §. 20. Latè autem hic locus patet. Nam huc etiam per-

pertinent fructus, usurae, pensiones praediorum, partus, foetus, alluvio, insula inconfinita nata, & plura alia, quae hic non tangit Justinianus, l. 8. l. quod in rerum. 24. §. 2. & 3. l. cum servus. 39. §. 1. de legat. 1. l. 10. l. si area. 39. de legat. 2. l. si sepe. 16. cod. 3.

Partus legato cedunt L. si ancilla 62. cum l. seq. de legat. 1. Poterat videri unum hic esse legatum principale, alterum, natorum scilicet, accessorium: quod etiam Servio visum fuit, qui ob id, mortua ancilla, negabat partum deberi. Sed revera liberi matris accessio non sunt: statim enim ut sunt editi, separatam plane habent existetiam & ideo recte Paulus scribit, duo hic esse legata separata, hoc est, quæ principalia, l. 3. de pec. leg. & Celsus in l. si ancilla. 63. de legat. 1. sententiam Servii ut falsam nec voluntati defuncti accommodatam rejicit. Ego quoque sententiam Jo. Fabri & Aretini falsam esse puto, & voluntati testatoris minimè consentaneam, qui existimat, si pecudes cum foetu legatæ fuerint, morte pecudum legatum foetus tamquam accessorium extingui. VINN. Genuina ratio, cur nec ancillæ partus, nec foetus animalis hic pro accessione ancillæ, vel animalis haberentur, hac esse videtur, quia post partum non pertinent ad ancillam vel animal, sed ad dominium, adeoque hujus respectu utraque res erat separata, utraque principalis, nullaque remanebat inter matrem & foetum connexio. HEIN.

Idem est, si ordinarii cum vicariis) Hic eadem dubitatio occurrit, quæ in casu præcedenti: nam ut peculium servi accessio est, ita & servi vicarii, qui sunt in peculio ordinariorum, l. 17. de pecul. etiam horum accessio videntur, ac proinde, his mortuis, illos ex legato non deberi. Illud utique certum est, mortuo servo ordinario, qui cum peculio legatus est, peculii legatum ita extingui, ut nec vicarii, qui in ejus peculio sunt, debeantur. Et sanè fatendum est, servos vicarios accessionis locum obtinere, quatenus considerantur, ut pars peculii ordinariorum: cæterum ex se non sunt, sed revera ordinariorum conservi, l. 9. de pec. leg. Atque ut tales considerantur in casu proposito, cum diserte cum ordinariis & ipsi legantur, ut hic quoque sint duo legata separata, & vicarii quæ principaliter ut ordinarii legati intelligantur, l. 4. d. tit.

Sed si servus cum peculio) Servo legato cum peculio, & alienato vel manumisso, aut mortuo legatum etiam peculii extinguitur l. 1. de pec. leg. Cur tam variè? quia peculium accessionis locum obtinet: cujus conditionis quæ sunt, extingui solent, cum principales res per-

emptæ fuerint: ratio redditæ à Cajo in l. 2. d. tit. Eadem ratione placet, & penu certa cum vasis legata, consumpta, ne vasa quidem deberi, l. 2. l. 4. in pr. de pen. leg. Hoc tamen inter peculium & vasa penuria inter: est, quod peculium non est simplex & mera accessio, quæ necessario servum sequatur: quippe si simpliciter servus legatus sit, peculium legato non cedit, l. si legatus. 24. de pec. leg. Sed vasa penuria pura puta sunt accessio; & ideo penu simpliciter legata, vasa quoque, sine quibus rectè penus haberi non potest, legato continentur, l. 3. §. ult. d. l. 4. pr. de pen. legat.

Si fundus instructus, vel cum instrumento) Exemplum simile proximè præcedenti: ideo enim fundo cum instrumento legato & alienato etiam legatum instrumenti extinguitur: quia hic non sunt duo diversa & separata legata, sed unum rei principalis, alterum accessionis & sequelæ. Nam instrumentum fundi accessio est. Et si quidem sic aliquis legaverit fundum cum instrumento, alienato fundo instrumentum peti non posse semper constitit, l. 1. §. 1. l. 5. de instr. vel instrum. leg. Cæterum an idem sit, si sic legaverit, fundum & instrumentum, aut, fundum instructum, non satis convenit. Labeo lib. 1. pithan. putat, inter omnes hæc scripturas nihil interesse, l. 5. de instrum. leg. Justinianus quoque hoc loco idem prædicat de legato fundi instructi & legato fundi cum instrumento. Denique & Paulus eadem duo ut eandem vim habentia conjungit, d. l. 1. in pr. cod. tit. Verùm idem Paulus in notis ad Labeonem d. l. 5. hanc scripturam, fundum cum instrumento, à cæteris diserte separat sic ut dicat, ex illa scriptura, fundo alienato, nihil deberi: ex duabus reliquis posse instrumentum esse legatum. Equivarius Baro existimat, Paulum cum Justiniano nullo modo conciliari posse. Hotomanus etiam secum pugnare, atque ex insita sibi cum Labeone similitudine solo Labeonis redarguendi studio contrarium respondisse. Verum ego, ut fatear, Paulum eo genere morbi laborasse, eoque correptum aliquando non satis bona fide cum Labeone agere, ut videre est in l. pen. §. 1. & 2. de acq. rer. dom. l. ult. de usuc. & fortassis sic etiam Labeonem ab eo tractari in d. l. 5. non arbitror tamen aut secum cum pugnare, aut cum Justiniano. Labeo dixerat, inter superiores scripturas omnes nihil interesse. Paulus ait, interesse: nam ex hac scriptura, fundum cum instrumento, alienato fundo, nihil deberi: ex his fundum & instrumentum, vel fundum instructum, posse in-

strumentum esse legatum. Quasi dicat, in hac specie, cum fundus cum instrumento legatus est; tam perspicuum est, testatorem instrumentum accessionis loco habuisse, ut alienato postea fundo, frustra de mente testatoris, quod ad legatum instrumenti attinet, dispute- tur: quod ipse d. l. 1. §. de instrum. leg. sic expres- sit, *fundo cum instrumento legato & alienato, in- strumento non vindicabitur ex sententia defuncti*. Cum autem fundus & instrumentum, aut fun- dus instructus legatus est, licet regulariter etiam utroque hoc casu legatum instrumenti pro accessorio habeatur, eoque alienato fun- do legatum instrumenti evanescat; tamen quia mens testatoris hic non tam plana ac perspicua est, quam in specie superiore, ideo admitti posse questionem voluntatis, & tentari fundo alienato nihilominus instrumentum, tamquam separatim atque æquè principaliter legatum, ex sententia testatoris deberi, eoque probato, legatarium vincere, non pugnat igitur secum Paulus, cum in d. l. 1. in pr. ait, sive cum instrumento fundus legatus sit, sive instructus, duo legata intelligi: nam in illa specie alte- rum semper accessorium est, in hac potest utrumque esse principale. Sed nec cum Justi- niano, quippe qui quod regulare est, hic tan- tum proposuit: quod & fecit Labeo d. l. 1. §. quem idcirco explicari potius à Paulo, quam taxari oportuit. Ad hunc ferme modum hæc quoque componunt Cujac. Wesemb. post Bart. d. l. 1. §. aliter l. 30. ibid. Myns. Balduin. bte. Quanto plenius si legatum fundi in- structi, quam fundi cum instrumento, docet Ulpian. l. questum. 12. §. si suppellex. 15. & §. sed si fundus. 27. cum seqq. de instrum. vel in- strum. legat.

TEXTUS.

De grege Legato.

18. Si grex legatus fuerit, & postea ad unam ovem perveneris, quod superfuert vindicari potest. Grege autem legato etiam eas oves, quæ post testa- mentum factum gregi adjiciuntur, legato cedere Ju- lianus ait. Est autem gregis unum corpus ex dis- tantibus capitibus; sicut adium unum corpus est ex coarentibus lapidibus.

NOTÆ.

18. Si grex legatus, &c. quod superfuert vin- dicari) Quamvis grex esse desierit, quæ ratio est dubitandi, l. 22. de legat. 1. Sed nimirum qui gregem legat, etiam singula capita, quæ in eo grege sunt, ut partes totius legare intel-

ligitur, per l. 113. de reg. jur. Aliud juris est in legato usufr. gregis, l. ult. quib. mod. uf. am. quia usufructus rei mutatione extingui- tur, v. sup. §. pen. de usufr.

Unum corpus) De generibus corporum vid. l. 30. de usurp. & usuc.

COMMENTARIUS.

1 Ratio dubitandi circa priorem speciem hujus §. & cur non idem in legato usufructu gregis remissivè.

2 Ratio exempli posterioris.

Grege legato, si numerus ovium decreve- rit, tamen quæ supersunt capita debentur, etiam si unica tantum ovium reliqua sit, l. si grege. 22. de legat. 1. Quo loco Pomponius etiam dubitandi causam significat: quæ hæc esse poterat, quod rei legatæ interitu legatum extinguitur, §. si res. 16. sup. eod. Etenim grex est neque accretione neque decrectione mutetur, sed idem maneat, l. si cum. 21. §. 1. de exc. rei jud. tamen ubi decrevit usque ad numerum minorem decem, interitus cen- setur, quia iste numerus gregem non consti- tuit, l. ult. de abig. l. ult. quib. mod. uf. am. vid. l. 65. §. 1. de leg. 2. Fabrot. ad Th. b. l. 79. de leg. 3. Gregem autem legavit testa- tor, non separatim singula capita, quæ aliud sunt, quam grex, l. 1. in fin. de rei vind. Dicendum est, cum, qui gregem legat, omnia capita, quæ in eo grege sunt, legare intelli- gi, atque ideo quicquid ex grege superest, die legati cedente, legatario deberi. Licet enim capita, quæ supersunt, pauciora sint, quam ut per se gregem constituent, tamen quotquot supersunt, pars sunt aut fuerunt illius gregis, qui legatus est; ac proinde etiam legato continetur, l. in toto. 113. de reg. jur. Nam nec area insula est: & tamen si insula legata com- busta sit, responsum est, arcem adhuc vin- dicari posse, d. l. si grege. 22. Nimirum quia area pars est aut fuit rei legatæ, id est, insu- læ, l. qui res. 98. §. arcem. §. vers. non est. de solus. Nec est contrarium, quod traditur in l. ult. quib. mod. uf. am. usufructum gregis legatum, si in eum numerum pecus reciderit, quod grex constare non potest, perire. Aliud enim longè juris est in legato gregis, aliud in legato usufructu gregis. Diversitatis rationem alibi diligenter exposui sub §. pen. sup. de usufr.

Ad unam ovem) Quamvis unica hæc ovis gre- gem non constituat, id est, universitatem mul- torum capitum; est tamen unum ex capitibus illis, quæ gregem constituiebant, ac proinde pars

pars rei legatz. Vide & l. peculium. 63. §. 1. de leg. 2. l. si cborus. 79. de leg. 3. Fabrot. ad Theoph. hic

2. Post testamentum gregi adjiciuntur) Exemplum contrarium, cum rei legatz vivo testatore aliquid accessit. Cui grex legatus est, ad eum etiam omnia capita pertinent, quæ postea gregi adjecta sunt, l. grege. 21. de legat. 1. Ratio est, quia testator non illum gregem, quantus tunc erat, sed planè quantulumque erit, cum dies legati cedet, legasse intelligitur. In summa grex legatario crescit & decrescit. Eademque ratio legati armenti & equitii.

Unum corpus ex distantibus capitibus) Ut ædium, sic etiam gregis unum corpus est: verum illud *conmixtum*, id est, *connexum*, atque ex pluribus partibus inter se cohærentibus constans; hoc *discretum, disjunctum*, constans ex pluribus corporibus distantibus, ut populus, legio, collegium, l. in rem. 23. §. item quacumque 5. de rei vind. l. rerum. 30. de usuc.

TEXTUS.

De ædibus legatis.

19. *Ædibus denique legatis, columnas & marmora, quæ post testamentum factum adjecta sunt, legato dicimus cedere.*

COMMENTARIUS.

1. Si area legata domus imposita sit, superficiem simul cum solo deberi. Et quid si res legata in aliam speciem mutata sit?

1. Aliud exemplum argumenti rei legatz. Per columnas autem & marmora quilibet additamenta intelligenda sunt, l. cetera 41. §. item. 9. & seqq. de legat. 1. Sed & si area legatz domus imposita sit, placet domum, hoc est, & solum & superficiem deberi, ut discretè traditum est in l. si area. 39. de legat. 2. & l. si servum. 44. §. si area 4. de legat. 1. ubi hæc quidem additur exceptio, nisi testator mutavit voluntatem: sed exceptio illa confirmat, solo eo facto testatorem voluntatem mutasse non videri; ac proinde in dubio aream cum superficie deberi. Quippe cui superficies etiam alias jure accessionis cedit; ut res aucta potius, quam mutata videatur, §. cum in suo. 29. & seqq. sup. de rev. div. l. qui res. 98. §. ult. de solut. Est contrarium, quod apud Cajum scriptum est, si domo, quæ legata erat, destructa, aliam eodem loco testator ædificaverit, legatum non deberi, l. si ita legatum

65. §. ult. de legat. 1. quia destructione rei legatz legatum interit, veluti si domum legatam testator diruat, navem legatam dissolvat, l. lana 88. §. 2. de legat. 3. Nova autem domus non debetur, quia non intelligitur legata; nisi aliud testatorem sensisse fuerit approbatum. Magis obstat locus Celsi in l. si cborus. 79. §. pen. de legat. 3. & omnino adversatur, nisi hæc Celsi verba *quamquam tunc peti non poterat*, per concessionem accipiantur: ut sit hic sensus, quamvis ponatur is casus, quo tunc, id est, stante ædificio, legatum peti non potuit, uti non potest, cum constat testatorem sic ædificasse, ut nollet domum deberi; quæ exceptio est d. l. servum 44. §. si area. 4. de legat. 1. tamen nunc, id est, ædificio destructo, posse aream peti: quia mutatio voluntatis tantum in eo fuit, ne domus deberetur: ita Duar. ad l. 8. de leg. 1. Don. 8. comm. 17. Quod si res legata in aliam speciem mutata fuerit, si quidem ea species ad pristinam materiam redire non potest, veluti si ex marmore statua, ex lana legata vestis, ex materia legata navis facta sit, legatum intercidit, l. quasitum 78. §. illud 4. d. l. lana 88. pr. & §. 1. de legat. 3. Si verò species, in quam res translata est, in suum initium redigi potest, veluti si massa legata, scyphi ex ea facti sint, placet consistere legatum, atque in hujusmodi materiam prævalere, d. l. quasitum 78. §. illud. 4. d. l. lana 88. §. ult. fac. §. cum ex aliena. 25. sup. de rev. div. nisi tamen aut hic hæres probet, testatorem a legato recessisse, aut illic legatarius probet, non recessisse: quomodo accipi debet Ulp. in d. l. servum 44. §. si pocula. 2. de legat. 1. adi Don. d. cap. 17. Cujac. 5. ad Africani in l. qui usumfructum 36. de usuf. & 23. obs. 22.

TEXTUS.

De peculio.

20. Si peculium legatum fuerit, sine dubio quicquid peculio accedit, vel decedit vivo testatore, legatarii lucro vel damno est. Quod si post mortem testatoris ante aditam hæreditatem aliquid servus acqvisierit. Julianus ait, siquidem ipsi manumisso peculium legatum fuerit, omne quod ante aditam hæreditatem acqvisitum est, legatario cedere; quia hujusmodi legati dies ab adita hæreditate cedit: sed si extraneo peculium legatum fuerit, non cedere ea legato, nisi ex rebus peculiaribus auctum fuerit peculium. Peculium autem, nisi legatum fuerit, manumisso non debetur: quamvis si vivus manumiserit, sufficit, si non adiun-

tur,

Bbbb 2

sur, & ita divi Severus & Antoninus rescripserunt. Idem rescripserunt, peculio legato, non videri id relictum; ut petitionem habeas pecunia, quam in rationes dominicas impenderit. Idem rescripserunt, peculium videri legatum, cum rationibus redditus liber esse iussus est, & ex eo reliqua inferre.

NOTÆ.

20. Sufficit, si non adimatur) Hoc enim ipso, quod dominus peculium apud jam liberum factum manere patitur, non obscurè id ei donat, l. 53. de pecul. l. un. C. de pec. ejus, qui lib. mer.

Quam in rationes dominicas) Hoc ideo, quia quod dominus servo debet, verum debitum non est, quamvis peculium augeat, l. 6. §. 4. de pec. leg. l. 7. §. pen. de pecul.

COMMENTARIUS.

1. Cujus lucro vel damno sit, quod peculio legato, vivo testatore accedit aut deedit?
2. Cur placet, si servo manumisso peculium legatum sit, etiam quod post mortem testatoris ante aditam hereditatem extrinsecus accesserit, legato cedere: si extraneo, non item?
3. Explicatur l. 8. §. ult. de pecul. legat.
4. Cur servo testamento manumisso peculium non debeatur, nisi legatum sit: inter vivos manumissum sequatur, nisi ademptum fuerit?
5. Legatio peculii non contineri, quod servus domino expensum tulit.
6. Peculium legatum videri ei, qui rationibus reliquisque redditus liber esse iussus est.

Multa ex hoc §. discimus. Primum, cujus lucro vel damno cedat augmentum vel diminutio peculii legati: deinde servo, qui peculium habet, manumisso, quem peculium sequatur: tum legato peculii an contineatur, quod expensum in rationes dominicas: postremo, qui rationibus reliquisque redditus liber esse iussus est, an peculium ei legatum intelligatur.

Accedit vel deedit vivo testatore) Peculium est instar universi alicujus patrimonii, in quo sunt corpora & nomina ac jura, seu credita & debita. Palsim sit, de pecul. unde sit, ut facile & diminutionem & incrementum recipiat, l. peculium 65. pr. de legat. 2. Papyrius Fronto dicebat peculium simile esse homini: quippe nasci, crescere, decrescere, mori, l. peculium 40. de pecul. Ait, vivo testatore. Neque hic distinguitur, utrum ipsi servo manumisso peculium legatum sit, an extraneo: ne-

que etiam, utrum ex rebus peculiaribus autum sit peculium, an extrinsecus. Ratio est, quia quamdiu testator vivit, nullo casu dies legati cedit, id est, nihil dum deberi intelligitur.

Quod si post mortem testatoris, &c.) Si post mortem testatoris ante aditam hereditatem autum fuerit peculium, hic interest, ipsi servo manumisso peculium legatum sit, an extraneo: deinde si extraneo, utrum autum sit peculium ex rebus ipsis peculiaribus, puta ex partu ancillarum, vel fortè pecorum; an quid aliunde peculio accesserit, puta ex operis aut quæstu servi, ex donationibus aut legatis. Si ipsi servo manumisso peculium legatum sit, placet, omne argumentum legato cedere: si extraneo, incrementa ex rebus peculiaribus dumtaxat; cætera non deberi, sed ad heredem pertinere, l. 8. §. ult. de pec. leg. & hoc nostris text. Rationem diversis juris mox audiemus.

Quia hujusmodi legati dies ab adita hereditate cedit) Ratio cur placeat in casu, quod ipsi servo peculium legatum est, etiam id, quod jacente hereditate ex operis ejus vel ex alia re non peculiari accedit, ipsius lucro esse. Unde quoque simul intelligimus, cur in casu opposito penes heredem illud maneat. Nimirum sic in universum jus est, ut cum quantitas, quantum sit in legato, id tempus inspicitur, quo dies legati cedit, l. 8. §. ult. de pec. leg. id est, cum res legata deberi incipit, l. cedit. 213. de verb. sign. neque enim autè ad legatarium quicquam pertinere potest. Proinde si ante diem legati cedentem quovis modo autum fuerit legatum, etiam augmentum illud legatario deberetur: si post diem cedentem; id solum, quod res ipsa ex se producit. Jam verò quando ipsi servo manumisso peculium legatum est, tam peculii legati, quam libertatis dies ab adita demum hereditate cedit, l. 7. in fin. cum l. seq. quand. dies legat. quando autem extraneo, cedit statim à morte testatoris, sicut in cæteris omnibus legatis, exceptis conditionalibus, & quæ ad heredem non transeunt, l. 2. cum 3. seqq. d. tit. l. un. §. in universum. 5. & §. seq. C. de cad. toll. Consentaneum igitur omnino est, ut peculium legato servo crescat, camque sequatur cum omni argumento usque ad aditam hereditatem: extraneo augeatur quovis quidem modo usque ad tempus mortis testatoris; ceterum quod jacente hereditate extrinsecus accedit, heredis lucro sit. Quod tamen diximus, peculii legati diem extraneo cedere ex mortis testatoris tempore, ei aperte adversatur, quod ex Juliani sententia Ulpianus in l. denique 8. §. ult. de pecul.

cul. legat. scribit, si ipse servo peculium legatur, tempus spectandum quo dies legati cedit: si vero extraneo, mortis tempus. Ergo in extraneo mortis tempus non est illud, quo dies legati peculii cedit. Paucissimi sunt interpretes, qui hoc animadverterunt: & tamen locus iste cum aliis omnibus, quibus pro certo jure traditur, diem legati cedere à tempore mortis testatoris, tam manifestè pugnat, ut sine inculpatione Compilatorum pugna hæc sedari non possit. Quid ergo dicimus? Nimirum Ulpianum cum Juliano respondisse secundum jus suorum temporum & legatus consulta, quæ circa legem Papiam facta sunt, ex quibus dies legatorum non à morte testatoris, sed ab apertura tabularum cedebat, d. l. un. §. 1. C. de cad. toll. Quam ob causam etiam aliam hujus differentie rationem asserunt petitam à conjectura voluntatis testatoris. Id verò antiqui juris vestigium oculos ac manus consarcinatorum fugisse. VINN. Id & alibi factum, veluti in l. 104. & l. 31. ff. de constit. & demonstr. l. fin. ff. de donat. mort. caus. l. 3. §. ult. & l. 42. ff. de hered. inst. Quæ loca jam notavit Cujac. ad Ulpian. *Fragm. tit. 24. §. 31.* HEIN.

Nisi ex rebus peculiaribus) Puta ex partu peculiarium ancillarum fœtue pecorum, d. l. 8. §. ult. de pecul. leg. Hoc enim cum accedit, ipsum peculium ex se augetur atque amplificatur: ut hujusmodi augmentum etiam post diem legati cedentem contingens merito legatarium lequatur, arg. §. item ea. 19. sup. de rer. div. l. 6. de acq. rer. dom.

Peculium autem, nisi legatum, &c. quamvis sit inter vivos) Servo testamento manumisso-peculium, nisi nominatim ei legatum fuerit, non debetur, l. si legatur. 24. de pec. leg. At eum, qui inter vivos manumittitur, placet peculium sequi, si non adimatur, l. si Stichus. §. 3. de pecul. l. un. C. de pecul. ejus qui lib. mer. Quæritur ratio differentie. Glossa ex Joanne hanc affert, quod inter vivos manumissus operas patrono debeat, in quorum compensationem peculium ei relictum credendum sit: libertus autem Orcinus neque hæredi neque ulli alii operas præstare teneatur. Schneidvinius ex Jo. Fabro hanc, quod dominus servum, quem inter vivos manumittit, majori affectione prosequatur, quam quem testamento, ac proinde etiam majorem erga illum exercere intelligatur liberalitatem, quam erga hunc, cui libertatem uti id tempus confert, quo rebus suis amplius uti non potest. Hinc esse, quod plus mereri dicatur, qui vivens dat elemosynam, quam qui moriens, &c. Sed quid nodum in scirpo quærimus? Peculium servo vindicta,

verbi causa, manumisso relictum, eum neque ut compensatio operarum sequitur; quippe quas etiam adempto peculio præstaret, neque quia major putatur esse affectio domini erga servum, quem vindicta, quam quem testamento manumittit: licet enim hoc verum sit, tamen, cum morientes longè simus liberaliores, quam viventes & adhuc valentes, liberalior quoque ac prolixior interpretatio convenit voluncati morientium, quam viventium, l. in testamentis. 12. de reg. jur. Denique & cum testamento & cum vindicta servus manumittitur, missio ipsa præter libertatem nihil ei tribuit: est enim manumissio non peculii datio, sed libertatis. Sed quod vindicta manumissum peculium sequi placet, si id ei non adimatur, hanc rationem habet, quod duplex in tali casu donatio est; una expressa, libertatis; altera tacita; minimè tamen obscura, peculii. Etenim cum dominus manumisso peculium non adimit, sed id eum jam liberum sibi habere permittit, hoc ipso non obscure id ei donat ac concedit, cum si donatum nollet, posset adimere. Hoc verò in manumissum testamento quadrare non potest, qui non nisi post mortem testatoris libertatem consequitur, hoc est, eo tempore, quo qui libertatem dedit, peculium liberto relinquere non potest: & quia cum poterat, nominatim non reliquit, ideo id apud hæredem suum cum cætero jurè manere voluisse censetur. *fac. d. l. si Stichus. §. 3. de pecul. d. l. de pecul. ejus qui lib.*

Petitionem pecunia, quam in res dominicas) Quamvis, quod servus domino expressum tulit, id est, quod ei dominus debet, peculium servi augeat, veniatque in actionem de peculio, l. 7. §. pen. de pecul. tamen quia verum debitum non est, nec ex ea causa actio servo competere potest, placet peculio legato id non contineri, l. 6. §. ficut. 4. de pecul. leg. Quin etiam responsum est, si servo inter vivos manumisso peculium ademptum non sit, ac proinde concessum, tamen cum debitores peculiares convenire non posse, nisi mandatis sibi actionibus, d. l. si Stichus. §. 3. de pecul. adeoque verum videtur, quod Theophilus scribit, peculio legato, τὰ ἐν προσηγορίᾳ ὡς καὶ ἐν ἰσχυρῇ, quæ in promptu & in parato sunt, dum taxat dominum legasse censeri.

Et ex eo reliqua inferre) Ex eo solo quod quis servum suum liberum esse jussit, si rationes reddidisset, peculium ei legatum defendi non potest: nam nec si vetuisset testator rationes ab eo exigere, peculium ei legatum censeretur, l. dominus 23. §. 2. de pec. leg. Cæterum & si rationibus redditus, reliqua, id est, quæ

putatis rationibus domino eum debere compertum fuerit, de peculio solvere, aut certam summam hæredibus inferre iussus sit, ei quod in peculio superest, legatum intelligitur, l. 8. §. *interdum* 7. d. tit. Nam qui servum ex peculio, quod debet, aut partem peculii inferre iussit, non potest non videri de cætero aliter sensisse, per l. *quæritur* 12. §. *idem respondit* 43. vers. denique Neratius, de instrum. vel instrum. legat.

TEXTUS.

De rebus corporalibus, & incorporalibus.

21. Tam autem corporales res legari possunt quam incorporales: & ideo quod defuncto debetur, potest alicui legari, ut actiones suas hæres legatario præstet; nisi exegerit vivus testator pecuniam. Nam hoc casu legatum extinguitur. Sed & tale legatum valet: Damnas cito hæres meus domum illius reficere: vel, illum ære alieno liberare.

NOTA.

Actiones legatario præstet) D. l. 43. §. 9. d. l. 75. §. 2. eod. 1. Sed & non expectata cessione actionum directarum utilis usus nomine experiri potest, l. 18. C. eod.

COMMENTARIUS.

- 1 Legato nominis quid contineatur?
- 2 Extingui hoc legatum, si dum vivit testator, debitum exactum fuerit, aut etiam ultro solutum; & quare?
- 3 Admissi tamen hic probationem non mutata voluntatis ex facti circumstantiis.
- 4 Quid iuris, si cum debitum peti coëptum esset, testator inter moras iudicii, aut nondum facta solutione decesserit?
- 5 Etiam facta legari posse, ut qui iussus est facere, parere debeat; & quibus conditionibus?

Concludi hic videtur locus de rebus, quæ recte legentur. Duo autem sunt, quæ hoc §. docemur. Unum est, posse legari tam res incorporales, quam corporales. In textu trajectio est. Alterum, non solum res, quæ propriè & specialiter dicuntur, legari posse, sed etiam facta.

Quam incorporales) Non modo res corporales, ut fundus, ædes, homo, vestis, aurum, argentum, pecunia numerata, &c. legari possunt: sed etiam incorporales, ut usus, usufructus,

fructus, servitutes prædiorum, pars hæreditatis, aut bonorum liberatio, actio seu nomen debitoris. Et hoc est, quod Iuriconsultus ait, & corpora omnia & jura & servitutes legari posse, l. cætera 47. in pr. de legat. 1. Quid usu, usufructu, quid servitute legata legato contineatur, explicatur propriis tit. in π^o quid legata parte hæreditatis, l. 8. §. ult. de legat. 2. l. mulier 22. §. ult. ad sen. Treb. quid parte bonorum, l. 9. de legat. 2. l. non amplius 26. §. 2. l. si quis 23. de legat. 1. De liberatione legata, & quid eo legato contineatur, diximus sup. §. si quis debitori 15. agiturque de eo item tit. proprio in π^o. Hic de legato nominis agendum est.

Quod defuncto debetur potest alicui legari) Quod mihi debetur, & debitori meo rectè lego, legatum dicitur liberationis, & tertio alicui. Veluti, Centum, quæ mihi Sejus ex causa mutui debet, Tertio do, lego, l. si sit legatum 75. §. 1. & 2. l. non quocumque 82. §. pen. de legat. 1. estque id legatum, quod pæssim nominis appellatur, l. servum 44. sed et si 6. de legat. 1. l. 11. §. ergo 13. l. nomen 34. l. qui cbiographum 59. de legat. 3. l. ex legato 18. C. de legat. Qui cbiographum legat, debitum quoque seu nomen aut actionem legare intelligitur, non tabulas solum, d. l. servum 44. §. cum s. de legat. 1. d. l. qui cbiographum 59. eod. 3.

Ut actiones legatario præstet) Legato nominis nihil amplius continetur, quam ut actiones suas hæres præstet, d. l. servum 44. §. sed & si 6. d. l. si sit legatum 75. §. 2. l. legatum 105. de legat. 1. Ex quo intelligere possumus, nomine legato neque pecuniam ab hærede posse exigi, neque periculo ejus nomen esse; sed cessione actionum, licet inanius, si forte debitor solvendo non sit, hæredem defungi: tum etiam nullum esse tale legatum, si nihil debetur, & vel eo etiam casu, quo certam quantitatem testator expressit, veluti si dixerit, Decem, quæ mihi Sejus debet, Titio lego, d. l. si sit legatum 75. §. 2. Atque olim quidem sive nomen legatum fuerat, sive venditum aut donatum, nulla actio legatario venditori, aut donatario prodita erat, qua suo nomine cum debitore experirentur; sed expectandum iis erat, donec hæres aut creditor actiones suas mandareturque mandatis, non suo, sed mandantis nomine & procuratores in rem suam experiebantur. Postea verò his utiles actiones adversus debitores tribui coeperunt, quas suo nomine, non expectata cessione directarum, exercerent, d. ex legato 18. C. hoc tit. l. 5. & l. 7. C. de her. vel ass. vend. l. cum 16. in pr. de ass. Quod ideo videtur constitutum esse, quia

quia cessio actionum sæpe protrahatur, & interdum nec cedi actio potest, ut in specie l. 1. C. de obl. & act.

Nisi exegerit testator pecuniam) Nominis legatum ita demum effectum habet, si debitum a vivo testatore exactum non fuerit; ceterum si testator post factum testamentum pecuniam à debitore exegerit, legatum extinguitur, teste Ulp. d. l. si sic legatum 75. §. 2. de legat. 1. Quod hic confirmat Justinianus. Ratio hujus rei est, quia testator exacto debito, quod legaverat, ademisse legatum videtur: quemadmodum & ille, qui rem legatam postea alienavit, l. fideicommissa 11. §. si rem 12. & seqq. de legat. 3. Quin alia etiam ratione, eaque fortiore id hic efficitur, quam ubi res legata postea alienatur. Nam res tametsi alienata est, durat, legatumque consistere potest, licet res aliena facta sit: at cum nomen exactum est, extinguitur ipsa substantia debiti, & obitus & xiv, hoc est, illud ipsum, quod legatum est, perimitur, ut frustra desideraturus sit legatarius, actiones sibi ab hærede præstari, quæ nullæ supersunt. Hæc differentie ratio indicatur d. l. fideicommissa 11. §. ergo 13. & d. l. si sic legatum 75. §. 2. nec ab simile est, quod traditur in l. 7. §. liberatio 4. de lib. leg. legatum liberationis evanescere, si dum vivit testator, debitum exactum fuerit. Sed & si ultro, quod debebatur, solum est, vel acceptilatione aliave qualibet ratione debitor liberatus, legatum nominis, sicut & liberationis, extinguitur, l. id 21. de lib. leg. Enimverò etiam hic admittitur probatio non mutatur voluntas ex facti circumstantiis, l. pen. §. ult. de adm. leg. Finge, ideo nomen exactum esse, quia forte debitor ad inopiam vergebat, & pecuniam pro deposito testatorem habuisse; poterat legatum aut fideicommissum peti, quasi non hoc animo testator debitum exegerit, ut legatum adimeret, d. l. fideicommissa 11. §. ergo 15. Petetur autem hoc casu legatum recta ab hærede; nam frustra etiam hic legatarius ageret cum hærede, ut actiones sibi cedantur: quippe quæ debitor liberato nulla supersunt. Similiter si debitor ultro pecuniam obtulit, & acceptum item pro deposito testator habuit, placet, legati aut fideicommissi petitionem superesse, quasi voluntas non mutata, d. §. ergo 13. l. fideicommissa 11. Exigi verò etiam in hoc casu videtur, ut in deposito sit habita pecunia: secus autem esse, si ut in solum data, ita simpliciter in solum accepta sit, arg. d. l. fideicommissa 11. §. ergo 13. d. l. si id 12. de lib. leg. ubi simpliciter Jurisconsultus respondet, solutione debiti extingui legatum

nominis. Glossa tamen distinguendum putat inter debitorem, qui ultro solvit, & qui à creditore conventus: quam distinctionem Schneidvvino probari video. Ait, nisi exegerit. Quid ergo, si cum pecunia peti coepta esset, testator inter moras judicii, aut etiam post sententiam nondum facta solutione decesserit? Bart. in l. nepoti 6. de instrum. vel instrum. leg. eumque secuti Ang. & Myns. hic, putant, eo casu petitionem legati superesse, nec intelligi ademptum legatum quamdiu res non desit esse planè integra. Et verò si rem legatam vendidisset testator, eaque nondum tradita decessisset, legatum pro extincto non esse habendum probat textus in l. pradia 27. §. liberio 3. de instrum. vel instrum. leg. Quod etiam nobis videri supra diximus in §. si rem 12. Sed non sunt hæc prorsus similia. Et alienatio rei legatæ non necessaria, & petitio debiti, argumenta sunt mutatur voluntatis. Ceterum nuda venditio, seu quæ traditione consummata non est, pro alienatione non habetur, quod effectum attinet ademptionis; ideo scilicet, quia traditio arbitrii venditoris ejusdem testatoris est, qui rei dominio, quod transferre poterat, retento, & maxime si nec pretium acceperit, non videtur proinus legatum ademptum voluisse. Non debet autem legatario prodesse, quod moras necit debitor, aut judex sententiam differt. Adde quod actio in judicium deducta consumitur, licet nova nascatur judicatio. Nihil sanè pro Bart. sententia facit, d. l. 6. de instr. leg. Nam in specie illic proposita vel maxime debetur quod exactum est, idque pro confesso fuit, sed dubitatur, an si debitor condemnatus vivente testatore non satisfecit, etiam ejus petitionem legatarius habeat, quod ex sententia judicis debitum necdum solum est, propter verba legati, *Quod meum erit*: quibus testator usus proponitur.

Damnus esto hæres meus domum illius rescire) Etiam facta, ut diximus, rectè legantur, aut in fideicommissum deducuntur. Id est, damnari potest hæres, aliuvæ, qui testamento obligari potest, rogari, ut aliquid in gratiam alterius faciat, vel non faciat & qui jussus aut rogatus est, parere debet, modo ne quod fieri scriptum est, contra jus vel bonos mores sit, l. si quis 112. §. pen. de legat. 1. aut æstimationem non recipiat, veluti si hæres liberos suos emancipare jussus sit, aut extraneum aliquem adoptare, l. filiusfam. 114. §. sed si 8. de legat. 1. l. uxorum 41. §. ejus hæres 8. de legat. 3. junge tamen l. si cui 92. de cond. & dem. Facere jubetur hæres & licitè in exemplis hic pro-

stis, cum damnatur domum alicujus rescire, vel aliquem ex alieno liberare & similibus, veluti si jubeatur alteri domum vel monumentum extruere, aut fundum vendere, l. mortuo 29. §. ult. de legat. 2. l. si cui 49. §. antepen. & seqq. cod. 1. l. fideicommissa 11. §. ult. cod. 3. Paul. 3. sent. 6. Non facere, veluti si veretur fundum aut domum aliamve rem alienare extra familiam, d. l. filiusfam. 114. §. cum pater 15. de legat. 1. l. peto 69. §. fratre cod. 2. Plane si id, quod fieri jussum est, ad nullius utilitatem pertineat, veluti si testamento quid vitium alienari, nec causa expressa sit, & persona ignoretur, propter quam testator id fieri velit, placet scripturam, quasi nudum præceptum contineat, nullius momenti esse, d. l. filiusfam. 113. §. Divi 14. l. pater 38. §. Julius 4. l. Lucius 93. in pr. de legat. 3. Ejusdem generis sunt, quæ à Papinianò dicuntur ineptæ defunctorum circa sepulturam voluntates, veluti ut vestes aut ornamenta in funus impendantur, l. servo 113. §. ult. de leg. 1. l. ult. §. 2. de aur. leg.

TEXTUS.

De legato generali.

22. Si generaliter servus, vel res alia legetur, electio legatarii est, nisi aliud testator dixerit.

NOTÆ.

22. Si generaliter) Valet legatum generis, cum corpora ei subiecta sunt uniusmodi, eadem forma interna & natura constant, veluti si homo, equus, aut bos legetur: alias inutile est, v. g. si animal legatum sit. Sed & si domus legata sit aut fundus, nec fundum ullum aut domum testator habeat, magis derisorium, quam utile legatum est, l. 69. §. 4. de jur. dot. fac. l. 18. de leg. 1. nimirum, quia ista certam determinationem à natura non habent, & nimirum quam utilitate distant, l. 24. §. 2. cod. 1.

Electio legatarii est) L. 108. §. 2. cod. t. l. 2. §. 1. de opt. leg. ut & in rebus disjunctim legatis, l. 34. §. pen. cod. 1. l. 23. cod. 2. Aliud est in contrariis, §. 33. vers. Muic autem, infr. de est. l. 10. in fin. de jur. dot. Neque enim tam largam contractus, quam ultimæ voluntates interpretationem recipiunt, l. 12. de reg. jur. Non est autem electio hæc plane libera, d. l. 37. de leg. 1.

Aliud testator dixerit) Aut sermonem ad hæredem direxerit, ut in formula legati damna-

tionis: nam per exequationem legatorum nihil derogatum voluntati testatoris, §. 2. sup. eodem. Wefemb.

COMMENTARIUS.

- 1 Quid prudentibus sit genus, quid species?
- 2 Definitionem hujus §. ad genera summa aut subalterna non pertinere, sed tantum ad genus infinitum: nec tamen aliter, quam si species huic generi subiecta certam à natura habeat determinationem.
- 3 Si res generi legato subiecta natura determinata non sunt, legatum inutile esse, nisi testator res ex eo genere habeat: & num hoc etiam in fundo simpliciter legato obtineat?
- 4 Ubi utile est legatum generis, regulariter electionem esse legatarii.
- 5 Vetus & speciosa inter genera legatorum circa potestatem eligendi differentia.
- 6 An ipsius differentia ratio adhuc habenda, postquam legatorum omnium una capis est natura?
- 7 Quibus casibus hæres sit electio, etiam si testator id non exprefferit?
- 8 Electionem in casu nostro non esse usquequaque liberam, & quid hic jure patrio?

INsignis hic locus est & difficilis. Illud primo notandum, genera à nostris dici ea omnia, quæ sub appellatione communi plures res huic appellationi subiectas continent, etiam ea, quæ plerique Dialecticorum species esse ajunt, genera esse negant; cujusmodi sunt, verbi causa, homo, equus, bos; species autem nostris esse, quæ Dialectici vulgo vocant individua, & non esse species contendunt, ut Strichus, hic equus, hic bos. In quo nostri communem usum loquendi sequuntur; veluti cum dicunt, in mutuo recipi non eandem speciem, sed genus; pro quo in scholis dicunt, non idem numero, sed idem specie. Quia etiam ex sententia quorundam philosophorum revera quæ de individuis prædicantur, genera sunt, scilicet infima, individua ipsa species, nempe specialissimæ; atque adeo ab ipso etiam Aristotele sic appellantur, ut videre est l. 2. philos. c. 3. & lib. 3. c. 4. item lib. 1. de part. animal. cap. 4. Deinde non omne legatum generis valere. Interpretes primum & rectè hinc remouent genera summa & subalterna, veluti si quis substantiam, corpus, aut animal simpliciter leget: quia in his ea est infinitas generis, ut rem levissimam ex eo genere & vel minimam de mundo, ut loquuntur, hæres præstando liberaretur. Dein in genere

vere infimo, quod uti diximus, in scholis est infima species, rectè distinguunt inter res huic generi subjectas, ut, si tales sint, quæ certam determinationem habeant à natura, ut homo, equus, bos, earum rerum generaliter relictarum legatum valeat, *l. 13. l. legato. 37. in pr. l. si servus. 108. §. 2. de legat. 1. l. heredes. 25. §. si incerto. 17. fam. ercisc.* Si verò natura determinatæ non sint, ut fundus & domus, (quippe quæ non natura, sed destinatione hominis constituntur, *l. 24. §. quod si 3. de legat. 2. l. locus. 60. de verb. sign.*) in eo omnes consensuerunt, ut si testator nullas ædes aut fundos habuerit, ex simpliciter harum rerum legato nihil debeatur, magisque derisorium tale legatum sit, quàm utile, *l. si domus. 71. de legat. 1. l. cum poss. 69. §. gener. 4. de jur. dot. l. ita stipulatus. 115. in pr. de verb. obl. utpote quod à superiore nihil aut parum utilitate distet; aut, quod magis puto, quia his rebus simpliciter legatis, nullisque à testatore relictis, tanta est incertitudo, ut nullo modo definiri possit, quantum præstari debeat, ac proinde similiter habendum, ac si ignotum legatum sit, *l. l. cum poss. 69. §. gener. 4.* Quod si testator fundos aut ædes habuerit, ædibus simpliciter legatis, omnes consentiunt, legatum esse utile, unaque ex his, quas testator reliquit, deberi: estque in eam rem textus apertus in *d. l. si domus 71. in pr.* Ac si fundum in genere legaverit, alii non magis hoc casu legatum valere putant, quàm si nullos fundos testator habuisset: alii tam fundi legatum utile esse, quàm domus, unumque ex fundis, quos testator regionibus distinctos habuit, præstandum. Pro illis facit, quod generaliter traditum est, fundo non demonstrato, nec legatum ullum necessitationem esse, *d. l. cum poss. 69. §. genera 4. d. l. ita stipulatus 115. in pr.* pro his exemplum ædium legatarum, *l. l. si domus 71. de legat. 1. quarum & fundi hæcenus eadem ratio videtur, arg. d. l. 24. §. pen. de legat. 1.* tum quod cum testator generaliter rem aliquam legat, dari jubet, de suis eum rebus sensisse existimandus sit, uti responsum est, si quis hæredem damnaverit, vinum, oleum, frumentum dare, non adjecta quantitate, hoc legatum sic esse accipiendum, quasi testator legasset vinum, oleum, frumentum suum, & tantum, quantum ex his generibus habuit, *l. 7. de trit. vin. ol. leg.* Cui sententiæ, quæ est petri de Bellapert. in *d. l. ita stipulatus 115.* ego quoque accedo; quamvis contraria pluribus probata dicatur: quod tamen & ipsum incertum est, vel teste Gomezio & ipso contrariæ sententiæ assertore, *2. resol. 11. n. 32. &**

2. resol. 11. n. 9. consul. D. Don. in d. l. ita stipulatus 115. n. 13. & seqq. ubi simul docet, stipulationis & legati non eandem per omnia in proposito rationem esse: quod & verum esse; vel ex sola collatione, *d. l. 7. de tritit. vin. leg. l. trititum 94. de verb. obl. apparet.* Quinimmo, etsi nullum fundum nullasve ædes testator habuerit, ex æquitate tamen juris Can. atque ex verisimili mente defuncti simplex harum rerum legatum sustinendum esse, & pro modo facultatum ejus, dignitate, ac charitate, vel necessitudine legatarii statuendum, quales præstari debeant, post Archidiaconum. Pannorm. Felin. & Alexandrum censet idem Gomezius *d. loc. n. 10.* ac moribus quoque id receptum tradunt Autumni. *consul. du droit. ad d. l. 71. Grot. 2. introd. 22.*

Electio legatarii est Ubi utile est legatum generis, placet, electionem non hæredi, sed legatario dari, ut hic scriptum est, in *l. 2. §. 1. de opt. leg.* idemque est, si plures res disjunctim legatæ sint, veluti Stichus aut Pamphilus, *l. planè 34. §. pen. de legat. 1. l. si is cui 19. l. Lucio 23. eod. 2.* aut si ex duabus personis rebus nominatis una legata fuerit, puta si testator dixerit: *Ex duobus servis meis unum Titio do, lego, l. qui duos 20. de legat. 1.* Diversi autem casus sunt, qui proponuntur in *l. si qui 32. §. 1. l. cum servis 39. §. scio 6. eod.* Caterum additur hic exceptio, *nisi aliud testator dixerit.* Addamus & alteram, *nisi sermonem ad hæredem direxerit; nisi potius dicimus, hoc etiam verbis illis, nisi aliud dixerit, significari.* Sed etsi testator aliud non dixit, magna tamen adhuc cautio, quod hic simpliciter definit Justinianus, in legato generis legatarii electionem esse, indiget. Jure veteri etiam, cum genere legato, aut duabus rebus disjunctim, de jure eligendi quæritur, differentia erat inter genera legatorum. In legato vindicationis legatario, in damnationis hæredi electio permittebatur: cujus differentie testimonium non obscura videmus in *l. planè 34. §. pen. l. si à substituto 45. §. 1. l. si hæres 110. de legat. 1. d. l. si is cui 19. d. l. Lucio 23. l. si ita 43. §. ult. eod. 2. l. qui concubinam 29. §. 1. eod. 3.* Hoc autem & voluntas testatoris exigere visa est, & ratio juris. Voluntas testatoris: quippe qui in legato vindicationis sermonem confert ad legatarium, ei dans, legans, eum sumere, capere, sibi habere jubens. In legato autem damnationis hæredem alloquitur, damnans, jubensve eum dare aut facere. Ratio juris, quia is, cui per vindicationem res legata erat, non tam eam actione iu personam ex testamento petere poterat, sed etiam

jus eam vindicandi habebat, & petendi actione in rem. Par autem est, ei electionem tribui, qui rem vindicare potest, quod significat African. l. si servus 108. §. 2. de legat. 1. ubi ait, ejus electionem esse oportere, cui potestas sit, qua actione uti velit. At cui per damnationem quid relictum erat, is eam rem vindicare non poterat, sed tantum in personam ex testamento agere, hæredemque ut debitorem quasi ex contractu obligatum convenire hujusmodi puta formula, *Ajo, te mihi servum dare oportere*, aut hac, *Ajo, te mihi Stichum aut Pampbilum dare oportere*. Itaque juris ratio postulabat, ut hic hæredi concederetur electio exemplo cæterorum debitorum, quorum regulariter electionem esse in debito generis, aut pluribus rebus disjunctim promissis constat, §. si quis agens. 33. res. hinc autem inf. de act. l. plerumque. 10. in fin. de jur. dot. l. ubi autem 75. §. qui illud. 8. de verb. obl. Quæritur verò, an hodie distinctionis istius ulla porro ratio habenda sit. Nam postquam Justinianus differentiam generum legatorum sulsit, legataque omnia sic exæquavit, ut etiam jus vindicandi, à quo jus eligendi pendere videtur, per d. l. si servus 108. §. 2. de legat. 1. ex omnibus concesserit, l. 1. C. comm. de legat. multis visum est, electionem legatarii factam perpetuam, neque ex modo legandi amplius æstimandam. Verum ego eorum sententiam veneror, qui negant, legatorum illam exæquationem ad effectum, de quo hic agimus, trahi oportere: quippe quæ, ut supra quoque monui, sic semper accipienda sit, ut ne quid admittatur contra voluntatem testatoris. Utri autem electionem tributam testator velit, legatione, an hæredi non potest apertius declarare, quam cum jubet, aut legatarium vindicare, aut hæredem dare. Illic enim, cum verba executiva, ut loquuntur, ad legatarium dirigit, apertissime significat, se eligendi quoque potestatem ei facere: hic verò cum eadem verba ad hæredem refert, hoc ipso contra ostendit, se hæredi arbitrio permittere, quam rem velit dare. Et igitur si testator legaverit, *Hæres meus damnas esto hominem dare*, vel sic alternative, *Hæredem meum Stichum aut Pampbilum dare jubeo*: in his legatis dicimus, etiam nunc hæredi electionem concedendam, non obstante supra dicta exæquatione. Nihil enim magis rationi repugnat, quam ut ibi electionem tribuamus legatario, ubi eam testator tam manifestè permittit hæredi. Quamobrem nec vindicationem legatario ante dari oportebit, cum hæres declaraverit, quid ex genere aut rebus disjunctim hoc modo legatis præstare

velit. Atque hanc sententiam post Gloss. Barr. & comm. DD. in l. Lucio. 23. de legat. 2. & re l. legato. 17. cod. 1. probat Gomez. 2. var. erfol. 11. nu. 43. nec non summi viri Covar. in c. indicante. num. 3. x. de testam. Ant. Faber 6. conj. 1. Welsch. & Bachov. hic.

Nisi aliud testator dixerit) Aliud dixisse testator intelligi debet, non tantum si expressis verbis hæredi electionem permiserit, l. servo. 12. de opt. leg. l. hujusmodi. 84. §. Stichum. 9. de legat. 1. l. 11. in fin. cod. 2. verum etiam si verba legati executiva ad hæredem direxerit, ut sit, cum quid per damnationem ab hærede legatur, ut jam dictum & demonstratum est. Planè enim cum ex voluntate testatoris tota hæc res æstimanda sit, parum interest, i verbis, an per modum legandi voluntatem suam declaraverit. Sed etsi testator aliud non dixerit, opus tamen hic est non una cautione. Nam neque ad res omnes generaliter legatas definitio Justiniani pertinet, & ad quas pertinet, in his electio legatarii non est infinita. Scimus igitur primum, definitionem tantum pertinere ad eas res, quas ex eo genere testator habuit: si nulla habuit, placere, hæredis arbitrio potius rem permitti, quam legatario infinitam electionem dari, de qua verissime non est testatorem sensisse cum tam indigne onere hæredis, arg. l. unum. 67. §. item. l. de legat. 2. Et quod de vino certæ quantitatis expressè traditum est l. 3. de rit. vin. leg. non est dubium, quin ad cæteras quoque res pertineat, idemque dicendum sit, non solum si certa quantitas, verum etiam si corpus in genere legatum fuerit, puta servus, nec ullum servum testator reliquerit. Id quod etiam ex eo efficitur, quia rei, quæ testatoris non fuit, vindicatio legatario competere non potest: at illa cessante nulla electio, d. l. si servus. 108. §. 2. de legat. 1. Deinde nec pertinere definitionem ad res omnes, quas testator ejus generis habuit, sed ad corpora tantum, aut species, non ad quantitates: quippe quæ undecumque sumi & solvi potest, l. 4. de rit. leg. l. Titia. 35. §. 1. de aur. arg. leg. & qua legata, ut quantitate, nec actionis electio nec vindicatio est. Sed & cum corpora generaliter legato contenta certis finibus natura circumscripta non sunt, qualia sunt domus, navis, fundus, non legatarii, sed hæredis electio est, qui rem unam quam volet, ex his, quas testator habuit, legatario dabit. De domo legata hoc apertè scriptum est in l. si domus 71. in pr. de leg. 1. quapropter dubitanon non est, quin idem obtineat, si navis simpliciter legata sit, aut fundus, posito, quod

quod non putamus, fundi legatum valere, si testator fundos habuit. Ratio est non ea, quam vulgo asserunt, quod hæres præsumatur melius scire, de qua re testator senserit; nam hæc ratio in hæreditibus extraneis, in impuberibus, furiosis, &c. locum non habet, & si vera esset, hæredi indistinctè tribui deberet electio: sed ne, si legatario hic electionem concedimus, hæredem, supra quàm credibile est testatorem voluisse oneremus, quæ conjectura legis est, d. l. unum 67. §. si rem. 2. de legat. 2. Mantic. de concess. ult. vol. lib. 3. tit. 1. n. 26. Nam inter ædes & ædes, inter navem & navem, inter fundum & fundum fieri potest ut nulla sit proportio & major distantia, quàm inter Mantuam & Romam, inter viburnam & cupressos: quàm ob causam, etiam his rebus generaliter legatis, si testator nullas ejus generis habuit, legatum inutile habetur. Estque hæc etiam interpp. nostrorum communis opinio, teste Gomez. quàm & ipse probat 2. var. res. 11. n. 9. Auctoritas Pandectarum Florentinarum, (in quibus hæc scriptura est in pr. d. l. si domus. 71. Si domus alicui simpliciter legata sit, cogentur hæredes quàm vellet domum ex bis, quas testator habuit; legatario dare) me aliquando movit, ut etiam domo aut re alia ejusdem conditionis indistinctè legata, putarem legatario electionem computare: sed plus apud me nunc valet consensus reliquorum omnium exemplarium, in quibus constanter legitur, cogentur hæres, quàm domum volet, &c. ob rationem allegatam; Scriptura Florentina orationem efficit duriores. In editione Haloandri legitur, cogentur hæredes, quàm domum volent, &c. quæ scriptura etiam certius, quàm vulgata, hæredi electionem tribuit. VINN. Sed magis est, ut servetur electio Florentina. Haloander enim ex ingenio scripsit volent, nec consensum reliquorum exemplarium opponi potest Florentinæ reliquorum fonti. Vid. Cl. Henr. Brenckmanz Hist. Pandect. lib. 3. cap. 11. Si ergo plures hujus generis res reliquit testator, omnino electio erit legatarii. Nec obstat l. 37. §. 1. ff. de legat. 1. quippe ubi magis species certa legata, quàm genus. Denique præsumptio quidem est, testatorem voluisse, quàm minimum onerare hæredem suum, l. 67. §. 8. ff. de leg. 2. sed & fortior militat præsumptio pro legatario, quod ei electionem concedere voluerit testator, dum speciem certam non expresse. HEIN. Postremo sciendum est, etiam tunc cùm legatario electio datur, non dari infinitam & per omnia liberam, ut possit ex genere legato quodcumque velit etiam optimum eligere; puta

verbi causa, homine generaliter legato, auctorem; sed conclusum intra modum, ut ne optimum accipiat, l. legato. 37. de legat. 1. Unde apparet, veteres in tota hac electione id semper egisse, ne immensum quid tribueretur legatario, neve hæres nimis oneraretur. Illud expeditum est, si de certo servo, aut re aliâ testator senserit, nec appareat de qua, hæredis electionem esse, d. l. legato. 37. §. 1. fac. l. si quis. 32. §. 1. l. cum servus. 39. §. scio. 6. eod. Secundum jus harum regionum sic in dubio, genere legato, circa electionem definitum censet Grotius lib. 2. manuduct. cap. 22. Si ejus generis, quod legatum est, res sint in bonis defuncti, legatario electionem permitendam, si res istæ naturalem determinationem habeant, ut equus, siue arbitriam, ut domus, navis. Sin autem defunctus nullas ex eo genere res habuerit, aut si res pondere mensurave constans simpliciter legata sit; tum hæredi permitendum unde velit, hujus generis rem sumere & præstare: id enim voluntati defuncti, cujus solius apud nos ratio habetur, maxime videri consentaneum. Cæterum neque posteriore hoc casu hæredem defungi pessimum dando: neque priore illo legatarium posse optimum vindicare, extra quàm si duæ tantum species istius generis in hæreditate defuncti reperiantur.

T E X T U S.

De optione legata.

23. Optionis legatum, id est, ubi testator ex servis suis vel aliis rebus optare legatarius jussisset, habebat olim in se conditionem: & ideo nisi ipse legatarius vivus optasset, ad hæredem legatum non transmittitur. Sed ex constitutione nostra hoc in meliorem statum reformatum est, & data est licentia hæredi legatarii optare servum, licet vivus legatarius hoc non fecerit. Et diligentiore tractatu habito, & hoc in nostra constitutione additum est si plures legatarii extiterint, quibus optio relicta est, & dissentiant in corpore eligendo: siue unius legatarii plures hæredes sint, & inter se circa optandum dissentiant, alio aliud corpus eligere cupiente, ne pereat legatum, (quod plerique prudentium contra benevolentium introducebant,) fortunam esse hujus optionis judicem, & forte hoc esse dirimendum, ut ad quem fors pervenerit, illius sententia in optione præcellat.

N O T A.

23. Habebat in se conditionem) ΣΥΜΠΛΗΡΩΣ quod
Cccc 2 iamem

tamen à Theophilo additum non est, ut quidam falso tradunt.

Constitutione nostra) Extat in l. ult. C. comm. de legat.

Sorte esse dirimendum) Frequens admodum etiam apud veteres sortis iudicium, l. 14. de iudic. l. 5. sam. etc. l. 24. §. 14. de fideic. lib. ubi scilicet animi iudicio negotium explicari non potest: alias forti res non committitur, l. 8. de pass. §. 1. sup. de satid. tut. l. 47. in fin. pr. C. de episc. & cler.

COMMENTARIUS.

- 1 Legatum electionis idem esse, quod optionis diversum autem à simplici legato generis & alternativo.
- 2 Legatum generale & alternativum, quantumvis cum iure eligendi, non esse idem cum eo, quod optionis dicitur.
- 3 Optionis legatum habuisse olim in se conditionem, eamque coherentem personae legatarii, ita ut ad heredes non transmitteretur.
- 4 Explicatur l. si sic. legatum. 75. §. pen. de legat. 1. rejecta interpretatione Donelli.
- 5 Notatur inconsiderantia Bachovii.
- 6 In l. ult. C. comm. de legat. nihil tantum de iure optandi transmittendo: sed scilicet diversos casus miseri.
- 7 Frequens fuisse apud veteres iudicium sortis; qui & imitatione digitorum usi.

Quidam putaverunt, aliud esse legatum optionis, aliud electionis; quod falsum esse, atque utroque vocabulo significari specialem ac solemnem electionem, manifeste apparet, ex l. 5. de legat. 1. l. 1. l. 2. in pr. & §. ult. l. 4. l. si tibi. 8. in pr. & pass. tit. de opt. vel elect. leg. Ceterum legatum optionis seu electionis diversum esse à simplici legato generis aut alternativo, certum est, d. l. 2. in pr. & §. 1. l. cum ita. 9. §. 1. d. tit. Nec una inter hæc differentia est. Nam primum in legato optionis sollemnis est & expressa electio; in legato autem generis & alternativo inest quidem etiam electio, sed tacita & simplex, non sollemnis. Deinde optionis legatum semper relinquebatur per vindicationem: generis aut alternativum sæpe per damnationem.

2 Hinc est, quod in legato optionis electio sit essentialis, atque ea, legata optione, non possit non esse legatarii; in legato autem generali & alternativo nonnunquam hæredi electio competit; vel quia expressè ei data est, vel quia forma legandi tacite in eum collata. Præterea generis legatum purum est, ac proinde

de si antequam vindicaret, legatarius decesserit, ad hæredem transmittitur, l. nec semel. 12. §. pen. quan. dies leg. eod. 2. & optionis legatum habebat olim in se conditionem, scilicet si ipse legatarius optasset, ut hic ait Justinianus: eratque adeo jus hoc optandi merè personale, ut in hæredem transferri non poterit. Ad hæc cui genus legatum est, ei optimum ex eo genere eligere non licet, l. legato. 37. de legat. 1. ei autem licet, cui legata est optio, l. si quis. 9. §. 1. de dol. mal. Grot. 2. manducl. cap. 22. excepto casu speciali l. ult. §. 1. C. comm. de leg. Denique optio sollemnis numeratur inter actus legitimos, l. actus. 77. de reg. jur. quo sanè referri non potest simplex, quæ legato generis inest, electio. Planè in d. tit. de opt. leg. occurrunt quidem etiam loci, in quibus tractatur, genere legato, cui arbitrium eligendi permittendum sit, ut in l. 2. §. 1. l. servus. 12. l. si Pamphilo. 10. sed aliter fieri non potuit propter affinitatem, quam alterum legatum cum altero habet. Et enim in utroque electio: & in eo quoque conveniunt, quod semel dumtaxat optare aut eligere licet, l. 5. de legat. 1. l. apud Aufidium. 20. de opt. leg. fac. l. huiusmodi. 84. §. Stichum. 9. de leg. 1. l. status liberum. 21. in fin. eod. 2. Idem in his, quod in utroque legato singulæ res quodammodo sub conditione legatæ intelliguntur, h. 3. qui & à quib. man. quod res omnes, quarum aut genus aut optio legata, exhibenda, l. 4. de opt. leg. 1. 3. §. item si 6. ad exhib. Quin amplius, etiam si in legato generis aut alternativo nominatim facultas eligendi legatario data sit, veluti si ita testator dixerit, Titio servum, quem volueris, do, lego, vel; illud aut illud, utrum elegeris, puto tamen nihilo magis optionem legatam; sed pro simplici legato generis aut alternativo hoc etiam habendum, arg. l. illud aut illud. 19. de opt. leg. Propriè enim optio legata dicitur, cum ipsa electio, τὴν παρατίθεσθαι, legatur, veluti si dicat testator, Titio optionem servorum meorum do, lego: quo casu tres servos eligi posse rescriptum est, l. 1. eod. vel sic: Titius ex servis meis, quem velis, optato: vel, Ex scyphis meis, quem velis; eligito, sibi que habeto. Julianus in l. si Pamphilo. 10. eod. verbum optionis in generaliore significatione accepit pro quavis electione.

Habebat in se conditionem) Συναρτήσ. Veteres, ut hic commemorat Justinianus, credebant, legatum optionis in se habere hanc conditionem, si ipse legatarius optasset. Quæ quidem conditio est tacite inerat, cujus generis conditiones non solent facere legata conditionalia, l. conditiones. 99. de cond. & dem. tamen quia

quia ex voluntate testatoris videbatur proficisci, eandem vim atque effectum habebat, quam habent conditiones ceteræ, quæ ex testamento veniunt, scilicet ut legatum efficeret conditionale. Sed & ipsa conditio legati quasi personæ injuncta ab alio quam à legatario ipso impleri non poterat, ut proinde jus eligendi in optionis legato personale esset, & vel ideo ad hæredem mortui ante electionem legatarii transferri non potuerit. Non obstat, *l. si sic legatum 75. §. pen. de legat. 1.* ubi sic scribit Ulp. *Si quis ita stipulatur, Stichum aut decem, utrum-ergo velim, legaverit, quod ei debeatur, tenebitur hæres ejus, ut præstet legatario actionem, electionem habituro, utrum decem an Stichum persequi malit.* Nam ut superius diximus, legatum generale aut alternativum, licet cum jure eligendi, non est idem aut ejusdem prorsus naturæ cum legato, quod in specie dicitur optionis. In legato hujusmodi, *illud aut illud*, utrum elegerit legatarius, est quidem etiam electio personalis, sed hæcenus ut servo aut filio cohæreat, *l. si stipulatus 76. de verb. obl.* non ut nullo electo, decedente legatario, post diem legati cedentem ad hæredem jus electionis non transmitatur: transmitti enim expressè scriptum est à Paulo in *l. illud 19. de opt. leg.* nec illa est inter tale legatum & ejusdem generis stipulationem differentia. Jam verò si stipulatus fuerim illud aut illud, quod ego voluero, mortuo me ante electionem, in hæredes obligatio transit, ut idem Paulus respondet in *d. l. si stipulatus 76. de verb. obl.* Nec est admittendum, quod Donnellus in *d. l. existimat*, obligationem transire, electionem non transire; quo nomine etiam reprehenditur à Bachovio hic: nam Donnellus illam opinionem cum ipse locus satis refellit, tum peripicuè species paulo ante proposita ex *d. l. si sic legatum 75. §. pen. de legat. 1.* Nisi enim una cum obligatione ipsum etiam jus eligendi, quod ex stipulatione testatoris quæsitum erat, in hæredem ejus translatum fuisse ponamus, hæres cedendo actionem, id jus transference in legatarium non potuit: quippe quod nec ipse habuit. Inconsideratè autem Bachov. jus electionis ex contractu quæsitum in q. proposita distinguit ab eodem jure delato ex testam. quasi illud non impediatur conditione, quominus ad hæred. transeat, hoc contra. Nam etsi verum & notissimum est, legatum conditionale, mortuo pendente conditione legatario, intercidere, stipulationem autem sub conditione contractam, mortuo ante conditionem stipulatore, non extinguì, sed spem obligationis transmissi in hæredem, §. sub con-

ditione 2. *inf. de verb. obl. l. 4. l. 5. §. 2. quando dies leg. l. si cui 42. de obl. & act.* hæc etiam differentia non pertinet ad conditiones, quæ personis injunguntur: qualis sit omnino necesse est in memorata stipulatione, si eam conditionem facimus, & nempe eadem, quæ in legato optionis, si ipse stipulator elegerit. Conditio omnis in personam certam collata personam non egreditur, deficitque, nisi in persona ejus impleta fuerit, *l. qui hæredi 44. l. si ita 69. de cond. & dem.* Hinc jam opinor intelligimus, non temere credendum iis esse, qui pro certo tradunt, apud Paul. in *d. l. illud 19. de opt. leg.* scriptum fuisse, *transmitti non placuit* Tribonianum autem responsum Pauli ad jus novum & constitutionem Justiniani in *l. ult. C. comm. de legat.* accommodasse sublata negatione.

Ex constitutione nostra data est licentia hæredi legatarii optare) Ubi Justinianus caverit, quod hic se cavisse dicit, ut legatum optionis ad legatarii, qui non optavit, hæredem transmittatur, non invenio. Interpretes omnes intelligunt *l. ult. C. comm. de leg.* & sanè ea, quæ mox sequuntur de diffensione plurium hæredum circa electionem sorte dirimendam, arguunt, eam constitutionem hic significari. Etenim, quod Interpretes non animadvertierunt, nihil amplius ea constitutione sancitur, quàm si ut hæredes legatarii inter se de electione non conveniant, controversia sorte dirimatur: de jure verò optandi ad hæredes legatarii ante electionem mortui contra rationem juris veteris transmittendo, planè nihil ibi cavetur. Immo verò constitutio sic scripta est, ut ex ea nihil aliud colligi posse videatur, quàm quod etiam apud veteres jam olim sic obrinuerit, ut legata optione, si legatarius ipse non optasset, ad hæredes ejus jus optandi traduceretur. Memorat enim, inter veteres dubitatum fuisse, quid statuendum foret, si plures legatarii, quibus optio legata esset, vel unus legatarii plures hæredes circa electionem corporis dissentirent. Inepta profecto dubitatio, si electio in legato optionis merè personalis fuit, hoc est, ita personæ legatarii cohæsit, ut nec ad hæredes ejus transierit. Quid dicam non habeo, nisi quod Tribonianus diversos casus temere videtur miscuisse, & casum plurium legatariorum de electione disputantium inconsideratè confudisse cum casu plurium hæredum unus legatarii: quod & Bachovius existimat. VINN. At tanta oscitatio cadere non videtur in Tribonianum. Ex nostro §. patet, primo conditam constitutionem, eaque cautum, ut & hæredes legatarii optare possint.

possent, deinde diligentiore habito tractatu, ei constitutioni aliquid additum esse. Prior constitutio priori inserta Codici perijt, additamentum migravit in eodidem repetitæ prælectionis, habeturque *l. ult. C. comm. de legat. & fideic.* Nec est quod aliquem turbet, quod Tribonianus ibi speciem proponat, ubi legatarii hæredes disenserint circa electionem. Nam hujusmodi speciei & jure veteri locus esse potuit, si testator ita legaverit, *Titio, aut eo mortuo: ejus heredibus servum, quem optaverint, do, lego.* Itaque ex *d. l. ult.* non sequitur, ut jam ante Justinianum legatarii hæredibus jus optandi fuerit. HEIN.

Optare servum) Quod de servo hic dicitur, exempli id causa dictum intelligimus, atque ad rem quamlibet, cujus optio legata sit, pertinere, *d. l. ult. C. comm. de leg.* Sic passim videmus, in optionis legato tantum servorum mentionem fieri: & Papinian. in *l. alius 77. de reg. jur.* servi optionem refert inter actus legitimos, non quod non idem fuerit in aliarum rerum optione legata; sed quia plerumque servorum potius, quam aliarum rerum optio legari solita erat: unde & de eo sæpius Jurisconsulti & consulebantur & scribebant, id quod manifestè apparet ex lectione totius *tit. de opt. leg.*

Sorte hoc esse dirimendum) Si plures legatarii, vel unius plures hæredes in optando dissentiant, unus forte, qui optet, constitui, cuius optionem ceteri ratam habeant, expressè cautum est *d. l. ult. C. comm. de legat.* Frequens autem admodum etiam apud veteres fuisse sortis & fortunæ judicium, ex variis Jurisconsultorum responsis elucet: *l. sed cum 14. de judic. l. generaliter 24. §. quid ergo 17. de fideic. lib.* quamquam vix, ubi negotium animi judicio explicari potest: de quo nos *lib. 1. select. quest. c. 35.* Utebantur, antiqui & micatione digitorum: Varro, *Micandum erit cum Graco, utrum ego illius numerum, an ille meum sequatur.* Cicero *1. de offic.* *Sed quasi aut sorte aut micando victus, alteri cedat alter.* Suet. in *August. c. 13.* *Patrem & filium pro vita rogantes sortiri aut micare jussit.* Quando autem & quibus casibus res dubia sorti permittenda sit, ab hoc loco, alienum est quærere. VINN. In loco Suetonii alii legunt *sortiri aut dimicare:* Sed *micare* habuit Codex MSC. Salmasianus. Sie res olim in foro, sic carnes de lanio micando emebantur. Quod Turcium Apronianum, V. C. Præfectum urbi, utilitate suadente sustulisse, ex marmore veteri intelligimus. Vide plura apud Casanb. in not. ad Sueton. *l. c.* HEIN.

TEXTUS.

Quibus legari potest.

24. Legare autem illis solum potest, cum quibus testamenti factio est.

COMMENTARIUS.

TRansit hic Imperator ad partem principalem hujus tituli secundam, in qua agitur de personis, quibus legari potest. Sic autem initio definit legari illis solum posse, cum quibus testamenti factio est. Non ait, qui testamenti factionem habent; quo soli proprie significantur, qui testamenti faciendi jus habent; ut ostendimus supra in *§. testes autem 6. de test. ord.* sed cum quibus testamenti factio est: quo continentur etiam qui ipsi testamentum facere non possunt, modo jus capiendi ex alieno testamento habeant. Quinam autem isti sint, docetur *§. extraneis 4. pract. tit. De iis, qui capere non possunt, dictum est in hæredum institutione.* Olim hæc in parte nonnulla inter legata & fideicommissa differentia fuit, poteratque quibusdam incapacibus fideicommissum relinqui, quibus legari non poterat, vel propter conditionem libertivitatis, vel propter leges Voconiam, Juliam, Papianam, aut similes quibus capere, aut necum capere vetabantur: qua de re forte oberius infra *sub tit. de fideic. her.* Illud nunc sciamus, legibus istis & differentiis incapacium sublati, nullum amplius hæc in re discrimen inter legata & fideicommissa superesse.

TEXTUS.

Jus antiquum de incertis personis.

25. Incertis verò personis neque legata neque fideicommissa olim relinqui concessum erat. Nam ne miles quidem incerta persona poterat relinquere, ut divus Hadrianus rescriptis. Incerta autem persona videbatur, quam incerta opinione animo suo testator subiciebat, veluti si quis ita dicit, Quicumque filio meo filiam suam in matrimonium dederit, ei hæres meus illum fundum dato. Illud quoque, quodvis relinquebatur, qui post testamentum scriptum primi consules designati essent, æque incerta persona legari videbatur: & denique multa alia hujusmodi speciei sunt. Libertas quoque incerta persona non videbatur possi dari; quia placebat, nominatim servos liberari. Sub certa verò demonstratione, id est, ex certis personis incerta persona rectè legabatur: veluti, Ex cognatis meis, qui nunc sunt, si quis filiam meam uxorem duxerit, ei hæres meus illam rem dato. Incertis autem personis legata vel

fideicommissa relicta, & per errorem soluta, repeti non posse, sacris constitutionibus cautum erat.

NOTÆ.

25. *Incertis personis*) Receptum tamen fuit, ut pauperibus, l. 24. C. de episc. & cler. civitatibus, l. 16. ad SC. Trebell. l. 22. de leg. 1. corporibus & collegiis licitis, l. 12. C. de bar. infl. l. 1. §. 15. ad Treb. relicta, rata essent.

COMMENTARIUS.

- 1 Exponuntur aliquot loci ex quibus falso quidam colligunt, etiam jam olim hæreditatem legatumve incertis personis relinqui potuisse.
- 2 De legatis relictis civitatibus, municipiis, collegiis, pauperibus.
- 3 Cur ejus, quod incerta persona relictum erat, per errorem soluti non esset repetitio.

Incertæ personæ olim neque hæreditas, neque legatum, aut fideicommissum relinqui poterat. Ulp. tit. 22. §. 3. & tit. 24. §. incerta 18. Paul. 3. sent. 6. Ratio hæc erat, auctore Ulpiano d. tit. 22. §. 3. quoniam certum esse debet testantis consilium. Sic enim verba legis duodecim, *Ut quisque legasset, veteres interpretati sunt, ut quisque certo consilio ac solido judicio statuerit, &c.* At hæreditatem bonave sua magno sæpe labore quaesita relinquere incertæ personæ, tam certi consilii non est, ut potius species quædam dementiæ esse videatur. Non est contrarium, quod Marcianus scribit, tale legatum utile esse: *Illis, qui testamentum meum obsignaverint, hæres meus decem dato, l. si quis 14. de reb. dub.* Nam quod futuris signatoribus seu testibus legatur, id non incertis, sed certis personis relinqui intelligitur. Etsi enim tunc incerti & testatori ignoti sunt, cum is privatam voluntatem suam scribit, tamen non possunt non esse certi eo tempore, quo propriè testamentum fieri dicitur, hoc est, cum solemnia peraguntur, quibus adhiberi testes nisi sciente testatore & rogante non possunt. Non obstat quoque l. in tempus 62. §. 1. de bar. infl. agitur enim ibi expressè de institutione certæ personæ, quam & testator proprio nomine designavit: sed quia plures erant testatori eodem nomine amici, non apparebat, de quo sensisset: cujusmodi in causa audienda est probatio voluntaris; & qui probare poterit, de se sensisse defunctum, admittendus, arg. l. falsa 33. §. 1. de cond. & dem. quamvis totam exceptionem illam, nisi ex aliis apertissimis probationi-

bus fuerit revelatum pro qua persona testator senserit; responso Jurisconsulti adjectam à Triboniano nullus dubitet, add. Anton. Fab. §. conj. 19. Magis videtur ob stare l. 5. de reb. dub. Respondet Donellus, proponi illic legatum aut fideicommissum relictum incertæ quidem personæ, sed ex certis tamen; quod etiam olim licuit, ut statim auiemus: quippe verba illa fideicommissi, *Sive qui alius restitutionem mihi impetraverit, cum Juliano & Cajo sic interpretanda, si quis alius ex amicis quorum testator mentionem non fecit. Alii putant, etiam si quis alius curaverit testatorem restitui, non minus fideicommissum deberi, quasi pro beneficio, quod speratur, datum. Porro ex hoc jure manavit, quod nec civitates, nec municipia aut collegia hæredes institui aut legatum capere potuerint, Ulp. d. tit. 22. §. 4. Plin. lib. 5. epist. 7. ad Calvisium: Nec hæredem inquit, institui, nec percipere posse rempub. constat. Cæterum postea, ut hæc corpora legatum capere possent, permixtum fuit, etiam tempore mediæ Jurisprudentiæ, l. si quis 37. in fin. l. si hæres 73. §. 1. l. 1. si quid 117. l. civitatibus 122. de legat. 1. cum senatus 20. de reb. dub. l. omnibus 26. ad Treb. A Nerva hoc primum introductum, post deinde à senatu auctore Hadriano diligentius constitutum fuit, Ulp. tit. 24. §. civitatibus. 28. Paulus Marco id tribuit, d. l. cum senatus. 20. In propriis nominibus facilis est auctorum lapsus. Tamedem etiam concessum, ut civitates & principes hæredes institui possent, l. hæreditatis. 12. C. de bar. infl. quod ætate Ulpiani & Pauli nondum obtinebat, ut liquet ex fragmentis ejusdem Ulpiani tit. 22. §. 4. & d. l. omnibus 26. ad Treb. quibus locis hoc tantum traditur, fideicommissam hæreditatem municipibus restitui ex Senatusconsulto Aproniano. Eamdem denique rationem habuit, quod legatum pauperibus relictum non valebat: quod nunc firmiter ratumque omnibus modis habetur, daturque jus & nomen hæredis episcopis, æconomis, xenodochis: nomen, ut sint hæredes: jus, ut debita exigant, creditoribus hæreditariis respondeant, pauperibus relicta dividant, l. id quod 24. l. si quis 49. §. 1. & seqq. C. de Episc. & Cler. Cyn. Bald. Salic. in d. l. id quod 24. Bart. in l. 5. de reb. dub. Tulden. ad tit. C. de incert. Vinn. Hujus juris historia non satis accuratè exponi videtur à Vinnio. Quamvis enim Ulpianum sequutus, à Nerva antiquum jus primum mutatum esse existimet; id tamen non satis conciliari posse videtur loco Plinii, quia sua ætate nondum capere potuisse res publicas tradit, idque sub Trajano, ut videtur.*

Nam in eadem epistola 7. lib. 5. liberalitatis ac munificentiae erga Novocomenies mentionem facit, quam jam post consulatum ostendisse videtur, uti ex marmore apud Gruter. P. CCCCLIV. & MXX.VIII. adparet. Primum ergo SC. permissum videtur ut caperent civitates fideicommissa, idque sub Hadriano, consule Apronio, anno Christi 117. vel 123. Sub eodem & legata civitatibus relicta SCto. firmata. Ulp. *Fragm. tit. 24. §. 28.* Unde legati hujusmodi exemplum exstat in l. 101. ff. de leg. 3. Postea D. Marcus id ius etiam ad collegia, l. 20. ff. de reb. dub. immo etiam ad vicos protulit, l. 73. §. 1. ff. de legat. 2. Denique & haeredes institui potuerunt civitates non demum per Constitutionem Leonis Thracis, l. 12. C. de her. inst. sed jam temporibus Pauli, id est Severi & Caracallae, seu ex l. 121. ff. de legat. 1. colligimus. HEIN.

Quam incerta opinione) Incerta persona hic dicitur, quam testator animo suo incerta & caeca opinione subjicit, id est, cum mens & cogitatio testatoris nullis certis finibus circumscripta tamquam in immenso atque infinito vagatur: nam si mens ejus certo numero personarum, quas omnes novit, terminetur, incertitudo personae legatarii legatum non vitiat, ut exempla subjecta demonstrant.

Qui primi consules designati) Puto, hoc exemplum ad eum pertinere, qui vel ante candidatorum numerum constitutum, vel cum eos non nocet, incertissima opinione dixit, qui primi consules designabantur. Quod si è constituto jam candidatorum numero, quos testator novit, ei qui primus consul designatus fuerit, centum legaverit, magis est ut hoc legatum valeat, ut relictum uni ex certo perscrutatum numero cum certa demonstratione.

Libertas quoque incerta persona) Antea dixit, ne militem quidem legatum aut fideicommissum incertae personae relinquere potuisse, etsi militum testamenta nullius adstringebantur juris-civilis subtilitatibus: cujus tamen generis unum hoc fuit, quod incertae personae legari non potuit. Aliam nunc subjici ejusdem juris ampliationem, quod nec libertas, cujus summus aliqui favor semper fuit, incertae personae dari potuerit, addita ratione, quia placebat nominatim servos liberari, quod videtur cautum fuisse lege Fusia Caninia. Ulp. tit. 1. §. ult.

Sub certa verò demonstratione) Ex certo personarum ordine aut numero cum certa demonstratione legari incertae personae etiam olim jus fuit, veluti: *Ex collegis meis, qui nunc sunt*, aut: *Ex cognatis meis, qui primus ad*

funus meum venerit, aut: Qui filiam meam uxorem duxerit, ei haeres meus illud dato. Ulp. tit. 24. §. incerta 18. Et notandum in exemplo proposito demonstrationi expressae addi haec verba, *qui nunc sunt*: alioqui incerta adhuc foret demonstratio.

Per errorem soluta repeti non posse) Hic locus confirmat id, quod ante diximus, ex subtilitate quadam juris civilis hoc esse, quod incertae personae legari non potest. Neque enim ratio naturalis impedit, quominus verbi causa, ei, qui filiam meam aliquando uxorem ducturus est, haeredem meum aliquid dare jubeam. Proinde ex hujusmodi relicto etiam olim nascebatur debitum naturale, id est, haeres ex tali voluntate naturaliter obstringebatur, quae causa est, quod Imperatorum constitutionibus cautum fuerit, ne ejus, quod incertae personae legatum erat, soluti per errorem repetitio esset: quippe naturalis obligationis hic certissimus jure quoque civili effectus est, ut impediatur ejus, quod ex ea causa solutum est, repetitionem, l. 13. l. si pone 19. de cond. ind. l. 10. de obl. Ulp. Christ. vol. 4. dec. 50. num. 4. erratque adeo manifeste Pacius, hunc locum restringens ad legata, quae pietatis aut religionis incuitu relinquuntur, quo in errore Bynning. non fuit, ut falsum existimat Bachovius.

TEXTUS.

Jus antiquum de posthumo alieno.

26. *Posthumus quoque alieno inutiliter ante legabatur. Est autem alienus posthumus, qui natus inter suos haeredes testatori futurus non est: ideoque ex emancipato filio conceptus nepos, extraneus erat posthumus avo.*

NOTAE.

26. *Ex emancipato filio conceptus*) Alienorum posthumorum diversa sunt genera, & varii gradus: v. Cujac.

COMMENTARIUS.

1. *Posthumus esse similes incertis personis: ceterum non per omnia eodem jure cum his censer.*
2. *Posthumi alieni qui? & eorum diversa genera.*

Qui in utero sunt, sive posthumi, & tam alieni quam sui, in hereditate legitima semper pro jam natis habiti sunt, & capaces hereditatis sibi ab intestato delatae.

l. pen. de stat. hom. l. pen. de leg. 1. Verum in hæreditibus testamentariis & legatis nemo posthumus pro nato, initio habitus fuit, propter verba legis duodecim tabularum, *Uti quisque legatus sit*, &c. quæ sic à prudentibus, ut etiam ante diximus, accepta sunt, uti quisque certo consilio ac judicio decreverit, &c. Cum enim posthumi omnes incertæ sint personæ, aut incertis personis similes, contra legem fieri visum est, si aut hæredes instituerentur, aut legatum iis daretur, quasi non solido consilio id à testatore factum esset, ignorante, & an nascituri sint, & quales nascituri, & quot nascituri. Paulatim tamen disputatione fori propter utilitatem & non sine magna ratione receptum, ut posthumi sui rectè hæredes instituerentur, & legatum ex testamento caperent. In posthumi alienis interpretatione prudentum nihil mutatum; quia de re fusius disputavimus sub §. 2. *sup. de exher. lib.* Non in omnibus tamen eadem rationem posthumi alieni & cujusvis alius incertæ personæ fuisse, ex eo apparet, quod fideicommissum posthumum alieno utiliter relinquebatur, *l. 5. in fin. de reb. dub. 2. de jur. cod.* ceteris incertis personis inutiliter. Et verò non est posthumus planè similis tali personæ, quam testator omnino incerta & cæca cogitatione animo suo subjicit: sed magis & quodammodo similis iis, quos numquam vidimus qui etiam hæredes institui possunt, §. ult. *sup. de her. inst.* Cæterum quod hic Justinianus ait, posthumum alieno jure antiquo inutiliter legari, ei obstat *l. 6. de reb. dub.* nam in calce præcedentis *l. 5.* proponitur quis rogatus hæreditatem restituere posthumum suo vel alieno: & mox continenter in *l. 6. seqq.* posthumus hæres institutus, vel cui legatum relictum est. Respondeo, sunt loci isti diversorum auctorum: ac proinde necesse non est, ut quod in uno dicitur de posthumo vel suo vel alieno, cui hæreditas restitui jussus est, repetatur in altero, in quo simpliciter proponitur posthumus hæres institutus, aut legatum posthumum datum: nec illud etiam hoc loco queritur, an cum posthumum, & cum quo testamenti factio fit, sed in & quando posthumus partem faciat?

Inter suos hæredes testatori futurum non est) Posthumus suus & alienus sic inter se opponuntur, ut suus posthumus dicatur, qui si vivo testatore nasceretur, in potestate ejus esset, primumque ab eo gradum in familia obtineret, uno verbo, qui nasceretur testatori suus hæres: qualis est is, qui in utero uxoris testatoris est, aut uxoris filii ejus præmortui, aut emancipati, postquam uxor jam conceperat, *Tam. I.*

§. pen. sup. de tut. §. 2. tit. prac. Posthumi alieni omnes, qui, si vivo testatore nasceretur, aut in ejus potestate familiæ non nascuntur, aut non nascuntur proximo ab eo gradu, uno verbo, qui sui aut inter suos non nascuntur. Horum autem diversa sunt genera & varii gradus. Primum posthumus alienus avo est nepos natus ex filio, etiam quem supersitem in potestate habebat; quamdiu enim filius in familia manet, nepos ex eo suus hæres avo non agnascitur, §. 2. *sup. de exher. lib. d. §. 1. prac. tit. §. 2. de her. ab intest.* At enim quia aliquando fieri potest, ut hic nepos posthumus suus hæres testatori agnascatur, puta si filius vivo testatore decesserit: pro suo hæcenus habitus, atque ex formula Galli hæres institui potuit, *l. Gallus 19. de lib. & post.* Magis alienus posthumus est nepos, conceptus ex filio emancipato, hoc text. in quo etiam ob causam jam dictam hujus tantum nepotis posthumi fit mentio: item qui in utero est uxoris filii, qui in adoptiva familia est, *l. 1. §. si filius 8. de vent. in poss. mitt.* & qui nasci speratur ex testatoris filia, §. ult. *sup. de pat. pot.* Eadem porro ratione posthumus matri alienus est posthumus, puta si cæso utero extractus fuerit, *l. 6. fin. pr. de inoff. test.* & avix, qui in ventre est filix, aut uxoris filii, & adhuc magis alieni, qui nascituri sunt ex agnatis aut cognatis, *l. pen. de leg. 1. dist. l. 6. de inoff.* Postremo alienissimi & maximè extranei, qui necque legitimis futuri sunt, neque cognati, *l. 6. de vent. in poss. mitt.* Hos autem omnes Justiniani definitio complexa est.

T E X T U S .

Jus novum de personis incertis & posthumum alieno.

27. *Sed nec hujusmodi species penitus est sine justa emendatione relicta; quum in nostro Codice constitutio posita sit, per quam & huic parti medemur, non solum in hæreditatibus, sed etiam in legatis & fideicommissis: quod evidenter ex ipsius constitutionis lectione clarescit. Tutor autem nec per nostram constitutionem incertum dari debet: quia certo judicio debet quis pro tutela sua posteritati cavere.*

N O T Æ .

27. *In nostro Codice constitutio*) Desideratur hæc Justiniani constitutio. Ex verbis autem hujus textus hoc constat Justinianum cavisse, ut incertis personæ, cui aliquid legatum est, non videret legatum, si vel in præsens, vel

ex futuro eventu certitudo aliqua apparere possit.

COMMENTARIUS.

Hujusmodi species sine justa emendatione) Dubium est, utrum indistinctè hoc referendum sit ad speciem de incertis personis, de quibus superius egit, an verò tantum ad speciem de alieno posthumò, cujus proximè meminit in §. *præc.* Sed rectè plerique Interpp. sentiunt, Justinianum loqui in universum de specie incertarum personarum, quas hæcenus commemoravit, atque hoc dicere; constituisse se, ut & posthumò alieno & cæteris personis incertis, quas modo eventus postea demonstraret, legatum relictum valeat. Atque hoc ex eo satis intelligitur, quod scriptum est in §. *incertis* 25. incertis personis legari olim concessum non fuisse: quod stultè diceretur, si ne nunc quidem id concessum esset constitutione Justiniani. Habemus etiam certissima hujus rei argumenta in hoc ipso §. quo in progressu judicabimus. Hoc tamen dubii adhuc relinquitur, quatenus scilicet jus illud, quod de incertis personis recensuit, emendarit. Non enim dicit, se id jus penitus sustulisse, sed non penitus reliquisse inemendatum. Ex verbis quidem Justiniani nihil hic colligere possumus, quam hoc eum constitutione sua cavisse, ut incertitudo personæ, cui quid legatum est, non amplius vitiet legatum, si ulla ratione vel nunc, vel ex futuro eventu certitudo aliqua apparere possit. Sed tamen non semper id admittendum videtur. Quid enim si eventus incidit in eas personas, mortuo aut ignorante testatore, quibus verisimile non est, specialiter eum legatarum fuisse? Finge sic esse legatum, *Qui filiam suam filio meo collocaverit, ei hæres meus centum dato*: eamque collocasse ignorante testatore, qui inimicus testatori fuerit, qui pessimè de eo meritus, qui sit infamis aut vitæ flagitiosæ: non putarem, huic quicquam ex hujusmodi legato deberi, ne nunc quidem post constitutionem Justiniani. Certius verò de re tota constitui posset, si constitutio, ad quam hic relegamur, extaret: sed in Codice, quo nunc utimur, desideratur. Græcam fuisse verisimile est, omisamque à Latinis descriptoribus intercidisse.

Non solum in hæreditatibus) Ergo. olim nec hæres institui incerta persona potuit: quod etiam disertè scriptum est ab Ulp. *vir.* 22. §. 3. De posthumò tamen alieno testator ipse Justinianus §. *seq.* potuisse eum & antea hæredem institui. Cæterum hoc quomodo accipiendum sit, ibi declarabimus.

Et fideicommissis) De fideicommissis cautum propter personas incertas, §. *incertis* 25. *sup. eod.* nam posthumò alieno etiam antea fideicommissum relinqui potuisse evincitur ex l. 1. de jur. cod. l. 5. §. ult. de reb. dub. Et hoc tertium argumentum est, Justinianum non solum de posthumò alieno cavisse, sed de cæteris quoque personis incertis.

Tutor autem nec per nostram constitutionem incertum dari) Hoc iterum locus offendit, verum esse, quod diximus, Justinianum in constitutione, cujus hic meminit, emendasse jus de personis incertis, non solum posthumis male enim aliqui in ea tutorem incertum exciperet. Quod autem exceperit tutorem incertum, atque in eo jus vetus conservari voluerit, l. tutor 20. de test. tut. ad cautionem pupilli pertinet: quippe cujus interest, ne incerti aut ignoti, de quorum fide, diligentia ac moribus testatori constare non potuit, ad tutelam admittantur, maxime sine limitatione, à qua tutores testamentarii immunes sunt. Cui adde, quod in delatione tutelæ nulum lucrum vertitur, quod ea susceptæ tutor consequatur.

TEXTUS.

De posthumò alieno hærede instituto.

28. *Posthumus autem alienus hæres institui & ante poterat, & nunc potest: nisi in utro ipsi sit, qua jure nostro uxor esse non potest.*

COMMENTARIUS.

1. *Quomodo accipiendum, quod hic ait Justinianus, posthumum alienum etiam antea hæredem institui potuisse?*
2. *Consulantur Aciatus & Bachovius, qui putant huic loco desse negationem.*

ET si, ut superius dixi, antea ita jus fuit, ut posthumò alieno inutiliter legaretur: nihilominus tamen, ut nunc hic ait, hæres institui is posthumus etiam antea potuit. Hoc autem non videtur convenire cum iis, quæ supra relata sunt de inutili institutione postumi alieni, & de emendatione juris veteris etiam hac in parte à Justiniano facta. Tum si antea posthumus alienus hæres institui potuit, quid opus fuit addere, etiam nunc eum institui posse? An quia constitutione sua jus vetus in eo confirmavit? nullo modo: prohietur enim expressè, se antiqui juris observationem circa incertas personas & postumos alienos emendasse etiam in hæreditatibus, significans, sui de-

dum illa constitutione effectum, ut etiam posthumus alienus recte hæres instituitur. Sed sciendum est, neutrum jure civili in persona posthumi alieni valuisse: si hæres institutus esset, si legatum ei datum: cæterum legatum etiam jure prætorio insuper habitum, cum eo jure institutio posthumi alieni, ut favorabilior, sustineretur, institutumque prætor adjuvaret dando ei bonorum possessionem secundum tabulas, *infr. de bon. poss. in pr. l. posthumus. 6. de inoff. testam. l. 1. §. si filius. 12. de vent. in poss. mitt. l. 3. de bonor. poss. sec. tab.* Quamobrem interpretes fere omnes hæc verba Justiniani, & ante poterat, & nunc potest, sic acceperant, ante poterat jure prætorio, nunc potest etiam jure civili ex constitutione scilicet Justiniani, ut cum utrumque intelligi non possit de eadem juris specie, accipiat de eodem juris effectum, cum parum referat ad vim tabularum, utrum hereditas ex iis adiri, an bonorum possessio peti possit; quod ego verissimum esse arbitror. Neque obstat, quod Justinianus loquitur de hærede instituto, quod verbum est juris civilis: sic enim loqui cum necesse fuit, ut ostenderet differentiam institutionis & legatorum, de quibus antea egerat. Et quid prohibet, quominus dicatur jure facta institutio, quæ jure prætorio sustinetur? Sanè Ulp. in d. l. 6. de inoff. test. l. 1. §. si filius. 12. de vent. in poss. mitt. cum de posthumo alieno loquens eum hæredem scriptum aut hæredem institutum, naturæ secundum tabulas habere scribit, nihil aliud significat, quam posthumum alienum jure prætorio recte hæredem institui. Quin etiam Paulus simpliciter respondet, hujusmodi institutionem jure fieri, l. Titius. 25. §. 1. de lib. & posthum. cujus species huc quoque pertinet, ut bene contra Cujacium observavit Ant. Fab. 9. conj. 2. D. Bachovius tamen contra omnium exemplarium & Græcarum Institutionum fidem existimat, huic loco deesse negationem, & legendum, *Posthumus autem non alienus*, id est, suus: quod jam olim etiam tentavit Alciatus 9. parerg. 1. Sed errare eos aperte ostendit subjecta exceptio, nisi in utero ejus sit, quæ jure nostro uxor esse non potest: quæ exceptio necessario intelligenda est de posthumo alieno, siue eam accipias de posthumo, qui utero sit ejus mulieris, quicum omnino nullum connubium est, ut sunt Vestales, Sanctimonialia seu Ascetrix, quæ perpetuam voverunt castitatem; siue etiam de eo posthumo, qui ex ea muliere & testatore nasciturus est, quæ illius uxor esse prohibetur propter cognationem putæ, aut infinitatem, aut quia alii nupta: quippe quod

ex his nascitur vivo testatore, in potestate ejus nasci non potest; esque turpis hujusmodi institutio, ipsoque jure non valet, l. 9. §. 1. de lib. & posth. Jam verò stultissimè exciperetur posthumus alienus, si id quod præcedit, ad posthumum alienum non pertinet, sed ad non alienum siue suum dumtaxat. Mirorque adeo judicium Bachovii, qui hac exceptione etiam confirmari putat suam illam & Alciati emendationem. Cæteris Bachovii argumentis quibus facile occurrent, qui modo hæc nostra attentè legerit.

TEXTUS.

De errore in nomine legatarii.

29. Siquidem in nomine, cognomine, prænomine, agnomine legatarii testator erraverit, cum de persona constat, nihilominus valet legatum. Idemque in heredibus servatur; & rectè. Nomina enim significandorum hominum gratia reperta sunt: qui, si alio quolibet modo intelligantur, nihil interest.

NOTÆ.

29. Cum de persona constat) Id est, dummodo certum sit demonstratione testatoris, de quo ille senserit. Et pari ratione quamvis testator erraverit in nomine proprio rei legatæ, veluti si fundum Cornelianum pro Semproniano nominaverit, utile est legatum, & debetur Semproniano l. 4. de leg. 1. Secus est si erraverit in nomine rei appellativo, puta si cum vestem legare vellet, suppellectilem scripserit: quia rerum vocabula naturæ consona, publica & immutabilia sunt, d. l. 4. l. 7. §. 2. de suppel. leg.

COMMENTARIUS.

- 1 Subtilius ac diligentius, quam passim, explicatur differentia nominum propriorum.
- 2 Cur error in nomine legatarii non vitiet legatum, cum de persona constat? & n. 5.
- 3 Nec errorem in nomine proprio rei legata vitare legatum: & cur vitiet error in nomine appellativo?
- 4 Quid si testator rem oculis subjectam alieno nomine appellaverit?

TRACtationi de incertis personis ea de errore nominis, item de falsa demonstratione & falsa causa ideo subjungi videtur, quia hæc quoque quodammodo personam legatarii incertam reddunt. Pertinet huc titulus Pand. de cond. & demonst. item sit. C. de falsi. caus. adj. leg. cum. 2. seqq. ad quos vidi: D. Tuld, & Perez. add. Christin. vol. 4. decis. 49. Nos Dddd 2

etiam quædam subtilius atque accuratius, quàm illi fecerunt, explicabimus.

In nomine, cognomine, prænominе, agnomine) Hæc quatuor nomina etiam Imp. Gordianus distinctè expresse, l. 4. C. de test. & Charisius Grammaticus ita scribit: *Proprio nomina in quatuor species dividuntur, prænomen, nomen, cognomen, agnomen, ut Publius, Cornelius, Scipio, Africanus. Prænomen est, quod nomini præponitur, ut Publius. Nomen, quod familia originem declarat, ut Cornelius. Cognomen, quod nomine subiungitur, ut Scipio. Agnomen, quod extrinsecus adjici solet, ut Africanus.* Hæc ille. Plura etiam ejusmodi apud Romanos videmus, ut Marcus Licinius Crassus Dives, Marcus Porcius Cato Sapiens, Quintus Fabius Maximus Allobrox, Lucius Cornelius Scipio Asiaticus. Charisius autem non satis distinctè videtur rem ipsam explicasse. Prænomen erat nomen ejusque proprium; ut Marcus, Lucius, Paulus, Publius. Nomen totius gentis commune erat, hoc est, omnes, qui ex eadem gente erant, eodem nomine appellabantur, verbi causa, qui ex gente Cornelia, omnes Corneli, qui ex gente Valeria, omnes Valerii nominabantur. Cognomine singulæ familiæ in quaque gente distinguebantur, idemque omnium, qui ejusdem familiæ erant, cognomen erat: ut in gente Cornelia, qui ex familia Scipionum, Scipiones, qui ex familia Lenculorum, omnes Lentuli, &c. Agnomen dicebant, quod ab eventu alio ducebatur, ut Publ. Scipio ex Africa, Lucius ex Asia oppressa cognomen acceperunt, quamquam ejusdem essent familiæ, teste Cicerone pro Muræna. quo tamen loco non agnomen illud, sed cognomen vocat. Idem lib. 2. de offic. c. 16. Divitem Crassum & libro de amicis. c. 2. Sapientem M. Catonem cognomen fuisse scribit. Apud nostros quoque tantum nominis, prænominis, & cognominis mentionem fieri reperio, l. 1. de lib. & poss. l. benevolent. 21. §. 1. qui test. fac. l. 8. §. 2. sec. tab. Unde apparet, veteres appellatione cognominis etiam agnomen complecti, etsi hæc interdum distinguant. Cicero lib. 2. de invent. c. 9. *Nomen cum dicimus, inquit, cognomen quoque & agnomen intelligatur oportet.* Non tunc autem apud Romanos agnomina aut frequentia aut necessaria, quippe quibus plerasque caruisse constat. At his tribus, prænominе, nomine, cognomine perpetuo uti consueverant: ut L. Cornelius Sylla & C. Julius Cæsar; M. Tullius Cicero. Theophilus hanc rem Græcis parum cognitam, ut potest, declarat, scribens, nomen esse τὸ κείμενον ὀνόμα, prænomen, quod nomini præponitur, à majoribus vel benefactoribus

assumptum. Hodie in toto orbe Christiano præter nomen familiæ sive cognomen hereditarium, à parentibus aut amicis proprium nomen mutuatur, quod nobis imponitur, cum Sacramento Baptismi iniciamur, & in Ecclesiam recipimur. VINN. Omnibus Romanis fuisse cognomen, haud facile demonstraveris. Aliud de C. Mario, Q. Sertorio & L. Mummio observavit Plutarchus in vita Marii ab initio. Sic & foeminae, eodem teste, nomen quidem habebant gentile, ut Tullia, Fulvia, Livia, immo & prænomen, ut à Perizonio, Spanhemio, aliisque demonstratum est, sed nullo cognomine. Sed & id observandum, genti Sulpitiae hinc semper fuisse prænomen: alterum commune SERVIUS: alterum proprium, ut Cajus, Marcus, &c. Adoptivi plerumque retento prænominе, adsumebant nomen patris adoptantis, & cognominis loco addebant nomen gentis ex qua prodierant, inflexum in ANUS. e.g. M. JULIUS OCTAVIANUS. Sed hæc tamen non semper ita se habuisse permultis exemplis ostendit vir summus Ez. Spanhemius de usu & præst. numism. HEIN.

Cum de persona constat) Sive quis hæredem instituit, sive alicui quid legat, personam hæredis & legatarii demonstrare oportet. Demonstrantur personæ circa controversiam suo nomine, cæterum & aliis rebus demonstrari possunt, & si aliis demonstrantur; valet institutio & legatum perinde, ac si proprio nomine demonstratæ essent, l. quæstion. 9. §. si quis. 8. de her. inst. l. 8. §. 2. de bon. poss. sec. tab. l. 4. C. de testam. & generaliter in omnibus partibus juris demonstratio vice nominis fungitur, l. 6. de reb. cred. l. nominatim. 34. de cond. & dem. l. 2. de lib. & poss. Cui jam & illud consequens est, ut si falsum nomen adjectum sit, errante in nomine testatore, nihilominus & institutio & legatum valet, perindeque habendum sit, quasi nomen omnino adjectum non esset: dummodo certum sit demonstratione testatoris, de quo ille senserit. Ut enim cætera omittantur, personam tamen necesse est ita demonstrari à testatore, ut certo appareat, quem ille intellexerit, d. l. quæstion. 9. §. si quis. 8. Pro non dicto enim est, aut pro non scripto, quod ita dictum scriptumve est, ut non intelligatur, l. 2. de his, quæ pro non script. hab. Finge ergo, hoc modo vel instituisse; *Cornelia, sororis mea, filius heres esto, vel legasse, Cornelia, sororis mea, filio fundum illum do, lego, si soror unum tantum filium habuit, hic quia satis apparet quem testator designavit, valet institutio & legatum.* Idemque est, si sic dixerit; *Cornelium, sororis*

mea Cornelia filius, bares esto: aut, Cornelio, sororis mea Cornelia filio, centum lego: etiamsi ei non Cornelio, sed Sempronio nomen sit. Porro dum certa sit demonstratio, unde ea ducatur, nihil interest. Nam & sic rectè hares nuncupatur indicio digiti, *Hic mihi bares esto, cum præsens est, qui ostenditur, l. nemo. § 8. de bar. inst.* Denique & sic quoque rectè demonstratur: *Cujus nomen in codicillis scripsero, ille mihi bares esto, l. 10. de cond. inst.* cuiusmodi demonstratioes in legatis vel magis valere debent. Pari ratione etiam testator erraverit in nomine rei legatæ, veluti si fundum Cornelianum pro Semproniano nominaverit, utile est legatum, & debebitur Sempronianus, si constet hunc legatum esse, *l. de legat. 1.* Et convenienter, si quis, cum unum tantum servum haberet, dixerit: *Servum meum Stichum do, lego*, valebit legatum, licet servo Davus, non Stichus, nomen sit, *arg. §. seq.* Planè si quis cum vestem legare veller, suppellectilem scripserit putans vestem appellatione suppellectilis contineri, placet, nec suppellectilem nec vestem deberi, quasi neutrum legatum sit, *d. l. 4. de legat. 1.* ubi Jurisconsultus differentie hanc rationem reddit, quod rerum vocabula immutabilia sunt, hominum mutabilia. Rerum vocabula vocat, quæ Grammatici appellaverat hominum, quæ illi propria, eo quod rei sive personæ tantum singulariter designandæ causa reperta sunt. Hæc mutabilia esse ait, quia scilicet privata sunt, & pro arbitrio singulorum & imponuntur, & mutantur: illa immutabilia, quia publica & communia, *l. Labeo. 7. §. 2. de supel. legat.* ut proinde error in his tolerabilis sit, in illis stultus & intolerabilis. Et est sanè ingens inter hæc discrimen. Propria nomina omnia *divina* constant, & ita, ut pro arbitrio cuiusque privati & circa considerationem naturæ rei imponantur: unde nec rei *verba*, sed tantum differentiam *παραβολή* indicant. Appellativa autem fere *φύσει* constant, id est, à natura vim suam habere videntur, saltem prima, quæ sunt *ἀρχαῖα καὶ σταῖα*, id est, principia & elementa reliquorum. Sanè Cratylus apud Platonem existimat, majorem quamdam vim, quam humanam prima rebus nomina imposuisse. Sed & flexa, etiam impositiva sunt, publica tamen & ipsa sunt ac communia, & sive prudentes, sive temere *ἀπὸ τῆ ἀπορίας* imposita sunt, non sunt tamen arbitraria, ut ex singulorum opinione exaudiri debeant, sed ex communi usu. In summa eorum impositio naturæ consona habetur, nec minus hæc, quam prima, ipsam rei substantiam indicant. *ΥΠΗΝ.* Sed non te-

mere hodie quisquam cum Cratyllo apud Platonem existimabit, vocabula *φύσει* significare, non ex impositione hominum. Nec opus tam subtili ratione, quam prior reddi possit. Nomen proprium uni datur, appellativum pluribus commune est vel personis vel rebus. Si quis itaque per errorem suppellectilem pro veste scripserit, neutrum debetur, non vestis, quia hujus non sit mentio, non suppellex, quia de hac non sensit, vocabulo hoc pluribus rebus quam vestibus conveniente. Ast si Davum pro Stichio dixit, & unus tantum servus addit, facile apparet de quo fenerit testator, quia nomen proprium servile non nisi uni servo suo competere potest. *HEIN.* De illo quæsitum est, an non saltem valeat legatum, si res, cum oculis subjecta esset, à testatore demonstrata sit, ut alieno nomine eam appellaverit, veluti si, cum equus præsens esset, ita legavit, *Hunc bovem Titio lego.* *DD.* comm. probant sententiam Accursii in *l. quæ extrinsecus. 65. de verb. obl.* existimantis valere, atque equum deberi: quod tamen mihi minime consentaneum videtur ei, quod scribit Paulus *l. 3. de reb. dub.* cum, qui aliud dicit, quàm vult, neque id dicere, quod vox significat, quia non vult, neque id, quod vult, quia id non loquitur: convenienter planè sententiæ sive Servii sive Celii, non videri quemquam id dixisse, cuius non suo nomine usus sit, aut, quod idem valet, neminem videri sensisse, quod non dixit, quamquam Tubero plus hic tribuebat voluntati, *l. 7. §. 2. de sup. leg.* Quamobrem magis est, ut tale quoque legatum inutile haberi debeat, atque æquè stultum ac derisorium, ut illa de quibus in *l. 4. de legat. 1.* quod etiam Mynsingero verius videtur. Sanè si quis cha-tas librorum appellatione, aut contra, complexus esse dicatur, locus esse potest quæstioni voluntatis propter rerum affinitatem, *l. librorum. § 2. §. quod tamen. 4. de legat. 1.* Quin etiam generaliter id admittendum putem, si aliquo colore usive loquendi vocabulum, quo testator usus est, ad id, quod voluisse dicitur, extendi potest, *arg. l. 9. de trit. vin. ol. l.*

Significandorum hominum gratia) Ratio elegans, si enim nomina in hoc inventa sunt, ut per ea commodius personæ designentur profecto nec omisio nominis, nec error in nomine legatarii, si aliunde de persona ejus certo constat, legatum vitare debet: & rectè Pedius nihil referre dicebat, proprio nomine res appelletur an digito ostendatur: quoniam vice mutua fungantur, quæ tantumdem præstant, *l. 6. de reb. cred.*

De falsa demonstratione.

30. *Hinc proxima est illa juris regula, falsa demonstratione legatum non perimi. Veluti si quis legaverit: Stichum servum meum vernam, do, lego. Licet enim non verna sed emptus sit; si tamen de servo constet, utile est legatum. Et convenienter, si ita demonstraverit: Stichum servum, quem à Sejo emi, sitque ab alio emptus; utile est legatum, si de servo constat.*

COMMENTARIUS.

1. *Regulam hoc loco traditam sic esse temperandam, nisi quid aliud legato obstat, præter falsitatem demonstrationis: quod variis exemplis demonstratur.*

Quod in errore nominis personæ legatarii, aut proprii vocabuli rei legatæ custoditur, ut etsi falso hujusmodi nomine testator usus est, legatum tamen ob id non vitietur, modo de persona aut re aliunde constet: id etiam obtinet in demonstratione, hoc est, adjectione omni, quæ extra nomen personæ aut rei designandæ gratia adhiberetur, ut etsi vel in persona legatarii, vel in re legata demonstranda aliquid erratum sit, tamen perinde legatum valeat, ac si nullus error intervenisset: dummodo constet, cui legare, aut quam rem legare testator voluerit, *l. demonstratio. 17. in pr. §. 1. l. si falsa. 33 cum l. seq. de cond. & dem.* Ratio est, quia nomen & demonstratio mutua vice funguntur, aut demonstratio vice nominis: *l. 6. de reb. cred. l. nominatim. 34. de cond. & dem.* Eoque respicit Justin. in pr. *hujus. §.* cum ait, proximum esse superiori hanc juris regulam, *falsa demonstratione legatum non perimi.* Habet autem hæc regula suas nonnullas exceptiones, & in univèrsim sic temperanda est, nisi quid aliud legato obstat præter falsitatem demonstrationis. Etenim si demonstratio certam rem aut summam indicet, sed circumscriptam certo loco, eaque res illo loco non reperiatur, inutile hoc esse legatum traditum est. Ut ecce, testator ita legaverit: *Centum, quæ in arca habeo, Titio l. go.* Si hæc in arca nulla sint, placeat nihil deberi, quasi certum corpus, quod in rerum natura non est, legatum sit, *l. si servus. 108. §. qui quinque 10. de legat. 1. l. 1. §. sed & si 7. de dot. præl. junct. l. planè. 34. §. 4. de legat. 1.* prius enim esse debet, quod legatur, quam legatum valeat, aut dici possit fal-

sa demonstratione non perimi, *l. quibus. 40. §. pen. de cond. & dem.* Item si quis ita legaverit: *Quod mihi Titius debet, Sempronio lego,* sine adjectione corporis aut quantitatis, neque Titius quicquam debeat, placet nullum legatum esse, non propter vitium demonstrationis, sed alia evidenti ratione, quia non apparet, quid quantumve legatum sit, *l. si legatum 71. §. 1. de leg. 1.* Et eadem igitur ratione inutile erit & hoc legatum: *Quod Titio debeo, ei lego,* si testator neque debeat, neque quantitas adjecta sit: quamvis si ita dixerit: *Decem, quæ Titio debeo, ei lego,* nec quicquam Titio debeat, legatum sit utile: quia sola falsa demonstratio legatum non vitiat, *d. l. si sic legatum. 70. §. 1. l. legavi. 25. sub fin. de lib. leg. Sed & amplius licet quantitas adjecta sit, tamen nec si quidem semper utile legatum in superioribus speciebus. Finge, testatorem ita legasse: Centum, quæ Titio debeo, Sempronio lego, constat, hoc legatum in utile esse, etiam si verum sit, centum Titio deberi, quoniam debitor id quod ipse debet, alii quam creditori legare non potest. Quam ob causam nec si falsum erit, legatum valebit: nam quod inutile forte legatum detracto vitio demonstrationis, adjecta vitiosa demonstratio utile efficere non potest. Finge iterum legasse hoc modo: *Trio centum, quæ mihi debet, lego,* cum Titius nihil deberet, responsum est, nihil hic item esse in legato, multumque interesse inter falsam demonstrationem & falsam conditionem hinc causam, *d. si sic legatum. 71. §. 2. d. l. legavi. 25. vers. quod si sic.* Nimirum etsi hic centum verbo legata sunt, revera tamen nihil aliud legatum, quam liberatio: quo legato hoc continetur, ut si hæres petat, exceptione removeri, si non petat, ultro pulsari possit, ut debitorem liberet, *l. 3. §. 3. de lib. leg.* Neutri verò horum locus esse potest, ubi nulla est obligatio. Pari denique ratione si testator centum, quæ Titius ei debebat, legaverit Sempronio, dicendum erit, inutile esse legatum, si nihil Titius debeat, *d. l. si sic legatum. 81. §. 2.* quippe nec hic legatur centum, quæ hæres det, sed actio, quam præstet adversus Titium: hoc enim legato nominis continetur, ut, hæres actiones suas præstet nullas verò habere aut præstare potest adversus eum, qui nihil debet; quod Jurisconsultus in *d. l. si sic legatum. 71. §. 2.* breviter his verbis significat: *Esse enim debitor debet.**

Stichum servum meum vernam) Exemplum falsæ demonstrationis: Est autem verna servus domi ex ancilla natus, *οικουρις, οικιαυρις.* Quod nomen Festus à vere deductum putat, quod

quod id tempus duce natura futura est. Hinc vernaculus, ut vernacula lingua, uva vernacula, id est, κίωμα. Cicero §. in Ver. c. 61. Vernaculum crimen pro domestico. Auctor. incert. de bello Hispan. cap. 7. Vernaculus Pompeji legiones pro propriis dixit.

Stichum servum, quam à Sejo emi) Aliud ejusdem generis exemplum ex l. demonstratio. 17. §. 1. de cond. & dem. ubi & aliud occurrit, veluti si ita servus demonstratus sit: Stichum suorem, Stichum cocum Titio lego. Licet enim nequesutor, neque cocus sit, ad legatarium pertinere dicitur, si de eo sensisse testatorem apparet. Exempla autem hæc sunt falsæ demonstrationis adjectæ rei legatæ, idem verò etiam obtinet, si in persona legatarii designanda quid erratum sit, aut falso demonstratum, puta circa corpus, vel artificium, vel officium, vel patriam, vel necessitudinem, vel affinitatem, dummodo de persona ejus constet, cui testator legaverit, d. l. 17. §. 1. l. falsa 33. & l. segg. cod. Quod tamen & ipsum semper sic accipiendum est, dum nihil amplius obstat legato, quam falsa demonstratio; non etiam error, qui obstat voluntati, qualis plerumque nascitur ex errore sanguinis. Nam si quis propter hanc opinionem aliquid alicui legaverit, ut sanguine conjuncto, qui non erat, legatum non valebit, arg. l. 4. & l. 7. C. de bar. infl.

T E X T U S .

De falsa causa adjecta.

31. Longè magis legato falsa causa adjecta non nocet; veluti cum quis ita dixerit: Titio, quia me absente negotia mea curavit, Stichum do, lego; vel ita; Titio, quia patrociniò ejus capitali crimine liberatus sum, Stichum do, lego. Licet enim neque negotia testatoris unquam gesserit Titius, neque patrociniò ejus liberatus sit, legatum tamen valet. Sed si conditionaliter enunciata fuerit causa; aliud juris est, veluti hoc modo, Titio, si negotia mea curaverit, fundum meum do, lego.

N O T A E .

31. Legato non nocet) Quia ait Papinianus: ratio legandi legato non coheret, l. 72. §. 6. de cond. & dem. id est, quia legatum constat etiam citra rationem adjectam legato, ideo falsa causa non nocet, quia vera quoque necessaria non est. At citra nomen aut demonstrationem legari non potest.

C O M M E N T A R I U S .

1. Cur longè minus falsa causa legato adjecta no-

cere dicatur, quàm falsa demonstratio?

2. Causam in futurum collatam sive modum huc non pertinere?

3. Qua ratione legatum in proposito subsistatur?

4. Insigne hujus juris temperamentum.

5. Quis in re conditio & modus convenient, & discrepent?

Quod juris est, ait Cajus, in falsa demonstratione, hoc vel magis est in falsa causa, l. demonstratio. 17. §. 2. de cond. & dem. Causa nostris dicitur causa præterita, seu ratio, propter quam aliquid datur aut fit, l. damus §. 2. de cond. ind. causa irritatrix, quam dialectici προκαταρκτική vocarent, alias ἀφαιρητική, occasio, causa impellens dicitur. Igitur, causa, id est, ratio legandi, etiam si falsa sit, legato non obest. Sed cur ait, longè minus falsam causam legato adjectam nocere, quam falsam demonstrationem? Puto ideo, quia nomen & demonstratio cum legato coheret, adhibentur enim ad personam legatarii aut rem legatam designandam: causa autem legandi à legato separata est, & sine ulla causa legari & potest & solet. Hanc differentiam indicat Papinianus, l. cum tale. 72. §. falsam 6. de cond. & dem. cum ideo ait falsam causam legato non obesse, quia ratio legandi legato non coheret. Causa, quæ in futurum confertur, modus appellatur; veluti, Centum lego ut opus extruatur, &c. d. l. 17. §. ult. de cond. & dem. tit. C. de his quæ sub. mod. leg. Ea autem huc non pertinet: quia quod sub modo legatum est perinde fere habetur, ac si sub conditione relatum esset, l. si cui §. 2. de cond. & dem. l. 1. C. d. tit.

Legatum tamen valet) Donare enim nihilominus testator voluit, aut saltem voluisse præsumitur. Quippe sciebat, se ob negotia sua gratis gesta aut patrociniò sibi præstitum nullam necessitate remunerandi teneri, arg. l. donari. 82. de reg. jur. l. damus §. 2. l. in summa. 65. §. 2. de cond. ind. Cum igitur gratuitam merèque voluntariam exercuerit liberalitatem, non debet hanc evertere falsitas occasionis, quæ primum provocatus ad legendum fuit. Nam & si quis inter vivos ob hanc causam quid dederit, quod negotia sua adjuncta putabat, falsa licet persuasione, datum consistit, nec repeti potest, d. l. damus §. 2. de cond. ind. redditurque hæc ratio in d. l. in summa. 65. §. 2. cod. quia qui dedit, donare voluit. Et vel magis igitur id valere debet in ultimis voluntatibus, arg. l. in testam. 12. de reg. jur. VINN. Accedit & alia ratio legatis propria. Legare, ut supra ex Ulpiano demonstravimus; est legis mo-

do aliquid relinquere. Testator itaque est instar legislatoris. Hujus autem lex obligat, tametsi falsa ratione munita: quia jam ipsa legislatoris voluntas pro ratione est. Rectè Pufendorf. de J. N. & G. lib. 1. cap. 6. §. 1. *Lex licet ipsa suis non debeat carere rationibus, haec tamen propriè causa non sunt, quare ipsi obsequium praestetur, sed potestas præcipientis, qui ubi voluntatis suæ decretum significavit, obligationem subito adfert, omnino juxta præscriptum suum faciendi, etsi fors ipsi rationes præcepti baud ita liquido adpareant.* Ita ergo & hæredi necessitas imponitur, voluntati testatoris, tanquam legislatoris adimplendi, si vel maximè hic rationem vel nullam vel falsam adjecerit legato. HEIN. Cæterum insigne hujus juris temperamentum Papinianus addit, l. cum tale 72. §. falsam 6. de cond. & dem. nisi hæres probet testatorem legatum non fuisse, si causam, quam adjecit, falsam esse scivisset. Verba Papiniani sunt: *Sed plerumque doli exceptio locum habebit, si probetur, alias legatum non fuisse.* Quasi dicat, etsi falsa causa adjecta legatum numquam ita vitiat, quin summo jure peti possit, propter regulam de falsa causa; tamen plerumque fieri, ut petentem legatarium hæres summoveat exceptione doli mali, docens, testatorem solius causæ, quæ adjecta est, gratia legatum reliquisse, alias non fuisse legatum. Id verò sæpe probatu non est usque adeo difficile. Quid enim si testator aliquando apud amicos apertè dixerit, se, si verbi causa Titius negotia sua non curasset, nihil habere, cur ei quicquam relictum vellet; vel se facere non potuisse, quin egregium officium sibi à Titio præstitum legato aliquo remuneratur, aliam legandi causam non habuisse; vel hoc unum se movisse, ut Titium legato honoraret, quia restitutionem sibi à Principe impetrasset, alias nihil se illi legatum fuisse? Denique quotiescumque probari potest, tanquam pro compensatione accepti beneficii legatum datum esse, locus erit exceptioni doli: quippe quæ omnibus obstat, qui non ex voluntate defuncti aliquid petunt, l. 3. §. ult. de adm. leg. l. 4. §. præcrea 10. de dol. mal. exc. Et ideo si quis cum Titio quædam sua negotia peregre curanda commisisset, atque existimans ea diligenter curata esse, centum eidem Titio legaverit cum adjectione hujus causæ, quam falsam esse & negotia illa neglecta hæres doceat; putarem hic etiam petenti legatario obstituram doli mali exceptionem.

Conditionaliter enuntiata) Si causa conditionaliter hoc modo enuntiata fuerit: *Titio, si*

negotia mea curaverit, fundum lego, causa legato ipsa conceptione coheret, & si falsa est, sit, ut voluntas legato desit, & legatum sit inutile, l. demonstratio 17. §. pen. de cond. & dem. nam conditiones, quæ in præsens aut præteritum tempus conferuntur, si falsæ sint, statim vi sua inanem & inusilem actum reddunt, §. pen. inf. de verb. obl. Itaque hoc casu legatum non debebitur ipso jure, eoque nec exceptio adversus petentem desiderabitur. Conditioni affinis est modus: utramque enim futurum aliquid expectat; nam si hac legandi formula testator utatur: *Titio centum do, lego, ut mihi monumentum faciat*, legatum est sub modo, d. l. demonstratio 17. §. ult. si ita dixerit, *Do, lego, si monumentum faciat*, est conditionale. Effectus autem inter hæc multum interest: nam legatum sub modo relictum purum est, & statim peti potest, præstita scilicet cautione de re restituenda, si modus non impleatur: sub conditione autem relictum non debetur ante eventum conditionis, & si conditio defecerit, extinguitur, l. 3. l. 4. C. de cond. insert. quamquam non omnium conditionum eventus perpetuo expectatur. Nam si qua earum, quæ in non faciendo consistunt, collata sit in potestate legatarii, desiderante eo statim repræsentatur relictum, dum is caveat, nihil se ejus facturum, quod testator vetuit: si contra fecerit, rem una cum fructibus restitutum ei, ad quem jure civili, deficiente conditione legatum pertinere potest. Quæ cautio, quod à Q. Mucio inventa est & composita, Muciana dicta, atque in hereditatibus quoque locum habet, l. 7. l. his qui 18. de cond. & dem. Plura de conditionibus inferitis D. Tulden. & Perez. ad tit. de fals. ea. adj. & 2. seqq. Christin. vol. 4. decis. 49.

TEXTUS.

De servo hæredis.

32. *An servo hæredis restit legemus, queritur. Et constat, purè inutiliter legari, nec quicquam proficere, si vivo testatore de potestate hæredis exierit: quia quod inutile foret legatum, si statim post factum testamentum decessisset testator, hoc non debet ideo valere, quia diutius testator vixit. Sub conditione vero restit legatur servo, ut requiramus, an quo tempore dies legati cedit, in potestate hæredis non sit.*

COMMENTARIUS.

Hujus & sequentis §. exiguus hodie usus est servitutis jam sublata. Proponitur
duz

duz quæstiones contrariæ, una hoc §. an servo hæredis rectè legetur? altera §. seq. an rectè legetur domino servi hæredis instituti?

Purè inutiliter legari) Quod servo legatur, ipsi domino legari intelligitur, *l. non minus 31. de her. inst.* proinde si servo legetur, vel ipse hæredi à semetipso legetur: quod à juris ratione alienum est, *l. 1. quidem 18. legatum 116. §. 1. de legat. 1. Ulp. tit. 24. §. 20.* neque natura patitur, ut idem sibi & creditor sit & debitor; quod fieri necesse est, si servo hæredis legari volumus: nam hæres hic & creditor sit oportet, quia dominus legatarii, & debitor, quia hæres testatoris. Hinc quotiescumque accidit, ut creditoris & debitoris iura in eandem personam concurrant, confunditur obligatio, & necessario extinguitur: quia nemo sibi obligatus esse potest, *l. ficut 75. de solut. l. 7. C. de pass.*

Si vivo testatore de potestate) Utrum quod purè relictum est, valeat, nec ne; ex tempore facti testamenti æstimandum, juxta præscriptum regulæ Catonianæ, quæ quod legatum inutile foret moriente statim testatore, ex postfacto convalescere non patitur, *l. 1. de rez. Cat.* Atqui in proposito, si statim testator decedat, vires habere legatum non potest. Eadem ratione supra dictum est, cum res sua alicui legatur, quia hoc legatum ab initio non consistit, ideo non convalescere, etiamsi legatarius eam rem vivo testatore alienaverit, §. *sed si rem 10. sup. eod.*

Sub conditione verò rectè) Quod legatum per conditionem suspenditur, id in incerto est, aliquando valicuum sit, ut nec ne. ut dici non possit tempore testamenti valere aut non valere: & ideo placet, Catonis regulam ad legata conditionalia non pertinere, *l. 4. de rez. Cat.* quæ ob hoc amplius non pertinet ad legata, quorum dies non mortis tempore, sed post aditam hæreditatem cedit, *l. 3. eod.*

An quo tempore dies legati cedit) Dies legati sub conditione relicti ante eventum conditionis non cedit, *l. 5. §. 2. quando, dies leg.* id est legatum sub conditione datum non ante deberi incipit, quam conditio extiterit, *l. cedere diem 213. de verb. sign.* atque ex eo demum tempore vires hujusmodi legatum capit; ut proinde etiam satis sit, cum conditio existit, rem in eo statu esse, ut possit vires capere, quemadmodum in proposito potest, si scilicet eo tempore servus non sit in potestate hæredis. Quod si tempore conditionis existentis adhuc in hæredis sit potestate, proculdubio legatum nullum est. Sed inquires, etiam in casu præcedenti contingere potest, ut die legati ce-

Tom. I.

dente servus non sit in potestate hæredis; potest enim ante mortem testatoris, ex quo tempore dies legati purè relicti cedit, ab hærede manumitti & alienari. Respondeo, quod attinet ad utilitatem legati puri, ita spectari tempus mortis, ut id tempus vi & potestate regulæ Catonianæ jungatur, cum tempore testamenti facti, perindeque omnino habeatur, licet diutius testatorem vivere contingat, ac si statim testamenti facti tempore decessisset. Ex quo est, quod nec ad ulla legata regula pertineat, quorum dies non cedit tempore mortis, *l. 3. de rez. Cat.*

TEXTUS.

De domino hæredis.

31. *Ex diverso, hærede instituto servo, quomodo domino rectè etiam sine conditione legetur, non dubitatur. Nam etsi statim post factum testamentum decesserit testator, non tamen apud eum, qui hæres sit, dies legati cedere intelligitur, cum hæreditas à legato separata sit, & possit per eum servum alius hæres effici, & si prius, quàm jussu domini adeat, in alterius potestatem translatus sit, vel manumissus, ipse hæres efficitur; quibus casibus utile est legatum. Quod si in eadem causa permanserit, & jussu legatarii adierit, evanescit legatum.*

COMMENTARIUS.

HÆc species superiori contraria est. Ait, ei, cujus servus hæres institutus est, etiam sine conditione rectè legari hac ratione, quia etiamsi statim decedat testator, tamen hoc casu dies legati apud eum, qui hæres sit, non cedit: inuens, legatum quidem cedere domino, ac proinde eo mortuo ante aditam hæreditatem ad hæredem ejus transmitti; sed non cedere apud hæredem, ut in casu superiori, cum domino hærede instituto servo ejus legatur. Quippe dominum non rectè per servum hæredem fieri, sed ita, si jussu ejus hæreditatem adierit: posse autem fieri, ut servus institutus, priusquam jussu domini hæreditatem adeat, vel manumittatur, vel alienetur, atque ita vel sibi, vel alteri domino, cujus jussu adierit, hæreditatem acquirat, maneatque sic hæreditas à legato separata. Cum itaque hic legatum & hæreditas decedente testatore statim in eandem personam non concurrant, neque ita necessario sequatur hæreditatis cum legato confusio, ut superiore casu legati cum hæreditate, placet, legatum interim in sus-

E e e e

pen-

penso esse, & siquidem servus, antequam jussu domini hæreditatem adierit, manumissus vel alienatus fuerit, utile esse legatum: si verò in eadem causa manserit, & jussu legatarii adierit, evanescere propter confusionem cum hæreditate, quo fit, ut in eum casum deducatur, unde incipere non poterat. Eadem ratione responsum est, à filio hærede patri etiam purè legari posse, l. à filio 25. l. *quasi-tum* 91. in pr. de legat. 1.

TEXTUS.

De modo & ratione legandi. De ordine scripturæ.

34. *Ante hæredis institutionem inutiliter antea legabatur, scilicet quia testamenta vim ex institutione hæredis accipiunt, & ob id veluti caput atque fundamentum intelligitur totius testamenti hæredis institutio. Pari ratione nec libertas ante hæredis institutionem dari poterat. Sed quia incivile esse putavimus, scriptura ordinem quidem sequi, (quod & ipsi antiquitati vituperandum fuerat visum,) sperni autem testatoris voluntatem; per nostram constitutionem, & hoc vitium emendavimus, ut liceat & ante hæredis institutionem, & inter medias hæredum institutiones, legatum relinquere & multo magis libertatem, cujus usus favorabilior est.*

NOTÆ.

34. *Sperni testatoris voluntatem*) Quæ etiam ex veterum sententia totum in testamento facit, l. 35. §. 3. de hæred. instit. l. 12. in fin. de leg. 1.

Et ante hæredis institutionem) Nam in actu continuo & unius temporis, nihil *ἔργον πρὶν* videri debet; manetque hæredis institutio semper caput & fundamentum testamenti, sive sequatur, sive antecedit. Wesemb.

COMMENTARIUS.

1 *Veteres non satis idoneam rationem habuisse improbandi legata ante hæredis institutionem relicta; & num. 2.*

SEquitur hujus tituli caput ultimum, in quo abolenrur quædam juris veteris scrupulositates, quæ circa formam legandi observabantur: & nimirum hæ tres, quod ante hæredis institutionem, quod post mortem hæredis, quod prænæ nomine legari non poterat.

Ante hæredis institutionem) Olim si ab insti-

tutione hæredis initium testamenti factum non esset, legata ante institutionem hæredis relicta inutilia erant: veluti si quis in ordinando testamento ita primo loco dixisset: *Titio centum do lego*; deinde loco secundo: *Scmpronius mihi hæres esto*; legatum hoc, ut præposuero ordine ante hæredis institutionem relictum non valebat. Ulp. tit. 24. §. ante 14. Paul. 3. sent. 6. §. 1. Cujus rei rationem hanc affert Ulp. quia potestas testamenti ab hæredis institutione incipit. Id est, quia per institutionem hæredis demum vires, robur, ac firmamentum testamentum accipit: ut proinde hæredis institutio veluti caput ac fundamentum totius testamenti præcedere debeat: & quod ante relictum est, tamquam extra testamentum relictum videatur extra rēs dādiūras, ut ait Theophilus. Cæterum hæc ratio Justiniano tanti visa non est, ut propter eam ordo scripturæ necessario sequendus sit, sprete testatoris voluntate. Et merito. Sit enim institutio hæredis caput & fundamentum testamenti, ex ea testamentum vires accipiat, uti revera accipit, l. quod per manus 10. de jur. eod. non ideo tamen legatum institutioni hæredis præpositum perinde habendum, quasi extra testamentum relictum sit: quoniam cum unus continuus testandi actus sit; nihil in eo *ἔργον πρὶν* videri debet: & proinde sive antecedit legatum, sive institutionem hæredis sequatur, institutio semper manet caput ac fundamentum testamenti. Nec scio, an aliam rationem habeat, quod olim etiam ante hæredis institutionem fideicommissum dari potuit. Ulp. tit. 25. §. 6. & l. tutor. §. ad certum 3. sup. qui test. tut. dar. & quod licebat testamentum ordiri ab exhæredatione, l. 1. de hæred. inst. qua de causa Jurisconsultus ibi non simpliciter dicit, eum, qui testatur, ab hæredis institutione debere initium facere testamenti, sed plerumque debere.

Nec libertas hæredis institutionem) Quasi dicat, quamvis libertatis magnus semper fuerit favor; tamen hac in re non plus licuisse circa libertatis dationem, quam cætera legata. Excipit Ulpian. testamentum militis, tit. 1. de libert. §. post mortem 15.

Et ipsi antiquitati) Ipsi etiam veteres in plerisque potiore rationem ducunt voluntatis, quam ordinis scripturæ. Cujus rei exempla passim occurrunt, ut in l. 34. de pec. leg. l. cum pater 77. §. fidei 12. de legat. 2. l. 6. de solut. l. cum pater de legat. 2. Et identidem pronuntiant, voluntatem testatoris in testamento totum facere, l. ex falso 35. §. rerum 3. de hæred. inst. l. si nihil 12. in fin. de legat. 1. At

enim in hac specie, quæ non tam ab ordine scripturæ, quam à juris ratione dependere videtur, non sunt ausi idem definire. Quæ tamen profecto nimia fuit scrupulositas. Nam cum illud admitterent, ut fideiussor præcedere posset principalem obligationem, §. 3. *inf. de fideiuss.* nulla idonea ratio dari posse videtur, cur non etiam hoc receperint, ut legata præcedere possent institutionem hæredis. Neque enim magis fideiussio sine principali obligatione consistere potest, quam legatum sine hæredis institutione. Denique cum, ut antea diximus, actus testandi sit continuus, in eo considerari non oportet, quid prius aut posterius fiat, cum totum illud, quod sit, unus sit unius temporis actus, l. hæres 21. §. ult. qui test. fac. quod & D. Wesembecius notat.

Per nostram constitutionem) Non extat alia, quæ huius rei meminit, quam illa ad Mennam Præfectum prætorio in l. ambiguitates 24. C. de testam. quæ tamen nihil aliud cavetur, quam ut ne vitia in scribendo commissæ imperitia tabellionum obsint testatoris voluntati. Unde plerique putant, & est verisimile, constitutionem, quæ primum atque ex professo jus vetus abolicum est, desiderari. Cæterum quod Baro existimat, constitutione illa sic cautum fuisse, ut ordo, qui hic commemoratur, à testatore observari debeat, & tantum inversio ordinis in scribendo à tabulario facta non vitaret testamentum, falsum esse, arguunt verba huius textus, quæ manifestè indicant, Justinianum suæ illa constitutione totam hanc rem arbitrio testatoris simpliciter permisisse, ut nihil intersit, veterem ordinem servet, an à legatis initium sumat.

Est inter medias) Hoc etiam jure veteri licitum fuisse, testis est Pass. 3. sent. 6. §. 1. Nostrum notarii ineptiam suam produunt, dum semper fere à legatis & fideicommissis testamentum incipiunt quasi putent, inverti rerum ordinem, si hæres institutio, quæ tamen caput est & basis totius rei, primo loco scribatur. Gomez. 1. var. res. 2. num. 5. Jac. Verwey. artic. test. cap. 16.

T E X T U S .

De legato post mortem hæredis, vel legatarii.

35. *Post mortem quoque hæredis aut legatarii simili modo inutiliter legabatur; veluti si quis ita dicat: Cum hæres meus mortuus fuerit, do, lego. Item: Pridie quam hæres aut legatarius morietur. Sed simili modo hoc correximus, fir-*

mitatem huiusmodi legatis ad fideicommissorum similitudinem præstantes; ne in hoc casu deterior causa legatorum, quam fideicommissorum inveniat.

N O T A E .

35. *Quam fideicommissi.*) Jam olim enim benignè receptum erat, ut fideicommissa post mortem hæredis relinquere liceret, l. 5. §. 1. de legat. 3. Ulpian. tit. 21. §. 6.

C O M M E N T A R I U S .

1. *Cur post mortem hæredis aut legatarii legare non licuerit?*
2. *Cur licuerit in tempus mortis?*
3. *Legatum filio emancipato post mortem patris relictum conferri; cum pater morietur, non item.*

Hæc item mera quædam subtilitas fuit, quod olim post mortem hæredis aut legatarii legare concessum non erat, testibus Ulpiano tit. 24. §. post mortem 15. & Paulo 3. sent. 6. §. 4. quam ob causam hunc quoque juris articulum emendavit Justinianus.

Inutiliter legabatur) Ulp. d. loc. *Post mortem hæres, inquit, legari non potest, ne ab hærede hærede legari videatur; quod juris civilis ratio non patitur; & Paul. similiter d. loc. Post mortem hæredis legari non potest; quia nihil ab hæredibus hæredis relinqui potest.* Credo, quia incertum est, quinam illi futuri sint; deinde quia mandare alieno hæredi non licet. In universum verò post mortem hæredis aut legatarii ideo legare non licebat, quoniam vetus erat regula juris, ut obligatio, quæ non cœperat à defuncto vel contra defunctum, in persona hæredis vel contra hæredem non inciperet, §. post mortem 12. *infr. de inut. stip.* Jam verò si quod post mortem hæredis legatur, valere volumus, necesse est obligationem, quæ contra defunctum non incipit, adversus hæredem transire: si quod post mortem legatarii, necesse est, ut, obligatio, quæ à defuncto non incipit, ad hæredem ejus transeat. Curigitur, inquires, fideicommissum post mortem hæredis relinqui potuit? Ulp. tit. 25. §. 6. Resp. Benignè id receptum fuit, ut fideicommissum relinqui posset ab hæredis vel legatarii hærede, salva in cæteris superiore regula, l. 5. de legat. 3.

Cum hæres meus mortuus) Aut, Titio, cum mortuus fuerit, do lego. Enimverò quomvis post mortem legari non potuit, in tempus tamen mortis tam legatarii, quam hæredis legatum conferri poterat, puta hoc modo: L. Titio, Eccc

cum

cum morietur, de lego, vel: Hæres meus, cum morietur, damnas esse dare. Pand. d. loc. §. 5. & Ulp. eod. l. si pecunia 12. §. 1. de legat. 2. l. hæres 79. §. 1. de cond. & dem. quemadmodum & stipulatio in mortem promissoris aut stipulatoris utiliter concipiebatur, §. ita autem 14. infr. de inut. stip. Nimirum moriendi momentum vitæ attribuitur: quoniam viventes morimur; & mors si non semel tota est, non est unde sit, ut in tempus mortis collata obligatio, ante mortem in personam morientis incipiat, & cepta ad hæredem transmittatur. Hinc etiam illud est, quod etsi filius emancipatus non tenetur conferre legatum post mortem patris ei relictum, l. pen. de collat. l. nec emancipati 15. C. eod. conferre tamen teneatur, quod ei legatum est, cum pater morietur: quia id non post mortem patris demum acquisivisse, sed moriente patre, manenteque adhuc vita, eum habuisse interpretamur. Constatur autem, emancipatum juberi ea omnia conferre fratribus, qui in potestate manserunt, quæ moriente patre habuit, l. 6. C. d. tit. Ulp. tit. de poss. dand. §. 3. add. Cujac. 1. observ. 34.

Pridie quam hæres aut legatarius morietur) Existimaverunt veteres, hoc legatum incidere in speciem præcedentem & eum casum, quo post mortem hæredis aut legatarii legatur. Nam cum illud *pridie* ante mortem incertum sit, & non nisi postquam jam mortuus est hæres aut legatarius, sciri possit, quis ille dies fuerit, non magis hic obligationem ante mortem incipere posse crediderunt, quam si expressè post mortem legatum esset. Quam ob causam stipulatio quoque hujusmodi: *Pridie, quam moriar, vel: Pridie, quam morieris, dare spondes?* inutilis erat, d. §. post mortem 12. infr. de inut. stip. Ecce sollicitam veterum diligentiam.

Correximus) Ex constitutione Justin. etiam post mortem hæredis aut legatarii legare licet uti & stipulatio in tempus post mortem stipulatoris aut promissoris concepta ex ejusdem constitutione valet, l. scrupulosam 7. C. de contr. stip. Idem alia constitutione antiqui juris regulam abrogavit, permistitque, actiones ab hæredibus & contra hæredes incipere, l. un. C. ut. att. ab her. Mutandi juris veteris hanc causam habuit, quod illud in pura puta subtilitate consistebat. Cur enim, cum legatum in tempus mortis conferre liceat, non liceat in tempus post mortem, aut in ante diem mortis? Meræ subtilitatis est, momentum mortis vitæ in hac causa attribuire, atque hoc solo colore defendere legatum: aut propter

illud verbum *pridie*, voluntatem testatoris infirmari.

Quam fideicommissorum) Nam fideicommissa etiam olim post mortem hæredes rectè linquebantur, teste Ulp. tit. 25. §. 6. & in l. 5. §. de legat. 3.

T E X T U S.

Si pœnæ nomine relinquatur, adimatur, vel transferatur.

36. *Pœna quoque nomine inutiliter antea legabatur, & adimebatur, vel transferrebat. Fœna autem nomine legari videtur, quæ coercendi hæredis causa relinquitur, quo magis aliquis faciat, aut non faciat, veluti si quis ita scripserit, Hæres meus si filiam suam in matrimonium Titio collocaverit: vel ex diverso: Si non collocaverit, dato decem aureos Sejo: aut si ita scripserit: Hæres meus si servum Stichum alienaverit, vel ex diverso: Si non alienaverit, Titio decem aureos dato. Et in tantum hæc regula observabatur, ut quamplurimis principalibus constitutionibus significaretur, nec Principem agnoscere, quod ei pœna nomine legatum sit: nec ex militis quidem testamento talia legata valebant, quamvis alia militum voluntates in ordinandis testamentis valde observabantur: quæ etiam nec libertates pœna nomine dari posse placebat: complius nec hæredem pœna nomine adjici posse, Sabinus existimabat, veluti si quis ita dicat: Titius hæres esto: si Titius filiam suam in matrimonium Sejo collocaverit, Sejum quoque hæres esto. Nihil enim intererat, quæ ratione Titius coerceretur, utrum legati dativæ, an coheredis adjunctione. Sed hujusmodi scrupulositas nobis non placuit: & generaliter ea, quæ relinquuntur, licet pœna nomine fuerint relicta, vel adempta, vel in alium translata, nihil distat à cæteris legatis constituimus, vel in dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut aliâ prebrosa. Hujusmodi enim testamentorum dispositiones valere secta meorum temporum non patitur.*

N O T Æ.

36. *Quod coercendi hæredis causa*) Addit Ulp. d. loc. non ut quid ad alium pertineat, id est, non ut legatum facilius à legatario obtineatur. Itaque tale legatum, Hæres uxori meæ penum dato: si non dederit, centum dato, l. 1. de pen. leg. & si quæ similia, non est exemplum legati pœnæ: etsi enim & hic constringitur hæres, id tamen non fit hæredis puniendi, sed legati juvandi causa. Locus Africanus in l. 1.

de

de his quæ pen. caus. interpolatus videtur à Tribonianio.

Secunda meorum temporum Ratio, disciplina, iustitia, l. ultim. Cod. de pass. Alex. l. 2. C. ad leg. Jul. maj. Trajan. ad Plin. 10. 56. Igitur tale legatum, hæres meus nisi mare ebiberis, aut, nisi uxorem prostitueris, centum Titio dato, nullius momenti est: quia pœnæ causa hæredi, quod impossibile aut turpe est, inungitur. At cum impossibilitas imponitur legatario, puta hoc modo: Titio, si mare ebiberis, &c. centum lego, valet legatum, & conditio huiusmodi pro non scripta habetur, ut §. propen. sup. de her. inst. quod notandum.

COMMENTARIUS.

- 1 Veteris juris, quod hic refertur, varia rationes.
- 2 Quid sit pœnæ nomine legare?
- 3 Abrogatio huius juris cum causa abrogandi.
- 4 Interpp. plerisque circa hunc articulum errasse, eo quod non satis intellexerint, quid sit, pœnæ nomine legare?
- 5 Notatur Bachovii & Surbaldi insignis error.

Tertia hæc species est; in qua jus vetus circa formam legandi à Justiniano mutatum. Olim quod pœnæ nomine relictum erat, in ea causa fuit, ut qualecumque hoc esset, in totum non valeret. Ulp. tit. 24. §. pœnæ 17. fac. l. 12. de cond. & dem. l. 2. de his quæ pen. nom. Jul. Capitolinus in Anton. c. 8. Primus constituit, ne pœnæ causa legatum relictum maneret. Neque alia in hac re fideicommissorum, quam legatorum causa fuit, Ulp. tit. 25. §. 11. Huius autem juris duplicem rationem fuisse Theophilus ænomoratur. Primum, quoniam in hæredis arbitrium hoc legatum confertur; sic autem juris constitutio est, ut legatum in potestate hæredis poni non possit, l. senatus 43. §. pen. de legat. 1. Deinde, quia finis legandi huiusmodi legato obstat; quippe legata ex animo & benevolentia erga legatarium proficisci debere, non pueniendi, aut territandi hæredis causa relinqui: pœnæ verò causa quod legatur, non beneficentia erga legatarium exercenda gratia relinqui: sed contra naturam legati odio hæredis; ut sit pœnæ, non præmium, non honos. Quin & tertia ejusdem juris ratio dari potest, quod scilicet per ejusmodi legata infringebatur libertas faciendi, quod jure cuique facere licet, & licere debet: quod & ipsum jus civile improbat, l. Titio 71. §. 2. de cond. & dem. atque hanc quoque rationem videtur significare Theoph. cum ait, hoc genus legati modum quemdam præscribere hæredibus, &c. & in idem quævis præscriptum.

Adimebatur vel transferebatur) Exemplum sit: Titio centum do lego. Titius filiam suam Sejo in matrimonium ne collocet. Si Titius filiam suam Sejo collocaverit, quod Titio legavi, non do non lego, vel: Quod Titio legavi, Sempronio do lego.

Quod coercedi hæredis causa relinquitur) Vel etiam quod coercedi legatarii causa adimitur aut transfertur, ut in exemplo modo proposito. Plenius aliquanto definit Ulp. tit. 24. §. pœnæ 16. pœnæ, inquit, causa legatur, quod coercedi hæredis causa relinquitur, ut faciat quid, aut non faciat, non ut quid ad alium pertineat: id est, non ut legatum, quod alicui relictum est, facilius à legatario percipiat, aut obtineatur. Quæ nos definitio docet, non omnem cum pœnæ nomine legare intelligi, qui coercedi hæredis gratia legat; sed eum solum, qui nullam aliam causam legandi habet, quàm ut hæres coerceatur: quod diligenter notandum est, ut scilicet intelligamus, legatum pœnæ nomine non relictum videri, non solum cum hæres non constringitur ullo modo, sed etiam cum constringitur aut coerceatur, sed alius rei gratia, legati scilicet, quod datum est, juvandi, aut voluntatis testatoris confirmandæ.

Et in tantum hæc regula observabatur) Amplificat veterem regulam quatuor modis. 1. quod etiam Principes in eo, quod pœnæ nomine ipsi relictum erat, huic se juri subiciebant. 2. quod nec ex testamento militis huiusmodi legata debebantur. 3. quod ne libertas quidem pœnæ causa dari poterat. 4. quod placebat, nec hæredem pœnæ causa adjici posse. Quibus & quintum adjici potest, quod nec fideicommissa, quorum longè laxior natura, quàm legatorum erat, pœnæ nomine dari poterant. Ulp. tit. 25. §. pœnæ 11.

Huiusmodi scrupulositas nobis non placuit) Justinianus etiam in hoc articulo juris veteris observationem ut nimis scrupulosam abrogandam putavit, idque effecit constitutione ea, quæ extat in l. un. C. de his, quæ pen. nom. ut jam, quæ pœnæ nomine relinquantur, vel adimuntur, aut transferuntur, non minus valeant, quàm cætera, quæ jure relicta sunt. Ex profecto nemini iniquum videri debet, eum, qui hæres instituitur, aut legato honoratur, pro modo relicti à testatore gravari, aut constringi, ut aliquid faciat, quod possit facere, & honestè possit: præsertim cum voluntatem defuncti legis instat observari etiam veteres voluerint, l. ex facto. 35. §. rerum. 3. de her. inst. Humanum tamen esse plerisque visum est, ut hæres ob justam ac probabilem causam saltem excusetur à pœnæ, Covar. in c. Rainaldus. §. 1. num.

n. 7. *Pand. de testam. Peregr. lib. 3. de jur. fis. cap. 18. nu. 108. Sand. lib. 4. tit. 6. def. 1.* Ex his verò perspicuum est, errare interpretes, qui putant, jam tùm tempore mediæ Jurisprudentiæ pœnz nomine legare licitum fuisse, & Justinianum hic intelligere jus quoddam antiquius eo, quod relatum est in *Pandectas*. Causam errori præbuit, quod non intellexerunt, quid sit, pœnz nomine legare. Putant, tale legatum: *Hæres uxori mea penum dato: si non dederit, centum dato*; quale legatum citra controversiam semper valuit, l. 1. de pen. leg. l. 1. §. item si 18. ad leg. Falc. l. cum sine 19. quand. d. leg. exemplum esse ejus, quod pœnz nomine relictum est. Verùm ex definitione Ulp. paulo ante à me relata atque illustrata facile apparet, hoc exemplum ad legata pœnz causa relictà non pertinere; quippe in quo nihil proponitur relictum aut cautum odio hæredis, aut ob eam causam, ut hæres coarceatur: sed totum apparet relictum & cautum uxoris gratia. Manifesta igitur illa ignorantia est elenchi. Neque necesse est, ut cum Cujacio tract. 5. ad Afric. in l. 1. de bis. qua pœn. nom. excipiamus de regula hanc speciem, *Hæres meus tale monumentum mihi adificato: si non adificaverit, centum Titio dato*, l. 6. l. in testam. 27. de cond. & dem. Nam ne hoc quidem legatum pœnz nomine relictum dici debet ex superiore definitione, quod præcipue testatoris causa relictum est, & quo hæres provocetur ad faciendum, quod testator sibi fieri voluit. Justius movere interpretes potuit d. l. 1. de bis, qua pœn. nom. Sed jam docti omnes vident, locum istum esse interpolatum, Tribonianumque de suo hæc verba illicite, vel probro responso Africani inseruisse, atque in calce item adjecisse verbum *talem*, ut subseruiret constitutioni Justiniani, quæ quidem sublato jure veteri, permittit pœnz causa legari, sed excipit, quæ illicita, probrosa, vel impossibilia sunt. VINN. Immo id non adeo exploratum est erudit, leg. 1. ff. de bis, qua pœn. caus. esse à Triboniano interpolatam. Potius Vir Illustris, Corn. van Bynkheersh. de legat. pœn. nom. relict. cap. 4. inde colligit, ea tantum legata visa olim pœnz nomine relinquere, quibus testator hæredem ad probrosum aliquid faciendum cogere vellet. Quæ si vera sunt, non potest quidem Tribonianus argui, quod constitutioni Justiniani subserviens responsum Africani interpolavit: ast erit tamen tunc ejus culpæ reus, quod non intelligens naturam horum legatorum Justiniano auctor fuerit legata pœnz nomine relictà confirmandi, & excipiendi tamen legata, quibus hæres

ad turpe facinus impellatur, cùm tamen hæc sola sint legata pœnz nomine relictà. Ita aliquid concessit Justinianus, quod semper concessum fuit, prohibuit quod semper prohibitum, id est, actum egit. Si cui & id difficile creditur videatur, quia & Ulpian. tit. 24. §. 17. legata pœnz nomine relictà fere eodem modo definit, ac hic Justinianus; is cognovi velim, an non legata pœnz nomine fuerint omnia, quæ ab hærede ejus vexandi causa relinquiebantur, quibusque sæpe adigebantur ad ridiculas condiciones. Et tale fors fuit testamentum illud Staberi apud Horat. lib. 11. *serm. sat. 3. v. 84.*

*Hæredes Staberi summam incidere sepulchro,
Nisi sic fecissent, gladiatorum dare centum
Dammnati populo, atque epulum arbitrio Ari,
&*

Fruementum, quantum metis Africa.

Justinianus ergo has tricas sustulit, jusque rata esse hæc legata, dum ne quid turpe & bonis moribus adversum hæredi injungeretur. Conf. V. C. Nic. Hieronym. Gundl. *Diff. de principe hærede cap. 6. §. 32. HEIN.*

Impossibilia, vel legibus interdicta) Impossibilia, veluti si quis ita leget: *Hæres meus, nisi digito caelum tetigerit, aut, nisi mare ebiberit, Titio centum dato*. Legibus interdicta & probrosa, veluti si ita leget: *Nisi amitam uxorem uxerit, dato: vel, si parenti alimenta præstiterit, si patrem, ab hostibus redemerit, dato*, l. conditione. 9. de cond. inst.

Hujusmodi dispositiones valere secta morum temporum non patitur) Merito hujusmodi dispositiones ne nunc quidem valere patitur: quippe pœnz locus dari non debet, ubi vulgum delictum, nulla fraus aut culpa est, l. aliud est fraus. 131. de verb. sign. Quæ verò culpa aut fraus in eo qui non facit, quod vel natura impossibile est, vel legibus aut bonis moribus contrarium? Igitur hujusmodi legatum: *Hæres, nisi mare ebiberit, nisi matrem domo expulerit, centum Titio dato*, nullius momenti est, ut bene Glossa in d. l. un. Cod. de bis, qua pœn. nom. notat, & disertè scriptum est in d. l. 1. *Pand. cod. Mirorque adeo iudicium Bachovii in Treutl. vol. 2. disp. 13. lib. 6. & Sutholii, qui hoc à præceptore hausit, diff. 11. n. 59. contententium, in proposito non vitiari legatum, sed vitiari illud ipsum, & pro non adjecto haberi, quod adjectum, impossibile aut legibus interdictum est, arg. §. impossibilia. 10. sup. de her. inst. l. ab omnibus 104. §. 1. de legat. 1. l. 3. de cond. & dem. cum. simil. quibus locis traditur, conditionem impossibilem aut turpem legato adjectam legatum non vitare, sed*

sed ipsam viciari & pro non scripta esse. Quis enim non videt, quantum inverſit, utrum ſimpliciter quis centum leget ſub conditione impoſibili aut turpi, puta hoc modo: *Titio, ſi digito cælum tetigerit, ſi uxorem ſuam proſtituerit, centum do lego*, an centum leget pœnæ cauſa, eo hæredi inſuncto, quod impoſſibile aut probroſum eſt; veluti ſi ita dicat; *Hæres meus, niſi digito cælum tetigerit, niſi uxorem ſuam proſtituerit, centum dare damnas eſſo*. Illic legatum non viciatur, ſed favore ultimæ voluntatis ejuſdem conditiones detrahuntur aut remittuntur, ne legatario, cui nihil imputari poteſt, fraudi ſit, quod non pareat conditioni, cui per rerum naturam aut leges parere non

poteſt. Hic legatum nullius momenti eſt, non quia legato adjecta impoſſibilis aut turpis conditio; ſed quia relictum eſt puniendi hæredis cauſa, ſi ipſe conditioni non pareat, ideſt, non faciat, quod natura aut jure facere non poteſt. Hic, inquam, tale legatum inuile eſſe placet, ne puniatur, qui pœnam non meretur. Atque hanc eſſe mentem Juſtiniani ex hoc ipſo loco ſatis intelligitur, cum legatis, quæ pœnæ nomine relinquuntur, confirmatis, excipit ex eo genere, quæ impoſſibilia aut turpia ſunt. Vidit tandem hoc etiam D. Bachovius; & verum eſſe conſeſſus eſt in comment. ad hunc §.

TITULUS VI GESIMUS PRIMUS. DE ADEPTIONE LEGATORUM ET TRANSLATIONE.

Dig. Lib. 34. Tit. 4.

Continuatio. Quàm variis modis adeptio legatorum fiat.

DICTUM hæcenus eſt de iis, quæ ad conſtitutionem legati pertinent: nunc, uti mos eſt Juriconſultorum, exponitur, quomodo rectè ab initio conſtituta infirmantur. Id ſit, cum aliis modis, tum maximè adeptione aut translatione; de quibus etiam hic Juſtinianus ſolùm agit. Eſt autem hæc facultas libertina, ut quod teſtator ſemel alicui legavit, id ei adimere, aut in alium tranſferre poſſit, voluntatque deſuncti ambulatoria eſt uſque ad ſupremum exitum, *l. 4. hoc tit.* Adeptione legati, vel ipſo jure legatum extinguitur, vel ope exceptionis enervatur. Ipſo jure legatum adeptum intelligitur, ſi teſtator declaraverit contrariam voluntatem: idque vel verbis, ſive directo contrariis, dum teſtatur ſe adimere quod dedit, ſive aliis quibuſcumque, ex quibus aperte intelligitur, poenituiſſe eum prioris voluntatis; arg. *l. Divi. 13. eod.* vel rebus & factis: veluti ſi legatum conſulto induxerit, *l. nihil intereſt. 16. eod.* aut rem legatam deſtruxerit, *l. ſi ita 65. §. ult. de legat. 1. l. lana. 88. §. 2. de legat 3.* aut in novam ſpeciem tranſtulerit, quæ ad priſtinam materiam reduci non poſſit, *d. l. lana 88. in pr. & §. 1.* vel nulla neceſſitate adductus alienaverit; de quo adum *tit. præc. §. ſi rem. 12.* vel denique ſi quis nomen debitoris ſui alteri legatum exegerit, de quo ſub *§. tam autem 21. eod. tit.* Ope exceptionis adeptio introducitur, ſi quid intervenierit,

ex quo mutata voluntas teſtatoris colligi poſſit, cum neque verbis, neque facto aliquo palam declaraverit, ſe legatum adimere: veluti ſi graves inimicitie inter teſtatorem & legatarium interceſſerint, nec reconciliatio ſequuta ſit, hic petenti legatario obſtat exceptio doli ex nuda eaque præſumpta contraria voluntate, *l. 3. §. ult. junct. l. ſeq. b. 1. Proinde omnino aſſentior Bartolo in l. ſi ita. 14. de legat. 1. Ant. Mynſ. & Schneid. hic*, poſſe legatarium oppoſita exceptione doli ſubmoveri, etiamſi imperfecto teſtamento legatum adeptum eſſe proponatur: quippe cum hæc exceptio obſtet omnibus, qui voluntate teſtatoris deſtituuntur, *l. 4. §. præterea. 10. de dol. mal. exc. l. militia. 36. §. 3. de teſtam. mil.* Præter hæc, quod hic non tangit Juſtinianus, legata etiam caſu intercidunt, videlicet ſi teſtamentum, quo aliquid relictum eſt, rumpatur aut irritum fiat, *l. filio. 17. de inſt. rupt. l. 8. §. pen. de inoff. teſtam. l. ſi nemo. 18. de reg. jur. l. 1. C. de poſt. bar. inſt.* Una tamen hic exceptio eſt ex jure noviſſimo; niſi teſtamentum reſciſſum ſit ex cauſa præteritionis aut exheredationis; quod cum incidit, ſola inſtitutio irrita eſſe jubetur, cætera autem capita rata manere, *auth. ex cauſa. C. de lib. præc. vid. ſupr. tit. de inoff. teſtam.* Porro eadem libertate, qua legatum admittitur, etiam in aliam tranſferri poteſt, de quo in *§. 1. ſeu parte hujus tit. altera.*

TEXTUS.

De ademptione.

Ademptio legatorum, siue eodem testamento adimantur, siue codicillis, firma est. Sed & siue contrariis verbis fiat ademptio veluti si, quod ita quis legaverit; Do lego, ita adimatur; Non do, non lego, siue non contrariis, sed aliis quibuscumque verbis.

NOTÆ.

Siue codicillis) Testamento confirmatis ipso jure, Ulp. tit. 24. §. 27. fac. l. 43. de man. test. d. l. 16. de vulg. & pup. non confirmatis tuitioe pratoris, opposita petenti doli mali exceptione, l. 4. §. 10. de dol. mal. exc.

Firma est) L. 17. C. de legat. Quippe voluntas defuncti ambulatoria est usque ad vitæ supremum exitum, l. 4. b. 1.

Aliis quibuscumque verbis) Ut in l. 3. §. 8. l. 13. eod. vel si factio aliquo contrariam voluntatem declaraverit, cuiusmodi exempla habes, l. 16. eod. l. 65. §. 2. de leg. 1. l. 88. eod. 3. §. 12. sup. tit. prac. Ope etiam exceptionis ademptio introducitur vel nuda contrariæ voluntatis præsumptione, ex cuius graves inimicitie inter testatorem, & legatarium exortæ fuerint, nec reconciliatio secuta, l. 3. §. ult. cum l. seq. hoc tit.

COMMENTARIUS.

S*ive eodem testamento*) Meminit tantum ejusdem testamenti, propterea quod si aliud testamentum factum fuerit, hoc ipso legata priore testamento relicta infirmantur, unaquaque cum testamento, in quo relicta sunt, citra ullam aliam revocationem corrumpunt. Et igitur, quod priore scriptura testamento datum est, id posteriore adimi potest, l. Divi. 13. l. nihil prohibet. 17. hoc tit. l. si quis. 16. de vulg. & pup. Atque adeo etiam statim & continenter, ut opinor, revocari; puta hoc modo; *Centum Titio do lego: immo non do, non lego.* Neque obstat, quod traditur in l. ubi 188. de reg. jur. ubi pugnantium in testamento jubetur, neutrum valere; quod Græci reddiderunt τὰ ἐν διαθήκῃ ἀλλήλοις ἐναντιώμενα ἢ ἐρριπται, quoniam regula ista procedit in perplexis atque inter se collidentibus, cuiusmodi speciem habemus in l. Titius 16. de cond. inst. non ubi prior scriptura per posteriorem corrigitur, commutatur, aut rescinditur, d. l. nihil prohibet 17. & ibi Gloss. & Bart. b. 1.

Siue codicillis) Intellige testamento confir-

matum, ut bene Martin. & Placent. teste Accur. hic & in præfat. Nov. 159. vers. manifestum. Quippe cum codicillis testamento non confirmatis nihil directum dari poterit, l. libertatis 43. de man. test. §. præterea 10. inf. de fideic. ber. consequens est, & arguit l. si quis 16. de vulg. & pup. nec quod testamento datum erat, codicillis non confirmatis potuisse adimi, ita quidem certè, ut ademptio ipso jure valeret: nam quin petens legatarius per exceptionem doli hoc casu repelli poterit, non est dubitandum, l. 4. §. præterea 10. de dol. mal. exc. Errat igitur & Accur., dd. loc. & Bart. in l. si ita. 14. de legat. 1. quorum ille contendit, ne confirmatis quidem codicillis ipso jure legatum adimi hic contra, ipso jure adimi codicillis etiam non confirmatis: quod tamen novo jure defendi poterit. Quoniam autem olim legata ab intestato dari non poterant, quæri non potuit, an ita data aliis codicillis potuerint adimi? sed huic quæstioni locus erat in fideicommissis. Hodie tamen etiam in legatis est, post eorum cum fideicommissis exæquationem: cumque dari legata codicillis & ab intestato possint, consentaneum est posse etiam ipso jure similiter adimi: eoque jure utimur.

TEXTUS.

De Translatione.

1. *Transferri quoque legatum ab alio ad alium potest: veluti si quis ita dixerit: Hominem Stichum, quem Titio legavi, Sejo do lego: siue in eodem testamento, siue codicillis id feceris: quo casu simul & Titio adimi videtur, & Sejo dari.*

COMMENTARIUS.

A*lio ad alium*) Ex Cajo l. 5. hoc tit. Potest verò & aliis modis translatio fieri. Paulus l. 6. eod. quatuor modus commemorat. Aut enim, inquit, a persona in personam transfertur; ad quem modum pertinet species hic proposita aut ab eo, qui dare iussus est, transfertur, ut alius det; aut cum res pro re datur, pro fundo decem aurei: aut quod purè datum est, transfertur sub conditione. Adiciatur & quintus, cum quod prius sub conditione datum est, deinde purè legatur, l. non ad ea. 79. de cond. & dein.

Hominem Stichum, quem Titio legavi, Sejo do lego) Videtur hæc formula similis esse formulæ conjunctionis, quæ re fieri dicitur, cum disjunctim eadem res duobus legatur; qualis illa: *Titio hominem Stichum do lego; Sejo eundem*

dem do lego ; qua nil Titio adimi , sed Sejus in eandem rem cum Titio vocari intelligitur, §. si eadem. 8. tit. *prac.* nisi evidenter appareat , adimere testatorem voluisse , l. si pluribus. 33. de legat. 1. Sed diversæ omnino sunt hæ formulæ , & cum quis ita dicit : *Quod Titio legavi, id Sejo do lego;* ex ipsa conceptione perspicue apparet, Titium & Sejum non conjungi in eandem rem, sed adimi Titio, quod ei legatum erat, & Sejo dari. Quam ob causam etiam si persona legatarii non mutetur ; sed verbi gratia ita testator scripserit , licet ex continenti : *Stichum , quem Titio legavi , hæres meus illi dato , si illud aut illud factum erit :* legatum sub conditione translatum videri responsum est , eo quod commemoratione prioris legati posterius scriptum sit, l. non ad ea. 89. de cond. & dem. Obstat tamen videtur , quod ex Juliano Ulpianus & Paulus referunt in hac specie , ex qua parte Sejum institui , ex eadem parte Sempronius hæres esto : Sejum & Sempronium conjunctim intelligi institutos, l. Julianus 15.

in *pr. de har. inst. l. triplici. 142. in fin. de verb. sign.* Sunt qui in institutione hæredum sic jus esse arbitrantur , in legatis contra : quod ego falsum puto, & diversas esse formulas, Stichum, quem Titio legavi , Sejo lego ; & Stichum, quem Titio legavi, eundem Sejo lego ; illa enim aperte admittit Titio , quod Sejo datur , hac uterque in eandem rem manifestè conjungitur, cum idem utrique legatur. VINN. Alioquin dari solet regula : *Ex repetitione nominis primi legatarii præsumitur translationem : ex non repetita legatarii commemoratione conjunctionem.* e. g. Stichum , quem Titio legavi , Cajo do lego. Titio Stichum do lego, eundem Cajo do lego, Nec obstat exemplum ex l. 15. *pr. ff. de har. instit.* Nam si Stichus pro eadem parte legatur Cajo & Sejo ; res ipsa docet , hic non translationem esse, sed conjunctionem. Regula autem nostra indicat, quid in dubio sit præsumendum. Conf. celeb. Pagenstech. *Admonit. ad Pand. Part. 5. §. 140. p. 581. HEIN.*

TITULUS VIGESIMUS SECUNDUS.

DE LEGE FALCIDIA.

Dig. Lib. 35. Tit. 2. C. Lib. 6. Tit. 50. Nov. 18

Ratio ordinis , & argumentum tituli.

IN disputatione de legatis omitti non debuit de lege Falcidia , qua novissime antiqua legandi licentia repressa , & modus legatorum constitutus est. Indicatur hic primum occasio hujus legis ferendæ : inde summa juris lege constituti proponitur. Tertio docetur , quo tempore visum sit spectari modum patrimonii in ponenda ratione legis. Postremo, quæ res ante rationem Falcidiæ deducantur , ostenditur , & quomodo porro in reliquo ratio legis ineatur.

testatorum gratia provisum est, ob id quod plerumque testatarii moribantur, recusantibus scriptis hæredibus pro nullo aut minimo lucro hæreditates adire. Et eum super hoc tam lex Furia, quam lex Voconia lata sunt, quarum neutra sufficiens ad rei consummationem videbatur, novissime lata est lex Falcidia, qua cavebat, ne plus legare liceat, quam dodrantem totorum bonorum : id est ut siue unus hæres institutus sit, siue plures, apud eum eosque pars quarta remaneat.

TEXTUS.

Continuatio. Ratio & summa hujus legis.

Supereſt, ut de lege Falcidia diſpiciamus, qua modus novissime legatis impositus est. Cum enim olim lege duodecim tabularum libera erat legandi potestas, ut liceret vel totum patrimonium legatis erogare; quippe cum ea lege ita cautum eſſet, Uti quisque legaſſit ſux rei, ita jus eſto: viſum eſt hanc legandi licentiam coarctare: idque ipſorum
Torn. I.

NOTÆ.

Ipſorum teſtatorum gratia) Non ſingulorum; ſed in genere & quaſi in abſtracto conſideratorum. Nam ſingulorum potius hæredum gratia leges hæ late, l. 71. hoc tit.

Tam lex Furia, quam Voconia) Quarum illa cavebat, ne ſupra mille aſſes legare licet. Ulp. in *fragm. pr.* Hæc, ne quis cenſus plus cuiquam legaret, quam ad hæredem perveniret. Cic. 1. in *Verr. cap. 41.* Theop. hic. add. Cujac.

Siue unus, ſiue plures) Hoc tamen ſic temperandum eſt, ut procedat, ſi legata ſimpliciter
Ffff

citer ab omnibus relicta sint; aliud si unus gravetur nominatim, §. seq.

COMMENTARIUS.

- 1 *Occasio legis hujusmodi ferenda.*
- 2 *Exponuntur verba legis duodecim Tabb. uti quisque legasset suæ rei.*
- 3 *Quo aspectu leges Furia, Voconia, Falcidia testatorum gratia late dicantur?*
- 4 *Latas esse hæc leges hæredum potissimum causæ, non singulorum testatorum.*
- 5 *Quid à quo cautum lege Furia?*
- 6 *Quid à quo lege Voconia?*
- 7 *Quando à quo lata lex Falcidia, & quid in ea cautum?*
- 8 *Ad qua vel statim, vel sensim virtus legis produlla?*

L Ege duodecim tabularum libera erat legandi potestas) Causa seu potius occasio rogandæ hujus legis. Lege duodecim tabularum licebat testatoribus universum patrimonium suum in legata consumere, nihil ut hæredi relinqueretur, præter onus, & molestiam æris alieni. Sic enim ea lege simpliciter cautum erat, uti quisque legavisset, ita uti jus esset, l. verbus. 120. de verb. sign. Hac licentia cum testatores usi essent, eveniebat plerumque, ut suprema eorum judicia destituerentur, recusantibus scriptis hæredibus nullo suo, aut quàm minimo lucro hæreditatem adire, atque aliena dumtaxat gratia maximis sæpe oneribus minimeque necessariis se implicare. Quod cum & ipsis testatoribus inutile esset, & publicè interesse existimaretur supremas hominum voluntates conservari, l. §. test. quem. aper. visum est ex usu esse recip. hæredes justo aliquo lucro ad adeundam hæreditatem invitari, quo suprema morientium judicia retinerentur. Id quod ita commodè fieri posse credidum est, si libertas illa legandi intra certum modum ac finem cohiberetur, ut cum non totum patrimonium legatis exhaustum foret, esset aliquid videlicet, quod hæredes ex testamento caperent. Quæ res cum primum lege Furia, deinde Voconia tentata esset, tandem lege Falcidia perfecta est.

- 2 *Uti quisque legasset suæ rei*) Ita quoque verba legis duodecim referuntur in l. verbus. 120. de verb. sign. Legasset suæ rei dictum pro super pecunia & re sua: quomodo auctor ad Heren. lib. 1. & Ulp. in fragm. tit. 11. §. testamento. 13. legis verba referunt, quasi dictum esset, pro commodo & utilitate rei suæ; ut sit dativus acquirivè positus, ut loquuntur Grammatici.

Illud enim minimè convenit, ut hæc verba rei suæ, non ad verbum legasset, sed ad illa, jus esse, referantur; atque ita legemus, Uti legasset, ita ut rei suæ jus esse; quod voluit Aciat. ad. d. l. verbus. 120. & Baro hic. Primum quia verba illa, ita jus esse, absolutè ponuntur. Deinde, quia etsi transitum in rem aliam haberent; tamen nemo ita loqueretur, ita jus esse illius rei, sed de illa re. Denique non dicimus, si quis quid legaverit, ita jus esse de re sua, sed de re ejus, utentes pronominè demonstrativo, non reciproco: quia legens de se prius locutus non est. VINN. Legem hanc decemviralem, jam alio loco exposuimus uberius. Conf. & Antioq. nest. Rom. lib. 11. tit. 15. §. 2. nota p. 456. edit. nov. HEIN.

Ipsorum testatorum gratia) Ait, leges Furiam, Voconiam, Falcidiam ipsorum testatorum gratia latas, ne scilicet, ut subijcit, voluntas eorum destituta testamento periret. Forte etiam hæc ratio fuit, quod qui substantiam omnem legatis erogant, credibile sit, errore ductos id facere, existimantes, plus se in bonis habere, quàm habent, arg. l. in fraudem 25. qui & à quib. man. Quamquam autem etiam retenta plena legandi licentia, & secundum eam exhausto legatis patrimonio, legatarii adhuc facere possunt, ut voluntas servetur: quippe qui ne deserto testamento nihil consequantur, potius cum hærede paciscuntur, partemque remittunt, §. 2. inf. in fin. eod. tamen facilius hæredem inductum iri, ut hæreditatem adeat, legumatores putaverunt, si jure suo & beneficio legis partem aliquam haberet, quàm si beneficio legatariorum. Licet autem hinc intelligere, leges hæc rogatas non esse singulorum testatorum gratia, sed tantum in genere & quasi in abstracto testatores à latoribus consideratos, tamquam omnes ita affecti sint, ut malint partem legatariis detrahi, quàm voluntatem suam in totum perire. Etenim singulorum testatorum favore si hæc leges introductæ essent, licuisset singulis, & verbi causa; Titio testatori huic suo favori renunciare, & testamento cavere, ne hæres aliqua harum legum uteretur: quod non licuisset certum est, sed contra etiam invito testatore, contra sententiam ejus, eoque prohibente, vim suam illas exercuisse, ut lege Falcidia expressè traditum est, l. quod bonis 15. §. 1. & ult. l. Titia 86. in fin. hoc tit. convenienter capiti secundo ejusdem legis, quo nemini plus legare permittitur, quàm doctantem bonorum, l. 1. in pr. vers. secundo eod. Hujus rei etiam fortissimum argumentum est, quod placet, in testamento militis legi Falcidie locum non esse, l. 7. C. eod. l. 12.

L. 12. C. de test. mil. Nam si ex voluntate testatoris induceretur, vel magis valere deberet in testamento militis, utpote cujus voluntati multo plus, quàm ceterorum tribuitur. Illud enim planè à ratione juris nostri alienum est, quod cum Portio Mynsingerus tentat, ideo in testamento militis cessare Falcidiam, quod hoc ipso quod cautum est, ne legi Falcidiæ locus esset in testamento militis, cautum quoque intelligantur, ut hæres à milite institutus, velit, nolit, hereditatem adeat, compellente eum, si nolit, magistratu: & adhuc magis, quod illi magis placet, dum existimat cum Corafo, eo, quem miles heredem instituit, repudiante, proximos, qui ab intestato veniunt, legati præstatione obstringi. Et quid si illi quoque repudiant? Denique ex eo quoque perspicuè apparet Falcidiam non induci ex voluntate singulorum testamentum, quod laudatur hæres, qui solida legata præstat quas, plenioris officio fidei fungens, & apud quem plus valeat defuncti voluntas, quàm beneficium legis, *l. 1. §. ult. Cod. hoc tit. l. 5. §. si quis 15. de don. int. vir. & ux.* Porro ex his simul intelligimus, latas esse superiores leges in heredum potissimum gratiam, & nominatim Falcidiam, de qua sola nunc queritur: quod etiam discretè traditum est in *l. potest. 71. hoc tit.* ac proinde toto cœlo errant, qui asserunt, hæc leges principaliter & potissimum introductas esse testatoris causa; secundum autem testatorem causa hæredis, qui in numero etiam D. Hottomannus est.

Lex Furia) Primus C. Furius Tribunus plebis liberam illam legandi potestatem coangustavit, lege perlatâ. ne cui supra mille asses legare liceret, constituta quadrupli pœna adversus eum, qui plus cepisset, *Ulp. tit. 1. & Theoph. hic* qui tamen non asses, sed *nummata* habet, id est, aureos, seu solidos. Et forte hæc eadem lex est, quam intelligit M. Tullius *pro Corn. Balb. cap. 8. Tulit*, inquit, *apud majores nostros legem C. Furius de testamentis*, sed tamen non ausim hoc certo affirmare, quia quid ea lege, quam memorat, cautum fuerit, non exprimit: atque ex solo Ulpiano & Theophilo discere possumus, quid lege Furia testamentaria, cujus hic meminit Justinianus, cautum, tentatumque sit coercendæ licentiæ legandi gratia, videlicet, ne legare liceret ultra mille asses. Qua quidem re etsi modus aliquis legatis imponitur, finis tamen non fit legandi: & cum de singulis dumtaxat legatariis lex caveret, facile evenire poterat, ut uno atque altero itemque tertio legato, hereditas, præsertim non opulenta, tota abusu-

meretur, atque hoc modo res ad vetus incommodum recideret.

Lex Voconia) Cum usu omnium rerum magistro compertum esset, lege Furia superius incommodum nequaquam esse sublatum, Q. Voconius tribunus plebis aliud remedium adhibendum esse existimavit. Igitur abrogata lege Furia, ipse aliam tulit, ne quis centus plus cuiquam legaret, quàm ad heredem heredesve pervenerit, ut ex Verrina de prætura urbana intelligitur; ubi duo hujus legis capita memorantur, quorum altero coercitur mulierum hereditas, altero cautum (quod etiam Theophilus scribit) ne plus haberet legatarius, quàm hæres. Verùm ne hac quidem lege finis legandi factus, cum & ipsa de singulis tantum cavere legatariis. Quid enim si numerus legatariarum tantus sit, ut in singulos singulis sextulie erogatis, una quoque tantum sextula & fortunus aureus heredi relinquatur? Quis spe tantuli lucelli hereditatem alicujus cernat? Sed & lex illa de eo tantum cavebat, qui census esset: id verò, qui census non esset, licebat per eandem legem plus legare, quàm ad heredem perventurum erat, ut ex eodem loco Ciceronis intelligi potest.

Lex Falcidia) Quæ & ipsa plebiscitum est. 7 Lata est à Pub. Falcidio tribuno plebis, temporibus Augusti, Cn. Domitio Calvino & C. Asinio Pollione Coss. anno ab urbe condita DCCXLV. teste Dione *lib. 48. p. 430.* Hac demum lege certis terminis circumscripta est legandi licentia, dum non de singulis legatariis, sed de cunctis cavet, ne ultra dodrantem in legata consumatur, *l. 1. hoc tit.* Quare, ut maximè legetur multis, semper tamen quadrans totorum bonorum post hanc legem latam heredis lucro cedat necesse est. Superiores igitur leges, etsi modum legatis imponebant, nullum tamen faciebant legandi finem; hæc & modum & finem fecit; quam ob causam & ipsa sola superioribus antiquatis recepta, atque in hoc usque tempus retenta est.

Ne plus legare) Lex Falcidia nominatim de legatis locuta videtur. Cæterum & ad alia producta est, & statim quidem ut opinor, interpretatione prudentum ex legis sententia ad fideicommissa singularium rerum. Neque enim persuadere mihi possum, id primum factum Senatusconsulto Pegasiano centum demum annis post legem latam: quamvis fere omnes sic sentire videam, motus §. *sed quia. 1. seq. tit. vers. ex singulis.* Nam cum utique hoc lex velit, & caveat, ne minus, quàm quarta pars bonorum heredibus relinquatur; ut proinde directo ea pars nec auferri, nec minui à testa-

tore potuerit, *l. quod bonis. 15. §. 1. & ult. hoc tit.* quis credat, oblique id fieri potuisse, licitumque fuisse tam longo tempore legis sententiam circumvenire, patrimonium fideicommissis onerando aut exhauriendo? Neque in *d. vers. ex singulis*: expressè dicitur, retentionem quartæ partis ex singulis rebus per fideicommissum relictis permissam esse Senatusconsulto Pegasiano, sed simpliciter, permissam esse, non addito, quo jure permissa sit. Quamquam etiam aliâ istius loci interpretatio est. Quin etsi Tribonianus expressè hoc affirmaret; mihi tamen id suspectum foret. Sanè in libris nostris promiscuè, quantum ad hanc rem attinet, de legatis & fideicommissis singularibus tractatur, *l. 5. l. si tacitum. 13. l. quod bonis 15. l. filiusfam. 18. & passim hoc tit. l. 2. & l. 3. C. eod.* Porro lex Falcidia producta etiam est ad donationes mortis causa, idque constitutione *l. 5. C. eod. l. 2. C. de don. mort. ca.* Quod si quis dicat, etiam per mortis causa donationes fraudem legi fieri potuisse, is cogitet, ante hanc constitutionem eandem rationem harum donationum & inter vivos fuisse: quippe sic donata placebat antea in computationem Falcidiæ non venire; propterea quod vivo testatore exibant ex bonis ejus: siquidem etiam quod mortis causa donabatur *τὴν τὸ πῶς* statim transferebatur in donatarium. Cæterum quoniam revocare hujusmodi donationem licebat, nec autem plena, ac perfectâ censebatur, quàm mors insecuta fuisset, *l. non videtur. 32. de mort. caus. don.* ob hanc causam Severo visum est, id etiam quod ita donatum est, hæcenus in patrimonio computari, ut de eo quarta Falcidiæ nomine detrahi posset. At fideicommissa omnimodo in bonis relinquuntur, ut demum post mortem ab hærede præstentur. Exemplo donationum mortis causa admissa etiam est Falcidia in donationibus inter virum & uxorem, quæ morte confirmantur, *l. in donationibus. 12. C. hoc tit.* propter fideicommissa quoque introducta est in intestatorum successione. Quod à Divo Pio factum scribit Paulus in *l. filiusfam. 18. hoc tit.* Denique vis legis Senatusconsulto Pegasiano tracta est etiam ad fideicommissarias hereditates, de quo scorsum *tit. seq. VINN.* Id addo, ex Pauli *Rec. Sent. Lib. 111. tit. 8. §. 1.* constare, jam ista ætate legem Falcidiam etiam ad fideicommissa potestatem fuisse. Ait enim: *Exhausta legatis aut fideicommissis aut mortis causa donationibus hereditate, auxilio Falcidiæ instituitur hæres quadrantem retinere potest.* Quumque idem Paulus, *l. 8. ff. de i. referat*, jam sub D. Pio hanc le-

gem prolatam esse ad fideicommissa ab intestato; verosimillimum sanè est clam ante eandem valuisse in fideicommissis testamento relictis. An autem jam ante SC. Pegasianum, non magis liquet, quàm illam interpretationem hoc SCto fuisse invecam. HEIN.

Sive unus, sive plures) Interest verò, utrum legata simpliciter ab omnibus hæredibus relictæ sint, an ex pluribus hæredibus ex certis partibus institutis aliqui nominatim gravati. Illo enim casu sufficit, ut solida legata præstentur, dodrantem hæreditatis ea non excedere: hoc casu non item; quia suæ quisque partis, ex qua institutus est, quadrantem habere debet. De quo *§. seq.*

Pars quarta remaneat) Nec solum hæres, si possidet, quartam partem retinere potest, sed errore facti non retentam repetere, *l. 2. §. si legatarius 81. hoc tit. l. 9. C. eod.* sed etiam si non possidet, portionem suam à quovis possessore vindicare, *l. lineam. 26. eod.* Putat D. Cujacius, à Justiniano id primum constitutum esse, *l. pen. C. eod.* verùm hoc vel ex eo refellitur, quod placet, legata pro rata portione ipso jure per legem Falcidiam minui, *l. in quantitate 73. §. ult. eod. vid. Ant. Fab. lib. 4. conjec. 1. & lib. 6. c. 2.*

TEXTUS.

De pluribus hæredibus.

1. *Et cum questum esset, duobus hæredibus institutis, (veluti Titio & Sejo) si Titio pars aut tota exhausta sit legatis, quæ nominatim ab eo data sunt, aut supra modum onerata: à Sejo verò aut nulla relictæ sint legata, aut quæ partem ejus duntaxat in partem diminuant; an quia is quartam partem totius hereditatis, aut amplius habet, Titio nihil ex legatis, quæ ab eo relictæ sunt, retinere licet, ut quartam partem sua partis salvam habeant: placuit posse retinere. Etenim in singulis hæredibus ratio legis Falcidiæ ponenda est.*

NOTÆ.

1. *Exhausta, aut supra modum onerata*) Per legem Falcidiam delibari hereditas potest, onerari aut exhauriri non potest. Cujac.

Placuit posse retinere) Ratio dubitandi, quod videri potest legis satisfactum, cum quarta pars apud alterum maneat illibata.

In singulis hæredibus) Ratio decidendi ex *l. 77. eod.* Nam cum lex omnibus & singulis hæredibus consultum velit, apparet legi non satisfieri, nisi singulis quoque hæredibus suæ

cujusque partis quarta intacta servetur.

COMMENTARIUS.

1. *Cur dubitatum, an in specie hic propofita Falcidiæ locus effet? & cur effe placuerit?*
 2. *Quando in portionibus defectis ratio legis habetur?*

Lege Falcidiæ potestas facta est patrifamilias, tantam pecuniam testamenti dandi legatis, quantam volet; dum ita detur, legetur, ut ne minus, quàm quartam partem hereditatis hæredes capiant. In uno hærede instituto res expedita est: nam si is, solutis legatis, quartam totius hereditatis integram habet, legi satisfactum est: eaque portione contentus esse debet, vel semel ex toto asse institutus sit, sive ex pluribus partibus, ex una parte, ex altera sub conditione, ex una legatis onerata, ex altera illibata, l. 1. §. id quod 13. l. in ratione 11. §. pen. hoc tit. cujus rei ratio peti potest ex l. cum heres 52. §. 1. de acq. her. Manifesta quoque est legis sententia, ubi plures quidem hæredes, sed sine partibus omnibus instituti sunt, aut legata simpliciter ab omnibus relicta. Sed questum est, duobus aut pluribus hæredibus ex certis partibus institutis, si unius dumtaxat portio nominatim onerata sit aut exhausta, an legi satisfactum videri debeat, si apud cohæredes pars quarta hereditatis maneat intacta? Placuit autem satisfactum non videri, idque hac ratione, quod lex non de uno aliquo hærede caveat, sed ex æquo omnibus consultum velit, l. in singulis 77. cod. & hoc text. in fin.

Duobus hæredibus institutis) Testator cum non amplius, quàm centum in bonis haberet, duos hæredes, puta Titium & Sejum, utrumque ex semisse hæredes instituit. A Titio quadraginta aut quinquaginta legavit: a Sejo verò nihil, aut minus viginti quinque, ita ut apud Sejum quarta totius hereditatis pars, vel etiam amplius, atque adeo semis integra maneat. Queritur, an mortuo testatore Titius intra quadraginta aut quinquaginta, quæ ab eo nominatim relicta sunt, legatariisolvere teneatur, an nihilominus quartam partem suæ partis possit retinere? Videri poterat, legi Falcidiæ satisfactum esse, cum quarta pars apud alterum maneat illibata; utriusque satis esse ad intentionem legis, hoc est, ad sustinendum testamentum, si vel unus suo quadrante contentus hereditatem adierit. Placuit tamen in proposito Titium quartam partem ejus partis, ex qua institutus est, retinere posse. Quippe le-

gem non simpliciter cavere, ut quarta pars hereditatis salva maneat, sed nominatim ut hæredes quartam partem ex testamento capiant. Quibus verbis cum non uni alicui hæredi tantum, sed omnibus & singulis consultum velle intelligatur, apparet legi non satisfieri, nisi singulis quoque hæredibus suæ cujusque partis quarta pars intacta servetur. Et hoc est, quod dicitur, in singulis hæredibus rationem legis Falcidiæ ponendam esse, l. singulis 77. hoc tit.

In singulis hæredibus ratio legis ponenda) Hoc tamen ita est, si omnes, qui instituti sunt, hæredes extiterint: nam si quidam defecerint, in portionibus defectis non semper separatim ratio legis Falcidiæ habetur; sed aliquando hæ confunduntur cum portionibus aliorum, qui hæredes extiterunt. In quo hæc distinctio probata est, ut si verbi causa, ex duobus hæredibus institutis alter deficiat, à quo aut nihil, aut parum relictum erat, atque ita hujus portio vel substitutionis vel accretionis jure ad cohæredem, cujus portio onerata est, pervenerit, placeat legatarios per deficientem portionem adjuvari, videlicet ut integra legata præstetur, quæ non præstarentur, si is, qui defecit, hæres extitisset. Quod si pars, quæ accessit, exhausta sit aut onerata; ejus verò, qui accessit, integra aut tantum delibata, tum perinde in deficientis portione ratio Falcidiæ ponatur, ac si ad eum, qui suam portionem omisit, pervenisset. Extat hæc distinctio in l. quod si alterutro 78. hoc tit. eademque à contrario sensu colligi potest ex l. 4. C. ad Sen. Treb. in fin. quamquam variasse Jurisconsultos, apparet ex l. 1. §. si cohæres 14. hoc tit. de cujus §. lectione vide Cujac. 4. obs. 35. Et hanc rationem habere videtur, quod is, cujus portio onerata est, uti ex sua persona legata præstet, ita & ex sua persona tantum Falcidia vitetur: qui verò suam portionem integram habet, legata præstet ex persona deficientis, cujus proinde jure eum uti æquum sit, argum. l. 10. l. qui in jur. 177. de reg. jur. Indicatur hæc ratio non obscure in l. qui fundum 87. §. qui filium 4. l. 1. §. id quod 13. hoc tit. Cæterum in parte onerata; quæ defecta est, sententia superior sic accipienda ac temperanda, si cohæres deficiente testatore supervixerit, ut dici possit moriente testatore fuisse institutus. Nam si vivo testatore defecisset, quia isto modo fit, ut alter solus tempore mortis testatoris reperitur institutus, ex sua parte pure, ex defecta, quasi sub conditione, quæ jam extitit, solida legata præstanda erunt, satisque tunc est, ut legi satisfiat, hunc alterum totius

alsis quadrantem consequi, auctore Juliano in *d. l. qui fundum* 87. §. 4. nam ut legata in ea specie repetita esse dicamus cum Cujacio 4. *obs.* 35. ratio decidendi, quia Jurisconsultus utitur, non finit: qui etiam disertè sententiam suam sic restringit, ut dicat, eam tunc procedere, cum cohæres vivo testatore decessit. Quod etiam Paulus non obscurè significat in *d. l. r. §. id quod* 13. sic enim ait, legata per oneratam deficientis portionem non augeri, si is omiserit hæreditatem, add. Don. 8. *comm.* 23. Cujac. 4. *observ.* 36. & 15. *obs.* 14. & 25. *obs.* 23. Ant. Faber. 4. *conj.* 13. & 18. *conj.* 14. & *seqq.* mirè variant, nec sibi constant. Et verò universæ superiori distinctioni locus in legatis uno eodemque testamento relictis; ad ea legata, quæ pater primis tabulis ab impubere, secundis à substituto reliquit, non pertinet: liquidum vetus est juris regula, *In tabulis patris & filii unam Falcidiam servari*, l. in ratione 11. §. quod vulgo 5. & pen. l. in duplicibus 79. *d. l. qui fundum* 87. §. ult. *boc tit.* quasi legata secundis tabulis relictis primis sub conditione data videantur.

TEXTUS.

Quo tempore spectatur quantitas patrimonii, ad quam ratio L. Falcidiæ redigitur.

e. *Quantitas autem patrimonii, ad quam ratio legis Falcidiæ redigitur, mortis tempore spectatur.* Itaque verbi gratia si is, qui centum aureorum patrimonium in bonis habeat, centum aureos legaverit, nihil legatariis prodest, si ante aditam hæreditatem per servos hæreditarios, aut ex partu ancillarum hæreditariarum, aut ex satu pecorum, tantum accesserit hæreditati, ut centum aureis legatorum nomine erogatis, hæres quartam partem hæreditatis habiturus sit: sed necesse est, ut nihilominus quarta pars legatis legaverit, & ante aditam hæreditatem in tantum decreverint bona; (incendii forte, aut naufragii, aut morte servorum) ut non amplius quam septuaginta quinque aureorum substantia, vel etiam minus relinquatur, solida legata debentur. Nec ea res damnoſa est hæredi, cui liberum est non adire hæreditatem: quæ res efficit; ut sit necesse legatariis, ne desituro testamento nihil consequantur, cum hærede in portione pacisci.

NOTA.

2. *Solida legata debentur.*) Nempe si damnum circa rem aliam, quam quæ legata est, inci-

derit. Nam damnum circa rem ipsam seu speciem legatam contingens legatarium sequitur, hæresque interitu rei legatæ liberatur, §. 17. *sup. de legat.* ex jure scilicet communi omnium debitorum certæ rei, l. 23. *de verb. obligat.* add. l. 30. *boc tit.*

Cui liberum est non adire hæreditatem) Neque enim legatarii aut fideicommissarii particulares hæredem cogere possunt, ut hæreditatem adeat, quod solis permissum fideicommissariis universalibus, propterea quod in hos etiam onera ex Sc. transferuntur, l. 14. §. 5. & *seqq. ad Sc. Treb.*

Ne nihil consequantur) *D. l. 73. in fin. pr. h. t.* Nam desituro testamento, id est, hæreditate ex testamento non adita, legata extinguuntur, l. 14. *C. de fideic.*

COMMENTARIUS.

- 1 *Exceptio regula hic proposita.*
- 2 *Ejusdem regula declaratio.*
- 3 *Hæredem à legatariis cogi non posse, ut adeat.*

IN quantitate patrimonii exquirenda circa deductionem Falcidiæ visum est mortis tempus spectari, exinde neque cessione legata augeri, neque decessione minui; sed incrementum omne & damnum, quod jacente hæreditate contingit, hæredem sequi, l. in quantitate 73. l. quod bonis 15. §. 3. *in fin. l. cum quo* 56. *pr. boc tit.* Cujus rei ratio est, primum quoniam hæres quartam partem ex bonis hæreditariis habere debet: at ea propriè sunt, quæ tempore mortis cujusque inveniuntur. Deinde, quia legatorum dies ex tempore mortis testatoris cedit, hoc est, legata ex eo tempore deberi incipit, l. un. §. 3. *C. de cad. toll.* Adde quod per legem Falcidiam legata ipso jure minuuntur, *d. l. in quantitate* 73. §. ult.

Nihil legatariis prodest, si ante aditam hæreditatem, &c.) Postquam placuit, à morte testatoris legata deberi pro eo modo patrimonii, qui tunc fuit, accessio autem aditam hæreditatem contingens legatariis prodesse non debet, *d. l. in quantitate* 73. l. in ratione 30. *boc tit.* Excipiendum tamen hic est, si quid accesserit ratione facti præcedentis aut obligationis à defuncto contractæ; veluti si debitoris, qui solvendo non erat, facultates post mortem creditoris ampliatae fuerint, aut conditi crediti tunc extiterit: nam istis modis placet, ex postfacto uberius videri fuisse hæreditatem commodo legatariorum, l. cum quo 56. §. 1. *cod.* eandemque rationem habet, quod responsum est, si pater, cum quo ex

contractu filii de peculio agi poterat, à creditore filii hæres institutus sit, & legis Falcidiz ratio ponatur, peculii quantitate non quod mortis, sed quod aditæ hæreditatis tempore fuit, in quadrantem patri imputari, *d. l. cum quo § 6. §. 1. l. si creditor 83. eod.* quamvis peculio post mortem creditoris deminuto, juxta regulam spectetur tempus mortis, neque legatariis id noceat: quasi nihil interfit, peculium post mortem creditoris deminutum sit, an debitor pauperior factus, *d. l. cum quo § 6. in pr. l. eo tempore 50. §. 1. de pecul.* Quamobrem quod vulgo dici solet, *eandem rationem esse damni & commodi*, id intelligamus locum habere in iis, quæ primum emergunt? & accedunt post mortem, veluti si quid accesserit hæreditati ex fructibus, ex partu ancillarum, aut per servos hæreditarios quæsitum: *hoc text. & d. l. in quantitate 73. d. l. in ratione 30. hoc tit.* non in iis, quibus causam dedit præcedens factum testatoris. Quinimo hæc, si subtilius res examinetur, non post mortem demum accedunt, sed omnino ad tempus mortis sunt referenda? quoniam ratione principii & fundamenti jam tum in bonis fuerunt: quemadmodum & servi, qui apud hostes sunt, post mortem testatoris reversi, quod ad Falcidiam pertinet, locupletiores faciunt hæreditatem, *l. servi 43. eod.* ita ferme & Bachov. hic.

In tantum decreverint) D. l. in ratione 30. d. l. in quantitate 73. Sunt verò hæc sic accipienda, si damna circa res alias, quàm quæ legatæ sunt, incidunt: nam si res ipsa legata perierit sine culpa hæredis, id non hæredi, sed legatariis nocet secundum tenorem perpetui juris, quo traditum est, omnes debitores, qui speciem aliquam, id est, rem certam debent, liberari, si ea res ante moram sine facto eorum perierit, *l. si ex legatis 23. de verb. oblig. l. 5. de reb. cred.* Sciamus igitur, tunc periculo hæredis esse res hæreditarias, cum res incerta legata est, veluti homo in genere, aut quantitas, puta centum aurei, decem modii frumenti. Hic enim etsi res omnes hæreditariæ perierint, dici tamen numquam potest, rem, quæ legata est, periisse, *l. 11. C. si cert. per. elegantem Mæcian. in d. l. in ratione 30. §. 2. & aliquot seqq. vid. sup. §. si res 16. de legat. 1.*

Cum hærede in portione pacisci) In fideicommissariis hæreditatibus provisum est Senatufconsulto Pegasiano, ut si scriptus hæres nolit adire hæreditatem: jussu prætoris adeat, & restituat. Hoc verò beneficium neque legatariis, neque his quibus singulæ res per fideicommissum relicte sunt, tributum est, *l. si quis 17. si quis om. ca. test. l. nam quod 14. §. non*

omnis §. 1. & 2. seqq. ad SC. Treb. Quo loco Hermogenianus etiam differentiz rationem reddit, nimirum nullam habere iniquitatem, quod fideicommissi hæreditatis servandi causa hæres adire cogatur, postquam Senatusconsulto Trebelliano cautum est, ut omnia onera hæreditatis transferantur in eum, cui ex fideicommissio hæreditas restituta est, *l. 4. eod. tit.* legati verò aut fideicommissi particularis causa hæredem compelli adire hæreditatem, æquum non esse; propterea quod in hos onera hæreditaria transferre non possunt, neque admittendum est, ut quis alieni dumtaxat emolumentum causa se æri alieno & litibus, vexationibus, aliisque molestiis implicare cogatur. Proinde hoc solum relinquitur, ut legatarii cum hærede in portionem pacifcantur: quod illi facile facturi, & potius aliquid remissuri, quàm ut patiantur testamentum desitui, totumque, quod legatum est, sibi perire, *d. l. in quantitate 73. in fin. pr.*

TEXTUS.

Quæ detrahuntur ante Falcidiam.

3. *Cum autem ratio legis Falcidiæ ponitur, ante deducitur et alienum, item funeris impensa, & pretia servorum manumissorum: tunc demum in reliquo ita ratio habetur, ut ex eo quarta pars apud hæredem remaneat, tres verò partes inter legatarios distribuuntur, pro rata scilicet portione ejus, quod cuique eorum legatum fuerit. Itaque si singamus, quadringentos aureos legatos esse, & patrimonii quantitatem, ex qua legata erogari oportet, quadringentorum esse, quarta pars singulis legatariis debet detrabi. Quod si trecentos quinquaginta legatos singamus, octava debet detrabi. Quod si quingentos legaverit, initio quinta, deinde quarta detrabi debet. Ante enim detrahendum est, quod extra bonorum quantitatem est, deinde quod ex bonis apud hæredem remanere oportet.*

NOTÆ.

3. *Deducitur et alienum) L. 6. C. eod.* id est, omne cujus præstandi necessitate defunctus obstrictus fuit, *l. 54. D. eod.* Nam Falcidia detrahitur ex bonis: bona autem non intelliguntur, nisi quæ defuncto ære alieno supersunt, *l. 39. §. 1. de verb. sign.*

Si singamus quadringentos) L. 37. §. ult. hoc tit. Legata ad contributionem dodrantis pro rata lux cuiusque quantitatis revocantur, *l. 1. l. 6. §. 2. C. eod.* Nota, Falcidiæ locum non esse in testamento militis, *l. 7. C. eod.* ex novo

jure nec in legato in pios usus relicto, *Nov. 131. cap. 12. auct. similiter, C. eod.* nec in ea re, quæ ita relicta, ne alienetur, *auct. sed & ea, C. eod.* nec cum hæres inventarium facere neglexit, *l. ult. §. pen. C. de jur. del.* nec cum testator expressè prohibuit hæredem beneficio legis uri, *Nov. 1. cap. 2. auct. sed cum testator, C. hoc tit.*

COMMENTARIUS.

- 1 In bonis defuncti qua numerentur ; cum de lege Falcidia questio est.
- 2 An hæres, quod sibi à defuncto debetur, deducat ; & quid si rogatus, ne id legatariis imputet.
- 3 Quibus casibus lex Falcidia cesset.

ANtequam summa constituatur, unde quarta Falcidix deducenda sit, necesse est exquiratur, quid in patrimonio defuncti sit habendum ? ex eo enim quartam hæres habere debet. Patrimonium cujusque dici scimus, cujusque facultates aut substantiam, sive quod quisque in bonis habet, *l. nam quod 14. §. ult. l. cogi 16. ad Senatufconsultum Treb.* Boni cujusque intelliguntur, quæ deducto ære alieno supersunt, *l. subsignatum 39. §. 1. de verb. signif.* Nimirum ergo in bonis seu patrimonio defuncti sciamus non numerari omnia, quæ cum moreretur habuit, sed id solum, quod hæreditariis oneribus deductis superest. Cujusmodi onera sunt, æs alienum hæreditarium, funeris impensæ, & pretia servorum manumissorum : quæ omnia idcirco in ponenda ratione legis Falcidix deduci placuit, uti hoc loco docetur. Cætera, quæ appellatione horum continentur, in patrimoni quantitate esse intelliguntur, si modo ejus naturæ sint, ut & ad hæres certo mensuræ transierint, (nam contra est, sive non transierint, ut actio injuriarum, ususfructus, *l. 38. hoc tit.* vel ita transierint, ut non sint mansuræ: exempli. in *l. 11. §. 1. & 2. l. si statu liber. 38. eod.*) & ex iis hæres aliquid commodi percipere poruerit. Non enim computatur nomen inane, quod tantum ex eventu hæreditatem auget, *l. Nisennius 22. §. pen. l. cum quo 56. §. 1. eod.* neque debitum naturale nondum solutum, *l. 1. §. id quod 17. eodem.*

Æs alienum) Primum in hanc deductionem venit æs alienum, id est, id omne, cujus præstandi necessitate defunctus obstrictus fuit, *l. pater 54. hoc tit.* Sed & æris alieni loco habetur, si quid est, cujus præstandi causa mortuo testatore ante aditam hæreditatem nata est,

tamquam contractum ab hæreditate, *l. æris 39. eod.* Illud quæsitum circa hanc deductionem, an etiam hæres quod sibi à defuncto debetur, detrahere possit. Subtilitas rationis facere videtur, ne possit : quippe cum additione hæreditatis confundatur obligatio, atque ita fiat, ut quod prius ei debebatur, deberi desinat, *l. sicut 75. l. Sticbum 95. §. 2. de so ur.* Sed nihilominus placuit deduci posse, *l. 6. C. hoc tit.* id ob hanc procul dubio causam, quoniam in ratione legis Falcidix, cum de estimatione patrimonii agitur, mortis tempus spectatur, quo tempore nondum est ulla actionum confusio. Hodie hoc amplius à Justiniano tributo hæredi, qui inventarium confecit, ut nec adita hæreditate actiones ejus confundantur, sed ut similem cum creditoribus extraneis fortunam habeat, *l. ult. §. in computatione 9. C. de jur. delib.* Quid si hæres rogatus sit, ut creditum legatariis imputet ? Ratione doli mali exceptionis apud arbitrum Falcidix voluntas defuncti servabitur, *l. si debitor 12. hoc tit.* sic ut debito fini quadrantis compensato, superfluum æris alieni tantum dodranti detrahat, *l. quod bonis 15. §. cum fideicommissum 4. eod.* Exemplum esto. Quadringenta sunt in bonis hæredis debita ducenta ; legata trecenta. Hæres compensabit cum quadrante centum ; reliqua centum de dodrante detrahet. Hodie de hoc supervacuè queritur : quoniam Falcidix detractio nominatim vetari potest, *Nov. 1. 1. 1.*

Impensa funeris) Ea est, quæ sit causa funeris, hoc est, ut funus ducatur, mortuus effretur & sepeliatur, & sine qua neque funus duci, neque mortuus sepeliri honestè potuisset. Quare etiam id, quod erogatum est in locum, in quem mortuus infertur, funeris causa impensum videri debet, *l. & qui 14. §. funeris 3. de rel. & sumpt. fun. l. 1. in fin. cum l. seq. hoc tit.* Hæc autem impensa semper ex hæreditate deducitur, quæ etiam omne creditum solet præcedere, cum bona solvenda non sunt, *l. pen. de relig. & sumpt. fun.*

Pretia servorum manumissorum) Neque tantum eorum, qui testatoris proprii fuerunt, verum etiam quos hæres, cum alieni essent, redimere & manumittere rogatus est, *l. ejus 37. §. 1. eod.* Aliarum quoque impensarum, quæ modo hæreditatis suscipiendæ causa factæ sint, deductionem permittit Justinianus, *l. ult. §. in computatione 9. C. de jur. delib.* Quæ sequuntur, interpretem non desiderant. Illud sciendum est, beneficium legis Falcidix non esse perpetuum. Et jam olim cessabat in testamento militis, *l. 7. C. hoc tit. l. 12. C. de test. mil.* item in dote mulieri relegata, propter ea quod

quod suam rem mulier recipere videtur, *l. sed ususfructus* 81. §. 1. *boc tit.* in commodo tamen præsentationis legi potuisse locum non dubito, *arg. l. 2. in pr. de dot. præl. l. 1. §. si quis* 10. *boc tit.* Libertates quoque datæ per Falcidiæ non minuebantur, *l. si servus* 33. *ead. l. 8. §. quarta* 9. *de inoff. test.* Hodie cessare creditur in legato in pios usus relicto, *per auct. similiter*, *C. boc tit.* quamquam in *Nov. 131. C. 11.* unde *d. auct.* sumpta est, hoc non dicatur absolute: & contra sæpe judicatum, *Sand. lib. 4. tit. 7. defin. 10. Christin. vol. 1. dec. 120. in fin. Fachin. 5. contr. 17.* si testator rem legatam vetuerit alienari, *Nov. 119. cap. 12. unde auct. sed & ea, boc tit.* & in universum si prohibuerit expresse, hæredem Falcidiæ uti, *Nov. 1. c. 2. auct. sed cum testator, C. boc tit.* item si hæres inventarium facere ne-

glexerit, *l. ult. C. de jur. delib.* Indignus etiam olim beneficio legis Falcidiæ visus est, qui id egerat, ut fideicommissum intercideret: & qui non capienti rogatus erat restituere, per Senatusconsultum Plancianum quartam retinere non poterat, *l. beneficio* 59. *pr. & §. 1. boc tit.* Postremo qui sciens aut errore juris totum legatum solvit, nullam quartæ nomine conditionem habet, *l. 9. C. boc tit.* Circa detractionem Falcidiæ nihil apud nos servatur alienum à Jure Romano. Vid. *Grot. 2. mandati. 23. Gudelin. lib. 2. cap. 11. VINN.* Addi potest, cessare quartam Falcidiæ, si liberis suppleatur portio legitima, *l. 36. C. de inoffic. testam.* item si legata sponte soluta integra. *Nov. 1. c. 2. l. 9. §. 3. de jur. & facti ign.* denique si instrumenta legata, quamvis eo casu vix questio quidem nasci possit, *l. 15. C. boc tit. HEIN.*

TITULUS VIGESIMUSTERTIUS.

DE FIDEICOMMISSARIIS HÆREDITATIBUS.

Dig. Lib. 36. tit. 1. C. Lib. 6. tit. 42. & 49. Novell. 39. 108.

Ratio ordinis: tum quid sit fideicommissum.

SUPRA titulo de legatis §. 3. promisit Imperator, se separatim de jure legatorum & fideicommissorum tractaturum, ne scilicet permixta utriusque juris tractatio rem ipsam redderet difficiliorem aut magis laboriosam. Exposito igitur jure legatorum, quæ ratione obligationis & tempore & jure antiquiora sunt fideicommissis, superest nunc, ut de fideicommissis instituatür disputatio: quod alterum est partitionis antepositæ membrum. Fideicommissum est, auctore Ulp. in fragm. tit. 25. quod non civilibus verbis, sed precativè relinquitur, nec ex rigore juris civilis proficiscitur, sed ex voluntate datur relinquentis. Igitur sic rectè definitur: Fideicommissum est id omne, de quo quis supremis defuncti voluntate rogatus est, ut daret vel faceret.

non civilibus verbis, sed precativè relinquitur. Ulp. tit. 25. Legatum autem relinquitur legis modo, id est, imperativè, dato, capito, summo, damnas esse dare. Idem tit. 24.

COMMENTARIUS.

- 1 Fideicommissi divisio: & summa eorum, quæ hic explicantur.
- 2 Cur prius de fideicommissis hæreditatis, quam singularium rerum agatur?

Fideicommissum aut universale est, aut particulare seu potius singulare. Universale, quod hæreditatem vel totam vel partem ejus continet. Particulare, quo non hæreditas aut pars hæreditatis, sed res singulæ relinquuntur, quod proinde rectius dixeris singulare, aut speciale. De fideicommissis rerum singularium agitur proximè; de universalibus, sive fideicommissariis hæreditatibus, hoc præsentis titulo: in quo Justinianus, ostensa prius communi fideicommissorum origine & incremento, differit de forma relinquendi fideicommissum hæreditatis ab hærede scripto, deque restitutæ hæreditatis effectu: tum de Senatusconsulti Trebelliano & Pegasiano, ac mox de Pegasiani in Trebellianum transfusione: in-

TEXTUS.

Continuatio.

Nunc transcamus ad fideicommissa. Sed prius est, ut de hæreditatibus fideicommissariis videamus.

NOTÆ.

Fideicommissa) Fideicommissum est, quod
Tom. I.

de docet, qui restituere rogari possint. Ad extremum aliquid de suo adpergit ad probationem fideicommissi in genere pertinentis.

Præius est) Quemadmodum prius egit de hæreditibus instituendis & deferenda testamento hæreditate, quàm de legatis testamento dandis, acquisitionem universitatis ut digniorem præponens acquisitioni rerum singularum; ita etiam hic prius agere voluit de fideicommissis universalibus, quæ vi & effectu idem sunt quod hæreditas: postea de fideicommissis singularibus, quæ respondent legatis: de quibus aliqui prius dicendum fuerat juxta §. 3. de legat. Nam uti quoque monuimus in explicatione d. §. 3. exæquatio legatorum & fideicommissorum, de qua illic agitur, ad fideicommissariam hæreditatem minimè pertinet; quoniam fideicommissarius restituta hæreditate hæredis loco habetur: sed ad specialia fideicommissa duntaxat. Potest & hæc ratio dari, quòd cum antequam de legatis differeret, egerit de deferenda directo hæreditate, tum hæredem instituendo, tum substituendo, rectè quoque nunc atque ordine faciat, quod antequam dispuet de fideicommissis rerum singularum, doceat, quomodo hæreditas deferatur indirecto atque oblique, sive quomodo per fideicommissum hæredes substituuntur. Vide quæ notavimus sub §. ult. per quas pers. cuique acq. & ad rubr. de vulg. subst.

TEXTUS.

Origo fideicommissorum.

1. Sciendum itaque est, omnia fideicommissa primis temporibus infirma fuisse: quia nemo invitatus cogeatur præstare id, de quo rogatus erat. Quibus enim non poterant hæreditatem, vel legata relinquere, si relinquebant, fideicommittere aorum, qui capere ex testamento poterant. Et ideo fideicommissa appellata sunt, quia nullo vinculo juris, sed tantum pudore eorum, qui rogabantur, continebantur. Postea divus Augustus primus, semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam, jussit consulibus auctoritatem suam interponere. Quod quia justum videbatur & popolare erat, paulatim conversum est in asiduam jurisdictionem, tantumque eorum favor factus est, ut paulatim etiam prætor crearetur, qui de fideicommissis jus diceret, quem fideicommissarium appellabant.

NOTÆ.

1. Quibus non poterant hæreditatem) Quales

proscripti, deportati, &c. Exemplum habes apud Cic. lib. 1. in Verr. & ex parte, orbi, calibes. Ulp. tit. 22. §. 2. & tit. 15. cum seqq. item foeminx ex lege Voconia. Hujus generis exempla apud eundem 2. de finib. cap. 58. VINN. Addi potest Quintilian. Decl. 324. item Valer. Max. 1.4. cap. 2. §. 7. HEIN.

Sed tantum pudore) Fidei, religione, probitate. Id enim, qui tum pudor erat hominum, videbatur vinculum satis validum implendæ voluntatis defuncti.

Et popolare) Theoph. χαρις τῷ δήμῳ. Plin. Paneg. non quia popolare gratumque audientibus.

In asiduam jurisdictionem) Ita tamen, ut extra ordinem ipsi magistratus de fideicommissis cognoscerent, non more usitato formulam & judicem darent. Ulp. tit. 25. §. 10. l. 178. §. 2. de verb. sign.

Prætor proprius) Claudius duos creavit. Suet. in Claud. cap. 23. ex quibus unum Titius detrahit, l. 2. §. 31. de orig. jur. Ceterum prætor ad certam summam cognoscebat, de majore consules jus dicebant. Quint. lib. 3. c. 6. unde lucem accipit Ulp. de loc. §. 12. VINN. Adde omnino Cujac. lib. 21. obs. c. 24. HEIN.

COMMENTARIUS.

1. Ante D. Augusti tempora fideicommissa vim obligandi non habuissent, notat Mynsingerus.
2. Genera incapacium, & in his gratificandi fideicommissorum usus.
3. Læge Voconia mulieres hæredes institui non potuisse.
4. Accurata in hoc legis caput inquisitio.
5. Legem istam postea in desertudinem abiisse.
6. De fideicommissis extra ordinem jus dici solitum, & quorum ea jurisdictio? n. 8.
7. Quod in l. 1. junct. l. 2. C. comm. de leg. disponitur, non pertinere ad fideicommissa universalialia.

Primis temporibus infirma) Olim ante D. Augusti tempora fideicommissa nullam vim obligandi habebant, sed eorum præstatio à fidei, religione, ac probitate pendebat ejus, qui rogatus erat. Nam quemadmodum quod precario alicui utendum conceditur, totum pendet à liberalitate & voluntate ejus, qui concessit, sine ulla necessitate obligationis, l. 1. & de precar. ita nec ex precibus testatoris quemquam invitum obstringi debere existimabant non magis, quàm ex commendatione, l. 1. §. 2. de legat. 3. Nam quod potestati & arbitrio alicujus relinquitur, cujusmodi est, quod rogatur, non inducit obligationem, l. in venditoris 13. C. de contr. empt.

Myn-

Myrsingerus primis temporibus sic interpretatur, ante legem duodecim tabularum, suavisimo utens argumento, quod utique sub Numma Pompilio fideicommissa viguisse verissimile sit, utpote sub quo Rege vel maxima vis fidei fuerit. Quæ insignis est ἀντιστοιχία. Sic enim ille dissert, ut videatur existimasse, jam ante urbem conditam decemviros legem tulisse, aut post legem latam regnasse Pompilium.

Qui capere ex testamento poterant 1. Duplex olim usus fideicommissorum fuit: unus in morientibus in peregrinatione, ubi sæpe eveniebat, ut testamentum facere non possent propter penuriam usum civium Romanorum: quæ res etiam usus codicillorum innoxit, *inf. de codic. in pr.* alter in gratificandis incapacibus, cum scilicet hæres clam fidem accommodabat, ut incapaci restitueret: quod fideicommissum tantum dicitur, *l. 103. de legat. 1. Gloss. Bass. tacitum, εἰρησὶς ἢ εἰς τὴν τρεῖς διαθήκας*, domestica cautione vel chirographo promissum, *d. l. 103. l. 10. de bis que ut indign.* Incapacium autem olim duo fuere genera: unum eorum, qui conditione personæ capere non poterant, quo in numero erant proscripsi, deportari, item deditii & Latini Juliani, omnesque, qui cives Romani non erant: alterum eorum, qui cives erant, sed propria & civili ratione aut nihil, aut non solidum, aut non ex omnium testamentis poterant capere, quales ex lege Voconia virgines, mulieres; ex lege Julia de maritandis ordinibus, coelibes, orbi. Quæ diligentius executus sum in explicatione principii, *sit. de her. inf.* Exemplum fideicommissi prioris generis incapacibus relictis in proscripso habemus apud Ciceronem *lib. 1. in Verr.* qui de prætura urbana dicitur: ubi de P. Trebonii testamento commemorat, qui cum Aulum fratrem proscripsum haberet, scripsit ut hæres jurarent, se curaturos, ut ex sua cuiusque parte ne minus dimidia ad fratrem proscripsum perveniret. Alterius generis apud eundem *lib. 2. de finib. cap. 58.* ubi refert P. Sextilium Rufum rogatum a Qu. Fabio Gallo, ut omnis hæreditas ad filiam perveniret, eamque rem Rufum ad amicos detulisse. Idem *cod. lib.* memorandum fidei exemplum narrat de Sex. Peduceo, qui rogatus hæreditatem restituere uxori testatoris, cum sciret nemo eum rogatum esse, ultro ad mulierem venit, eique nihil opinanti viri mandatum exposuit, hæreditatemque reddidit. Ostendunt hæc exempla, lege Voconia mulieres hæres institui non potuisse, non uxorem à marito, non filiam à patre. Atque hinc porro hoc quoque certo colligitur,

nec ad patris legitimam hæreditatem filias à lege admissas fuisse, multoque minus consanguineas ad successionem fratrum: ac proinde quod Paulus *l. 4. sent. 8.* de rogatione Voconia scribit, esse ἀμάρτυρα μαρτυρίας, quod pluribus confirmamus *inf. sit. de leg. agn. succ. 5.* Multorum lex Voconia scriptis celebrata est. Meminerunt Cic. *dd. loc.* & in orat. pro Corv. Balb. Livius *lib. 4.* (in epitome Flori mendosè legitur Volumnii pro Voconius) Quintil. *declam. 264.* Dio. *lib. 56. p. 662.* Gell. *lib. 17. cap. 6. & lib. 20. cap. 1.* Alcon. Pedian. in orat. de præt. urban. Augustin. *lib. 3. de civ. Dei, cap. 21.* Latam esse eodem loco scribit Augustinus inter secundum & postremum bellum Punicum: quod verum esse liquet ex eo, quod apud Ciceronem *lib. de senectute* M. Cato gloriatur se eam legem suasisse, cum jam natus esset annos LXX. sic enim legendum arbitror, non ut vulgo legitur, V. & LX. annos. Lara enim est, ut eodem loco indicatur, Q. Marcio Philippo iterum & Cn. Servilio Cæpione Coss. quorum consularis incidit in annum ab urbe condita 595. qui est à Consulari M. Catonis & L. Valerii Flacci 26. ut pater ex chronologia rer. Rom. Ubbonis Emmil. Legis duo fuere capita, forte etiam plura, quæ ignoramus. Nam & infinitam legandi licentiam lege 12. tabularum concessam, exemplo legis Furis, coercuit ut *sit. præc.* demonstratum est: & quod præcipuum est, sanxit, ne quis virginem neve mulierem hæredem faceret, auctore Cicerone *d. lib. 1. in Verr. cap. 43.* Flor. *diel. epitom.* ac ne filiam quidem, testibus Alcon. *d. loc.* & Augustin. *d. lib. 3. cap. 21.* Utrum autem simplici & à tota successionem mulieres remotæ fuerint, an partem aliquam saltem per legem adhuc capere potuerint, incertum est. Er filias quidem certè non in totum exclusas fuisse, ostendit locus Ciceronis *2. de finib. cap. 58.* ubi ait, amicos Sextilii, quem rogatum scribit hæreditatem restituere filiz testatoris, censuisse, non plus filiz dandum, quam posset ad eam lege Voconia pervenire. Lucium quoque Lentulum temporibus Augusti, cum adhuc vigeret lex Voconia, filiam suam ex parte hæredem scripsisse, intelligere licet ex *princ. inf. de codicill.* Dio verò *lib. 56. p. 662.* de formis in universum refert, eas lege Voconia prohibens κληρονομίᾳ ὑπὲρ δύο καὶ ὀκτὼς μυριάδας σίας, supra 25. millia substantia. Ego, utur ad filias aliquid lege pervenire potuerit, non puto tamen quod Dio scribit, ipsa lege Voconia cautum fuisse, argumento eorum, quæ ex Cicerone, Alcon. Floro, Augustino pro-

tulimus; sed postea legem, ut nimis rigidam, ita mitigatam, ut saltem partem aliquam mulieribus capere liceret, idque Dionem sic accepisse quasi cautum a Voconio legis auctore; ut alias fieri solet. Illud tamen parum adhuc constat, quantam partem postea mulieribus percipere permisum. Quintilianus d. *declam.* ait, *lege Voconia cautum, ut ne mulieri plus quam semissem relinquere liceret*: sed hoc, ut in scholasticis exercitationibus fere sit, à Quintiliano confectum esse existimo cum Cujacio. Ipse autem Cujacius putat, lege cautum, *ut nequis census mulierum heredem faceret ultra quadrantem*, accommodans eo locum Dionis, quem accipit de 25. millibus sestertium: quippe quæ fuerit quarta pars bonorum ejus, qui census dicebatur, nempe, qui centum millia sestertium possidebat: quod Alconius prodidit in d. lib. 1. in *Verr.* Nam vetus ratio postea valde mutata fuit, auctisque civium opibus, sestertii in locum asium surrogati videntur: siquidem initio, ut ex Livio & Dionys. Halicarn. constat, maximus census erat centum millium æris seu asium: quam summam æquant 25. mille sestertii, quippe quorum singuli quatuor asibus postea æstimati sunt. Bachovius censet, locum Dionis rectius accipi de 25. mille asibus, qui census initio quartæ classis fuit, & quarta census maximi pars. Interpres Dionis veritatem centum millia nummum, sed ille haud dubiè nummum pro asse accepit, quamvis perperam: sestertium enim nummum, non assem, dicimus. Ut sit, illud constat, licet fideicommissum aliquod contra legem Voconiam aut similem relictum fuisset, ac proinde hæres nulla necessitate obstringeretur ad illud præstandum; veteres tamen existimasse, contra officium boni viri heredem facere, fidemque violare, qui voluntati testatoris non parere, ut perspicuum est ex eo, quod de Sext. Peduceo commemoravimus ex lib. 2. de *finib. cap. 58.* & quod Cicero eodem loco refert de Sextilio rogato omnem hereditatem restituere filio testatoris: *Tenuit*, inquit, *Sextilius permagnam hereditatem, unde si secutus esset eorum sententiam, qui honesta & recta amolumentis omnibus & comodiis anteponebant, ne nummum quidem attigisset.* Notatur & à Val. Maximo avaritia Corneliz, quod fideicommissa prædia filio Q. Pompejo publica quaestione prostrato non redderet, lib. 4. c. 2. in *fin.* Ex libris nostris manifestum est, legem Voconiam postea planè in desertudinem abiisse, & jam tum sua ætate obliteratam fuisse testatur Gellius lib. 20. c. 1. Eo verò jure, quod post secutum est, nec licitum hæredi fuisse videtur, hereditatem in-

capaci restituere argumento est, quod favore fisci constitutum fuit, ut si hæres hujusmodi fideicommissi tacite fidem suam accommodasset, hereditas ei auferretur & vindicaretur fisco, l. 1. l. 3. de *jur. fise.* Ad fiscum quoque pertinuisse fideicommissum deportato relictum, constat ex l. 7. de *legat. 1.* Denique Ulp. tit. 25. §. *fideicommissa* 5. cum generaliter definivisset, fideicommissum non aliis dari posse, quam quibus legari potest, solos mox excipit Latinos Junianos. VINN. Multa hic Vinnius: quæ dici potuissent accuratius. Nos more nostro pauca. Frustra in Pauli loco lib. 4. *Sent. tit. 8.* §. 22. castigatur *ἀπαρτίμα μνημονία*, Paulus enim docet, formæ ultra consanguineas successiones non admitti ad legitimas hereditates. Addit rationem: *idque jure civili Voconiana ratione* (non Voconiana rogatione) *videtur effectum.* Lex Voconia ea de re nihil sanxerat. At ex ratione hujus legis stricte veteres interpretabantur jus mulierum ab intestato succedendi. Idque mansit, etiam postquam lex Voconia civitatis opulentia fuerat obliterata. Vid. Doct. Schultingii Annot. ad Paul. *ibid.* p. 412. Deinde quod ad locum Dionis atinet cum accuratissime exposuit. V.C. Jac. Perizonius *diff. de lege Vocon.* p. 144. ubi docuit, in textu Dionis intelligi drachmas, ad quas plerumque Græci rationem inibant pecunie Romanæ. (Vide Jo. Fr. Gronov. de *pecun. vet.* lib. 16.) XXV. ergo millia drachmarum sunt CM. sestertium. HEIN.

Gratia personarum motus) Igitur Augustus non confirmavit fideicommissa certa & perpetua lege: sed cum unum atque alterum fideicommissum sum confirmasset ob causas, quæ hic memorantur, consules demum auctoritatem suam interponere jussit, id est, consilibus cognitionem de fideicommissis singulis negotiis mandavit. Ait, *gratia personarum.* Ipse Augustus relictum à se fideicommissum L. Lentuli gratia, qui rogaverat, præstitit, *inf. de codic. in pr.* Poruit & eorum gratia moveri, quibus fideicommissum relictum dicebatur, puta personæ sanguine aliæ necessitudine defuncto conjunctæ, aut singulari conditione aliisve raris animi dotibus præditæ.

Per ipsius salutem) Antiquissimum genus jurisjurandi, aut potius vehementioris asseverationis etiam sanctis viris usurpatur, *Genf. cap. 42.* τὴν καὶ τὴν ὑγιάν φασίαι, per salutem Pharaonis.

In aspidum jurisdictionem) Ut jam non amplius cognitio de fideicommissis speciarim in singulis negotiis aut quotannis Magistratibus

mandaretur, sed ut perpetuo vi & potestate magistratus sui de fideicommissis omnibus jus dicerent, quamquam extra ordinem, ut scilicet ipsi magistratus cognoscerent, non more judiciorum usitato formulam & judicem darent, Ulp. tit. 25. §. 10. unde fideicommissi persequutio extraordinaria dicitur, l. 178. §. 2. de verb. sign. Justinianus quidem, ut monuimus sup. §. 3. de legat. in eo quoque fideicommissa exquavit legatis, ut iisdem ordinariis actionibus, quæ pro obtinendis legatis olim competeabant, quasque ipse postmodum pro legatis omnibus concessit, l. 1. C. comm. de legat. liceret persequi & fideicommissa, l. 2. C. eod. Verum hoc ad fideicommissa rerum singularum dumtaxat sicut & universa exquatio pertinet; erratque perspicue Myningerus, dum id transfert ad fideicommissa hereditatis.

Prætor proprius crearetur) Pomp. l. 2. §. cap. 12. de orig. jur. tradit, Claudium duos Prætores creasse, qui fideicommissis jus dicerent, ex quibus unum D. Titius detraxerit. Sueton. in Claud. c. 23. Jurisdictionem, inquit, de fideicommissis quotannis & tantum in urbe Magistratibus delegari solitam in perpetuum, atque etiam per provincias potestatis demandavit. Quod etiam Ulp. d. loc. confirmat scribens, cognitionem de fideicommissis in provinciis fuisse præsidium provinciarum: item l. 5. C. de reb. cred. Prætoris fideicommissarii mentio fit in l. quæsumus. 78. §. pen. de legat. 3. l. pen. in fin. quib. ad lib. proclam. l. si cui 92. in pr. de cond. & dem. l. 2. C. qui pot. in pign. Neque tamen solius prætoris in urbe iurisdicção de fideicommissis propria tunc esse coepit, sed ita partita est, ut prætor ad certam summam cognosceret, de majore consules jus dicerent. Fab. lib. 3. c. 6. Non debes, inquit, apud prætorem petere fideicommissum, sed apud consules, major enim prætoris cognitione summa est. Atque ita accipiendum quod Ulp. d. tit. 25. scribit, cognitionem de fideicommissis Romæ esse consulum, aut prætoris, qui fideicommissarius vocatur. VINN. Immo ipsos Imperatores extra ordinem aliquando de fideicommissis cognovisse comperto. Exemplum est in l. 26. ff. de prob. HEIN.

T E X T U S.

De fideicommissio hæredis scripti.

2. In primis igitur sciendum est, opus esse, ut aliquis recto jure testamento hæres instituitur, ejusque fidei committatur, ut eam hereditatem alii restituat alioqui inutile est testamentum, in quo ne-

mo hæres instituitur. Cum igitur aliquis scripserit: Lucius Titius hæres esto, potest adjicere, Rogo te, Luci Titi, ut cum primum poteris hereditatem meam adire, eam Cajo Sejo reddas, restituas. Potest autem quisque & de parte restituenda hæredem rogare, & liberum est, vel sub conditione relinquere fideicommissum, vel ex certo die.

N O T A.

2. Recto jure testamentum) Scilicet cum quis testamento fideicommissum vult relinquere, nam sine institutione hæredis testamentum consistere non potest, §. 34. sup. de legat. Ceterum potest & ab intestato fideicommissum codicillis relinqui, §. 10. inf. eod. Recto jure, id est, directo jure, Schol. Thoph. ἐπὶ τῷ ὀνόματι, sic rectum iudicium, pro directo, l. 18. §. ult. commod. recta vindicatio pro directa, l. 9. §. 2. de acq. rer. dom.

C O M M E N T A R I U S.

- 1 Quis, cui, à quo fideicommissum hereditatis recte relinquitur?
- 2 Ex certo die aut in diem cur fideicommissum recte detur, hereditas non item?

Obligua acquirendæ hereditatis ratio iisdem illis rebus constat, quibus directam contare diximus sup. §. ult. per quas pers. videlicet delatione fideicommissi, & delati susceptione. Deferre seu relinquere fideicommissum hereditatis possunt, qui & testamentum facere, l. 2. de legat. 1. l. 1. in pr. & seqq. §. de legat. 3. l. 6. §. 3. de jur. eod. Relinqui iis potest, qui qualemque testamenti factionem habent, id est, vel passivam, ut loquuntur, arg. §. legari. 24. sup. de legat. l. 1. de legat. 1. Neque ulla nunc est in hac parte differentia inter hæredum institutiones aut legata & fideicommissa, sive universalia sive specialia. Ab iis relinqui potest, ad quos hereditas nostra pervenit, sive directe sive oblique, sive ex testamento, sive ab intestato, sive jure civili, sive jure honorario, §. præterea. 10. inf. eod. In modo relinquendi nihil interest, utrum testamento relinquatur, an codicillis: at testamento à solo hærede instituto relinqui potest, codicillis etiam à legitimo. Suscepto utriusque factum & voluntatem desiderat & hæredis fideicommissum restituentis, & fideicommissarii restitutum accipientis: de quibus omnibus, aut maxima eorum parte, amplius in progressu.

Recto jure testamento hæres instituitur) Cum quis

quis testamento fideicommissum vult relinquere, necesse omnino est, quod hic traditur, ut testator directo aliquem testamento hæredem instituat, eumque roget, ut hæreditatem alii restituat: quippe cum sine institutione hæredis testamentum consistere non possit, §. ante 35. sup. de legat. 3. Utrum autem hæres institutus eodem testamento rogetur, an codicillis, nihil refert, §. 1. & 2. inf. de cod. l. 8. eod.

Vel ex certo die) Fideicommissio hæreditatis hoc cum legatis & fideicommissis rerum singularum commune est, ut non tantum pure aut sub conditione, quomodo etiam directo potest hæres institui, verum etiam ex certo die, aut in diem relinqui possit; sicut legata & singulæ res per fideicommissum, l. 1. & pass. sit. de cond. & dem. quamvis directo hæreditas dari non possit. Nimitum diem hæredis institutioni adjectum pro supervacuo haberi placeat, ne testator post tempus aut medio tempore, atque ita pro parte intestatus decedat, quod juris civilis subtilitas non patitur, §. heres. 9. sup. de her. inst. l. 7. de reg. jur. At in restitutione hæreditatis hoc jus non ostenditur, cum is qui restituit, nihilominus hæres maneat, §. seq.

T E X T U S.

Effectus restitutionis hæreditatis.

3. *Restituta autem hæreditate, is quidem qui restituit: nihilominus hæres permanet: is verò, qui recipit hæreditatem, aliquando hæredis, aliquando legatarii loco habetur.*

C O M M E N T A R I U S.

Regula est juris antiqui, *Qui semel hæres extitit, non potest definire hæres esse*, l. ei qui. 88. in fin. de her. inst. l. 7. §. sed quod. 10. in fin. de minor. Quæ regula ex eo sumpta est, quod placet, oblationem & actionem à persona ejus, cui aut adversus quem semel quaesita est, avelli non posse: de quo diligentius, Deo volente, præcipiemus inf. sub §. 1. de actionib. Hoc igitur jure constituto, consequens est, nec eum, qui togatus defuncti hæreditatem, alii restituit, hæredem esse definire, ac proinde ipsum nihilominus tamquam hæredem & experiri actionibus hæreditariis & convenire posse. Cæterum Trebelliano Senatusconsulto effectum est, ut restituta hæreditate, is qui restituit, nudum tantum nomen hæredis retineat, atque ut agens exceptione

restitutæ hæreditatis repelli, & conventus alios repellere possit, leg. 1. §. 4. ad Senatusconsultum Treb.

Aliquando hæredis, aliquando legatarii loco) Loco hæredis habebatur, si restituta esset hæreditas ex Senatusconsulto Trebelliano, loco legatarii, si ex Pegasiano restitutio fieret, ut mox declarabit, & ulpianus ostendit sit. 2 §. §. 12. Nam quod Giphanius scripsit, fideicommissarium legatarii loco habitum, si pars tantum hæreditatis ei restituta esset, falsum esse apparet ex §. ergo. 6. inf. eod.

T E X T U S.

De Senatusconsulto Trebelliano.

4. *Et Neronis quidem temporibus, Trebellio Maximo, & Anno Seneca Coss. Senatusconsultum factum est, quo cautum est, ut si hæreditas ex fideicommissi causa restituta sit, omnes actiones, quæ jure civili hæredi & in hæredem competerent, ei & in eum darentur, cui ex fideicommissio restituta esset hæreditas. Post quod Senatusconsultum prætor utiles actiones & in eum, qui recepit hæreditatem quasi hæredi, & in hæredem dare cepit.*

C O M M E N T A R I U S.

- 1 *Cur in Catalago consulum non recte tantum Trebellius & Seneca?*
- 2 *Quæ incommoda huic Senatusconsulto causam dederint?*
- 3 *Cur cum Senatusconsulta sint pars juris civilis, senatus eum, cui restituta est hæreditas, hæredem non fecerit, eive & in eum non dederit actiones directas?*
- 4 *Quid juris, si debitor hæredi, aut hæres creditori solverit post factam restitutionem?*

Trebellio Maximo & Anno Seneca Coss.) Hoc idem testatur & Ulp. l. 2. ad Treb.

Cæterum hi consules non reperiuntur in Fastis, seu indice consulum: quare credendum est, eos non fuisse ordinatos sive initio anni creatos, sed successos in locum demortuorum aut remotorum: quippe, ut Dio lib. 43. & 48. refert, anni consulum ab his duobus, qui primis duobus mensibus creati essent, novam acceperunt; qui reliquis creabantur mensibus in Senatusconsultis & auctoritatibus scribebantur, quod confirmat hic locus: cui similis est in §. seq. nam neque Pegasi & Pusionis Fasti meminerunt: & in l. cum verò 26. §. subventum. 7. de fideic. libert. ubi mentio fit Senatusconsulti Rubriani, quod factum dicitur

temporibus D. Trajani Rubrio Gallo & Cælio Hispione Coss. qui & ipsi in catalago consulum non recensentur, ut suspectos eos fuisse oporteat. Igitur cum multi consules Romæ sub Imp. fierent per suffectionem, nemo ex suspectis in Fastos referebatur, sed soli duo, qui anni initio magistratum auspicati essent. Quamobrem excusandus est Aufonius, qui in gratiar. act. ad Gratianum negat, Senecam consulem fuisse. VINN. Immo vix excusandus, quia suspectus Cos. etiam consul est. Consulatus Senecæ & Trebelli incidit in ultimos menses anni ab U. C. DCCCXIV. Quærit Marcilius ad §. 6. *Inst. b. t.* cur SC. hoc dicatur Trebellianum, ac non potius Annzanum, quum tamen L. Annæus Seneca fuerit Cos. major. Respondet, videri hoc SC. omnino initio nomen Annæani tulisse, sed translatum postea ad nomen Trebelliani, quia Senecæ, perduellionis rei memoria damnata fuerit. Sed nec apud Tacitum, cui Marcilius testimonium denunciat, hoc reperio, nec semper à SC. is à majore consule nomen inditum; sed ab eo, qui tum ad Senatum retulerat. Sic SC. anno U. C. 931. Juliano Rufo & Gavio Orphito Cos. factum, non à Cos. majore Julianum, sed ab Orphito Orphitiam dictum est. Aliud Nerone & Pisonæ Cos. anno 810. Pisonianum vocatur l. 8. ff. ad SC. Silan. Omittimus exempla alia. HEIN.

Si hæreditas ex fideicommissi causa restituta sit

In omni legato & fideicommissio inest hæc conditio, si hæres, à quo relicta sunt, hæres extiterit: quod in fideicommissis ex restituenti verbo satis intelligitur. Qua de causa si hæres aut adire hæreditatem noluerit, aut antequam adeat mortuus sit, aliæ ratione defecerit, hic eveniet, ut destituto testamento fideicommissum quoque pereat, uti cætera, quæ in testamento scripta sunt, non adia hæreditate irrita fiunt, l. 9. de test. tut. l. eam quam. 14. C. de fideic. l. 13. §. quid ergo. 3. l. ita tamen. 27. §. quotiens. 6. ad Sen. Trebell. Cum autem hæres, qui rogati erant hæreditatem restituere, aut metu litium, aut prætexu metus hæreditatem adire plerumque recusarent: cumque esset æquissimum, eos onera subire, in quos jus fructusque transferretur, potius quam cuicumque fidem suam esse periculosam; Senatusconsulto Trebelliano dubitatio hæredum cum metu incommodi sublata est, cautumque, ut quæ actiones in hæredem competunt, darentur in eum, cui ex fideicommissio restitueretur hæreditas, quo magis in reliquum confirmarentur supremæ defunctorum voluntates, l. 1. §. 2. & 3. eod.

Actiones, quæ jure civili) Senatus loquitur de transferendis iis actionibus, quæ jure civili hæredi & in hæredem competunt: transeunt tamen ex senatus sententiâ & actiones honorariæ, veluti actio ex constituto, ex jurejurando, & similes: immo & causam naturalium obligationum transire placet, l. quamvis 40. l. si ejus. 64. in pr. eod.

Ei & in eum) Quemadmodum Senatus hæredibus subventum voluit in eo, quod actiones, quæ in hæredem competeant, dari voluit in fideicommissum, ut posset hæres, si à creditoribus hæreditariis conveniretur, uti exceptione restituta hæreditatis: ita & subvenit fideicommissariis in eo, quod actiones, quæ hæredi competeant fideicommissario dari voluit, cui soli ob hoc agendi efficaciter facultas competit; hæres autem agens per exceptionem à creditoribus hæreditariis repelli potest, d. l. 1. §. 4. planè non ultra actiones ex Senatusconsulto transeunt, quàm pro ea parte hæreditatis, quæ rogatu testatoris restituta est, §. 6. inf. eod.

Præter utiles actiones) Licet Senatusconsulta pars sint juris civilis, ac proinde per Senatusconsultum hæres effici possit, ut efficitur Senatusconsultis Tertulliano & Orficiano, eum tamen, cui ex fideicommissio restituta est hæreditas, senatus hæredem non fecit, propterea quod jam alius jure civili per additionem hæres factus locum obtinet, quem stricta juris ratio non patitur designare hæredem esse: quæ eadem porro ratio efficit ut nec directæ actiones ad fideicommissarium transire queant, sed ut semel hæredi quæsitæ sunt, ita perpetuo apud eum maneat, neque à persona ejus possint separari. Cum igitur actiones directæ non possint & apud hæredem manere & simul pari jure fideicommissario aut in fideicommissarium dari, prætor ex auctoritate senatus utiles ei & in eum tamquam hæredi & in hæredem actiones dedit, ut hic scriptum est: convenit l. filiusfamilias 18. §. ult. ad leg. Falc. & l. penul. in fin. hoc tit. Neque injuria fit creditoribus hæreditariis, quod actiones eorum directæ mutantur in utiles: nam nova utilis: quæ succedit, ejusdem cum veteri potestatis est, eundemque effectum habet, l. propen. de neg. gest. In summa Senatusconsulto Trebelliano hoc effectum est, ut actiones, quæ hæredi & in hæredem jure civili competunt, post restitutionem hæreditatis in persona hæredis inutiles sint, utque agens exceptione repelli, conventus, alios repellere possit. Contra verò in persona fideicommissarii sint efficaces, ut is solus &

4. *agar efficaciter & conveniatur. Sed quid si debitor post restitutionem hæreditatis hæredi solverit? Aut quid si hæres post restitutionem factam solverit creditori? Poterit solum per conditionem indebiti repeti, l. si ejus. 64. in pr. eod. quippe cum per restitutionem inutilis planè atque inefficax per Senatufconsultum in persona hæredis obligatio fiat, & vinculum quoque æquitatis tollatur, ita ut nuda tantum civilis obligatio remaneat. Enimvero si hæres aut debitor solverit, cum scirent, se tutos esse exceptione, cessabit conditio, l. si non fortem. 26. §. 3. de cond. ind. quoniam donare voluisse præsumuntur, l. cuius. 53. de reg. jur.*

TEXTUS.

De Senatufconsulto Pegasiano.

5. *Sed quia heredes scripti, quum aut totam hæreditatem, aut pane totam plerumque restituere rogabatur, adire hæreditatem ob nullum vel minimum lucrum recusabantur, atque ob id extinguiebantur fideicommissa, postea Vespasiani Angusti temporibus, Pegaso & Pufione Coss. Senatus censuit, ut ei, qui rogatus esset hæreditatem restituere, perinde liceret quartam partem retinere, atque ex lege Falcidia ex legatis retinere conceditur. Ex singulis quoque rebus, quæ per fideicommissum relinquuntur, eadem retentio permixta est. Post quod Senatufconsultum ipse heres onera hæreditatis sustinebat: ille autem, qui ex fideicommissio recipiebat partem hæreditatis, legatarii partiarum loco erat, id est, cuius legatarii, cui pars bonorum legabatur; quæ species legati partitio vocabatur, quia cum hærede legatarius partiebatur hæreditatem. Unde quæ solebant stipulationes inter hæredem & partiarium legatarium interponi, eadem interponebantur inter eum, qui ex fideicommissio recipit hæreditatem & hæredem, id est, ut lucrum & damnum hæreditarium pro rata parte inter eos commune esset.*

NOTÆ.

5. *Partiebatur hæreditatem*) Id est, res hæreditatis: neque enim legatarius, partiarus efficiebatur successor juris, ullæ actiones hæreditariæ ei, inve eum dabantur

COMMENTARIUS.

1. *Quæ incommoda Pegasiano Senatufconsulto causam dederint?*
2. *Hoc Senatufconsultum vim legis Falcidie producit ad fideicommissa hæreditatis.*
3. *Discrepan legum & Senatufconsulti circa res,*

quæ imputentur.

4. *An hoc decum Senatufconsulto Falcidia produita ad fideicommissa singularia.*
5. *Trebelliani & Pegasiani differentia.*
6. *Legatarius partiarus, & stipulationes partis & pro parte.*

TAmetsi Senatufconsulto Trebelliano tantum erat, ut omnia onera hæreditaria in eum, cui ex fideicommissio restituta esset hæreditas, transferrentur, id tamen nondum sufficiebat ad invitandum hæredem ad adeundam hæreditatem. Quamvis enim nullum damnum post hoc Senatufconsultum hæredi advenit & restituenti immineret, tamen, ut est ingenium humanum, recusabant adhuc plerumque hæredes scripti adire hæreditatem alieni emolumenti causa, unde ipsi nullum, aut exiguum lucrum percepturi erant: atque ita fiebat adhuc, ut fideicommissum hæreditatis sæpe interticeret. Huic igitur incommodo occussum est Senatufconsulto Pegasiano, cautumque, ut ei, qui rogatus esset hæreditatem restituere, perinde liceret quartam partem retinere, atque ex lege Falcidia legatis conceditur.

Perinde, &c. atque ex lege Falcidia) Quod lex Falcidia in legatis, illud ipsum valet Senatufconsultum Pegasianum in restituenda hæreditate. Quin potius hoc Senatufconsultum vis legis producta est ad fideicommissa hæreditatis. Justinianus orat. ad Senat. Pegasianum factum esse ait *προς τὴν τὴν φαιδισίαν*. Atque hinc est, quod veteres etiam quartam hujus Senatufconsulti quam nunc vulgo Trebellianicam vocant, non quartam Pegasiani, sed quartam Falcidie, aut commodum Falcidie perpetuo appellarint, ut videre est in l. coheredi. 41. §. 3. de vulg. & pup. l. 2. §. ult. de jur. eod. l. 18. l. in ratione. 30. §. tametsi. 7. l. 47. §. 1. l. Titia. 86. l. acceptis. 93. ad leg. Falc. l. 2. l. 3. l. mulier. 22. §. 2. l. si patroni. 55. §. 2. l. deducta. 55. §. 3. hoc tit. ad Senatufconsult. Treb. l. 1. l. 10. l. 11. C. ad leg. Falc. Ulp. tit. 25. §. 12. sup. quib. mod. test. inf. §. 3. Est autem adhuc aliquod discrimen circa res, quas in hæce quartas imputari placet. Nam in Falcidiam, quæ ex legatis deducitur, ea tantum imputantur, quæ jure hæreditario hæres capit: in quadrantem verò Pegasianum etiam ea, quæ hæres fiduciarius capit jure legati vel fideicommissi, aut implendæ conditionis causa, l. quod autem 74. l. id autem. 76. l. in quartam. 51. ad leg. Falc. Quæ differentia inde nata videtur, quod lex Falcidia ultra quadrantem legari vetat: ut proinde apud hæredem quarta pars non quarumlibet rerum, sed hæ-

hereditatis manere debeat : non prohibet autem Senatus ultra dodrantem heredis fideicommissi : tunc etiam, quod Falcidia voluntati testatoris subervit, quem verisimile non sit legatis patrimonium suum exhaurire voluisse, sed potius, opinionem ejus non respondere calculum facultatum : ac Senatusconsultum manifeste testatoris voluntati adversatur, quæ hæc est, ut restituta hereditate, apud heredem nihil præter nudum nomen heredis remaneat. Planè nec pars ea prælegati, quæ à cohærede accipitur heredi fiduciario in quartam imputabatur, l. 18. §. ult. *hoc tit. l. Titia. 86. d. l. in quartam. 91. ad leg. Falc. l. filium. 24. C. fam. etc.* forte quod verisimile non sit, testatorem, qui portionem cohæredis hæcenus imminuit, voluisse, ut alteri id in quartam partem ejus partis, quam restituere jussus est, imputaretur. Variant tamen in hac re interpretes : videlicet Don. 7. *comm. 30. & 8. c. 26. Ant. Fab. 6. conseq. 3. 4. & 5. Cujac. 8. obs. 4. Fachin. 5. contr. 23. & 16. qui & alios cit. Bachov. in Treul. vol. 2. disp. 13. thes. 3.*

4 *Ex singulis quoque rebus*) Hinc plerique colligunt, ante Senatusconsultum Pegasianum non licuisse heredi quartam partem de singulis rebus per fideicommissum relictiis retinere, atque hoc demum Senatusconsulto legem Falcidiam productam etiam ad fideicommissa particularia : quod quamobrem mihi non probatur, & cur hoc vis atiquis Senatusconsulto existimem, exposui *sup. tit. prox. in pr.* Illa etiam ratio nunc me movet, quod utrumque Senatusconsultum circa idem subjectum versetur. Nam etsi non idem Senatusconsulto Pegasiano cautum est, quod antea cautum erat Senatusconsulto Trebelliano, de eodem tamen utroque cautum esse constat, videlicet de herede rogato restituere hereditatem, non de eo, qui oneratus sit fideicommissis particularibus. Verba Trebelliani referuntur in l. 1. §. 2. *hoc tit.* Igitur quartæ de singulis rebus per fideicommissum relictiis detractio Pegasiano Senatusconsulto accepta ferri non debet, sed juri antiquiori & ipsi legi Falcidie ex interpretatione prudentum. Neque obstant verba hujus textus : quippe quibus hoc solum significari existimo cum Bachovio, ut si hæres & hereditatem partemve hereditatis restituere jussus est, & insuper ab eo particularia fideicommissa relicta sunt, non tantum quartam deducere possit ex fideicommissis hereditatis, sed pro rata etiam ex particularibus relictiis quemadmodum eodem modo pro rata quoque detraheretur ex legatis, si quæ testator simul reliquisset, l. 3. §. 2. *hoc tit. ad Senatusconsult.*

Treb. Quis sit hujus disputationis fructus, intellige ex iis, quæ n. 3. add. Val. de success. resol. lib. 2. §. 1. D. Tulden. comm. in tit. seq. c. 4.

Ipse hæres onera subsinebat) Trebellianum transferebat onera in fideicommissarium ; retentionem autem nullam permittebat. Pegasianum retentionem quartæ partis concedebat ; onera verò nulla transferebat, quasi sufficere heredibus deberet, quod quarta pars ipsorum lucro cederet : ob cujus commodi perceptionem onera & judiciorum molestias subirent, nomina hereditaria persequerentur, sicut juris erat ex lege antiqua 12. tabb. l. ea qua. 6. C. fam. etc. Igitur restituta ex Senatusconsulto Pegasiano hereditate, id est, quarta ex auctoritate hujus Senatusconsulti contra voluntatem testatoris retenta, ipse hæres solus atque in solidum onera hereditaria subsinebat, ecfante videlicet Senatusconsulto Trebelliano ; utpote cui locus non erat ; nisi secundum voluntatem defuncti hæres restituisset §. seq.

Legatarii partiarum loco erat) Universalitatem alicui legari posse, id est, partem dimidiam, tertiam, aut quartam bonorum aut hereditatis, docuimus *sup. de legat. in pr.* Neque tamen hunc legatarium, quem partiarum appellabant, fuisse successorem juris, ullasve actiones hereditarias ei in eum datas, sed partem bonorum sibi legatam sine ullo incommodo obtinuisse : id quod verum esse hic locus clare ostendit : nam si actiones in hujusmodi legatarium transissent, quemadmodum ex Senatusconsulto Trebelliano transeunt in eum, qui recepit hereditatem, non magis opus fuisset interpositione stipulationum partis & pro parte, quarum hic fit mentio inter heredem & legatarium partiarum, quam inter heredem & eum, cui ex Trebelliano restituitur hereditas.

Partitio vocabatur) Is, cui pars bonorum legata erat, legatarius partiarum dicebatur, atque hæc legati species, partitio, Ulpian. *tit. 24. §. 23. & tit. 25. §. 15. Meminit & Cic. 2. de legib.* Rationem appellationis hanc esse ait Justinianus, quoniam cum herede legatarius partiebatur hereditatem, id est, res hereditarias seu universa bona : quomodo & hereditas vendi dicitur : neque enim legatarius partiarus efficiebatur successor juris, ut jam dictum est.

Unde quæ solebant stipulationes, &c.) Inter heredem & legatarium partiarum solebant interponi stipulationes de lucro & damno communicando, quæ propriè dicebantur partis & pro parte, §. seq. quippe hæres, siue quid deberet hereditas solvebat, siue quid detere-

tur, idem exigebat: sed antequam hæreditatem, idem exigebat: sed antequam hæreditatem adiret, stipulabatur à legatario partiaro, Si quid à me solutum sit, ejus te partem redditurum spondes? & vicissim alter ab hærede, Si quid exegeris, ejus partem mihi daturum spondes? Quæ stipulationes postea inter hæredem quoque, & eum, cui deducta quarta ex Senatusconsulto Pegasiano restituebatur hæreditas, interponi cœperunt, ut remedio harum stipulationum lucrum & damnum pro rata parte communicaretur: nam solus hæres hoc casu actiones & exercebat & excipiebat, vid. Paul. 4. sent. 3. Ulp. tit. 23. §. 13. Theoph. dic.

TEXTUS.

Quibus casibus locus SC. Trebell. vel Pegasiano.

6. Ergo, siquidem non plus, quàm dodrantem hæreditatis, scriptus hæres rogatus sit restituere, tunc ex Trebelliano Senatusconsulto restituebatur hæreditas, & in utrumque actiones hæreditaria pro parte rata dabantur: in hæredem quidem jure civili; in eum verò, qui recipiebat hæreditatem, ex Senatusconsulto Trebelliano tamquam in hæredem. At si plus, quàm dodrantem, vel etiam totam hæreditatem restituere rogatus esset, locus erat Pegasiano Senatusconsulto: & hæres qui semel adierat hæreditatem, (si modo sua voluntate adierat,) sive retinuerat quartam partem, sive retinere noluerat, ipse universa onera sustinebat. Sed quarta quidem retenta, quasi partis & pro parte stipulationes interponebantur, tanquam inter partiarum legatariorum & hæredem: si verò totam hæreditatem restitueret, emptæ & venditæ hæreditatis stipulationes interponebantur. Sed si recusabat scriptus hæres adire hæreditatem, ob id, quod diceret eam sibi suspectam esse, quasi damnosam, cavebatur Pegasiano Senatusconsulto, ut desiderante eo, cui restituere rogatus esset, jussu prætoris adiret, & restitueret hæreditatem: perindeque ei & in eum, qui reciperet hæreditatem, actiones darentur, ac jussu esset ex Trebelliano Senatusconsulto: quo casu nullis stipulationibus esset opus: quia simul & huic, qui restituit, securitas datur, & actiones hæreditaria ei & in eum transferuntur, qui recipit hæreditatem: utroque Senatusconsulto in hac specie concurrente.

COMMENTARIUS.

2. An hæres, qui ultro totum quod rogatum esset, restituit, solus onera subeat ex Pegasiano?
2. Stipulationes emptæ & venditæ hæreditatis.

3 Caput Senatusconsulti de coactione recusantis adire.

Non plus quàm dodrantem) Senatusconsulti Pegasiani duo principia capita fuerunt, quorum uno cavebatur de hærede rogato totam hæreditatem aut plus quàm dodrantem restituere: alter de eo hærede fiduciario, qui adire hæreditatem recusabat. Nihil autem hoc Senatusconsulto cautum de hærede, qui ex voluntate defuncti quartam aut amplius habens ultra hæreditatem adiit. Itaque hoc casu restitutio fiebat ex Senatusconsulto Trebelliano, & pro rata actiones transferebantur in fideicommissarium sine ope stipulationum. Ulp. tit. 25. §. 5. si qui 12.

Pro parte rata) V. c. Hæres, rogatus, quarta parte retenta reliquam hæreditatem restituere, fidem præstitit. Existit creditor hæreditarius, cui centum debentur: cui in 75. utilis ex Trebelliano adversus fideicommissarium actio datur in reliqua 25. directam habet jure civili adversus hæredem.

Si modo sua voluntate) Nam si à prætore coactus adierat, transferebantur actiones omnes in fideicommissarium, ut cautum erat Senatusconsulto Trebelliano: de quo mox plura.

Ipsæ universa onera sustinebat) Ait, hæredem rogatum totam hæreditatem aut super dodrantem restituere, si modo sua sponte hæreditatem adiisset, etiam si eam secundum voluntatem defuncti restituisset: id est, sine deductione quartæ universa onera hæreditaria sustinuisset, atque ita nec hoc casu actiones in eum, qui recipiebat hæreditatem, post Senatusconsultum Pegasianum fuisse translatas; quod petquam absurdum videtur. Utique enim propter commodum, quod hæres ex eo Senatusconsulto consequeretur, ut contra voluntatem defuncti quartam partem retinere posset, vicissim Senatui visum est, ipsum solum onera hæreditaria sustinere; quo casu etiam necessario cessat Senatusconsultum Trebellianum. At ut hæres eo etiam casu, quo ultro voluntati defuncti parer, totumque quod rogatus est restituere restituit, onera hæreditaria solus subeat, nulla ratio esse videtur: quippe cum hic non minus restitutio fieri possit ex Senatusconsulto Trebelliano, atque actiones ex eo transferri, quàm cum hæres ex voluntate testatoris quartam integram habet, & reliquum restituit; quo casu actiones pro rata in fideicommissarium dari, in pr. hujus §. dictum est. Finge hæredem rogatum de tantam restituere, eumque plenam fidem defuncto præstare malle, quàm contra ejus voluntatem ali-

aliquid retinere potestate Senatusconsulti Pegasiani. Cur hoc casu non æquè fieri possit restitutio ex Senatusconsulto Trebelliano, & actiones pro dectante transferri in fideicommissarium, quàm cum ubi dodrantem restituere iussus est, & restituit, transferuntur pro dodrante? Diversi juris non alia fuisse videtur ratio, quàm quod cum hæres saluum habet quadrantem ex iudicio defuncti, Senatusconsulto Pegasiano uti non potest, etiam si maxime velit: nam ad hunc casum Senatusconsultum illud non pertinet, sed intacta hæcenus prioris Senatusconsulti mansit auctoritas. At verò cum plus quàm dodrantem rogatus est restituere, tum uti potest posteriore Senatusconsulto, quod in hunc casum prospexit, & prioris vim ac potestatem quodammodo sustulit. Quamobrem si is, qui beneficium Pegasiani juvari poterat, eo usus non sit, remississe illud, atque in hoc hæredi fideicommissario gratificari voluisse censetur, ut tam oneribus hæreditariis obstrictus maneat, quàm si detracta quarta reliquum dumtaxat restituerit. Facit eo quod scribit Paulus 4. sent. 1. §. ult. qui totam hæreditatem restituit, cum quartam retinere ex Pegasiano debuisset, repetere eam non posse: Caterum, ut arbitror, aut summi juris ratio hoc efficiebat, aut quod magis puto, pertinuit ad eum casum, quo hæres, qui Pegasiano uti poterat, totam hæreditatem simpliciter restituit. Quod si enim nominatim testatus fuisset, velle se hæreditatem restituere ex Senatusconsulto Trebelliano actionum transferendarum causa, non video cur hoc admitti non deberit. Immo restitutionem ita ex Trebelliano solitam fieri expressè tradit Paul. d. lib. 15. tit. §. 1. & Modestinus. l. qui totam 45. hoc tit. quo tamen loco consultius putat, suspectam ut hæres dicat hæreditatem, coactusque à prætore restituat; quo & ipso casu ex Trebelliano restitutio fieri intelligitur, & actiones transferuntur: atque hoc etiam Cuiacius observasse videtur, qui in not. ad Paul. scribit, eum qui totam hæreditatem restituere rogatus est, si Falcidiam omittat fidei explendæ gratia, vel ex Senatusconsulto Pegasiano restituere debere, interpositis emptæ & venditæ hæreditatis stipulationibus, vel quod expeditus est, ex Senatusconsulto Trebelliano aut vi prætoris ex Pegasiano, coactus nullis interpositis stipulationibus,

Quasi partis & pro parte) De quibus dictum §. præc. Nam ad exemplum partis & pro parte stipulationum, quæ de lucro & damno communicando interponi solebant inter hæ-

redem & fideicommissarium, ut inter illum pro quadrante & hunc pro dodrante commoda & incommoda communicarentur, Ulp. tit. 25. §. 13. Paul. d. lib. 15. tit. in pr. Theoph. hic.

Empta & vendita hæreditatis) Cum tota hæreditas rogatus defuncti sponte restituebatur, emptæ & venditæ hæreditatis stipulationes interponebantur. Quales illæ stipulationes fuerint, nusquam discretè traditum est, nisi quadrantenus apud Ulp. l. in illa 50. §. 1. de verb. oblig. ubi hæc ex parte emptoris profertur: *Quanta pecunia ad te pervenerit, dolore malo tuo factum est, eritve, quominus perveniat, subaudiendum, tantam dari spondes?* Ex quo cum Hocotomano suspicari licet, hanc fere contrariæ stipulationis formulam fuisse: *Quantam pecuniam hæreditatis causa præsitero, solvero, tantam dari spondes?* Etenim inter emptorem & venditorem hæreditatis id agi constat, quod Ulp. scribit, l. 2. de her. vel ass. vend. ut neque amplius, neque minus juris emptor habeat, quàm apud hæredem futurum esset, effectu scilicet: neque enim vi istarum stipulationum actiones hæreditariæ in emptorem transferri poterunt. At enim verò, ut non multo ante probavimus, potuit hoc casu & ex Trebelliano nominatim restitutio sic fieri, ut actiones transferrentur sine interventu huiusmodi stipulationum.

Si recusabat heres scriptus) Alterum hoc principale caput Senatusconsulti Pegasiani fuit, ut si hæres recusaret adire hæreditatem, iussu prætoris adire & restituere cogeretur, l. 4. l. 6. §. 2. l. 14. §. pen. & passim hoc tit. l. si quis 17. si quis om. ca. test. Ulp. tit. 25. §. 14. At inquit, cum adire facti sit, ad quod nec servus à domino præcisè compelli potest, l. 3. C. de her. inst. quomodo ad id compellitur hæres? Compelli præcisè posse, non existimo, sed contumaciam hæredis pro additione habendam, l. pen. §. 1. C. hoc tit.

Quasi damnosam) Sufficit autem hoc ab hærede allegari: neque enim inquiritur, solvendo sit hæreditas, nec ne. Sed neque præscribitur hæredi, cur metuat hæreditatem adire, vel cur nolit: cum variz sint hominum voluntates, quorumdam negotia timentium, quorumdam vexationem, quorumdam æris alieni cumulum, tamen locuples videatur hæreditas, quorumdam offensas vel invidiam, quorumdam gratificari volentium his, quibus hæreditas relicta est, sine onere tamen suo, d. l. 4. hoc tit.

Quo casu nullis stipulationibus est opus) Iussu prætoris adita & restituta hæreditate, ei & H h h h z

in eum, qui recepit hæreditatem, actiones dantur perinde, atque si ex Trebelliano Senatusconsulto restituta fuisset, idque ut ita fiat, Pegasiano Senatusconsulto cautum esse scribit Ulp. d. tit. §. Quamobrem nullis hic stipulationibus opus erit. Ut autem restituenti hoc casu prospectum, ne ullum damnum sentiat, ita vicissim omne commodum amittit, quod si cogi se passus non esset, vel beneficio Pegasiani, vel ex voluntate defuncti, percipere potuisset, d. l. 4. d. l. 14. §. qui compulsus 4. l. ita 27. §. 2. & §. præceptis 14. hoc tit.

Utroque Senatusconsulto concurrente) Nam quod hæres invitatus cogebatur adire à prætorè, id erat ex Senatusconsulto Pegasiano: quod actiones transferrentur in eum, qui recipiebat hæreditatem, ex Trebelliano.

TEXTUS.

Pegasiani in Trebellianum transfusio.

7. Sed quia stipulationes ex Senatusconsulto Pegasiano descendentes & ipsi antiquitati displicuerunt, & quibusdam casibus captiosas eas homo excelsi ingenii Papinianus appellat; & nobis in legibus magis simplicitas, quam difficultas placeat; ideo omnibus nobis suggestis tam similitudinibus, quam differentiis utriusque Senatusconsulti, placuit expulso Senatusconsulto Pegasiano, quod postea supervenit, omnem auctoritatem Trebelliano Senatusconsulto præstare, ut ex eo fideicommissaria hæreditates restituantur: sive habeat hæres ex voluntate testatoris quartam, sive plus, sive minus, sive nihil penitus: ut tunc, quando vel nihil, vel minus quarta apud eum remanet, liceat ei vel quartam, vel quod ei deest, ex nostra auctoritate retinere, vel repetere solum, quasi ex Trebelliano SC. pro rata portione actionibus tam in hæredem, quam in fideicommissarium competentibus. Si verò totam hæreditatem sponte restituerit, omnes hæreditaria actiones fideicommissario, & adversus eum competant. Sed etiam id, quod præcipuum Pegasiani Senatusconsulti fuerat, ut quando recusaret hæres scriptis sibi datam hæreditatem adire, necessitas ei imponeretur totam hæreditatem volenti fideicommissario restituere, & omnes ad eum, & contra eum transferre actiones. Et hoc transposuimus ad Senatusconsultum Trebellianum, ut ex hoc solo necessitas hæredi imponatur, si ipse nolente adire, fideicommissarius desideret restitui sibi hæreditatem, nullo nec damno nec commodo apud hæredem remanente.

NOTÆ.

7. Vel repetere solum) Solum scilicet er-

rore facti, non juris, l. 9. C. ad leg. Falc. v. gr. Qui 100. in bonis habebat, 100. legavit. Hæres integra legata solvit. Si errore facti, credens eam esse quantitatem patrimonii defuncti, ut exolutis legatis adhuc abunde sibi ad quartam Falcidix superstit, repetitionem habet: si errans in jure, non habet. Id est, si non ignorabat quantitatem substantiæ: putabat autem se quartæ retentionem non habere. Idemque juris est in restitutione fideicommissi, ut hic.

Pro rata portione) L. 1. C. b. t. Onera tamen legatorum ad solum fideicommissarium spectant, l. 1. §. ultim. D. eod. & ibi Accurs. DD. in l. 2. & ult. C. eod. Nisi minus dodrante restituere hæres rogatus sit: tunc enim pro eo, quod ultra quartam habet, etiam legatorum onera ad eum pertinent, l. 1. §. pen. eod. Gloss. & DD. ubi sup.

Totam hæreditatem sponte) Dum fidum obsequium defuncti precibus præbere desiderat, l. 45. ad SC. Treb. & pleniore officio fidei præstandæ fungi, l. 5. §. 15. de don. int. vir.

COMMENTARIUS.

- 1 Cur stipulationes ex Senatusconsulto Pegasiano descendentes captiosæ visæ?
- 2 An hæres, qui non conficit inventarium, amittat quartam Senatusconsulti? & an testatur deducionem hujus quartæ velare possit?
- 3 Duplex deductio juxta c. Raynucius. 16.
- 4 Pro qua parte actiones transiant aut remaneant?
- 5 Explicatur l. 5. C. hoc tit.
- 6 Legatorum onera ad solum fideicommissarium pertinere.

Transfunditur hoc loco vis omnis Senatusconsulti Pegasiani in Trebellianum, ut jam ex solo Senatusconsulto Trebelliano restituatur hæreditas. Itaque hæres nunc quasi ex hoc Senatusconsulto quartam, vel quod quartæ deest, retinere potest: ex eodem actiones pro rata, ex hoc Senatusconsulto cogitur: restituta tota hæreditate sive sponte sive jussu prætoris, actiones omnes in fideicommissarium transeunt, nullusque jam amplius usus stipulationum, quarum antea meminimus.

Ex Pegasiano Senatusconsulto descendentes) Stipulationes partis & pro parte emptæ & venditæ hæreditatis non sunt Senatusconsulto Pegasiano primum introductæ, sed sunt antiquiores. Dicuntur autem hic ex Pegasiano descendere, quia eo Senatusconsulto translatæ sunt ad restitutionem hæreditatis, locum non habente Trebelliano. Hocomannus hinc colligit, nomi-

minatim Senatusconsulto mentionem harum stipulationum factam fuisse.

Capitosa) Capciosæ fuerunt stipulationes emptæ & venditæ hæreditatis, itemque partitæ & pro parte, quia salvis nihilominus hæredi & adversus hæredem actiones manebant. Neque enim ob harum stipulationum interpositionem cogeantur creditores fideicommissarium convenire, sed hæres lites excipiebat, & solum creditoribus à fideicommissario repetebat, sicut è diverso fideicommissario cum hærede agendum erat, ut quod à debitoribus exegisset, redderetur. Ob has difficultates & litium anfractus facile eveniebat, ut alter damnum peteretur, vel propter calumniam, vel propter inopiam alterius: quod, cum ex Trebelliano restituitur hæreditas, commodè potest vitari. Nam quatenus hæreditas est, eatenus hæres si conveniatur, exceptione restitutæ hæreditatis se tueri potest: & vicissim si ipse experiatur, eadem exceptione repelli. Capciosas igitur hæc stipulationes Papinianus appellat, non quia callidæ aut argutæ, sed quia captioni & damno obnoxie, plenæque difficultatibus, quia captiosæ propter has stipulationes Senatusconsulti Pegasus ambages, auctore Justiniano, l. 2. §. 6. *C. de vet. jur. encl.* Capciosum enim nostris etiam id dicitur, quod alicui fraudi aut damno est, l. 5. *de transact.* l. 14. §. aliquando 5. *vers. nuda quidam quod met. ca. l. 6. §. si quid 10. qua in fraud. cred.* Rectè igitur Theophilus reddidit. *σπερμικὴς* id est, damnosus: neque causam video, cur Bachovio hæc ratio appellatiónis non placeat.

In legibus magis simpliciter) Laudat in §. *cauterum*. 3. *inf. de legit. agn. success.* legem 12. tabularum, quod simplicitatem legibus amicam amplexa sit in legitima agnatorum successione. Quod autem legumlatoribus in condendis legibus placere videmus: id etiam in earum interpretatione nobis sequendum est, vitandæque argutæ, subtilitates, scrupulositates, obscuritates, distinctiones ac differentie nimix.

Senatusconsulto Trebelliano præstare) Quod planius erat, & citra captiosos circuitus, ipso jure quoad vim & effectum transferrebat id, quod non nisi per stipulationes interpositas longosque & captiosos habitus Pegasus exsequabatur.

Vel quartam vel quod deest) Hinc Interpretes quartam hæc dicere Trebellianicam. Veteribus autem numquam alio nomine, quàm Falcidiz appellatur, ut ostendi *sup. §. 5.* nimirum quia Senatusconsulto Pegasus non tam nova quarta introducta fuit, quàm quarta Falcidiz producta ad fideicommissa univer-

salia. Ex quo porro intelligitur, appellatiónem quartæ Falcidiz etiam propriæ hanc quartam contineri, & proinde positus terminis habilibus, atque in dubio, ubi expressè nulla differentia constituta est inter quartam, quam hæres de singulis rebus detrahit, & quam retinere potest ex fideicommissio hæreditatis quidquid de Falcidiz jure nostro cautum est, ex æquo ad utramque quartam pertinere. Veluti quod Justinianus constituit, ut hæres, qui inventarium facere neglexit, beneficium Falcidiz amittat, l. ult. §. *pen. C. de jur. delib.* item quod Falcidiz locus non est, si testator expressè vetuerit hæredem ea uti, *Nov. 1. cap. 2.* Omnino enim verisimile est, Justinianum perpetuum omnium auctorum juris usum secutum, utramque quartam uno Falcidiz nomine comprehendisse. Atque hoc si animadvertissent interpretes, nemo eorum repertus esset, qui ausus fuisset hoc negare. At nunc tanta frequentia in contrarium itum est, ut difficile dictu sit, utra sententia majori numero & rerum judicatorum auctoritate nitatur, vid. Ferrar. *in form. libell. pro leg. reifung. n. 5. Gom. 1. resol. 5. num. 11. & 12. Everh. in Top. à Falc. ad Trebell. loco 34. Gail. 2. obs. 138. n. 16. Clar. §. testam. quest. 62. Mantic. 7. de conj. ult. vol. 11. & 12. Fach. 3. cont. 4. Perez. ad tit. C. de jur. del. num. 14. & C. ad Senatusconsul. Trebell. num. 20. Christin. vol. 1. dec. 316. & vol. 4. dec. 25. §. 1. & 52. D. Tuld. comm. in tit. præc. cap. 3.* Apparet tamen ex allegatis à Christino, sic ferè usu receptum esse, ut etiam detractio quartæ Senatusconsulti expressè prohiberi possit, præter quam in liberis primi gradus, quod etiam apud nos obtinere refert Grot. 2. *manud. 20.* Intellige autem per liberos primi gradus, non tantum filios sed etiam nepotes, &c. quos nemo in suo ordine antecedit. Ob inventarium verò non confectum hæredem non amittere quartam Senatusconsulti: & ita sæpissimè judicatum: Myns. 3. *obs. 60. Gail. d. obs. n. 3. & 6. Dec. Cur. Holl. 3. add. citatos à Christin. d. decis. 51. n. 3.* Jure canonico liberis universali fideicommissio gravatis duplex detractio permixta est, legitimæ & Trebellianicæ, *cap. Raynutius 16. x. de testam.* quod quomquam legibus civilibus incognitum est, vid. Cujac. 8. *obs. 5. Horom. illustr. quest. 43.* usu tamen etiam in foro civili per totum mundum receptum esse, & tanquam Evangelium prædicatum, testantur Bald. & Jas. *in auth. res qua, C. cum de legat. Castr. in l. jubemus 6. C. ad Senatusconsul. Trebell. Christin. vol. 1. decis. 245. & dec. 315.* eoque jure etiam nos utimur.

Grot.

Grot. 2. *manuduct.* 20. *dec. Cur. Holl.* 3. § 17. In cæteris, quod ad hunc juris articulum attinet, sequimur in his regionibus jus commune. Grot. 4. *loc. Gudelin. lib. 2. de jur. nov.* c. 11. ubi tamen dubitari posse scribit, an in locis, in quibus hæredes instituti pro legatariis habentur, ut apud Gandaveses & Cortracenses admittenda sit Falcidia aut Trebellianicæ detractio: & magis existimat admittendam non esse, *arg. l. lex Falcidia 47. §. 1. ad leg. Falc. VINN. Jus, capitulis Raynuius & Rainaldus, x. de test. invocatum*, jure civili incognitum esse plerique statuunt cum Cujacio & Vinnio nostro. Sed non ineptè id negaveris. Nam (1) dum jus civile jubet ante computationem quartæ Falcidiæ, (adeoque & Trebellianicæ,) deduci res alienum, profecto etiam deduci voluit portionem hæreditatis legitimam, quippe quæ rectè res alieno accensetur. l. 8. §. 8. ff. *de inoff. test.* l. 67. §. 1. ff. *de legat.* 2. Deinde (2) in l. 6. c. ad SC. Treb. discretè Zeno: *Idem*, inquit, *in retinenda legis Falcidiæ portione obtinere jubemus: & si pater vel mater filio, seu filia, institutis hæredibus, legaverit, eos casus nepotibus vel neptibus, pronepotibus vel proneptibus suis, ac deinceps restituere hæreditatem.* Permittit ea lex liberis, fideicommissio obstrictis, ut possint detrachere quartam pro auctoritate Trebelliani Senatuseonsulti; sed addit, in eam quartam nec reditus, nec quartam Falcidiam imputari. Quartam autem Falcidiam non aliam hic esse quam portionem legitimam, acutè observavit Vir Clarissimus A. A. Pagenstecher. in *Aphorism. b. 1. §. 164.* Sanè & alibi portio hæc vocatur quarta Falcidia, ut l. 8. §. 9. & 14. ff. *de inoff. test.* l. 31. c. *cod.* & apud Paul. *Recept. Sens. lib. 4. tit. 5. §. 5.* Quin jam ab aliis observatum, portionem hanc vel lege Falcidia, vel ex ejusdem rationibus fuisse introductam. Vid. Jan. à Cost. *ad pr. Inst. de inoff. test.* & V. C. Schulting. *Jurispr. ante Justin. p. 381.* Ex quo patet, Pontificem in istis capitulis interpretem magis juris civilis, quam legislatorem egisse. Dissentit D. Harprecht. *Diff. de jure deducendi duas quartas*, cujus argumentis tamen facile satisfieri posset, si id jam ageretur. HEIN.

Vel repetere solum) Solum scilicet error facti, l. error 9. c. *ad leg. Falc.* Repetitur autem hoc non beneficio Senatuseonsulti, sed jure communi, quo ejus, quod per errorem quacumque ex causa solum est, omnibus repetitio conceditur. De quo diligentius suo loco.

Pro rata portione) Si pars tantum hæredita-

tis restitui jussæ est, pro parte non restituta actiones apud hæredem remanent; pro restituta transeunt in fideicommissarium. Si tota hæreditas, aut integra alicujus hæredis portio, si hæres eam totam restituit, (sponte, an coactus nihil refert) transferuntur actiones omnes: si dodrantem retenta quarta ex Senatuseonsulto, pro dodrante transferuntur, pro quadrante remanent, l. 2. c. *hoc tit.* Atque in hoc differt hæres fiduciarius ab eo, qui legatus oneratus est, qui solus cogitur respondere creditoribus. Dividuntur autem actiones pro competenti cujusque parte simul atque facta est restitutio, id est, si hæres verbo dixerit se restituere, aut per epistolam vel nuntium restituerit, quamvis fideicommissarius nondum nactus sit rerum possessionem, l. restituta 37. l. facta 63. in pr. *hoc tit.* Quod autem etiam in ponenda ratione Senatuseonsulti deduci dicitur res alienum, l. 5. c. *cod.* eo nihil aliud significatur, quam quod in constituenda summa bonorum ineatur etiam ratio res alieni, idque de bonis deducatur, ut sciri possit, quantum res alieni in fideicommissarium cum portione restituta transeat, quantum apud hæredem cum portione retenta maneat. Fingamus, quingenta in bonis esse: ex his centum deberi. Hic fideicommissario restituentur cccxxv. ac pro hac portione, id est, pro novem unciiis, transferretur in eum onus res alieni cxxv. retinebit hæres, pro quarta parte ipse à creditoribus conveniendus erit. Sic enim omnino res transigenda est, postquam placuit, actiones pro rata parte in utrumque dari. Quod non satis rectè mihi explicuisse videretur. Wessemb. & post eum Chiflin. *vol. 4. dec. 53. n. 5.* Quamvis autem hæres fiduciarius pro parte sua onus res alieni subeat: onera tamen legatorum ad solum fideicommissarium spectare communiter placuit. Accur. *in l. 2. §. ult. hoc tit. DD. in l. 2. & l. ult. c. ind. Tholofan. 42. synagma. 31. num. 3. D. Tulden. comm. in hunc tit. cap. 4.* Quæ sententia, etsi Donello in d. l. 2. falsissima, mihi tamen vera videtur. Nam cum quarta pariter ex legatis & fideicommissio detrahatur, l. 3. §. *cod.* utrique ex residuo dodrante, quem totum hæres restituit, legatariis satisfaciendum: alioqui non habiturus esset hæres quartam integram: nisi dicamus, hæredem nihilominus à legatariis rectè pro sua parte conveniri, & quod solvit à fideicommissario eum repetere debere, sibi quæ imputare, quod portionem de dodrante non retinuerit. Sed hoc in proposito dici non potest: quoniam auctoritate senatus, dodrante, unde omnia legata præstanda sunt, restituto, actiones le-

gatariorum in fideicommissarium transferuntur, qui conventus, quod sibi detractum legatarii pro rata imputabit, *argum. l. 3. in pr. cod.* Planè si antequam restitutio facta est, legatarii petant: puro hæredem exceptione adjuvari non debere, cum si solvat, hoc minus ex causa fideicommissi restituatur, *argum. l. ita tamen 27. §. qui ex Trebell. 7. in fin. cod.* Quod si hæres minus dodrante restituere rogatus est pro eo, quod ultra quartam habet: etiam legatorum & fideicommissorum specialium onera ad eum pertinere, certum est, *l. 1. §. pen. cod. Salic. in d. l. 2. & l. ult. Grot. 2. manud. 10. Myns. Schneid. hic.* Ad quem casum plerique cum Glossa etiam referunt *d. l. 2.* Bachovius in *not. ad Treult. vol. 2. disp. 11. thes. 9.* putat, hanc *d. l.* sententiam esse, quod fideicommissarius cogatur pari, ut tam de sua parte, quam de legatis quarta detrahat, cum concurrentibus legatariis de restituenda hæreditate agitur.

Nec damna nec commodo) Quod merito placuit. Nam neque damnum ullum hoc casu sentire hæredem æquum est, propterea quod contractus contemplatione alterius adit; neque commodo aliquo frui debet, ne quartæ quidem, quoniam adit periculo alieno, *l. 5. hoc tit. de quo etiam dictum §. proximè præced.*

TEXTUS.

De quibus hæredibus & in quibus fideicommissariis supradicta locum habeant.

8. Nihil autem interest, utrum aliquis ex æsse hæres institutus, aut totam hereditatem, aut pro parte restituere rogatus; an ex parte hæres institutus, aut totam eam partem, aut partem partis restituere rogatur. Nam & hoc casu eadem observari præcipimus, quæ in totius hereditatis restitutione diximus.

COMMENTARIUS.

Sententia hujus loci satis plana est. Non tantum qui ex æsse institutus est & rogatus aut totam hereditatem aut partem ejus restituere potest, vel ultra ad eundem & restituendo, partem quartam aut quod quartæ deest retinere, remanentibus & migrantibus pro rata actionibus creditorum; vel suspectam hereditatem dicendo, exonerati, totumque transferre in eum, qui adire cogit, *l. cogi. 16. si quis 4. hoc tit.* verum etiam, si quis ex parte & verbi causa si ex semisse hæres institutus sit, rogatus-

que partem illam restituere, potest quartam partem hujus partis, & in proposito sesquiuiciam retinere, ut actiones hereditariæ pro rata remaneant & transcant. Potest & partem totam ultra restituendo, aut adire recusando, prætorisque jussu adeundo, omnes actiones abs se removere, & transferre in fideicommissarium. Denique qui partem partis, ex qua institutus est, restituere rogatur, potest similiter si quartam partem suæ partis salvam iudicio desunctorum non habeat, quod ei deest, retinere; & recusans adire, desiderante fideicommissario cogi à prætore, ut adeat, totamque illam partem restituat cum omni onere & commodo ei adjuncto. Nimirum hic etiam locum habet vulgata regula: *Quod juris est in toto quantum ad totum, idem juris est in partem quantum ad partem, l. quæ de tota. 76. de rei vind. l. 3. pro derel. §. si rem. 12. in fin. sup. de legat.* Simile est, quod *sup. §. 1. de leg. Falc.* docuit in singulis hæredibus rationem legis Falcidiz poni. Ex. g. Si quis ex semisse hæres institutus sit, rogatusque partem illam restituere, potest quartam partem hujus partis retinere.

TEXTUS.

De eo, quod hæres voluntati testatoris deducit, præcipitve.

9. Si quis una aliqua re deducta, sive præcepta, quæ quartam continet, (veluti fundo vel alia re,) rogatus sit restituere hereditatem, simili modo ex Trebellianico Senatusconsulto restitutio fiet, perinde ac si quartam parte retenta rogatus esset, reliquam hereditatem restituere. Sed illud interest, quod altero casu, id est, cum deducta sive præcepta aliqua, re, restituitur hereditas, in solidum ex eo Senatusconsulto actiones transferuntur, & res, quæ remanet apud eum hæredem, sine ullo onere hereditario apud eum remanet, quasi ex legato ei acquisita. Altero verò casu, cum quarta parte retenta rogatus est heres restituere hereditatem, & restituit, scinduntur actiones, & pro dodrante quidem transferuntur ad fideicommissarium, pro quadrante remanent apud hæredem. Quin etiam licet una aliqua re deducta aut præcepta, restituere aliquis hereditatem rogatus sit, in qua maxima pars hereditatis continetur, æquè in solidum transferuntur actiones. Et secum deliberare debet is, cui restituitur hereditas, an expediat sibi restituere. Eadem scilicet interveniunt, & si duabus pluribusque rebus deductis præcipitve, restituere hereditatem rogatus sit. Sed etsi certa summa deducta præceptave, quæ quartam vel etiam maximam partem hereditatis continet, rogatus sit aliquis hereditatem

tem restituere, idem juris est. Quæ autem diximus de eo, qui ex æsse institutus est, eadem transferimus & ad eum, qui ex parte hæres scriptus est.

NOTÆ.

9. Una aliqua re deducta) Qui certa aliqua re aut summa deducta rogatus est hæreditatem restituere, similis est hæredi, cui ex re certa instituto cohæres simpliciter datus; nam & illud & hunc pro legatario haberi placet, l. 1. §. ult. b. t. l. pen. C. de bar. inst.

In qua maxima pars hæreditatis) Nam pretium rei non mutat rationem juris: onera autem non paritur, nisi qui partem jure hæreditario retineat, d. l. 30. §. 2. Quod si res deduci iussa quartam partem non exæquet, poterit hæres quod deest, jure hæreditario retinere, per l. 1. §. 26. eod.

Duas pluribusve) Ratio, quia semper inspicitur, utrum qua pars jure hæreditario hæredi attribuat, an in rebus singulis.

Qui ex parte hæres) Ut si præcepta re aliqua rogatus sit restituere, res illa apud eum sine onere remaneat.

COMMENTARIUS.

1. An & quatenus in casu proposito, consumpta portione restituta, legatarii & creditores cum hærede agere possint?

Supra tit. de bar. inst. sub. §. & si plures. 8. docuimus, si quis solus ex re certa institutus fuerit, cum perinde hæredem fieri, omniumque bonorum hæreditatem obtinere, ac si simpliciter sine ulla mentione rei scriptus esset, ex l. 1. §. si ex fundo. 4. d. tit. l. cohæredi. 41. §. ult. de vulg. & pup. At si plures instituti sint, quidam ex re certa, alii simpliciter aut ex parte hæreditatis, tum eos solos hæredes effici, qui simpliciter aut ex quota scripti sunt; qui ex certa re aut summa, pro legatariis haberi l. pen. C. de bar. inst. nisi hæredes partis universæ defecerint: tum enim idem juris esse, ac si instituti in re singulari ab initio soli fuissent. Huic posteriori speciei similis est, quæ hoc loco proponitur, videlicet cum quis, deducta certa re vel summa, rogatus est hæreditatem restituere. Restituta enim in proposito hæreditate, fideicommissarius instar cohæredis est, hæres instar ejus, qui ex certa institutus, cohæredem habet scriptum simpliciter. Quamobrem recusante quidem fideicommissario hæreditatem recipere, solus qui rogatus est & adiit, hæres erit: at hæreditate

recepta, jam solum fideicommissarius hæredis locum obtinet, alter tamquam cohæres ex re certa vicem subit legatarii.

Una aliqua re) Quæ præced. §§. dicta sunt de scissione actionum hæreditarium inter hæredem fiduciarium, qui parte reliqua ex voluntate defuncti retenta, reliquam hæreditatem restituit, & fideicommissarium Trebellianum, ea tunc obtinet hic docemus, quando quis rogatus est hæreditatem restituere retenta parte alia qua hæreditatis seu æsis, sive ut vulgo interpretes loquuntur, deducta quarta. Aliud autem longè esse, si quis præcepta re aliqua, veluti fundo, aut summa, puta centum aureis, restituere rogatus sit, quamvis ea res vel summa quartam partem vel amplius contineat. Nam etsi hic quoque similiter restitutio ex Senatusconsulto Trebelliano fiat, actiones tamen nullas pro parte retenta, nullave onera hæreditaria apud hæredem remanere, sed hæc omnia transire ad fideicommissarium, hæredemque præceptum habitum jure legatarii, id est sine ullo onere hæreditario, quo conset legatarios non premi, l. si hæreditatem 32. mand. l. ult. C. de bar. inst. Mæcianus breviter & dilucidè rem totam proponit in l. si legatus 30. §. 3. hoc tit. Multum interest, inquit, utrum qua pars jure hæreditario retineatur, an veri in re vel pecunia: nam superiore casu actiones dividantur inter hæredem & fideicommissarium; posteriori vero apud fideicommissarium sunt actiones. Huc pertinet, l. 1. §. ult. eod. Quod si hæres coactus à prætore adierit, etiam commodò præceptionis privabitur, l. ita. 27. §. si præceptis 14. eod.

Quæ quartam continet) Quod si res deduci iussa quartam partem non exæquet, tum hæres vel ad supplementum agere poterit, vel quod quartæ deest, jure hæreditario retinere, Gloss. & DD. hic arg. §. sed quia 7. hoc tit. l. 1. §. si hæres. 16. eod. Equum autem tunc esse, ut hæres saltem pro ratione istius supplementi creditorum actiones excipiat, utique in subsidium censent Glossa in d. l. 1. §. ult. Canticum. & Myns. hic.

Ex Senatusconsulto Trebelliano) Ante transfusionem Pegasus in Trebellianum, si hæres non ultra dodrantem restituere iussus erat, restitutio fiebat ex Senatusconsulto Trebelliano. Hoc cum nostri dicunt, perpetuo significant, actiones pro parte transferri. Si amplius dodrante, restitutio fiebat ex Pegasus. Quo casu actiones apud hæredem remanebant, & stipulationes interponebantur, secundum ea, quæ tradita sunt, §. ergo. 6. eod. Hodie remoto Pegasus distinctè pro parte restituta actiones transeunt. In casu autem proposito etiam

antea

antea restitutio fiebat ex Trebelliano, l. 1. §. si hæres. 16. eod. actionesque in solidum transferebantur : quoniam hæres, apud quem nulla pars jure hæreditario remanet, similis est legatario.

In qua maxima pars hæreditatis) Finge, eum, qui quadringenta possidebat, rogasse hæredem, ut præcepto fundo, qui trecentorum erat, hæreditatem Titio restitueret. Hic etiam si fundus iste maximam partem hæreditatis, id est, dodrantem contineat, nihilominus tamen reliquo restituto in solidum actiones in Titium transferuntur. Neque enim pretium vel rationem juris mutat, aut efficit, quominus res sit singularis. Cæterum hoc casu consumpta portione restituta, fideicommissario subveniendum esse, hæredemque pro eo, quod ultra quartam habet, legatariis respondere debere, tradunt Canticæ. & Myns. *hic*. Et multo ergo magis pro eadem quantitate tenebitur creditoribus : quippe quibus in subsidium etiam pro rata ea parte, quam præcepit, teneatur, si hæreditas solvendo non sit, ut vult idem Mynsing. & Gochofr. in annot. marg. ad Schneid. quod etiam tamquam certum atque apud nos quoque receptum tradit D. Grot. 2. *manud. cap. 20*. Etsi autem forte rationi juris veteris hæc non satis conveniunt, & fortassis nec novo, si fideicommissarius inventarium facere neglexerit, quo casu obligatur ultra vires receptæ hæreditariis novo tamen juri consentanea videntur, ubi fideicommissarius inventarium ex præscripto Justiniani fecit, aut hæres à se factum ei cessit. Quorum alterutrum satis ei est ad exonerationem æris alieni, quatenus modum hæreditatis excedit, per ea, quæ habet Bart. in l. in ratione 11. §. quod vulgo §. ad leg. Falc. num. 9. & 10. Quamquam Bachelius putat, etiamsi ipse fideicommissarius solvendo non sit, hæredem tamen in subsidium conveniri non posse, cum aliud remedium creditoribus paratum sit, & præcipue hoc, ut si putent hæredem non esse solvendo, bonorum separationem petant.

Et secum deliberare debet) Cautius faciet, si jure deliberandi non utatur, sed novo beneficio inventarii, quod à Justiniano datum omnibus, quibus deliberandi potestas est de agenda aut suscipienda hæreditate, §. extraneis §. sup. de hæ. qual.

Si duabus pluribusve) L. ita tamen 27. §. si præceptis 14. hoc tit. Quippe non multitudo rerum relictarum, sed modus relinquendi juris differentiam inducit, inspiciturque semper, utrum qua pars in hæreditate seu jure universo hæredi attributa sit, an in rebus singulis hæ-

reditariis. Mynsingerus imperitè rem hæreditariam cum quota hæreditaria confundit.

Sed etsi certa summa) Huc ergo pertinet l. 1. §. 17. eod. quem locum perperam DD. comm. alio trahunt, nimirum ut probent, etiam retenta quarta parte hæreditatis, actiones legatorum in solidum in fideicommissarium dari : quamquam vera mihi videtur propositio.

Ad eum, qui ex parte) Pone, eum, qui quadringenta habebat, duos hæredes instituisse, singulos ex semisse : alterumque rogasse, ut deducto fundo, qui centum valet, aut deductis centum partem suam restitueret L. Titio. Titius recepta hæreditate solus pro semisse actiones excipit : cum, ubi partis dimidiz hæres rogatus est, ut retenta parte quarta aut quadrante suæ portionis restituat, atque restituit, pro sextante obnoxius maneat.

TEXTUS.

De fideicommissu hæredis ab intestato.

10. *Præterea intestatus quoque moriturus potest rogare eum, ad quem bona sua vel legitimo jure vel honorario pertinere intelligit, ut hæreditatem suam totam partemve ejus, aut rem aliquam, veluti fundum, hominem, pecuniam, alicui restituat : cum aliqui legata nisi ex testamento non valeant.*

NOTÆ.

10. *Intestatus moriturus*) Poterat dubitari, quia legitimi & honorarii hæredes nihil à defuncto accipiunt, sed illos lex, hos prætor vocat, ejus autem, qui à defuncto nihil accipit, fideicommissum non potest, l. 9. C. de fideic. Sed huic dubitationi occurrit Paul. l. 3. §. 1. de jur. eod. Ulp. l. 1. §. 6. de leg. 3. Nimirum etiam his hæreditatem tacitè à defuncto relinqui, dum eos non excludit alios instituendos, quod pro jure suo facere poterat.

COMMENTARIUS.

- 1 Ratio cur etiam à legitimis & honorariis hæredibus fideicommissum relinqui possit.
- 2 An fideicommissum à legitimo hærede relictum, successione propter repudiationem primi gradus agnati ad sequentem devoluta, debeat?

Fideicommissum tam hæreditatis, quàm singulare, non solum testamento, verum etiam codicillis relinqui potest. Quid ei observandum sit, qui testamento relinquere fideicommissum hæreditatis velit, didicimus

§. 2. *sup. hoc tit.* nimirum ut directo testamento hæredem instituat, atque ab eo relinquat. Codicillis potest quidem & ab hærede testamentario relinqui, l. 3. §. 2. l. 8. in *pr. cod. Ulp. tit. 25. §. 9.* Cæterum potest & ab eo, qui ab intestato venturus est, fidei legitimus sit, sive honorarius successor, d. l. 3. *pr. d. l. 8. §. 1.* Unde quamvis de instituto tantum hærede senatus loquatur, l. 1. §. 2. *hoc tit.* tamen ad legitimum quoque & honorarium per interpretationem consultum senatus extensum est, *dist. l. 1. §. 1. & §. 7. l. 6. §. 1. cod.*

Intestatus moriturus) Dubitari potuit, an à successore legitimo aut honorario fideicommissum rectè relinquatur. Sic enim jus est, ut ab eo, qui nihil à defuncto accipit, nihil per fideicommissum relinqui possit, l. 9. C. de *fideic.* Legitimi autem hæredes aut honorarii nihil à defuncto accipiunt, sed illos lex 12. tabularum ad hæreditatem vocat, hoc prætor ad bonorum possessionem. Verùm hæc dubitatio facile tolli potest. Quamvis enim in casum non ademptæ hæreditatis legitimi hæredes à lege, honorarii à prætore vocentur; tamen cum defunctus eos testamento factò excludere potuisset aliis hæredibus institutis, (salva utique portione liberis & parentibus debita) hæreditatem ipsi tacite relinquere videtur, dum non adimit, quod pro jure suo facere poterat. Atque hoc est, quod Jurisconsultus significat in l. 1. §. sciendum 6. de *legat. 3.* cum ait, *fideicommissi eorum posse, ad quos aliquid perventurum est, vel dum ipsi datur, vel dum non adimitur*: in quam sententiam eleganter Paulus l. 8. §. 1. de *jur. cod.* Ideo, inquit, *fideicommissa dari possunt ab intestato succedentibus, quoniam creditur paterfam. sponte sua his relinquere legitimam hereditatem.* Ex quo etiam hoc efficitur, neminem posse fideicommittere hæredi ab intestato, nisi qui testamentum facere posset, l. 3. in *pr. de jur. cod. Ulp. d. tit. §. 3.* Estque hoc juris explorati, eos, qui testamentum facere non possunt, nec codicillos posse, l. 6. §. 3. l. 8. §. 3. de *jur. cod.* De illo quæsitum est, si quis intestatus decedens ab eo, qui primo gradu ei succedere potuit fideicommissum reliquerit, si illo repudiante, ad sequentem gradum devoluta sit successio, an fideicommissum debeat. Negat Ulp. d. l. 1. §. *pen. de legat. 1.* quod tamen idem affirmare videtur l. *fi Titio. 61. §. 1. de legat. 2.* & Julian. l. 1. de *jure cod.* Doctores vulgo cum Accurs. & Bart. ad *dd. II.* interesse respondent, utrum simpliciter hæredes ab intestato venientes gravari sine, an aliquis nominatim: illo casu fideicommissum à quolibet succedente de-

beri, hoc casu non deberi, nisi à cohærede gravati portionem suam repudiantis; quoniam is in portione accrescente similis est substituto, *argum. d. l. 3. de jur. cod. junct. l. pater meus 29. §. 1. de legat. 2.* add. Bart. in l. *com pater 77. §. cum existimaret. 29. de legat. cod.* quæ distinctio rationem habet. Ant. Faber, *conj. 15.* contendit, vitiosam esse lectionem, d. §. *pen. l. 1. de legat. 3.* legendumque demptâ negatione, *fideicommissum debere.* Mihi tam periculosa confidentia non placet.

Legata nisi ex testamento) Legatum olim non nisi testamentum aut codicillis testamento confirmatis dari potuit: credo quia civilibus verbis atque imperativis legis modo relinquebatur. Ulp. *tit. 24. fac. l. si ira. 38. de cond. & dem.* quibus tantum in testamento locus erat. Unde definitur legatum, donatio testamento relicta, l. 36. de *legat. 1.* Scilicet inconvenient visum est, pro imperio aliquid mandare ei, quem non defunctus, sed lex hæredem facit. Probabile tamen est, legata codicillis ab intestato data, interpretatione plerumque adjuncta: atque ut vim fideicommissi haberent, benignè recepta fuisse, *arg. l. Scævola. 76. hoc tit.* Hodie autem postquam constitutione Justiniani confusa est legatorum & fideicommissorum natura, l. 2. C. *commun. de legat. hanc* etiam differentiam sublatam esse renebimus & legata quoque ab intestato relicta directo valere, contra Jo. Fabrum, Angel. & Giphani.

TEXTUS.

De fideicommissio relicto à fideicommissario.

11. *Eum quoque, cui aliquid restituitur, potest rogare, ut id rursus alii, aut totum, aut partem, vel etiam aliquid aliud restituat.*

COMMENTARIUS.

Non modo hæres de restituenda hæreditate aut parte ejus rogari potest, verum etiam fideicommissarius, ut vel totum, vel partem ejus, quod accepit, rursus alii restituat: atque in hac etiam restitutione placeat actiones ex Senatusconsulto transferri in fideicommissarium, secundum l. 1. §. de *illo. 81. hoc tit.* posse & cogi primum fideicommissarium, qui totam hæreditatem, cum suspecta diceretur, recepit, totam restituere, l. *si patroni 55. §. 2. cod.* Solus autem hæres beneficii legis Falcidie utitur, id est, jus quartæ

retinendæ habet, *l. lex Falcidia* 47. §. 1. *ad leg. Falcid.* Etenim cum semel adita est hæreditas, omnia defuncti voluntas rata constituitur, *d. l. 55. §. 2.* Proinde cæteri, quatenus ceperunt, & rogati sunt restituere, fideicommissum obstringuntur, *l. Lucius* 78. §. *heres* 11. *hoc sit.* similiter, ut legatarii, à quibus fideicommissum relictum, *l. pœnales* 32. §. *si Titio* 4. *ad leg. Falcid.* Planè si hæres, ut priori fideicommissario donaret; jure suo usus non sit, posse quartam secundo fideicommissario detrahi, responsum est, *l. 1. §. inde Neratius* 19. *hoc sit.*

T E X T U S.

De probatione fideicommissi.

12. *Et quia prima fideicommissorum cunabula à fide hæredum pendent, & iam nomen, quàm substantiam acceperunt, ideo D. Augustus ad necessitatem juris ea retraxit. Nuper & nos eundem Principem superare contententes, ex facto, quod Tribonianus vir excellentissimus, Quæstor sacri palatii, suggestit, constitutionem fecimus, per quam disposuimus, si testator fidei hæredis sui commisit, ut vel hæreditatem, vel speciale fideicommissum restituat; & neque ex scriptura, neque ex quinque testium numero, qui in fideicommissis legitimus esse noscitur, possit res manifestari; sed vel pauciores, vel nemo penitus testis intervenerit, tunc si pater hæredis, si alius quicumque sit, qui fidem hæredis elegerit, & ab eo restitui aliquid voluerit; si hæres perfidia tentus adimplere fidem recusat, negando rem ita esse subsecutam, si fideicommissarius ei iurjurandum detulerit, cum prius ipse de calumnia juraverit; necesse eum habere, vel iurjurandum subire, quod nihil tale à testatore audiverit, vel recusantem ad fideicommissum vel univærsalis vel specialis solutionem coartari; ne depereat ultima voluntas testatoris fidei hæredis commissæ. Eadem observari censuimus, etsi à legatario, vel fideicommissario, aliquid similiter relictum sit. Quod si is, à quo relictum dicitur, (postquam negaverit) constiteatur quidem, aliquid à se relictum esse, sed ad legis subtilitatem recurrat, omnino solvere cogendus est.*

COMMENTARIUS.

1. Quando dispositioni b. §. locus.
2. Non mutari constituta *l. ult. §. ult. C. de codic. nec l. 23. C. de fideic.*
3. Hæredem in specie proposita non posse iurjurandum ferre.
4. Glossæ in fine textus observatum.

AUdivimus supra, fideicommissorum originem, nomen & substantiam à fide hæ-

redum manasse. Hinc Justinianus argumentum sumit mirifici in fideicommissa favoris, ut quemadmodum ex sola fide hæredum, ab initio pendebant, ita & sola religione hæredum, quorum præsentium fidei aliquid commissum est, nunc consistant, nec ordinariam probationem desiderent. Constitutum hoc à Justiniano *l. ult. C. de fideic.*

Neque ex scriptura, neque ex quinque testium numero) Quando testator, contempta omnia alia probatione scripturæ vel testium, fidei folius hæredis committit, ut aliquid præstet, placet Justiniano, fideicommissum ab hærede præstandum, idque si neget hæres, fideicommissum à se relictum, & iurjurandum super ea re sibi delatum subire recuset, si ve ultro fateatur, esse à se relictum, sed dicat, se non teneri, quia non solemniter relictum sit, *d. l. ult.* Prius verbis constitutionis expressum est; alterum ex priore colligitur. Cur enim hæres jurare recusans fideicommissum solvere cogitur? Non aliam utique ob causam, quam quod recusatio juris iurandum tacitam confessionem habet, *l. manifesta* 38. *de jurejur.* ut proinde multo magis fideicommissum eo obstringi oporteat confessione aperta. Quia autem & prior casus nonnihil iniqui habere videtur, & utroque jus novum, ac contrarium ei, quod de numero testium in ultima voluntate adhibendo placitum est, continetur; ideo constitutionem suam adversus tacitas objectiones munivit. Si quis enim forte objiciat, iniquum esse, ab hærede fideicommissum exigi citra ullam probationem, responderet, illud hac in re iniquum non esse, ubi hæres jurejurando sibi delato in sua causa constituitur testis & judex, ut sit in ejus potestate, non teneri, jurando se nescire quicquam relictum esse. Si quis dicat, in omni suprema voluntate ad nimirum requiri quinque testes, *l. ult. §. ult. C. de codic.* respondet, id iustum esse, cum res per testes probanda est, ne quid falsitatis admittatur, cujus nihil in specie proposita metui potest: quoniam testimonium ab ipso hærede, eodemque debitore, exigitur. Quod ergo traditum est in *l. si veritas* 25. *C. de fideic. cum similib.* ex imperfecta scriptura nihil deberi, hoc etiam nunc manet; & nisi de fide scripturæ, quam testator servari voluit, iusto numero testium constet, fideicommissum exigi non poterit. Consule Mantic. *de conject. ult. volunt. lib. 2. tit. 15. num. 5.* Quia autem ratione motus jus hoc introduxerit Justinianus, in calce constitutionis exponit.

Qui in fideicommissis legitimus) Hoc à Theodosio primum constitutum est, *d. l. ult. §. ult.*
Iiii 2 C.

C. de codic. Antea enim cum numerus testium in codicillis definitus non fuerit, vel duos idoneos sufficisse arbitror, *arg. l. ubi numerus 12. de testib.* de quo plenius sub §. ult. *inf. de codic.* Manet autem nunc etiam jus constitutum d. l. ult. §. ult. *C. de codic.* ut ex hoc loco intelligitur. Nam quod hic, & d. l. ult. *C. de fideic.* Justinianus sancit, tunc solum obtineri, cum defunctus rem, quam præstari voluit, fidei hæreditis præsentis commissit extra testamentum *aut* codicillos.

Cum prius ipse de calumnia juraverit) Id est, se non calumniandi seu vexandi, hæredemque religionem urendi animo iururandum deferres sed quia ita se rem habere sibi planè persuasum sit; quod iururandum, licet alias in usu esse desierit; tamen in omni judiciali iurisjurandi declaratione, si exigatur, est præstandum, juxta l. iururandum 34. §. 4. de jurejur. Damhoud. *prax. civil. c. 151. Merul. lib. 4. dist. 4. sect. 3. tit. 8.*

Vel iururandum subire) Conditione iurisjurandi in judicio delata, regulariter reus jurare cogitur, aut referre, aut solvere, l. 9. *C. de reb. cred.* Manifeste enim confessionis esse creditur, nolle jurare, aut iururandum referre, l. manifesta 38. de jurejur. At in proposito ne referre quidem hæres potest: quippe cum hic agatur non de eo, quod uterque scire potest, sed quod solus hæres, & cujus actor ignarus est: quo casu relationi non est locus, l. Marcellus 11. & seqq. *rer. amot. d. l.*

iururandum 34. in pr. de jurejur. & ita rectè Mynsing. Schneid. Wesemb. hic, mirumque est, veteres interpretes in re tam manifesta variare.

Postquam negaverit) Hæc verba neque in ipsa constitutione Justiniani reperiuntur, & testibus Cujacio, Ruffardo, Hotomanno, Contio, Fabroto, desunt in veteribus codicibus, neque Theophilus ea agnoscit: & Jo. Faber quoque refert, se Bononiam aliquot codices vidisse, à quibus aberrant. Quare suspicari licet, glossam esse. Si verò retineantur, non ita accipienda sunt, quasi non alia conditione hæres in specie proposita fideicommissio obligetur, quàm si prius negaverit, & ad iururandum actus jurare recuset: sed ideo posita, quia hic casus solum verbis expressus fuit. Cæterum simpliciter, quisquis constituitur, de fideicommissio obligabitur: neque enim potest causa hic quidquam constitutum, ut hæredis infanciatio coerceatur, in quo fallunt DD. comm. Bart. Salic. Castr. Richard. *ad d. l. ult. Mynsing. Schneid. hic*, sed totum voluntatis testatoris servandæ causa, ut disertè scriptum est in extremo d. l. ult. & tenent Jo. Fab. & Jaf. *in d. l. ult.* quos etiam ex facto consultus, non attenta communi opinione, in respondendo secutus est quondam Curie nostræ Coryphæus, Reinerus ab Amsterdam. Atque hæc sententia probatur etiam à Wesemb. hic. Donello *in d. l. ult.* nec alienus Mantica d. lib. 2. tit. 13. n. 5.

TITULUS VIGESIMUS QUARTUS.

DE SINGULIS REBUS PER FIDEICOMMISSUM RELICTIS.

Continuatio, & argumentum tituli.

HActenus de fideicommissis universalibus, quibus scilicet hæreditas aut pars hæreditatis relinquitur: quæ à legatis multum differunt: sequuntur nunc fideicommissa specialia, quibus relinquuntur res singulæ, quorumque & legatorum eadem ex constitutione Justiniani natura est, idemque effectus: nam exæquatio illa legatorum & fideicommissorum, de qua agitur §. 3. *sup. de legat. & l. 2. C. comm. de legat.* ad sola fideicommissa particularia pertinet, ut demonstravimus in explicatione *dist. §. 3. & pr. tit. præced.* Docet hic Imperator, à quibus fideicommissa singularum rerum relinqui, tum quæ res per ea relinqui possunt: postremo in genere, quibus maximè verbis fideicommissa relinqui solent.

TEXTUS.

Summa.

Potest tamen quis etiam singulas rei per fideicommissum relinquere: veluti fundum, argentum, hominem, vestem & pecuniam numeratam; & vel ipsum hæredem rogare, ut alicui restituat, vel legatarium, quamvis à legatario legari non possit.

NOTÆ.

Vel legatarium) Interdum & in contractibus fideicommissum constituitur, exempl. in l. 26. *pr. de pos. l. 77. de leg. 1.*

A legatario legari non possit) Hoc etiam ad jus

jus vetus referendum. Ulp. tit. 24. §. 19. Cajo lib. 2. tit. 7. Nam hodie hæc quoque differentia sublata, utique quod à legatario legatum est, valebit nunc jure fideicommissi, arg. l. 2. C. comm. de legat.

COMMENTARIUS.

1. Cur olim à legatario legari non potuerit, & an hodie possit?

Fundum, argentum, hominem, vestem) Hæc nomina generalia quidem sunt, verum specificè hic sumuntur, intelligitur enim certa species ex eo genere relicta, l. legato 37. de legat. 1. Cæterum & si qui fundus suos omnes, omne argentum, vellem omnem, omnes servos per fideicommissum reliquerit, nihilominus tale fideicommissum speciale est, & simile legato.

Fel legatarium) Singulæ res per fideicommissum non solum ab hærede relinquì possunt, verum etiam à legatario. Possunt & ab hærede hæredis vel legatarii, l. 5. §. 1. de legat. 3. Idem juris est de fideicommissario etiam rei singularis, §. 1. hoc tit. l. ab eo 9. C. de fideicommissis, & donatio mortis causa, l. cum pater 77. §. 1. de legat. 2. l. 8. §. 2. de transfact.

A legatario legari non possit) A legatario legari non posse, quamvis fideicommissa ab eo rectè dentur, discimus etiam ex Ulp. tit. 24. §. à legatario 19. & Cajo lib. 2. tit. 7. §. 3. Cujus differentia hæc ratio esse videtur, quod legata verbis civilibus & imperativis relinquuntur, quibus ut in eum solum liceat, quem universi juris successorem esse volumus, & locum nostrum subire. Disserit autem ita Justinianus, quasi hæc differentia etiamnum obtineret, quod etiam Giphanius videtur, eo quod hæc differentia naturalis sit, quoniam nulla legandi à legatario formula dari potest. Ego verò à communi & recepta interpretum sententia non recedo, qui censent, etiam hanc differentiam una cum cæteris hodie sublata esse, legataque non minus quam fideicommissa à legatario relinquì posse, per l. 2. C. comm. de legat. Equidem concedo, non omnibus legandi formulis, cum à legatario legatur, locum esse: sed quod Giphanius ait nullum dari posse, id nego. Per præceptionem hæredi à cohæredibus dumtaxat legari constat. Non video etiam, quomodo per vindicationem possit à legatario legari. Etenim si testator, postquam legavit, Titio fundum Tusculanum de lego, mox eundem fundum Sejo leget hac for-

mula, *Sejo eundem fundum Tusculanum de lego*, aut sic, *Sejui fundum Tusculanum sibi habeto*; aut conjunctio erit, aut ademptio. At damnationis formulæ hic usus esse potest, *Titius damnas esto partem dimidiam fundi, quem ei legavi, dare Sejo*; *Titium legatarium meum centum Sejo dare jubeo*. Nam & olim magna erat legatis per damnationem cum fideicommissis afinitas, & nonnulla verba communia utriusque generis ut jubeo, volo, impero, damno, vid. inf. §. ult. Quin etiam sinendi modo à legatario rectè legari, defendi potest, veluti si testator dicat, *L. Titius legatarius meus damnas esto finire C. Sejum sibi habere partem fundi, quem ipsi legavi*. Non obstat, quod Justinianus simpliciter scribit, à legatario legari non posse, nam præcedenti quoque titulo §. præterea 10. simpliciter scripsit, legata nisi ex testamento non valere. Omnes quippe §§. in quibus observat differentiam inter legata & fideicommissa, ex constitutione sua emendationem recipere voluit: quamvis separatim ita tractet, quasi differentia adhuc manerent, id quod se facturum antea testatus est §. 3. sup. de legat. quo permixtio & similitudo noviter introducta clarius esset & facilior. VINN. Quin hodie legata etiam à legatario relinquì possint, dubitandum non videtur. Vix tamen arbitror ex principiis juris veteris locum fuisse legato damnationis. *Damnus esto* formula est legislatoria. Testator autem erit quasi legislator non ratione legatarii, quem non damnare sed locupletare debebat, sed ratione hæredis, tanquam successoris singularis. Ergo hujus juris ratio reddenda non est ex natura formularum. Nam revera formula nulla legato à legatariis relicto quadrabat, sed ex generali illo principio, quod hodie legata & fideicommissa ejusdem naturæ esse censentur. HEIN.

TEXTUS.

Quæ relinquì possunt.

1. Potest autem non solum proprias res testator per fideicommissum relinquere; sed & hæredis, aut legatarii, aut fideicommissarii, aut cujuslibet alterius. Itaque & legatarius & fideicommissarius non solum de ea re rogari potest, aut eam alicui restituat, quæ ei relicta sit; sed etiam de alia, sive ipsius; sive aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit; nam quod amplius est, inutiliter relinquitur. Cum autem aliena res per fideicommissum relinquitur, necesse est, ei qui rogatur,

tus, aut ipsam rem redimere & præstare, aut affirmationem ejus solvere.

COMMENTARIUS.

- 1 Jam olim communia fideicommissis cum legatis.
- 2 Declaratio regula, Neminem posse rogari, ut plus restituat, quam ipse cepit.

Multa etiam jam olim fideicommissis communia cum legatis fuisse; quale est hoc, quod hic traditur de re, quæ testatoris propria non sit, per fideicommissum relicta. Res, quæ, cum in commercio sit, testatoris propria non est, eam necesse est vel hæredis esse, vel legatarii, aut fideicommissarii, vel tertii alicujus, quæ sola in hac tractatione plerumque aliena dicitur, ut notavimus §. 4. *sup. de legat.* Quemadmodum igitur non solum res testatoris legari potest, sed etiam hæredis, d. §. 4. ita sciamus, non solum rem testatoris, sed etiam hæredis per fideicommissum relinqui posse; & quod responsum est, valere hujusmodi legatum, etiam si testator existimaverit rem suam esse, l. unum. 67. §. si rem. 8. *de legat. 2.* id ad hujus generis fideicommissum quoque pertinere. Contra, quemadmodum res, quæ legatarii est, ei inutiliter legatur, §. sed si rem. 10. *sup. de legat.* ita & fideicommissario rem, quæ ipsius sit, inutiliter relinqui. De re legatarii aut fideicommissarii alteri legata quæ olim non potuit, quia ab his legata non licebat, sed tantum fideicommissum dari. Nunc verò etiam in legatis huic quæstioni locus est. Sed hoc præterit Justinianus; quippe cui hic sermo est de fideicommissis, non considerata legatorum cum his exæquatione. Ait, per fideicommissum relinqui posse etiam rem legatarii, aut fideicommissarii, à quo scilicet relinquitur, non cui relinquitur. Sed quid si in proposito defunctus putaverit rem suam se relinquare? Dicemus, nihilominus valere fideicommissum eadem ratione, quæ, si res hæredis esset, valeret, *argum. d. l. unum. 67. §. si rem. 8. de legat. 2. d. §. 4. sup. de legat. cum ibi notat.* Porro illud quoque commune est, quod hic ait Justinianus, etiam rem cujuslibet alterius, quæ uno nomine in hoc argumento aliena dicitur, per fideicommissum relinqui posse: nam legari posse docuit d. §. 4. Denique illud etiam, quod eodem loco & plenius a nobis in commentariis relatum est, legatum rei alienæ non semper deberi, sed interesse, utrum testator sciverit, an ignoraverit, esse alienam, atque illo demum casu, non hoc, valere legatum, nisi conjectura voluntatis aliud suadeat, sciendum

est, ad fideicommissum quoque rei alienæ pertinere, l. 10. *C. de legat.*

Etiā de alia, five ipsius) Legatarii scilicet qui rogatur, aut fideicommissarii primi: nam per fideicommissum non modo reddendi onus imponi potest, sed etiam dandi. Ipsi verò fideicommissario rem suam inutiliter relinqui existimo, *arg. §. sed si rem. 10. sup. de legat. & mutue exæquationis legatorum & fideicommissorum, quicquid contra disputet Bachovius.*

Ne plus rogetur quisquam restituere) Hoc summam rationem habet. Ut enim liceat morientibus eam legem, quam velint, suis rebus dare; tamen hoc licere nemini debet, ut aut alium, cui nihil oneret, aut oneret quemquam supra id, quod ei reliquit, & disponat de alieno, l. 1. §. si is qui 37. *ad sen. Treb. l. 1. §. sciendum 6. de legat. 3. l. filius. 114. §. 3. de legat. 1. l. 9. C. de fidei.* Hujus autem regulæ complures traduntur exceptiones; quæ tamen non tam exceptiones sunt, quàm declarationis regulæ. Cujusmodi est, quod, si alicui centum legata sint, & is duplum post tempus restituere rogatus sit: placet, valere fideicommissum etiam ultra summam legatam, quatenus intermedio tempore usuræ perceptæ cum excedunt, l. imperator 70. §. 1. *de legat. 2.* Tale item est illud, quod, qui acceptis centum rogatus sit rem propriam, quamvis majoris pretii, restituere, is, agnito legato, fideicommissio obstringitur: quoniam agnoscendo legatum non majoris rem suam existimasse videtur, d. l. imperator 70. §. 1. *in fin.* Item hoc quod traditum est, si cui fundus legatus sit, atque is eum fundum restituere sit rogatus, & centum dare, valere fideicommissum, si legatarius interim centum ex fructibus perceperit, d. l. filius. 114. §. 3. *de legat. 2.* Denique etiam illud, quod duabus rebus disjunctim legatis, atque ea, quæ pretiosior est, restitui iusta, fideicommissum debeat, licet legatarius villiorem elegerit, propterea quod eam, quæ pluris erat, eligere potuisset, l. planè 24. §. 2. *de legat. 1.*

Redimere & præstare, aut affirmationem ejus solvere) Re aliena per fideicommissum relicta, is, qui rogatus est, vel redimere eam debet & præstare, vel si dominus eam non vendat, affirmationem ejus inferre, perinde ac juris est in rei alienæ legato: l. non dubium 24. §. 2. l. qui quatuor 30. §. ult. *de legat. 3.* quod latius explicatum *sup. §. 4. de legat.*

TEXTUS.

De libertate.

2. *Libertas quoque servo per fideicommissum dari potest, ut haeres eum rogetur manumittere, vel legatarius, vel fideicommissarius: nec interest, utrum de suo proprio servo testator roget, an de eo, qui ipsius haereditas, aut legatarius, vel etiam extranei sit. Itaque & alienus servus redimi & manumitti debet. Quod si dominus eum non vendat, (si modo nihil ex iudicio ejus, qui reliquit libertatem, perceperit,) non statim extinguitur fideicommissaria libertas, sed differtur, quod posset tempore procedente, ubicumque occasio servi redimendi fuerit, praestari libertas. Qui autem ex fideicommissi causa manumittitur, non testatoris sit libertus, etiamsi testatoris servus sit, sed ejus, qui manumittit. At is, qui directo ex testamento liber esse jubetur, ipsius testatoris libertus sit; qui etiam Orcinus appellatur. Nec alius ullus directo ex testamento libertatem habere potest, quam qui utroque tempore testatoris fuerit, & quo faceret testamentum, & quo moreretur. Directo autem libertas tunc dari videtur, cum non ab alio servum manumitti rogat, sed velut ex suo testamento libertatem ei competere vult.*

COMMENTARIUS.

- 1 *Liberti orcinii, & numquid juris in eos familia?*
- 2 *Differentiam libertatis directae & per fideicommissum data non tolli, l. 2. comm. de legat.*
- 3 *L. 58. de man. test. cum aliis locis conciliata.*

ETiam libertates per fideicommissum dari possunt, & quidem largius, quam directo, cum non tantum propriis servis, sed etiam alienis per fideicommissum libertas dari possit, modo vulgaribus atque evidentibus verbis voluntas testatoris exprimitur, teste Licinio in *l. libertates 16. de fideic. libert.* Quod ait, non tantum propriis, sed etiam alienis, ex eo intelligitur, directo servis alienis libertatem dari non posse; quod etiam expressè rescriptum est in *l. 9. C. de testam. man.* Putaverit tamen quis, etiam in casu libertatis servo alieno directo datæ favore libertatis defendi ei posse fideicommissariam, arg. *l. generaliter 25. §. si quis 10. l. de fideic. libert. l. 10. §. ult. de testam. tut.* Sed obstant memorati textus, & maxime *l. 9. C. de testam. man.* quo loco rescribitur, nec hæredis servo directo liberta-

tem dari posse. Quod si directo data saltem in vim fideicommissæ valeret, id utique Imperatores consulti non dissimulassent, & in *l. si servus 108. §. si servus 9. de legat. 1.* tale legatum dicitur esse nullius momenti. VINN. Nec obscura est ratio. Nam si hæres directo damnatus esset servum alienum manumittere, istud legatum frustraneum fuisset, si dominus eum liberum fieri noller, adeo ut nec æstimatio legatario præstari potuisset. Non poterat autem res aliena aliter legari, quam ut, domino eam vendere nolente, legatario æstimatio præstaretur. §. 4. *Instit. de legat.* Fideicommissorum autem quum esset benignior interpretatio, judicaverunt veteres, illis & servo alieno libertatem relinquere posse, eatenus ut expectetur emendi opportunitas. Et hinc etiam reddi poterit ratio, cur in *l. 30. ff. de manum. testam.* servo proprio, qui apud hostem est, servitus directo relinqui potest, quia quamvis hujusmodi servus in præsens non sit testatoris, tamen vel æstimatio præstari potest, id est, λύτρον vel, si id repudietur, spes superest servum postliminii jure in potestatem hæredis redditurum. HEIN.

Vel legatarius vel fideicommissarius) Qui, si testatoris servus est, ab hærede eum rediment & manumittent: si modo quod à defuncto iis relictum est, agnoverint.

Aut legatarii) Quo casu legatarius accepto legato cogetur servum manumittere, etiamsi fortasse minus sit in eo, quod accepit, quam in pretio servi, d. l. generaliter. 24. §. si quis 12. de fideic. libert. quia non pluri servum suum æstimasse videtur, *l. sed si 36. ad leg. Fale.*

Aut etiam extranei) L. 6. C. de fideic. libert. Cæterum legatarius alienum servum manumittere rogatus, non alias erit cogendus, quam si tanti possit redimere, quanti est id, quod ex iudicio defuncti consecutus est, *d. l. generaliter, §. si quis.*

Non statim extinguitur libertas) Si dominus servum suum, cui libertas per fideicommissum relicta est, vendere nolit, non ideo protinus fideicommissum extinguitur: sed spectanda est emendi opportunitas, d. l. 6. C. de fideicommiss. libert. equidem æstimatio hic præstari non potest, ut in casu §. *prac. in fin.*

Ejus, qui manumittit) Cui per fideicommissum libertas relinquatur, is ejus libertus efficitur, à quo manumissus est, l. 7. C. de fideic. libert. Cæterum hic manumissor jus patronatus in eo tantum acquirit, ut contra tabulas & ab intestato ad bona ejus venire possit: at non ut etiam operas ei possit imponere, aut im-

positas ab eo petere, l. qui ex causa 29. de bon. libert.

Ipsius testatoris) Directa libertas ipso jure statim ab adita hereditate competit, l. 10. C. de test. man. l. testamento 25. & l. 25. D. de man. test. l. quaro. 32. §. ult. de test. tut. Itaque is, qui directo testamento liber esse jubetur, testatoris libertus fit, ut hic ait Justinianus: quam ob causam libertus Orcinus appellatur, quasi *Orci libertus*, ante ejus, qui ad Orcum demissus est: *Acheronticus* à Cujacio, *Χαρονίσις* à Theophilo vocatur eadem forma, quæ *Orcini senatoris*, quorum in *Augusto* cap. 35. meminit Suetonius, à Plutarcho in *M. Antonio*. *Χαρονίται* dicuntur. Orciniorum crebra in libris nostris mentio est, l. 3. §. de legit. tut. l. 8. de her. inst. l. dominus 22. de pecul. leg. l. 1. alias 2. §. per contrarium. 10. de dos. prel. 2. de statu lib. l. 4. §. hi qui. 12. de fideic. lib. l. 10. C. de testam. man. l. 8. C. de jur. & fact. ign. Orcini etiam liberti efficiuntur, qui latitante hærede vel legatario rogato manumittere, ad libertatem perducuntur, quippe ob necem domini detectam præmium libertatis consequuntur, l. cum quasi. 30. §. querendum. 12. l. si it 49. de fideic. libert. l. 5. qui sine man. Igitur Orcini cum eum patronum habeant, qui esse desuit, non malè dicuntur liberti nullius esse, l. 4. in pr. de bon. libert. Legimus tamen, Orcinos ad familiam testatoris pertinere, l. 3. §. 3. de legat. tut. libertos familiæ fieri, l. si socius 43. de manum. test. liberos, & cognatos jus patronatus in Orcino habere, l. un. §. sed etsi. 7. C. de latin. lib. toll. Qua de causa suspicari licet, quamvis familia plenum jus patronatus in Orcino non habuerit, quædam tamen jura, ut in liberto habuisse. Porro hæc differentia etiam post constitutionem Justiniani, quæ directæ & per fideicommissum data exæquata sunt, l. 2. C. comm. de legat. retinenda est: quippe quam voluntas testatoris facit, & quæ tolli sine injuria ejus, qui à testatore rogatus est manumittere, non potest; cui alioqui eriperetur jus patronatus, quod defunctus eum habere voluit: in quo consentiunt omnes interpretes paucis recentiorum exceptis.

Quo faceret testamentum & quo moreretur) Hoc item traditur in l. Servius. 35. de man. test. Neque obscuram rationem habet. Nam cum alieno servo inutiliter libertas directæ ab initio detur, ex postfacto ea datio convalescere non potest propter regulam Catonianam; & quamvis servo proprio data sit, si tamen is servus tempore mortis in aliena potestate esset, vindicare libertatem nequit. Proinde quod apud Marcianum l. verum 58. de man. test. le-

gitimus, eum, qui liber esse jussus est, alienatum à testatore, si ante aditam ejus hereditatem rursus hereditarius factus sit, hereditate adita ad libertatem pervenire, sic omnino accipiendum est, si supersite testatore in potestatem redierit: nam jacente hereditate, qui mortis tempore testatoris non fuit, hereditarius fieri nequit. Planè, si servus testatoris, qui apud hostes sunt, libertas directæ data sit, placet hos libertatem consequi, quandocumque ab hostibus reversi sint, licet neque testamenti, neque mortis tempore testatoris fuerint, l. si servi. 30. de man. testam.

Velut ex suo testamento) *A*liquis protinus ex testamento: cum testator servum suum se mortuo simpliciter liberum esse jubet, nec ab alio libertatem dari mandat.

TEXTUS.

De verbis fideicommissorum.

3. *Verba autem fideicommissorum hæc maxime in usu habentur*: Peto, rogo, volo, mando, fidei tux committo: quæ perinde singula firma sunt, atque si omnia in unum congesta essent.

NOTÆ.

3. *Peto, rogo, &c.*) Hæc verba dicuntur precaria & precativa, opponunturque civilibus, directis & imperativis; vid. Ulp. tit. 25. Paul. 4. sent. 1. Hodie autem de verbis laborandum non est, postquam Justinian. verbum omne significans legitimum sensum testatoris, legare aut fideicommittere volentis, utile atque validum esse jussit, l. 2. C. comm. de leg.

COMMENTARIUS.

1. *Verba imperativa interdum vim habere preciorum.*

Recensentur hic à Justiniano verba fideicommissorum maxime usitata, & quæ vulgaria dicuntur in l. libertate. 16. de fideic. lib. nam incremente progressu temporis favore fideicommissorum longè plura recepta sunt, placuitque, fideicommissum etiam aliis verbis relictum valere: veluti *hi, cupio des, opto des, credo te daturum; exigo, desidero ut des, volo hereditatem meam Titii esse, scio, non dubito, te hereditatem meam restitutum Titio*, l. etiam 115. l. & eo. 118. de legat. 1. l. unum. 67. §. ult. de legat. 2. l. Pamphilo. 39. de legat. 3. Paulus 4. sent. 1. scribit, his omnibus verbis fidei-

deicommissi posse, *Rogo, peto, mando, deprecor, cupio, injungo, desidero quoque, & impero.* Quod Paulus *impero* quoque inter verba fideicommissi numerat, id non videtur convenire differentie, quam Ulp. *sir.* 24. & 25. facit inter legata & fideicommissa; legatum definiens, quod imperativè relinquitur, fideicommissum, quod precativè: perinde enim hoc est, ac si diceret, legatum esse, quodcumque verbis imperativis, quæ alias directæ & civilia vocantur, relinquitur; fideicommissum, quod verbis precativis sive precariis. Sed sciendum est, verba imperativa sæpe vim habere precariorum, quod ex objecto & voluntate testatoris æstimandum est. Etenim si sic dicat; *L. Titio hæredi meo impero, ut servum meum Stichum manumittat*, procul dubio hæc per fideicommissum libertas data intelligitur. Idemque est, si dixerit, *jubeo*, aut *hæres damnas esto manumittere*. Similiter si imperaverit hæredi, ut hæreditatem aut rem aliquam restituat, valebit hoc jure fideicommissi, tamquam verbo precario relictum. Et cur minus eo verbo relictum valeat, quàm si dicat, *jubeo*; quod et si directum est, Ulp. *d. sir.* 24. §. 3. l. 2. *C. comm. de legat.* vim tamen precarii habere constat, quoties quid restitui jubeatur, *l. Lucius. 88. §. quisquis. 10. de leg. 2. l. Aurelius. 28. §. ult.*

de lib. leg. aut minus etiam quàm *volo*: quod cum imperativum sit, tamen in fideicommissis est usitatissimum. Quod si ita dixerit, *Impero tibi hæres, ut L. titio centum des*; hoc jam non fideicommissum erit, sed legatum. Nihil enim interest, *impero*, quis dicat, *an heredem meum dare jubeo*, aut *hæres damnas esto dare*, Ulp. *d. sir.* 24. §. 3. Verba relinquo & commendo negat Paulus *d. loc.* ullam fideicommissi actionem parere. De verbo commendo constat, *l. 11. §. 2. de legat. 3. l. 12. C. de fideic. libert.* At ex verbo relinquo videtur fuisse petitio fideicommissi *l. Lucius. 78. §. filiam. 8. ad Sen. Treb.* Sed de eo nunc laborandum non est, postquam Justinianus, omne verbum significans testatoris legitimum sensum, legare vel fideicommittere volentis, utile atque validum esse jussit, *l. 2. comm. de leg.* Sæpe enim, quod notandum est, ex conjectura voluntatis fideicommissum inducitur, cum verba fideicommissi non sunt, aut sunt fideicommissi inutilis, si sola spectantur exempla in *l. ex facto. 17. in pr. l. si quis. 29. ad Treb. l. cum proponebatur. 64. l. peto. 69. in pr. de legat. 2. l. 11. §. si quis ita. 4. l. ult. §. 3. de legat. 3. Consultantur Matheac. *epit. legat. lib. 1. c. 3. Chiffet. lib. 2. de jur. fideic. 187. & 20. Mantice. lib. 7. & 8. de conj. ult. vol. D. Tulden. comm. in tit. præc. c. 3.**

TITULUS VIGESIMUSQUINTUS. DE CODICILLIS.

Dig. Lib. 29. Tit. 7. C. Lib. 6. Tit. 36.

*Ratio ordinis. Codicilli unde dicti? eorum definitio, & divisio.
Summa tituli.*

Videri alicui poterit disputatio de codicillis non rectè subjectæ tractationi de successione ex testamento: quippe cum si codicilli tantum facti sint, succedunt ab intestato. Verùm Justiniano, ut apparet, propositum hic maxime fuit agere de codicillis à testato factis, qui pars sunt testamenti, ejusque jus sequuntur. Sed & codicilli ab intestato facti speciem quamdam testamenti exhibent, *l. ab intestato. 16. hoc tit.* Codicilli dicti sunt parvi codices, id est, tabellæ ex codicibus, aut ligno. Itaque quemadmodum testamentum codex appellatur, *Juven. sat. 10. Codice sive Hæredes vetas esse suos*, quia testamentum in codicibus tantum scribebatur, sive tabulis grandioribus; ita voluntas suprema minus solemnis aut plena, codicilli,

Tom. I.

& aliquando numero unitatis codicillus, *l. si ita. 38. de cond. & dem. hoc tit. l. 14. C. de testam.* propterea quod scribi solita erat in codicillis, id est, tabulis brevioribus & tenuioribus, ita factis, ut facile, quo cuique commodum esset, circumferri atque in sinu gestari possent. Est igitur codicillus *ὀπίσθησις* à codice: quamquam obtinuit, ut etiam nuncupata imperfecta voluntas codicillus dicatur, *l. 13. C. de sacrosanct. Eccles. l. ult. C. de bon. libert. l. ult. §. ult. C. de codic.* quemadmodum hæredi nuncupato dari dicitur bonorum possessio secundum tabulas, licet tabulæ nullæ sint, *l. 2. C. de bon. poss. sec. tab.* Codicilli igitur sunt supremæ voluntatis testatio minus solemnis: eorumque, ut & testamenti, duo sunt generæ scripti, in quibus voluntas scri-

Kkkk

bi

bitur; & non scripti, in quibus nuncupatur. Primum hic commemorat Justinianus, à quibus, & quam ob causam usus codicillorum introductus comprobatusque sit: deinde modum ordinationis, & quæ res codicillis relinquì possint, ostendit. VINN. Non opus est ambagibus circa vocis *Codicillus*, originem. Codicilli veteribus sunt Epistolæ, vel scripturæ ad alios missæ. Vid. Cic. ad Fam. IV. 12. VI. 18. ad Attic. lib. 12. Ep. 8. ad Quint. Fratr. lib. 11. Epist. 10. Imprimis ita vocatæ litteræ ad præsentem missæ. Sen. Epist. 55. Quia ergo codicilli plerumque perscribebantur in forma epistolæ, l. 56. ff. de fideic. libert. l. 37. §. 2. l. 32. §. 3. ff. de legat. 3. l. 30. §. 1. ff. de adim. vel transf. leg. Brisson. de Formul. lib. 8. p. 686. hinc & nomen retinuerunt. HEIN.

TEXTUS.

Origo.

Ante Augusti tempora constat, codicillorum jus in usu non fuisse: sed primus Lucius Lentulus, ex cujus persona etiam fideicommissa esse cœperunt, codicillos introduxit. Nam cum decederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum D. Augustus voluntatem ejus impleset; deinceps reliqui ejus auctoritatem sequuti, fideicommissa præstabant: & filia Lentuli legata, quæ jure non debebat, solvit. Dicitur autem Augustus convocasse sapientes viros, interque eos Trebatium quoque, cujus tunc auctoritas maxima erat, & quaesisse, an posset recipi hoc, ne absque à juris ratione codicillorum usus esset: & Trebatium suavisse Augusto, quod diceret, utilissimum & necessarium hoc civibus esse, propter magnas & longas peregrinationes, quæ apud veteres fuissent; ubi, si quis testamentum facere non posset, tamen codicillos posset. Post quæ tempora, cum & Labeo codicillos fecisset, jam nemini dubium erat, quin codicilli jure optimo admitterentur.

NOTÆ.

Codicillorum jus) Codicilli sunt supremæ voluntatis testatio minus solemnis, non in hoc comparata, ut testamentum sit, l. 1. l. 23. §. 1. b. t. Et possunt quoque confici ab intestato, §. seq. Imperfecta igitur est definitio Græcorum Theoh. bte. Harm. lib. 5. tit. 7. §. 3. in Basil. lib. 30. tit. 1. ἀλλὰ καὶ ἐν διαθήκῃ γινώμενος ἀπαικλήριος, αὐτὸ διόρισθαι τῆς διαθήκης, testamenti suppletio aut correctio.

Jure optimo admitterentur) Eorumque recep-

ta duo genera, scripti, in quibus voluntas scribitur, & non scripti, in quibus nuncupatur, l. 13. C. de SS. Eccles. l. ult. §. ult. C. hoc tit. quamquam obstat nominis ratio, vid. Hotom. & nostra in comm.

COMMENTARIUS.

Lentulus, ex cujus persona etiam fideic. Quod ait, à persona Lentuli & fideicommissorum & codicillorum usum cœpisse, non sic accipiendum est, quasi primus hic Lentulus fidei hæredis aliquid commiserit, aut primus fecerit codicillos: sed quod ille primus occasionem præbuerit, ut fideicommissa, quæ antea nullo juris vinculo continebantur, rata esse cœperint, iisque hæredes obligari; tum ut etiam codicilli, quibus antea nihil efficaciter dari poterat, recepti sint, & fideicommissa quoque codicillis relicta peti potuerint. Quis ille Lentulus fuerit, non constat, & parum refert. VINN. Immo constat, intelligi hic L. Lentulum, quem cum M. Valerio Messalla consulem fuisse anno U. C. DCCCLI. ex marmore apud Reinesium Inscript. Class. 10. 3. p. 597. discimus. Ei Pighius falso uibuit Colsi prænomen, quod ex marmoris istius fragmento Reinesius restituit. HEIN.

Testamento confirmatos) Testamento scilicet, quod antea Romæ aut Italia fecerat, etiam in eo scripsisset, sed ab hæredibus suis petere, ut si quid postea codicillis relicurus esset, id bona fide præstarent. Exemplum testamenti, quo futuri codicilli confirmantur, habemus apud Marcellum l. ult. de fideic. libert.

Quibus ab Augusto petiit) Indicio hoc est, Augustum testamentum Lentuli hæredem institutum fuisse saltem ex aliqua parte: & frequens erat illis temporibus, ut viri primarii Principem ex portione aliqua hæredem scriberent.

Deinceps reliqui) An reliqui testamento Lentuli Augusto cohæredes dati, ut vult Wesembec. Theophilus securus? An potius alii aliorum codicillis rogati, ut fere amant subditi exemplum Principis sequi? quod magis placet.

Et filia Lentuli legata, quæ jure non debebat) Non quia relicta incapacibus τὸς μὴ δυνάμεσθαι λαμβάνειν, sed quia relicta codicillis, qui tunc temporis adhuc firmitudinem nullam juris habebant. Non est igitur hæc ratio, quod legata codicillis dari non poterant, in quo falsatur Wesembecius; sed quod nihil eorum, quæ codicillis, licet testamento confirmatis, scripta erant, valeret. Et præcedentia arguunt, legata hic positum pro fideicommissa. Planè postea

rea receptum fuit, ut etiam legata codicillis testamento confirmatis dare liceret, l. 2. §. 2. *hoc tit. l. 8. §. ult. eod.* Apparet autem ex hoc loco, filiam quoque Lentuli ex parte hæredem à parte scriptam fuisse, cum tamen eo tempore vigeret adhuc lex Voconia; quod argumento est, filias partem aliquam hæreditatis paternæ per legem capere potuisse, atque ex ea parte etiam directo hæredes institui; quæ de re scripsimus fufius supra ad §. 1. de fideic. bar. Nulla igitur causa est, cur cum Horomanno pro filia restitutum filia.

Convocasse sapientes viros) Augustus, ut erat Princeps prudentissimus, non temere aut inconsulto irrepentem in Rempubl. novum codicillorum usum confirmandum sibi putavit; sed prius explorare voluit iudicium & sententiam virorum sapientum, censerentne illi, posse hunc usum recipi salva ratione juris constituti, tum an in eo tam evidens & iusta civium utilitas versaretur, aut auctores sibi essent ejus mortis comprobandi; exemplo suo docens, nihil novi juris sine consilio prudentum ac manifesta civium utilitate constituendum esse, juxta illud quod præclare ab Ulpiano dictum est, *in rebus novis constituendis evidens esse utilitas debet*, l. 2. de const. princ.

Ubi si quis testamentum facere non posset) Propter civium Romanorum, qui ad testimonium necessarij erant, penuriam. De factio enim loquitur non de jure, uti Jurisconsultus in l. 8. §. 2. *hoc tit.* nam testamenti factio loco alligata non est, DD. comm. in l. 1. C. de SS. Eccles. Cæterum & illud palam est, eum qui testamentum facere non potest, nec codicillos posse, l. divi. 6. §. 3. d. l. 8. §. 2. *hoc tit.*

Cum & Labeo) Qui eodem tempore maximæ auctoritatis fuit, & à Trebatio institutus est, auctore Pomponio in l. 2. §. post hunc. 47. de orig. jur. VIN. Conferendi hic omnino Tac. lib. 3. *Annal. cap. 75.* & Gell. lib. 13. *cap. 12.* Nos quoque de diverso Antistii Labæonis & Aceii Capitonis ingenio & prudenti Augusti consilio Labæonem sibi conciliandi nonnulla monuimus in *Antiqu. Rom. lib. 1. tit. 2. §. 39. p. 68. HEIN.*

TEXTUS.

Efficiens.

1. Non tantum autem testamento facto potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant, Papinianus ait, non aliter vires habere, quam si

speciali voluntate postea confirmantur. Sed divi Severus & Antoninus rescripserunt, ex iis codicillis, qui testamentum præcedunt, posse fideicommissum peti, si appareat, eum, qui testamentum fecit, à voluntate, quam in codicillis expresserat, non recessisse.

NOTÆ.

1. Sed & intestatus) Codicilli ab intestato facti vicem testamenti exhibent, suisque ipsi viribus nituntur. Proinde quicumque intestati successor erit, etiam postea natus, codicillis relicta præstabit, l. 3. l. 8. pr. & §. 1. l. 16. eod. nisi voluntas in hoc parata sit, ut testamentum esset, l. 1. l. 13. §. 1. eod. l. 14. C. de test. non adjecta scil. clausula codicillari, l. propen. qui test. fac. l. 41. §. 3. de vulg. & pup. l. ult. §. 1. C. h. t. Testamento autem facto codicilli vires ex testamento capiunt, & jus ejus sequuntur, l. 3. §. ult. d. l. 16. eod. l. 1. C. eod.

Papinianus ait) L. 5. eod. & hæc Papiniani sententia receptissima erat Plinii temporibus, ut constat ex lib. 2. *epist. 16.*

COMMENTARIUS.

- 1 Voluntatem in hoc paratam, ut testamentum sit, ne jure quidem codicillorum valere, nisi adjecta sit clausula codicillaris.
- 2 Testamento facto, codicillos quoscumque & quocumque tempore factos jus testamenti sequi.
- 3 Differentia inter codicillos confirmatos & non confirmatos; cæterum hodie sublata.
- 4 Quatenus ex his, quæ testamento cauta, mutare quid liceat?
- 5 Sententia extremorum verborum hujus §.

Codicilli & ab intestato confici possunt & facto testamento. Ab intestato facti suis ipsi viribus nituntur, & vicem testamenti exhibent. Proinde quicumque intestati successor erit, siue legitimus siue honorarius, etiam postea natus, codicillis relicta præstabit, l. 3. l. 8. in pr. & §. 1. l. ab intestato 16. *hoc tit.* Hoc unum exigimus, ut codicilli valeant, si voluntas defuncti in hoc instituta sit, ut testamentum esset; quod eo pertinet, ut sciamus, eam voluntatem, quæ in codicillis valere potuit, si defunctus codicillos facere instituisse, non valere jure codicillorum ut voluntatem intestati, si in hoc parata sit, ut testamentum esset. Neque enim ad validitatem actus civilis sufficit forma, si agentis deest intentio, ut bene D. Tuld. hic o. 2. Itaque si quis, verbi causa, codicillis scripserit, hanc voluntatem suam

suum esse testamentum, aut caverit, quæ sunt testamenti propria, nihil à legitimo peti poterit, l. 1. l. illud 13. §. 1. b. 1. l. *propen. qui test. fac. l. non codicillum* 14. C. de test. nisi adjecerit, velle se eam voluntatem, si jure testamenti non possit, valere saltem vice codicillorum; quæ cautio vulgo clausula codicillaris dicitur: aut valere quacumque ratione poterit, sive, ut nunc fere, omni meliori modo, d. l. *propen. qui test. fac. l. cobaredi* 41. §. 3. de vulg. & pup. l. 3. in fin. de test. mil. l. Titia 13. de inoff. test. l. Lucius 88. §. ult. de legat. 2. l. ult. §. 1. C. b. 1. de cujus clausulæ vi ac potestate, & an clausula codicillaris à testatore omissa, quibusdam casibus subintelligi debeat, denique an præsumendum sit, ex stylo & consuetudine notarii eam clausulam adscriptam esse, an ex voluntate & scientia testatoris; vid. Mant. de consuet. ult. vol. lib. 1. tit. 9. & 19. add. Gail. obs. 114. Chiffet. lib. 3. de jur. fideic. Schneid. hic, cap. de claus. codic. & eruditissimum Jo. Decherum lib. 1. differ. 8. num. 27. & seqq. Christin. vol. 4. dec. 32. Ant. Fab. Cod. suo. b. 1. fere per tot. Testamento autem condito codicilli, quocumque tempore facti fuerint, ad testamentum pertinent, viresque ex eo capiunt, etiamsi in eo confirmati non sint, l. 3. §. ult. dist. 1. ab intestato 16. hoc tit. denique infirmo testamento & codicilli concidunt, l. 1. C. cod. dist. 1. §. 3. ult. Illud interest inter Codicillos testamento nominatim confirmatos & non confirmatos, quod illis relicta etiam directo jure valent, veluti legata, & libertates directæ datæ, l. libertates 43. de man. testam. perindeque omnia habeantur, ac si in testamento scripta essent, excepta causa hæreditatis, l. 2. §. 2. hoc tit. quo loco palam est, Julianum agere de codicillis confirmatis. At quæ codicillis non confirmatis relicta sunt, sive verbis directis sive precariis; debentur jure fideicommissi, argum. dist. 1. 2. §. ult. l. illud 13. §. 1. hoc tit. l. Scævola 76. ad Senat. Treb. Illud enim dicere nolim, ea sola, quæ verbis precariis codicillis non confirmatis relicta sunt, valere; neque cum Ant. Fabr. 15. conj. 15. potentius esse jus codicillorum, qui ante testamentum facti sunt, quam eorum qui postea scripti, quasi in illis, post rescriptum Imperatorum Severi & Antonini, etiam quæ directo relicta sunt, jure fideicommissi valeant, in his nihil nisi precariis verbis utiliter relinquatur. Quod perquam mihi absurdum videtur. Sed non est, quod de his amplius laboremus: cum enim consula nunc sit legatorum & fideicommissorum natura, l. 2. C. comm. de legat. du-

bitandum non est, quin legata codicillis etiam non confirmatis data directo nunc valeant.

Ante testamentum) Meminit tantum codicillorum factorum ante testamentum, quoniam quin codicilli post testamentum conditum scripti etiam sine confirmatione valerent, non videtur fuisse dubitatum, cum quod quique postremum caverit, id ratum esse velle satis constet. Fuit quidem usitatum, ut etiam furari codicilli testamentum confirmarentur, ut apparet ex l. quadam 7. & l. seq. §. ult. l. Plautiana 18. de fideicommiss. libert. l. 6. l. ult. C. cod. sed id fieri solitum majoris securitatis gratia: nam ad validitatem codicillorum specialem hanc confirmationem non fuisse necessariam, patet ex l. 3. §. ult. hoc tit. nisi ad hoc, ut legata & libertates datæ directo valerent. Illud quæritur, quatenus codicillis posterioribus ex his, quæ testamento cauta sunt, mutare quid aut tollere liceat. Hæreditatem codicillis adimi non posse, translatum non est. Quam ob causam nec condito hæredi instituto codicillis adjici potest, §. seq. At potest hæres testamento scriptus codicillis rogari, ut hæreditatem restituat, l. 2. C. hoc tit. Possunt & fideicommissa testamento relicta codicillis adimi: quinimmo & legata, utique hætenus, ut legatarius ex testamento agens repelli posset exceptione doli mali, arg. l. 4. §. præterea 10. de dol. mal. except.

Quam si speciali postea voluntate) Papinianus existimabat, codicillos ante tabulas testamenti factos non aliter valere, quam si testamento, quod postea factum est, vel codicillis confirmarentur, aut prior voluntas quocumque judicio retineretur, l. 5. hoc tit. motus ut credibile est, hac ratione, quod qui post codicillos à se factos testamentum facit, mutet causam successionis, transiens à causa intestati ad causam testati. Quo facto videtur codicillos istos revocare una cum voluntate habendi hæredem ab intestato.

Divi Severus & Antoninus contra) Contra sententiam Papiniani, qui exigebat, ut voluntas codicillis expressa saltem novo aliquo judicio retenta probaretur. Imperatores ergo ne illud quidem in proposito exigunt, sed retentam voluntatem interpretantur, quæ motata non ostenditur: ut jam mutata voluntatis probatio incumbat hæredi, cum ex sententia Papiniani retentæ voluntatis probatio exigeretur ab eo, qui ex codicillis quid peteret: atque ut nunc præsumptio sit pro codicillis, cum antea contra esset.

Si appareat eum, &c. non receuisse) Hoc omnino sic accipiendum est cum clarissimo D. Tuld.

Tuld. *cap. ult. hic*, ac si scriptum esset, nisi appareat, eum, qui testamentum fecit, à voluntate, quam in codicillis expresserat, recessisse. Satis enim apparet recessisse, ex eo ipso, quod non apparet recessisse. Alioqui dici non potest, quid novi circa jus codicillorum scripto Severi & Antonini introductum sit, cum ipsi Papiniano succederent, voluntatem codicillis declaratam quocumque iudicio retentam probari, ut bene disputat Anton. Faber 15. *conject.* 15. Similis loquendi formula in eodem sensu etiam apud veteres occurrit, ut in l. *dotem* 30. de jur. dot. l. *generaliter* 24. §. *sed et si* 8. de fideicom. lib. l. 8. §. 2. de novat. neque enim semper æquè accurate auctores juris loquuntur. Estque hæc communis usque recepta sententia, codicillos, nisi testamento postea facto revocari probentur, tacitè confirmatos intelligi. Gloss. & Bart. in l. 5. *hoc tit.* Mantic. lib. 1. de *conject. ult. volunt.* r. 8. Myns. Schneid. Wesemb. *hic*. Totoque iudicio fallitur Hotomannus, qui scribit, hoc iure nos uti, ut nisi retenta voluntas probetur, codicilli per testamentum revocari videantur.

TEXTUS.

Materia.

2. *Codicillis autem hereditas neque dari neque adimi potest, ne confundatur jus testamentorum & codicillorum: & ideo nec exhereditatio scribi. Directo autem hereditas codicillis neque dari, neque adimi potest: nam per fideicommissum hereditas codicillis jure relinquitur. Nec conditionem heredi instituto codicillis adjicere, neque substituere directo quis potest.*

NOTA.

2. *Hereditas neque dari*) L. 10. *cod.* l. 2. *C. cod.* l. 67. ad SC. Treb. neque confirmari, l. 2. §. *ult.* *hoc tit.* l. *pen.* §. 1. *C. de nec. serv. her.* quamvis cetera codicillis testamento confirmatis etiam directo dari possint, l. 3. de *test. tut.* l. 43. de *man. test.* l. 2. §. 2. *hoc tit.* Non obstant l. 77. de *bar. inf.* l. 10. de *cond. inf.* Nam illic non proponuntur species hereditatis codicillis datæ aut confirmatæ, sed datæ testamento, quod codicillis declaratur.

Neque adimi) Quæ testamento data aut lege debita, l. 4. *C. de his que ut indign.* Hoc autem superiori consequens est ex doctrina contrariorum, l. *pen.* §. 1. de *cond. inf.* l. 2. *C. b. &* ideo liberi codicillis frustra exheredantur hoc text. fac. l. 14. *C. de testam.*

Ne confundatur jus testam.) L. 7. *C. cod.* aliam rationem affert Papin. l. 10. *C. cod.*

Per fideicommissum) Seu verbis precariis, l. 2. *C. b. &* 1. quo casu hæres scriptus aut legitimus quartam partem sibi retinere potest ex SC. *sup. de fideic. her.*

Nec conditionem adjicere) Neque detrudere: qui adjicit, in defectum conditionis de ademptione hereditatis cogitat: qui detrahit, de purè danda, quæ prius in defectum conditionis data non erat, l. 6. *hoc tit.* l. *pen.* §. *ult.* de *cond. inst.*

COMMENTARIUS.

- 1 *Hereditatem codicillis dari aut adimi non posse, nec si testamento confirmati sint; & qua hujus juris ratio?*
- 2 *Regulam hanc intelligi de hereditate directo danda, non per fideicommissum. Et quid inter hac interfit?*
- 3 *Consequens esse superiori regula, instituto heredi codicillis neque conditionem rectè adjici, neque detrabi, neque directo substitui.*

Ut cetera omnia codicillis vel ab intestato factis, vel à testato, licet testamentato non confirmatis, relinqui possint, maxime novo jure post exequationem legatorum & fideicommissorum; hereditas tamen codicillis dari non potest, nec si testamento confirmati sint, l. *quod per manus* 10. *hoc tit.* l. 2. *C. cod.* l. *Scavola* 76. ad SC. Treb. & militis in hoc privilegium agnoscimus, quod codicillis hæredem facere possit, l. *militis* 36. de *test. mil.* Datur enim hereditas per institutionem hæredis aut substitutionem directam, quod solius testamenti proprium est: neque in ullum alium actum sive inter vivos sive ultimæ voluntatis aut donationis mortis causa conferri potest, l. 7. *C. hoc tit.* l. *licet* 19. *C. de pass. l. cum donationis* 34. *C. de transact.* l. 5. *C. de pass. conv. tam sup. dor.* l. 4. *C. de inut. stip.* Non obstant speciei propositæ in l. *asse* 77. de *bar. inf.* l. 10. de *cond. inf.* illic enim non proponitur hereditas data aut confirmata codicillis, sed data testamento, quod codicillis declaratur, aut purificatur, ut loquitur Baldus. Hoc autem posito, hereditatem codicillis dari non posse, consequens est ex doctrina contrariorum, nec codicillis posse adimi, scilicet his, qui vel in testamento scripti sunt, vel ex lege sunt hæres, l. *pen.* §. 1. de *cond. inf.* l. 2. *C. hoc tit.* l. 4. *C. de his quib. ut indign.* & ideo liberi codicillis frustra exheredantur, fac. l. *non codicillum* 14. *C. de test.*

Ne confundatur juxta testamentum) Et ne alioqui: quod absurdum & præposterum est, per codicillos, qui ex testamento vim sumunt, ipsum testamentum, quod vires per institutionem hæredum accipit, confirmari videretur, ut Papinianus disputat in d. l. quod per manus 10. hoc tit. Nimirum si hæreditas codicillis vel dari vel adimi posset, sequeretur, & confirmari testamentum & revocari per codicillos posse: denique idem posse, idem esse codicillos, quod testamentum. Cur ergo hæc distinguerentur? Cur diversum nomen indereetur iis rebus quas vis ac potestas una socialiser? collectio est Constantini in l. 7. C. hoc tit.

Directo autem hæreditas, &c. nam per fideicommissum) Quod toties traditum est, hæreditatem codicillis nec dari nec adimi posse, sic accipitur, ut directo non possit dari, puta hærede codicillis instituto aut substituto, dist. l. 7. C. b. tit. nec directo codicillis adimi, puta quæ aut testamento data est, aut lege debita, l. 4. C. de his quib. ut insign. Ceterum per fideicommissum seu verbis precariis etiam codicillis hæreditas jure relinquitur, l. C. hoc tit. daturque & admittitur. Dari intelligitur ei, cui hæreditas restitui rogatur; adimi ei, qui rogatus restituere. Nam licet in ipso jure adhuc hæres maneat, manet tamen nomine tantum, effectu autem is hæres fit, cui hæreditas restituitur. Multum vero interest, utrum dicamus codicillis directo hereditatem relinqui posse an per fideicommissum dumtaxat: nam directo reliqua semper tota capitur ab instituto; relicta per fideicommissum non capitur à fideicommissario, nisi imminuta detractioe quartæ Falcidiz, si is, qui rogatus est restituere, jure suo uti velit, qui pro ea parte etiam effectu tum hæres manet. Porro cum confirmatio quoque in speciem directæ dationis cadat, negat Jurisconsultus in l. 2. §. ult. hoc tit. hereditatem testamento inutiliter datam posse codicillis quasi hereditatem confirmari; sed tantum ex fideicommissio peti salva ratione legis Falcidiz. Unde Justinianus secundum veteres leges sic definit, hereditatem codicillis neque dari neque confirmari posse, l. pen. §. 1. C. de nec. serv. hæ. inst.

Nec conditionem adjicere) Hæredi purè instituto conditio codicillis adici non potest, l. Divi. 6. in pr. hoc tit. quia scilicet conditione adjecta testator in defectum conditionis de ademptione hereditatis cogitasse intelligitur, l. quidam 27. §. ult. de cond. inst. Quod si codicillis adjicere conditionem institutioni non licet, multo minus licebit detrachere, cum hoc casu purè hereditas detur, quæ prius in defectum conditionis data non erat.

Neque substituere directo) Nam qui directo substituit, in defectum prioris hæredis alium hæredem instituit. Est enim species institutionis substitutio, l. 1. de vulg. & pup. planè interdirectis verbis facta in codicillis substitutio ad fideicommissum trahitur benigna interpretatione, l. Sævola 76. ad Treb. In universum autem si constet, aliquem, qui testamentum non habebat, codicillos, non testamentum facere voluisse, in ea scriptura directæ institutionis verba ex voluntate defuncti, quamvis clausula codicillaris adjecta non sit, in vim fideicommissi valere placet, perindeque haberi, ac si legitimus hæres rogatus esset scripto in codicillis hereditatem restituere, l. 13. §. 1. hoc tit. & ibi Bart. Bald. & alii, & in l. 7. de vulg. & pupill. eoque jure utimur.

TEXTUS.

Numerus & solemnitas

3. Codicillos autem etiam plures facere potest: & nullam solemnitatem ordinationis desiderant.

COMMENTARIUS.

- 1 Cur cum plura testamenta unius hominis esse non possint, plures possint esse codicilli?
- 2 Codicillos non esse omnino sine aliqua solemnitate ordinationis: quod tamen non pertinet ad confirmatos testamentum.
- 3 Utrum mulier in codicillis restit testis adhibeatur.

NOtantur hic & aliz differentiz inter testamentum, & codicillos. Plura testamenta unius hominis esse non possunt, quamvis pluribus codicibus seu exemplis unum idemque testamentum fieri possit, §. pen. sup. de test. ord. Nam cum unumquodque testamentum universam successionem contineat, si novissimam testatoris voluntatem servari placet, prius semper per posterius rumpatur necesse est, §. 2. sup. quib. mod. test. inf. Codicillos autem plures non modo pluribus exemplis quis facere potest, sed etiam diversos & diversarum rerum, l. 6. §. 1. b. t. nec quicquam per posteriores de prioribus detrahatur, nisi sint contrarii, l. 3. C. eod.

Nullam solemnitatem ordinationis) Existimo, hoc è veteris alicujus Jurisconsulti commentarii sumptum, qui ante Theodosium vixit, & forte ex Marciano d. l. 6. §. 1. hoc. tit. Nam Theodosius quinque testes in codicillis requirit, atque ut uno eodemque tempore, hoc est, uno actionis contextu, coram iis negotium

absolvatur, & si in scriptis fiant, etiam testium subscriptionem desiderat; *l. ultim. §. ult. C. hoc tit.* Quæ sanè declarant, codicillos nunc non omnino esse sine solemnibus & subtilitate ordinationis, *fac. l. ult. C. de fideic. §. ult. sup. de fideic. bar.* & jejuna illa quorundam distinctio est inter solemnitatem ordinationis & probationis. Nam solemnitas omnis, etiam in testamento non alia de causâ requiritur, quàm ut certo de voluntate defuncti constare possit. Enim verò in codicillis testamento confirmatis non puto necesse esse ea adhiberi, quæ à Theodosio præcipiuntur. Quippe quod his codicillis relictum est, perinde habetur, ac si ipso testamento relictum esset, *l. 2. §. 2. hoc tit.* ut proinde ad horum relictorum vim solemnitas testamenti sufficere debeat, *argum. l. affe 77. de hered. inst. l. 10. de cond. inst.* acque etiam secundum ipsam constitutionem Theodosii. Quæritur est, an etiam mulier in codicillis testis adhiberi possit? vulgo placet posse, propterea quod non uti in testamento, ita in codicillis expressè prohibita est testimonium dicere. Gloss. & DD. comm. in *d. l. ultim. §. ult. C. hoc tit.* Grass. *§. testamentum quæst. 57. num. 4.* Mynsing. Scheid. *bic.* Cæterum mihi non fit verisimile, ultos actus solemnnes adhibitis mulieribus apud veteres expediri potuisse: & Theodosius non qualitate & sexu, sed numero tantum testes codicillarios à testamentariis distinguit. Revise ad ea, quæ scripti ad *§. test. 6. sup. de testam. ord.* Apud nos codicilli, item ut testamenta passim confici solent coram duobus testibus & Tabulario, juxque & nomen

testamentorum ac codicillorum fere consulum. D. Coren. *obs. rer. jud. 31. sect. pen.* Grot. 2. *introduc. 22.* Groenevv. *de legib. abrog. bic.* VINN. Defendit Vinnii sententiam satis operose V. C. Reinold. in *Var. cap. 5.* Sed res clara videtur. In testamentis condendis testibus opus erat talibus, quibuscum olim fuerat testamenti factio in committiis calatis, quia is actus jure vetustissimo lex erat populi suffragiis perlata, jure novo solemnitis mancipatio hæreditatis. Omnia ergo hic solemnia. At codicilli erant epistolæ, ut supra ostendimus. Quis epistolis testes adhibet? quis in iis solemnitatem requirit? Valebat hujusmodi epistola, etiam non obsignata, dum de ejus fide constaret. *l. 89. pr. ff. de legat. 2.* quia enixæ voluntatis preces ac omnem successionis speciem porrectæ videbantur. *l. 77. §. 23. ff. eod.* Testes ergo adhibebantur ab iis, qui nuncupativè fideicommittebant. Et ita intelligenda *l. 22. C. de fideicom. Postea etiam in scriptis codicillis intestatorum testium opus erat præsentia per l. 1. C. Theod. de test. & codicill.* non solemnitatis causa, sed ut testantium successiones sine aliqua captionē serventur. Ergo non solemnitatis causa adhibendi, sed probationis causa. Nec aliud voluit Theodosius, dum in omnibus codicillis testes requisivit. *l. ult. C. b. t.* Atqui & forminarum testimonium fidem facit in his, ubi solemnitatum deest scrupulosa observatio. *l. 20. §. 6. ff. qui test. fac. poss. l. 38. ff. de test.* Quare à testamentis ad codicillos collectio non procedit. HEIN.

Finis Libri secundi.

